


BREVIARIUM  
JUXTA RITUM  
SACRI ORDINIS PRÆDICATORUM.







BREVIARIUM  
JUXTA RITUM  
S. ORDINIS PRÆDICATORUM

APOSTOLICA AUCTORITATE APPROBATUM

REVERENDISSIMI PATRIS  
FRATRIS HYACINTHI Mariæ CORMIER

EJUSDEM ORDINIS MAGISTRI GENERALIS

JUSSU RECOGNITUM ET EDITUM

ANNO DOMINI M.DCCCC.IX.

---

PARS PRIOR

---

ROMÆ  
IN HOSPITIO REVERENDISSIMI MAGISTRI ORDINIS.

Typis Societatis S. Joannis Evangelistæ,  
DESCLÉE et Sociorum, S. Sedis Apostolicæ Editorum, Romæ, Tornaci.



IN DEI FILIO SIBI DILECTIS

UNIVERSIS ET SINGULIS PRÆDICATORUM ORDINIS

PATRIBUS, FRATRIBUS AC SORORIBUS

FR. HYACINTHUS MARIA CORMIER

S. THEOLOGIÆ PROFESSOR TOTIUSQUE EJUSDEM ORDINIS

HUMILIS MAGISTER GENERALIS ET SERVUS

Salutem, et suave sonantis Ecclesiæ

vocibus vehementer affici.

**P**RODIT tandem in lucem novam Ordinis nostri Breviarium, diligenti cura recognitum, ad codicis principis, probatarum editionum, pontificiorumque decretorum sinceram fidem exactum et nitidis characteribus a meritissima Societate S. Joannis Evangelistæ nuncupata Tornaci excusum. Hanc editionem rati sumus eo vobis fore acceptiorem, quod multa in promptu et per modum continui præbeat, quæ prius in ejusdem molis aut formæ voluminibus dispersa, non sine legentium tædio immo et devotionis amittendæ periculo, passim quærebantur.

Faciliorem inde sacrum Officium integro studio persolvendi rationem nacti, Altissimum labiis exultationis magnificate, illam Deo sacram et dilectam civitatem, quæ sursum est, æmulantes in terris, quæ plena modulis in laude et canoro jubilo, Trinum Deum Unicumque cum fervore prædicat.

Valete, Nostrique ac Sociorum Nostrorum in vestris orationibus memores estote.

Datum Romæ apud Cellam sancti Sebastiani Martyris, in Vigilia Pentecostes, iv. Kalendas Junii, Anno Domini M.DCCCC.IX., Assumptionis Nostræ sexto.



FR. HYACINTHUS MARIA  
CORMIER  
MAGISTER ORDINIS.

*Reg. pag. 252.*

FR. CESLAUS M<sup>a</sup> HANSEN  
Mag. Provincialis Scotiæ et Socius.

IMPRIMATUR :

Fr. ALBERTUS LEPIDI, Ord. Præd.  
S. P. A. Magister.

IMPRIMATUR :

JOSEPHUS CEPPETELLI  
Patr. Constant. Vices-gerens.

# BULLA CLEMENTIS PAPÆ XII.

## CLEMENS PAPA XII

### AD PERPETUAM REI MEMORIAM

**E**XPONI Nobis nuper fecit dilectus filius Thomas Ripoll Magister Generalis totius Ordinis Fratrum Prædicatorum, quod alias emanarunt a felicis recordationis Innocentio Papa XI. Prædecessore nostro ad instantiam tunc in humanis agentis Antonini Cloche ejusdem Ordinis, dum viveret, Magistri itidem Generalis, litteræ in simili forma Brevis, tenoris, qui sequitur, videlicet : Innocentius PP. XI. Ad perpetuam rei memoriam. Cum, sicut dilectus filius Antoninus Cloche, Magister Generalis Ordinis Prædicatorum, Nobis nuper exponi fecit, ipse Missale, Breviarium, Diurnum, Martyrologium, Rubricarium, Processionale, Psalterium, Officium beatæ Mariæ Virginis, Kalendarium perpetuum, et reliquos Libros chorales, quibus personæ utriusque sexus dicti Ordinis utuntur, in alma Urbe nostra, prævia debita approbatione, propediem typis mandare intendat; vereatur autem, ne alii eosdem libros postea, nec ea, qua decet, sedulitate et castigatione edi curent, Nobis propterea humiliter supplicari fecit, quatenus in præmissis opportune providere, et ut infra indulgere, de benignitate Apostolica dignaremur. Nos igitur specialem ipsi Antonino Magistro Generali gratiam facere volentes, eumque a quibusvis excommunicationis, suspensionis, et interdicti, aliisque ecclesiasticis sententiis, censuris, et pœnis, a jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, et absolutum fore censentes, hujusmodi supplicationibus inclinati : Universis, et singulis utriusque sexus Christifidelibus, præsertim vero Typographis, librorum Impressoribus, Bibliopolis ubilibet existentibus, sub excommunicationis latæ sententiæ, in nostra vero temporali ditione commorantibus etiam quingentorum ducatorum auri de Camera, ac amissionis typorum, et librorum omnium eidem Cameræ applicandorum, absque aliqua declaratione incurrendis et exigendis pœnis, interdicimus et inhibemus, ne Missale, Breviarium, Diurnum, Martyrologium, Rubricarium, Processionale, Psalterium, Officium beatæ Mariæ Virginis, Kalendarium perpetuum, aliosque Libros chorales præfatos, vel eorum aliquos, aliquamve partem posthac in perpetuum, absque expressa, et in scriptis accepta dicti Antonini moderni, et pro tempore existentis Magistri Generalis dicti Ordinis facultate, cujus exemplum in principio, vel fine cujusque Librorum hujusmodi impressum una cum præsentibus nostris Litteris semper addendum erit, imprimere, aut ab aliis impressa vendere, seu venalia habere, vel proponere quovis modo audeant, vel præsumant : Mandantes universis, et singulis Venerabilibus Fratribus Archiepiscopis, Episcopis, et aliis locorum Ordinariis, eorumque Vicariis in spiritualibus generalibus, seu Officialibus, ac in Statu nostro Ecclesiastico Legatis, Vice-Legatis, Gubernatoribus, Potestatibus, et aliis Officialibus, cæterisque, ad quos quomodolibet spectat, et spectare poterit, ut quando, et quoties pro parte dicti Magistri Generalis, seu nomine dicti Ordinis requisiti fuerint, prædicta contra inobedientes quoscumque, etiam per censuras ecclesiasticas, et alia opportuna juris et facti remedia auctoritate Apostolica exsequantur, et observari faciant, invocato etiam ad hoc, si opus fuerit, auxilio brachii secularis. Non obstantibus Constitutionibus, et Ordinationibus Apostolicis, necnon, quatenus opus sit, dicti



Ordinis, etiam juramento, confirmatione Apostolica, vel quavis alia firmitate roboratis, statutis, consuetudinibus, privilegiis quoque indultis, et Litteris Apostolicis, in contrarium præmissorum quomodolibet concessis, confirmatis, et innovatis. Quibus omnibus, et singulis illorum tenores, præsentibus pro plene et sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum, hac vice dumtaxat specialiter et expresse derogamus, ceterisque contrariis quibuscumque. Volumus autem, ut eorundem præsentium Litterarum transumpta, seu exempla etiam in ipsis Libris impressa, manu alicujus Notarii publici subscripta, et sigillo personæ in ecclesiastica dignitate constitutæ munita, eandem prorsus fidem ubique locorum in judicio, et extra faciant, quam ipsæ præsentēs facerent, si forent exhibitæ, vel ostensæ. Datum Romæ apud S. Mariam Majorem sub Anulo Piscatoris die XIV. Augusti MDCLXXXVIII. Pontificatus Nostri Anno duodecimo. J. F. Albanus. Loco & Anuli Piscatoris. Cum autem, sicut eadem expositio subjungebat, ipse Thomas Magister Generalis Litteras Innocentii Prædecessoris hujusmodi, ne ulla ratione, seu arte infringi, eludi, aut labentis temporis decursu labefactari valeant, sed ut eo validius subsistant, ac exactius serventur, quo multiplici firmitatis vinculo sæpius fuerint ab hac sancta Sede constabilitæ, Apostolicæ confirmationis Nostræ præsidio communiri summo per desideret; Nobis propterea humiliter supplicari fecit, quatenus in præmissis oportune providere, et ut infra indulgere, de benignitate Apostolica dignaremur. Nos igitur ejusdem Thomæ Magistri Generalis votis hac in re, quantum cum Domino possumus, benigne annuere volentes, eumque a quibusvis excommunicationis, suspensionis, et interdicti, aliisque ecclesiasticis sententiis, censuris, et pœnis, a jure, vel ab homine, quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, et absolutum fore censentes, hujusmodi supplicationibus inclinati, præinsertas Innocentii Prædecessoris Litteras, et in eis contenta quæcumque, auctoritatē Apostolicā harum serie approbamus, et confirmamus, ac, quatenus opus sit, innovamus, illisque perpetuæ ac inviolabilis Apostolicæ firmitatis robur, vim, et efficaciam adjungimus. Præterea omnibus, et singulis dicti Ordinis utriusque sexus personis, nunc, et pro tempore existentibus, sub privationis vocis activæ, et passivæ, ne aliis quibuscumque Missali, Breviario, Diurno, Martyrologio, Rubricario, Processionali, Psalterio, Officio beatæ Mariæ Virginis, Calendario perpetuo, ceterisque Libris choralibus, vel eorum aliquo, aliquave parte, quam iis, quæ in alma Urbe præfata, vel de expressa, et in scriptis accepta ejusdem Thomæ moderni, seu pro tempore existentis Magistri Generalis Ordinis prædicti facultate, et licentia, cujus exemplum in principio, vel fine cujusque Librorum hujusmodi per extensum impressum, una cum præinsertis, aut præsentibus Litteris semper additum sit, typis mandata, seu impressa fuerint, deinceps perpetuis futuris temporibus uti; Superioribus vero dicti Ordinis cujusvis gradus, dignitatis, ac præeminentiæ existant, sub suspensionis ab Officio, quod obtinent, ac perpetuæ ad idem, vel quodcumque aliud simile, vel dissimile in futurum obtinendum inhabilitatis, pœnis eo ipso, absque alia declaratione per transgressores respective incurrendis, ne dictorum Librorum, vel alicujus, seu partis eorum aliter, quam ut supra dictum est, impressorum usum præfatis personis sibi subditis permittere audeant similiter, vel præsumant, eadem auctoritate, tenore præsentium præcipimus, et mandamus. Decernentes, ipsas præsentēs Litteras semper firmas, validas et efficaces existere, et fore, suosque plenarios et integros effectus sortiri, et obtinere, ac ab illis, ad quos spectat, et pro tempore quandocumque spectabit, in omnibus et



per omnia inviolabiliter et exacte observari; sicque, et non aliter in præmissis per quoscumque Judices ordinarios, et delegatos, etiam causarum Palatii Apostolici Auditores, ac sanctæ Romanæ Ecclesiæ Cardinales, etiam de latere Legatos, dictæque Sedis Nuntios, sublata eis, et eorum cuilibet quavis aliter judicandi et interpretandi facultate, et auctoritate, judicari et definiri debere, ac irritum et inane, si secus super his a quoquam quavis auctoritate scienter, vel ignoranter contigerit attentari. Non obstantibus præmissis, necnon omnibus et singulis, quæ in præinsertis Innocentii Prædecessoris Litteris concessa sunt non obstare, ceterisque contrariis quibuscumque. Ceterum volumus pariter, ut præsentium Litterarum transumptis, seu exemplis, etiam in ipsis Libris impressis, manu alicujus Notarii publici subscriptis, et sigillo personæ in ecclesiastica dignitate constitutæ munitis, eadem prorsus fides, tam in judicio, quam extra illud, ubique adhibeatur, quæ eisdem præsentibus adhiberetur, si forent exhibitæ, vel ostensæ. Datum Romæ apud sanctam Mariam Majorem sub Anulo Piscatoris die XIX. Septembris MDCCXXXVI. Pontificatus nostri Anno septimo.

PRO D. CARDINALI OLIVERIO.

P. L. JACQUET.



## DE ANNO ET EJUS PARTIBUS.

ANUS menses habet duodecim; hebdomadas duas, et quinquaginta, et diem unum : dies vero trecentos sexaginta quinque, et fere sex horas; tanto enim temporis intervallo Sol Zodiacum perlustrat. Quater autem sex horæ, singulis quaternis annis diem constituunt : hinc annus ille intercalaris, Bissexus, vel Bissextilis dicitur.

### DE ANNI CORRECTIONE.

EJUSQUE NECESSITATE, AC KALENDARIO GREGORIANO.

QUOD dictum est, annum continere trecentos et sexaginta quinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant. Ex quorum minorum neglectu progressum est, ac si annus ultra dies 365 contineret integras sex horas : et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem, qui causam dederunt, ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem (a qua jam a Concilio Nicæno decem circiter diebus in anno correctionis 1582 præcedendo recesserat, quod a Concilio ad xij. kalend. Aprilis fuerat constitutum) et xiv. Lunam Paschalem suo in loco reposuit; sed viam quoque tradidit, et rationem, qua cavetur ut in posterum et Æquinoctium vernum, et xiv. Luna Paschalis a propriis sedibus numquam removerentur.

Ut enim Æquinoctium vernum ad xij. kal. Aprilis restitueretur, statuit, ut dicti decem dies in mense Octobris ipsius anni 1582 eximerentur, et post quartam diem Octobr. S. Francisco sacram, sequens dies non esset quinta, sed

decima quinta Oct. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xij. kal. Aprilis Æquinoctium vernum recederet, statuit idem Gregorius, Bissexum quarto quoque anno (uti mos est) continuari debere, præterquam in centesimis annis qui quamvis Bissextiles antea semper fuerint, qualem etiam esse voluit annum 1600 anno correctionis proximum, post eum tamen, qui deinceps consequentur centesimi, non omnes Bissextiles essent, sed in quadringentis quibusque annis primi quique tres centesimi sine Bissexto transigerentur, quartus vero quique centesimus esset Bissextilis : ita ut annus 1700, 1800, et 1900 Bissextiles non sint, sed communes; anno vero 2000 more consueto dies Bissexus intercaletur, Februarius dies 29 continente : idemque ordo intercalandique Bissexum diem in quadringentis quibusque annis perpetuo conservaretur.

### QUATUOR TEMPORA.

QUATUOR tempora celebrantur quarta, et sexta FERIA, ac Sabato post tertiam Dominicam Adventus, post primam Dominicam Quadragesimæ, post Dominicam Pentecostes, et post Festum Exaltationis sanctæ Crucis.

### NUPTIÆ

QUANDO CELEBRARI NON POSSINT, JUXTA DECRETUM CONCILII TRIDENTINI.

A DOMINICA prima Adventus, usque in diem Epiphaniæ, et a FERIA IV. Cinerum, usque in Octav. Paschatis inclusive, sancta Synodus solemnitates Nuptiarum prohibet. In aliis vero temporibus, Nuptias solemniter celebrari permittit.

## DE CYCLO

## DECENNOVENNALI AUREI NUMERI.

CYCLOS decennovennalis Aurei num. est revolutio numeri 19 annorum a 1 usque ad 19, qua revoluzione peracta, iterum ad unitatem reditur. Verbi gratia, anno 1850 numerus Cycli decennovennalis, qui dicitur Aureus, est 8; anno sequenti 1851 erit 9 et ita deinceps in sequentibus annis, uno semper amplius, usque ad 19, qui Aureus

numerus cadet in annum 1861, post quem iterum ad unitatem redeundum est, ita ut anno 1862 Aureus num. sit rursus 1, et anno 1863, 2, etc.

Igitur ut Aureus numerus quolibet anno proposito inveniat, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582 reperietur hoc modo :

|     |     |     |     |     |     |     |     |     |    |
|-----|-----|-----|-----|-----|-----|-----|-----|-----|----|
| 6.  | 7.  | 8.  | 9.  | 10. | 11. | 12. | 13. | 14. |    |
| 15. | 16. | 17. | 18. | 19. | 1.  | 2.  | 3.  | 4.  | 5. |

Anno 1582 tribuatur primus numerus tabellæ, qui est 6, secundus autem, qui est 7, sequenti anno 1583, et ita deinceps in infinitum, donec ad annum, cujus Aureum numerum quæris, perveniat : redeundo ad principium tabellæ, quotiescumque eam percurreris. Nam numerus, in quem annus propositus cadit, dabit Aureum numerum quæsitum.

## MODUS

## BREVIS COGNOSCENDI

## AUREUM NUMERUM CUJUSQUE ANNI.

Numero anni de quo quæris, adde unam unitatem 1. Exempli gratia, anno 1833 adde 1; summam inde conflata divide per 19; quod superest, erit Aureus numerus ipsius anni : si nihil superest, erit Aureus numerus 19.

## DE EPACTIS, ET NOVILUNIIS.

EPACTA nil aliud est, quam numerus dierum, quibus annus Solaris communis dierum 365 annum communem Lunarem dierum 354 superat : ita ut Epacta primi anni sit 11, cum hoc numero annus Solaris communis Lunarem annum communem excedat : atque adeo sequenti anno Novilunia contingant 11 diebus prius, quam anno primo. Ex quo fit Epactam secundi anni

esse 22, cum eo anno rursum annus Solaris Lunarem annum superet 11 diebus, qui additi ad 11 dies primi anni, efficiunt 22, ac proinde finito hoc anno, Novilunia contingere 22 diebus prius, quam primo anno : Epactam autem tertii anni esse 3, quia si rursus 11 dies ad 22 adjiciantur, efficietur num. 33 a quo si rejiciantur 30 dies, qui unam Lunationem Embolismalem constituunt, relinquentur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum, quando perventum erit ad ultimam Epactam Aureo num. 19 respondentem, quæ est 29, adduntur 12 ut abjectis 30 ex composito num. 41 habeatur rursus Epacta 11 ut in principio, quod ideo fit, ut ultima Lunatio Embolismica, corrente Aureo num. 19 sit tantum 29 dierum. Si enim 30 dies contineret, ut aliæ sex Lunationes Embolismicæ, non redirent Novilunia post 19 annos Solares, ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Calendarii Romani. Sunt autem novemdecim Epactæ, quot et Aurei numeri, respondebantque ipsis Aureis numeris ante Calendarii correctionem eo modo, quo in hac tabella dispositæ sunt,

Tabella Epactarum respondentium Aureis numeris ante  
Kalendarii correctionem.

| Aurei num.<br>Epactæ. | 1.<br>xj.  | 2.<br>xxij. | 3.<br>iij.  | 4.<br>xiv.   | 5.<br>xxv. | 6.<br>vj.  | 7.<br>xvij.  | 8.<br>xxviii. |
|-----------------------|------------|-------------|-------------|--------------|------------|------------|--------------|---------------|
| 9.<br>ix.             | 10.<br>xx. | 11.<br>j.   | 12.<br>xij. | 13.<br>xxij. | 14.<br>iv. | 15.<br>xv. | 16.<br>xxvj. | 17.<br>vij.   |
|                       |            |             |             |              |            |            |              | 18.<br>xviii. |
|                       |            |             |             |              |            |            |              | 19.<br>xxix.  |

Quia vero cyclus decennovennalis Aurei numeri imperfectus est, cum Novilunia post 19 annos Solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus a 1 usque ad 30 ordine progredientibus, quavis ultima Epacta, sive quæ ordine est trigesima, notata numero non sit, sed signo hoc \*. Propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis num. variæ decem et novem Epactæ, prout Solaris anni ac

Lunaris æquatio exposcit : quæ quidem decem, et novem Epactæ progrediuntur, ut olim, per eundem numerum 11, addunturque semper 12 illi Epactæ, quæ respondet Aureo num. 19. ut habeatur sequens Epacta respondens Aureo num. 1 ob rationem paulo ante dictam. Id quod sequens tabella perspicuum faciet, quæ continet Aureos num. et Epactas inter se respondentes ab anno correctionis 1582 post deductionem x dierum, usque ad annum 1700 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt, una cum Aureo numero, in cuius locum hæ nostræ Epactæ succedunt.

Tabella Epactarum respondentium Aureis numeris ab Idibus  
Octobris anni correctionis 1582. (detractis prius decem diebus) usque  
ad annum 1700 exclusive.

| Aurei num.<br>Epactæ. | 6.<br>xxvj. | 7.<br>vij.    | 8.<br>xviii. | 9.<br>xxix. | 10.<br>x. | 11.<br>xxj. | 12.<br>ij.    | 13.<br>xiiij. | 14.<br>xxiv. |
|-----------------------|-------------|---------------|--------------|-------------|-----------|-------------|---------------|---------------|--------------|
| 15.<br>v.             | 16.<br>xvj. | 17.<br>xxvij. | 18.<br>viii. | 19.<br>xix. | 1.<br>j.  | 2.<br>xij.  | 3.<br>xxiiij. | 4.<br>iv.     | 5.<br>xv.    |

Itaque si Epacta quocumque anno proposito inveniendæ sit, quærendus est Aureus numerus illius anni in superiori ordine illius tabellæ, quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum. \* Ubi ergo illa Epacta vel signum \* in Calendario inventum fuerit, eo die Novilunium fiet. Invenietur autem Aureus numerus, vel antecedente canone, vel ex tabella Epactarum proposito temporis congruente, tribuendo primum Aureum numerum tabellæ illi anno, a quo usus tabellæ incipit, et secundum Aureum numerum sequenti anno, etc. Eodem modo reperietur

Epacta sine Aureo numero, si 1. Epacta tabellæ tribuatur illi anno, a quo ejus usus incipit, et secunda Epacta sequenti anno.

Exemplum. Anno correctionis 1582 Aureus numerus erat 6, nempe primus primæ tabellæ, cuius usus incipit ab idibus Octobris dicti anni 1582 detractis prius x diebus. Fuit ergo tunc Epacta xxvj quæ sub Aureo numero 6 collocatur, acciditque Novilunium die 27 Octobris, et 26 Novembris, et 25 Decembris. Item anno 1583 jam correcto, Aureus numerus erat 7 cui in eadem tabella supposita est Epacta vij, quæ toto eo anno in Calendario Novilunia indicat, ut in Januario die 24, in Febuario die 22, in Martio die 24. etc...



Tabella litterarum Dominicalium ab Idibus Octobris anni correctionis 1582. (detractis prius decem diebus) usque ad annum 1700 exclusive.

|       |        |       |        |       |        |       |        |
|-------|--------|-------|--------|-------|--------|-------|--------|
| c b   | A<br>g | f e d | c<br>b | A g f | e<br>d | c b A | g<br>f |
| e d c | b<br>A | g f e | d<br>c | b A g | f<br>e | d     |        |

Usus hujus tabellæ hic est. Anno correctionis 1582 post Idus Octobris (detractis prius decem diebus) tribuatur littera c. primæ cellullæ; et sequenti anno 1583 littera b, secundæ, et anno 1584 dentur litteræ A, g, tertiæ cellullæ, et sic deinceps aliis annis suo ordine aliæ litteræ aliis cellulis tribuantur, donec ad annum propositum perventum sit, redeundo ad principium tabellæ, quotiescumque eam percurreris. Nam cellula, in quam annus propositus cadit, dummodo minor sit quam annus 1700, dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis: et tunc superior littera Dominicam diem ostendit in Kalendario a principio anni, usque ad festum sancti Matthiæ Apostoli, inferior autem ab hoc festo usque ad finem anni. Exempli gratia: Si sit inveniendæ litteræ Dominicalis anno 1587. Numera ab anno 1582 quem tribue primæ litteræ c. usque annum 1587, tribuendo singulis cellulis singulos annos (computando geminas litteras quascumque, superiorem, et inferiorem pro una cellula) cadetque annus 1587 in

litteram d, quæ sextum locum in tabella occupat. Fuit ergo toto eo anno littera Dominicalis d, annus que communis erat, cum littera simplex occurrat. Rursus si sit investigandæ litteræ Dominicalis anno 1616, numera ab anno 1582 ut dictum est, usque ad annum 1616 redeundo ad principium tabellæ, postquam eam percurreris, perveniesque ad duas hasce litteras c, b, septimo loco positas. Fuit ergo annus ille Bissextilis, cum duplex littera occurrat, superiorque littera c, Dominicam diem indicavit a principio anni illius usque ad festum sancti Matthiæ, inferior autem b, in reliqua parte anni.

Tabellæ suprapositæ tam Epactarum cum Aureis numeris, quam Litterarum Dominicalium hic conservantur, ut facile per eas ascendi possit ad annum correctionis Gregorianæ Kalendarii. Quia tamen annus 1700 (qui non fuit Bissexthus, proptereaque unam tantum Litt. Dominicalem habuit, nempe c) impeditur, ne ultra deservire possent, idcirco novæ aliæ usui futuri temporis accommodatæ illis subjiciuntur.

Tabella Epactarum respondentium Aureis numeris ab anno 1700. inclusive usque ad annum 1900. exclusive.

|                       |            |            |             |             |              |            |            |              |                |
|-----------------------|------------|------------|-------------|-------------|--------------|------------|------------|--------------|----------------|
| Aurei num.<br>Epactæ. | 10.<br>ix. | 11.<br>xx. | 12.<br>j.   | 13.<br>xij. | 14.<br>xxij. | 15.<br>iv. | 16.<br>xv. | 17.<br>xxvj. | 18.<br>vij.    |
| 19.<br>xviiij.        | 1.<br>*.   | 2.<br>xj.  | 3.<br>xxij. | 4.<br>ijj.  | 5.<br>xiv.   | 6.<br>xxv. | 7.<br>vj.  | 8.<br>xvij.  | 9.<br>xxviiij. |

Ab anno 1900. inclusive usque ad annum 2199. pariter inclusive, regit sequens tabella.

|                       |             |           |            |              |              |             |            |            |                |
|-----------------------|-------------|-----------|------------|--------------|--------------|-------------|------------|------------|----------------|
| Aurei num.<br>Epactæ. | 1.<br>xxix. | 2.<br>x.  | 3.<br>xxj. | 4.<br>ij.    | 5.<br>xiiij. | 6.<br>xxiv. | 7.<br>v.   | 8.<br>xvj. | 9.<br>xxviiij. |
| 10.<br>viiij.         | 11.<br>xix. | 12.<br>*. | 13.<br>xj. | 14.<br>xxij. | 15.<br>ijj.  | 16.<br>xiv. | 17.<br>25. | 18.<br>vj. | 19.<br>xvij.   |

Ad tollendam dubitationem de usu hujus novæ tabulæ Epactarum ostendemus rem exemplis. Anno 1700 tribuatur Epacta ix, quæ sub Aureo numero 10 collocatur, fietque Novilunium 22 Januarii, 20 Februarii, et 22 Martii. Item anno 1701 tribuatur Epacta xx sub Aureo numero 11 collocata, quæ toto eo anno in Calendario Novilunia monstrabit : ut in Januario die 11, in Februario die 9, in Martio die 11. Et sic deinceps per ordinem annis progredientibus, redeundo ad principium tabellæ, quotiescumque eam percurreris. Rursus anno 1710 Epacta non signatur numero, sed hoc signo \*, quod collocatur sub Aureo numero 1, et in Calendario toto eo anno Novilunia indicabit, nimirum in Januario die 1 et 31, in Martio (nam in Februario nullum tunc Novilunium, cum in eo signum hoc \* non reperiatur) die 1 et 31, in Aprili die 29, etc.

Postremo, anno 1916 Aureus numerus est 17, sub quo in ordine

Epactarum tertiæ tabellæ, quæ proposito anno congruit, reperitur Epacta 25 non antiquo numero, ut alia Epactæ, sed vulgari numero scripta. Ubicumque ergo anno 1916 in Calendario Epacta 25 vulgari numero scripta reperitur, ibi Novilunium fit, ut in Januario die 6, in Februario die 4, in Martio die 6, in Aprili die 4, etc. Quotiescumque enim Epacta 25 respondet Aureis numeris majoribus quam 11, quales sunt posteriores octo a 12 usque ad 19, sumenda est in Calendario Epacta 25 vulgari numero scripta; quando vero eadem Epacta respondet minoribus numeris quam 12, quales sunt priores undecim ab 1 ad 11 inclusive, accipienda est in Calendario Epacta xxv antiquo numero scripta : atque hoc solum contingit in Epacta 25, in aliis nunquam; quod ideo fit, ut anni lunares solaribus annis perfectius respondeant. Ob quam etiam causam in sex locis Calendarii duæ Epactæ, scilicet xxv et xxiv sunt adscriptæ.

Tabella Litterarum Dominicalium ab anno 1701. inclusive usque ad annum 1800. exclusive.

|        |        |        |        |        |        |        |
|--------|--------|--------|--------|--------|--------|--------|
| b A g  | f<br>e | d c b  | A<br>g | f e d  | c<br>b | A g f  |
| e<br>d | c b A  | g<br>f | e d c  | b<br>A | g f e  | d<br>c |

Tabella Litterarum Dominicalium, ab anno 1801, (nam præcedenti, quia communis, servivit tant. Litt. e) usque ad annum 1900 exclusive.

|        |        |        |        |        |        |        |
|--------|--------|--------|--------|--------|--------|--------|
| d c b  | A<br>g | f e d  | c<br>b | A g f  | e<br>d | c b A  |
| g<br>f | e d c  | b<br>A | g f e  | d<br>c | b A g  | f<br>e |

Ab anno vero 1901 (nam anterior 1900 quia non fuit Bissextilis. habuit Litt. g unicam usque ad annum 2100 exclusive regit tabella sequens :

|        |        |        |        |        |        |        |
|--------|--------|--------|--------|--------|--------|--------|
| f e d  | c<br>b | A g f  | e<br>d | c b A  | g<br>f | e d c  |
| b<br>A | g f e  | d<br>c | b A g  | f<br>e | d c b  | A<br>g |

Usus hujus tabellæ talis est. Anno 1700 tribuatur unica littera c, quia annus ille 1700 non est Bissextilis, sed communis, et littera d fuit Dominicalis præcedenti anno 1699. Anno sequenti 1701 tribuatur littera b primæ cellulæ, etc. Item anno 1704 tribuantur geminæ litteræ f e, quartæ cellulæ, et sic deinceps aliis annis per ordinem aliarum cellulæ tribuantur, donec ad annum propositum pervenias, redeundo ad principium tabellæ, quotiescumque eam percurris: nam cellula, in quam annus propositus cadet, dummodo minor sit quam annus 1800, dabit litteram Dominicalem propositi anni: quæ si unica occurrit, annus erit communis; si vero duplex, Bissextilis: et tunc superior littera Dominicalem diem indicabit in Calendario a principio anni usque ad festum S. Mathiæ Apostoli, inferior autem ab hoc festo usque ad finem anni.

## DE INDICTIONE.

INDICTIO est revolutio 15 annorum a 1 usque ad 15, quæ revolutione peracta, iterum redit ad unitatem, initiumque sumit quilibet annus hujus cycli a Januario in Bullis Pontificiis. Et quoniam Indictionum frequens usus est in Diplommatibus, et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est: initium tamen sumit ab anno correctionis 1582.

Brevius invenietur Indictio cujuslibet anni a Nativitate Domini usque in perpetuum, addendo anno proposito numerum ternarium, et dividendo Summam per 15. Nam si nihil superest, Indictio erit decima quinta; sin autem aliquid residuum fuerit, hoc ipsum erit numerus Indictionis anni dati.

Tabella Indictionis ab anno correctionis.

|     |     |     |     |     |     |    |    |    |    |    |    |    |    |    |
|-----|-----|-----|-----|-----|-----|----|----|----|----|----|----|----|----|----|
| 10. | 11. | 12. | 13. | 14. | 15. | 1. | 2. | 3. | 4. | 5. | 6. | 7. | 8. | 9. |
|-----|-----|-----|-----|-----|-----|----|----|----|----|----|----|----|----|----|

Nam si anno 1582 tribuas primum numerum, qui est 10, et sequenti anni 1583 secundum numerum, qui est 11 et sic deinceps usque ad annum propositum, redeundo ad principium tabellæ, quotiescumque eam decurreris, cadet annus propositus in Indictionem, quæ quæritur.

## DE FESTIS MOBILIBUS.

QUONIAM ex decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico, qui proxime succedit xiv Lunæ primi mensis, (is vero apud Hebræos vocatur primus mensis, cujus xiv Luna vel cadit in diem verni Æquinoctii, quod die 21 mensis Martii contingit, vel propius ipsum sequitur) efficitur, ut si Epacta cujusvis anni inveniat, et ab ea in Calendario notata inter diem octavum Martii inclusive, et quintum Aprilis inclusive (hujus

enim Epactæ xiv Luna cadit vel in diem Æquinoctii verni, id est, in diem 21 Martii, vel cum propius sequitur) numerentur inclusive deorsum versus dies quatuordecim, tunc proximus dies Dominicus diem hunc xiv sequens (ne cum Judæis conveniamus, si forte dies xiv Lunæ caderet in diem Dominicum) sit dies Paschæ.

Exemplum. Anno 1851 Epacta est xxviii et Littera Dominicalis e; et quoniam Epacta xxviii invenitur inter diem 8 Martii, et 5 Aprilis inclusive, posita e regione diei 2 Aprilis, a quo inclusive deorsum versus numerati 14 dies xiv Lunam indicabunt die 15 Aprilis; sumemus Litt. Dominical. e, quæ sequitur Lunam xiv, eam nempe, quæ est e regione diei 20 Aprilis; sicque illo anno Pascha celebremus die 20 Aprilis.

Item anno sequenti 1852 Epacta erit ix et Littera Dominicalis d, c,



quia annus erit Bissextilis; et quoniam Epacta ix reperietur inter diem 8 Martii, et 5 Aprilis inclusive, locata e regione diei 22 Martii, a quo inclusive deorsum versus numerati 14 dies indicabunt Lunam xiv, die 4 Aprilis, sumemus Litt. Dominical. c, non eam, quæ est e regione die 4 Aprilis, sed proxime inferiorem, nimirum quæ est ex adverso die 11. ejusd. mensis collocata, in quo die celebrabitur Pascha.

Cæterum ut facilius omnia Festa mobilia inveniantur, compositæ sunt duæ sequentes tabulæ Paschales, una antiqua, et nova altera. Ex antiqua ita Festa mobilia reperientur. In latere sinistro tabulæ accipiat Epacta currens, et in linea litterarum Dominicalium, sumatur littera Dominicalis currens, infra tamen Epactam currentem, ita ut si littera Dominicalis currens reperiatur e regione Epactæ currentis, assumenda sit eadem littera Dominicalis proxime inferior. Et e regione hujus litteræ Dominicalis omnia Festa mobilia continentur.

Exemplum. Anno 1853 Epacta erit xx, et Littera Dominicalis b, et licet hæc littera non reperiatur e regione Epactæ xx, tamen sumenda est ad inquirenda anni istius Festa mobilia in regione inferiori : ibi enim hæc littera b designabit regionem sibi correspondentem directe, quæ continet dies Festorum mobiliū anni 1853, et ostendet Septuagesimam incidere in diem 23 Januarii, Cineres in 9 Februarii. Pascha in 27 Martii, Ascensionem in 5 Maji, Pentecosten in 15 Maji, Corpus Christi in 26 ejusdem. Dominicas post Pentecosten esse 27, seu 25 post Octavam Trinitatis, prout secundum nostrum Ritus in Breviario nostro numeramus, et Dominicam primam Adventus die 27 Novembris. Sicque in cæteris.

Notandum autem est, quod quemadmodum in anno communi, cadente littera Dominicali e regione Epactæ in Tabula antiqua, sumitur eadem littera proxima infra Epactam, ut diximus : ita quoque in anno Bissextili, si alterutra duarum litterarum Dominicalium tunc

currentium e regione Epactæ reperiatur, assumendæ sunt aliæ duæ similes litteræ proxime inferiores, ut Festa mobilia inveniantur.

Ex tabula vero Paschali nova ita eadem Festa mobilia reperientur. In cellula litteræ Dominicalis currentis queratur Epacta currens. Et e directo omnia Festa mobilia deprehendentur. Ut hoc eodem anno 1853 in cellula Litteræ b, quæ est anni hujus Littera Dominicalis, reperietur ejusdem anni Epacta xx et recta ad dexteram, hac eadem linea procedendo, habentur eadem festa, ut ex antiqua tabula ostensa sunt.

Sed sive antiqua, sive nova tabula Paschali utamur, invenienda sunt omnia Festa mobilia in annis Bissextilibus per litteram Dominicalem posteriorem, quæ nimirum currit post festum S. Matthiæ Apostoli, ne scilicet ambigamus, utra duarum litterarum pro hoc, aut illo Festo indagando accipienda sit : ita tamen, ut Septuagesimæ, et dei Cinerum inventæ in Januario, aut Febuario addatur unus dies. Quod ideo fit, quia ante diem S. Matthiæ currit prior littera Dominicalis, quæ in Calendario posteriorem semper sequitur : post festum autem S. Matthiæ in Febuario, licet posterior littera currat, additur tamen tunc dies intercalaris, ita ut dies 24 Februarii dicatur dies 25, et dies 25 dicatur 26 etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondet, cum dies intercalaris Febuario sit additus. Immo nisi per posteriorem litteram investigarentur, non inveniretur recte Septuagesima in anno Bissextili, currente Epacta xxiv vel xxv, et littera Dominicali d, c, ut in secundo, ac tertio exemplo perspicuum fiet per annis 4088 et 3784. Exempli gratia : anno 2006. Bissextili, Epacta erit v, et litteræ Dominicales A, g. Si igitur per posteriorem litteram, quæ est g, Festa mobilia investigentur, reperietur Septuagesima die 11 Februarii, et dies Cinerum 28 Februarii. Si



autem addatur unus, cadet Septuagesima in diem 12 Februarii, quæ est Dominica, et dies Cinerum in diem 29 Februarii, quæ est Feria quarta. Pascha autem et reliqua Festa in eos dies cadent, qui in tabula expressi sunt. Item anno 4088 Bissextili Epacta erit xxiv et litteræ Dominicales d, c. Si igitur per litteram c, quæ posterior est, inquirantur Festa mobilia, invenitur Septuagesima die 21 Februarii, et si addatur unus dies, cadet in diem 22 Februarii, quæ est Dominica. Dies autem Cinerum cadet in diem 10 Martii, quare nihil additur, etc. Rursus anno 3784 Bissextili Epacta erit xxv et litteræ Dominicales d, c, ergo iterum per posteriorem c, reperietur Septuagesima die 21 Februarii, hoc est, addita una, die 22. Quod si per priorem litteram d, in utroque horum duorum annorum agendum esset, nihil efficeretur, cum infra Epactas xxiv et xxv littera d, indicet Septuagesimam die 15 Februarii, quod falsum esset, cum eo anno posterior littera c Pascha offerat die 25 Aprilis, ac proinde Septuagesima die 22 Februarii celebranda sit, ut liquido constat, si a die Paschæ, Dominicæ retro numerentur usque ad Septuagesimam.

In priori porro tabula Paschali antiqua reformata, Epactis ad sinistram præposuimus Aureos numeros eodem ordine, quo ante emendationem Calendarii collocari solebant, ut ex iis Festa mobilia, invenirentur. Hoc autem idcirco a

nobis factum est ut Pascha, cæteraque Festa mobilia, a Concilio Nicæno usque ad annum 1582 quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando festa hæc celebrata fuerint anno 1450. Quoniam eo anno Aureus numerus fuit 7 et littera Dominicalis d, si Aureus numerus 7 in sinistro latere accipiat, et prima littera d, infra eum occurrens, reperietur e regione hujus litteræ d, Septuagesima die 1 Februarii, dies Cinerum 18 Februarii, Pascha die 5 Aprilis, etc.

Adventus Domini celebratur semper die Dominico, qui propinquior est festo S. Andrea Apostoli, nempe a die 27 Novembris inclusive, usque ad diem 3 Decembris inclusive, ita ut littera Dominicalis currens, quæ reperitur in Calendario a die 27 Novembris, usque ad diem 3 Decembris, indicet Dominicam Adventus. Ut, verbi gratia, si littera Dominicalis est g, Dominica Adventus cadet in diem 2 Decembris, quia ibi est littera g in Calendario, etc.

Ad finem tandem tabularum Paschalium apposita est tabula temporaria multorum annorum, e regione quorum omnia Festa mobilia inveniuntur : quæ quidem tabula ex tabulis Paschalibus excerpta est, ex quibus infinitæ aliæ erui possunt pro quibuscumque annis.



## TABULA PASCHALIS ANTIQUA REFORMATA

| Aureus num. | Cycl.<br>Epact. | Litt. Dom. | Septuag. | Dies Cinerum. | Pascha. | Ascensio. | Pentecoste. | Corpus Christi. | Dom. post Oct. Trin. | Dom. j. Advent. |
|-------------|-----------------|------------|----------|---------------|---------|-----------|-------------|-----------------|----------------------|-----------------|
| 16          | xxiiij          |            | Jan.     | Febr.         | Mart.   | April.    | Maii.       | Maii.           |                      |                 |
| 5           | xxij            | d          | 18       | 4             | 22      | 30        | 10          | 21              | 26                   | 29 Nov.         |
| 13          | xx              | e          | 19       | 5             | 23      | 1 Maii.   | 11          | 22              | 26                   | 30              |
| 2           | xix             | f          | 20       | 6             | 24      | 2         | 12          | 23              | 26                   | 1 Dec.          |
|             |                 | g          | 21       | 7             | 25      | 3         | 13          | 24              | 26                   | 2               |
| 10          | xviiij          | A          | 22       | 8             | 26      | 4         | 14          | 25              | 26                   | 3               |
|             | xvij            | b          | 23       | 9             | 27      | 5         | 15          | 26              | 25                   | 27 Nov.         |
| 18          | xvj             | c          | 24       | 10            | 28      | 6         | 16          | 27              | 25                   | 28              |
| 7           | xv              | d          | 25       | 11            | 29      | 7         | 17          | 28              | 25                   | 29              |
|             | xiv             | e          | 26       | 12            | 30      | 8         | 18          | 29              | 25                   | 30              |
| 15          | xiiij           | f          | 27       | 13            | 31      | 9         | 19          | 30              | 25                   | 1 Dec.          |
| 4           | xij             | g          | 28       | 14            | 1 Apr.  | 10        | 20          | 31              | 2                    | 2               |
|             | x               | A          | 29       | 15            | 2       | 11        | 21          | 1 Jun.          | 25                   | 3               |
| 12          | ix              | b          | 30       | 16            | 3       | 12        | 22          | 2               | 24                   | 27 Nov.         |
|             |                 | c          | 31       | 17            | 4       | 13        | 23          | 3               | 24                   | 28              |
| 1           | viiij           | d          | 1 Febr.  | 18            | 5       | 14        | 24          | 4               | 24                   | 29              |
|             | vij             | e          | 2        | 19            | 6       | 15        | 25          | 5               | 24                   | 30              |
| 9           | vj              | f          | 3        | 20            | 7       | 16        | 26          | 6               | 24                   | 1 Dec.          |
|             | v               | g          | 4        | 21            | 8       | 17        | 27          | 7               | 24                   | 2               |
| 17          | iv              | A          | 5        | 22            | 9       | 18        | 28          | 8               | 24                   | 3               |
| 6           | iiij            | b          | 6        | 23            | 10      | 19        | 29          | 9               | 23                   | 27 Nov.         |
| 14          | ij              | c          | 7        | 24            | 11      | 20        | 30          | 10              | 23                   | 28              |
|             | j               | d          | 8        | 25            | 12      | 21        | 31          | 11              | 23                   | 29              |
| 3           | xxix            | e          | 9        | 26            | 13      | 22        | 1 Jun.      | 12              | 23                   | 30              |
|             |                 | f          | 10       | 27            | 14      | 23        | 2           | 13              | 23                   | 1 Dec.          |
| 11          | xxviiij         | g          | 11       | 28            | 15      | 24        | 3           | 14              | 23                   | 2               |
|             | xxvij           | A          | 12       | 1 Mart.       | 16      | 25        | 4           | 15              | 23                   | 3               |
| 19          | 25 xxvj         | b          | 13       | 2             | 17      | 26        | 5           | 16              | 22                   | 27 Nov.         |
| 8           | xxv xxiv        | c          | 14       | 3             | 18      | 27        | 6           | 17              | 22                   | 28              |
|             |                 | d          | 15       | 4             | 19      | 28        | 7           | 18              | 22                   | 29              |
|             |                 | e          | 16       | 5             | 20      | 29        | 8           | 19              | 22                   | 30              |
|             |                 | f          | 17       | 6             | 21      | 30        | 9           | 20              | 22                   | 1 Dec.          |
|             |                 | g          | 18       | 7             | 22      | 31        | 10          | 21              | 22                   | 2               |
|             |                 | A          | 19       | 8             | 23      | 1 Junii.  | 11          | 22              | 22                   | 3               |
|             |                 | b          | 20       | 9             | 24      | 2         | 12          | 23              | 21                   | 27 Nov.         |
|             |                 | c          | 21       | 10            | 25      | 3         | 13          | 24              | 21                   | 28              |

## TABULA PASCHALIS NOVA REFORMATA.

| Litt.<br>Domin. | Cyclus Epactarum.   | Septuages.  | Dies<br>Cinerum.  |
|-----------------|---|---|---|
| D               | 23.<br>22. 21. 20. 19. 18. 17. 16.<br>15. 14. 13. 12. 11. 10. 9.<br>8. 7. 6. 5. 4. 3. 2.<br>1. *. 29. 28. 27. 26. 25. 25. 24. | 18 Januarii<br>25 Januarii<br>1 Februarii<br>8 Februarii<br>15 Februarii  | 4 Februarii<br>11 Februarii<br>18 Februarii<br>25 Februarii<br>4 Martii |
| E               | 23. 22.<br>21. 20. 19. 18. 17. 16. 15.<br>14. 13. 12. 11. 10. 9. 8.<br>7. 6. 5. 4. 3. 2. 1.<br>*. 29. 28. 27. 26. 25. 25. 24. | 19 Januarii<br>26 Januarii<br>2 Februarii<br>9 Februarii<br>16 Februarii  | 5 Februarii<br>12 Februarii<br>19 Februarii<br>26 Februarii<br>5 Martii |
| F               | 23. 22. 21.<br>20. 19. 18. 17. 16. 15. 14.<br>13. 12. 11. 10. 9. 8. 7.<br>6. 5. 4. 3. 2. 1. *.<br>29. 28. 27. 26. 25. 25. 24. | 20 Januarii<br>27 Januarii<br>3 Februarii<br>10 Februarii<br>17 Februarii | 6 Februarii<br>13 Februarii<br>20 Februarii<br>27 Februarii<br>6 Martii |
| G               | 23. 22. 21. 20.<br>19. 18. 17. 16. 15. 14. 13.<br>12. 11. 10. 9. 8. 7. 6.<br>5. 4. 3. 2. 1. *. 29.<br>28. 27. 26. 25. 25. 24. | 21 Januarii<br>28 Januarii<br>4 Februarii<br>11 Februarii<br>18 Februarii | 7 Februarii<br>14 Februarii<br>21 Februarii<br>28 Februarii<br>7 Martii |
| A               | 23. 22. 21. 20. 19.<br>18. 17. 16. 15. 14. 13. 12.<br>11. 10. 9. 8. 7. 6. 5.<br>4. 3. 2. 1. *. 29. 28.<br>27. 26. 25. 25. 24. | 22 Januarii<br>29 Januarii<br>5 Februarii<br>12 Februarii<br>19 Februarii | 8 Februarii<br>15 Februarii<br>22 Februarii<br>1 Martii<br>8 Martii     |
| B               | 23. 22. 21. 20. 19. 18.<br>17. 16. 15. 14. 13. 12. 11.<br>10. 9. 8. 7. 6. 5. 4.<br>3. 2. 1. *. 29. 28. 27.<br>26. 25. 25. 24. | 23 Januarii<br>30 Januarii<br>6 Februarii<br>13 Februarii<br>20 Februarii | 9 Februarii<br>16 Februarii<br>23 Februarii<br>2 Martii<br>9 Martii     |
| C               | 23. 22. 21. 20. 19. 18. 17.<br>16. 15. 14. 13. 12. 11. 10.<br>9. 8. 7. 6. 5. 4. 3.<br>2. 1. *. 29. 28. 27. 26. 25.<br>25. 24. | 24 Januarii<br>31 Januarii<br>7 Februarii<br>14 Februarii<br>21 Februarii | 10 Februarii<br>17 Februarii<br>24 Februarii<br>3 Martii<br>10 Martii   |

## TABULA PASCHALIS NOVA REFORMATA.

| Pascha.    | Ascensio.  | Pentecoste | Corpus Christi. | Dom. post Oct. Trin. | Dominica j. Adventus. |
|------------|------------|------------|-----------------|----------------------|-----------------------|
| 22 Martii  | 30 Aprilis | 10 Maii    | 21 Maii         | 26                   | 29 Novembris          |
| 29 Martii  | 7 Maii     | 17 Maii    | 28 Maii         | 25                   | 29                    |
| 5 Aprilis  | 14 Maii    | 24 Maii    | 4 Junii         | 24                   | 29                    |
| 12 Aprilis | 21 Maii    | 31 Maii    | 11 Junii        | 23                   | 29                    |
| 19 Aprilis | 28 Maii    | 7 Junii    | 18 Junii        | 22                   | 29                    |
| 23 Martii  | 1 Maii     | 11 Maii    | 22 Maii         | 26                   | 30 Novembris          |
| 30 Martii  | 8 Maii     | 18 Maii    | 29 Maii         | 25                   | 30                    |
| 6 Aprilis  | 15 Maii    | 25 Maii    | 5 Junii         | 24                   | 30                    |
| 13 Aprilis | 22 Maii    | 1 Junii    | 12 Junii        | 23                   | 30                    |
| 20 Aprilis | 29 Maii    | 8 Junii    | 19 Junii        | 22                   | 30                    |
| 24 Martii  | 2 Maii     | 12 Maii    | 23 Maii         | 26                   | 1 Decembris           |
| 31 Martii  | 9 Maii     | 19 Maii    | 30 Maii         | 25                   | 1                     |
| 7 Aprilis  | 16 Maii    | 26 Maii    | 6 Junii         | 24                   | 1                     |
| 14 Aprilis | 23 Maii    | 2 Junii    | 13 Junii        | 23                   | 1                     |
| 21 Aprilis | 30 Maii    | 9 Junii    | 20 Junii        | 22                   | 1                     |
| 25 Martii  | 3 Maii     | 13 Maii    | 24 Maii         | 26                   | 2 Decembris           |
| 1 Aprilis  | 10 Maii    | 20 Maii    | 31 Maii         | 25                   | 2                     |
| 8 Aprilis  | 17 Maii    | 27 Maii    | 7 Junii         | 24                   | 2                     |
| 15 Aprilis | 24 Maii    | 3 Junii    | 14 Junii        | 23                   | 2                     |
| 22 Aprilis | 31 Maii    | 10 Junii   | 21 Junii        | 22                   | 2                     |
| 26 Martii  | 4 Maii     | 14 Maii    | 25 Maii         | 26                   | 3 Decembris           |
| 2 Aprilis  | 11 Maii    | 21 Maii    | 1 Junii         | 25                   | 3                     |
| 9 Aprilis  | 18 Maii    | 28 Maii    | 8 Junii         | 24                   | 3                     |
| 16 Aprilis | 25 Maii    | 4 Junii    | 15 Junii        | 23                   | 3                     |
| 23 Aprilis | 1 Junii    | 11 Junii   | 22 Junii        | 22                   | 3                     |
| 27 Martii  | 5 Maii     | 15 Maii    | 26 Maii         | 25                   | 27 Novembris          |
| 3 Aprilis  | 12 Maii    | 22 Maii    | 2 Junii         | 24                   | 27                    |
| 10 Aprilis | 19 Maii    | 29 Maii    | 9 Junii         | 23                   | 27                    |
| 17 Aprilis | 26 Maii    | 5 Junii    | 16 Junii        | 22                   | 27                    |
| 24 Aprilis | 2 Junii    | 12 Junii   | 23 Junii        | 21                   | 27                    |
| 28 Martii  | 6 Maii     | 16 Maii    | 27 Maii         | 25                   | 28 Novembris          |
| 4 Aprilis  | 13 Maii    | 23 Maii    | 3 Junii         | 24                   | 28                    |
| 11 Aprilis | 20 Maii    | 30 Maii    | 10 Junii        | 23                   | 28                    |
| 18 Aprilis | 27 Maii    | 6 Junii    | 17 Junii        | 22                   | 28                    |
| 25 Aprilis | 3 Junii    | 13 Junii   | 24 Junii        | 21                   | 28                    |



## TABELLA TEMPORARIA FESTORUM MOBILIIUM.

| Anno D. | Litterae<br>Dominic. | Aureus<br>Numerus. | Epactae. | Septuages.   | Dies<br>Cinerum. | Pascha.    |
|---------|----------------------|--------------------|----------|--------------|------------------|------------|
| 1908    | e d                  | 9                  | xxvij    | 16 Februarii | 4 Martii         | 19 Aprilis |
| 1909    | c                    | 10                 | viiij    | 7 Februarii  | 24 Februarii     | 11 Aprilis |
| 1910    | b                    | 11                 | xix      | 23 Januarii  | 9 Februarii      | 27 Martii  |
| 1911    | A                    | 12                 | .        | 12 Februarii | 1 Martii         | 16 Aprilis |
| 1912    | g f                  | 13                 | xj       | 4 Februarii  | 21 Februarii     | 7 Aprilis  |
| 1913    | e d                  | 14                 | xxij     | 19 Januarii  | 5 Februarii      | 23 Martii  |
| 1914    | c                    | 15                 | iiij     | 8 Februarii  | 25 Februarii     | 12 Aprilis |
| 1915    | c                    | 16                 | xiv      | 31 Januarii  | 17 Februarii     | 4 Aprilis  |
| 1916    | bA                   | 17                 | 25       | 20 Februarii | 8 Martii         | 23 Aprilis |
| 1917    | g                    | 18                 | vj       | 4 Februarii  | 21 Februarii     | 8 Aprilis  |
| 1918    | f                    | 19                 | xvij     | 27 Januarii  | 13 Februarii     | 31 Martii  |
| 1919    | e                    | 1                  | xxix     | 16 Februarii | 5 Martii         | 20 Aprilis |
| 1920    | d c                  | 2                  | x        | 1 Februarii  | 18 Februarii     | 4 Aprilis  |
| 1921    | b                    | 3                  | xxj      | 23 Januarii  | 9 Februarii      | 27 Martii  |
| 1922    | A                    | 4                  | ij       | 12 Februarii | 1 Martii         | 16 Aprilis |
| 1923    | g                    | 5                  | xiiij    | 28 Januarii  | 14 Februarii     | 1 Aprilis  |
| 1924    | f c                  | 6                  | xxiv     | 17 Februarii | 5 Martii         | 20 Aprilis |
| 1925    | d                    | 7                  | v        | 8 Februarii  | 25 Februarii     | 12 Aprilis |
| 1926    | c                    | 8                  | xvj      | 31 Januarii  | 17 Februarii     | 4 Aprilis  |
| 1927    | b                    | 9                  | xxvij    | 13 Februarii | 2 Martii         | 17 Aprilis |
| 1928    | A g                  | 10                 | viiij    | 5 Februarii  | 22 Februarii     | 8 Aprilis  |
| 1929    | f                    | 11                 | xix      | 27 Januarii  | 13 Februarii     | 31 Martii  |
| 1930    | e                    | 12                 | .        | 16 Februarii | 5 Martii         | 20 Aprilis |
| 1931    | d                    | 13                 | xj       | 1 Februarii  | 18 Februarii     | 5 Aprilis  |
| 1932    | c b                  | 14                 | xxij     | 24 Januarii  | 10 Februarii     | 27 Martii  |
| 1933    | A                    | 15                 | iiij     | 12 Februarii | 1 Martii         | 16 Aprilis |
| 1934    | g                    | 16                 | xiv      | 28 Januarii  | 14 Februarii     | 1 Aprilis  |
| 1935    | f                    | 17                 | 25       | 17 Februarii | 6 Martii         | 21 Aprilis |
| 1936    | e d                  | 18                 | vj       | 9 Februarii  | 26 Februarii     | 12 Aprilis |
| 1937    | c                    | 19                 | xvij     | 24 Januarii  | 10 Februarii     | 28 Martii  |
| 1938    | b                    | 1                  | xxix     | 13 Februarii | 2 Martii         | 17 Aprilis |
| 1939    | A                    | 2                  | x        | 5 Februarii  | 22 Februarii     | 9 Aprilis  |
| 1940    | g f                  | 3                  | xxj      | 21 Januarii  | 7 Februarii      | 24 Martii  |
| 1941    | e d                  | 4                  | ij       | 9 Februarii  | 26 Februarii     | 13 Aprilis |
| 1942    | c                    | 5                  | xiiij    | 1 Februarii  | 18 Februarii     | 5 Aprilis  |
| 1943    | c                    | 6                  | xxiv     | 21 Februarii | 10 Martii        | 25 Aprilis |

## TABELLA TEMPORARIA FESTORUM MOBILIIUM.

| Anno D. | Ascensio. | Pentec.  | Corpus Christi. | Indictio. | Dom. post Oct. Trin. | Dom. I. Adventus. | Litt. Mart. |
|---------|-----------|----------|-----------------|-----------|----------------------|-------------------|-------------|
| 1908    | 28 Maii   | 7 Junii  | 18 Junii        | 6         | 22                   | 29 Nov.           | H           |
| 1909    | 20 Maii   | 30 Maii  | 10 Junii        | 7         | 23                   | 28 Nov.           | h           |
| 1910    | 5 Maii    | 15 Maii  | 26 Maii         | 8         | 25                   | 27 Nov.           | u           |
| 1911    | 25 Maii   | 4 Junii  | 15 Junii        | 9         | 23                   | 3 Dec.            | P           |
| 1912    | 16 Maii   | 26 Maii  | 6 Junii         | 10        | 24                   | 1 Dec.            | l           |
| 1913    | 1 Maii    | 11 Maii  | 22 Maii         | 11        | 26                   | 30 Nov.           | C           |
| 1914    | 21 Maii   | 31 Maii  | 11 Junii        | 12        | 23                   | 29 Nov.           | c           |
| 1915    | 13 Maii   | 23 Maii  | 3 Junii         | 13        | 24                   | 28 Nov.           | p           |
| 1916    | 1 Junii   | 11 Junii | 22 Junii        | 14        | 22                   | 3 Dec.            | F           |
| 1917    | 17 Maii   | 27 Maii  | 7 Junii         | 15        | 24                   | 2 Dec.            | f           |
| 1918    | 9 Maii    | 19 Maii  | 30 Maii         | 1         | 25                   | 1 Dec.            | s           |
| 1919    | 29 Maii   | 8 Junii  | 19 Junii        | 2         | 22                   | 30 Nov.           | N           |
| 1920    | 13 Maii   | 23 Maii  | 3 Junii         | 3         | 24                   | 28 Nov.           | k           |
| 1921    | 5 Maii    | 15 Maii  | 26 Maii         | 4         | 25                   | 27 Nov.           | B           |
| 1922    | 25 Maii   | 4 Junii  | 15 Junii        | 5         | 23                   | 3 Dec.            | b           |
| 1923    | 10 Maii   | 20 Maii  | 31 Maii         | 6         | 25                   | 2 Dec.            | n           |
| 1924    | 29 Maii   | 8 Junii  | 19 Junii        | 7         | 22                   | 30 Nov.           | E           |
| 1925    | 21 Maii   | 31 Maii  | 11 Junii        | 8         | 23                   | 29 Nov.           | e           |
| 1926    | 13 Maii   | 23 Maii  | 3 Junii         | 9         | 24                   | 28 Nov.           | r           |
| 1927    | 26 Maii   | 5 Junii  | 16 Junii        | 10        | 22                   | 27 Nov.           | H           |
| 1928    | 17 Maii   | 27 Maii  | 7 Junii         | 11        | 24                   | 2 Dec.            | h           |
| 1929    | 9 Maii    | 19 Maii  | 30 Maii         | 12        | 25                   | 1 Dec.            | u           |
| 1930    | 29 Maii   | 8 Junii  | 19 Junii        | 13        | 22                   | 30 Nov.           | P           |
| 1931    | 14 Maii   | 24 Maii  | 4 Junii         | 14        | 24                   | 29 Nov.           | i           |
| 1932    | 5 Maii    | 15 Maii  | 26 Maii         | 15        | 25                   | 27 Nov.           | C           |
| 1933    | 25 Maii   | 4 Junii  | 15 Junii        | 1         | 23                   | 3 Dec.            | c           |
| 1934    | 10 Maii   | 20 Maii  | 31 Maii         | 2         | 25                   | 2 Dec.            | p           |
| 1935    | 30 Maii   | 9 Junii  | 20 Junii        | 3         | 22                   | 1 Dec.            | F           |
| 1936    | 21 Maii   | 31 Maii  | 11 Junii        | 4         | 23                   | 29 Nov.           | f           |
| 1937    | 6 Maii    | 16 Maii  | 27 Maii         | 5         | 25                   | 28 Nov.           | s           |
| 1938    | 26 Maii   | 5 Junii  | 16 Junii        | 6         | 22                   | 27 Nov.           | N           |
| 1939    | 18 Maii   | 28 Maii  | 8 Junii         | 7         | 24                   | 3 Dec.            | k           |
| 1940    | 2 Maii    | 12 Maii  | 23 Maii         | 8         | 26                   | 1 Dec.            | B           |
| 1941    | 22 Maii   | 1 Junii  | 12 Junii        | 9         | 23                   | 30 Nov.           | b           |
| 1942    | 14 Maii   | 24 Maii  | 4 Junii         | 10        | 24                   | 29 Nov.           | n           |
| 1943    | 3 Junii   | 13 Junii | 24 Junii        | 11        | 21                   | 28 Nov.           | E           |

# FESTA MOBILIA

## QUÆ ABSUNT A CALENDARIO.

|  | PARTE | PAGINA |
|--|-------|--------|
| Feria iij. post Dom. Septuag. Oratio D. N. J. C. in Monte Oliveti. . . . .                             | I     | 581    |
| Feria iij. post Dom. Sexag. Commemoratio Passionis D. N. J. C. . . . .                                 | I     | 592    |
| Feria v. post Dom. Sexag. Translatio S. Catharinæ Senensis V. O. P. . . . .                            | I     | 606    |
| Feria vj. post Dom. j. Quadrag. SS. Lanceæ et Clavorum D. N. J. C. . . . .                             | I     | 614    |
| Feria vj. post Dom. ij. Quadrag. SS. Sindonis D. N. J. C. . . . .                                      | I     | 625    |
| Feria vj. post Dom. iij. Quadrag. SS. Quinque Vulnerum D. N. J. C. . . . .                             | I     | 637    |
| Feria vj. post Dom. iv. Quadrag. Pretiosissimi Sanguinis D. N. J. C. . . . .                           | I     | 648    |
| Feria vj. post Dom. in Passione. Compassio B. Mariæ. . . . .   | I     | 662    |
| Pascha Resurrectionis . . . . .  | I     | 480    |
| Dominica ij. post Octavam Paschæ. Patrocinium S. Joseph Confessoris Sponsi B. Mariæ Virginis . . . . . | I     | 677    |
| Si tamen post Trinitatem transferatur. . . . .   | II    | 367    |
| Ascensio Domini . . . . .  | I     | 537    |
| Pentecoste. . . . .  | I     | 561    |
| Festum SS. Trinitatis . . . . .  | II    | 161    |
| Festum SS. Corporis Christi . . . . .  | II    | 175    |
| Feria vj. post festum Corporis Christi. Festum SS. Cordis Jesu . . . . .                               | II    | 374    |
| Dominica j. post Oct. Trinitatis. Purissimi Cordis B. Mariæ V. . . . .                                 | II    | 388    |
| Dedicatio Ecclesiæ . . . . .   |       | 11*    |



## CALENDARIUM.

## JANUARIUS.

| Cyclus<br>Epact. | Litt.<br>Dom. | Dies<br>mensis. |   |
|------------------|---------------|-----------------|---|
| *                | A             | Calendis        | 1 Circumcisio Domini. Totum Duplex.   |
| xxix             | b             | iv. non.        | 2 Octava S. Stephani Protomart. Tres Lectiones.   |
| xxviii           | c             | iii. non.       | 3 Octava S. Joannis Apostoli et Evangelistæ. Tres Lectiones.  |
| xxvii            | d             | Prid. non.      | 4 Octava SS. Innocentium Martyrum. Tres Lectiones.  |
| xxvj             | e             | Nonis.          | 5 Vigilia.  |
| 25. xxv          | f             | viii. id.       | 6 Epiphania Domini. Totum Duplex.<br>Dominica infra Octavam Epiphaniæ. Inventio Domini nostri Jesu Christi in medio Doctorum. Totum Duplex. |
|                  |               |                 |   |
| xxiv             | g             | vij. id.        | 7   |
| xxiii            | A             | vj. id.         | 8   |
| xxii             | b             | v. id.          | 9   |
| xxj              | c             | iv. id.         | 10 B. Gundisalvi Confess. O. P. Totum Duplex.   |
| xx               | d             | iii. id.        | 11  |
| xix              | e             | Pridie id.      | 12  |
| xviii            | f             | Idibus          | 13 Octava Epiphaniæ. Simplex.   |
| xvij             | g             | xix. cal.       |   |
|                  |               | FEBRUAR.        | 14 S. Hilarii Episc., Conf. et Eccl. Doct. Duplex.  |
| xvj              | A             | xviii. cal.     | 15 SS. Nominis Jesu. Totum Duplex.<br>S. Mauri Abbatis. Memoria.  |
| xv               | b             | xvij. cal.      | 16 B. Stephanæ de Quinzanis V. O. P. Duplex.<br>S. Marcelli Papæ et Mart. Memoria.  |
| xiv              | c             | xvj. cal.       | 17 S. Antonii Abbatis. Totum Duplex.  |
| xiii             | d             | xv. cal.        | 18 Cathedra Romana S. Petri. Duplex.<br>S. Priscæ Virg. et Mart. Memoria.<br>Ante non erit Septuagesima.                                    |
| xij              | e             | xiv. cal.       | 19 B. Andreae a Piscaria Conf. O. P. Duplex.<br>S. Felicis Presb. et Mart. Memoria.   |
| xj               | f             | xiii. cal.      | 20 SS. Fabiani Papæ et Sebastiani MM. Totum Duplex.   |
| x                | g             | xij. cal.       | 21 S. Agnetis Virg. et Mart. Totum Duplex.  |
| ix               | A             | xj. cal.        | 22 S. Vincentii Mart. Totum Duplex.   |
| viii             | b             | x. cal.         | 23 S. Raymundi Conf. O. P. Totum Duplex.<br>S. Emerentianæ Virg. et Mart. Memoria.  |
| vij              | c             | ix. cal.        | 24 B. Marcolini Conf. O. P. Duplex.<br>S. Timothei Ep. et Mart. Memoria.  |
| vj               | d             | viii. cal.      | 25 Conversio S. Pauli Apost. Totum Duplex.  |
| v                | e             | vij. cal.       | 26 B. Margaritæ de Hungaria Virg. O. P. Duplex.<br>S. Polycarpi Ep. et Mart. Memoria.   |
| iv               | f             | vj. cal.        | 27 S. Joannis Chrysostomi Ep. Conf. et Eccl. Doct. Duplex.<br>S. Juliani Ep. et Conf. Memoria.  |
| iii              | g             | v. cal.         | 28 Translatio S. Thomæ Aquinatis Conf. et Eccl. Doct. O. P. Totum Duplex.<br>S. Agnetis secundo. Memoria.                                   |



| Cyclus<br>Epact. | Litt.<br>Dom. | Dies<br>mensis. |  |
|------------------|---------------|-----------------|--|
| ij               | A             | iv. cal.        | 29 S. Francisci Salesii Ep. Conf. et Eccl. Doct. Duplex.<br>Octava S. Vincentii Mart. Memoria.<br>S. Pauli primi Eremitæ. Memoria. |
| j                | b             | iiij. cal.      | 30 S. Martinæ Virg. et Mart. Simplex.<br>Octava S. Raymundi Conf. O. P. Simplex.   |
|                  | c             | Pridie cal.     | 31 S. Petri Nolasco Conf. Duplex.  |

## FEBRUARIUS.

|           |   |                    |  |
|-----------|---|--------------------|--|
| xxix      | d | Calendis           | 1 S. Ignatii Ep. et Mart Duplex.   |
| xxviii    | e | iv. non.           | 2 Purificatio B. Mariæ Virg. Totum Duplex.   |
| xxvij     | f | iiij. non.         | 3 S. Blasii Ep. et Mart. Simplex.  |
| 25. xxvj  | g | Pridie non.        | 4 S. Andrea Corsini Ep. et Conf. Duplex.<br>Anniversarium Patrum et Matrum. Novem Lectiones.<br>Ante non erit Cinis. |
| xxv. xxiv | A | Nonis              | 5 S. Agathæ Virg. et Mart. Duplex.   |
| xxiii     | b | viiij. id.         | 6 S. Dorotheæ Virg. et Mart. Duplex.<br>SS. Vedasti et Amandi Confessorum. Memoria.                                  |
| xxij      | c | vij. id.           | 7 S. Romualdi Abbatis. Duplex.   |
| xxj       | d | vj. id.            | 8 S. Joannis de Matha Conf. Duplex.  |
| xx        | e | v. id.             | 9 B. Bernardi Scammacca Conf. O. P. Duplex.<br>S. Apolloniæ Virg. et Mart. Memoria.                                  |
| xix       | f | iv. id.            | 10 S. Scholasticæ Virg. Duplex.  |
| xviii     | g | iiij. id.          | 11 Desponsatio B. Mariæ Virg. Totum Duplex.<br>S. Joseph Conf. et Sponsi B. Mariæ Virg. Memoria.                     |
| xvij      | A | Pridie id.         | 12 B. Reginaldi Conf. O. P. Duplex.  |
| xvj       | b | Idibus             | 13 S. Catharinæ de Ricciis V. O. P. Totum Duplex.  |
| xv        | c | xvj. cal.          | 14 B. Nicolai Palea Conf. O. P. Duplex.  |
| xiv       | d | xv. cal.           | 15 B. Jordani Saxonis Conf. O. P. Duplex.  |
| xiii      | e | xiv. cal.          | 16 B. Gregorii Papæ X. Conf. Duplex.   |
| xij       | f | xiiij. cal.        | 17 Septem Confessorum Ordinis Servorum B. Mariæ Fundatorum. Duplex.  |
| xj        | g | xij. cal.          | 18 B. Laurentii a Ripafracta Conf. O. P. Duplex.   |
| x         | A | xj. cal.           | 19 B. Alvari Cordubensis Conf. O. P. Duplex.   |
| ix        | b | x. cal.            | 20 Octava S. Catharinæ de Ricciis Virg. O. P. Simplex.   |
| viii      | c | ix. cal.           | 21 B. Aimonis Taparelli Conf. O. P. Duplex.<br>S. Valentini Mart. Memoria.<br>Post non erit Septuagesima.            |
| vij       | d | viiij. cal.        | 22 Cathedra Antiochena S. Petri. Duplex.   |
| vi        | e | vij. cal.          | 23 S. Petri Damiani Ep. Conf. et Eccl. Doct Duplex.<br>Vigilia.  |
| v         | f | vj. cal.           | 24 S. Mathiæ Apostoli. Totum Duplex.   |
|           |   | LOCUS<br>BISSEXTI. |  |
| iv        | g | v. cal.            | 25 B. Constantii a Fabriano Conf. O. P. Duplex.  |
| iii       | A | iv. cal.           | 26   |
| ij        | b | iiij. cal.         | 27   |
| j         | c | Pridie cal.        | 28 B. Villanæ de Bottis Vid. O. P. Duplex.   |

In Anno bissextili Februarius est dierum viginti novem et Festum S. Mathiæ celebratur die 25. Februarii et bis dicitur Sexto calendas Martii., idest die 24. et die 25.; et Littera Dominicalis, quæ assumpta fuit in mense Januario mutatur in præcedentem : ut si in Januario Littera Dominicalis fuit A, mutetur in præcedentem, quæ est g. etc. Festum vero B. Constantii celebratur die 26., et Festum B. Villanæ die 29.

## MARTIUS.

| Cyclus<br>Epact. | Litt.<br>Dom. | Dies<br>mensis. |   |
|------------------|---------------|-----------------|---|
| *                | d             | Calendis        | 1 B. Christophori a Milano Conf. O. P. Duplex.<br>S. Albini Ep. et Conf. Memoria. |
| xxix             | e             | vj. non.        | 2 B. Henrici Susonis Conf. O. P. Duplex.  |
| xxviii           | f             | v. non.         | 3   |
| xxvij            | g             | iv. non.        | 4 S. Casimiri Conf. Duplex.   |
| xxvj             | A             | iiij. non.      | 5   |
| 25. xxv          | b             | Prid. non.      | 6 B. Jordani a Pisis Conf. O. P. Duplex.  |
| xxiv             | c             | Nonis           | 7 S. Thomæ Aquinatis Conf. et Eccl. Doct.<br>O. P. Totum Duplex.                  |
| xxiiij           | d             | viiij. id.      | 8 S. Joannis de Deo Conf. Duplex.   |
| xxij             | e             | vij. id.        | 9 S. Franciscæ Romanæ Vid. Duplex.  |
| xxj              | f             | vj. id.         | 10 B. Petri de Jeremia Conf. O. P. Duplex.<br>Post non erit Cinis.                |
| xx               | g             | v. id.          | 11  |
| xix              | A             | iv. id.         | 12 S. Gregorii Magni Papæ, Conf. et Eccl. Doct.<br>Totum Duplex.                  |
| xviiij           | b             | iiij. id.       | 13  |
| xvij             | c             | Pridie id.      | 14 Octava S. Thomæ Aquinatis O. P. Solemnis.                                      |
| xvj              | d             | Idibus          | 15  |
| xv               | e             | xvij. cal.      | 16  |
|                  |               | APRILIS.        |   |
| xiv              | f             | xvj. cal.       | 17 S. Patritii Ep. Conf. Duplex.  |
| xiiij            | g             | xv. cal.        | 18 B. Sibyllinæ de Biscossis Virg. O. P. Duplex.                                  |
| xij              | A             | xiv. cal.       | 19 S. Joseph Conf. Sponsi B. Mariæ Virg. To-<br>tum Duplex.                       |
| xj               | b             | xiiij. cal.     | 20  |
| x                | c             | xij. cal.       | 21 S. Benedicti Abbatis. Duplex.  |
| ix               | d             | xj. cal.        | 22 B. Ambrosii Sapsedonii Conf. O. P. Duplex.<br>Ante non erit Pascha.            |
| viiij            | e             | x. cal.         | 23  |
| vij              | f             | ix. cal.        | 24 S. Gabrielis Archangeli. Totum Duplex.   |
| vj               | g             | viiij. cal.     | 25 Annuntiatio B. M. Virg. Totum Duplex.  |
| v                | A             | vij. cal.       | 26 Octava S. Joseph. Solemnis.  |
| iv               | b             | vj. cal.        | 27  |
| iiij             | c             | v. cal.         | 28  |
| ij               | d             | iv. cal.        | 29  |
| j                | e             | iiij. cal.      | 30  |
| *                | f             | Pridie cal      | 31  |

## APRILIS.

|         |   |            |   |
|---------|---|------------|---|
| xxix    | g | Calendis   | 1 Octava Annuntiationis B. Mariæ Virg.<br>Solemnis.                       |
| xxviiij | A | iv. non.   | 2 S. Francisci de Paula Conf. Duplex.                                     |
| xxvij   | b | iiij. non. | 3 Impressio sacrorum Stigmatum S. Catharinæ<br>Senen. Virg. O. P. Duplex. |

| Cyclus Litt.<br>Epact. Dom. |   | Dies<br>mensis. |   |
|-----------------------------|---|-----------------|---|
| 25. xxvj                    | c | Prid. non.      | 4 S. Ambrosii Ep. Conf. et Eccl. Doct. Totum Duplex.        |
| xxv. xxiv                   | d | Nonis           | 5 S. Vincentii Ferrerii Conf. O. P. Totum Duplex.           |
| xxiiij                      | e | viiij. id.      | 6   |
| xxij                        | f | vij. id.        | 7   |
| xxj                         | g | vj. id.         | 8   |
| xx                          | A | v. id.          | 9 B. Antonii Pavonii Mart. O. P. Duplex.                    |
| xix                         | b | iv. id.         | 10 B. Antonii Neyrot Mart. O. P. Duplex.                    |
| xxiiij                      | c | iiij. id.       | 11 S. Leonis Magni Papæ, Conf. et Eccl. Doct. Totum Duplex. |
| xvij                        | d | Pridie id.      | 12 Octava S. Vincentii Conf. O. P. Simplex.                 |
| xvj                         | e | Idibus          | 13 B. Margaritæ de Castello Virg. O. P. Duplex.             |
| xv                          | f | xviiij. cal.    | 14 B. Petri Gonzalez Conf. O. P. Duplex.                    |
|                             |   | MAII.           | 15 S. Hermenegildi Mart. Duplex.                            |
| xiv                         | g | xvij. cal.      | 16 SS. Tiburtii, Valeriani et Maximi MM. Tres Lectiones.    |
| xiiij                       | A | xvj. cal.       | 17 B. Claræ Gambacurtæ Vid. O. P. Duplex.                   |
| xij                         | b | xv. cal.        | 18  |
| xj                          | c | xiv. cal.       | 19  |
| x                           | d | xiiij. cal.     | 20 S. Agnetis de Monte Politiano Virg. O. P. Totum Duplex.  |
| ix                          | e | xij. cal.       | 21 B. Bartholomæi Mart. O. P. Duplex.                       |
|                             |   |                 | 22  |
| viiij                       | f | xj. cal.        | 23 S. Georgii Mart. Simplex.                                |
| vij                         | g | x. cal.         | 24 SS. Coronæ spinæ Domini. Totum Duplex.                   |
| vj                          | A | ix. cal.        | S. Adalberti Ep. et Mart. Memoria.                          |
| v                           | b | viiij. cal.     | 25 S. Marci Evangelistæ. Totum Duplex.                      |
| iv                          | c | vij. cal.       | Ultimum Pascha.   |
| iiij                        | d | vj. cal.        | 26 BB. Dominici et Gregorii Confessorum O. P. Duplex.       |
| ij                          | e | v. cal.         | 27 Octava S. Agnetis. Virg. O. P. Simplex.                  |
| j                           | f | iv. cal.        | 28 S. Pauli a Cruce Conf. Duplex.                           |
|                             |   |                 | S. Vitalis Mart. Memoria.                                   |
| "                           | g | iiij. cal.      | 29 S. Petri Martyris O. P. Totum Duplex.                    |
| xxix                        | A | Pridie cal.     | 30 S. Catharinæ Senensis Virg. O. P. Totum Duplex.          |

Ante non erit Ascensus.

## MAIUS.

|         |   |            |   |
|---------|---|------------|---|
| xxviiij | b | Calendis   | 1 SS. Philippi et Jacobi Apostolorum. Totum Duplex. |
| xxvij   | c | vj. non.   | 2 S. Athanasii Ep. Conf. et Eccl. Doct. Duplex.     |
| xxvj    | d | v. non.    | 3 Inventio sanctæ Crucis. Totum Duplex.             |
|         |   |            | SS. Alexandri, Eventii et Theoduli MM. Memoria.     |
| 25. xxv | e | iv. non.   | 4 S. Monicæ Vid. Duplex.                            |
| xxiv    | f | iiij. non. | 5 S. Pii Quinti Papæ et Conf. O. P. Totum Duplex.   |
| xxiiij  | g | Prid. non. | 6 S. Joannis ante Portam Latinam. Duplex.           |
|         |   |            | Octava S. Petri Mart. O. P. Simplex.                |
| xxij    | A | Nonis      | 7 Octava S. Catharinæ Senensis O. P. Solemnis.      |
| xxj     | b | viiij. id. | 8 Apparitio S. Michaelis Archangeli. Totum Duplex.  |

| Cyclus<br>Epact. | Litt.<br>Dom. | Dies<br>mensis. |   |
|------------------|---------------|-----------------|---|
| xx               | c             | vij. id.        | 9 S. Gregorii Nazianzeni Ep. Conf. et Eccl. Doct. Duplex.   |
| xix              | d             | vj. id.         | 10 S. Antonini Ep. Conf. O. P. Totum Duplex. SS. Gordiani et Epimachi MM. Memoria. Ante non venit Ignis.                        |
| xviii            | e             | v. id.          | 11 S. Stanislai Ep. Mart. Duplex.   |
| xvii             | f             | iv. id.         | 12 B. Joannæ de Lusitania Virg. O. P. Duplex. Octava S. Pii Quinti O. P. Simplex. SS. Nerei, Achillei et Pancratii MM. Memoria. |
| xvj              | g             | iiij. id.       | 13 B. Alberti a Bergamo Conf. O. P. Duplex.   |
| xv               | A             | Prid. id.       | 14 B. Ægidii Conf. O. P. Duplex.  |
| xiv              | b             | Idibus          | 15 Conversio S. Augustini Ep. Conf. et Eccl. Doct. Duplex.  |
| xiii             | c             | xvij. cal.      | 16 S. Joannis Nepomuceni Mart. Duplex.  |
| xij              | d             | xvj. cal.       | 17 B. Andræ Abellonii Conf. O. P. Duplex. Octava S. Antonini O. P. Simplex.   |
| xj               | e             | xv. cal.        | 18 S. Venantii Mart. Simplex.   |
| x                | f             | xiv. cal.       | 19 S. Petri Cælestini Papæ et Conf. Duplex. S. Pudentianæ Virg. Memoria.  |
| ix               | g             | xiiij. cal.     | 20 B. Columbæ Virg. O. P. Duplex.   |
| viii             | A             | xij. cal.       | 21 S. Bernardini Senensis Conf. Simplex. Ante non erit Corpus.  |
| vij              | b             | xj. cal.        | 22 S. Servatii Ep. et Conf. Totum Duplex.   |
| vj               | c             | x. cal.         | 23 B. Ludovici Mariæ Grignon de Montfort Conf. O. P. Duplex.  |
| v                | d             | ix. cal.        | 24 B. Mariæ Virg. titulo Auxilium Christianorum. Totum Duplex.  |
| iv               | e             | viiij. cal.     | 25 Translatio S. P. N. Dominici Conf. Totum Duplex. S. Mariæ de Pazzis Virg. Memoria. S. Urbani Papæ Mart. Memoria.             |
| iiij             | f             | vij. cal.       | 26 S. Philippi Neri Conf. Totum Duplex.   |
| ij               | g             | vj. cal.        | 27 BB. Petri Sanz Ep. et Sociorum MM. O. P. Duplex.   |
| j                | A             | v. cal.         | 28 B. Mariæ Bartholomææ Virg. O. P. Duplex.   |
| i                | b             | iv. cal.        | 29 BB. Guillelmi O. P. et Sociorum MM. Duplex.  |
| xxix             | c             | iiij. cal.      | 30  |
| xxviii           | d             | Pridie cal      | 31 B. Jacobi Salomonii Conf. O. P. Duplex. S. Petronillæ Virg. Memoria.   |

## JUNIUS.

|           |   |            |   |
|-----------|---|------------|---|
| xxvij     | e | Calendis   | 1 BB. Alphonsi Navarrete O. P. et Sociorum MM. Duplex.  |
| 25. xxvj  | f | iv. non.   | 2 BB. Sadoe et Sociorum MM. O. P. Duplex. SS. Marcellini Presbyteri et Petri Exorcistæ MM. Memoria. |
| xxv. xxiv | g | iiij. non. | 3 Post non erit Ascensus.   |
| xxiiij    | A | Prid. non. | 4 Translatio S. Petri Mart. O. P. Totum Duplex.   |
| xxij      | b | Nonis      | 5 S. Francisci Caracciolo Conf. Duplex.   |
| xxj       | c | viiij. id. | 6 S. Norberti Ep. et Conf. Duplex.  |



| Cyclus<br>Epact. | Litt.<br>Dom. | Dies<br>mensis. |   |
|------------------|---------------|-----------------|---|
| xx               | d             | vij. id.        | 7   |
| xix              | e             | vj. id.         | 8 S. Angelæ Mericiæ Virg. Duplex.<br>S. Medardi Ep. et Conf. Memoria.                                 |
| xviii            | f             | v. id.          | 9 BB. Dianæ, Cæcilie et Amatæ Virginum O. P. Duplex.<br>SS. Primi et Feliciani MM. Memoria.           |
| xvii             | g             | iv. id.         | 10 B. Joannis Dominici Ep. et Conf. O. P. Duplex.   |
| xvj              | A             | iiij. id.       | 11 S. Barnabæ Apostoli. Totum Duplex.   |
| xv               | b             | Pridie id.      | 12 B. Stephani Bandelli Conf. O. P. Duplex.<br>SS. Basilidis, Cyrini, Naboris et Nazarii MM. Memoria. |
| xiv              | c             | Idibus          | 13 S. Antonii de Padua Conf. Duplex.<br>Post non venit Ignis.   |
| xiii             | d             | xviii. cal.     |   |
|                  |               | JULII.          | 14 S. Basilii Ep. Conf. et Eccl. Doct. Duplex.  |
| xij              | e             | xvij. cal.      | 15 SS. Viti, Modesti et Crescentiæ MM. Tres Lectiones.  |
| xi               | f             | xvj. cal.       | 16 S. Martialis Ep. et Conf. Tres Lectiones.<br>SS. Quirici et Julittæ MM. Memoria.                   |
| x                | g             | xv. cal.        | 17  |
| ix               | A             | xiv. cal.       | 18 B. Osannæ Mantuanæ Virg. O. P. Duplex.   |
| viii             | b             | xiii. cal.      | 19 SS. Gervasii et Protasii MM. Simplex.  |
| vii              | c             | xij. cal.       | 20 SS. Marci et Marcelliani MM. Tres Lectiones.   |
|                  |               |                 |   |
| vj               | d             | xj. cal.        | 21  |
| v                | e             | x. cal.         | 22 B. Innocentii Quinti Papæ et Conf. O. P. Duplex.   |
| iv               | f             | ix. cal.        | 23 Decem millium Martyrum. Duplex.<br>Vigilia.  |
| iii              | g             | viii. cal.      | 24 Nativitas S. Joannis Baptistæ. Totum Duplex.<br>Post non erit Corpus.                              |
| ii               | A             | vij. cal.       | 25  |
| i                | b             | vj. cal.        | 26 SS. Joannis et Pauli MM. Simplex.  |
|                  | c             | v. cal.         | 27  |
| xxix             | d             | iv. cal.        | 28 S. Leonis Secundi Papæ et Conf. Memoria.<br>Vigilia.   |
| xxviii           | e             | iiij. cal.      | 29 SS. Petri et Pauli Apostolorum. Totum Duplex.  |
| xxvii            | f             | Pridie cal.     | 30 Commemoratio S. Pauli Apostoli. Duplex.  |

## JULIUS.

|     |       |   |            |  |
|-----|-------|---|------------|--|
| 25. | xxvj  | g | Calendis   | 1 Octava S. Joannis Baptistæ. Simplex.   |
|     | xxv   | A | vj. non.   | 2 Visitatio B. Mariæ V. Totum Duplex.  |
|     | xxiv  | b | v. non.    | 3 B. Marci Mutinensis Conf. O. P. Duplex.<br>SS. Processi et Martiniani MM. Memoria. |
|     | xxiii | c | iv. non.   | 4  |
|     | xxij  | d | iiij. non. | 5 S. Antonii Mariæ Zaccaria Conf. Duplex.  |
|     | xxj   | e | Prid. non. | 6 Octava SS. Petri et Pauli Apostolorum.<br>Solemnis.                                |
|     | xx    | f | Nonis      | 7 B. Benedicti Undecimi Papæ et Conf. O. P. Duplex.                                  |
|     | xix   | g | viii. id.  | 8  |

| Cyclus<br>Epact. | Litt.<br>Dom. | Dies<br>mensis.        |   |
|------------------|---------------|------------------------|---|
| xviii            | A             | vij. id.               | 9 SS. Joannis O. P. et Sociorum MM. Totum Duplex.<br>Octava Visitationis B. Mariæ Virg. Simplex.                                |
| xvij             | b             | vj. id.                | 10 Septem Fratrum MM. Memoria.  |
| xvj              | c             | v. id.                 | 11 BB. Ignatii Delgado, Dominici Henares O. P. et Sociorum MM. Duplex.<br>S. Procopii Abbatis. Memoria.                         |
| xv               | d             | iv. id.                | 12 S. Joannis Gualberti Abbatis. Duplex.<br>Anniversarium sepulchrorum in Cœmeteriis nostris. Novem Lectiones.                  |
| xiv              | e             | iiij. id.              | 13 B. Jacobi a Voragine Ep. et Conf. O. P. Duplex.  |
| xiiij            | f             | Pridie id.             | 14 S. Bonaventuræ Ep. Conf. et Eccl. Doct. Totum Duplex.  |
| xij              | g             | Idibus                 | 15 S. Henrici Imperatoris Conf. Duplex.   |
| xj               | A             | xvij. cal.<br>AUGUSTI. | 16 Commemoratio B. Mariæ Virg. de Monte Carmelo. Totum Duplex.<br>Octava SS. Joannis et Sociorum MM. Simplex.                   |
| x                | b             | xvj. cal.              | 17 S. Alexii Conf. Tres Lectiones.  |
| ix               | c             | xv. cal.               | 18 B. Ceslai Conf. O. P. Duplex.  |
| viii             | d             | xiv. cal.              | 19 S. Vincentii a Paulo Conf. Duplex.   |
| vii              | e             | xiiij. cal.            | 20 S. Margaritæ Virg. et Mart. Simplex.   |
| vj               | f             | xij. cal.              | 21 S. Hieronymi Æmiliani Conf. Duplex.<br>S. Praxedis Virg. Memoria.  |
| v                | g             | xj. cal.               | 22 S. Mariæ Magdalænæ. Totum Duplex.  |
| iv               | A             | x. cal.                | 23 B. Joannæ Urbevetanæ Virg. O. P. Duplex.<br>S. Liborii Ep. et Conf. Memoria.<br>S. Apollinaris Ep. et Mart. Memoria.         |
| iiij             | b             | ix. cal.               | 24 S. Camilli de Lellis Conf. Duplex.<br>S. Christinæ Virg. et Mart. Memoria.<br>Vigilia.                                       |
| ij               | c             | viiij. cal.            | 25 S. Jacobi Apostoli. Totum Duplex.<br>SS. Christophori et Cucuphatis MM. Memoria.   |
| j                | d             | vij. cal.              | 26 S. Annæ Matris B. Mariæ Virg. Totum Duplex.  |
| *                | e             | vj. cal.               | 27 B. Augustini de Bugella Conf. O. P. Duplex.  |
| xxix             | f             | v. cal.                | 28 B. Antonii ab Ecclesia Conf. O. P. Duplex.<br>SS. Nazarii, Celsi et Pantaleonis MM. Memoria.                                 |
| xxviii           | g             | iv. cal.               | 29 S. Marthæ Virg. Duplex.<br>Octava S. Mariæ Magdalænæ. Simplex.<br>SS. Felicis, Simplicii, Faustini et Beatricis MM. Memoria. |
| xxvij            | A             | iiij. cal.             | 30 B. Mannis Conf. O. P. Duplex.<br>SS. Abdon et Sennen MM. Memoria.  |
| 25. xxvj         | b             | Pridie cal.            | 31 S. Ignatii Conf. Duplex.<br>S. Germani Ep. et Conf. Memoria.   |

## AUGUSTUS.

| Cyclus<br>Epact. | Litt.<br>Dom. | Dies<br>mensis. |  |
|------------------|---------------|-----------------|--|
| xxv.xxiv         | c             | Calendis        | 1 S. Petri Apostoli ad Vincula. Duplex.<br>SS. Machabæorum MM. Memoria.  |
| xxiiij           | d             | iv. non.        | 2 B. Joannæ de Aza Matris S. P. N. Dominici.<br>Duplex.<br>S. Stephani Papæ et Mart. Memoria.  |
| xxij             | e             | iiij. non.      | 3 Inventio Corporis S. Stephani Protomartyris<br>Simplex.  |
| xxj              | f             | Prid. non.      | 4 S. P. N. Dominici Conf. Totum Duplex.  |
| xx               | g             | Nonis           | 5 S. Mariæ ad Nives. Duplex.   |
| xiix             | A             | viiij. id.      | 6 Transfiguratio Domini. Totum Duplex.<br>SS. Xysti Papæ, Felicis et Agapiti MM.<br>Memoria.   |
| xviiij           | b             | vij. id.        | 7 S. Cajetani Conf. Duplex.<br>S. Donati Ep. et Mart. Memoria.   |
| xvij             | c             | vj. id.         | 8 B. Augustini Lucerini Ep. et Conf. O. P.<br>Duplex.<br>SS. Cyriaci, Largi et Smaragdi MM. Me-<br>moriam.                                   |
| xvj              | d             | v. id.          | 9 B. Joannis de Salerno Conf. O. P. Duplex.<br>Vigilia.  |
| xv               | e             | iv. id.         | 10 S. Laurentii Mart. Totum Duplex.  |
| xiv              | f             | iiij. id.       | 11 Octava S. P. N. Dominici. Solemnis.<br>S. Tirbutii Mart. Memoria.   |
| xiiij            | g             | Pridie id.      | 12 S. Claræ Virg. Duplex.  |
| xij              | a             | Idibus          | 13 SS. Hippolyti et Sociorum MM. Duplex.   |
| xj               | b             | xix. cal.       | SEPTEMB. 14 S. Emygdii Ep. et Mart. Duplex.<br>S. Eusebii Presbyteri et Conf. Memoria.<br>Vigilia.   |
| x                | c             | xviiij. cal.    | 15 Assumptio B. Mariæ Virg. Totum Duplex.  |
| ix               | d             | xvij. cal.      | 16 S. Hyacinthi Conf. O. P. Totum Duplex.<br>Dominica infra Octavam Assumptionis.<br>S. Joachim Conf. Patris B. Mariæ Virg.<br>Totum Duplex. |
| viiij            | e             | xvj. cal.       | 17 B. Æmilie Bicchieri Virg. O. P. Duplex.<br>Octava S. Laurentii. Simplex.  |
| vij              | f             | xv. cal.        | 18 S. Rochi Conf. Duplex.<br>S. Agapiti Mart. Memoria.   |
| vj               | g             | xiv. cal.       | 19 S. Alphonsi Mariæ de Ligorio Ep. Conf. et<br>Eccl. Doct. Duplex.  |
| v                | A             | xiiij. cal.     | 20 S. Bernardi Abbatis et Eccl. Doct. Duplex.  |
| iv               | b             | xij. cal.       | 21 S. Joannæ Franciscæ Fremiot de Chantal<br>Vid. Duplex.  |
| iiij             | c             | xj. cal.        | 22 Octava Assumptionis B. Mariæ Virg. Sol-<br>emnis.<br>SS. Timothei et Symphoriani MM. Me-<br>moriam.                                       |
| ij               | d             | x. cal.         | 23 B. Jacobi a Mevania Conf. O. P. Duplex.<br>Octava S. Hyacinthi O. P. Simplex.<br>Vigilia.   |
| j                | e             | ix. cal.        | 24 S. Bartholomæi Apostoli. Totum Duplex.  |
| *                | f             | viiij. cal.     | 25 S. Ludovici Gallie Regis Conf. Duplex.  |

| Cyclus Litt.<br>Epact. Dom.  | Dies<br>mensis. |  |
|--|-----------------|--|
| xxix g   | vij. cal.       | 26 S. Philippi Benitii Conf. Duplex.   |
| xxviii A   | vj. cal.        | 27 S. Josephi Calasactii Conf. Duplex.<br>S. Rufi Ep. et Mart. Memoria.            |
| xxvij b  | v. cal.         | 28 S. Augustini Ep. Conf. et Eccl. Doct. To-<br>tum Duplex.                        |
| xxvj c   | iv. cal.        | 29 Decollatio S. Joannis Baptistæ. Duplex.<br>S. Sabinæ Mart. Memoria.             |
| 25. xxv d  | iiij. cal.      | 30 S. Rosæ a Lima Virg. O. P. Totum Duplex.<br>SS. Felicis et Adaucti MM. Memoria. |
| xxiv e   | Pridie cal.     | 31 S. Raymundi Nonnati Conf. Duplex.   |
| Ubi festum S. Bartholomæi die 25. Augusti celebratur, sic disponenda<br>sunt quæ supra pro diebus 23., 24., 25. et 26. notata fuerant. |                 |  |
| ij d   | x. cal.         | 23 B. Jacobi a Mevania Conf. O. P. Duplex.<br>Octava S. Hyacinthi. Simplex.        |
| j e  | ix. cal.        | 24 S. Philippi Benitii Conf. Duplex.<br>Vigilia.                                   |
| * f  | viiij. cal.     | 25 S. Bartholomæi Apostoli Totum Duplex.   |
| xxix g   | vij. cal.       | 26 S. Ludovici Galliæ Regis Conf. Duplex.  |

## SEPTEMBER.

|          |                          |  |
|----------|--------------------------|--|
| xxiiij f | Calendis                 | 1 S. Philumenæ Virg. et Mart. Duplex.<br>S. Egidii Abbatis. Memoria.   |
| xxij g   | iv. non.                 | 2 S. Stephani Hungariæ Regis Conf. Duplex.   |
| xxj A    | iiij. non.               | 3 B. Gualæ Ep. et Conf. O. P. Duplex.  |
| xx b     | Prid. non.               | 4 Octava S. Augustini. Solemnis.   |
| xix c    | Nonis                    | 5 B. Catharinæ a Raconixio Virg. O. P. Duplex.<br>Anniversarium Familiarium et Benefacto-<br>rum defunctorum Ord. N. Novem Lect.   |
| xviii d  | viiij. id.               | 6 B. Bertrandi a Garriga Conf. O. P. Duplex.<br>Octava S. Rosæ a Lima O. P. Simplex.   |
| xvij e   | vij. id.                 | 7 S. Rosæ a Viterbio Virg. Duplex.<br>S. Marcelli Mart. Memoria.   |
| xvj f    | vj. id.                  | 8 Nativitas B. Mariæ Virg. Totum Duplex.<br>Dominica infra Octavam Nativitatis B. Ma-<br>riæ. SS. Nominis ejusdem. Totum Duplex.   |
| xv g     | v. id.                   | 9 S. Gorgonii Mart. Memoria.   |
| xiv A    | iv. id.                  | 10 S. Nicolai a Tolentino Conf. Duplex.  |
| xiii b   | iiij. id.                | 11 SS. Proti et Hyacinthi MM. Memoria.   |
| xij c    | Pridie id.               | 12   |
| xj d     | Idibus                   | 13   |
| x e      | xviiij. cal.             |  |
| ix f     | OCTOBRIS.<br>xviij. cal. | 14 Exaltatio sanctæ Crucis. Totum Duplex.<br>15 Commemoratio S. P. N. Domini Conf. in<br>Suriano. Totum Duplex.<br>Octava Nativitatis B. Mariæ Virg. Simplex.<br>S. Nicomedis Mart. Memoria. |
| viii g   | xvj. cal.                | 16 B. Imeldæ Virg. O. P. Duplex.<br>S. Euphemie Virg. et Mart. Memoria.  |
| vij A    | xv. cal.                 | 17 Impressio Stigmatum S. Francisci. Duplex.<br>S. Lamberti Ep. et Mart. Memoria.  |
| vj b     | xiv. cal.                | 18 SS. Cornelii Papæ et Cypriani Ep. MM. Duplex.   |
| v c      | xiiij. cal.              | 19 SS. Januarii Ep. et Sociorum MM. Duplex.  |
| iv d     | xij. cal.                | 20 B. Francisci de Possadas Conf. O. P. Duplex.<br>Vigilia.  |



| Cyclus<br>Epact. | Litt.<br>Dom. | Dies<br>mensis. |  |
|------------------|---------------|-----------------|--|
| ijj              | e             | xj. cal.        | 21 S. Matthæi Apostoli et Evangelistæ. Totum Duplex.                   |
| ij               | f             | x. cal.         | 22 SS. Mauritii et Sociorum MM. Simplex.                               |
| j                | g             | ix. cal.        | 23 S. Theclæ Virg. feminarum Protomartyris. Duplex.                    |
| *                | A             | viii. cal.      | 24 B. Mariæ Virg. de Mercede. Totum Duplex.                            |
| xxix             | b             | vij. cal.       | 25 S. Thomæ de Villanova Ep. et Conf. Duplex.                          |
| xxvij            | c             | vj. cal.        | 26 B. Dalmatii Monerii Conf. O. P. Duplex.                             |
| xxvij            | d             | v. cal.         | 27 SS. Cosmæ et Damiani MM. Simplex.                                   |
| 25, xxvj         | e             | iv. cal.        | 28 S. Josephi a Cupertino Conf. Duplex.<br>S. Venceslai Mart. Memoria. |
| xxv, xxiv        | f             | ijj. cal.       | 29 S. Michaelis Archangeli. Totum Duplex.                              |
| xxij             | g             | Pridie cal.     | 30 S. Hieronymi Presbyteri, Conf. et Eccl. Doct. Totum Duplex.         |

## OCTOBER.

|       |   |            |   |
|-------|---|------------|---|
|       |   |            | Dominica in calendis vel prima post calendis Octobris. Festivitas SS. Rosarii B. Mariæ Virg. Totum Duplex cum Octava Solemni. |
| xxij  | A | Calendis   | 1 SS. Eustachii et Sociorum MM. Duplex.<br>S. Remigii Ep. et Conf. Memoria.   |
| xxj   | b | vj. non.   | 2 SS. Angelorum Custodum. Totum Duplex.   |
| xx    | c | v. non.    | 3 B. Joannis Massias Conf. O. P. Duplex.  |
| xix   | d | iv. non.   | 4 S. P. N. Francisci Conf. Totum Duplex.  |
| xxvij | e | ijj. non.  | 5 B. Raymundi a Capua Conf. O. P. Duplex.<br>SS. Placidi et Sociorum MM. Memoria.   |
| xxvij | f | Prid. non. | 6 S. Brunonis Conf. Duplex.<br>Octava S. Michaelis. Simplex.  |
| xxvj  | g | Nonis      | 7 B. Matthæi Carrerii Conf. O. P. Duplex.   |
| xxv   | A | viii. id.  | 8 S. Birgittæ Viduæ. Simplex.   |
| xiv   | b | vij. id.   | 9 SS. Dionysii Ep. et Sociorum MM. Totum Duplex.  |
| xij   | c | vj. id.    | 10 S. Ludovici Bertrandi Conf. O. P. Totum Duplex.  |
| xij   | d | v. id.     | 11 Octava S. P. N. Francisci. Solemnis.<br>S. Leodegarii Ep. et Mart. Memoria.  |
| xj    | e | iv. id.    | 12 B. Jacobi ab Ulma Conf. O. P. Duplex.  |
| x     | f | ijj. id.   | 13 S. Eduardi Regis et Conf. Duplex.  |
| ix    | g | Pridie id. | 14 B. Magdalenæ de Panateriis Virg. O. P. Duplex.<br>S. Callisti Papæ et Mart. Memoria.                                       |
| vij   | A | Idibus     | 15 S. Teresiæ Virg. Totum Duplex.   |
| vij   | b | xvij. cal. |   |
|       |   | NOVEMBER.  |   |
| vj    | c | xvj. cal.  | 16 Octava S. Ludovici Bertrandi. Simplex.   |
| v     | d | xv. cal.   | 17 S. Lucæ Evangelistæ. Totum Duplex.   |
| iv    | e | xiv. cal.  | 18 S. Petri ab Alcantara Conf. Simplex.   |
| ijj   | f | xij. cal.  | 19 S. Marci Papæ et Conf. Tres Lectiones.<br>SS. Sergii, Bacchi, Marcelli et Apulei MM. Memoria.                              |
| ij    | g | xij. cal.  | 21 SS. Ursulæ et Sociarum VV. et MM. Totum Duplex.  |
| j     | A | xj. cal.   | 22 B. Petri a Tiferno Conf. O. P. Duplex.<br>S. Hilarionis Abbatis. Memoria.  |

| Cyclus<br>Epact. | Litt.<br>Don. | Dies<br>mensis. |  |
|------------------|---------------|-----------------|--|
| *                | b             | x. cal.         | 23 B. Bartholomæi de Bregantia Ep. et Conf. O. P. Duplex.                                  |
| xxix             | c             | ix. cal.        | 24 S. Raphaelis Archangeli. Totum Duplex.  |
| xxviii           | d             | viii. cal.      | 25 SS. Crispini et Crispiniani MM. Tres Lectiones.   |
| xxvii            | e             | vij. cal.       | 26 B. Damiani a Finario Conf. O. P. Duplex.  |
| xxvj             | f             | vj. cal.        | 27 Vigilia.  |
| 25. xxv          | g             | v. cal.         | 28 SS. Simonis et Judæ Apostolorum. Totum Duplex.  |
| xxiv             | A             | iv. cal.        | 29 B. Benvenutæ Bojani Virg. O. P. Duplex.   |
| xxiii            | b             | iii. cal.       | 30 Commemoratio Sanctorum, quorum Reliquiæ in Ecclesiis nostris asservantur. Totum Duplex. |
| xxij             | c             | Pridie cal.     | 31 S. Quintini Mart. Memoria. Vigilia.   |

## NOVEMBER.

|       |   |             |   |
|-------|---|-------------|---|
| xxj   | d | Calendis    | 1 Festivitas Omnium Sanctorum. Totum Duplex.  |
| xx    | e | iv. non.    | 2 Commemoratio Omnium Fidelium Defunctorum. Novem Lectiones.  |
| xix   | f | iii. non.   | 3 B. Simonis Ballacchii Conf. O. P. Duplex.   |
| xviii | g | Prid. non.  | 4 S. Caroli Ep. et Conf. Duplex.  |
| xvij  | A | Nonis       | 5 B. Martini de Porres Conf. O. P. Duplex.  |
| xvj   | b | viii. id.   | 6 BB. Hieronymi, Valentini, Francisci, Hyacinthi et Sociorum MM. O. P. Duplex.  |
| xv    | c | vij. id.    | 7 B. Petri de Rufia Mart. O. P. Duplex. Dominica in die octava Novembris, vel prima post diem octavam Novembris. Patrocinium B. Mariæ Virg. Totum Duplex. |
| xiv   | d | vj. id.     | 8 Octava Omnium Sanctorum. Solemnis.  |
| xiii  | e | v. id.      | 9 Festivitas Omnium Sanctorum Ordinis Prædicatorum. Totum Duplex. S. Theodori Mart. Memoria.  |
| xij   | f | iv. id.     | 10 SS. Quatuor Coronatorum MM. Tres Lectiones. Anniversarium Omnium Fratrum et Sororum defunctorum Ordinis nostri. Novem Lectiones.                       |
| xj    | g | iii. id.    | 11 S. Martini Ep. et Conf. Totum Duplex. S. Mennæ Mart. Memoria.  |
| x     | A | Pridie id.  | 12 Dedicatio Basilicæ SS. Salvatoris. Duplex.   |
| ix    | b | Idibus      | 13 S. Didaci Conf. Simplex. S. Britii Ep. et Conf. Memoria.   |
| viii  | c | xviii. cal. | 14 B. Joannis Licii Conf. O. P. Duplex.   |
| vii   | d | xvii. cal.  | 15 B. Alberti Magni Ep. et Conf. O. P. Totum Duplex.  |
| vj    | e | xvj. cal.   | 16 B. Luciae a Narnia Virg. O. P. Duplex.   |
| v     | f | xv. cal.    | 17 S. Gregorii Thaumaturgi Ep. et Conf. Duplex.   |
| iv    | g | xiv. cal.   | 18 Dedicatio Basilicarum SS. Petri et Pauli Apostolorum. Duplex. Octava S. Martini. Simplex.  |

| Cyclus<br>Epact. | Litt.<br>Dom. | Dies<br>mensis. |   |
|------------------|---------------|-----------------|---|
| iiij             | A             | xiiij. cal.     | 19 S. Elisabeth Viduæ. Duplex.  |
| ij               | b             | xij. cal.       | 20 S. Felicis de Valois Conf. Duplex.   |
| j                | c             | xj. cal.        | 21 Præsentatio B. Mariæ Virg. Totum Duplex.   |
|                  | d             | x. cal.         | 22 S. Cæcilie Virg. et Mart. Duplex.  |
| xxix             | e             | ix. cal.        | 23 S. Clementis Papæ et Mart. Duplex.   |
| xxviiij          | f             | viiij. cal.     | 24 S. Joannis a Cruce Conf. Duplex.<br>S. Chrysogoni Mart. Memoria.                                     |
| xxviij           | g             | vij. cal.       | 25 S. Catharinæ Virg. et Mart. Totum Duplex.  |
| 25. xxvj         | A             | vj. cal.        | 26 S. Andreæ Avellini Conf. Duplex.   |
| xxv. xxiv        | b             | v. cal.         | 27 B. Margaritæ de Sabaudia Vid. O. P. Duplex.<br>SS. Vitalis et Agricolæ MM. Memoria.                  |
| xxiiij           | c             | iv. cal.        | 28  |
| xxij             | d             | iiij. cal.      | 29 B. Jacobi de Benefactis Ep. et Conf. O. P. Duplex.<br>S. Saturnini Ep. et Mart. Memoria.<br>Vigilia. |
| xxj              | e             | Pridie cal.     | 30 S. Andreæ Apostoli. Totum Duplex.  |

Adventus Domini celebratur Dominica proximiori festo S. Andreæ Apostoli, sive ante, sive post. Et si festum illud venerit in Dominica, ipsa die celebrabitur de Dominica Adventus; prima autem Feria non impedita, de S. Andrea. Adventus autem non erit ante diem 27. Novembris, neque post 3. Decembris.

## DECEMBER.

|        |   |              |    |  |
|--------|---|--------------|----|--|
| xx     | f | Calendis     | 1  |  |
| xix    | g | iv. non.     | 2  | B. Joannis a Vercellis Conf. O. P. Duplex.<br>Octava S. Catharinæ Virg. et Mart. Sim-<br>plex.<br>S. Bibianæ Virg. et Mart. Memoria. |
| xviiij | A | iiij. non.   | 3  | S. Francisci Xaverii Conf. Duplex.   |
| xvij   | b | Prid. non.   | 4  | S. Barbaræ Virg. et Mart. Duplex.  |
| xvj    | c | Nonis        | 5  |  |
| xv     | d | viiij. id.   | 6  | S. Nicolai Ep. et Conf. Totum Duplex.  |
| xiv    | e | vij. id.     | 7  | Ordinatio S. Ambrosii Ep. Conf. et Eccl.<br>Doct. Duplex.<br>Octava S. Andreæ Apostoli. Memoria.<br>Vigilia.                         |
| xiiij  | f | vj. id.      | 8  | Conceptio immaculata B. Mariæ Virg. Totum Duplex.  |
| xij    | g | v. id.       | 9  |  |
| xj     | A | iv. id.      | 10 | Translatio almæ Domus Lauretanæ. Totum Duplex.   |
| x      | b | iiij. id.    | 11 | S. Damasi Papæ et Conf. Memoria.   |
| ix     | c | Pridie id.   | 12 |  |
| viiij  | d | Idibus       | 13 | S. Lucie Virg. et Mart. Totum Duplex.  |
| vij    | e | xix. cal.    | 14 |  |
|        |   | JANUARIJ.    | 14 |  |
| vj     | f | xviiij. cal. | 15 | Octava Conceptionis immaculatæ B. Mariæ Virg. Solemnis.  |
| v      | g | xvij. cal.   | 16 | B. Sebastiani Maggii Conf. O. P. Duplex.   |
| iv     | A | xvj. cal.    | 17 |  |
| iiij   | b | xv. cal.     | 18 | Expectatio partus B. Mariæ Virg. Totum Duplex.   |

| Cyclus<br>Epact. | Litt.<br>Dom. | Dies<br>mensis |  |
|------------------|---------------|----------------|--|
| ij               | c             | xiv. cal.      | 19   |
| j                | d             | xiiij. cal.    | 20, S. Dominici Sylensis Abbatis. Duplex.            |
| *                | e             | xij. cal.      | 21 S. Thomæ Apostoli. Totum Duplex.                  |
| xxix             | f             | xj. cal.       | 22 B. Mariæ Mancini Viduæ O. P. Duplex.              |
| xxviiij          | g             | x. cal.        | 23   |
| xxvij            | A             | ix. cal.       | 24 Vigilia.  |
| xxvj             | b             | viii. cal.     | 25 Nativitas D. N. Jesu Christi. Totum Duplex.       |
| 25. xxv          | c             | vij. cal.      | 26 S. Stephani Protomartyris. Totum Duplex.          |
| xxiv             | d             | vj. cal.       | 27 S. Joannis Apostoli et Evangelistæ. Totum Duplex. |
| xxiiij           | e             | v. cal.        | 28 SS. Innocentium MM. Simplex.                      |
| xxij             | f             | iv. cal.       | 29 S. Thomæ Ep. et Mart. Simplex.                    |
| xxj              | g             | iiij. cal.     | 30   |
| xx               | A             | Pridie cal.    | 31, S. Silvestri Papæ et Conf. Simplex.              |



# ANNIVERSARIA DEFUNCTORUM

## IN TOTO ORDINE CELEBRANDA.

### ET OBITUS MAGISTRORUM ORDINIS.

Quando in Choro vel in Capitulo, præsentè Conventu, finita fuerint quæ de Calendario et de Martyrologio pronuntianda sunt, dicatur v. Pretiosa. etc., ut in Breviario pag. 25. notatum est.

¶ Si vero recitandus fuerit Obitus, vel Anniversarium, tunc antequam dicatur Commemoratio Fratrum, dicendum est: Obitus venerabilis Fratris N. Magistri Ordinis., vel Anniversarium... ut infra notatur. Et illico subjungat Lector Item Commemoratio Fratrum, Sororum, Familiarium, Benefactorum defunctorum Ordinis nostri.

¶ Si eodem die incidant Obitus et Anniversarium, semper addatur: Item Commemoratio...

#### JANUARIO.

Die 8. Obitus venerabilis Fratris Josephi Mariæ Larróca Hispani, Septuagésimiquarti Magistri Ordinis. Item Commemoratio...

Et sic semper in aliis.

Die 18. Ob. V. F. Barnabæ Vercellensis, Quintidécimi Magistri Ordinis.

#### FEBRUARIO.

Die 4. Anniversarium Patrum et Matrum. Novem Lectiones. Item Ob. V. F. Vincéntii Ajéllo Lucaniensis in regno Neapolitano, Septuagesimisecondi Magistri Ordinis. Item Commemoratio...

Die 19. Ob. V. F. Muniónis Hispani, Séptimi Magistri Ordinis. P. <sup>(1)</sup>

Die 21. Ob. V. F. Augustini Pijæ, Sexagesimi primi Magistri Ordinis: qui fuit sanctæ Romænæ Ecclesiæ Cardinális. P.

Die 23. Ob. V. F. Joánnis de Molendino, Vigésimi Magistri Ordinis: qui fuit sanctæ Romænæ Ecclesiæ Cardinális.

Die 26. Ob. V. F. Antonini Cloche Galli, Sexagésimi Magistri Ordinis.

#### MARTIO.

Die 1. Ob. V. F. Petri de Palma Decimioctavi Magistri Ordinis.

Die 3. Ob. V. F. Stéphani Ususmáris Quadragesimisexti Magistri Ordinis.

Die 9. Ob. V. F. Francisci Ferdinándi Jabalot Parménsis, Sexagesimioctavi Magistri Ordinis.

Die 16. Ob. V. F. Leonárdi Státii Florentini Vigésimiquinti Magistri Ordinis.

#### APRILI.

Die 8. Ob. V. F. Guarini de Giáco Galli, Deciminóni Magistri Ordinis.

Die 12. Ob. V. F. Aimerici Placentini, Duodécimi Magistri Ordinis.

Die 21. Ob. V. F. Garsia de Loaisa Hispani, Trigesiminóni Magistri Ordinis: qui fuit sanctæ Romænæ Ecclesiæ Cardinális. P.

#### MAIO.

Die 6. Ob. V. F. Joánnis Baptista de Marinis Románi, Quinquagésimiséptimi Magistri Ordinis.

Die 16. Ob. V. F. Petri Rochim, Vigésimiséptimi Magistri Ordinis.

<sup>(1)</sup> Littera P Obitu apposita indicat Magistrum Ordinis qui Pontificali dignitate fuit insignitus.



Die 25 Ob. V. F. Nicolái Rodúlfi Florentini, Quinquagesimiquinti Magistri Ordinis.

### JUNIO.

Die 7. Ob. V. F. Simónis Lingoñensis Vigessimiprimi Magistri Ordinis. P.

Die 11. Ob. V. F. Antoníni Bremond Massiliensis, Sexagesimitertii Magistri Ordinis.

Die 13. Ob. V. F. Joánnis Thomæ de Roccabérti Hispáni, Quinquagesimioctavi Magistri Ordinis. P.

Die 16. Ob. V. F. Sixti Fabri Lucensis, Quinquagesimi Magistri Ordinis.

Die 20. Ob. VV. FF. Eliæ Pe-tragoricensis Tolosáni, Vigessimise-cúndi Magistri Ordinis : et Baltha-sáris de Quíñones Toletani, Sexagesimiquinti Magistri Ordinis.

Die 25. Ob. V. F. Leonárdi Mansuéti Perusíni, Trigesimiprimi Magistri Ordinis.

### JULIO.

Die 6. Ob. V. F. Joánnis de Fenário, Quadragesimise-cúndi Magistri Ordinis.

Die 9. Ob. V. F. Thomæ Hyacínthi Cipollétti Asculáni, Septuagesimi Magistri Ordinis.

Die 12. Anniversárium ómnium sepultórum in Cœmetériis nostris. — Novem Lectiones.

Die 14. Ob. V. F. Humbérti de Románis, Quinti Magistri Ordinis.

Die 20. Ob. V. F. Francisci Romæi, Quadragesimiquinti Magistri Ordinis.

Die 27. Ob. V. F. Gerárdi de Adaumário, Decimiséptimi Magistri Ordinis : qui fuit Sanctæ Románæ Ecclesiæ Cardínalis.

Die 29. Ob. V. F. Bárnabæ Saxoní de Neápoli, Trigesimiquárti Magistri Ordinis.

### AUGUSTO

Die 1. Ob. V. F. Jóachim Turriáni Véneti, Trigesimiquinti Magistri Ordinis.

Die 3. Ob. V. F. Hippólyti Mariæ Beccariæ de Monte Regáli, Quinquagesimiprimi Magistri Ordinis.

Die 4. Ob. V. F. Bartholomæi de Comatiis Bononiensis, Trigesimotertii Magistri Ordinis.

Die 7. Ob. V. F. Thomæ Firmáni, Vigessimiquárti Magistri Ordinis.

Die 8. Ob. V. F. Hugónis Vaussemáni Galli, Sextidécimi Magistri Ordinis.

Die 9. Ob. VV. FF. Hervæi Natális Britonis, Quartidécimi Magistri Ordinis : et Joánnis Claré Galli Trigesimiséptimi Magistri Ordinis.

Die 27. Ob. V. F. Vincéntii Bandélli Lombárdi, Trigesimiséxti Magistri Ordinis.

Die 28. Ob. V. F. Albérti Clávargenuensis, Décimi Magistri Ordinis.

Die 29. Ob. V. F. Angeli Domínici Ancaráni Faventini, Septuagesimiprimi Magistri Ordinis.

Die 30. Ob. V. F. Augustini Galamini, Quinquagesimitertii Magistri Ordinis : qui fuit sanctæ Románæ Ecclesiæ Cardínalis. P.

### SEPTEMBRI.

Die 1. Ob. V. F. Berengárii de Landóra, Tertiidécimi Magistri Ordinis. P.

Die 5. Anniversárium familiárium et benefactórum Ordinis nostri. Novem Lectiones.

Die 9. Ob. V. F. Thomæ de Vio Cajetáni, Trigesimioctavi Magistri Ordinis : qui fuit Sanctæ Románæ Ecclesiæ Cardínalis. P.

Die 12. Ob. V. F. Hierónymi Xavierre Cæsaraugustáni, Quinquagésimisecondi Magistri Ordinis : qui fuit Sanctæ Romænæ Ecclesiæ Cardinális.

Die 15. Ob. V. F. Salvi Cassétæ Siculi, Trigesimisecondi Magistri Ordinis.

Die 17. Ob. VV. FF. Bernárdi de Júzico Burdegalénsis, Undécimi Magistri Ordinis : et Pauli Constábilis Ferrariénsis, Quadragesiminóni Magistri Ordinis.

Die 21. Ob. V. F. Martiális Auribélli Avenionénsis, Vigésiminóni Magistri Ordinis.

Die 22. Ob. V. F. Thomæ Ripóll Tarraconénsis, Sexagesimisecondi Magistri Ordinis.

Die 24. Ob. VV. FF. Francisci Silvétris Ferrariénsis, Quadragesimi Magistri Ordinis : et Seraphini Sicci Papiénsis, Quinquagesimiquárti Magistri Ordinis.

Die 27. Ob. V. F. Mauritií Benedicti Olivieri Salusiensis, Sexagesiminóni Magistri Ordinis.

### OCTOBRI

Die 9. Ob. V. F. Pauli Butigéllæ, Quadragesimiprimi Magistri Ordinis.

Die 15. Ob. V. F. Bartholomæi Texerii, Vigésimisexti Magistri Ordinis.

Die 28. Ob. V. F. Vincéntii Justiniani Chiénsis, Quadragesimiséptimi Magistri Ordinis : qui fuit Sanctæ Romænæ Ecclesiæ Cardinális.

### NOVEMBRI

Die 4. Ob. V. F. Joánnis Teutónici, Quarti Magistri Ordinis. P.

Die 7. Ob. V. F. Antonii de Monroy Mexicáni, Quinquagesiminóni Magistri Ordinis. P.

Die 10. Anniversárium ómnium Fratrum et Sorórum Ordinis nostri, Novem Lectiones.

Die 16. Ob. V. F. Albérti de las Casas Hispáni, Quadragesimiquárti Magistri Ordinis.

Die 18. Ob. V. F. Guidónis Flammochéti, Vigésimioctávi Magistri Ordinis.

Die 21. Ob. VV. FF. Stéphaní Bisuntini, Octávi Magistri Ordinis : et Seraphini Cabáli Brixíensis, Quadragesimioctávi Magistri Ordinis.

### DECEMBRI.

Die 1. Ob. V. F. Thomæ Turci Cremonénsis, Quinquagesimisexti Magistri Ordinis.

Die 3. Ob. V. F. Jóachim Briz Hispáni, Sexagesimiséptimi Magistri Ordinis. P.

Die 11. Ob. V. F. Alexándri Vincéntii Jandel Nanceiénsis in Gallia, Septuagesimitértii Magistri Ordinis.

Die 15. Ob. V. F. Conradi Asténsis, Trigésimi Magistri Ordinis.

Die 16. Ob. V. F. Joánnis Thomæ de Boxadors, Sexagesimiquárti Magistri Ordinis : Qui fuit Sanctæ Romænæ Ecclesiæ Cardinális.

Die 20. Ob. V. F. Augustini Re-cuperáti, Quadragesimitértii Magistri Ordinis.

Die 23. Ob. V. F. Pii Joséphi Gaddi Foroliviénsis, Sexagesimisexti Magistri Ordinis.

# INDEX RUBRICARUM.

- § I. De modo dicendi Officium de Tempore.
- § II. de Tempore Paschali.
- § III. De Die Dominica celebranda.
- § IV. De Dominica prima mensis.
- § V. De Oratione dominicali.
- § VI. De Homilia dominicali, quando legenda, vel transferenda, vel omnino dimittenda.
- § VII. De divisione Historiæ dominicalis per Feras.
- § VIII. Quæ sit Dominica prima Adventus.
- § IX. De festorum celebratione.
- § X. De Officio, et Lectionibus recitandis in festivitibus Sanctorum.
- § XI. De diversitate festivitatum.
- § XII. De festo habente solam Memoriam.
- § XIII. De festo trium Lectionum.
- § XIV. De festo Simplici.
- § XV. De festo Duplici.
- § XVI. De festo Toto Duplici.
- § XVII. De festis votivis, vel quæ celebrantur per hebdomadam.
- § XVIII. De divisione Octavarum.
- § XIX. De Octavis cum sola Memoria.
- § XX. De Octavis trium Lectionum.
- § XXI. De Octavis Simplicibus.
- § XXII. De Octavis Solemnibus.
- § XXIII. De Octavis Solemnissimis.
- § XXIV. De translatione festivitatum.
- § XXV. De concomitantia festivitatum.
- § XXVI. De festivitibus extraordinariis.
- § XXVII. De festo sancti Patroni.
- § XXVIII. De festo Dedicationis Ecclesiæ.
- § XXIX. De festo sancti Tituli principalis Ecclesiæ nostræ.
- § XXX. De festo Sancti, cujus corpus, vel insignis reliquia condita sunt in nostris Ecclesiis.
- § XXXI. De aliis festis locorum, et Sanctorum, quæ auctoritate Apostolica de novo celebranda approbantur.
- § XXXII. De Memoriis faciendis.
- § XXXIII. De ordine Memoriarum.
- § XXXIV. De Orationibus in festis et Vigiliis Sanctorum.
- § XXXV. De Homilia in Vigiliis Sanctorum.
- § XXXVI. De Matutinis in sero post Completorium dicendis.
- § XXXVII. De Officio quotidiano B. M. V.
- § XXXVIII. De Litiis Sanctorum, et de prestrationibus super formas.
- § XXXIX. De Precibus.





# RUBRICÆ GENERALES

## TAM DE TEMPORE QUAM DE SANCTIS JUXTA RITUM BREVIARI

### FF. SAC. ORD. PRÆDICATORUM.

## § I.

De modo dicendi Officium de Tempore.

**P**ER totum annum Officium tam diei, quam noctis est de Tempore celebrandum, exceptis festis, et Octavis Sanctorum, quæ in Calendario notantur : et certis Feriis, quibus de SS. Sacramento, de B. Virgine, de Sanctis Ordinis, aut aliis agendum præscribitur, vel permittitur.

2. Modus autem, et ordo dicendi hujusmodi Officium de Tempore, per totum annum servetur, prout in Dominica prima post Octavam Epiphaniæ, et per ejus Hebdomadam disponitur. Quæ igitur suis propriis locis non sunt adnotata, in præfata Dominica, et infra ejus Hebdomadam requirantur.

3. Quando vero de Tempore est celebrandum, in omnibus Dominicis, extra tempus Paschale, dicendæ sunt novem Lectiones in Matutinis. In profestis autem, seu feriabilibus diebus per totum annum (præterquam in triduo ante Pascha, et in die Animarum) tres tantum dicantur.

## § II.

De tempore Paschali.

**T**EMPUS Paschale vocatur a Missa Sabbati Sancti in Vigilia, Paschæ, usque ad primas Vesperas Trinitatis exclusive. Et tunc sive fiat de Tempore, sive de Sanctis, dicendi sunt tantum tres Psalmi, singuli cum GLORIA PATRI, et tres Lectiones ad Matutinum : in fine Invitatorii, et omnium Antiphonarum, Versiculorum, et Responsoriorum, additur ALLELUIA, et in

Responsorii Horarum duplex ALLELUIA apponitur. Reliqua suis locis notata sunt.

## § III.

De die Dominica celebranda.

**D**IES Dominica festis Duplicibus æquipollet; et ita per totum annum cum solemnitate festi Duplicis ab omnibus celebretur : ita tamen, ut dicta solemnitas a Matutinis tantummodo incipiat. Officium autem de Dominica, propter nullum festum Duplici minus, et propter quascumque Octavas non Solennes in ea occurrentes, non dimittatur. Exceptis Octavis S. Stephani, S. Joannis Evangelistæ, SS. Innocentium, et Epiphaniæ. Exceptis etiam aliis diebus octavis Simplicibus, et festis Simplicibus, cum occurrerint in Dominica infra Octavas Solennes, juxta inferius dicenda § XXI. num. 7. et § XXII. num. 8.

2. Hujusmodi autem dies Octavæ, et festa Simplicia, quæ in Dominica celebrantur, debent similiter cum solemnitate Dominicæ celebrari, nempe cum solemnitate festi Duplicis a Matutinis; et in concomitantia cum festo contingente in Feria secunda, debet observari quemadmodum si de Dominica Officium fieret.

3. Quæcumque festa, etiam Duplicia, et majora, tam in Dominicis diebus Adventus, quam in Dominicis a Septuagesima usque ad Dominicam in Albis occurrerint, impedita censeantur, et in sequentem diem (non vero in Sabbato præcedenti, ut antiquitus fiebat) sunt transferenda; aut in alterum proximiorum subsequentem non occupa-

tum, si in primo aut altero evenierit festum Simplex, et supra.

4. Excipitur festum Purificationis B. M. V. quod semper suo die celebrabitur. Cum autem festum Purificationis in Dominicam Septuagesimæ incidit, tunc Homilia dominicalis Septuagesimæ omittitur illo anno propter festa occurrentia.

5. Excipitur quoque festum sancti Patroni principalis loci de præcepto, Dedicationis Ecclesiæ et sancti Tituli principalis Ecclesiæ nostræ necnon Conceptionis immaculatæ B. M. V. die 8. Decembris, S. Thomæ Aquinatis die 7. Martii, S. Patriarchæ Joseph, universalis Ecclesiæ Patroni, die 19. Martii, et Annuntiationis B. M. V. die 25 Martii : quæ celebranda sunt, etiam quacumque die Dominica; nisi evenierint prima Dominica Adventus, aut prima Quadragesimæ, vel Dominica in Passione, vel a Dominica in Ramis Palmarum, usque ad Dominicam in Albis inclusive.

6. De Dominica infra Octavas Solemes vide § XXII. n. 5. et n. 6.

7. Quomodo autem celebrandum sit Officium, si Dominica Septuagesimæ venerit in prima, vel altera Dominica post Octavam Epiphaniæ; vide in Breviario in Rubrica de Dominica prima post Oct. Epiph. Similiter si Dominicæ post Octavam Trinitatis fuerint plures, vel pauciores quam viginti dæ; vide in Breviario in Rubrica post Dominicam xx. et xxj. post Oct. Trinitatis.

#### § IV.

##### De Dominica prima mensis.

**D**OMINICA illa, quæ incidit in Calendas mensis, vel quæ propinquior est ipsis Calendis, seu præcedat, seu subsequatur, ipsa erit Dominica prima mensis. Unde si Calendæ fuerint in secunda, vel tertia, vel quarta Feria, tunc præcedens Dominica erit prima mensis, et inchoabitur Historia. Si in quinta, vel sexta Feria, vel Sabbato Calendæ fuerint, tunc sequens Dominica erit prima mensis, in qua et dominicalis Historia inchoabitur.

#### § V.

##### De Oratione dominicali.

**O**RATIO Dominicæ dicenda est in Sabbato præcedenti ad Vesperas : excepto Sabbato Dominicæ infra Octavas Nativitatis, Epiphaniæ, Ascensionis, et Corporis Christi, in quibus ad Vesperas Sabbati neque Memoria Dominicæ fit. Dicenda etiam est ad Laudes, ad Tertiam, Sextam, Nonam, et Vesperas ipsius Dominicæ. In Prima autem et Completorio semper dicuntur Orationes propriæ, nisi aliter notetur.

2. Dicenda item est eadem dominicalis Oratio ad singulas prædictas Horas in singulis ejusdem Hebdomadæ Feriis usque ad Sabbati sequentis Vesperas exclusive, cum de Tempore agitur : nisi recitanda fuerit Oratio alterius Dominicæ propter Homiliam transferendam, ac interponendam, ut contingit quando Dominicæ aliquæ post Octav. Epiphaniæ fuerint omisæ, incidente Dominica Septuagesimæ in primam, vel alteram Domin. post Octav. Epiphaniæ, et non possunt resumí post Octavas Trinitatis; vel quando Dominicæ post Octav. Trinit. sunt pauciores quam viginti dæ : in his enim casibus Oratio illius Dominicæ, cujus et Homilia lecta fuerit, dicitur tantum in Laudibus, et Vesperis; ad reliquas vero Horas diei, dicitur Oratio Dominicæ immediate præcedentis.

3. Dicenda etiam non est Oratio Dominicæ in Feriis ejusdem Hebdomadæ, sed Orationes propriæ Feriarum, si Feriæ eas habuerint : ut contingit in Quadragesima, ubi a quarta Feria Cinerum, usque ad Dominicam in Albis exclusive : similiter in Vigilia Nativitatis Domini, Epiphaniæ, Ascensionis, et Pentecostes, et per Hebdomadam Paschæ et Pentecostes, singulis diebus propria est Oratio assignata, quæ in Laudibus, et Horis diei, ac etiam Vesperis recitari debet. In jejuniis autem Quatuor Temporum Adventus, et Septembris, et in duobus primis diebus Rogationum.

Orationes propriæ tantum dicuntur in Laudibus : ad ceteras vero Horas Oratio dominicalis. Orationes autem Feriarum semper inchoandæ sunt in Laudibus.

§ VI.

De Homilia dominicali, quando legenda, vel transferenda, vel omnino dimittenda.

**I**N omni Dominica, si de ea fiat Officium, tres ultimæ Lectiones de expositione Evangelii Dominicæ legantur : præterquam in Vigilia Nativitatis Domini, quando in Dominica venerit : tunc enim Homilia dominicalis omittitur illo anno. Quando vero propter aliquod impedimentum dominicalis Homilia non legitur in Dominica, semper infra Hebdomadam suam in aliqua Feria vacante est legenda.

2. Feria vacans pro legenda Homilia dominicali, illa censi debet, quæ non impeditur a festo Simplici, et supra, prout fusius declaratur infra § XXIV. num. 16. Porro Feriæ pro recitanda Homilia dominicali ita coordinari debent, ut primo in Feria 6. qua impedita, Feria 2. postea 4. 3. 5. ultimo Sabbato dicatur. Prædictusque Feriarum ordo servandus erit, nisi Feria 6. celebretur festum Sancti trium Lectionum, et 2. sive 4. sit vacans : tunc enim non debet legi Homilia Feria 6. sed in Feria vacanti : ut infra dicetur § XIII. num. 9.

3. Si vero in Hebdomada non sit Feria vacans, vel quia in ea legenda sit alia Homilia, vel quia aliqua Octava, sive Simplex, sive Solemnis, celebratur, debet Homilia dominicalis legi, etiamsi sit dies Octava : et in hoc casu non servabitur prædictus ordo Feriarum, sed in prima die illius Octavæ legetur Homilia et Missa Dominicæ. Excipitur tamen dies octava Solemnis SS. Apost. Petri et Pauli prout dicitur § XXII. n. 8.

4. Eo die, quo Homilia dominicalis legitur, semper totum Officium fiat de Feria corrente : nisi quando legitur infra aliquas Octavas; quia

tunc Homilia tantum, et Missa erunt de Dominica, reliquum vero Officium cum tertia Lectione erit de Octava.

5. Quando festum S. Silvestri in Dominica venerit, et quando festum aliquod Duplex, vel Totum Duplex in Dominica ante Ascensionem occurrerit, Homilia dominicalis dimittitur illo anno. Quando etiam Circumcisio Domini, vel Octava dies S. Stephani, vel S. Joannis, vel SS. Innocentium, vel Vigilia Epiphaniæ, vel dies Octava Epiphaniæ in Dominica occurrerit, illa Dominica caret proprio Officio et Homilia; nec Memoria de illa fit.

6. Cum festum Purificationis in diem Dominicam Septuagesimæ incidit, Homilia dominicalis omittitur, ut dictum est supra, § III. n. 4.

7. Si duæ Homiliæ in unam eandemque Feriam recitandæ incidant, una videlicet dominicalis, et alia alicujus Feriæ, v. g. Quatuor Temporum, vel alicujus Sancti Vigiliæ, quæ propriam habeat Homiliam : tunc præferenda est omnino Homilia Feriæ currentis, vel Vigiliæ : dominicalis autem Homilia vel ulterius transferenda, vel totaliter omittenda est. Potest tamen hæc recitari in Vigilia Sancti non habentis Homiliam propriam.

8. Homilia Dominicæ Quadragesimæ nunquam legetur infra Hebdomadam, propter proprias Homilias Feriarum : sed si contingat de aliquo Festo celebrari in aliqua ex Dominicis Quadragesimæ (juxta dicta § III. n. 5.) tunc Homilia dominicalis omittitur illo anno.

§ VII.

De divisione Historiæ dominicalis per Ferias.

**P**ER Adventum (præterquam in jejuniis Quatuor Temporum) et a Septuagesima usque ad Cenam Domini, Responsoria dominicalis Historiæ repetuntur per Hebdomadam, quando de Feria agitur, hoc ordine : In secunda et quinta Feria, tria prima : in tertia et sexta Feria, tria media : in quarta Feria et Sabbato, tria ultima. Quando autem



festum aliquod infra Hebdomadam celebratur, nihilominus præfatus ordo in reliquis Feriis observetur.

2. Si Dominicæ, in quibus dicenda fuerit Historia, impeditæ sint festis Duplicibus, et supra, Historia semel dividetur per Ferias ordine prædicto : qui si servari non possit propter occurrentiam festorum, in Feria primo loco vacante, quæcumque illa sit, tria prima; in secundo loco vacante, tria media; et in alia tertio loco vacante, tria ultima Responsoria dicantur.

3. Hic ordo etiam servandus est tempore Paschali, cum hoc tamen addito, quod si a prima Hebdomada post Octavam Paschæ usque ad tertiam Dominicam exclusive, propter concursum festorum, duæ tantum sint Ferie vacantes in prima, vel secunda Hebdomada, et in sequenti solum secunda Dominica sit vacans, tunc, ut tota Historia recitetur, debent legi tria prima Responsoria in prima Feria vacante; et tria ultima in tali Dominica. Similiter, si in prima, vel secunda Hebdomada sit solum una Feria vacans, et Dominica secunda non impedita, ac sit in Hebdomada sequenti solum una Feria vacans; legantur tunc in prima Feria tria prima Responsoria, in Dominica tria media, et in sequenti Feria vacanti tria ultima. Quod proportionabiliter observandum est pro Historia : Si OBLITUS, recitanda a Dominica tertia post Octavam Paschæ usque ad Vigiliam Ascensionis inclusive.

4. In aliis temporibus observandæ sunt Rubricæ positæ in Dominica et Hebdomada prima post Octavam Epiphaniæ, et aliæ peculiare propriis locis adscriptæ. Unde etiam peti poterunt, quæ hic desiderari videntur.

### § VIII.

Quæ sit Dominica prima Adventus.

**D**OMINICA prima Adventus est illa, in qua festum S. Andreæ occurrit; vel ei proximior est, sive præcedat, sive sequatur.

### § IX.

De festorum celebratione.

**F**ESTA quælibet per anni circulum occurrentia, ea solemnitate, iisque diebus, quibus notata sunt in Calendario, et non aliter celebrari debent : nisi ab aliis festis supervenientibus majoris sollemnitatis fuerint impedita, quia tunc propter ea, in alium diem illa transferenda sunt.

2. Fratres vero hospites, dum sunt præsentibus in aliquo Conventu Ordinis, facere debent Officium, sicut fit in Conventu illo, tam de festis, quam de Octavis, quamvis per Ordinem generaliter de iis non fiat. Postquam vero recesserint de illo Conventu, ad Officium consuetum redeant.

### § X.

De Officio, et Lectionibus recitandis in festivitatibus Sanctorum.

**A**NTIPHONÆ, Hymni, Versiculi, Responsoria, tam in Matutinis, quam in aliis Horis dicenda, ex propriis festivitatibus locis, ut in hoc Breviario notantur, vel si ibi non habentur, ex Communi Sanctorum assumi debent, tam extra tempus Paschale, quam intra.

2. Festa quælibet Simplicia, et supra, tria semper Nocturna habebunt in Matutinis, et in quolibet Nocturno Psalmos tres, et totidem Antiphonas, Versiculos, et tres Lectiones cum tribus Responsoriis : præterquam tempore Paschali, quo unicum semper est Nocturnum, cum Psalmis tribus, et tribus Lectionibus, ac Responsoriis tribus. In ceteris vero Sanctorum festis inferioris sollemnitatis, unicum dicitur Nocturnum cum tribus tantum Lectionibus, ac totidem Responsoriis, et Psalmis novem, et Antiphona una, et uno Versiculo : præterquam tempore Paschali, quo tres tantum Psalmi dicuntur.

3. In omnibus festis Sanctorum, ad Laudes dicuntur sequentes Psalmi. DOMINUS REGNAVIT. JUBILATE

DEO; DEUS, DEUS MEUS; Canticum BENEDICITE, LAUDATE DOMINUM DE CÆLIS. ut notantur in Psalterio, pag. 17.

4. Ad Primam, et tres sequentes Horas, dicuntur Antiphonæ Laudum, excepta quarta. Diebus autem Sabbati, quando fit de B. Virgine; et in Feriis secundis, vel sextis, quando fit de S. Vincentio; et in tertiis Feriis, quando fit de B. Dominico; et in quartis, cum fit de Sancto Ordinis; et in quintis, cum fit de venerabili Sacramento: notantur Antiphonæ post Commune Sanctorum.

5. In festis novem Lectionum, et in diebus Octavis eorum (præterquam in festo Omnium Sanctorum, et eorum Octava die, et in Commemoratione Omnium Defunctorum) tres Lectiones primi Nocturni erunt ex sacra Scriptura, quæ vel in propriis locis reperiuntur, vel in currenti Feria. Si vero Feria currens omnes tres Lectiones in tali festo dicendas non habuerit, pro tertia Lectione assumetur prima ex illis, quæ in Communi illius Sancti, de quo fit Officium, ex sacra Scriptura pro primo Nocturno notantur. Si autem Feria currens nullas Lectiones de Scriptura habuerit, ut contingit tempore Quadragesimæ, et Quatuor Temporibus Adventus et Septembris, in quibus Lectiones sunt de Homilia; tunc pro primo Nocturno festi assumuntur tres Lectiones ex Communi, pro primo Nocturno notatæ.

6. In festis vero novem Lectionum, sive infra Octavas, aut in die Octava eorum, quæ in Dominicis celebrari possunt, si proprias Lectiones de sacra Scriptura non habuerint, tres primæ erunt Apostoli Pauli, signatæ in Dominicis post Octavam Epiphaniæ pro primo Nocturno, et post Octavam Trinitatis pro secundo. Idem fiet, si contingat festum Patroni loci celebrari (ut dictum est supra, § III. num. 5.) in aliqua Dominica Adventus, vel in Septuagesima, vel in aliis sequentibus. In Quadragesima vero legentur Lectiones notatæ pro primo Nocturno Dominicæ.

7. Lectiones secundi et tertii Nocturni, vel ex propriis, vel ex Communi assumantur, prout in unoquoque festo notatum fuerit.

8. In festis, in quibus leguntur tantum tres Lectiones; prima et secunda, aut saltem prima, erunt de sacra Scriptura, similiter vel propriæ, vel Feriæ currentis, vel ex Communi; eo modo, quo dictum est num. 5. Sicut etiam desumentur ex Communi, si festa non habent proprias, et celebrantur in Dominicis temporis Paschalis, Feria secunda Rogationum, et Vigilia Ascensionis, quarum Lectiones sunt de Homilia. Infra Octavas vero omnes, et in die Octava, (si contigerit tempore Paschali) semper duæ primæ Lectiones erunt de Scriptura, aut ex Homilia, si fuerit tunc dicenda.

### § XI.

De diversitate festivitatum

FESTA celebranda, alia habent solam Memoriam; alia dicuntur trium Lectionum; alia Simplicia; alia Duplicia; alia Tota Duplicia; alia tandem dicuntur Votiva, seu quæ celebrantur per Hebdomadam in toto Ordine.

2. Ut quædam uniformitas statuatur inter Ritum Breviarii Romani et Ordinis Prædicatorum, S. R. C. sub die 7. Septembris 1850. declaravit, quod festum apud nos Simplex æquivalet festo Semiduplici; festum Duplex, festo Duplici minori; festum Totum Duplex ordinarium, festo Duplici majori; festum Totum Duplex cum quacumque Octava, excepta Solemnissima, festo Duplici secundæ classis; ac tandem festum Totum Duplex cum Octava Solemnissima, festo Duplici primæ classis. Verum ad Duplex secundæ classis reducuntur festum Circumcisionis D. N. J. C. et omnia festa B. M. Virginis (præter Purificationem de qua infra) etiamsi sine Octava celebrentur: excipiuntur tamen festa B. Mariæ tit. Auxilium Christianorum, Nominis Mariæ, purissimi Cordis B. M. V., B. M. Virginis de Monte Carmelo, et de Mercede, quæ tamquam Duplicia majora haberi debent.



Item Duplicibus secundæ classis æquiparantur festa duodecim Apostolorum, SS. Innocentium Martyrum, Patrocinii S. Joseph, S. Annæ et S. Joachim Parentum B. M. V., atque Exaltationis S. Crucis, necnon Feria secunda et tertia post Pascha Resurrectionis et Pentecosten. Pariter ad Duplicia primæ classis referuntur festa Epiphaniæ, Ascensionis Domini, SS. Trinitatis, SS. Cordis Jesu; Conceptionis immaculatæ, Purificationis, Annuntiationis, Assumptionis et Rosarii B. V. Mariæ, Nativitatis S. Joannis Baptistæ, S. Joseph Sponsi B. M. V. SS. Apostolorum Petri et Pauli, S. Dominici P. N., S. Francisci Assis., S. Thomæ Aquinatis, Omnium Sanctorum, Patroni principalis de præcepto, Tituli principalis et Dedicationis Ecclesiæ nostræ.

## § XII.

## De festo habente solam Memoriam.

**F**ESTUM tunc dicitur solam Memoriam habere, cum per Antiphonam, Versiculum, et Orationem celebratur, vel in Laudibus tantum ut aliqua; vel in primis Vesperis, et in Laudibus, ut alia plura, præsertim ea, quæ sub ritu trium Lectionum celebrari solebant, de quibus in perpetuum impeditum est Officium. Omnia tamen hujusmodi festa in peculiaribus suis locis notantur in corpore Breviarii.

2. Omittuntur hæc festa habentia solam Memoriam, si evenerint in illis diebus, in quibus celebrari non possunt festa trium Lectionum, neque de his potest Memoria fieri.

3. Si festum aliquod habeat Memoriam Sancti annexam, illudque transferri contingat, transferatur simul et Memoria.

## § XIII.

## De festo trium Lectionum.

**F**ESTUM trium Lectionum ita celebratur. In primis Vesperis (si eas impeditas non habuerit) dicantur Psalmi de Feria cum suis Antiphonis. Officium autem festi a Ca-

pitulo incipiet, et terminabitur in Nona sequentis diei. In Completorio, et in Prima dicantur Preces feriales.

2. In Matutinis habebit Invitatorium, Hymnum, et novem Psalmos (extra tempus Paschale). Antiphonam unam super eos, Versiculum, et tres Lectiones, quarum secunda et tertia, vel saltem tertia, erunt de Historia Sanctorum: et tria Responsoria secundum ordinem Feriarum de suo Communi; exceptis festis sanctorum Virginum non Martyrum, in quibus semper dicuntur tria ultima Responsoria.

3. Tempore Paschali tres tantum Psalmi dicantur: Responsoria. Antiphonæ, et Versiculi cum ALLELUIA. Ad BENEDICAMUS DOMINO, tam in Vesperis, quam in Laudibus, addatur unum tantum ALLELUIA.

4. Canticum TE DEUM, semper omittatur. In Laudibus prima tantum Antiphona Laudum super Psalmos dicatur; Capitulum autem, Hymnus, Versiculus, et post Canticum BENEDICTUS, Antiphona, et Oratio, sicut in aliis festis Sanctorum. Officium quotidianum beatæ Virginis semper dicatur.

5. Quando festum trium Lectionum celebrandum fuerit Feria secunda (et in Dominica fuit de ea Officium recitatum) aut post festum Simplex, aut diem Octavam Simplem; in primis Vesperis habebit tantum Memoriam. Si vero post festum Duplex, et supra, aut post diem Octavam Solemnissimam, aut Solemnem; nulla de illo fiet Memoria in primis Vesperis.

6. De festo trium Lectionum fiet Memoria in Vesperis, et in Laudibus, quando in Feria quarta Cincrum, et deinceps usque ad Cenam Domini exclusive, aut in Vigilia Pentecostes evenerit. Si vero inciderit in Dominicam, aut in Feriam, in qua est legenda Historia, aut Homilia dominicalis, aut in diebus Rogationum, fiet tunc Memoria illius, quando transferri non potest. Idem observabitur infra Octavas Simples, et in jejuniis Quatuor Temporum Septembris. Idem et in Feriis tertiis, cum de B. Dominico;

DEO; DEUS, DEUS MEUS; Canticum BENEDICITE, LAUDATE DOMINUM DE CÆLIS. ut notantur in Psalterio, pag. 17.

4. Ad Primam, et tres sequentes Horas, dicuntur Antiphonæ Laudum, excepta quarta. Diebus autem Sabbati, quando fit de B. Virgine; et in Feriis secundis, vel sextis, quando fit de S. Vincentio; et in tertiis Feriis, quando fit de B. Dominico; et in quartis, cum fit de Sancto Ordinis; et in quintis, cum fit de venerabili Sacramento: notantur Antiphonæ post Commune Sanctorum.

5. In festis novem Lectionum, et in diebus Octavis eorum (præterquam in festo Omnium Sanctorum, et eorum Octava die, et in Commemoratione Omnium Defunctorum) tres Lectiones primi Nocturni erunt ex sacra Scriptura, quæ vel in propriis locis reperiuntur, vel in currenti Feria. Si vero Feria currens omnes tres Lectiones in tali festo dicendas non habuerit, pro tertia Lectione assumetur prima ex illis, quæ in Communi illius Sancti, de quo fit Officium, ex sacra Scriptura pro primo Nocturno notantur. Si autem Feria currens nullas Lectiones de Scriptura habuerit, ut contingit tempore Quadragesimæ, et Quatuor Temporibus Adventus et Septembris, in quibus Lectiones sunt de Homilia; tunc pro primo Nocturno festi assumuntur tres Lectiones ex Communi, pro primo Nocturno notatæ.

6. In festis vero novem Lectionum, sive infra Octavas, aut in die Octava eorum, quæ in Dominicis celebrari possunt, si proprias Lectiones de sacra Scriptura non habuerint, tres primæ erunt Apostoli Pauli, signatæ in Dominicis post Octavam Epiphaniæ pro primo Nocturno, et post Octavam Trinitatis pro secundo. Idem fiet, si contingat festum Patroni loci celebrari (ut dictum est supra, § III. num. 5.) in aliqua Dominica Adventus, vel in Septuagesima, vel in aliis sequentibus. In Quadragesima vero legentur Lectiones notatæ pro primo Nocturno Dominicæ.

7. Lectiones secundi et tertii Nocturni, vel ex propriis, vel ex Communi assumantur, prout in unoquoque festo notatum fuerit.

8. In festis, in quibus leguntur tantum tres Lectiones; prima et secunda, aut saltem prima, erunt de sacra Scriptura, similiter vel propriæ, vel Feriæ currentis, vel ex Communi; eo modo, quo dictum est num. 5. Sicut etiam desumentur ex Communi, si festa non habent proprias, et celebrentur in Dominicis temporis Paschalis, Feria secunda Rogationum, et Vigilia Ascensionis, quarum Lectiones sunt de Homilia. Infra Octavas vero omnes, et in die Octava, (si contigerit tempore Paschali) semper duæ primæ Lectiones erunt de Scriptura, aut ex Homilia, si fuerit tunc dicenda.

### § XI.

De diversitate festivitatum

FESTA celebranda, alia habent solam Memoriam; alia dicuntur trium Lectionum; alia Simplicia; alia Duplicia; alia Tota Duplicia; alia tandem dicuntur Votiva, seu quæ celebrantur per Hebdomadam in toto Ordine.

2. Ut quædam uniformitas statuatur inter Ritus Breviarii Romani et Ordinis Prædicatorum, S. R. C. sub die 7. Septembris 1850. declaravit, quod festum apud nos Simplex æquivalet festo Semiduplici; festum Duplex. festo Duplici minori; festum Totum Duplex ordinarium, festo Duplici majori; festum Totum Duplex cum quacumque Octava, excepta Solemnissima, festo Duplici secundæ classis; ac tandem festum Totum Duplex cum Octava Solemnissima, festo Duplici primæ classis. Verum ad Duplex secundæ classis reducuntur festum Circumcisionis D. N. J. C. et omnia festa B. M. Virginis (præter Purificationem de qua infra) etiamsi sine Octava celebrentur: excipiuntur tamen festa B. Mariæ tit. Auxilium Christianorum, Nominis Mariæ, purissimi Cordis B. M. V., B. M. Virginis de Monte Carmelo, et de Mercede, quæ tamquam Duplicia majora haberi debent.

Item Duplicibus secundæ classis æquiparantur festa duodecim Apostolorum, SS. Innocentium Martyrum, Patrocinii S. Joseph, S. Annæ et S. Joachim Parentum B. M. V., atque Exaltationis S. Crucis, necnon Feria secunda et tertia post Pascha Resurrectionis et Pentecosten. Pariter ad Duplicia primæ classis referuntur festa Epiphaniæ, Ascensionis Domini, SS. Trinitatis, SS. Cordis Jesu; Conceptionis immaculatæ, Purificationis, Annuntiationis, Assumptionis et Rosarii B. V. Mariæ, Nativitatis S. Joannis Baptistæ, S. Joseph Sponsi B. M. V. SS. Apostolorum Petri et Pauli, S. Dominici P. N., S. Francisci Assis., S. Thomæ Aquinatis, Omnium Sanctorum, Patroni principalis de præcepto, Tituli principalis et Dedicationis Ecclesiæ nostræ.

## § XII.

## De festo habente solam Memoriam.

**F**ESTUM tunc dicitur solam Memoriam habere, cum per Antiphonam, Versiculum, et Orationem celebratur, vel in Laudibus tantum ut aliquæ; vel in primis Vesperis, et in Laudibus, ut alia plura, præsertim ea, quæ sub ritu trium Lectionum celebrari solebant, de quibus in perpetuum impeditum est Officium. Omnia tamen hujusmodi festa in peculiaribus suis locis notantur in corpore Breviarii.

2. Omittuntur hæc festa habentia solam Memoriam, si everserint in illis diebus, in quibus celebrari non possunt festa trium Lectionum, neque de his potest Memoria fieri.

3. Si festum aliquod habeat Memoriam Sancti annexam, illudque transferri contingat, transferatur simul et Memoria.

## § XIII.

## De festo trium Lectionum.

**F**ESTUM trium Lectionum ita celebratur. In primis Vesperis (si eas impeditas non habuerit) dicantur Psalmi de Feria cum suis Antiphonis. Officium autem festi a Ca-

pitulo incipiet, et terminabitur in Nona sequentis diei. In Completorio, et in Prima dicantur Preces feriales.

2. In Matutinis habebit Invitatorium, Hymnum, et novem Psalmos (extra tempus Paschale). Antiphonam unam super eos, Versiculum, et tres Lectiones, quarum secunda et tertia, vel saltem tertia, erunt de Historia Sanctorum : et tria Responsoria secundum ordinem Feriarum de suo Communi; exceptis festis sanctarum Virginum non Martyrum, in quibus semper dicuntur tria ultima Responsoria.

3. Tempore Paschali tres tantum Psalmi dicantur : Responsoria, Antiphonæ, et Versiculi cum ALLELUIA. Ad BENEDICAMUS DOMINO, tam in Vesperis, quam in Laudibus, addatur unum tantum ALLELUIA.

4. Canticum TE DEUM, semper omittatur. In Laudibus prima tantum Antiphona Laudum super Psalmos dicatur; Capitulum autem, Hymnus, Versiculus, et post Canticum BENEDICTUS, Antiphona, et Oratio, sicut in aliis festis Sanctorum. Officium quotidianum beatæ Virginis semper dicatur.

5. Quando festum trium Lectionum celebrandum fuerit Feria secunda (et in Dominica fuit de ea Officium recitatum) aut post festum Simplex, aut diem Octavam Simplem; in primis Vesperis habebit tantum Memoriam. Si vero post festum Duplex, et supra, aut post diem Octavam Solemnissimam, aut Solemnem; nulla de illo fiet Memoria in primis Vesperis.

6. De festo trium Lectionum fiet Memoria in Vesperis, et in Laudibus, quando in Feria quarta Cinerum, et deinceps usque ad Cenam Domini exclusive, aut in Vigilia Pentecostes everserit. Si vero inciderit in Dominicam, aut in Feriam, in qua est legenda Historia, aut Homilia dominicalis, et in diebus Rogationum, fiet tunc Memoria illius, quando transferri non potest. Idem observabitur infra Octavas Simples, et in jejuniis Quatuor Temporum Septembris. Idem et in Feriis tertiis, cum de B. Dominico;



et in quintis, cum de SS. Sacramento; et Sabbatis, cum de B. Virgine agendum est. In Feriis autem quartis, vel aliis, in quibus potest agi de Sancto Ordinis, quid faciendum sit de festo trium Lectionum in illis Feriis incidente, dicitur infra § XVII. num. 4. 5. et 7.

7. Omittitur festum trium Lectionum, et ejus Memoria, quando transferri non potest, si evenerit in Cena Domini. et deinceps usque ad Dominicam in Albis inclusive, aut in diebus Ascensionis, Pentecostes, Trinitatis, et Corporis Christi, usque ad eorum Octavas inclusive.

8. Si contingat festum Duplex, et supra, propter eorum multitudinem tunc temporis occurrentem, transferri, aut ex approbata consuetudine Provinciarum, aut locorum celebrari in die festi trium Lectionum, quod transferri non potest; fiat de festo trium Lectionum Memoria in primis Vesperis, et Laudibus. Idem intelligitur de hujusmodi festo incidente in Octavas Solemnis: exceptis Octavis Solemnibus Ascensionis et Trinitatis, in quibus Memoria de festo trium Lectionum omittitur, ut num. præcedenti dictum est. Immo si contingat aliquo anno ita impediri festa trium Lectionum, ut propter supervenientes majores festivitates, nec propriis diebus celebrari, nec ulterius transferri possint; fiat de ipsis Memoria in primis Vesperis, et Laudibus festi, etiam Totius Duplicis, quod celebrabitur illa die, quæ festo trium Lectionum debebatur, nisi festivitates supervenientes sint ex supra exceptis, in quibus nec Memoria fit de festo trium Lectionum.

9. Si in Feria sexta, quæ pro dicenda Homilia dominicali primo loco assignatur supra § VI. num. 2. evenerit festum trium Lectionum, impedita intelligatur pro dicenda Homilia, et fiat de festo: si tamen Feria secunda, vel quarta, postea assignata, hujusmodi impedimentum non habuerit. Quod ad Feriam tertiam, vel quintam, vel Sabbatum nequit extendi; quia in istis Feriis nunquam potest de festis trium Lectionum fieri Officium; sed hæc ce-

dunt Officiis votivis destinatis pro dictis Feriis: possunt tamen celebrari in Feria secunda, vel quarta, ut infra § XVII. fusius declarabitur.

10. Festum trium Lectionum transferri potest per quidecim dies, a die ipsius exclusive. Et hujusmodi festa transferantur secundum ordinem, quo venerunt.

#### § XIV.

##### De festo Simplicis.

OFFICIUM festi Simplicis, nisi a majori festo præcedenti impediat, a Capitulo in primis Vesperis inchoetur: Psalmi autem cum suis Antiphonis erunt de Feria currente; vel si infra aliquas Octavas celebretur, Psalmi et Antiphonæ erunt de Octava.

2. In Matutinis, Invitatorium, Hymnus, tria Nocturna (extra tempus Paschale), et in quolibet eorum tres Psalmi cum tribus Antiphonis, Versiculo, tribus Lectionibus, et totidem Responsoriis dicantur, quæ omnia, vel ex propriis locis, vel ex Communi desumenda sunt. Canticum TE DEUM, semper dicatur, nisi a Septuagesima usque ad Dominicam in Ramis Palmarum; et tunc loco ejus, nonum Responsorium repetatur usque ad Versum exclusive.

3. Tempore Paschali dicuntur tantum tres Psalmi, et una Antiphona super eos; Versiculus, tres Lectiones, et tria Responsoria: cetera vero, ut in Communi illius temporis notatum fuerit. Antiphonæ, Responsoria, et Versiculi cum ALLELUIA. dicantur. Ad BENEDICAMUS DOMINO. addatur duplex ALLELUIA.

4. In Laudibus dicuntur quinque Antiphonæ, singulæ ad singulos Psalmos. In Prima et in Completorio utriusque diei, dicuntur Preces. In secundis Vesperis sola prima Antiphona Laudum dicitur super Psalmos, qui semper de Communi petantur; præterquam in festis Sanctorum infra Octavas Nativitatis Domini, ubi quinque Psalmi et Antiphonæ erunt de Nativitate. Semper

dicatur Officium quotidianum beatæ Virginis, nisi celebretur infra Octavas Solemnnes, et supra.

5. Festa Simplicia occurrentia in Dominica in Kamis Palmarum, et deinceps usque ad Feriam quartam immediate sequentem, si non possint transferri, ut regulariter contingit, illo anno solam habebunt Memoriam in utrisque Vesperis, et in Laudibus: Feria vero quarta, solum in primis Vesperis, et Laudibus.

6. Festum Simplex transferri potest per quindecim dies, a die ipsius exclusive, etiam infra Octavam Solemnem, excepta Dominica, ut dicitur § XXII. num. 9.

### § XV.

#### De festo Duplici.

**F**ESTUM Duplex in primis Vesperis, nisi a majori festo præcedenti impediatur, habebit Antiphonam propriam, vel ex Communi desumptam, super quinque Psalmos, (qui erunt de Feria corrente, vel de festo præcedenti, vel de Octava, si infra eam celebretur) et post Capitulum, Responsorium cum Versu, et GLORIA PATRI, etiamsi veniat post Dominicam in Passione. Dimittuntur Preces in Completorio, et in Prima; et Officium quotidianum beatæ Virginis. Canticum TE DEUM semper dicitur. In reliquis servetur ordo festi Simplicis.

2. Si in Dominica occurrerit, dicitur semper in Prima Symbolum S. Athanasii QUICUMQUE VULT SALVUS ESSE.

### § XVI.

#### De festo toto Duplici.

**I**n festo toto Duplici, sive de Tempore (etiam in Circumcisione Domini) sive de Sanctis, ad primas Vesperas dicuntur hi Psalmi: LAUDATE PUERI; LAUDATE DOMINUM OMNES; LAUDA ANIMA MEA; LAUDATE DOMINUM QUONIAM; LAUDA JERUSALEM; ut notatur in Psalterio pag. 145. præterquam in festis Commemorationis Dominicæ Passionis, Quinque Vulnerum D. N. J. C. et Compassionis beatæ Mariæ Virginis, et præterquam in Sabbato

sancto, et in Vigilia Pentecostes. Una sola Antiphona dicitur super Psalmos: excipitur Vigilia Nativitatis Domini, in qua erunt quinque Antiphonæ. Post Capitulum dicitur Responsorium, etc. ut dictum est in festo Duplici Tit. præcedenti, num. 1. Item Antiphona integra dicitur ante et post Cantica MAGNIFICAT et BENEDICTUS.

2. Si in die Dominica de eo fiat Officium, in Prima dimittitur Symbolum S. Athanasii: excepto festo SS. Trinitatis, in quo dicitur. Responsorium Horarum, etiam extra tempus Paschale, dicuntur cum duplici ALLELUIA, præterquam a Septuagesima usque ad Pascha. In secundis Vesperis sola prima Antiphona Laudum super Psalmos dicitur, excepto festo Nativitatis Domini, et sequentibus, juxta quod ibi notatur.

### § XVII.

#### De festis Votivis, vel quæ celebrantur per Hebdomadam.

**O**MNIBUS Sabbatis totius anni, præterquam in Quadragesima, et jejunii Quatuor Temporum, et infra Octavas, et in Octavis, tam de Tempore, quam de Sanctis, de quibus Octavis fit totum Officium; et in festis Simplicibus, et supra; et in Vigiliis quæ habent Missas proprias; et quando Historia, vel Homilia dominicalis legi non posset alio die, nisi in Sabbato: fiat Officium de B. Virgine Maria. Et tunc tam in choro, quam extra, tenentur fratres dicere ante Matutinum quindecim Psalmos graduales modo et ordine suo loco notatis.

2. In omnibus tertiis Feriis per totum annum, præterquam in Feria tertia proxime Vigiliam Nativitatis Domini antecedente, et deinceps usque ad diem Octavam Epiphaniæ inclusive; et in Quadragesima usque ad Octavam Paschæ inclusive; in tertia Rogationum, et deinceps usque ad Octavam Corporis Christi inclusive; et infra Octavas omnes, et in Octavis, de quibus fit totum Officium; et in omnibus festis Sim-



plicibus, et supra; et in Vigiliis, quæ habent proprium Officium, vel Missam; et quando Homilia vel Historia dominicalis juxta Rubricas illo die est recitanda : fiat Officium de B. P. N. Dominico.

3. In omnibus quintis Feriis per totum annum, exceptis temporibus, quæ supra num. præcedenti pro Officio de Beato Dominico in Feria tertia excepta sunt, fiat Officium de Corpore Christi.

4. In omnibus Conventibus, ubi viget studium artium, simul et theologiæ, (dummodo tali die ex consuetudine vel privilegio non celebretur Officium de alio Sancto Ordinis nostri) singulis quartis Feriis fiat Officium de S. Thoma Aquinate : exceptis temporibus supra expressis, in quibus non fit Sabbato Officium de beata Maria, et in Feria tertia de beato Dominico. Excipitur etiam casus, quando in eadem Feria quarta occurrit festum Sancti trium Lectionum, quod infra quindecim dies non posset transferri : quia in eo casu fiet de festo trium Lectionum cum Memoria sancti Thomæ. Festa vero trium Lectionum, quæ suo die celebrari non possunt, non sunt transferenda in Feriam quartam; ita ut propter hoc impediatur fieri in illa Officium de S. Thoma.

5. Ex consuetudine antiqua et approbata aliquarum Provinciarum, vel Conventuum, in illis fit Feria quarta, vel in alia Feria, Officium de aliquo Sancto Ordinis nostri : quæ consuetudo servanda est; exceptis temporibus supra expressis numero præcedenti pro Officio de S. Thoma in Feria quarta. Dum autem Feria quarta in hujusmodi Conventibus celebrari contingerit de alio Sancto Ordinis, fiat Memoria de S. Thoma, si in illis vigeat studium artium, simul et theologiæ.

6. Quando propter impedimentum aliquod ex assignatis, prædicta Officia beatæ Mariæ in Sabbato, beati Dominici in Feria tertia, Corporis Christi in Feria quinta, et B. Thomæ, vel alterius Sancti Ordinis in Feria quarta intermittuntur, facienda est Memoria de ipsis, ut dicitur infra, § XXXII, num. 7.

7. Ex speciali concessione Clementis Papæ X. sub die 19. Septembris 1674. recitari potest in toto Ordine Officium de S. Vincentio Ferrerio sub ritu trium Lectionum semel in mense, hoc est, prima Feria secunda, non impedita tamen alio simili festo trium Lectionum ejusdem Ordinis; et impeditis omnibus prædictis secundis Feriis illius mensis, tunc recitari poterit prima Feria sexta ejusdem mensis. pariter non impedita, ut supra. Hujusmodi autem Feriæ secundæ vel sextæ non dicuntur impeditæ, quia in ipsas sit transferendum aliquod festum trium Lectionum, quod suo proprio die celebrari non potuit : sicut supra num. 4. pro Officio de S. Thoma in Feria quarta dictum est. Quod si in nulla Feria secunda vel sexta mensis possit de S. Vincentio Officium fieri; nec de ipso Memoria aliqua est facienda in tali mense.

8. Officia hujusmodi votiva terminantur in Nona. In Matutinis dicitur Canticum TE DEUM. extra Septuagesimam; infra tamen eam loco Cantici præfati repetitur ultimum Responsorium usque ad Versum exclusive; et similiter tempore Paschali in Vesperis et Laudibus dicitur BENEDICAMUS DOMINO, cum duplici ALLELUIA.

### § XVIII.

#### De divisione Octavarum.

OCTAVÆ festorum, aliæ sunt Solemnissimæ; aliæ Solemnes; aliæ Simples; aliæ trium Lectionum; aliæ cum sola Memoria.

2. Octavæ Solemnissimæ sunt quatuor, videlicet : Nativitatis Domini, Paschatis, Pentecostes, et Corporis Christi.

3. Octavæ Solemnes sunt : Ascensionis, Trinitatis; immaculatæ Conceptionis, Annuntiationis, Assumptionis, et SS. Rosarii beatæ Virginis; S. Joseph Sponsi B. M. V., SS. Apostolorum Petri et Pauli, beati Dominici Patris nostri, Omnium Sanctorum, sancti Augustini, S. Thomæ Aquinatis, S. Francisci de Assisio et S. Catharinæ Senensis.

4. Octavæ Simples sunt : Epiphaniæ, Dedicationis Ecclesiæ, Nativitatis et Visitationis Beatæ Mariæ; necnon SS. Joannis Baptistæ, Laurentii Martyris, Martini Confessoris, Michaëlis Archangeli, S. Mariæ Magdalenæ, et S. Catharinæ Virginis et Martyris. Similiter, ex variis concessionibus Apostolicis, omnium et singulorum Sanctorum Ordinis nostri, qui solemnī canonizationis ritu fastis Ecclesiæ adscripti sunt, videlicet : Petri Martyris, Joannis et soc. MM. Gorcom., Pii Papæ et Confessoris, Antonini, Vincentii, Hyacinthi, Raymundi, Ludovici Confessorum, Catharinæ de Ricciis, Agnetis a Monte Polignano. et Rosæ Limanæ Virginum.

5. Octavæ trium Lectionum sunt : Sanctorum Stephani Protomartyris, Joannis Evangelistæ, et Innocentium.

6. Octavæ de sola Memoria sunt : Sanctorum Andræ Apostoli, et Vincentii Martyris.

7. Abstinendum tamen omnino est a celebratione Octavarum, tam Dedicationis Ecclesiæ Matricis, quam et Patroni loci, aut Titularis Ecclesiæ : nisi super hoc speciale decretum Sedis Apostolicæ vel sacræ Rituum Congregationis habeatur, et per Capitulum Generale sic constitutum fuerit.

### § XIX.

#### De Octavis cum sola Memoria.

**O**CTAVÆ de sola Memoria dicuntur quia in eis non fit aliud Officium quam sola Memoria in Vesperis et Laudibus. Hujusmodi autem Octavæ terminantur per Memoriam in Laudibus diei Octavæ.

2. Dimittitur hæc Memoria, si in diebus infra Octavam occurrant festa Duplicita, et supra, aut Octavæ Solemnnes, et supra. Ipsius autem diei Octavæ semper fiat Memoria, etiam in festo Duplici, et supra, præterquam in utrisque Vesperis et Laudibus Pentecostes, et Corporis Christi, usque ad eorum Octavas; et in utrisque Vesperis, et Laudibus festorum, in quibus nec

Octavarum Simplicium fit Memoria, ut sunt festa Ascensionis, et Assumptionis B. Virginis, prout dicitur infra § XXI. num. 6.

### § XX.

#### De Octavis trium Lectionum.

**O**CTAVÆ trium Lectionum vocantur, quoniam in die Octava celebrantur tamquam festum trium Lectionum : infra Octavas vero solam habent Memoriam in Vesperis et in Laudibus. Earum Officium in die Octava durat per totum diem. Si fuerit Dominica, in Matutinis habent novem Lectiones : si vero alio die venerint, dicuntur Preces in Prima et Completorio. Semper tamen Responsoria Horarum cum ALLELUIA, et Canticum TE DEUM, dicantur. Reliqua omnia in propriis locis notantur.

### § XXI.

#### De Octavis Simplicibus.

**O**CTAVÆ Simples sunt, quando de eis quotidie infra Octavam, et in die Octava fit totum Officium (nisi a majori solemnitate præoccupentur) hoc modo :

2. In diebus infra Octavam : Ad Matutinum, Invitatorium, ut suis locis est notatum; Hymnus, et Psalmi sicut in festo; una tantum Antiphona super Psalmos, incipiendo a prima Nocturnorum festi, et sic deinceps quot fuerint necessariae pro sequentibus diebus. Tres tantum Lectiones, quarum duæ priores erunt de Scriptura, vel de Homilia Feriæ currentis, (ut in Quadragesima, diebus Rogationum, et Quatuor Temporum Adventus et Septembris) et tertia erit de gestis et vita Sancti aut de aliquo Sermone Sanctorum. Versiculus ante Lectiones, et tria Responsoria de festo secundum ordinem, quo Historia dominicalis dividitur per Ferias, ut dictum est § VII. num. 1. Canticum TE DEUM, quotidie dicatur, præterquam infra Septuagesimam, et tunc loco ejus repetitur ultimum Responsorium usque ad Versum exclusive.

3. In Laudibus, prima tantum Antiphona super Psalmos; Capitulum, Hymnus, et Versiculus, sicut in festo. Ad Benedictus. Antiphona quæ ibi notatur. Ad Primam et Completorium dicuntur Preces; Responsoria Horarum absque ALLELUIA, præterquam tempore Paschali, et cum celebratur de die Octava Simplicii infra Octavas Solemnnes. In Vesperis Antiphona ad Magnificat, quæ suo loco signatur. Reliqua omnia sicut in principali festo.

4. In primis Vesperis Octavæ diei Officium fiet, sicut in aliis ejusdem Octavæ diebus, excepta Antiphona ad Magnificat, quæ sumetur ex primis Vesperis festi, nisi sit alia specialiter posita : et similiter fiat pro secundis Vesperis. In Matutinis leguntur novem Lectiones : et reliqua omnia, sicut in festo, servato modo festi Simplicis, nisi aliter notetur.

5. Tempore Paschali, infra omnes Octavas, et in Octava die dicuntur tantum tres Psalmi in Matutinis, cum tribus Lectionibus ac Responsoriis : addito ALLELUIA in fine Antiphonarum, Versiculorum, et Responsoriorum, sicut in aliis festis Paschalibus.

6. In festis Duplicibus, et supra, quæ eveniunt infra has Octavas, et in die Octava, de Octavis tantum fit Memoria in Vesperis et Laudibus. Excipitur dies Octava Epiphaniæ, in qua nullum festum debet celebrari. Memoria autem etiam omittitur in festis Pentecostes, et Corporis Christi, usque ad eorum Octavas, et in utrisque Vesperis et Laudibus festorum Ascensionis, et Assumptionis B. Mariæ : in quibus de Octavis Simplicibus nulla fit Memoria : infra Octavam tamen Corporis Christi fit Memoria Octavæ S. Joannis Baptistæ, ut infra dicitur § XXIII. num. 1.

7. Similiter hujusmodi Octavarum Simplicium fiet Memoria, si evenierint infra Octavas Solemnnes. Si tamen infra has dies Octava Simplex evenierit, fiat Officium de die Octava Simplicii; etiamsi fuerit dies Dominica infra illas Octavas. Excipitur,

si evenierit infra Octavam Ascensionis; nam tunc non fit Officium de die Octava Simplicii alicujus Sancti, sed de ea fiat sola Memoria.

8. In Sabbatis infra has Octavas, aut in die Octava, Officium Dominicæ incipiet a Capitulo; Psalmi autem et Antiphona erunt de Octava, et fiet Memoria ipsius post MAGNIFICAT. Die vero Dominica fiet tantum Memoria de Octava in Laudibus et Vesperis. Excipitur dies Octava Simplex incidens in Dominicam infra Octavas Solemnnes, in qua de Octava Simplicii fiet similiter Officium, ut numero præcedenti dictum est. Si tamen dies Octava Simplex Dominicæ successerit, in secundis Vesperis Dominicæ fiet solum Memoria Octavæ Simplicis.

9. Homilia dominicalis, quando Dominica est impedita, legetur infra has Octavas; non attento jam ordine Feriarum, ut dictum est supra § VI. n. 3. et tunc duæ Lectiones erunt de Homilia, et tertia de Octava. Neque transferetur extra has Octavas, nisi in eadem Hebdomada contingat fieri de Feria : nam tunc non legetur Homilia infra Octavas, sed ea die, qua fit de Feria, dummodo in hac die non sit legenda alia Homilia. Immo et in ipsa die Octava, tam intra, quam extra tempus Paschale, legatur Homilia dominicalis, dum non superest alia Feria vacans, in qua legi possit. Et similiter infra has Octavas, et in ipsa die Octava, si venerit in Quadragesima, diebus Rogationum, et Quatuor Temporum Adventus et Septembris, dicetur Homilia Feriæ currentis.

10. Officium quotidianum B. Virginis tam infra Octavas, quam in die Octava dicitur: exceptis Octavis ejusdem B. Virginis, quando de ea agitur Officium; itemque cum celebratur de die Octava Simplicii infra Octavas Solemnnes. In Octavis tamen B. Virginis dicitur ad Vesperas Officium quotidianum illius, si in Vesperis incipiat a Capitulo Officium v. g. Dominicæ, ut dicitur supra num. 8. vel festi, aut diei Octavæ Simplicis.



## § XXII.

## De Octavis Solemnibus.

**O**FFICIUM, tam infra Octavas Solemnēs, quam in ipsa die Octava, per omnia fiat sicut de Octavis Simplicibus supra notatum est; exceptis aliquibus et additis aliis, paulo post dicendis.

2. In his Octavis non dicitur Officium quotidianum B. Virginis nec in Prima et Completorio dicuntur Preces. Canticum *TE DEUM*, semper dicitur, etiam infra Septuagesimam. Responsoria Horarum dicuntur quotidie (extra Septuagesimam tamen) cum *ALLELUIA*; quod etiam servetur in festis Duplicibus, et in Octavis aut festis Simplicibus, infra Octavas Solemnēs occurrentibus: quia omnia festa ita induunt conditiones harum Octavarum, ut cum eadem solemnitate debeant celebrari. Festa Simplicia, et Duplicia, quæ eveniunt in die Octava Solemni, transferantur; Tota Duplicia vero celebrentur; excepta die octava Ascensionis, in qua nullum festum debet celebrari, nisi festa excepta infra § XXIV. num. 8.

3. In his Octavis Solemnibus fiat Memoria de festis trium Lectionum, (si transferri non possint) et de festo habente solam Memoriam, exceptis Octavis Ascensionis et Trinitatis, in quibus de supradictis Memoria non fit, ut supra de singulis dictum est § XII. num. 2. § XIII. num. 8. Similiter fiat Memoria de Octavis Simplicibus; itemque de die Octava de sola Memoria, ut etiam de singulis dictum est § XIX. num. 2 § XXI. num. 7. ubi etiam dicitur, quid agendum sit de die Octava Simplici infra Octavas Solemnēs incidente.

4. Infra Octavam S. Thomæ Aquinatis perpetuo servetur sequens Rubrica. Quotiescumque de Octava agitur in Matutinis, duæ primæ Lectiones erunt de Homilia Feriæ; et tertia erit de Octava; Missa vero conventualis dicitur de Feria. In Dominica infra Octavam, solum fiet Memoria S. Thomæ, ita ut Officium Dominicæ incipiat in Sabbato

præcedenti a Capitulo, et tunc dicitur Officium quotidianum B. M. Virginis ad Vesperas et Completorium, et dicuntur Preces. Si Feria quarta Cinerum evenierit infra Octavam, de ea (Feria nimirum) fiet Officium usque ad Nonam, cum Memoria S. Thomæ, et Officio quotidiano B. M. Virginis, et terminatur in Nona. Quando in Feria secunda celebratur dies Octava, in primis Vesperis Psalmi et Antiphonæ erunt de Dominica, et Officium incipiet a Capitulo: si autem occurrat in Sabbato, secundæ Vesperæ erunt de Octava cum Memoria Dominicæ, et non dicitur Officium quotidianum B. M. Virginis. Quotidie infra Octavam in Completorio dicatur Responsorium *IN PACE*, quando regulariter dicitur.

5. Quæcumque Octava Solemnis occurrens in Adventu, et a Septuagesima usque ad Pascha, (quo tempore Dominicis diebus debet fieri Officium de Dominica) in Missa, et in illa parte Officii quæ est de Dominica, incipiendo a Vesperis Sabbati præcedentis, si sint a Capitulo, consideretur tamquam Octava Simplex. Ita tamen, quod ad Matutinum Dominicæ Palmarum omnino cesset qualiscumque Octava. In reliquo Octavæ Solemnēs, etiam immaculatæ Conceptionis B. M. V. prædicto tempore celebrentur juxta modum præscriptum n. 4. pro Octava S. Thomæ. S. R. C. 7. Septembris 1850.

6. Dominica infra has Octavas solum habebit Memoriam. Lectiones primi Nocturni erunt de Apostolo, signatæ pro Dominica occurrente (prout supra § X. num. 6. dictum est); secundi, de Octava; tertii vero, de Homilia dominicali. Si vero fuerit dies octava in Dominica, primæ Lectiones erunt de Apostolo Dominicæ occurrentis, reliquæ vero sex erunt de Octava: nisi in tertio Nocturno legenda fuerit Homilia dominicalis, prout infra n. 7. dicitur.

7. Homilia Dominicæ præcedentis, quando est impedita, debet legi infra has Octavas eo modo, quo dictum est de Octavis Simplicibus

§ XXI. num. 9. excepta die Octava SS. Apostolorum Petri et Pauli, ut dicetur n. sequenti. Immo, et Homiliæ Vigiliarum, Rogationum, vel Quatuor Temporum infra has Octavas legi debent, non tamen in ipsa die Octava.

8. Si festum habens Octavam incidat in Dominicam aut Dominicam infra Octavas impedita sit aliquo festo: Homilia dominicalis legatur in die Octava Solemni, quando non superest FERIA aliqua vacans, in qua legi possit. Prout communiter solet fieri in die Octava Ascensionis, ubi Homilia dominicalis, si propter festa impedita infra istam Octavam lecta non fuerit, neque FERIA sexta sequenti poterit legi, legitur ipsa die Octava Ascensionis, assumpto pro tertia Lectione Sermonem S. Augustini, HODIE, FRATRES., posito in die Octava. Excipitur tamen dies Octava SS. Apostolorum Petri et Pauli, si in Dominica evenerit, et Homilia dominicalis legi non poterit infra Hebdomadam; quia tunc Homilia Dominicæ omittitur ob Homiliam propriam SS. Apostolorum. Excipiuntur pariter dies octava SS. Rosarii, et dies octava Omnium Sanctorum, in quibus nulla Homilia legi solet.

9. De festo Simplicii fit Officium infra has Octavas, etiamsi inciderit in Dominicam infra eas. Immo transferri potest festum Simplex in aliquam diem infra illas excepta Dominica.

10. Quando infra Octavas Solemnes celebratur de festo Duplici (et idem de Octava, aut festo Simplicii) in primis Vesperis incipiat Officium a Capitulo: Psalmi autem, et Antiphonæ erunt de Octava, si illa die Officium fieret de Octava. Idem observetur, si infra Octavas Solemnes celebratur de festo Duplici post Octavam, vel festum Simplex; cum namque hæc, ut sæpe dictum est, induant solemnitatem Octavæ, infra quam celebrantur, Officium festi Duplicis in primis Vesperis incipiet a Capitulo: Psalmi autem et Antiphonæ erunt de Octava, vel festo Simplicii. Si vero festum Duplex, vel Octava aut festum Simplex oc-

currerint ante diem Octavam, Officium diei Octavæ Solemnis incipiet a Capitulo: si autem post diem Octavam, in primis Vesperis solam habebunt Memoriam.

### § XXIII.

#### De Octavis Solemnissimis.

INFRA Octavas Solemnissimas, vel in ipsis Octavis, omnia fiant, sicut de Octavis Solemnibus dictum est §. præcedenti: excepto, quod non fit de aliquo Sancto Officium, neque Memoria (etiamsi sit Sanctus Ordinis) nisi infra Octavam Nativitatis Domini, et nisi quando infra Octavam, vel etiam in ipsa die Octava Corporis Christi occurrerit festum S. Joannis Baptistæ, vel SS. Apostolorum Petri et Pauli; quia tunc de ipsis Sanctis fit Officium, ac etiam Memoria de ipsorum Octavis. Similiter FERIA sexta ejusdem Octavæ Corporis Christi fit semper Memoria de Octava sanctissimæ Trinitatis in Laudibus, et Vesperis: Sabbato vero, in Laudibus tantum. Excipiuntur etiam festa, quæ transferri non possunt, eo modo quo dicetur § seq. num. 17.

2. De concurrentia festi Duplicis, vel Totius Duplicis immediate post Octavam diem harum Octavarum, dicetur infra § XXV. n. 9. Similiter de quibus festivitatibus extraordinariis in aliquibus ex his Octavis potest fieri Officium, dicetur infra § XXIV. n. 5. et suis specialibus Titulis.

### § XXIV.

#### De translatione festivitatum.

DE festis Duplicibus et supra concurrentibus in Dominicis diebus Adventus, et in Dominicis Septuagesima usque ad Dominicam in Albis, dictum est § III. n. 3. 4. et 5.

2. Festum Orationis D. N. J. C. in monte Oliveti, et ea, quæ sequuntur de Passione in FERIA tertia Sexagesimæ, et FERIIS sextis Quadragesimæ, non possunt transferri ad aliam diem, nisi occurrente Offi-



cio potioris ritus; et tunc transferenda sunt eo ordine, quo venerunt, dummodo infra Quadragesimam hæc translatio fiat; nam illa festa non sunt celebranda extra Quadragesimam, nec sunt omittenda. Similiter festum Compassionis B. Mariæ celebrandum est Feria sexta post Dominicam Passionis; nec propter aliud festum est transferendum, nisi festum S. Joseph, vel Annuntiationis, aut alicujus Sancti nostri Ordinis occurrerit in illa Feria; et tunc festum Compassionis transferatur in Sabbatum subsequens. Si tamen in dicto Sabbato aliquod festum occurrerit, illud transferatur post Octavam Paschæ, ut de mandato Summi Pontificis in Urbe fuit factum; ideoque festum Compassionis non est celebrandum extra Quadragesimam, nec est omittendum. Similiter omnia festa Duplicia, et supra, occurrentia a Dominica in Ramis Palmarum usque ad Octavam Paschæ inclusive, et in die Pentecostes usque ad festum Trinitatis inclusive, transferenda sunt post prædictas Octavas, in Ferias non imeditas festo Simplicis, et supra.

3. Transferenda etiam sunt festa Simplicia occurrentia in Dominica in Ramis Palmarum, et deinceps usque ad Octavam Paschæ, vel in aliis supradictis diebus. Si tamen infra quindecim dies non possunt transferri, fiat de illis Memoria a Dominica in Ramis usque ad Laudes Feriæ quartæ sequentis, ut dictum est § XIV. num. 5. Aliis vero diebus nec Memoria fiat.

4. Eadem regula debet servari, quantum ad translationem, in omnibus festis tam Simplicibus, quam Duplicibus, et supra, quæ venerint in festo Corporis Christi usque ad Feriam sextam post Octavam Corporis Christi inclusive, qua Feria celebratur festum SS. Cordis Jesu.

5. Exciipiuntur festa sanctorum Joannis Baptistæ, et Apostolorum Petri et Pauli, S. Patroni principalis loci de præcepto, Dedicationis Ecclesiæ, et S. Tituli principalis Ecclesiæ nostræ : quæ transferenda

non sunt post Octavam Corporis Christi, sed infra Octavam, vel in die octava suis propriis diebus celebranda; et in reliquis aliis diebus infra Octavam, et in Octava Corporis Christi fiet quotidie Memoria de Octava S. Joannis, aut Apostolorum, ut dictum est § XXIII. n. 1. Quod si festa sancti Joannis Baptistæ, S. Patroni principalis loci de præcepto, Dedicationis Ecclesiæ, et S. Tituli principalis Ecclesiæ nostræ in diem Corporis Christi inciderint in proximum sequentem diem transferantur : et in secundis Vesp. Corporis Christi fiet de eis tantum Memoria. Si vero Nativitas S. Joannis Baptistæ, et festum Apostolorum Petri et Pauli in Feriam sextam post Octavam Corporis Christi inciderint, festum SS. Cordis Jesu in proximum sequentem diem, velut in sedem propriam, transferatur; idem fiat, si in eadem Feria sexta occurrerit festum S. Patroni principalis loci, vel Tituli principalis et Dedicationis Ecclesiæ, dummodo hæc sint de præcepto. S. R. C. 28. Jun. 1889.

6. Quando festum Simplex, aut majus in Feriam quartam Cinerum inciderit, non celebrabitur in præcedenti Feria tertia (ut antiqua Rubrica disponebat sed transferendum erit in diem primam non impeditam post diem Cinerum.

7. Si aliquod festum Duplex, aut majus occurrerit in Vigilia Pentecostes, non celebretur in præcedenti Feria sexta (ut pariter antiqua Rubrica decernebat) sed post festum Trinitatis transferatur, aut post Octavam Corporis Christi. Si vero fuerit Simplex, et transferri non possit, fiat de eo Memoria in Vespere præcedentibus, et in Laudibus Vigiliæ.

8. Omnia festa Duplicia, et supra, occurrentia in die Ascensionis, vel in ejus die octava, sunt etiam transferenda in proximam Feriam non impeditam festo Simplicis, et supra. Exciipiuntur festa Sancti Patroni principalis loci de præcepto, Dedicationis Ecclesiæ nostræ : de quibus debet fieri Officium in die octava Ascensionis (si in ea venerint) cum

eiusdem Memoria. Quare si festum Ascensionis incidat in ultimam diem Aprilis, aut primam Maii, festa S. Catharinæ Senensis, aut Apostolorum Philippi et Jacobi, post festum SS. Trinitatis sunt transferenda, et habebunt Officium novem Lectionum, prout suo loco notatum est. Si festum Coronæ Domini, ex novo decreto S. R. Cong. diei 24. Aprilis assignatum, impeditum fuerit, nec transferri queat intra tempus Paschale, die 4. Maii celebrabitur. Festum vero S. Monicæ illo anno transferatur in aliquam Feriam vacantem, servato tamen ordine cum aliis festis Sanctorum, quæ transferenda occurrant, juxta Rubricam infra positam num. 13.

9. Si Nativitas S. Joannis Baptistæ, vel festum Apostolorum Petri et Pauli, vel Visitatio B. M. V. Dominica prima post Oct. Trinitatis venerit, festum purissimi Cordis Mariæ suo ordine transferatur. Si festum Exaltationis sanctæ Crucis incidat in Dominicam infra Octavam Nativitatis B. Virginis : celebretur festum Exaltationis, et festum Nominis B. Mariæ transferatur. Si tamen dies octava Nativitatis B. Mariæ in Dominica evenierit, in ea festum Nominis ejusdem celebretur : festum vero Commemorationis sancti P. N. Dominici in proximam Feriam non impeditam transferatur. Similiter si festum Omnium Sanctorum Ordinis nostri evenierit Dominica secunda Novembris, in qua occurrit festum Patrocinii B. Mariæ, de hoc fiet Officium, et illud transferatur. Similiter etiam si festum S. Hyacinthi Conf. evenierit in Dominica infra Octavam Assumpt. B. M. V. celebretur festum S. Hyacinthi, et festum S. Joachim transferatur. Si tamen dies octava Assumptionis B. Mariæ Virg. in Dominica evenierit, in ea festum S. Joachim celebretur, juxta Rubr. § XXI. num. 2.

10. Cum transferatur festum habens Octavam, etiam Octava transferatur. Similiter si transferatur festum habens Memoriam Sancti annexam, transferatur simul et Memo-

ria, ut dictum est supra, § XII. num. 3.

11. Si festum Simplex concurrat simul cum die octava Simplicis, Officium fiat de Octava, si festum Simplex ulterius transferri potest. Quod si festum Simplex non sit transferibile, propter festa impediencia omnes quindecim dies suæ translationi determinatos; tunc fiet de eo Officium, cum Memoria Octavæ Simplicis simul concurrentis.

12. Festa Simplicia occurrentia in quibuscumque Dominicis diebus per totum annum, transferri debent eo modo quo dicitur n. 14. Excipiuntur festa sanctorum Innocentium, S. Thomæ Episcopi et Martyris, et sancti Silvestri Papæ, de quibus semper suis diebus agitur : quæ pure Simplicia reputanda non sunt; quia Octavarum illarum, infra quas occurrunt, in omnibus induunt qualitatem. Excipiuntur etiam, propter eandem rationem, festa Simplicia incidentia in Dominicam infra Octavas Solemnēs, de quibus etiam fiet Officium, ut dictum est supra § III. num. 1. et § XXII. num. 8.

13. Festa Duplicia, et supra, transferenda sunt eo ordine, quo venerunt. Excipiuntur festum SS. Cordis Jesu, festum Annuntiationis, festum principale S. Joseph, die 19. Martii, et festum S. Francisci Assisii : quæ transferenda sunt in diem fixam, tamquam in sedem propriam. De festo SS. Cordis Jesu dictum est supra, n. 5. Festum Annuntiationis B. M. V. si venerit in Dominica Passionis, transferendum erit ad Feriam secundam immediate sequentem, translato quocumque festo etiam æqualis, non tamen altioris ritus. Si vero occurrerit in Hebdomada Majori, vel Paschali, transferendum erit (pari cum privilegio) in Feriam secundam post Dominicam in Albis. S. R. C. 18. Sept. 1882. et quidem una cum præcepto audiendi Missam, et vacandi ab operibus, si occurrerit Feria sexta in Parasceve, vel Sabbato Sancto. Festum vero S. Joseph, si occurrerit in Dominica Passionis,

transferatur in Feriam secundam immediate sequentem; et quoties inciderit in Majorem Hebdomadam, reponatur in Feria quarta post Dominicam in Albis, tamquam in sede propria: servato Rubricarum præscripto quoad translationem festorum iisdem diebus occurrentium. S. R. C. 15. Aug. 1892. Si festum S. Francisci Assisii inciderit Dominica prima Octobris, transferatur ad diem quintam tanquam ad sedem propriam et festum B. Raymundi a Capua transferatur secundum ordinem Rubricarum. S. R. C. 16. Febr. 1907.

Exciipiuntur etiam festa duodecim Apostolorum, ac festa Sanctorum Ordinis nostri (non autem festa Translationis, vel Commemorationis eorum, aut Beatorum Ordinis nostri), quæ præponuntur in celebratione omnibus aliis festivitatibus æqualis ritus: sed festa Apostolorum præponuntur festis Sanctorum Ordinis nostri. Similiter festum Totum Duplex habens Octavam debet transferri prius quam alia festa Tota Duplicia, quæ non habent Octavas: præter festa Apostolorum, quæ, licet Octavas non habeant, omnibus aliis præponuntur, etiam Sanctis Ordinis nostri, ut dictum est.

14. Festa Simplicia transferenda sunt etiam eo ordine, quo venerunt: sed post Duplicia, et supra. Si tamen festum Simplex non sit ulterius transferibile, (non enim potest transferri ultra quindecim dies), tunc transferatur prius quam festum Duplex, et supra.

15. Festa Duplicia, et supra, non habent tempus determinatum suæ translationis: quia nullo modo est omittendum hujusmodi Officium nisi in casu, de quo dicitur infra, n. 17. Festum vero Simplex, sicut et trium Lectionum transferri possunt per quindecim dies exclusive a die ipsorum, in aliquam Feriam vacantem: quod si infra hos dies non sit aliqua Feria vacans, omittitur illo anno eorum Officium, et solum fit Memoria de illis; nisi in diebus, in quibus etiam Memoria omittitur, exceptis supra in suis peculiaribus Titulis.

16. Vocatur Feria vacans non impedita, in quam transferri possunt festa illa in qua non fit Officium de die Octava Simplicii, aut de festo Simplicii, et supra; vel quæ non est destinata pro legenda Homilia, vel recitanda Historia dominicali. In casu namque illo, quo transferretur festum Duplex, aut majus (exceptis, quæ præponenda sunt in celebratione aliis festivitatibus, de quibus dictum est supra, num. 13.) inmo etiam et festum Simplex, in Feriam destinatum pro legenda Historia, vel Homilia dominicali; prorogabitur ulterius translatio hujusmodi festorum: Homilia vero, vel Historia dominicalis, illa ipsa die recitabitur. Quod de festo Simplicii intelligendum est, si hujusmodi festum ulterius transferri potest, infra tempus supra assignatum suæ translationis: si tamen non sit ulterius transferibile, fiat Officium de festo Simplicii; et Homilia, vel Historia Dominicæ, vel ulterius transferatur, vel plane omittatur: sicut similiter Homiliæ Rogationum, Quatuor Temporum, et Vigiliæ alicujus Sancti omittuntur, si in eam transferantur festa, etiam Simplicia, dummodo hæc ulterius transferri non possint, ut de Homilia Vigiliæ dicitur infra, § XXXV. num. 2. A proprio autem die festum Simplex nullatenus transferri potest solum ob Homiliam, vel Historiam dominicalem recitandam.

17. Verum ex nova S. R. Congregationis dispositione, festa Duplicia, et supra, si ad eorum translationem infra annum non sufficiant Feriæ vacantes, transferri debent primo in dies Octavas Simples, deinde in festa Simplicia: et si adhuc non sufficiant Feriæ vacantes, festa Tota Duplicia transferri debent in dies octavas Solemnēs; non vero festa Duplicia: ita ut si pro istis non sit locus pro translatione, de iisdem fiat Memoria proprio die in utrisque Vesperis, et Laudibus: quæ tamen Memoria omittitur a Vesperis Feriæ quartæ Hebdomadæ Majoris ad Feriam tertiam post Pascha, et a primis Vesperis Pentecostes usque ad Feriam tertiam post eandem in-



clusivæ. Hæc autem omnia intelligenda sunt de festis Duplicibus, quæ sunt in nostro Calendario, non vero de festis extraordinariis, quæ adnotantur § XXXI. n. 3. quæ in hoc casu omitti debent, ne omittantur Officia cujuscumque ritus, quæ describuntur in nostro Calendario. Festa tamen S. Patroni principalis de præcepto, S. Patroni minus principalis etiam de præcepto, si alias celebretur ab omnibus, Dedicationis Ecclesiæ nostræ, sancti Tituli principalis Ecclesiæ nostræ, Sancti cuius Corpus, vel insignis Reliquia asservatur in Ecclesiis nostris, et Dedicationis Ecclesiæ Matricis, seu Cathedralis, semper celebrari debent.

18. De duabus Homiliis eadem die occurrentibus, dictum est § VI. num. 7.

### § XXV.

#### De concomitantia festivitatum.

CONCOMITARI dicuntur festivitates, cum una post aliam immediate celebratur, et præcedens festum in secundis Vesperis cum sequenti festo in primis Vesperis concurrat.

2. Si festum minoris solemnitis, ante vel post festum majoris solemnitis occurrerit; festum majus duas integras Vesperas habebit, et de minori tantum fiet Memoria.

3. Si festum Totum Duplex post aliud ejusdem qualitatis celebrari contigerit; immo si tria, vel plura festa Tota Duplicia in celebratione sibi succedant: primum duas integras Vesperas habebit, secundum vero solum Memoriam in primis Vesperis: et sic de reliquis, quotquot successive celebranda venerint; ita tamen, quod quodlibet festum Totum Duplex debet ad minus unas integras Vesperas habere.

4. Exciipiuntur festa Epiphaniæ, Ascensionis, Trinitatis, Corporis Christi; immaculatæ Conceptionis, Purificationis, Annuntiationis, Assumptionis, et Rosarii beatæ Mariæ; tum et S. Thomæ Aquin., S. Joseph

Sponsi B. M. V., beati Dominici P. N., et Omnium Sanctorum; item Patroni principalis loci de præcepto, Dedicationis Ecclesiæ, et Sancti Tituli principalis Ecclesiæ nostræ: quæ omnia festa semper habebunt duas integras Vesperas, sive ante, sive post quæcumque festa ordinaria, etiam Ordinis nostri, celebrentur, et etiamsi secundo aut tertio loco eveniant. Quare quando festum Rosarii beatæ Mariæ celebratur immediate post festum S. Hieronymi, habebit festum S. Hieronymi primas Vesperas, cum Memoria S. Michaëlis, et festum Rosarii, licet tertio loco celebretur, habebit duas integras Vesperas. Et idem fiat in casibus similibus, ut quodlibet Totum Duplex habeat ad minus semel integras Vesperas, et festum ex supra exceptis habeat duas integras. Verum, in concomitantia cum festo SS. Cordis Jesu, festa S. Joannis Baptistæ, atque Apostolorum Petri et Pauli, necnon festa de præcepto Sancti Patroni principalis loci, Titularis, et Dedicationis Ecclesiæ, Vesperas integras habebunt cum sola Memoria SS. Cordis Jesu, etiam in secundis hujus Vesperis, quamvis ipsum non habuerit primas S. R. C. 5. Sept. 1891.

5. Similiter festa duodecim Apostolorum, Sanctorum Ordinis nostri (non autem Translat. et Commem. eorum, aut Beatorum Ordinis nostri) sive evenierint ante, sive post quodlibet aliud festum Totum Duplex ordinarium, quod invenitur in Calendario, habebunt duas integras Vesperas, et prioris festi in secundis ejus Vesperis, aut subsequentis in primis, solum fiet Memoria. Inde festa SS. Fabiani et Sebastiani Martyrum, S. Agnetis Virginis et Martyris, et sancti Vincentii Levitæ et Martyris in celebratione immediate sibi succedentia, unumquodque illorum primas Vesperas integras habebit propter festum S. Raymundi eis succedens, quod duas integras habebit.

6. Exciipiuntur festa Sanctorum Ordinis nostri, si evenierint ante vel post quodlibet festum Apostolorum quæ vel primis, vel secundis



Vesperis carebunt, ut festum Apostolorum duas integras habeat : sic contingit in festis S. Petri Martyris et S. Catharinæ Senensis, et Apostolorum Philippi et Jacobi, sibi immediate succedentibus. Idem dicendum, si festa Apostolorum, vel Sanctorum Ordinis nostri evererint ante, vel post aliquod festum ex supra exceptis num. 4. ut cum festum S. Catharinæ Senensis celebrabitur immediate post festum sanctissimæ Trinitatis; vel cum festum Apostolorum Philippi et Jacobi, aut festum sancti Antonini inciderint ante vel post festum Ascensionis; in quibus, et in aliis similibus casibus festa Apostolorum, vel Sanctorum Ordinis primis, vel secundis Vesperis carebunt.

7. Si festum Sancti Ordinis nostri post aliud ejusdem Ordinis occurrerit, servetur regula generalis de duobus festis Totis Duplicibus inter se concurrentibus. Excipiuntur festa Translationis, vel Commemorationis eorundem, quæ in concomitantia aliorum festorum Sanctorum Ordinis, vel primis, vel secundis Vesperis carebunt.

8. Omnia festa beatæ Mariæ, quæ sub ritu Totius Duplicis celebrantur, habebunt semper duas integras Vesperas, in concurrentia cujuscunque festi Sanctorum, etiam Ordinis nostri. Excipitur festum Visitationis B. M. V. quod in concomitantia cum festo SS. Cordis Jesu, primis Vesperis carebit. Pariter excipitur festum Nominis beatæ Mariæ, quando occurrerit celebrandum ante, vel post festum Exaltationis sanctæ Crucis : quia tunc festum Nominis B. Mariæ primis, vel secundis Vesperis carebit. Excipiuntur etiam festa purissimi Cordis B. M. Virginis, beatæ Mariæ de Monte Carmelo, et beatæ Mariæ de Mercede, si concurrerint cum festis Apostolorum, aut Sanctorum Ordinis nostri. Aliæ autem exceptiones notabuntur in Titulis de festivitatibus extraordinariis.

9. Si festum Duplex, aut Totum Duplex immediate succedat post Octavam diem Octavarum Solemnissimarum, in primis Vesperis

solum Memoriam habebit sine ulla alia solemnitate in choro. Exceptis festis Annuntiationis beatæ Virginis; Apostolorum Philippi et Jacobi, et Apostolorum Petri et Pauli; Sanctorum Ordinis nostri (non autem Beatorum Ordinis nostri) et sancti Joannis Baptistæ; item S. Patroni principalis loci de præcepto, Dedicationis Ecclesiæ, et Sancti Tituli principalis Ecclesiæ nostræ : quæ festa habebunt primas Vesperas integras cum Memoria Octavæ. Inde etiam quando post Octavam diem Octavarum Solemnissimarum immediate celebratur de festo Toto Duplici non excepto, et post illud debeat fieri de festo ex supra exceptis, tunc primum succedens Octavæ habebit primas Vesperas integras cum Memoria Octavæ; ut festum postea subsequens habeat primas Vesperas integras, uti illas haberet, si immediate post Octavam celebraretur. Excipitur festum SS. Cordis Jesu, in cujus concomitantia cum die Octava Corporis Christi, Vesperæ fiant de eadem Octava, sine ulla SS. Cordis Memoria, attenta indole peculiari utriusque festi. S. C. R. 28. Jun. 1889.

10. Si festum Duplex post aliud Duplex evererit, et primum non habuit primas Vesperas impeditas, in secundis Psalmi et Antiphona erunt primi festi, et incipiet Officium secundi Duplicis a Capitulo cum Memoria primi : si tamen secundum similiter secundas suas Vesperas impeditas non habeat. Idem fiet, cum primum habuit primas Vesperas impeditas, et sequens habiturum est secundas a majori solemnitate etiam impeditas. Quod si primum festum Duplex habuit impeditas primas Vesperas, et sequens non habet impeditas secundas; primo Duplici debentur secundæ Vesperæ cum Memoria secundi, cujus postea suo die secundæ Vesperæ integræ erunt. Et similiter, si primum Duplex non habuit primas Vesperas impeditas, et sequens secundas impeditas habuerit : primum Duplex solum habebit Memoriam in secundis Vesperis, quæ erunt integræ sequentis Duplicis;

licet Psalmi erunt de primo Duplici, juxta Rubricam § XV. num. 1. In concurrentia tamen trium vel plurium festorum Duplicium immediate sibi succedentium, servetur quantum fieri potest, ut primum Duplex utrasque Vesperas integras habeat; de reliquis vero disponatur secundum modum superius præscriptum in hoc num. : ita ut si primum Duplex habuerit primas Vesperas ab Antiphona, vel a Capitulo, habebit secundas Vesperas integras cum Memoria sequentis; et pariter alia sequentia habebunt integras secundas Vesperas. Si vero ultimum Duplex habebit secundas Vesperas impeditas, primæ ejus Vesperæ erunt a Capitulo.

11. Si festum Duplex inter duo festa Tota Duplicia venerit, in utrisque Vesperis solam Memoriam habebit. Idem sentiendum de festo Simplici incidente inter duo festa Duplicia (extra tamen Octavas Solemnnes, juxta infra dicenda n. 13.) et Tota Duplicia.

12. Si festum Duplex, vel majus in quocumque Sabbato celebretur, integras Vesperas habebit in ipso Sabbato cum Memoria Dominicæ: etiamsi Dominica non sit habitura secundas Vesperas. Si vero festum Dominicæ successerit, Officium Duplicis incipiet a Capitulo: et cum illud Duplex non haberet primas Vesperas integras, si occurrat aliud Duplex subsequens non habens secundas Vesperas impeditas, tunc præcedens habebit secundas Vesperas integras cum Memoria sequentis: si tamen hoc habuerit secundas Vesperas impeditas, ejus Officium in primis Vesperis incipiet a Capitulo. Quomodo autem festa Duplicia celebranda sint in Octavis Solemnibus, dictum est supra § XXII. n. 10.

13. Si festum Duplex post festum Simplex, vel infra Octavam, aut post Octavam diem Octavarum Simplex evenierit: in primis Vesperis Psalmi erunt de festo vel Octava Simplici; Antiphona, Capitulum, et quæ sequuntur, erunt de festo Duplici. Si vero successerit festo, vel diei Octavæ Simplici, de quibus ce-

lebratum fuerit in Dominica, vel infra Octavas Solemnnes, tunc Officium Duplicis subsequens incipiet a Capitulo: Psalmi vero et Antiphona erunt festi vel Octavæ Simplicis, ut dictum est supra § III. n. 2. et § XXII. n. 10.

14. Si festum Simplex post aliud Simplex occurrerit, idem ordo per omnia servetur, qui pro Duplicibus est notatus supra, n. 10. Idemque cum proportionem servetur, si festum Simplex antecedit, vel sequatur diem Octavæ Simplicis, in Vesperis, in quibus se contingunt festum et dies Octava Simplex.

15. Cum festum Simplex celebratur in Sabbato, in secundis Vesperis incipiet Officium Dominicæ a Capitulo; Psalmi vero et Antiphona erunt festi Simplicis. Quod si habuerit primas Vesperas Feria sexta impeditas, in Sabbato habebit secundas integras, cum Memoria Dominicæ. Si tamen Responsorium Historiæ fuerit dicendum, tunc Psalmi et Antiphona erunt festi Simplicis; Capitulum vero, et reliqua erunt de Dominicæ. Si tandem Officio Dominicæ successerit festum Simplex, in primis Vesperis solam Memoriam habebit.

## § XXVI.

### De festivitatibus extraordinariis.

**F**ESTIVITATES extraordinariæ vocantur, quæ non inveniuntur notatæ in nostro Calendario, sed in aliquibus regnis, provinciis, civitatibus, seu oppidis, ex sanctæ Sedis privilegio, et approbata consuetudine solemniter celebrantur. Hujusmodi sunt festum Sancti Patroni principalis; festum Dedicationis Ecclesiæ; festum Sancti Tituli principalis Ecclesiæ; et festum Sancti, cujus Corpus, vel insignes Reliquiæ asservantur in Ecclesiis nostris; necnon aliæ festivitates, quæ solemniter solent celebrari.

## § XXVII.

### De festo Sancti Patroni.

**F**ESTUM Sancti Patroni principalis de præcepto, celebretur sub ritu Totius Duplicis, sed sine Octa-

va. Et celebrandum est suo die, nisi occurrerit Dominica prima Adventus, Feria quarta Cinerum, Dominica prima, seu quinta Quadragesimæ, Dominica in Ramis Palmarum, et usque ad Dominicam in Albis inclusive: in Vigilia Nativitatis Domini, in Circumcisione, in die octava Epiphaniæ, in Ascensione, a Vigilia Pentecostes usque ad festum sanctissimæ Trinitatis inclusive, et in die Corporis Christi: in festo Assumptionis beatæ Mariæ, et in festo Omnium Sanctorum. Tunc enim transferatur festum Sancti Patroni principalis de præcepto juxta consuetudinem Ecclesiæ Matricis, cui in hujus festivitatis celebratione debent Ecclesiæ nostræ conformari.

2. Si festum Sancti Patroni principalis de præcepto occurrerit Dominica prima Octobris, fiat Officium de Sancto Patrono, et festum Rosarii beatæ Virginis cum sua Octava transferatur in proxime vacantem Feriam, sed quoad Officium tantum; non vero quoad solemnitatem Processionis, quæ tali die a confratribus sanctissimi Rosarii publice fieri consuevit. Si vero prænominatum festum Patroni in die S. P. N. Dominici occurrerit, transferatur festum Patroni.

3. Si festum Patroni principalis de præcepto celebretur ante vel post festa Apostolorum, Sanctorum Ordinis nostri, vel Dedicationis Ecclesiæ, habebit duas Vesperas integras, et festa prædicta semel integras. Si vero eadem die evenierit, transferenda sunt festa Dedicationis Ecclesiæ, Apostolorum, et Sanctorum Ordinis nostri. Si autem concurrat cum festivitibus beatæ Virginis, aut aliis majoribus (ut sunt designatæ supra § XXV. n. 4. pro duabus integris Vesperis habendis) servandus est mos Matricis Ecclesiæ, tam in translatione, quam in concomitantia.

4. Quæ Rubricæ pariter observandæ sunt in festo Patroni regni, aut provinciæ, vel civitatis: dummodo Patroni principales sint, et de præcepto, necnon juxta sedis Apostolicæ decreta nominati et instituti. De occursu vero, seu concursu Patroni

principalis regni cum Patrono principali provinciæ, vel civitatis, nihil statui potest; observetur tamen consuetudo Ecclesiæ Matricis.

5. Juxta S. R. Congregationis declarationem sub die 17. Sept. 1853. Regulares non tenentur ad celebranda festa Patronorum minus principalium. Verum festum Patroni minus principalis de præcepto, si alias celebretur ab omnibus, qui ad Horas canonicas tenentur, in illo loco, cujus est Patronus, debet etiam a nobis celebrari, ex generali concessione Apostolica, de qua infra, § XXXI. sub eo tamen ritu, qui dicto § designatur. De Sancto vero Patrono minus principali, non de præcepto, non tenemur celebrare festum, ex antedicta declaratione S. Congregationis; possumus tamen juxta præfatam Apostolicam concessionem.

6. De concursu vero cum aliis festivitibus observetur mos Ecclesiæ Matricis: nisi forte ob peculiarem festivitatem illius Ecclesiæ propriam, debeat festum Patroni non principalis transferri: nam tunc debet fieri Officium de Sancto Patrono, proprio die. Si in die Sanctorum Ordinis nostri occurrerit festum Sancti Patroni minus principalis, si sit de præcepto, transferatur festum sancti Ordinis nostri; seculis vero, si de præcepto non fuerit.

#### § XXVIII.

#### De festo Dedicationis Ecclesiæ.

UBI Ecclesiæ nostræ sunt consecratæ, singulis annis in Anniversario fiat Officium sicut in Toto Duplici, et Octava celebretur ad instar Octavarum Simplicium; præterquam in Adventu, et deinceps usque ad Octavas Epiphaniæ; et in Septuagesima, et deinceps usque ad Octavas Paschæ, et in diebus Rogationum, et deinceps usque ad Octavam Corporis Christi. Quando autem Octavæ non fiunt, non fiat Memoria de Dedicatione.

2. Quod si hoc festum Dedicationis infra Octavas alicujus Sancti evenierit, durante Octava de Sancto,



fiat Memoria de Octava Dedicationis; et Octava de Sancto celebrata, fiat Officium de Octava Dedicationis, nisi adsit impedimentum.

3. Festum vero Dedicationis Ecclesiæ Matricis, seu Cathedralis alicujus civitatis, ubi moramur, debet a nobis celebrari, si ab omnibus tam sæcularibus, quam Regularibus illius civitatis celebratur, sub ritu etiam Totius Duplicis, sed sine Octava: non tamen de Dedicatione alterius Ecclesiæ.

4. Festum Dedicationis Ecclesiæ nequit celebrari in illis diebus, quibus non potest fieri Officium de Sancto Patrono principali de præcepto, ut dictum est supra § XXVII. n. 1. et 2. Neque in ipsa die Patroni principalis de præcepto: unde si eodem die occurrerit, debet festum Dedicationis transferri: et si præcedat, sive sequatur, habebit festum Patroni duas integras Vesperas, ut dictum est supra, § præcedenti, numero 3. Secus vero si festum Dedicationis occurrerit in die Sancti Patroni minus principalis, etiam de præcepto, sive in festo S. Tituli principalis, sive in festo Sancti cujus Corpus vel insignis Reliquia asservatur in Ecclesiis nostris, sive in festis Apostolorum, vel Sanctorum Ordinis nostri: nam tunc debet Officium fieri de Dedicatione, et prænominata festa transferri; et in concomitantia cum illis, festum Dedicationis habebit duas integras Vesperas: sicut etiam si concomitetur festa beatæ Virginis: exceptis designatis supra § XXV. n. 4. quæ duas integras Vesperas debent habere. Quæ omnia intelligenda sunt de festo Dedicationis Ecclesiæ nostræ; festum enim Dedicationis Ecclesiæ Matricis celebrari debet secundum Rubricas, sicut alia festa non solemnia, nec de præcepto in civitate, de quibus infra § XXXI.

### § XXIX.

De festo Sancti Tituli principalis Ecclesiæ nostræ.

**F**ESTUM Sancti Tituli principalis Ecclesiæ nostræ celebretur sub ritu Totius Duplicis, sed sine Octa-

va. Festum Sancti Tituli minus principalis celebretur sub ritu designato, vel consueto.

2. Festum Sancti Tituli principalis nostræ Ecclesiæ debet transferri, si occurrerit in diebus Sancti Patroni principalis de præcepto, vel Dedicationis nostræ Ecclesiæ, quia hæc sunt festa majoris solemnitatis: proindeque transferendum est festum Sancti Tituli principalis, si occurrat in illis diebus, quibus nequit fieri Officium de Sancto Patrono principali, vel de Dedicatione, de quo § XXVII. num. 1 et 2, § præcedenti, num. 4.

3. Festum Sancti Tituli principalis Ecclesiæ nostræ præcedit in solemnitate festum Sancti, cujus Corpus conditum est in Ecclesiis nostris: et ideo hoc secundum, si eodem die evenierit, transferendum est; et si in duobus diebus immediate, semper festum Tituli principalis habebit duas integras Vesperas. Idque idem servetur de festo Sancti Tituli principalis respectu festorum beatæ Virginis, Apostolorum, et Sanctorum Ordinis nostri, sicut § præcedenti, num. 4. de festo Dedicationis dictum est.

4. In concursu cum S. Patrono minus principali, etiamsi sit de præcepto, debet præferri festum Sancti Tituli principalis Ecclesiæ; non vero festum Sancti Tituli minus principalis, sed debet celebrari festum Patroni minus principalis de præcepto. Si vero festum Patroni non sit de præcepto, et occurrerit in die Sancti Tituli minus principalis, fiat translatio juxta qualitatem solemnitatis festorum. Sed si ejusdem solemnitatis sint, præferatur festum Sancti Tituli minus principalis, nisi propter maximam populi devotionem aliter fieri oporteat.

### § XXX.

De festo Sancti cujus Corpus, vel insignis Reliquia condita sunt in Ecclesiis nostris.

**F**ESTUM Sancti, cujus Corpus conditum est in Ecclesiis nostris, celebretur sub ritu Toto Du-



plici, et computandum est inter festa solemnia patriæ: ac de ejus translatione, et concomitantia cum aliis festivitibus judicandum est secundum morem patriæ et devotionem populi. Si nulla fuerit consuetudo, debent huic festo in omnibus præferri festum Sancti Patroni principalis de præcepto, festum Dedicationis Ecclesiæ, et festum S. Tituli principalis Ecclesiæ nostræ: et similiter eidem festo præferenda sunt festa beatæ Virginis, Apostolorum, et Sanctorum Ordinis nostri.

2. Non potest autem Officium de hujusmodi Sancto celebrari, eo quod in loco sit ejus Corpus, aut aliqua Reliquia; sed tantum in Ecclesiis nostris, ubi asservatur Corpus, aut insignis Reliquia. Ita habetur ex decreto sacræ Congregationis Rituum, quæ aliter fieri vetuit, et prohibuit: et insuper declaravit, insignes Reliquias esse: Caput, Brachium, Crus, aut illam partem Corporis, in qua passus est Martyr, modo sit integra, et non parva, et legitime ab Ordinariis approbata.

3. Advertendum tamen, quod dictum est de Sanctis, quorum Corpora, vel insignes Reliquiæ asservantur in Ecclesiis nostris, intelligendum est dumtaxat de Sanctis in Martyrologio Romano descriptis, et dummodo constet de identitate Corporis, vel de illis, quorum festivitates celebratæ sunt cum licentia sacræ Congregationis Rituum, vel Summi Pontificis. De ceteris autem Sanctis, de quibus non habetur hujusmodi licentia, nullo modo fiat Officium, Magistro Ordinis, vel sacra Congregatione inconsultis.

4. Quod si sanctus ille, cujus Corpus, seu insignis Reliquia in nostris asservatur Ecclesiis, habuerit socium, aut socios, quorum Corpora, seu insignes Reliquiæ non asservantur in nostris Ecclesiis, debet festum Sancti, cujus Corpus, seu Reliquiam insignem habemus, proprio die celebrari: et socii in prima Feriam non inepeditam transferri, et sub ritu in Calendario designato celebrari. Quod etiam est

observandum, si Sanctus Patronus de præcepto, vel Titularis Ecclesiæ habuerint socios, qui nec Patroni, nec Titulares sint.

5. Quando autem fit festum de Sancto principali, et non de sociis, separantur in Matutino Lectiones, si commode fieri potest: et dicantur in festo Sancti principalis, quæ ejus vitam et acta referunt; relictis pro sociis aliis Lectionibus, quarum numerus debet ex Communi compleri. Si vero historia vitæ separabilis non sit, legantur omnes Lectiones in festo principali, et pro sociis sumantur ex Communi. Idemque de Oratione, si Sanctorum nomina possunt separari.

6. Festum Sancti, cujus insignem habemus Reliquiam, celebretur tantum sub ritu Duplici: nisi aliunde majorem habeat solemnitatem.

### § XXXI.

De aliis festis locorum, et Sanctorum, quæ auctoritate Apostolica de novo celebranda approbantur.

DE Sanctis Episcopis locorum, Martyribus, civibus, et aliis festis, de quibus in Calendario, seu Rubricis nihil habetur, uti etiam de Beatis nondum canonizatis, nihil propria auctoritate constituatur, sed omnino consularum sacrarum Rituum Congregatio, prout ipsa per suum speciale decretum statuit, et mandavit.

2. Cum Ordinis nostri Ritus in divino Officio recitando sit specialis, et a Sede Apostolica specialiter approbatus, et confirmatus; non licet alicui pro suo libito disponente recitationem Officiorum, vel recitari facere Officia Sanctorum, quæ a Sede Apostolica recitanda, sive ad libitum, sive de præcepto conceduntur omnibus tam sæcularibus, quam regularibus Urbis et Orbis, qui ad Horas canonicas tenentur; donec specialiter et expresse Ordini nostro fuerint concessa ab eadem Sede Apostolica, et jussu Magistri Ordinis nostro Breviario inserta, et ea die, ac eo ritu, quibus in illo dicta festa designantur. Idem quoque est

dicendum, si de novo auctoritate Apostolica elevatur ritus alicujus festi pro Breviario Romano, vel de novo conceditur celebratio illius sub ritu majori eo, sub quo jam a nobis celebratur : quod scilicet illa elevatio ritus, vel nova concessio Officii sub ritu majori, licet sit universalis, et Urbis et Orbis, debet specialiter et expresse Ordini nostro concedi, et nostro Breviario, ut supra, inseri, ut illa possimus uti. Quæ omnia ab initio Ordinis usque ad hæc nostra tempora servata fuerunt.

3. Ex concessione speciali sanctæ mem. sanctissimi Domini nostri Benedicti XIII Ordinis nostri, ad instantiam Magistri Ordinis, possumus celebrare Officia et Missas illorum Sanctorum, de quibus in aliquo regno, provincia, vel civitate, ex concessione Apostolica speciali, vel ex approbata consuetudine, universim ab omnibus tam sæcularibus, quam regularibus, Officium cum Missa celebratur, sub ritu tamen, et forma juxta Rubricas Breviarii Ordinis. Pro usu igitur hujusmodi gratiæ, maxime debent Superiores, et directores divini Officii pro illo regno, provincia, vel civitate prius attendere, de quibus festis, ut supra, universim fiat Officium, ut de illis a nostris fieri possit.

4. Circa tamen occurrenceam hujusmodi festorum, est etiam regula sequens : si aliquod festum ex dictis occurrerit in die Sancti nostri Ordinis, vel alterius Sancti nostri Calendarii, transferendum est, et fieri debet Officium de Sancto Ordinis, vel de Sancto nostri Calendarii; nisi illud festum sit Patroni principalis loci de præcepto, vel Patroni minus principalis, etiam de præcepto, vel aliud festum solemne, et de præcepto in patria, quæ semper præferenda sunt festis Sanctorum Ordinis, et Sanctorum nostri Calendarii, etiamsi hæc sint ejusdem vel majoris solemnitatis; et debet fieri Officium de Sancto patriæ, et nostra festa transferenda sunt.

5. Quando prædicta Officia, vel inter se, vel cum Sanctis Ordinis, vel aliis nostri Calendarii eadem die in aliquibus locis ita fixe occur-

runt, ut translatio alicujus, seu aliorum sit perpetua; tunc prima dies proxima non impedita, censeatur assignata in perpetuum pro die propria festi translati respective, ita ut de illo fiet, etiamsi evenierit in Dominicam, nisi fuerit talis Dominica, vel talis dies juxta Rubricas impedita, ut in illam nullum festum transferri possit, prout dictum est § XXVII. num. 1.

### § XXXII.

#### De Memoriis faciendis.

PER totum annum, cum de Dominica non agitur, Sabbato præcedenti in Vesperis, et ipsa die in Laudibus, et in secundis Vesperis, fiat illius Memoria : exceptis Dominicis occurrentibus in Vigilia Nativitatis Domini usque ad Epiphaniam : de quibus suis locis notatum est. Item Dominicis infra Octavas Ascensionis, et Corporis Christi, de quibus nulla est facienda Memoria Sabbato præcedenti. Similiter de Dominica fiat Memoria in Laudibus, et Vesperis aliquo die infra Hebdomadam, si non possit fieri de Feria pro Dominicis, quæ supersunt post Octavam Epiphanie, et non possunt resumí post Octavam Trinitatis : et etiam de Dominica xxi. post Octavam Trinitatis, prout in propriis locis dicitur.

2. De Feria fiat quotidie Memoria in Adventu, et Quadragesima, et tribus diebus Rogationum, cum aliquod festum in iisdem contigerit celebrari : aliis vero temporibus nulla est facienda Memoria de Feria.

3. De festo Duplici, et supra, semper fiat Memoria in Vesperis, quando eas impeditas habuerit. Idem fiat de festo Simplici, præterquam in Vigilia Pentecostes, in qua in secundis Vesperis omittitur Memoria festi Simplicis, ut dictum est § XXIV. num. 7. et in Feria quarta majoris Hebdomadæ, ut dictum est § XIV. num. 5. Etiam est facienda Memoria de Octava Simplici : præterquam in diebus notatis § XXI. num. 6. et 7. Similiter est facienda Memoria de Octava Solenni, et Solemnissima, si de ipsis non fiat Offi-

cium, sicut in suis specialibus Titulis supra notatum est.

4. De festo trium Lectionum fiat Memoria; similiter fiat de Octava trium Lect.; etiam de festo et Octava habentibus solam Memoriam, sicut de singulis in suis specialibus locis dictum est.

5. Memoria quæcumque tam in Vesperis, quam in Laudibus, fiat per Antiphonam, Versiculum, et Orationem.

6. Sanctorum Memoria fiat per Antiphonas proprias, aut ex Comuni Sanctorum desumptas, quæ notantur in Vesperis, vel Laudibus. Si contigerit eodem die plures seorsim Memorias fieri, vel Martyrum vel Confessorum, vel Virginum etc. et Officium illius diei ex Comuni desumatur, tunc in primis Vesperis, prima Memoria fiat per Antiphonam notatam ad Magnificat pro secundis Vesperis. Secunda Memoria, per primam Antiphonam Laudum. Tertia, per quartam Antiphonam Laudum. In secundis Vesperis, prima Memoria fiat per Antiphonam positam ad Magnificat pro primis Vesperis. Secunda, per Antiphonam, quæ dicitur super Psalmos in primis Vesperis. Tertia, per quartam Antiphonam Laudum. In Laudibus, Memoria prima fiat per secundam Antiphonam Laudum. Secunda, per tertiam Antiphonam Laudum. Tertia, per quintam Antiphonam Laudum. Versiculus autem per prima Memoria in Vesperis. erit positus in primo Nocturno: pro secunda, positus in secundo, etc. In Laudibus vero pro prima Memoria Versiculus erit positus in tertio Nocturno: pro secunda, positus in secundo, etc. Si illud contigerit tempore Paschali, fiat eodem modo, sumendo Antiphonas de Comuni illius temporis: sed prima Memoria in Vesperis, et Laudibus fiat respective per Antiphonas ad Magnificat et Benedictus de Comuni extra tempus Paschale cum ALLELUIA.

7. In omnibus Sabbatis per totum annum in Vesperis, et Laudibus fiat Memoria de beata Virgine, quotiescumque de ipsa non agitur. Eodem

modo fiat Memoria de beato Dominico Patre nostro in tertiis Feriis; et in quintis, de sanctissimo Sacramento; et in quartis, ubi viget studium, de D. Thoma; aut de alio Sancto Ordinis, juxta consuetudinem approbatam. Fiat etiam in eadem Feria Memoria de sancto Thoma in conventibus, in quibus celebratur Officium de alio Sancto Ordinis nostri: si tamen in illis viget studium artium simul et theologiæ. Intermittitur autem Memoria hujusmodi in dictis Feriis de beata Virgine, de beato Dominico, de Sancto Ordinis, et de sanctissimo Sacramento, in festis Duplicibus, et supra, et infra Octavas Solemnissimas, et Solemnes, ac in diebus Octavis earum, et a secunda die Januarii usque ad diem Octavam Epiphaniæ inclusive, et in die Animarum.

8. Fiat Memoria de beata Virgine in Laudibus, et Vesperis diei Octavæ sancti Stephani, et deinceps usque ad secundas Vesperas diei Octavæ Epiphaniæ exclusive: præterquam in Laudibus Vigilæ Epiphaniæ, et in Vesperis utrisque, et Laudibus festorum Epiphaniæ, Inventionis D. N. J. C. in medio Doctor. et beati Gundisalvi. Ejusdem beatæ Virginis Memoria fiat in die sancto Paschæ, et duobus sequentibus in Vesperis, ut ibidem notatum est; item in omnibus Dominicis per totum annum, quando de Dominica agitur, fit Memoria de beata Virgine in Laudibus per Antiphonam SUB TUUM PRÆSIDIUM. V. POST PARTUM, et Orationem PROTEGE DOMINE. In Vesperis per Antiphonam REGALI EX PROGENIE. V. ORA PRO NOBIS. et Orationem PROTEGE. Exceptis Dominicis infra Octavas Simples beatæ Virginis.

9. De Cruce est facienda Memoria quotidie per Hebdomadam Paschæ ad Vesperas, et in Dominica in Albis, et deinceps quotidie usque ad Vigiliam Ascensionis exclusive, tam in Laudibus quam in Vesperis, exceptis festis Duplicibus, et supra.

10. In Officio quotidiano beatæ Virginis, semper fiat Memoria in Laudibus et Vesperis de B. Domi-



nico Patre nostro, et de omnibus Sanctis nostri Ordinis : etiam Feria tertia, quando de beato Dominico Patre nostro fit Officium, aut Memoria.

11. In omnibus tertiis Feriis, quando fit Officium de sancto Patre nostro Dominico, fiat Memoria in Vesperis et Laudibus de sancto Patre nostro Francisco.

§ XXXIII.

De ordine Memoriarum.

**M**EMORIA festi Simplicis, et supra, præcedit Memoriam Octavæ non solemnem; Memoria tamen diei Octavæ Simplicis præcedit Memoriam festi Simplicis; Memoria festi Duplicis, et supra, et Octavæ Solemnis, et supra, præcedit Memoriam Dominicæ, et festi Simplicis : excipiuntur festa Simplicia, quæ celebrantur infra Octavas Nativitatis Domini; et similiter festum Simplex, aut Octava Simplex, quando celebrantur infra Octavas Solemnem : tunc enim si habeant primas aut secundas Vesperas impeditas a festo Duplici, et supra, Memoriam illorum præcedunt Memoriam Octavæ, infra quam celebrantur.

2. Memoria de Octava Simplicis, et Memoria de Adventu, et Quadragesima, ac de Dominica post Octavas Epiphaniæ, vel Trinitatis, quando fit in aliqua Feria infra Hebdomadam, præcedunt Memoriam de beata Virgine in Sabbato; de B. Dominico Patre nostro, Feria tertia; de sanctissimo Sacramento, Feria quinta; de D. Thoma, aut S. Ordinis, Feria quarta. Istæ autem supradictæ Memoriam de beata Virgine, etc. præcedunt Memoriam festi trium Lectionum, et festi habentis solam Memoriam : hoc vero præcedit Memoriam de S. Patre Francisco Feria tertia faciendam, et Memoriam Octavarum habentium solam Memoriam infra ipsas Octavas; sed in die Octava festum habens solam Memoriam præceditur ab Octava. Festum habens Memoriam solam in Vesperis et Laudibus, præcedere debet festum de sola Memoria in

Laudibus : et hujusmodi Memoria in proprio die debet præcedere Memoriam festi hujusmodi translata cum alio festo, cum quo est annexum. Semper tamen in Vesperis prima Memoria fiat de eo, de quo fit Officium die sequenti, si alias de eo est facienda sola Memoria; ut contingit, quando Feria tertia fit de festo, vel Octava Simplicis, et Feria quarta fiat Officium de festo trium Lectionum; tunc enim in Vesperis Feriæ tertiæ Memoria de festo trium Lectionum præcedet Memoriam de S. Thoma, vel de Sancto Ordinis.

3. Memoria de Cruce, Paschali tempore, fiat post omnes prænotatas Memoriam. Memoria vero de beata Virgine, quæ fit Dominicis diebus, fit quovis tempore post omnes Memoriam : sicut et Memoria de beata Virgine, quæ fit ab Octava sancti Stephani, et deinceps usque ad diem Octavam Epiphaniæ, debet fieri post omnes Memoriam.

§ XXXIV.

De Orationibus in festis et Vigiliis Sanctorum.

**O**RATIO, quæ in festis Sanctorum dicitur ad primas Vesperas, dicenda est ad omnes Horas diei (exceptis Prima et Completorio, ut supra dictum est) usque ad secundas Vesperas inclusive. Excipiuntur festa Sanctorum, quæ in Vigiliis habent proprias Orationes, quæ dicendæ sunt ad primas Vesperas. Omittatur Oratio Vigiliæ, si festum transferatur ad secundam Feriam.

§ XXXV.

De Homilia in Vigiliis Sanctorum.

**H**OMILIA dicenda est in Vigiliis Apostolorum Petri et Pauli; Apostolorum Simonis et Judæ; et Omnium Sanctorum. In his Vigiliis Officium fiat de Feria, cum Homilia propria : exceptis Vigiliis occurrentibus infra Octavas Simples, aut Solemnem; in quibus Officium erit de Octava, duæ Lectiones de Homilia, et tertia de Octava. In ceteris autem Vigiliis B. Mariæ V. aut San-



ctorum, Homilia Vigilæ prorsus omittitur ob festa occurrentia.

2. Dimittitur Homilia, cum Vigilia in Dominica evenierit. Item quando transfertur in Vigiliam aliquod festum Simplex (quod ulterius transferri non potest) aut majus. Item quando Vigilia Apostolorum Petri et Pauli, in die Corporis Christi aut infra Octavam, vel in die octava ejusdem occurrerit.

### § XXXVI.

De Matutinis in sero post Completorium dicendis.

**M**ATUTINÆ in sero post Completorium dicantur in triduo ante Pascha. A festo autem sanctissimæ Trinitatis, in festis Duplicibus, et supra, et Dominicis diebus, similiter dicantur, usque ad diem ultimam Augusti. Item infra Octavas Corporis Christi, et Visitationis beatæ Virginis, propter Indulgentias. Ubi autem consuetum est semper media nocte, aut post mediam noctem, omnibus his prædictis diebus, aut saltem aliquibus, Matutinas dici, servetur consuetudo. Si tamen Matutinæ in sero, vel ante mediam noctem dicantur, PRETIOSA. non est dicenda tunc immediate post illas, sed reservetur, ut dicatur immediate post Primam nisi post mediam noctem finiantur, ut in nocte Natalis Domini.

### § XXXVII.

De Officio quotidiano beatæ Mariæ Virginis.

**O**FFICIUM quotidianum B. Virginis dicendum est pro tempore ante Horas canonicas, excepto Completorio, quod post Completorium de Tempore, vel de Sancto, dicendum est ante Antiphonam SALVE REGINA. et ideo Completorium beatæ Virginis non terminatur, sicut alia Horæ, per *ŷ*. AVE MARIA. sed illo omisso, immediate post *ŷ*. BENEDICAMUS DOMINO. sequitur Antiphona SALVE.

2. Intermittitur prædictum Officium in Vigilia Nativitatis Domini in Matutinis, et deinceps usque in

crastinum post Octavam Epiphaniæ inclusive; et in quarta Feria ante Cenam Domini in Vesperis, et deinceps usque in secundam Feriam post Octavam Paschæ exclusive. Intermittitur etiam in festis Duplicibus, et Totis Duplicibus in primis Vesperis, et deinceps usque ad Completorium diei festi inclusive. In omnibus Dominicis diebus per totum annum in Matutinis, et usque ad Completorium inclusive. Et similiter infra omnes Octavas Solemnissimas, et Solemnnes, et in diebus Octavis, etiamsi in die aliqua infra ipsas Octavas Officium de ipsis Octavis non fiat: sed fiat Officium de festo, vel Octava Simplici, ut dictum est supra § XIV. num. 4. et § XXI. num. 10. Omittitur autem quodcumque de ipsa beata Virgine Officium celebratur, sive in Octavis ipsius, sive extra Octavas; in Octavis tamen dicitur in Vesperis, in casibus expressis supra § XXI. n. 10.

3. In Vigilia Pentecostes dicitur Officium quotidianum beatæ Virginis in Matutinis, et usque ad Vesperas exclusive.

### § XXXVIII.

De Litanis Sanctorum et de prostrationibus super formas.

**P**OST Completorium, quantumvis ea die solemne festum fuerit; si nihilominus die sequenti fiat Officium de Feria, tam extra tempus Paschale, quam intra, semper legantur sero præcedenti, in choro Litanis Sanctorum cum Psalmo DEUS IN ADJUTORIUM. Precibus, Versiculis, et Orationibus, ut designantur in Breviario, post Completorium, pag. 136. Exceptis Vigilia Nativitatis Domini, Feria quinta in Cena Domini, et Feria sexta in Parasceve; in quibus Litanie, etc. omnino dimittuntur. Sabbato autem Sancto, tribus diebus Rogationum, et Vigilia Pentecostes, Litanie dicuntur ante Missam Feriæ: sed in tribus diebus Rogationum (si fit de Feria) et in Vigilia Pentecostes, dicuntur in sero præcedenti

post Completorium, Psalmus DEUS IN ADJUTORIUM, Preces, et Orationes Litaniarum.

2. Dum Litiariæ post Completorium recitantur in choro, fratres debent esse genuflexi, aut (si fuerint factæ prostrationes in Vesperis) prostrati, a principio usque ad ultimam Orationem inclusive. Qui autem tunc non fuerint in choro, ad eas recitandas minime teneantur.

3. Si ex aliqua causa aut necessitate Litiariæ recitantur, addenda est Oratio, et Versiculus pro illa necessitate.

4. Post Litanias (si alias hæ sunt dicendæ) vel immediate post Completorium (si Litanie non sunt dicendæ) fratres prostrati dicant : CONFITEOR, cum Psalmo MISERERE, ut notatur in Breviario in Dominica prima post Octavam Epiphaniæ vel Trinitatis, si illa die de Feria fiat Officium : exceptis Vigiliis Pentecostes, et tribus diebus ante Pascha. Dum autem dicitur Psalmus prædictus, recipiant fratres disciplinam ab Hebdomadario, qui postea etiam eam recipiat ab eo, qui præest choro. In tribus vero diebus Rogationum id non omittatur; sed post Preces et Orationes (similiter si Officium fuerit de Feria) in sero præcedenti prædicta dicuntur, et disciplina detur.

5. Quod si post Completorium, ubi est talis consuetudo, disciplina dari non possit, propter seculares. detur in sacristia, vel capitulo : aut tunc, si fuerit grave impedimentum, relinquatur post Matutinas. Fratres vero, qui disciplinis non intersunt, tenentur recitare Psalmum MISERERE cum Oratione.

6. Prostrationes super formas faciendæ tantum sunt quando Officium fit de Feria extra tempus Paschale ad omnes Horas respective (prout in Constitutionibus nostris De inclinationibus. cap. 2. dist. 1. videre est), Quæ quidem intermittuntur in Nona in omni Sabbato, quando fit de Feria, et in omni Vigilia cujuslibet festi novem Lectionum, nisi in Qua-

dragesima : nam in ea etiam in Nona prædictis diebus sunt faciendæ. Intermittuntur etiam in Vesperis festi trium Lectionum usque ad Nonam sequentis diei inclusive; et in Vesperis Sabbati, et Vigiliæ festi novem Lectionum usque ad Completorium Dominicæ, vel festi inclusive : et ubi particulariter est notatum, quod intermittantur.

7. Fiant etiam prostrationes in Officio Defunctorum, si in Hora canonica immediate præcedenti factæ sunt in choro.

### § XXXIX.

#### De Precibus.

PRECES dicuntur in Vesperis, Completorio, Laudibus, Prima, Tertia, Sexta, et Nona, cum de Feria agitur.

2. Tempore autem Paschali non dicuntur Preces, nisi in Prima, et in Completorio.

3. Intermittuntur etiam Preces in Nona, quodcumque in eadem intermittuntur prostrationes super formas : ut (quando fit de Feria) in omni Sabbato, et in Vigilia cujuslibet festi novem Lectionum, nisi in Quadragesima, prout § præcedenti num. 6. dictum est : quare in Quadragesima, etiam in Nona prædictis diebus Preces sunt recitandæ.

4. Preces dicuntur quotidie in Prima, et Completorio, nisi in Dominica die, festis Duplicibus, et supra, et in omnibus diebus Octavarum Solemnium, et supra, et infra has Octavas, etiamsi in eis fiat Officium de festo, aut Octava Simplicii; et ubi specialiter est notatum, ut non dicantur.

5. Advertendum est autem, eum, qui Sabbato Sancto extra Missam recitat Vesperas, debere in principio dicere PATER NOSTER, non autem in fine earumdem Vesperarum.

6. Dicendum tamen est PATER NOSTER, in Officio Defunctorum post REQUIEScant in pace, cum non sequitur alia Hora.

## MODUS TERMINANDI ORATIONES,

## QUARUM NON PLENE FUERIT NOTATA CONCLUSIO.

In Officio de Tempore et in Officio de Sanctis, sic concludendæ sunt Orationes, nisi aliter notetur.

Ubi in fine alicujus Orationis, legeris particulam Per., si Oratio prima fuerit, vel ultima, vel sola, eam ita conclude: Per Dñm nostrum Jesum Christum Filium tuum, qui tecum vivit et regnat in unitate Spiritus sancti Deus: per omnia sæcula sæculorum. R. Amen. ¶ Si vero particulam Per. post Orationem intermediam legeris, Oratio hac breviori clausula terminanda est: Per Christum Dñm nostrum. R. Amen.

Ubi legeris. Per eundem., si Oratio prima fuerit, vel ultima, vel sola, eam ita conclude: Per eundem Dñm nostrum Jesum Christum Filium tuum, qui tecum vivit et regnat in unitate Spiritus sancti Deus: per omnia sæcula sæculorum. R. Amen. ¶ Si vero verba Per eundem post Orationem intermediam legeris, Oratio hac breviori clausula terminanda est: Per eundem Christum Dñm nostrum. R. Amen.

Ubi legeris Qui tecum vivit., si Oratio prima fuerit, vel ultima, vel sola, eam ita conclude: Qui tecum vivit et regnat in unitate Spiritus sancti Deus: per omnia sæcula sæculorum. R. Amen. ¶ Si vero verba Qui tecum vivit. post Orationem intermediam legeris, Oratio hac breviori clausula terminanda est: Qui tecum vivit et regnat per omnia sæcula sæculorum R. Amen.

Ubi legeris Qui vivis., si Oratio prima fuerit, vel ultima, vel sola, eam ita conclude: Qui vivis et regnas cum Deo Patre in unitate Spiritus sancti Deus: per omnia sæcula sæculorum. R. Amen. ¶ Si vero verba Qui vivis. post Orationem intermediam legeris, Oratio hac breviori clausula terminanda est: Qui vivis et regnas per omnia sæcula sæculorum. R. Amen.

Ubi post particulam Per., aut post verba Per eundem., verba Qui tecum vivit., aut post verba

Qui vivis., legeris in unitate ejusdem. si Oratio prima fuerit, vel ultima, vel sola, inter verbum conclusionis unitate et nomen Spiritus sancti. insere pronomen ejusdem. ¶ Si vero Oratio intermedia fuerit, eam ut supra, pro casuum varietate, breviori formula conclude, Spiritus sancti mentione prorsus omitta in conclusione.

Præter Orationes intermedias, de quibus modo dictum est, breviori etiam clausula, juxta easdem regulas terminantur alia quedam Orationes, signanter illæ quæ post Antiphonam Salve Regina. et post Antiphonam de S. P. N. Dominico aut de alio Sancto Ordinis sive loci in fine Completorii dicuntur. Similiter Orationes in Pretiosa., in Psalmis Gradualibus, et fere quæcumque dicuntur extra et præter Officium diei. Item Oratio prima et Orationes intermedie in Vesperis et Laudibus Officii quotidiani de beata Virgine Maria (in quo tamen Oratio ultima Vesperarum et Laudum et Orationes ad Primam, Tertiam, Sextam, Nonam et Completorium longiore clausula terminantur.

Quando vero plures Orationes continuantur absque interpositis Antiphonis aut Versiculis, vel non præmisso Orémus, tunc Oratio prima et Orationes intermedie nulla terminantur clausula, sed sola ultima Oratio longiore vel breviori clausula terminatur, secundum quod loco suo notatum fuerit, ut fit in Officio Defunctorum, in Litanis Sanctorum, in Orationibus pro Domino Papa et Benefactoribus, in Orationibus post Antiphonas Salve Regina. et Pie Pater Domine., terminatis Horis diei (excepto Completorio) recitari solitis, et in quibusdam aliis.

Oratio Réspice, quæsumus. in Vesperis Feriæ quartæ post Dominicam in Ramis palmarum longiore clausula terminatur; sed triduo sequenti absque ulla clausula absolvitur.

Exceptiones hic non positas suis locis notatas invenies.



# INDEX ALPHABETICUS FESTORUM ET MEMORiarUM DE TEMPORE ET DE SANCTIS.

|  | PARTI | PAGINA |
|--|-------|--------|
| Abdon et Sennen MM. 30 Jul.                              | 11    | 632    |
| Adalberti E. M. 24 Apr.                                  | 1     | 1102   |
| Ægidii C. O. P. 14 Maii. Tempore Paschali                | 1     | 1159   |
| Post Trinitatem.   | 11    | 465    |
| Ægidii Abbatis. 1 Sept.                                  | 11    | 745    |
| Æmilie Bicchieri V. O. P. 17 Aug.                        | 11    | 706    |
| Agapiti M. 18 Aug.                                       | 11    | 710    |
| Agathæ V. M. 5 Febr.                                     | 1     | 885    |
| Agnetis V. M. 21 Jan.                                    | 1     | 834    |
| Agnetis V. M. secundo. 28 Jan.                           | 1     | 863    |
| Agnetis de Monte Politiano V. O. P. 20 Apr. Temp. Pasch. | 1     | 1092   |
| Post Trin.   | 11    | 398    |
| Aimonis Taparelli C. O. P. 21 Febr.                      | 1     | 929    |
| Alberti a Bergamo C. O. P. 13 Maii. Temp. Pasch.         | 1     | 1159   |
| Post Trin.   | 11    | 464    |
| Alberti Magni E. C. O. P. 15 Nov.                        | 11    | 980    |
| Albini E. C. 1 Mart.                                     | 1     | 946    |
| Alexandri, Eventii et Theoduli M. 3 Maii. Temp. Pasch.   | 1     | 1133   |
| Post Trin.   | 11    | 441    |
| Alexii C. 17 Julii.                                      | 11    | 604    |
| Alphonsi Mariæ de Ligorio E. C. Eccl. Doct. 19 Aug.      | 11    | 710    |
| Alphonsi Navarrete O. P. et Soc. MM. 1 Jun. Temp. Pasch. | 1     | 1193   |
| Post Trin.   | 11    | 505    |
| Alvari C. O. P. 19 Febr.                                 | 1     | 926    |
| Ambrosii E. C. Eccl. Doct. 4 April.                      | 1     | 1052   |
| Ambrosii Sansedonii C. O. P. 22 Mart.                    | 1     | 991    |
| Andræ Apostoli. 30 Nov.                                  | 1     | 686    |
|  | 11    | 1021   |
| Andræ Abellonii C. O. P. 17 Maii. Temp. Pasch.           | 1     | 1167   |
| Post Trin.   | 11    | 474    |
| Andræ Avellini C. 26 Nov.                                | 11    | 1014   |
| Andræ Corsini E. C. 4 Febr.                              | 1     | 884    |
| Andræ a Piscaria C. O. P. 19 Jan.                        | 1     | 831    |
| Angelæ Mericiæ V. 8 Jun. Temp. Pasch.                    | 1     | 1203   |
| Post Trin.   | 11    | 518    |
| Angelorum Custodum. 2 Oct.                               | 11    | 841    |
| Annæ Matris B. Mariæ V. 26 Julii.                        | 11    | 625    |
| Annuntiatio B. Mariæ V. In Quadragesima                  | 1     | 1013   |
| Temp. Pasch.   | 1     | 1033   |
| Antonii Abbatis. 17 Jan.                                 | 1     | 824    |
| Antonii ab Ecclesia C. O. P. 28 Jul.                     | 11    | 628    |
| Antonii Mariæ Zaccaria C. 5 Jul.                         | 11    | 577    |
| Antonii Neyrot M. O. P. 10 April.                        | 1     | 1080   |
| Antonii a Padua C. 13 Junii                              | 11    | 527    |
| Antonii Pavonii M. O. P. 9 April.                        | 1     | 1078   |
| Antonini E. C. O. P. 10 Maii. Temp. Pasch.               | 1     | 1152   |
| Post Trin.   | 11    | 454    |



|   | PARTI | PAGINA |
|---|-------|--------|
| Apollinaris E. M. 23 Jul. . . . .                               | II    | 619    |
| Apollonia V. M. 9 Febr. . . . .                                 | I     | 895    |
| Apparitus B. Mariæ V. Immaculatæ. 11 Febr. . . . .              | I     | 1211   |
| Apparitus S. Michaelis Archangeli. 8 Maii. Temp. Pasch. . . . . | I     | 1144   |
| Post Trin. . . . .  | II    | 452    |
| Ascensio Domini . . . . .                                       | I     | 537    |
| Assumptio B. Mariæ V. 15 Aug. . . . .                           | II    | 688    |
| Athanasii E. C. Eccl. Doct. 2 Maii. Temp. Pasch. . . . .        | I     | 1128   |
| Post Trin. . . . .  | II    | 436    |
| Augustini E. C. Eccl. Doct. 28 Aug. . . . .                     | II    | 728    |
| Augustini a Bugella C. O. P. 27 Jul. . . . .                    | II    | 627    |
| Augustini Lucerini E. C. O. P. 8 Aug. . . . .                   | II    | 672    |
| Barbaræ V. M. 4 Dec. . . . .                                    | I     | 696    |
| Barnabæ Apostoli. 11 Junii. Temp. Pasch. . . . .                | I     | 1208   |
| Post Trin. . . . .  | II    | 523    |
| Bartholomæi Apostoli. 24 (Romæ 25) Aug. . . . .                 | II    | 719    |
| Bartholomæi de Bregantia E. C. O. P. 23 Oct. . . . .            | II    | 903    |
| Bartholomæi de Cerveriis M. O. P. 21 Apr. Temp. Pasch. . . . .  | I     | 1099   |
| Post Trin. . . . .  | II    | 405    |
| Basilidis, Cyrini, Naboris et Nazarii MM. 12 Jun. . . . .       | II    | 526    |
| Basilii E. C. Eccl. Doct. 14 Jun. . . . .                       | II    | 528    |
| Benedicti Abbatis. 21 Mart. . . . .                             | I     | 990    |
| Benedicti Undecimi PP. C. O. P. 7 Julii . . . . .               | II    | 585    |
| Benvenutæ V. O. P. 29 Oct. . . . .                              | II    | 922    |
| Bernardi Abbatis Eccl. Doct. 20 Aug. . . . .                    | II    | 712    |
| Bernardi Scammacca C. O. P. 9 Febr. . . . .                     | II    | 895    |
| Bernardini Senensis C. 21 Maii. Temp. Pasch. . . . .            | I     | 1172   |
| Post Trin. . . . .  | II    | 480    |
| Bertrandi de Garriga C. O. P. 6 Sept. . . . .                   | II    | 755    |
| Bibianæ V. M. 2 Dec. . . . .                                    | I     | 692    |
| Birgittæ Viduæ. 8 Oct. . . . .                                  | II    | 1027   |
| Blasii E. M. 3 Febr. . . . .                                    | I     | 871    |
| Bonaventuræ E. C. Eccl. Doct. 14 Jul. . . . .                   | II    | 883    |
| Britii E. C. 13 Nov. . . . .                                    | II    | 600    |
| Brunonis C. 6 Oct. . . . .                                      | II    | 979    |
| Cæcilie V. M. 22 Nov. . . . .                                   | II    | 867    |
| Cajetani C. 7 Aug. . . . .                                      | II    | 997    |
| Callisti PP. M. 14 Oct. . . . .                                 | II    | 670    |
| Camilli de Lellis C. 24 Jul. . . . .                            | II    | 884    |
| Caroli E. C. 4 Nov. . . . .                                     | II    | 620    |
| Casimiri C. 4 Mart. . . . .                                     | I     | 947    |
| Catharinæ V. M. 25 Nov. . . . .                                 | II    | 950    |
| Catharinæ a Raconixio V. O. P. 5 Sept. . . . .                  | I     | 1008   |
| Catharinæ de Ricciis V. O. P. 13 Febr. . . . .                  | I     | 754    |
| Catharinæ Senensis V. O. P. 30 April. Temp. Pasch. . . . .      | I     | 905    |
| Post Trin. . . . .  | II    | 1118   |
| Cathedra S. Petri Antiochena. 22 Febr. Extra Temp. P. . . . .   | I     | 422    |
| Temp. Pasch. . . . .  | I     | 931    |
| Cathedra S. Petri Romana. 18 Jan. . . . .                       | I     | 935    |
| Ceslai C. O. P. 18 Jul. . . . .                                 | II    | 826    |
| Christinæ V. M. 24 Jul. . . . .                                 | II    | 605    |
| Christophori et Cucuphatis MM. 25 Jul. . . . .                  | II    | 621    |
| Christophori a Mediolano C. O. P. 1 Mart. . . . .               | I     | 625    |
| Chrysogoni M. 24 Nov. . . . .                                   | II    | 946    |
|   |       | 1006   |

|   | PARTI | PAGINA |
|---|-------|--------|
| Circumcisio Domini. 1 Jan.                              | I     | 228    |
| Claræ V. 12 Aug.  | II    | 684    |
| Claræ Gambacurtæ Vid. O. P. 17 Apr. In Quadr. aut T. P. | I     | 1090   |
| Post Trinit.  | II    | 396    |
| Clementis PP. M. 23 Nov.                                | II    | 1002   |
| Columbæ V. O. P. 20 Maii. Temp. Pasch.                  | I     | 1171   |
| Post Trin.  | II    | 479    |
| Commemoratio B. M. V. de Monte Carmelo                  | II    | 602    |
| Commemoratio S. P. N. Dominici C. in Suriano 15 Sept.   | II    | 785    |
| Commemoratio Omnium Fidelium Defunctorum. 2 Nov.        | II    | 938    |
| Commemoratio Passionis D. N. J. C.                      | I     | 592    |
| Commemoratio S. Pauli Apostoli. 30 Jun.                 | II    | 556    |
| Compassio B. Mariæ V. Feria vj. post Dom. in Passione   | I     | 662    |
| Conceptio Immaculata B. Mariæ V. 8 Dec.                 | I     | 703    |
| Constantii C. O. P. 25 (in anno bissext. 26) Febr.      | I     | 942    |
| Conversio S. Augustini E. C. Eccl. D. 15 Maii. Temp. P. | I     | 1161   |
| Post Trin.  | II    | 466    |
| Conversio S. Pauli Apost. 25 Jan.                       | I     | 853    |
| Cordis Jesu (Sanctissimi)                               | II    | 374    |
| Cordis B. Mariæ V. (Purissimi)                          | II    | 388    |
| Cornelli PP. et Cypriani E. MM. 18 Sept.                | II    | 793    |
| Coronæ Spineæ Domini. 24 Apr.                           | I     | 1101   |
| Corporis Christi Festivitas                             | II    | 175    |
| Corporis Christi Officium Votivum                       |       | 144*   |
| Cosmæ et Damiani MM. 27 Sept.                           | II    | 808    |
| Crispini et Crispiniani MM. 25 Oct.                     | II    | 917    |
| Cyriaci, Largi et Smaragdi MM. 8 Aug.                   | II    | 673    |
| Dalmati C. O. P. 26 Sept.                               | II    | 807    |
| Damasi PP. C. 11 Dec.                                   | I     | 724    |
| Damiani C. O. P. 26 Oct.                                | II    | 917    |
| Decem millium Martyrum. 23 Jun.                         | II    | 535    |
| Decollatio S. Joannis Baptistæ. 29 Aug.                 | II    | 734    |
| Dedicatio Basilicarum SS. Petri et Pauli. 18 Nov.       | II    | 985    |
| Dedicatio Basilicæ sanctissimi Salvatoris. 12 Nov.      |       | 975    |
| Dedicatio Ecclesiæ in primo anno                        |       | 11*    |
| Dedicationis Ecclesiæ Anniversarium                     |       | 12*    |
| Desponsatio B. Mariæ V. 20 Febr.                        | I     | 897    |
| Dianæ, Cæcilie et Amatæ VV. O. P. 9 Jun. Temp. Pasch.   | I     | 1204   |
| Post Trin.  | II    | 519    |
| Didaci C. 13 Nov.                                       | II    | 978    |
| Dionysii, Rustici et Eleutherii MM. 9 Oct.              | II    | 872    |
| Dominici C. P. N. Festivitas. 4 Aug.                    | II    | 646    |
| Dominici C. P. N. Officium Votivum                      |       | 133*   |
| Dominici et Gregorii Conf. O. P. 26 Apr. Temp. Pasch.   | I     | 1108   |
| Post Trin.  | II    | 409    |
| Dominici Sylensis Abbatis. 20 Dec.                      | I     | 742    |
| Donati E. M. 7 Aug.                                     | II    | 671    |
| Dorotheæ V. M. 6 Febr.                                  | I     | 890    |
| Eduardi Regis. 13 Oct.                                  | II    | 882    |
| Elisabeth Viduæ. 19 Nov.                                | II    | 988    |
| Emerentianæ V. M. 23 Jan.                               | I     | 845    |
| Emygdii E. M. 14 Aug.                                   | II    | 686    |
| Epiphania Domini. 6 Jan.                                | I     | 246    |
| Euphemie V. M. 16 Sept.                                 | II    | 789    |
| Eusebii Presbyteri C. 14 Aug.                           | II    | 687    |

|  | PARTI | PAGINA |
|--|-------|--------|
| Eustachii et Sociorum MM. 1 Oct. . . . .   | II    | 840    |
| Exaltatio sanctæ Crucis. 14 Sept. . . . .  | II    | 773    |
| Expectatio Partus B. Mariæ V. 18 Dec. . . . .                                    | I     | 735    |
| Fabiani PP. et Sebastiani MM. 20 Jan. . . . .                                    | I     | 833    |
| Felicis Presbyteri M. 19 Jan. . . . .  | I     | 831    |
| Felicis et Adaucti MM. 30 Aug. . . . .   | II    | 743    |
| Felicis, Simplicii et Beatricis MM. 29 Jul. . . . .                              | II    | 631    |
| Felicis de Valois C. 20 Nov. . . . .   | II    | 990    |
| Franciscæ Romanæ Vid. 9 Mart. . . . .  | I     | 962    |
| Francisci ab Assisio C. P. N. 4 Oct. . . . .                                     | II    | 854    |
| Francisci Caracciolo C. 5 Jun. Temp. Pasch. . . . .                              | I     | 1200   |
| Post Trin. . . . .   | II    | 515    |
| Francisci a Paula C. 2 April. . . . .  | I     | 1042   |
| Francisci de Possadas C. O. P. 20 Sept. . . . .                                  | II    | 797    |
| Francisci Salesii E. C. Eccl. Doct. 29 Jan. . . . .                              | I     | 869    |
| Francisci Xaverii C. 3 Dec. . . . .  | I     | 694    |
| Gabrielis Archangeli 24 Mart. In Quadragesima . . . . .                          | I     | 993    |
| Temp. Pasch. . . . .   | I     | 1006   |
| Georgii M. 23 April. . . . .   | I     | 1100   |
| Germani Autissiodorensis E. C. 31 Jul. . . . .                                   | II    | 634    |
| Gervasii et Protasii MM. 19 Jun. . . . .   | II    | 533    |
| Gordiani et Epimachi MM. 10 Maii. Temp. Pasch. . . . .                           | I     | 1152   |
| Post Trin. . . . .   | II    | 454    |
| Gorgonii M. 9 Sept. . . . .  | II    | 765    |
| Gregorii Decimi PP. C. 16 Febr. . . . .  | I     | 914    |
| Gregorii Magni PP. C. Eccl. Doct. 12 Mart. . . . .                               | I     | 965    |
| Gregorii Nazianzeni E. C. et Eccl. D. 9 Maii. Temp. Pasch. . . . .               | I     | 1151   |
| Post Trin. . . . .   | II    | 453    |
| Gregorii Thaumaturgi E. C. 17 Nov. . . . .                                       | II    | 983    |
| Gualæ E. C. O. P. 3 Sept. . . . .  | II    | 748    |
| Guillelmi O. P. et Soc. MM. O. P. 20 Maii. Temp. Pasch. . . . .                  | I     | 1190   |
| Post Trin. . . . .   | II    | 502    |
| Gundisalvi C. O. P. 10 Jan. . . . .  | I     | 805    |
| Henrici Imperatoris C. 15 Jul. . . . .   | II    | 601    |
| Henrici Susonis C. O. P. 2 Mart. . . . .   | I     | 947    |
| Hermenegildi Regis M. 15 April. In Quadrag. vel T. P. . . . .                    | I     | 1088   |
| Post Trin. . . . .   | II    | 395    |
| Hieronymi Presbyteri C. Eccl. Doct. 30 Sept. . . . .                             | II    | 824    |
| Hieronymi Æmiliani C. 21 Jul. . . . .  | II    | 609    |
| Hieronymi Hermosilla, Valentini et Soc. MM. O. P. 6 Nov. . . . .                 | II    | 950    |
| Hilarii E. C. Eccl. Doct. 14 Jan. . . . .  | I     | 813    |
| Hilarionis Abbatis 22. Oct. . . . .  | II    | 901    |
| Hippolyti et Sociorum MM. 13 Aug. . . . .  | II    | 685    |
| Hyacinthi C. O. P. 16 Aug. . . . .   | II    | 639    |
| Ignatii E. M. 1 Febr. . . . .  | I     | 874    |
| Ignatii Delgado, Dominici Henares EE. O. P. et Socio-<br>rum MM. 11 Jul. . . . . | II    | 595    |
| Ignatii a Loyola C. 31 Jul. . . . .  | II    | 633    |
| Imeldæ V. O. P. 16 Sept. . . . .   | II    | 789    |
| Innocentii Quinti PP. C. O. P. 22 Jun. . . . .                                   | II    | 534    |
| Innocentium MM. 28 Dec. . . . .  | I     | 761    |

|  | PARTI | PAGINA |
|--|-------|--------|
| Inventio D. N. J. C. in Templo. Dom. infra Oct. Epiph.   | I     | 270    |
| Inventio sanctæ Crucis. 3 Maii. Temp. Pasch.             | I     | 1129   |
| Post Trin.   | II    | 437    |
| Inventio S. Stephani Protomartyris 3 Aug.                | II    | 642    |
| Jacobi Apost. 25 Jul.                                    | II    | 621    |
| Jacobi de Benefactis C. O. P. 29 Nov.                    | I     | 685    |
|  | II    | 1020   |
| Jacobi a Mevania C. O. P. 23 Aug.                        | II    | 717    |
| Jacobi Salomonii C. O. P. 31 Maii. Temp. Pasch.          | I     | 1192   |
| Post Trin.   | II    | 503    |
| Jacobi ab Ulma C. O. P. 12 Oct.                          | II    | 881    |
| Jacobi a Voragine E. C. O. P. 13 Jul.                    | II    | 598    |
| Januarii E. et Sociorum MM. 19 Sept.                     | II    | 795    |
| Joachim C. Patris B. Mariæ V. Dom. infra Oct. Assumpt.   | II    | 705    |
| Joannæ de Aza Matris S. P. N. Dominici 2. Aug.           | II    | 640    |
| Joannæ Francisæ Fremiot de Chantal Vid. 21 Aug.          | II    | 713    |
| Joannæ a Lusitania V. O. P. 12 Maii. Temp. Pasch.        | I     | 1158   |
| Post Trin.   | II    | 462    |
| Joannæ Urbevetanæ V. O. P. 23 Jul.                       | II    | 618    |
| Joannis Apost. et Evang. 27 Dec.                         | I     | 754    |
| Joannis ante Portam Latinam. 6 Maii. Temp. Pasch.        | I     | 1140   |
| Post Trin.   | II    | 449    |
| Joannis O. P. et Sociorum MM. Gorcomiensium. 9 Jul.      | II    | 587    |
| Joannis Chrysostomi E. C. Eccl. Doct. 27 Jan.            | I     | 861    |
| Joannis a Cruce C. 24 Nov.                               | II    | 1006   |
| Joannis de Deo C. 8 Mart.                                | I     | 960    |
| Joannis Dominici E. C. O. P. 10 Jun. Temp. Pasch.        | I     | 1207   |
| Post Trin.   | II    | 522    |
| Joannis Gualberti Abbatis. 12 Jul.                       | II    | 596    |
| Joannis Liccii C. O. P. 14 Nov.                          | II    | 979    |
| Joannis Massias C. O. P. 3 Oct.                          | II    | 852    |
| Joannis de Matha C. 8 Febr.                              | I     | 893    |
| Joannis Nepomuceni M. 16 Maii. Temp. Pasch.              | I     | 1165   |
| Post Trin.   | II    | 472    |
| Joannis et Pauli MM. 26 Jun.                             | II    | 543    |
| Joannis a Salerno C. O. P. 9 Aug.                        | II    | 673    |
| Joannis a Vercellis C. O. P. 2 Dec.                      | I     | 691    |
|  | II    | 1027   |
| Jordani a Pisis C. O. P. 6 Mart.                         | I     | 950    |
| Jordani Saxonis C. O. P. 15 Febr.                        | I     | 913    |
| Joseph C. Sponsi B.M.V. Festivitas 19 Mart. Temp. Quadr. | I     | 971    |
| Temp. Pasch.   | I     | 983    |
| Joseph C. Sponsi B. Mariæ V. Memoria 20 Febr.            | I     | 898    |
| Josephi Calasactii C. 27 Aug.                            | II    | 725    |
| Josephi a Cupertino C. 28 Sept.                          | II    | 809    |
| Juliani E. C. 27 Jan.                                    | I     | 860    |
| Lamberti E. M. 17 Sept.                                  | II    | 791    |
| Lanceæ et Clavorum D. N. J. C. Feria vj. post Dom.       |       |        |
| j. Quadr.  | I     | 614    |
| Laurentii M. 10 Aug.                                     | II    | 675    |
| Laurentii a Ripafracta C. O. P. 18 Febr.                 | I     | 925    |
| Leodegarii E. M. 11 Oct.                                 | II    | 881    |
| Leonis Magni PP. C. Eccl. Doct. 11 April.                | I     | 1081   |
| Leonis Secundi PP. C. 28 Jun.                            | II    | 547    |
| Liborii E. C. 23 Jul.                                    | II    | 618    |



|   | PARTI | PAGINA |
|---|-------|--------|
| Lucæ Evangelistæ. 18 Oct.   | II    | 892    |
| Luciæ V. M. 13 Dec.   | I     | 724    |
| Luciæ a Narnia V. O. P. 16 Nov.   | II    | 982    |
| Ludovici Regis C. 25 vel 26 Aug.  | II    | 722    |
| Ludovici Bertrandi C. O. P. 10 Oct.   | II    | 874    |
| Ludovici Mariæ Grignon de Montfort C. O. P. 23 Maii.                            |       |        |
| Temp. Pasch.  | I     | 1174   |
| Post Trin.  | II    | 484    |
| Machabæorum MM. 1 Aug.  | II    | 639    |
| Magdalenæ de Panateriis V. O. P. 14 Oct.  | II    | 884    |
| Mannis C. O. P. Fratris S. P. N. Dominici. 30 Jul.                              | II    | 632    |
| Marcelli PP. M. 16 Jan.   | I     | 823    |
| Marcelli M. 7 Sept.   | II    | 758    |
| Marcellini Presbyteri et Petri Exorcistæ MM. 2 Jun.                             |       |        |
| Temp. Pasch.  | I     | 1193   |
| Post Trin.  | II    | 508    |
| Marci Evangelistæ. 25 April. Temp. Pasch.                                       | I     | 1106   |
| Post Trin.  | II    | 406    |
| Marci PP. C. 20 Oct.  | II    | 897    |
| Marci et Marcelliani MM. 20 Jun.  | II    | 534    |
| Marci Mutinensis C. O. P. 3 Jul.  | II    | 571    |
| Marcolini C. O. P. 24 Jan.  | I     | 852    |
| Margaritæ V. M. 20 Jul.   | II    | 609    |
| Margaritæ de Castello V. O. P. 13 April.  | I     | 1084   |
| Margaritæ ab Hungaria V. O. P. 26 Jan.  | I     | 859    |
| Margaritæ de Sabaudia V. O. P. 27 Nov.  | I     | 683    |
|   | II    | 1016   |
| Mariæ V. Christianorum Aux. 24 Maii. Temp. Pasch.                               | I     | 1175   |
| Post Trin.  | II    | 486    |
| Mariæ V. de Mercede. 24 Sept.   | II    | 804    |
| Mariæ V. de Monte Carmelo. 16 Jul.  | II    | 602    |
| Mariæ V. ad Nives. 5 Aug.   | II    | 656    |
| Mariæ V. Officium in Festis   |       | 1*     |
| Mariæ V. Officium Quotidianum   |       | 159*   |
| Mariæ V. Officium Votivum in Sabbatis   |       | 150*   |
| Mariæ Bartholomææ V. O. P. 28 Maii. Temp. Pasch.                                | I     | 1189   |
| Post Trin.  | II    | 500    |
| Mariæ Magdalenæ. 22 Jul.  | II    | 612    |
| Mariæ Magdalenæ de Pazzis. 25 Maii. Temp. Pasch.                                | I     | 1182   |
| Post Trin.  | II    | 494    |
| Mariæ Mancini Vid. O. P. 22 Dec.  | I     | 747    |
| Marthæ V. 29 Jul.   | II    | 630    |
| Martialis E. C. 16 Jun.   | II    | 531    |
| Martinæ V. M. 30 Jan.   | I     | 871    |
| Martini E. C. 11 Nov.   | II    | 969    |
| Martini de Porres C. O. P. 5 Nov.   | II    | 948    |
| Mathiæ Apostoli. 24 (in anno bissext. 25) Febr.                                 | I     | 939    |
| Matthæi Apost. et Evang. 21 Sept.   | II    | 798    |
| Matthæi Carrerii C. O. P. 7 Oct.  | II    | 870    |
| Mauri Abbatis. 15 Jan.  | I     | 815    |
| Mauritii, Exsuperii, Candidi, Vitalis, Innocentii et Socio-<br>rum MM. 22 Sept. | II    | 801    |
| Medardi E. C. 8 Jun. Temp. Pasch.   | I     | 1203   |
| Post Trin.  | II    | 518    |
| Mennæ M. 11 Nov.  | II    | 973    |
| Michaelis Archangeli. 29 Sept.  | II    | 813    |

|   | PARTI | PAGINA |
|---|-------|--------|
| Monicæ Viduæ. 4 Maii. Temp. Pasch.  | I     | 1134   |
| Post Trin.  | II    | 442    |
| Nativitas Domini. 25 Dec.   | I     | 199    |
| Nativitas S. Joannis Baptistæ. 24 Jun.  | II    | 536    |
| Nativitas B. Mariæ V. 8 Sept.   | II    | 759    |
| Nazarii, Celsi et Pantaleonis M.M. 28 Jul.                                      | II    | 630    |
| Nerei, Achillei et Pancratii M.M. 12 Maii. Temp. Pasch.                         | I     | 1158   |
| Post Trin.  | II    | 462    |
| Nicolai E. C. 6 Dec.  | I     | 697    |
| Nicolai Palea C. O. P. 14 Febr.   | I     | 911    |
| Nicolai a Tolentino C. 10 Sept.   | II    | 765    |
| Nicomedis M. 15 Sept.   | II    | 788    |
| Nominis Jesu (Sanctissimi) 15 Jan.  | I     | 814    |
| Nominis Mariæ (Sanctissimi) Dom. infra Oct. Nativitatis ejusdem.                | II    | 767    |
| Norberti E. C. 6 Jun. Temp. Pasch.  | I     | 1202   |
| Post Trin.  | II    | 517    |
| Omnium Sanctorum. 1 Nov.  | II    | 925    |
| Omnium Sanctorum Ord. Præd. 9 Nov.  | II    | 958    |
| Oratio D. N. J. C. in Monte Oliveti. Feria iij. post Septuag.                   | I     | 581    |
| Ordinatio S. Ambrosii E. C. Eccl. Doct. 7 Dec.                                  | I     | 701    |
| Osannæ V. O. P. 18 Jun.   | II    | 532    |
| Pascha Resurrectionis   | I     | 480    |
| Patritii E. C. 17 Mart.   | I     | 968    |
| Patrocinii S. Joseph C. Sponsi B. Mariæ V. Temp. Pasch.                         | I     | 677    |
| Post Trin.  | II    | 367    |
| Patrocinii S. Mariæ V. Dom. in octava die vel prima post octavam diem Novembris | II    | 958    |
| Pauli C. primi Eremitæ. 29 Jan.   | I     | 809    |
| Pauli a Cruce C. 28 April. Temp. Pasch.   | I     | 1112   |
| Post Trin.  | II    | 414    |
| Pentecoste.   | I     | 561    |
| Petri et Pauli Apostolorum. 29 Jun.   | II    | 548    |
| Petri ad Vincula. 1 Aug.  | II    | 635    |
| Petri Martyris O. P. 29 April. Temp. Pasch.                                     | I     | 1113   |
| Post Trin.  | II    | 416    |
| Petri ab Alcantara C. 19 Oct.   | II    | 895    |
| Petri Cælestini PP. C. 19 Maii. Temp. Pasch.                                    | I     | 1170   |
| Post Trin.  | II    | 478    |
| Petri Damiani E. C. Eccl. Doct. 23 Febr.  | I     | 937    |
| Petri Gonzalez Telmi C. O. P. 14 April.   | I     | 1065   |
| Petri de Jeremia C. O. P. 10 Mart.  | I     | 963    |
| Petri Nolasco C. 31 Jan.  | I     | 872    |
| Petri de Rodulphia (vulgo Ruffia) M. O. P. 7 Nov.                               | II    | 952    |
| Petri M. Sanz E. et Soc. M.M. O. P. 27 Maii. Temp. Pasch.                       | I     | 1187   |
| Post Trin.  | II    | 499    |
| Petri a Tiferno C. O. P. 22 Oct.  | II    | 901    |
| Petronillæ V. 31 Maii. Temp. Pasch.   | I     | 1192   |
| Post Trin.  | II    | 503    |
| Philippi et Jacobi Apostolorum. 1 Maii. Temp. Pasch.                            | I     | 1126   |
| Post Trin.  | II    | 432    |
| Philippi Benitii C. 26 (vel 24) Aug.  | II    | 724    |
| Philippi Nerii C. 26 Maii. Temp. Pasch.   | I     | 1186   |
| Post Trin.  | II    | 498    |
| Philumenæ V. M. 1 Sept.   | II    | 745    |

|   | PARTI | PAGINA |
|---|-------|--------|
| Pii Quinti PP. C. O. P. 5 Maii. Temp. Pasch. . . . .  | I     | 1135   |
| Post Trin. . . . .  | II    | 443    |
| Placidi et Sociorum MM. 5 Oct. . . . .  | II    | 866    |
| Polycarpi E. M. 26 Jan. . . . .   | I     | 860    |
| Præsentatio B. Mariæ V. 21 Nov. . . . .   | II    | 991    |
| Prædix V. 21 Jul. . . . .   | II    | 610    |
| Primi et Feliciani MM. 9 Jun. Temp. Pasch. . . . .  | I     | 1205   |
| Post Trin. . . . .  | II    | 520    |
| Priscæ V. M. 18 Jan. . . . .  | I     | 826    |
| Processi et Martiniani MM. 3 Jul. . . . .   | II    | 573    |
| Procopii Abbatis. 11 Jul. . . . .   | II    | 595    |
| Proti et Hyacinthi MM. 11 Jul. . . . .  | II    | 766    |
| Pudentianæ V. 19 Maii. Temp. Pasch. . . . .   | I     | 1170   |
| Post Trin. . . . .  | II    | 478    |
| Purificatio B. Mariæ V. 2 Febr. . . . .   | I     | 875    |
| Quatuor Coronatorum MM. 10 Nov. . . . .   | II    | 968    |
| Quintini M. 31 Oct. . . . .   | II    | 925    |
| Quirici et Julittæ MM. 16 Jun. . . . .  | II    | 531    |
| Raphaelis Archangeli. 24 Oct. . . . .   | II    | 904    |
| Raymundi a Capua C. O. P. 5 Oct. . . . .  | II    | 866    |
| Raymundi Nonnati C. 31 Aug. . . . .   | II    | 744    |
| Raymundi de Pennafort C. O. P. 23 Jan. . . . .  | I     | 844    |
| Reginaldi C. O. P. 12 Febr. . . . .   | I     | 904    |
| Reliquiarum (Sanctarum). 30 Oct. . . . .  | II    | 923    |
| Remigii E. C. 1 Oct. . . . .  | II    | 840    |
| Rochi C. 18 Aug. . . . .  | II    | 708    |
| Romualdi Abbatis. 7 Febr. . . . .   | I     | 892    |
| Rosæ a Lima V. O. P. 30 Aug. . . . .  | II    | 738    |
| Rosæ a Viterbio V. 7 Sept. . . . .  | II    | 758    |
| Rosarii B. M. V. Dom. in calendis vel j. post calendas Oct. . . . .                         | II    | 825    |
| Rufi E. M. 27 Aug. . . . .  | II    | 725    |
| Sabinæ Mart. 29 Aug. . . . .  | II    | 937    |
| Sadoc et Sociorum MM. O. P. 2 Jun. Temp. Pasch. . . . .                                     | I     | 1193   |
| Post Trin. . . . .  | II    | 508    |
| Sanguinis D. N. Jesu Christi (Pretiosissimi). Feria vj. post Dom. iv. Quadragesimæ. . . . . | I     | 648    |
| Saturnini E. M. 29 Nov. . . . .   | I     | 686    |
|   | II    | 1021   |
| Scholasticæ V. 10 Febr. . . . .   | I     | 896    |
| Sebastiani Maggi C. O. P. 16 Dec. . . . .   | I     | 732    |
| Septem Fratrum MM. 10 Jul. . . . .  | II    | 595    |
| Septem Fundatorum Ordinis Servorum B. M. V. 17 Febr. . . . .                                | I     | 916    |
| Sergii, Bacchi, Marcelli et Apulei MM. 20 Oct. . . . .                                      | II    | 897    |
| Servatii E. C. 22 Maii. Temp. Pasch. . . . .  | I     | 1173   |
| Post Trin. . . . .  | II    | 481    |
| Sibyllinæ V. O. P. 18 Mart. . . . .   | I     | 969    |
| Silvestri PP. C. 31 Dec. . . . .  | I     | 777    |
| Simonis et Judæ Apostolorum. 28 Oct. . . . .  | II    | 919    |
| Simonis Ballacchii C. O. P. 3 Nov. . . . .  | II    | 945    |
| Indonidis D. N. Jesu Christi (Sanctissimæ). Feria vj. post Dom. ij. Quadragesimæ. . . . .   | I     | 625    |
| S. Sixti. Vide Xysti . . . . .  |       |        |
| Stanislai E. M. 11 Maii. Temp. Pasch. . . . .   | I     | 1157   |
| Post Trin. . . . .  | II    | 461    |

|  | PARTI | PAGINA |
|--|-------|--------|
| Stephanæ de Quinzanis V. O. P. 16 Jan. . . . .   | I     | 823    |
| Stephani Protomart. 26 Dec. . . . .  | I     | 748    |
| Stephani PP. M. 2 Aug. . . . .   | II    | 640    |
| Stephani Hungariæ Regis C. 2 Sept. . . . .   | II    | 746    |
| Stephani Bandelli C. O. P. 12 Jun. . . . .   | II    | 526    |
| Stigmatum S. Catharinæ Senensis V. O. P. 3 April. . . . .  | I     | 1044   |
| Stigmatum S. Francisci C. 17 Sept. . . . .   | II    | 791    |
| Theclæ V. M. 23 Sept. . . . .  | II    | 802    |
| Theodori M. 9 Nov. . . . .   | II    | 959    |
| Thomæ Apostoli. 21 Dec. . . . .  | I     | 744    |
| Thomæ Aquinatis C. Eccl. Doct. O. P. Festivitas. 7 Mart. . . . .                                 | I     | 952    |
| Thomæ Aquinatis. Officium Votivum . . . . .  | I     | 139*   |
| Thomæ Cantuariensis E. M. 29 Dec. . . . .  | I     | 771    |
| Thomæ de Villanova E. C. 25 Sept. . . . .  | II    | 805    |
| Tiburtii, Valeriani et Maximi MM. 16 April. . . . .  | I     | 1089   |
| Tiburtii M. 11 Aug. . . . .  | II    | 682    |
| Timothei E. M. 24 Jan. . . . .   | I     | 852    |
| Timothei et Symphoriani MM. 22 Aug. . . . .  | II    | 717    |
| Transfiguratio Domini. 6 Aug. . . . .  | II    | 657    |
| Translatio S. Catharinæ Senensis V. O. P. FERIA v. post Dom. Sexagesimæ . . . . .                | I     | 606    |
| Translatio S. P. N. Dominici C. 25 Maii Temp. Pasch. . . . .                                     | I     | 1181   |
| Post Trin. . . . .   | II    | 494    |
| Translatio Almæ Domus Lauretanæ. 10 Dec. . . . .   | I     | 717    |
| Translatio S. Petri M. O. P. 4 Jun. Temp. Pasch. . . . .   | I     | 1196   |
| Post Trin. . . . .   | II    | 509    |
| Translatio S. Thomæ Aquinatis C. Eccl. Doct. O. P. 28 Jan. . . . .                               | I     | 863    |
| Trinitatis (Sanctissimæ) . . . . .   | II    | 161    |
| Urbani PP. M. 25 Maii Temp. Pasch. . . . .   | I     | 1183   |
| Post Trin. . . . .   | II    | 494    |
| Ursulæ et Sociarum VV. MM. 21 Oct. . . . .   | II    | 897    |
| Valentini M. 21 Febr. . . . .  | I     | 929    |
| Vedasti et Amandi EE. CC. 6 Febr. . . . .  | I     | 890    |
| Venantii M. 18 Maii Temp. Pasch. . . . .   | I     | 1169   |
| Post Trin. . . . .   | II    | 476    |
| Venceslai M. 28 Sept. . . . .  | II    | 809    |
| Villanæ Vid. O. P. 28 (in anno bissext. 29) Febr. . . . .  | I     | 944    |
| Vincentii Martyris. 22 Jan. . . . .  | I     | 839    |
| Vincentii Ferrerii C. O. P. Festivitas 5 Apr. . . . .  | I     | 1054   |
| Vincentii Ferrerii. Officium Votivum . . . . .   | I     | 128*   |
| Vincentii a Paulo C. 19 Jul. . . . .   | II    | 607    |
| Visitatio B. Mariæ V. 2 Jul. . . . .   | II    | 565    |
| Vitalis Martyris. 28 Apr. Temp. Pasch. . . . .   | I     | 1112   |
| Post Trin. . . . .   | II    | 414    |
| Vitalis et Agricola MM. 27 Nov. . . . .  | I     | 683    |
| Viti, Modesti et Crescentiæ MM. 15 Jun. . . . .  | II    | 1016   |
| Vulnerum D. N. Jesu Christi (Sanctorum quinque). Feria vj. post Dom. iij. Quadragesimæ . . . . . | I     | 637    |
| Wenceslai. Vide Venceslai . . . . .  |       |        |
| Xysti, Felicis et Agapiti MM. 6 Aug. . . . .   | II    | 668    |
| Zedislavæ Matronæ O. P. 28 Nov. . . . .  | I     | 1210   |
|  | II    | 1018   |



# PSALMORUM INDEX

## ALPHABETICUS

| PSALMI                           |  | PSALM.                            | PAG. |
|----------------------------------|--|-----------------------------------|------|
| A                                |  | 62. Deus, Deus meus ad te .       | 18   |
| 119. Ad Dominum cum tribularer.  |  | 21. Deus, Deus meus respice .     | 33   |
| 27. Ad te Domine clamabo .       |  | 69. Deus in adiutorium meum.      | 87   |
| 24. Ad te Domine levavi .        |  | 53. Deus in nomine tuo .          | 28   |
| 122. Ad te levavi oculos .       |  | 71. Deus iudicium tuum .          | 88   |
| 28. Afferte Domino filii Dei .   |  | 108. Deus laudem meam .           | 119  |
| 77. Attendite popule meus .      |  | 66. Deus misereatur nostri .      | 18   |
| 48. Audite hæc omnes gentes.     |  | 45. Deus noster refugium .        | 66   |
| B                                |  | 82. Deus, quis similis erit       | 100  |
| 118. Beati immaculati in via .   |  | 59. Deus, repulisti nos .         | 77   |
| 127. Beati omnes, qui timent .   |  | 81. Deus stetit in synagoga .     | 99   |
| 31. Beati quorum remissæ .       |  | 78. Deus venerunt gentes .        | 94   |
| 40. Beatus qui intelligit .      |  | 93. Deus ultionum Dominus .       | 105  |
| 1. Beatus vir, qui non abiit .   |  | 114. Dilexi, quoniam exaudiet .   | 130  |
| 111. Beatus vir, qui timet .     |  | 17. Diligam te Domine .           | 11   |
| 33. Benedicam Dominum .          |  | 38. Dixi: Custodiam vias meas.    | 61   |
| 102. Benedic anima mea... et     |  | 109. Dixit Dominus Domino meo.    | 124  |
| omnia .                          |  | 35. Dixit iniustus .              | 53   |
| 103. Benedic anima mea... Do-    |  | 13. Dixit insipiens in corde suo. | 8    |
| mine .                           |  | 52. Dixit insipiens in corde suo. | 73   |
| 143. Benedictus Dominus Deus.    |  | 140. Domine clamavi ad te .       | 140  |
| 84. Benedixisti Domine .         |  | 7. Domine Deus meus .             | 5    |
| 91. Bonum est confiteri .        |  | 87. Domine Deus salutis meæ.      | 102  |
| C                                |  | 8. Domine Dominus noster .        | 6    |
| 18. Cæli enarrant .              |  | 101. Domine exaudi... et clamor.  | 111  |
| 149. Cantate Domino... laus .    |  | 142. Domine exaudi... auribus.    | 107  |
| 95. Cantate Domino... cantate.   |  | 20. Domine in virtute tua .       | 15   |
| 97. Cantate Domino... quia .     |  | 6. Domine, ne in furore...        |      |
| 74. Confitebimur tibi Deus .     |  | Miserere .                        | 5    |
| 9. Confitebor tibi... narrabo.   |  | 37. Domine ne in furore...        |      |
| 110. Confitebor tibi... in .     |  | Quoniam .                         | 55   |
| 137. Confitebor tibi... quoniam. |  | 130. Domine non est exaltatum.    | 135  |
| 104. Confitemini Domino, et .    |  | 138. Domine probasti me .         | 139  |
| 105. Confitemini... Quis .       |  | 3. Domine, quid multiplicati.     | 4    |
| 106. Confitemini... Dicat .      |  | 14. Domine quis habitabit .       | 9    |
| 117. Confitemini... Dicat .      |  | 89. Domine, refugium .            | 96   |
| 135. Confitemini Domino quo-     |  | 23. Domini est terra .            | 34   |
| niam .                           |  | 26. Dominus illuminatio .         | 47   |
| 15. Conserva me Domine .         |  | 22. Dominus regit me .            | 34   |
| 115. Credidi, propter quod .     |  | 92. Dominus regnavit, deco-       | 17   |
| 4. Cum invocarem exaudivit.      |  | rem .                             | 106  |
| D                                |  | 96. Dominus regnavit, exsultet.   | 106  |
| 129. De profundis clamavi .      |  | 98. Dominus regnavit, iras-       | 110  |
| 43. Deus auribus nostris .       |  | cantur .                          |      |
| 49. Deus deorum Dominus .        |  | E                                 |      |
| 133. Ecce nunc benedicite .      |  | 133. Ecce nunc benedicite .       | 150  |
| 132. Ecce quam bonum .           |  | 132. Ecce quam bonum .            | 136  |
| 58. Eripe me de inimicis .       |  | 58. Eripe me de inimicis .        | 76   |

| PSALM.                                | PAG. | PSALM.                              | PAG. |
|---------------------------------------|------|-------------------------------------|------|
| 139. Eripe me, Domine . . .           | 140  | N                                   |      |
| 44. Eructavit cor meum . . .          | 63   | 126. Nisi Dominus edificaverit. . . | 134  |
| 144. Exaltabo te Deus meus . . .      | 142  | 123. Nisi quia Dominus . . .        | 133  |
| 29. Exaltabo te Domine . . .          | 49   | 36. Noli æmulari . . .              | 54   |
| 19. Exaudiat te Dominus . . .         | 14   | 61. Nonne Deo subjecta . . .        | 77   |
| 60. Exaudi Deus deprecationem . . .   | 77   | 75. Notus in Judæa Deus . . .       | 91   |
| 54. Exaudi Deus... et ne . . .        | 24   | O                                   |      |
| 63. Exaudi Deus... cum deprecor . . . | 78   | 46. Omnes gentes plaudite . . .     | 66   |
| 16. Exaudi Domine justitiam . . .     | 10   | P                                   |      |
| 39. Exspectans exspectavi . . .       | 62   | 107. Paratum cor meum Deus . . .    | 119  |
| 80. Exsultate Deo adiutori . . .      | 99   | Q                                   |      |
| 32. Exsultate justi in Domino . . .   | 51   | 72. Quam bonus Israel . . .         | 89   |
| 67. Exsurgat Deus . . .               | 79   | 83. Quam dilecta tabernacula . . .  | 100  |
| F                                     |      | 2. Quare fremuerunt . . .           | 4    |
| 86. Fundamenta ejus . . .             | 107  | 41. Quemadmodum desiderat . . .     | 63   |
| I                                     |      | 124. Qui confidit in Domino . . .   | 133  |
| 85. Inclina Domine . . .              | 101  | 51. Quid gloriaris in malitia . . . | 68   |
| 125. In convertendo Dominus . . .     | 134  | 90. Qui habitat in adiutorio . . .  | 149  |
| 10. In Domino confido . . .           | 7    | 79. Qui regis Israel, intende . . . | 95   |
| 113. In exitu Israël . . .            | 126  | S                                   |      |
| 30. In te Domine speravi . . .        | 49   | 128. Sape expugnaverunt . . .       | 135  |
| 70. In te Domine speravi . . .        | 87   | 68. Salvum me fac Deus . . .        | 85   |
| J                                     |      | 11. Salvum me fac Domine . . .      | 8    |
| 65. Jubilate Deo... psalmum . . .     | 78   | 57. Si vere utique justitiam . . .  | 75   |
| 99. Jubilate Deo... servite . . .     | 18   | 136. Super flumina Babylonis . . .  | 138  |
| 34. Judica Domine nocentes . . .      | 52   | T                                   |      |
| 42. Judica me Deus . . .              | 70   | 64. Te decet hymnus . . .           | 82   |
| 25. Judica me Domine . . .            | 35   | V                                   |      |
| L                                     |      | 94. Venite, exsultemus . . .        | 165  |
| 121. Lætatus sum in his . . .         | 133  | 5. Verba mea auribus percipe . . .  | 57   |
| 145. Lauda anima mea . . .            | 142  | 76. Voce mea... ad Deum . . .       | 91   |
| 147. Lauda Jerusalem . . .            | 143  | 141. Voce mea... ad Dominum . . .   | 141  |
| 148. Laudate Dominum de cælis . . .   | 19   | U                                   |      |
| 150. Laudate Dominum in sanctis . . . | 20   | 12. Usquequo Domine . . .           | 8    |
| 116. Laudate Dominum omnes . . .      | 26   | 73. Ut quid Deus repulisti . . .    | 89   |
| 146. Laudate Dominum quoniam . . .    | 143  | CANTICA                             |      |
| 134. Laudate nomen Domini . . .       | 136  | Audite cæli quæ loquor . . .        | 122  |
| 112. Laudate pueri Dominum . . .      | 126  | Benedicite omnia opera . . .        | 18   |
| 120. Levavi oculos meos . . .         | 131  | Benedictus Dominus Deus . . .       | 23   |
| M                                     |      | Cantemus Domino . . .               | 97   |
| 47. Magnus Dominus, et . . .          | 66   | Confitebor tibi Domine . . .        | 59   |
| 131. Memento Domine David . . .       | 135  | Domine audivi auditionem . . .      | 108  |
| 56. Miserere mei Deus, miserere . . . | 75   | Ego dixi : In dimidio . . .         | 71   |
| 55. Miserere mei Deus, quoniam . . .  | 75   | Exsultavit cor meum . . .           | 83   |
| 50. Miserere mei... secundum . . .    | 24   | Magnificat anima mea . . .          | 129  |
| 100. Misericordiam, et iudicium . . . | 111  | Nunc dimittis servum tuum . . .     | 150  |
| 88. Misericordias Domini . . .        | 103  | Quicumque vult salvus esse . . .    | 29   |
|                                       |      | Te Deum laudamus . . .              | 16   |

# PSALMORUM INDEX

## NUMERICUS

| NUM.   | PAG. | NUM.                                       | PAG. |
|--|------|--|------|
| 1. Beatus vir, qui non abiit . . .                       | 4    | 46. Omnes gentes . . .                     | 66   |
| 2. Quare fremuerunt gentes . . .                         | 4    | 47. Magnus Dominus, et . . .               | 66   |
| 3. Domine, quid multiplicati . . .                       | 4    | 48. Audite hæc omnes gentes . . .          | 67   |
| 4. Cum invocarem . . .                                   | 149  | 49. Deus deorum Dominus . . .              | 68   |
| 5. Verba mea auribus . . .                               | 57   | 50. Miserere... secundum . . .             | 24   |
| 6. Domine ne in furore... Mi-<br>serere mei Domine . . . | 5    | 51. Quid gloriaris . . .                   | 68   |
| 7. Domine Deus meus . . .                                | 5    | 52. Dixit insipiens in corde suo . . .     | 73   |
| 8. Domine Dominus noster . . .                           | 6    | 53. Deus in nomine tuo . . .               | 28   |
| 9. Confitebor tibi... narrabo . . .                      | 6    | 54. Exaudi Deus... et ne . . .             | 74   |
| 10. In Domino confido . . .                              | 7    | 55. Miserere mei Deus, quo-<br>niam . . .  | 75   |
| 11. Salvum me fac Domine . . .                           | 8    | 56. Miserere mei Deus, mise-<br>rere . . . | 75   |
| 12. Usquequo Domine . . .                                | 8    | 57. Si vere utique . . .                   | 75   |
| 13. Dixit insipiens in corde . . .                       | 8    | 58. Eripe me de inimicis . . .             | 76   |
| 14. Domine quis habitabit . . .                          | 9    | 59. Deus repulisti nos . . .               | 77   |
| 15. Conserva me Domine . . .                             | 10   | 60. Exaudi Deus deprecationem . . .        | 77   |
| 16. Exaudi Domine iustitiam . . .                        | 10   | 61. Nonne Deo subjecta . . .               | 77   |
| 17. Diligam te Domine . . .                              | 11   | 62. Deus, Deus meus ad te . . .            | 18   |
| 18. Cæli enarrant . . .                                  | 13   | 63. Exaudi Deus... cum depre-<br>cor . . . | 78   |
| 19. Exaudiat te Dominus . . .                            | 14   | 64. Te decet hymnus . . .                  | 82   |
| 20. Domine in virtute tua . . .                          | 15   | 65. Jubilate Deo... psalmum . . .          | 78   |
| 21. Deus, Deus meus respice . . .                        | 33   | 66. Deus misereatur nostri . . .           | 18   |
| 22. Dominus regit me . . .                               | 34   | 67. Exsurgat Deus . . .                    | 79   |
| 23. Domini est terra . . .                               | 34   | 68. Salvum me fac . . .                    | 85   |
| 24. Ad te Domine levavi . . .                            | 35   | 69. Deus in adiutorium . . .               | 87   |
| 25. Iudica me Domine . . .                               | 35   | 70. In te Domine speravi . . .             | 87   |
| 26. Dominus illuminatio . . .                            | 47   | 71. Deus iudicium . . .                    | 88   |
| 27. Ad te Domine clamabo . . .                           | 48   | 72. Quam bonus Israel Deus . . .           | 89   |
| 28. Afferte Domine . . .                                 | 48   | 73. Ut quid Deus repulisti . . .           | 89   |
| 29. Exaltabo te Domine . . .                             | 49   | 74. Confitebimur tibi . . .                | 90   |
| 30. In te Domine speravi . . .                           | 49   | 75. Notus in Judæa Deus . . .              | 91   |
| 31. Beati quorum . . .                                   | 50   | 76. Voce mea... ad Deum . . .              | 91   |
| 32. Exsultate iusti . . .                                | 51   | 77. Attendite popule meus . . .            | 92   |
| 33. Benedicam Dominum . . .                              | 51   | 78. Deus venerunt gentes . . .             | 94   |
| 34. Iudica Domine . . .                                  | 52   | 79. Qui regis Israel . . .                 | 95   |
| 35. Dixit inustus . . .                                  | 53   | 80. Exsultate Deo . . .                    | 99   |
| 36. Noli æmulari . . .                                   | 54   | 81. Deus stetit in synagoga . . .          | 99   |
| 37. Domine ne in furore . . .                            | 55   | 82. Deus quis similis . . .                | 100  |
| 38. Dixi : Custodiam . . .                               | 61   | 83. Quam dilecta . . .                     | 100  |
| 39. Expectans expectavi . . .                            | 62   | 84. Benedixisti Domine . . .               | 101  |
| 40. Beatus qui intelligit . . .                          | 63   | 85. Inclina Domine . . .                   | 101  |
| 41. Quemadmodum desiderat . . .                          | 63   | 86. Fundamenta ejus . . .                  | 102  |
| 42. Iudica me Deus . . .                                 | 70   | 87. Domine Deus salutis . . .              | 102  |
| 43. Deus auribus . . .                                   | 64   |  |      |
| 44. Eructavit cor meum . . .                             | 65   |  |      |
| 45. Deus noster refugium . . .                           | 66   |  |      |

| NUM.                                 | PAG. | NUM.                                  | PAG. |
|--------------------------------------|------|---------------------------------------|------|
| 88. Misericordias Domini . . .       | 103  | 119. Ad Dominum cum tribu-            |      |
| 89. Domine refugium . . .            | 96   | larer . . .                           | 131  |
| 90. Qui habitat . . .                | 149  | 120. Levavi oculos meos . . .         | 131  |
| 91. Bonum est confiteri . . .        | 121  | 121. Lætatus sum . . .                | 133  |
| 92. Dominus regnavit, deco-          |      | 122. Ad te levavi oculos meos . . .   | 133  |
| rem . . .                            | 17   | 123. Nisi quia Dominus . . .          | 133  |
| 93. Deus ultionum . . .              | 105  | 124. Qui confidunt in Domino . . .    | 133  |
| 94. Venite, exsultemus . . .         | 105  | 125. In convertendo . . .             | 134  |
| 95. Cantate Domino..., can-          |      | 126. Nisi Dominus . . .               | 134  |
| tate . . .                           | 106  | 127. Beati omnes . . .                | 134  |
| 96. Dominus regnavit... exsul-       |      | 128. Sæpe expugnaverunt me . . .      | 135  |
| tet . . .                            | 106  | 129. De profundis . . .               | 135  |
| 97. Cantate Domino... quia . . .     | 110  | 130. Domine non est exaltatum . . .   | 135  |
| 98. Dominus regnavit, irascan-       |      | 131. Memento Domine David . . .       | 135  |
| tur . . .                            | 110  | 132. Ecce quam bonum . . .            | 136  |
| 99. Jubilate Deo..., servite . . .   | 111  | 133. Ecce nunc benedicite . . .       | 150  |
| 100. Misericordiam et iudicium . . . | 111  | 134. Laudate nomen Domini . . .       | 136  |
| 101. Domine exaudi..., et cla-       |      | 135. Confitemini Domino ...           |      |
| mor . . .                            | 111  | quoniam . . .                         | 137  |
| 102. Benedic anima..., et om-        |      | 136. Super flumina Babylonis . . .    | 138  |
| nia . . .                            | 112  | 137. Confitebor tibi... quoniam . . . | 138  |
| 103. Benedic anima..., Domine . . .  | 113  | 138. Domine probasti me . . .         | 139  |
| 104. Confitemini Domino, et . . .    | 114  | 139. Eripe me Domine ab ho-           |      |
| 105. Confitemini Domino ...          |      | mine . . .                            | 140  |
| Quis . . .                           | 116  | 140. Domine clamavi . . .             | 140  |
| 106. Confitemini Domino... Di-       |      | 141. Voce mea... ad Dominum . . .     | 141  |
| cant . . .                           | 117  | 142. Domine exaudi... auribus . . .   | 107  |
| 107. Paratum cor meum . . .          | 119  | 143. Benedictus Dominus . . .         | 141  |
| 108. Deus laudem meam . . .          | 119  | 144. Exaltabo te Deus . . .           | 142  |
| 109. Dixit Dominus . . .             | 124  | 145. Lauda anima mea . . .            | 142  |
| 110. Confitebor... Magna opera . . . | 125  | 146. Laudate Dominum, quo-            |      |
| 111. Beatus vir, qui timet . . .     | 125  | niam . . .                            | 143  |
| 112. Laudate pueri . . .             | 126  | 147. Lauda Jerusalem Domi-            |      |
| 113. In exitu Israel . . .           | 126  | num . . .                             | 143  |
| 114. Dilexi quoniam . . .            | 130  | 148. Laudate Dominum de cæ-           |      |
| 115. Credidi, propter quod . . .     | 130  | lis . . .                             | 19   |
| 116. Laudate Dominum omnes . . .     | 131  | 149. Cantate Domino canticum          |      |
| 117. Confitemini Domino... Di-       |      | novum : laus ejus . . .               | 20   |
| cant . . .                           | 24   | 150. Laudate Dominum in san-          |      |
| 118. Beati immaculati . . .          | 28   | ctis . . .                            | 20   |





## ORATIO

### DICENDA ANTE OFFICIUM

**A**PERI Dómine os meum ad benedicéndum nomen sanctum tuum : munda cor meum ab ómnibus vanis, perversis, et aliénis cogitationibus : intellectum illúmina, afféctum inflámma, ut digne, atténte, ac devóte hoc Offícium recitáre

váleam, et exaudíri mérear ante conspéctum divínæ majestátis tuæ. Per Christum Dóminum nostrum. *R.* Amen.

Dómine, in unióne illius divínæ intentiónis, qua ipse in terris laudes Deo persolvísti, has tibi horas persólvo.

## ORATIO

### DICENDA POST OFFICIUM

Orationem sequentem devote post Offícium recitantibus Leo Papa X. defectus et culpas in eo persolvendo ex humana fragilitate contractas indulsit.

**S**ACROSANCTÆ et indivíduæ Trinitáti, crucifixi Dómini nostri Jesu Christi humanitáti, beatíssimæ ac gloriosíssimæ sempérque Virgínis Mariæ fecúndæ integritáti, et ómnium Sanctórum universitáti, sit sempitérna laus, honor, virtus, et glória ab omni creatúra, nobisque remissio ómnium peccatórum, per infinita sæcula sæculórum. Amen.

*V.* Beáta viscera Mariæ Virgínis, quæ portavérunt ætéрни Patris Filium. *R.* Et beáta úbera, quæ lactavérunt Christum Dóminum.

Dicitur pro statu summi Pontificis, et Ecclesiæ :

**P**ATER noster, qui es in cælis : sanctificétur nomen tuum. Advéniat regnum tuum.

Fiat volúntas tua, sicut in cælo, et in terra.

Panem nostrum quotidíanum da nobis hódie.

Et dimitte nobis débíta nostra, sicut et nos dimittimus debitoribus nostris.

Et ne nos indúcas in tentatiónem.

Sed libera nos a malo. Amen.

**A**VE Maria, grátia plena : Dóminus tecum : benedicta tu in muliéribus, et benedictus fructus ventris tui, Jesus. Sancta Maria, Mater Dei, ora pro nobis peccatóribus, nunc et in hora mortis nostræ. Amen.

# BENEDICTIONES ANTE LECTIONES

## IN MATUTINIS

### IN I. NOCTURNO.

Benedictio j.

**B**ENEDICTIONE perpétua benedicat nos Pater æternus. R. Amen.

ij. Unigénitus Dei Fílius nos benedicere et adjuvare dignetur. R. Amen.

iiij. Spíritus sancti grátia illuminare dignetur sensus et corda nostra. R. Amen.

### IN II. NOCTURNO.

Benedictio j.

**D**EUS Pater omnipotens sit nobis propítius et clemens. R. Amen.

ij. Ad gáudia Paradísi perducat nos misericórdia Christi. R. Amen.

iiij. Ignem sui amóris accendat Deus in córdibus nostris. R. Amen.

### IN III. NOCTURNO.

† Si non fuerit Homilia,

Benedictio j.

**I**LLE nos benedicat, qui sine fine vivit et regnat. R. Amen.

† Si fuerit Homilia,

j. Evangélica léctio sit nobis salus et protéctio. R. Amen.

ij. Divínium auxílium máneat semper nobiscum. R. Amen.

iiij. Ad societátem civium supernórum perducat nos Rex Angelórum. R. Amen.

### IN FESTIS B. MARIÆ V.

#### IN I. NOCTURNO.

Benedictio j.

**A**LMA Virgo vírginum intercedat pro nobis ad Dóminum. R. Amen.

ij. Sancta Dei Génitrix sit nobis auxiliátrix. R. Amen.

iiij. Nos cum Prole pia benedicat Virgo María. R. Amen.

#### IN II. NOCTURNO.

Benedictio j.

**A**D hostile maligno erípiat nos Dei Génitrix virgo. R. Amen.

ij. Jesus Mariæ Fílius sit nobis clemens et propítius. R. Amen.

iiij. Stella María maris succúrrat piíssima nobis. R. Amen.

#### IN III. NOCTURNO.

† Si non fuerit Homilia,

Benedictio j.

**O**RET voce pia pro nobis Virgo María. R. Amen.

† Si vero sit Homilia,

j. Evangélica léctio sit nobis salus et protéctio. R. Amen.

ij. In omni tribulatióne et angústia subvéniat nobis pia Virgo María. R. Amen.

iiij. Ad societátem civium supernórum perducat nos Regina Angelórum. R. Amen.

† In Sabbato, quando de ea fit Officium, dicantur tres ultimæ Benedictiones.

# PSALTERIUM DAVID.

## DOMINICIS DIEBUS AD MATUTINUM.

### Oratio Dominica.

**P**ATER noster, qui es in cælis, sanctificetur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidianum da nobis hódie. Et dímítte nobis débíta nostra, sicut et nos dimittimus debitoribus nostris. Et ne nos indúcas in tentatiónem. Sed libera nos a malo. Amen.

### Symbolum Apostolorum.

**C**REDO in Deum Patrem omnipotentem, Creatorem cæli et terræ, Et in Jesum Christum Filium ejus unicum, Dóminum nostrum, Qui concéptus est de Spíritu sancto, natus ex María Virgine, Passus sub Póntio Piláto, crucifixus, mórtuus et sepúltus; Descéndit ad inferos, tértia die resurréxit a mórtuis : Ascéndit ad cælos, sedet ad dexteram Dei Patris omnipotentis : Inde ventúrus est judicáre vivos et mórtuos. Credo in Spíritum sanctum, Sanctam Ecclésiám cathólicam, sanctorum communió-nem, Remissió-nem peccatórum, Carnis resurrectionem, Vitam ætérnam. Amen.

℣. Dómine lábia mea apé-ries. ℞. Et os meum annuntiábit laudem tuam.

℣. Deus in adjutórium meum inténde. ℞. Dómine ad adjuvándum me festína. Glória

Patri, et Filio, et Spíritui sancto. Sicut erat in principio, et nunc, et semper, et in sæcula sæculórum. Amen. Allelúia.

† A Septuagesimæ vero usque ad Feriam quintam in Cena Domini exclusive, omisso Allelúia. dicitur : Laus tibi Dómine, Rex ætérnæ glóriæ.

## DOMINICIS AB OCTAVA EPIPHANIÆ AD SEPTUAGES. ET AB OCTAVA TRINITATIS AD ADVENTUM :

### Invitatorium.

**V**ENITE, exsultémus Dómino : \* Jubilémus Deo salutári nostro.

Quo dicto sequitur

℣. Præoccupémus faciém ejus in confessió-ne, et in psalmis jubilémus ei.

Deinde repetitur : Venite, exsultémus Dómino : Jubilémus Deo salutári nostro.

℣. Quóniam Deus magnus Dóminus, et Rex magnus super omnes deos : quóniam non repellet Dóminus plebem suam : quia in manu ejus sunt omnes fines terræ, et altitúdines móntium ipse cónspicit.

Jubilémus Deo salutári nostro.

℣. Quóniam ipsíus est mare, et ipse fecit illud, et áridam fundavérunt manus ejus : venite adorémus, et procidámus ante Deum : plorémus coram Dómino, qui fecit nos : quia ipse est Dóminus Deus noster : nos autem pópulus ejus, et oves pascuæ ejus.

Venite exsultemus Dómino :  
Jubilémus Deo salutári nostro.

¶ Hódie, si vocem ejus audieritis, nolite obdurare corda vestra, sicut in exacerbatióne secundum diem tentatiónis in deserto : ubi tentaverunt me patres vestri, probaverunt, et viderunt ópera mea.

Jubilémus Deo salutári nostro.

¶. Quadraginta annis proximus fui generatióni huic, et dixi : Semper hi errant corde : ipsi vero non cognoverunt vias meas : quibus juravi in ira mea : Si introibunt in requiem meam.

Venite exsultemus Dómino :  
Jubilémus Deo salutári nostro.

¶. Glória Patri, et Filio, et Spiritui sancto. Sicut erat in principio, et nunc, et semper, et in sæcula sæculórum. Amen.

Jubilémus Deo salutári nostro.

Postea repetatur totum Invitatorium : Venite exsultemus Dómino : Jubilémus Deo salutári nostro.

¶ Quodcumque ad Matutinum Invitatorium dicitur, dicatur etiam Psalmus Venite, exsultemus.

PER ADVENTUM :

Hymnus.

**V**ERBUM supérnum prádiens  
A Patre olim éxiens,  
Qui natus orbi súbvenis  
Cursu declivi témporis :

ILLUMINA nunc pectora,  
Tuóque amore concrema,  
Auditó ut præcónio,  
Sint pulsa tandem lúbrica.

**J**UDEXQUE cum post áderis  
Rimári facta pectoris,  
Reddens vicem pro ábditis,  
Justisque regnum pro bonis :

NON demum arcetémur malis  
Pro qualitaté criminis,  
Sed cum beátis cómpotes  
Simus perénnes cælibes.

LAUS, honor, virtus, glória  
Deo Patri et Filio,  
Sancto. simul Paráclito,  
In sempitérna sæcula.

Amen.

DOMINICIS AB OCTAVA  
EPIPHANIE AD QUADRAGES.  
ET AB OCTAVA TRINITATIS  
AD ADVENTUM :

Hymnus.

**N**OCTE surgéntes vigilémus  
omnes,  
Semper in psalmis meditémur, atque

Viribus totis Dómino canámus  
Dúlciter hymnos.

Ut pio Regi páriter canéntes  
Cum suis sanctis mereámur  
aulam

Ingredi cæli, simul et beatam  
Dúcere vitam.

PRÆSTET hoc nobis Déitas  
beata

Patris, ac Nati, paritérque sancti  
Spiritus, cujus réboat in omni  
Glória mundo. Amen.

DOMINICA I. QUADRAGESIMÆ  
ET SEQUENTIBUS USQUE AD  
DOMINICAM IN PASSIONE :

Hymnus.

**S**UMMI largitor præmii,  
Spes qui es única mundi,  
Preces inténde servórum  
Ad te devóte clamántium.

NOSTRA te consciéntia  
Grave offéndisse monstrat :  
Quam emúndes, supplicámus,  
Ab ómnibus piáculis.



Si rénuis, quis tribuet?  
Indúlge, quia potens es :  
Te corde rogáre mundo  
Fac nos, precámur Dómine.

ERGO nunc accépta nostrum,  
Qui sacrásti jejúnium :  
Quo mystice Paschália  
Capiámus sacraménta.

SUMMA nobis hoc cónferat  
In Deitáte Trínitas,  
In qua gloriátur unus -  
Per cuncta sæcula Deus.

Amen.

DOMINICIS IN PASSIONE  
ET IN RAMIS PALMARUM :

Hymnus.

**P**ANGE lingua glóriosi  
Prælium certáminis,  
Et super crucis trophæum  
Dic triúmphum nóbilem,  
Quáliter Redémptor orbis  
Immolátus vicerit.

DE paréntis protoplásti  
Fraude Factor cóndolens,  
Quando pomi noxiális  
Morsu in mortem córruit,  
Ipse lignum tunc notávit  
Damna ligni ut sólveret.

HOC opus nostræ salútis  
Ordo depopóscerat,  
Multifórmis proditóris  
Ars ut artem fálleret,  
Et medélam ferret inde  
Hostis unde læserat.

QUANDO venit ergo sacri  
Plenitúdo témporis,  
Missus est ab arce Patris  
Natus orbis Cónditor,  
Ac de ventre virgináli  
Caro factus pródiit.

VAGIT infans inter arcta  
Cónditus præsepia :  
Membra pannis involúta  
Virgo mater álligat,  
Et manus, pedésque et crura  
Stricta cingit fáschia.

GLORIA et honor Deo  
Usquequáque altíssimo,  
Una Patri, Filióque  
Inclyto Paráclito,  
Cui laus est et potéstas  
Per ætérna sæcula.

Amen.

DOMINICA IN ALBIS  
ET QUATUOR DOMINICIS  
PROXIME SEQUENTIBUS :

Hymnus.

**A**URORA lucis rútilat,  
Cælum láudibus íntonat,  
Mundus exsúltans júbilat,  
Gemens inférnus úlulat :

CUM Rex ille fortíssimus,  
Mortis confráctis víribus,  
Pede concúlcans tártara,  
Solvit a pcena míseros.

ILLE, qui clausus lápide  
Custoditur sub milite,  
Triúmphans pompa nóbili  
Victor surgit de fúnere.

SOLUTIS jam gemitibus  
Et inférni dolóribus,  
Quia surrexit Dóminus  
Respléndens clamat Angelus.

TRISTES erant Apóstoli  
De nece sui Dómini,  
Quem pcena mortis crudéli  
Servi damnárant ímpii.

QUÆSUMUS, Auctor óm-  
nium,  
In hoc Pascháli gáudio,  
Ab omni mortis ímpetu  
Tuum defénde pópulum.

GLORIA tibi Dómine,  
Qui surrexísti a mórtuis,  
Cum Patre, et sancto Spíritu  
In sempitérna sæcula.

Amen.

† Hoc signum † indicat flexio-  
nem in priori parte Versus.  
Asteriscus autem \* indicat me-  
trum seu pausam in medio  
Versus.

† Sequentes Psalmi in tribus Nocturnis dicantur omnibus Dominicis, quando de simplici Dominica agitur, nisi Tempore Paschali.

# IN I. NOCTURNO.

## Psalmus 1.

**B**EATUS vir, qui non abiit in consilio impiorum, & et in via peccatorum non stetit, \* et in cathedra pestilentiae non sedit :

Sed in lege Domini voluntas ejus, \* et in lege ejus meditabitur die ac nocte.

Et erit tamquam lignum, quod plantatum est secus decursus aquarum, \* quod fructum suum dabit in tempore suo :

Et folium ejus non defluet : \* et omnia quaecumque faciet, prosperabuntur.

Non sic impii, non sic : \* sed tamquam pulvis, quem projicit ventus a facie terrae.

Ideo non resurgent impii in iudicio : \* neque peccatores in concilio justorum.

Quoniam novit Dominus viam justorum : \* et iter impiorum peribit.

† Non omnes Psalmi hujus Nocturni, sed tantum quilibet quartus in ordine, per V. Gloria Patri. terminetur.

## Psalmus 2.

**Q**UAERE fremuerunt gentes, \* et populi meditati sunt inania?

Astiterunt reges terrae, & et principes convenērunt in unum, \* adversus Dominum, et adversus Christum ejus.

Dirumpamus vincula eorum : \* et projiciamus a nobis jugum ipsorum.

Qui habitat in caelis irridēbit eos : \* et Dominus subsannābit eos.

Tunc loquētur ad eos in ira sua, \* et in furōre suo conturbābit eos.

Ego autem constitutus sum rex ab eo super Sion montem sanctum ejus, \* praedicans praecēptum ejus.

Dominus dixit ad me : \* Filius meus es tu, ego hodie genui te.

Pōstula a me, et dabo tibi gentes hereditatem tuam, \* et possessionem tuam terminos terrae.

Reges eos in virga fērrea, \* et tamquam vas figuli confringes eos.

Et nunc reges intelligite : \* erudimini qui iudicatis terram.

Servite Dōmino in timōre : \* et exultate ei cum tremōre.

Apprehēdite disciplinam nequādo irascatur Dominus, \* et pereatis de via justa.

Cum exarserit in brevi ira ejus, \* beati omnes, qui confidunt in eo.

## Psalmus 3.

**D**OMINE quid multiplicati sunt qui tribulant me? \* multi insurgunt adversum me.

Multi dicunt animae meae : \* Non est salus ipsi in Deo ejus.

Tu autem Domine susceptor meus es, \* gloria mea, et exaltans caput meum.

Voce mea ad Dominum clamavi : \* et exaudivit me de monte sancto suo.

Ego dormivi, et soporatus sum : \* et exsurrexi, quia Dominus suscepit me.

Non timebo millia populi circumdantis me : \* exsurge Domine, salvum me fac Deus meus.

Quóniam tu percussísti omnes adversántes mihi sine causa : \* dentes peccatórum contrivísti.

Dómini est salus : \* et super pópulum tuum benedictio tua.

Psalmus 6.

**D**OMINE, ne in furóre tuo árguas me, \* neque in ira tua corripas me.

Miserére mei Dómine quóniam infirmus sum : \* sana me Dómine quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?

Convértere Dómine, et éripe ánimam meam : \* salvum me fac propter misericórdiam tuam,

Quóniam non est in morte qui memor sit tui : \* in inférno autem quis confitébitur tibi?

Laborávi in gémitu meo, & lavábo per singulas noctes lectum meum : \* lácrimis meis stratum meum rigábo.

Turbátus est a furóre óculus meus : \* inveterávi inter omnes inimicos meos.

Discédite a me omnes qui operámini iniquitátem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimici mei : \* convertántur et erubéscant valde velóciter. Glória...

A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmos Aña. Servite Dómino in timóre, et exsultate ei cum tremóre.

A DOMINICA I. POST OCTAVAM  
TRINITATIS AD ADVENTUM :

Super Psalmos Aña. Pro fidei méritis vocitátur jure beátus, legem qui Dómini meditátur nocte diéque.

Psalmus 7.

**D**OMINE Deus meus in te sperávi : \* salvum me fac ex ómnibus persequéntibus me, et libera me.

Nequándo rápiat ut leo ánimam meam, \* dum non est qui rédimat, neque qui salvum fáciat.

Dómine Deus meus, si feci istud, \* si est iniquitas in má-nibus meis :

Si réddidi retribuéntibus mihi mala, \* decídám mérito ab inimicis meis inánis.

Persequátur inimícus ánimam meam, et comprehéndat, & et concúlcet in terra vitam meam, \* et glóriam meam in púlverem dedúcat.

Exsúrge Dómine in ira tua : \* et exaltáre in finibus inimicórum meórum.

Et exsúrge Dómine Deus meus in præcépto quod mandásti : \* et synagóga populórum circúmdabit te.

Et propter hanc in altum regrédere : \* Dóminus júdicat pópulos.

Júdica me Dómine secúndum justitiam meam, \* et secúndum innocéntiam meam super me.

Consumétur nequítia peccatórum, et diriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus júdex justus, fortis, et



pátiens : \* numquid iráscitur per singulos dies?

Nisi convérsi fuéritis, gládium suum vibrábit : \* arcum suum teténdit, et parávit illum.

Et in eo parávit vasa mortis, \* sagíttas suas ardéntibus effécit.

Ecce partúriit iniquitiam : \* concépit dolórem, et péperit iniquitátem.

Lacum apéruit, et effódit eum : \* et incidit in foveam, quam fecit.

Convertétur dolor ejus in caput ejus : \* et in vérticem ipsíus iniquitas ejus descéndet.

Confitébor Dómino secúndum justitiam ejus : \* et psallam nómini Dómini altíssimi.

#### Psalmus 8.

**D**OMINE Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimícos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, ꝥ glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

#### Psalmus 9.

**C**ONFITEBOR tibi Dómine in toto corde meo : \* narrábo ómnia mirabilia tua.

Lætábor et exsultábo in te : \* psallam nómini tuo Altíssime, In converténdo inimicum meum retrórsum : \* infirmabúntur, et peribunt a fácie tua. Quóniam fecísti júdicium meum et causam meam : \* sedísti super thronum qui júdicas justitiam.

Increpásti gentes, et périit impius : \* nomen eórum delésti in ætérnum et in sæculum sæculi.

Inimíci defecérunt frámæ in finem : \* et civitátes eórum destruxísti.

Périit memória eórum cum sónitu : \* et Dóminus in ætérnum pérmanet.

Parávit in júdicio thronum suum : ꝥ et ipse judicábit orbem terræ in æquitáte, \* judicábit pópulos in justitia.

Et factus est Dóminus refúgium páuperi : \* adjútor in oportunitátibus, in tribulatióne.

Et sperent in te qui novérunt nomen tuum : \* quóniam non dereliquísti quæréntes te Dómine.

Psállite Dómino, qui hábitat in Sion : \* annuntiáte inter gentes stúdia ejus :

Quóniam requiréns sánguinem eórum recordátus est : \* non est oblítus clamórem páuperum.

Miserére mei Dómine : \* vide humilitátem meam de inimicis meis.

Quí exáltas me de portis



mortis, \* ut annúntiem omnes laudatiónes tuas in portis filiæ Sion.

Exsultábo in salutári tuo : \* infixæ sunt gentes in intéritu, quem fecerunt.

In láqueo isto, quem absconderunt, \* comprehensus est pes eorum.

Cognoscétur Dóminus iudicia faciens : \* in opéribus mánuum suárum comprehensus est peccátor.

Convertántur peccátóres in inférnum, \* omnes gentes quæ obliviscúntur Deum.

Quóniam non in finem obliuio erit páuperis : \* patiéntia páuperum non peribit in finem.

Exsúrge Dómine, non confortétur homo : \* iudicéntur gentes in conspéctu tuo.

Constituæ Dómine legislatórem super eos : \* ut sciant gentes quóniam hómines sunt.

Ut quid Dómine recessisti longe, \* déspicis in opportunitatibus, in tribulatíone?

Dum supérbit impius, incénditur pauper : \* comprehendúntur in consiliis quibus cógitant.

Quóniam laudátur peccátor in desidériis animæ suæ : \* et iníquus benedícitur.

Exacerbávit Dóminum peccátor, \* secúndum multitudinem iræ suæ non quæret.

Non est Deus in conspéctu ejus : \* inquinátæ sunt viæ illius in omni témpore.

Auferúntur iudicia tua a fácie ejus : \* ómnium inimicórum suórum dominábitur.

Dixit enim in corde suo : \* Non movébor a generatíone in generatíonem sine malo.

Cujus maledictíone os plenum est, et amaritúdine, et

dolo : \* sub lingua ejus labor et dolor.

Sedet in insidiis cum divítibus in occúltis, \* ut interficiat innocéntem.

Oculi ejus in páuperem respiciunt : \* insidiátur in abscondito, quasi leo in spelúnca sua.

Insidiátur ut rápiat páuperem : \* rápere páuperem dum átrahit eum.

In láqueo suo humiliábit eum, \* inclinábit se, et cadet, cum dominátus fúerit páuperum.

Dixit enim in corde suo : Oblitus est Deus, \* avértit fáciem suam ne vídeat in finem.

Exsúrge Dómine Deus, exaltétur manus tua : \* ne obliviscáris páuperum.

Propter quid irritávit impius Deum? \* dixit enim in corde suo : Non requíret.

Vides, quóniam tu labórem et dolórem consideras : \* ut tradas eos in manus tuas.

Tibi derelictus est pauper : \* órphano tu eris adjutor.

Cóntere bráchium peccátóris et maligni : \* quærétur peccátum illius, et non inveniétur.

Dóminus regnábit in ætérnum, et in sæculum sæculi : \* peribitis gentes de terra illius.

Desidérium páuperum exaudivit Dóminus : \* præparatíonem cordis eórum audivit auris tua.

Judicáre pupillo et húmili, \* ut non appónat ultra magnificáre se homo super terram.

Psalmus 10.

**I**N Dómino confido : quómodo dicitis animæ meæ : \* Trásmigra in montem sicut passer?

Quóniam ecce peccatóres intenderunt arcum, & paraverunt sagittas suas in phàretra, \* ut sagittent in obscúro rectos corde.

Quóniam quæ perfecisti, destruxerunt : \* justus autem quid fecit?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpebræ ejus intérogant filios hóminum.

Dóminus intérogat justum et impium : \* qui autem diligit iniquitatem, odit ánimam suam.

Pluet super peccatóres laqueos : \* ignis, et sulphur, et spiritus procellarum pars calicis eórum.

Quóniam justus Dóminus et justitias diléxit : \* æquitatem vidit vultus ejus. Glória...

A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmos Añã. Dómine Deus meus in te sperávi.

A DOMINICA I. POST OCTAVAM  
TRINITATIS AD ADVENTUM :

Super Psalmos Añã. Juste Deus, judex fortis, patiensque, benignus, in te sperantes muni miserando fidèles.

Psalmus II.

**S**ALVUM me fac Dómine, quóniam defécit sanctus : \* quóniam diminútæ sunt veritátes a filiis hóminum.

Vana locúti sunt unusquisque ad próximum suum : \* lábia dolósa, in corde et corde locúti sunt.

Dispérdat Dóminus univérſa

lábia dolósa, \* et linguam magniloquam.

Qui dixerunt : Linguam nostram magnificábimus, & lábia nostra a nobis sunt, \* quis noster Dóminus est?

Propter misériam inopum, et gémitum páuperum \* nunc exsúrgam, dicit Dóminus.

Ponam in salutári : \* fiducia-liter agam in eo.

Elóquia Dómini, elóquia casta : \* argéntum igne examinátum, probátum terræ purgátum séptuplum.

Tu Dómine servábis nos : et custódies nos \* a generatióne hac in ætérnum.

In circúitu impij ámbulant : \* secúndum altitúdinem tuam multiplicásti filios hóminum.

Psalmus 12.

**U**SQVEQUO Dómine obliviſceris me in finem? \* Usquequo avértis faciém tuam a me? Quám diu ponam consilia in ánima mea, \* dolórem in corde meo per diem?

Usquequo exaltábitur inimicus meus super me? \* réspice, et exáudi me Dómine Deus meus.

Illúmina óculos meos ne unquam obdórmiam in morte : \* nequándo dicat inimicus meus: Præválui advérsus eum.

Qui tribulant me, exsultábunt si motus fuero : \* ego autem in misericórdia tua sperávi.

Exsultábit cor meum in salutári tuo: & cantábo Dómino qui bona tribuit mihi : \* et psallam nómini Dómini altíssimi.

Psalmus 13.

**D**IXIT insipiens in corde suo : \* Non est Deus.

Coriúpti sunt, et abominábiles facti sunt in stúdiis suis : \*

non est qui fáciat bonum, non est usque ad unum.

Dóminus de cælo prospexit super filios hóminum, \* ut videat si est intélligens, aut requirens Deum.

Omnes declinavérunt, & simul inútiles facti sunt : \* non est qui fáciat bonum, non est usque ad unum.

Sepúlcrum patens est guttur eórum : & linguis suis dolóse agébant, \* venénium áspidum sub lábiis eórum.

Quorum os maledictióne et amaritúdine plenum est : \* velóces pedes eórum ad effundéndum sánguinem.

Contritio et infelicitas in viis eórum, & et viam pacis non cognovérunt : \* non est timor Dei ante óculos eórum.

Nonne cognóscant omnes qui operántur iniquitátem, \* qui devorant plebem meam sicut escam panis?

Dóminus non invocavérunt, \* illic trepidavérunt timóre, ubi non erat timor.

Quóniam Dóminus in generatióne justa est, consílium inopis confudistis : \* quóniam Dóminus spes ejus est.

Quis dabit ex Sion salutáre Israel? \* cum avérterit Dóminus captivitátem plebis suæ, exultábit Jacob, et lætábitur Israel.

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justitiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad nihilum dedúctus est in conspéctu ejus malignus : \* timéntes autem Dóminum glorificat :

Qui jurat próximo suo, et non decipit, & qui pecuniam suam non dedit ad usúram, \* et múnera super innocéntem non accépit.

Qui facit hæc, \* non movébitur in ætérnum. Glória...

A DOMINICA I. ADVENTUS  
AD NATIVITATEM DOMINI :

Super Psalmos Aña. Sciéntes quia hora est jam nos de somno súrgere; nunc enim própior est nostra salus quam cum credidimus : nox præcésit, dies autem appropinquávit.

¶. Ex Sion spécies decóris ejus. R. Deus noster manifesté véniet.

A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmos Aña. Tu Dómine servábis nos, et custódies nos.

¶ Usque ad Quadragesimam ¶. Memor fui nocte nóminis tui Dómine. R. Et custodivi legem tuam.

¶ A Dominica j. Quadragesimæ usque ad Dominicam in Passione ¶. Dicit Dómino : Suscéptor meus es tu. R. Et refúgium meum Deus meus.

DOMINICIS IN PASSIONE  
ET IN RAMIS PALMARUM :

Super Psalmos Aña. Quid molésti estis huic mulieri? Opus enim bonum operáta est in me.



¶ Erue a frámea Deus ánimam meam. R̃. Et de manu canis únicam meam.

A DOMINICA I. POST OCTAVAM TRINITATIS AD ADVENTUM :

Super Psalmos Añã. Surge, et in ætérnum serva munimine sacro, custodique tuos Astrí-potens fámulos.

¶ Memor fui nocte nóminis tui Dómine. R̃. Et custodívi legem tuam.

## IN II. NOCTURNO.

¶ Psalmi secundi et tertii Nocturni terminantur singuli per ¶. Glória Patri.

Psalmus 15.

**C**ONSERVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, \* mirificávit omnes voluntates meas in eis.

Multiplicátæ sunt infirmitates eórum : \* póstea acceleravérunt.

Non congregábo conventicula eórum de sanguinibus : \* nec memor ero nóminum eórum per lábia mea.

Dóminus pars hereditátis meæ, et cálicis mei : \* tu es, qui restitues hereditátem meam mihi.

Funes cecidérunt mihi in præcláris : \* étenim heréditas mea præclára est mihi.

Benedicám Dóminum, qui tribuit mihi intelléctum : \* insuper et usque ad noctem increpúerunt me renes mei.

Providébam Dóminum in conspéctu meo semper : \* quóniam

niam a dextris est mihi, ne commóvear.

Propter hoc lætátum est cor meum, et exsultávit lingua mea : \* insuper et caro mea requiescet in spe.

Quóniam non derelinques ánimam meam in inférno : \* nec dabis sanctum tuum vidére corruptiónem.

Notas mihi fecisti vias vitæ, & adimplébis me lætítia cum vultu tuo : \* delectatiónes in dextera tua usque in finem.

A DOMINICA I. POST OCTAVAM EPIPHANIÆ AD DOMINICAM IN PASSIONE :

Super Psalmum Añã. Bonórum meórum non indiges : in te sperávi, consérva me Dómine.

A DOMINICA I. POST OCTAVAM TRINITATIS AD ADVENTUM :

Super Psalmum Añã. Natúræ Génitor consérva a morte redemptos : facque tuo dignos servítio fámulos.

Psalmus 16.

**E**XAUDI Dómine justitiam meam : \* inténde deprecaciónem meam.

Auribus pèrcipe oratióem meam, \* non in lábiis dolósis.

De vultu tuo iudícium meum pródeat : \* óculi tui videant æquitates.

Probásti cor meum, et visitásti nocte : \* igne me examinásti, et non est invénta in me iniquitas.

Ut non loquátur os meum ópera hóminum : \* propter verba labiórum tuórum ego custodívi vias duras.

Pèrfice gressus meos in sémitis tuis : \* ut non moveántur vestigia mea.



Ego clamávi, quóniam exau-  
disti me Deus : \* inclína aurem  
tuam mihi, et exáudi verba  
mea.

Mirífica misericórdias tuas, \*  
qui salvos facis sperántes in  
te.

A resisténtibus dexteræ tuæ  
custódi me, \* ut pupillam  
óculi.

Sub umbra alárum tuárum  
prótege me : \* a fácie impió-  
rum qui me afflixérunt.

Inimici mei ánimam meam  
circumdedérunt, & ádipem  
suum conclusérunt : \* os eó-  
rum locútum est supérbiam.

Projiciéntes me nunc circum-  
dedérunt me : \* óculos suos  
statuerunt declináre in ter-  
ram.

Suscepérunt me sicut leo pa-  
rátus ad prædam : \* et sicut  
cátulus leónis hábitans in áb-  
ditis.

Exsúrge Dómine, præveni  
eum, et supplánta eum : \* éri-  
pe ánimam meam ab impio,  
frámeam tuam ab inimicis ma-  
nus tuæ.

Dómine a paucis de terra  
dívide eos in vita eórum : \* de  
absconditis tuis adimplétus est  
venter eórum.

Saturáti sunt filiis : \* et dimi-  
serunt reliquias suas párvulis  
suis.

Ego autem in justitia appa-  
rébo conspéctui tuo : \* sa-  
tiábor cum apparúerit glória  
tua.

A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmum Aña. Inclína  
Dómine aurem tuam mihi, et  
exáudi verba mea.

A DOMINICA I. POST OCTAVAM  
TRINITATIS AD ADVENTUM :

Super Psalmum Aña. Pectora  
nostra tibi tu Cónditor orbis  
adúre : igne pio purgans, at-  
que cremádo probans.

Psalmus 17.

**D**ILIGAM te Dómine fortitúdo  
mea : \* Dóminus firma-  
méntum meum, et refúgium  
meum, et liberátor meus.

Deus meus adjútor meus, \*  
et sperábo in eum.

Protéctor meus, et cornu  
salútis meæ, \* et suscéptor  
meus.

Laudans invocábo Dómi-  
num : \* et ab inimicis meis  
salvus ero.

Circumdedérunt me dolóres  
mortis : \* et torréntes iniquitá-  
tis conturbavérunt me.

Dolóres inférni circumdede-  
runt me : \* præoccupavérunt  
me láquei mortis.

In tribulatióne mea invocávi  
Dóminum, \* et ad Deum meum  
clamávi :

Et exaudivit de templo san-  
cto suo vocem meam : \* et cla-  
mor meus in conspéctu ejus,  
introívit in aures ejus.

Commóta est, et contrémuit  
terra : & fundaménta món-  
tium conturbáta sunt, et com-  
móta sunt, \* quóniam irátus  
est eis.

Ascéndit fumus in ira ejus : &  
et ignis a fácie ejus exár-  
sit : \* carbónes succénsi sunt  
ab eo.

Inclinávit cælos, et descén-  
dit : \* et caligo sub pédibus  
ejus.

Et ascéndit super Chérubim,  
et volávit : \* volávit super  
pennas ventórum.

Et posuit tenebras latibulum suum, & in circuitu ejus tabernaculum ejus : \* tenebrósa aqua in núbibus áeris.

Præ fulgóre in conspectu ejus nubes transiérunt, \* grando et carbónes ignis.

Et intónuit de cælo Dóminus, & et Altíssimus dedit vocem suam : \* grando et carbónes ignis.

Et misit sagíttas suas, et dissipávit eos : \* fúlgura multiplicávit, et conturbávit eos.

Et apparuerunt fontes aquarum, \* et reveláta sunt fundamenta orbis terrarum :

Ab increpatióne tua Dómine, \* ab inspiratióne spíritus iræ tuæ.

Misit de summo, et accépit me : \* et assúpsit me de aquis multís.

Erípuít me de inimícis meis fortíssimis, & et ab his qui odérunt me : \* quóniam confortáti sunt super me.

Prævenérunt me in die afflictiónis meæ : \* et factus est Dóminus protectór meus.

Et edúxit me in latitúdinem : \* salvum me fecit, quóniam volúit me.

Et retribuet mihi Dóminus secundum justitiam meam, \* et secundum puritátem mánuum meárum retribuet mihi :

Quia custodívi vias Dómini, \* nec impie gessi a Deo meo.

Quóniam ómnia judícia ejus in conspectu meo : \* et justítias ejus non répuli a me.

Ero immaculátus cum eo : \* et observábo me ab iniquitáte mea.

Et retribuet mihi Dóminus secundum justitiam meam : \*

et secundum puritátem mánuum meárum in conspectu oculórum ejus.

Cum sancto sanctus eris, \* et cum viro innocénte innocens eris :

Et cum elécto eléctus eris : \* et cum pervérso pervertéris.

Quóniam tu pópulum húmílem salvum fácies : \* et óculos superbórum humiliábis.

Quóniam tu illúminas lucérnam meam Dómine : \* Deus meus illúmina tenebras meas.

Quóniam in te erípiar a tentatióne, \* et in Deo meo transgrédíar murum.

Deus meus impollúta via ejus : & elóquia Dómini igne examináta : \* protectór est ómnium sperántium in se.

Quóniam quis Deus præter Dóminum? \* aut quis Deus præter Deum nostrum?

Deus qui præcínxit me virtúte : \* et posuit immaculátam viam meam.

Qui perfécit pedes meos tamquam cervórum, \* et super excélsa státuens me.

Qui docet manus meas artem prælium : \* et posuisti, ut arcum æreum, bráchia mea.

Et dedisti mihi protectionem salutis tuæ : \* et dextera tua suscepit me :

Et disciplína tua corréxit me in finem : \* et disciplína tua ipsa me docébit.

Dilatásti gressus meos subtus me : \* et non sunt infirmáta vestigia mea :

Persequar inimícos meos, et comprehéndam illos : \* et non convérta donéc deficiant.

Confringam illos, nec póterunt stare : \* cadent subtus pedes meos.

Et præcinxisti me virtute ad bellum : \* et supplantasti insurgentes in me subtus me.

Et inimicos meos dedisti mihi dorsum, \* et odientes me disperdidisti.

Clamaverunt, nec erat qui salvos faceret, ad Dominum : \* nec exaudivit eos.

Et comminam eos, ut pulverem ante faciem venti : \* ut lutum platearum delébo eos.

Eripies me de contradictionibus populi : \* constitues me in caput gentium.

Populus, quem non cognovi, servivit mihi : \* in auditu auris obedivit mihi.

Filii alieni mentiti sunt mihi, & filii alieni inveterati sunt, \* et claudicaverunt a semitis suis.

Vivit Dominus, et benedictus Deus meus, \* et exaltetur Deus salutis meæ.

Deus qui das vindictas mihi, & et subdis populos sub me, \* liberator meus de inimicis meis iracundis.

Et ab insurgentibus in me exaltabis me : \* a viro iniquo eripies me.

Propterea confitebor tibi in nationibus Domine : \* et nomen tuo psalmum dicam,

Magnificans salutes regis ejus, & et faciens misericordiam christo suo David, \* et semini ejus usque in sæculum.

A DOMINICA I. ADVENTUS  
AD NATIVITATEM DOMINI :

Super Psalmos Añã. Hora est jam nos de somno surgere, et aperti sunt oculi nostri surgere ad Christum : quia lux vera est fulgens in mundo.

¶. Egrediétur virga de radice Jesse. R. Et flos de radice ejus ascendet.

A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmum Añã. Dominus firmamentum meum, et refugium meum.

¶ Usque ad Quadragesimam  
¶. Média nocte surgebam ad confitendum tibi. R. Super judicia justificationis tuæ.

¶ A Dominica j. Quadragesimæ usque ad Dominicam in Passione ¶. Ipse liberavit me de laqueo venantium. R. Et a verbo aspero.

DOMINICIS IN PASSIONE  
ET IN RAMIS PALMARUM :

Super Psalmos Añã. Mittens hæc mulier in corpus meum hoc unguentum, ad sepeliendum me fecit.

¶. De ore leonis libera me Domine. R. Et a cornibus unicórnium humilitatem meam.

A DOMINICA I. POST OCTAVAM  
TRINITATIS AD ADVENTUM :

Super Psalmum Añã. Tu populum humilem salvasti a morte Redemptor : atque superba tuo colla premis iaculo.

¶. Média nocte surgebam ad confitendum tibi. R. Super judicia justificationis tuæ.

IN III. NOCTURNO.

Psalmus 18.

CÆLI enarrant glóriam Dei,\*  
et opera manuum ejus annuntiat firmamentum.

Dies diéi eructat verbum,\*  
et nox nocti indicat scientiam.



Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egressio ejus :

Et occúrsum ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidèle, sapiéntiam præstans párvulis.

Justitiæ Dómini rectæ, lætificánte corda : \* præcéptum Dómini lúcidum, illúminans óculos.

Timor Dómini sanctus, permanens in sæculum sæculi : \* júdicia Dómini vera, justificáta in semetipsa.

Desiderabilia super aurum et lápidem pretiósium multum : \* et dulcióra super mel et favum.

Etenim servus tuus custódit ea, \* in custodiéndis illis retribúto multa.

Delicta quis intélligit? ꝫ ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redémptor meus.

A DOMINICA I. POST OCTAVAM  
EPIPHANIÆ AD DOMINICAM  
IN PASSIONE :

Super Psalmum Aña. Non sunt loquélæ, neque sermónes, quorum non audiántur voces eórum.

A DOMINICA I. POST OCTAVAM  
TRINITATIS AD ADVENTUM :

Super Psalmum Aña. Sponsus ut e thálamo procéssit Christus in orbem, descéndens cælo jure salutífero.

Psalmus 19.

**E**XAUDIAT te Dóminus in die tribulatiónis : \* protégat te nomen Dei Jacob.

Mittat tibi auxiliúm de sancto : \* et de Sion tueátur te.

Memor sit omnis sacrificii tui : \* et holocáustum tuum pingue fiat.

Tribuat tibi secúndum cor tuum : \* et omne consílium tuum confírmes.

Lætábimur in salutári tuo : \* et in nómine Dei nostri magnificábimur.

Impleat Dóminus omnes petitiónes tuas : \* nunc cognóvi quóniam salvum fecit Dóminus Christum suum.

Exáudiet illum de cælo sancto suo : \* in potentátibus salus dexteræ ejus.

Hi in curríbus, et hi in equis : \* nos autem in nómine Dómini Dei nostri invocábimus.

Ipsi obligáti sunt, et ceciderunt : \* nos autem surréximus et erécti sumus.

Dómine salvum fac regem : \* et exáudi nos in die, qua invocáverimus te.



A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmum Añā. Exaudiāt te Dóminus in die tribulatiōnis.

A DOMINICA I. POST OCTAVAM  
TRINITATIS AD ADVENTUM :

Super Psalmum Añā. Auxiliū nobis Salvátor mitte salutis : et tribuas vitam tēpore perpétuo.

Psalmus 20.

**D**OMINE in virtute tua lætabitur rex : \* et super salutāre tuum exsultabit vehemēter.

Desideriū cordis ejus tribuisti ei : \* et voluntate labiorum ejus non fraudasti eum.

Quóniam prævenisti eum in benedictiōnibus dulcedinis : \* posuisti in cápite ejus coronam de lápide pretioso.

Vitam petiit a te : \* et tribuisti ei longitudinem dierum in sæculum, et in sæculum sæculi.

Magna est glória ejus in salutári tuo : \* glóriam et magnum decorem impōnes super eum.

Quóniam dabis eum in benedictiōnem in sæculum sæculi : \* lætificabis eum in gaudio cum vultu tuo.

Quóniam rex sperat in Dómino : \* et in misericórdia Altissimi non commovēbitur.

Inveniātur manus tua omnibus inimicis tuis : \* dextera tua invēniat omnes, qui te odērunt.

Pones eos ut clibanum ignis in tēpore vultus tui : \* Dóminus in ira sua conturbábit eos, et devorábit eos ignis.

Fructum eórum de terra per-

des : \* et semen eórum a filiis hóminum.

Quóniam declinavérunt in te mala ; \* cogitavérunt consilia, quæ non potuerunt stabilire.

Quóniam pones eos dorsum : \* in reliquiis tuis præparabis vultum eórum.

Exaltāre Dómine in virtute tua : \* cantābimus et psallēmus virtutes tuas.

A DOMINICA I. ADVENTUS  
AD NATIVITATEM DOMINI :

Super Psalmos Añā. Nox præcēssit, dies autem appropinquávit : abjiciāmus ergo ópera tenebrarum, et induāmur arma lucis, sicut in die honeste ambulēmus.

¶ Egrediētur Dóminus de loco sancto suo. R. Véniet, ut salvet pópulum suum.

A DOMINICA I. POST OCTAVAM  
EPIPHANIE AD DOMINICAM  
IN PASSIONE :

Super Psalmum Añā. Dómine in virtute tua lætabitur Rex.

¶ Usque ad Quadragesimam ¶. Exaltāre Dómine in virtute tua. R. Cantābimus, et psallēmus virtutes tuas.

¶ A Dominica j. Quadragesimæ usque ad Dominicam in Passione ¶. Scápolis suis obumbrábit tibi. R. Et sub pennis ejus sperabis.

DOMINICIS IN PASSIONE  
ET IN RAMIS PALMARUM :

Super Psalmos Añā. Magister dicit : Tempus meum prope est : apud te fácio Pascha cum discipulis meis.

¶. Ne pe das cum impiis Deus ánimam meam. R. Et cum viris sánguinem vitam meam.

A DOMINICA I. POST OCTAVAM  
TRINITATIS AD ADVENTUM :

Super Psalmum Añā. Rex  
sine fine manens miseris tu  
parce ruinis : præmia concē-  
dens, et tua cuncta regens.

℟. Exaltāre Dómine in vir-  
tute tua. ℞. Cantābimus, et  
psallēmus virtutes tuas.

Canticum SS. Ambrosii et  
Augustini, quod dicendum erit  
post nonum ℞. omnibus Do-  
minicis, præterquam in Ad-  
ventu et a Septuagesima usque  
ad Pascha exclusive, quando  
fit Officium de Dominica.

In aliis Officiis dicatur, vel  
emittatur secundum quod in  
Rubricis generalibus notatum  
fuerit.

**T**E Deum laudāmus : \* te  
Dóminum confitemur.

Te ætérnum Patrem \* omnis  
terra venerātur.

Tibi omnes Angeli, \* tibi cæ-  
li, et univérse Potestates.

Tibi Chérubim et Séra-  
phim, \* incessābili voce pro-  
clāmant :

Sanctus, Sanctus, Sanctus \*  
Dóminus Deus Sábaoth.

Pleni sunt cæli et terra \* ma-  
jestātis glóriæ tuæ.

Te gloriósus \* Apostolórum  
chorus,

Te Prophetárum \* laudábilis  
númerus,

Te Mártýrum candidátus \*  
laudat exercitus.

Te per orbem terrárum \*  
sancta confitétur Ecclésia :

Patrem \* imménsæ majestá-  
tis,

Venerándum tuum verum \*  
et únicum Filium,

Sanctum quoque \* Parácli-  
tum Spiritum.

Tu Rex glóriæ, \* Christe.  
Tu Patris \* sempitérnus es  
Filius.

Tu, ad liberándum susceptú-  
rus hómínem, \* non horruisti  
Virginis úterum.

Tu, devicto mortis acúleo, \*  
aperuisti credéntibus regna  
cælórum.

Tu ad dexteram Dei sedes, \*  
in glória Patris.

Judex créderis \* esse ventú-  
rus.

Hic genuflectitur

usque ad Ætérna fac.

Te ergo quæsumus, tuis fá-  
mulis subveni : \* quos pretiósó  
sánguine redemisti.

Ætérna fac cum sanctis  
tuis \* in glória numerári.

Salvum fac pópulum tuum  
Dómine, \* et bédedic heredi-  
tāti tuæ.

Et rege eos, \* et extólle illos  
usque in ætérnum.

Per singulos dies \* benedi-  
cimus te.

Et laudāmus nomen tuum in  
sæculum, \* et in sæculum sæ-  
culi.

Dignāre, Dómine, die isto \*  
sine peccāto nos custodire.

Miserére nostri, Dómine : \*  
miserére nostri.

Fiat misericórdia tua, Dómi-  
ne, super nos, \* quemádmo-  
dum sperávimus in te.

In te, Dómine, sperávi : \*  
non confundar in ætérnum.

Hic nunquam dicitur Glória  
Patri

VERSICULI ANTE LAUDES.

IN DOMINICIS ADVENTUS :

Ante Laudes ℟. Emitte Agnum  
Dómine Dominatórem terræ.

℞. De Petra desérti ad mon-  
tem filiae Sion.

DOMINICIS AB OCT. EPIPHAN.  
AD QUADRAGESIMAM  
ET AB OCTAVA TRINITATIS  
AD ADVENTUM :

Ante Laudes *℣*. Excelsus super omnes gentes Dominus.  
*℟*. Et super caelos gloria ejus.

AD DOMINICA I. QUADRAGESIMÆ  
AD DOMINICAM IN PASSIONE :

Ante Laudes *℣*. In manibus portabunt te. *℟*. Ne forte offendas ad lapidem pedem tuum.

DOMINICIS IN PASSIONE  
ET IN RAMIS PALMARUM :

Ante Laudes *℣*. Intende animæ meæ, et libera eam. *℟*. Propter inimicos meos eripe me.

DOMINICIS ET FERIIS  
TEMPORE RESURRECTIONIS :

Ante Laudes *℣*. In Resurrectione tua Christe, allelúia.  
*℟*. Caeli et terra læténtur, allelúia.

### DOMINICA AD LAUDES.

Dicto *℣*. ante Laudes pro Tempore, ut supra, vel ut suo loco notatur, statim dicitur :  
*℣*. Deus in adiutorium meum intende. *℟*. Domine ad adiuvandum me festina. Glória Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen. Allelúia.

¶ Infra Septuagesimam, omisso Allelúia., dicitur : Laus tibi Domine, Rex æternæ gloriæ.

¶ Dominica j. post Octavam Epiphaniæ et deinceps usque

ad Septuagesimam; Dominica j. post Octavam Trinitatis et deinceps usque ad Adventum; item quatuor Dominicis proximis post Octavam Paschæ, quando de simplici Dominica agitur, dicitur super Psalmos Laudum una tantum Antiphona, ut infra post ultimum Psalmum notatum est. Aliis Dominicis dicuntur quinque Antiphonæ propriæ.

¶ Sequentes Psalmi dicuntur ad Laudes in Dominicis diebus (præterquam infra Septuagesimam). Item dicuntur in omni Festo sive novem sive trium Lectionum (non tamen in Cena Domini nec in die Animarum). Dicuntur etiam infra quascumque Octavas, si de Octava fiat Officium; in Officiis Votivis per hebdomadam; in Vigiliis Nativitatis et Epiphaniæ Domini et in Ferialibus diebus Tempore Paschali.

Psalmus 92.

**D**OMINUS regnâvit, decorem indûtus est : \* indûtus est Dominus fortitudinem, et præcinxit se.

Etenim firmâvit orbem terræ, \* qui non commovebitur.

Parâta sedes tua ex tunc : \* a sæculo tu es.

Elevâverunt flûmina Domine : \* elevâverunt flûmina vocem suam.

Elevâverunt flûmina fluctus suos, \* a vóçibus aquarum multarum.

Mirâbiles elatiónes maris, \* mirâbilis in altis Dominus.

Testimónia tua credibilia facta sunt nimis : \* domum tuam decet sanctitúdo Domine in longitudinem dierum.



## Psalmus 99.

**J**UBILATE Deo omnis terra : \* servite Dómino in lætitia.

Introite in conspéctu ejus, \* in exultatióne.

Scitóte quóniam Dóminus ipse est Deus : \* ipse fecit nos, et non ipsi nos :

Pópulus ejus, et oves páscuæ ejus : \* introite portas ejus in confessiõe, \* átria ejus in hymnis : confitémini illi.

Laudáte nomen ejus : quóniam suávis est Dóminus, \* in ætérnum misericórdia ejus, \* et usque in generatióem et generatióem véritas ejus.

## Psalmus 62.

**D**EUS Deus meus \* ad te de luce vigilo.

Sitívit in te ánima mea, \* quam multipliciter tibi caro mea.

In terra desérta, et inívia, et inaquósa : \* sic in sancto appáruí tibi, \* ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exultatióis laudábit os meum.

Si memor fui tui super stratum meum, \* in matutínis meditábor in te : \* quia fuisti adjutor meus.

Et in velaménto alárum tuarum exultábo, \* adhæsit ánima mea post te : \* me suscepit dextera tua.

Ipsi vero in vanum quæsiérunt ánimam meam, \* introibunt in inferióra terræ : \* tradéntur in manus gládií, partes vúlpium erunt.

Rex vero lætábitur in Deo, \* laudabúntur omnes qui jurant in eo : \* quia obstrúctum est os loquéntium iniqua.

Hic non dicitur Glória Patri.

## Psalmus 66.

**D**EUS misereátur nostri, et benedicat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exsúltent gentes : \* quóniam júdicas pópulos in æquitáte, \* et gentes in terra dirígis.

Confiteántur tibi pópuli Deus : \* confiteántur tibi pópuli omnes : \* terra dedit fructum suum.

Benedícat nos Deus, Deus noster, \* benedicat nos Deus : \* et métuant eum omnes fines terræ.

Canticum trium Puerorum.

Dan. 3.

**B**ENEDICITE ómnia ópera Dómini Dómino : \* laudáte et superexaltáte eum in sæcula.

Benedícite Angeli Dómini Dómino : \* benedicite cæli Dómino.

Benedícite aquæ omnes, quæ super cælos sunt, Dómino : \* benedicite omnes virtútes Dómini Dómino.



Benedícite sol, et luna Dómino : \* benedícite stellæ cæli Dómino.

Benedícite omnis imber, et ros Dómino : \* benedícite omnes spirítus Dei Dómino.

Benedícite ignis, et æstus Dómino : \* benedícite frigus, et æstus Dómino.

Benedícite rores, et pruina Dómino : \* benedícite gelu, et frigus Dómino.

Benedícite glácies, et nives Dómino : \* benedícite noctes, et dies Dómino.

Benedícite lux, et ténebræ Dómino : \* benedícite fúlgura, et nubes Dómino.

Benedícat terra Dóminum : \* laudet, et superexáltet eum in sæcula.

Benedícite montes, et colles Dómino : \* benedícite univérſa germinántia in terra Dómino.

Benedícite fontes Dómino : \* benedícite mária, et flúmina Dómino.

Benedícite cete, et ómnia, quæ movéntur in aquis, Dómino : \* benedícite omnes vólucres cæli Dómino.

Benedícite omnes béstiae, et pécora Dómino : \* benedícite filii hóminum Dómino.

Benedícat Israel Dóminum : \* laudet et superexáltet eum in sæcula.

Benedícite sacerdótes Dómini Dómino : \* benedícite servi Dómini Dómino.

Benedícite spirítus, et ánimæ iustórum Dómino : \* benedícite sancti, et húmiles corde Dómino.

Benedícite Ananía, Azaría, Misael Dómino : \* laudáte et superexaltáte eum in sæcula.

Benedicámus Patrem, et Filium cum sancto Spirítu : \* laudémus et superexaltémus eum in sæcula.

Benedictus es Dómine in firmaménto cæli : \* et laudábilis, et glorióſus, et superexaltátus in sæcula.

Hic non dicitur Glória Patri.

Psalmus 148.

**L**AUDATE Dóminum de cælis : \* laudáte eum in excelsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol, et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælossunt, laudent nomen Dómini. Quia ipse dixit, et facta sunt : \* ipse mandávit, et creáta sunt.

Státuit ea in ætérnum, et in sæculum sæculi : \* præcéptum pósuit, et non præteribit.

Laudáte Dóminum de terra, \* dracónes, et omnes abyssi.

Ignis, grando, nix, glácies, spirítus procellárum : \* quæ faciunt verbum ejus :

Montes, et omnes colles : \* ligna fructífera, et omnes cedri.

Béstiae, et univérſa pécora : \* serpéntes, et vólucres pennátæ :

Reges terræ, et omnes pópuli : \* príncipes, et omnes júdices terræ.

Júvenes, et vírgines : senes cum júnióribus laudent nomen Dómini : \* quia exaltátum est nomen ejus solius.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis  
ejus : \* filiis Israel, pópulo ap-  
propinquánti sibi.

Hic non dicitur Glória Patri.

Psalmus 149.

**C**ANTATE Dómino canticum  
novum : \* laus ejus in ec-  
clésia sanctórum.

Lætétur Israel in eo qui fecit  
eum : \* et filii Sion exsultent in  
rege suo.

Laudent nomen ejus in cho-  
ro : \* in tympano, et psaltério  
psallant ei :

Quia beneplácitum est Dómi-  
no in pópulo suo : \* et exaltá-  
bit mansuétos in salutem.

Exsultábunt sancti in gló-  
ria : \* lætabúntur in cubilibus  
suis.

Exaltatiónes Dei in gútture  
eórum : \* et gládii ancípites in  
mánibus eórum :

Ad faciendam vindíctam in  
natió nibus : \* increpatiões in  
pópulis.

Ad alligándos reges eórum in  
compédibus : \* et nobiles eórum  
in mánicis férreis.

Ut fácient in eis iudícium  
conscriptum : \* glória hæc est  
ómnibus sanctis ejus.

Hic non dicitur Glória Patri.

Psalmus 150.

**L**AUDATE Dóminum, in san-  
ctis ejus : \* laudáte eum in  
firmaménto virtútis ejus.

Laudáte eum in virtútibus  
ejus : \* laudáte eum secúndum  
multitúdinem magnitúdinis  
ejus.

Laudáte eum in sono tubæ : \*  
laudáte eum in psaltério, et cí-  
thara.

Laudáte eum in tympano, et  
choro : \* laudáte eum in chor-  
dis et órgano.

Laudáte eum in cymbalis be-  
nesonántibus : \* laudáte eum  
in cymbalis jubilatiónis : \* om-  
nis spirítus laudet Dóminum.

DOMINICIS AB OCTAVA  
EPIPHANIE AD SEPTUAGES.  
ET AB OCTAVA TRINITATIS  
AD ADVENTUM :

Super Psalmos Laudum sola  
Aña. Regnávit Dóminus præ-  
cinctus fortitúdine cum decóre  
virtútum : \* cujus sedes paráta  
est in ætérnum. *148 3*

QUATUOR DOMINICIS  
PROXIMIS POST OCT. PASCHÆ :

Super Psalmos Laudum sola  
Aña. Allelúia, allelúia. *†* Præ-  
dicta Antiphona dicatur ad  
Laudes super Psalmos etiam  
ferialibus diebus inter diem  
Octavam Paschæ et Ascensio-  
nem Domini, quando de Tem-  
pore agitur.

IN DOMINICIS ADVENTUS :

Capitulum. Jer. 23.

**E**CCE dies véniunt, dicit Dó-  
minus, et suscitábo David  
germen justum : et regnabit  
rex, et sapiens erit : et faciet  
iudícium et justítiam in terra.  
*R.* Deo grátias. *†* Sicque ad  
omnia Capitula respondetur  
semper : Deo grátias.

Hymnus.

**V**OX clara ecce intonat,  
Obscúra quæque increpat :  
Pellántur éminus sónnia,  
Ab æthere Christus prómicat.

MENS jam resúrgat tórpida,  
Quæ sorde exstat sáucia :  
Sídus refúlget jam novum,  
Ut tollat omne nóxium.

E SURSUM Agnus mittitur  
Laxáre gratis débítum :  
Omnes pro indulgéntia  
Vocem demus cum lácrimis :

SECUNDO ut cum fúlserit,  
Mundúmque horror cínxerit,  
Non pro reátu púniat,  
Sed pius nos tunc próteget.

LAUS, honor, virtus, glória

Deo Patri et Filio,  
Sancto simul Paráclito,  
In sempitérna sæcula. Amen.

¶. Vox clamántis in deserto.  
R. Paráte viam Dómini.

DOMINICIS AB OCTAVA  
EPIPHANIE AD SEPTUAGES.  
ET AB OCTAVA TRINITATIS  
AD ADVENTUM :

Capitulum. Apoc. 7.

**B**ENEDICTIO, et cláritas, et  
Sapiéntia, et gratiárum  
áctio, honor, virtus, et fortitú-  
do Deo nostro in sæcula sæcu-  
lórum. Amen. R. Deo grátias.

Hymnus.

**E**CCE jam noctis tenuáur  
umbra,  
Lucis auróra rútilans corúscat :  
Nisibus totis rogitémus omnes  
Cunctipoténtem.

UT Deus noster miserátus  
omnem

Pellat languórem, tríbuat salú-  
tem,

Donet et nobis, pietáte Patris,  
Regna polórum.

PRÆSTET hoc nobis Déitas  
beáta

Patris, ac Nati, paritérque san-  
cti

Spirítus, cujus réboat in omni  
Glória mundo. Amen.

¶. Dóminus regnávit. R. De-  
córem índuit.

DOMINICIS IN SEPTUAGESIMA,  
IN SEXAGESIMA ET IN  
QUINQUAGESIMA :

Capitulum. Benedictio. et  
Hymnus Ecce jam noctis., ut  
supra.

¶. Dómine refúgium factus  
es nobis. R. A generatióne et  
progénie.

DOMINICA I. QUADRAGESIMÆ  
ET SEQUENTIBUS USQUE AD  
DOMINICAM IN PASSIONE :

Capitulum. 2. Cor. 6.

**H**ORTAMUR vos ne in vā-  
cuum grátiam Dei reci-  
piátis. Ait enim : Tépore ac-  
cépto exaudivi te, et in die  
salútis adjúvi te.

Hymnus.

**I**AM, Christe sol justitiæ,  
Mentis dehiscant ténébræ,  
Virtútum ut lux rédeat,  
Terris diem cum réparas.

Da tempus acceptábile,  
Et pœnitens cor tribue :  
Convértat ut benignitas  
Quos longa suffert pietas.

QUIDDAMQUE pœnitentiæ  
Da ferre, quamvis grávium,  
Majóre tuo múnere,  
Quo démpcio fit criminum.

DIES venit, dies tua,  
In qua reflórent ómnia :  
Lætémur in hac, ad tuam  
Per hanc redúcti grátiam.

TE rerum universitas  
Clemens adóret Trínitas :  
Et nos novi per véniam,  
Novum canámus cánticum.

Amen.

¶. Scuto circúmdabit te véri-  
tas ejus. R. Non timébis a ti-  
móre noctúrno.

DOMINICIS IN PASSIONE  
ET IN RAMIS PALMARUM :

Capitulum. Jer. 11.

**T**U autem Dómine Sábaoth,  
qui júdicas juste, et probas  
renes et corda, videam ultió-  
nem tuam ex eis : tibi enim re-  
velávi causam meam Dómine  
Deus meus.



## Hymnus.

**L**USTRIS sex qui jam peráctis  
Tempus implens córporis,  
Se volénte natus ad hoc,  
Passióni déditus,  
Agnus in crucis levátur  
Immolándus stípíte.

Hic acétum, fel, arúndo,  
Spina, clavi, láncea :  
Mite corpus perforátur,  
Sanguis, unda prófluit :  
Terra, pontus, astra, mundus,  
Quo lavántur flúmíne!

CRUX fidélis, inte omnes  
Arbor una nóbilis :  
Nulla silva talem profert  
Fronde, flore, gérmine :  
Dulce lignum, dulces clavos,  
Dulce pondus sústinet.

FLECTE ramos arbor alta,  
Tensa laxa viscera,  
Et rigor lentéscat ille,  
Quem dedit nativitas,  
Ut supérni membra Regis  
Miti tendas stípíte.

SOLE digna tu fuísti  
Ferre sæcli prétium,  
Atque portum præparáre  
Nauta mundo náufrago :  
Quem sacer cruor perúnxit  
Fusus Agni córpore.

GLORIA et honor Deo  
Usquequáque altíssimo,  
Una Patri, Filióque,  
Inclyto Paráclito :  
Cui laus est et potéstas  
Per ætérna sæcula. Amen.

Ÿ. Eripe me de inimicis meis  
Deus meus. R. Et ab insurgén-  
tibus in me libera me.

DOMINICA IN ALBIS  
ET QUATUOR DOMINICIS  
PROXIME SEQUENTIBUS :

Capitulum. Rom. 6.

**C**HRISTUS resúrgens ex mór-  
tuis jam non móritur, mors  
illi ultra non dominábitur.

Quod enim mórtuus est peccá-  
to, mórtuus est semel : quod  
autem vivit, vivit Deo.

## Hymnus.

**S**ERMONE blando Angelus  
Prædixit muliéribus :  
In Galilæa Dóminus  
Vidéndus est quantócius.

ILLÆ, dum pergunt cóncitæ  
Apóstolis hoc dicere,  
Vidéntes eum vivere,  
Osculántur pedes Dómini.

QUO ágnoito, discípuli  
In Galilæam própere  
Pergunt, vidére faciém  
Desiderátam Dómini.

CLARO Pascháli gáudio  
Sol mundo nitet rádio,  
Cum Christum jam Apóstoli  
Visu cernunt corpóreo.

OSTENSA sibi vúlnera,  
In Christi carne fúlgida,  
Resurrexisse Dóminum  
Voce faténtur pública.

REX Christe clementíssimo  
Tu corda nostra pòsside :  
Ut tibi laudes débites  
Reddámus omni témpore.

QUÆSUMUS, Auctor óm-  
nium,

In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui surrexisti a mórtuis,  
Cum Patre et sancto Spíritu,  
In sempitérna sæcula.

Amen.

† Istæ duæ Strophæ dicantur  
in fine omnium Hymnorum  
ejusdem metri usque ad j. Ve-  
spers Ascensionis Domini, ni-  
si aliter notetur.

Ÿ. Gavísi sunt discípuli, al-  
leluía. R. Viso Dómino, al-  
leluía.



Canticum Zachariæ. Luc. I.

**B**ENEDICTUS Dóminus Deus Israel, \* quia visitávit, et fecit redemptionem plebis suæ:

Et eréxit cornu salutis nobis: \* in domo David púeri sui.

Sicut locútus est per os sanctorum, \* qui a sæculo sunt, prophetarum ejus:

Salutem ex inimicis nostris, \* et de manu ómnium, qui odérunt nos:

Ad faciendam misericórdiam cum pátribus nostris: \* et memorári testaménti sui sancti.

Jusjurándum, quod jurávit ad Abraham patrem nostrum, \* datúrum se nobis:

Ut sine timóre, de manu inimicórum nostrórum liberáti, \* serviámus illi.

In sanctitáte, et justitia coram ipso, \* ómnibus diébus nostris.

Et tu puer, Prophéta Altissimi vocáberis: \* præibis enim ante faciém Dómini paráre vias ejus:

Ad dandam sciéntiam salutis plebi ejus: \* in remissionem peccatórum eórum:

Per viscera misericórdiæ Dei nostri: \* in quibus visitávit nos oriens ex alto:

Illumináre his, qui in ténebris, et in umbra mortis sedent: \* ad dirigéndos pedes nostros in viam pacis.

† Canticum Benedictus. per totum annum dicitur in Laudibus.

Antiphona et Oratio, prout suo loco notatum fuerit.

AD MEMORIAM DE CRUCE  
TEMPORE RESURRECTIONIS:

A Dominica in Albis usque ad Vigiliam Ascensionis exclusive, de Cruce facienda est

Memoria quotidie in Laudibus, exceptis festis Duplicibus et Totis Duplicibus:

Añá. Crucifixus surrexit a mórtuis, et redémit nos, allelúia, allelúia.

℣. Dicite in natióibus, allelúia. ℞. Quia Dóminus regnávít a ligno, allelúia.

Oratio.

**D**EUS, qui pro nobis Filium tuum Crucis patibulum subire voluisti, ut inimici a nobis expélleretur potestatem, concede nobis fámulis tuis ut resurrectionis grátiam consequámur: Per eúmdem.

AD MEMORIAM DE B. MARIA V.  
IN DOMINICIS:

In omnibus Dominicis per totum annum, quando de simplici Dominica agitur, fit Memoria de beata Maria in Laudibus:

Añá. Sub tuum præsidium confúgimus sancta Dei Génitrix: nostras deprecationes ne despicias in necessitatibus, sed a periculis cunctis libera nos semper Virgo benedicta. T. P. Allelúia.

℣. Post partum Virgo inviolata permansisti. T. P. Allelúia. ℞. Dei Génitrix intercède pro nobis. T. P. Allelúia.

Oratio.

**P**ROTEGE Dómine fámulos tuos subsidiis pacis: et beatæ Mariæ semper Virginis patrociniiis confidéntes a cunctis hóstibus redde secúros: Per Dóminum.

† Modum terminandi Horas require ante Completorium.

PSALMI DICENDI AD LAUDES  
DOMINICA IN SEPTUAGESIMA  
ET DEinceps IN DOMINICIS  
USQUE AD RAMOS INCLUSIVE,  
QUANDO DE DOMINICA AGITUR:

Psalmus 50.

**M**ISERERE mei Deus, \* secūndum magnam misericórdiam tuam.

Et secūndum multitudinem miserationū tuarum, \* dele iniquitatem meam.

Amplius lava me ab iniquitate mea : \* et a peccato meo munda me.

Quóniam iniquitatem meam ego cognosco : \* et peccatum meum contra me est semper.

Tibi soli peccavi, et malum coram te feci : \* ut justificeris in sermónibus tuis, et vincas cum iudicáris.

Ecce enim in iniquitatibus conceptus sum : \* et in peccatis concepit me mater mea.

Ecce enim veritatem dilexisti : \* incerta, et occulta sapientiæ tuæ manifestasti mihi.

Asperges me hyssopo, et mundabor : \* lavabis me, et super nivem dealbabor.

Auditui meo dabis gaudium et lætitiā : \* et exsultabunt ossa humiliata.

Avérte faciē tuā a peccatis meis : \* et omnes iniquitates meas dele.

Cor mundum crea in me Deus : \* et spiritum rectum innova in viscéribus meis.

Ne projicias a me a faciē tua : \* et spiritum sanctum tuum ne auferas a me.

Redde mihi lætitiā salutáris tui : \* et spiritu principáli confirma me.

Docēbo iníquos vias tuas : \* et impii ad te convertentur.

Libera me de sanguinibus Deus, Deus salutis meæ : \* et exsultabit lingua mea justitiam tuam.

Dómine lábia mea apéries : \* et os meum annuntiábit laudem tuam.

Quóniam si voluisses sacrificium, dedissem utique : \* holocaustis non delectaberis.

Sacrificium Deo spiritus contribulatus : \* cor contritum, et humiliatum Deus non despicies.

Benigne fac Dómine in bona voluntate tua Sion : \* ut ædificentur muri Jerúsalem.

Tunc acceptabis sacrificium justitiæ, oblationes, et holocausta : \* tunc impōnent super altáre tuum vitulos.

Psalmus 117.

**C**ONFITEMINI Dómino quóniam bonus : \* quóniam in sæculum misericórdia ejus.

Dicat nunc Israel quóniam bonus : \* quóniam in sæculum misericórdia ejus.

Dicat nunc domus Aaron : \* quóniam in sæculum misericórdia ejus.

Dicant nunc qui timent Dóminum : \* quóniam in sæculum misericórdia ejus.

De tribulatione invocavi Dóminum : \* et exaudivit me in latitudine Dóminus.

Dóminus mihi adjutor : \* non timébo quid faciat mihi homo.

Dóminus mihi adjutor : \* et ego despiciam inimicos meos.

Bonum est confidere in Dómino, \* quam confidere in hómine :

Bonum est sperare in Domino, \* quam sperare in principibus.

Omnes gentes circueverunt me : \* et in nomine Domini quia ultus sum in eos.

Circumdantes circumdederunt me : \* et in nomine Domini quia ultus sum in eos.

Circumdederunt me sicut apes, et exarservunt sicut ignis in spinis : \* et in nomine Domini quia ultus sum in eos.

Impulsus eversus sum ut caderem : \* et Dominus suscepit me.

Fortitudo mea, et laus mea Dominus : \* et factus est mihi in salutem.

Vox exultationis, et salutis \* in tabernaculis justorum.

Dextera Domini fecit virtutem : et dextera Domini exaltavit me, \* dextera Domini fecit virtutem.

Non moriar, sed vivam : \* et narrabo opera Domini.

Castigans castigavit me Dominus : \* et morti non tradidit me.

Aperite mihi portas iustitiae, et ingressus in eas confitebor Domino : \* haec porta Domini, iusti intrabunt in eam.

Confitebor tibi quoniam exaudisti me : \* et factus es mihi in salutem.

Lapidem, quem reprobaverunt edificantes : \* hic factus est in caput anguli.

A Domino factum est istud : \* et est mirabile in oculis nostris.

Haec est dies, quam fecit Dominus : \* exultemus, et laetemur in ea.

O Domine salvum me fac, o Domine bene prosperare : \* benedictus qui venit in nomine Domini.

Benediximus vobis de domo Domini : \* Deus Dominus, et illuxit nobis.

Constituite diem solennem in condensis, \* usque ad cornu altaris.

Deus meus es tu, et confitebor tibi : \* Deus meus es tu, et exaltabo te.

Confitebor tibi quoniam exaudisti me : \* et factus es mihi in salutem.

Confitemini Domino quoniam bonus : \* quoniam in saeculum misericordia ejus.

Psalmus Deus Deus meus, ad te de luce vigilo cum ceteris, ut in aliis Dominicis, pag. 18. et sequentibus.

Super Psalmos Antiphonae quinque propriae suis locis notatae.

#### AD PRETIOSA.

Finitis quae de Martyrologio pronuntianda sunt, et responso Deo gratias, dicatur Pretiosa. hoc modo :

℟. Pretiosa est in conspectu Domini. ℞. Mors Sanctorum ejus.

Oratio absque Orémus.

**S**ANCTA Maria et omnes Sancti intercedant pro nobis ad Dominum : ut mereamur adjuvari ab eo, qui vivit et regnat per omnia saecula saeculorum. ℞. Amen.

℣. Deus in adiutorium meum intende. ℞. Domine ad adiuvandum me festina.

Hic ℣. Deus in adiutorium. cum ℞. Domine ad adiuvandum. ter dicatur.

Deinde Gloria Patri... Sicut erat... Kyrie eleison. Christe eleison. Kyrie eleison. Pater



noster... Et ne nos inducas in tentationem. R. Sed libera nos a malo.

¶ Rēspice Dómine in servos tuos, et in ópera tua, et dirige filios eórum. R. Et sit splendor Dómini Dei nostri super nos, et ópera mánuum nostrárum dirige super nos : et opus mánuum nostrárum dirige.

Oratio absque Orémus.

**D**IRIGERE et sanctificáre digneris Dómine sancte, Pater omnipotens, ætérne Deus, hódie corda et córpora nostra in lege tua, et in opéribus mandatórum tuórum; ut hic, et in ætérnum, te auxiliánte, semper salvi esse mereámur : Per Christum Dóminum nostrum. R. Amen.

Postea dicto Jube Domne benedicere., si de Evangelio legendum fuerit, detur Benedictio : Divinum auxilium máneat semper nobiscum. R. Amen.

¶ Si vero de Constitutionibus, detur Benedictio : Reguláribus disciplinis instruat nos Magister cæléstis. R. Amen.

Data Benedictione, sequitur Lectio de Evangelio, vel de Constitutionibus.

¶ Fratres qui extra Chorum aut Capitulum sunt, si Evangelium proprium in promptu non habuerint, dicant :

Secúndum Joánnem. Cap. 1.

**I**N principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt : et

sine ipso factum est nihil. Tu autem Dómine miserére nostri. R. Deo grátias.

¶ De Constitutionibus extra Chorum aut Capitulum dicatur Lectio. Prolog.

**Q**UONIAM ex præcépto Régulæ jubémur habére cor unum et ánimam unam in Dómino : justum est ut qui sub una Régula et unius professiónis voto vivimus, unifórmes in observántiis canónicæ Religiónis inveniamur. Tu autem Dómine miserére nostri. R. Deo grátias.

Finita Lectione de Evangelio vel de Constitutionibus, dicatur :

Commemorátio Fratrum, Sorórum, Familiárium, Benefactórum defunctórum Ordinis nostri.

Requiescant in pace. R. Amen.

Psalmus 116.

**L**AUDATE Dóminum omnes gentes : \* laudáte eum omnes pópuli.

Quóniam confirmáta est super nos misericórdia ejus : \* et véritas Dómini manet in ætérnum.

Glória Patri, et Fílio... Sicut erat...

¶ Osténde nobis Dómine misericórdiam tuam. R. Et salutare tuum da nobis.

Dóminus vobiscum. R. Et cum spíritu tuo.

Orémus.

Oratio.

**A**CTIONES nostras, quæsumus Dómine, aspirándo præveni et adjuvándó proséquere : ut cuncta nostra operátio a te



semper incipiat, et per te cœpta finiatur : Per Christum Dñm nostrum. R. Amen.  
 V. Adjutorium nostrum in nōmine Dñi. R. Qui fecit cælum et terram.

Si non sequatur aliqua Hora, dicatur :

Fidélium animæ per misericórdiam Dei requiescant in pace. R. Amen.

† Si recitatus fuerit Obitus alicujus Magistri Generalis, immediate post Fidélium animæ. dicatur pro ejus anima Psalmus 129. De profundis. (ut in Psalterio ad Vesperas Feriæ quartæ), cum Versu Réquiem ætérnam. et in fine V. A porta inferi. R. Erue Dñe ánimas eórum.

Dñinus vobiscum. R. Et cum spiritu tuo.

Orémus.

Oratio.

**D**EUS, qui inter Apostólicos Sacerdotes famulum tuum Pontificáli (vel Sacerdotáli) fecisti dignitate vigere : præsta, quæsumus, ut eórum quoque perpétuo aggregétur consórtio : Per Christum Dñm nostrum. R. Amen.

Pro pluribus Magistris Oratio sic dicatur :

**D**EUS, qui inter Apostólicos Sacerdotes famulos tuos Sacerdotáli fecisti dignitate vigere : præsta, quæsumus, ut eórum quoque perpétuo aggregétur consórtio. Per Christum Dñm nostrum. R. Amen.

Post Orationem dicatur : Requiescant in pace. R. Amen.

† Si recitatum fuerit Anniversarium, dicto Ps. De profundis., V. A porta inferi., Dñinus vobiscum., Orémus., ut supra, sequitur Oratio :

**D**EUS indulgentiarum Dñi-ne, da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem et lúminis claritatem. Per Christum Dñm nostrum. R. Amen.

Requiescant in pace. R. Amen.

† Si eadem die Anniversarium et Obitus inciderint, sub una conclusione dicatur utraque Oratio, deinde : Requiescant in pace. R. Amen.

#### AD PRIMAM.

Dicto secreto Pater noster. et Credo in Deum., inchoatur V. Deus in adjutorium.; et sic ad alias Horas diei, nisi quod Credo in Deum. aliis Horis non præmittitur.

#### Hymnus.

**J**AM lucis orto sidere,  
 Deum precémur supplices  
 Ut in diurnis actibus  
 Nos servet a nocentibus.

LINGUAM refrénans tēperet,

Ne litis horror insonet :  
 Visum fovendo cōtegat,  
 Ne vanitates háuriat.

SINT pura cordis intima,  
 Absistat et vecórdia :  
 Carnis terat supérbiam  
 Potus cibique párcitas.

Ut cum dies abscesserit,  
 Noctémque sors redúxerit,  
 Mundi per abstinéntiam  
 Ipsi canámus glóriam.

DEO Patri sit glória,  
Ejúsque soli Filio,  
Cum Spíritu Paráclito,  
Et nunc, et in perpétuum.

Amen.

Psalmus 53.

**D**EUS in nómine tuo salvum  
me fac : \* et in virtúte tua  
júdica me.

Deus exáudi oratióem meam : \* áuribus pécipe verba  
oris mei.

Quóniam aliéni insurrexérunt  
advérsum me, et fortes quæ-  
siérunt ánimam meam : \* et  
non proposuérunt Deum ante  
conspéctum suum.

Ecce enim Deus ádjuvat me : \*  
et Dóminus suscéptor est áni-  
mæ meæ.

Avérte mala inimicis meis : \*  
et in veritaté tua dispérde illos.

Voluntárie sacrificábo tibi, \*  
et confitébor nómini tuo Dó-  
mine : quóniam bonum est :

Quóniam ex omni tribulatió-  
ne eripuísti me : \* et super  
inimicos meos despéxit óculus  
meus.

Psalmus 118.

**B**EATI immaculáti in via : \*  
qui ámbulant in lege Dó-  
mini.

Beáti, qui scrutántur testimó-  
nia ejus : \* in toto corde ex-  
quirunt eum.

Non enim qui operántur ini-  
quitátem, \* in viis ejus ambul-  
avérunt.

Tu mandásti \* mandáta tua  
custodíri nimis.

Utinam dirigántur viæ meæ, \*  
ad custodiéndas justificatiónes  
tuas.

Tunc non confúndar, \* cum  
perspéxero in ómnibus man-  
dátis tuis.

Confitébor tibi in directiõe  
cordis : \* in eo quod didici  
judicia justitiæ tuæ.

Justificatiónes tuas custó-  
diam : \* non me derelinquas  
usquequáque.

In quo corrigit adolescéntior  
viam suam? \* in custodiéndo  
sermões tuos.

In toto corde meo exquisívi  
te : \* ne repéllas me a mandá-  
tis tuis.

In corde meo abscondi elo-  
quia tua : \* ut non peccem  
tibi.

Benedíctus es Dómine : \*  
doce me justificatiónes tuas.

In lábiis meis, \* pronuntiávi  
ómnia judicia oris tui.

In via testimoniórum tuórum  
delectátus sum, \* sicut in óm-  
nibus divitiis.

In mandátis tuis exercébor : \*  
et considerábo vias tuas.

In justificatió nibus tuis medi-  
tábor : \* non obliviscar sermões  
tuos.

**R**ETRIBUE servo tuo, vivifica  
me : \* et custódiám sermões  
tuos.

Revéla óculos meos : \* et  
considerábo mirabilia de lege  
tua.

Incola ego sum in terra : \*  
non abscondas a me mandáta  
tua.

Concupívit ánima mea desi-  
deráre justificatiónes tuas, \* in  
omni témpore.

Incepásti supérbos : \* male-  
dicti qui declinant a mandátis  
tuis.

Aufer a me oppróbrium, et  
contéptum : \* quia testimó-  
nia tua exquisívi.

Etenim sedérunt príncipes, &  
et advérsus me loquebán-

tur : \* servus autem tuus exercebatur in justificationibus tuis.

Nam et testimonia tua meditatio mea est : \* et consilium meum justificationes tue.

Adhaesit pavimento anima mea : \* vivifica me secundum verbum tuum.

Vias meas enuntiavi, et exaudivisti me : \* doce me justificationes tuas.

Viam justificationum tuarum instrue me : \* et exercabor in mirabilibus tuis.

Dormitavit anima mea praetudio : \* confirma me in verbis tuis.

Viam iniquitatis amove a me : \* et de lege tua miserere mei.

Viam veritatis elegi : \* iudicia tua non sum oblitus.

Adhaesi testimoniis tuis Domine : \* noli me confundere.

Viam mandatorum tuorum cucurri, \* cum dilatasti cor meum.

¶ In festo sanctissimae Trinitatis et in omnibus Dominicis, nisi festum Totum Duplex evenierit, dicatur Symbolum sancti Athanasii :

**Q**UICUMQUE vult salvus esse, \* ante omnia opus est ut teneat catholicam fidem.

Quam nisi quisque integram inviolatamque servaverit, \* absque dubio in aeternum peribit.

Fides autem catholica haec est : \* ut unum Deum in Trinitate, et Trinitatem in unitate veneremur.

Neque confundentes personas, \* neque substantiam separantes.

Alia est enim persona Patris, alia Filii, \* alia Spiritus sancti.

Sed Patris, et Filii, et Spiritus sancti una est divinitas : \* aequalis gloria, coaeterna majestas.

Qualis Pater, talis Filius, \* talis Spiritus sanctus.

Increatus Pater, increatus Filius, \* increatus Spiritus sanctus.

Immensus Pater, immensus Filius, \* immensus Spiritus sanctus.

Aeternus Pater, aeternus Filius, \* aeternus Spiritus sanctus.

Et tamen non tres aeterni, \* sed unus aeternus.

Sicut non tres increati, nec tres immensi, \* sed unus increatus, et unus immensus.

Similiter omnipotens Pater, omnipotens Filius, \* omnipotens Spiritus sanctus.

Et tamen non tres omnipotentes, \* sed unus omnipotens.

Ita Deus Pater, Deus Filius, \* Deus Spiritus sanctus.

Et tamen non tres Dii, \* sed unus est Deus.

Ita Dominus Pater, Dominus Filius, \* Dominus Spiritus sanctus.

Et tamen non tres Domini, \* sed unus est Dominus.

Quia sicut singillatim unamquamque personam Deum ac Dominum confiteri christiana veritate compellimur : \* ita tres Deos aut Dominos dicere catholica religione prohibemur.

Pater a nullo est factus : \* nec creatus, nec genitus.

Filius a Patre solo est : \* non factus, nec creatus, sed genitus.



Spiritus sanctus a Patre et Filio : \* non factus, nec creatus, nec génitus, sed procedens.

Unus ergo Pater, non tres Patres : & unus Filius, non tres Filii : \* unus Spiritus sanctus, non tres Spiritus sancti.

Et in hac Trinitate nihil prius aut postérius, & nihil majus aut minus : \* sed totæ tres personæ coeternæ sibi sunt, et coæquales.

Ita ut per omnia, sicut jam supra dictum est, \* et unitas in Trinitate, et Trinitas in unitate veneranda sit.

Qui vult ergo salvus esse, \* ita de Trinitate sentiat.

Sed necessarium est ad æternam salutem, \* ut Incarnationem quoque Domini nostri Jesu Christi fideliter credat.

Est ergo fides recta, ut credamus et confiteamur, \* quia Dominus noster Jesus Christus, Dei Filius, Deus et homo est.

Deus est ex substantia Patris ante sæcula génitus : \* et homo est ex substantia matris in sæculo natus.

Perfectus Deus, perfectus homo : \* ex anima rationali, et humana carne subsistens.

Æqualis Patri secundum divinitatem : \* minor Patre secundum humanitatem.

Qui, licet Deus sit et homo, \* non duo tamen, sed unus est Christus.

Unus autem non conversione divinitatis in carnem : \* sed assumptione humanitatis in Deum.

Unus omnino, non confusione substantiæ, \* sed unitate personæ.

Nam sicut anima rationalis et caro unus est homo : \* ita

Deus et homo unus est Christus.

Qui passus est pro salute nostra : & descendit ad inferos : \* tertia die resurrexit a mortuis.

Ascendit ad caelos, & sedet ad dexteram Dei Patris omnipotentis : \* inde venturus est judicare vivos et mortuos.

Ad cujus adventum omnes homines resurgere habent cum corporibus suis : \* et reddituri sunt de factis propriis rationem.

Et qui bona egerunt ibunt in vitam æternam : \* qui vero mala in ignem æternum.

Hæc est fides catholica, \* quam nisi quisque fideliter firmiterque crediderit, salvus esse non poterit.

Glória Patri, et Filio... Sicut erat...

A DOMINICA I. ADVENTUS  
AD VIGILIAM NATIVITATIS  
DOMINI :

† Dominicis diebus.

Añã propria, scilicet j. Laudum.

† Ferialibus diebus.

Añã. Veni et libera nos, Deus noster.

AB OCTAVA EPIPHANIE  
AD SEPTUAGESIMAM  
ET AB OCTAVA TRINITATIS  
AD ADVENTUM :

† Dominicis diebus.

Añã. Glória tibi Trinitas æqualis una Déitas, et ante omnia sæcula, et nunc, et in perpétuum.

† Ferialibus diebus.

Añã. Deus exaudi orationem meam : auribus percipe verba oris mei.



A SEPTUAGESIMA  
AD QUADRAGESIMAM :

Ferialibus diebus.

Añā. Deus exāudi., ut in Ferialibus diebus post Octavam Epiphaniæ.

A FERIA SECUNDA POST  
DOMINICAM I. QUADRAGESIMÆ  
AD DOMINICAM IN PASSIONE :

Ferialibus diebus.

Añā. Vivo ego, dicit Dominus : nolo mortem peccatoris, sed ut magis convertatur, et vivat.

A FERIA SECUNDA  
POST DOMINICAM IN PASSIONE  
AD CENAM DOMINI :

Ferialibus diebus.

Añā. Animæ impiorum fremebant adversum me : et gratum est cor meum super eos.

A FERIA SECUNDA POST  
OCTAVAM PASCHÆ AD  
ASCENSIONEM :

Dominicis et Ferialibus diebus.

Añā. Cognoverunt Dominum, alleluia, in fractione panis, alleluia.

† Antiphonæ in Dominicis et Ferialibus diebus ad Primam, Tertiam, Sextam et Nonam, quæ in Psalterio non notantur, propriis locis in Officio de Tempore sunt positæ.

Capitulum. 1. Tim. 1.

**R**egi sæculorum immortalī, et invisibili, soli Deo honor et glória in sæcula sæculorum. Amen. R. Deo grátias.

† Capitulum Regi sæculorum, dicatur ad Primam omni-

bus Dominicis et festis etiam trium Lectionum, per omnes Octavas quando de Octava agitur, et in Officiis Votivis per hebdomadam. Omittitur tamen in Cena Domini et in Hebdomada Paschæ, et in die Animarum.

† Ferialibus vero diebus, nisi in Parasceve et Sabbato sancto, dicitur sequens

Capitulum. Zach. 8.

**P**acem et veritatem diligite, ait Dominus omnipotens.

R. Jesu Christe Fili Dei vivi \* Miserere nobis. Jesu Christe. V. Qui sedes ad dexteram Patris. Miserere nobis. Glória Patri. Jesu Christe.

V. Exsúrge Dómine adjuva nos. R. Et libera nos propter nomen tuum.

† R. Jesu Christe. semper dicatur, nisi quando a Dominica in Passione ad Dominicam in Albis de Tempore agitur, et nisi in die Animarum. V. Qui sedes. cum R. Jesu Christe. semper dicatur, nisi alius V. sit notatus.

† V. Exsúrge. semper dicatur, nisi in die Cenæ et deinceps usque ad Dominicam in Albis, et nisi in die Animarum. Deinde, nisi Preces dicendæ fuerint, subditur a Præfato :

**C**ONFITEOR Deo omnipotenti, et beatæ Mariæ semper Virgini, et beato Dominico Patri nostro, et omnibus Sanctis, et vobis Fratres : quia peccavi nimis cogitatione, locutione, opere et omissione, mea culpa : precor vos orare pro me.

Chorus autem dicat :

**MISEREATUR** tui omnipotens Deus, et dimittat tibi omnia peccata tua : liberet te ab omni malo, salvet, et confirmet in omni opere bono, et perducat te ad vitam æternam. Respondeat Prælati : Amen.

Postea Chorus replicet :

**CONFITEOR** Deo omnipotenti, et beatæ Mariæ semper Virgini, et beato Dominico Patri nostro, et omnibus Sanctis, et tibi Pater : quia peccavi nimis cogitatione, locutione, opere et omissione, mea culpa : precor te orare pro me.

Quo finito, Prælati dicat Absolutionem :

**MISEREATUR** vestri omnipotens Deus, et dimittat vobis omnia peccata vestra : liberet vos ab omni malo, salvet, et confirmet in omni opere bono, et perducat vos ad vitam æternam. R. Amen.

¶ Quando autem Frater solus dicit Primam, vel Completorium, dicat sic :

**CONFITEOR** Deo omnipotenti, et beatæ Mariæ semper Virgini, et beato Dominico Patri nostro, et omnibus Sanctis : quia peccavi nimis cogitatione, locutione, opere et omissione, mea culpa : precor beatam Mariam semper Virginem, et beatum Dominicum Patrem nostrum, et omnes Sanctos orare pro me.

**MISEREATUR** mei omnipotens Deus, et dimittat mihi omnia peccata mea : liberet me ab omni malo, sal-

vet, et confirmet in omni opere bono, et perducat me ad vitam æternam. Amen.

Deinde dicatur :

Dominus vobiscum. R. Et cum spiritu tuo.

Orémus.

Oratio.

**I**n hac hora hujus diæi tua nos Domine reple misericordia : ut per totum diem exultantes in tuis laudibus jûgiter delectemur : Per Dominum nostrum... Dominus vobiscum. R. Et cum spiritu tuo.

Benedicamus Domino. R. Deo grâtiâs.

MODUS DICENDI PRECES  
AD PRIMAM :

Dicto V. Exsurgere Domine, adjuva nos. cum R. Et libera nos propter nomen tuum., sequitur :

Kyrie elêison. Christe elêison. Kyrie elêison. Pater noster... Et ne nos inducas in tentationem. R. Sed libera nos a malo. V. Vivet anima mea, et laudabit te. R. Et judicîa tua adjuvabunt me.

V. Erravi sicut ovis, quæ perii. R. Quære servum tuum Domine, quia mandata tua non sum oblitus.

Credo in Deum... Carnis resurrectionem. R. Vitam æternam. Amen.

Deinde Confiteor. et Misereatur., ut supra.

V. Dignare Domine die isto. R. Sine peccato nos custodire. Dominus vobiscum. R. Et cum spiritu tuo. Orémus.

¶ Si dictum fuerit Capitulum Regi sæculorum., dicatur Oratio In hac hora., ut supra.

† Si vero dictum fuerit Capitulum Pacem et veritatem., dicatur sequens

Oratio.

**D**OMINE Deus omnipotens, qui ad principium hujus diēi nos pervenire fecisti, tua nos hodie salva virtute : ut in hac die ad nullum declinemus peccatum; sed semper ad tuam justitiam faciendam nostra procedant eloquia, dirigantur cogitationes et opera : Per Dominum nostrum.

Dominus vobiscum. R. Et cum spiritu tuo.

Benedicamus Domino. R. Deo gratias.

MODUS DICENDI PRIMAM  
DOMINICA IN SEPTUAGESIMA  
ET DEINCEPS IN DOMINICIS  
USQUE AD RAMOS INCLUSIVE,  
QUANDO DE DOM. AGITUR :

Pater., Credo., ꝥ. Deus in adiutorium., Hymnus Jam lucis orto sidere, pag. 27.

Psalmus 21.

**D**EUS Deus meus respice in me : quare me dereliquisti? \* longe a salute mea verba delictorum meorum.

Deus meus clamabo per diem, et non exaudies : \* et nocte, et non ad insipientiam mihi.

Tu autem in sancto habitas, \* laus Israel.

In te speraverunt patres nostri : \* speraverunt, et liberasti eos.

Ad te clamaverunt, et salvi facti sunt : \* in te speraverunt, et non sunt confusi.

Ego autem sum vermis, et non homo : \* opprobrium hominum, et abjectio plebis.

Omnes vidētes me deriserunt me : \* locuti sunt labiis et moverunt caput.

Speravit in Domino, eripiat eum : \* salvum faciat eum, quoniam vult eum.

Quoniam tu es, qui extraxisti me de ventre : \* spes mea ab ubéribus matris meae.

In te projectus sum ex útero : ꝥ de ventre matris meae Deus meus es tu, \* ne disceris a me :

Quoniam tribulatio próxima est : \* quoniam non est qui adjuvet.

Circumdedérunt me vituli multi : \* tauri pingues obsederunt me.

Aperuerunt super me os suum, \* sicut leo rapiens et rugiens.

Sicut aqua effusus sum : \* et dispersa sunt omnia ossa mea.

Factum est cor meum tanquam cera liquescens \* in medio ventris mei.

Aruit tanquam testa virtus mea, ꝥ et lingua mea adhæsit faucibus meis : \* et in pulverem mortis deduxisti me.

Quoniam circumdedérunt me canes multi : \* concilium malignantium obsedit me.

Foderunt manus meas et pedes meos : \* dinumeraverunt omnia ossa mea.

Ipsi vero consideraverunt et inspexerunt me : \* divisérunt sibi vestimenta mea, et super vestem meam miserunt sortem.

Tu autem Domine ne elongaveris auxilium tuum a me : \* ad defensionem meam conspice.



Erue a frámea Deus ánimam meam : \* et de manu canis únicam meam.

Salva me ex ore leónis : \* et a cór nibus unicór nium humilitatem meam.

Narrábo nomen tuum frátribus meis : \* in médio ecclésiæ laudábo te.

Qui timétis Dóminum laudáte eum : \* univérsum semen Jacob glorificáte eum :

Timeat eum omne semen Israel : \* quóniam non sprevit, neque despéxit deprecationem páuperis :

Nec avértit fáciem suam a me : \* et cum clamárem ad eum exaudivit me.

Apud te laus mea in ecclésiá magna : \* vota mea reddam in conspéctu timéntium eum.

Edent páuperes, et saturabúntur : † et laudábunt Dóminum qui requirunt eum : \* vivent corda eórum in sæculum sæculi.

Reminiscéntur et converténtur ad Dóminum \* univér si fines terræ :

Et adorábunt in conspéctu ejus \* univér sæe familiæ géntium.

Quóniam Dómini est regnum : \* et ipse dominábitur géntium.

Manducavérunt et adoravérunt omnes pingues terræ : \* in conspéctu ejus cadent omnes qui descéndunt in terram.

Et ánima mea illi vivet : \* et semen meum sérviet ipsi.

Annuntiábitur Dómino generátio ventúra : \* et annuntiábunt cæli justitiam ejus pópu lo qui nascétur, quem fecit Dóminus.

Hic non dicitur Glória Patri.

# Psalmus 22.

DOMINUS regit me, et nihil mihi déerit : \* in loco páscuæ ibi me collocávit.

Super aquam refectionis educávit me : \* ánimam meam convertit.

Dedúxit me super sémitas justítiæ, \* propter nomen suum.

Nam, et si ambulávero in médio umbræ mortis, non timébo mala : \* quóniam tu mecum es.

Virga tua, et báculo tuus, \* ipsa me consoláta sunt.

Parásti in conspéctu meo mensam, \* advérsus eos, qui tribulant me.

Impinguásti in óleo caput meum : \* et calix meus iné brians quam præclárus est!

Et misericórdia tua subsequétur me \* ómnibus diébus vitæ meæ :

Et ut inhábitem in domo Dómini, \* in longitudinem diérum.

Glória Patri, et Filio... Sicut erat.

# Psalmus 23.

DOMINI est terra, et plentúdo ejus : \* orbis terrárum, et univér si, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens má nibus et mundo corde, † qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.



Hæc est generatio quærentium eum, \* quærentium faciem Dei Jacob.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dominus fortis et potens : Dominus potens in prælio.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dominus virtutum ipse est rex gloriæ.

Hic non dicitur Glória Patri.

Psalmus 24.

**A**D te Dómine levavi animam meam : \* Deus meus in te confido, non erubescam :

Neque irrideant me inimici mei : \* etenim universi, qui sustinent te, non confundentur.

Confundantur omnes iniqua agentes \* supervacue.

Vias tuas Dómine demonstra mihi : \* et semitas tuas edoce me.

Dirige me in veritate tua, et doce me : \* quia tu es Deus salvator meus, et te sustinui tota die.

Reminiscere miserationum tuarum Dómine, \* et misericordiarum tuarum, quæ a sæculo sunt.

Delicta juventutis meæ, \* et ignorantias meas ne memineris.

Secundum misericordiam tuam meménto mei tu : \* propter bonitatem tuam Dómine.

Dulcis et rectus Dóminus : \* propter hoc legem dabit delinquentibus in via.

Diriget mansuetos in iudicio : \* docebit mites vias suas.

Universæ viæ Dómini, misericordia et veritas, \* requirentibus testamentum ejus et testimonia ejus.

Propter nomen tuum Dómine propitiaberis peccato meo : \* multum est enim.

Quis est homo, qui timet Dóminum? \* legem statuit ei in via, quam elegit.

Anima ejus in bonis demorabitur : \* et semen ejus hereditabit terram.

Firmamentum est Dóminus timéntibus eum : \* et testamentum ipsius ut manifestetur illis.

Oculi mei semper ad Dóminum : \* quoniam ipse evélet de láqueo pedes meos.

Réspice in me, et miserere mei : \* quia unicus et pauper sum ego.

Tribulationes cordis mei multiplicatæ sunt : \* de necessitatibus meis erue me.

Vide humilitatem meam, et laborem meum : \* et dimitte universa delicta mea.

Réspice inimicos meos quoniam multiplicati sunt, \* et odio iniquo odérunt me.

Custodi animam meam, et erue me : \* non erubescam quoniam speravi in te.

Innocentes et recti adhæserunt mihi : \* quia sustinui te.

Libera Deus Israel, \* ex omnibus tribulationibus suis.

Glória Patri, et Filio... Sicut erat...

Psalmus 25.

**J**UDICA me Dómine, quoniam ego in innocentia mea ingressus sum : \* et in Dómino sperans non infirmabor.

Proba me Dómine, et tenta me : \* ure renes meos et cor meum.

Quóniam misericórdia tua ante óculos meos est : \* et complácui in veritate tua.

Non sedi cum concílio vanitátis : \* et cum iniqua geréntibus non introibo.

Odivi ecclésiám malignántium : \* et cum impiis non sedébo.

Lavábo inter innocéntes manus meas : \* et circúmdabo altáre tuum Dómine :

Ut áudiam vocem laudis, \* et enárrem univérsa mirabilia tua.

Dómine diléxi decórem domus tuæ, \* et locum habitatiónis glóriæ tuæ.

Ne perdas cum impiis Deus ánimam meam, \* et cum viris sánguinum vitam meam :

In quorum mánibus iniquitátes sunt : \* dextera eórum repléta est munéribus.

Ego autem in innocentia mea ingressus sum : \* rédime me, et miserére mei.

Pes meus stetit in dirécto : \* in ecclésiis benedicam te Dómine.

Hic non dicitur Glória Patri.

#### Psalmus 53.

**D**EUS in nómine tuo salvum me fac : \* et in virtúte tua júdica me.

Deus exáudi oratióem meam : \* áuribus pécipe verba oris mei.

Quóniam aliéni insurrexérunt advérsum me, et fortes quæsiérunt ánimam meam : \* et non proposuéront Deum ante conspéctum suum.

Ecce enim Deus ádjuvat me : \*

et Dóminus suscéptor est ánimæ meæ.

Avérte mala inimicis meis : \* et in veritate tua dispérde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuisti me : \* et super inimicos meos despéxit óculus meus.

Glória Patri, et Filio... Sicut erat...

#### Psalmus 92.

**D**OMINUS regnávit, decórem indútus est : \* indútus est Dóminus fortitúdinem, et præcínxit se.

Etenim firmávit orbem terræ, \* qui non commovébatur.

Paráta sedes tua ex tunc : \* a sæculo tu es.

Elevavérunt flúmina Dómine : \* elevavérunt flúmina vocem suam.

Elevavérunt flúmina fluctus suos, \* a vóci bus aquárum multárum.

Mirábiles elatiónes maris, \* mirábilis in altis Dóminus.

Testimónia tua credibília facta sunt nimis : \* domui tuam decet sanctitúdo Dómine in longitudínem diérum.

Hic non dicitur Glória Patri.

Psalm. 118. Beáti immaculáti. cum Glória Patri., pag. 28; Retribue servo tuo. cum Glória Patri., ibidem; Symbolum Quicumque vult salvus esse. cum Glória Patri., pag. 29.

Antiphona propria ad Primam Dominicæ currentis.

Capitulum Regi sæculórum; R. Jesu Christe. (præterquam Dominica in Passione et Dominica in Ramis palmarum); V. Exsúrge.; deinde Confiteor.,

Misereatur., Dóminus vobiscum., Oratio In hac hora., Dóminus vobiscum., Benedicamus Dómino. R. Deo grátias.

## AD TERTIAM.

## Hymnus.

**N**UNC sancte nobis Spíritus,  
Unum Patri cum Filio,  
Dignáre promptus ingeri,  
Nostro refúsus pectori.

Os, lingua, mens, sensus, vigor

Confessióem pèrsonet :  
Flamméscat igne caritas,  
Accéndat ardor próximos.

PRÆSTA Pater piíssime,  
Patrique compar Unice,  
Cum Spíritu Paráclito,  
Regnans per omne sæculum.  
Amen.

**L**EGEM pone mihi Dómine  
viam justificatiónum tuarum : \* et exquiram eam semper.

Da mihi intelléctum, et scrutabor legem tuam : \* et custodiám illam in toto corde meo.

Deduc me in sémitam mandatorum tuorum : \* quia ipsam volui.

Inclína cor meum in testimónia tua : \* et non in avaritiam.

Avérte oculos meos ne videant vanitatem : \* in via tua vivifica me.

Státue servo tuo elóquium tuum, \* in timóre tuo.

Amputa oppróbrium meum, quod suspicátus sum : \* quia judicia tua jucúnda.

Ecce concupivi mandata tua : \* in æquitáte tua vivifica me.

Et véniat super me misericórdia tua Dómine : \* salutáretuum secúndum elóquium tuum.

Et respondébo exprobrántibus mihi verbum : \* quia sperávi in sermónibus tuis.

Et ne áuferas de ore meo verbum veritátis usquequáque : \* quia in judiciis tuis supersperávi.

Et custodiám legem tuam semper : \* in sæculum et in sæculum sæculi.

Et ambulábam in latitúdine : \* quia mandata tua exquisivi.

Et loquébar in testimoniis tuis in conspéctu regum : \* et non confundébar.

Et meditábar in mandátis tuis, \* quæ diléxi.

Et levávi manus meas ad mandata tua, quæ diléxi : \* et exercebar in justificatióibus tuis.

**M**EMOR esto verbi tui servo tuo, \* in quo mihi spem dedísti.

Hæc me consoláta est in humilitáte mea : \* quia elóquium tuum vivificávit me.

Supérbi inique agébant usquequáque : \* a lege autem tua non declinávi.

Memor fui judiciórum tuórum a sæculo Dómine : \* et consolátus sum.

Deféctio ténuít me, \* pro peccatóribus derelinquéntibus legem tuam.

Cantábiles mihi erant justificatióes tuæ, \* in loco peregrinatióis meæ.

Memor fui nocte nóminis tui Dómine : \* et custodívi legem tuam.

Hæc facta est mihi : \* quia justificatióes tuas exquisivi.



Pórtio mea Dómine, \* dixi custodire legem tuam.

Deprecáтус sum fáciem tuam in toto corde meo : \* miserére mei secúndum elóquium tuum.

Cogitávi vias meas : \* et converti pedes meos in testimónia tua.

Parátus sum, et non sum turbátus : \* ut custódiám mandáta tua.

Funes peccatórum circumpléxi sunt me : \* et legem tuam non sum oblitus.

Média nocte surgébam ad confiténdum tibi, \* super iudicia justificatiónis tuæ.

Párticeps ego sum ómnium timéntium te : \* et custodiéntium mandáta tua.

Misericórdia tua Dómine plena est terra : \* justificatiónes tuas doce me.

**B**ONITATEM fecisti cum servo tuo Dómine, \* secúndum verbum tuum.

Bonitátem, et disciplinam, et sciéntiam doce me : \* quia mandátis tuis crédi.

Priúsqvam humiliárer ego delíqui : \* propterea elóquium tuum custodívi.

Bonus es tu : \* et in bonitáte tua doce me justificatiónes tuas.

Multiplicáta est super me iniquitas superbórum : \* ego autem in toto corde meo scrutábor mandáta tua.

Coagulátum est sicut lac cor eórum : \* ego vero legem tuam meditátus sum.

Bonum mihi quia humiliásti me : \* ut discam justificatiónes tuas.

Bonum mihi lex oris tui, \* super millia auri et argénti.

Manus tuæ fecerunt me, et plasmáverunt me : \* da mihi

intelléctum, et discam mandáta tua.

Qui timent te vidébunt me, et lætabúntur : \* quia in verba tua supersperávi.

Cognóvi Dómine quia æquitas iudicia tua : \* et in veritate tua humiliásti me.

Fiat misericórdia tua ut consolétur me, \* secúndum elóquium tuum servo tuo.

Véniant mihi miseratiónes tuæ, et vivam : \* quia lex tua meditatio mea est.

Confundántur superbi, quia injúste iniquitátem fecerunt in me : \* ego autem exercébor in mandátis tuis.

Convertántur mihi timéntes te : \* et qui novérunt testimónia tua.

Fiat cor meum immaculátum in justificatióibus tuis, \* ut non confundar.

A DOMINICA I. ADVENTUS  
AD VIGILIAM NATIVITATIS :

† Dominicis diebus.

Antiphona propria, scilicet ij. Laudum.

Capitulum. Jer. 23.

**E**CCE dies véniunt, dicit Dóminus, et suscitábo David germen justum : et regnábít rex, et sapiens erit : et faciet iudicium et justítiam in terra.

R. Veni ad liberándum nos, \* Dómine Deus virtútum. Veni. X. Osténde fáciem tuam, et salvi érimus. Dómine. Glória. Veni.

X. Timébunt gentes nomen tuum Dómine. R. Et omnes reges terræ glóriam tuam.

Dóminus vobiscum. R. Et cum spíritu tuo. Orémus. Oratio propria.



† Ferialibus diebus.

Añā. Veni Dómine, et noli tardāre : relāxa facinora plebis tuæ Israel.

Capitulum. R., V. ut Dominicis diebus. Dicto V. Timébunt., subditur : Kyrie eléison. Christe eléison. Kyrie eléison. Pater noster. Et ne nos. Dóminus vobiscum. Orémus. Oratio Dominicæ.

AB OCTAVA EPIPHANIÆ  
AD SEPTUAGESIMAM  
ET AB OCTAVA TRINITATIS  
AD ADVENTUM :

† Dominicis diebus.

Añā. Laus et perénis glória Deo Patri, et Filio, sancto simul Paráclito, in sæcula sæculórum.

Capitulum. I. Joann. 4.

**D**EUS caritas est : et qui manet in caritate, in Deo manet, et Deus in eo.

R. Inclina cor meum Deus  
\* In testimónia tua. Inclina.  
V. Avérte óculos meos ne videant vanitatem : in via tua vivifica me. In testimónia tua. Glória. Inclina.

V. Adjutor meus esto Dómine : ne derelinquas me. R. Neque despicias me Deus salutaris meus.

Dóminus vobiscum. R. Et cum spiritu tuo. Orémus. Oratio propria.

† Ferialibus diebus.

Añā. Deduc me Dómine in semitam mandatorum tuorum.

Capitulum. Jerem. 17.

**S**ANA me Dómine, et sanabor : salvum me fac, et salvus ero : quóniam laus mea tu es.

R. Sana animam meam,  
\* Quia peccavi tibi. Sana.  
V. Ego dixi : Dómine miserere mei. Quia. Glória. Sana.

V. Adjutor meus esto Dómine : ne derelinquas me. R. Neque despicias me Deus salutaris meus.

Kyrie eléison. Christe eléison. Kyrie eléison. Pater noster. Et ne nos. Dóminus vobiscum. Orémus. Oratio Dominicæ.

A SEPTUAGESIMA AD CINERES:

Ferialibus diebus.

Antiphona, Capitulum, R., V., Preces, ut Ferialibus diebus post Octavam Epiphaniæ ; Oratio Dominicæ.

A FERIA SECUNDA POST  
DOMINICAM I. QUADRAGESIMÆ  
AD DOMINICAM IN PASSIONE :

Ferialibus diebus.

Añā. Advenérunt nobis dies pœnitentiæ, ad redimendam peccata, et salvandas ánimas.

Capitulum. Joel. 2.

**C**ONVERTIMINI ad me in toto corde vestro in jejúno, et fletu, et planctu : et scindite corda vestra, et non vestimenta vestra, ait Dóminus omnipotens.

Responsorium et Versiculus Dominicæ.

Kyrie eléison. Christe eléison. Kyrie eléison. Pater noster. Et ne nos. Dóminus vobiscum. Orémus. Oratio Feriæ.

A FERIA SECUNDA POST  
DOMINICAM IN PASSIONE  
AD CENAM DOMINI :

Ferialibus diebus.

Añā. Judicásti Dómine causam animæ meæ : defensor vitæ meæ, Dómine Deus meus.

Capitulum. Jer. 11.

**T**U autem Dómine Sábaoth, qui júdicas juste, et probas renes et corda, videam ultiónem tuam ex eis : tibi enim revelávi causam meam, Dómine Deus meus.

R. Erue a frámea Deus ánimam meam : \* Et de manu canis únicam meam. V. Salva me ex ore leónis : et a cónibus unicórnium humilitátem meam. Et de manu. R. Erue a frámea.

S. De ore leónis libera me Dómine. R. Et a cónibus unicórnium humilitátem meam.

Kyrie eléison. Christe eléison. Kyrie eléison. Pater noster. Et ne nos. Dóminus vobiscum. Orémus. Oratio Feriæ.

TEMPORE RESURRECTIONIS :  
Dominicis et Ferialibus diebus.

Añã. Pax vobis, ego sum, allelúia : nolite timére, allelúia.

Capitulum. Rom. 6.

**C**HRIStUS resúrgens ex mórtuis jam non móritur, mors illi ultra non dominábitur. Quod enim mórtuus est peccáto, mórtuus est semel : quod autem vivit, vivit Deo.

R. Resurréxit Dóminus, \* Allelúia, allelúia. Resurréxit. V. Sicut dixit vobis. Allelúia. Glória. Resurréxit.

V. Surréxit Dóminus vere, allelúia. R. Et appáruit Simóni, allelúia.

Dóminus vobiscum. Orémus. Oratio propria Dominicæ.

AD SEXTAM.

Hymnus.

**R**ECTOR potens, verax Deus, Qui témporas rerum vices, Splendóre mane instruis, Et ignibus merídiem :

EXSTINGUE flammas litium,  
Aufer calórem nóxium,  
Confer salútem córporum  
Verámque pacem córdium.

PRÆSTA Pater piíssime,  
Patrique compar Unice,  
Cum Spíritu Paráclito,  
Regnans per omne sæculum.  
Amen.

**D**EFECIT in salutáre tuum  
ánima mea : \* et in verbum tuum supersperávi.

Defecérunt óculi mei in elóquium tuum, \* dicéntes : Quando consoláberis me?

Quia factus sum sicut uter in pruina : \* justificatiónes tuas non sum oblitus.

Quot sunt dies servi tui : \* quando fácies de persequéntibus me júdicium?

Narravérunt mihi iníqui falsificatiónes : \* sed non ut lex tua.

Omnia mandáta tua véritas : \* inique persecúti sunt me, ádjuva me.

Paulo minus consummavérunt me in terra : \* ego autem non dereliqui mandáta tua.

Secúndum misericórdiam tuam vivifica me : \* et custódiám testimónia oris tui.

In ætérnum Dómine, \* verbum tuum pérmanet in cælo.

In generatióem et generatióem véritas tua : \* fundásti terram, et pérmanet.

Ordinatióne tua perseverát dies : \* quóniam ómnia sérviant tibi.

Nisi quod lex tua meditatio mea est : \* tunc forte periissem in humilitáte mea.

In ætérnum non oblivíscar justificatiónes tuas : \* quia in ipsis vivificásti me.

Tuus sum ego, salvum me fac : \* quóniam justificatiónes tuas exquisívi.

Me exspectavérunt peccatóres ut pérderent me : \* testimónia tua intelléxi.

Omnis consummationis vidi finem : \* latum mandátum tuum nimis.

**Q**UOMODO diléxi legem tuam Dómine ? \* tota die meditatio mea est.

Super inimícos meos prudentem me fecisti mandáto tuo : \* quia in ætérnum mihi est.

Super omnes docéntes me intelléxi : \* quia testimónia tua meditatio mea est.

Super senes intelléxi : \* quia mandata tua quæsívi.

Ab omni via mala prohibui pedes meos : \* ut custódiam verba tua.

A judiciis tuis non declinávi : \* quia tu legem posuisti mihi.

Quam dúlcia faucibus meis elóquia tua, \* super mel ori meo !

A mandátis tuis intelléxi : \* propterea odívi omnem viam iniquitátis.

Lucérna pédibus meis verbum tuum, \* et lumen sémitis meis.

Jurávi, et státui \* custodíre júdicia justitiæ tuæ.

Humiliátus sum usquequaque Dómine : \* vivifica me secúndum verbum tuum.

Voluntária oris mei beneplácita fac Dómine : \* et júdicia tua doce me.

Anima mea in mánibus meis semper : \* et legem tuam non sum oblítus.

Posuéruunt peccatóres láqueum mihi : \* et de mandátis tuis non errávi.

Hereditáte acquisívi testimó-

nia tua in ætérnum : \* quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, \* propter retributiónem.

**I**N QUOS odio hábui : \* et legem tuam diléxi.

Adjútor, et suscéptor meus es tu : \* et in verbum tuum supersperávi.

Declináte a me maligni : \* et scrutábor mandata Dei mei.

Súscipe me secúndum elóquium tuum, et vivam : \* et non confundas me ab expectatióne mea.

Adjuva me, et salvus ero : \* et meditabor in justificatióibus tuis semper.

Sprevísti omnes discedéntes a judiciis tuis : \* quia injústa cogitatio eórum.

Praevericántes reputávi omnes peccatóres terræ : \* ideo diléxi testimónia tua.

Confige timóre tuo carnes meas : \* a judiciis enim tuis tímui.

Feci júdícium et justitiam : \* non tradas me calumniántibus me.

Súscipe servum tuum in bonum : \* non calumniéntur me supérbi.

Oculi mei defecerunt in salutáre tuum : \* et in elóquium justitiæ tuæ.

Fac cum servo tuo secúndum misericórdiam tuam : \* et justificatiónes tuas doce me.

Servus tuus sum ego : \* da mihi intelléctum, ut sciam testimónia tua.

Tempus faciéndi Dómine : \* dissipavérunt legem tuam.

Ideo diléxi mandata tua, \* super aurum et topázion.



Propterea ad omnia mandata tua dirigébar : \* omnem viam iniquam odio hábui.

A DOMINICA I. ADVENTUS  
AD VIGILIAM NATIVITATIS  
DOMINI :

† Dominicis diebus.

Antiphona propria, scilicet  
iij. Laudum.

Capitulum. Jer. 23.  
In diebus illis salvábitur Juda,  
et Israel habitábit confidén-  
ter : et hoc est nomen, quod  
vocabunt eum, Dóminus justus  
noster.

R. Osténde nobis Dómine  
\* Misericórdiam tuam. Osténde.  
V. Et salutáre tuum da nobis.  
Misericórdiam tuam. Glória.  
Osténde.

℟. Meménto nostri Dómine  
in beneplácito pópuli tui. R. Vi-  
sita nos in salutári tuo.

Dóminus vobíscum. R. Et  
cum spíritu tuo. Orémus. Ora-  
tio propria.

† Ferialibus diebus.

Aña. Tuam Dómine éxcita  
poténtiam, et veni ad salván-  
dum nos.

Capitulum, R., ℟. ut Domini-  
cis diebus. Dicto V. Meménto  
nostri., subditur : Kyrie eléi-  
son. Christe eléison. Kyrie  
eléison. Pater noster. Et ne  
nos. Dóminus vobíscum. Oratio  
Dominicæ.

AB OCTAVA EPIPHANIE  
AD SEPTUAGESIMAM  
ET AB OCTAVA TRINITATIS  
AD ADVENTUM :

† Dominicis diebus.

Aña. Glória laudis résonet in  
ore ómnium Patri genitæque  
Proli : Spiritui sancto páriter  
résúltet laude perénni.

Capitulum. 2. Cor. 13.

G RATIA Dómini nostri Jesu  
Christi, et caritas Dei, et  
communicatio sancti Spíritus  
sit semper cum ómnibus vobis.  
Amen. R. Deo grátias.

R. In ætérnum Dómine, \* Pér-  
manet verbum tuum. In ætér-  
num. ℟. In cælo, et in sæculum  
sæculi véritas tua. Pérmanet.  
Glória. In ætérnum.

℟. Dóminus regit me, et nihil  
mihi déerit. R. In loco páscuræ  
ibi me collocávit.

Dóminus vobíscum. Orémus.  
Oratio propria.

† Ferialibus diebus.

Aña. Adjuva me, et salvus  
ero Dómine.

Capitulum. Gal. 6.

A LTER altérius ónera portá-  
te, et sic adimplébitis le-  
gem Christi.

R. Benedicam Dóminum \* In  
omni témpore. Benedicam.  
V. Semper laus ejus in ore meo.  
In omni. Glória. Benedicam.

℟. Dóminus regit me, et nihil  
mihi déerit. R. In loco páscuræ  
ibi me collocávit.

Kyrie eléison. Christe eléison.  
Kyrie eléison. Pater noster.  
Et ne nos. Dóminus vobíscum.  
Orémus. Oratio Dominicæ.

A SEPTUAGESIMA AD CINERES:

Ferialibus diebus.

Antiphona, Capitulum, R., V.,  
Preces, ut Ferialibus diebus  
post Octavam Epiphaniæ; Ora-  
tio Dominicæ.

A FERIA SECUNDA POST  
DOMINICAM I. QUADRAGESIMÆ  
AD DOMINICAM IN PASSIONE :

Ferialibus diebus.

Aña. Commendémus nosmet-  
ipsos in multa patiéntia, in



jejúniis multis, per arma justitiæ.

Capitulum. Isa. 55.

**D**ERELINQUAT impius viam suam, et vir iniquus cogitationes suas, et revertatur ad Dóminum, et miserébitur ejus : et ad Deum nostrum, quóniam multus est ad ignoscéndum.

Responsorium et Versiculus  
Dominicæ.

Kyrie eléison. Christe eléison.  
Kyrie eléison. Pater noster. Et  
ne nos. Dóminus vobiscum.  
Orémus. Oratio Feriæ.

A FERIA SECUNDA POST  
DOMINICAM IN PASSIONE  
AD CENAM DOMINI :

Ferialibus diebus.

Aña. Pópule meus, quid feci  
tibi, aut quid moléstus fui?  
respónde mihi.

Capitulum. Isa. 50.

**F**ACIEM meam non avérti ab  
incredpántibus, et conspuén-  
tibus in me : Dóminus Deus  
auxiliátor meus, ideo non sum  
confúsus.

R̃. De ore leónis libera me  
Dómine : \* Et a córnibus uni-  
córnium humilitátem meam.  
Ṽ. Erue a frámea Deus áni-  
mam meam : et de manu canis  
únicam meam. Et a córnibus.

R̃. De ore.

Ṽ. Ne perdas cum impiis  
Deus ánimam meam. R̃. Et  
cum viris sánguinem vitam  
meam.

Kyrie eléison. Christe eléison.  
Kyrie eléison. Pater noster. Et  
ne nos. Dóminus vobiscum.  
Orémus. Oratio Feriæ.

TEMPORE RESURRECTIONIS :  
Dominicis et Ferialibus diebus.  
Aña. Ecce ego vobiscum sum,  
allelúia, ómnibus diébus, alle-  
lúia.

Capitulum. Coloss. 3.

**S**i consurrexistis cum Christo :  
quæ sursum sunt quærite,  
ubi Christus est in dextera Dei  
sedens : quæ sursum sunt sapi-  
te, non quæ super terram.

R̃. Surréxit Dóminus vere,  
\* Allelúia, allelúia. Surréxit.  
Ṽ. Et appáruit Simóni. Alle-  
lúia. Glória. Surréxit.

Ṽ. Surréxit Dóminus de se-  
púlcro, allelúia. R̃. Qui pro no-  
bis pepéndit in ligno, allelúia.  
Dóminus vobiscum. Orémus.  
Oratio propria Dominicæ.

AD NONAM.

Hymnus.

**R**ERUM Deus tenax vigor,  
Immótus in te pérmanens,  
Lucis diurnæ témpora  
Succéssibus detérminans :

LARGIRE clarum véspere,  
Quo vita nusquam désciat :  
Sed præmium mortis sacræ  
Perénis instet glória.

PRÆSTA Pater piíssime,  
Patrique compar Unice,  
Cum Spíritu Paráclito,  
Regnans per omne sæculum.  
Amen.

**M**IRABILIA testimónia tua :  
ideo scrutáta est ea ánimá  
mea.

Declarátio sermónum tuórum  
illúminat : \* et intelléctum dat  
párvulis.

Os meum apéruí, et attráxi  
spíritum : \* quia mandáta tua  
desiderábam.

Aspice in me, et miserere mei, \* secundum iudicium diligentium nomen tuum.

Gressus meos dirige secundum eloquium tuum : \* et non dominetur mei omnis iniustitia.

Redime me a calumniis hominum : \* ut custodiam mandata tua.

Faciem tuam illumina super servum tuum : \* et doce me justificationes tuas.

Exitus aquarum deduxerunt oculi mei : \* quia non custodiérunt legem tuam.

Iustus es Domine : \* et rectum iudicium tuum.

Mandasti justitiam testimonio tua : \* et veritatem tuam nimis.

Tabescere me fecit zelus meus : \* quia obliti sunt verba tua inimici mei.

Ignitum eloquium tuum vehementer : \* et servus tuus dilexit illud.

Adolescens sum ego, et contemptus : \* justificationes tuas non sum oblitus.

Iustitia tua, iustitia in aeternum : \* et lex tua veritas.

Tribulatio, et angustia invenerunt me : \* mandata tua meditatio mea est.

Aequitas testimonio tua in aeternum : \* intellectum da mihi, et vivam.

**C**LAMAVI in toto corde meo, exaudi me Domine : \* justificationes tuas requiram.

Clamavi ad te, salvum me fac : \* ut custodiam mandata tua.

Præveni in maturitate, et clamavi : \* quia in verba tua supersperavi.

Prævenérunt oculi mei ad te

diluculo : \* ut meditarer eloquia tua.

Vocem meam audi secundum misericordiam tuam Domine : \* et secundum iudicium tuum vivifica me.

Appropinquaverunt persequentes me iniquitati : \* a lege autem tua longe facti sunt.

Prope es tu Domine : \* et omnes viae tuae veritas.

Initio cognovi de testimoniis tuis : \* quia in aeternum fundasti ea.

Vide humilitatem meam, et eripe me : \* quia legem tuam non sum oblitus.

Iudica iudicium meum, et redime me : \* propter eloquium tuum vivifica me.

Longe a peccatoribus salus : \* quia justificationes tuas non exquisierunt.

Misericordiae tuae multae Domine : \* secundum iudicium tuum vivifica me.

Multi qui persequuntur me, et tribulant me : \* a testimoniis tuis non declinavi.

Vidi praevaricantes, et tabescebam : \* quia eloquia tua non custodiérunt.

Vide quoniam mandata tua dilexi Domine : \* in misericordia tua vivifica me.

Principium verborum tuorum, veritas : \* in aeternum omnia iudicia iustitiae tuae.

**P**RINCIPES persecuti sunt me gratis : \* et a verbis tuis formidavit cor meum.

Lætabor ego super eloquia tua : \* sicut qui invenit spolia multa.

Iniquitatem odio habui, et abominatus sum : \* legem autem tuam dilexi.

Sépties in die laudem dixi tibi, \* super iudicia iustitiæ tuæ. Pax multa diligentibus legem tuam : \* et non est illis scándalum.

Expectábam salutáre tuum Dómine : \* et mandáta tua diléxi.

Custodivit ánima mea testimónia tua : \* et diléxit ea vehementer.

Servávi mandáta tua, et testimónia tua : \* quia omnes viæ meæ in conspéctu tuo.

Appropínquet deprecátio mea in conspéctu tuo Dómine : \* juxta elóquium tuum da mihi intelléctum.

Intret postulátio mea in conspéctu tuo : \* secúndum elóquium tuum éripe me.

Eructábunt lábia mea hymnum, \* cum docúeris me justificatiónes tuas.

Pronuntiábit lingua mea elóquium tuum : \* quia ómnia mandáta tua æquitas.

Fiat manus tua ut salvet me : \* quóniam mandáta tua elégi.

Concupívi salutáre tuum Dómine : \* et lex tua meditatio mea est.

Vivet ánima mea, et laudábit te : \* et iudicia tua adjuvábunt me.

Errávi, sicut ovis, quæ périit : \* quære servum tuum, quia mandáta tua non sum oblítus.

A DOMINICA I. ADVENTUS  
AD VIGILIAM NATIVITATIS  
DOMINI :

† Dominicis diebus.

Antiphona propria. scilicet v. Laudum.

Capitulum. Isa. 2.

**E**RIT in novissimis diébus præparátus mons domus Dómini in vértice móntium, et elevábitur super colles, et fluent ad eum omnes gentes.

℟. Super te Jerúsalem \* Oriétur Dóminus. Super te. ℣. Et glória ejus in te vidébitur. Oriétur. Glória. Super te.

℣. Dómine Deus virtútum convérte nos. ℟. Et osténde faciém tuam, et salvi érimus.

Dóminus vobiscum. Orémus. Oratio propria.

† Ferialibus diebus.

Añá. In tuo advéntu érué nos Dómine.

Capitulum, ℟., ℣. ut Dominicis diebus. Dicto ℣. Dómine Deus virtútum., subditur : Kyrie eléison. Christe eléison. Kyrie eléison. Pater noster. Et ne nos. Dóminus vobiscum. Orémus. Oratio Dominicæ.

† In omni Sabbato et in Vigilia cujuslibet festi novem Lectionum, post ℣. Dómine Deus virtútum., omisso Kyrie eléison. et Pater noster., statim dicitur Dóminus vobiscum. cum Oratione.

AB OCTAVA EPIPHANIE  
AD SEPTUAGESIMAM  
ET AB OCTAVA TRINITATIS  
AD ADVENTUM :

† Dominicis diebus.

Antiphona. Ex quo ómnia, per quem ómnia, in quo ómnia, ipsi glória in sæcula.

Capitulum. I. Joan. 5.  
**T**RES sunt, qui testimónium dant in cælo : Pater, Verbum, et Spíritus sanctus : et hi tres unum sunt.



R. Clamávi in toto corde,  
\* Exáudi me Dómine. Clamá-  
vi. V. Justificatiónes tuas re-  
quiram. Exáudi me. Glória.  
Clamávi.

V. Ab occúltis meis munda  
me Dómine. R. Et ab aliénis  
parce servo tuo.

Dóminus vobiscum. Orémus.  
Oratio propria.

† Ferialibus diebus.

Aña. Aspice in me Dómine,  
et miserére mei.

Capitulum. I. Cor. 6.

**E**MPTI enim estis pretio ma-  
gno : glorificáte, et portáte  
Deum in corpore vestro.

R. Rédime me Dómine, \* Et  
miserére mei. Rédime me.  
V. Pes enim meus stetit in via  
recta : in ecclésiis benedicam  
te Dómine. Et miserére mei.  
Glória. Rédime me.

V. Ab occúltis meis munda  
me Dómine. R. Et ab aliénis  
parce servo tuo.

Kyrie eléison. Christe eléi-  
son. Kyrie eléison. Pater  
noster. Et ne nos. Dóminus  
vobiscum. Orémus. Oratio Do-  
minicæ.

† In omni Sabbato et in  
Vigilia cujuslibet festi novem  
Lectionum, post V. Ab oc-  
cúltis., omisso Kyrie eléison.  
et Pater noster., statim dicitur  
Dóminus vobiscum. cum Ora-  
tione.

A SEPTUAGESIMA AD CINERES :

Ferialibus diebus,

Antiphona, Capitulum, R., V.,  
Preces, ut Ferialibus diebus  
post Octavam Epiphaniæ;  
Oratio Dominicæ.

A FERIA SECUNDA POST  
DOMINICAM I. QUADRAGESIMÆ  
AD DOMINICAM IN PASSIONE :

Ferialibus diebus.

Aña. Per arma justitiæ virtú-  
tis Dei, commendémus nosmet-  
ipsos in multa patientia.

Capitulum. Isa. 58.

**F**RANGE esuriénti panem  
tuum, et egénos, vagósque  
induc in domum tuam : cum  
videris nudum, óperi eum, et  
carnem tuam ne despéxris,  
ait Dóminus omnípotens.

Responsorium et Versiculus  
Dominicæ.

Kyrie eléison. Christe eléison.  
Kyrie eléison. Pater noster.  
Et ne nos. Dóminus vobiscum.  
Orémus. Oratio Feriæ.

A FERIA SECUNDA POST  
DOMINICAM IN PASSIONE  
AD CENAM DOMINI :

Ferialibus diebus.

Aña. Numquid rédditur pro  
bono malum, quia fodérunt  
fóveam ánimæ meæ?

Capitulum. Jer. 17.

**C**ONFUNDANTUR qui me per-  
sequúntur, et non confún-  
dar ego : páveant illi, et non  
páveam ego : induc super eos  
diem afflictiónis, et dúplici con-  
tritióne cóntere eos, Dómine  
Deus noster.

R. Principes persecúti sunt  
me gratis, et a verbis tuis for-  
midávit cor meum : \* Lætabor  
ego super elóquia tua. V. Qua-  
si qui invénit spólia multa.  
Lætabor ego. R. Principes.

V. Eripe me de inimicis meis  
Deus meus. R. Et ab insurgén-  
tibus in me libera me.

Kyrie eléison. Christe eléison.  
Kyrie eléison. Pater noster.



Et ne nos. Dóminus vobiscum.  
Orémus. Oratio Ferie.

TEMPORE RESURRECTIONIS :  
Dominicis et Ferialibus diebus.

Añā. Noli flere María, allelúia :  
resurrexit Dóminus, allelúia.  
Capitulum. Coloss. 3.

**C**UM autem Christus appa-  
ruerit, vita vestra : tunc  
et vos apparébitis cum ipso in  
glória.

R. Surrexit Dóminus de sep-  
ulcro, \* Allelúia, allelúia.  
Surrexit. V. Qui pro nobis pe-  
péndit in ligno. Allelúia. Gló-  
ria. Surrexit.

V. Gavisi sunt discipuli, alle-  
lúia. R. Viso Dómino, allelúia.  
Dóminus vobiscum. Orémus.  
Oratio propria Dominicæ.

## FERIA SECUNDA.

### AD MATUTINUM.

Invitorium. Venite, \* Ex-  
sultémus Dómino. Quo dicto,  
sequitur in Psalmo V. Jubilé-  
mus Deo salutári nostro. etc.

† Prædictum Invitorium  
dicatur Feria secunda ad Ma-  
tutinum, quando de Tempore  
agitur, ab Octava Epiphaniæ  
ad Feriam secundam post Do-  
minicam quartam Quadrage-  
simæ inclusive, et ab Octava  
Trinitatis ad Adventum exclu-  
sive.

Hymnus qui pro Tempore ad  
Matutinum Dominicæ in Psal-  
terio notatus fuerit.

### IN NOCTURNO.

† Sequentes Psalmi et se-  
quentes Antiphonæ super Psal-  
mos in Nocturno dicantur  
quando de Feria secunda agi-

tur ab Octava Epiphaniæ ad  
Feriam secundam Majoris heb-  
domadæ inclusive, et ab Octa-  
va Trinitatis ad Nativitatem  
Domini exclusive.

† Psalmi de Nocturno bini et  
bini terminantur per V. Glória  
Patri.

### Psalmus 26.

**D**OMINUS illuminatio mea, et  
salus mea, \* quem timébo?  
Dóminus protéctor vitæ  
meæ, \* a quo trepidábo?  
Dum apprópian super me  
nocéntes, \* ut edant carnes  
meas :

Qui tribulant me inimici  
mei, \* ipsi infirmáti sunt et ce-  
diderunt.

Si consistant advérsus me  
castra, \* non timébit cor meum.  
Si exsúrgat advérsus me  
procelium, \* in hoc ego sperábo.

Unam pétii a Dómino, hanc  
requíram, \* ut inhábitem in  
domo Dómini ómnibus diébus  
vitæ meæ :

Ut videam voluptátem Dó-  
mini, \* et visitem templum  
ejus.

Quóniam abscondit me in ta-  
bernáculo suo : \* in die maló-  
rum protéxit me in abscondito  
tabernáculi sui.

In petra exaltávit me : \* et  
nunc exaltávit caput meum  
super inimicos meos.

Circuivi, et immolávi in ta-  
bernáculo ejus hóstiam vocife-  
rationis : \* cantábo, et psal-  
mum dicam Dómino.

Exáudi Dómine vocem me-  
am, qua clamávi ad te : \* mi-  
serére mei, et exáudi me.

Tibi dixit cor meum, V. ex-  
quisívit te fácies mea : \* faciém  
tuam Dómine requíram.

Ne avértas faciém tuam a me : \* ne declines in ira a servo tuo.

Adjútor meus esto : \* ne derelinquas me, neque despicias me Deus salutáris meus.

Quóniam pater meus, et mater mea dereliquerunt me : \* Dóminus autem assúpsit me.

Legem pone mihi Dómine in via tua : \* et dirige me in sémitam rectam propter inimicos meos.

Ne tradideris me in ánimas tribulántium me : \* quóniam insurrexerunt in me testes iniqui, et mentíta est iniquitas sibi.

Credo vidére bona Dómini \* in terra vivéntium.

Exspécta Dóminum, viríliter age : \* et confortétur cor tuum, et sústine Dóminum.

Psalmus 27.

**A**D te Dómine clamábo, & Deus meus ne síleas a me : \* nequándo táceas a me, et assimilábor descendéntibus in lacum.

Exáudi Dómine vocem deprecationis meæ dum oro ad te : \* dum extólló manus meas ad templum sanctum tuum.

Ne simul trahas me cum peccatóribus : \* et cum operántibus iniquitátem ne perdas me :

Qui loquúntur pacem cum próximo suo, \* mala autem in cordibus eórum.

Da illis secúndum ópera eórum, \* et secúndum nequítiam adinventiónum ipsórum.

Secúndum ópera mánuum eórum tribue illis : \* redde retributiónem eórum ipsis.

Quóniam non intellexérunt

ópera Dómini, \* et in ópera mánuum ejus destrues illos, et non ædificábis eos.

Benedíctus Dóminus : \* quóniam exaudivit vocem deprecationis meæ.

Dóminus adjútor meus, et protéctor meus : \* in ipso sperávit cor meum, et adjúsum.

Et reflórui caro mea : \* et ex voluntáte mea confitébor ei.

Dóminus fortitúdo plebis suæ : \* et protéctor salvatiónum Christi sui est.

Salvum fac pópulum tuum Dómine, & et benedic hereditáti tuæ : \* et rege eos, et extólle illos usque in ætérnum.

Antiphona. Dóminus defensor vitæ meæ.

Psalmus 28.

**A**FFERTE Dómino filii Dei : \* afférte Dómino filios arietum :

Afférte Dómino glóriam et honórem, & afférte Dómino glóriam nómini ejus : \* adoráte Dóminum in átrio sancto ejus.

Vox Dómini super aquas, & Deus majestátis intónuit : \* Dóminus super aquas multas.

Vox Dómini in virtúte : \* vox Dómini in magnificéntia.

Vox Dómini confringéntis cedros : \* et confringet Dóminus cedros Libani :

Et commínuet eas tamquam vitulum Libani : \* et dilectus quemádmodum filius unicórni.

Vox Dómini intercidéntis flammam ignis : & vox Dómini concutiéntis desértum : \* et commovébit Dóminus desértum Cades.

Vox Dómini præparáns cervos, ⁊ et revelábit condensa : \* et in templo ejus omnes dicent glóriam.

Dóminus dilúvium inhabitáre facit : \* et sedébit Dóminus rex in ætérnum.

Dóminus virtútem pópulo suo dabit : \* Dóminus benedictet pópulo suo in pace.

Psalmus 29.

**E**XALTABO te Dómine quóniam suscepisti me : \* nec delectásti inimicos meos super me.

Dómine Deus meus clamávi ad te, \* et sanásti me.

Dómine eduxisti ab inférno ánimam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatióne ejus : \* et víta in voluntáte ejus.

Ad vésperum demorábitur fletus : \* et ad matutínium lætítia.

Ego autem dixi in abundántia mea : \* Non movébor in ætérnum.

Dómine in voluntáte tua, \* præstitísti decóri meo virtútem.

Avertísti faciém tuam a me, \* et factus sum conturbátus.

Ad te Dómine clamábo : \* et ad Deum meum deprecábor.

Quæ utilitas in ságuine meo, \* dum descéndo in corruptiõem?

Numquid confitébitur tibi pulvis, \* aut annuntiábit veritátem tuam?

Audívit Dóminus, et misértus est mei : \* Dóminus factus est adjútor meus.

Convertísti planctum meum in gáudium mihi : \* conscidísti saccum meum, et circumdedísti me lætítia :

Ut cantet tibi glória mea, et non compúngar : \* Dómine Deus meus in ætérnum confitébor tibi.

Añã. Adoráte Dóminum in aula sancta ejus.

Psalmus 30.

**I**N te Dómine sperávi, non confundar in ætérnum : \* in justítia tua libera me.

Inclína ad me aurem tuam, \* accélera ut éruas me.

Esto mihi in Deum protectórem : ⁊ et in domum refúgii, \* ut salvum me fácias.

Quóniam fortitúdo mea, et refúgium meum es tu : \* et propter nomen tuum dedúces me, et enútries me.

Edúces me de láqueo hoc, quem abscondérunt mihi : \* quóniam tu es protéctor meus.

In manus tuas comméndo spiritum meum : \* redemísti me Dómine Deus veritátis.

Odísti observántes vanitátes, \* supervácue.

Ego autem in Dómino sperávi : \* exsultábo, et lætábor in misericórdia tua.

Quóniam respexisti humilitátem meam, \* salvásti de necessitatibus ánimam meam.

Nec conclusísti me in manibus inimici : \* statuísti in loco spatióso pedes meos.

Miserére mei Dómine quóniam tribulor : \* conturbátus est in ira óculus meus, ánima mea, et venter meus :

Quóniam defécit in dolóre víta mea : \* et anni mei in gemitibus.



Infirmata est in paupertate virtus mea : \* et ossa mea conturbata sunt.

Super omnes inimicos meos factus sum opprobrium et vicinis meis valde : \* et timor notis meis.

Qui videbant me, foras fugerunt a me : \* oblivioni datus sum, tamquam mortuus a corde.

Factus sum tamquam vas perditum : \* quoniam audivi vituperationem multorum commorantium in circuitu :

In eo dum convenirent simul adversum me, \* accipere animam meam consiliati sunt.

Ego autem in te speravi Domine : \* dixi : Deus meus es tu : in manibus tuis sortes meae.

Eripe me de manu inimicorum meorum, \* et a persequentibus me.

Illustra faciem tuam super servum tuum, ⁊ salvum me fac in misericordia tua : \* Domine non confundar, quoniam invocavi te.

Erubescant impii, et deducantur in infernum : \* muta fiant labia dolosa.

Quae loquuntur adversum justum iniquitatem, \* in superbia, et in abusione.

Quam magna multitudo dulcedinis tuae Domine, \* quam abscondisti timéntibus te !

Perfecisti eis, qui sperant in te, \* in conspectu filiorum hominum.

Abscondes eos in abscondito faciei tuae \* a conturbatione hominum.

Proteges eos in tabernaculo tuo \* a contradictione linguarum.

Benedictus Dominus : \* quoniam

mirificavit misericordiam suam mihi in civitate munita.

Ego autem dixi in excessu mentis meae : \* Projectus sum a facie oculorum tuorum.

Ideo exaudisti vocem orationis meae, \* dum clamarem ad te.

Diligite Dominum omnes sancti ejus : \* quoniam veritatem requirit Dominus, et retribuet abundanter facientibus superbiam.

Viriliter agite, et confortetur cor vestrum, \* omnes qui speratis in Domino.

### Psalmus 31.

**B**EATI quorum remissae sunt iniquitates : \* et quorum tecta sunt peccata.

Beatus vir, cui non imputavit Dominus peccatum, \* nec est in spiritu ejus dolus.

Quoniam tacui, inveteraverunt ossa mea, \* dum clamarem tota die.

Quoniam die ac nocte gravata est super me manus tua : \* conversus sum in aerumna mea, dum configitur spina.

Delictum meum cognitum tibi feci : \* et injustitiam meam non abscondi.

Dixi : Confitebor adversum me injustitiam meam Domino : \* et tu remisisti impietatem peccati mei.

Pro hac orabit ad te omnis sanctus, \* in tempore opportuno.

Verumtamen in diluvio aquarum multarum, \* ad eum non approximabunt.

Tu es refugium meum a tribulatione, quae circumdedit me : \* exultatio mea erue me a circumdantibus me.



Intelléctum tibi dabo, & et instruat te in via hac, qua gradiéris : \* firmábo super te oculos meos.

Nolite fieri sicut equus et mulus, \* quibus non est intelléctus.

In camo et freno maxillas eórum constrínges, \* qui non appróximant ad te.

Multa flagélla peccatóris, \* sperántem autem in Dómino misericórdia circumdabit.

Lætámini in Dómino et exsultáte justí, \* et gloriámini omnes recti corde.

Añs. In tua justítia líbera me Dómine.

Psalmus 32.

**E**XSULTATE justí in Dómino : \* rectos decet collaudátio.

Confitémini Dómino in cíthara : \* in psaltério decem chordárum psállite illi.

Cantáte ei cánticum novum : \* bene psállite ei in vociferatióne.

Quia rectum est verbum Dómini, \* et ómnia ópera ejus in fide.

Diligít misericórdiam et júdiciú : \* misericórdia Dómini plena est terra.

Verbo Dómini cæli firmátí sunt : \* et spíritu oris ejus omnis virtus eórum.

Cógregans sicut in utre aquas maris : \* ponens in thesáuris abyssos.

Timeat Dóminum omnis terra : \* ab eo autem commoveántur omnes inhabitántes orbem.

Quóniam ipse dixit, et facta sunt : \* ipse mandávit, et creata sunt.

Dóminus dissipat consília

géntium : \* réprobat autem cogitatiónes populórum, et réprobat consília principum.

Consílium autem Dómini in ætérnum manet : \* cogitatiónes cordis ejus in generatióne et generatióne.

Beáta gens, cujus est Dóminus Deus ejus : \* pópulus, quem elégit in hereditátem sibi.

De cælo respéxit Dóminus : \* vidit omnes filios hóminum.

De præparáto habitáculo suo \* respéxit super omnes, qui hábitant terram.

Qui finxit singillátim corda eórum : \* qui intélligit ómnia ópera eórum.

Non salvátur rex per multam virtútem : \* et gigas non salvábitur in multitudine virtútis suæ.

Fallax equus ad salútem : \* in abundántia autem virtútis suæ non salvábitur.

Ecce óculi Dómini super metuéntes eum : \* et in eis, qui sperant super misericórdia ejus.

Ut éruat a morte ánimas eórum : \* et alat eos in fame.

Anima nostra sústinet Dóminum : \* quóniam adjútor et protéctor noster est.

Quia in eo lætábitur cor nostrum : \* et in nómine sancto ejus sperávimus.

Fiat misericórdia tua Dómine super nos : \* quemámodum sperávimus in te.

Psalmus 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et læténtur.

Magnificáte Dóminum mecum : \* et exaltémus nomen ejus in idípsum.

Exquisivi Dóminum, et exaudivit me : \* et ex ómnibus tribulatióibus meis erípuit me.

Accédite ad eum, et illuminámini : \* et fácies vestráe non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immittet Angelus Dómini in circúitu timéntium eum : \* et erípíet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Divites eguérunt et esuriérunt : \* inquirentes autem Dóminum non minuéntur omni bono.

Veníte filii, audíte me : \* timórem Dómini docébo vos.

Quis est homo qui vult vitam : \* diligit dies vidére bonos?

Próhibe língua tuam a malo : \* et lábia tua ne loquántur dolum.

Divérte a malo, et fac bonum : \* inquire pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super facientes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multæ tribulatiónes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui sperant in eo.

Añña. Rectos decet collaudátio.

### Psalmus 34.

**J**UDICA Dómine nocéntes me, \* expúgna impugnántes me.

Apprehénde arma et scutum : \* et exsúrge in adjutórium mihi.

Effúnde frámeam, et conclúde advérsus eos, qui persequúntur me : \* dic ánimæ meæ : Salus tua ego sum.

Confundántur et revearéantur, \* quæréntes ánimam meam.

Avertántur retrórsum, et confundántur \* cogitántes mihi mala.

Fiant tamquam pulvis ante faciém venti : \* et Angelus Dómini coárctans eos.

Fiat via illórum ténebræ et lúbricum : \* et Angelus Dómini persequens eos.

Quóniam gratis abscondérunt mihi intéritum láquei sui : \* supervácue exprobravérunt ánimam meam.

Véniat illi láqueus, quem ignórat : \* et cáptio, quam abscondit, apprehéndat eum : \* et in láqueum cadat in ipsum.

Anima autem mea exsultábit

in Dómino : \* et delectábitur super salutári suo.

Omnia ossa mea dicent : \* Dómine, quis similis tibi?

Eripiens inopem de manu fortiórum ejus : \* egénium et páuperem a diripiéntibus eum.

Surgéntes testes iníqui, \* quæ ignorábam interrogábant me.

Retribuébant mihi mala pro bonis : \* sterilitátem ánimæ meæ.

Ego autem cum mihi moléstii essent, \* induébar cilício.

Humiliábam in jejúnio ánimam meam : \* et orátio mea in sinu meo convertétur.

Quasi próximum, et quasi fratrem nostrum, sic complacébam : \* quasi lugens et contristátus sic humiliábar.

Et advérsus me lætáti sunt, et convenérunt : \* congregáta sunt super me flagélla, et ignorávi.

Dissipáti sunt, nec compuncti, & tentavérunt me, subsannavérunt me subsannatióne : \* frenduérunť super me déntibus suis.

Dómine quando respícies? \* restitue ánimam meam a malignitaté eórum, a leónibus únicam meam.

Confitébortibi in ecclésia magna, \* in pópulo gravi laudábo te.

Non supergáudeant mihi qui adversántur mihi inique : \* qui odérunt me gratis et ánuunt óculis.

Quóniam mihi quidem pacífice loquebántur : \* et in iracúndia terræ loquéntes, dolos cogitábant.

Et dilatavérunt super me os suum : \* dixerunt : Euge, euge, vidérunt óculi nostri.

Vidísti Dómine, ne síleas : \* Dómine ne discédas a me.

Exsúrge et inténde iudicio meo : \* Deus meus, et Dóminus meus in causam meam.

Júdica me secúndum justitiam tuam Dómine Deus meus, \* et non supergáudeant mihi.

Non dicant in córdibus suis : Euge, euge, ánimæ nostræ : \* nec dicant : Devorávimus eum.

Erubéscant et revearéntur simul, \* qui gratulántur malis meis.

Induántur confusióne et reveréntia \* qui magna loquúntur super me.

Exsúltent et læténtur qui volunt justitiam meam : \* et dicant semper : Magnificétur Dóminus, qui volunt pacem servi ejus.

Et lingua mea meditábitur justitiam tuam, \* tota die laudem tuam.

#### Psalmus 35.

**D**IXIT injústus ut delinquat in semetipso : \* non est timor Dei ante óculos ejus.

Quóniam dolóse egit in conspéctu ejus : \* ut inveniátur iniquitas ejus ad ódium.

Verba oris ejus iniquitas, et dolus : \* nóluit intelligere ut bene ágeret.

Iniquitatém meditátus est in cubili suo : & ástitit omni viæ non bonæ, \* malitiam autem non odívit.

Dómine in cælo misericórdia tua : \* et véritas tua usque ad nubes.

Justítia tua sicut montes Dei : \* júdicia tua abyssus multa.



Hómines, et juménta salvábis  
Dómine : \* quemádmódmum  
multiplicásti misericórdiam  
tuam Deus.

Filii autem hóminum, \* in  
tégmine alárum tuárum spe-  
rábunt.

Inebriabúntur ab ubertáte  
domus tuæ : \* et torrén-te volu-  
ptátis tuæ potábis eos.

Quóniam apud te est fons  
vitæ : \* et in lúmine tuo vidé-  
bimus lumen.

Prætén-de misericórdiam tuam  
sciéntibus te, \* et justítiam  
tuam his, qui recto sunt corde.

Non véniat mihi pes supér-  
biæ : \* et manus peccatóris  
non móveat me.

Ibi cecidérunt qui operántur  
iniquitátem : \* expúlsi sunt,  
nec potuérunt stare.

Aña. Expúgna impugnántes  
me.

Psalmus 36.

**N**OLI æmulári in malignán-  
tibus : \* neque zeláveris  
faciéntes iniquitátem.

Quóniam tamquam fœnum  
velóci-ter aréscet : \* et quem-  
ádmódmum ólera herbárum cito  
décedent.

Spera in Dómino, et fac bo-  
nitátem : \* et inhábita terram,  
et pascéris in divítiis ejus.

Delectáre in Dómino : \* et  
dabit tibi petitiónes cordis tui.

Revéla Dómino viam tuam,  
et spera in eo : \* et ipse fáci-  
et.

Et edúcet quasi lumen justí-  
tiam tuam : \* et júdicium  
tuum tamquam merídiem : \*  
súbditus esto Dómino, et ora  
eum.

Noli æmulári in eo, qui pro-  
sperátur in via sua : \* in hó-  
mine facién-te injustítias.

Désine ab ira, et derelínque  
furórem : \* noli æmulári ut  
malignéris.

Quóniam qui malignántur,  
exterminabúntur : \* sustinén-  
tes autem Dóminum, ipsi here-  
ditábunt terram.

Et adhuc pusíllum, et non  
erit peccátor : \* et quæres  
locum ejus, et non invénies.

Mansuétí autem hereditábunt  
terram, \* et delectabúntur in  
multitúdine pacis.

Observábit peccátor justum : \*  
et stridébit super eum déntibus  
suis.

Dóminus autem irridébit  
eum : \* quóniam próspicit  
quod véniet dies ejus.

Gládium evaginavérunt pec-  
catóres : \* intendérunt arcum  
suum,

Ut dejiciant páuperem et  
inopem : \* ut trucident rectos  
corde.

Gládus eórum intret in cor-  
da ipsórum : \* et arcus eórum  
confringátur.

Mélius est módicum justo, \*  
super divítias peccatórum  
multas.

Quóniam bráchia peccató-  
rum conteréntur : \* confirmat  
autem justos Dóminus.

Novit Dóminus dies imma-  
culatórum : \* et heréditas eó-  
rum in ætérnum erit.

Non confundéntur in témpo-  
re malo, \* et in diébus famis  
saturabúntur : \* quia peccató-  
res peribunt.

Inimíci vero Dómini mox ut  
honorificáti fúerint et exaltá-  
ti : \* deficientes, quemádmó-  
dum fumus deficient.

Mutuábitur peccátor, et non  
solvét : \* justus autem miseré-  
tur et tribuet.



Quia benedicentes ei hereditábunt terram : \* maledicentes autem ei disperibunt.

Apud Dóminum gressus hóminis dirigéntur : \* et viam ejus volet.

Cum ceciderit, non collidé- tur : \* quia Dóminus supponit manum suam.

Júnior fui, étenim sénui : \* et non vidi justum derelictum, nec semen ejus quærens panem.

Tota die miserétur et cómodat : \* et semen illius in benedictione erit.

Declina a malo, et fac bonum : \* et inhábita in sæculum sæculi.

Quia Dóminus amat judícium, & et non derelinquet sanctos suos : \* in ætérnum conservabúntur.

Injústi puniéntur : \* et semen impiórum peribit.

Justi autem hereditábunt terram : \* et inhabitábunt in sæculum sæculi super eam.

Os justí meditábitur sapiéntiam, \* et lingua ejus loquétur judícium.

Lex Dei ejus in corde ipsius : \* et non supplantabúntur gressus ejus.

Considerat peccátor justum : \* et quærit mortificáre eum.

Dóminus autem non derelinquet eum in mánibus ejus : \* nec damnábit eum cum judicábitur illi.

Exspécta Dóminum, et custódi viam ejus : & et exaltábit te ut hereditáte cápias terram : \* cum perierint peccátóres vidébis.

Vidi impium superexaltá- tum, \* et elevátum sicut cedros Libani.

Et transívi, et ecce non erat : \* et quæsi vi eum, et non est in- véntus locus ejus.

Custódi innocéntiam, et vide æquitátem : \* quóniam sunt reliquæ hómini pacífico.

Injústi autem disperibunt simul : \* reliquæ impiórum interibunt.

Salus autem justórum a Dó- mino : \* et protéctor eórum in témpore tribulatiónis.

Et adjuvábít eos Dóminus, et liberábit eos : & et éruet eos a peccátóribus, \* et salvábit eos : quia speravérunt in eo.

Psalmus 37.

**D**OMINE ne in furóre tuo árguas me, \* neque in ira tua corripas me.

Quóniam sagittæ tuæ infixæ sunt mihi : \* et confirmásti super me manum tuam.

Non est sánitas in carne mea a fácie iræ tuæ : \* non est pax óssibus meis a fácie peccátó- rum meórum.

Quóniam iniquitátes meæ su- pergréssæ sunt caput meum : \* et sicut onus grave gravátæ sunt super me.

Putruérunt et corréptæ sunt cicatrices meæ, \* a fácie insi- piéntiæ meæ.

Miser factus sum, et curvátus sum usque in finem : \* tota die contristátus ingrediébar.

Quóniam lumbi mei impléti sunt illusiónibus : \* et non est sánitas in carne mea.

Afflictus sum, et humiliátus sum nimis : \* rugiébam a gé- mitu cordis mei.

Dómine, ante te omne desi- déríum meum : \* et gémitus meus a te non est abscón- ditus.

Cor meum conturbatum est, dereliquit me virtus mea : \* et lumen oculorum meorum, et ipsum non est mecum.

Amici mei, et proximi mei \* adversum me appropinquaverunt, et steterunt.

Et qui juxta me erant, de longe steterunt : \* et vim faciébant qui quærebant animam meam.

Et qui inquirebant mala mihi, locuti sunt vanitates : \* et dolos tota die meditabantur.

Ego autem tamquam surdus non audiebam : \* et sicut mutus non apériens os suum.

Et factus sum sicut homo non audiens : \* et non habens in ore suo redargutiones.

Quóniam in te Dómine sperávi : \* tu exáudies me Dómine Deus meus.

Quia dixi : Nequándo supergaudeant mihi inimici mei : \* et dum commovéntur pedes mei, super me magna locuti sunt.

Quóniam ego in flagella parátus sum : \* et dolor meus in conspéctu meo semper.

Quóniam iniquitatem meam annuntiábo : \* et cogitábo pro peccáto meo.

Inimici autem mei vivunt, et confirmáti sunt super me : \* et multiplicáti sunt qui odérunt me inique.

Qui retribuunt mala pro bonis, detrahébant mihi : \* quóniam sequébar bonitatem.

Ne derelínquas me Dómine Deus meus : \* ne discésseris a me.

Inténde in adjutórium meum, \* Dómine Deus salútis meæ.

Añã. Revéla Dómino viam tuam.

#### IN ADVENTU :

Ÿ. Ex Sion spécies decóris ejus. R̃. Deus noster manifesté véniet.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

Ÿ. Dómine in cælo misericórdia tua. R̃. Et véritas tua usque ad nubes.

#### IN QUADRAGESIMA :

Ÿ. Dicit Dómino : Suscéptor meus es tu. R̃. Et refúgium meum, Deus meus.

#### TEMPORE PASSIONIS :

Ÿ. Erue a frámea Deus ánimam meam. R̃. Et de manu canis únicam meam.

#### VERSICULI ANTE LAUDES.

##### IN ADVENTU :

Ante Laudes Ÿ. Emitte Agnum Dómine Dominatórem terræ. R̃. De Petra desérti ad montem filiæ Sion.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

Ante Laudes Ÿ. Fiat misericórdia tua Dómine super nos. R̃. Quemádmódum sperávimus in te.

##### IN QUADRAGESIMA :

Ante Laudes Ÿ. In má nibus portábunt te. R̃. Ne forte offéndas ad lápidem pedem tuum.

##### TEMPORE PASSIONIS :

Ante Laudes Ÿ. Inténde ánimæ meæ, et libera eam. R̃. Propter inimicos meos éripe me.

## AD LAUDES.

† Sequentes Psalmi et Canticum Confitebor, dicantur in Feriis secundis, quando de Feria agitur extra Tempus Paschale.

† Antiphonæ vero dicantur, quando in Feriis secundis de Feria agitur, ab Octava Epiphaniæ ad Feriam secundam post Dominicam in Passione inclusive, et ab Octava Trinitatis usque ad Feriam in qua incipiuntur Antiphonæ Laudum notatæ ante Vigiliam Nativitatis Domini exclusive.

## Psalmus 50.

**M**ISERERE mei Deus, \* secundum magnam misericordiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea : \* et a peccato meo munda me.

Quoniam iniquitatem meam ego cognosco : \* et peccatum meum contra me est semper.

Tibi soli peccavi, et malum coram te feci : \* ut justificeris in sermonibus tuis, et vincas cum iudicaris.

Ecce enim in iniquitatibus conceptus sum : \* et in peccatis concepit me mater mea.

Ecce enim veritatem dilexisti : \* incerta, et occulta sapientiæ tuæ manifestasti mihi.

Asperges me hyssopo, et mundabor : \* lavabis me, et super nivem dealbabor.

Auditui meo dabis gaudium et lætitiā : \* et exsultabunt ossa humiliata.

Averte faciē tuā a peccatis meis : \* et omnes iniquitates meas dele.

Cor mundum crea in me Deus : \* et spiritum rectum innova in viscēribus meis.

Ne projicias me a faciē tua : \* et spiritum sanctum tuum ne auferas a me.

Redde mihi lætitiā salutāris tui : \* et spiritu principali confirma me.

Docēbo iniquos vias tuas : \* et impii ad te convertentur.

Libera me de sanguinibus Deus, Deus salutis meæ : \* et exsultabit lingua mea iustitiā tuā.

Dōmine, lābia mea apēries : \* et os meum annuntiābit laudem tuā.

Quoniam si voluisses sacrificium, dedissem utique : \* holocaustis non delectaberis.

Sacrificium Deo spiritus contribulatus : \* cor contritum, et humiliatum Deus non despicies.

Benigne fac Dōmine in bona voluntate tua Sion : \* ut ædificentur muri Jerūsalem.

Tunc acceptabis sacrificium iustitiæ, oblationes et holocausta : \* tunc impōnent super altāre tuum vitulos.

Antiphona. Miserere mei Deus.

## Psalmus 5.

**V**ERBA mea auribus percipe Dōmine, \* intēllige clamorem meum.

Intēde voci oratiōnis meæ, \* rex meus et Deus meus.

Quoniam ad te orābo : \* Dōmine mane exāudies vocem meam.



Mane astábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permanébunt iníusti ante óculos tuos.

Odisti omnes, qui operántur iniquitátem : \* perdes omnes qui loquúntur mendácium.

Virum sánguinem et dolósum abominábitur Dóminus : \* ego autem in multitudíne misericórdiæ tuæ.

Introibo in domum tuam : \* adorábo ad templum sanctum tuum in timóre tuo.

Dómine deduc me in justítia tua : \* propter inimicos meos dirige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, & linguis suis dolóse agébant, \* júdica illos Deus.

Décidant a cogitatióibus suis, & secúndum multitudínem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, \* quóniam tu benedíces justo.

Dómine, ut scuto bonæ voluntátis tuæ \* coronásti nos.

Áñ. Intéllige clamórem meum Dómine.

Psalmus 62.

**D**EUS Deus meus \* ad te de luce vígilo.  
Sittivit in te ánima mea, \*

quam multiplicíter tibi caro mea.

In terra desérta, et ínvia, et inaquósa : & sic in sancto appáruí tibi, \* ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedícam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, & in matutínis meditábor in te : \* quia fuísti adjutor meus.

Et in velaménto alárum tuarum exsultábo, & adhæsit ánima mea post te : \* me suscepit délixtera tua.

Ipsi vero in vanum quæsiérunt ánimam meam, & introíbunt in inferióra terræ : \* tradéntur in manus gládii, partes vúlpium erunt.

Rex vero lætábitur in Deo, & laudabúntur omnes qui jurant in eo : \* quia obstrúctum est os loquéntium iniqua.

Hic non dicitur Glória Patri.

Psalmus 66.

**D**EUS misereátur nostri, et benedícat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus géntibus salutáre tuum.

Confíteántur tibi pópuli Deus : \* confíteántur tibi pópuli omnes.

Læténtur et exsúltent gentes : & quóniam júdicas pópulo



los in æquitâte, \* et gentes in terra dirigis.

Confiteantur tibi pópuli Deus : \* et confiteantur tibi pópuli omnes : \* terra dedit fructum suum.

Benedícat nos Deus, Deus noster, \* et benedícat nos Deus : \* et métuant eum omnes fines terræ.

Aña. Deus Deus meus, ad te de luce vígilo.

Canticum Isaïæ. Isa. 12.

**C**ONFITEBOR tibi, Dómine, quóniam irátus es mihi : \* convérsus est furor tuus, et consolátus es me.

Ecce Deus salvátor meus, \* fiduciáliter agam, et non timébo :

Quia fortitúdo mea, et laus mea Dóminus, \* et factus est mihi in salútem.

Hauriétis aquas in gáudio de fóntibus salvatóris : \* et dicétis in illa die : Confitémini Dómino, et invocáte nomen ejus :

Notas fácite in pópulis adinventiões ejus : \* mementóte quóniam excélsus est nomen ejus.

Cantáte Dómino quóniam magnífice fecit : \* annuntiáte hoc in univérsa terra.

Exsúlta, et lauda habitatio Sion : \* quia magnus in médio tui sanctus Israel.

Aña. Convérsus est furor tuus Dómine, et consolátus es me.

Psalmus 148.

**L**AUDATE Dóminum de cælis : \* laudáte eum in excélsis.

Laudáte eum omnes Angeli

ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælos sunt, laudent nomen Dómini.

Quia ipse dixit, et facta sunt : \* ipse mandávit, et creáta sunt. Státuit ea in ætérnum, et in sæculum sæculi : \* præcèptum pópuli, et non præteribit.

Laudáte Dóminum de terra, \* dracones, et omnes abyssi.

Ignis, grando, nix, glácies, spiritus procellárum : \* quæ faciunt verbum ejus :

Montes, et omnes colles : \* ligna fructífera, et omnes cedri.

Béstiæ, et univérsa pécora : \* serpéntes, et vólucres pennatæ :

Reges terræ, et omnes pópuli : \* príncipes, et omnes júdices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solius.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israel, pópulo appropinquánti sibi.

Hic non dicitur Glória Patri.

Psalmus 149.

**C**ANTATE Dómino canticum novum : \* laus ejus in ecclésia sanctórum.

Lætétur Israel in eo, qui fecit eum : \* et filii Sion exsultent in rege suo.

Laudent nomen ejus in choro : \* in tympano, et psaltério psallant ei :

Quia beneplácitum est Dómino in pópulo suo : \* et exaltábit manuétos in salútem.

Exsultábunt sancti in glória : \* lætabúntur in cubílibus suis.

Exaltatiónes Dei in gútture eórum : \* et gládii ancípites in má nibus eórum :

Ad faciéndam vindíctam in natió nibus : \* increpatiões in pópulis.

Ad alligándos reges eórum in compédibus : \* et nóbiles eórum in má nicis férreis.

Ut fáciant in eis iudícium conscriptum : \* glória hæc est ómnibus sanctis ejus.

Hic non dicitur Glória Patri.

Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secúndum multitudínem magnitúdinis ejus.

Laudáte eum in sono tubæ : \* laudáte eum in psaltério, et cithara.

Laudáte eum in tympano, et choro : \* laudáte eum in choris, et órgano.

Laudáte eum in cymbalis benesonántibus : \* et laudáte eum in cymbalis jubilatiónis : \* omnis spíritus laudet Dóminum.

Glória Patri... Sicut erat...

Añã. Laudáte Dóminum de cælis.

IN ADVENTU :

Capitulum Ecce dies véniunt., Hymnus Vox clara. et V. Vox clamántis., pag. 20.

Ad Benedictus Antiphona propria.

AB OCTAVA EPIPHANIAE  
AD SEPTUAGESIMAM  
ET AB OCTAVA TRINITATIS  
AD ADVENTUM :

Capitulum. Rom. 13.

**N**OX præcëssit, dies autem appropinquávit. Abjiciamus ergo ópera tenebrárum, et induámur arma lucis. Sicut in die honéste ambulémus.

Hymnus. Ecce jam noctis., pag. 21.

V. In matutinis Dómine meditabor in te. R. Quia fuísti adjútor meus.

Ad Benedictus Añã. Benedictus Dóminus Deus Israel.

A SEPTUAGESIMA AD CINERES :

Omnia ut post Octavam Epiphaniæ, præter Antiphonas ad Benedictus, quæ suis locis ponuntur per hebdomadam dicendæ.

A DOMINICA I. QUADRAGESIMAE  
AD DOMINICAM IN PASSIONE :

Capitulum. Joel. 2.

**C**ONVERTIMINI ad me in toto corde vestro in jejúnió, et fletu, et planctu : et scíndite corda vestra, et non vestiménta vestra, ait Dóminus omnipotens.

Hymnus Jam Christe sol justitiæ. et V. Scuto circúmdabit te., pag. 21.

Ad Benedictus Antiphona propria.

A DOMINICA IN PASSIONE AD  
CENAM DOMINI :

Capitulum Tu autem Dómine Sábaoth., Hymnus Lustris sex. et V. Eripe me de inimícis meis., pag. 21.

Ad Benedictus Antiphona propria.

MODUS DICENDI PRECES  
IN LAUDIBUS :

Cum de Feria agitur fiuntque prostrationes, præterquam in Parasceve et Sabbato sancto, post Antiphonam ad Benedictus, dicuntur Preces hoc modo:

Kyrie eléison. Christe eléison. Kyrie eléison. Pater noster. Et ne nos.

Responso Sed libera nos a malo., immediate additur Dóminus vobiscum. Orémus. et Oratio pro Tempore dicenda.

Finita Oratione, seu finitis Orationibus (si plures dicendæ occurrerint), dictoque iterum Dóminus vobiscum, ac deinde Benedicámus Dómino. R. Deo grátias., terminantur Laudes ut notatur post Vesperas Sabbati, nisi consequenter dicendus fuerit V. Pretiósá.

AB OCTAVA PASCHÆ  
AD ASCENSIONEM :

Diebus Ferialibus, Psalmus Dóminus regnávít. et ceteri dicuntur ad Laudes sicut in Dominicis, pag. 17.

Super Psalmos Aña. Allelúia, allelúia.

Capitulum Christus resúrgens., Hymnus Sermóne blando. V. Gavisi sunt., pag. 22.

Ad Benedictus (exceptis Ferialibus Rogationum) Antiphona quæ proprio loco per hebdomadam dicenda notatur. Omittuntur Preces et Prostrationes.

Ad Memoriam de Cruce (quæ quotidie usque ad Vigiliam Ascensionis exclusive facienda est) Antiphona Crucifíxus., V. Dicite., Oratio Deus, qui pro nobis., pag. 23.

Post ultimam Orationem, dicto Dóminus vobiscum., sequitur : Benedicámus Dómino, allelúia. R. Deo grátias, allelúia.

FERIA TERTIA.

AD MATUTINUM.

Invitatorium. Jubilémus Deo \* Salutári nostro.

¶ Prædictum Invitatorium dicatur Feria tertia ad Matutinum, quando de Tempore agitur, ab Octava Epiphaniæ usque ad Feriam tertiam post Dominicam quartam Quadragesimæ inclusive, et ab Octava Trinitatis usque ad Adventum exclusive.

Hymnus, qui pro Tempore ad Matutinum Dominicæ in Psalterio notatus fuerit.

IN NOCTURNO.

¶ Sequentes Psalmi et sequentes Antiphonæ super Psalmos in Nocturno dicantur, quando de Feria tertia agitur ab Octava Epiphaniæ usque ad Feriam tertiam Majoris hebdomadæ inclusive, et ab Octava Trinitatis usque ad Nativitatem Domini.

¶ Psalmi de Nocturno bini et bini terminantur per V. Glória Patri.

Psalmus 38.

**D**IXI: Custódiam vias meas: \* ut non delinquam in lingua mea.

Pósui ori meo custódiam, \* cum consisteret peccátor adversum me.

Obmútui, et humiliátus sum, et silui a bonis : \* et dolor meus renovátus est.



Concáluit cor meum intra me : \* et in meditatióne mea exardéscet ignis.

Locútus sum in lingua mea : \* Notum fac mihi Dómine finem meum,

Et númerum diérum meórum quis est : \* ut sciam quid desit mihi.

Ecce mensurábiles posuisti dies meos : \* et substántia mea tamquam nihilum ante te.

Verúmtamen univérsa vánitas, \* omnis homo vivens.

Verúmtamen in imágine pertransít homo : \* sed et frustra conturbátur.

Thesaurizat : \* et ignórat cui congregábit ea.

Et nunc quæ est expectatió mea? nonne Dóminus? \* et substántia mea apud te est.

Ab ómnibus iniquitatibus meis érue me : \* oppróbrium insipiénti dedisti me.

Obmútui, et non apérui os meum, quóniam tu fecisti : \* ámove a me plagas tuas.

A fortitúdine manus tuæ ego deféci in increpatiónibus : \* propter iniquitatem corripuisti hóminem.

Et tabéscere fecisti sicut aráneam ánimam ejus : \* verúmtamen vane conturbátur omnis homo.

Exáudi oratióne meam Dómine, et deprecatióne meam : \* áuribus pécipe lácrimas meas.

Ne síleas : quóniam ádvena ego sum apud te, et peregrínus, \* sicut omnes patres mei.

Remitte mihi, ut refrigerer priúsqvam ábeam, \* et ámplius non ero.

Psalmus 39.

**E**XSPECTANS expectávi Dóminum, \* et inténdit mihi. Et exaudivit preces meas : \* et edúxit me de lacu misériæ, et de luto fæcis.

Et státuit super petram pedes meos : \* et diréxit gressus meos.

Et immísit in os meum cánticum novum, \* carmen Deo nostro.

Vidébunt multi, et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitates et insánias falsas.

Multa fecisti tu Dómine Deus meus mirabilia tua : \* et cogitatiónebus tuis non est qui similis sit tibi.

Annuntiávi et locútus sum : \* multiplicáti sunt super númerum.

Sacrificium et oblatiόnem noluisti : \* aures autem perfecisti mihi.

Holocáustum et pro peccáto non postulásti : \* tunc dixi : Ecce vénio.

In cápite libri scriptum est de me ut fácerem voluntatem tuam : \* Deus meus vólui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo : Dómine tu scisti.

Justítiam tuam non abscondi in corde meo : \* veritatem tuam et salutáre tuum dixi.

Non abscondi misericórdiam tuam, et veritatem tuam \* a concilio multo.

Tu autem Dómine ne longe



fácias miseratiónes tuas a me: \* misericórdia tua et véritas tua semper suscepérunt me.

Quóniam circumdederunt me mala, quorum non est númerus: \* comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei: \* et cor meum dereliquit me.

Compláceat tibi Dómine ut éruas me: \* Dómine, ad adiuvándum me réspice.

Fundántur et revereántur simul, qui quærunť ánimam meam, \* ut áuferant eam.

Convertántur retrórsim, et revereántur \* qui volunt mihi mala.

Ferant conféstim confusió-nem suam, \* qui dicunt mihi: Euge, euge.

Exsúltent et læténtur super te omnes quæréntes te: \* et dicant semper: Magnificétur Dóminus: qui diligunt salutáre tuum.

Ego autem mendicus sum, et pauper: \* Dóminus sollicitus est mei.

Adjútor meus, et protéctor meus tu es: \* Deus meus ne tardáveris.

Añ. Ut non delínquam in lingua mea.

Psalmus 40.

**B**EATUS qui intélligit super egénium, et páuperem: \* in die mala liberábit eum Dóminus.

Dóminus consérvet eum, et vivíficet eum, ⁊ et beátum fáciat eum in terra: \* et non tradat eum in ánimam inimicórum ejus.

Dóminus opem ferat illi su-

per lectum doloris ejus: \* univérsum stratum ejus versásti in infirmitáte ejus.

Ego dixi: Dómine miserére mei: \* sana ánimam meam, quia peccávi tibi.

Inimici mei dixerunt mala mihi: \* Quando moriétur, et peribit nomen ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras, \* et loquebátur in idípsum.

Advérsum me susurrábant omnes inimici mei: \* advérsum me cogitábant mala mihi.

Verbum iníquum constituérunt advérsum me: \* Numquid qui dormit non adjiciet ut resúrgat?

Etenim homo pacis meæ, in quo sperávi: \* qui edébat panes meos, magnificávit super me supplantatió-nem.

Tu autem Dómine miserére mei, et resúscita me: \* et retribuam eis.

In hoc cognóvi quóniam voluisti me: \* quóniam non gaudébit inimicus meus super me.

Me autem propter innocéntiam suscepisti: \* et confirmásti me in conspéctu tuo in ætérnum.

Benedíctus Dóminus Deus Israel a sæculo, et usque in sæculum: \* fiat, fiat.

Psalmus 41.

**Q**UEMADMODUM desiderat cervus ad fontes aquarum: \* ita desidérat ánima mea ad te Deus.

Sitívit ánima mea ad Deum fortem vivum: \* quando véniam et apparebo ante faciém Dei?

Fuerunt mihi lacrimae meae panes die ac nocte : \* dum dicitur mihi quotidie : Ubi est Deus tuus?

Haec recordatus sum, et effudi in me animam meam : \* quoniam transibo in locum tabernaculi admirabilis, usque ad domum Dei :

In voce exultationis, et confessionis : \* sonus epulantis.

Quare tristis es anima mea? \* et quare conturbas me?

Spera in Deo, quoniam adhuc confitebor illi : \* salutare vultus mei, et Deus meus.

Ad meipsum anima mea conturbata est : \* propterea memor ero tui de terra Iordanis, et Hermóniim a monte modico.

Abyssus abyssum invocat, \* in voce cataractarum tuarum.

Omnia excelsa tua, et fluctus tui \* super me transierunt.

In die mandavit Dominus misericordiam suam, \* et nocte canticum ejus.

Apud me oratio Deo vitae meae, \* dicam Deo : Susceptor meus es,

Quare oblitus es mei? \* et quare contristatus incedo, dum affligit me inimicus?

Dum confringuntur ossa mea, \* exprobraverunt mihi qui tribulant me inimici mei :

Dum dicunt mihi per singulos dies : Ubi est Deus tuus? \* quare tristis es anima mea? et quare conturbas me?

Spera in Deo, quoniam adhuc confitebor illi : \* salutare vultus mei, et Deus meus.

Añā. Sana Dōmine animam meam : quia peccavi tibi.

# Psalmus 43.

**D**EUS auribus nostris audivimus : \* patres nostri annuntiaverunt nobis.

Opus, quod operatus es in diebus eorum : \* et in diebus antiquis.

Manus tua gentes disperdidit, et plantasti eos : \* afflixisti populos, et expulisti eos :

Nec enim in gladio suo possederunt terram, \* et brachium eorum non salvavit eos :

Sed dextera tua, et brachium tuum, et illuminatio vultus tui : \* quoniam complacuit in eis.

Tu es ipse rex meus et Deus meus : \* qui mandas salutes Jacob.

In te inimicos nostros ventilabimus cornu, \* et in nomine tuo spernemus insurgentes in nobis.

Non enim in arcu meo sperabo : \* et gladius meus non salvabit me.

Salvast enim nos de affligentibus nos : \* et odientes nos confudisti.

In Deo laudabimur tota die : \* et in nomine tuo confitebimur in saeculum.

Nunc autem repulisti et confudisti nos : \* et non egredieris Deus in virtutibus nostris.

Avertisti nos retrorsum post inimicos nostros : \* et qui odierunt nos, diripiebant sibi.

Dedisti nos tamquam oves escarum : \* et in gentibus dispersisti nos.

Vendidisti populum tuum sine pretio : \* et non fuit multitudo in commutationibus eorum.

Posuisti nos opprobrium vicinis nostris, \* subsannationem

et derisum his, qui sunt in circuitu nostro.

Posuisti nos in similitudinem gentibus : \* commotionem capitis in populis.

Tota die verecundia mea contra me est, \* et confusio faciei meae cooperuit me.

A voce exprobrantis, et obloquentis : \* a facie inimici, et persequentis.

Hæc omnia venerunt super nos, nec obliti sumus te : \* et inique non egimus in testamento tuo.

Et non recessit retro cor nostrum : \* et declinasti semitas nostras a via tua :

Quoniam humiliasti nos in loco afflictionis, \* et cooperuit nos umbra mortis.

Si obliti sumus nomen Dei nostri, \* et si expandimus manus nostras ad deum alienum :

Nonne Deus requireret ista ? \* ipse enim novit abscondita cordis.

Quoniam propter te mortificamur tota die : \* aestimati sumus sicut oves occisionis.

Exsurge, quare obdormis Domine ? \* exsurge, et ne repellas in finem.

Quare faciem tuam avertis, \* oblivisceris inopie nostrae et tribulationis nostrae ?

Quoniam humiliata est in pulvere anima nostra : \* conglutinatus est in terra venter noster.

Exsurge Domine, adjuva nos : \* et redime nos propter nomen tuum.

Psalmus 44.

**E**RUCTAVIT cor meum verbum bonum : \* dico ego opera mea regi.

Lingua mea calamus scribae, \* velociter scribentis.

Speciosus forma prae filiis hominum, \* diffusa est gratia in labiis tuis : \* propterea benedixit te Deus in æternum.

Accingere gladio tuo super femur tuum, \* potentissime,

Spécie tua et pulchritudine tua \* intende, prospere procède, et regna,

Propter veritatem et mansuetudinem, et justitiam : \* et deducet te mirabiliter dextera tua.

Sagittae tuae acutae, \* et populi sub te cadent, \* in corda inimicorum regis.

Sedes tua Deus in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus Deus tuus oleo lætitiæ prae consortibus tuis.

Myrrha, et gutta, et casia a vestimentis tuis, a domibus eburneis : \* ex quibus delectaverunt te filiae regum in honore tuo.

Astitit regina a dextris tuis in vestitu deaurato : \* circumdata varietate.

Audi filia, et vide, et inclina aurem tuam : \* et obliviscere populum tuum, et domum patris tuis.

Et concupiscet rex decorem tuum : \* quoniam ipse est Dominus Deus tuus, et adorabunt eum.

Et filiae Tyri in munéribus \* vultum tuum deprecabuntur : omnes divites plebis.

Omnis glória ejus filiae regis ab intus, \* in fimbriis aureis circumamicta varietatibus.



Adducéntur regi virgines post eam : \* próxímae ejus afferéntur tibi.

Afferéntur in lætítia et exsultatíone : \* adducéntur in templum regis.

Pro pátribus tuis nati sunt tibi filii : \* constitúes eos príncipes super omnem terram.

Mémores erunt nóminis tui \* in omni generatíone et generatíonem.

Proptérea pópuli confitebúntur tibi in ætérnum : \* et in sæculum sæculi.

Aña. Eructávit cor meum verbum bonum.

#### Psalmus 45.

**D**EUS noster refúgium, et virtus : \* adjútor in tribulatíonibus, quæ invenérunt nos nimis.

Proptérea non timébimus dum turbábitur terra : \* et transferéntur montes in cor maris. Sonuérent, et turbátæ sunt aquæ eórum : \* conturbáti sunt montes in fortitúdine ejus.

Flúminis ímpetus lætíficat civitátem Dei : \* sanctificávit tabernáculum suum Altíssimus.

Deus in médio ejus, non commóvêbitur : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscéptor noster Deus Jacob.

Veníte, et vidéte ópera Dómini, & quæ pósuit prodigia super terram : \* áuferens bella usque ad finem terræ.

Arcum cónteret et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in gentibus, et exaltábor in terra. Dóminus virtútum nobiscum : \* suscéptor noster Deus Jacob.

#### Psalmus 46.

**O**MNES gentes pláudite manibus : \* jubilate Deo in voce exsultatíonis.

Quóniam Dóminus excélsus, terribilis : \* Rex magnus super omnem terram.

Subjecít pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubæ.

Psállite Deo nostro, psállite : \* psállite Regi nostro, psállite.

Quóniam Rex omnis terræ Deus : \* psállite sapiénter.

Regnábít Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terræ, veheménter eleváti sunt.

Aña. Adjútor in tribulatíonibus.

#### Psalmus 47.

**M**AGNUS Dóminus, et laudábilis nimis : \* in civitáte Dei nostri, in monte sancto ejus.

Fundátur exsultatíone univérsæ terræ mons Sion, \* látera aquilónis, civitas Regis magni.

Deus in dómibus ejus cognoscétur, \* cum suscipiet eam.

Quóniam ecce reges terræ congregáti sunt : \* convéniant in unum.



Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spiritu veheménti cónteres naves Tharsis.

Sicut audivimus, sic vídimus in civitáte Dómini virtútum, & in civitáte Dei nostri : \* Deus fundávit eam in ætérnum.

Suscépinus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* iustitia plena est dextera tua.

Lætétur mons Sion, et exsúltent filiaé Judæ, \* propter iudicia tua Dómine.

Circúmdate Sion, et completimini eam : \* narráte in túribus ejus.

Pónite corda vestra in virtúte ejus : \* et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

Psalmus 48.

**A**UDITE hæc omnes gentes : \* áuribus percipite omnes, qui habitátis orbem :

Quique terrigenæ, et filii hóminum : \* simul in unum dives et pauper.

Os meum loquétur sapiéntiam : \* et meditátio cordis mei prudentiam.

Inclinábo in parábolam aurem meam : \* apériam in psalterio propositiónem meam.

Cur timébo in die mala ? \* iniquitas calcánei mei circúmdabit me :

Qui confidunt in virtúte sua : \* et in multitudine divitiárum suárum gloriántur.

Frater non rédimet, & rédimet homo : \* non dabit Deo placatiónem suam.

Et prétium redemptionis animæ suæ : \* et laborábit in ætérnum, et vivet adhuc in finem.

Non vidébit intéritum, cum viderit sapiéntes moriéntes : \* simul insipiens, et stultus peribunt.

Et relinquent aliénis divítias suas : \* et sepúlcrá eórum domus illórum in ætérnum.

Tabernácula eórum in progénie, et progénie : \* vocavérunt nómina sua in terris suis.

Et homo, cum in honóre esset, non intelléxit : \* comparátus est juméntis insipientibus, et similis factus est illis.

Hæc via illórum scándalum ipsis : \* et póstea in ore suo complacébunt.

Sicut oves in inférno pósito sunt : \* mors depascet eos.

Et dominabúntur eórum justi in matutino : \* et auxilium eórum veteráscet in inférno a glória eórum.

Verúntamen Deus rédimet ánimam meam de manu inferi, \* cum accéperit me.

Ne timéris cum dives factus fúerit homo : \* et cum multiplicata fúerit glória domus ejus.

Quóniam cum interierit, non sumet ómnia : \* neque descendet cum eo glória ejus.

Quia ánima ejus in vita ipsius benedicétur : \* confitébitur tibi cum benefeceris ei.

Introibit usque in progénies patrum suórum : \* et usque in ætérnum non vidébit lumen.

Homo, cum in honore esset, non intelléxit : \* comparátus est juméntis insipientibus, et similis factus est illis.

Aññ. Auribus percípíte, qui habitátis orbem.

Psalmus 49.

**D**EUS deórum Dóminus locútus est : \* et vocávit terram.

A solis ortu usque ad occásu : \* ex Sion spécies decóris ejus.

Deus manifeste véniet : \* Deus noster et non silébit.

Ignis in conspéctu ejus exardéscet : \* et in circúitu ejus tempestas válda.

Advocábit cælum desúrsum : \* et terram discérnere pópulum suum.

Congregáte illi sanctosejus : \* qui órđinant testaméntum ejus super sacrificia.

Et annuntiábunt cæli justitiam ejus : \* quóniam Deus judex est.

Audi pópulus meus, et loquar : \* Israel, et testificábor tibi : \* Deus Deus tuus ego sum.

Non in sacrificiis tuis árguam te : \* holocáusta autem tua in conspéctu meo sunt semper.

Non accípíam de domo tua vítulos : \* neque de grégibus tuis hircos.

Quóniam meæ sunt omnes feræ silvárum, \* juménta in mónitibus et boves.

Cognóvi ómnia volatilia cæli : \* et pulchritúdo agri mecum est.

Si esuriero, non dicam tibi : \* meus est enim orbis terræ, et plenitúdo ejus.

Numquid manducábo carnes

taurórum? \* aut sánguinem hircórum potábo?

Immola Deo sacrificium laudis : \* et redde Altíssimo vota tua.

Et invoca me in die tribulatiónis : \* éruam te, et honorificábis me.

Peccatóri autem dixit Deus : \* Quare tu enárras justitias meas, et assúmis testaméntum meum per os tuum?

Tu vero odísti disciplínam : \* et projecisti sermónes meos retrórsu :

Si vidébas furem, currébas cum eo : \* et cum adúlteris portióne tuam ponébas.

Os tuum abundávit malitia : \* et lingua tua concinnábat dolos.

Sedens advérsus fratrem tuum loquebáris, et advérsus filium matris tuæ ponébas scándalum : \* hæc fecísti, et tácui.

Existimásti inique quod ero tui similis : \* árguam te, et státuam contra faciém tuam.

Intelligite hæc qui obliviscimini Deum : \* nequándo rapiat, et non sit qui eripiat.

Sacrificium laudis honorificábit me : \* et illic iter, quo osténdam illi salutáre Dei.

Psalmus 51.

**Q**UID gloriáris in malitia, \* qui potens es in iniquitáte?

Tota die injustitiam cogitávit lingua tua : \* sicut novácula acúta fecísti dolum.

Dilexísti malitiam super benignitátem : \* iniquitátem magis quam loqui æquitátem.

Dilexísti ómnia verba præcipitatiónis, \* lingua dolósa.

Propterea Deus destruet te in finem, et evéllat te, et emigrábit te de tabernáculo tuo : \* et

radicem tuam de terra vivéntium.

Vidébunt justí, et tímébunt, & et super eum ridébunt, et dicent : \* Ecce homo, qui non pósuit Deum adjutórem suum :

Sed sperávit in multítudine divitiárum suárum : \* et præváluit in vanitáte sua.

Ego autem, sicut olíva fructífera in domo Dei, \* sperávi in misericórdia Dei in ætérnum : et in sæculum sæculi.

Confitébor tibi in sæculum quia fecisti : \* et exspectábo nomen tuum, quóniam bonum est in conspéctu sanctórum tuórum.

Añã. Deus deórum Dóminus locútus est.

#### IN ADVENTU :

℟. Egrediétur vírga de radice Jesse. ℞. Et flos de radice ejus ascéndet.

AB OCTAVA EPIPHANIÆ

AD QUADRAGESIMAM

ET AB OCTAVA TRINITATIS

AD ADVENTUM :

℟. Immola Deo sacrificium laudis. ℞. Et redde Altíssimo vota tua.

#### IN QUADRAGESIMA :

℟. Ipse liberávit me de láqueo venántium. ℞. Et a verbo áspero.

#### TEMPORE PASSIONIS :

℟. De ore leónis libera me Dómine. ℞. Et a córnibus unicórnium humilitátem meam.

#### VERSICULI ANTE LAUDES.

##### IN ADVENTU :

Ante Laudes ℟. Emítte Agnum Dómine Dominatórem terræ. ℞. De Petra desérti ad montem filíæ Sion.

AB OCTAVA EPIPHANIÆ

AD QUADRAGESIMAM

ET AB OCTAVA TRINITATIS

AD ADVENTUM :

Ante Laudes ℟. Fiat misericórdia tua Dómine super nos. ℞. Quemádmódum sperávimus in te.

##### IN QUADRAGESIMA :

Ante Laudes ℟. In mánibus portábunt te. ℞. Ne forte offéndas ad lápidem pedem tuum.

##### TEMPORE PASSIONIS :

Ante Laudes ℟. Inténde animæ meæ, et libera eam. ℞. Propter inimicos meos éripe me.

#### AD LAUDES.

† Sequentes Psalmi et Canticum Ego dixi. dicantur in Feriis tertiis quando de Feria agitur extra Tempus Paschale.

† Antiphonæ vero dicantur quando in Feriis tertiis de Feria agitur ab Octava Epiphaniæ ad Feriam tertiam post Dominicam in Passione inclusive, et ab Octava Trinitatis usque ad Feriam in qua incipiuntur Antiphonæ Laudum notatæ ante Vigiliam Nativitatis Domini exclusive.

Psalmus 50.

**M**ISERERE mei Deus, \* secúndum magnam misericórdiam tuam.

Et secúndum multítudinem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognóscó : \* et peccátum meum contra me est semper.



Tibi soli peccávi, et malum coram te feci : \* ut justificeris in sermónibus tuis, et vincas cum iudicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritatem dilexisti : \* incérta, et occulta sapientiae tuae manifestásti mihi.

Aspérget me hyssópo, et mundabor : \* lavábis me, et super nivem dealbabor.

Auditui meo dabis gáudium et lætitiám : \* et exsultábunt ossa humiliáta.

Avérte faciém tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a faciē tua : \* et spíritum sanctum tuum ne áuferas a me.

Redde mihi lætitiám salutáris tui : \* et spíritu principáli confirma me.

Docébo iníquos vias tuas : \* et impii ad te converténtur.

Libera me de sanguínibus Deus, Deus salutis meæ : \* et exsultábit lingua mea justitiám tuam.

Dómine lábia mea apéries : \* et os meum annuntiábit laudem tuam.

Quóniam si voluísset sacrificium, dedissem útique : \* holocáustis non delectaberis.

Sacrificium Deo spíritus contritulus : \* cor contritum, et humiliátum Deus non despíciēs.

Benigne fac Dómine in bona voluntate tua Sion : \* ut ædificentur muri Jerúsalem.

Tunc acceptábis sacrificium

justitiæ, oblatiónes, et holocáusta : \* tunc impónent super altáre tuum vítulos.

Aña. Secundum magnam misericórdiam tuam, miserere mei Deus.

### Psalmus 42.

**J**UDICA me Deus, et discérne causam meam de gente non sancta, \* ab hómine iniquo, et dolóso érue me.

Quia tu es Deus fortitúdo mea : \* quare me repulisti? et quare tristis incédo, dum affligit me inimicus?

Emítte lucem tuam et veritatem tuam : \* ipsa me deduxerunt, et adduxerunt in montem sanctum tuum, et in tabernácula tua.

Et introibo ad altáre Dei : \* ad Deum, qui lætificat juventutem meam.

Confitébortibi in cithara Deus Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Aña. Salutáre vultus mei, et Deus meus.

### Psalmus 62.

**D**EUS Deus meus \* ad te de luce vígilo.

Sitívit in te ánima mea, \* quam multipliciter tibi caro mea.

In terra desérta, et inívia, et inaquósa : \* sic in sancto apparui tibi, \* ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita



mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, & in matutinis meditábor in te : \* quia fuisti adjútor meus.

Et in velaménto alárum tuárum exsultábo, & adhæsit ánima mea post te : \* me suscepit dēxtera tua.

Ipsi vero in vanum quæsiérunt ánimam meam, & introibunt in infériora terræ : \* tradéntur in manus gládii, partes vúlpium erunt.

Rex vero lætábitur in Deo, & laudábuntur omnes qui jurant in eo : \* quia obstrúctum est os loquéntium iniqua.

Hic non dicitur Glória Patri.

#### Psalmus 66.

**D**EUS misereátur nostri, et benedicat nobis : \* illúminet vultum suum super nos, et misereátur nostri.

Utcognoscámus in terra viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes. Læténtur et exsúltent gentes : & quóniam júdicas pópulos in æquitáte, \* et gentes in terra dirígis.

Confiteántur tibi pópuli Deus : & confiteántur tibi pópuli omnes : \* terra dedit fructum suum.

Benedicat nos Deus, Deus noster, & benedicat nos Deus : \* et métuant eum omnes fines terræ.

Añã. Ad te de luce vígilo Deus.

Canticum Ezechíæ. Isa. 38.

**E**GO dixi : In dimidio diérum meórum \* vadam ad portas inferi.

Quæsi vi residuum annórum meórum. \* Dixi : Non vidébo Dóminum Deum in terra vivéntium.

Non aspiciam hóminem ultra, \* et habitatórem quietis.

Generátio mea ablata est ; et convoluta est a me, \* quasi tabernáculum pastórum :

Præcisa est velut a ténente vita mea : & dum adhuc ordírer, succidit me : \* de mane usque ad vésperam finies me.

Sperábam usque ad mane, \* quasi leo sic contrivit ómnia ossa mea :

De mane usque ad vésperam finies me : \* sicut pullus hirúdinis sic clamábo, meditábor ut columba :

Attenuáti sunt óculi mei, \* suspiciéntes in excélsu :

Dómine vim pátiar, & respónde pro me. \* Quid dicam, aut quid respondébit mihi, cum ipse fécerit ?

Recogitábo tibi omnes annos meos \* in amaritúdine ánimæ meæ.

Dómine si sic vívitur, et in talibus vita spíritus mei, & corripies me, et vivificábis me. \* Ecce in pace amaritúdo mea amaríssima :

Tu autem eruísti ánimam meam ut non períret, \* projecisti post tergum tuum ómnia peccáta meá.

Quia non inférnus confitébitur tibi, & neque mors laudábit te : \* non exspectábunt qui descendunt in lacum, veritátem tuam.

Vivens vivens ipse confitebitur tibi, sicut et ego hodie : \* pater filiis notam faciet veritatem tuam.

Dómine salvum me fac, \* et psalmos nostros cantabimus cunctis diebus vitæ nostræ in domo Dómini.

Añ. Cunctis diebus vitæ nostræ salvos nos fac Dómine.

Psalmus 148.

**L**AUDATE Dóminum de cælis : \* laudate eum in excelsis.

Laudate eum omnes Angeli ejus : \* laudate eum omnes virtutes ejus.

Laudate eum sol, et luna : \* laudate eum omnes stellæ, et lumen.

Laudate eum cæli cælorum : \* et aquæ omnes, quæ super cælos sunt, laudent nomen Dómini.

Quia ipse dixit, et facta sunt : \* ipse mandavit, et creata sunt. Státuit ea in ætérnum, et in sæculum sæculi : \* præcéptum pòsuit, et non præteribit.

Laudate Dóminum de terra, \* dracones, et omnes abyssi.

Ignis, grando, nix, glácies, spiritus procellarum : \* quæ faciunt verbum ejus :

Montes, et omnes colles : \* ligna fructifera, et omnes cedri.

Béstiae, et univérsa pécora : \* serpéntes, et volucres pennatæ :

Reges terræ, et omnes populi : \* principes, et omnes iudices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solius.

Conféssio ejus super cælum,

et terram ; \* et exaltávit cornu pópuli sui.

Hymnus ómnibus sanctis ejus : \* filiis Israel, pópulo appropinquánti sibi.

Hic non dicitur Glória Patri.

Psalmus 149.

**C**ANTATE Dómino cánticum novum : \* laus ejus in ecclesia sanctorum.

Lætétur Israel in eo qui fecit eum : \* et filii Sion exsultent in rege suo.

Laudent nomen ejus in choro : \* in tympano, et psalterio psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* lætabúntur in cubilibus suis.

Exaltatiónes Dei in gútture eórum : \* et gládii ancípites in manibus eórum :

Ad faciéndam vindictam in nationibus : \* increpatiónes in pópulis.

Ad alligándos reges eórum in compédibus : \* et nobiles eórum in máncis férreis.

Ut faciánt in eis judícium conscriptum : \* glória hæc est ómnibus sanctis ejus.

Hic non dicitur Glória Patri.

Psalmus 150.

**L**AUDATE Dóminum in sanctis ejus : \* laudate eum in firmaménto virtútis ejus.

Laudate eum in virtútibus ejus : \* laudate eum secúndum multitudínem magnitúdinis ejus.

Laudate eum in sono tubæ : \* laudate eum in psalterio, et cithara.

Laudáte eum in tympano, et choro : \* laudáte eum in choris et órgano.

Laudáte eum in cymbalis benesonántibus : & laudáte eum in cymbalis jubilatióis : \* omnis spiritus laudet Dóminum.

Aña. Omnes Angeli ejus laudáte Dóminum de cælis.

Capitulum, Hymnus et V. pro Temporum varietate ut notantur Feria secunda ad Laudes in Psalterio pag. 60.

#### IN ADVENTU :

Ad Benedictus Antiphona propria; Preces feriales, ut pag. 61. et Oratio Dominicæ.

AB OCTAVA EPIPHANIÆ

AD SEPTUAGESIMAM

ET AB OCTAVA TRINITATIS

AD ADVENTUM :

Ad Benedictus Aña. Eréxit Dóminus nobis cornu salútis, in domo David púeri sui.

Preces ut pag. 61., Oratio Dominicæ.

#### A SEPTUAGESIMA AD CINERES :

Ad Benedictus Antiphona quæ per hebdomadam dicenda proprio loco notata fuerit; Preces, ut pag. 61. et Oratio Dominicæ.

IN QUADRAGESIMA

ET TEMPORE PASSIONIS :

Ad Benedictus Antiphona propria, Preces ut pag. 61. et Oratio propria.

Quæ hic notata non sunt fiant ut Feria secunda in Psalterio notatum est.

#### FERIA QUARTA.

#### AD MATUTINUM.

Invitatorium. In manu tua Dómine \* Omnes fines terræ.

† Prædictum Invitatorium dicatur Feria quarta ad Matutinum, quando de Tempore agitur, ab Octava Epiphaniæ usque ad Feriam quartam post Dominicam quartam Quadragesimæ inclusive, et ab Octava Trinitatis usque ad Adventum exclusive.

Hymnus, qui pro Tempore ad Matutinum Dominicæ in Psalterio notatus fuerit.

#### IN NOCTURNO.

† Sequentes Psalmi et sequentes Antiphonæ super Psalmos in Nocturno dicantur quando de Feria quarta agitur ab Octava Epiphaniæ usque ad Feriam quartam Majoris hebdomadæ inclusive, et ab Octava Trinitatis usque ad Nativitatem Domini.

† Psalmi de Nocturno bini et bini terminantur per V. Glória Patri.

Psalmus 52.

**D**IXIT insipiens in corde suo : \* Non est Deus.

Corrupti sunt, et abominabiles facti sunt in iniquitatibus : \* non est qui fáciat bonum.

Deus de cælo prospéxit super filios hóminum : \* ut videat si est intélligens, aut requirens Deum.

Omnes declinavérunt, & simul inútiles facti sunt : \* non est qui fáciat bonum, non est usque ad unum.

Nonne scient omnes qui operántur iniquitátem, \* qui devorant plebem meam ut cibum panis?

Deum non invocavérunt : \* illic trepidavérunt timóre, ubi non erat timor.



Quóniam Deus dissipávit ossa eórum qui homínibus placent : \* confúsi sunt, quóniam Deus sprexit eos.

Quis dabit ex Sion salutáre Israel? \* cum convérterit Deus captivitátem plebis suæ, exultábit Jacob, et lætábitur Israel.

Psalmus 54.

**E**XAUDI Deus orationem meam, ⁊ et ne despéxeris deprecationem meam : \* inténde mihi, et exáudi me.

Contristátus sum in exercitátióne mea : \* et conturbátus sum a voce inimíci, et a tribulatióne peccatóris.

Quóniam declinavérunt in me iniquitátes : \* et in ira moléstii erant mihi.

Cor meum conturbátum est in me : \* et formido mortis cécidit super me.

Timor et tremor venérunt super me : \* et contexérunt me ténébræ :

Et dixi : ⁊ Quis dabit mihi pennas sicut columbæ, \* et volábo, et requiescam?

Ecce elongávi fúgiens : \* et mansi in solitúdine.

Expectábam cum, qui salvum me fecit \* a pusillanimitáte spiritus, et tempestáte.

Præcipita Dómine, divide linguas eórum : \* quóniam vidi iniquitatem, et contradictiònem in civitaté.

Die ac nocte circúmdabit eam super muros ejus iniquitas : \* et labor in médio ejus, et injustitia.

Et non defécit de platéis ejus \* usúra, et dolus.

Quóniam si inimicus meus maledixisset mihi, \* sustinuissem útique.

Et si is, qui óderat me, super me magna locútus fuisset : \* abscondissem me fórscitan ab eo.

Tu vero homo unánimis, \* dux meus, et notus meus :

Qui simul mecum dulces capiébas cibos : \* in domo Dei ambulávimus cum consensu.

Véniat mors super illos : \* et descéndant in inférnum vivéntes :

Quóniam nequitiae in habitáculis eórum : \* in médio eórum.

Ego autem ad Deum clamávi : \* et Dóminus salvábit me.

Véspere, et mane, et merídie narrábo et annuntiábo : \* et exáudiet vocem meam.

Rédimet in pace ánimam meam ab his, qui appropínquant mihi : \* quóniam inter multos erant mecum.

Exáudiet Deus, et humiliábit illos, \* qui est ante sæcula.

Non enim est illis commutátió, ⁊ et non timuérunt Deum : \* exténdit manum suam in retribuendo.

Contaminavérunt testaméntum ejus, ⁊ divisi sunt ab ira vultus ejus : \* et appropinquávit cor illius.

Molliti sunt sermónes ejus super óleum : \* et ipsi sunt jácula.

Jacta super Dóminum curam tuam, ⁊ et ipse te enútriet : \* non dabit in ætérnum fluctuatióne justo.

Tu vero Deus dedúces eos, \* in púteum intéritus.

Viri sánguinem, et dolósi non dimidiábunt dies suos : \* ego autem sperábo in te Dómine.

Aña. Avértit Dóminus captivitátem plebis suæ.



## Psalmus 55.

**M**ISERERE mei Deus, quoniam concitavit me homo : \* tota die impugnans tribulavit me.

Conculcaverunt me inimici mei tota die : \* quoniam multi bellantes adversum me.

Ab altitudine diei timebo : \* ego vero in te sperabo.

In Deo laudabo sermones meos, in Deo speravi : \* non timebo quid faciat mihi caro.

Tota die verba mea execrabantur : \* adversum me omnes cogitationes eorum, in malum.

Inhabitabunt et abscondent : \* ipsi calcaneum meum observabunt.

Sicut sustinuerunt animam meam, et pro nihilo salvos facies illos : \* in ira populos confringes.

Deus, vitam meam annuntiavi tibi : \* posuisti lacrimas meas in conspectu tuo,

Sicut et in promissione tua : \* tunc convertentur inimici mei retrorsum :

In quacumque die invocavero te : \* ecce cognovi quoniam Deus meus es.

In Deo laudabo verbum, et in Domino laudabo sermonem : \* in Deo speravi, non timebo quid faciat mihi homo.

In me sunt Deus vota tua, \* quae reddam, laudationes tibi.

Quoniam eripuisti animam meam de morte, et pedes meos de lapsu : \* ut placeam coram Deo in lumine viventium.

## Psalmus 56.

**M**ISERERE mei Deus, miserere mei : \* quoniam in te confidit anima mea.

Et in umbra alarum tuarum sperabo, \* donec transeat iniquitas.

Clamabo ad Deum altissimum : \* Deum qui benefecit mihi.

Misit de caelo, et liberavit me : \* dedit in opprobrium conculcantes me.

Misit Deus misericordiam suam, et veritatem suam, et eripuit animam meam de medio catulorum leonum : \* dormivi conturbatus.

Filii hominum dentes eorum arma et sagittae : \* et lingua eorum gladius acutus.

Exaltare super caelos Deus : \* et in omnem terram gloria tua. Laqueum paraverunt pedibus meis : \* et incurvaverunt animam meam.

Foderunt ante faciem meam foveam : \* et incidérunt in eam.

Paratum cor meum Deus, paratum cor meum : \* cantabo, et psalmum dicam.

Exsurge gloria mea, et exsurge psalterium et cithara : \* exurgam diluculo.

Confitebor tibi in populis Domine : \* et psalmum dicam tibi in gentibus :

Quoniam magnificata est usque ad caelos misericordia tua, \* et usque ad nubes veritas tua.

Exaltare super caelos Deus : \* et super omnem terram gloria tua.

Añ. Quoniam in te confidit anima mea.

## Psalmus 57.

**S**i vere utique iustitiam loquimini : \* recta iudicate filii hominum.

Etenim in corde iniquitates operámini : \* in terra iniustias manus vestræ concinnant.

Alienáti sunt peccatóres a vulva, & erravérunt ab útero : \* locúti sunt falsa.

Furor illis secúndum similitúdinem serpéntis : \* sicut áspidis surdæ, et obturántis aures suas,

Quæ non exáudiet vocem incantántium, \* et venéfici incantántis sapiénter.

Deus cónteret dentes eórum in ore ipsórum : \* molas leónum confringet Dóminus.

Ad nihilum devénient tamquam aqua decúrrens : \* inténdit arcum suum donec infirméntur.

Sicut cera, quæ fluit, auférunt : \* supercécidit ignis, et non vidérunt solem.

Priusquam intellígerent spinæ vestræ rhamnum : \* sicut vivéntes, sic in ira absórbet eos.

Lætábitur justus cum viderit vindíctam : \* manus suas lavábit in sânguine peccatóris.

Et dicet homo : & Si útique est fructus justo : \* útique est Deus júdicans eos in terra.

Psalmus 58.

**E**RIPE me de inimicis meis Deus meus : \* et ab insurgéntibus in me libera me.

Eripe me de operántibus iniquitátem : \* et de viris sânguinum salva me.

Quia ecce cepérunt ánimam meam : \* irruérunt in me fortes.

Neque iníquitas mea, neque peccátum meum Dómine : \* sine iniquitáte cucúrri, et diréxi.

Exsúrge in occúrsum meum, et vide : \* et tu Dómine Deus virtútum, Deus Israel,

Inténde ad visitándas omnes gentes : \* non misereáris omnibus, qui operántur iniquitátem.

Converténtur ad vésperam : & et famem patiéntur ut canes, \* et circuibunt civitátem.

Ecce loquéntur in ore suo, & et gládus in lábiis eórum : \* quóniam quis audivit?

Et tu Dómine deridébis eos : \* ad nihilum dedúces omnes gentes.

Fortitúdinem meam ad te custódiám, & quia Deus suscëptor meus es : \* Deus meus misericórdia ejus prævéniat me.

Deus osténdet mihi super inimicos meos, ne occidas eos : \* nequándo obliviscántur pópuli mei.

Dispérge illos in virtúte tua : \* et depóne eos protéctor meus Dómine :

Delictum oris eórum, sermónem labiórum ipsórum : \* et comprehendántur in supérbia sua.

Et de exsecratíone et mendácio annuntiabúntur in consummatíone : \* in ira consummatíonis, et non erunt.

Et scient quia Deus dominábitur Jacob : \* et finium terræ.

Converténtur ad vésperam, & et famem patiéntur ut canes : \* et circuibunt civitátem.

Ipsi dispergéntur ad manducándum : \* si vero non fuerint saturáti, et murmúrabunt.

Ego autem cantábo fortitúdinem tuam : \* et exsultábo mane misericórdiam tuam.

Quia factus es susceptor

meus, \* et refúgium meum, in  
die tribulationis meæ.

Adjutor meus tibi psallam, &  
quia Deus suscéptor meus es : \*

Deus meus misericórdia mea.  
Añã. Justa judicáte filii hómi-  
num.

Psalmus 59.

**D**EUS, repulisti nos, et de-  
struxisti nos : \* irátus es,  
et misértus es nobis.

Commovisti terram, et con-  
turbásti eam : \* sana contri-  
tiones ejus, quia commóta est.

Ostendisti pópulo tuo dura : \*  
potásti nos víno puncti-  
onis.

Dedisti metuéntibus te signi-  
ficationem : \* ut fúgiant a fá-  
cie arcus :

Ut liberéntur dilécti tui : \*  
salvum fac délixtera tua, et  
exáudi me.

Deus locútus est in sancto  
suo : \* Lætabor, et partibor  
Sichimam : et convállem taber-  
naculorum metibor.

Meus est Gálaad, et meus est  
Manásses : \* et Ephraim for-  
títudo cápitis mei.

Juda rex meus : \* Moab olla  
spei meæ.

In Idumæam exténdam cal-  
ceaméntum meum : \* mihi  
alienigenæ súbditi sunt.

Quis dedúcet me in civitatem  
munitam ? \* quis dedúcet me  
usque in Idumæam ?

Nonne tu Deus, qui repulisti  
nos : \* et non egrediéris Deus  
in virtútibus nostris ?

Da nobis auxilium de tribu-  
latione : \* quia vana salus hó-  
minis.

In Deo faciémus virtútem : \*  
et ipse ad nihilum dedúcet tri-  
bulantes nos.

Psalmus 60.

**E**XAUDI Deus deprecationem  
meam : \* inténde orationi  
meæ.

A finibus terræ ad te clamá-  
vi : \* dum anxiarétur cor  
meum, in petra exaltásti me.

Deduxísti me, quia factus es  
spes mea : \* turris fortitudinis  
a fácie inimici.

Inhabitábo in tabernáculo tuo  
in sæcula : \* prótegar in vela-  
ménto alárum tuárum.

Quóniam tu Deus meus exau-  
disti orationem meam : \* de-  
disti hereditatem tíméntibus  
nomen tuum.

Dies super dies regis adji-  
cies : \* annos ejus usque in  
diem generationis et genera-  
tionis.

Pérmanet in ætérnum in con-  
spéctu Dei : \* misericórdiam  
et veritatem ejus quis re-  
quíret ?

Sic psalmum dicam nómini  
tuo in sæculum sæculi : \* ut  
reddam vota mea de die in  
diem.

Añã. Da nobis Dómine auxi-  
lium de tribulatione.

Psalmus 61.

**N**ONNE Deo subjécta erit  
ánima mea ? \* ab ipso  
enim salutáre meum.

Nam et ipse Deus meus, et  
salutáris meus : \* suscéptor  
meus, non movébor ámplius.

Quóusque irrúitis in hómi-  
nem ? & interficitis universi  
vos : \* tamquam parieti incli-  
nátio et macérizæ depúlsæ ?

Verúntamen prétium meum  
cogitavérunt repéllere, & cu-  
cúrri in siti : \* ore suo benedi-  
cébant, et corde suo maledicé-  
bant.



Verúm tamen Deo subjécta esto ánima mea : \* quóniam ab ipso patientia mea.

Quia ipse Deus meus, et salvátor meus : \* adjutor meus, non emigrábo.

In Deo salutáre meum, et glória mea : \* Deus auxilii mei, et spes mea in Deo est.

Speráte in eo omnis congregatio pópuli, & effúndite coram illo corda vestra : \* Deus adjutor noster in ætérnum.

Verúm tamen vani filii hóminum, & mendaces filii hóminum in statéris : \* ut decipiant ipsi de vanitate in idípsum.

Nolite speráre in iniquitate, & et rapinas nolite concupiscere : \* divitiæ si áffluant, nólite cor appónere.

Semel locútus est Deus, duo hæc audívi, & quia potéstas Dei est, et tibi Dómine misericórdia : \* quia tu reddes unicuique juxta ópera sua.

Psalmus 63.

**E**XAUDI Deus orationem meam cum deprecor : \* a timóre inimici éripe animam meam.

Protexisti me a convéntu malignántium, \* a multitúdine operántium iniquitatem.

Quia exacuérunt ut gládium linguas suas : & intendérunt arcum rem amáram, \* ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis vidébit eos?

Scrutáti sunt iniquitates : \* defecerunt scrutántes scrutinio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmatæ sunt contra eos linguæ eórum.

Conturbáti sunt omnes qui vidébant eos : \* et tímuit omnis homo.

Et annuntiavérunt ópera Dei : \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

Añã. A timóre inimici éripe Dómine animam meam.

Psalmus 65.

**J**UEILATE Deo omnis terra, & psalmum dicite nómini ejus : \* date glóriam laudi ejus.

Dicite Deo : quam terribilia sunt ópera tua Dómine ! \* in multitúdine virtútis tuæ mentiéntur tibi inimici tui.

Omnis terra adóret te, et psallat tibi : \* psalmum dicat nómini tuo.

Veníte, et vidéte ópera Dei : \* terribilis in consiliis super filios hóminum.

Qui convértit mare in áridam, & in flúmine pertransibunt pede : \* ibi lætábimur in ipso.

Qui dominátur in virtúte sua in ætérnum, & oculi ejus super gentes respiciunt : \* qui exasperant non exalténtur in semetípsis.

Benedicite gentes Deum nostrum : \* et auditam fácite vocem laudis ejus,

Qui pósuit animam meam ad vitam : \* et non dedit in commotionem pedes meos.

Quóniam probásti nos Deus : \*



igne nos examinásti, sicut examinátur argéntum.

Induxísti nos in láqueum, & posuísti tribulatiónes in dorso nostro : \* imposuísti hómines super cápita nostra.

Transívimus per ignem et aquam : \* et eduxísti nos in refrigeríum.

Introibo in domum tuam in holocáustis : \* reddam tibi vota mea, quæ distinxérunt lábia mea.

Et locútum est os meum, \* in tribulatióne mea.

Holocáusta medulláta offeram tibi cum incénso arietum : \* offeram tibi boves cum hircis.

Veníte, audíte, et narrábo, omnes qui tímétis Deum, \* quanta fecit ánimæ meæ.

Ad ipsum ore meo clamávi, \* et exaltávi sub lingua mea.

Iniquitátem si aspéxi in corde meo, \* non exáudiet Dóminus. Propterea exaudivit Deus, \* et atténdit voci deprecationis meæ.

Benedíctus Deus, \* qui non amóvit oratiónem meam, et misericórdiam suam a me.

Psalmus 67.

**E**XSURGAT Deus, et dissipéntur inimíci ejus, \* et fugiant qui odérunt eum, a fácie ejus.

Sicut déficit fumus, deficient : \* sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : \* et delecténtur in lætítia.

Cantáte Deo, psalmum dicite nómini ejus : & iter fácite ei, qui

ascéndit super occásum : \* Dóminus nomen illi.

Exsultáte in conspéctu ejus, \* turbabúntur a fácie ejus, patris orphanórum, et júdicis viduárum.

Deus in loco sancto suo : \* Deus qui inhabitáre facit unius moris in domo :

Qui edúcit vinctos in fortitúdine, \* similiter eos, qui exáspérant, qui hábitant in sepúlcris.

Deus cum egrederéris in conspéctu pópuli tui, \* cum pertransíres in desérto :

Terra mota est, etenim cæli distillavérunt a fácie Dei Sinai, \* a fácie Dei Israel.

Plúviam voluntáriam segregábis Deus hereditáti tuæ : et infirmáta est, \* tu vero perfecísti eam.

Animália tua habitábunt in ea : \* parásti in dulcedíne tua páuperi, Deus.

Dóminus dabit verbum evangelizántibus, \* virtúte multa.

Rex virtútum dilécti dilécti : \* et speciéi domus dividere spólia.

Si dormiátis inter médios cleros, pennæ columbæ deargentatæ, \* et posterióra dorsi ejus in pallóre auri.

Dum discérnit cælestis reges super eam, nive dealbabúntur in Selmon : \* mons Dei, mons pinguis.

Mons coagulátus, mons pinguis : \* ut quid suspicámini montes coagulátos?

Mons, in quo benelácitum est Deo habitáre in eo : \* etenim Dóminus habitábit in finem.

Currus Dei decem millibus múltiplex, millia lætántium : \*

Dóminus in eis in Sina in sancto.

Ascendisti in altum, & cepisti captivitatem : \* accepisti dona in hominibus :

Etenim non credentes, \* inhabitare Dóminum Deum.

Benedictus Dóminus die quotidie : \* prósperum iter faciet nobis Deus salutarium nostrorum.

Deus noster, Deus salvos faciendi : \* et Dómini, Dómini exitus mortis.

Verúmtamen Deus confringet capita inimicorum suorum : \* vérticem capilli perambulantium in delictis suis.

Dixit Dóminus : Ex Basan convértam, \* convértam in profundum maris :

Ut intingatur pes tuus in sanguine : \* lingua canum tuorum ex inimicis, ab ipso.

Viderunt ingressus tuos Deus, \* ingressus Dei mei : regis mei qui est in sancto.

Prævenérunt principes conjuncti psalléntibus, \* in medio juvenulárum tympanistriarum.

In ecclésiis benedicite Deo Dómino, \* de fontibus Israel. Ibi Bénjamin adolescentulus, \* in mentis excéssu.

Príncipes Juda, duces eórum : \* príncipes Zábulon, príncipes Néptali.

Manda Deus virtúti tuæ : \* confirma hoc Deus, quod operátus es in nobis.

A templo tuo in Jerúsalem, \* tibi offerent reges múnera.

Increpa feras arúndinis, & congregatio taurórum in vacis populórum : \* ut exclúdant eos, qui probáti sunt argénto.

Dissipa gentes, quæ bella vo-

lunt : & vénient legáti ex Ægypto : \* Æthiopia præveniet manus ejus Deo.

Regna terræ, cantáte Deo : \* psállite Dómino :

Psállite Deo, qui ascendit super cælum cæli, \* ad orientem.

Ecce dabit voci suæ vocem virtútis, & date glóriam Deo super Israel, \* magnificéntia ejus, et virtus ejus in núbibus.

Mirábilis Deus in sanctis suis, & Deus Israel ipse dabit virtútem, et fortitúdinem plebi suæ, \* benedictus Deus.

Añá. In ecclésiis benedicite Dómino.

#### IN ADVENTU :

Ŵ. Egrediétur Dóminus de loco sancto suo. R̃. Véniet, ut salvet pópulum suum.

AB OCTAVA EPIPHANIÆ

AD QUADRAGESIMAM

ET AB OCTAVA TRINITATIS

AD ADVENTUM :

Ÿ. Deus vitam meam annuntiávi tibi. R̃. Posuisti lácrimas meas in conspectu tuo.

#### IN QUADRAGESIMA :

Ÿ. Scápulis suis obumbrábit tibi. R̃. Et sub pennis ejus sperábis.

#### TEMPORE PASSIONIS :

Ÿ. Ne perdas cum impiis Deus ánimam meam. R̃. Et cum viris sanguínum vitam meam.

#### VERSICULI ANTE LAUDES.

#### IN ADVENTU :

Ante Laudes Ÿ. Emitte Agnum Dómine Dominatórem terræ. R̃. De Petra déserti ad montem filíæ Sion.

AB OCTAVA EPIPHANIE  
AD QUADRAGESIMAM  
ET AB OCTAVA TRINITATIS  
AD ADVENTUM :

Ante Laudes V. Fiat misericordia tua Domine super nos.  
R. Quemadmodum speravimus in te.

IN QUADRAGESIMA :

Ante Laudes V. In manibus portabunt te. R. Ne forte offendas ad lapidem pedem tuum.

TEMPORE PASSIONIS :

Ante Laudes V. Intende anime mee, et libera eam.  
R. Propter inimicos meos eripe me.

AD LAUDES.

† Sequentes Psalmi et Canticum Exsultavit cor meum. dicantur in Feriis quartis quando de Feria agitur extra Tempus Paschale.

† Antiphonae vero dicantur quando in Feriis quartis de Feria agitur ab Octava Epiphaniae ad Feriam quartam post Dominicam in Passione inclusive, et ab Octava Trinitatis usque ad Feriam in qua incipiuntur Antiphonae Laudum notatae ante Vigiliam Nativitatis Domini exclusive.

Psalmus 50.

**M**ISERERE mei Deus, \* secundum magnam misericordiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea : \* et a peccato meo munda me.

Quoniam iniquitatem meam ego cognosco : \* et peccatum meum contra me est semper.

Tibi soli peccavi, et malum coram te feci : \* ut justificeris in sermonibus tuis, et vincas cum iudicaris.

Ecce enim in iniquitatibus conceptus sum : \* et in peccatis concepit me mater mea.

Ecce enim veritatem dilexisti : \* incerta, et occulta sapientiae tuae manifestasti mihi. Asperges me hyssopo, et mundabor : \* lavabis me, et super nivem dealbabor.

Auditui meo dabis gaudium et laetitiam : \* et exsultabunt ossa humiliata.

Averte faciem tuam a peccatis meis : \* et omnes iniquitates meas dele.

Cor mundum crea in me Deus : \* et spiritum rectum innova in visceribus meis.

Ne projicias me a facie tua : \* et spiritum sanctum tuum ne auferas a me.

Redde mihi laetitiam salutaris tui : \* et spiritu principali confirma me.

Docebo iniquos vias tuas : \* et impii ad te convertentur.

Libera me de sanguinibus Deus, Deus salutis meae : \* et exsultabit lingua mea justitiam tuam.

Domine, labia mea aperies : \* et os meum annuntiabit laudem tuam.

Quoniam si voluisses sacrificium, dedissem utique : \* holocaustis non delectaberis.

Sacrificium Deo spiritus contribulatus : \* cor contritum, et humiliatum Deus non despicies.



Benigne fac Dómine in bona voluntáte tua Sion : \* ut ædificentur muri Jerúsalem.

Tunc acceptábis sacrificium iustitiæ, oblatiões, et holocáusta : \* tunc impónent super altáre tuum vitulos.

Añã. Amplius lava me Dómine ab injustitia mea.

Psalmus 64.

**T**E decet hymnus Deus in Sion : \* et tibi reddétur votum in Jerúsalem.

Exáudi oratióem meam : \* ad te omnis caro véniet.

Verba iniquórum prævaluerunt super nos : \* et impietáribus nostris tu propitiáberis.

Beátus, quem elegisti, et assumpsisti : \* inhabitábit in atriis tuis.

Replébimur in bonis domus tuæ : \* sanctum est templum tuum, mirábile in æquitáte.

Exáudi nos Deus salutáris noster, \* spes ómnium finium terræ, et in mari longe.

Præparas montes in virtúte tua, accinctus poténtia : \* qui contúrbas profúndum maris, sonum flúctuum ejus.

Turbabúntur gentes, et timébunt qui hábitant términos a signis tuis : \* éxitus matutini et vespere delectábis.

Visitásti terram, et inebriásti eam : \* multiplicásti locupletáre eam.

Flumen Dei replétum est aquis, parásti cibum illórum : \* quóniam ita est præparatio ejus.

Rivos ejus inébria, multiplicá genimina ejus : \* in stillicidiis ejus lætábitur gérmians.

Benedíces coronæ anni beni-

gnitátis tuæ : \* et campi tui replebúntur ubertáte.

Pinguéscent speciósá desérti : \* et exsultatióne colles accingéntur.

Indúti sunt arietes óvium, & et valles abundábunt fruménto : \* clamábunt, étenim hymnum dicent.

Añã. Te decet hymnus Deus in Sion.

Psalmus 62.

**D**EUS Deus meus \* ad te de luce vígilo.

Sitívit in te ánima mea, \* quam multipliciter tibi caro mea.

In terra desérta, et ínvia, et inaquósa : & sic in sancto apparúi tibi, \* ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, & in matutinis meditábor in te : \* quia fuisti adiutor meus.

Et in velaménto alárum tuárum exsultábo, & adhæsit ánima mea post te : \* me suscepit dextera tua.

Ipsi vero in vanum quæsiérunt ánimam meam, & introibunt in inferióra terræ : \* tradéntur in manus gládii, partes vúlpium erunt.

Rex vero lætábitur in Deo, & laudabúntur omnes qui jurant



in eo : \* quia obstrúctum est os loquéntium iniqua.

Hic non dicitur Glória Patri.

Psalmus 66.

**D**EUS misereátur nostri, et benedicat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus géntibus salutáre tuum.

Confiteántur tibi pópuli : Deus : \* confiteántur tibi pópuli omnes.

Læténtur et exsúltent gentes : & quóniam júdicas pópulos in æquitáte, \* et gentes in terra dirígis.

Confiteántur tibi pópuli : Deus : & confiteántur tibi pópuli omnes : \* terra dedit fructum suum.

Benedicat nos Deus, Deus noster, & benedicat nos Deus : \* et métuant eum omnes fines terræ.

Añã. Lábia mea laudábunt te in vita mea, Deus meus.

Canticum Annæ. 1.Reg. 2.

**E**XSULTAVIT cor meum in Dómino, \* et exaltátum est cornu meum in Deo meo :

Dilatátum est os meum super inimicos meos : \* quia lætátum in salutári tuo.

Non est sanctus, ut est Dóminus : & neque enim est álius extra te, \* et non est fortis sicut Deus noster.

Nolíte multiplicáre loqui sublimia, \* gloriántes :

Recédant vétëra de ore vestro : & quia Deus scientiárum, Dóminus est, \* et ipsi præparántur cogitatiónes.

Arcus fórtium superátus est, \* et infirmi accincti sunt róbre.

Repléti prius, pro pánibus se locavérunt : \* et faméliçi saturáti sunt,

Donec stérilis péperit plúrimos : \* et quæ multos habebat filios, infirmáta est.

Dóminus mortificat et vivificat, \* dedúcit ad ínferos et redúcit.

Dóminus páuperem facit et dítat, \* humiliat et súblevat.

Súscitat de púlvere egénium, \* et de stércore élevat páuperem :

Ut sédeat cum principibus, \* et sólium glóriæ téneat.

Dómini enim sunt cárdines terræ, \* et pósuit super eos orbem.

Pedes sanctórum suórum servábit, & et impii in ténebris conticéscunt : \* quia non in fortitúdine sua roborábitur vir.

Dóminum formidábunt adversárii ejus : \* et super ipsos in cælis tonábit :

Dóminus judicábit fines terræ, & et dabit impérium regi suo, \* et sublimábit cornu Christi sui.

Añã. Dóminus judicábit fines terræ.

Psalmus 148.

**L**AUDATE Dóminum de cælis : \* laudáte eum in excélsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælos sunt, laudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in ætérnum, et in sæcúlum sæculi : \* præcéptum pòsuit, et non præteribit.

Laudáte Dóminum de terra, \* dracones, et omnes abyssi.

Ignis, grando, nix, glácies, spiritus procellárum : \* quæ faciunt verbum ejus :

Montes, et omnes colles : \* ligna fructífera, et omnes cedri.

Béstiae, et univérsa pécora : \* serpéntes, et vólucres pennátæ :

Reges terræ, et omnes pópuli : \* principes, et omnes júdices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solíus.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israel, pópulo appropinquánti sibi.

Hic non dicitur Glória Patri.

Psalmus 149.

**C**ANTATE Dómino cánticum novum : \* laus ejus in ecclésia sanctórum.

Lætétur Israel in eo, qui fecit eum : \* et filii Sion exsúltent in rege suo.

Laudent nomen ejus in choro : \* in tympano, et psaltério psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in gló-

ria : \* lætabúntur in cubilibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciendam vindictam in natióibus : \* increpationes in pópulis.

Ad alligandos reges eórum in compédibus : \* et nóbiles eórum in mánicis férreis.

Ut fáciant in eis júdiciu conscriptum : \* glória hæc est ómnibus sanctis ejus.

Hic non dicitur Glória Patri.

Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secúndum multitudínem magnitúdinis ejus.

Laudáte eum in sono tubæ : \* laudáte eum in psaltério, et cithara.

Laudáte eum in tympano, et choro : \* laudáte eum in chordis, et órgano.

Laudáte eum in cymbalis benesonántibus : & laudáte eum in cymbalis jubilationis : \* omnis spiritus laudet Dóminum.

Añã. Cæli cælórum laudáte Deum.

Capitulum, Hymnus et ꝥ., pro Temporum varietate, ut notantur FERIA SECUNDA AD LAUDES IN PSALTERIO, pag. 60.

IN ADVENTU :

Ad Benedictus Antiphona propria; Preces feriales ut pag. 61. et Oratio Dominicæ, præterquam FERIA QUARTA QUATUOR TEMPORUM, in qua dicitur Oratio propria Feriæ.

AB OCTAVA EPIPHANIE  
AD SEPTUAGESIMAM  
ET AB OCTAVA TRINITATIS  
AD ADVENTUM :

Ad Benedictus Añ. Salútem  
ex inimicis nostris, et de manu  
ómnium qui nos odérunt libera  
nos Dómine.

Preces ut pag. 61., Oratio Do-  
minicæ præterquam Feria  
quarta Quatuor Temporum  
Septembris, in qua dicitur  
Oratio propria Feriæ.

A SEPTUAGESIMA  
AD CINERES :

Ad Benedictus Antiphona,  
quæ per hebdomadam dicenda  
proprio loco notata fuerit; Pre-  
ces ut pag. 61. et Oratio Do-  
minicæ.

IN QUADRAGESIMA ET  
TEMPORE PASSIONIS :

Ad Benedictus Antiphona  
propria; Preces, ut pag. 61. et  
Oratio propria.

Quæ hic notata non sunt fiant  
ut Feria secunda in Psalterio  
notatum est.

### FERIA QUINTA. AD MATUTINUM.

Invitatorium. Adorémus Dó-  
minum, \* Quóniam ipse fecit  
nos.

¶ Prædictum Invitatorium di-  
catur Feria quinta ad Matuti-  
num quando de Tempore agi-  
tur, ab Octava Epiphaniæ  
usque ad Feriam quintam post  
Dominicam quartam Quadra-  
gesimæ inclusive, et ab Octava  
Trinitatis usque ad Adventum  
exclusive.

Hymnus, qui pro Tempore  
ad Matutinum Dominicæ in  
Psalterio notatus fuerit.

### IN NOCTURNO.

¶ Sequentes Psalmi et se-  
quentes Antiphonæ super Psal-  
mos in Nocturno dicantur  
quando de Feria quinta agitur  
ab Octava Epiphaniæ usque ad  
Feriam quintam post Domi-  
nicam in Passione inclusive, et  
ab Octava Trinitatis usque ad  
Nativitatem Domini exclusive.

¶ Psalmi de Nocturno bini et  
bini terminentur per ¶. Glória  
Patri.

### Psalmus 68.

**S**ALVUM me fac Deus : \* quó-  
niam intravérunt aquæ  
usque ad ánimam meam.

Infixus sum in limo profún-  
di : \* et non est substántia.

Veni in altitúdinem maris : \*  
et tempéstas demérsit me.

Laborávi clamans, & raucæ  
factæ sunt fauces meæ : \* de-  
fecérunt óculi mei, dum spero  
in Deum meum.

Multiplicáti sunt super capil-  
los cápitis mei, \* qui odérunt  
me gratis.

Confortáti sunt, qui persecúti  
sunt me inimici mei injúste : \*  
quæ non rápui, tunc exsolvé-  
bam.

Deus tu scis insipiéntiam  
meam : \* et delicta mea a te  
non sunt abscondita.

Non erubéscant in me qui  
expéctant te Dómine, \* Dó-  
mine virtútum.

Non confundántur super me \*  
qui quærun te, Deus Israel.

Quóniam propter te sustinui  
oppróbrum : \* opéruit confú-  
sio faciém meam.



Extráneos factus sum frátribus meis, \* et peregrínus filiis matris meæ.

Quóniam zelus domus tuæ comédit me : \* et oppróbria exprobrántium tibi, cecidérunt super me.

Et opéruí in jejúnio ánimam meam : \* et factum est in opprobrium mihi.

Et pósui vestiméntum meum cilicium : \* et factus sum illis in parábolam.

Advérsus me loquebántur qui sedébant in porta : \* et in me psallébant qui bibébant vinum.

Ego vero oratióne meam ad te Dómine : \* tempus benepláciti Deus.

In multitúdine misericórdiæ tuæ exáudi me, \* in veritate salútis tuæ :

Eripe me de luto, ut non infigar : \* libera me ab iis, qui odérunt me, et de profúndis aquárum.

Non me demérgat tempésta aquæ, ⁊ neque absórbeat me profúndum : \* neque úrgeat super me púteus os sum.

Exáudi me Dómine, quóniam benigna est misericórdia tua : \* secúndum multitúdinem miserationum tuárum respice in me.

Et ne avértas faciém tuam a púero tuo : \* quóniam tribulor, velóciter exáudi me.

Inténde ánimæ meæ, et libera eam : \* propter inimicos meos éripe me.

Tu scís impropérium meum, et confusióne meam, \* et reveréntiam meam.

In conspéctu tuo sunt omnes qui tribulant me, \* impropé-

rium expectávit cor meum, et misériam.

Et sustínui qui simul contristarétur, et non fuit : \* et qui consolarétur, et non inveni.

Et dedérunt in escam meam fel : \* et in siti mea potavérunt me acéto.

Fiat mensa eórum coram ipsis in láqueum, \* et in retributiónes, et in scándalum.

Obscuréntur óculi eórum ne vídeant : \* et dorsum eórum semper incúrva.

Effúndesupereos iram tuam : \* et furor iræ tuæ comprehéndat eos.

Fiat habitatio eórum deserta : \* et in tabernáculis eórum non sit qui inhábitet.

Quóniam quem tu percussísti, persecúti sunt : \* et super dolórem vúlnerum meórum addidérunt.

Appóne iniquitátem super iniquitátem eórum : \* et non intrent in justítiam tuam.

Deleántur de Libro vivéntium : \* et cum justis non scribántur.

Ego sum pauper et dolens : \* salus tua Deus suscepit me.

Laudábo nomen Dei cum cántico : \* et magnificábo eum in laude :

Et placébit Deo super vítulum novéllum : \* cornua producéntem et úngulas.

Videant páuperes et læténtur : \* quærite Deum, et vivet ánima vestra :

Quóniam exaudivit páuperes Dóminus : \* et vinctos suos non despéxit.

Laudent illum cæli et terra, \* mare, et ómnia reptília in eis.



Quóniam Deus salvam faciet Sion : \* et ædificabuntur civitates Juda.

Et inhabitabunt ibi, \* et hereditate acquirunt eam.

Et semen servorum ejus possidebit eam, \* et qui diligunt nomen ejus, habitabunt in ea.

Psalmus 69.

**D**EUS in adiutorium meum intende : \* Domine ad adjuvandum me festina.

Confundantur, et revereantur, \* qui quaerunt animam meam :

Avertantur retrorsum, et erubescant, \* qui volunt mihi mala :

Avertantur statim erubescētes, \* qui dicunt mihi : Euge, euge.

Exsultent et lætentur in te omnes qui quaerunt te, \* et dicant semper : Magnificetur Dominus : qui diligunt salutare tuum.

Ego vero egenus, et pauper sum : \* Deus adjuva me.

Adiutor meus, et liberator meus es tu : \* Domine ne moreris.

Añā. Domine Deus in adiutorium meum intende.

Psalmus 70.

**I**N te Domine speravi, non confundar in æternum : \* in iustitia tua libera me, et eripe me.

Inclina ad me aurem tuam, \* et salva me.

Esto mihi in Deum protectorem, \* et in locum munitum : \* ut salvum me facias,

Quóniam firmamentum meum, \* et refugium meum es tu.

Deus meus eripe me de manu peccatoris, \* et de manu contra legem agentis et iniqui :

Quóniam tu es patientia mea Domine : \* Domine spes mea a juventute mea.

In te confirmatus sum ex utero : \* de ventre matris meae tu es protector meus :

In te cantatio mea semper : \* tamquam prodigium factus sum multis : et tu adiutor fortis.

Repleatur os meum laude, ut cantem gloriam tuam : \* tota die magnitudinem tuam.

Ne proicias me in tempore senectutis : \* cum defecerit virtus mea, ne derelinquas me.

Quia dixerunt inimici mei mihi : \* et qui custodiebant animam meam, consilium fecerunt in unum,

Dicētes : Deus dereliquit eum, \* et persequimini, et comprehendite eum : \* quia non est qui eripiat.

Deus ne elongeris a me : \* Deus meus in auxilium meum respice.

Confundantur, et deficiant detrahētes animae meae : \* operiantur confusio, et pudore qui quaerunt mala mihi.

Ego autem semper sperabo : \* et adjiciam super omnem laudem tuam.

Os meum annuntiabit iustitiam tuam : \* tota die salutare tuum.

Quóniam non cognovi litteraturam, introibo in potentias Domini : \* Domine memorabor iustitiae tuae solius.

Deus docuisti me a juventute mea : \* et usque nunc pronuntiabo mirabilia tua.

Et usque in senectam et senium : \* Deus ne derelinquas me,

Donec annuntiem brachium tuum \* generationi omni, quæ ventura est :

Potentiam tuam, et justitiam tuam Deus usque in altissima, quæ fecisti magnalia : \* Deus quis similis tibi?

Quantas ostendisti mihi tribulationes multas et malas : ⁊ et conversus vivificasti me : \* et de abyssis terræ iterum reduxisti me :

Multiplicasti magnificentiam tuam : \* et conversus consolatus es me.

Nam et ego confitebor tibi in vasis psalmi veritatem tuam : \* Deus psallam tibi in cithara, sanctus Israel.

Exsultabunt labia mea cum cantavero tibi : \* et anima mea, quam redemisti.

Sed et lingua mea tota die meditabitur justitiam tuam : \* cum confusi et reveriti fuerint qui quærunt mala mihi.

Psalmus 71.

**D**EUS iudicium tuum regi da : \* et justitiam tuam filio regis :

Judicare populum tuum in justitia, \* et pauperes tuos in iudicio.

Suscipiant montes pacem populo : \* et colles justitiam.

Judicabit pauperes populi, ⁊ et salvos faciet filios pauperum : \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in velus : \* et sicut stillicidia stillantia super terram.

Orietur in diebus ejus justitia et abundantia pacis : \* donec auferatur luna.

Et dominabitur a mari usque ad mare : \* et a flumine usque ad terminos orbis terrarum.

Coram illo prouident Æthiopes : \* et inimici ejus terram lingent.

Reges Tharsis, et insulæ mûnera offerent : \* reges Arabum, et Saba dona adducent :

Et adorabunt eum omnes reges terræ : \* omnes gentes seruiunt ei :

Quia liberabit pauperem a potente : \* et pauperem, cui non erat adiutor.

Parcet pauperi et inopi : \* et animas pauperum salvas faciet.

Ex usuris et iniquitate redimet animas eorum : \* et honorabile nomen eorum coram illo.

Et vivet, et dabitur ei de auro Arabiæ, ⁊ et adorabunt de ipso semper : \* tota die benedicent ei.

Et erit firmamentum in terra in summis montium, ⁊ superextolletur super Libanum fructus ejus : \* et florébunt de civitate sicut fœnum terræ.

Sit nomen ejus benedictum in sæcula : \* ante solem permanet nomen ejus.

Et benedicentur in ipso omnes tribus terræ : \* omnes gentes magnificabunt eum.

Benedictus Dominus Deus Israel, \* qui facit mirabilia solus :

Et benedictum nomen majestatis ejus in æternum : ⁊ et replébitur majestate ejus omnis terra : \* fiat, fiat.

Añs. Esto mihi Dómine in Deum protectorem.

## Psalmus 72.

QUAM bonus Israel Deus \*  
his, qui recto sunt corde!  
Mei autem pene moti sunt pedes:  
\* pene effusi sunt gressus mei.

Quia zelávi super iníquos, \*  
pacem peccatórum videns.

Quia non est respectus mortis  
eorum: \* et firmamentum in  
plaga eorum.

In labore hominum non sunt, \*  
et cum hominibus non flagellabuntur:

Ideo tenuit eos superbia, \*  
operti sunt iniquitate et impietate sua.

Prodiit quasi ex adipi iniquitas  
eorum: \* transierunt in affectum cordis.

Cogitaverunt, et locuti sunt nequitiam: \* iniquitatem in excelso locuti sunt.

Posuerunt in cælum os suum: \* et lingua eorum transivit in terra.

Ideo convertetur populus meus hic: \* et dies pleni inveniuntur in eis.

Et dixerunt: Quomodo scit Deus, \* et si est scientia in excelso?

Ecce ipsi peccatores, et abundantes in sæculo, \* obtinuerunt divitias.

Et dixi: \* Ergo sine causa justificavi cor meum, \* et lavi inter innocentes manus meas:

Et fui flagellatus tota die, \* et castigatio mea in matutinis.

Si dicebam: Narrabo sic: \* ecce nationem filiorum tuorum reprobaui.

Existimabam ut cognoscerem hoc, \* labor est ante me:

Donec intrem in Sanctuarium

Dei: \* et intelligam in novissimis eorum.

Verumtamen propter dolos posuisti eis: \* deiecisti eos dum alleverentur.

Quomodo facti sunt in desolationem, subito defecerunt: \* perierunt propter iniquitatem suam.

Velut somnium surgentium Domine, \* in civitate tua imaginem ipsorum ad nihilum rediges.

Quia inflammatus est cor meum, \* et renes mei commutati sunt: \* et ego ad nihilum redactus sum, et nescivi.

Ut iumentum factus sum apud te: \* et ego semper tecum.

Tenuisti manum dexteram meam: \* et in voluntate tua deduxisti me, \* et cum gloria suscepisti me.

Quid enim mihi est in cælo? \* et a te quid volui super terram?

Defecit caro mea, et cor meum: \* Deus cordis mei, et pars mea Deus in æternum.

Quia ecce, qui elongant se a te, peribunt: \* perdidisti omnes, qui fornicantur abs te.

Mihi autem adhærere Deo bonum est: \* pñere in Domino Deo spem meam:

Ut annuntiem omnes prædicationes tuas, \* in portis filiae Sion.

## Psalmus 73.

UT quid Deus repulisti in finem: \* iratus est furor tuus super oves pascuæ tuæ?

Memor esto congregationis tuæ, \* quam possedisti ab initio.

Redemisti virgam hereditatis tuæ: \* mons Sion, in quo habitasti in eo.



Leva manus tuas in superbiis eorum in finem : \* quanta malignatus est inimicus in sancto!

Et gloriati sunt qui oderunt te : \* in medio solemnitatis tuæ.

Posuerunt signa sua, signa : \* et non cognoverunt sicut in exitu super summum.

Quasi in silva lignorum securibus exciderunt januas ejus in idipsum : \* in securi, et ascia dejecerunt eam.

Incenderunt igni Sanctuarium tuum : \* in terra polluerunt tabernaculum nominis tui.

Dixerunt in corde suo cognitio eorum simul : \* quiescere faciamus omnes dies festos Dei a terra.

Signa nostra non vidimus, & jam non est propheta : \* et nos non cognoscet amplius.

Usquequo Deus improberabit inimicus : \* irritat adversarius nomen tuum in finem?

Ut quid avertis manum tuam, et dexteram tuam, \* de medio sinu tuo in finem?

Deus autem rex noster ante sæcula : \* operatus est salutem in medio terræ.

Tu confirmasti in virtute tua mare : \* contribulasti capita draconum in aquis.

Tu confregisti capita draconis : \* dedisti eum escam populis Æthiopum.

Tu dirupisti fontes, et torrentes : \* tu siccasti fluvios Ethan.

Tuus est dies, et tua est nox : \* tu fabricatus es auroram et solem.

Tu fecisti omnes terminos terræ : \* æstatem et ver tu plasmasti ea.

Memor esto hujus, inimicus impropertavit Domino : \* et populus insipiens incitavit nomen tuum.

Ne tradas bestiis animas confitentes tibi, \* et animas pauperum tuorum ne obliviscaris in finem.

Respice in testamentum tuum : \* quia replati sunt, qui obscurati sunt terræ domibus iniquitatum.

Ne avertatur humilis factus confusus : \* pauper et inops laudabunt nomen tuum.

Exsurge Deus, judica causam tuam : \* memor esto improperiorum tuorum, eorum quæ ab insipiente sunt tota die.

Ne obliviscaris voces inimicorum tuorum : \* superbia eorum, qui te oderunt, ascendit semper.

Añã. Liberasti virgam hereditatis tuæ.

#### Psalmus 74.

**C**ONFITEBIMUR tibi Deus : \* confitebimur, et invocabimus nomen tuum.

Narrabimus mirabilia tua : \* cum accépero tempus, ego justitias judicabo.

Liquefacta est terra, et omnes qui habitant in ea : \* ego confirmavi columnas ejus.

Dixi iniquis : Nolite inique agere : \* et delinquentibus : Nolite exaltare cornu :

Nolite extollere in altum cornu vestrum : \* nolite loqui adversus Deum iniquitatem.

Quia neque ab oriente, neque ab occidente, neque a desertis montibus : \* quoniam Deus judex est.

Hunc humiliat, et hunc exal-



tat : \* quia calix in manu Dómini vini meri plenus misto.

Et inclinávit ex hoc in hoc : verúm tamen fæx ejus non est exinaníta : \* bibent omnes peccatóres terræ.

Ego autem annuntiábo in sæculum : \* cantábo Deo Jacob.

Et ómnia cónua peccatórum confringam : \* et exaltábuntur cónua justi.

Psalmus 75.

**N**OTUS in Judæa Deus : \* in Israel magnum nomen ejus.

Et factus est in pace locus ejus : \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illúminans tu mirábiliter a móntibus ætérnis : \* turbati sunt omnes insipientes corde.

Dormiérunt somnum suum : \* et nihil invenérunt omnes viri divitiárum in má nibus suis.

Ab increpatione tua Deus Jacob \* dormitavérunt qui ascenderunt equos.

Tu terribilis es, et quis resistet tibi? \* ex tunc ira tua.

De cælo auditum fecisti iudicium : \* terra trémuit et quíevit,

Cum exsúrgeret in iudicium Deus, \* ut salvos fáceret omnes mansuétos terræ.

Quóniam cogitatio hóminis confitébitur tibi : \* et reliquæ cogitationis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terribili et ei qui aufert spi-

ritum, principum, \* terribili apud reges terræ.

Añã. In Israel magnum nomen ejus.

Psalmus 76.

**V**OCE mea ad Dóminum clamávi : \* voce mea ad Deum, et inténdit mihi.

In die tribulationis meæ Deum exquisivi, má nibus meis nocte contra eum : \* et non sum decéptus.

Rénuit consolári ánima mea, \* et memor fui Dei, et delectátus sum, et exercitátus sum : \* et defécit spíritus meus.

Anticipavérunt vigílias oculi mei : \* turbátus sum, et non sum locútus.

Cogitávi dies antiquos : \* et annos ætérnos in mente hábui.

Et meditátus sum nocte cum corde meo, \* et exercitábar, et scopébam spíritum meum.

Numquid in ætérnum projiciet Deus : \* aut non appónet ut complacitior sit adhuc?

Aut in finem misericórdiam suam abscindet, \* a generatióne in generatióne?

Aut obliviscétur miseréri Deus? \* aut continébit in ira sua misericórdias suas?

Et dixi : Nunc cepti : \* hæc mutatio dexteræ Excélsi.

Memor fui óperum Dómini : \* quia memor ero ab initio mirabilium tuórum,

Et meditábor in ómnibus opéribus tuis : \* et in adinventiónibus tuis exercébor.

Deus in sancto via tua : \* et quis Deus magnus sicut Deus noster? \* tu es Deus qui facis mirabilia.

Notam fecisti in pópulis virtutem tuam : \* redemisti in bráchio tuo pópulum tuum, filios Jacob, et Joseph.

Vidérunt te aquæ Deus, & vidérunt te aquæ : \* et timué-runt, et turbátæ sunt abyssi.

Multitúdo sónitus aquárum : \* vocem dedérunt nubes.

Etenim sagittæ tuæ tráns-eunt : \* vox tonitrui tui in rota.

Illuxérunt coruscationes tuæ orbi terræ : \* commóta est et contrémuit terra.

In mari via tua, et sémitæ tuæ in aquis multis : \* et vestigia tua non cognoscéntur.

Deduxisti sicut oves pópulum tuum, \* in manu Móysi et Aaron.

### Psalms 77.

**A**TTENDITE pópule meus le-gem meam : \* inclináte aurem vestram in verba oris mei.

Apériam in parábolis os meum : \* loquar propositiones ab initio.

Quanta audivimus et cognó-vimus ea : \* et patres nostri narravérunt nobis.

Non sunt occultáta a filiis eórum, \* in generatióne áltera.

Narrántes laudes Dómini, et virtútes ejus, \* et mirabilia ejus quæ fecit.

Et suscitávit testimónium in Jacob : \* et legem pósuit in Israel.

Quanta mandávit pátribus nostris nota fácere ea filiis suis : \* ut cognóscat generatio áltera.

Filii qui nascéntur, et exsúr-gent, \* et narrábunt filiis suis, Ut ponant in Deo spem

suam, & et non obliviscántur óperum Dei : \* et mandáta ejus exquirant :

Ne fiant sicut patres eórum : \* generatio prava et exáspérans.

Generatio, quæ non diréxit cor suum : \* et non est crédi-tus cum Deo spíritus ejus.

Filii Ephrem intendéntes et mitténtes arcum : \* convérsi sunt in die belli.

Non custodiérunt testamén-tum Dei : \* et in lege ejus no-luérunt ambulare.

Et obliti sunt benefactorum ejus, \* et mirábiliu[m] ejus quæ osténdit eis.

Coram pátribus eórum fecit mirabilia in terra Ægypti, \* in campo Táneos.

Interrúpit mare, et perdúxit eos : \* et stáuit aquas quasi in utre.

Et dedúxit eos in nube diéi : \* et tota nocte in illuminatióne ignis.

Interrúpit petram in erémo : \* et adaquávit eos velut in aby-ssio multa.

Et edúxit aquam de petra : \* et dedúxit tamquam flúmina aquas.

Et apposuéru[n]t adhuc peccá-re ei : \* in iram excitavérunt Excélsu[m] in inaquóso.

Et tentavérunt Deum in cór-dibus suis : \* ut péterent escas animábus suis.

Et male locúti sunt de Deo : \* dixerunt : Numquid póterit Deus paráre mensam in de-sérto?

Quóniam percússit petram, et fluxérunt aquæ, \* et torrén-tes inundavérunt.

Numquid et panem póterit dare, \* aut paráre mensam pópulo suo?

Ideo audivit Dñminus, et distulit : \* et ignis accensus est in Jacob, et ira ascendit in Israel :

Quia non crediderunt in Deo, \* nec speraverunt in salutari ejus :

Et mandavit núbibus desuper, \* et januas cæli aperuit.

Et pluit illis manna ad manducandum, \* et panem cæli dedit eis.

Panem Angeiõrum manducavit homo : \* cibaria misit eis in abundantia.

Transtulit Austrum de cælo : \* et induxit in virtute sua Africum.

Et pluit super eos sicut pulverem carnes : \* et sicut arenam maris volatilia pennata.

Et ceciderunt in medio castrorum suorum : \* circa tabernacula eorum.

Et manducaverunt et saturati sunt nimis, & et desiderium eorum attulit eis : \* non sunt fraudati a desiderio suo.

Adhuc escæ eorum erant in ore ipsorum : \* et ira Dei ascendit super eos.

Et occidit pingues eorum, \* et electos Israel impedivit.

In omnibus his peccaverunt adhuc : \* et non crediderunt in mirabilibus ejus.

Et defecerunt in vanitate dies eorum : \* et anni eorum cum festinatione.

Cum occideret eos, quærebant eum : \* et revertebantur, et diluculo veniebant ad eum.

Et rememorati sunt quia Deus adiutor est eorum : \* et Deus excelsus redemptor eorum est.

Etdilexerunt eum in ore suo, \* et lingua sua mentiti sunt ei :

Cor autem eorum non erat rectum cum eo : \* nec fideles habiti sunt in testamento ejus.

Ipse autem est misericors, & et propitius fiet peccatis eorum : \* et non disperdet eos.

Et abundavit ut averteret iram suam : \* et non accendit omnem iram suam :

Et recordatus est quia caro sunt : \* spiritus vadens, et non rediens.

Quoties exacerbaverunt eum in deserto, \* in iram concitaverunt eum in iniquo solo?

Et conversi sunt, et tentaverunt Deum : \* et sanctum Israel exacerbaverunt.

Non sunt recordati manus ejus, \* die qua redemit eos de manu tribulantis,

Sicut posuit in Ægypto signa sua, \* et prodigia sua in campo Taneos.

Et convertit in sanguinem flumina eorum, \* et imbres eorum, ne biberent.

Misit in eos cenomyiam, et comedit eos : \* et ranam, et disperdidit eos.

Et dedit ærugini fructus eorum : \* et labores eorum locustæ.

Et occidit in grandine vineas eorum : \* et moros eorum in pruina.

Et tradidit grandini jumenta eorum : \* et possessionem eorum igni.

Misit in eos iram indignationis suæ : & indignationem, et iram, et tribulationem : \* immissiones per angelos malos.

Viam fecit semitæ iræ suæ, & et non pepercit a morte animabus eorum : \* et jumenta eorum in morte conclusit.



Et percussit omne primogénitum in terra Ægypti : \* primitias omnis laboris eorum in tabernaculis Cham.

Et abstulit sicut oves populum suum : \* et perduxit eos tamquam gregem in deserto.

Et deduxit eos in spe, et non timuerunt : \* et inimicos eorum operuit mare.

Et induxit eos in montem sanctificationis suæ, \* montem, quem acquisivit dextera ejus.

Et ejecit a facie eorum gentes : \* et sorte divisit eis terram in funiculo distributionis.

Et habitare fecit in tabernaculis eorum \* tribus Israel.

Et tentaverunt, et exacerbaverunt Deum excelsum : \* et testimonia ejus non custodierunt.

Et avertérunt se, et non servaverunt pactum : \* quemadmodum patres eorum, conversi sunt in arcum pravum.

In iram concitaverunt eum in collibus suis : \* et in sculptilibus suis ad æmulationem eum provocaverunt.

Audivit Deus, et sprexit : \* et ad nihilum redégit valde Israel.

Et repulit tabernaculum Sileo, \* tabernaculum suum, ubi habitavit in hominibus.

Et tradidit in captivitatem virtutem eorum : \* et pulchritudinem eorum in manus inimici.

Et conclusit in gladio populum suum : \* et hereditatem suam sprexit.

Juvenes eorum comedit ignis : \* et virgines eorum non sunt lamentatæ.

Sacerdotes eorum in gladio ceciderunt : \* et viduæ eorum non plorabántur.

Et excitatus est tamquam dormiens Dominus, \* tamquam potens crapulatus a vino.

Et percussit inimicos suos in posteriora : \* opprobrium semperiternum dedit illis.

Et repulit tabernaculum Joseph : \* et tribum Ephraim non elegit :

Sed elegit tribum Juda, \* montem Sion quem dilexit.

Et ædificavit sicut unicórnium sacrificium suum in terra, \* quam fundavit in sæcula.

Et elegit David servum suum, et sustulit eum de gregibus óvium : \* de post fetantes accepit eum.

Pascere Jacob servum suum, \* et Israel hereditatem suam :

Et pavit eos in innocentia cordis sui : \* et in intellectibus mánuum suarum deduxit eos.

Añã. Tu es Deus qui facis mirabilia.

Psalmus 78.

**D**EUS venerunt gentes in hereditatem tuam, et polluerunt templum sanctum tuum : \* posuerunt Jerúsalem in pomorum custodiam.

Posuerunt morticina servorum tuorum, escas volatilibus cæli : \* carnes sanctorum tuorum bestiis terræ.

Effuderunt sanguinem eorum tamquam aquam in circúitu Jerúsalem : \* et non erat qui sepeliret.

Facti sumus opprobrium vicinis nostris : \* subsannatio et illusio his, qui in circúitu nostro sunt.

Usquequo Dómine irascéris



in finem : \* accendétur velut ignis zelus tuus?

Effúnde iram tuam in gentes, quæ te non novérunt : \* et in regna, quæ nomen tuum non invocavérunt :

Quia comedérunt Jacob : \* et locum ejus desolavérunt.

Ne memineris iniquitátum nostrárum antiquárum, & cito anticipent nos misericórdiæ tuæ : \* quia páuperes facti sumus nimis.

Adjuva nos Deus salutáris noster : & et propter glóriam nóminis tui Dómine libera nos : \* et propítius esto peccáti nostris, propter nomen tuum :

Ne forte dicant in géntibus : Ubi est Deus eórum? \* et innotéscat in nátióibus coram óculis nostris.

Ultio sánguinis servórum tuórum, qui effúsus est : \* intróeat in conspéctu tuo gémitus compeditórum.

Secúndum magnitúdinem bráchii tui, \* pösside filios mortificatórum.

Et redde vicinis nostris séptuplum in sinu eórum : \* impropérium ipsórum, quod exprobravérunt tibi Dómine.

Nos autem pópulus tuus, et oves páscuæ tuæ, \* confitébimur tibi in sæculum :

In generatióem et generatióem \* annuntiábimus laudem tuam.

Psalmus 79.

**Q**UI regis Israel inténde : \* qui dedúcis velut ovem Joseph.

Qui sedes super Chérubim, \* manifestáre coram Ephraim, Bénjamin, et Manásse.

Excita poténtiam tuam, et veni, \* ut salvos fácias nos.

Deus convérte nos : \* et osténde faciém tuam, et salvi érimus.

Dómine Deus virtútum, \* quóusque irascéris super oratióem servi tui?

Cibábis nos pane lacrimárum : \* et potum dabis nobis in lácrimis in mensúra?

Posuisti nos in contradictiόnem vicinis nostris : \* et inimici nostri subsannavérunt nos.

Deus virtútum convérte nos : \* et osténde faciém tuam, et salvi érimus.

Vineam de Ægypto transtulisti : \* ejecisti gentes, et plantasti eam.

Dux itinéris fuisti in conspéctu ejus : \* plantasti radices ejus, et implévit terram.

Opérui montes umbra ejus : \* et arbústa ejus cedros Dei.

Exténdit pálmities suos usque ad mare : \* et usque ad flumen propágines ejus.

Ut quid destruxisti maceriam ejus : \* et vindémiant eam omnes, qui prætergrediúntur viam?

Exterminávit eam aper de silva : \* et singuláris ferus depástus est eam.

Deus virtútum convértere : \* respice de cælo, et vide, et visita vineam istam.

Et pérfice eam, quam plantávit délixtera tua : \* et super filium hóminis, quem confirmásti tibi.

Incénsa igni, et suffóssa \* ab increpatiόne vultus tui peribunt.

Fiat manus tua super virum délixteræ tuæ : \* et super filium hóminis, quem confirmásti tibi.

Et non discédimus a te, vivificábis nos : \* et nomen tuum invocábimus.

Dómine Deus virtútum convérte nos : \* et osténde faciém tuam, et salvi érimus.

Añã. Propítius esto peccátis nostris Dómine.

IN ADVENTU :

℣. Ex Sion spécies decóris ejus, R̃. Deus noster manifesté veniet.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

℣. Gaudébunt lábia mea, cum cantávero tibi. R̃. Et ánima mea, quam redemisti.

IN QUADRAGESIMA :

℣. Dicit Dómino : Suscéptor meus es tu. R̃. Et refúgium meum Deus meus.

FERIA QUINTA POST  
DOMINICAM IN PASSIONE :

℣. Erue a frámea Deus ánimam meam. R̃. Et de manu canis únicam meam.

VERSICULI ANTE LAUDES.

IN ADVENTU :

Ante Laudes ℣. Emitte Agnum Dómine Dominátorem terræ. R̃. De Petra desérti ad montem filię Sion.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

Ante Laudes ℣. Fiat miséricórdia tua Dómine super nos. R̃. Quemádmódum sperávimus in te.

IN QUADRAGESIMA :

Ante Laudes ℣. In má nibus portábunt te. R̃. Ne forte offéndas ad lápidem pedem tuum.

FERIA QUINTA POST  
DOMINICAM IN PASSIONE :

Ante Laudes ℣. Inténde ánime meæ, et libera eam. R̃. Propter inimicos meos éripe me.

AD LAUDES.

† Sequentes Psalmi et Canticum Cantémus Dómino. dicantur in Feriis quintis quando de Feria agitur extra Tempus Paschale.

† Antiphonæ vero dicantur quando in Feriis quintis de Feria agitur ab Octava Epiphaniæ usque ad Feriam quintam post Dominicam in Passione inclusive et ab Octava Trinitatis usque ad Feriam in qua incipiuntur Antiphonæ Laudum notatæ ante Vigiliam Nativitatis Domini exclusive.

Psalmus 50. Miserére. pag. 81.

Añã j. Tibi soli peccávi Dómine, miserére mei.

Psalmus 89.

**D**OMINE, refúgium factus es nobis : \* a generatióne in generatióne.

Priúsquam montes fierent, aut formarétur terra, et orbis : \* a sæculo et usque in sæculum tu es Deus.

Ne avértas hóminem in humilitátem : \* et dixisti : Convertimini filii hóminum.

Quóniam mille anni ante óculos tuos, \* tamquam dies hésterna, quæ prætériit,

Et custódia in nocte, \* quæ

pro nihilo habentur, eorum anni erunt.

Mane sicut herba transeat, & mane floreat, et transeat : \* vespere decadat, induret et areseat.

Quia defecimus in ira tua, \* et in furore tuo turbati sumus.

Posuisti iniquitates nostras in conspectu tuo : \* seculum nostrum in illuminatione vultus tui.

Quoniam omnes dies nostri defecerunt : \* et in ira tua defecimus.

Anni nostri sicut aranea meditabuntur : \* dies annorum nostrorum in ipsis, septuaginta anni.

Si autem in potentatibus, octoginta anni : \* et amplius eorum, labor et dolor.

Quoniam supervenit mansuetudo : \* et corripimur.

Quis novit potestatem irae tuae : \* et prae timore tuo iram tuam dinumerare?

Dexteram tuam sic notam fac : \* et eruditos corde in sapientia.

Convertere Domine usquequo? \* et deprecabilis esto super servos tuos.

Repleti sumus mane misericordia tua : \* et exultavimus, et delectati sumus omnibus diebus nostris.

Lactati sumus pro diebus, quibus nos humiliasti : \* annis, quibus vidimus mala.

Respice in servos tuos, et in opera tua : \* et dirige filios eorum.

Et sit splendor Domini Dei nostri super nos, et opera manuum nostrarum dirige super nos : \* et opus manuum nostrarum dirige.

Añā ij. Domine refugium factus es nobis.

Psalmus 62. Deus Deus meus. et Psalmus 66. Deus misereatur nostri., pag. 82. et pag. 83.

Añā iij. In matutinis Domine meditabor in te.

Canticum Moysis. Exodi 15.

**C**ANTEMUS Domino : gloriose enim magnificatus est, \* equum et ascensorem dejecit in mare.

Fortitudo mea, et laus mea Dominus, \* et factus est mihi in salutem :

Iste Deus meus, et glorificabo eum : \* Deus patris mei, et exaltabo eum.

Dominus quasi vir pugnator, Omnipotens nomen ejus. \* Curus Pharaonis et exercitum ejus projecit in mare :

Electi principes ejus submersi sunt in Mari rubro. & Abyssi operuerunt eos, \* descenderrunt in profundum quasi lapis.

Dextera tua Domine magnificata est in fortitudine : & dextera tua Domine percussit inimicum. \* Et in multitudine gloriæ tuæ deposuisti adversarios tuos :

Repleti sumus mane misericordia tua : \* et exultavimus, et delectati sumus omnibus diebus nostris.

Repleti sumus mane misericordia tua : \* et exultavimus, et delectati sumus omnibus diebus nostris.

Repleti sumus mane misericordia tua : \* et exultavimus, et delectati sumus omnibus diebus nostris.

Repleti sumus mane misericordia tua : \* et exultavimus, et delectati sumus omnibus diebus nostris.

Repleti sumus mane misericordia tua : \* et exultavimus, et delectati sumus omnibus diebus nostris.



Quis similis tui in fortibus Dómine? \* quis similis tui, magnificus in sanctitate, terribilis atque laudabilis, faciens mirabilia?

Extendisti manum tuam, et devoravit eos terra. \* Dux fuisti in misericordia tua pópulo quem redemisti :

Et portasti eum in fortitudine tua, \* ad habitaculum sanctum tuum.

Ascenderunt pópuli, et irati sunt : \* dolores obtinuerunt habitatores Philistiim.

Tunc conturbati sunt principes Edom, robustos Moab obtinuit tremor : \* obliguerunt omnes habitatores Chanaan.

Irruat super eos formido et pavor, \* in magnitudine brachii tui :

Fiant immóbiles quasi lapis, et donec pertranseat pópulus tuus Dómine, \* donec pertranseat pópulus tuus iste, quem possedisti.

Introduces eos, et plantabis in monte hereditatis tuæ, \* firmissimo habitaculo tuo quod operatus es Dómine :

Sanctuarium tuum Dómine, quod firmaverunt manus tuæ. \* Dóminus regnabit in ætérnum et ultra.

Ingressus est enim eques Phá-rao cum curribus et equitibus ejus in mare : \* et reduxit super eos Dóminus aquas maris :

Filii autem Israel ambulaverunt per siccum \* in medio ejus.

Aña iv. In ætérnum Dóminus regnabit, et ultra.

Ps. 148. Laudáte Dóminum de cælis., et ceteri, pag. 83. et pag. 84.

Aña v. In sanctis ejus laudáte Deum.

Capitulum, Hymnus et  $\mathfrak{P}$ . pro Temporum varietate, ut notantur Feria secunda ad Laudes in Psalterio, pag. 60.

#### IN ADVENTU :

Ad Benedictus Antiphona propria; Preces feriales, ut pag. 61.; Oratio Dominicæ.

AB OCTAVA EPIPHANIE

AD SEPTUAGESIMAM

ET AB OCTAVA TRINITATIS

AD ADVENTUM :

Ad Benedictus, Aña. In sanctitate serviámus Dómino, et liberabit nos ab inimicis nostris.

Preces ut pag. 61.; Oratio Dominicæ.

FERIIS QUINTIS

POST SEPTUAGESIMAM

ET SEXAGESIMAM :

Ad Benedictus Antiphona quæ per hebdomadam dicenda proprio loco notata fuerit; Preces ut pag. 61.; Oratio Dominicæ.

A FERIA QUINTA POST CINERES

AD FERIAM QUINTAM POST

DOMINICAM IN PASSIONE

INCLUSIVE :

Ad Benedictus Antiphona propria; Preces ut pag. 61.; Oratio propria.

Quæ hic notata non sunt fiant ut Feria secunda in Psalterio notatum est.

FERIA SEXTA.

AD MATUTINUM.

Invitatorium. Dóminum, qui fecit nos, \* Veníte adorémus.



† Prædictum Invitatorium dicatur Feria sexta ad Matutinum, quando de Tempore agitur, ab Octava Epiphaniæ usque ad Feriam sextam post Dominicam quartam Quadragesimæ inclusive, et ab Octava Trinitatis usque ad Adventum exclusive.

Hymnus, qui pro Tempore ad Matutinum Dominicæ in Psalterio notatus fuerit.

### IN NOCTURNO.

† Sequentes Psalmi et sequentes Antiphonæ super Psalmos in Nocturno dicantur, quando de Feria sexta agitur ab Octava Epiphaniæ usque ad Feriam sextam post Dominicam in Passione inclusive, et ab Octava Trinitatis usque ad Nativitatem Domini.

† Psalmi de Nocturno bini et bini terminentur per V. Glória Patri.

### Psalmus 80.

**E**XSULTATE Deo adiutori nostro : \* jubiláte Deo Jacob.

Súmíte psalmum, et date tympanum : \* psalterium iucundum cum cithara.

Bucináte in Neoméniá tuba, \* in insigni die solemnitatís vestræ :

Quia præceptum in Israel est : \* et iudícium Deo Jacob.

Testimónium in Joseph pósuit illud, cum exíret de terra Ægypti : \* linguam quam non nóverat, audívit.

Divértit ab onéribus dorsum ejus : \* manus ejus in cóphino serviérunt.

In tribulatióne invocásti me, et liberávi te : \* exaudívi te in

abscondito tempestátis : probávi te apud aquam contradic-tiónis.

Audi pópulus meus, et contéstabor te : \* Israel si audieris me, non erit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægypti : \* diláta os tuum, et implébo illud.

Et non audívit pópulus meus vocem meam : \* et Israel non inténdit mihi.

Et dimísí eos secúndum desideria cordis eórum, \* ibunt in adinventiόνibus suis.

Si pópulus meus audísset me : \* Israel si in viis meis ambuláset :

Pro nihilo fórsitan inimícos eórum humiliásem : \* et super tribulántes eos misíssem manum meam.

Inimíci Dómini mentíti sunt ei : \* et erit tempus eórum in sæcula.

Et cibávit eos ex ádipe fruménti : \* et de petra, melle saturávit eos.

### Psalmus 81.

**D**EUS stetit in synagoga deórum : \* in médio autem deos dijudicat.

Usquequo judicátis iniquitatem : \* et fácies peccatórum súmitis?

Judicáte egéno, et pupillo : \* húmitem, et páuperem justificáte.

Eripite páuperem : \* et egénium de manu peccatóris liberáte.

Nesciérunt, neque intellexérunt, & in ténebris ámbulant : \* movebúntur ómnia fundaménta terræ.

Ego dixi : Dii estis, \* et filii excelsi omnes.

Vos autem sicut homines moriemini : \* et sicut unus de principibus cadetis.

Surge Deus, júdica terram : \* quóniam tu hereditábis in omnibus géntibus.

Aña. Exsultáte Deo adjutori nostro.

Psalmus 82.

**D**EUS, quis similis erit tibi? \* ne taceas, neque compescaris Deus :

Quóniam ecce inimici tui sonuerunt : \* et qui odérunt te, extulérunt caput.

Super pópulum tuum malignavérunt consílium : \* et cogitavérunt advérsus sanctos tuos.

Dixerunt: Veníte, et disperdámus eos de gente : \* et non memorétur nomen Israel ultra.

Quóniam cogitavérunt unánimiter, \* simul advérsus te testaméntum disposuérunt, tabernácula Idumæórum et Ismaelítæ :

Moab, et Agaréni, Gebal, et Ammon, et Amalec : \* alienígenæ cum habitántibus Tyrum.

Etenim Assur venit cum illis: \* facti sunt in adjutórium filii Lot.

Fac illis sicut Mádlan, et Sísaræ : \* sicut Jabin in torrénte Cisson.

Disperierunt in Endor : \* facti sunt ut stercus terræ.

Pone principes eórum sicut Oreb, et Zeb, \* et Zebee, et Sálmana :

Omnes principes eórum : \* qui dixerunt: Hereditáte possideámus Sanctuárium Dei.

Deus meus pone illos ut rotam : \* et sicut stípulam ante faciém venti.

Sicut ignis, qui combúrit silvam : \* et sicut flamma combúrens montes :

Ita persequéris illos in tempestáte tua : \* et in ira tua turbábis eos.

Imple fácies eórum ignomínia : \* et quærent nomen tuum, Dómine.

Erubéscant, et conturbéntur in sæculum sæculi : \* et confundántur, et péreant.

Et cognóscant quia nomen tibi Dóminus : \* tu solus Altíssimus in omni terra.

Psalmus 83.

**Q**UAM dilécta tabernácula tua Dómine virtútum : \* concupiscit, et déficit ánima mea in átria Dómini.

Cor meum, et caro mea \* exultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altária tua Dómine virtútum : \* rex meus, et Deus meus.

Beáti, qui hábitant in domo tua Dómine : \* in sæcula sæculórum laudábunt te.

Beátus vir, cujus est auxiliúm abs te : \* ascensiónes in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, & ibunt de virtúte in virtútem : \* vidébitur Deus deórum in Sion.

Dómine Deus virtútum exáudi oratióem meam : \* áuribus pércipe Deus Jacob.

Protéctor noster aspice Deus : \* et respice in faciém Christi tui:

Quia melior est dies una in  
aëriis tuis, \* super millia.

Elégi abiectus esse in domo  
Dei mei : \* magis quam habi-  
tare in tabernaculis peccato-  
rum.

Quia misericordiam, et veri-  
tatem diligit Deus : \* gratiam,  
et gloriam dabit Dominus.

Non privabit bonis eos, qui  
ambulant in innocentia : \* Dó-  
mine virtutum, beatus homo,  
qui sperat in te.

Añã. Tu solus Altissimus su-  
per omnem terram.

Psalmus 84.

**B**ENEDIXISTI Dómine terram  
tuam : \* avertisti captivi-  
tatem Jacob.

Remisisti iniquitatem plebis  
tuæ : \* operuisti omnia peccata  
eorum.

Mitigasti omnem iram tuam : \*  
avertisti ab ira indignationis  
tuæ.

Converte nos Deus salutaris  
noster : \* et averte iram tuam  
a nobis.

Numquid in ætérnum irascé-  
ris nobis? \* aut exténderis iram  
tuam a generatióne in genera-  
tiónem?

Deus tu conversus vivificabis  
nos : \* et plebs tua lætabitur  
in te.

Ostende nobis Dómine mise-  
ricórdiam tuam : \* et salutáre  
tuum da nobis.

Audiam quid loquátur in me  
Dóminus Deus : \* quóniam lo-  
quétur pacem in plebem suam.

Et super sanctos suos : \* et  
in eos qui convertúntur ad  
cor.

Verúm tamen prope tíméntes  
eum salutáre ipsius : \* ut in-  
hábitet glória in terra nostra.

Misericórdia, et véritas ob-  
viáverunt sibi : \* iustitia, et  
pax osculatæ sunt.

Véritas de terra orta est : \* et  
iustitia de cælo prospexit.

Etenim Dóminus dabit beni-  
gnitatem : \* et terra nostra da-  
bit fructum suum.

Iustitia ante eum ambulá-  
bit : \* et ponet in via gressus  
suos.

Psalmus 85.

**I**NCLINA Dómine aurem tuam,  
et exaudi me : \* quóniam  
inops, et pauper sum ego.

Custódi ánimam meam quó-  
niam sanctus sum : \* salvum  
fac servum tuum, Deus meus,  
sperántem in te.

Miserére mei Dómine, quó-  
niam ad te clamávi tota die : \*  
lætifica ánimam servi tui, quó-  
niam ad te Dómine ánimam  
meam levávi.

Quóniam tu Dómine suávis, et  
mitis : \* et multæ misericórdiæ  
ómnibus invocántibus te.

Auribus pèrcipe Dómine ora-  
tiónem meam : \* et inténde vo-  
ci deprecationis meæ.

In die tribulationis meæ cla-  
mávi ad te : \* quia exaudisti  
me.

Non est similis tui in diis Dó-  
mine : \* et non est secúndum  
ópera tua.

Omnes gentes quascúmque  
fecisti, & vénient, et adorábunt  
coram te Dómine : \* et glorifi-  
cábunt nomen tuum.

Quóniam magnus es tu, et fá-  
ciens mirabilia : \* tu es Deus  
solus.

Deduc me Dómine in via tua, &  
et ingrédia in veritate tua : \*  
lætétur cor meum ut timeat  
nomen tuum.



Confitébor tibi Dómine Deus meus in toto corde meo, \* et glorificábo nomen tuum in ætérnum :

Quia misericórdia tua magna est super me : \* et eruisti ánimam meam ex inférno inférióri.

Deus, iniqui insurrexérunt super me, et synagóga poténtium quæsiérunt ánimam meam : \* et non proposuérunt te in conspéctu suo.

Et tu Dómine Deus miserátor et miséricors, \* pátiens, et multæ misericórdiæ, et verax,

Réspice in me, et miserére mei, & da impérium tuum púero tuo : \* et salvum fac filium ancillæ tuæ.

Fac mecum signum in bonum, & ut vídeant qui odérunt me, et confundántur : \* quoniam tu Dómine adjuvisti me, et consolátus es me.

Aña. Benedixisti Dómine terram tuam.

#### Psalmus 86.

**F**UNDAMENTA ejus in móntibus sanctis : \* diligit Dóminus portas Sion super ómnia tabernácula Jacob.

Gloriosa dicta sunt de te, \* civitas Dei.

Memor ero Rahab, et Babylónis \* sciéntium me.

Ecce alienígenæ, et Tyrus, et pópulus Æthiópum, \* hi fuérunt illic.

Numquid Sion dicet : Homo, & et homo natus est in ea : \* et ipse fundávit eam Altissimus?

Dóminus narrábit in scriptúris populórum, et principum : \* horum, qui fuérunt in ea.

Sicut lætántium ómnium \* habitátio est in te.

#### Psalmus 87.

**D**OMINE Deus salutis meæ : \* in die clamávi, et nocte coram te.

Intret in conspéctu tuo orátio mea : \* inclina aurem tuam ad precem meam :

Quia repléta est malis ánima mea : \* et vita mea inférno appropinquávit.

Æstimátus sum cum descendéntibus in lacum : \* factus sum sicut homo sine adjutório, inter mórtuos liber :

Sicut vulneráti dormiéntes in sepúlcris, & quorum non es memor ámplius : \* et ipsi de manu tua repúlsi sunt.

Posuérunt me in lacu inférióri : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuérunt me abominatióne sibi.

Tráditus sum, et non egrediebar : \* óculi mei languérunt præ inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabilia : \* aut médicos suscitábunt, et confitebúntur tibi?

Numquid narrábit áliquis in sepúlcro misericórdiam tuam, \* et veritátem tuam in perditiónem?

Numquid cognoscéntur in ténebris mirabilia tua : \* et justitia tua in terra obliuionis?



Et ego ad te Dómine clamávi : \* et mane orátio mea prævéniet te.

Ut quid Dómine repélis orationem meam : \* avértis faciém tuam a me ?

Pauper sum ego, et in labóribus a juventúte mea : \* exaltátus autem, humiliátus sum et conturbátus.

In me transiérunt iræ tuæ : \* et terróres tui conturbavérunt me.

Circumdedérunt me sicut aqua tota die : \* circumdedérunt me simul.

Elongásti a me amicum, et próximum : \* et notos meos a miséria.

Añá. Fundaménta ejus in móntibus sanctis.

Psalmus 88.

**M**ISERICORDIAS Dómini \* in ætérnum cantábo.

In generatióem et generatióem \* annuntiábo veritátem tuam in ore meo.

Quóniam dixisti : In ætérnum misericórdia ædificábitur in cælis : \* præparábitur veritas tua in eis.

Dispósui testaméntum eléctis meis, & jurávi David servo meo : \* Usque in ætérnum præparábo semen tuum.

Et ædificábo in generatióem, et generatióem \* sedem tuam.

Confitebúntur cæli mirabilia tua Dómine : \* étenim veritátem tuam in ecclésia sanctórum.

Quóniam quis in núbibus æquábitur Dómino : \* similis erit Deo in filiis Dei ?

Deus, qui glori ficátur in consilio sanctórum : \* magnus et

terribilis super omnes qui in circúitu ejus sunt.

Dómine Deus virtútum quis similis tibi ? \* potens es Dómine, et véritas tua in circúitu tuo.

Tu domináris potestáti maris : \* motum autem flúctuum ejus tu mitigas.

Tu humiliásti sicut vulnerátum, supérbum : \* in bráchio virtútis tuæ dispersisti inimicos tuos.

Tui sunt cæli, et tua est terra, & orbem terræ et plenitudinem ejus tu fundásti : \* aquilónem, et mare tu creásti.

Thabor et Hermon in nómine tuo exsultábunt : \* tuum bráchium cum poténtia.

Firmétur manus tua, et exaltétur dextera tua : \* justitia et judícium præparátió sedis tuæ.

Misericórdia et véritas præcedent faciém tuam : \* beátus pópulus, qui scit jubilatióem.

Dómine, in lúmine vultus tui ambulábunt, & et in nómine tuo exsultábunt tota die : \* et in justitia tua exaltabúntur.

Quóniam glória virtútis eórum tu es : \* et in beneplácito tuo exaltábitur cornu nostrum.

Quia Dómini est assúptio nostra : \* et sancti Israel regis nostri.

Tunc locútus es in visióne sanctis tuis, & et dixisti : Pósuí adjutórium in potén te : \* et exaltávi eléctum de plebe mea.

Inveni David servum meum : \* óleo sancto meo unxi eum.

Manus enim mea auxiliábitur ei : \* et bráchium meum confortábit eum.

Nihil proficiet inimicus in eo,\* et filius iniquitatis non apponet nocere ei.

Et concidam a facie ipsius inimicos ejus : \* et odiéntes eum in fugam convertam.

Et veritas mea, et misericórdia mea cum ipso : \* et in nómine meo exaltábitur cornu ejus.

Et ponam in mari manum ejus : \* et in fluminibus dexteram ejus.

Ipsę invocábit me : Pater meus es tu : \* Deus meus, et suscēptor salutis meę.

Et ego primogénitum ponam illum \* excélsam præ régibus terrę.

In ætérnum servábo illi misericórdiam meam : \* et testaméntum meum fidéle ipsi.

Et ponam in sæculum sæculi semen ejus,\* et thronum ejus sicut dies cæli.

Si autem dereliquerint filii ejus legem meam : \* et in judiciis meis non ambuláverint :

Si justitias meas profanáverint : \* et mandáta mea non custodierint :

Visitábo in virga iniquitátes eórum : \* et in verbéribus peccáta eórum.

Misericórdiam autem meam non dispérgam ab eo : \* neque nocébo in veritate mea :

Neque profanábo testaméntum meum : \* et quę procédunt de lábiis meis non fáciam irrita.

Semel jurávi in sancto meo, & si David méntiar : \* Semen ejus in ætérnum manébit.

Et thronus ejus sicut sol in conspéctu meo, & sicut luna

perfecta in ætérnum : \* et testis in cælo fidélis.

Tu vero repulisti et despectisti : \* distulisti Christum tuum.

Evertisti testaméntum servitui : \* profanásti in terra Sanctuárium ejus.

Destruxisti omnes sepes ejus : \* posuisti firmaméntum ejus formídinem.

Diripuérunt eum omnes trans-eúntes viam : \* factus est opprobrium vicinis suis.

Exaltásti dexteram depri-méntium eum : \* lætificásti omnes inimicos ejus.

Avertisti adjutórium gládii ejus : \* et non es auxiliátus ei in bello.

Destruxisti eum ab emundatióne : \* et sedem ejus in terram collisisti.

Minorásti dies témporis ejus : \* perfudisti eum confusióne.

Usquequo Dómine avértis in finem : \* exardéscet sicut ignis ira tua?

Memoráre quę mea substántia : \* numquid enim vane constituísti omnes filios hóminum?

Quis est homo, qui vivet, et non vidébit mortem : \* eruet ánimam suam de manu inferi?

Ubi sunt misericórdię tuę antiquę Dómine, \* sicut jurásti David in veritate tua?

Memor esto Dómine opprobrii servórum tuórum \* (quod continui in sinu meo) multárum géntium.

Quod exprobráverunt inimici tui Dómine, \* quod exprobráverunt commutatióne Christi tui.

Benedíctus Dóminus in ætérnum : \* fiat, fiat.

## Psalmus 93.

**D**EUS ultiónum Dóminus : \*  
Deus ultiónum libere egit.

Exaltáre qui júdicas terram : \*  
redde retributiónem supérbis.

Usquequo peccatóres Dómine : \*  
úsquequo peccatóres gloriabúntur :

Effabúntur, et loquéntur iniquitátem : \*  
loquéntur omnes, qui operántur injustítiam?

Pópulum tuum Dómine humiliavérunt : \*  
et hereditátem tuam vexavérunt.

Víduam, et ádvenam interfecérunt : \*  
et pupillos occiderunt.

Et dixerunt : Non vidébit Dóminus, \*  
nec intélliget Deus Jacob.

Intelligite insipientes in pópulo : \*  
et stulti aliquando sápite.

Qui plantávit aurem, non áudiet? \*  
aut qui finxit óculum, non considerat?

Qui córripit gentes, non arguet : \*  
qui docet hóminem sciéntiam?

Dóminus scit cogitatiónes hóminum, \*  
quóniam vanæ sunt.

Beátus homo, quem tu erudieris Dómine : \*  
et de lege tua docueris eum.

Ut mítiges ei a diébus malis : \*  
donec fodiátur peccatóri fóvea.

Quia non repéllet Dóminus plebem suam : \*  
et hereditátem suam non derelínquet.

Quoadúsque justítia convertátur in júdicium : \*  
et qui juxta illam omnes qui recto sunt corde.

Quis consúrget mihi advérsus malignántes? \*  
aut quis stabit mecum advérsus operántes iniquitátem?

Nisi quia Dóminus adjúvit me : \*  
paulo minus habitáset in inférno ánima mea.

Si dicébam : Motus est pes meus : \*  
misericórdia tua Dómine adjuvábát me.

Secúndum multitudinem dólorum meórum in corde meo : \*  
consolatiónes tuæ lætificavérunt ánimam meam.

Numquid adhæret tibi sedes iniquitátis : \*  
qui fingis labórem in præcépto?

Captábunt in ánimam justí : \*  
et sánguinem innocentem condemnábunt.

Et factus est mihi Dóminus in refúgium : \*  
et Deus meus in adjutórium spei meæ.

Et reddet illis iniquitátem ipsórum : \*  
et in malítia eórum dispérdet eos : \*  
dispérdet illos Dóminus Deus noster.

Añá. Benedictus Dóminus in ætérnum.

† Sequens Psalmus Veníte, exsultémus Dómino. hic omittitur, quando de Feria sexta fit Officiu.

## Psalmus 94.

**V**ENITE, exsultémus Dómino : \*  
jubilémus Deo salutári nostro :

Præoccupémus faciém ejus in confessióne : \*  
et in psalmis jubilémus ei.

Quóniam Deus magnus Dóminus : \*  
et rex magnus super omnes deos.

Quia in manu ejus sunt omnes fines terræ : \*  
et altitúdines móntium ipsíus sunt.

Quóniam ipsíus est mare, et ipse fecit illud : \*  
et siccam manus ejus formavérunt.

Veníte adorémus, et procidámus : et plorémus ante



Dóminum, qui fecit nos. \*  
Quia ipse est Dóminus Deus  
noster :

Et nos pópulus páscuæ ejus,  
et oves manus ejus. \* Hódie si  
vocem ejus audiéritis, nolite  
obduráre corda vestra;

Sicut in irritatióne secúndum  
diem tentatiónis in desérto : &  
ubi tentavérunt me patres ve-  
stri, \* probavérunt me, et vi-  
derunt ópera mea.

Quadragínta annis offénsus  
fui generatióni illi, \* et dixi :  
Semper hi errant corde.

Et isti non cognovérunt vias  
meas : & ut jurávi in ira  
mea : \* Si introíbunt in ré-  
quiem meam.

#### Psalmus 95.

**C**ANTATE Dómino cánticum  
novum : \* cantáte Dómino  
omnis terra.

Cantáte Dómino, et benedi-  
cite nómini ejus : \* annun-  
tiáte de die in diem salutáre  
ejus.

Annuntiáte inter gentes gló-  
riam ejus, \* in ómnibus pópu-  
lis mirabilia ejus.

Quóniam magnus Dóminus,  
et laudábilis nimis : \* terríbilis  
est super omnes deos.

Quóniam omnes dii géntium  
dæmónia : \* Dóminus autem  
cælos fecit.

Confessio, et pulchritúdo in  
conspéctu ejus : \* sanctimónia,  
et magnificéntia in sanctifica-  
tióne ejus.

Afférte Dómino pátriæ gén-  
tium, & afférte Dómino glóriam  
et honórem : \* afférte Dómino  
glóriam nómini ejus.

Tóllite hóstias, et introíte in  
átria ejus : \* adoráte Dóminum  
in átrio sancto ejus.

Commovéatur a fácie ejus  
univérsa terra : \* dicite in  
géntibus quia Dóminus re-  
gnávit.

Etenim corréxit orbem terræ  
qui non commovébitur : \* judi-  
cábit pópulos in æquitáte.

Læténtur cæli, et exsúltet ter-  
ra, & commovéatur mare, et  
plenitúdo ejus : \* gaudébunt  
campi, et ómnia, quæ in eis  
sunt.

Tunc exsultábunt ómnia ligna  
silvárum a fácie Dómini, quia  
venit : \* quóniam venit judicáre  
terram.

Judicábit orbem terræ in  
æquitáte, \* et pópulos in veri-  
táte sua.

#### Psalmus 96.

**D**OMINUS regnávit, exsúltet  
terra : \* læténtur insulæ  
multæ.

Nubes, et caligo in circúitu  
ejus : \* justítia, et judícium  
corréctio sedis ejus.

Ignis ante ipsum præcédet, \*  
et inflammábit in circúitu ini-  
micos ejus.

Illuxérunt fúlgura ejus orbi  
terræ : \* vidit, et commóta est  
terra.

Montes, sicut cera fluxérunt a  
fácie Dómini : \* a fácie Dómini  
omnis terra.

Annuntiavérunt cæli justi-  
tiam ejus : \* et vidérunt omnes  
pópuli glóriam ejus.

Confundántur omnes, qui  
adórant sculptília : \* et qui  
gloriántur in simulácris suis.

Adoráte eum omnes Angeli  
ejus : \* audívit, et lætáta est  
Sion.

Et exsultavérunt filiæ Ju-  
dæ, \* propter judícia tua Dó-  
mine :



Quóniam tu Dóminus altíssimus super omnem terram : \* nimis exaltátus es super omnes deos.

Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino : \* et confitémini memóriæ sanctificatiónis ejus.

Añã, Cantáte Dómino, et benedicite nómini ejus.

#### IN ADVENTU :

¶ Egrediétur virga de radice Jesse. R. Et flos de radice ejus ascéndet.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

¶. Beátus homo, quem tu erudíeris Dómine. R. Et de lege tua docúeris eum.

#### IN QUADRAGESIMA :

¶. Ipse liberávit me de láqueo venántium. R. Et a verbo áspero.

FERIA SEXTA POST  
DOMINICAM IN PASSIONE :

¶. De ore leónis libera me Dómine. R. Et a córnibus unicórnium humilitátem meam.

#### VERSICULI ANTE LAUDES.

#### IN ADVENTU :

Ante Laudes ¶. Emitte Agnum Dómine Dominatórem terræ. R. De Petra desérti ad montem filiæ Sion.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

Ante Laudes ¶. Fiat misericórdia tua Dómine super nos. R. Quemádmódum sperávimus in te.

#### IN QUADRAGESIMA :

Ante Laudes ¶. In mánibus portábunt te. R. Ne forte offendas ad lápidem pedem tuum.

FERIA SEXTA POST  
DOMINICAM IN PASSIONE :

Ante Laudes ¶. Inténde ani-mæ meæ, et libera eam. R. Propter inimícos meos éripe me.

#### AD LAUDES.

† Sequentes Psalmi et Canticum Dómine audívi auditum tuum. dicantur in Feriis sextis, quando de Féria agitur extra Tempus Paschale.

† Antiphonæ vero dicantur quando in Feriis sextis de Féria agitur ab Octava Epiphaniæ usque ad Feriam sextam post Dominicam in Passione inclusive, et ab Octava Trinitatis usque ad Feriam in qua incipiuntur Antiphonæ Laudum notatæ ante Vigiliam Nativitatis Domini exclusive.

Psalmus 50. Miserére., pag. 81.  
Añã j. Spíritu principalí confirma cor meum Deus.

#### Psalmus 142.

DÓMINE exáudi oratióne meam : † áuribus pécipe obsecratióne meam in veritate tua : \* exáudi me in tua justitia.

Et non intres in iudicium cum servo tuo : \* quia non justificabitur in conspectu tuo omnis vivens.

Quia persecutus est inimicus animam meam : \* humiliavit in terra vitam meam.

Collocavit me in obscuris sicut mortuos sæculi : \* et anxietas est super me spiritus meus, in me turbatum est cor meum.

Memor fui dierum antiquorum, & meditatus sum in omnibus operibus tuis : \* in factis manuum tuarum meditabar.

Expandi manus meas ad te : \* anima mea sicut terra sine aqua tibi :

Velociter exaudi me Domine : \* defecit spiritus meus.

Non avertas faciem tuam a me : \* et similis ero descendentibus in lacum.

Auditam fac mihi mane misericordiam tuam : \* quia in te speravi.

Notam fac mihi viam, in qua ambulem : \* quia ad te levavi animam meam.

Eripe me de inimicis meis Domine, ad te confugi : \* doce me facere voluntatem tuam, quia Deus meus es tu.

Spiritus tuus bonus deducet me in terram rectam : \* propter nomen tuum Domine vivificabis me, in æquitate tua.

Educes de tribulatione animam meam : \* et in misericordia tua disperdes inimicos meos.

Et perdes omnes, qui tribulant animam meam : \* quoniam ego servus tuus sum.

Añā ij. In veritate tua exaudi me Domine.

Psalmus 62. Deus Deus meus. et Psalmus 66. Deus misereatur nostri., pag. 82. et pag. 83.

Añā ij. Illumina Domine vultum tuum super nos.

Cantic. Habacuc. Habacuc 3.

**D**OMINE audi vi auditio nem tuam, \* et timui.

Domine opus tuum, \* in medio annorum vivifica illud :

In medio annorum notum facies : \* cum iratus fueris, misericordiae recordaberis.

Deus ab austro veniet, \* et sanctus de monte Pharan :

Operuit caelos gloria ejus : \* et laudis ejus plena est terra.

Splendor ejus ut lux erit : \* cornua in manibus ejus :

Ibi abscondita est fortitudo ejus : \* ante faciem ejus ibit mors.

Et egrediatur diabolus ante pedes ejus. \* Stetit, et mensus est terram.

Aspexit, et dissolvit gentes : \* et contriti sunt montes sæculi.

Incurvati sunt colles mundi, \* ab itineribus æternitatis ejus.

Pro iniquitate vidi tentoria Æthiopiæ, \* turbabuntur pelles terræ Madian.

Numquid in fluminibus iratus es Domine? & aut in fluminibus furor tuus? \* vel in mari indignatio tua?

Qui ascendes super equos tuos : \* et quadrigæ tuæ salvatio.

Suscitans suscitabis arcum tuum : \* juramenta tribubus, quæ locutus es :

Fluvios scindes terræ : & viderunt te, et doli erunt montes : \* gurges aquarum transiit.

Dedit abyssus vocem suam : \*  
altitúdo manus suas levávit.

Sol, et luna stetérunt in habi-  
táculo suo, \* in luce sagittárum  
tuárum, ibunt in splendóre ful-  
gurántis hastæ tuæ.

In frémitu conculcábis ter-  
ram : \* et in furóre obstupefá-  
cies gentes.

Egréssus es in salútem pópuli  
tui : \* in salútem cum Christo  
tuo.

Percussisti caput de domo  
impíi : \* denudásti funda-  
méntum ejus usque ad col-  
lum.

Maledixisti sceptris ejus, & cá-  
piti bellatórum ejus, \* veniénti-  
bus ut turbo ad dispergéndum  
me.

Exsultátio eórum \* sicut ejus,  
quí dévorat páuperem in abs-  
código.

Viam fecisti in mari equis  
tuis, \* in luto aquárum multá-  
rum.

Audívi, et conturbátus est  
venter meus : \* a voce contre-  
muérunt lábia mea.

Ingrediátur putrédo in óssi-  
bus meis, \* et subter me scá-  
teat.

Ut requiescam in die tribula-  
tiónis : \* ut ascéndam ad pópul-  
um accínctum nostrum.

Ficus enim non florébit : \* et  
non erit germen in vineis.

Mentiétur opus olivæ : \* et  
arva non áfferent cibum.

Abscindétur de ovili pecus : \*  
et non erit arméntum in præ-  
sépiis.

Ego autem in Dómino gau-  
débo : \* et exsultábo in Deo  
Jesu meo.

Deus Dóminus fortitúdo  
mea : \* et ponet pedes meos  
quasi cervórum.

Et super excélsa mea dedú-  
cet me victor : \* in psalmis ca-  
néntem.

Aña iv. Dómine audívi audi-  
tum tuum, et tímui.

Ps. 148. Laudáte Dóminum  
de cælis, et ceteri, pag. 83. et  
pag. 84.

Aña v. In tympano, et choro,  
in chordis, et órgano, laudáte  
Deum.

Capitulum, Hymnus et V. pro  
Temporum varietate, ut no-  
tantur Feria secunda ad Lau-  
des in Psalterio, pag. 60.

#### IN ADVENTU :

Ad Benedictus Antiphona  
propria; Preces feriales, ut  
pag. 61.; Oratio Dominicæ,  
præterquam Feria sexta Qua-  
tuor Temporum, in qua dicitur  
Oratio propria Feriæ.

AB OCTAVA EPIPHANIÆ  
AD SEPTUAGESIMAM,  
ET AB OCTAVA TRINITATIS  
AD ADVENTUM :

Ad Benedictus Aña. Per vi-  
scera misericórdiæ Dei nostri,  
in quibus visitávit nos oriens  
ex alto.

Preces, ut pag. 61.; Oratio  
Dominicæ præterquam Feria  
sexta Quatuor Temporum  
Septembris, in qua dicitur  
Oratio propria Feriæ.

FERIIS SEXTIS  
POST SEPTUAGESIMAM  
ET SEXAGESIMAM :

Ad Benedictus Antiphona,  
quæ per hebdomadam dicenda  
proprio loco notata fuerit;  
Preces ut pag. 61.; Oratio Do-  
minicæ.



A FERIA SEXTA POST CINERES  
AD FERIAM SEXTAM POST  
DOMINICAM IN PASSIONE  
INCLUSIVE :

Ad Benedictus Antiphona  
propria; Preces ut pag. 61;  
Oratio propria.

Quæ hic notata non sunt  
fiant ut FERIA secunda in Psal-  
terio notatum est.

### SABBATO.

#### AD MATUTINUM.

Invitatorium. Dóminum Deum  
nostrum \* Veníte, adorémus.

† Prædictum Invitatorium  
dicatur Sabbato ad Matuti-  
num, quando de Tempore agi-  
tur, ab Octava Epiphaniæ  
usque ad Sabbatum post Do-  
minicam quartam Quadrage-  
simæ inclusive, et ab Octava  
Trinitatis usque ad Adventum  
exclusive.

Hymnus, qui pro Tempore ad  
Matutinum Dominicæ in Psal-  
terio notatus fuerit.

#### IN NOCTURNO.

† Sequentes Psalmi et se-  
quentes Antiphonæ super Psal-  
mos in Nocturno dicantur,  
quando de Sabbato agitur, ab  
Octava Epiphaniæ usque ad  
Sabbatum post Dominicam in  
Passione inclusive, et ab Octa-  
va Trinitatis ad Nativitatem  
Domini.

† Psalmi de Nocturno bini et  
bini terminentur per V. Glória  
Patri.

#### Psalmus 97.

**C**ANTATE Dómino cánticum  
novum : \* quia mirabilia  
fecit.

Salvavit sibi dextera ejus : \*  
et bráchium sanctum ejus.

Notum fecit Dóminus salutá-  
re suum : \* in conspéctu gén-  
tium revelávit justítiam suam.

Recordátus est misericórdiæ  
suæ, \* et veritátis suæ dómu  
Israel.

Viderunt omnes términi ter-  
ræ \* salutáre Dei nostri.

Jubiláte Deo omnis terra : \*  
cantáte, et exsultáte, et psál-  
lite.

Psállite Dómino in cithara,  
in cithara et voce psalmi : \*  
in tubis ductílibus, et voce tu-  
bæ córneæ.

Jubiláte in conspéctu regis  
Dómini : & moveátur mare, et  
plenitúdo ejus : \* orbis terrá-  
rum, et qui hábitant in eo.

Flúmina plaudent manu, &  
simul montes exsultábunt a  
conspéctu Dómini : \* quóniam  
venit judicáre terram.

Judicábit orbem terrárum in  
justítia, \* et pópulos in æqui-  
táte.

#### Psalmus 98.

**D**OMINUS regnávít, irascán-  
tur pópuli : \* qui sedet  
super Chérubim, moveátur  
terra.

Dóminus in Sion magnus : \*  
et excélsus super omnes pó-  
pulos.

Confiteántur nómini tuo ma-  
gno : & quóniam terribile, et  
sanctum est : \* et honor regis  
judícium diligit.

Tu parásti directiónes : \* ju-  
dícium et justítiam in Jacob  
tu fecisti.

Exaltáte Dóminum Deum  
nostrum, & et adoráte scabél-  
lum pedum ejus : \* quóniam  
sanctum est.



Móyses, et Aaron in sacerdotibus ejus : \* et Sámuel inter eos, qui invocant nomen ejus :

Invocabant Dóminum, et ipse exaudiébat eos : \* in columba nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos : \* Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : \* quóniam sanctus Dóminus Deus noster.

Aña. Quia mirabilia fecit Dóminus.

Psalmus 99.

**J**UBILATE Deo omnis terra : \* servíte Dómino in lætítia.

Introíte in conspéctu ejus, \* in exsultatióne.

Scitóte quóniam Dóminus ipse est Deus : \* ipse fecit nos, et non ipsi nos :

Pópulus ejus, et oves páscuæ ejus : et introíte portas ejus in confessiõe, \* átria ejus in hymnis : confitémini illi.

Laudáte nomen ejus : quóniam suávis est Dóminus, et in ætérnum misericórdia ejus, \* et usque in generatióem et generatióem veritas ejus.

Psalmus 100.

**M**ISERICORDIAM, et iudicium \* cantábo tibi Dómine :

Psallam, et intélligam in via immaculáta, \* quando vénies ad me.

Perambulábam in innocéntia

cordis mei, \* in médio domus meæ.

Non proponébam ante oculos meos rem injústam : \* faciéntes prævaricatiões odivi.

Non adhæsít mihi cor prævum : \* declinántem a me malignum non cognoscébam.

Detrahéntem secréto próximo suo, \* hunc persequébar.

Supérbo óculo, et insatiábili corde, \* cum hoc non edébam.

Oculi mei ad fidéles terræ ut sédeant mecum : \* ámbulans in via immaculáta, hic mihi ministrábat.

Non habitábit in médio domus meæ qui facit supérbiam : \* qui lóquitur iniqua, non diréxit in conspéctu oculórum meórum.

In matutíno interficiébam omnes peccatóres terræ : \* ut dispérderem de civitáte Dómini omnes operántes iniquitátem.

Aña. Jubilate Deo omnis terra.

Psalmus 101.

**D**OMINE exáudi oratióem meam : \* et clamor meus ad te véniat.

Non avértas faciém tuam a me : \* in quacúmque die tribulor, inclína ad me aurem tuam.

In quacúmque die invocávero te, \* velóciter exáudi me.

Quia defecérunt sicut fumus diés mei : \* et ossa mea sicut crémium aruerunt.

Percússus sum ut scœnum, et áruit cor meum : \* quia oblítus sum comédere panem meum.

A voce gémitus mei \* adhæsit os meum carni meæ.

Símilis factus sum pellicáno solitúdinis : \* factus sum sicut nycticorax in domicílio.

Vigilávi, \* et factus sum sicut passer solitárius in tecto.

Tota die exprobrábant mihi inimíci mei : \* et qui laudábant me advérsus me jurábant.

Quia cinerem tamquam panem manducábam, \* et potum meum cum fletu miscébam.

A fácie iræ et indignatiónis tuæ : \* quia élevans allisisti me.

Dies mei sicut umbra declinavérunt : \* et ego sicut fœnum áruí.

Tu autem Dómine in ætérnum pérmanes : \* et memoriále tuum in generatióem et generatióem.

Tu exsúrgens miseréberis Sion : \* quia tempus miseréndi ejus, quia venit tempus.

Quóniam placuérunt servis tuis lápidés ejus : \* et terræ ejus miserebúntur.

Et timébunt gentes nomen tuum Dómine, \* et omnes reges terræ glóriam tuam.

Quia ædificávit Dóminus Sion : \* et vidébitur in glória sua.

Respéxit in oratióem humílium : \* et non sprevit precem eórum.

Scribántur hæc in generatióne áltera : \* et pópulus, qui creábitur, laudábit Dóminum :

Quia prospéxit de excélsio sancto suo : \* Dóminus de cælo in terram aspéxit :

Ut audíret gémitus compeditórum : \* ut sólveret filios interemptórum :

Ut annúntient in Sion nomen Dómini : \* et laudem ejus in Jerúsalem.

In conveniéndó pópulos in unum, \* et reges ut sérviant Dómino.

Respóndit ei in via virtútis suæ : \* Paucitátem diérum meórum núntia mihi.

Ne révocés me in dimídio diérum meórum : \* in generatióem et generatióem anni tui.

Iniitío tu Dómine terram fundásti : \* et ópera mánuum tuárum sunt cæli.

Ipsi peribunt, tu autem pérmanes : \* et omnes sicut vestiméntum veteráscent.

Et sicut opertóriúm mutábis eos, et mutabúntur : \* tu autem idem ipse es, et anni tui non deficiént.

Filii servórum tuórum habitábunt : \* et semen eórum in sæculum dirigétur.

Psalmus 102.

**B**ENEDIC ánima mea Dómino : \* et ómnia, quæ intra me sunt, nómini sancto ejus.

Bénedic ánima mea Dómino : \* et noli oblivisci omnes retributiónes ejus :

Qui propitiátur ómnibus iniquitatibus tuis : \* qui sanat omnes infirmitátes tuas.

Qui rédimít de interitu vitam tuam : \* qui coronat te in misericórdia et miseratióinibus.

Qui replet in bonis desidérium tuum : \* renovábitur ut áquilæ juvéntus tua :

Fáciens misericórdias Dóminus : \* et júdiciúm ómnibus injúriam patiéntibus.

Notas fecit vias suas Móysi, \* filiis Israel voluntátes suas.

Miserátor, et miséricors Dóminus : \* longánimis, et multum miséricors.

Non in perpétuum irascétur : \* neque in ætérnum comminábitur.

Non secúndum peccáta nostra fecit nobis : \* neque secúndum iniquitátes nostras retribuit nobis.

Quóniam secúndum altitúdinem cæli a terra : \* corrobórávit misericórdiam suam super timéntes se.

Quantum distat ortus ab occidente : \* longe fecit a nobis iniquitátes nostras.

Quómodo miserétur pater filiórum, & misértus est Dóminus timéntibus se : \* quóniam ipse cognóvit figméntum nostrum.

Recordátus est quóniam pulvis sumus : & homo, sicut fœnum dies ejus, \* tamquam flos agri sic efflórebit.

Quóniam spíritus pertransibit in illo, et non subsístet : \* et non cognóscet ámplius locum suum.

Misericórdia autem Dómini ab ætérno, \* et usque in ætérnum super timéntes eum.

Et justitia illius in filios filiórum, \* his qui servant testaméntum ejus :

Et mémoires sunt mandatórum ipsius, \* ad faciéndum ea.

Dóminus in cælo parávit sedem suam : \* et regnum ipsius omnibus dominábitur.

Benedicite Dómino omnes Angeli ejus : \* poténtes virtúte, faciéntes verbum illius, ad audiéndam vocem sermónum ejus.

Benedicite Dómino omnes

virtútes ejus : \* ministri ejus, qui faciúnt voluntátem ejus.

Benedicite Dómino ómnia ópera ejus : \* in omni loco dominatiónis ejus, bédedic ánima mea Dómino.

Aña. Clamor meus ad te véniat Deus.

Psalmus 103.

**B**ENEDIC ánima mea Dómino : \* Dómine Deus meus magnificátus es veheménter.

Confessióm, et decórem induísti : \* amictus lúmine sicut vestiménto :

Exténdens cælum sicut pellem : \* qui tegis aquis superiora ejus.

Qui ponis nubem ascénsu tuum : \* qui ámbulas super pennas ventórum.

Qui facis Angelos tuos, spíritus : \* et ministros tuos, ignem uréntem.

Qui fundásti terram super stabilitátem suam : \* non inclinábitur in sæculum sæculi.

Abyssus, sicut vestiméntum, amictus ejus : \* super montes stabunt aquæ.

Ab increpatione tua fugient : \* a voce tonitruí tui formidábunt.

Ascéndunt montes : et descendunt campi \* in locum, quem fundásti eis.

Términum posuísti, quem non transgrediéntur : \* neque converténtur operire terram.

Qui emíttis fontes in conválibus : \* inter médium montium pertransibunt aquæ.

Potábunt omnes béstie agri : \* expectábunt ónagri in siti sua.

Super ea volúcrés cæli habitábunt : \* de médio petrárum dabunt voces.



Rigans montes de superiõribus suis : \* de fructu õperum tuõrum satiabitur terra :

Prodũces scœnum jumẽtis, \* et herbam servitũti hõminum :

Ut educas panem de terra : \* et vinum lætificet cor hõminis :

Ut exhilaret faciẽm in oleo : \* et panis cor hõminis confirmet.

Saturabũntur ligna campi, & et cedri Libani, quas plantavit : \* illic pãsseres nidificabunt.

Herodii domus dux est eõrum : & montes excelsi cervis : \* petra refũgium herinãciis.

Fecit lunam in tẽpora : \* sol cognõvit occãsum suum.

Posuisti tenebras, et facta est nox : \* in ipsa pertransibunt omnes bẽstiæ silvæ.

Cãtuli leõnum rugientes, ut rapiant, \* et quærant a Deo escam sibi.

Ortus est sol, et congregati sunt : \* et in cubilibus suis collocabũntur.

Exibit homo ad opus suum : \* et ad operatiõnem suam usque ad vesp̃erum.

Quam magnificata sunt õpera tua Dõmine ! & omnia in sapientiã fecisti : \* implẽta est terra possessiõne tua.

Hoc mare magnum, et spatiõsum mãnibus : \* illic reptilia, quorum non est nũmerus.

Animalia pusilla cum magnis : \* illic naves pertransibunt :

Draco iste, quem formasti ad illudẽdum ei : \* omnia a te exspẽctant ut des illis escam in tẽpore.

Dante te illis, colligent : \* aperiẽte te manum tuam, omnia implebũntur bonitate.

Avertẽte autem te faciẽm, turbabũntur : & auferes spĩritum eõrum, et deficient, \* et in pulverem suum revertẽntur.

Emittes spĩritum tuum, et creabũntur : \* et renovabis faciẽm terræ.

Sit glõria Dõmini in sæculum : \* lætabitur Dõminus in opẽribus suis :

Qui respicit terram, et facit eam tremere : \* qui tangit montes, et fũmigant.

Cantabo Dõmino in vita mea : \* psallam Deo meo quãmdiu sum.

Jucũdum sit ei clõquium meum : \* ego vero delectabor in Dõmino.

Deficiant peccatõres a terra, & et iniqui ita ut non sint : \* bẽnedic anima mea Dõmino.

#### Psalmus 104.

**C**ONFITEMINI Dõmino, et invocãte nomen ejus : \* annuntiãte inter gentes õpera ejus.

Cantãte ei, et psallite ei : \* narrãte omnia mirabilia ejus.

Laudãmini in nõmine sancto ejus : \* lætẽtur cor quærẽntium Dõminum.

Quærite Dõminum, et confirmãmini : \* quærite faciẽm ejus semper.

Mementõte mirabiliũ ejus, quæ fecit : \* prodigia ejus, et judicia oris ejus.

Semen Abraham, servi ejus : \* filii Jacob, elẽcti ejus.

Ipsẽ Dõminus Deus noster : \* in univẽrsa terra judicia ejus.

Memor fuit in sæculum testamẽti sui : \* verbi, quod mandavit in mille generatiõnes :

Quod dispõsuit ad Abra-



ham : \* et juramenti sui ad Isaac :

Et stáuit illud Jacob in præceptum : \* et Israel in testamentum ætérnum :

Dicens : Tibi dabo terram Chánaan, \* funiculum hereditátis vestræ.

Cum essent número brevi, \* paucissimi, et incolæ ejus :

Et pertransiérunt de gente in gentem, \* et de regno ad populum álterum..

Non reliquit hóminem nocére eis : \* et corripuit pro eis reges.

Nolite tângere christos meos : \* et in prophétis meis nolite malignári.

Et vocávit famem super terram : \* et omne firmaméntum panis contrivit.

Misit ante eos virum : \* in servum venúmdatus est Joseph.

Humiliavérunt in compédibus pedes ejus, & ferrum pertransiit ánimam ejus, \* donec veniret verbum ejus.

Elóquium Dòmini inflammávit eum : & misit rex, et solvit eum : \* princeps populórum, et dimisit eum.

Constituit eum dómimum domus suæ : \* et principem omnis possessiónis suæ :

Ut erudiret principes ejus sicut semetípsum : \* et senes ejus prudentiam doceret.

Et intrávit Israel in Ægyptum : \* et Jacob áccola fuit in terra Cham.

Et auxit pópulum suum vehementer : \* et firmávit eum super inimicos ejus.

Convértil cor eórum ut odírent pópulum ejus : \* et dolum fácerent in servos ejus.

Misit Móysen servum suum : \* Aaron, quem elégit ipsum.

Pósuit in eis verba signórum suórum, \* et prodigiórum in terra Cham.

Misit ténebras, et obscurávit : \* et non exacerbávit sermones suos.

Convértil aquas eórum in sánguinem : \* et occidit pisces eórum.

Edidit terra eórum ranas \* in penetrálibus regum ipsórum.

Dixit, et venit cœnomyia : et cinifes \* in omnibus finibus eórum.

Pósuit plúvias eórum grándinem, \* ignem comburentem in terra ipsórum.

Et percussit vineas eórum, et ficúlneas eórum : \* et contrivit lignum finium eórum.

Dixit, et venit locústa, et bruchus, \* cujus non erat número :

Et comédit omne scenum in terra eórum : \* et comédit omnem fructum terræ eórum.

Et percussit omne primogénitum in terra eórum : \* primitias omnis labóris eórum.

Et edúxit eos cum argénto et auro : \* et non erat in tribubus eórum infirmus.

Lætáta est Ægyptus in protectióne eórum : \* quia incubuit timor eórum super eos.

Expándit nubem in protectiónem eórum, \* et ignem ut lucéret eis per noctem.

Petiérunt, et venit cotúrnix : \* et pane cæli saturávit eos.

Dirúpit petram, et fluxérunt aquæ : \* abiérunt in sicco flúmina ;

Quóniam memor fuit verbi sancti sui, \* quod hábuit ad Abraham púerum suum.

Et eduxit pópulum suum in exsultatióne, \* et eléctos suos in lætítia.

Et dedit illis regiónés gén-tium : \* et labóres populórum possederunt :

Ut custódiánt justificatiónes ejus, \* et legem ejus requirant.  
Añá. Bénedic ánima mea Dómino.

Psalmus 105.

**C**ONFITEMINI Dómino quóniam bonus : \* quóniam in sæculum misericórdia ejus. Quis loquétur poténtias Dómini, \* auditas fáciat omnes laudes ejus?

Beátí, qui custódiunt iudícium, \* et faciunt justítiam in omni témpore.

Meménto nostri Dómine in beneplácito pópuli tui : \* visita nos in salutári tuo :

Ad vidéndum in bonitáte electórum tuórum, & ad lætándum in lætítia gentis tuæ : \* ut lauderis cum hereditáte tua.

Peccávimus cum pátribus nostris : \* injúste égimus, iniquitátem fécimus.

Patres nostri in Ægypto non intellexérunt mirabilia tua : \* non fuérunt mémoires multitudinis misericórdiæ tuæ.

Et irritavérunt ascendéntes in mare, \* Mare rubrum.

Et salvávit eos propter nomen suum : \* ut notam fáceret poténtiam suam.

Et increpuit Mare rubrum, et exsiccátum est : \* et deduxit eos in abyssis sicut in desérto.

Et salvávit eos de manu odiéntium : \* et redémit eos de manu inimíci.

Et opéruit aqua tribulátes

eos : \* unus ex eis non remánsit.

Et credidérunt verbis ejus : \* et laudavérunt laudem ejus.

Cito fecérunt, obliti sunt óperum ejus : \* et non sustinué-runt consilium ejus.

Et concupiérunt concupiscéntiam in desérto : \* et tentavérunt Deum in inaquóso.

Et dedit eis petitió-nem ipsórum : \* et misit saturitátem in ánimas eórum.

Et irritavérunt Móysen in castis, \* Aaron sanctum Dómini.

Apérta est terra, et deglutivit Dathan : \* et opéruit super congregatió-nem Abiron.

Et exársit ignis in synagóga eórum : \* flamma combússit peccatóres.

Et fecérunt vitulum in Horeb : \* et adoravérunt scúlptile.

Et mutavérunt glóriam suam \* in similitúdinem vituli comedéntis fœc-nem.

Obliti sunt Deum, qui salvávit eos, & qui fecit magnália in Ægypto, mirabilia in terra Cham : \* terribilia in Mari rubro.

Et dixit ut dispénderet eos : \* si non Móyses eléctus ejus stétisset in confractiÓne in conspéctu ejus :

Ut avérteret iram ejus ne dispénderet eos : \* et pro nihilo habuérunt terram desiderábilem :

Non credidérunt verbo ejus, & et murmuravérunt in tabernáculis suis : \* non exaudiérunt vocem Dómini.

Et elevávit manum suam super eos : \* ut prostérneret eos in desérto :

Et ut dejiceret semen eórum

in nationibus : \* et dispergeret eos in regionibus.

Et initiati sunt Beelphegor : \* et comederunt sacrificia mortuorum.

Et irritaverunt eum in adinventiōibus suis : \* et multiplicata est in eis ruina.

Et stetit Phinees, et placavit : \* et cessavit quassatio.

Et reputatum est ei in justitiam, \* in generationem et generationem usque in sempiternum.

Et irritaverunt eum ad Aquas contradictionis : \* et vexatus est Moyses propter eos : \* quia exacerbaverunt spiritum ejus.

Et distinxit in labiis suis : \* non disperdiderunt gentes, quas dixit Dominus illis.

Et commisit sunt inter gentes, \* et didicerunt opera eorum : et servierunt sculptilibus eorum : \* et factum est illis in scandalum.

Et immolaverunt filios suos, \* et filias suas daemoniis.

Et effuderunt sanguinem innocentem : \* sanguinem filiorum suorum et filiarum suarum, quas sacrificaverunt sculptilibus Chanaan.

Et infecta est terra in sanguinibus, \* et contaminata est in operibus eorum : \* et fornicati sunt in adinventiōibus suis.

Et iratus est furor Dominus in populum suum : \* et abominatus est hereditatem suam.

Et tradidit eos in manus gentium : \* et dominati sunt eorum qui oderunt eos.

Et tribulaverunt eos inimici eorum, \* et humiliati sunt sub manibus eorum : \* saepe liberavit eos.

Ipsi autem exacerbaverunt eum in consilio suo : \* et humiliati sunt in iniquitatibus suis.

Et vidit cum tribularentur : \* et audivit orationem eorum.

Et memor fuit testamenti sui : \* et poenituit eum secundum multitudinem misericordiae suae.

Et dedit eos in misericordias \* in conspectu omnium qui ceperant eos.

Salvos nos fac Domine Deus noster : \* et congrega nos de nationibus :

Ut confiteamur nomini sancto tuo : \* et gloriamur in laude tua.

Benedictus Dominus Deus Israel a saeculo et usque in saeculum : \* et dicet omnis populus : Fiat, fiat.

Psalmus 106.

**C**ONFITEMINI Domino quoniam bonus : \* quoniam in saeculum misericordia ejus.

Dicant qui redempti sunt a Domino, \* quos redemit de manu inimici : \* et de regionibus congregavit eos :

A solis ortu, et occasu : \* ab aquilone, et mari.

Erraverunt in solitudine in inaquoso : \* viam civitatis habitaculi non inveniunt,

Esuriētes, et sitiētes : \* anima eorum in ipsis defecit.

Et clamaverunt ad Dominum cum tribularentur : \* et de necessitatibus eorum eripuit eos.

Et deduxit eos in viam rectam : \* ut irent in civitatem habitationis.

Confiteantur Domino misericordiae ejus : \* et mirabilia ejus filiis hominum.



Quia satiávit ánimam iná-nem : \* et ánimam esuriéntem satiávit bonis.

Sedéntes in ténebris, et umbra mortis : \* vinctos in mendicitáte, et ferro.

Quia exacerbavérunt elóquia Dei : \* et consilium Altissimi irritavérunt.

Et humiliátum est in labóribus cor eórum : \* infirmáti sunt, nec fuit qui adjuváret.

Et clamavérunt ad Dóminum cum tribularéntur : \* et de necessitatibus eórum liberávit eos.

Et edúxit eos de ténebris, et umbra mortis : \* et víncula eórum dirúpit.

Confiteántur Dómino misericórdiæ ejus : \* et mirábilia ejus filiis hóminum.

Quia contrívit portas æreas : \* et vectes férreos confrégit.

Suscépit eos de via iniquitátis eórum : \* propter injustitias enim suas humiliáti sunt.

Omnem escam abomináta est ánima eórum : \* et appropinquavérunt usque ad portas mortis.

Et clamavérunt ad Dóminum cum tribularéntur : \* et de necessitatibus eórum liberávit eos.

Misit verbum suum, et sanávit eos : \* et erípuit eos de interitiónibus eórum.

Confiteántur Dómino misericórdiæ ejus : \* et mirábilia ejus filiis hóminum.

Et sacrificent sacrificium laudis : \* et annúntient ópera ejus in exultatióne.

Qui descéndunt mare in návis, \* faciéntes operatióne in aquis multis.

Ipsi vidérunt ópera Dómini, \* et mirábilia ejus in profundo.

Dixit, et stetit spíritus procéllæ : \* et exaltáti sunt fluctus ejus.

Ascéndunt usque ad cælos, et descéndunt usque ad abyssos : \* ánima eórum in malis tabescébat.

Turbáti sunt, et moti sunt sicut ébrius : \* et omnis sapiéntia eórum devoráta est.

Et clamavérunt ad Dóminum cum tribularéntur, \* et de necessitatibus eórum edúxit eos.

Et stáuit procéllam ejus in auram : \* et siluérent fluctus ejus.

Et lætáti sunt quia siluérent : \* et dedúxit eos in portum voluntátis eórum.

Confiteántur Dómino misericórdiæ ejus : \* et mirábilia ejus filiis hóminum.

Et exáltent eum in ecclésiá plebis : \* et in cáthedra seniorum laudent eum.

Pósuit flúmina in desértum : \* et éxitus aquárum in sitim.

Terram fructíferam in salsuginem, \* a malitia inhabitántium in ea.

Pósuit desértum in stagna aquárum : \* et terram sine aqua in éxitus aquárum.

Et collocávit illic esuriéntes : \* et constituérunt civitátem habitatiónis.

Et seminavérunt agros, et plantavérunt víneas : \* et fecérunt fructum nativitátis.

Et benedíxit eis, et multiplicáti sunt nimis : \* et juménta eórum non minorávit.

Et pauci facti sunt : \* et vexáti sunt a tribulatióne malórum, et dolóre.

Effusa est contemptio super principes : \* et errare fecit eos in invio, et non in via.

Et adiuvit pauperem de inopia : \* et posuit sicut oves famulias.

Videbunt recti, et lætabuntur : \* et omnis iniquitas oppilabit os suum.

Quis sapiens et custodiet hæc ? \* et intelliget misericordias Domini ?

Añã, Visita nos Domine in salutari tuo.

Psalmus 107.

**P**ARATUM cor meum Deus, paratum cor meum : \* cantabo, et psallam in gloria mea.

Exsurge gloria mea, & exsurge psalterium, et cithara : \* exurgam diluculo.

Confitebor tibi in populis Domine : \* et psallam tibi in nationibus.

Quia magna est super caelos misericordia tua : \* et usque ad nubes veritas tua :

Exaltare super caelos Deus, & et super omnem terram gloria tua : \* ut liberentur dilecti tui.

Salvum fac dextera tua : et exaudi me : \* Deus locutus est in sancto suo :

Exultabo, et dividam Sichimam, \* et convallē tabernaculorum dimetiā.

Meus est Galaad, et meus est Manasses : \* et Ephraim susceptio capitis mei.

Juda rex meus : \* Moab lebes spei meae.

In Idumæam extendam calcamentum meum : \* mihi alienigenæ amici facti sunt.

Quis deducet me in civitatem munitam ? \* quis deducet me usque in Idumæam ?

Nonne tu Deus, qui repulisti nos, \* et non exhibis Deus in virtutibus nostris ?

Da nobis auxilium de tribulatione : \* quia vana salus hominis.

In Deo faciemus virtutem : \* et ipse ad nihilum deducet inimicos nostros.

Psalmus 108.

**D**EUS laudem meam ne tacearis : \* quia os peccatoris, et os dolosi super me apertum est.

Locuti sunt adversum me lingua dolosa, & et sermonibus odii circumdederunt me : \* et expugnaverunt me gratis.

Pro eo ut me diligenter, detrahebant mihi : \* ego autem orabam.

Et posuerunt adversum me mala pro bonis : \* et odium pro dilectione mea.

Constituē super eum peccatorem : \* et diabolus stet a dextris ejus.

Cum iudicatur, exeat condemnatus : \* et oratio ejus fiat in peccatum.

Fiant dies ejus pauci : \* et episcopatum ejus accipiat alter.

Fiant filii ejus orphani : \* et uxor ejus vidua.

Nutantes transferantur filii ejus, et mendicent : \* et ejiciantur de habitationibus suis.

Scrutetur fenerator omnem substantiam ejus : \* et diripiant alieni labores ejus.

Non sit illi adjutor : \* nec sit qui misereatur pupillis ejus.

Fiant nati ejus in interitum : \* in generatione una deleatur nomen ejus.

In memoriam redeat iniquitas patrum ejus in conspectu

Dómini : \* et peccátum matris ejus non deleátur.

Fiant contra Dóminum semper, ⁊ et dispéreat de terra memoria eórum : \* pro eo quod non est recordátus fácere misericórdiam.

Et persecútus est hóminem inopein, et mendicum, \* et compúctum corde mortificáre.

Et diléxit maledictiónem, et véniet ei : \* et nóluit benedictiónem, et elongábitur ab eo.

Et induit maledictiónem sicut vestiméntum, \* et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur : \* et sicut zona, qua semper præcingitur.

Hoc opus eórum, qui détrahunt mihi apud Dóminum : \* et qui loquúntur mala advérsus ánimam meam.

Et tu Dómine, Dómine, fac mecum propter nomen tuum : \* quia suávis est misericórdia tua.

Libera me quia egénus, et pauper ego sum : \* et cor meum conturbátum est intra me.

Sicut umbra cum declinat, ablátus sum : \* et excússus sum sicut locústæ.

Génua mea infirmáta sunt a jejúnio : \* et caro mea immutáta est propter óleum.

Et ego factus sum oppróbrium illis : \* vidérunt me, et movérunt cápita sua.

Adjuva me Dómine Deus meus : \* saluum me fac secúndum misericórdiam tuam.

Et sciant quia manus tua hæc : \* et tu Dómine fecisti eam.

Maledicent illi, et tu benedices : ⁊ qui insúrgunt in me, confundántur : \* servus autem tuus lætábitur.

Induántur qui détrahunt mihi, pudóre : \* et operiántur sicut diplóide confusióne sua.

Confitébor Dómino nimis in ore meo : \* et in médio multórum laudábo eum :

Quia ástitit a dextris páuperis, \* ut salvam fáceret a persequéntibus ánimam meam.

Añã. Confitébor Dómino nimis in ore meo.

#### IN ADVENTU :

⁊. Egrediétur Dóminus de loco sancto suo. R̃. Véniet, ut salvet pópulum suum.

AB OCTAVA EIPHANIE  
AD QUADRAGESIMAM  
ET AB OCTAVA TRINITATIS  
AD ADVENTUM :

⁊. Dómine exáudi oratióne meam. R̃. Et clamor meus ad te véniat.

#### IN QUADRAGESIMA :

⁊. Scápolis suis obumbrábit tibi. R̃. Et sub pennis ejus sperábis.

#### SABBATO POST DOMINICAM IN PASSIONE :

⁊. Ne perdas cum impiis Deus ánimam meam. R̃. Et cum viris sánguinem vitam meam.

#### VERSICULI ANTE LAUDES.

#### IN ADVENTU :

Ante Laudes ⁊. Emitte Agnum Dómine Dominatórem terræ. R̃. De Petra desérti ad montem filiæ Sion.



AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

Ante Laudes X̄. Fiat misericórdia tua Dómine super nos. R̄. Quemádmódum sperávimus in te.

IN QUADRAGESIMA :

Ante Laudes X̄. In mánibus portábunt te. R̄. Ne forte offéndas ad lápidem pedem tuum.

SABBATO POST DOMINICAM  
IN PASSIONE :

Ante Laudes X̄. Inténde ánimæ meæ, et libera eam. R̄. Propter inimicos meos éripe me.

AD LAUDES.

† Sequentes Psalmi et Canticum Audíte cæli. dicantur in Sabbatis, quando de Sabbato agitur ab Octava Epiphaniæ usque ad Sabbatum post Dominicam in Passione inclusive, et ab Octava Trinitatis usque ad Vigiliam Nativitatis Domini exclusive.

† Antiphonæ vero dicantur, quando de Sabbato agitur, ab Octava Epiphaniæ usque ad Sabbatum post Dominicam in Passione inclusive, et ab Octava Trinitatis usque ad Feriam in qua incipiuntur Antiphonæ Laudum notatæ ante Vigiliam Nativitatis Domini exclusive.

Psalmus 50. Miserére. pag. 81.

Añã j. Benígne fac in bona voluntáte tua Dómine.

Psalmus 91.

BONUM est confitéri Dómino : \* et psállere nómini tuo Altissime.

Ad annuntiándum mane misericórdiam tuam : \* et veritátem tuam per noctem.

In decachórdo, psaltério : \* cum cántico, in cithara.

Quia delectásti me Dómine in factúra tua : \* et in opéribus mánuum tuárum exultábo.

Quam magnificáta sunt ópera tua Dómine ! \* nimis profúndæ factæ sunt cogitatiónes tuæ.

Vir insípiens non cognóscet : \* et stultus non intélliget hæc.

Cum exórti fúerint peccatóres sicut fœnum : \* et apparúerint omnes, qui operántur iniquitátem :

Ut intéreant in sæculum sæculi : \* tu autem Altissimus in ætérnum Dómine.

Quóniam ecce inimíci tui Dómine, & quóniam ecce inimíci tui peribunt : \* et dispergéntur omnes, qui operántur iniquitátem.

Et exaltábitur sicut unicórnis cornu meum : \* et senéctus mea in misericórdia úberi.

Et despéxit óculus meus inimicos meos : \* et in insurgéntibus in me malignántibus audiet auris mea.

Justus, ut palma florébit : \* sicut cedrus Libani multiplicábitur.

Plantáti in domo Dómini, \* in átriis domus Dei nostri florébunt.

Adhuc multiplicabúntur in senécta úberi : \* et bene patíentes erunt, ut annúntient :

Quóniam rectus Dóminus Deus noster : \* et non est iniquitas in eo.

Añã ij. Bonum est confitéri Dómino.

Psalmus 62. Deus Deus meus. et Psalmus 66. Deus misereatur nostri., pag. 82. et pag. 83.

Añã iij. Méтуant Dóminus omnes fines terræ.

Canticum Moysis. Deut. 32.

**A**UDITE cæli quæ loquor, \* audiât terra verba oris mei.

Concréscat ut plúvia doctrína mea, \* fluat ut ros elóquium meum.

Quasi imber super herbam, & et quasi stillæ super grámina. \* Quia nomen Dómini invocábo :

Date magnificéntiam Deo nostro. \* Dei perfécta sunt ópera, et omnes viæ ejus judícia :

Deus fidélis, et absque ulla iniquitáte, justus et rectus. \* Peccavérunt ei, et non filii ejus in sórdibus :

Generátio prava atque perversa. \* Hæccine reddis Dómino pópule stulte et insipiens?

Numquid non ipse est pater tuus, \* qui possédit te, et fecit, et creávit te?

Meménto diérum antiquórum, \* cógita generatiónes singulas :

Intérroga patrem tuum, et annuntiábit tibi : \* majóres tuos, et dicent tibi.

Quando dividébat Altíssimus gentes : \* quando separábat filios Adam,

Constituit términos populórum \* juxta númerum filiórurum Israel.

Pars autem Dómini, pópulus ejus : \* Jacob funículus hereditátis ejus.

Invenit eum in terra desérta, \* in loco horróris, et vastæ solitúdinis :

Circumdúxit eum, et dócuit : \* et custodívit quasi pupíllam óculi sui.

Sicut áquila próvocans ad volándum pullos suos, \* et super eos volitans,

Expándit alas suas, et assúmpsit eum, \* atque portávit in húmeris suis.

Dóminus solus dux ejus fuit : \* et non erat cum eo deus aliénus.

Constituit eum super excélsam terram : \* ut coméderet fructus agrórum,

Ut súgeret mel de petra, \* oleúmque de saxo durissimo.

Butyrum de arménto, et lac de óvibus \* cum ádipe agnórum, et arietum filiórurum Basan :

Et hircos cum medúlla tritici, \* et sánguinem uvæ bíberet meracíssimum.

Incrassátus est diléctus, et recalcitrávit : \* incrassátus, impingúátus, dilatátus,

Dereliquit Deum factórem suum, \* et recéssit a Deo salutári suo.

Provocavérunt eum in diis aliénis, \* et in abominatióibus ad iracúndiam concitavérunt.

Immolavérunt dæmóniis, et non Deo, \* diis, quos ignorábant :

Novi recentésque venérunt, \* quos non coluérunť patres eórum.

Deum, qui te génuít dereliquísti, \* et oblítus es Dómini creatóris tui.

Vidit Dóminus, et ad iracúndiam concitátus est : \* quia provocavérunt eum filii sui et filiae.

Et ait : † Abscúdam faciém meam ab eis, \* et considerábo novíssima eórum :

Generátio enim perversa est, \* et infidéles filii.

Ipsi me provocavérunt in eo, qui non erat Deus, \* et irritavérunt in vanitatibus suis :

Et ego provocábo eos in eo, qui non est pópulus, \* et in gente stulta irritábo illos.

Ignis succénsus est in furóre meo, \* et ardébit usque ad inférni novíssima :

Devorabítque terram cum gérmine suo, \* et móntium fundaménta combúret.

Congregábo super eos mala, \* et sagittas meas complébo in eis.

Consuméntur fame, \* et devorábunt eos aves morsu amaríssimo :

Dentes bestiárum immíttam in eos, \* cum furóre trahéntium super terram, atque serpéntium.

Foris vastábit eos gládius, et intus pavor, \* júvenem simul ac vírginem, lacténtem cum hómine sene.

Dixi : Ubinam sunt? \* cessáre faciám ex homínibus memóriam eórum.

Sed propter iram inimicórum distuli : \* ne forte superbírent hostes eórum,

Et dicerent : Manus nostra excélsa, et non Dóminus, \* fecit hæc ómnia.

Gens absque consilio est, et sine prudéntia. \* Utinam sáperent, et intelligerent, ac novíssima providérant.

Quómodo persequátur unus mille, \* et duo fugent decem millia?

Nonne ídeo, quia Deus suos véndidit eos, \* et Dóminus conclúsit illos?

Non enim est Deus noster ut díi eórum : \* et inimíci nostri sunt júdices.

De vínea Sodomórum, vínea eórum, \* et de suburbánis Gomórrhæ :

Uva eórum uva fellis, \* et botri amaríssimi.

Fel dracónum vinum eórum, \* et venénium áspidum insanábile.

Nonne hæc cóndita sunt apud me, \* et signáta in thesáuris meis?

Mea est últio, et ego retribuam in témpore, \* ut labátur pes eórum :

Juxta est dies perditiónis, \* et adesse festinant témpora.

Judicábit Dóminus pópulum suum, \* et in servis suis miserébitur :

Vidébit quod infirmáta sit manus, † et clausi quoque defecerunt, \* residuique consúpti sunt.

Et dicet : Ubi sunt díi eórum, \* in quibus habébant fidúciam?

De quorum víctimis comedébant ádipes, \* et bibébant vinum libáminum :

Surgant, et opituléntur vobis, \* et in necessitaté vos protégant.

Vidéte quod ego sim solus, \* et non sit álius Deus præter me:

Ego occidam, et ego vívere faciám : † percútiám, et ego sanábo, \* et non est qui de manu mea possit erúere.

Levábo ad cælum manum meam, et dicam : \* Vivo ego in aetérnum.



Si acúero ut fulgur gládium meum, \* et arripúerit iudícium manus mea :

Reddam ultiónem hóstibus meis, \* et his qui odérunt me retribuam.

Inebriábo sagíttas meas sánguine, \* et gládus meus devorábit carnes,

De cruóre occisórum, \* et de captivitate, nudáti inimicórum cápitis.

Laudáte gentes pópulum ejus, \* quia sánguinem servórum suórum ulciscétur :

Et vindíctam retribuet in hostes eórum, \* et propítius erit terræ pópuli sui.

Aña iv. Et in servis suis Dóminus miserébitur.

Ps. 148. Laudáte Dóminum de cælis. et ceteri, pag. 83. et pag. 84.

Aña v. In cymbalis benesonántibus laudáte Deum.

Capitulum, Hymnus et ꝥ. pro Temporum varietate, ut notantur Feria secunda ad Laudes in Psalterio, pag. 60.

#### IN ADVENTU :

Ad Benedictus Antiphona propria; Preces feriales, ut pag. 61.; Oratio Dominicæ, præterquam Sabbato Quatuor Temporum, in quo dicitur Oratio propria Sabbati.

AB OCTAVA EPIPHANIÆ  
AD SEPTUAGESIMAM  
ET AB OCTAVA TRINITATIS  
AD ADVENTUM :

Ad Benedictus Aña. In viam pacis dirige nos Dómine.

Preces, ut pag. 61.; Oratio Dominicæ, præterquam in Sabbato Quatuor Temporum Se-

ptembris, in quo dicitur Oratio propria Sabbati.

SABBATIS POST SEPTUAGES.  
ET SEXAGESIMAM :

Ad Benedictus Antiphona, quæ per hebdomadam dicenda proprio loco notata fuerit; Preces, ut pag. 61.; Oratio Dominicæ.

A SABBATO POST CINERES  
AD SABBATUM POST  
DOMINICAM IN PASSIONE  
INCLUSIVE :

Ad Benedictus Antiphona propria; Preces, ut pag. 61.; Oratio propria.

Quæ hic notata non sunt fiant ut Feria secunda in Psalterio notatum est.

#### DOMINICA AD VESPERAS.

¶ Sequentes Psalmi dicantur omnibus Dominicis in Vesperis, quando de simplici Dominica agitur.

¶ Antiphonæ vero super Psalmos dicantur in Vesperis a Dominica j. post Octavam Epiphaniæ usque ad Dominicam in Ramis palmarum inclusive, et a Dominica j. post Octavam Trinitatis usque ad Vigiliam Nativitatis Domini exclusive, quando de Dominica agitur.

¶ Tempore Paschali super Psalmos dicitur una tantum Antiphona.

Psalmus 109.

**D**IXIT Dóminus Dómino meo : \* Sede a dextris meis :  
Donec ponam inimicos tuos, \*  
scabéllum pedum tuórum.

Virgam virtútis tuæ emittet  
Dóminus ex Sion : \* domi-  
nare in médio inimicórum  
tuórum.

Tecum princípium in die vir-  
tútis tuæ in splendóribus sanctó-  
rum : \* ex útero ante luci-  
ferum génui te.

Jurávit Dóminus, et non pœ-  
nitêbit eum : \* Tu es sacérdos  
in ætérnum secundum órdenem  
Melchisedech.

Dóminus a dextris tuis, \* con-  
frégit in die iræ suæ reges.

Judicábit in natióibus, im-  
plebit ruínas : \* conquassábit  
cápita in terra multórum.

De torrénite in via bibet : \*  
propterea exaltábit caput.

Aña. Dixit Dóminus Dómino  
meo : Sede a dextris meis.

#### Psalmus 110.

**C**ONFITEBOR tibi Dómine in  
toto corde meo : \* in con-  
silio justórum, et congregatió-  
ne.

Magna ópera Dómini : \* ex-  
quisita in omnes voluntates  
ejus.

Confessio et magnificéntia  
opus ejus : \* et justítia ejus  
manet in sæculum sæculi.

Memóriam fecit mirabílium  
suórum, & miséricors et mise-  
rátor Dóminus : \* escam dedit  
timéntibus se.

Memor erit in sæculum testa-  
ménti sui : \* virtútem óperum  
suórum annuntiábit pópulo  
suo :

Ut det illis hereditátem gén-  
tium : \* ópera mánuum ejus  
véritas, et judícium.

Fidélia ómnia mandáta  
ejus : & confirmáta in sæculum  
sæculi, \* facta in veritáte et  
æquitáte.

Redemptiónem misit pópulo  
suo : \* mandávit in ætérnum  
testaméntum suum.

Sanctum, et terribile nomen  
ejus : \* initium sapiéntiæ timor  
Dómini:

Intelléctus bonus ómnibus fa-  
ciéntibus eum : \* laudátio ejus  
manet in sæculum sæculi.

Aña. Fidélia ómnia mandáta  
ejus : confirmáta in sæculum  
sæculi.

#### Psalmus 111.

**B**EATUS vir, qui timet Dómi-  
num : \* in mandátis ejus  
volet nimis.

Potens in terra erit semen  
ejus : \* generátio rectórum be-  
nedicétur.

Glória, et divitiæ in domo  
ejus : \* et justítia ejus manet  
in sæculum sæculi.

Exórtum est in ténebris lumen  
rectis : \* miséricors, et miserá-  
tor, et justus.

Jucúndus homo qui miserétur  
et cómodat, & dispónet ser-  
mónes suos in judicio : \* quia  
in ætérnum non commovébi-  
tur.

In memória ætérna erit ju-  
stus : \* ab auditióne mala non  
timébit.

Parátum cor ejus speráre in  
Dómino & confirmátum est cor  
ejus : \* non commovébitur do-  
nec despiciat inimicos suos.

Dispérsit, dedit paupéribus : &  
justítia ejus manet in sæculum  
sæculi, \* cornu ejus exaltábi-  
tur in glória.

Peccátor vidébit, et irascé-  
tur, & déntibus suis fremet et  
tabéscet : \* desidérium pecca-  
tórum peribit.

Aña. In mandátis ejus cupit  
nimis.

## Psalmus 112.

**L**AUDATE púeri Dóminum : \*  
Laudáte nomen Dómini.

Sit nomen Dómini benedí-  
ctum, \* ex hoc nunc, et usque  
in sæculum.

A solis ortu usque ad occá-  
sum, \* laudábile nomen Dó-  
mini.

Excélsus super omnes gentes  
Dóminus, \* et super cælos gló-  
ria ejus.

Quis sicut Dóminus Deus no-  
ster, qui in altis hábitat, \* et  
humilia respicit in cælo et in  
terra?

Súscitans a terra ínopem, \*  
et de stercore érigens páu-  
perem :

Ut cóllocet eum cum princí-  
pibus, \* cum princípibus pópu-  
li sui.

Qui habitáre facit stérilem in  
domo, \* matrem filiórum læ-  
tántem.

Añs. Sit nomen Dómini benedí-  
ctum in sæcula.

## Psalmus 113.

**I**N éxitu Israel de Ægypto, \*  
domus Jacob de pópulo bár-  
baro :

Facta est Judæa sanctificatio  
ejus, \* Israel potestas ejus.

Mare vidit, et fugit : \*  
Jordánis convérsus est retrór-  
sum.

Montes exsultavérunt ut arie-  
tes : \* et colles sicut agni  
óvium.

Quid est tibi mare quod fugi-  
sti? \* et tu Jordánis, quia con-  
vérsus es retrórsum?

Montes exsultástis sicut arie-  
tes, \* et colles sicut agni óvium?

A fácie Dómini mota est ter-  
ra, \* a fácie Dei Jacob,

Qui convértit petram in sta-  
гна aquárum, \* et rupem in  
fontes aquárum.

Non nobis Dómine, non no-  
bis : \* sed nómini tuo da gló-  
riam.

Super misericórdia tua, et ve-  
ritáte tua : \* nequándo dicant  
gentes : Ubi est Deus eórum?

Deus autem noster in cælo : \*  
omnia quæcúmque vóluit, fe-  
cit.

Simulácragéntium argéntum,  
et aurum, \* ópera mánuum hó-  
minum.

Os habent, et non loquéntur : \*  
óculos habent, et non vidé-  
bunt.

Aures habent, et non áu-  
dient : \* nares habent, et non  
odorábunt.

Manus habent, et non palpá-  
bunt : \* pedes habent, et non  
ambulábunt : \* non clamábunt  
in gútture suo.

Similes illis fiant qui faciunt  
ea : \* et omnes qui confidunt  
in eis.

Domus Israel sperávit in Dó-  
mino : \* adjútor eórum et pro-  
tector eórum est.

Domus Aaron sperávit in Dó-  
mino : \* adjútor eórum et pro-  
tector eórum est.

Qui timent Dóminum, spera-  
vérunt in Dómino : \* adjú-  
tor eórum et protector eórum  
est.

Dóminus memor fuit nostri : \*  
et benedixit nobis :

Benedixit dómui Israel : \* be-  
nedixit dómui Aaron.

Benedixit ómnibus, qui ti-  
ment Dóminum, \* pusillis  
cum majóribus.

Adjiciat Dóminus super vos : \*  
super vos, et super filios ve-  
stros.



Benedicti vos a Dómino, \* qui fecit cælum, et terram.

Cælum cæli Dómino : \* terram autem dedit filiis hóminum.

Non mórtui laudábunt te Dómine : \* neque omnes, qui descendunt in inférnum.

Sed nos qui vivimus, benedicimus Dómino, \* ex hoc nunc et usque in sæculum.

Aña. Nos qui vivimus, benedicimus Dómino.

† Tempore Resurrectionis ad Vesperas Dominicis diebus super omnes Psalmos dicatur hæc sola Aña : Allelúia, allelúia, allelúia, allelúia.

IN DOMINICIS ADVENTUS :

Capitulum. Jer. 23.

ECCĒ dies véniunt, dicit Dóminus, et suscitábo David germen justum : et regnabit rex, et sápiens erit : et fáciat judicium et justitiam in terra.

Hymnus.

CONDITOR alme síderum,  
Ætérna lux credéntium,  
Christe Redémptor ómnium,  
Exáudi preces súpplicum,

QUI cóndolens intéritu  
Mórtis perire sæculum,  
Salvásti mundum lánguidum,  
Donans reis remédium.

VERGENTE mundi vespere,  
Uti sponsus de thálamo,  
Egréssus honestíssima  
Virginis matris cláusula.

CUJUS forti poténtiæ  
Genu curvántur ómnia,  
Cæléstia, terréstia,  
Nutu faténtur súbdita.

TE deprecámur ágíe,  
Ventúre judex sæculi,

Consérva nos in témpore  
Hostis a telo pérfidi.

LAUS, honor, virtus, glória

Deo Patri, et Filio,  
Sancto simul Paráclito,  
In sempitérna sæcula.

Amen.

℣. Roráte cæli désuper, et  
nubes pluant justum. ℞. Aperiátur terra, et gérmínet Salvatórem.

AB OCTAVA EPIPHANIÆ  
AD QUADRAGESIMAM  
ET AB OCTAVA TRINITATIS  
AD ADVENTUM :

Capitulum. 2. Thess. 3.

DÓMINUS dirigat corda et  
córpora nostra in caritatē  
Dei, et patientia Christi.

Hymnus.

LUCIS Creátor óptime,  
Lucem diérnum próferens,  
Primórdiis lucis novæ  
Mundi parans originem :

QUI mane junctum vespéri  
Diem vocári præcipis :  
Tetrum chaos illábitur,  
Audi preces cum flétibus.

NE mens graváta crimine  
Vita sit exsul múnere :  
Dum nil perénne cógitat,  
Seséque culpis illigat.

CÆLORUM pulset íntimum,  
Vitále tollat præmium :  
Vitémus omne nóxium,  
Purgémus omne péssimum.

PRÆSTA Pater piíssime,  
Patrique compar Unice,  
Cum Spíritu Paráclito,  
Regnans per omne sæculum.

Amen.

℣. Dirigátur Dómine orátio  
mea. ℞. Sicut incénsum in conspéctu tuo.

A DOMINICA I.  
 QUADRAGESIMÆ AD  
 DOMINICAM IN PASSIONE :

Capitulum. 2. Cor. 6.

**H**ORTAMUR vos ne in vā-  
 cuum grātiā Dei reci-  
 piātis. Ait enim : Tēpore ac-  
 cēpto exaudivi te, et in die sa-  
 lūtis adjūvi te.

Hymnus.

**A**UDI benigne Cōnditor  
 Nostras preces cum flēti-  
 bus

In hoc sacro jejūnio  
 Fusas quadragenārio.

SCRUTATOR alme cōrdium,  
 Infima tu scis virium :  
 Ad te revērsis exhibe  
 Remissionis grātiā.

MULTUM quidem peccāvi-  
 mus,

Sed parce confitēntibus :  
 Ad laudem tui nōminis,  
 Confer medēlā lānguidis.

SIC corpus extra cōteri  
 Dona per abstinēntiā,  
 Jejūnet ut mens sōbria  
 A labe prorsus criminum.

PRÆSTA beāta Trīnitas,  
 Concēde simplex Unitas,  
 Ut fructuōsa sint tuis

Jejuniōrum mūnera. Amen.  
 V. Angelis suis Deus mandā-  
 vit de te. R. Ut custōdiant te  
 in omnibus viis tuis.

DOMINICIS IN PASSIONE  
 ET IN RAMIS PALMARUM :

Capitulum. Jer. 11.

**T**U autem Dōmine Sābaoth,  
 qui iūdas justē, et pro-  
 bas renes et corda, videā m ul-  
 tiōnem tuā ex eis : tibi enim  
 revelāvi causā meā, Dō-  
 mine Deus meus.

Hymnus.

**V**EXILLA Regis prōdeunt,  
 Fulget crucis mystērium,  
 Quo carne carnis Cōnditor  
 Suspēsus est patibulo.

QUO vulnerātus insuper  
 Mucrōne dirō lānceæ,  
 Ut nos lavāret crimine,  
 Manāvit unda et sāguine.

IMPLETA sunt quæ cōcinit  
 David fidēli cārmine  
 Dicens : In natiōnibus  
 Regnāvit a ligno Deus.

ARBOR decōra et fūlgida,  
 Ornāta Regis pūrpura,  
 Elēcta digno stipite  
 Tam sancta membra tāngere.

BEATA, cujus brāchiis  
 Sæcli pepēndit prētium,  
 Statēra facta cōrporis,  
 Prædāmque tulit tārtari.

Hic genuflectitur usque ad  
 Te summa.

O CRUX ave, spes ūnica,  
 Hoc Passiōnis tēpore  
 Auge piis justitiā,  
 Reisque dona vēniā.

TE summa Deus Trīnitas  
 Collāudet omnis spīritus :  
 Quos per Crucis mystērium  
 Salvas rege per sæcula.

Amen.

V. Eripe me Dōmine ab hō-  
 mine malo. R. A viro inīquo  
 eripe me.

DOMINICA IN ALBIS  
 ET QUATUOR DOMINICIS  
 PROXIME SEQUENTIBUS :

Capitulum. Rom. 6.

**C**HRISTUS resūrgens ex mōr-  
 tuis jam non mōritur, mors  
 illi ultra non dominābitur.  
 Quod enim mōrtuus est peccā-  
 to, mōrtuus est semel : quod  
 autem vivit, vivit Deo.

## Hymnus.

**A**D cenam Agni pròvidi  
Et stolis albis cándidi,  
Post tránsitum Maris rubri,  
Christo canámus principi.

Cujus corpus sanctíssimum,  
In ara crucis tórridum :  
Cruóre ejus róseo  
Gustádo vivimus Deo.

PROTECTI Paschæ vespere  
A devastánte Angelo,  
Erépti de duríssimo  
Pharaónis império.

JAM Pascha nostrum Christi  
est,

Qui immolátus Agnus est :  
Sinceritátis ázyna  
Caro ejus oblata est.

O VERE digna hóstia,  
Per quam fracta sunt tártara,  
Redémpta plebs captivata,  
Réddita vitæ præmia !

CONSURGIT Christustúmulo,  
Victor redit de bárathro,  
Tyránnum trudens vínculo,  
Et réserans Paradisum.

QUÆSUMUS, Auctor ómnium,  
In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui surrexisti a mórtuis  
Cum Patre et sancto Spíritu,  
In sempitérna sæcula. Amen.

℟. Mane nobiscum Dómine,  
allelúia. ℞. Quóniam advespe-  
ráscit, allelúia.

Canticum B. Mariæ V.  
Lucæ I.

**M**AGNIFICAT \* ánima mea  
Dóminum :

Et exsultávit spíritus meus \*  
in Deo salutári meo.

Quia respéxit humilitátem  
ancillæ suæ : \* ecce enim ex  
hoc beátam me dicent omnes  
generatióes.

Quia fecit mihi magna qui  
potens est : \* et sanctum no-  
men ejus.

Et misericórdia ejus a progé-  
nie in progénies \* tíméntibus  
eum.

Fecit poténtiam in bráchio  
suo : \* dispérsit supérbos  
mente cordis sui.

Depósuit poténtes de sede, \*  
et exaltávit húmiles.

Esuriéntes implévit bonis : \*  
et dívites dimísit inánes.

Suscépit Israel púerum su-  
um, \* recordátus misericórdiæ  
suæ.

Sicut locútus est ad patres  
nostros, \* Abraham, et sémini  
ejus in sæcula.

† Canticum Magnificat. per  
totum annum dicitur in Ve-  
speris.

Antiphona ad Magnificat et  
Oratio prout suis locis notatum  
fuerit.

AD MEMORIAM DE CRUCE  
TEMPORE RESURRECTIONIS :

Sabbato infra Hebdomadam  
Paschæ et deinceps usque ad  
Vigiliam Ascensionis exclu-  
sive, de Cruce facienda est  
Memoria quotidie in Vesperis,  
exceptis festis Duplicibus et  
Totis Duplicibus :

Áña. Crucem sanctam súbiit  
qui inférnum confrégit : accin-  
ctus est poténtia, surréxit die  
tértia, allelúia.

℟. Dicite in natióibus, alle-  
lúia. ℞. Quia Dóminus regná-  
vit a ligno, allelúia.

## Oratio.

**D**EUS, qui pro nobis Filium  
tuum Crucis patibulum  
subire voluisti, ut inimici a  
nobis expélleres potestátem,



concede nobis famulis tuis ut resurrectionis gratiam consequamur : Per eundem.

AD MEMORIAM DE B. MARIA V.  
IN DOMINICIS :

In omnibus Dominicis per totum annum, quando de simplici Dominica agitur, fit Memoria de beata Maria in Vesperis :

Añā. Regali ex progēie Mariā exorta refulget : cujus precibus nos adjuvāri mente et spiritu devotissime poscimus. T. P. Allelūia.

Ŷ. Ora pro nobis sancta Dei Genitrix. T. P. Allelūia. R. Ut digni efficiāmur promissionibus Christi. T. P. Allelūia.

Oratio.

**P**ROTEGE Dōmine famulos tuos subsidiis pacis : et beatę Marię semper Virgīnis patrociniiis confidētes a cunctis hostibus redde securos. Per.

**S**EQUENTES Psalmi dicuntur suis Feriis ad Vesperas, quando de Feria agitur, ab Octava die Epiphanię usque ad Cenam Domini, et ab Octava die Paschę usque ad Vigiliam Nativitatis Domini.

† Antiphonę vero super Psalmos dicantur Feriis ab Octava die Epiphanię usque ad Cenam Domini, et ab Octava die Corporis Christi usque ad Vigiliam Nativitatis Domini.

† Tempore Resurrectionis, dicitur super Psalmos una tantum Antiphona, ut infra post ultimum Psalmum notatum est.

## FERIA SECUNDA AD VESPERAS.

Psalmus 114.

**D**ILEXI, quoniam exaudiet Dōminus \* vocem orationis meę.

Quia inclinavit aurem suam mihi : \* et in diebus meis invocabo.

Circumdederunt me dolores mortis : \* et pericula infēni invenerunt me.

Tribulationem et dolorem invēni : \* et nomen Dōmini invocavi.

O Dōmine libera animam meam : \* misēricors Dōminus, et justus, et Deus noster miseretur.

Custodiens p̄rulos Dōminus : \* humiliatus sum, et liberavit me.

Convertere anima mea in requiem tuam : \* quia Dōminus benefecit tibi.

Quia eripuit animam meam de morte : \* oculos meos a lacrimis, pedes meos a lapsu.

Placebo Dōmino \* in regione vivorum.

Añā. Inclinavit Dōminus aurem suam mihi.

Psalmus 115.

**C**REDIDI, propter quod locutus sum : \* ego autem humiliatus sum nimis.

Ego dixi in excēssu meo : \* Omnis homo mendax.

Quid retribuam Dōmino, \* pro omnibus, quę retribuit mihi?

Calicem salutāris accipiam : \* et nomen Dōmini invocabo.

Vota mea Dōmino reddam coram omni p̄pulo ejus : \* pretiosa in conspectu Dōmini mors sanctorum ejus :

O Dómine quia ego servus tuus : \* ego servus tuus, et filius ancillæ tuæ.

Dirupisti vincula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Añã. Crédidi, propter quod locútus sum.

Psalmus 116.

**L**AUDATE Dóminum omnes gentes : \* laudáte eum omnes pópuli :

Quóniam confirmáta est super nos misericórdia ejus : \* et veritas Dómini manet in ætérnum.

Añã. Laudáte Dóminum omnes gentes.

Psalmus 119.

**A**D Dóminum cum tribulárer clamávi : \* et exaudivit me.

Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est : \* habitávi cum habitántibus Cedar : multum incola fuit ánimæ mea.

Cum his, qui odérunt pacem, eram pacíficus : \* cum loquebar illis, impugnábant me gratis.

Añã. Clamávi, et exaudivit me.

Psalmus 120.

**L**EVAVI óculos meos in montes, \* unde véniet auxilium mihi.

Auxilium meum a Dómino, \* qui fecit cælum et terram.

Non det in commotiódinem pedem tuum : \* neque dormitet qui custódit te.

Ecce non dormitábit neque dórmiet, \* qui custódit Israel.

Dóminus custódit te, Dóminus protéctio tua, \* super manum dexteram tuam.

Per diem sol non uret te : \* neque luna per noctem.

Dóminus custódit te ab omni malo : \* custódiat ánimam tuam Dóminus.

Dóminus custódiat intróitum tuum, et éxitum tuum : \* ex hoc nunc, et usque in sæculum.

Añã. Auxilium meum a Dómino.

Tempore Resurrectionis. Añã. Allelúia.

† Hæc Antiphona, quæ est unum tantum Allelúia., dicitur sola quotidie Ferialibus diebus (excepto Sabbato) post Octavam Paschæ et deinceps usque ad Ascensionem Domini in Vesperis super Psalmos, cum de Tempore agitur.

IN ADVENTU :

Capitulum Ecce dies véniunt, Hymnus Cónditor alme., *Ÿ.* Roráte cæli., pag. 127. Ad Magnificat Antiphona propria. Et dicuntur Preces (nisi aliter signatum fuerit) cum Oratione Dominicæ.

AB OCTAVA EPIPHANIE  
AD SEPTUAGESIMAM  
ET AB OCTAVA TRINITATIS  
AD ADVENTUM :

Capitulum Dóminus dirigat.,  
Hymnus Lucis Créator., V. Dir-  
igátur., pag. 127.

Ad Magnificat Aña. Magnifi-  
cat ánima mea Dóminum. Et  
dicuntur Preces cum Oratione  
Dominicæ.

A SEPTUAGESIMA  
AD CINERES :

Capitulum, Hymnus et V. ut  
in Feriis secundis post Octa-  
vam Epiphaniæ; ad Magni-  
ficat Antiphona, quæ proprio  
loco per hebdomadam dicenda  
notatur. Et dicuntur Preces  
cum Oratione Dominicæ.

A FERIA SECUNDA  
POST DOMINICAM I. QUADRAG.  
AD DOMINICAM IN PASSIONE :

Capitulum. Joel 2.

**C**ONVERTIMINI ad me in toto  
corde vestro in jejúnio, et  
fletu, et planctu : et scíndite  
corda vestra, et non vestimén-  
ta vestra, ait Dóminus omni-  
potens.

Hymnus Audi benigne Cón-  
ditor. et V. Angelis suis.,  
pag. 128.

Ad Magnificat Antiphona  
propria. Et dicuntur Preces  
cum Oratione Feriæ.

A FERIA SECUNDA  
POST DOMINICAM IN PASSIONE  
AD CENAM DOMINI :

Capitulum Tu autem Dómine  
Sábaoth., Hymnus Vexilla Re-  
gis., V. Eripe me Dómine.,  
pag. 128.

Ad Magnificat Antiphona  
propria. Et dicuntur Preces  
cum Oratione Feriæ.

AB OCTAVA PASCHÆ  
AD ASCENSIONEM :

Capitulum Christus resúr-  
gens., Hymnus Ad cenam  
Agni., V. Mane nobiscum.,  
pag. 128. et pag. 129.

Ad Magnificat (exceptis Fe-  
riis Rogationum) Antiphona,  
quæ proprio loco per hebdoma-  
dam dicenda notatur. Omit-  
tuntur Preces et Prostrationes,  
et dicitur Oratio Dominicæ.

Ad Memoriam de Cruce  
Antiphona Crucem sanctam.,  
V. Dicite., Oratio Deus, qui  
pro nobis., pag. 129.

Post ultimam Orationem dicto  
Dóminus vobiscum., sequitur :  
Benedicámus Dómino, allelúia.  
R. Deo grátias, allelúia.

MODUS DICENDI PRECES  
IN VESPERIS.

Omni tempore (exceptis se-  
ptem diebus proximis ante Vi-  
giliam Nativitatis Domini, et  
excepto tempore inter Cenam  
Domini et Octavam Trinitatis)  
quando in Feriis secundis, ter-  
tiis, quartis, quintis et sextis de  
Feria agitur Officium, post An-  
tiphonam ad Magnificat, di-  
cuntur Preces hoc modo :

Kyrie eléison. Christe eléison.  
Kyrie eléison. Pater noster.  
Et ne nos.

Responso Sed libera nos a  
malo., immediate additur Dó-  
minus vobiscum. Orémus. et  
Oratio pro Tempore dicenda.

Finita Oratione, seu finitis  
Orationibus (si plures dicendæ  
occurrerint), dictoque iterum



Dóminus vobiscum., ac deinde  
Benedicámus Dómino. R̃. Deo  
grátias., terminantur Vesperæ  
ut notatur pag. 147.

## FERIA TERTIA

## AD VESPERAS.

## Psalmus 121.

**L**ÆTATUS sum in his, quæ  
dicta sunt mihi : \* In do-  
mum Dómini ibimus.

Stantes erant pedes nostri, \*  
in átriis tuis Jerúsalem.

Jerúsalem, quæ ædificátur ut  
civitas : \* cujus participatio  
ejus in idipsum.

Illuc enim ascenderunt tribus,  
tribus Dómini : \* testimónium  
Israel ad confiténdum nómini  
Dómini.

Quia illic sedérunt sedes in  
judicio, \* sedes super domum  
David.

Rogáte quæ ad pacem sunt  
Jerúsalem : \* et abundántia di-  
ligéntibus te :

Fiat pax in virtúte tua : \* et  
abundántia in túrribus tuis.

Propter fratres meos, et pró-  
ximos meos, \* loquébar pacem  
de te :

Propter domum Dómini Dei  
nostri, \* quæsi vi bona tibi.

Añã. In domum Dómini læ-  
tantes ibimus.

## Psalmus 122.

**A**D te levávi óculos meos, \*  
qui hábitas in cælis.

Ecce sicut óculi servórum, \*  
in manibus dominórum suó-  
rum.

Sicut óculi ancillæ in manibus  
dominæ suæ : \* ita óculi nostri  
ad Dóminum Deum nostrum,  
donec misereátur nostri.

Miserére nostri Dómine, mi-  
serére nostri : \* quia multum  
repléti sumus despectióne :

Quia multum repléta est áni-  
ma nostra : \* oppróbrium  
abundántibus, et despectio su-  
perbis.

Añã. Qui hábitas in cælis, mi-  
serére nobis.

## Psalmus 123.

**N**ISI quia Dóminus erat in  
nobis, dicat nunc Israel : \*  
nisi quia Dóminus erat in no-  
bis.

Cum exsúrgerent hómines in  
nos, \* forte vivos deglutissent  
nos :

Cum irascerétur furor eórum  
in nos, \* fórsitan aqua absor-  
búisset nos.

Torréntem pertransivit áni-  
ma nostra : \* fórsitan pertrans-  
isset ánima nostra aquam in-  
tolerábilem.

Benedíctus Dóminus \* qui  
non dedit nos in captiónem  
déntibus eórum.

Anima nostra sicut passer  
erépta est \* de láqueo venán-  
tium :

Láqueus contrítus est, \* et  
nos liberáti sumus.

Adjutórium nostrum in nómi-  
ne Dómini, \* qui fecit cælum  
et terram.

Añã. Adjutórium nostrum in  
nómine Dómini.

## Psalmus 124.

**Q**UI confidunt in Dómino,  
sicut mons Sion : \* non  
commovébitur in ætérnum,  
qui hábitat in Jerúsalem.

Montes in circúitu ejus : \* et  
Dóminus in circúitu pópuli sui,  
ex hoc nunc et usque in sæcu-  
lum.

Quia non relinquet Dóminus virgam peccatórum super sortem iustórum : \* ut non exténdant justí ad iniquitátem manus suas.

Bénéfac Dómine bonis, \* et rectis corde.

Declinántes autem in obligatiónes addúcet Dóminus cum operántibus iniquitátem : \* pax super Israel.

Añã. Bénéfac Dómine bonis, et rectis corde.

Psalmus 125.

**I**N converténdo Dóminus captivitátem Sion : \* facti sumus sicut consoláti :

Tunc replétum est gáudio os nostrum : \* et lingua nostra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobíscum : \* facti sumus lætántes.

Convérte Dómine captivitátem nostram, \* sicut torrens in austro.

Qui séminant in lácrimis, \* in exsultatióne metent.

Eúntes ibant et flebant, \* míténtes sémina sua.

Veniéntes autem vénient cum exsultatióne, \* portántes manipulos suos.

Añã. Facti sumus sicut consoláti.

AB OCTAVA EPIPHANIÆ  
AD SEPTUAGESIMAM  
ET AB OCTAVA TRINITATIS  
AD ADVENTUM :

Ad Magnificat Añã. Exsultávit spíritus meus in Deo salutáři meo.

Cetera pro Tempore ut in Vesperis Feriæ secundæ, pag. 131. et pag. 132.

FERIA QUARTA

AD VESPERAS.

Psalmus 126.

**N**ISI Dóminus ædificáverit domum, \* in vanum laboráverunt qui ædificant eam.

Nisi Dóminus custodíerit civitátem, \* frustra vígilat qui custódit eam.

Vanum est vobis ante lucem súrgere : \* súrgite postquam sedéritis, qui manducátis panem dolóris.

Cum déderit diléctis suis somnum : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excussórum.

Beátus vir qui implévit desidérium suum ex ípsis : \* non confundétur cum loquétur inimicis suis in porta.

Añã. Beátus vir, qui implévit desidérium suum.

Psalmus 127.

**B**EATI omnes, qui timent Dóminum, \* qui ámbulant in viis ejus.

Labóres mánuum tuárum quia manducábis : \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Filii tui sicut novellæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedicat tibi Dóminus ex Sion : \* et vídeas bona Jerúsalem ómnibus diébus vitæ tuæ.

Et vídeas filios filiórum tuórum, \* pacem super Israel.

Añā. Beāti omnes, qui timent Dóminum.

Psalmus 128.

**S**ÆPE expugnavérunt me a juventúte mea, \* dicat nunc Israel :

Sæpe expugnavérunt me a juventúte mea : \* étenim non potuérunt mihi.

Supra dorsum meum fabricavérunt peccatóres : \* prolongavérunt iniquitátem suam.

Dóminus justus concidit cer-vices peccatórum : \* confun-dántur et convertántur retrór-sum omnes, qui odérunt Sion.

Fiant sicut fœnum tectórum : \* quod priúsqvam evellátur ex-áruit :

De quo non implévit manum suam qui metit, \* et sinum suum qui manipulos cólligit.

Et non dixerunt qui præteri-bant : Benedictio Dómini super vos : \* benediximus vobis in nómine Dómini.

Añā. Benediximus vobis in nómine Dómini.

Psalmus 129.

**D**E profúndis clamávi ad te Dómine : \* Dómine exáu-di vocem meam :

Fiant aures tuæ intendéntes, \* in vocem deprecationis meæ.

Si iniquitátes observáveris Dómine : \* Dómine quis susti-nébit ?

Quia apud te propitiatio est : \* et propter legem tuam susti-nui te Dómine.

Sustínuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israel in Dómino.

Quia apud Dóminum miseri-córdia : \* et copiósa apud eum redemptio.

Et ipse rédimet Israel, \* ex ómnibus iniquitátibus ejus.

Añā. De profúndis clamávi ad te Dómine.

Psalmus 130.

**D**OMINE non est exaltátum cor meum : \* neque eláti sunt óculi mei.

Neque ambulávi in magnis : \* neque in mirabilibus super me.

Si non humíliter sentiébam : \* sed exaltávi ánimam meam :

Sicut ablactátus est super matre sua, \* ita retribútio in ánima mea.

Speret Israel in Dómino, \* ex hoc nunc et usque in sæculum.

Añā. Speret Israel in Dómi-no.

AB OCTAVA EPIPHANIE

AD SEPTUAGESIMAM

ET AB OCTAVA TRINITATIS

AD ADVENTUM :

Ad Magnificat Añā. Respe-xisti humilitátem meam Dómi-ne Deus meus.

Cetera pro Tempore ut in Ve-speris Feriæ secundæ, pag. 131. et pag. 132.

FERIA QUINTA

AD VESPERAS.

Psalmus 131.

**M**EMENTO Dómine David, \* et omnis mansuetúdinis ejus :

Sicut jurávit Dómino, \* vo-tum vovit Deo Jacob :

Si introiero in tabernáculum domus meæ, \* si ascéndero in lectum strati mei :



Si dédero somnum óculis meis, \* et pálpebris meis dormitátionem :

Et réquiem temporibus meis : donec invéniam locum Dómino, \* tabernáculum Deo Jacob. Ecce audívimus eam in Ephrata : \* invénimus eam in campis silvæ.

Introibimus in tabernáculum ejus : \* adorávimus in loco, ubi stetérunt pedes ejus.

Surge Dómine in réquiem tuam, \* tu et arca sanctificatiónis tuæ.

Sacerdotes tui induántur justitiam : \* et sancti tui exsultent.

Propter David servum tuum, \* non avértas faciém Christi tui.

Jurávit Dóminus David veritatem, et non frustrábitur eam : \* de fructu ventris tui ponam super sedem tuam.

Si custodierint filii tui testamentum meum, \* et testimónia mea hæc, quæ docébo eos :

Et filii eórum usque in sæculum, \* sedébunt super sedem tuam.

Quóniam elégit Dóminus Sion : \* elégit eam in habitatiónem sibi.

Hæc réquies mea in sæculum sæculi : \* hichabitábo quóniam elégi eam.

Viduam ejus benedícens benedícam : \* páuperes ejus saturábo pánibus.

Sacerdotes ejus induam salutári : \* et sancti ejus exsultatíone exsultábunt.

Illuc producám cornu David, \* parávi lucérnam Christo meo.

Inimicos e us induam confusíone : \* super ipsum autem efflórebit sanctificatio mea.

Aña. Et omnis mansuetúdinis ejus.

Psalmus 132.

ECCE quam bonum, et quam jucúndum \* habitáre fratres in unum :

Sicut unguéntum in cápite, \* quod descéndit in barbam, barbam Aaron,

Quod descéndit in oram vestiménti ejus : \* sicut ros Hermon, qui descéndit in montem Sion.

Quóniam illic mandávit Dóminus benedictiónem, \* et vitam usque in sæculum.

Aña. Ecce quam bonum, et quam jucúndum.

Psalmus 134.

LAUDATE nomen Dómini, \* Laudáte servi Dóminum.

Qui statis in domo Dómini, \* in átriis domus Dei nostri.

Laudáte Dóminum, quia bonus Dóminus : \* psállite nómini ejus, quóniam suáve.

Quóniam Jacob elégit sibi Dóminus, \* Israel in possessionem sibi.

Quia ego cognóvi quod magnus est Dóminus, \* et Deus noster præ ómnibus diis.

Omnia quæcúmque vóluit, Dóminus fecit in cælo, et in terra, \* in mari, et in ómnibus abyssis.

Educens nubes ab extrémó terræ : \* fúlgura in plúviam fecit.

Qui producít ventos de thesauris suis : \* qui percússit primogénita Ægypti ab hómine usque ad pecus.

Et misit signa et prodigia in médio tui Ægypte : \* in Pharaóne, et in omnes servos ejus.

Qui percussit gentes multas : \*  
et occidit reges fortes :

Sehon regem Amorrhæorum,  
& et Og regem Basan, \*  
et omnia regna Chanaan.

Et dedit terram eorum hereditatem, \*  
hereditatem Israel populo suo.

Domine nomen tuum in ætérnum : \*  
Domine memoriále tuum in generatióem et generatióem.

Quia iudicabit Dóminus populum suum : \*  
et in servis suis deprecabitur.

Simulácula gentium argéntum  
et aurum, \* ópera mánuum hóminum.

Os habent, et non loquéntur : \*  
óculos habent, et non vidébunt.

Aures habent, et non áudient : \*  
neque enim est spiritus in ore ipsórum.

Similes illis fiant qui faciunt  
ea : \* et omnes, qui confidunt in eis.

Domus Israel benedicite Dómino : \*  
domus Aaron benedicite Dómino.

Domus Levi benedicite Dómino : \*  
qui timétis Dóminum, benedicite Dómino.

Benedictus Dóminus ex Sion, \*  
qui hábitat in Jérusalem.

Añá. Omnia quæcúmque vóluit Dóminus fecit.

Psalmus 135.

**C**ONFITEMINI Dómino, quóniam bonus : \*  
quóniam in ætérnum misericórdia ejus.

Confitémini Deo deórum : \*  
quóniam in ætérnum misericórdia ejus.

Confitémini Dómino dominórum : \*  
quóniam in ætérnum misericórdia ejus.

Qui facit mirabilia magna so-

lus : \* quóniam in ætérnum misericórdia ejus.

Qui fecit cælos in intelléctu : \*  
quóniam in ætérnum misericórdia ejus.

Qui firmávit terram super aquas : \*  
quóniam in ætérnum misericórdia ejus.

Qui fecit luminária magna : \*  
quóniam in ætérnum misericórdia ejus.

Solem in potestátem diéi : \*  
quóniam in ætérnum misericórdia ejus.

Lunam et stellas in potestátem noctis : \*  
quóniam in ætérnum misericórdia ejus.

Qui percussit Ægyptum cum primogénitis eórum : \*  
quóniam in ætérnum misericórdia ejus.

Qui edúxit Israel de médio eórum : \*  
quóniam in ætérnum misericórdia ejus.

In manu poténti, et bráchio excélso : \*  
quóniam in ætérnum misericórdia ejus.

Qui divisit Mare rubrum in divisióes : \*  
quóniam in ætérnum misericórdia ejus.

Et edúxit Israel per médium ejus : \*  
quóniam in ætérnum misericórdia ejus.

Et excússit Pharaónem, et virtútem ejus in Mari rubro : \*  
quóniam in ætérnum misericórdia ejus.

Qui tradúxit populum suum per desértum : \*  
quóniam in ætérnum misericórdia ejus.

Qui percussit reges magnos : \*  
quóniam in ætérnum misericórdia ejus.

Et occidit reges fortes : \*  
quóniam in ætérnum misericórdia ejus.

Sehon regem Amorrhæorum : \*  
quóniam in ætérnum misericórdia ejus.

Et Og regem Basan : \* quóniam in ætérnum misericórdia ejus.

Et dedit terram córum hereditátem : \* quóniam in ætérnum misericórdia ejus.

Hereditátem Israel servo suo : \* quóniam in ætérnum misericórdia ejus.

Quia in humilitáte nostra memor fuit nostri : \* quóniam in ætérnum misericórdia ejus.

Et redémit nos ab inimicis nóstris : \* quóniam in ætérnum misericórdia ejus.

Qui dat escam omni carni : \* quóniam in ætérnum misericórdia ejus.

Confitémini Deo cæli : \* quóniam in ætérnum misericórdia ejus.

Confitémini Dómino dominórum : \* quóniam in ætérnum misericórdia ejus.

Aña. Quóniam in ætérnum misericórdia ejus.

### Psalmus 136.

**S**UPER flúmina Babylónis, illic sédimus et flévimus : \* cum recordarémur Sion :

In salícibus in médio ejus, \* suspéndimus órgana nostra.

Quia illic interrogavérunt nos, qui captívos duxérunt nos, \* verba cantiónum :

Et qui abduxérunt nos : \* Hymnum cantáte nobis de cánticis Sion.

Quómodo cantábimus cánticum Dómini \* in terra aliéna ?

Si oblitus fúero tui Jerúsalem, \* oblivióni detur dextera mea.

Adhareat lingua mea fáucibus meis, \* si non memínero tui :

Si non proposúero Jerúsalem,

\* in principio lætitie meae.

Memor esto Dómine filiórum Edom, \* in die Jerúsalem :

Qui dicunt : Exinanite, exinaníte \* usque ad fundaméntum in ea.

Fília Babylónis misera : \* beátus, qui retribuet tibi retributióne tuam, quam retribuisti nobis.

Beátus qui tenébit, \* et alidet párvulos tuos ad petram.

Aña. Hymnum cantáte nobis de cánticis Sion.

AB OCTAVA EPIPHANIE  
AD SEPTUAGESIMAM  
ET AB OCTAVA TRINITATIS  
AD ADVENTUM :

Ad Magnificat Aña. Depósuit poténtes sanctos persequéntes : et exaltávit húmiles Christum confiténtes.

Cetera pro Tempore ut in Vesperis Feriæ secundæ pag. 131. et pag. 132.

### FERIA SEXTA

#### AD VESPERAS.

### Psalmus 137.

**C**ONFITEBOR tibi Dómine in toto corde meo : \* quóniam audísti verba oris mei.

In conspéctu Angelórum psallam tibi : \* adorábo ad templum sanctum tuum, et confitebor nómini tuo.

Super misericórdia tua, et veritate tua : \* quóniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánima mea virtútem.



Confiteántur tibi Dómine omnes reges terræ : \* quia audierunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humília respicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendisti manum tuam, et salvum me fecit dextera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.

Añ. In conspéctu Angelórum psallam tibi Deus meus.

### Psalmus 138.

**D**OMINE probásti me, et cognovisti me : \* tu cognovisti sessiόνem meam, et resurrectionem meam :

Intellexisti cogitatiónes meas de longe : \* sémitam meam, et funiculum meum investigásti.

Et omnes vias meas prævidisti : \* quia non est sermo in lingua mea.

Ecce Dómine tu cognovisti ómnia novíssima et antiqua : \* tu formásti me, et posuisti super me manum tuam.

Mirábilis facta est sciéntia tua ex me : \* confortáta est, et non pótero ad eam.

Quo ibo a spíritu tuo? \* et quo a fácie tua fúgiam?

Si ascéndero in cælum, tu illic es : \* si descéndero in infernum, ades.

Si sumpsero pennas meas dilúculo, \* et habitávero in extrémis maris :

Etenim illuc manus tua dedúcet me : \* et tenébit me dextera tua.

Et dixi : Fórsitan ténebræ conculcábunt me : \* et nox illuminátio mea in deliciis meis.

Quia ténebræ non obscurábuntur a te, et nox sicut dies illuminábitur : \* sicut ténebræ ejus, ita et lumen ejus.

Quia tu possedisti renes meos : \* suscepisti me de útero matris meæ.

Confitébor tibi quia terribiliter magnificátus es : \* mirabilia ópera tua, et ánima mea cognóscit nimis.

Non est occultátum os meum a te, quod fecisti in occulto : \* et substántia mea in inferiõribus terræ.

Imperféctum meum viderunt óculi tui, ⁊ et in libro tuo omnes scribéntur : \* dies formábuntur, et nemo in eis.

Mihi autem nimis honorificáti sunt amici tui Deus : \* nimis confortátus est principátus eórum.

Dinumerábo eos, et super arénam multiplicabúntur : \* exsurrexi, et adhuc sum tecum.

Si occideris Deus peccátore : \* viri sánguinem declináte a me :

Quia dicitis in cogitatióne : \* accipient in vanitate civitates tuas.

Nonne qui odérunt te Dómine óderam : \* et super inimicos tuos tabescébam?

Perfécto ódio óderam illos : \* et inimici facti sunt mihi.

Proba me Deus, et scito cor meum : \* intéroga me, et cognósce sémitas meas.

Et vide, si via iniquitatis in me est : \* et deduc me in via æterna.

Añã. Dómine probásti me, et cognovísti me.

Psalmus 139.

**E**RIPE me Dómine ab hómine malo : \* a viro iniquo éripe me.

Qui cogitavérunt iniquitátes in corde : \* tota die constituébant prælia.

Acuérent linguas suas sicut serpéntis : \* venénium áspidum sub lábiis eórum.

Custódi me Dómine de manu peccatóris : \* et ab hominibus iniquis éripe me.

Qui cogitavérunt supplantáre gressus meos : \* abscondérunt superbi láqueum mihi :

Et funes extendérunt in láqueum : \* juxta iter scándalum posuérent mihi.

Dixi Dómino : Deus meus es tu : \* exáudi Dómine vocem deprecationis meæ.

Dómine, Dómine virtus salutis meæ : \* obumbrásti super caput meum in die belli :

Ne tradas me Dómine a desiderio meo peccatóri : \* cogitavérunt contra me, ne derelinquas me, ne forte exalténtur.

Caput circúitus eórum : \* labor labiórum ipsórum opéret eos.

Cadent super eos carbónes, & in ignem dejicies eos : \* in misériis non subsistent.

Vir linguósus non dirigétur in terra : \* virum injústum mala cápient in interitu.

Cognóvi quia fáciat Dóminus júdicium inopis : \* et vindíctam pauperum.

Verúntamen justi confitebúntur nómini tuo : \* et habitábunt recti cum vultu tuo.

Añã. A viro iniquo libéra me Dómine.

Psalmus 140.

**D**OMINE clamávi ad te, exáudi me : \* inténde voci meæ, cum clamávero ad te.

Dirigátur orátio mea sicut incensum in conspéctu tuo : \* elevátio mánuum meárum sacrificium vespertinum.

Pone Dómine custódiam ori meo : \* et óstium circumstántiæ lábiis meis.

Non declínes cor meum in verba malitiæ, \* ad excusándas excusatiónes in peccátis.

Cum homínibus operántibus iniquitátem : \* et non communicábo cum eléctis eórum.

Corrípiet me justus in misericórdia, et increpábit me : \* óleum autem peccatóris non impínguet caput meum.

Quóniam adhuc et orátio mea in beneplácitis eórum : \* absorpti sunt juncti petræ júdices eórum.

Audient verba mea quóniam potuérunt : \* sicut crassitúdo terræ erúpta est super terram.

Dissipáta sunt ossa nostra secus inférnum : & quia ad te Dómine, Dómine óculi mei : \* in te sperávi, non áuferas ánimam meam.

Custódi me a láqueo, quem statuérunt mihi : \* et a scándalis operántium iniquitátem.

Cadent in retiáculo ejus peccatóres : \* singuláriter sum ego donec tránseam.

Añã. Dómine clamávi ad te, exáudi me.

## Psalmus 141.

**V**OCE mea ad Dóminum clamávi : \* voce mea ad Dóminum deprecátus sum :

Effúndo in conspéctu ejus oratiónem meam, \* et tribulatiónem meam ante ipsum pronúntio.

In deficiéndo ex me spíritum meum, \* et tu cognovisti sémitas meas.

In via hac, qua ambulábam, \* abscondérunt láqueum mihi.

Considerábam ad dexteram, et vidébam : \* et non erat qui cognósceret me.

Pérrit fuga a me, \* et non est qui requirát ánimam meam.

Clamávi ad te Dómine, \* dixi : Tu es spes mea, pórtio mea in terra vivéntium.

Inténde ad deprecationem meam : \* quia humiliátus sum nimis.

Libera me a persecuéntibus me : \* quia confortátí sunt super me.

Educ de custódia ánimam meam ad confiténdum nómini tuo : \* me expéctant justí, donec retribuas mihi.

Añã. Pórtio mea Dómine sit in terra vivéntium.

AB OCTAVA EPIPHANIÆ  
AD SEPTUAGESIMAM  
ET AB OCTAVA TRINITATIS  
AD ADVENTUM :

Ad Magnificat Añã. Suscépit Deus Israel púerum suum, sicut locútus est Abraham et sémini ejus : et exaltávit húmiles usque in sæculum.

Cetera pro Tempore ut in Vesperis Feriæ secundæ, pag. 131. et pag. 132.

## SABBATO AD VESPERAS.

## Psalmus 143.

**B**ENEDICTUS Dóminus Deus meus, qui docet manus meas ad prœlium, \* et dígitos meos ad bellum.

Misericórdia mea, et refúgium meum : \* suscéptor meus et liberátor meus :

Protéctor meus, et in ipso sperávi : \* qui subdit pópulum meum sub me.

Dómine quid est homo, quia innotuísti ei? \* aut filius hóminis, quia réputas eum?

Homo vanitáti similis factus est : \* dies ejus sicut umbra prætereunt.

Dómine inclína cælos tuos, et descénde : \* tange montes, et fumigábunt.

Fúlgura coruscationem, et dissipábis eos : \* emitte sagittas tuas, et conturbábis eos :

Emitte manum tuam de alto, & éripe me, et libera me de aquis multis : \* de manu filiórum alienórum.

Quorum os locútum est vanitatem : \* et dextera eórum, dextera iniquitátis.

Deus cánticum novum cantábo tibi : \* in psalterio, decachóro psallam tibi.

Qui das salutem régibus : & qui redemísti David servum tuum \* de gládio maligno : éripe me.

Et éru me de manu filiórum alienórum, & quorum os locútum est vanitatem : \* et dextera eórum, dextera iniquitátis :

Quorum filii, sicut novellæ plantatiónes \* in juventute sua.

Filiæ eórum compósitæ : \* circumornatæ ut similitúdo templi.



Promptuária eorum plena, \*  
eructántia ex hoc in illud.

Oves eórum fetósæ, abundán-  
tes in egréssibus suis : \* boves  
eórum crassæ.

Non est ruína maceriæ, neque  
tránsitus : \* neque clamor in  
platéis eórum.

Beátum dixerunt pópulum,  
cui hæc sunt : \* beátus póp-  
ulus, cujus Dóminus Deus ejus.

Añã. Benedictus Dóminus  
Deus meus.

Psalmus 144.

**E**XALTABO te Deus meus  
rex : \* et benedicam nómi-  
ni tuo in sæculum, et in sæcu-  
lum sæculi.

Per singulos dies benedicam  
tibi : \* et laudábo nomen tuum  
in sæculum, et in sæculum sæ-  
culi.

Magnus Dóminus et laudábilis  
nimis : \* et magnitudínis  
ejus non est finis.

Generátio et generátio laudá-  
bit ópera tua : \* et poténtiam  
tuam pronuntiábunt.

Magnificéntiam glóriæ san-  
ctitátis tuæ loquéntur : \* et  
mirabilia tua narrábunt.

Et virtútum terribilium tuó-  
rum dicent : \* et magnitúdi-  
nem tuam narrábunt.

Memóriam abundántiæ sua-  
vitátis tuæ eructábunt : \* et  
justítia tua exsultábunt.

Miserátor et miséricors Dómi-  
nus : \* pátiens, et multum mi-  
séricors.

Suávis Dóminus univérſis : \*  
et miseratiónes ejus super óm-  
nia ópera ejus.

Confiteántur tibi Dómine óm-  
nia ópera tua : \* et sancti tui  
benedicant tibi.

Glóriam regni tui dicent : \*

et poténtiam tuam loquén-  
tur :

Ut notam fáciant filiis hómi-  
num poténtiam tuam : \* et  
glóriam magnificéntiæ regni  
tui.

Regnum tuum regnum óm-  
nium sæculórum : \* et dominá-  
tio tua in omni generatióne et  
generatióne.

Fidélis Dóminus in ómnibus  
verbis suis : \* et sanctus in óm-  
nibus opéribus suis.

Allevat Dóminus omnes, qui  
córruunt : \* et érigit omnes  
elisos.

Oculi ómnium in te sperant  
Dómine : \* et tu das escam illó-  
rum in témpore opportúno.

Aperis tu manum tuam : \* et  
imples omne ánimál benedi-  
ctióne.

Justus Dóminus in ómnibus  
viis suis : \* et sanctus in ómni-  
bus opéribus suis.

Prope est Dóminus ómnibus  
invocántibus eum : \* ómnibus  
invocántibus eum in veritáte.

Voluntátem tíméntium se fá-  
ciat, & deprecationem eórum  
exáudiet : \* et salvos faciet  
eos.

Custódit Dóminus omnes dili-  
géntes se : \* et omnes peccató-  
res dispérdet.

Laudatióne Dómini loqué-  
tur os meum : \* et benedicat  
omnis caro nómini sancto ejus  
in sæculum, et in sæculum sæ-  
culi.

Añã. In ætérnum, et in sæcu-  
lum sæculi.

Psalmus 145.

**L**AUDA ánima mea Dómi-  
num, & laudábo Dóminum  
in vita mea : \* psallam Deo  
meo quámdiu fuéro.

Nolite confidere in principibus : \* in filiis hóminum, in quibus non est salus.

Exibit spiritus ejus, et reuertetur in terram suam : \* in illa die peribunt omnes cogitationes eórum.

Beátus, cujus Deus Jacob adiutor ejus, & spes ejus in Dómino Deo ipsius : \* qui fecit cælum et terram, mare, et ómnia quæ in eis sunt.

Qui custódit veritatem in sæculum, & facit iudiciu in iuriam patientibus : \* dat escam esuriéntibus.

Dóminus solvit compeditos : \* Dóminus illuminat cæcos.

Dóminus erigit elisos, \* Dóminus diligit justos.

Dóminus custódit advenas, & pupillum et viduam suscipiet : \* et vias peccatórum disperdet.

Regnabit Dóminus in sæcula & Deus tuus Sion, \* in generatióem et generatióem.

Aña. Laudábo Deum meum in vita mea.

#### Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudatio.

Ædificans Jerúsalem Dóminus : \* dispersiones Israël congregábit.

Qui sanat contritos corde : \* et alligat contritióes eórum.

Qui nómerat multitudinem stellárum : \* et ómnibus eis nómína vocat.

Magnus Dóminus noster, et magna virtus ejus : \* et sapiéntiæ ejus non est número.

Suscipiens mansuétos Dóminus : \* humilians autem peccatóres usque ad terram.

Præcínite Dómino in confessione : \* psállite Deo nostro in cithara.

Qui óperit cælum núbibus : \* et parat terræ plúviam.

Qui producit in móntibus fœnum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi voluntatem habébit : \* nec in tibiis viri beneplácitum erit ei.

Beneplácitum est Dómino super tíméntes eum : \* et in eis, qui sperant super misericórdia ejus.

Aña. Deo nostro jucúnda sit laudatio.

#### Psalmus 147.

**L**AUDA Jerúsalem Dóminus : \* lauda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et adipe fruménti satiát te.

Qui emittit elóquium suum terræ : \* velóriter currit sermo ejus.

Qui dat nivem sicut lanam : \* nébulam sicut cinerem spargit.

Mittit crystállum suum sicut buccéllas : \* ante faciém frigoris ejus quis sustinébit?

Emittet verbum suum, et liquéfáciat ea : \* flabit spíritus ejus, et fluent aquæ.

Qui annúntiat verbum suum Jacob : \* justitias et iudicia sua Israel.

Non fecit taliter omni nationi : \* et iudicia sua non manifestavit eis.

Añã. Lauda Jerúsalem Dóminum.

¶ Tempore Resurrectionis, in Vesperis Sabbati, super omnes Psalmos dicatur hæc tantum Añã : Allelúia, allelúia, allelúia.

IN ADVENTU :

Capitulum Ecce dies véniunt, pag. 127.; R. proprium; Hymnus Cónditor alme., V. Roráte., pag. 127.; Antiphona ad Magnificat et Oratio propriæ.

A SABBATO POST OCTAVAM  
EPIPHANIÆ AD SABBATUM  
ANTE SEPTUAGESIMAM  
INCLUSIVE :

Capitulum. 2. Cor. 1.

**B**ENEDICTUS Deus et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

(Si in prima Dominica post Octavam Epiphaniæ inchoanda fuerit Historia Dominicalis, Sabbato præcedenti ad Vesperas dicatur R. Deus, qui sedes., ut suo loco notatur in Officio de Tempore. Si vero Officium prædictæ Dominicæ impeditum fuerit, R. Deus, qui sedes. omittatur illo anno. Sabbato ante Septuagesimam dicatur R. Igitur., ut in Officio de Tempore.)

Hymnus.

**O**LUX beáta Trinitas,  
Et principális Unitas,  
Jam sol recédit ígneus,  
Infúnde lumen córdibus.

Te mane laudum cármine,  
Te deprecémur vespere,  
Te nostra supplex glória  
Per cuncta laudet sæcula.

Deo Patri sit glória,  
Ejúsque soli Filio,  
Cum Spíritu Paráclito,  
Et nunc, et in perpétuum.

Amen.

¶ Vespertina oratio ascéndat ad te Dómine. R. Et descéndat super nos misericórdia tua.

Ad Magnificat Añã. Peccáta mea Dómine sicut sagittæ infixæ sunt in me : sed ántequam vúlnera génerorent in me, sana me Dómine medicaménto pœniténtiæ, Deus.

Oratio propria.

SABBATIS  
ANTE SEXAGESIMAM  
ET QUINQUAGESIMAM :

Omnia ut in Sabbatis post Octavam Epiphaniæ, præter R. et Antiphonam ad Magnificat, quæ in Officio de Tempore suis locis sunt posita.

A SABBATO ANTE DOMINICAM I.  
QUADRAGES. AD SABBATUM  
ANTE DOMINICAM  
IN PASSIONE :

Capitulum Hortámur vos., pag. 128.; R. proprium; Hymnus Audi benigne. et V. Angelis suis., pag. 128.; Antiphona ad Magnificat et Oratio propriæ.

SABBATIS ANTE DOMINICAS  
IN PASSIONE ET IN RAMIS  
PALMARUM :

Capitulum Tu autem Dómine Sábaoth., pag. 128.; R. proprium; Hymnus Vexilla Regis. et V. Eripe me Dómine., pag. 128.



Antiphona ad Magnificat et Oratio propriæ.

SABBATO ANTE DOMINICAM  
IN ALBIS ET QUATUOR  
SABBATIS IMMEDIATE  
SUBSEQUENTIBUS :

Capitulum Christus resurgens., pag. 128.; Hymnus Ad cenam Agni., 7. Mane nobiscum., pag. 129.; Antiphona ad Magnificat et Oratio propriæ. (Sabbato ante Dominicam iij. post Octavam Paschæ, ante Hymnum dicitur etiam 17. proprium). Memoria Crucis, ut pag. 129.

A SABBATO ANTE DOMINICAM I.  
POST OCTAVAM TRINITATIS  
AD ADVENTUM :

Capitulum Benedictus., pag. 144.; 17. proprium (si dicendum occurrerit); Hymnus O lux. et 7. Vespertina oratio., pag. 144.; Antiphona ad Magnificat et Oratio propriæ.

## IN TOTIS DUPLICIBUS AD I. VESPERAS.

† Sequentes Psalmi dicuntur in omni festo Toto Duplici ad primas Vesperas, nisi aliter notatum fuerit suis locis.

Psalmus 112.

**L**AUDATE pueri Dóminum : \* Laudáte nomen Dómini.  
Sit nomen Dómini benedictum, \* ex hoc nunc, et usque in sæculum.

A solis ortu usque ad occásu-  
sum, \* laudábile nomen Dómini.

Excelsus super omnes gentes

Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humília respicit in cælo et in terra?

Súscitans a terra inopem, \* et de stercore érigenz páuperem :

Ut cóllocet eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

Psalmus 116.

**L**AUDATE Dóminum omnes gentes : \* laudáte eum omnes pópuli :

Quóniam confirmáta est super nos misericórdia ejus : \* et véritas Dómini manet in ætérnum.

Psalmus 145.

**L**AUDA ánima mea Dóminum, & laudábo Dóminum in vita mea : \* psallam Deo meo quámdiu fúero.

Nolite confidere in principibus : \* in filiis hóminum, in quibus non est salus.

Exibit spíritus ejus, et revertétur in terram suam : \* in illa die peribunt omnes cogitationes eórum.

Beátus, cujus Deus Jacob adjútor ejus, & spes ejus in Dómino Deo ipsius : \* qui fecit cælum et terram, mare, et ómnia quæ in eis sunt.

Qui custódit veritátem in sæculum, & facit judicium injúriam patientibus : \* dat escam esuriéntibus.

Dóminus solvit compeditos : \* Dóminus illúminat cæcos.

Dóminus érigit elísos, \* Dóminus díligit justos.

Dóminus custódit ádvenas, \* pupillum, et viduam suscipiet, \* et vias peccatórum dispéddet.

Regnábit Dóminus in sæcula \* Deus tuus Sion, \* in generatióne et generatióne.

Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudátio.

Ædificans Jerúsalem Dóminus : \* dispersiões Israëlís congregábit.

Qui sanat contritos corde : \* et álligat contritiões córum.

Qui númerat multitudínem stellárum : \* et ómnibus eis nómina vocat.

Magnus Dóminus noster, et magna virtus ejus : \* et sapiéntiæ ejus non est númerus.

Suscípiens mansuétos Dóminus : \* humilians autem peccatóres usque ad terram.

Præcínite Dómino in confessiõe : \* psállite Deo nostro in cíthara.

Qui óperit cælum núbibus : \* et parat terræ plúviam.

Qui producit in móntibus fœnum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi voluntátem habébit : \* nec in tibiis viri beneplácitum erit ei.

Beneplácitum est Dómino super tímētes eum : \* et in eis, qui sperant super misericórdia ejus.

Psalmus 147.

**L**AUDA Jerúsalem Dóminus : \* lauda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emittit elóquium suum terræ : \* velóci ter currit sermo ejus.

Qui dat nivem sicut lanam : \* nébulam sicut cinerem spargit.

Mittit crýstallum suam sicut buccéllas : \* ante faciē frigoris ejus quis sustinébit?

Emittet verbum suum, et liquefaciet ea : \* flabit spiritus ejus, et fluent aquæ.

Qui annúntiat verbum suum Jacob : \* justitias, et judícia sua Israel.

Non fecit táliter omni natióni : \* et judícia sua non manifestávit eis.

Antiphona super Psalmos, Capitulum, Responsorium, Hymnus, Versiculus et Antiphona ad Magnificat dicantur ut suis locis, sive in Officio de Tempore sive in Proprio Sanctorum, sive in Comuni notatum fuerit.

Canticum B. Mariæ V.

Lucæ I.

**M**AGNIFICAT \* ánima mea Dóminum :

Et exsultávit spiritus meus \* in Deo salutári meo.

Quia respéxit humilitátem ancillæ suæ : \* ecce enim ex hoc beátam me dicent omnes generatiões.

Quia fecit mihi magna qui

potens est : \* et sanctum nomen ejus.

Et misericórdia ejus a progénie in progénies \* timéntibus eum.

Fecit poténtiam in bráchio suo : \* dispérsit supérbos mente cordis sui.

Depósuit poténtes de sede , \* et exaltávit húmiles.

Esuriéntes implévit bonis : \* et dívites dimísit inánes.

Suscépit Israel púerum suum , \* recordátus misericórdiæ suæ,

Sicut locútus est ad patres nostros , \* Abraham, et sémini ejus in secula.

Repetita post Canticum Antiphona, dicatur Oratio quæ in Festo signata fuerit.

## MODUS TERMINANDI HORAS

### EXCEPTO COMPLETORIO.

Dicto post Oracionem seu Orationes Dóminus vobiscum. et Benedicámus Dómino., si immediate non sequitur alia Hora, aut Missa conventualis, aut Officium Defunctorum, subditur : Fidélium ánimæ per misericórdiam Dei requiescant in pace. R. Amen. Pater noster. secreto; deinde :

Añã. Salve Regina, mater misericórdiæ : vita, dulcédo et spes nostra, salve. Ad te clamámus éxsules filii Hevæ. Ad te suspirámus geméntes et fléntes in hac lacrimárum valle. Eia ergo advocáta nostra, illos tuos misericórdes óculos ad nos convérte; et Jesum benedictum fructum ventris tui nobis post hoc exsílum ostén-

de. O clemens, o pia, o dulcis Virgo María.

Añã. Pie Pater Domínice, tuórum memor óperum, sta coram summo Júdice pro tuo cœtu páuperum.

¶ Post partum Virgo invioláta permansisti. R. Dei Génitrix intercède pro nobis.

¶ Ora pro nobis beáte Pater Domínice. R. Ut digni efficiámur promissionibus Christi.

¶ Fiat pax in virtúte tua. R. Et abundántia in túrribus tuis.

Dóminus vobiscum. R. Et cum spíritu tuo.

Orémus.

**P**ROTEGE Dómine fámulos tuos subsidiis pacis : et beátæ Mariæ semper Virginis patrociniiis confidéntes a cunctis hóstibus redde secúros.

**C**ONCEDE, quæsumus omnipotens Deus : ut qui peccatórum nostrórum póndere préminur, beáti Domínici Confessóris tui, Patris nostri, patrocinio sublevémur.

**E**CCLESIE tuæ, quæsumus Dómine, preces placátus admitte : ut destrúctis adversitatibus et erróribus univérsis, secúra tibi sérviat libertáte; et pacem tuam nostris concède tempóribus. Per Christum Dóminum nostrum. R. Amen. Pater noster. secreto.

Dicatur etiam Fidélium. cum Pater noster., Antiphonis, ¶¶. et Orationibus supra positis, post Missam conventualem, quando non sequitur Hora dicenda, nisi post Missam Defunctorum.



## AD COMPLETORIUM.

Dicto Jube domne benedicere., subjungatur Benedictio : Noctem quietam et finem perfectum tribuat nobis omnipotens et misericors Dominus. R. Amen.

Lectio.

1. Petri, 5.

**F**RATRES : Sobrii estote, et vigilate : quia adversarius vester diabolus tamquam leo rugiens circum, quaerens quem devoret : cui resistite fortes in fide. Tu autem Domine miserere nostri. R. Deo gratias.

¶ Adjutorium nostrum in nomine Domini. R. Qui fecit caelum et terram.

Dicto Pater noster. secreto, subdatur a Praelato :

**C**ONFITEOR Deo omnipotenti, et beatae Mariae semper Virgini, et beato Dominico Patri nostro, et omnibus Sanctis, et vobis Fratres : quia peccavi nimis cogitatione, locutione, opere et omissione, mea culpa : precor vos orare pro me.

Chorus autem dicat :

**M**ISEREATUR tui omnipotens Deus, et dimittat tibi omnia peccata tua : liberet te ab omni malo, salvet, et confirmet in omni opere bono, et perducat te ad vitam aeternam. Respondeat Praelatus : Amen.

Postea Chorus replicet :

**C**ONFITEOR Deo omnipotenti, et beatae Mariae semper Virgini, et beato Dominico Patri nostro, et omnibus San-

ctis, et tibi Pater : quia peccavi nimis cogitatione, locutione, opere et omissione, mea culpa : precor te orare pro me.

Quo finito, Praelatus dicat Absolutionem :

**M**ISEREATUR vestri omnipotens Deus, et dimittat vobis omnia peccata vestra : liberet vos ab omni malo, salvet, et confirmet in omni opere bono, et perducat vos ad vitam aeternam. R. Amen.

¶ Quando autem Frater solus dicit Completorium, dicat sic :

**C**ONFITEOR Deo omnipotenti, et beatae Mariae semper Virgini, et beato Dominico Patri nostro et omnibus Sanctis : quia peccavi nimis cogitatione, locutione, opere et omissione, mea culpa : precor beatam Mariam semper Virginem, et beatum Dominicum Patrem nostrum, et omnes Sanctos orare pro me.

**M**ISEREATUR mei omnipotens Deus, et dimittat mihi omnia peccata mea : liberet me ab omni malo, salvet, et confirmet in omni opere bono, et perducat me ad vitam aeternam. Amen.

Deinde dicatur :

¶ Converte nos Deus salutaris noster. R. Et averte iram tuam a nobis.

¶ Deus in adjutorium meum intende. R. Domine ad adjuvandum me festina. Gloria Patri, et Filio, et Spiritui sancto. Sicut erat in principio, et nunc, et semper, et in saecula saeculorum. Amen. Alleluia.

† A Septuagesima vero ad Cenam Domini, omisso Allelúia, dicitur: Laus tibi Dómine, Rex æternæ glóriæ.

Psalmus 4.

CUM invocárem exaudivit me Deus justitiæ meæ: \* in tribulatióne dilatásti mihi.

Miserere mei, \* et exáudi oratióne meam.

Filii hóminum úsquequo gravi corde? \* ut quid diligitis vanitatem, et quæritis mendacium?

Et scitote quóniam mirificávit Dóminus sanctum suum: \* Dóminus exáudiet me cum clamávero ad eum.

Irascimini, et nolite peccare: \* quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino: \* multi dicunt: Quis osténdit nobis bona?

Signátum est super nos lumen vultus tui Dómine: \* dedisti lætitiám in corde meo.

A fructu fruménti, vini, et olei sui \* multiplicátí sunt.

In pace in idípsum \* dórmiam, et requiescam:

Quóniam tu Dómine singulariter in spe \* constituisti me.

Psalmus 30.

IN te Dómine sperávi, non confundar in ætérnum: \* in justitia tua libera me.

Inclína ad me aurem tuam, \* accélera ut éruas me.

Esto mihi in Deum protectórem: et in domum refúgii, \* ut salvum me fácias.

Quóniam fortitúdo mea, et refúgium meum es tu: \* et pro-

pter nomen tuum dedúces me, et enútries me.

Edúces me de láqueo hoc, quem abscondérunt mihi: \* quóniam tu es protector meus.

In manus tuas comméndo spiritum meum: \* redemisti me Dómine Deus veritátis.

Psalmus 90.

QUI hábitat in adjutório Altissimi, \* in protectiône Dei cæli commorábitur.

Dicet Dómino: Suscéptor meus estu, et refúgium meum: \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápolis suis obumbrábit tibi: \* et sub pennis ejus sperábis.

Scuto circúmdabit te veritas ejus: \* non timébis a timóre noctúrno.

A sagitta volánte in die, et a negótio perambulánte in ténebris: \* ab incúrsu, et dæmónio meridiáno.

Cadent a látere tuo mille, et decem millia a dextris tuis: \* ad te autem non appropinquábit.

Verúmtamen óculis tuis considerábis: \* et retributióne peccatórum vidébis.

Quóniam tu es Dómine spes mea: \* Altíssimum posuisti refúgium tuum.

Non accédet ad te malum: \* et flagéllum non appropinquábit tabernáculo tuo.

Quóniam Angelis suis mandávit de te: \* ut custódiant te in ómnibus viis tuis.

In mánibus portábunt te: \* ne forte offéndas ad lápidem pedem tuum.

Super áspidem et basilíscum ambulábis : \* et conculcábis leónem et dracónem.

Quóniam in me sperávit, liberábo eum : \* prótegam eum, quóniam cognóvit nomen meum.

Clamábit ad me, et ego exáudiam eum : & cum ipso sum in tribulatióne : \* eripiam eum, et glorificábo eum.

Longitúdine diérum replébo eum : \* et osténdam illi salutare meum.

Psalmus 133.

**E**CCE nunc benedicite Dómini, \* omnes servi Dómini :

Qui statis in domo Dómini, \* in átriis domus Dei nostri.

In nóctibus extóllite manus vestras in sancta, \* et benedicite Dóminum.

Benedicat te Dóminus ex Sion, \* qui fecit cælum et terram.

Añá. Miserére mihi Dómine, et exáudi oratióne meam.

Capitulum. Jer. 14.

**T**U in nobis es Dómine, et nomen sanctum tuum invocátum est super nos : ne derelinquas nos Dómine Deus noster. R. Deo grátias.

R. In manus tuas Dómine \* Comméndo spiritum meum. In manus. V. Redemísti me Dómine Deus veritátis. Comméndo. Glória. In manus.

Hymnus.

**T**E lucis ante términum Rerum Creátor póscimus Ut sólita cleméntia Sis præsul ad custódiám.

PROCUL recédant sómnia Et nóctium phantásmata :

Hostémque nostrum cómpri-me, Ne polluantur córpora.

PRÆSTA Pater omnípotens, Per Jesum Christum Dóminum, Qui tecum in perpétuum Regnat cum sancto Spíritu.

Amen.

V. Custódi nos Dómine ut pupillam óculi. R. Sub umbra alárum tuárum prótege nos.

Canticum Simeonis. Luc. 2.

**N**UNC dimittis servum tuum Dómine, \* secundum verbum tuum in pace :

Quia vidérunt óculi mei \* salutáre tuum,

Quod parásti \* ante faciém omnium populórum :

Lumen ad revelatióne gén-tium, \* et glóriam plebis tuæ Israel.

Añá. Salva nos Dómine vigilánte, custódi nos dormiéntes : ut vigilémus cum Christo, et requiescámus in pace.

Post Antiphonam ad Nunc dimittis, nisi Preces dicendæ fuerint, immediate sequitur :

Dóminus vobíscum. R. Et cum spiritu tuo.

Orémus.

Oratio.

**V**ISITA, quæsumus Dómine, habitatióne istam, et omnes insídias inimíci ab ea longe repélle : et Angeli tui sancti habitánte in ea nos in pace custódiánt, et benedictió tua sit super nos semper. Per Dóminum.

Dóminus vobíscum. R. Et cum spiritu tuo.

Benedicámus Dómino. R. Deo grátias.

Deinde detur Benedictio hoc modo, si Prælatus benedíct : Benedictio Dei omnípoténtis



Patris, et Filii, et Spiritus sancti descendat super vos, et maneat semper. R. Amen.

† Si sit alius, omisso super vos., dicat : super nos.

MODUS DICENDI PRECES  
IN COMPLETORIO :

Post Antiphonam ad Nunc dimittis, si Preces dicendæ fuerint, dicantur hoc modo :

Kyrie eléison. Christe eléison. Kyrie eléison., et secreto Pater noster. Deinde subjungatur alte : Et ne nos inducas in tentationem. R. Sed libera nos a malo.

¶ In pace in idipsum. R. Dórmiam et requiescam.

Secreto dicatur : Credo in Deum..., deinde alte : Carnis resurrectionem. R. Vitam æternam. Amen.

¶ Dignáre Dómine nocte ista. R. Sine peccáto nos custodire.

Dóminus vobiscum. Orémus. Visita, quæsumus..., Dóminus vobiscum. Benedicámus Dómino., ut supra.

Deinde detur Benedictio, ut supra.

Data Benedictione, nisi dicendum fuerit Completorium de beata Virgine Maria, statim dicatur Aña. Salve Regina, mater misericórdiæ : vita, dulcédo et spes nostra, salve. Ad te clamámus éxsules filii Hevæ. Ad te suspirámus geméntes et flentes in hac lacrimárum valle. Eia ergo advocáta nostra, illos tuos misericórdes óculos ad nos convérte : et Jesum benedictum fructum ventris tui nobis post hoc exsiliium osténde. O clemens, o

pia, o dulcis Virgo Maria. T. P. Allelúia.

¶ Dignáre me laudáre te Virgo sacráta. T. P. Allelúia. R. Da mihi virtútem contra hostes tuos. T. P. Allelúia.

Orémus.

Oratio.

**C**ONCEDE nos fámulos tuos, quæsumus Dómine Deus, perpétua mentis et córporis salúte gaudére : et gloriósa beatæ Mariæ semper Virginis intercessióne a præsénti liberári tristitia, et æterna pérfrui lætítia. Per Christum.

Poterit deinde addi Antiphona, ¶. et Oratio de S. P. N. Dominico, ubi, pro more Provinciæ vel Conventus, de alio Sancto non fit Memoria :

Aña. O lumen Ecclésiæ, doctor veritátis, rosa patiéntiæ, ebur castitátis, aquam sapiéntiæ propinásti gratis : prædicátor grátia nobis junge beátis. T. P. Allelúia.

¶ Ora pro nobis beáte Pater Dóminice. T. P. Allelúia. R. Ut digni efficiámur promissionibus Christi. T. P. Allelúia.

Orémus.

Oratio.

**C**ONCEDE, quæsumus omnipotens Deus : ut qui peccatórum nostrórum póndere prémimur, beáti Dominici Confessóris tui, Patris nostri, patrocínio sublevémur. Per Christum.

Deinde dicto Fidélium animæ per misericórdiam Dei requiescant in pace., et responso Amen., subjungatur secreto Pater noster. et Credo in Deum.

A SABBATO POST CINERES  
AD SABBATUM ANTE  
DOMINICAM IN PASSIONE :

Jube domne benedicere., Benedictio Noctem quietam., Lectio Fratres sóbrii estóte., V. Adjutórium nostrum., Pater noster., Confiteor., Misereátur., V. Convérte nos., V. Deus in adjutórium., Ps. Cum invocárem. et ceteri, Añā Misereére. (nisi dicatur Completorium de beata Virgine); Capitulum Tu in nobis es., ut pag. 148. et sequentibus.

† Sequens R̃. In pace. dicatur tantum in Sabbatis et Dominicis diebus, in festis Duplicibus et Totis Duplicibus ad utrumque Completorium, et infra Octavas Solemnēs. (Ceteris autem diebus, dicatur R̃. In manus., pag. 150.)

R̃. In pace in idípsum \* Dórmiam et requiescam. Non repetatur, sed immediate dicatur V. Si dédero somnum óculis meis, et pálpebris meis dormitátionem. Dórmiam. Glória. R̃. In pace.

Hymnus.

CHRISTE, qui lux es et dies,  
Noctis tenébras détegis,  
Lucisque lumen créderis,  
Lumen beátum prædicans.

PRECAMUR sancte Dómine,  
Defénde nos in hac nocte :  
Sit nobis in te réquies,  
Quiétam noctem tribue.

NE gravis somnus irruat,  
Nec hostis nos subrípiat,  
Nec caro illi conséntiens  
Nos tibi reos státuat.

OCULI somnum cápíant,  
Cor ad te semper vígilet :  
Déxtera tua prótegat  
Fámulos, qui te diligunt.

DEFENSOR noster áspice,  
Insidiántes réprime,  
Gubérna tuos fámulos,  
Quos Sanguine mercátus es.  
MEMENTO nostri Dómine,  
In gravi isto corpóre :  
Qui es defénsor animæ,  
Adésto nobis Dómine.

PRÆSTA Pater omnipotens,  
Per Jesum Christum Dóminum,  
Qui tecum in perpétuum  
Regnat cum sancto Spíritu.  
Amen.

V. Custódi nos Dómine ut pupillam óculi. R̃. Sub umbra alárum tuárum prótege nos.

† Sequens Antiphona dicatur ad Nunc dimittis quotidie usque ad Sabbatum ante Dominicam iij. Quadragesimæ exclusive, exceptis Festis beatæ Virginis et diebus infra Octavam Annuntiationis, si eo tempore occurrerint :

Añā. Evigila super nos ætérne Salvátor, ne nos apprehéndat cállidus tentátor : quia tu factus es nobis sempitérnus adjutor.

† Sequens vero Antiphona cum suo Ṽ dicatur ad Nunc dimittis quotidie a Sabbato ante Dominicam iij. Quadragesimæ usque ad Sabbatum ante Dominicam in Passione exclusive, exceptis Festis beatæ Virginis et diebus infra Octavam Annuntiationis :

Añā. Média vita in morte sumus : quem quærimus adjutórem, nisi te Dómine, qui pro peccátis nostris juste irásceris?

\* Sancte Deus, sancte fortis, sancte et miséricors Salvátor, amáre mortí ne tradas nos. Ṽ. Ne projicias nos in témpore senectútis : cum defécit vir-

tus nostra, ne derelinquas nos  
Dómine. Sancte Deus....

Cetera non mutantur.

A SABBATO ANTE DOMINICAM  
IN PASSIONE AD CENAM  
DOMINI EXCLUSIVE :

Jube domne benedicere. Be-  
nedictio Noctem quiétam.,  
Lectio Fratres sóbrii estóte.,  
V. Adjutórium nostrum., Pater  
noster., Confiteor., Misereá-  
tur., V. Convérte nos., V. Deus  
in adjutórium., Ps. Cum invo-  
cárem. et ceteri, Añña Miserére.  
(nisi dicatur Completorium de  
beata Virgine), Capitulum Tu  
in nobis es., ut pag. 150. et se-  
quentibus notatum est.

Omisso R̃. In pace., dicitur  
sequens :

R̃. In manus tuas Dómine  
\* Comméndo spíritum meum.  
In manus. V. Redemisti me  
Dómine, Deus veritátis. Com-  
méndo. Et omisso Glória Pa-  
tri., reincipitur R̃. In manus.  
(In Festis tamen Sanctorum  
dicitur R̃. In manus. cum Gló-  
ria Patri.)

Hymnus Christe qui lux es.  
et V. Custódi nos., pag. 152.

¶ Sequens Antiphona dicatur  
ad Nunc dimittis quotidie, ex-  
ceptis Festis beatæ Virginis et  
diebus infra Octavam Annun-  
tiationis :

Añña. O Rex glorióse inter  
sanctos tuos, qui semper es  
laudábilis, et tamen ineffábilis:  
tu in nobis es Dómine, et no-  
men sanctum tuum invocátum  
est super nos : ne derelinquas  
nos Deus noster : ut in die ju-  
dicii nos collocáre dignéris in-  
ter sanctos et eléctos tuos, Rex  
benedicte.

Cetera fiant more consueto,  
hoc uno excepto, quod Fe-  
ria iv. ante Cenam Domini,  
data Benedictione, omisa An-  
tiphona Salve Regina. et An-  
tiphona de S. P. Dominico aut  
de alio Sancto dici solita, sta-  
tim dicitur Fidélium., Pater  
noster. et Credo in Deum.

A SABBATO POST PASCHA  
AD SABBATUM  
POST PENTECOSTEN :

Jube domne benedicere., Be-  
nedictio Noctem quiétam.,  
Lectio Fratres sóbrii estóte.,  
V. Adjutórium nostrum., Pater  
noster., Confiteor., Misereá-  
tur., V. Convérte nos., V. Deus  
in adjutórium., Ps. Cum invo-  
cárem., Ps. In te Dómine spe-  
rávi., Ps. Qui hábitat. (præter-  
quam in Festo et infra Octa-  
vam Pentecostes), Ps. Ecce  
nunc., pag. 148. et sequentibus.

Super Psalmos Añña. Allelúia,  
allelúia, allelúia, allelúia., (nisi  
dicatur Completorium de beata  
Virgine.)

Capitulum. Jer. 14.

**T**U in nobis es Dómine, et  
nomen sanctum tuum in-  
vocátum est super nos : ne de-  
relinquas nos Dómine Deus no-  
ster.

R̃. In manus tuas Dómine  
comméndo spíritum meum,  
\* Allelúia, allelúia. In manus.  
V. Redemisti me Dómine,  
Deus veritátis. Allelúia, alle-  
lúia. Glória. In manus.

Hymnus.

**J**ESU nostra redemptio,  
Amor et desiderium,  
Deus Créator ómnium,  
Homo in fine témporum :



QUÆ te vicit cleméntia,  
Ut ferres nostra crimina,  
Crudélem mortem pátiens,  
Ut nos a morte tólleret?

INFERNI claustra pénetrans,  
Tuos captivos rédimens,  
Victor triúmpho nóbili  
Ad dextram Patris résidens :

IPSA te cogat pietas  
Ut mala nostra súperes  
Parcéndo, et voti cómpotes  
Nos tuo vultu sáties.

† Duæ ultimæ Strophæ ab  
Octava Paschæ ad Vigiliam  
Ascensionis :

QUÆSUMUS Auctor ómnium,  
In hoc Pascháli gáudio,  
Ab omni mortis impetu  
Tuum défende pópulum.

GLORIA tibi Dómine,  
Qui surrexisti a mórtuis,  
Cum Patre et sancto Spíritu,  
In sempitérna sæcula. Amen.

† Duæ ultimæ Strophæ a Vi-  
gilia Ascensionis ad Vigiliam  
Pentecostes :

TU esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spíritu,  
In sempitérna sæcula. Amen.

† Duæ ultimæ Strophæ a Vi-  
gilia Pentecostes ad Sabbatum  
ante SS. Trinitatem :

DUDUM sacráta pectora  
Tua replésti grátia :  
Dímittle nunc peccámina,  
Et da quiéta témpora.

SIT laus Patri cum Filio,  
Sancto simul Paráclito :  
Nobisque mittat Filius  
Charisma sancti Spíritus.

Amen.

† Custódi nos Dómine ut pu-  
pillam óculi, allelúia. R. Sub  
umbra alárum tuárum prótege  
nos, allelúia.

† Sequentes Antiphonæ di-  
cantur quotidie suis Tempori-  
bus ad Nunc dimittis, etiam in  
Festis Sanctorum, nisi de beata  
Virgine dicatur Completorium.

† Tempore Resurrectionis :  
Ad Nunc dimittis Añā. Alle-  
lúia, Resurréxit Dóminus, alle-  
lúia : sicut dixit vobis, allelúia,  
allelúia.

† Tempore Ascensionis :  
Ad Nunc dimittis Añā. Alle-  
lúia, Ascéndens Christus in al-  
tum, allelúia, captivam duxit  
captivitátem, allelúia, allelúia.

In Festo et infra Octavam  
Pentecostes :

† Ad Nunc dimittis Añā. Al-  
lelúia, Spíritus Paráclitus, alle-  
lúia, docébit vos ómnia, alle-  
lúia, allelúia.

Cetera non mutantur.

# LITANIE BEATÆ MARIE VIRGINIS.

Omni Sabbato per totum an-  
num, finita Antiphona Salve  
Regína. cum V. Dignáre. et  
Oratióne Concède nos., dicun-  
tur Litanie beatæ Virginis

**K**YRIE eléison.  
Christe eléison.

Kyrie eléison.

Christe audi nos.

Christe exáudi nos.

Pater de cælis Deus, miserére  
nobis.

Fili Redemptor mundi Deus,  
miserére nobis.

Spíritus sancte Deus, miserére.

Sancta Trínitas unus Deus,  
miserére nobis.

Sancta María, ora pro nobis.

|                              |      |  |
|------------------------------|------|--|
| Sancta Dei Génitrix,         | ora. | Agnus Dei, qui tollis peccáta          |
| Sancta Virgo virginum,       | ora. | mundi. <i>R.</i> Parce nobis Dó-       |
| Mater Christi,               | ora. | mine.                                  |
| Mater divinæ grátiae,        | ora. | Agnus Dei, qui tollis peccáta          |
| Mater puríssima,             | ora. | mundi. <i>R.</i> Exáudi nos Dó-        |
| Mater castíssima,            | ora. | mine.                                  |
| Mater invioláta,             | ora. | Agnus Dei, qui tollis peccáta          |
| Mater intemeráta,            | ora. | mundi. <i>R.</i> Miserére nobis.       |
| Mater amábilis,              | ora. | Deinde dicatur Prosa :                 |
| Mater admirábilis,           | ora. | <b>I</b> NVIOLATA, intácta et casta    |
| Mater boni consílii,         | ora. | Ies Maria,                             |
| Mater Creatóris,             | ora. | Quæ es effécta fúlgida cæli            |
| Mater Salvatóris,            | ora. | porta.                                 |
| Virgo prudentíssima,         | ora. | O mater alma Christi caríssima,        |
| Virgo veneránda,             | ora. | Súscipe pia laudum præcónia,           |
| Virgo prædicánda,            | ora. | Nostra ut pura pectora sint et         |
| Virgo potens,                | ora. | córpora,                               |
| Virgo clemens,               | ora. | Te nunc flágitant devóta corda         |
| Virgo fidélis,               | ora. | et ora.                                |
| Spéculum justitiæ,           | ora. | Tua per precáta dulcisona,             |
| Sedes sapiéntiæ,             | ora. | Nobis concédas véniam per              |
| Causa nostræ lætitiæ,        | ora. | sæcula,                                |
| Vas spirituále,              | ora. | O benigna, quæ sola invioláta          |
| Vas honorábile,              | ora. | permansisti. T. P. Allelúia.           |
| Vas insigne devotiónis,      | ora. | ¶ Poterit etiam, Tempore               |
| Rosa mystica,                | ora. | Paschali, ubi usus obtinuerit,         |
| Turris Davidica,             | ora. | loco Prosæ Invioláta. dici se-         |
| Turris ebúrnea,              | ora. | quens Antiphona :                      |
| Domus áurea,                 | ora. | Regina cæli lætare, allelúia :         |
| Fœderis arca,                | ora. | quia quem meruisti portáre,            |
| Jánua cæli,                  | ora. | allelúia, resurrexit sicut dixit,      |
| Stella matutína,             | ora. | allelúia : ora pro nobis Deum,         |
| Salus infirmórum,            | ora. | allelúia.                              |
| Refúgium peccatórum,         | ora. | Post Prosam Invioláta. vel             |
| Consolátrix afflictórum,     | ora. | Añam Regina cæli. dicatur              |
| Auxílium Christianórum,      | ora. | ¶ Ora pro nobis sancta Dei             |
| Regina Angelórum,            | ora. | Génitrix. T. P. Allelúia. <i>R.</i> Ut |
| Regina Patriarchárum,        | ora. | digni efficiámur promissióni-          |
| Regina Prophetárum,          | ora. | bus Christi. T. P. Allelúia.           |
| Regina Apostolórum,          | ora. | Orémus. Oratio.                        |
| Regina Mártýrum,             | ora. | <b>G</b> RATIAM tuam, quæsumus         |
| Regina Confessórum,          | ora. | Dómine, méntibus nostris               |
| Regina Virginum,             | ora. | infúnde : ut qui, Angelo nun-          |
| Regina Sanctórum óm-         | ora. | tiante, Christi Filii tui Incar-       |
| nium,                        | ora. | nationem cognóvimus, per               |
| Regina sine labe origináli   | ora. | Passiónem ejus et Crucem ad            |
| concepta,                    | ora. | resurrectiόνis glóriam perdu-          |
| Regina sacratíssimi Rosárii, | ora. | cámur. Per eúndem Christum.            |

¶ Ubi consuetum fuerit, *ŷ.* Ora pro nobis. et Oratio Grátiam tuam. dicantur immediate post Litanias beatæ Mariæ V. Post Prosam vero Invioláta., vel post Añam Regína cæli, dicatur *ŷ.* Post partum Virgo. cum Oratione Prótege., ut pag. 147.

Postea dicatur Antiphona cum *ŷ.* et Oratione de S. P. Dominico, aut de alio Sancto, et terminetur Completorium more solito.

### LITANIÆ SANCTORUM.

Post Completorium, quantumvis ea die solemne festum fuerit, si nihilominus die sequenti fiat Officium de Feria, legantur in Choro Litanie Sanctorum cum Psalmo Deus in adiutorium., Precibus, *ŷŷ.* et Orationibus, exceptis diebus in Rubrica generali §. xxxviii. notatis.

Psalmus 69.

dicendus ante Litanias.

**D**EUS in adiutorium meum intende : \* Dómine ad adiuvandum me festina.

Confundantur et revereantur, \* qui quaerunt animam meam :

Avertantur retrorsum, et erubescant, \* qui volunt mihi mala.

Avertantur statim erubescentes, \* qui dicunt mihi : Euge, euge.

Eksultent, et lætentur in te omnes qui quaerunt te, \* et dicant semper : Magnificetur Dóminus : qui diligunt salutare tuum.

Ego vero egénus, et pauper sum : \* Deus adjuva me.

Adjutor meus, et liberátor meus es tu : \* Dómine ne moreris.

Glória Patri. etc.

**K**YRIE eléison. *ŷ.* Kyrie eléison.

Christe eléison. *ŷ.* Christe eléison.

Kyrie eléison. *ŷ.* Kyrie eléison.

Christe audi nos. *ŷ.* Christe exáudi nos.

Pater de cælis Deus, miserere nobis.

Repetatur a Choro :

Pater de cælis Deus, miserere nobis.

Fili Redemptor mundi Deus, miserere nobis. *ŷ.* Fili Redemptor. etc.

Spiritus sancte Deus, miserere nobis. *ŷ.* Spiritus sancte. etc.

Sancta Trinitas unus Deus, miserere nobis.

*ŷ.* Sancta Trinitas. etc.

Sancta Maria, *ŷ.* Ora pro nobis.

Sancta Dei Génitrix, ora.

Sancta Virgo vírginum, ora.

Sancte Michael, ora.

Sancte Gábriel, ora.

Sancte Ráphael, ora.

Omnes sancti Angeli, et Arch-ángeli, oráte pro nobis.

Omnes sancti beatorum Spirituum órdenes, oráte.

Sancte Joánnes Baptista, ora.

Sancte Joseph, ora.

Omnes sancti Patriarchæ et Prophætæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.



|                               |                                 |
|-------------------------------|---------------------------------|
| Sancte Thoma, ora pro nobis.  | Sancte Thoma, ora pro nobis.    |
| Sancte Jacôbe, ora.           | Sancte Vincénti, ora.           |
| Sancte Philippe, ora.         | Sancte Hyacinthe, ora.          |
| Sancte Bartholomæe, ora.      | Sancte Raymunde, ora.           |
| Sancte Matthæe. ora.          | Sancte Ludovice, ora.           |
| Sancte Simon, ora.            | Sancte Antóni, ora.             |
| Sancte Thaddæc, ora.          | Sancte Benedicte, ora.          |
| Sancte Mathia, ora.           | Sancte Bernárde, ora.           |
| Sancte Bárnaba, ora.          | Sancte Francisce, ora.          |
| Sancte Marce, ora.            | Omnes sancti Confessó-          |
| Sancte Luca, ora.             | res, oráte.                     |
| Omnes sancti Discípuli Dó-    | Sancta Anna, ora.               |
| mini, oráte.                  | Sancta María Magdaléna, ora.    |
| Omnes sancti Innocén-         | Sancta Martha, ora.             |
| tes, oráte.                   | Sancta Felicitas, ora.          |
| Sancte Stéphane, ora.         | Sancta Perpétua, ora.           |
| Sancte Clemens, ora.          | Sancta Agatha, ora.             |
| Sancte Cornéli, ora.          | Sancta Lucia, ora.              |
| Sancte Cypriáne, ora.         | Sancta Agnes, ora.              |
| Sancte Lauréuti, ora.         | Sancta Cæcilia, ora.            |
| Sancte Vincénti, ora.         | Sancta Catharina, ora.          |
| Sancte Dionysi cum Sóciis     | Sancta Margarita, ora.          |
| tuis, ora.                    | Sancta Ursula cum Sodáli-       |
| Sancte Mauríti cum Sóciis     | bus tuis, ora.                  |
| tuis, ora.                    | Sancta Catharina, ora.          |
| Sancte Januári cum Sóciis     | Sancta Rosa, ora.               |
| tuis, ora.                    | Sancta Agnes, ora.              |
| Sancti Fabiáne et Seba-       | Sancta Catharina, ora.          |
| stiáne, oráte.                | Omnes sanctæ Virgines           |
| Sancti Cosma et Damiá-        | et Viduæ, oráte.                |
| ne, oráte.                    | Omnes Sancti, oráte.            |
| Sancte Thoma, ora.            | Propitius esto. R̄. Parce nobis |
| Sancte Petre, ora.            | Dómine.                         |
| Sancte Joáñnes cum Sóciis     | Propitius esto. R̄. Exáudi nos  |
| tuis, ora.                    | Dómine.                         |
| Omnes sancti Mártires, oráte. | A damnatióne perpétua. R̄. Lí-  |
| Sancte Silvéster, ora.        | bera nos Dómine.                |
| Sancte Gregóri, ora.          | A subitánea et improvisa        |
| Sancte Pie, ora.              | morte, libera.                  |
| Sancte Ambrósi, ora.          | Ab imminéntibus peccatórum      |
| Sancte Augustine, ora.        | nostrórum periculis, libera     |
| Sancte Hierónyme, ora.        | nos Dómine.                     |
| Sancte Hilári, ora.           | Ab infestatióibus dæmonum,      |
| Sancte Martine, ora.          | libera.                         |
| Sancte Nicolæ, ora.           | Ab omni immunditia mentis       |
| Sancte Antoníne, ora.         | et córporis, libera.            |
| Sancte Pater Domínice, ora.   | Ab ira, et ódio, et omni mala   |
| Sancte Pater Domínice, ora.   | voluntáte, libera.              |

Ab immúndis cogitatiónibus,  
libera nos Dómine.

A cæcitatē cordis, libera.

A fulgure et tempestatē, libera.

A peste, fame et bello, libera.

A flagello terræmótus, libera.

Ab omni malo, libera.

Per mystérium sanctæ Incarnatiónis tuæ, libera.

Per Passiónem et Crucem tuam, libera.

Per gloriósam Resurrectiónem tuam, libera.

Per admirabilem Ascensiónem tuam, libera.

Per grátiam sancti Spíritus Parácliti, libera.

In die Iudicii, libera.

Peccatóres, R. Te rogámus, audi nos.

Ut pacem nobis dones, te rogámus.

Ut misericórdia et pietas tua nos custódiat, te rogámus, audi nos.

Ut Ecclesiám tuam sanctam régere et conserváre dignéris, te rogámus, audi nos.

Ut Domnum Apostólicum, et omnes gradus Ecclesiæ in sancta religiónē conserváre dignéris, te rogámus, audi nos.

Ut Episcopos et Praelátos nostros et cunctas congregatiónes illis commissas in tuo sancto servitio conserváre dignéris, te rogámus.

Ut inimícos sanctæ Ecclesiæ humiliáre dignéris, te rogámus, audi nos.

Ut Régibus et Principibus nostris pacem et veram concórdiam atque victóriam donáre dignéris, te rogámus, audi nos.

Ut cunctum pópulum christiánum pretióso Sanguine tuo

redemptum conserváre dignéris, te rogámus, audi nos.

Ut ómnibus benefactoribus nostris sempitérna bona retribuas, te rogámus, audi nos.

Ut ánimas nostras et paréntum nostrórum ab ætérna damnatióne eripias, te rogámus, audi nos.

Ut fructus terræ dare, et conserváre dignéris, te rogámus, audi nos.

Ut óculos misericórdiæ tuæ super nos reducere dignéris, te rogámus, audi nos.

Ut obsequium servitútis nostræ rationábile fácias, te rogámus, audi nos.

Ut mentes nostras ad cælestia desidéria érigas, te rogámus.

Ut misérias páuperum et captivórum intuéri et releváre dignéris, te rogámus.

Ut loca nostra et omnes habitantes in eis visitáre et consolári dignéris, te rogámus, audi nos.

Ut civitatē istam et omnem pópulum ejus protégere et conserváre dignéris, te rogámus, audi nos.

Ut omnes fidéles navigántes et itinerántes ad portum salutis perducere dignéris, te rogámus, audi nos.

Ut reguláribus disciplinis instrúere dignéris, te rogámus, audi nos.

Ut ómnibus fidélibus defúctis réquiem ætérnam dones, te rogámus, audi nos.

Ut nos exaudíre dignéris, te rogámus, audi nos.

Fili Dei, te rogámus.

Agnus Dei, qui tollis peccáta mundi. R. Parce nobis Dómine.

Agnus Dei, qui tollis peccáta

mundi. R. Exaudi nos Dómine.

Agnus Dei, qui tollis peccáta mundi. R. Miserére nobis.

Kyrie eléison. Christe eléison.

Kyrie eléison.

Pater noster. secreto. Et ne nos inducas in tentatióem.

R. Sed libera nos a malo.

¶ Post partum Virgo invioláta permansísti.

R. Dei Génitrix intercède pro nobis.

¶ Ora pro nobis beáte Pater Dominice.

R. Ut digni efficiámur promissionibus Christi.

¶ Sapiéntiam Sanctorum narrent pópuli.

R. Et laudem eórum nuntiet ecclésia.

¶ Memor esto congregatiónis tuæ.

R. Quam possedísti ab initio.

¶ Salvos fac servos tuos et ancillas tuas.

R. Deus meus, sperántes in te.

¶ Esto nobis Dómine turris fortitudinis.

R. A fácie inimici.

¶ Fiat pax in virtúte tua.

R. Et abundantia in túrribus tuis.

Dóminus vobiscum. R. Et cum spiritu tuo.

Orémus.

**P**ROTEGE Dómine fámulos tuos subsidiis pacis, et beátæ Mariæ semper Virginitatis patrocínii confidéntes a cunctis hóstibus redde secúros.

**C**ONCEDE, quæsumus omnipotens Deus : ut qui peccatórum nostrórum pónere premimur, beáti Dominici Confessóris tui, Patris nostri, patrocínio sublevémur.

**C**ONCEDE, quæsumus omnipotens Deus : ut ad meliorem vitam Sanctorum Ordinis nostri exémpla nos pròvocent ; quátenus quorum memóriam ágimus étiam actus imitemur.

**I**NEFFABLEM misericórdiam tuam Dómine nobis cleménter osténde : ut simul nos et a peccátis ómnibus éxuas, et a pœnis quas pro his merémur erípias.

**P**RÆTENDE Dómine fámulis et famulábuis tuis dexteram cæléstis auxilli : ut te toto corde perquirant, et quæ digne póstulant assequántur.

**E**CCLÉSIE tuæ, quæsumus Dómine, preces placátus admítte : ut destrúctis adversitátibus et erróribus univérsis, secúra tibi sérviat libertáte.

**D**EUS, a quo sancta desideria, recta consília, et justa sunt ópera : da servis tuis illam, quam mundus dare non potest, pacem : ut et corda nostra mandátis tuis dédita, et hóstium subláta formidine, témpora sint tua protectióe tranquillá. Per Christum Dóminum nostrum. R. Amen.

¶ In tribus diebus Rogationum (si fiat de Feria) et in Vigilia Pentecostes, in sero præcedenti post Completorium dicitur Psalmus Deus in adiutorium. et statim subditur :

Kyrie eléison. Christe eléison. Kyrie eléison., Pater noster. secreto. Et ne nos. ¶. Post partum., cum ceteris ¶¶. et Orationibus ut supra, absque Litaniis, quæ ante Missam sunt cantandæ.



## AD DISCIPLINAS.

Quando Disciplinæ recipiendæ fuerint, terminatis Orationibus post Litanias, vel, si hæ dicendæ non sint, terminatis Orationibus post Psalmum Deus in adiutorium., dicatur a Conventu :

**C**ONFITEOR Deo omnipotenti, et beatæ Mariæ semper Virgini, et beato Dominico Patri nostro, et omnibus Sanctis, et tibi Pater : quia peccavi nimis cogitatione, locutione, opere et omissione, mea culpa : precor te orare pro me.

Subjungat Hebdomadarius :

**M**ISEREATUR vestri omnipotens Deus, et dimittat vobis omnia peccata vestra : liberet vos ab omni malo, salvet, et confirmet in omni opere bono, et perducat vos ad vitam æternam. R. Amen.

Deinde Hebdomadarius incipiat Psalmum 50. Miserere mei Deus., pag. 81., qui dicatur alternatim, ita quod Hebdomadarius solus dicat unum Versum, et Conventus alium.

Post Psalmum, dicto Glória

Patri., subjungatur communiter ab omnibus : Kyrie eléison. Christe eléison. Kyrie eléison. Pater noster. secreto.

Quo finito, dicat Hebdomadarius :

Et ne nos inducas in tentationem. R. Sed libera nos a malo.

V. Salvos fac servos tuos. R. Deus meus sperantes in te. Dominus vobiscum. R. Et cum spiritu tuo.

Orémus. Oratio.

**D**EUS, cui proprium est misereri semper et parcere, suscipe deprecationem nostram : ut quos delictorum catena constringit miseratio tuæ pietatis clementer absolvat. Per Christum.

¶ Quod si post Completorium Disciplinæ in Choro dari non possint, propter sæculares, dentur in Sacristia vel in Capitulo, aut si tunc fuerit grave impedimentum, relinquuntur post Matutinas.

¶ Fratres vero qui Disciplinis non intersunt tenentur recitare Psalmum Miserere. cum Oratione.

# OFFICIUM DE TEMPORE.

**Q**UÆ in Officio Dominicali et in Officio Feriali extra Tempus Paschale proprio loco notata non sunt, dicenda sunt secundum quod in Psalterio, aut in Dominica j. post Octavam Epiphaniæ et ejus Feriis, aut in Dominica j. post Octavam Trinitatis et ejus Feriis sunt signata.

Ad Magnificat Añã. Ecce nomen Dómini venit de longinquo, et cláritas ejus replet orbem terrárum. Oratio.

**E**XCITA, quæsumus Dómine, poténtiam tuam, et veni : ut ab imminéntibus peccatórum nostrórum periculis te mereámur protegéntē éripi, te liberántē salvári. Qui vivis.

## SABBATO ANTE DOMINICAM I. ADVENTUS. AD VESPERAS.

Psalmi et Antiphonæ super Psalmos de Sabbato ut in Psalterio, pag. 141.

Capitulum. Jer. 23.  
**E**CCE dies véniunt, dicit Dóminus, et suscitábo David germen justum : et regnabit rex, et sapiens erit : et faciet judicium et justitiam in terra.

R. Missus est Gábríel ángelus ad Mariam Vírginem desponsátam Joseph, nuntians ei verbum : et expavéscit Virgo de lúmine. Ne timeas María, invenisti grátiam apud Dóminum : ecce concípies, et páries, \* Et vocábitur Altíssimi Filius. V. Dabit ei Dóminus Deus sedem David patris ejus, et regnabit in domo Jacob in ætérnum. — Et vocábitur. Glória. Et vocábitur.

Hymnus Cónditor alme siderum., pag. 127.

V. Roráte cæli désuper, et nubes pluant justum. R. Aperíatur terra, et gérmínet Salvatórem.

## DOMINICA I. ADVENTUS.

### AD MATUTINUM.

Invitatorium. Ecce venit Rex : \* Occurrámus óbviám Salvatóri nostro. Psalmus Venite exsultémus., pag. 1.

Hymnus Verbum supérnum pródiens., pag. 2.

### IN I. NOCTURNO.

Psalmi ut in Psalterio, pagg. 4-9.; super Psalmos sola Añã Sciéntes., pag. 9.; V. Ex Sion., ibidem.

Incipit liber Isaiæ Prophétæ. Lectio j. Cap. 1.

**V**ISIO Isaiæ filii Amos, quam vidit super Judam et Jerúsalem in diébus Ozíæ, Jóathan, Achaz, et Ezechíæ regum Juda. Audíte cæli, et áuribus pécipite terra, quóniam Dóminus locútus est. Filios enutrivi, et exaltávi : ipsi autem sprevérunt me. Cognóvit bos possessórem suum, et ásinus præsépe dómini sui : Israel autem me non cognóvit, et pópulus meus non intelléxit. Hæc dicit Dóminus Deus : Convertimini ad me, et salví éritis. R. Deo grátias.

† Et ita per clausulam Hæc dicit Dóminus Deus., loco clausulæ Tu autem Dómine., terminentur deinceps omnes Lectiones de Propheta Isaia, usque ad Matutinum Nativitatis Domini inclusive, nisi aliter signetur.

R. j. Aspiciens a longe ecce video Dei poténtiam venientem, et nébulam totam terram tegéntem : \* Ite óbviā ei, et dicite : Núntia nobis, si tu es ipse, Qui regnatúrus es In pópulo Israel.

V. j. Quique terrigenæ, et filii hóminum, simul in unum dives et pauper. — Ite óbviā ei, et dicite : Núntia nobis, si tu es ipse, Qui regnatúrus es In pópulo Israel.

V. ij. Qui regis Israel inténde : qui dedúcis velut ovem Joseph. — Núntia nobis, si tu es ipse, Qui regnatúrus es In pópulo Israel.

V. iij. Excita Dómine poténtiam tuam, et veni, ut salvos facias nos. — Qui regnatúrus es In pópulo Israel.

Glória Patri, et Filio, et Spirítui sancto. — In pópulo Israel.

Finita resumptione post Glória Patri., R. Aspiciens. reincipiatur usque ad V. j. Quique terrigenæ. exclusive.

† Quando hoc R. dicendum erit infra Hebdomadam, dicatur tantum cum tertio V. Excita Dómine. et resumptione Qui regnatúrus es in pópulo Israel., sine Glória Patri.

Lectio ij.

Væ genti peccatrici, pópulo gravi iniquitatē, sémini nequam, filiis scelerátis : dereliquerunt Dóminum, blas-

phemavérunt sanctum Israel, abalienáti sunt retrórsim. Super quo percútiam vos ultra, addéntes prævaricatióem? omne caput lánguidum, et omne cor mærens. A planta pedis usque ad vérticem non est in eo sánitas : vulnus, et livor, et plaga tumens, non est circumligáta, nec curáta medicámine, neque fota óleo. Hæc dicit ...

R. ij. Aspiciébam in visu noctis, et ecce in núbibus cæli Filius hóminis veniébat : et datum est ei regnum, et honor : \* Et omnis pópulus, tribus, et linguæ sérvient ei. V. Potéstas ejus, potéstas ætérna, quæ non auferétur : et regnum ejus, quod non corrumpétur. — Et omnis pópulus.

Lectio iij.

TERRA vestra déserta, civitates vestræ succénscæ igni : regiónem vestram coram vobis aliéni dévorant, et desolábitur sicut in vastitatē hostíli. Et derelinquétur filia Sion ut umbráculum in vinea, et sicut tugúrium in cucumerário, et sicut civitas, quæ vastátur. Nisi Dóminus exercituum reliquisset nobis semen, quasi Sódoma fuissémus, et quasi Gomórrha símiles essémus. Hæc dicit ...

R. iij. Missus est Gábriel ángelus ad Mariám Virgínem desponsátam Joseph, núntians ei verbum : et expavéscit Virgo de lúmine. Ne timeas Mariá, invenisti grátiam apud Dóminum : ecce concípies, et páries, \* Et vocábitur Altíssimi Filius. V. Dabit ei Dóminus Deus sedem David patris



ejus, et regnabit in domo Jacob in ætænum. — Et vocabitur Altissimi Filius. Glória. Et vocabitur Altissimi Filius.

## IN II. NOCTURNO.

Psalmi ut in Psalterio, pagg. 10-13.; super Psalmos sola Aña Hora est., pag. 13., ƿ. Egre-diétur virga., ibidem.

Incipit Epistola beáti Pauli Apóstoli ad Romános.

Lectio iv.

Cap. i.

**P**AULUS, servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Filio suo, qui factus est ei ex sémine David secúndum carnem, qui prædestinátus est Filius Dei in virtúte secúndum spiritum sanctificatiónis ex resurrectione mortuórum Jesu Christi Dómini nostri : per quem accépinus grátiam, et Apostolatúm ad obediéndum fidei in ómnibus géntibus pro nómine ejus, in quibus estis et vos vocáti Jesu Christi : ómnibus qui sunt Romæ, diléctis Dei, vocátis sanctis. Grátia vobis, et pax a Deo Patre nostro, et Dómino Jesu Christo. Tu autem Dómine miserére nostri.

ƿ. iv. Ave María grátia plena : Dóminus tecum : \* Spiritus sanctus supervéniet in te, et virtus Altíssimi obumbrábit tibi : quod enim ex te nascétur Sanctum, vocabitur Filius Dei. ƿ. Quomódo fiet istud, quóniam virum non cognóscó? Et respondens Angelus dixit ei. — Spiritus sanctus.

Lectio v.

**P**PRIMUM quidem grátias ago Deo meo per Jesum Chri-

stum pro ómnibus vobis : quia fides vestra annuntiátur in univérso mundo. Testis enim mihi est Deus, cui sèrvio in spiritu meo in Evangélio Filii ejus, quod sine intermissione memóriam vestri fácio semper in oratióibus meis : óbsecrans, si quo modo tandem aliquándò próspèrum iter hábeam in voluntáte Dei veniéndi ad vos. Desidero enim vidére vos : ut áliquíd impértiar vobis grátiae spirituális ad confirmándos vos : id est, simul consolári in vobis per eam, quæ invicem est, fidem vestram, atque meam.

ƿ. v. Salvátorem expectá-mus, Dóminum Jesum Christum, \* Qui reformábit corpus humilitátis nostræ, configurátum córpori claritátis suæ. ƿ. Sóbrie, et juste, et pie vivámus in hoc sæculo, expectántes beatám spem, et adventum glóriæ magni Dei. — Qui reformábit.

Lectio vj.

**N**OLO autem vos ignoráre fratres : quia sæpe propósui veníre ad vos, (et prohibitus sum usque adhuc) ut áliquem fructum hábeam et in vobis, sicut et in céteris géntibus. Græcis, ac Bárbaris, sapiéntibus, et insipientibus débitor sum : ita (quod in me) promptum est et vobis, qui Romæ estis, evangelizáre. Non enim erubésco Evangélium. Virtus enim Dei est in salútem omni credénti, Judæo primum, et Græco. Justitia enim Dei in eo revelátur ex fide in fidem : sicut scriptum est : Justus autem ex fide vivit.

R. vj. Audite verbum Dómini gentes, et annuntiáte illud in finibus terræ : et in insulis, quæ procul sunt, dñcite : \* Salvátor noster advéniet. V. Annuntiáte, et auditum fácite : loquimini, et clamáte. — Salvátor noster advéniet. Glória. Salvátor noster advéniet.

### IN III. NOCTURNO.

Psalmi ut in Psalterio, pagg. 13-15.; super Psalmos sola Añã Nox præcëssit., pag. 15.; V. Egrediétur Dóminus., ibidem.

Lectio sancti Evangélíi  
secúndum Lucam.

Lectio vij. Cap. 21.

**I**n illo témpore : Dixit Jesus discipulis suis : Erunt signa in sole, et luna, et stellis, et in terris pressúra géntium. Et réliqua.

Homília sancti Gregórii Papæ.  
(Hom. 1. in Évang.)

**D**OMINUS ac Redémptor noster, parátos nos inveníre desiderans, senescéntem mundum quæ mala sequántur denúnciat, ut nos ab ejus amóre compéscat. Appropinquántem ejus términum quantæ percussiones prævéniant, innotéscit : ut si Deum metúere in tranquillitáte nolumus, saltem vicinum ejus júdicium vel percussiónibus attriti timeámus.

R. vij. Ecce Virgo concípíet, et páriet fílium, dicit Dóminus : et vocábitur nomen ejus \* Admirábilis, Deus, Fortis. V. Super sólium David, et super regnum ejus sedébit in ætérnum. — Admirábilis, Deus, Fortis.

Lectio viij.

**H**UIC étenim lectióni sancti Evangélíi, quam modo vestra fraternitas audivit, paulo supérius Dóminus præmísit, dicens : Exsúrget gens contra gentem, et regnum advérsus regnum : et erunt terræmótus magni per loca, et pestiléntiæ, et fames. Et quibúsdam interpósitis, hoc, quod modo audistis, adjúnxit : Erunt signa in sole, et luna, et stellis, et in terris pressúra géntium præ confusióne sónitus maris, et flúctuum. Ex quibus profecto ómnibus ália jam facta cernimus, ália in próximo ventúra formidámus.

R. viij. Obsecro Dómine, mitte quem missúrus es : vide afflictiónem pópuli tui, sicut locútus es : \* Veni, et libera nos. V. A solis ortu, et occásu, ab aquilóne, et mari. — Veni, et libera nos.

Lectio ix.

**N**AM gentem contra gentem exsürgere, earúmque pressúram terris insistere, plus jam in nostris tempóribus cernimus, quam in codicibus légitimus. Quod terræmótus urbes innúmeras óbruant, ex aliis mundi pártibus scitis quam frequénter audivimus. Pestiléntiassinecessatióne pátimur. Signa vero in sole, et luna, et stellis, adhuc apérte mínime vidimus : sed quia et hæc non longe sint, ex ipsa jam áeris immutatióne colligimus.

R. ix. Ecce dies véniunt, dicit Dóminus, et suscitábo David germen justum : et regnábit rex, et sapiens erit : et faciet júdicium et justítiam in terra : \* Et hoc est nomen, quod vo-

cábunt eum, Dóminus justus noster. *℟.* In diébus illis salvabitur Juda, et Israel habitábit confidéter. — Et hoc est nomen. Glória. Dóminus justus noster. *℞.* Ecce dies véniunt.

† Non dicitur Te Deum. per totum Adventum, quando fit Officium de Adventu; sed nomen *℞.* usque ad *℟.* exclusive in omnibus Dominicis repetatur. Ante Laudes *℟.* Emitte Agnum Dómine Dominatórem terræ. *℞.* De Petra déserti ad montem filíæ Sion.

† Hic *℟.* dicatur quotidie per Adventum ante Laudes, cum de Tempore agitur.

### AD LAUDES

ET PER HORAS ANTIPHONÆ.

1. In illa die stillábunt montes dulcédinem, et colles fluent lac et mel, allelúia. Psalmus Dóminus regnávít. cum ceteris, pag. 17.

2. Jucundáre filia Sion, et exsulta satis filia Jerúsalem, allelúia.

3. Ecce Dóminus véniet, et omnes sancti ejus cum eo : et erit in die illa lux magna, allelúia.

4. Omnes sitiéntes venite ad aquas : quærite Dóminum, dum inveniri potest, allelúia.

5. Ecce véniet Prophéta magnus, et ipse renovábit Jerúsalem, allelúia.

Capitulum Ecce dies véniunt. et Hymnus Vox clara ecce intonat, pag. 20.

*℟.* Vox clamántis in déserto. *℞.* Paráte viam Dómini.

Ad Benedictus Aña. Spíritus sanctus in te descéndet María : ne timeas, habébis in útero Filium Dei, allelúia.

### Oratio.

**E**XCITA, quæsumus Dómine, poténtiam tuam, et veni : ut ab imminéntibus peccatorum nostrórum periculis te mereámur protegénte éripi, te liberánte salvári. Qui vivis.

Ad Memoriam de B. Maria V Aña Sub tuum., *℟.* Post partum Virgo. et Oratio Prótege., pag. 23.

### AD PRIMAM.

*℟.* Jesu Christe Fili Dei vivi \* Miserére nobis. Jesu Christe. *℟.* Qui ventúrus es in mundum. Miserére nobis. Glória. Jesu Christe.

*℟.* Exsúrge Dómine, ádjuva nos. *℞.* Et libera nos propter nomen tuum.

† Versus Qui ventúrus es in mundum. dicatur ad Primam per totum Adventum, etiam in festis Sanctorum, nisi aliter notetur.

### AD TERTIAM,

SEXTAM ET NONAM.

Capitula, Responsoria et Versiculi de Adventu, ut in Psalterio ad ipsas Horas respective notatum est.

### AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Ecce dies véniunt, et Hymnus Cónditor alme síderum., pag. 127.

*℟.* Roráte cæli désuper, et nubes pluant justum. *℞.* Aperiátur terra, et gérmínet Salvatórem.

Ad Magnificat Aña. Ne timeas María, invenisti grátiam apud Dóminum : ecce concipies, et páries filium, allelúia.



Oratio Excita quæsumus, ut in Laudibus.

Ad Memoriam de B. Maria Aña Regáli., V. Ora pro nobis, et Oratio Prótege., pag. 130.

† Hujus diei Capitula, Hymni, V. et R. Horarum dicantur suis locis, quando agitur de Adventu usque ad Vigiliam Nativitatis Domini exclusive.

## FERIA SECUNDA.

### AD MATUTINUM.

Invitatorium. Regem venturum Dóminum \* Veníte adórémus.

† Hoc Invitatorium dicatur quotidie per Adventum in profestis diebus, usque ad Vigiliam Nativitatis Domini exclusive, præterquam in jejuniis Quatuor Temporum.

De Isaia Prophéta.

Lectio j.

Cap. 2.

**V**ERBUM, quod vidit Isaías, filius Amos, super Juda et Jerúsalem. Et erit in novissimis diebus præparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt pópuli multi, et dicent : Veníte et ascendámus ad montem Dómini, et ad domum Dei Jacob, et docébit nos vias suas, et ambulábitus in sémitis ejus : quia de Sion exíbit lex, et verbum Dómini de Jerúsalem. Hæc dicit Dóminus Deus : Convertímmini ad me, et salvi éritis.

R. Deo grátias.

† Responsoria Historiæ Dominicalis dicantur etiam profestis diebus per Adventum secundum ordinem Nocturno-

rum, præterquam in jejuniis Quatuor Temporum.

Lectio ij.

**E**T judicábit gentes, et arguet pópulos multos : et constabunt gládios suos in vómeres, et lanceas suas in falces : non levábit gens contra gentem gládium, nec exercebúntur ultra ad proelium. Dominus Jacob veníte, et ambulémus in lúmine Dómini. Projecisti enim pópulum tuum, domum Jacob : quia repléti sunt ut olim, et áugreas habuerunt ut Philisthiim, et púeris aliénis adhæsérunt. Hæc dicit ...

Lectio iij.

**R**EPLETA est terra argénto et auro : et non est finis thesaurórum ejus : et repléta est terra ejus equis : et innumerábiles quadrigæ ejus. Et repléta est terra ejus idólis : opus mánuum suárum adoravérunt, quod fecérunt dígití eórum. Et incurvávít se homo, et humiliátus est vir : ne ergo dimittas eis. Hæc dicit ...

## IN LAUDIBUS.

Ad Benedictus Aña. Angelus Dómini nuntiávit Mariæ, et concépit de Spíritu sancto, alleluia.

† Oratio Dominicæ dicatur ad Laudes, Tertiam, Sextam, Nonam et Vesperas, quando de Tempore agitur, vel ad Memoriam Feriæ in Laudibus et Vesperis usque ad Vesperas Sabbati exclusive. Idem fiat per totum Adventum, nisi aliter notatum fuerit.

## AD HORAS.

Antiphonæ Ferialis per Adventum dicendæ positæ sunt suis locis in Psalterio.

## IN VESPERIS.

Ad Magnificat Añā. Jerúsalem respice ad oriētem, et vide, allelúia.

## FERIA TERTIA.

De Isaia Prophéta.

Lectio j. Cap. 3.

**E**CCE enim dominátor Dóminus exercituum áuferet a Jerúsalem, et a Juda válidum et fortem, omne robur panis, et omne robur aquæ : fortem, et virum bellatórem, júdicem, et prophétam, et ariolum, et senem : principem super quinquaginta, et honorábilem vultu, et consiliárium, et sapiētem de architēctis, et prudētem eloquii mystici. Hæc dicit Dóminus Deus : Convertimini ad me, et salvi éritis.

R̃. Deo grátias.

Lectio ij.

**E**T dabo púeros príncipes eórum, et effemináti dominabúntur eis. Et irruet pópulus, vir ad virum, et unusquisque ad próximum suum : tumultuábitur puer contra senem, et ignóbilis contra nóbilem. Apprehéndet enim vir fratrem suum domésticum patris sui : Vestiméntum tibi est, princeps esto noster, ruína autem hæc sub manu tua. Hæc dicit ...

Lectio iij.

**R**ESPONDEBIT in die illa, dicens : Non sum médicus, et in domo mea non est panis, neque vestiméntum : nolite constitúere me príncipem pópuli. Ruit enim Jerúsalem, et Judas cóncidit : quia lingua eórum et adinventiões eórum contra Dóminum, ut provocá-

rent óculos majestátis ejus. Hæc dicit ...

Ad Benedictus Añā. Leva Jerúsalem óculos, et vide potētiā Regis : ecce Salvátor venit sólvēre te a vínculo.

Ad Magnificat Añā. Quærite Dóminum, dum inveniri potest : invocáte eum, dum prope est, allelúia.

## FERIA QUARTA.

De Isaia Prophéta.

Lectio j. Cap. 5.

**C**ANTABO dilēcto meo cánticum patruélis mei vineæ suæ. Vineá facta est dilēcto meo in cornu filio ólei. Et sepívit eam, et lápidēs elégit ex illa, et plantávit eam electam, et ædificávit turrim in médio ejus, et tórcular exstrúxit in ea : et exspectávit ut fáceret uvas, et fecit labrúscas. Nunc ergo habitatóres Jerúsalem, et viri Juda, judicáte inter me et vineam meam. Hæc dicit Dóminus Deus : Convertimini ad me, et salvi éritis.

R̃. Deo grátias.

Lectio ij.

**Q**UID est quod débui ultra fácere vineæ meæ, et non feci ei? an quod exspectávi ut fáceret uvas, et fecit labrúscas? Et nunc osténdam vobis quid ego fáciā vineæ meæ : áuferā sepem ejus, et erit in direptiōnem : díruā macériam ejus, et erit in conculcatiōnem. Et ponā eam désertā : non putábitur, et non fodiétur : et ascéndent vepres et spinæ : et núbibus mandábo ne pluant super eam imbrem. Hæc dicit ...

## Lectio iij.

**V**INEA enim Dómini exercituum domus Israel est : et vir Juda germen ejus delectabile : et expectávi ut fáceret iudicium, et ecce iniquitas : et justitiam, et ecce clamor. Væ qui conjúngitis domum ad domum, et agrum agro copulátis usque ad términum loci : numquid habitábitis vos soli in médio terræ? In áuribus meis sunt hæc. Hæc dicit ...

Ad Benedictus Aña. De Sion exíbit lex, et verbum Dómini de Jerúsalem.

Ad Magnificat Aña. Véniet fórtior me post me, cujus non sum dignus sólvare corrigiam calceamentórum ejus.

## FERIA QUINTA.

De Isaia Prophéta.

## Lectio j.

## Cap. 5.

**P**ROPTEREA captivus ductus est pópulus meus, quia non hábuit sciéntiam, et nóbiles ejus interiérunt fame, et multitúdo ejus siti exáruit. Proptérea dilatávit inférnus ánimam suam, et apéruit os suum absque ullo término : et descendént fortes ejus, et pópulus ejus, et sublimes, gloriosíque ejus ad eum. Et incurvábatur homo, et humiliábitur vir, et óculi sublimium depriéntur. Hæc dicit Dóminus Deus : Convertimini ad me, et salvi éritis. R. Deo grátias.

## Lectio ij.

**E**T exaltábitur Dóminus exercituum in iudicio, et Deus sanctus sanctificábitur in justitia. Et pascéntur agni juxta órđinem suum, et déserta in ubertátem versa ádvenæ cómedent. Væ qui tráhitis ini-

quitátem in funiculis vanitátis, et quasi vinculum plaustri peccátum. Hæc dicit ...

## Lectio iij.

**Q**UI dicitis : Festínet, et cito véniat opus ejus, ut videámus : et apprópiet, et véniat consilium sancti Israel, et sciémus illud. Væ qui dicitis malum bonum, et bonum malum : ponéntes ténebras lucem, et lucem ténebras : ponéntes amárum in dulce, et dulce in amárum. Væ qui sapiéntes estis in óculis vestris, et coram vobismetipsis prudéntes. Hæc dicit ...

Ad Benedictus Aña. Benedicta tu in muliéribus, et benedictus fructus ventris tui.

Ad Magnificat Aña. Expectábo Dóminum Salvatórem meum, et præstolábor eum, dum prope est, allelúia.

## FERIA SEXTA.

De Isaia Prophéta.

## Lectio j.

## Cap. 6.

**I**N anno, quo mórtuus est rex Ozias, vidi Dóminum sedéntem super sólum excélsum et elevátum : et ea, quæ sub ipso erant, replébant templum. Séraphim stabant super illud : sex alæ uni, et sex alæ álteri : duábus velábant fáciem ejus, et duábus velábant pedes ejus, et duábus volábant. Et clamábant alter ad álterum, et dicebant : Sanctus, sanctus, sanctus, Dóminus Deus exercituum, plena est omnis terra glória ejus. Tu autem.

## Lectio ij.

**E**T commóta sunt superliminária cárdinum a voce clamántis, et domus repléta est fumo. Et dixi : Væ mihi, quia tácuí, quia vir pollútus lábiis



ego sum, et in médio pópuli pollúta lábia habéntis ego hábito, et regem Dóminum exercituum vidi óculis meis. Et volávit ad me unus de Séraphim, et in manu ejus cálculus, quem fórcepe túlerat de altári. Tu autem.

Lectio iij.

**E**T tétigit os meum, et dixit : Ecce tétigit hoc lábia tua, et auferétur iniquitas tua, et peccátum tuum mundábitur. Et audivi vocem Dómini dicéntis : Quem mittam? et quis ibit nobis? Et dixi : Ecce ego, mitte me. Et dixit : Vade, et dices pópulo huic : Audíte audiéntes, et nolíte intelligere : et vidéte visiónem, et nolíte cognóscere. Hæc dicit Dóminus Deus : Convertimini ad me, et salvi éritis. R̃. Deo grátias.

Ad Benedictus Aña. Ecce véniet Deus, et homo de domo David sedére in throno, allelúia. Ad Magnificat Aña. Ex Ægypto vocávi filium meum : véniet, ut salvét pópulum suum.

### SABBATO.

De Isaia Prophéta.

Lectio j.

Cap. ij.

**E**T egrediétur virga de radice Jesse, et flos de radice ejus ascéndet. Et requiescet super eum spíritus Dómini : spíritus sapiéntiæ, et intellectus, spíritus consilii, et fortitúdinis, spíritus sciéntiæ, et pietátis, et replébit eum spíritus timóris Dómini : non secúndum visiónem oculórum judicábit, neque secúndum auditum áurium árguet : sed judicábit in justitia páuperes, et árguet in æquitáte pro mansuétis terræ. Hæc dicit Dóminus

Deus : Convertimini ad me, et salvi éritis. R̃. Deo grátias.

Lectio ij.

**E**T percútiét terram virga oris sui, et spíritu labiórum suórum interficiét ímpium. Et erit justitia cingulum lumbórum ejus : et fides cinctórium renum ejus. Habitábit lupus cum agno : et pardus cum hædo accubábit : vítilus et leo, et ovis simul morabúntur, et puer párvulus minábit eos. Vítilus, et ursus pascéntur : simul requiescent cátili eórum : et leo quasi bos cómedet páleas. Hæc dicit ...

Lectio iij.

**E**T delectábitur infans ab úbere super forámine áspidis : et in cavérna réguli, qui ablactátus fúerit, manum suam mittet. Non nocébunt, et non occident in univérso monte sancto meo : quia repléta est terra sciéntia Dómini, sicut aquæ maris operiéntes. In die illa radix Jesse, qui stat in signum populórum, ipsum gentes deprecabúntur, et erit sepúlcrum ejus gloriósum. Hæc dicit ...

Ad Benedictus Aña. Sion, noli timére : ecce Deus tuus véniet, allelúia.

### AD VESPERAS.

R̃. Ecce Dóminus véniet, et omnes sancti ejus cum eo, et erit in die illa lux magna : et exhibunt de Jérusalem sicut aqua munda : et regnábit Dóminus in ætérnum \* Super omnes gentes. Ṽ. Ecce Dóminus cum virtúte véniet : et regnum in manu ejus, et potéstas, et impérium. — Super. Glória. Super.

Ad Magnificat Añã. Veni Dómine visitare nos in pace, ut lætémur coram te corde perfectó. Oratio.

**E**XCITA Dómine corda nostra ad præparandas Unigéniti tui vias, ut per ejus adventum purificáti tibi méntibus servíre mereámur : Qui tecum vivit.

## DOMINICA II. ADVENTUS.

### AD MATUTINUM.

Invitatorium. Rex noster advéniet Christus : \* Quem Joánnes prædicávit Agnum esse venturum.

Hymnus Verbum supérnum pródiens., pag. 2.

### IN I. NOCTURNO.

Psalmi ut in Psalterio, pagg. 4-9.; super Psalmos sola Añã Sciéntes., pag. 9.; ¶. Ex Sion., ibidem.

De Isaia Prophéta.

Lectio j. Cap. 14.

**P**ROPE est ut véniat tempus ejus, et dies ejus non elongabúntur. Miserébitur enim Dóminus Jacob, et éliget adhuc de Israel, et requiescere eos faciet super humum suam : adjungétur ádvena ad eos, et adhærébit dómui Jacob. Et tenébunt eos pópuli, et addúcent eos in locum suum : et possidébit eos domus Israel super terram Dómini in servos et ancillas : et erunt capientes eos, qui se céperant, et subjicient exactóres suos. Hæc dicit Dóminus Deus : Convertimini ad me, et salvi éritis.

¶. Deo grátias.

¶. j. Jerúsalem, cito véniet salus tua : quare mærore consúmeris? numquid consiliárius non est tibi, quia innovávit te

dolor? \* Salvábo te, et liberábo te, noli timére. ¶. Israel si me audieris, non erit in te Deus recens, neque adorábis Deum aliénium : ego enim Dóminus. — Salvábo te.

### Lectio ij.

**E**T erit in die illa : cum réquiem déderit tibi Deus a labóre tuo, et a concussióne tua, et a servitúte dura, qua ante servisti : sumes parábolam istam contra regem Babylonis, et dices : Quómodo cessávit exáctor, quiévit tribútum? Contrívit Dóminus báculum impiórum, virgam dominántium, cædentem pópulos in indignatióne, plaga insanábili, subjiciéntem in furóre gentes, persequéntem crudéliter. Hæc dicit ...

¶. ij. Ecce Dóminus véniet, et omnes sancti ejus cum eo, et erit in die illa lux magna : et exhibunt de Jerúsalem sicut aqua munda : et regnabit Dóminus in ætérnum \* Super omnes gentes. ¶. Ecce Dóminus cum virtúte véniet : et regnum in manu ejus, et potéstas, et impérium. — Super omnes gentes.

### Lectio iij.

**Q**UOMODO cecidísti de cælo lúci fer, qui mane oriebáris? corruísti in terram, qui vulnerábas gentes? qui dicebas in corde tuo : In cælum conscéndam, super astra Dei exaltábo sólium meum, sedébo in monte testaménti, in latéribus aquilonis. Ascéndam super altitúdinem núbium, similis ero Altíssimo. Verúm tamen ad inférnum detrahéris in profundum laci. Hæc dicit ...

R. iij. Civitas Jerúsalem noli flere : quóniam dóluit Dóminus super te, \* Et áuferet a te omnem tribulatiónem. V. Ecce Dóminus in fortitúdine véniet : et bráchium ejus dominábitur. — Et áuferet a te. Glória. Et áuferet a te.

## IN II. NOCTURNO.

Psalmi ut in Psalterio, pagg. 10-13.; super Psalmos sola Aña Hora est., pag. 13.; V. Egrediétur virga., ibidem.

De Epístola beáti Pauli Apóstoli ad Romános.

## Lectio iv.

## Cap. 2.

**P**ROPTER quod inexcusábilis es o homo omnis, qui júdicas. In quo enim júdicas álium, teipsum condénnas : eádem enim agis quæ júdicas. Scimus enim quóniam júdicium Dei est secúndum veritátem in eos, qui talia agunt. Existimas autem hoc o homo, qui júdicas eos, qui talia agunt, et facis ea, quia tu effúgies júdicium Dei? An divítias bonitátis ejus, et patiéntiæ, et longanimitátis conténnis? ignóras quóniam benignitas Dei ad pœniténtiam te addúcit?

R. iv. Ecce véniet Dóminus protectór noster, Sanctus Israel, \* Corónam regni habens in cápite suo. V. Et dominábitur a mari usque ad mare, et a flúmine usque ad términos orbis terrárum. — Corónam regni.

## Lectio v.

**S**ECUNDUM autem durítiam tuam, et impœnitens cor, thesaurízans tibi iram in die iræ, et revelatiónis justí júdicii Dei, qui reddet unicuique secúndum ópera ejus : iis quidem, qui secúndum patiéntiam boni óperis, glóriam, et honó-

rem, et incorruptiόνem quærunt, vitam ætérnam : iis autem, qui sunt ex contentiône, et qui non acquiescunt veritáti, credunt autem iniquitáti, ira, et indignátió.

R. v. Sicut mater consoláitur filios suos, ita consolábor vos, dicit Dóminus : et de Jerúsalem civitáte, quam elégi, véniet vobis auxílium, et vidébitis, \* Et gaudébit cor vestrum. V. Dabo in Sion salútem, et in Jerúsalem glóriam meam. — Et gaudébit cor vestrum.

## Lectio vj.

**T**RIBULATIO, et angústia in omnem ánimam hóminis operántis malum, Judæi primum, et Græci : glória autem, et honor, et pax omni operánti bonum, Judæo primum, et Græco : non enim est acceptiô personárum apud Deum. Quicúmque enim sine lege peccáverunt, sine lege peribunt : et quicúmque in lege peccáverunt, per legem judicabúntur. Non enim auditóres legis justí sunt apud Deum, sed factóres legis justificabúntur.

R. vj. Jerúsalem plantábis vineam in móntibus tuis : exultábis, quóniam dies Dómini véniet. Surge Sion, convértere ad Dóminum Deum tuum : gaude et lætare Jacob, \* Quia de médio géntium Salvátor tuus véniet. V. Exúlta satis filia Sion : júbila filia Jerúsalem. — Quia de médio géntium. Glória. Quia de médio géntium.

## IN III. NOCTURNO.

Psalmi ut in Psalterio, pagg. 13-15.; super Psalmos sola Aña Nox præcéssit., pag. 15.; V. Egrediétur Dóminus., ibidem.



Lectio sancti Evangelii  
secundum Matthæum.

Lectio vij. Cap. 11.

**I**n illo tempore : Cum audisset Joannes in vinculis opera Christi, mittens duos de discipulis suis, ait illi : Tu es, qui venturus es, an alium expectamus? Et reliqua.

Homilia sancti Gregorii Papæ.

(Homil. 6. in Evang. post initium.)

**V**isis tot signis tantisque virtutibus, non scandalizari quisquam potuit, sed admirari. Sed infidelium mens grave in illo scandalum pertulit, cum eum post tot miracula morientem vidit. Unde et Paulus dicit : Nos autem predicamus Christum crucifixum : Judæis quidem scandalum, Gentibus autem stultitiam. Stultum quippe hominibus visum est, ut pro hominibus Auctor vitæ moreretur : et inde contra eum homo scandalum sumpsit, unde ei amplius debitor fieri debuit. Nam tanto Deus ab hominibus dignius honorandus est, quanto pro hominibus et indigna suscepit.

R. vij. Egrediētur Dominus de Samaria ad portam, quæ respicit ad Orientem : et veniet in Bethlehem ambulans super aquas redemptionis Judæ : \* Tunc salvus erit omnis homo : quia ecce veniet. V. Et præparabitur in misericordia solium ejus, et sedebit super illud in veritate. — Tunc salvus erit.

Lectio viij.

**Q**uid est ergo dicere, Beatus qui non fuerit scandalizatus in me : nisi aperta voce

abjectionem mortis suæ humilitatemque signare? Ac si patenter dicat : Mira quidem facio, sed abjecta perpeti non dedignor. Quia ergo moriendo te subsequor, cavendum valde est hominibus, ne in me mortem despiciant, qui signa venerantur.

R. viij. Docēbit nos Dominus vias suas : et ambulabimus in semitis ejus : \* Quia de Sion exiit lex, et verbum Domini de Jerusalem. V. Venite, ascendamus ad montem Domini, et ad domum Dei Jacob. — Quia de Sion.

Lectio ix.

**S**ed dimissis Joannis discipulis, quid de eodem Joanne turbis dicat audiamus. Quid existis in desertum videre? Arundinem vento agitatam? Quod videlicet non asserendo, sed negando intulit. Arundinem quippe mox ut aura contigerit, in partem alteram inflectit. Et quid per arundinem, nisi carnalis animus designatur, qui mox ut favore, vel detractioe tangitur, statim in partem quamlibet inclinatur?

R. ix. Rex noster adveniet Christus : \* Quem Joannes predicavit Agnum esse venturum. V. Super ipsum continent reges os suum : ipsum gentes deprecabuntur. — Quem Joannes predicavit. Gloria. Quem Joannes predicavit. R. Rex noster adveniet Christus.

Ante Laudes V. Emitte Agnum Domine Dominatorem terræ. R. De Petra deserti ad montem filiae Sion.

## AD LAUDES

ET PER HORAS ANTIPHONÆ.

1. Ecce in núbibus cæli Dóminus véniet cum potestáte magna, allelúia. Psalmus Dóminus regnávít. cum ceteris, pag. 17.

2. Urbs fortitúdinis nostræ Sion Salvátor, ponétur in eamur et antemurále : aperíte portas, quia nobiscum Deus, allelúia.

3. Ecce apparébit Dóminus, et non mentiétur : si moram fécerit, expécta eum, quia véniet, et non tardábit, allelúia.

4. Montes et colles cantábunt coram Deo laudem, et ómnia ligna silvárum plaudent má nibus : quóniam véniet dominátor Dóminus in regnum ætérnum, allelúia, allelúia.

5. Ecce Dóminus noster cum virtúte véniet, et illuminábit óculos servórum suórum, allelúia.

Capitulum Ecce dies véniunt., Hymnus Vox clara ecce intonat. et V. Vox clamántis., pag. 20. et pag. 21.

Ad Benedictus Aña. Joánnes autem, cum audisset in vínculis ópera Christi, mittens duos ex discipulis suis, ait illi : Tu es qui ventúrus es, an álium exspectámus? Oratio.

**E**XCITA, Dómine, corda nostra ad præparándas Unigéniti tui vias : ut per ejus advéntum purificáti tibi méntibus servíre mereámur : Qui tecum vivit.

## AD TERTIAM.

SEXTAM ET NONAM.

Capitula, k̄k̄. et V̄V̄. de Adventu, ut in Psalterio.

## AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Ecce dies véniunt. et Hymnus Cónditor alme siderum., pag. 127.

V̄. Roráte cæli désuper, et nubes pluunt justum. R̄. Aperíatur terra et gérmínet Salvátorem.

Ad Magnificat Aña. Ite, dicite Joánni : Cæci vident, et surdi ádiunt : claudi curántur, leprósi mundántur.

Oratio Excita Dómine corda nostra., ut in Laudibus.

## FERIA SECUNDA.

De Isaia Prophéta.

Lectio j. Cap. 16.

**E**MITTE Agnum Dómine dominatórem terræ, de Petra desérti ad montem filiæ Sion. Et erit : sicut avis fugiens, et pulli de nido avolántes, sic erunt filiæ Moab in transcénsu Arnon. Iní consílium, coge concílium : pone quasi noctem umbram tuam in merídie : absconde fugientes, et vagos ne prodas. Habitábunt apud te prófugi mei : Moab esto latíbulum eórum a fácie vastatóris. Hæc dicit Dóminus Deus : Convertímíni ad me, et salvi éritis.

R̄. Deo grátias.

Lectio ij.

**F**INITUS est enim pulvis, consummátus est miser : defécit qui conculcábat terram. Et præparábitur in misericórdia sólium, et sedébit super illud in veritáte in tabernáculo David, júdicans et quærens júdicium, et velocíter reddens quod justum est.

Audivimus superbiam Moab, superbus est valde : superbia ejus et arrogántia ejus, et indignatio ejus plus quam fortitúdo ejus. Hæc dicit ...

Lectio iij.

**I**DCIRCO ululábit Moab ad Moab, univérsum ululábit : his, qui lætántur super muros cocti láteris, loquimini plagas suas. Quóniam suburbána Hésebon desérta sunt, et vineam Sábama dómini géntium exciderunt : flagélla ejus usque ad Jazer pervenerunt : erraverunt in desérto, propágines ejus relictæ sunt, transierunt mare. Hæc dicit ...

Ad Benedictus Aña. De cælo véniet dominátor Dóminus, et in manu ejus honor et impérium.

Ad Magnificat Aña. Ecce véniet Rex Dóminus terræ, et ipse áuferet jugum captivitátis nostræ.

#### FERIA TERTIA.

De Isaia Prophéta.

Lectio j.

Cap. 19.

**O**NUS Ægypti. Ecce Dóminus ascendet super nubem levem, et ingrediétur Ægyptum, et commovebúntur simulácula Ægypti a fácie ejus, et cor Ægypti tabéscet in médio ejus. Et concúrrere fáciem Ægyptios advérsus Ægyptios : et pugnábit vir contra fratrem suum, et vir contra amicum suum, civitas advérsus civitatem, regnum advérsus regnum. Hæc dicit Dóminus Deus : Convertimini ad me, et salví eritis. R. Deo grátias.

Lectio ij.

**E**T dirumpétur spíritus Ægypti in viscéribus ejus, et consílium ejus præcipitábo : et

interrogábunt simulácula sua, et divinos suos, et pythónes, et ariolos. Et tradam Ægyptum in manu dominórum crudélium, et rex fortis dominábitur eórum, ait Dóminus Deus exercítuum. Et aréscet aqua de mari, et flúvius desolábitur, atque siccábitur. Et deficient flúmina : attenuabúntur, et siccabúntur rivi ággerum. Hæc dicit...

Lectio iij.

**S**TULTI principes Táneos, sapientes consiliárii Pharaónis dedérunt consílium insipiens : quómodo dicétis Pharaóni : Filius sapiéntium ego, filius regum antiquórum? Ubi nunc sunt sapientes tui? annúntient tibi, et indicent quid cogitáverit Dóminus exercítuum super Ægyptum. Stulti facti sunt principes Táneos, emarcuérunt principes Mémphéos, decepérunt Ægyptum, ángulum populórum ejus. Hæc dicit ...

Ad Benedictus Aña. Super te Jerúsalem oriétur Dóminus, et glória ejus in te vidébitur.

Ad Magnificat Aña. Vox clamántis in desérto : Paráte viam Dómini, rectas fácite sémitas Dei nostri.

#### FERIA QUARTA.

De Isaia Prophéta.

Lectio j.

Cap. 25.

**D**OMINE Deus meus es tu, exaltábo te, et confitébor nómini tuo : quóniam fecisti mirabilia, cogitationes antiquas fidéles, amen. Quia posuisti civitatem in tûmulum, urbem fortem in ruinam, domum alienórum : ut non sit civitas, et in sempitérnum non



ædificétur. Super hoc laudábit te pópulus fortis, civitas gén-tium robustárum timébit te. Quia factus es fortitúdo páu-peri, fortitúdo egéno in tribu-latióne sua : spes a túrbine, umbráculum ab æstu. Hæc dicit Dóminus Deus : Con-vertimini ad me, et salvi éritis. R. Deo grátias.

## Lectio ij.

**S**PIRITUS enim robustórum quasi turbo impéllens pa-rietem. Sicut æstus in siti, tú-múltum alienórum humiliábis : et quasi calóre sub nube tor-rénte propáginem fórtium mar-céscere fácies. Et fáciet Dó-minus exercituum ómnibus pó-pulis in monte hoc convívium pinguium, convívium vindé-miæ, pinguium medullatórum, vindémíæ defæcátæ. Hæc di-cit ...

## Lectio iij.

**E**T præcipitábit in monte isto faciém vínculi colligáti super omnes pópulos, et telam quam orditus est super omnes natiónes. Præcipitábit mortem in sempitérnum : et áuferet Dóminus Deus lácri-am ab omni fácie, et oppró-brium pópuli sui áuferet de univérſa terra : quia Dóminus locútus est. Et dicet in die illa : Ecce Deus noster iste, expec-távimus eum, et salvábit nos. Hæc dicit ...

Ad Benedictus Aña. Ecce ego mitto Angelum meum, qui præparábit viam meam ante faciém tuam.

Ad Magnificat Aña. Sion re-nováberis, et vidébis justum tuum, qui ventúrus est in te.

## FERIA QUINTA.

De Isaia Prophéta.

Lectio j. Cap. 26.

**I**N die illa cantábitur canti-cum istud in terra Juda : Urbs fortitúdinis nostræ Sion salvátor, ponétur in ea murus et antemurále. Aperite portas, et ingrediátur gens justa, cu-stódiens veritátem. Vetus error ábiit : servábis pacem : pacem, quia in te sperávimus. Spe-rástis in Dómino in sæculis ætérnis, in Dómino Deo forti in perpétuum. Hæc dicit Dómi-nus Deus : Convertimini ad me, et salvi éritis. R. Deo grátias.

## Lectio ij.

**Q**UIA incurvábbit habitántes in excélsó, civitátem sub-límem humiliábit. Humiliá-bit eam usque ad terram, dé-trahet eam usque ad púlverem. Conculcábit eam pes, pedes páuperis, gressus egenórum. Sémita justi recta est, rectus callis justi ad ambulándum. Et in sémita judiciórum tuórum Dómine sustinúimus te : no-men tuum et memoriále tuum in desidério ánimæ. Hæc dicit...

## Lectio iij.

**A**NIMA mea desiderávit te in nocte : sed et spíritu meo in præcórdiis meis de mane vigilábo ad te. Cum fé-ceris judicia tua in terra, justí-tiam discent habitatóres orbis. Misereámur impio, et non dis-cet justítiam : in terra san-ctórum iniqua gessit, et non vidébit glóriam Dómini. Hæc dicit ...

Ad Benedictus Aña. Tu es, qui ventúrus es Dómine, quem expectámus, ut salvum fácias pópulum tuum.

Ad Magnificat Añā. Qui post me venit, ante me factus est : cuius non sum dignus calceamenta solvere.

### FERIA SEXTA.

De Isaia Prophéta.

Lectio j. Cap. 26.

**S**ICUT quæ concipit, cum appropinquáverit ad partum, dolens clamat in doloribus suis : sic facti sumus a fácie tua Dómine. Concépinus, et quasi parturivimus, et peperimus spiritum : salútes non fédimus in terra, ideo non ceciderunt habitatores terræ. Vivent mórtui tui, interfécti mei resurgént : expérgiscimini, et laudáte qui habitátis in púlvere : quia ros lucis ros tuus, et terram gigántum détrahes in ruínam. Hæc dicit Dóminus Deus : Convertimini ad me, et salvi éritis. R. Deo grátias.

Lectio ij.

**V**ADE pópulus meus, intra in cubicula tua, claudé óstia tua super te, abscondere módicum ad moméntum, donec pertránseat indignátio. Ecce enim Dóminus egrediétur de loco suo, ut visitet iniquitátem habitatóris terræ contra eum : et revelábit terra sánguinem suum, et non opériet ultra interféctos suos. Hæc dicit ...

Lectio iij.

**I**N die illa visitábit Dóminus in gládio suo duro, et grandi, et forti, super Leviathan serpéntem vectem, et super Leviathan serpéntem tortuósum, et occidet cetum, qui in mari est. In die illa vinea meri cantábit ei. Ego Dóminus, qui servo eam, repénite propinábo ei : ne forte visitétur contra

eam, nocte et die servo eam. Indignátio non est mihi. Hæc dicit ...

Ad Benedictus Añā. Dicite : Pusillánimes confortámini : ecce Dóminus Deus noster véniet.

Ad Magnificat Añā. Cantáte Dómino cánticum novum : laus ejus ab extrémis terræ.

### SABBATO

De Isaia Prophéta.

Lectio j. Cap. 28.

**I**N die illa erit Dóminus exercituum coróna glóriæ, et sertum exsultationis residuo pópuli sui : et spíritus iudicii sedénti super iudicium, et fortitúdo reverténtibus de bello ad portam. Verum hi quoque præ vino nesciérunt, et præ ebrietáte erravérunt : sacerdotes et prophéta nesciérunt præ ebrietáte, absórpti sunt a vino, erravérunt in ebrietáte, nesciérunt vidéntem, ignoravérunt iudiciu. Hæc dicit Dóminus Deus : Convertimini ad me, et salvi éritis. R. Deo grátias.

Lectio ij.

**O**MNES enim mensæ replétæ sunt vómitu sordiumque, ita ut non esset ultra locus. Quem docébit sciéntiam? et quem intelligere fáciat auditum? ablactátos a lacte, avulsos ab ubéribus. Quia manda remánda, manda remánda, exspécta reexspécta, exspécta reexspécta, módicum ibi, módicum ibi. In loquela enim lábiu, et lingua áltera loquétur ad pópulum istum. Hæc dicit ...

Lectio iij.

**C**UI dixit : Hæc est réquies mea, reficite lassum, et hoc est meum refrigérium : et

noluérunt audire. Et erit eis verbum Dómini : Manda remánda, manda remánda, exspecta reexpecta, exspecta reexpecta, módicum ibi, módicum ibi : ut vadant, et cadant retrórum, et conterántur, et illaqueéntur, et capíantur. Hæc dicit ...

Ad Benedictus Aña. Levábit Dóminus signum in natióibus, et congregábit dispérsos Israel.

#### AD VESPERAS.

R. Qui ventúrus est véniet, et non tardábit : et jam non erit timor in finibus nostris : \* Quóniam ipse est Salvátor noster. V. Depónet omnes iniquitátes nostras, et projiciet in profúndum maris ómnia peccáta nostra. — Quóniam. Glória. Quóniam.

Ad Magnificat Aña. Ante me non est formátus Deus, et post me non erit : quia mihi curvábatur omne genu, et confitébatur omnis lingua. Oratio.

AUREM tuam, quæsumus Dómine, précibus nostris accómmoda ; et mentis nostræ ténebras grátia tuæ visitatiónis illústra. Qui vivis.

#### DOMINICA III. ADVENTUS.

##### AD MATUTINUM.

Invitatorium. Súrgite vigilémus, veníte adorémus : \* Quia nescitis horam quando véniet Dóminus.

Hymnus Verbum supérnum pródiens., pag. 2.

##### IN I. NOCTURNO.

Psalmi ut in Psalterio, pagg. 4-9.; super Psalmos sola Aña Sciéntes., pag. 9.; V. Ex Sion., ibidem.

De Isaia Prophéta.

Lectio j.

Cap. 30.

HÆC dicit Dóminus Deus sanctus Israel : Si revertámini et quiescátis, salvi éritis : in siléntio et in spe erit fortitúdo vestra. Et noluístis : et dixistis : Nequáquam, sed ad equos fugiémus : ideo fugiétis. Et super velóces ascendémus : ideo velocióres erunt, qui persequéntur vos. Mille hómines a fácie terróris unius : et a fácie terróris quinque fugiétis, donec relinquiámini quasi malus navis in vértice montis, et quasi signum super collem. Hæc dicit Dóminus Deus : Convertimini ad me, et salvi éritis. R. Deo grátias.

R. j. Ecce apparébit Dóminus super nubem cándidam, et cum eo Sanctórum millia : habens in vestiménto, et in fémore suo scriptum : \* Rex regum, et Dóminus dominántium. V. Apparébit in finem, et non mentiétur : si moram fécerit, exspecta eum, quia véniens véniet. — Rex regum.

Lectio ij.

PROPTEREA exspectat Dóminus ut misereátur vestri : et ideo exaltábitur parcens vobis : quia Deus iudicii Dóminus : beáti omnes qui exspectant eum. Pópulus enim Sion habitábit in Jerúsalem : plorans nequáquam plorábis, miserans miserébitur tui : ad vocem clamóris tui statim ut audierit, respondébit tibi. Et dabit vobis Dóminus panem arctum, et aquam brevem : et non fáciat avoláre a te ultra doctórem tuum. Hæc dicit ...



R. ij. Béthlehem civitas Dei summi, ex te exiit dominátor Israel, et egressus ejus sicut a principio a diébus æternitátis, et magnificábitur in médio univérsæ terræ : et pax erit in terra nostra, \* Dum vénerit. V. Loquétur pacem géntibus, et potestas ejus a mari usque ad mare. — Dum vénerit.

Lectio iij.

**E**T erunt óculi tui vidéntes præceptórem tuum. Et aures tuæ audient verbum post tergum monéntis : Hæc est via, ambuláte in ea : et non declinétis neque ad dexteram, neque ad sinistram. Et contaminábis láminas sculptilium argénti tui, et vestiméntum conflátilis auri tui, et dispérges ea sicut immunditiam menstruátæ. Hæc dicit ...

R. iij. Qui ventúrus est, véniat, et non tardábit : et jam non erit timor in finibus nostris : \* Quóniam ipse est Salvátor noster. V. Depónet omnes iniquitátes nostras, et projiciet in profundum maris ómnia peccáta nostra. — Quóniam ipse est. Glória. Quóniam ipse est.

## IN II. NOCTURNO.

Psalmi ut in Psalterio, pagg. 10-13; super Psalmos sola Añã Hora est., pag. 13; V. Egre-diétur virga., ibidem.

De Epístola beáti Pauli Apóstoli ad Romános.

Lectio iv.

Cap. 3.

**Q**UID ergo ámplius Judæo est? aut quæ utilitas circumcisiónis? Multum per omnem modum. Primum quidem quia crédita sunt illis elóquia Dei : quid enim si quidam illórum non credidérunt? Num-

quid incredúlitas illórum fidem Dei evacuábit? Absit. Est autem Deus verax : omnis autem homo mendax, sicut scriptum est : Ut justificéris in sermónibus tuis : et vincas cum judicáris. Si autem iniquitátes nostra justitiam Dei comméndat, quid dicémus? Numquid iniquus est Deus, qui infert iram? (Secúndum hóminem dico.) Absit : alióquin quómodo judicábit Deus hunc mundum?

R. iv. Súscipe verbum Virgo María, quod tibi a Dómino per Angelum transmissum est : concípies, et páries Deum páriter et hóminem, \* Ut benedicta dicáris inter omnes mulieres. V. Páries quidem filium, et virginitátis non patiéris detriméntum : efficiéris grávida, et eris mater semper intacta. — Ut benedicta dicáris.

Lectio v.

**S**I enim véritas Dei in meo S. mendácio abundávit in glóriam ipsíus : quid adhuc et ego tamquam peccátor júdicor? Et non (sicut blasphemámur, et sicut aiunt quidam nos dicere) faciámus mala ut véniant bona : quorum damnatio justa est. Quid ergo? præcélлимus eos? Nequáquam. Causáti enim sumus Judæos et Græcos omnes sub peccáto esse, sicut scriptum est : Quia non est justus quisquam : non est intéllegens, non est requírens Deum.

R. v. Ægypte noli flere : quia dominátor tuus véniet tibi, ante cujus conspéctum movebúntur abyssi, \* Liberáre pópulum suum de manu poténtiæ. V. Ecce dominátor Dóminus cum virtúte véniet. — Liberáre pópulum suum.

## Lectio vj.

**S**CIMUS autem quóniam quæcúmque lex lóquitur, iis, qui in lege sunt, lóquitur : ut omne os obstruátur, et súbditus fiat omnis mundus Deo : quia ex opéribus legis non justificábitur omnis caro coram illo. Per legem enim cognitio peccáti. Nunc autem sine lege justítia Dei manifestáta est : testificáta a lege et prophétis. Justítia autem Dei per fidem Jesu Christi in omnes, et super omnes, qui credunt in eum : non enim est distinctio.

R. vj. Prope est ut véniat tempus ejus, et dies ejus non elongabúntur : \* Miserébitur Dóminus Jacob, Et Israel salvábitur. V. Qui ventúrus est véniet, et non tardábit : jam non erit timor in finibus nostris. — Miserébitur Dóminus Jacob. Glória. Et Israel salvábitur.

## IN III. NOCTURNO.

Psalmi ut in Psalterio, pagg. 13-15; super Psalmos sola Aña Nox præcéssit., pag. 15.; V. Egrediétur Dóminus., ibidem.

Lectio sancti Evangélíi  
secúndum Joánnem.

Lectio vij. Cap. i.

**I**N illo témpore : Misérunt I Judæi ab Jerosólymis sacerdótes et Levítas ad Joánnem ut interrogárent eum : Tu quis es? Et reliqua.

Homília sancti Gregórii Papæ.  
(Homil. 7. in Evang.)

**E**X hujus nobis lectionis verbis, fratres caríssimi, Joánnis humilitas commendátur : qui cum tantæ virtútis esset, ut Christus credi potuísset, elégit sólide subsistere in se, ne

humána opinióne raperétur ináriter super se. Nam confessus est, et non negávit : et confessus est : Quia non sum ego Christus. Sed cum ex lectione álía Redemptóris nostri senténtia ad mentem redúctur, ex hujus lectionis verbis nobis quæstio valde impléxa generátur.

R. vij. Descéndet Dóminus sicut plúvia in vellus : \* Oriétur in diébus ejus justítia, et abundántia pacis. V. Et adorábunt eum omnes reges, omnes gentes sérvient ei. — Oriétur in diébus ejus.

## Lectio viij.

**A**LIO quippe in loco inquisitus a discípulis Dóminus de Eliæ advéntu, respóndit : Eliás jam venit, et non cognóverunt eum, sed fecerunt in eum quæcúmque voluerunt : et, si vultis scire, Joánnes ipse est Eliás. Requisitus autem Joánnes dicit : Non sum Eliás. Quid est hoc, fratres caríssimi, quia quod Véritas affirmat, hoc Prophéta Veritátis negat? Valde namque inter se diversa sunt, Ipse est; et, Non sum. Quómodo ergo Prophéta Veritátis est, si ejúsdem Veritátis sermónibus concors non est?

R. viij. Veni Dómine, et noli tardáre : reláxa facínora plebis tuæ, \* Et révoca dispérsos in terram suam. V. Excíta Dómine poténtiam tuam, et veni, ut salvos fácias nos. -- Et révoca.

## Lectio ix.

**S**ED si subtiliter véritas ipsa requirátur, hoc quod inter se contrárium sonat, quómodo contrárium non sit, invenitur.

Ad Zachariam namque de Joanne Angelus dicit : Ipse præcedet ante illum in spiritu et virtute Eliæ. Qui idcirco venturus in spiritu et virtute Eliæ dicitur, quia sicut Elias secundum Dómini adventum præveniet, ita Joannes prævenit primum : et sicut ille præcursor venturus est Júdeis, ita iste præcursor est factus Redemptoris. Joannes igitur in spiritu Elias erat, in persona Elias non erat. Quod ergo Dóminus fatetur de spiritu, hoc Joannes dénégat de persona.

℞. ix. Ecce radix Jesse descendet in salutem populorum : ipsum gentes deprecabuntur : \* Et erit nomen ejus gloriósum. V. Erit justitia cingulum lumborum ejus, et fides cinctórium renum ejus. — Et erit nomen ejus gloriósum. Glória. Et erit nomen ejus gloriósum.

℞. Ecce radix Jesse.

Ante Laudes V. Émitte Agnum Dómine Dominatórem terræ. ℞. De Petra déserti ad montem filiae Sion.

#### AD LAUDES

ET PER HORAS ANTIPHONÆ.

1. Véniet Dóminus, et non tardábit, et illuminábit abscondita tenebrarum, et manifestábit se ad omnes gentes, allelúia. Psalmus Dóminus regnávít. cum ceteris, pag. 17.

2. Jerúsalem gaude gáudio magno, quia véniet tibi Salvátor, allelúia.

3. Dabo in Sion salutem, et in Jerúsalem glóriam meam, allelúia.

4. Montes et omnes colles humiliabuntur : et erunt prava

in directa, et áspera in vias planas : veni Dómine, et noli tardáre, allelúia.

5. Juste et pie vivámus, expectántes beatam spem, et adventum Dómini.

Capitulum Ecce dies véniunt, Hymnus Vox clara ecce intonat. et X. Vox clamántis, pag. 20. et pag. 21.

Ad Benedictus Año. Super sólum David, et super regnum ejus sedébit in ætérnum, allelúia.

Oratio.

AUREM tuam, quæsumus, Dómine, précibus nostris accómmoda, et mentis nostræ tenebras grátia tuæ visitationis illústra : Qui visis.

AD TERTIAM,

SEXTAM ET NONAM.

Capitula, ℞℞. et XXX. de Adventu, ut in Psalterio.

AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Ecce dies véniunt, et Hymnus Cónditor alme síderum., pag. 127.

V. Rorate cæli désuper, et nubes pluant justum. ℞. Aperíatur terra, et gérmínet Salvátorem.

Ad Magnificat Año. Beata es María, quæ credidisti : perficiéntur in te quæ dicta sunt tibi a Dómino, allelúia. Vel una ex Antiphonis pagina 186. positus, quæ incipiunt per O.

Oratio Aurem tuam., ut in Laudibus.

FERIA SECUNDA.

De Isaia Prophéta.

Lectio j.

Cap. 33.

DÓMINE miserére nostri : te enim expectávimus : esto



brachium nostrum in mane, et salus nostra in tempore tribulationis. A voce Angeli fugerunt populi, et ab exaltatione tua dispersæ sunt gentes. Et congregabuntur spolia vestra sicut colligitur bruchus, velut cum fossæ plenæ fuerint de eo. Magnificatus est Dominus, quoniam habitavit in excelsu: implevit Sion iudicio et iustitia. Hæc dicit Dominus Deus: Convertimini ad me, et salvi eritis. R. Deo grátias.

## Lectio ij.

**E**T erit fides in temporibus tuis: divitiæ salutis sapientia et scientia: timor Domini ipse est thesaurus ejus. Conterriti sunt in Sion peccatores, possedit tremor hypocritas: quis poterit habitare de vobis cum igne devorante? quis habitabit ex vobis cum ardoribus sempiternis? Qui ambulat in iustitiis, et loquitur veritatem. Hæc dicit ...

## Lectio iij.

**Q**UI projicit avaritiam ex calumnia, et excutit manus suas ab omni munere, qui obturat aures suas ne audiat sanguinem, et claudit oculos suos ne videat malum. Iste in excelsis habitabit, munimenta saxorum sublimitas ejus: panis ei datus est, aquæ ejus fideles sunt. Regem in decore suo videbunt oculi ejus, cernent terram de longe. Hæc dicit ...

Ad Benedictus Aña. Egre-diétur virga de radice Jesse, et replébitur omnis terra gloria Domini: et videbit omnis caro salutæ Dei.

Ad Magnificat Aña. Elevare, elevare, consurge Jérusalem: solve vincula colli tui, captiva filia Sion. Vel Aña O.

## FERIA TERTIA.

De Isaia Propheta.

Lectio j. Cap. 42.

**E**CCE servus meus, suscipiam eum: electus meus, complacuit sibi in illo anima mea: dedi spiritum meum super eum, iudicium gentibus profert. Non clamabit, neque accipiet personam, nec audietur vox ejus foris. Calamum quasatum non conteret, et linum fumigans non exstinguet: in veritate educet iudicium. Non erit tristis, neque turbulens, donec ponat in terra iudicium: et legem ejus insulæ expectabunt. Hæc dicit Dominus Deus: Convertimini ad me, et salvi eritis. R. Deo grátias.

## Lectio ij.

**H**ÆC dicit Dominus Deus creans caelos, et extendens eos: firmans terram, et quæ germinant ex ea: dans flatum populo, qui est super eam, et spiritum calcantibus eam. Ego Dominus vocavi te in iustitia, et apprehendi manum tuam, et servavi te. Et dedi te in fœdus populi, in lucem gentium: ut aperires oculos cæcorum, et educeres de conclusione vinctum, de domo carceris sedentes in tenebris. Hæc dicit ...

## Lectio iij.

**C**ANTATE Domino canticum novum, laus ejus ab extremis terræ: qui descenditis in mare, et plenitudo ejus, insulæ, et habitatores earum.

Sublevétur désértum, et civitates ejus : in dómibus habitábit Cedar : laudáte, habitátóres Petráe, de vértice móntium clamábunt. Ponent Dómino glóriam, et laudem ejus in insulis nuntiábunt. Hæc dicit ...

Ad Benedictus Aña. Tu Béthlehem terra Juda, non eris minima : ex te enim éxiet dux, qui regat pópulum meum Israel.

Ad Magnificat Aña. Erumpant montes jucunditatem, et colles justítiam : quia lux mundi Dóminus cum poténtia véniet. Vel Aña O.

#### FERIA QUARTA QUATUOR TEMPORUM.

##### AD MATUTINUM.

Invitorium. Prope est jam Dóminus : \* Veníte adorémus.

Léctio sancti Evangélii  
secúndum Lucam.

Lectio j. Cap. 1.

**I**N illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David, et nomen Virginiis María. Et réliqua.

Homilia sancti Ambrósii  
Episcopi.

(Lib. 2. in Lucam, in initio.)

**L**ATENT quidem divína mystéria, nec fá-cile, juxta prophéticum dictum, quisquam hóminum potest scire consílium Dei. Sed tamen ex céteris factis atque præcéptis Dómini Salvatóris póssumus intelligere, et hoc propensióris fuisse consílii, quod ea potissimum elécta est ut Dóminum

páreret, quæ erat desponsáta viro. Cur autem non ántequam desponsarétur, impléta est? Fortásse ne dicerétur, quod concéperat ex adultério.

R. j. Clama in fortitúdine, qui annúntias pacem in Jerúsalem : \* Dic civitatibus Judæ, et habitátóribus Sion : Ecce Deus noster, quem expectabámus, advéniet. V. Supra montem excélsam ascénde tu, qui evangelízas Sion : exálta in fortitúdine vocem tuam. — Dic civitatibus.

Lectio ij.

(Longius post prædicta.)

**E**T ingrèssus ad eam Angelus. Disce Virginem móribus, disce Virginem verecúndia, disce oráculo, disce mystério. Trepidáre virginum est, et ad omnes viri ingrèssus pavére, omnes viri affátus veréri. Discant mulieres propósitum pudóris imitári. Sola in penetrálibus, quam nemo virórum vidéret, solus Angelus reperíret : sola sine cómite, sola sine teste, ne quo degéneri depravarétur affátu, ab Angelo salutátur.

R. ij. Oriétur stella ex Jacob, et exsúrget homo de Israel, et confringet omnes duces alienigenárum : \* Et erit omnis terra possessió ejus. V. Et adorábunt eum omnes reges terræ, omnes gentes sérvient ei. — Et erit omnis.

Lectio iij.

(Longius post prædicta.)

**T**ANTI namque mandáti mystérium non hóminis fuit sed Angeli ore proméndum. Hódie primum audí-tur : Spíritus sanctus supervénit

in te. Et auditur, et créditur. Dénique, Ecce, inquit, ancilla Dómini : contingat mihi secundum verbum tuum. Vide humilitatem, vide devotíonem. Ancillam se dicit Dómini, quæ mater eligitur : nec repentino exaltata promisso est.

R. ij. Egrediétur Dóminus, et procliábitur contra gentes : \* Et stabunt pedes ejus supra montes olivárum ad Oriéntem. V. Et elevábitur supra omnes colles, et fluent ad eum omnes gentes. — Et stabunt. Glória. Et stabunt.

† Prædicta tria R. R. et alia quæ sequuntur FERIA sexta et Sabbato, dici tantum debent diebus, in quibus notata sunt : nisi in illis Octava dies Conceptionis vel festum Duplex aut Totum Duplex evenierit : tunc enim R. R. illius diei in quinta FERIA dicentur. Homilia vero Feriæ in qua festum evenierit, omittatur.

Ad Benedictus Añæ. Missus est Gábríel Angelus ad Mariam Virginem desponsatam Joseph.

Oratio.

**F**ESTINA, quæsumus Dómine, ne tardáveris : et auxilium nobis supérnæ virtútis impénde ; ut adventus tui consolatióibus sublevéntur, qui in tua pietáte confidunt : Qui vivis.

† Hæc Oratio dicitur ad Laudes tantum. Ad alias autem Horas Oratio Dominicæ. Idem fiat de Orationibus, quæ sequuntur FERIA sexta, et Sabbato.

Ad Magnificat Añæ. Quómodo fiet istud Angele Dei, quia virum in concipiéndò non pér-tuli? Audi Maria Virgo Chri-

sti : Spiritus sanctus supervéniet in te, et virtus Altíssimi obumbrábit tibi. Vel Añæ O.

Oratio.

**A**UREM tuam, quæsumus Dómine, précibus nostris accómmoda ; et mentis nostræ ténebras grátia tuæ visitatiónis illústra. Qui vivis.

FERIA QUINTA.

AD MATUTINUM.

Invitatorium. Regem ventúrum Dóminum, \* Veníte ad-rémus.

De Isaia Prophéta.

Lectio j.

Cap. 43.

**E**T nunc hæc dicit Dóminus creans te Jacob, et formans te Israel : Noli timére, quia redémi te, et vocávi te nómine tuo : meus es tu. Cum transieris per aquas, tecum ero, et flúmina non opérient te : cum ambuláveris in igne, non comburérís, et flamma non ardébit in te : quia ego Dóminus Deus tuus sanctus Israel salvátor tuus, dedi propitiatióem tuam Ægyptum, Æthiópíam, et Saba pro te. Hæc dicit Dóminus Deus : Convertimini ad me, et salvi éritis. R. Deo grátias.

Lectio ij.

**E**x quo honorábilis factus es in óculis meis, et gloriósus : ego diléxi te, et dabo hómines pro te, et pópulos pro ánima tua. Noli timére, quia ego tecum sum : ab oriénte addúcam semen tuum, et ab occidénte congregábo te. Dicam aquilóni : Da : et austro : Noli prohibére : affer filios meos de longinquo, et filias meas ab extrémis terræ. Hæc dicit ...



## Lectio iij.

**E**T omnem, qui invocat nomen meum, in glóriam meam creávi eum, formávi eum, et feci eum. Educ foras pópulum cæcum, et óculos habéntem : surdum, et aures ei sunt. Omnes gentes congregátæ sunt simul, et collectæ sunt tribus : quis in vobis annúntiet istud, et quæ prima sunt audire nos faciet? dent testes eórum, justificéntur, et audiant, et dicant : Vere. Hæc dicit ...

Ad Benedictus Aña. Vigiláte ánimo : in próximo est Dóminus Deus noster.

Ad Magnificat Aña. Lætámini cum Jerúsalem, et exultáte in ea omnes, qui dilígitis eam, in ætérnum. Vel Aña O.

## FERIA SEXTA

## QUATUOR TEMPORUM.

## AD MATUTINUM.

Invitorium. Prope est jam Dóminus : \* Venite adorémus.

Lectio sancti Evangélíi  
secúndum Lucam.

Lectio j. Cap. 1.

**I**N illo témpore : Exsurgens María abiit in montána cum festinátione in civitátem Juda. Et intrávit in domum Zachariæ, et salutávit Elisabeth. Et reliqua.

Homília sancti Ambrósii  
Epíscopi.

(Lib. 2. in Lucam.)

**M**ORALE est ómnibus, ut qui fidem éxigunt, fidem ástruant. Et ideo Angelus, cum abscondita nuntiáret, ut fidem ástrueret exémplo, seniórís fémínæ sterilisque concéptum Virgini Mariæ nuntiávit : ut

possibile Deo omne, quod ei placúerit, asséreret. Ubi audit vit hoc María, non quasi incrédula de oráculo, nec quasi incérta de núntio, nec quasi dúbitans de exémplo; sed quasi læta pro voto, religiósá pro officio, festína præ gáudio, in montána perréxit.

R. j. Præcúrsor pro nobis ingréditur Agnus sine mácula : secúndum órđinem Melchisedech \* Póntifex factus est in ætérnum, et in sæculum sæculi. V. Ipse est Rex justitiæ, cujus generátio non habet finem. — Póntifex.

## Lectio ij.

**Q**UO enim jam Deo plena, nisi ad superióra cum festinátione conténderet? Nescit tarda molímina sancti Spíritus grátia. Discite et vos, sanctæ mulieres, sedulitátem, quam prægnántibus debeátis exhibére cognátis. Mariám, quæ ante sola in íntimis penetrálibus versabátur, non a público virginitátis pudor, non a stúdio aspéritas móntium, non ab officio prolixitas itineris retardávit. In montána Virgo cum festinátione, Virgo officii memor, injúriæ immemor, afféctu urgénte, non sexu, relicta perréxit domo.

R. ij. Modo véniet dominátor Dóminus : \* Et nomen ejus Emmánuel vocábitur. V. Oriétur in diébus ejus justitia, et abundántia pacis. — Et.

## Lectio iij.

**D**ISCITE vírgines non circumcursáre per aliénas ædes, non demorári in platéis, non áliquos in público miscére

sermões. Maria in domo sera, festina in público, mansit apud cognátam suam tribus mēsis. Didicistis, vírgines, pudorem Mariæ; discite humilitatem. Venit propínqua ad proximam, júnior ad seniorem: nec solum venit, sed étiam prior salutávit. Decet enim, ut quanto castior virgo, tanto humilior sit.

R. ij. Vidébunt gentes justum tuum, et cuncti reges inclytum tuum: \* Et vocábitur tibi nomen novum, quod os Dómini nominávit. V. Et eris coróna glóriæ in manu Dómini, et diadéma regni in manu Dei tui. — Et. Glória Patri. Et.

Ad Benedictus Añæ. Ex quo facta est vox salutatiónis tuæ in áuribus meis, exsultávit in gáudio infans in útero meo, allelúia.

#### Oratio.

EXCITA, quæsumus Dómine, poténtiam tuam, et veni: ut hi, qui in tua pietáte confidunt, ab omni citius adversitáte liberéntur: Qui vivis.

Ad Magnificat Añæ. Beáta es María, quæ credidisti: perficiéntur in te quæ dicta sunt tibi a Dómino, allelúia. Vel Añæ O. Oratio.

AUREM tuam, quæsumus Dómine, précibus nostris accómmoda; et mentis nostræ ténebras grátia tuæ visitatiónis illústra. Qui vivis.

#### SABBATO

##### QUATUOR TEMPORUM.

##### AD MATUTINUM.

Invitorium. Prope est jam Dóminus: \* Veníte adorémus.

Lectio sancti Evangélii  
secúndum Lucam.

Lectio j. Cap. 3.

ANNO quintodécimo impérii Tibérii Cæsaris, procurante Póntio Piláto Judæam. Et reliqua.

Homília sancti Gregórii Papæ.  
(Homília 20. in Evang.)

REDEMPTORIS nostri Præcúrsor, quo témpore prædicatiónis officium accéperit, memoráto Románæ reipúblicæ príncipe, et Judææ régibus, designáitur. Quia enim illum prædicáre veniebat, qui et ex Judæa quosdam, et multos ex Géntibus redemptúrus erat: per regem Géntium et príncipes Judæórum prædicatiónis ejus témpora designántur.

R. j. Emitte Agnum Dómine dominatórem terræ, de Petra desérti \* Ad montem filiae Sion. V. Ex Sion spécies decóris ejus: Deus noster manifeste véniet. — Ad.

#### Lectio ij.

QUIA autem Gentilitas colligenda erat, et Judæa pro culpa perfidiæ dispergenda, ipsa quoque descriptio terréní principátus osténdit: quóniam et in Romána república unus præfuisse describitur, et in Judææ regno per quartam partem plúrimi principabántur. Voce etenim nostri Redemptóris dicitur: Omne regnum in seípsum divisum desolábitur. Liquet ergo quod ad finem regni Judæa pervenerat, quæ tot régibus divisa subjacébat.

R. ij. Germinaverunt campi  
eremi germen odoris Israel :  
quia ecce Deus noster cum  
virtute veniet, \* Et splendor  
ejus cum eo. V. Ecce dominá-  
tor Dóminus cum virtute vé-  
niet. — Et splendor.

Lectio iij.

**A**PTE quoque non solum  
quibus régibus, sed étiam  
quibus sacerdotibus actum sit,  
demonstrátur : et quia illum  
Joánnes Baptista prædicáret,  
qui simul Rex et Sacerdos  
exsisteret, Lucas Evangelísta  
prædicatiónis ejus témpora  
per regnum et sacerdotium de-  
signávit. Et venit in omnem  
regiónem Jordánis prædicans  
baptismum pœnitentiæ, in re-  
missiónem peccatórum.

R. iij. Radix Jesse, qui ex-  
súrget judicáre gentes, in eum  
gentes sperábunt : \* Et erit  
nomen ejus benedictum In sæ-  
cula. V. Super ipsum continé-  
bunt reges os suum : ipsum  
gentes deprecabúntur. — Et  
erit. Glória. In.

Ad Benedictus Aña. Omnis  
vallis implébitur, et omnis  
mons, et collis humiliábitur :  
et vidébit omnis caro salutáre  
Dei.

Oratio.

**D**EUS, qui cónspicis quia ex  
nostra pravitáte affligi-  
mur; concéde propítius ut ex  
tua visitatióné consolémur :  
Qui vivis.

AD VESPERAS.

R. Non auferétur., pag. 188.  
ad Magnificat Aña O. pro die  
mensis.

Oratio.

**E**XCITA, quæsumus Dómine,  
poténtiam tuam, et veni,  
et magna nobis virtute suc-  
curre : ut per auxiliúm grátiae  
tuae, quod nostra peccáta præ-

pédiunt, indulgéntia tuæ pro-  
pitiatiónis accéleret. Qui vivis.

## ANTIPHONÆ AD MAGNIFICAT

DIE XVII. DECEMBRIS  
INCHOANDÆ.

¶ Debent sequentes septem  
Antiphonæ quæ incipiunt  
per O. die xvij. Decembris in-  
choari, et sic consequenter dici  
ad Magnificat vel ad Memo-  
riam de Adventu usque ad  
Vigiliam Nativitatis Domini  
exclusive, servato dumtaxat  
hoc ordine quo positæ sunt.  
Et tunc in Vesperis nec Preces  
dicantur nec prostrationes  
fiant, etiam si Officium de Fe-  
ria fuerit.

DIE XVII. DECEMBRIS. Aña.  
O Sapiéntia, quæ ex ore Altís-  
simi prodiísti, attingens a fine  
usque ad finem fórtiliter, suavi-  
térque dispónens ómnia : veni  
ad docéndum nos viam pru-  
dentiæ.

DIE XVIII. Aña. O Adónai, et  
dux domus Israel, qui Móysi  
in igne flammæ rubi apparui-  
sti, et ei in Sina Legem dedi-  
sti : veni ad rediméndum nos  
in bráchio exténto.

DIE XIX. Aña. O Radix Jesse,  
qui stas in signum populórum,  
super quem continébunt reges  
os suum, quem gentes depre-  
cabúntur : veni ad liberándum  
nos, jam noli tardáre.

DIE XX. Aña. O Clavis Da-  
vid, et sceptrum domus Israel,  
qui áperis et nemo claudit,  
claudis et nemo áperit : veni,  
et educ vinctum de domo cár-  
ceris sedéntem in ténebris, et  
umbra mortis.



DIE XXI. Aña. O Oriens, splendor lucis æternæ, et Sol iustitiæ : veni, et illúmina sedéntes in ténebris, et umbra mortis.

DIE XXII. Aña. O Rex géntium, et desiderátus eárum, lapisque anguláris, qui facis útraque unum : veni et salva hóminem, quem de limo formásti.

DIE XXIII. Aña. O Emmánuel, Rex et légifer noster, expectátio géntium et Salvátor eárum : veni ad salvándum nos, Dómine Deus noster.

ANTIPHONÆ IN LAUDIBUS  
SUPER PSALMOS DICENDÆ  
SEX FERIIS ANTE VIGILIAM  
NATIVITATIS DOMINI.

† Antiphonæ hic subjunctæ per sex Feriis proximas ante Vigiliam Nativitatis Domini dicantur ad Laudes tantum super Psalmos Feriales consuetos, quando de Tempore fit Officium.

FERIA SECUNDA.

Antiphonæ super Psalmos.

1. Ecce véniet Dóminus princeps regum terræ : beáti qui paráti sunt occurrere illi.

2. Cum vénierit Filius hóminis, putas invéniet fidem super terram?

3. Ecce jam venit plenitúdo temporis, in quo misit Deus Fílium suum in terras.

4. Hauriétis aquas in gáudio de fóntibus Salvatóris.

5. Egrediétur Dóminus de loco sancto suo : véniet ut salvet pópulum suum.

FERIA TERTIA.

Antiphonæ super Psalmos.

1. Roráte cæli désuper, et nubes pluant iustum : aperiá-

tur terra, et gérmínet Salvátorem.

2. Emitte Agnum Dómine dominatórem terræ, de Petra desérti ad montem Filiae Sion.

3. Ut cognoscámus Dómine in terra viam tuam : in ómnibus géntibus salutáre tuum.

4. Da mercédem Dómine sustinéntibus te, ut Prophétæ tui fidéles inveniántur.

5. Lex per Móysen data est : grátia et véritas per Jesum Christum facta est.

FERIA QUARTA.

Antiphonæ super Psalmos.

1. Prophétæ prædicavérunt nasci Salvátorem de Virgine María.

2. Spíritus Dómini super me : evangelizáre paupéribus misit me.

3. Annuntiáte pópulis, et dícite : Ecce Deus Salvátor noster véniet.

4. Ecce véniet Dóminus, ut sédeat cum princípibus, et sólium glóriæ téneat.

5. Propter Sion non tacébo, donec egrediátur ut splendor justus ejus.

FERIA QUINTA.

Antiphonæ super Psalmos.

1. De Sion véniet Dóminus omnipotens, ut salvum faciát pópulum suum.

2. Convértere Dómine ali-quantulum, et ne tardes veníre ad servos tuos.

3. De Sion véniet qui regnáturus est Dóminus : Emmánuel magnum nomen ejus.

4. Ecce Deus meus, et honorábo eum : Deus patris mei, et exaltábo eum.

5. Deus légifer noster, Dóminus rex noster, ipse véniet, et salvábit nos.

## FERIA SEXTA.

Antiphonæ super Psalmos.

1. *Constantes estote : videbitis auxilium Domini super vos.*2. *Ad te Domine levavi animam meam : veni, et eripe me : Domine ad te confugi.*3. *Veni Domine, et noli tardare : relaxa facinora plebis tue Israel.*4. *Deus a Libano veniet, et splendor ejus sicut lumen erit.*5. *Ego autem ad Dominum aspiciam, et expectabo Deum salvatorem meum.*

## SABBATO.

Antiphonæ super Psalmos.

1. *Intuemini, quam sit gloriosus iste, qui ingreditur ad salvandos populos.*2. *Consurge, surge, induere fortitudinem, brachium Domini.*3. *Elevare, elevare, surge Jerusalem : solve vincula colli tui, captiva filia Sion.*4. *Expectetur sicut pluvia eloquium Domini : descendat super nos sicut ros Deus noster.*5. *Paratus esto Israel in occursum Domini, quoniam venit.*

## IN DIE S. THOMÆ APOSTOLI.

Ad Memoriam de Adventu in Laudibus Aña. *Nolite timere : quinta enim die veniet ad vos Dominus noster.*

† Si vero festum S. Thomæ Apostoli transferatur in aliam diem, dimittatur prædicta Antiphona, et loco ejus dicatur pro Memoria Adventus Antiphona illius Feriæ.

## SABBATO ANTE

## DOMINICAM IV. ADVENTUS.

## AD VESPERAS.

R. *Non auferetur sceptrum de Juda, et dux de femore ejus, donec veniat qui mittendus est : \* Et ipse erit expectatio gentium.* V. *Pulchriores sunt oculi ejus vino, et dentes ejus lacte candidiores. — Et ipse. Glória. Et ipse.*

Ad Magnificat Antiphona O. Oratio.

EXCITA, quæsumus Domine, potentiam tuam, et veni, et magna nobis virtute succurre : ut per auxilium gratiæ tuæ, quod nostra peccata præpediunt, indulgentia tuæ propitiacionis acceleret. Qui vivis.

## DOMINICA IV. ADVENTUS.

† Quando Vigilia Nativitatis Domini hac Dominica evenit, fiat Officium ut notatur infra in Rubrica pag. 198.

† Si vero hodie non evenit, dicitur Officium Dominicæ prout hic habetur.

## AD MATUTINUM.

Invitatorium. *Ecce jam venit plenitudo temporis, in quo misit Deus Filium suum natum de Virgine, factum sub lege : \* Venite adoramus.*

Hymnus Verbum supernum prodiens., pag. 2.

## IN I. NOCTURNO.

Psalmi ut in Psalterio, pagg. 4-9.; super Psalmos sola Aña Scientes., pag. 9.; V. Ex Sion., ibidem.

De Isaia Propheta.

Lectio j. Cap. 51.

AUDITE me qui sequimini quod justum est, et quæritis Dominum : attendite ad

petram unde excisi estis, et ad cavernam laci, de qua præcisi estis. Attendite ad Abraham patrem vestrum, et ad Saram, quæ péperit vos : quia unum vocavi eum, et benedixi ei, et multiplicavi eum. Consolabitur ergo Dominus Sion, et consolabitur omnes ruinas ejus : et ponet désertum ejus quasi delicias, et solitudinem ejus quasi hortum Domini. Gaudium et lætitia inveniétur in ea, gratiarum actio, et vox laudis. Hæc dicit Dominus Deus : Convertimini ad me, et salvi éritis.

R. Deo grátias.

R. j. Cánite tuba in Sion, vocáte gentes, annuntiáte pópulis, et dícite : \* Ecce Deus Salvátor noster advéniet. V. Annuntiáte in finibus terræ : et in insulis, quæ procul sunt, dícite. — Ecce Deus.

Lectio ij.

**A**TTENDITE ad me pópule meus, et tribus mea me audíte : quia lex a me éxiet, et judícium meum in lucem populórum requiescet. Prope est justus meus, egréssus est salvátor meus, et bráchia mea pópulos judicábunt : me insulæ expectábunt, et bráchium meum sustinébunt. Leváte in cælum óculos vestros, et vidéte sub terra deórsum : quia cæli sicut fumus liquéscent, et terra sicut vestiméntum atterétur, et habitatóres ejus sicut hæc interibunt : Salus autem mea in sempiternum erit, et justitia mea non deficiet. Hæc dicit ...

R. ij. Non auferétur sceptrum de Juda, et dux de fémore ejus, donec véniat, qui mittendus est : \* Et ipse erit expectatio géntium. V. Pulchrióres sunt

óculi ejus vino, et dentes ejus lacte candidióres. — Et ipse erit.

Lectio iij.

**A**UDITE me qui scitis justum, pópulus meus lex mea in corde eórum : nolite timére opprobrium hóminum, et blasphemias eórum ne metuátis. Sicut enim vestiméntum, sic comedet eos vermis : et sicut lanam, sic devorábit eos tinea : Salus autem mea in sempiternum erit, et justitia mea in generatiónum generatiónum. Hæc dicit ...

R. iij. Me oportet minui, illum autem créscere : qui autem post me venit, ante me factus est : \* Cujus non sum dignus corrigiam calceamentórum sólvare. V. Ego baptizávi vos aqua, ille autem baptizábit vos Spíritu sancto. — Cujus non sum dignus. Glória. Cujus non sum dignus.

IN II. NOCTURNO.

Psalmi ut in Psalterio, pagg. 10-13.; super Psalmos sola Ana Hora est., pag. 13.; V. Egrediétur virga., ibidem.

De Epistola beáti Pauli Apóstoli ad Romános.

Lectio iv.

Cap. 4.

**Q**UID ergo dicémus invenisse Abraham patrem nostrum secundum carnem? Si enim Abraham ex opéribus justificatus est, habet glóriam, sed non apud Deum. Quid enim dicit Scriptúra? Crédidit Abraham Deo : et reputátum est illi ad justitiam. Ei autem, qui operátur, merces non imputátur secundum grátiam, sed secundum débitum. Ei vero, qui non operátur, credénti autem in eum, qui justificat ímpium, reputátur fides ejus ad justitiam secundum propósitum gratiæ Dei.



R. iv. Ecce jam venit plenitudo temporis, in quo misit Deus Filium suum in terras, natum de Virgine, factum sub Lege : \* Ut eos, qui sub Lege erant, redimeret. V. Propter nimiam caritatem suam, qua dilexit nos Deus, Filium suum misit in similitudinem carnis peccati. — Ut eos qui sub Lege erant redimeret.

## Lectio v.

SICUT et David dicit beatitudinem hominis, cui Deus accepto fert justitiam sine operibus : Beati quorum remissae sunt iniquitates, et quorum tecta sunt peccata. Beatus vir, cui non imputavit Dominus peccatum. Beatitudo ergo haec in circumcisione tantum manet, an etiam in praepitio? Dicimus enim quia reputata est Abraham fides ad justitiam. Quomodo ergo reputata est? in circumcisione an in praepitio? Non in circumcisione, sed in praepitio.

R. v. Virgo Israel revertere ad civitates tuas : usquequo dolens averteris? Generabis Dominum Salvatorem, oblationem novam in terra : ambulabunt homines \* In salvationem. V. In caritate perpetua dilexi te : ideo attraxi te miserans. — In salvationem.

## Lectio vj.

ET signum accepit circumcisionis, signaculum justitiae fidei, quae est in praepitio : ut sit pater omnium credentium per praepitium, ut reputetur et illis ad justitiam : et sit pater circumcisionis non iis tantum, qui sunt ex circumcisio-

ne, sed et iis, qui sectantur vestigia fidei, quae est in praepitio patris nostri Abraham. Non enim per legem promissio Abraham, aut semini ejus ut heres esset mundi : sed per justitiam fidei.

R. vj. Juravi, dicit Dominus, ut ultra jam non irascar super terram : montes enim et colles suscipient justitiam meam : et testamentum pacis erit \* In Jerusalem. V. Juxta est salus mea ut veniat, et justitia mea ut reveletur. — In Jerusalem. Gloria. In Jerusalem.

## IN III. NOCTURNO.

Psalmi ut in Psalterio, pagg. 13-15.; super Psalmos sola Ana Nox praecessit., pag. 15.; V. Egrediatur Dominus., ibidem.

Lectio sancti Evangelii secundum Lucam.

Lectio vij. Cap. 3.

ANNO quindécimo imperii A Tiberii Caesaris, procurante Pontio Pilato Judaeam. Et reliqua.

Homilia sancti Gregorii Papae. (Hom. 20. in Evang. ante medium.)

DICEBAT Joannes ad turbas, quae exhibant ut baptizarentur ab eo : Genimina viperarum, quis ostendit vobis fugere a ventura ira? Ventura enim ira est animadversio ultionis extremae : quam tunc fugere peccator non valet, qui nunc ad lamenta poenitentiae non recurrit. Et notandum quod malae soboles, malorum parentum actiones imitantes, genimina viperarum vocantur : quia per hoc quod bonis invident eosque persequuntur, quod quibusdam mala retri-

buunt, quod læsiões próximis exquirunt : quóniam in his ómnibus patrum suórum carnálium vias sequúntur, quasi venenátii filii de venenátis paréntibus nati sunt.

R. vij. Non discédimus a te, vivificábis nos Dómine, et nomen tuum invocábimus : ostén-  
de nobis faciém tuam, \* Et salvi érimus. V. Meménto nostri Dómine in beneplácito pópuli tui : vísita nos in salu-  
tári tuo. — Et salvi érimus.

#### Lectio viij.

**S**ED quia jam peccávimus, quia usu malæ consuetúdi-  
nis involúti sumus : dicat quid nobis faciéndum sit, ut fúgere a ventúra ira valeámus. Sé-  
quitur : Fácite ergo fructus dignos pœniténtiæ. In quibus verbis notándum est quod amicus sponsi non solum fructus pœniténtiæ, sed dignos pœniténtiæ fructus ádmonet esse faciéndos. Aliud namque est fructum fácere pœniténtiæ; áliud, dignum pœniténtiæ fructum fácere.

R. viij. Intuémini quantus sit iste, qui ingréditur ad salvándas gentes : ipse est Rex iustitiæ, \* Cujus generátio non habet finem. V. Præcúrsor pro nobis ingréditur : secúndum órđinem Melchisedech Póntifex factus est in ætérnum. — Cujus generátio non habet finem.

#### Lectio ix.

**U**T enim secúndum dignos pœniténtiæ fructus loquá-  
mur, sciéndum est quia quis-  
quis illicita nulla commisit,  
huic jure concéditur ut lícitis

utátur : sicque pietátis ópera fáciat, ut tamen si volúerit, ea quæ mundi sunt, non relin-  
quat. At si quis in fornicatió-  
nis culpam, vel fortásse, quod est grávius, in adulterium lapsus est : tanto a se lícita debet abscindere, quanto se méminit et illicita perpetrásse. Neque enim par fructus boni óperis esse debet, ejus qui minus, et ejus qui ámplius deliquit.

R. ix. Montes Israel ramos vestros expándite, et floréte, et fructus fácite : \* Prope est ut véniat dies Dómini. V. Roráte cæli désuper, et nubes pluant justum : aperiátur terra, et gérmínet salvatórem. — Prope est. Glória. Prope est.

R. Montes Israel.

Ante Laudes V. Emitte Agnum Dómine Dominatórem terræ.  
R. De Petra desérti ad montem filiæ Sion.

#### AD LAUDES

ET PER HORAS ANTIPHONÆ.

1. Cánite tuba in Sion, quia prope est dies Dómini : ecce véniet ad salvándum nos, allelúia, allelúia. Psalmus Dóminus regnávít., cum ceteris, pag. 17.

2. Ecce véniet desiderátus cunctis géntibus : et replébitur glória domus Dómini, allelúia.

3. Erunt prava in dirécta, et áspéra in vias planas : veni Dómine, et noli tardáre, allelúia.

4. Dóminus véniet, occurríte illi dicéntes : Magnum princípium, et regni ejus non erit finis : Deus, fortis, dominátor, princeps pacis, allelúia, allelúia.

5. Omnipotens sermo tuus Dómine a regalibus sédibus venit, allelúia.

Capitulum Ecce dies véniunt, Hymnus Vox clara ecce intonat, et ꝥ. Vox clamántis, pag. 20. et pag. 21.

Ad Benedictus Aña. Ave María grátia plena : Dóminus tecum : benedicta tu in mulieribus, allelúia.

Oratio.

**E**XCITA, quæsumus Dómine poténtiam tuam, et veni, et magna nobis virtúte succurre, ut per auxilium grátie tuæ, quod nostra peccáta præpédiunt, indulgéntia tuæ propitiatiónis accéleret. Qui vivis.

AD TERTIAM,

SEXTAM ET NONAM.

Capitula, ꝞꝞ. et ꝥꝥ. de Adventu, ut in Psalterio.

AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Ecce dies véniunt. et Hymnus Cónditor alme siderum., pag. 127.

ꝥ. Roráte cæli désuper, et nubes pluant justum. Ꝟ. Aperiátur terra, et gérmínet Salvátorem.

Ad Magnificat Aña O.

Oratio Excita, quæsumus, ut in Laudibus.

FERIA SECUNDA.

De Isaia Prophéta.

Lectio j.

Cap. 54.

**L**AUDA stérilis quæ non parit : decánta laudem, et hinni quæ non paríebas : quóniam multi filii désértæ magis quam ejus, quæ habet virum, dicit Dóminus. Diláta locum tentórii tui, et pelles taberna-

culórum tuórum exténde, ne parcas : longos fac funiculos tuos, et clavos tuos consólida. Ad dexteram enim, et ad lævam penetrábis : et semen tuum gentes hereditábit, et civitátes désértas inhabitábit. Hæc dicit Dóminus Deus : Convertimini ad me, et salví éritis. Ꝟ. Deo grátias.

Lectio ij.

**N**OLI timére quia non confundéris, neque erubéscas : non enim te pudébit, quia confusiónis adolescéntiæ tuæ obliviscéris, et oppróbrii viduitátis tuæ non recordáberis ámplius. Quia dominábitur tui qui fecit te, Dóminus exercítuum nomen ejus : et redemptor tuus sanctus Israel, Deus omnis terræ vocábitur. Quia ut mulierem derelictam et mæréntem spíritu vocávit te Dóminus, et uxórem ab adolescéntia abjéctam, dixit Deus tuus. Hæc dicit ...

Lectio iij.

**A**D punctum in módico dereliqui te, et in miseratióibus magnis congregábo te. In mómento indignatiónis abscondi faciém meam parúmpet a te, et in misericórdia sempitérna misértus sum tui : dixit redemptor tuus Dóminus. Sicut in diébus Noe istud mihi est, cui jurávi ne indúcerem aquas Noe ultra supra terram : sic jurávi ut non iráscar tibi, et non increpem te. Hæc dicit ...

Ad Benedictus Aña. Dicit Dóminus : Pceniténtiam ágite : appropinquávit enim regnum cælórum, allelúia.

Ad Magnificat Aña O.



## FERIA TERTIA.

De Isaia Prophéta.

Lectio j. Cap. 64.

**U**TINAM dirúmperes cælos, et descénderes : a fácie tua montes deflúerent. Sicut exústio ignis tabéscerent, aquæ ardérent igni, ut notum fieret nomen tuum inimicis tuis : a fácie tua gentes turbaréntur. Cum féceris mirabilia, non sustinébimus : descendisti, et a fácie tua montes defluxérunt. A sæculo non audiérunt, neque áuribus percepérunt : óculus non vidit, Deus absque te, quæ præparásti expectántibus te. Hæc dicit Dóminus Deus : Convertimini ad me, et salvi éritis. *R.* Deo grátias.

Lectio ij.

**O**CCURRISTI lætánti, et faciénti justitiam : in viis tuis recordabúntur tui : ecce tu irátus es, et peccávimus : in ipsis fúimus semper, et salvábimur. Et facti sumus ut im-múndus omnes nos, et quasi pannus menstruátæ univérsæ justitiæ nostræ : et cecidimus quasi fólium univérsi, et iniquitátes nostræ quasi ventus abstulérunt nos. Non est qui invocet nomen tuum : qui consúrgat, et téneat te. Hæc dicit...

Lectio iij.

**A**BSCONDISTI faciém tuam a nobis, et allisisti nos in manu iniquitátis nostræ. Et nunc Dómine, pater noster es tu, nos vero lutum : et fictor noster tu, et ópera mánuum tuárum omnes nos. Ne irascáris Dómine satis, et ne ultra memínis iniquitátis nostræ : ecce réspice, pópulus tuus omnes nos. Civitas sancti tui facta est

desérta, Sion desérta facta est, Jerúsalem desoláta est. Hæc dicit...

Ad Benedictus Aña. Consúrge, consúrge, indúere fortitúdinem bráchium Dómini.

Ad Magnificat Aña O.

## FERIA QUARTA.

De Isaia Prophéta.

Lectio j. Cap. 65.

**V**OS, qui dereliquístis Dóminum, qui obliti estis montem sanctum meum, qui pónitis Fortúnæ mensam, et libátis super eam. Numerábo vos in gládio, et omnes in cæde corruétis : pro eo quod vocávi, et non respondistis : locútus sum, et non audistis : et faciebátis malum in óculis meis, et quæ nólui, elegistis. Propter hoc hæc dicit Dóminus Deus : Ecce servi mei cómedent, et vos esuriétis : ecce servi mei bibent, et vos sitiétis. Hæc dicit Dóminus Deus : Convertimini ad me, et salvi éritis.

*R.* Deo grátias.

Lectio ij.

**E**CCE servi mei lætabúntur, et vos confundémini. Ecce servi mei laudábunt præ exultatióne cordis, et vos clamábitis præ dolore cordis, et præ contritióne spíritus ululábitis. Et dimittétis nomen vestrum in juraméntum eléctis meis : et interficiet te Dóminus Deus, et servos suos vocábit nómine álío. In quo qui benedictus est super terram, benedicétur in Deo amen : et qui jurat in terra, jurábit in Deo amen : quia obliuioni traditæ sunt angústiae prióres, et quia absconditæ sunt ab óculis meis. Hæc dicit ...

## Lectio iij.

**E**CCE enim ego creo cælos novos, et terram novam : et non erunt in memoria priora, et non ascendent super cor. Sed gaudēbitis et exsultābitis usque in sempiternum in his, quæ ego creo : quia ecce ego creo Jerusalem exsultationem, et populum ejus gaudium. Et exsultabo in Jerusalem, et gaudebo in populo meo : et non audiētur in eo ultra vox fletus et vox clamoris. Non erit ibi amplius infans dierum, et senex qui non impleat dies suos : quoniam puer centum annorum moriētur, et peccator centum annorum maledictus erit. Hæc dicit ...

Ad Benedictus Añā. Ponent Domino gloriā, et laudem ejus in insulis nuntiābunt : quia ecce veniet, et non tardabit.

Ad Magnificat Añā O.

## FERIA QUINTA.

De Isaia Propheta.

Lectio j.

Cap. 66.

**H**ÆC dicit Dominus : Cælum sedes mea, terra autem scabellum pedum meorum : quæ est ista Domus, quam ædificābitis mihi? et quis est iste locus quietis meæ? Omnia hæc manus mea fecit, et facta sunt universa ista, dicit Dominus : ad quem autem respiciam, nisi ad pauperculum, et contritum spiritu, et tremētem sermones meos? Qui immolat bovem, quasi qui interficiat virum. Hæc dicit Dominus Deus : Convertimini ad me, et salvi eritis. R. Deo grācias.

Lectio ij.

**Q**UI mactat pecus, quasi qui excēbrebret canem : qui

offert oblationem, quasi qui sanguinem suillum offerat : qui recordatur thuris, quasi qui benedicat idolo. Hæc omnia elegerunt in visis suis, et in abominationibus suis anima eorum delectata est. Unde et ego eligam illusiones eorum : et quæ timebant, adducam eis : quia vocavi, et non erat qui responderet : locutus sum, et non audierunt : feceruntque malum in oculis meis, et quæ nolui elegerunt. Hæc dicit ...

Lectio iij.

**A**UDITE verbum Domini, qui trēmitis ad verbum ejus : dixerunt fratres vestri odiētes vos, et abjiciētes propter nomen meum : glorificetur Dominus, et vidēbimus in lætitia vestra : ipsi autem confundentur. Vox populi de civitate, vox de templo, vox Domini reddētis retributionem inimicis suis. Antequam parturiret, peperit : antequam veniret partus ejus, peperit masculum. Hæc dicit ...

Ad Benedictus Añā. Consolāmini, consolāmini, popule meus, dicit Dominus Deus vester.

Ad Magnificat Añā O.

## FERIA SEXTA.

De Isaia Propheta.

Lectio j.

Cap. 66.

**L**ÆTAMINI cum Jerusalem, et exsultate in ea omnes qui diligitis eam : gaudete cum ea gaudio universi qui lugētis super eam : ut sugātis, et repleāmini ab ubere consolationis ejus : ut mulgeātis, et deliciis affluātis ab omnimoda gloria ejus. Quia hæc dicit Dominus : Ecce ego declinabo

super eam quasi flúvium pacis, et quasi torréntem inundántem glóriam géntium, quam sugétis. Hæc dicit Dóminus Deus : Convertimini ad me, et salvi éritis. R. Deo grátias.

### Lectio ij.

**A**d úbera portabimini, et super génua blandiéntur vobis. Quómodo si cui mater blandiátur, ita ego consolábor vos, et in Jerúsalem consolabimini. Vidébitis, et gaudébit cor vestrum, et ossa vestra quasi herba germinábunt, et cognoscétur manus Dómini servis ejus, et indignábitur inimicis suis. Quia ecce Dóminus in igne véniet, et quasi turbo quadrigæ ejus : réddere in indignatione furórem suum, et increpationem suam in flamma ignis. Hæc dicit ...

### Lectio iij.

**Q**uia sicut cæli novi, et terra nova, quæ ego fácio stare coram me, dicit Dóminus : sic stabit semen vestrum, et nomen vestrum. Et erit mensis ex mense, et sabbatum ex sabbato : véniet omnis caro ut adorét coram fácie mea, dicit Dóminus. Et egrediéntur, et vidébunt cadáverá virórum, qui prævaricati sunt in me : vermis eórum non moriétur, et ignis eórum non exstinguétur : et erunt usque ad satiétatem visionis omni carni. Hæc dicit ...

Ad Benedictus Añá. Dies Dómini, sicut fur in nocte, ita véniet : et vos estóte paráti, quia qua hora non putátis, Filius hóminis véniet.

Ad Magnificat Añá O.

IN VIG. NATIV. DOMINI,  
SI DOMINICA NON FUERIT.  
Non dicatur Officium quotidianum beatæ Mariæ Virginis.

### AD MATUTINUM.

Non fiant Prostrationes.  
Invitatorium. Hódie sciétis quia véniet Dóminus : \* Et mane vidébitis glóriam ejus.

### Hymnus.

**V**ERBUM supérnum pródiens,  
A Patre olim éxiens,  
Qui natus orbi súbvenis  
Cursu declivi témporis :  
ILLUMINA nunc pectora,  
Tuóque amore cóncrema,  
Audito ut præcónio,  
Sint pulsa tandem lúbrica.

JUDEXQUE cum post áderis  
Rimári facta pectoris,  
Reddens vicem pro ábditis,  
Justisque regnum pro bonis :

NON demum arcémur malis  
Pro qualitaté criminis :  
Sed cum beátis cómpotes  
Simus perénnes cælibes.

LAUS, honor, virtus, glória  
Deo Patri, et Filio,  
Sancto simul Paráclito  
In sempitérna sæcula. Amen.

### IN NOCTURNO.

Antiphonæ et Psalmi feriales  
ut in Psalterio, pro Feria currente.

℟. Hódie sciétis quia véniet Dóminus. R. Et mane vidébitis glóriam ejus.

Lectio sancti Evangélíi  
secúndum Matthæum.

Lectio j. (vel vij., si Dominica fuerit.) Cap. i.

**C**UM esset desponsáta mater Jesu María Joseph, ántequam convenirent, invénta est in útero habens de Spiritu sancto. Et réliqua.



Homilia sancti Hierónymi  
Presbyteri.

(Lib. I. Comm. in cap. I. Matth.)

**Q**UARE non de simplici virgine, sed de desponsata concipitur? Primum, ut per generationem Joseph origo Mariæ monstraretur: secundo, ne lapidaretur a Judæis ut adultera: tertio, ut in Ægyptum fugiens haberet solatium. Martyr Ignatius etiam quartam addidit causam cur a desponsata conceptus sit: Ut partus, inquit, ejus celaretur diabolo, dum eum putat, non de virgine, sed de uxore generatum.

℟. j. (vel vij. si Dominica fuerit.) Sanctificamini hodie, et estote parati: quia die crastina videbitis \* Majestatem Dei in vobis. ℣. Hodie sciētis quia veniet Dominus: et mane videbitis. — Majestatem Dei in vobis.

Lectio ij. (vel viij.)

**A**NTEQUAM convenirent, inventa est in utero habens de Spiritu sancto. Non ab alio inventa est nisi a Joseph, qui pene licentia maritali futuræ uxoris omnia noverat. Quod autem dicitur, Antequam convenirent, non sequitur postea convenerint: sed Scriptura quod factum non sit ostendit.

℟. ij. (vel viij.) Constantes estote: videbitis auxilium Domini super vos: Judæa et Jerusalem nolite timere: \* Cras egrediemini, et Dominus erit vobiscum. ℣. Sanctificamini filii Israel, et estote parati. — Cras egrediemini.

• Lectio iij. (vel ix.)

**J**OSEPH autem vir ejus, cum esset justus, et nollet eam

traducere, voluit occulte dimittere eam. Si quis fornicariæ conjungitur, unum corpus efficitur: et in lege præceptum est, non solum reos, sed et consocios criminum obnoxios esse peccati: quomodo Joseph, cum crimen celaret uxoris, justus scribitur? Sed hoc testimonium Mariæ est, quod Joseph sciens illius castitatem, et admirans quod evenerat, celat silentio, cujus mysterium nesciebat.

℟. iij. (vel ix.) Sanctificamini filii Israel, dicit Dominus: die enim crastina descendet Dominus, \* Et auferet a vobis omnem linguam. ℣. Ex Sion species decoris ejus: Deus noster manifeste veniet. — Et auferet a vobis. Glória. Et auferet a vobis.

Non repetatur prædictum ℟. Sanctificamini filii Israel, nisi Dominica fuerit.

Non dicatur Canticum Te Deum laudamus.

† Hac die in Laudibus et deinceps usque ad Vesperas exclusive fiat Officium sicut in festo Duplici.

Ante Laudes ℣. Crastina die delēbitur iniquitas terræ. ℟. Et regnabit super nos Salvator mundi.

## AD LAUDES

ET PER HORAS ANTIPHONÆ.

1. Judæa et Jerusalem nolite timere: cras egrediemini, et Dominus erit vobiscum. Psalmus Dominus regnavit. cum ceteris, pag. 17.

2. Crastina die erit vobis salus, dicit Dominus Deus exercituum.

3. Hódie sciétis quia véniet Dóminus : et mane vidébitis glóriam ejus.

4. Propter Sion non tacébo, donec egrediátur ut splendor justus ejus.

5. Crástina die delébitur iniquitas terræ : et regnabit super nos Salvátor mundi.

Capitulum. Isa. 62.

**P**ROPTER Sion non tacébo, et propter Jerúsalem non quiescam, donec egrediátur ut splendor justus ejus, et salvátor ejus ut lampas accendátur.

Hymnus.

**V**OX clara ecce intonat,  
Obscúra quæque increpat:  
Pellántur éminus sómnia,  
Ab æthere Christus prómocat.

MENS jam resúrgat tórpida,  
Quæ sorde exstat sáucia :  
Sídus refúlget jam novum,  
Ut tollat omne nóxium.

E SURSUM Agnus mittitur  
Laxáre gratis débítum :  
Omnes pro indulgéntia  
Vocem demus cum lácrimis :

SECUNDO ut cum fúlserit,  
Mundúmque horror cínxerit,  
Non pro reátu púniat,  
Sed pius nos tunc próteget.

LAUS, honor, virtus glória  
Deo Patri, et Filio,  
Sancto simul Paráclito,  
In sempitérna sæcula. Amen.

¶. Constántes estóte. R. Vidébitis auxiliúm Dómini super vos.

Ad Benedictus Añá. Cum esset desponsáta mater Jesu María Joseph, ántequam convenirent, invénta est in útero habens : quod enim in ea natum est de Spíritu sancto est, allelúia.

Oratio.

**D**EUS, qui nos redemptionis nostræ ánnua exspectatióne lætificas : præsta ut

Unigénitum tuum, quem redemptórem læti suscipimus, veniéntem quoque júdicem secúri videámus : Dóminum nostrum Jesum Christum Filium tuum, qui tecum vivit.

¶ Hæc Oratio dicitur ad Tertiam, Sextam, Nonam et Vesp.

AD PRETIOSA.

Dicatur hoc Evangelium, etiamsi Dominica fuerit.

Secúndum Matthæum. Cap. 1.

**C**UM esset desponsáta mater Jesu María Joseph, ántequam convenirent, invénta est in útero habens de Spíritu sancto. Tu autem Dómine.

AD PRIMAM.

Capitulum Regi sæculórum immortalí.

R. Jesu Christe. ¶. Qui ventúrus es in mundum.

Oratio In hac hora.

AD TERTIAM.

Capitulum Propter Sion., ut in Laudibus.

R. Hódie sciétis \* Quia véniet Dóminus. Hódie sciétis. ¶. Et mane vidébitis glóriam ejus. Quia véniet Dóminus. Glória. Hódie sciétis.

¶. Crástina die delébitur iniquitas terræ. R. Et regnabit super nos Salvátor mundi.

AD SEXTAM.

Capitulum. Isa. 62.

**V**IDEBUNT gentes justum tuum, et cuncti reges inclytum tuum : et vocábitur tibi nomen novum, quod os Dómini nominábit.

R. Crástina die \* Delébitur iniquitas terræ. Crástina die. ¶. Et regnabit super nos Salvátor mundi. Delébitur iniquitas terræ. Glória. Crástina die. ¶. Crástina die erit vobissalus. R. Dicit Dóminus exercituum.

## AD NONAM.

Capitulum. Isa. 62.

**N**ON vocaberis ultra Derelicta : et terra tua non vocabitur amplius Desolata : sed vocaberis Voluntas mea in ea, et terra tua Inhabitata. **R.** Crastina die \* Erit vobis salus. Crastina die. **V.** Dicit Dominus exercituum. Erit vobis salus. Gloria. Crastina die. **V.** Constantes estote. **R.** Videtibus auxilium Domini super vos.

## IN VIG. NATIV. DOMINI,

SI DOMINICA FUERIT.

Si Vig. hæc in Dominica evenierit, hoc modo fiat Officium :

## AD MATUTINUM.

Invitorium. Hodie sciētis quia veniet Dominus : \* Et mane videbitis gloriā ejus.

Hymnus Verbum supernum prodiens, pag. 2.

## IN I. NOCTURNO.

Psalmus Beātus vir, qui non abiit. cum ceteris undecim Psalmis ex j. Nocturno Dominicæ, pagg. 4-9.; super Psalmos sola Antiphona Sciētis., pag. 9., et **V.** Ex Sion., ibidem; Lectiones et **R.** ut in j. Nocturno Dominicæ iv. Adventus, pag. 188. et pag. 189.

## IN II. NOCTURNO.

Psalmus Conserva me. cum ceteris duobus ex ij. Nocturno Dominicæ, pagg. 10-13.; super Psalmos sola Añā Hora est., pag. 13., et **V.** Egrediētur virga., ibidem; Lectiones et **R.** ut in ij. Nocturno Dominicæ iv. Adventus, pag. 189.

## IN III. NOCTURNO.

Psalmus Cæli enarrant. cum ceteris duobus ex iij. Nocturno Dominicæ, pagg. 13-15.; super

Psalmos sola Añā Nox præcessit., pag. 15.

**V.** de Vigilia Hodie sciētis., tres ultimæ Lectiones de Homilia in Evangelium Cum esset desponsata. cum **R.** Sanctificāmini hodie., Constantes estote. et Sanctificāmini filii Israel. pag. 195. et pag. 196.

Repetatur ultimum **R.** Sanctificāmini filii Israel.

Non dicatur Canticum Te Deum laudamus.

Ante Laudes **V.** Crastina die delēbitur iniquitas terræ. **R.** Et regnabit super nos Salvator mundi.

## AD LAUDES.

Super Psalmos Añā Judæa. et reliquæ quatuor ut pag. 196.; Psalmus Dominus regnavit. cum ceteris, pag. 17.

Capitulum Propter Sion., Hymnus Vox clara., **V.** Constantes estote., Añā Cum esset desponsata. et Oratio Deus, qui nos redemptionis nostræ., ut pag. 197.

Post Orationem autem Vigiliæ, Memoria fiat de Dominica :

Añā. Ave Mariā grātia plena : Dominus tecum : benedicta tu in mulieribus, allelūia.

**V.** Vox clamantis in deserto. **R.** Parate viam Domini.

## Oratio.

**E**XCITA, quæsumus Domine, potentiam tuam et veni, et magna nobis virtute succurre : ut per auxilium gratiæ tuæ, quod nostra peccata præpediunt, indulgentia tuæ propitiationis accelleret. Qui vivis.

## AD HORAS.

Antiphonæ, Capitula, **R.** et **V.** et Oratio de Vigilia erunt, ut pag. 197. et pag. 198.



## IN NATIVITATE DOMINI.

## TOTUM DUPLEX.

## AD I. VESPERAS.

Psalmus 112.

**L**AUDATE púeri Dóminum : \*  
 Laudáte nomen Dómini.  
 Sit nomen Dómini benedictum, \* ex hoc nunc, et usque in sæculum.

A solis ortu usque ad occásum, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humília respicit in cælo, et in terra?

Súscitans a terra ínopem, \* et de stércore érigens páuperem :  
 Ut cóllocet eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

Añ. Rex pacíficus magnificátus est : cujus vultum desiderat univérsa terra.

Psalmus 116.

**L**AUDATE Dóminum omnes gentes : \* laudáte eum omnes pópuli :

Quóniam confirmáta est super nos misericórdia ejus : \* et véritas Dómini manet in ætérnum.

Añ. Magnificátus est Rex pacíficus super omnes reges univérsæ terræ.

Psalmus 145.

**L**AUDA ánima mea Dóminum, & laudábo Dóminum in vita mea : \* psallam Deo meo quámdiu fúero.

Nolíte confidere in principibus : \* in filiis hóminum, in quibus non est salus.

Exíbit spiritus ejus, et revertétur in terram suam : \* in illa die peribunt omnes cogitátiones eórum.

Beátus, cujus Deus Jacob adjutor ejus, & spes ejus in Dómino Deo ipsíus : \* qui fecit cælum et terram, mare, et ómnia quæ in eis sunt.

Qui custódit veritátem in sæculum, & facit júdicium injúriam patiéntibus : \* dat escam esuriéntibus.

Dóminus solvit compeditos : \* Dóminus illúminat cæcos.

Dóminus érigit elisos, \* Dóminus diligit justos.

Dóminus custódit ádvenas, & pupillum et víduam suscipiet : \* et vias peccatórum dispédet.

Regnábit Dóminus in sæcula, & Deus tuus Sion, \* in generatióem et generatióem.

Añ. Scitóte quia prope est regnum Dei : amen dico vobis quia non tardábit.

Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudátio.

Ædificans Jerúsalem Dóminus : \* dispersiones Israël congregábit.

Qui sanat contritos corde : \* et alligat contritiónes eórum.

Qui númerat multitudínem stellárum : \* et ómnibus eis nómina vocat.

Magnus Dóminus noster, et magna virtus ejus; \* et sapiéntiæ ejus non est númerus.

Suscipiens mansuétos Dóminus : \* humilíans autem peccatóres usque ad terram.

Præcínite Dómino in confessióne : \* psállite Deo nostro in cithara.

Qui óperit cælum núbibus : \* et parat terræ plúviam.

Qui producít in móntibus scœnum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi voluntátem habébit : \* nec in tibiis viri beneplácitum erit ei.

Beneplácitum est Dómino super tímētes eum : \* et in eis, qui sperant super misericórdia ejus.

Añā. Leváte cápita vestra : ecce appropinquábit redemptio vestra.

Psalmus 147.

**L**AUDA Jerúsalem Dóminus : \* lauda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emittit elóquium suum terræ : \* velóciter currit sermo ejus.

Qui dat nivem sicut lanam; \* nébulam sicut cinerem spargit.

Mittit crystallum suam sicut buccéllas : \* ante faciē frigoris ejus quis sustinébít?

Emittet verbum suum, et liquefaciet ea : \* flabit spíritus ejus, et fluent aquæ.

Qui annúntiat verbum suum Jacob : \* justitias, et judícia sua Israel.

Non fecit táliter omni natióni : \* et judícia sua non manifestávit eis.

Añā. Compléti sunt dies Mariæ, ut páreret Filium suum primogénitum.

Capitulum.

Isaie 9.

**P**OPULUS, qui ambulábat in ténebris, vidit lucem magnam : habitántibus in regiōne umbræ mortis, lux orta est eis.

R. Judæa et Jerúsalem nolite timere : \* Cras egrediémíni, Et Dóminus erit vobíscum.

V. Constantes estote : vidébítis auxílium Dómini super vos. — Cras egrediémíni. Glória. Et Dóminus erit vobíscum.

Hymnus.

**V**ENI Redemptor géntium, Ostēde partum Virgínis :

Mirétur omne sæculum :

Talis decet partus Deum.

NON ex viríli sémíne,

Sed mystico spirámíne

Verbum Dei factum caro

Fructúsque ventris flóruit.

ALVUS tuméscit Virgínis,

Claustra pudóris pèrmanent,

Vexilla virtútum micant,

Versátur in templo Deus.

PROCEDENS de thálamo suo,

Pudóris aula régia,

Géminæ gigas substántiæ,

Alacris ut currat viam.

EGRESSUS ejus a Patre,  
Regrëssus ejus ad Patrem :  
Excursus usque ad inferos,  
Recursus ad sedem Dei.

ÆQUALIS ætérno Patri,  
Carnis trophæo accingere :  
Infirma nostri cõrporis  
Virtute firmans pèpeti.

PRÆSEPE jam fulget tuum,  
Luménque nox spirat novum,  
Quod nulla nox intépolet,  
Fidéque jugi lúceat.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.

† Ista Stropha Glória tibi Dómine, Qui natus es de Virgine. dicatur ad omnes Hymnos ejusdem metri, etiam in festis Sanctorum, usque ad Epiphaniam exclusive.

¶. Tamquam sponsus. &. Dóminus procédens de thálamo suo.

Ad Magnificat Añã. Cum ortus fúerit sol de cælo, vidébitis Regem regum procedéntem a Patre, tamquam sponsum de thálamo suo. Oratio.

**D**EUS, qui nos redemptionis nostræ ánnua expectatione lætificas : præsta ut Unigénitum tuum, quem redemptórem læti suscipimus, veniéntem quoque júdicem secúri videámus : Dóminum nostrum Jesum Christum Filium tuum, qui tecum vivit ...

#### AD COMPLETORIUM.

Super Psalinos Añã. Compléti sunt dies Mariæ, ut páreret Filium suum primogénitum.

Ad Nunc dimittis Añã. Ecce compléta sunt ómnia quæ dicta sunt per Angelum de Virgine Mariã.

#### AD MATUTINUM.

Invitatorium. Christus natus est nobis : \* Veníte adorémus.

#### Hymnus.

**C**HRISTE Redemptor ómnium,  
Ex Patri Patris Unice,  
Solut ante principium  
Natus ineffabiliter.

Tu lumen, tu splendor Patris,  
Tu spes perénis ómnium,  
Inténde quas fundunt preces  
Tui per orbem fámuli.

MEMENTO salútis auctor,  
Quod nostri quondam cõrporis  
Ex illibáta Virgine

Nascéndo formam sumpseris.

Sic præsens testátur dies,  
Curréns per anni circulum,  
Quod solus a sede Patris  
Mundi salus advénis.

HUNC cælum, terra, hunc mare,

Hunc omne quod in eis est,  
Auctórem advéntus tui  
Laudans exsúltat cántico.

Nos quoque, qui sancto tuo  
Redempti sanguine sumus,  
Ob diem natális tui  
Hymnum novum concinimus.

GLORIA tibi Dómine. etc. ut in j. Vesperis.

#### IN I. NOCTURNO.

Psalmus 2.

**Q**UARE fremuérunt gentes, \*  
et pópuli meditáti sunt inánia?

Astitérunt reges terræ, & et principes convenérunt in unum, \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in cælis irridébit eos : \* et Dóminus subsannábit eos.



Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Fílius meus es tu, ego hódie génui te.

Póstula a me, et dabo tibi gentes hereditátem tuam, \* et possessionem tuam téminos terræ.

Reges eos in virga férrea, \* et tamquam vas figulí confringes eos.

Et nunc reges intelligite : \* erudimini qui judicátis terram.

Servite Dómino in timóre : \* et exsultáte ei cum tremóre.

Apprehéndite disciplínam nequando irascátur Dóminus, \* et pereátis de via justa.

Cum exáserit in brevi ira ejus, \* beáti omnes, qui confidunt in eo.

Añã. Dóminus dixit ad me : Fílius meus es tu, ego hódie génui te.

Psalmus 18.

**C**ÆLI enarrant glóriam Dei, \* et ópera mánuum ejus annúntiat firmaméntum.

Dies diéi crúctat verbum, \* et nox nocti indicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egressio ejus :

Et occúrsus ejus usque ad summum ejus : \* nec est qui se abscondat a calóre ejus.

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, permanens in sæculum sæculi : \* judícia Dómini vera, justificáta in semetipsa.

Desiderabilia super aurum et lápidem pretiósum multum : \* et dulcióra super mel et favum. Etenim servus tuus custódit ea, \* in custodiéndis illis retribútio multa.

Delicta quis intélligit? \* ab occultis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redémptor meus.

Añã. Tamquam sponsus Dóminus procedens de thálamo suo.

Psalmus 44.

**E**RUCTAVIT cor meum verbum bonum : \* dico ego ópera mea regi.

Lingua mea cálamus scribæ, \* velóciter scribéntis.

Speciósus forma præ filiis hóminum, \* et diffusa est grátia in lábiis tuis : \* proptérea benedixit te Deus in ætérnum.

Accíngere gládio tuo super femur tuum, \* potentissime,

Spécie tua et pulchritúdine tua \* inténde, prospere procéde, et regna,

Propter veritátem et mansuetúdinem, et justitiam : \* et dedúcet te mirabíliter dextera tua.

Sagittæ tuæ acútæ, ⁊ pópuli sub te cadent, \* in corda inimicórum regis.

Sedes tua Deus in sæculum sæculi : \* virga directiónis virga regni tui.

Dilexisti justitiam, et odisti iniquitátem : \* propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectáverunt te filiæ regum in honóre tuo.

Astitit regina a dextris tuis in vestitu deauráto : \* circumdata varietáte.

Audi filia, et vide, et inclína aurem tuam : \* et obliviscere pópulum tuum, et domum patris tui.

Et concupiscet rex decórem tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes dívites plebis.

Omnis glória ejus filiæ regis ab intus, \* in fimbriis áureis circumamicta varietátibus.

Adducéntur regi virgines post eam : \* próximæ ejus afferéntur tibi.

Afferéntur in lætítia et exsultatíone : \* adducéntur in templum regis.

Pro pátribus tuis nati sunt tibi filii : \* constitúes eos príncipes super omnem terram.

Mémores erunt nóminis tui \* in omni generatíone et generatíonem.

Propterea pópuli confitebúntur tibi in ætérnum : \* et in sæculum sæculi.

Áñs. Diffúsa est grátia in lábiis tuis : propterea benedixit te Deus in ætérnum.

Ꝟ. Verbum caro factum est. Rꝫ. Et habitávit in nobis.

¶ Tres Lectiones sequentes legantur sine titulo.

Lectio j.

Isaïæ 9.

**P**RIMO témpore alleviáta est terra Zábulon, et terra Néphthali : et novíssimo aggraváta est via maris trans Jordánem Galilææ géntium. Pópulus, qui ambulábat in ténnebris, vidit lucem magnam : habitántibus in regiône umbræ mortis, lux orta est eis. Multiplicásti gentem, et non magnificásti lætítiam. Lætabúntur coram te, sicut qui lætántur in messe, sicut exsúltant victóres capta præda, quando dívidunt spólia. Jugum óneris ejus, et virgam húmeri ejus, et sceptrum exactóris ejus superásti sicut in die Má dian. Quia omnis violénta prædátio cum tumúltu, et vestiméntum mistum sáanguine, erit in combustíonem, et cibus ignis. Párvulus enim natus est nobis, et filius datus est nobis, et factus est principátus super húmerum ejus : et vocábitur nomen ejus, Admirábilis, Consiliárius, Deus, Fortis, Pater futúri sæculi, Princeps pacis. Hæc dicit Dóminus Deus : Convertimini ad me, et salvi éritis.

Rꝫ. Deo grátias.

R. j. Hódie nobis cælórum Rex de Virgine nasci dignátus est, ut hóminem pérditum ad cæléstia regna revocáret. Gaudeat exercitus Angelórum,\* Quia salus ætérna humano géneri apparuit. V. Glória in excélsis Deo, et in terra pax hominibus bonæ voluntátis. — Quia salus ætérna.

Lectio ij.

Isaïæ 40.

**C**ONSOLAMINI, consolámini pópule meus, dicit Deus vester. Loquimini ad cor Jerúsalem, et advocáte eam : quóniam compléta est malitia ejus, dimissa est iniquitas illius : suscepit de manu Dómini duplicia pro ómnibus peccátis suis. Vox clamántis in desérto : Paráte viam Dómini, rectas fácite in solitúdine sēmitas Dei nostri. Omnis vallis exaltábitur, et omnis mons et collis humiliábitur, et erunt prava in dirécta, et áspera in vias planas. Et revelábitur glória Dómini, et vidébit omnis caro páriter quod os Dómini locútum est. Vox dicéntis : Clama. Et dixi : Quid clamábo? Omnis caro fœnum, et omnis glória ejus quasi flos agri. Exsiccátum est fœnum, et cécidit flos, quia spíritus Dómini sufflávit in eo. Vere fœnum est pópulus : exsiccátum est fœnum, et cécidit flos : Verbum autem Dómini nostri manet in ætérnum. Hæc dicit Dóminus Deus : Convertimini ad me, et salvi éritis. R. Deo grátias.

R. ij. Hódie nobis de cælo pax vera descendit : \* Hódie per totum mundum melliflui facti sunt cæli. V. Hódie illuxit dies redemptionis novæ,

reparationis antiquæ, felicitatis ætérnæ. — Hódie per totum mundum.

Lectio iij.

Isaïæ 52.

**C**ONSURGE, consúrge, indúere fortitúdine tua Sion, indúere vestiméntis glóriæ tuæ Jerúsalem civitas Sancti : quia non adjiciet ultra ut pertrans-eat per te incircumcísus et immúndus. Excútere de pulvere, consúrge, sede Jerúsalem : solve vincula colli tui captíva filia Sion. Quia hæc dicit Dóminus : Gratis venúmdati estis, et sine argénto redimémini. Quia hæc dicit Dóminus Deus : In Ægyptum descendit pópulus meus in principio ut colónus esset ibi : et Assur absque ulla causa calumniátus est eum. Et nunc quid mihi est hic, dicit Dóminus, quóniam ablátus est pópulus meus gratis? Dominatóres ejus inique agunt, dicit Dóminus, et júgiter tota die nomen meum blasphemátur. Propter hoc sciet pópulus meus nomen meum in die illa : quia ego ipse qui loquébar, ecce adsum. Hæc dicit Dóminus Deus : Convertimini ad me, et salvi éritis. R. Deo grátias.

R. iij. Descendit de cælis Deus verus a Patre génius : introivit in úterum Virginis, nobis ut apparéret visibilis, indútus carne humana a Protoparéntē édita, et exívit per clausam portam, Deus et homo, \* Lux et vita, cónditor mundi. V. Tamquam sponsus Dóminus procedens de thálamo suo. — Lux et vita, cónditor mundi. Glória. Lux et vita, cónditor mundi.



## IN II. NOCTURNO.

## Psalmus 47.

**M**AGNUS Dóminus, et laudábilis nimis \* in civitate Dei nostri, in monte sancto ejus.

Fundátur exsultatíone universæ terræ mons Sion, \* látera aquilónis, civitas Regis magni.

Deus in dómibus ejus cognoscétur, \* cum suscépiet eam.

Quóniam ecce reges terræ congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : tremor apprehéndit eos.

Ibi dolóres ut parturiéntis, \* in spíritu veheménti cónteres naves Tharsis.

Sicut audívimus, sic vidimus in civitate Dómini virtútum, & in civitate Dei nostri : \* Deus fundávit eam in ætérnum.

Suscépinus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justítia plena est dextera tua.

Lætétur mons Sion, et exsúltent filiae Judæ, \* propter judícia tua Dómine.

Circúmdate Sion, et completimini eam : \* narráte in túbribus ejus.

Pónite corda vestra in virtúte ejus : \* et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

Ána. Suscépinus Deus misericórdiam tuam, in médio templi tui.

## Psalmus 71.

**D**EUS judicium tuum regida : \* et justitiam tuam filio regis :

Judicáre pópulum tuum in justítia, \* et páuperes tuos in judicio.

Suscípiant montes pacem pópulo : \* et colles justítiam.

Judicábit páuperes pópuli, & et salvos faciet filios páuperum : \* et humiliábit calumniatórem.

Et permanébit cum sole, et ante lunam, \* in generatíone et generatíonem.

Descéndet sicut plúvia in velus : \* et sicut stillicidia stílántia super terram.

Oriétur in diébus ejus justítia et abundántia pacis : \* donec auferátur luna.

Et dominábitur a mari usque ad mare : \* et a flúmine usque ad téminos orbis terrárum.

Coram illo prócident Æthiopes : \* et inimíci ejus terram lígent.

Reges Tharsis, et insulæ múnera offerent : \* reges Arabum, et Saba dona addúcent :

Et adorábunt eum omnes reges terræ : \* omnes gentes sérvient ei :

Quia liberábit páuperem a poténte : \* et páuperem, cui non erat adjútor.

Parcet páuperi et ínopi : \* et ánimas páuperum salvas faciet.

Ex usúris et iniquitate rédimet ánimas eórum : \* et honorábile nomen eórum coram illo.

Et vívet, et dábitur ei de auro Arábiæ, & et adorábunt de ipso semper : \* tota die benedicent ei.

Et erit firmaméntum in terra in summis móntium, & superextollétur super Libanum fructus ejus : \* et florébunt de civitate sicut fœnum terræ.

Sit nomen ejus benedictum in sæcula : \* ante solem pérmanet nomen ejus.

Et benedicéntur in ipso omnes tribus terræ : \* omnes gentes magnificábunt eum.

Benedictus Dóminus Deus Israel, \* qui facit mirabilia solus :

Et benedictum nomen majestátis ejus in ætérnum : & et replébitur majestáte ejus omnis terra : \* fiat, fiat.

Añã. Oriétur in diébus Dómini abundantía pacis, et dominábitur.

Psalmus 84.

**B**ENEDIXISTI Dómine terram tuam : \* avertisti captivitátem Jacob.

Remisisti iniquitátem plebis tuæ : \* operuisti ómnia peccáta eórum.

Mitigásti omnem iram tuam : \* avertisti ab ira indignationis tuæ.

Convérte nos Deus salutáris noster : \* et avérte iram tuam a nobis.

Numquid in ætérnum irascéris nobis? \* aut exténdes iram tuam a generatióne in generatióne?

Deus tu convérsus vivificábis nos : \* et plebs tua lætábitur in te.

Osténde nobis Dómine misericórdiam tuam : \* et salutáre tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos : \* et in eos qui convertúntur ad cor. Verúntamen prope tímētes eum salutáre ipsius : \* ut inhábitet glória in terra nostra.

Misericórdia, et véritas obviáverunt sibi : \* justitia, et pax osculátæ sunt.

Véritas de terra orta est : \* et justitia de cælo prospéxit.

Etenim Dóminus dabit benignitátem : \* et terra nostra dabit fructum suum.

Justitia ante eum ambulábit : \* et ponet in via gressus suos.

Añã. Véritas de terra orta est : et justitia de cælo prospéxit.

V. Notum fecit Dóminus. R. Salutáre suum.

Sermo sancti Leónis Papæ.  
(Serm. i. de Nativ. Domini.)

Lectio iv.

**S**ALVATOR noster, dilectíssimi, hódie natus est : gaudeámus. Neque enim fas est locum esse tristitiæ, ubi natalis est vitæ. Nemo ab hujus alacritátis participatióne secérnitur : una cunctis lætitiæ comúnis est rátió. Exsúltet sanctus, quia appropínquat ad palmam : gaudeat peccátor, quia invitáture ad véniam : animétur Gentilis, quia vocátur ad vitam. Verbum enim Dei, Deus Fílius Dei, propter liberándum hóminem ab ætérna morte, factus est homo. Et tanto fœdere utrámque naturam consérvit, ut nec inferiorem consúmeret glorificatió, nec superiorem minueret asúmpció. Tu autem.

q. iv. Quem vidistis pastóres dicite : annuntiáte nobis in

terris quis apparuit. \* Natum vidimus, et choros Angelorum collaudantes Dominum.  $\mathfrak{X}$ . Dicite quidnam vidistis, et annuntiate Christi Nativitatem. — Natum vidimus.

## Lectio v.

**S**ALVA igitur utriusque proprietate substantiae, et in unam coeunte personam, suscipitur a maiestate humilitas, a virtute infirmitas, ab aeternitate mortalitas : ut quod nostris remediis congruebat, unus atque idem Dei et hominum mediator, et mori ex uno, et resurgere posset ex altero. Nisi enim esset verus Deus, non afferret remedium; nisi verus esset homo, non praebere exemplum. Ab exsultantibus Angelis, nascente Domino, Gloria in excelsis Deo, canitur. De hoc ergo inenarrabili pietatis opere quantum laetari debet humilitas hominum, cum tantum gaudeat sublimitas Angelorum?

$\mathfrak{L}$ . v. O magnum mysterium, et admirabile sacramentum, ut animalia viderent Dominum natum, \* Jacentem in praesepio! beata Virgo, cujus viscera meruerunt portare Dominum Christum.  $\mathfrak{F}$ . Domine audivi auditum tuum, et timui : consideravi opera tua, et expavi, in medio duorum animalium. — Jacentem in praesepio: beata Virgo, cujus viscera.

## Lectio vj.

**A**GAMUS ergo, dilectissimi, gratias Deo Patri, per Filium ejus, in Spiritu sancto. Deponamus veterem hominem cum actibus suis : et adempti participationem generationis

Christi, carnis renuntiemus operibus. Agnosce, o Christiane, dignitatem tuam : et divinae consors factus naturae, noli in veterem vilitatem degeneri conversatione redire. Memento cujus capitis, et cujus corporis sis membrum. Reminiscere quia erutus de potestate tenebrarum, translatus es in Dei lumen et regnum. Noli te diaboli iterum servituti subicere, quia pretium tuum sanguis Christi est : qui veritate te iudicabit, qui misericordia te redemit.

$\mathfrak{R}$ . vj. Sancta et immaculata virginitas, quibus te laudibus effera nescio : \* Quia quem caeli capere non poterant, tuo gremio contulisti.  $\mathfrak{X}$ . Benedicta tu in mulieribus, et benedictus fructus ventris tui. — Quia quem caeli. Gloria. Quia quem caeli.

## IN III. NOCTURNO.

Psalmus 88.

**M**ISERICORDIAS Domini \* in aeternum cantabo.

In generationem et generationem \* annuntiabo veritatem tuam in ore meo.

Quoniam dixisti : In aeternum misericordia aedificabitur in caelis : \* praeprabitur veritas tua in eis.

Dispósui testamentum electis meis, & juravi David servo meo : \* Usque in aeternum praeprabo semen tuum.

Et aedificabo in generationem, et generationem \* sedem tuam.

Confitebuntur caeli mirabilia tua Domine : \* etenim veritatem tuam in ecclesia sanctorum.



Quóniam quis in núbibus  
æquábitur Dómino : \* similis  
erit Deo in filiis Dei?

Deus, qui glorificátur in consilio sanctórum : \* magnus et terribilis super omnes qui in circúitu ejus sunt.

Dómine Deus virtútum quis similis tibi? \* potens es Dómine, et véritas tua in circúitu tuo.

Tu domináris potestáti maris : \* motum autem flúctuum ejus tu mitigas.

Tu humiliásti sicut vulnerátum, supérbum : \* in bráchio virtútis tuæ dispersísti inimicos tuos.

Tui sunt cæli, et tua est terra, & orbem terræ et plenitudinem ejus tu fundásti : \* aquilónem, et mare tu creásti.

Thabor et Hermon in nómine tuo exultábunt : \* tuum bráchium cum poténtia.

Firmétur manus tua, et exaltétur dextera tua : \* justitia et judicium præparatio sedis tuæ.

Misericórdia et véritas præcedent faciém tuam : \* beátus pópulus, qui scit jubilationem.

Dómine, in lúmine vultus tui ambulábunt, & et in nómine tuo exultábunt tota die : \* et in justitia tua exaltabúntur.

Quóniam glória virtútis eórum tu es : \* et in beneplácito tuo exaltábitur cornu nostrum.

Quia Dómini est assumptio nostra : \* et sancti Israel regis nostri.

Tunc locútus es in visione sanctis tuis, & et dixísti : Pósui adjutórium in poténite : \* et exaltávi electum de plebe mea.

Inveni David servum meum : \* óleo sancto meo unxi eum.

Manus enim mea auxiliábitur ei : \* et bráchium meum confortábit eum.

Nihil proficiet inimicus in eo, \* et filius iniquitátis non appónet nocére ei.

Et concidam a facie ipsius inimicos ejus : \* et odientes eum in fugam convértam.

Et véritas mea, et misericórdia mea cum ipso : \* et in nómine meo exaltábitur cornu ejus.

Et ponam in mari manum ejus : \* et in fluminibus dextera ejus.

Ipse invocábit me : Pater meus es tu : \* Deus meus, et suscceptor salutis meæ.

Et ego primogénitum ponam illum : \* excelsum præ régibus terræ.

In ætérnum servábo illi misericórdiam meam : \* et testamentum meum fidéle ipsi.

Et ponam in sæculum sæculi semen ejus, \* et thronum ejus sicut dies cæli.

Si autem dereliquerint filii ejus legem meam : \* et in judiciis meis non ambuláverint :

Si justítias meas profanáverint : \* et mandata mea non custodierint :

Visitábo in virga iniquitates eórum : \* et in verbéribus peccáta eórum.

Misericórdiam autem meam non dispérgam ab eo : \* neque nocébo in veritate mea :

Neque profanábo testamentum meum : \* et quæ procédunt de lábiis meis non faciám irrita.

Semel jurávi in sancto meo, & si David méntiar : \* semen ejus in ætérnum manébit.

Et thronus ejus sicut sol in conspectu meo, & et sicut luna perfecta in ætérnum : \* et testis in cælo fidélis.

Tu vero repulisti et despexisti : \* distulisti Christum tuum. Evertisti testaméntum servi tui : \* profanásti in terra Sanctuárium ejus.

Destruxisti omnes sepes ejus : \* posuisti firmaméntum ejus formidinem.

Diripuérunt eum omnes transeúntes viam : \* factus est opprobrium vicinis suis.

Exaltásti dexteram depri-méntum eum : \* lætificásti omnes inimicos ejus.

Avertisti adjutórium gládii ejus : \* et non es auxiliátus ei in bello.

Destruxisti eum ab emundatióne : \* et sedem ejus in terram collisisti.

Minorásti dies témporisejus : \* perfudisti eum confusióne.

Usquequo Dómine avértis in finem : \* exardéscet sicut ignis ira tua?

Memoráre quæ mea substántia : \* numquid enim vane constituisti omnes filios hóminum?

Quis est homo, qui vivet, et non videbit mortem : \* eruet animam suam de manu inferi?

Ubi sunt misericórdiæ tuæ antiquæ Dómine, \* sicut jurásti David in veritate tua?

Memor esto Dómine opprobrii servórum tuórum \* (quod continui in sinu meo) multárum géntium.

Quod exprobravérunt inimici tui Dómine, \* quod exprobravérunt commutatióne Christi tui.

Benedictus Dóminus in ætérnum : \* fiat, fiat.

Aña. Ipse invocábit me, allelúia : Pater meus es tu, allelúia.

Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii géntium dæmónia : \* Dóminus autem cælos fecit.

Conféssio, et pulchritúdo in conspectu ejus : \* sanctimónia, et magnificéntia in sanctificatióne ejus.

Afférte Dómino pátriæ géntium, & afférte Dómino glóriam et honórem : \* afférte Dómino glóriam nómini ejus.

Tóllite hóstias, et introite in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávit.

Etenim corréxit orbem terræ qui non commovébitur : \* judicábit pópulos in æquitáte.

Læténtur cæli, et exsúltet terra, & commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritate sua.

Añā. Læténtur cæli, et exsultet terra ante faciē Dómini, quóniam venit.

Psalmus 97.

**C**ANTATE Dómino canticum novum : \* quia mirabilia fecit.

Salvavit sibi dextera ejus : \* et brachium sanctum ejus.

Notum fecit Dóminus salutáre suum : \* in conspéctu génitum revelavit justitiam suam.

Recordatus est misericórdiæ suæ, \* et veritátis suæ domui Israel.

Viderunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \* in tubis ductílibus, et voce tubæ cornæ.

Jubiláte in conspéctu regis Dómini : \* moveátur mare, et plenitúdo ejus : \* orbis terrarum, et qui hábitant in eo.

Flúmina plaudent manu, \* simul montes exsultábunt a conspéctu Dómini : \* quóniam venit judicáre terram.

Judicábit orbem terrarum in justitia, \* et pópulos in æquitáte.

Añā. Notum fecit Dóminus, allelúia, salutáre suum, allelúia.

℟. Ipse invocábit me. ℞. Pater meus es tu.

Jube domne benedicere. Benedictio. Evangélica léctio sit nobis salus et protéctio.

℞. Amen.

Léctio sancti Evangélíi  
secúndum Lucam.

Lectio vij.

Cap. 2.

**I**N illo témpore : Exiit edictum a Cæsare Augústo, ut

describerétur univérsum orbis. Et reliqua.

Homilia sancti Gregórii Papæ.  
(Hom. 8. in Evang.)

**Q**UIA, largiēte Dómino, Missárum solémnia ter hodie celebratúri sumus, loqui diu de evangélica lectione non possumus : sed nos aliquid vel breviter dicere, Redemptóris nostri Nativitas ipsa compéllit. Quid est enim, quod nascituro Dómino mundus describitur, nisi hoc, quod apérte monstratur, quia ille apparébat in carne, qui electos suos adscriberet in æternitate? Quod contra de réprobis per Prophétam dicitur : Deleantur de libro vivéntium, et cum justis non scribantur. Qui bene étiam in Bétlehem nascitur. Bétlehem quippe Domus panis interpretátur. Ipse namque est, qui ait : Ego sum panis vivus, qui de cælo descendi.

℟. vij. Beata Dei Génitrix Maria, cujus viscera intácta pórmanent, \* Hódie genuit Salvatórem sæculi. ℟. Beata, quæ credidit : quóniam perfécta sunt ómnia, quæ dicta sunt ei a Dómino. — Hódie genuit Salvatórem sæculi.

Jube domne benedicere. Benedictio. Per Evangélica dicta deleantur nostra delicta.

℟. Amen.

Léctio sancti Evangélíi  
secúndum Lucam.

Lectio viij.

Cap. 2.

**I**N illo témpore : Pastóres loquebantur ad invicem : Transeámus usque Bétlehem, et videámus hoc verbum, quod factum est, quod Dóminus osténdit nobis. Et reliqua.



Homilia sancti Ambrósii  
Episcopi.

(Lib. 2. in cap. 2. Lucae.)

**V**IDETE Ecclesiæ surgentis  
exordium. Christus nasci-  
tur, et pastores vigilare cœpe-  
runt : qui gentium greges, pæ-  
cudum more ante viventes, in  
caulam Domini congregarent,  
ne quos spiritalium bestiârum,  
per offusâs noctium tenebras,  
paterentur incursus. Et bene  
pastores vigilant, quos bonus  
Pastor informat. Grex igitur  
pópulus, nox sæculum, pasto-  
res sunt sacerdotes. Aut for-  
tasse etiam ille sit pastor, cui  
dicitur : Esto vigilans, et con-  
firma. Quia non solum Episco-  
pos ad tuendum gregem Dô-  
minus ordinâvit, sed etiam  
Angelos destinâvit.

R. viij. Beata viscera Mariæ  
Virginis, quæ portaverunt  
ætérni Patris Filium : et beata  
ûbera, quæ lactaverunt Chri-  
stum Dôminum : \* Qui hodie  
pro salute mundi de Virgine  
nasci dignatus est. V. Dies  
sanctificatus illuxit nobis : ve-  
nite gentes, et adorâte Dômi-  
num. — Qui hodie.

Jube domne benedicere. Be-  
nedictio. Intelléctum sancti  
Evangelii apériat nobis virtus  
Spiritus sancti. R. Amen.

Lectio sancti Evangelii  
secundum Joannem.

Lectio ix. Cap. 1.

**I**N principio erat Verbum, et  
Verbum erat apud Deum, et  
Deus erat Verbum. Et reliqua.

Homilia sancti Joannis  
Chrysostomi.

(Hom. 3. in Joann. 1.)

**C**UM Matthæus ab Heróde,  
Lucas a Tibério Cæsare,  
Marcus a baptismo Joannis

exordiâtur, his omnibus Joân-  
nes omissis, supra omne tem-  
pus et sæculum ascendit. Tu  
autem dilectissime, cum Ver-  
bum hoc in loco audis, noli,  
quæso, iis acquiescere, qui di-  
cunt id verbum esse, quod ore  
profertur. Hoc enim Verbum  
substantia quædam est in per-  
sóna, ex ipso Patre sine pas-  
sione proveniens. Quemadmo-  
dum autem, In principio erat  
Verbum, æternitatem signifi-  
cat : ita, Hoc erat in principio  
apud Deum, coæternitatem  
nobis ostendit. Numquam enim  
solus Pater sine Verbo fuit :  
sed semper Deus apud Deum  
erat, et in persóna quidem  
propria.

R. ix. Verbum caro factum  
est, et habitavit in nobis : cu-  
jus glóriam vidimus, quasi  
Unigéniti a Patre \* Plenum  
gratiæ, et veritatis. V. In  
principio erat Verbum, et Ver-  
bum erat apud Deum, et Deus  
erat Verbum. — Plenum grá-  
tiæ et veritatis. Glória. Ple-  
num grátiæ et veritatis.

Postea sequitur: Dôminus vo-  
biscum. R. Et cum spiritu tuo.

Initium sancti Evangelii  
secundum Matthæum.

R. Glória tibi Dômine.

Cap. 1.

**L**IBER generatiónis Jesu  
Christi filii David, filii  
Abraham. Abraham genuit  
Isaac. Isaac autem genuit Ja-  
cob. Jacob autem genuit Ju-  
dam, et fratres ejus. Judas au-  
tem genuit Phares, et Zaram  
de Thamar. Phares autem gé-  
nuit Esron. Esron autem gé-  
nuit Aram. Aram autem gé-  
nuit Aminadab. Aminadab au-  
tem genuit Naásson. Naásson

autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quæ fuit Uriæ. Salomón autem genuit Róboam. Róboam autem genuit Abiam. Abias autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozias. Ozias autem genuit Jóatham. Jóatham autem genuit Achaz. Achaz autem genuit Ezechiam. Ezechias autem genuit Manássen. Manáesses autem genuit Amon. Amon autem genuit Josiam. Josias autem genuit Jechoniam, et fratres ejus in transmigratióne Babylónis. Et post transmigratióne Babylónis : Jechonias genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eléazar. Eléazar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Canticum Te Deum., pag. 16.

† Finito Te Deum., si Missa immediate non sequatur, dicatur :

℣. Puer natus est nobis. R. Et filius datus est nobis.

℣. Deus in adiutorium meum intende. R. Dómine ad adiuvándum me festína. Glória Patri... Sicut erat... Allelúia.

## AD LAUDES

ET PER HORAS ANTIPHONÆ.

1. Quem vidistis pastóres dicite : annuntiáte nobis in terris quis apparuit. Natum vidimus, et choros Angelórum collaudántes Dóminum, allelúia, allelúia. Psalmus Dóminus regnávít. cum ceteris, pag. 17.

2. Genuit puérpera Regem, cui nomen ætérnum : et gáudia matris habens cum virginitátis honóre, nec primam similem visa est, nec habére sequéntem, allelúia.

3. Angelus ad pastóres ait : Annúntio vobis gáudium magnum : quia natus est vobis hódie Salvátor mundi, allelúia.

4. Facta est cum Angelo multitúdo cæléstis exércitus, laudántium Deum, et dicéntium : Glória in excélsis Deo, et in terra pax homínibus bonæ voluntátis, allelúia.

5. Párvulus filius hódie natus est nobis, et vocábitur Deus, Fortis, allelúia, allelúia.

Non dicatur Capitulum, neque Hymnus neque V., sed immediate post quintam Antiphonam dicatur ad Benedictus Añá. Glória in excélsis Deo, et in terra pax homínibus bonæ voluntátis, allelúia, allelúia.

Dóminus vobíscum. R. Et cum spiritu tuo.

Orémus.

Oratio.

CONCEDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti iugo vetústa sérvitus tenet. Per eúndem.

Dóminus vobiscum. *R.* Et cum spiritu tuo.

Benedicámus Dómino. *R.* Deo grátias.

¶ Prædicto modo dicantur Laudes, quando Missa non celebratur inter Matutinum et Laudes. Quando vero Missa fuerit celebranda, statim post Te Deum. inchoetur; et dicta Communione In splendóribus., absque Versiculo et absque Deus in adiutorium. immediate inchoetur Antiphona j. Laudum. Ad Laudes super Psalmos Añã Quem vidistis., cum ceteris, ut pag. 212.; Psalmus Dóminus regnávít. cum ceteris, pag. 17.

Non dicatur Capitulum, neque Hymnus, neque *V.*, sed immediate post quintam Antiphonam dicatur ad Benedictus Añã. Glória in excélsis Deo, et in terra pax hominibus bonæ voluntátis, allelúia, allelúia.

Repetita post Canticum Antiphona prædicta, dicat Sacerdos, qui cantavit Missam :

Dóminus vobiscum. *R.* Et cum spiritu tuo.

Orémus. Postcommunio.

**D**A nobis, quæsumus Dómine Deus noster : ut qui Nativitatem Dómini nostri Jesu Christi mystériis nos frequentare gaudémus, dignis conversationibus ad ejus mereámur pervenire consórtium : Qui tecum vivit.

Dóminus vobiscum. *R.* Et cum spiritu tuo.

Subjungat Diaconus : Ite missa est. *R.* Deo grátias.

Et sic terminentur simul Missa et Laudes.

AD PRETIOSA.

Evangelium.

Secúndum Joánnem. Cap. 1.

**I**N principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt : et sine ipso factum est nihil. Tu autem Dómine.

AD PRIMAM.

*R.* Jesu Christe. *V.* Qui natus es de Virgine Maria.

¶ Iste *V.* dicatur quotidie ad Primam, etiam in festis Sanctorum, usque ad Epiphaniam exclusive.

AD TERTIAM.

Capitulum. Hebr. 1.

**M**ULTIFARIAM, multisque modis olim Deus loquens pátribus in prophétis : novissime, diébus istis locútus est nobis in Filio, quem constituit heredem universórum, per quem fecit et sæcula.

*R.* Verbum caro factum est, \* Allelúia, allelúia. Verbum.

*V.* Et habitávit in nobis. Allelúia. Glória. Verbum.

*V.* Notum fecit Dóminus.

*R.* Salutare suum. Oratio.

**C**ONCEDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti iugo vetústa sérvitus tenet. Per eúndem.

¶ Hæc Oratio dicatur etiam ad Sextam, Nonam et ij. Vesperas.

AD SEXTAM.

Capitulum. Tit. 3.

**A**PPARUIT benignitas, et humanitas Salvatóris nostri Dei : non ex opéribus justitiæ, quæ fécimur nos, sed secúndum suam misericórdiam salvos nos fecit.



R. Notum fecit Dóminus,  
\* Allelúia, allelúia. Notum.  
V. Salutare suum. Allelúia.  
Glória. Notum.

V. Ipse invocábit me. R. Pa-  
ter meus es tu.

AD NONAM.

Capitulum. Tit. 2.

**A**PPARUIT grátia Dei Salva-  
tórís nostri ómnibus ho-  
minibus, erúdiens nos, ut abne-  
gántes impietátem, et sæculá-  
ria desidéria : sóbrie, et juste,  
et pie vivámus in hoc sæculo.

R. Ipse invocábit me, \* Alle-  
lúia, allelúia. Ipse. V. Pater meus  
es tu. Allelúia. Glória. Ipse.

V. Benedíctus qui venit in  
nómine Dómini. R. Deus Dó-  
minus, et illúxit nobis.

Ab hac die usque in crasti-  
num Octavæ Epiphaniæ ex-  
clusive, quotidie dicuntur Re-  
sponsoria Horarum cum Alle-  
lúia., excepto festo sanctorum  
Innocentium, secundum quod  
suo loco notatur.

AD II. VESPERAS.

Psalmus 109.

**D**IXIT Dóminus Dómino  
meo : \* Sede a dextris  
meis :

Donec ponam inimícos tuos,\*  
scabéllum pedum tuórum.

Virgam virtútis tuæ emittet  
Dóminus ex Sion : \* domináre  
in médio inimicórum tuórum.

Tecum principium in die  
virtútis tuæ in splendóribus  
sanctorum : \* ex útero ante  
luciferum genui te.

Jurávit Dóminus, et non pœ-  
nitébit eum : \* Tu es sacerdos  
in ætérnum secúndum ordi-  
nem Melchisedech.

Dóminus a dextris tuis, \* con-  
frégit in die iræ suæ reges.

Judicábit in natióibus, im-  
plébit ruínas : \* conquassábit  
cápita in terra multórum.

De torrénite in via bibet : \*  
propterea exaltábit caput.

Aña. Tecum principium in  
die virtútis tuæ in splendóri-  
bus sanctorum, ex útero ante  
luciferum genui te.

Psalmus 110.

**C**ONFITEBOR tibi Dómine in  
toto corde meo : \* in con-  
silio justórum, et congrega-  
tióne.

Magna ópera Dómini : \* ex-  
quisita in omnes voluntátes  
ejus.

Confessio et magnificéntia  
opus ejus : \* et justítia ejus  
manet in sæculum sæculi.

Memóriam fecit mirabílium  
suórum, & miséricors et mise-  
rátor Dóminus : \* escam dedit  
timéntibus se.

Memor erit in sæculum testa-  
ménti sui : \* virtútum óperum  
suórum annuntiábit pópulosuo:

Ut det illis hereditátem gén-  
tium : \* ópera mánuum ejus  
véritas et judícium.

Fidélia ómnia mandáta  
ejus : & confirmáta in sæculum  
sæculi, \* facta in veritáte et  
æquitáte.

Redemptiõem misit pópulo  
suo : \* mandávit in ætérnum  
testaméntum suum.

Sanctum, et terríbile nomen  
ejus : \* initium sapiéntiæ tí-  
mor Dómini.

Intelléctus bonus ómnibus fa-  
ciéntibus eum : \* laudátio ejus  
manet in sæculum sæculi.

Aña. Redemptiõem misit  
Dóminus pópulo suo : mandá-  
vit in ætérnum testaméntum  
suum.

## Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Gloria, et divítiae in domo ejus : \* et justitia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómmodat, & dispónet sermones suos in judicio : \* quia in ætérnum non commovébuntur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimicos suos.

Dépérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur; & déntibus suis fremet et tabéscet : \* desidérium peccatórum peribit.

Añá. Exórtum est in ténebris lumen rectis corde : miséricors, et miserátor, et justus Dóminus.

## Psalmus 129.

**D**E profúndis clamávi ad te Dómine : \* Dómine exáudi vocem meam :

Fiant aures tuæ intendéntes, \* in vocem deprecationis meæ.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutina usque ad noctem : \* speret Israel in Dómino.

Quia apud Dóminum misericórdia : \* et copiósa apud eum redemptio.

Et ipse redimet Israel, \* ex ómnibus iniquitatibus ejus.

Añá. Apud Dóminum misericórdia : et copiósa apud eum redemptio.

## Psalmus 131.

**M**EMENTO Dómine David, \* et omnis mansuetúdinis ejus.

Sicut jurávit Dómino, \* votum vovit Deo Jacob :

Si introiero in tabernáculum domus meæ, \* si ascéndero in lectum strati mei :

Si dédero somnum óculis meis, \* et pápebris meis dormitatióem :

Et réquiem tempóribus meis : donec invéniam locum Dómino, \* tabernáculum Deo Jacob.

Ecce audivimus eam in Ephrata : \* invénimus eam in campis silvæ.

Introibimus in tabernáculum ejus : \* adorábitus in loco, ubi steterunt pedes ejus.

Surge Dómine in réquiem tuam, \* tu et arca sanctificatióis tuæ.

Sacerdótes tui induántur justitiam : \* et sancti tui exsultent.

Propter David servum tuum, \* non avértas fáciem Christi tui.

Jurávit Dóminus David veritatem, et non frustrábitur eam : \* de fructu ventris tui ponam super sedem tuam.

Si custodierint filii tui testamentum meum, \* et testimonia mea hæc, quæ docébo eos :

Et filii eórum usque in sæculum, \* sedébunt super sedem tuam.

Quóniam elégit Dóminus Sión : \* elégit eam in habitatióne sibi.

Hæc réquies mea in sæculum sæculi : \* hic habitábo quóniam elégi eam.

Viduum ejus benedicens benedicam : \* páuperes ejus saturábo pánibus.

Sacerdótes ejus induam salutári : \* et sancti ejus exultatióne exultábunt.

Illuc producam cornu David, \* parávi lucernam Christo meo.

Inimicos ejus induam confusióne : \* super ipsum autem efflorébit sanctificatio mea.

Aña. De fructu ventris tui ponam super sedem tuam.

† Prædicti Psalmi cum suis Antiphonis dicantur quotidie ad Vesperas infra Octavam Nativitatis, etiam in festis Sanctorum.

Capitulum.

Hebr. I.

**M**ULTIFARIAM, multisque modis olim Deus loquens patribus in prophétis : novissime, diébus istis locútus est nobis in Filio, quem constituit herédem universórum, per quem fecit et sæcula.

Hymnus et V. ut in j. Vesperis, pag. 200. et pag. 201.

Ad Magnificat Aña. Hódie Christus natus est : hódie Salvátor appáruit : hódie in terræ canunt Angeli, lætántur Arch-ángeli : hódie exsúltant justí dicétes : Glória in excélsis Deo, allelúia.

Oratio.

**C**ONCEDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccati jugo vetústa sérvitus tenet. Per eúdem.

Et fiat Memoria de S. Stephano Protomartyre :

Aña. Tu principátum tenes in choro Mártýrum similis ángelo : qui pro te lapidántibus Deum deprecátus es, beáte Stéphane intercède pro nobis ad Dóminum.

V. Glória et honóre coronásti eum Dómine. R. Et constitúisti eum super ópera mánuum tuárum.

Oratio.

**D**A nobis, quæsumus Dómine, imitári quod cólimus, ut discámus et inimícos diligere : quia ejus natalítia celebrámus, qui novit étiam pro persecutóribus exoráre : Dóminum nostrum Jesum Christum Fílium tuum, qui tecum vivit.

#### AD COMPLETORIUM.

Super Psalmos Aña. Natus est nobis hódie Salvátor, qui est Christus Dóminus, in civitáte David.

Ad Nunc dimittis Aña. Allelúia, Verbum caro factum est, allelúia : et habitávit in nobis, allelúia, allelúia.

† Prædictæ Antiphonæ dicantur quotidie in Completorio usque ad Vigiliam Epiphaniæ.



PER OCTAVAS  
NATIVITATIS DOMINI,  
S. STEPHANI, S. JOANNIS  
ET SS. INNOCENTII.

Antiphonæ, *ŶŶ*. et Orationes de ipsis Octavis notatæ sunt suis locis, quoties dicendæ occurrerint.

† Si festum Nativitatis Domini, vel S. Stephani, vel S. Joannis, vel SS. Innocentium, vel S. Thomæ in Dominica evenerit, illa die de Dominica nihil fiat; sed in crastino S. Thomæ legatur in Matutinis Homilia Dominicæ; et post Memorias de Sanctis, in Laudibus fiat Memoria de Dominica per Añam Dum médium., *Ŷ*. Notum fecit Dominus, et Orationem Omnipotens sempiternæ Deus, dirige actus nostros.; in Vesperis vero per Añam Erant Joseph et Mariæ., *Ŷ*. Verbum caro factum est, et Orationem prædictam. Quæ omnia infra per extensum ponuntur.

---

DOMINICA INFRA OCTAVAM  
NATIVITATIS DOMINI.

Proxima die post festum S. Thomæ Episcopi et Martyris, si Dominica fuerit, hoc modo fiat Officium.

AD MATUTINUM.

Invitorium Christus natus est nobis., Hymnus Christe Redemptor omnium., Antiphonæ, Psalmi et *ŶŶ*. trium Nocturnorum dicantur ut in Nativitate Domini; cetera vero ut infra.

IN I. NOCTURNO.

De Epistola beati  
Pauli Apóstoli ad Romános.

Lectio j.

Cap. 7.

**O**CCASIONE autem accepta, peccátum per mandátum operátum est in me omnem concupiscéntiam. Sine lege enim peccátum mórtuum erat. Ego autem vivébam sine lege aliquándo. Sed cum venisset mandátum, peccátum revixit. Ego autem mórtuus sum : et invéntum est mihi mandátum, quod erat ad vitam, hoc esse ad mortem. Nam peccátum, occasione accepta per mandátum, sedúxit me, et per illud occidit.

*R.* j. Hódie nobis cælórum Rex de Virgine nasci dignátus est, ut hóminem pèrditum ad cæléstia regna revocáret. Gaudet exércitus Angelórum :  
\* Quia salus æténa humano géneri apparuit. *Ŷ*. Glória in excélsis Deo, et in terra pax homínibus bonæ voluntátis. — Quia salus æténa.

Lectio ij.

**I**TAQUE lex quidem sancta, et mandátum sanctum, et justum, et bonum. Quod ergo bonum est, mihi factum est mors? Absit. Sed peccátum, ut appáreat peccátum, per bonum operátum est mihi mortem : ut fiat supra modum peccans peccátum per mandátum. Scimus enim quia lex spirituális est : ego autem carnális sum, venúndatus sub peccáto. Quod enim óperor, non intéllego. Non enim quod volo bonum, hoc ago : sed quod odi malum, illud fácio.

R. ij. Hódie nobis de cælo pax vera descendit : \* Hódie per totum mundum melliflui facti sunt cæli. V. Hódie illuxit dies redemptionis novæ, reparationis antiquæ, felicitatis æternæ. — Hódie per totum mundum.

Lectio iij.

**S**i autem quod nolo, illud fácio : conséntio legi, quóniam bona est. Nunc autem jam non ego óperor illud, sed quod hábitat in me peccátum. Scio enim, quia non hábitat in me, hoc est in carne mea, bonum. Nam velle ádjacet mihi : perficere autem bonum, non invénio. Non enim, quod volo bonum, hoc fácio : sed quod nolo malum, hoc ago.

R. iij. Descendit de cælis Deus verus a Patre génitus; introívit in úterum Virginis, nobis ut appareret visibilis, indútus carne humana a Protoparánte édita, et exívit per clausam portam, Deus et homo : \* Lux et vita, cónditor mundi. V. Tamquam sponsus Dóminus procédens de thalamo suo. — Lux et vita. Glória. Lux et vita.

IN II. NOCTURNO.

Sermo sancti Leónis Papæ.

(Serm. 9. de Nativ. Dom.)

Lectio iv.

**E**XCEDIT quidem, dilectíssimi, multúmque superéminet humáni eloquíi facultátem divíni óperis magnitúdo : et inde óritur difficultas fandi, unde adest rátio non tacéndi. Quia in Christo Jesu Fílio Dei, non solum ad divínam esséntiam, sed étiam ad humanam spectat natúrám, quod dictum

est per Prophétam : Generationem ejus quis enarrábit? Utrámque enim substantíam in unam convenísse persónam, nisi fides credat, sermo non éxplicat.

R. iv. Quem vidistis, pastóres dicite : annuntiáte nobis in terris quis apparuit. \* Natum vidimus, et choros Angelórum collaudántes Dóminum. V. Dicite, quidnam vidistis? et annuntiáte Christi Nativitatem. — Natum vidimus.

Lectio v.

**E**T ideo nunquam matéria déficit laudis, quia nunquam súfficit cópia laudatóris. Gaudeámus igitur, quod ad eloquéndum tantæ misericórdiæ sacraméntum impares sumus : et cum salutis nostræ altitúdinem prómere non valeámus, sentiámus nobis bonum esse, quod vincimur. Nemo enim ad cognitióem veritátis magis propinquat, quam qui intélligit, in rebus divinis, etiámsi multum proficiat, semper sibi superesse quod quærat.

R. v. O magnum mystérium, et admirábile sacraméntum, ut animália vidérent Dóminum natum : \* Jacéntem in præsépio! beáta Virgo, cujus víscera meruérunt portáre Dóminum Christum. V. Dómine, audívi auditum tuum, et tímui : considerávi ópera tua, et expávi, in médio duórum animálium. — Jacéntem in præsépio : beáta Virgo.

Lectio vj.

**N**AM qui se ad id, in quod tendit, pervénisse præsumit, non quæsitá réperit, sed in inquisitióne déficit. Ne au-

tem infirmitatis nostrae perturbemur angustiis, evangelicae nos et propheticae adjuvant voces : quibus ita accendimur, et docemur, ut nos Nativitatem Domini, qua Verbum caro factum est, non tam praeteritam recollere, quam praesentem videamur inspicere.

R. vj. Sancta et immaculata virginitas, quibus te laudibus effera nescio : \* Quia quem caeli capere non poterant, tuo gremio contulisti. V. Benedictus tu in mulieribus, et benedictus fructus ventris tui. — Quia quem caeli. Gloria. Quia quem caeli.

### IN III. NOCTURNO.

Lectio sancti Evangelii secundum Lucam.

Lectio vij. Cap. 2.

IN illo tempore : Erant Joseph, et Maria mater Jesu, mirantes super his, quae dicebantur de illo. Et reliqua.

Homilia sancti Ambrosii Episcopi.

(Lib. 2. in cap. 2. Luc. post med.)

VIDES uberem in omnes gratiam, Domini generatione diffusam, et prophetiam incredulis negatam esse, non justis. Ecce et Simeon propheta in ruinam et resurrectionem plurimorum venisse Dominum Jesum Christum, ut justorum iniquorumque merita discernat, et pro nostrorum qualitate factorem, iudex verus et justus aut supplicia decernat, aut praemia. Et tuam, inquit, ipsius animam pertransibit gladius.

R. vij. Beata Dei Genitrix Maria, cujus viscera intacta

permanent, \* Hodie genuit Salvatorem saeculi. V. Beata, quae credidit : quoniam perfecta sunt omnia, quae dicta sunt ei a Domino. — Hodie.

Lectio viij.

Nec littera, nec historia docet ex hac vita Mariam corporalis necis passione mitigasse. Non enim anima, sed corpus materiali gladio transverberatur. Et ideo prudentiam Mariae haud ignaram mysterii caelestis ostendit. Vivum enim verbum Dei, et validum, et acutius omni gladio acutissimo, penetrans usque ad divisionem animae ac spiritus, artuum quoque et medullarum, cogitationes cordis et secreta scrutatur animorum : quia nuda et aperta sunt omnia Dei Filio, quem conscientiae secreta non fallunt.

R. viij. Beata viscera Mariae Virginis, quae portaverunt aeterni Patris Filium : et beata ubera, quae lactaverunt Christum Dominum : \* Qui hodie pro salute mundi de Virgine nasci dignatus est. V. Dies sanctificatus illuxit nobis : venite gentes, et adorare Dominum. — Qui hodie.

Lectio ix.

PROPHETAVIT itaque Simeon, prophetaverat virgo, prophetaverat copulata conjugio : prophetare debuit etiam vidua : ne qua aut professio deesset, aut sexus. Et ideo Anna et stipendiis viduitatis et moribus talis inducitur, ut digna plane fuisse credatur quae Redemptorem omnium venisse nuntiaret.



R. ix. Verbum caro factum est, et habitavit in nobis : cum-  
jus glóriam vidimus, quasi  
Unigéniti a Patre : \* Plenum  
grátiae, et veritátis. V. In  
príncipio erat Verbum, et Ver-  
bum erat apud Deum, et Deus  
erat Verbum. — Plenum grá-  
tiae et veritátis. Glória. Plenum  
grátiae et veritátis.

Ante Laudes V. Puer natus  
est nobis. R. Et filius datus  
est nobis.

AD LAUDES  
ET PER HORAS ANTIPHONÆ.

1. Quem vidístis pastóres di-  
cite : annuntiáte nobis in ter-  
ris quis apparuit. Natum vidi-  
mus, et choros Angelórum  
collaudántes Dóminum, alle-  
lúia, allelúia. Psalmus Dómi-  
nus regnávít. cum ceteris,  
pag. 17.

2. Génuit puérpera Regem,  
cui nomen ætérnum : et gáu-  
dia matris habens cum virgi-  
nitátis honóre, nec primam si-  
mitem visa est, nec habére se-  
quéntem, allelúia.

3. Angelus ad pastóres ait :  
Annúntio vobis gáudium ma-  
gnum : quia natus est vobis  
hódie Salvátor mundi, alle-  
lúia.

4. Facta est cum Angelo  
multitúdo cæléstis exércitus,  
laudántium Deum, et dicén-  
tium : Glória in excelsis Deo,  
et in terra pax homínibus bonæ  
voluntátis, allelúia.

5. Párvulus filius hódie natus  
est nobis, et vocabitur Deus,  
Fortis, allelúia, allelúia.

Capitulum.

Hebr. 1.

MULTIFARIAM, multisque  
modis olim Deus loquens  
pátribus in prophétis : novis-

sime diébus istis locútus est  
nobis in Fílio, quem constituit  
heredem universórum, per  
quem fecit et sæcula.

Hymnus.

A SOLIS ortus cárdine  
Ad usque terræ límitem,  
Christum canámus príncipem  
Natum Mariæ Virgine.

BEATUS Auctor sæculi  
Servíle corpus índuit :  
Ut carne carnem liberans,  
Ne pérderet quos cóndidit.

CASTÆ paréntis viscera  
Cæléstis intrat grátia :  
Venter puéllæ bájulat  
Secréta quæ non nóverat.

DOMUS pudíci pectoris  
Templum repénite fit Dei :  
Intácta nésciens virum  
Verbo concépit fílium.

ENIXA est puérpera  
Quem Gábriel prædíxerat :  
Quem matris alvo géstiens  
Clausus Joánnes senserat.

FÆNO jacére pertulit,  
Præsépe non abhórruit :  
Parvóque lacte pastus est,  
Per quem nec ales ésurit.

GAUDET chorus cæléstium,  
Et Angeli canunt Deo :  
Palámque fit pastóribus  
Pastor, Creatórum ómnium.

GLORIA tibi Dómine,  
Qui natus es de Virgine,  
Cum Patre et sancto Spíritu,  
In sempitérna sæcula. Amen.

V. Benedictus qui venit in  
nómine Dómini. R. Deus Dó-  
minus et illúxit nobis.

Ad Benedictus Añá. Nésciens  
Mater Virgo virum péperit  
sine dolóre Salvátorem sæcu-  
lórum : ipsum Regem Angeló-  
rum sola Virgo lactábat ubere  
de celo pleno.

## Oratio.

**C**ONCEDE, quæsumus omnípotens Deus : ut nos Unigéniti tui nova per carnem Nativitas liberet, quos sub peccati iugo vetústa sérvitus tenet. Per eúmdem.

Memoria de S. Stephano :

Aña. Ecce video cælos apértos, et Jesum stantem a dextris Dei.

℣. Coróna áurea super caput ejus. ℞. Expréssa signo sanctitátis. Oratio.

**D**A nobis, quæsumus Dómine, imitari quod cólimus, ut discámus et inimicos diligere : quia ejus natalitia celebrámus, qui novit étiam pro persecutóribus exoráre Christum Dóminum nostrum. ℞. Amen.

Memoria de S. Joanne :

Aña. Hic est discipulus ille, qui testimónium pérhibet de his : et scimus quia verum est testimónium ejus.

℣. Annuntiavérunt ópera Dei. ℞. Et facta ejus intellexérunt. Oratio.

**E**CCELSIAM tuam Dómine benignus illústra : ut beáti Joánnis Apóstoli tui et Evangelistæ illumináta doctrinis, ad dona pervéniant sempitérna. Per.

Memoria de SS. Innocentibus :

Aña. Heródes irátus occidit multos púeros in Bétlehem Judæ civitaté David.

℣. Mirábilis Deus. ℞. In Sanctis suis. Oratio.

**D**EUS, cujus hodiérna die præcónium Innocéntes Mártyres, non loquendo sed moriendo, conféssi sunt : ómnia in nobis vitiórum mala

mortífica; ut fidem tuam, quam lingua nostra lóquitur, étiam móribus vita fateatur. Per.

Deinde fiat Memoria de Dominica :

Aña. Dum médium siléntium tenérent ómnia, et nox in suo cursu médium iter perágeret, omnipotens sermo tuus Dómine a regalibus sédibus venit, allelúia.

℣. Notum fecit Dóminus. ℞. Salutare suum. Oratio.

**O**MNIPOTENS sempitérne Deus, dirige actus nostros in beneplácito tuo; ut in nómine dilécti Filii tui mereámur bonis opéribus abundáre : Qui tecum vivit.

AD PRETIOSA.

Evangelium.

Secúndum Lucam. Cap. 2.

**I**N illo témpore : Erant Joseph et María mater Jesu mirántes super his, quæ dicebántur de illo. Tu autem Dómine.

AD TERTIAM.

Capitulum. Hebr. 1.

**M**ULTIFARIAM, multisque modis olim Deus loquens patribus in prophétis : novissime diébus istis locútus est nobis in Filio, quem constituit herédem universórum, per quem fecit et sæcula.

℞. Verbum caro factum est, \* Allelúia, allelúia. Verbum.

℣. Et habitávit in nobis. Allelúia. Glória. Verbum.

℣. Notum fecit Dóminus. ℞. Salutare suum.

Oratio Concede, quæsumus., ut supra; et sic ad Sextam, Nonam et ij. Vesperas.

## AD SEXTAM.

Capitulum. Tit. 3.

**A**PPARUIT benignitas, et humanitas Salvatoris nostri Dei : non ex operibus iustitiæ, quæ fecimus nos, sed secundum suam misericordiam salvos nos fecit.

R. Notum fecit Dominus, \* Allelúia, allelúia. Notum.

ſ. Salutare suum. Allelúia. Glória. Notum.

ſ. Ipse invocabit me. R. Pater meus es tu.

## AD NONAM.

Capitulum. Tit. 2.

**A**PPARUIT grátia Dei Salvatoris nostri omnibus hominibus, erudiens nos, ut abnegantes impietatem, et sæcularia desideria : sóbrie, et juste, et pie vivámus in hoc sæculo.

R. Ipse invocabit me, \* Allelúia, allelúia. Ipse. ſ. Pater meus es tu. Allelúia. Glória. Ipse.

ſ. Benedictus qui venit in nómine Domini. R. Deus Dominus, et illúxit nobis.

## AD VESPERAS.

Antiphonæ et Psalmi de Nativitate Domini, pag. 214.

Capitulum et quæ sequuntur erunt de S. Silvestro. Fiet Memoria de Octavis Nativitatis Domini, S. Stephani, S. Joannis ac SS. Innocentium ut in j. Vesperis ejusdem S. Silvestri notatum est; ultimo loco fiet Memoria de Dominica :

Añ. Erant Joseph et Maria mater Jesu mirantes super his, quæ dicebantur de illo.

ſ. Verbum caro factum est. R. Et habitavit in nobis.

## Oratio.

**O**MNIPOTENS sempitérne Deus, dirige actus nostros in beneplácito tuo; ut in nómi-

ne dilécti Filii tui mereámur bonis opéribus abundáre : Qui tecum vivit.

## DIE INFRA OCT. NATIVIT. SI DOMINICA AUT SABBATUM NON FUERIT.

Si proxima dies post festum S. Thomæ Episcopi et Martyris Dominica aut Sabbatum non fuerit, hoc modo fiat Officium.

## AD MATUTINUM.

Invitatorium Christus natus est nobis. et Hymnus Christe Redemptor omnium., ut in Nativitate Domini, pag. 201.

## IN NOCTURNO.

Super Psalmos sola Añ. Dominus dixit ad me : Filius meus es tu : ego hódie genui te. Psalmus Quare fremuerunt gentes. cum octo ceteris ut in Nativitate Domini, pag. 201 et sequentibus.

Versiculus secundum Feriam, scilicet :

† Feria secunda et Feria quinta ſ. Verbum caro factum est. R. Et habitavit in nobis.

† Feria tertia et Feria sexta ſ. Notum fecit Dominus. R. Salutare suum.

† Feria quarta ſ. Ipse invocabit me. R. Pater meus es tu.

Benedictio. Evangélica léctio sit nobis salus et protectio. R. Amen.

Léctio sancti Evangélii secundum Lucam.

Lectio j. Cap. 2.

**I**n illo témpore : Erant Joseph et Maria mater Jesu mirantes super his quæ dicebantur de illo. Et reliqua.



Homilia sancti Ambrósii  
Episcopi.(Lib. 2. in cap. 2. Lucæ post  
medium.)

**V**IDES úberem in omnes grátiam Dómini generatióne diffúsam, et prophetiam incredúlis negátam esse, non justis. Ecce et Símeon prophétat in ruinam et resurrectiõem plurimórum venísse Dóminum Jesum Christum, ut justórum iniquorúmque mérita discérnat, et pro nostrórum qualitaté factórum, iudex verus et justus aut supplicia decérnat, aut præmia. Et tuam, inquit, ipsius ánimam pertransibit gládius.

Responsoria dicantur secundum Feriam, scilicet :

† Feria secunda et Feria quinta, R. j. Hódie nobis cælórum Rex de Virgine nasci dignátus est, ut hóminem perditum ad cælestia regna revocáret : gaudet exércitus angelórum, \* Quia salus ætérna humáno géneri apparuit. V. Glória in excélsis Deo, et in terra pax homínibus bonæ voluntátis. — Quia salus ætérna.

† Feria tertia et Feria sexta, R. j. Quem vidístis pastóres dicite : annuntiáte nobis in terris quis apparuit. \* Natum vidimus, et choros angelórum collaudántes Dóminum. V. Dicite quidnam vidístis, et annuntiáte Christi Nativitátem. — Natum vidimus.

† Feria quarta R. j. Beáta Dei Génitrix María, cujus viscera intácta pérmanent, \* Hódie genuit Salvatórem sæculi. V. Beáta, quæ crédidit : quóniam perfectá sunt ómnia quæ dicta sunt ei a

Dómino. — Hódie genuit Salvatórem sæculi.

Benedictio. Divínium auxilium máneat semper nobiscum. R. Amen.

Lectio ij.

**N**EC líttera nec história docet ex hac vita Mariam corporális necis passiõe migrasse. Non enim ánimá, sed corpus materiáli gládio transverberátur. Et ideo prudéntiam Mariæ haud ignáram mystérii cælestis osténdit. Vivum enim verbum Dei, et válidum, et acútius omni gládio acutíssimo, pénétrans usque ad divisiõem ánimæ ac spíritus, ártuum quoque et medullárum, cogitatiões cordis et secréta scrutátur animórum : quia nuda et apérta sunt ómnia Dei Filio, quem consciéntiæ secréta non fallunt.

† Feria secunda et Feria quinta, R. ij. Hódie nobis de cælo pax vera descendit : \* Hódie per totum mundum melliflui facti sunt cæli. V. Hódie illúxit dies redemptiões novæ, reparatiões antiquæ, felicitátis æternæ. — Hódie per totum mundum.

† Feria tertia et Feria sexta, R. ij. O magnum mystérium, et admirábile sacraméntum, ut animália vidérant Dóminum natum, \* Jacéntem in præsépio! beáta Virgo, cujus viscera meruérent portáre Dóminum Christum. V. Dómine audívi auditum tuum, et tímui : considerávi ópera tua, et expávi, in médio duórum animálium. — Jacéntem in præsépio : beáta Virgo, cujus viscera.

† Feria quarta, R. ij. Beata viscera Mariæ Virginis, quæ portaverunt æterni Patris Filium : et beata úbera, quæ lactaverunt Christum Dóminum : \* Qui hódie pro salute mundi de Virgine nasci dignátus est. V. Dies sanctificátus illúxit nobis : venite gentes, et adoráte Dóminum. — Qui hódie.

Benedictio. Ad societátem civium supernórum perducát nos Rex angelórum. R. Amen.

### Lectio iij.

**P**ROPHETAVIT itaque Símeon, prophetáverat virgo, prophetáverat copuláta conjúgio : prophetáre débuit étiam vídua : ne qua aut professio decesset, aut sexus. Et ideo Anna et stipéndiis viduitátis et móribus talis indúctur, ut digna plane fuisse credátur quæ Redemptórem ómnium venisse nuntiáret.

† Feria secunda et Feria quinta, R. iij. Descéndit de cælis Deus verus a Patre génius : introívit in úterum Virginis, nobis ut apparéret visibilis, indútus carne humana a Protoperánte édita, et exívit per clausam portam Deus et homo, \* Lux et vita, cónditor mundi. V. Tamquam sponsus Dóminus procedens de thámo suo. — Lux et vita. Glória. Lux et vita.

† Feria tertia et Feria sexta R. iij. Sancta et immaculáta virginitas, quibus te láudibus éfferam nésco : \* Quia quem cæli cápere non póterant, tuo grémio contulisti. V. Benedicta tu in muliéribus, et benedictus fructus ventris tui. —

Quia quem cæli cápere non póterant. Glória. Quia quem cæli cápere non póterant.

† Feria quarta, R. iij. Verbum caro factum est, et habitávit in nobis : cujus glóriam vídimus, quasi Unigéniti a Patre, \* Plenum grátiae et veritátis. V. In principio erat Verbum, et Verbum erat apud Deum, et Deus erat Verbum. — Plenum grátiae et veritátis. Glória. Plenum grátiae et veritátis.

Dicatur Canticum Te Deum laudámus.

Ante Laudes V. Puer natus est nobis. R. Et filius datus est nobis.

### AD LAUDES.

Super Psalmos sola Añá. Quem vidistis pastóres dicite : annuntiáte nobis in terris quis appáruit. Natum vídimus, et choros angelórum colaudántes Dóminum, allelúia, allelúia. Psalmus Dóminus regnávít. cum ceteris, pag. 17.

† Prædicta Añá Quem vidistis. dicatur etiam ad Primam.

Capitulum. Hebr. i.

**M**ULTIFARIAM, multisque modis olim Deus loquens pátribus in prophétis : novissime, diébus istis locútus est nobis in Filio, quem constituit heredem universórum, per quem fecit et sæcula.

Hymnus.

**A**SOLIS ortus cárdine Ad usque terræ limitem, Christum canámus príncipem Natum Mariæ Virgine.

BEATUS Auctor sæculi Servile corpus índuit : Ut carne carnem liberans, Ne pérderet quos cóndidit.

CASTÆ paréntis viscera  
Cælestis intrat grátia :  
Venter puéllæ bájulat  
Secréta quæ non nóverat.

DOMUS pudici pectoris  
Templum repénite fit Dei :  
Intácta nésciens virum  
Verbo concépit Filium.

ENIXA est puérpera  
Quem Gábríel prædixerat,  
Quem matris alvo géstiens  
Clausus Jóannes sénserat.

FÆNO jacére pértulit,  
Præsepe non abhórruit,  
Parvóque lacte pastus est,  
Per quem nec ales ésurit.

GAUDET chorus cælestium,  
Et ángeli canunt Deo :  
Palámque fit pastóribus  
Pastor, Creatór ómnium.

GLORIA tibi Dómine,  
Qui natus es de Virgine,  
Cum Patre et sancto Spirítu,  
In sempitérna sæcula.

Amen.

¶ Benedictus qui venit in  
nómine Dómini. R. Deus Dó-  
minus, et illúxit nobis.

Ad Benedictus Aña. Nésciens  
Mater Virgo virum péperit  
sine dolóre Salvatórem sæcu-  
lórum : ipsam Regem angeló-  
rum sola Virgo lactábat, úbere  
de cælo pleno.

Oratio.

CONCEDE, quæsumus, om-  
nipotens Deus : ut nos  
Unigéniti tui nova per carnem  
Nativitas liberet, quos sub pec-  
cáti jugo vetústa sérvitus tenet.  
Per eúndem.

Memoria de S. Stephano:

Aña. Ecce vídeo cælos apér-  
tos, et Jesum stantem a dex-  
tris Dei.

¶ Coróna áurea super caput  
ejus. R. Expréssa signo san-  
ctitátis.

Oratio.

DA nobis, quæsumus Dó-  
mine, imitári quod còli-  
mus, ut discámus et inimicos  
diligere : quia ejus natalítia  
celebrámus, qui novit étiam  
pro persecutóribus exoráre  
Christum Dóminum nostrum.  
R. Amen.

Memoria de S. Joanne:

Aña. Hic est discipulus ille,  
qui testimónium pérhibet de  
his : et scimus quia verum  
est testimónium ejus.

¶ Annuntiavérunt ópera  
Dei. R. Et facta ejus intelle-  
xérunt. Oratio.

ECCLESIAM tuam Dómine  
benígnus illústra : ut beáti  
Joánnis Apóstoli tui et Evange-  
listæ illumináta doctrínis, ad  
dona pervéniat sempitérna. Per.

Memoria de SS. Innocentibus:

Aña. Heródes irátus occidit  
multos púeros in Bétlehem  
Judæ civitáte David.

¶ Mirábilis Deus. R. In San-  
ctis suis. Oratio.

DEUS, cujus hodiérna die  
præcónium Innocétes  
Mártýres, non loquendo sed  
moriendo, conféssi sunt : óm-  
nia in nobis vitiórum mala  
mortifica; ut fidem tuam,  
quam lingua nostra lóquitur,  
étiam móribus vita fateátur.  
Per.

Deinde fiat Memoria de Do-  
minica :

Aña. Dum médium siléntium  
tenérent ómnia, et nox in suo  
cursu médium iter perágeret,  
omnipotens sermo tuus Dómi-  
ne a regálibus sédibus venit,  
allelúia.

¶ Notum fecit Dóminus.  
R. Salutáre suum.



## Oratio.

**O**MNIPOTENS sempitérne Deus, dirige actus nostros in beneplácito tuo; ut in nómine dilécti Filii tui mereámur bonis opéribus abundáre : Qui tecum vivit.

## AD PRETIOSA.

## Evangelium.

Secúndum Lucam. Cap. 2.

**I**n illo témpore : Erant Joseph et María mater Jesu mirántes super his, quæ dicebántur de illo. Tu autem Dómine.

## AD TERTIAM,

## SEXTAM ET NONAM.

Omnia ut in Dominica infra Octavam Nativitatis Domini, pag. 221. et pag. 222.

## AD VESPERAS.

Antíphonæ super Psalmos et Psalmi ut in ij. Vesperis Nativitatis Domini, pag. 214.

Capitulum, Hymnus et quæ sequuntur erunt de j. Vesperis S. Silvestri, ut die xxxj. Decembris notatum est.

Memoria fiat de Octavis Nativitatis, S. Stephani, S. Joannis et SS. Innocentium, ut eadem die xxxj. Decembris in j. Vesperis notatum est.

Ultimo fiat Memoria de Dominica infra Octavam Nativitatis Domini :

Añã, Erant Joseph et María mater Jesu mirántes super his, quæ dicebántur de illo.

¶ V. Verbum caro factum est. R. Et habitávit in nobis.

## Oratio.

**O**MNIPOTENS sempitérne Deus, dirige actus nostros in beneplácito tuo; ut in nómine dilécti Filii tui mereámur bonis opéribus abundáre : Qui tecum vivit.

## DIE INFRA OCT. NATIVIT. SI SABBATUM FUERIT.

Si crastinum S. Thomæ Episcopi et Martyris Sabbatum fuerit, hoc modo fiat Officium :

## AD MATUTINUM.

Invitatorium Christus natus est nobis. et Hymnus Christe Redémptor ómnium., ut in Nativitate Domini, pag. 201.

## IN NOCTURNO.

Super Psalmos sola Añã. Dóminus dixit ad me : Filius meus es tu : ego hódie genui te. Psalmus Quare fremuerunt gentes. cum octo ceteris ut in Nativitate Domini, pag. 201. et sequentibus.

¶ Ipse invocábit me. R. Pater meus es tu.

Omissa Homilia in Evangelium Erant Joseph et María, dicantur tres Lectiones sequentes :

Benedictio. Ille nos benedicat, qui sine fine vivit et regnat. R. Amen.

De Epístola beáti Pauli Apóstoli ad Romanos.

Lectio j. Cap. 7.

**O**CCASIONE autem accépta, peccátum per mandátum operátum est in me omnem concupiscéntiam. Sine lege enim peccátum mórtuum erat. Ego autem vivébam sine lege aliquándo. Sed cum venisset mandátum, peccátum revixit. Ego autem mórtuus sum : et invéntum est mihi mandátum, quod erat ad vitam, hoc esse ad mortem. Nam peccátum, occasione accépta per mandátum, sedúxit me, et per illud occídít.

R. j. Beáta Dei Génitrix María, cujus víscera intacta permanent, \* Hódie genuit Salvatorem sæculi. V. Beáta quæ credidit : quóniam perfectæ sunt omnia, quæ dicta sunt ei a Dómino. — Hódie genuit Salvatorem sæculi.

Benedictio. Divinum auxilium máneat semper nobiscum. R. Amen.

Lectio ij.

**I**TAQUE lex quidem sancta, et mandátum sanctum, et iustum et bonum. Quod ergo bonum est, mihi factum est mors? Absit. Sed peccátum, ut appareat peccátum, per bonum operátum est mihi mortem : ut fiat supra modum peccans peccátum per mandátum. Scimus enim quia lex spirituális est : ego autem carnális sum venundatus sub peccáto. Quod enim óperor, non intéllego : non enim quod volo bonum, hoc ago : sed quod odi malum, illud fácio.

R. ij. Beáta viscera Mariæ Virginis, quæ portavérunt ætérni Patris Filium : et beáta úbera, quæ lactavérunt Christum Dóminum, \* Qui hódie pro salute mundi de Virgine nasci dignátus est. V. Dies sanctificátus illúxit nobis : venite gentes, et adoráte Dóminum. — Qui hódie.

Benedictio. Ad societátem civium supernórum perdúcat nos Rex angelórum. R. Amen.

Sermo sancti Leónis Papæ.

(Serm. 9. de Nativit. Domini.)

Lectio iij.

**E**XCEDIT quidem, dilectissimi mi, multúmque superéminet humáni eloquii facultátem

divini óperis magnitúdo : et inde óritur difficúltas fandí, unde adest rátió non tacéndi. Quia in Christo Jesu Filio Dei, non solum ad divínam esséntiam, sed étiam ad humanam spectat natúram quod dictum est per Prophétam : Generatióem ejus quis enarrábit? Utrámque enim substántiam in unam convenísse personam, nisi fides credat, sermo non explicat.

R. iij. Verbum caro factum est, et habitávit in nobis : cujus glóriam vidimus, quasi Unigéniti a Patre, \* Plenum grátiae et veritátis. V. In principio erat Verbum, et Verbum erat apud Deum, et Deus erat Verbum. — Plenum grátiae et veritátis. Glória. Plenum grátiae et veritátis.

Dicatur Canticum Te Deum laudámus.

Ante Laudes V. Puer natus est nobis. R. Et filius datus est nobis.

#### AD LAUDES.

Super Psalmos sola Añã. Quem vidistis pastóres dicite : annuntiáte nobis in terris quis apparuit. Natum vidimus, et choros angelórum collaudántes Dóminum, allelúia, allelúia. Psalmus Dóminus regnávít. cum ceteris, pag. 17.

¶ Prædicta Añã Quem vidistis. dicatur etiam ad Primam.

Capitulum Multifárium., Hymnus A solis ortus cárdine., V. Benedictus qui venit., ad Benedictus Añã Nesciens Mater., Oratio Concède, quæsumus omnipotens Deus, ut nos Unigéniti tui., pag. 224. et pag. 225.

Memoria de Octavis S. Stephani, S. Joannis et SS. Innocentium, ut pag. 225. notatum est.

Memoria vero de Dominica reservetur in crastinum, et fiat in Laudibus S. Silvestri post Memorias de Sanctis.

#### AD PRETIOSA.

Evangelium.

Secúndum Lucam. Cap. 2.

**I**N illo témpore : Pastóres loquebántur ad invicem : Transeámus usque Béthlehem, et videámus hoc verbum quod factum est, quod Dóminus osténdit nobis. Tu autem Dómine.

AD TERTIAM,

SEXTAM ET NONAM.

Omnia ut in Dominica infra

Octavam Nativitatis Domini, pag. 221. et pag. 222.

#### AD VESPERAS.

Antiphonæ super Psalmos et Psalmi ut in ij. Vesperis Nativitatis Domini, pag. 214.

Capitulum, Hymnus et quæ sequuntur erunt de j. Vesperis S. Silvestri, ut die xxxj. Decembris notatum est.

Memoria fiat de Octavis Nativitatis, S. Stephani, S. Joannis et SS. Innocentium, ut in eisdem j. Vesperis S. Silvestri.

Memoria vero de Dominica reservetur in crastinum, et fiat in j. Vesperis Circumcisionis post Memorias de Sanctis.

## IN CIRCUMCISIONE DOMINI.

### TOTUM DUPLEX.

#### AD I. VESPERAS.

Super Psalmos Aña. O admirabile commercium! Creátor géneris humáni animátum corpus sumens de Virgine nasci dignátus est : et procedens homo sine sémine largítus est nobis suam Deitátem. Psalmus Laudáte púeri. cum ceteris, pag. 145.

Capitulum.

Hebr. i.

**M**ULTIFARIAM, multisque modis olim Deus loquens pátribus in prophétis : novíssime, diébus istis locútus est nobis in Fílio, quem constituit herédem universórum, per quem fecit et sæcula.

**R̃.** Verbum caro factum est, et habitávit in nobis : cuius glóriam vidimus, quasi Unigéniti a Patre, \* Plenum grátiae et veritátis. **Ÿ.** In principio erat Verbum, et Verbum erat apud Deum, et Deus erat Verbum. — Plenum grátiae et veritátis. Glória. Plenum grátiae et veritátis.

Hymnus.

**V**ENI Redemptor géntium,  
Osténde partum Virginis :  
Mirétur omne sæculum :  
Talis decet partus Deum.

NON ex virili sémine,  
Sed mystico spirámine  
Verbum Dei factum caro  
Fructúsque ventris floruit.



ALVUS tumescit Virginis,  
Claustra pudoris permanent,  
Vexilla virtutum micant,  
Versatur in templo Deus.

PROCEDENS de thalamo  
suo,

Pudoris aula regia,  
Geminæ gigas substantiæ  
Alacris ut currat viam.

EGRESSUS ejus a Patre,  
Regressus ejus ad Patrem :  
Excursus usque ad inferos,  
Recursus ad sedem Dei.

ÆQUALIS ætérno Patri,  
Carnis trophæo accingere :  
Infirma nostri corporis  
Virtute firmans perpèti.

PRÆSEPE jam fulget tuum,  
Luménque nox spirat novum,  
Quod nulla nox interpolet,  
Fidéque jugi luceat.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempiterna sæcula. Amen.

¶ Tamquam sponsus. R. Dóminus procedens de thalamo suo.

Ad Magnificat Aña. Qui de terra est de terra loquitur, qui de cælo venit super omnes est : et quod vidit et audivit hoc testatur, et testimonium ejus nemo accipit : qui autem accepit ejus testimonium signavit quia Deus verax est.

Oratio.

DEUS, qui nobis nati Salvatoris diem celebrare concedis octavum : fac nos, quæsumus, ejus perpétua Divinitate muniri, cujus sumus carnali commercio reparati : Qui tecum vivit.

Memoria de S. Silvestro :

Aña. Similabo eum viro sapienti, qui ædificavit domum suam supra petram.

¶ Amavit eum Dóminus, et ornavit eum. R. Stolas gloriæ induit eum.

Oratio.

DA, quæsumus omnipotens Deus : ut beati Silvestri, Confessoris tui atque Pontificis, veneranda sollemnitas et devotionem nobis augeat, et salutem. Per.

Memoria de S. Stephano :

Aña. Stephanus vidit cælos apertos, vidit, et introivit : beatus homo cui cæli patebant.

¶ Glória et honore coronasti eum Dómine. R. Et constitui eum super opera manuum tuarum.

Oratio.

DA nobis, quæsumus Dómine, imitari quod colimus, ut discamus et inimicos diligere : quia ejus natalitia celebramus, qui novit etiam pro persecutoribus exorare Christum Dóminum nostrum.

R. Amen.

Memoria de S. Joanne :

Aña. Valde honorandus est beatus Joannes, qui supra petus Dómini in cena recubuit.

¶ In omnem terram exivit sonus eorum. R. Et in fines orbis terræ verba eorum.

Oratio.

ECCLESIAM tuam Dómine benignus illústra : ut beati Joannis Apóstoli tui et Evangelistæ illuminata doctrinis, ad dona perveniat sempiterna. Per.

Memoria de SS. Innocentibus :

Aña. A bimatu et infra occidit multos pueros Herodes propter Dóminum.

¶ Lætámini in Dómino, et exultate justi. R. Et gloriámini omnes recti corde.

## Oratio.

**D**EUS, cujus hodierna die  
præconium Innocentes  
Martyres, non loquendo sed  
moriendo, confessi sunt : om-  
nia in nobis vitiórum mala  
mortifica; ut fidem tuam, quam  
lingua nostra loquitur, étiam  
móribus vita fateatur. Per.

† Si Circumcisio primas Ve-  
speras in Dominica habuerit,  
fiat in eis Memoria de Domini-  
ca infra Octavam Nativitatis  
Domini per Añam Erant Jo-  
seph et Maria., V. Verbum  
caro factum est. et Orationem  
Omnípotens sempitérne Deus  
dirige actus nostros., pag. 226.

## AD MATUTINUM.

Invitatorium. Christus natus  
est nobis : \* Veníte adoré-  
mus.

## Hymnus.

**C**HRISTE, Redemptor om-  
nium,  
Ex Patre Patris Unice,  
Solus ante principium  
Natus ineffabiliter.

Tu lumen, tu splendor Pa-  
tris,

Tu spes perénis ómnium,  
Inténde quas fundunt preces  
Tui per orbem fámuli.

**MEMENTO**, salútis Auctor,  
Quod nostri quondam córpo-  
ris

Ex illibáta Virgine  
Nascéndo formam sumpseris.

Sic præsens testátur dies,  
Curréns per anni circulum,  
Quod solus a sede Patris  
Mundi salus advéneris.

**HUNC** cælum, terra, hunc  
mare,

Hunc omne quod in eis est,  
Auctórem advéntus tui  
Laudans exsultat cántico.

Nos quoque, qui sancto tuo  
Redempti ságuine sumus,  
Ob diem natális tui  
Hymnum novum concinimus.

**GLORIA** tibi Dómine,  
Qui natus es de Virgine,  
Cum Patre, et sancto Spirítu,  
In sempitérna sæcula. Amen.

## IN I. NOCTURNO.

## Psalmus 2.

**Q**UARE fremuérunt gentes,\*  
et pópuli meditáti sunt  
inánia?

Astitérunt reges terræ, & et  
príncipes convenérunt in  
unum, \* advérsus Dóminum,  
et advérsus Christum ejus.

Dirumpámus vincula eórum : \*  
et projiciámus a nobis jugum  
ipsórum.

Qui hábitat in cælis irridébit  
eos : \* et Dóminus subsanná-  
bit eos.

Tunc loquétur ad eos in ira  
sua, \* et in furóre suo contur-  
bábit eos.

Ego autem constitútus sum  
rex ab eo super Sion montem  
sanctum ejus, \* prædicans  
præcéptum ejus.

Dóminus dixit ad me : \* Fi-  
lius meus es tu, ego hódie gé-  
nui te.

Póstula a me, et dabo tibi  
gentes hereditátem tuam, \* et  
possessióem tuam términos  
terræ.

Reges eos in virga férrea, \*  
et tamquam vas figuli con-  
fringes eos.

Et nunc reges intelligite : \*  
erudímini qui judicátis terram.  
Servite Dómino in timóre : \*  
et exsultáte ei cum tremóre.

Apprehéndite disciplinam ne-  
quádo irascátur Dóminus, \*  
et pereátis de via justa.

Cum exarserit in brevi ira ejus, \* beāti omnes, qui confidunt in eo.

Añā. Dóminus dixit ad me : Filius meus es tu, ego hódie génui te.

Psalms 18.

CÆLI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti indicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exivit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egressio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, permanens in sæculum sæculi : \* júdicia Dómini vera, justificáta in semetipsa.

Desiderabilia super aurum et lápidem pretiósium multum : \* et dulcióra super mel et favum.

Etenim servus tuus custódit ea, \* in custodiéndis illis retribúto multa.

Delicta quis intélligit? ⁊ ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redémptor meus.

Añā. In sole pósuit tabernáculum suum : et ipse tamquam sponsus procedens de thálamo suo.

Psalms 23.

DOMINI est terra, et plentúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens manibus et mundo corde, ⁊ qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium fáciem Dei Jacob.

Attóllite portas príncipes vestras, ⁊ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, ⁊ et elevámini portæ æternáles : \* et introibit rex glóriæ.



Præoccupémus faciém Dómini, et in psalmis jubilémus ei.

℟. Glória Patri..., Sicut erat...

Et in psalmis jubilémus ei.

Præoccupémus faciém Dómini, et in psalmis jubilémus ei.

Hymnus Nocte surgéntes., pag. 2.

#### IN I. NOCTURNO.

Psalmi, Antiphonæ et ℟. ut in Psalterio, pagg. 4-9.

Incipit liber Génesis.

Lectio j.

Cap. i.

**I**N principio creávit Deus cælum, et terram. Terra autem erat inánis et vácuá, et ténebræ erant super faciém abyssi : et Spíritus Dei ferebátur super aquas. Dixitque Deus : Fiat lux. Et facta est lux. Et vidit Deus lucem quod esset bona : et divisit lucem a ténebris. Appellávitque lucem Diem, et ténebras Noctem : factumque est vespere et mane, dies unus. Dixit quoque Deus : Fiat firmaméntum in médio aquárum : et dividat aquas ab aquis. Et fecit Deus firmaméntum, divisitque aquas, quæ erant sub firmaménto, ab his, quæ erant super firmaméntum. Et factum est ita. Vocávitque Deus firmaméntum, Cælum : et factum est vespere et mane, dies secundus.

℟. j. In principio fecit Deus cælum, et terram : et creávit in ea hóminem \* Ad imáginem, et similitúdinem suam. ℟. Formávit igitur Deus hóminem de limo terræ, et inspirávit in faciém ejus spiráculum vitæ. — Ad imáginem et similitúdinem suam.

Lectio ij.

**D**IXIT vero Deus : Congrégentur aquæ, quæ sub cælo sunt, in locum unum : et appareat árida. Et factum est ita. Et vocávit Deus áridam, Terram, congregationesque aquárum appellávit Mária. Et vidit Deus quod esset bonum. Et ait : Gérminet terra herbam viréntem, et faciéntem semen, et lignum pomiferum faciens fructum juxta genus suum, cujus semen in semetipso sit super terram. Et factum est ita. Et proutit terra herbam viréntem, et faciéntem semen juxta genus suum, lignumque faciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere et mane, dies tértius.

℟. ij. In principio Deus creávit cælum, et terram : et Spíritus Dómini ferebátur super aquas : et vidit Deus cuncta quæ fécerat : \* Et erant valde bona. ℟. Igitur perfecti sunt cæli et terra, et omnis ornátus eórum. — Et erant valde bona.

Lectio iij.

**D**IXIT autem Deus : Fiant luminária in firmaménto cæli, et dividant diem ac noctem, et sint in signa et témpora, et dies et annos : ut luceant in firmaménto cæli, et illúminent terram. Et factum est ita. Fecitque Deus duo luminária magna : lumináre majus, ut præesset diéi : et lumináre minus, ut præesset nocti : et stellas. Et pósuit eas in firmaménto cæli, ut lucérent super terram, et præessent diéi

ac nocti, et dividerent lucem ac tenebras. Et vidit Deus quod esset bonum. Et factum est vespere et mane, dies quartus.

R. iij. Igitur perfecti sunt cæli et terra, et omnis ornatus eorum : complevitque Deus die septimo opus suum quod fecerat : \* Et requiavit Ab omni opere quod patrarat. V. Vidit Deus cuncta quæ fecerat : et erant valde bona. — Et requiavit. Glória. Ab omni opere quod patrarat.

## IN II. NOCTURNO.

Psalmi, Antiphonæ et V. ut in Psalterio, pagg. 10-13.

Incipit Epistola beati Pauli Apóstoli ad Colossenses.

Lectio iv. Cap. i.

**P**AULUS Apóstolus Jesu Christi per voluntatem Dei, et Timotheus frater : eis, qui sunt Colóssis, sanctis et fide libus fratribus in Christo Jesu. Grátia vobis, et pax a Deo Patre nostro, et Dómino Jesu Christo. Grátias ágimus Deo et Patri Dómini nostri Jesu Christi semper pro vobis orantes : audiéntes fidem vestram in Christo Jesu, et dilectionem, quam habétis in sanctos omnes propter spem, quæ repósa est vobis in cælis : quam audistis in verbo veritátis Evangelii : quod pervénit ad vos, sicut et in unívsero mundo est, et fructificat, et crescit sicut in vobis, ex ea die, qua audistis, et cognovístis grátiam Dei in veritáte, sicut didicistis ab Epaphra caríssimo consérvo nostro, qui est fidélis pro vobis mínister Christi Jesu, qui étiam manifestávit nobis dilectionem vestram in spíritu.

R. iv. Formávit igitur Dóminus hóminem de limo terræ, et inspirávit in faciém ejus spiráculum vitæ, et factus est homo \* In ánimam vivéntem. V. In principio fecit Deus cælum, et terram, et creávit in ea hóminem. — In ánimam vivéntem.

## Lectio v.

**I**DEO et nos ex qua die audivimus, non cessámus pro vobis orántes, et postulánte ut impleámini agnitíone voluntátis ejus, in omni sapiéntia et intelléctu spiritali : ut ambulétis digne Deo per ómnia placéntes : in omni opere bono fructificánte, et crescénce in sciéntia Dei : in omni virtúte confortáti secúndum poténtiam claritátis ejus in omni paciéntia, et longanimitáte cum gáudio grátias ágéntes Deo Patri, qui dignos nos fecit in partem sortis sanctórum in lúmine.

R. v. Tulit ergo Dóminus hóminem, et pósuit eum in Paradiso voluptátis, \* Ut operaretur, et custodiret illum. V. Plan-táverat autem Dóminus Deus Paradisum voluptátis a principio : in quo pósuit hóminem quem formáverat. — Ut operaretur et custodiret illum.

## Lectio vj.

**Q**UI eripuit nos de potestáte tenebrárum, et trástulit in regnum Filii dilectionis suæ, in quo habémus redemptionem per ságuinem ejus, remissionem peccatórum : qui est imágo Dei invisibilis, primogénitus omnis creatúræ : quóniam in ipso cóndita sunt unívsera in cælis, et in terra,

Ibi dolóres ut parturiéntis, \* in spiritu veheménti cónteres naves Tharsis.

Sicut audívimus, sic vídimus in civitaté Dómini virtútum, & in civitaté Dei nostri : \* Deus fundávit eam in aetérnum.

Suscépi-mus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* iustitia plena est dextera tua.

Lætétur mons Sion, et exsúltent filiae Judæ, \* propter iudicia tua Dómine.

Circúmdate Sion, et completimini eam : \* narráte in túribus ejus.

Pónite corda vestra in virtúte ejus : \* et distribúite domos ejus, ut enarrétis in progénie altera.

Quóniam hic est Deus, Deus noster in aetérnum, et in sæculum sæculi : \* ipse reget nos in sæcula.

Añs. Suscépi-mus Deus misericórdiam tuam, in médio templi tui.

Psalmus 86.

**F**UNDAMENTA ejus in móntibus sanctis : \* diligit Dóminus portas Sion super ómnia tabernácula Jacob.

Gloriós-a dicta sunt de te, \* civitas Dei.

Memor ero Rahab, et Baby-lónis \* sciéntium me.

Ecce alienigenæ, et Tyrus, et pópulus Æthiopum, \* hi fuérunt illic.

Numquid Sion dicet : Homo, & et homo natus est in ea : \* et ipse fundávit eam Altissimus?

Dóminus narrábit in scriptú-

ris populórum, et principum \* horum, qui fuérunt in ea.

Sicut lætántium ómnium \* habitatio est in te.

Añs. Homo natus est in ea : et ipse fundávit eam Altissimus.

¶. Notum fecit Dóminus. R. Salutare suum.

Sermo sancti Leónis Papæ. (Serm. 7. de Nativit. Domini.)

Lectio iv.

**F**ESTIVITATIS hodiérnæ, dilectissimi, verus venerátor est, et pius cultor, qui nec de incarnatione Dómini áliquid falsum, nec de Deitate áliquid sentit indignum. Paris enim periculi malum est, si illi aut naturæ nostræ veritas, aut patrænæ glóriæ negátur æqualitas. Cum ergo ad intelligéndum sacraméntum Nativitátis Christi, qua de Matre Virgine est ortus, accédimus, abigátur procul terrenarum caligo ratiónum, et ab illuminatæ fidei óculo mundanæ sapiéntiæ fumus abscedat.

R. iv. Nesciens Mater Virgo virum, péperit sine dolore Salvatorem sæculórum : \* Ipsum Regem angelórum sola Virgo lactábat úbere de cælo pleno. ¶. Beáta viscera Mariæ Virginis, quæ portavérunt ætérni Patris Fílium. — Ipsum Regem angelórum.

Lectio v.

**D**IVINA est enim auctóritas, cui crédimus : divina est doctrína, quam séquimur. Quóniam sive legis testificatióni, sive oráculis Prophetárum, sive evangélicæ tubæ interiorem admoveámus auditum; verum est quod beátus



Joannes plenus Spiritu sancto intónuit : In principio erat Verbum, et Verbum erat apud Deum, et Deus erat Verbum. Et similiter verum est quod idem prædicátor adjécit : Verbum caro factum est, et habitávit in nobis.

R. v. Sancta et immaculáta virginitas, quibus te laudibus éfferam, nescio : \* Quia quem cæli cápere non póterant, tuo grémio contulisti. V. Benedicta tu in muliéribus, et benedictus fructus ventris tui. — Quia quem cæli.

#### Lectio vj.

**I**N utrâque ergo natúra idem est Dei Filius, nostra suscipiens, et própria non amittens : in hómine hóminem rénovans, in se incommutábilis perseverans. Déitas enim, quæ illi cum Patre commúnis est, nulum detriméntum omnipoténtiæ súbiit, nec Dei formam servi forma violávit: quia summa et sempitérna esséntia, quæ se ad humáni géneris inclinávit salútem, nos quidem in suam glóriam tránstulit; sed quod erat esse non déstitit.

R. vj. Confirmátum est cor Virginis, in quo divína mystéria Angelo nuntiánte suscepit : quæ Speciósus forma præ filiis hóminum castis concépit viscéribus : \* Et benedicta in ætérnum, Deum nobis prótulit et hóminem. V. Domus pudici pectoris templum repénite fit Dei : intácta nesciens virum verbo concépit filium. — Et benedicta in ætérnum. Glória. Deum nobis prótulit et hóminem.

#### IN III. NOCTURNO.

##### Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii géntium dæmónia : \* Dóminus autem cælos fecit.

Conféssio, et pulchritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriæ géntium, & afférte Dómino glóriam et honórem : \* afférte Dómino glóriam nómini ejus.

Tóllite hóstias, et introite in átria ejus : \* adoráte Dóminum in átrio sancto ejus.

Commoveátur a fácie ejus univérsa terra : \* dicite in géntibus quia Dóminus regnávit.

Etenim corréxit orbem terræ qui non commovébitur : \* judicábit pópulos in æquitáte.

Læténtur cæli, et exsúltet terra, & commoveátur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritate sua.

Aña. Exsultábunt ómnia ligna silvárum ante faciém Dómini, quóniam venit.

Psalmus 96.

**D**OMINUS regnávít, exsúltet terra : \* læténtur ínsulæ multæ.

Nubes, et caligo in circúitu ejus : \* justítia, et júdicium corrèctio sedis ejus.

Ignis ante ípsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a facié Dómini : \* a facié Dómini ómnis terra.

Annuntiavérunt cæli justítiam ejus : \* et vidérunt omnes pópuli glóriam ejus.

Confundántur omnes, qui adorant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et lætáta est Sion.

Et exsultavérunt filiæ Judæ, \* propter júdicia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui dilígitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino : \* et confitémini memóriæ sanctificatiónis ejus.

Aña. In princípío et ante sæcula Deus erat Verbum : et

ipse natus est nobis Salvátor mundi.

Psalmus 97.

**C**ANTATE Dómino cánticum novum : \* quia mirabilia fecit.

Salvávít sibi délixtera ejus : \* et bráchium sanctum ejus.

Notum fecit Dóminus salutáre suum : \* in conspéctu génitium revelávít justítiam suam.

Recordátus est misericórdiæ suæ, \* et veritátis suæ dómui Israel.

Vidérunt omnes términi terræ \* salutáre Dei nostri.

Jubiláte Deo ómnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductílibus, et voce tubæ córneæ.

Jubiláte in conspéctu regis Dómini : \* moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, \* simul montes exsultábunt a conspéctu Dómini : \* quóniam venit júdicáre terram.

Judicábit orbem terrárum in justítia, \* et pópulos in æquitáte.

Aña. Ante lucíferum génitus et ante sæcula Dóminus Salvátor noster hódie nasci dignátus est.

℟. Ipse invocábit me. ℞. Pater meus es tu.

Léctio sancti Evangélii secundum Lucam.

Lectio vij.

Cap. 2.

**I**n illo tēpore : Postquam consummáti sunt dies octo ut circumciderétur Puer : vocátum est nomen ejus Jesus. Et réliqua.

Homilia sancti Ambrósii  
Episcopi.

(Lib. 2. in c. 2. Lucæ post med.)

**C**IRCUMCIDITUR itaque Puer. Quis est iste Puer, nisi ille, de quo dictum est : Puer natus est nobis, et filius datus est nobis? Factus est enim sub lege, ut eos, qui sub lege essent, lucrifaceret. Sistitur autem in Jerúsalem. Circumcísus enim vítiis, Dóminico dignus iudicátur obtútu : quia óculi Dómini super justos. Vides omnem legis véteris sériem fuisse typum futúri : nam et circumcisio purgatióem significat delictórum.

R. vij. O Regem cæli, cui talia famulantur obséquia! Stábulo pónitur, qui contémnet mundum : \* Jacet in præsepíto, et in núbibus tonat. *℟.* Qui cælum terrámque regit in sæcula solus. — Jacet in præsepíto.

Lectio viij.

**S**ED quóniam prona quadam cupiditate peccándi, humanæ carnis et mentis fragilitas inextricabilibus vítiis implicátur, eo per octávum circumcisióis diem culpæ totíus futúra purgatio, resurrectiósni præfigurabátur ætáte. Hoc est enim illud : Quia omne masculínium adapériens vulvam sanctum Dómino vocábitur. Verbis enim legis promittebátur Virgínis partus. Et vere sanctus, quia immaculátus.

R. viij. Congratulamini mihi omnes qui diligitis Dóminum : quia cum essem párvula, plá-cui Altíssimo, \* Et de meis viscéribus genui Deum et hóminem. *℟.* Beátam me dicent omnes generatióes, quia an-

cillam húmílem respéxit Deus. — Et de meis viscéribus.

Lectio ix.

**D**ENIQUE ipsum esse, qui lege signétur, in eúmdem modum ab Angelo repetíta verba declárant : Quod nascétur, inquit, Sanctum, vocábitur Filius Dei. Solus enim per ómnia ex natis de fémina sanctus Dóminus Jesus : qui terrénæ contágia corruptélae immaculáti partus novitáte non sénsierit, et cælésti majestáte depúlerit. Nam si litteram sequámur, quómodo sanctus omnis másculus, cum multos sceleratissimos fuisse non láteat?

R. ix. Verbum caro factum est, et habitávit in nobis : cuius glóriam vidimus, quasi Unigéniti a Patre \* Plenum grátiae et veritátis. *℟.* In princípío erat Verbum, et Verbum erat apud Deum, et Deus erat Verbum. — Plenum grátiae et veritátis. Glória. Plenum grátiae et veritátis.

Ante Laudes *℟.* Puer natus est nobis. R. Et filius datus est nobis.

AD LAUDES

ET PER HORAS ANTIPHONÆ.

1. O admirabile commercium! Creatór géneris humani animátum corpus sumens de Virgíne nasci dignátus est : et procédens homo sine sémine largítus est nobis suam Deitátem. Psalmus Dóminus regnávit, cum ceteris, pag. 17.

2. Quando natus es ineffabiliter ex Virgíne, tunc implétæ sunt Scriptúræ : sicut plúvia in vellus, descendisti, ut salvum fáceres genus humanum : te laudámus Deus noster.



3. Rubum, quem viderat  
Móyses incombustum, conser-  
vátam agnóvimus tuam laudá-  
bilem virginitátem : Dei Gén-  
trix intercède pro nobis.

4. Germinávit radix Jesse :  
orta est stella ex Jacob : Virgo  
péperit Salvatórem : te laudá-  
mus Deus noster.

5. Ecce Maria genuit nobis  
Salvatórem, quem Joánnes vi-  
dens exclamávit, dicens : Ecce  
Agnus Dei, ecce qui tollit pec-  
cáta mundi, alleluia.

Capitulum. Hebr. i.

**M**ULTIFARIAM, multisque  
modis olim Deus loquens  
pátribus in prophétis : novissi-  
me, diébus istis locútus est no-  
bis in Filio, quem constituit  
herédem universórum, per  
quem fecit et sæcula.

Hymnus.

**A**SOLIS ortus cárdine  
Ad usque terræ limitem,  
Christum canámus principem  
Natum Maria Virgine.

BEATUS Auctor sæculi  
Servile corpus induit :  
Ut carne carnem liberans,  
Ne pérderet quos cóndidit.

CASTÆ paréntis viscera  
Caeléstis intrat grátia :  
Venter puéllæ bájulat  
Secréta, quæ non nóverat.

DOMUS pudici pectoris  
Templum repénite fit Dei :  
Intácta nésciens virum  
Verbo concépit filium.

ENIXA est puérpera  
Quem Gábel prædixerat,  
Quem matris alvo géstiens  
Clausus Joánnes senserat.

FENO jacere pertulit,  
Præsepe non abhóruit,  
Parvoque lacte pastus est,  
Per quem nec ales ésurit.

GAUDET chorus cæléstium,  
Et Angeli canunt Deo :  
Palámque fit pastóribus  
Pastor, Creatór ómnium.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.  
V. Benedictus qui venit in  
nómine Dómini. R. Deus Dó-  
minus, et illúxit nobis.

Ad Benedictus Añá. Mirábile  
mystérium declarátur hódie :  
innovántur natúræ, Deus ho-  
mo factus est : id quod fuit  
permánsit, et quod non erat  
assúpsit, non commistiónem  
passus, neque divisiónem.

Oratio.

**D**EUS, qui nobis nati Salva-  
tòris diem celebráre con-  
cédís octávum : fac nos, quæ-  
sumus, ejus perpétua Divinitá-  
te muniri, cujus sumus carnáli  
commércio reparáti : Qui te-  
cum vivit.

Memoria de S. Stephano :

Añá. Ecce video cælos apér-  
tos, et Jesum stantem a dex-  
tris Dei.

V. Coróna áurea super caput  
ejus. R. Expressa signo sancti-  
tatis.

Oratio.

**D**A nobis, quæsumus Dómi-  
ne, imitári quod cólimus,  
ut discámus et inimicos dilige-  
re : quia ejus natalítia celebra-  
mus, qui novit étiam pro per-  
secutóribus exoráre Christum  
Dóminum nostrum. R. Amen.

Memoria de S. Joanne :

Añá. Hic est discipulus ille,  
qui testimónium pérhibet de  
his, et scimus quia verum est  
testimónium ejus.

V. Annuntiavérunt ópera  
Dei. R. Et facta ejus intelle-  
xérunt.

## Oratio.

**E**CCLESIAM tuam Dómine benígnus illústra : ut beáti Joánnis Apóstoli tui et Evangelistæ illumináta doctrínis, ad dona pervéniat sempitérna. Per.

Memoria de SS. Innocentibus :

Aña. Heródes irátus occidit multos púeros in Bétlehem Judæ civitate David.

℟. Mirábilis Deus. ℞. In Sanctis suis.

## Oratio.

**D**EUS, cujus hodiérna die præconiũ Innocéntes Mátyres, non loquendo sed moriendo, conféssi sunt : omnia in nobis vitiórum mala mortífica; ut fidem tuam, quam lingua nostra loquitur, étiam moribus vita fateátur. Per.

## AD PRIMAM.

℟. Jesu Christe. ℟. Qui natus es de Virgine Maria.

## AD TERTIAM.

Capitulum Multifáriam., ut in Laudibus.

℟. Verbum caro factum est, \* Allelúia, allelúia. Verbum.

℟. Et habitávit in nobis. Allelúia. Glória. Verbum.

℟. Notum fecit Dóminus. ℟. Salutare suum.

## AD SEXTAM.

Capitulum. Tit. 3.

**A**PPARUIT benígnitas, et humanitas Salvatóris nostri Dei : non ex opéribus justitiæ, quæ fécimur nos, sed secundum suam misericórdiam salvos nos fecit.

℟. Notum fecit Dóminus, \* Allelúia, allelúia. Notum fecit. ℟. Salutare suum. Allelúia. Glória. Notum fecit.

℟. Ipse invocábit me. ℟. Pater meus es tu.

## AD NONAM.

Capitulum. Tit. 2.

**A**PPARUIT grátia Dei Salvatóris nostri omnibus hominibus, erúdiens nos, ut abnegátes impietátem, et sæculária desidéria : sóbrie, et juste, et pie vivámus in hoc sæculo.

℟. Ipse invocábit me, \* Allelúia, allelúia. Ipse invocábit me. ℟. Pater meus es tu. Allelúia. Glória. Ipse invocábit me.

℟. Benedictus qui venit in nómine Dómini. ℟. Deus Dóminus, et illúxit nobis.

## AD II. VESPERAS.

Super Psalmos Aña. O admirábile commércium! Creátor géneris humáni animátum corpus sumens de Virgine nasci dignátus est : et procedens homo sine sémine largitus est nobis suam Deitátem. Psalmus Dixit Dóminus. cum ceteris ut in Comuni unius Virginis, pag. 96\*.

Capitulum Multifáriam., Hymnus Veni Redemptor gentium., et ℟. Tamquam sponsus, ut in j. Vesperis, pag. 228. et pag. 229.

Ad Magnificat Aña. Magnum hereditátis mystérium : templum Dei factus est úterus nésciens virum : non est pollútus ex ea carnem assúmens : omnes gentes vénient dicéntes : Glória tibi Dómine. Oratio.

**D**EUS, qui nobis nati Salvatóris diem celebráre concédís octávum : fac nos, quæsumus, ejus perpétua Divinitáte muníri, cujus sumus carnáli commercio reparáti : Qui tecum vivit.

Memoria de Octava die  
S. Stephani Protomartyris :

Añā. Tu principātum tenes  
in choro Mārtirum similis ān-  
gelo : qui pro te lapidāntibus  
Deum deprecātus es, beāte  
Stéphane intercède pro nobis  
ad Dóminum.

℟. Glória et honóre coronásti  
eum Dómine. ℞. Et constitui-  
sti eum super ópera mánuum  
tuárum.

Oratio.

**D**A nobis, quæsumus Dómi-  
ne, imitāri quod cólimus,  
ut discāmus et inimicos dilige-  
re : quia ejus natalítia celebra-  
mus, qui novit étiam pro per-  
secutóribus exorāre Christum  
Dóminum nostrum. ℞. Amen.

Memoria de S. Joanne :

Añā. Valde honorāndus est  
beātus Joānnes, qui supra pec-  
tus Dómini in cena recúbit.

℟. In omnem terram exivit  
sonus eórum. ℞. Et in fines  
orbis terræ verba eórum.

Oratio.

**E**CCELESIAM tuam Dómine  
benignus illústra : ut beāti  
Joānnis Apóstoli tui et Evan-  
gelistæ illumināta doctrinis, ad  
donā perveniāt sempitérna. Per.

Memoria de SS. Innocentibus :

Añā. A bimātu et infra occidit  
multos púeros Heródes propter  
Dóminum.

℟. Lætāmini in Dómino, et  
exsultáte justi. ℞. Et gloriāmi-  
ni omnes recti corde. Oratio.

**D**EUS, cujus hodiérna die  
præcónium Innocéntes  
Mārtires, non loquendo sed  
moriendo, conféssi sunt: ómnia  
in nobis vitiórum mala mortí-  
fica; ut fidem tuam, quam lin-  
gua nostra lóquitur, étiam mó-  
ribus vita fateātur. Per.

IN VIGILIA EPIPHANIÆ,  
SI DOMINICA FUERIT.

Si hæc Vig. in Dom. evenierit,  
Invitatorium et Hymnus Ma-  
tutini, Psalmi, Anæ et ℟℣.  
trium Nocturn. ut in Circum-  
cisione; cetera ut infra.

IN I. NOCTURNO.

De Epistola beāti Pauli  
Apóstoli ad Romānos.

Lectio j. Cap. 11.

**D**ICO ergo : Numquid Deus  
répulit pópulum suum?  
Absit. Nam et ego Israelita sum  
ex sémine Abraham, de tribu  
Bénjamin : non répulit Deus  
plebem suam, quam præscivit.  
An nescitis in Elia quid dicit  
Scriptúra : quemádmodum  
interpéllat Deum advérsus  
Israël? Dómine, prophétas tuos  
occidérunt, altária tua suffode-  
runt : et ego relictus sum solus,  
et quærunť ánimam meam.

℞. j. In principio erat Ver-  
bum, et Verbum erat apud  
Deum, et Deus erat Verbum.  
Hoc erat in principio apud  
Deum. \* Omnia per ipsum fa-  
cta sunt : et sine ipso factum  
est nihil. ℟. Quod factum est,  
in ipso vita erat, et vita erat  
lux hóminum. — Omnia.

Lectio ij.

**S**ED quid dicit illi divinum  
respónsum? Reliqui mihi  
septem millia virórum, qui  
non curvavérunt gēnuā ante  
Baal. Sic ergo et in hoc tēp-  
ore reliquiae secúndum ele-  
ctiónem grátiae salvæ factæ  
sunt. Si autem grátia, jam  
non ex opéribus : alióquin grá-  
tia jam non est grátia. Quid  
ergo? quod quærébat Israel,  
hoc non est consecútus : elé-  
ctio autem consecúta est.



R. ij. Benedictus, qui venit in  
nómine Dómini : Deus Dómi-  
nus, \* Et illúxit nobis. V. Lá-  
pidem quem reprobavérunt  
ædificántes, hic factus est in ca-  
put ánguli. — Et illúxit nobis.

Lectio iij.

**C**ETERI vero excæcati sunt :  
sicut scriptum est : Dedit  
illis Deus spíritum compun-  
ctiónis : óculos ut non videant,  
et aures ut non áudiant, usque  
in hodiérnum diem. Et David  
dicit : Fiat mensa eórum in  
láqueum, et in captiónem, et in retributió-  
nem illis. Obscuréntur óculi  
eórum ne videant : et dorsum  
eórum semper incurva. Dico  
ergo : Numquid sic offendé-  
runt ut cáderent? Absit. Sed  
illórum delicto, salus est gén-  
tibus ut illos æmuléntur.

R. iij. Ecce Agnus Dei, ecce  
qui tollit peccáta mundi : ecce  
de quo dicébam vobis : \* Qui  
post me venit ante me factus  
est : Cujus non sum dignus  
corrigiam calceaménti sôlvare.  
V. Hoc est testimónium, quod  
perhibuit Joánnes dicens. —  
Qui post me venit. Glória. Cu-  
jus non sum dignus.

IN II. NOCTURNO.

Sermo sancti Augustini

Episcopi.

(Serm. 13. de Tempore.)

Lectio iv.

**D**OMINUS noster Jesus Chri-  
stus, fratres caríssimi, qui  
in ætérnum est cunctórum  
Creatór, hódie de matre na-  
scéndo factus est nobis Salvá-  
tor. Natus est nobis hódie in  
tépore per voluntátem, ut  
nos perdúcat ad Patris æterni-  
tátem. Factus est Deus homo,  
ut homo fieret Deus : ut pa-

nem angelórum manducáret  
homo, Dóminus angelórum  
hódie factus est homo.

R. iv. Nesciens Mater Virgo  
virum péperit sine dolóre Sal-  
vatórem sæculórum : \* Ipsum  
Regem angelórum sola Virgo  
lactábat úbere de cælo pleno.  
V. Beáta viscera Mariæ Vir-  
ginis, quæ portavérunt ætérni  
Patris Filium. — Ipsum Re-  
gem angelórum.

Lectio v.

**H**ODIE impléta est prophetia  
illa, quæ dicit : Roráte  
cæli désuper, et nubes pluant  
justum : aperiátur terra, et  
germinet Salvatórem. Factus  
est igitur qui fécerat, ut inve-  
nirétur qui perierat. Sic enim  
in Psalmis homo confitétur :  
Priúsquam humiliárer, ego pec-  
cávi. Peccávit homo, et factus  
est reus : natus est homo Deus,  
ut liberarétur reus. Homo igitur  
cécidit, sed Deus descendit.

R. v. Sancta et immaculáta  
virginitas, quibus te láudibus  
éfferam nescio : \* Quia quem  
cæli cápere non póterant, tuo  
grémio contulisti. V. Benedi-  
cta tu in muliéribus, et bene-  
dictus fructus ventris tui. —  
Quia quem cæli.

Lectio vj.

**C**ECIDIT homo miserabiliter,  
descéndit Deus misericór-  
diter. Cécidit homo per supér-  
biam, descéndit Deus cum  
grátia. O mirácula, o prodí-  
gia, fratres mei ! Natúre jura  
mutántur in hómine. Deus ná-  
scitur, virgo sine viro gravi-  
dátur, viri nesciam sermo Dei  
maritat : simul facta est ma-  
ter et virgo : mater facta, sed  
incorrúpta; virgo habens fi-  
lium, nesciens virum.

R. vj. Confirmatum est cor Virginis, in quo divina mysteria Angelo nuntiante suscepit: quæ Speciosum forma præ filiis hominum castis concepit visceribus: \* Et benedicta in æternum, Deum nobis protulit et hominem. V. Domus pudici pectoris templum repente fit Dei: intacta nesciens virum, verbo concepit filium. — Et benedicta in æternum. Glória. Deum nobis.

## IN III. NOCTURNO.

Lectio sancti Evangelii secundum Matthæum.

Lectio vij. Cap. 2.

**I**n illo tempore: Defuncto Herode, ecce Angelus Domini apparuit in somnis Joseph in Ægypto dicens: Surge, et accipe Puerum et Matrem ejus, et vade in terram Israel. Et reliqua.

Homilia sancti Hieronymi Presbyteri.

(L. i. Comm. in cap. 2. Matth.)

**E**x hoc loco intelligimus non solum Herodem, sed et Sacerdotes et Scribas eodem tempore necem Domini fuisse meditados. Qui consurgens accepit Puerum et Matrem ejus. Non dixit, Accipit filium suum et uxorem suam: sed, Puerum et Matrem ejus, quasi nutritius, non maritus.

R. vij. O Regem cæli, cui talia famulantur obsèquia! Stabulo pònitur qui còtinet mundum: \* Jacet in præsèpio, et in nùbibus tonat. V. Qui cælum terramque regit in sæcula solus. — Jacet in præsèpio.

Lectio viij.

**A**UDIENS autem quod Archelæus regnaret in Judæa pro Herode patre suo,

timuit illo ire. Multi labuntur errore, propter ignorantiam historiæ, putantes eundem esse Herodem, a quo in Passione sua Dominus irridetur, et qui nunc mortuus esse refertur. Ergo Herodes ille, qui cum Pilato postea amicitias fecit, hujus Herodis filius est, frater Archelai.

R. viij. Congratulamini mihi omnes qui diligitis Dominum: quia cum essem parvula, placui Altissimo, \* Et de meis visceribus genui Deum et hominem. V. Beatum me dicent omnes generationes, quia ancillam humilem respexit Deus. — Et de meis visceribus.

Lectio ix.

**Q**UONIAM Nazaræus vocatur. Si fixum de Scripturis posuisset exemplum, nunquam diceret, Quod dictum est per Prophetas, sed simpliciter: Quod dictum est per Prophetam. Nunc autem pluraliter Prophetas vocans, ostendit se non verba de Scripturis sumpsisse, sed sensum. Nazaræus Sanctus interpretatur. Sanctum autem Dominum futurum omnis Scriptura commemorat.

R. ix. Verbum caro factum est, et habitavit in nobis: cuius gloriâ vidimus, quasi Unigeniti a Patre \* Plenum gratiæ et veritatis. V. In principio erat Verbum, et Verbum erat apud Deum, et Deus erat Verbum. — Plenum gratiæ et veritatis. Glória. Plenum gratiæ et veritatis.

Dicatur Canticum Te Deum laudamus.

Ante Laudes V. Puer natus est nobis. R. Et filius datus est nobis.

AD LAUDES  
ANTIPHONÆ.

1. O admirabile commercium! Creator generis humani animatum corpus sumens de Virgine nasci dignatus est: et procedens homo sine semine largitus est nobis suam Deitatem. Psalmus Dominus regnavit. cum ceteris, pag. 17.

2. Quando natus es ineffabiliter ex Virgine, tunc implète sunt Scripturæ: sicut pluvia in vellus, descendisti, ut saluum faceres genus humanum: te laudamus Deus noster.

3. Rubum, quem viderat Moyses incombustum, conservatam agnovimus tuam laudabilem virginitatem: Dei Genitrix intercede pro nobis.

4. Germinavit radix Jesse: orta est stella ex Jacob: Virgo peperit Salvatorem: te laudamus Deus noster.

5. Ecce Maria genuit nobis Salvatorem, quem Joannes videns exclamavit dicens: Ecce Agnus Dei, ecce qui tollit peccata mundi, alleluia.

Capitulum. Hebr. 1.

**M**ULTIFARIAM, multisque modis olim Deus loquens patribus in prophetis: novissime diebus istis locutus est nobis in Filio, quem constituit heredem universorum, per quem fecit et sæcula.

Hymnus.

**A**SOLIS ortus cardine Ad usque terræ litem Christum canamus principem Natum Mariæ Virgine.

BEATUS Auctor sæculi  
Servile corpus induit:  
Ut carne carnem liberans.  
Ne perderet quos condidit.

CASTÆ paréntis viscera  
Cælestis intrat grátia:  
Venter puellæ bájulat  
Secréta quæ non nóverat.

DOMUS pudici pectoris  
Templum repente fit Dei:  
Intacta nesciens virum  
Verbo concepit Filium.

ENIXA est puerpera  
Quem Gábríel prædixerat,  
Quem matris alvo gestiens  
Clausus Joánnes senserat.

FÆNO jacere pertulit,  
Præsepe non abhorrui,  
Parvóque lacteustus est  
Per quem nec ales esurit.

GAUDET chorus cælestium,  
Et angeli canunt Deo:  
Palámque fit pastoribus  
Pastor, creator omnium.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempiterna sæcula. Amen.

V. Benedictus, qui venit in  
nómine Dómini. R. Deus Dóminus et illúxit nobis.

Ad Benedictus Añ. Revértere in terram Juda: mórtui sunt enim qui quærébant animam Pueri.

Oratio.

**C**ORDA nostra, quæsumus Dómine, venturæ festivitatis splendor illústret: quo mundi hujus tenebris carere valeamus, et perveniamus ad patriam claritatis æternæ. Per. Non fit Memoria B. Mariæ V.

AD PRETIOSA.

Evangelium.

Secundum Matthæum. Cap. 2.

**I**N illo tempore: Defuncto Heróde, ecce Angelus Dómini apparuit in somnis Joseph in Ægypto dicens: Surge et accipe Puerum et Matrem ejus, et vade in terram Israel. Tu autem Dómine.



## AD PRIMAM.

Aña. O admirabile commercium! Creator generis humani animatum corpus sumens de Virgine nasci dignatus est : et procedens homo sine semine, largitus est nobis suam Deitatem.

R. Jesu Christe. V. Qui natus es de Virgine Maria.

## AD TERTIAM.

Aña. Quando natus es ineffabiliter ex Virgine, tunc impletæ sunt Scripturæ : sicut pluvia in vellus, descendisti, ut salvum faceres genus humanum : te laudamus Deus noster.

Capitulum. Hebr. 1.

**M**ULTIFARIAM, multisque modis olim Deus loquens patribus in prophetis : novissime diebus istis locutus est nobis in Filio, quem constituit heredem universorum, per quem fecit et sæcula.

R. Verbum caro factum est, \* Allelúia, allelúia. Verbum. V. Et habitavit in nobis. Allelúia. Glória. Verbum.

V. Notum fecit Dominus. R. Salutare suum. Oratio.

**C**ORDA nostra, quæsumus Domine, venturæ festivitatis splendor illustret : quo mundi hujus tenebris carere valeamus, et perveniámus ad patriam claritatis æternæ. Per.

† Prædicta Oratio dicatur etiam ad Sextam, Nonam et Vesperas.

## AD SEXTAM.

Aña. Rubum, quem viderat Moyses incumbustum, conservatam agnovimus tuam laudabilem virginitatem : Dei Genitrix intercède pro nobis.

## Capitulum.

Tit. 3.

**A**PPARUIT benignitas, et humanitas Salvatoris nostri Dei : non ex operibus justitiæ, quæ fecimus nos, sed secundum suam misericordiam salvos nos fecit.

R. Notum fecit Dominus, \* Allelúia, allelúia. Notum fecit Dominus. V. Salutare suum. Allelúia. Glória. Notum fecit Dominus.

V. Ipse invocabit me. R. Pater meus es tu.

## AD NONAM.

Aña. Ecce Maria genuit nobis Salvatorem, quem Joannes videns exclamavit dicens : Ecce Agnus Dei, ecce qui tollit peccata mundi, allelúia.

## Capitulum.

Tit. 2.

**A**PPARUIT grátia Dei Salvatoris nostri omnibus hominibus, erudiens nos, ut abnegantes impietatem et sæcularia desideria : sóbrie, et juste, et pie vivámus in hoc sæculo.

R. Ipse invocabit me, \* Allelúia, allelúia. Ipse invocabit me. V. Pater meus es tu. Allelúia. Glória. Ipse invocabit me. V. Benedictus qui venit in nómine Domini. R. Deus Dominus, et illúxit nobis.

IN VIGILIA EPIPHANIE,  
SI DOMINICA NON FUERIT.

Si hac die Dominica non fuerit, ita fiat Officium :

## AD MATUTINUM.

Invitatorium Christus natus est nobis. et Hymnus Christe Redemptor omnium., ut in Circumcisione, pag. 230.

## IN NOCTURNO.

Super Psalmos sola Añā. Dóminus dixit ad me : Filius meus es tu, ego hódie genui te. Psalmus Quare fremuerunt gentes. cum octo ceteris ut in Circumcisione, pag. 230. et sequentibus.

℣. Notum fecit Dóminus.  
℞. Salutare suum.

Lectio sancti Evangélii  
secundum Matthæum.

Lectio j. Cap. 2.

**I**N illo tempore : Defuncto Heróde, ecce Angelus Dómini apparuit in somnis Joseph in Ægypto, dicens : Surge, et accipe Puerum et Matrem ejus, et vade in terram Israel. Et reliqua.

Homilia sancti Hierónymi  
Presbyteri.

(L. 1. Comm. in cap. 2. Matth.)

**E**X hoc loco intelligimus non solum Heródem, sed et Sacerdotes et Scribas eodem tempore necem Dómini fuisse meditados. Qui consurgens accépit Puerum et Matrem ejus. Non dixit, Accépit filium suum et uxorem suam : sed, Puerum et Matrem ejus : quasi nutritius, non maritus.

℞. j. Confirmátum est cor Virginis, in quo divína mysteria Angelo nuntiante suscepit : quæ Speciosum forma præ filiis hóminum castis concépit viscéribus : \* Et benedicta in ætérnum, Deum nobis prótulit et hóminem. ℣. Domus pudici pectoris templum repénite fit Dei : intácta nésciens virum verbo concépit filium. — Et benedicta in ætérnum.

## Lectio ij.

**A**UDIENS autem quod Archeláus regnaret in Judæa pro Heróde patre suo, timuit illo ire. Multi labúntur erróre, propter ignorántiam históriæ, putántes eúdem esse Heródem, a quo in Passióne sua Dóminus irridétur, et qui nunc mórtuus esse refératur. Ergo Heródes ille, qui cum Piláto póstea amicitias fecit, hujus Heródis filius est, frater Archelái.

℞. ij. O Regem cæli, cui stábia famulántur obséquia ! Stábuló pónitur qui cónstítuet mundum : \* Jacet in præsépio, et in núbibus tonat. ℣. Qui cælum terrámque regit in sæcula solus. — Jacet in præsépio.

## Lectio iij.

**Q**UONIAM Nazaræus vocábitur. Si fixum de Scriptúris posuisset exéplum, nunquam diceret, Quod dictum est per Prophétas, sed simpliciter : Quod dictum est per Prophétam. Nunc autem pluraliter Prophétas vocans osténdit se, non verba de Scriptúris sumpsisse, sed sensum. Nazaræus Sanctus interpretátur. Sanctum autem Dóminum futúrum omnis Scriptúra commemorat.

℞. iij. Congratulámini mihi omnes qui diligitis Dóminum : quia cum essem párvula, pláculi Altíssimo, \* Et de meis viscéribus genui Deum et hóminem. ℣. Beátam me dicent omnes generatiónes, quia ancíllam húmílem respéxit Deus. — Et de meis viscéribus. Glória. Et de meis viscéribus.

Dicatur Canticum Te Deum laudamus.

Ante Laudes  $\Psi$ . Puer natus est nobis.  $\Re$ . Et filius datus est nobis.

#### AD LAUDES.

Super Psalmos sola Aña. O admirabile commercium! Creator generis humani animatum corpus sumens de Virgine nasci dignatus est: et procedens homo sine semine, largitus est nobis suam Deitatem. Psalmus Dominus regnavit. cum ceteris, pag. 17.

Capitulum Multifariam., Hymnus A solis ortus cardine.,  $\Psi$ . Benedictus qui venit., ad Benedictus Aña Revértete.

et Oratio Corda nostra., ut pag. 243.

Non fit Memoria B. Mariæ V.

#### AD PRETIOSA.

Legendum est de Constitutionibus.

#### AD PRIMAM.

Aña O admirabile commercium., ut in Laudibus.

Capitulum Regi sæculorum immortalí.,  $\Re$ . Jesu Christe. cum  $\Psi$ . Qui natus es de Virgine Maria., Preces et Oratio In hac hora.

#### AD TERTIAM,

#### SEXTAM ET NONAM.

Antiphonæ, Capitula,  $\Re$  &  $\Psi$ . ut pag. 244. Oratio Corda nostra., ibidem.

## IN EPIPHANIA DOMINI.

### TOTUM DUPLEX.

#### AD I. VESPERAS.

Super Psalmos Aña. Ante luciferum genitus et ante sæcula Dominus Salvator noster hodie mundo apparuit. Psalmus Laudate pueri. cum ceteris, pag. 145.

Capitulum. Isaia 60.

**S**URGE, illuminare Jerusalem: quia venit lumen tuum, et gloria Domini super te orta est.

$\Re$ . In columbæ specie Spiritus sanctus visus est, paterna vox audita est: \* Hic est Filius meus dilectus, in quo mihi bene complacui.  $\Psi$ . Cæli aperti sunt super eum, et vox Patris intónuit. — Hic est. Glória. Hic est.

#### Hymnus.

**H**OSTIS Heródes impie Christum venire quid times?

Non eripit mortalia  
Qui regna dat cælestia.

IBANT Magi, quam viderant,

Stellam sequentes præviam:  
Lumen requirunt lumine,  
Deum fatentur munere.

LAVACRA puri gurgitis  
Cælestis Agnus attigit:  
Peccata, quæ non detulit,  
Nos abluendo sustulit.

NOVUM genus potentiae:  
Aquæ rubescunt hydræ,  
Vinumque jussa fundere,  
Mutavit unda originem.



GLORIA tibi Dómine,  
Qui apparuisti hódie,  
Cum Patre et sancto Spiritu,  
In sempitérna sæcula. Amen.

† Hæc Strophæ Glória tibi  
Dómine, qui apparuisti. dica-  
tur in fine omnium Hymnorum  
ejusdem metri, etiam de San-  
ctis per Octavam Epiphaniæ,  
nisi aliter notetur.

¶ Reges Tharsis et insulæ  
múnera offerent. R. Reges Ara-  
bum et Saba dona addúcent.

Ad Magnificat Añæ. Magi vi-  
dentes stellam dixerunt ad in-  
vicem : Hoc signum magni  
Regis est : eamus, et inquirá-  
mus eum, et offerámus ei mún-  
era, aurum, thus et myrrham,  
allelúia.

Oratio.

CORDA nostra, quæsumus  
Dómine, ventúræ festivi-  
tátis splendor illústret : quo  
mundi hujus tenebris carere  
valeamus, et perveniámus ad  
patriam claritátis æternæ. Per.

#### AD COMPLETORIUM.

Super Psalmos Añæ. Lux de  
luce apparuisti Christe, cui  
Magi múnera offerunt, alle-  
lúia, allelúia, allelúia.

Ad Nunc dimittis Añæ. Al-  
lelúia, Omnes de Saba vénient,  
allelúia : aurum et thus defe-  
rentes, allelúia, allelúia.

† Prædictæ Antiphonæ di-  
cantur quotidie in Completorio  
usque ad diem Octavam Epi-  
phanie inclusive, etiam in festis  
Sanctorum, nisi aliter notetur.

#### AD MATUTINUM.

Non dicatur Invitatorium,  
neque Hymnus, sed statim  
post Dómine lábia mea apé-  
ries. et Deus in adjutórium.  
incipiatur

#### IN I. NOCTURNO.

##### Psalmus 28.

AFFERTE Dómino filii Dei : \*  
afferite Dómino filios arie-  
tum :

Afferite Dómino glóriam et  
honórem, & afferite Dómino  
glóriam nómini ejus : \* adorá-  
te Dóminum in átrio sancto  
ejus.

Vox Dómini super aquas, &  
Deus majestátis intónuit : \*  
Dóminus super aquas mul-  
tas.

Vox Dómini in virtute : \*  
vox Dómini in magnificéntia.

Vox Dómini confringéntis  
cedros : \* et confringet Dómi-  
nus cedros Libani :

Et comminuet eas tamquam  
vítulum Libani : \* et diléctus  
quemádmódum filius unicór-  
nium.

Vox Dómini intercedéntis  
flammam ignis : & vox Dómini  
concutiéntis désertum : \* et  
commovébit Dóminus désér-  
tum Cades.

Vox Dómini præparántis cer-  
vos, & et revelábit condén-  
sa : \* et in templo ejus omnes  
dicent glóriam.

Dóminus dilúvium inhabitare  
facit : \* et sedébit Dóminus  
rex in ætérnum.

Dóminus virtutem pópulo suo  
dabit : \* Dóminus benedictet  
pópulo suo in pace.

Añæ. Afferite Dómino filii  
Dei : adoráte Dóminum in  
aula sancta ejus.

##### Psalmus 45.

DEUS noster refúgium, et  
virtus : \* adjútor in tribu-  
latiónibus, quæ invenérunt nos  
nimis.

Propterea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eorum : \* conturbáti sunt montes in fortitúdine ejus.

Flúminis ímpetus lætíficat civitátem Dei : \* sanctificávit tabernáculum suum Altíssimus.

Deus in médio ejus, non com-movébitor : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscéptor noster Deus Jacob.

Veníte, et vidéte ópera Dómini, & quæ pósuit prodigia super terram : \* áuferens bella usque ad finem terræ.

Arcum cónteret et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscéptor noster Deus Jacob.

Añá. Flúminis ímpetus lætíficat, allelúia, civitátem Dei, allelúia.

#### Psalmus 46.

**O**MNES gentes pláudite má-nibus : \* jubilate Deo in voce exsultatiónis.

Quóniam Dóminus excélsus, terribilis : \* Rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubæ.

Psállite Deo nostro, psállite : \* psállite Regi nostro, psállite.

Quóniam Rex omnis terræ Deus : \* psállite sapiénter.

Regnábít Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terræ, veheménter eleváti sunt.

Añá. Psállite Deo nostro, psállite : psállite Regi nostro, psállite sapiénter.

℣. Reges Tharsis, et insulæ múnera ófferent. ℞. Reges Arabum, et Saba dona addúcent.

De Isaíá Prophéta.

Lectio j.

Cap. 55.

**O**MNES sitiéntes venite ad aquas : et qui non habétis argéntum, properáte, émite, et comédite : venite, émite absque argénto, et absque ulla commutatíone vinum et lac. Quare appénditis argéntum non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassitúdine ánima vestra. Hæc dicit Dóminus Deus : Convertímini ad me, et salvi éritis. ℞. Deo grátias.

℞. j. Hódie in Jordáne baptizáto Dómino apérti sunt cæli : et sicut colúmba super eum Spíritus mansit, et vox Patris intónuit : \* Hic est Filius meus diléctus, in quo mihi bene complácuti. ℣. Descéndit Spí-

ritus sanctus corporáli spécie sicut columba in ipsum, et vox de cælo facta est. — Hic est.

### Lectio ij.

**I**NCLINATE aurem vestram, et venite ad me : audite, et vivet ánima vestra, et fériam vobiscum pactum sempitérnú, misericórdias David fideles. Ecce testem pópulis dedí eum, ducem ac præceptórem gentibus. Ecce gentem, quam nesciebas, vocábis : et gentes, quæ te non cognóverunt, ad te current propter Dóminum Deum tuum, et sanctum Israel, quia glorificávit te. Hæc dicit Dóminus Deus : Convertimini ad me, et salvi éritis. R. Deo grátias.

R. ij. In columbæ spécie Spiritus sanctus visus est, patérna vox audita est : \* Hic est Filius meus diléctus, in quo mihi bene complácuí. V. Cæli apérti sunt super eum, et vox Patris intónuit. — Hic est.

### Lectio iij.

**Q**UÆRITE Dóminum, dum inveniri potest : invocáte eum, dum prope est. Derelinquat impius viam suam, et vir iniquus cogitatíones suas, et revertátur ad Dóminum, et miserébitur ejus, et ad Deum nostrum : quóniam multus est ad ignoscéndum. Non enim cogitatíones meæ, cogitatíones vestræ, neque viæ vestræ, viæ meæ, dicit Dóminus. Quia sicut exaltántur cæli a terra, sic exaltatæ sunt viæ meæ a viis vestris, et cogitatíones meæ a cogitatíonibus vestris. Hæc dicit Dóminus Deus : Convertimini ad me, et salvi éritis. R. Deo grátias.

R. iij. Reges Tharsis, et insulæ múnera offerent : \* Reges Arabum, et Saba dona Dómino Deo addúcent. V. Omnes de Saba vénient, aurum et thus deferéntes. — Reges Arabum. Glória. Reges Arabum.

### IN II. NOCTURNO.

#### Psalmus 65.

**J**UBILATE Deo omnis terra, & psalmum dicite nómini ejus : \* date glóriam laudi ejus. Dicite Deo : quam terribília sunt ópera tua Dómine ! \* in multitudíne virtútis tuæ mentiéntur tibi inimíci tui.

Omnis terra adóret te, et psallat tibi : \* psalmum dicat nómini tuo.

Venite, et vidéte ópera Dei : \* terribilis in consiliis super filios hóminum.

Qui convértit mare in áridam, & in flúmine pertransibunt pede : \* ibi lætábimur in ipso.

Qui dominátur in virtúte sua in ætérnum, & óculi ejus super gentes respiciunt : \* qui exáspérant non exalténtur in semetipsis.

Benedicite gentes Deum nostrum : \* et audítam fácite vocem laudis ejus,

Qui pósuit ánimam meam ad vitam : \* et non dedit in commotíonem pedes meos.

Quóniam probásti nos Deus : \* igne nos examinásti, sicut examinátur argéntum.

Induxísti nos in láqueum, & posulstí tribulatíones in dorso nostro : \* imposuísti hómines super cápita nostra.

Transívimus per ignem et aquam : \* et eduxísti nos in refrigérium.



Introibo in domum tuam in holocaustis : \* reddam tibi vota mea, quæ distinxerunt lābia mea.

Et locūtum est os meum, \* in tribulatiōe mea.

Holocausta medullāta offeram tibi cum incenso arietum : \* offeram tibi boves cum hircis.

Venite, audite, et narrābo, omnes qui timētis Deum, \* quanta fecit animæ meæ.

Ad ipsum ore meo clamāvi, \* et exaltāvi sub lingua mea.

Iniquitatem si aspēxi in corde meo, \* non exāudiet Dōminus.

Propterea exāudivit Deus, \* et attēdit voci deprecationis meæ.

Benedictus Deus, \* qui non amōvit oratiōnem meam, et misericōrdiam suam a me.

Ānā. Omnis terra adōret te, et psallat tibi : psalmum dicat nōmini tuo Dōmine.

Psalmus 71.

**D**EUS iudicium tuum regida : \* et iustitiam tuam filio regis :

Judicāre pōpulum tuum in iustitia, \* et pāuperes tuos in iudicio.

Suscipiant montes pacem pōpulo : \* et colles iustitiam.

Judicābit pāuperes pōpuli, & et salvos faciet filios pāuperum : \* et humiliābit calumniatōrem.

Et permanēbit cum sole, et ante lunam, \* in generatiōe et generatiōnem.

Descēdet sicut plūvia in velus : \* et sicut stillicidia stilantia super terram.

Oriētur in diēbus ejus iustitia et abundātia pacis : \* donec auferātur luna.

Et dominābitur a mari usque ad mare : \* et a flūmine usque ad tēminos orbis terrārum.

Coram illo prōcident Æthiopes : \* et inimici ejus terram lingent.

Reges Tharsis, et insulæ mūnera offerent : \* reges Arabum, et Saba dona addūcent :

Et adorābunt eum omnes reges terræ : \* omnes gentes sērvient ei :

Quia liberābit pāuperem a potēte : \* et pāuperem, cui non erat adjūtor.

Parcet pāuperi et inopi : \* et animas pāuperum salvas faciet.

Ex usūris et iniquitate redimet animas eōrum : \* et honorābile nomen eōrum coram illo.

Et vivet, et dābitur ei de auro Arābiæ, & et adorābunt de ipso semper : \* tota die benedicent ei.

Et erit firmamētum in terra in summis mōntium, & superextollētur super Libanum fructus ejus : \* et florēbunt decivitate sicut fœnum terræ.

Sit nomen ejus benedictum in sæcula : \* ante solem permanet nomen ejus.

Et benedicentur in ipso omnes tribus terræ : \* omnes gentes magnificābunt eum.

Benedictus Dōminus Deus Israel, \* qui facit mirabilia solus :

Et benedictum nomen maiestatis ejus in ætēnum : & et replēbitur maiestāte ejus omnis terra : \* fiat, fiat.

Ānā. Reges Tharsis, et insulæ mūnera offerent Regi Dōmino.

## Psalmus 85.

**I**NCLINA Dómine aurem tuam, et exáudi me : \* quóniam inops, et pauper sum ego.

Custódi ánimam meam, quóniam sanctus sum : \* salvum fac servum tuum, Deus meus, sperántem in te.

Miserére mei Dómine, quóniam ad te clamávi tota die : \* lætifica ánimam servi tui, quóniam ad te Dómine ánimam meam levávi.

Quóniam tu Dómine suávis, et mitis : \* et multæ misericórdiæ omnibus invocántibus te.

Auribus pécipe Dómine orationem meam : \* et inténde voci deprecationis meæ.

In die tribulatiónis meæ clamávi ad te : \* quia exaudisti me.

Non est similis tui in diis Dómine : \* et non est secúndum ópera tua.

Omnes gentes quascúmque fecisti, & vénient, et adorábunt coram te Dómine : \* et glorificábunt nomen tuum.

Quóniam magnus es tu, et faciēs mirabília : \* tu es Deus solus.

Deduc me Dómine in via tua, & et ingrédiam in veritate tua : \* lætétur cor meum ut timeat nomen tuum.

Confitébor tibi Dómine Deus meus in toto corde meo, \* et gloriificábo nomen tuum in ætérnum :

Quia misericórdia tua magna est super me : \* et eruisti ánimam meam ex inférno inféri.

Deus, iniqui insurrexérunt super me, et synagóga potén-

tium quæsiérunt ánimam meam : \* et non proposuérunt te in conspéctu suo.

Et tu Dómine Deus miserátor et miséricors, \* pátiens, et multæ misericórdiæ, et verax,

Réspice in me, et miserére mei, & da impérium tuum púero tuo : \* et salvum fac filium ancillæ tuæ.

Fac mecum signum in bonum, & ut vídeant qui odérunt me, et confundántur : \* quóniam tu Dómine adjuvisti me, et consolátus es me.

Añā. Omnes gentes quascúmque fecisti, vénient, et adorábunt coram te Dómine.

¶ Omnes de Saba vénient. ¶ Aurum et thus deferéntes.

Sermo sancti Leónis Papæ.

(Serm. 2. de Epiphania.)

## Lectio iv.

**G**AUDETE in Dómino, dilectissimi, iterum dico, gaudete : quóniam brevi intervállo témporis post solemnitatem Nativitátis Christi, festività Declaratiónis ejus illúxit : et quem in illo die Virgo péperit, in hoc mundus agnóvit. Verbum enim caro factum sic suscepciónis nostræ temperávit exórdia : ut natus Jesus, et credéntibus manifestus, et persequéntibus esset occúltus. Magos ad eum adorándum prævia stella perdúxit : ut a solis ortu usque ad occásu veri Regis generatio coruscáret, cum rerum fidem et regna Oriéntis per Magos discerent, et Románum impérium non latéret.

¶ iv. Illumináre, illumináre Jerúsalem : quia venit lux tua,

\* Et glória Dómini super te orta est. *¶* Et ambulábunt gentes in lumine tuo, et reges in splendóre ortus tui. — Et glória Dómini.

### Lectio v.

**N**AM et sævitia Heródis volens primórdia suspécti sibi Regis exstinguere, huic dispensatióni nesciens serviébat : ut dum atróci inténtus facinori, ignótum sibi púerum indiscreta infántium cæde persequitur, annuntiátum cælitus Dominatóris ortum insignior ubique fama loquerétur. Agnoscámus ergo, dilectissimi, in Magis adoratóribus Christi, vocatiónis nostræ fideique primítias : et exsultántibus ánimis beátæ spei initia celebrémus.

*R.* v. Omnes de Saba vénient, aurum et thus deferéntes, \* Et laudem Dómino annuntiántes. *¶* Reges Tharsis, et insulæ múnera ófferent : reges Arabum, et Saba dona addúcent. — Et laudem Dómino annuntiántes.

### Lectio vj.

**E**XINDE enim in ætérnam hereditátem cœpímus introíre : exinde nobis Christum loquéntia Scripturárum arcána patuérunt; et véritas, quam Judæórum obcæcátio non récipit, ómnibus natióibus lumen suum invéxit. Honorétur itaque a nobis sacratissimus dies, in quo salútis nostræ Auctor apparuit : et quem Magi infántem veneráti sunt in cunábulis, nos omnipoténtem adorémus in cælis. Ac sicut illi de thesáuris suis mysticas Dómino múnere species obtu-

lérunt, ita et nos de córdibus nostris quæ Deo sunt digna promámus.

*R.* vj. Magi véniunt ab Oriénte Jerosólymam, quæréntes, et dicéntes : Ubi est qui natus est, cujus stellam vídimus, \* Et vénimus adoráre Dóminum? *¶* Vídimus stellam ejus in Oriénte. — Et vénimus. Glória. Et vénimus.

### IN III. NOCTURNO.

#### Psalmus 94.

**V**ENITE, exsultémus Dómino : \* jubilémus Deo salutári nostro :

Præoccupémus faciém ejus in confessiône : \* et in psalmis jubilémus ei.

Quóniam Deus magnus Dóminus : \* et rex magnus super omnes deos.

Quia in manu ejus sunt omnes fines terræ : \* et altitúdines móntium ipsius sunt.

Quóniam ipsius est mare, et ipse fecit illud : \* et siccam manus ejus formavérunt.

Venite adorémus, et procidámus : et plorémus ante Dóminum, qui fecit nos. \* Quia ipse est Dóminus Deus noster :

Et nos pópulus páscuæ ejus, et oves manus ejus. \* Hódie si vocem ejus audiéritis, nolite obduráre corda vestra;

Sicut in irritatióne secundum diem tentatiónis in desérto : *¶* ubi tentavérunt me patres vestri, \* probavérunt me, et víderunt ópera mea.

Quadraginta annis offénsus fui generatióni illi, \* et dixi : Semper hi errant corde.

Et isti non cognovérunt vias meas : *¶* ut jurávi in ira mea : \* Si introibunt in réquiem meam.



Añā. Venite adorémus eum : quia ipse est Dóminus Deus noster.

† Prædicta Añā Venite adorémus. cum suo Psalmo Venite exsultémus. hodie tantum dicatur. Infra Octavam, loco Psalmi Venite exsultémus. dicatur sequens Psalmus Fundamenta.

Psalmus 86.

FUNDAMENTA ejus in montibus sanctis : \* diligit Dóminus portas Sion super ómnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* sciéntium me.

Ecce alienigenæ, et Tyrus, et pópulus Æthiopum, \* hi fuerunt illis.

Numquid Sion dicet : Homo, & et homo natus est in ea : \* et ipse fundávit eam Altissimus?

Dóminus narrábit in scriptúris populórum, et principum : \* horum, qui fuerunt in ea.

Sicut lætántium ómnium \* habitatio est in te.

Añā. Homo natus est in ea : et ipse fundávit eam Altissimus.

Psalmus 95.

CANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus populis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii géntium dæmónia : \* Dóminus autem cælos fecit.

Confessio, et pulchritúdo in conspéctu ejus : \* sanctimónia, et magnificéntia in sanctificatione ejus.

Afférte Dómino pátriæ géntium, & afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérſa terra : \* dicite in géntibus quia Dóminus regnávit.

Etenim corréxit orbem terræ qui non commovébitur : \* judicábit pópulos in æquitáte.

Læténtur cæli, et exsúltet terra, & commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritate sua.

Añā. Adoráte Dóminum, allelúia, in aula sancta ejus, allelúia.

Psalmus 96.

DÓMINUS regnávit, exsúltet terra : \* læténtur insulæ multæ.

Nubes, et caligo in circúitu ejus : \* justitia, et judicium corrèctio sedis ejus.

Ignis ante ipsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxerunt a facie Domini : \* a facie Domini omnis terra.

Annuntiaverunt celi iustitiam ejus : \* et viderunt omnes populi gloriam ejus.

Confundantur omnes, qui adorant sculptilia : \* et qui gloriantur in simulacris suis.

Adorate eum omnes Angeli ejus : \* audivit, et lætata est Sion.

Et exsultaverunt filiae Judæ, \* propter judicia tua Domine :

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum, odite malum : \* custodit Dominus animas sanctorum suorum, de manu peccatoris liberabit eos.

Lux orta est justo, \* et rectis corde lætitia.

Lætamini justi in Domino : \* et confitemini memorie sanctificationis ejus.

Añā. Adorate Deum, allelúia, omnes Angeli ejus, allelúia.

℟. Omnis terra adoret te Deus, et psallat tibi. ℞. Psalmum dicat nomini tuo.

Lectio sancti Evangelii secundum Matthæum.

Lectio vij. Cap. 2.

**C**UM natus esset Jesus in Bethlehemi Juda in diebus Herodis regis, ecce Magi ab Oriente venerunt Jerosolymam, dicentes : Ubi est qui natus est rex Judæorum? Et reliqua.

Homilia sancti Gregorii Papæ. (Hom. 10. in Evang.)

**S**ICUT in lectione evangelica, fratres carissimi, audistis, celi Rege nato, rex terræ turbatus est : quia nimirum terræ-

na altitudo confunditur, cum celsitudo cælestis aperitur. Sed querendum nobis est, quidnam sit, quod Redemptore nato, pastöribus in Judæa Angelus apparuit, atque ad adorandum hunc ab Oriente Magos non Angelus, sed stella perduxit. Quia videlicet Judæis, tamquam ratione utentibus, rationale animal, id est Angelus, prædicare debuit : Gentiles vero, quia uti ratione nesciebant, ad cognoscendum Dominum non per vocem, sed per signa perducuntur.

℞. vij. Stella, quam viderant Magi in Oriente, antecedebat eos, donec venirent ad locum ubi Puer erat. Videntes autem eam \* Gavisi sunt gaudio magno. ℟. Et intrantes domum invenerunt Puerum cum Maria matre ejus, et procidentes adoraverunt eum. — Gavisi sunt gaudio magno.

#### Lectio viij.

**E**T notandum quod Redemptorem nostrum, cum jam perfectæ esset ætatis, eisdem Gentilibus Apostoli prædicant, eumque parvulum, et necdum per humani corporis officium loquentem, stella Gentibus denuntiat : quia nimirum rationis ordo poscebat, ut et loquentem jam Dominum loquentes nobis prædicatores innotescerent, et necdum loquentem elementa muta prædicarent. Omnia quippe elementa Auctorem suum venisse testata sunt. Ut enim de eis quiddam usu humano loquar : Deum hunc cæli esse cognoverunt, quia proutinus stellam miserunt.

R. viij. Vidéntes stellam Magi gavisí sunt gáudio magno : et intrántes domum, invenérunt Púerum cum María matre ejus, et procidéntes adoravérunt eum. \* Et apértis thesáuris suis obtulérunt ei múnera, aurum, thus et myrrham. V. Stella, quam viderant Magi in Oriénte, antecédébat eos, usque dum véniens staret supra ubi erat Puer. — Et apértis thesáuris suis.

### Lectio ix.

MARE cognóvit, quia sub plantis ejus se calcábile præbuit. Terra cognóvit, quia eo moriénte contrémuit. Sol cognóvit, quia lucis suæ rádios abscondit. Saxa et parietes cognóverunt, quia témpore mortis ejus scissa sunt. Inférnus agnóvit, quia hos quos tenébat mórtuos réddidit. Et tamen hunc, quem Dóminum ómnia insensibília eleménta sensérunt, adhuc infidélium Judæórum corda Deum esse minime cognóscunt, et durióra saxis scindi ad pœniténdum nolunt.

R. ix. Tria sunt múnera pretiósa, quæ obtulérunt Magi Dómino in die ista, et habent in se divína mystéria : \* In auro osténditur Regis poténtia : in thure Sacerdotem magnum considera, Et in myrrha Dóminicam sepultúram. V. Salútis nostræ Auctórem Magi veneráti sunt in cunábulis, et de thesáuris suis mysticas ei múnere species obtulérunt. — In auro. Glória. Et in myrrha Dóminicam sepultúram.

Postea sequitur: Dóminus vobiscum. R. Et cum spiritu tuo.

Sequéntia sancti Evangélii secúndum Lucam.

R. Glória tibi Dómine. Cap. 3.

FACTUM est autem cum baptizárétur omnis pópulus, et Jesu baptizáto, et oránte, apértum est cælum : et descendit Spíritus sanctus corporáli specie sicut colúmba in ipsum : et vox de cælo facta est : Tu es Filius meus diléctus, in te complácuí mihi. Et ipse Jesus erat incípiens quasi annórum trigínta, ut putabátur, filius Joseph, qui fuit Heli, qui fuit Mathat, qui fuit Levi, qui fuit Melchi, qui fuit Janne, qui fuit Joseph, qui fuit Mathathíæ, qui fuit Amos, qui fuit Nahum, qui fuit Hesli, qui fuit Nagge, qui fuit Mahath, qui fuit Mathathíæ, qui fuit Sémei, qui fuit Joseph, qui fuit Juda, qui fuit Joáнна, qui fuit Resa, qui fuit Zoróbabel, qui fuit Saláthiel, qui fuit Neri, qui fuit Melchi, qui fuit Addi, qui fuit Cosan, qui fuit Elmadam, qui fuit Her, qui fuit Jesu, qui fuit Eliezer, qui fuit Jorim, qui fuit Mathat, qui fuit Levi, qui fuit Simeon, qui fuit Juda, qui fuit Joseph, qui fuit Jona, qui fuit Eliakim, qui fuit Mélea, qui fuit Menna, qui fuit Máthatha, qui fuit Nathan, qui fuit David, qui fuit Jesse, qui fuit Obed, qui fuit Booz, qui fuit Salmon, qui fuit Naásson, qui fuit Aminadab, qui fuit Aram, qui fuit Esron, qui fuit Phares, qui fuit Judæ, qui fuit Jacob, qui fuit Isaac, qui fuit Abrahæ, qui fuit Thare, qui fuit Nachor, qui fuit Sarug, qui fuit Rágau, qui fuit Phaleg, qui fuit Heber, qui fuit Sale,



qui fuit Căinan, qui fuit Arphaxad, qui fuit Sem, qui fuit Noe, qui fuit Lamech, qui fuit Mathusale, qui fuit Henoch, qui fuit Jared, qui fuit Malăleel, qui fuit Căinan, qui fuit Henos, qui fuit Seth, qui fuit Adam, qui fuit Dei. Jesus autem plenus Spiritu sancto regressus est a Jordăne.

Dicatur Canticum Te Deum.

Ante Laudes *Ÿ*. Vidimus stellam ejus in Oriēte. *R*. Et vēnimus adorāre eum.

#### AD LAUDES

ET PER HORAS ANTIPHONÆ.

1. Ante luciferum gēnitus et ante sęcula Dōminus Salvātor noster hōdie mundo apparuit. Psalmus Dōminus regnāvīt. cum ceteris, pag. 17.

2. Venit lumen tuum Jerūsalem, et glōria Dōmini super te orta est : et ambulābunt gentes in lūmine tuo, allelūia.

3. Apērtis thesauris suis obtulerunt Magi Dōmino aurum, thus, et myrrham, allelūia.

4. Măria, et flūmina benedice Dōmino : hymnum dicite fontes Dōmino, allelūia.

5. Tria sunt mūnera, quę obtulerunt Magi Dōmino, aurum, thus, et myrrham, Filio Dei, Regi magno, allelūia.

Capitulum. Isaia 60.

**S**URGE, illumina Jerūsalem : quia venit lumen tuum, et glōria Dōmini super te orta est.

Hymnus.

**A**PATRE Unigēnitus  
Ad nos venit per Virgīnem,  
Baptisma cruce cōsecrans,  
Cunctos fidēles gēnerans.

De cęlo celsus prōdiit,  
Excēpit formam hōminis :  
Facturam morte rēdimens,  
Gāudia vitę largiens.

HOC te Redēptor quęsumus :

Illābere propitius,  
Clarūmque nostris sēnsibus  
Lumen prębe fidēlibus.

MANE nobiscum Dōmine,  
Noctem obscuram rēmove :  
Omne delictum āblue,  
Piam medellam tribue.

QUEM jam vēnisse nōvimus,  
Redire item crēdimus :  
Sub sceptro tuo inclyto  
Tuum dēfēde pōpulum.

GLORIA tibi Dōmine,  
Qui apparuisti hōdie  
Cum Patre et sancto Spīritu,  
In sempitērna sęcula. Amen.  
*Ÿ*. Adorāte Dōminum. *R*. In  
aula sancta ejus.

Ad Benedictus Añā. Hōdie  
cēlēsti Sponso juncta est Ecclēsia,  
quōniam in Jordāne lavit Christus ejus crīmina :  
currunt cum munēribus Magi ad  
regāles nūptias : et ex aqua  
facto vino lætāntur convivę,  
allelūia. Oratio.

**D**EUS, qui hodierna die Unigēnitum tuum Gēntibus stella duce revelāsti : concēde propitius ut qui jam te ex fide cognōvimus, usque ad contemplādam spēcīem tuę celsitudinis perducāmur. Per eūdem.

#### AD PRIMAM.

*R*. Jesu Christe. *Ÿ*. Qui apparuisti hōdie.

† Et dicatur quotidie usque ad diem Octavam inclusive, etiam in festis Sanctorum, nisi aliter notetur.

#### AD TERTIAM.

Capitulum. Isaia 60.

**S**URGE, illumina Jerūsalem : quia venit lumen tuum, et glōria Dōmini super te orta est.

R. Reges Tharsis et insulæ mûnera offerent, \* Allelûia, allelûia. Reges Tharsis. V. Reges Arabum et Saba dona adducent. Allelûia. Glória. Reges Tharsis.

V. Omnes de Saba venient. R. Aurum et thus deferentes.

## AD SEXTAM.

Capitulum. Isaia 60.

**S**UPER te Jerúsalem oriétur Dóminus, et glória ejus in te vidébitur. Et ambulábunt gentes in lumine tuo, et reges in splendóre ortus tui.

R. Omnes de Saba venient, \* Allelûia, allelûia. Omnes de Saba venient. V. Aurum et thus deferentes. Allelûia. Glória. Omnes de Saba venient.

V. Omnis terra adóret te Deus, et psallat tibi. R. Psalmum dicat nómini tuo.

## AD NONAM.

Capitulum. Isaia 60.

**O**MNES de Saba venient, aurum et thus deferentes, et laudem Dómino annuntiántes.

R. Omnis terra adóret te Deus, et psallat tibi, \* Allelûia, allelûia. Omnis terra. V. Psalmum dicat nómini tuo. Allelûia. Glória. Omnis terra.

V. Adoráte Dóminum. R. In aula sancta ejus.

† Et sic deinceps usque in crastinum Octavæ diei Epiphaniæ exclusive dicantur quotidie Responsoria Horarum cum duplici Allelûia, etiam in festis Sanctorum.

## AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuæ emittet Dóminus ex Sion : \* domináre in médio inimicórum tuorum.

Tecum principium in die virtutis tuæ in splendóribus sanctorum : \* ex útero ante luciferum genui te.

Jurávit Dóminus, et non pœnitébit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natió nibus, implebit ruinas : \* conquassábit cápita in terra multórum.

De torrén te in via bibet : \* propterea exaltábit caput.

Psalmus 110.

**C**ONFITEBOR tibi Dómine in toto corde meo : \* in consilio justórum, et congregatióne.

Magna ópera Dómini : \* exquisita in omnes voluntates ejus.

Confessio et magnificéntia opus ejus : \* et justítia ejus manet in sæculum sæculi.

Memóriam fecit mirabílium suórum, & miséricors et miserátor Dóminus : \* escam dedit tíméntibus se.

Memor erit in sæculum testaménti sui : \* virtútem óperum suórum annuntiábit pópulo suo :

Ut det illis hereditátem géntium : \* ópera mánuum ejus veritas, et judícium.

Fidélia ómnia mandáta ejus : \* confirmáta in sæculum sæculi, \* facta in veritaté et æquitáte.

Redemptiόνem misit pópulo suo : \* mandávit in ætérnum testaméntum suum.

Sanctum, et terribile nomen  
ejus : \* initium sapiéntiæ timor Dómini.

Intelléctus bonus ómnibus faciéntibus eum : \* laudatio ejus manet in sæculum sæculi.

Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómodat, & dispónet sermónes suos in iudicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, & déntibus suis fremet et tabéscet : \* desidérium peccatórum peribit.

Psalmus 112.

**L**AUDATE púeri Dóminum : \* laudáte nomen Dómini, Sit nomen Dómini benedictum, \* ex hoc nunc, et usque in sæculum.

A solis ortu usque ad occás-  
sum, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia réspicit in cælo et in terra?

Súscitans a terra inopem, \* et de stércore érigens páuperem :

Ut collocet eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

Psalmus 116.

**L**AUDATE Dóminum omnes gentes : \* laudáte eum omnes pópuli :

Quóniam confirmáta est super nos misericórdia ejus : \* et véritas Dómini manet in ætérnum.

Aña. Ante lucíferum génius et ante sæcula Dóminus Salvátor noster hódie mundo apparuit.

Capitulum. Isaia 60.

**S**URGE, illumináre Jerúsalem : quia venit lumen tuum, et glória Dómini super te orta est.

Hymnus.

**H**OSTIS Heródes ímpie Christum veníre quid times?

Non éripit mortália

Qui regna dat cæléstia.

IBANT Magi, quam viderant,  
Stellam sequéntes præviam :  
Lumen requirunt lúmine,  
Deum faténtur múnere.

LAVACRA puri gúrgitis  
Cæléstis Agnus attigit :  
Peccáta, quæ non détulit,  
Nos abluéndo sústulit.



NOVUM genus poténtiæ :  
 Aquæ rubescunt hydræ,  
 Minúmque jussa fundere,  
 Mutávit unda originem.

GLORIA tibi Dómine,  
 Qui apparuisti hódie,  
 Cum Patre et sancto Spiritu,  
 In sempitérna sæcula. Amen.  
 R. Reges Tharsis et insulæ  
 múnera offerent. R. Reges  
 Arabum et Saba dona addú-  
 cent.

Ad Magnificat Añã. Ab  
 Oriente venérunt Magi in  
 Bèthlehem adoráre Dóminum :  
 et apértis thesáuris suis, preti-  
 osa múnera obtulérunt : aurum  
 sicut Regi magno, thus sicut  
 Deo vero, myrrham sepultúræ  
 ejus, allelúia. Oratio.

DEUS, qui hodiérna die Uni-  
 génum tuum Géntibus  
 stella duce revelásti : concéde  
 propitius ut qui jam te ex fide  
 cognóvimus, usque ad contem-  
 plándam spéciem tuæ celsitúdi-  
 nis perducámur. Per eúndem.

PER OCTAVAM EPIPHANIE,  
 QUANDO DE OCTAVA AGITUR.

#### AD MATUTINUM.

Invitatorium. Christus appá-  
 ruit nobis : \* Venite adoré-  
 mus.

Hymnus Hostis Heródes ím-  
 pie, ut in ij. Vesperis Festi,  
 pag. 258.

#### IN NOCTURNO.

Psalmi sicut in Festo, excepto  
 Psalmo Veníte exsultémus,  
 qui omitti debet, et loco illius  
 dicendus est Psalmus Funda-  
 ménta.

Super Psalmos singulis die-  
 bus dicatur una Antiphona,  
 ut suis locis notatum est.

Versiculus ante Lectiones  
 (nisi aliter signetur) et tria Re-  
 sponsoria Festi secundum or-  
 dinem Nocturnorum dicantur,  
 ut singulis diebus infra Octa-  
 vam per extensum posita sunt.

Benedictiones etiam ante  
 Lectiones erunt dicendæ juxta  
 ordinem Nocturnorum. Tres  
 namque primæ (Benedictióne  
 perpétua, Unigénitus Dei Fi-  
 lius. et Spiritus sancti grátia.)  
 in Feria secunda et in Feria  
 quinta dicentur; tres mediæ  
 (Deus Pater omnipotens, Ad  
 gáudia Paradisi. et Ignem sui  
 amoris.) in Feria tertia et in  
 Feria sexta; tres vero ultimæ  
 (Ille nos benedicat, Divinum  
 auxilium. et Ad societátem ci-  
 vium supernórum.) in Feria  
 quarta et in Sabbato.

#### AD LAUDES.

Super Psalmos sola Añã.  
 Ante luciferum génius et ante  
 sæcula Dóminus Salvátor no-  
 ster hódie mundo appáruit.  
 Psalmus Dóminus regnávít.  
 cum ceteris, pag. 17.

Capítulum. Isaia 60.

SURGE, illumináre Jérúsalem :  
 quia venit lumen tuum, et  
 glória Dómini super te orta est.

#### Hymnus.

A PATRE Unigénitus  
 Ad nos venit per Virginem,  
 Baptisma cruce cónsecrans,  
 Cunctos fidéles génerans.

De cælo célsus pródiit,  
 Excépit formam hómínis :  
 Factúram morte rédimens,  
 Gáudia vitæ largiens.

Hoc te Redémptor quæsu-  
 mus :  
 Illábere propitius,  
 Clarúmque nostris sénsibus  
 Lumen præbe fidélibus.

MANE nobiscum Dómine,  
Noctem obscuram rémove :  
Omne delictum áblue,  
Piam medélam tríbue.

QUEM jam venisse nóvimus,  
Redire item crédimus :  
Sub sceptro tuo ínclyto  
Tuum defénde pópulum.

GLORIA tibi Dómine,  
Qui apparuisti hódie,  
Cum Patre et sancto Spíritu,  
In sempitérna sæcula. Amen.  
X. Adoráte Dóminum. R. In  
aula sancta ejus.

Ad Benedictus vel ad Memoriam in Laudibus Aña. Descéndit Spíritus sanctus corporáli spécie sicut columba in ipsum, et vox de cælo facta est : Hic est Filius meus diléctus, allelúia. Oratio.

**D**EUS, qui hodiérna die Unigénitum tuum Géntibus stella duce revelásti : concéde propítius ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem.

† Per Octavam Epiphaniæ fiat quotidie Memoria de B. Maria Virgine in Laudibus et Vesperis, nisi aliter notetur.

Ad Memoriam de B. Maria Virgine in Laudibus Aña. Rubrum, quem viderat Móyses incombústum, conservátam agnóvimus tuam laudábilem virginitátem : Dei Génitrix intercède pro nobis.

Ÿ. Benedictus qui venit in nómine Dómini. R. Deus Dóminus, et illúxit nobis.

Oratio.

**D**EUS, qui salútis æternæ, beátæ Mariæ virginitáte fecúnda, humano géneri præ-

mia præstitisti : tríbue, quæsumus, ut ipsam pro nobis intercédere sentiámus, per quam meruimus auctórem vitæ suscipere : Dóminum nostrum Jesum Christum Fílium tuum, qui tecum vivit.

#### AD PRETIOSA.

Legendum est de Constitutionibus.

#### AD PRIMAM.

Aña. Ante luciferum génitus et ante sæcula Dóminus Salvátor noster hódie mundo apparuit.

Capitulum Regi sæculórum immortalí., R. Jesu Christe. Ÿ. Qui apparuísti hódie. Preces et Oratio In hac hora.

#### AD TERTIAM.

#### SEXTAM ET NONAM.

Omnia ut in Festo Epiphaniæ, pag. 256. et pag. 257.

#### AD VESPERAS.

Psalmi, Antiphonas super Psalmos, Capitulum et Hymnus ut in ij. Vesperis Festi, pag. 257. Ÿ. Reges Tharsis et insule múnera offerent. R. Reges Arabum et Saba dona addúcent.

Ad Magnificat, vel ad Memoriam in Vesperis Aña. Vidéntes stellam Magi gavísi sunt gáudio magno : et intrántes domum obtulérunt Dómino aurum, thus et myrrham.

Oratio.

**D**EUS, qui hodiérna die Unigénitum tuum Géntibus stella duce revelásti : concéde propítius ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem.

Ad Memoriam de B. Maria Virgine in Vesperis Añā. Germināvit radix Jesse : orta est stella ex Jacob : Virgo péperit Salvatorem : te laudamus Deus noster.

℣. Tamquam sponsus. ℞. Dóminus procedens de thálamo suo. Oratio.

**D**EUS, qui salutis æternæ, beátæ Mariæ virginitate fecúnda, humano géneri præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere : Dóminum nostrum Jesum Christum Filium tuum, qui tecum vivit.

#### AD COMPLETORIUM.

Super Psalmos Añā. Lux de luce apparuisti Christe, cui Magi múnera offerunt, allelúia, allelúia, allelúia.

Ad Nunc dimittis Añā. Allelúia, Omnes de Saba vénient, allelúia : aurum et thus deferentes, allelúia, allelúia.

† Si in Vesperis Officium fuerit de Octava, dicantur Preces in Completorio, finita post Canticum Nunc dimittis. Añā Allelúia, Omnes de Saba vénient.

#### PRIMA DIE

INFRA OCTAVAM EPIPHANIE.

#### IN NOCTURNO.

Super Psalmos sola Añā. Afférite Dómino filii Dei : adoráte Dóminum in aula sancta ejus. Psalmi novem ut in Festo (pag. 247. et sequentibus), excepto Psalmo Venite, exsultemus, qui omitti debet; et loco illius dicendus est Psal-

mus Fundaménta ejus, ut pag. 253. notatum est.

Versiculus secundum Feriam, scilicet :

† Feria secunda et Feria quinta ℣. Reges Tharsis et insulæ múnera offerent. ℞. Reges Arabum et Saba dona addúcent.

† Feria tertia et Feria sexta ℣. Omnes de Saba vénient. ℞. Aurum et thus deferentes.

† Feria quarta et Sabbato ℣. Omnis terra adóret te Deus, et psallat tibi. ℞. Psalmum dicat nómini tuo.

De Epístola ad Romános.

Lectio j. Cap. 13.

**O**MNIS ánima potestátibus sublimióribus súbdita sit : Non est enim potestas nisi a Deo : quæ autem sunt, a Deo ordinatæ sunt. Itaque qui resistit potestati, Dei ordinatióni resistit. Qui autem resistunt, ipsi sibi damnationem acquirunt : nam principes non sunt timóri boni óperis, sed mali. Vis autem non timere potestatem? Bonum fac : et habébis laudem ex illa : Dei enim mínister est tibi in bonum.

Responsoria dicantur secundum Feriam, scilicet :

† Feria secunda et Feria quinta ℞. j. Hódie in Jordáne baptizáto Dómino apérti sunt cæli : et sicut columba super eum Spíritus mansit, et vox Patris intónuit : \* Hic est Filius meus diléctus, in quo mihi bene complácu. ℣. Descéndit Spíritus sanctus corporáli spécie sicut columba in ipsum, et vox de cælo facta est. — Hic est Filius meus diléctus.



† Feria tertia et Feria sexta  
R. j. Illumināre, illumināre  
Jerúsalem : quia venit lux tua,  
\* Et glória Dómini super te  
orta est. V. Et ambulábunt  
gentes in lúmine tuo, et reges  
in splendóre ortus tui. — Et  
glória Dómini super te orta est.

† Feria quarta et Sabbato  
R. j. Stella, quam viderant  
Magi in Oriēte, antecedebat  
eos, donec venirent ad locum  
ubi Puer erat. Vidētes autem  
eam \* Gavisi sunt gáudio magno.  
V. Et intrātes domum  
invenērunt Puerum cum María  
matre ejus, et procidētes  
adoravērunt eum. — Gavisi  
sunt gáudio magno.

#### Lectio ij

**S**i autem malum féceris, ti-  
me : non enim sine causa  
gládium portat. Dei enim mi-  
nistre est : vindex in iram ei,  
qui malum agit. Ideo necessi-  
tate súbditi estóte non solum  
propter iram, sed etiā propter  
consciéntiam. Ideo enim et  
tribúta præstátis : ministri  
enim Dei sunt, in hoc ipsum  
serviētes. Réddite ergo óm-  
nibus débíta : cui tribútum,  
tribútum : cui vectígal, vectí-  
gal : cui timórem, timórem :  
cui honórem, honórem.

† Feria secunda et Feria  
quinta R. ij. In columbæ spé-  
cie Spíritus sanctus visus est,  
patérna vox audita est : \* Hic  
est Filius meus diléctus, in quo  
mihi bene complácu. V. Cæli  
apérti sunt super eum, et vox  
Patris intónuit. — Hic est Fi-  
lius meus diléctus.

† Feria tertia et Feria sexta  
R. ij. Omnes de Saba vénient  
aurum et thus deferētes, \* Et

laudem Dómino annuntiātes.  
V. Reges Tharsis et insulæ mún-  
era offerent : reges Arabum  
et Saba dona addúcent. — Et  
laudem Dómino annuntiātes.

† Feria quarta et Sabbato  
R. ij. Vidētes stellam Magi  
gavisi sunt gáudio magno : et  
intrātes domum invenērunt  
Puerum cum María matre ejus,  
et procidētes adoravērunt  
eum : \* Et apértis thesáuris  
suis obtulērunt ei múnera, au-  
rum, thus et myrrham. V. Ste-  
lla, quam viderant Magi in  
Oriēte, antecedebat eos, usque  
dum véniens staret supra ubi  
erat Puer. — Et apértis the-  
sáuris suis.

#### Sermo sancti Augustini Episcopi.

(Serm. 2. de Epiph.)

#### Lectio iij.

**A**d Partum Virginitis adorán-  
dum Magi ab Oriēte ve-  
nērunt. Magnum sacramén-  
tum! In præsepío jacébat, et  
Magos ab Oriēte ducébat :  
abscondebātur in stábulo, et  
agnoscebātur in cælo : ut  
ágnitus in cælo, manifestarétur  
in stábulo : ut qui in apér-  
to cælo signis sidéreis mon-  
strabātur magnus, in angústo  
diversório quæsitus invenirétur  
inválidus, infantilibus in  
membris natus, infantilibusque  
pannis involútus, adoraretur a  
Magis, timerétur a malis.

† Feria secunda et Feria  
quinta R. iij. Reges Tharsis et  
insulæ múnera offerent : \* Re-  
ges Arabum et Saba dona Dó-  
mino Deo addúcent. V. Omnes  
de Saba vénient aurum et thus  
deferētes. — Reges Arabum  
et Saba. Glória. Reges Arabum  
et Saba.

† Feria tertia et Feria sexta  
 R. iij. Magi veniunt ab Oriente  
 Jerosolymam, querentes, et di-  
 centes : Ubi est qui natus est,  
 cujus stellam vidimus, \* Et  
 venimus adorare Dominum?  
 V. Vidimus stellam ejus in  
 Oriente. — Et venimus adora-  
 re Dominum. Gloria. Et veni-  
 mus adorare Dominum.

† Feria quarta et Sabbato  
 R. iij. Tria sunt munera pre-  
 tiosa, quæ obtulerunt Magi  
 Domino in die ista, et habent  
 in se divina mysteria : \* In  
 auro ostenditur Regis poten-  
 tia : in thure Sacerdotem ma-  
 gnum considera, Et in myrrha  
 Dominicam sepulturam. V. Sa-  
 luti nostre Auctorem Magi  
 venerati sunt in cunabulis, et  
 de thesauris suis mysticas ei  
 munerum species obtulerunt.  
 — In auro ostenditur. Gloria.  
 Et in myrrha Dominicam se-  
 pulturam.

Dicatur Canticum Te Deum  
 laudamus.

Ante Laudes V. Vidimus  
 stellam ejus in Oriente. R. Et  
 venimus adorare eum.

AD LAUDES,  
 HORAS, VESPERAS,  
 ET COMPLETORIUM.

Omnia fiant ut per Octavam,  
 pag. 259. et seq. notatum est.

## SECUNDA DIE INFRA OCTAVAM EPIPHANIÆ. IN NOCTURNO.

Super Psalmos sola Aña. Flú-  
 minis impetus lætificat, alle-  
 lúia, civitatem Dei, allelúia.  
 Psalmi novem ut in Festo  
 (pag. 247. et sequentibus), ex-  
 cepto Psalmo Venite, exsulté-

mus., qui omitti debet; et loco  
 illius dicendus est Psalmus  
 Fundamenta ejus., ut pag. 253.  
 notatum est.

Versiculus secundum Feriam,  
 scilicet :

† Feria secunda et Feria  
 quinta V. Reges Tharsis et in-  
 sulæ munera offerent. R. Re-  
 ges Arabum et Saba dona ad-  
 ducunt.

† Feria tertia et Feria sexta  
 V. Omnes de Saba venient.  
 R. Aurum et thus deferentes.

† Feria quarta et Sabbato  
 V. Omnis terra adoret te Deus,  
 et psallat tibi. R. Psalmum  
 dicat nomini tuo.

De Epistola ad Romanos.

Lectio j. Cap. 14.

**I**NFIRMUM autem in fide as-  
 sumite, non in disceptatió-  
 nibus cogitationibus. Alius  
 enim credit se manducare óm-  
 nia : qui autem infirmus est,  
 olus manducet. Is, qui mandu-  
 cat, non manducantem non  
 spernat : et qui non manducat,  
 manducantem non judicet :  
 Deus enim illum assumpsit.  
 Tu quis es, qui judicas aliénium  
 servum? Domino suo stat, aut  
 cadit : stabit autem : potens  
 est enim Deus statuere illum.

Responsoria dicantur secun-  
 dum Feriam, scilicet :

† Feria secunda et Feria  
 quinta R. j. Hodie in Jordáne  
 baptizáto Domino apérti sunt  
 cæli : et sicut columba super  
 eum Spíritus mansit, et vox  
 Patris intónuit : \* Hic est Fi-  
 lius meus diléctus, in quo mihi  
 bene complácuí. V. Descéndit  
 Spíritus sanctus corporáli spé-  
 cie sicut columba in ipsum, et  
 vox de cælo facta est. — Hic  
 est Filius meus diléctus.

† Feria tertia et Feria sexta  
R. j. Illumināre, illumināre Jeru-  
salem : quia venit lux tua,  
\* Et glória Dómini super te  
orta est. X. Et ambulābunt  
gentes in lumine tuo, et reges  
in splendore ortus tui. — Et  
glória Dómini super te orta est.

† Feria quarta et Sabbato  
R. j. Stella, quam viderant  
Magi in Oriēte, antecēbat  
eos, donec venīrent ad locum  
ubi Puer erat. Vidētes autem  
eam \* Gavisi sunt gaudio ma-  
gno. X. Et intrāntes domum  
invenērunt Puerum cum Mariā  
matre ejus, et procidētes ad-  
oravērunt eum. — Gavisi sunt  
gaudio magno.

Lectio ij.

**N**AM aliū judicat diem  
inter diem : aliū autem  
judicat omnem diem : unus-  
quisque in suo sensu abundet.  
Qui sapit diem, Dómino sapit :  
et qui manducat, Dómino  
manducat : grátias enim agit  
Deo. Et qui non manducat,  
Dómino non manducat, et grátias  
agit Deo. Nemo enim no-  
strum sibi vivit, et nemo sibi  
móritur. Sive enim vivimus,  
Dómino vivimus : sive móri-  
mur, Dómino mórimur. Sive  
ergo vivimus, sive mórimur,  
Dómini sumus.

† Feria secunda et Feria  
quinta R. ij. In columbæ spé-  
cie Spiritus sanctus visus est,  
paterna vox audita est : \* Hic  
est Filius meus diléctus, in quo  
mihi bene complácuī. X. Cæli  
apérti sunt super eum, et vox  
Patris intónuit. — Hic est Fi-  
lius meus diléctus.

† Feria tertia et Feria sexta  
R. ij. Omnes de Saba venient,

aurum et thus deferētes, \* Et  
laudem Dómino annuntiāntes.  
X. Reges Tharsis et insulæ  
múnera offerent : reges Ara-  
bum et Saba dona addúcent.  
— Et laudem Dómino annun-  
tiāntes.

† Feria quarta et Sabbato  
R. ij. Vidētes stellam Magi  
gavisi sunt gaudio magno : et  
intrāntes domum invenērunt  
Puerum cum Mariā matre ejus,  
et procidētes adoravērunt  
eum : \* Et apértis thesáuris  
suis obtulērunt ei múnera, au-  
rum, thus et myrrham. X. Stel-  
la, quam viderant Magi in  
Oriēte, antecēbat eos, usque  
dum veniens staret supra ubi  
erat Puer. — Et apértis the-  
sáuris suis.

De Sermóne sancti Augustini  
Episcopi.

(Serm. 2. de Epiph.)

Lectio iij.

**J**AM vero, quod eadem stella,  
quæ Magos perdúxit ad lo-  
cum, ubi erat cum matre Vir-  
gine Deus infans, quæ útique  
póterat eos ad ipsam perducere  
civitátem, se tamen subtrá-  
xit, nec eis prorsus apparuit,  
donec de civitáte, in qua Chri-  
stus nascerétur, iidem ipsi in-  
terrogaréntur Judæi, et ipsi  
eam secúndum divinæ Scri-  
pturæ testimónium nominá-  
rent, ipsi dicerent, In Bétlle-  
hem Judæ : quid aliud hic si-  
gnificávit divina providéntia,  
nisi apud Judæos solas divinas  
litteras remansúras, quibus  
Gentes instrueréntur, illi ex-  
cæcaréntur; quas portarent,  
non ad adiutorium salutis  
suz, sed ad testimónium sa-  
lútis nostræ?



† Feria secunda et Feria quinta R. iij. Reges Tharsis et insulæ mûnera offerent : \* Reges Arabum et Saba dona Dômino Deo addûcent. V. Omnes de Saba vénient, aurum et thus deferéntes. — Reges Arabum et Saba. Glória. Reges Arabum et Saba.

† Feria tertia et Feria sexta R. iij. Magi véniunt ab Oriënte Jerosôlymam, quæréntes, et dicéntes : Ubi est qui natus est, cujus stellam vídimus, \* Et vénimus adorâre Dóminum? V. Vídimus stellam ejus in Oriënte. — Et vénimus adorâre Dóminum. Glória. Et vénimus adorâre Dóminum.

† Feria quarta et Sabbato R. iij. Tria sunt mûnera pretiôsa, quæ obtulérunt Magi Dómino in die ista, et habent in se divína mystéria : \* In auro osténditur Regis poténtia : in thure Sacerdotem magnum considera, Et in myrrha Dóminicam sepultúram. V. Salútis nostræ Auctórem Magi veneráti sunt in cunâbulis, et de thesáuris suis mysticas ei mûnerum spécies obtulérunt. — In auro osténditur. Glória. Et in myrrha Dóminicam sepultúram.

Dicatur Canticum Te Deum laudâmus.

Ante Laudes V. Vídimus stellam ejus in Oriënte. R. Et vénimus adorâre eum.

AD LAUDES,  
HORAS, VESPERAS  
ET COMPLETORIUM.

Omnia fiant ut per Octavam, pag. 259. et seq. notatum est.

TERTIA DIE  
INFRA OCTAVAM EPIPHANIÆ.  
IN NOCTURNO.

Super Psalmos sola Añã. Psállite Deo nostro, psállite : psállite Regi nostro, psállite sapiénter. Psalmi novem ut in Festo (pag. 247. et sequentibus), excepto Psalmo Veníte, exsultémus., qui omitti debet; et loco illius dicendus est Psalmus Fundaménta ejus., ut pag. 253. notatum est.

Versiculus secundum Feriam, scilicet :

† Feria secunda et Feria quinta V. Reges Tharsis et insulæ mûnera offerent. R. Reges Arabum et Saba dona addûcent.

† Feria tertia et Feria sexta V. Omnes de Saba vénient. R. Aurum et thus deferéntes.

† Feria quarta et Sabbato V. Omnis terra adóret te Deus, et psallat tibi. R. Psalmum dicat nómini tuo.

De Epístola ad Romános.

Lectio j. Cap. 14.

**N**ON ergo blasphemétur bonum nostrum. Non est enim regnum Dei esca, et potus : sed justítia, et pax, et gáudium in Spíritu sancto : qui enim in hoc servit Christo, placet Deo, et probátus est hominibus. Itaque quæ pacis sunt, sectémur : et quæ ædificatiónis sunt, in ínvicem custodiámus. Noli propter escam destrúere opus Dei : ómnia quidem sunt munda : sed malum est hómini, qui per offendiculum mandúcat.

Responsoria dicantur secundum Feriam, scilicet :

† Feria secunda et Feria quinta R. j. Hódie in Jordáne baptizáto Dómino apérti sunt cæli : et sicut colúmba super eum Spiritus mansit, et vox Patris intónuit : \* Hic est Fílius meus diléctus, in quo mihi bene compláui. ✠. Descéndit Spiritus sanctus corporáli spécie sicut colúmba in ipsum, et vox de cælo facta est. — Hic est Fílius meus diléctus.

† Feria tertia et Feria sexta R. j. Illumináre, illumináre Jerúsalem : quia venit lux tua. \* Et glória Dómini super te orta est. ✠. Et ambulábunt gentes in lúmine tuo, et reges in splendóre ortus tui. — Et glória Dómini super te orta est.

† Feria quarta et Sabbato R. j. Stella, quam viderant Magi in Oriénte, antecédébat eos, donec venírent ad locum ubi Puer erat. Vidéntes autem eam \* Gavisi sunt gáudio magno. ✠. Et intrátes domum invenérunt Púerum cum María matre ejus, et procidéntes adoravérunt eum. — Gavisi sunt gáudio magno.

#### Lectio ij.

**B**ONUM est non manducáre carnem, et non bíbere vinum, neque in quo frater tuus offénditur, aut scandalizáture, aut infirmáture. Tu fidem habes? penes temetípsum habes coram Deo : Beátus, qui non júdicat semetípsum in eo, quod probat. Qui autem discérnit, si manducáverit, damnátus est : quia non ex fide. Omne autem, quod non est ex fide, peccátum est.

† Feria secunda et Feria quinta R. ij. In colúmbæ spé-

cie Spiritus sanctus visus est, patérna vox audita est : \* Hic est Fílius meus diléctus, in quo mihi bene compláui. ✠. Cæli apérti sunt super eum, et vox Patris intónuit. — Hic est Fílius meus diléctus.

† Feria tertia et Feria sexta R. ij. Omnes de Saba vénient, aurum et thus deferéntes, \* Et laudem Dómino annuntiátes. ✠. Reges Tharsis et insulæ múnera offerent : reges Arabum et Saba dona addúcent. — Et laudem Dómino annuntiátes.

† Feria quarta et Sabbato R. ij. Vidéntes stellam Magi gavisi sunt gáudio magno : et intrátes domum invenérunt Púerum cum María matre ejus, et procidéntes adoravérunt eum. \* Et apértis thesáuris suis obtulérunt ei múnera, aurum, thus et myrrham. ✠. Stella, quam viderant Magi in Oriénte, antecédébat eos, usque dum veniens staret supra ubi erat Puer. — Et apértis thesáuris suis.

Sermo sancti Leonis  
Papæ.

(Serm. i. de Epiph.)

#### Lectio iij.

**C**ELEBRATO próximo die, quo intemeráta virginitas humáni géneris édedit Salvatórem, Epiphaniæ nobis, dilectíssimi, veneránda festívitás dat perseverántiam gaudiórum : ut inter cognatárum sollemnítatum vicina sacraménta, exsultatiónis vigor, et fervor fidei non tepéscat. Ad ómnium enim hóminum spectat salútem, quod infántia Salvatóris, ac Mediátoris Dei et hóminum, jam univérso de-

clarabatur mundo, cum adhuc exiguo detineretur oppidulo.

† FERIA secunda et FERIA quinta R. iij. Reges Tharsis et insulæ mûnera offerent : \* Reges Arabum et Saba dona Dômino Deo addûcent. V. Omnes de Saba venient aurum et thus deferentes. — Reges Arabum et Saba. Glôria. Reges Arabum et Saba.

† FERIA tertia et FERIA sexta R. iij. Magi veniunt ab Oriente Jerosôlymam, quærentes, et dicentes : Ubi est qui natus est, cuius stellam vidimus, \* Et venimus adorare Dôminum? V. Vidimus stellam ejus in Oriente. — Et venimus adorare Dôminum. Glôria. Et venimus adorare Dôminum.

† FERIA quarta et Sabbato R. iij. Tria sunt mûnera pretiosa, quæ obtulerunt Magi Dômino in die ista, et habent in se divîna mystéria : \* In auro ostenditur Regis potentia : in thure Sacerdotem magnum considera, Et in myrrha Dominicam sepulturam. V. Salûtis nostræ Auctorem Magi venerati sunt in cunâbulis, et de thesauris suis mysticas ei mûnerum species obtulerunt. — In auro ostenditur. Glôria. Et in myrrha Dominicam sepulturam.

Dicatur Canticum Te Deum laudamus.

Ante Laudes V. Vidimus stellam ejus in Oriente. R. Et venimus adorare eum.

#### AD LAUDES,

HORAS, VESPERAS  
ET COMPLETORIUM.

Omnia fiant ut per Octavam, pag. 259. et seq. notatum est.

#### QUARTA DIE

INFRA OCTAVAM EPIPHANIÆ.

#### IN NOCTURNO.

Super Psalmos sola Añâ. Omnis terra adoret te, et psallat tibi : psalmum dicat nòmini tuo Dômine. Psalmi novem ut in Festo (pag. 247. et sequentibus), excepto Psalmo Venite, exsultemus., qui omitti debet : et loco illius dicendus est Psalmus Fundaménta ejus., ut pag. 253. notatum est.

Versiculus dicatur secundum Feriam, nisi aliter notetur, scilicet :

† FERIA secunda et FERIA quinta V. Reges Tharsis et insulæ mûnera offerent. R. Reges Arabum et Saba dona addûcent.

† FERIA tertia et FERIA sexta V. Omnes de Saba venient. R. Aurum et thus deferentes.

† FERIA quarta et Sabbato, omisso V. tertii Nocturni Omnis terra., dicatur sequens :

V. Reges Tharsis et insulæ mûnera offerent. R. Reges Arabum et Saba dona addûcent.

De Epistola ad Românos.

Lectio j.

Cap. 15.

**D**ICO enim Christum Jesum ministrum fuisse circumcisiônis propter veritatem Dei, ad confirmandas promissiones patrum : gentes autem super misericordia honorare Deum, sicut scriptum est : Propterea confitebor tibi in gentibus Dômine, et nòmini tuo cantabo. Et iterum dicit : Lætâmini gentes cum plebe ejus. Et iterum : Laudate omnes gentes Dôminum : et magnificâte eum omnes pòpuli.



Responsoria dicantur secundum Feriam, scilicet :

† Feria secunda et Feria quinta R. j. Hódie in Jordáne baptizáto Dómino apérti sunt cæli : et sicut colúmba super eum Spíritus mansit, et vox Patris intónuit : \* Hic est Filius meus diléctus, in quo mihi bene compláui. V. Descéndit Spíritus sanctus corporáli spécie sicut colúmba in ipsum : et vox de cælo facta est. — Hic est Filius meus diléctus.

† Feria tertia et Feria sexta R. j. Illumináre, illumináre Jerúsalem: quia venit lux tua, \* Et glória Dómini super te orta est. V. Et ambulábunt gentes in lúmine tuo, et reges in splendóre ortus tui. — Et glória Dómini super te orta est.

† Feria quarta et Sabbato R. j. Stella, quam viderant Magi in Oriénte, antecedebat eos, donec venirent ad locum ubi Puer erat. Vidéntes autem eam \* Gavísi sunt gáudio magno. V. Et intrántes domum invenérunt Púerum cum María matre ejus, et procidéntes adoravérunt eum. — Gavísi sunt gáudio magno.

Lectio ij.

**E**t rursus Isaías ait : Erit radix Jesse, et qui exsúrget régere gentes, in eum gentes sperábunt. Deus autem spei répleat vos omni gáudio, et pace in credéndo : ut abundétis in spe, et virtúte Spíritus sancti. Certus sum autem fratres mei et ego ipse de vobis, quóniam et ipsi pleni estis dilectióne, repléti omni sciéntia, ita ut possitis altérutrum monére.

† Feria secunda et Feria quinta R. ij. In colúmbæ spécie Spíritus sanctus visus est, patérna vox audíta est : \* Hic est Filius meus diléctus, in quo mihi bene compláui. V. Cæli apérti sunt super eum, et vox Patris intónuit. — Hic est Filius meus diléctus.

† Feria tertia et Feria sexta R. ij. Omnes de Saba vénient, aurum et thus deferéntes, \* Et laudem Dómino annuntiántes. V. Reges Tharsis et insule múnera ófferent : reges Arabum et Saba dona addúcent. — Et laudem Dómino annuntiántes.

† Feria quarta et Sabbato R. ij. Vidéntes stellam Magi gavísi sunt gáudio magno : et intrántes domum invenérunt Púerum cum María matre ejus, et procidéntes adoravérunt eum : \* Et apértis thesáuris suis, obtulérunt ei múnera, aurum, thus et myrrham. V. Stella, quam viderant Magi in Oriénte, antecedebat eos, usque dum véniens staret supra ubi erat Puer. — Et apértis thesáuris suis.

Sermo sancti Máximi  
Epíscopi.

(Homil. i. de Epiphán.)

Lectio iij.

**I**n hac, dilectíssimi, celebritáte, sicut relátu patrénæ traditiónis instrúimur, multipli nobis est festivitáte lætándum. Ferunt enim, hódie Christum Dóminum nostrum, vel stella duce a Gentílibus adorátum; vel invitátum ad núptias, aquas in vina vertisse; vel suscepto a Joánnē baptísmate, consecrásse fluén-

ta Jordánis, suúmque simul purificásse Baptistam.

† Feria secunda et Feria quinta R. iij. Reges Tharsis et insulæ múnera offerent : \* Reges Arabum et Saba dona Dómino Deo addúcent. V. Omnes de Saba vénient aurum et thus deferéntes. — Reges Arabum et Saba. Glória. Reges Arabum et Saba.

† Feria tertia et Feria sexta R. iij. Magi véniunt ab Oriénte Jerosólymam, quæréntes, et dicéntes : Ubi est qui natus est, cujus stellam vidimus, \* Et vénimus adoráre Dóminum? V. Vidimus stellam ejus in Oriénte. — Et vénimus adoráre Dóminum. Glória. Et vénimus adoráre Dóminum.

† Feria quarta et Sabbato R. iij. Tria sunt múnera pretiósá, quæ obtulérunt Magi Dómino in die ista, et habent in se divína mystéria : \* In auro osténditur Regis poténtia : in thure Sacerdotem magnum considera, Et in myrrha Dominicam sepultúram. V. Salútis nostræ Auctórem Magi veneráti sunt in cunábulis, et de thesáuris suis mysticas ei múnorum spécies obtulérunt. — In auro osténditur. Glória. Et in myrrha Dominicam sepultúram.

Dicatur Canticum Te Deum laudámus.

Ante Laudes V. Vidimus stellam ejus in Oriénte. R. Et vénimus adoráre eum.

#### AD LAUDES ET HORAS.

Omnia fiant ut per Octavam, pag. 259. et seq. notatum est.

**S**i Inventio D. N. Jesu Christi in crastino Epiphaniæ evenierit, in ij. Vesperis Epiphaniæ nulla fiet de ea Memoria.

† Si in die ix. Januarii evenierit, festum B. Gundisalvi carebit j. Vesperis et habebit solam Memoriam in ij. Vesperis Inventionis Domini.

† Si Inventio Domini in die x. Januarii evenierit, festum B. Gundisalvi transferetur in Feriam ij. proxime sequentem, et carebit j. Vesperis, de quibus fiet sola Memoria in ij. Vesperis Inventionis Domini.

† Si Inventio Domini in die xj. Januarii evenierit, carebit j. Vesperis, de quibus fiet sola Memoria in ij. Vesperis B. Gundisalvi.

† Si Inventio Domini in die xij. Januarii evenierit, habebit utrasque Vesperas integras; de primis vero Vesperis Octavæ Epiphaniæ Memoria tantum fiet in ij. Vesperis Inventionis Domini per Añam Baptizat., V. Reges Tharsis. et Orationem Deus cujus Unigénitus., ut suo loco notatur.

† Si dies Epiphaniæ Dominica fuerit, festum Inventionis fiet in sequenti Feria iv., idest die ix. Januarii; Dominica vero sequenti, quæ erit dies Octava Epiphaniæ, nihil fiet de Dominica, sed Dominica prima post Octavam Epiphaniæ numerabitur illa, quæ præfatam Dominicam in Octava die Epiphaniæ incidentem proxime sequetur, nisi fuerit Septuagesima.

DOMINICA  
INFRA OCTAVAM EPIPHANIÆ.

IN INVENTIONE  
D. N. JESU CHRISTI

IN MEDIO DOCTORUM.

TOTUM DUPLEX.

AD I. VESPERAS.

Super Psalmos Añã. Ibant  
Paréntes Jesu per omnes annos  
in Jerúsalem, in die solénni  
Paschæ. Psalmus Laudáte púe-  
ri. cum ceteris., pag. 145.

Capitulum. Isa. 55.

**O**MNES sitiéntes venite ad  
aquas : et qui non habétis  
argéntum, properáte, émite,  
et comédite : venite, émite  
absque argénto, et absque ulla  
commutatíone vinum et lac.

R̃. Descéndit Jesu cum Pa-  
réntibus, et venit Názaresh :  
et erat súbditus illis. Et Mater  
ejus conservábat ómnia verba  
hæc in corde suo. \* Et Jesu  
proficiébat sapiéntia, et ætá-  
te, et grátia apud Deum et  
hómínes. Ṽ. Honóra patrem  
tuum et matrem tuam : sic  
præcéperat Dóminus Deus in  
Lege Móysi, et ita in Filio suo  
exémplum nobis præbuit. — Et  
Jesu. Glória. Et Jesu.

Hymnus.

**J**ESU magister córdium,  
Servos replens dulcédine,  
Qui te laborant quærere,  
Et invenire géstiunt :

MEMENTO summi gáudii,  
Quo recreásti pëctora  
Castæ Paréntis Virginis  
Et ejus almi Cónjugis.

Non lingua nostra dicere,  
Nec mens valet pernóscere  
Quanto dolore saucii  
Natum requirunt únicum.

AMISSUS in templo puer  
Auges Paréntum gáudia,  
Invéntus in templo sedens  
Intérque doctóres docens.

IN hoc vagántes sæculo  
Si cæcus error tráxerit,  
Fac rite nos te quærere  
Et te repérto pérfrui.

JESU tibi sit glória,  
Qui te revélas anxiiis,  
Cum Patre et almo Spirítu,  
In sempitérna sæcula. Amen.

† Hæc Strophã Jesu tibi. dici-  
tur in fine omnium Hymnorum.  
Ṽ. Ecce testem pópulis dedi  
eum. R̃. Ducem ac præceptó-  
rem géntibus.

Ad Magnificat Añã. Remánsit  
puer Jesu in Jerúsalem, et non  
cognovérunt Paréntes ejus, exi-  
stimántes illum esse in comi-  
tátu : et requirébant eum inter  
cognátos et notos. Oratio.

**D**EUS, qui húmílem Filií tui  
pueritiam cæléstí clarére  
sapiéntia voluísti; præsta ut  
spirítu prudéntiæ repléti sin-  
céra tibi humilitáte placeámus.  
Per eúmdem.

Deinde fiat Memoria de  
Octava Epiphaniæ :

Añã. Vidéntes stellam Magi  
gavísi sunt gáudio magno : et  
intrántes domum obtulérunt  
Dómino aurum, thus et myr-  
rham.

Ṽ. Reges Tharsis et insulæ  
múnera offerent. R̃. Reges  
Arabum et Sába dona addú-  
cent. Oratio.

**D**EUS, qui hodiérna die Uni-  
génitum tuum Géntibus  
stella duce revelásti : concéde  
propítius ut qui jam te ex fide  
cognóvimus, usque ad contem-  
plándam spéciem tuæ celsitú-  
dinis perducámur. Pereúmdem.



¶ De Dominica vero et de B. Maria Virgine nihil fiat in utrisque Vesperis et in Laudibus festi præsentis.

#### AD UTRUMQUE COMPLETORIUM.

Super Psalmos Aña. Invenérunt Jesum Paréntes ejus in templo sedéntem in médio doctorum.

Ad Nunc dimittis Aña. Allelúia, Stupébant omnes qui eum audiébant, allelúia, super prudéntia et respónsis ejus, allelúia, allelúia.

#### AD MATUTINUM.

Invitat. Púerum Jesum in templo sedéntem in médio doctorum, \* Venite adorémus.

Hymnus Jesu magister córdium., ut in j. Vesperis.

#### IN I. NOCTURNO.

Psalmus 8.

**D**OMINE Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cælos.

Ex ore infántium et lacténtium perfecísti laudem propter inimicos tuos, \* ut déstruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas : insuper et pecóra campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Aña. Eleváta est magnificéntia tua Deus super cælos, qui ex ore Filií tui perfecísti laudem.

#### Psalmus 18.

**C**ÆLI enárrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti indicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exivit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egréssio ejus :

Ore occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, pérmans in sæculum sæculi : \* judicia Dómini vera, justificáta in semetíp̄sa.

Desiderabilia super aurum et lápidem pretiósum multum : \* et dulcióra super mel et favum.

Etenim servus tuus custodit ea, \* in custodiendis illis retributio multa.

Delicta quis intelligit? & ab occultis meis munda me : \* et ab aliënis parce servo tuo.

Si mei non fuerint dominati, tunc immaculatus ero : \* et emundabor a delicto máximo.

Et erunt ut compláceant eloquia oris mei : \* et meditatio cordis mei in conspectu tuo semper.

Dómine adjutor meus, \* et redemptor meus.

Añã. Eloquia Dómini justificata in semetipsa, dulcióra super mel et favum.

Psalmus 44.

**E**RUCAVIT cor meum verbum bonum : \* dico ego opera mea regi.

Lingua mea calamus scribæ, \* velociter scribentis.

Speciosus forma præ filiis hominum, & diffusa est gratia in labiis tuis : \* propterea benedixit te Deus in ætérnum.

Accingere gladio tuo super femur tuum, \* potentissime,

Spécie tua et pulchritudine tua \* intènde, prospere procede, et regna,

Propter veritatem et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, & pópuli sub te cadent, \* in corda inimicórum regis.

Sedes tua Deus in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit

te Deus Deus tuus oleo lætitiæ præ consórtibus tuis.

Myrrha, et gutta, et casia a vestiméntis tuis, a dómibus eburneis : \* ex quibus delectaverunt te filiæ regum in honóre tuo.

Astitit regina a dextris tuis in vestitu deaurato : \* circumdata varietate.

Audi filia, et vide, et inclina aurem tuam : \* et obliviscere pópulum tuum, et domum patris tui.

Et concupiscet rex decorem tuum : \* quóniam ipse est Dóminus Deus tuus, et adorabunt eum.

Et filiæ Tyri in munéribus \* vultum tuum deprecabuntur : omnes divites plebis.

Omnis glória ejus filiæ regis ab intus, \* in fimbriis aureis circumamicta varietatibus.

Adducéntur regi virgines post eam : \* proximæ ejus afferéntur tibi.

Afferéntur in lætitia et exultatione : \* adducéntur in templum regis.

Pro patribus tuis nati sunt tibi filii : \* constitues eos principes super omnem terram.

Mémores erunt nóminis tui \* in omni generatione et generationem.

Propterea pópuli confitebuntur tibi in ætérnum : \* et in sæculum sæculi.

Añã. Diffusa est gratia in labiis púeri Jesu : ideo stupébant omnes, et mirábantur in verbis gratiæ, quæ procedébant de ore ejus.

℟. Ecce testem pópulis dedi eum. ℞. Ducem ac præceptorem géntibus.

## De libro Exodi.

Lectio j. Cap. 23.

**L**OCUTUS est Dóminus ad Móysen, dicens : Tribus vicibus per singulos annos mihi festa celebrábitis. Solemnitatem azymórum custódies. Septem diébus cómedes ázuma, sicut præcépi tibi, témpore mensis novórum, quando egréssus es de Ægypto : non apparébis in conspéctu meo vácuus. Et solemnitétem messis primitivórum óperis tui, quacúmque semináveris in agro : solemnitétem quoque in éxitu anni, quando congregáveris omnes fruges tuas de agro. Ter in anno apparébit omne masculinum tuum coram Dómino Deo tuo.

R. j. Ibant Paréntes Jesu per omnes annos in Jerúsalem, in dié solénni Paschæ, \* Ut adimplérent quod præcéperat Dóminus in Lege Móysi. ¶ Tribus vicibus per annum apparébit omne masculinum tuum in conspéctu Dómini Dei tui in loco quem elégerit. — Ut adimplérent.

Lectio ij. Cap. 34.

**S**OLEMNITATEM azymórum custódies. Septem diébus vescéris ázymis, sicut præcépi tibi, in témpore mensis novórum : mense enim verni témporis egréssus es de Ægypto. Solemnitétem hebdomadárum fácies tibi in primitiis frugum messis tuæ triticeæ, et solemnitétem, quando redeúnte anni témpore cuncta condúntur. Tribus temporibus anni apparébit omne masculinum tuum in conspéctu omnipoténtis Dómini Dei Israel.

R. ij. Remánsit puer Jesus in Jerúsalem, et non cognóverunt Paréntes ejus. Existimántes autem illum esse in comitátu, venérunt iter diéi, \* Et requirébant eum inter cognátos, et notos. ¶ Surgam, et circuibó civitátem : per vicos et platéas quæram quem diligit ánima mea. — Et requirébant eum.

## De libro Deuteronomii.

Lectio iij. Cap. 16.

**E**ODEM témpore locútus est Dóminus ad Móysen : Tribus vicibus per annum apparébit omne masculinum tuum in conspéctu Dómini Dei tui in loco quem elégerit : in solemnitéte azymórum, in solemnitéte hebdomadárum, et in solemnitéte tabernaculórum. Non apparébit ante Dóminum vácuus : sed ófferet unusquisque secúndum quod habúerit juxta benedictiónem Dómini Dei sui, quam déderit ei.

R. iij. Non inveniéntes Jesum Paréntes ejus, \* Regréssi sunt in Jerúsalem, Requiréntes eum. ¶ Quo ábiit diléctus tuus? Et quærémus eum tecum. — Regréssi sunt. Glória. Requiréntes eum.

## IN II. NOCTURNO.

Psalmus 47.

**M**AGNUS Dóminus, et laudábilis nimis \* in civitáte Dei nostri, in monte sancto ejus.

Fundátur exultatióne universæ terræ mons Sion, \* látera aquilónis, civitas Regis magni. Deus in dómibus ejus cognoscétur, \* cum suscipiet eam.

Quóniam ecce reges terræ congregátí sunt : \* convenérunt in unum.



Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spirítu veheménti cónteres naves Tharsis.

Sicut audívimus, sic vídimus in civitaté Dómini virtútum, & in civitaté Dei nostri : \* Deus fundávit eam in ætérnum.

Suscépinus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* iustítia plena est dèxtera tua.

Lætétur mons Sion, et exsúltent filię Judæ, \* propter júdicia tuæ Dómine.

Circúmdate Sion, et completímini eam : \* narráte in túribus ejus.

Pónite corda vestra in virtúte ejus : \* et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

Añã. Vidéntes admiráti sunt sapiéntiam, et doctrínam púcri Jesu.

#### Psalmus 49.

**D**EUS deórum Dóminus locútus est : \* et vocávit terram,

A solis ortu usque ad occásus : \* ex Sion spécies decóris ejus.

Deus maniféste véniet : \* Deus noster et non silébit.

Ignis in conspéctu ejus exardéscet : \* et in circúitu ejus tempéstas válda.

Advocábit cælum desúrsum : \* et terram discérnere pópulum suum.

Congregáte illi sanctosejus : \* qui órđinant testaméntum ejus super sacrificia.

Et annuntiábunt cæli justitiam ejus : \* quóniam Deus júdex est.

Audi pópulus meus, et loquar : & Israel, et testificábor tibi : \* Deus Deus tuus ego sum.

Non in sacrificiis tuis arguam te : \* holocáusta autem tua in conspéctu meo sunt semper.

Non accipiam de domo tua vitulos : \* neque de grégibus tuis hircos.

Quóniam meæ sunt omnes feræ silvárum, \* juménta in móntibus et boves.

Cognóvi ómnia volatilia cæli : \* et pulchritúdo agri mecum est.

Si esuriero, non dicam tibi : \* meus est enim orbis terræ, et plenitúdo ejus.

Numquid manducábo carnes taurórum ? \* aut sánguinem hircórum potábo ?

Immola Deo sacrificium laudis : \* et redde Altíssimo vota tua.

Et invoca me in die tribulatiónis : \* éruam te, et honorificábis me.

Peccatóri autem dixit Deus : \* Quare tu enárras justitias meas, et assúmis testaméntum meum per os tuum ?

Tu vero odísti disciplínam : \* et projecísti sermónes meos retrórsum :

Si vidébas furem, currébas cum eo : \* et cum adúlteris portiónem tuam ponébas.

Os tuum abundávit malitia : \*  
et lingua tua concinnábat do-  
los.

Sedens advérsus fratrem  
tuum loquebáris, ꝥ et advérsus  
filiúm matris tuæ ponébas  
scándalum : \* hæc fecisti, et  
tácuí.

Existimásti inique quod ero  
tui similis : \* árguam te, et stá-  
tuam contra fáciem tuam.

Intelligíte hæc qui oblivisci-  
mini Deum : \* nequándo rá-  
piat, et non sit qui eripiat.

Sacrificiúm laudis honorifi-  
cábit me : \* et illic iter, quo  
osténdam illi salutáre Dei.

Áñā Deus deórum Dóminus  
locútus est : et stupébant om-  
nes, qui audiébant eum, su-  
per prudéntia, et respónsis  
ejus.

Psalmus 71.

**D**EUS iudiciúm tuum regi  
da : \* et justitiam tuam  
filio regis :

Judicáre pópulum tuum in  
justitia, \* et páuperes tuos in  
iudicio.

Suscípiant montes pacem pó-  
pulo : \* et colles justitiam.

Judicábit páuperes pópuli, ꝥ  
et salvos faciet filios páu-  
perum : \* et humiliábit calum-  
niatórem.

Et permanébit cum sole, et  
ante lunam, \* in generatióne  
et generatióne.

Descéndet sicut plúvia in vel-  
lus : \* et sicut stillicidia stil-  
lántia super terram.

Oriétur in diébus ejus justitia  
et abundántia pacis : \* donec  
auferátur luna.

Et dominábitur a mari usque  
ad mare : \* et a flúmine usque  
ad términos orbis terrárum.

Coram illo prócident Æthi-  
opes : \* et inimíci ejus terram  
lingent.

Reges Tharsis, et insulæ mú-  
nera ófferent : \* reges Ara-  
bum, et Saba dona addúcent :

Et adorábunt eum omnes re-  
ges terræ : \* omnes gentes sér-  
vient ei :

Quia liberábit páuperem a  
poténte : \* et páuperem, cui  
non erat adjutor.

Parcet páuperi et inopi : \* et  
ánimas páuperum salvas fá-  
ciet.

Ex usúris et iniquitate réd-  
imet ánimas eórum : \* et hono-  
rábile nomen eórum coram  
illo.

Et vivet, et dábitur ei de auro  
Arábiæ, ꝥ et adorábunt de ipso  
semper : \* tota die benedicent  
ei.

Et erit firmaméntum in terra  
in summis móntium, ꝥ super-  
extollétur super Líbanum fru-  
ctus ejus : \* et florébunt de ci-  
vitáte sicut fcenum terræ.

Sit nomen ejus benedictum in  
sæcula : \* ante solem pérma-  
net nomen ejus.

Et benedicéntur in ipso om-  
nes tribus terræ : \* omnes gen-  
tes magnificábunt eum.

Benedictus Dóminus Deus  
Israel, \* qui facit mirabilia so-  
lus :

Et benedictum nomen maje-  
státis ejus in ætérnum : ꝥ et re-  
plébitur majestáte ejus omnis  
terra : \* fiat, fiat.

Áñā. Sit nomen Dómini be-  
nedictum in sæcula, cui a Deo  
Patre datum est iudiciúm, et  
justitia.

Ꝟ. Stupébant omnes, qui au-  
diébant eum. Rꝫ. Super prudén-  
tia, et respónsis ejus.

Sermo sancti Bonaventuræ  
Episcopi.

(Sermo 1. in Dominica infra  
Oct. Epiph.)

Lectio iv.

**Q**UONIAM non sine magno dolore amittitur, quod cum magno amore possidetur, hinc est quod beata Virgo de amissione corporalis presentie dilecti et unici Filii sui, quem tenerrime ac super omnia diligebat, multiplici dolore in animo colaphizabatur. Vix autem dabat somnum oculis, et requiem pedibus, donec inveniret eum in medio doctorum in Jerusalem. Ut autem vidit ejus faciem gratiosissimam, gaudens gaudio magno, et lætitia ineffabili, licet breviter locuta fuerit sicut et virgo, verecundum tamen verbum protulit magnæ providentiæ et magnæ sapientiæ, dicens: Fili, quid fecisti nobis sic? In quo quidem verbo, tamquam virgo prudentissima, primo præmittit dulcedinem benignæ allocutionis in ore, cum dicit, Fili, quid fecisti nobis? Secundo exprimit amaritudinem magnæ tribulationis in corde, cum subdit, Ego, et Pater tuus dolentes. Tercio adjungit sollicitudinem discretæ inquisitionis in opere, cum subinfertur, Querebamus te. Sic in ipso verbo beata Virgo tamquam prudentissima insinuatur dedisse Deo cogitationem cordis, locutionem oris, et operationem totius corporis. Primo ergo in verbo proposito notatur dulcedo benignæ locutionis in ore, cum dicit, Fili mi. Mérito Jesus bonus filius erat dulciter allo-

quendus. Nam sicut quilibet bonus filius est gaudium et lætitia matris suæ, sic Jesus fuit gaudium et lætitia matris suæ Virginis.

℣. iv. Post triduum invenerunt Jesum Parentes ejus \* In templo sedentem in medio doctorum. ℟. Inveni quem diligit anima mea: tenui eum, nec dimittam. — In templo.

Lectio v.

**S**ECUITUR secundo: Ego, et Pater tuus dolentes. Ubi notatur amaritudo profunda tribulationis in corde. Certe non miror, Virgo gloriôsa, si tribularis in corde, si habes amaritudinem, si habes dolorem: mirarer autem si non doleres, eo quod amisisti dilecti tui Filii presentiam corporalem, quæ multis consolationibus replerat animam tuam. Et licet Virgo gloriôsa multos dolores, multas tribulationes et amaritudines habuit in hoc mundo de Filio, possumus tamen dicere ad præsens, quod triplicem habuit dolorem. Doluit enim primo in amissione filialis presentie; secundo in visione Passionis Dominicæ; tertio in compassione obsecrationis Judicæ.

℣. v. Invenérunt Jesum in medio doctorum, \* Audiéntem, et interrogántem eos. ℟. Auris áudiens beatificábat illum: et óculus videns testimónium reddébat ei. — Audiéntem, et interrogántem eos.

Lectio vj.

**T**ERTIO (María) introducit sollicitudinem discretæ inquisitionis in opere, cum dicit, Querebamus te. Valde



enim fuit sollicita beáta Virgo in inquiréndo, licet non fúerit négligens in amitténdo. Nam consuetúdo apud Judæos, secúndum expositóres, hæc erat, quod in processiónibus et itineribus dum ascendébant in templum, et étiam dum moraréntur in templo, quod et viri et mulieres non simul, sed pergébant scórsum. Púeri autem non tenebántur hac lege, sed quandóque cum pátribus pergébant, quandóque cum mulieribus. Unde María et mater putávit ipsum esse cum Joseph in comitátu virórum, et Joseph putávit púerum Jesum esse cum María in comitátu feminárum. Et hæc consuetúdo introducta erat causa honestátis ad custódiám castitátis. Et sic patet quod non fuit négligens in amitténdo, sed valde fuit sollicita, diligens in inquiréndo : et quæsit eum, primo cum rectitudine conscientie in credéndo; secúndo cum latitudine benevoléntie in diligéndo; tertio cum certitudine confidentie in exspectándo.

R. vj. Stupébant omnes, qui audiebant eum, super prudéntia, et respónsis ejus : \* Et vidéntes admirátí sunt. V. Vox Dómini in virtúte, vox Dómini in magnificéntia. — Et vidéntes admirátí sunt. Glória. Et vidéntes admirátí sunt.

### IN III. NOCTURNO.

#### Psalmus 81.

**D**EUS stetit in synagóga deórum : \* in médio autem deos díjudicat.

Usquequo judicátis iniquitatem : \* et fácies peccatórum súmitis?

Judicáte egéno, et pupíllo : \* húmílem, et páuperem justificáte.

Eripite páuperem : \* et egénium de manu peccatóris liberáte.

Nesciérunt, neque intellexérunt, & in ténebris ámbulant : \* movebúntur ómnia fundaménta terræ.

Ego dixi : Dii estis, \* et filii excélsi omnes.

Vos autem sicut hómines moriémini : \* et sicut unus de princípibus cadétis.

Surge Deus, júdica terram : \* quóniam tu hereditábis in ómnibus géntibus.

Añá. Quasi nesciéntes, neque intelligéntes, et quasi in ténebris ámbulantes confundebántur doctóres in templo, dum audiebant sapiéntiam ex ore Jesu prodeúntem.

Psalmus 97.

**C**ANTATE Dómino cánticum novum : \* quia mirabilia fecit.

Salvávít sibi dextera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávít justitiam suam.

Recordátus est misericórdie suæ, \* et veritátis suæ dómui Israel.

Viderunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductílibus, et voce tubæ córneæ.

Jubiláte in conspéctu regis Dómini : & moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, & simul montes exsultábunt in conspéctu Dómini : \* quóniam venit iudicáre terram.

Judicábit orbem terrárum in iustitia, \* et pópulos in æquitate.

Añã. Notum fecit Dóminus salutáre suum, et in conspéctu géntium revelávit per Filium suum iustitiam suam.

Psalmus 98.

**D**OMINUS regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excelsus super omnes pópulos.

Confiteántur nómini tuo magno : & quóniam terribile, et sanctum est : \* et honor regis iudícium diligit.

Tu parásti directiões : \* iudícium et iustitiam in Jacob tu fecisti.

Exaltáte Dóminum Deum nostrum, & et adoráte scabélum pedum ejus : \* quóniam sanctum est.

Móyses, et Aaron in sacerdotibus ejus : \* et Sámuel inter eos, qui invocant nomen ejus : Invocabant Dóminum, et ipse exaudiébat eos : \* in columna nubis loquebátur ad eos.

Custodiébant testimónia ejus, \* et præcéptum quod dedít illis.

Dómine Deus noster tu exaudiébas eos : \* Deus tu propitiús fuisti eis, et ulciscens in omnes adinventiões eórum.

Exaltáte Dóminum Deum nostrum, & et adoráte in monte sancto ejus : \* quóniam sanctus Dóminus Deus noster.

Añã. Dóminus regnávít in médio templi sui : confiteántur pópuli nómini suo magno, quóniam terribile, et sanctum est.

¶ Proficiébat Jesus sapiéntia, et ætáte. R̃. Et grátia apud Deum et hómínes.

Lectio sancti Evangélii  
secúndum Lucam.

Lectio vij.

Cap. 2.

**C**UM factus esset Jesus annórum duódecim, ascendentibus illis Jerosólymam secúndum consuetúdinem diéi festi, consummatisque diébus, cum redirent, remánsit puer Jesus in Jérúsalem. Et reliqua.

Homilía sancti Ambrósii  
Epísco-pi.

(Lib. 2. in cap. 2. Lucæ.)

**A**DUODECIMO anno, ut légitur, Domínice sùmitur disputatiónis exórdium. Hic enim prædicandæ fidei evangelizántium número debebátur. Nec otiose immemor sórum secúndum carnem Paréntum, qui secúndum carnem útique sapiéntia Dei implebátur, et grátia, post trídium reperitur in templo : ut esset indício, quia post trídium triumphális illius Passiõnis, in sede cælésti et honóre divíno, fidei nostræ se suscitátus offerret, qui mórtuus credebátur.

R̃. vij. Dixit ad Jesum Mater ejus : Fili, quid fecisti nobis sic? \* Ecce Pater tuus, et ego doléntes quærebámus te. ¶ Fili mi, lumen oculórum nostrórum, solátium vitæ nostræ. — Ecce Pater tuus et ego.

## Lectio viij.

**Q**UID est quod me quærebátis? Duæ sunt in Christo generatiões : una est paternā, maternā altera : paternā illa divini⁹; maternā vero, quæ in nostrum laborem usumque descendit. Et ideo quæ supra naturā, supra ætatem, supra consuetudinem fiunt, non humanis assignanda virtutibus, sed divinis referenda sunt potestatibus. Alibi eum ad ministerium Mater impellit : hic Mater arguitur; quia adhuc quæ humana sunt exigit.

℞. viij. Quid est quod me quærebátis? dixit Jesus ad Parentes suos. \* Nesciebátis quia in his, quæ Patris mei sunt, oportet me esse? ℣. Servite Dōmino in veritate, et inquirete, ut faciátis quæ placita sunt illi. — Nesciebátis.

## Lectio ix.

**S**ED cum hic duodecim describatur annorum, illic discipulos habere dicatur, vides Matrem didicisse a Filio, ne exigeret a validiore ministerium, quæ stupēbat in juniore miraculum. Et venit Nazareth : et erat subditus illis. Quid enim Magister virtutis, nisi officium pietatis impleret? Et mirāmur, si Patri defert, qui subditus Matri? Non utique infirmitatis, sed pietatis ista subiectio est.

℞. ix. Descendit Jesus cum Parentibus, et venit Nazareth : et erat subditus illis. Et Mater ejus conservabat omnia verba hæc in corde suo. \* Et Jesus proficiebat sapientia, et ætate,

et grātia apud Deum, et homines. ℣. Honora patrem tuum, et matrem tuam : sic præcepit Dōminus Deus in Lege Mōysi, et ita in Filio suo exemplum nobis præbuit. — Et Jesus. Glōria. Et Jesus.

Ante Laudes ℣. Deus deorum Dōminus locutus est. ℞. Et vocavit terram.

## AD LAUDES

ET PER HORAS ANTIPHONÆ.

1. Ibant Parentes Jesu per omnes annos in Jerusaleme, in die solēnni Paschæ. Psalmus Dōminus regnavit. cum ceteris, pag. 17.

2. Cum redirent, remansit puer Jesus in Jerusaleme, et non cognoverunt Parentes ejus.

3. Non inveniētes Jesum, regressi sunt in Jerusaleme, requirētes eum : et post triduum invenērunt illum in templo sedentem in medio doctorum, audientem, et interrogantem eos.

4. Dixit Mater ejus ad illum : Fili, quid fecisti nobis sic? ecce Pater tuus et ego dolētes quærebāmus te.

5. Descendit Jesus cum eis, et venit Nazareth : et erat subditus illis.

Capitulum. Isaia 55.

**O**MNES sitiētes venite ad aquas : et qui non habētis argentum, properate, emite, et comedite : venite, emite absque argento, et absque ulla commutatione vinum et lac.

Hymnus.

**F**ECUNDE fons scientiæ,  
Qua corda, Jesu, dirigis,  
Doctor superno lumine  
Doctum superbum judicans :



SOLEMNECarmen pángimus,  
Opus Patris quod éxsequens,  
Doctúrus in templo puer  
Inter magístrós ássides.

GENUS scholæ mirábile :  
Jesús modéstus áudiens,  
Interrogánsque prædocet :  
Senes stupent prudéntiam.

HOC tu Magister pèrfice  
Infírmitas ut non áudeat  
Docére, ni tu cælitus  
Dones prius sciéntiam.

TUNC omnis error éxcidet,  
Tunc sponsa, tunc et sérvuli  
Secúra per vestigia  
Viam sequéntur pérfidam.

GENTEM repéllent pérfidam  
Credéntium de sínibus :  
Verax, et omnes única  
Doctrína nos enútriet.

JESU tibi sit glória,  
Qui te revélas ánxiiis,  
Cum Patre et almo Spírítu,  
In sempitérna sæcula.

Amen.

¶. Exsultáte filii Sion in Dómino Deo vestro. R. Quia dedit vobis doctórem justítiæ.

Ad Benedictus Añ. Fili, quid fecisti nobis sic? Ego et Pater tuus doléntes quærebámus te. Quid est quod me quærebátis? Nesciebátis quia in his, quæ Patris mei sunt, opórtet me esse? Allelúia.

Oratio.

**D**EUS, qui húmílem Filii tui pueritiam cælésti clarére sapiéntia voluisti; præsta ut spírítu prudéntiæ repléti, sincéra tibi humilitáte placeámus. Per eúmdem.

Deinde fiat Memoria de Octava Epiphaniæ :

Añ. Descéndit Spírítus sanctus corporáli spécie sicut colúmba in ipsum, et vox de

cælo facta est : Hic est Filius meus diléctus, allelúia.

¶. Adoráte Dóminum. R. In aula sancta ejus. Oratio.

**D**EUS, qui hodiérna die Unigénitum tuum Géntibus stella duce revelásti : concède propítius ut qui jam te ex fide cognóvimus, usque ad contemplándam spécie[m] tuæ celsitudinis perducámur. Pereúmdem.

AD PRIMAM.

R. Jesu Christe. ¶. Qui invéntus es in templo.

AD TERTIAM.

Capitulum. Isaia 55.

**O**MNES sitiéntes veníte ad aquas : et qui non habétis argéntum properáte, émite, et comédite : veníte, émite absque argénto, et absque ulla commutatóne vinum et lac.

R. Ecce testem pópulis dedi eum, \* Allelúia, allelúia. Ecce. ¶. Ducem ac præceptórem géntibus. Allelúia. Glória. Ecce.

¶. Stupébant omnes qui audiébant eum. R. Super prudéntia et respónsis ejus.

AD SEXTAM.

Capitulum. Act. 3.

**M**OYSES dixit : Quóniam Prophétam suscítabit vobis Dóminus Deus vester de frátribus vestris, tamquam me, ipsum audiétis juxta ómnia quæcúmque locútus fúerit vobis.

R. Stupébant omnes qui audiébant eum, \* Allelúia, allelúia. Stupébant. ¶. Super prudéntia et respónsis ejus. Allelúia. Glória. Stupébant.

¶. Proficiébat Jesús sapiéntia et ætáte. R. Et grátia apud Deum et hómines.

## AD NONAM.

Capitulum. Sap. 8.

**H**ABEBO propter sapientiam claritatem ad turbas, et honorem apud seniores juvenis : et acutus inveniar in iudicio, et in conspectu potentium admirabilis ero.

R. Proficiebat Jesus sapientia et ætate, \* Alleluia, alleluia. Proficiebat. V. Et gratia apud Deum et homines. Alleluia. Gloria. Proficiebat.

V. Exsultate filii Sion in Domino Deo vestro. R. Quia dedit vobis doctorem iustitiæ.

## AD II. VESPERAS.

Super Psalmos Añā. Ibant Parentes Jesu per omnes annos in Jerusalem in die solenni Paschæ. Psalmus Dixit Dominus, cum ceteris, ut in ij. Vesperis Epiphaniæ, pag. 257.

Capitulum Omnes sitiētes, Hymnus Jesu magister cordium. et V. Ecce testem populis, ut in j. Vesperis Festi præsentis, pag. 270.

Ad Magnificat Añā. Puer Jesus proficiebat sapientia et ætate coram Deo et hominibus. Oratio.

**D**EUS, qui humilem Filii tui pueritiam cælesti clarere sapientia voluisti; præsta ut spiritu prudentiæ replēti, sincera tibi humilitate placeamus. Per eundem.

Deinde (nisi Inventio Domini secundas Vesperas in die xij. Januarii habuerit) de Octava Epiphaniæ Memoria sic fiat :

Añā. Vidētes stellam Magi gavisi sunt gaudio magno : et intrāntes domum obtulerunt Domino aurum, thus et myrrham.

V. Reges Tharsis et insulæ múnera offerent. R. Reges Arabum et Saba dona adducent. Oratio.

**D**EUS, qui hodierna die Unigenitum tuum Géntibus stella duce revelasti : concede propitius ut qui jam te ex fide cognovimus, usque ad contemplandam spēciem tuæ celsitudinis perducamur. Per eundem.

¶ Si vero Inventio Domini secundas Vesperas in die xij. Januarii habuerit, sic fiat in ipsis Memoria de sequenti die Octava Epiphaniæ :

Añā. Baptizat miles Regem, servus Dominum suum, Joannes Salvatorem : aqua Jordānis stupuit : columba protestata est : paternā vox audita est : Hic est Filius meus.

V. Reges Tharsis et insulæ múnera offerent. R. Reges Arabum et Saba dona adducent. Oratio.

**D**EUS, cujus Unigenitus in substantia nostræ carnis apparuit : præsta, quæsumus, ut per eum, quem similem nobis foris agnovimus, intus reformari mereamur. Qui tecum vivit.

## IN OCTAVA EPIPHANIE.

## SIMPLEX.

## AD I. VESPERAS.

¶ Si Dominica infra Octavam Epiphaniæ in die xij. Januarii venerit, integræ erunt ij. Vesperæ de Inventione Domini, et in ipsis fiet Memoria de Octava die Epiphaniæ per Añam Baptizat, V. Reges Tharsis. et Orationem Deus, cujus Unigenitus, ut ibidem notatum est.

† Si vero dies xij. Januarii extra Dominicam evenierit, sic fiet in Vesperis Officium :

Psalmus Dixit Dominus. cum ceteris, Añā Ante luciferum., Capitulum Surge illuminare., Hymnus Hostis Heródes impie. et X. Reges Tharsis., ut in ij. Vesperis Epiphaniæ, pag. 257. et sequentibus.

Ad Magnificat Añā. Baptizat miles Regem, servus Dominum suum, Joannes Salvatorem : aqua Jordánis stupuit : columba protestata est : paternā vox audita est : Hic est Filius meus. Oratio.

**D**EUS, cujus Unigenitus in substantia nostræ carnis apparuit : præsta, quæsumus, ut per eum, quem similem nobis foris agnovimus, intus reformari mereamur : Qui tecum vivit.

Memoria de B. Maria V. :

Añā. Germinavit radix Jesse : orta est stella ex Jacob : Virgo peperit Salvatorem : te laudamus Deus noster.

X. Tamquam sponsus. R. Dominus procedens de thalamo suo. Oratio.

**D**EUS, qui salutis æternæ, beatæ Mariæ virginitate fecunda, humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere : Dominum nostrum Jesum Christum Filium tuum, qui tecum vivit.

#### AD COMPLETORIUM.

Super Psalmos Añā. Lux de luce apparuisti Christe, cui Magi munera offerunt, allelúia, allelúia, allelúia.

Ad Nunc dimittis Añā. Allelúia, Omnes de Saba veniunt, allelúia : aurum et thus deferentes, allelúia, allelúia.

Finita post Canticum Nunc dimittis. Antiphona, dicantur Preces.

#### AD MATUTINUM.

Invitatorium. Christus apparuit nobis : \* Venite adoremus. Hymnus.

**H**OSTIS Heródes impie Christum venire quid times?

Non eripit mortalia  
Qui regna dat cælestia.

IBANT Magi, quam viderant,  
Stellam sequentes præviam :  
Lumen requirunt lumen,  
Deum fatentur munere.

LAVACRA puri gurgitis  
Cælestis Agnus attingit :  
Peccata, quæ non detulit,  
Nos abluendo sustulit.

NOVUM genus potentiae :  
Aquæ rubescunt hydræ,  
Vinumque jussa fundere,  
Mutavit unda originem.

GLORIA tibi Domine,  
Qui apparuisti hodie,  
Cum Patre et sancto Spiritu,  
In sempiterna sæcula. Amen.

† Psalmi, Antiphonæ et Versiculi trium Nocturnorum ut in Festo, exceptis Psalmo Venite exsultemus. et ejus Añā Venite adoremus., quorum loco Psalmus Fundamenta. et Añā Homo. dicantur, ut pag. 253. notatum est.

#### IN I. NOCTURNO.

Incipit Epistola prima beati Pauli Apostoli ad Corinthios. Lectio j. Cap. 1.

**P**AULUS vocatus Apostolus Jesu Christi per voluntatem Dei, et Sésthenes frater, Ec-



clésiæ Dei, quæ est Corinthi, sanctificatis in Christo Jesu, vocatis sanctis, cum omnibus, qui invocant nomen Domini nostri Jesu Christi, in omni loco ipsorum, et nostro. Grátia vobis, et pax a Deo Patre nostro, et Domino Jesu Christo.

R. j. Hódie in Jordáne baptizáto Domino, apérti sunt cæli: et sicut columba super eum Spiritus mansit, et vox Patris intónuit: \* Hic est Filius meus diléctus, in quo mihi bene complácu. V. Descéndit Spiritus sanctus corporáli spécie sicut columba in ipsum, et vox de cælo facta est. — Hic est Filius meus diléctus.

#### Lectio ij.

**G**RATIAS ago Deo meo semper pro vobis in grátia Dei, quæ data est vobis in Christo Jesu: quod in omnibus divites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, exspectántibus revelatió-nem Domini nostri Jesu Christi, qui et confirmábit vos usque in finem sine crimine, in die advéntus Domini nostri Jesu Christi. Fidélis Deus: per quem vocáti estis in societátem Filii ejus Jesu Christi Domini nostri.

R. ij. In columbæ spécie Spiritus sanctus visus est, patrerna vox audita est: \* Hic est Filius meus diléctus, in quo mihi bene complácu. V. Cæli apérti sunt super eum, et vox Patris intónuit. — Hic est Filius meus diléctus.

#### Lectio iij.

**O**BSECRE autem vos fratres per nomen Domini nostri Jesu Christi: ut idípsum dicátis omnes, et non sint in vobis schismata: sitis autem perfecti in eódem sensu, et in eádem senténtia. Significátum est enim mihi de vobis fratres mei ab iis, qui sunt Chloes, quia contentiones sunt inter vos. Hoc autem dico, quod unusquisque vestrum dicit: Ego quidem sum Pauli: ego autem Apóllo: ego vero Cephæ: ego autem Christi. Divisus est Christus? Numquid Paulus crucifixus est pro vobis? aut in nómine Pauli baptizáti estis?

R. iij. Reges Tharsis et insulæ múnera offerent: \* Reges Arabum et Saba dona Domino Deo addúcent. V. Omnes de Saba vénient, aurum et thus deferéntes. — Reges Arabum. Glória. Reges Arabum.

#### IN II. NOCTURNO.

Sermo sancti Gregórii Nazianzéní.

(Orat. in sancta Lumina.)

#### Lectio iv.

**N**ON possum cohibére lætitiæ voluptátem, sed mente extóllor, et afficior: et propriæ pusillitátis oblitus, officium magni Joánnis, immo pótius famulátum subire conténdo, ac géstio: et licet non sim præcúrsor, de erémo tamen vénio. Christus ergo illuminá-tur, immo pótius fulgóre suo nos illúminat. Christus baptizá-tur: simul et nos descendá-mus, ut cum ipso páriter ascendamus.

R. iv. Illumināre, illumināre Jerūsalem : quia venit lux tua, \* Et glória Dómini super te orta est. V. Et ambulābunt gentes in lumine tuo, et reges in splendóre ortus tui. — Et glória Dómini super te orta est.

### Lectio v.

**J**OANNES baptizat, et accedit Jesus, sanctificans quidem et ipsum qui baptizat, præcipue tamen ut et veterem Adam sepeliat in aquis, et ante omnia, ut per hæc sanctificentur aquæ Jordānis : ut sicut erat spiritus et caro, ita et his, qui baptizādi erant, in spiritu et aqua sanctificatiōnis succéssio traderetur. Non suscipit Baptista, contēdit Jesus. Ego, inquit, opus habeo a te baptizāri. Lucerna dicit ad Solem, et Vox loquitur ad Verbum.

R. v. Omnes de Saba venient, aurum et thus deferentes : \* Et laudem Dómino annuntiātes. V. Reges Tharsis et insulæ mūnera offerent : reges Arabum et Saba dona addūcent. — Et laudem Dómino annuntiātes.

### Lectio vj.

**A**SCENDIT Jesus de aqua, secum quodāmodo demersum educens et elevans mundum : et vidit non dividi cælum, sed aperiri, quod sibi ac nobis post se aliquādo Adam ille concluserat; sicut et igneo gladio Paradisus fuerat conclusus. Spiritus sanctus testimonium perhibet : similia namque sibi ipsa concurrunt. De cælo testimonium defertur: inde enim erat ille, cui testimonium perhibetur.

R. vj. Magi veniunt ab Oriēte Jerosólymam, quærentes, et dicentes : Ubi est qui natus est, cujus stellam vidimus, \* Et venimus adorāre Dóminum? V. Vidimus stellam ejus in Oriēte. — Et venimus adorāre Dóminum. Glória. Et venimus adorāre Dóminum.

### IN III. NOCTURNO.

Lectio sancti Evangélii  
secundum Joānnem.

Lectio vij. Cap. i.

**I**N illo tēpore : Vidit Joānes Jesum venientem adse, et ait : Ecce Agnus Dei, ecce qui tollit peccātum mundi. Et reliqua.

Homilia sancti Augustini  
Episcopi.

(Tract. 6. in Joann. ante med.)

**A**NTEQUAM veniret Dóminus ut baptizaretur a Joāne in Jordāne, nóverat eum illis vóciis, ubi ait : Tu ad me venis baptizāri! Ego a te debeo baptizāri. Sed ecce Dóminum nóverat, nóverat Filium Dei. Unde probamus quod jam nóverat quia ipse baptizaret in Spíritu sancto? Antequam veniret ad flúvium, cum multi ad Joānnem currebant baptizāri, ait illis : Ego quidem baptizo vos in aqua : qui autem post me venit, major me est, cujus non sum dignus corrigiam calceamēti solvere : ipse vos baptizabit in Spíritu sancto, et igne. Jam et hoc nóverat.

R. vij. Stella, quam viderant Magi in Oriēte, antecedebat eos, donec venirent ad locum, ubi Puer erat. Vidētes autem eam \* Gavisi sunt gaudio

magno. *℣.* Et intrāntes domum invenērunt Pūerum cum Maria matre ejus, et procidentes adorāvērunt eum. — Gavisi sunt gāudio magno.

Lectio viij.

**Q**UID ergo per colūbam didicit, ne mendax pōstea inveniātur, (quod avētat a nobis Deus opināri) nisi quamdam proprietātem in Christo talem futūram, ut quamvis multi ministri baptizatūri essent, sive justi, sive injūsti, non tribuerētur sānctitas baptīsmi, nisi illi super quem descendit colūba, de quo dictum est, Hic est qui baptizat in Spiritu sancto? Petrus baptizet, hic est qui baptizat: Paulus baptizet, hic est qui baptizat.

*℞.* viij. Vidētes stellam Magi gavisi sunt gāudio magno: et intrāntes domum invenērunt Pūerum cum Maria matre ejus, et procidentes adorāvērunt eum. \* Et apērtis thesauris suis obtulērunt ei mūnera, aurum, thus et myrrham. *℣.* Stella, quam viderant Magi in Oriēte, antecēdebat eos, usque dum veniens staret supra ubi erat Puer. — Et apērtis thesauris suis.

Lectio ix.

**N**AM si pro diversitate meritōrum baptisma sanctum est: quia diversa sunt mērita, diversa erunt baptismata: et tanto quisque āliquid mēlius putātur accipere, quanto a mēliore vidētur accepisse. Ipsi sancti (intelligite fratres), boni pertinēntes ad colūbam, pertinēntes ad sortem civitātis illius Jerūsalem, ipsi boni in Ec-

clēsia, de quibus dicit Apōstolus, Novit Dōminus qui sunt ejus, diversārum gratiārum sunt, non omnes pāria mērita habent.

*℞.* ix. Tria sunt mūnera pretiōsa, quæ obtulērunt Magi Dōmino in die ista, et habent in se divīna mystēria: \* In auro ostēnditur Regis potētia: in thure Sacerdotem magnum cōsidera, Et in myrrha Dōminicam sepultūram. *℣.* Salūtis nostræ Auctōrem Magi venerāti sunt in cunābulis, et de thesauris suis mysticas ei mūnerum spēcies obtulērunt. — In auro. Glōria. Et in myrrha Dōminicam sepultūram.

Ante Laudes *℣.* Vidimus stellam ejus in Oriēte. *℞.* Et venimus adorāre eum.

AD LAUDES

ET PER HORAS ANTIPHONÆ.

1. Vēterem hōminem rēnovans Salvātor, venit ad baptismum: ut natūram, quæ corrupta erat, per aquam recuperāret, incorruptibili veste circumamictans nos. Psalmus Dōminus regnāvit. cum ceteris, pag. 17.

2. Te, qui in Spiritu et igne purificas hūmāna contāgia, Deum ac Redemptōrem omnes glorificāmus.

3. Baptista contrēmuit, et non audet tāngere sanctum Dei vērticem, sed clamat cum tremōre: Sanctifica me Salvātor.

4. Caput draconis Salvātor contrivit in Jordānis flūmine, et ab ejus potestāte omnes eripuit.

5. Magnum mystērium declarātur hōdie: quia Crēator omnium in Jordāne expūrgat nostra facinora.



Capitulum. Isa. 60.

**S**URGE, illumināre Jerúsalem : quia venit lumen tuum, et glória Dómini super te orta est.

Hymnus.

**A** PATRE Unigénitus  
Ad nos venit per Virgí-  
nem,

Baptísma cruce cónsecrans,  
Cunctos fidèles génerans.

DE cælo celsus pródiit,  
Excépit formam hóminis :  
Factúram morte rédicens,  
Gáudia vitæ largiens.

HOC te Redémptor quæsu-  
mus :

Illábere propitius,  
Clarúmque nostris sénsibus  
Lumen præbe fidélibus.

MANE nobiscum Dómine,  
Noctem obscuram rémove :  
Omne delictum áblue,  
Piam medélam tribue.

QUEM jam venisse nóvimus,  
Redíre item crédimus :  
Sub sceptro tuo inclyto  
Tuum defénde pópulum.

GLORIA tibi Dómine,  
Qui apparuisti hódie,  
Cum Patre et sancto Spíritu,  
In sempitérna sæcula. Amen.

℟. Adoráte Dóminum. ℞. In  
aula sancta ejus.

Ad Benedictus Añā. Præcúr-  
sor Joánnes exsultat cum Jor-  
dāne : baptizáto Dómino facta  
est orbis terrárum exsultatio,  
facta est peccatórum nostró-  
rum remissio. Sanctificans  
aquis, ipsi omnes clamémus,  
miserére nobis.

Oratio.

**D**EUS, cujus Unigénitus in  
substántia nostræ carnis  
appáruit : præsta, quæsumus,  
ut per eum, quem similem no-  
bis foris agnóvimus, intus re-  
formári mereámur : Qui tecum  
vivit.

† Præcedens Oratio dicatur  
etiam ad Tertiam, Sextam et  
Nonam.

Memoria de B. Maria V. :

Añā. Rubum, quem viderat  
Móyses incombústum, conser-  
vátam agnóvimus tuam lau-  
dábilem virginitátem : Dei  
Génitrix intercède pro nobis.  
℣. Benedictus qui venit in  
nómine Dómini. ℞. Deus Dó-  
minus, et illúxit nobis.

Oratio.

**D**EUS, qui salutis æternæ,  
beátæ Mariæ virginitáte  
fecúnda, humano géneri præ-  
mia præstitísti : tribue, quæ-  
sumus, ut ipsam pro nobis in-  
tercedere sentiámus, per quam  
merúimus auctórem vitæ sus-  
cipere : Dóminum nostrum  
Jesum Christum Filium tuum,  
qui tecum vivit.

AD PRETIOSA.

Evangelium.

Secúndum Joánnem. Cap. i.

**I**N illo témpore : Vidit Joán-  
nes Jesum veniéntem ad se,  
et ait : Ecce Agnus Dei, ecce  
qui tollit peccátum mundi. Tu  
autem Dómine.

AD PRIMAM.

Capitulum Regi sæculórum  
immortáli. : ℞. Jesu Christe.  
cum ℣. Qui apparuísti hódie ;  
Preces (nisi Dominica fuerit)  
et Oratio In hac hora.

AD TERTIAM.

Capitulum. Isa. 60.

**S**URGE, illumināre Jerúsa-  
lem : quia venit lumen  
tuum, et glória Dómini super  
te orta est.

℞. Reges Tharsis et insulæ  
múnera ófferent, \* Allelúia,

allelúia. Reges Tharsis. *℣.* Reges Arabum et Saba dona addúcent. Allelúia. Glória. Reges Tharsis.

*℣.* Omnes de Saba vénient. *℞.* Aurum et thus deferéntes.

## AD SEXTAM.

Capitulum. Isa. 60.

**S**UPER te Jerúsalem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui.

*℞.* Omnes de Saba vénient, \* Allelúia, allelúia. Omnes. *℣.* Aurum et thus deferéntes. Allelúia. Glória. Omnes.

*℣.* Omnis terra adóret te Deus, et psallat tibi. *℞.* Psalmum dicat nómini tuo.

## AD NONAM.

Capitulum. Isa. 60.

**O**MNES de Saba vénient, aurum et thus deferéntes, et laudem Dómino annuntiántes.

*℞.* Omnis terra adóret te Deus, et psallat tibi, \* Allelúia, allelúia. Omnis. *℣.* Psalmum dicat nómini tuo. Allelúia. Glória. Omnis.

*℣.* Adoráte Dóminum. *℞.* In aula sancta ejus.

## AD II. VESPERAS.

Psalmi ut in ij. Vesperis Epiphaniæ; Antiphona super Psalmos, Capitulum, Responso-rium, Hymnus, *℣.* Antiphona ad Magnificat et Oratio de j. Vesperis S. Hilarii.

† Si tamen dies Octava Epiphaniæ Dominica fuerit, super Psalmos de ij. Vesperis Epiphaniæ dicetur Aña Véterem hóminem. et Officium S. Hilarii incipiet a Capitulo.

Ad Memoriam de Octava die Aña. Fontes aquárum sanctificáti sunt, Christo apparente in glória. Orbis terrárum hauríte aquas de fóntibus Salvatóris : sanctificávit enim nunc omnem creatúram Christus Deus noster.

*℣.* Reges Tharsis et insulæ múnera offerent. *℞.* Reges Arabum et Saba dona addúcent.

## Oratio.

**D**EUS, cujus Unigénitus in substantia nostræ carnis appáruit : præsta, quæsumus, ut per eum, quem símilem nobis foris agnóvimus, intus reformári mereámur : Qui tecum vivit.

Non fiat Memoria de B. Maria Virgine.

## AD COMPLETORIUM.

Antiphonæ super Psalmos et ad Nunc dimittis ut infra Octavam Epiphaniæ; *℞.* In manus. cum duplici Allelúia.

In fine Hymni dicatur Strophá Glória tibi Dómine, Qui apparuísti hódie.

Omittantur Preces.

## DIE XIV. JANUARI.

Celebratur festum S. Hilarii, in cujus primo Nocturno, si extra Dominicam evenerit, dicentur sequentes Lectiones :

De Epístola prima ad Corinthios.

Lectio j. Cap. 3.

**E**T ego, fratres, non pótui vobis loqui quasi spirituálibus, sed quasi carnálibus. Tamquam párvulis in Christo, lac vobis potum dedi, non escam : nondum enim poterátis : sed nec nunc quidem potéstis : adhuc enim carnáles estis.

Cum enim sit inter vos zelus, et contentio : nonne carnales estis, et secundum hominem ambulatis? Cum enim quis dicat, Ego quidem sum Pauli; alius autem, Ego Apollo; nonne homines estis? Quid igitur est Apollo? quid vero Paulus? Ministri ejus, cui credidistis, et unicuique sicut Dominus dedit. Apollo rigavit : sed Deus incrementum dedit.

## Lectio ij.

**I**TAQUE neque qui plantat est aliquid, neque qui rigat : sed qui incrementum dat, Deus. Qui autem plantat, et qui rigat, unum sunt. Unusquisque autem propriam mercedem accipiet secundum suum laborem. Dei enim sumus adiutores : Dei agricultura estis, Dei aedificatio estis. Secundum gratiam Dei, quae data est mihi, ut sapiens architectus fundamentum posui : alius autem superaedificat. Unusquisque autem videat quomodo superaedificet.

## Lectio iij.

**F**UNDAMENTUM enim aliud nemo potest ponere praeter id, quod positum est, quod est Christus Jesus. Si quis autem superaedificat super fundamentum hoc, aurum, argentum, lapides pretiosos, ligna, fenum, stipulam, uniuscujusque opus manifestum erit : Dies enim Domini declarabit, quia in igne revelabitur : et uniuscujusque opus quale sit, ignis probabit. Si cuius opus manserit quod superaedificavit, mercedem accipiet. Si cuius opus arserit, detrimentum pa-

tietur : ipse autem salvus erit : sic tamen quasi per ignem.

¶ Si vero festum S. Hilarii in Dominica j. post Octavam Epiphaniae evenierit, dicentur Lectiones j. Nocturni ejusdem Dominicae : De iis autem, pag. 294.

## DIE XV. JANUARIIL.

Incidit festum SS. Nominis Jesu, cujus propriae Lectiones habentur suo loco.

¶ Ubi tamen festum SS. Nominis Jesu Dominica j. post Octavam Epiphaniae celebrari consuevit, dicantur die xv. Januarii (si extra Dominicam evenierit) Lectiones sequentes.

## De Epistola prima ad Corinthios.

## Lectio j. Cor. 6.

**A**UDET aliquis vestrum habens negotium adversus alterum, judicari apud iniquos, et non apud sanctos? An nescitis quoniam sancti de hoc mundo judicabunt? Et si in vobis judicabitur mundus, indigni estis qui de minimis judicetis? Nescitis quoniam Angelos judicabimus? quanto magis saecularia? Saecularia igitur judicia si habueritis : contemptibiles, qui sunt in ecclesia, illos constituite ad judicandum.

## Lectio ij.

**A**D verecundiam vestram dico. Sic non est inter vos sapiens quisquam, qui possit judicare inter fratrem suum? Sed frater cum fratre judicio contendit : et hoc apud infideles? Jam quidem omnino delictum est in vobis, quod judicia habetis inter vos. Quare



non magis injúriam accipitis? quare non magis fraudem patimini? Sed vos injúriam facitis, et fraudátis : et hoc fratribus. An nescitis quia iniqui regnum Dei non possidébunt?

Lectio iij.

**N**OLITE erráre : Neque fornicárii, neque idólis serviétes, neque adulteri, neque molles, neque masculórum concubitóres, neque fures, neque avári, neque ebriósi, neque malédici, neque rapáces regnum Dei possidébunt. Et hæc quidem fuistis : sed ablúti estis, sed sanctificáti estis, sed justificáti estis in nómine Dómini nostri Jesu Christi, et in Spiritu Dei nostri.

¶ Aliis diebus usque ad proximam primam Dominicam post Octavam Epiphaniæ, occurrunt festa quæ habent Lectiones signatas pro primo Nocturno.

## DE DOMINICA I.

POST OCTAVAM EPIPHANIÆ.

**H**ISTORIA Dómine ne in ira., hoc est Responsoria, quæ in hac Dominica dicuntur post Lectiones in Matutinis, legi debent Dominicis diebus ab Octava Epiphaniæ usque ad Septuagesimam exclusive; R̄R̄. vero Ferialia infra Hebdomadam, cum de Feria agitur, tam dicto Tempore quam ab Octava Corporis Christi, usque ad Adventum Domini sunt dicenda : nisi quando nulla esset Dominica vacans, in qua dominicalis Historia recitari posset. Tunc enim eadem dominicalis Historia in

tribus Feriis recitari debet, ut in Rubricis Generalibus dicitur, et in eis R̄R̄. Ferialia dimitti.

¶ Si Dominica Septuagesimæ venerit hac Dominica j., tunc Oratio, Homilia et Anæ ad Benedictus et Magnificat Dominicæ j. legantur prima die vacanti earum, quæ erunt inter Octavam Epiphaniæ et Septuagesimam illo anno : et dicentur in Matutinis tria prima R̄R̄. Historiæ Dómine, ne in ira. Reliqua vero dicentur duobus aliis diebus infra Hebdomadam præfatam in quibus agetur de Feria, si tamen in illis non occurrat festum Simplex vel majus, prout in Rubricis Generalibus plenius dicitur; alioquin dimittentur illo anno.

¶ Si vero a Dominica j. post Octavam Epiphaniæ usque ad Septuagesimam Officia quatuor residuarum Dominicarum suis diebus expleri nequeant; tunc illarum Officia eo anno omittuntur, et resumuntur quoad Orationem, Lectiones secundi Nocturni, Homiliam et Anas ad Benedictus et Magnificat dumtaxat, post Dominicam xxj. post Octavam Trinitatis usque ad ultimam exclusive, eo modo et ordine, quo ibi in Rubricis dicitur. Si autem in toto isto Tempore tot non supersint Dominicæ ut in illis possint resumí Officia earum omnium Dominicarum, quæ post Octavam Epiphaniæ omissæ fuerant; tunc Feria vj. aut alia vacante Hebdomadæ ante Septuagesimam, legantur Oratio, Homilia et Anæ ad Benedictus et Magnificat Dominicæ quæ non potest resumí.

† Si tamen in casibus prædictis non erit aliqua Feria vacans, in qua possint legi Homiliæ Dominicales, tunc Feria minoris solemnitatis festo occupata infra Hebdomadam ante Septuagesimam, fiat Memoria Dominicæ sive primæ, sive alterius, eo anno ommissæ, et non remissæ, per Añas ad Benedictus et Magnificat et Orationem illius Dominicæ proprias. Quod si aliqua Octava contigerit tunc celebrari, poterit in aliqua die infra Octavam legi Homilia illius Dominicæ et de ea quoque eo die fiet Memoria modo dicto.

**I**N Officio sequentis Dominicæ et ejus Hebdomadæ datur Ritus et Ordo dicendi divinum Officium.

#### DOMINICA I.

POST OCTAVAM EPIPHANIÆ.

#### AD I. VESPERAS.

**S**ABBATO præcedenti sic inchoentur Vesperæ. Secreto dicatur Pater noster. Quo dicto, clare dicatur V. Deus in adiutorium meum intende. R. Dómine ad adiuvándum me festína. Et tunc munient se fratres signo crucis, quod etiam facient ad omnes alias Horas.

V. Glória Patri, et Filio, et Spiritui sancto. Sicut erat in principio, et nunc, et semper, et in sæcula sæculórum. Amen. Allelúia. vel infra Septuagesimam Laus tibi Dómine, Rex æternæ glóriæ.

† Sicque per V. Deus in adiutorium. inchoentur omnes Horæ, et Laudes, nisi aliter suis locis sit signatum.

Deinde dicantur quinque Psalmi, et totidem Antiphonæ prout positæ sunt in Psalterio, pag. 141., quæ etiam dici debent in omnibus Sabbatis per annum, cum de Dominica agitur, excepto Tempore Paschali. Deinde dicatur

#### Capitulum.

2. Cor. I.

**B**ENEDICTUS Deus et Pater Dómini nostri Jesu Christi, Pater misericordiárum, et Deus totius consolatióis, qui consolátur nos in omni tribulatióne nostra. R. Deo grátias.

† Sicque ad omnia Capitula respondeatur semper : Deo grátias.

Deinde dicatur R. Deus, qui sedes super thronum, et júdicas æquitátem, esto refúgium páuperum in tribulatióne : \* Quia tu solus labórem et dolórem consideras. Postea V. Tibi enim derelictus est pauper : pupíllo tu eris adiutor. Deinde repetatur ultima pars Responsorii : Quia tu solus labórem et dolórem consideras. Postea dicatur V. Glória Patri, et Filio, et Spiritui sancto. Ultimo repetatur : Quia tu solus labórem et dolórem consideras. Et hoc modo dicatur R. in j. Vesperis, nisi aliter signetur.

Hymnus O lux beáta Trinitas., pag. 144.

V. Vespertina orátio ascendat ad te Dómine. R. Et descendat super nos misericórdia tua.

† Capitulum præcedens, Hymnus, et V. dicantur omnibus Sabbatis ad Vesperas usque ad Quadragesimam exclusive, et

Sabbato post Octavam Trinitatis et deinceps omnibus Sabbatis usque ad Adventum exclusive, quando de Dominica agitur. R. autem Deus, qui sedes. hac die tantum dicatur.

¶ Omni vero tempore, quando Historia dominicalis in sua propria Dominica inchoatur, R. quod suo loco notatum erit, dicatur in j. Vesperis post Capitulum. Quando vero propter aliquod impedimentum Dominica non habet j. Vesperas, vel Historia dominicalis non legitur in Dominica, in qua primo debuit inchoari, tunc R. in j. Vesperis alterius Dominicæ non dicatur.

¶ Post V. statim sequitur Canticum Magnificat., pag. 129. quod per totum annum quotidie in Vesperis dicitur, moxque subjungitur

Ad Magnificat Añā. Peccāta mea, Dōmine, sicut sagittæ infixæ sunt in me : sed antequam vūlnera gēnerent in me, sana me Dōmine medicamēto poenitētiæ, Deus.

Finita Añā post Canticum Magnificat, sequitur : Dōminus vobiscum. R. Et cum spiritu tuo.

Orémus.

Oratio.

**O**MNIPOTENS sempitérne Deus, qui cælestia simul et terrēna moderāris : supplicatiōnes pōpuli tui clemēter exāudi; et pacem tuam nostris concēde tempōribus. Per Dōminum nostrum Jesum Christum Fīlium tuum, qui tecum vivit et regnat in unitate Spīritus sancti Deus, per omnia sæcula sæculōrum.

Dicta Oratione, et responso

Amen., quando nulla sequitur alia Memoria faciēda, statim subjungitur : Dōminus vobiscum. R. Et cum spiritu tuo.

¶ Si is, qui loquitur, non fuerit Sacerdos, vel Diaconus, loco V. Dōminus vobiscum. debet dicere V. Dōmine exāudi oratiōnem meam. et R. Et clamor meus ad te veniat.

Deinde dicatur V. Benedicāmus Dōmino. R. Deo grātias.

¶ At si Memoria occurrerit faciēda, dicta hac prima Oratione, et responso Amen., statim inchoatur Memoria illa per Antiphonam, V. et Orationem, quæ sicut et prima Oratio terminabitur, si nulla alia adhuc succedat Memoria faciēda : si vero altera sequatur, per hæc verba respective terminetur : Per Christum Dōminum nostrum. vel Per eūdem Christum Dōminum nostrum., vel Qui tecum vivit et regnat per omnia sæcula sæculōrum., vel etiam Qui vivis et regnas per omnia sæcula sæculōrum., pro varia occurrentium Orationum dispositione : ac responso Amen., mox altera inchoetur, et sic deinceps, donec ad ultimam Memoriam perveniatur.

Cum autem ad ultimam Memoriam perventum fuerit, ejus Oratio semper, sicut illa prima Omnipotens. respective terminetur.

Subjunctis V. V. Dōminus vobiscum. et Benedicāmus Dōmino. responsoque Deo grātias., dicatur Fidélium animæ per misericórdiam Dei requiescant in pace. R. Amen. Quod semper dicendum est post quamlibet Horam, nisi in die



Cenæ, et deinceps usque ad Completorium Sabbati sancti exclusive, et nisi in die Animarum, et post Officium Defunctorum, in cuius fine dicendum est Requiescant in pace. R. Amen.

¶ Quando vero plures Horæ simul sunt dicendæ, tunc solum in fine ultimæ Horæ dicatur Fidélium., nisi aliter notetur.

Dicto Fidélium., jungatur secreto Pater noster. et deinde Añã Salve Regina., Añã Pie Pater Dominice., X. Post partum., V. Ora pro nobis., V. Fiat pax., Dóminus vobiscum., Oratio Prótege., Oratio Concède, quæsumus., Oratio Ecclesiæ tuæ., ut pag. 147. notatum est.

Dictoque secreto Pater noster., terminetur illa Hora; qua finita, Conventus recedit a choro, tam de die quam de nocte, excepto Completorio, et præterquam a Matutinis Feriæ quintæ in Cena Domini usque ad Vesperas Sabbati sancti inclusive.

#### AD COMPLETORIUM.

Dicto Jube domne benedicere., subjungatur

Benedictio. Noctem quiétam et finem perfectum tribuat nobis omnipotens et miséricors Dóminus. R. Amen.

Postea sequitur

Lectio.

1. Petri 5.

**F**RATRES : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem devoret : cui resistite fortes in fide. Tu autem Dómine misere nostri. R. Deo grátias.

Postea dicat qui præest V. Adjutórium nostrum in nómine Dómini. R. Qui fecit cælum et terram. Deinde dicto Pater noster. secreto, dicatur a Prælato :

**C**ONFITEOR Deo omnipoténti, et beatæ Mariæ semper Virgini, et beáto Dominico Patri nostro, et ómnibus Sanctis, et vobis fratres : quia peccávi nimis cogitátione, locutíone, ópere et omissíone, mea culpa : precor vos oráre pro me.

Chorus autem dicat :

**M**ISEREATUR tui omnipotens Deus, et dimittat tibi ómnia peccáta tua : liberet te ab omni malo, salvet, et confirmet in omni ópere bono, et perdúcat te ad vitam ætérnam. Respondeat Prælatus : Amen.

Postea Chorus replicet : Confiteor. etc. et loco vobis fratres., dicat tibi Pater., et loco precor vos., dicat precor te. Quo finito, Prælatus dicat Absolutionem : Misereátur.; et loco tui, dicat vestri., et loco tibi; dicat vobis, et loco te, dicat vos.

¶ Quando autem frater solus dicit Completorium vel Primam, dicat :

**C**ONFITEOR Deo omnipoténti, et beatæ Mariæ semper Virgini, et beáto Dominico Patri nostro, et ómnibus Sanctis : quia peccávi nimis cogitátione, locutíone, ópere et omissíone, mea culpa : precor beatam Mariam semper Virginem, et beátum Dominicum Patrem nostrum, et omnes Sanctos oráre pro me.

Postea subjungat :

**M**ISEREATUR mei omnipotens Deus, et dimittat mihi omnia peccata mea : liberet me ab omni malo, salvet, et confirmet in omni opere bono, et perducatur me ad vitam æternam. Amen.

Deinde dicatur *℟.* Convertetur nos Deus salutaris noster. et *℞.* Et averte iram tuam a nobis. et *℟.* Deus in adiutorium. etc.

† Et ita semper inchoetur Completorium, nisi Feria quinta in Cena Domini, et Feria sexta in Parasceve.

Postea dicantur Psalmus 4. Cum invocarem., Psalmus 30. In te Domine., Psalmus 90. Qui habitat in adiutorio., Psalmus 133. Ecce nunc benedicite Dominum., ut in Psalterio, pag. 149. et pag. 150.

Et post Psalmos Añā. Miserere mihi, Domine, et exaudi orationem meam.

† Prædicta Añā Miserere. et prædicti Psalmi dicantur ad Completorium per totum annum, nisi aliter notetur.

Deinde dicatur

Capitulum. *Jer.* 14.

**T**U in nobis es Domine, et nomen sanctum tuum invocatum est super nos : ne derelinquas nos Domine Deus noster.

*℟.* In manus tuas Domine \* Commendo spiritum meum. In manus tuas. *℟.* Redemisti me Domine Deus veritatis. Commendo. Glória Patri. In manus tuas.

† Capitulum Tu in nobis es. et *℟.* In manus tuas. per totum annum dicantur ad Completorium, nisi aliter signetur.

Postea subjungatur Hymnus Te lucis ante terminum., cum *℟.* Custodi nos Domine, pag. 150.

Hymnus Te lucis. et *℟.* Custodi nos Domine. dicantur semper, nisi ubi aliter est signatum.

Deinde dicatur Canticum Nunc dimittis., pag. 150.

Quo dicto subjungatur Añā. Salva nos Domine vigilantes, custodi nos dormientes : ut vigilemus cum Christo, et requiescāmus in pace.

† Canticum Nunc dimittis, in Completorio semper dicatur. Añā Salva nos. per totum annum dicatur, nisi alia Antiphona propria de Festo, aut de Octava, aut de Tempore fuerit notata.

Postea dicantur Preces hoc modo : Kyrie eléison. Christe eléison. Kyrie eléison. et secreto Pater noster. Deinde subjungatur alte : Et ne nos inducas in tentationem. *℟.* Sed libera nos a malo.

*℟.* In pace in idipsum. *℟.* Dormiam, et requiescam.

Deinde dicatur Credo. secreto. Deinde dicatur alte : Carnis resurrectionem. *℟.* Vitam æternam. Amen.

*℟.* Dignare Domine nocte ista. *℟.* Sine peccato nos custodire.

† Et ita Preces quotidie in Completorio dicantur, nisi diebus notatis in Rubricis Generalibus, § xxxix.

Post Preces, vel si hæc non sunt dicendæ, post Añam Salva nos., immediate dicitur : Dominus vobiscum.

Orémus.

Oratio.

**V**ISITA, quæsumus Dómine, habitatióem istam, et omnes insidias inimici ab ea longe repelle : et Angeli tui sancti habitántes in ea nos in pace custódiánt; et benedictio tua sit super nos semper. Per Dóminum.

Dóminus vobiscum.

Benedicámus Dómino.

† Oratio Visita, quæsumus. semper dicatur, nisi in Cena Domini, et deinceps usque ad Feriam iij. Paschæ inclusive.

Deinde detur Benedictio hoc modo : Benedictio Dei omnipoténtis Patris, et Filii, et Spíritus sancti descéndat super (Si Prælatus benedicit, dicat vos.; et si alius, dicat nos) et máneat semper. R. Amen.

† Benedictio semper detur, nisi in die Cenæ, et Parasceve.

Postea dicatur Añá Salve Regina. pag. 151.

¶ Dignare me laudare te, Virgo sacrata. R. Da mihi virtutem contra hostes tuos. Oratio.

**C**ONCEDE nos fámulos tuos, quæsumus Dómine Deus, perpétua mentis et córporis salute gaudere : et gloriósa beátæ Mariæ semper Vírginis intercessióne a præsénti liberári tristitia, et ætérna pérfrui lætitia. Per Christum Dóminum nostrum. R. Amen.

† Poterit deinde addi Antiphona, ¶. et Oratio de Sancto aliquo Ordinis nostri, vel alio, secundum morem Provinciæ, vel Conventus. Deinde dicto Fidélium ánimæ, etc. et responso Amen., dicatur secreto Pater noster. et Credo. Et sic finitur Completorium, nisi aliter notetur.

AD MATUTINUM.

Dicto Pater noster. et Credo., ¶. Dómine lábia. et ¶. Deus in adjutórium., Glória Patri. Sicut erat. Alleluia. immediate dicatur

Invitatorium. Veníte, exsultémus Dómino : \* Jubilémus Deo salutári nostro. Quo dicto, sequitur

¶. j. Præoccupémus faciém ejus. ut in Psalterio pag. 1.

† Hoc Invitatorium et Psalmus Veníte. dicantur Dominicis diebus ab Octava Epiphaniæ usque ad Septuagesimam exclusive, et ab Octava Trinitatis usque ad Adventum exclusive, quando de Dominica agitur.

† In aliis etiam diebus, quando dicitur quodcumque Invitatorium, dicatur etiam Psalmus Veníte, exsultémus. modo, quo supra.

Postea dicatur Hymnus Nocte surgéntes., pag. 2.

† Isti duo Hymni Nocte surgéntes, ad Matutinum, et subsequens Ecce jam noctis. ad Laudes dicantur omnibus Dominicis et Feriis per totum annum, quando de Tempore agitur, nisi in Quadragesima, in Paschali Tempore et in Adventu Domini.

IN I. NOCTURNO.

Psalmi in Matutinis dicendi ponuntur per extensum in Psalterio pagg. 4-15. in tria Nocturna divisi, quibus statim annectuntur Antiphonæ diversæ pro qualitate Temporis super Psalmos dicendæ, et Versiculi.

Post ¶. dicto Pater noster. secreto, subjungatur alte : Et ne nos indúcas in tentatióem. R. Sed libera nos a malo.



† Et hoc semper observetur ante j. Lectionem et iv. et vij., nisi in triduo ante Pascha, et nisi in Officio Defunctorum. Quo dicto, sequitur: Jube domne benedicere. Benedictio. Benedictione perpétua benedicat nos Pater ætérnus. R. Amen.

† Jube domne benedicere. omnibus semper præmittitur Benedictionibus.

† Hæc Benedictio et octo sequentes erunt dicendæ ante Lectiones Matutinarum eo ordine quo positæ sunt, quando-cumque novem dicuntur Lectiones: nisi in festo Nativitatis Domini, in quo ad viij. et ix. Lectionem sunt propriæ Benedictiones notatæ; et nisi quando Officium est de B. Maria V., cujus propriæ Benedictiones positæ sunt ante Psalterium: et nisi in Matutinis pro Defunctis et in tribus diebus ante Pascha. Quando autem dicuntur tantum tres Lectiones tunc etiam dicendæ sunt tantum tres Benedictiones juxta ordinem Nocturnorum. Tres namque primæ dicuntur Feria ij. et Feria v., tres secundæ Feria iij. et Feria vj., ultimæ vero tres Feria iv. et Sabbato, quando in eo de B. Maria V. non sit Officium.

† Tempore vero Paschali, Dominica die, quando non legitur Evangelium et Homilia, tres primæ Benedictiones dentur.

† Quotiescumque autem in aliqua Feria legitur Homilia, toties dicendæ sunt Benedictiones tertii Nocturni, scilicet Evangélica lectio. cum duabus sequentibus, sive communibus, sive propriis si de B. Maria V. fiat Officium. Deinde dicatur:

De Epístola prima ad Corinthios.

† Titulus cuilibet Lectioni præfixus, legi semper debet, nisi cum notatur litteris rubeis.

Lectio j. Cap. 8.

**D**E iis autem, quæ idólis sacrificántur, scimus quia omnes sciéntiam habémus. Sciéntia inflat, caritas vero ædificat. Si quis autem se existimat scire aliquid, nondum cognóvit quemádmódum oporteat eum scire. Si quis autem diligit Deum, hic cognitus est ab eo. De escis autem, quæ idólis immolántur, scimus quia nihil est idólum in mundo, et quod nullus est Deus, nisi unus. Tu autem Dómine miserere nostri. R. Deo grátias.

† Per hanc clausulam Tu autem, terminantur semper Lectiones, nisi in triduo ante Pascha, in die Animarum, et in Officio Defunctorum, et nisi ubi loco Tu autem, erit signatum ut dicatur: Hæc dicit Dóminus Deus. etc.

Finita Lectione sequitur

R. j. Dómine, ne in ira tua árguas me, neque in furóre tuo corripias me: \* Miserere mei Dómine quóniam infirmus sum. V. Timor et tremor venérunt super me, et contexérunt me ténebræ, et dixi. — Miserere mei.

Jube domne benedicere. Benedictio. Unigénitus Dei Fílius nos benedicere et adjuvare dignétur. R. Amen.

Lectio ij.

**N**AM etsi sunt qui dicántur dii sive in cælo, sive in terra (siquidem sunt dii multi, et dómīni multi :) nobis tamen unus Deus, Pater, ex quo

omnia, et nos in illum : et unus Dóminus Jesus Christus, per quem omnia, et nos per ipsum. Sed non in omnibus est sciéntia. Quidam autem cum consciéntia usque nunc idóli, quasi idolóthyum manducant : et consciéntia ipsórum, cum sit infirma, pollúitur. Esca autem nos non comméndat Deo.

R. ij. Deus, qui sedes super thronum, et júdas æquitátem, esto refúgium páuperum in tribulatióne : \* Quia tu solus labórem et dólorem consideras. V. Tibi enim derelíctus est pauper : pupillo tu eris adjutor. — Quia tu solus.

Jube domne benedicere. Benedictio. Spíritus sancti grátia illumináre dignétur sensus et corda nostra. R. Amen.

Lectio iij.

NEQUE enim si manducáverimus, abundábitus : neque si non manducáverimus, deficiémus. Vidéte autem ne forte hæc licéntia vestra offendiculum fiat infirmis. Si enim quis viderit eum, qui habet sciéntiam, in idólio recumbéntem : nonne consciéntia ejus, cum sit infirma, ædificábitur ad manducándum idolóthya? Et peribit infirmus in tua sciéntia frater, propter quem Christus mórtuus est? Sic autem peccántes in fratres, et percutiéntes consciéntiam eórum infirmam, in Christum peccátis.

R. iij. A dextris est mihi Dóminus, ne commóvear : \* Propter hoc dilatátum est cor meum, Et exsultávit lingua mea. V. Consérva me Dómine, quóniam in te sperávi : dixi Dómino : Deus meus es tu. — Propter hoc. Glória. Et exsultávit.

## IN II. NOCTURNO.

Jube domne benedicere. Benedictio. Deus Pater omnipotens sit nobis propitius et clemens. R. Amen.

Sermo sancti Joánnis

Chrysóstomi.

(Ex præf. in Epist. D. Pauli.)

Lectio iv.

BEATI Pauli Epistolárum lectiónem dum assidue ausculto, perque hebdomadas singulas bis sæpe, et ter, et quater, quotiescúmque sanctorum Mártirum memórias celebrámus; gáudio exsulto, et excitor, ac tuba illa spirituáli pérfruens, desidério incalésco, vocem mihi amicam agnóscens, et fere præséntem ipsum intuéri, et disseréntem audire videor. Sed tamen dóleo, et moléste fero, quod virum hunc non omnes, sicut par est, cognóscunt.

R. iv. Notas mihi fecísti Dómine vias vitæ, adimplébis me lætítia cum vultu tuo : \* Delectatiónes in dextera tua usque in finem. V. Tu es Dómine, qui restitues hereditátem meam mihi. — Delectatiónes.

Jube domne benedicere. Benedictio. Ad gáudia Paradisi perdúcat nos misericórdia Christi. R. Amen.

Lectio v.

VERUM ita illum nonnulli ignórant, ut ne Epistolárum quidem ejus númerum plane sciant. Hoc vero non imperítia facit : sed quod nolint beáti hujus viri scripta assidue in má nibus habere. Neque enim nos, quæ scimus, si quid scimus, ab ingénii bonitáte atque acúmине scimus :

sed quod erga hunc virum impense affecti, ab illius lectione nunquam discédimus : siquidem qui amant, ii plus quam ceteri omnes eorum facta norunt, quos amant, ut qui de iis ipsis sint solliciti.

R. v. Diligam te Dómine virtus mea : \* Dóminus firmamentum meum, et refúgium meum. V. Laudans invocábo Dóminum : et ab inimicis meis salvus ero. — Dóminus.

Jube domne benedicere. Benedictio. Ignem sui amoris accendat Deus in córdibus nostris. R. Amen.

#### Lectio vj.

**I**D quod beátus hic véluti osténdens, ad Philippenses ait : Sicut est mihi justum, ut hoc de vobis ómnibus sentiam, eo quod hábeam vos in corde, et in vinculis meis, et in defensione et confirmatióne Evangélii. Quapropter, si et vos quoque hujus lectioni diligenter attendere volueritis, nihil aliud vobis erit requiréndum. Verax est enim Christi sermo dicentis : Querite, et inveniétis : pulsáte, et aperiétur vobis.

R. vj. Dómini est terra, et plenitúdo ejus : \* Orbis terrarum, et universi, Qui hábitant in eo. V. In manu ejus sunt omnes fines terræ : et altitudines móntium ipsius sunt. — Orbis terrarum. Glória. Qui hábitant in eo.

#### IN III. NOCTURNO.

Jube domne benedicere.

† Si non sequitur Homilia, Benedictio. Ille nos benedícat, qui sine fine vivit et regnat. R. Amen.

† Si autem sequatur Homilia, sicut modo, Benedictio. Evangelica lectio sit nobis salus et protectio. R. Amen. Postea dicatur :

Lectio sancti Evangélii secundum Joánnem.

† Verba Lectio sancti Evangélii secundum N. dicantur semper prius quam incipiatur Evangelium ante Homiliam, nisi aliter signetur.

#### Lectio vij.

Cap. 2.

**I**N illo témpore : Nuptiæ factæ sunt in Cana Galilææ : et erat Mater Jesu ibi. Vocátus est autem et Jesus, et discipuli ejus ad nuptias. Et reliqua.

Homilia sancti Augustini Episcopi.

(Tract. 9. in Joan. post init.)

**Q**UOD Dóminus invitátus venit ad nuptias, étiam excépta mystica significatióne, confirmáre voluit quod ipse fecit nuptias. Futuri enim erant, de quibus dixit Apóstolus, prohibentes núbere, et dicentes quod malæ essent nuptiæ, et quod diábolus eas fecisset : cum idem Dóminus dicat in Evangélio, interrogátus utrum liceat hómini dimittere uxórem suam ex quálíbet causa, non licére, excépta causa fornicatiónis.

R. vij. Ad te Dómine levávi animam meam : \* Deus meus in te confido, non erubescam. V. Neque irrideant me inimici mei : etenim universi, qui sustinent te, non confundéntur. — Deus meus.

Jube domne benedicere. Benedictio. Divinum auxilium máneat semper nobiscum. R. Amen.



## Lectio viij.

**I**N qua responsiōne, si meminitis, hoc ait : Quod Deus conjūxit, homo non séparet. Et qui bene eruditi sunt in fide cathólica, novérunt quod Deus, fécerit nūptias : et sicut conjunctio a Deo, ita divórtium a diabolo sit. Sed propterea in causa fornicatiōnis licet uxórem dimittere; quia ipsa esse uxor prior nóluit, quæ fidem conjugálem marito non servávit.

℟. viij. Audiam Dómine vocem laudis tuæ, \* Ut enárrem univérsa mirabilia tua. ℣. Dómine diléxi decórem domus tuæ, et locum habitatiōnis glóriæ tuæ. — Ut enárrem.

Jube domne benedicere. Benedictio. Ad societátem civium supernórum perdúcat nos Rex angelórum. ℟. Amen.

## Lectio ix.

**N**EC illæ, quæ virginitátem Deo vovent, quamquam ampliorem gradum honoris et sanctitátis in Ecclésia téneant, sine nūptiis sunt : nam et ipsæ pértinent ad nūptias cum tota Ecclésia, in quibus nūptiis sponsus est Christus. Ac per hoc ergo Dóminus invitátus venit ad nūptias, ut conjugális cástitas firmarétur, et ostenderétur sacraméntum nuptiárum.

℟. ix. Abscōndi tamquam aurum peccáta mea, et celávi in sinu meo iniquitátem meam : \* Miserére mei Deus, Secundum magnam misericórdiam tuam. ℣. Quóniam iniquitátem meam ego agnóscō, et delictum meum coram me est semper : tibi soli peccávi. — Miserére. Glória. Secundum magnam.

† Postquam præcedens Historia Dómine ne in ira, semel in aliqua Dominica recitata fuerit : in reliquis Dominicis post Octavam Epiphaniæ, loci noni Responsorii Abscōndi, dicatur sequens Responsorium de Trinitate, quando de Dominica agitur :

℟. ix. Honor, virtus, et potestas, et impérium sit Trinitáti in Unitáte, Unitáti in Trinitáte, \* In perénni sæculórum témpore. ℣. Trinitáti lux perénnis, Unitáti sit decus pèrpetim. — In perénni. Glória. In perénni.

Deinde dicatur Canticum Te Deum., pag. 16., quod dicendum erit omnibus Dominicis, præterquam in Adventu et a Septuagesima usque ad Pascha exclusive, quando fit Officium de Dominica.

Ante Laudes ℣. Excélsus super omnes gentes Dóminus. ℟. Et super cælos glória ejus.

† Prædictus ℣. dicatur ante Laudes Dominicis diebus usque ad Quadragesimam exclusive, et a Dominica j. post Octavam Trinitatis usque ad Adventum exclusive, quando de Dominica agitur.

## AD LAUDES.

Super Psalmos sola Añ. Regnávít Dóminus præcinctus fortitúdine cum decóre virtutum : cujus sedes paráta est in ætérnum.

† Hæc Añ. Regnávít Dóminus, sola dicatur in Laudibus super Psalmos usque ad Septuagesimam exclusive, et in Dominica j. post Octavam Trinitatis ac deinceps usque ad Adventum exclusive, quando de Dominica agitur.

† Aliis Temporibus (exceptis quatuor Dominicis post Octavam Paschæ) dicantur in Laudibus Dominicæ super Psalmos quinque Antiphonæ. Idem fiat in Festis Simplicibus ac supra, et in diebus Octavis Simplicibus ac supra.

† In Dominicis vero Adventus, et in prædictis Festis aut diebus Octavis Simplicibus ac supra, ad Primam dicatur Antiphona prima Laudum, ad Tertiam secunda, ad Sextam tertia, ad Nonam quinta (prætermissa quarta).

Psalmus Dóminus regnávít. cum ceteris, ut in Psalterio, pag. 17.

† Psalmus Dóminus regnávít., Psalmus Jubiláte., Psalmus Deus misereátur nostri. et Psalmus Laudáte Dóminum in sanctis ejus. terminentur cum V. Glória Patri. Post reliquos vero Psalmos Laudum et post Canticum Benedícite. V. Glória Patri. non dicatur.

† Quando prædicti Psalmi, quando vero alii in Laudibus dicendi sint, in Psalterio, pag. 17. et alibi passim suis locis notatum est.

Capitulum. Apoc. 7.

**B**ENEDICTIO, et cláritas, et sapiéntia, et gratiárum áctio, honor, virtus, et fortitúdo Deo nostro in sæcula sæculórum, amen. R. Deo grátias.

† Hoc Capitulum Benedictio. dicatur omnibus Dominicis ab Octava die Epiphaniæ usque ad Quadragesimam exclusive, et a Dominica j. post Octavam Trinitatis usque ad Adventum exclusive, quando de Dominica agitur.

Hymnus Ecce jam noctis., pag. 21.

V. Dóminus regnávít. R. Decórem induit.

† Hic V. in Dominicis dicatur ad Laudes usque ad Septuagesimam exclusive, et in Dominica j. post Octavam Trinitatis ac deinceps in Dominicis usque ad Adventum exclusive, quando de Dominica agitur.

Post V. statim sequitur Canticum Benedictus., pag. 23. quod per totum annum quotidie dicitur in Laudibus, moxque subjungitur

Ad Benedictus Añ. Núptiæ factæ sunt in Cana Galilææ : et erat ibi Jesus cum María matre ejus.

Oratio.

**O**MNIPOTENS sempitérne Deus, qui cæléstia simul et terréna moderáris : supplicatiónes pópuli tui cleménter exáudi, et pacem tuam nostris concéde temporibus. Per.

† In omnibus Dominicis per totum annum, quando de simplici Dominica agitur, fiat Memoria de B. María Virgine in Laudibus, ut in Psalterio, pag. 23. notatum est; exceptis Dominicis infra Octavas Simplicis ejusdem beatæ Virginis, in quibus Antiphona, V. et Oratio sunt de Octava.

AD PRETIOSA.

Postea legatur Lectio de Martyrologio; qua finita, et responso Deo grátias, dicatur Pretiósá., ut pag. 25. notatum est, præter hic posita.

Evangelium.

Secúndum Joánnem. Cap. 2.

**I**N illo témpore : Núptiæ factæ sunt in Cana Galilææ :

et erat Mater Jesu ibi. Vocatus est autem et Jesus, et discipuli ejus ad nuptias. Tu autem Domine miserere nostri. R. Deo gratias.

† De Evangelio occurrente legendum est omnibus diebus Dominicis, et festis Simplicibus et supra, et in die Octava Octavæ Simplicis, non vero infra Octavam Simplicem. Item in Vigilia Nativitatis Domini, Evangelium de Vigilia legatur, sive fuerit Dominica, sive non. Item Feria iv. in Capite Jejunii, et Feria v. in Cena Domini. Item in Vigilia Paschæ, et Pentecostes, et quotidie infra Octavas Solemnes, et Solemnissimas. Item in Commemoratione omnium Fidelium Defunctorum. Et in omni prædicto tempore semper legatur de Evangelio festi, nisi aliquando occurrat legi Hom. alterius Evangelii quam festi, de quo agitur: tunc enim in Pretiosa legetur illud Evangelium quod lectum est in Matutinis. Ceteris vero diebus legendum est de Constitutionibus.

† Quando Matutinæ cum Laudibus in sero dicuntur, tunc Pretiosa. reservetur in crastinum, et dicatur immediate post Primam.

#### AD PRIMAM.

Dicto secreto Pater noster. et Credo in Deum., inchoatur X. Deus in adiutorium. etc.

† Et sic ad alias Horas diei, nisi quod Credo in Deum. aliis Horis non præmittitur.

Hymnus Jam lucis orto sidere., pag. 27.

† Prædictus Hymnus dicatur per totum annum ad Primam, nisi in Cena Domini, et deinceps usque ad Dominicam in Albis exclusive, et nisi in die Animarum.

Psalmus 53. Deus in nomine tuo. pag. 28. Psalmus 118. Beati immaculati., Retribue servo tuo. ibidem, Symbolum Quicumque. pag. 29.

† Psalmi isti, et sequentium Horarum, semper dicantur cum Glória Patri. nisi aliter signetur. Similiter Symbolum Quicumque. cum Glória Patri. dicatur in festo Trinitatis et in omni Dominica, nisi festum Totum Duplex in ea evenierit.

† Prædictis autem Psalmis in Septuagesima et deinceps in Dominicis usque ad Ramos palmarum inclusive, adduntur alii, secundum quod in Psalterio, pag. 33. sunt notati; post quos Glória Patri. respective dicitur vel omittitur ut ibidem est signatum.

Añā. Glória tibi Trinitas, pag. 30.

Capitulum. 1. Tim. 1. REGI sæculorum immortalī, et invisibili, soli Deo honor, et glória in sæcula sæculorum. Amen.

R. Jesu Christe Fili Dei vivi, \* Miserere nobis. Jesu. X. Qui sedes ad dexteram Patris. Miserere. Glória Patri. Jesu Christe.

Y. Exsurgē Domine, adjuva nos. R. Et libera nos propter nomen tuum.

† Capitulum Regi sæculorum. dicatur ad Primam omnibus Dominicis et festis etiam trium Lectionum et per omnes Octavas, et in Officiis votivis,



nisi in Cena Domini, et deinceps usque ad Dominicam in Albis exclusive, et in die Animarum, in quibus nullum Capitulum dicitur.

† R. Jesu Christe, semper dicatur, nisi a Dominica in Passione et deinceps usque ad Dominicam in Albis exclusive quando de Tempore agitur, et nisi in die Animarum. V. Qui sedes. semper dicitur, nisi alius V. sit notatus.

† V. Exsúrge. semper dicatur, nisi in die Cenæ, et deinceps usque ad Dominicam in Albis exclusive, et nisi in die Animarum.

Deinde dicitur Confíteor. et Misereátur., sicut supra pag. 148. de Completorio dictum est.

† Confíteor. in Prima semper dicatur, nisi in Triduo ante Pascha.

Deinde dicatur : Dóminus vobiscum. Oratio.

**I**n hac hora hujus diéi tua nos Dómine reple misericórdia; ut per totum diem exultantes, in tuis laudibus júgiter delectémur. Per Dóminum nostrum Jesum Christum Fílium tuum; qui tecum vivit.

Dóminus vobiscum. R. Et cum spiritu tuo.

Benedicámus Dómino. R. Deo grátias.

† Oratio In hac hora. semper dicatur, quando dicitur Capitulum Regi sæculórum immortalí. Dicatur etiam quatuor diebus ultimis in hebdomada Paschæ.

† Ad Tertiam autem, Sextam et Nonam dicatur Oratio Dominicæ, quando de Dominica agitur.

### AD TERTIAM.

Hymnus Nunc sancte nobis Spíritus., pag. 37.

Ps. Legem pone., Memor esto., Bonitatem fecisti., ibidem.

Añā Laus., pag. 39.

Capitulum Deus caritas est., R. Inclína. et V. Adjútor meus esto., ibidem.

### AD SEXTAM.

Hymnus Rector potens verax Deus., pag. 40.

Ps. Defécit., Quómodo., Iniquos., ibidem.

Añā Glória laudis., pag. 42.

Capitulum Grátia Dómini nostri., R. In ætérnum Dómine., V. Dóminus regit me., ibidem.

### AD NONAM.

Hymnus Rerum Deus tenax vigor., pag. 43.

Ps. Mirabilia., Clamávi., Príncipes., ibidem.

Añā Ex quo ómnia., pag. 45.

Capitulum Tres sunt., ibidem; R. Clamávi. et V. Ab occúltis., pag. 46.

† Prædicti tres Hymni ad Tertiam, Sextam et Nonam semper dicantur, nisi in Cena Domini et deinceps usque ad Dominicam in Albis exclusive; et nisi quod in Hebdomada Pentecostes ad Tertiam, loco Hymni Nunc sancte nobis Spíritus., dicitur Hymnus Veni creátor Spíritus.; et præterquam in die Animarum. Psalmi vero semper dicantur. Antiphona Glória tibi Trinitas. ad Primam, et tres suprapositæ ad Tertiam, Sextam et Nonam dicantur omnibus Dominicis usque ad Septuagesimam exclusive, et in Dominica j.

post Octavam Trinitatis ac deinceps in Dominicis usque ad Adventum exclusive, quando de Dominica agitur. Tria autem præcedentia Capitula ad Tertiam, Sextam et Nonam dicantur in Dominicis usque ad Dominicam j. Quadragesimæ exclusive, et in Dominica j. post Octavam Trinitatis ac deinceps in Dominicis usque ad Adventum exclusive, quando de Dominica agitur. Responsoria autem Horarum dicantur in Dominicis usque ad Septuagesimam exclusive, et in Dominica j. post Octavam Trinitatis ac deinceps in Dominicis usque ad Adventum exclusive, quando de Dominica agitur. Versiculi autem (videlicet Adjutor meus esto, et ceteri) dicantur in Dominicis et Feriis quando de Tempore agitur usque ad j. Dominicam in Quadragesima exclusive. Dicantur etiam in Dominica j. post Octavam Trinitatis, et deinceps omnibus Dominicis et Feriis usque ad Adventum exclusive, quando de Tempore agitur.

#### AD VESPERAS.

Psalmi et Antiphonæ ut in Psalterio, pag. 125. et pag. 126. scilicet : Añā Dixit Dóminus., Psalmus idem; Añā Fidélia., Psalmus Confitebor.; Añā In mandátis., Psalmus Beátus vir.; Añā Sit nomen., Psalmus Laudáte púeri.; Añā Nos qui vivimus., Psalmus In éxitu Israel.

Capitulum Dóminus dirigat., Hymnus Lucis Creátor óptime. et V. Dirigátur., pag. 127.

† Prædicti Psalmi dicantur omnibus Dominicis in Vesperis, quando de simplici Dominica agitur; Antiphonæ vero super Psalmos dicantur in Dominicis usque ad Dominicam in Ramis inclusive, et in Dominica j. post Octavam Trinitatis ac deinceps usque ad Vigiliam Nativitatis Domini, quando de simplici Dominica agitur.

† In festis vero Simplicibus et supra, tam de Tempore quam de Sanctis, dicenda est in ij. Vesperis super Psalmos sola Antiphona j. Laudum, nisi aliter notetur.

† Capitulum Dóminus dirigat. dicatur omnibus Dominicis in ij. Vesperis, et per Ferias, quando de Tempore agitur, usque ad diem Cinerum exclusive. Dicatur etiam in Dominica j. post Octavam Trinitatis ac deinceps usque ad Adventum exclusive omnibus Dominicis in ij. Vesperis et per Ferias, quando de Tempore agitur.

† Hymnus Lucis Creátor óptime., et V. Dirigátur. dicantur omnibus Dominicis in ij. Vesperis et per Ferias, quando de Tempore agitur, usque ad Vesperas Sabbati ante j. Dominicam Quadragesimæ exclusive. Dicantur etiam Dominica j. post Octavam Trinitatis et deinceps usque ad Adventum exclusive omnibus Dominicis in ij. Vesperis et per Ferias, quando de Tempore agitur.

Ad Magnificat Añā. Deficiente vino, jussit Jesus impleri hydrias aqua, quæ in vinum conversa est, alleluia.

## Oratio.

**O**MNIPOTENS, sempitérne Deus, qui cæléstia simul et terréna moderáris : supplicatiónes pópuli tui cleménter exáudi, et pacem tuam nostris concéde temporibus. Per.

† In omnibus Dominicis per totum annum, quando de simplici Dominica agitur, fiat Memoria de B. Maria V. in ij. Vesperis, ut in Psalterio pag. 130. notatum est; exceptis Dominicis infra Octavas Simplicis ejusdem B. Virginis, in quibus Antiphona, ƿ. et Oratio sunt de Octava.

## AD COMPLETORIUM.

Omnia solito more dicantur; sed post Añam ad Nunc dimittis in Dominicis non dicantur Preces.

## AD LITANIAS SANCTORUM.

De tempore et modo quo in Choro post Completorium dicendæ sunt Litanie Sanctorum dictum est in Rubricis generalibus § xxxviii.

Litanie vero, cum Psalmo Deus in adiutorium. ante ipsas dicendo, ponuntur pag. 156.

## FERIA SECUNDA.

## AD MATUTINUM.

Invitatorium, Psalmi, Antiphonæ et ƿ. ut in Psalterio, pag. 47.

De Epístola prima ad Corinthios.

Lectio j. Cap. 9.

**N**ESCITIS quod ii, qui in stádio currunt, omnes quidem currunt, sed unus accipit bravium? Sic currite ut comprehendátis. Omnis autem, qui in agóne contendit, ab ómni-

bus se abstinet, et illi quidem ut corruptibilem coronam accipiant : nos autem incorruptam. Ego igitur sic curro, non quasi in incertum : sic pugno, non quasi ærem verberans : sed castigo corpus meum, et in servitutem redigo : ne forte cum aliis prædicaverim, ipse reprobus efficiar.

ƿ. j. Quam magnam multitudinem dulcedinis tuæ Dómine, \* Quam abscondisti timéntibus te! ƿ. Et perfecisti eis, qui sperant in te Dómine, in conspectu filiorum hominum. — Quam abscondisti.

Lectio ij.

Cap. 10.

**N**OLO enim vos ignorare fratres quóniam patres nostri omnes sub nube fuérunt, et omnes mare transierunt, et omnes in Móyse baptizati sunt in nube, et in mari : et omnes eándem escam spiritálem manducavérunt, et omnes eúndem potum spiritálem bibérunt : (bibébant autem de spiritali, consequente eos, petra : petra autem erat Christus) sed non in plúribus eórum beneplácitum est Deo : nam prostrati sunt in deserto.

ƿ. ij. Benedicam Dóminum in omni tempore : \* Semper laus ejus in ore meo. ƿ. In Dómino laudábitur ánima mea : audiant mansueti, et læténtur. — Semper.

Lectio iij.

**H**ÆC autem in figura facta sunt nostri, ut non simus concupiscéntes malórum, sicut et illi concupiérunt : neque idolólatræ efficiámini, sicut quidam ex ipsis : quemádmódum scriptum est : Sedit pópulus



manducare, et bibere, et sur-  
rexerunt ludere. Neque for-  
nicemur, sicut quidam ex ipsis  
fornicati sunt : et ceciderunt  
una die viginti tria millia.

R. iij. Delectare in Domino :  
\* Et dabit tibi petitiones cordis  
tui. V. Spera in Domino, et fac  
bonitatem : et inhábita terram,  
et pascéris in divitiis ejus. —  
Et dabit. Glória. Et dabit.

Ante Laudes V. Fiat miseri-  
córdia tua Domine super nos.  
R. Quemádmódum sperávimus  
in te.

#### AD LAUDES.

Psalmi et Antiphonæ ut in  
Psalterio, pag. 57.

Capitulum. Rom. 13.

**N**ox præcëssit, dies autem  
appropinquávit. Abjiciá-  
mus ergo ópera tenebrarum,  
et induámur arma lucis. Sicut  
in die honeste ambulémus.

V. In matutinis Domine me-  
ditábor in te. R. Quia fuísti  
adjutor meus.

† Capitulum Nox præcëssit.  
dicatur quoties de Feria agitur,  
usque ad Feriam iv. Cinerum  
exclusive; V. autem In matu-  
tinis, usque ad Sabbatum post  
Cineres inclusive.

Ad Benedictus Añā. Bene-  
dictus Dominus Deus Israel.

Dicta hac Añā, subjungatur  
Kyrie eléison. Christe eléison.  
Kyrie eléison. Pater noster. Et  
ne nos. Dominus vobiscum.  
Deinde Oratio.

† Hoc modo dicantur Preces  
ad Laudes, Tertiam, Sextam  
et Nonam et ad Vesperas cum  
de Feria agitur, fiuntque pro-  
strationes : nisi in Parasceve  
et Sabbato sancto.

Dicatur postea Pretiósā,

prout in Dominica dictum est,  
excepto quod dicto Jube dom-  
ne. datur Benedictio : Regulá-  
ribus disciplinis instruat nos  
Magister cæléstis. R. Amen.

Et loco Lectionis de Evange-  
lio legendum est de Constitu-  
tionibus, hoc modo :

LECTIO.

Prolog.

**Q**UONIAM ex præcepto Ré-  
gulæ jubémur habere cor  
unum, et animam unam in Dó-  
mino : justum est ut qui sub  
una Régula, et unius profes-  
sionis voto vivimus, uniformes  
in observantiis canónicæ Reli-  
gionis inveniámur. Tu autem.

#### AD HORAS.

Hymni, Psalmi, Antiphonæ,  
Capitula, R. R. et V. V. ut in  
Psalterio.

#### AD VESPERAS.

Psalmi, Antiphonæ etc. ut in  
Psalterio, pag. 130.

#### AD DISCIPLINAS.

Absoluto Completorio, et ter-  
minatis Orationibus post Lita-  
nias Sanctorum, si illa die fit de  
Feria, fratres prostrati dicant,  
Confiteor Deo. etc. et Heb-  
domadarius subjungat : Mi-  
sereátur vestri. etc. responso-  
que Amen. dicatur Psalmus 50.  
Miserére mei. pag. 57. Qui  
dum dicitur, detur fratribus  
ab Hebdomadario disciplina,  
quam etiam a Præfato ipse  
postea recipiet.

Deinde Kyrie eléison. Christe  
eléison. Kyrie eléison. Pater  
noster. Et ne nos inducas, etc.  
V. Salvos fac servos tuos.  
R. Deus meus sperantes in te.  
Dominus vobiscum. R. Et  
cum spiritu tuo.

Orémus.

Oratio.

**D**EUS, cui proprium est misereri semper, et parcere, suscipe deprecationem nostram : ut quos delictorum catena constringit, miseratio tue pietatis clementer absolvat. Per Christum Dominum nostrum. R. Amen.

## FERIA TERTIA.

## AD MATUTINUM.

Invitatorium, Psalmi, Antiphonæ et V. ut in Psalterio, pag. 61.

De Epistola prima ad Corinthios.

Lectio j.

Cap. 10.

**C**ARISSIMI mihi, fugite ab idololorum cultura : ut prudentibus loquor, vos ipsi iudicete quod dico. Calix benedictionis, cui benedicimus, nonne communicatio sanguinis Christi est? et panis, quem frangimus, nonne participatio corporis Domini est? Quoniam unus panis, unum corpus multi sumus, omnes, qui de uno pane participamus. Videte Israel secundum carnem : nonne qui edunt hostias, participes sunt altaris?

R. j. Auribus percipe Domine lacrimas meas : ne sileas a me, remitte mihi : \* Quoniam incola ego sum apud te, et peregrinus. V. Dixi : Custodiam vias meas : ut non delinquam in lingua mea. — Quoniam.

Lectio ij.

**Q**UID ergo? dico quod idolis immolatum sit aliquid? aut quod idolum sit aliquid? Sed quæ immolant gentes,

dæmoniis immolant, et non Deo. Nolo autem vos socios fieri dæmoniorum : non potestis calicem Domini bibere, et calicem dæmoniorum : non potestis mensæ Domini participes esse, et mensæ dæmoniorum. An æmulamur Dominum? Numquid fortiores illo sumus?

R. ij. Státuit Dominus super petram pedes meos : et diréxit gressus meos Deus meus : \* Et immisit in os meum canticum novum. V. Exspectans expectavi Dominum, et respexit me. — Et immisit.

Lectio iij.

**O**MNIA mihi licent, sed non omnia expediunt. Omnia mihi licent, sed non omnia ædificant. Nemo quod suum est quaerat, sed quod alterius. Omne, quod in macello venit, manducate, nihil interrogantes propter conscientiam. Domini est terra, et plenitudo ejus. Si quis vocat vos infidelium, et vultis ire : omne, quod vobis apponitur, manducate, nihil interrogantes propter conscientiam.

R. iij. Ego dixi : Domine miserere mei : \* Sana animam meam, quia peccavi tibi. V. Domine ne in ira tua arguas me, neque in furore tuo corripas me. — Sana. Glória Patri. Sana.

## AD LAUDES.

Psalmi et Antiphonæ ut in Psalterio, pag. 69.

## AD VESPERAS.

Psalmi et Antiphonæ ut in Psalterio, pag. 133.

## FERIA QUARTA.

## AD MATUTINUM.

Invitatorium, Psalmi, Antiphonæ, et V. ut in Psalterio, pag. 73.

De Epistola prima ad Corinthios.

Lectio j.

Cap. 11.

**I**MITATORES mei estote, sicut et ego Christi. Laudo autem vos fratres quod per omnia mei memores estis : et sicut tradidi vobis, præcepta mea tenetis. Volo autem vos scire quod omnis viri caput, Christus est : caput autem mulieris, vir : caput vero Christi, Deus. Omnis vir orans, aut prophetans velato capite, deturpat caput suum. Omnis autem mulier orans, aut prophetans non velato capite, deturpat caput suum : unum enim est ac si decalvetur.

R. j. Ne perdidideris me, Domine, cum iniquitatibus meis : \* Neque in finem iratus reserves mala mea. V. Miserere mei Deus, miserere mei : quoniam in te confidit anima mea. — Neque.

Lectio ij.

**N**AM si non velatur mulier, tondeatur. Si vero turpe est mulieri tondèri, aut decalvari, velet caput suum. Vir quidem non debet velare caput suum : quoniam imago et gloria Dei est, mulier autem gloria viri est. Non enim vir ex muliere est, sed mulier ex viro. Etenim non est creatus vir propter mulierem, sed mulier propter virum. Ideo debet mulier potestatem habere supra caput propter Angelos.

R. ij. Paratum cor meum Deus, paratum cor meum : \* Cantabo, et psalmum dicam Domino. V. Exsurge gloria mea, exsurge psalterium et cithara : exurgam diluculo. — Cantabo.

Lectio iij.

**V**ERUNTAMEN neque vir sine muliere : neque mulier sine viro in Domino. Nam sicut mulier de viro, ita et vir per mulierem : omnia autem ex Deo. Vos ipsi judicate : decet mulierem non velatum orare Deum? Nec ipsa natura docet vos, quod vir quidem si comam nutriat, ignominia est illi : mulier vero si comam nutriat, gloria est illi : quoniam capilli pro velamine ei dati sunt.

R. iij. Adjutor meus tibi psallam, quia Deus susceptor meus es : \* Deus meus misericordia mea. V. Eripe me de inimicis meis Deus meus : et ab insurgentibus in me libera me. — Deus. Gloria. Deus.

## AD LAUDES.

Psalmi et Antiphonæ ut in Psalterio, pag. 81.

## AD VESPERAS.

Psalmi et Antiphonæ ut in Psalterio, pag. 134.

## FERIA QUINTA.

## AD MATUTINUM.

Invitatorium, Psalmi, Antiphonæ et V. ut in Psalterio, pag. 85.

De Epistola prima ad Corinthios.

Lectio j.

Cap. 12.

**D**E spirituálibus autem, nolo vos ignorare fratres. Scitis quoniam cum gentes essetis,



ad simulácula muta, prout ducebámini, eúntes. Ideo notum vobis fáció, quod nemo in Spíritu Dei loquens, dicit anáthema Jesu. Et nemo potest dicere, Dóminus Jesus, nisi in Spíritu sancto. Divisiónes vero gratiarum sunt, idem autem Spíritus : et divisiónes ministratiónum sunt, idem autem Dóminus.

R. j. Deus in te sperávi, Dómine non confundar in ætérnum : in tua justitia \* Libera me, et éripe me. V. Esto mihi in Deum protectórem, et in locum munitum : ut salvum me fácias. — Libera.

Lectio ij.

UNICUIQUE autem datur manifestatió Spíritus ad utilitatem. Alii quidem per Spíritum datur sermo sapiéntiæ : álii autem sermo sciéntiæ secúndum eúmdem Spíritum : álii fides in eódem Spíritu : álii grátia sanitátum in uno Spíritu : álii operatió virtútum, álii prophetia, álii discrétio spírituum, álii génera linguárum, álii interpretatió sermónum.

R. ij. Repleátur os meum laude, ut hymnum dicam glóriæ tuæ, tota die magnificéntiæ tuæ. Noli me projicere in témpore senectútis : cum defecerit virtus mea, \* Deus ne derelinquas me. V. Deus ne elongéris a me : Deus meus in auxilium meum respice. — Deus.

Lectio iij.

HÆC autem omnia operátur unus atque idem Spíritus, dividens singulis prout vult. Sicut enim corpus unum est, et membra habet multa, omnia autem membra córporis cum sint multa, unum tamen

corpus sunt : ita et Christus. Etenim in uno Spíritu omnes nos in unum corpus baptizáti sumus, sive Judæi, sive Gentiles, sive servi, sive liberi : et omnes in uno Spíritu potáti sumus.

R. iij. Gaudébunt lábia mea dum cantávero tibi : \* Et ánima mea, quam redemisti Dómine. V. Sed et lingua mea meditábitur justítiam tuam, tota die laudem tuam. — Et ánima. Glória Patri. Et ánima.

AD LAUDES.

Psalmi et Antiphonæ ut in Psalterio, pag. 96.

AD VESPERAS.

Psalmi et Antiphonæ ut in Psalterio, pag. 135.

FERIA SEXTA.

AD MATUTINUM.

Invitatorium, Psalmi, Antiphonæ et V. ut in Psalterio, pag. 98.

De Epístola prima ad Corinthios.

Lectio j. Cap. 13.

Si linguis hóminum loquar, et Angelórum, caritatem autem non hábeam, factus sum velut æs sonans, aut cymbalum tinniens. Et si habúero prophetiam, et nóverim mystéria ómnia, et omnem sciéntiam : et si habúero omnem fidem ita ut montes transférám, caritatem autem non habúero, nihil sum. Et si distribúero in cibos páuperum omnes facultates meas, et si tradidero corpus meum ita ut árdeam, caritatem autem non habúero, nihil mihi prodest.

Rz. j. Confitebor tibi Dómine Deus in toto corde meo, et honorificábo nomen tuum in ætérnum : \* Quia misericórdia tua, Dómine, magna est super me. *Ÿ.* Et eripuisti ánimam meam ex inférno inferióri. — Quia.

## Lectio ij.

**C**ARITAS pátiens est, benígna est : caritas non æmulátur, non agit pérperam, non inflátur, non est ambiitósa, non quærit quæ sua sunt, non irritátur, non cógitat malum, non gaudet super iniquitatē, congáudet autem veritatē : ómnia suffert, ómnia credit, ómnia sperat, ómnia sústinet. Caritas nunquam excidit : sive prophetiæ evacuabúntur, sive linguæ cessábunt, sive sciéntia destruétur.

Rz. ij. Misericórdia tua, Dómine, magna est super me : \* Et liberásti ánimam meam ex inférno inferióri. *Ÿ.* Deus, iniqui insurrexérunt in me, et fortes quæsiérunt ánimam meam. — Et.

## Lectio iij.

**E**x parte enim cognóscimus, et ex parte prophetámus. Cum autem vénerit quod perfectum est, evacuábitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus. Quando autem factus sum vir, evacuávi quæ erant párvuli. Vidémus nunc per spéculum in ænigmatē : tunc autem fácie ad fáciem.

Rz. iij. Factus est mihi Dóminus in refúgium : et Deus meus \* In auxilium spei meæ. *Ÿ.* Deus ultiónum Dóminus :

Deus ultiónum libere egit. — In. Glória Patri. In.

## AD LAUDES.

Psalmi et Antiphonæ ut in Psalterio, pag. 107.

## AD VESPERAS.

Psalmi et Antiphonæ ut in Psalterio, pag. 138.

## SABBATO.

## AD MATUTINUM.

Invitatorium, Psalmi, Antiphonæ et *Ÿ.* ut in Psalterio, pag. 110.

De Epístola prima ad Corinthios.

## Lectio j. Cap. 14.

**F**RATRES, Nolite pueri éssibus, sed malitia párvuli estóte : éssibus autem perfecti estóte. In lege scriptum est : Quóniam in aliis linguis et lábiis aliis loquar pópulo huic : et nec sic exáudient me, dicit Dóminus. Itaque linguæ in signum sunt non fidélibus, sed infidélibus : prophetiæ autem non infidélibus, sed fidélibus.

Rz. j. Misericórdiam et júdicium cantábo tibi Dómine : \* Psallam, et intélligam in via immaculáta, quando vénies ad me. *Ÿ.* Perambulábam in innocentia cordis mei, in médio domus meæ. — Psallam.

## Lectio ij.

**S**i ergo convéniat univérsa Ecclésia in unum, et omnes linguis loquántur, intrent autem idiótæ, aut infidéles : nonne dicent quod insanitis? Si autem omnes prophétent, intret autem quis infidélis, vel idióta, convincitur ab ómni-

bus, dijudicatur ab omnibus : occulta cordis ejus manifesta fiunt : et ita cadens in faciem adorabit Deum, pronuntians quod vere Deus in vobis sit.

R. ij. Domine exaudi orationem meam : et clamor meus ad te perveniat : \* Quia non spernis Deus preces pauperum. V. De profundis clamavi ad te Domine : Domine exaudi vocem meam. — Quia.

Lectio iij.

QUID ergo est, fratres? Cum convenitis, unusquisque vestrum psalmum habet, doctrinam habet, apocalypsim habet, linguam habet, interpretationem habet : omnia ad aedificationem fiant. Sive lingua quis loquitur, secundum duos, aut ut multum tres, et per partes, et unus interpretetur. Si autem non fuerit interpretes, taceat in ecclesia, sibi autem loquatur, et Deo.

R. iij. Velociter exaudi me, Domine : \* Quia defecerunt sicut fumus dies mei. V. Dies mei sicut umbra declinaverunt : et ego sicut foenum arui. — Quia. Gloria. Quia.

AD LAUDES.

Psalmi et Antiphonæ ut in Psalterio, pag. 121.

¶ Sciendum quod ordo præcedentis hebdomadæ de Invitatoriis, Antiphonis, Psalmis et Canticis, Capitulis, Versiculis et Horarum Responsoriis, ita servandus est quando de Feria agitur, videlicet : ut Invitoria dicantur ab Octava Epiphaniæ usque ad Dominicam in Passione, Capitula usque ad Feriam quartam in Capite jejunii exclusive, Versiculi, Anæ et Responsoria ad Horas usque

ad Dominicam j. Quadragesimæ; singula prædictorum quatuor a Dominica j. post Octavam Trinitatis usque ad Adventum. Item Antiphonæ et Psalmi de Nocturnis usque ad Cenam Domini exclusive, et a Dominica j. post Octavam Trinitatis usque ad Nativitatem Domini. Item Antiphonæ Laudum usque ad Ramos palmarum et a Dominica j. post Octavam Trinitatis usque ad feriam in qua incipiuntur Antiphonæ Laudum notatæ ante Vigiliam Nativitatis Domini exclusive. Item Psalmi et Cantica Laudum usque ad Sabbatum sanctum exclusive, et a Dominica j. post Octavam Trinitatis usque ad Vigiliam Nativitatis Domini exclusive. Item Antiphonæ ad Vesperas usque ad Cenam Domini exclusive, et a Dominica j. post Octavam Trinitatis usque ad Vigiliam Nativitatis Domini exclusive. Item Psalmi ad Vesperas usque ad Cenam Domini exclusive et a Sabbato in Albis usque ad Vigiliam Nativitatis Domini exclusive. Item Antiphonæ ad Benedictus et ad Magnificat dicantur usque ad Septuagesimam et ab Octava Trinitatis usque ad Adventum exclusive.

AD VESPERAS.

Psalmi, Antiphonæ, Hymnus et V. ut in Psalterio, pag. 141. et sequentibus.

Ad Magnificat Anæ. Peccata mea, Domine, sicut sagittæ infixæ sunt in me : sed antequam vulnera generent in me, sana me Domine medicamento poenitentiae Deus.



## Oratio.

**O**MINIPOTENS sempitérne Deus, infirmitatem nostram propitijs respice; atque ad protegendum nos dexteram tuæ majestatis extende. Per.

DOMINICA SECUNDA  
POST OCTAVAM EPIPHANIÆ.

## IN I. NOCTURNO.

De Epistola prima ad  
Corinthios.

## Lectio j. Cap. 15.

**N**OTUM autem vobis facio, fratres, Evangelium, quod prædicavi vobis, quod et accepistis, in quo et statis, per quod et salvamini : qua ratione prædicaverim vobis, si tenetis, nisi frustra credidistis. Tradidi enim vobis in primis quod et accépi : quoniam Christus mortuus est pro peccatis nostris secundum Scripturas : et quia sepultus est, et quia resurrexit tertia die secundum Scripturas : et quia visus est Cephæ, et post hoc undecim.

R. ex Dominica præcedenti.

## Lectio ij.

**D**EINDE visus est plus quam quingentis fratribus simul : ex quibus multi manent usque adhuc, quidam autem dormierunt : deinde visus est Jacobo, deinde Apóstolis omnibus : novissime autem omnium tamquam abortivo, visus est et mihi. Ego enim sum minimus Apostolorum, qui non sum dignus vocari Apóstolus, quoniam persecutus sum Ecclesiam Dei. Grátia autem Dei

sum id quod sum, et grátia ejus in me vácuá non fuit, sed abundantius illis omnibus laboravi : non ego autem, sed grátia Dei mecum.

## Lectio iij.

**S**IVE enim ego, sive illi : sic prædicamus, et sic credidistis. Si autem Christus prædicatur quod resurrexit a mortuis, quomodo quidam dicunt in vobis, quoniam resurrectio mortuorum non est? Si autem resurrectio mortuorum non est : neque Christus resurrexit. Si autem Christus non resurrexit, inánis est ergo prædicatio nostra, inánis est et fides vestra : invenimur autem et falsi testes Dei : quoniam testimonium diximus adversus Deum quod suscitaverit Christum, quem non suscitavit, si mortui non resurgunt.

## IN II. NOCTURNO.

De Epistola prima ad  
Corinthios.

## Lectio iv. Cap. 15.

**N**AM si mortui non resurgunt, neque Christus resurrexit. Quod si Christus non resurrexit, vana est fides vestra, adhuc enim estis in peccatis vestris. Ergo et qui dormierunt in Christo, perierunt. Si in hac vita tantum in Christo sperantes sumus, miserabiliiores sumus omnibus hominibus. Nunc autem Christus resurrexit a mortuis primitiæ dormientium, quoniam quidem per hominem mors, et per hominem resurrectio mortuorum.

## Lectio v.

**E**T sicut in Adam omnes moriuntur, ita et in Christo omnes vivificabuntur. Unus-

quisque autem in suo ordine, primitiæ Christus : deinde ii, qui sunt Christi, qui in adventu ejus crediderunt. Deinde finis : cum tradiderit regnum Deo et Patri, cum evacuaverit omnem principatum, et potestatem, et virtutem. Oportet autem illum regnare donec ponat omnes inimicos sub pedibus ejus. Novissima autem inimica destruentur mors.

## Lectio vj.

**O**MNIA enim subjecit sub pedibus ejus. Cum autem dicat : Omnia subiecta sunt ei, sine dubio præter eum, qui subjecit ei omnia. Cum autem subiecta fuerint illi omnia : tunc et ipse Filius subiectus erit ei, qui subjecit sibi omnia, ut sit Deus omnia in omnibus. Alioquin quid facient qui baptizantur pro mortuis, si omnino mortui non resurgunt? ut quid et baptizantur pro illis? Ut quid et nos periclitamur omni hora?

## IN III. NOCTURNO.

Lectio sancti Evangelii  
secundum Matthæum.

Lectio vij. Cap. 8.

**I**N illo tempore : Cum descendisset Jesus de monte, secutæ sunt cum turbæ multæ : et ecce leprosus veniens, adorabat eum. Et reliqua.

Homilia sancti Hierónymi  
Presbyteri.

(Lib. 1. Comment. in c. 8.  
Matth.)

**D**E monte Domino descendente, occurrunt turbæ : quia ad altiora ascendere non valuérunt. Et primus ei occurrat leprosus : necdum enim

poterat cum lepra tam multiplicem in monte Salvatoris audire sermonem. Et notandum, quod hic primus specialiter curatus sit : secundo, puer centurionis : tertio, socrus Petri febricius in Capharnaum : quarto loco, qui oblatus sunt ei a dæmónio vexati : quorum spiritus verbo ejiciebat, quando et omnes male habentes curavit.

## Lectio viij.

**E**T ecce leprosus veniens adorabat eum, dicens. Recte post prædicationem atque doctrinam, signi offertur occasio, ut per virtutem miraculi præteritus apud audientes sermo firmetur. Domine, si vis, potes me mundare. Qui voluntatem rogat, de virtute non dubitat. Et extendens Jesus manum, tetigit eum, dicens : Volo. Mundare. Extendente manum Domino, statim lepra fugit. Simulque considera, quam humilis, et sine jactantia responsio.

## Lectio ix.

**I**LLE dixerat, Si vis : Dominus respondit, Volo. Ille præmiserat, Potes me mundare : Dominus jungit, et dicit, Mundare. Non ergo, ut plerique Latinorum putant, jungendum est, et legendum, Volo mundare : sed separatum, ut primum dicat, Volo : deinde imperet, Mundare. Et ait illi Jesus : Vide, nemini dixeris. Et revêra quid erat necesse ut sermone jactaret, quod corpore præferêbat? Sed vade, ostende te sacerdoti. Mittit eum ad sacerdotem : primum propter humilitatem, ut sacerdotibus deferre honorem videatur.

Erat enim lege præceptum, ut qui mundati fuerant a lepra, offerrent mûnera sacerdotibus. Deinde, ut mundatum videntes lepròsum, aut crederent Salvatori, aut non crederent : si crederent, salvarèntur : si non crederent, inexcusabiles forent. Et simul, ne (quod in eo sæpissime criminabantur) legem videretur infringere.

Ad Benedictus Aña. Cum autem descendisset Jesus de monte, ecce lepròsus veniens adorabat eum dicens : Dòmine, si vis, potes me mundare. Et extendens manum, tetigit eum dicens : Volo. Mundare.

#### Oratio.

**O**MNIPOTENS sempitèrne Deus, infirmitatèr nostram propitiùs respice; atque ad protegendum nos dexteram tuæ majestatis extende. Per.

Ad Magnificat Aña. Dòmine, si vis, potes me mundare. Et ait Jesus : Volo. Mundare.

#### FERIA SECUNDA.

De Epistola prima ad Corinthios.

Lectio j. Cap. 16.

**D**E colléctis autem, quæ fiunt in sanctos, sicut ordinavi ecclesiis Galatiæ, ita et vos facite. Per unam sabbati unusquisque vestrum apud se sepônât, recòdèns quod ei bene placuerit : ut non, cum venero, tunc colléctæ fiant. Cum autem præsens fuero : quos probaveritis per epistolas, hos mittam perfèrre grâtiâ vestram in Jérusalem.

Quod si dignum fuerit ut et ego eam, mecum ibunt.

#### Lectio ij.

**V**ENIAM autem ad vos, cum Macedoniam pertransiero : nam Macedoniam pertransibo. Apud vos autem forsitan manébo, vel étiam hiemabo : ut vos me deducatis quocúmque iero. Nolo enim vos modo in tránsito videre, spero enim me aliquântulum témporis manere apud vos, si Dòminus permiserit. Permanébo autem Ephesi usque ad Pentecosten. Ostium enim mihi apértum est magnum, et évidens : et adversarii multi.

#### Lectio iij.

**S**i autem venerit Timótheus, videte ut sine timóre sit apud vos : opus enim Dòmini operatur, sicut et ego. Ne quis ergo illum spernat : deducite autem illum in pace, ut veniat ad me : exspecto enim illum cum fratribus. De Apóllo autem fratre vobis notum facio, quóniam multum rogavi eum ut veniret ad vos cum fratribus : et útique non fuit voluntas ut nunc veniret : veniet autem, cum ei vacuum fuerit.

#### FERIA TERTIA.

Incipit Epistola secúnda beati Pauli Apóstoli ad Corinthios.

Lectio j. Cap. i.

**P**AULUS Apóstolus Jesu Christi per voluntatèr Dei, et Timótheus frater, ecclesiæ Dei, quæ est Corinthi cum omnibus sanctis, qui sunt in universa Acháia. Grátia vobis, et pax a Deo Patre nostro, et Dòmi-



no Jesu Christo. Benedictus Deus et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra : ut possimus et ipsi consolári eos, qui in omni pressúra sunt, per exhortatióem, qua exhortámur et ipsi a Deo. Quóniam sicut abundant passiões Christi in nobis : ita et per Christum abundat consolatio nostra.

#### Lectio ij.

**S**IVE autem tribulamur pro vestra exhortatióne et salute, sive consolámur pro vestra consolatióne, sive exhortámur pro vestra exhortatióne et salute, quæ operátur tolerantiam earúmdem passiónum, quas et nos pátimur : ut spes nostra firma sit pro vobis : sciétes quod sicut sócii passiónum estis, sic éritis et consolatiónis.

#### Lectio iij.

**N**ON enim vólumus ignorare vos fratres de tribulatióne nostra, quæ facta est in Asia, quóniam supra modum graváti sumus supra virtutem, ita ut tæderet nos étiam vivere. Sed ipsi in nobismetipsis respónsum mortis habuimus, ut non simus fidétes in nobis, sed in Deo, qui súscitat mórtuos : qui de tantis periculis nos eripuit, et éruit : in quem sperámus quóniam et adhuc eripiet, adjuvántibus et vobis in oratióne pro nobis : ut ex multórum persónis, ejus quæ in nobis est donatiónis, per multos grátiae agántur pro nobis.

#### FERIA QUARTA.

##### De Epístola secúnda ad Corinthios.

#### Lectio j. Cap. 3.

**I**NCIPIMUS iterum nosmetipsos commendáre? aut numquid egémus (sicut quidam) commendatitiis epistolis ad vos, aut ex vobis? Epístola nostra vos estis, scripta in córdibus nostris, quæ scitur, et légitur ab ómnibus hominibus : manifestáti quod epístola estis Christi, ministráta a nobis, et scripta non atraménto, sed spiritu Dei vivi : non in tábulis lapideis, sed in tábulis cordis carnálibus.

#### Lectio ij.

**F**IDUCIAM autem talem habémus per Christum ad Deum : non quod sufficiétes simus cogitare áliquid a nobis, quasi ex nobis : sed sufficiéntia nostra ex Deo est : qui et idóneos nos fecit ministros novi testaménti : non littera, sed Spíritu : littera enim occidit, Spíritus autem vivificat. Quod si ministratio mortis litteris deformáta in lapidibus, fuit in glória, ita ut non possent inténdere filii Israel in faciém Móysi propter glóriam vultus ejus, quæ evacuátur : quómodo non magis ministratio Spíritus erit in glória?

#### Lectio iij.

**N**AM si ministratio damnatiónis glória est : multo magis abundat ministérium justitiæ in glória. Nam nec glorificátum est, quod cláruit in hac parte, propter excellentem glóriam. Si enim quod evacuátur, per glóriam est :

multo magis quod manet, in glória est. Habentes igitur talem spem, multa fiducia utimur : et non sicut Moyses ponebat velamen super faciem suam, ut non intenderent filii Israel in faciem ejus, quod evacuatur, sed obtusi sunt sensus eorum.

#### FERIA QUINTA.

De Epistola secunda ad Corinthios.

Lectio j. Cap. 5.

**S**CIMUS enim quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cælis. Nam et in hoc ingemiscimus, habitationem nostram, quæ de cælo est, superindui cupientes : si tamen vestiti, non nudi inveniamur. Nam et qui sumus in hoc tabernaculo, ingemiscimus gravati : eo quod nolumus exspoliari, sed supervestiri, ut absorbeatur quod mortale est, a vita.

Lectio ij.

**A**UDENTES igitur semper, scientes quoniam dum sumus in corpore, peregrinamur a Domino : (per fidem enim ambulamus, et non per speciem) audemus autem, et bonam voluntatem habemus magis peregrinari a corpore, et præsentem esse ad Dominum. Et ideo contendimus sive absentes, sive præsentem placere illi. Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.

Lectio iij.

**S**CIENTES ergo timorem Domini hominibus suademus, Deo autem manifesti sumus. Spero autem et in conscientiis vestris manifestos nos esse. Non iterum commendamus nos vobis, sed occasione damus vobis gloriandi pro nobis : ut habeatis ad eos, qui in facie gloriantur, et non in corde. Sive enim mente excedimus, Deo : sive sobrii sumus, vobis. Caritas enim Christi urget nos.

#### FERIA SEXTA.

De Epistola secunda ad Corinthios.

Lectio j. Cap. 7.

**H**AS ergo habentes promissiones carissimi, mundemus nos ab omni inquinamento carnis, et spiritus, perficientes sanctificationem in timore Dei. Capite nos. Neminem læsimus, neminem corrumpimus, neminem circumvenimus. Non ad condemnationem vestram dico : prædiximus enim quod in cordibus nostris estis ad commoriendum, et ad convivendum.

Lectio ij.

**M**ULTA mihi fiducia est apud vos, multa mihi gloriatio pro vobis, repletus sum consolatione, superabundo gaudio in omni tribulatione nostra. Nam et cum venissemus in Macedoniam, nullam requiem habuit caro nostra, sed omnem tribulationem passi sumus : foris pugnae, intus timores. Sed qui consolatur humiles, consolatus est nos Deus in adventu Titi.

## Lectio iij.

**N**ON solum autem in adventu ejus, sed etiam in consolatione, qua consolatus est in vobis, referens nobis vestrum desiderium, vestrum fletum, vestram æmulationem pro me, ita ut magis gauderem. Quoniam etsi contristavi vos in epistola, non me poenitet : et si poeniteret, videns quod epistola illa (etsi ad horam) vos contristavit, nunc gaudeo : non quia contristati estis, sed quia contristati estis ad poenitentiam.

## SABBATO.

De Epistola secunda ad Corinthios.

## Lectio j. Cap. 8.

**N**OTAM autem facimus vobis, fratres, gratiam Dei, quæ data est in ecclesiis Macedoniæ : quod in multo experimento tribulationis abundantia gaudii ipsorum fuit, et altissima paupertas eorum abundavit in divitiis simplicitatis eorum : quia secundum virtutem testimonium illis reddo, et supra virtutem voluntarii fuerunt, cum multa exhortatione obsecrantes nos gratiam, et communicationem ministerii, quod fit in sanctos.

## Lectio ij.

**E**T non sicut speravimus, sed semetipsos dedērunt primum Domino, deinde nobis per voluntatem Dei, ita ut rogarēmus Titum : ut quemadmodum cœpit, ita et perficiat in vobis etiam gratiam istam. Sed vobis in omnibus abundantis fide, et sermone, et scientia, et omni sollicitudine, insuper

et caritate vestra in nos, ut et in hac gratia abundētis.

## Lectio iij.

**N**ON quasi imperans dico : sed per aliorum sollicitudinem, etiam vestræ caritatis ingenium bonum comprobans. Scitis enim gratiam Domini nostri Jesu Christi, quoniam propter vos egenus factus est, cum esset dives, ut illius inopia vos divites essetis. Et consilium in hoc do : hoc enim vobis utile est, qui non solum facere, sed et velle cœpistis ab anno priore.

## AD VESPERAS.

Ad Magnificat Aña. Peccata mea, Domine, sicut sagittæ infixæ sunt in me : sed antequam vulnera generent in me, sana me Domine medicamento poenitiæ Deus. Oratio.

**D**EUS, qui nos in tantis periculis constitutos pro humana scis fragilitate non posse subsistere : da nobis salutem mentis et corporis; ut ea quæ pro peccatis nostris patimur te adjuvante vincamus. Per.

DOMINICA TERTIA  
POST OCTAVAM EPIPHANIÆ.

## IN I. NOCTURNO.

De Epistola secunda ad Corinthios.

## Lectio j. Cap. 10.

**I**PSE autem ego Paulus obsecro vos per mansuetudinem, et modestiam Christi, qui in facie quidem humilis sum inter vos, absens autem confido in vobis. Rogo autem vos ne præsens audeam per eam confidentiam, qua existimor audere in quosdam, qui arbitrā-



tur nos tamquam secundum carnem ambulamus. In carne enim ambulantes, non secundum carnem militamus.

Lectio ij.

**N**AM arma militiæ nostræ non carnalia sunt, sed potentia Deo ad destructionem mitionum, consilia destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, et in promptu habentes ulcisci omnem inobedientiam, cum impleta fuerit vestra obedientia. Quæ secundum faciem sunt, videte.

Lectio iij.

**S**i quis confidit sibi Christi se esse, hoc cogitet iterum apud se : quia sicut ipse Christi est, ita et nos. Nam, et si amplius aliquid gloriatus fuero de potestate nostra, quam dedit nobis Dominus in ædificationem, et non in destructionem vestram : non erubescam. Ut autem non existimer tamquam terrere vos per epistolas : quoniam quidem epistolæ, iniquunt, graves sunt et fortes : præsentia autem corporis infirma, et sermo contemptibilis : hoc cogitet qui ejusmodi est, quia quales sumus verbo per epistolas absentes, tales et præsentem in facto.

IN II. NOCTURNO.

De Epistola secunda ad Corinthios.

Lectio iv.

Cap. 10.

**N**ON enim audemus inserrere, aut comparare nos quibusdam, qui seipsos com-

mendant : sed ipsi in nobis nosmetipsos metientes, et comparantes nosmetipsos nobis. Nos autem non in immensum gloriabimur, sed secundum mensuram regulæ, qua mensus est nobis Deus, mensuram pertingendi usque ad vos. Non enim quasi non pertingentes ad vos, superextendimus nos : usque ad vos enim pervenimus in Evangelio Christi.

Lectio v.

**N**ON in immensum gloriantes in alienis laboribus : spem autem habentes crescentis fidei vestræ, in vobis magnificari secundum regulam nostram in abundantiam, etiam in illa, quæ ultra vos sunt, evangelizare, non in aliena regula in iis quæ præparata sunt gloriari. Qui autem gloriatur, in Domino gloriatur. Non enim qui seipsum commendat, ille probatus est : sed quem Deus commendat.

Lectio vj.

Cap. 11.

**U**TINAM sustineretis modicum quid insipientiæ meæ, sed et supportate me : æmulor enim vos Dei æmulatione. Despōdi enim vos uni viro virginem castam exhibere Christo. Timeo autem ne sicut serpens Hevam seduxit astutia sua, ita corrumpantur sensus vestri, et excidant a simplicitate, quæ est in Christo. Nam si is, qui venit, alium Christum prædicat, quem non prædicavimus, aut alium spiritum accipitis, quem non accepistis : aut aliud Evangelium, quod non recepistis : recte pateremini.

## IN III. NOCTURNO.

Lectio sancti Evangelii  
secundum Matthæum.

Lectio vij. Cap. 8.

**I**N illo tempore : Ascendente  
Jesu in naviculam, secuti  
sunt eum discipuli ejus : et  
ecce motus magnus factus est  
in mari, ita ut navicula operi-  
rétur fluctibus, ipse vero dormi-  
eibat. Et reliqua.

Homilia sancti Hierónymi  
Presbyteri.

(Lib. 1. Comm. in c. 8. Matth.)

**Q**UINTUM signum fecit,  
quando ascendens navim  
de Capharnaum, ventis impe-  
ravit, et mari. Sextum, quan-  
do in regione Gerasenorum  
dedit potestatem dæmónibus  
in porcos. Séptimum, quando  
ingrediens civitatem suam, pa-  
ralyticum secundum curavit in  
lectulo. Primus enim paralyti-  
cus, est puer centuriónis.

Lectio viij.

**I**PSE vero dormiebat : et ac-  
cesserunt ad eum, et susci-  
taverunt eum, dicentes : Dó-  
mine, salva nos. Hujus signi  
typum in Jona légimus, quan-  
do ceteris periclitantibus, ipse  
securus est, et dormit, et sus-  
citatur, et império ac sacra-  
mento passióis suæ liberat  
suscitantes. Tunc surgens im-  
peravit ventis, et mari. Ex hoc  
loco intelligimus, quod omnes  
creatúræ sentiant Creatórem.  
Quas enim increpavit, et qui-  
bus imperavit, sentiunt impe-  
rantem : non errore hæreticó-  
rum, qui omnia putant ani-  
mántia, sed majestate Condi-  
tórís, quæ apud nos insensibi-  
lia, illi sensibilia sunt.

## Lectio ix.

**P**ORRO homines mirati sunt,  
dicentes : Qualis est hic,  
quia venti et mare obediunt  
ei? Non discipuli, sed nautæ  
et ceteri, qui in navi erant,  
mirabántur. Sin autem quis  
contentiósse volúerit eos, qui  
mirabántur, fuisse discipulos :  
respondébimus, recte homines  
appellátos, qui necdum nóve-  
rant poténtiam Salvatóris.

Ad Benedictus Añã. Ascen-  
dente Jesu in naviculam, ecce  
motus magnus factus est in  
mari : et suscitaverunt eum di-  
scipuli ejus, dicentes : Dómine  
salva nos, perimus. Oratio.

**D**EUS, qui nos in tantis peri-  
culis constitutos pro hu-  
mana scis fragilitate non posse  
subsistere : da nobis salutem  
mentis et corporis; ut ea quæ  
pro peccatis nostris patimur te  
adjuvante vincamus. Per.

Ad Magnificat Añã. Dómine  
salva nos, perimus : impera,  
et fac Deus tranquillitatem.

## FERIA SECUNDA.

Incipit Epistola beati Pauli  
Apóstoli ad Gálatas.

Lectio j. Cap. 1.

**P**AULUS Apóstolus non ab  
hominibus, neque per hó-  
minem, sed per Jesum Chri-  
stum, et Deum Patrem, qui  
suscitavit eum a mortuis : et  
qui mecum sunt omnes fratres,  
ecclesiis Galatiæ. Grátia vo-  
bis, et pax a Deo Patre, et  
Dómino nostro Jesu Christo,  
qui dedit semetipsum pro pec-  
catis nostris, ut eriperet nos  
de præsenti sæculo nequam,  
secundum voluntatem Dei et  
Patris nostri, cui est glória in  
sæcula sæculórum : Amen.

## Lectio ij.

**M**IROR quod sic tam cito transferimini ab eo, qui vos vocavit in grátiam Christi in aliud Evangélum : quod non est aliud, nisi sunt alii, qui vos conturbant, et volunt convertere Evangélum Christi. Sed licet nos, aut Angelus de cælo evangelizet vobis præterquam quod evangelizavimus vobis, anáthema sit. Sicut prædiximus, et nunc iterum dico : Si quis vobis evangelizaverit præter id, quod accepistis, anáthema sit.

## Lectio iij.

**M**ODO enim hominibus suá deo, an Deo? An quæro hominibus placere? Si adhuc hominibus placere, Christi servus non essem. Notum enim vobis facio, fratres, Evangélum, quod evangelizatum est a me, quia non est secundum hominem : neque enim ego ab homine accépi illud, neque didici, sed per revelationem Jesu Christi.

## FERIA TERTIA.

De Epístola ad Gálatas.

## Lectio j.

## Cap. 3.

**O**INSENSATI Gálatæ, quis vos fascinavit non obedire veritati, ante quorum óculos Jesus Christus præscriptus est, in vobis crucifixus? Hoc solum a vobis volo discere : Ex opéribus legis Spiritum accepistis, an ex auditu fidei? Sic stulti estis, ut cum spiritu cœperitis, nunc carne consummèmini? Tanta passi estis sine causa? si tamen sine causa.

## Lectio ij.

**Q**UI ergo tribuit vobis Spiritum, et operatur virtutes in vobis : ex opéribus legis, an ex auditu fidei? Sicut scriptum est : Abraham credidit Deo, et reputatum est illi ad justitiam. Cognoscite ergo quia qui ex fide sunt, ii sunt filii Abrahæ. Próvidens autem Scriptúra quia ex fide iustificat gentes Deus, prænuntiavit Abrahæ : quia benedicentur in te omnes gentes.

## Lectio iij.

**I**GITUR qui ex fide sunt, benedicentur cum fideli Abrahæ. Quicumque enim ex opéribus legis sunt, sub maledicto sunt. Scriptum est enim : Maledictus omnis, qui non permanserit in omnibus, quæ scripta sunt in libro legis ut faciat ea. Quóniam autem in lege nemo iustificatur apud Deum, manifestum est : quia justus ex fide vivit. Lex autem non est ex fide, sed, Qui fecerit ea, vivet in illis.

## FERIA QUARTA.

De Epístola ad Gálatas.

## Lectio j.

## Cap. 3.

**A**BRAHÆ dictæ sunt promissiones, et sèmini ejus. Non dicit : Et sèminibus, quasi in multis : sed quasi in uno : Et sèmini tuo, qui est Christus. Hoc autem dico, testamentum confirmatum a Deo : quæ post quadringentos et triginta annos facta est lex, non irritum facit ad evacuandam promissionem. Nam si ex lege hereditas, jam non ex promissione. Abrahæ autem per repromissionem donavit Deus.



## Lectio ij.

**Q**UID igitur lex? Propter transgressiones p[ro]posita est donec veniret semen, cui promiserat, ordinata per Angelos in manu mediatoris. Mediator autem unius non est : Deus autem unus est. Lex ergo adversus promissa Dei? Absit. Si enim data esset lex, quæ posset vivificare, vere ex lege esset justitia. Sed conclusit Scriptura omnia sub peccato, ut promissio ex fide Jesu Christi dar[et]ur credentibus.

## Lectio iij.

**P**RIUS autem quam veniret fides, sub lege custodiebamur conclusi in eam fidem, quæ revelanda erat. Itaque lex p[æ]dagogus noster fuit in Christo, ut ex fide justificemur. At ubi venit fides, jam non sumus sub p[æ]dagogo. Omnes enim filii Dei estis per fidem, quæ est in Christo Jesu. Quicumque enim in Christo baptizati estis, Christum induistis.

## FERIA QUINTA.

De Epistola ad Galatas.

## Lectio j. Cap. 4.

**D**ICO autem : Quanto tempore heres parvulus est, nihil differt a servo, cum sit dominus omnium : sed sub tutoribus, et actoribus est usque ad p[æ]finitum tempus a patre : ita et nos cum essemus parvuli, sub elementis mundi eramus serviētes. At ubi venit plenitudo temporis, misit Deus Filium suum factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus.

## Lectio ij.

**Q**UONIAM autem estis filii, misit Deus Spiritum Filii sui in corda vestra clamantem : Abba, Pater. Itaque jam non est servus, sed filius : quod si filius : et heres per Deum. Sed tunc quidem ignorantes Deum, iis, qui natura non sunt dii, serviebatis. Nunc autem cum cognoveritis Deum, immo cogniti sitis a Deo : quomodo convertimini iterum ad infirma, et egēna elementa, quibus denuo servire vultis?

## Lectio iij.

**D**IES observatis, et menses, et tempora, et annos. Timeo vos, ne forte sine causa laboraverim in vobis. Estote sicut ego, quia et ego sicut vos : fratres obsecro vos : Nihil me læsisit. Scitis autem quia per infirmitatem carnis evangelizavi vobis jam pridem : et tentationem vestram in carne mea non sprevisit, neque respuistis : sed sicut Angelum Dei excepistis me, sicut Christum Jesum.

## FERIA SEXTA.

De Epistola ad Galatas.

## Lectio j. Cap. 5.

**D**ICO autem : Spiritu ambulante, et desideria carnis non perficietis. Caro enim concupiscit adversus spiritum : spiritus autem adversus carnem : hæc enim sibi invicem adversantur : ut non quaecumque vultis, illa faciatis. Quod si spiritu ducimini, non estis sub lege.

## Lectio ij.

**M**ANIFESTA sunt autem ópera carnis : quæ sunt fornicatio, immunditia, impudicitia, luxuria, idolorum servitus, veneficia, inimicitiae, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comessationes, et his similia, quæ prædico vobis, sicut prædixi : quoniam qui talia agunt, regnum Dei non consequentur.

## Lectio iij.

**F**RUCTUS autem Spiritus est : caritas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt Christi, carnem suam crucifixerunt cum vitiis, et concupiscentiis. Si spiritu vivimus, spiritu et ambulamus. Non efficiamur inanis gloriæ cupidi, invicem provocantes, invicem invidentes.

## SABBATO.

De Epistola ad Galatas.

## Lectio j.

## Cap. 6.

**F**RATRES, et si præoccupatus fuerit homo in aliquo delicto, vos, qui spirituales estis, hujusmodi instruite in spiritu lenitatis, considerans te ipsum, ne et tu tenteris. Alter alterius ónera portate, et sic adimplēbitis legem Christi. Nam si quis existimat se aliquid esse, cum nihil sit, ipse se seducit. Opus autem suum probet unusquisque, et sic in semetipso tantum gloriā habebit, et non in altero. Unusquisque enim onus suum portabit.

## Lectio ij.

**C**OMMUNICET autem is, qui catechizatur verbo, ei, qui se catechizat, in omnibus bonis. Nolite errare : Deus non irridetur. Quæ enim seminaverit homo, hæc et metet. Quoniam qui seminat in carne sua, de carne et metet corruptionem : qui autem seminat in spiritu, de spiritu metet vitam æternam. Bonum autem facientes, non deficiamus : tempore enim suo metemus non deficientes.

## Lectio iij.

**E**RGO dum tempus habemus, operemur bonum ad omnes, maxime autem ad domesticos fidei. Videte quilibet litteris scripsi vobis mea manu. Quicumque enim volunt placere in carne, hi cogunt vos circumcidi, tantum ut crucis Christi persecutionem non patiantur. Neque enim qui circumciduntur, legem custodiunt : sed volunt vos circumcidi, ut in carne vestra gloriantur.

## AD VESPERAS.

Ad Magnificat Añā. Peccata mea, Domine, sicut sagittæ infixæ sunt in me : sed antequam vulnera generent in me, sana me Domine medicamento pœnitentiæ Deus.

## Oratio.

**F**AMILIAM tuam, quæsumus Domine, continua pietate custodi : ut quæ in sola spe gratiæ cælestis innititur, tua semper protectione muniatur. Per.

DOMINICA QUARTA  
POST OCTAVAM EPIPHANIE.

IN I. NOCTURNO.

Incipit Epistola beati Pauli  
Apóstoli ad Ephésios.

Lectio j. Cap. i.

**P**AULUS Apóstolus Jesu Christi per voluntatem Dei, omnibus sanctis, qui sunt Ephesi, et fidelibus in Christo Jesu. Grátia vobis, et pax a Deo Patre nostro, et Dómino Jesu Christo. Benedictus Deus et Pater Dómini nostri Jesu Christi, qui benedixit nos in omni benedictione spiritali in cælestibus in Christo, sicut elegit nos in ipso ante mundi constitutionem, ut essemus sancti et immaculati in conspectu ejus in caritate.

Lectio ij.

**Q**UI prædestinavit nos in adoptionem filiorum per Jesum Christum in ipsum : secundum propositum voluntatis suæ, in laudem glóriæ grátie suæ, in qua gratificavit nos in dilecto Filio suo. In quo habemus redemptionem per sanguinem ejus, remissionem peccatorum secundum divitias grátie ejus, quæ superabundavit in nobis in omni sapientia, et prudentia : ut notum faceret nobis sacramentum voluntatis suæ, secundum beneplacitum ejus, quod proposuit in eo, in dispensatione plenitudinis temporum, instaurare omnia in Christo, quæ in cælis, et quæ in terra sunt, in ipso.

Lectio iij.

**I**N quo etiam et nos sorte vocati sumus prædestinati secundum propositum ejus, qui

operatur omnia secundum consilium voluntatis suæ : ut simus in laudem glóriæ ejus nos, qui ante speravimus in Christo : in quo et vos, cum audissetis verbum veritatis, (Evangélium salutis vestræ) in quo et credentes signati estis Spiritu promissionis sancto, qui est pignus hereditatis nostræ, in redemptionem acquisitionis, in laudem glóriæ ipsius.

IN II. NOCTURNO.

De Epistola ad Ephésios.

Lectio iv. Cap. 2.

**E**T vos, cum essetis mortui in delictis, et peccatis vestris, in quibus aliquando ambulastis secundum sæculum mundi hujus, secundum principem potestatis æris hujus, spiritus, qui nunc operatur in filios diffidentiae, in quibus et nos omnes aliquando conversati sumus in desideriis carnis nostræ, facientes voluntatem carnis, et cogitationum, et eramus natura filii iræ, sicut et ceteri.

Lectio v.

**D**EUS autem, qui dives est in misericordia, propter nimiam caritatem suam, qua dilexit nos, et cum essemus mortui peccatis, convivificavit nos in Christo, (cujus grátia estis salvati) et conresuscitavit, et consedere fecit in cælestibus in Christo Jesu : ut ostenderet in sæculis supervenientibus abundantes divitias grátie suæ in bonitate super nos in Christo Jesu.

Lectio vj.

**G**RATIA enim estis salvati per fidem, et hoc non ex vobis : Dei enim donum est,



non ex opéribus, ut ne quis gloriétur. Ipsius enim sumus factúra, creati in Christo Jesu in opéribus bonis, quæ præparávit Deus ut in illis ambulémus. Propter quod mémoires estóte, quod aliquándo vos gentes in carne, qui dicimini præpútum ab ea, quæ dicitur circumcisio in carne, manu facta : quia erátis illo in témpore sine Christo, alienáti a conversatióne Israel, et hóspites testamentórum, promissiónis spem non habéntes, et sine Deo in hoc mundo. Nunc autem in Christo Jesu vos, qui aliquándo erátis longe, facti estis prope in ságuine Christi.

### IN III. NOCTURNO.

Lectio sancti Evangélíi  
secúndum Matthæum.

Lectio vij. Cap. 13.

**I**n illo témpore : Dixit Jesus turbis parábolam hanc : Símile factum est regnum cælórum hómini, qui seminávit bonum semen in agro suo. Et réliqua.

Homília sancti Augustini  
Epíscopi.

(Lib. Quæst. 17. in Evang.  
secundum Matth. cap. 11.)

**C**um negligéntius ágerent præpósiti Ecclesiæ, aut cum dormitióne mortis acciperent Apóstoli, venit diábolus, et superseminávit eos, quos malos filios Dóminus interpretátur. Sed quæritur, utrum hæretici sint, an male vivéntes Cathólici. Possunt enim dici filii mali étiam hæretici : quia ex eódem Evangélíi sémine, et Christi nómine procreáti, pravis opinióibus ad falsa dógmata convertúntur.

### Lectio viij.

**S**ed quod dicit eos in médio trítici seminátos, quasi vidéntur illi significári, qui unius communionis sunt. Verúntamen, quóniam Dóminus agrum ipsum, non Ecclesiám, sed hunc mundum interpretátus est : bene intelligúntur hæretici, quia non societáte unius Ecclesiæ, vel unius fidei, sed societáte solius nóminis cristiáni in hoc mundo permiscéntur bonis. At illi, qui in eádem fide mali sunt, pálea pótius quam zizánia reputántur : quia pálea étiam fundamentum ipsum habet cum fruménto, radicémque commúnem.

### Lectio ix.

**I**n illa plane sagéna, qua concludúntur et mali et boni pisces, non absúrde mali Cathólici intelligúntur. Aliud est enim mare, quod magis mundum istum significat : áliud sagéna, quæ unius fidei, vel unius Ecclesiæ communionem vidétur osténdere. Inter hæreticos et malos Cathólicos hoc interest, quod hæretici falsa credunt : illi autem vera credéntes, non vivunt ita ut credunt.

Ad Benedictus Añá. Dómine, nonne bonum semen seminásti in agro tuo? Unde ergo habet zizánia? Et ait illis : Hoc fecit inimicus homo. Oratio.

**F**AMILIAM tuam, quæsumus Dómine, continua pietáte custódi : ut quæ in sola spe grátiae cæléstis innítitur, tua semper protectiône muniátur. Per.

Ad Magnificat Añá. Colligite primum zizánia, et alligáte ea in fascículos ad comburéndum : triticum autem congre-

gáte in hórreum meum, dicit  
Dóminus.

rum perfectum, in mensúram  
ætátis plenitudinis Christi.

### FERIA SECUNDA.

De Epístola ad Ephésios.

Lectio j. Cap. 4.

**O**BSECRE itaque vos ego  
vincetus in Dómino, ut di-  
gne ambulétis vocatióne, qua  
vocáti estis, cum omni humili-  
táte, et mansuetúdine, cum pa-  
tiéntia, supportántes invicem  
in caritate, solliciti serváre uni-  
tátem Spiritus in vinculo pacis.  
Unum corpus, et unus Spiritus  
sicut vocáti estis in una spe  
vocatiónis vestræ. Unus Dó-  
minus, una fides, unum bap-  
tisma. Unus Deus et Pater  
ómnium, qui est super omnes, et  
per ómnia, et in ómnibus nobis.

Lectio ij.

**U**NICUIQUE autem nostrum  
data est grátia secúndum  
mensúram donatiónis Christi.  
Propter quod dicit : Ascéndens  
in altum captivam duxit ca-  
ptivitátem : dedit dona homi-  
nibus. Quod autem ascéndit,  
quid est, nisi quia et descéndit  
primum in inferiôres partes  
terræ? Qui descéndit, ipse est  
et qui ascéndit super omnes  
cælos, ut impléret ómnia.

Lectio iij.

**E**T ipse dedit quosdam qui-  
dem Apóstolos, quosdam  
autem Prophétas, álios vero  
Evangelistas, álios autem pa-  
stôres, et doctôres ad consum-  
mationém sanctórum in opus  
ministérii, in ædificatióem  
côrporis Christi : donec occur-  
rámus omnes in unitátem fidei,  
et agnitiónis Filii Dei, in vi-

### FERIA TERTIA.

De Epístola ad Ephésios.

Lectio j. Cap. 4.

**H**OC igitur dico, et testificor  
in Dómino, ut jam non  
ambulétis, sicut et gentes ám-  
bulant in vanitáte sensus sui,  
ténébris obscurátum habéntes  
intelléctum, alienáti a vita Dei  
per ignorántiam, quæ est in  
illis, propter cæcitatém cordis  
ipsórum, qui desperántes, se-  
metipsos tradiderunt impudi-  
ciatæ, in operatióem immun-  
ditiæ omnis, in avaritiam.

Lectio ij.

**R**ENOVAMINI autem spiritu  
mentis vestræ, et indúite  
novum hóminem, qui secún-  
dum Deum creátus est in ju-  
stitia, et sanctitaté veritátis.  
Propter quod deponéntes men-  
dácium, loquimini veritátem  
unusquisque cum próximo suo :  
quóniam sumus invicem mem-  
bra. Irascimini, et nolite pec-  
cáre : sol non occidat super  
iracúndiam vestram. Nolite  
locum dare diabolo.

Lectio iij.

**Q**UI furabátur, jam non fu-  
rétur : magis autem labó-  
ret, operádo manibus suis,  
quod bonum est, ut hábeat  
unde tribuat necessitatém pa-  
tiénti. Omnis sermo malus ex  
ore vestro non procédât : sed  
si quis bonus ad ædificatióem  
fidei, ut det grátiam audién-  
tibus. Et nolite contristáre Spí-  
ritum sanctum Dei : in quo  
signáti estis in diem redem-  
ptiónis.

## FERIA QUARTA.

De Epistola ad Ephésios.

Lectio j.

Cap. 5.

**E**STOTE ergo imitatores Dei, sicut filii carissimi : et ambulâte in dilectione, sicut et Christus dilexit nos, et tradidit semetipsum pro nobis oblationem, et hostiam Deo in odorem suavitatis. Fornicatio autem, et omnis immunditia, aut avaritia nec nominetur in vobis, sicut decet sanctos : aut turpitudô, aut stultiloquium, aut scurrilitas, quæ ad rem non pertinet : sed magis gratiarum actio.

Lectio ij.

**H**OC enim scitote intelligentes : quod omnis fornicator, aut immundus, aut avârus, quod est idolorum servitus, non habet hereditatem in regno Christi, et Dei. Nemo vos seducat inanibus verbis : propter hæc enim venit ira Dei in filios diffidentiae. Nolite ergo effici participes eorum. Eratis enim aliquando tenebræ : nunc autem lux in Domino. Ut filii lucis ambulâte.

Lectio iij.

**F**RUCTUS enim lucis est in omni bonitate, et iustitia, et veritate : probantes quid sit beneplacitum Deo : et nolite communicare operibus infructuosae tenebrarum, magis autem redarguite. Quæ enim in occulto fiunt ab ipsis, turpe est et dicere. Omnia autem, quæ arguuntur, a lumine manifestantur : omne enim, quod manifestatur, lumen est.

## FERIA QUINTA.

De Epistola ad Ephésios.

Lectio j.

Cap. 5.

**V**IDETE itaque fratres, quomodo caute ambulatis : non quasi insipientes, sed ut sapientes : redimentes tempus, quoniam dies mali sunt. Propterea nolite fieri imprudentes : sed intelligentes quæ sit voluntas Dei. Et nolite inebriari vino, in quo est luxuria : sed implemini Spiritu sancto, loquentes vobismetipsis in psalmis, et hymnis, et canticis spiritualibus, cantantes, et psallentes in cordibus vestris Domino, gratias agentes semper pro omnibus, in nomine Domini nostri Jesu Christi Deo et Patri.

Lectio ij.

**S**UBJECTI invicem in timore Christi. Mulieres viris suis subditæ sint, sicut Domino : quoniam vir caput est mulieris : sicut Christus caput est Ecclesiæ : Ipse, salvator corporis ejus. Sed sicut Ecclesia subiecta est Christo, ita et mulieres viris suis in omnibus. Viri diligite uxores vestras, sicut et Christus dilexit Ecclesiam, et seipsum tradidit pro ea.

Lectio iij.

**Q**UI suam uxorem diligit, seipsum diligit. Nemo enim unquam carnem suam odio habuit : sed nutrit, et fovet eam, sicut et Christus Ecclesiam : quia membra sumus corporis ejus, de carne ejus, et de ossibus ejus. Propter hoc relinquet homo patrem, et matrem suam, et adhærebit uxori



suar : et erunt duo in carne una. Sacramentum hoc magnum est, ego autem dico in Christo et in Ecclesia.

### FERIA SEXTA.

De Epistola ad Ephésios.

Lectio j. Cap. 6.

**F**ILII, obedite parentibus vestris in Domino : hoc enim iustum est. Honora patrem tuum, et matrem tuam, quod est mandatum primum in promissione : ut bene sit tibi, et sis longævus super terram. Et vos patres nolite ad iracundiam provocare filios vestros : sed educate illos in disciplina, et correptione Domini.

Lectio ij.

**S**ERVI obedite dominis carnalibus cum timore et tremore, in simplicitate cordis vestri, sicut Christo : non ad oculum serviētes, quasi hominibus placētes, sed ut servi Christi, faciētes voluntatem Dei ex animo, cum bona voluntate serviētes, sicut Domino, et non hominibus : sciētes quoniam unusquisque quodcumque fecerit bonum, hoc recipiet a Domino, sive servus, sive liber.

Lectio iij.

**E**T vos domini eadem facite illis, remittētes minas : sciētes quia et illorum, et vester Dominus est in cælis : et personarum acceptio non est apud eum. De cetero fratres confortamini in Domino, et in potentia virtutis ejus. Induite vos armaturam Dei, ut possitis stare adversus insidias diaboli.

### SABBATO.

De Epistola ad Ephésios.

Lectio j. Cap. 6.

**N**ON est nobis collectatio adversus carnem et sanguinem : sed adversus principes, et potestates, adversus mundi rectores tenebrarum harum, contra spiritualia nequitiae, in caelestibus. Propterea accipite armaturam Dei, ut possitis resistere in die malo, et in omnibus perfecti stare. State ergo succincti lumbos vestros in veritate, et induti loriceam justitiae, et calceati pedes in preparatione Evangelii pacis.

Lectio ij.

**I**N omnibus sumētes scutum fidei, in quo possitis omnia tela nequissimi ignea extingueri : et galeam salutis assumere : et gladium spiritus (quod est verbum Dei) per omnem orationem, et obsecrationem orantes omni tempore in spiritu : et in ipso vigilantes in omni instantia, et obsecratione pro omnibus sanctis : et pro me, ut detur mihi sermo in apertione oris mei cum fiducia, notum facere mysterium Evangelii : pro quo legatione fungor in catena, ita ut in ipso audeam, prout oportet me, loqui.

Lectio iij.

**U**T autem et vos sciatis quae circa me sunt, quid agam : omnia vobis nota faciet Tychicus, carissimus frater, et fidelis minister in Domino : quem misi ad vos in hoc ipsum, ut cognoscatis quae circa nos sunt, et consolatur corda vestra. Pax fratribus, et caritas cum fide a Deo Patre, et Domino Jesu Christo.

## AD VESPERAS.

Ad Magnificat Añā. Peccāta mea, Dōmine, sicut sagittæ infixæ sunt in me : sed antequam vūlnera gēnerent in me, sana me Dōmine medicamēto pœnitentiæ Deus. Oratio.

**P**RÆSTA, quæsumus omnipotens Deus : ut semper rationabilia meditantes, quæ tibi sunt placita et dictis exsequamur et factis. Per.

## DOMINICA QUINTA

POST OCTAVAM EPIPHANIÆ.

## IN I. NOCTURNO.

Incipit Epistola beāti Pauli  
Apōstoli ad Philippēses.

Lectio j. Cap. i.

**P**AULUS et Timótheus servi Jesu Christi, omnibus sanctis in Christo Jesu, qui sunt Philippis, cum Episcopis, et Diaconibus. Grátia vobis, et pax a Deo Patre nostro, et Dómino Jesu Christo. Grátias ago Deo meo in omni memóriā vestri, semper in cunctis orationibus meis pro omnibus vobis, cum gáudio deprecationem faciēns, super communicatiōne vestra in Evāgélío Christi a prima die usque nunc. Confidens hoc ipsum, quia qui cœpit in vobis opus bonum, perficiet usque in diem Christi Jesu.

Lectio ij.

**S**ICUT est mihi justum hoc sentire pro omnibus vobis : eo quod hábeam vos in corde, et in vīculis meis, et in defensiōne, et confirmatiōne Evāgélíi, sócios gáudii mei omnes vos esse. Testis enim mihi est Deus, quómodo cūpiam omnes vos in viscéribus

Jesu Christi. Et hoc oro ut caritas vestra magis ac magis abúndet in sciētia, et in omni sensu : ut probétis potiōra, ut sitis sincéri, et sine offēsa in diem Christi, replēti fructu justitiæ per Jesum Christum, in glóriam et laudem Dei.

Lectio iij.

**S**CIRE autem vos volo fratres, quia quæ circa me sunt, magis ad profectum venerunt Evāgélíi : ita ut vīcula mea manifestá fierent in Christo in omni prætório, et in céteris ómnibus, et plures e fratribus in Dómino confidētes vīculis meis, abundántius auderent sine timóre verbum Dei loqui. Quidam quidem et propter invidiam, et contentiōnem : quidam autem et propter bonam voluntatem Christum prædicant : quidam ex caritate : sciētes quóniam in defensiōnem Evāgélíi pōsitus sum.

## IN II. NOCTURNO.

De Epistola ad Philippēses.

Lectio iv. Cap. i.

**Q**UIDAM autem ex contentiōne Christum annūntiant non sincére, existimāntes pressuram se suscitāre vīculis meis. Quid enim? Dum omni modo sive per occasiōnem, sive per veritatem Christus annūntiétur : et in hoc gáudeo, sed et gaudébo. Scio enim quia hoc mihi provéniet ad salutem, per vestram oratiōnem, et subministratiōnem Spíritus Jesu Christi, secundum exspectatiōnem, et spem meam, quia in nullo confūdar.

## Lectio v.

**S**ED in omni fiducia sicut semper, et nunc magnificabitur Christus in corpore meo, sive per vitam, sive per mortem. Mihi enim vivere Christus est, et mori lucrum. Quod si vivere in carne, hic mihi fructus operis est, et quid eligam ignoro. Coarctor autem e duobus : desiderium habens dissolvi, et esse cum Christo, multo magis melius : permanere autem in carne, necessarium propter vos.

## Lectio vj.

**E**T hoc confidens scio quia permanebo, et permanebo omnibus vobis ad profectum vestrum, et gaudium fidei : ut gratulatio vestra abundet in Christo Jesu in me, per meum adventum iterum ad vos. Tantum digne Evangelio Christi conversamini : ut sive cum venero, et videro vos, sive absens audiam de vobis quia statis in uno spiritu unanimes, collaborantes fidei Evangelii : et in nullo terreamini ab adversariis.

## IN III. NOCTURNO.

Lectio sancti Evangelii  
secundum Matthæum.

Lectio vij. Cap. 13.

**I**N illo tempore : Dixit Jesus turbis parabolam hanc : Simile est regnum cælorum grano sinapis, quod accipiens homo seminavit in agro suo. Et reliqua.

Homilia sancti Hierónymi  
Presbyteri.

(Lib. 1. Comm. in c. 13. Matth.)

**R**EGNUM cælorum prædicatio Evangelii est, et notitia Scripturarum, quæ ducit ad vitam, et de qua dicitur ad

Judæos : Auferetur a vobis regnum Dei, et dabitur genti facienti fructus ejus. Simile est ergo hujusmodi regnum grano sinapis, quod accipiens homo seminavit in agro suo. Homo, qui seminat in agro suo, a plerisque Salvator intelligitur, quod in animis credentium seminet : ab aliis, ipse homo seminans in agro suo, hoc est, in semetipso, et in corde suo.

## Lectio viij.

**Q**UIS est iste, qui seminat, nisi sensus noster, et animus ; qui suscipiens granum prædicationis, et fovens sementem, humore fidei facit in agro sui pectoris pullulare ? Prædicatio Evangelii minima est omnibus disciplinis. Ad primam quippe doctrinam, fidem non habet veritatis, hominem Deum, Christum mortuum, et scandalum crucis prædicans. Confer hujusmodi doctrinam dogmatibus philosophorum, et libris eorum, et splendori eloquentiæ, et compositioni sermonum : et videbis quanto minor sit ceteris seminibus sementis Evangelii.

## Lectio ix.

**S**ED illa, cum creverint, nihil mordax, nihil vividum, nihil vitale demonstrant : sed totum flaccidum, marcidumque, et mollium, ebullit in olera et in herbas, quæ cito arêscunt et corrumpunt. Hæc autem prædicatio, quæ parva videbatur in principio, cum vel in anima credentis, vel in toto mundo sata fuerit, non exsurgit in olera, sed crescit in arborem : ita ut volucres cæli (quas vel animas credentium, vel forti-



túdines Dei servitio mancipátas, sentire debémus) véniant, et hábitent in ramis ejus.

Ad Benedictus Añã. Simile est regnum cælórum grano sinápis : quod mínimum est ómnibus semínibus : cum autem créverit, majus est ómnibus oléribus. Oratio.

**P**RÆSTA, quæsumus omnipotens Deus : ut semper rationabilia meditántes, quæ tibi sunt plácita et dictis exsequámur et factis. Per.

Ad Magnificat Añã. Simile est regnum cælórum fermento, quod accéptum múlíer abscondit in farinæ satis tribus, donec fermentátum est totum.

#### FERIA SECUNDA.

De Epístola ad Philippénses.

Lectio j. Cap. 2.

**S**I qua ergo consolátio in Christo, si quod solátium caritátis, si qua societas spíritus, si qua viscera miseratiónis : impléte gáudium meum ut idem sapiátis, eámdem caritátem habéntes, unánimes, idípsum sentiéntes, nihil per contentiónem, neque per inánem glóriam : sed in humilitáte superiôres sibi ínvicem arbitrántes, non quæ sua sunt singuli considerántes, sed ea, quæ aliórum.

Lectio ij.

**H**OC enim sentíte in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsum exinanívit formam servi accípiens, in similitúdinem hóminum factus, et hábitu

invéntus ut homo. Humiliávit semetípsum factus obédiens usque ad mortem, mortem autem crucis.

Lectio iij.

**P**ROPTER quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur cælestium, terréstrium, et infernórum, et omnis lingua confiteátur quia Dóminus Jesus Christus in glória est Dei Patris. Itaque caríssimi mei (sicut semper obedistis :) non ut in præsentia mei tantum, sed multo magis nunc in abséntia mea, cum metu et tremóre vestram salútem operámini.

#### FERIA TERTIA.

De Epístola ad Philippénses.

Lectio j. Cap. 2.

**O**MNIA autem fácite sine murmuratióibus, et hæsitatióibus : ut sitis sine queréla, et simplices filii Dei, sine reprehensióne in médio natiónis pravæ, et perversæ : inter quos lucétis sicut luminária in mundo, verbum vitæ continéntes ad glóriam meam in die Christi, quia non in vácuum cucúrri, neque in vácuum laborávi.

Lectio ij.

**S**ED et si ímmolor supra sacrificium, et obséquium fidei vestræ, gáudeo, et congratulor ómnibus vobis. Idípsum autem et vos gaudéte, et congratulámini mihi. Spero autem in Dómino Jesu, Timótheum me cito mittere ad vos : ut et ego bono ánimo sim, có-

gnitis quæ circa vos sunt. Neminem enim habeo tam unanimum, qui sincera affectione pro vobis sollicitus sit.

Lectio iij.

**O**MNES enim quæ sua sunt quærunt, non quæ sunt Jesu Christi. Experimentum autem ejus cognoscite, quia sicut patri filius, mecum servavit in Evangelio. Hunc igitur spero me mittere ad vos, mox ut videro quæ circa me sunt. Confido autem in Domino quoniam et ipse veniam ad vos cito.

FERIA QUARTA.

De Epistola ad Philippenses.

Lectio j.

Cap. 3.

**D**E cetero fratres mei gaudeat in Domino. Eadem vobis scribere, mihi quidem non pigrum, vobis autem necessarium. Videte canes, videte malos operarios, videte concisionem. Nos enim sumus circumcisio, qui spiritu servimus Deo, et gloriamur in Christo Jesu, et non in carne fiduciam habentes, quamquam ego habeam confidentiam et in carne.

Lectio ij.

**S**i quis alius videtur confidere in carne, ego magis, circumcissus octavo die, ex genere Israel, de tribu Benjamin, Hebræus ex Hebræis, secundum legem Phariseus, secundum æmulationem persequens Ecclesiam Dei, secundum justitiam, quæ in lege est, conversatus sine querela. Sed quæ mihi fuerunt lucra, hæc arbitratum sum propter Christum detrimenta.

Lectio iij.

**V**ERUMTAMEN existimo omnia detrimentum esse propter eminentem scientiam Jesu Christi Domini mei : propter quem omnia detrimentum feci, et arbitror ut stercora, ut Christum lucrificam, et inveniar in illo non habens meam justitiam, quæ ex lege est, sed illam, quæ ex fide est Christi Jesu : quæ ex Deo est justitia in fide.

FERIA QUINTA.

De Epistola ad Philippenses.

Lectio j.

Cap. 3.

**F**RATRES, ego me non arbitror comprehendisse. Unum autem : quæ quidem retro sunt obliviscens, ad ea vero, quæ sunt priora, extendens me ipsum, ad destinatum persequor, ad bravium supernæ vocationis Dei in Christo Jesu. Quicumque ergo perfecti sumus, hoc sentiamus : et si quid aliter sapiatis, et hoc vobis Deus revelabit. Verumtamen ad quod pervenimus ut idem sapiamus, et in eadem permanamus regula.

Lectio ij.

**I**MITATORES mei estote fratres, et observate eos qui ita ambulant, sicut habetis formam nostram. Multi enim ambulant, quos sæpe dicebam vobis (nunc autem et flens dico) inimicos crucis Christi : quorum finis interitus : quorum deus venter est : et gloria in confusione ipsorum, qui terræna sapiunt. Nostra autem conversatio in cælis est.

Lectio iij. Cap. 3. et cap. 4.

**U**NDE etiam Salvatorem exspectamus Dominum nostrum Jesum Christum, qui reformabit corpus humilitatis nostre, configuratum corpori claritatis sue, secundum operationem, qua etiam possit subjicere sibi omnia. Itaque fratres mei carissimi, et desideratissimi, gaudium meum, et corona mea : sic state in Domino, carissimi.

#### FERIA SEXTA.

De Epistola ad Philippenses.

Lectio j.

Cap. 4.

**E**TIAM rogo et te germane compar, adjuva illas, quæ mecum laboraverunt in Evangelio cum Clemente, et ceteris adiutoribus meis, quorum nomina sunt in libro vitæ. Gaudete in Domino semper : iterum dico gaudete. Modestia vestra nota sit omnibus hominibus : Dominus prope est. Nihil solliciti sitis : sed in omni oratione, et obsecratione, cum gratiarum actione petitiones vestræ innotescant apud Deum.

Lectio ij.

**E**T pax Dei, quæ exsuperat omnem sensum, custodiat corda vestra, et intelligentias vestras in Christo Jesu. De cetero fratres, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ, si qua virtus, si qua laus disciplinæ, hæc cogitate.

Lectio iij.

**Q**UÆ et didicistis, et accepistis, et audistis, et vidistis in me, hæc agite : et

Deus pacis erit vobiscum. Gavisus sum autem in Domino vehementer, quoniam tandem aliquando reflorulistis pro me sentire, sicut et sentiebatis : occupati autem eratis. Non quasi propter penuriam dico : ego enim didici, in quibus sum, sufficiens esse.

#### SABBATO.

De Epistola ad Philippenses.

Lectio j.

Cap. 4.

**S**CIO et humiliari, scio et abundare : (ubique et in omnibus institutus sum) et satiari, et esurire, et abundare, et penuriam pati. Omnia possum in eo, qui me confortat. Verumtamen bene fecistis, communicantes tribulationi meæ. Scitis autem et vos Philippenses, quod in principio Evangelii, quando profectus sum a Macedonia, nulla mihi ecclesia communicavit in ratione dati et accepti, nisi vos soli : quia et Thessalonicam semel et bis in usum mihi misistis.

Lectio ij.

**N**ON quia quero datum, sed requiro fructum abundantem in ratione vestra. Habeo autem omnia, et abundo : replētus sum, acceptis ab Epaphrodito quæ misistis odorem suavitatis, hostiam acceptam, placentem Deo. Deus autem meus impleat omne desiderium vestrum secundum divitias suas in gloria in Christo Jesu.

Lectio iij.

**D**E O autem et Patri nostro gloria in sæcula sæculorum : Amen. Salutate omnem sanctum in Christo Jesu. Sa-



lútant vos, qui mecum sunt, fratres. Salútant vos omnes sancti, máxime autem qui de Cæsaris domo sunt. Grátia Dómini nostri Jesu Christi cum spiritu vestro. Amen.

## AD VESPERAS.

Capitulum Benedictus Deus, pag. 144.

R. Igitur perfecti sunt cæli et terra, et omnis ornátus eorum : complevitque Deus die séptimo opus suum quod fécerat : \* Et requiévít Ab omni ópere quod patrát. V. Vidit Deus cuncta quæ fécerat : et erant valde bona. — Et requiévít. Glória. Ab omni.

Hymnus O lux., pag. 144.

V. Vespertina orátio ascéndat ad te Dómine. R. Et descéndat super nos misericórdia tua.

Ad Magnificat Añã. Peccáta mea, Dómine, sicut sagittæ infixæ sunt in me : sed antequam vulnera génerent in me, sana me Dómine medicaménto pœnitentiæ Deus. Oratio.

**P**RECES pópuli tui, quæsumus Dómine, cleménter exáudi : ut qui juste pro peccátis nostris affligimur, pro tui nóminis glória misericórditer liberémur. Per.

Dóminus vobíscum. R. Et cum spiritu tuo.

Benedicámus Dómino, allelúia, allelúia. R. Deo grátias, allelúia, allelúia.

† Nec deinceps dicatur Allelúia. usque ad Sabbatum sanctum : sed in principio Horarum, post V. Deus in adiutorium., Glória Patri., Sicut erat, pro Allelúia, dicatur : Laus tibi Dómine Rex ætérnæ glóriæ.

## DOM. IN SEPTUAGESIMA.

## AD MATUTINUM.

Invitatorium. Præoccupémus faciém Dómini, \* Et in psalmis jubilémus ei.

Psalmus 94.

**V**ENITE exsultémus Dómino : jubilémus Deo salutári nostro.

Dicto salutári nostro., resumitur Invitatorium : Præoccupémus faciém Dómini, et in psalmis jubilémus ei.

Quo dicto sequitur.

V. Quóniam Deus magnus Dóminus, et Rex magnus super omnes deos : quóniam non repellet Dóminus plebem suam : quia in manu ejus sunt omnes fines terræ, et altitúdines móntium ipse cónspicit.

Et in psalmis jubilémus ei.

V. Quóniam ipsius est mare, et ipse fecit illud, et áridam fundavérunt manus ejus : veníte adorémus et procidámus ante Deum : plorémus coram Dómino, qui fecit nos : quia ipse est Dóminus Deus noster : nos autem pópulus ejus et oves pásuæ ejus.

Præoccupémus faciém Dómini, et in psalmis jubilémus ei.

V. Hódie si vocem ejus audieritis, nolíte obduráre corda vestra, sicut in exacerbatióne secúndum diem tentatiónis in desérto : ubi tentavérunt me patres vestri, probavérunt, et vidérunt ópera mea.

Et in psalmis jubilémus ei.

V. Quadraginta annis próximus fui generatióni huic, et dixi : Semper hi errant corde : ipsi vero non cognovérunt vias meas : quibus jurávi in ira mea : Si introibunt in réquiem meam.

Præoccupémus faciém Dómini, et in psalmis jubilémus ei.

℟. Glória Patri..., Sicut erat...

Et in psalmis jubilémus ei.

Præoccupémus faciém Dómini, et in psalmis jubilémus ei.

Hymnus Nocte surgéntes., pag. 2.

### IN I. NOCTURNO.

Psalmi, Antiphonæ et ℟. ut in Psalterio, pagg. 4-9.

Incipit liber Génesis.

Lectio j.

Cap. 1.

**I**N principio creávit Deus cælum, et terram. Terra autem erat inánis et vácuá, et ténebræ erant super faciém abyssi : et Spíritus Dei ferebátur super aquas. Dixitque Deus : Fiat lux. Et facta est lux. Et vidit Deus lucem quod esset bona : et divisit lucem a ténebris. Appellavitque lucem Diem, et ténebras Noctem : factumque est vespere et mane, dies unus. Dixit quoque Deus : Fiat firmaméntum in médio aquárum : et dívidat aquas ab aquis. Et fecit Deus firmaméntum, divisitque aquas, quæ erant sub firmaménto, ab his, quæ erant super firmaméntum. Et factum est ita. Vocavitque Deus firmaméntum, Cælum : et factum est vespere et mane, dies secúndus.

℟. j. In principio fecit Deus cælum, et terram : et creávit in ea hóminem \* Ad imáginem, et similitúdinem suam. ℟. Formávit igitur Deus hóminem de limo terræ, et inspirávit in faciém ejus spiráculum vitæ. — Ad imáginem et similitúdinem suam.

Lectio ij.

**D**IXIT vero Deus : Congrégentur aquæ, quæ sub cælo sunt, in locum unum : et appareat árida. Et factum est ita. Et vocávit Deus áridam, Terram, congregatiónesque aquárum appellávit Mária. Et vidit Deus quod esset bonum. Et ait : Gérminet terra herbam viréntem, et faciéntem semen, et lignum pomíferum faciens fructum juxta genus suum, cujus semen in semetipso sit super terram. Et factum est ita. Et prótulit terra herbam viréntem, et faciéntem semen juxta genus suum, lignumque faciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere et mane, dies tértius.

℟. ij. In principio Deus creávit cælum, et terram : et Spíritus Dómini ferebátur super aquas : et vidit Deus cuncta quæ fécerat : \* Et erant valde bona. ℟. Igitur perfecti sunt cæli et terra, et omnis ornátus eórum. — Et erant valde bona.

Lectio iij.

**D**IXIT autem Deus : Fiant luminária in firmaménto cæli, et dividant diem ac noctem, et sint in signa et témpora, et dies et annos : ut luceant in firmaménto cæli, et illúminent terram. Et factum est ita. Fecitque Deus duo luminária magna : lumináre majus, ut præéssent diéi : et lumináre minus, ut præéssent nocti : et stellas. Et pósuit eas in firmaménto cæli, ut lucérant super terram, et præéssent diéi

ac nocti, et dividerent lucem ac tenebras. Et vidit Deus quod esset bonum. Et factum est vespere et mane, dies quartus.

R. iij. Igitur perfecti sunt cæli et terra, et omnis ornatus eorum : complevitque Deus die septimo opus suum quod fecerat : \* Et requiavit Ab omni opere quod patrarat. V. Vidit Deus cuncta quæ fecerat : et erant valde bona. — Et requiavit. Glória. Ab omni opere quod patrarat.

## IN II. NOCTURNO.

Psalmi, Antiphonæ et V. ut in Psalterio, pagg. 10-13.

Incipit Epistola beati Pauli Apóstoli ad Colossenses.

Lectio iv. Cap. i.

**P**AULUS Apóstolus Jesu Christi per voluntatem Dei, et Timotheus frater : eis, qui sunt Colóssis, sanctis et fide libus fratribus in Christo Jesu. Grátia vobis, et pax a Deo Patre nostro, et Dómino Jesu Christo. Grátias ágimus Deo et Patri Dómini nostri Jesu Christi semper pro vobis orantes : audiétes fidem vestram in Christo Jesu, et dilectionem, quam habétes in sanctos omnes propter spem, quæ repósita est vobis in cælis : quam audistis in verbo veritátis Evangelii : quod pervénit ad vos, sicut et in univérso mundo est, et fructificat, et crescit sicut in vobis, ex ea die, qua audistis, et cognovistis grátiam Dei in veritate, sicut didicistis ab Epaphra carissimo conservo nostro, qui est fide lis pro vobis minister Christi Jesu, qui etiam manifestávit nobis dilectionem vestram in spiritu.

R. iv. Formávit igitur Dóminus hóminem de limo terræ, et inspirávit in faciém ejus spiráculum vitæ, et factus est homo \* In ánimam vivéntem. V. In principio fecit Deus cælum, et terram, — et creávit in ea hóminem. — In ánimam vivéntem.

## Lectio v.

**I**DEO et nos ex qua die audimus, non cessámus pro vobis orantes, et postulantes ut impleámini agnitióne voluntátis ejus, in omni sapiéntia et intellectu spiritali : ut ambulétes digne Deo per ómnia placétes : in omni opere bono fructificátes, et crescétes in sciéntia Dei : in omni virtute confortáti secúndum poténtiam claritátis ejus in omni paciéntia, et longanimitate cum gaudio grátias ágétes Deo Patri, qui dignos nos fecit in partem sortis sanctórum in lúmine.

R. v. Tulit ergo Dóminus hóminem, et pósuit eum in Paradiso voluptátis, \* Ut operáretur, et custodiret illum. V. Plantáverat autem Dóminus Deus Paradisum voluptátis a principio : in quo pósuit hóminem quem formáverat. — Ut operáretur et custodiret illum.

## Lectio vj.

**Q**UI eripuit nos de potestáte tenebrarum, et tráns tulit in regnum Filii dilectionis suæ, in quo habémus redemptionem per sánguinem ejus, remissionem peccatórum : qui est imágo Dei invisibilis, primogénitus omnis creaturæ : quóniam in ipso cóndita sunt univérsa in cælis, et in terra,



visibilia, et invisibilia, sive Throni, sive Dominationes, sive Principatus, sive Potestates : omnia per ipsum, et in ipso creata sunt : et ipse est ante omnes, et omnia in ipso constant. Et ipse est caput corporis Ecclesie, qui est principium, primogenitus ex mortuis.

R. vj. Dixit Dominus Deus : Non est bonum hominem esse solum : \* Faciamus ei adiutorium simile sibi. V. Adæ vero non inveniebatur adiutor similis sibi : dixit quoque Deus. — Faciamus ei. Glória. Faciamus ei.

### IN III. NOCTURNO.

Psalmi, Antiphonæ et V. ut in Psalterio, pagg. 13-15.

Lectio sancti Evangelii secundum Matthæum.

Lectio vij. Cap. 20.

**I**N illo tempore : Dixit Jesus discipulis suis parabolam hanc : Simile est regnum cælorum homini patrifamilias, qui exiit primo mane condúcere operarios in vineam suam. Et reliqua.

Homilia sancti Gregorii Papæ. (Hom. 19. in Evang. post init.)

**R**EGNUM cælorum homini patrifamilias simile dicitur, qui ad excolendam vineam suam operarios condúcit. Quis vero patrifamilias similitudinem rectius tenet, quam Conditor noster, qui regit quos condidit, et electos suos sic in hoc mundo possidet, quasi subiectos dominus in domo? Qui habet vineam, universalem scilicet Ecclesiam, quæ ab Abel justo usque ad

últimum electum, qui in fine mundi nasciturus est, quot sanctos protulit, quasi tot palmes misit.

R. vij. Immisit Dominus soporem in Adam, et tulit unam de costis ejus : et ædificavit costam, quam tulerat de Adam, in mulierem, et adduxit eam ad Adam, ut vidéret quid vocáret eam : \* Et vocavit nomen ejus Virago, quia de viro sumpta est. V. Cumque obdormisset, tulit unam de costis ejus, et replévit carnem pro ea. — Et vocavit nomen ejus Virago.

### Lectio viij.

**H**ic itaque paterfamilias ad excolendam vineam suam, mane, hora tertia, sexta, nona, et undécima operarios condúcit : quia a mundi hujus initio usque in finem, ad erudiendam plebem fidelium, prædicatores congregare non destitit. Mane etenim mundi fuit ab Adam usque ad Noe : hora vero tertia a Noe usque ad Abraham : sexta quoque ab Abraham usque ad Moysen : nona autem a Moysen usque ad adventum Domini : undécima vero ab adventu Domini usque ad finem mundi. In qua prædicatores sancti Apostoli missi sunt, qui mercédem plenam et tarde venientes acceperunt.

R. viij. Ecce Adam quasi unus ex nobis factus est, sciens bonum, et malum : \* Videte ne forte sumat de ligno vitæ, et vivat in ætérnum. V. Chérubim collocavit Dominus, et flammæum gladium, atque versatilem, ad custodiendam viam ligni vitæ, et ait. — Videte ne forte.

## Lectio ix.

**A**D erudiendam ergo Dóminus piebem suam, quasi ad excolendam vineam suam, nullo tempore destitit operarios mittere : quia et prius per Patres, et postmodum per legis Doctores et Prophetas, ad extremum vero per Apóstolos, dum plebis suae mores excolluit, quasi per operarios in vineae cultura laboravit : quamvis in quolibet módulo, vel mensura, quisquis cum fide recta bonae praedicator actionis existit, hujus vineae operarius fuit.

℞. ix. Ubi est Abel frater tuus? dixit Dóminus ad Cain. Nescio Dómine : numquid custos fratris mei sum ego? Et dixit ad eum : Quid fecisti? \* Ecce vox sanguinis fratris tui Abel clamat ad me de terra. ℣. Maledictus eris super terram, quae aperuit os suum, et suscepit sanguinem fratris tui de manu tua. — Ecce vox. Glória. Ecce vox. ℞. Ubi est Abel.

† Non dicatur Te Deum. usque ad Pascha, exceptis festis Duplicibus, et supra : sed ix. Responsorium repetatur usque ad ℣. exclusive.

Ante Laudes ℣. Excelsus super omnes gentes Dóminus. ℞. Et super caelos glória ejus.

## AD LAUDES

## ANTIPHONÆ.

1. Miserere mei Deus, et a delicto meo munda me, quia tibi soli peccavi. Psalmus Miserere. cum ceteris, pag. 24.

2. Confitebor tibi Dómine, quoniam exaudisti me.

3. Deus Deus meus ad te de

luce vigilo, quia factus es adiutor meus.

4. Benedictus es in firmamento caeli, et laudabilis in saecula, Deus noster.

5. Laudate Dóminum de caelis. Capitulum Benedictio. et Hymnus Ecce jam noctis., pag. 21.

℣. Dómine refugium factus es nobis. ℞. A generatione et progénie.

Ad Benedictus Añ. Simile est regnum caelorum homini patrifamilias, qui exiit primo mane conducere operarios in vineam suam, dicit Dóminus.

## Oratio.

**P**RECES populi tui, quaesumus Dómine, clementer exaudi : ut qui iuste pro peccatis nostris affligimur, pro tui nominis gloria misericorditer liberemur. Per.

Ad Memoriam de B. Maria V. Añ. Sub tuum., ℣. Post partum., Oratio Protege., pag. 23.

## AD PRIMAM.

Pater noster. et Credo in Deum., Deus in adiutorium., Hymnus Jam lucis orto sidere.

Añ. Conventione autem facta cum operariis ex denario diurno, misit eos in vineam suam. Psalmus Deus Deus meus respice., cum ceteris, pag. 33.

## AD TERTIAM.

Añ. Ite et vos in vineam meam, et quod justum fuerit dabo vobis.

Capitulum. 1. Joan. 4. **D**EUS caritas est : et qui manet in caritate, in Deo manet, et Deus in eo.

℞. Spes mea Dómine \* A juventute mea.

Non repetatur R̃. (et sic in aliis R̃R̃. quæ ad Tertiam, Sextam et Nonam deinceps notabuntur in Dominicis usque ad Dominicam in Ramis palmarum inclusive), sed immediate sequitur

℣. In te confirmatus sum ex utero : de ventre matris meæ tu es meus protector. A juventute mea. Glória Patri. Spes mea Dómine a juventute mea.

℣. Adjutor meus esto Dómine : ne derelinquas me. R̃. Neque despicias me Deus salutáris meus.

#### AD SEXTAM.

Añā. Quid hic statis tota die otiosi? Responderunt et dixerunt : Quia nemo nos condúxit.

Capitulum. 2. Cor. 13.

**G**RATIA Dómini nostri Jesu Christi, et caritas Dei, et communicatio sancti Spíritus sit semper cum omnibus vobis. Amen.

R̃. Esto nobis Dómine \* Turris fortitudinis. ℣. A fácie inimici. Glória. Esto.

℣. Dóminus regit me, et nihil mihi déerit. R̃. In loco páscuæ ibi me collocávit.

#### AD NONAM.

Añā. Voca operários, et redde illis mercédem suam, dicit Dóminus.

Capitulum. 1. Joan. 5.

**T**RES sunt qui testimónium dant in cælo : Pater, Verbum, et Spíritus sanctus : et hi tres unum sunt.

R̃. Educ de cárcere ánimam meam, \* Ut confiteátur nómini tuo Dómine. ℣. Périit fuga a me, et non est qui requírat ánimam meam. Ut confiteátur. Glória. Educ.

℣. Ab occultis meis munda me Dómine. R̃. Et ab aliénis parce servo tuo.

#### AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Dóminus dirígat, et Hymnus Lucis Créator optime., pag. 127.

℣. Dirigátur Dómine oratio mea. R̃. Sicut incensum in conspéctu tuo.

Ad Magnificat Añā. Dixit paterfamilias operáriis suis : Quid hic statis tota die otiosi? At illi respondentes, dixerunt : Quia nemo nos condúxit. Ite et vos in vineam meam, et quod justum fúerit dabo vobis.

Ad Memoriam de B. Mariæ V. Añā Regáli. ℣. Ora pro nobis, Oratio Prótege., pag. 130.

#### PER HEBDOMADAM.

QUANDO DE TEMPORE AGITUR.

Ad Benedictus Añā. Hi novissimi una hora fecerunt, et pares illos nobis fecisti, qui portávimus pondus diéi et æstus.

Ad Magnificat Añā. Erunt primi novissimi, et novissimi primi : multi enim sunt vocáti, pauci vero elécti, dicit Dóminus.

#### FERIA SECUNDA.

De libro Génesis.

Lectio j. Cap. 2.

**I**GITUR perfecti sunt celi et terra, et omnis ornatus eorum. Complevitque Deus die séptimo opus suum quod fecerat : et requiévít die séptimo ab univérso opere quod patrarat. Et benedixit diéi séptimo; et sanctificávit illum : quia in ipso cessáverat ab omni opere



suo quod creavit Deus ut faceret. Istæ sunt generatiões cæli et terræ, quando creata sunt, in die quo fecit Dóminus Deus cælum et terram : et omne virgultum agri antequam orirétur in terra, omnémque herbam regiónis priusquam germináret.

¶ **R**ꝛ. matutinalia præcedentis Dominicæ et aliarum subsequentium usque ad Pascha, dicantur etiam per Hebdomadam in profestis diebus secundum ordinem Nocturnorum et Feriarum qui præscribitur in Rubricis generalibus §. vij. num. i.

#### Lectio ij.

**N**ON enim plúerat Dóminus Deus super terram, et homo non erat qui operarétur terram : sed fons ascendebat e terra, irrigans univérsum superficiem terræ. Formávit igitur Dóminus Deus hóminem de limo terræ, et inspirávit in faciém ejus spiráculum vitæ, et factus est homo in ánimam vivéntem. Plantáverat autem Dóminus Deus Paradísium voluptátis a principio : in quo pósuit hóminem quem formáverat.

#### Lectio iij.

**P**RODUXITQUE Dóminus Deus de humo omne lignum pulchrum visu, et ad vescéndum suáve : lignum étiam vitæ in médio Paradísi, lignúmque sciéntiæ boni et mali. Et flúvius egrediebátur de loco voluptátis ad irrigándum Paradísium, qui inde dividitur in quátuor cápita. Nomen uni Phisón : ipse est qui circuit omnem terram Hévilath, ubi nascitur aurum : et aurum terræ illius

óptimum est : ibi invenitur bdéllium, et lapis onychinus.

#### FERIA TERTIA.

De libro Génesis.

#### Lectio j. Cap. 2.

**T**ULIT ergo Dóminus Deus hóminem, et pósuit eum in Paradíso voluptátis, ut operarétur, et custodiret illum : præcepitque ei dicens : Ex omni ligno Paradísi cómede : de ligno autem sciéntiæ boni et mali ne cómedas. In quocúmque enim die coméderis ex eo, morte moriérís. Dixit quoque Dóminus Deus : Non est bonum esse hóminem solum : faciámus ei adjutórium simile sibi.

#### Lectio ij.

**F**ORMATIS igitur, Dóminus Deus, de humo cunctis animántibus terræ, et univérsis volatilibus cæli, addúxit ea ad Adam, ut vidéret quid vocáret ea. Omne enim quod vocávit Adam ánimæ vivéntis, ipsum est nomen ejus. Appellávitque Adam nominibus suis cuncta animántia, et univérsa volatilia cæli, et omnes béstias terræ. Adæ vero non inveniebátur adjutor similis ejus.

#### Lectio iij.

**I**MMISIT ergo Dóminus Deus sopórem in Adam : cumque obdormisset, tulit unam de costis ejus, et replévit carnem pro ea. Et ædificávit Dóminus Deus costam, quam túlerat de Adam, in mulierem : et addúxit eam ad Adam. Dixitque Adam : Hoc nunc, os ex óssibus meis, et caro de carne mea : hæc vocábitur Virágo, quóniam de viro sumpta est.

## FERIA QUARTA.

De libro Génesis.

Lectio j.

Cap. 3.

**S**ED et serpens erat callidior cunctis animantibus terræ quæ fecerat Dóminus Deus. Qui dixit ad mulierem : Cur præcepit vobis Deus ut non comederétis de omni ligno Paradisi? Cui respondit mulier : De fructu lignorum, quæ sunt in Paradiso, vescimur : de fructu vero ligni, quod est in medio Paradisi, præcepit nobis Deus ne comederémus : et ne tangerémus illud, ne forte moriamur.

Lectio ij.

**D**IXIT autem serpens ad mulierem : Nequáquam morte moriémini. Scit enim Deus quod in quocúmque die comederitis ex eo, aperiéntur óculi vestri : et éritis sicut Dii, scientes bonum et malum. Vidit igitur mulier quod bonum esset lignum ad vescéndum, et pulchrum óculis, aspectúque delectábile : et tulit de fructu illius, et comédit : deditque viro suo, qui comédit. Et apérti sunt óculi ambórum.

Lectio iij.

**C**UMQUE cognovissent se esse nudos, consuérunt fólia ficus, et fecérunt sibi perizómata. Et cum audissent vocem Dómini Dei deambulántis in Paradiso ad auram post meridiem, abscondit se Adam et uxor ejus a fácie Dómini Dei in medio ligni Paradisi. Vocavitque Dóminus Deus Adam, et dixit ei : Ubi es? Qui ait : Vocem tuam audivi in Paradiso; et tímui, eo quod nudus essem, et abscondi me.

## FERIA QUINTA.

De libro Génesis.

Lectio j.

Cap. 3.

**E**T ait Dóminus Deus ad serpéntem : Quia fecisti hoc, maledictus es inter ómnia animántia, et béstias terræ : super pectus tuum gradiéris, et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius : ipsa cónteret caput tuum, et tu insidiaberis calcáneo ejus. Mulieri quoque dixit : Multiplicabo ærúmnas tuas, et concéptus tuos : in dolore páries filios, et sub viri potestáte eris, et ipse dominábitur tui.

Lectio ij.

**A**DÆ vero dixit : Quia audisti vocem uxóris tuæ, et comedisti de ligno, ex quo præcéperam tibi, ne coméderes, maledicta terra in ópere tuo : in labóribus cómedes ex ea cunctis diébus vitæ tuæ. Spinæ et tribulos germinábit tibi, et cómedes herbam terræ. In sudóre vultus tui vescéris pane, donec revertáris in terram de qua sumptus es : quia pulvis es, et in púlverem revertéris.

Lectio iij. Cap. 3. et cap. 4.

**E**T vocávit Adam nomen uxóris suæ, Heva : eo quod mater esset cunctórum vivéntium. Adam vero cognóvit uxórem suam Hevam : quæ concépit et péperit Cain, dicens : Possédi hóminem per Deum. Rursúmque péperit fratrem ejus Abel. Fuit autem Abel pastor óvium, et Cain agricola.

## FERIA SEXTA.

De libro Génesis.

Lectio j.

Cap. 4.

**F**ACTUM est autem post multos dies ut offerret Cain de fructibus terræ mûnera Dômino. Abel quoque obtulit de primogénitis gregis sui, et de adipibus eorum : et respexit Dôminus ad Abel, et ad mûnera ejus. Ad Cain vero, et ad mûnera illius non respexit : iratusque est Cain vehementer, et cõcudit vultus ejus.

Lectio ij.

**D**IXITQUE Dôminus ad eum : Quare iratus es ? et cur cõcudit facies tua ? Nonne si bene egeris, recipies : sin autem male, statim in fõribus peccatum áderit ? sed sub te erit appetitus ejus, et tu dominaberis illius. Dixitque Cain ad Abel fratrem suum : Egrediamur foras. Cumque essent in agro, consurrexit Cain adversus fratrem suum Abel, et interfecit eum.

Lectio iij.

**E**T ait Dôminus ad Cain : Ubi est Abel frater tuus ? Qui respondit : Nescio. Num custos fratris mei sum ego ? Dixitque ad eum : Quid fecisti ? Vox sãguinis fratris tui clamat ad me de terra. Nunc igitur maledictus eris super terram, quæ apèruit os suum, et suscepit sanguinem fratris tui de manu tua. Cum operatus fueris eam, non dabit tibi fructus suos : vagus et prõfugus eris super terram.

## SABBATO.

De libro Génesis.

Lectio j.

Cap. 4.

**D**IXITQUE Cain ad Dômino : Major est iniquitas mea, quam ut véniam merear. Ecce ejicis me hõdie a facie terræ, et a facie tua abscondar, et ero vagus et prõfugus in terra : omnis igitur qui invenerit me, occidet me. Dixitque ei Dôminus : Nequãquam ita fiet : sed omnis qui occiderit Cain, septuplum punietur. Posuitque Dôminus Cain signum, ut non interficeret eum omnis qui invenisset eum.

Lectio ij.

**E**GRESSUSQUE Cain a facie Dômini, habitavit prõfugus in terra ad orientalem plagam Eden. Cognovit autem Cain uxorem suam, quæ concepit, et peperit Henoch, et ædificavit civitatem, vocavitque nomen ejus ex nómine filii sui, Henoch. Porro Henoch genuit Irad, et Irad genuit Mavíael, et Mavíael genuit Mathúsaël, et Mathúsaël genuit Lamech, qui accépit duas uxóres.

Lectio iij.

Cap. 5.

**H**IC est liber generationis Adam. In die, qua creavit Deus hõminem, ad similitudinem Dei fecit illum. Masculum et fẽminam creavit eos, et benedixit illis : et vocavit nomen eorum Adam, in die quo creati sunt. Vixit autem Adam centum triginta annis : et genuit filium ad imãginem et similitudinem suam, vocavitque nomen ejus Seth.



## AD VESPERAS.

R̃. Benedicens ergo Deus Noe ait : Nequáquam ultra maledicam terræ propter hóminem : \* Ad imáginem quippe Dei factus est homo. Ṽ. Hoc erit signum fœderis inter me et terram : arcum meum ponam in núbibus cæli. — Ad imáginem. Glória. Ad imáginem.

Ad Magnificat Aña. Erunt primi novíssimi, et novíssimi primi : multi enim sunt vocáti, pauci vero elécti, dicit Dóminus. Oratio.

**D**EUS, qui cónspicis, quia ex nulla nostra actióne confidimus; concéde propítius ut contra advérsa ómnia, Doctoris Géntium protectióne muniámur. Per.

## DOMINICA IN SEXAGESIMA.

## AD MATUTINUM.

Invitorium Præoccupémus faciém Dómini. et Psalmus Veníte exsultémus Dómino. ut in Septuagesima, pag. 331.

Hymnus Nocte surgéntes., pag. 2.

## IN I. NOCTURNO.

Psalmi, Antiphonæ et Ṽ: ut in Psalterio, pag. 4-9.

De libro Génesis.

Lectio j. Cap. 6.

**C**UMQUE cœpissent hómines multiplicári super terram, et filias procreássent, vidéntes filii Dei filias hóminum quod essent pulchræ, accepérunt sibi uxóres ex ómnibus, quas elégerant. Dixítque Deus : Non permanébit spíritus meus in hómine in ætérnum, quia caro est : erúntque dies illius

centum vigínti annórum. Gigántes autem erant super terram in diébus illis. Postquam enim ingrési sunt filii Dei ad filias hóminum, illæque genuérunt, isti sunt poténtes a sæculo viri famósi.

R̃. j. Noe vir justus atque perfectus, cum Deo ambulávit : \* Et fecit ómnia, quæcúmque præcépit ei Deus. Ṽ. Noe autem invénit grátiam ante Dóminum Deum. — Et fecit ómnia.

## Lectio ij.

**V**IDENS autem Deus quod multa malítia hóminum esset in terra, et cuncta cogitatio cordis inténta esset ad malum omni témpore, pœnituit eum quod hóminem fecisset in terra. Et tactus dolore cordis intrínsecus, Delébo, inquit, hóminem, quem creávi, a facie terræ, ab hómine usque ad animántia, a réptili usque ad volucres cæli : pœnitet enim me fecisse eos. Noe vero invénit grátiam coram Dómino.

R̃. ij. Quadraginta dies et noctes apérti sunt cæli, et ex omni carne habénte spíritum vitæ, \* Ingrési sunt in arcam: et clausit a foris óstium Dóminus. Ṽ. Noe vero et filii ejus, uxor ejus et uxóres filiórum ejus. — Ingrési sunt in arcam.

## Lectio iij.

**H**Æ sunt generatiónes Noe : Noe vir justus atque perfectus fuit in generatióibus suis, cum Deo ambulávit. Et genuit tres filios, Sem, Cham, et Japheth. Corrupta est autem terra coram Deo, et repléta est iniquitaté. Cumque vidisset Deus terram esse corruptam,

(omnis quippe caro corrúperat viam suam super terram) dixit ad Noe : Finis univérsæ carnis venit coram me : repléta est terrainiquitate a fácie eórum, et ego dispérdam eos cum terra.

R. iij. Requíevit arca mense séptimo super montes Arménie : \* Et aquæ ibant et decrescébant usque ad décimum mensem. V. Décimo enim mense, primo die mensis, cacumina móntium apparuerunt. — Et aquæ ibant. Glória. Et aquæ ibant.

#### IN IL NOCTURNO.

Psalmi, Antiphonæ et V. ut in Psalterio, pagg. 10-13.

De Epístola ad Colossenses.

Lectio iv. Cap. 2.

**V**OLO enim vos scire qualem sollicitudinem hábeam pro vobis, et pro iis, qui sunt Laodicæ, et quicumque non videntur faciém meam in carne ; ut consoléntur corda ipsórum, instructi in caritate, et in omnes divitias plenitudinis intellectus, in agnitióem mystérii Dei Patris et Christi Jesu : in quo sunt omnes thesáuri sapientiæ, et scientiæ absconditi. Hoc autem dico, ut nemo vos decipiat in sublimitate sermonum. Nam etsi corpore absens sum, sed spiritu vobiscum sum gaudens, et videns ordinem vestrum, et firmaméntum ejus, quæ in Christo est, fidei vestræ.

R. iv. Volens Noe scire si jam cessassent aquæ, emisit columbam : quæ ramum viréntis olivæ in ore suo déferens, \* Ad arcam revérta est. V. Déferens autem signum cleméntiæ Dei

columba in ore suo. — Ad arcam revérta est.

#### Lectio v.

**V**IDEDE ne quis decipiat per philosophiam, et inánem falláciam secúndum tradióem hóminum, secúndum eleménta mundi, et non secúndum Christum : quia in ipso inhábitat omnis plenitúdo divinitátis corporaliter : et estis in illo repléti, qui est caput omnis principátus, et potestátis : in quo et circumcisi estis circumcisióne non manu facta in exspoliatióne córporis carnis, sed in circumcisióne Christi : consépulti ei in baptismo, in quo et resurrexistis per fidem operatiónis Dei, qui suscitávit illum a mórtuis.

R. v. Ædificávit Noe altáre Dómino, ófferens super illud holocáustum : odorátusque est Dóminus odórem suavitátis, et benedixit eis dicens : \* Créscite, et multiplicámini, et repléte terram. V. Ecce ego státuam pactum meum vobiscum, et cum sémine vestro post vos. — Créscite, et multiplicámini.

#### Lectio vj.

**E**T vos cum mórtui essétis in delictis, et præpútio carnis vestræ, convivificávit cum illo, donans vobis ómnia delicta : delens quod advérsus nos erat chirógraphum decreti, quod erat contrárium nobis, et ipsum tulit de médio, affigens illud cruci : et expólians principátus, et potestátes tradúxit confidénter, palam triúmphans illos in semetipso.

R. vj. Ponam arcum meum in núbibus cæli, dixit Dóminus ad Noe : \* Et recordábor fœderis mei, quod pépigi tecum.

¶ Cumque obdúxero núbibus  
cælum, apparébit arcus meus  
in núbibus. — Et recordábor  
fœderis mei, quod pépigi te-  
cum. Glória. Et recordábor.

### IN III. NOCTURNO.

Psalmi, Antiphonæ et ¶. ut  
in Psalterio, pagg. 13-15.

Lectio sancti Evangélíi  
secúndum Lucam.

Lectio vij. Cap. 8.

**I**n illo témpore : Cum turba  
plúrima convenírent, et de  
civitátibus properárent ad Je-  
sum, dixit per similitúdinem :  
Exiit qui séminat, semináre  
semen suum. Et reliqua.

Homília sancti Gergórii Papæ.

(Hom. 15. in Evang.)

**L**ectio sancti Evangélíi,  
quam modo, fratres carís-  
simi, audistis, expositióne  
non indiget, sed admonitióne.  
Quam enim per semetípsam  
Véritas expósuit, hanc discú-  
tere humana fragilitas non  
præsúmat. Sed est quod sollí-  
cite in hac ipsa expositióne  
Dominica pensáre debeámus :  
quia, si nos vobis semen ver-  
bum, agrum mundum, vóluc-  
res dæmónia, spinas divítias  
significáre dicerémus ; ad cre-  
déndum nobis mens fórsitan  
vestra dubitáret.

¶. vij. Per memetípsum jurá-  
vi, dicit Dóminus, non adjiciam  
ultra aquas dilúvii super ter-  
ram : pacti mei recordábor,  
\* Ut non perdam aquis dilúvii  
omnem carnem. ¶. Arcum  
meum ponam in núbibus, et  
erit signum fœderis inter me,  
et inter terram. — Ut non per-  
dam.

### Lectio viij.

**U**NDE et idem Dóminus per  
semetípsum dignátus est  
expónere quod dicébat ; ut  
sciátis rerum significatiónes  
quærere in iis étiam, quæ per  
semetípsum nóluit explanáre.  
Exponéndum ergo quod dixit,  
figuráte se loqui innóuit : quá-  
tenus certos nos rédderet, cum  
vobis nostra fragilitas verbó-  
rum illíus figúras aperíret.  
Quis enim mihi unquam cré-  
deret, si spinas divítias inter-  
pretári voluíssem, máxime cum  
illæ pungant, istæ délectent ?

¶. viij. Ecce ego státuam pa-  
ctum meum vobiscum, et cum  
sémine vestro post vos : \* Ne-  
que erit deinceps dilúvium dis-  
sipans terram. ¶. Erit arcus  
meus in núbibus, et vidébo il-  
lum, et recordábor fœderis mei  
sempitérni. — Neque erit deinceps.

### Lectio ix.

**E**T tamen spinæ sunt, quia  
cogitatiónum suárum pun-  
ctiónibus mentem lacerant : et  
cum usque ad peccátum pér-  
trahunt, quasi inflicto vúlnerē  
cruéntant. Quas bene hoc in  
loco, álio Evangelista testánte,  
nequáquam Dóminus divítias,  
sed falláces divítias appellat.  
Falláces enim sunt, quæ no-  
biscum diu permanére non pos-  
sunt : falláces sunt, quæ men-  
tis nostræ inópiam non expél-  
lunt. Solæ autem divítie veræ  
sunt, quæ nos divites virtúti-  
bus faciunt.

¶. ix. Benedicens ergo Deus  
Noe ait : Nequáquam ultra  
maledícam terræ propter hó-  
minem : \* Ad imáginem quip-  
pe Dei factus est homo. ¶. Hoc



erit signum fœderis inter me et terram : arcum meum ponam in núbibus cæli. — Ad imáginem. Glória. Ad imáginem.

R. Benedicens ergo.

Ante Laudes V. Excelsus super omnes gentes Dóminus. R. Et super cælos glória ejus.

### AD LAUDES

#### ANTIPHONÆ.

1. Secundum multitudínem miseratiónum tuárum Dómine, dele iniquitátem meam. Psalmus Miserére. cum ceteris, pag. 24.

2. Deus meus es tu, et confitébor tibi : Deus meus es tu, et exaltábo te.

3. Ad te de luce vigilo Deus, ut videam virtutem tuam.

4. Hymnum dicite, et superexaltáte eum in sæcula.

5. Omnes Angeli ejus laudáte Dóminum de cælis.

Capitulum Benedictio. et Hymnus Ecce jam noctis, pag. 21.

V. Dómine refúgium factus es nobis. R. A generatiónē et progénie.

Ad Benedictus Añ. Cum turba plúrima convenirent ad Jesum, et de civitatibus properarent ad eum, dixit per similitudinem : Exiit qui séminat semináre semen suum.

#### Oratio.

**D**EUS, qui cónspicis quia ex nulla nostra actióne confidimus, concéde propitius ut contra advérsa ómnia Doctóris Géntium protectióne muniámur. Per.

#### AD PRIMAM.

Añ. Semen cécidit in terram bonam : et áttulit fructum,

áliud centésimum, et áliud sexagésimum.

Psalmus Deus Deus meus respice in me. cum ceteris, pag. 33.

#### AD TERTIAM.

Añ. Semen cécidit in terram bonam, et áttulit fructum in patiéntia.

Capitulum. 1. Joan. 4.

**D**EUS caritas est : et qui manet in caritatē, in Deo manet, et Deus in eo.

R. Spes mea Dómine \* A juventute mea. V. In te confirmátus sum ex útero : de ventre matris meæ tu es meus protectór. A juventute mea. Glória. Spes mea Dómine a juventute mea.

V. Adjutor meus esto Dómine : ne derelínquas me. R. Neque despicias me Deus salutáris meus.

#### AD SEXTAM.

Añ. Jesus hæc dicens clamábat : Qui habet aures audiéndi áudiat.

Capitulum. 2. Cor. 13.

**G**RATIA Dómini nostri Jesu Christi, et caritas Dei, et communicatio sancti Spiritus sit semper cum ómnibus vobis. Amen.

R. Esto nobis Dómine \* Turris fortitudinis. V. A fácie inimici. Turris. Glória. Esto.

V. Dóminus regit me, et nihil mihi déerit. R. In loco páscae ibi me collocávit.

#### AD NONAM.

Añ. Qui verbum Dei réti-  
nent corde perfécto et óptimo,  
fructum áfferunt in patiéntia.

Capitulum. 1. Joan. 5.

**T**RES sunt qui testimónium dant in cælo : Pater, Verbum, et Spiritus sanctus : et hi tres unum sunt.

R. Educ de cárcere ánimam meam, \* Ut confiteátur nómini tuo Dómine. V. Périit fuga a me, et non est qui requirat ánimam meam. Ut confiteátur. Glória. Educ.

V. Ab occúltis meis munda me Dómine. R. Et ab aliénis parce servo tuo.

#### AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Dóminus dirígat. et Hymnus Lucis Creátor óptime., pag. 127.

V. Dirígatur Dómine orátio mea. R. Sicut incénsum in conspéctu tuo.

Ad Magnificat Aña. Vobis datum est nosse mystérium regni Dei, ceteris autem in parábolis, dixit Jesus discípulis suis.

Oratio. Deus, qui cóspicis., pag. 343.

#### PER HEBDOMADAM, QUANDO DE TEMPORE AGITUR.

Ad Benedictus Aña. Semen est verbum Dei, sator autem Christus : omnis qui audit eum manébit in ætérnum.

Ad Magnificat Aña. Quod autem cecidit in terram bonam : hi sunt, qui in corde bono et óptimo verbum rétinent, et fructum áfferunt in patién-  
tia.

#### FERIA SECUNDA.

De libro Génesis.

Lectio j. Cap. 7.

**F**ECIT ergo Noe ómnia, quæ mandáverat ei Dóminus. Erátque sexcentórum annórum quando dilúvii aquæ inundavérunt super terram. Et ingressus est Noe et filii ejus, uxor ejus et uxóres filiórum ejus cum eo in arcam propter aquas dilúvii. De animántibus quoque mundis et immúndis, et de volúcribus, et ex omni, quod movétur super terram, duo et duo ingressa sunt ad Noe in arcam, másculus et femina, sicut præcéperat Dóminus Noe.

Lectio ij.

**C**UMQUE transissent septem dies, aquæ dilúvii inundavérunt super terram. Anno sexcentésimo vitæ Noe, mense secúndo, septimodécimo die mensis, rupti sunt omnes fontes abyssi magnæ, et cataractæ cæli apértæ sunt : et facta est plúvia super terram quadraginta diébus et quadraginta nóctibus.

Lectio iij.

**I**N articulo diéi illius ingressus est Noe, et Sem, et Cham, et Japheth filii ejus : uxor illius, et tres uxóres filiórum ejus cum eis in arcam : ipsi et omne ánimál secúndum genus suum, univérsaque júmenta in génere suo, et omne quod movétur super terram in génere suo, cunctúmque volátile secúndum genus suum, univérsæ aves, omnésque volúcrés ingressæ sunt ad Noe in arcam.

## FERIA TERTIA.

De libro Génesis.

Lectio j.

Cap. 7.

**F**ACTUMQUE est dilúvium quadraginta diébus super terram : et multiplicatæ sunt aquæ, et elevavérunt arcam in sublime a terra. Veheménter enim inundavérunt : et ómnia replevérunt in superficie terræ : porro arca ferebátur super aquas. Et aquæ prævaluerunt nimis super terram : opertique sunt omnes montes excelsi sub univérso cælo.

Lectio ij.

**Q**UINDECIM cúbitis áltior fuit aqua super montes, quos operúerat. Consumptaque est omnis caro quæ movebátur super terram, vólucrum, animántium, bestiárum, omniúmque reptílium, quæ reptant super terram : univérsi hómines, et cuncta, in quibus spiráculum vitæ est in terra, mórtua sunt.

Lectio iij.

**E**T delévit omnem substántiam, quæ erat super terram, ab hómine usque ad pecus, tam réptile quam vólucres cæli : et deléta sunt de terra : remánsit autem solus Noe, et qui cum eo erant in arca. Obtinuerúntque aquæ terram centum quinquaginta diébus.

## FERIA QUARTA.

De libro Génesis.

Lectio j.

Cap. 8.

**C**UMQUE transissent quadraginta dies, apériens Noe fenéstram arcæ, quam fécerat, dimisit corvum : qui egrediebátur, et non revertébátur, do-

nec siccaréntur aquæ super terram. Emisit quoque colúmbam post eum, ut vidéret si jam cessássent aquæ super fáciem terræ. Quæ cum non invenisset ubi requiérceret pes ejus, revérsa est ad eum in arcam : aquæ enim erant super univérsum terram : extendítque manum, et apprehénsam intulit in arcam.

Lectio ij.

**E**XSPECTATIS autem ultra septem diébus áliis, rursum dimisit colúmbam ex arca. At illa venit ad eum ad vésperam, portans rami olivæ viréntibus fóliis in ore suo. Intelléxit ergo Noe quod cessássent aquæ super terram. Exspectavitque nihilóminus septem álios dies : et emisit colúmbam, quæ non est revérsa ultra ad eum. Igitur sexcentésimo primo anno, primo mense, prima die mensis imminútæ sunt aquæ super terram.

Lectio iij.

**E**T apériens Noe tectum arcæ, aspéxit, vidítque quod exsiccata esset superficies terræ. Mense secúndo, séptimo et vigésimo die mensis arefacta est terra. Locútus est autem Deus ad Noe, dicens : Egréde-re de arca, tu et uxor tua, filii tui et uxóres filiórum tuórum tecum : cuncta animántia, quæ sunt apud te, ex omni carne.

## FERIA QUINTA.

De libro Génesis.

Lectio j.

Cap. 8.

**E**GRESSUS est ergo Noe, et filii ejus : uxor illius, et uxóres filiórum ejus cum eo.



Sed et ómnia animántia, juménta, et reptília quæ reptant super terram secúndum genus suum, egréssa sunt de arca. **Ædificávit autem Noe altáre Dómino : et tollens de cunctis pecóribus et volúcribus mundis, obtulit holocáusta super altáre.**

Lectio ij.

**O**DORATUSQUE est Dóminus Odórem suavitátis, et ait : Nequáquam ultra maledicam terræ propter hómines : sensus enim et cogitatio humáni cordis in malum prona sunt ab adolescéntia sua : non igitur ultra percútiám omnem ánimam vivéntem sicut feci. Cunctis diébus terræ, seméntis et messis, frigus et æstus, æstas et hiems, nox et dies non requiescent.

Lectio iij.

Cap. 9.

**B**ENEDIXITQUE Deus Noe et filii ejus. Et dixit ad eos : Crésceite, et multiplicámini, et repléte terram. Et terror vester ac tremor sit super cuncta animália terræ, et super omnes volúcrés cæli, cum univér-sis quæ movéntur super terram : omnes pisces maris má-nui vestræ trádicti sunt. Et omne, quod movétur et vivit, erit vobis in cibum : quasi ólera viréntia trádidí vobis ómnia. Excépto, quod carnem cum ságuine non comedétis.

FERIA SEXTA.

De libro Génesis.

Lectio j.

Cap. 9.

**D**IXITQUE Deus : Hoc signum fœderis quod do inter me et vos, et ad omnem ánimam vivéntem, quæ est vobiscum in generatiónes sem-

pitérnas : Arcum meum ponam in núbibus, et erit signum fœderis inter me, et inter terram. Cumque obdúxero núbibus cælum, apparébit arcus meus in núbibus : et recordábor fœderis mei vobiscum, et cum omni ánimá vivéntem quæ carnem végetat : et non erunt ultra aquæ dilúvii ad deléndum univér-sam carnem.

Lectio ij.

**E**RITQUE arcus in núbibus, et vidébo illum, et recordábor fœderis sempitérni quod pactum est inter Deum et omnem ánimam vivéntem univér-sæ carnis quæ est super terram. Dixitque Deus ad Noe : Hoc erit signum fœderis, quod constitui inter me et omnem carnem super terram. Erant ergo filii Noe, qui egréssi sunt de arca, Sem, Cham, et Japheth.

Lectio iij.

**C**ÆPITQUE Noe vir agricola exercére terram, et plantávit vineam. Bibénsque vinum inebriátus est, et nudátus in tabernáculo suo. Quod cum vidisset Cham pater Chánaan, verénda scilicet patris sui esse nudáta, nuntiávit duobus frátribus suis foras. At vero Sem et Japheth pállium imposuérunt húmeris suis, et incedéntes retrórsum, operuérunt verénda patris sui : faciésque eórum aversæ erant, et patris virília non vidérunt.

SABBATO.

De libro Génesis.

Lectio j.

Cap. 11.

**E**RAT autem terra lábii unius, et sermónum eorúmdem. Cumque proficisceréntur de

oriēte, invenērunt campum in terra Sēnnaar, et habitavērunt in eo. Dixitque alter ad prōximum suum : Venīte, faciāmus lāteres, et coquāmus eos igni. Habuerūtque lāteres pro saxi, et bitūmen pro cæmēto : et dixerunt : Venīte, faciāmus nobis civitātem et turrim, cuius culmen pertingat ad cælum : et celebrēmus nomen nostrum āntequam dividāmur in univēsas terras.

Lectio ij.

**D**ESCENDIT autem Dōminus ut vidēret civitātem et turrim, quam ædificābant filii Adam, et dixit : Ecce, unus est pōpulus, et unum lābium omnibus : cœperūtque hoc facere, nec desident a cogitationibus suis, donec eas ōpere cōmpleant. Venīte igitur, descendāmus, et confundāmus ibi linguam eōrum, ut non audiat unusquisque vocem prōximi sui.

Lectio iij.

**A**TQUE ita divisit eos Dōminus ex illo loco in univēsas terras, et cessavērunt ædificāre civitātem. Et idcirco vocātum est nomen ejus Babel, quia ibi confūsum est lābium univērsæ terræ : et inde dispērsit eos Dōminus super faciē cunctārum regiōnum. Hæ sunt generatiōnes Sem : Sem erat centum annōrum quando gēnuīt Arphaxad, biēnnio post dilūvium.

AD VESPERAS.

**R̃.** Dum staret Abraham ad illicem Mambre, vidit tres viros ascendētes per viam : tres vidit, \* Et unum adorāvit.

**Ÿ.** Cumque elevāset ōculos, apparuērunt ei tres viri stantes juxta eum. Et unum. Glōria. Et unum.

Ad Magnificat Añā. Quod autem cēcidit in terram bonam : hi sunt, qui in corde bono et ōptimo verbum rētinēt, et fructum āfferunt in patiētia.

Oratio.

**P**RECES nostras, quæsumus Dōmine, clemēter exāudi; atque a peccātorum vīculis absolūtos ab omni nos adversitatē custōdi. Per.

DOM. IN QUINQUAGESIMA.

AD MATUTINUM.

Invitatorium Præoccupēmus faciē Dōmini. et Psalmus Venite exsultēmus, ut in Septuagesima, pag. 331.

Hymnus Nocte surgētes., pag. 2.

IN I. NOCTURNO.

Psalmi, Antiphonæ et **Ÿ.** ut in Psalterio, pagg. 4-9.

De libro Gēnesis.

Lectio j.

Cap. 12.

**D**IXIT autem Dōminus ad Abram : Egrēdere de terra tua, et de cognatiōe tua, et de domo patris tui, et veni in terram, quam monstrābo tibi. Faciāmq̃ue te in gentem magnam, et benedicam tibi, et magnificābo nomen tuum, erisque benedictus. Benedicam benedicētib⁹ tibi, et maledicam maledicētib⁹ tibi, atque in te benedicētur univērsæ cognatiōnes terræ. Egrēssus est itaque Abram sicut præcep̃erat ei Dōminus, et ivit cum eo Lot.

R. j. Locutus est Dominus ad Abram dicens : Egređere de terra tua, et de cognatiōe tua, et veni in terram, quam monstrāvero tibi : et faciā te creāscere \* In gentem magnam. V. Benedicens benedicā tibi, et multiplicābo te. — In gentem magnam.

Lectio ij.

**S**EUPTUAGINTA quinque annorum erat Abram cum egrederetur de Haran. Tulitque Sārai uxorem suam, et Lot filium fratris sui, universāque substantiam quam possederant, et ānimas quas fecerant in Haran : et egressi sunt ut irent in terram Chānaan. Cumque venissent in eam, pertransiuit Abram terram usque ad locum Sichem, usque ad conuallē illūstre : Chananæus autem tunc erat in terra.

R. ij. Revertenti Abram a cæde quātuor regum, occurrīt rex Salem Melchisedech, offerens panem et vinum, erat enim Dei sacerdos : \* Et benedixit illi. V. Benedictus Abram Deo altissimo, qui creāuit cælum et terram. — Et benedixit illi.

Lectio iij.

**A**PPARUIT autem Dominus Abram, et dixit ei : Sēmini tuo dabo terram hanc. Qui ædificāuit ibi altāre Dōmino, qui apparuerat ei. Et inde transgrediens ad montem, qui erat contra oriētem Bethel, tetēdit ibi tabernāculum suum, ab occidēte habens Bethel, et ab oriēte Hai. Ædificāuit quoque ibi altāre Dōmino, et invocāuit nomen ejus. Perrexitque Abram vadens,

et ultra progrēdiens ad meridiem.

R. iij. Dixit autem Dominus ad Abram : Ego sum, et pactum meum tecum : sanctificetur in vobis omne masculinum : \* Et erit signum inter me, et semen tuum. V. Ex te namque egrediētur, in quo omnes gentes benedicentur. — Et erit signum. Glōria. Et erit signum.

IN II. NOCTURNO.

Psalmi, Antiphonæ et V. ut in Psalterio, pagg. 10-13.

De Epistola ad Colossenses.

Lectio iv. Cap. 3.

**I**GITUR, si consurrexistis cum Christo : quæ sursum sunt quærite, ubi Christus est in dextera Dei sedens : quæ sursum sunt sapiate, non quæ super terram. Mortui enim estis, et vita vestra est abscondita cum Christo in Deo. Cum Christus apparuerit, vita vestra : tunc et vos apparēbitis cum ipso in glōria. Mortificate ergo membra vestra, quæ sunt super terram : fornicationem, immunditiam, libidinem, concupiscēntiam malam, et avaritiam, quæ est simulacrorum sērvitus : propter quæ venit ira Dei super filios incredulitātis : in quibus et vos ambulāstis aliquādo, cum viverētis in illis.

R. iv. Dum staret Abraham ad ilicem Mambre, vidit tres viros ascendētes per viam : tres vidit, \* Et unum adorāuit. V. Cumque elevāset oculos, apparuerunt ei tres viri stantes juxta eum. — Et unum adorāuit.



## Lectio v.

**N**UNC autem depónite et vos ómnia : iram, indignationem, malitiam, blasphemiam, turpem sermonem de ore vestro. Nolíte mentiri invicem, exspoliántes vos véterem hóminem cum áctibus suis, et induéntes novum eum, qui renovátur in agnitionem secundum imaginem ejus, qui creávit illum. Ubi non est Gentilis, et Judæus, circumcisio, et præputium, Bárbarus, et Scytha, servus, et liber : sed ómnia, et in ómnibus Christus.

R. v. Clamor, inquit Dóminus, Sodomórum et Gomórrhæ venit ad me : \* Descendam, et vidébo utrum clamórem ópere compléverint. V. Abraham stabat coram Deo, et ait : Absit a te, Dómine, ut perdas justum cum impiis. — Descendam.

## Lectio vj.

**I**NDUITE vos ergo sicut elécti Dei, sancti, et dilécti, viscera misericórdiæ, benignitatem, humilitatem, modéstiam, patientiam : supportántes invicem, et donántes vobismetipsis si quis adversus áliquem habet querélam : sicut et Dóminus donávit vobis, ita et vos. Super ómnia autem hæc, caritatem habéte, quod est vinculum perfectiónis : et pax Christi exsúltet in córdibus vestris, in qua et vocáti estis in uno corpore : et grati estóte.

R. vj. Ascéndens ergo Deus ab Abraham, pluit ignem et sulphur super Sódoram : \* Abraham mane consúrgens stetit, et evérsas urbes a longe conspéxit. V. Recordátus

est Deus Abraham, et liberávit Lot de subversióne Sódomæ. — Abraham. Glória. Abraham.

## IN III. NOCTURNO.

Psalmi, Antiphonæ et V. ut in Psalterio, pagg. 13-15.

Léctio sancti Evangélii secundum Lucam.

Lectio vij. Cap. 18.

**I**N illo témpore : Assúmpsit Jesus duódecim, et ait illis : Ecce ascéndimus Jerosólymam, et consummabúntur ómnia, quæ scripta sunt per prophétas de Filio hóminis. Et réliqua.

Homília sancti Gregórii Papæ. (Hom. 2. in Evang.)

**R**EDEMPTOR noster, prævidens ex Passióne sua discipulórum ánimos perturbándos, eis longe ante, et ejúsdem Passiónis pœnam, et Resurrectiónis suæ glóriam prædixit : ut cum eum moriéntem, sicut prædictum est, cérnerent ; étiam resurrectúrum non dubitarent. Sed quia carnáles adhuc discipuli nullo modo valébant cåpere verba mystérii, venit ad miráculum. Ante eórum óculos cæcus lumen recepit : ut qui cæléstis mystérii verba non cåperent, eos ad fidem cæléstia facta solidarent.

R. vij. Tentávit Deus Abraham, et dixit ad eum : \* Tolle filium tuum, quem diligis, Isaac : et offeres illum ibi in holocástum super unum móntium quem díxero tibi. V. Vocátus quoque a Dómino respóndit : Adsum : et ait ei Dóminus. — Tolle filium tuum.

## Lectio viij.

**E**CCE enim, quis juxta historiam cæcus iste fúerit ignoramus : sed tamen quid per mysterium significet, nóvimus. Cæcum quippe est genus humanum, quod in parénte primo a Paradísi gáudiis expúlsum, claritátem supérnæ lucis ignorans, damnationis suæ ténebras pátitur. Sed tamen per Redemptóris sui præséntiam illuminátur : ut internæ lucis gáudia jam per desidérium vídeat, atque in via vitæ boni óperis gressus ponat.

R. viij. Angelus Dómini vocávit Abraham, dicens : \* Ne exténdas manum tuam super púerum, eo quod timeas Dóminum. V. Cumque extendisset manum, ut immoláret filium, ecce Angelus Dómini de cælo clamávit, dicens. — Ne exténdas.

## Lectio ix.

**N**OTANDUM vero est, quod cum Jesus Jéricho appropinquáre dicitur, cæcus illuminátur. Jéricho quippe luna interpretátur; luna autem in sacro elóquio pro defectu carnis pónitur : quia dum méstruis momentis decrésцит, defectum nostræ mortalitátis designat. Dum igitur Cónditor noster appropinquat Jéricho, cæcus ad lumen redit : quia dum Divínitas defectum nostræ carnis suscepit, humanum genus lumen, quod amiserat, recépit. Unde enim Deus humana pátitur, inde homo ad divína sublevátur.

R. ix. Deus dómini mei Abraham, dirige viam meam : \* Ut cum salute revértar In

domum dómini mei. V. Obsecro Dómine, fac misericórdiam cum servo tuo. — Ut cum salute. Glória. In domum.

R. Deus dómini mei.

Ante Laudes V. Excelsus super omnes gentes Dóminus. R. Et super cælos glória ejus.

## AD LAUDES

## ANTIPHONÆ.

1. Avérte Dómine faciém tuam a peccátis meis : et omnes iniquitátes meas dele. Psalmus Miserére. cum ceteris, pag. 24.

2. Fortitúdo mea et laus mea Dóminus, factus est mihi in salutem.

3. In matutínis Dómine meditábor in te : quia factus es adjutor meus.

4. Benedicámus Patrem et Filium in sæcula cum sancto Spíritu.

5. Juvénes et vírgines, senes cum junióribus laudent nomen Dómini.

Capitulum Benedictio. et Hymnus Ecce jam noctis., pag. 21.

V. Dómine refúgium factus es nobis. R. A generatióne et progénie.

Ad Benedictus Añã. Ecce ascéndimus Jerosólymam, et consummabúntur ómnia quæ scripta sunt de Filio hóminis. Tradétur enim Géntibus, et illudétur, et flagellábitur, et conspuétur : et postquam flagelláverint, occident eum et tértia die resúrget. Oratio.

**P**RECES nostras, quæsumus Dómine, cleménter exáudi; atque a peccatórum vinctulis absolútos ab omni nos adversitaté custódi. Per.

## AD PRIMAM.

Añā. Iter faciēte Jesu, dum appropinquāret Jéricho, cæcus clamābat ad eum, ut lumen reciperet mereretur. Psalmus Deus meus respice in me. cum ceteris, pag. 33.

## AD TERTIAM.

Añā. Transeūte Dómino, clamābat cæcus ad eum : Miserere mei Fili David.

Capitulum. 1. Joan. 4.  
**D**EUS caritas est : et qui manet in caritate, in Deo manet, et Deus in eo.

R. Spes mea Dómine \* A juventute mea. V. In te confirmatus sum ex utero : de ventre matris meæ tu es meus protector. A juventute mea. Glória. Spes mea Dómine a juventute mea.

V. Adjutor meus esto Dómine : ne derelinquas me. R. Neque despicias me Deus salutaris meus.

## AD SEXTAM.

Añā. Cæcus sedēbat secus viam et clamābat : Miserere mei fili David.

Capitulum. 2. Cor. 13.  
**G**RATIA Dómini nostri Jesu Christi, et caritas Dei, et communicatio sancti Spiritus sit semper cum omnibus vobis. Amen.

R. Esto nobis Dómine \* Turris fortitudinis. V. A facie inimici. Turris. Glória. Esto.

V. Dóminus regit me, et nihil mihi dérit. R. In loco pascuæ ibi me collocavit.

## AD NONAM.

Añā. Cæcus magis ac magis clamābat, ut eum Dóminus illumināret.

## Capitulum. 1. Joan. 5.

**T**RES sunt qui testimonium dant in cælo : Pater, Verbum, et Spiritus sanctus : et hi tres unum sunt.

R. Educ de carcere animam meam, \* Ut confiteatur nomini tuo Dómine. V. Périt fuga a me, et non est qui requirat animam meam. Ut confiteatur. Glória. Educ.

V. Ab occultis meis munda me Dómine. R. Et ab aliénis parce servo tuo.

## AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Dóminus dirigat. et Hymnus Lucis Creator optime. pag. 127.

V. Dirigatur Dómine oratio mea. R. Sicut incensum in conspectu tuo.

Ad Magnificat Añā. Stans autem Jesus jussit cæcum adduci ad se, et ait illi : Quid vis ut faciam tibi? Dómine ut videam. Et Jesus ait illi : Respice, fides tua te salvum fecit. Et confestim vidit, et sequebatur illum magnificans Deum.

## FERIA SECUNDA.

De libro Génesis.

Lectio j. Cap. 13.

**A**SCENDIT ergo Abram de Ægypto, ipse et uxor ejus, et omnia quæ habebat, et Lot cum eo ad australem plagam. Erat autem dives valde in possessione auri et argenti. Reversusque est per iter, quo venerat, a meridie in Bethel usque ad locum ubi



prius fixerat tabernáculum inter Bethel et Hai : in loco altáris quod fécerat prius, et invocávit ibi nomen Dómini.

Lectio ij.

**S**ED et Lot qui erat cum Abram, fuérunt greges óvium, et arménta, et tabernácula. Nec póterat eos cápere terra, ut habitárent simul : erat quippe substántia eórum multa, et nequibant habitáre commúnter. Unde et facta est rixa inter pastóres gregum Abram et Lot. Eo autem témpore Chananæus et Pherezæus habitábant in terra illa.

Lectio iij.

**D**IXIT ergo Abram ad Lot : Ne quæso sit júrgium inter me et te, et inter pastóres meos, et pastóres tuos : fratres enim sumus. Ecce univér-sa terra coram te est : recéde a me, obsecro. Si ad sinistram ieris, ego dexteram tenébo : si tu dexteram elégeris, ego ad sinistram pergam. Elegitque sibi Lot regiónem circa Jordá-nem, et recéssit ab oriénte.

Ad Benedictus, quando de Tempore agitur, Añã. Tradé-tur enim Géntibus ad illudén-dum, et flagellándum, et crucifigéndum.

Ad Magnificat, quando de Tempore agitur, Añã. Omnis plebs ut vidit, dedit laudem Deo.

#### FERIA TERTIA.

De libro Génesis.

Lectio j. Cap. 15.

**F**ACTUS est sermo Dómini ad Abram per visiónem di-cens : Noli timére Abram, ego

protéctor tuus sum, et merces tua magna nimis. Dixitque Abram : Dómine Deus, quid dabis mihi? Ego vadam absque liberis : et filius procuratóris domus meæ iste Damáscus Eliezer. Addiditque Abram : Mihi autem non dedisti semen : et ecce vernáculus meus, heres meus erit.

Lectio ij.

**S**TATIMQUE sermo Dómini factus est ad eum, dicens : Non erit hic heres tuus : sed qui egrediétur de útero tuo, ipsum habébis herédem. Edu-xitque eum foras, et ait illi : Súspice cælum, et ait illi : Súmera stellas, si potes. Et dixit ei : Sic erit semen tuum. Crédidit Abram Deo, et reputátum est illi ad justítiam.

Lectio iij.

**D**ICTUMQUE est ad eum : Scito prænúscens quod peregrínus futúrus sit semen tuum in terra non sua, et sub-jicient eos servitúti, et affligent quadringéntis annis. Verúm-tamen gentem, cui servitúri sunt, ego judicábo : et post hæc egrediéntur cum magna substántia. Tu autem ibis ad patres tuos in pace, sepúltus in senectúte bona. Generatióne autem quarta reverténtur huc.

Ad Benedictus et ad Magnificat, quando de Tempore agitur, Antiphonæ ut in præce-denti FERIA secunda.

#### FERIA IV. CINERUM.

##### AD MATUTINUM.

Invitatorium. In manu tua Dómine \* Omnes fines terræ.

## Hymnus.

**N**OCTE surgéntes vigilémus  
omnes,

Semper in psalmis meditémur,  
atque

Víribus totis Dómino canámus  
Dúlceiter hymnos.

Ut pio Regi páriter canén-  
tes,

Cum suis sanctis mereámur  
aulam

Ingredi cæli, simul et beátam  
Dúcere vitam.

PRÆSTET hoc nobis Dēitas  
beáta

Patris, ac Nati, paritérque  
sancti

Spiritus, cujus réboat in omni  
Glória mundo. Amen.

## IN NOCTURNO.

Psalmus 52. Dixit insipiens.  
et ceteri cum suis Antiphonis  
de FERIA quarta ut in Psalte-  
rio, pag. 73.

℟. Deus vitam meam annun-  
tiávi tibi. ℞. Posuisti lácrimas  
meas in conspéctu tuo.

Léctio sancti Evangélíi  
secúndum Matthæum.

Lectio j. Cap. 6.

**I**N illo témpore : Dixit Jesus  
discípulis suis : Cum jeju-  
nátis, nolite fieri sicut hypó-  
critæ tristes. Et reliqua.

Homílla sancti Máximi  
Epíscopi.

(Homíllia in die Cinerum )

**Q**UIA nonnullórum est con-  
suetúdo, caríssimi, adve-  
niéntes Quadragésimæ dies  
devotióre jejúnio præveníre,  
necessário præsens Evangélíi  
decúrso est léctio, in qua Dó-  
minus noster, virtútum spirituá-  
lium retribútor, sanctam nobis  
perfectámque dedit régulam

jejunándi, dicens : Cum jeju-  
nátis, non éritis sicut hypócri-  
tæ tristes : extrémant enim  
fácies suas, ut appáreant ho-  
mínibus jejunáre. Non enim  
Deo jejúnat, sed homínibus,  
quicúmque ostentatióne jejúnii  
sui glóriam requírit humánam.

℞. j. Tentávit Deus Abra-  
ham, et dixit ad eum : \* Tolle  
filium tuum, quem diligis,  
Isaac : et offeres illum ibi in  
holocáustum super unum món-  
tium, quem dixero tibi. ℟. Vo-  
cátus quoque a Dómino res-  
póndit : Adsum : et ait ei Dó-  
minus. — Tolle filium tuum.

## Lectio ij.

**E**XTERMINANT autem fácies  
suas qui, mæróre simulato,  
religiósum vultum populórum  
óculis mentiúntur. Non vult  
enim disciplínæ cæléstis Ma-  
gíster irreligióse agi quod fieri  
pro religióne præcipitur : nec  
pátitur invocántium se labó-  
rem, quibus ætérnam parat  
mercédem, infructuósæ jactán-  
tiæ vitio deperire. Non éritis,  
inquit, sicut hypócritæ tristes.  
Si enim vere mæstus et tristis  
es quia jejúnas, nullam tibi  
ut ingrátus apud Deum grá-  
tiam reservábis : quia, quam-  
vis opus fácias bonum, pravi-  
táte tamen degéneris animi,  
invítus operáris.

℞. ij. Angelus Dómini vocá-  
vit Abraham dicens : \* Ne ex-  
téndas manum tuam super  
púerum, eo quod timeas Dó-  
minum. ℟. Cumque extendís-  
set manum ut immoláret fi-  
lium, ecce Angelus Dómini  
de cælo clamávit dicens : —  
Ne exténdas manum tuam su-  
per púerum.

## Lectio iij.

**S**I autem pro quadam sanctitatis imagine tristitiam simulamus, omnem fructum promissionis divinæ, obsequii tui ostentator, amittis. Quod si Deo jejúnium tuum defers, cur illud hominibus pari tecum conditione viventibus, vanæ gloriæ sectator, ostentas? Hanc Apóstolus secutus sententiam dicebat: Nolite fieri inánis gloriæ cúpidi. Ináne est enim et vanum, quidquid nullius pónderis aut virtutis firmitate consistit. Ináne est, quod cum sæculo prætereúnte deficiens, ad vitam non transit ætérnam.

℞. iij. Deus dómini mei Abraham dirige viam meam: \* Ut cum salute revértar In domum dómini mei. ℣. Obsecro Dómine, fac misericórdiam cum servo tuo. — Ut cum salute. Glória. In domum dómini mei.

Ante Laudes ℣. Fiat misericórdia tua Dómine super nos. ℞. Quemádmódum sperávimus in te.

## AD LAUDES.

Psalmi et Antiphonæ de Feria quarta ut in Psalterio, pag. 81.

Capitulum. Joel. 2.

**C**ONVERTIMINI ad me in toto corde vestro in jejúnio, et fletu, et planctu: et scíndite corda vestra, et non vestiménta vestra, ait Dóminus omnipotens.

## Hymnus.

**E**CCE jam noctis tenuátur umbra,  
Lucis auróra rútilans corúscat:

Nisibus totis rogitémus omnes  
Cunctipotentem.

Ut Deus noster miserátus  
omnem

Pellat languórem, tríbuat salutem,

Donet et nobis pietáte Patris  
Regna polórum.

PRÆSTET hoc nobis Déitas  
beáta

Patris, ac Nati, paritérque  
sancti

Spiritus, cujus réboat in omni  
Glória mundo. Amen.

℣. In matutinis Dómine meditábor in te. ℞. Quia fuísti adjútor meus.

Ad Benedictus Añā. Cum jejúnátis, nolite fieri sicut hypocritæ tristes.

Kyrie eléison. Christe eléison.  
Kyrie eléison. Pater noster.  
secreto.

Et ne nos indúcas in tentatiónem. ℞. Sed libera nos a malo.

Dóminus vobíscum. ℞. Et cum spíritu tuo.

Orémus. Oratio.

**P**RÆSTA Dómine fidélibus tuis: ut jejuniórum veneránda solémnia et cóngrua pietáte suscipiant, et secúra devotióne percúrrant. Per.

† Ab hac die et deinceps usque ad Cenam Domini exclusive, Orationes in singulis Feriis ad Laudes positæ dicantur ad Tertiam, Sextam et Nonam, cum de Tempore agitur; ad Vesperas autem dicantur propriæ per singulas Ferias notatæ.

Dicta in Laudibus Oratione de Feria Præsta Dómine fidélibus tuis., ut supra, fiat Memoria de Officio votivo in Feriis quartis celebrari solito.



## AD PRETIOSA.

Evangelium Cum jejunátis.,  
ut in Nocturno, pag. 353.

## AD PRIMAM.

Añā. Deus exáudi oratióne  
meam : áuribus pércipe verba  
oris mei.

Psalmi consueti Deus in nó-  
mine tuo., Beáti immaculáti.,  
Retribue.

Capitulum Pacem., Preces et  
Oratio Dómine Deus omnipo-  
tens.

## AD TERTIAM.

Añā. Deduc me Dómine in  
sémitam mandatórum tuórum.

Capitulum Convertimini., ut  
in Laudibus.

℞. Sana ánimam meam,  
\* Quia peccávi tibi. Sana.  
℟. Ego dixi : Dómine miserére  
mei. Quia. Glória. Sana.

℟. Adjutor meus esto Dómi-  
ne : ne derelinquas me. ℞. Ne-  
que despicias me Deus salutá-  
ris meus.

Kyrie eléison. et reliqua ut in  
Laudibus.

## AD SEXTAM.

Añā. Adjuva me, et salvus  
ero Dómine.

Capitulum. Isa. 55.

**D**ERELINQUAT impius viam  
suam, et vir iniquus cogi-  
tationes suas, et revertatur ad  
Dóminum, et miserébitur ejus:  
et ad Deum nostrum, quóniam  
multus est ad ignoscendum.

℞. Benedicam Dóminum \*  
In omni témpore. Benedicam.  
℟. Semper laus ejus in ore  
meo. In omni. Glória. Benedi-  
cam.

℟. Dóminus regit me, et nihil  
mihi déerit. ℞. In loco páscae  
ibi me collocávit.

Kyrie eléison., et reliqua ut in  
Laudibus.

## AD NONAM.

Añā. Aspice in me Dómine,  
et miserére mei.

Capitulum. Isa. 58.

**F**RANGE esuriénti panem  
tuum, et egénos, vagrósque  
induc in domum tuam : cum  
videris nudum, óperi eum, et  
carnem tuam ne despéxeris,  
ait Dóminus omnipotens.

℞. Rédime me Dómine, \* Et  
miserére mei. Rédime me.  
℟. Pes enim meus stetit in via  
recta : in ecclésiis benedicam  
te Dómine. Et miserére mei.  
Glória. Rédime me.

℟. Ab occultis meis munda  
me Dómine. ℞. Et ab aliénis  
parce servo tuo.

Kyrie eléison., et reliqua ut  
in Laudibus.

† Ab hac die usque ad Fe-  
riam iv. ante Cenam Domini  
inclusive, quando fit Officium  
de Feria, non omittantur Pre-  
ces (sc. Kyrie eléison. Christe  
eléison. Kyrie eléison. Pater  
noster.) ad Nonam, etiam in  
Sabbato et in Vigilia festi no-  
vem Lectionum.

Hodie, finita Nona, Fratres in  
choro prostrati dicant septem  
Psalmos Pœnitentiales, termi-  
nando quemlibet per Glória  
Patri., et in fine Añam Ne re-  
miniscáris., uti pag. 193\*. ha-  
betur. Exsistentes vero extra  
chorum ad eos recitandos non  
teneantur. Deinde dicatur :  
Kyrie eléison. Christe eléison.  
Kyrie eléison. Pater noster.  
Quo finito dicat Prior. Et ne  
nos indúcas. cum ℟℟., Oratio-  
ne et Absolutione, ut pag. 198\*.  
notatum est.

† Hac die et deinceps usque ad Sabbatum sanctum inclusive dicantur Vesperæ ante prandium, exceptis Dominicis diebus.

#### AD VESPERAS.

Psalmi Feriales cum suis Antiphonis ut in Psalterio, pag. 134.; Capitulum Convertimini., ut supra; Hymnus Lucis Creátor., pag. 127.

V. Dirigátur Dómine oratio mea. R. Sicut incensum in conspectu tuo.

Ad Magnificat Añā. Thesaurizáte vobis thesauros in cælo : ubi nec ærugo, nec tinea demolitur.

Kyrie eléison. Christe eléison. Kyrie eléison. Pater noster. Et ne nos. Dóminus vobiscum.

Orémus. Oratio.

**I**NCLINANTES se Dómine mājestati tuæ propitiatus inténde : ut qui divino múnere sunt refecti cælestibus semper nutriantur auxiliis. Per.

† Si Vesperæ de Feria non fuerint, fiet de ea Memoria per Añam Thesaurizáte., V. Dirigátur. et Orationem Inclínantes se., ut supra.

† Ordo hujus Feriæ servetur usque ad Vesperas proximi Sabbati exclusive, præter Invitatorium, Psalmos, Antiphonas super Psalmos et V. Nocturni, Psalmos et Antiphonas super Psalmos Laudum, Psalmos et Antiphonas super Psalmos Vesperarum, quæ accipiantur ex Psalterio pro Feria occurrente, et præter ea quæ propriis locis notantur. Ad Pretiósā. vero legatur de Constitutionibus, et post Nonam omitantur Psalmi pœnitentiales.

† Prædicta vero tria Capitula dicantur quotidie ad Horas diebus Profestis usque ad Dominicam in Passione.

#### FERIA QUINTA.

Lectio sancti Evangelii secundum Mattheum.

Lectio j. Cap. 8.

**I**N illo tēpore : Cum introisset Jesus Capharnaum, accessit ad eum centurio, rogans eum, et dicens : Dómine, puer meus jacet in domo paralyticus, et male torquetur. Et reliqua.

Homilia sancti Augustini Episcopi.

(Lib. 2. de Consensu Evangelistarum, cap. 20.)

**V**IDEAMUS, utrum sibi de hoc servo centurionis Matthæus Lucásque consentiant. Matthæus enim dicit : Accessit ad eum centurio, rogans eum, et dicens : Puer meus jacet in domo paralyticus. Cui videtur repugnare, quod ait Lucas : Et cum audisset de Jesu, misit ad eum seniōres Judæorum, rogans eum ut veniret, et sanaret servum ejus. At illi cum venissent ad Jesum, rogabant eum sollicitate, dicentes ei : Quia dignus est ut hoc illi præstes : diligit enim gentem nostram, et synagógam ipse ædificávit nobis.

Responsoria j. Nocturni Dominicæ præced. pag. 348.

Lectio ij.

**J**ESUS autem ibat cum illis : et cum jam non longe esset a domo, misit ad eum centurio amicos, dicens : Dómine, noli vexári : non enim dignus

sum ut sub tectum meum intres. Si enim hoc ita gestum est, quomodo erit verum quod Matthæus narrat, Accessit ad eum quidam centurio, cum ipse non accesserit, sed amicos miserit? Nisi diligenter advertentes intelligamus, Matthæum non omnino deseruisse usitatum morem loquendi.

## Lectio iij.

**N**ON ergo absurde Matthæus, etiam quod vulgo possit intelligi, per alios facto accessu centurionis ad Dominum, compendio dicere voluit: Accessit ad eum centurio. Verumtamen non negligenter intuenda est etiam sancti Evangelistæ altitudo mysticæ locutionis, secundum quam scriptum est in Psalmo: Accedite ad eum, et illuminamini. Proinde quia fidem centurionis, qua vere acceditur ad Jesum, ipse ita laudavit, ut diceret, Non inveni tantam fidem in Israel: ipsum potius accessisse ad Christum dicere voluit prudens Evangelista, quam illos, per quos verba sua miserat.

Ad Benedictus Añā. Dómine, puer meus jacet paralyticus in domo, et male torquetur. Amen dico tibi, ego veniam, et curabo eum.

## Oratio.

**D**EUS, qui culpa offenderis, penitentia placaris: preces populi tui supplicantis propitius respice; et flagella tuæ iracundiæ, quæ pro peccatis nostris meremur, averte. Per.

Ad Magnificat Añā. Dómine non sum dignus ut intres sub tectum meum: sed tantum dic verbo, et sanabitur puer meus.

## Oratio.

**P**ARCE Dómine, parce populo tuo: ut dignis flagellationibus castigatus, in tua miseratione respiret. Per.

## FERIA SEXTA.

Lectio sancti Evangelii secundum Matthæum.

Lectio j. Cap. 5.

**I**N illo tempore: Dixit Jesus discipulis suis: Audistis quia dictum est: Diliges proximum tuum, et odio habebis inimicum tuum. Et reliqua.

Homilia sancti Hierónymi Presbyteri.

(Lib. 1. Comm. in cap. 5. et 6. Matth.)

**E**GO autem dico vobis: Diligite inimicos vestros, benefacite his, qui oderunt vos. Multi præcepta Dei, imbecillitate sua, non sanctorum viribus æstimantes, putant esse impossibilia quæ præcepta sunt: et dicunt sufficere virtutibus, non odisse inimicos: ceterum diligere, plus præcipi, quam humana natura patiatur. Sciendum est ergo, Christum non impossibilia præcipere, sed perfecta. Quæ fecit David in Saul, et in Absalom. Responsoria ij. Nocturni Dominicæ præcedentis, pag. 348.

## Lectio ij.

**S**TEPHANUS quoque martyr pro inimicis lapidantibus deprecatus est: et Paulus anathema cupit esse pro persecutoribus suis. Hæc autem Jesus et docuit, et fecit, dicens: Pater, ignosce illis, quod enim faciunt, nesciunt. Ut sitis filii Patris vestri, qui in cælis est.



Si Dei præcepta custodiens, filius quis efficitur Dei : ergo non est natura filius, sed arbitrio suo. Cum ergo facis eleemosynam, noli tuba canere ante te, sicut hypocritæ faciunt in synagogis et in vicis, ut honorificentur ab hominibus.

## Lectio iij.

**Q**UI tuba canit eleemosynam faciens, hypocrita est. Qui jejúnans demolitur faciem suam, ut ventris inanitatem monstret in vultu, et hic hypocrita est. Qui in synagogis, et in ángulis platearum orat, ut videatur ab hominibus, hypocrita est. Ex quibus omnibus colligitur hypocritas esse, qui quodlibet faciunt, ut ab hominibus glorificentur. Mihi videtur et ille, qui dicit fratri suo, Dimitte, ut tollam festucam de óculo tuo : nam propter gloriam hoc facere videtur, ut ipse justus esse videatur.

Ad Benedictus Añã. Cum facis eleemosynam, nesciat sinistra tua quid faciat dextera tua.

## Oratio.

**I**NCHOATA jejúnia, quæsumus Dómine, benigno favóre proséquere : ut observántiam, quam corporaliter exhibémus, méntibus étiam sincéris exercére valeámus. Per.

Ad Magnificat Añã. Tu autem cum oráveris, intra in cubiculum tuum, et clauso óstio, ora Patrem tuum.

## Oratio.

**T**UERE Dómine pópulum tuum, et ab omnibus peccátis cleménter emúnda : quia nulla ei nocébit advérsitas, si nulla ei dominétur iniquitas. Per.

## SABBATO.

Lectio sancti Evangelíi  
secúndum Marcum.

Lectio j. Cap. 6.

**I**N illo témpore : Cum sero esset, erat navis in médio mari, et Jesus solus in terra. Et vidit discípulos suos laborántes in remigádo. Et réliqua.

Homília venerábilis Bedæ  
Presbyteri.

(Lib. 2. cap. 28. in c. 6. Marci.)

**L**ABOR discipulorum in remigádo, et contrárius eis ventus, labóres sanctæ Ecclesiæ vários designat, quæ inter undas sæculi adversántis, et immundorum flatu spirítuum, ad quietem pátriæ cælestis, quasi ad fidam litoris stationem, pervenire conátur. Ubi bene dicitur quia navis erat in médio mari, et ipse solus in terra : quia nonnunquam Ecclesia tantis Gentilium pressuris non solum afflicta, sed et fœdâta est, ut (si fieri posset) Redemptor ipsius eam prorsus deseruisse ad tempus videretur.

Responsoria ut in Feria iv. præcedenti, pag. 354.

## Lectio ij.

**U**NDE est illa vox ejus inter undas procellasque tentationum irruéntium deprehensæ, atque auxilium protectionis illius gemebúndo clamóre quæréntis : Ut quid Dómine recessisti longe, despicias in oportunitátibus, in tribulatióne? Quæ páriter vocem inimici persequéntis expónit, in sequéntibus Psalmi subjiciens : Dixit enim in corde suo : Oblitus est Deus, avértit faciem suam ne videat usque in finem.

## Lectio iij.

**V**ERUM ille non obliviscitur orationem pauperum, neque avertit faciem suam a sperantibus in se : quin potius et certantes cum hostibus, ut vincant, adjuvat, et victores in ætérnum coronat. Unde hic quoque aperte dicitur, quia vidit eos laborantes in remigando. Videt quippe Dominus laborantes in mari, quamvis ipse positus sit in terra : quia etsi ad horam differre videatur auxilium tribulatis impendere, nihilominus eos, ne in tribulationibus deficiant, suæ respectu pietatis corroborat.

Ad Benedictus Añ. Quare jejunavimus, et non aspeexisti? humiliavimus animas nostras, et nescisti? Oratio.

**A**DESTO Dómine supplicatio nostris; et concede ut hoc solémne jejúnium, quod animabus corporibusque curandis salúriter institútum est, devóto servítio celebrémus. Per.

## AD VESPERAS.

Capitulum. 2. Cor. 6.

**H**ORTAMUR vos ne in vacuum grátiam Dei recipiatis. Ait enim : Tém-pore ac-cépto exaudívi te, et in die salútis adjúvi te.

R. Emendémus in mélius quæ ignoránter peccávimus : ne súbito præoccupáti die mortis, quærámus spátium poenitén-tiæ, et invenire non possimus :

\* Atténde Dómine, et misere-re, quia peccávimus tibi.  
 V. Peccávimus cum pátribus nostris : injús-te égrimus, iniqui-tátem fé-cimus. — Atténde. Glória. Atténde.

Hymn. Audi benígne., p. 128.

V. Angelis suis Deus mandávit de te. R. Ut custódiant te in ómnibus viis tuis.

Ad Magnificat Añ. Ecce nunc tempus acceptábile, ecce nunc dies salútis : in his ergo díebus exhibeámus nos sicut Dei ministros, in multa patiéntia, in vigíliis, in jejúniis, et in caritaté non ficta. Oratio.

**D**EUS, qui Ecclésiám tuam ánnua Quadragesimáli observatióne purificas; præsta familiæ tuæ : ut quod a te obtinére abstinéndo nítitur, per bonis opéribus exsequátur. Per.

## AD COMPLETORIUM.

R. In pace in idípsum., Hymnus Chríste, qui lux es., ad Nunc dimittis Añ Evígila., ut in Psalterio, pag. 152.

¶ R. In pace. dicatur tantum in Sabbatis et Dominicis diebus, in festis Duplicibus et Totis Duplicibus ad utrumque Completorium et infra Octavas Solemnes usque ad Sabbatum ante Dominicam in Passione exclusive. Ceteris autem diebus dicatur R. In manus tuas.

¶ Hymnus Chríste, qui lux es. dicatur quotidie usque ad diem Cenæ exclusive, etiam in festis Sanctorum.

¶ Añ Evígila. dicatur ad Nunc dimittis quotidie usque ad Sabbatum ante Dominicam iij. Quadragesimæ exclusive, exceptis festis B. Mariæ V. et diebus infra Octavam Annuntiationis, quando infra hoc tempus venerint. Sitamen Vesperæ præcedentes de Tempore fuerint in Sabbato aut in Dominica, dicatur ad Nunc dimittis Añ Evígila., etiam infra Octavam Annuntiationis.

## DOM. I. QUADRAGESIMÆ.

## AD MATUTINUM.

Invitatorium. Non sit vobis vanum mane surgere ante lucem : \* Quia promisit Dominus coronam vigilantibus.

Hymnus Summi largitor præmii., pag. 2.

## IN I. NOCTURNO.

Psalmi et Antiphonæ ut in Psalterio, pagg. 4-9.

℣. Dicit Domino., pag. 9.

## De Joële Prophéta.

Lectio j. Cap. 2.

**C**ANITE tuba in Sion, sanctificate jejúnium, vocáte cœtum, congregáte pópulum, sanctificate ecclésiám, coadunate senes, congregáte párvulos, et sugéntes úbera : egrediátur sponsus de cubili suo, et sponsa de thálamo suo. Inter vestibulum et altáre plorábunt sacerdótes ministri Dómini : et dicent : Parce Dómine, parce pópulo tuo : et ne des hereditátem tuam in opprobrium ut dominéntur eis nátiōnes. Quare dicunt in pópulis : Ubi est Deus eórum? Zelátus est Dóminus terram suam, et pepéricit pópulo suo. Hæc dicit Dóminus Deus : Convertimini ad me, et salvi éritis.

℣. Deo grátias.

℣. j. Ecce nunc tempus acceptabile, ecce nunc dies salutis : commendémus nosmetipsos in multa patiéntia, in jejúniis multis, \* Per arma justitiæ virtutis Dei. ℣. In ómnibus exhibeamus nosmetipsos sicut Dei ministros, in multa patiéntia. — Per arma.

## De Jona Prophéta.

Lectio ij. Cap. 3.

**E**T pervénit verbum ad regem Ninive : et surrexit de sólio suo, et abjécit vestiméntum suum a se, et indútus est sacco, et sedit in cinere. Et clamávit, et dixit in Ninive ex ore regis et príncipum ejus, dicens : Hómines, et juménta, et boves, et pécora non gustent quidquam : nec pascántur, et aquam non bibant. Et operiántur saccis hómines, et juménta, et clament ad Dóminum in fortitúdine, et convertátur vir a via sua mala, et ab iniquitáte, quæ est in mánibus eórum. Quis scit si convertátur, et ignóscat Deus : et revertátur a furóre iræ suæ, et non peribimus? Tu autem.

℣. ij. In ómnibus exhibeamus nos sicut Dei ministros in multa patiéntia : \* Ut non vituperétur ministérium nostrum. ℣. Ecce nunc tempus acceptabile, ecce nunc dies salutis : némini dantes ullam offensiónem. — Ut non vituperétur.

## De Isaia Prophéta.

Lectio iij. Cap. 58.

**N**OLITE jejunáre sicut usque ad hanc diem, ut audiátur in excélsó clamor vester. Numquid tale est jejúnium, quod elégi, per diem affligere hóminem ánimam suam? Numquid contorquere quasi circulum caput suum, et saccum et cinerem stérnere? Numquid istud vocábis jejúnium, et diem acceptabilem Dómino? Nonne hoc est magis jejúnium, quod elégi? dissólve colligatiōnes impietátis, solve fasciculos depri-méntes, dimíste eos, qui confrá-



cti sunt, liberos, et omne onus dirūmpe. Frange esuriēti panem tuum, et egēnos, vagōsque induc in domum tuam : cum videris nudum, ōperi eum, et carnem tuam ne despēxeris. Tunc erūmpet quasi mane lumen tuum, et sánitas tua citius oriētur. Hæc dicit Dóminus Deus : Convertimini ad me, et salvi éritis. R. Deo grátias.

R. iij. Emendémus in mélius, quæ ignorānter peccávimus : ne subito præoccupáti die mortis, quærámus spátium poenitētiæ, et invenire non possimus : \* Attēde Dómine, et miserére, quia peccávimus tibi. V. Peccávimus cum pátribus nostris : injúste égimus, iniquitátem fécimus. — Attēde. Glória. Attēde.

## IN II. NOCTURNO.

Psalmi et Antiphonæ ut in Psalterio, pagg. 10-13.

V. Ipse liberávit me., pag. 13.

Sermo sancti Basilii Episcopi.

(Hom. 2. de jejuniō.)

### Lectio iv.

**E**st quidem omni tēpore ipsum. Neque enim dæmonum insúltus jejunántem impétere audet : et custódes vitæ nostræ Angeli libéntius perseveránt apud eos, qui ánimam habent per jejunium purgátam. Nunc vero multo ámplius, cum in omnem terrárum orbem præcónium ipsius annuntiátur, et neque insula áliqua, neque terra firma, non civitas, non gens, non extrémis est, ad quam prædicatio ipsius non pervéniat : sed et exércitus, et viatóres, et navigatóres, et mer-

catóres, omnes æquáliter et præcéptum ádiunt, et cum gáudio suscípunt. Quare nemo seipsum ex jejunántium catálogo éximat : in quo ómnia génera, et omnis ætas, et omnes dignitátum différentiæ recenséntur.

R. iv. Paradisi portas apériat nobis jejúnii tempus : suscipiámus illud orántes et deprecántes, \* Ut in die Resurrectiónis cum Dómino gloriémur. V. Ecce nunc tempus acceptábile, ecce nunc dies salutis : commendémus nosmetipsos in multa patientia. — Ut in die Resurrectiónis.

### Lectio v.

**A**ngeli sunt, qui per singulas ecclésiās jejunántes describunt. Vide ne propter parvam edulíorū voluptátem damnum incúrras : ut ne ab Angelo in númerum adscribáris, et te ipsum críminis desertóris reum apud exércitus lustratórem státuas. Minus periculum esset, si abjecto scuto in acie fugitívus prehendereris, quam si magno scuto jejúnio abjecto appareas. Dives es? Ne afficias contumélia jejúnium, dedignátus ipsum commensálem suscipere : ne aliquando te apud jejuníorū Legislatórem accuset. Pauper cavillis non impetat jejúnium, jam olim ipsum contubernále habens. Mulieribus autem velut respiráre, ita étiam jejunáre próprium est, et secúndum natúram. Púeri velut plantæ virides jejúnii aqua irrigántur. Sénibus assuetúdo ac familiáritas ab antiquo ad ipsum, levem facit labórem.

R. v. Scindite corda vestra, et non vestimenta vestra : \* Et convertimini ad Dominum Deum vestrum, quia benignus et misericors est. V. Revertimini unusquisque a via sua mala, et a pessimis cogitationibus vestris. — Et convertimini.

## Lectio vj.

**J**EJUNIUM, Angelorum similitudo, justorum contubernalis, vite castigatio. Hoc Moysen legislatorem fecit. Jejunii fructus est Samuel. Hoc magnum Samsónem instar nutricis enutrivit : et donec viro ipsum adhærebat, per millia hostes cadébant, et portæ inimicorum divellebantur, et leones manuum robur non sustinebant. Ubi vero ebrietas et scortatio ipsum apprehendissent : jam hostibus captu facilis erat. Elias jejúnans conclusit cælum per annos tres, ac menses sex. Cum enim multam injuriam ex satietate nasci nosset, necessario ipsis invitum ex fame jejúnium induxit : per quod peccatum ipsorum, jam ad immodestiam diffusum, compescuit ac finivit : per jejúnium, velut per cauterii ustionem aut sectionem, mali progressu ampliorem intercepit.

R. vj. Abscondite eleemosynam in sinu pauperis, et ipsa orabit pro vobis ad Dominum : \* Quia sicut aqua exstinguit ignem, ita eleemosyna exstinguit peccatum. V. Date eleemosynam, dicit Dominus : et ecce omnia munda sunt vobis. — Quia sicut aqua. Glória. Quia sicut aqua.

## IN III. NOCTURNO.

Psalmi et Antiphonæ ut in Psalterio, pagg. 13-15.

V. Scapulis suis., pag. 15.

Lectio sancti Evangelii secundum Matthæum.

Lectio vij. Cap. 4.

**I**N illo tempore : Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus, et quadraginta noctibus, postea esuriit. Et reliqua.

Homilia sancti Gregorii Papæ. (Hom. 16. in Evang.)

**D**UBITARI a quibusdam sollet, a quo spiritu ductus sit Jesus in desertum, propter hoc, quod subditur : Assumpsit eum diabolus in sanctam civitatem : et rursus : Assumpsit eum in montem excelsum valde. Sed vere, et absque ulla questione convenienter accipitur, ut a sancto Spiritu in desertum ductus credatur : ut illuc eum suus Spiritus duceret, ubi hunc ad tentandum malignus spiritus inveniret.

R. vij. In jejúnio et fletu orabunt sacerdotes, dicentes : \* Parce Domine, parce populo tuo : et ne des hereditatem tuam in perditionem. V. Inter vestibulum et altare plorabunt sacerdotes, dicentes. — Parce.

## Lectio viij.

**S**ED ecce, cum dicitur Deus homo vel in excelsum montem, vel in sanctam civitatem a diabolo assumptus, mens refugit credere, humanæ hoc audire aures expavescunt. Qui tamen non esse incredibilia ista cognoscimus, si in illo et

alia facta pensamus. Certe iniquorum omnium caput diaboli est : et hujus capitis membra sunt omnes iniqui. An non diaboli membrum fuit Pilatus? An non diaboli membra Judæi persequentes, et milites crucifigentes Christum fuerunt?

R. viij. Tribulärer, si nescirem misericordias tuas Domine. Tu dixisti : Nolo mortem peccatoris, sed ut convertatur, et vivat : \* Qui Chananæam et Publicanum vocasti ad poenitentiam. V. Et Petrum lacrimantem suscepisti, misericors Domine. — Qui Chananæam.

#### Lectio ix.

**Q**UID ergo mirum, si se ab illo permisit in montem duci, qui se pertulit etiam a membris illius crucifigi? Non est ergo indignum Redemptori nostro quod tentari voluit, qui venerat occidi. Justum quippe erat, ut sic tentationes nostras suis tentationibus vinceret, sicut mortem nostram venerat sua morte superare. Tentari ergo per suggestionem potuit; sed ejus mentem peccati deletatio non momordit.

R. ix. Ductus est Jesus in desertum a Spiritu, ut tentaretur a diabolo : \* Et accedens tentator dixit ei : Si Filius Dei es, dic ut lapides isti panes fiant. V. Et cum jejunasset quadraginta diebus, et quadraginta noctibus, postea esuriit. — Et accedens tentator. Gloria. Si Filius Dei es. R. Ductus est Jesus.

Ante Laudes V. In manibus portabunt te. R. Ne forte offendas ad lapidem pedem tuum.

#### AD LAUDES

##### ANTIPHONÆ.

1. Cor mundum crea in me Deus : et spiritum rectum innova in visceribus meis. Psalmus Miserere. cum ceteris, pag. 24.

2. O Domine salvum me fac, o Domine bene prosperare.

3. Sic benedicam te in vita mea Domine : et in nomine tuo levabo manus meas.

4. In spiritu humilitatis et in animo contrito suscipiamur Domine a te : et sic fiat sacrificium nostrum, ut a te suscipiatur hodie, et placeat tibi Domine Deus.

5. Laudate Deum cæli cælorum et aquæ omnes.

Capitulum Hortamur vos., et Hymnus Jam Christe., pag. 21.

V. Scuto circumdabit te veritas ejus. R. Non timebis a timore nocturno.

Ad Benedictus Añ. Ductus est Jesus in desertum a Spiritu, ut tentaretur a diabolo : et cum jejunasset quadraginta diebus, et quadraginta noctibus, postea esuriit. Oratio.

**D**EUS, qui Ecclesiam tuam annua Quadragesimali observatione purificas; presta familiæ tuæ; ut quod a te obtinere abstinendo nititur, hoc bonis operibus exsequatur. Per.

Ad Memoriam de B. Maria V. Añ. Sub tuum., V. Post partum., Oratio Protege., pag. 23.

#### AD PRIMAM.

Añ. Jesus autem cum jejunasset quadraginta diebus et quadraginta noctibus, postea esuriit. Psalmus Deus, Deus meus respice in me., cum ceteris, pag. 33.



## AD TERTIAM.

Añā. Non in solo pane vivit homo, sed in omni verbo quod procedit de ore Dei.

Capitulum. 2. Cor. 6.

**H**ORTAMUR vos ne in vacuum gratiam Dei recipiatis. Ait enim: Tempore accepto exaudivi te, et in die salutis adjuvi te.

R. Participem me fac Deus omnium timentium te: \* Et custodiendum mandata tua. V. Aspice in me, et miserere mei, secundum iudicium diligentium nomen tuum. Et custodiendum. Gloria. Participem.

V. Dicet Domino: Susceptor meus es tu. R. Et refugium meum, Deus meus.

## AD SEXTAM.

Añā. Tunc assumpsit eum diabolus in sanctam civitatem, et statuit eum supra pinnaculum templi et dixit ei: Si Filius Dei es, mitte te deorsum.

Capitulum. 2. Cor. 6.

**E**CCE nunc tempus acceptabile, ecce nunc dies salutis: nemini dantes ullam offensionem, ut non vituperetur ministerium nostrum.

R. Ab omni via mala prohibui pedes meos: \* Ut custodiam mandata tua Domine. V. A iudiciis tuis non declinavi: quia tu legem posuisti mihi. Ut custodiam. Gloria. Ab omni.

V. Ipse liberavit me de laqueo venantium. R. Et a verbo aspero.

## AD NONAM.

Añā. Vade Sātana: non tentabis Dominum Deum tuum.

Capitulum 2. Cor. 6.

**I**N omnibus exhibeamus nosmetipsos sicut Dei ministros, in multa patientia, in jejuniis multis, per arma justitiae.

R. Sépties in die laudem dixi tibi Domine Deus meus: \* Ne perdas me. V. Erravi, sicut ovis quae perierat: require servum tuum Domine, quia mandata tua non sum oblitus. Ne perdas me. Gloria. Sépties.

V. Scapulis suis obumbrabit tibi. R. Et sub pennis ejus sperabis.

## AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Hortamur vos, et Hymnus Audi benigne Conditor., pag. 128.

V. Angelis suis Deus mandavit de te. R. Ut custodiant te in omnibus viis tuis.

Ad Magnificat Añā. Reliquit eum tentator: et accesserunt angeli, et ministrabant ei.

Oratio Deus, qui Ecclesiam tuam., ut in Laudibus, pag. 363.

Ad Memoriam de B. Maria V. Añā Regáli., V. Ora pro nobis., Oratio Protege., pag. 130.

† Prædicta tria Capitula dicantur deinceps ad Horas in quibus notata sunt in Dominicis diebus usque ad Vesperas Sabbati ante Dominicam in Passione exclusive. Hymni pariter et Versiculi ad utrasque Vesperas, Matutinum et Laudes dicantur usque ad Vesperas Sabbati ante Dominicam in Passione exclusive, quando de Tempore agitur. Responsoria Horarum nonnisi usque ad

Dominicam iij. Quadragesimæ exclusive dicantur cum de Tempore agitur; Versiculi tamen post prædicta Responsorialia (id est Dicet Dómino. et ceteri) dicantur usque ad Dominicam in Passione.

### FERIA SECUNDA.

Lectio sancti Evangelii secundum Matthæum.

Lectio j. Cap. 25.

**I**n illo tempore: Dixit Jesus discipulis suis: Cum venerit Filius hominis in maiestate sua, et omnes Angeli ejus cum eo, tunc sedebit super sedem maiestatis suæ: et congregabuntur ante eum omnes gentes. Et reliqua.

Homilia sancti Augustini Episcopi.

(Lib. de fide et operibus, cap. 15.)

**S**i mandatis non servatis, ad vitam veniri potest per solam fidem, quæ sine operibus mortua est: illud deinde quomodo verum erit, quod eis, quos ad sinistram positurus est, dicet: *Ite in ignem æternum, qui paratus est diabolo, et angelis ejus?* Nec increpat, quia in eum non crediderunt; sed quia bona opera non fecerunt. Nam propterea omnes gentes segregaturum se dixit, quæ permixtæ eisdem pascuis utebantur: ut appareat, eos illi dicturos: *Domine, quando te vidimus illa et illa patientem, et non ministravimus tibi? qui in eum crediderant, sed bona operari non curaverant: tamquam de ipsa fide mortua ad vitam pervenirétur æternam.*

Lectio ij.

**A**n forte ibunt in ignem æternum, qui opera misericordiæ non fecerunt: et non ibunt, qui aliæna rapuerunt? vel corrumpendo in se templum Dei, in se ipsos immisericordes fuerunt? Quasi opera misericordiæ prosint aliquid sine dilectione, dicente Apóstolo: Si distribuam omnia mea pauperibus, caritatem autem non habeam, nihil mihi prodest. Aut diligat quisquam proximum sicut seipsum, qui non diligit seipsum? Qui enim diligit iniquitatem, odit animam suam.

Lectio iij.

**N**equè illud dici hic poterit, in quo nonnulli seipsos seducunt, ignem æternum dictum, non ipsam combustionem æternam. Per ignem quippe, qui æternus erit, transiuros arbitrantur eos, quibus propter fidem mortuam per ignem promittunt salutem: ut videlicet ipse ignis æternus sit, combustio vero eorum, hoc est, operatio ignis, non sit in eos æterna: cum et hoc prævidens Dominus, sententiam suam conclusit, ita dicens: Sic ibunt illi in combustionem æternam, justi autem in vitam æternam.

† Psalms Laudum ut in Psalterio; et sic in Feriis usque ad Sabbatum sanctum exclusive. Super Psalmos Antiphonæ ut in Psalterio; et sic in Feriis usque ad Dominicam in Ramis palmarum.

Capitulum Convertimini., pag. 60.; Hymnus Jam Christe., pag. 21.

℣. Scuto circúmdabit te véritas ejus. ℞. Non timébis a timóre noctúrno.

Ad Benedictus Añæ. Venite benedicti Patris mei, percípite regnum, quod vobis parátum est ab origine mundi. Oratio.

**C**ONVERTE NOS Deus salutáris noster : et ut nobis jejúnium Quadragesimále proficiat, mentes nostras cæléstibus instrue disciplínis. Per.

† Ad Horas diei Añæ et Capitula in Profestis diebus dicenda usque ad Dominicam in Passione ponuntur in Psalterio post Psalmos cujuslibet Horæ.

† Psalmi Vesperarum cum suis Antiphonis ut in Psalterio; et sic in Feriis usque ad Cenam Domini.

Capitulum Convertimini., pag. 132; Hymnus Audi benigne., pag. 128.

℣. Angelis suis Deus mandávit de te. ℞. Ut custódiant te in ómnibus viis tuis.

Ad Magnificat Añæ. Quod uni ex minimis meis fecistis, mihi fecistis, dicit Dóminus.

Oratio.

**A**BSOLVE, quæsumus Dómine, nostrórum víncula peccatórum; et quidquid pro eis merémur propitiátus avérte. Per.

### FERIA TERTIA.

Lectio sancti Evangélíi  
secúndum Matthæum.

Lectio j. Cap. 21.

**I**N illo témpore : Cum intrásset Jesus Jerosólymam, com móta est univérsa civitas, dicens : Quis est hic? Et reliqua.

Homilia venerábilis Bedæ  
Presbyteri.

(Hom. 7. in Quadrag.)

**Q**UOD maledicéndo ficum in fructuósam per figúram fecit Dóminus, hoc idem mox apértius osténdit, ejiciéndo improbos de templo. Neque enim áliquid peccávit arbor, quod esuriénte Dómino poma non hábuit, quorum necdum témpus advénerat : sed peccavére sacerdótes, qui in domo Dómini negótia sæculária gerébant, et fructum pietátis, quem debuérant, quemque in eis Dóminus esuriébat, ferre superséderant.

Lectio ij.

**A**REFECIT Dóminus árbores hoc vidéntes, sive audiéntes, multo magis intelligerent se divíno condemnádos esse júdicio, si absque óperum fructu, de plausu tantum sibi religiósi sermónis, velut de sónitu et teguménto viridántium blandiréntur foliórum. Verum quia non intellexérunt, in ipsos consequénter districtiónem méritæ ultiónis exércuit : et ejécit comércia rerum humanárum de domo illa, in qua divínas tantum res agi, hóstias et oratiónes Deo offerri, verbum Dei legi, audíri, et decantári præcéptum erat.

Lectio iij.

**E**T quidem credéndum est, quia ea tantum vendi vel emi repérerit in templo, quæ ad ministérium necessariá essent ejúsdem templi, juxta hoc, quod álias factum légimus, cum idem templum ingrédiens, invénit in eo vendéntes et eméntes oves, et boves, et co-



lúmbas : quia nimirum hæc omnia, nonnisi ut offerréntur in domo Dómini, eos, qui de longe vénerant, ab indigenis comparáre credéndum est. Si ergo Dóminus nec ea volébat venúmdari in templo, quæ in templo volébat offérri, vidélicet propter stúdiu avaritiæ, sive fraudis, quod próprium solet esse negotiántium fácinus; quanta putas animadversióne puniret, si invenisset ibi áliquos risui vel vanilóquio vacántes, aut álii cuilibet vitio mancipátos?

Ad Benedictus Aña. Intrávit Jesus in templu Dei, et eji-ciébát omnes vendétes, et emétes : et mensas nummulariórum, et cáthedras vendéntium columbas evértit.

Oratio.

**R**ESPICE Dómine familiam tuam : et præsta ut apud te mens nostra tuo desidério fúlgeat, quæ se carnis maceratióne castigat. Per.

Ad Magnificat Aña. Scriptum est enim, quia domus mea domus oratiónis est cunctis géntibus : vos autem fecistis illam spelúncam latrónum. Et erat quotidie docens in templo.

Oratio.

**A**SCENDANT ad te Dómine preces nostræ ; et ab Ecclésia tua cunctam repélle nequitiam. Per.

FERIA QUARTA  
QUATUOR TEMPORUM.

Lectio sancti Evangélíi  
secúndum Matthæum.

Lectio j. Cap. 12.

**I**N illo témpore : Respondérunt Jesu quidam de Scribis et Phariseis dicétes : Magi-

ster, vólumus a te signum vidére. Et réliqua.

Homília sancti Ambrósii  
Episcopi.

(Lib. 7. in Luc. cap. 11.)

**J**UDÆORUM plebe damnáta, Ecclesiæ mystériu evidénter exprimitur, quæ in Ninivitis per pœniténtiam, et in regina Austri per stúdiu perci-piéndæ sapiéntiæ, de totius orbis finibus congregátur, ut pacifici Salomónis verba cognóscat. Regina plane, cujus regnum est indivisum, de diversis et distántibus pópulis in unum corpus assurgens.

Lectio ij.

**I**TAQUE sacraméntum illud magnum est de Christo, et Ecclesiá : sed tamen hoc majus est, quia illud in figura ante præcessit, nunc autem plenum in veritate mystériu est. Ex duóbus igitur constat Ecclesiá : ut aut peccáre nesciat, aut peccáre désinat. Pœniténtia enim delictum ábolet, sapiéntia cavet.

Lectio iij.

**C**ETERUM Jonæ signum, ut typus Dominicæ Passiónis, ita étiam gráviu, quæ Judæi commiserant, testificatio peccatórum est. Simul advértere licet, et majestátis oráculum, et pietátis indicium. Namque Ninivítarum exémplo et denuntiátur supplicium, et remédiu demonstrátur. Unde étiam Judæi debent non desperáre indulgéntiam, si velint ágere pœniténtiam.

Ad Benedictus Aña. Generatio hæc prava et perversa signum quærit : et signum non dábitur ei, nisi signum Jonæ prophætæ.

## Oratio.

**P**RECES nostras, quæsumus Dómine, cleménter exáudi; et contra cuncta nobis adversántia dèxteram tuæ majestátis exténde. Per.

Ad Magnificat Aña. Sicut fuit Jonas in ventre ceti tribus diébus et tribus nóctibus, ita erit Fílius hóminis in corde terræ.

## Oratio.

**M**ENTES nostras, quæsumus Dómine, lúmine tuæ claritátis illústra; ut vidére possímus quæ ágenda sunt, et quæ recta sunt ágere valeámus. Per.

## FERIA QUINTA.

Léctio sancti Evangélíi  
secúndum Matthæum.

Lectio j. Cap. 15.

**I**N illo témpore : Egréssus Jesus secéssit in partes Tyri, et Sidónis. Et reliqua.

Homília sancti Hierónymi  
Presbyteri.

(Lib. 2. Comm. in c. 15. Matth.)

**S**CRIBIS et Pharisæis calumniatóribus derelictis, transgreditur in partes Tyri et Sidónis, ut Tyrios Sidoniósque curáret. Múlier autem Chananæa egréditur de finibus prístinis, ut clamans filiæ impetret sanitátem. Obsérva quod in quintodécimo loco filia Chananæa sanétur. Miserére mei Dómine fili David. Inde novit vocáre filium David, quia egréssa jam fúerat de finibus suis, et errórem Tyriórum ac Sidoniórum, loci ac fidei commutatióné dimiserat.

Lectio ij.

**F**ILIA mea male a dæmónio vexátur. Ego filiam Chananæa puto ánimas esse cre-

déntium, quæ male a dæmónio vexabántur, ignorántes Creatórem, et adorántes lápidem. Qui non respóndit ei verbum. Non de supérbia Pharisáica, nec de Scribárum supercilio : sed ne ipse senténtiæ suæ viderétur esse contrárius, per quam jússerat : In viam Géntium ne abiéritis, et in civitátes Samaritanórum ne intravéritis.

Lectio iij.

**N**OLEBAT enim ocasiónem calumniatóribus dare : perfectámque salútém Géntium Passiós et Resurrectiós témpori reservábat. Et accedéntes discipuli ejus rogábant eum dicéntes : Dimítte eam : quia clamat post nos. Discipuli illo adhuc témpore mystéria Dómini nesciéntes, vel misericórdia commóti, rogábant pro Chananæa muliere, quam alter Evangelista Syrophcenissam appellat.

Ad Benedictus Aña. Egréssus Jesus secéssit in partes Tyri, et Sidónis : et ecce múlier Chananæa a finibus illis egréssa clamábat dicens : Miserére mei fili David.

Oratio.

**D**EVOTIONEM pópuli tui, quæsumus Dómine, benignus inténde : ut qui per abstinentiam macerántur in corpore, per fructum boni óperis reficiántur in mente. Per.

Ad Magnificat Aña. O múlier, magna est fides tua : fiat tibi sicut petisti.

Oratio.

**D**A, quæsumus Dómine, pópulis christiánis et quæ profiténtur agnóscere; et cæléste munus diligere, quod frequéntant. Per.

FERIA SEXTA  
QUATUOR TEMPORUM.

Lectio sancti Evangelii  
secundum Joannem.

Lectio j. Cap. 5.

**I**N illo tempore : Erat dies  
festus Judæorum, et ascen-  
dit Jesus Jerosolymam. Et ré-  
liqua.

Homilia sancti Augustini  
Episcopi.

(Tract. 17. in Joan. post init.)

**V**IDEAMUS quid voluit signi-  
ficare in illo uno, quem  
etiam ipse, servans unitatis  
mysterium, de tot languentibus  
unum sanare dignatus est. In-  
venit in annis ejus numerum  
quemdam languoris. Triginta  
et octo annos habebat in infir-  
mitate. Hic numerus quomo-  
do magis ad languorem perti-  
neat quam ad sanitatem, pau-  
lo diligentius exponendum est.  
Intentos vos volo : aderit Do-  
minus, ut congrue loquar, et  
sufficienter audiat.

Lectio ij.

**Q**UADRAGENARIUS numerus  
sacratu nobis in quadam  
perfectione commendatur. No-  
tum esse arbitror caritati ves-  
træ : testantur sæpissime di-  
vinæ Scripturæ : jejunium hoc  
numero consecratum esse be-  
ne nostis. Sive ergo in Lege,  
sive in Prophétis, sive in Evan-  
gélis, quadragenarius numerus  
nobis in jejunio commendatur.  
Jejunium autem magnum et  
generale est abstinere ab ini-  
quitatibus. Caritas implet Le-  
gem : ad plenitudinem Legis  
in omnibus operibus pertinet  
quadragenarius numerus.

Lectio iij.

**I**N caritate autem duo præ-  
cepta nobis commendantur :  
Diliges Dominum Deum tuum  
ex toto corde tuo, et ex tota  
anima tua, et ex tota mente  
tua : et, Diliges proximum tuum  
sicut teipsum. In his duobus  
præceptis tota Lex pendet, et  
Prophætæ. Si ergo quadrage-  
narius numerus habet perfec-  
tionem Legis, et Lex non im-  
pletur nisi in gemino præcepto  
caritatis : quid miraris quia  
languēbat, qui ad quadraginta,  
duo minus habebat?

Ad Benedictus Añā. Angelus  
Domini descendebat de cælo,  
et movebatur aqua, et sanaba-  
tur unus.

Oratio.

**E**STO Domine propitius plebi  
tuæ : et quam tibi facis  
esse devotam, benigno réfove  
miseratus auxilio. Per.

Ad Magnificat Añā. Qui me  
sanum fecit, ille mihi præcep-  
it : Tolle grabatum tuum, et  
ambula in pace.

Oratio.

**E**XAUDI nos miséricors Deus ;  
et mentibus nostris gratiæ  
tuæ lumen ostende. Per.

SABBATO  
QUATUOR TEMPORUM.

Lectio sancti Evangelii  
secundum Matthæum.

Lectio j. Cap. 17.

**I**N illo tempore : Assumpsit  
Jesus Petrum, et Jacobum,  
et Joannem fratrem ejus, et  
duxit illos in montem excel-  
sum seorsum : et transfigurá-  
tus est ante eos. Et reliqua.



Homilia sancti Leonis  
Papæ.

(Homil. de Transfig. Domini.)

**E**VANGELICA lectio, dilectissimi, quæ per aures corporis interiorem mentium nostrarum pulsavit auditum, ad magni sacramenti nos intelligentiam vocat : quam, aspirante gratia Dei, facilius assequemur, si considerationem nostram ad ea, quæ paulo superius sunt narrata, referamus. Salvator enim humani generis Jesus Christus, condens eam fidem, quæ et impios ad justitiam, et mortuos revocat ad vitam, ad hoc discipulos suos doctrinæ monitis et operum miraculis imbuébat, ut idem Christus, et Unigenitus Dei, et hominis Filius crederetur.

Lectio ij.

**N**AM unum horum sine altero non próderat ad salutem : et æqualis erat periculi, Dñm Jesum Christum, aut Deum tantummodo sine homine, aut sine Deo solum hominem credidisse ; cum utrumque esset pariter confitendum : quia sicut Deo vera humanitas, ita homini inerat vera divinitas. Ad confirmandam ergo hujus fidei saluberrimam cognitionem interrogaverat discipulos suos Dñmus, inter diversas aliorum opiniones quid ipsi de eo crederent, quidve sentirent.

Lectio iij.

**U**bi Petrus Apóstolus, per revelationem summi Patris corporea superans, et humana transcendens, vidit mentis oculis Filium Dei vivi, et confessus est glóriam Deitatis : quia non ad solam respexit substan-

tiam carnis et sanguinis. Tantumque in hac fidei sublimitate complacuit, ut beatitudinis felicitate donatus, sacram inviolabilis petra acciperet firmitatem : super quam fundata Ecclesia, portis inferi et mortis legibus prævaleret : nec in solvendis aut ligandis quorumcumque causis, aliud ratum esset in cælis quam quod Petri sedisset arbitrio.

Ad Benedictus Añæ. Assumpsit Jesus discipulos suos, et ascendit in montem : et transfiguratus est ante eos. Oratio.

**P**OPULUM tuum, quæsumus Dñmine, propitius respice ; atque ab eo flagella tuæ iracundiæ clementer averte. Per.

AD VESPERAS.

R. Det tibi Deus de rore cæli et de pinguedine terræ abundantiam : serviant tibi tribus et populi : \* Esto dñmus fratum tuorum. V. Et incurvatur ante te filii matris tuæ. — Esto. Glória. Esto.

Ad Magnificat Añæ. Dñmine, bonum est nos hic esse : si vis, faciamus hic tria tabernacula, tibi unum, Mòysi unum, et Eliæ unum. Oratio.

**D**EUS, qui conspicias omni nos virtute destitui ; interius exteriusque custodi : ut ab omnibus adversitatibus muniamur in corpore, et a pravis cogitationibus mundemur in mente. Per.

DOM. II. QUADRAGESIMÆ.

AD MATUTINUM.

Invitatorium. Quoniam Deus magnus Dñmus, \* Et Rex magnus super omnes deos.

## Psalmus 94.

**V**ENITE, exultémus Dómino : jubilémus Deo salutá-  
ri nostro : præoccupémus fá-  
ciem ejus in confessióne, et in  
psalmis jubilémus ei.

Quóniam Deus magnus Dó-  
minus, Et Rex magnus super  
omnes deos.

Quo dicto sequitur :

℣. Quóniam non repellet Dó-  
minus plebem suam : quia in  
manu ejus sunt omnes fines  
terræ, et altitúdines móntium  
ipse cónspicit.

Et Rex magnus super omnes  
deos.

℣. Quóniam ipsius est mare,  
et ipse fecit illud, et áridam  
fundavérunt manus ejus : ve-  
nite adorémus, et procidámus  
ante Deum : plorémus coram  
Dómino qui fecit nos : quia  
ipse est Dóminus Deus noster :  
nos autem pópulus ejus et oves  
páscuæ ejus.

Quóniam Deus magnus Dó-  
minus, Et Rex magnus super  
omnes deos.

℣. Hódie si vocem ejus au-  
diéritis, nolite obduráre corda  
vestra, sicut in exacerbatióne  
secúndum diem tentatiónis in  
desérto : ubi tentavérunt me  
patres vestri, probavérunt et  
vidérunt ópera mea.

Et Rex magnus super omnes  
deos.

℣. Quadraginta annis próxi-  
mus fui generatióni huic, et  
dixi : Semper hi errant corde :  
ipsi vero non cognovérunt vias  
meas : quibus jurávi in ira mea :  
Si introibunt in réquiem meam.

Quóniam Deus magnus Dó-  
minus, Et Rex magnus super  
omnes deos.

℣. Glória Patri... Sicut erat...

Et Rex magnus super omnes  
deos.

Quóniam Deus magnus Dó-  
minus, Et Rex magnus super  
omnes deos.

Hymnus Summi largitor præ-  
mii., pag. 2.

## IN I. NOCTURNO.

Psalmi et Antiphonæ ut in  
Psalterio, pagg. 4-9.

℣. Dicit Dómino., pag. 9.

De libro Génesis.

Lectio j. Cap. 27.

**S**ENUIT autem Isaac, et cali-  
gavérunt óculi ejus, et vi-  
dere non póterat : vocavitque  
Esau filium suum majórem, et  
dixit ei : Fili mi? Qui respón-  
dit : Adsum. Cui pater : Vides,  
inquit, quod senúerim, et igno-  
rem diem mortis meæ. Sume  
arma tua, pháretram, et arcum,  
et egrédere foras : cumque ve-  
nátu áliquid apprehénderis, fac  
mihi inde pulméntum sicut  
velle me nosti, et affer ut có-  
medam : et benedicat tibi áni-  
ma mea ántequam móriar.

℣. j. Tolle arma tua, phá-  
retram, et arcum, et affer de  
venatióne tua, ut cómedam :  
\* Et benedicat tibi áni-  
ma mea.  
℣. Cumque venátu áliquid attu-  
leris, fac mihi inde pulméntum,  
ut cómedam. — Et benedicat  
tibi áni-  
ma mea.

Lectio ij.

**Q**UOD cum audisset Rebéc-  
ca, et ille abiisset in agrum  
ut jussiónem patris impléret,  
dixit filio suo Jacob : Audivi  
patrem tuum loquéntem cum  
Esau fratre tuo, et dicéntem  
ei : Affer mihi de venatióne  
tua, et fac cibos ut cómedam,

et benedicam tibi coram Dómino ántequam móriar. Nunc ergo fili mi, acquiesce consiliis meis : et pergens ad gregem, affer mihi duos hædos óptimos, ut fáciam ex eis escas patri tuo, quibus libénter véscitur : quas cum intúleris, et coméderit, benedicat tibi priúsqvam moriátur.

R. ij. Ecce odor filii mei sicut odor agri pleni, cui benedixit Dóminus : créscere te fáciat Deus meus sicut arénam maris : \* Et donet tibi de rore cæli benedictiónem. V. Qui maledíxerit tibi, sit ille maledictus : et qui benedíxerit tibi, benedictiónibus repléatur. — Et donet tibi.

#### Lectio iij.

**C**UI ille respóndit : Nosti quod Esau frater meus homo pilósus sit, et ego lenis : si attrectáverit me pater meus, et sénserit, timeo ne putet me sibi voluisse illúdere, et indúcam super me maledictiónem probenedictiónem. Ad quem mater : In me sit, ait, ista maledictio, fili mi : tantum audi vocem meam, et pergens affer quæ dixi. Abiit, et attulit, deditque matri. Parávit illa cibos, sicut velle nóverat patrem illius. Et véstibus Esau valde bonis, quas apud se habébat domi, induit eum.

R. iij. Det tibi Deus de rore cæli, et de pinguédine terræ abundántiam : sérviant tibi tribus et pópuli : \* Esto dóminus fratrum tuórum. X. Et incurvéntur ante te filii matristuæ. — Esto dóminus. Glória. Esto dóminus.

#### IN II. NOCTURNO.

Psalmi et Antiphonæ ut in Psalterio. pagg. 10-13.

X. Ipse liberávit me., pag. 13.

Ex libro sancti Augustini Episcopi contra mendácium. Lectio iv. Cap. 10.

**J**ACOB, quod matre fecit auctóre, ut patrem fállere viderétur, si diligénter et fidéliter attendátur, non est mendácium, sed mystérium. Quæ si mendácia dixérimus, omnes étiam parábolæ, ac figuræ significándarum quarumcúmque rerum, quæ non per proprietatem accipiéndæ sunt, sed in eis áliud ex álio est intelligéndum, dicéntur esse mendácia : quod absit omnino. Nam qui hoc putat, trópicis étiam tam multis locutióibus ómnibus potest hanc importáre calúnniam.

R. iv. Quis igitur ille est qui dudum captam venatiónem attulit mihi, et comédi ex ómnibus priúsqvam tu veníres? \* Benedixique ei, et erit benedictus. V. Dóminum tuum illum constitui, et omnes fratres ejus servitúti illius subjugávi. — Benedixique ei, et erit benedictus.

#### Lectio v.

**Q**UÆ significántur enim, útique ipsa dicúntur; putántur autem mendácia, quóniam non ea, quæ vere significántur, dicta intelligúntur : sed ea, quæ falsa sunt, dicta esse credúntur. Hoc ut exémpis fiat plánius, idípsum, quod Jacob fecit, atténde. Hædinis certe péllibus membra contéxit. Si causam próximam requirámus, mentitum putábitus: hoc enim fecit, ut putáretur esse, qui non erat. Si autem hoc fa-



ctum ad illud, propter quod significandum revêra factum est, referatur : per hœdinas pelles, peccâta; per eum vero, qui eis se opêruit, ille significatus est, qui non sua, sed aliêna peccâta portâvit.

R. v. Dum exîret Jacob de terra sua, vidit glóriam Dei, et ait : Quam terribilis est locus iste! \* Non est hic âliud nisi domus Dei, et porta cœli. V. Vere Deus est in loco isto, et ego nesciebam. — Non est hic âliud.

Lectio vj.

**V**ERAX ergo significatio nullo modo mendacium recte dici potest : ut autem in facto, ita et in verbo. Nam cum ei pater dixisset, Quis es tu fili? ille respôndit : Ego sum Esau primogénitus tuus. Hoc si referatur ad duos illos géminos, mendacium vidébitur : si autem ad illud, propter quod significandum ista gesta dictaque conscripta sunt; ille est hic intelligendus in corpore suo, quod est ejus Ecclesia, qui de hac re loquens, ait : Cum vidéritis Abraham, et Isaac, et Jacob, et omnes prophétas in regno Dei, vos autem expelli foras.

R. vj. Si Dóminus Deus meus fuerit mecum in via ista, per quam ego âmbulo, et custodierit me, et dederit mihi panem ad edendum, et vestiméntum quo opériar, et revocaverit me cum salute : \* Erit mihi Dóminus in refúgium, Et lapis iste in signum. V. Surgens ergo mane Jacob, tulit lápidem, et erexit in titulum, fundénsque óleum désuper, ait : — Erit mihi. Glória. Et lapis iste in signum.

### IN III. NOCTURNO.

Psalmi et Antiphonæ ut in Psalterio, pagg. 13-15.

V. Scâpulis suis., pag. 15.

Lectio sancti Evangélii secundum Matthæum.

Lectio vij. Cap. 17.

**I**N illo témpore : Assumpsit Jesus Petrum, et Jacobum, et Joânnem fratrem ejus, et duxit illos in montem excelsum seórsum : et transfiguratus est ante eos. Et reliqua.

Homilia sancti Leónis Papæ.

(Homilia de Transfigur.)

**A**SSUMPSIT Jesus Petrum, et Jacobum, et fratrem ejus Joânnem; et conscénso cum eis seórsum monte præcéso, claritatem suæ glóriæ demonstravit : quia licet intellexissent in eo majestatem Dei, ipsius tamen corpóris, quo Divinitas tegebatur, poténtiam nesciebant. Et ideo próprie signantérque promiserat, quosdam de astantibus discipulis non prius gustâre mortem, quam vidèrent Fílium hóminis venientem in regno suo, id est, in régia claritâte, quam spiritaliter ad natúrâam suscepti hóminis pertinentem, his tribus viris vóluit esse conspicuam.

R. vij. Erit mihi Dóminus in Deum, et lapis iste, quem eréxi in titulum, vocabitur Domus Dei : et de univêrsis, quæ dederis mihi, \* Décimas, et hóstias pacíficas offeram tibi. V. Si Dóminus Deus meus fuerit mecum in via ista, per quam ego âmbulo, et custodierit me. — Décimas et hóstias pacíficas offeram tibi.

## Lectio viij.

**N**AM illam ipsius Deitátis ineffabilem et inaccessibilem visionem, quæ in æternam vitam mundis corde servatur, nullo modo, mortali adhuc carne circumdati, intueri poterant et videre. Dicente Patre, Hic est Filius meus dilectus, in quo mihi bene complacui, ipsum audite : nonne evidenter auditum est, Hic est Filius meus, cui ex me, et mecum esse sine tempore est? Quia nec genitor genito prior, nec genitus est genitore posterior. Hic est Filius meus dilectus, quem a me non separat Deitas, non dividit potestas, non discernit æternitas.

℞. viij. Dixit Angelus ad Jacob : Dimitte me, aurora est. Respondit ei : Non dimittam te, nisi benedixeris mihi. \* Et benedixit ei in eodem loco. V. Nequaquam vocaberis Jacob, sed Israel erit nomen tuum. — Et benedixit ei in eodem loco.

## Lectio ix.

**H**IC est Filius meus, non adoptivus, sed proprius; non aliunde creatus, sed ex me genitus; nec de alia natura mihi factus comparabilis, sed de mea essentia mihi natus æqualis. Hic est Filius meus, per quem omnia facta sunt, et sine quo factum est nihil : qui omnia, quæ facio, similiter facit, et quidquid operor, inseparabiliter mecum atque indifferenter operatur. Hunc ergo, in quo mihi per omnia bene compláceo, et cujus prædicatione manifestor, cujus humilitate clarificor, incunctanter au-

дите : quia ipse est veritas et vita, ipse virtus mea atque sapientia.

℞. ix. Oravit Jacob, et dixit : Domine qui dixisti mihi, Revertere in terram nativitatis tuæ : \* Erue me de manu fratris mei, quia valde eum timeo. V. Deus in cujus conspectu ambulaverunt patres nostri, Domine qui pascis me a juventute mea. — Erue me. Glória. Erue me. ℞. Oravit Jacob.

Ante Laudes V. In manibus portabunt te. ℞. Ne forte offendas ad lapidem pedem tuum.

## AD LAUDES

## ANTIPHONÆ.

1. Domine labia mea aperies : et os meum annuntiabit laudem tuam. Psalmus Misere, cum ceteris, pag. 24.

2. Dextera Domini fecit virtutem : dextera Domini exaltavit me.

3. Factus est adiutor meus Deus meus.

4. Trium Puerorum cantemus hymnum : quem cantabant in camino ignis benedicentes Dominum.

5. Statuit ea in æternum et in sæculum sæculi : præceptum posuit, et non præteribit.

Capitulum. Hortamur vos, Hymnus Jam Christe sol justitiæ. et V. Scuto circumdabit te., pag. 21.

Ad Benedictus Añ. Assumpsit Jesus discipulos suos, et ascendit in montem : et transfiguratus est ante eos.

## Oratio.

**D**EUS, qui conspicias omni nos virtute destitui; interius exteriorisque custodi : ut ab

omnibus adversitatibus muniāmur in corpore, et a pravis cogitationibus mundēmur in mente. Per.

## AD PRIMAM.

Añā. Dómine bonum est nos hic esse : si vis, faciāmus hic tria tabernacula, tibi unum, Móysi unum et Eliæ unum. Psalmus Deus Deus meus respice in me. cum ceteris, pag. 33.

## AD TERTIAM,

Añā. Dómine bonum est nos hic esse : si vis, faciāmus hic tria tabernacula, tibi unum, Móysi unum et Eliæ unum.

Capitulum. 2. Cor. 6.

**H**ORTAMUR vos ne in vacuum grātiā Dei recipiātis. Ait enim : Tēpore accepto exaudivi te, et in die salutis adjuvi te.

℟. Participem me fac Deus omnium timēntium te : \* Et custodiēntium mandata tua. ℣. Aspicere in me, et miserere mei, secūndum iudiciū diligēntium nomen tuum. Et custodiēntium. Glória. Participem me fac Deus.

℣. Dicet Dómino : Suscéptor meus es tu. ℟. Et refúgium meum, Deus meus.

## AD SEXTAM.

Añā. Faciāmus hic tria tabernacula, tibi unum, Móysi unum et Eliæ unum.

Capitulum. 2. Cor. 6.

**E**CCE nunc tempus acceptabile, ecce nunc dies salutis : némini dantes ullam offensionem, ut non vituperetur ministériū nostrum.

℟. Ab omni via mala prohibui pedes meos : \* Ut custodiā mandata tua Dómine. ℣. A iudiciis tuis non declinavi : quia tu legem posuisti mihi. Ut custodiā. Glória. Ab omni.

℣. Ipse liberavit me de laqueo venántium. ℟. Et a verbo aspero.

## AD NONAM.

Añā. Visiónem, quam vidistis, némini dixéritis, donec a mórtuis resúrgat Filius hóminis.

Capitulum.

2. Cor. 6.

**I**N omnibus exhibeāmus nosmetipsos sicut Dei ministros, in multa patientia, in jejuniis multis, per arma justitiæ.

℟. Sépties in die laudem dixi tibi Dómine Deus meus : \* Ne perdas me. ℣. Erravi, sicut ovis, quæ perierat : require servum tuum Dómine, quia mandata tua non sum oblitus. Ne perdas me. Glória. Sépties in die.

℣. Scápolis suis obumbrabit tibi. ℟. Et sub pennis ejus sperabis.

## AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Hortāmur vos. et Hymnus Audi benigne Cōditor., pag. 128.

℣. Angelis suis Deus mandavit de te. ℟. Ut custodiant te in omnibus viis tuis.

Ad Magnificat Añā. Visiónem, quam vidistis, némini dixéritis, donec a mórtuis resúrgat Filius hóminis.

Oratio Deus, qui cōspicis, ut in Laudibus.



## FERIA SECUNDA.

Lectio sancti Evangēlii  
secūndum Joānnem.

Lectio j. Cap. 8.

**I**n illo tēpore : Dixit Jesus  
turbis Judæorum : Ego vado,  
et quærētis me, et in peccāto  
vestro moriēmini. Et reliqua.

Homilia sancti Augustini  
Episcopi.

(Tract. 38. in Joann. post init.)

**L**OCUTUS est Dóminus Ju-  
dæis, dicens : Ego vado.  
Christo enim Dómino mors  
profectio fuit illo, unde vénérat.  
Ego, inquit, vado, et quærētis  
me : non desidério, sed odio.  
Nam illum, posteaquam discés-  
sit ab óculis hóminum, inqui-  
siérunt, et qui óderant, et qui  
amábant : illi persequendo, isti  
habére cupiendo. In Psalmis ait  
ipse Dóminus per Prophétam :  
Péruit fuga a me, et non est  
qui requirat ánimam meam.  
Et iterum in álío Psalmo :  
Confundántur et revereántur  
requiréntes ánimam meam.

Lectio ij.

**C**ULPAVIT qui non requiré-  
rent : damnávit requirén-  
tes. Bonum est enim quærere  
ánimam Christi, sed quo mo-  
do eam quæsiérunt discipuli :  
et malum est quærere ánimam  
Christi, sed quo modo eam Ju-  
dæi quæsiérunt : illi enim ut  
habérent, isti ut pérderent. Dé-  
nique istis, quia sic quærébant  
more malo, corde perverso,  
quod séquitur adjúnxit : Quæré-  
tis me : et ne putétis quia bene  
me quærétis, in peccāto vestro  
moriēmini.

Lectio iij.

**H**oc est Christum male quæ-  
rere, in peccāto suo mori :

hoc est illum odísse, per quem  
possit solum salvus esse. Cum  
enim hómines, quorum spes in  
Deo est, non débent mala réd-  
dere, nec pro malis : reddébant  
isti mala pro bonis. Prænuntiá-  
vit ergo illis Dóminus, dixitque  
senténtiam præsius, quod in  
suo peccāto moreréntur. Deín-  
de adjúnxit : Quo ego vado,  
vos non potétis venire. Hoc et  
discipulis suis álío loco dixit :  
nec tamen eis dixit, In peccāto  
vestro moriēmini.

Ad Benedictus Añā. Ego prin-  
cipium, qui et loquor vobis.

Oratio.

**P**RÆSTA, quæsumus omnípo-  
tens Deus : ut familia tua,  
quæ se, affligendo carnem, ab  
aliméntis ábstinet; sectādo  
justítiam, a culpa jejúnet. Per.  
Ad Magnificat Añā. Qui me  
misit, mecum est, et non reli-  
quit me solum : quia quæ plá-  
cita sunt ei, fácio semper.

Oratio.

**A**DESTO supplicatióibus no-  
stris omnipotens Deus :  
et quibus fidúciā sperándæ  
pietátis indúlget, consuétæ mi-  
sericórdiæ tribue benignus ef-  
fectum. Per.

## FERIA TERTIA.

Lectio sancti Evangēlii  
secūndum Matthæum.

Lectio j. Cap. 23.

**I**n illo tēpore : Locútus est  
Jesus ad turbas, et ad disci-  
pulos suos, dicens : Super cá-  
thedram Móysi sedérunt Scri-  
bæ, et Pharisæi. Omnia ergo  
quæcúmque dixerint vobis,  
serváte, et fácite : secūndum  
ópera vero eórum nolite fáce-  
re. Et reliqua.

Homilia sancti Hierónymi  
Presbyteri.

(Lib. 4. Comm. in cap. 23.  
Matth.)

**Q**UID mansuetius, quid benignius Dómino? Tentatur a Phariseis, confringuntur insidiæ eorum, et secundum Psalmistam, Sagittæ parvulorum factæ sunt plagæ eorum : et nihilominus propter sacerdoti et nómínis dignitatem hortatur pópulos ut subjiçiantur eis, non ópera, sed doctrinam considerantes. Quod autem ait, Super cathedram Móysi sederunt Scribæ, et Pharisei : per cathedram, doctrinam Legis osténdit.

Lectio ij.

**E**RGO et illud, quod dicitur in Psalmo, In cathedra pestilentiae non sedit : et, Cathedras vendentium columbas evértit : doctrinam debemus accipere. Alligant enim ónera grávia et importabilia, et imponunt in húmeros hóminum : digito autem suo nolunt ea movére. Hoc generaliter adversus omnes magistros dictum est, qui grávia jubent, et minóra non faciunt.

Lectio iij.

**D**ILATANT enim phylacteria sua, et magnificant fimbrias. Dóminus, cum dedisset mandata Legis per Móysen, ad extrémum intulit : Ligabis ea in manu tua, et erunt immóta ante óculos tuos. Et est sensus : Præcepta mea sint in manu tua, ut ópere compleántur : sint ante óculos tuos, ut die ac nocte meditéris in eis. Hoc Pharisei male interpretantes, scribébant in membránis Decalogum Móysi, id est, decem

verba Legis, complicantes ea et ligantes in fronte, et quasi coronam cápiti facientes, ut semper ante óculos moverén-  
tur.

Ad Benedictus Aña. Unus est enim Magister vester, qui in cælis est, dicit Dóminus.

Oratio.

**P**ERFICE, quæsumus Dómine, ne, benignus in nobis observantiæ sanctæ subsidium : ut quæ te auctóre faciéndæ cognóvimus, te operante impleamus. Per.

Ad Magnificat Aña. Qui major est vestrum, erit minister vester : quia omnis qui se exaltat, humiliabitur, dicit Dóminus.

Oratio.

**P**ROPITIARE Dómine supplicatióibus nostris : et animarum nostrarum medere languoribus ; ut remissione percépta, in tua semper benedicti-  
one lætémur. Per.

FERIA QUARTA.

Lectio sancti Evangélii  
secundum Matthæum.

Lectio j. Cap. 20.

**I**N illo témpore : Ascendens Iesus Jerosólymam, assumpsit duódecim discipulos secreto, et ait illis : Ecce ascéndimus Jerosólymam, et Filius hóminis tradétur Principibus sacerdotum, et Scribis, et condemnábunt eum morte. Et reliqua.

Homilia sancti Ambrósii  
Episcopi.

(Lib. 5. de fide ad Gratianum,  
cap. 2.)

**C**ONSIDERATE, quæ mater filiorum Zebedæi cum filiis et pro filiis petat. Mater est úti-  
que, cui pro filiorum honóre

sollicitæ, immoderâtior quidem, sed tamen ignoscenda mensûra votôrum est. Atque mater ætate longæva, stûdio religiôsa, solatio destituta : quæ tunc tēporis, quando vel juvanda, vel alēda foret vâlidæ prolis auxilio, abesse sibi liberos patiebatur, et voluptati suæ mercēdem sequentium Christum prætulerat filiôrum.

Lectio ij.

**H**ÆC igitur, stûdio matēnæ sedulitatis indulgētiôr, obsecrâbat Salvatorem, dicens : Dic ut sēdeant hî duo filii mei, unus ad dexteram tuam, et alter ad sinistram in regno tuo. Etsi error, pietatis tamen error est. Nesciunt enim matēna viscera patiētiām. Etsi voti avāra, tamen veniābilis cupiditas, quæ non pecūniæ est avida, sed grātiæ. Nec invenecūda petitio, quæ non sibi, sed liberis consulēbat. Matrem considerâte, matrem cogitâte.

Lectio iij.

**C**ONSIDERABAT Christus matris dilectionem, quæ filiôrum mercēde grandævam solabatur senectam, et desidēriis licet fessa matēnis, carissimôrum pignorum tolerābat absentiām. Considerâte etiām fēminam, hoc est, sexum fragiliôrem, quem Dōminus prôpria nondum confirmāverat Passiōne. Considerâte, inquam, Hevæ illius primæ mulieris herēdem, transfûsa in omnes immoderâte cupiditatis successiōne labentem : quam Dōminus adhuc prôprio sânguine non redēmerat. Hereditario igitur mulier delinquēbat errôre.

Ad Benedictus Añæ. Ecce ascēdimus Jerosôlymam, et Filius hōminis tradētur ad crucifigēdum.

Oratio.

**P**OPULUM tuum, quæsumus Dōmine, propitiûs respice : et quos ab escis carnalibus præcipis abstinere, a nôxiis quoque vitiis cessare concede. Per.

Ad Magnificat Añæ. Sedere autem mecum non est meum dare vobis, sed quibus paratum est a Patre meo.

Oratio.

**D**EUS innocentiae restitutor et amator, dirige ad te tuorum corda servorum : ut spiritus tui fervore concepto, et in fide inveniāntur stābiles, et in ôpere efficāces. Per.

FERIA QUINTA.

Lectio sancti Evangēlii secundum Lucam.

Lectio j. Cap. 16.

**I**N illo tēpore : Dixit Jesus Pharisæis : Homo quidam erat dives, qui induebatur pûrpura, et bysso : et epulabatur quotidie splendide. Et reliqua.

Homilia sancti Gregôrii Papæ.

(Homilia 40. in Evang.)

**Q**UEM, fratres carissimi, quem dives iste, qui induebatur pûrpura, et bysso, et epulabatur quotidie splendide, nisi Judaicum pópulum significat ; qui cultum vitæ extērius habuit, qui acceptæ Legis deliciis ad nitorem usus est, non ad utilitatem ? Quem vero Lázarus ulcēribus plenus, nisi Gentilem pópulum figurāliter exprimit ? Qui dum convērsus ad Deum peccata confitēri sua non erubuit, huic vulnus in cute fuit.



## Lectio ij.

**I**n cutis quippe vulnere virus in visceribus tráhitur, et foras erumpit. Quid est ergo peccatorum confessio, nisi quædam vulnerym rúptio? Quia peccáti virus salúbriter aperitur in confessióne, quod pestifer latebat in mente. Vúlnera etenim cutis in superficiem trahunt humorem putredínis. Et confitendo peccáta, quid aliud ágimus, nisi malum, quod in nobis latebat, aperimus?

## Lectio iij.

**S**ED Lázarus vulnerátus cupiebat saturári de micis, quæ cadébant de mensa divitis, et nemo illi dabat : quia Gentilium quemque ad cognitióem Legis admittere superbus ille pópulus despiciébat. Qui dum doctrínam Legis non ad caritátem hábuit, sed ad elatióem; quasi de accéptis ópibus túmuit : et quia ei verba defluébant de sciéntia, quasi micæ cadébant de mensa.

Ad Benedictus Aña. Pater Abraham, miserere mei, et mitte Lázarus ut intingat extrémum digiti sui in aquam ut refrigeret linguam meam.

## Oratio.

**P**RÆSTA nobis, quæsumus Dómine, auxilium grátiae tuæ : ut jejúniis et oratióibus convenienter inténti, liberémur ab hóstibus mentis et córporis. Per.

Ad Magnificat Aña. Fili recordáre quia recepisti bona in vita tua, et Lázarus similiter mala.

## Oratio.

**A**DESTO Dómine famulis tuis, et perpétuam benignitatem largíre poscéntibus : ut

iis, qui te auctóre et gubernatóre gloriántur, et congregáta restáures, et restauráta consérves. Per.

## FERIA SEXTA.

Lectio sancti Evangélii  
secúndum Matthæum.

Lectio j. Cap. 21.

**I**n illo témpore : Dixit Jesus turbis Judæórum, et Principibus sacerdotum parábolam hanc : Homo erat paterfamilias, qui plantávit vineam, et sepem circúmdedit ei. Et reliqua.

Homilia sancti Ambrósii  
Episcopi.

(Lib. 9. in cap. 21. Lucæ.)

**P**LERIQUE varias significatióes de vineæ appellatióne derivant : sed evidénter Isaías vineam Dómini Sábaoth, domum Israel esse memorávit. Hanc vineam quis álius, nisi Deus, cóndidit? Hic est ergo, qui eam locávit colonis, et ipse pègre fuit : non quia ex loco ad locum profectus est Dóminus, qui ubique semper præsens est; sed quia est præséntior diligéntibus, negligéntibus abest.

## Lectio ij.

**M**ULTIS autem temporibus Mábfuit, ne præprópera viderétur exáctio. Nam quo indulgéntior liberálitas, eo inexcusabilior perviciácia. Unde bene secúndum Matthæum habes, quia et sepe circúmdedit eam : hoc est, divínæ custodiæ munitiõe vallávit, ne fáctile spiritálium patéret incúrsibus bestiárum. Et fodit in ea tórcular. Quómodo intelli-

gimus, quid sit tórcular, nisi quia forte Psalmi pro Torculáribus inscribúntur; eo quod in his mystéria Dominicæ Passiónis, modo musti sancto fervéntis Spiritu, redundántius æstuáverint?

Lectio iij.

**D**ENIQUE ébrii putabántur, quibus Spiritus sanctus inundábat. Ergo et hic fodit tórcular, in quod uvæ rationábilis fructus intérior spiritali infusióne desflúeret. Ædificávit turrin, vérticem scilicet Legis attóllens : atque ita hanc vineam munitam, instructam, ornátam locávit Judæis. Et témpore frúctuum sérvulos suos misit. Bene tempus frúctuum pósuit, non provéntuum. Nullus enim fructus exstitit Judæórum, nullus vineæ hujus provéntus, de qua Dóminus ait : Expectávi ut fáceret uvas; fecit autem spinas.

Ad Benedictus Aña. Malos male perdet : et vineam suam locábit álíis agricolis, qui reddant ei fructum tempóribus suis.

Oratio.

**D**A, quæsumus omnipotens Deus : ut sacro nos purificánte jejúnio, sincéris méntibus ad sancta ventúra fácias pervenire. Per.

Ad Magnificat Aña. Quæréntes eum tenére timuérent turbam : quia sicut prophétam eum habébant.

Oratio.

**D**A, quæsumus Dómine,ópulo tuo salutem mentis et córporis : ut bonis opéribus inhæréndo, tuæ semper virtútis mereátur protectióne deféndi. Per.

SABBATO.

Léctio sancti Evangélii  
secúndum Lucam.

Lectio j. Cap. 15.

**I**N illo témpore : Dixit Jesus Pharisæis, et Scribis parabola istam : Homo quidam hábuit duos filios : et dixit adolescéntior ex illis patri : Pater, da mihi portiónem substantiæ, quæ me contingit. Et reliqua.

Homilia sancti Ambrósii  
Episcopi.

(Lib. 7. Comm. in c. 15. Lucæ  
post init.)

**V**IDES quod divinum patrimonium peténtibus datur. Nec putes culpam patris, quod adolescentióri dedit. Nulla Dei regno infirma ætas : nec fides gravátur annis. Ipse certe se judicávit idóneum, qui popóscit. Atque útinam non recessisset a patre ! Impediméntum nescisset ætátis. Sed posteaquam domum pátriam derelinquens, péregre proféctus est, cœpit egére.

Lectio ij.

**M**ERITO ergo prodégit patrimonium, qui recessit ab Ecclesiá. Et péregre proféctus est in regiónem longinquam. Quid enim longinquius, quam a se recédere, nec regiónibus, sed móribus separári; stúdiis discrétum esse, non terris; et quasi interfúso luxuriæ sæculáris æstu, divórtia habére sanctórum? Etenim qui se a Christo separát, exsul est pátriæ, civis est mundi. Sed nos non sumus ádvenæ atque peregríní; sed cives sumus sanctórum, et doméstici Dei. Qui enim erámus longe, facti sumus prope in ságuine Christi.

## Lectio iij.

**N**ON invidēamus de longinqua regione remeantibus: quia et nos fuimus in regione longinqua, sicut Isaias docet, dicens: Qui sedebant in regione umbræ mortis, lux orta est illis. Régio ergo longinqua, umbra est mortis. Nos autem, quibus spiritus ante faciē Christus est Dóminus, in umbra vivimus Christi. Et ideo dicit Ecclesiā: In umbra ejus concupivi, et sedi. Ille igitur, vivēdo luxuriōse, consumpsit omnia ornāmēta naturæ.

Ad Benedictus Añā. Vadam ad Patrem meum, et dicam ei: Pater, fac me sicut unum ex mercenariis tuis. Oratio.

**D**A, quæsumus Dómine, nostris effectum jejuniis salutarem; ut castigatio carnis assumpta ad nostrarum vegetationem transeat animarum. Per.

## AD VESPERAS.

R. Loquens Joseph fratribus suis dixit: \* Pax vobis, nolite timere: Pro salute enim vestra misit me Dóminus ante vos. V. Elevavitque vocem cum fletu: quam audiērent Ægyptii, omnisque domus Pharaonis: et dixit fratribus suis. — Pax vobis. Glória. Pro salute.

Ad Magnificat Añā. Dixit autem pater ad servos suos: Cito proferte stolam primam, et induite illum, et date anulum in manu ejus, et calceamenta in pedibus ejus. Oratio.

**Q**UÆSUMUS omnipotens Deus, vota humilium respice; atque ad defensionem nostram dexteram tuæ majestatis extēde. Per.

## IN COMPLETORIO.

Ad Nunc dimittis Añā. Média vita in morte sumus: quem quærimus adiutorem, nisi te Dómine, qui pro peccatis nostris juste irascēris? \* Sancte Deus, sancte fortis, sancte et miséricors Salvator, amarae mortis ne tradas nos. V. Ne projicias nos in tempore senectutis: cum defecerit virtus nostra, ne derelinquas nos Dómine. Sancte Deus, sancte fortis....

† Hæc Antiphona cum suo V. dicatur quotidie ad Nunc dimittis usque ad Sabbatum ante Dominicam in Passione exclusive, exceptis festis Beatae Mariæ V. et diebus infra Octavam Annuntiationis, si eo tempore occurrerint. Si tamen Vesperæ præcedentes de Tempore fuerint in Sabbato aut in Dominica dicatur ad Nunc dimittis Añā Média vita, etiam infra Octavam Annuntiationis.

## DOM. III. QUADRAGESIMÆ.

## AD MATUTINUM.

Invitatorium. Plorēmus coram Dómino Deo nostro, \* Qui fecit nos.

Hymnus Summi largitor præmil., pag. 2.

## IN I. NOCTURNO.

Psalmi et Antiphonæ ut in Psalterio, pagg. 4-9.

V. Dicet Dómino., pag. 9.

De libro Génesis.

Lectio j.

Cap. 37.

**J**OSEPH cum sédecim esset annorum, pascēbat gregem cum fratribus suis adhuc puer: et erat cum filiis Balæ et Zelphæ uxorum patris sui: accu-



savitque fratres suos apud patrem crimine pessimo. Israel autem diligebat Joseph super omnes filios suos, eo quod in senectute genuisset eum : fecitque ei tunicam polymitam. Videntes autem fratres ejus quod a patre plus cunctis filiis amaretur, oderant eum, nec poterant ei quidquam pacifice loqui.

R. j. Videntes Joseph a longe, loquebantur mutuo fratres, dicentes : Ecce somniator venit : \* Venite, occidamus eum, et videamus si prosint illi somnia sua. V. Cumque vidissent Joseph fratres sui, quod a patre cunctis fratribus plus amaretur, oderant eum, nec poterant ei quidquam pacifice loqui : unde et dicebant. — Venite.

#### Lectio ij.

**A**CCIDIT quoque ut visum somnium referret fratribus suis : quæ causa majoris odii seminarium fuit. Dixitque ad eos : Audite somnium meum quod vidi : putabam nos ligare manipulos in agro : et quasi consurgere manipulum meum, et stare, vestrosque manipulos circumstantes adorare manipulum meum. Respondérunt fratres ejus : Numquid rex noster eris? aut subjiciemur ditioni tuæ? Hæc ergo causa somniorum atque sermonum, invidiæ et odii fomitem ministravit.

R. ij. Dixit Judas fratribus suis : Ecce Ismaelitæ transeunt : venite, venumdetur, et manus nostræ non polluantur : \* Caro enim et frater noster est. V. Quid enim prodest si

occiderimus fratrem nostrum, et celaverimus sanguinem ipsius? Melius est enim ut venumdetur. — Caro enim et frater noster est.

#### Lectio iij.

**A**LIUD quoque vidit somnium, quod narrans fratribus, ait : Vidi per somnium quasi solem, et lunam, et stellas undecim adorare me. Quod cum patri suo, et fratribus retulisset, increpavit eum pater suus, et dixit : Quid sibi vult hoc somnium quod vidisti? Num ego et mater tua, et fratres tui adorabimus te super terram? Invidabant ei igitur fratres sui : pater vero rem tacitus considerabat.

R. iij. Videns Jacob vestimenta Joseph, scidit vestimenta sua cum fletu, et dixit : \* Fera pessima devoravit Filium meum Joseph. V. Congregatis autem cunctis liberis ejus ut delinrent dolorem patris, noluit eos audire, sed dixit. — Fera pessima. Gloria. Filium meum Joseph.

#### IN II. NOCTURNO.

Psalmi et Antiphonæ ut in Psalterio, pagg. 10-13.

V. Ipse liberavit me., pag. 13.

Ex libro sancti Ambrósii  
Episcopi de sancto Joseph.

#### Lectio iv.

Cap. 2.

**N**EC libertatem auferre possumus parentibus, ne eos plus diligant, quos plus credunt mereri; nec filiis rescare debemus studium plus placendi. Denique et Jacob illum plus amabat, in quo majora virtutum insignia prævidebat :

ut non tam filium pater prætulisse videatur, quam propheta mysterium. Meritoque variam tunicam fecit ei, quo significaret eum diversarum virtutum amictu fratribus præferendum.

R. iv. Joseph, dum intraret in terram Ægypti, linguam, quam non noverat, audivit : \* Manus ejus in laboribus servierunt, et lingua ejus inter principes loquebatur sapientiam. V. Divertit ab oneribus dorsum ejus. -- Manus ejus.

#### Lectio v.

**D**ENIQUE in puerō adhuc refusit divina grātia : siquidem somniavit, quod cum alligasset (ut sibi videbatur per visum) manipulos cum fratribus suis, surrexerit manipulus ejus, et steterit erectus : conversi autem fratrum manipuli adoraverint manipulum suum. In quo utique Domini Jesu futura Resurrectio revelata est, quem et Jerosolymis cum vidissent, undecim adoravere discipuli; et omnes sancti, cum resurrexerint, adorabunt, fructus bonorum operum proferentes, sicut scriptum est : Venientes autem venient cum exultatione portantes manipulos suos.

R. v. Memēto mei, dum bene tibi fuerit : \* Ut suggeras Pharaōni ut educat me de isto carcere : quia furtim sublatus sum, et hic innocens in lacum missus sum. V. Tres enim adhuc dies sunt, post quos recordabitur Pharaō ministerii tui, et restituet te in gradum pristinum : tunc memēto mei. — Ut suggeras Pharaōni.

#### Lectio vj.

**V**IDIT autem aliud sōmniū, et narravit illud patri suo, et fratribus suis, eo quod sol, et luna, et undecim stellæ adorarent eum : unde objurgavit eum pater ejus. Quis est ille, quem parentes et fratres adoraverunt super terram, nisi Christus Jesus, quando eum Maria et Joseph cum discipulis adoraverunt, Deum verum esse in illo corpore confitentes? De quo solo dictum est : Laudate eum sol, et luna : et, Laudate eum omnes stellæ, et lumen. Objurgatio autem patris quid significat, nisi duritiam populi Israel, ex quibus Christus secundum carnem, quem hodiēque Deum esse non credunt, nec volunt adorare quasi Dōminum?

R. vj. Dixit Ruben fratribus suis : Numquid non dixi vobis, Nolite peccare in puerum : et non audistis me? \* En sanguis ejus exquiritur. V. Mērito hæc patimur, quia peccavimus in fratrem nostrum, videntes angustiam animæ ejus, dum deprecaretur nos, et non audivimus. — En sanguis ejus exquiritur. Glōria. En sanguis ejus exquiritur.

#### IN III. NOCTURNO.

Psalmi et Antiphonæ ut in Psalterio, pagg. 13-15.

V. Scāpulis suis., pag. 15.

Lectio sancti Evangelii secundum Lucam.

#### Lectio vij.

#### Cap. 11.

**I**n illo tēpore : Erat Jesus ejiciens dæmōnium, et illud erat mutum. Et cum eiecisset dæmōnium, locutus est mutus, et admiratæ sunt turbæ. Et reliqua.

Homilia venerabilis Bedæ  
Presbyteri.

(Lib. 4. c. 48. in cap. 11. Lucæ.)

**D**ÆMONIACUS iste apud Mat-  
thæum non solum mutus,  
sed et cæcus fuisse narratur :  
curatusque dicitur a Dômino,  
ita ut loqueretur, et videret.  
Tria ergo signa simul in uno  
hómine perpetrata sunt : cæcus  
videt, mutus loquitur, pos-  
sessus a dæmone liberatur.  
Quod et tunc quidem carnali-  
ter factum est, sed et quotidie  
complétur in conversiône cre-  
déntium : ut expulso primum  
dæmone, fidei lumen aspi-  
ciant : deinde ad laudes Dei  
tacéntia prius ora laxéntur.

R. vij. Mérito hæc pátimur,  
quia peccávimus in fratrem  
nostrum, vidéntes angústiam  
animæ ejus, dum deprecáre-  
tur nos, et non audivimus :  
\* Idcirco venit super nos tri-  
bulatio. V. Dixit Ruben frátri-  
bus suis : Numquid non dixi vo-  
bis : Nolite peccáre in púerum :  
et non audistis me? — Idcirco.

Lectio viij.

**Q**UIDAM autem ex eis dixé-  
runt : In Beélzebub prin-  
cipe dæmoniórum éjicit dæ-  
mónia. Non hæc áliqui de  
turba, sed Pharisæi calumnia-  
bántur et Scribæ, sicut álij  
Evangelistæ testántur. Turbis  
quippe, quæ minus eruditæ  
videbántur, Dómini semper fa-  
cta mirántibus : illi contra, vel  
negáre hæc, vel quæ negáre  
nequiverant, sinistra interpreta-  
tióne pervértere laborábant :  
quasi non hæc Divinitátis, sed  
imúndi spíritus ópera fuís-  
sent.

R. viij. Tóllite hinc vobiscum  
múnera, et ite ad dóminum

terræ; et dum invenéritis,  
adoráte eum super terram :  
\* Deus autem meus fáciat vo-  
bis eum placábilem : et remit-  
tat et hunc fratrem vestrum  
vobiscum, et eum quem tenet  
in vinculis. V. Súmite de ópti-  
mis terræ frúgibus in vasis ve-  
stris, et deférte viro múnera.  
— Deus autem meus.

Lectio ix.

**E**T álij tentántes, signum de  
cælo quærébant ab eo :  
vel in morem Eliæ ignem de  
sublimi veníre cupiébant : vel  
in similitúdinem Samuélis tẽm-  
pore æstivo mugíre tonitrua,  
coruscáre fúlgura, imbres rúe-  
re : quasi non possent et illa  
calumniári, et dicere, ex occúl-  
tis et váriis æeris passiónibus  
accidisse. At tu, qui calumniá-  
ris ea quæ óculis vides, manu  
tenes, utilitáte sentis; quid  
féceris de iis quæ de cælo vé-  
nerint? Utique respondébis, et  
magos in Ægypto multa signa  
fecisse de cælo.

R. ix. Loquens Joseph frátri-  
bus suis, dixit : \* Pax vobis,  
nolite timére : Pro salúte enim  
vestra misit me Dóminus ante  
vos. V. Elevavitque vocem  
cum fletu : quam audiérunt  
Ægyptií, omnisque domus  
Pharaónis : et dixit frátribus  
suis. — Pax vobis. Glória. Pro  
salúte enim vestra. R. Lo-  
quens Joseph.

Ante Laudes V. In mánibus  
portábunt te. R. Ne forte offén-  
das ad lápidem pedem tuum.

AD LAUDES

ANTIPHONÆ.

1. Fac benigne in bona volun-  
tate tua : ut ædificéntur Dó-  
mine muri Jerúsalem. Psalmus  
Miserére. cum ceteris, pag. 24.



2. Dóminus mihi adjútor est : non timébo quid fáciat mihi homo.

3. Deus misereátur nostri, et benedicat nobis.

4. Vim virtútis suæ oblitus est ignis : ut púeri tui liberarentur illæsi.

5. Sol et luna laudáte Deum : quia exaltátum est nomen ejus solius.

Capitulum Hortámur vos., Hymnus Jam Christe sol justitiæ, et V. Scuto circúmdabit te., pag. 21.

Ad Benedictus Aña. Et cum ejecisset dæmónium, locútus est mutus, et admiratæ sunt turbæ.

Oratio.

**Q**UÆSUMUS omnipotens Deus, vota humilium respice; atque ad defensionem nostram dexteram tuæ majestatis exténde. Per.

#### AD PRIMAM.

Aña. Si in dígitó Dei ejicio dæmónia, profecto pervénit in vos regnum Dei. Psalmus Deus Deus meus respice in me., pag. 33.

#### AD TERTIAM.

Aña. Dum fortis armátus custodit átrium suum, in pace sunt ómnia quæ possidet.

Capitulum. 2. Cor. 6.

**H**ORTAMUR vos ne in vácuum grátiam Dei recipiátis. Ait enim : Témpace accépto exaudivi te, et in die salutis adjúvi te.

R. Bonum mihi Dómine quod humiliásti me : \* Bonum mihi lex oris tui super millia auri et argénti. V. Manus tuæ fecerunt me, et plasmaverunt me : da mihi intelléctum, ut discam mandáta tua. Bonum mihi lex

oris tui. Glória. Bonum mihi Dómine quod.

V. Dicet Dómino : Suscéptor meus es tu. R. Et refúgium meum, Deus meus.

#### AD SEXTAM.

Aña. Qui non colligit mecum dispérgit : et qui non est mecum contra me est.

Capitulum. 2. Cor. 6.

**E**CCE nunc tempus acceptabile, ecce nunc dies salutis : némini dantes ullam offensionem, ut non vituperétur ministérium nostrum.

R. Servus tuus ego sum : \* Da mihi intelléctum Dómine. V. Ut discam mandáta tua. Da mihi. Glória. Servus.

V. Ipse liberávit me de láqueo venántium. R. Et a verbo aspero.

#### AD NONAM.

Aña. Cum immúndus spíritus exierit ab hómine, ámbulat per loca inaquósa, quærens requiem, et non invenit.

Capitulum. 2. Cor. 6.

**I**N ómnibus exhibeámus nosmetipsos sicut Dei ministros, in multa patientia, in jejuniis multis, per arma justitiæ.

R. Declára super nos Deus \* Tuam misericórdiam. V. Declaratio sermonum tuorum dat intelléctum Dómine. Tuam misericórdiam. Glória. Declára.

V. Scápulis suis obumbrábit tibi. R. Et sub pennis ejus sperábis.

¶ Hæc Responsoria dicantur quotidie ad Horas, quando de Tempore agitur, usque ad Dominicam in Passione exclusive.

## AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Hortamur vos. et Hymnus Audi benigne Cōditor., pag. 128.

¶ Angelis suis Deus mandavit de te. R. Ut custodiant te in omnibus viis tuis.

Ad Magnificat Añā. Extollens quædam mulier vocem de turba dixit : Beatus venter, qui te portavit, et úbera, quæ suxisti. At Jesus dixit ei : Quinimmo beati, qui audiunt verbum Dei, et custodiunt illud.

Oratio Quæsumus omnipotens Deus., ut in Laudibus.

## FERIA SECUNDA.

Lectio sancti Evangélíi secundum Lucam.

Lectio j. Cap. 4.

**I**N illo tempore : Dixit Jesus Phariseis : Utique dicetis mihi hanc similitudinem : Médice cura teipsum : quanta audivimus facta in Capharnaum, fac et hic in patria tua. Et reliqua.

Homilia sancti Ambrósii Episcopi.

(Lib. 3. in cap. 4. Lucæ.)

**N**ON mediocris invidia prouiditur, quæ civiæ caritatis oblita, in acerbâ odia causas amoris infléctit. Simul hoc exemplo pariter et oráculo declaratur, quod frustra opem misericordiæ cælestis expectes, si aliénæ fructibus virtutis inideas. Aspernator enim Dominus invidorum est; et ab iis, qui divina beneficia in aliis persequuntur, miracula suæ potestatis avértit.

## Lectio ij.

**D**OMINICÆ quippe carnis actus, Divinitatis exemplum est : et invisibilia nobis ejus, per ea, quæ sunt visibilia, demonstrantur. Non otiose itaque Salvator excusat, quod nulla in patria sua miracula virtutis operatus sit : ne fortassis aliquis viliorem patriæ nobis esse debere putaret affectum. Neque enim cives poterat non amare, qui amaret omnes : sed ipsi se caritate patriæ, dum invident, abdicarunt.

## Lectio iij.

**E**T multi leprosi erant in Judæa temporibus Elisæi Prophætæ : et nemo eorum mundatus est, nisi Naaman Syrus. Evidenter hic sermo nos Domini salutaris informat, et ad studium venerandæ Divinitatis hortatur : quod nemo sanatus ostenditur, et maculosi morbo corporis absolutus, nisi qui religioso officio studuit sanitati. Non enim dormientibus divina beneficia, sed observantibus deferuntur.

Ad Benedictus Añā. Amen dico vobis, quia nemo propheta acceptus est in patria sua.

## Oratio.

**C**ORDIBUS nostris, quæsumus Domine, grátiam tuam benignus infunde : ut sicut ab escis carnalibus abstinemus; ita sensus quoque nostros a nóxiis retrahamus excéssibus. Per.

Ad Magnificat Añā. Jesus autem transiens per médium illorum, ibat. Oratio.

**S**UBVENIAT nobis Domine misericordia tua : ut ab imminéntibus peccatorum no-

strorum periculis te mereamur protegēte ēripi, te liberante salvāri. Per.

### FERIA TERTIA.

Lectio sancti Evangelii  
secundum Matthæum.

Lectio j. Cap. 18.

**I**n illo tēpore : Dixit Jesus discipulis suis : Si peccāverit in te frater tuus, vade, et cōripe eum inter te, et ipsum solum. Et reliqua.

Homilia sancti Augustini  
Episcopi.

(Serm. 16. de verbis Dom.)

**Q**UARE illum cōripis? Quia tu doles, quod peccāverit in te? Absit. Si amorē tui id facis, nihil facis : si amorē illius facis, optime facis. Denique in ipsis verbis attēde, cujus amorē id facere dēbeas, utrum tui, an illius. Si te audierit, inquit, lucrātus es fratrem tuum. Ergo propter illum fac, ut lucrēris illum. Sic faciēdo lucrāris : nisi fecisses, perierat. Quid est ergo, quod plerique hōmines ista peccāta contēmnunt, et dicunt, Quid magnum feci? In hōminem peccāvi. Noli contēmnere, quod in hōminem peccāsti.

Lectio ij.

**V**is nosse, quia in hōminem peccādo peristi? Si te ille, in quem peccāsti, corripuerit inter te, et ipsum solum, et audieris illum, lucrātus est te. Quid est, Lucrātus est te, nisi quia perieras, si non lucraretur te? Nam si non perieras, quōmodo te lucrātus est? Nemo ergo contēmnat, quando peccat in fratrem. Ait enim in quodam loco Apōsto-

lus : Sic autem peccāntes in fratres, et percutiēntes consciētiā eōrum infirmam, in Christum peccātis; ideo, quia membra Christi omnes facti sumus.

Lectio iij.

**Q**UOMODO non peccas in Christum, qui peccas in membrum Christi? Nemo ergo dicat, Quia non peccāvi in Deum, sed peccāvi in fratrem : in hōminem peccāvi; leve, vel nullum peccātum est. Forte inde dicis, Leve est, quia cito curātur. Peccāsti in fratrem : fac satis, et sanātus es. Cito fecisti rem mortiferam, sed remēdium cito invenisti.

Ad Benedictus Añā. Si duo ex vobis consēserint super terram, de omni re quamcūque petierint, fiet illis a Patre meo, qui in cælis est, dicit Dōminus.

Oratio.

**E**XAUDI nos omnipotens et miséricors Deus; et contēntiæ salutāris propitiū nobis dona concēde. Per.

Ad Magnificat Añā. Ubi duo, vel tres congregāti fuerint in nōmine meo, in mēdio eōrum sum, dicit Dōminus.

Oratio.

**T**UA nos Dōmine protectiōne defēde; et ab omni semper iniquitāte custōdi. Per.

### FERIA QUARTA.

Lectio sancti Evangelii  
secundum Matthæum.

Lectio j. Cap. 15.

**I**n illo tēpore : Accesserunt ad Jesum ab Jerosōlymis Scribæ, et Pharisei, dicētes : Quare discipuli tui transgrediuntur tradiōnes seniorum? Et reliqua.



Homilia sancti Hieronymi  
Presbyteri.

(Lib. 2. Com. in c. 15. Matth.)

**M**IRA Phariseorum Scribarumque stultitia. Dei Filium arguunt, quare discipuli ejus hominum traditiones et precepta non servant. Non enim lavant manus suas, cum panem manducant. Manus, id est opera, non corporis utique sed animæ, lavandæ sunt, ut fiat in illis verbum Dei. Ipse autem respondens, ait illis : Quare et vos transgredimini mandatum Dei propter traditionem vestram? Falsam calumniam vera responsione confutat.

Lectio ij.

**C**UM, inquit, vos propter traditionem hominum precepta Domini negligatis; quare discipulos meos arguendos putatis, quod seniorum jussa parvipendant, ut Dei scita custodiant? Nam Deus dixit : Honora patrem et matrem, et, Qui maledixerit patri vel matri, morte moriatur. Vos autem dicitis : Quicumque dixerit patri aut matri, Munus quodcumque est ex me, tibi proderit : et non honorificabit patrem suum aut matrem suam. Honor in Scripturis non tantum in salutationibus et officiis deferendis, quantum in elemosynis ac munerum oblatione sentitur.

Lectio iij.

**H**ONORA, inquit Apostolus, viduas, quæ vere viduæ sunt. Hic honor donum intelligitur. Et in alio loco : Presbyteri duplici honore honorandi sunt, maxime qui laborant in verbo, et doctrina Dei.

Et per hoc mandatum jubemur bovi trituranti os non claudere : et dignus sit operarius mercede sua. Preceperat Dominus, vel imbecillitates, vel ætates, vel penurias parentum considerans, ut filii honorarent, etiam in vitæ necessariis ministrandis, parentes suos.

Ad Benedictus Añã. Audite, et intelligite traditiones, quas Dominus dedit vobis. Oratio.

**P**RÆSTA nobis, quæsumus Domine : ut salutariibus jejuniis eruditi, a noxiis quoque vitiis abstinentes, propitiationem tuam facilius impetremus. Per.

Ad Magnificat Añã. Non lotis manibus manducare, non coinquinat hominem. Oratio.

**C**ONCEDE, quæsumus omnipotens Deus : ut qui protectionis tuæ gratiam impetimus; liberati a malis omnibus, secûra tibi mente serviamus. Per.

#### FERIA QUINTA.

Lectio sancti Evangelii  
secundum Lucam.

Lectio j.

Cap. 4.

**I**N illo tempore : Surgens Jesus de synagoga, introiit in domum Simonis. Socrus autem Simonis tenebatur magnis febribus. Et reliqua.

Homilia sancti Ambrósii  
Episcopi.

(Lib. 4. in c. 4. Lucæ prope finem.)

**V**IDE clementiam Domini Salvatoris. Nec indignatione commotus, nec scelere offensus, nec injuria violatus Judæam deserit : quin etiam

inmemor injuriæ, memor clementiæ, nunc docendo, nunc liberando, nunc sanando, infidæ plebis corda demulcet. Et bene sanctus Lucas virum a spiritu nequitie liberatum ante præmisit, et subdidit femine sanitatem. Utrumque enim sexum Dominus curaturus advenerat.

## Lectio ij.

**S**ED prior sanari debuit, qui prior creatus est : nec prætermitti illa, quæ mobilitate magis animi, quam pravitate peccaverat. Sabbato medicinæ Dominicæ opera cæpta significat, ut inde nova creatura cœperit, ubi vetus creatura ante desivit : nec sub lege esse Dei Filium, sed supra legem in ipso principio designaret : nec solvi legem, sed impleri. Neque enim per legem, sed verbo factus est mundus, sicut legimus : Verbo Domini cæli firmati sunt.

## Lectio iij.

**N**ON solvitur ergo lex, sed implètur : ut fiat renovatio hominis jam labentis. Unde et Apóstolus ait : Exspoliantes vos veterem hominem, induite novum, qui secundum Deum creatus est. Et bene sabbato cœpit, ut ipsum se ostenderet Creatorem, qui opera operibus intexeret, et prosequeretur opus, quod ipse jam cœperat : ut si domum faber renovare dispónat, non a fundaméntis, sed a culminibus incipit solvere vetustatem. Itaque ibi prius manum admovet, ubi ante desiderat.

Ad Benedictus Aña. Exhibant autem dæmónia a multis clamantia, et dicentia, Quia tu

es Filius Dei : et increpans non sinébat ea loqui : quia sciébant ipsum esse Christum.

## Oratio.

**C**ONCEDE, quæsumus omnipotens Deus : ut jejuniórum nobis sancta devotio, et purificationem tribuat, et majestati tuæ nos reddat acceptos. Per.

Ad Magnificat Aña. Omnes, qui habebant infirmos, ducébant illos ad Jesum, et curabántur.

## Oratio.

**S**UBJECTUM tibi pópulum, quæsumus Dómine, propitiatio cælestis amplifcet; et tuis semper faciat servire mandátis. Per.

## FERIA SEXTA.

Lectio sancti Evangélii secundum Joánnem.

Lectio j. Cap. 4.

**I**n illo témpore : Venit Jesus in civitatem Samáriæ, quæ dicitur Sichar : juxta prædium, quod dedit Jacob Joseph filio suo. Et reliqua.

Homília sancti Augustini Episcopi.

(Tract. 15. in Joann. post initium.)

**J**AM incipiunt mystéria. Non enim frustra fatigatur Jesus : non enim frustra fatigatur virtus Dei : non enim frustra fatigatur, per quem fatigati recreántur : non enim frustra fatigatur, quo deserente fatigámur, quo præsenté firmámur. Fatigatur tamen Jesus, et fatigatur ab itinere, et sedet, et juxta púteum sedet, et hora sexta fatigatus sedet. Omnia ista innuunt áliquid : inténtos nos faciunt; ut pulsémus hortántur.

## Lectio ij.

**I**PSE ergo apériat et nobis et vobis, qui dignátus est ita hortári, ut diceret : Pulsáte, et aperiétur vobis. Tibi fatigátus est ab itinere Jesus. Invenimus virtútem Jesum, et invenimus infirmum Jesum : fortem, et infirmum. Fortem : quia in principio erat Verbum, et Verbum erat apud Deum, et Deus erat Verbum : hoc erat in principio apud Deum. Vis vidére, quam iste Filius Dei fortis sit? Omnia per ipsum facta sunt, et sine ipso factum est nihil : et sine labóre facta sunt.

## Lectio iij.

**Q**UID ergo illo fórtius, per quem sine labóre facta sunt ómnia? Infirmum vis nosse? Verbum caro factum est, et habitávit in nobis. Fortitúdo Christi te creávit : infirmitas Christi te recreávit. Fortitúdo Christi fecit, ut quod non erat, esset : infirmitas Christi fecit, ut quod erat, non períret. Cón-didit nos fortitúdine sua : quæ-sívit nos infirmitáte sua. Nutrí-vit ergo ipse infirmus infirmos, tamquam gallína pullos suos : huic enim se símilem fecit.

Ad Benedictus Añá. Dómine, ut video, prophéta es tu : patres nostri in monte hoc adoráverunt.

## Oratio.

**J**EJUNIA nostra, quæsumus Dómine, benigno favóre proséquere : ut sicut ab ali-méntis abstinémus in corpore, ita a vitiis jejunémus in mente. Per.

Ad Magnificat Añá. Veri adorátóres adorábunt Patrem in spíritu et veritáte.

## Oratio.

**P**RÆSTA, quæsumus omní-potens Deus : ut qui in tua protectione confidimus, cuncta nobis adversántia, te adjuvánte, vincámus. Per.

## SABBATO.

Léctio sancti Evangélíi  
secúndum Joánnem.

Lectio j. Cap. 8.

**I**N illo témpore : Perréxit Jesus in montem Olivéti : et dilúculo iterum venit in templum. Et réliqua.

Homília sancti Augustíni  
Epíscopi.

(Tract. 33. in Joann. post init.)

**J**ESUS perrexit in montem Olivéti, in montem fructuosum, in montem unguénti, in montem chrismatis. Ubi enim decébat docére Christum, nisi in monte Olivéti? Christi enim nomen a chrismate dictum est : chrisma autem græce, latine úntio nominátur. Ideo autem nos unxit, quia luctatóres contra diábolum fecit. Et dilúculo iterum venit in templum, et omnis pópulus venit ad eum, et sedens docébat eos : et non tenebátur, quia nondum patí dignabátur.

## Lectio ij.

**N**UNC jam atténdite, ubi ab inimicis tentáta sit Dómini mansuetúdo. Addúcut autem illi Scribæ, et Pharisæi mulierem in adultério deprehénsam : et statuérunt eam in médio, et dixerunt ei : Magister, hæc múlter modo deprehénsa est in adultério. In lege autem Móyses mandávit nobis hujúsmodi lapidáre. Tu ergo quid dicis? Hæc autem dicé-



bant tentantes eum, ut possent accusare eum. Unde accusare? Numquid ipsum in aliquo facinore deprehenderant, aut illa mulier ad eum aliquo modo pertinuisse dicebatur?

Lectio iij.

**I**NTELLIGAMUS, fratres, admirabilem mansuetudinem in Domino fuisse. Animadvertunt eum nimium esse mittem, nimium esse mansuetum. De illo quippe fuerat antepredictum: Specie tua et pulchritudine tua intende, prospere procede, et regna, propter veritatem et mansuetudinem, et iustitiam. Cum ergo de duobus istis, id est, de veritate et mansuetudine, ejus inimici livore et invidia torquerentur: in tertio, id est iustitia, scandalum posuerunt.

Ad Benedictus Añ. Inclinauit se Jesus, et scribebat in terra: Si quis sine peccato est, mittat in eam lapidem.

Oratio.

**P**RÆSTA, quæsumus omnipotens Deus: ut qui se, affligendo carnem, ab alimentis abstinent; sectando iustitiam, a culpa jejūnent. Per.

AD VESPERAS.

R. Audi Israel præcepta Domini, et ea in corde tuo quasi in libro scribe: \* Et dabo tibi terram fluentem lac et mel. V. Obsérva igitur, et audi vocem meam: et inimicus ero inimicis tuis.— Et dabo. Glória. Et dabo.

Ad Magnificat Añ. Nemo te condemnauit mulier? Nemo, Domine. Nec ego te condemnabo: jam amplius noli peccare.

Oratio.

**C**ONCEDE, quæsumus omnipotens Deus: ut qui ex merito nostræ actionis affligimur, tuæ gratiæ consolatione respiremus. Per.

DOM. IV. QUADRAGESIMÆ.

Invitorium. Pópulus Domini, et oves pásuæ ejus, \* Venite, adorémus Dominum.

Hymnus Summi largitor præmil., pag. 2.

IN I. NOCTURNO.

Psalmi et Antiphonæ ut in Psalterio, pagg. 4-9.

ſ. Dicit Domino., pag. 9.

De libro Exodi.

Lectio j.

Cap. 3.

**M**OYSES autem pascébat oves Jethro sóceri sui sacerdotis Márian: cumque minasset gregem ad interiora déserti, venit ad montem Dei Horeb. Apparuitque ei Dominus in flamma ignis de medio rubi: et vidébat quod rubus ardéret, et non comburerétur. Dixit ergo Móyses: Vadam, et vidébo visionem hanc magnam, quare non comburátur rubus. Cernens autem Dominus quod pérgeret ad videndum, vocávit eum de medio rubi, et ait: Móyses, Móyses. Qui respóndit: Adsum. At ille: Ne apprópies, inquit, huc: solve calceamentum de pedibus tuis: locus enim, in quo stas, terra sancta est.

R. j. Locútus est Dominus ad Móysen dicens: Descende in Ægyptum, et dic Pharaóni ut dimittat pópulum meum: indurátum est cor Pharaónis: non vult dimittere pópulum meum nisi \* In manu forti.

¶ Videns vidi afflictionem populi mei, qui est in Ægypto : et gemitum ejus audivi, et descendi liberare eum. — In manu forti.

Lectio ij.

**E**T ait : Ego sum Deus patris tui, Deus Abraham, Deus Isaac, et Deus Jacob. Abscondit Moyses faciem suam : non enim audébat aspicere contra Deum. Cui ait Dominus : Vidi afflictionem populi mei in Ægypto, et clamorem ejus audivi propter duritiam eorum qui præsent operibus. Et sciens dolorem ejus, descendi ut liberem eum de manibus Ægyptiorum, et educam de terra illa in terram bonam, et spatiosam, in terram quæ fluit lacte et melle.

℞. ij. Stetit Moyses coram Pharaone, et dixit : Hæc dicit Dominus : \* Dimitte populum meum ut sacrificet mihi in deserto. ¶ Dominus Deus Hebræorum misit me ad te, dicens : — Dimitte populum meum.

Lectio iij.

**C**LAMOR ergo filiorum Israel venit ad me : vidique afflictionem eorum, qua ab Ægyptiis opprimuntur. Sed veni, et mittam te ad Pharaonem, ut educas populum meum, filios Israel de Ægypto. Dixitque Moyses ad Deum : Quis sum ego ut vadam ad Pharaonem, et educam filios Israel de Ægypto? Qui dixit ei : Ego ero tecum : et hoc habebis signum, quod miserim te : Cum eduxeris populum meum de Ægypto, immolabis Deo super montem istum.

℞. iij. Cantemus Domino :

gloriosè enim honorificatus est, equum et ascensorem projecit in mare. \* Adjutor, et protector factus est mihi Dominus In salutem. ¶ Dominus quasi vir pugnator, omnipotens nomen ejus. — Adjutor. Glória. In salutem.

IN II. NOCTURNO.

Psalmi et Antiphonæ ut in Psalterio pagg. 10-13.

℟. Ipse liberavit me., pag. 13.

Sermo sancti Basilii Magni. (Hom. i. de jejunio, ante med.)

Lectio iv.

**M**OYSEN per jejunium novimus in montem ascendisse : neque enim aliter ausus esset verticem fumantem adire, atque in caliginem ingredi, nisi jejunio munitus. Per jejunium mandata digito Dei in tabulis conscripta suscepit. Item supra montem jejunium legis latæ conciliator fuit : inferius vero gula ad idolatriam populum deduxit, ac contaminavit. Sedit, inquit, populus manducare, et bibere, et surrexerunt ludere.

℞. iv. In mari via tua, et semitæ tuæ in aquis multis : deduxisti sicut oves populum tuum, \* In manu Moysi et Aaron. ℟. Transtulisti illos per Mare rubrum, et transvexisti eos per aquam nimiam. — In manu Moysi et Aaron.

Lectio v.

**Q**UADRAGINTA dierum laborem ac perseverantiam, Dei servo continuo jejunante ac orante, una tantum populi ebrietas cassam irritamque reddidit. Quas enim tabulas Dei digito conscriptas jejunium accepit, has ebrietas con-

trivit; Prophéta sanctissimo indignum existimante, vinolentum pópulum a Deo legem accipere. Uno témporis momento, ob gulam, pópulus ille, per máxima prodigia Dei cultum edóctus, in Ægyptiacam idololatriam turpissime devolutus est.

R. v. Qui persequébantur pópulum tuum Dómine, demersisti eos in profúndum : \* Et in columna nubis ductor eorum fuisti. V. Deduxisti sicut oves pópulum tuum in manu Móysi et Aaron. — Et in columna nubis.

Lectio vj.

**E**x quo, si utrúmque simul cónferas, vidére licet, jejúnium ad Deum dúcere, delicias vero salutem pérdere. Quid Esau inquinávit, servúmque fratris réddidit? Nonne esca una, propter quam primogénita véndidit? Samuélem vero nonne per jejúnium orátio largita est matri? Quid fortissimum Samsónem inexpugnabilem réddidit? Nonne jejúnium, cum quo in matris ventre concéptus est? Jejúnium concépit, jejúnium nutrit, jejúnium virum effécit. Jejúnium Prophétas génuí, poténtes confirmat, atque róborat.

R. vj. Móyses fámulus Dómini jejunávit quadraginta diébus et quadraginta nóctibus : \* Ut legem Dómini mererétur accipere. V. Ascéndit Móyses in montem Sinai. — Ut legem Dómini. Glória. Ut legem Dómini.

IN III. NOCTURNO.

Psalmi et Antiphonæ ut in Psalterio, pag. 13-15.

V. Scápolis suis, pag. 15.

Lectio sancti Evangélii secundum Joánnem.

Lectio vij. Cap. 6.

**I**n illo témpore : Abiit Jesus trans mare Galilææ, quod est Tiberiadis : et sequebátur eum multitúdo magna, quia vidébant signa, quæ faciébatur super his, qui infirmabántur. Et reliqua.

Homília sancti Augustíni Epíscopi.

(Tract. 24. in Joannem.)

**M**IRACULA, quæ fecit Dóminus noster Jesus Christus, sunt quidem divína ópera, et ad intelligéndum Deum de visibilibus admonent humanam mentem. Quia enim ille non est talis substantiæ, quæ vidéri óculis possit; et miracula ejus, quibus totum mundum regit, universámque creaturam administrat, assiduitate viluérunt, ita ut pene nemo dignétur atténdere ópera Dei mira et stupénda in quolibet séminis grano : secundum ipsam suam misericórdiam servávit sibi quædam, quæ fáceret opportúno témpore præter usitátum cursum ordinémque naturæ : ut non majóra, sed insólita vidéndo stupérent, quibus quotidiana viluérant.

R. vij. Spléndida facta est fácies Móysi, dum aspiceret in eum Dóminus : \* Vidéntes senióres claritatem vultus ejus, admirántes timuérunt valde. V. Descéndit Móyses de monte, portans duas tábulas lapídeas in mánibus suis, scriptas utrásqe dígitó Dei. — Vidéntes senióres.



## Lectio viij.

**M**AJUS enim miráculum est gubernatio totius mundi, quam saturatio quinque millium hóminum de quinque pánibus : et tamen hoc nemo mirátur. Illud mirántur hómines, non quia majus est, sed quia rarum est. Quis enim et nunc pascit univérsum mundum, nisi ille, qui de paucis granis ségetes creat? Fecit ergo quo modo Deus : unde enim multiplicat de paucis granis ségetes, inde in máribus suis multiplicávit quinque panes.

℞. viij. Ecce mitto Angelum meum, qui præcedat te, et custódiat semper : obsérva, et audi vocem meam : et inimicus ero inimicis tuis, et affligéntes te affligam : \* Et præcedet te Angelus meus. ℞. Israel, si me audieris, non erit in te Deus recens, neque adorábis Deum aliénium : ego enim Dóminus. — Et præcedet te Angelus meus.

## Lectio ix.

**P**OTESTAS enim erat in manibus Christi; panes autem illi quinque, quasi sémina erant, non quidem terræ mandata, sed ab eo, qui terram fecit, multiplicata. Hoc ergo admótum est sénsibus, quo erigerétur mens : et exhibitum óculis, ubi exercerétur intelléctus : ut invisibilem Deum per visibilia ópera mirarémur; et erecti ad fidem, et purgati per fidem, étiam ipsum invisibilem vidére cuperémus, quem de rebus visibilibus invisibilem noscerémus.

℞. ix. Audi Israel præcepta

Dómini, et ea in corde tuo quasi in libro scribe : \* Et dabo tibi terram fluéntem lac et mel. ℞. Obsérva igitur, et audi vocem meam : et inimicus ero inimicis tuis. — Et dabo tibi. Glória. Et dabo tibi. ℞. Audi Israel.

Ante Laudes ℞. In manibus portábunt te. ℞. Ne forte offéndas ad lápidem pedem tuum.

## AD LAUDES

## ANTIPHONÆ.

1. Tunc acceptábis sacrificium justitiæ, si avérteris fáciem tuam a peccátis meis. Psalmus Miserére. cum ceteris, pag. 24.

2. Bonum est speráre in Dómino quam speráre in principibus.

3. Benedícat nos Deus, Deus noster, benedícat nos Deus.

4. Potens es Dómine eripere nos de manu mortis : libera nos Deus noster.

5. Reges terræ et omnes populi laudáte Deum.

Capitulum Hortámur vos., Hymnus Jam Christe, sol justitiæ. et ℞. Scuto circúmdabit te., pag. 21.

Ad Benedictus Añã. Abiit Jesus trans mare Galilææ, quod est Tiberiádis : et sequebátur eum multitúdo magna, quia vidébant signa super his, qui infirmabántur. Súbit ergo in montem Jesus : et ibi sedébat cum discipulis suis. Erat autem próximum Pascha dies festus Judæórum. Oratio.

**C**ONCEDE, quæsumus omnipotens Deus : ut qui ex mérito nostræ actiónis affligimur, tuæ grátie consolatióne respirémus. Per.

## AD PRIMAM.

Añā. Accēpit ergo Jesus panes : et cum grātiās egisset, distribuit discumbéntibus. Psalmus Deus Deus meus respice in me. cum ceteris, pag. 33.

## AD TERTIAM.

Añā. De quinque pánibus et duóbus pískibus saturávit Dóminus quinque millia hóminum.

Capitulum. 2. Cor. 6.

**H**ORTAMUR vos ne in vácuum grātiām Dei recipiátis. Ait enim : Témpore accēpto exaudivi te, et in die salútis adjúvi te.

℟. Bonum mihi Dómine quod humiliásti me : \* Bonum mihi lex oris tui super millia auri et argénti. ℣. Manus tuæ fecérunt me, et plasmavérunt me : da mihi intelléctum, ut discam mandáta tua. Bonum mihi lex oris tui. Glória. Bonum mihi Dómine, quod humiliásti me.

℣. Dicet Dómino : Suscéptor meus es tu. ℟. Et refúgium meum Deus meus.

## AD SEXTAM.

Añā. Satiávit Dóminus quinque millia hóminum de quinque pánibus et duóbus pískibus.

Capitulum. 2. Cor. 6.

**E**CCE nunc tempus acceptábile, ecce nunc dies salútis : nénini dantes ullam offénsionem, ut non vituperétur ministérium nostrum.

℟. Servus tuus ego sum : \* Da mihi intelléctum Dómine. ℣. Ut discam mandáta tua. Da mihi. Glória Patri. Servus.

℣. Ipse liberávit me de láqueo venántium. ℟. Et a verbo áspero.

## AD NONAM.

Añā. Illi ergo hómines, cum vidísset signum, quod factum fúerat, glorificábant Deum, et dicébant : Quia hic est Salvátor mundi.

Capitulum. 2. Cor. 6.

**I**N ómnibus exhibeámus nosmetipsos sicut Dei ministros, in multa patiéntia, in jejúniis multis, per arma justitiæ.

℟. Declára super nos Deus \* Tuam misericórdiam. ℣. Declarátio sermónum tuórum dat intelléctum Dómine. Tuam misericórdiam. Glória. Declára.

℣. Scápolis suis obumbrábit tibi. ℟. Et sub pennis ejus sperábis.

## AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Hortámur vos, et Hymnus Audi benigne Cónditor., pag. 128.

℣. Angelis suis Deus mandávit de te. ℟. Ut custódiat te in ómnibus viis tuis.

Ad Magnificat Añā. Cum sublevásset óculos Jesus, et vidísset máximam multitudinem veniéntem ad se, dixit ad Philippum : Unde emémus panes, ut mandúcent hi? Hoc autem dicébat tentans eum : ipse enim sciébat quid esset factúrus.

Oratio Concéde, quæsumus., ut in Laudibus.

## FERIA SECUNDA.

Lectio sancti Evangélíi  
secúndum Joánnem.

Lectio j. Cap. 2.

**I**N illo témpore : Prope erat Pascha Judæórum, et ascendit Jesus Jerosólymam : et invénit in templo vendéntes boves, et oves, et columbas. Et réliqua.

Homilia sancti Augustíni  
Episcopi.

(Tract. 10. in Joann. post init.)

**Q**UID audívimus, fratres? Ecce templum illud figúra adhuc erat, et ejécit inde Dóminus omnes, qui sua quærébant, qui ad núndinas vénerant. Et quæ ibi vendébant illi? Quæ opus habébant hómines in sacrificiis illius témporis. Novit enim caritas vestra, quod sacrificia illi pópulo pro ejus carnalitate, et corde adhuc lapideo, tália data sunt, quibus tenerétur, ne in idóla deflúeret : et immolábant ibi sacrificia, boves, et oves, et columbas. Nostis, quia legístis.

Lectio ij.

**N**ON ergo magnum peccátum, si hoc vendébant in templo, quod emebátur ut offerretur in templo : et tamen ejécit inde illos. Quid si ibi ebriosos inveníret, quid fáceret Dóminus, si vendéntes ea, quæ licita sunt, et contra justítiam non sunt, (quæ enim honéste emúntur, non illicite vendúntur) expulit tamen, et non est passus domum oratiónis fieri domum negotiatiónis?

Lectio iij.

**S**i negotiatiónis domus non debet fieri domus Dei; po-

tatiónis debet fieri? Nos autem quando ista dicimus, strident déntibus suis advérsus nos : et consolátur nos Psalmus, quem audistis : Stridérunt in me déntibus suis. Nóvimus et nos audire unde curémur : etsi ingeminántur flagélla Christo, quia flagellátur sermo ipsius. Congregáta sunt, inquit, in me flagélla, et nesciébam. Flagellátus est flagéllis Judæórum : flagellátur blasphémiis falsórum Christianórum.

Ad Benedictus Aña. Auférte ista hinc, dicit Dóminus : et nolite fácere domum Patris mei, domum negotiatiónis.

Oratio.

**P**RÆSTA, quæsumus omnípotens Deus : ut observatiónes sacras ánnua devotióne recoléntes; et córpore tibi placeámus, et mente. Per.

Ad Magnificat Aña. Sólвите templum hoc, dicit Dóminus, et post triduum reedificábo illud : hoc autem dicébat de templo córporis sui.

Oratio.

**D**EPRECATIONEM nostram, quæsumus Dómine, benignus exáudi : et quibus supplicánde præstas afféctum, tribue defensiónis auxílium. Per.

## FERIA TERTIA.

Lectio sancti Evangélíi  
secúndum Joánnem.

Lectio j. Cap. 7.

**I**N illo témpore : Jam die festo mediánte, ascendit Jesus in templum, et docébat. Et mirabántur Judæi. Et réliqua.



Homilia sancti Augustini  
Episcopi.

(Tract. 29. in Joann. sub initio.)

**I**LLE, qui latēbat, docēbat : et palam loquebātur, et non tenebātur. Illud enim ut latēret, erat causa exēpli, hoc potestātis. Sed cum docēret, mirabāntur Judæi. Omnes quidem, quantum arbitror, mirabāntur, sed non omnes convertēbāntur. Et unde admiratio? Quia multi nōverant ubi natus, quemāmodum fuerat educātus. Nunquam eum viderant litteras discētem : audiēbant autem de Lege disputātem, Legis testimōnia proferētem, quæ nemo posset proferre, nisi legisset; nemo legere, nisi litteras didicisset : et ideo mirabāntur.

## Lectio ij.

**E**ORUM autem admiratio, magistro facta est insinuandæ altius veritatis occasio. Ex eorum quippe admiratione et verbis, dixit Dominus profundum aliquid, et diligentius inspicere et discuti dignum. Quid ergo Dominus respondit eis admirantibus quomodo sciret litteras, quas non dicerat? Mea, inquit, doctrina non est mea, sed ejus qui misit me. Hæc est profunditas prima. Videtur enim paucis verbis quasi contraria locutus.

## Lectio iij.

**N**ON enim ait, Ista doctrina non est mea : sed, Mea doctrina non est mea. Si non tua, quomodo tua? Si tua, quomodo non tua? Tu enim dicis utrumque : et mea doctrina, et non mea. Quæ est doctrina Patris, nisi Verbum Patris?

Ipse ergo Christus doctrina Patris, si Verbum est Patris. Sed quia verbum non potest esse nullius, sed alicujus : et suam doctrinam dixit seipsum, et non suam, quia Patris est Verbum. Quid enim tam tuum quam tu? Et quid tam non tuum quam tu, si alicujus es, quod es?

Ad Benedictus Añā. Quid me queritis interficere, hominem, qui vera locutus sum vobis?

## Oratio.

**S**ACRÆ nobis, quæsumus Domine, observationis jejunia; et piæ conversationis augmentum, et tuæ propitiationis continuum præstent auxilium. Per.

Ad Magnificat Añā. Unum opus feci, et omnes admiramini : quia totum hominem sanum feci in sabbato.

## Oratio.

**M**ISERERE Domine populo tuo; et continuis tribulationibus laborantem propitius respirare concede. Per.

## FERIA QUARTA.

Lectio sancti Evangelii  
secundum Joannem.

Lectio j. Cap. 9.

**I**N illo tempore : Præteriens Jesus vidit hominem cæcum a nativitate : et interrogaverunt eum discipuli ejus : Rabbi, quis peccavit, hic, aut parentes ejus, ut cæcus nasceretur? Et reliqua.

Homilia sancti Augustini  
Episcopi.

(Tract. 44. in Joannem circa  
initium.)

**E**A, quæ fecit Dominus noster Jesus Christus, stupenda atque miranda, et ope-

ra, et verba sunt : ópera, quia facta sunt : verba, quia signa sunt. Si ergo quid significet hoc, quod factum est, cogitemus; genus humanum est iste cæcus. Hæc enim cæcitas contigit in primo homine per peccatum, de quo omnes originem duximus, non solum mortis, sed etiam iniquitatis. Si enim cæcitas est infidelitas, et illuminatio fides : quem fidèlem, quando venit Christus, invenit? Quandoquidem Apostolus natus in gente Prophetarum, dicit : Fúimus et nos aliquándum natúra filii iræ, sicut et ceteri.

## Lectio ij.

**S**i natúra filii iræ : filii vindictæ, filii pœnæ, filii gehennæ. Quómodo natúra, nisi quia peccante primo homine vitium pro natúra inolévít? Si vitium pro natúra inolévít, secundum mentem omnis homo cæcus natus est. Venit Dóminus : quid fecit? Magnum mysterium commendávit. Exspuit in terram, de saliva sua lutum fecit, quia Verbum caro factum est : et inúnxit óculos cæci.

## Lectio iij.

**I**NUNCTUS erat, et nondum vidébat. Misit illum ad piscinam, quæ vocátur Siloe. Pertinuit autem ad Evangelistam commendáre nobis nomen hujus piscinæ, et ait : Quod interpretátur Missus. Jam quis sit missus, cognóscitis. Nisi enim ille fuisset missus, nemo nostrum esset ab iniquitate dimissus. Lavit ergo óculos in ea piscina, quæ interpretátur Missus : baptizátus est in Christo.

Ad Benedictus Añæ. Rabbi, quis peccávit, hic, aut paréntes ejus, quod cæcus natus est? Respóndit Jesus, et dixit : Neque hic peccávit, neque paréntes ejus : sed ut manifesténtur ópera Dei in illo. Oratio.

**D**EUS, qui et justis præmia meritórum, et peccatóribus per jejúnium véniam præbes : miserére supplicibus tuis; ut reátus nostri confessio indulgéntiam váleat percipere delictórum. Per.

Ad Magnificat Añæ. Ille homo, qui dicitur Jesus, lutum fecit ex sputo : et linívit óculos meos, et modo video.

## Oratio.

**P**ATEANT aures misericórdiæ tuæ Dómine précibus supplicántium : et ut peténtibus desideráta concédas, fac eos quæ tibi sunt plácita postulare. Per.

## FERIA QUINTA.

Léctio sancti Evangelíi secundum Lucam.

Lectio j. Cap. 7.

**I**N illo témpore : Ibat Jesus in civitátem, quæ vocátur Naim : et ibant cum eo discipuli ejus, et turba copiósa. Et reliqua.

Homilia sancti Ambrósii  
Episcopi.

(Lib. 5. Comm. in cap. 7. Lucæ.)

**E**T hic locus ad utrámque redúndat grátiam : ut et cito flecti divinam misericórdiam matris viduæ lamentatióne credámus, ejus præcipue, quæ únici filii vel labóre, vel morte frangátur; cui tamen viduæ gravitátis méritum exsequiárum turba concíliet : et

hanc viduam populorum turba septam, plus vidēri esse quam fēminam, quæ resurrectionem ūnici et adolescentis filii suis lacrimis meruerit impetrāre : eo quod sancta Ecclesia populum juniorem a pompa fūneris, atque a suprēmis sepulcri, suarum rēvocet ad vitam contemplationē lacrimarum.

Lectio ij.

**Q**UÆ flere prohibētur eum, cui resurrectio debebatur. Qui quidem mortuus in lōculo materialibus quātuor ad sepulcrum ferebatur elemētis : sed spem resurgēdi habēbat, quia ferebatur in ligno. Quod etsi nobis ante non prōderat, tamen posteaquam Jesus id tēgit, proficere cōepit ad vitam : ut esset indicio, salutē populo per crucis patibulum refundendam. Audito igitur Dei verbo, steterunt acerbī illi fūneris portitōres, qui corpus humanum letali fluxu naturæ materialis urgebant.

Lectio iij.

**Q**UID enim aliud, nisi quasi in quodam fēretro, hoc est, suprēmi fūneris instrumēto jacemus exānimes, cum vel ignis immōdicæ cupiditātis exæstuat, vel frigidus humor exūndat, vel pigra quadam terrēni cōporis habitūdine vigor hebetatur animōrum, vel concrēta noster spiritus labe, puræ lucis vācuus mentem alit? Hi sunt nostri fūneris portitōres.

Ad Benedictus Añā. Accēssit Jesus, et tēgit lōculum. Hi autem, qui portābant, steterunt. Et ait : Adolēscens, tibi dico, surge. Et resēdit, qui erat mortuus, et cōepit loqui.

Oratio.

**P**RÆSTA, quæsumus omnipotens Deus : ut quos jejūnia votiva castigant, ipsa quoque devotio sancta lætificet; ut terrēnis affectibus mitigātis, facilius cælēstia capiāmus. Per. Ad Magnificat Añā. Prophēta magnus surrexit in nobis : et quia Deus visitāvit plebem suam.

Oratio.

**P**OPULI tui Deus institutor et rector : peccāta, quibus impugnatur, expelle; ut semper tibi placitus, et tuo munimine sit securus. Per.

FERIA SEXTA.

Lectio sancti Evangelii secundum Joānnem.

Lectio j. Cap. 11.

**I**N illo tēpore : Erat quidam languens Lāzarus a Bethānia, de castēllo Mariæ, et Marthæ sorōris ejus. Et reliqua.

Homilia sancti Augustini Episcopi.

(Tract. 49. in Joannem post initium.)

**I**N superiori lectione meministis, quod Dōminus exiit de mānibus eōrum, qui lapidāre illum voluerant, et discēssit trans Jordānem, ubi Joānes baptizābat. Ibi ergo Dōmino constituto, infirmabatur in Bethānia Lāzarus, quod castellum erat prōximum Jerosōlymis. Maria autem erat, quæ unxit Dōminum unguēto, et extērsit pedes ejus capillis suis, cujus frater Lāzarus infirmabatur. Misērunt ergo sorōres ejus ad eum. Jam intelligimus quo misērunt, ubi erat Jesus : quōniam absens erat, trans Jordānem scilicet.



## Lectio ij.

**M**ISERUNT ad Dóminum, nuntiántes quod ægrotáret frater eárum; ut si dignáretur, veniret, et eum ab ægritudine liberáret. Ille dístulit sanáre, ut posset resuscitáre. Quid ergo nuntiavérunt soróres ejus? Dómine, ecce quem amas infirmátur. Non dixerunt, Veni : amanti enim tantúmmodo nuntiándum fuit. Non ausæ sunt dicere, Veni, et sana : non ausæ sunt dicere, Ibi jube, et hic fiet. Cur enim non et istæ, si fides illius centuriónis inde laudátur?

## Lectio iij.

**A**IT enim : Non sum dignus sed tantum dic verbo, et sanábitur puer meus. Nihil horum istæ, sed tantúmmodo : Dómine, ecce quem amas infirmátur. Súfficit enim ut nóveris : non enim amas, et déseris. Dicit áliquis : Quómodo per Lázarus peccátor significabátur, et a Dómino sic amabátur? Audiát eum dicéntem : Non veni vocáre justos, sed peccatóres. Si enim peccatóres Deus non amáret, de cælo ad terram non descénderet.

Ad Benedictus Añá. Lázarus amicus noster dormit : eámus, et a somno excitémus eum.

## Oratio.

**D**EUS, qui ineffábilibus mundum rénovas sacraméntis : præsta quæsumus, ut Ecclésia tua et ætérnis proficiat institútis, et temporálibus non destituátur auxiliis. Per.

Ad Magnificat Añá. Dómine, si fuisses hic, Lázarus non esset mórtuus : ecce jam foetet quatríduánuS in monuménto.

## Oratio.

**D**A nobis, quæsumus omnipotens Deus : ut qui infirmitátis nostræ cónsocii, de tua virtúte confidimus; sub tua semper pietáte gaudeámus. Per.

## SABBATO.

Lectio sancti Evangélíi  
secúndum Joánnem.

Lectio j. Cap. 8.

**I**N illo témpore : Locútus est Jesus turbis Judæórum, dicens : Ego sum lux mundi : qui séquitur me, non ámbulat in ténebris, sed habébit lumen vitæ. Et reliqua.

Homilia sancti Augustíni  
Epíscopi.

(Tract. 34. in Joannem post  
initium.)

**Q**UOD ait Dóminus, Ego sum lux mundi : clarum puto esse eis, qui habent óculos, unde hujus lucis participes fiant : qui autem non habent óculos, nisi in sola carne, mirántur quod dictum est a Dómino Jesu Christo, Ego sum lux mundi. Et forte non desit, qui dicat apud semetípsum : Numquid forte Dóminus Christus est sol iste, qui ortu et occásu péragit diem? Non enim defuérunt hæréfici, qui ista sensérunt.

## Lectio ij.

**M**ANICHÆI solem istum óculis carnis visíbilem, expósitum, et públicum non tantum hominibus, sed étiam pecóribus ad vidéndum, Christum Dóminum esse putavérunt. Sed cathólicæ Ecclésiæ recta fides improbat tale coméntum, et diabólicam doctri-

nam esse cognóscit : nec solum agnóscit credéndo, sed in quibus potest, convincit étiam disputádo. Improbémus itaque hujúsmodi errórem, quem sancta ab initio anathematizávit Ecclésia.

## Lectio iij.

**N**ON est Dóminus Christus sol factus, sed per quem sol factus est. Est ergo lux, quæ fecit hanc lucem. Hanc amémus, hanc intelligere cupiámus, ipsam sitiámus, ut ad ipsam, duce ipsa, aliquándo veniámus : et in illa ita vivámus, ut nunquam omnino moriámur. Ista enim lux est, de qua prophetia olim præmissa ita in Psalmo cécinit : Quóniam apud te est fons vitæ, et in lumine tuo vidébimus lumen.

Ad Benedictus Añã. Ego sum lux mundi : qui séquitur me, non ámbulat in ténebris, sed habébit lumen vitæ, dicit Dóminus.

## Oratio.

**F**IAT, Dómine quæsumus, per grátiam tuam fructuósus nostræ devotiónis afféctus : quia tunc nobis próderunt suscepta jejúnia, si tuæ sint plácita pietáti. Per.

## AD VESPERAS.

## Capitulum.

Jer. 11.

**T**U autem Dómine Sábaoth, qui júdicas juste, et probas renes et corda, videam ultiónem tuam ex eis : tibi enim revelávi causam meam, Dómine Deus meus.

R. Multiplicáti sunt qui tribulant me, et dicunt : Non est salus illi in Deo ejus : \* Exsúrge Dómine, salvum me fac Deus meus. V. Nequándo dicat

inimícus meus : Præválui advérsus eum. — Exsúrge. Non dicatur Glória Patri., sed repetatur R. Multiplicáti sunt. usque ad V. Nequándo. exclusive.

† Et ab hac die usque ad Pascha exclusive, cum de Tempore agitur, in nullo R. dicitur Glória Patri. nec ad Matutinum, nec ad alias Horas : sed loco Glória Patri. repetatur Responsorium, festis Sanctorum exceptis.

Hymnus Vexilla Regis prodéunt., pag. 128.

V. Eripe me Dómine ab hómine malo. R. A viro iníquo éripe me.

Ad Magnificat Añã. Ego sum, qui testimónium perhibeo de meípso : et testimónium perhibet de me, qui misit me, Pater.

## Oratio.

**Q**UÆSUMUS omnipotens Deus, familiam tuam propítius réspice : ut te largiéntem regátur in corpore; et te servántem custodiátur in mente. Per.

## IN COMPLETORIO.

R. In manus tuas Dómine \* Comméndo spiritum meum. In manus tuas. V. Redemísti me Dómine, Deus veritátis. Comméndo spiritum meum. In manus tuas.

Ad Nunc dimittis Añã. O Rex glorióse inter sanctos tuos, qui semper es laudábilis, et tamen ineffábilis : tu in nobis es Dómine, et nomen sanctum tuum invocátum est super nos : ne derelinquas nos Deus noster; ut in die judicii nos collocáre dignéris inter sanctos et electos tuos, Rex benedícite.

† Hæc Antiphona dicatur quotidie ad Nunc dimittis usque ad Cenam Domini exclusive, exceptis festis B. Mariæ V. et diebus infra Octavam Annuntiationis ejusdem, si eo tempore occurrerint. Si tamen Vesperæ præcedentes de Tempore fuerint in Sabbato aut in Dominica, dicatur ad Nunc dimittis Añã O Rex gloriöse.

### DOMINICA IN PASSIONE.

#### AD MATUTINUM.

Invitatorium. Hódie si vocem Dómini audiéritis, \* Nolite obdurare corda vestra.

Psalmus 94.

**V**ENITE, exultémus Dómino : Jubilémus Deo salutári nostro : præoccupémus faciém ejus in confessióne, et in psalmis jubilémus ei.

Hódie si vocem Dómini audiéritis, Nolite obdurare corda vestra.

℟. Quóniam Deus magnus Dóminus, et Rex magnus super omnes deos : quóniam non repéllet Dóminus plebem suam : quia in manu ejus sunt omnes fines terræ, et altitudines móntium ipse cónspicit.

Nolite obdurare corda vestra.

℟. Quóniam ipsíus est mare, et ipse fecit illud, et áridam fundavérunt manus ejus : venite adorémus, et procidámus ante Deum : plorémus coram Dómino, qui fecit nos : quia ipse est Dóminus Deus noster : nos autem pópulus ejus, et oves páscuræ ejus.

Hódie si vocem Dómini audiéritis, Nolite obdurare corda vestra.

Quo dicto sequitur :

℟. Sicut in exacerbatióne secundum diem tentatiónis in déserto : ubi tentavérunt patres vestri, probavérunt, et vidérunt ópera mea.

Nolite obdurare corda vestra.

℟. Quadraginta annis próximus fui generatióni huic, et dixi : Semper hi errant corde : ipsi vero non cognovérunt vias meas : quibus jurávi in ira mea : Si introibunt in réquiem meam.

Non dicatur Glória Patri sed post ultimum Versum bis ex integro repetatur Invitatorium :

Hódie si vocem Dómini audiéritis, Nolite obdurare corda vestra. Hódie...

Hymnus Pange lingua gloriósi., pag. 3.

#### IN I. NOCTURNO.

Psalmi ut in Psalterio, pagg. 4-9.; super Psalmos sola Añã Quid molésti estis, pag. 9., ℟. Erue a frámea., pag. 10.

Incipit liber Jeremiæ Prophætæ.

Lectio j. Cap. 1.

**V**ERBA Jeremiæ filii Helciæ, de sacerdotibus, qui fuérunt in Anathoth, in terra Bénjamin. Quod factum est verbum Dómini ad eum in diébus Josiæ filii Amon regis Juda, in tertiodécimo anno regni ejus. Et factum est in diébus Jóakim filii Josiæ regis Juda, usque ad consummationem undécimi anni Sedeciæ filii Josiæ regis Juda, usque ad transmigratiónem Jerúsalem, in mense quinto. Et factum est verbum Dómini ad me, dicens :



Priusquam te formarem in útero, novi te : et ántequam exíres de vulva, sanctificávi te, et prophétam in géntibus dedi te. Hæc dicit Dóminus Deus : Convertimini ad me et salvi éritis. R. Deo grátias.

R. j. Isti sunt dies, quos observare debétis temporibus suis. \* Quartadécima die ad vésperum, Pascha Dómini est : et in quintadécima solemnítatem celebrábitis altíssimo Dómino. V. Locútus est Dóminus ad Móysen, dicens : Lóquere fillis Israel, et dices ad eos. — Quartadécima.

#### Lectio ij.

**E**T dixi, A a a, Dómine Deus : ecce nescio loqui, quia puer ego sum. Et dixit Dóminus ad me : Noli dicere, Puer sum : quóniam ad ómnia, quæ mittam te, ibis : et universa, quæcúmque mandávero tibi, loqueris. Ne timeas a fácie eórum : quia tecum ego sum ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et dissipes, et ædifices, et plantes. Hæc dicit Dóminus Deus : Convertimini ad me, et salvi éritis. R. Deo grátias.

R. ij. Multiplicáti sunt qui tríbulant me, et dicunt : Non est salus illi in Deo ejus : \* Exsúrge Dómine, salvum me fac Deus meus. V. Nequándo dicat inimicus meus : Prævalui advérsus eum. — Exsúrge Dómine.

#### Lectio iij.

**E**T factum est verbum Dómini ad me, dicens : Quid tu vides Jeremía ? Et dixi : Virgam vigilántem ego video. Et dixit Dóminus ad me : Bene vidisti, quia vigilábo ego super verbo meo ut fáciam illud. Et factum est verbum Dómini secúndo ad me, dicens : Quid tu vides ? Et dixi : Ollam succén-sam ego video, et faciém ejus a fácie aquilónis. Et dixit Dóminus ad me : Ab aquilóne pandétur malum super omnes habitatóres terræ. Quia ecce ego convocábo omnes cognatiónes regnórum aquilónis, ait Dóminus. Hæc dicit Dóminus Deus : Convertimini ad me, et salvi éritis. R. Deo grátias.

R. iij. Qui custodiébant animam meam, consilium fecérunt in unum, dicéntes : \* Deus dereliquit eum, persequimini et comprehendite eum : quia non est qui liberet eum. Deus meus ne elongéris a me : Deus meus in adjutórium meum inténde. V. Omnes inimici mei advérsus me cogitábant mala mihi : verbum iníquum mandavérunt advérsus me, dicéntes. — Deus dereliquit eum. R. Qui custodiébant.

#### IN II. NOCTURNO.

Psalmi ut in Psalterio, pagg. 10-13.; super Psalmos sola Aña Mittens hæc mülíer., pag. 13., V. De ore leónis., ibidem.

Sermo sancti Leónis Papæ. (Serm. 9. de Quadragesima.)

#### Lectio iv.

**I**N ómnibus, dilectíssimi, sollemnítatibus christiánis, non ignorámus Paschále sacramén-

tum esse præcipuum; cui condigne et congrue suscipiêdo, totius quidem nos tẽporis instituta refõrmant : sed devotiõnem nostram præsentẽs vel maxime dies exigunt, quos illi sublimissimo divinæ misericordiæ sacramento scimus esse contiguos. In quibus mẽrito a sanctis Apõstolis per doctrinam Spiritus sancti majõra sunt ordinata jejunia; ut per commũne consõrtium crucis Christi, etiã nos aliquid in eo, quod propter nos gessit, agerẽmus, sicut Apõstolus ait : Si compatiur, et conglorificabimur.

R. iv. Deus meus es tu, ne discẽdas a me : \* Quõniam tribulatio prõxima est, et non est qui adjuvet. V. Deus Deus meus respice in me. — Quõniam.

#### Lectio v.

**C**ERTA atque secũra est expectatio promissæ beatitudinis, ubi est participatio Dominicæ Passiõis. Nemo est, dilectissimi, cui per conditionem tẽporis societas hujus gloriæ denegetur, tamquam tranquillitas pacis vãua sit occasione virtutis. Apõstolus enim prædicat, dicens : Omnes, qui pie volunt vivere in Christo, persecutiõnem patiẽntur. Et ideo nunquam deest tribulatio persecutiõis, si nunquam desit observantia pietatis.

R. v. Tota die contristatus ingrediebar, Dõmine: quõniam anima mea implẽta est illusiõibus : \* Et vim faciebant qui quærẽbant animam meam. V. Et qui inquirebant mala mihi, locuti sunt vanitates : et dolos tota die meditabantur. — Et vim faciebant.

#### Lectio vj.

**D**OMINUS enim in exhortatiõibus suis dicit : Qui non accipit crucem suam, et sequitur me, non est me dignus. Nec dubitare debẽmus hanc vocem non solum ad discipulos Christi, sed ad cunctos fideles, totamque Ecclesiã pertinere, quæ salutare suum in his, qui aderant, universãliter audiẽbat. Sicut ergo totius est corpõs pie vivere, ita totius est tẽporis crucem ferre : quæ mẽrito ferri unicuique suadetur, quia prõpriis modis atque mensuris ab unoquoque toleratur.

R. vj. Deus meus eripe me de manu peccatõris, et de manu contra legem agentis et iniqui : \* Quõniam tu es patientia mea. V. Eripe me de inimicis meis Deus meus : et ab insurgentibus in me libera me. — Quõniam. R. Deus meus.

#### IN III. NOCTURNO.

Psalmi ut in Psalterio, pagg. 13-15; super Psalmos sola Aña Magister dicit, pag. 15, V. Ne perdas cum impiis, ibidem.

Lectio sancti Evangeliĩ secundum Joãnnem.

Lectio vij. Cap. 8.

**I**N illo tẽpore : Dicebat Jesus turbis Judæorum : Quis ex vobis arguet me de peccato? Si veritatem dico vobis, quare non creditis mihi? Et reliqua.

Homilia sancti Gregõrii Papæ. (Homilia 18. in Evang.)

**P**ENSATE, fratres carissimi, mansuetudinem Dei. Relaxare peccata venerat, et dicebat : Quis ex vobis arguet me de peccato? Non dedignã-

tur ex ratione ostendere se peccatorem non esse, qui ex virtute Divinitatis poterat peccatores justificare. Sed terribile est valde quod subditur : Qui ex Deo est, verba Dei audit. Propterea vos non auditis, quia ex Deo non estis. Si enim ipse verba Dei audit, qui ex Deo est, et audire verba ejus non potest, quisquis ex illo non est : interroget se unusquisque, si verba Dei in aure cordis percipit; et intelliget unde sit.

R. vij. Adjutor, et susceptor meus es tu Domine : et in verbum tuum speravi : \* Declinate a me maligni : et scrutabor mandata Dei mei. V. Iniquos odio habui : et legem tuam dilexi. — Declinate.

#### Lectio viij.

Celestem patriam desiderare Veritas jubet, carnis desideria conteri, mundi gloriam declinare, aliena non appetere, propria largiri. Penset ergo apud se unusquisque vestrum, si hæc vox Dei in cordis ejus aure conváluit; et quia jam ex Deo sit, agnoscet. Nam sunt nonnulli, qui præcepta Dei nec aure corporis percipere dignantur. Et sunt nonnulli, qui hæc quidem corporis aure percipiunt, sed nullo ea mentis desiderio complectuntur. Et sunt nonnulli, qui libenter verba Dei suscipiunt, ita ut etiam in fléibus compungantur; sed post lacrimarum tempus ad iniquitatem redeunt. Hi profecto verba Dei non audiunt, qui hæc exercere in opere contemnunt.

R. viij. In te jactatus sum ex útero : de ventre matris meæ

Deus meus es tu, ne discédas a me : \* Quoniam tribulatio próxima est, et non est qui adjuvet. V. Salva me ex ore leonis : et a cornibus unicornium humilitatem meam. — Quoniam.

#### Lectio ix.

Vitam ergo vestram, fratres carissimi, ante mentis oculos revocate, et alta consideratione pertimescite hoc, quod ex ore Veritatis sonat : Propterea vos non auditis, quia ex Deo non estis. Sed hoc, quod de réprobis Veritas loquitur, ipsi hoc de semetipsis reprobi iniquis suis operibus ostendunt : nam sequitur : Respondérunt igitur Judæi, et dixerunt ei : Nonne bene dicimus nos quia Samaritanus es tu, et dæmónium habes?

R. ix. In próximo est tribulatio mea Domine, et non est qui adjuvet : ut fodiant manus meas et pedes meos : libera me de ore leonis : \* Ut enarrem nomen tuum fratribus meis. V. Erue a fratre tua Deus animam meam : et de manu canis unicam meam. — Ut enarrem. R. In próximo est.

Ante Laudes V. Intende animæ meæ, et libera eam. R. Propter inimicos meos eripe me.

#### AD LAUDES

##### ANTIPHONÆ.

1. Vide Domine afflictionem meam : quoniam erectus est inimicus meus. Psalmus Misere. cum ceteris, pag. 24.

2. In tribulatione invocavi Dominum : et exaudivit me in latitudine.

3. Judicasti Domine causam animæ meæ : defensor vitæ meæ, Domine Deus meus.



4. Pópule meus quid feci tibi, aut quid moléstus fui? Respón-de mihi.

5. Numquid rédditur pro bono malum, quia fodérunt sóveam ánimæ meæ?

Capitulum Tu autem Dómine Sábaoth. et Hymnus Lustris sex qui jam peráctis., pag. 22.

Ÿ. Eripe me de inimicis meis Deus meus. R. Et ab insurgéntibus in me libera me.

Ad Benedictus Aña. Quis ex vobis árguet me de peccáto? Si veritátem dico vobis, quare vos non créditis mihi? Qui ex Deo est, verba Dei audit : proptérea vos non auditis, quia ex Deo non estis.

Oratio.

QUÆSUMUS omnipotens Deus, familiam tuam propítius réspice : ut te largiéntem regátur in corpore, et te servánte custodiátur in mente. Per.

#### AD PRIMAM.

Aña. Ego dæmónium non hábeo : sed honorífico Patrem meum, dicit Dóminus. Psalmus Deus Deus meus réspice in me. cum ceteris, pag. 33.

† Ab hac die usque ad Dominicam in Albis exclusive, non dicatur ad Primam R. Jesu Christe. nisi in festis Sanctorum : sed usque ad Cenam Domini exclusive, cum de Tempore agitur, post Capitulum immediate subjungatur

Ÿ. Exsúrge Dómine, ádjuva nos. R. Et libera nos propter nomen tuum.

#### AD TERTIAM.

Aña. Ego glóriam meam non quæro : est qui quærat, et júdicet.

#### Capitulum.

Jer. 11.

TU autem Dómine Sábaoth, qui júdicas juste, et probas renes et corda, videam ultiónem tuam ex eis : tibi enim revelávi causam meam Dómine Deus meus.

R. Erue a frámea Deus ánimam meam : \* Et de manu canis únicam meam. Ÿ. Salva me ex ore leónis : et a cornibus unicórnium humilitátem meam. Et de manu. R. Erue.

Ÿ. De ore leónis libera me Dómine. R. Et a cornibus unicórnium humilitátem meam.

#### AD SEXTAM.

Aña. Amen, amen dico vobis : si quis sermónem meum serváverit, mortem non gustábit in ætérnum.

#### Capitulum.

Isa. 50.

FACIEM meam non avérti ab increpántibus, et conspuéntibus in me : Dóminus Deus auxiliátor meus, ideo non sum confúsus.

R. De ore leónis libera me Dómine : \* Et a cornibus unicórnium humilitátem meam. Ÿ. Erue a frámea Deus ánimam meam : et de manu canis únicam meam. Et a cornibus. R. De ore.

Ÿ. Ne perdas cum ímpiis Deus ánimam meam. R. Et cum viris sánguinem vitam meam.

#### AD NONAM.

Aña. Abraham pater vester exsultávit ut vidéret diem meum : vidit, et gavísus est.

#### Capitulum.

Jerem. 17.

CONFUNDANTUR qui me persequúntur, et non confundar ego : páveant illi, et non páveam ego : induc super eos

diem afflictionis, et dúplici contritióne cóntere eos Dómine Deus noster.

R. Príncipes persecúti sunt me gratis, et a verbis tuis formidávit cor meum : \* Lætabor ego super eloquia tua. V. Quasi qui invénit spólia multa. Lætabor. R. Príncipes.

¶. Eripe me de inimícis meis Deus meus. R. Et ab insurgéntibus in me libera me.

#### AD VESPERAS.

Antiphonæ super Psalmos et Psalmi ut in Dominicis per annum, pag. 124.

Capitulum Tu autem Dómine Sábaoth. et Hymnus Vexilla Regis pródeunt., pag. 128.

¶. Eripe me Dómine ab hómine malo. R. A viro iniquo éripe me.

Ad Magnificat Aña. Tulérunt lápidés Judæi, ut jácerent in eum : Jesus autem abscondit se, et exivit de templo.

Oratio Quæsumus omnípotens, ut in Laudibus.

† Prædicta Capitula, Hymni, ¶¶. et R. R. ad Horas, dicuntur usque ad Cenam Domini exclusive, cum de Tempore agitur.

#### FERIA SECUNDA.

##### AD MATUTINUM.

Invitatorium. Adorémus Dóminum, \* Qui nos redémit per crucem.

† Hoc Invitatorium deinceps quotidie dicatur usque ad Cenam Domini ferialibus diebus : et in fine Psalmi Veníte. bis ex integro repetatur, prætermissa Glória Patri.

Lectio sancti Evangélii secúndum Joánnem.

Lectio j. Cap. 7.

**I**N illo témpore : Misérunt príncipes, et Pharisæi ministros ut apprehénderent Jesum. Et réliqua.

Homilia sancti Augustini Episcopi.

(Tract. 31. in Joan. circa med.)

**Q**UOMODO apprehénderent adhuc noléntem? Quia ergo non póterant apprehéndere noléntem, missi sunt ut audírent docéntem. Quid docéntem? Dixit ergo eis Jesus : Adhuc módicum tempus vobiscum sum. Quod modo vultis fácere, facturi estis; sed non modo, quia modo nolo. Quare adhuc modo nolo? Quia adhuc módicum tempus vobiscum sum, et tunc vado ad eum, qui me misit. Implére débeo dispensationem meam, et sic pervenire ad Passiónem meam.

Lectio ij.

**Q**UÆRETIS me, et non inve-niétis : et ubi sum ego, vos non potéstis venire. Hic jam Resurrectiónem suam prædixit. Noluérunt enim eum agnóscere præséntem, et póstea quæsiérunt, cum vidérunt in eum multitudínem jam credéntem. Magna enim signa facta sunt, étiam cum Dóminus resurréxit, et ascéndit in cælum. Tunc per discípulos facta sunt signa magna : sed ille per illos, qui et per seipsum. Ipse quippe illis dixerat : Sine me nihil potéstis fácere.

## Lectio iij.

**Q**UANDO claudus ille, qui sedébat ad portam, ad vocem Petri surrêxit, et suis pëdibus ambulávit, ita ut homines miraréntur, sic eos allocútus est Petrus : Quia non in sua potestáte ista fecit, sed in virtúte illius, quem ipsi occiderunt. Multi compúnti dixerunt : Quid faciémus ? Vidérunt enim se ingénti crimine impietátis adstrictos, quando illum occiderunt, quem venerári et adoráre debuérunt : et hoc putábant esse inexpiábile. Magnum enim fácinus erat, cuius considerátio illos fáceret desperáre : sed non debébant desperáre, pro quibus in cruce pendens Dóminus dignátus est oráre.

Ad Benedictus Añã. In die magno festivitátis stabat Jesus, et clamábat, dicens : Si quis sitit, véniat ad me, et bibat.

## Oratio.

**S**ANCTIFICA, quæsumus Dómine, nostra jejúnia ; et cunctárum nobis indulgéntiam propitiis largire culpárum. Per.

## AD HORAS.

† Añã et reliqua diebus Festis usque ad Cenam Domini ad Horas ante Orationem dicenda ponuntur in Psalterio post Psalmos cujuslibet Horæ.

## IN VESPERIS.

Ad Magnificat Añã. Si quis sitit, véniat ad me, et bibat : et de ventre ejus fluent aquæ vivæ.

## Oratio.

**D**A, quæsumus Dómine,ópulo tuo salutem mentis et corpóris : ut bonis opéribus inhæréndo, tua semper mereáur protectióne deféndi. Per.

## FERIA TERTIA.

Lectio sancti Evangélii  
secúndum Joánnem.

## Lectio j.

## Cap. 7.

**I**N illo témpore : Ambulábat Jesus in Galilæam : non enim volébat in Judæam ambuláre, quia quaerébant eum Judæi interficere. Et reliqua.

Homilia sancti Augustini  
Episcopi.

(Tract. 28. in Joann. ab initio.)

**I**N isto Evangélii capitulo, fratres, Dóminus noster Jesus Christus secúndum hóminem se plúrimum commendávit fidei nostræ. Etenim semper hoc egit dictis et factis suis, ut Deus credátur, et homo : Deus, qui nos fecit : homo, qui nos quæsivit : Deus cum Patre semper, homo nobiscum ex témpore. Non enim quæret quem fécerat, nisi feret ipse quod fécerat. Verum hoc mementóte, et de córdibus vestris nolite dimittere : sic esse Christum hóminem factum, ut non destiterit Deus esse.

## Lectio ij.

**M**ANENS Deus accépit hóminem, qui fecit hóminem. Quando ergo látuit ut homo, non poténtiam perdidisse putándus est, sed exémpulum infirmitáti præbuisse. Ille enim, quando vóluit, deténtus est ; quando vóluit, occisus est. Sed quóniam futura erant membra ejus, id est, fidéles ejus, qui non habérent illam potestátem, quam habébat ipse Deus noster : quod latébat, quod se, tamquam ne occiderétur, occultábat ; hoc indicábat factúra esse membra sua, in quibus útique membris suis ipse erat.



## Lectio iij.

**N**ON enim Christus in cápite, et non in córpore : sed Christus totus in cápite et in córpore. Quod ergo membra ejus, ipse : quod autem ipse, non continuo membra ejus. Nam si ipsi non essent membra ejus, non diceret Saulo : Quid me perséqueris? Non enim Saulus ipsum, sed membra ejus, id est, fideles ejus, in terra persequébatur. Nóluit tamen dicere, Sanctos meos, Servos meos, postrémo honorabilius, Fratres meos; sed Me, hoc est membra mea, quibus ego sum caput.

Ad Benedictus Aña. Tempus meum nondum advénit : tempus autem vestrum semper est parátum.

## Oratio.

**N**OSTRA tibi, Dómine quæsumus, sint accépta jejúnia : quæ nos et expiándo grátia tua dignos efficiant, et ad remédia perdúcant ætérna. Per.

Ad Magnificat Aña. Vos ascéndite ad diem festum hunc: ego non ascéndam, quia tempus meum nondum advénit.

## Oratio.

**D**A nobis, quæsumus Dómine, perseverántem in tua voluntáte famulátum; ut in diébus nostris et mérito et número pópulus tibi sérvians augeátur. Per.

## FERIA QUARTA.

Lectio sancti Evangélii  
secúndum Joánnem.

Lectio j. Cap. 10.

**I**n illo témpore : Facta sunt Encænía in Jerosólymis : et hiems erat. Et ambulábat Je-

sus in templo, in pórticu Salomónis. Et réliqua.

Homília sancti Augustini  
Epíscopi.

(Tract. 48. in Joan. circa init.)

**E**NCÆNIA festivitas erat Dedicationis templi. Græce enim cænón dicitur novum. Quandocúmque novum áliquid fúerit dedicátum, Encænía vocántur. Jam et usus habet hoc verbum. Si quis nova túnica induátur, encæniáre dicitur. Illum enim diem, quo templum dedicátum est, Judæi solémniter celebrábant. Ipse dies festus agebátur, cum ea, quæ lecta sunt, locútus est Dóminus.

## Lectio ij.

**H**IEMS erat, et ambulábat Jesus in templo, in pórticu Salomónis. Circumdedérunt ergo eum Judæi, et dixerunt ei : Quousque ánimam nostram tollis? Si tu es Christus, dic nobis palam. Non veritatem desiderábant, sed calúmniam præparábant. Hiems erat, et ideo frigidi erant : ad illum enim divinum ignem accédere pigri erant. Si accédere est crédere : qui credit, accédit : qui negat, recédit. Non movétur ánimá pédibus, sed afféctibus.

## Lectio iij.

**F**RIGUERANT a diligéndi caritáte, et ardébant nocéndi cupiditáte. Longe áberant, et ibi erant : non accedébant credéndo, et premébant persequéndo. Quærébant audire a Dómino, Ego sum Christus : et fortásse de Christo secúndum hóminem sapiébant. Prædicavérunt enim Prophætæ Christum; sed divinitatem

Christi et in Prophétis, et in ipso Evangélio nec hæretici intelligunt : quanto minus Judæi, quâmdiu velâmen est super cor eorum!

Ad Benedictus Añâ. Oves meæ vocem meam audiunt : et ego Dñus agnôsko eas.

Oratio.

**S**ANCTIFICATO hoc jejûnio, Deus tuorum corda fideliū miserâtor illūstra : et quibus devotiōnis præstas affectum, præbe supplicântibus pium benignus auditum. Per.

Ad Magnificat Añâ. Multa bona ôpera operâtus sum vobis : propter quod opus vultis me occidere? Oratio.

**A**DESTO supplicatiōibus nostris omnipotens Deus : et quibus fidūciam sperandæ pietatis indulget; consuētæ misericordiæ tribue benignus effectum. Per.

#### FERIA QUINTA.

Lectio sancti Evangélii secundum Lucam.

Lectio j.

Cap. 7.

**I**N illo tēpore : Rogâbat Iesum quidam de Phariseis, ut manducaret cum illo. Et ingressus domum Pharisei discubuit. Et reliqua.

Homilia sancti Gregórii Papæ. (Hom. 33. in Evang.)

**C**OGITANTI mihi de Mariæ Magdalænæ pœnitentia, flere magis libet quam aliquid dicere. Cujus enim vel saxeum pectus illæ hujus peccatricis lacrimæ ad exemplum pœnitendi non emolliant? Consideravit namque quid fecit, et noluit moderâri quid faceret. Super convivâtes ingressa

est, non jussa venit, inter épulas lacrimas obtulit. Discite quo dolore ardet, quæ flere et inter épulas non erubescit.

Lectio ij.

**H**ANC vero, quam Lucas peccatricem mulierem, Joânes Mariam nōminat, illam esse Mariam credimus, de qua Marcus septem dæmonia ejēcta fuisse testâtur. Et quid per septem dæmonia, nisi universa vitia designântur? Quia enim septem diēbus omne tempus comprehenditur, recte septenário número universitas figurâtur. Septem ergo dæmonia Mariâ habuit, quæ universis vitiis plena fuit.

Lectio iij.

**S**ED ecce, quia turpitudinis suæ maculas aspexit, lavanda ad fontem misericordiæ cucurrit, convivâtes non erubuit. Nam quia semetipsam graviter erubescēbat intus, nihil esse credidit, quod recundaretur foris. Quid igitur mirâmur, fratres? Mariam venientem, an Dñum suscipientem? Suscipientem dicam, an trahentem? Sed melius trahentem dicam, et suscipientem : quia nimirum ipse eam per misericordiam traxit intus, qui per mansuetudinem suscepit foris.

Ad Benedictus Añâ. Quid molēsti estis huic mulieri? opus enim bonum operâta est in me.

Oratio.

**P**RÆSTA, quæsumus omnipotens Deus : ut dignitas conditionis humanæ, per immoderantiam sauciata; medicinalis parsimoniæ stūdio reformetur. Per.

Ad Magnificat Añā. Mittens hæc mulier in corpus meum hoc unguentum, ad sepeliendum me fecit. Oratio.

**E**STO, quæsumus Dómine, propitius plebi tuæ : ut quæ tibi non placent respuentes; tuorum pótius repleantur delectationibus mandatorum. Per.

### FERIA SEXTA.

Lectio sancti Evangelii secundum Joánnem.

Lectio j. Cap. 11.

**I**n illo tempore : Collegérunt Pontífices et Pharisei concilium adversus Jesum, et dicebant : Quid facimus, quia hic homo multa signa facit? Et reliqua.

Homilia sancti Augustini Episcopi.

(Tract. 49. in Joan. sub fine.)

**P**ONTIFICES et Pharisei sibi consulébant : nec tamen dicebant, Credámus. Plus enim pérditi hómines cogitábant quómodo nocérent, ut pérderent, quam quómodo sibi consulerent, ne perírent. Et tamen timébant, et quasi consulébant. Dicebant enim : Quid facimus, quia hic homo multa signa facit? Si dimittimus eum sic, omnes credent in eum : et vénient Románi, et tollent nostrum locum et gentem.

Lectio ij.

**T**EMPORALIA pérdere timuérent, et vitam æternam non cogitavérunt, ac sic utrúmque amisérunt. Nam et Románi post Dómini Passiónem et glorificatiómem, tulérunt eis locum et gentem, expugnándo et transferéndo : et

illud eos séquitur, quod álibi dictum est : Filii autem regni hujus ibunt in ténebras exterióres. Hoc autem timuérent, ne si omnes in Christum créderent, nemo remaneret, qui adversus Romános civitatémem Dei templúmque defénderet; quóniam contra ipsum templum, et contra suas patrénas leges doctrinam Christi esse sentiébant.

Lectio iij.

**U**NUS autem ex ipsis, Cáiphas, cum esset Póntifex anni illius, dixit eis : Vos nescitis quidquam, nec cogitátis quia expedit vobis ut unus moriátur homo pro pópulo, et non tota gens péreat. Hoc autem a semetipso non dixit : sed cum esset Póntifex anni illius, prophetávit. Hic docémur, étiam hómines malos prophetiæ spíritu futura prædicere. Quod tamen Evangelista divíno tribuit sacraménto, quia Póntifex fuit, id est, summus Sacerdos.

Ad Benedictus Añā. Appropinquábat autem dies festus : et quærébant Príncipes sacerdotum quómodo Jesum interficerent : sed timébant plebem.

Oratio.

**C**ORDIBUS nostris, quæsumus Dómine, grátiam tuam benignus infúnde : ut peccáta nostra castigatióne voluntária cohibéntes; temporaliter pótius macerémur, quam suppliciis deputémur ætérnis. Per.

Ad Magnificat Añā. Príncipes sacerdotum consilium fecérunt, ut Jesum occiderent : dicebant autem : Non in die festo, ne forte tumultus fieret in pópulo.



## Oratio.

**C**ONCEDE, quæsumus omnípotens Deus : ut qui protectionis tuæ grátiam quærimus; liberáti a malis ómnibus, secúra tibi mente serviámus. Per.

## SABBATO.

Lectio sancti Evangélii  
secúndum Joánnem.

Lectio j. Cap. 12.

**I**N illo témpore : Cogitáverunt Príncipes sacerdotum ut et Lázarus interficerent : quia multi propter illum abibant ex Judæis, et credébant in Jesum. Et reliqua.

Homilia sancti Augustíni  
Episcopi.

(Tract. 50. in Joan. in fine.)

**V**ISO Lázaro resuscitáto, quia tantum miráculum Dómini tanta erat evidéntia diffamátum, tanta manifestatióne declarátum, ut non possent vel occultáre quod factum est, vel negáre : quid invenérunt vidéte. Cogitáverunt autem Príncipes sacerdotum ut et Lázarus interficerent. O stulta cogitatio, et cæca sævitia! Dóminus Christus, qui suscitáre pótuit mórtuum, non posset occisum? Quando Lázaro inferebátis necem, numquid auferebátis Dómino potestátem? Si aliud vobis vidétur mórtuus, aliud occisus : ecce Dóminus utrúmque fecit, et Lázarus mórtuum, et seípsum suscitávit occisum.

Lectio ij.

(Tract. 51. in Joánnem.)

**I**N crástinum autem turba multa, quæ vénerat ad diem festum, cum audissent quia venit Jesus Jerosólymam : acceperunt ramos palmárum, et

processérunt óbviám ei, et clamábant : Hosánna! Benedictus, qui venit in nómine Dómini, Rex Israel. Rami palmárum laudes sunt, significántes victóriam : quia erat Dóminus mortem moriéndum superatúrus, et trophæo crucis de diabolo mortis príncipe triumphatúrus.

Lectio iij.

**H**AS ei laudes turba dicebat : Hosánna! Benedictus, qui venit in nómine Dómini, Rex Israel. Quam crucem mentis invidéntia principum Judæórum pépeti potúerat, quando Regem suum Christum tanta multitúdo clamábat? Sed quid fuit Dómino, Regem esse Israel? Quid magnum fuit Regi sæculórum, regem fieri hóminum? Non enim Rex Israel Christus ad exigéndum tributum, vel exércitum ferro armándum, hostésque visibíliter debellándos; sed Rex Israel, quod mentes regat, quod in ætérnum cónsulat, quod in regnum cælórum credéntes, sperántes, amantésque perducát.

Ad Benedictus Añs. Desiderio desiderávi hoc Pascha manducáre vobiscum, ántequam pátiar.

Oratio.

**P**ROFICIAT, quæsumus Dómine, plebs tibi dicáta piæ devotiónis afféctu : ut sacris actiόνibus erudita, quanto maiestáti tuæ fit grátior, tanto donis potióribus augeátur. Per.

AD VESPERAS.

Capitulum. Jer. 11.

**T**U autem Dómine Sábaoth, qui júdicas juste, et probas renes et corda, vídeam uliónem tuam ex eis : tibi enim revelávi causam meam, Dómine Deus meus.

R. Circumdedérunt me viri mendaces : sine causa flagellis cecidérunt me. \* Sed tu Dómine defensor vindica me. V. Quóniam tribulatio próxima est, et non est qui adjuvet. — Sed tu. R. Circumdedérunt. Hymnus Vexilla Regis, pag. 128.

V. Eripe me Dómine ab hómine malo. R. A viro iniquo eripe me.

Ad Magnificat Aña. Clarifica me Pater, apud temetipsum, claritate, quam hábui prius quam mundus fieret. Oratio.

**O**MNIPOTENS sempitérne Deus, qui, humano géneri ad imitandum humilitátis exemplum, Salvatorem nostrum carnem sumere, et crucem subire fecisti; concéde propítius : ut et patientiæ ipsius habere documenta, et resurrectionis consórtia mereámur. Per eúndem.

DOMINICA  
IN RAMIS PALMARUM.  
AD MATUTINUM.

Invitatorium. Ipsi vero non cognóverunt vias meas : \* Quibus jurávi in ira mea : Si introibunt in réquiem meam.

Dicto ultimo Versu Psalmi Venite exsultémus, usque ad verba Semper hi errant corde. inclusive, prætermisso Glória Patri., bis ex integro repetatur Invitatorium : Ipsi vero non cognóverunt vias meas : Quibus jurávi in ira mea : Si introibunt in réquiem meam. Ipsi vero...

Hymnus Fange lingua gloriosi., pag. 3.

IN I. NOCTURNO.

Psalmi ut in Psalterio, pagg. 4-9.; super Psalmos sola Aña

Quid molésti estis., pag. 9.  
V. Erue a frámea., pag. 10.

De Jeremia Prophéta.

Lectio j.

Cap. 12.

**J**USTUS quidem tu es Dómine, si disputem tecum : verumtamen justa loquar ad te : Quare via impiórum prosperátur : bene est omnibus, qui prævaricántur, et inique agunt? Plantásti eos, et radicem misérunt : proficiunt et faciunt fructum : Prope es tu ori eórum, et longe a rénibus eórum. Et tu Dómine nosti me, vidísti me, et probásti cor meum tecum. Cóngrega eos quasi gregem ad victimam, et sanctifica eos in die occisiónis. Hæc dicit Dóminus Deus : Convertimini ad me, et salvi éritis. R. Deo grátias.

R. j. In die, qua invocávi te Dómine, dixísti : Noli timére : judicásti causam meam, et liberásti me, \* Deus meus. V. In die tribulatiónis meæ clamávi ad te, quia exaudísti me. — Deus meus.

Lectio ij.

**U**SQUEQUO lugébit terra, et herba omnis regiónis siccábitur propter malitiam habitantium in ea? Consumptum est ánimál, et vólucré, quóniam dixerunt : Non vidébit novissima nostra. Si cum peccatibus currens laborásti : quomodo conténdere póteris cum equis? Cum autem in terra pacis secúrus fúeris, quid facies in supérbia Jordánis? Nam et fratres tui, et domus patris tui, étiam ipsi pugnavérunt adversum te, et clamavérunt post te plena voce : ne credas eis cum locúti fúerint tibi bona.

Hæc dicit Dóminus Deus :  
Convertimini ad me, et salvi  
éritis. R. Deo grátias.

R. ij. Fratres mei elongavé-  
runt se a me : et noti mei  
\* Quasi aliéni recessérunt a  
me. V. Dereliquerunt me pró-  
ximi mei : et qui me novérunt.  
— Quasi aliéni.

#### Lectio iij.

**R**ELIQUI domum meam, di-  
misi hereditatem meam :  
dedi diléctam animam meam  
in manu inimicórum ejus. Fa-  
cta est mihi heréditas mea  
quasi leo in silva : dedit con-  
tra me vocem, ideo odivi eam.  
Numquid avis discolor herédi-  
tas mea mihi? Numquid avis  
tincta per totum? Venite, con-  
gregámini omnes béstiae ter-  
ræ, properáte ad devorándum.  
Pastóres multi demolíti sunt  
vineam meam, conculcavérunt  
partem meam : dedérunt por-  
tionem meam desiderábilem in  
desértum solitudínis. Hæc di-  
cit Dóminus Deus : Converti-  
mini ad me, et salvi éritis.  
R. Deo grátias.

R. iij. Atténde Dómine ad  
me, et audi voces adversarió-  
rum meórum : \* Numquid réd-  
ditur pro bono malum, quia  
foderunt fóveam animæ meæ?  
V. Recordáre quod steterim  
in conspéctu tuo, ut lóquerer  
pro eis bonum, et avérterem  
indignationem tuam ab eis. —  
Numquid rédditur pro bono  
malum. R. Atténde Dómine  
ad me.

#### IN II. NOCTURNO.

Psalmi ut in Psalterio, pagg.  
10-13; super Psalmos sola Aña  
Mittens hæc mülíer., pag. 13.,  
V. De ore leónis., ibidem.

Sermo sancti Athanasii  
Episcopi.  
(De Passione et Cruce Dómini.  
e veteri versione.)

#### Lectio iv.

**S**i causam discámus, et quam  
sob rem passus fúerit unigé-  
nitus Dei Filius considerémus;  
non jam erubescémus, sed mi-  
rábimur bonitatem, humanita-  
témque ejus, et gloriábimur  
nos quoque, quemádmódum  
Paulus, in cruce. Non enim Dó-  
minus ipse propter seipsum,  
sed nos in illo patiebámur.  
Nam hóminum peccátum in-  
gens erat, et hoc malum totum  
occupáverat orbem. Cum au-  
tem et ántea máximum esset,  
ac paulátim deinde crevisset;  
intolerábile factum est homi-  
nibus. Nam et mors in omnes et  
in ómnibus inváluit regnándo.

R. iv. Conclúsit vias meas  
inimicus, insidiátor factus est  
mihi, sicut leo in abscondito :  
replévit et inebriávit me ama-  
ritúdine : deduxérunt in lacum  
mortis vitam meam, et posue-  
runt lápidem contra me. \* Vide  
Dómine iniquitátes illórum :  
et júdica causam animæ meæ,  
defénsor vitæ meæ. V. Factus  
sum in derisum omni pópulo  
meo, cánticum eórum tota die.  
— Vide Dómine.

#### Lectio v.

**D**OMINUS autem noster im-  
mortalis et incorruptibilis  
est, et quemádmódum immor-  
tális et incorruptibilis est, ita  
bonus quoque et humanus.  
Nam boni patris bonus est ser-  
mo, eóque non dissimulávit  
perire, quod factum erat; neque  
sustinuit, ut eórum, quæ ipse  
condiderat, álius fieret dómi-  
nus. Verum cum aspiceret ad



malitiam intolerabilem, humanum genus non satis erat idoneum ad resistendum morti : neque poterat poenam pro peccatis dissolvere. Superabat enim omnem poenam malitiae magnitudo.

R. v. Salvum me fac Deus, quoniam intraverunt aquae usque ad animam meam : ne avertas faciem tuam a me : quoniam tribulor, exaudi me, \* Deus meus. V. Intende animae meae, et libera eam. — Deus.

#### Lectio vj.

**R**URSUS, cum respiceret et Patris bonitatem, et suam potentiam ac virtutem, (Christus enim Dei virtus, et Dei sapientia) commotus est humanitate; et miseratus infirmitatem nostram, hanc induit. Ipse enim, ut ait Propheta, infirmitates nostras portavit, morbosque gestavit : ac miseratus nostram mortalitatem, induit illam. Ait enim Paulus : Humiliavit semetipsum usque ad mortem, mortem autem crucis : ut ipse patiens, eum, qui vere patiebatur, redderet innocuum, et parva magnis permutaret.

R. vj. Noli esse mihi, Domine, alienus, parce mihi in die mala : confundantur omnes, qui me persequuntur, \* Et non confundar ego. V. Confundantur omnes inimici mei, qui quaerunt animam meam, ut auferant eam. — Et non confundar ego. R. Noli esse mihi, Domine, alienus.

#### IN III. NOCTURNO.

Psalmi ut in Psalterio, pagg. 13-15.; super Psalmos sola Ana Magister dicit., pag. 15.; V. Ne perdas cum impiis., ibidem.

Lectio sancti Evangelii secundum Matthaeum.

Lectio vij. Cap. 21.

**I**N illo tempore : Cum appropinquasset Jesus Jerosolymis, et venisset Bethphage ad Montem oliveti : tunc misit duos discipulos, dicens eis : Ite in castellum, quod contra vos est, et statim inveniatis asinam alligatam, et pullum cum ea : solvite, et adducite mihi. Et reliqua.

Homilia venerabilis Bedae Presbyteri.

(In Dominica Palmarum.)

**M**EDIATOR Dei et hominum, homo Christus Jesus (qui pro humani generis salute passurus de caelo descenderat ad terras) appropinquante hora Passionis, appropinquare voluit loco Passionis, ut etiam per hoc clareretur, quia non invitus, sed sponte pateretur. In asino venire, et a turbis Rex appellari, ac laudari voluit, ut etiam per hoc eruditus quisque cognosceret ipsum esse Christum, quem sic illo venturum prophetia olim praemissa signaverat. Ante quinque dies Paschae venire voluit, sicut ex Joannis Evangelio didicimus : ut etiam per hoc ostenderet se esse Agnum immaculatum, qui peccata tolleret mundi.

R. vij. Dominus mecum est tamquam bellator fortis : propterea persecuti sunt me, et intelligere non potuerunt : Domine probans renes et corda, \* Tibi revelavi causam meam. V. Vidisti Domine iniquitates eorum adversum me : iudica iudicium meum. — Tibi revelavi causam meam.

## Lectio viij.

**A**GNUS quippe Paschalis, cuius immolatione populus Israel est ab Ægyptia servitute liberatus, ante quinque dies Paschæ, id est, décima luna, domum inferri, et ipsa die Paschæ, id est, quarta décima luna, ad vespèram jussus est immolari: significans eum, qui nos suo sanguine redempturus, ante quinque dies Paschæ, id est, hodierna die, magno præcedentium sequentiisque populorum gaudio ac laudatione deductus, venit in templum Dei: et erat quotidie docens in eo.

**R.** viij. Dixérunt impii apud se non recte cogitantes: Circumveniamus justum, quoniam contrarius est operibus nostris: promittit se scientiam Dei habere, filium Dei se nominat, et gloriatur Patrem se habere Deum: videamus si sermones illius veri sunt. Et si est verus filius Dei, liberet illum de manibus nostris: \* Morte turpissima condemnemus eum. **℟.** Tamquam nugaces æstimati sumus ab illo, et abstinet se a viis nostris tamquam ab immunditiis, et præfert novissima justorum. — Morte turpissima condemnemus eum.

## Lectio ix.

**Q**UINTA demum peracta die, ubi veteris Paschæ sacramenta hactenus observata consummavit; ac novi deinceps observanda discipulis sacramenta contrádidit: egressus in Montem oliveti, detentus est a Judæis, et mane crucifixus: ipsa nos die a dæmoniaca dominatione redemit, qua antiquus ille Hebræorum populus

per immolationem agni, jugum Ægyptiæ servitutis abiécit. Ergo Dominus instar agni Paschalis, ante quinque dies quam pati inciperet, locum Passionis adiit: ut se insinuaret esse illum, de quo prædixit Isaías: Sicut ovis ad occisionem ducetur: et quasi agnus coram tondente se obmutescet, et non aperiet os suum.

**R.** ix. Circumdederunt me viri mendaces: sine causa flagellis ceciderunt me: \* Sed tu Domine defensor vindica me. **℟.** Quoniam tribulatio proxima est, et non est qui adjuvet. — Sed tu. **R.** Circumdederunt me viri mendaces.

Ante Laudes **℟.** Intende anime meæ, et libera eam. **R.** Propter inimicos meos eripe me.

## AD LAUDES

## ANTIPHONÆ.

1. Dominus Deus auxiliator meus: et ideo non sum confusus. Psalmus Miserere. cum ceteris, pag. 24.

2. Circumdantes circumdederunt me: et in nomine Domini vindicabor in eis.

3. Júdica causam meam: defende, quia potens es Domine.

4. Cum angelis et pueris fideles inveniamur, triumphatori mortis clamantes: Hosanna in excelsis!

5. Confundantur qui me persequuntur, et non confundar ego, Domine Deus meus.

Capitulum Tu autem., Hymnus Lustris sex., et **℟.** Eripe me de inimicis., pag. 21. et pag. 22.

Ad Benedictus Añã. Turba multa, quæ convenerat ad diem festum, clamabat Domino: Benedictus qui venit in nomine Domini: hosanna in excelsis!

## Oratio.

**O**MNIPOTENS sempitérne Deus, qui, humano géneri ad imitandum humilitatis exéplum, Salvátorem nostrum carnem súmere, et crucem subire fecisti, concéde propitiús : ut et patiéntiæ ipsius habére documenta, et resurrectionis consórtia mereámur. Per eúmdem Dóminum.

Ad Memoriam de B. Maria V. : Aña. Sub tuum præsidium confúgimus sancta Dei Génitrix : nostras deprecationes ne despicias in necessitatibus : sed a periculis cunctis libera nos semper Virgo benedicta.

ŷ. Post partum Virgo inviolata permansisti. R. Dei Génitrix intercede pro nobis.

## Oratio.

**P**ROTEGE Dómine fámulos tuos subsidiis pacis : et beátæ Mariæ semper Virginis patrociniiis confidéntes a cunctis hóstibus redde secúros. Per Dóminum.

## AD PRETIOSA.

## Evangelium.

Secúndum Matthæum, Cap. 21.

**I**N illo témpore : Cum appropinquasset Jesus Jerosólymis, et venisset Béthphage ad montem Olivéti : tunc misit duos discípulos, dicens eis : Ite in castéllum, quod contra vos est, et statim inveniétis ásinam alligátam, et pullum cum ea : sólvite, et addúcite mihi. Tu autem Dómine.

## AD PRIMAM.

Aña. Hosánna Filio David : benedictus qui venit in nómine Dómini!

Psalmus Deus Deus meus respice in me. cum ceteris, pag. 33.

Post Capitulum Regi sæculórum., omisso R. Jesu Christe., statim dicatur :

ŷ. Exsúrge Dómine, ádjuva nos. R. Et libera nos propter nomen tuum.

## AD TERTIAM.

Aña. Púeri Hebræórum vestiménta prosternébant in via, et clamábant, dicéntes : Hosánna filio David : benedictus qui venit in nómine Dómini!

Capitulum. Jer. 11.

**T**U autem Dómine Sábaoth, qui júdicas juste, et probas renes et corda, videam ultiónem tuam ex eis : tibi enim revelávi causam meam, Dómine Deus meus.

R. Erue a frámea Deus ánimam meam : \* Et de manu canis únicam meam. ŷ. Salva me ex ore leónis : et a cornibus unicórnium humilitátem meam. Et de manu canis. R. Erue.

ŷ. De ore leónis libera me Dómine. R. Et a cornibus unicórnium humilitátem meam.

## AD SEXTAM.

Aña. Púeri Hebræórum toléntes ramos olivárum, obviáverunt Dómino, clamántes, et dicéntes : Hosánna in excélsis! Capitulum. Isa. 50.

**F**ACIEM meam non avérti ab increpántibus, et conspuéntibus in me : Dóminus Deus auxiliátor meus, ideo non sum confúsus.

R. De ore leónis libera me Dómine : \* Et a cornibus unicórnium humilitátem meam. ŷ. Erue a frámea Deus ánimam meam : et de manu canis únicam meam. Et a cornibus. R. De ore.



ſ. Ne perdas cum impiis  
Deus animam meam. R. Et  
cum viris ſanguinum vitam  
meam.

### AD NONAM.

Añã. Occurrunt turbæ cum  
flôribus et palmis Redemptôri  
ôbviam, et victôri triumphânti  
digna dant obſéquia : Filium  
Dei ore gentes prædicant, et  
in laudem Chriſti voces tonant  
per nûbila : Hoſanna!

Capitulum. Jerem. 17.

**C**ONFUNDANTUR qui me per-  
ſequuntur, et non con-  
fundar ego : pãveant illi, et  
non pãveam ego : induc ſuper  
eos diem afflictiónis, et dúplici  
contritióne cõtere eos, Dõ-  
mine Deus noster.

R. Principes perſecúti ſunt  
me gratis, et a verbis tuis for-  
midávit cor meum : \*Lætabor  
ego ſuper elóquia tua. ſ. Quasi  
qui invénit ſpólia multa. Læt-  
abor ego. R. Principes.

ſ. Eripe me de inimicis meis  
Deus meus. R. Et ab inſur-  
gentibus in me libera me.

### AD VESPERAS.

Antiphonæ ſuper Psalmos et  
Pſalmi ut in Dominicis per an-  
num, pag. 124.

Capitulum Tu autem Dómine  
Sábaoth., Hymnus Vexilla Re-  
gis pródeunt. et ſ. Eripe me  
Dómine., pag. 128.

Ad Magnificat Añã. Cœpé-  
runt omnes turbæ descendén-  
tium gaudéntes laudâre Deum  
voce magna ſuper ómnibus,  
quas viderant, virtútibus, di-  
céntes : Benedíctus, qui venit  
rex in nómine Dómini : pax in  
cælo, et glória in excélsis.

### Oratio.

**O**MNIPOTENS ſempitérne  
Deus, qui, humano gêne-  
ri ad imitándum humilitátis  
exémplum, Salvatorem no-  
ſtrum carnem ſumere, et cru-  
cem ſubíre feciſti; concède propi-  
tius : ut et patientiæ ipſius  
habére documénta, et resurrec-  
tiónis conſórtia mereámur.  
Per eúndem Dóminum.

Ad Memoriam de B. Maria V.:

Añã. Regáli ex progénie Ma-  
ria exórta reſulget : cujus præ-  
cibus nos adjuvári mente et  
ſpíritu devotiſſime póſcimus.

ſ. Ora pro nobis ſancta Dei  
Génitrix. R. Ut digni efficiá-  
mur promiſſiónibus Chriſti.

### Oratio.

**P**ROTEGE Dómine famulos  
tuos ſubſidiis pacis : et  
beátæ Mariæ ſemper Virginis  
patrociniis confidéntes a cun-  
ctis hóſtibus redde ſecúros.  
Per Dóminum.

### AD LITANIAS SANCTORUM.

Hodie poſt Completorium, a  
Fratribus genuflexis uſque ad  
ultimam Orationem Deus a  
quo ſancta deſidéria. incluſi-  
ve, dicatur in Choro Pſalmus  
Deus in adiutorium meum in-  
ténd. (addito Glória Patri.)  
cum Litaniiſ Sanctorum, Pre-  
cibus, Verſiculis et Orationi-  
bus, ut pagg. 156-159. nota-  
tum eſt.

† Qui autem tunc non fuerint  
in Choro ad ea recitanda mi-  
nime teneantur.

### FERIA SECUNDA.

#### AD MATUTINUM.

Invitatorium. Adorémus Dó-  
minum, \* Qui nos redémit per  
Crucem.

Hoc Invitatorium in fine Psalmi Venite exsultemus. bis ex integro repetatur, prætermisso Glória Patri.

Hymnus Pange lingua gloriosi, pag. 3.

### IN NOCTURNO.

Psalmi, Antiphonæ et *ſ.* ut in Psalterio, pagg. 47-56.

Lectio sancti Evangelii secundum Joannem.

Lectio j. Cap. 12.

**A**NTE sex dies Paschæ venit Jesus Bethániam, ubi Lázarus fuerat mortuus, quem suscitavit Jesus. Et reliqua.

Homilia sancti Augustini Episcopi.

(Tract. 50. in Joan. post init.)

**N**E putarent homines phantasma esse factum, quia mortuus resurrexit, Lázarus unus erat ex recumbentibus : vivebat, loquebatur, epulabatur, veritas ostendebatur, infidelitas Judæorum confundebatur. Discumbebat ergo Jesus cum Lázaro et ceteris : ministrabat Martha, una ex sororibus Lázari.

*ſ.* j. In die, qua invocavi te, Domine dixisti : Noli timere : judicasti causam meam, et liberasti me \* Deus meus. *ſ.* In die tribulationis meæ clamavi ad te, quia exaudisti me. — Deus meus.

Lectio ij.

**M**ARIA vero, altera soror Lázari, accepit libram unguenti nardi pistici pretiosi, et unxit pedes Jesu, et extersit capillis suis pedes ejus, et domus impléta est ex odore unguenti. Factum audivimus : mysterium requiramus. Quæ-

cúmque ánima fidelis vis esse, cum María unge pedes Domini pretioso unguento. Unguentum illud justitia fuit, ideo libra fuit.

*ſ.* ij. Fratres mei elongaverunt se a me : et noti mei \* Quasi alieni recesserunt a me. *ſ.* Dereliquerunt me proximi mei : et qui me novérunt. — Quasi alieni recesserunt a me.

Lectio iij.

**E**RAT autem unguentum nardi pistici pretiosi. Pistis græce, fides latine dicitur. Quærebas operari justitiam? Justus ex fide vivit. Unge pedes Jesu bene vivendo : Dominica sectare vestigia. Capillis terge : si habes superflua, da pauperibus, et Domini pedes tersisti : capilli enim superflua corporis videntur. Habes quod agas de superfluis tibi. Tibi superflua sunt, sed Domini pedibus necessaria sunt.

*ſ.* iij. Attende Domine ad me, et audi voces adversariorum meorum : \* Numquid redditur pro bono malum, quia fodérunt foveam animæ meæ? *ſ.* Recordare quod steterim in conspectu tuo, ut loquerer pro eis bonum, et averterem indignationem tuam ab eis. — Numquid redditur. *ſ.* Attende Domine.

Ante Laudes *ſ.* Intende animæ meæ, et libera eam. *ſ.* Propter inimicos meos eripe me.

AD LAUDES

ANTIPHONÆ.

1. Faciem meam non avérte ab increpantibus, et conspuentibus in me. Psalmi ut in Feriis ij. per annum, pag. 57.

2. Fræmea suscitâre adversus eos qui dispêrgunt gregem meum.

3. Appenderunt mercédem meam triginta argenteis, quibus appretiatus sum ab eis.

4. Inundaverunt aquæ super caput meum : dixi : Périi; invocabo nomen tuum Dómine Deus.

5. Lábia insurgéntium et cogitationes eórum vide Dómine.

Capitulum Tu autem Dómine Sábaoth., Hymnus Lustris sex qui jam peractis, et V. Eripe me de inimicis meis., pag. 21. et pag. 22.

Ad Benedictus Añā. Non habéres in me potestatem, nisi désuper datum tibi fuisset.

Kyrie eléison. Christe eléison. Kyrie eléison. Pater noster. Et ne nos. R. Sed libera nos a malo. Dóminus vobiscum.

Orémus. Oratio.

**D**EUS, quæsumus omnipotens Deus : ut qui in tot adversis ex nostra infirmitate deficimus, intercedente unigéniti Filii tui Passióne respirémus : Qui tecum vivit.

#### AD PRETIOSA.

Legendum est de Constitutionibus.

#### AD PRIMAM.

Añā. Animæ impiórum fremébant adversum me : et gravatum est cor meum super eos. Psalmi Deus in nómine tuo., Beáti immaculáti. et Retribue servo tuo.

Capitulum. Zach. 8.

**P**ACEM, et veritatem diligite, ait Dóminus omnipotens.

Non dicatur R. Jesu Christe., sed post Capitulum immediate subjungatur

V. Exsúrge Dómine, ádjuva nos. R. Et libera nos propter nomen tuum.

Deinde dicantur Preces et Oratio Dómine Deus omnipotens., ut ad Primam in Psalterio, pag. 32. et pag. 33. notatum est.

#### AD TERTIAM.

#### SEXTAM ET NONAM.

Antiphonæ, Capitula, R. R., V. V. et Preces quæ post Psalmos cujusque Horæ a FERIA secunda post Dominicam in Passione ad Cenam Domini respective dicenda ponuntur.

Oratio Da, quæsumus., ut in Laudibus.

#### AD VESPERAS.

Psalmus Diléxi. et ceteri cum suis Antiphonis ut in Psalterio, pag. 130.

Capitulum Tu autem Dómine Sábaoth., Hymnus Vexilla Regis pròdeunt. et V. Eripe me Dómine., pag. 128.

Ad Magnificat Añā. Potestatem habeo ponendi ánimam meam, et iterum sumendi eam.

Kyrie eléison. Christe eléison.

Kyrie eléison. Pater noster.

Et ne nos. Dóminus vobiscum.

Orémus. Oratio.

**A**DJUVA nos Deus salutáris noster : et ad beneficia recolenda, quibus nos instaurare dignatus es, tribue venire gaudentes. Per.

Ad Memoriam de S. P. N.

Dominico :

Añā. Magne Pater sancte Dominice mortis hora nos tecum súscipe, et hic semper nos pie respice.

V. Ora pro nobis beáte Pater Dominice. R. Ut digni efficiámur promissionibus Christi.



## Oratio.

**D**EUS, qui Ecclesiā tuam beāti Dominici Confessoris tui, Patris nostri, illuminare dignatus es meritis et doctrinis : concede ut ejus intercessione temporalibus non destituatur auxiliis, et spiritalibus semper proficiat incrementis. Per.

## IN COMPLETORIO.

† Hodie et cras, finita ad Nunc dimittis Añā O Rex gloriōse, dicantur Preces pag. 151. signatæ.

Post Orationem Visita. dicto Dómino vobiscum., Benedicāmus Dómino. et data Benedictione, recitetur Completorium de B. Maria V., ut pag. 173\*. notatum est.

## AD LITANIAS SANCTORUM.

† Hodie et cras post Completorium, a Fratribus prostratis usque ad ultimam Orationem Deus a quo sancta desideria. inclusive, dicatur in Choro Psalmus Deus in adiutorium meum intēde. (addito Glória Patri.) cum Litanis Sanctorum, Precibus, Versiculis et Orationibus, ut pagg. 156-159. notatum est.

† Qui autem tunc non fuerint in Choro ad ea recitanda minime teneantur.

## AD DISCIPLINAS.

Terminatis Litanis Sanctorum cum suis Orationibus, dentur Disciplinæ, ut pag. 160. notatum est.

## FERIA TERTIA.

## AD MATUTINUM.

Invitatorium. Adorēmus Dóminum, \* Qui nos redēmit per Crucem.

Hoc Invitatorium in fine Psalmi Venite exsultemus. bis ex integro repetatur, prætermisso Glória Patri.

Hymnus Pange lingua gloriōsi., pag. 3.

## IN NOCTURNO.

Psalmi, Antiphonæ et V. ut in Psalterio, pagg. 61-69.

Ante Lectiones dantur Benedictiones ij. Nocturni Deus Pater omnipotens. etc.

## De Jeremia Propheta.

## Lectio j.

## Cap. 20.

**S**EDUXISTI me Dómine, et seductus sum : fortior me fuisti, et invaluisti : factus sum in derisum tota die, omnes subsannant me. Quia jam olim loquor, vociferans iniquitatem, et vastitatem clamito : et factus est mihi sermo Dómini in opprobrium, et in derisum tota die. Et dixi : Non recordabor ejus, neque loquar ultra in nómine illius : et factus est in corde meo quasi ignis exestuans, claususque in óssibus meis : et defeci, ferre non sustinens. Hæc dicit Dóminus Deus : Convertimini ad me, et salvi eritis. R. Deo grátias.

R. j. Conclúsit vias meas inimicus, insidiator factus est mihi, sicut leo in abscondito : replévit et inebriavit me amaritudine : deduxerunt in lacum mortis vitam meam, et posuerunt lapidem contra me. \* Vide Dómine iniquitates illórum : et júdica causam animæ meæ, defensor vitæ meæ. V. Factus sum in derisum omni pópulo meo, canticum eórum tota die. — Vide Dómine.

Sermo sancti Athanasii  
Episcopi.

(De Pass. et Cruce Domini  
e veteri versione.)

Lectio ij.

**P**OSTQUAM sese exuisset ad  
congréssum Dóminus, quo  
trophæum advérsus diábolum  
parátum fieret ómnibus con-  
spícuum; prótinus induérunt  
eum, quemádmódum Joánnes  
dicit, púrpura : ut vero Mat-  
thæus et Marcus, chlámýde  
coccínea; coronámque de spi-  
nis super caput illius, et arún-  
dinem in manum dabant : at-  
que ita accedéntes génua fle-  
ctébant ei. Tu autem.

R. ij. Salvum me fac Deus,  
quóniam intravérunt aquæ us-  
que ad ánimam meam : ne  
avértas faciém tuam a me :  
quóniam tribulor, exáudi me,  
\* Deus meus. V. Inténde áni-  
mæ meæ, et libera eam. —  
Deus meus.

Lectio iij.

**M**IRACULUM novum et in-  
credibile, magnæque ví-  
ctóriæ revéra documentum.  
Quem enim ut hóminem con-  
demnárant, hunc moriéntem  
deinceps ut Deum adorábant :  
et quem pro nihilo dúxerant  
ceu vilem, hunc confitebántur  
regem : et a quo vulgária vesti-  
ménta abstúlerant, huic púr-  
puram imponébant : et quem  
insciéntes contuméliis afficié-  
bant, hunc noléntes prophétam  
appellábant : et quem illúse-  
rant verberántes, huic victóriæ  
præmia tribuérunt, coccíneam  
chlámýdem, et spinis contéx-  
tam coronam cum arúndine.  
Quamquam enim per contu-

méliam ista faciébant, tamen  
ignorábant, quod étiam no-  
léntes spoliabántur ab eo. Tu  
autem.

R. iij. Noli esse mihi Dómine  
aliénus, parce mihi in die  
mala : confundántur omnes  
qui me persequúntur, \* Et non  
confúdar ego. V. Confundán-  
tur omnes inimíci mei, qui quæ-  
runt ánimam meam, ut aúfe-  
rant eam. — Et non confúdar  
ego. R. Noli esse mihi Dómine  
aliénus.

Ante Laudes V. Inténde áni-  
mæ meæ, et libera eam.  
R. Propter inimícos meos éripe  
me.

AD LAUDES

ANTIPHONÆ.

1. Vide Dómine, et considera  
quóniam tribulor : velóriter  
exáudi me. Psalmi ut in Fe-  
riis iij. per annum, pag. 69.

2. Discérne causam meam  
Dómine : ab hómine iníquo et  
dolóso éripe me.

3. Dum tribulárer, clamávi  
ad Dóminum de ventre inferi :  
et exaudivit me.

4. Dómine, vim pátiar, re-  
spónde pro me : quia nescio  
quid dicam inimicis meis.

5. Dixérunt impíi : Opprimá-  
mus virum justum, quóniam  
contrárius est opéribus nostris.

Capitulum Tu autem., Hym-  
nus Lustris sex. et V. Eripe  
me de inimicis., pag. 21. et  
pag. 22.

Ad Benedictus Añá. Nemo  
tollet ánimam meam; sed ego  
pono eam, et iterum sumo  
eam.

Kyrie eléison. Christe eléison.  
Kyrie eléison. Pater noster. Et  
ne nos, Dóminus vobiscum.

Orémus.

Oratio.

**O**MNIPOTENS sempitérne Deus, da nobis ita Dominicæ Passiónis sacraménta perágere; ut indulgéntiam percipere mereámur. Per eúmdem.

Ad Memoriam de S. P. N.

Dominico :

Aña. Benedictus Redemptor ómnium, qui salúti próvidens hóminum, mundo dedit sanctum Dómicum.

℟. Justus germinábit sicut lílium. ℞. Et florébit in ætérnum ante Dóminum.

Oratio.

**D**EUS, qui Ecclesiám tuam beáti Dominici Confessóristui, Patris nostri, illumináre dignátus es méritis et doctrinis : concéde ut ejus intercessióne temporálibus non destituatur auxiliis, et spirituálibus semper proficiat incrementis. Per.

AD PRETIOSA.

Legendum est de Constitutionibus.

AD PRIMAM.

Aña. Animæ impiórum fremébant advérsus me : et gravátum est cor meum super eos. Psalmi Deus in nómine tuo., Beáti immaculáti. et Re tribue servo tuo.

Capitulum. Zach. 8.

**P**ACEM, et veritátem diligite, ait Dóminus omnipotens. Non dicatur ℞. Jesu Christe., sed post Capitulum immediate subjungatur

℟. Exsúrge Dómine ádjuva nos. ℞. Et libera nos propter nomen tuum.

Deinde dicantur Preces et Oratio Dómine Deus omnípo-

tens., ut ad Primam in Psalterio, pag. 32. et pag. 33 notatum est.

AD TERTIAM,

SEXTAM ET NONAM.

Antiphonæ, Capítula, ℞℟., ℟℟. et Preces, quæ post Psalmos cujusque Horæ a FERIA secunda post Dominicam in Passione ad Cenam Domini respective dicenda ponuntur.

Oratio Omnipotens sempitérne Deus., ut in Laudibus.

AD VESPERAS.

Psalmus Lætátus sum. et ceteri cum suis Antiphonis ut in Psalterio, pag. 133.

Capitulum Tu autem., Hymnus Vexilla Regis. et ℟. Eripe me Dómine., pag. 128.

Ad Magnificat Aña. Quotidie apud vos eram in templo docens, et non me tenuistis : et ecce flagellátum dúcitis ad crucifigéndum.

Kyrie eléison. Christe eléison. Kyrie eléison. Pater noster. Et ne nos. Dóminus vobiscum.

Orémus.

Oratio.

**T**UA nos misericórdia Deus et ab omni subreptione vetustátis expúrget : et capaces sanctæ novitátis efficiat. Per.

Fiat Memoria de Officio votivo in FERIIS quartis celebrari solito.

IN COMPLETORIO

ET AD LITANIAS SANCTORUM.

Omnia fiant ut in præcedenti FERIA, pag. 421.

AD DISCIPLINAS.

Terminatis Litaniis Sanctorum cum suis Orationibus, dentur Disciplinæ, ut pag. 160. notatum est.



## FERIA QUARTA.

## AD MATUTINUM.

Invitatorium. Adorémus Dóminum, \* Qui nos redémit per Crucem.

Hoc Invitatorium in fine Psalmi Venite exsultémus. bis ex integro repetatur, prætermisso Glória Patri.

Hymnus Pange lingua., pag. 3.

## IN NOCTURNO.

Psalmi, Antiphonæ et X. ut in Psalterio, pagg. 73-80.

Ante Lectiones dantur Benedictiones iij. Nocturni Ille nos benedicat. etc.

De Jeremia Prophéta.

Lectio j. Cap. 26.

**C**UMQUE compléset Jeremías loquens ómnia, quæ præcéperat ei Dóminus ut loquerétur ad univérsam pópulum, apprehendérunt eum sacerdótes, et prophétæ, et omnis pópulus, dicens : Morte moriátur. Quare prophetávit in nómine Dómini, dicens : Sicut Silo erit domus hæc : et urbs ista desolábitur, eo quod non sit habitátor. Et congregátus est omnis pópulus advérsus Jeremíam in domo Dómini. Et audiérunt principes Juda verba hæc : et ascendérunt de domo regis in domum Dómini, et sedérunt in intróitu portæ domus Dómini novæ. Hæc dicit Dóminus Deus : Convertimini ad me, et salvi éritis. R. Deo grátias.

R. j. Dóminus mecum est tamquam bellátor fortis : propterea persecúti sunt me, et intelligere non potuérent : Dómine probans renes et corda, \* Tibi revelávi causam meam. X. Vidísti Dómine ini-

quitátes eórum advérsum me : júdica judícium meum. — Tibi revelávi causam meam.

Sermo sancti Athanasii

Episcopi.

(De Pass. et Cruce Domini, e veteri versione.)

Lectio ij.

**C**UM ómnia jam circa Passiónem Dómini sic essent facta, venit festinans ad locum, ubi erat illi conscendénda crux: ut chirógraphum, quod erat advérsus nos, ab hóstibus abréptum affigeret cruci; ac spoliátos principátus potestátisque confidénter tradúceret ligno, triúmphum agens advérsus illas, osténdens ex ore leónis revúlsum hóminem, mox próprio ságuine rigans purgánsque terram. Hoc autem factúrur exuébat vestiménta. Oportébat enim eum, qui redúceret hóminem in Paradísium, exúere túnica, quas accéperat Adam, cum e Paradiso ejicerétur. Postquam enim peccáverat, restábat ut étiam morerétur. Accéperat autem túnica pelliceas ex animántibus mórtuis factas, signum mortificatiónis, quæ illi per peccátum accésserat. Tu autem.

R. ij. Dixérunt impíi apud se non recte cogitátes : Circumveniámus justum, quóniam contrárius est opéribus nostris: promíttit se sciéntiam Dei habére, filium Dei se nóminat, et gloriátur Patrem se habére Deum : videámus si sermónes ejus veri sunt. Et si est verus filius Dei, liberet illum de manibus nostris : \* Morte turpíssima condemnémus eum. X. Tamquam nugáces aestimáti sumus ab illo, et ábstinet

se a viis nostris tamquam ab immunditiis, et præfert novissima justorum. — Morte turpissima condemnemus eum.

Lectio iij.

**V**ERUM Dóminus, qui ómnia nostra propter nos in se recepit, induit hæc, ut exueret, proque his nos indueret vitam et immortalitatem. Induit autem cum iis etiam tunicam, quæ fuit desuper contextilis per totum, quo vel hinc credere possint Judæi, quis esset, et unde esset, qui hæc induit : quod Verbum erat non a terra, sed e cælis veniens : quodque non divisibile, sed indivisibile Verbum est Patris, quodque factus homo habuit corpus ex Virgine, sola contextum Spiritus grátia : unde milites cetera tantum vestimenta partiti sunt. Póterant enim dividi, et dividunt in partes quatuor, eo quod pro peccatis mundi quadrifariam divisi, ad exortum, occasum, septentrionem, ac meridiem gestabat illa. Tu autem.

R. iij. Circumdederunt me viri mendaces : sine causa flagellis ceciderunt me : \* Sed tu Dómine defensor vindica me. V. Quóniam tribulatio próxima est, et non est qui adjuvet. — Sed tu Dómine. R. Circumdederunt me.

Ante Laudes V. Intende animæ meæ, et libera eam. R. Propter inimicos meos eripe me.

AD LAUDES

ANTIPHONÆ.

1. Libera me de sanguinibus Deus, Deus meus : et exsultabit lingua mea iustitiam tuam. Psalmi ut in Feriis iv. per annum, pag. 81.

2. Contumélias et terrores passus sum ab eis : et Dóminus mecum est tamquam bellator fortis.

3. Ipsi vero in vanum quasi erunt animam meam, introibunt in inferiора terræ.

4. Omnes inimici mei audierunt malum meum, Dómine : lætati sunt, quóniam tu fecisti.

5. Alliga Dómine in vinculis nationes gentium, et reges earum in compedibus.

Capitulum Tu autem Dómine Sábaoth., Hymnus Lustris sex qui jam peractis. et V. Eripe me de inimicis meis., pag. 21. et pag. 22.

Ad Benedictus Aña. Simon dormis? Non potuisti una hora vigilare mecum?

Kyrie eléison. Christe eléison. Kyrie eléison. Pater noster. Et ne nos. Dóminus vobiscum. Orémus. Oratio.

**P**RÆSTA, quæsumus omnipotens Deus : ut qui nostris excéssibus incessanter affligimur, per unigéniti Filii tui Passiónem liberémur : Qui tecum vivit.

Fiat Memoria de Officio Votivo in Feriis quartis celebrari solito.

AD PRETIOSA.

Legendum est de Constitutionibus.

AD PRIMAM.

Aña. Animæ impiórum fremebant adversum me : et gravatum est cor meum super eos. Psalmi Deus in nómine tuo., Beati immaculati. Et Re tribue servo tuo.

Capitulum. Zach. 8.

**P**ACEM, et veritatem diligite, ait Dóminus omnipotens.

Non dicatur *R.* Jesu Christe., sed post Capitulum immediate subjungatur

*V.* Exsurge Dómine adjuva nos. *R.* Et libera nos propter nomen tuum.

Deinde dicantur Preces et Oratio Dómine Deus omnipotens., ut ad Primam in Psalterio, pag. 32. et pag. 33. notatum est.

#### AD TERTIAM,

#### SEXTAM ET NONAM.

Antiphonæ, Capitula, *R.* *R.*, *V.* et Preces, quæ post Psalmos cujusque Horæ a FERIA secunda post Dominicam in Passione ad Cenam Domini respective dicenda ponuntur.

#### Oratio.

**P**RÆSTA, quæsumus omnipotens Deus : ut qui nostris excessibus incessanter affligimur, per unigéniti Filii tui Passiõnem liberémur : Qui tecum vivit.

#### AD VESPERAS.

Non dicatur Officium beatæ Mariæ Virginis, nec fiant Prostrationes.

Psalmus Nisi Dóminus. et ceteri cum suis Antiphonis ut in Psalterio, pag. 134.

Capitulum Tu autem Dómine Sábaoth., Hymnus Vexilla Regis pròdeunt. et *V.* Eripe me Dómine., pag. 128.

Ad Magnificat Añã. Tanto tẽpore vobiscum eram docens in templo, et non me tenuistis : et modo flagellátum dúcitis ad crucifigendum.

Non dicantur Preces.

Dóminus vobiscum. *R.* Et cum spíritu tuo.

#### Orémus.

#### Oratio.

**R**ESPICE, quæsumus Dómine, super hanc familiam

tuam : pro qua Dóminus noster Jesus Christus non dubitávit mánibus tradi nocentium, et crucis subire torméntum : Qui tecum vivit.

Non fiat aliqua Memoria.

Dóminus vobiscum. *R.* Et cum spíritu tuo.

Benedicámus Dómino. *R.* Deo grátias. Fidélium., etc.

#### AD COMPLETORIUM.

Completorium more solito absque Prostrationibus et absque Precibus dicatur, et Benedictio post Completorium detur, et Aquæ benedictæ aspersio fiat. Non dicatur Salve Regina., sed post Benedictiõnem dicto Fidélium ánimæ., Pater noster. et Credo in Deum., Completorium terminetur.

#### FERIA V. IN CENA DOMINI.

#### AD MATUTINUM.

Officium celebratur ad modum festi Duplicis.

† Hoc triduo ante Matutinum non dicatur Dómine lábia mea apéries., nec Deus in adiutorium., neque Invitatorium, neque Hymnus; sed dicto Pater noster. et Credo in Deum., postquam versis vultibus ad altare signaverint se Fratres, statim incipiatur.

#### IN I. NOCTURNO.

Psalmus 68.

**S**ALVUM me fac Deus : \* quóniam intráverunt aquæ usque ad ánimam meam.

Infixus sum in limo profundi : \* et non est substántia.

Veni in altitúdinem maris : \* et tempestas demersit me.



Laborávi clamans, ⁊ raucae factae sunt fauces meae : \* defecerunt oculi mei, dum spero in Deum meum.

Multiplicati sunt super capillos capitis mei, \* qui oderunt me gratis.

Confortati sunt, qui persecuti sunt me inimici mei iniuste : \* quae non rapui, tunc exsoluebam.

Deus tu scis insipientiam meam : \* et delicta mea a te non sunt abscondita.

Non erubescant in me qui expectant te Dómine, \* Dómine virtutum.

Non confundantur super me \* qui quaerunt te, Deus Israel.

Quoniam propter te sustinui opprobrium : \* operuit confusio faciem meam.

Extraneus factus sum fratribus meis, \* et peregrinus filiis matris meae.

Quoniam zelus domus tuae comedit me : \* et opprobria exprobrantium tibi ceciderunt super me.

Et operui in jejúnio animam meam : \* et factum est in opprobrium mihi.

Et posui vestimentum meum cilicium : \* et factus sum illis in parabolum.

Adversum me loquebantur quis edebant in porta : \* et in me psallébant qui bibébant vinum.

Ego vero orationem meam ad te Dómine : \* tempus beneplaciti Deus.

In multitudine misericordiae tuae exaudi me, \* in veritate salutis tuae :

Eripe me de luto, ut non infigar : \* libera me ab iis, qui oderunt me, et de profundis aquarum.

Non me demergat tempestas aquae, ⁊ neque absorbeat me profundum : \* neque urgeat super me puteus os suum.

Exaudi me Dómine, quoniam benigna est misericordia tua : \* secundum multitudinem miserationum tuarum respice in me.

Et ne avertas faciem tuam a puero tuo : \* quoniam tribulor, velociter exaudi me.

Intende animae meae, et libera eam : \* propter inimicos meos eripe me.

Tu scis improprium meum, et confusionem meam, \* et reverentiam meam.

In conspectu tuo sunt omnes qui tribulant me, \* improprium expectavit cor meum, et miseriam.

Et sustinui qui simul contristarétur, et non fuit : \* et qui consolarétur, et non inveni.

Et dederunt in escam meam fel : \* et in siti mea potaverunt me aceto.

Fiat mensa eorum coram ipsis in laqueum, \* et in retributiones, et in scandalum.

Obscurentur oculi eorum ne videant : \* et dorsum eorum semper incurva.

Effunde super eos iram tuam : \* et furor irae tuae comprehendat eos.

Fiat habitatio eorum deserta : \* et in tabernaculis eorum non sit qui inhabitet.

Quoniam quem tu percussisti, persecuti sunt : \* et super dolorem vulnere meorum addiderunt.

Appone iniquitatem super iniquitatem eorum : \* et non intrent in iustitiam tuam.

Deleántur de Libro vivéntium : \* et cum justis non scribántur.

Ego sum pauper et dolens : \* salus tua Deus suscepit me.

Laudábo nomen Dei cum cántico : \* et magnificábo eum in laude :

Et placébit Deo super vítulum novéllum : \* córnua producéntem et úngulas.

Videant páuperes et læténtur : \* quærite Deum, et vivet ánima vestra :

Quóniam exaudivit páuperes Dóminus : \* et vinctos suos non despéxit.

Laudent illum cæli et terra, \* mare, et ómnia reptilia in eis.

Quóniam Deus salvam faciét Sion : \* et ædificábuntur civitátes Juda.

Et inhabitábunt ibi, \* et hereditáte acquirént eam.

Et semen servórum ejus possidébit eam, \* et qui diligunt nomen ejus, habitábunt in ea.

† Non dicatur Glória Patri. in fine Psalmorum et Canticorum.

Añá. Zelus domus tuæ comédit me : et oppróbria exprobrántium tibi cecidérunt super me.

Psalmus 69.

**D**EUS in adjutórium meum inténde : \* Dómine ad adjuvándum me festína.

Confundántur, et revereántur, \* qui quærunť ánimam meam :

Avertántur retrórsum, et erubéscant, \* qui volunt mihi mala :

Avertántur statim erubescén-

tes, \* qui dicunt mihi : Euge, euge.

Exsúltent et læténtur in te omnes qui quærunť te, \* et dicant semper : Magnificétur Dóminus : qui diligunt salutare tuum.

Ego vero egénus, et pauper sum : \* Deus adjuva me.

Adjutor meus, et liberátor meus es tu : \* Dómine ne moréris.

Añá. Avertántur retrórsum, et erubéscant, qui cógitant mihi mala.

Psalmus 70.

**I**N te Dómine sperávi, non confúndar in ætérnum : \* in justítia tua libera me, et éripe me.

Inclína ad me aurem tuam, \* et salva me.

Esto mihi in Deum protectórem, ⁊ et in locum munitum : \* ut salvum me facias,

Quóniam firmaméntum meum, \* et refúgium meum es tu.

Deus meus éripe me de manu peccatóris, \* et de manu contra legem ágéntis et iníqui :

Quóniam tu es patiéntia mea Dómine : \* Dómine spes mea a juventúte mea.

In te confirmátus sum ex útero : \* de ventre matris meæ tu es protectór meus :

In te cantátio mea semper : \* tamquam prodígium factus sum multis : et tu adjutor fortis.

Repleátur os meum laude, ut cantem glóriam tuam : \* tota die magnitudínem tuam.

Ne projicias me in témpore senectútis : \* cum defecerit virtus mea, ne derelinquas me.

Quia dixerunt inimici mei mihi : \* et qui custodiébant animam meam, consilium fecérunt in unum,

Dicéntes : Deus dereliquit eum, & persequimini, et comprehendite eum : \* quia non est qui eripiat.

Deus ne elongéris a me : \* Deus meus in auxilium meum respice.

Confundántur, et deficiant detrahéntes animæ meæ : \* operiántur confusióne, et pudóre qui quærunt mala mihi.

Ego autem semper sperábo : \* et adjiciam super omnem laudem tuam.

Os meum annuntiábit justitiam tuam : \* tota die salutáre tuum.

Quóniam non cognóvi litteratúram, introibo in poténtias Dómini : \* Dómine memorábor justitiæ tuæ solius.

Deus docuisti me a juventute mea : \* et usque nunc pronuntiábo mirabilia tua :

Et usque in senéctam et sénium : \* Deus ne derelinquas me,

Donec annúntiem bráchium tuum \* generatióni omni, quæ ventúra est :

Poténtiam tuam, et justitiam tuam Deus usque in altíssima, quæ fecisti magnália : \* Deus quis similis tibi?

Quantas ostendísti mihi tribulationes multas, et malas : & et conversus vivificásti me : \* et de abyssis terræ iterum re-duxisti me :

Multiplicásti magnificéntiam tuam : \* et conversus consolátus es me.

Nam et ego confitébor tibi in vasis psalmi veritatem

tuam : \* Deus psallam tibi in cithara, sanctus Israel.

Exsultábunt lábia mea cum cantávero tibi : \* et ánima mea, quam redemisti.

Sed et lingua mea tota die meditábitur justitiam tuam : \* cum confúsi et réveríti fúerint qui quærunt mala mihi.

Áñã. Deus meus éripe me de manu peccatóris.

℟. Exsúrge Dómine. ℞. Et júdica causam meam.

Dicto Pater noster. secreto, non pronuntietur Et ne nos., sed facto signo a Præfato, Lector incipiat legere; et hoc etiam fiat ante quartam et septimam Lectionem. Jube domne. et Tu autem. non dicantur, sed finita Lectione sive Lamentatione, immediate inchoetur Responsorium.

Incipit Lamentátio Jeremiæ Prophætæ.

Lectio j. Aleph. Thren. 1.

**Q**UOMODO sedet sola civitas plena pópulo : facta est quasi vidua dómína géntium : princeps provinciárum facta est sub tribúto.

Beth. Plorans plorávit in nocte, et lácrimæ ejus in maxillis ejus : non est qui consolétur eam ex ómnibus caris ejus : omnes amici ejus spreverunt eam, et facti sunt ei inimici.

Ghimel. Migrávit Judas propter afflictiónem, et multitudinem servitútis : habitávit inter gentes, nec invénit réquiem : omnes persecutóres ejus apprehenderunt eam inter angústias.

Jerúsalem, Jerúsalem, convertere ad Dóminum Deum tuum.



† Et ita usque ad Sabbatum sanctum inclusive, terminentur Lectiones Jeremiæ.

R̃. j. In monte Oliveti orávit ad Patrem : Pater, si fieri potest, tránseat a me calix iste. Spiritus quidem promptus est, caro autem infirma : \* Fiat volúntas tua. Ṽ. Verúntamen non sicut ego volo, sed sicut tu vis. — Fiat volúntas tua.

Lectio ij.

Daleth.

Ṽ. IÆ Sion lugent, eo quod non sint qui véniant ad solemnitatē : omnes portæ ejus destrúctæ : sacerdotes ejus geméntes : virgines ejus squálidæ, et ipsa opprèssa amaritúdine.

He. Facti sunt hostes ejus in cápite, inimici ejus locupletati sunt : quia Dóminus locutus est super eam propter multitudinem iniquitatum ejus : párvuli ejus ducti sunt in captivitatem ante faciē tribulantis.

Vau. Et egréssus est a filia Sion omnis decor ejus : facti sunt principes ejus velut aríetes non inveniētes páscua : et abiérunt absque fortitúdine ante faciē subsequēntis.

Jerúsalem, Jerúsalem, convertere ad Dóminum Deum tuum.

R̃. ij. Tristis est ánima mea usque ad mortem : sustinète hic, et vigiláte mecum : nunc vidébitis turbam, quæ circúmdabit me : \* Vos fugam capiétis, et ego vadam immolari pro vobis. Ṽ. Ecce appropinquat hora, et Filius hóminis tradétur in manus peccatórum. — Vos fugam capiétis.

Lectio iij.

Zain.

R̃. RECORDATA est Jerúsalem diérum afflictiónis suæ, et prævaricacónis ómnium desiderabilium suorum, quæ habuerat a diébus antiquis, cum caderet pópulus ejus in manu hostili, et non esset auxiliátor : vidérunt eam hostes, et deriserunt sábbata ejus.

Heth. Peccátum peccávit Jerúsalem, propterea instábilis facta est : omnes, qui glorificábant eam, spreverunt illam, quia vidérunt ignominiam ejus : ipsa autem gemens convérta est retrórsum.

Teth. Sordes ejus in pédibus ejus, nec recordata est finis sui : depósita est vehemēter, non habens consolatórem : vide Dómine afflictiónem meam, quóniam eréctus est inimicus.

Jerúsalem, Jerúsalem, convertere ad Dóminum Deum tuum.

R̃. iij. Ecce vidimus eum non habentem spéciem, neque decorem : aspéctus ejus in eo non est : hic peccata nostra portávit, et pro nobis dolet : ipse autem vulnerátus est propter iniquitates nostras : \* Cujus livóre sanáti sumus. Ṽ. Vere languóres nostros ipse tulit, et dolóres nostros ipse portávit. — Cujus livóre sanáti sumus. R̃. Ecce vidimus eum.

## IN II. NOCTURNO.

Psalmus 71.

D̃. DEUS judícium tuum regi da : \* et justitiam tuam filio regis :

Judicare pópulum tuum in justitia, \* et páuperes tuos in judicio.

Suscipiant montes pacem pópulo : \* et colles justítiam.

Judicábit páuperes pópuli, et salvos faciét filios páuperum : \* et humiliábit calumniatórem.

Et permanébit cum sole, et ante lunam, \* in generatióne et generatióne.

Descéndet sicut plúvia in vellus : \* et sicut stillicidia stillántia super terram.

Oriétur in diébus ejus justítia et abundántia pacis : \* donec auferátur luna.

Et dominábitur a mari usque ad mare : \* et a flúmine usque ad téminos orbis terrárum.

Coram illo prócident Æthiopes : \* et inimici ejus terram lingent.

Reges Tharsis, et insulæ múnera ófferent : \* reges Arabum, et Saba dona addúcent :

Et adorábunt eum omnes reges terræ : \* omnes gentes sérvient ei :

Quia liberábit páuperem a poténite : \* et páuperem, cui non erat adjútor.

Parcet páuperi et inopi : \* et ánimas páuperum salvas faciét.

Ex usúris et iniquitáte rédimet ánimas eórum : \* et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper : \* tota die benedicent ei.

Et erit firmaméntum in terra in summis móntium, et superextollétur super Libanum fructus ejus : \* et florébunt de civitate sicut fcenum terræ.

Sit nomen ejus benedictum in sæcula : \* ante solem permanet nomen ejus.

Et benedicéntur in ipso omnes tribus terræ : \* omnes gentes magnificábunt eum.

Benedictus Dóminus Deus Israel, \* qui facit mirabilia solus :

Et benedictum nomen majestátis ejus in ætérnum : et replébitur majestáte ejus omnis terra : \* fiat, fiat.

Aña. Liberávit Dóminus páuperem a poténite : et inopem, cui non erat adjútor.

Psalmus 72.

**Q**UAM bonus Israel Deus \* his, qui recto sunt corde!

Mei autem pene moti sunt pedes : \* pene effúsi sunt gressus mei.

Quia zelávi super iniquos, \* pacem peccatórum videns.

Quia non est respéctus mortí eórum : \* et firmaméntum in plaga eórum.

In labóre hóminum non sunt, \* et cum homínibus non flagellabúntur :

Ideo ténuít eos supérbia, \* opérti sunt iniquitáte et impietate sua.

Pródiit quasi ex ádipe iniquitas eórum : \* transiérunt in afféctum cordis.

Cogitavérunt, et locúti sunt nequitiam : \* iniquitátem in excélsó locúti sunt.

Posuérunt in cælum os suum : \* et lingua eórum transívit in terra.

Ideo convertétur pópulus meus hic : \* et dies pleni inveníéntur in eis.

Et dixérunt : Quómodo scit Deus, \* et si est sciéntia in excélsó?

Ecce ipsi peccatóres, et abundántes in sæculo, \* obtinuérunť divítias.

Et dixi : & Ergo sine causa  
justificávi cor meum, \* et lavi  
inter innocéntes manus meas :

Et fui flagellátus tota die, \*  
et castigatio mea in matutinis.

Si dicébam : Narrábo sic : \*  
ecce natióem filiórum tuórum  
reprobávi.

Existimábam ut cognóscerem  
hoc, \* labor est ante me :

Donec intrem in Sanctuá-  
rium Dei : \* et intélligam in  
novissimis eórum.

Verúntamen propter dolos  
posuisti eis : \* deiecisti eos  
dum alleveréntur.

Quómodo facti sunt in deso-  
latiõem, súbito defecérunt : \*  
periérunt propter iniquitátem  
suam.

Velut sómniū surgéntium  
Dómine, \* in civitatē tua imá-  
ginem ipsórum ad nihilum  
redígēs.

Quia inflammátum est cor  
meum, & et renes mei commu-  
tati sunt : \* et ego ad nihilum  
redáctus sum, et nescivi.

Ut juméntum factus sum apud  
te : \* et ego semper tecum.

Tenuisti manū dexteram  
meam : & et in voluntáte tua  
deduxisti me, \* et cum glória  
suscepisti me.

Quid enim mihi est in cælo? \*  
et a te quid volui super terram?

Defecit caro mea, et cor  
meum : \* Deus cordis mei, et  
pars mea Deus in ætérnum.

Quia ecce, qui elóngant se a  
te, peribunt : \* perdidisti om-  
nes, qui fornicántur abs te.

Mihi autem adhærere Deo  
bonum est : \* pónere in Dómi-  
no Deo spem meam :

Ut annúntiem omnes prædi-  
cationes tuas, \* in portis filiæ  
Sion.

Añā. Cogitavérunt impij, et  
locúti sunt nequitiā : iniqui-  
tátem in excélso locúti sunt.

### Psalmus 73.

**U**T quid Deus repulisti in  
finem : \* irátus est furor  
tuus super oves páscae tuæ?  
Memor esto congregatiónis  
tuæ, \* quam possedisti ab initio.  
Redemisti virgam hereditátis  
tuæ : \* mons Sion, in quo  
habitásti in eo.

Leva manus tuas in super-  
bias eórum in finem : \* quanta  
malignátus est inimicus in  
sancto!

Et gloriáti sunt qui odérunt  
te : \* in médio solemnitatís tuæ.

Posuérunt signa sua, signa : \*  
et non cognovérunt sicut in  
éxitu super summum.

Quasi in silva lignórum secú-  
ribus exciderunt jánuas ejus  
in idipsum : \* in secúri, et  
áschia dejecérunt eam.

Incendérunt igni Sanctuá-  
rium tuum : \* in terra pollué-  
runt tabernáculum nóminis tui.

Dixerunt in corde suo cogná-  
tio eórum simul : \* quiescere  
faciámus omnes dies festos  
Dei a terra.

Signa nostra non vidimus, &  
jam non est prophéta : \* et nos  
non cognóscet ámplius.

Usquequo Deus impropérabit  
inimicus : \* irritat adversárius  
nomen tuum in finem?

Ut quid avértis manū tuam,  
et dexteram tuam, \* de médio  
sinu tuo in finem?

Deus autem rex noster ante  
sæcula : \* operátus est salú-  
tem in médio terræ.

Tu confirmásti in virtúte tua  
mare : \* contribulásti cápita  
dracónum in aquis.



Tu confregisti cápita dracónis : \* dedisti eum escam pópulis Æthiopum.

Tu dirupisti fontes, et torrén-tes : \* tu siccásti flúvios Ethan.

Tuus est dies, et tua est nox : \* tu fabricátus es auróram et solem.

Tu fecisti omnes términos terræ : \* æstátem et ver tu plasmásti ea.

Memor esto hujus, inimicus improperávit Dómino : \* et pópulus insipiens incitávit nomen tuum.

Ne tradas béstiis ánimas confitentes tibi, \* et ánimas páuperum tuórum ne obliviscáris in finem.

Réspice in testaméntum tuum : \* quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : \* pauper et inops laudábunt nomen tuum.

Exsúrge Deus, júdica causam tuam : \* memor esto impropériórum tuórum, eórum quæ ab insipiente sunt tota die.

Ne obliviscáris voces inimicórum tuórum : \* supérbia eórum, qui te odérunt, ascéndit semper.

Añá. Exsúrge Dómine, et júdica causam meam.

Ÿ. Deus meus éripe me de manu peccatóris. R̃. Et de manu contra legem agéntis et iniqui.

Pater noster. secreto.

Sermo sancti Leónis Papæ.

(Serm. 7. de Passione.)

Lectio iv.

**I**NCIPIENTES, dilectíssimi, de Passióne Dómini tractáre, divino intelligimus dispósitum

fuisse consílio, ut sacrilegi Judæórum príncipes, et impii sacerdótes, qui sæviéndi in Christum occasiónes sæpe quæsiverant, nonnisi in solémnitate Pascháli exercéndi furóris sui acciperent potestátem. Oportébat enim ut manifestó impleréntur effectú, quæ diu fúerant figurátio promissa mystério : et uno explerétur sacrificio variárum differentia victimárum. Ut ergo umbræ céderent córpori, et cessárent imágines sub præsentia veritátis : antiqua observántia novo exclúditur sacraménto. Hóstia in hóstiam transit, et ságuine sanguis aufertur : et legális festivitas, dum mutátur, implétur.

R̃. iv. Amicus meus ósculi me tradidit signo. Quem osculátus fúero, ipse est, tenéte eum. Hoc malum fecit signum, qui per ósculum adimplévit homicídium. \* Infélix prætermisit prétium ságuinis, et in fine láqueo se suspendit. Ÿ. Filius quidem hómínis vadit, sicut scriptum est de illo : vae autem hómíni illi, per quem tradétur. — Infélix.

Lectio v.

**I**NCIPIENTE enim festivitáte Pascháli, qui ornáre templum, vasa mundáre, victimas providére debúerant, in unum facinus conjúrant : ut et nova mystéria non apprehénderent, et antiqua violárent. Providéntibus ergo ne in die sancto tumultus orirétur, non festivitáti, sed facinori studebátur : metuebántque, non ut pópulus non peccáret, sed ne Christus eváderet. At Jesus consílii sui

certus, vetus testaméntum consummábat, et novum Pascha condébat. Et cum in Cáiphæ átrio tractarétur, quómodo Christus debéret occídi : ille Córpóris et Sánguínis sui órđinans sacraméntum, docébat qualis Deo hóstia debéret offérri : nec traditóre submóto, ut ostenderétur nulla injúria exasperátus.

Ꝛ. v. Unus ex vobis tradet me hódie : væ illi, per quem tradar ego : \* Mélius illi erat, si natus non fuisset. V. Qui intíngit mecum manum in parópside, hic me traditúrus est in manus peccatórum. — Mélius illi erat, si natus non fuisset.

Lectio vj.

**D**ICENS quoque, Unus vestrum me traditúrus est, notam sibi traditóris ac proditóris consciéntiam demonstrávit : non áspéra, nec apérta ímpium increpatióne confúndens, sed leni ac tácita admonitíone convéniens : ut facilius corrigeret pœnitúdo, quem nulla deformáset abjéctio. Cur, infélix Juda, tanta benignitáte non úteris? Ecce parcit áusibus tuis Dóminus, et nulli te, nisi tibi, indicat Christus. Nec nomen tuum, nec persóna detégitur : sed veritátis et misericórdiæ verbo, cordis tui tantum arcána tanguntur. Non Apostólici órđinis honor, non sacramentórum tibi commúnio denegátur. Redi in íntegrum, et depósito furóre respisce. Cleméntia invitát, salus pulsát : ad vitam te vita révocát.

Ꝛ. vj. Eram quasi agnus innocens : ductus sum ad immolán-

dum, et nesciébam : consilium fecérunt inimíci mei advérsum me, dicéntes : \* Veníte, mittámus lignum in panem ejus, et eradámus eum de terra vivéntium. V. Omnes inimíci mei advérsum me cogitábant mala mihi : verbum iníquum mandavérunt advérsum me, dicéntes. — Veníte. Ꝛ. Eram quasi agnus innocens.

IN III. NOCTURNO.

Psalmus 74.

**C**ONFITEBIMUR tibi Deus : \* confitébimur, et invocábimus nomen tuum.

Narrábimus mirabilia tua : \* cum accépero tempus, ego justitias judicábo.

Liquefacta est terra, et omnes qui hábitant in ea : \* ego confirmávi columbas ejus.

Dixi iníquis : Nolite inique ágere : \* et delinquentibus : Nolite exaltáre cornu :

Nolite extóllere in altum cornu vestrum : \* nolite loqui advérsus Deum iniquitátem.

Quia neque ab oriénte, neque ab occidénte, neque a desértis móntibus : \* quóniam Deus judex est.

Hunc humiliát, et hunc exáltat : \* quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinanita : \* bibent omnes peccatóres terræ.

Ego autem annuntiábo in sæculum : \* cantábo Deo Jacob.

Et ómnia córnua peccatórum confringam : \* et exaltabúntur córnua justí.

Añá. Dixi iníquis : Nolite loqui advérsus Deum iniquitátem.

## Psalmus 75.

**N**OTUS in Judæa Deus : \*  
in Israel magnum nomen  
ejus.

Et factus est in pace locus  
ejus : \* et habitatio ejus in  
Sion.

Ibi confrégit poténtias ár-  
cum, \* scutum, gládium, et  
bellum.

Illúminans tu mirabiliter a  
móntibus ætérnis : \* turbáti  
sunt omnes insipientes corde.

Dormiérunt somnum suum : \*  
et nihil invenérunt omnes viri  
divitiárum in má nibus suis.

Ab increpatione tua Deus  
Jacob \* dormitavérunt qui  
ascendérunt equos.

Tu terribilis es, et quis resistet  
tibi? \* ex tunc ira tua.

De cælo auditum fecisti judi-  
cium : \* terra trémuit et quíevit,  
Cum exsúrgeret in judícium  
Deus, \* ut salvos fáceret om-  
nes mansuétos terræ.

Quóniam cogitatio hóminis  
confitébitur tibi : \* et reliquæ  
cogitationis diem festum agent  
tibi.

Vovéte, et réddite Dómino  
Deo vestro : \* omnes qui in  
circúitu ejus affértis múnera.

Terribili et ei qui aufert spi-  
ritum principum, \* terribili  
apud reges terræ.

Añá, Terra trémuit et quíe-  
vit, dum resúrgeret in judi-  
cium Deus.

## Psalmus 76.

**V**OCE mea ad Dóminum  
clamávi : \* voce mea ad  
Deum, et inténdit mihi.

In die tribulationis meæ  
Deum exquisívi, má nibus meis  
nocte contra eum : \* et non  
sum decéptus.

Rénuit consolári ánima  
mea, & memor fui Dei, et de-  
lectátus sum, et exercitátus  
sum : \* et defécit spíritus meus.

Anticipavérunt vigilias óculi  
mei : \* turbátus sum, et non  
sum locútus.

Cogitávi dies antiquos : \* et  
annos ætérnos in mente há-  
bui.

Et meditátus sum nocte cum  
corde meo, \* et exercitábar,  
et scopébam spíritum meum.

Numquid in ætérnum projici-  
et Deus : \* aut non appónet  
ut complacitior sit adhuc?

Aut in finem misericórdiam  
suam abscindet, \* a genera-  
tione in generationem?

Aut obliviscétur miseréri  
Deus? \* aut continébit in ira  
sua misericórdias suas?

Et dixi : Nunc cœpi : \* hæc  
mutatio dexteræ Excelsi.

Memor fui óperum Dómini : \*  
quia memor ero ab initio mi-  
rabílium tuórum,

Et meditábor in ómnibus  
opéribus tuis : \* et in adinven-  
tiónibus tuis exercébor.

Deus in sancto via tua : &  
quis Deus magnus sicut Deus  
noster? \* tu es Deus qui facis  
mirabilia.

Notam fecisti in pópulis vir-  
tutem tuam : \* redemisti in  
bráchio tuo pópulum tuum,  
filios Jacob, et Joseph.

Vidérunt te aquæ Deus, &  
vidérunt te aquæ : \* et timué-  
runt, et turbátæ sunt abyssi.

Multitúdo sônitus aquarum : \*  
vocem dedérunt nubes.

Etenim sagittæ tuæ trans-  
eunt : \* vox tonitruí tui in rota.

Illuxérunt coruscationes tuæ  
orbi terræ : \* commóta est et  
contrémuit terra.



In mari via tua, et sémítæ tuæ in aquis multis : \* et vestigia tua non cognoscéntur.

Deduxisti sicut oves pópulum tuum, \* in manu Móysi et Aaron.

Añá. In die tribulatiónis meæ Deum exquisivi má nibus meis.

¶. Homo pacis meæ, in quo sperávi. R. Ampliávit advérsum me supplantatió nem.

Pater noster. secreto.

Sermo sancti Joánnis  
Chrysóstomi.

(Hom. de proditióne Judæ.)

Lectio vij.

**T**UNC ábiit, inquit. Non invitátus a princípibus: sponte procéssit. Unus de duódecim. Septuaginta discipulis non tam interióra commissa sunt. Hæc erat catérva regális : de hoc choro Judas egréssus est. Judas, inquit, Iscariótes. Quid mihi ejus pátriam dicis? Utinam ipsum quoque nescire licuisset! Et dixit eis : Quid vultis mihi dare, et ego eum vobis tradam? O puniéndæ vocis temeritátem! Ideo Magister te divítias debére contémnere prædicábat? O crudelitátem! Dic, quæ causa proditiónis? Fórsitan quod tibi dæmonum trádidit potestátem, quod fecit languéntibus subvenire, quod mórtuos suscitáre didicisti? O verbum totius supérbiæ! Tradis eum, qui cuncta consérvat, qui dæmónibus imperat, cui omnes súb jacent potestátes.

R. vij. Una hora non potuistis vigiláre mecum, qui exhortabámini mori pro me? \* Vel Judam non vidétis, quómodo

non dormit, sed festinat trádere me Judæis. ¶. Dormite jam, et requiéscite : ecce appropinquat, qui me tradet. — Vel Judam non vidétis.

Lectio viij.

**Q**UANDO Judas de traditióne tractábat, dicunt discipuli : Ubi vis parémus tibi Pascha manducáre? Vide discipulos : vide discipulum. Isti sunt de præparatióne solliciti : ille Dominici ságuinis mercátor exsistit. Et illud quidem Pascha Judæórum discipuli præparábant : istud autem, quod nostrum est, ipse Christus constituit. Et dixit : Hoc est corpus meum, quod pro vobis tradétur. Hic est sanguis meus, qui pro multis effundétur. O Christi misericórdia! O Judæ deméntia! Ille eum paciscebátur, ut vénderet : Christus ei ságuinem, quem véndidit, offerébat, ut habéret remissió nem peccatórum, si tamen impius exsistere noluisse. Nam sacrificii communicatió nem méruit, et pedes ejus lavit Christus : ut excusatió nem suæ malitiæ non habéret.

R. viij. Senióres pópuli consilium fecérunt, \* Ut Jesum dolo tenérent, et occiderent : cum gládiis, et fústibus exiérunt tamquam ad latró nem. ¶. Collegérunt ergo Pontífices et Pharisæi concilium. — Ut Jesum dolo tenérent.

Lectio ix.

**S**ED jam ad terribilem mentem cum debíta reveréntia, cum cógrua vigilántia, oportúnum tempus invitat. Nullus ibi Judas reperiátur, nullus malignus accédát : nec insidiæ

—  
m  
ac  
Pi  
co  
pu  
nc  
at  
sic  
sa  
gt  
pe  
in  
es  
re  
sa  
gu  
mi  
m  
rie  
R  
tá  
eu  
eri  
ró  
di  
a  
ru  
dit  
ult  
R.  
†  
no  
sec

N  
cón  
E  
mí  
ini  
A  
tát  
mi  
Q  
ego  
me

mente condántur. Nullus fictus accédât, nullus fucâto ânimo. Pura igitur sit mens, pura cogitatio : quia et sacrificium purum est. Dóminus quidem noster, corpus assumptum abláturus ex óculis nostris, et sidéribus illáturus, in hac die sacraméntum Córporis et Sanguinis sui consecrávit : ut perénis illa victima víveret in memória, et semper præsens esset in grátia. Cum igitur ad reveréndum altáre ascéndis, sacrum Dei tui Corpus et Sanguinem fide réspice, honóre miráre, mente continge, cordis manu súscipe, et gustu interióri assúme.

R. ix. Revelábunt cæli iniquitátem Judæ, et terra advérsus eum consúrget : et manifestum erit peccátum illius in die furoris Dómini : \* Cum eis, qui dixerunt Dómino Deo : Recéde a nobis, sciéntiam viarum tuarum nólumus. V. In diem perditionis servábitur, et ad diem ultiónis ducétur. — Cum eis. R. Revelábunt cæli.

† Hoc triduo, finito ix. R., non dicatur V. ante Laudes, sed statim inchoetur

#### AD LAUDES

Psalmus 50.

**M**ISERERE mei Deus, \* secundum magnam misericórdiam tuam.

Et secundum multitudinem miserationum tuarum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognósco : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus conceptus sum : \* et in peccátis concépit me mater mea.

Ecce enim veritátem dilexisti : \* incérta, et occúltá sapientiæ tuæ manifestásti mihi.

Aspérge me hyssópo, et mundabor : \* lavábis me, et super nivem dealbabor.

Auditui meo dabis gáudium et lætítiam : \* et exultábunt ossa humiliáta.

Avérte faciém tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a facië tua : \* et spíritum sanctum tuum ne áuferas a me.

Redde mihi lætítiam salutáris tui : \* et spíritu principalí confirma me.

Docébo iníquos vias tuas : \* et impii ad te converténtur.

Libera me de sanguinibus Deus, Deus salutis meæ : \* et exultábit lingua mea justitiam tuam.

Dómine, lábia mea apéries : \* et os meum annuntiábit laudem tuam.

Quóniam si voluisses sacrificium, dedissem útique : \* holocáustis non delectaberis.

Sacrificium Deus spíritus contríbulátus : \* cor contrítum, et humiliátum Deus non despicies.

Benigne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrificium iustitiæ, oblatiões et holocáusta : \* tunc impónent super altáre tuum vítilos.

Añã. Justificéris Dómine in sermónibus tuis, et vincas cum iudicáris.

Psalmus 89.

**D**OMINE, refúgium factus es nobis : \* a generatiõe in generatiõem.

Priùsquàm montes fierent, aut formarétur terra, et orbis : \* a sæculo et usque in sæculum tu es Deus.

Ne avértas hóminem in humilitátem : \* et dixisti : Convertimini filii hóminum.

Quóniam mille anni ante oculos tuos, \* tamquam dies hestérna, quæ prætériit,

Et custódia in nocte, \* quæ pro nihilo habéntur, eórum anni erunt.

Mane sicut herba tránseat, & mane flóreat, et tránseat : \* vespere décidat, indúret, et aréscat.

Quia defécimus in ira tua, \* et in furóre tuo turbáti sumus.

Posuisti iniquitátes nostras in conspéctu tuo : \* sæculum nostrum in illuminatiõe vultus tui.

Quóniam omnes dies nostri defecerunt : \* et in ira tua defécimus.

Anni nostri sicut aránea meditabúntur : \* dies annórum nostrórum in ipsis, septuaginta anni.

Si autem in potentátibus, octoginta anni : \* et ámplius eórum, labor et dolor.

Quóniam supervénit mansuetúdo : \* et corripiémur.

Quis novit potestátem iræ tuæ : \* et præ timóre tuo iram tuam dinumeráre?

Déxeram tuam sic notam fac : \* et eruditos corde in sapiéntia.

Convértere Dómine úsquequo? \* et deprecábilis esto super servos tuos.

Repléti sumus mane misericórdia tua : \* et exsultávimus, et delectáti sumus ómnibus diébus nostris.

Lætáti sumus pro diébus, quibus nos humiliásti : \* annis, quibus vidimus mala.

Réspice in servos tuos, et in ópera tua : \* et dirige filios eórum.

Et sit splendor Dómini Dei nostri super nos, et ópera mánuum nostrárum dirige super nos : \* et opus mánuum nostrárum dirige.

Añã. Dóminus tamquam ovis ad victimam ductus est, et non apéruit os suum.

Psalmus 62.

**D**EUS Deus meus \* ad te de luce vígilo.

Sitívit in te ánima mea, \* quam multipliciter tibi caro mea.

In terra desérta, et in via, et inaquósa : & sic in sancto apparui tibi, \* ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiõis laudábit os meum.



Si memor fui tui super stratum meum, & in matutinis meditabor in te : \* quia fuisti adiutor meus.

Et in velamento alarum tuarum exultabo, & adhæsit anima mea post te : \* me suscepit dextera tua.

Ipsi vero in vanum quæsiérunt animam meam, & introibunt in inferiора terræ : \* tradéntur in manus gládii, partes vûlpium erunt.

Rex vero lætabitur in Deo, & laudabúntur omnes qui jurant in eo : \* quia obstructum est os loquéntium iniqua.

Psalmus 66

**D**EUS misereátur nostri, et benedicat nobis : \* illúmet vultum suum super nos, et misereátur nostri.

Ut cognoscámus in terram viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exsúltent gentes : & quóniam júdicas pópulos in æquitáte, \* et gentes in terra dirigis.

Confiteántur tibi pópuli Deus : & confiteántur tibi pópuli omnes : \* terra dedit fructum suum.

Benedicat nos Deus, Deus noster, & benedicat nos Deus ; \* et métuant eum omnes fines terræ.

Añã. Contrítum est cor meum in médio mei : contremuérunt ómnia ossa mea.

Canticum Moysis. Exodi 15.

**C**ANTEMUS Dómino : glorióse enim magnificátus est, \* equum et ascensórem dejécit in mare.

Fortitúdo mea, et laus mea Dóminus, \* et factus est mihi in salutem :

Iste Deus meus, et glorificábo eum : \* Deus patris mei, et exaltábo eum.

Dóminus quasi vir pugnátor, omnípotens nomen ejus. \* Currus Pharaónis et exercitum ejus projécit in mare :

Elécti principes ejus submersi sunt in Mari rubro. & Abyssi operuérunt eos, \* descendérunt in profúndum quasi lapides.

Déxtera tua Dómine magnificáta est in fortitúdine : & déxtera tua, Dómine, percússit inimicum. \* Et in multitudíne glóriæ tuæ deposuisti adversários tuos :

Misisti iram tuam, quæ devorávit eos sicut stipulam. \* Et in spiritu furórís tui congregátæ sunt aquæ :

Stetit unda fluens, \* congregátæ sunt abyssi in médio mari.

Dixit inimicus : Persequar et comprehéndam, & dividam spólia, \* implébitur ánima mea :

Evaginábo gládium meum, \* interficiet eos manus mea.

Flavit spiritus tuus, et opéruit eos mare : \* submersi sunt quasi plumbum in aquis veheméntibus.

Quis similis tui in fórtibus Dómine? \* quis similis tui, magníficus in sanctitáte, terribilis atque laudábilis, faciens mirabilia?

Extendisti manum tuam, & et devorávit eos terra. \* Dux fuisti in misericórdia tua pópulo quem redemisti :

Et portásti eum in fortitúdine tua, \* ad habitáculum sanctum tuum.

Ascendérunt pópuli, et iráti sunt : \* dolóres obtinuérunt habitatóres Philistiim.

Tunc conturbáti sunt príncipes Edom, robústos Moab obtínuit tremor : \* obriguérunt omnes habitatóres Chánaan.

Irruat super eos formido et pavor, \* in magnitúdine bráchii tui :

Fiant immóbiles quasi lapis, & donec pertránsat pópulus tuus Dómine, \* donec pertránsat pópulus tuus iste, quem possedisti.

Introdúces eos, et plantábis in monte hereditátis tuæ, \* firmissimo habitáculo tuo quod operátus es Dómine :

Sanctuárium tuum Dómine, quod firmavérunt manus tuæ. \* Dóminus regnábit in ætérnum et ultra.

Ingréssus est enim eques Phárao cum curríbus et equítibus ejus in mare : \* et redúxit super eos Dóminus aquas maris :

Filii autem Israel ambulavérunt per siccum \* in médio ejus.

Aña. Exhortátus es in virtúte tua, et in refectióne sancta tua, Dómine.

#### Psalmus 148.

**L**AUDATE Dóminum de cælis : \* laudáte eum in excélsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælos sunt, laudent nomen Dómini.

Quia ipse dixit, et facta sunt : \* ipse mandávit, et creata sunt.

Státuit ea in ætérnum, et in sæculum sæculi : \* præcéptum pósuit, et non præteribit.

Laudáte Dóminum de terra, \* dracónes, et omnes abyssi.

Ignis, grando, nix, glácies, spíritus procellárum : \* quæ faciunt verbum ejus :

Montes, et omnes colles : \* ligna fructífera, et omnes cedri.

Béstiae, et univérsa pécora : \* serpéntes, et vólucres pennatæ :

Reges terræ, et omnes pópuli : \* príncipes, et omnes júdices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solius.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israel, pópulo appropinquánti sibi.

#### Psalmus 149.

**C**ANTATE Dómino cánticum novum : \* laus ejus in ecclésia sanctórum.

Lætétur Israel in eo, qui fecit eum : \* et filii Sion exsúltent in rege suo.

Laudent nomen ejus in choro : \* in tympano, et psaltério psallant ei :

Quia beneplácitum est Dómino in pópulo suo : \* et exaltábit mansuétos in salútem.

Exsultábunt sancti in glória : \* lætabúntur in cubilibus suis.

Ex-  
eóru  
in n  
Ad  
nati  
pópi  
Ad  
in c  
eóru  
Ut  
cont  
ómr

L  
firm  
La  
ejus  
dum  
nis  
La  
lauc  
cith  
La  
cho  
dis,  
La  
ben  
eun  
om  
nur  
Ai  
vól  
por  
Ci  
Hy  
fini  
che  
C  
B  
fec  
sua  
E  
bis  
sui  
S

Exaltationes Dei in gutture  
eorum : \* et gladii ancipites  
in manibus eorum :

Ad faciendam vindictam in  
nationibus : \* increpationes in  
populis.

Ad alligandos reges eorum  
in compedibus : \* et nobiles  
eorum in manicis ferreis.

Ut faciant in eis iudicium  
conscriptum : \* gloria hæc est  
omnibus sanctis ejus.

Psalmus 150.

**L**AUDATE Dominum in san-  
ctis ejus : \* laudate eum in  
firmamento virtutis ejus.

Laudate eum in virtutibus  
ejus : \* laudate eum secun-  
dum multitudinem magnitudi-  
nis ejus.

Laudate eum in sono tubæ : \*  
laudate eum in psalterio, et  
cithara.

Laudate eum in tympano, et  
choro : \* laudate eum in chor-  
dis, et organo.

Laudate eum in cymbalis  
benesonantibus : \* laudate  
eum in cymbalis jubilationis : \*  
omnis spiritus laudet Domi-  
num.

Añā. Oblatus est, quia ipse  
voluit : et peccata nostra ipse  
portavit.

Capitulum non dicitur, nec  
Hymnus, nec Versiculus; sed  
finita quinta Antiphona, in-  
choetur

Canticum Zachariæ. Luc. 1.

**B**ENEDICTUS Dominus Deus  
Israel, \* quia visitavit, et  
fecit redemptionem plebis  
sue :

Et erexit cornu salutis no-  
bis : \* in domo David pueri  
sui.

Sicut locutus est per os san-

ctorum, \* qui a sæculo sunt,  
prophetarum ejus :

Salutem ex inimicis nostris, \*  
et de manu omnium, qui odè-  
runt nos :

Ad faciendam misericordiam  
cum patribus nostris : \* et me-  
morari testamenti sui sancti.

Jusjurandum, quod juravit  
ad Abraham patrem nostrum, \*  
datum se nobis :

Ut sine timore, de manu ini-  
micorum nostrorum liberati, \*  
serviamus illi.

In sanctitate, et justitia co-  
ram ipso, \* omnibus diebus  
nostris.

Et tu puer, Propheta Altissi-  
mi vocaberis : \* praeibis enim  
ante faciem Domini parare  
vias ejus :

Ad dandam scientiam salutis  
plebi ejus : \* in remissionem  
peccatorum eorum :

Per viscera misericordiae Dei  
nostri : \* in quibus visitavit  
nos oriens ex alto :

Illuminare his, qui in tene-  
bris, et in umbra mortis se-  
dent : \* ad dirigendos pedes  
nostros in viam pacis.

Añā. Traditor autem dedit  
eis signum dicens : Quem  
osculatus fuero, ipse est, te-  
nente eum.

Finita Antiphona post Bene-  
dictus, duo Fratres stantes  
ante gradus Altaris dicant :

Kyrie eléison. Et Choro re-  
spondente Kyrie eléison ite-  
rum illi duo Fratres dicant :  
Kyrie eléison.

Deinde alii duo Fratres stan-  
tes in medio Chori dicant :  
Domine miserere. Et Chorus  
respondeat : Christus Dominus  
factus est obediens usque ad  
mortem.



Item Fratres qui sunt ante gradus cantent Versum : Qui passurus advenisti propter nos. Et Chorus dicat : Christe eléison.

Item Fratres ante gradus V. Qui expánsis in cruce má nibus traxisti ómnia ad te sæcula. Item Chorus : Christe eléison.

Item Fratres ante gradus V. Qui prophétice prompsisti : Ero mors tua, o mors. Item Chorus : Christe eléison.

Deinde duo Fratres in medio Chori stantes dicant : Dómine miserére. Et Chorus respondeat : Christus Dóminus factus est obédiens usque ad mortem.

Item Fratres ante gradus dicant : Kyrie eléison. Et Chorus : Kyrie eléison. Et Fratres ante gradus : Kyrie eléison.

Deinde duo Fratres in medio Chori stantes dicant : Dómine miserére. Et Chorus respondeat : Christus Dóminus factus est obédiens usque ad mortem.

Item Fratres ante gradus dicant alta voce : Mortem autem crucis.

Interim dum hæc cantantur, Fratres stent versi ad Altare.

Finito Versu Mortem autem crucis, prosternant se omnes, et dicto Pater noster. secreto, Conventus mediocri voce alternatim dicat Psalmum 50. Miserére mei Deus, pag. 437.

Deinde, absque Dóminus vobiscum. et absque Orémus., dicatur Oratio.

**R**ESPICE, quæsumus Dómine, super hanc familiam tuam: pro qua Dóminus noster Jesus Christus non dubitávit má nibus tradi nocéntium, et crucis subíre torméntum.

Non dicatur Qui tecum., neque Amen., neque Benedicámus Dómino., neque Fidélium.; sed dicto post Orationem Pater noster., facto signo surgant omnes, et sic terminentur Matutinæ hoc triduo.

† Hac die non fiant prostrationes ad Horas, propter solemnitatem Cenæ, nisi in hac Hora Laudum tantum.

† Usque ad Completorium Sabbati exclusive, non dicatur Deus in adjutórium. in principio Horarum; nec Convérte nos. ad Completorium; nec Glória Patri in fine Psalmorum et Canticorum, nisi in Vesperis Sabbati; nec Capitulum, nec Hymnus, nec R. nec Versiculus, nec Dóminus vobiscum., nec Orémus., nec Qui tecum vivit., nec Benedicámus Dómino., nec Fidélium. post Horas. More tamen solito dicatur Pater noster.

† Antiphonæ vero Salve Regina. et Pie Pater Dominice. cum Versiculis et Orationibus in terminatione Horarum dici solitis omittantur usque ad Pascha exclusive.

#### AD PRIMAM.

Dicto Pater noster. et Credo in Deum., postquam versis vultibus ad Altare Fratres se signaverint, dicantur tres Psalmi consueti absque Glória Patri.

Super Psalmos Añá. Christus factus est pro nobis obédiens usque ad mortem, mortem autem crucis.

Dicta post Psalmos Antiphona, absque Kyrie eléison. et Precibus, et sine Psalmo Miserére. dicatur

## Oratio.

**R**ESPICE, quæsumus Dómine, super hanc familiam tuam, pro qua Dóminus noster Jesus Christus non dubitávit manibus tradi nocéntium, et crucis subire torméntum.

Confiteor. non dicatur usque ad Completorium Sabbati exclusive.

## AD PRETIOSA.

Pronuntiatis Luna et quæ de Calendario et Martyrologio pronuntianda sunt, et responso Deo grátias., dicatur Pretiosa. hoc modo :

¶ Pretiosa est in conspéctu Dómini. R. Mors Sanctórum ejus.

## Oratio absque Orémus.

**S**ANCTA María et omnes Sancti intercédant pro nobis ad Dóminum : ut mereámur adjuvári ab eo, qui vivit et regnat per ómnia sæcula sæculórum. R. Amen.

¶ Deus in adjutórium meum inténde. R. Dómine ad adjuvándum me festína.

Hic ¶. Deus in adjutórium. cum R. Dómine ad adjuvándum. ter dicatur.

Deinde, omisso Glória Patri., subjungatur : Kyrie eléison. Christe eléison. Kyrie eléison. Pater noster... Et ne nos inducas in tentationem. R. Sed libera nos a malo.

¶ Réspice Dómine in servos tuos, et in ópera tua, et dirige filios eórum. R. Et sit splendor Dómini Dei nostri super nos, et ópera mánuum nostrárum dirige super nos : et opus mánuum nostrárum dirige.

## Oratio absque Orémus.

**D**IRIGERE et sanctificáre dignéris Dómine sancte, Pater omnipotens, ætérne Deus, hódie corda et córpora nostra in lege tua, et in opéribus mandatórum tuórum, ut hic, et in ætérnum, te auxiliánte, semper salvi esse mereámur. Per Christum Dóminum nostrum. R. Amen.

Jube domne benedicere.

Benedictio. Divínium auxilium máneat semper nobíscum. R. Amen.

## Evangelium.

Secúndum Joánnem. Cap. 13.

**A**NTE diem festum Paschæ, sciens Jesus quia venit hora ejus ut transeat ex hoc mundo ad Patrem : cum dilexisset suos, qui erant in mundo, in finem dilexit eos. Tu autem Dómine miserere nostri. R. Deo grátias.

Commemoratio Fratrum, Sorórum, Familiárium, Benefactorum defunctorum Ordinis nostri.

Requiescant in pace. R. Amen.

## Psalmus 116.

**L**AUDATE Dóminum omnes gentes : \* laudáte eum omnes pópuli.

Quóniam confirmáta est super nos misericórdia ejus : \* et veritas Dómini manet in ætérnum.

Deinde, omisso Glória Patri., sequitur :

¶ Osténde nobis Dómine misericórdiam tuam. R. Et salutare tuum da nobis.

Dóminus vobíscum. R. Et cum spiritu tuo.

Orémus.

Oratio.

Oratione et Absolutione, ut  
pag. 198\*. notatum est.

**A**CTIONES nostras, quæsumus Dómine, aspirando præveni et adjuvando proséquere : ut cuncta nostra operatio a te semper incipiat, et per te cepta finiatur. Per Christum Dóminum nostrum. R. Amen.

V. Adjutórium nostrum in nómine Dómini. R. Qui fecit cælum et terram.

Non dicatur Fidélium ánimæ.

AD TERTIAM,  
SEXTAM ET NONAM.

Dicto Pater noster., postquam versis vultibus ad Altare Fratres se signaverint, dicantur Psalmi consueti, absque Glória Patri.

Super Psalmos Añ. Christus factus est pro nobis obédiens usque ad mortem, mortem autem crucis.

Dicta post Psalmos Antiphona, absque Kyrie eléison. et Precibus, et sine Psalmo Miserere. dicatur Oratio.

**R**ESPICE, quæsumus Dómine, super hanc familiam tuam, pro qua Dóminus noster Jesus Christus non dubitávit má nibus tradi nocéntium, et crucis subire torméntum.

Hodie finita Nona, Fratres in Choro prostrati dicant septem Psalmos Pœnitentiales, pag. 193\*, omisso Glória Patri., subjungendo in fine Añam Ne remiscáris. Exsistentes vero extra Chorum ad eos recitandos non teneantur. Deinde dicatur : Kyrie eléison. Christe eléison. Kyrie eléison. Pater noster. Quo finito dicat Prior. Et ne nos indúcas, cum VV.,

AD VESPERAS.

¶ Si Vesperæ intra Missam cantandæ fuerint, facta post Communionem Fratrum Processione, absque Pater noster. et absque Deus in adjutórium. dicantur.

Psalmus 115.

**C**REDIDI, propter quod locutus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors Sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupísti víncula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Añ. Cálicem salutáris accípiam : et nomen Dómini invocábo.

Psalmus 119.

**A**D Dóminum cum tribulárer clamávi : \* et exaudivit me.

Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?



Sagittæ poténtis acútæ, \*  
cum carbónibus desolatóriis.

Heu mihi, quia incolátus  
meus prolongátus est : \* habi-  
tavi cum habitántibus Cedar :  
multum incola fuit ánima mea.

Cum his, qui odérunt pacem,  
eram pacíficus : \* cum loqué-  
bar illis, impugnábant me  
gratis.

Aña. Cum his, qui odérunt  
pacem, eram pacíficus : cum  
loquébar illis, impugnábant  
me gratis.

Psalmus 139.

**E**RIPE me Dómine ab hómine  
malo : \* a viro iníquo éri-  
pe me.

Qui cogitavérunt iniquitátes  
in corde : \* tota die constitué-  
bant prælia.

Acuérent linguas suas sicut  
serpéntis : \* venénúm áspidum  
sub lábiis eórum.

Custódi me Dómine de manu  
peccatóris : \* et ab homínibus  
iníquis éripe me.

Qui cogitavérunt supplantáre  
gressus meos : \* abscondérunt  
supérbi láqueum mihi :

Et funes extendérunt in lá-  
queum : \* juxta iter scándal-  
um posuérunt mihi.

Dixi Dómino : Deus meus es  
tu : \* exáudi Dómine vocem  
deprecatiōis meæ.

Dómine, Dómine virtus salú-  
tis meæ : \* obumbrásti super  
caput meum in die belli :

Ne tradas me Dómine a desi-  
derio meo peccatóri : \* cogi-  
tavérunt contra me, ne dere-  
linquas me, ne forte exalténtur.

Caput circúitus eórum : \*  
labor labiōrum ipsórum opé-  
riet eos.

Cadent super eos carbónes, &

in ignem deícies eos : \* in  
misériis non subsistent.

Vir linguósus non dirigétur  
in terra : \* virum inístum  
mala cápient in intéritu.

Cognóvi quia fáciet Dóminus  
judícium inópis : \* et vindi-  
ctam páuperum.

Verúmtamen justí confite-  
búntur nómini tuo : \* et habi-  
tábunt recti cum vultu tuo.

Aña. Ab homínibus iníquis  
libera me Dómine.

Psalmus 140.

**D**OMINE clamávi ad te, exáu-  
di me : \* inténde voci  
meæ, cum clamávero ad te.

Dirigátur orátio mea sicut  
incensum in conspéctu tuo : \*  
elevátio mánuum meárum sac-  
rificium vespertinum.

Pone Dómine custódiám ori  
meo : \* et óstium circumstán-  
tiæ lábiis meis.

Non declínes cor meum in  
verba malitiæ, \* ad excusán-  
das excusatiōes in peccátis.

Cum homínibus operántibus  
iniquitátem : \* et non commu-  
nicábo cum eléctis eórum.

Corrípiet me justus in miseri-  
córdia et increpábit me : \*  
óleum autem peccatóris non  
impinguet caput meum.

Quóniam adhuc et orátio  
mea in beneplácitis eórum : \*  
absórpti sunt juncti petræ jú-  
dices eórum.

Audient verba mea quóniam  
potuérunt : \* sicut crassitúdo  
terræ erúpta est super ter-  
ram.

Dissipáta sunt ossa nostra  
secus inférnum : & quia ad te  
Dómine, Dómine óculi mei : \*  
in te sperávi, non áuferas áni-  
mam meam.

Custódi me a láqueo, quem statuérunt mihi : \* et a scándalis operántium iniquitatem.

Cadent in retiáculo ejus peccatóres : \* singuláriter sum ego donec transeam.

Añā. Custódi me a láqueo, quem statuérunt mihi : et a scándalis operántium iniquitatem.

Psalmus 141.

**V**OCE mea ad Dóminum clamávi : \* voce mea ad Dóminum deprecátus sum :

Effúndo in conspéctu ejus orationem meam, \* et tribulationem meam ante ipsum pronúntio.

In deficiéndo ex me spiritum meum, \* et tu cognovisti sémitas meas.

In via hac, qua ambulábam, \* abscondérunt láqueum mihi.

Considerábam ad dexteram, et vidébam : \* et non erat qui cognósceret me.

Périit fuga a me, \* et non est qui requirát animam meam.

Clamávi ad te Dómine, \* dixi : Tu es spes mea, pórtio mea in terra vivéntium.

Inténde ad deprecationem meam : \* quia humiliátus sum nimis.

Libera me a persecuéntibus me : \* quia confortáti sunt super me.

Educ de custódia animam meam ad confiténdum nómini tuo : \* me expéctant justí, donec retribuas illi.

Añā. Considerábam ad dexteram, et vidébam : et non erat qui cognósceret me.

Finita quinta Antiphona immediate inchoetur

Canticum B. Mariæ V. Luc. 1.

**M**AGNIFICAT \* ánima mea Dóminum.

Et exsultávit spíritus meus \* in Deo salutári meo.

Quia respéxit humilitatem ancillæ suæ : \* ecce enim ex hoc beatam me dicent omnes generatiónes.

Quia fecit mihi magna qui potens est : \* et sanctum nomen ejus.

Et misericórdia ejus a progénie in progénies \* tíméntibus eum.

Fecit poténtiam in bráchio suo : \* dispérsit supérbos mente cordis sui.

Depósuit poténtes de sede, \* et exaltávit húmiles.

Esuriéntes implévit bonis : \* et dívites dimísit inánes.

Suscépit Israel púerum suum, \* recordátus misericórdiæ suæ.

Sicut locútus est ad patres nostros \* Abraham, et sémini ejus in sæcula.

Añā. Cenántibus autem illis, accépit Jesus panem, et benedíxit, ac fregit, deditque discipulis suis.

Dóminus vobíscum. R. Et cum spíritu tuo.

Orémus. Postcommunio.

**R**EFACTI vitálibus aliméntis quæsumus Dómine Deus noster : ut quod témpore nostræ mortalitátis exséquimur, immortalitátis tuæ múnere consequámur. Per.

Dóminus vobíscum. etc.; Ite missa est. R. Deo grátias.

Sic Vesperæ et Missa simul terminentur.

† Ubi Vesperæ extra Missam dicendæ fuerint, præmisso Paternoster noster., postquam versis

ad Altare vultibus Fratres se signaverint, Psalmus Crédidi. et ceteri cum suis Antiphonis ut supra dicantur. Finita post Magnificat Añā Cenántibus., absque Dóminus vobíscum., et absque Orémus. sequitur

Oratio.

**R**ESPICE, quæsumus Dómine, super hanc familiam tuam; pro qua Dóminus noster Jesus Christus non dubitávit mámbus tradi nocéntium, et crucis subire torméntum.

Non dicitur Qui tecum., neque Amen., neque Benedicámus., neque Fidélium., sed solum Pater noster.

#### AD COMPLETORIUM.

Completorium voce mediocri dicatur, ita tamen quod sonus psalmodiæ clare distincteque resonet (quod etiam abhinc omnibus Horis in psalmodia et cantu usque ad Vesperas Sabbati fiat, exceptis Matutinis, quæ solemnius sunt dicendæ).

Non dicitur Jube domne., nec Benedictio Noctem quietam. neque Lectio Fratres sóbrii estóte., neque Confiteor., neque *Ÿ.* Converte nos., neque *Ÿ.* Deus in adiutorium.; sed, præmisso Pater noster., dicuntur Psalmi consueti, pag. 148.

Finito Psalmo Ecce nunc., continuo sequitur Canticum Nunc dimittis., deinde Añā. Christus factus est pro nobis obédiens usque ad mortem, mortem autem crucis.

Absque Dóminus vobíscum. et absque Orémus. dicatur

Oratio.

**R**ESPICE, quæsumus Dómine, super hanc familiam tuam; pro qua Dóminus noster

Jesus Christus non dubitávit mámbus tradi nocéntium, et crucis subire torméntum.

Non additur Qui tecum., neque Amen., neque Benedicámus., neque Fidélium., sed solum Pater noster. et Credo.

Benedictio non datur, omititur Añā Salve Regina. nec aspergitur Aqua benedicta.

#### FERIA VI. IN PARASCEVE.

##### AD MATUTINUM.

Facto signo a Praelato, prosternant se Fratres; et dicto Pater noster. et Credo in Deum., facto signo surgant; et postquam versis vultibus ad Altare signaverint se, statim incipiatur

##### IN I. NOCTURNO.

Psalmus 2.

**Q**UARE fremuerunt gentes,\* et pópuli meditáti sunt inánia?

Astitérunt reges terræ, & et principes convenérunt in unum \* advérsus Dóminum, et advérsus Christum ejus.

Dirumpámus vincula eórum : \* et projiciámus a nobis jugum ipsórum.

Qui hábitat in cælis irridébit eos \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* predicans præcéptum ejus.

Dóminus dixit ad me : \* Filius meus es tu, ego hódie genui te



Póstula a me, et dabo tibi gentes hereditátem tuam, \* et possessiónem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini qui iudicátis terram.

Servite Dómino in timóre : \* et exsultáte ei cum tremóre.

Apprehéndite disciplínam nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

Aña. Astitérunt reges terræ, et príncipes convénérunt in unum advérsus Dóminum, et advérsus Christum ejus.

Psalmus 21.

**D**EUS Deus meus respice in me : quare me dereliquisti? \* longe a salute mea verba delictórum meórum.

Deus meus clamábo per diem, et non exáudies : \* et nocte, et non ad insipiéntiam mihi.

Tu autem in sancto hábitas, \* laus Israel.

In te speravérunt patres nostri : \* speravérunt, et liberásti eos.

Ad te clamavérunt, et salvi facti sunt : \* in te speravérunt, et non sunt confúsi.

Ego autem sum vermis, et non homo : \* oppróbrium hóminum, et abjéctio plebis.

Omnes vidéntes me, derisérunt me : \* locúti sunt lábiis, et movérunt caput.

Sperávit in Dómino, erípiat eum : \* salvum fáciat eum, quóniam vult eum.

Quóniam tu es, qui extraxisti me de ventre : \* spes mea ab ubéribus matris meæ.

In te projectus sum ex útero : \* de ventre matris meæ Deus meus es tu, \* ne discéseris a me :

Quóniam tribulatio próxima est : \* quóniam non est qui adjuvet.

Circumdedérunt me vituli multi : \* tauri pingues obsederunt me.

Aperuérunt super me os suum, \* sicut leo rápiens et rúgiens.

Sicut aqua effusus sum : \* et dispérsa sunt ómnia ossa mea.

Factum est cor meum tamquam cera liquéscens \* in médio ventris mei.

Aruit tamquam testa virtus mea, \* et lingua mea adhæsit fáucibus meis : \* et in pulverem mortis deduxisti me.

Quóniam circumdedérunt me canes multi : \* concílium malignántium obsédit me.

Foderunt manus meas et pedes meos : \* dinumeravérunt ómnia ossa mea.

Ipsi vero consideravérunt et inspexérunt me : \* divisérunt sibi vestiménta mea, et super vestem meam misérunt sortem.

Tu autem Dómine ne elongáveris auxilium tuum a me : \* ad defensiónem meam cónspice.

Erue a frámea Deus ánimam meam : \* et de manu canis únicam meam.

Salva me ex ore leónis : \* et a córnis unicórniū humilitátem meam.

Narrábo nomen tuum frátribus meis : \* in médio ecclésiæ laudábo te.

Qui timétis Dóminum laudate eum : \* univérsum semen Jacob glorificáte eum :

Timeat eum omne semen Israel : \* quóniam non sprevit, neque despéxit deprecatió-nem páuperis :

Nec avértit faciém suam a me : \* et cum clamárem ad eum exaudivit me.

Apud te laus mea in ecclésia magna : \* vota mea reddam in conspéctu timéntium eum.

Edent páuperes, et saturabúntur : † et laudábunt Dómi-num qui requirunt eum : \* vi-vent corda eórum in sæculum sæculi.

Reminiscéntur et convertén-tur ad Dóminum \* univérsi fines terræ :

Et adorábunt in conspéctu ejus \* univérsæ familiæ gén-tium.

Quóniam Dómini est regnum : \* et ipse dominábitur gén-tium.

Manducavérunt et adoravérunt omnes pingues terræ : \* in conspéctu ejus cadent omnes qui descéndunt in terram.

Et ánima mea illi vivet : \* et semen meum sérviet ipsi.

Annuntiábitur Dómino gene-rátio ventúra : \* et annuntiábunt cæli justitiam ejus pó-pulo qui nascétur, quem fecit Dóminus.

Añã. Divisérunt sibi vesti-ménta mea, et super vestem meam misérunt sortem.

Psalmus 26.

DÓMINUS illuminátio mea, et salus mea, \* quem timébo?

Dóminus protéctor vitæ meæ, \* a quo trepidábo?

Dum apprópíant super me nocéntes, \* ut edant carnes meas :

Qui tribulant me inimici mei, \* ipsi infirmáti sunt et ceciderunt.

Si consistant advérsus me castra, \* non timébit cor meum.

Si exsúrgat advérsus me proelium, \* in hoc ego sperábo.

Unam pétii a Dómino, hanc requiram, \* ut inhábitem in domo Dómini ómnibus diébus vitæ meæ :

Ut videam voluptátem Dómini, \* et visitem templum ejus.

Quóniam abscondit me in tabernáculo suo : \* in die malórum protéxit me in abscondito tabernáculo sui.

In petra exaltávit me : \* et nunc exaltávit caput meum super inimícos meos.

Circuivi, et immolávi in tabernáculo ejus hóstiam vociferatiónis : \* cantábo, et psal-mum dicam Dómino.

Exáudi Dómine vocem meam, qua clamávi ad te : \* miserére mei, et exáudi me.

Tibi dixit cor meum, † ex-quisivit te faciés mea : \* faciém tuam Dómine requiram.

Ne avértas faciém tuam a me : \* ne declines in ira a servo tuo.

Adjútor meus esto : \* ne derelinquas me, neque despicias me Deus salutáris meus.

Quóniam pater meus, et mater mea dereliquerunt me : \* Dóminus autem assúpsit me.

Legem pone mihi Dómine in via tua : \* et dirige me in sé-mitam rectam propter inimícos meos.

Ne tradideris me in ánimas tribulántium me : \* quóniam insurrexérunt in me testes iníqui, et mentita est iniquitas sibi.

Credo vidére bona Dómini \* in terra vivéntium.

Exspécta Dóminum, viriliter age : \* et confortétur cor tuum, et sústine Dóminum.

Aña. Insurrexérunt in me testes iníqui, et mentita est iniquitas sibi.

¶ Divisérunt sibi vestiménta mea. R. Et super vestem meam misérunt sortem.

Dicto Pater noster. secreto, non pronuntietur Et ne nos., sed facto signo a Prælato, Lector incipiat legere; et hoc etiam fiat ante quartam et septimam Lectionem. Jube domne. et Tu autem. non dicantur, sed finita Lectione sive Lamentatione, immediate inchoetur Responsorium.

De Lamentatióne Jeremiæ  
Prophætæ.

Lectio j. Aleph. Thren. 2.

**Q**UOMODO obtéxit caligine in furóre suo Dóminus filiam Sion : projéxit de cælo in terram ínclitā Israel, et non est recordátus scabélli pedum suórum in die furóris sui.

Beth. Præcipitávit Dóminus, nec pepéruit, ómnia speciósa Jacob : destrúxit in furóre suo munitiões virginis Juda, et dejéxit in terram : pólluit regnum, et príncipes ejus.

Ghimel. Confrégit in ira furóris sui omne cornu Israel : avértit retrórsus dexteram suam a fácie inimici : et succéndit in Jacob quasi ignem flammæ devorántis in gyro.

Jerúsalem, Jerúsalem, convértere ad Dóminum Deum tuum.

R. j. Omnes amici mei dereliquerunt me, et prævaluérunt insidiántes mihi : trádidit me, quem diligébam : et terribilibus óculis plaga crudéli percutiéntes, \* Acéto potábant me. ¶. Et dedérunt in escam meam fel, et in siti mea. — Acéto potábant me.

Lectio ij.

Daleth.

**T**ETENDIT arcum suum quasi inimicus, firmávit dexteram suam quasi hostis : et occidit omne, quod pulchrum erat visu in tabernáculo filie Sion, effúdit quasi ignem indignatióem suam.

He. Factus est Dóminus velut inimicus : præcipitávit Israel, præcipitávit ómnia mœnia ejus : dissipávit munitiões ejus, et replévit in filia Juda humiliátum et humiliátam.

Vau. Et dissipávit quasi hortum tentórium suum, demolitus est tabernáculum suum : obliuioni trádidit Dóminus in Sion festivitátem, et sabbatum : et in oppróbrium, et in indignatióem furóris sui regem, et sacerdotem.

Jerúsalem, Jerúsalem, convértere ad Dóminum Deum tuum.

R. ij. Velum templi scissum est, et omnis terra trémuit : latro de cruce clamábat, dicens : \* Meménto mei Dómine, dum véneris in regnum tuum. ¶. Amen dico tibi : hodie mecum eris in Paradiso. — Meménto mei Dómine.



Lectio iij.

Zain.

**R**EPULIT Dóminus altáre suum, maledixit sanctificatióni suæ : trádedit in manu inimici muros túrrium ejus : vocem dedérunt in domo Dómini, sicut in die solémni.

Heth. Cogitávit Dóminus dissipáre murum filiae Sion : teténdit funículum suum, et non avértit manum suam a perditíone : luxitque antemurale, et murus páriter dissipátus est.

Teth. Defixæ sunt in terra portæ ejus : pérdidit, et contrivit vectes ejus : regem ejus et príncipes ejus in géntibus : non est lex, et prophétæ ejus non invenerunt visiónem a Dómino.

Jerúsalem, Jerúsalem, convertere ad Dóminum Deum tuum.

R. iij. Vínea mea elécta, ego te plantávi : \* Quómodo convérta es in amaritudínem, ut me crucífigeres, et Barábbam dimitteres? V. Ego quidem plantávi te vineam meam eléctam, omne semen verum. — Quómodo convérta es. R. Vínea mea elécta.

## IN II. NOCTURNO.

Psalmus 37.

**D**OMINE ne in furóre tuo árguas me, \* neque in ira tua corripas me.

Quóniam sagittæ tuæ infixæ sunt mihi : \* et confirmásti super me manum tuam.

Non est sánitas in carne mea a facie iræ tuæ : \* non est pax óssibus meis a facie peccatórum meórum.

Quóniam iniquitatés meæ supergréssæ sunt caput meum : \*

et sicut onus grave gravátæ sunt super me.

Putruérunt et corrúptæ sunt cicatrices meæ, \* a facie insipiéntiæ meæ.

Miser factus sum, et curvátus sum usque in finem : \* tota die contristátus ingrediebar.

Quóniam lumbi mei impléti sunt illusióibus : \* et non est sánitas in carne mea.

Afflictus sum, et humiliátus sum nimis : \* rugiebam a gémitu cordis mei.

Dómine, ante te omne desiderium meum : \* et gémitus meus a te non est absconditus.

Cor meum conturbátum est, dereliquit me virtus mea : \* et lumen oculórum meórum, et ipsum non est mecum.

Amici mei, et próximi mei \* advérsus me appropinquavérunt, et steterunt.

Et qui juxta me erant, de longe steterunt : \* et vim faciébant qui quærébant animam meam.

Et qui inquirébant mala mihi, locúti sunt vanitátes : \* et dolos tota die meditabántur.

Ego autem tamquam surdus non audiébam : \* et sicut mutus non apériens os suum.

Et factus sum sicut homo non audiens : \* et non habens in ore suo redargutiónes.

Quóniam in te Dómine sperávi : \* tu exáudies me Dómine Deus meus.

Quia dixi : Nequándo supergaudeant mihi inimici mei : \* et dum commovéntur pedes mei, super me magna locúti sunt.

Quóniam ego in flagélla parátus sum : \* et dolor meus in conspéctu meo semper.

Quóniam iniquitatem meam annuntiabo : \* et cogitabo pro peccato meo.

Inimici autem mei vivunt, et confirmati sunt super me : \* et multiplicati sunt qui odérunt me inique.

Qui retribuunt mala pro bonis, detrahébant mihi : \* quóniam sequébar bonitatem.

Ne derelinquas me Dómine Deus meus : \* ne discésseris a me.

Inténde in adiutorium meum, \* Dómine Deus salutis meæ.

Añã. Vim faciébant qui quærébant animam meam.

Psalmus 39.

**E**XSPECTANS expectávi Dóminum, \* et inténdit mihi.

Et exaudivit preces meas : \* et edúxit me de lacu misériæ, et de luto faciis.

Et státuit super petram pedes meos : \* et diréxit gressus meos.

Et immisit in os meum canticum novum, \* carmen Deo nostro.

Vidébunt multi, et timébunt : \* et sperábunt in Dómino.

Beátus vir, cujus est nomen Dómini spes ejus : \* et non respéxit in vanitates et insánias falsas.

Multa fecisti tu Dómine Deus meus mirabilia tua : \* et cogitationibus tuis non est qui similis sit tibi.

Annuntiávi et locútus sum : \* multiplicati sunt super númerum.

Sacrificium et oblationem noluisti : \* aures autem perfectisti mihi.

Holocáustum et pro peccato

non postulásti : \* tunc dixi : Ecce vénio.

In cápite libri scriptum est de me ut fácerem voluntatem tuam : \* Deus meus volui, et legem tuam in médio cordis mei.

Annuntiávi justitiam tuam in ecclésia magna, \* ecce lábia mea non prohibébo : Dómine tu scisti.

Justitiam tuam non abscondi in corde meo : \* veritatem tuam et salutáre tuum dixi.

Non abscondi misericórdiam tuam, et veritatem tuam \* a concilio multo.

Tu autem Dómine ne longe faciás miseratiónes tuas a me : \* misericórdia tua et veritas tua semper suscepérunt me.

Quóniam circumdedérunt me mala, quorum non est númerus : \* comprehendérunt me iniquitates meæ, et non pótui ut vidérem.

Multiplicatæ sunt super capillos cápitis mei : \* et cor meum dereliquit me.

Compláceat tibi Dómine ut éruas me : \* Dómine, ad adiuvándum me respice.

Confundántur et revearéantur simul, qui quæerunt animam meam, \* ut auferant eam.

Convertántur retrórsum, et revearéantur \* qui volunt mihi mala.

Ferant conféstim confusiónem suam, \* qui dicunt mihi : Euge, euge.

Exsúltent et læténtur super te omnes quæréntes te : \* et dicant semper : Magnificétur Dóminus : qui diligunt salutáre tuum.

Ego autem mendícus sum, et

pauper : \* Dóminus sollicitus est mei.

Adjutor meus, et protector meus tu es : \* Deus meus ne tardaveris.

Añā. Confundantur et reveantur, qui quaerunt animam meam, ut auferant eam.

Psalmus 53.

**D**EUS in nómine tuo salvum me fac : \* et in virtute tua júdica me.

Deus exaudi orationem meam : \* auribus percipe verba oris mei.

Quóniam aliéni insurrexerunt adversum me, et fortes quaesierunt animam meam : \* et non proposuerunt Deum ante conspectum suum.

Ecce enim Deus adjuvat me : \* et Dóminus susceptor est animae meae.

Avérte mala inimicis meis : \* et in veritate tua disperde illos.

Voluntarie sacrificábo tibi, \* et confitebor nómini tuo Dómine : quóniam bonum est :

Quóniam ex omni tribulatione eripuisti me : \* et super inimicos meos despexit óculus meus.

Añā. Aliéni insurrexerunt in me, et fortes quaesierunt animam meam.

℟. Ab insurgéntibus in me.

℞. Libera me Dómine.

Pater noster. secreto.

Sermo sancti Leónis Papae.

(Serm. 8. et 10. de Pass.)

Lectio iv.

**C**UM verbis orationis suae Dóminus declarasset, verissime sibi atque plenissime et humanam et divínam inesse naturam, osténdens unde esset quod pati noller, et unde quod

vellet; depúlśa trepidatione infirmitatis, et confirmata magnanimitate virtutis, rediit in sententiam suae dispositionis aeternae : saevienti diabolo per ministéria Judaeorum formam servi nihil peccati habentis objecit, ut per eum ageretur ómnium causa, in quo solo erat ómnium natura sine culpa. Irruerunt ergo in lumen filii tenebrarum, et utentes fáculis et laternis, non evaserunt infidelitatis suae noctem. Occupant volentem tenéri, et trahunt volentem trahi. Quod si vellet obniti, nihil impiae manus possent; sed mundi redemptio differretur : et nullum salvaret illaesum, qui pro ómnium erat salute moriturus.

℞. iv. Tamquam ad latronem existis cum gládiis comprehendere me : quotidie apud vos eram in templo docens, et non me tenuistis : et ecce flagellatum dúcitis \* Ad crucifigendum. V. Filius quidem hominis vadit, sicut scriptum est de illo : vae autem homini illi, per quem tradetur. — Ad crucifigendum.

Lectio v.

**I**GITUR ad Annam Cáiphæ sócerum, deinde ad Cáipham perducitur : et post insanas calumniantium voces, ad audientiam Pilati transfertur. Qui divino jure neglecto, tamquam Románis devotí legibus, expetiérunt executórem magis saevitiæ, quam árbítrum causae. Offerébant enim Jesum duris nexibus vinctum, colaphis et álapis frequentibus caesum, sputis óblitum, clamóribus prædammátum : ut inter



tot præjudicia, quem omnes vellent perire, non auderet Pilatus absolvere. Denique nec in accusato reo reperisse se culpam, nec in sententia sua tenuisse constantiam, docet iudex, cum innocentem pronuntiat. Sed cum vellet eum absolvi, conclamaverunt: Si hunc dimittis, non es amicus Cæsaris. Omnis enim, qui se regem facit, contradicit Cæsari. Imprudenter Pilate timuisti. Sed formidabile fuerit nomen regium, si dominandi consilium tyrannicus tibi prout didit apparatus: si provisio armorum, si congregatio divitiarum, si præsidia detecta sunt militum.

R. v. Tenebræ factæ sunt, dum crucifixissent Iesum Judæi: et circa horam nonam exclamavit Iesus voce magna: Deus meus, Deus meus, ut quid me dereliquisti? \* Et inclinato capite emisit spiritum. V. Cum ergo accepisset acetum, dixit: Consummatum est. — Et inclinato capite emisit spiritum.

Lectio vj.

QUID eum gravari sinis, o Pilate, de affectata potentia, cujus specialis fuit de humilitate doctrina? Romanis legibus non contradixit, census subiit, didrachma solvit, vectigalia non inibuit, quæ sunt Cæsaris Cæsari reddenda constituit: paupertatem elegit, obedientiam suavit, mansuetudinem prædicavit. Hoc est vere non impugnare Cæsarem, sed juvare. Verumtamen ne in totum inanitas videatur Judæorum obiectio, discute diligentius, præses, quid de Domini Jesu operibus notum sit,

quid de potestate compertum. Cæcis visum, surdis auditum, claudis gressum, mutis donavit eloquium. Febres abegit, dolores resolvit, dæmonia ejecit, mortuos vivificavit. Hanc ergo Judæi objiciant potestatem: et hoc proferant ore, quod tenent corde. Quare de terrenis calumniantur, qui cælestia persequuntur?

R. vj. Barabbas latro dimittitur, et innocens Christus occiditur: nam et Judas armis doctus sceleris, qui per pacem didicit facere bellum, \* Osculando tradidit Dominum Iesum Christum. V. Ecce turba, et qui vocabatur Judas, venit: et dum appropinquaret ad Iesum. — Osculando. R. Barabbas latro.

### IN III. NOCTURNO.

Psalmus 58.

**E**RIPE me de inimicis meis Deus meus: \* et ab insurgentibus in me libera me.

Eripe me de operantibus iniquitatem: \* et de viris sanguinum salva me.

Quia ecce cepérunt animam meam: \* irruerunt in me fortes.

Neque iniquitas mea, neque peccatum meum Domine: \* sine iniquitate cucurri, et direxi.

Exsurgere in occursum meum, et vide: \* et tu Domine Deus virtutum, Deus Israel,

Intende ad visitandas omnes gentes: \* non miserearis omnibus, qui operantur iniquitatem.

Convertentur ad vespeream: \* et famem patientur ut canes, \* et circuibunt civitatem.

Ecce loquuntur in ore suo, \* et gladius in labiis eorum: \* quoniam quis audivit?

Et tu Dómine deridébis eos : \*  
ad nihilum dedúces omnes  
gentes.

Fortitúdinem meam ad te  
custodiám, & quia Deus suscé-  
ptor meus es : \* Deus meus mi-  
sericórdia ejus præveniet me.

Deus osténdet mihi super  
inimicos meos, ne occidas  
eos : \* nequándo obliviscántur  
pópuli mei.

Disperge illos in virtúte tua : \*  
et depóne eos protéctor meus  
Dómine :

Delictum oris eórum, sermó-  
nem labiórú ipsórum : \* et  
comprehendántur in supérbia  
sua.

Et de execratióne et men-  
dacio annuntiabúntur in con-  
summatiόne : \* in ira consum-  
matiόnis, et non erunt.

Et scient quia Deus dominá-  
bitur Jacob : \* et finium terræ.

Converténtur ad vésperam, &  
et famem patiéntur ut canes : \*  
et circuibunt civitátem.

Ipsi dispergéntur ad mandu-  
cándum : \* si vero non fúerint  
saturáti, et murmurábunt.

Ego autem cantábo fortitú-  
dinem tuam : \* et exultábo  
mane misericórdiam tuam.

Quia factus es suscéptor  
meus, \* et refúgium meum, in  
die tribulatiόnis meæ.

Adjútor meus tibi psallam, &  
quia Deus suscéptor meus es : \*  
Deus meus misericórdia mea.

Añá. Ab insurgéntibus in me  
libera me Dómine : quia occu-  
páverunt ánimam meam.

Psalmus 87.

**D**OMINE Deus salutis meæ : \*  
in die clamávi, et nocte  
coram te.

Intret in conspectu tuo orá-

tio mea : \* inclína aurem tuam  
ad precem meam :

Quia repléta est malis áni-  
ma mea : \* et vita mea inférno  
appropinquávit.

Æstimátus sum cum descen-  
déntibus in lacum : \* factus  
sum sicut homo sine adjutó-  
rio, inter mórtuos liber :

Sicut vulneráti dormiéntes in  
sepúlcris, & quorum non es  
memor ámplius : \* et ipsi de  
manu tua repúlsi sunt.

Posuérent me in lacu infe-  
rióri : \* in tenebrósis, et in  
umbra mortis.

Super me confirmátus est fur-  
or tuus : \* et omnes fluctus  
tuos induxisti super me.

Longe fecisti notos meos a  
me : \* posuérent me abomina-  
tiόnem sibi.

Tráditus sum, et non egredié-  
bar : \* óculi mei languérunt  
præ inópia.

Clamávi ad te Dómine tota  
die : \* expándi ad te manus  
meas.

Numquid mórtuis fácies mi-  
rabília : \* aut médicos suscitá-  
bunt, et confitebúntur tibi?

Numquid narrábit álquis in  
sepúlcro misericórdiam tuam, \*  
et veritátem tuam in perdi-  
tiόne?

Numquid cognoscéntur in té-  
nebris mirabília tua : \* et justí-  
tia tua in terra obliviónis?

Et ego ad te Dómine cla-  
mávi : \* et mane orátio mea  
præveniet te.

Ut quid Dómine repélis ora-  
tiόnem meam : \* avértis fá-  
ciem tuam a me?

Pauper sum ego, et in labó-  
ribus a juventúte mea : \* exal-  
tátus autem, humiliátus sum  
et conturbátus.

In me transiérunt iræ tuæ : \*  
et terróres tui conturbavérunt  
me.

Circumdedérunt me sicut  
aqua tota diē : \* circumdedé-  
runt me simul.

Elongásti a me amicum, et  
próximum : \* et notos meos a  
miséria.

Añā. Longe fecísti notos  
meos a me : tráditus sum, et  
non egrediébar.

Psalmus 93.

**D**EUS ultiónum Dóminus : \*  
Deus ultiónum libere egit.  
Exaltáre qui júdicas ter-  
ram : \* redde retributióne  
superbis.

Usquequo peccatóres Dómi-  
ne : \* usquequo peccatóres  
gloriabúntur :

Effabúntur, et loquéntur ini-  
quitátem : \* loquéntur omnes,  
qui operántur injustítiam?

Pópulum tuum Dómine humi-  
liavérunt : \* et hereditátem  
tuam vexavérunt.

Viduam, et ádvenam inter-  
fecérunt : \* et pupillos occidé-  
runt.

Et dixérunt : Non vidébit  
Dóminus, \* nec intélliget Deus  
Jacob.

Intélligite insipiéntes in pó-  
pulo : \* et stulti aliquándo  
sápite.

Qui plantávit aurem, non  
áudiet? \* aut qui finxit óculum,  
non considerat?

Qui córripit gentes, non ár-  
guet : \* qui docet hóminem  
sciéntiam?

Dóminus scit cogitatióes hó-  
minum, \* quóniam vanæ sunt.

Beátus homo, quem tu eru-  
dieris Dómine : \* et de lege  
tua docúeris eum.

Ut mitíges ei a diébus malis : \*  
donec fodiátur peccatóri fóvea.  
Quia non repéllet Dóminus  
plebem suam : \* et hereditá-  
tem suam non derelínquet.

Quoadúsque justítia conver-  
tátur in júdícium : \* et qui  
juxta illam omnes qui recto  
sunt corde.

Quis consúrget mihi advérsus  
malignántes? \* aut quis stabit  
mecum advérsus operántes  
iniquitátem?

Nisi quia Dóminus adjúvit  
me : \* paulo minus habitáset  
in inférno ánima mea.

Si dicébam : Motus est pes  
meus : \* misericórdia tua Dó-  
mine adjuvábat me.

Secúndum multitudínem doló-  
rum meórum in corde meo : \*  
consolatiónes tuæ lætificavé-  
runt ánimam meam.

Numquid adhæret tibi sedes  
iniquitátis : \* qui fingis labó-  
rem in præcépto?

Captábunt in ánimam justí : \*  
et sánguinem innocéntem con-  
demnábunt.

Et factus est mihi Dóminus  
in refúgium : \* et Deus meus  
in adjutórium spei meæ.

Et reddet illis iniquitátem  
ipsórum : \* et in malítia eórum  
dispédet eos : \* dispédet illos  
Dóminus Deus noster.

Añā. Captábunt in ánimam  
justí : et sánguinem innocén-  
tem condemnábunt.

Y. Locúti sunt advérsus me  
lingua dolósa. R. Et sermóni-  
bus ódii circumdedérunt me.

Pater noster. secreto.

Sermo sancti Leónis Papæ.

Lectio vij. (Serm. 8.)

**E**XCESSIT quidem Piláti cul-  
pam fácinus Judæórum,



qui illum nómine Cæsaris tér-  
ritum, ad effectum sui sceleris  
impulérunt. Sed nec ipse evá-  
sit reátum, qui reliquit judi-  
cium próprium, et in crimen  
transivit aliénium. Quod ergo  
Pilátus Jesum dehonestári lu-  
dibriis, vexári permísit injú-  
riis; quodque eum flagéllis  
cæsum, spinis coronátum, et  
amictu irrísoriæ vestis indú-  
tum, persequéntium aspéctui  
estentávit : mitigándos inimi-  
córúm ánimos existimávit; ut  
exsaturátis ódiis, non ultra jam  
créderent persequéndum, quem  
tot modis intuebántur affli-  
ctum. Sed cum inardesceret  
ira clamántium, obtinuérunt in  
damnatióem suam, quod per-  
tináciter exigébant. Tráditus  
itaque Dóminus sæviéntium  
voluntati, ad irrisionem régis  
dignitátis, supplicii sui jussus  
est esse gestátor; ut implerétur  
illud : Cujus impérium super  
húmerum ejus. Quia pulchra  
spécie triúmphí sui portábat  
trophæum, et signum salutáre  
adorándum regnis ómnibus in-  
ferébat.

R̃. vij. Tradidérunt me in  
manus impiórúm, et inter iní-  
quos projecérunt me, et non  
pepercérunt ánimæ meæ :  
congregáti sunt advérsus me  
fortes, \*Et sicut gigántes sté-  
térunt contra me. Ṽ. Astité-  
runt reges terræ, et príncipes  
convenérunt in unum. — Et  
sicut gigántes steterunt con-  
tra me.

#### Lectio viij.

**E**UNTIBUS autem cum Jesu  
turbis, Simon quidam Cy-  
renæus invéntus est, in quem  
lignum supplicii transfértur a  
Dómino : ut tali facto præsi-

gnarétur Géntium fides, qui-  
bus crux Christi non confusio  
erat futúra, sed glória. Non  
autem in templo, nec intra  
septa civitátis, sed extra castra  
crucifixus est : ut vétérum vi-  
ctimárum cessante mystério,  
nova hóstia novo imponerétur  
altári, et crux Christi non  
templi esset ara, sed mundi.  
Exaltáto igitur, dilectissimi,  
per crucem Christo, non illa  
tantum species aspéctui men-  
tis occurrat, quæ fuit in óculis  
impiórúm, quibus per Móysen  
dictum est : Et erit pendens  
vita tua ante óculos tuos, et  
timébis die ac nocte, et non  
credes vitæ tuæ. Sed intel-  
léctus noster glóriam crucis,  
cælo terræque radiántem, puro  
corde suscipiat, et videat quod  
Dóminus dixit : Nunc judicium  
mundi est, nunc princeps hujus  
mundi ejiciétur foras : et ego,  
si exaltátus fuero a terra, óm-  
nia traham ad me ípsam.

R̃. viij. Jesum trádidit im-  
pius summis Príncipibus sacer-  
dótum, et senióribus pópli :  
Petrus autem sequebátur a  
longe, \*Ut vidéret finem. Ṽ. Et  
ingressus est Petrus átrium  
príncipis sacerdotum. — Ut  
vidéret finem.

#### Lectio ix.

**O** ADMIRABILIS poténtia  
crucis, o ineffábilis glória  
Passiónis, in qua et tribúnal  
Dómini, et judicium mundi,  
et potéstas est Crucifixi ! Traxi-  
sti enim Dómine ómnia ad te :  
cum confiténdæ majestátis tuæ  
sensem totus mundus accépit.  
Traxisti Dómine ómnia ad te :  
cum in exsecratióem Judái-  
ci sceleris unam protulérunt  
ómnia elementa senténtiam :

cum obscurátis lumináribus cæli, terra quoque móribus quaterétur insólitis, univérsaque creatúra impiórum se úsui denegáret. Traxísti Dómine ómnia ad te : quóniam scisso templi velo, Sancta sanctórum ab indignis pontificibus recessérunt : ut figúra in veritátem, prophetia in manifestatiónem, et lex in Evangélium verterétur. Traxísti Dómine ómnia ad te : ut quod in uno Judææ templo obumbrátis significatióibus tegebátur, apérto sacraménto universárum natiónum devótió celebráret.

R̃. ix. Sicut ovis ad occisió-nem ductus est : et dum male tractarétur, non apéruit os suum : tráditus est ad mortem, \* Ut vivificáret pópulum suum. Ṽ. Ipse vulnerátus est propter iniquitátes nostras : attritus est propter scélera nostra. — Ut vivificáret pópulum suum. R̃. Sicut ovis.

## AD LAUDES.

Psalmus 50.

**M**ISERERE mei Deus, \* secúndum magnam misericórdiam tuam.

Et secúndum multitudinem miseratiónum tuárum, \* dele iniquitátem meam.

Amplius lava me ab iniquitáte mea : \* et a peccáto meo munda me.

Quóniam iniquitátem meam ego cognóscó : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus

concéptus sum : \* et in peccátis concépit me mater mea.

Ecce enim veritátem dilexisti : \* incérta, et occúlta sapientiæ tuæ manifestásti mihi.

Aspérges me hyssópo, et mundábor : \* lavábis me, et super nivem dealbábor.

Auditui meo dabis gáudium et lætítiam : \* et exsultábunt ossa humiliáta.

Avérte faciém tuam a peccátis meis : \* et omnes iniquitátes meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a facië tua : \* et spíritum sanctum tuum ne áuferas a me.

Redde mihi lætítiam salutáris tui : \* et spíritu principalí confirma me.

Docébo iníquos vías tuas : \* et impii ad te converténtur.

Libera me de sanguinibus, Deus, Deus salutis meæ : \* et exsultábit lingua mea justitiam tuam.

Dómine lábia mea apéries : \* et os meum annuntiábit laudem tuam.

Quóniam si voluisses sacrificium, dedissem útique : \* holocáustis non delectáberis.

Sacrificium Deo spíritus contritulus : \* cor contritum et humiliátum Deus non despicies.

Benígne fac Dómine in bona voluntáte tua Sion : \* ut edificéntur muri Jerúsalem.

Tunc acceptábis sacrificium justitiæ, oblatiões, et holocáusta : \* tunc impónent super altáre tuum vítulos.

Añ. Próprio Filio suo non pepércit Deus : sed pro nobis ómnibus trádidit illum.

## Psalmus 142.

**D**OMINE exáudi orationem meam : & áuribus percípe obsecrationem meam in veritate tua : \* exáudi me in tua iustitia.

Et non intres in iudicium cum servo tuo : \* quia non justificábitur in conspéctu tuo omnis vivens.

Quia persecútus est inimicus animam meam : \* humiliávit in terra vitam meam.

Collocávit me in obscuris sicut mórtuos sæculi : \* et anxiátus est super me spíritus meus, in me turbátum est cor meum.

Memor fui diérum antiquórum, & meditátus sum in ómnibus opéribus tuis : \* in factis mánuum tuárum meditábar.

Expándi manus meas ad te : \* ánima mea sicut terra sine aqua tibi :

Velóciter exáudi me Dómine : \* defécit spíritus meus.

Non avértas faciém tuam a me : \* et similis ero descendentibus in lacum.

Auditam fac mihi mane misericórdiam tuam : \* quia in te sperávi.

Notam fac mihi viam, in qua ámbulem : \* quia ad te levávi animam meam.

Eripe me de inimicis meis Dómine, ad te confúgi : \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : \* propter nomen tuum Dómine vivificábis me, in æquitáte tua.

Edúces de tribulatione animam meam : \* et in misericórdia tua dispérdes inimicos meos.

Et perdes omnes, qui tribu-

lant animam meam : \* quóniam ego servus tuus sum.

Aña. Anxiátus est in me spíritus meus, in me turbátum est cor meum.

## Psalmus 62.

**D**EUS Deus meus \* ad te de luce vigilo.

Sitívit in te ánima mea, \* quam multipliciter tibi caro mea.

In terra desérta, et in via, et inaquósa : & sic in sancto appáruí tibi, \* ut vidérem virtútem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatióis laudábit os meum.

Si memor fui tui super stratum meum, & in matutinis meditábor in te : \* quia fuísti adjutor meus.

Et in velaménto alárum tuárum exsultábo, & adhæsit ánima mea post te : \* me suscepit dextera tua.

Ipsi vero in vanum quæsiérunt animam meam, & introibunt in inferióra terræ : \* tradéntur in manus gládií, partes vúlpium erunt.

Rex vero lætábitur in Deo, & laudabúntur omnes qui jurant in eo : \* quia obstrúctum est os loquéntium iniqua.

## Psalmus 66.

**D**EUS misereátur nostri, et benedicat nobis : \* illúminet vultum suum super nos, et misereátur nostri.



Ut cognoscámus in terram tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exsúltent gentes : \* quóniam júdicas pópulos in aequitáte, \* et gentes in terra dirígis.

Confiteántur tibi pópuli Deus : \* confiteántur tibi pópuli omnes : \* terra dedit fructum suum.

Benedícat nos Deus, Deus noster, \* benedícat nos Deus : \* et métuant eum omnes fines terræ.

Añá. Ait latro ad latrónem : Nos quídem digna factis recipimus : hic autem quid fecit? Meménto mei Dómine, dum véneris in regnum tuum.

Canticum Habacuc. Cap. 3.

**D**OMINE audivi auditióem tuam, \* et timui.

Dómine opus tuum, \* in médio annórum vivífica illud :

In médio annórum notum fácies : \* cum irátus fúeris, misericórdiæ recordáberis.

Deus ab austro véniet, \* et sanctus de monte Pharan :

Opéruit cælos glória ejus : \* et laudis ejus plena est terra.

Splendor ejus ut lux erit : \* cónua in má nibus ejus :

Ibi abscondita est fortitúdo ejus : \* ante faciém ejus ibit mors.

Et egrediétur diábolus ante pedes ejus. \* Stetit, et mensus est terram.

Aspéxit, et dissólvit gentes : \* et contriti sunt montes sæculi.

Incurvátí sunt colles mundi, \* ab itineribus æternitátis ejus.

Pro iniquitáte vidi tentória Æthiopiæ, \* turbabúntur pelles terræ Má dian.

Numquid in fluminibus irátus es Dómine? \* et aut in fluminibus furor tuus? \* vel in mari indignátio tua?

Qui ascéndes super equos tuos : \* et quadrigæ tuæ salvátio.

Súscitans suscitábis arcum tuum : \* juraménta tribubus quæ locútus es :

Flúvios scindes terræ : \* viderúnt te, et doluerúnt montes : \* gurges aquárum tránsiit.

Dedit abyssus vocem suam : \* altitúdo manus suas levávit.

Sol, et luna stetérunt in habitáculo suo, \* in luce sagittárum tuárum, ibunt in splendóre fulgurántis hastæ tuæ.

In frémitu conculcábis terram : \* in furóre obstupefácies gentes.

Egréssus es in salutem pópuli tui : \* in salutem cum Christo tuo :

Percussísti caput de domo impii : \* denudásti fundamentum ejus usque ad collum.

Maledixísti sceptris ejus, \* cápiti bellatórum ejus, \* veniéntibus ut turbo ad dispergéndum me.

Exsultátio eórum \* sicut ejus, qui dévorat páuperem in abscondito.

Viam fecísti in mari equistuis, \* in luto aquárum multárum.

Audívi, et conturbátus est venter meus : \* a voce contremuérunt lábia mea.

Ingrediátur putrédo in óssibus meis, \* et subter me scáteat.

Ut requiéscam in die tribulatiónis : \* ut ascéndam ad pópulum accinctum nostrum.

Ficus enim non florébit : \* et non erit germen in víneis.

Mentiétur opus olivæ : \* et arva non áfferent cibum.

Abscindétur de ovili pecus : \* et non erit arméntum in præsépius.

Ego autem in Dómino gaudebo : \* et exsultábo in Deo Jesu meo.

Deus Dóminus fortitúdo mea : \* et ponet pedes meos quasi cervórum.

Et super excélsa mea dedúcet me victor \* in psalmis canentem.

Añã. Dum conturbáta fúerit ánima mea, Dómine, misericórdiæ memor eris.

Psalmus 138.

**L**AUDATE Dóminum de cælis : \* laudáte eum in excelsis.

Laudáte eum omnes Angeli ejus : \* laudáte eum omnes virtútes ejus.

Laudáte eum sol et luna : \* laudáte eum omnes stellæ, et lumen.

Laudáte eum cæli cælórum : \* et aquæ omnes, quæ super cælos sunt, laudent nomen Dómini.

Quia ipse dixit, et facta sunt : \* ipse mandávit, et creáta sunt.

Státuit ea in ætérnum, et in sæculum sæculi : \* præcéptum pósuit, et non præteribit.

Laudáte Dóminum de terra, \* dracones, et omnes abyssi.

Ignis, grando, nix, glácies, spiritus procellárum : \* quæ faciunt verbum ejus :

Montes, et omnes colles : \* ligna fructífera, et omnes cedri Béstiæ, et univérsa pécora : \*

serpéntes, et vólucres pennatæ :

Reges terræ, et omnes pópuli : \* principes, et omnes júdices terræ.

Júvenes, et vírgines : senes cum junióribus laudent nomen Dómini : \* quia exaltátum est nomen ejus solius.

Conféssio ejus super cælum, et terram : \* et exaltávit cornu pópuli sui.

Hymnus ómnibus sanctis ejus : \* filiis Israel, pópulo appropinquánti sibi.

Psalmus 149.

**C**ANTATE Dómino cánticum novum : \* laus ejus in ecclésia sanctorum.

Lætétur Israel in eo, qui fecit eum : \* et filii Sion exsúltent in rege suo.

Laudent nomen ejus in choro : \* in tympano, et psaltério psallant ei :

Quia beneplácitum est Dómino in pópulo suo : \* et exaltábit mansuétos in salutem.

Exsultábunt sancti in glória : \* lætabúntur in cubilibus suis.

Exaltatiónes Dei in gútture eórum : \* et gládii ancípites in mánibus eórum :

Ad faciéndam vindictam in natióibus : \* increpatiões in pópulis.

Ad alligándos reges eórum in compédibus : \* et nóbiles eórum in mánicis férreis.

Ut fáciant in eis júdiciu conscriptum : \* glória hæc est ómnibus sanctis ejus.

Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secundum multitudínem magnitúdinis ejus.

Laudáte eum in sono tubæ : \* laudáte eum in psalterio, et cithara.

Laudáte eum in tympano, et choro : \* laudáte eum in chordis, et órgano.

Laudáte eum in cymbalis benesonántibus : ⁊ laudáte eum in cymbalis jubilationis : \* omnis spirítus laudet Dóminum.

Añã. Meménto mei Dómine, dum véneris in regnum tuum.

Non dicatur Capitulum, neque Hymnus, neque Versiculus, sed finita quinta Antiphona, immediate dicatur

Canticum Zachariæ. Luc. 1.

**B**ENEDICTUS Dóminus Deus Israel, \* quia visitávit, et fecit redemptionem plebis suæ :

Eteréxit cornu salutis nobis : \* in domo David púeri sui.

Sicut locútus est per os sanctorum, \* qui a sæculo sunt, prophetarum ejus :

Salutem ex inimicis nostris, \* et de manu ómnium, qui odérunt nos :

Ad faciéndam misericórdiam cum pátribus nostris : \* et memorári testaménti sui sancti.

Jusjurándum, quod jurávit ad Abraham patrem nostrum, \* datúrum se nobis :

Ut sine timóre, de manu inimicórum nostrórum liberáti, \* serviámus illi.

In sanctitáte, et justítia coram ipso, \* ómnibus diébus nostris.

Et tu puer, Prophéta Altíssimí vocáberis : \* præbis enim

ante faciém Dómini paráre vias ejus :

Ad dandam sciéntiam salutis plebi ejus : \* in remissionem peccatórum eórum :

Per viscera misericórdiæ Dei nostri : \* in quibus visitávit nos óriens ex alto :

Illumináre his, qui in ténebris, et in umbra mortis sedent : \* ad dirigéndos pedes nostros in viam pacis.

Añã. Posuérunť super caput ejus causam ipsius scriptam : Jesus Nazarénus, Rex Judæórum.

Finita post Benedictus Añã, duo Fratres stantes ante gradus Altaris dicant : Kyrie eléison. Et Choro respondente Kyrie eléison., iterum illi duo Fratres dicant : Kyrie eléison.

Deinde alii duo Fratres stantes in medio Chori dicant : Dómine miserére. Et Chorus respondeat : Christus Dóminus factus est obédiens usque ad mortem.

Item Fratres qui sunt ante gradus cantent Versum : Agnomiti básia cui lupus dedit venenósa. Et Chorus dicat : Christe eléison.

Item Fratres ante gradus ⁊. Vita in ligno móritur : inférnus et mors lugens spoliatur. Item Chorus : Christe eléison.

Item Fratres ante gradus ⁊. Te qui vinciri voluisti, nosque a mortis vínculis eripuisti. Item Chorus : Christe eléison.

Deinde duo Fratres in medio Chori stantes dicant : Dómine miserére. Et Chorus respondeat : Christus Dóminus factus est obédiens usque ad mortem.



Item Fratres ante gradus dicant : Kyrie eléison. Et Chorus : Kyrie eléison. Et Fratres ante gradus : Kyrie eléison.

Deinde duo Fratres in medio Chori stantes dicant : Dómine miserére. Et Chorus respondeat : Christus Dóminus factus est obédiens usque ad mortem.

Item Fratres ante gradus dicant alta voce : Mortem autem crucis.

Interim dum hæc cantantur, Fratres sint versi ad Altare.

Finito Versu Mortem autem crucis, prosternant se omnes, et dicto Pater noster. secreto, Conventus mediocri voce alternatim dicat Psalmum 50. Miserére mei Deus., pag. 458.

Deinde, absque Dóminus vobiscum. et absque Orémus., dicatur Oratio.

**R**ESPICE, quæsumus Dómine, super hanc familiam tuam: pro qua Dóminus noster Jesus Christus non dubitávit má nibus tradi nocéntium, et crucis subire tormentum.

Pater noster. secreto.

#### AD PRIMAM.

Fratres prostrati super formas, dicto Pater noster. et Credo in Deum., surgant, et postquam versis ad Altare vultibus se signaverint, absque V. Deus in adiutorium. et absque Hymno dicant tres Psalmos consuetos voce mediocri.

Super Psalmos Añá. Christus factus est pro nobis obédiens usque ad mortem, mortem autem crucis.

Non dicatur Capitulum, nec Responsorium, nec Versiculus, nec Confiteor.; sed finita post Psalmos Antiphona, pro-

sternant se omnes, et dicto Pater noster. secreto, Conventus mediocri voce alternatim dicat Psalmum 50. Miserére mei Deus., pag. 458.

Deinde, absque Dóminus vobiscum. et absque Orémus., dicatur Oratio.

**R**ESPICE, quæsumus Dómine, super hanc familiam tuam: pro qua Dóminus noster Jesus Christus non dubitávit má nibus tradi nocéntium, et crucis subire tormentum.

#### AD PRETIOSA.

Pronuntiatis Luna et quæ de Calendario et Martyrologio pronuntianda sunt, Pretiosa. dicatur ut in die Cenæ, pag. 443. notatum est, cum Lectione tamen de Constitutionibus, præmissa Benedictione : Reguláribus disciplínis instruat nos Magister cæléstis. R. Amen.

¶ Extra Chorum autem vel Capitulum dicatur

Lectio.

Prolog.

**Q**UONIAM ex præcepto Régulæ jubémur habere cor unum et ánimam unam in Dómino : justum est ut qui sub una Régula et unius professionis voto vivimus, unifórmes in observántiis canónicæ Religiónis inveniámur. Tu autem Dómine miserére nostri. R. Deo grátias.

#### AD TERTIAM,

#### SEXTAM ET NONAM.

Fratres prostrati super formas, dicto Pater noster., surgant, et postquam versis ad Altare vultibus se signaverint, absque V. Deus in adiutorium. et absque Hymno, dicant tres Psalmos consuetos voce mediocri.

Super Psalmos Añā. Christus factus est pro nobis obédiens usque ad mortem, mortem autem crucis.

Non dicatur Capitulum, nec Responsorium nec Versiculus; sed finita post Psalmos Antiphona, prosternant se omnes, et dicto Pater noster. secreto, Conventus mediocri voce alternatim dicat Psalmum 50. Miserere mei Deus., pag. 458.

Deinde, absque Dóminus vobiscum. et absque Orémus, dicatur

Oratio.

**R**ESPICE, quæsumus Dómine, super hanc familiam tuam : pro qua Dóminus noster Jesus Christus non dubitavit mánibus tradi nocéntium, et crucis subire tormentum.

Pater noster. secreto.

AD VESPERAS.

Fratres prostrati super formas, dicto Pater noster., surgant; et postquam versis ad Altare vultibus se signaverint, Psalmus Crédidi. et ceteri cum suis Antiphonis ut heri, pag. 444. tractim et mediocri voce dicantur.

Ad Magnificat Añā. Cum accepisset acétum, dixit : Consummátum est. Et inclinátio capite tradidit spiritum.

Finita post Canticum Antiphona, prosternant se omnes, et dicto Pater noster. secreto, Conventus mediocri voce alternatim dicat Psalmum 50. Miserere mei Deus., pag. 458.

Deinde, absque Dóminus vobiscum. et absque Orémus, dicatur

Oratio.

**R**ESPICE, quæsumus Dómine, super hanc familiam tuam : pro qua Dóminus noster Jesus Christus non dubitá-

vit mánibus tradi nocéntium, et crucis subire tormentum. Pater noster. secreto.

AD COMPLETORIUM.

Fratres prostrati super formas, dicto Pater noster., surgant, et postquam se signaverint, dicant quatuor Psalmos consuetos voce mediocri.

Finito Psalmo Ecce nunc., continuo dicatur Canticum Nunc dimittis. et Añā. Christus factus est pro nobis obédiens usque ad mortem, mortem autem crucis.

Dicta post Psalmos et Canticum Añā Christus factus est., ut supra, prosternant se omnes, et dicto Pater noster. secreto, Conventus mediocri voce alternatim dicat Psalmum 50. Miserere mei Deus., pag. 458.

Deinde, absque Dóminus vobiscum. et absque Orémus, dicatur

Oratio.

**R**ESPICE, quæsumus Dómine, super hanc familiam tuam : pro qua Dóminus noster Jesus Christus non dubitavit mánibus tradi nocéntium, et crucis subire tormentum.

Pater noster. et Credo in Deum. secreto.

Benedictio non datur, omittitur Añā Salve Regina., nec aspergitur Aqua benedicta.

SABBATO SANCTO.

AD MATUTINUM.

Facto signo a Prælato, prosternant se Fratres; et dicto Pater noster. et Credo in Deum., facto signo surgant; et postquam versis ad Altare vultibus signaverint se, statim incipiatur

## IN I. NOCTURNO.

## Psalmus 4.

**C**UM invocárem exaudivit me Deus justitiæ meæ : \* in tribulatióne dilatásti mihi. Miserére mei, \* et exáudi oratióne meam.

Filii hóminum úsquequo gravi corde? \* ut quid diligitis vanitatem, et quæritis mendácium?

Et scitote quóniam mirificávit Dóminus sanctum suum : \* Dóminus exáudiet me cum clamávero ad eum.

Iracimini, et nolite peccáre : \* quæ dicitis in córdibus vestris, in cubilibus vestris compungimini.

Sacrificáte sacrificium justitiæ, & et speráte in Dómino : \* multi dicunt : Quis osténdit nobis bona?

Signátum est super nos lumen vultus tui Dómine : \* dedisti lætitiám in corde meo.

A fructu fruménti, vini, et olei sui \* multiplicátí sunt.

In pace in idípsum \* dormiam, et requiescam :

Quóniam tu Dómine singulariter in spe \* constituísti me.

Añs. In pace in idípsum dormiam, et requiescam.

## Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justitiám :

Qui loquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accepit advérsus próximos suos.

Ad nihilum dedúctus est in

conspéctu ejus malignus : \* tíméntes autem Dóminus glorificat :

Qui jurat próximo suo, et non decipit, & qui pecúniám suam non dedit ad usúram, \* et múnera super innocentem non accépit :

Qui facit hæc, \* non movébitur in ætérnum.

Añs. Habitábit in tabernáculo tuo : requiescet in monte sancto tuo.

## Psalmus 15.

**C**ONSERVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non egés.

Sanctis, qui sunt in terra ejus, \* mirificávit omnes voluntátes meas in eis.

Multiplicátæ sunt infirmitátes eórum : \* póstea acceleravérunt.

Non congregábo conventícula eórum de sanguinibus : \* nec memor ero nóminum eórum per lábia mea.

Dóminus parshereditátis meæ, et cálicis mei : \* tu es, qui restitues hereditátem meam mihi.

Funes cecidérunt mihi in præcláris : \* etenim heréditas mea præclára est mihi.

Benedicam Dóminum, qui tribuit mihi intelléctum : \* insuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc lætátum est cor meum, \* et exultávit lingua mea : \* insuper et caro mea requiescet in spe.



Quóniam non derelinques animam meam in inférno : \* nec dabis sanctum tuum videre corruptionem.

Notas mihi fecisti vias vitæ, & adimplébis me lætitiâ cum vultu tuo : \* delectationes in dextera tua usque in finem.

Añâ. Caro mea requiescet in spe.

℣. In pace in idípsum. ℞. Dórmiam, et requiescam.

Dicto Pater noster. secreto, non pronuntietur Et ne nos., sed facto signo a Prælato, Lector incipiat legere; et hoc etiam fiat ante quartam et septimam Lectionem. Jube domne. et Tu autem. non dicantur, sed finita Lectione sive Lamentatione, immediate inchoetur Responsorium.

De Lamentatione Jeremiæ Prophætæ.

Lectio j. Aleph. Thren. 4.

**Q**UOMODO obscuratum est aurum, mutatus est color optimus, dispersi sunt lapides sanctuarii in capite omnium platearum?

Beth. Filii Sion inelyti, et amicti auro primo : quomodo reputati sunt in vasa tæstea, opus manuum figuli?

Ghimel. Sed et lamiæ nudaverunt mammam, lactaverunt catulos suos : filia populi mei crudelis, quasi struthio in deserto.

Daleth. Adhæsit lingua lactentis ad palatum ejus in siti : parvuli petierunt panem, et non erat qui frangeret eis.

Jerusalem, Jerusalem, convertere ad Dóminum Deum tuum.

℞. j. Sepúlto Dómino, signá-

tum est monuméntum : volvéntes lápidem ad óstium monuménti, \* Ponéntes mílites, qui custodirent illud. ℣. Ne forte véniant discipuli ejus, et furéntur eum, et dicant plebi : Surréxit a mórtuis. — Ponéntes milites.

Lectio ij.

He.

**Q**UI vescebántur voluptuóse, interierunt in viis : qui nutriebántur in cróceis, amplexáti sunt stercora.

Vau. Et major effécta est iniquitas filiæ populi mei peccáto Sodomórum, quæ subvêrsa est in mómento, et non cepérunt in ea manus.

Zain. Candidiôres Nazarei ejus nive, nitidiôres lacte, rubicundiôres ébore antiquo, sapphíro pulchriôres.

Heth. Denigráta est super carbónes faciès eórum, et non sunt cógnti in platéis : adhæsit cutis eórum óssibus : áruit, et facta est quasi lignum.

Jerúsalem, Jerúsalem, convertere ad Dóminum Deum tuum.

℞. ij. Jarúsalem, luge, et éxue te véstibus jucunditátis : induere cinere, et cilicio : \* Quia in te est occisus Salvátor Israel. ℣. Deduc quasi torréntem lácrimas per diem et noctem, et non táceat pupilla óculi tui. — Quia in te est occisus Salvátor Israel.

Lectio iij.

Teth.

**M**ELIUS fuit occisis gládio, quam interféctis fame : quóniam isti extabuérunt cónsumpti a sterilitate terræ.

Jod. Manus mulierum misericórdium coxérunt filios suos :

facti sunt cibus eárum in contritióne filíæ pópuli mei.

Caph. Complévit Dóminus furórem suum, effúdit iram indignatiónis suæ : et succéndit ignem in Sion, et devorávit fundaménta ejus.

Lamed. Non credidérunt reges terræ, et univérsi habitatores orbis, quóniam ingrederetur hostis et inimicus per portas Jerúsalem.

Jerúsalem, Jerúsalem, converterte ad Dóminum Deum tuum.

R. iij. Plange quasi virgo plebs mea : ululáte pastóres in cinere, et cilicio : \* Quia véniet dies Dómini magna, et amára valde. V. Ululáte pastóres, et clamáte : aspérgite vos cinere. — Quia véniet. R. Plange quasi virgo.

## IN II. NOCTURNO.

### Psalmus 23.

**D**OMINI est terra, et plentúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens máribus et mundo corde, \* qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium faciém Dei Jacob.

Attóllite portas príncipes ve-

stras, \* et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, \* et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Aññ. Elevámini portæ æternáles : et introibit rex glóriæ.

### Psalmus 26.

**D**OMINUS illuminatio mea, et salus mea, \* quem timébo?

Dóminus protéctor vitæ meæ, \* a quo trepidábo?

Dum apprópíant super me nocéntes, \* ut edant carnes meas :

Qui tribulant me inimici mei, \* ipsi infirmáti sunt et cecidérunt.

Si consistant advérsus me castra, \* non timébit cor meum.

Si exsúrgat advérsus me prælium, \* in hoc ego sperábo.

Unam pétii a Dómino, hanc requíram, \* ut inhábitem in domo Dómini ómnibus diébus vitæ meæ :

Ut videam voluptátem Dómini, \* et visitem templum ejus.

Quóniam abscondit me in tabernáculo suo : \* in die malórum protéxit me in abscondito tabernáculi sui.

In petra exaltávit me : \* et nunc exaltávit caput meum super inimicos meos.

Circuivi, et immolávi in tabernáculo ejus hóstiám vociferatiónis : \* cantábo, et psallum dicam Dómino.

Exáudi Dómine vocem meam, qua clamávi ad te : \* miserére mei, et exáudi me.

Tibi dixit cor meum, & exquisivit te fácies mea : \* fáciem tuam Dómine requiram.

Ne avértas fáciem tuam a me : \* ne declínes in ira a servo tuo.

Adjutor meus esto : \* ne derelinquas me, neque despicias me Deus salutáris meus.

Quóniam pater meus, et mater mea dereliquérunt me : \* Dóminus autem assumpsit me.

Legem pone mihi Dómine in via tua : \* et dirige me in sémitam rectam propter inimicos meos.

Ne tradideris me in ánimas tribulántium me : \* quóniam insurrexérunt in me testes iniqui, et mentita est iniquitas sibi.

Credo vidére bona Dómini \* in terra vivéntium.

Expécta Dóminum, viriliter age : \* et confortétur cor tuum, et sústine Dóminum.

Añá. Credo vidére bona Dómini in terra vivéntium.

Psalmus 29.

**E**XALTABO te Dómine quóniam suscepisti me : \* nec delectásti inimicos meos super me.

Dómine Deus meus clamávi ad te, \* et sanásti me.

Dómine eduxisti ab inférno animam meam : \* salvásti me a descendéntibus in lacum.

Psállite Dómino sancti ejus : \* et confitémini memóriæ sanctitátis ejus.

Quóniam ira in indignatióne ejus : \* et vita in voluntáte ejus.

Ad vésperum demorábitur fletus : \* et ad matutínium lætítia.

Ego autem dixi in abundántia mea : \* Non movébor in ætérnum.

Dómine in voluntáte tua, \* præstitisti decóri meo virtutem.

Avértisti fáciem tuam a me, \* et factus sum conturbátus.

Ad te Dómine clamábo : \* et ad Deum meum deprecábor.

Quæ utilitas in ságuine meo, \* dum descéndo in corruptiódinem?

Numquid confitébitur tibi pulvis, \* aut annuntiábit veritatem tuam?

Audívit Dóminus, et misértus est mei : \* Dóminus factus est adjutor meus.

Convertísti planctum meum in gáudium mihi : \* conscidisti saccum meum, et circumdedísti me lætítia :

Ut cantet tibi glória mea, et non compúngar : \* Dómine Deus meus in ætérnum confitébor tibi.

Añá. Dómine abstraxísti ab inferis animam meam.

℣. Tu autem Dómine miserere mei. ℞. Et resuscita me, et retribuam eis.

Pater noster. secreto.

Ex Tractátu sancti Augustini  
Episcopi super Psalmos.

Lectio iv. (In Psalm. 63.)

**A**CCEDET homo ad cor altum, et exaltábitur Deus. Illi dixerunt : Quis nos vídebít? Defecerunt scrutántes



scrutatíones, consilia mala. Accessit homo ad ipsa consilia : passus est se tenéri ut homo. Non enim tenerétur nisi homo, aut viderétur nisi homo, aut caderétur nisi homo, aut crucifigerétur, aut morerétur, nisi homo. Accessit ergo homo ad illas omnes passíones, quæ in illo nihil valérent, nisi esset homo. Sed si ille non esset homo, non liberarétur homo. Accessit homo ad cor altum, id est, cor secrétum, objiciens aspéctibus humanis hóminem, servans intus Deum : celans formam Dei, in qua æqualis est Patri; et offerens formam servi, qua minor est Patre.

R. iv. Recéssit Pastor noster, fons aquæ vivæ, ad cujus tránsitum sol obscurátus est : nam et ille captus est, qui captivum tenébat primum hóminem : \* Hódie portas mortis et seras páriter Salvátor noster dirúpit. V. Destrúxit quidem claustra inférni, et subvértit poténtias diaboli. — Hódie portas mortis.

#### Lectio v.

Quo perduxérunt illas scrutatíones suas, quas perscrutántes defecerunt, ut étiam mórtuo Dómino, et sepúlto, custódes pónerent ad sepúlcrum? Dixerunt enim Pilátus : Sedúctor ille : hoc appellabátur nómine Dóminus Jesus Christus, ad solátium servórum suórum, quando dicúntur seductóres. Ergo illi Pilátus : Sedúctor ille, inquiunt, dixit adhuc vivens : Post tres dies resúrgram. Jube itaque custodiri sepúlcrum usque in diem tértium, ne forte véniant disci-

puli ejus, et furéntur eum, et dicant plebi, Surréxit a mórtuis : et erit novíssimus error peior prióre. Ait illis Pilátus : Habétis custódiam, ite, custodite sicut scitis. Illi autem abeúntes, muniérunt sepúlcrum, signántes lápidem, cum custódis.

R. v. O vos omnes, qui tránsitis per viam, atténdite, et vidéte, \* Si est dolor similis sicut dolor meus. V. Atténdite univérsi pópuli, et vidéte dolórem meum. — Si est dolor similis sicut dolor meus.

#### Lectio vj.

Posuerunt custódes milites ad sepúlcrum. Concússa terra, Dóminus resurréxit : mirácula facta sunt tália circa sepúlcrum, ut et ipsi milites, qui custódes advenerant, testes fierent, si vellent vera nuntiáre. Sed avaritia illa, quæ captivávit discipulum cómitem Christi, captivávit et militem custódem sepúlcri. Damus, inquiunt, vobis pecúniám : et dicite quia vobis dormiéntibus venérunt discipuli ejus, et abstulérunt eum. Vere defecerunt scrutatíones. Quid est quod dixisti, o infélux astútia? Tantúmne désaris lucem consilii pietátis, et in profúnda versútiae demérgeris, ut hoc dicas, Dicite quia vobis dormiéntibus venérunt discipuli ejus, et abstulérunt eum? Dormiéntes testes ádhibes? Vere tu ipse obdormisti, qui scrutándo tália defecisti.

R. vj. Caligavérunt óculi mei a fletu meo : quia elongátus est a me, qui consolabátur me :

vidéte omnes pópuli, \* Si est dolor símilis sicut dolor meus.  
 Y. O vos omnes, qui transitís per viam, aténdite, et vidéte.  
 — Si est dolor. R. Caligavérunt óculi mei.

### IN III. NOCTURNO.

Psalmus 53.

**D**EUS in nómine tuo salvum me fac : \* et in virtúte tua júdica me.

Deus exáudi oratióne meam : \* áuribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : \* et non proposuérunt Deum ante conspéctum suum.

Ecce enim Deus ádjuvat me : \* et Dóminus suscéptor est ánimæ meæ.

Avérte mala inimícis meis : \* et in veritaté tua dispérde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuísti me : \* et super inimícos meos despéxit óculus meus.

Añã. Deus ádjuvat me : et Dóminus suscéptor est ánimæ meæ.

Psalmus 75.

**N**OTUS in Judæa Deus : \* in Israel magnum nomen ejus.

Et factus est in pace locus ejus : \* et habitatió ejus in Sion.

Ibi confrégit poténtias árcuum, \* scutum, gládium, et bellum.

Illúminans tu mirabiliter a móntibus ætérnis : \* turbáti sunt omnes insipientes corde.

Dormiérunt somnum suum : \* et nihil invenérunt omnes viri divitiárum in máribus suis.

Ab increpatione tua Deus Jacob \* dormitavérunt qui ascenderunt equos.

Tu terribilis es, et quis resistet tibi ? \* ex tunc ira tua.

De cælo auditum fecisti júdici-um : \* terra trémuit et quíevit,

Cum exsúrgeret in júdici-um Deus, \* ut salvos faceret omnes mansuétos terræ.

Quóniam cogitatio hóminis confitébitur tibi : \* et reliquæ cogitatiónis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terribili et ei qui aufert spíritum princípum, \* terribili apud reges terræ.

Añã. In pace factus est locus ejus : et in Sion habitatió ejus.

Psalmus 87.

**D**OMINE Deus salutis meæ : \* in die clamávi, et nocte coram te.

Intret in conspéctu tuo oratió mea : \* inclína aurem tuam ad precem meam :

Quia repléta est malis ánimæ mea : \* et víta mea inférno appropinquávit.

Æstimátus sum cum descendentibus in lacum : \* factus sum sicut homo sine adjutório, inter mórtuos liber :

Sicut vulneráti dormientes in sepúlcris, & quorum non es memor ámplius : \* et ipsi de manu tua repúlsi sunt.

Posuérunt me in lacu inférióri : \* in tenebrósis, et in umbra mortis.

Super me confirmatus est furor tuus : \* et omnes fluctus tuos induxisti super me.

Longe fecisti notos meos a me : \* posuerunt me abominatorem sibi.

Traditus sum, et non egrediebar : \* oculi mei languerunt præ inopia.

Clamavi ad te Domine tota die : \* expandi ad te manus meas.

Numquid mortuis facies mirabilia : \* aut medici suscitabunt, et confitebuntur tibi?

Numquid narrabit aliquis in sepulcro misericordiam tuam, \* et veritatem tuam in perditione?

Numquid cognoscuntur in tenebris mirabilia tua : \* et iustitia tua in terra oblivionis?

Et ego ad te Domine clamavi : \* et mane oratio mea præveniet te.

Ut quid Domine repellis orationem meam : \* avertis faciem tuam a me?

Pauper sum ego, et in laboribus a juventute mea : \* exaltatus autem, humiliatus sum et conturbatus.

In me transierunt iræ tuæ : \* et terrores tui conturbaverunt me.

Circumdedērunt me sicut aqua tota die : \* circumdedērunt me simul.

Elongasti a me amicum, et proximum : \* et notos meos a miseria.

Anna. Factus sum sicut homo sine adiutorio, inter mortuos liber.

℣. In pace factus est locus ejus. ℟. Et in Sion habitatio ejus.

Pater noster. secreto.

Sermo sancti Leonis Papæ. Lectio vij. (Serm. 9.)

**P**ERACTO, dilectissimi, Salvatoris triumpho, et consummatis dispensationibus, quas omnia veteris testamenti eloquia nuntiaverunt, luceat carnalis Judæus, sed spiritalis gaudeat Christianus; et festivas, quæ illis conversæ est in noctem, nobis coruscet in lucem. Quoniam crux Christi eadem est et credentium gloria, et non credentium poena. Quamvis enim persequentium furor nihil aliud in Dominum majestatis operatus sit, quam atrocem crudelitatem, et immitte supplicium : redemptis tamen hac Domini Passione verior iustiorque lætandi est ratio quam dolendi.

℟. vij. Ecce quomodo moritur justus, et nemo percipit corde : et viri justi tolluntur, et nemo considerat : a facie iniquitatis sublatus est justus, \* Et erit in pace memoria ejus. ℣. In pace factus est locus ejus : et in Sion habitatio ejus. — Et erit.

Lectio viij.

**F**UERIT tunc discipulorum excusabilis pavor, nec in diffidentiae culpam Apostolicus mæror incidere : quando concurrentibus ad unum scelus Judæis, Judæorumque principibus, superbus taurorum pinguium tumor, et protërva vitulorum petulantia sæviebat; quando sub oculis ovium, Pastoris justis sanguinem fremientium bestiarum rabies expetebat; quando denique etiam ipse, qui pati venerat, de nostræ naturæ communiōne dicebat : Tristis est anima mea usque ad mortem.



R. viij. *Æstimatus sum cum descendētibz in lacum : \* Factus sum sicut homo sine adiutorio, inter mōrtuos liber. V. Posuerunt me in lacu inferiori : in tenebrōsis, et in umbra mortis. — Factus sum.*

Lectio ix.

**N**UNC autem postquam susceptiōne infirmitatis potentiā est clarificāta virtūtis, nulla fidēlium mæstitūdine Paschālis est obscurāda solēmnitas; nec cum tristitia nobis gestōrum ordo recolendus est : cum ita Dōminus usus sit malitia Judæōrum, ut intentione facinoris voluntas sit implēta miserētis. Si autem in exitu Israel de Ægypto agni sanguis fuit restitutio libertātis, et sacratissima est facta festivitas, quæ per hōstiam pēcudis iram avēteret vastatoris : quanta pōpulis christiānis concipiēda sunt gaudia, pro quibus omnipotens Pater Filio suo non pepērcit, sed pro nobis omnibus trādīdit illum ! Ut in occisiōne Christi, Pascha esset verum et singulāre sacrificium : quo non ex dominatione Pharaōnis unus pōpulus, sed ex diaboli captivitate totus mundus erūitur.

Sine intervallo sequitur

Oratio Jeremiæ Prophætæ.

**R**ECORDARE Dōmine quid acciderit nobis : intuerē, et respice opprobrium nostrum. Herēditas nostra versa est ad aliēnos : domus nostræ ad extrāneos. Pupilli facti sumus absque patre, matres nostræ quasi viduæ. Aquam nostram pecūnia bibimus : ligna nostra pretio comparāvimus.

Cervicibus nostris minabāmur, lassus non dabātur requies. Ægypto dēdimus manum, et Assyriis ut saturarēmur pane. Patres nostri peccavērunt, et non sunt : et nos iniquitates eōrum portāvimus. Servi domināti sunt nostri : non fuit qui redimeret de manu eōrum. In animābus nostris afferebāmus panem nobis, a facie glādi in desēto. Pellis nostra, quasi clibanus exūsta est a facie tempestātum famis. Mulieres in Sion humiliavērunt, et virgines in civitatibus Juda. Principes manu suspēsi sunt : faciēs senum non erubuerunt. Adolescentibus impudice abūsunt : et pūeri in ligno corruērunt. Senes defecērunt de portis : jūvenes de choro psallētiū. Defecit gaudium cordis nostri : versus est in luctum chorus noster. Cēcidit corōna capitis nostri : vae nobis, quia peccāvimus. Propterea mæstum factum est cor nostrum, ideo contenebrāti sunt oculi nostri : Propter montem Sion quia dispēriit, vulpes ambulavērunt in eo. Tu autem Dōmine in ætēnum permanēbis, solum tuum in generationem et generationem. Quare in perpētuum obliviscēris nostri ? derelinques nos in longitudine diērum ? Convertēte nos Dōmine ad te, et convertēmur : innova dies nostros, sicut a principio. Sed projiciens repulisti nos, irātus es contra nos vehemēter.

Jerūsalem, Jerūsalem, convertēte ad Dōminum Deum tuum.

R. ix. Agnus Dei Christus immolātus est pro salute mun-

di : nam de paréntis protoplásti fraude Factor cóndolens, quando pomi noxiális morsu in mortem córruit, ipse lignum tunc notávit, \* Damna ligni ut sólveret. **¶** Lustris sex qui jam peráctis tempus implens córporis, se volénte, natus ad hoc, passióni deditus, Agnus in cruce levátur, immolándus stípíte. — Damna ligni ut sólveret. **R.** Agnus Dei Christus.

## AD LAUDES.

Psalmus 50.

**M**ISERERE mei Deus, \* secúndum magnam misericórdiam tuam.

Et secúndum multitudinem miseratiónum tuárum, \* dele iniquitatem meam.

Amplius lava me ab iniquitate mea : \* et a peccáto meo munda me.

Quóniam iniquitatem meam ego cognósko : \* et peccátum meum contra me est semper.

Tibi soli peccávi, et malum coram te feci : \* ut justificéris in sermónibus tuis, et vincas cum judicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritatem dilexisti : \* incérta, et occulta sapiéntiæ tuæ manifestásti mihi.

Aspérge me hyssópo, et mundábor : \* lavábis me, et super nivem dealbábor.

Auditui meo dabis gáudium et lætítiam : \* et exsultábunt ossa humiliáta.

Avérte faciém tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a fácie tua : \* et spíritum sanctum tuum ne áuferas a me.

Redde mihi lætítiam salutáris tui : \* et spíritu principáli confirma me.

Docébo iníquos vias tuas : \* et impíi ad te converténtur.

Libera me de sanguinibus Deus, Deus salutis meæ : \* et exsultábit lingua mea justítiam tuam.

Dómine lábia mea apéries : \* et os meum annuntiábit laudem tuam.

Quóniam si voluisses sacrificium, dedissem útique : \* holocáustis non delectáberis.

Sacrificium Deo spíritus contríbulátus : \* cor contrítum et humiliátum Deus non despícies.

Benígne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrificium justítiæ, oblatiões et holocáusta : \* tunc impónent super altáre tuum vítulos.

**Añá.** O mors ero mors tua : morsus tuus ero inférne.

Psalmus 42.

**J**UDICA me Deus, et discérne causam meam de gente non sancta, \* ab hómine iniquo, et dolóso érue me.

Quia tu es Deus fortitúdo mea : \* quare me repulisti? et quare tristis incédo, dum affligit me inimicus?

Emitte lucem tuam et veritatem tuam : \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altáre Dei : \* ad Deum, qui lætíficat juventutem meam.

Confitébor tibi in cithara Deus Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Añã. Plangent eum quasi unigénitum : quia innocens Dóminus occísus est.

Psalmus 62.

**D**EUS Deus meus \* ad te de luce vígilo.

Sitívit in te ánima mea, \* quam multipliciter tibi caro mea.

In terra desérta, et ínvia, et inaquósa : \* sic in sancto appáruí tibi, \* ut vidérem virtutem tuam, et glóriam tuam.

Quóniam mélior est misericórdia tua super vitas : \* lábia mea laudábunt te.

Sic benedicam te in vita mea : \* et in nómine tuo levábo manus meas.

Sicut ádipe et pinguédine repleátur ánima mea : \* et lábiis exsultatiónis laudábit os meum.

Si memor fui tui super stratum meum, \* in matutínis meditábor in te : \* quia fuísti adjútor meus.

Et in velaménto alárum tuárum exsultábo, \* adhæsit ánima mea post te : \* me suscepit dextera tua.

Ipsi vero in vanum quæsiérunt ánimam meam, \* introibunt in inferióra terræ : \* tradéntur in manus gládií, partes vúlpium erunt.

Rex vero lætábitur in Deo, \* et

laudabúntur omnes qui jurant in eo : \* quia obstrúctum est os loquéntium iniqua.

Psalmus 66.

**D**EUS misereátur nostri, et benedicat nobis : \* illúminet vultum suum super nos, et misereátur nostri.

Ut cognoscámus in terra viam tuam : \* in ómnibus géntibus salutáre tuum.

Confiteántur tibi pópuli Deus : \* confiteántur tibi pópuli omnes.

Læténtur et exsúltent gentes : \* quóniam júdicas pópulos in aequitáte, \* et gentes in terra dirígis.

Confiteántur tibi pópuli Deus : \* confiteántur tibi pópuli omnes : \* terra dedit fructum suum.

Benedicat nos Deus, Deus noster, \* benedicat nos Deus : \* et métuant eum omnes fines terræ.

Añã. Atténdite univérsi pópuli, et vidéte dolórem meum.

Canticum Ezechíæ Regis.

Isaíæ 38.

**E**GO dixi : In dimídio dierum meórum \* vadám ad portas inferi.

Quæsiuí residuum annórum meórum. \* Dixi : Non vidébo Dóminum Deum in terra viventium.

Non aspiciam hóminem ultra, \* et habitatórem quietis.

Generátio mea abláta est; et convolúta est a me, \* quasi tabernáculum pastórum :

Præcisa est velut a texénte, vita mea : \* dum adhuc ordírer, succidit me : \* de mane usque ad vésperam finies me.



Sperábam usque ad mane, \*  
quasi leo sic contrivit ómnia  
ossa mea :

De mane usque ad vésperam  
finies me : \* sicut pullus hirún-  
dinis sic clamábo, meditábor  
ut columba :

Attenuati sunt óculi mei, \*  
suspicientes in excélsum :

Dómine vim pátiar, & re-  
spónde pro me. \* Quid dicam,  
aut quid respondébit mihi, cum  
ipse fécerit?

Recogitábo tibi omnes annos  
meos \* in amaritúdine ánimæ  
meæ.

Dómine si sic vívitur, et in  
talibus vita spiritus mei, & cor-  
rípies me, et vivificábis me. \*  
Ecce in pace amaritúdo mea  
amarissima :

Tu autem eruisti ánimam  
meam ut non períret, \* proje-  
cisti post tergum tuum ómnia  
peccáta mea.

Quia non inférnus confitébi-  
tur tibi, & neque mors laudábit  
te : \* non exspectábunt qui  
descéndunt in lacum, veritá-  
tem tuam.

Vivens vivens ipse confitébi-  
bitur tibi, sicut et ego hódie : \*  
pater filiis notam faciet veritá-  
tem tuam.

Dómine salvum me fac, \* et  
psalmos nostros cantábimus  
cunctis diébus vitæ nostræ in  
domo Dómini.

Aña. A porta inferi érué Dó-  
mine ánimam meam.

Psalmus 148.

**L**AUDATE Dóminum de cæ-  
lis : laudáte eum in ex-  
célis.

Laudáte eum omnes Angeli  
ejus : \* laudáte eum omnes  
virtutes ejus.

Laudáte eum sol et luna : \*  
laudáte eum omnes stellæ, et  
lumen.

Laudáte eum cæli cælórum : \*  
et aquæ omnes, quæ super  
cælos sunt, laudent nomen  
Dómini.

Quia ipse dixit, et facta sunt : \*  
ipse mandávit, et creáta sunt.

Státuit ea in ætérnum, et in  
sæculum sæculi : \* præcéptum  
pósuit, et non præteribit.

Laudáte Dóminum de terra, \*  
dracónes, et omnes abyssi.

Ignis, grando, nix, glácies,  
spiritus procellárum : \* quæ  
faciunt verbum ejus :

Montes, et omnes colles : \*  
ligna fructifera, et omnes cedri.

Béstiæ, et univérsa pécora : \*  
serpéntes, et volucres pennátæ :

Reges terræ, et omnes pó-  
puli : \* príncipes, et omnes  
iudices terræ.

Júvenes, et virgines : senes  
cum junióribus laudent nomen  
Dómini : \* quia exaltátum est  
nomen ejus solius.

Conféssio ejus super cælum,  
et terram : \* et exaltávit cornu  
pópuli sui.

Hymnus ómnibus sanctis  
ejus : \* filiis Israel, populo  
appropinquánti sibi.

Psalmus 149.

**C**ANTATE Domino cánticum  
novum : \* laus ejus in ec-  
clésia sanctórum.

Lætétur Israel in eo, qui fecit  
eum : et filii Sion exsúltent  
in rege suo.

Laudent nomen ejus in cho-  
ro : \* in tympano, et psalterio  
psallant ei :

Quia beneplácitum est Do-  
mino in pópulo suo : \* et exal-  
tabit mansuétos in salutem.

Exsultábunt sancti in glória : \* lætabúntur in cubilibus suis.

Exaltatiónes Dei in gútture eórum : \* et gládii ancípites. in má nibus eórum :

Ad faciendam vindictam in natió nibus : \* increpatiónes in pópulis.

Ad alligándos reges eórum in compédibus : \* et nóbiles eórum in má nicis férreis.

Ut fá ciant in eis iudicium conscriptum : \* glória hæc est ómnibus sanctis ejus.

Psalmus 150.

**L**AUDATE Dóminum in sanctis ejus : \* laudáte eum in firmaménto virtútis ejus.

Laudáte eum in virtútibus ejus : \* laudáte eum secúndum multitudínem magnitúdinis ejus.

Laudáte eum in sono tubæ : \* laudáte eum in psaltério, et cithara.

Laudáte eum in tympano, et choro : \* laudáte eum in choris, et órgano.

Laudáte eum in cymbalis benesonántibus : & laudáte eum in cymbalis jubilatiónis : \* omnis spíritus laudet Dóminum.

Aña. Ovosomnes, qui transítis per viam, atténdite, et vidéte, si est dolor sicut dolor meus.

Non dicatur Capitulum, neque Hymnus, neque Versiculus, sed finita quinta Antiphona, inchoetur

Canticum Zachariæ. Luc. 1.

**B**ENEDICTUS Dóminus Deus Israel, \* quia visitávit, et fecit redemptionem plebis suæ :

Et eréxit cornu salútis nobis : \* in domo David púeri sui.

Sicut locútus est per os sanctorum, \* qui a sæculo sunt, prophetárum ejus :

Salútem ex inimícis nostris, \* et de manu ómnium, qui odérunt nos :

Ad faciendam misericórdiam cum pátribus nostris : \* et memorári testaménti sui sancti.

Jusjurándum, quod jurávit ad Abraham patrem nostrum, \* datúrum se nobis :

Ut sine timóre, de manu inimicórum nostrórum liberáti, \* serviámus illi.

In sanctitáte, et justítia coram ipso, \* ómnibus diébus nostris.

Et tu puer, Prophéta Altíssimi vocáberis : \* præbis enim ante fáciem Dómini paráre vias ejus :

Ad dandam sciéntiam salútis plebi ejus : \* in remissionem peccatórum eórum :

Per viscera misericórdiæ Dei nostri : \* in quibus visitávit nos óriens ex alto :

Illumináre his, qui in ténebris, et in umbra mortis sedent : \* ad dirigéndos pedes nostros in viam pacis.

Aña. Mulieres sedéntes ad monuméntum lamentabántur flentes Dóminum.

Finita Antiphona post Benedictus, duo Fratres stantes ante gradus Altaris dicant : Kyrie eléison. Et Choro respondente Kyrie eléison., iterum illi duo Fratres dicant : Kyrie eléison.

Deinde alii duo Fratres stantes in medio Chori dicant : Dómine miserére. Et Chorus respondeat : Christus Dóminus factus est obédiens usque ad mortem.

Item Fratres qui sunt ante gradus contenti Versum : Qui passurus advenisti propter nos. Et Chorus dicat : Christe eléison.

Item Fratres ante gradus  $\Psi$ . Qui expansis in cruce manibus traxisti omnia ad te sæcula. Item Chorus : Christe eléison.

Item Fratres ante gradus  $\Psi$ . Qui prophétice prompsisti : Ero mors tua o mors. Item Chorus : Christe eléison.

Deinde duo Fratres in medio Chori stantes dicant : Domine miserere. Et Chorus respondeat : Christus Dominus factus est obediens usque ad mortem.

Item Fratres ante gradus dicant : Kyrie eléison. Et Chorus : Kyrie eléison. Et Fratres ante gradus : Kyrie eléison.

Deinde duo Fratres in medio Chori stantes dicant : Domine miserere. Et Chorus respondeat : Christus Dominus factus est obediens usque ad mortem.

Item Fratres ante gradus dicant alta voce : Mortem autem crucis.

Interim dum hæc cantantur, Fratres sint versi ad Altare.

Finito Versu Mortem autem crucis., prosternant se omnes, et dicto Pater noster, secreto, Conventus mediocri voce alternatim dicat Psalmum 50. Miserere mei Deus., pag. 473.

Deinde, absque Dominus vobiscum. et absque Orémus., dicatur Oratio.

**R**ESPICE, quæsumus Domine, super hanc familiam tuam : pro qua Dominus noster Jesus Christus non dubitavit manibus tradi nocentium, et crucis subire tormentum.

Non dicatur Qui tecum vivit., neque Amen, neque Benedicamus Domino., neque Fidéjium.; sed dicto post Orationem Pater noster, secreto, et facto signo a Prælato, surgant omnes, et sic Matutinæ terminentur.

#### AD PRIMAM.

Fratres prostrati super formas, dicto Pater noster. et Credo in Deum., surgant, et postquam versis ad Altare vultibus se signaverint, absque  $\Psi$ . Deus in adiutorium, et absque Hymno dicant tres Psalmos consuetos voce mediocri.

Super Psalmos Añã. Christus factus est pro nobis obediens usque ad mortem, mortem autem crucis.

Non dicatur Capitulum, nec Responsorium, nec Versiculus, nec Confiteor.; sed finita post Psalmos Antiphona, prosternant se omnes, et dicto Pater noster, secreto, Conventus mediocri voce alternatim dicat Psalmum 50. Miserere mei Deus, pag. 473.

Deinde, absque Dominus vobiscum. et absque Orémus., dicatur Oratio.

**R**ESPICE, quæsumus Domine, super hanc familiam tuam : pro qua Dominus noster Jesus Christus non dubitavit manibus tradi nocentium, et crucis subire tormentum.

#### AD PRETIOSA.

Pronuntiatis Luna et quæ de Calendario et Martyrologio pronuntianda sunt, Pretiosa, dicatur ut in die Cenæ, pag. 443. notatum est, cum sequenti tamen Evangelio :



Secúndum Matthæum.

Cap. 28.

VESPERE autem sabbati, quæ  
lucéscit in prima sabbati,  
venit Maria Magdaléne et ál-  
tera Maria vidére sepúlcrum.  
Tu autem Dómine.

AD TERTIAM,  
SEXTAM ET NONAM.

Fratres prostrati super for-  
mas, dicto Pater noster., sur-  
gant, et postquam versis ad  
Altare vultibus se signaverint,  
absque ✠. Deus in adjutórium.  
et absque Hymno, dicant tres  
Psalms consuetos voce me-  
diocri.

Super Psalmos Aña. Christus  
factus est pro nobis obédiens  
usque ad mortem, mortem autem  
crucis.

Non dicatur Capitulum, nec  
Responsorium, nec Versiculus;  
sed finita post Psalmos Anti-  
phona, prosternant se omnes,  
et dicto Pater noster. secreto,  
Conventus mediocri voce al-  
ternatim dicat Psalmum 50.  
Miserére mei Deus, pag. 473.

Deinde, absque Dóminus vo-  
biscum. et absque Orémus,  
dicatur Oratio.

RESPICE, quæsumus Dómi-  
ne, super hanc familiam  
tuam : pro qua Dóminus nos-  
ter Jesus Christus non dubitá-  
vit mánibus tradi nocéntium,  
et crucis subire torméntum.

Pater noster. secreto.

AD VESPERAS.

¶ Si Vesperæ intra Missam  
cantantur, dicto a Sacerdote  
Pax Dómini. et facto módico  
intervallo, dicatur ante Psal-  
mum tota sequens Antiphona :  
Allelúia, allelúia allelúia.

Psalmus 116.

L AUDATE Dóminum omnes  
gentes : \* laudáte eum  
omnes pópuli :

Quóniam confirmáta est su-  
per nos misericórdia ejus : \*  
et véritas Dómini manet in  
ætérnum.

Glória Patri... Sicut erat.

Dicto Psalmo, repetatur Aña.  
Allelúia, allelúia, allelúia.

Et statim cantetur ante Ma-  
gnificat Aña. Véspere autem  
sabbati, quæ lucéscit in prima  
sabbati, venit Maria Magda-  
léne et áltera María vidére  
sepúlcrum, allelúia.

Canticum B. Mariæ V.

Luc. 1.

MAGNIFICAT \* ánima mea  
Dóminum :

Et exsultávit spíritus meus \*  
in Deo salutári meo.

Quia respéxit humilitátem  
ancillæ suæ : \* ecce enim ex  
hoc beátam me dicent omnes  
generatiónes.

Quia fecit mihi magna qui  
potens est : \* et sanctum no-  
men ejus.

Et misericórdia ejus a progé-  
nie in progénies \* tíméntibus  
eum.

Fecit poténtiam in bráchio  
suo : \* dispérsit supérbos mente  
cordis sui.

Depósuit poténtes de sede \*  
et exaltávit húmiles.

Esuriéntes implévit bonis : \*  
et dívites dimisit inánes.

Suscépit Israel púerum suum,\*  
recordátus misericórdiæ suæ.

Sicut locútus est ad patres  
nostros, \* Abraham, et sémini  
ejus ejus in sæcula.

Glória Patri... Sicut erat.

Añā. Vespere autem sabbati, quæ lucēscit in prima sabbati, venit Mariā Magdalēne, et altera Mariā vidēre sepulcrum, allelūia.

Repetita post Magnificat Añā Vespere., dicatur a Sacerdote: Dóminus vobiscum. R. Et cum spiritu tuo.

Orémus. Postcommunio.

**S**PIRITUM nobis Dómine tuæ caritátis infunde : ut quos sacramētis Paschálibus satiasti, tua fácias pietáte concordes. Per Dóminum.

Et dicto iterum a Sacerdote Dóminus vobiscum., subjungat Diaconus Ite missa est, allelūia, allelūia. R. Deo grátias, allelūia, allelūia.

† Qui Vesperas privatim recitat, dicto Pater noster., signet se, et statim dicat Añam Allelūia, allelūia, allelūia., postea Psalmum Laudáte Dóminum omnes gentes. Repetita post Psalmum Añā Allelūia., sequitur Añā Vespere., ut supra, quæ tota dicitur ante et post canticum Magnificat., deinde Dóminus vobiscum., Oratio Spiritum nobis., ut supra, iterum Dóminus vobiscum., postea Benedicámus Dómino, allelūia, allelūia. R. Deo grátias, allelūia, allelūia.

Non subjungatur Fidélium.,

neque Pater noster., neque Salve Regina.

#### AD COMPLETORIUM.

Jube domne., Benedictio Noctem quiētam., Lectio Fratres sóbrii., V. Adjutórium., Pater noster., Confiteor., Misereatur., V. Converte nos., V. Deus in adjutórium., Glória Patri.. Sicut erat... Allelūia.

Dicantur tres Psalmi terminando quemlibet cum Glória Patri., videlicet Cum invocárem., In te Dómine sperávi., Ecce nunc., deinde immediate Canticum Nunc dimittis. cum Glória Patri.

Añā. Allelūia, allelūia, allelūia, allelūia.

Post hæc sequitur :

Dóminus vobiscum. R. Et cum spiritu tuo.

Orémus. Oratio.

**S**PIRITUM nobis Dómine tuæ caritátis infunde : ut quos Sacramētis Paschálibus satiasti, tua fácias pietáte concordes. Per Dóminum.

Dóminus vobiscum. R. Et cum spiritu tuo.

Benedicámus Dómino. R. Deo grátias.

Detur Benedictio, et dicatur Añā Salve Regina., superaddendo Allelūia. in fine, sicut et post Versiculum Dignáre.; ac more solito terminetur Completorium.

# IN DIE SANCTO PASCHÆ

## SEU DOMINICA RESURRECTIONIS DOMINI.

### TOTUM DUPLEX

#### AD MATUTINUM.

Pater noster. et Credo in Deum.

℣. Dómine lábia mea apé-ries. ℞. Et os meum annuntiá-  
bit laudem tuam.

℣. Deus in adjutórium meum  
inténde. ℞. Dómine ad adju-  
vándum me festína. Glória Pa-  
tri... Sicut erat... Allelúia.

Invitatorium. Allelúia, alle-  
lúia, \* Allelúia.

† Hac die, et per totam Heb-  
domadam usque ad Vesperas  
sequentis Sabbati exclusive,  
ad Horas tam diei quam noc-  
tis, nullus dicatur Hymnus.

#### IN NOCTURNO.

Psalmus 1.

**B**EATUS vir, qui non ábiit in  
consilio impiórum, & et in  
via peccatórum non stetit, \* et in  
cáthedra pestiléntiæ non sedit:  
Sed in lege Dómini volúntas  
ejus, \* et in lege ejus meditá-  
bitur die ac nocte.

Et erit tamquam lignum, quod  
plantátum est secus decúrsus  
aquárum, \* quod fructum suum  
dabit in témpore suo :

Et fólium ejus non défluat : \*  
et ómnia quæcúmque fáciat,  
prosperabúntur.

Non sic impii, non sic : \* sed  
tamquam pulvis, quem prójicit  
ventus a fácie terræ.

Ideo non resúrgerit impii in  
judicio : \* neque peccatóres in  
concilio justórum.

Quóniam novit Dóminus viam  
justórum : \* et iter impiórum  
peribit.

Añã. Ego sum, qui sum, et  
consilium meum non est cum  
impiis : sed in lege Dómini  
volúntas mea est, allelúia.

#### Psalmus 2.

**Q**UARE fremuérunt gentes, \*  
et pópuli meditátí sunt  
inánia?

Astitérunt reges terræ, &  
et príncipes convenérunt in  
unum, \* advérsus Dóminum,  
et advérsus Christum ejus.

Dirumpámus víncula eo-  
rum : \* et projiciámus a nobis  
jugum ipsórum.

Qui hábitat in cælis irridébit  
eos : \* et Dóminus subsanná-  
bit eos.

Tunc loquétur ad eos in ira  
sua, \* et in furóre suo contur-  
bábit eos.

Ego autem constitútus sum  
rex ab eo super Sion montem  
sanctum ejus, \* prædicans  
præcéptum ejus.

Dóminus dixit ad me : \* Filius  
meus es tu, ego hódie génuí te.  
Póstula a me, et dabo tibi  
gentes hereditátem tuam, \* et  
possessiónem tuam téminos  
terræ.

Reges eos in virga férrea, \*  
et tamquam vas figuli con-  
frínges eos.

Et nunc reges intelligite : \*  
erudímini qui judicátis terram.



Servite Dómino in timóre : \*  
et exsultáte ei cum tremóre.

Apprehéndite disciplinam ne-  
quándo irascátur Dóminus, \*  
et pereátis de via justa.

Cum exárserit in brevi ira  
ejus, \* beáti omnes, qui confi-  
dunt in eo.

Añā. Postulávi Patrem meum,  
allelúia : dedit mihi gentes,  
allelúia, in hereditátem, alle-  
lúia.

### Psalmus 3.

**D**OMINE quid multiplicáti  
sunt qui trébulant me? \*  
multi insúrgunt advérsus me.

Multi dicunt ánimæ meæ : \*  
Non est salus ipsi in Deo ejus.

Tu autem Dómine suscéptor  
meus es, \* glória mea, et exál-  
tans caput meum.

Voce mea ad Dóminum cla-  
mávi : \* et exaudivit me de  
monte sancto suo.

Ego dormivi, et soporátus  
sum : \* et exsurréxi, quia Dó-  
minus suscepit me.

Non timébo millia pópuli cir-  
cumdántis me : \* exsúrge Dó-  
mine, salvum me fac Deus  
meus.

Quóniam tu percussisti omnes  
adversántes mihi sine causa : \*  
dentes peccatórum contrivisti.

Dómini est salus : \* et super  
pópulum tuum benedictio tua.

Añā. Ego dormivi, et som-  
num cepi, et exsurréxi : quia  
Dóminus suscepit me, allelúia,  
allelúia.

℣. Resurréxit Dóminus, alle-  
lúia. ℞. Sicut dixit vobis, alle-  
lúia.

† Hic ℣. dicatur in Nocturno  
in Dominica et Feria secunda et  
quinta usque ad Ascensionem,  
quando de Tempore agitur.

Léctio sancti Evangélii  
secúndum Marcum.

Lectio j. Cap. 16.

**I**N illo témpore : María Ma-  
gdaléne, et María Jacóbi, et  
Sálome emérunt aromata, ut  
veníentes úngerent Jesum. Et  
valde mane una sabbatórum,  
veníunt ad monuméntum, orto  
jam sole. Et réliqua.

Homília sancti Gregórii Papæ.

(Hom. 21. in Evang.)

**A**UDISTIS, fratres caríssimi,  
quod sanctæ mulieres,  
quæ Dóminum fúerant secútæ,  
cum aromátibus ad monumén-  
tum venérunt : et ei, quem vi-  
véntem diléxerant, étiam mórtuo,  
stúdio humanitátis obse-  
quúntur. Sed res gesta áliquid  
in sancta Ecclesiá signat geré-  
ndum. Sic quippe necesse  
est ut audiámus quæ facta  
sunt, quátenus cogitémus  
étiam quæ nobis sint ex eórum  
imitatióne faciéndā. Et nos  
ergo in eum, qui est mórtuus,  
credéntes, si odóre virtútum  
reférti, cum opinióne bonórum  
óperum Dóminum quærimus,  
ad monuméntum profécto il-  
lius cum aromátibus veni-  
mus.

℞. j. Angelus Dómini de-  
scéndit de cælo, et accédens  
revólvit lápidem, et super eum  
sedit, et dixit muliéribus : No-  
lite timére : scio enim quia  
Crucifixum quæritis : \* Jam  
surréxit : venite, et vidéte lo-  
cum, ubi pósitus erat Dóminus,  
allelúia. ℣. Angelus Dómini  
locútus est muliéribus, dicens :  
Quem quæritis? an Jesum  
quæritis? — Jam surréxit.

## Lectio ij.

**I**LLÆ autem mulieres Angelos vident, quæ cum aromatibus venerunt : quia videlicet illæ mentes supernos cives aspiunt, quæ cum virtutum odöribus ad Dñm per sancta desideria proficiscuntur. Notandum vero nobis est, quidnam sit, quod in dextris sedere Angelus cernitur. Quid namque per sinistram, nisi vita præsens; quid vero per dexteram, nisi perpetua vita designatur? Unde in Canticis canticorum scriptum est : Læva ejus sub capite meo, et dextera illius amplexabitur me. Quia ergo Redemptor noster jam præsens vitæ corruptionem transierat, recte Angelus, qui nuntiare perennem ejus vitam venerat, in dextera sedebat. Qui stola candida coopertus apparuit : quia festivitatis nostræ gaudia nuntiavit.

R. ij. Angelus Dñi locutus est mulieribus, dicens : Quem queritis? An Jesum queritis? jam surrexit : \* Venite, et videte, allelúia, allelúia. V. Jesum queritis Nazarenum crucifixum? surrexit, non est hic. — Venite, et videte, allelúia, allelúia.

## Lectio iij.

**C**ANDOR etenim vestis, splendorem nostræ denuntiat solemnitatis. Nostræ dicamus, an suæ? Sed ut fateamur verius, et suæ dicamus, et nostræ. Illa quippe Redemptoris nostri Resurrectio, et nostra festivitas fuit, quia nos ad immortalitatem reduxit : et Angelorum festivitas exstitit, quia nos revocando ad cælestia, eorum numerum implévit. In

sua ergo, ac nostra festivitate Angelus in albis vestibus apparuit : quia dum nos per Resurrectionem Dominicam ad superna reducimur, cælestis patriæ damna reparantur.

R. iij. Dum transisset sabbatum, Maria Magdalene, et Maria Jacobi, et Salome emerunt aromata, \* Ut venientes ungerent Jesum, Allelúia, allelúia. V. Et valde mane una sabbatorum veniunt ad monumentum, orto jam sole. — Ut venientes ungerent Jesum, allelúia, allelúia. Glória. Allelúia, allelúia.

Canticum Te Deum. Et dicatur per totam Hebdomadam.

Ante Laudes V. In Resurrectione tua Christe, allelúia. R. Cæli et terra læténtur, allelúia.

† Hic V. dicatur ante Laudes usque ad Ascensionem, dum agitur de Tempore.

## AD LAUDES

ET PER HORAS ANTIPHONÆ.

1. Angelus autem Dñi descendit de cælo : et accedens revolvit lapidem, et sedebat super eum, allelúia, allelúia. Psalmus Dñus regnavit cum ceteris, pag. 17.

2. Et ecce terræ motus factus est magnus : Angelus autem Dñi descendit de cælo, allelúia.

3. Erat autem aspectus ejus sicut fulgur : vestimenta ejus sicut nix, allelúia, allelúia.

4. Præ timóre autem ejus exterriti sunt custódes, et facti sunt velut mórtui, allelúia.

5. Respondens autem Angelus dixit mulieribus : Nolite timére : scio enim quod Jesum queritis, allelúia.

† Hac die et per totam Hebdomadam usque ad Vesperas Sabbati exclusive, tam ad Laudes quam ad ceteras Horas non dicatur Capitulum, neque Hymnus. Versiculi autem non nisi in Nocturno, ante Laudes, in Memoriis Vesperarum et ad Processionem post Completorium dicantur.

Post quintam Antiphonam Laudum Respondens autem., ut supra, statim dicatur ad Benedictus tota Añā. Et valde mane una sabbatorum, veniunt ad monumentum, orto jam sole, allelúia. Repetita post Benedictus Antiphona, sequitur :  
Dóminus vobiscum.

Orémus. Oratio.

**D**EUS, qui hodierna die per Unigénitum tuum, æternitátis nobis áditum, devicta morte, reserásti : vota nostra, quæ præveniēdo aspiras, etiam adjuvādo proséquere. Per eúndem.

Dóminus vobiscum. R. Et cum spíritu tuo.

Benedicāmus Dómino, allelúia, allelúia. R. Deo grátias, allelúia, allelúia. † Et sic cum duplici Allelúia. dicatur Benedictāmus. in Laudibus et in Vesperis tam in Dominicis quam in festis Simplicibus et supra ; et etiam in Officiis Votivis usque ad j. Vesperas Trinitatis exclusive. In Officio vero Feriæ et trium Lectionum, et infra Octavas non Solemnnes dicitur cum uno Allelúia.

Ad ceteras autem Horas Benedicāmus Dómino, nunquam dicitur cum Allelúia.

AD PRIMAM.

Dicto Pater noster., Credo. et f. Deus in adiutorium. cum

Glória Patri... Sicut erat... Allelúia. dicuntur tres Psalmi consueti, sub Antiphona j. Laudum; qua dicta, statim sequitur

R. Hæc dies quam fecit Dóminus : exsultémus, et lætémur in ea.

Finito R. Hæc dies., dicatur Confiteor. et Misereatur., deinde :

Dóminus vobiscum. R. Et cum spíritu tuo.

Orémus. Oratio.

**D**EUS, qui hodierna die per Unigénitum tuum, æternitátis nobis áditum, devicta morte, reserásti : vota nostra, quæ præveniēdo aspiras, etiam adjuvādo proséquere. Per eúndem.

Dóminus vobiscum. R. Et cum spíritu tuo.

Benedicāmus Dómino. R. Deo grátias.

AD TERTIAM,  
SEXTAM ET NONAM.

Pater noster., f. Deus in adiutorium., Glória Patri... Sicut erat... Allelúia.

Psalmi consueti respective.

Dicta post Psalmos Antiphona, statim sequitur

R. Hæc dies, quam fecit Dóminus : exsultémus, et lætémur in ea.

Dóminus vobiscum. R. Et cum spíritu tuo.

Orémus. Oratio.

**D**EUS, qui hodierna die per Unigénitum tuum, æternitátis nobis áditum, devicta morte, reserásti : vota nostra, quæ præveniēdo aspiras, etiam adjuvādo proséquere. Per eúndem.



Dóminus vobiscum. R. Et cum spiritu tuo.

Benedicámus Dómino. R. Deo grátias.

#### AD VESPERAS.

Pater noster., V. Deus in adiutorium., cum Glória Patri... Sicut erat... Allelúia.

Psalms 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuæ emittet Dóminus ex Sion : \* dominare in medio inimicorum tuorum.

Tecum principium in die virtutis tuæ in splendoribus sanctorum : \* ex útero ante luciferum genui te.

Jurávit Dóminus, et non poenitébit eum : \* Tu es sacerdos in ætérnum secundum ordinem Melchisedech.

Dóminus a dextris tuis, \* confrégit in die iræ suæ reges.

Judicabit in nationibus, implebit ruinas : \* conquassabit capita in terra multorum.

De torrente in via bibet : \* propterea exaltabit caput.

Psalms 110.

**C**ONFITEBOR tibi Dómine in toto corde meo : \* in consilio justorum, et congregatióne.

Magna ópera Dómini : \* exquisita in omnes voluntates ejus.

Confessio et magnificéntia opus ejus : \* et justitia ejus manet in sæculum sæculi.

Memóriam fecit mirábiliu suorum, & miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtutem óperum suorum annuntiábit pópulo suo.

Ut det illis hereditátem gentium : \* ópera mánuum ejus veritas et judicium.

Fidélia ómnia mandáta ejus : & confirmáta in sæculum sæculi, \* facta in veritate et æquitate.

Redemptionem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus scientibus eum : \* laudatio ejus manet in sæculum sæculi.

Psalms 111.

**B**EATUS vir, qui timet Dónum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténébris lumen rectis : \* miséricors, et miserátor, et justus.

Jucúndus homo qui miserétur et commodat, & dispónet sermones suos in judicio : \* quia in ætérnum non commovébitur.

In memóriam ætérna erit justus : \* ab auditióne mala non timébit.

Parátum cor ejus sperare in Dómino, & confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidēbit, et irascētur, & dēntibus suis fremet et tabēscet : \* desidērium peccātorūm peribit.

Añā. Angelus autem Dómini descēndit de cælo : et accēdens revólvit lápidem, et sedēbat super eum, allelúia, allelúia.

Finita Antiphona post Psalmos, statim dicatur

R. Hæc dies quam fecit Dóminus : exsultémus, et lætémur in ea.

† Prædicti tres tantum Psalmi, prædicta Antiphona et R. Hæc dies. dicantur quotidie ad Vesperas usque ad sequens Sabbatum exclusive.

Ad Magnificat Añā. Et respiciētes vidērunt revólutum lápidem : erat quippe magnus valde, allelúia.

Repetita post Magnificat Antiphona, sequitur : Dóminus vobiscum. Oratio.

**D**EUS, qui hodierna die per Unigénitum tuum, æternitátis nobis áditum, devicta morte, reserásti : vota nostra, quæ præveniēdo aspiras, étiam adjuvādo proséquere. Per eúmdem Dóminum nostrum.

† Hoc triduo terminata ad Vesperas Oratione, sequitur

R. Christus resúrgens ex mórtuis jam non móritur, mors illi ultra non dominábitur : \* Quod enim vivit, vivit Deo, allelúia, allelúia. V. Dicant nunc Judæi quómodo milites custodiētes sepúlcrum perdiderunt Regem ad lápidis posiciónem. Quare non servábant Petram justitiæ? Aut sepúltum reddant, aut resurgéntem adórent, nobiscum dicētes. — Quod enim vivit, vivit Deo, allelúia, allelúia.

V. Dicite in natió nibus, allelúia. R. Quia Dóminus regnāvit a ligno, allelúia. Oratio.

**D**EUS, qui pro nobis Fílium tuum Crucis patíbulum subíre voluísti, ut inimici a nobis expélleres potestatem, concéde nobis fámulis tuis ut Resurrectiōnis grátiam consequámur. Per eúmdem Christum.

Deinde dicatur Añā. Regina cæli lætare, allelúia : quia quem meruísti portāre, allelúia, resurréxit, sicut dixit, allelúia. Ora pro nobis Deum, allelúia.

V. Ora pro nobis sancta Dei Génitrix, allelúia. R. Ut digni efficiámur promissiōnibus Christi, allelúia. Oratio.

**G**RATIAM tuam, quæsumus Dómine, méntibus nostris infúnde : ut qui, Angelo nuntiānte, Christi Fílii tui Incarnatiōnem cognóvimus, per Passiōnem ejus et Crucem ad Resurrectiōnis glóriam perducámur. Per eúmdem Dóminum.

Deinde Dóminus vobiscum. R. Et cum spiritu tuo.

Benedicámus Dómino, allelúia, allelúia. R. Deo grátias, allelúia, allelúia.

† Et hoc modo his tribus diebus Vesperæ terminentur.

† Qui vero extra Chorum sunt omnia dicant quæ a Conventu cantantur.

#### AD COMPLETORIUM.

Jube domne., Benedictio. Noctem quietam., Lectio Fratres sóbrii estóte., V. Adjutórium., Pater noster., Confiteor., Misereatur., V. Convérte nos., V. Deus in adjutórium.

Super Psalmos Añā. Allelúia, allelúia, allelúia, allelúia.

Dicantur tres Psalmi, videlicet Cum invocárem., In te Dómine sperávi. et Ecce nunc benedicite Dóminum.

Finita post Psalmos Antiphona, statim sequitur

R̃. Hæc dies, quam fecit Dóminus : exultémus, et lætémur in ea.

Deinde Canticum Nunc dimittis.

Ad Nunc dimittis Añā. Allelúia, Resurrexit Dóminus, allelúia : sicut dixit vobis, allelúia, allelúia.

Dóminus vobiscum. R̃. Et cum spíritu tuo.

Orémus.

Oratio.

**S**PIRITUM nobis Dómine tuæ caritátis infunde : ut quos sacraméntis Paschálibus satiásti, tua faciās pietáte concordes. Per Dóminum.

Dóminus vobiscum. R̃. Et cum spíritu tuo.

Benedicámus Dómino. R̃. Deo grátias.

Data Benedictione, Añā Salve Regina. et reliqua more solito dicantur, addito suis locis Allelúia. et Completorium terminetur ut pag. 151. notatum est.

¶ Idem modus dicendi Completorium servetur usque ad Sabbatum subsequens exclusive, nisi quod Oratio Spíritum nobis. duobus tantum diebus sequentibus dicetur.

FERIA SECUNDA.

TOTUM DUPLEX.

AD MATUTINUM.

Invitatorium. Surrexit Dóminus vere, \* Allelúia.

IN NOCTURNO.

Psalmus 4.

**C**UM invocárem exaudivit me Deus justitiæ meæ : \* in tribulatione dilatásti mihi.

Miserére mei, \* et exaudi orationem meam.

Filii hóminum úsquequo gravi corde? \* ut quid diligitis vanitatem, et quæritis mendacium?

Et scitôte quóniam mirificávit Dóminus sanctum suum : \* Dóminus exaudiet me cum clamávero ad eum.

Irascimini, et nolite peccare : \* quæ dicitis in córdibus vestris, in cubilibus vestris compungimini.

Sacrificáte sacrificium justitiæ, & et speráte in Dómino : \* multi dicunt : Quis osténdit nobis bona?

Signátum est super nos lumen vultus tui Dómine : \* dedisti lætítiam in corde meo.

A fructu fruménti, vini, et ólei sui \* multiplicátii sunt.

In pace in idípsum \* dormiam, et requiescam :

Quóniam tu Dómine singulariter in spe \* constituísti me.

Psalmus 5.

**V**ERBA mea áuribus pèrcipe Dómine, \* intéllege clamórem meum.

Inténde voci orationis meæ, \* rex meus et Deus meus.

Quóniam ad te orábo : \* Dómine mane exaudies vocem meam.

Mane astábo tibi et vidébo : \* quóniam non Deus volens iniquitatem tu es.

Neque habitábit juxta te malignus : \* neque permanébunt injústi ante óculos tuos.



Odisti omnes, qui operantur iniquitatem : \* perdes omnes, qui loquuntur mendacium.

Virum sanguinum et dolosum abominabitur Dominus : \* ego autem in multitudine misericordiæ tuæ.

Introibo in domum tuam : \* adorabo ad templum sanctum tuum in timore tuo.

Domine deduc me in iustitia tua : \* propter inimicos meos dirige in conspectu tuo viam meam.

Quoniam non est in ore eorum veritas : \* cor eorum vanum est.

Sepulcrum patens est guttur eorum, & linguis suis dolose agebant, \* iudica illos Deus.

Décidant a cogitationibus suis, & secundum multitudinem impietatum eorum expelle eos, \* quoniam irritaverunt te Domine.

Et lætentur omnes, qui sperant in te, \* in æternum exultabunt : et habitabis in eis.

Et gloriabuntur in te omnes, qui diligunt nomen tuum, \* quoniam tu benedices iusto.

Domine, ut scuto bonæ voluntatis tuæ \* coronasti nos.

Psalmus 6.

**D**OMINE, ne in furore tuo arguas me, \* neque in ira tua corripas me.

Miserere mei Domine quoniam infirmus sum : \* sana me Domine quoniam conturbata sunt ossa mea.

Et anima mea turbata est valde : \* sed tu Domine usquequo?

Convertere Domine, et eripe animam meam : \* saluum me fac propter misericordiam tuam,

Quoniam non est in morte qui memor sit tui : \* in inferno autem quis confitebitur tibi?

Laboravi in gemitu meo, & lavabo per singulas noctes lectum meum : \* lacrimis meis stratum meum rigabo.

Turbatus est a furore oculus meus : \* inveteravi inter omnes inimicos meos.

Discédite a me omnes qui operamini iniquitatem : \* quoniam exaudivit Dominus vocem fletus mei.

Exaudivit Dominus deprecationem meam, \* Dominus orationem meam suscepit.

Erubescant, et conturbentur vehementer omnes inimici mei : \* convertantur et erubescant valde velociter.

Añā. Surrexit Christus, et illuxit populo suo, quem redemit sanguine suo, alleluia.

℟. Resurrexit Dominus, alleluia. ℞. Sicut dixit vobis, alleluia.

Lectio sancti Evangelii secundum Lucam.

Lectio j. Cap. 24.

**I**N illo tempore : Duo ex discipulis Jesu ibant ipsa die in castellum, quod erat in spatio stadiorum sexaginta ab Ierusalem, nomine Emmaus. Et reliqua.

Homilia sancti Gregorii Papæ. (Homil. 23. in Evang.)

**A**UDISTIS, fratres carissimi, quia duobus discipulis ambulāntibus in via, non quidem credentibus, sed tamen de se loquentibus, Dominus apparuit : sed eis speciem, quam recognoscere, non ostendit. Hoc ergo egit foris Dominus in oculis corporis, quod apud

ipsos agebátur intus in óculis cordis. Ipsi namque apud semetipsos intus et amábant, et dubitábant : eis autem Dóminus foris et præsens áderat, et quis esset non ostendébat. De se igitur loquéntibus præséntiam exhibuit : sed de se dubitántibus cognitiónis suæ spéciem abscondit.

R. j. María Magdaléne et áltera María ibant dilúculo ad monuméntum. Jesum quem quæritis, non est hic : surrexit sicut locútus est : \* Præcédet vos in Galilæam : ibi eum vidébitis, allelúia, allelúia. V. Cito eúntes dicite discipulis ejus et Petro quia surrexit Dóminus. — Præcédet vos.

#### Lectio ij.

**V**ERBA quidem cónsulit, dicitur ritiam intelléctus increpávit, Scripturæ sacræ mystéria, quæ de seipso erant, apérui : et tamen quia adhuc in eórum córdibus peregrínus erat a fide, ire se lóngius finxit. Fingere namque, compónere dicimus : unde et compositóres luti figulos vocámus. Nihil ergo simplex Véritas per duplicitétem fecit : sed talem se eis exhibuit in corpore, qualis apud illos erat in mente. Probánda autem erant : si hi, qui eum, etsi necdum ut Deum diligenter, saltem ut peregrínus amáre potuissent.

R. ij. Surgens Jesus Dóminus noster, et stans in médio discipulórum suórum, dixit : \* Pax vobis, allelúia. Gavisí sunt discipuli, viso Dómino, allelúia. V. Una ergo sabbátórum, cum fores essent clausæ, ubi erant discipuli congregáti,

venit Jesus, et stetit in médio, et dixit eis. — Pax vobis.

#### Lectio iij.

**S**ED quia esse extránei a caritate non póterant hi, cum quibus Véritas gradiebátur, eum ad hospítium quasi peregrínus vocant. Cur autem dicimus, Vocant; cum illic scriptum sit, Et coegerunt eum? Ex quo nimirum exémplo colligitur, quia peregríni ad hospítium non solum invitánda sunt, sed étiam trahénda. Mensam igitur ponunt, panes cibosque offerunt : et Deum, quem in Scripturæ sacræ expositione non cognóverant, in panis fractione cognóscunt. Audiéndo ergo præcepta Dei, illumináti non sunt; faciéndo, illumináti sunt : quia scriptum est : Non auditóres legis justí sunt apud Deum, sed factóres legis justificabúntur.

R. iij. Congratulámini mihi omnes, qui diligitis Dóminum : quia quem quærébam apparuit mihi, \* Et dum flerem ad monuméntum, vidi Dóminum meum, Allelúia. V. Recedéntibus discipulis non recedebam : et amóris ejus igne succénsa, ardébam desiderio. — Et dum flerem. Glória. Allelúia.

Ante Laudes V. In Resurrectione tua Christe, allelúia. R. Cæli et terra læténtur, allelúia.

#### AD LAUDES.

Super Psalmos sola Aña. Angelus autem Dómini descéndit de cælo : et accédens revolvit lápidem, et sedébat super eum, allelúia, allelúia. Psalmus Dóminus regnávít. cum ceteris, pag. 17.

Dicta post Psalmos Aña Angelus., statim sequitur ad Benedictus tota Aña. Qui sunt hi sermões, quos confertis ad invicem ambulantes, et estis tristes? Allelúia, allelúia.

#### Oratio.

**D**EUS, qui solemnitate Paschali mundo remedia contulisti; populum tuum, quæsumus, cælesti dono prosequere : ut et perfectam libertatem consequi mereatur, et ad vitam proficiat sempiternam. Per.

† Usque ad Vesperas Sabbati exclusive, Oratio quæ dicta fuerit in Laudibus dicatur etiam ad Tertiam, Sextam, Nonam et Vesperas.

#### AD PRIMAM.

Pater noster., Credo in Deum., V. Deus in adiutorium. Glória Patri., Allelúia.

Aña. Angelus autem Domini descendit de cælo : et accedens revolvit lapidem, et sedebat super eum, allelúia, allelúia. Tres Psalmi consueti.

Finita post Psalmos Antiphona, statim sequitur

R. Hæc dies quam fecit Dominus : exsultemus, et lætemur in ea.

Deinde dicatur Confiteor. et Misereatur.

Dominus vobiscum. R. Et cum spiritu tuo.

Orémus.

Oratio.

**D**EUS, qui hodierna die per Unigenitum tuum, æternitatis nobis aditum, devicta morte, reserasti : vota nostra, quæ præveniēdo aspiras, etiam adjuvando prosequere. Per eundem Dominum.

Dominus vobiscum. R. Et cum spiritu tuo.

Benedicamus Domino. R. Deo grátias.

† Hoc modo dicatur Prima per totam Hebdomadam, nisi quod in quarta Feria et deinceps dicitur Oratio In hac hora hujus diēi., et in Sabbato, loco Responsorij Hæc dies, dicitur : Allelúia. Hæc dies.

#### AD TERTIAM.

Pater noster., V. Deus in adiutorium., Glória Patri., Allelúia.

Aña. Et ecce terræ motus factus est magnus : Angelus autem Domini descendit de cælo, allelúia. Tres Psalmi consueti.

Finita post Psalmos Antiphona, statim sequitur

R. Hæc dies quam fecit Dominus : exsultemus, et lætemur in ea.

Dominus vobiscum. Orémus.

Dominus vobiscum. Benedicamus Domino.

#### AD SEXTAM.

Pater noster., V. Deus in adiutorium., Glória Patri., Allelúia.

Aña. Erat autem aspectus ejus sicut fulgur : vestimenta ejus sicut nix, allelúia, allelúia. Tres Psalmi consueti.

Finita post Psalmos Antiphona, statim sequitur

R. Hæc dies, quam fecit Dominus : exsultemus, et lætemur in ea.

Dominus vobiscum. Orémus.

Dominus vobiscum. Benedicamus Domino.



## AD NONAM.

Pater noster. X̄. Deus in adiutorium., Glória Patri., Allelúia.

Añā. Respondens autem Angelus dixit mulieribus : Nolite timere : scio enim quod Jesum queritis, allelúia. Tres Psalmi consueti.

Finita post Psalmos Antiphona. statim sequitur

R̄. Hæc dies quam fecit Dominus : exsultemus, et lætémur in ea.

Dominus vobiscum. Orémus. Oratio Laudum.

Dominus vobiscum. Benedicamus Domino.

¶ Sequentibus Hebdomadæ diebus, Tertia, Sexta et Nona dicantur ut supra in hac FERIA secunda notatum est, nisi quod singulis diebus dicatur Oratio ut in Laudibus FERIÆ de qua fit Officium, et in Sabbato, loco Responsorii Hæc dies., dicatur : Allelúia. X̄. Hæc dies.

## IN VESPERIS.

Ad Magnificat Añā. Nonne sic oportuit pati Christum, et intrare in glóriam suam? Allelúia.

Oratio.

**D**EUUS, qui solemnitate Paschali mundo remedia contulisti; populum tuum, quaesumus, celesti dono prosequere : ut et perfectam libertatem consequi mereatur, et ad vitam proficiat sempiternam. Per.

Postea sequitur R̄. Christus resurgens, et cetera ut in die Paschæ, pag. 485.

## FERIA TERTIA.

TOTUM DUPLEX.

## AD MATUTINUM.

Invitatorium. Surrexit Dominus vere, \* Allelúia.

## IN NOCTURNO.

Psalmus 7.

**D**OMINE Deus meus in te speravi : \* saluum me fac ex omnibus persequentibus me, et libera me.

Nequādo rapiat ut leo animam meam, \* dum non est qui redimat, neque qui saluum faciat.

Domine Deus meus, si feci istud, \* si est iniquitas in manibus meis :

Si reddidi retribuētibus mihi mala, \* decīdam merito ab inimicis meis inānis.

Persequatur inimicus animam meam, et comprehendat, et concūcet in terra vitam meam, \* et glóriam meam in pulverem deducat.

Exsurgē Domine in ira tua : \* et exaltare in finibus inimicorum meorum.

Et exsurgē Domine Deus meus in præcepto quod mandasti : \* et synagoga populorum circumdabit te.

Et propter hanc in altum regredere : \* Dominus iudicat populos.

Iudica me Domine secundum iustitiam meam, \* et secundum innocentiam meam super me.

Consumetur nequitia peccatorum, et diriges justum, scrutans corda et renes Deus.

Iustum adiutorium meum a Domino, \* qui salvos facit rectos corde.

Deus iudex justus, fortis, et p[ro]pt[er]iens : \* numquid irascitur per singulos dies?

Nisi conversi fueritis, gladium suum vibrabit : \* arcum suum tetendit, et paravit illum.

Et in eo paravit vasa mortis, \* sagittas suas ardentibus effecit.

Ecce parturit iniquitiam : \* concepit dolorem, et peperit iniquitatem.

Lacum aperuit, et effodit eum : \* et incidit in foveam, quam fecit.

Convertetur dolor ejus in caput ejus : \* et in verticem ipsius iniquitas ejus descendet.

Confitebor Domino secundum justitiam ejus : \* et psallam nomini Domini altissimi.

Psalmus 8.

**D**OMINE Dominus noster, \* quam admirabile est nomen tuum in universa terra!

Quoniam elevata est magnificentia tua, \* super caelos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quoniam videbo caelos tuos, opera digitorum tuorum : \* lunam et stellas, quae tu fundasti.

Quid est homo, quod memor es ejus? \* aut filius hominis, quoniam visitas eum?

Minuisti eum paulo minus ab Angelis, & gloria et honore coronasti eum : \* et constituisti eum super opera manuum tuarum.

Omnia subiecisti sub pedibus ejus, \* oves et boves universas : insuper et pecora campi.

Volucres caeli, et pisces maris, \* qui perambulant semitas maris.

Domine Dominus noster, \* quam admirabile est nomen tuum in universa terra!

Psalmus 10.

**I**N Domino confido : quomodo dicitis animae meae : \* Transmigre in montem sicut passer?

Quoniam ecce peccatores intendunt arcum, & paraverunt sagittas suas in pharetra, \* ut sagittent in obscuro rectos corde.

Quoniam quae perfecisti, destruxerunt : \* justus autem quid fecit?

Dominus in templo sancto suo, \* Dominus in caelo sedes ejus :

Oculi ejus in pauperem respiciunt : \* palpebrae ejus interrogant filios hominum.

Dominus interrogat justum et impium : \* qui autem diligit iniquitatem, odit animam suam.

Pluit super peccatores laqueos : \* ignis, et sulphur, et spiritus procellarum pars calicis eorum.

Quoniam justus Dominus et justitias dilexit : \* aequitatem vidit vultus ejus.

Aññ. Surrexit Christus, et illuxit populo suo, quem redemit sanguine suo, alleluia.

Ÿ. Surrexit Dominus vere, alleluia. R. Et apparuit Simoni, alleluia.

¶ Hic Ÿ. dicatur in Nocturno Feriae tertiae et Feriae sextae usque ad Ascensionem, cum de Tempore agitur.

Lectio sancti Evangelii  
secundum Lucam.

Lectio j. Cap. 24.

**I**n illo tempore : Stetit Jesus in medio discipulorum suorum, et dicit eis : Pax vobis : ego sum, nolite timere. Et reliqua.

Homilia sancti Ambrósii  
Episcopi.

(Lib. 10. Comm. in Lucam.)

**N**ON per incorpoream naturam, sed per Resurrectionis qualitatem, impervia usu clausa Dominus penetravit. Nam quod tangitur, corpus est : quod palpatur, corpus est. In corpore autem resurgemus. Seminatur enim corpus animale, surgit corpus spiritale : sed illud subtilius, hoc crassius, utpote adhuc terræ labis qualitate concretum. Nam quomodo non corpus, in quo manebant insignia vulnerum, vestigia cicatricum, quæ Dominus palpanda obtulit? In quo non solum fidem firmat, sed etiam devotionem acuit : quod vulnera suscepta pro nobis cælo inferre maluit; abolere noluit : ut Deo Patri nostræ prætia libertatis ostenderet.

R. j. Surrexit Dominus de sepulcro, alleluia : \* Qui pro nobis pependit in ligno, alleluia. V. Lætentur cæli, et exsultet terra ante faciem Domini. — Qui pro nobis.

Lectio ij.

**T**ALEM sibi Pater ad dexteram locat, trophæum nostræ salutis amplectens : tales illic martyres nobis cicatricis suæ coronâ monstravit. Et quoniam sermo huc noster usque evasit, consideremus

qua grátia secundum Joannem crediderint Apóstoli, qui gavisí sunt; secundum Lucam quasi increduli redarguantur : ibi Spiritum sanctum acciperint, hic sedere in civitate jubentur, quoadúsque induantur virtute ex alto. Et videtur mihi ille quasi Apóstolus majóra et altióra tetigisse, hic sequentia, et humanis próxima : hic historico usus circúitu, ille compendio. Nam etsi primo Lucas eos non credidisse dicat, póstea tamen credidisse demonstrat. Et si prima consideremus, contrária sunt : si sequentia, certum est convenire.

R. ij. Tulérunt Dominum meum : et nescio ubi posuerunt eum. Dicit ei Angelus : Noli flere Maria : \* Surrexit sicut dixit : præcedet vos in Galilæam : ibi eum videbitis, alleluia, alleluia. V. Dum ergo fleret, inclinavit se, et prospexit in monumentum : et vidit duos Angelos in albis sedentes, qui dicunt ei. — Surrexit.

Lectio iij.

**S**TETIT, inquit, in medio eorum, et dixit : Pax vobis : ego sum, nolite timere. Conturbati vero, et conterriti, existimabant se spiritum videre. Videtur separatim se istis undecim demonstrasse, sicut se Amaóni et Cleophæ scórsum jam vespere demonstraverat. Et quemadmodum isti duo, ita etiam videntur illi undecim ad confirmandos reliquos convenire potuisse. Denique conturbati sunt : et ideo aperuit sensum, ut intelligerent ea, quæ scripta sunt. Spiritum autem sanctum vel illis undecim qua-



si perfectiōribus insufflāvit, et reliquis pōstea tribuēndum esse promittit : vel eisdem ibi insufflāvit, hic spondet. Nec videtur esse contrārium, cum divisiones gratiarum sint. Ibi remittendōrum grātia tribūta est peccatōrum, quod esse videtur augūstius : et ideo insufflatur a Christo. Lucas autem linguarum grātiā descripsit effusam.

R. iij. Expurgāte vetus fermentum, ut sitis nova conspersio : etenim Pascha nostrum immolātus est Christus : \* Itaque epulēmur in Dōmino, Allelūia. V. Non in fermento malitiæ, et nequitiae : sed in azyimis sinceritatis, et veritatis. -- Itaque. Glōria. Allelūia.

Ante Laudes V. In Resurrectione tua Christe, allelūia. R. Caeli et terra lætēntur, allelūia.

## AD LAUDES.

Super Psalmos sola Añā. Angelus autem Dōmini descendit de caelo : et accedens revolvit lapidem, et sedēbat super eum, allelūia, allelūia. Psalmus Dōminus regnāvit. cum ceteris, pag. 17.

Dicta post Psalmos Añā. Angelus., statim sequitur ad Benedictus tota Añā. Stetit Jesus in medio discipulōrum suōrum, et dixit eis : Pax vobis, allelūia, allelūia. Oratio.

**D**EUS, qui Ecclesiā tuam novo semper fetu multiplicas : concede famulis tuis ut sacramentum vivēdo tēneant, quod fide percepērunt. Per.

## IN VESPERIS.

Ad Magnificat Añā. Videte manus meas, et pedes meos,

quia ego ipse sum, allelūia, allelūia.

Oratio Deus, qui Ecclesiā., ut in Laudibus.

Postea sequitur R. Christus resurgens. et cetera, sicut in die Paschæ, pag. 485.

## FERIA QUARTA.

## AD MATUTINUM.

Invitorium. Surrexit Dōminus vere, \* Allelūia.

## IN NOCTURNO.

## Psalmus II.

**S**ALVUM me fac Dōmine, quoniam defecit sanctus : \* quoniam diminutæ sunt veritates a filiis hominum.

Vana locuti sunt unusquisque ad proximum suum : \* labia dolosa, in corde et corde locuti sunt.

Dispēdat Dōminus universa labia dolosa, \* et linguam magniloquam.

Qui dixerunt : Linguam nostram magnificābimus, & labia nostra a nobis sunt, \* quis noster Dōminus est?

Propter miseriam inopum, et gemitum pauperum \* nunc exsurgam, dicit Dōminus.

Ponam in salutari \* fiducialiter agam in eo.

Elōquia Dōmini, elōquia casta : \* argēntum igne examinatum, probatum terræ purgatum septuplum.

Tu Dōmine servabis nos : et custodies nos \* a generatione hac in æternum.

In circūitu impii ambulānt : \* secundum altitudinem tuam multiplicasti filios hominum.

## Psalmus 12.

**U**SQUEQUO Dómine oblisceris me in finem? \* Usquequo avértis faciém tuam a me?

Quámdiu ponam consilia in ánima mea, \* dolórem in corde meo per diem?

Usquequo exaltábitur inimicus meus super me, \* respice, et exáudi me Dómine Deus meus.

Illúmina óculos meos ne unquam obdórmiam in morte : \* nequándo dicat inimicus meus : Prævalúi adversus eum.

Qui tribulant me, exsultábunt si motus fuero : \* ego autem in misericórdia tua sperávi.

Exsultábit cor meum in salutári tuo : & cantábo Dómino qui bona tribuit mihi : \* et psallam nómini Dómini altissimi.

## Psalmus 13.

**D**IXIT insípiens in corde suo : \* Non est Deus.

Corrúpti sunt, et abominábiles facti sunt in stúdiis suis : \* non est qui fáciat bonum, non est usque ad unum.

Dóminus de cælo prospéxit super filios hóminum, \* ut videat si est intélligens, aut requírens Deum.

Omnes declináverunt, & simul inútiles facti sunt : \* non est qui fáciat bonum, non est usque ad unum.

Sépulcrum patens est guttur eórum : & linguis suis dolóse agébant, \* venénium áspidum sub lábiis eórum.

Quorum os maledictióne et amaritúdine plenum est : \* velóces pedes eórum ad effundéndum sánguinem.

Contritio et infelicitas in viis eórum, & et viam pacis non cognovérunt : \* non est timor Dei ante óculos eórum.

Nonne cognóscunt omnes qui operántur iniquitátem, \* qui devorant plebem meam sicut escam panis?

Dóminum non invocavérunt, \* illic trepidavérunt timóre, ubi non erat timor.

Quóniam Dóminus in generatióné justa est, consilium inopis confudistis : \* quóniam Dóminus spes ejus est.

Quis dabit ex Sion salutáre Israel? \* cum avérterit Dóminus captivitátem plebis sue, exsultábit Jacob, et lætábitur Israel.

Añā. Surréxit Christus, et illúxit pópulo suo, quem redémmit ságuine suo, allelúia.

Ÿ. Surréxit Dóminus de sepúlcro, allelúia. R̃. Qui pro nobis pepéndit in ligno, allelúia.

† Hic Ÿ. dicatur in Nocturno Feriæ iv. et Sabbati usque ad Ascensionem, cum de Tempore agitur.

Lectio sancti Evangélii secundum Joánnem.

Lectio j. Cap. 21.

**I**N illo témpore : Manifestávit se iterum Jesus discípulis ad mare Tiberiadis. Manifestávit autem sic : Erant simul Simón Petrus, et Thomas, qui dicitur Didymus. Et reliqua.

Homília sancti Gregórii Papæ. (Hom. 24. in Evang.)

**L**ECTIO sancti Evangélii, quæ modo in vestris áuribus lecta est, fratres carissimi, quæstióné ánimum pulsat : sed pulsatióne sua vim discretiónis

indicat. Quæri etenim potest cur Petrus, qui piscator ante conversionem fuit, post conversionem ad piscationem rediit; et cum Veritas dicat, Nemo mittens manum suam ad aratrum et aspiciens retro aptus est regno Dei, cur repetiit quod dereliquit. Sed si virtus discretionis inspicitur, citius videtur: quia nimirum negotium, quod ante conversionem sine peccato exstitit, hoc etiam post conversionem repetere culpa non fuit.

R. j. Ecce vicit Leo de tribu Juda, radix David, aperire librum, et solvere septem signacula ejus: \* Allelúia, allelúia, allelúia. V. Et unus de senioribus dixit mihi: Ne fléveris: dignus est Agnus, qui occisus est, accipere virtutem, et fortitudinem. — Allelúia, allelúia, allelúia.

#### Lectio ij.

NAM piscatorem Petrum, Matthæum vero telonearium scimus: et post conversionem suam ad piscationem Petrus rediit; Matthæus vero ad telonei negotium non resedit: quia aliud est victum per piscationem quærere, aliud autem telonei lucris pecunias augere. Sunt enim pleraque negotia, quæ sine peccatis exhiberi, aut vix, aut nullatenus possunt. Quæ ergo ad peccatum implicant, ad hæc necesse est ut post conversionem animus non recurrat.

R. ij. Si consurrexistis cum Christo: quæ sursum sunt quærite, ubi Christus est in dextera Dei sedens: \* Quæ sursum sunt sápite, non quæ

super terram, allelúia. V. Mortui enim estis, et vita vestra abscondita est cum Christo. — Quæ sursum sunt sápite.

#### Lectio iij.

QUÆRI etiam potest cur discipulis in mari laborantibus, post Resurrectionem suam Dominus in litore stetit, qui ante Resurrectionem suam coram discipulis in fluctibus maris ambulavit. Cujus rei ratio festine cognoscitur, si ipsa, quæ tunc inerat, causa pensetur. Quid enim mare, nisi præens sæculum designat, quod se casuum tumultibus, et undis vitæ corruptibilis illidit? Quid per soliditatem litoris, nisi illa perpetuitas quietis æternæ figuratur? Quia ergo discipuli adhuc fluctibus mortalis vitæ inerant, in mari laborabant. Quia autem Redemptor noster jam corruptionem carnis excesserat, post Resurrectionem suam in litore stabat.

R. iij. Surrexit Pastor bonus, qui posuit animam suam pro ovibus suis, \* Et pro suo grege mori dignatus est, Allelúia, allelúia. V. Etenim Pascha nostrum immolatus est Christus. — Et pro suo grege. Glória. Allelúia, allelúia.

Ante Laudes V. In Resurrectione tua Christe, allelúia. R. Cæli et terra lætentur, allelúia.

#### AD LAUDES.

Super Psalmos sola Añã. Angelus autem Domini descendit de cælo: et accedens revolvit lapidem, et sedebat super eum, allelúia, allelúia. Psalmus Dominus regnavit. cum ceteris, pag. 17.



Dicta post Psalmos Añã Angelus., statim sequitur Canticum Benedictus. ¶ Et ita usque ad Sabbatum inclusive observetur.

Ad Benedictus Añã. Mittite in dexteram navigii rete : et inveniētis, allelúia. Oratio.

**D**EUS, qui nos Resurrectionis Dominicæ ánnua sollemnitate lætificas : concède propitius ut per temporália festa, quæ ágimus, pervenire ad gáudia ætérna mereámur. Per eúndem.

#### AD PRIMAM.

Post Confiteor. et Misereátur., subjungatur consueta Oratio In hac hora., quod etiam fiat sequentibus aliis diebus. Cetera ut Feria ij præcedenti, pag. 489.

#### IN VESPERIS.

Ad Magnificat Añã. Hoc jam tertio manifestávit se Jesus, postquam resurrexit a mórtuis, allelúia.

Oratio Deus, qui nos Resurrectionis Dominicæ., ut in Laudibus.

Ad Memoriam de Cruce Añã. Christus resúrgens ex mórtuis jam non móritur, mors illi ultra non dominábitur : quod enim vivit, vivit Deo, allelúia, allelúia. (Omittatur Versus Dicant nunc. usque ad Vesperas Sabbati exclusive).

¶ Dicite in nationibus, allelúia. R. Quia Dóminus regnávít a ligno, allelúia. Oratio.

**D**EUS, qui pro nobis Fílium tuum Crucis patibulum subíre voluisti, ut inimíci a nobis expélles potestátem, concède nobis fámulis tuis ut Resurrectionis grátiam consequámur.

Per eúndem Dóminum nostrum.

Omittatur Memoria de B. Maria Virgine.

#### IN COMPLETORIO.

Post Antiphonam ad Nunc dimittis, subjungatur consueta Oratio Visita, quæsumus., quod etiam fiat aliis sequentibus diebus. Cetera ut in die sancto Paschæ, pag. 485.

#### FERIA QUINTA.

##### AD MATUTINUM.

Invitatorium. Surrexit Dóminus vere, \* Allelúia.

##### IN NOCTURNO.

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam :

Qui lóquitur veritátem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad níhilum dedúctus est in conspéctu ejus malignus : \* tímēntes autem Dóminum glorificat :

Qui jurat próximo suo, et non decipit, \* qui pecúniám suam non dedit ad usúram, \* et múnera super innocentem non accépit.

Qui facit hæc, \* non movébitur in ætérnum.

Psalmus 15.

**C**ONSERVA me Dómine, quóniam sperávi in te. \* Dixi Dómino : Deus meus es tu,

quóniam bonórum meórum non eges.

Sanctis, qui sunt in terra ejus, \* mirificávit omnes voluntates meas in eis.

Multiplicátæ sunt infirmitates eórum, \* póstea acceleravérunt.

Non congregábo conventicula eórum de sanguinibus : \* nec memor ero nóminum eórum per lábia mea.

Dóminus pars hereditátis meæ, et cálicis mei : \* tu es, qui restitues hereditatem meam mihi.

Funes cecidérunt mihi in præcláris : \* etenim heréditas mea præclára est mihi.

Benedicam Dóminum, qui tribuit mihi intelléctum : \* insuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc lætátum est cor meum, et exsultávit lingua mea : \* insuper et caro mea requiescet in spe.

Quóniam non derelinques ánimam meam in inférno : \* nec dabis sanctum tuum vidére corruptionem.

Notas mihi fecisti vias vitæ, & adimplébis me lætitia cum vultu tuo : \* delectatiónes in dextera tua usque in finem.

Psalmus 16.

**E**XAUDI Dómine justitiam meam : \* inténde deprecationem meam.

Auribus pécipe orationem meam, \* non in lábiis dolósis.

De vultu tuo júdicium meum pródeat : \* óculi tui vídeant æquitates.

Probásti cor meum, et visitásti nocte : \* igne me examinásti, et non est invénta in me iniquitas.

Ut non loquátur os meum ópera hóminum : \* propter verba labiórum tuórum ego custodívi vias duras.

Pérfice gressus meos in sémitis tuis : \* ut non moveántur vestigia mea.

Ego clamávi, quóniam exaudísti me Deus : \* inclína aurem tuam mihi, et exáudi verba mea.

Mirifica misericórdias tuas, \* qui salvos facis sperántes in te.

A resistentibus dexteræ tuæ custódi me, \* ut pupillam óculi.

Sub umbra alárum tuárum prótege me : \* a fácie impiórum qui me afflixérunt.

Inimíci mei ánimam meam circumdedérunt, & ádipem suum conclusérunt : \* os eórum locútum est supérbiam.

Projiciéntes me nunc circumdedérunt me : \* óculos suos statuérunt declináre in terram.

Suscepérunt me sicut leo parátus ad prædam : \* et sicut cátilus leónis hábitans in abdítis.

Exsúrge Dómine, præveni eum, et supplánta eum : \* éripe ánimam meam ab impio, frámeam tuam ab inimicis manus tuæ.

Dómine a paucis de terra dívide eos in vita eórum : \* de absconditis tuis adimplétus est venter eórum.

Saturáti sunt filii : \* et dimiserunt reliquias suas párvulis suis.

Ego autem in justitia apparébo conspéctui tuo : \* satiabor cum apparúerit glória tua.

Âna. Surréxit Christus, et illúxit pópulo suo, quem redém-  
mit sánguine suo, allelúia.

℣. Resurréxit Dóminus, alle-  
lúia. ℞. Sicut dixit vobis, alle-  
lúia.

Lectio sancti Evangélii  
secúndum Joánnem.

Lectio j. Cap. 20.

**I**N illo tēpore : María stabat  
ad monuméntum foris, plo-  
rans. Dum ergo fleret, incliná-  
vit se, et prospéxit in monu-  
méntum : et vidit duos Angelos  
in albis, sedéntes. Et réliqua.

Homília sancti Gregórii Papæ.

(Hom. 25. in Evangel.)

**M**ARÍA Magdaléne, quæ  
fúerat in civitatē peccá-  
trix, amándo Veritátem, lavit  
lácrimis máculas críminis : et  
vox Veritátis implétur, qua  
dícitur : Dimissa sunt ei pec-  
cáta multa, quóniam diléxit  
multum. Quæ enim prius frí-  
gida peccándo remánserat ;  
póstmodum amándo fórtiter  
ardébat. Nam postquam venit  
ad monuméntum, ibique cor-  
pus Dóminicum non invénit,  
sublátum crédidit, atque disci-  
pulis nuntiávit : qui veniéntes  
vidérunt, atque ita esse, ut mú-  
lier díxerat, crediderunt.

℞. j. María Magdaléne et  
áltera María ibant dilúculo ad  
monuméntum. Jesum quem  
quæritis non est hic : surréxit  
sicut locútus est : \* Præcédet  
vos in Galilæam : ibi eum vi-  
debíitis, allelúia, allelúia.  
℣. Cito eúntes dícite discipu-  
lis ejus et Petro quia surréxit  
Dóminus. — Præcédet vos.

Lectio ij.

**E**T de eis prótinus scriptum  
est : Abiérunt ergo disci-

puli ad semetipsos. Ac deinde  
subjúngitur : María autem  
stabat ad monuméntum foris,  
plorans. Qua in re pensándum  
est, hujus mulieris mentem  
quanta vis amóris accēderat,  
quæ a monuménto Dómini,  
étiam discipulis recedéntibus,  
non recedébat. Exquirebat  
quem non invénérat : flebat  
inquiréndo, et amóris sui igne  
succēnsa, ejus, quem ablátum  
crédidit, ardébat desidério.

℞. ij. Surgens Jesus Dóminus  
noster, et stans in médio disci-  
pulórum suórum, dixit : \* Pax  
vobis, allelúia. Gavisí sunt  
discipuli viso Dómino, alle-  
lúia. ℣. Una ergo sabbatórum,  
cum fores essent clausæ, ubi  
erant discipuli congregáti, ve-  
nit Jesus, et stetit in médio,  
et dixit eis. — Pax vobis, al-  
lelúia. Gavisí sunt.

Lectio iij.

**U**NDE cóntigit ut eum tunc  
sola vidéret, quæ remán-  
serat ut quæreret : quia nimi-  
rum virtus boni óperis, perse-  
verántia est. Et voce Veritátis  
dícitur : Qui autem perseve-  
ráverit usque in finem, hic sal-  
vus erit. María ergo cum fle-  
ret, inclinávit se, et prospéxit  
in monuméntum. Certe jam  
monuméntum vácuum viderat,  
jam sublátum Dóminum nuntiá-  
verat; quid est quod se íte-  
rum inclinát, íterum vidére  
desiderat? Sed amánti semel  
aspexisse non súfficit : quia vis  
amóris intentionem multipli-  
cat inquisitionis.

℞. iij. Congratulámini mihi  
omnes, qui diligítis Dóminum :  
quia quem quærébam appá-  
ruit mihi, \* Et dum flerem ad



monumentum, vidi Dominum meum, Alleluia. V. Recedentibus discipulis non recedebam : et amoris ejus igne succensa, ardēbam desiderio. — Et dum flerem ad monumentum. Glória. Alleluia.

Ante Laudes V. In Resurrectione tua Christe, alleluia. R. Caeli et terra lætētur, alleluia.

## AD LAUDES.

Super Psalmos sola Añā. Angelus autem Domini descendit de cælo : et accedens revolvit lapidem, et sedebat super eum, alleluia, alleluia. Psalmus Dominus regnavit. cum ceteris, pag. 17.

Ad Benedictus Añā. Maria stabat ad monumentum, plorans : et vidit duos Angelos in albis, sedētes, et sudarium, quod fuerat super caput Jesu, alleluia.

## Oratio.

DEUS, qui diversitatem gentium in confessione tui nominis adunasti : da ut renatis fonte baptismatis una sit fides mentium, et pietas actionum. Per.

## IN VESPERIS.

Ad Magnificat Añā. Tulērunt Dominum meum, et nescio ubi posuerunt eum : si tu sustulisti eum, dicito mihi, alleluia : et ego eum tollam, alleluia.

Oratio Deus, qui diversitatem, ut in Laudibus.

Postea fiat Memoria de Cruce, ut Feria quarta, pag. 496.

Omittatur Memoria de B. Maria Virgine.

## FERIA SEXTA.

## AD MATUTINUM.

Invitatorium. Surrexit Dominus vere, \* Alleluia.

## IN NOCTURNO.

Psalmus 18.

CÆLI enarrant gloriam Dei, \* et opera manuum ejus annuntiat firmamentum.

Dies diēi eructat verbum, \* et nox nocti indicat scientiam. Non sunt loquēlæ, neque sermones, \* quorum non audiāntur voces eorum.

In omnem terram exivit sonus eorum : \* et in fines orbis terræ verba eorum.

In sole posuit tabernaculum suum : \* et ipse tamquam sponsus procedens de thalamo suo :

Exsultavit ut gigas ad currendam viam, \* a summo cælo egressio ejus :

Et occursus ejus usque ad summum ejus : \* nec est qui se abscondat a calore ejus.

Lex Domini immaculata convertens animas : \* testimonium Domini fidele, sapientiam præstans parvulis.

Justitiæ Domini rectæ, lætificantes corda : \* præceptum Domini lucidum, illuminans oculos.

Timor Domini sanctus, permanens in sæculum sæculi : \* judicia Domini vera, justificata in semetipsa.

Desiderabilia super aurum et lapidem pretiosum multum : \* et dulciora super mel et favum.

Etenim servus tuus custodit ea, \* in custodiendis illis retributio multa.

Delicta quis intēlligit? ⁊ ab occultis meis munda me : \* et ab aliēnis parce servo tuo.

Si mei non fuerint domināti, tunc immaculātus ero : \* et emundābor a delicto máximo.

Et erunt ut complāceant elōquia oris mei : \* et meditatio cordis mei in conspēctū tuo semper.

Dōmine adjūtor meus, \* et redēptor meus.

Psalmus 19.

**E**XAUDIAT te Dōminus in die tribulatiōnis : \* protegat te nomen Dei Jacob.

Mittat tibi auxilium de sancto : \* et de Sion tueātur te.

Memor sit omnis sacrificiī tui : \* et holocāustum tuum pingue fiat.

Tribuat tibi secūndum cor tuum : \* et omne consilium tuum confirmet.

Lætābimur in salutāri tuo : \* et in nōmine Dei nostri magnificābimur.

Impleat Dōminus omnes petitiōnes tuas : \* nunc cognōvi quōniam saluum fecit Dōminus Christum suum.

Exāudiet illum de cælo sancto suo : \* in potentātibus salus dēxteræ ejus.

Hi in cūribus, et hi in equis : \* nos autem in nōmine Dōmini Dei nostri invocābimus.

Ipsi obligāti sunt, et ceciderunt : \* nos autem surrēximus et erēcti sumus.

Dōmine saluum fac regem : \* et exāudi nos in die, qua invocāverimus te.

Psalmus 20.

**D**OMINE in virtūte tua lætābitur rex : \* et super salutāre tuum exsultābit vehemēter.

Desidērium cordis ejus tribuisti ei : \* et voluntāte labiorum ejus non fraudāsti eum.

Quōniam prævenisti eum in benedictiōnibus dulcedinis : \* posuisti in cāpite ejus corōnam de lapide pretiōso.

Vitam pētiit a te : \* et tribuisti ei longitudinem dierum in sæculum, et in sæculum sæculi.

Magna est glōria ejus in salutāri tuo : \* glōriam et magnum decōrem impōnes super eum.

Quōniam dabis eum in benedictiōnem in sæculum sæculi : \* lætificābis eum in gāudio cum vultu tuo.

Quōniam rex sperat in Dōmino : \* et in misericōrdia Altissimi non commovēbitur.

Inveniātur manus tua omnibus inimicis tuis : \* dēxtera tua invēniat omnes, qui te odērunt.

Pones eos ut clibanum ignis in tēpore vultus tui : \* Dōminus in ira sua conturbābit eos, et devorābit eos ignis.

Fructum eōrum de terra perdes : \* et semen eōrum a filiis hōminum.

Quōniam declināverunt in te mala : \* cogitāverunt consilia quæ non potuerunt stabilire.

Quōniam pones eos dorsum, \* in reliquiis tuis præparābis vultum eōrum.

Exaltāre Dōmine in virtūte tua : \* cantābimus et psallēmus virtūtes tuas.

Añs. Surrēxit Christus, et ilūxit pōpulo suo, quem redēmit sanguine suo, allelūia.

℟. Surrēxit Dōminus vere, allelūia. ℞. Et apparuit Simōni, allelūia.

Lectio sancti Evangelii  
secundum Matthæum.

Lectio j. Cap. 28.

**I**n illo tempore : Undecim discipuli abiérunt in Galilæam in montem, ubi constituerat illis Jesus. Et reliqua.

Homilia sancti Hieronymi  
Presbyteri.

(Lib. 4. Com. in Matth. in fine.)

**P**ost Resurrectionem Jesus in monte Galilææ conspicitur, ibique adoratur : licet quidam dubitent, et dubitatio eorum nostram augeat fidem. Tunc manifestius ostenditur Thomæ : et latus lancea vulneratum, et manus fixas demonstrat clavis. Accedens Jesus locutus est eis, dicens : Data est mihi omnis potestas in cælo, et in terra. Illi potestas data est, qui paulo ante crucifixus, qui sepultus in tumulo, qui mortuus jacuerat, qui postea resurrexit. In cælo autem, et in terra potestas data est : ut qui ante regnabat in cælo, per fidem credentium regnet in terra.

R. j. Surrexit Dominus de sepulcro, allelúia, \* Qui pro nobis pepéndit in ligno, allelúia. V. Leténtur cæli, et exsultet terra ante faciem Domini. — Qui pro nobis.

Lectio ij.

**E**UNTES autem docete omnes gentes : baptizantes eos in nomine Patris, et Filii, et Spiritus sancti. Primum docent omnes gentes, deinde doctas intingunt aqua. Non enim potest fieri, ut corpus baptismi recipiat sacramentum, nisi ante anima fidei suscepit veritatem. Baptizántur autem in no-

mine Patris, et Filii, et Spiritus sancti : ut quorum una est divinitas, una sit largitio : nomenque Trinitatis, unus Deus est.

R. ij. Tulérunt Dominum meum : et nescio ubi posuerunt eum. Dicit ei Angelus : Noli flere Maria : \* Surrexit sicut dixit : præcedet vos in Galilæam : ibi eum vidébitis, allelúia, allelúia. V. Dum ergo fleret, inclinávit se, et prospexit in monumentum : et vidit duos Angelos in albis sedentes, qui dicunt ei. — Surrexit sicut dixit.

Lectio iij.

**D**OCENTES eos servare omnia, quaecúmque mandávi vobis. Ordo præcipuus : jussit Apóstolis, ut primum docerent omnes gentes : deinde fidei intingerent sacraménto : et post fidem, ac baptisma, quæ essent observanda præciperent. Ac ne putémus levía esse, quæ jussa sunt, et pauca, addidit : Omnia quaecúmque mandávi vobis : ut quicúmque crediderint, qui in Trinitate fuerint baptizati, omnia faciant, quæ præcepta sunt. Et ecce ego vobiscum sum usque ad consummationem sæculi.

R. iij. Expurgáte vetus fermentum, ut sitis nova conspersio : etenim Pascha nostrum immolátus est Christus : \* Itaque epulémur in Domino, Allelúia. V. Non in fermento malitiæ et nequitiae : sed in azymis sinceritatis et veritatis. — Itaque epulémur. Glória. Allelúia.

Ante Laudes V. In Resurrectione tua Christe, allelúia. R. Cæli et terra leténtur, allelúia.



## AD LAUDES.

Super Psalmos sola Añā. Angelus autem Dómini descendit de cælo : et accedens revolvit lapidem, et sedebat super eum, allelúia, allelúia. Psalmus Dóminus regnavit. cum ceteris, pag. 17.

Ad Benedictus Añā. Undecim discipuli in Galilæa vidéntes Dóminum adoravérunt, allelúia.

## Oratio.

**O**MNIPOTENS sempitérne Deus, qui Paschále sacraméntum in reconciliatiónis humanæ federe contulisti : da méntibus nostris ut quod professione celebrámus, imitémur effectú. Per.

## IN VESPERIS.

Ad Magnificat Añā. Data est mihi omnis potestas in cælo et in terra, allelúia, allelúia.

Oratio Omnipotens sempitérne Deus, ut in Laudibus.

Postea fiat Memoria de Cruce ut Feria quarta, pag. 496.

Omittatur Memoria de B. Maria Virgine.

## SABBATO.

## AD MATUTINUM.

Invitatorium. Surrexit Dóminus vere, \* Allelúia.

## IN NOCTURNO.

## Psalmus 22.

**D**OMINUS regit me, et nihil mihi déerit : \* in loco páscuæ ibi me collocávit.

Super aquam refectiόνis educávit me : \* ánimam meam convértit.

Dedúxit me super sémítás justitiæ, \* propter nomen suum.

Nam, et si ambulávero in médio umbræ mortis, non timébo mala : \* quóniam tu mecum es.

Virga tua, et báculo tuus, \* ipsa me consoláta sunt.

Parásti in conspéctu meo mensam, \* advérsus eos, qui tribulant me.

Impinguásti in óleo caput meum : \* et calix meus inebrians quam præclárus est!

Et misericórdia tua subsecúetur me \* ómnibus diébus vitæ meæ :

Et ut inhábitem in domo Dómini, \* in longitudinem diérum.

## Psalmus 23.

**D**OMINI est terra, et plenitúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, & qui non accépit in vano ánimam suam, \* nec jurávit in dolo próximo suo.

Hic accipiet benedictiόνem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium faciém Dei Jacob.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, & et elevámini portæ

æternales : \* et introibit rex gloriæ.

Quis est iste rex gloriæ ? \* Dominus virtutum ipse est rex gloriæ.

Psalmus 25.

JUDICA me Domine, quoniam ego in innocentia mea ingressus sum : \* et in Domino sperans non infirmabor.

Proba me Domine, et tenta me : \* ure renes meos et cor meum.

Quoniam misericordia tua ante oculos meos est : \* et complacui in veritate tua.

Non sedi cum concilio vanitatis : \* et cum iniqua gerentibus non introibo.

Odivi ecclesiam malignantium : \* et cum impiis non sedebo.

Lavabo inter innocentes manus meas : \* et circumdabo altare tuum Domine :

Ut audiam vocem laudis, \* et enarrem universa mirabilia tua.

Domine dilexi decorem domus tue, \* et locum habitationis gloriæ tue.

Ne perdas cum impiis Deus animam meam, \* et cum viris sanguinum vitam meam :

In quorum manibus iniquitates sunt : \* dextera eorum repleta est muneribus.

Ego autem in innocentia mea ingressus sum : \* redime me, et miserere mei.

Pes meus stetit in directo : \* in ecclesiis benedicam te Domine.

Añã. Surrexit Christus, et illuxit populo suo, quem redemit sanguine suo, allelúia.

¶ Surrexit Dominus de sepulcro, allelúia. Ix. Qui pro nobis pepéndit in ligno, allelúia.

Lectio sancti Evangelii secundum Joannem.

Lectio j. Cap. 20.

IN illo tempore : Una sabbati, Maria Magdalene venit mane, cum adhuc tenebræ essent, ad monumentum. Et reliqua.

Homilia sancti Gregorii Papæ. (Homil. 22. in Evangel.)

LECTIO sancti Evangelii, quam modo, fratres, audistis, valde in superficie historica est aperta : sed ejus nobis sunt mysteria sub brevitate requirenda. Maria Magdalene, cum adhuc tenebræ essent, venit ad monumentum. Juxta historiam notatur hora : juxta intellectum vero mysticum, requiréntis signatur intelligentia. Maria enim Auctorem omnium, quem in carne videbat mortuum, quærebat in monumento : et quia hunc minime invenit, furatum credidit.

Ix. j. Ecce vicit Leo de tribu Juda, radix David, aperire librum et solvere septem signacula ejus : \* Allelúia, allelúia, allelúia. ¶ Et unus de senioribus dixit mihi : Ne fléveris : dignus est Agnus, qui occisus est, accipere virtutem et fortitudinem. — Allelúia, allelúia, allelúia.

Lectio ij.

ADHUC ergo erant tenebræ, cum venit ad monumentum. Cucurrit citius, discipulisque nuntiavit : sed illi præ ceteris cucurrerunt, qui præ ceteris amaverunt, videlicet Petrus, et Joannes. Currébant autem duo simul ; sed Joannes præcucurrit citius Petro, et venit prior ad monumentum, et ingredi non præsumpsit.

Venit ergo postérieur Petrus, et intrávit. Quid, fratres, quid cursus iste significat? Numquid hæc tam subtilis Evangelistæ descriptio a mystériis vacáre credénda est? Mínime. Quid ergo per Joánnem, nisi Synagoga: quid per Petrum, nisi præsens Ecclesiá designátur?

R. ij. Si consurrexistis cum Christo: quæ sursum sunt querite, ubi Christus est in dextera Dei sedens: \* Quæ sursum sunt sápite, non quæ super terram, allelúia. V. Mórtui enim estis, et víta vestra abscondita est cum Christo. — Quæ sursum sunt sápite.

#### Lectio iij.

**N**EC mirum esse videátur, quod per juniórem Synagoga, per seniórem vero Ecclesiá signári perhibétur: quia etsi ad Dei cultum prior est Synagoga quam Ecclesiá Géntium; ad usum tamen sæculi prior est multitúdo Géntium quam Synagoga, Paulo attestante, qui ait: Quia non prius quod spiritalé est, sed quod animalé. Per seniórem ergo Petrum significátur Ecclesiá Géntium: per juniórem vero Joánnem Synagoga Judæorum. Venit Synagoga prior ad monuméntum, sed mínime intrávit: quia Legis quidem mandata percépit, prophetías de Incarnatióne, ac Passiόne Dominica audívit: sed crédere in mórtuum nóluit.

R. iij. Surréxit Pastor bonus, qui pósuit ánimam suam pro óvibus suis, \* Et pro suo grege mori dignátus est, Allelúia, allelúia. V. Etenim Pascha nostrum immolátus est Christus.

— Et pro suo grege. Glória. Allelúia, allelúia.

Ante Laudes V. In Resurrectiόne tua Christe, allelúia. R. Cæli et terra læténtur, allelúia.

#### AD LAUDES.

Super Psalmos sola Añā. Angelus autem Dómini descendit de cælo: et accédens revólvit lápidem, et sedébat super eum, allelúia, allelúia. Psalmus Dóminus regnávit. cum ceteris, pag. 17.

Ad Benedictus Añā. Currébant duo simul, et ille álius discipulus præcucúrrit citius Petro, et venit prior ad monuméntum, allelúia. Oratio.

**C**ONCEDE, quæsumus omnipotens Deus: ut qui festa Paschália venerádo égimus, per hæc contingere ad gaudia ætérna mereámur. Per.

† Prædicta Oratio dicatur etiam ad Tertiam, Sextam et Nonam.

#### AD HORAS.

Hac die ad Primam, Tertiam, Sextam et Nonam, post Antiphonam super Psalmos, loco Responsorii, dicatur semel:

Allelúia. Deinde V. Hæc dies, quam fecit Dóminus: exsultémus, et lætémur in ea. Post Versum, non repetatur Allelúia.

Cetera, præter Orationes, ut in Feria secunda Paschæ, pag. 489.

#### AD VESPERAS.

Psalmus Benedictus Dóminus Deus meus. cum ceteris ut in Sabbatis per annum, pag. 141.

Super Psalmos sola Añā. Allelúia, allelúia, allelúia.



Capitulum Christus resurgens.  
et Hymnus Ad cenam Agni  
providi., ut in Psalterio,  
pag. 128. et pag. 129.

¶ Mane nobiscum Dómine,  
allelúia. R. Quóniam advespe-  
rascit, alleluia.

Ad Magnificat Aña. Cum  
esset sero die illa, una sabba-  
torum, et fores essent clausæ,  
ubi erant discipuli congregati,  
stetit Jesus in médio, et dixit  
eis : Pax vobis, alleluia.

Oratio.

**P**RÆSTA, quæsumus omni-  
potens Deus : ut qui Paschalia  
festa perégimus; hæc te lar-  
giénte moribus et vita teneá-  
mus. Per.

Postea fiat Memoria de Cruce:  
Aña. Crucem sanctam súbiit,  
qui inférnum confrégit : accin-  
tus est poténtia, surréxit die  
tértia, alleluia.

¶ Dicite in natióibus, alle-  
luia. R. Quia Dóminus regná-  
vit a ligno, alleluia. Oratio.

**D**EUS, qui pro nobis Filium  
tuum Crucis patibulum  
subire voluisti, ut inimici a no-  
bis expélteres potestátem : con-  
céde nobis fámulis tuis ut Re-  
surrectiõis grátiam consequá-  
mur. Per eúndem.

#### AD COMPLETORIUM.

Omnia ut in Psalterio pro  
Resurrectionis Tempore nota-  
tum est, pag. 153.

DOMINICA IN ALBIS,  
QUÆ EST IN OCTAVA PASCHÆ.

#### AD MATUTINUM.

Invitatorium. Alleluia, Surré-  
xit Dóminus vere : \* Veníte  
adorémus, alleluia. † Hoc In-  
vitorium dicatur Dominicis

diebus usque ad Ascensionem,  
cum de Tempore agitur.

Hymnus Auróra lucis rutilat.,  
ut in Psalterio, pag. 3.

#### IN NOCTURNO.

Psalmi, Antiph. et Versiculus  
ut in die Paschæ, pag. 480.

Lectio sancti Evangélii  
secundum Joánnem.

Lectio j. Cap. 20.

**I**N illo témpore : Cum sero  
esset die illo, una sabba-  
torum, et fores essent clausæ,  
ubi erant discipuli congregati  
propter metum Judæorum :  
venit Jesus, et stetit in médio,  
et dixit eis : Pax vobis. Et  
réliqua.

Homilia sancti Gregórii Papæ.  
(Hom. 26. in Evang.)

**P**RIMA lectionis hujus Evan-  
gélicæ quæstio ánimam  
pulsat : Quómodo post Resur-  
rectiõnem corpus Dominicum  
verum fuit, quod clausis jánuis  
ad discipulos ingredi pótuit?  
Sed sciéndum nobis est quod  
divina operatio, si ratiõne com-  
prehénditur, non est admirá-  
bilis : nec fides habet méritum,  
cui humana ratió præbet expe-  
riméntum. Sed hæc ipsa Red-  
emptóris nostri ópera, quæ ex  
semetipsis comprehénderi nequá-  
quam possunt, ex ália ejus  
operatiõe pensánda sunt : ut  
rebus mirabilibus fidem præ-  
beant facta mirabilióra.

R. j. Angelus Dómini descén-  
dit de cælo, et accédens revól-  
vit lápidem, et super eum se-  
dit, et dixit muliéribus : Nolite  
timére : scio enim, quia Cruci-  
fixum quæritis : \* Jam surré-  
xit : venite, et vidéte locum,  
ubi pósitus erat Dóminus,

allelúia. *℟.* Angelus Dómini locútus est muliéribus, dicens : Quem quæritis? An Jesum quæritis? — Jam surrexit.

Lectio ij.

**I**LUD enim corpus Dómini intrávit ad discipulos clausis jánuis, quod videlicet ad humanos oculos per nativitatem suam clauso exívit útero Virginis. Quid ergo mirum, si clausis jánuis post Resurrectionem suam in ætérnum jam victurus intrávit, qui moriturus veniens, non apérto Virginis útero exívit? Sed quia ad illud corpus, quod vidéri poterat, fides intuéntium dubitabat, osténdit eis prótinus manus et latus : palpándam carnem præbuit, quam clausis jánuis introduxit.

*℟.* ij. Angelus Dómini locútus est muliéribus, dicens : Quem quæritis? An Jesum quæritis? jam surrexit : \* Venite, et vidéte, allelúia, allelúia. *℣.* Jesum quæritis Nazarénum crucifixum? surrexit, non est hic. — Venite, et vidéte, allelúia, allelúia.

Lectio iij.

**Q**UA in re duo mira, et juxta humanam rationem sibi valde contrária osténdit : dum post Resurrectionem suam corpus suum incorruptibile, et tamen palpabile, demonstravit. Nam et corrumpi necesse est quod palpátur : et palpári non potest quod non corrumpitur. Sed miro modo, atque inæstimabili Redemptor noster et incorruptibile post Resurrectionem, et palpabile corpus exhibuit : ut monstrándo incorruptibile, invitáret ad præ-

mium : et præbendo palpabile, firmáret ad fidem.

*℟.* iij. Dum transisset sabbatum, María Magdaléne, et María Jacóbi et Sálome emerunt arómata, \* Ut venientes ungerent Jesum, Allelúia, allelúia. *℣.* Et valde mane una sabbatum veniunt ad monumentum, orto jam sole. — Ut venientes. Glória. Allelúia, allelúia.

Ante Laudes *℣.* In Resurrectione tua Christe, allelúia. *℟.* Cæli et terra læténtur, allelúia.

AD LAUDES

ET PER HORAS ANTIPHONÆ.

1. Angelus autem Dómini descendit de cælo : et accedens revolvit lápidem, et sedebat super eum, allelúia, allelúia. Psalmus Dóminus regnavit cum ceteris, pag. 17.

2. Et ecce terræ motus factus est magnus : Angelus autem Dómini descendit de cælo, allelúia.

3. Erat autem aspéctus ejus sicut fulgur : vestiménta ejus sicut nix, allelúia, allelúia.

4. Præ timóre autem ejus extérriti sunt custódes, et facti sunt velut mórtui, allelúia.

5. Respóndens autem Angelus, dixit muliéribus : Nolite timére : scio enim, quod Jesum quæritis, allelúia.

Capitulum Christus resurgens. et Hymnus Sermóne blando Angelus., ut in Psalterio, pag. 22.

*℣.* Gavisus sunt discipuli, allelúia. *℟.* Viso Dómino, allelúia. Ad Benedictus Añá. Post dies octo, jánuis clausis ingrésus Dóminus dixit eis : Pax vobis, allelúia, allelúia.

## Oratio.

**P**RÆSTA, quæsumus omnipotens Deus : ut qui Paschalia festa perëgimus, hæc te largiente moribus et vita teneamus. Per.

Ad Memoriam de Cruce Añæ. Crucifixus surrëxit a mortuis, et redëmit nos, allelûia, allelûia.

¶ Dicite in nationibus, allelûia. R. Quia Dóminus regnavit a ligno, allelûia. Oratio.

**D**EUS, qui pro nobis Filium tuum Crucis patibulum subire voluisti, ut inimici a nobis expelleres potestatem, concede nobis famulis tuis ut Resurrectiõnis grátiam consequamur. Per eundem.

¶ Prædicto modo in Vesperis et in Laudibus, post alias Memorias occurrentes (excepta Memoria B. Mariæ Virginis quæ fit Dominicis diebus) fiat Memoria de Cruce quotidie, usque ad Vigiliam Ascensionis exclusive, exceptis festis Duplicibus ac Totis Duplicibus et diebus infra Octavas Solennes.

## AD PRIMAM.

In fine Hymni Jam lucis., ommissa Stropha Deo Patri., hæc duæ dicuntur :

QUÆSUMUS, Auctor omnium,

In hoc Paschali gaudio,  
Ab omni mortis impetu  
Tuum défende pópulum.

GLORIA tibi Dómine,  
Qui surrexisti a mortuis,  
Cum Patre et sancto Spiritu,  
In sempiterna sæcula. Amen.

¶ Duæ prædictæ Strophæ dicantur in fine omnium Hymnorum ejusdem metri, etiam

in festis Sanctorum, usque ad j. Vesperas Ascensionis Domini, nisi aliter notetur.

Capitulum Regi sæculorum., pag. 31.

R. Jesu Christe Fili Dei vivi miserere nobis, \* Allelûia, allelûia. Jesu Christe. V. Qui surrexisti a mortuis. Allelûia, allelûia. Glória. Jesu Christe.

¶ Et sic dicatur usque ad Ascensionem, nisi aliter notetur.

V. Exsúrge Dómine, adjuva nos, allelûia. R. Et libera nos propter nomen tuum, allelûia.

Confíteor., Misereátur., Dóminus vobiscum., Oratio In hac hora., Benedicámus Dómino.

## AD TERTIAM.

Capitulum. Rom. 6.

**C**HRISTUS resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel : quod autem vivit, vivit Deo.

R. Resurrexit Dóminus, \* Allelûia, allelûia. Resurrexit Dóminus. V. Sicut dixit vobis. Allelûia. Glória. Resurrexit Dóminus.

V. Surrexit Dóminus vere, allelûia. R. Et apparuit Simóni, allelûia.

## AD SEXTAM.

Capitulum. Coloss. 3.

**S**i consurrexistis cum Christo : quæ sursum sunt querite, ubi Christus est in dextera Dei sedens : quæ sursum sunt sapite, non quæ super terram.

R. Surrexit Dóminus vere, \* Allelûia, allelûia. Surrexit. V. Et apparuit Simóni. Allelûia. Glória. Surrexit.



¶ Surréxit Dóminus de sepúlcro, allelúia. R. Qui pro nobis pepéndit in ligno, allelúia.

## AD NONAM.

Capitulum. Coloss. 3.

CUM autem Christus apparuerit, vita vestra : tunc et vos apparébitis cum ipso in glória.

R. Surréxit Dóminus de sepúlcro, \* Allelúia, allelúia. Surréxit. ¶. Qui pro nobis pepéndit in ligno. Allelúia. Glória. Surréxit.

¶. Gavisí sunt discipuli, allelúia. R. Viso Dómino, allelúia.

## AD VESPERAS.

Psalmus Dixit Dóminus. et ceteri quatuor ut in Dominicis per annum, pag. 124.

Super Psalmos sola Aña. Allelúia, allelúia, allelúia, allelúia.

Capitulum Christus resurgens. et Hymnus Ad cenam Agni próvidi., pag. 128. et pag. 129.

¶. Mane nobiscum Dómine, allelúia. R. Quóniam advesperáscit, allelúia.

Ad Magnificat Aña. Quia vidisti me Thoma, credidisti : beáti qui non vidérunt, et crediderunt, allelúia. Oratio.

PRÆSTA, quæsumus omnipotens Deus : ut qui Paschália festa perégimus, hæc te largiente moribus et vita teneamus. Per.

Ad Memoriam de Cruce Aña. Crucem sanctam súbiit qui inférnum confrégit : accinctus est poténtia, surréxit die tértia, allelúia.

¶. Dicite in nationibus, allelúia. R. Quia Dóminus regnavit a ligno, allelúia. Oratio.

DEUS, qui pro nobis Fílium tuum Crucis patibulum subire voluisti, ut inimici a nobis expélleret potestátem, concede nobis fámulis tuis ut Resurrecciónis grátiam consequámur. Per eúmdem.

¶ In omni Officio usque ad festum Trinitatis exclusive (præterquam in Officio quotidiano B. Mariæ V. et in Officio Defunctorum) addatur Allelúia. in fine Invitatoriorum, Antiphonarum, Responsoriorum et Versiculorum.

## PER HEBDOMADAM,

QUANDO DE TEMPORE AGITUR.

Ad Benedictus Aña. Multa quidem et ália signa fecit Jesus in conspéctu discipulorum suorum, allelúia, quæ non sunt scripta in libro hoc, allelúia.

Ad Magnificat Aña. Hæc autem scripta sunt ut credátis, quia Jesus est Christus Fílius Dei : et ut credéntes, vitam habeátis in nómine ipsius, allelúia.

## FERIALIBUS DIEBUS

AD OCTAVA PASCHÆ USQUE AD ASCENSIONEM.

Non fiant Prostrationes ad ulla Horas, nec ad Litanias; nec dicantur Preces nisi ad Primam et ad Completorium.

## AD MATUTINUM.

Invitatorium. Allelúia, allelúia, \* Allelúia.

Hymnus Auróra lucis rútilat., pag. 3.

## IN NOCTURNO.

Psalmi propriis locis notati.  
Super Psalmos Añā. Allelúia.  
Versiculus, secundum Feriam,  
ut infra Octavam Paschæ.

Lectiones et R̃R̃. suis locis  
notata.

Ante Laudes ̃. In Resurre-  
ctione tua Christe, allelúia.  
R̃. Caeli et terra læténtur, alle-  
lúia.

## AD LAUDES.

Psalmus Dóminus regnávít.  
cum ceteris, pag. 17.

Super Psalmos Añā. Allelúia,  
allelúia.

Capitulum Christus resúr-  
gens., Hymnus Sermóne blan-  
do. et ̃. Gavísi sunt., pag. 22.

Ad Benedictus (exceptis Feriis  
Rogationum) Antiphona quæ  
per hebdomadam dicenda pro-  
prio loco notata fuerit. Omit-  
tuntur Preces. Dicitur Oratio  
Dominicæ, præterquam in Fe-  
riis Rogationum. Usque ad  
Vigiliam Ascensionis exclusi-  
ve, fit Memoria de Cruce ut in  
Psalterio, pag. 23.

## AD PRIMAM.

Super Psalmos Añā Cogno-  
vérunt., ut in Psalterio pro  
Tempore Resurrectionis; Capi-  
tulum Pacem.; R̃. Jesu Christe.  
cum ̃. Qui surrexísti a mór-  
tuis., Preces et Oratio Dómine  
Deus omnipotens.

## AD TERTIAM,

## SEXTAM ET NONAM.

Antiphonæ, Capitula, R̃R̃.  
et ̃̃̃. ut ponuntur in Psalte-  
rio ad ipsas Horas respective  
pro Tempore Resurrectionis.  
Omittuntur Preces. Dicitur  
Oratio Dominicæ, præterquam  
in Vigilia Ascensionis.

## AD VESPERAS.

Psalmi quinque de Feria cur-  
renti ut in Psalterio. Super  
Psalmos sola Añā. Allelúia.

Capitulum Christus resúr-  
gens., Hymnus Ad cenam Agni  
próvidi., ̃. Mane nobiscum.,  
pag. 128. et pag. 129.

Ad Magnificat (exceptis Feriis  
Rogationum) Antiphona quæ  
per hebdomadam dicenda pro-  
prio loco notata fuerit. Omit-  
tuntur Preces. Dicitur Oratio  
Dominicæ. Fit Memoria de  
Cruce ut in Psalterio, pag. 129.

## AD COMPLETORIUM.

Omnia ut pag. 153. Et dicun-  
tur Preces, ut pag. 151.

## FERIA SECUNDA.

Psalmus 26. Dóminus illumi-  
natio., pag. 47.; Psalmus 27.  
Ad te Dómine clamábo.,  
pag. 48.; Psalmus 28. Afferte  
Dómino filii Dei., ibidem.

¶ Hodie incipit Historia Di-  
gnus es., nisi festa impediant :  
et recitatur hac Hebdomada  
et duabus sequentibus, cum de  
Tempore agitur.

Incipit liber Apocalypsis beáti  
Joánnis Apóstoli.

Lectio j. Cap. i.

**A**POCALYPSIS Jesu Christi,  
quam dedit illi Deus pa-  
lam fácere servis suis, quæ  
opórtet fieri cito : et significá-  
vit, mittens per Angelum suum  
servo suo Joánni, qui testimó-  
nium perhibuit verbo Dei, et  
testimónium Jesu Christi, quæ-  
cúmque vidit. Beátus, qui le-  
git, et audit verba prophetiæ  
hujus : et servat ea, quæ in ea  
scripta sunt : tempus enim  
prope est.

R. j. Dignus es Dómine accipere librum, et aperire signacula ejus : quóniam occísus es, et redemísti nos Deo \* In sáanguine tuo, allelúia. V. Fecísti enim nos Deo nostro regnum, et sacerdótes. — In sáanguine tuo, allelúia.

## Lectio ij.

JOANNES septem ecclésiis, quæ sunt in Asia. Grátia vobis, et pax ab eo, qui est, et qui erat, et qui ventúrus est : et a septem spíritibus, qui in conspéctu throni ejus sunt : et a Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in sáanguine suo, et fecit nos regnum, et sacerdótes Deo et Patri suo : ipsi glória, et impérium in sæcula sæculórum : Amen.

R. ij. Ego sicut vitis fructificávi suavitátē odóris, allelúia : \* Transite ad me omnes qui concupiscitis me, et a generatiónibus meis adimplémini, allelúia, allelúia. V. Ego diligétes me diligo, et qui mane vigiláverint ad me, invénient me. — Transite.

## Lectio iij.

ECCE venit cum núbibus, et vidébit eum omnis óculus, et qui eum pupugérunt. Et plangent se super eum omnes tribus terræ. Etiam : Amen. Ego sum alpha, et oméga, principium, et finis, dicit Dóminus Deus : qui est, et qui erat, et qui ventúrus est, omnipotens. Ego Joánnes frater vester, et párticeps in tribulatióne, et regno, et patiéntia in Christo Jesu : fui in insula,

quæ appellátur Patmos, propter verbum Dei, et testimónium Jesu.

R. iij. Audívi vocem in cælo tamquam vocem tonitruí magni, allelúia : Regnábít Deus noster in ætérnum, allelúia : \* Quia facta est salus, et virtus, et potéstas Christi ejus, Allelúia, allelúia. V. Et vox de throno exlívít, dicens : Laudem dicite Deo nostro omnes sancti ejus : et qui timétis Deum pusilli, et magni. — Quia. lória Allelúia, allelúia.

## FERIA TERTIA.

Psalmus 38. Dixi : Custódiam. pag. 61.; Psalmus 39. Exspéctans exspéctávi. pag. 62.; Psalmus 40. Beátus qui intéligit. pag. 63.

De libro Apocalypsis beáti Joánnis Apóstoli.

## Lectio j. Cap. 2.

ANGELO Ephesi ecclésiæ **A**scribe : Hæc dicit, qui tenet septem stellas in dextera sua, qui ámbulat in médio septem candelabrórum aureórum : Scio ópera tua, et labórem, et patiéntiam tuam, et quia non potes sustinére malos : et tentásti eos, qui se dicunt Apóstolos esse, et non sunt : et invenisti eos mendaces : et patiéntiam habes, et sustinuisti propter nomen meum, et non defecisti. Sed hábeo advérsum te, quod caritátē tuam primam reliquisti.

R. j. Locútus est ad me unus de septem Angelis, dicens : Veni, osténdam tibi novam nuptam sponsam Agni. \* Et vidi Jérusalem descendéntem de cælo, ornátam muribus



suis, allelúia, allelúia, allelúia.  
 ¶ Et sústulit me in spiritu in  
 montem magnum, et altum.  
 — Et vidi.

## Lectio ij

**E**T Angelo Smyrnæ ecclésiæ  
 scribe : Hæc dicit primus,  
 et novissimus, qui fuit mórtuus,  
 et vivit : Scio tribulatióem  
 tuam, et paupertátem tuam,  
 sed dives es : et blasphemáris  
 ab his, qui se dicunt Judæos  
 esse, et non sunt, sed sunt  
 synagóga Sátanæ. Nihil horum  
 timeas quæ passúrus es. Ecce  
 missúrus est diábolus áliques  
 ex vobis in cárcerem ut tenté-  
 mini : et habébitis tribulatió-  
 nem diébus decem.

R. ij. Audivi vocem in cælo  
 Angelórum multórum dicén-  
 tium : \* Timéte Dóminum, et  
 date claritátem illi : et adoráte  
 eum, qui fecit cælum, et terram,  
 mare, et fontes aquárum, alle-  
 lúia, allelúia. ¶ Vidi Ange-  
 lum Dei volántem per médium  
 cæli, voce magna clamántem,  
 et dicéntem. — Timéte Dómi-  
 num.

## Lectio iij.

**E**T Angelo Pérgami ecclé-  
 siæ scribe : Hæc dicit, qui  
 habet romphæam utrâque par-  
 te acútam : Scio ubi hábitas,  
 ubi sedes est Sátanæ : et tenes  
 nomen meum, et non negásti  
 fidem meam. Et in diébus illis  
 Antipas testis meus fidélis, qui  
 occisus est apud vos, ubi Sátu-  
 nas hábitat. Sed hábeo advér-  
 sus te pauca : quia habes illic  
 tenétes doctrinam Bálaam.

R. iij. Osténdit mihi Angelus  
 fontem aquæ vivæ : et dixit  
 ad me, allelúia : \* Hic Deum  
 adóra, Allelúia, allelúia, alle-

lúia. ¶ Postquam audíssem,  
 et vidíssem, cécidi, ut adorá-  
 rem ante pedes Angeli, qui  
 mihi hæc ostendébat : et dixit.  
 — Hic Deum adóra. Glória.  
 Allelúia.

## FERIA QUARTA.

Psalmus 52. Dixit insipiens.  
 pag. 73.; Psalmus 54. Exáudi  
 Deus oratióem. pag. 74.; Psal-  
 mus 55. Miserére mei Deus,  
 quóniam. pag. 75.

De libro Apocalypsis beati  
 Joánnis Apóstoli.

Lectio j. Cap. 3.

**A**NGELO Thyatiræ ecclésiæ  
 scribe : Hæc dicit Filius  
 Dei, qui habet óculos tamquam  
 flammam ignis, et pedes ejus  
 símiles aurichálco : Novi ópera  
 tua, et fidem, et caritátem  
 tuam, et ministérium, et pa-  
 tiéntiam tuam, et ópera tua  
 novissima plura prióribus. Sed  
 hábeo advérsus te pauca : quia  
 permittis mulierem Jézabel,  
 quæ se dicit prophétem, docére,  
 et sedúcere servos meos, forni-  
 cári, et manducáre de idoló-  
 thytis.

R. j. Vidi portam civitátis ad  
 oriéntem pósitoam, et Aposto-  
 lórum nómina, et Agni super  
 eam scripta : \* Et super muros  
 ejus Angelórum custódiam,  
 allelúia. ¶ Vidi civitátem  
 sanctam Jerúsalem descendén-  
 tem de cælo, ornátam tam-  
 quam sponsam viro suo. — Et  
 super.

## Lectio ij.

**V**OBIS autem dico, et céte-  
 ris qui Thyatiræ estis :  
 Quicúmque non habent doctri-  
 nam hanc, et qui non cogno-  
 vérent altitúdines Sátanæ,

quemadmodum dicunt, non mittam super vos aliud pondus: tamen id, quod habētis, tenēte donec veniam. Et qui vicerit, et custodierit usque in finem opera mea, dabo illi potestatem super gentes.

R. ij. Vidi Jerúsalem descendētem de cælo, ornátam auro mundo, \* Et lapidibus pretiōsis intextam, allelúia, allelúia. V. Ab intus in fimbriis áureis circumamicta varietate. — Et lapidibus.

## Lectio iij.

## Cap. 3.

**E**T Angelo ecclésiæ Sardis scribe: Hæc dicit, qui habet septem spiritus Dei, et septem stellas: Scio opera tua, quia nomen habes quod vivas, et mortuus es. Esto vigilans, et confirma cetera, quæ moritúra erant. Non enim invēnio opera tua plena coram Deo meo. In mente ergo habe qualiter accēperis, et audieris, et serva, et pœnitentiā age. Si ergo non vigilaveris, veniam ad te tamquam fur, et nescies qua hora veniam ad te.

R. iij. In diadēmate capitis Aaron lapides pretiōsi fulgebant, \* Dum perficeretur opus Dei, Allelúia, allelúia, allelúia. V. Coróna áurea super caput ejus, expressa signo sanctitatis. — Dum perficeretur. Glória. Allelúia.

## FERIA QUINTA.

Psalmus 68. Salvum me fac. pag. 85.; Psalmus 69. Deus in adiutorium. pag. 87.; Psalmus 70. In te Dómine. ibidem.

De libro Apocalypsis beati Joānis Apóstoli.

## Lectio j.

## Cap. 3.

**E**T Angelo Philadelphię ecclésiæ scribe: Hæc dicit Sanctus et Verus, qui habet clavem David: qui aperit, et nemo claudit: claudit, et nemo aperit: Scio opera tua. Ecce dedi coram te ostium apertum, quod nemo potest claudere: quia módicam habes virtutem, et servasti verbum meum, et non negasti nomen meum. Ecce dabo de synagoga Sathanæ, qui dicunt se Judeos esse, et non sunt, sed mentiuntur.

## Lectio ij.

**E**CCE faciā illos ut veniant, et adórent ante pedes tuos: et scient quia ego dilēxi te. Quóniam servasti verbum patientiæ meæ, et ego servabo te ab hora tentationis, quæ ventúra est in orbem universum tentare habitantes in terra. Ecce venio cito: tene quod habes, ut nemo accipiat coronam tuam. Qui vicerit, faciā illum columinam in templo Dei mei, et foras non egrediētur amplius: et scribam super eum nomen Dei mei, et nomen civitatis Dei mei novæ Jerúsalem, quæ descendit de cælo a Deo meo, et nomen meum novum.

## Lectio iij.

**Q**UI habet aurem, audiat quid Spiritus dicat ecclésiis. Et Angelo Laodicę ecclésiæ scribe: Hæc dicit: Amen, testis fidēlis, et verus, qui est principium creaturæ Dei: Scio opera tua: quia neque frigidus es, neque cālidus: útinam frigidus esses, aut cālidus: sed

quia tépidus es, et nec frigidus, nec cálidus, incípiam te evómere ex ore meo.

## FERIA SEXTA.

Psalmus 80. Exsultáte Deo. pag. 99.; Psalmus 81. Deus stetit. ibidem; Psalmus 82. Deus, quis similis. pag. 100.

De libro Apocalypsis beati Joánnis Apóstoli.

Lectio j. Cap. 4.

**P**óstium apértum in cælo, et vox prima, quam audívi tamquam tubæ loquéntis mecum, dicens : Ascénde huc, et osténdam tibi quæ opórtet fieri post hæc. Et statim fui in spiritu : et ecce sedes pósta erat in cælo, et supra sedem sedens. Et qui sedébat similis erat aspéctui lápidis jáspidis, et sárdinis : et iris erat in circúitu sedis similis visióni smarágdinæ.

Lectio ij.

**E**t in circúitu sedis sedília viginti quátuor : et super thronos viginti quátuor seniôres sedéntes, circumamícti vestiméntis albis, et in capítibus eórum coronæ áureæ. Et de throno procedébant fúlgura, et voces, et tonítrua : et septem lámpades ardéntes ante thronum, qui sunt septem spíritus Dei. Et in conspéctu sedis tamquam mare vitreum símile crystallo : et in médio sedis, et in circúitu sedis quátuor animalia plena óculis ante et retro.

Lectio iij.

**E**t animal primum símile leóni, et secúndum animal símile vitulo, et tértium animal habens faciém quasi hóminis, et quartum animal símile

áquilæ volánti. Et quátuor animalia, singula eórum habébant alas senas : et in circúitu, et intus plena sunt óculis : et réquiem non habébant die ac nocte dicéntia : Sanctus, Sanctus, Sanctus Dóminus Deus omnipotens, qui erat, et qui est, et qui ventúrus est.

## SABBATO.

Psalmus 97. Cantáte. pag. 110.; Psalmus 98. Dóminus regnávít, irascántur. ibidem; Psalmus 99. Jubilate Deo. pag. 111.

De libro Apocalypsis beati Joánnis Apóstoli.

Lectio j. Cap. 5.

**E**t vídi in dextera sedéntis supra thronum, librum scriptum intus et foris, signátum sigillis septem. Et vídi Angelum fortem, prædicántem voce magna : Quis est dignus aperíre librum et sólvare signácula ejus? Et nemo póterat neque in cælo, neque in terra, neque subtus terram aperíre librum, neque respicere illum. Et ego flebam multum, quóniam nemo dignus invéntus est aperíre librum, nec vídere eum.

Lectio ij.

**E**t unus de seniôribus dixit mihi : Ne fléveris : ecce vicit leo de tribu Juda, radix David, aperíre librum, et sólvare septem signácula ejus. Et vídi : et ecce in médio throni et quátuor animalium, et in médio seniôrum, Agnum stantem tamquam occisum, habéntem cornua septem, et óculos septem : qui sunt septem spíritus Dei, missi in omnem terram. Et venit : et accépit de dextera sedéntis in throno librum.



## Lectio iij.

**E**T cum aperuisset librum, quatuor animália, et viginti quatuor seniores ceciderunt coram Agno, habentes singuli citharas, et phialas aureas plenas odoramentorum, quæ sunt orationes sanctorum: et cantabant canticum novum, dicentes: Dignus es Domine accipere librum, et aperire signacula ejus: quoniam occisus es, et redemisti nos Deo in sanguine tuo

## AD VESPERAS.

Psalmus Benedictus Dominus Deus meus, cum ceteris, ut in Sabbatis per annum, pag. 141.

Super Psalmos sola Aña. Allelúia, allelúia, allelúia.

Capitulum Christus resurgens. et Hymnus Ad cenam Agni providi., pag. 128. et pag. 129.

¶ Mane nobiscum Domine, allelúia. R. Quoniam advesperascit, allelúia.

Ad Magnificat Aña. Hæc autem scripta sunt, ut credatis quia Jesus est Christus Filius Dei: et ut credentes vitam habeatis in nomine ipsius, allelúia.

## Oratio.

**D**EUS, qui in Filii tui humilitate jacentem mundum erexisti, fidelibus tuis perpetuam concede lætitiā: ut quos perpetuæ mortis eripueris casibus, gaudiis facias perfrui sempiternis. Per eundem.

Fit Memoria de Cruce ut in Psalterio, pag. 129.

## DOMINICA I.

POST OCTAVAM PASCHÆ.

## AD MATUTINUM.

Invitatorium. Allelúia, Surrexit Dominus vere: \* Venite adorémus, allelúia.

## Hymnus.

**A**URORA lucis rutilat,  
Cælum laudibus insonat,  
Mundus exsultans jubilat,  
Gemens infernus ululat:

CUM Rex ille fortissimus,  
Mortis confractis viribus,  
Pede conculeans tartara,  
Solvit a poena miseros.

ILLE, qui clausus lapide  
Custoditur sub milite,  
Triumphans pompa nobili  
Victor surgit de funere.

SOLUTIS jam gemitibus  
Et inferni doloribus,  
Quia surrexit Dominus  
Resplendens clamat Angelus.

TRISTES erant Apostoli  
De nece sui Domini,  
Quem poena mortis crudeli  
Servi damnarant impii.

QUÆSUMUS, Auctor omnium,  
In hoc Paschali gaudio,  
Ab omni mortis impetu  
Tuum defende populum.

GLORIA tibi Domine,  
Qui surrexisti a mortuis,  
Cum Patre, et sancto Spiritu  
In sempiterna sæcula. Amen.

## IN NOCTURNO.

Psalmus i.

**B**EATUS vir, qui non abiit in consilio impiorum, & et in via peccatorum non stetit, \* et in cathedra pestilentiae non sedit:

Sed in lege Domini voluntas ejus, \* et in lege ejus meditabitur die ac nocte.

Et erit tamquam lignum, quod plantatum est secus decursus aquarum, \* quod fructum suum dabit in tempore suo :

Et folium ejus non defluet : \* et omnia quæcumque faciet, prosperabuntur.

Non sic impii, non sic : \* sed tamquam pulvis, quem projicit ventus a facie terræ.

Idcirco non resurgent impii in judicio : \* neque peccatores in concilio justorum.

Quoniam novit Dominus viam justorum : \* et iter impiorum peribit.

Glória Patri... Sicut erat...

Psalmus 2.

**Q**UARE fremuerunt gentes, \* et populi meditati sunt inania?

Astiterunt reges terræ, & et principes conveniunt in unum, \* adversus Dominum, et adversus Christum ejus.

Dirumpamus vincula eorum, \* et projiciamus a nobis jugum ipsorum.

Qui habitat in cælis iridebit eos : \* et Dominus subsannabit eos.

Tunc loquetur ad eos in ira sua, \* et in furore suo conturbabit eos.

Ego autem constitutus sum rex ab eo super Sion montem sanctum ejus, \* prædicans præceptum ejus.

Dominus dixit ad me : \* Filius meus es tu, ego hodie genui te.

Postula a me, et dabo tibi gentes hereditatem tuam, \* et possessionem tuam terminos terræ.

Reges eos in virga ferrea, \* et tamquam vas figuli confringes eos.

Et nunc reges intelligite : \* erudimini qui iudicatis terram.

Servite Domino in timore : \* et exultate ei cum tremore.

Apprehendite disciplinam nequando irascatur Dominus, \* et pereatis de via justa.

Cum exarserit in brevi ira ejus, \* beati omnes, qui confidunt in eo.

Glória Patri... Sicut erat...

Psalmus 3.

**D**OMINE quid multiplicati sunt qui tribulant me? \* multi insurgunt adversum me.

Multi dicunt animæ meæ : \* Non est salus ipsi in Deo ejus.

Tu autem Domine susceptor meus es, \* glória mea, et exaltans caput meum.

Voce mea ad Dominum clamavi : \* et exaudivit me de monte sancto suo.

Ego dormivi, et soporatus sum : \* et exsurrexi, quia Dominus suscepit me.

Non timebo millia populi circumdantis me : \* exsurge Domine, salvum me fac Deus meus.

Quoniam tu percussisti omnes adversantes mihi sine causa : \* dentes peccatorum contrivisti.

Domini est salus : \* et super populum tuum benedictio tua.

Glória Patri... Sicut erat...

Añ. Surrexit Christus, et illuxit populo suo, quem redemit sanguine suo, alleluia.

℟. Resurrexit Dominus, alleluia. ℞. Sicut dixit vobis, alleluia.

† Prædictum Invitorium, Hymnus, Psalmi, Antiphona super Psalmos et ℟. dicantur in Dominicis usque ad Ascensionem, cum fit de Tempore.

Lectio sancti Evangelii  
secundum Joannem.

Lectio j. Cap. 10.

**I**N illo tempore : Dixit Jesus  
Pharisæis : Ego sum pastor  
bonus. Bonus pastor animam  
suam dat pro ovibus suis. Et  
reliqua.

Homilia sancti Gregorii Papæ.  
(Homil. 14. in Evang.)

**A**UDISTIS, fratres carissimi,  
ex lectione evangelica eru-  
ditionem vestram : audistis et  
periculum nostrum. Ecce enim  
is, qui non ex accidenti dono,  
sed essentialiter bonus est, dicit :  
Ego sum pastor bonus. Atque  
ejusdem bonitatis formam,  
quam nos imitemur, adjungit,  
dicens : Bonus pastor animam  
suam ponit pro ovibus suis.

R. j. Dignus es Domine acci-  
pere lignum, et aperire signa-  
cula ejus : quoniam occisus es,  
et redemisti nos Deo \* In sân-  
guine tuo, allelúia. V. Fecisti  
enim nos Deo nostro regnum,  
et sacerdotes. — In sân-  
guine tuo, allelúia.

Lectio ij.

**F**ECIT quod monuit : ostendit  
quod jussit. Bonus pastor  
pro ovibus suis animam suam  
posuit, ut in Sacramento no-  
stro corpus suum et sanguinem  
verteret; et oves, quas redé-  
merat, carnis suæ alimento sa-  
tiaret. Osténsa nobis est igitur  
de contemptu mortis via, quam  
sequámur : appósita est forma,  
cui imprimámur. Primum nobis  
est exterióra nostra misericór-  
diter ovibus ejus impendere :  
postrémum vero, si necesse  
sit, étiam mortem nostram pro  
eisdem ovibus ministrare. A  
primo autem hoc mínimo per-  
venitur ad postrémum majus.

R. ij. Ego sicut vitis fructifi-  
cavi suavitatem odoris, alle-  
lúia : \* Transite ad me omnes,  
qui concupiscitis me, et a ge-  
nerationibus meis adimplemi-  
ni, allelúia, allelúia. V. Ego  
diligentes me diligo, et qui  
mane vigilaverint ad me invé-  
nient me. — Transite ad me  
omnes.

Lectio iij.

**S**ED cum incomparabiliter  
longe sit mélior ánima, qua  
vivimus, terréna substantia,  
quam extérius possidémus :  
qui non dat pro ovibus substan-  
tiam suam, quando pro his da-  
turus est animam suam? Et  
sunt nonnulli, qui dum plus  
terrénam substantiam quam  
oves diligunt, mérito nomen  
pastóris perdunt, de quibus  
prótinus súbditur : Mercená-  
rius autem, et qui non est pa-  
stor, cujus non sunt oves pró-  
priæ, videt lupum venientem,  
et dimittit oves, et fugit.

R. iij. Audivi vocem in cæ-  
lo, tamquam vocem tonitru-  
i magni, allelúia : Regnabit  
Deus noster in ætérnum, alle-  
lúia : \* Quia facta est salus, et  
virtus, et potestas Christi ejus,  
Allelúia, allelúia. V. Et vox  
de throno exivit dicens : Lau-  
dem dicite Deo nostro omnes  
sancti ejus : et qui timétis  
Deum pusilli et magni. — Quia  
facta est salus. Glória. Alle-  
lúia, allelúia.

¶ Quando pro prædictis Re-  
sponsoriis dicenda sint Respon-  
soria Feriæ tertiæ aut Feriæ  
quartæ post Octavam Paschæ  
vide in Rubricis generalibus  
§. vij. num. 3.

Ante Laudes V. In Resurre-  
ctione tua Christe, allelúia.



R. Cæli et terra læténtur, allelúia.

#### AD LAUDES.

Super Psalmos sola Aña. Allelúia, allelúia. Psalmus Dóminus regnávít. cum ceteris, pag. 17.

Capitulum Christus resurgens. et Hymnus Sermóne blando., pag. 22.

℟. Gavísi sunt discípuli, allelúia. R. Viso Dómino, allelúia.

Ad Benedictus Aña. Ego sum pastor bonus, qui pasco oves meas : et pro óvibus meis pono ánimam meam, allelúia.

#### Oratio.

**D**EUS, qui in Filii tui humilitate jacéntem mundum erexisti; fidélibus tuis perpetuam concéde lætítiam : ut quos perpétuæ mortis eripuísti cásibus, gáudiis fácias pérfrui sempitérnis. Per eúmdem.

Memoria de Cruce et de B. Maria V. ut in Psalterio, pag. 23.

#### AD HORAS.

Antiphonæ, Capitula, R. R. et V. quæ in Psalterio ad ipsas Horas pro Tempore Resurrectionis respective sunt posita.

#### AD VESPERAS.

Super Psalmos sola Aña. Allelúia, allelúia, allelúia, allelúia. Psalmus Dixit Dóminus. cum ceteris ut in Dominicis per annum, pag. 124.

Capitulum Christus resurgens. et Hymnus Ad cenam Agni próvidi., pag. 128. et pag. 129.

℟. Mane nobiscum Dómine, allelúia. R. Quóniam advesperáscit, allelúia.

Ad Magnificat Aña. Ego sum pastor óvium : ego sum via, veritas, et vita : ego sum pastor bonus : et cognósco oves meas, et cognóscunt me meæ, allelúia, allelúia.

Oratio Deus, qui in Filii tui humilitate., ut in Laudibus.

Memoria de Cruce et de B. Maria V. ut in Psalterio, pag. 129. et pag. 130.

#### PER HEBDOMADAM

QUANDO DE TEMPORE AGITUR.

Ad Benedictus Aña. Pastor bonus ánimam suam ponit pro óvibus suis, allelúia.

Ad Magnificat Aña. Alias oves hábeo, quæ non sunt ex hoc ovili : et illas opórtet me addúcere, et vocem meam audient, et fiet unum ovile, et unus pastor, allelúia.

#### FERIA SECUNDA.

Psalmus 29. Exaltábo te., pag. 49.; Psalmus 30. In te Dómine sperávi., ibidem; Psalmus 31. Beáti quorum., pag. 50.

De libro Apocalypsis beáti Joánnis Apóstoli.

Lectio j. Cap. 6.

**E**T vidi quod aperuisset Agnus unum de septem sigillis, et audiui unum de quátuor animálibus, dicens, tamquam vocem tonitruí : Veni, et vide. Et vidi : et ecce equus albus, et qui sedébat super illum habébat arcum, et data est ei coróna, et exívit vincens ut vinceret. Et cum aperuisset sigillum secúndum, audiúi secúndum ánimál, dicens : Veni, et vide.

## Lectio ij.

**E**T exivit alius equus rufus : et qui sedébat super illum, datum est ei ut súmeret pacem de terra, et ut invicem se interficiant, et datus est ei gladius magnus. Et cum aperuisset sigillum tertium, audi vi tertium animal, dicens : Veni, et vide. Et ecce equus niger : et qui sedébat super illum, habébat statéram in manu sua. Et audi vi tamquam vocem in médio quátuor animalium dicéntium : Bilibris tritici denário, et tres bilibres hórdei denário, et vinum, et óleum ne læseris.

## Lectio iij.

**E**T cum aperuisset sigillum quartum, audi vi vocem quarti animalis dicéntis : Veni, et vide. Et ecce equus pallidus : et qui sedébat super eum, nomen illi Mors, et inférnus sequebátur eum, et data est illi potéstas super quátuor partes terræ, interficere gládio, fame, et morte, et béstiis terræ.

## FERIA TERTIA.

Psalmus 41. Quemádmódum. pag. 63.; Psalmus 43. Deus áuribus. pag. 64.; Psalmus 44. Eructávit cor meum. pag. 65.

De libro Apocalypsis beáti Joánnis Apóstoli.

Lectio j. Cap. 8.

**E**T vidi septem Angelos stantes in conspéctu Dei : et datæ sunt illis septem tubæ. Et alius Angelus venit, et stetit ante altáre habens thuribulum áureum : et data sunt illi incénsa multa, ut daret de orationibus sanctórum ómnium

super altáre áureum, quod est ante thronum Dei. Et ascéndit fumus incensórum de orationibus sanctórum de manu Angeli coram Deo.

## Lectio ij.

**E**T accépit Angelus thuribulum, et implévit illud de igne altáris, et misit in terram, et facta sunt tonitrua, et voces, et fúlgura, et terræmótus magnus. Et septem Angeli, qui habébant septem tubas, præparavérunt se ut tuba cānerent. Et primus Angelus tuba cécinít, et facta est grando, et ignis, mista in sánguine, et missum est in terram.

## Lectio iij.

**E**T tértia pars terræ combústa est, et tértia pars árborum concremáta est, et omne fœnum víride combústum est. Et secúndus Angelus tuba cécinít : et tamquam mons magnus igne ardens missus est in mare, et facta est tértia pars maris sanguis, et mórtua est tértia pars creatúræ eórum, quæ habébant ánimas in mari, et tértia pars návium intérit.

## FERIA QUARTA.

Psalmus 56. Miserére mei Deus, miserére. pag. 75.; Psalmus 57. Si vere útique. ibidem; Psalmus 58. Eripe me de inimicis. pag. 76.

De libro Apocalypsis beáti Joánnis Apóstoli.

Lectio j. Cap. 10.

**E**T vidi alium Angelum forámic tum nube, et iris in cápité ejus, et fácies ejus erat ut sol, et pedes ejus tamquam colum-

næ ignis : et habébat in manu sua libellum apertum : et pósuit pedem suum dextrum super mare, sinistrum autem super terram : et clamávit voce magna, quemádmódum cum leo rugit. Et cum clamásset, locúta sunt septem tonitrua voces suas.

## Lectio ij.

**E**T cum locúta fuissent septem tonitrua voces suas, ego scriptúrus eram : et audiui vocem de cælo dicentem mihi : Signa quæ locúta sunt septem tonitrua : et noli ea scribere. Et Angelus, quem vidi stantem super mare, et super terram, levávit manum suam ad cælum : et jurávit per viventem in sæcula sæculórum, qui creávit cælum, et ea quæ in eo sunt : et terram, et ea quæ in ea sunt : et mare, et ea quæ in eo sunt : Quia tempus non erit ámplius.

## Lectio iij.

**S**ED in diébus vocis séptimi Angeli, cum cœperit tuba cánere, consummábitur mystérium Dei, sicut evangelizávit per servos suos prophétas. Et audiui vocem de cælo iterum loquentem mecum, et dicentem : Vade, et áccipe librum apertum de manu Angeli stantis super mare, et super terram. Et ábii ad Angelum, dicens ei, ut daret mihi librum.

## FERIA QUINTA.

Psalmus 71. Deus iudícium., pag. 88.; Psalmus 72. Quam bonus., pag. 89.; Psalmus 73. Ut quid., ibidem.

De libro Apocalypsis beáti Joánnis Apóstoli.

## Lectio j. Cap. 11.

**E**T datus est mihi cálamus similis virgæ, et dictum est mihi : Surge, et metíre templum Dei, et altáre, et adorántes in eo. Atrium autem, quod est foris templum, éjice foras, et ne metiáris illud : quóniam datum est géntibus, et civitatem sanctam calcábunt ménsibus quadraginta duóbus.

## Lectio ij.

**E**T dabo duóbus téstibus meis, et prophetábunt diébus mille ducéntis sexaginta, amicti saccis. Hi sunt duæ olivæ, et duo candelábra in conspéctu Dómini terræ stantes. Et si quis volúerit eos nocére, ignis éxiet de ore eórum, et devorábit inimicos eórum : et si quis volúerit eos lædere, sic opórtet eum occídi.

## Lectio iij.

**H**i habent potestátem claudéndi cælum, ne pluat diébus prophetiæ ipsórum : et potestátem habent super aquas converténdi eas in sánguinem, et percútere terram omni plaga quotiescúmque volúerint. Et cum finierint testimónium suum, béstia, quæ ascéndit de abyssu, fáciat advérsus eos bellum, et vincet illos, et occídet eos.

## FERIA SEXTA.

Psalmus 83. Quam dilécta., pag. 100. Psalmus 84.; Benedicti Dómine., pag. 101.; Psalmus 85. Inclína Dómine aures., ibidem.



De libro Apocalypsis beati  
Joannis Apóstoli.

Lectio j. Cap. 11. et cap. 12.

**E**T apértum est templum Dei in cælo : et visa est arca testaménti ejus in templo ejus, et facta sunt fúlgura, et voces, et terræmótus, et grando magna. Et signum magnum apparuit in cælo : Múlier amícta sole, et luna sub pédibus ejus, et in cápite ejus coróna stellárum duódecim : et in útero habens, clamábat partúriens, et cruciabátur ut páriat.

Lectio ij.

**E**T visum est áliud signum in cælo : et ecce draco magnus rufus habens cápita septem, et córnuá decem : et in capitibus ejus diadémata septem, et cauda ejus trahébat tértiam partem stellárum cæli, et misit eas in terram, et draco stetit ante mulierem, quæ erat parítúra : ut cum peperisset, filium ejus devoráret.

Lectio iij.

**E**T péperit filium másculum, qui rectúrus erat omnes gentes in virga férrea : et raptus est filius ejus ad Deum, et ad thronum ejus, et múlier fugit in solitúdinem ubi habébat locum parátum a Deo, ut ibi pascant eam diébus mille ducéntis sexaginta.

SABBATO.

Psalms 100. Misericórdiam., pag. 111.; Psalmus 101. Dómine exáudi., ibidem; Psalmus 102. Bénedic ánima mea. pag. 112.

De libro Apocalypsis beati  
Joannis Apóstoli.

Lectio j. Cap. 13.

**E**T vidi de mari béstiam ascendéntem, habéntem cápita septem, et córnuá decem, et super córnuá ejus decem diadémata, et super cápita ejus nómina blasphemíæ. Et béstia, quam vidi, símilis erat pardo, et pedes ejus sicut pedes ursi, et os ejus sicut os leónis. Et dedit illi draco virtútem suam, et potestátem magnam.

Lectio ij.

**E**T vidi unum de capitibus suis quasi occisum in mortem : et plaga mortis ejus curáta est. Et admiráta est univérsa terra post béstiam. Et adoravérunt draconem, qui dedit potestátem béstia: et adoravérunt béstiam dicéntes : Quis símilis béstia: et quis póterit pugnáre cum ea? Et datum est ei os loquens magna, et blasphemías : et data est ei potestas fácere menses quadraginta duos.

Lectio iij.

**E**T apéruit os suum in blasphemías ad Deum, blasphemáre nomen ejus, et tabernáculum ejus, et eos, qui in cælo hábitant. Et est datum illi bellum fácere cum sanctis, et vincere eos. Et data est illi potestas in omnem tribum, et pópulum, et linguam, et gentem, et adoravérunt eam omnes, qui inhábitant terram : quorum non sunt scripta nómina in libro vitæ Agni, qui occisus est ab origine mundi.

## AD VESPERAS.

Capitulum Christus resurgens. et Hymnus Ad cenam Agni providi.

¶ Mane nobiscum Dómine, allelúia. R. Quóniam advesperáscit, allelúia.

Ad Magnificat Aña. Alias oves hábeo, quæ non sunt ex hoc ovili : et illas opórtet me addúcere, et vocem meam audient, et fiet unum ovile, et unus pastor, allelúia. Oratio.

**D**EUS, qui errántibus, ut in viam possint redire justitiæ, veritátis tuæ lumen osténdis : da cunctis, qui christiána professióne censéntur, et illa respúere, quæ huic inimica sunt nómini; et ea, quæ sunt apta, sectári. Per.

Memoria de Cruce, pag. 129.

## DOMINICA II.

POST OCTAVAM PASCHÆ.

Quæ hic notata non sunt dicantur ut in Dominica j. post Octavam Paschæ signatum est.

Lectio sancti Evangélii secundum Joannem.

Lectio j. Cap. 16.

**I**n illo témpore : Dixit Jesus discipulis suis : Módicum, et jam non vidébitis me : et iterum módicum, et vidébitis me : quia vado ad Patrem. Et reliqua.

Homilia sancti Augustini Episcopi.

(Tract. 101. in Joann. sub finem.)

**M**ÓDICUM est hoc totum spátium, quo præsens pèrvolat sæculum. Unde dicit idem ipse Evangelista in Epístola

sua : Novissima hora est. Ideo namque áddidit, Quia vado ad Patrem : quod ad priórem senténtiam referéndum est, ubi ait, Módicum, et jam non vidébitis me : non ad posteriorem, ubi ait, Et iterum módicum, et vidébitis me. Eúndo quippe ad Patrem, facturus erat ut eum non vidérent.

Lectio ij.

**I**LLIS ergo ait, Módicum, et jam non vidébitis me, qui eum corporaliter tunc vidébant : quia iturus erat ad Patrem, et eum deinceps mortalem visuri non erant, qualem, cum ista loqueretur, vidébant. Quod vero áddidit, Et iterum módicum, et vidébitis me : univérsæ promisit Ecclésiæ, sicut univérsæ promisit : Ecce ego vobiscum sum usque ad consummationem sæculi. Non tardat Dóminus promissum.

Lectio iij.

**M**ÓDICUM, et vidébitis meum : ubi jam nihil rogémus, nihil interrogémus; quia nihil desiderándum remanébit, nihil quæréndum latébit. Hoc módicum longum nobis vidétur, quóniam adhuc ágitur : cum finitum fúerit, tunc sentiémus quam módicum fúerit. Non ergo sit gáudium nostrum, quale habet mundus, de quo dictum est : Mundus autem gaudébit. Nec tamen in hujus desidérii parturitíone, sine gáudio tristes simus : sed, sicut ait Apóstolus, spe gaudéntes.

Ad Benedictus Aña. Módicum, et non vidébitis me, dicit Dóminus : iterum módicum, et vidébitis me : quia vado ad Patrem, allelúia, allelúia.

## Oratio.

**D**EUS, qui errántibus, ut in viam possint redire justitiæ, veritátis tuæ lumen ostendis : da cunctis, qui christiána professione censéntur, et illa respúere quæ huic inimica sunt nómini, et ea quæ sunt apta sectári. Per.

Ad Magnificat Aña. Iterum autem vidébo vos, et gaudébit cor vestrum, allelúia : et gáudium vestrum nemo tollet a vobis, allelúia.

Oratio Deus, qui errántibus, ut in Laudibus.

## PER HEBDOMADAM

QUANDO DE TEMPORE AGITUR.

Ad Benedictus Aña. Amen. amen dico vobis : quia plorábitis et flébitis vos, mundus autem gaudébit : vos autem contristabimini, sed tristitia vestra vertétur in gáudium, allelúia.

Ad Magnificat Aña. Tristitia implévit cor vestrum : et gáudium vestrum nemo tollet a vobis, allelúia, allelúia.

## FERIA SECUNDA.

Psalmus 32. Exsultáte justi in Dómino., pag. 51.; Psalmus 33. Benedicam Dóminum., ibidem.; Psalmus 34. Júdice Dómine., pag. 52.

De libro Apocalypsis beáti Joánnis Apóstoli.

Lectio j. Cap. 18.

**V**IDI álíum Angelum descendéntem de cælo, habéntem potestátem magnam : et terra illumináta est a glória ejus. Et exclamávit in fortitúdine dicens : Cécidit, cécidit Bábylon magna : et facta est habitatio dæmoniórum, et custódia omnis spiritus immún-

di, et custódia omnis volúcris immúndæ, et odibilis : quia de vino iræ fornicatiónis ejus bibérunt omnes gentes : et reges terræ cum illa fornicáti sunt : et mercatóres terræ de virtúte deliciárum ejus divites facti sunt.

Lectio ij.

**E**T audivi álíam vocem de cælo, dicéntem : Exite de illa pópulus meus : ut ne participes sitis delictórum ejus, et de plagis ejus non accipiátis. Quóniam pervenerunt peccáta ejus usque ad cælum, et recordátus est Dóminus iniquitátum ejus. Réddite illi sicut et ipsa réddidit vobis : et duplicáte duplicia secúndum ópera ejus. In póculo, quo miscuit, miscéte illi duplum.

Lectio iij.

**Q**UANTUM gloriificávit se, et in deliciis fuit, tantum date illi torméntum et luctum : quia in corde suo dicit : Sédeo regina : et vídua non sum : et luctum non vidébo. Ideo in una die vénient plagæ ejus, mors, et luctus, et fames, et igne comburétur : quia fortis est Deus, qui judicábit illam. Et flebunt, et plangent se super illam reges terræ.

## FERIA TERTIA.

Psalmus 45. Deus noster., pag. 66.; Psalmus 46. Omnes gentes., ibidem.; Psalmus 47. Magnus Dóminus., ibidem.

De libro Apocalypsis beáti Joánnis Apóstoli.

Lectio j. Cap. 19.

**A**UDIVI quasi vocem turbárum multárum in cælo dicéntium : Allelúia : salus, et



glória, et virtus Deo nostro est : quia vera, et justa iudicia sunt ejus, qui iudicavit de meretrice magna, quæ corripuit terram in prostitutione sua, et vindicavit sanguinem servorum suorum de manibus ejus. Et iterum dixerunt : Allelúia. Et fumus ejus ascendit in sæcula sæculorum.

## Lectio ij.

**E**T ceciderunt seniores viginti quatuor, et quatuor animalia, et adoraverunt Deum sedentem super thronum, dicentes : Amen : allelúia. Et vox de throno exivit, dicens : Laudem dicite Deo nostro omnes servi ejus : et qui timetis eum pusilli, et magni.

## Lectio iij.

**E**T audiui quasi vocem turbæ magnæ, et sicut vocem aquarum multarum, et sicut vocem tonitruorum magnorum dicentium : Allelúia : quoniam regnavit Dominus Deus noster omnipotens. Gaudeamus, et exultemus : et demus glóriam ei : quia venerunt nuptiæ Agni, et uxor ejus præparavit se. Et datum est illi ut coopériat se byssino splendenti, et cándido. Byssinum enim justificationes sunt Sanctorum.

## FERIA QUARTA.

Psalmus 59. Deus, repulisti., pag. 77.; Psalmus 60. Exaudi Deus deprecationem., ibidem.; Psalmus 61. Nonne Deo subiecta., ibidem.

De libro Apocalypsis beati Joannis Apostoli.

Lectio j. Cap. 20.

**E**T vidi Angelum descendentem de cælo, habentem clavem abyssi, et catenam ma-

gnam in manu sua. Et apprehendit draconem, serpentem antiquum, qui est diabolus, et Sathanas, et ligavit eum per annos mille : et misit eum in abyssum, et clausit, et signavit super illum ut non seducat amplius gentes, donec consummentur mille anni : et post hæc oportet illum solvi modico tempore.

## Lectio ij.

**E**T vidi sedes, et sederunt super eas, et iudicium datum est illis : et animas decolatorum propter testimonium Jesu, et propter verbum Dei, et qui non adoraverunt bestiam, neque imaginem ejus, nec acceperunt characterem ejus in frontibus, aut in manibus suis, et vixerunt, et regnaverunt cum Christo mille annis.

## Lectio iij.

**C**ETERI mortuorum non vixerunt, donec consummentur mille anni. Hæc est resurrectio prima. Beatus, et sanctus, qui habet partem in resurrectione prima : in his secunda mors non habet potestatem : sed erunt sacerdotes Dei et Christi, et regnabunt cum illo mille annis.

## FERIA QUINTA.

Psalmus 74. Confitebimur., pag. 90.; Psalmus 75. Notus in judæa Deus., pag. 91.; Psalmus 76. Voce mea ad Dominum., ibidem.

De libro Apocalypsis beati Joannis Apostoli.

Lectio j. Cap. 21.

**E**T vidi cælum novum, et terram novam. Primum enim cælum, et prima terra abiit,

et mare jam non est. Et ego Joannes vidi sanctam civitatem Jerusalem novam descendentem de cælo a Deo, paratam, sicut sponsam ornâtam viro suo. Et audivi vocem magnam de throno dicentem : Ecce tabernaculum Dei cum hominibus, et habitabit cum eis.

## Lectio ij.

**E**t ipsi pópulus ejus erunt, et ipse Deus cum eis erit eórum Deus. Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

## Lectio iij.

**E**t dixit mihi : Scribe, quia hæc verba fidelíssima sunt, et vera. Et dixit mihi : Factum est. Ego sum alpha, et oméga : initium, et finis. Ego sitiénti dabo de fonte aquæ vitæ, gratis. Qui vicerit, possidébit hæc, et ero illi Deus, et ille erit mihi filius.

## FERIA SEXTA.

Psalmus 86. Fundaménta ejus., pag. 102.; Psalmus 87. Dómine Deus salútis meæ. ibidem; Psalmus 88. Misericórdias Dómini., pag. 103.

De libro Apocalypsis beáti Joánnis Apóstoli.

## Lectio j. Cap. 21.

**E**t sústulit me in spiritu in montem magnum, et altum, et osténdit mihi civitatem sanctam Jerusalem descendentem de cælo a Deo, habentem claritatem Dei : et lu-

men ejus simile lápidi pretiósó tamquam lápidi jáspidis, sicut crystállum. Et habébat murum magnum, et altum, habentem portas duódecim : et in portis Angelos duódecim, et nómina inscripta, quæ sunt nómina duódecim tribuum filiórum Israel.

## Lectio ij.

**E**t erat structúra muri ejus ex lápide jáspide : ipsa vero civitas aurum mundum simile vitro mundo. Et fundaménta muri civitátis omni lápide pretiósó ornáta. Fundaméntum primum, jaspis : secundum, sapphirus : tertium, chalcédónius : quartum, smaragdus : quintum, sárdonyx : sextum, sárdius : séptimum, chrysólithus : octávum, beryllus : nonum, topázius : decimum, chrysóprasus : undécimum, hyacínthus : duodécimum, amethystus.

## Lectio iij.

**E**t duódecim portæ, duódecim margaritæ sunt, persingulas : et singulæ portæ erant ex singulis margaritis : et platea civitátis aurum mundum, tamquam vitrum perlucidum. Et templum non vidi in ea. Dóminus enim Deus omnipotens templum illius est, et Agnus. Et civitas non eget sole, neque luna, ut luceant in ea : nam cláritas Dei illuminávit eam, et lucérna ejus est Agnus.

## SABBATO.

Psalmus 103. Bénedic ánimá., pag. 113.; Psalmus 104. Confitémini Dómino., pag. 114.; Psalmus 105. Confitémini Dómino., pag. 116.

De libro Apocalypsis beati  
Joannis Apostoli.

Lectio j. Cap. 22.

**E**T dixit mihi : Hæc verba fidelissima sunt, et vera. Et Dominus Deus spirituum prophetarum misit Angelum suum ostendere servis suis quæ oportet fieri cito. Et ecce venio velociter. Beatus, qui custodit verba prophetiæ libri hujus. Et ego Joannes, qui audiui, et vidi hæc. Et postquam audissem, et vidissem, cecidi ut adorarem ante pedes Angeli, qui mihi hæc ostendebat.

Lectio ij.

**E**T dixit mihi : Vide ne feceris : conservus enim tuus sum, et fratrum tuorum prophetarum, et eorum, qui servant verba prophetiæ libri hujus : Deum adora. Et dicit mihi : Ne signaveris verba prophetiæ libri hujus : tempus enim prope est. Qui nocet, noceat adhuc : et qui in sordibus est, sordescat adhuc : et qui justus est, justificetur adhuc : et sanctus, sanctificetur adhuc.

Lectio iij.

**E**CCE venio cito, et merces mea mecum est, reddere unicuique secundum opera sua. Ego sum alpha, et omega, primus, et novissimus, principium, et finis. Beati, qui lavant stolas suas in sanguine Agni : ut sit potestas eorum in ligno vitæ, et per portas intrent in civitatem.

AD VESPERAS.

Capitulum Christus resurgens., pag. 128.

R. Viderunt te aquæ Deus, viderunt te aquæ, et timuerunt :  
\* Multitudo sonitus aquarum :

vocem dederunt nubes, Allelûia, allelûia, allelûia. V. Illuxerunt coruscationes tuæ orbi terræ : commota est et contremuit terra. — Multitudo, Gloria. Allelûia.

Hymnus Ad cenam Agni providi., pag. 129.

V. Mane nobiscum Domine, allelûia. R. Quoniam advesperascit, allelûia.

Ad Magnificat Añã. Tristitia implévit cor vestrum : et gaudium vestrum nemo tollet a vobis, allelûia, allelûia.

Oratio.

**D**EUS, qui fidelium mentes unius efficis voluntatis : da populis tuis id amare quod præcipis, id desiderare quod promittis : ut inter mundanas varietates ibi nostra fixa sint corda, ubi verasunt gaudia. Per. Memoria de Cruce, pag. 129.

DOMINICA III.

POST OCTAVAM PASCHÆ.

AD MATUTINUM.

Invitatorium et Hymnus ut in Dominica j. post Octavam Paschæ, pag. 514.

IN NOCTURNO.

Tres Psalmi, Antiphona super Psalmos et V. ut in eadem Dominica, pag. 514.

Lectiones et Responsoria ut infra.

Lectio sancti Evangelii secundum Joannem.

Lectio j. Cap. 16.

**I**N illo tempore : Dixit Jesus discipulis suis : Vado ad eum, qui misit me ; et nemo ex vobis interrogat me, Quo vadis ? Et reliqua.



Homilia sancti Augustini  
Episcopi.

(Tract. 94. in Joann. initio.)

**C**UM Dñinus Jesus prædixisset discipulis suis persecutiones, quas passuri erant post ejus abscëssum, subjúnxit, atque ait : Hæc autem vobis ab initio non dixi, quia vobiscum eram : nunc autem vado ad eum, qui misit me. Ubi primum videndum est, utrum eis futuras non prædixerit ante passionem. Sed alii tres Evangelistæ satis eum prædixisse ista demonstrant, antequam ventum esset ad cenam.

† Hodie incipit Historia Si oblitus, nisi festum impediatur, et dicitur usque ad Ascensionem exclusive, cum de Tempore agitur.

R. j. Si oblitus fuero tui, allelúia, obliviscatur mei dextera mea : \* Adhæreat lingua mea faucibus meis, si non memínero tui, allelúia, allelúia. V. Super flúmina Babylónis, illic seditimus et flévimus : dum recordarémur tui Sion. — Adhæreat lingua mea.

Lectio ij.

**Q**UA (cena) peracta, secundum Joannem ista locutus est, ubi ait : Hæc autem vobis ab initio non dixi, quia vobiscum eram. An forte hinc ista solvitur quæstio, quia et illi eum narrant Passioni proximum fuisse, cum hæc diceret? Non ergo ab initio, quando cum illis erat : quia jam discensurus, jamque ad Patrem perrecturus hæc dixit. Et ideo etiam secundum illos Evangelistas verum est, quod hic dictum est : Hæc autem vobis ab initio non dixi.

R. ij. Vidérunt te aquæ Deus, vidérunt te aquæ, et timuerunt : \* Multitudo sonitus aquarum : vocem dederunt nubes, allelúia, allelúia, allelúia. V. Illuxerunt coruscationes tuæ orbi terræ : commota est et contrémuit terra. — Multitudo.

Lectio iij.

**S**ED quid ágimus de fide Evangelii secundum Matthæum, qui hæc eis a Dñino, non solum cum jam Pascha esset cum discipulis cenaturus, imminente Passione; verum et ab initio denunciata esse commemorat, ubi primum nominatim duodecim exprimuntur Apóstoli, et ad ópera divina mittuntur? Quid sibi ergo vult, quod hic ait, Hæc autem vobis ab initio non dixi, quia vobiscum eram : nisi quia ea, quæ hic dicit de Spiritu sancto, quod sit venturus ad eos, et testimonium perhibiturus, quando mala illa passuri sunt, hæc ab initio eis non dixit, quia cum ipsis erat?

R. iij. Narrábo nomen tuum fratribus meis, allelúia : in medio ecclésiæ \* Laudábo te, Allelúia, allelúia. V. Confitebor tibi in ecclésiá magna, in pópulo gravi. — Laudábo te. Glória. Allelúia, allelúia.

Ante Laudes V. In Resurrectione tua Christe, allelúia. R. Cæli et terra læténtur, allelúia.

AD LAUDES.

Super Psalmos sola Aña. Allelúia, allelúia. Psalmus Dñinus regnavit. cum ceteris, pag. 17.  
Capitulum Christus resurgens.

et Hymnus Sermône blando.  
ut in Psalterio, pag. 22.

℟. Gavisi sunt discipuli, allelúia.  
℞. Viso Dómino, allelúia.

Ad Benedictus Añā. Vado ad eum qui misit me : sed quia hæc locútus sum vobis, tristitia implévit cor vestrum, allelúia.

Oratio.

**D**EUS, qui fidélium mentes unius éfficis voluntátis; da pópulis tuis id amáre quod præcipis, id desideráre quod promittis : ut inter mundánas varietátes ibi nostra fixa sint corda, ubi vera sunt gáudia. Per.

Memoria de Cruce et de beata Maria Virgine ut in Psalterio, pag. 23.

#### AD HORAS.

Antiphonæ, Capitula, ℞℟. et ℣℣. quæ in Psalterio ad ipsas Horas pro Tempore Resurrectionis respective sunt posita.

#### AD VESPERAS.

Super Psalmos sola Añā. Allelúia, allelúia, allelúia, allelúia. Psalmus Dixit Dóminus. cum ceteris, ut in Dominicis per annum, pag. 124.

Capitulum Christus resúrgens. et Hymnus Ad cenam Agni próvidi., pag. 128. et pag. 129.

℣. Mane nobiscum Dómine, allelúia. ℞. Quóniam advesperáscit, allelúia.

Ad Magnificat Añā. Ego veritatem dico vobis, expedit vobis ut ego vadam : si enim non abiero, Paráclitus non véniet ad vos, allelúia.

Oratio Deus, qui fidélium mentes., ut in Laudibus.

Memoria de Cruce et de B. Maria V. ut in Psalterio, pag. 129. et pag. 130.

#### PER HEBDOMADAM

QUANDO DE TEMPORE AGITUR.

Ad Benedictus Añā. Adhuc multa hábeo vobis dicere, sed non potéstis portáre modo : cum autem vénerit ille Spíritus veritátis, docébit vos omnem veritátem, allelúia.

Ad Magnificat Añā. Ille me clarificábit : quia de meo accipiet, et annuntiábit vobis, allelúia.

#### FERIA SECUNDA.

Psalmus 35. Dixit injústus., pag. 53; Psalmus 36. Noli æmulári., pag. 54; Psalmus 37. Dómine ne in furóre., pag. 55.

Incipit Epístola Cathólica beáti Jacóbi Apóstoli.

Lectio j.

Cap. 1.

**J**ACOBUS, Dei et Dómini nostri Jesu Christi servus, duódecim tribubus, quæ sunt in dispersióne, salútem. Omne gáudium existimáte, fratres mei, cum in tentatiónes várias incidéritis : sciéntes quod probatio fidei vestræ patiéntiam operátur. Patiéntia autem opus perfectum habet : ut sitis perfecti et integri in nullo deficientes.

℟. j. Si oblitus. pag. 526.

Lectio ij.

**S**i quis autem vestrum indiget sapiéntia, póstulet a Deo, qui dat ómnibus affluénter, et non inpróperat : et dábitur ei. Póstulet autem in fide nihil hæsitans : qui enim hæsitat, similis est fluctui maris, qui a vento movétur et circumfêrtur. Non ergo aestimet homo ille quod accipiat áliquid a Dómino. Vir duplex ánimo incónstans est in ómnibus viis suis.

℟. ij. Vidérunt., pag. 526.

## Lectio iij.

**G**lorietur autem frater humilis in exaltatione sua : dives autem in humilitate sua, quoniam sicut flos sceni transibit. Exortus est enim sol cum ardore, et arefecit scenum, et flos ejus decidit, et decor vultus ejus depérit : ita et dives in itineribus suis marcescet. Beatus vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

R. iij. Narrabo nomen., pag. 526.

## FERIA TERTIA.

Psalmus 48. Audite hæc., pag. 67.; Psalmus 49. Deus deorum., pag. 68.; Psalmus 51. Quid gloriaris., ibidem.

De Epistola beati Jacobi Apóstoli.

Lectio j. Cap. 3.

**N**olite plures magistri fieri fratres mei, scientes quoniam majus judicium sumitis. In multis enim offendimus omnes. Si quis in verbo non offendit, hic perfectus est vir, potest etiam freno circumducere totum corpus. Si autem equis frena in ora mittimus ad consentiendum nobis, et omne corpus illorum circumferimus.

R. j. In toto corde meo, allelúia, exquisivi te, allelúia : \* Ne repellas me a mandatis tuis, allelúia, allelúia. V. Benedictus es tu Domine : doce me justificationes tuas. — Ne repellas.

Lectio ij.

**E**cce et naves, cum magnæ sint, et a ventis válidis mînentur, circumferuntur a módico gubernaculo ubi impetus

dirigéntis volúerit. Ita et lingua módicum quidem membrum est, et magna exáltat. Ecce quantus ignis quam magnam silvam incendit ! Et lingua ignis est, univérstas iniquitátis.

R. ij. In ecclésiis benedicite Deo Dómino, de fontibus Israël, \* Allelúia, allelúia. V. Cantáte Dómino cánticum novum : cantáte Dómino omnis terra. — Allelúia.

Lectio iij.

**L**ingua constituitur in membris nostris, quæ máculat totum corpus, et inflámmat rotam nativitátis nostræ inflámmata a gehénna. Omnis enim natúra bestiárum, et volúcrum, et serpéntium, et ceterórum domántur, et dómita sunt a natúra humana : linguam autem nullus hóminum domáre potest : iniquiétum malum, plena venéno mortífero.

R. iij. Hymnum cantáte nobis, allelúia. \* Quómodo cantábimus cánticum Dómini in terra aliéna ? Allelúia, allelúia. V. Illic interrogavérunt nos, qui captivos duxérunt nos, verba cantiónum. — Quómodo. Glória Patri. Allelúia.

## FERIA QUARTA.

Psalmus 63. Exáudi Deus., pag. 78.; Psalmus 65. Jubiláte Deo., ibidem ; Psalmus 67. Exsúrgat Deus., pag. 79.

De Epistola prima beati Petri Apóstoli.

Lectio j. Cap. 2.

**C**arissimi, óbsecro vos tamquam ádvenas et peregrinos abstinére vos a carnálibus desidériis, quæ militánt advérsus ánimam, conversatióne



vestram inter gentes habéntes bonam : ut in eo, quod detréctant de vobis tamquam de malefactoribus, ex bonis opéribus vos considerántes, glorificent Deum in die visitatiónis.

R. j. Deus canticum novum cantábo tibi, allelúia : \* In psaltério decem chordárum psallam tibi, allelúia, allelúia. V. Deus meus es tu, et confitébor tibi : Deus meus es tu, et exaltábo te. — In psaltério.

### Lectio ij.

**S**UBJECTI igitur estóte omni humánæ creaturæ propter Deum : sive regi quasi præcelénti : sive ducibus tamquam ab eo missis ad vindictam malefactorum, laudem vero bonorum. Quia sic est volúntas Dei, ut benefaciéntes obmutéscere faciátis imprudentium hominum ignorantiam. Quasi liberi, et non quasi velámen habéntes malitiæ libertátem, sed sicut servi Dei.

R. ij. Allelúia : audívimus eam in Ephrata : invénimus eam in campis silvæ : \* Introibimus in tabernáculum ejus : adorábimus in loco, ubi steterunt pedes ejus, allelúia, allelúia. V. Surge Dómine in réquiem tuam, tu et arca sanctificatiónis tuæ. -- Introibimus.

### Lectio iij.

**O**MNES honoráte : fraternitátem diligíte : Deum timéte : regem honorificáte. Servi súbditi estóte in omni timóre dómínis, non tantum bonis et modéstis, sed étiam dyscolis. Hæc est enim grátia, si propter Dei consciéntiam sústinet quis tristitias, pátiens injúste. Quæ enim est glória, si peccántes,

et colaphizátí suffértis? Sed si bene faciéntes patienter sustinétiis : hæc est grátia apud Deum.

R. iij. Deduc me in sémitam mandatórum tuórum, allelúia : quóniam ipsam volui, allelúia.

\* Inclína cor meum in testimónia tua, Allelúia, allelúia, allelúia. V. Avérte óculos meos ne videant vanitátem : in via tua vivifica me. — Inclína. Glória Patri. Allelúia.

### FERIA QUINTA.

Psalmus 77. Atténdite., pag. 92.; Psalmus 78. Deus venérunt., pag. 94.; Psalmus 79. Qui regis., pag. 95.

De Epístola prima beáti Petri Apóstoli.

### Lectio j.

### Cap. 3.

**C**HRISTUS semel pro peccátis nostris mórtuus est, justus pro injústis, ut nos offerret Deo, mortificátus quidem carne, vivificátus autem spíritu. In quo et his, qui in cárcere erant, spíritibus véniens prædicávit : qui increduli fúerant aliquándó, quando exspectábant Dei patiéntiam in diébus Noe, cum fabricarétur arca : in qua pauci, id est octo ánimæ salvæ factæ sunt per aquam.

### Lectio ij.

**Q**UOD et vos nunc similis formæ salvos facit baptisma : non carnis depositio sórdium, sed consciéntiæ bonæ interrogátio in Deum per Resurrectiónem Jesu Christi, qui est in dextera Dei, deglútiens mortem ut vitæ æternæ heredes efficerémur : profectus in cælum subjéctis sibi Angelis, et Potestátibus, et Virtútibus.

## Lectio iij.

## Cap. 4.

**C**HRISTO igitur passo in carne, et vos eadem cogitatione armamini : quia qui passus est in carne, desit a peccatis : ut jam non desideris hominum, sed voluntati Dei, quod reliquum est in carne vivat temporis. Sufficit enim præteritum tempus ad voluntatem gentium consummandam his, qui ambulaverunt in luxuriis, desideriis, vinolentiis, comessationibus, potationibus, et illicitis idolorum cultibus.

## FERIA SEXTA.

Psalmus 93. Deus ultionum., pag. 105.; Psalmus 95. Cantate Domino., pag. 106.; Psalmus 96. Dominus regnavit., ibidem.

De Epistola prima beati Joannis Apostoli.

## Lectio j.

## Cap. 3.

**V**IDEDE qualem caritatem dedit nobis Pater, ut filii Dei nominemur et simus. Propter hoc mundus non novit nos : quia non novit eum. Carissimi, nunc filii Dei sumus : et nondum apparuit quid erimus. Scimus quoniam cum apparuerit, similes ei erimus : quoniam videmus eum sicuti est. Et omnis, qui habet hanc spem in eo, sanctificat se, sicut et ille sanctus est.

## Lectio ij.

**O**MNIS, qui facit peccatum, et iniquitatem facit : et peccatum est iniquitas. Et scitis quia ille apparuit ut peccata nostra tolleret : et peccatum in eo non est. Omnis, qui in eo manet, non peccat : et omnis, qui peccat, non vidit eum, nec cognovit eum. Filioli, nemo vos

seducat. Qui facit justitiam, justus est : sicut et ille justus est.

## Lectio iij.

**Q**UI facit peccatum, ex diabolo est : quoniam ab initio diabolus peccat. In hoc apparuit Filius Dei, ut dissolvat opera diaboli. Omnis, qui natus est ex Deo, peccatum non facit : quoniam semen ipsius in eo manet, et non potest peccare, quoniam ex Deo natus est. In hoc manifesti sunt filii Dei, et filii diaboli.

## SABBATO.

Psalmus 106. Confitemini Domino., pag. 117.; Psalmus 107. Paratum cor meum., pag. 119.; Psalmus 108. Deus laudem., ibidem.

De Epistola prima beati Joannis Apostoli.

## Lectio j.

## Cap. 4.

**C**ARISSIMI, nolite omni spiritui credere, sed probate spiritus si ex Deo sint : quoniam multi pseudoprophetae exierunt in mundum. In hoc cognoscitur spiritus Dei : omnis spiritus qui confitetur Jesum Christum in carne venisse, ex Deo est : et omnis spiritus, qui solvit Jesum, ex Deo non est, et hic est Antichristus, de quo audistis quoniam venit, et nunc jam in mundo est.

## Lectio ij.

**V**OS ex Deo estis filii, et vidistis eum, quoniam major est qui in vobis est, quam qui in mundo. Ipsi de mundo sunt : ideo de mundo loquuntur, et mundus eos audit. Nos ex Deo sumus. Qui novit Deum, audit nos : qui non est ex Deo, non

audit nos : in hoc cognoscimus Spiritum veritatis, et spiritum erroris.

## Lectio iij.

**C**ARISSIMI, diligamus nos invicem : quia caritas ex Deo est. Et omnis, qui diligit, ex Deo natus est, et cognoscit Deum. Qui non diligit, non novit Deum : quoniam Deus caritas est. In hoc apparuit caritas Dei in nobis, quoniam Filium suum unigenitum misit Deus in mundum, ut vivamus per eum.

## AD VESPERAS.

Capitulum Christus resurgens. pag. 128. et Hymnus Ad cenam Agni providi., pag. 129.

℣. Mane nobiscum Domine, allelúia. ℞. Quoniam advesperascit, allelúia.

Ad Magnificat Añã. Ille me clarificabit : quia de meo accipiet, et annuntiabit vobis, allelúia.

## Oratio.

**D**EUS, a quo bona cuncta procedunt : largire supplicibus tuis ut cogitemus te inspirante quæ recta sunt, et te gubernante eadem faciamus. Per. Memoria de Cruce, pag. 129.

DOMINICA IV.  
POST OCTAVAM PASCHÆ.

## AD MATUTINUM.

Invitatorium et Hymnus ut in Dominica j. post Octavam Paschæ, pag. 514.

## IN NOCTURNO.

Tres Psalmi, Antiphona super Psalmos et ℣. ut in eadem Dominica, pag. 514. et seq. Lectiones et ℞℣. ut infra.

Lectio sancti Evangelii  
secundum Joannem

## Lectio j. Cap. 16.

**I**N illo tempore : Dixit Jesus discipulis suis : Amen, amen dico vobis : si quid petieritis Patrem in nomine meo, dabit vobis. Et reliqua.

Homilia sancti Augustini  
Episcopi.

(Tract. 102. in Joann. post initium.)

**J**AM dictum est in superiori-  
bus hujus Dominici sermonis  
partibus, propter eos, qui non-  
nulla petunt a Patre in Christi  
nomine, nec accipiunt : non  
peti in nomine Salvatoris,  
quidquid petitur contra ratio-  
nem salutis. Non enim sonum  
litterarum ac syllabarum, sed  
quod sonus ipse significat et  
quod eo sono recte ac veraciter  
intelligitur, hoc accipiendus est  
dicere, dum dicit, In nomine  
meo.

℞. j. Si oblitus fuero tui, alle-  
lúia, obliviscatur mei dextera  
mea : \* Adhæreat lingua mea  
faucibus meis, si non memine-  
ro tui, allelúia, allelúia. ℣. Su-  
per flumina Babylonis illic sé-  
dimus et flevimus, dum recor-  
darémur tui, Sion. — Adhæ-  
reat lingua mea.

## Lectio ij.

**U**NDE, qui hoc sentit de  
Christo, quod non est de  
único Dei Filio sentiendum,  
non petit in ejus nomine,  
etiãmsi non taceat litteris ac  
syllabis Christum : quoniam in  
ejus nomine petit, quem cogi-  
tat, cum petit. Qui vero quod  
est de illo sentiendum sentit,



ipse in ejus nómine petit : et accipit quod petit, si non contra suam salutem sempiternam petit; accipit autem, quando debet accipere. Quædam enim non negántur : sed ut congruo dentur tempore, differúntur.

R. ij. Vidérunt te aquæ, Deus, vidérunt te aquæ, et timué-runt : \* Multitúdo sónitus aquárum, vocem dedérunt nubes, allelúia, allelúia, allelúia. V. Illuxérunt coruscationes tuæ orbi terræ, commóta est et contrémuit terra. — Multitúdo sónitus aquárum.

Lectio iij.

**I**TA sane intelligéndum est quod ait, Dabit vobis : ut ea beneficia significáta sciántur his verbis, quæ ad eos, qui petunt, próprie pértinent. Exaudiúntur quippe omnes sancti pro seipsis, non autem pro ómnibus exaudiúntur vel amicis, vel inimicis suis, vel quibúslibet áliis. Quia non utcúmque dictum est, Dabit : sed, Dabit vobis. Usque modo, inquit, non petistis quidquam in nómine meo : pétite, et accipiétiis, ut gáudium vestrum sit plenum. Hoc, quod dicit, Gáudium plenum, profecto non carnále, sed spiritále gáudium est.

R. iij. Narrábo nomen tuum frátribus meis, allelúia : in médio Ecclésiæ \* Laudábo te, Allelúia, allelúia. V. Confitébor tibi in ecclésiá magna, in pó-pulo gravi. — Laudábo te. Glória. Allelúia, allelúia.

† Quando aliquod festum Duplex vel Totum Duplex in hac Dominica occurrerit, Homilia Dominicalis dimittitur illo anno.

† Quando pro prædictis Responsoriis dicenda sint Responsoría Feriæ tertiæ aut Feriæ quartæ præcedentis vide in Rubricis generalibus §. vij. num. 3.

Ante Laudes V. In Resurrectione tua Christe, allelúia. R. Cæli et terra læténtur, allelúia.

#### AD LAUDES

Super Psalmos sola Añá. Allelúia, allelúia. Psalmus Dóminus regnávít. cum ceteris, pag. 17. Capitulum Christus resurgens. et Hymnus Sermoné blando., pag. 22.

V. Gavísi sunt discipuli, allelúia. R. Viso Dómino, allelúia.

Ad Benedictus Añá. Usque modo non petistis quidquam in nómine meo : pétite, et accipiétiis, allelúia. Oratio.

**D**EUS, a quo bona cuncta procédunt : largire supplicibus tuis ut cogitémus te inspirante quæ recta sunt, et te gubernante eadem faciámus. Per Memoria de Cruce et de B. Maria V. ut in Psalterio, pag. 23.

#### AD HORAS.

Antiphonæ, Capitula, R. R. et V. quæ in Psalterio ad ipsas Horas pro Tempore Resurrectionis respective sunt posita.

#### AD VESPERAS.

Super Psalmos sola Añá. Allelúia, allelúia, allelúia, allelúia. Psalmus Dixit Dóminus. cum ceteris ut in Dominicis per annum, pag. 124.

Capitulum Christus resurgens. et Hymnus Ad cenam Agni próvidi., pag. 128. et pag. 129.

¶ Mane nobiscum Dómine, allelúia. R. Quóniam advesperáscit, allelúia.

Ad Magnificat Añā. Pétite, et accipietis, ut gáudium vestrum plenum sit : ipse enim Pater amat vos, quia vos me amástis, et credidístis, allelúia.

Oratio Deus, a quo bona cuncta., ut in Laudibus.

Memoria de Cruce et de B. Mariā V. ut in Psalterio, pag. 129. et pag. 130.

† Post Completorium hujus diei, et duorum dierum sequentium (si in crastino fiat de Feria), dicatur in Choro Psalmus, Deus in adiutorium., cum Precibus et Orationibus absque Litanis, cum hæ dicantur ante Missam.

## FERIA SECUNDA IN ROGATIONIBUS.

Psalmus 26. Dóminus illuminatio., pag. 47.; Psalmus 27. Ad te Dómine., pag. 48.; Psalmus 28. Afferte Dómino., ibidem.

Lectio sancti Evangélíi  
secúndum Lucam.

Lectio j. Cap. 11.

**I**n illo témpore : Dixit Jesus discipulis suis : Quis vestrum habébit amicum, et ibit ad illum média nocte, et dicet illi : Amice, cómmoda mihi tres panes? Et reliqua.

Homilia venerábilis Bedæ  
Presbyteri.

(Homil. in Litan.)

**A**MICUS, ad quem média nocte venitur, ipse Deus intelligitur : cui in média tribulatione supplicare, et tres panes, id est, intelligéntiam Trinitátis, qua præsentis vitæ

sublevéntur labóres, efflagitare debémus. Quod si amicus homo surgit de lecto et dat, non amicitia sed tædio compúlsus; quanto magis Deus, qui sine tædio largissime donat quod pétitur! Nam Salvátor noster ad cæléstis regni gáudia nos pervenire desiderans, eadem a se pétere dócuit : et se peténtibus datúrum esse promisit.

Lectio ij.

**P**ÉTITE, inquit, et dábatur vobis : quærite, et inveniétis : pulsáte, et aperiétur vobis. Quæ nobis Dómini verba magnóperè ac toto ex corde pensánda sunt : quia vidélicet regnum cælórum non otiosis, et vacántibus, sed peténtibus, quæréntibus, et pulsántibus dandum, inveniéndum, et aperiéndum esse testátur. Peténda est ergo jánuā regni orádo, quærénda recte vivédo, pulsánda perseverádo. Non enim súfficit verbis rogáre. si non étiam quæsiérimus diligéntius quáliter sit vivédo : ut dignissimus impetráre quæ póscimus.

Lectio iij.

**N**EQVE áliquid prodest bona inchoásse, si non quisque stúdeat ea, quæ bene inchoáverat, usque ad finem firmum perducere. Unde necesse est ut petámus séduli, sine intermissióne orémus : quærámus Dóminum, et confirmémur : quærámus faciém ejus semper : pulsémus infatigábili desidério æternæ beatitúdinis, nec deficiámus, priusquam, illo aperiénte, de cárcere mundi hujus éripi, ac portam mereámur pátriæ cæléstis ingredi.

† Si festum Simplex vel majus, vel dies Octava Solemnis in hac FERIA secunda venerit, prædicta Homilia legatur in tertia FERIA sequenti, nisi aliud festum aut dies Octava Solemnis in ea occurrerit : tunc enim dimittitur illo anno.

Ad Benedictus Añā. Pétite, et dabitur vobis : quærite, et inveniétis : pulsáte, et aperiétur vobis, allelúia. Oratio.

**P**RÆSTA, quæsumus omnipotens Deus : ut qui in afflictione nostra de tua pietate confidimus; contra adversa ómnia, tua semper protectione muniámur. Per.

† Hæc Oratio in hac die et sequenti ad Laudes tantum dicatur. Ad alias autem Horas et ad Vesperas, Oratio Dominiæ Deus a quo bona., pag. 532.

Ad Magnificat Añā. Omnis, qui petit, accipit : et qui quærit, invenit : et pulsánti aperiétur, allelúia.

† Si in hac FERIA de aliquo Festo aut de aliqua Octava Officium celebrari contigerit, sic fiat Memoria FERIÆ :

In Laudibus Añā. Pétite, et dabitur vobis : quærite, et inveniétis : pulsáte, et aperiétur vobis, allelúia.

¶ Gavisi sunt discipuli, allelúia. R. Viso Dómino, allelúia. Oratio.

**P**RÆSTA, quæsumus omnipotens Deus : ut qui in afflictione nostra de tua pietate confidimus, contra adversa ómnia, tua semper protectione muniámur. Per.

In Vesperis Añā. Omnis, qui petit, accipit : et qui quærit, invenit : et pulsánti aperiétur, allelúia.

¶ Mane nobiscum Dómine, allelúia. R. Quóniam advesperáscit, allelúia. Oratio.

**D**EUS, a quo bona cuncta procedunt : largire supplicibus tuis ut cogitémus te inspirante quæ recta sunt, et te gubernante eadem faciámus. Per.

### FERIA TERTIA IN ROGATIONIBUS.

Psalmus 38. Dixi : Custodiam., pag. 61.; Psalmus 39. Exspectans expectávi., pag. 62.; Psalmus 40. Beátus qui intélligit., pag. 63.

Incipit Epístola secúnda beátii Joánnis Apóstoli.

Lectio j. Cap. i.  
**S**ENIOR Eléctæ domínæ, et natis ejus, quos ego diligo in veritate, et non ego solus, sed et omnes, qui cognoverunt veritatem, propter veritatem, quæ pérmanet in nobis, et nobiscum erit in ætérnum. Sit vobiscum grátia, misericórdia, pax a Deo Patre, et a Christo Jesu Filio Patris in veritate, et caritate. Gavisus sum valde, quóniam invéni de filiis tuis ambulantes in veritate, sicut mandátum accépinus a Patre. Et nunc rogo te domína, non tamquam mandátum novum scribens tibi, sed quod habuimus ab initio, ut diligámus alterutrum.

(Ex S. Sidonio Apoll. Ep. Arvern., l. 7. Epist. 1. et l. 5. Epist. 14. et B. Alcimo Avito Ep. Vienn. Hom. de Rog.)

#### Lectio ij.

**C**UM Rogatiónum usus in Ecclésia antiquíssimus esse noscátur, celebrióres ta-



men illæ hábitæ sunt, ac ferme ab ómnibus Ecclésiis receptæ, quas sanctus Mamértus Viennensis Episcopus in Gállis instituit. Ejus siquidem temporibus apud Viënnam Gállie contigérunt incéndia crebra, terræmótus assidui, nocturni sónitus; populósis hóminum convéntibus feræ silvéstres se ingerébant, pávidi cervi per angústa portárum usque ad fori lata penetrábant. Tracta sunt hæc inter timóres públicos, et rumóres privátos, usque ad noctem Vigilíarum Domínice Resurrectiónis : quam omnes labórum opem, et malórum finem comúnibus ánimis opperiebántur.

#### Lectio iij.

**S**ED ea nocte ædes pública, squam præcélso civitátis vértici sublimitas in imménsam fastigiáta prætúlerat, flammis terribilibus conflagrâre crepúsculo cœpit. Interpolátur itaque jucúnditas solemnitatís : pleno timóris pópulo ecclésiá vacuátur. Pérsistit tamen coram festívis altáribus invictus Antistes sanctus Mamértus, et calórem fidei suæ accéndens, flúmine lacrimárum permíssam ígnibus potestátém incéndio abscedénte compescuit. Atque ibi tunc cum Deo táctus definívit, quidquid hódie Psalmis ac precibus mundus inclámat.

Antiphona ad Benedictus, cum Oratione Laudum, et Antiphona ad Magnificat cum Oratione Domínice ut in præcedenti Feria secunda, pag. 534.

¶ Si vero in hac Feria de aliquo Festo aut de aliqua Octa-

va Officium celebrari contigerit, sic fiat Memoria Feriæ :

In Laudibus Aña. Pétite, et dábitur vobis : quærite et inveniétis : pulsáte et aperiétur vobis, allelúia.

℟. Gavísi sunt discipuli, allelúia. ℞. Viso Dómino, allelúia.

#### Oratio.

**P**RÆSTA, quæsumus omnipotens Deus : ut qui in afflictiónē nostra de tua pietáte confidimus, contra adversa ómnia, tua semper protectionē muniámur. Per.

In Vesperis Aña. Omnis, qui petit, áccipit : et qui quærit, invenit : et pulsánti aperiétur, allelúia.

℟. Mane nobiscum Dómine, allelúia. ℞. Quóniam advesperáscit, allelúia. Oratio.

**D**EUS, a quo bona cuncta procedunt : largíre supplicibus tuis ut cogitémus te inspiránte quæ recta sunt, et te gubernánte éadem faciámus. Per.

#### FERIA QUARTA

##### IN ROGATIONIBUS

#### ET VIGILIA ASCENSIONIS.

Psalmus 52. Dixit insipiens., pag. 73.; Psalmus 54. Exáudi Deus., pag. 74.; Psalmus 55. Miserére mei Deus., pag. 75.

Lectio sancti Evangélii secundum Joánnem.

Lectio j. Cap. 17.

**I**N illo témpore : Sublevátis Iesus óculis in cælum, dixit : Pater venit hora, clarifica Fílium tuum. Et reliqua.

Homilia sancti Augustini  
Episcopi.

(Tract. 104 in Joann. sub  
medium.)

**P**OTERAT Dóminus noster,  
unigénitus et coetérnus  
Patri, in forma servi, et ex  
forma servi, si hoc opus esset,  
oráre siléntio : sed ita se Patri  
exhibére voluit precatórem, ut  
meminisset nostrum se esse  
doctórem. Proinde eam, quam  
fecit oratióem pro nobis, no-  
tam fecit et nobis : quóniam  
tanti magístri non solum ad  
ipsos sermocinátio, sed étiam  
ipsius pro ipsis ad Patrem orá-  
tio, discipulórum est ædificatió.

Lectio ij.

**Q**UAPROPTER hoc, quod ait,  
Pater venit hora, clarifica  
Fílium tuum : osténdit omne  
tempus, et quid quando fáce-  
ret, vel fieri síneret, ab illo  
esse dispósitum, qui témpori  
súbditus non est. Quóniam  
quæ futúra erant per singula  
témpora, in Dei sapiéntia cau-  
sas efficiéntes habent, in qua  
nulla sunt témpora. Non ergo  
credátur hæc hora fato urgénte  
venisse, sed Deo pótius ordi-  
nante. Nec sidérea necéssitas  
Christi connéxuit Passiόem :  
absit enim ut sidera mori có-  
gerent siderum Conditórem.

Lectio ij.

**C**LARIFICATUM a Patre Fí-  
lium nonnulli accipiunt in  
hoc, quod ei non pepércit, sed  
pro nobis ómnibus trádedit  
eum. Sed si Passiόe clarifica-  
tus dicitur, quanto magis Re-  
surrectiόe? Nam in Passiόe  
magis ejus humilitas quam  
claritas commendátur, Apó-  
stolo teste, qui dicit : Humilia-  
vit semetípsum, factus obé-

diens usque ad mortem, mor-  
tem autem crucis. Deínde sé-  
quitur, et de ejus clarificatiόe  
jam dicit : Propter quod et  
Deus illum exaltávit, et doná-  
vit ei nomen, quod est super  
omne nomen.

† Si festum Simplex vel ma-  
jus, vel dies Octava Solemnis  
in hac Vigília venerit, Homilia  
Vigiliæ omittitur illo anno.

Ad Benedictus Añã. Clarifica  
me Pater apud temetípsum,  
claritáte, quam hábui, priús-  
quam mundus fieret, allelúia.

Oratio.

**P**RÆSTA, quæsumus omnipo-  
tens Deus : ut nostræ men-  
tis inténtio quo solemnitatís  
venturæ gloriósus Auctor in-  
gréssus est semper inténdat; et  
quo fide pergit, conversatiόe  
pervéniat. Per eúndem.

† Prædicta Oratio dicatur  
etiam ad Tertiam, Sextam,  
Nonam et Vesperas.

† De Cruce non fit Memoria.

† Si in Vigília Ascensionis  
Domini de aliquo Festo aut  
de aliqua Octava Officium ce-  
lebrari contigerit, sic fiat Me-  
moriam prædictæ Vigiliæ in  
Laudibus :

Añã. Clarifica me Pater apud  
temetípsum, claritáte quam  
hábui priúsquam mundus fie-  
ret, allelúia.

℟. Gavisi sunt discipuli, alle-  
lúia. R. Viso Dómino, allelúia.

Oratio.

**P**RÆSTA, quæsumus omnipo-  
tens Deus : ut nostræ men-  
tis inténtio quo solemnitatís  
venturæ gloriósus Auctor in-  
gréssus est semper inténdat;  
et quo fide pergit, conversa-  
tiόe pervéniat. Per eúndem.

## IN ASCENSIONE DOMINI.

TOTUM DUPLEX.

## AD I. VESPERAS.

Super Psalmos Añā. Ascēdens Christus in altum captivam duxit captivitatem, dedit dona hominibus, allelúia. Psalmus Laudate pueri. cum ceteris, pag. 145.

Capitulum.

Act. 1.

**P**RIMUM quidem sermōnem feci de omnibus o Theophile, quæ cepit Jesus facere et docere, usque in diem, quæ præcipiens Apóstolis per Spiritum sanctum, quos elegit, assumptus est.

R. Omnis pulchritudo Dómini exaltata est super sidera : species ejus in núbibus cæli. \* Et nomen ejus in ætérnum permanet, Allelúia. V. A summo cælo egressio ejus : et occursus ejus usque ad summum ejus. — Et nomen ejus. Glória. Allelúia.

## Hymnus.

**Æ**TERNE Rex altissime,  
Redemptor et fidélium,  
Quo mors soluta déperit,  
Datur triumpus grátie :

SCANDENS tribunal dexteræ  
Patris : potestas omnium  
Collata Jesu cælitus,  
Quæ non erat humanitas :

Ut trina rerum máquina,  
Cælestium, terrestrium  
Et infernorum condita  
Flectat genu jam subdita.

TREMUNT vidētes angeli,  
Versa vice mortálium :  
Culpat caro, purgat caro,  
Regnat Deus Dei caro.

Tu esto nostrum gáudium,  
Qui es futurus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sidera,  
Cum Patre et sancto Spiritu,  
In sempiterna sæcula. Amen.

† Istæ duæ Strophæ Tu esto.  
et Glória tibi Dómine, qui  
scandis. dicantur in fine omnium  
Hymnorum ejusdem metri usque ad Pentecosten  
exclusive, etiam in festis Sanctorum,  
nisi aliter sit notatum.

V. Elevata est magnificētia  
tua, allelúia. R. Super cælos  
Deus, allelúia.

Ad Magnificat Añā. Pater,  
manifestavi nomen tuum hominibus,  
quos dedisti mihi :  
nunc autem pro eis rogo, non  
pro mundo, quia ad te venio,  
allelúia.

Oratio.

**P**RÆSTA, quæsumus omnipotens  
Deus : ut nostræ mentis  
intētio quo solemnitatē  
venturæ gloriōsus Auctor  
ingressus est semper intēdat ; et  
quo fide pergit, conversatiōne  
pervēniat. Per eūdem.

## IN COMPLETORIO.

Ad Nunc dimittis Añā. Allelúia,  
Ascēdens Christus in altum, allelúia,  
captivam duxit captivitatem, allelúia, allelúia.

† Hæc Antiphona dicatur ad  
Nunc dimittis usque ad Completorium  
Vigiliæ Pentecostes exclusive,  
etiam in festis Sanctorum,  
nisi aliter notetur.



## AD MATUTINUM.

Invitatorium. Allelúia, Christum Dóminum ascendentem in cælum \* Veníte adorémus, allelúia.

Hymnus Ætérne Rex altissime., ut in j. Vesperis.

## IN NOCTURNO.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Mínuisti eum paulo minus ab Angelis, & glória et honóre coronásti eum : \* et constituisti eum super ópera mánuum tuárum.

Omnia subjecisti sub pédibus ejus, \* oves et boves univérſas : insuper et pécora campí.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Añſa. Eleváta est magnificéntia tua super cælos Deus, allelúia.

Psalmus 10.

**I**N Dómino confido : quómo dico tís animæ meæ : \* Trásmígra in montem sicut passer?

Quóniam ecce peccatóres inténdérunt arcum, & paravérunt sagittas suas in phàretra, \* ut sagittent in obscúro rectos corde.

Quóniam quæ perfecisti, destruxérunt : \* justus autem quid fecit?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpebræ ejus intérogant filios hóminum.

Dóminus intérogat justum et impium : \* qui autem diligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus et justitias diléxit : \* æquitátem vidit vultus ejus.

Añſa. Dóminus in templo sancto suo, Dóminus in cælo, allelúia.

Psalmus 18.

**C**ÆLI enarrant glóriam Dei, \* et ópera mánuum ejus annúnciat firmaméntum.

Dies diéi erúctat verbum, \* et nox nocti indicat sciéntiam.

Non sunt loquelæ, neque sermónes, \* quorum non audiántur voces eórum.

In omnem terram exivit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egréssio ejus :

Et occúrſus ejus usque ad

summum ejus : \* nec est qui se abscondat a calore ejus.

Lex Dómini immaculata convertens ánimas : \* testimónium Dómini fidèle, sapiéntiam præstans párvulis.

Justitiæ Dómini rectæ, lætificantes corda : \* præceptum Dómini lúcidum, illúminans óculos.

Timor Dómini sanctus, permanens in sæculum sæculi : \* judícia Dómini vera, justificata in semetipsa.

Desiderabilia super aurum et lapidem pretiosum multum : \* et dulcióra super mel et favum. Etenim servus tuus custodit ea, \* in custodiendis illis retributio multa.

Delicta quis intélligit ? & ab occultis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

Aña. A summo cælo egressio ejus : et occúrsus ejus usque ad summum ejus, allelúia.

¶ Elevata est magnificéntia tua, allelúia. R. Super cælos Deus, allelúia.

Lectio sancti Evangélíi secundum Marcum.

Lectio j. Cap. 16.

**I**n illo tempore : Recumbéntibus undecim discípulis, apparuit illis Jesus : et exprobravit incredulitatem eórum et durítiam cordis : quia iis, qui viderant eum resurrexisse, non crediderunt. Et reliqua.

Homília sancti Gregórii Papæ.  
(Homília 29. in Evang.)

**Q**UOD Resurrecciónem Dominicam discipuli tarde crediderunt, non tam illórum infirmitas, quam nostra, ut ita dicam, futura firmitas fuit. Ipsa namque Resurrectio illis dubitántibus per multa argumenta monstrata est : quæ dum nos legéntes agnóscimus, quid aliud quam de illórum dubitatione solidámur ? Minus enim nobis María Magdaléne præstitit, quæ citius credidit, quam Thomas, qui diu dubitavit. Ille etenim dubitádo, vulnerum cicatrices tetigit, et de nostro pectore dubitátis vulnus amputávit.

R. j. Post Passiónem suam per dies quadraginta appárens eis, et loquens de regno Dei, allelúia : et vidéntibus illis elevátus est, allelúia : \* Et nubes suscepit eum ab óculis eórum, allelúia. ¶. Et convéscens præcepit eis ab Jerosólymis ne discéderent, sed expectarent promissionem Patris. — Et nubes suscepit eum.

Lectio ij.

**A**d insinuándam quoque veritatem Dominicæ Resurrecciónis, notándum nobis est quid Lucas réserat dicens : Convéscens, præcepit eis ab Jerosólymis ne discéderent. Et post pauca : Vidéntibus illis elevátus est : et nubes suscepit eum ab óculis eórum. Notáte verba, signáte mystéria : Convéscens, elevátus est. Comédit, et ascéndit : ut videlicet per effectum comestiónis veritas patésceret carnis. Marcus vero,

priusquam cælum Dóminus ascéndat, eum de cordis atque infidelitátis duritia increpasse discipulos mémorat. Qua in re quid considerándum est, nisi quod idcirco Dóminus tunc discipulos increpávit, cum eos corporáliter reliquit : ut verba, quæ recédens diceret, in córdibus audiéntium árcius impressa remanérunt?

R. ij. Omnis pulchritúdo Dómini exaltáta est super sidera: spécies ejus in núbibus cæli, \* Et nomen ejus in ætérnum pérmanet, allelúia. V. A summo cælo egressio ejus : et occúrsus ejus usque ad summum ejus. — Et nomen ejus in ætérnum pérmanet, allelúia.

### Lectio iij.

**I**NCREPATA igitur eórum duritia, quid admonéndo dicat audiámus. Eúntes in mundum univérsum prædicáte Evangélium omni creatúræ. Numquid, fratres mei, sanctum Evangélium vel insensátis rebus, vel brutis animálibus fúerat prædicándum, ut de eo discipulis dicátur, Prædicáte Evangélium omni creatúræ? Sed omnis creatúræ nómine signátur homo. Omnis autem creatúræ áliquid habet homo. Habet namque commúne esse cum lapídibus, vivere cum arbóribus, sentire cum animálibus, intelligere cum ángelis. Si ergo commúne habet áliquid cum omni creatúra homo, juxta áliquid omnis creatúra est homo. Omni ergo creatúræ prædicátur Evangélium, cum soli hómīni prædicátur.

R. iij. Viri Galilæi quid admirámini aspiciéntes in cæ-

lum? \* Quemádmódum vidistis eum ascendéntem in cælum, ita véniet, Allelúia, allelúia, allelúia. V. Cumque intueréntur in cælum eúntem illum, ecce duo viri astitérunt juxta illos in véstibus albis, qui et dixérunt. — Quemádmódum. Glória. Allelúia, allelúia, allelúia.

Ante Laudes V. Ascéndo ad Patrem meum et Patrem vestrum, allelúia. R. Deum meum et Deum vestrum, allelúia.

### AD LAUDES

#### ET PER HORAS ANTIPHONÆ.

1. Viri Galilæi quid aspiciéntes in cælum? Hic Jesus, qui assúptus est a vobis in cælum, sic véniet, allelúia. Psalmus Dóminus regnávit. cum ceteris, pag. 17.

2. Cumque intueréntur in cælum eúntem illum, dixérunt, allelúia.

3. Elevátis mánibus benedixit eis, et ferebátur in cælum, allelúia.

4. Exaltáte Regem regum, et hymnum dicite Deo, allelúia.

5. Vidéntibus illis elevátus est : et nubes suscepit eum in cælum, allelúia.

#### Capitulum.

Act. i.

**P**RIMUM quidem sermónem feci de ómnibus o Theóphile, quæ cœpit Jesus fácere, et docére usque in diem, qua præcípíens Apóstolis per Spíritum sanctum, quos elégit, assúptus est.

#### Hymnus.

**T**u Christe nostrum gáudium,  
Manens olympo præditum :



Mundi regis qui fábricam,  
Mundána vincens gáudia :

Hinc te precántes quæsumus,

Ignósce culpis ómnibus :

Et corda sursum súbleva

Ad te supérna grátia.

UT cum repénite cœperis

Clarère nube Júdicis,

Pœnas repéllas débitas,

Reddas corónas pérditas.

TU esto nostrum gáudium,

Qui es futúrus præmium :

Sit nostra in te glória,

Per cuncta semper sæcula.

GLORIA tibi Dómine,

Qui scandis supra sídera,

Cum Patre et sancto Spíritu,

In sempitérna sæcula.

¶ A summo cælo egréssio  
ejus, allelúia. R. Et occúrsus  
ejus usque ad summum ejus  
allelúia.

Ad Benedictus Añá. Ascén-  
do ad Patrem meum et Pa-  
trem vestrum, Deum meum,  
et Deum vestrum, allelúia.

Oratio.

CONCEDE, quæsumus omni-  
potens Deus : ut qui ho-  
diérna die Unigénitum tuum  
Redemptórem nostrum ad cæ-  
los ascendisse crédimus, ipsi  
quoque mente in cælestibus  
habitémus. Per eúmdem.

AD PRIMAM.

R. Jesu Christe. ¶ Qui scan-  
dis supra sídera.

¶ Hic Versus dicatur ad Pri-  
mam quotidie usque ad Pen-  
tecosten, etiam in festis San-  
ctorum, nisi aliter notetur.

AD TERTIAM.

Capitulum Primum quidem  
sermónem., ut in Laudibus.

R. Eleváta est magnificéntia  
tua, \* Allelúia, allelúia. Ele-

váta est. ¶ Super cælos Deus.  
Allelúia. Glória. Eleváta est.

¶ Ascéndit Deus in jubila-  
tione, allelúia. R. Et Dóminus  
in voce tubæ, allelúia.

Oratio Concède, quæsumus.,  
ut in Laudibus; et sic ad Sex-  
tam, Nonam et ij. Vesperas.

AD SEXTAM.

Capitulum.

Act. 1.

ET convéscens præcépit eis  
ab Jerosólymis ne discé-  
derent, sed exspectárent prom-  
issionem Patris, quam audi-  
stis (inquit) per os meum.

R. Ascéndit Deus in jubila-  
tione, \* Allelúia, allelúia.  
Ascéndit. ¶ Et Dóminus in  
voce tubæ. Allelúia. Glória.  
Ascéndit.

¶ Ascéndens Christus in al-  
tum, allelúia. R. Captivam  
duxit captivitátem, allelúia.

AD NONAM.

Capitulum.

Act. 1.

VIRI Galilæi quid statis aspi-  
ciéntes in cælum? Hic Je-  
sus, qui assumptus est a vobis  
in cælum, sic véniet, quemád-  
modum vidistis eum eúntem  
in cælum.

R. Ascéndens Christus in al-  
tum, \* Allelúia, allelúia.  
Ascéndens. ¶ Captivam duxit  
captivitátem. Allelúia. Glória.  
Ascéndens.

¶ A summo cælo egréssio  
ejus, allelúia. R. Et occúrsus  
ejus usque ad summum ejus,  
allelúia.

AD II. VESPERAS.

Psalmus 109.

DIXIT Dóminus Dómino  
meo : \* Sede a dextris  
meis :

Donec ponam inimicos tuos,\*  
scabellum pedum tuorum.

Virgam virtutis tuæ emittet  
Dóminus ex Sion : \* dominare  
in médio inimicorum tuorum.

Tecum principium in die vir-  
tutis tuæ in splendóribus san-  
ctorum : \* ex útero ante luci-  
ferum genui te.

Jurávit Dóminus, et non pœ-  
nitēbit eum : \* Tu es sacerdos  
in ætérnum secundum ordi-  
nem Melchisedech.

Dóminus a dextris tuis, \*  
confrégit in die iræ suæ reges.

Judicabit in natióibus, im-  
plebit ruínas : \* conquassabit  
cápita in terra multorum.

De torrēnte in via bibet : \*  
propterea exaltábit caput.

Psalmus 110.

**C**ONFITEBOR tibi Dómine in  
toto corde meo : \* in consi-  
lio justórum, et congregatióne.

Magna ópera Dómini : \* ex-  
quisita in omnes voluntates  
ejus.

Confessio et magnificéntia  
opus ejus : \* et justitia ejus  
manet in sæculum sæculi.

Memóriam fecit mirábili-  
um suorum, & miséricors et mise-  
rator Dóminus : \* escam dedit  
timéntibus se.

Memor erit in sæculum testa-  
ménti sui : \* virtutem óperum  
suorum annuntiábit pópulo  
suo :

Ut det illis hereditatem gén-  
tium : \* ópera mánuum ejus  
véritas et judicium.

Fidélia omnia mandata ejus : &  
confirmata in sæculum sæcu-  
li, \* facta in veritate et æqui-  
tate.

Redemptiōnem misit pópulo  
suo : \* mandávit in ætérnum  
testamentum suum.

Sanctum, et terribile nomen  
ejus : \* initium sapiéntiæ timor  
Dómini.

Intelléctus bonus ómnibus fa-  
ciéntibus eum : \* laudatio ejus  
manet in sæculum sæculi.

Psalmus 111.

**B**EATUS vir, qui timet Dómi-  
num : \* in mandatis ejus  
volet nimis.

Potens in terra erit semen  
ejus : \* generatio rectórum  
benedicétur.

Glória, et divítia in domo  
ejus : \* et justitia ejus manet  
in sæculum sæculi.

Exórtum est in ténébris lumen  
rectis : \* miséricors, et miserá-  
tor, et justus.

Jucúndus homo qui miserétur  
et cōmodat, & dispónet ser-  
mōnes suos in judicio : \* quia  
in ætérnum non commovēbi-  
tur.

In memória ætérna erit jus-  
tus : \* ab auditióne mala non  
timēbit.

Parátum cor ejus sperare in  
Dómino, & confirmátum est cor  
ejus : \* non commovēbitur do-  
nec despiciat inimicos suos.

Dispérsit, dedit paupéribus : &  
justitia ejus manet in sæculum  
sæculi, \* cornu ejus exaltábi-  
tur in glória.

Peccátor vidēbit, et irascé-  
tur, & déntibus suis fremet et  
tabéscet : \* desidérium pecca-  
tórum peribit.

Psalmus 112.

**L**AUDATE púeri Dóminum : \*  
laudate nomen Dómini.

Sit nomen Dómini benedi-  
ctum, \* ex hoc nunc, et usque  
in sæculum.

A solis ortu usque ad occi-  
sum, \* laudábile nomen Dó-  
mini.

Excelsus super omnes gentes  
Dóminus, \* et super cælos gló-  
ria ejus.

Quis sicut Dóminus Deus no-  
ster, qui in altis hábitat, \* et  
humília respicit in cælo et in  
terra?

Suscitans a terra inopem, \* et  
de stercore erigens páuperem :  
Ut colloket eum cum princi-  
pibus, \* cum principibus pópuli  
sui.

Qui habitare facit stérilem in  
domo, \* matrem filiórum læ-  
tántem.

### Psalmus 116.

**L**AUDATE Dóminum, omnes  
gentes : \* laudáte eum om-  
nes pópuli :

Quóniam confirmáta est su-  
per nos misericórdia ejus : \*  
et véritas Dómini manet in  
ætérnum.

Añá. Viri Galilæi quid aspi-  
citis in cælum? Hic Jesus, qui  
assumptus est a vobis in cæl-  
um, sic véniet, allelúia.

### Capitulum.

### Act. i.

**P**RIMUM quidem sermónem  
feci de ómnibus o Theó-  
phile, quæ cœpit Jesus facere  
et docere, usque in diem, qua  
præcipiens Apóstolis per Spí-  
ritum sanctum, quos elégit,  
assumptus est.

### Hymnus.

**Æ**TERNE Rex altissime,  
Redemptor et fidélium,  
Quo mors solúta déperit,  
Datur triúmphus grátia :

SCANDENS tribúnal dexteræ  
Patris : potestas ónium  
Colláta Jesu cælitus,  
Quæ non erat humánitus :

Ut trina rerum máchina,  
Cæléstium, terréstrium

Et infernórum cón dita  
Flectat genu jam súb dita.

TREMUNT vidéntes ángeli,  
Versa vice mortálium :  
Culpat caro, purgat caro,  
Regnat Deus Dei caro.

TU esto nostrum gáudium.  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spíritu,  
In sempitérna sæcula.

Amen.

¶. Eleváta est magnificéntia  
tua, allelúia. R. Super cælos  
Deus, allelúia.

Ad Magnificat Añá. O Rex  
glóriæ, Dómine virtútum, qui  
triumphátor hódie super om-  
nes cælos ascendisti : ne dere-  
linquas nos órphanos, sed  
mitte promissum Patris in nos  
Spíritum veritátis, allelúia.

### Oratio.

**C**ONCEDE, quæsumus omni-  
potens Deus : ut qui ho-  
diérna die Unigénitum tuum  
Redemptórem nostrum ad cæ-  
los ascendisse crédimus, ipsi  
quoque mente in cælestibus  
habitémus. Per eúmdem.

### PER OCTAVAM ASCENSIONIS.

Ad Memoriam in Laudibus  
Añá. Rogábo Patrem meum,  
et álium Paráclitum dabit vo-  
bis, allelúia.

¶. A summo cælo egréssio  
ejus, allelúia. R. Et occúrsus  
ejus usque ad summum ejus,  
allelúia.

Oratio Concéde, quæsumus.  
ut supra in ij. Vesperis Festi.



Ad Memoriam in Vesperis Añã. Eúntes in mundum univérsum prædicáte Evangélium omni creatúræ, allelúia : qui crediderit et baptizátus fúerit salvus erit, allelúia : qui vero non crediderit condemnábitur, allelúia.

Ÿ. Eleváta est magnificéntia tua, allelúia. R̃. Super cælos Deus, allelúia. Oratio.

**C**ONCEDE, quæsumus omnipotens Deus : ut qui hodiérna die Unigénitum tuum Redemptórem nostrum ad cælos ascendisse crédimus, ipsi quoque mente in cæléstibus habitémus. Per eúndem.

¶ Infra Octavam Ascensionis omittitur Memoria de festo trium Lectionum et de festo habente solam Memoriam.

¶ Si infra Octavam Ascensionis Officiu de ipsa Octava celebrari contigerit, hoc modo fiat, nisi Dominica fuerit.

#### AD MATUTINUM.

Invitatorium. Ascéndit Christus in altum, \* Allelúia.

Hymnus Ætérne Rex altíssime., pag. 543.

#### IN NOCTURNO.

Antiphona super Psalmos, Psalmi, Ÿ., Lectiones et R̃R̃. prout suis locis pro Feria notatum est.

Ante Laudes Ÿ. Ascéndo ad Patrem meum et Patrem vestrum, allelúia. R̃. Deum meum et Deum vestrum, allelúia.

#### AD LAUDES.

Super Psalmos sola Añã. Viri Galilæi quid aspíctis in cælum? Hic Jesus, qui assúptus est a

vobis in cælum, sic véniet, allelúia. Psalmus Dóminus regnávít. cum ceteris, pag. 17.

Capitulum Primum quidem sermónem. et Hymnus Tu Christe nostrum gáudium., ut in Festo, pag. 540.

Ÿ. A summo cælo egréssio ejus, allelúia. R̃. Et occúrsum ejus usque ad summum ejus, allelúia.

Ad Benedictus Añã. Rogábo Patrem meum, et álium Paráclitum dabit vobis, allelúia.

Oratio Concéde, quæsumus., ut supra.

#### AD PRETIOSA.

Evangelium Recumbéntibus., ut in Festo, pag. 539.

¶ Si tamen in Nocturno lecta fuerit Homilia Dominicalis, legatur ad Pretiõsa. Evangelium Cum vénerit Paráclitus., ut in Dominica, pag. 547.

#### AD HORAS.

Omnia ut in Festo, pag. 541.

#### AD VESPERAS.

Psalmus Dixit Dóminus. cum ceteris, Añã Viri Galilæi, Capitulum Primum quidem. et Hymnus Ætérne Rex., ut in ij. Vesperis Festi, pagg. 541-543.

Ÿ. Eleváta est magnificéntia tua, allelúia. R̃. Super cælos Deus, allelúia.

Ad Magnificat Añã. Eúntes in mundum univérsum prædicáte Evangélium omni creatúræ, allelúia : qui crediderit et baptizátus fúerit salvus erit, allelúia : qui vero non crediderit condemnábitur, allelúia.

Oratio Concéde, quæsumus., ut supra.

## FERIA SEXTA.

## IN NOCTURNO.

Super Psalmos Añā. Exaltāre Dómine in virtūte tua : cantābimus et psallémus, allelúia.

Psalmus 20. Dómine in virtūte tua., pag. 15.; Psalmus 29. Exaltābo te Dómine., pag. 49.; Psalmus 46. Omnes gentes pláudite., pag. 66.

℣. Ascēdit Deus in jubilationē, allelúia. ℞. Et Dóminus in voce tubæ, allelúia.

Incipit liber Actuum Apostolorum.

## Lectio j.

## Act. i.

**P**PRIMUM quidem sermōnem feci de omnibus o Theophile, quæ cœpit Jesus facere, et docere usque in diem, quæ præcipiens Apóstolis per Spiritum sanctum, quos elégit, assumptus est : quibus et præbuit seipsum vivum post Passionem suam in multis argumentis, per dies quadraginta appārens eis, et loquens de regno Dei. Et convēscens, præcepit eis ab Jerosólymis ne discēderent, sed expectārent promissionem Patris, quam audistis (inquit) per os meum : quia Joānes quidem baptizavit aqua, vos autem baptizabimini Spiritu sancto non post multos hos dies.

℞. j. Si enim non abiero, Paráclitus non veniet ad vos : si autem abiero, mittam eum ad vos : cum autem venerit ille, docebit vos omnem veritatem, \* Allelúia. ℣. Non enim loquētur a semetipso : sed quæcūque audiet loquētur, et quæ ventūra sunt annuntiābit vobis. — Allelúia.

## Lectio ij.

**I**GITUR qui convenerant, in-terrogābant eum, dicētes : Dómine si in tēpore hoc restitues regnum Israel? Dixit autem eis : Non est vestrum nosse tēpora vel momenta, quæ Pater pōsuit in sua potestate : sed accipiētis virtutem superveniētis Spiritus sancti in vos, et eritis mihi testes in Jerúsalem, et in omni Judæa, et Samária, et usque ad ultimum terræ. Et cum hæc dixisset, vidētibz illis, elevātus est : et nubes suscepit eum ab oculis eorum.

℞. ij. Ascēdens Christus in altum, allelúia, captivam duxit captivitatem : \* Dedit dona hominibus, allelúia, allelúia. ℣. Ascēdit Deus in jubilationē, et Dóminus in voce tubæ. — Dedit dona.

De Sermōne sancti Leonis Papæ.

(Serm. 2. de Ascens. Domini.)

## Lectio iij.

**S**ICUT in solemnitate Paschali Resurrectio Dómini fuit nobis causa lætāndi; ita Ascensio ejus in cælos præsentium nobis est matéria gaudiōrum, recolētibz illam diem et rite venerātibz, quæ naturæ nostræ humilitas in Christo super omnem cæli militiam, super omnes ordines angelorum, et ultra omnium altitudinem Potestatum, ad Dei Patris est provēcta consēssum. Quo ordine operum divinorum nos fundāti, nos ædificāti sumus : ut mirabilius fieret grátia Dei, cum remotis a conspēctu hominum, quæ mérito reverentiam sui sentiebāntur indicere,

fides non deficeret, spes non fluctuaret, caritas non teperet.

R. iij. Non relinquam vos orphanos, allelúia : vado, et venio ad vos : \* Et gaudébit cor vestrum, Allelúia, allelúia. V. Ego rogábo Patrem, et alium Paráclitum dabit vobis. — Et gaudébit. Glória. Allelúia, allelúia.

### SABBATO.

#### IN NOCTURNO.

Super Psalmos Añã. Nimis exaltátus es, allelúia, super cælos Deus, allelúia.

Psalmus 96. Dóminus regnávít, exsúltet., pag. 106.; Psalmus 98. Dóminus regnávít, irascántur., pag. 110.; Psalmus 102. Bénedic ánima mea, pag. 112.

V. Ascéndens Christus in altum, allelúia. R. Captivam duxit captivitátem, allelúia.

De Actibus Apostolorum.

Lectio j. Cap. 2.

**E**T cum compleréntur dies Pentecóstes, erant omnes páriter in eódem loco. Et factus est repénite de cælo sonus, tamquam adveniéntis spíritus veheméntis, et replévit totam domum ubi erant sedéntes. Et apparuérent illis dispertitæ linguæ tamquam ignis, sedítque supra singulos eórum. Et repléti sunt omnes Spíritu sancto, et cœpérunt loqui váriis linguis, prout Spíritus sanctus dabat éloqui illis.

R. j. Exaltáre Dómine, allelúia, \* In virtúte tua, allelúia. V. Cantábitus et psallémus. — In virtúte tua, allelúia.

#### Lectio ij.

**E**RANT autem in Jérusalem habitántes Judæi, viri religiósí ex omni natióne, quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes : Nonne ecce omnes isti, qui loquúntur, Galilæi sunt, et quómodo nos audimus unusquisque linguam nostram, in qua nati sumus?

R. ij. Ponis nubem ascensum tuum Dómine, \* Qui ámbulas super pennas ventórum, allelúia. V. Confessionem, et decórem induísti : amictus lúmine sicut vestiménto. — Qui ámbulas.

Sermo sancti Leónis Papæ. (Serm. 2. de Ascens. Domini.)

#### Lectio iij.

**Q**UOD Redemptóris nostri conspicuum fuit, in sacraménta transívit : et ut fides excelléntior esset ac firmior, visióni doctrína succéssit, cujus auctoritátem supérnis illumináta rádiis credéntium corda sequeréntur. Hanc fidem Ascensióne Dómini auctam, et Spíritus sancti múnere roborátam, non víncula, non cárceres, non exsilia, non fames, non ignis, non laniátus ferárum, nec exquisíta persequéntium crudelitátibus supplicia terruérunt. Pro hac fide per univérsum mundum non solum viri, sed étiam féminæ, nec tantum impubes púeri, sed étiam ténere virgines usque ad effusiónem sui ságuinis decertárun.



R. iij. Non turbetur cor vestrum : ego vado ad Patrem : et dum assumptus fuero a vobis, mittam vobis, allelúia, Spiritum veritatis, \* Et gaudebit cor vestrum, Allelúia. *ſ.* Ego rogábo Patrem, et álium Paráclitum dabit vobis. — Et gaudebit. Glória. Allelúia.

In Vesperis nihil fiat de Dominica.

## DOMINICA

INFRA OCTAVAM ASCENSIONIS.

## AD MATUTINUM.

Invitatorium. Allelúia, Christum Dóminum ascendéntem in cælum \* Veníte adorémus, allelúia.

Hymnus Ætérne Rex altissime., pag. 537.

## IN NOCTURNO.

Psalmi, Antiphonæ et Versiculus ut in Festo, pag. 538. et pag. 539.

Lectio sancti Evangelii secundum Joánnem.

Lectio j. Cap. 15.

**I**n illo tēpore : Dixit Jesus discipulis suis : Cum vénerit Paráclitus, quem ego mittam vobis a Patre, Spiritum veritatis, qui a Patre procédit, ille testimónium perhibébit de me. Et reliqua.

Homília sancti Cyrílli Episcopi.

(Comment. in cap. 15. Joann.)

**I**DENTITATEM substantiæ Filii ac Patris osténdens, cum veritatis Spiritum dixerit, a Patre illum procéedere asséruit : ut in unam ratiónem

Deitátis Trínitas constringeretur. Quando igitur vénerit Paráclitus, ait, Spiritus veritatis, id est meus, qui a Patre procédit, ille testimónium perhibébit de me. Quómodo autem perhibébit? Magna in vobis et per vos miracula faciēns, diviniæ meæ potestátis atque virtútis testis erit gravissimus. Spiritus enim meus est, qui operábitur in vobis : sed sicut meus est, sic et Dei Patris.

R. j. Post Passiónem suam per dies quadraginta appárens eis, et loquens de regno Dei, allelúia : et vidéntibus illis elevátus est, allelúia : \* Et nubes suscepit eum ab óculis eórum, allelúia. *ſ.* Et convēscens præcépit eis, ab Jerosólymis ne discéderent, sed expectárent promissiónem Patris. — Et nubes suscepit eum.

## Lectio ij.

**H**ÆC locútus sum vobis, ut non scandalizémíni. Si enim, inquit, vobis téstibus, tot tantaque mirabilia feci, sic Paráclitus quoque in vobis simília faciet : nec tamen Judæi ad melióra reducéntur. Nolite conturbári, si oratióne vestra convertère illos non poteritis; sed mementóte ubique sermónis mei : non esse discipulum super magistrum, sed nec servum dómíno suo majórem.

R. ij. Omnis pulchritúdo Dómini exaltáta est super siders : spés ejus in núbibus cæli, \* Et nomen ejus in ætérnum pérmanet, allelúia. *ſ.* A summo cælo egréssio ejus, et occúrsus ejus usque ad summum ejus. — Et nomen ejus.

## Lectio iij.

**A**BSQUE synagógis fácient vos : sed venit hora, ut omnis qui interficit vos arbitretur obséquium se præstare Deo. Summum ómnium periculorum prædixit : non ut formidine ad ignáviám discipulorum redúceret ánimos, sed ut máximus mortis pavor (quóniam præscirétur) contéptus, fortióres ad subeúnda pericula rédderet. Nam qui majus contémpnunt, ii quómodo minóra timébunt?

R. iij. Viri Galilæi quid admirámini aspiciéntes in cælum? \* Quemádmódum vidístis eum ascendéntem in cælum, ita véniet, Allelúia, allelúia, allelúia. V. Cumque intueréntur in cælum eúntem illum, ecce duo viri astiterunt juxta illos in véstibus albis, qui et dixerunt. — Quemádmódum. Glória. Allelúia, allelúia, allelúia.

Ante Laudes V. Ascéndo ad Patrem meum et Patrem vestrum, allelúia. R. Deum meum Deum et vestrum, allelúia.

## AD LAUDES.

Antiphonæ super Psalmos, Psalmi, Capitulum, et Hymnus ut in Festo, pag. 540.

V. A summo cælo egréssio ejus, allelúia. R. Et occúrsus ejus usque ad summum ejus, allelúia.

Ad Benedictus Aña. Rogábo Patrem meum, et álium Paráclitum dabit vobis, allelúia.

## Oratio.

**C**ONCEDE, quæsumus omnipotens Deus : ut qui hodiérna die Unigénitum tuum Redemptórem nostrum ad cæ-

los ascendisse crédimus, ipsi quoque mente in cælestibus habitémus. Per eúndem.

Ad Memoriam de Dominica in Laudibus Aña. Cum vénerit Paráclitus, quem ego mittam vobis, Spíritum veritátis, qui a Patre procedit, ille testimónium perhibébit de me, allelúia.

V. Ascéndit Deus in jubilatione, allelúia. R. Et Dóminus in voce tubæ, allelúia. Oratio.

**O**MNIPOTENS sempitérne Deus : fac nos tibi semper et devótam gérere voluntátem, et majestáti tuæ sincéro corde servire. Per.

## AD PRETIOSA.

Evangelium Cum vénerit Paráclitus., ut in Nocturno pag. 547.

## AD PRIMAM.

Omnia ut in Festo, addito post ultimum Psalmum Symbolo Quicúmque vult salvus esse.

## AD TERTIAM,

## SEXTAM ET NONAM.

Omnia ut in Festo, pag. 541.

## AD VESPERAS.

Psalmus Dixit Dóminus. cum ceteris, Antiphona super Psalmos Viri Galilæi., Capitulum Primum quidem sermónem, et Hymnus Ætérne Rex altíssime., ut in ij. Vesperis Festi, pagg. 541-543.

V. Eleváta est magnificéntia tua, allelúia. R. Super cælos Deus, allelúia.

Ad Magnificat Aña. Eúntes in mundum univérsum prædicáte Evangélium omni creatúræ, allelúia : qui crediderit et baptizátus fuerit salvus erit, allelúia : qui vero non crediderit condemnábitur, allelúia.

## Oratio.

**C**ONCEDE, quæsumus omnípotens Deus : ut qui hodierna die Unigénitum tuum Redemptórem nostrum ad cælos ascendisse crédimus, ipsi quoque mente in cæléstibus habitémus. Per eúndem.

Ad Memoriam de Dominica Aña. Hæc locútus sum vobis : ut cum vénerit hora eórum, reminiscámini quia ego dixi vobis, allelúia.

¶ Ascéndens Christus in altum, allelúia. R. Captivam duxit captivitátem, allelúia.

## Oratio.

**O**MNIPOTENS sempitérne Deus : fac nos tibi semper et devótam gérere voluntátem, et majestáti tuæ sincéro corde servíre. Per.

## FERIA SECUNDA.

## IN NOCTURNO.

Super Psalmos Aña. Dóminus in templo sancto suo, Dóminus in cælo, allelúia.

Psalmi, ¶. et R. R. sicut in die Ascensionis, pag. 538. et pag. 539.

De Actibus Apostolorum.

Lectio j. Cap. 2.

**S**TANS autem Petrus cum Undecim levávit vocem suam, et locútus est eis : Viri Judæi, et qui habitátis Jerúsalem universi, hoc vobis notum sit, et auribus percípите verba mea. Non enim, sicut vos æstimátis, hi ébrii sunt, cum sit hora diéi tértia : sed hoc est, quod dictum est per Prophétam Joel : Et erit in novíssimis diébus (dicit Dóminus), effúdam de Spíritu meo super omnem carnem, et prophetábunt filii vestri, et filiæ vestræ, et júve-

nes vestri visiões vidébunt, et senióres vestri sómnia somniábunt.

## Lectio ij.

**E**T quidem super servos meos, et super ancillas meas in diébus illis effúdam de Spíritu meo, et prophetábunt : et dabo prodígia in cælo sursum, et signa in terra deórsum, ságuinem, et ignem, et vapórem fumi. Sol convertétur in ténébras, et luna in ságuinem, ántequam véniat dies Dómini magnus, et manifestus. Et erit : omnis, quicumque invocáverit nomen Dómini, salvus erit.

Sermo sancti Joánnis

Chrysóstomi.

(Serm. 2. de Ascens. Domini.)

## Lectio iij.

**C**HRISTUS ascéndens in cælum, nostræ natúre primitias obtulit Patri, et oblátum donum mirátus est Pater, quod et tanta dignitas offerébat, et quod offerebátur, nulla mácula fœdabátur. Nam et suis mánibus suscepit oblátum, et suæ sedis fecit esse participem; et quod plus est, ad partem suæ dexteræ collocávit. Cognóscimus quis est ille, qui audívit, Sede ad dexteram meam : quæ natúra est, cui Deus dixit, Esto meæ particeps sedis. Illa natúra est, quæ audívit, Terra es, et in terram ibis.

## FERIA TERTIA.

## IN NOCTURNO.

Super Psalmos Aña. Exaltábo te Dómine quóniam suscepisti me, allelúia.



Psalmi, V. et R̄R̄. sicut in  
præcedenti Feria vj. pag. 545.

De Actibus Apostolorum.

Lectio j.

Cap. 2.

**C**OMPUNCTI sunt corde (Judaei) et dixerunt ad Petrum, et ad reliquos Apostolos: Quid faciemus, viri fratres? Petrus vero ad illos: Pœnitentiam (inquit) agite, et baptizetur unusquisque vestrum in nomine Jesu Christi in remissionem peccatorum vestrorum: et accipietis donum Spiritus sancti. Vobis enim est repromissio, et filiis vestris, et omnibus, qui longe sunt, quoscumque advocaverit Dominus Deus noster.

Lectio ij.

**A**LII etiam verbis plurimis testificatus est, et exhortabatur eos, dicens: Salvamini a generatione ista prava. Qui ergo receperunt sermonem ejus, baptizati sunt: et appositæ sunt in die illa animæ circiter tria millia. Erant autem perseverantes in doctrina Apostolorum, et communicatione fractionis panis, et orationibus. Fiebat autem omni animæ timor: multa quoque prodigia, et signa per Apostolos in Jerusalem fiebant, et metus erat magnus in universis.

Sermo sancti Leonis Papæ.  
(Serm. i. de Ascens.)

Lectio iij.

**Q**UIA igitur Christi Ascensio, nostra provectio est, et quo præcessit gloria capitis, eo spes vocatur et corporis: dignis, dilectissimis, exsultantibus gaudiis, et pia gratiarum actione lætemur. Hodie enim non solum Paradisi possessio-

res firmati sumus, sed etiam cælorum in Christo superna penetravimus: ampliora adepti per ineffabilem Christi gratiam, quam per diaboli amiseramus invidiam. Nam quos virulentus inimicus primi habitaculi felicitate dejecit, eos sibi concorporatos Dei Filius ad dexteram Patris collocavit.

FERIA QUARTA.

IN NOCTURNO.

Super Psalmos Añā. Dóminus in Sion, allelúia, magnus et excelsus, allelúia.

Psalmi, V. et R̄R̄. sicut in  
præcedenti Sabbato, pag. 546.

De Actibus Apostolorum.

Lectio j.

Cap. 3.

**P**ETRUS autem, et Joannes ascendebant in templum ad horam orationis nonam. Et quidam vir, qui erat claudus ex utero matris suæ, bajulabatur: quem ponebant quotidie ad portam templi, quæ dicitur Speciosa, ut peteret eleemosynam ab introeuntibus in templum. Is cum vidisset Petrum, et Joannem incipientes introire in templum, rogabat ut eleemosynam acciperet. Intuens autem in eum Petrus cum Joanne, dixit: Respice in nos. At ille intendebat in eos, sperans se aliquid accepturum ab eis.

Lectio ij.

**P**ETRUS autem dixit: Argentum et aurum non est mihi: quod autem habeo, hoc tibi do: In nomine Jesu Christi Nazareni surge, et ambula. Et apprehensa manue ejus dextera, allevavit eum, et protinus consolidatæ sunt bases ejus, et

plantæ. Et exsiliens stetit, et ambulabat : et intravit cum illis in templum ambulans, et exsiliens, et laudans Deum.

Sermo sancti Joannis  
Chrysostomi.

(Serm. 4. de Cruce.)

Lectio iij.

**H**ODIerna die, dilectissimi fratres, Deo sumus mira reconciliatiōe sociati. Hodierna die humanum genus cælestem misericordiam meruisse cognoscitur. Hodie vetus illud iurgium dissolutum est. Hodie nobis pax miranda donata est, quæ nunquam sperabatur posse concedi. Nam quæ spes erat, Deum velle humanæ reconciliari naturæ? Non quia crudelis Dominus; sed quia contumax servus. Vis audire, quod nostro vitio Deus ad commotionem provocatus est? Delébo, inquit, hominem, quem feci, a facie terræ. In tantum enim genus humanum pessime conversabatur, ut ipsius terræ habitatione carere speraretur. Sed nos, qui et terra videbamus indigni, hodie elevati sumus ad cælum, et cælorum transivimus fines, et ipsa sede regali decoramur.

IN OCTAVA ASCENSIONIS.

SOLEMNNE.

IN I. VESPERIS.

Capitulum, Hymnus, V. et Antiphona ad Magnificat ut in primis Vesperis festi, pag. 537.

Oratio.

**C**ONCEDE, quæsumus omnipotens Deus : ut qui hodierna die Unigenitum tuum Redemptorem nostrum ad cælos ascendisse credimus, ipsi

quoque mente in cælestibus habitemus. Per eundem.

AD MATUTINUM.

Invitatorium. Allelûia, Christum Dominum ascendentem in cælum \* Venite adorémus, allelûia.

Hymnus Æternæ Rex altissime., pag. 537.

IN NOCTURNO.

Psalmi, Antiphonæ et V. ut in Festo, pag. 538. et pag. 539.

De Actibus Apostolorum.

Lectio j. Cap. 4.

**L**OQUENTIBUS (Petro et Joanne) ad populum, supervenerunt sacerdotes, et magistratus templi, et Sadducei, dolentes quod docerent populum, et annuntiarent in Jesu resurrectionem ex mortuis : et injecerunt in eos manus, et posuerunt eos in custodiam in crastinum : erat enim jam vespéra. Multi autem eorum, qui audierant verbum, crediderunt : et factus est numerus virorum quinque millia. Factum est autem in crastinum, ut congregarentur Principes eorum, et Seniores, et Scribæ in Jerusalem. Et Annas Princeps sacerdotum, et Caphas, et Joannes, et Alexander, et quotquot erant de genere sacerdotali.

R. j. Post Passionem suam per dies quadraginta apparens eis, et loquens de regno Dei, allelûia : et videntibus illis elevatus est, allelûia : \* Et nubes suscepit eum ab oculis eorum, allelûia. V. Et convescens præcepit eis ab Hierosolymis ne discederent, sed expectarent promissionem Patris. — Et nubes suscepit eum.

## Lectio ij.

**E**T statuētes eos in médio, interrogābant : In qua virtute, aut in quo nōmine fecistis hoc vos? Tunc replētus Spiritu sancto Petrus, dixit ad eos : Principes pōpuli, et Seniores audite : Si nos hōdie dijudicāmur in benefacto hōminis infirmi, in quo iste saluus factus est, notum sit omnibus vobis, et omni plebi Israel : quia in nōmine Dōmini nostri Jesu Christi Nazaréni, quem vos crucifixistis, quem Deus suscitāvit a mōrtuis, in hoc iste astat coram vobis sanus.

R. ij. Omnis pulchritudo Dōmini exaltāta est super sidera : spēs ejus in nūbibus celi, \* Et nomen ejus in ætēnum pērmānet, allelūia. V. A summo cælo egrēssio ejus : et occūrsus ejus usque ad summum ejus. — Et nomen ejus.

Sermo sancti Augustīni  
Episcopi.

(Serm. 174. de Tempore.)

## Lectio iij.

**H**ODIE, fratres, Dōminus Jesus Christus ascēdit in cælum. Ascēdat cum illo et cor nostrum. Sicut enim ille ascēdit, nec recēssit a nobis : sic et nos cum illo ibi jam sumus; quamvis nondum in corpore nostro factum sit, quod promittitur nobis. Nam propter unitātem, qua caput nostrum est, et nos corpus ejus, cum ascēdit in cælum, nos ab illo non separāmur. In hoc ergo ipsi roborēmur : in hoc votis omnibus æstuēmus. Facile corpus levābitur in alta cælōrum, si non premat spīritum sarcina peccatorum.

R. iij. Viri Galilæi quid admirāmini aspiciētes in cælum? \* Quemādmōdum vidistis eum ascēdentem in cælum, ita vēniet, Allelūia, allelūia, allelūia. V. Cumque intuerētur in cælum eūntem illum, ecce duo viri astiterunt juxta illos in vestibus albis, qui et dixerunt. — Quemādmōdum. Glōria. Allelūia, allelūia, allelūia.

† Si Homilia Dominicæ infra Octavam Ascensionis lecta non fuerit, neque FERIA sexta subsequenti legi possit, in ipsa die Octava Ascensionis duæ primæ Lectiones de Homilia prædictæ Dominicæ dicantur cum R. j. Post Passiōnem suam. et R. ij. Omnis pulchritudo., ut pag. 547. notatum est. Tertia vero Lectio sit quæ supra posita est De Sermōne sancti Augustini Episcopi, Hōdie fratres, Dōminus Jesus Christus. cum R. iij. Viri Galilæi., ut supra.

Ante Laudes V. Ascēdo ad Patrem meum et Patrem vestrum, allelūia. R. Deum meum et Deum vestrum, allelūia.

## AD LAUDES.

Omnia ut in Festo, pag. 540. servato modo diei Octavæ Solemnis.

## AD PRETIOSA.

† Si in Nocturno lecta fuerit Homilia Dominicalis, dicatur sequens Evangelium :

Secūndum Joānnem. Cap. 15. **I**N illo tēpore : Dixit Jesus discipulis suis : Cum vēnerit Parāclitus, quem ego mittam vobis a Patre, Spīritum veritātis, qui a Patre procēdit, ille testimōnium perhibēbit de me. Tu autem Dōmine.



† Si vero in Nocturno lecta non fuerit Homilia Dominicalis, dicatur hoc Evangelium.

Secundum Marcum. Cap. 16.

**I**n illo tempore: Recumbentibus undecim discipulis, apparuit illis Jesus: et exprobravit incredulitatem eorum et duritiam cordis: quia iis, qui viderant eum resurrexisse, non crediderunt. Tu autem Domine.

AD HORAS ET II. VESPERAS.

Omnia ut in Festo, pag. 541. servato modo diei Octavæ Solemnis.

#### FERIA SEXTA

POST OCTAVAM ASCENSIONIS.

Dicatur Officium quotidianum B. Mariæ V.

Non fiant Prostrationes ad ulla Horas, nec dicantur Preces nisi ad Primam et Completorium.

AD MATUTINUM.

Invitatorium. Alleluia, alleluia, \* Alleluia.

Hymnus Æternæ Rex altissime., pag. 543.

IN NOCTURNO.

Super Psalmos Añã. Regnabit Deus super gentes: Deus sedet super sedem sanctam suam, alleluia.

Psalmi, V. et R̃R̃. ut in Feria vj. præcedenti. pag. 545.

De Actibus Apostolorum.

Lectio j. Cap. 4.

**D**IMISSI (Petrus, et Joannes) venerunt ad suos: et annuntiaverunt eis quanta ad eos Principes sacerdotum, et Seniores dixissent. Qui cum

audissent, unanimiter levaverunt vocem ad Deum, et dixerunt: Domine, tu es qui fecisti cælum, et terram, mare, et omnia, quæ in eis sunt: qui Spiritu sancto per os patris nostri David, pueri tui, dixisti: Quare fremuerunt gentes, et populi meditati sunt inania? Astiterunt reges terræ, et principes convenerunt in unum adversus Dominum, et adversus Christum ejus.

Lectio ij.

**C**ONVENERUNT enim vere in civitate ista adversus sanctum puerum tuum Jesum, quem unxisti, Heródes, et Póntius Pilátus cum gentibus, et populis Israël, facere quæ manus tua, et consilium tuum decreverunt fieri. Et nunc Domine respice in minas eorum, et da servis tuis cum omni fiducia loqui verbum tuum, in eo quod manum tuam extendas ad sanitates, et signa, et prodigia fieri per nomen sancti Filii tui Jesu.

Lectio iij.

**E**T cum orassent, motus est locus, in quo erant congregati: et repleti sunt omnes Spiritu sancto, et loquebantur verbum Dei cum fiducia. Multitudinis autem credentium erat cor unum et anima una: nec quisquam eorum, quæ possidebat, aliquid suum esse dicebat, sed erant illis omnia communia. Et virtute magna reddabant Apóstoli testimonium Resurrectionis Jesu Christi Domini nostri: et gratia magna erat in omnibus illis. Neque enim quisquam egens erat inter illos.

Omittitur hac die, et sequenti Te Deum., quia quasi de Feria agitur.

Ante Laudes X. Ascendo ad Patrem meum et Patrem vestrum, allelúia. R. Deum meum et Deum vestrum, allelúia.

#### AD LAUDES.

Super Psalmos sola Añā. Viri Galilæi quid aspicitis in cælum? Hic Jesus, qui assumptus est a vobis in cælum, sic veniet, allelúia. Psalmus Dóminus regnavit. cum ceteris, pag. 17.

Capitulum Primum quidem sermónem., Hymnus Tu Christe. et V. A summo caelo, ut in Vigilia Pentecostes, pag. 558.

Ad Benedictus Añā. Cum venerit Paráclitus, quem ego mittam vobis, Spiritum veritatis, qui a Patre procedit, ille testimónium perhibebit de me, allelúia. Oratio.

**O**MNIPOTENS sempitérne Deus: fac nos tibi semper et devótam gérere voluntátem, et majestáti tuæ sincéro corde servíre. Per.

† Præcedens Oratio dicatur etiam ad Tertiam, Sextam, Nonam et Vesperas.

#### AD PRIMAM.

Omnia ut in Vigilia Pentecostes, pag. 559.

#### AD TERTIAM, SEXTAM ET NONAM.

Omnia ut in Vigilia Pentecostes, præter Orationem, quæ dicatur ut supra in Laudibus.

#### AD VESPERAS.

Psalmi, Antiphona super Psalmos, Capitulum, Hymnus et V. ut in ij. Vesperis Ascensionis, pagg. 541-543.

Ad Magnificat Añā. Hæc locútus sum vobis, ut cum venerit hora eórum, reminiscámini quia ego dixi vobis, allelúia.

† Si festum in hac sexta Feria evenerit, nulla Memoria fiat de Ascensione.

† Post Completorium hujus diei, dicatur in Choro Psalmus Deus in adjutórium., pag. 156. cum Precibus et Orationibus, pag. 159., absque Litanis, cum hæ dicantur cras ante Missam. Dum autem prædicta recitantur, Fratres debent esse genuflexi ab initio Psalmi Deus in adjutórium. usque ad ultimam Orationem Deus, a quo sancta desidéria. inclusive.

† Qui autem tunc non fuerint in Choro ad ea recitanda minime teneantur.

#### SABBATO

#### IN VIGILIA PENTECOSTES.

Dicatur Officium quotidianum B. Mariæ V. in Matutinis et usque ad Vesperas exclusive.

Non fiant Prostrationes ad ulla Horas.

#### AD MATUTINUM.

Invitatorium. Allelúia, allelúia, \* Allelúia.

#### Hymnus.

**A**ETERNE Rex altíssime,  
Redémptor et fidélium,  
Quo mors solúta déperit,  
Datur triúmphus grátiae:  
SCANDENS tribunal dextéræ  
Patris; potestas ómnium  
Colláta Jesu cælitus,  
Quæ non erat humánitus:

Ut trina rerum máchina,  
Caeléstium, terréstrium  
Et inférnórum cóndita  
Flectat genu jam súbdita.

TREMUNT vidéntes ángeli,  
Versa vice mortálium :  
Culpat caro, purgat caro,  
Regnat Deus Dei caro.

Tu esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sidera,  
Cum Patre et sancto Spiritu,  
In sempitérna sæcula. Amen.

## IN NOCTURNO.

Psalmus 96.

**D**OMINUS regnávít, exsúltet  
terra : \* læténtur insulæ  
multæ.

Nubes, et caligo in circúitu  
ejus : \* justítia, et judícium  
corrèctio sedis ejus.

Ignis ante ipsum præcédet, \*  
et inflammábit in circúitu iní-  
micos ejus.

Illuxérunt fúlgura ejus orbi  
terræ : \* vidit, et commóta est  
terra.

Montes, sicut cera fluxérunt a  
fácie Dómini : \* a fácie Dó-  
mini omnis terra.

Annuntiavérunt cæli justí-  
tiam ejus : \* et vidérunt om-  
nes pópuli glóriam ejus.

Confundántur omnes, qui  
adórant sculptília : \* et qui  
gloriántur in simulácris suis.

Adoráte eum omnes Angeli  
ejus : \* audívit, et lætáta est  
Sion.

Et exsultavérunt filiæ Judæ, \*  
propter judícia tua, Dómine :

Quóniam tu Dóminus altíssi-  
mus super omnem terram : \*

nimis exaltátus es super om-  
nes deos.

Qui diligitis Dóminum, odíte  
malum : \* custódit Dóminus  
ánimas sanctórum suórum, de  
manu peccatóris liberábit eos.

Lux orta est justo, \* et rectis  
corde lætítia.

Lætámini justí in Dómino : \*  
et confitémini memóriæ san-  
ctificatiónis ejus.

Psalmus 98.

**D**OMINUS regnávít, irascán-  
tur pópuli : \* qui sedet su-  
per Chérubim, moveátur terra.

Dóminus in Sion magnus : \*  
et excélsus super omnes pó-  
pulos.

Confiteántur nómini tuo ma-  
gno : \* quóniam terribile, et  
sanctum est : \* et honor regis  
judícium diligit.

Tu parásti directiões : \* ju-  
dícium et justítiam in Jacob  
tu fecísti.

Exaltáte Dóminum Deum no-  
strum, \* et adoráte scabéllum  
pedum ejus : \* quóniam san-  
ctum est.

Móyses et Aaron in sacer-  
dótibus ejus : \* et Sámuel  
inter eos, qui invocant nomen  
ejus :

Invocabant Dóminum, et ipse  
exaudiébat eos : \* in columna  
nubis loquebátur ad eos.

Custodiébant testimónia  
ejus, \* et præcéptum quod de-  
dit illis.

Dómine Deus noster tu ex-  
audiébas eos : \* Deus tu pro-  
pítius fuísti eis, et ulciscens in  
omnes adinventiões eórum.

Exaltáte Dóminum Deum no-  
strum, \* et adoráte in monte  
sancto ejus; \* quóniam san-  
ctus Dóminus Deus noster.



## Psalmus 102.

**B**ENEDIC ánima mea Dómino : \* et ómnia, quæ intra me sunt, nómini sancto ejus :

Benedic ánima mea Dómino : \* et noli oblivisci omnes retributiónes ejus :

Qui propitiátur ómnibus iniquitatibus tuis : \* qui sanat omnes infirmitates tuas.

Qui rédimat de intéritu vitam tuam : \* qui coronat te in misericórdia et miseratióibus.

Qui replet in bonis desiderium tuum : \* renovábitur ut áquilæ juvéntus tua :

Fáciens misericórdias Dóminus : \* et júdicium ómnibus injúriam patiéntibus.

Notas fecit vias suas Móysi, \* filiis Israel voluntates suas :

Miserátor, et miséricors Dóminus : \* longánimis, et multum miséricors.

Non in perpétuum irascétur : \* neque in ætérnum comminábitur.

Non secúndum peccáta nostra fecit nobis : \* neque secúndum iniquitates nostras retribuit nobis.

Quóniam secúndum altitudinem cæli a terra : \* corroborávit misericórdiam suam super tímētes se.

Quantum distat ortus ab occidente : \* longe fecit a nobis iniquitates nostras.

Quómodo misérétur pater filiórum, & misértus est Dóminus tímēntibus se : \* quóniam ipse cognóvit figméntum nostrum.

Recordátus est quóniam pulvis sumus : & homo, sicut fœnum dies ejus, \* tanquam flos agri, sic efflorébit.

Quóniam spíritus pertransibit in illo, et non subsistet : \* et non cognóscet ámplius locum suum.

Misericórdia autem Dómini ab ætérno, \* et usque in ætérnum super tímētes eum.

Et justítia illius in filios filiórum, \* his qui servant testamentum ejus :

Et mēmore sunt mandatorum ipsius, \* ad faciéndum ea. Dóminus in cælo parávit sedem suam : \* et regnum ipsius ómnibus dominábitur.

Benedícite Dómino omnes Angeli ejus : \* potētes virtute, faciētes verbum illius, ad audiéndam vocem sermonum ejus.

Benedícite Dómino omnes virtutes ejus : \* ministri ejus, qui fáciis voluntatem ejus.

Benedícite Dómino ómnia ópera ejus : \* in omni loco dominatiónis ejus, benedic ánima mea Dómino.

Añá. Dóminus in cælo, allelúia, parávit sedem suam, allelúia.

℟. Ascéndens Christus in altum, allelúia. R̃. Captivam duxit captivitatem, allelúia.

Lectio sancti Evangélii secúndum Joánnem.

Lectio j. Cap. 14.

**I**N illo témpore : Dixit Jesus discipulis suis : Si diligitis me : mandata mea serváte. Et ego rogábo Patrem, et álium Paráclitum dabit vobis. Et reliqua.

Homília sancti Augustini Episcopi.

(Tract. 74. in Joann.)  
**H**ic est in Trinitate Spíritus sanctus : quem Patri et Filio consubstantiálem et co-

eternum fides catholica confitetur. Ipse est, de quo dicit Apostolus : Caritas Dei diffusa est in cordibus nostris per Spiritum sanctum, qui datus est nobis. Quomodo ergo Dominus dicit, Si diligitis me, mandata mea servate, et ego rogabo Patrem, et alium Paraclitum dabit vobis : cum hoc dicat de Spiritu sancto, quem nisi habeamus, nec Deum diligere possumus, nec ejus mandata servare? Quomodo diligemus, ut eum accipiamus, quem nisi habeamus, diligere non valemus? Aut quomodo mandata servabimus, ut eum accipiamus, quem nisi habeamus, mandata servare non possumus?

R. j. Exaltare Domine, alleluia, \* In virtute tua, alleluia. V. Cantabimus et psallemus. — In virtute tua, alleluia.

### Lectio ij.

**A**N forte praecedit in nobis caritas, qua diligamus Christum, ut diligendo Christum, ejusque mandata faciendo, mereamur accipere Spiritum sanctum, ut caritas, non Christi, quae jam praecesserat, sed Dei Patris, diffundatur in cordibus nostris? Perversa est ista sententia. Qui enim se Filium Dei diligere credit, et Patrem non diligit, profecto nec Filium diligit, sed quod sibi ipse confinxit. Deinde Apostolica vox est : Nemo dicit, Dominus Jesus, nisi in Spiritu sancto. Et quis Dominum Jesum, nisi qui eum diligit, dicit : si eo modo dicit, quo Apostolus intelligi voluit?

R. ij. Ponis nubem ascensum tuum Domine, \* Qui ambulans super pennas ventorum, alleluia. V. Confessionem, et decorem induisti : amictus lumine sicut vestimento. — Qui ambulans super pennas ventorum, alleluia.

### Lectio iij.

**J**AM itaque Apostoli dicebant : Dominus Jesus. Et si eo modo dicebant, ut non fecte dicerent, ore confitentes, corde et factis negantes : prorsus, si veraciter hoc dicebant, procul dubio diligebant. Quomodo igitur diligebant, nisi in Spiritu sancto? Restat ergo ut intelligamus Spiritum sanctum habere qui diligit : et habendo mereri ut plus habeat, et plus habendo plus diligat. Jam itaque habebant Spiritum discipuli, quem Dominus promittebat, sine quo eum Dominum non dicebant : nec tamen eum adhuc habebant, sicut eum Dominus promittebat.

R. iij. Non turbetur cor vestrum : ego vado ad Patrem : et dum assumptus fuero a vobis, mittam vobis, alleluia, Spiritum veritatis, \* Et gaudabit cor vestrum, alleluia. V. Ego rogabo Patrem, et alium Paraclitum dabit vobis. — Et gaudabit cor vestrum, Alleluia. Gloria. Alleluia.

Non dicatur Te Deum. nec repetatur iij. R.

Ante Laudes V. Ascendo ad Patrem meum et Patrem vestrum, alleluia. R. Deum meum et Deum vestrum, alleluia.

## AD LAUDES.

Super Psalmos sola Añā. Viri Galilæi quid aspiciatis in cælum? Hic Jesus, qui assumptus est a vobis in cælum, sic veniet, allelúia. Psalmus Dómini regnāvit. cum ceteris, pag. 17.

## Capitulum.

## Act. 1.

**P**RIMUM quidem sermónem feci de ómnibus o Theophile, quæ cœpit Jesus facere, et docere usque in diem, quæ præcipiens Apóstolis per Spiritum sanctum, quos elegit, assumptus est.

## Hymnus.

**T**u Christe nostrum gaudium,

Manens olympo præditum :

Mundi regis qui fabricam,

Mundana vincens gaudia :

HINC te precantes quaesumus,

Ignosce culpis ómnibus :

Et corda sursum subleua

Ad te supérna grátia.

UT cum repente cœperis

Clarere nube Iudicis,

Pœnas repellas débitas,

Reddas coronas pérditas.

Tu esto nostrum gaudium,

Qui es futurus præmium :

Sit nostra in te glória,

Per cuncta semper sæcula.

GLORIA tibi Dómine,

Qui scandis supra sidera,

Cum Patre et sancto Spiritu,

In sempiterna sæcula. Amen.

¶ A summo cælo egressio ejus, allelúia. Et occursus ejus usque ad summum ejus, allelúia.

Ad Benedictus Añā. Si diligitis me, mandata mea servate, allelúia, allelúia, allelúia. Non dicuntur Preces.

## Oratio.

**P**RÆSTA, quaesumus omnipotens Deus : ut claritatis tuæ super nos splendor effulgeat; et lux tuæ lucis corda eorum, qui per grátiam tuam renati sunt, sancti Spiritus illustratione confirmet. Per Dóminum... in unitate ejusdem.

Ad Memoriam B. Mariæ V. in Laudibus Añā. Beata Dei Génitrix Maria, Virgo perpétua, templum Dómini, sacrarium Spiritus sancti, tu sola sine exemplo placuisti Dómino nostro Jesu Christo : ora pro pópulo, intéveni pro clero, intercède pro devoto femineo sexu, allelúia, allelúia.

¶ Elégit eam Deus, et præelégit eam, allelúia. Et habitare eam facit in tabernáculo suo, allelúia.

## Oratio.

**C**ONCEDE nos famulos tuos, quaesumus Dómine Deus, perpétua mentis et corporis salute gaudere : et gloriósa beatæ Mariæ semper Virginis intercessióne a præsentí liberári tristitia, et ætérna perfrui lætitia. Per.

Post ultimam Orationem, dicto Dóminus vobiscum., subditur : Benedicámus Dómino, allelúia. Et. Deo grátias, allelúia.

## AD PRETIOSA.

## Evangelium.

Secúndum Joánnem. Cap. 14.

**I**N illo tempore : Dixit Jesus discipulis suis : Si diligitis me mandata mea servate. Et ego rogábo Patrem, et alium Paráclitum dabit vobis. Tu autem Dómine.



## AD PRIMAM.

Añā. Viri Galilæi quid aspici-  
tis in cælum? Hic Jesus, qui  
assumptus est a vobis in cæ-  
lum, sic veniet, allelúia.

Capitulum. Zach. 8.

**P**ACEM et veritatem dili-  
gite, ait Dóminus omnipo-  
tens.

R. Jesu Christe Fili Dei vivi  
miserere nobis, \* Allelúia, alle-  
lúia. Jesu Christe. V. Qui scan-  
dis supra sidera. Allelúia.  
Glória. Jesu Christe.

V. Exsúrge Dómine, adjuva  
nos, allelúia. R. Et libera nos  
propter nomen tuum, alle-  
lúia.

Kyrie eléison. Christe eléison.  
Kyrie eléison. Pater noster.  
secreto.

Et ne nos indúcas in tenta-  
tiónem. R. Sed libera nos a  
malo.

V. Vivet ánima mea, et lau-  
dabit te. R. Et iudicia tua  
adjuvábunt me.

V. Errávi sicut ovis, quæ  
péiit. R. Quære servum tuum  
Dómine, quia mandata tua  
non sum oblitus.

Credo in Deum. secreto.  
Carnis resurrectionem. R. Vi-  
tam ætérnam. Amen.

Confiteor... Misereátur...  
V. Dignare Dómine die isto.  
R. Sine peccáto nos custo-  
dire.

Dóminus vobiscum. R. Et  
cum spiritu tuo.

Orémus. Oratio.

**D**OMINE Deus omnipotens,  
qui ad principium hujus  
diéi nos pervenire fecisti, tua  
nos hódie salva virtúte : ut in

hac die ad nullum declinémus  
peccátum; sed semper ad tuam  
justitiam faciendam nostra  
procédant eloquia, dirigántur  
cogitatiónes et ópera. Per Dó-  
minum.

Dóminus vobiscum. R. Et  
cum spiritu tuo.

Benedicámus Dómino. R. Deo  
grátias.

† Ad reliquas Horas non di-  
cantur Preces.

## AD TERTIAM.

Añā. Cumque intueréntur in  
cælum eúntem illum, dixerunt,  
allelúia.

Capitulum Act. 1.

**P**RIMUM quidem sermonem  
feci de omnibus o Theó-  
phile, quæ coepit Jesus fácere  
et docére, usque in diem, qua  
præcípíens Apóstolis per Spi-  
ritum sanctum, quos elégit,  
assumptus est.

R. Eleváta est magnificén-  
tia tua, \* Allelúia, allelúia.  
Eleváta est. V. Super cælos  
Deus. Allelúia. Glória. Elevá-  
ta est.

V. Ascéndit Deus in jubila-  
tiónem, allelúia. R. Et Dóminus  
in voce tubæ, allelúia.

Oratio.

**P**RÆSTA, quæsumus omnipo-  
tens Deus : ut claritátis tuæ  
super nos splendor effúlgeat ;  
et lux tuæ lucis corda eórum,  
qui per grátiam tuam renáti  
sunt, sancti Spíritus illustra-  
tiónem confirmet. Per Dómi-  
num... in unitáte ejúsdem.

## AD SEXTAM.

Añā. Elevátis mánibus bene-  
dixit eis, et ferebátur in cæ-  
lum, allelúia.

## Capitulum.

Act. 1.

**E**T convēscens præcepit eis ab Jerosólymis ne discēderent, sed expectārent promissionem Patris, quam audistis (inquit) per os meum.

R. Ascēdit Deus in jubilatōne, \* Allelúia, allelúia. Ascēdit. V. Et Dóminus in voce tubæ. Allelúia. Glória. Ascēdit.

V. Ascēdens Christus in altum, allelúia. R. Captivam duxit captivitatem, allelúia.

## Oratio.

**P**RÆSTA, quæsumus omnipotens Deus : ut claritatis tuæ super nos splendor effulgeat; et lux tuæ lucis corda eórum, qui per grátiam tuam renáti sunt, sancti Spiritus illustratione confirmet. Per Dóminum... in unitate ejúsdem.

## AD NONAM.

Añ. Vidéntibus illis elevátus est : et nubes suscepit eum in cælum, allelúia.

## Capitulum.


Act. 1.

**V**IRI Galilæi quid statis aspicientes in cælum? Hic Jesus, qui assumptus est a vobis in cælum, sic veniet quemadmodum vidistis eum euntem in cælum.

R. Ascēdens Christus in altum, \* Allelúia, allelúia. Ascēdens. V. Captivam duxit captivitatem. Allelúia. Glória. Ascēdens.

V. A summo cælo egressio ejus, allelúia. R. Et occursus ejus usque ad summum ejus, allelúia.

Oratio Præsta, quæsumus, ut ad Sextam.



## DOMINICA PENTECOSTES.

## TOTUM DUPLEX.

## AD I. VESPERAS.

Omissis Psalmis Laudate pueri Dóminum. et Laudate Dóminum omnes gentes, dicantur tres Psalmi sequentes :

## Psalmus 145.

**L**AUDA ánima mea Dóminum, & laudábo Dóminum in vita mea : \* psallam Deo meo quámdiu fuero.

Nolite confidere in principibus : \* in filiis hóminum, in quibus non est salus.

Exibit spíritus ejus, et revertétur in terram suam : \* in illa die peribunt omnes cogitationes eórum.

Beátus, cujus Deus Jacob adjutor ejus, & spes ejus in Dómino Deo ipsius : \* qui fecit cælum et terram, mare, et ómnia, quæ in eis sunt.

Qui custódit veritatem in sæculum, & facit judicium injuriam patiéntibus : \* dat escam esuriéntibus.

Dóminus solvit compeditos : \* Dóminus illúminat cæcos.

Dóminus érigit elisos, \* Dóminus diligit justos.

Dóminus custódit ádvenas, & pupillum, et viduam suscipiet : \* et vias peccatórum dispédet.

Regnabit Dóminus in sæcula & Deus tuus Sion, \* in generationem et generationem.

## Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudatio.

Ædificans Jerúsalem Dóminus : \* dispersiónes Israëlís congregábit.

Qui sanat contritos corde : \* et alligat contritiónes eórum.

Qui númerat multitúdinem stellárum : \* et ómnibus eis nómina vocat.

Magnus Dóminus noster, et magna virtus ejus : \* et sapiéntiæ ejus non est númerus.

Suscípiens mansuétos Dóminus : \* humilians autem peccatóres usque ad terram.

Præcínite Dómino in confesióné : \* psállite Deo nostro in cithara.

Qui óperit cælum núbibus : \* et parat terræ plúviam.

Qui producit in móntibus fœnum : \* et herbam servituti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi volúntatem habébit : \* nec in tibiis viri beneplácitum erit ei.

Beneplácitum est Dómino super timéntes eum : \* et in eis, qui sperant super misericórdia ejus.

## Psalmus 147.

**L**AUDA Jerúsalem Dóminum : \* lauda Deum tuum Sion.

Quóniam confortávit seras portárum tuárum : \* benedíxit filiis tuis in te.

Qui pósuit fines tuos pacem : \* et ádipe fruménti satiati te.



Qui emittit eloquium suum  
terre : \* velociter currit sermo  
ejus.

Qui dat nivem sicut lanam : \*  
nébulam sicut cinerem spargit.  
Mittit crystallum suam sicut  
buccéllas : \* ante faciém frigi-  
oris ejus quis sustinébit?

Emittet verbum suum, et li-  
quefaciet ea : \* flabit spiritus  
ejus, et fluent aquæ.

Qui annútiat verbum suum  
Jacob : \* justítias, et judícia  
sua Israel.

Non fecit taliter omni natió-  
ni : \* et judícia sua non mani-  
festávit eis.

Añã. Veni sancte Spiritus :  
reple tuórum corda fidélium,  
et tui amoris in eis ignem ac-  
cende : qui per diversitatem  
linguárum multárum gentes in  
unitate fidei congregásti, alle-  
lúia, allelúia, allelúia.

Capitulum.

Act. 2.

**F**ACTUS est repente de cælo  
sonus, tamquam adveni-  
entis spiritus vehementis, et re-  
plévit totam domum ubi erant  
Apóstoli sedéntes.

R. Repléti sunt omnes Spi-  
ritu sancto, et cœperunt loqui,  
prout Spiritus sanctus dabat  
éloqui illis : \* Et convénit mul-  
títúdo dicéntium, Allelúia.  
V. Loquebántur váriis linguis  
Apóstoli magnália Dei. — Et  
convénit. Glória, Allelúia.

Hymnus.

**B**EATA nobis gaudia  
Anni redúxit órbita,  
Cum Spiritus Paráclitus  
Effúlsit in discípulos.

IGNIS vibrante lumine  
Linguæ figúram détulit,  
Verbis ut essent próflui  
Et caritate férvidi.

LINGUIS loquúntur ómnium,  
Turbæ pavent Gentilium :  
Musto madére députant  
Quos Spiritus repléverat.

PATRATA sunt hæc mystice  
Paschæ peracto tempore,  
Sacro diérum número,  
Quo Lege fit remissio.

TE nunc Deus piissime  
Vultu precámur cœnuo,  
Illápsa nobis cœlitus  
Largíre dona Spiritus.

DUDUM sacráta pectora  
Tua replésti grátia :  
Dimitte nunc peccámina,  
Et da quiéta tempora.

SIT laus Patri cum Filio,  
Sancto simul Paráclito :  
Nobisque mittat Filius  
Charisma sancti Spiritus.  
Amen.

† Istæ duæ ultimæ Strophæ  
dicantur in fine Hymnorum  
per totam Hebdomadam nisi  
in Hymno Veni Créator., in  
quo dicitur tantum Strophæ  
Sit laus.

R. Repléti sunt omnes Spiritu  
sancto, allelúia. R. Et cœpe-  
runt loqui, allelúia.

Ad Magnificat Añã. Non vos  
relinquam órphanos, allelúia :  
vado, et vénio ad vos, allelúia :  
et gaudébit cor vestrum, alle-  
lúia.

Oratio.

**P**RÆSTA, quæsumus omni-  
pens Deus : ut claritátis tuæ  
super nos splendor effúlgat ;  
et lux tuæ lucis corda eórum,  
qui per grátiam tuam renáti  
sunt, sancti Spiritus illustra-  
tione confirmet. Per Dóminum...  
in unitate ejúsdem.

IN COMPLETORIO.

† Omittatur Psalmus Qui há-  
bitat. usque ad Sabbatum se-  
quens exclusive.

Ad Nunc dimittis Aña. Allelúia, Spiritus Paráclitus, allelúia, docébit vos ómnia, allelúia, allelúia. † Et dicatur usque ad Sabbatum sequens exclusive.

## AD MATUTINUM.

Invitatorium. Allelúia, Spiritus Dómini replévit orbem terrarum : \* Veníte adorémus allelúia.

## Hymnus.

JAM Christus astra ascénderat, Regressus unde vénerat, Promissum Patris múnere Sanctum datúrus Spiritum.

SOLEMNIS urgébat dies, Quo mystico septémplici Orbis volútus sépties, Signat beáta témpora.

DUM hora cunctis tértia Repénite mundus insonat, Orántibus Apóstolis Deum venisse núntiat.

DE Patris ergo lúmine Decórus ignis missus est : Qui fida Christi pectora Calóre verbi cómpleat.

DUDUM. SIT laus. etc. ut in j. Vesperis.

## IN NOCTURNO.

## Psalmus 47.

MAGNUS Dóminus, et laudábilis nimis \* in civitáte Dei nostri, in monte sancto ejus.

Fundátur exsultatíone universæ terræ mons Sion, \* látera aquilonis, civitas Regis magni.

Deus in dómibus ejus cognoscétur, \* cum suscipiet eam.

Quóniam ecce reges terræ congregátí sunt : \* convenérunt in unum.

Ipsi vidéntes sic admirátí sunt, conturbátí sunt, commóti

sunt : \* tremor apprehéndit eos.

Ibi dolóres ut parturiéntis, \* in spiritu veheménti cónteres naves Tharsis.

Sicut audívimus, sic vídimus in civitáte Dómini virtútum, & in civitáte Dei nostri : \* Deus fundávit eam in ætérnum.

Suscévimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justítia plena est dextera tua.

Lætétur mons Sion, et exsúltent filiæ Judæ, \* propter judícia tua Dómine.

Circúmdate Sion, et completimini eam : \* narráte in túribus ejus.

Pónite corda vestra in virtúte ejus : \* et distribúite domos ejus, ut enarrétis in progenie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

Aña. Factus est repénite de cælo sonus adveniéntis spiritus veheméntis, allelúia, allelúia.

## Psalmus 67.

EXSURGAT Deus, et dissipéntur inimici ejus, \* et fúgiant qui odérunt eum, a fácie ejus.

Sicut déficit fumus, deficiant : \* sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : \* et delecténtur in lætítia.

Cantáte Deo, psalmum dicite nómini ejus : & iter fácite ei, qui ascéndit super occásun : \* Dóminus nomen illi.

Exsultate in conspectu ejus, \* turbabuntur a facie ejus, patris orphanorum, et iudicis viduarum.

Deus in loco sancto suo : \* Deus qui inhabitare facit unius moris in domo :

Qui educit vinctos in fortitudine, \* similiter eos, qui exasperant, qui habitant in sepulchris.

Deus cum egredereris in conspectu populi tui, \* cum pertransires in deserto :

Terra mota est, etenim caeli distillaverunt a facie Dei Sinaï, \* a facie Dei Israel.

Pluviam voluntariam segregabis Deus hereditati tuæ : et infirmata est, \* tu vero perfecisti eam.

Animalia tua habitabunt in ea : \* parasti in dulcedine tua pauperi, Deus.

Dominus dabit verbum evangelizantibus, \* virtute multa.

Rex virtutum dilecti dilecti : \* et speciei domus dividere spolia.

Si dormiatis inter medios ceros, pennæ columbæ deargentatæ, \* et posteriora dorsi ejus in pallore auri.

Dum discernit cælestis reges super eam, nive dealbabuntur in Selmon : \* mons Dei, mons pinguis.

Mons coagulatus, mons pinguis : \* ut quid suspicamini montes coagulatos ?

Mons, in quo beneplacitum est Deo habitare in eo : \* etenim Dominus habitabit in finem.

Currus Dei decem millibus multiplex, millia lætantium : \* Dominus in eis in Sina in sancto.

Ascendisti in altum, & cepisti

captivitatem : \* accepisti dona in hominibus :

Etenim non credentes, \* inhabitare Dominum Deum.

Benedictus Dominus die quotidie : \* prosperum iter faciet nobis Deus salutarium nostrorum.

Deus noster, Deus salvos faciendi : \* et Domini, Domini exitus mortis.

Verumtamen Deus confringet capita inimicorum suorum : \* verticem capilli perambulantium in delictis suis.

Dixit Dominus : Ex Basan convertam, \* convertam in profundum maris :

Ut intingat pes tuus in sanguine : \* lingua canum tuorum ex inimicis, ab ipso.

Viderunt ingressus tuos Deus, \* ingressus Dei mei : regis mei qui est in sancto.

Prævenérunt principes conjuncti psallentibus, \* in medio juvenularum tympanistriarum.

In ecclesiis benedicite Deo Domino, \* de fontibus Israel.

Ibi Benjamin adolescentulus, \* in mentis excessu.

Principes Juda, duces eorum : \* principes Zabulon, principes Nephthali.

Manda Deus virtuti tuæ : \* confirma hoc Deus, quod operatus es in nobis.

A templo tuo in Jerusalem, \* tibi offerent reges munera.

Increpa feras arundinis, & congregatio taurorum in vacis populorum : \* ut excludant eos, qui probati sunt argento.

Dissipa gentes, quæ bella volunt : & venient legati ex Ægypto : \* Æthiopia præveniet manus ejus Deo.



Regna terræ, cantáte Deo : \*  
psállite Dómino :

Psállite Deo, qui ascéndit super  
cælum cæli, \* ad oriéntem.

Ecce dabit voci suæ vocem  
virtútis, & date glóriam Deo  
super Israel, \* magnificéntia  
ejus, et virtus ejus in núbibus.

Mirábilis Deus in sanctis  
suis, & Deus Israel ipse dabit  
virtutem, et fortitúdinem plebi  
suæ, \* benedíctus Deus.

Añs. Confirma hoc Deus,  
quod operátus es in nobis : a  
templo sancto tuo, quod est in  
Jerúsalem, allelúia, allelúia.

Psalmus 103.

**B**ENEDIC ánima mea Dómi-  
no : \* Dómine Deus meus  
magnificátus es veheménter.

Confessióm, et decórem in-  
duísti : \* amictus lúmine sicut  
vestiménto :

Exténdens cælum sicut pel-  
lem : \* qui tegis aquis supe-  
rióra ejus.

Qui ponis nubem ascénsu  
tuum : \* qui ámbulas super  
pennas ventórum.

Qui facis Angelos tuos, spíri-  
tus : \* et ministros tuos ignem  
uréntem.

Qui fundásti terram super  
stabilitátem suam : \* non in-  
clinábitur in sæculum sæculi.

Abyssus, sicut vestiméntum,  
amictus ejus : \* super montes  
stabunt aquæ.

Ab increpatione tua fú-  
gient : \* a voce tonitruí tui  
formidábunt.

Ascéndunt montes : et de-  
scéndunt campi \* in locum,  
quem fundásti eis.

Términum posuisti, quem  
non transgrediéntur : \* neque  
converténtur operíre terram.

Qui emittis fontes in convál-  
libus : \* inter médium món-  
tium pertransibunt aquæ.

Potábunt omnes béstie  
agri : \* expectábunt ónagri in  
siti sua.

Super ea vólucres cæli habi-  
tábunt : \* de médio petrárum  
dabunt voces.

Rigans montes de superióri-  
bus suis : \* de fructu óperum  
tuórum satiábitur terra :

Prodúcens scænum jumén-  
tis, \* et herbam servitúti hó-  
minum :

Ut edúcas panem de terra : \*  
et vinum lætificet cor hóminis :  
Ut exhilarét fáciem in  
óleo : \* et panis cor hóminis  
confirmet.

Saturabúntur ligna campi, &  
et cedri Libáni, quas plantá-  
visti : \* illic pásseres nidificá-  
bunt.

Heródii domus dux est eó-  
rum : & montes excélsi cervis : \*  
petra refúgium herináciis.

Fecit lunam in témpora : \*  
sol cognóvit occásu suum.

Posuisti ténebras, et facta est  
nox : \* in ipsa pertransibunt  
omnes béstie silvæ.

Cátuli leónum rugiéntes, ut  
rápian, \* et quærant a Deo  
escam sibi.

Ortus est sol, et congregáti  
sunt : \* et in cubilibus suis col-  
locabúntur.

Exíbit homo ad opus suum : \*  
et ad operatióm suam usque  
ad vésperum.

Quam magnificáta sunt ópera  
tua Dómine ! & ómnia in sa-  
piéntia fecisti : \* impléta est  
terra possessiõe tua.

Hoc mare magnum, et spa-  
tiósum mánibus : \* illic reptí-  
lia, quorum non est númerus.

Animália pusilla cum magnis : \* illic naves pertransibunt :

Draco iste, quem formásti ad illudéndum ei : \* ómnia a te expéctant ut des illis escam in témpore.

Dante te illis, colligent : \* aperiénte te manum tuam, ómnia implebúntur bonitáte.

Averténte autem te faciém, turbabúntur : ⁊ áuferes spiritum eórum, et deficient, \* et in pulverem suum reverténtur.

Emittes spiritum tuum, et creabúntur : \* et renovábis faciém terræ.

Sit glória Dómini in sæculum : \* lætábitur Dóminus in opéribus suis :

Qui respicit terram, et facit eam trémere : \* qui tangit montes, et fúmigant.

Cantábo Dómino in vita mea : \* psallam Deo meo quámdiu sum.

Jucúndum sit ei elóquium meum : \* ego vero delectábor in Dómino.

Deficiant peccatóres a terra, ⁊ et iniqui ita ut non sint : \* benedic ánima mea Dómino.

Aññ. Emitte Spiritum tuum, et creabúntur : et renovábis faciém terræ, allelúia, allelúia.

Ÿ. Repléti sunt omnes Spíritu sancto, allelúia. R̃. Et eccepérunt loqui, allelúia.

Lectio sancti Evangelii  
secúndum Joánnem.

Lectio j. Cap. 14.

**I**n illo témpore : Dixit Jesus discipulis suis : Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus. Et réliqua.

Homília sancti Gregórii Papæ.  
(Hom. 30. in Eváng.)

**L**IBET, fratres carissimi, Evángelice verba lectionis sub brevitate transcurrere, ut post diútius liceat in contemplatione tantæ solemnitatis immorári. Hódie namque Spiritus sanctus repentino sónitu super discipulos venit, mentesque carnálum in sui amorem permutávit, et foris apparentibus linguis igneis, intus facta sunt corda flammántia : quia dum Deum in ignis visione suscepérunt, per amorem suáriter arsérunt. Ipse namque Spiritus sanctus amor est ; unde et Joánnes dicit : Deus caritas est. Qui ergo mente integra Deum desiderat, profecto jam habet, quem amat. Neque enim quisquam posset Deum diligere, si eum, quem diligit, non haberet.

R̃. j. Dum compleréntur dies Pentecóstes, erant omnes páriter sedéntes, allelúia : et súbito factus est sonus de cælo, allelúia, \* Tamquam spiritus veheméntis, et replévit totam domum, allelúia, allelúia. Ÿ. Dum ergo essent in unum discipuli congregáti propter metum Judæórum, sonus repénite de cælo venit super eos. — Tamquam spiritus veheméntis.

Lectio ij.

**S**ED ecce, si unusquisque vestrum requirátur an diligit Deum : tota fidúcia, et secúramente respóndet, Diligo. In ipso autem lectionis exórdio audistis quid Véritas dicit : Si quis diligit me, sermónem meum servábit. Probátio ergo dilectionis, exhibitio est óperis.

Hinc in epístola sua idem Joánnes dicit : Qui dicit, Diligo Deum, et mandata ejus non custodit, mendax est. Vere etenim Deum diligimus, et mandata ejus custodimus, si nos a nostris voluptatibus coarctamus. Nam qui adhuc per illicita desidéria diffluit, profecto Deum non amat : quia ei in sua voluntate contradicit.

R. ij. Repléti sunt omnes Spiritu sancto, et cœperunt loqui, prout Spiritus sanctus dabat eloqui illis : \* Et convénit multitúdo dicéntium, allelúia. V. Loquebántur váriis linguis Apóstoli magnália Dei. — Et convénit multitúdo dicéntium, allelúia.

### Lectio iij.

**S**ED vidéte quid Véritas dicat : Veniémus, et mansiónem apud eum faciémus. In quorúmdam etenim corda venit, et mansiónem non facit : quia per compunctionem quidam Dei respectum percipiunt, sed tentationis témpore hoc ipsum, quo compuncti fúerant, obliviscúntur : sicque ad perpetranda peccáta rédeunt, ac si hæc minime planxissent. Qui ergo Deum vere diligit, qui ejus mandata custodit, in ejus corde Dóminus et venit, et mansiónem facit : quia sic eum amor penetrat Divinitátis, ut ab hoc amore tentationis témpore non recédât. Ille ergo vere amat, cujus videlicet mentem delectatio prava ex consensu non súperat.

R. iij. Spiritus sanctus procedens a throno, Apostolorum pectora invisibiliter penetrávit, novum sanctificationis signum : \* Ut in ore eorum

ómnium génera nasceréntur linguárum, Allelúia. V. Advénit ignis divínus, non combúrrens, sed illúminans : et tribuit eis charismatum dona. — Ut in ore eorum. Glória. Allelúia.

Ante Laudes V. Emitte Spiritum tuum, et creabúntur, allelúia. R. Et renovábis faciém terræ, allelúia.

### AD LAUDES

#### ANTIPHONÆ.

1. Dum compleréntur dies Pentecóstes, erant omnes páriter sedéntes, allelúia. Psalmus Dóminus regnávit. cum ceteris, pag. 17.

2. Spiritus Dómini replévit orbem terrárum, allelúia.

3. Repléti sunt omnes Spiritu sancto, et cœperunt loqui, allelúia.

4. Fontes, et ómnia, quæ móvêntur in aquis, hymnum dicite Deo, allelúia.

5. Loquebántur váriis linguis Apóstoli magnália Dei, allelúia, allelúia, allelúia.

#### Capitulum.

Act. 2.

**F**ACTUS est repénse de cælo sonus, tamquam adveniéntis spiritus veheméntis, et replévit totam domum ubi erant Apóstoli sedéntes.

#### Hymnus.

**I**MPLATA gaudent viscera Afflata sancto Spiritu, Voces divérsas intonant, Fantur Dei magnália.

EX omni gente cõgniti, Græcis, Latinis, Bárbaris, Cunctisque admirántibus, Linguis loquúntur ómnium.

JUDÆA tunc incrédula, Vesána torvo spiritu, Ructáre musti crápulam Alúmnos Christi cõncepat.



SED signis et virtutibus  
Occurrit et docet Petrus  
Falsa profari perfidos,  
Joëlis testimonio.

DUDUM sacrata pectora  
Tua replēsti grātia :  
Dimitte nunc peccamina,  
Et da quēta tēpora.

SIT laus Patri cum Filio,  
Sancto simul Parāclito :  
Nobisque mittat Filius  
Charisma sancti Spiritus.

Amen.

¶ Spiritus Parāclitus, alle-  
lūia. R. Docēbit vos omnia,  
allelūia.

Ad Benedictus Añā. Acci-  
pite Spiritum sanctum : quo-  
rum remisēritis peccāta, remit-  
tuntur eis, allelūia.

Oratio.

**D**EUS, qui hodierna die corda  
fidelium sancti Spiritus  
illustratione docuisti : da no-  
bis in eodem Spiritu recta sā-  
pere, et de ejus semper con-  
solatione gaudere. Per Dōmi-  
num... in unitate ejusdem.

AD PRIMAM.

Añā. Dum complerentur dies  
Pentecostes, erant omnes pā-  
riter sedentes, allelūia.

R. Jesu Christe Fili Dei vivi  
miserere nobis, \* Allelūia, alle-  
lūia. Jesu Christe. ¶. Qui  
sedes ad dexteram Patris. Al-  
lelūia. Glōria. Jesu Christe.

¶. Exsurge Dōmine, adjuva  
nos, allelūia. R. Et libera nos  
propter nomen tuum, allelūia.

AD TERTIAM.

Pater noster. Deus in adjutō-  
rium, etc.

Hymnus.

Hic genuflectitur usque ad  
Qui Parāclitus diceris.

**V**ENI Creātor Spiritus,  
Mentes tuōrum visita,  
Imple superna grātia  
Quae tu creāsti pēctora.

QUI Parāclitus diceris,  
Donum Dei altissimi,  
Fons vivus, ignis, caritas,  
Et spiritalis unctio.

TU septiformis munere,  
Dextrae Dei tu digitus,  
Tu rite promissum Patris,  
Sermone ditans guttura.

ACCENDE lumen sensibus,  
Infunde amorem cordibus,  
Infirma nostri corporis  
Virtute firmans perpeti.

HOSTEM repellas longius,  
Pacemque dones protinus :  
Ductore sic te praevio,  
Vitemus omne noxium.

PER te sciamus da Patrem,  
Noscamus atque Filium,  
Te utriusque Spiritum  
Credamus omni tempore.

SIT laus Patri cum Filio,  
Sancto simul Parāclito :  
Nobisque mittat Filius  
Charisma sancti Spiritus.

Amen.

† Iste Hymnus dicatur ad  
Tertiam per totam Hebdoma-  
dam.

Añā. Spiritus Dōmini replē-  
vit orbem terrarum, allelūia.  
Psalmus Legem pone. etc.

Capitulum.

Act. 2.

**F**ACTUS est repente de caelo  
sonus, tamquam adveniē-  
tis spiritus vehementis, et re-  
plēvit totam domum ubi erant  
Apōstoli sedentes.

R. Replēti sunt omnes Spiritu  
sancto, \* Allelūia, allelūia.  
Replēti sunt omnes. ¶. Et cō-  
pērunt loqui. Allelūia. Glōria.  
Replēti sunt omnes.

¶ Loquebántur váriis linguis Apóstoli, allelúia. R. Magnália Dei, allelúia.

Dóminus vobiscum. R. Et cum spíritu tuo.

Orémus.

Oratio.

**D**EUS, qui hodiérna die cor-  
da fidélium sancti Spíritus  
illustratióne docuísti : da nobis  
in eódem Spíritu recta sápere,  
et de ejus semper consolatíone  
gaudére. Per Dóminum..in uni-  
tate ejúsdem.

Dóminus vobiscum. R. Et  
cum spíritu tuo.

Benedicámus Dómino. R. Deo  
grátias.

#### AD SEXTAM.

Añá. Repléti sunt omnes  
Spíritu sancto, et cœpérunt  
loqui, allelúia.

Capitulum. Act. 2.

**A**PPARUERUNT Apóstolis dis-  
pertitæ linguæ tamquam  
ignis, sedítque supra singulos  
eórum Spíritus sanctus.

R. Loquebántur váriis lin-  
guis Apóstoli, \* Allelúia, alle-  
lúia. Loquebántur. V. Magná-  
lia Dei. Allelúia. Glória. Lo-  
quebántur.

¶ Spíritus Dómini replévit  
orbem terrárum, allelúia.  
R. Et hoc, quod cóninet óm-  
nia, sciéntiam habet vocis,  
allelúia.

#### AD NONAM.

Añá. Loquebántur váriis lin-  
guis Apóstoli magnália Dei,  
allelúia, allelúia, allelúia.

Capitulum. Act. 2.

**F**ACTA autem hac voce, con-  
venit multitúdo, et mente  
confúsa est, quóniam audié-  
bat unusquisque lingua sua  
illos loquéntes.

R. Spíritus Dómini replévit  
orbem terrárum, \* Allelúia,  
allelúia. Spíritus Dómini. V. Et  
hoc, quod cóninet ómnia,  
sciéntiam habet vocis. Alle-  
lúia. Glória. Spíritus Dómini.

¶ Spíritus Paráclitus, alle-  
lúia. R. Docébit vos ómnia,  
allelúia.

¶ Idem modus servetur ad  
Horas per totam Hebdoma-  
dam, nisi quod ad Tertiam,  
Sextam et Nonam dicitur Ora-  
tio de Feria occurrente.

#### AD II. VESPERAS.

Dicantur tres tantum Psalmi  
sequentes :

Psalmus 109.

**D**IXIT Dóminus Dómino  
meo : \* Sede a dextris  
meis :

Donec ponam inimicos tuos, \*  
scabéllum pedum tuórum.

Virgam virtútis tuæ emittet  
Dóminus ex Sion : \* domináre  
in médio inimicórum tuórum.

Tecum princípium in die vir-  
tútis tuæ in splendóribus san-  
ctorum : \* ex útero ante luci-  
ferum génuí te.

Jurávit Dóminus, et non pœ-  
nitébit eum : \* Tu es sacérdos  
in ætérnum secúndum órđinem  
Melchisedech.

Dóminus a dextris tuis, \*  
confrégit in die iræ suæ reges.

Judicábit in natió nibus, im-  
plébit ruínas : \* conquassábit  
cápita in terra multórum.

De torrén te in via bibet : \*  
proptérea exaltábit caput.

Psalmus 110.

**C**ONFITEBOR tibi Dómine in  
toto corde meo : \* in con-  
silio justórum, et congrega-  
tióne.

Magna ópera Dómini : \* exquisita in omnes voluntates ejus.

Confessio et magnificéntia opus ejus : \* et justitia ejus manet in sæculum sæculi.

Memóriam fecit mirabílium suórum, & miséricors et miserátor Dóminus : \* escam dedit tíméntibus se.

Memor erit in sæculum testaménti sui : \* virtútem óperum suórum annuntiábit pópulo suo :

Ut det illis hereditátem gén-tium : \* ópera mánuum ejus veritas et judícium.

Fidélia ómnia mandáta ejus : & confirmáta in sæculum sæculi, \* facta in veritate et æquitate.

Redemptiónem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus faciéntibus eum : \* laudatio ejus manet in sæculum sæculi.

#### Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divítiae in domo ejus : \* et justitia ejus manet in sæculum sæculi.

Exórtum est in ténebris lumen rectis ; \* miséricors, et miserátor, et justus.

Jucúndus homo qui miserétur et cómmodat, & dispónet sermónes suos in judicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, & déntibus suis fremet et tabéscet : \* desidérium peccatórum peribit.

Añá. Dum compleréntur dies Pentecóstes, erant omnes páriter sedéntes, allelúia.

#### Capitulum.

Act. 2.

**F**ACTUS est repén-te de cælo sonus, tamquam adveniéntis spiritus veheméntis, et replévit totam domum ubi erant Apóstoli sedéntes.

#### Hymnus.

**B**EATA nobis gáudia  
Anni redúxit órbita,  
Cum Spíritus Paráclitus  
Effúlsit in discipulos.

IGNIS vibránte lúmine  
Linguae figúram détulit,  
Verbis ut essent próflui  
Et caritate férvidi.

LINGUIS loquúntur ómnium,  
Turbæ pavent Gentílium :  
Musto madére députant  
Quos Spíritus repléverat.

PATRATA sunt hæc mystice  
Paschæ perácto témpore,  
Sacro diérum número,  
Quo Lege fit remissio.

TE nunc Deus piíssime  
Vultu precámur cernuo,  
Illápsa nobis cælitus  
Largire dona Spíritus.



DUDUM sacrata pectora  
Tua replésti grátia :  
Dimitte nunc peccamina,  
Et da quiéta témpora.

SIT laus Patri cum Filio,  
Sancto simul Paráclito :  
Nobisque mittat Filius  
Charisma sancti Spíritus.  
Amen.

¶ Repléti sunt omnes Spíritu  
sancto, allelúia. R. Et cœpé-  
runt loqui, allelúia.

Ad Magnificat Añā. Hódie  
compléti sunt dies Pentecóstes,  
allelúia : hódie Spíritus san-  
ctus in igne discipulis appá-  
ruit : et tribuens eis charisma-  
tum dona misit eos in univér-  
sum mundum prædicáre, et  
testificári : Qui crediderit, et  
baptizátus fuerit, salvus erit,  
allelúia.

Oratio.

**D**EUS, qui hodiérna die corda  
fidélium sancti Spíritus il-  
lustratióne docuísti : da nobis  
in eódem Spíritu recta sápere,  
et de ejus semper consolatióne  
gaudére. Per Dóminum... in  
unitate ejúsdem.

† Idem modus servetur in  
Vesperis quotidie usque ad  
Vesperas Sabbati sequentis  
exclusive, nisi quod Antiphona  
ad Magnificat et Oratio de  
Feria occurrente dicentur, ut  
suis locis notatum est.

FERIA SECUNDA.

TOTUM DUPLEX.

AD MATUTINUM.

Invitorium. Repléti sunt  
omnes Spíritu sancto, \* Alle-  
lúia.

Hymnus Jam Christus astra  
ascenderat., pag. 563.

IN NOCTURNO.

Super Psalmos sola Añā. Fa-  
ctus est repénse de cælo sonus

adveniéntis spíritus vehemén-  
tis, allelúia, allelúia. Psalmi ut  
in Nocturno Festi, pag. 563.

¶ Repléti sunt omnes Spíritu  
sancto, allelúia. R. Et cœpé-  
runt loqui, allelúia.

Lectio sancti Evangélii  
secúndum Joánnem.

Lectio j. Cap. 3.

**I**N illo témpore : Dixit Jesus  
Nicodémo : Sic Deus diléxit  
mundum, ut Filium suum uni-  
génitum daret : ut omnis, qui  
credit in eum, non péreat, sed  
hábeat vitam ætérnam. Et ré-  
liqua.

Homília sancti Augustíni  
Episcopi.

(Tract. 12. in Joann.)

**N**OSTIS, fratres, quia invi-  
dia diaboli mors intrávit  
in mundum. Jesus autem Fi-  
lius Dei mortem suscepit, et  
mortem suspéndit in cruce, et  
de ipsa morte liberántur mor-  
táles. Sicut, inquit, Móyses  
exaltávit serpéntem in desér-  
to, ita exaltári oportet Filium  
hóminis. Magnum sacramén-  
tum. Quómodo, qui intuebán-  
tur illum serpéntem, non per-  
ibant mórsibus serpéntum ;  
sic, qui intuéntur fide mortem  
Christi, sanántur a mórsibus  
peccatórum. Sed illi sanabán-  
tur ad vitam temporálem ; hi  
autem ad vitam ætérnam.

R. j. Jam non dicam vos ser-  
vos, sed amicos meos, quia  
omnia cognovístis, quæ ope-  
ráus sum in médio vestri, al-  
lelúia. \* Accipite Spíritum san-  
ctum in vobis Paráclitum : ipse  
est, quem Pater mittet vobis,  
allelúia. ¶ Quorum remiséri-  
tis peccáta, remittúntur eis. —  
Accipite Spíritum sanctum.

## Lectio ij.

**N**ON enim misit Deus Filium suum in mundum, ut iudicet mundum, sed ut salvetur mundus per ipsum. Ergo, quantum in medico est, sanare venit ægrorum. Ipse se interiit, qui præcepta medici servare non vult. Venit Salvator in mundum. Quare Salvator dictus est mundi, nisi ut salvet mundum, non ut iudicet mundum? Salvári non vis ab ipso? ex te iudicaberis. Et quid dicam, Iudicaberis? Vide quid ait : Qui credit in eum, non iudicatur. Qui autem non credit : quid dicturum sperabas, nisi, Iudicatur? Jam, inquit, iudicatus est.

R. ij. Disciplinam, et sapientiam docuit eos Dominus, allelúia : firmavit in illis gratiam Spiritus sancti, \* Et intellectu adimplévit corda eorum, allelúia, allelúia. V. Repentino namque sonitu Spiritus sanctus super eos venit. — Et intellectu adimplévit.

## Lectio iij.

**N**ONDUM apparuit iudicium : sed jam factum est iudicium. Novit enim Dominus qui sunt ejus : novit qui permaneant ad coronam, qui permaneant ad flammam. Novit in área sua triticum, novit et paleam : novit segetem, novit et zizania. Jam iudicatus est qui non credit. Quare iudicatus? Quia non credit in nomine unigeniti Filii Dei. Hoc est autem iudicium : quia lux venit in mundum, et dilexerunt homines magis tenebras quam lucem : erant enim mala opera eorum.

R. iij. Ultimo festivitatis die dicebat Jesus : Qui in me credit, flumina de ventre ejus fluent aquæ vivæ, \* Allelúia. V. Hoc autem dicebat de Spiritu, quem accepturi erant credentes in eum. — Allelúia. Glória. Allelúia.

Ante Laudes V. Emítte Spiritum tuum, et creabuntur, allelúia. R. Et renovabis faciem terræ, allelúia.

## AD LAUDES.

Super Psalmos sola Aña. Dum complerentur dies Pentecostes, erant omnes pariter sedentes, allelúia. Psalmus Dominus regnavit. cum ceteris, pag. 17.

Capitulum, Hymnus et V. ut in Festo, pag. 567. et pag. 568.

Ad Benedictus Aña. Sic Deus dilexit mundum, ut Filium suum unigenitum daret : ut omnis, qui credit in ipsum, non pereat, sed habeat vitam æternam, allelúia.

## Oratio.

**D**EUS, qui Apóstolis tuis sanctum dedisti Spiritum : concède plebi tuæ piæ petitionis effectum ; ut quibus dedisti fidem, largiaris et pacem. Per Dominum... in unitate ejusdem.

† Usque ad primas Vesperas SS. Trinitatis exclusive, Oratio quæ dicta fuerit in Laudibus dicatur etiam ad Tertiam, Sextam, Nonam et Vesperas.

## IN VESPERIS.

Ad Magnificat Aña. Non enim misit Deus Filium suum in mundum, ut iudicet mundum : sed ut salvetur mundus per ipsum, allelúia.

## FERIA TERTIA.

## TOTUM DUPLEX.

## AD MATUTINUM.

Invitatorium. Replēti sunt omnes Spiritu sancto, \* Allelúia.

Hymnus Jam Christus astra ascēderat., pag. 563.

## IN NOCTURNO.

Super Psalmos sola Añā. Confirma hoc Deus, quod operatus es in nobis : a templo sancto tuo, quod est in Jerúsalem, allelúia, allelúia. Psalmi ut in Nocturno Festi, pag. 563.

℟. Loquebántur váriis linguis Apóstoli, allelúia. ℞. Magnália Dei, allelúia.

Lectio sancti Evangélii secundum Joánnem.

Lectio j. Cap. 10.

**I**n illo témpore : Dixit Jesus I Phariseis : Amen, amen dico vobis : qui non intrat per óstium in ovile óvium, sed ascēdit aliunde : ille fur est, et latro. Qui autem intrat per óstium, pastor est óvium. Et reliqua.

Homília sancti Augustini Episcopi.

(Tract. 45. in Joan. post init.)

**D**OMINUS de grege suo, et de óstio, quo intráitur ad ovile, similitúdinem propósuit in hodiérna lectione. Dicant ergo pagáni, Bene vivimus. Si per óstium non intrant, quid eis prodest, unde gloriántur? Ad hoc enim debet unicuique prodesse bene vivere, ut detur illi semper vivere. Nam cui non datur semper vivere, quid prodest bene vivere? Quia nec bene vivere dicēdi sunt, qui finem bene vivēdi

vel cæcitáte nesciunt, vel inflatione contemnunt. Non est autem cuiquam spes vera et certa semper vivēdi, nisi agnoscatur Vitam, quæ est Christus, et per januam intret in ovile.

℞. j. Loquebántur váriis linguis Apóstoli magnália Dei, \* Prout Spiritus sanctus dabat éloqui illis, allelúia. ℟. Replēti sunt omnes Spiritu sancto, et ccepérunt loqui. — Prout Spiritus sanctus.

Lectio ij.

**F**UERUNT ergo quidam philosophi de virtutibus et vitiis subtilia multa tractantes, dividētes, definientes, ratiocinationes acutissimas concludētes, libros implētes, suam sapiéntiam buccis crepántibus ventilātes, qui étiam dicere audērent hominibus : Nos sequimini, sectam nostram tenete, si vultis bene vivere. Sed non intrābant per óstium : perdere volēbant, mactāre, et occidere. Quid de istis dicam?

℞. ij. Apparuerunt Apóstolis dispersitæ linguæ tanquam ignis, allelúia, \* Seditque supra singulos eórum Spiritus sanctus, allelúia, allelúia. ℟. Spiritus Dómini replévit totam domum, ubi erant Apóstoli sedētes. — Seditque.

Lectio iij.

**E**CCE ipsi Pharisei legēbant, et in eo, quod legēbant, Christum sonābant, venturum sperābant, et præséntem non agnoscēbant. Jactābant se étiam ipsi inter Vidētes, hoc est inter sapiētes, et negābant Christum, et non intrābant per óstium. Et hos dimittāmus. Videāmus illos,



si forte ipsi intrant per ostium in ovile, qui ipsius Christi nomine gloriántur. Innumerábiles enim sunt, qui se Vidéntes non solum jactant, sed a Christo illuminátos vidéri volunt. Sunt autem hæretici. Forte ipsi per januam intravérunt? Absit.

R. iij. Spiritus Dómini replévit orbem terrarum : \* Et hoc, quod contémnet ómnia, sciéntiam habet vocis, Allelúia, allelúia. V. Omnium est enim artifex, omnem habens virtutem, ómnia prospiciens. — Et hoc, quod contémnet ómnia. Glória. Allelúia, allelúia.

Ante Laudes V. Emítte Spiritum tuum, et creabúntur allelúia. R. Et renovábis faciém terræ, allelúia.

#### AD LAUDES.

Super Psalmos sola Aña. Dum compleréntur dies Pentecóstes, erant omnes páriter sedéntes, allelúia. Psalmus Dóminus regnávit. cum ceteris, pag. 17.

Capitulum, Hymnus et V. ut in Festo, pag. 567. et pag. 568.

Ad Benedictus Aña. Amen, amen dico vobis : qui non intrat per ostium in ovile óvium, sed ascéndit aliunde, ille fur est, et latro : qui autem intrat per ostium, pastor est óvium, allelúia.

Oratio.

**A**DSIT nobis, quæsumus Dómine, virtus Spiritus sancti : quæ et corda nostra cleménter expúrget, et ab ómnibus tueátur advérsis. Per Dóminum.... in unitate ejúsdem.

#### IN VESPERIS.

Ad Magnificat Aña. Ego sum ostium, dicit Dóminus : per me si quis introierit, salvábitur, et páscoa invéniet, allelúia.

#### FERIA QUARTA QUATUOR TEMPORUM.

##### AD MATUTINUM.

Invitatorium. Repléti sunt omnes Spiritu sancto, \* Allelúia.

Hymnus Jam Christus astra ascénderat., pag. 563.

##### IN NOCTURNO.

Super Psalmos sola Aña. Emítte Spiritum tuum, et creabúntur : et renovábis faciém terræ, allelúia, allelúia. Psalmi ut in Nocturno Festi, pag. 563.

V. Spiritus Dómini replévit orbem terrarum, allelúia. R. Et hoc, quod contémnet ómnia, sciéntiam habet vocis, allelúia.

Lectio sancti Evangélii  
secúndum Joánnem.

Lectio j.

Cap. 6.

**I**N illo témpore : Dixit Jesus turbis Judæórum : Nemo potest venire ad me, nisi Pater, qui misit me, tráxerit eum. Et reliqua.

Homília sancti Augustíni  
Episcopi.

(Tract. 26. in Joan. post init.)

**M**AGNA grátie commendatio. Nemo venit, nisi tractus. Quem trahat, et quem non trahat, quare istum trahat, et illum non trahat, noli velle judicáre, si non vis erráre. Semel áccipe, et intéllege. Nondum tráheris : ora ut tráharis. Quid hic dicimus, fratres? Si tráhimur ad Christum, ergo inviti crédimus, ergo voléntia adhibétur, non volúntas excitátur. Noli cogitare te invítum trahi : tráhitur ánimus et amóre. Nec dicas, Quómodo volúntate credo, si trahor? Ego

dico : Parum est voluntate ire :  
etiam traheris voluptate.

R. j. Advenit ignis divinus,  
non comburens, sed illumi-  
nans, non consumens, sed lu-  
cens : et invenit corda discipu-  
lorum receptacula munda : \*Et  
tribuit eis charismatum dona,  
alleluia, alleluia. V. Invenit  
eos concordes caritate, et illu-  
stravit eos inundans divitias  
Deitatis. — Et tribuit eis.

#### Lectio ij.

EST quedam voluptas cor-  
dis, cui panis dulcis est  
ille celestis. Porro si Poetae  
dicere licuit, Trahit sua quem-  
que voluptas ; non necessitas,  
sed voluptas ; non obligatio,  
sed delectatio : quanto fortius  
nos dicere debemus trahi ho-  
minem ad Christum, qui dele-  
ctatur veritate, delectatur bea-  
titudine, delectatur justitia, de-  
lectatur sempiterna vita, quod  
totum Christum est ! Da aman-  
tem, et sentit quod dico : da  
desiderantem, da ferventem, da  
in ista solitudine peregrinan-  
tem, atque sitiientem, et fon-  
tem aeternae patriae suspiran-  
tem : da talem, et scit quid  
dicam.

R. ij. Facta autem hac voce,  
convenit multitudo, et mente  
confusa est, quia audiebat  
unusquisque lingua sua \*Illos  
loquentes magnalia Dei, alle-  
luia, alleluia, alleluia. V. Non-  
ne ecce omnes isti, qui loquun-  
tur, Galilaei sunt ? et quomodo  
nos audivimus unusquisque  
lingua sua. — Illos loquentes.

#### Lectio iij.

ET ego resuscitabo eum in  
novissimo die. Reddo illi  
quod amat ; reddo quod sperat.

Videbit quod adhuc non vi-  
dendo credidit, manducabit  
quod esuriit, saturabitur eo  
quod sitiivit. Ubi ? In resurre-  
ctione mortuorum, quia ego  
resuscitabo eum in novissimo  
die. Scriptum est enim in Pro-  
phetis : Et erunt omnes docibi-  
les Dei. Quare hoc dixi, o  
Judaei ? Pater vos non docuit :  
quomodo me potestis agnos-  
cere ? Omnes regni illius ho-  
mines docibiles Dei erunt : non  
ab hominibus audient. Et si  
ab hominibus audiunt ; tamen,  
quod intelligunt intus datur,  
intus coruscat, intus reve-  
latur.

R. iij. Spiritus sanctus replavit  
totam domum, ubi erant Apo-  
stoli : et apparuerunt illis dis-  
persitae linguae tamquam ignis,  
sed itque supra singulos eorum :  
\*Et replati sunt omnes Spiritu  
sancto, Alleluia, alleluia, alle-  
luia. V. Dum essent discipuli in  
unum congregati propter me-  
tum Judaeorum, sonus repente  
de caelo venit super eos. — Et  
replati sunt. Gloria. Alleluia,  
alleluia, alleluia.

Ante Laudes V. Emitte Spi-  
ritum tuum, et creabuntur,  
alleluia. R. Et renovabis fa-  
ciem terrae, alleluia.

#### AD LAUDES.

Super Psalmos sola Añã. Dum  
complerentur dies Pentecostes,  
erant omnes pariter sedentes,  
alleluia. Psalmus Dominus re-  
gnavit. cum ceteris, pag. 17.

Capitulum, Hymnus et V. ut  
in Festo, pag. 567. et pag. 568.

Ad Benedictus Añã. Amen,  
amen dico vobis : qui credit  
in me, habet vitam aeternam,  
alleluia, alleluia.

## Oratio.

**M**ENTES nostras, quæsumus Dómine, Paráclitus, qui a te procédit, illúminet; et inducat in omnem, sicut tuus promísit Filius, veritatem: Qui tecum vivit... in unitate ejúsdem.

## IN VESPERIS.

Ad Magnificat Aña. Ego sum panis vivus, qui de cælo descénderi: si quis manducáverit ex hoc pane, vivet in ætérnum: et panis, quem ego dabo, caro mea est pro mundi vita, allelúia, allelúia.

## FERIA QUINTA.

## AD MATUTINUM.

Invitatorium. Repléti sunt omnes Spíritu sancto, \* Allelúia.

Hymnus Jam Christus astra ascenderat., pag. 563.

## IN NOCTURNO.

Super Psalmos sola Aña. Factus est repénite de cælo sonus adveniéntis spíritus veheméntis, allelúia, allelúia. Psalmi ut in Nocturno Festi, pag. 563.

℣. Repléti sunt omnes Spíritu sancto, allelúia. ℞. Et cœpérunt loqui, allelúia.

Lectio sancti Evangélíi secúndum Lucam.

Lectio j.

Cap. 9.

**I**N illo témpore: Convocátis Jesus duódecim Apóstolis, dedit illis virtútem, et potestátem super ómnia dæmónia, et ut languóres curárent. Et reliqua.

Homília sancti Ambrósii

Episcopi.

(Lib. 6. in cap. 9. Lucæ, initio.)

**Q**UALIS débeat esse, qui evangelizat regnum Dei,

præcéptis evangélicis designá-  
tur: Ut sine virga, sine pera,  
sine calceaménto, sine pane,  
sine pecúnia, hoc est subsidii  
sæculáris adminicula non re-  
quírens, fidéque tutus, putet  
sibi, quo minus ea requírat,  
magis posse suppetere. Quæ  
possunt, qui volunt, ad eum  
deriváre tractátum, ut spirítalem tantúmmodo locus iste  
formáre videátur afféctum:  
qui velut indumentum quoddam  
videátur córporis exuisse,  
non solum potestáte rejeóta,  
contemptisque divitiis, sed  
étiam carnis ipsius illécebris  
abdicátis.

℞. j. Jam non dicam vos servos, sed amicos meos, quia ómnia cognovistis, quæ operátus sum in médio vestri, allelúia. \* Accipite Spíritum sanctum in vobis Paráclitum: ipse est, quem Pater mittet vobis, allelúia. ℣. Quorum remisérítis peccáta, remittúntur eis. — Accipite Spíritum sanctum.

## Lectio ij.

**Q**UIBUS primo ómnium datur pacis atque constántiæ générale mandátum, ut pacem ferant, constántiam servant, hospitális necessitúdinis jura custodiant: aliénium a prædicatóre regni celestis ástruens cursitare per domos, et inviolábilis hospitii jura mutáre. Sed ut hospitii grátia deferénda censétur: ita étiam, si non recipiántur, excutiéndum púlverem, et egrediéndum de civitáte mandátur. Quo mandáto non mediócris boni remunerátio docétur hospitii: ut non solum pacem tribuámus hospítibus, verum étiam, si qua



eos terrénæ obúbrant delicta levitátis, recéptis apostólicæ prædicatiónis vestigiis, aufferántur.

R. ij. Disciplinam, et sapiéntiam dócuit eos Dóminus, allelúia : firmávit in illis grátiam Spíritus sancti, \* Et intelléctu adimplévit corda eórum, allelúia, allelúia. V. Repentíno namque sónitu Spíritus sanctus super eos venit. — Et intelléctu.

#### Lectio iij.

**N**EC otiose, secúndum Mattheum, domus, quam ingrediántur Apóstoli, eligénda decérnitur : ut mutándi hospítii necessitudínisque violándæ causa non suppetat. Non tamen eadem cáutio receptóri mandátur hospítii; ne, dum hospes eligitur, hospitalitas ipsa minuátur. Sed hæc, ut secúndum lítteram de hospítii religióne venerábilis est forma præcépti, ita étiam de mystério senténtia celéstis arridet. Etenim, cum domus eligitur, dignus hospes inquiritur. Videámus, ne forte Ecclesiá præferénda designétur, et Christus.

R. iij. Ultimo festivitátis die dicébat Jesus : Qui in me credit, flúmina de ventre ejus fluent aquæ vivæ : \* Allelúia. V. Hoc autem dicébat de Spíritu, quem acceptúri erant credéntes in eum. — Allelúia. Glória. Allelúia.

Ante Laudes V. Emitte Spíritum tuum, et creabúntur, allelúia. R. Et renovábis fáciem terræ, allelúia.

#### AD LAUDES.

Super Psalmos sola Aña. Dum compleréntur dies Pentecóstes,

erant omnes páriter sedéntes, allelúia. Psalmus Dóminus regnávít. cum ceteris, pag. 17.

Capitulum, Hymnus et V. ut in Festo, pag. 567. et pag. 568.

Ad Benedictus Aña. Convocatís Jesus duódecim Apóstolis, dedit illis virtútem, et potestátem super ómnia dæmónia, et ut languóres curárent : et misit illos prædicáre regnum Dei, et sanáre infirmos, allelúia, allelúia.

#### Oratio.

**D**EUS, qui hodiérna die corda fidélium sancti Spíritus illustratióne docuísti : da nobis in eódem Spíritu recta sápere, et de ejus semper consolatióne gaudére. Per Dóminum.... in unitáte ejusdem.

#### IN VESPERIS.

Ad Magnificat Aña. Egréssi duódecim Apóstoli, circuibant per castélla, evangelizántes, et curántes ubique, allelúia, allelúia.

#### FERIA SEXTA

##### QUATUOR TEMPORUM.

#### AD MATUTINUM.

Invitatorium. Repléti sunt omnes Spíritu sancto, \* Allelúia.

Hymnus Jam Christus astra ascénderat., pag. 563.

#### IN NOCTURNO.

Super Psalmos sola Aña. Confirma hoc Deus, quod opératus es in nobis : a templo sancto tuo, quod est in Jerúsalem, allelúia, allelúia. Psalmi ut in Nocturno Festi, pag. 563.

V. Loquebántur váriis linguis Apóstoli, allelúia. R. Magná-lia Dei, allelúia.

Lectio sancti Evangelii  
secundum Lucam.

Lectio j. Cap. 5.

**I**n illo tempore : Factum est in una dierum, et Jesus sedebat docens. Et erant Pharisæi sedentes, et Legis doctores, qui venerant ex omni castello Galilææ, et Judææ, et Jerusalem : et virtus Domini erat ad sanandum eos. Et reliqua.

Homilia sancti Ambrósii  
Episcopi.

(Lib. 5. in cap. 5. Lucæ, post initium.)

**N**ON otiosa hujus paralytici, nec angusta medicina est, quando Dominus et orasse præmittitur : non utique propter suffragium, sed propter exemplum. Imitandi enim specimen dedit, non precandi ambitum requisivit. Et convenientibus ex omni Galilæa et Judæa et Jerusalem Legis doctoribus, inter ceterorum remedia debilium, paralytici istius medicina describitur. Primum omnium, quod ante diximus, unusquisque æger petendæ precatores salutis debet adhibere : per quos vitæ nostræ compago resoluta, actuumque nostrorum clauda vestigia verbi cælestis remedio reformentur.

R. j. Loquebantur variis linguis Apostoli magnalia Dei, \* Prout Spiritus sanctus dabat eloqui illis, allelûia. ✕. Repleti sunt omnes Spiritu sancto, et cœperunt loqui. — Prout Spiritus sanctus.

Lectio ij.

**S**INT igitur aliqui monitores mentis, qui animum hominis, quamvis exterioris corpo-

ris debilitate torpentem, ad superiora erigant. Quorum rursus adminiculis et attollere et humiliare se possit, ut facilius ante Jesum locetur, Dominico videri dignus aspectu. Humilitatem enim respicit Dominus, quia respexit humilitatem ancillæ suæ. Quorum fidem, inquit, ut vidit, dixit : Homo, remittuntur tibi peccata tua.

R. ij. Apparuerunt Apostolis dispersitæ lingue tamquam ignis, allelûia, \* Seditque supra singulos eorum Spiritus sanctus, allelûia, allelûia. ✕. Spiritus Domini replevit totam domum, ubi erant Apostoli sedentes. — Seditque.

Lectio iij.

**M**AGNUS Dominus, qui aliorum merito ignoscit aliis : et dum alios probat, aliis relaxat errata. Cur apud te, o homo, colliga non valeat, cum apud Dominum servus et interveniendi meritum, et jus habeat impetrandi? Disce, qui iudicas, ignoscere : disce, qui æger es, impetrare. Si gravium peccatorum diffidis veniam, adhibe precatores, adhibe Ecclesiam, quæ pro te precetur : cujus contemplatione, quod tibi Dominus negare posset, ignoscat.

R. iij. Spiritus Domini replevit orbem terrarum : \* Et hoc, quod continet omnia, scientiam habet vocis, Allelûia, allelûia. ✕. Omnium est enim artifex, omnem habens virtutem, omnia prospiciens. — Et hoc, quod continet omnia. Glória. Allelûia, allelûia.

Ante Laudes V. Emitte Spiritum tuum, et creabuntur, allelúia. R. Et renovabis faciém terræ, allelúia.

#### AD LAUDES.

Super Psalmos sola Añā. Dum complerentur dies Pentecostes, erant omnes páriter sedéntes, allelúia. Psalmus Dóminus regnavit. cum ceteris, pag. 17.

Capitulum, Hymnus et V. ut in Festo, pag. 567. et pag. 568.

Ad Benedictus Añā. Factum est in una diérum, et Jesus sedébat docens : et erant Pharisæi sedéntes, et Legis doctóres, qui vénerant ex omni castélló Galilææ, et Judææ, et Jérusalem : et virtus Dómini erat ad sanándum eos, allelúia, allelúia. Oratio.

**D**A, quæsumus, Ecclesiæ tuæ miséricors Deus; ut sancto Spiritu congregáta, hostili nulláténus incursióne turbétur. Per Dóminum... in unitate ejúsdem.

#### IN VESPERIS.

Ad Magnificat Añā. Tulit ergo paralyticus lectum suum, in quo jacébat, magnificans Deum. Et omnis plebs, ut vidit, dedit laudem Deo, allelúia.

#### SABBATO

##### QUATUOR TEMPORUM.

#### AD MATUTINUM.

Invitatorium. Repléti sunt omnes Spiritu sancto, \* Allelúia.

Hymnus Jam Christus astra ascénderat., pag. 563.

#### IN NOCTURNO.

Super Psalmos sola Añā. Emitte Spiritum tuum, et crea-

buntur : et renovabis faciém terræ, allelúia, allelúia. Psalmi ut in Nocturno Festi, pag. 563.

V. Spiritus Dómini replévit orbem terrárum, allelúia. R. Et hoc, quod cóntinet ómnia, sciéntiam habet vocis, allelúia.

#### Lectio sancti Evangélii secúndum Lucam.

##### Lectio j. Cap. 4.

**I**N illo témpore : Surgens Jesus de synagóga, introivit in domum Simónis. Socrus autem Simónis tenebátur magnis fébribus. Et réliqua.

#### Homília venerábilis Bedæ Presbyteri.

(Comm. in Luc. tom. 4.)

**S**I virum a dæmónio liberátum, ánimum ab immúnda cogitátione purgátum significáre dixerimus : fémina fébribus tenta, sed ad impérium Dómini curáta, carnem osténdit a concupiscéntiæ suæ fervóre per continéntiæ præcépta frenátam. Omnis enim amaritúdo, et ira, et indignátio, et clamor, et blasphemía spiritus immúdi furor est : fornicatióem vero, immundítiam, libidinem, concupiscéntiam malam, et avaritiam, quæ est simulacrórum sérvitus, fébre illecebrósæ carnis intéllege.

R. j. Advénit ignis divínus, non combúrens, sed illúminans, non consúmens, sed lucens : et invénit corda discipulórum receptácula munda : \* Et tribuit eis charismatum dona, allelúia, allelúia. V. Invénit eos concórdes caritáte, et illustrávit eos inúndans divitias Deitátis. — Et tribuit eis.



## Lectio ij.

**E**T rogaverunt illum pro ea. Et stans super illam imperavit febrī : et dimisit illam. Modo Salvator rogatus, modo ultro curat ægrōtos : ostēdēs se contra peccatorū quoque passiōes prēcibus semper annūere fidēlium, et ea, quæ ipsi minime in se intēligunt, vel intēligēda dare, vel etiā non intēlecta dimittere : juxta quod Psalmista pōstulat : Delicta quis intēligit? Ab occūltis meis munda me, Dōmine.

R. ij. Facta autem hac voce, convēnit multitūdo, et mente confūsa est, quia audiēbat unusquisque lingua sua \* Illos loquētes magnālia Dei, allelūia, allelūia, allelūia. X. Nonne ecce omnes isti, qui loquuntur, Galilæi sunt? et quōmodo nos audivimus unusquisque lingua sua. — Illos loquētes.

## Lectio iij.

**E**T continuo surgens ministrabat illis. Naturāle est febricitantibus incipiente sanitāte lassēscere, et ægrotatiōnis sentīre molēstiam : verum sānitas, quæ Dōmini confertur impērio, simul tota redit. Nec solum ipsa redit : sed et tanto robore comitānte, ut continuo ministrāre sufficiat : et juxta leges tropologiæ, membra, quæ servierant immunditiæ ad iniquitatem, ut fructificārent morti, sērviant justitiæ in vitam ætērnā.

R. iij. Spiritus sanctus replēvit totam domum, ubi erant Apōstoli : et apparuerunt illis dispersitæ linguæ tamquam ignis, seditque supra singulos

eōrum; \* Et replēti sunt omnes Spiritu sancto, Allelūia, allelūia, allelūia. X. Dum essent discipuli in unum congregati propter metum Judæōrum, sonus repēnte de cælo venit super eos. — Et replēti sunt omnes. Glōria. Allelūia, allelūia, allelūia.

Ante Laudes X. Emitte Spiritum tuum, et creabuntur, allelūia. R. Et renovabis faciē terræ, allelūia.

## AD LAUDES.

Super Psalmos sola Añā. Dum complerentur dies Pentecōstes, erant omnes pāriter sedētes, allelūia. Psalmus Dōminus regnāvit. cum ceteris, pag. 17.

Capitulum, Hymnus et X. in Festo, pag. 567. et pag. 568.

Ad Benedictus Añā. Vespere autem facto, cum sol occubisset, veniēbant ad Jesum omnes male habētes : at ille, singulis manus impōnens, curābat eos, allelūia. Oratio.

**M**ENTIBUS nostris, quæsumus Dōmine, Spiritum sanctum benignus infūde : cujus et sapiētia cōditi sumus; et providētia gubernāmur. Per Dōminum... in unitate ejusdem.

† Hæc Oratio dicatur etiam ad Tertiam, Sextam et Nonam.

## IN DEDICATIONE ECCLESIE.

In Dedicatione Ecclesiæ, in Anniversario ejusdem, per Octavam et in die Octava, omnia fiant ut pag. 11\*. notatum est.

FER. III. POST DOM. SEPTUAG.  
ORATIONIS D. N. J. C.  
IN MONTE OLIVETI.

TOTUM DUPLEX.

AD I. VESPERAS.

Super Psalmos Aña. Venit Jesus cum discipulis suis in villam, quæ dicitur Gethsémani, et dixit illis : Sedete hic, donec vadam illuc et orem. Psalmus Laudate pueri. cum ceteris, pag. 145.

Capitulum. Matth. 26.

**V**ENIT Jesus ad discipulos suos, et invenit eos dormientes, et dicit Petro : Sic non potuistis una hora vigilare mecum? Vigilate, et orate ut non intréti in tentationem.

R. In monte Oliveti oravit ad Patrem : Pater, si fieri potest, transeat a me calix iste. Spiritus quidem promptus est, caro autem infirma : \* Fiat voluntas tua. V. Verumtamen non sicut ego volo, sed sicut tu vis. — Fiat voluntas tua. Glória. Fiat voluntas tua.

Hymnus.

**A**SPICE ut Verbum Patris a supernis  
Sédibus clemens et amore flagrans

Pérditis culpa génitis medéri  
Pergit Adami.

FLEBILEM mundi miserans  
ruinam,  
Et volens nostros reparare  
casus,

Orat et prona véniam precatur

Fronte Magister.

FLUCTUAT, secum tot acerbam  
ba volens :

Hunc, ait supplex, cálicem  
dolóris

Mi Pater transfer; tua sed voluntas,

Non mea, fiat.

Cum premat tristis pavor  
ima cordis,

Déficit languens Dóminus; per  
artus

Sanguinis sudor fluit, atque  
guttis

Terra madéscit.

AT celer summo véniens  
Clympe

Angelus Jesum récreat jacéntem :

Córpore vires rédeunt, novoque

Róbore surgit.

LAUS, honor Patri, genitæque  
Proli,

Cui datum nomen super omne  
nomen,

Et Paracléto decus atque virtus

Omne per ævum. Amen.

V. Tristis est ánima mea.

R. Usque ad mortem.

Ad Magnificat Aña. Pósitis  
génibus orábat dicens : Pater,  
si vis, transfer cálicem istum  
a me : verumtamen non mea  
voluntas, sed tua fiat.

Oratio.

**D**OMINE Jesu Christe, qui in  
horto verbo et exémplo  
nos oráre docuisti ad tentatiónum  
perícula superánda : concede propítius ut nos, oratióni  
semper inténti, ejus copiósum  
fructum cónsequi mereámur.  
Qui vivis.

AD MATUTINUM.

Invitorium. Christum Jesum in monte Olivárum orántem \* Veníte adorémus.

Hymnus Aspice ut Verbum.,  
ut in j. Vesperis.

## IN I. NOCTURNO.

Psalmus 16.

**E**XAUDI Dómine justítiam meam : \* inténde deprecationem meam.

Auribus percípe orationem meam, \* non in lábiis dolosis.

Dè vultu tuo judícium meum pródeat : \* óculi tui vídeant æquitates.

Probásti cor meum, et visitásti nocte : \* igne me examinásti, et non est invénta in me iniquitas.

Ut non loquátur os meum ópera hóminum : \* propter verba labiórum tuórum ego custodiví vias duras.

Pérfice gressus meos in sémitis tuis : \* ut non moveántur vestígia mea.

Ego clamávi, quóniam exaudísti me Deus : \* inclína aurem tuam mihi, et exáudi verba mea.

Mirífica misericórdias tuas, \* qui salvos facis sperántes in te.

A resisténtibus dexteræ tuæ custódi me, \* ut pupillam óculi.

Sub umbra alárum tuárum prótege me : \* a fácie impiórum qui me afflixerunt.

Inimíci mei ánimam meam circumdedérunt, & adipem suum conclusérunt : \* os eórum locútum est supérbiam.

Projiciéntes me nunc circumdedérunt me : \* óculos suos statuérunt declináre in terram.

Susceperunt me sicut leo parátus ad prædam : \* et sicut cátilus leónis hábitans in ábditis.

Exsúrge Dómine, præveni eum, et supplánta eum : \* éri-

pe ánimam meam ab impio, frámeam tuam ab inimicis manus tuæ.

Dómine a paucis de terra divide eos in vita eórum : \* de absconditis tuis adimplétus est venter eórum.

Saturáti sunt filiis : \* et dimiserunt reliquias suas párvulis suis.

Ego autem in justítia apparebo conspéctui tuo : \* satiabor cum apparuerit glória tua.

**Añ.** Ante orationem præpara ánimam tuam, et noli esse quasi homo, qui tentat Deum.

Psalmus 27.

**A**D te Dómine clamábo, & Deus meus ne síleas a me : \* nequándo táceas a me, et assimilábor descendéntibus in lacum.

Exáudi Dómine vocem deprecationis meæ dum oro ad te : \* dum extólló manus meas ad templum sanctum tuum.

Ne simul trahas me cum peccatóribus : \* et cum operántibus iniquitátem ne perdas me :

Qui loquúntur pacem cum próximo suo, \* mala autem in córdibus eórum.

Da illis secúndum ópera eórum, \* et secúndum nequitiam adinventiónum ipsórum. Secúndum ópera mánuum eórum tribue illis : \* redde retributiónem eórum ipsis.

Quóniam non intellexérunt ópera Dómini, \* et in ópera mánuum ejus destrues illos, et non ædificábis eos.

Benedíctus Dóminus : \* quóniam exaudivit vocem deprecationis meæ.



Dóminus adjutor meus, et protector meus : \* in ipso speravi cor meum, et adjutus sum.

Et refloruit caro mea : \* et ex voluntate mea confitebor ei.

Dóminus fortitudo plebis suae : \* et protector salvationum Christi sui est.

Salvum fac populum tuum Domine, et benedic hereditati tuae : \* et rege eos, et extolle illos usque in aeternum.

Añā. Non impediāris orare semper, et ne vereāris usque ad mortem justificari.

Psalmus 141.

**V**OCE mea ad Dóminum clamavi : \* voce mea ad Dóminum deprecatus sum :

Effundo in conspectu ejus orationem meam, \* et tribulationem meam ante ipsum pronuntio.

In deficiendo ex me spiritum meum, \* et tu cognovisti semitas meas.

In via hac, qua ambulabam, \* absconderunt laqueum mihi.

Considerabam ad dexteram, et videbam : \* et non erat qui cognosceret me.

Périt fuga a me, \* et non est qui requirat animam meam.

Clamavi ad te Domine, \* dixi : Tu es spes mea, portio mea in terra viventium.

Intende ad deprecationem meam : \* quia humiliatus sum nimis.

Libera me a persecutentibus me : \* quia confortati sunt super me.

Educ de custodia animam meam ad confitendum nomini tuo : \* me expectant justi, donec retribuas mihi.

Añā. Omnia quaecumque petieritis in oratione credentes, accipietis.

℣. Tristis est anima mea. ℞. Usque ad mortem.

De libro Tobiae.

Lectio j.

Cap. 12.

**B**ONA est oratio cum jejuniis, et eleemosyna magis quam thesauros auri recondere : quoniam eleemosyna a morte liberat, et ipsa est, quae purgat peccata, et facit invenire misericordiam et vitam aeternam. Qui autem faciunt peccatum, et iniquitatem, hostes sunt animae suae. Manifesto ergo vobis veritatem, et non abscondam a vobis occultum sermonem. Quando orabas cum lacrimis, et sepeliabas mortuos, et derelinquebas prandium tuum, et mortuos abscondebas per diem in domo tua, et nocte sepeliabas eos, ego obtuli orationem tuam Domino. Et quia acceptus eras Deo, necesse fuit ut tentatio probaret te.

℞. j. In omnibus gratias agite : \* Sine intermissione orate. ℣. Haec est enim voluntas Dei in Christo Jesu in omnibus vobis. — Sine intermissione orate.

De Epistola beati Jacobi

Apóstoli.

Lectio ij.

Cap. 5.

**O**RATE pro invicem ut salvemini : multum enim valet deprecatio justi assidua. Elias homo erat similis nobis passibilis : et oratione oravit ut non plueret super terram, et non pluit annos tres, et menses sex. Et rursum oravit : et caelum dedit pluviam, et terra dedit fructum suum.

Fratres mei, si quis ex vobis erraverit a veritate, et converterit quis eum : scire debet quoniam qui converti fecerit peccatorem ab errore viae suae, salvabit animam ejus a morte, et operiet multitudinem peccatorum.

R. ij. Cum stabitis ad orandum, \* Dimittite si quid habetis adversus aliquem. V. Ut et Pater vester, qui in caelis est, dimittat vobis peccata vestra. — Dimittite.

De Epistola beati Pauli  
Apostoli ad Hebraeos.

Lectio iij.

Cap. 5.

**C**HRISTUS non semetipsum clarificavit ut pontifex fieret : sed qui locutus est ad eum : Filius meus es tu, ego hodie genui te. Quemadmodum et in alio loco dicit : Tu es sacerdos in aeternum secundum ordinem Melchisedech. Qui in diebus carnis suae preces, supplicationesque ad eum, qui possit illum salvum facere a morte, cum clamore valido, et lacrimis offerens, exauditus est pro sua reverentia. Et quidem cum esset Filius Dei, didicit ex iis, quae passus est, obedientiam : et consummatus, factus est omnibus obtemperantibus sibi causa salutis aeternae, appellatus a Deo Pontifex juxta ordinem Melchisedech.

R. iij. Exaudivit Dominus deprecationem meam : \* Dominus orationem meam suscepit. V. Clamavi in toto corde meo, exaudi me Domine. — Dominus orationem meam suscepit. Gloria. Dominus orationem meam suscepit.

## IN II. NOCTURNO.

Psalmus 42.

**J**UDICA me Deus, et discerne causam meam de gente non sancta, \* ab homine iniquo, et doloso erue me.

Quia tu es Deus fortitudo mea : \* quare me repulisti ? et quare tristis incedo, dum affligit me inimicus ?

Emitte lucem tuam et veritatem tuam : \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei : \* ad Deum, qui laetificat juventutem meam.

Confitebor tibi in cithara Deus Deus meus : \* quare tristis es anima mea ? et quare conturbas me ?

Spera in Deo, quoniam adhuc confitebor illi : \* salutare vultus mei, et Deus meus.

Añā. Cum oratis, non eritis sicut hypocritae, qui amant in synagogis, et in angulis platearum stantes orare, ut videantur ab hominibus.

Psalmus 63.

**E**XAUDI Deus orationem meam cum deprecor : \* a timore inimici eripe animam meam.

Protexisti me a conventu malignantium, \* a multitudine operantium iniquitatem.

Quia exacerunt ut gladium linguas suas : \* intendunt arcum rem amaram, \* ut sagittent in occultis immaculatum.

Subito sagittabunt eum, et non timebunt : \* firmaverunt sibi sermonem nequam.

Narraverunt ut absconderent  
laqueos : \* dixerunt : Quis vi-  
debit eos ?

Scrutati sunt iniquitates : \*  
defecerunt scrutantes scruti-  
nio.

Accedet homo ad cor al-  
tum : \* et exaltabitur Deus.

Sagittae parvulorum factae  
sunt plagae eorum : \* et infir-  
matae sunt contra eos linguae  
eorum.

Conturbati sunt omnes qui  
videbant eos : \* et timuit  
omnis homo.

Et annuntiaverunt opera  
Dei : \* et facta ejus intellexe-  
runt.

Lætabitur justus in Domino,  
et sperabit in eo, \* et lauda-  
buntur omnes recti corde.

Añā. Tu autem cum orave-  
ris, intra in cubiculum tuum,  
et clauso ostio, ora Patrem  
tuum in abscondito.

Psalmus 120.

**L**EVAVI oculos meos in mon-  
tes, \* unde veniet auxi-  
lium mihi.

Auxilium meum a Domino, \*  
qui fecit caelum et terram.

Non det in commotionem pe-  
dem tuum : \* neque dormitet  
qui custodit te.

Ecce non dormitabit neque  
dormiet, \* qui custodit Israel.

Dominus custodit te, Domi-  
nus protectio tua, \* super ma-  
num dexteram tuam.

Per diem sol non uret te : \*  
neque luna per noctem.

Dominus custodit te ab omni  
malo : \* custodiat animam  
tuam Dominus.

Dominus custodiat introitum  
tuum, et exitum tuum : \* ex  
hoc nunc, et usque in saeculum.

Añā. Factum est autem in  
illis diebus, exiit Jesus in mon-  
tem orare, et erat pernóctans  
in oratione Dei.

¶. Pater mi, si possibile est.  
R. Transeat a me calix iste.

Ex Tractatu sancti Cypriani  
Episcopi et Mátyris.

(De Oratione Dominica.)

Lectio iv.

**N**EC verbis tantum, sed et  
factis Dominus orare nos  
docuit, ipse orans frequenter,  
et deprecans, et quid facere  
nos oporteret, exempli sui con-  
testatione demonstrans, sicut  
scriptum est : Ipse autem fuit  
secedens in solitudinem, et  
adorans. Et iterum : Exiit  
in montem orare, et fuit per-  
nóctans in oratione Dei. Quod  
si ille orabat, qui sine peccato  
erat, quanto magis peccatores  
oportet orare ! Et si ille per  
totam noctem júgiter vigilans  
continuis precibus orabat,  
quanto nos magis in frequen-  
tanda oratione debemus nocte  
vigilare ! Orabat autem Domi-  
nus, et rogabat non pro se :  
quid enim pro se innocens  
precarétur ? sed pro delictis  
nostris, sicut et ipse declarat,  
cum dicit ad Petrum : Ecce  
Sátanas expetivit ut vos vexá-  
ret quomodo triticum : ego  
autem rogavi pro te, ne defi-  
ciat fides tua. Et postmodum  
pro omnibus Patrem deprecá-  
tur, dicens : Non pro his autem  
rogo solis, sed et pro illis, qui  
credituri sunt per verbum ipsó-  
rum in me, ut omnes unum  
sint, sicut tu Pater in me, et  
ego in te, ut et ipsi in nobis  
unum sint.



R̃. iv. Simon, Simon, ecce Sathanas expetivit vos ut cribraret sicut triticum : \* Ego autem rogavi pro te ut non deficiat fides tua. Ṽ. Et tu aliquando conversus confirma fratres tuos. — Ego autem rogavi pro te.

Ex Commentariis sancti  
Ansélmi Episcopi.

(In Epist. ad Hebræos, cap. 5.)

Lectio v.

**S**ICUT verus Pontifex obtulit preces : nam in Evangélio sæpe légitur orasse, et máxime apud Lucam, qui Sacerdótis in eo descripsit persónam. Sed et quidquid ipse egit in carne, preces et supplicatiónes fuérunt pro hominibus. Tota vita sua Patrem orávit de Resurrectiône carnis suæ, ac de nostra salúte, et instánte jam Passiône obtulit supplicatiónes, id est humillimas et instantissimas oratiónes cum summa devotiône cordis et affectiône, quando factus in agonia prolixius orábat, et factus est sudor ejus sicut guttæ ságuinis decurréntis in terram. Et has preces supplicatiónesque obtulit, id est óbviám tulit Patri per exauditiónem sibi obviánti. Obtulit eas ad eum, qui posset illum a morte salvum fácere, id est resuscitáre : ad eum, quem scivit esse sufficiéntem ut salváret eum, id est immortálem et impassibilem fáceret eripiéndó a morte, ut nec ánima remanérét in inférno, nec caro putrésce-ret in sepúlcro.

R̃. v. Orátio humiliántis se nubes penetrábit : \* Et donec

propínquet, non consolábitur. Ṽ. Et non discédet donec Altissimus aspiciat. — Et donec propínquet.

Lectio vj.

**E**T obtulit has cum clamóre válido, id est cum intensiône piæ devotióis veheméntissima et efficacissima, ut quando prolixius orábat, et étiam cum lácrimis; quia in illa prolíxa oratióne credéndus est lácrimas effudisse, cum et guttæ ságuinis pro sudóre decurrerent ab ejus corpore : et exauditus est, quia quod quæsierat accépit in Resurrectiône. Exauditus est, id est extra númerum aliórum ómnium auditus est, quóniam super omnem creatúram, post labóris sui militiam, a Patre sublimátus est : et hoc pro sui reveréntia, id est secúndum hoc, quod ipse, sicut Dei Filius, dignus est reveréntia et veneratióne. Vel pro sua reveréntia in Deum, id est propter quod ipse super ómnia Patrem revéritus est et honorávit. Sive pro sua reveréntia, id est sicut sua religio méruit. Sanguinis quoque ejus effúsió potest intéllegi clamor válidus, in quo exauditus est pro reveréntia ejúsdem Passiónis. Reveréntia est, quod sine peccáto passus est sola caritáte.

R̃. vj. Fiant aures tuæ auscultantes, et óculi tui apérti, \* Ut áudias oratiónem servi tui, Ṽ. Quam ego oro coram te hódie nocte ac die. — Ut áudias oratiónem servi tui. Glória. Ut áudias oratiónem servi tui.

## IN III. NOCTURNO.

## Psalmus 3.

**D**OMINE quid multiplicati sunt qui tribulant me? \* multi insurgunt adversum me. Multi dicunt animæ meæ : \* Non est salus ipsi in Deo ejus.

Tu autem Domine susceptor meus es, \* glória mea, et exaltans caput meum.

Voce mea ad Dominum clamavi : \* et exaudivit me de monte sancto suo.

Ego dormivi, et soporatus sum : \* et exsurrexi, quia Dominus suscepit me.

Non timebo millia populi circumdantis me : \* exsurge Domine, salvum me fac Deus meus.

Quoniam tu percussisti omnes adversantes mihi sine causa : \* dentes peccatorum contrivisti.

Domini est salus : \* et super populum tuum benedictio tua.

Añã, Tribulatio, et angustia invenérunt me : mandata tua meditatio mea est.

## Psalmus 12.

**U**SQVEQUO Domine oblisceris me in finem? \* Usquequo avértis faciẽm tuam a me?

Quamdiu ponam consilia in anima mea, \* dolorem in corde meo per diem?

Usquequo exaltabitur inimicus meus super me? \* respice, et exaudi me Domine Deus meus.

Illumina oculos meos ne unquam obdormiam in morte : \* nequãdo dicat inimicus meus : Prævalui adversus eum.

Qui tribulant me, exsultá-

bunt si motus fuero : \* ego autem in misericórdia tua sperávi.

Exsultabit cor meum in salutarĩ tuo : & cantábo Dómino qui bona tribuit mihi : \* et psallam nómini Dómini altissimi.

Añã, Sustinui qui simul contristarétur, et non fuit : et qui consolaretur, et non invéni.

## Psalmus 87.

**D**OMINE Deus salutis meæ : \* in die clamavi, et nocte coram te.

Intret in conspectu tuo oratio mea : \* inclina aurem tuam ad precem meam :

Quia repléta est malis anima mea : \* et vita mea inférno appropinquávit.

Æstimátus sum cum descendéntibus in lacum : \* factus sum sicut homo sine adjutório, inter mórtuos liber :

Sicut vulnerátĩ dormiẽtes in sepúlcris, & quorum non es memor ámplius : \* et ipsi de manu tua repúlsi sunt.

Posuérunt me in lacu inférióri : \* in tenebrósĩ, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuérunt me abominatióem sibi.

Tráditus sum, et non egrediebar : \* oculus mei languérunt præ inópia.

Clamavi ad te Domine tota die : \* expándi ad te manus meas.

Numquid mórtuis faciẽs mirabilia : \* aut médici suscitábunt, et confitebúntur tibi?

Numquid narrabit aliquis in sepulcro misericordiam tuam, \* et veritatem tuam in perditione?

Numquid cognoscuntur in tenebris mirabilia tua : \* et iustitia tua in terra oblivionis?

Et ego ad te Domine clamavi : \* et mane oratio mea prævenerit te.

Ut quid Domine repellis orationem meam : \* avertis faciem tuam a me?

Pauper sum ego, et in laboribus a juventute mea : \* exaltatus autem, humiliatus sum et conturbatus.

In me transierunt iræ tuæ : \* et terrores tui conturbaverunt me.

Circumdederunt me sicut aqua tota die : \* circumdederunt me simul.

Elongasti a me amicum, et proximum : \* et notos meos a miseria.

Anna. Adhæsit pavimento anima mea : vivifica me secundum verbum tuum.

℟. Vigilate, et orate. R. Ut non intrétis in tentationem.

Lectio sancti Evangelii secundum Lucam.

Lectio vij. Cap. 22.

**I**N illo tempore : Egressus Jesus ibat secundum consuetudinem in montem Olivarum. Secuti sunt autem illum et discipuli. Et reliqua.

Homilia sancti Ambrósii Episcopi.

(L. 10. Comm. in Luc. cap. 22.)

**T**RANSFER a me calicem istum. Quasi homo mortem recusans, quasi Deus sententiam suam servans. Opórtet enim mori nos sæculo, ut

resurgamus Deo : ut juxta divinam sententiam lex maledictionis, resoluta in terræ limum, naturæ sine solvatur. Quod autem ait, Non mea voluntas, sed tua fiat : suam ad hominem retulit, Patris ad Divinitatem. Voluntas enim hominis, temporalis : voluntas Divinitatis, æterna. Non alia voluntas Patris, alia Filii. Una enim voluntas, ubi una Divinitas. Disce tamen Deo esse subiectus, ut non quod ipse vis eligas, sed quod Deo scias esse placitum.

℞. vij. Veni in altitudinem maris, \* Et tempestas demersit me. ℞. Salvum me fac Deus, quoniam intraverunt aquæ usque ad animam meam. — Et tempestas demersit me.

Lectio vijj.

**D**EINDE verborum ipsorum proprietatem consideremus. Tristis est, inquit, anima mea. Et alibi : Nunc anima mea turbata est valde. Non ergo suscipiens, sed suscepta turbatur. Anima enim obnoxia passionibus, Divinitas libera. Denique : Spiritus promptus, caro autem infirma. Tristis autem est, non ipse, sed anima. Non est tristis sapientia, non divina substantia, sed anima. Suscepit enim animum meum, suscepit corpus meum. Non me fefellit, ut aliud esset, et aliud videretur. Tristis videbatur, et tristis erat, non pro sua Passione, sed pro nostra dispersione.

℞. vijj. Intret in conspectu tuo oratio mea : \* Inclina aurem tuam ad precem meam. ℞. Quia repleta est malis ani-



ma mea, et vita mea inférno appropinquávit. — Inclína aurem tuam ad precem meam.

Lectio ix.

**D**ENIQUE ait : Percútiam pastórem, et dispergéntur oves gregis. Tristis erat, quia nos párvulos relinquébat. Céterum, quam constánter se morti obtúlerit, consequéntia declárant : quandóquidem quæréntibus occúrrit, turbátos confirmávit, trépidos provocávit, proditórem ósculi dignatióne suscepit. Nec illud distat a vero, si tristis erat pro persecutóribus suis, quos sciébat immánis sacrilégii pœnas datúros. Et ideo dixit : Transfer hunc cálicem a me. Non quia Deus, Dei Fílius, mortem tímébat : sed quia nec malos pro se perire volébat.

R. ix. In monte Olivéti orávit ad Patrem : Pater, si fieri potest, tránseat a me calix iste. Spíritus quidem promptus est, caro autem infirma : \* Fiat volúntas tua. ✠. Verúmtamen non sicut ego volo, sed sicut tu vis. — Fiat volúntas tua. Glória. Fiat volúntas tua.

Ante Laudes ✠. Christus factus in agonía. R. Prolixius orábat.

#### AD LAUDES

ET PER HORAS ANTIPHONÆ.

1. Venit Jesus cum discipulis suis in villam, quæ dicitur Gethsémani, et dixit illis : Sedéte hic, donec vadam illuc et orem. Psalmus Dóminus regnávit. cum ceteris, pag. 17.

2. Et assúptus Petro et duobus filiis Zebedæi, coepit contristári et mæstus esse.

3. Tunc ait illis : Tristis est ánima mea usque ad mortem :

sustinéte hic, et vigiláte mecum.

4. Et progréssus pusillum, prócidit in faciém suam, orans, et dicens : Pater mi, si possibíle est, tránseat a me calix iste.

5. Pater mi, si non potest hic calix transfére nisi bibam illum, fiat volúntas tua.

Capitulum. Matth. 26.

**V**ENIT Jesus ad discipulos suos, et invénit eos dormiéntes, et dicit Petro : Sic non potuístis una hora vigiláre mecum? Vigiláte, et oráte ut non intréts in tentatióne.

Hymnus.

**V**ENIT e cælo Mediátor alto, Quem sacri dudum cecinére vates :

Parce mærorí lacrimisque amáris,  
Fília Sion.

ATTULIT mortem vetus hortus, unde

Culpa prodivit : novus iste vitam

Hortus en affert, ubi nocte Jesus

Pérmanet orans.

VINDICEM placat Genitóris iram :

Réprimit forti jaciénda dextra Fúlmina : occurrít scéleri expiándo

Sponte Redémptor.

Sic teret duos láqueos Avérni,

Et diu clausam reserábit aulam :

Nos ad ætérna revócans beáti Gáudia regni.

LAUS, honor Patri, genitæque Proli,

Cui datum nomen super omne nomen,

Et Paracléto decus atque virtus Omne per ævum. Amen.

¶ Doce nos orare. R. Sic ergo vos orabit.

Ad Benedictus Añ. Factus in agonia prolixius orabat. Et factus est sudor ejus sicut guttæ sanguinis decurrētis in terram.

Oratio.

**D**OMINE Jesu Christe, qui in horto verbo et exemplo nos orare docuisti ad tentationum pericula superanda : concede propitius ut nos, orationi semper intenti, ejus copiosum fructum consequi mereamur. Qui vivis.

#### AD TERTIAM.

Capitulum. Matth. 26.

**V**ENIT Jesus ad discipulos suos, et invenit eos dormientes, et dicit Petro : sic non potuistis una hora vigilare mecum? Vigilate, et orate ut non intratis in tentationem.

R. Tristis est \* Anima mea. Tristis est. ¶ Usque ad mortem. Anima mea. Glória. Tristis est. ¶ Pater mi, si possibile est. R. Transeat a me calix iste.

#### AD SEXTAM.

Capitulum. Luc. 21.

**V**IGILATE itaque, omni tempore orantes, ut digni habeamini fugere ista omnia, quæ futura sunt, et stare ante filium hominis.

R. Pater mi, \* Si possibile est. Pater mi. ¶ Transeat a me calix iste. Si possibile est. Glória. Pater mi.

¶ Vigilate et orate. R. Ut non intratis in tentationem.

#### AD NONAM.

Capitulum. Matth. 5.

**O**RATE pro persecutibus, et calumniantibus vos : ut sitis filii Patris vestri, qui in cælis est.

R. Vigilate, \* Et orate. Vigilate. ¶ Ut non intratis in tentationem. Et orate. Glória. Vigilate.

¶ Factus est sudor ejus. R. Sicut guttæ sanguinis.

#### AD II. VESPERAS.

Psalmus 109.

**D**IXIT Dominus Domino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuæ emittet Dominus ex Sion : \* dominare in medio inimicorum tuorum.

Tecum principium in die virtutis tuæ in splendoribus sanctorum : \* ex utero ante luciferum genui te.

Juravit Dominus, et non penitebit eum : \* Tu es sacerdos in æternum secundum ordinem Melchisedech.

Dominus a dextris tuis, \* confregit in die iræ suæ reges.

Judicabit in nationibus, implebit ruinas : \* conquassabit capita in terra multorum.

De torrente in via bibet : \* propterea exaltabit caput.

Psalmus 110.

**C**ONFITEBOR tibi Domine in toto corde meo : \* in consilio justorum, et congregatione.

Magna opera Domini : \* exquisita in omnes voluntates ejus.

Confessio et magnificentia opus ejus : \* et justitia ejus manet in sæculum sæculi.

Memoriam fecit mirabilium suorum, & misericors et misericors Dominus : \* escam dedit timētibus se.

Memor erit in sæculum testamenti sui : \* virtutem operum suorum annuntiabit populo suo :

Ut det illis hereditatem gentium : \* opera manuum ejus veritas, et judicium.

Fidelia omnia mandata ejus : & confirmata in sæculum sæculi, \* facta in veritate et æquitate.

Redemptionem misit populo suo : \* mandavit in æternum testamentum suum.

Sanctum, et terribile nomen ejus : \* initium sapientiae timor Domini.

Intellectus bonus omnibus facientibus eum : \* laudatio ejus manet in sæculum sæculi.

Psalmus 111.

**B**EATUS vir, qui timet Dominum : \* in mandatis ejus volet nimis.

Potens in terra erit semen ejus : \* generatio rectorum benedicetur.

Gloria, et divitiæ in domo ejus : \* et justitia ejus manet in sæculum sæculi.

Exortum est in tenebris lumen rectis : \* misericors, et miserator, et justus.

Jucundus homo qui miseretur et commodat, & disponet sermones suos in judicio : \* quia in æternum non commovebitur.

In memoria æterna erit justus : \* ab auditione mala non timebit.

Paratum cor ejus sperare in Domino, & confirmatum est cor ejus : \* non commovebitur donec despiciat inimicos suos.

Dispersionis, dedit pauperibus : & justitia ejus manet in sæculum

sæculi, \* cornu ejus exaltabitur in gloria.

Peccator videbit, et irascetur, & dentibus suis fremet et tabescet : \* desiderium peccatorum peribit.

Psalmus 112.

**L**AUDATE pueri Dominum : \* laudate nomen Domini.

Sit nomen Domini benedictum, \* ex hoc nunc, et usque in sæculum.

A solis ortu usque ad occasum, \* laudabile nomen Domini.

Excelsus super omnes gentes Dominus, \* et super caelos gloria ejus.

Quis sicut Dominus Deus noster, qui in altis habitat, \* et humilia respicit in caelo et in terra?

Suscitans a terra inopem, \* et de stercore erigens pauperem :

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum lætantem.

Psalmus 115.

**C**REDIDI, propter quod locutus sum : \* ego autem humiliatus sum nimis.

Ego dixi in excessu meo : \* Omnis homo mendax.

Quid retribuam Domino, \* pro omnibus quæ retribuit mihi?

Calicem salutaris accipiam : \* et nomen Domini invocabo.

Vota mea Domino reddam coram omni populo ejus : \* pretiosa in conspectu Domini mors sanctorum ejus :



O Dómine quia ego servus tuus : \* ego servus tuus, et filius ancillæ tuæ.

Dirupisti vinctula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Antiphona super Psalmos, Capitulum et Hymnus ut in j. Vesperis, pag. 581.

℣. Factus est sudor ejus. ℞. Sicut guttæ sanguínis.

Ad Magnificat Añã. Ecce appropinquávit hora, et Filius hómínis tradétur in manus peccatórum. Oratio.

**D**OMINE Jesu Christe, qui in horto verbo et exémplo nos oráre docuisti ad tentatiónum pericula superánda : concede propítius ut nos, oratióni semper inténti, ejus copiósum fructum cónsequi mereámur. Qui vivis.

FERIA III. POST DOM. SEXAG.  
IN COMMEMOR. PASSIONIS  
D. N. JESU CHRISTI.

TOTUM DUPLEX.

AD I. VESPERAS.

Super Psalmos Añã. Cálicem salutáris accipiam : et nomen Dómini invocábo. Psalmus Crédidi. cum ceteris ut in secundis Vesperis, pag. 604.

Capitulum. Philipp. 2.

**F**RATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsum exinanívit formam servi accipiens, in simili-

túdinem hómínium factus, et hábitu invéntus ut homo. Humiliávit semetípsum factus obédiens usque ad mortem, mortem autem crucis.

℞. Vineã mea elécta, ego te plantávi, dicit Dóminus : et tu facta es mihi nimis amára, \* Quia parásti crucem Salvatóri tuo. ℣. Pópule meus, quid feci tibi, aut in quo contristávi te? respónde mihi. — Quia. Glória. Quia.

Hymnus.

**M**ÆRENTES óculi spárgite lácrimas,  
Et luctu résonent íntima córdium :

Illátas réfero Númini ab ímpiis  
Pœnas et fera vúlnera.

ACCINCTA heu ! gládiis turba satéllitum

Arréptum Dóminum fústibus ímpetit :

Nunc cædit cólaphis, nunc quatit hórridis

Divínium caput íctibus.

HAUD finis scéleri : tráditur improbo

Christus carnífici; nec mora, bárbarus

In Regem súperum non tímet ímpio

Ausu vérttere délixteram.

AUDITE o pópuli : Numen amábile,

Manánte ex húmeris úndique ságuine,

Lictóris rábidi sústinet ímpetum,

Et vocem premitinnocens.

QUIS non illácrimet? Jam nova cóndidit

Torménta indómitæ gentis iniquitas :

Infigit cérebro, proh dolor! éfferis

Sertum vépribus ásperum.

HEU crimen ! tráhitur fúni-  
bus improbis  
Fúnesti Dóminus supplicii ad  
locum :

Illic oppétiit fúnere, spíritum  
Patri restituens suo.

PASSO pro miseris tam fera  
vúlnera

In terris rësonet débíta glória;  
Sacrumque assidue nomen in  
æthera

Humánum genus éfferat.  
Amen.

¶ Oblátus est, quia ipse vó-  
luit. R. Et livóre ejus sanáti  
sumus.

Ad Magnificat Añá. O vos  
omnes, qui transitís per viam,  
atténdite, et vidéte, si est do-  
lor sicut dolor meus. Oratio.

OMNIPOTENS sempitérne  
Deus, qui, humano géneri  
ad imitándum humilitátis ex-  
émplum, Salvatórem nostrum  
carnem súmere, et crucem sub-  
ire fecisti : concéde propi-  
tius ut sicut solémnem com-  
memoratiónem Passiónis ejus  
celebrámus, ita et patiéntiæ  
ipsius habére documénta, et  
resurrectiõnis consórtia mereá-  
mur. Per eúndem.

#### AD UTRUMQUE COMPLETORIUM.

In fine Hymni, omissa Stro-  
pha Præsta Pater omnipotens,  
dicatur :

SIT laus Patri ac Paráclito  
Natóque Patris único,  
Nostræ dedit qui pródigus  
Prétium salútis sánguinem.  
Amen.

#### AD MATUTINUM.

Invitatorium. Christum Re-  
gem crucifixum \* Veníte ad-  
orémus.

#### Hymnus.

ASPICE, infámi Deus ipse  
ligno

Pendet, effúso mádidus cruóre:  
Aspice, immíti manus alma  
clavo

Fínditur alte.

HUNC, velut pravi scéleris  
ministrum,

Inter indignos médium latró-  
nes

Cerne : crudélis fuit ista gentis  
Dira volúntas.

PALLET, heu ! vultus; caput  
ecce lassum

Fléctitur : clausis óculis, Red-  
émptor

Spíritum sacro méritis onú-  
stum

Fundit ab ore.

O COR, aes durum súperas,  
geméndo

Ni scelus tergas : tua culpa  
Christum

Stípidi affixit : tua culpa morti  
Súbdidit atræ.

SIT Deo ætérnum decus  
omne in ævum,

Qui pius nostri géneris Red-  
émptor,

Criminis labem miseris nocén-  
tem

Sáanguine tersit. Amen.

#### IN I. NOCTURNO.

Psalmus 2.

QUARE fremuérunť gentes,\*  
et pópuli meditáti sunt  
inánia?

Astitérunt reges terræ, & et  
principes convenérunt in  
unum \* advérsus Dóminum,  
et advérsus Christum ejus.

Dirumpámus víncula eo-  
rum : \* et projiciámus a nobis  
jugum ipsórum.

Qui hábitat in cælis irridébit  
eos : \* et Dóminus subsanná-  
bit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Fílius meus es tu, ego hódie génui te.

Póstula a me, et dabo tibi gentes hereditátem tuam, \* et possessiónem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini qui judicátis terram.

Servíte Dómino in timóre : \* et exsultáte ei cum tremóre.

Apprehéndite disciplinam nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

Añá. Astitérunt reges terræ, et príncipes convenérunt in unum advérsus Dóminum, et advérsus Christum ejus.

Psalmus 3.

**D**OMINE quid multiplicáti sunt qui tribulant me ? \* multi insúrgunt advérsus me.

Multi dicunt ánimæ meæ : \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussísti omnes adversátes mihi sine causa : \* dentes peccatórum contrivísti.

Dómini est salus : \* et super pópulum tuum benedictio tua.

Añá. Multiplicáti sunt qui tribulant me : multi insúrgunt advérsus me.

Psalmus 21.

**D**EUS Deus meus respice in me : quare me dereliquísti ? \* longe a salute mea verba delictórum meórum.

Deus meus clamábo per diem, et non exáudies : \* et nocte, et non ad insipiéntiam mihi.

Tu autem in sancto hábitas, \* laus Israel.

In te speravérunt patres nostri : \* speravérunt, et liberásti eos.

Ad te clamavérunt, et salvi facti sunt : \* in te speravérunt, et non sunt confúsi.

Ego autem sum vermis, et non homo : \* oppróbrium hóminum, et abiéctio plebis.

Omnes vidéntes me, derísérunt me : \* locúti sunt lábiis, et movérunt caput.

Sperávit in Dómino, eripiat eum : \* salvum faciat eum, quóniam vult eum.

Quóniam tu es, qui extraxísti me de ventre : \* spes mea ab ubéribus matris meæ.

In te projectus sum ex útero : \* de ventre matris meæ Deus meus es tu, \* ne discésseris a me :

Quóniam tribulatio próxima est : \* quóniam non est qui adjuvet.



Circumdedérunt me vituli multi : \* tauri pingues obse-  
derunt me.

Aperuérent super me os suum, \* sicut leo rápiens et rúgiens.

Sicut aqua effúsus sum : \* et dispersa sunt ómnia ossa mea.

Factum est cor meum tamquam cera liquéscens \* in médio ventris mei.

Aruit tamquam testa virtus mea, \* et lingua mea adhæsit fáucibus meis : \* et in púlverem mortis deduxisti me.

Quóniam circumdedérunt me canes multi : \* concilium malignántium obsédit me.

Foderunt manus meas et pedes meos : \* dinumeravérunt ómnia ossa mea.

Ipsi vero consideravérunt et inspexérunt me : \* divisérunt sibi vestiménta mea, et super vestem meam misérunt sortem.

Tu autem Dómine ne elongáveris auxilium tuum a me : \* ad defénsionem meam cónspice.

Erue a frámea Deus ánimam meam : \* et de manu canis únicam meam.

Salva me ex ore leónis : \* et a cornibus unicórnium humilitátem meam.

Narrábo nomen tuum frátribus meis : \* in médio ecclésiæ laudábo te.

Qui tímétis Dóminum laudáte eum : \* univérsum semen Jacob glorificáte eum :

Tímeat eum omne semen Israël : \* quóniam non spre-  
vit, neque despéxit deprecá-  
tionem páuperis :

Nec avértit faciém suam a me : \* et cum clamárem ad eum exaudivit me.

Apud te laus mea in ecclésiá magna : \* vota mea reddam in conspéctu tíméntium eum.

Edent páuperes, et satura-  
búntur : \* et laudábunt Dómi-  
num qui requirunt eum : \*  
vivent corda eórum in sæcu-  
lum sæculi.

Reminiscéntur et convertén-  
tur ad Dóminum \* univér-  
si fines terræ :

Et adorábunt in conspéctu ejus \* univérse familiæ gén-  
tium.

Quóniam Dómini est reg-  
num : \* et ipse dominábitur  
géntium.

Manducavérunt et adoravé-  
runt omnes pingues terræ : \*  
in conspéctu ejus cadent om-  
nes qui descéndunt in terram.

Et ánimá mea illi vivet : \*  
et semen meum sérviet ipsi.

Annuntiábitur Dómino ge-  
nerátio ventúra : \* et annun-  
tiábunt cæli justitiam ejus pó-  
pulo qui nascétur, quem fecit  
Dóminus.

Añá. Divisérunt sibi vesti-  
ménta mea, et super vestem  
meam misérunt sortem.

℣. Oblátus est, quia ipse vó-  
luit. ℞. Et livóre ejus sanáti  
sumus.

De Epístola beáti Pauli  
Apóstoli ad Romános.

Lectio j. Cap. 5.

**C**OMMENDAT caritátem suam  
Deus in nobis : quóniam  
cum adhuc peccatóres essémus,  
secúndum tempus, Christus pro  
nobis mórtuus est : multo ígitur  
magis nunc justificáti in sangui-  
ne ipsius, salvi érimus ab ira  
per ipsum. Si enim cum inimi-  
ci essémus, reconciliáti sumus  
Deo per mortem Filii ejus :

multo magis reconciliāti, salvi erimus in vita ipsius. Non solum autem : sed et gloriāmur in Deo per Dōminum nostrum Jesum Christum, per quem nunc reconciliationem accēpimus. Si enim unius delicto mors regnavit per unum : multo magis abundantiam grātiæ, et donationis, et justitiæ accipientes, in vita regnabunt per unum Jesum Christum.

℟. j. Vineā mea elēcta, ego te plantāvi, dicit Dōminus, et tu facta es mihi nimis amara : \* Quia parāsti crucem Salvatōri tuo. ℣. Pōpule meus, quid feci tibi, aut in quo contristāvi te? respōde mihi. — Quia parāsti crucem Salvatōri tuo.

#### Lectio ij.

**I**GITUR, sicut per unius delictum in omnes hōmines in condemnationem : sic et per unius justitiam in omnes hōmines in justificationem vitæ. Sicut enim per inobedientiam unius hōminis, peccatōres constituti sunt multi : ita et per unius obediētiā, justī constituentur multi. Lex autem subintravit ut abundaret delictum. Ubi autem abundavit delictum, superabundavit grātia : ut sicut regnavit peccatum in mortem : ita et grātia regnet per justitiam in vitam æternam, per Jesum Christum Dōminum nostrum.

℟. ij. Ego edūxi te de Ægypto, demerso Pharaōne in Mare rubrum, et ante te præivi in cōlūmna nubis : \* Et tu me tradidisti Principibus sacerdotum, et me duxisti ad prætorium Pilāti. ℣. Pōpule meus, quid feci tibi, aut in quo con-

tristāvi te? respōde mihi. — Et tu me tradidisti.

#### Lectio iij.

#### Cap. 6.

**Q**UID ergo dicēmus? Permanēbimus in peccāto ut grātia abundet? Absit. Qui enim mōrtui sumus peccāto, quōmodo adhuc vivēmus in illo? An ignorātis quia quicumque baptizāti sumus in Christo Jesu, in morte ipsius baptizāti sumus? Consepulti enim sumus cum illo per baptismum in mortem : ut quōmodo Christus surrexit a mōrtuis per glōriam Patris, ita et nos in novitate vitæ ambulemus. Si enim complantāti facti sumus similitūdini mortis ejus : simul et resurrectionis erimus. Hoc sciētes, quia vetus homo noster simul crucifixus est, ut destruatur corpus peccāti, et ultra non serviamus peccāto. Qui enim mōrtuus est, justificatus est a peccāto. Si autem mōrtui sumus cum Christo : credimus quia simul etiā vivēmus cum Christo.

℟. iij. Ego propter te flagellāvi Ægyptum cum primogenitis suis : \* Et tu me flagellatum tradidisti, Qui tamquam agnus coram tondēte se obmūtui, et non aperui os meum. ℣. Pōpule meus, quid feci tibi, aut in quo contristāvi te? respōde mihi. — Et tu me flagellatum tradidisti. Glōria. Qui tamquam agnus.

#### IN II. NOCTURNO.

#### Psalmus 40.

**B**EATUS qui intēlligit super egēnum, et pauperem : \* in die mala liberābit eum Dōminus.

Dóminus consérvet eum, et vivíficet eum, & et beátum fáciat eum in terra : \* et non tradat eum in ánimam inimicórum ejus.

Dóminus opem ferat illi super lectum dolóris ejus : \* universum stratum ejus versásti in infirmitate ejus.

Ego dixi : Dómine miserére mei : \* sana ánimam meam, quia peccávi tibi.

Inimíci mei dixérunt mala mihi : \* Quando moriétur, et peribit nomen ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras, \* et loquebátur in idípsum.

Advérsus me susurrábant omnes inimíci mei : \* advérsus me cogitábant mala mihi.

Verbum iníquum constitué-runt advérsus me : \* Numquid qui dormit non adjiciet ut resúrgat?

Etenim homo pacis meæ, in quo sperávi : \* qui edébat panes meos, magnificávit super me supplantatióem.

Tu autem Dómine miserére mei, et resúscita me : \* et retribuam eis.

In hoc cognóvi quóniam voluisti me : \* quóniam non gaudébit inimícus meus super me.

Me autem propter innocentiam suscepisti : \* et confirmásti me in conspéctu tuo in ætérnum.

Benedíctus Dóminus Deus Israel a sæculo, et usque in sæculum : \* fiat, fiat.

Añá. Inimíci mei dixérunt mala mihi : Quando moriétur, et peribit nomen ejus?

Psalmus 53.

**D**EUS in nómine tuo salvum me fac : \* et in virtúte tua júdica me.

Deus exáudi oratióem meam : \* áuribus pécipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : \* et non proposuérunt Deum ante conspéctum suum.

Ecce enim Deus ádjuvat me : \* et Dóminus suscéptor est animæ meæ.

Avérte mala inimicis meis : \* et in veritáte tua dispérde illos. Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuisti me : \* et super inimícos meos despéxit óculus meus.

Añá. Aliéni insurrexérunt in me, et fortes quæsiérunt ánimam meam.

Psalmus 55.

**M**ISERERE mei Deus, quóniam conculcávit me homo : \* tota die impúgnans tribulávit me.

Conculcavérunt me inimíci mei tota die : \* quóniam multi bellántes advérsus me.

Ab altitúdine diéi timébo : \* ego vero in te sperábo.

In Deo laudábo sermónes meos, in Deo sperávi : \* non timébo quid fáciat mihi caro.

Tota die verba mea execrabántur : \* advérsus me omnes cogitatióes eórum, in malum.

Inhabitábunt et abscondent : \* ipsi calcáneum meum observábunt.



Sicut sustinuerunt animam meam, & pro nihilo salvos facies illos : \* in ira pópulos confringes.

Deus, vitam meam annuntiavi tibi : \* posuisti lácrimas meas in conspéctu tuo,

Sicut et in promissione tua : \* tunc converténtur inimici mei retrórsus :

In quacúmque die invocávero te : \* ecce cognóvi quóniam Deus meus es.

In Deo laudábo verbum, & in Dómino laudábo sermónem : \* in Deo sperávi, non timébo quid faciat mihi homo.

In me sunt Deus vota tua, \* quæ reddam, laudatiónes tibi.

Quóniam eripuisti animam meam de morte, et pedes meos de lapsu : \* ut pláceam coram Deo in lúmine vivéntium.

Añã. Conculcaverunt me inimici mei tota die : adversum me omnes cogitatiónes eórum, in malum.

Ÿ. Próprio Filio suo non pércit Deus. R. Sed pro nobis ómnibus trádidit illum.

Sermo sancti Augustini  
Episcopi.

(Serm. 41. Domin. in Palm.  
de Passione Domini.)

Lectio iv.

**A**DMONET nos, fratres carissimi, ad solemnitatem Dominicæ Passiõis dies ipse, in quo eam nec muta elementa tacuerunt. Célebre tam lux fidei linguis hóminum, quam conclamaverunt etiam siléntia tenebrarum. Hódie Dóminus noster in statéra crucis prætium nostræ salutis appéndit, et una morte univérsum mundum,

sicut ómnium Cónditor, ita ómnium Reparátor absolvit. Indubitánter enim credámus quod totum mundum redémit, qui plus dedit quam totus mundus valéret. Méritum enim redéptæ mercédis dignitas insignis prætii supergréssa est. Inter redéptum et rediméntem dispensatio fuit, compensatio non fuit. Qui ergo non habebat peccata própria, digne delévit aliéna. Solus hic pia victima pro ómnibus cécidit, ut omnes leváret : et quia débitum solus non hábuit, recte fenus misericórdiæ pro debitoribus erogávit.

R. iv. Ego propter te Chanæórum reges percússi, et dedi tibi sceptrum regále : \* Et tu dedisti cápiti meo spineam corónam, et percussisti arúndine caput meum. Ÿ. Pópule meus, quid feci tibi, aut in quo contristávi te? respónde mihi. — Et tu.

Lectio v.

**P**ERPENDE inter hæc, qui talem pro nobis dedit pecúniam, qualem a nobis si exactúrus usúram. In hac itaque die fides prophéticæ annuntiatióis impléta est, ita dicéntis : Corpus meum dedi percutiéntibus, et genas meas veléntibus : faciém meam non avérti a foeditate sputórum. Suscépit mala nostra, ut tribúeret bona sua. Hinc intelligamus quantum hóminem diligere dignátus sit ante culpam, quem sic diligit post ruínam. Agnósce homo quantum váleas, et quantum débéas : et dum tantam redemptiõis tuæ perspicias dignitá-

tem, ipse tibi indicito peccandi pudorem. Ecce pro impio pietas flagellatur, pro stulto sapientia illuditur, pro mendace veritas necatur, damnatur iustitia pro iniquo, misericordia afficitur pro crudeli, pro misero replatur sinceritas aceto, inebriatur felle dulcedo, addicitur innocentia pro reo, moritur vita pro mortuo.

℣. v. Ego duxi te per desertum quadraginta annis, et manna cibavi te : \* Et tu me cecidisti alapis et flagellis. *℟.* Pópule meus, quid feci tibi, aut in quo contristavi te ? responde mihi. — Et tu me cecidisti alapis et flagellis.

#### Lectio vj.

**E**XPAVIT scelus hominum natura rerum, et quem creatura rebellis non agnoscit, eum mundi Dominum tremens terra testatur, et caeli Regem sol fugiens confitetur. Chlamyde coccinea induitur, quia sanguine Martyrum suorum Ecclesiae corpus ornatur. Corona spinea capiti ejus imponitur, quia punctio peccatorum nostrorum, quorum remissione Redemptoris gloria struitur, aridis tribulis comparatur. Studeamus nunc e diverso, ut membrorum vita capitis sit corona. Quod vero sitire se in cruce positus dicit, fidem incredulae gentis concupiscit : sed e contra acetum malitiae porrigit, quia vinum sapientiae, quod a Deo acciperant, peccando corruperant. Velum templi scinditur, quia Synagoga honore nudatur, observatio antiqua dissolvitur, Ecclesiae unitas praemonstratur.

Monumenta aperiuntur, quia mortis jura jure superantur.

℣. vj. Ego exaltavi te magna virtute : \* Et tu me suspendisti in patibulo crucis, In qua expandi manus meas ad populum non credentem, et contradicentem. *℟.* Pópule meus, quid feci tibi, aut in quo contristavi te ? responde mihi. — Et tu me suspendisti. Glória. In qua expandi manus meas.

#### IN III. NOCTURNO.

##### Psalmus 56.

**M**ISERERE mei Deus, miserere mei : \* quoniam in te confidit anima mea.

Et in umbra alarum tuarum sperabo, \* donec transeat iniquitas.

Clamabo ad Deum altissimum : \* Deum qui benefecit mihi.

Misit de caelo, et liberavit me : \* dedit in opprobrium conculcantes me.

Misit Deus misericordiam suam, et veritatem suam, et eripuit animam meam de medio catulorum leonum : \* dormivi conturbatus.

Fili hominum dentes eorum arma et sagittae : \* et lingua eorum gladius acutus.

Exaltare super caelos Deus : \* et in omnem terram gloria tua.

Laqueum paraverunt pedibus meis : \* et incurvaverunt animam meam.

Foderunt ante faciem meam foveam : \* et incidérunt in eam.

Paratum cor meum Deus, paratum cor meum : \* cantabo, et psalmum dicam.

Exsúrge glória mea, & exsúrge psalterium et cithara : \* exsúrgam dilúculo.

Confítebor tibi in pópulis Dómine : \* et psalmum dicam tibi in géntibus :

Quóniam magnificáta est usque ad cælos misericórdia tua, \* et usque ad nubes véritas tua.

Exaltáre super cælos Deus : \* et super omnem terram glória tua.

Añā. Filii hóminum dentes eórum arma et sagittæ : et lingua eórum gládus acútus.

Psalmus 63.

**E**XAUDI Deus oratióem meam cum deprecor : \* a timóre inimici éripe ánimam meam.

Protexísti me a convéntu malignántium, \* a multítudine operántium iniquitátem.

Quia exacuérunt ut gládium linguas suas : & intendérunt arcum rem amáram, \* ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis vidébit eos?

Scrutáti sunt iniquitátes : \* defecérunt scrutántes scrutinio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmatæ sunt contra eos linguæ eórum.

Conturbáti sunt omnes qui vidébant eos : \* et tímuit omnis homo.

Et annuntiavérunt ópera Dei : \* et facta ejus intellexérunt.

Lætábitur justus in Dómino,

et sperábit in eo, \* et laudábuntur omnes recti corde.

Añā. Intendérunt arcum rem amáram, ut sagittent in occúltis immaculátum.

Psalmus 87.

**D**OMINE Deus salutis meæ : \* in die clamávi, et nocte coram te.

Intret in conspéctu tuo oratio mea : \* inclína aurem tuam ad precem meam :

Quia repléta est malis ánima mea : \* et vita mea inférno appropinquávit.

Æstimátus sum cum descendéntibus in lacum : \* factus sum sicut homo sine adjutório, inter mórtuos liber :

Sicut vulneráti dormientes in sepúlcris, & quorum non es memor ámplius : \* et ipsi de manu tua repúlsi sunt.

Posuérunt me in lacu infériori : \* in tenebrósis, et in umbra mortis.

Super me confirmátus est furor tuus : \* et omnes fluctus tuos induxisti super me.

Longe fecisti notos meos a me : \* posuérunt me abominatióem sibi.

Tráditus sum, et non egrediebar : \* óculi mei languérunt præ inópia.

Clamávi ad te Dómine tota die : \* expándi ad te manus meas.

Numquid mórtuis fácies mirabilia : \* aut médici suscítábunt, et confitebúntur tibi?

Numquid narrábit áliquis in sepúlcro misericórdiam tuam, \* et veritátem tuam in perditione?

Numquid cognoscéntur in tenebris mirabilia tua : \* et justítia tua in terra obliviónis?



Et ego ad te Dómine clāmavi : \* et mane oratio mea præveniet te.

Ut quid Dómine repellis orationem meam : \* avértis faciē tuam a me?

Pauper sum ego, et in laboribus a juventute mea : \* exaltatus autem, humiliatus sum et conturbatus.

In me transiérunt iræ tuæ : \* et terrores tui conturbavérunt me.

Circumdederunt me sicut aqua tota die : \* circumdederunt me simul.

Elongásti a me amicum, et próximum : \* et notos meos a miséria.

Ánā. Factus sum sicut homo sine adjutório, inter mórtuos liber.

¶ Factus est obédiens usque ad mortem. R̃. Mortem autem crucis.

Lectio sancti Evangélii secundum Joánnem.

Lectio vij. Cap. 19.

**I**n illo témpore : Sciens Jesus quia ómnia consummata sunt, ut consummarétur Scriptúra, dixit : Sítio. Et reliqua.

Homilia sancti Joánnis

Chrysóstomi.

(Hom. 84. in cap. 19. Joannis, ante medium.)

**SCIENS** Jesus ómnia consummata, ait : Sítio : étiam hoc verbo prophetiam implens. Tu autem astántium pravitatem intéllege : nam licet innúmeros habeamus inimicos, qui nos gravissime persecúti sunt, cum tamen intérimi eos vidémus, fléctimur misericórdia. Hi vero nil moti, magis efferrántur, et irrident, acetúmque

in spóngia pórrigunt, ut bibat tamquam reus. Nam propter hoc hyssópum ádditur, quo gustáto, mórtuus est. Vides quam non perturbáte, et quam poténter ómnia transigéntem. Quod et prósequens osténdit : Cum enim ómnia consummata essent, inclináto cápite, quod affixum non erat, trádidit spíritum, hoc est expirávit.

R̃. vij. Ego te potávi aqua salútis de petra : \* Et tu me potásti felle et acéto. ¶ Pópule meus, quid feci tibi, aut in quo contristávi te? respónde mihi. — Et tu me potásti felle et acéto.

Lectio viij.

**A**TQUI non post inclinátum caput expirátur; sed post expirationem caput inclinátur. Hic autem contra áccidit: per quod osténdit eum Evangelista esse ómnium Dóminum. Judæi autem camélum devorántes, et cúlicem excolántes, tantum nefas ausi, de die consúltant : Quóniam Parascève erat, ut non remanérēt in cruce córpora sábbato, rogavérunt Pilátum, ut frangeréntur eórum crura. Vides quanti sit véritas. Per ea, quæ illi faciunt, prophetia implétur : ália enim ex hoc manifestáta est. Venérunt ergo milites, et aliórum fregérunt crura, non Christi : sed ad Judæórum grátiam conciliándam, latus ejus lancea aperuérunt, et mórtuo adhuc insúltant. O péssimam voluntátem, ac scelestíssimam !

R̃. viij. Ego ante te aperui mare : \* Et tu aperuísti lancea latus Salvatóri tuo, qui redémmit mundum in ságuine suo.

¶ Pópule meus, quid feci tibi, aut in quo contristávi te? respónde mihi.— Et tu aperuisti láncea.

Lectio ix.

**N**OLI tamen perturbári dilectissime : quæ enim malo illi ánimo patrárunt, veritáti consentiébant. Prophetia hinc impléta est, inquires : Vidébunt in quem transfixerunt. Neque hoc tantum, sed non creditúris fuit fidei argumentum, ut Thomæ, et qui cum eo erant. Ad hæc et arcánium mystérium consummátum est : exivit enim sanguis et aqua. Non casu et simplicitér hi fontes scaturierunt : sed quóniam ex ambóbus Ecclesiá constitúta est. Sciunt hoc initiáti : per aquam enim regeneráti, sanguine et carne nutriti sunt. Hinc mystéria ortum habent; ut quóties ad admirándum cálicem accédis, tamquam ab ipso látere háuriens accédas.

¶ ix. Ego plantávi te vineam meam eléctam : et tu conversá es in amaritudinem, \* Ut me crucifigeres, et Barábbam dimitteres. ¶ Pópule meus, quid feci tibi, aut in quo contristávi te? respónde mihi. — Ut me crucifigeres. Glória. Ut me crucifigeres.

Ante Laudes ¶. Miserére nostri Jesu benigne. ¶. Qui passus es cleménter pro nobis.

AD LAUDES

ET PER HORAS ANTIPHONÆ.

1. Fui flagellátus tota die, et castigatio mea in matutinis. Psalmus Dóminus regnávít. cum ceteris, pag. 17.

2. Veni ad montem myrrhæ, et ad collem thuris : tamquam agnus ad occisiónem ductus obmútui, et non aperui os meum.

3. Foderunt manus meas et pedes meos : dinumeraverunt ómnia ossa mea.

4. Consolántem me quæsivi, et non invéni : dedérunt in escam meam fel, et in siti mea potaverunt me aceto.

5. Cum accepisset Jesus acetum, dixit : Consummátum est. Et inclináto cápite emisit spiritum.

Capitulum. Philipp. 2.

**F**RATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetipsum exinanívit formam servi accípiens, in similitudinem hóminum factus, et hábitu invéntus ut homo. Humiliávit semetipsum factus obédiens usque ad mortem, mortem autem crucis.

Hymnus.

**S**ÆVO dolórum túrbine  
Jactátur, atris óbrutus  
Pœnis, acérba sústinens  
Redemptor affixus cruci.

PEDES manúsque horribili  
Clavi cruéntant vúlnera :  
Cor, vultus, artus, pectora  
Sacro redúndant sanguíne.

FLET, orat, et clamans obit;  
Cor Matris ictum cóncidit :  
Heu Mater ! heu Fili ! dolor  
Ingráta frangat pectora.

MONTES, sepúlcrâ, sáxaque  
Scindúntur ; arva, flúmîna,  
Rupes et æquor cóntremunt,  
Templique velum scinditur.

SOL, luna, cælum, sidera  
Plangunt, et orbis ingemit :  
O vos viri, vos párvuli,  
Nuptæ, puéllæ plángite.

ASTATE mærentes cruci,  
Pedes beátos úngite,  
Laváte fletu, térgite  
Comis, et ore lámbite,  
Tu caritátis víctima,  
Ut nostra tollas crimina,  
Nobis salúbri pèrficis  
Adoptiónem sánguine.

NOSTRA ergo pax et gáudium

Sis, vita, Jesu, et præmium :  
Sis ductor et lux in via,  
Merces, coróna in pátria.

Amen.

¶ Ipse vulnerátus est propter iniquitátes nostras. R. Et attritus est propter scélera nostra.

Ad Benedictus Añã. Ad Jesum autem cum venissent, ut viderunt eum jam mórtuum, non fregérunt ejus crura : sed unus militum lancea latus ejus aperuit, et continuo exívit sanguis et aqua. Oratio.

OMNIPOTENS sempitérne Deus, qui, humano géneri ad imitándum humilitátis exéplum, Salvatórem nostrum carnem súmere, et crucem subire fecisti : concéde propítius ut, sicut solénnem commemoratióem Passiõis ejus celebrámus, ita et patiéntiæ ipsius habére documénta, et resurrectionis consórtia mereámur. Per eúndem.

#### AD PRIMAM

In fine Hymni, omissa Strophæ Deo Patri sit glória., dicitur sequens :

SIT laus Patri ac Paráclito  
Natóque Patris único,

Nostræ dedit qui pródigus  
Prétium salútis sánguinem.

Amen.

† Præcedens Strophæ dicatur etiam in fine Hymnorum ad Tertiam, Sextam et Nonam.

R. Jesu Christe, ¶. Qui pro nobis pati dignátus es.

#### AD TERTIAM.

Capitulum. Fratres, Hoc enim sentite in vobis, ut in laudibus.

R. Oblátus est, \* Quia ipse voluit. Oblátus est. ¶. Et livóre ejus sanáti sumus. Quia. Glória. Oblátus est.

¶. Próprio Filio suo non pepercit Deus. R. Sed pro nobis ómnibus trádidit illum.

#### AD SEXTAM.

Capitulum. Zach. 13.

QUID sunt plagæ istæ in médio mánuum tuárum? Et dicet : His plagátus sum in domo eórum qui diligébant me.

R. Próprio Filio suo \* Non pepercit Deus. Próprio. ¶. Sed pro nobis ómnibus trádidit illum. Non pepercit Deus. Glória. Próprio.

¶. Factus est obédiens usque ad mortem. R. Mortem autem crucis.

#### AD NONAM.

Capitulum. Isa. 53.

GENERATIONEM ejus quis enarrábit? quia abscessus est de terra vivéntium : propter scelus pópuli mei percússi eum.

R. Factus est obédiens \* Usque ad mortem. Factus est. ¶. Mortem autem crucis. Usque. Glória. Factus est.

¶. Ipse vulnerátus est propter iniquitátes nostras. R. Et attritus est propter scélera nostra.



## AD II. VESPERAS.

Psalmus 115.

**C**REDIDI, propter quod locutus sum : \* ego autem humiliatus sum nimis.

Ego dixi in excessu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors Sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupisti vincula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Psalmus 119.

**A**D Dóminum cum tribulá-  
rer clamávi : \* et exaudivit me.

Dómine libera ánimam meam a lábiis iniquis, \* et a lingua dolósa.

Quid detur tibi, aut quid poná-  
tur tibi : \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est : \* habitávi cum habitántibus Cedar : multum íncola fuit ánima mea.

Cum his, qui odérunt pacem, eram pacíficus : \* cum loquébar illis, impugnábant me gratis.

Psalmus 139.

**E**RIPe me Dómine ab hómine malo : \* a viro iniquo érípe me.

Qui cogitavérunt iniquitátes in corde : \* tota die constitúebant prœlia.

Acuérunt linguas suas sicut serpéntis : \* venénúm áspidum sub lábiis eórum.

Custódi me Dómine de manu peccatóris : \* et ab homínibus iniquis érípe me.

Qui cogitavérunt supplantáre gressus meos : \* abscondérunt superbi láqueum mihi :

Et funes extendérunt in láqueum : \* juxta íter scándalum posuérunt mihi.

Dixi Dómino : Deus meus es tu : \* exáudi Dómine vocem deprecationis meæ.

Dómine, Dómine virtus salutis meæ : \* obumbrásti super caput meum in die belli :

Ne tradas me Dómine a desiderio meo peccatóri : \* cogitavérunt contra me, ne derelinqvas me, ne forte exalténtur.

Caput circúitus eórum : \* labor labiórum ipsórum opériet eos.

Cadent super eos carbónes, & in ignem dejicies eos : \* in misériis non subsistent.

Vir linguósus non dirigétur in terra : \* virum ínjustum mala cápient in intéritu.

Cognóvi quia faciet Dóminus judícium ínopis : \* et vindictam páuperum.

Verúntamem justí confitebúntur nómini tuo : \* et habitábunt recti cum vultu tuo.

Psalmus 140.

**D**OMINE clamávi ad te, exáudi me : \* inténde voci meæ, cum clamávero ad te.

Dirigátur orátio mea sicut incensum in conspectu tuo : \* elevatio mánuum meárum sacrificium vespertinum.

Pone Dómine custódiam oris meo : \* et ostium circumstantiæ lábiis meis.

Non declinás cor meum in verba malitiæ, \* ad excusandas excusationes in peccátis.

Cum hominibus operántibus iniquitatem : \* et non comunicábo cum electis eórum.

Corripiet me justus in misericórdia et increpábit me : \* óleum autem peccatóris non impinguet caput meum.

Quóniam adhuc et orátio mea in beneplácitis eórum : \* absópti sunt juncti petrae júdices eórum.

Audient verba mea quóniam potuerunt : \* sicut crassitúdo terræ erúpta est super terram.

Dissipáta sunt ossa nostra secus inférnum : \* quia ad te Dómine, Dómine óculi mei : \* in te sperávi, non áuferas ánimam meam.

Custódi me a láqueo, quem statuerunt mihi : \* et a scándalis operántium iniquitatem.

Cadent in retiáculo ejus peccatóres : \* singuláriter sum ego donec transeam.

Psalmus 141.

**V**OCE mea ad Dóminum clamávi : \* voce mea ad Dóminum deprecátus sum :

Effúndo in conspectu ejus orationem meam, \* et tribulationem meam ante ipsum pronúntio.

In deficiendo ex me spiritum meum, \* et tu cognovisti sémitas meas.

In via hac, qua ambulábam, \* absconderunt láqueum mihi.

Considerábam ad dexteram, et vidébam : \* et non erat qui cognósceret me.

Périit fuga a me, \* et non est qui requirát ánimam meam.

Clamávi ad te Dómine, \* dixi : Tu es spes mea, pórtio mea in terra vivéntium.

Inténde ad deprecationem meam : \* quia humiliátus sum nimis.

Libera me a persequéntibus me : \* quia confortáti sunt super me.

Educ de custódia ánimam meam ad confiténdum nómini tuo : \* me expspectant justí, donec retribuas mihi.

**Añā.** Fui flagellátus tota die : et castigatio mea in matutinis.

Capitulum. Philipp. 2.

**F**RATRES, Hoc enim sentíte in vobis, quod et in Christo Jesu : qui cum in forma Dei esset, non rapínam arbitrátus est esse se æquálem Deo : sed semetipsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetipsum factus obediens usque ad mortem, mortem autem crucis.

Hymnus.

**M**ERENTES óculi spárgite lácrimas,  
Et luctu résonent íntima córdium :

Illátas réfero Númini ab impiis

Pœnas et fera vúlnera.

**ACCINCTA** heu! gládiis turba satéllitum

Arréptum Dóminum fústibus  
impetit :

Nunc cædit cólaphis, nunc  
quatit hórridis  
Divinum caput ictibus.

HAUD finis scéleri : tráditur  
improbo

Christus carnifici; nec mora,  
bárbarus

In Regem súperum non timet  
ímpio

Ausu vértete déxteram.

AUDITE o pópuli : Numen  
amábile,

Manánte ex húmeris úndique  
sánguine,

Lictóris rábidi sústinet ímpe-  
tum,

Et vocem premit innocens.

QUIS non illácrimet? Jam  
nova cóndidit

Torménta indómítæ gentis  
íniquitas :

Infigit cérebro, proh dolor !  
éfferis

Sertum vépribus áasperum.

HEU crimen ! tráhitur fúni-  
bus ímprobis

Funéstí Dóminus supplicii ad  
locum :

Illic oppetiit fúnere, spíritum  
Patri restituens suo.

PASSO pro miseris tam fera  
vúlnera

In terris résonet débíta glória;  
Sacrámque assidue nomen in  
æthera

Humánum genus éfferat.

Amen.

℣. Oblátus est, quia ipse vó-  
luit. ℞. Et livóre ejussanátí su-  
mus.

Ad Magnificat Añá. Depón-  
ens Joseph corpus Jesu in-  
vólvit síndone, et pósuit eum  
in monuménto exciso. Fuit  
planctus magnus in illa die.  
Mulieres autem sedéntes con-

tra sepúlcrum dolébant, sicut  
doléri solet in morte primo-  
géniti.

Oratio.

**O**MNIPOTENS sempitérne  
Deus, qui, húmáno géneri  
ad imitándum humilitátis ex-  
émplum, Salvatórem nostrum  
carnem súmere, et crucem sub-  
íre fecisti : concéde propítius  
ut, sicut solémnem comme-  
moratiónem Passiósni ejus ce-  
lebrámus, ita et patiéntiæ  
ipsíus habére documénta, et  
resurrectiósni consórtia mereá-  
mur. Per eúndem.

FERIA QUINTA  
POST DOM. SEXAGESIMÆ.

IN TRANSLATIONE  
S. CATHARINÆ SENENSIS  
VIRG. ORD. PRÆD.

TOTUM DUPLEX.

AD I. VESPERAS.

Super Psalmos Añá. Immor-  
táli laude Catharina Virgo  
Senénsis est éfferénda : quan-  
dóquidem suæ sanctitátis  
præstántia unívérso géneri  
húmáno innótuit. Psalmus  
Laudáte púeri. cum ceteris,  
pag. 145.

Capitulum.

Sap. 8.

**H**ANC amávi, et exquisivi a  
juventúte mea, et quæ-  
sivi sponsam mihi eam assú-  
mere, et amátor factus sum  
formæ illius, dicit Dóminus  
omnipotens.

℞. Vitam Catharinæ inno-  
centissimam mirácula illa no-  
tissimam effíciunt, \* Quæ vi-  
vens atque vita functa líquido  
osténdit. ℣. Curávit agrótos,  
vitam mórtuis restituit, et id  
genus multa fecit. — Quæ vi-  
vens. Glória. Quæ vivens.



## Hymnus.

**H**ÆC tuæ Virgo monuménta  
 laudis,  
 Quæ tuis læti Catharina sacris  
 Hoc quidem pacto modulámur  
 omnes,  
 Perfer Olympo.  
 Si satis digne néqueant re-  
 férri,  
 Annuas nobis véniam, precá-  
 mur :  
 Non sumus tanti ingénii, faté-  
 mur,  
 Optima Virgo.  
 Quis fuit dignas modulátus  
 unquam  
 Virgine laudes? Quis in orbe  
 toto  
 Fémine invictæ peritúra nun-  
 quam  
 Cármina pandet?  
 PRÆDITA exémpis Catha-  
 rina claris,  
 Móribus præstans, sápiens  
 abúnde,  
 Téperans, fortis, pia, justa,  
 prudens,  
 Æthera scandis.  
 QUEM latet virtus facinús-  
 que clarum,  
 Quo nequit dici sánctius pet  
 orbem?  
 Vúlnerum formam miseráta  
 Christi  
 Exprimis ipsa.  
 NAM brevis, mæstæ miseræ-  
 que vitæ  
 Et malis cunctis pénitus re-  
 fertæ  
 Fórtiter spernens pretiósá  
 quæque  
 Sídera adisti.  
 GRATIAS summas habeamus  
 omnes  
 Filio magni Genitóris almo :  
 Spíritum sanctum venerémur,  
 et sit  
 Laus tamen una. Amen.

ſ. Ora pro nobis beáta Catharina. R. Ut digni efficiámur promissionibus Christi.

Ad Magnificat Añ. Virginis Catharinæ hæc dies est dicáta sacris, ut nunquam tantæ sanctitátis præstantia mortálium memória excidere queat, et cunctis celeberrima perpétuo fiat.

Oratio.

**D**EUS, qui beátæ Cathari-  
 næ, virginitátis et patiéntiæ speciáli privilégio decorátæ, malignántium spirituum certámina vincere, et in amore tui nóminis inconcússe permanére tribuisti : concéde, quæsumus, ut ejus imitatione, calcáta mundi nequitia et ómnium hóstium superátis insidiis, ad tuam secúre glóriam transeámus. Per.

## AD MATUTINUM.

Invitatorium. Christum Regem regum súpplices adorémus : \* Qui immortáli glória Virginem Senénsem dotávit Catharinam.

## Hymnus.

**L**AUDIEBUS Virgo nimis effe-  
 rénda  
 Jure censéris, quóniam triúm-  
 phos  
 Ipsa cælórum, probitáte mira,  
 Nacta refúlgens.  
 PRÆMIUM sanctæ tamen  
 ipsa vitæ  
 Et simul munus probitátis al-  
 mæ  
 Accipis cælo, cumuláta cunctis  
 Dénique rebus.  
 TU gravem, sacris méritis  
 refértum,  
 Orbis exémpar, pietáte plenum  
 Prædicatórum veneráta Pa-  
 trem,  
 Ordine fulgens.

NULLA jam rerum plácuit  
volúptas,  
Nullus ornátus, nitoreccenullus  
Córporis, semper fúgiens ini-  
quæ

Cármina vitæ.

SÆPIUS corpus dómitans  
acérbe,

Quam pie flagris cruor hinc et  
inde

Flúxerat rivis, hominúmque  
demum

Crimina flebas!

QUI per ingéntes variósque  
casus

Orbe terrarum cruciántur om-  
nes,

Quotque vel curis agítantur  
ipsi

Undique diris.

SUPPETENT nobis tótidem  
canénda,

Si tuæ laudes repetántur om-  
nes :

Tu quidem longe pietáte cun-  
ctis

Inclyta præstas.

GRATIAS summas habeámus  
omnes

Fílio magni Genitóris almo :  
Spirítum sanctum venerémur,

et sit

Laus tamen una. Amen.

#### IN I. NOCTURNO.

Añã Admirábilem Dei nostri  
cleméntiam contemplári máxi-  
ma Catharinæ constántia nos  
semper efficiet. Psalmi de Com-  
muni unius Virginis, pag. 88\*.  
et sequentibus.

Añã. Misericórdia summa  
erga egénos atque ægrótos  
summóperè affécta, ipsórum  
ærumnas desilére hæc Virgo  
solébat.

Añã. Christiános quidem tan-  
ta caritáte prosequébatur, ut

eórum amóre incénsa diu no-  
ctúque flagráret.

¶. Diffúsa est grátia in lábiis  
tuis. R. Proptérea benedixit te  
Deus in ætérnum.

De Cánticis canticórum.

Lectio j.

Cap. 7.

QUAM pulchri sunt gressus  
tui in calcaméntis, filia  
principis ! Quam pulchra es, et  
quam decóra caríssima, in deli-  
ciis ! Statúra tua assimiláta  
est palmæ, et úbera tua botris.  
Dixi : Ascéndam in palmam,  
et apprehéndam fructus ejus :  
et erunt úbera tua sicut botri  
vineæ : et odor oris tui sicut  
malórum. Guttur tuum sicut vi-  
num óptimum, dignum dilécto  
meo ad potándum, labiisque  
et déntibus illius ad ruminán-  
dum. Ego dilécto meo, et ad  
me convérsio ejus. Veni dilé-  
cte mi, egrediámur in agrum,  
commorémur in villis. Mane  
surgámus ad vineas, videámus  
si floruit vinea, si flores fructus  
partúriunt, si floruerunt mala  
púnica : ibi dabo tibi úbera  
mea. Mandrágoræ dederunt  
odórem. In portis nostris óm-  
nia poma : nova et vétera, di-  
léccte mi, servávi tibi.

R. j. Catharina Virgo Jesu  
Christo virginitatem perpé-  
tuam dicavit : \* Cujus sponsa  
sanctíssima illico effécta est.  
¶. Mariam autem Virginem  
adhuc puélla exorávit ut Filii  
sui ancilla fieret. — Cujus  
sponsa sanctíssima illico effé-  
cta est.

De Epístola beáti Pauli

Apóstoli ad Romános.

Lectio ij.

Cap. 8.

DILIGENTIBUS Deum ómnia  
cooperántur in bonum,  
iis, qui secúndum propósitum

vocatī sunt sancti. Nam quos præscivit, et prædestinavit conformēs fieri imāginis Filii sui, ut sit ipse primogénitus in multis frātribus. Quos autem prædestinavit, hos et vocavit : et quos vocavit, hos et justificavit : quos autem justificavit, illos et glorificavit. Quid ergo dicemus ad hæc? Si Deus pro nobis, quis contra nos? Quis ergo nos separabit a caritatē Christi? tribulatio? an angustia? an fames? an nuditās? an periculum? an persecutio? an gladius? Sed in his omnibus superamus propter eum, qui dilexit nos. Certus sum enim, quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a caritatē Dei, quæ est in Christo Jesu Dōmino nostro.

R. ij. Virtutis ac ætēnum probitatis munus Catharina sectata, ea quæ cōpori mortali viderentur ornātui, \* Omnesque mundi fastus abegit. ¶ Christo namque Deo nostro se pēnitentia dedit. — Omnesque.

De Epistola beāti Pauli  
Apōstoli ad Gālatas.

Lectio iij. Cap. 6.

**M**ihi autem absit gloriāri, nisi in cruce Dōmini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcisio aliquid valet, neque præputium, sed nova creatura. Et quicūque hanc regulam se-

cūti fuerint, pax super illos, et misericordia, et super Israel Dei. De cetero nemo mihi molestus sit : ego enim stigmata Dōmini Jesu in corpore meo porto. Grātia Dōmini nostri Jesu Christi, cum spiritu vestro, fratres. Amen.

R. iij. Summis est enim Virgo Catharina efferenda laudibus : \* Quoniam sanctissimum vivendi modum virginibus ostendit. ¶ Immortalem quidem vitam cælo merito adēpta est. — Quoniam. Glōria. Quoniam.

## IN II. NOCTURNO.

Añā. Mirificam Virginis Catharinæ caritatem quis non admirētur, quæ nihil præter Christum amare potuit?

Añā. Vūlnerum enim sui ætēni Sponsi simulācra in corpore suo ferre meruit.

Añā. Perpetuæ laudi hæc præmia Virgini sanctæ procul dubio erunt : fiet siquidem posteritati notior.

¶ Spēcie tua et pulchritudine tua. R. Intēde, prospere procēde, et regna.

## Lectio iv.

**V**IRGINIS sanctissimæ Catharinæ Senensis de Pēnitentia beāti Dominici, quæ Romæ ad sūperos evolavit haud procul ab ecclēsia sanctæ Mariæ super Minervam, corpus hūmili primum sepulcro in ejūdem cōmetērio cōditum fuit. Sed cum ejus virtutum et prodigiōrum fama longe latēque dimanaret, et populōrum frequentia in dies succrēsceret, illud beātus Raymūndus Capuānus Ordinis Prædicatōrum generālis Magister,



antea ipsi Virgini a confessionibus, in eandem ecclesiam transferri et collocari fecit anno millésimo tercentésimo octuagésimo quinto. Deinde cum de illius sanctitate et cultus confirmatione apud Apostolicam Sedem ageretur, sanctus Antoninus Minervitani conventus præfectus, anno millésimo quadringentésimo trigésimo, ut ipse scribit, a priori loco ad sacellum beatae Mariæ a Rosário nuncupatae transtulit, atque ossa in sarcophago affabre exsculpto collocavit, donec a Pio Secundo, Virgine Sanctorum albo inserta, sub altari repõsita fuere, ubi usque ad annum millésimum octingentésimum quinquagésimum quintum quiverunt.

R. iv. Divinam hæc Virgo vitam semper degere visa est: \* Et divinum denique consecuta est præmium. V. A corporis namque illécebris fortiter abhorrui. — Et divinum.

#### Lectio v.

**I**NTEREA vero per Ecclesiam universam Catharinæ nomen, et sanctitatis fama et prodigiorum multitudine, ita mirifice percubuit, ut a viris principibus, a piis asceteriis, atque a devotis civitatibus sacrarum exuviarum particulae certatim exquiri, et thesauri loco haberi ceperint: ideoque ut eorum desiderii fleret satis, non semel sacrum monumentum reserari oportuit. In priori autem translatione beatus Raymundus virgineum caput, a corpore avulsum, Senas rogatu civium trans-

miserat, quod magna pompa ac lætitia exceptum, in ecclesia sancti Dominici collocatum usque in hodiernum diem. Deinceps sæculo decimoquarto et decimoquinto læva, pes, scapula, aliæque insignes reliquiae vel ecclesiis Ordinibus, vel asceteriis concessae fuerunt, quibus beatae Catharinæ cultus, Domino cooperante ac confirmante sequentibus signis, mirum in modum amplificatus est in populis: unde ejus ossa post mortem prophetasse, fidelium pietatem jure dixisse, historiæ testantur.

R. v. Felix ea Virgo est, quæ Jesu Christo Domino pro viribus obsequens, \* Mûnera sibi præparat æterna. V. Spreis autem humanæ vitæ mortalibus rebus. — Mûnera sibi præparat æterna.

#### Lectio vj.

**Q**UI fidelium pius cultus erga reliquias seraphicæ Virginis, licet nunquam fuerit intermissus, novum tamen triumphum postulare videbatur. Quam ob rem Minervitano templo magnificentius instaurato, et in elegantiorē formam redacto, ad aram maximam, tamquam ad nobiliorem sedem, sacrum pignus esse transferendum Patres consueverunt. Die itaque quinta Augusti anni millésimi octingentésimi quinquagésimi quinti, sacralipsana e priori loco educta, ac de more recognita, per Urbem solenni supplicationis ritu, Fratrum Prædicatorum gestantibus humeris delata fuerunt. Præcedebant Mendicantium Ordines, et Canonici.

cōrum collēgia, necnon viri augustales almæ Urbis rectōres : Episcopi ad lātera incedēbant, subsequēntibus urbānis Præsūlibus, Sorōribus tertiū Ordinis, ac mira pōpuli Romāni frequentia. Tandem sub ara principe, quam ipso sancti Patris nostri Dominici festo Pius Nonus Pōntifex Māximus suis mānibus consecrāverat, repōsita sunt die nona, postquam per triduum publicæ fideliū venerationi fuissent propōsita. Cujus sollemnioris Translationis idem Pōntifex, ex sacræ Rituum Congregationis decrēto, indūlsit ut in Ordine Prædicatōrum quotānnis sub ritu Toto Duplici memoriā celebraretur, assignāta Fēria quinta post Dominicam Sexagēsime, qua die antea fieri solēbat sub ritu Duplici Commemoratio sanctæ Catharinæ Senensis, seu Desponsationis ejus, quoniam ea die Christo Virginum sponso seraphicam Virginem mystice desponsatam fuisse tradebatur, quemadmodum beatus Raymūndus, sanctus Antoninus, alique gravissimi testantur scriptōres.

R. vj. Præcōnia tuarum laudum, Catharina Virgo, tua pietate minora esse fatemur : \* Quoniam omnium virtutum genere prædita, humanas laudes exsuperas. V. Divinis enim ubique laudibus celebranda vidēris. — Quoniam. Glōria. Quoniam.

### IN III. NOCTURNO.

Añā. Nulla unquam delēbit oblivio beneficia, quæ sunt erga hōmīnes, Catharinæ.

Añā. Semper sancta hæc Virgo vixit : felix obiit : beata in cælo regnabit in ætērnū.

Añā. Ætērnū hæc Virgo assecuta est præmium : et cælestium rerum vere pārticeps effecta Christo fruitur.

V. Adjuvabit eam Deus vultu suo. R. Deus in medio ejus, non commovebitur.

Lectio sancti Evangelii secundum Matthæum.

Lectio vij. Cap. 13.

**I**N illo tempore : Dixit Jesus turbis parabolam hanc : Simile est regnum cælōrum grano sināpis, quod accipiens homo seminavit in agro suo. Et reliqua.

Homilia sancti Petri Chrysologi.

(In cap. 13. Matth.)

**A**UDISTIS fratres quemadmodum grano sināpis tota regni cælestis comparata est magnitudo. Quærens Christus in cælo et in terra, nihil invenit, nisi granum sināpis, in quo potentiam totam supernæ dominationis includat : et illud regnum singularitate potens, æternitate felix, divinitate fulgens, diffusum toto cælo, tota terra dilatatum, in grani sināpis coarctat et cogit angustias. Spes ista est credentium tota? Expectatio ista est fidelium summa? Ista est felicitas virginum, longis continentie laboribus comparata? Fratres, non facile Dominicis moveamur in dictis. Nam si infirmum Dei fortius est hominibus, hoc minimum Dei tota magnitudine mundi magnificentius invenitur :

si modo hoc granum sinápis nos sic nostris seminémus in méntibus, ut intelligéntiæ nobis magnam in árborem crescat.

R. vij. Nihil huic Virgini sáti-  
us, nihilque dignius in rerum  
natúra visum est, quam Jesu  
Christi præcépta, \* Et vitam  
aetérnam ómnibus persuadére.  
V. Dedit enim semper óperam  
revocáre pérditos. — Et vitam  
aetérnam.

Lectio viij.

GRANI ergo sinápis instar est  
regnum Dei : quod de su-  
pérnis affertur verbo, suscipi-  
tur auditu, fide séritur, cre-  
dulitáte radicátur, spe crescit,  
confessióne diffúnditur, virtúte  
ténditur et dilatátur in ramos,  
ad quos vocat aves cæli, id  
est spirituales sensus, atque  
in ipsis eas quiéta suscipit  
mansiósne. Véniat hæréticus :  
véniat, quia redeúntibus Ecclé-  
siæ semper patéscit ingræssus.  
Véniat, audiat, et pietáti Do-  
minicæ jam désinat oblatráre.  
Si cæléstis regni majéstas om-  
nis ad grani sinápis similitúdi-  
nem venit : quid quéritur,  
quod Deus ad hóminem, Dó-  
minus servi descendit ad for-  
mam? Sic enim venit, ut tibi  
totum per fidem crésceret, cui  
jam totum defécera per natú-  
ram.

R. viij. Sapiéntia atque do-  
ctrína hæc Virgo reférta, có-  
dices nonnúllos cóndidit edi-  
ditque : \* Ut veram vivéndi  
ratióne ómnibus osténderet.  
V. His illa humánas fragilés-  
que res spérnere suádet. — Ut  
veram.

Lectio ix.

SED atténdite quia Christus  
est regnum cælórum, qui

velut granum sinápis in hor-  
tum virginei córporis missus,  
orbe toto crucis in árborem  
crevit : ac tantum dedit fru-  
ctus sui sapóre, cum téritur  
Passiósne, ut quidquid est vi-  
tále, suo saporáret et cóndiret  
attáctu. Nam sicut in integri-  
táte grani sinápis virtus habé-  
tur occúlta; appáret vero vir-  
tus ejus vehementissime, si  
terátur : ita Christus córpore  
terí vóluit, qui suam nóluit la-  
tère virtútem. Et nos, fratres,  
terámus istud granum sinápis,  
ut ejus vim in hac similitúdine  
sentiámus. Terámus granum  
illud, ut ora nostra fervéntia  
vivido fructu sui sapóris suc-  
cédant : et ita ignis ejus toto  
nobis árdeat et flammétur in  
péctore, atque nostræ igno-  
rántiæ totum nobis áuferat sua  
degustatiósne fastídium.

R. ix. Vitam Catharinæ in-  
nocentíssimam mirácula illa  
notíssimam efficiunt, \* Quæ  
vivens, atque vita functa li-  
quido osténdit. V. Curávit  
aegrótos, vitam mórtuis resti-  
tuit, et id genus multa fecit. —  
Quæ vivens. Glória. Quæ vi-  
vens.

Ante Laudes V. Ora pro no-  
bis beáta Catharina. R. Ut  
digni efficiámur promissiósni-  
bus Christi.

#### AD LAUDES

ET PER HORAS ANTIPHONÆ.

1. Omnipoténti Virgo Catha-  
rina Dei Fílio solum óbsequi  
atque servíre constituit. Psal-  
mus Dóminus regnávít. cum  
ceteris, pag. 17.

2. Exsultabúnda cæli múnera  
contemplabátur, quæ cunctis  
rebus máxime præposuit.



3. Divinis namque oblectata rebus, diu noctūque orationibus atque vigiliis operam dabat.

4. Rerum omnium Conditōri Catharina benedicēbat, qui beatitudinis semitam mortali-bus ostēdit.

5. Laudāvit Catharina semper Dōminum, et ab eo in excelsis exaltata est.

Capitulum. Sap. 8.

**H**ANC amāvi, et exquisivi a juventute mea, et quæsi vi sponsam mihi eam assumere, et amātor factus sum formæ illius, dicit Dōminus omnipotens.

Hymnus.

**J**AM ferox miles tibi sæpe cessit,  
Et duces iras posuere sævas :  
Hi necem diram populo minati  
Sæpe Senensi.

QUID! Quod et sacris studiis frequenter

Viribus summis operam dedisti,

Litteræ doctæ lepidæque claris

Urbibus exstant.

NITERIS verbis revocare lapsos,

Niteris rectum suadere cunctis :

Sic ais : Tantum probitas beatos

Efficit omnes.

JURA tu sævæ tremebunda mortis

Fortiter tempens, nihil extimescens,

Premium nostræ vocitare vitæ

Sæpe solēbas.

UNDE cum tempus properaret ipsum,

Quo sacros artus cineresque busto

Linqueres, caelos aditura, flentes

Ipsa docēbas.

Sic sacrum Christi venerata Corpus,

Hóstiam libans, lacrimis obortis,

Dixeras cunctis documenta vitæ

Voce suprema.

GRATIAS summas habeamus omnes

Fílio magni Genitōris almo :

Spiritum sanctum veneremur, et sit

Laus tamen una.

Amen.

¶ Adducuntur regi virgines post eam. R. Proximæ ejus afferuntur tibi.

Ad Benedictus Añā. Máxima est Catharinæ Virginis Senensis præstantia, quæ incolumitatem languentibus et vitam mortuis restituere potuit.

Oratio.

**D**EUS, qui beatæ Catharinæ, virginitatis et patientiæ speciali privilegio decoratæ, malignantium spirituum certamina vincere, et in amore tui nominis inconcussæ permanere tribuisti : concede, quæsumus, ut ejus imitatione, calcata mundi nequitia et omnium hostium superatis insidiis, ad tuam secure gloriam transeamus. Per.

AD TERTIAM.

Capitulum Hanc amāvi., ut in Laudibus.

¶ R. R. et V. V. Horarum de Communi unius Virginis, pag. 96\*.

## AD SEXTAM.

Capitulum. Sap. 8.

**D**OMINUS omnium dilexit illam : doctrix est enim disciplinæ Dei, et electrix operum illius.

## AD NONAM.

Capitulum. Eccli. 11.

**B**REVIS in volatilibus est apis, et initium dulcoris habet fructus illius.

## AD II. VESPERAS.

Super Psalmos Añā. Omnipotēti Virgo Catharina Dei Filio solum obsequi atque servire constituit. Psalmus Dixit Dominus, cum ceteris de Communi unius Virginis, pag. 96\*.

Capitulum Hanc amavi. et Hymnus Hæc tuæ Virgo. ut in j. Vesperis, pag. 605. et pag. 606.

¶ Ora pro nobis beata Catharina. R. Ut digni efficiamur promissionibus Christi.

Ad Magnificat Añā. O Virgo máxima glória præstans, cujus sacra stata orbis universus hodierna die celebrat, quam angeli cum laudibus efferrunt, ac ceteri superni cives admirantur : age apud Deum, quo mentes nostræ semper divinis præceptis obtemperent, nosque virtutibus aliisque bonis augeat.

## FERIA VI.

POST DOM. I. QUADRAGESIMÆ.

SS. LANCEÆ ET CLAVORUM

D. N. JESU CHRISTI.

TOTUM DUPLEX.

## AD I. VESPERAS.

Super Psalmos Añā. Unus militum lancea latus ejus aperuit, et continuo exivit sanguis et

aqua. Psalmus Laudate pueri, cum ceteris, pag. 145.

Capitulum. 1. Joan. 5.

**C**ARISSIMI, Quis est qui vincit mundum, nisi qui credit quoniam Jesus est Filius Dei? Hic est, qui venit per aquam et sanguinem, Jesus Christus : non in aqua solum, sed in aqua et sanguine.

R. Unus militum lancea latus ejus aperuit, \* Et continuo exivit sanguis, et aqua. V. In die illa erit fons patens domui David, et habitantibus Jerusalem. — Et continuo. Glória. Et continuo.

## Hymnus.

**Q**UENAM lingua tibi o Lancea debitas  
Grates pro merito est apta respondere?

Christi vivificum namque aperis latus,  
Unde Ecclesia nascitur.

Hæc est Heva viri de latere exiens,  
Olli membra gravis dum sopor occupat :

Hanc quippe alter Adam corde scatentibus  
Unda et sanguine procreat.

O CLAVI æqua manet vos quoque gratia,  
Christi quando sacris artubus insiti,

Delétum Domini sanguine figitis

Mortis chirographum cruci.

TE Jesu Súperi laudibus efferrant,

Qui Clavorum áditus signaque que Lanceæ

In cælo rélines, vivus ubi imperas

Cum Patre atque Paráclito. Amen.

¶ Foderunt manus meas et pedes meos. R. Dinumeraverunt omnia ossa mea.

Ad Magnificat Añā. Delens quod adversus nos erat chirurgum decreti, quod erat contrarium nobis, et ipsum tulit de medio, affigens illud cruci.

Oratio.

DEUS, qui in assumptæ carnis infirmitate Clavis affigi et Lancea vulnerari pro mundi salute voluisti: concede propitius ut qui eorundem Clavorum et Lanceæ solémnia veneramur in terris, de glorioso victoriæ tuæ triumpho gratulémur in cælis. Qui vivis.

#### AD MATUTINUM.

Invitatorium. Christum Lancea et Clavis vulneratum \* Venite adorémus.

#### Hymnus.

SALVETE Clavi et Lancea,  
Squalore nuper obsita,  
Quæ mersa Christi corpori,  
Almo rubetis sanguine.

Vos ad scelus Judæica  
Elégerat perfidia :

Sed in ministra gratiæ  
Vos vertit e cælo Deus.

NAM quot sacratis artibus  
Sculpistis olim vulnera,  
E tot reclusis fontibus  
Dona effluunt cælestia.

CLAVIS forato et Lancea,  
Jesu tibi sit gloria,  
Cum Patre et almo Spiritu  
Nunc, et per omne sæculum.

Amen.

#### IN I. NOCTURNO.

#### Psalmus 1.

BEATUS vir, qui non abiit in consilio impiorum, & et in via peccatorum non stetit, \*

et in cathedra pestilentiae non sedit :

Sed in lege Domini voluntas ejus, \* et in lege ejus meditabitur die ac nocte.

Et erit tamquam lignum, quod plantatum est secus decursus aquarum, \* quod fructum suum dabit in tempore suo :

Et folium ejus non defluet : \* et omnia quaecumque faciet, prosperabuntur.

Non sic impii, non sic : \* sed tamquam pulvis, quem projicit ventus a facie terræ.

Ideo non resurgent impii in judicio : \* neque peccatores in concilio justorum.

Quoniam novit Dominus viam justorum : \* et iter impiorum peribit.

Añā. Ad Jesum autem cum venissent, non fregérunt ejus crura : sed unus militum lancea latus ejus aperuit.

#### Psalmus 2.

QUARE fremuerunt gentes, \* et populi meditati sunt inania?

Astitérunt reges terræ, & et principes convenérunt in unum \* adversus Dominum, et adversus Christum ejus.

Dirumpamus vincula eorum : \* et projiciamus a nobis jugum ipsorum.

Qui habitat in cælis iridebit eos : \* et Dominus subsannabit eos.

Tunc loquétur ad eos in ira sua, \* et in furóre suo conturbabit eos.

Ego autem constitutus sum rex ab eo super Sion montem sanctum ejus, \* prædicans præceptum ejus.



Dóminus dixit ad me : \* Fílius meus es tu, ego hódie genui te.

Póstula a me, et dabo tibi gentes hereditátem tuam, \* et possessiónem tuam téminos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini qui iudicátis terram. Servite Dómino in timóre : \* et exsultáte ei cum tremóre.

Apprehéndite disciplinam nequándo irascátur Dóminus, \* et peréátis de via justa.

Cum exársert in brevi ira ejus, \* beáti omnes, qui confidunt in eo.

Aña. Exívit sanguis et aqua : et qui vidit testimónium perhibuit, et verum est testimónium ejus.

### Psalmus 3.

**D**OMINE quid multiplicáti sunt qui tribulant me? \* multi insúrgunt advérsus me.

Multi dicunt ánimæ meæ : \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormivi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussísti omnes adversántes mihi sine

causa : \* dentes peccatórum contrivísti.

Dómini est salus : \* et super pópulum tuum benedictio tua.

Aña. Alia Scriptúra dicit : Vidébunt in quem transfixérunt.

¶. Quem tu percussísti, persecúti sunt. R. Et super dolórem vúlnerum meórum addéderunt.

### De Zacharía Prophéta.

#### Lectio j.

#### Cap. 12.

**H**ÆC dicit Dóminus : Effúdam super domum David, et super habitatóres Jerúsalem spiritum grátiae, et precum : et aspicient ad me, quem confixerunt : et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, sicut planctus Adadrémmon in campo Magéddon. Et planget terra : familiæ et familiæ seórsum : familiæ domus David seórsum, et mulieres eórum seórsum : familiæ domus Nathan seórsum, et mulieres eórum seórsum : familiæ domus Levi seórsum, et mulieres eórum seórsum : familiæ Semei seórsum, et mulieres eórum seórsum. Omnes familiæ reliquæ, familiæ et familiæ seórsum, et mulieres eórum seórsum.

R. j. Ad Jesum autem cum venissent, ut viderunt eum jam mórtuum, non fregérunt ejus crura, \* Sed unus militum lancea latus ejus aperuit. ¶. Et qui vidit, testimónium perhibuit, et verum est testimónium ejus. — Sed unus militum.

## Lectio ij.

## Cap. 13.

**I**n die illa erit fons patens dōmū David, et habitantibus Jerūsalem in ablutiōnem peccatōris, et menstruātæ. Et erit in die illa, dicit Dōminus exercituum : Dispēdam nōmina idolorū de terra, et non memorabūntur ultra : et pseudoprophētās, et spīritum imūndum āuferam de terra. Et erit, cum prophetāverit quispiam ultra, dicent ei pater ejus, et mater ejus, qui genuerunt eum : Non vives : quia mendācium locūtus es in nōmine Dōmini : et configent eum pater ejus, et mater ejus, genitores ejus, cum prophetāverit. Et erit : In die illa confundentur prophētæ, unusquisque ex visione sua cum prophetāverit : nec operiēntur pāllo saccino, et tēdiantur : sed dicet : Non sum prophēta, homo agricola ego sum : quōniam Adam exēplum meum ab adolescentia mea.

R. ij. Unus militum lancea latus ejus aperuit, \* Et continuo exiit sanguis, et aqua. V. In die illa erit fons patens dōmū David, et habitantibus Jerūsalem. — Et continuo exiit sanguis et aqua.

## Lectio iij.

**E**t dicētur ei : Quid sunt plagæ istæ in medio manuum tuarum? Et dicet : His plagatus sum in domo eōrum, qui diligēbant me. Frāmea suscitāre super pastōrem meum, et super virum cohāerentem mihi, dicit Dōminus exercituum : pērcute pastōrem, et dispergēntur oves : et convertam manum meam ad parvulos. Et erunt in omni terra,

dicet Dōminus : partes duæ in ea dispergēntur, et deficient : et tertia pars relinquetur in ea. Et ducam tertiam partem per ignem, et uram eos sicut uritur argentum : et probābo eos sicut probatur aurum. Ipse vocabit nomen meum, et ego exaudiam eum. Dicam : Pōpulus meus es; et ipse dicet : Dōminus Deus meus.

R. iij. In die illa erit fons patens dōmū David, et habitantibus Jerūsalem \* In ablutiōnem peccatōris, et menstruātæ. V. Hic est, qui venit per aquam et sanguinem, Jesus Christus. — In ablutiōnem. Glōria. In ablutiōnem.

## IN II. NOCTURNO.

## Psalmus 4.

**C**um invocārem exaudivit me Deus justitiæ meæ : \* in tribulatione dilatasti mihi.

Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et queritis mendacium?

Et scitote quoniam mirificavit Dōminus sanctum suum : \* Dōminus exaudiet me cum clamāvero ad eum.

Irascimini, et nolite peccare : \* quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Dōmino : \* multi dicunt : Quis ostendit nobis bona?

Signatum est super nos lumen vultus tui Dōmine : \* dedisti lætitiā in corde meo.

A fructu frumentī, vini, et olei sui \* multiplicati sunt.

In pace in idipsum \* dór-  
miam, et requiescam :

Quóniam tu Dómine singulá-  
riter in spe \* constituisti me.

Añã. Aspiciet ad me, quem  
confixerunt : et plangent eum  
planctu quasi super unigénit-  
tum.

Psalmus 5.

**V**ERBA mea áuribus pércipe  
Dómine, \* intéllige cla-  
mórem meum.

Inténde voci oratiónis meæ,\*  
rex meus et Deus meus.

Quóniam ad te orábo : \* Dó-  
mine mane exáudies vocem  
meam.

Mane astábo tibi et vidébo : \*  
quóniam non Deus volens ini-  
quitátem tu es.

Neque habitábit juxta te ma-  
lignus : \* neque permanébunt  
injústi ante óculos tuos.

Odísti omnes, qui operántur  
iniquitátem : \* perdes omnes,  
qui loquúntur mendácium.

Virum sánguinem et dolósum  
abominábitur Dóminus : \*  
ego autem in multitúdine mi-  
sericórdiæ tuæ.

Introibo in domum tuam : \*  
adorábo ad templum sanctum  
tuum in timóre tuo.

Dómine deduc me in justítia  
tua : \* propter inimícos meos  
dirige in conspéctu tuo viam  
meam.

Quóniam non est in ore eó-  
rum véritas : \* cor eórum va-  
num est.

Sepúlcrum patens est guttur  
eórum, & linguis suis dolóse  
agébant, \* júdica illos Deus.

Décidant a cogitatiónibus  
suis, & secúndum multitúdinem  
impietátum eórum expélle  
eos, \* quóniam irritavérunt te  
Dómine.

Et læténtur omnes, qui spe-  
rant in te, \* in ætérnum exsul-  
tábunt : et habitábis in eis.

Et gloriabúntur in te omnes,  
qui diligunt nomen tuum, \*  
quóniam tu benedíces justo.

Dómine, ut scuto bonæ vo-  
luntátis tuæ \* coronásti nos.

Añã. Quid sunt plagæ istæ  
in médió mánuum tuárum?

Psalmus 8.

**D**OMINE Dóminus noster,\*  
quam admirábile est no-  
men tuum in univérsa terra !

Quóniam eleváta est magni-  
ficéntia tua, \* super cælos.

Ex ore infántium et lactén-  
tium perfecísti laudem propter  
inimícos tuos, \* ut destruas  
inimícum et ultórem.

Quóniam vidébo cælos tuos,  
ópera dígitórum tuórum : \*  
lunam et stellas, quæ tu fun-  
dásti.

Quid est homo, quod memor  
es ejus? \* aut filius hóminis,  
quóniam visitas eum?

Minuísti eum paulo minus ab  
Angelis, & glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pédibus  
ejus, \* oves et boves univér-  
sas : insuper et pécora campi.

Vólucres cæli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univérsa terra !

Añã. His plagátus sum in  
domo eórum, qui diligébant  
me.

¶ Ipse vulnerátus est pro-  
pter iniquitátes nostras. R. At-  
trítus est propter scélera no-  
stra.



Sermo Innocéntii Papæ  
Sexti.

(In decreto de festo Lanceæ  
et Clavorum Domini.)

Lectio iv.

**I**N Redemptoris nostri Dómini Jesu Christi sacratissima Passiône sic nos gloriári oportet, ut ipsius Passiônis cuncta mystéria dinumerantes et mérita, singulis étiam ejus salutáribus instrumentis gloriémur. Inter quæ illud célebriter memorándum est, quod ipse Salvátor, emissio in cruce jam spiritu, sustinuit perforári Lancea latus suum, ut inde sanguinis et aquæ profluentibus undis formarétur única et immaculáta ac virgo sancta mater Ecclesiá, sponsa sua. O beatíssima ipsius sacri láteris apertúra, unde nobis tot et tanta divinæ pietátis dona fluxérunt! O felix Lancea, quæ tot bona nobis efficere, et ad tanti triúmphí glóriam méruit superáddi!

R. iv. Hic est, qui venit per aquam et sanguinem, Jesus Christus: \* Non in aqua solum, sed in aqua et sanguine. V. Tres sunt, qui testimonium dant in terra: spiritus, aqua, et sanguis: et hi tres unum sunt. — Non in aqua solum.

Lectio v.

**H**ÆC, latus ipsum aperiéndó, sacratissimas jánuas nobis regni cælestis aperuit. Hæc vulnerádo jam mórtuum, vulnere nostra sanávit, vitánque nobis réddidit, et salútum. Hæc innóxiúm transfigéndó, illius sanguine culpas nostras abstérst: et demum ejúsdem sacratissimis undis

irrigáta, cæcitatís nostræ ténebras sústulit, et nos ipsius divinæ pietátis flúviis mundávit. Illi étiam dulces Clavi, quibus ipse Salvátor eidem cruci fuit affixus, quique non solum immaculáto respérgei sángxine, et molem ferre tanti pónderis meruérunt, sed et nos étiam per ipsórum salutíferas plagas dulcédinem tantam ipsius divinæ caritátis accépmus, ut manus nostræ a peccáti solútæ néxibus, pedésque nostri a mortis láqueis fuerint liberáti, sunt devotissime recoléndi.

R. v. Quóniam circumdedérunt me canes multí: concílium malignántium obsédit me. \* Foderunt manus meas et pedes meos. V. Dicétur ei: Quid sunt plagæ istæ in médio mánuum tuárum? — Foderunt manus meas et pedes meos.

Lectio vj.

**Q**UID enim vulnere et plagis hujúsmodi sáncctius? Quid eis salúbríus, ex quibus salus nostra processit, et in quibus assidue se possunt curáre animæ devotórum? Licet igitur Lancea et Clavi prædicti, aliæque ipsius Passiônis salutária instrumenta, sint a cunctis fidélibus Christi ubilíbet veneránda, et de ipsa étiam Passiône in eádem Ecclesiá solémnia annis singulis Officia celebréntur et fiant; dignum tamen et convéniens reputámus, si de ipsius Passiônis speciálibus instrumentis, et præsertim in pártibus, in quibus instrumenta ipsa dicúntur habéri, solémne ac speciále festum celebrétur et fiat;

nosque illos fideles Christi, qui aliqua ex instrumentis ipsius habere se gaudent, in eorum devotione divinis Officiis, atque munere specialiter fovemus.

R. vj. Dicetur ei : Quid sunt plagæ istæ in medio manuum tuarum? Et dicit : \* His plagatus sum in domo eorum, qui diligebant me. V. Nisi videro in manibus ejus fixuram clavorum, non credam. — His plagatus sum. Glória. His plagatus sum.

### IN III. NOCTURNO.

Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terríbilis est super omnes deos.

Quóniam omnes dii géntium dæmónia : \* Dóminus autem caelos fecit.

Confessio, et pulchritúdo in conspéctu ejus : \* sanctimónia, et magnificéntia in sanctificatione ejus.

Afférte Dómino pátriæ géntium, & afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávít.

Etenim corréxit orbem terræ

qui non commovébitur : \* judicábit pópulos in æquitáte.

Læténtur cæli, et exsúltet terra, & commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnia lígna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

Añña. Foderunt manus meas et pedes meos : dinumeráverunt ómnia ossa mea.

Psalmus 96.

**D**OMINUS regnávít, exsúltet terra : \* læténtur insulæ multæ.

Nubes, et caligo in circúitu ejus : \* justítia, et judícium corréctio sedis ejus.

Ignis ante ipsum præcedet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiáverunt cæli justítiam ejus : \* et vidérunt omnes pópuli glóriam ejus.

Confundántur omnes, qui adorant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et lætáta est Sion.

Et exsultáverunt filiæ Judæ, \* propter judícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justi in Dómino : \* et confitémini memóriæ sanctificatiónis ejus.

Añā. Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam.

Psalmus 97.

**C**ANTATE Dómino cánticum novum : \* quia mirábilia fecit.

Salvávít sibi délixtera ejus : \* et bráchium sanctum ejus.

Notum fecit Dóminus salutare suum : \* in conspéctu géntium revelávít justítiam suam.

Recordátus est misericórdiæ suæ, \* et veritátis suæ dómui Israel.

Viderunt omnes términi terræ \* salutare Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductilibus, et voce tubæ córneæ.

Jubiláte in conspéctu regis Dómini : \* moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, \* simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in

justítia : \* et pópulos in æquítate.

Añā. Infer dígitum tuum huc, et vide manus meas, et affer manum tuam, et mitte in latus meum.

Y. Disciplína pacis nostræ super eum. R. Et livóre ejus sanáti sumus.

Léctio sancti Evangélíi secundum Joánnem.

Lectio vij. Cap. 19.

**I**N illo témpore : Sciens Jesus quia ómnia consummata sunt, ut consummarétur Scriptúra, dixit : Sitio. Et reliqua.

Homília sancti Augustini Episcopi.

(Tract. 120. in Joánnem.)

**U**NUS militum lancea latus ejus aperuit, et continuo exívit sanguis, et aqua. Vigílanti verbo Evangelísta usus est, ut non diceret, Latus ejus percússit, aut vulnerávit, aut quid aliud : sed, Aperuit ; ut illic quodámmodo vitæ óstium panderétur, unde sacraménta Ecclésiæ manavérunt, sine quibus ad vitam, quæ vera vita est, non intrátur. Ille sanguis, qui fusus est, in remissionem fusus est peccatórum. Aqua illa salutare témperat póculum ; hæc et lavácrum præstat, et potum. Hoc prænuntiábat, quod Noe in latere arcæ óstium fácere jussus est, quo intrárent animália, quæ non erant dilúvio peritúra, quibus præfigurabátur Ecclésia.

R. vij. Facta sunt hæc ut Scriptúra implerétur : Os non comminuétis ex eo. Et iterum alia Scriptúra dicit : \* Vidébunt in quem transfixérunt.



¶ Effúdam super domum David, et super habitátóres Jerúsalem spíritum grátiae, et precum. — Vidébunt in quem transfixérunt.

Lectio viij.

**P**ROPTER hoc prima múlíer facta est de látere viri dormiéntis, et appelláta est Vita, matérque vivórum. Magnum quippe significávit bonum ante magnum prævaricatiónis malum. Hic secúndus Adam, inclinátó cápíte, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui reviviscunt! Quid isto ságuine múndius? quid vúlnerē isto salúbrius? Facta sunt enim hæc, inquit, ut Scriptúra implerétur : Os non comminuétis ex eo. Et iterum ália Scriptúra dicit : Vidébunt in quem transfixérunt.

℞. viij. Effúdam super domum David, et super habitátóres Jerúsalem spíritum grátiae, et precum : \* Et aspiciént ad me, quem confixérunt. V. Et plangent eum planctu quasi super unigénitum. — Et aspiciént ad me.

Lectio ix.

**D**UO testimónia de Scriptúris réddidit singulis rebus, quas factas fuisse narrávit. Nam quia dixerat, Ad Jesum autem cum veníssent, ut vidérunt eum jam mórtuum, non fregérunt ejus crura ; ad hoc pértinet testimónium, Os non comminuétis ex eo : quod præcéptum est eis, qui celebráre Pascha jussi sunt ovis immolatióne, in vétéri Lege, quæ Domínicæ Passiósni um-

bra præcésserat. Unde Pascha nostrum immolátus est Christus : de quo Isaías Prophéta dixerat : Sicut ovis ad occisió-nem ductus est. Item quia subjúnxerat dicens, Sed unus militum láncea latus ejus apéruit : ad hoc pértinet álium testimónium, Vidébunt in quem transfixérunt. Ubi promissus est Christus, in ea, qua crucifixus est, carne ventúrus.

℞. ix. Omnes amici mei dereliquérunt me, et prævaluérunt insidiántes mihi : trádidi me, quem diligébam : et terribílibus óculis plaga crudéli percutiéntes, \* Acétó potábant me. V. Et dedérunt in escam meam fel, et in siti mea. — Acétó potábant me. Glória. Acétó potábant me.

Ante Laudes V. Ipse vulnerátus est propter iniquitátes nostras. ℞. Attritus est propter scélera nostra.

AD LAUDES

ET PER HORAS ANTIPHONÆ.

1. Unus militum láncea latus ejus apéruit, et continuo exívit sanguis, et aqua. Psalmus Dóminus regnávit. cum ceteris, pag. 17.

2. Fodérunt manus meas et pedes meos : dinumeravérunt ómnia ossa mea.

3. Tres sunt, qui testimónium dant in terra : spíritus, aqua, et sanguis : et hi tres unum sunt.

4. Quid turbáti estis, et cogitatiónes ascéndunt in corda vestra? Vidéte manus meas, et pedes meos, quia ego ipse sum.

5. Infer dígitum tuum huc, et vide manus meas, et affer

manum tuam, et mitte in latus meum.

Capitulum. 1. Joann. 5.

**C**ARISSIMI, Quis est qui vincit mundum, nisi qui credit quoniam Jesus est Filius Dei? Hic est qui venit per aquam et sanguinem, Jesus Christus, non in aqua solum, sed in aqua et sanguine.

Hymnus.

**T**INCTAM ergo Christi sanguine

Convertite in me cuspitem :

Ferite cor, pedes, manus :

Poenam a nocente sumite.

At, quæso, culpis debitas

Quas jure plagas figitis,

Cruore divino illitæ

Fiant medela spiritus.

SIT gressus ad malum impotens,

Manus nocere desinant,

Omnisque corde e saccio

Profanus ardor exeat.

CLAVIS forato et Lancea,

Jesu tibi sit gloria,

Cum Patre et almo Spiritu,

Nunc, et per omne sæculum.

Amen.

℣. Foderunt manus meas et pedes meos. ℞. Dinumeraverunt omnia ossa mea.

Ad Benedictus Añã, Inglorius erit inter viros aspectus ejus, et forma ejus inter filios hominum. Iste asperget gentes multas.

Oratio.

**D**EUS, qui in assumptæ carnis infirmitate Clavis affigi et Lancea vulnerari pro mundi salute voluisti : concede propitius ut qui eorundem Clavorum et Lanceæ solèmnia veneramur in terris, de glorioso victoriæ tuæ triumpho gratulemur in cælis. Qui vivis,

AD PRIMAM.

℞. Jesu Christe. ℣. Qui vulneratus es pro nobis.

AD TERTIAM.

Capitulum Carissimi, Quis est qui vincit mundum., ut in Laudibus.

℞. Foderunt manus meas

\* Et pedes meos. Foderunt.

℣. Dinumeraverunt omnia ossa mea. Et pedes meos. Glória.

Foderunt manus meas.

℣. Quem tu percussisti, persecuti sunt. ℞. Et super dolorem vulnèrum meorum addiderunt.

AD SEXTAM.

Capitulum. 1. Petri 2.

**F**RATRES, Christus passus est pro nobis, vobis relinquens exemplum ut sequamini vestigia ejus. Qui peccatum non fecit, nec inventus est dolus in ore ejus.

℞. Quem tu percussisti,

\* Persecuti sunt. Quem tu percussisti.

℣. Et super dolorem vulnèrum meorum addiderunt.

Persecuti sunt. Glória. Quem tu percussisti.

℣. Ipse vulneratus est propter iniquitates nostras.

℞. Attritus est propter scelera nostra.

℣. Ipse vulneratus est propter iniquitates nostras.

℞. Attritus est propter scelera nostra.

AD NONAM.

Capitulum. 1. Petri 2.

**Q**UI peccata nostra ipse pertulit in corpore suo super lignum : ut peccatis mortui, justitiæ vivamus : cujus livore sanati estis.

℞. Ipse vulneratus est \* Propter iniquitates nostras. Ipse vulneratus est. ℣. Attritus est propter scelera nostra. Propter iniquitates nostras. Glória. Ipse vulneratus est.

Ÿ. Disciplina pacis nostræ  
super eum. R. Cujus livore  
sanati sumus.

## AD II. VESPERAS.

Psalmus 109.

**D**IXIT Dóminus Dómino  
meo : \* Sede a dextris  
meis :

Donec ponam inimicos tuos,\*  
scabellum pedum tuorum.

Virgam virtutis tuæ emittet  
Dóminus ex Sion : \* dominá-  
re in médio inimicorum tuó-  
rum.

Tecum principium in die vir-  
tutis tuæ in splendóribus  
sanctorum : \* ex útero ante  
luciferum génui te.

Jurávit Dóminus, et non pœ-  
nitēbit eum : \* Tu es sacerdos  
in ætérnum secúndum órdi-  
nem Melchisedech.

Dóminus a dextris tuis, \*  
confrégit in die iræ suæ reges.

Judicabit in natióibus, im-  
plēbit ruinas : \* conquassabit  
cápita in terra multórum :

De torrēnte in via bibet : \*  
propterea exaltábit caput.

Psalmus 110.

**C**ONFITEBOR tibi Dómine in  
toto corde meo : \* in con-  
silio justórum, et congrega-  
tióne.

Magna ópera Dómini : \* ex-  
quisita in omnes voluntates  
ejus.

Confessio et magnificéntia  
opus ejus : \* et justitia ejus  
manet in sæculum sæculi.

Memóriam fecit mirabilem  
suorum, & miséricors et mise-  
rator Dóminus : \* escam dedit  
timéntibus se.

Memor erit in sæculum testa-  
ménti sui : \* virtutem óperum

suorum annuntiábit pópulo  
suo :

Ut det illis hereditátem gén-  
tium : \* ópera mánuum ejus  
véritas et judícium.

Fidélia ómnia mandata ejus :  
confirmata in sæculum sæ-  
culi, \* facta in veritáte et  
æquitáte.

Redemptiõem misit pópulo  
suo : \* mandávit in ætérnum  
testaméntum suum.

Sanctum, et terribile nomen  
ejus : \* iníitium sapiéntiæ ti-  
mor Dómini.

Intelléctus bonus ómnibus fa-  
ciéntibus eum : \* laudatio ejus  
manet in sæculum sæculi.

Psalmus 111.

**B**EATUS vir, qui timet Dómi-  
num : \* in mandátis ejus  
volet nimis.

Potens in terra erit semen  
ejus : \* generatio rectórum  
benedicétur.

Glória, et divitiæ in domo  
ejus : \* et justitia ejus manet  
in sæculum sæculi.

Exórtum est in ténebris lu-  
men rectis : \* miséricors, et  
miserátor, et justus.

Jucúndus homo qui miserétur  
et cómmodat, & dispónet ser-  
mónes suos in judicio : \* quia  
in ætérnum non commovébi-  
tur.

In memória ætérna erit jus-  
tus : \* ab auditióne mala non  
timébit.

Parátum cor ejus speráre in  
Dómino, & confirmátum est  
cor ejus : \* non commovébitur  
donec despiciat inimicos suos.

Dispérsit, dedit paupéribus :  
justitia ejus manet in sæculum  
sæculi, \* cornu ejus exaltábi-  
tur in glória.



Peccátor vidébit, et irascé-  
tur, & déntibus suis fremet et  
tabéscet : \* desidérium pecca-  
tórum peribit.

Psalmus 112.

**L**AUDATE púeri Dóminum : \*  
laudáte nomen Dómini.

Sit nomen Dómini benedí-  
ctum, \* ex hoc nunc, et usque  
in sæculum.

A solis ortu usque ad occá-  
sum, \* laudábile nomen Dó-  
mini.

Excélsus super omnes gentes  
Dóminus, \* et super cælos  
glória ejus.

Quis sicut Dóminus Deus no-  
ster, qui in altis hábitat, \* et  
humília respicit in cælo et in  
terra?

Súscitans a terra ínopem, \*  
et de stércore érigens páupe-  
rem :

Ut cóllocet eum cum princi-  
pibus, \* cum principibus pó-  
puli sui.

Qui habitáre facit stérilem in  
domo, \* matrem filiórum læ-  
tántem.

Psalmus 115.

**C**REDIDI, propter quod locú-  
tus sum : \* ego autem  
humiliátus sum nimis.

Ego dixi in excéssu meo : \*  
Omnis homo mendax.

Quid retribuam Dómino, \*  
pro ómnibus, quæ retribuit  
mihi?

Cálicem salutáris accípiam : \*  
et nomen Dómini invocábo.

Vota mea Dómino reddam  
coram omni pópulo ejus : \*  
pretiósá in conspéctu Dómini  
mors sanctórum ejus :

O Dómine quia ego servus  
tuus : \* ego servus tuus, et  
filius ancillæ tuæ.

Dirupísti víncula mea : \* tibi  
sacrificábo hóstiám laudis, et  
nomen Dómini invocábo.

Vota mea Dómino reddam  
in conspéctu ómnis pópuli  
ejus : \* in átriis domus Dó-  
mini, in médio tui Jerúsalem.

Aña. Unus militum láncea la-  
tus ejus apéruit, et continuo  
exiit sanguis et aqua.

Capitulum Caríssimi, Quis  
est, qui vincit mundum, et  
Hymnus Quænam lingua tibi.,  
ut in j. Vesperis, pag. 614.

¶ Foderunt manus meas et  
pedes meos. R. Dinumeravé-  
runt ómnia ossa mea.

Ad Magnificat Aña. Vere lan-  
guóres nostros ipse tulit, et do-  
lóres nostros ipse portávit : et  
nos putávimus eum quasi le-  
prósum, et percússum a Deo,  
et humiliátum.

Oratio.

**D**EUS, qui in assúptæ car-  
nis infirmitáte Clavis affi-  
gi et Láncea vulneráti pro  
mundi salúte voluísti : concéde  
propitius ut qui eorúmdem  
Clavórum et Lánceæ solémnia  
venerámur in terris, de glo-  
rióso victóriæ tuæ triúmphi  
gratulémur in cælis. Qui vivis.

FERIA VI.

POST DOM. II. QUADRAGESIMÆ.

SS. SINDONIS

D. N. JESU CHRISTI.

TOTUM DUPLEX.

AD I. VESPERAS.

Super Psalmos Aña. Joseph  
nóbilis decúrio, vir bonus et  
justus, et ipse dives, erat ex-  
spéctans regnum Dei. Psal-  
mus Laudáte púeri. cum cete-  
ris, pag. 145.

Capitulum.

Isa. 63.

**Q**uis est iste, qui venit de Edom, tinctis vésibus de Bosra? Iste formósus in stola sua, grádiens in multítudine fortitúdinis suæ. Ego, qui loquor justitiam, et propugnátor sum ad salvándum.

R. Accépto Dómini corpore, Joseph invólvit illud in sindone munda, et pósuit illud in monuménto suo novo, \*Quod exciderat in petra. V. Et advólvit saxum magnum ad óstium monuménti. — Quod exciderat. Glória. Quod exciderat.

Hymnus.

**G**LORIAM sacre celebrémus omnes

Sídonis : lætis recolámus hymnis

Et piis votis monuménta nostræ

Certa salútis :

QUÆ refert semper veneránda Sídon

Sánguine impréssis decoráta signis,

Dum cruce ex alta tulit involútum

Corpus Iésu.

REDDIT hæc sævos ánimos dolóres,

Quos tulit, casum miserátus Adæ,

Christus húmáni géneris Redémptor,

Morte perémpta.

SAUCIUM ferro latus, atque palmas

Et pedes clavibus, laceráta flagris Membra, et infixam cápiti coronam

Monstrat imágo.

QUIS pius, siccis óculis et absque

Intimi cordis gémitu, notáta

Vivaque indignæ simulácræ mortis

Cernere possit?

NOSTRA cum solum tibi Christe culpa

Causa tantórum fúerit malórum,

Nostra debétur tibi vita: vitam Dédimus ipsam.

SIT tibi Fili decus atque virtus,

Qui tuo mundum rédimis cruóre,

Quique cum summo Genitóre et almo

Flámine regnas. Amen.

V. Tuam Sídonem venerámur Dómine. R. Tuam recólimus Passiónem.

Ad Magnificat Aña. Joseph, vir bonus et justus, accéssit ad Pilátum, et pétiiit corpus Jesu: quo accépto, invólvit illud in sindone munda. Oratio.

**D**EUS, qui nobis in sancta Sídone, qua corpus tuum sacratíssimum, e cruce depósitum, a Joseph involútum fuit, Passiónis tuæ vestigia reliquisti : concéde propítius ut per mortem et sepultúram tuam ad resurrectionis glóriam perducámur. Qui vivis.

AD MATUTINUM.

Invitatorium. Christum Dóminum, qui Passiónis suæ memóriam in sacra Sídone renóvat, \*Venite adorémus.

Hymnus.

**M**YSTERIUM mirabile Hac luce nobis pánditur, Verus Dei cum Filius Mortem cruéntam sústinet.

CAUSAM tuéndo sérvuli, Reique formam véstiens, Pro servo herus suspénditur, Pro sonte justus pléctitur.

NECIS manent insígnia  
 Impréssa sacra in Síndone,  
 Quæ post triúmphum nóbilem  
 Corpus cruéntum invólverat.  
 SUNT mortis hæc, et tártari  
 Mundique victi insígnia :  
 Trophæa sunt hæc inclyta  
 Ductóris invictissimi.

DEEMUS ergo hanc grá-  
 tiam

Nostræ salútis vindici,  
 Ut dæmonis contra dolos  
 Hac militémus téssera.

VITÆ vetústæ mórtui,  
 Surgámus in vitam novam :  
 Christum secúti per crucem,  
 Christi fruémur glória.

PRÆSTA Pater piíssime,  
 Patrique compar Unice,  
 Cum Spiritu Paráclito  
 Regnans per omne sæculum.  
 Amen.

#### IN I. NOCTURNO.

Psalmus 4.

CUM invocárem exaudivit  
 me Deus justitiæ meæ : \*  
 in tribulatióne dilatásti mihi.  
 Miserére mei, \* et exáudi  
 oratióem meam.

Filii hóminum úsquequo  
 gravi corde? \* ut quid diligitis  
 vanitátem, et quæritis mendá-  
 cium?

Et scitôte quóniam mirificá-  
 vit Dóminus sanctum suum : \*  
 Dóminus exáudiet me cum  
 clamávero ad eum.

Irascimini, et nolite peccá-  
 re : \* quæ dicitis in córdibus  
 vestris, in cubilibus vestris  
 compungimini.

Sacrificáte sacrificium justí-  
 tiæ, & et speráte in Dómino : \*  
 multi dicunt : Quis osténdit  
 nobis bona?

Signátum est super nos lu-

men vultus tui Dómine : \* de-  
 disti lætitiám in corde meo.

A fructu fruménti, vini, et  
 ólei sui \* multiplicáti sunt.

In pace in idípsium \* dór-  
 miam, et requiéscam :

Quóniam tu Dómine singu-  
 láriter in spe \* constituisti  
 me.

Añá. Rubrum est indumén-  
 tum tuum, et vestiménta tua  
 sicut calcántium in torculári.

Psalmus 15.

CONSERVA me Dómine,  
 quóniam sperávi in te. \*  
 Dixi Dómino : Deus meus es  
 tu, quóniam bonórum meórum  
 non eges.

Sanctis, qui sunt in terra  
 ejus, \* mirificávit omnes vo-  
 luntátes meas in eis.

Multiplicátæ sunt infirmi-  
 tátes eórum : \* póstea accele-  
 ravérunt.

Non congregábo conventi-  
 cula eórum de sanguínibus : \*  
 nec memor ero nóminum eó-  
 rum per lábia mea.

Dóminus pars hereditátis  
 meæ, et cálicis mei : \* tu es,  
 qui restitues hereditátem  
 meam mihi.

Funes cecidérunt mihi in  
 præcláris : \* étenim heréditas  
 mea præclára est mihi.

Benedicam Dóminum, qui  
 tribuit mihi intelléctum : \* in-  
 super et usque ad noctem in-  
 crepuérunt me renes mei.

Providébam Dóminum in  
 conspéctu meo semper : \* quón-  
 iam a dextris est mihi, ne  
 commóvear.

Propter hoc lætátum est cor  
 meum, et exsultávit lingua  
 mea : \* insuper et caro mea  
 requiéscet in spe.



Quóniam non derelinques animam meam in inférno : \* nec dabis sanctum tuum vidére corruptionem.

Notas mihi fecisti vias vitæ, & adimplébis me lætitia cum vultu tuo : \* delectatiónes in dextera tua usque in finem.

Añā. Aspēsus est sanguis super vestimēta mea, omnia indumēta mea inquināvi.

Psalmus 14.

**D**OMINE quis habitābit in tabernáculo tuo ? \* aut quis requiescet in monte sancto tuo ?

Qui ingreditur sine macula, \* et operātur iustitiam :

Qui loquitur veritatem in corde suo, \* qui non egit dolum in lingua sua :

Nec fecit próximo suo malum, \* et opprobrium non accēpit adversus próximos suos.

Ad nihilum deductus est in conspectu ejus malignus : \* timētes autem Dōminum glorificat :

Qui jurat próximo suo, et non decipit, & qui pecūniam suam non dedit ad usuram, \* et mūnera super innocentem non accēpit :

Qui facit hæc, \* non movēbitur in ætérnum.

Añā. Divisérunt sibi vestimēta mea, et super vestem meam miserunt sortem.

¶ Tuam Síndonem venerāmur Dōmine. R. Tuam recólimus Passiōnem.

De Isaia Prophēta.

Lectio j. Cap. 53.

**Q**UIS crédidit auditui nostro? et bráchium Dōmini cui revelátum est? Et ascēdet sicut virgúltum coram eo, et

sicut radix de terra sitiēti : non est spēcies ei, neque decor : et vidimus eum, et non erat aspēctus, et desiderāvimus eum : despēctum, et novissimum virórum, virum dolórum, et sciētem infirmitatem : et quasi absconditus vultus ejus et despēctus, unde nec reputāvimus eum. Vere languóres nostros ipse tulit, et dolóres nostros ipse portávit : et nos putāvimus eum quasi leprósum, et percússum a Deo et humiliátum. Ipse autem vulnerátus est propter iniquitátes nostras, attritus est propter scēlera nostra : disciplina pacis nostræ super eum, et livóre ejus sanáti sumus.

R. j. Ecce vidimus eum non habentem spēciem, neque decórem : aspēctus ejus in eo non est : hic peccáta nostra portávit, et pro nobis dolet : ipse autem vulnerátus est propter iniquitátes nostras : \* Cujus livóre sanáti sumus. ¶ Vere languóres nostros ipse tulit, et dolóres nostros ipse portávit. — Cujus livóre sanáti sumus.

Lectio ij.

**O**MNES nos quasi oves errāvimus, unusquisque in viam suam declināvit : et pōsuit Dōminus in eo iniquitatem ómnium nostrum. Oblátus est quia ipse vóluit, et non apérui os suum : sicut ovis ad occisiōnem ducétur, et quasi agnus coram tondēte se obmutēscet, et non apériet os suum. De angústia, et de iudicio sublátus est : generatiōnem ejus quis enarrábit? Quia abscissus est de terra vivéntium : propter scelus pópuli

mei percussus eum. Et dabit impiis pro sepultura, et divitem pro morte sua : eo quod iniquitatem non fecerit, neque dolus fuerit in ore ejus.

R. ij. Quid sunt plagæ istæ in medio manuum tuarum? \* Et dicet : His plagatus sum in domo eorum, qui diligebant me. V. Fræmea suscitare super pastorem meum, et super virum coherentem mihi. — Et dicet.

### Lectio iij.

**E**t Dominus voluit contèrere eum in infirmitate : si posuerit pro peccato animam suam, videbit semen longævum, et voluntas Domini in manu ejus dirigetur. Pro eo quod laboravit anima ejus, videbit et saturabitur : in scientia sua justificabit ipse justus servus meus multos, et iniquitates eorum ipse portabit. Ideo dispertiam ei plurimos : et fortium dividet spolia, pro eo quod tradidit in mortem animam suam, et cum sceleratis reputatus est : et ipse peccata multorum tulit, et pro transgressoribus rogavit.

R. iij. Tuam Sindonem veneramur Domine, tuam gloriosam recolimus Passionem : \* Miserere nobis, qui passus es pro nobis. V. Salva præsentem catervam, in tuis hodie laudibus congregatam. — Miserere nobis. Gloria. Miserere nobis.

### IN II. NOCTURNO.

#### Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo. Quia ipse super maria fun-

davit eum : \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, & qui non accepit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Hæc est generatio quærentium eum, \* quærentium faciem Dei Jacob.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dominus fortis et potens : Dominus potens in prælio.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dominus virtutum ipse est rex gloriæ.

Añã. Quasi absconditus vultus ejus et despectus, unde nec reputavimus eum.

#### Psalmus 26.

**D**OMINUS illuminatio mea, et salus mea, \* quem timebo?

Dominus protector vitæ meæ, \* a quo trepidabo?

Dum appropiant super me nocentes, \* ut edant carnes meas :

Qui tribulant me inimici mei, \* ipsi infirmati sunt et ceciderunt.

Si consistant adversum me castra, \* non timebit cor meum.

Si exsurgat adversum me  
proelium, \* in hoc ego sperabo.

Unam pētīi a Dōmino, hanc  
requiram, \* ut inhābitem in  
domo Dōmini omnibus diēbus  
vitæ meæ :

Ut videam voluptatē Dōmi-  
ni, \* et visitem templum ejus.

Quoniam abscondit me in  
tabernaculo suo : \* in die ma-  
lorum protēxit me in abscon-  
dito tabernaculi sui.

In petra exaltāvit me : \* et  
nunc exaltāvit caput meum  
super inimicos meos.

Circuivi, et immolāvi in ta-  
bernaculo ejus hōstiam vocife-  
rationis : \* cantābo, et psal-  
mum dicam Dōmino.

Exāudi Dōmine vocem meam,  
qua clamāvi ad te : \* miserere  
mei, et exāudi me.

Tibi dixit cor meum, ⁊ ex-  
quisivit te faciēs mea : \* faci-  
ciem tuam Dōmine requiram.

Ne avērtas faciē tuam a  
me : \* ne declīnes in ira a ser-  
vo tuo.

Adjutor meus esto : \* ne de-  
relinquas me, neque despicias  
me Deus salutāris meus.

Quoniam pater meus, et ma-  
ter mea dereliquerunt me : \*  
Dōminus autem assumpsit me.

Legem pone mihi Dōmine  
in via tua : \* et dirige me in  
semitam rectam propter inimi-  
cos meos.

Ne tradideris me in animas  
tribulantium me : \* quoniam  
insurrexerunt in me testes inī-  
qui, et mentita est iniquitas  
sibi.

Credo vidēre bona Dōmini \*  
in terra vivēntium.

Exspēcta Dōminum, viriliter  
age : \* et confortētur cor tuum,  
et sūstine Dōminum.

Añā. Omnes vidētes me,  
deriserunt me : locūtī sunt lā-  
biis, et movērunt caput.

Psalmus 29.

**E**XALTABO te Dōmine quō-  
niam suscepisti me : \* nec  
delectāsti inimicos meos super  
me.

Dōmine Deus meus clamāvi  
ad te, \* et sanāsti me.

Dōmine eduxisti ab infēr-  
no animam meam : \* salvāsti  
me a descendētibz in lacum.

Psāllite Dōmino sancti ejus : \*  
et confitēmini memoriæ san-  
ctitātis ejus.

Quoniam ira in indignatiōne  
ejus : \* et vita in voluntate  
ejus.

Ad vesp̄erum demorābitur  
fletus : \* et ad matutinum læ-  
tītia.

Ego autem dixi in abundā-  
tia mea : \* Non movēbor in  
zētērnū.

Dōmine in voluntate tua, \*  
præstitisti decōri meo virtū-  
tem.

Avērtisti faciē tuam a  
me, \* et factus sum contur-  
bātus.

Ad te Dōmine clamābo : \*  
et ad Deum meum deprecā-  
bor.

Quæ utilitas in sāguine  
meo, \* dum descēdo in cor-  
ruptiōnem?

Numquid confitēbitur tibi  
pulvis, \* aut annuntiābit veri-  
tatem tuam?

Audivit Dōminus, et misē-  
tus est mei : \* Dōminus factus  
est adjutor meus.

Convertisti plāctum meum  
in gāudium mihi : \* conscidi-  
sti saccum meum, et circum-  
dedisti me lætitia :



Ut cantet tibi glória mea, et non compungar : \* Dómine Deus meus in ætérnum confitebor tibi.

**Añ.** Tradidit in mortem animam suam : et ipse peccata multórum tulit.

**¶.** Adorámus te Christe, et benedicimus tibi. **R.** Quia per crucem tuam redemisti mundum.

Sermo sancti Ambrósii  
Episcopi.

Lectio iv. (In Luc. c. 23.)

**Q**UID sibi vult, quod non Apóstoli, sed Joseph et Nicodémus, ut Joánnes dicit, Christum sepéliunt? Unus, justus et constans; alter, qui erat magister in Israel. Talis enim Christi est sepultura, quæ justitiam magisteriúmque hábeat. Obstrúitur igitur tergiversándi locus, et doméstico Judæi testimonio revincúntur. Nam si Apóstoli sepelissent, dicerent útique non sepúltum, quem sepúltum raptum esse dixerunt. Justus autem Christi corpus óperit síndone, innocens ungit unguénto. Namque hæc non otiose distincta reperimus : quia justitia vestit Ecclésiám, innocentia grátiam subministrat.

**R.** iv. O admirábilis Sindon, in qua involútus est thesáurus noster, \* Redemptio captivórum. **¶.** Gaudet totus mundus, qui redemptus est ságuine Dómini sui. — Redemptio captivórum.

Lectio v.

**V**ESTI ergo et tu Dómini corpus glória sua, ut et ipse sis justus. Et si mórtuum

credis, óperi tamen divinitátis própriæ plenitúdine : unge illud myrrha et álloe, ut bonus odor Christi sis. Bonum lin-teum misit Joseph ille vir justus : et fortásse illud, quod Petrus vidit e cælo ad se esse demissum, in quo erant génera quadrúpedum, et ferárum, et volúcrum, ad similitúdinem Gentilium figuráta. Mystico igitur unguénto illo pístico consepeleitur Ecclésiá, quæ diversitátem populórum fidei suæ communióne sociávit.

**R.** v. Tulérunt túnica[m] Joseph fratres ejus, et in ságuine hædi, quem occiderant, tinxérunt : mitténtes qui ferrent ad patrem, et dicerent : \* Hanc invénimus : vide num túnica filii tui sit, an non. **¶.** Quam cum agnovisset pater, ait : Túnica filii mei est, fera péssima devorávit eum. — Hanc invénimus.

Lectio vj.

**H**UNC Joseph justum Lucas dixit, Matthæus divitem. Et mérito dives hoc loco dicitur, ubi corpus súscipit Christi : súscipiéndó enim divitem, nescivit fidei paupertátem. Dives est ergo, qui justus est. Justus igitur síndone involvit : Israelíta vero et diversos miscet virtútum odóres, et álloes mittit quasi libras centum, hoc est, perféctæ fidei quantitátem. Et ligavérunt corpus Jesu juxta consuetúdem speciálem Judæórum, non útique nodis perfidiæ, sed fidei ligatúris : et posuérent in horto, cui fréquénter Ecclésiá comparátur, quæ diversórum habet poma meritórum, florésque virtútum.

Rg. **vj.** Christus passus est pro nobis, vobis relinquens exemplum ut sequamini vestigia ejus: \* Qui peccatum non fecit, nec inventus est dolus in ore ejus. **vj.** Qui cum malediceretur, non maledicebat: cum pateretur, non comminabatur. — Qui peccatum non fecit. Gloria. Qui peccatum non fecit.

## IN III. NOCTURNO.

## Psalmus 53.

**D**EUS in nomine tuo salvum me fac: \* et in virtute tua iudica me.

Deus exaudi orationem meam: \* auribus percipe verba oris mei.

Quoniam alieni insurrexerunt adversum me, et fortes quaesierunt animam meam: \* et non proposuerunt Deum ante conspectum suum.

Ecce enim Deus adjuvat me: \* et Dominus susceptor est animae meae.

Averte mala inimicis meis: \* et in veritate tua disperse illos.

Voluntarie sacrificabo tibi, \* et confitebor nomini tuo Domine: quoniam bonum est:

Quoniam ex omni tribulatione eripuisti me: \* et super inimicos meos despexit oculus meus.

Añā. Caro mea requiescet in spe: quia non dabis sanctum tuum videre corruptionem.

## Psalmus 75.

**N**OTUS in Judaea Deus: \* in Israel magnum nomen ejus.

Et factus est in pace locus ejus: \* et habitatio ejus in Sion.

Ibi confrégit potentias ar-

cum, \* scutum, gladium, et bellum.

Illuminans tu mirabiliter a montibus aeternis: \* turbati sunt omnes insipientes corde.

Dormierunt somnum suum: \* et nihil invenerunt omnes viri divitiarum in manibus suis.

Ab increpatione tua Deus Jacob, \* dormitaverunt qui ascenderunt equos.

Tu terribilis es, et quis resistet tibi? \* ex tunc ira tua.

De caelo auditum fecisti iudicium: \* terra tremuit et quievit,

Cum exurgeret in iudicium Deus, \* ut salvos faceret omnes mansuetos terrae.

Quoniam cogitatio hominis confitebitur tibi: \* et reliquiae cogitationis diem festum agent tibi.

Vovete, et reddite Domino Deo vestro: \* omnes qui in circuitu ejus affertis munera.

Terribili et ei qui aufert spiritum principum, \* terribili apud reges terrae.

Añā. Convertisti planctum meum in gaudium mihi: conscidisti saccum meum, et circumdediti me laetitia.

## Psalmus 87.

**D**OMINE Deus salutis meae: \* in die clamavi, et nocte coram te.

Intret in conspectu tuo oratio mea: \* inclina aurem tuam ad precem meam:

Quia repleta est malis anima mea: \* et vita mea inferno appropinquavit.

Aestimatus sum cum descendentibus in lacum: \* factus sum sicut homo sine adiutorio, inter mortuos liber:

Sicut vulnerāti dormiētes in sepūcris, & quorum non es memor ampliūs : \* et ipsi de manu tua repūsi sunt.

Posuerunt me in lacu inferiōri : \* in tenebrōsis, et in umbra mortis.

Super me confirmātus est furor tuus : \* et omnes fluctus tuos induxisti super me.

Longe fecisti notos meos a me : \* posuerunt me abominatiōem sibi.

Trādītus sum, et non egrediēbar : \* oculi mei languerunt prae inopia.

Clamāvi ad te Dōmine tota die : \* expāndi ad te manus meas.

Numquid mōrtuis faciēs mirabilia : \* aut mēdici suscitābunt, et confitebūntur tibi?

Numquid narrābit āliquis in sepūcro misericōrdiam tuam, \* et veritatem tuam in perditione?

Numquid cognoscēntur in tēnebris mirabilia tua : \* et iustitia tua in terra oblivionis?

Et ego ad te Dōmine clamāvi : \* et mane oratio mea praeveniet te.

Ut quid Dōmine repellis orationem meam : \* avērtis faciē tuam a me?

Pauper sum ego, et in laboribus a iuventute mea : \* exaltatus autem, humiliatus sum et conturbātus.

In me transiērent irae tuae : \* et terrōres tui conturbaverunt me.

Circumdedērunt me sicut aqua tota die : \* circumdedērunt me simul.

Elongasti a me amicum, et prōximum : \* et notos meos a miseria.

**Añā.** Factus sum sicut homo sine adiutorio, inter mōrtuos liber.

**V.** Omnis terra adoret te, et psallat tibi. **R.** Psalmum dicat nōmini tuo Dōmine.

Lectio sancti Evangelii secundum Marcum.

Lectio vij. Cap. 15.

**I**N illo tēpore : Cum jam sero esset factum (quia erat parascēve, quod est ante sabbatum) venit Joseph ab Arimathæa nōbilis decurio, qui et ipse erat exspectans regnum Dei. Et reliqua.

Homilia venerabilis Bedæ Presbyteri.

(In Feria 3. Palmarum.)

**P**ARASCEVE græce, latine præparatio dicitur, quo nōmine Judæi, qui inter Græcos morabāntur, sextam sabbati appellābant; eo quod, in illa, ea quæ requiēi Sabbati necessaria essent præparāre solerent : juxta hoc, quod de manna quondam præceptum est : Sexta autem die colligētis duplum. Quia ergo sexta die factus est homo, et tota est mundi creatūra perfēcta, septima autem Cōnditor ab opere suo requiēvit, unde et hanc Sabbatum, hoc est requiem, vōluit appellāri : recte Salvator eādē sexta die crucifixus, humanæ restauratiōnis implevit arcānum : ideōque cum accepisset acētum, dixit : Consummātum est : hoc est, Sextæ diēi, quod pro mundi refectione suscepī, jam totum est opus explētum. Sabbato autem in sepulcro requiescens, Resurrectionis, quæ octāva die ventūra erat, exspectābat evēntum.



R̃. vij. Mercátus est Joseph sindonem mundam, ut involveret in ea corpus Dómini : \* Venit ergo, et tulit corpus ejus. Ṽ. Rogávit Pilátum Joseph ab Arimathæa ut tólleret corpus Jesu. — Venit ergo, et tulit corpus ejus.

Lectio viij.

VENIT, inquit, Joseph ab Arimathæa nóbilis decúrio, qui et ipse erat expéctans regnum Dei, et audácter introivit ad Pilátum, et pétiiit corpus Jesu. Magnæ quidem Joseph iste dignitátis ad sæculum; sed majóris apud Deum mériti fuisse laudátur. Talem namque exsistere decébat eum, qui corpus Dómini sepeliret, qui et per justítiam meritórum tali ministério dignus esset, et per nobilitátem poténtiæ sæculáris facultátem posset obtinére ministrándi. Non enim quilibet ignótus aut mediócris ad præsidem accédere, et Crucifixi corpus póterat impetráre.

R̃. viij. Hæc est Sindon digníssima, \* In qua salútis Auctor de cruce depósitus involvi dignátus est. Ṽ. Ut nos consépulti cum eo, vétéris hominis exúviis depósitis, innocentia sindone tegerémur. — In qua.

Lectio ix.

JOSEPH autem mercátus est sindonem, et depónens eum involvit sindone. Ex simplici sepultúra Dómini, ambitio divitum condemnátur, qui ne in túmulis quidem possunt carere divitiis. Póssumus autem juxta intelligentiam spiritualem hoc

sentire, quod corpus Dómini non auro, non gemmis, et séríco, sed linteamine puro obvolvéndum sit. Quamquam et hoc significat quod ille in sindone munda involvat Jesum, qui pura eum mente suscepérit. Hinc Ecclésiæ mos obtinuit, ut sacrificium altáris non in séríco, neque in panno tincto, sed in lino terréno celebrétur, sicut corpus est Dómini in sindone munda depósitum.

R̃. ix. Accépto Dómini corpore, Joseph involvit illud in sindone munda, et pósuit illud in monumento suo novo, \* Quod exciderat in petra. Ṽ. Et advólvit saxum magnum ad óstium monumenti. — Quod exciderat in petra. Glória. Quod exciderat in petra.

Ante Laudes Ṽ. Abscúndit me Deus in tabernáculo suo. R̃. In die malórum protéxit me.

AD LAUDES

ET PER HORAS ANTIPHONÆ.

1. Joseph nóbilis decúrio, vir bonus et justus, et ipse dives, erat expéctans regnum Dei. Psalmus Dóminus regnávít cum ceteris, pag. 17.

2. Hic audácter introivit ad Pilátum, et pétiiit corpus Jesu.

3. Cum cognovisset Pilátus a centurióne, quod jam mórtuus esset, donávit corpus Jesu.

4. Joseph autem mercátus sindonem, et depónens eum involvit sindone.

5. Pósuit eum in monumento, in quo nondum quisquam pósitus fúerat.

## Capitulum.

Isaïæ 63.

**Q**uis est iste, qui venit de Edom, tinctis véslibus de Bosra? Iste formósus in stola sua, grádiens in multítudine fortítudinis suæ. Ego, qui loquor justítiam, et propugnátor sum ad salvándum.

## Hymnus.

**J**esu, dulcis amor meus,  
Ac si præsens sis, accédo :  
Te compléctor cum afféctu,  
Tuórum memor vúlnerum.

O QUAM nudum hic te cerno,  
Vulnerátum, et disténtum,  
Inquinátum, involútum  
In hoc sacráto tégmine !

SALVE caput cruentátum  
Spinis, cujus dulcis vultus  
Immutávit suum florem,  
Quem cæli tremit cúria.

SALVE latus Salvatóris,  
Salve mitis apertúra,  
Super rosam rubicúnda,  
Medéla salutífera.

MANUS sanctæ, vos avéte,  
Diris clavís perforatæ :  
Ne repéllas me Salvátor  
De tuis sanctis pédibus.

Amen.

Ÿ. Dóminus regnávít, decórem induít. R̃. Induít Dóminus fortítudinem, et præcínxit se virtúte.

Ad Benedictus Añá. Joseph nobilis decúrio, exspéctans et ipse regnum Dei, mercátus est sindonem, et depónens corpus Jesu, involóvit illud in sindone.

## Oratio.

**D**EUS, qui nobis in sancta Sindone, qua corpus tuum sacratissimum, e cruce depósitum, a Joseph involútum fuit, Passiónis tuæ vestígia reliquisti : concéde propítius ut per mortem et sepultúram tuam

ad resurrectiónis glóriam perducámur. Qui vivis.

## AD TERTIAM.

Capitulum. Quis est iste, ut in Laudibus.

R̃. Tuam Sindonem \* Venerámur Dómine. Tuam Sindonem. Ÿ. Tuam recólimus Passiónem. Venerámur Dómine. Glória. Tuam Sindonem.

Ÿ. Adorámus te Christe, et benedicimus tibi. R̃. Quia per mortem tuam redemísti mundum.

## AD SEXTAM.

Capitulum.

Isaïæ 63.

**Q**UARE ergo rubrum est indumentum tuum, et vestimenta tua sicut calcántium in torculári? Tórcular calcávi solus, et de géntibus non est vir mecum.

R̃. Adorámus te Christe, \* Et benedicimus tibi. Adorámus te Christe. Ÿ. Quia per mortem tuam redemísti mundum. Et benedicimus tibi. Glória. Adorámus te Christe.

Ÿ. Omnis terra adóret te, et psallat tibi. R̃. Psalmum dicat nómini tuo Dómine.

## AD NONAM.

Capitulum.

Isaïæ 63.

**C**IRCUMSPEXI, et non erat auxiliátor : quæsi ví, et non fuit qui adjuváret : et salvávit mihi bráchium meum, et indignátio mea ipsa auxiliáta est mihi.

R̃. Omnis terra adóret te, \* Et psallat tibi. Omnis terra adóret te. Ÿ. Psalmum dicat nómini tuo Dómine. Et psallat tibi. Glória. Omnis terra adóret te.

¶ Dóminus regnávít, decórem induit. R. Induit Dóminus fortitúdinem, et præcinxit se virtúte.

## AD II. VESPERAS.

### Psalmus 109.

**D**IXIT Dóminus Dómino meo : \* Sede a dextris meis :

Donec ponam inimícos tuos, \* scabéllum pedum tuórum.

Virgam virtútis tuæ emíttet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante luciferum génui te.

Jurávit Dóminus, et non pœnitébit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implebit ruinas : \* conquassábit cápita in terra multórum.

De torrénite in via bibet : \* propterea exaltábit caput.

### Psalmus 110.

**C**ONFITEBOR tibi Dómine in toto corde meo : \* in consilio justórum, et congregatióne.

Magna ópera Dómini : \* exquisita in omnes voluntates ejus.

Confessio et magnificéntia opus ejus : \* et justítia ejus manet in sæculum sæculi.

Memóriam fecit mirabilium suórum, & miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtútem óperum

suórum annuntiábit pópulo suo :

Ut det illis hereditátem génitium : \* ópera mánuum ejus véritas, et judícium.

Fidélia ómnia mandata ejus : confirmáta in sæculum sæculi, \* facta in veritáte et æquitáte.

Redemptiõem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus facientibus eum : \* laudatio ejus manet in sæculum sæculi.

### Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justítia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómmodat, & dispónet sermónes suos in judício : \* quia in ætérnum non commovébitur.

In memória ætérna erit justus : \* ab auditiónē mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimícos suos.

Dispérsit, dedit paupéribus : & justítia ejus manet in sæculum sæculi, \* cornu ejus exaltábitur in glória.



Peccátor vidébit, et irascé-  
tur, & déntibus suis fremet et  
tabéscet : \* desidérium pecca-  
tórum peribit.

Psalmus 112.

**L**AUDATE púeri Dóminum : \*  
laudáte nomen Dómini.

Sit nomen Dómini benedí-  
ctum, \* ex hoc nunc, et usque  
in sæculum.

A solis ortu usque ad occá-  
sum, \* laudábile nomen Dómini.

Excélsus super omnes gentes  
Dóminus, \* et super cælos gló-  
ria ejus.

Quis sicut Dóminus Deus no-  
ster, qui in altis hábitat, \* et  
humilia réspicit in cælo et in  
terra?

Súscitans a terra inopem, \* et  
de stércore érigens páuperem :  
Ut cólloce eum cum princi-  
pibus, \* cum principibus pó-  
puli sui.

Qui habitáre facit stérilem in  
domo, \* matrem filiórum læ-  
tántem.

Psalmus 141.

**V**OCE mea ad Dóminum cla-  
mávi : \* voce mea ad Dó-  
minum deprecátus sum :

Effúndo in conspéctu ejus  
oratióem meam, \* et tribula-  
tióem meam ante ipsum  
pronúntio.

In deficiéndo ex me spíritum  
meum, \* et tu cognovísti sémi-  
tas meas.

In via hac, qua ambulábam, \*  
abscondérunt láqueum mihi.

Considerábam ad dexteram,  
et vidébam : \* et non erat qui  
cognósceret me.

Péruit fuga a me, \* et non est  
qui requirát ánimam meam.

Clamávi ad te Dómine, \*  
dixi : Tu es spes mea, pórtio  
mea in terra vivéntium.

Inténde ad deprecatióem  
meam : \* quia humiliátus sum  
nimis.

Libera me a persequéntibus  
me : \* quia confortáti sunt  
super me.

Educ de custódia ánimam  
meam ad confiténdum nómini  
tuo : \* me expéctant justí,  
donec retríbuas mihi.

Aña. Joseph nóbilis decúrio,  
vir bonus et justus, et ipse dives,  
erat expéctans regnum Dei.

Capitulum Quis est iste. et  
Hymnus Glóriam sacrae. ut  
in j. Vesperis, pag. 626.

℣. Tuam Síndonem venerá-  
mur Dómine. ℞. Tuam recó-  
limus Passiόnem.

Ad Magnificat Aña. Homo  
quidam dives ab Arimathæa,  
nómine Joseph, accépto cór-  
pore Jesu, invólvit illud in  
síndone munda. Oratio.

**D**EUS, qui nobis in sancta  
Síndone, qua corpus tuum  
sacratissimum, e cruce depósi-  
tum, a Joseph involútum fuit,  
Passiόnis tuæ vestigia reli-  
quisti : concéde propitiús ut  
per mortem et sepultúram  
tuam ad resurrectiόnis glóriam  
perducámur. Qui vivis.

FERIA VI.

POST DOM. III. QUADRAGES.

SS. QUINQUE VULNERUM

D. N. JESU CHRISTI.

TOTUM DUPLEX.

AD I. VESPERAS.

Super Psalmos sola Aña. Vere  
languóres nostros ipse tulit, et  
dolóres nostros ipse portávit.  
Psalmus Crédidi. cum ceteris  
ut in Commemoratione Passio-  
nis Domini, pag. 604.

Capitulum. Isa. 53.

**C**HRISTUS vulnerátus est propter iniquitates nostras, attritus est propter scelera nostra : cujus livóre sanáti sumus.

R. Gratificávit nos Deus in dilecto Filio suo : \* In quo habémus redemptionem per sanguinem ejus, in remissionem peccatorum. V. Ecce venit plenitúdo témporis, in quo misit Deus Filium suum in terras. — In quo habémus. Glória. In quo habémus.

Hymnus.

**P**ANGE lingua gloriósi  
Prelum certáminis,  
Et super crucis trophæum  
Dic triúmphum nobílem,  
Qualiter Redemptor orbis  
Immolátus vicerit.

DE paréntis protoplásti  
Fraude Factor cóndolens,  
Quando pomi noxiális  
Morsu in mortem córruit,  
Ipse lignum tunc notávit,  
Damna ligni ut sólveret.

HOC opus nostræ salútis  
Ordo depopóscerat,  
Multifórmis proditoris  
Ars ut artem fálleret,  
Et medélam ferret inde  
Hostis unde læserat.

QUANDO venit ergo sacri  
Plenitúdo témporis,  
Missus est ab arce Patris  
Natus, orbis Cónditor,  
Ac de ventre virgináli  
Caro factus pródiit.

VAGIT infans inter arcta  
Cónditus præsépia :  
Membra pannis involúta  
Virgo mater álligat,  
Et manus pedésque et crura  
Stricta cingit fáscia.

GLORIA et honor Deo  
Usquequáque altíssimo,  
Una Patri, Filióque,  
Inclýto Paráclito :  
Cui laus est et potestas  
Per æténa sæcula. Amen.

V. Vidébunt in quem transfixérunt. R. Et dolébunt super eum, ut in morte primogéniti.

Ad Magnificat Aña. Dum in cruce pendéret unigénitus Dei Filius, et ab ómnibus subsannarétur, Mater ejus Virgo María ipsum verum Deum et hóminem cóndolens venerabátur. Oratio.

**D**EUS, qui unigéniti Filii tui Passióne et per quinque Vúlnera ejus sanguíinis effusióne, humanam natúrám peccato pérditam reparásti : tribue nobis, quæsumus, ut qui ab eo suscepta Vúlnera venerábimur in terris, ejúsdem pretiosíssimi sanguíinis fructum consequi mereámur in cælis. Per eúndem.

AD MATUTINUM.

Invitatorium. Christum in cruce confixum, quinque plagis vulnerátum, \* Veníte adórémus.

Hymnus Pange lingua gloriósi Prelum certáminis., ut in j. Vesperis.

IN I. NOCTURNO.

Psalmus 10.

**I**N Dómino confido : quómódo dicitis animæ meæ : \* Trásmigra in montem sicut passer?

Quóniam ecce peccatóres intendérunt arcum, & paravérunt sagittas suas in pháretra, \* ut sagittent in obscúro rectos corde.

Quóniam quæ perfecisti, destruxérunt : \* justus autem quid fecit?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpebræ ejus intérogant filios hóminum.

Dóminus intérogat justum et impium : \* qui autem diligit iniquitatem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars calicis eórum.

Quóniam justus Dóminus et justitias diléxit : \* æquitatem vidit vultus ejus.

Aña. Quis est qui venit de Edom, tinctis véstibus de Bosra?

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justitiam :

Qui lóquitur veritatem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos,

Ad nihilum dedúctus est in conspéctu ejus malignus : \* tímētes autem Dóminum glóricat :

Qui jurat próximo suo, et non decipit, & qui pecúniam suam non dedit ad usúram, \* et múnera super innocentem non accépit :

Qui facit hæc, \* non movébitur in ætérnum.

Aña. Quare rubrum est indumentum tuum, et vestimenta tua sicut calcántium in torculári?

Psalmus 23.

**D**OMINI est terra, et plenitúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascendet in montem Dómini? \* aut quis stabit in loco sancto ejus?

Innocens mánibus et mundo corde, & qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in proelio.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Aña. Tórcular calcávi solus, et de géntibus non fuit vir mecum.

¶ Foderunt manus meas et pedes meos. R. Dinumeráverunt ómnia ossa mea.



De Isaia Propheta.

Lectio j. Cap. 53.

**Q**UIS credidit auditui nostro? et brachium Domini cui revelatum est? Et ascendet sicut virgultum coram eo, et sicut radix de terra sitiēti: non est species ei, neque decor: et vidimus eum, et non erat aspectus, et desideravimus eum: despectum, et novissimum virorum, virum dolorum, et scientem infirmitatem: et quasi absconditus vultus ejus et despectus, unde nec reputavimus eum. Vere languores nostros ipse tulit, et dolores nostros ipse portavit: et nos putavimus eum quasi leprosum, et percussum a Deo et humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostrae super eum, et livore ejus sanati sumus.

R. j. Gratificavit nos Deus in dilecto Filio suo: \* In quo habemus redemptionem per sanguinem ejus, in remissionem peccatorum. V. Ecce venit plenitudo temporis, in quo misit Deus Filium suum in terras. — In quo habemus.

Lectio ij.

**O**MNES nos quasi oves erravimus, unusquisque in viam suam declinavit: et posuit Dominus in eo iniquitatem omnium nostrum. Oblatus est quia ipse voluit, et non aperuit os suum: sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia, et de iudicio sublatus est: generationem

ejus quis enarrabit? Quia abscessus est de terra viventium: propter scelus populi mei percussus eum. Et dabit impios pro sepultura, et divitem pro morte sua: eo quod iniquitatem non fecerit, neque dolus fuerit in ore ejus. Et Dominus voluit conterere eum in infirmitate.

R. ij. Nos, qui aliquando eramus longe, facti sumus prope per sanguinem Jesu Christi: \* Ipse est pax nostra, qui fecit utraque unum. V. A Domino factum est istud: et est mirabile in oculis nostris. — Ipse est pax nostra.

Lectio iij.

Cap. 63.

**Q**UIS est iste, qui venit de Edom, tinctus vestibus de Bosra? Iste formosus in stola sua, gradiens in multitudine fortitudinis suae. Ego, qui loquor justitiam, et propugnator sum ad salvandum. Quare ergo rubrum est indumentum tuum, et vestimenta tua sicut calcantium in torculari? Torcular calcavi solus, et de gentibus non est vir mecum: calcavi eos in furore meo, et conculcavi eos in ira mea: et aspersus est sanguis eorum super vestimenta mea, et omnia indumenta mea inquinavi. Dies enim ultionis in corde meo, annus redemptionis meae venit. Circumspexi, et non erat auxiliator: quæsi, et non fuit qui adjuvaret.

R. iij. In primogenito ex mortuis complacuit omnem plenitudinem divinitatis inhabitare: et per eum reconciliare omnia in ipsum, \* Pacificans per sanguinem crucis ejus, sive quæ in celis, sive quæ in terris sunt. V. Ipse est

caput corporis Ecclesiae, in  
omnibus primatum tenens. —  
Pacificans. Glória. Pacificans.

## IN II. NOCTURNO.

Psalmus 21.

**D**EUS Deus meus respice in  
me : quare me dereliqui-  
sti? \* longe a salute mea  
verba delictorum meorum.

Deus meus clamabo per diem,  
et non exaudies : \* et nocte,  
et non ad insipientiam mihi.

Tu autem in sancto habitas, \*  
laus Israel.

In te speraverunt patres no-  
stri : \* speraverunt, et liberasti  
eos.

Ad te clamaverunt, et salvi  
facti sunt : \* in te speraverunt,  
et non sunt confusi.

Ego autem sum vermis, et  
non homo : \* opprobrium hó-  
minum, et abjectio plebis.

Omnes videntes me, derise-  
runt me : \* locuti sunt labiis,  
et moverunt caput.

Speravit in Domino, eripiat  
eum : \* saluum faciat eum,  
quoniam vult eum.

Quoniam tu es, qui extraxi-  
sti me de ventre : \* spes mea  
ab uberibus matris meae.

In te projectus sum ex úte-  
ro : \* de ventre matris meae  
Deus meus es tu, \* ne discés-  
seris a me :

Quoniam tribulatio proxima  
est : \* quoniam non est qui  
adjuvet.

Circumdedérunt me vituli  
multi : \* tauri pingues obsede-  
runt me.

Aperuerunt super me os  
suum, \* sicut leo rapiens et  
rugiens.

Sicut aqua effusus sum : \* et  
dispersa sunt omnia ossa mea.

Factum est cor meum tam-  
quam cera liquescens \* in mé-  
dio ventris mei.

Aruit tamquam testa virtus  
mea, \* et lingua mea adhæsit  
faucibus meis : \* et in pulve-  
rem mortis deduxisti me.

Quoniam circumdedérunt me  
canes multi : \* concilium ma-  
lignantium obsedit me.

Foderunt manus meas et  
pedes meos : \* dinumerave-  
runt omnia ossa mea.

Ipsi vero consideraverunt et  
inspexerunt me : \* divisérunt  
sibi vestimenta mea, et super  
vestem meam miserunt sortem.

Tu autem Domine ne elon-  
gaveris auxilium tuum a me : \*  
ad defensionem meam con-  
spice.

Erue a fratre tua Domine animam  
meam : \* et de manu canis  
unicam meam.

Salva me ex ore leonis : \* et  
a cornibus unicornium humili-  
tatem meam.

Narrabo nomen tuum fratri-  
bus meis : \* in medio ecclesiae  
laudabo te.

Qui timetis Dominum lau-  
date eum : \* universum semen  
Jacob glorificate eum :

Timeat eum omne semen  
Israel : \* quoniam non spre-  
vit, neque despexit deprecatio-  
nem pauperis :

Nec avertit faciem suam a  
me : \* et cum clamarem ad  
eum exaudivit me.

Apud te laus mea in ecclesia  
magna : \* vota mea reddam in  
conspéctu timéntium eum.

Edent pauperes, et satura-  
buntur : \* et laudabunt Domi-  
num qui requirunt eum : \*  
vivent corda eorum in sæcu-  
lum sæculi.

Reminiscéntur et convertén-  
tur ad Dóminum \* univér-  
sine terræ :

Et adorábunt in conspéctu  
ejus \* univérse familie gén-  
tium.

Quóniam Dómini est re-  
gnum : \* et ipse dominábitur  
géntium.

Manducavérunt et adoravé-  
runt omnes pingues terræ : \*  
in conspéctu ejus cadent omnes  
qui descéndunt in terram.

Et ánima mea illi vivet : \*  
et semen meum sérviet ipsi.

Annuntiábitur Dómino ge-  
nerátio ventúra : \* et annun-  
tiábunt cæli justitiam ejus  
pópulo qui nascétur, quem fecit  
Dóminus.

Añã. Foderunt manus meas  
et pedes meos : dinumeravé-  
runt ómnia ossa mea.

Psalmus 65.

**J**UBILATE Deo omnis terra, &  
psalmum dicite nómini  
ejus : \* date glóriam laudi  
ejus.

Dicite Deo : quam terríbilis  
sunt ópera tua Dómine ! \* in  
multitúdine virtútis tuæ men-  
tiéntur tibi inimíci tui.

Omnis terra adóret te, et  
psallat tibi : \* psalmum dicat  
nómini tuo.

Veníte, et vidéte ópera Dei : \*  
terríbilis in consiliis super fi-  
lios hóminum.

Qui convértit mare in ári-  
dam, & in flúmine pertrans-  
ibunt pede : \* ibi lætábimur in  
ipso.

Qui domináture in virtúte  
sua in ætérnum, & óculi ejus  
super gentes respiciunt : \* qui  
exáspérant non exalténtur in  
semetipsis.

Benedícite gentes Deum no-  
strum : \* et auditam fácite vo-  
cem laudis ejus.

Qui pósuit ánimam meam  
ad vitam : \* et non dedit in  
commotióne pedes meos.

Quóniam probásti nos Deus : \*  
igne nos examinásti, sicut exa-  
minátur argéntum.

Induxísti nos in láqueum, &  
posuísti tribulatióne in dorso  
nostro : \* imposuísti hómines  
super cápita nostra.

Transívimus per ignem et  
aquam : \* et eduxísti nos in  
refrigérium.

Introibo in domum tuam in  
holocáustis : \* reddam tibi  
vota mea, quæ distinxérunt  
lábia mea.

Et locútum est os meum, \*  
in tribulatióne mea.

Holocáusta medulláta offe-  
ram tibi cum incenso arie-  
tum : \* offeram tibi boves cum  
hircis.

Veníte, audite, et narrábo,  
omnes qui timétis Deum, \*  
quanta fecit animæ meæ.

Ad ipsum ore meo clamávi, \*  
et exaltávi sub lingua mea.

Iniquitátem si aspéxi in cor-  
de meo, \* non exáudiet Dó-  
minus.

Proptérea exáudit Deus, \*  
et atténdit voci deprecatiónis  
meæ.

Benedíctus Deus, \* qui non  
amóvit oratióne meam, et  
misericórdiam suam a me.

Añã. A planta pedis usque ad  
vérticem non est in eo sáni-  
tas.

Psalmus 75.

**N**OTUS in Judæa Deus : \*  
in Israel magnum nomen  
ejus.



Et factus est in pace locus ejus : \* et habitatio ejus in Sion.

Ibi confrégit poténtias arcuum, \* scutum, gládium, et bellum.

Illuminans tu mirabiliter a montibus ætérnis : \* turbasti omnes insipientes corde.

Dormierunt somnum suum : \* et nihil invenerunt omnes viri divitiarum in manibus suis.

Ab increpatione tua Deus Jacob \* dormitaverunt qui ascenderunt equos.

Tu terribilis es, et quis resistet tibi? \* ex tunc ira tua.

De cælo auditum fecisti iudicium : \* terra trémuit et quíevit,

Cum exsúrgeret in iudicium Deus, \* ut salvos faceret omnes mansuetos terræ.

Quóniam cogitatio hóminis confitébitur tibi : \* et reliquæ cogitationis diem festum agent tibi.

Vovéte, et réddite Dómino Deo vestro : \* omnes qui in circúitu ejus affértis múnera.

Terribili et ei qui aufert spíritum principum, \* terribili apud reges terræ.

Añs. Vulnus, et livor, et plaga tumens, non est circumligata, nec curata medicamine, neque fota óleo.

Ÿ. Vere languóres nostros ipse tulit. R̃. Et dolóres nostros ipse portávit.

Sermo sancti Bernárdi Abbátis.

(Lib. de Passione Domini, cap. 41.)

Lectio iv.

CAPTUS ergo Jesus, post plúrimas illusiónes tam

Judæórum quam Géntium, post ságuinis plures effusiónes, clavis immítibus, mánibus simul et pédibus perforátur, et configitur ligno crucis Salvátor noster mitíssimus Jesus. Intuère, et réspice rosam Passiõnis sanguineæ, quómodo rubet in indicium ardentíssimæ caritátis. Conténdunt passio, et caritas : illa ut plus ardeat, ista ut plus rubeat.

R̃. iv. Per mortem dextrúxit Jesus eum, qui mortis habébát impérium : \* Ut liberáret eos, qui timóre mortis obnoxii erant servitúti. Ÿ. Unde débuit per ómnia frátribus assimilári, ut miséricors fieret. — Ut liberáret eos.

Lectio v.

VIDE quómodo hoc flore rosæ florúerit óptima vitis nostra rubicúndus Jesus. Vide totum corpus, sicubi rosæ sanguineæ florem non invénias. Inspice manum unam et álteram, si florem rosæ non invénias in utrâque. Inspice pedem unum et álterum, numquid non rósei? Inspice láteris apertúram, quia nec illa caret rosa, quamvis ipsa subrúbea sit propter mistúram aquæ : quia, sicut narrat Evangelísta, cum unus militum lancea latus ejus perforáset, exivit sanguis et aqua.

R̃. v. Per hóminem mors, et per hóminem resurrectio mortuórum : \* Et sicut in Adam omnes peccavérunt, ita in Christo omnes vivificabúntur. Ÿ. Novíssime autem inimica destruetur mors. — Et sicut in Adam.

## Lectio vj.

**R**ESPICE, Dómine sancte Pater, de sanctuário tuo, et de excélsio cælórum habitáculo, et intuere hanc sacrosánc tam hóstiam, quam tibi offert magnus Póntifex noster, sanctus puer tuus Dóminus Jesus, pro peccátis fratrum suórum, et esto placábilis super multitudine malitiæ nostræ. Cognósce, Pater, tunicam filii tui Joseph. Heu ! fera péssima devorávit eum, et conculcávit in furóre suo vestiméntum ejus. Ecce quinque scissúras lamentábiles in eo reliquit.

R. vj. Vidimus Jesum, propter Passiónem mortis, glória et honóre coronátum : \* Ut pro ómnibus gustáret mortem. V. Decébat eum, qui multos filios in glóriam addúxerat, auctórem salutis eórum per Passiónem consummári. — Ut pro ómnibus gustáret mortem. Glória. Ut pro ómnibus gustáret mortem.

## IN III. NOCTURNO.

Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirábilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii géntium dæmónia : \* Dóminus autem cælos fecit.

Conféssio, et pulchritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriæ géntium, & afférte Dómino glóriam et honórem : \* afférte Dómino glóriam nómini ejus.

Tóllite hóstias, et introite in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávit.

Etenim corréxit orbem terræ qui non commovébatur : \* judicábit pópulos in æquitáte.

Læténtur cæli, et exsúltet terra, & commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : \* quóniam venit judicáre terram.

Judicábit orbem terræ in æquitáte, \* et pópulos in veritate sua.

Añã. Quid sunt plagæ istæ in médio mánuum tuárum?

Psalmus 96.

**D**OMINUS regnávit, exsúltet terra : \* læténtur insulæ multæ.

Nubes, et caligo in circúitu ejus : \* justitia, et judicium corrèctio sedis ejus.

Ignis ante ipsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus : \* et vidérunt omnes pópuli glóriam ejus.

Confundántur omnes, qui adorant sculptilia : \* et qui gloriántur in simulácris suis.

Adoráte eum omnes Angeli ejus : \* audivit, et lætáta est Sion.

Et exsultavérunt filizæ Judæ, \* propter judícia tua Dómine :

Quóniam tu Dóminus altissimus super omnem terram : \* nimis exaltátus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino : \* et confitémini memóriæ sanctificatiónis ejus.

Añã. His plagátus sum in domo eórum, qui me diligébant.

Psalmus 97.

CANTATE Dómino cánticum novum : \* quia mirabilia fecit.

Salvávít sibi dextera ejus : \* et bráchium sanctum ejus.

Notum fecit Dóminus salutare suum : \* in conspéctu géntium revelávit justitiam suam.

Recordátus est misericórdiæ suæ, \* et veritátis suæ dómui Israel.

Vidérunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \*

in tubis ductilibus, et voce tubæ córneæ.

Jubiláte in conspéctu regis Dómini : \* moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, \* simul montes exsultábunt a conspéctu Dómini : \* quóniam venit judicáre terram.

Judicábit orbem terrárum in justítia, \* et pópulos in æquitáte.

Añã. In amaritúdone sermo meus est, et manus plagæ meæ aggraváta est super gémitum meum.

¶ Ipse vulnerátus est propter iniquitátes nostras. R. Attributus est propter scélera nostra.

Lectio sancti Evangélii secundum Joánnem.

Lectio vij. Cap. 19.

IN illo témpore : Sciens Jesus quia ómnia consummáta sunt, ut consummarétur Scriptúra, dixit : Sitio. Et reliqua.

Homilia sancti Cyrilli Episcopi Alexandrini.

(Lib. 12. Comment. in Joan.)

CUM ab immánibus Judæis omnis in Christum expléta esset impietas, nec quidquam jam ad summam crudelitátem réliquum esset, ad extrémum caro Christi sanctíssima próprium quiddam ac naturále rursus pátitur. Multis enim, ac váriis dolóribus exsiccáta, siti torquéitur. Graves siquidem dolóres magnam ad sitim commovéndam vim habent, naturáli quodam et inexplicábili calóre húmidum consuméntes, et igneis ardóribus præcórdia uréntes.



R. vij. Manifestata est grátia Dei per illuminatióem Salvatoris nostri Jesu Christi, \* Qui destrúxit mortem, illuminávit autem vitam in incorrupti-  
nem. V. Liberávit, et vocávit nos vocatióne sua sancta per grátiam, quæ data est nobis in Christo. — Qui destrúxit mortem.

### Lectio viij.

CONSUMMATUM esse ait impietatis judicæ modum, et impotentem sæviendi ánimum. Quid enim Judæi intentatum reliquerunt, aut quid non extrémæ crudelitatis adhibuerunt? Quod supplicii aut contumeliæ genus prætermiserunt? Quam ob rem jure, Consummatum est, ait. Sed hora jam cum ad prædicandum spirítibus, qui apud inferos erant, invitante (advenit enim ut mortuorum ac vivorum dominaretur) ipsam pro nobis mortem suscepit; communem hanc naturæ nostræ passióem sustinuit in carne sua.

R. viij. Dignus es Dómine accipere librum, et aperire signacula ejus: quóniam occisus es, et redemisti nos Deo \* In sanguine tuo. V. Fecisti enim nos Deo nostro regnum, et sacerdotes. — In sanguine tuo.

### Lectio ix.

CUM autem Jesum caput inclinasse comperissent, et jam cum expirasse putarent, frustra ejus crura confringi existimant: sed cum adhuc mortuum esse nonnihil diffiderent, lancea latus ejus perfodiunt, unde cruor aqua mistus scatúriit, quod Eulogiæ mysticæ, et sancti Baptismatis

inágo quædam erat, atque primitiæ. Christi enim est vere, et a Christo sanctum Baptisma, et mysticæ Eulogiæ vis ex sancta ejus nobis carne prodíit.

R. ix. Ecce vidimus eum non habentem spéciem, neque decorem: aspéctus ejus in eo non est: hic peccata nostra portávit, et pro nobis dolet: ipse autem vulnerátus est propter iniquitates nostras: \* Cujus livóre sanáti sumus. V. Vere languóres nostros ipse tulit, et dolóres nostros ipse portávit. — Cujus. Glória. Cujus.

Ante Laudes V. Foderunt manus meas et pedes meos. R. Dinumeraverunt ómnia ossa mea.

### AD LAUDES

#### ET PER HORAS ANTIPHONÆ.

1. Vere languóres nostros ipse tulit, et dolóres nostros ipse portávit. Psalmus Dóminus regnávit. cum ceteris, pag. 17.

2. Ipse autem vulnerátus est propter iniquitates nostras, attritus est propter scélera nostra.

3. Alligávit Dóminus plagam pópuli sui, et percussuram ejus sanávit.

4. Omnis, qui transibit, stupébit super omnes plagas ejus.

5. O vos omnes, qui transitis per viam, atténdite, et vidéte, si est dolor sicut dolor meus.

Capitulum.

Isaia 53.

CHRISTUS vulnerátus est propter iniquitates nostras, attritus est propter scélera nostra: cujus livóre sanáti sumus.

## Hymnus.

**L**USTRIS sex qui jam peractis  
Tempus implens corporis,  
Se volente natus ad hoc,  
Passioni deditus,  
Agnus in crucis levatur  
Immolandus stipite.

Hic acetum, fel, arundo,  
Spina, clavi, lancea :  
Mite corpus perforatur,  
Sanguis, unda profluit :  
Terra, pontus, astra, mundus,  
Quo lavantur flumine!

CRUX fidelis, inter omnes  
Arbor una nobilis :  
Nulla silva talem profert  
Fronde, flore, germine :  
Dulce lignum dulces clavos,  
Dulce pondus sustinet.

FLECTE ramos arbor alta,  
Tensa laxa viscera,  
Et rigor lentescat ille,  
Quem dedit nativitas,  
Ut superni membra Regis  
Miti tendas stipite.

SOLE digna tu fuisti  
Ferre sæcli pretium,  
Atque portum præparare  
Nauta mundo naufrago :  
Quem sacer cruor perunxit  
Fusus Agni corpore.

GLORIA et honor Deo  
Usquequaque altissimo,  
Una Patri, Filioque,  
Inclyto Paráclito :  
Cui laus est et potestas  
Per æterna sæcula. Amen.

¶ Vidébunt in quem transfirerunt. R. Et dolébunt super eum ut in morte primogéniti.

Ad Benedictus Añ. Unus militum lancea latus ejus aperuit, et continuo exivit sanguis et aqua. Oratio.

**D**EUS, qui unigéniti Filii tui  
Passione et per quinque  
Vulnera ejus sanguinis effu-  
sione, humanam naturam pec-

cato perditam reparasti : tri-  
bue nobis, quæsumus, ut qui  
ab eo suscepta Vulnera venera-  
mur in terris, ejusdem pretio-  
sissimi sanguinis fructum con-  
sequi mereamur in cælis. Per  
eundem.

## AD TERTIAM.

Capitulum. Christus vulneratus est., ut in Laudibus.

R. Foderunt manus meas  
\* Et pedes meos. Foderunt.  
V. Dinumeraverunt omnia  
ossa mea. Et pedes meos. Gló-  
ria. Foderunt.

V. O vos omnes, qui transitis  
per viam. R. Attendite, et vi-  
dète dolorem meum.

## AD SEXTAM.

Capitulum. Isa. 50.  
**F**ACIEM meam non averti ab  
incredulantibus, et conspuen-  
tibus in me. Dominus Deus  
auxiliator meus, et ideo non  
sum confusus.

R. Vere languores nostros  
\* Ipse tulit. Vere. V. Et doló-  
res nostros ipse portavit. Ipse  
tulit. Glória. Vere.

V. Disciplina pacis nostræ  
super eum. R. Et livóre ejus  
sanati sumus.

## AD NONAM.

Capitulum. Isa. 53.  
**T**RADIDIT Christus in mor-  
tem animam suam, et cum  
sceleratis reputatus est : et ipse  
peccata multorum tulit, et pro  
transgressoribus rogavit.

R. Ipse vulneratus est \* Propter  
iniquitates nostras. Ipse.  
V. Attritus est propter scelera  
nostra. Propter iniquitates no-  
stras. Glória. Ipse.

V. Oblatus est quia ipse voluit.  
R. Et non aperuit os suum.

## AD II. VESPERAS.

Super Psalmos Aña. Vere languores nostros ipse tulit, et dolores nostros ipse portavit. Psalmus Crédidi. cum ceteris quatuor ut in Commemoratione Passionis Domini ad secundas Vesperas, pag. 604.

Capitulum Christus vulneratus est. et Hymnus Pange lingua. ut in primis Vesperis huius Festi, pag. 638.

℣. Vidébunt in quem transfixerunt. R̃. Et dolébunt super eum ut in morte primogeniti.

Ad Magnificat Aña. Ego sum vestra redemptio: manus meæ, quæ vos fecerunt, clavis confixæ sunt: propter vos flagellis cæsus sum, spinis coronatus sum: aquam petii pendens, et acetum porrexerunt: in escam meam fel dedérunt, et in latus lanceam: mortuus et sepultus resurrexi: vobiscum sum, et vivo in ætérnum.

Oratio Deus, qui unigéniti Filii tui. ut in Laudibus, pag. 647.

FERIA VI. POST DOM. IV.  
QUADRAGESIMÆ.

PRETIOSISSIMI SANGUINIS  
D. N. JESU CHRISTI.

TOTUM DUPLEX.

## AD I. VESPERAS.

Super Psalmos Aña. Quis est iste, qui venit de Edom, tinctis vestibus de Bosra? Iste formosus in stola sua. Psalmus Laudate pueri. cum ceteris, pag. 145.

## Capitulum.

Hebr. 9.

**F**RATRES, Christus assistens pónitex futurórum bonórum, per ámplius et perfectius tabernáculum non manufactum, id est non huius creatiónis: neque per sanguínem hircórum, aut vitulórum, sed per próprium sanguínem introívit semel in Sancta, æterna redemptióne invénta.

R̃. Dignus es Dómine accipere librum, et aperíre signacula ejus: quóniam occísus es, et redemisti nos Deo\* In sanguíne tuo. ℣. Fecisti enim nos Deo nostro regnum, et sacerdotes. — In sanguíne tuo. Gló. ria. In sanguíne tuo.

## Hymnus.

**F**ESTIVIS résonent cómpita  
vócibus,  
Cives lætitiám fróntibus explicent:  
Tædis flammiferis órdine prodant

Instrúcti pueri et senes.

QUEM dura móriens Christus in árbole  
Fudit múltiplici vúlneré Sanguinem,

Nos facti mémores dum cólimus, decet

Saltem fúndere lácrimas.  
HUMANO géneri pernícies  
gravis

Adámi vétérís crimine cótingit:

Adámi intégritas et píetas noví  
Vitám réddidit ómnibus.

CLAMOREM válidum summus ab æthere

Languéntis Géniti si Pater áudiit,

Placári pótius Sanguine débuit,

Et nobis véniam dare.



Hoc quicumque stolam Sanguine prouit  
Abstergit maculas, et roseum  
decus,

Quo fiat similis protinus angelis,

Et Regi placeat, capit.

A RECTO instabilis tramite postmodum

Se nullus retrahat; meta sed ultima

Tangatur : tribuet nobile prae-  
mium

Quicursum Deus adjuvat.

NOBIS propitius sis Génitor  
potens :

Ut quos unigenae Sanguine  
Fili

Emisti, et placido Flamine re-  
creas,

Caeli ad culmina transferas.

Amen.

¶. Redemisti nos Domine in  
Sanguine tuo. R. Et fecisti  
nos Deo nostro regnum.

Ad Magnificat Añ. Acces-  
sistis ad Sion montem et civi-  
tatem Dei viventis, Jerusalem  
caelestem, et Testamenti novi  
mediatorem Jesum, et sangui-  
nis asperersionem melius loquen-  
tem quam Abel. Oratio.

OMNIPOTENS sempiternae  
Deus, qui unigenitum Fi-  
lium tuum mundi Redempto-  
rem constituisti, ac ejus Sanguine  
placari voluisti : con-  
cede, quaesumus, salutis no-  
strae pretium sollemni cultu ita  
venerari, atque a praesentis  
vitae malis ejus virtute defendi  
in terris, ut fructu perpetuo  
laetemur in caelis. Per eundem.

#### AD MATUTINUM.

Invitatorium. Christum Dei  
Filium, qui suo nos redemit  
Sanguine, \* Venite adoremus.

#### Hymnus.

IRA justa Conditoris  
Imbre aquarum vindice  
Criminosum mersit orbem,  
Noe in arca sospite :  
Mira tandem vis amoris  
Lavit orbem Sanguine.

TAM salubri terra felix  
Irrigata pluvia,  
Ante spinis quae scatobat,  
Germinavit flosculos :  
Inque nectaris sapore  
Transiere absinthia.

TRISTE protinus venenum  
Dirus anguis posuit,  
Et cruenta belluarum  
Desiit ferocia :  
Mitis Agni vulnerati  
Haec fuit victoria.

O SCIENTIAE supernae  
Altitudo impervia !  
O suavitas benigni  
Praedicanda pectoris !  
Servus erat morte dignus,  
Rex luit poenam optimus.

QUANDO culpis provocamus  
Ultionem Judicis,  
Tunc loquentis protegámur  
Sanguinis praesentia :  
Ingruentium malorum  
Tunc recedant agmina.

TE redemptus laudet orbis  
Grata servans munera,  
O salutis sempiternae  
Dux et auctor inclyte,  
Qui tenes beata regna  
Cum Parente et Spiritu.

Amen.

#### IN I. NOCTURNO.

##### Psalmus 2.

QUARE fremuerunt gentes,\*  
et populi meditati sunt  
inania?

Astitērunt reges terrae, &  
et principes convenērunt in  
unum \* adversus Dominum,  
et adversus Christum ejus.

Dirumpamus vinctula eorum : \* et projiciamus a nobis jugum ipsorum.

Qui habitat in cælis irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* prædicans præceptum ejus.

Dóminus dixit ad me : \* Fílius meus es tu, ego hódie genui te.

Póstula a me, et dabo tibi gentes hereditátem tuam, \* et possessionem tuam términos terræ.

Reges eos in virga férrea, \* et tamquam vas figuli confrínges eos.

Et nunc reges intelligíte : \* erudímmini qui judicátis terram.

Servíte Dómino in timóre : \* et exsultáte ei cum tremóre.

Apprehéndite disciplinam nequándo irascátur Dóminus, \* et pereátis de via justa.

Cum exáserit in brevi ira ejus, \* beáti omnes, qui confidunt in eo.

Aña. Postquam consummáti sunt dies octo ut circumcideretur puer : vocátum est nomen ejus Jesus.

### Psalmus 3.

**D**OMINE quid multiplicáti sunt qui tríbulant me? \* multi insúrgunt advérsus me.

Multi dicunt animæ meæ : \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormivi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussisti omnes adversátes mihi sine causa : \* dentes peccatórum contrivisti.

Dómini est salus : \* et super pópulum tuum benedictio tua.

Aña. Factus in agonia, prolixius orábat : et factus est sudor ejus sicut guttæ sánguinis decurréntis in terram.

### Psalmus 15.

**C**ONSERVA me Dómine, quóniam sperávi in te. \* Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, \* mirificávit omnes voluntátes meas in eis.

Multiplicátæ sunt infirmitátes eórum : \* póstea acceleravérunt.

Non congregábo convénticula eórum de sanguinibus : \* nec memor ero nóminum eórum per lábia mea.

Dóminus pars hereditátis meæ, et cálicis mei : \* tu es, qui restitues hereditátem meam mihi.

Funes cecidérunt mihi in præcláris : \* etenim heréditas mea præclára est mihi.

Benedicam Dóminum, qui tribuit mihi intelléctum : \* insuper et usque ad noctem increpuérunt me renes mei.

Providébam Dóminum in conspéctu meo semper : \* quóniam a dextris est mihi, ne commóvear.

Propter hoc lætátum est cor meum, et exsultávit lingua mea : \* insuper et caro mea requiescet in spe.

Quóniam non derelínques ánimam meam in inférno : \* nec dabis sanctum tuum vidére corruptionem.

Notas mihi fecisti vias vitæ, & adimplébis me lætitia cum vultu tuo : \* delectatiónes in dextera tua usque in finem.

Añ. Judas, qui eum trádidit, pœniténtia ductus, rétulit triginta argénteos, dicens : Peccávi, tradens ságuinem justum.

℟. Redemisti nos Dómine. ℞. In Sanguine tuo.

De Epistola beáti Pauli Apóstoli ad Hebræos.

Lectio j. Cap. 9.

**C**HRIŒTUS assístens pöntifex futurórum bonórum, per ámplius et perfectíus tabernáculum non manufactum, id est, non hujus creatiόνis : neque per ságuinem hircórum, aut vitulórum, sed per próprium ságuinem introívit semel in Sancta, ætérna redemptiõe invénta. Si enim sanguis hircórum, et taurórum, et cinis vitulæ aspérsus inquinátos sanctificat ad emundatió- nem carnis : quanto magis sanguis Christi, qui per Spíritum sanctum semetípsum ób- tulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideo novi testaménti mediátor est :

ut morte intercedénte, in redemptiõem earum prævaricatiónum, quæ erant sub prióri testaménto, repromissiõem accipiant qui vocáti sunt ætérnæ hereditátis.

℞. j. Jesus, ut sanctificáret per suum ságuinem pópulum, extra portam passus est. \* Exeámus igitur ad eum extra castra, impropérium ejus portántes. ℣. Nondum enim usque ad ságuinem restitistis, advérsus peccátum repugnántes. — Exeámus igitur ad eum.

Lectio ij.

**U**BI enim testaméntum est : mors necesse est intercéd- dat testatóris. Testaméntum enim in mórtuis confirmátum est : alióquin nondum valet, dum vivit qui testátus est. Unde nec primum quidem sine ságuine dedicátum est. Lecto enim omni mandáto legis a Móyse unívsero pópulo : accipiens ságuinem vitulórum, et hircórum cum aqua, et lana coccinea, et hyssópo : ipsum quoque librum, et omnem pópulum aspérsit, dicens : Hic sanguis testaménti, quod mandávit ad vos Deus. Etiam tabernáculum, et ómnia vasa ministérii ságuine similiter aspérsit. Et ómnia pene in ságuine secundum legem mundántur : et sine ságuinis effusiõe non fit remissio.

℞. ij. Móyses sumptum ságuinem respérsit in pópulum, \* Et ait : Hic est sanguis fœderis, quod pépigit Dóminus vobiscum. ℣. Fide celebrávit Pascha, et ságuinis effusiõe : ne qui vastábat primitíva, tánd- get eos. — Et ait.



Lectio iij.

Cap. 10.

**H**ABENTES itaque fratres fiduciam in introitu Sanctorum in sanguine Christi, quam initiavit nobis viam novam, et viventem per velamen, id est, carnem suam, et sacerdotem magnum super domum Dei : accedamus cum vero corde in plenitudine fidei, aspersi corda a conscientia mala, et abluti corpus aqua munda, teneamus spei nostrae confessionem indeclinabilem, (fidelis enim est qui repromisit) et consideremus invicem in provocationem caritatis, et bonorum operum.

R. iij. Vos, qui aliquando eratis longe, facti estis prope in sanguine Christi. \* Ipse enim est pax nostra, qui fecit utraque unum. V. Complacuit per eum reconciliare omnia in ipsum, pacificans per sanguinem crucis ejus, sive quæ in terris, sive quæ in cælis sunt. — Ipse enim est pax nostra. Glória. Ipse enim est pax nostra.

## IN II. NOCTURNO.

Psalmus 22.

**D**OMINUS regit me, et nihil mihi deerit : \* in loco pascuæ ibi me collocavit.

Super aquam refectiōnis educavit me : \* animam meam convertit.

Deduxit me super semitas justitiæ, \* propter nomen suum. Nam, et si ambulávero in medio umbræ mortis, non timebo mala : \* quoniam tu mecum es.

Virga tua, et báculo tuus, \* ipsa me consolata sunt.

Parasti in conspectu meo mensam, \* adversus eos, qui tribulant me.

Impinguasti in oleo caput meum : \* et calix meus inebrians quam præclarus est !

Et misericordia tua subsequetur me \* omnibus diebus vitæ meæ :

Et ut inhabitem in domo Domini, \* in longitudinem dierum.

Añ. Pilátus volens pópulo satisfacere, tradidit illis Jesum flagellis caesum.

Psalmus 29.

**E**XALTABO te Domine quoniam suscepisti me : \* nec delectasti inimicos meos super me.

Domine Deus meus clamavi ad te, \* et sanasti me.

Domine eduxisti ab inferno animam meam : \* salvasti me a descendētib⁹ in lacum.

Psallite Domino sancti ejus : \* et confitemini memorie sanctitatis ejus.

Quoniam ira in indignatione ejus : \* et vita in voluntate ejus.

Ad vesp̄erum demorabitur fletus : \* et ad matutinum lætitia.

Ego autem dixi in abundantia mea : \* Non movébor in ætérnum.

Domine in voluntate tua, \* præstitisti decóri meo virtutem.

Avertisti faciē tuam a me, \* et factus sum conturbatus.

Ad te Domine clamabo : \* et ad Deum meum deprecabor.

Quæ utilitas in sanguine meo, \* dum descendo in corruptionem ?

Numquid confitēbitur tibi pulvis, \* aut annuntiābit veritatem tuam?

Audivit Dóminus, et misértus est mei : \* Dóminus factus est adjutor meus.

Convertisti planctum meum in gáudium mihi : \* conscidisti saccum meum, et circumdedisti me lætitia :

Ut cantet tibi glória mea, et non compungar : \* Dómine Deus meus in ætérnum confitebor tibi.

Añā. Videns autem quia nihil proficeret, accépta aqua, lavit manus coram pópulo, dicens : Innocens ego sum a ságuine Justī hujus.

Psalms 63.

**E**XAUDI Deus oratióne meam cum deprecor : \* a timóre inimici éripe ánimam meam.

Protexisti me a convéntu malignántium, \* a multitudine operántium iniquitatem.

Quia exacuérunt ut gládium linguas suas : & intendérunt arcum rem amáram, \* ut sagittent in occúltis immaculátum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis videbit eos?

Scrutáti sunt iniquitátes : \* defecérunt scrutántes scrútnio.

Accédet homo ad cor altum : \* et exaltábitur Deus.

Sagittæ parvulórum factæ sunt plagæ eórum : \* et infirmatæ sunt contra eos linguæ eórum.

Conturbáti sunt omnes qui

vidébant eos : \* et timuit omnis homo.

Et annuntiavérunt ópera Dei : \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

Añā. Et respóndens univér-sus pópulus dixit : Sanguis ejus super nos, et super filios nostros.

℣. Sanguis Jesu Christi Filij Dei. ℞. Emúndat nos ab omni peccáto.

Sermo sancti Joánnis Chrysóstomi.

(Homilia ad Neophytos.)

Lectio iv.

**V**ULTIS Sanguinis Christi audire virtutem? Redeá-mus ad ejus exéplum, et priórem typum recordémur, et pristinam Scriptúram nar-rémus. In Ægypto, nocte mé-dia, Ægyptiis Deus plagam décimam minabátur, ut eórum primogénita deperírent, quia primogénitum ejus pópulum detinebant. Sed ne amáta plebs Judæórum una cum illis periclitaretúr, quia unus locus continébat univérso, remé-dium discretiónis invéntum est. Proinde exéplum mirá-bile, ut discas in veritáte virtú-tem. Ira divínæ indignatiónis operabátur, et domos singulas Mórtifer circuibat. Quid igitur Móyses? Occidite, inquit, agnum annículum, et ságuine ejus linite jánuas. Quid ais Móyses? Sanguis ovis rationá-lem hóminem liberáre consu-évit? Valde, inquit: non eo quod sanguis est, sed quia Dominici Sanguinis per eum demonstrá-tur exéplum.

R. iv. In timóre incolátus vestri conversámini : \* Sciéntes quod non corruptibilibus auro, vel argénto redempti estis. V. Sed pretiósó ságuine quasi Agni immaculáti Christi. — Sciéntes.

#### Lectio v.

**N**AM sicut regnántium stá-  
tuæ, quæ sine causa sunt,  
et sermóne, nonnúnquam ad  
se confugiéntibus homínibus,  
ánima et ratióne decorátis,  
subveníre consuevérunt, non  
quia sunt ære confectæ, sed  
quia rétinent imáginem prin-  
cipálem : ita et sanguis ille,  
qui irrationalis fuit, ánimas  
habéntes homínes liberávit,  
non quia sanguis fuit, sed quia  
hujus Sanguinis ostendébat  
advéntum. Et tunc Angelus  
ille vastátor, cum línitos postes  
atque áditus pervidéret, trans-  
jécit gressus, et non est ausus  
intráre. Nunc ergo si viderit  
inimicus, non póstibus impósi-  
tum ságuinem typi, sed fidé-  
lium ore lucéntem Sanguinem  
veritátis Christi, templi pósti-  
bus dedicátum, multo magis  
se súbtrahet. Si enim Angelus  
cessit exémplo, quanto magis  
terrébitur inimicus, si ipsam  
perspéxerit veritátem ! Vis et  
áliam hujus Sanguinis scrutári  
virtútem ? Volo. Unde primum  
cucúrrit inspicias, et de quo  
fonte manávit. De ipsa pri-  
mum cruce procéssit : latus  
illud Dómicum initium fuit.  
Mórtuo enim, ait, Jesu, et adhuc  
in cruce pendénte, appróximat  
miles, latus láncea percússit,  
et exínde aqua fluxit, et san-  
guis : unum baptismatis sym-  
bolum, áliud sacraménti. Ideo

non ait, Exiit sanguis, et aqua;  
sed, Exiit aqua primum, et  
sanguis : quia primum bap-  
tismate diluimur, et póstea my-  
stério dedicámur.

R. v. Empti estis pretio ma-  
gno : \* Glorificáte, et por-  
táte Deum in corpore vestro.  
V. Pretio empti estis, nolite  
fieri servi homínium. — Glo-  
rificáte.

#### Lectio vj.

**L**ATUS miles apéruit, et tem-  
pli sancti parietem pate-  
fécit. Et ego thesáurum præ-  
clárum invéni, et fulgéntes  
divitias me grátulor reperire.  
Sic et de illo agno factum est,  
Judæi ovem occiderunt, et ego  
fructum de sacraménto co-  
gnóvi. De látere sanguis, et  
aqua. Nolo tam fácte, auditor,  
tránseas tanti secréta mystérii.  
Restat enim mihi mystica  
atque secretális orátio. Dixi  
baptismatis symbolum, et my-  
steriórum aquam illam, et sán-  
guinem demonstráre. Ex his  
enim sancta fundáta est Ec-  
clésia per lavácri regeneratió-  
nem, et renovatióne Spiritus  
sancti. Per baptisma, inquam,  
et mystéria, quæ ex látere vi-  
déntur esse proláta. Ex látere  
ígitur suo Christus edificávit  
Ecclésiám, sicut de látere  
Adam ejus conjux Heva pro-  
láta est. Nam hac de causa  
Paulus quoque testátur dicens:  
De corpore ejus, et de óssibus  
ejus sumus : latus vidélicet  
illud significans. Nam sicut de  
illo látere Deus fecit fémínam  
procreári, sic et de suo látere  
Christus aquam nobis, et sán-  
guinem dedit, unde repararé-  
tur Ecclésia.



R. vj. Commendat caritatem suam Deus in nobis : \* Quoniam cum adhuc peccatores essemus, secundum tempus, Christus pro nobis mortuus est. V. Multo igitur magis nunc iustificati in Sanguine ipsius, salvemur ab ira per ipsum.— Quoniam. Gloria. Quoniam.

## IN III. NOCTURNO.

Psalmus 73.

UT quid Deus repulisti in finem : \* iratus est furor tuus super oves pascuæ tuæ? Memor esto congregatiōnis tuæ, \* quam possedisti ab initio.

Redemisti virgam hereditatis tuæ : \* mons Sion, in quo habitasti in eo.

Leva manus tuas in superbiis eorum in finem : \* quanta malignatus est inimicus in sancto!

Et gloriati sunt qui oderunt te : \* in medio solemnitatis tuæ.

Posuerunt signa sua, signa : \* et non cognoverunt sicut in exitu super summum.

Quasi in silva lignorum securibus exciderunt januas ejus in idipsum : \* in securi, et ascia dejecerunt eam.

Incenderunt igni Sanctuarium tuum : \* in terra polluerunt tabernaculum nominis tui.

Dixerunt in corde suo cognatio eorum simul : \* quiescere faciamus omnes dies festos Dei a terra.

Signa nostra non vidimus, & jam non est propheta : \* et nos non cognoscet amplius.

Usquequo Deus improperebit inimicus : \* irritat adversarius nomen tuum in finem?

Ut quid avertis manum tuam, et dexteram tuam, \* de medio sinu tuo in finem?

Deus autem rex noster ante sæcula : \* operatus est salutem in medio terræ.

Tu confirmasti in virtute tua mare : \* contribulasti capita draconum in aquis.

Tu confregisti capita draconis : \* dedisti eum escam populis Æthiopum.

Tu dirupisti fontes, et torrentes : \* tu siccasti fluvios Ethan.

Tuus est dies, et tua est nox : \* tu fabricatus es auroram et solem.

Tu fecisti omnes terminos terræ : \* ætatem et ver tu plasmasti ea.

Memor esto hujus, inimicus improperevit Domino : \* et populus insipiens incitavit nomen tuum.

Ne tradas bestiis animas confitentes tibi, \* et animas pauperum tuorum ne obliviscaris in finem.

Réspice in testamentum tuum : \* quia repléti sunt, qui obscurati sunt terræ domibus iniquitatum.

Ne avertatur humilis factus confusus : \* pauper et inops laudabunt nomen tuum.

Exsurgere Deus, júdica causam tuam : \* memor esto impropriorum tuorum, eorum quæ ab insipiente sunt tota die.

Ne obliviscaris voces inimicorum tuorum : \* superbia eorum, qui te oderunt, ascendit semper.

Añã. Exiit ergo Jesus portans coronam spineam, et purpureum vestimentum : et dixit eis : Ecce homo.

## Psalmus 87.

**D**OMINE Deus salutis meæ : \*  
in die clamavi, et nocte  
coram te.

Intret in conspectu tuo oratio  
mea : \* inclina aurem tuam  
ad precem meam :

Quia repleta est malis anima  
mea : \* et vita mea inférno  
appropinquavit.

Æstimatus sum cum descen-  
dentibus in lacum : \* factus  
sum sicut homo sine adjutó-  
rio, inter mórtuos liber :

Sicut vulnerati dormientes in  
sepúlcris, & quorum non es  
memor ámplius : \* et ipsi de  
manu tua repúlsi sunt.

Posuerunt me in lacu infe-  
riori : \* in tenebrósis, et in  
umbra mortis.

Super me confirmatus est fur-  
or tuus : \* et omnes fluctus  
tuos induxisti super me.

Longe fecisti notos meos a  
me : \* posuerunt me abomina-  
tionem sibi.

Tráditus sum, et non egredié-  
bar : \* óculi mei languerunt  
præ inópia.

Clamavi ad te Dómine tota  
die : \* expándi ad te manus  
meas.

Numquid mórtuis fácies mi-  
rabilia : \* aut médici suscitá-  
bunt, et confitebúntur tibi?

Numquid narrábit áliquis  
in sepúlcro misericórdiam  
tuam, \* et veritátem tuam in  
perditione?

Numquid cognoscéntur in té-  
nebris mirabilia tua : \* et justí-  
tia tua in terra obliviónis?

Et ego ad te Dómine cla-  
mavi : \* et mane oratio mea  
præveniet te.

Ut quid Dómine repéllis ora-

tionem meam : \* avértis fá-  
ciem tuam a me?

Pauper sum ego, et in labó-  
ribus a juventute mea : \* exal-  
tatus autem, humiliatus sum  
et conturbatus.

In me transiérunt iræ tuæ : \*  
et terróres tui conturbavérunt  
me.

Circumdedérunt me sicut  
aqua tota die : \* circumdedé-  
runt me simul.

Elongásti a me amicum, et  
próximum : \* et notos meos a  
miséria.

Áña. Et bájulans sibi crucem  
exivit in eum, qui dicitur Cal-  
váriæ locum : ubi crucifixérunt  
eum.

## Psalmus 93.

**D**EUS ultiónum Dóminus : \*  
Deus ultiónum libere egit.  
Exaltáre qui júdicas ter-  
ram : \* redde retributiómem  
superbis.

Usquequo peccatóres Dómi-  
ne : \* úsquequo peccatóres  
gloriabúntur :

Effabúntur, et loquéntur ini-  
quitátem : \* loquéntur omnes,  
qui operántur injustítiam?

Pópulum tuum Dómine humi-  
liavérunt : \* et hereditátem  
tuam vexavérunt.

Víduam, et ádvenam interfe-  
cérunt : \* et pupillos occidérunt.

Et dixerunt : Non vidébit  
Dóminus, \* nec intélliget Deus  
Jacob.

Intélligite insipientes in pó-  
pulo : \* et stulti aliquándó  
sápite.

Qui plantávit aurem, non  
áudiet? \* aut qui finxit óculum,  
non considerat?

Qui córripit gentes, non ár-  
guet : \* qui docet hóminem  
sciéntiam?

Dóminus scit cogitationés hóminum, \* quóniam vanæ sunt.

Beátus homo, quem tu erudieris Dómine : \* et de lege tua docúeris eum.

Ut mitíges ei a diébus malis : \* donec fodiátur peccatóri fóvea.

Quia non repéllet Dóminus plebem suam : \* et hereditátem suam non derelinquet.

Quoadúsque iustítia convertátur in iudícium : \* et qui juxta illam omnes qui recto sunt corde.

Quis consúrget mihi advérsus malignántes? \* aut quis stabit mecum advérsus operántes iniquitátem?

Nisi quia Dóminus adjúvit me : \* paulo minus habitásset in inférno ánima mea.

Si dicébam : Motus est pes meus : \* misericórdia tua Dómine adjuvábát me.

Secúndum multítudinem dolórum meórum in corde meo : \* consolatiónes tuæ lætificavérunt ánimam meam.

Numquid adhæret tibi sedes iniquitátis : \* qui fingis labórem in præcépto?

Captábunt in ánimam iusti : \* et ságuinem innocentem condemnábunt.

Et factus est mihi Dóminus in refúgium : \* et Deus meus in adiutórium spei meæ.

Et reddet illis iniquitátem ipsórum : & et in malitia eórum dispérdet eos : \* dispérdet illos Dóminus Deus noster.

Añ. Ut vidérunt eum jam mórtuum, non fregérunt ejus crura, sed unus militum lancea latus ejus aperuit, et continuo exivit sanguis et aqua.

¶ Christus diléxit nos. R. Et lavit nos a peccátis nostris in ságuine suo.

Léctio sancti Evangélíi secúndum Joánnem.

Lectio vij. Cap. 19.

**I**N illo témpore : Cum accepisset Jesus acétum, dixit : Consummátum est. Et inclinátó capite trádidit spíritum. Et réliqua.

Homília sancti Augustini Episcopi.

(Tract. 120. in Joánnem.)

**V**IGILANTI verbo Evangelista usus est, ut non diceret, Latus ejus percussit, aut vulnerávit, aut quid aliud, sed, Apérui. Ut illic quodámodo vitæ óstium panderétur, unde sacraménta Ecclésiæ manavérunt, sine quibus ad vitam, quæ vera vita est, non intráitur. Ille Sanguis, qui fusus est, in remissionem fusus est peccatórum. Aqua illa salutáre téperat póculum : hæc et lavácrum præstat, et potum. Hoc prænuntiábat, quod Noe in látere arcæ óstium fácere jusus est, quo intrárent animalia, quæ non erant dilúvio peritúra, quibus præfigurabátur Ecclésiá. Propter hoc prima múlier facta est de látere viri dormiéntis, et appelláta est Vita, matérque vivórum. Magnum quippe significávit bonum, ante magnum prævaricatiónis malum. Hic secúndus Adam, inclinátó capite, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui revivísunt! Quid isto Sanguine múndius? Quid vúlneré isto salúbrius?



R. vij. Hic est, qui venit per aquam et sanguinem, Jesus Christus : \* Non in aqua solum, sed in aqua et sanguine. V. In die illa erit fons patens domui David, et habitantibus Jérusalem in ablutionem peccatoris. — Non in aqua solum.

Lectio viij.

**T**ENEBAANTUR homines captivi sub diabolo, et dæmonibus serviébant : sed redempti sunt a captivitate. Véndere enim se potuerunt, sed redimere non potuerunt. Venit Redemptor, et dedit pretium : fudit Sanguinem suum, et emit orbem terrarum. Quæritis quid emerit? Videte quid dederit, et inveniétis quid emerit. Sanguis Christi pretium est. Tanti quid valet? Quid, nisi totus orbis? Quid, nisi omnes gentes? Valde ingrati sunt pretio suo, aut multum superbi sunt, qui dicunt, aut illud tam parum esse, ut solos Afros emerit, aut se tam magnos esse, pro quibus solis illud sit datum. Non ergo exsultent, non superbiant. Pro toto dedit, quantum dedit.

R. vij. Prædestinavit nos Deus in adoptionem filiorum per Jesum Christum : \* In quo habemus redemptionem per Sanguinem ejus. V. Remissionem peccatorum secundum divitias gratiæ ejus, quæ superabundavit in nobis. — In quo habemus.

Lectio ix.

**H**ABUIT ille Sanguinem, unde nos redimeret, et ad hoc accépit Sanguinem, ut esset quem pro nobis redimendis effunderet. Sanguis Domini tui, si vis, datus est pro te; si nolueris esse, non est datus pro

te. Forte enim dicis : Habuit Sanguinem Deus meus, quo me redimeret; sed jam cum passus est, totum dedit : quid illi remansit, ut det et pro me? Hoc est magnum, qui semel dedit, et pro omnibus dedit. Sanguis Christi volenti est salus, nolenti supplicium. Quid ergo dubitas, qui mori non vis, a secunda potius morte liberari, qua liberaris, si vis tollere crucem tuam, et sequi Dominum : quia ille tulit suam, et quæsit servum.

R. ix. Dignus es Domine accipere librum, et aperire signacula ejus : quoniam occisus es, et redemisti nos Deo \* In Sanguine tuo. V. Fecisti enim nos Deo nostro regnum, et sacerdotes. — In Sanguine tuo. Glória. In Sanguine tuo.

Ante Laudes V. Te ergo quæsumus, tuis famulis subveni. R. Quos pretioso Sanguine redemisti.

#### AD LAUDES

ET PER HORAS ANTIPHONÆ.

1. Hi, qui amicti sunt stolis albis, qui sunt? et unde venerunt? Psalmus Dominus regnavit cum ceteris, pag. 17.

2. Hi sunt, qui venerunt de tribulatione magna, et laverunt stolas suas in sanguine Agni.

3. Ideo sunt ante thronum Dei, et serviunt ei die ac nocte.

4. Et ipsi vicérunt draconem, propter sanguinem Agni, et propter testamentum verbi sui.

5. Beati qui lavant stolas suas in sanguine Agni.

Capitulum.

Hebr. 9.

**F**RATRES, Christus assistens pontifex futurorum bonorum, per amplius et perfectius

tabernáculum non manufá-  
ctum, id est, non hujus creati-  
onis : neque per sánguinem hir-  
córurum, aut vitulórurum, sed per  
próprium sánguinem introivit  
semel in Sancta, ætérna red-  
emptióne invénta.

### Hymnus.

**S**ALVETE Christi vúlnera,  
Imménsi amoris pignora,  
Quibus perénnes rivuli  
Manant rubéntis sánguinis.

NITORE stellas vincitis,  
Rosas odóre et bálsama,  
Prétio lapillos índicos,  
Mellis favos dulcédine.

PER VOS patet gratíssimum  
Nostris asyllum méntibus :  
Non huc furor minántium  
Unquam penétrat hóstium.

QUOT Jesus in prætorio  
Flagélla nudus éxcipit !  
Quot scissa pellis úndique  
Stillat cruóris gúttulas !

FRONTEM venústam, proh  
dolor !

Coróna pungit spínea :  
Clavi, retúsa cúspide,  
Pedes manúsque pérforant.

POSTQUAM sed ille trádidit  
Amans volénsque spíritum,  
Pectus ferítur láncea,  
Geminúsque liquor éxsilit.

UT plena sit redéptio,  
Sub torculári stringitur :  
Suíque Jesus immemor,  
Sibi nil resérvat sánguinis.

VENITE, quotquot criminum  
Funésta labes inficit :  
In hoc salútis báneo  
Qui se lavat mundábitur.

SUMMI ad Paréntis dexte-  
ram  
Sedénti habénda est grátia :  
Qui nos redémit Sanguine,  
Sanctóque firmat Spíritu.

Amen.

¶. Justificáti in Sanguine  
Christi. R. Salvi érimus ab ira  
per ipsum.

Ad Benedictus Añ. Erit san-  
guis Agni vobis in signum,  
dicit Dóminus : et vidébo sán-  
guinem, et transibo vos, nec  
erit in vobis plaga dispérens.

### Oratio.

**O**MNIPOTENS sempitér-  
ne Deus, qui unigénitum Fí-  
lium tuum mundi Redemptó-  
rem constituísti, ac ejus Sán-  
guine placári voluísti : concéde,  
quæsumus, salútis nostræ pré-  
tium solénni cultu ita venerári,  
atque a præsentis vitæ malis  
ejus virtúte deféndi in terris,  
ut fructu perpétuo lætémur in  
cælis. Per eúndem.

### AD PRIMAM.

R. Jesu Christe. ¶. Qui tuo  
nos Sanguine redemisti.

### AD TERTIAM.

Capitulum Fratres, Christus  
assistens, ut in Laudibus.

R. Redemisti nos Dómine  
\* In Sanguine tuo. Redemisti  
nos. ¶. Ex omni tribu, et lin-  
gua, et pópulo, et natióne. In  
Sanguine tuo. Glória. Rede-  
misti nos.

¶. Sanguis Jesu Christi Filii  
Dei. R. Emúndat nos ab omni  
peccáto.

### AD SEXTAM.

Capitulum. Hebr. 9.  
**S**i sanguis hircórurum, et tau-  
rórum, et cinis vítulæ aspér-  
sus inquinátos sanctificat ad  
emundatióem carnis : quanto  
magis Sanguis Christi, qui per  
Spíritum sanctum semetípsum  
óbtulit immaculátum Deo,  
emundábit consciéntiam no-  
stram ab opéribus mórtuis, ad  
serviéndum Deo vivénti ?

R̃. Sanguis Jesu Christi Filii  
Dei \* Emúndat nos. Sanguis.  
Ÿ. Ab omni peccáto. Emúndat  
nos. Glória. Sanguis.  
R̃. Christus diléxit nos. R̃. Et  
lavit nos in Sanguine suo.

## AD NONAM.

Capitulum.

Hebr. 9.

**A**CCIPIENS Móyses sángu-  
nem vitulórum, et hircó-  
rum cum aqua, et lana coccinea,  
et hyssópo : ipsum quoque  
librum, et omnem pópulum  
aspérsit, dicens : Hic sanguis  
testaménti, quod mandávit ad  
vos Deus.

R̃. Christus diléxit nos, et  
lavit nos \* In Sanguine suo.  
Christus. Ÿ. Et fecit nos re-  
gnum, et sacerdotes Deo, et  
Patri. In Sanguine suo. Glória.  
Christus.

Ÿ. Justificáti in Sanguine  
Christi. R̃. Salvi érimus ab ira  
per ipsum.

## AD II. VESPERAS.

Psalmus 109.

**D**IXIT Dóminus Dómino  
meo : \* Sede a dextris  
meis :

Donec ponam inimicos tuos,  
scabéllum pedum tuórum.

Virgam virtutis tuæ emittet  
Dóminus ex Sion : \* dominá-  
re in médio inimicórum tuó-  
rum.

Tecum princípium in die vir-  
tutis tuæ in splendóribus sanc-  
tórum : \* ex útero ante luci-  
ferum genui te.

Jurávit Dóminus, et non pœ-  
nitébit eum : \* Tu es sacerdos  
in ætérnum secundum órduinem  
Melchisedech.

Dóminus a dextris tuis, \* con-  
frégit in die iræ suæ reges.  
Judicábit in natióibus, im-  
plebit ruinas : \* conquassábit  
cápita in terra multórum.  
De torrénite in via bibet : \*  
proptérea exaltábit caput.

Psalmus 110.

**C**ONFITEBOR tibi Dómine in  
toto corde meo : \* in con-  
silio justórum, et congrega-  
tióne.

Magna ópera Dómini : \* ex-  
quisita in omnes voluntates  
ejus.

Confessio et magnificéntia  
opus ejus : \* et justitia ejus  
manet in sæculum sæculi.

Memóriam fecit mirabílium  
suórum, et miséricors et miserá-  
tor Dóminus : \* escam dedit  
timéntibus se.

Memor erit in sæculum testa-  
ménti sui : \* virtútem óperum  
suórum annuntiábit pópulo  
suo :

Ut det illis hereditátem gén-  
tium : \* ópera mánuum ejus  
véritas, et judícium.

Fidélia ómnia mandáta ejus :  
confirmáta in sæculum sæcu-  
li, \* facta in veritáte et æqui-  
táte.

Redemptiόνem misit pópulo  
suo : \* mandávit in ætérnum  
testaméntum suum.

Sanctum, et terribile nomen  
ejus : \* initium sapiéntiæ timor  
Dómini.

Intelléctus bonus ómnibus fa-  
ciéntibus eum : \* laudatio ejus  
manet in sæculum sæculi.

Psalmus 111.

**B**EATUS vir, qui timet Dómi-  
num : \* in mandátis ejus  
volet nimis.



Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et cómmodat, & dispónet sermónes suos in judicio : \* quia in ætérnum non commovébitor.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitor donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, & déntibus suis fremet et tabéscet : \* desidérium peccatórum peribit.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásu, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia respicit in cælo et in terra?

Súscitans a terra inopem, \* et de stercore érigens páuperem :

Ut cóllocet eum cum principibus, \* cum principibus pópuli sui.

\* Qui habitáre facit stérilem in domo, \* matrem filiórum lætántem.

Psalmus 147.

**L**AUDA Jerúsalem Dóminum : \* lauda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti satiát te.

Qui emittit elóquium suum terræ : \* velóciter currit sermo ejus.

Qui dat nivem sicut lanam : \* nébulam sicut cinerem spargit.

Mittit crystállum suum sicut buccéllas : \* ante faciém frigoris ejus quis sustinébit?

Emittet verbum suum, et liquéfáciat ea : \* flabit spiritus ejus, et fluent aquæ.

Qui annúnciat verbum suum Jacob : \* justitias, et judícia sua Israel.

Non fecit táliter omni nátióni : \* et judícia sua non manifestávit eis.

Añã. Hi, qui amícti sunt stolis albis, qui sunt? et unde venérunt?

Capitulum Fratres, Christus assistens., et Hymnus Festivis., ut in j. Vesperis, pag. 648.

℣. Te ergo quæsumus, tuis famulis súbveni. R. Quos pretiósó Sanguine redemisti.

Ad Magnificat Añã. Habébitis autem hunc diem in monuméntum : et celebrábitis eum solémnem Dómino in generatióibus vestris cultu sempitérno.

## Oratio.

**O**MNIPOTENS sempitérne Deus, qui unigénitum Filium tuum mundi Redemptórem constituísti, ac ejus Sanguine placári voluísti : concéde, quæsumus, salutis nostræ prætium solémni cultu ita venerári, atque a præsentis vitæ malis ejus virtute deféndi in terris, ut fructu perpétuo lætémur in cælis. Per eúndem.

## FERIA VI.

POST DOM. IN PASSIONE.  
IN COMPASSIONE B. M. V.  
TOTUM DUPLEX.

## AD I. VESPERAS.

Super Psalmos Añã. Ecce Regina Mártyrum, quem genuit Regem, mori luget spinis coronátum. Pia Mater intercede pro nobis ómnibus. Psalmus Crédidi, cum ceteris, ut in ij. Vesperis, pag. 674.

Capitulum. Isa. 21.

**A**NGUSTIA possédit me sicut angústia parturiéntis : conturbáta sum cum vidérem : emárcuit cor meum, ténebræ stupefecerunt me.

R. Innocens et expers criminis móritur misértus hóminis. \* Cum simus causa supplicii, simus et mæroris sócii : Virginis Matris et Fílii nos urget stimulus amoris. V. Recolámus cum lácrimis tristítiam Genitricis, grátiam peténtes Géniti. — Cum simus. Glória. Virginis Matris.

## Hymnus.

**M**ENTES juvet fidélium  
Plantum Mariæ plange-  
re,

Mori videt dum Fílium  
Toto cruéntum corpore.

QUANTO doloris vúlnerē  
Pectus cruéntat illius  
Amíssus uno fúnere  
Sponsus, Parens et Fílius!

MATERNA nulla dúrior,  
Nec ulla par afflictio :  
Nam nulla proles cárior,  
Nec ulla par diléctio.

QUOT cara Proles éxcipit  
Inflicta carni vérbera,  
Tot mæsta Mater súscipit  
Infixa cordi vúlnera.

HUNC spina, clavus, lancea  
Dum pungit, illam cónficit  
Mærore, qui vel sáxea  
Movére corda súfficit.

Sic ensis ille saucium  
Cor figit ac transvérberat,  
Quem jam diu præcónium  
Sancti Senis prædixerat.

Pii Mariæ sérvuli,  
Christi redépti sáanguine,  
Tantum dolórem flébili  
Recogitáte lúmine.

Sic summa Christo glória,  
Amára cujus Pássio  
Ætérna nobis gáudia  
Matrisque det Compássio.

Amen.

V. Sancta Dei Génitrix, Virgo dulcis atque pia. R. Christum Regem morti tráditum pro nobis exóra.

Ad Magnificat Añã. Beatissimæ Virginis Mariæ Compasiónem pio ánimo recolámus, ut ipsa pro nobis intercédât ad Fílium crucifixum. Oratio.

**I**NTERVENIAT pro nobis, quæsumus Dómine Jesu Christe, nunc et in hora mortis nostræ apud tuam cleméntiam beáta Virgo María Mater tua : cujus sacratíssimam ánimam in hora benedictæ Passiónis tuæ doloris gládus pertransívit, et in glo-

riosa Resurrectione tua ingens  
gaudium lætificavit. Qui vivis.

† Hodie in utrisque Vesperis  
et Laudibus omittitur Memoria  
de Octava Annuntiationis, si  
Compassio infra eam inciderit.

#### AD UTRUMQUE COMPLETORIUM.

Super Psalmos. Aña. Virgo  
Maria, non est ulla similem  
passa dolorem inter mulieres,  
dum crucifixum cernis mori  
Filium. Ora pro nobis pia Dei  
Genitrix.

In fine Hymni Christe, qui  
lux es et dies. dicantur duæ  
Strophæ Pii Mariæ servuli, et  
Sit summa Christo glória., ut  
in primis Vesperis.

Ad Nunc dimittis Aña. Sub  
tuum præsidium confúgimus  
sancta Dei Genitrix : nostras  
deprecationes ne despicias in  
necessitatibus : sed a periculis  
cunctis libera nos semper,  
Virgo benedicta.

#### AD MATUTINUM.

Invitatorium. Cum María Vir-  
gine venite plorémus : \* Ac in  
cruce positum Jesum adoré-  
mus.

Hymnus Mentis juvet fide-  
lium., ut in j. Vesperis.

#### IN I. NOCTURNO.

Psalmus 6.

**D**OMINE, ne in furóre tuo  
arguas me, \* neque in ira  
tua corripas me.

Miserére mei Dómine quóniam  
infirmus sum : \* sana  
me Dómine quóniam conturbata  
sunt ossa mea.

Et ánima mea turbata est  
valde : \* sed tu Dómine úsque-  
quo?

Convertere Dómine, et éripe  
ánimam meam : \* salvum me  
fac propter misericórdiam  
tuam,

Quóniam non est in morte  
qui memor sit tui : \* in inférno  
autem quis confitébitur tibi?

Laborávi in gémitu meo, &  
lavábo per singulas noctes lectum  
meum : \* lácrimis meis  
stratum meum rigábo.

Turbátus est a furóre óculus  
meus : \* inveterávi inter omnes  
inimicos meos.

Discédite a me omnes qui  
operámini iniquitatem : \* quóniam  
exaudivit Dóminus vocem  
fletus mei.

Exaudivit Dóminus deprecaciónem  
meam, \* Dóminus oraciónem  
meam suscepit.

Erubéscant, et conturbentur  
veheménter omnes inimici  
mei : \* convertántur et erubé-  
scant valde velociter.

Aña. Anima mea turbata est  
valde : sed tu Dómine úsque-  
quo?

Psalmus 12.

**U**SQUEQUO Dómine obli-  
visceris me in finem ? \* Us-  
quequo avértis faciém tuam a  
me?

Quámdiu ponam consília in  
ánima mea, \* dolórem in corde  
meo per diem?

Usquequo exaltábitur inimi-  
cus meus super me ? \* respice,  
et exáudi me Dómine Deus  
meus.

Illúmina óculos meos ne un-  
quam obdórmiam in morte : \*  
nequándo dicat inimicus meus :  
Præválui advérsus eum.

Qui tribulant me, exsultábunt  
si motus fuéro : \* ego autem  
in misericórdia tua sperávi.



Exsultábit cor meum in salu-  
tári tuo : ⁊ cantábo Dómino  
qui bona tribuit mihi : \* et  
psallam nómini Dómini altis-  
simi.

Aña. Usquequo exaltábitur  
inimicus meus super me? réspi-  
ce, et exáudi me Dómine Deus  
meus.

Psalmus 30

**I**N te Dómine sperávi, non  
pérfundar in ætérnum : \*  
in iustitia tua libera me.

Inclína ad me aurem tuam, \*  
accélera ut éruas me.

Esto mihi in Deum protectó-  
rem : ⁊ et in domum refúgii, \*  
ut saluum me fácias.

Quóniam fortitúdo mea, et  
refúgium meum es tu : \* et  
propter nomen tuum dedúces  
me, et enútries me.

Educes me de láqueo hoc,  
quem abscondérunt mihi : \*  
quóniam tu es protéctor  
meus.

In manus tuas comméndo  
spíritum meum : \* redemísti  
me Dómine Deus veritátis.

Odisti observátes vanitá-  
tes, \* supervácue.

Ego autem in Dómino spe-  
rávi : \* exsultábo, et lætabor  
in misericórdia tua.

Quóniam respexisti humili-  
tátem meam, \* salvásti de ne-  
cessitátibus ánimam meam.

Nec conclusísti me in máni-  
bus inimici : \* statuísti in loco  
spatióso pedes meos.

Miserére mei Dómine quón-  
iam tribulor : \* conturbátus  
est in ira óculus meus, ánimá  
mea, et venter meus :

Quóniam defécit in dolóre  
vita mea : \* et anni mei in  
gemitibus.

Infirmáta est in paupertáte  
virtus mea : \* et ossa mea  
conturbáta sunt.

Super omnes inimicos meos  
factus sum oppróbrium et vi-  
cinis meis valde : \* et timor  
notis meis.

Qui vidébant me, foras fugé-  
runt a me : \* obliuioni datus  
sum, tamquam mórtuus a  
corde.

Factus sum tamquam vas  
pérditum : \* quóniam audiui  
vituperatióem multórum com-  
morántium in circúitu :

In eo dum convenirent simul  
adversum me, \* accipere áni-  
mam meam consiliáti sunt.

Ego autem in te sperávi Dó-  
mine : \* dixi : Deus meus es  
tu : in mánibus tuis sortes  
meæ.

Eripe me de manu inimicó-  
rum meórum, \* et a persequén-  
tibus me.

Illústra faciém tuam super  
servum tuum, ⁊ saluum me fac  
in misericórdia tua : \* Dómine  
non confúndar, quóniam invo-  
cávi te.

Erubéscant impíi, et dedu-  
cántur in inférnum : \* muta  
fiant lábia dolósa.

Quæ loquúntur adversus ius-  
tum iniquitátem, \* in supér-  
bia, et in abusióne.

Quam magna multitúdo dul-  
cedinis tuæ Dómine, \* quam  
abscondísti timéntibus te!

Perfecísti eis, qui sperant in  
te, \* in conspéctu filiórum hó-  
minum.

Abscóndes eos in abscóndito  
faciei tuæ \* a conturbatióne  
hóminum.

Próteges eos in tabernáculo  
tuo \* a contradicióne lingúa-  
rum.

Benedictus Dóminus : \* quóniam mirificávit misericórdiam suam mihi in civitatē munita.

Ego autem dixi in excéssu mentis meæ : \* Proiectus sum a fácie oculórum tuórum.

Ideo exaudisti vocem oratiónis meæ, \* dum clamárem ad te.

Diligite Dóminum omnes sancti ejus : \* quóniam veritatem requireret Dóminus, et retribuet abundánter faciéntibus supérbiam.

Viriliter ágite, et confortétur cor vestrum, \* omnes qui sperátis in Dómino.

Añá. Defécit in dolóre vita mea : et anni mei in gemitibus.

¶ Sancta Dei Génitrix, Virgo dulcis atque pia. R. Christum Regem morti tráditum pro nobis exóra.

Benedictio. Alma Virgo virginum intercédât pro nobis ad Dóminum. R. Amen.

De Lamentatióne Jeremiæ Prophétæ.

Lectio j. Cap. i.

**O**vos omnes, qui transitis per viam, atténdite, et vidéte si est dolor sicut dolor meus : quóniam Dóminus pósuit me desolatam, tota die mæróre confectam. Tórcular calcávit Dóminus vírgini filizæ Juda. Idcirco ego plorans, et óculus meus dedúcens aquas : quia longe factus est a me consolátor. Audíte óbsecro universi pópuli, et vidéte dolórem meum.

R. j. Abiécto subter unam arborem filio, ábiit Agar, sedítque e regiónē procul, et di-

xit : Non vidébo moriéntem púerum : \* Levavitque vocem suam et flevit. ¶ Stabat autem juxta crucem Jesu Mater ejus, et soror Matris ejus Maria Cléophæ, et Maria Magdaléne. — Levavitque vocem suam et flevit.

Benedictio. Sancta Dei Génitrix sit nobis auxiliatrix. R. Amen.

Lectio ij. Cap. i. et cap. 2.

**V**IDE Dómine quóniam tribulor, conturbátus est venter meus : subvérsus est cor meum in memetipsa, quóniam amaritúdine plena sum. Audiérunt quia ingemisco ego, et non est qui consolétur me : omnes inimici mei audiérunt malum meum, lætati sunt, quóniam tu fecisti : multi enim gémitus mei, et cor meum mærens. Defecérunt præ lácrimis óculi mei, conturbata sunt viscera mea.

R. ij. Cum esset in itineris diversório Móyses, volébat eum occidere Dóminus, ob filii sui præpútium : quod ubi acutissima petra circumcidit, tétigit pedes ejus Séphora, dicens : \* Sponsus sánguinem tu mihi es. ¶ Cum transiret ex hoc mundo ad Patrem Jesus, dixit Matri suæ : Múlier ecce filius tuus. — Sponsus sánguinem tu mihi es.

Benedictio. Nos cum Prole pia benedicat Virgo Maria. R. Amen.

Lectio iij.

**C**ui comparábo te? vel cui assimilábo te filia Jerúsalem? Cui exæquábo te, et consolábor te virgo filia Sion?

Magna est enim velut mare contritio tua : quis medébitur tui? Fecit Dóminus quæ cogitávit, complévit sermónem suum, quem præcéperat a diébus antiquis : destrúxit, et non pepércit, et lætificávit super te inimicum, et exaltávit cornu hóstium tuórum. Deduc quasi torréntem lácrimas per diem, et noctem : non des réquiem tibi, neque táceat pupilla óculi tui.

Rz. iij. Vox in excélsó audíta est lamentatiónis, luctus, et fletus Rachel plorántis filios suos, \* Et noléntis consolári super eis, Quia non sunt. V. Quiescat vox tua a plorátu, et óculi tui a lácrimis : quia est merces óperi tuo. — Et noléntis consolári. Glória. Quia non sunt.

## IN II. NOCTURNO.

Psalmus 37.

**D**OMINE ne in furóre tuo árguas me, \* neque in ira tua corrípias me.

Quóniam sagittæ tuæ infixæ sunt mihi ; \* et confirmásti super me manum tuam.

Non est sánitas in carne mea a fácie iræ tuæ : \* non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : \* et sicut onus grave gravátæ sunt super me.

Putruérunt et corrúptæ sunt cicatrices meæ, \* a fácie insipientiæ meæ.

Miser factus sum, et curvátus sum usque in finem : \* tota die contristátus ingrediébar.

Quóniam lumbi mei impléti

sunt illusió nibus : \* et non est sánitas in carne mea.

Afflictus sum, et humiliátus sum nimis : \* rugiébam a gémitu cordis mei.

Dómine, ante te omne desiderium meum : \* et gémitus meus a te non est absconditus.

Cor meum conturbátum est, dereliquit me virtus mea : \* et lumen oculórum meórum, et ipsum non est mecum.

Amici mei, et próximos mei \* advérsus me appropinquáverunt, et stetérunt.

Et qui juxta me erant, de longe stetérunt : \* et vim faciébant qui quærébant ánimam meam.

Et qui inquirébant mala mihi, locúti sunt vanitátes : \* et dolos tota dié meditábantur.

Ego autem tamquam surdus non audiébam : \* et sicut mutus non apériens os suum.

Et factus sum sicut homo non áudiens : \* et non habens in ore suo redargutiónes.

Quóniam in te Dómine sperávi : \* tu exáudies me Dómine Deus meus.

Quia dixi : Nequándo supergaudeant mihi inimici mei : \* et dum commovéntur pedes mei, super me magna locúti sunt.

Quóniam ego in flagélla parátus sum : \* et dolor meus in conspéctu meo semper.

Quóniam iniquitátem meam annuntiábo : \* et cogitábo pro peccáto meo.

Inimici autem mei vivunt, et confirmáti sunt super me : \* et multiplicáti sunt qui odérunt me inique.

Qui retribuunt mala pro bonis, detrahébant mihi : \* quóniam sequébar bonitátem.



Ne derelinquas me Dómine  
Deus meus : \* ne discésseris a  
me.

Inténde in adjutórium me-  
um, \* Dómine Deus salutis  
meæ.

Añã. Dómine, ante te omne  
desidérium meum : et gémitus  
meus a te non est absconditus.

Psalmus 38.

**D**IXI : Custódiam vias  
meas : \* ut non delinquam  
in lingua mea.

Pósui ori meo custódiam, \*  
cum consisteret peccátor ad-  
vérsus me.

Obmútui, et humiliátus sum,  
et silui a bonis : \* et dolor  
meus renovátus est.

Concáluit cor meum intra  
me : \* et in meditatióne mea  
exardéscet ignis.

Locútus sum in lingua mea : \*  
Notum fac mihi Dómine finem  
meum.

Et númerum díerum meórum  
quis est : \* ut sciam quid desit  
mihi.

Ecce mensurábiles posuisti  
dies meos : \* et substántia mea  
tamquam nihilum ante te.

Verúmtamen univérsa váni-  
tas, \* omnis homo vivens.

Verúmtamen in imágine per-  
tránsit homo : \* sed et frustra  
conturbátur.

Thesaurizat : \* et ignórat cui  
congregábit ea.

Et nunc quæ est expectatió  
mea? nonne Dóminus? \* et  
substántia mea apud te est.

Ab ómnibus iniquitatibus  
meis érue me : \* oppróbrium  
insipiénti dedisti me.

Obmútui, et non apérui os  
meum, quóniam tu fecisti : \*  
ámove a me plagas tuas.

A fortitúdi-ne manus tuæ ego  
deféci in increpationibus : \*  
propter iniquitatem corripuisti  
hóminem.

Et tabéscere fecisti sicut ará-  
neam ánimam ejus : \* ve-  
rúmtamen vane conturbátur  
omnis homo.

Exáudi orationem meam  
Dómine, et deprecationem  
meam : \* áuribus pécipe lá-  
crimas meas.

Ne sileas : quóniam ádvena  
ego sum apud te, et pere-  
grínus, \* sicut omnes patres  
mei.

Remitte mihi, ut refrigerer  
priúsqvam ábeam, \* et ámplius  
non ero.

Añã. Obmútui, et non apé-  
rui os meum, quóniam tu fe-  
cisti : ámove a me plagas tuas.

Psalmus 41.

**Q**UEMADMODUM desiderat  
cervus ad fontes aquá-  
rum : \* ita desiderat ánima  
mea ad te Deus.

Sitívit ánima mea ad Deum  
fortem vivum : \* quando vé-  
niam et apparébo ante faciém  
Dei?

Fuérunt mihi lácrimæ meæ  
panes die ac nocte : \* dum  
dicitur mihi quotidie : Ubi est  
Deus tuus?

Hæc recordátus sum, et effú-  
di in me ánimam meam : \*  
quóniam transibo in locum ta-  
bernáculi admirábilis, usque  
ad domum Dei :

In voce exsultatiónis, et con-  
fessiónis : \* sonus epulántis.

Quare tristis es ánima mea? \*  
et quare contúrbas me?

Spera in Deo, quóniam adhuc  
confitébor illi : \* salutáre vul-  
tus mei, et Deus meus.

Ad meipsum ánima mea conturbáta est : \* proptérea memor ero tui de terra Jordánis, et Hermóniim a monte módico.

Abyssus abyssum ínvocat, \* in voce cataractárum tuárum. Omnia excélsa tua, et fluctus tui \* super me transiérunt.

In die mandávit Dóminus misericórdiam suam, \* et nocte cánticum ejus.

Apud me orátio Deo vitæ meæ, \* dicam Deo : Suscéptor meus es,

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobráverunt mihi qui tribulant me inimíci mei :

Dum dicunt mihi per singulos dies : Ubi est Deus tuus? \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Aña. Omnia excélsa tua, et fluctus tui super me transiérunt.

V. Virgo Mater Christi juxta crucem astitisti. R. Præparáta mori propter amórem Filii.

Benedictio. Ab hoste maligno eripiat nos Dei Génitrix Virgo. R. Amen.

Sermo sancti Bernárdi Abbátis. (Ex Serm. Dom. infra Oct. Assumpt. B. Mariæ.)

#### Lectio iv.

**M**ARTYRIUM Virgínis (duodécima inter stellas diadématis ejus) tam in Simeónis prophetia quam in ipsa Domínice Passiónis história commendátur. Pósitus est hic, ait sanctus Senex de párvulo Jesu,

in signum, cui contradicétur : et tuam ipsius ánimam pertransibit gládius. Vere tuam, o beáta Mater, ánimam gládius pertransívit : alióquin nonnisi eam pertransiens, carnem Filii tui penetráret. Et quidem póstea quam emisit spíritum tuus ille Jesus, ipsius plane non attígit ánimam crudélis lancea, quæ ipsius aperíuit latus : sed tuam útique ánimam pertransívit. Ipsius nimirum ánima jam ibi non erat; sed tua plane inde nequibat avélli.

R. iv. Ne vocétis me Noémi, hoc est pulchram, sed vocáte me Mara, id est amáram : \* Quia amaritúdine valde me replévit Omnípotens. V. Pósuit me Dóminus desolatam, tota die mærore confectam. — Quia amaritúdine.

Benedictio. Jesus Mariæ Filius sit nobis clemens et propítius. R. Amen.

#### Lectio v.

**T**UAM ergo pertransívit ánimam vis doloris, ut plus quam mártýrem non immérito prædicémus, in qua nimirum corpóreæ sensum passiónis excésserit compassiónis affectus. An non tibi plus quam gládius fuit sermo ille, revéra pertransiens ánimam, Múlier, ecce filius tuus? O commutatiónem! Joánnes tibi pro Jesu tráditur, servus pro dómíno, discípulus pro magístro, filius Zebedæi pro Filio Dei, homo purus pro Deo vero. Quómodo non tuam affectuosíssimam ánimam pertransíret hæc audítio; quando et nostra, licet sáxea, licet férrea péctora, sola recordátio scindit?

R. v. Respha, crucifixis duobus filiis suis in monte coram Domino, cillcium substravit sibi supra petram : et non dimisit bestias lacerare eos \* Per diem et noctem. V. Replevit me amaritudinibus, et inebriavit me absinthio. — Per diem et noctem.

Benedictio. Stella Maria maris succurrit piissima nobis. R. Amen.

Lectio vj.

**N**ON mirémini fratres quod Maria martyr in ánima fuisse dicátur. Mirétur qui non meminerit se audisse Paulum inter máxima Géntium crimina memorántem, quod sine affectióne fuissent. Longe id fuit a Mariæ viscéribus : longe id sit a sérvulis ejus. Sed forte quis dicat, Numquid non eum præscierat mortúrum? Et indubitánte. Numquid non sperábat contínuo resurrectúrum? Et fidénter. Super hæc dóluit crucifixum? Et veheménter. Alióquin quisnam tu frater, aut unde tibi hæc sapiéntia, ut miréris plus Mariam compatiéntem quam Filium Mariæ patiéntem? Ille étiam mori corpore pótuit : ista cómmori corde non pótuit? Fecit illud caritas, qua majórem nemo hábuit : fecit et hoc caritas, cui post illam similis áltera non fuit.

R. vj. Flebat mater Tobíæ irremediabilibus lácrimis, atque dicébat : Heu heu me, fili mi, lumen oculórum meórum, báculo senectútis meæ, \* Solátium vitæ nostræ! V. Omnia simul in te uno habéntes noli dimittere nos. — Solátium vi-

tæ nostræ. Glória. Solátium vitæ nostræ.

IN III. NOCTURNO.

Psalmus 42.

**J**UDICA me Deus, et discérne causam meam de gente non sancta, \* ab hómine iniquo, et doloso érue me.

Quia tu es Deus fortitúdo mea : \* quare me repulisti? et quare tristis incédo, dum affligit me inimicus?

Emitte lucem tuam et veritatem tuam : \* ipsa me deduxerunt, et adduxerunt in montem sanctum tuum, et in tabernacula tua.

Et introibo ad altáre Dei : \* ad Deum, qui lætificat juventutem meam.

Confitébor tibi in cithara Deus meus : \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Añs. Tu es Deus fortitúdo mea : quare me repulisti? et quare tristis incédo, dum affligit me inimicus?

Psalmus 68.

**S**ALVUM me fac Deus : \* quóniam intravérunt aquæ usque ad ánimam meam.

Infixus sum in limo profundi : \* et non est substantia.

Veni in altitúdinem maris : \* et tempestas demersit me.

Laborávi clamans, & rauce factæ sunt fauces meæ : \* defecerunt oculi mei, dum spero in Deum meum.

Multiplícati sunt super capillos cápitis mei, \* qui odérunt me gratis.



Confortáti sunt qui persecúti sunt me inimíci mei injúste : \* quæ non rápui, tunc exsolvébam.

Deus tu scis insipiéntiam meam : \* et delicta mea a te non sunt abscondita.

Non erubéscant in me qui expéctant te Dómine, \* Dómine virtútum.

Non confundántur super me \* qui quærun't te, Deus Israel.

Quóniam propter te sustinui oppróbrium : \* opéruit confúsis faciém meam.

Extráneus factus sum frátribus meis, \* et peregrinus filiis matris meæ.

Quóniam zelus domus tuæ comédit me : \* et oppróbria exprobrántium tibi, ceciderunt super me.

Et opéruí in jejúnio ánimam meam : \* et factum est in oppróbrium mihi.

Et pósui vestiméntum meum cilícium : \* et factus sum illis in parábolam.

Advérsus me loquebántur qui sedébant in porta : \* et in me psallébant qui bibébant vinum.

Ego vero orationem meam ad te Dómine : \* tempus benelácti Deus.

In multítudine misericórdiæ tuæ exáudi me, \* in veritate salútis tuæ :

Eripe me de luto, ut non infigar : \* libera me ab iis, qui odérunt me, et de profundis aquárum.

Non me demérgat tempéestas aquæ, & neque absórbeat me profundum : \* neque úrgeat super me púteus os suum.

Exáudi me Dómine, quóniam benigna est misericórdia tua : \*

secúndum multítudinem miserationum tuárum respice in me.

Et ne avértas faciém tuam a púero tuo : \* quóniam tribulor, velóciter exáudi me.

Inténde ánimæ meæ, et libera eam : \* propter inimicos meos éripe me.

Tu scis impropérium meum, et confusiónem meam, \* et reveréntiam meam.

In conspéctu tuo sunt omnes qui tribulant me, \* impropérium expectávit cor meum, et misériam.

Et sustinui qui simul contristarétur, et non fuit : \* et qui consolarétur, et non invéni.

Et dedérunt in escam meam fel : \* et in siti mea potavérunt me acéto.

Fiat mensa eórum coram ipsis in láqueum, \* et in retributiónes, et in scándalum.

Obscuréntur óculi eórum ne vídeant : \* et dorsum eórum semper incúrva.

Effúnde super eos iram tuam : \* et furor iræ tuæ comprehéndat eos.

Fiat habitátio eórum déserta : \* et in tabernáculis eórum non sit qui inhábitet.

Quóniam quem tu percussísti, persecúti sunt : \* et super dolórem vúlnerum meórum addiderunt.

Appóne iniquitátem super iniquitátem eórum : \* et non intrent in justitiam tuam.

Deleántur de Libro vivéntium : \* et cum justis non scribántur.

Ego sum pauper et dolens : \* salus tua Deus suscepit me.

Laudábo nomen Dei cum cántico : \* et magnificábo eum in laude :

Et placébit Deo super vitulum novellum : \* cornua producen-tem et ungulas.

Videant pauperes et lætén-  
tur : \* quærite Deum, et vivet  
ánima vestra :

Quóniam exaudivit pauperes  
Dóminus : \* et victos suos  
non despéxit.

Laudent illum cæli et terra, \*  
mare, et ómnia reptília in eis.

Quóniam Deus salvam faciet  
Sion : \* et ædificabúntur civi-  
tates Juda.

Et inhabitábunt ibi, \* et he-  
reditate acquirunt eam.

Et semen servórum ejus pos-  
sidébit eam, \* et qui diligunt  
nomen ejus, habitábunt in ea.

Añã. Quem tu percussisti Dó-  
mine, persecúti sunt ímpii : et  
super dolórem meum addidér-  
unt.

Psalmus 76.

**V**OCe mea ad Dóminum cla-  
mávi : \* voce mea ad  
Deum, et inténdit mihi.

In die tribulatiónis meæ  
Deum exquisívi, mánibus meis  
nocte contra eum : \* et non  
sum decéptus.

Rénuit consolári ánima mea, &  
memor fui Dei, et delectátus  
sum, et exercitátus sum : \* et  
defécit spiritus meus.

Anticipavérunt vigilias óculi  
mei : \* turbátus sum, et non  
sum locútus.

Cogitávi dies antiquos : \* et  
annos ætérnos in mente há-  
bui.

Et meditátus sum nocte cum  
corde meo, \* et exercitábar,  
et scopébam spíritum meum.

Numquid in ætérnum projí-  
ciet Deus : \* aut non appónet  
ut complacitior sit adhuc?

Aut in finem misericórdiam  
suam abscondet, \* a generatió-  
ne in generatióne?

Aut obliviscétur miseréri  
Deus? \* aut continébit in ira  
sua misericórdias suas?

Et dixi : Nunc cœpi : \* hæc  
mutatió dexteræ Excelsi.

Memor fui óperum Dómi-  
ni : \* quia memor ero ab initio  
mirabilium tuórum.

Et meditábor in ómnibus opé-  
ribus tuis : \* et in adinventi-  
onibus tuis exercébor.

Deus in sancto via tua : & quis  
Deus magnus sicut Deus no-  
ster? \* tu es Deus qui facis  
mirabilia.

Notam fecisti in pópulis vir-  
tutem tuam : \* redemisti in  
bráchio tuo pópulum tuum,  
filios Jacob, et Joseph.

Vidérunt te aquæ Deus, & vi-  
dérunt te aquæ : \* et timué-  
runt, et turbatæ sunt abyssi.

Multitúdo sónitus aquárum : \*  
vocem dedérunt nubes.

Etenim sagittæ tuæ trans-  
eunt : \* vox tonitruí tui in rota.

Illuxérunt coruscationes tuæ  
orbi terræ : \* commóta est et  
contrémuit terra.

In mari via tua, et sémite  
tuæ in aquis multis : \* et vesti-  
gia tua non cognoscéntur.

Deduxisti sicut oves pópulum  
tuum, \* in manu Móysi et  
Aaron.

Añã. In die tribulatiónis meæ  
Deum exquisívi mánibus meis :  
rénuít consolári ánima mea.

Y. Virgo tuum Filium in cru-  
ce elevátum. R. Redde tua  
prece miseris placátum.

Benedictio. Evangélica léc-  
tio sit nobis salus et protéc-  
tio. R. Amen.

Lectio sancti Evangelii  
secundum Joannem.

Lectio vij. Cap. 19.

**I**N illo tempore : Stabant iuxta crucem Jesu Mater ejus, et soror Matris ejus, Maria Cléophæ, et Maria Magdalène. Et reliqua.

Homilia sancti Augustini  
Episcopi.

(Tract. 119. in Joannem.)

**H**ÆC est illa hora, de qua Jesus, aquam conversurus in vinum, dixerat Matri : Quid mihi et tibi est, mulier? nondum venit hora mea. Hanc itaque horam prædixerat, quæ tunc nondum vènerat, in qua debéret agnoscere Matrem moritûrus, de qua fûerat mortâliter natus. Tunc ergo divina factûrus, non divinitâtis, sed infirmitâtis Matrem velut incôgnitam repellébat : nunc autem humana jam pâtiens, ex qua fûerat factus homo, affectu commendâbat humano. Tunc enim qui Mariam creâverat, innotescébat in virtûte : nunc vero quem Maria pepèrerat, pendébat in cruce.

R. vij. Ecce hic pòsitus est in ruinam, et resurrectionem multòrum : et in signum, cui contradicétur : \* Et tuam ipsius animam dolòris gladius pertransibit. V. Ut reveléntur ex multis còrdibus cogitationes. — Et tuam.

Benedictio. In omni tribulatione et angustia subvéniat nobis pia Virgo Maria. R. Amen.

Lectio viij.

**M**ORALIS igitur insinuâtur locus. Facit quod faciendum admonet, et exemplo suo ministros instrûxit Præceptor

bonus, ut a filiis piis impendatur cura paréntibus : tamquam lignum illud, ubi erant fixa membra moriéntis, étiam cathedra fûerit magistri docéntis. Ex hac sane doctrina didicerat Paulus Apóstolus, quod docébat, quando dicébat : Si quis autem suis, et máxime domesticis non pròvidet, fidem negávit, et est infidéli detérior. Quid vero tam cuique domésticum quam paréntes filiis, aut paréntibus filii?

R. viij. Christo bajulante crucem, mulieres sequebántur flentes : ad quas conversus ait : \* Nolite flere super me, sed flete super vos, et super filios vestros. V. Beátæ stériles, quæ non lactavérunt. — Nolite.

Benedictio. Ad societátem civium supernòrum perdúcat nos Regina angelòrum. R. Amen.

Lectio ix.

**H**UJUS itaque salubérrimi præcepti ipse Magister sanctòrum de se ipso constituébat exéplum, quando Matri álterum pro se filium quodámmodo providébat. Nam cur hoc fécerit, quod séquitur indicat : Ex illa hora accépit eam discipulus in sua. Sed in quæ sua Joánnes Matrem Dómini accépit? Neque enim non ex eis erat, qui dixerunt : Ecce nos reliquimus ómnia. Sic debémus accipere quod dictum est, ut ad ejus curam quidquid ei esset necessárium pertinéret. Suscépit ergo eam in sua, non prædia, quæ nulla própria possidébat : sed officia, quæ própria dispensatione exsequenda curábat.



R. ix. Cum vidisset Jesus Matrem, et discipulum, quem diligebat, stantes juxta crucem, dixit Matri suæ: Mulier, ecce filius tuus; deinde discipulo: \* Ecce Mater tua. V. Et ex illa hora accepit eam discipulus in sua. — Ecce Mater tua. Glória. Ecce Mater tua.

Ante Laudes V. Tuam ipsius animam doloris gladius pertransibit. R. Ut revelentur ex multis cordibus cogitationes.

## AD LAUDES

ET PER HORAS ANTIPHONÆ.

1. Attēdite univērsi pópuli, et vidēte dolōrem meum. Psalmus Dóminus regnāvit. cum ceteris, pag. 17.

2. Contritum est cor meum in medio mei, contremuerunt omnia ossa mea.

3. Hórruit Virgīnis auditus blasphemos audiēdo: expāvit ejus aspēctus parricidas vidēdo.

4. Fácies mea intúmuīt a fletu, et pálpebræ meæ caligavérunt.

5. Plangam eum quasi unigénitum, quia innocens Filius occisus est.

Capitulum. Isaïæ 21.

**A**NGUSTIA possédit me sicut angústia parturiēntis: conturbáta sum cum vidērem: emárcuit cor meum, ténebræ stupefecérunt me.

Hymnus.

**D**UM crimen Adæ sólvitur Fluóre Christi sanguínis,

Hevæ volúptas pēnditur  
Fletu Mariæ Virgīnis.

ILLUM crucis dum stipiti  
Catérva figit éffera,  
Quanto tremóre cōcūti  
Matérna sentit viscera!

CUI melle succum lácteum  
Suaviórem præbuit,  
Potum dari nunc félleum  
Quantum gemens exhórruit!

QUAM deflet inter nóxios  
Nudum peti conviciis,  
Cujus repēdi régios  
Vidit favóres fáscii!

SIC summa partus témpore  
Quæ sensit olim gáudia,  
Nunc summa multo fénore  
Mortis repēdunt tædia.

PII Mariæ sérvuli,  
Christi redēpti sáanguine,  
Tantum dolórem flébili  
Recogitáte lúmine.

SIT summa Christo glória,  
Amára cujus Pássio  
Ætérna nobis gáudia  
Matrisque det Compássio.  
Amen.

† Hæ duæ ultimæ Strophæ  
dicantur etiam in fine Hymno-  
rum ad Primam, Tertiam, Sex-  
tam et Nonam.

V. Sancta Dei Génitrix, Vir-  
go dulcis atque pia. R. Chri-  
stum Regem mortí tráditum  
pro nobis exóra.

Ad Benedictus Añā. Ecce pō-  
situs est hic in signum cui con-  
tradicétur: et tuam ipsius ani-  
mam pertransibit gladius, ut  
reveléntur ex multis cordibus  
cogitationes.

## Oratio.

**I**NTERVENIAT pro nobis, quæsumus Dómine Jesu Christe, nunc et in hora mortis nostræ, apud tuam cleméntiam beáta Virgo María Mater tua : cujus sacratissimam ánimam in hora benedíctæ Passiónis tuæ dolóris gládius pertransiit, et in gloriósa Resurreccióné tua ingens gáudium lætificávit. Qui vivis.

## AD PRIMAM.

R. Jesu Christe. V. Qui passus es coram Virgine María.

## AD TERTIAM.

Capitulum. Angústia possédit me., ut in Laudibus.

R. Sancta Dei Génitrix, \* Virgo dulcis atque pia. Sancta Dei Génitrix. V. Christum Regem morti tráditum pro nobis exóra. Virgo dulcis atque pia. Glória. Sancta Dei Génitrix.

V. Virgo Mater Christi, juxta crucem astitisti. R. Præparáta mori propter amórem Filii.

## AD SEXTAM.

Capitulum. Jerem. 9.

**Q**UIS dabit cápiti meo aquam, et óculis meis fontem lacrimárum? et plorábo die ac nocte.

R. Virgo Mater Christi \* Juxta crucem astitisti. Virgo Mater Christi. V. Præparáta mori propter amórem Filii. Juxta crucem astitisti. Glória. Virgo Mater Christi.

V. Virgo tuum Fílium in cruce elevátum. R. Redde tua prece miseris placátum.

## AD NONAM.

Capitulum. Cant. 1.

**N**IGRA sum, sed formósa, filia Jerúsalem, sicut tabernácula Cedar, sicut pelles Salomónis. Nolite me conside-

rare quod fusca sim, quia decolorávit me sol : filii matris meæ pugnavérunt contra me.

R. Virgo tuum Fílium \* In cruce elevátum. Virgo tuum Fílium. V. Redde tua prece miseris placátum. In cruce elevátum. Glória. Virgo tuum Fílium.

V. Tuam ipsíus ánimam dolóris gládius pertransiit. R. Ut reveléntur ex multis córdibus cogitatiónes.

## AD II. VESPERAS.

Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósa in conspéctu Dómini mors Sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupísti víncula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Psalmus 119.

**A**D Dóminum cum tribulárer clamávi : \* et exaudivit me.

Dómine libera ánimam meam a lábiis iniquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acútæ, \* cum carbonibus desolatóriis.

Heu mihi, quia incolátus meus prolongátus est : habitávi cum habitántibus Cedar multum incola fuit ánima mea.

Cum his, qui odérunt pacem, eram pacíficus : \* cum loquébar illis, impugnábant me gratis.

Psalms 139.

**E**RIPE me Dómine ab hómine malo : \* a viro iniquo éripe me.

Qui cogitavérunt iniquitátes in corde : \* tota die constituébant prœlia.

Acuérunt linguas suas sicut serpéntis : \* venénus áspidum sub lábiis eórum.

Custódi me Dómine de manu peccatóris : \* et ab homínibus iniquis éripe me.

Qui cogitavérunt supplantáre gressus meos : \* abscondérunt supérbi láqueum mihi :

Et funes extendérunt in láqueum : \* juxta iter scándalum posuérunt mihi.

Dixi Dómino : Deus meus es tu : \* exáudi Dómine vocem deprecatiónis meæ.

Dómine, Dómine virtus salútis meæ : \* obumbrásti super caput meum in die belli :

Ne tradas me Dómine a desiderio meo peccatóri : \* cogitavérunt contra me, ne derelínquas me, ne forte exalténtur.

Caput circúitus eórum : \* labor labiórú ipsórum opériet eos.

Cadent super eos carbónes, & in ignem dejicies eos : \* in misériis non subsistent.

Vir linguósus non dirigétur in terra : \* virum injústum mala capient in intéritu.

Cognóvi quia faciet Dóminus

judícium inopis : \* et vindictam páuperum.

Verúntamen justí confitebúntur nómini tuo : \* et habitábunt recti cum vultu tuo.

Psalms 140.

**D**OMINE clamávi ad te, exáudi me : \* inténde voci meæ, cum clamávero ad te.

Dirigátur orátio mea sicut incénsus in conspéctu tuo : \* elevátio mánuum meárum sacrificium vespertinum.

Pone Dómine custódiam ori meo : \* et óstium circumstántiæ lábiis meis.

Non declines cor meum in verba malitiæ, \* ad excusándas excusatiónes in peccátis.

Cum homínibus operántibus iniquitátem : \* et non comunicábo cum electis eórum.

Corrípiet me justus in misericórdia et increpábit me : \* óleum autem peccatóris non impinguet caput meum.

Quóniam adhuc et orátio mea in beneplácitis eórum : \* absorbpti sunt juncti petræ júdices eórum.

Audient verba mea quóniam potuérunt : \* sicut crassitúdo terræ erúpta est super terram.

Dissipáta sunt ossa nostra secus inférnum : & quia ad te Dómine, Dómine óculi mei : \* in te sperávi, non áuferas ánimam meam.

Custódi me a láqueo, quem statuérunt mihi : \* et a scándalis operántium iniquitátem.

Cadent in retiáculo ejus peccatóres : \* singuláriter sum ego donec transeam.

Psalms 141.

**V**OCE mea ad Dóminum clamávi : \* voce mea ad Dóminum deprecátus sum :



Effúndo in conspéctu ejus  
oratiónem meam, \* et tribula-  
tiónem meam ante ipsum pro-  
núntio.

In defi-ci-éndo ex me spíritum  
meum, \* et tu cognovisti sémitas  
meas.

In via hac, qua ambulábam, \*  
abscondérunt láqueum mihi.

Considerábam ad dexteram, \*  
et vidébam : \* et non erat qui  
cognósceret me.

Périt fuga a me, \* et non est  
qui requírat ánimam meam.

Clamávi ad te Dómine, \*  
dixi : Tu es spes mea, pórtio  
mea in terra vivéntium.

Inténde ad deprecationem  
meam : \* quia humiliátus sum  
nimis.

Líbera me a persequéntibus  
me : \* quia confortáti sunt  
super me.

Educ de custódia ánimam  
meam ad confiténdum nómini  
tuo : \* me expéctant justí,  
donec retribuas mihi.

Añá. Atténdite univérsi pó-  
puli, et vidéte dolórem meum.

Capitulum. Isaíæ 21.

**A**NGUSTIA possédit me sicut  
angústia parturiéntis : con-  
turbáta sum cum vidérem :  
emárcuit cor meum, ténebræ  
stupefecerunt me.

Hymnus.

**M**ENTES juvet fidélium  
Planctum Mariæ plângere,  
Mori videt dum Fílium  
Toto cruéntum corpore.

QUANTO dolóris vúlnerē

Pectus cruéntat illius

Amissus uno fúnere

Sponsus, Parens et Fílius !

MATERNA nulla dúrior,

Nec ulla par afflictio :

Nam nulla proles cárior,

Nec ulla par dílectio.

QUOT cara Proles éxcipit  
Inflicta carni vérbera,  
Tot mæsta Mater súscipit  
Infixa cordi vúlnera.

HUNC spina, clavus, lancea  
Dum pungit, illam cónficit  
Mærore, qui vel sáxea  
Movére corda súfficit.

SIC ensis ille saucium  
Cor figit ac transvérberat,  
Quem jam diu præcónium  
Sancti Senis prædíxerat.

PII Mariæ sérvuli,  
Christi redémpti sáanguine,  
Tantum dolórem flébili  
Recogitáte lúmine.

SIT summa Christo glória,  
Amára cujus Pássio  
Ætérna nobis gáudia  
Matrisque det Compássio.

Amen.

¶ Sancta Dei Génitrix, Virgo  
dulcis atque pia. R. Christum  
Regem morti tráditum pro  
nobis exóra.

Ad Magnificat Añá. Ante  
thronum Trinitátis, miserórum  
miseráta, pia Mater pietátis sis  
pro nobis advocáta : quæ super  
pœnis cunctis tui Nati, et  
aerúmnis, atque ejus infámiis,  
necnon culpa tuæ gentis, in im-  
ménsus es afflicta : ne similia  
sint nobis modo quocúmque  
nóxia, mérito tui dolóris da  
optáta remédia.

Oratio.

**I**NTERVENIAT pro nobis, quæ-  
sumus Dómine Jesu Christe,  
nunc et in hora mortis nostræ,  
apud tuam cleméntiam beáta  
Virgo Maria Mater tua : cujus  
sacratíssimam ánimam in hora  
benedictæ Passiónis tuæ doló-  
ris gládus pertransívit, et in  
gloriósa Resurrectiône tua in-  
gens gáudium lætificávit. Qui  
vivis.

DOMINICA II.  
POST OCTAVAM PASCHÆ.  
PATROCINII S. JOSEPH  
CONF. SPONSI B. MARIE V.

TOTUM DUPLEX.  
AD I. VESPERAS.

Super Psalmos Aña. Jacob autem genuit Joseph virum Mariæ, de qua natus est Jesus, qui vocatur Christus, allelúia. Psalmus Laudáte pueri. cum ceteris, pag. 145.

Capitulum. Genes. 49.

**B**ENEDICTIONES patris tui confortátæ sunt benedictionibus patrum ejus : donec veniret desiderium collium æternorum : fiant in capite Joseph, et in vertice Nazaræi inter fratres suos.

℞. Angelus Dómini apparuit Joseph, dicens : Joseph fili David, noli timere accipere Mariam conjugem tuam : quod enim in ea natum est de Spiritu sancto est : \* Páriet autem Filium : et vocábis nomen ejus Jesum, Allelúia. ℣. Cum esset desponsata Mater Jesu Maria Joseph, antequam convenirent, inventa est in útero habens de Spiritu sancto. — Páriet. Glória. Allelúia.

Hymnus.

**T**E Joseph célebrent ágmina cælitum,  
Te cuncti résonent Christiadum chori,

Qui clarus méritis junctus es inclytæ

Casto federe Virgini.

ALMO cum tûmidam gérmine conjugem

Admirans, dubio tangeris anxius,

Afflátu súperi Fláminis Angelus Concéptum Puerum docet.

Tu natum Dóminum stringis, ad éxteras

Ægypti prófugum tu séqueris plagas :

Amissum Sólymis quæris, et invenis,

Miscens gáudia flétibus.

POST mortem réliquos mors pia consécrat,

Palmámque eméritos glória súscipit :

Tu vivens, Súperis par, frúeris Deo,

Mira sorte beátior.

NOBIS summa Trias parce precántibus,

Da Joseph méritis sidera scánderere :

Ut tandem liceat nos tibi pétitim

Gratum prómere cánticum.

Amen.

℣. Amávit eum Dóminus et ornávit eum, allelúia. ℞. Stollam glóriæ induit eum, allelúia.

Ad Magnificat Aña. Cum esset desponsata Mater Jesu Maria Joseph, antequam convenirent, inventa est in útero habens de Spiritu sancto, allelúia.

Oratio.

**D**EUS, qui ineffabili providéntia beátum Joseph sanctíssimæ Genitricis tuæ Sponsum eligere dignátus es : præsta, quæsumus, ut quem protectórem venerámur in terris, intercessórem habére mereámur in cælis. Qui vivis.

Ad Memoriam Dominicæ ij. post Octavam Paschæ in j. Vesperis Aña. Alias oves hábeo, quæ non sunt ex hoc ovili : et illas opórtet me addúcere, et vocem meam áudient, et fiet unum ovile et unus pastor, allelúia.

¶ Mane nobiscum Dómine, allelúia. R. Quóniam advesperáscit, allelúia. Oratio.

**D**EUS, qui errántibus, ut in viam possint redire justitiæ, veritatís tuæ lumen ostendis : da cunctis, qui christiána professione censéntur, et illa respúere, quæ huic inimica sunt nómini; et ea, quæ sunt apta, sectári. Per.

#### AD MATUTINUM.

Invitatorium. Laudémus Deum nostrum, \* In veneratióne beáti Joseph protectóris nostri, allelúia.

Hymnus Te Joseph célebrent, ut in j. Vesperis.

#### IN NOCTURNO.

Aña. Angelus Dómini apparuit in somnis Joseph, dicens : Surge, et accipe Púerum, et Matrem ejus, et fuge in Ægyptum, et esto ibi usque dum dicam tibi, allelúia. Psalmi ex j. Nocturno de Comuni unius Confessoris, pag. 68\*.

Aña. Angelus Dómini apparuit in somnis Joseph, dicens : Surge, et accipe Púerum, et Matrem ejus, et vade in terram Israel : defúnci sunt enim qui quærebant ánimam Púeri, allelúia.

Aña. Consúrgens Joseph, accépit Púerum, et Matrem ejus, et venit in terram Israel : et habitávit in civitaté, quæ vocátur Názareth, allelúia.

¶ Amávit eum Dóminus et ornávit eum, allelúia. R. Stola glóriæ induit eum, allelúia.

De libro Génesis.

Lectio j.

Cap. 39.

**J**OSEPH igitur ductus est in Ægyptum, emitque eum Pútifar eunúchus Pharaónis,

princeps exércitus, vir Ægyptius, de manu Ismaelitárum, a quibus perductus erat. Fuitque Dóminus cum eo, et erat vir in cunctis prospere agens : habitávitque in domo dómni sui, qui óptime nóverat Dóminum esse cum eo, et ómnia, quæ géreret, ab eo dirigi in manu illius. Invenitque Joseph grátiam coram dómno suo, et ministrábat ei : a quo præpositus ómnibus gubernábat créditam sibi domum, et universa quæ ei trádita fúerant : benedixitque Dóminus dómui Ægyptii propter Joseph, et multiplicávit tam in aedibus quam in agris cunctam ejus substantiam : nec quidquam aliud nóverat, nisi panem quo vescebátur. Erat autem Joseph pulchra facie, et decórus aspectu.

R. j. Joseph, fili David, noli timére accipere Mariam conjugem tuam : quod enim in ea natum est de Spíritu sancto est : páriet autem Filium : \* Et vocábis nomen ejus Jesum, allelúia. ¶ Ipse enim salvum faciet pópulum suum a peccátis eórum. — Et vocábis nomen ejus Jesum, allelúia.

Sermo sancti Bernardini Senénsis.

(Serm. 1. de S. Joseph.)

Lectio ij.

**O**MNIUM singulárium gratiarum, alicui rationábili creatúræ communicárum, generális régula est : quod quandocúmque divína grátia éligit áliquem ad áliquam grátiam singulárem, seu ad áliquem sublimem statum, ómnia charismata donet, quæ illi persónæ sic eléctæ et ejus officio



necessária sunt, atque illam copiose décorant. Quod maxime verificatum est in sancto Joseph, putativo patre Domini nostri Jesu Christi, et vero sponso Reginæ mundi et Dominae angelorum, qui ab æterno Patre electus est fidelis nutritus, atque custos principium thesaurorum suorum, scilicet Filii ejus et Sponsæ suæ: quod officium fidelissime prosecutus est. Cui propterea Dominus ait: Serve bone, et fidelis, intra in gaudium Domini tui. Si compares eum ad totam Ecclesiam Christi, nonne iste est homo electus et specialis, per quem, et sub quo Christus est ordinatus et honeste introductus in mundum? Si ergo Virgini Matri tota Ecclesia sancta debitor est, quia per eam Christum suscipere digna facta est: sic profecto, post eam, huic debet gratiam et reverentiam singularem. Ipse enim est clavis Veteris Testamenti, in qua patriarchalis et prophetalis dignitas promissum consequitur fructum. Porro hic est solus, qui corporaliter possedit, quod eis divina dignatio repromisit. Tu autem.

R. ij. Surge, et accipe Puerum, et Matrem ejus, et fuge in Ægyptum, \* Et esto ibi usque dum dicam tibi, alleluia. V. Ut adimpleretur quod dictum est a Domino per Prophetam dicentem: Ex Ægypto vocavi Filium meum. — Et esto ibi usque dum dicam tibi, alleluia.

Lectio iij.

**M**ERITO igitur figuratur per illum Patriarcham Joseph,

qui populis frumenta servavit. Sed et hic illum præcellit: quia non solum Ægypti panem corporalis vitæ, sed omnibus electis panem de cælo, qui cælestem vitam tribuit, cum multa solertia enutrivit. Profecto dubitandum non est, quod Christus familiaritatem, reverentiam atque sublimitissimam dignitatem, quam illi exhibuit, dum ageret in humanis, tamquam filius patri suo, in cælis utique non negavit, quin potius complèvit, et consummavit. Unde non immerito in verbo proposito a Domino subinfertur: Intra in gaudium Domini tui. Unde, licet gaudium æternæ beatitudinis in cor hominis intret, maluit tamen Dominus ei dicere: Intra in gaudium: ut mystice innuatur quod gaudium illud non solum in eo sit intra, sed undique illum circumdans et absorbens, et ipsum velut abyssus infinita submergens. Meménto igitur nostri beate Joseph, et tuæ orationis suffragio apud tuum putativum Filium intercede: sed et beatissimam Virginem sponsam tuam nobis propitiā redde, quæ Mater est ejus, qui cum Patre et Spiritu sancto vivit et regnat per infinita sæcula sæculorum, amen. Tu autem.

R. iij. Angelus Domini apparuit Joseph, dicens: Joseph fili David, noli timere accipere Mariam conjugem tuam: quod enim in ea natus est de Spiritu sancto est: \* Pariet autem Filium: et vocabis nomen ejus Jesum, Alleluia. V. Cum esset desponsata Mater Jesu Maria Joseph, antequam convenirent,

inventa est in útero habens de Spiritu sancto. — Páriet autem Fílium et vocábis nomen ejus Jesum, Allelúia. Glória. Allelúia.

Ante Laudes V. Constituit eum dómínus domus suæ, allelúia. R. Et principem omnis possessionís suæ, allelúia.

## AD LAUDES

ET PER HORAS ANTIPHONÆ.

1. Jacob autem genuit Joseph virum Mariæ, de qua natus est Jesus, qui vocátur Christus, allelúia. Psalmus Dóminus regnávít, cum ceteris, pag. 17.

2. Missus est Angelus Gábriel a Deo in civitátem Galilææ, cui nomen Názareth, ad Virgínem desponsátam viro, cui nomen erat Joseph, allelúia.

3. Ascéndit autem Joseph a Galilæa de civitatē Názareth in Judæam in civitátem David, quæ vocátur Bétlehem, allelúia.

4. Et venérunt festinántes : et invenérunt Mariam et Joseph et Infántem pósitum in præsépio, allelúia.

5. Et ipse Jesus erat incipiens quasi annórum trigínta, ut putabátur, fílius Joseph, allelúia.

Capitulum.

Gen. 49.

**B**ENEDICTIONES patris tui confortátæ sunt benedictiónibus patrum ejus : donec veniret desidérium cóllium æternórum : fiant in cápite Joseph, et in vértice Nazaræi inter fratres suos.

## Hymnus.

**C**ÆLITUM Joseph decus,  
atque nostræ  
Certa spes vitæ, columénque  
mundi,  
Quas tibi læti cánimus, bení-  
gnus  
Súscipe laudes.

TE Sator rerum státuit pu-  
dicæ  
Virginis Sponsum, volúitque  
Verbi  
Te Patrem dici, dedit et miní-  
strum  
Esse salútis.

TU Redemptórem stábulo  
jacéntem,  
Quem chorus Vatum cécinit  
futúrum,  
Aspicias gaudens, humilisque  
natum  
Numen adóras.

REX Deus regum, Dominá-  
tor orbis,  
Cujus ad nutum tremit inferó-  
rum  
Turba, cui pronus famulátur  
æther,  
Se tibi subdit.

LAUS sit excélsæ Triadi per-  
énnis,  
Quæ tibi præbens súperos ho-  
nóres,  
Det tuis nobis méritis beatæ  
Gáudia vitæ.

Amen.

V. Dedisti mihi protectiónem  
salútis tuæ, allelúia. R. Et  
délixtera tua suscepit me, alle-  
lúia.

Ad Benedictus Añá. Joseph,  
fili David, noli timére accipere  
Mariam cónjugem tuam : quod  
enim in ea natum est de Spíri-  
tu sancto est, allelúia.

## Oratio.

**D**EUS, qui ineffabili providentia beatum Joseph sanctissimæ Genitricis tuæ Sponsum eligere dignatus es : præsta, quæsumus, ut quem protectorem veneramur in terris, intercessorem habere mereamur in cælis. Qui vivis.

Ad Memoriam Dominicæ ij. post Octavam Paschæ in Laudibus Añæ. Modicum, et non videbitis me, dicit Dominus : iterum modicum, et videbitis me : quia vado ad Patrem, allelûia, allelûia.

¶ Gavisi sunt discipuli, allelûia. R. Viso Domino, allelûia.

## Oratio.

**D**EUS, qui errantibus, ut in viam possint redire justitiæ, veritatis tuæ lumen ostendis : da cunctis, qui christiânâ professione censentur, et illa respûere, quæ huic inimica sunt nomini, et ea, quæ sunt apta, sectari. Per.

## AD PRETIOSA.

Evangelium.

Secundum Lucam. Cap. 3.

**I**n illo tempore : Factum est autem cum baptizaretur omnis populus, et Jesu baptizato, et orante, apertum est cælum. Tu autem Domine miserere nostri.

## AD TERTIAM.

Capitulum Benedictiões patris tui, ut in Laudibus, pag. 680.

R. Amavit eum Dominus, et ornavit eum, \* Allelûia, allelûia. Amavit eum Dominus. ¶. Stola gloriæ induit eum. Allelûia. Glória. Amavit eum Dominus.

¶. Justum deduxit Dominus per vias rectas, allelûia. R. Et ostendit illi regnum Dei, allelûia.

## AD SEXTAM.

Capitulum. Gen. 49.

**D**EUS patris tui erit adjutor tuus, et omnipotens benedictet tibi benedictionibus cæli desuper.

R. Justum deduxit Dominus per vias rectas, \* Allelûia, allelûia. Justum deduxit Dominus. ¶. Et ostendit illi regnum Dei. Allelûia. Glória. Justum deduxit Dominus.

¶. Justus ut palma florébit in domo Domini, allelûia. R. Sicut cedrus Libani multiplicabitur, allelûia.

## AD NONAM.

Capitulum. Genes. 49.

**F**ILIUS accrescens Joseph, filius accrescens et decorus aspectu : filiae discurrerunt super murum.

R. Justus ut palma florébit in domo Domini, \* Allelûia, allelûia. Justus ut palma florébit. ¶. Sicut cedrus Libani multiplicabitur. Allelûia. Glória. Justus ut palma florébit.

¶. Dedisti mihi protectionem salutis tuæ, allelûia. R. Et dextera tua suscepit me, allelûia.

## AD II. VESPERAS.

Super Psalmos Añæ. Jacob autem genuit Joseph virum Mariæ, de qua natus est Jesus, qui vocatur Christus, allelûia.

Psalmus Dixit Dominus, cum ceteris de Communi unius Confessoris, pag. 76\*.



Capitulum. Genes. 49.

**B**ENEDICTIONES patris tui confortatæ sunt benedictionibus patrum ejus : donec veniret desiderium collium æternorum : fiant in capite Joseph, et in vertice Nazaræi inter fratres suos.

Hymnus.

**T**E Joseph celebrent ægmina cælitum,  
Te cuncti résonent Christi adum chori,

Qui clarus méritis junctus es inclytæ  
Casto federe Virgini.

ALMO cum tumidam germine conjugem  
Admirans, dubio tangeris anxius,  
Afflatus superi Flaminis Angelus  
Conceptum Puerum docet.

Tu natum Dóminum stringis, ad éxteras  
Ægypti prófugum tu séqueris plagas :  
Amisum Sólymis quæris, et invenis,  
Miscens gaudia flétibus.

POST mortem reliquos mors pia consécrat,  
Palmámque eméritos glória súscipit :  
Tu vivens, Súperis par, frúeris Deo,  
Mira sorte beátior.

NOBIS summa Trias parce precántibus,  
Da Joseph méritis sídera scánderé :

Ut tandem liceat nos tibi pétim

Gratum prómere cánticum.  
Amen.

¶ Amávit eum Dóminus et ornávit eum, allelúia. R. Stollam glóriæ induit eum, allelúia.

Ad Magnificat Añã. Fili qui fecisti nobis sic? Ecce Pater tuus et ego doléntes quærebámus te, allelúia.

Oratio.

**D**EUS, qui ineffábili providéntia beátum Joseph sanctíssimæ Genitrícis tuæ Sponsum eligere dignátus es : præsta, quæsumus, ut quem protectórem venerámur in terris, intercessórem habére mereámur in cælis. Qui vivis.

Ad Memoriam Dominicæ ij. post Octavam Paschæ in ij. Vesperis Añã. Iterum autem vidébo vos, et gaudébit cor vestrum, allelúia : et gáudium vestrum nemo tollet a vobis, allelúia.

¶ Mane nobiscum Dómine, allelúia. R. Quóniam advesperáscit, allelúia.

Oratio.

**D**EUS, qui errántibus, ut in viam possint redire justitiæ, veritátis tuæ lumen osténdis : da cunctis, qui christiána professione censéntur, et illa respúere quæ huic inimica sunt nómini, et ea, quæ sunt apta, sectári. Per.

# PROPRIUM SANCTORUM.

PER OCT. S. CATHARINÆ

VIRG. ET MART.

Ad Memoriam in Laudibus  
Añā. Prudens et vigilans Virgo,  
qualis es cum Sponso illo, qui  
te elegit de mundo, quam pul-  
chra, quam mirābilis, quanta  
luce spectābilis inter Sion ju-  
venculas et Jerúsalem filias!  
Thálamo gaudes régio, con-  
juncta Dei Fílio. Oratio.

**D**EUS, qui dedisti Legem  
Móysi in summitate mon-  
tis Sinai, et in eodem loco per  
sanctos Angelos tuos corpus  
beatæ Catharinæ, Virginis et  
Mártiris tuæ, mirabiliter collo-  
cāsti : præsta, quæsumus, ut  
ejus méritis et intercessióne ad  
montem, qui Christus est, per-  
venire valeāmus : Qui tecum  
vivit.

Ad Memoriam in Vesperis  
Añā. Ave Virginum gemma  
Catharina : ave sponsa Regis  
regum gloriōsa : ave viva Chri-  
sti hóstia ! Tua venerántibus  
patrocínia, impetrata non dé-  
neges suffrágia.

Oratio Deus, qui dedisti, ut  
supra.

DIE XXVII. NOVEMBERIS.

B. MARGARITÆ DE SABAUDIA

VIDUÆ ORD. PRÆD.

DUPLIX.

Oratio.

**D**EUS, qui beatam Margari-  
tam a sæculi pompa ad  
húmilem tuæ crucis sequélam  
toto corde transire docuisti :

concède ut ejus méritis et  
exémplō discāmus peritúras  
mundi calcāre delicias ; et in  
ampléxu tuæ crucis ómnia no-  
bis adversántia superāre : Qui  
vivis.

In j. Vesperis et Laudibus  
Memoria SS. Vitalis et Agrico-  
læ Mátyrum. Oratio.

**D**EUS, quæsumus omnipotens  
Deus : ut qui beatórum  
Mártýrum tuórum Vitális et  
Agricolæ solémnia cólimus,  
eórum apud te intercessiónibus  
adjuvémur. Per.

IN I. NOCTURNO.

De libro Proverbiórum.

Lectio j. Cap. 31.

**A**CCINXIT fortitúdine lumbos  
suos, et roborávit bráchium  
suum. Gustávit, et vidit quia  
bona est negotiatio ejus : non  
exstinguétur in nocte lucérna  
ejus. Manum suam misit ad  
fórtia, et dígití ejus apprehen-  
derunt fusum. Manum suam  
aperuit inopi, et palmas suas  
exténdit ad páuperem. Non  
timébit dómui suæ a frigóribus  
nivis : omnes enim doméstici  
ejus vestiti sunt duplicibus.  
Stragulátam vestem fecit sibi :  
byssus, et púrpura indumén-  
tum ejus. Nóbilis in portis vir  
ejus, quando séderit cum sena-  
tóribus terræ.

De Epístola beáti Pauli

Apóstoli ad Philippénses.

Lectio ij. Cap. 3.

**Q**UÆ mihi fuérunt lucra,  
hæc arbitrátus sum pro-  
pter Christum detriménta.

Verũtamen existimo omnia detrimẽtum esse propter emĩnẽntem sciẽtiam Jesu Christi Dõmini mei : propter quem omnia detrimẽtum feci, et arbitror ut stercora, ut Christum lucrificam, et invẽniar in illo non habens meam justitiam, quæ ex lege est, sed illam, quæ ex fide est Christi Jesu : quæ ex Deo est justitia in fide ad cognoscẽdum illum, et virtutem resurrectionis ejus, et societatem passionum illius.

De Epistola prima beati Pauli Apõstoli ad Timõtheum.

Lectio iij. Cap. 5.

**V**IDUAS honora, quæ vere viduæ sunt. Si qua autem vidua filios, aut nepotes habet : discat primum domum suam regere, et mutuam vicem reddere parẽntibus : hoc enim acceptum est coram Deo. Quæ autem vere vidua est, et desolata, speret in Deum, et instet obsecrationibus, et orationibus nocte ac die. Nam quæ in deliciis est, vivens mortua est. Et hoc præcipe ut irreprehensibiles sint.

## IN II. NOCTURNO.

Lectio iv.

**B**EATA Margarita stirpe regia ducum Sabaudia nata, futuræ sanctitatis ab ipsa infãntia specimen dedit. Adulta, parẽntum jussu, Theodoro Montisferrati marchioni nupsit. A sancto Vincẽntio Ferrerio ad altiõris perfectionis studium accensa, quantum per conjugii statum licuit, Deo se totam devovit; ac demum a lege viri soluta, palam sancti Domini habitum, quem Sorores de Pœnitentia gestare solent,

assumpsit, votumque perpetuæ deinceps vidualis continentia emisit. Secundas nuptias cum Philippo Mediolanensium duce, oblatamque summi Pontificis relaxationem voti modeste recusavit. Mira in pauperes et infirmos ardebat caritate : nam sub Tertiariae habitu foris degens, omni facultatum subsidio solabatur egenos, ministrabat ægris, languentium sordes, ulcera, saniem propriis tergebat manibus. A sæculi commercio longius abesse cupiens, in Alba Pompeia sibi ac religiõsis virginibus monasterium sub cura Fratrum Prædicatorum construxit, in quo sollemnibus votis reliquum vitæ Altissimo consecravit.

Lectio v.

**N**OVUM vitæ genus professã, novo ardore studium pietatis ac religiõnis exercuit. Regulæ et sacrarum Constitutionum observantiam ita coluit, ut earum nec iõta, nec minimum apicem præteriret. Obedientiam et humilitatem ita servavit, ac si ex infima plebe ad religiõsum statum convulasset. Superiõrum ac præsertim Confessarii jussa, summa animi demissione excipiebat. Abjectissima quæque cœnobii ministèria ultro et alacriter obibat; nihil in ejus indumentis et supelllectili superfluum reperire erat. Data sibi aliquando a Christo Dõmino optiõne, ex tribus acutissimis lanceis, nempe calumnia, ægritudine, ac persecutiõne, quam vellet eligendi, omnes simul sustinendas elegit. Nec fefellit eventus. Sed et omnia æquanimitè sus-



tinuit, ut Christo crucifixo plenissime configuraretur.

Lectio vj.

**I**NTER orandum sæpissime rapiébatur in éxtasim, ac divinæ uniõnis dulcédine tota spirítu colliquescébat. Precum ac lacrimárum ejus tanta vis fuit, ut quidquid a Deo péteret, impetráret. Neptem Amadéam plane a médicis desperátam, integerrimæ valetúdini orádo restituit. Fruges in agro páuperis densa grándine omnino prostrátas, in messem copiósam eréxit. Dæmones Albam Pompéiam fúnditus subvértre molientes, a cepto detérruit, ac fugávit. Pro pace universális Ecclesiæ redintegránda máximos labóres ultro felicitérque suscepit. Demum cælo matúra, exáctis sub sancti Dominici hábitu annis quadraginta quátuor, ad súperos evolávit, anno millésimo quadringentésimo sexagésimo quarto. Multis vivens ac post óbitum miraculis cláruit : quibus rite ágnitis ac probátis, Clemens Décimus Póntifex Máximus ejus festum in univérso Prædicatórum Ordine celebrári concessit.

IN III. NOCTURNO.

Homilia in Evangelium Simile est regnum cælórum thesáuro, de Comuni unius nec Virginis nec Martyris, pag. 111\*.

DIE XXIX. NOVEMBRIS.

B. JACOBI DE BENEFACTIS

EPISC. CONF. ORD. PRÆD.

DUPLEX. Oratio.

**D**EUS, qui beáto Jacobo, Confessóri tuo atque Pontifici, omnia boni pastóris múnia

fidéliter explére tribuísti : ejus intercessióne nobis concéde ut per viam mandatórum tuórum gradiétes, inter oves páscae tuæ perpétuo collocári mereámur. Per.

IN I. NOCTURNO.

Lectiones Fidélis sermo., de Comuni unius Confessoris Pontificis, pag. 70\*.

IN II. NOCTURNO.

Lectio iv.

**J**ACOBUS, ex illústri familia de Benefáctis Mántuæ natus, in christiána religióne pie educátus fuit. Adoléscent, ut fervéntius Deo inservíret, domus suæ splendóri páriter ac sæculo valedicens, institútum Ordinis Prædicatórum in pátria amplexus est : in quo humilitáte ac patientia refúlgens, summóque in Deum amore flagrans, perfectiónis culmen áttigit. Sacris stúdiis impigre vacans, doctrína excélluit, ac magistérij láurea decorátus est. Tot sacri viri dótibus permótus Nicoláus Boccasínus, totius Ordinis Prædicatórum Magister, deinde summus Póntifex nómine Benedicti Undécimi, et sérius étiam Beatórum ordini adscriptus, eum in claustró sibi sócium adscívit, ac, uti fertur, in ipsa Petri cáthedra familiárem hábuit.

Lectio v.

**N**E autem diútius lucérna sub módio latéret, Joánes Vicésimus secúndus Jacobum in Mantuána sede collocávit Antistitem. Hoc in múnere, civium suórum non solum spem non feféllit, sed votis ómnium, sciéntia, doctrína ac sanctitaté vitæ ita respóndit,

ut cuiusque conditionis homines illum tamquam divinitus datum suspicerent, venerarentur. In gregem sibi commissum caritate flagrans, et omnibus omnia factus, odia et dissidia dirissimis illis temporibus Mantuæ exorta compescere satēgit. Catholicæ veritatis integritatem strenue propugnāvit, pauperes peste et fame semel atque iterum miserrime afflictos sublevāvit, unde patris pauperum nomen promēruit, et grege tandem ad pietatem et bonam frugem perducto, ipsum spiritalibus bonis ditare stūduit.

## Lectio vj.

**P**OSTQUAM impiger per decem et octo annos Ecclesiam suam iustitia, zelo, et caritate rexisset, omnibus boni pastōris partibus explētis, sēno confectus, et mēritis clarus, piissime obiit die decima nona Novēbris anno millésimo tercentésimo trigésimo octāvo. Christifidēles, qui beāti Jacōbi virtutes admirāti fuerant, ad ejus funus venerabūdi accurrerunt, ejusque ope etiam prodigia contigisse fertur. Quare ab ejus obitu publici et ecclesiastici cultus potius est : sacræ ejus exuviae multoties translatae, tandem in cathedrālī ecclesiā Mantuāna repōitae fuērunt, ubi quotānis Christifidēlium veneratiōni solēmniter exponūtur. Quibus rite probātis, Pius Nonus Pōntifex Māximus ex sacrōrum Rituū Congregatiōnis consūlto cultum beāto Jacōbo ab immemorābili præstitum ratum habuit, et diocēsi Mantuānæ, ac univēso Prædica-

tōrum Ordini potestatem fecit de eo quotānis Officiū et Missam peragēdi.

## IN III. NOCTURNO.

Homilia in Evangelium Homō pēgre. de Comuni unius Confessoris Pontificis, pag. 78\*.

In Laudibus Memoria S. Saturnini Martyris. Oratio.

**D**EUS, qui nos beāti Saturnini Mātyris tui concēdis natalitio pēfrui, ejus nos tribue mēritis adjuvāri. Per.

## DIE XXX. NOVEMBERIS.

## S. ANDREÆ APOSTOLI.

## TOTUM DUPLEX.

## AD I. VESPERAS.

Super Psalmos Añā. Unus ex duobus, qui secuti sunt Dōminum, erat Andrēas frater Simōnis Petri, allelūia. Psalmus Laudate pueri Dōminum, cum ceteris, pag. 145.

Capitulum. Ephes. 2.

**J**AM non estis hōspites, et advenæ : sed estis cives sanctorum, et domēstici Dei : superædificāti super fundamentum Apostolorum et Prophetarum, ipso summo angulārī lapide Christo Jesu.

℟. Homo Dei ducebatur, ut crucifigerent eum : pōpus autem clamābat voce magna dicens : \* Innocens ejus sanguis sine causa damnātur. V. Cumque carnifices dūcerent eum ut crucifigeretur, factus est concursus populōrum clamāntium et dicentium. — Innocens ejus sanguis. Glōria. Innocens ejus sanguis.

Hymnus Exsūltet cælum laudibus. et V. In omnem terram. ut in j. Vesperis de Comuni Apostolorum, pag. 26\*.

Ad Magnificat Añā. Ambulans Jesus juxta mare Galilææ vidit Petrum et Andréam fratrem ejus, et ait illis : Venite post me, faciam vos fieri piscatores hominum. At illi, relictis retibus et navi, secuti sunt eum.

Oratio.

**Q**UÆSUMUS omnipotens Deus : ut beatus Andréas Apóstolus, cujus prævenimus festivitatem, tuum pro nobis impleret auxilium; ut a nostris reatibus absoluti, a cunctis etiam periculis eruamur. Per.

¶ Si festum hoc propter Dominicam transferatur, in primis Vesperis dicatur hæc Oratio :

**M**AJESTATEM tuam Domine suppliciter exoramus : ut sicut Ecclesiæ tuæ beatus Andréas Apóstolus exstitit prædicator et rector, ita apud te sit pro nobis perpétuus intercessor. Per.

#### AD MATUTINUM.

Invitatorium. Adorémus victoriosissimum Regem Christum : \* Qui victorem per crucis trophæum coronavit beatum Andréam Apóstolum.

Hymnus Exsúltet cælum laudibus., ut in primis Vesperis de Communi Apostolorum, pag. 26\*.

#### IN I. NOCTURNO.

Añā. Vidit Dominus Petrum et Andréam, et vocavit eos. Psalmi de Communi Apostolorum, pag. 27\*.

Añā. Venite post me, dicit Dominus, faciam vos fieri piscatores hominum.

Añā. Relictis retibus suis, secuti sunt Dominum Redemptorem.

¶ In omnem terram exivit sonus eorum. R. Et in fines orbis terræ verba eorum.

De Epistola beati Pauli

Apóstoli ad Romanos.

Lectio j.

Cap. 10.

**F**INIS legis, Christus, ad justitiam omni credentibus. Moyses enim scripsit, quoniam justitiam, quæ ex lege est, qui fecerit homo, vivet in ea. Quæ autem ex fide est justitia, sic dicit : Ne dixeris in corde tuo : Quis ascendet in cælum? id est, Christum deducere : Aut quis descendet in abyssum? hoc est, Christum a mortuis revocare. Sed quid dicit Scriptura? Prope est verbum in ore tuo, et in corde tuo : hoc est verbum fidei, quod prædicamus.

R. j. Cum perambularet Dominus juxta mare secus litus Galilææ, vidit Petrum et Andréam retia mittentes in mare, et vocavit eos dicens : \* Venite post me, faciam vos piscatores hominum. ¶ Erant enim piscatores : et ait illis. — Venite post me.

Lectio ij.

**O**MNIS enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo vero prædicabunt nisi mittantur? sicut scriptum est : Quam speciosi pedes evangelizantium pacem, evangelizantium bona! Sed non omnes obediunt Evangelio. Isaías enim dicit : Domine quis credidit auditui nostro?



Ergo fides ex auditu, auditus autem per verbum Christi.

R. ij. Mox ut vocem Dómini prædicantis audívit beátus Andréas, relictis rétibus, quorum usu actúque vivébat, ætérnæ vitæ secútus est \* Præmia largiéntem. V. Ad unius jussiônis vocem Petrus et Andréas, relictis rétibus, secúti sunt Redemptórem. — Præmia largiéntem.

Lectio iij.

**S**ED dico : Numquid non audierunt? Et quidem in omnem terram exívit sonus eórum, et in fines orbis terræ verba eórum. Sed dico : Numquid Israel non cognóvit? Primus Móyses dicit : Ego ad æmulatióem vos addúcam in non gentem : in gentem insipientem, in iram vos mittam. Isaiás autem audet, et dicit : Invéntus sum a non quærentibus me : palam apparui iis, qui me non interrogábant. Ad Israel autem dicit : Tota die expándi manus meas ad pópulum non credéntem, et contradicéntem.

R. iij. Homo Dei ducebátur, ut crucifigerent eum : pópulus autem clamábat voce magna dicens : \* Innocens ejus sanguis sine causa damnátur. V. Cumque carnifices dúcerent eum, ut crucifigerétur, factus est concúrsus populórum clamántium et dicéntium. — Innocens ejus sanguis. Glória. Innocens ejus sanguis.

IN II. NOCTURNO.

Añ. Diléxit Andréam Dóminus in odórem suavitátis, allelúia.

Añ. Dignum sibi Dóminus

computávit mártirem, quem vocávit Apóstolum, dum esset in mari, allelúia.

Añ. Christus me misit ad istam provinciam, ubi non parvum pópulum acquisivi.

V. Constitues eos príncipes super omnem terram. R. Mémoires erunt nóminis tui Dómine.

(Ex Act. passionis ejus scriptis a Presbyteris et Diaconis Achaïæ, et ex Romano Brev.)

Lectio iv.

**A**NDREAS Apóstolus Bethsaídæ vico Galilææ natus, frater Petri, discipulus Joánnis Baptistæ, una cum fratre ante alios Apóstolos a Christo vocátus, post ejúsdem Passiõem et Resurrectiõem, cum in Scythiam Európe venisset, deinde Epirum ac Thráciám peragrasset, doctrina et miraculis innumerábiles hómines ad Christum convértit. Post, Patras Achaiæ profectus, et in ea urbe plúrimis ad veritátem evangélicam perductis, Ægéam procónsulem, prædicatióni evangélicæ resisténtem, libérime increpávit.

R. iv. Doctor bonus, et amicus Dei Andréas dúcitur ad crucem : aspiciens a longe, vidit crucem : Salve crux, \* Súscipe discipulum ejus, qui pepéndit in te magister meus Christus. V. Salve crux, quæ in corpore Christi dedicáta es : et ex membris ejus tamquam margaritis ornáta. — Súscipe discipulum ejus.

Lectio v.

**T**UM Ægéas irátus demum hortátur ut sibi cónsulens diis velit immoláre. Cui Andréas : Ego omnipoténti Deo,

qui unus et verus est, immolo quotidie, non taurorum carnes, nec hircorum sanguinem, sed immaculatum Agnum in altari : cujus carnem posteaquam omnis populus credentium manducaverit, Agnus, qui sacrificatus est, integer perseverat ac vivus. Quam ob rem ira accensus Ægeas jubet eum in carcerem detrudi : unde populus Andréam facile liberasset, nisi ipse sedasset multitudinem, vehementius rogans ne se ad optatissimam martyrii coronam properantem impedirent.

R. v. O bona crux, quæ decorem et pulchritudinem de membris Domini suscepisti, accipe me ab hominibus, et redde me Magistro meo : \* Ut per te me recipiat, qui per te me redemit. V. Securus et gaudens venio ad te : ita et tu exultans suscipias me. — Ut per te me recipiat.

Lectio vj.

**I**gitur paulo post in tribunal productum, cum Ægeas crucis extollentem mysteria, sibi que suam impietatem exprobrantem, diutius ferre non posset, in crucem tolli, et Christi mortem imitari jussit. Adductus Andréas ad locum martyrii, cum crucem vidisset a longe, exclamare cepit : O bona crux, quæ decorem ex membris Domini suscepisti, diu desiderata, sollicitè amata, sine intermissione quaesita, et aliquando concupiscenti animo preparata, accipe me ab hominibus, et redde me Magistro meo : ut per te me recipiat qui per te me redemit. Itaque cruci affixus est : in qua biduum vivus pendens, et Christi fidem prædicare nunquam intermittens,

ad eum migravit, cujus mortis similitudinem concupierat.

R. vj. Salve crux, quæ in corpore Christi dedicata es, et ex membris ejus tamquam margaritis ornata : \* Suscipe discipulum ejus, qui pendit in te. V. O bona crux, diu desiderata, et jam concupiscenti animo preparata. — Suscipe discipulum ejus. Gloria. Suscipe discipulum ejus.

### IN III. NOCTURNO.

**A**ña. Videns Andréas crucem, cum gaudio dicebat : Quia amator tuus semper fui, et desideravi amplecti te, o bona crux.

**A**ña. Récipe me ab hominibus, et redde me Magistro meo : ut per te me recipiat, qui per te me redemit.

**A**ña. Biduo vivens pendebat in cruce pro Christi nomine beatus Andréas, et docebat populum.

V. Nimis honorati sunt amici tui Deus. R. Nimis confortatus est principatus eorum.

Lectio sancti Evangelii secundum Matthæum.

Lectio vij.

Cap. 4.

**I**n illo tempore : Ambulans Jesus juxta mare Galilææ, vidit duos fratres, Simónem, qui vocatur Petrus, et Andréam fratrem ejus, mittentes rete in mare (erant enim piscatores). Et reliqua.

Homilia sancti Gregorii Papæ.  
(Hom. 5. in Evang.)

**A**UDISTIS, fratres carissimi, quia ad unius jussionis vocem Petrus et Andréas, relictis retibus, secuti sunt Redemptorem. Nulla vero hunc facere adhuc miracula viderant;

nihil ab eo de præmio æternæ retributionis audierant : et tamen ad unum Domini præceptum, hoc, quod possidere videbantur, obliti sunt. Quanta nos ejus miracula videmus, quot flagellis affligimur, quantis minarum asperitatibus deterrémur ! Et tamen vocantem sequi contemnimus.

R. vij. Expādi manus meas tota die in cruce ad pópulum non credentem, sed contradicentem mihi : \* Qui ambulat vias non bonas, sed post peccata sua. V. Exaltāre, qui júdicas terram : redde retributionem superbis. — Qui ambulat.

Lectio viij.

**I**n cælo jam sedet qui de conversione nos admonet : jam jugo fidei colla gentium subdidit, jam mundi glóriam stravit, jam ruinis ejus crebrescentibus, districti sui judicii diem propinquātem denúnciat : et tamen superba mens nostra adhuc non vult hoc sponte desérere, quod quotidie perdit invita. Quid ergo, fratres carissimi, quid in ejus judicio dicturi sumus, qui ab amore præsentis sæculi nec præceptis fléctimur, nec verbéribus emendāmur ?

R. viij. Diléxit Andréam Dóminus in odórem suavitatis : dum pendéret in cruce, dignum sibi computávit mártirem, quem vocávit Apóstolum, dum esset in mari : \* Et ideo amicus Dei appellátus est. V. Vir iste in pópulo suo mitissimus apparuit : sanctitáte autem et grátia plenus. — Et ideo.

Lectio ix.

**S**ed fortásse áliquis tácitis sibi cogitationibus dicat :

Ad vocem Domínicam utérque iste piscátor quid aut quantum dimisit, qui pene nihil hábuit ? Sed hac in re, fratres carissimi, afféctum debémus pótius pensāre quam censum. Multum reliquit qui sibi nihil retinuit : multum reliquit qui, quantumlibet parum, totum desérui. Certe nos et hábita cum amore possidémus, et ea, quæ minime habémus, ex desidério quærimus. Multum ergo Petrus et Andréas dimisit, quando utérque étiam desidéria habéndi dereliquit.

R. ix. Videns crucem Andréas exclamávit dicens : \* O crux inenarrábilis, o crux inæstimábilis, o crux, quæ per totum mundum fulges, Non me dimittas errātem, sicut ovem non habentem pastórem. V. Blduo vivens pendébat in cruce pro Christi nómine beátus Andréas, et docébat pópulum, et dicébat. — O crux. Glória. Non me dimittas errātem.

Ante Laudes V. Diléxit Andréam Dóminus. R. In odórem suavitatis.

#### AD LAUDES

ET PER HORAS ANTIPHONÆ.

1. Salve crux pretiósā, súscipe discipulum ejus, qui pepéndit in te magister meus Christus. Psalmus Dóminus regnāvit. cum ceteris, pag. 17.

2. Beátus Andréas orábat dicens : Dómine, Rex æternæ glóriæ, súscipe me pendentem in patibulo.

3. Andréas Christi fámulus, dignus Dei Apóstolus, germānus Petri, et in passióne socius.

4. Maximilla, Christo amábilis, tulit corpus Apóstoli : ópti-



mo loco cum aromatibus sepe-  
livit.

5. Qui persequébantur justum,  
demersisti eos Dómine in pro-  
fúndum : et in ligno crucis dux  
justi fuísti.

Capitulum Jam non estis hó-  
spites., Hymnus Ætérna Christi  
múnera. et V. Annuntiavérunt.  
de Communi Apostolorum,  
pag. 33\*.

Ad Benedictus Añā. Concéde  
nobis hóminem justum, redde  
nobis hóminem sanctum : ne  
interficiās hóminem Deo ca-  
rum, justum, mansuétum et  
pium.

Oratio.

**M**AJESTATEM tuam Dómine  
suppliciter exorámus : ut  
sicut Ecclésiæ tuæ beátus An-  
dréas Apóstolus éxstitit prædi-  
cátor et rector, ita apud te sit  
pro nobis perpétuus intercés-  
sor. Per.

#### AD TERTIAM.

#### SEXTAM ET NONAM.

Capitula, R. R. et V. de Com-  
muni Apostolorum, pag. 33\*.

Oratio Majestátem tuam., ut  
in Laudibus.

#### AD II. VESPERAS.

Super Psalmos Añā. Salve  
crux pretiósā, súscipe discipu-  
lum ejus, qui pependit in te  
magister meus Christus. Psalmus  
Dixit Dóminus. cum cete-  
ris de Communi Apostolorum,  
pag. 34\*.

Capitulum Jam non estis hó-  
spites., Hymnus Exsúltet cælum  
laudibus. et V. In omnem ter-  
ram. ut in j. Vesperis de eodem  
Communi, pag. 26\*.

Ad Magnificat Añā. Cum per-  
venisset beátus Andréas ad  
locum ubi crux paráta erat,  
exclamávit et dixit : O bona

crux, diu desideráta, et jam  
concupiscénti ánimo præpará-  
ta, secúrus et gaudens vénio  
ad te : ita et tu exsúltans susci-  
pias me discipulum ejus, qui  
pependit in te.

Oratio Majestátem tuam. ut  
in Laudibus.

#### PER OCTAVAM S. ANDREÆ.

Ad Memoriam in Laudibus  
Añā. Bíduo vivens pendébat in  
cruce pro Christi nómine beátus  
Andréas, et docébat pópulum.  
V. Annuntiavérunt ópera Dei.  
R. Et facta ejus intellexerunt.

Oratio Majestátem tuam. ut  
in Laudibus Festi.

Ad Memoriam in Vesperis  
Añā. Beátus Andréas orábat  
dicens : Dómine Rex ætérnæ  
glóriæ, súscipe me pendéntem  
in patibulo.

V. Diléxit Andréam Dóminus.  
R. In odórem suavitátis.

Oratio Majestátem tuam. ut  
supra in Laudibus Festi.

**D**E Octava die S. Catharinæ  
Virginis et Martyris fiat  
Memoria in utrisque Vesperis  
et Laudibus B. Joannis a Ver-  
cellis, ut suo loco ponitur. Si  
tamen Dominica j. Adventus  
in die ij. Decembris evenerit,  
Mémoria de Octava die S. Ca-  
tharinæ fiat illo anno in Officio  
Dominicæ. Memoria vero de  
S. Bibiana Virgine et Martyre  
semper fiat in Officio B. Joan-  
nis ad j. Vesperas et Laudes.

#### DIE II. DECEMBRIS.

B. JOANNIS A VERCELLIS  
CONF. ORD. PRÆD. DUPLEX.

Quæ hic notata non sunt fiant  
de Communi unius Confessoris.

## Oratio.

**D**EUS qui beatum Joannem mirabili prudentia et fortitudine clarificare voluisti; ipso interveniente, concede ut familia tua semper et ubique salubri regimine gubernetur. Per.

Ad Memoriam de Octava die S. Catharinæ in j. Vesperis Añæ. Inclyta sanctæ Virginis Catharinæ sollemnia suscipiat alacriter pia mater Ecclesiæ. Ave Virgo Deo digna, ave dulcis et benigna! Obtine nobis gaudia, quæ possides cum gloria.

℣. Diffusa est gratia in labiis tuis. ℞. Propterea benedixit te Deus in æternum. Oratio.

**D**EUS, qui dedisti Legem Mōysi in summitate montis Sinai, et in eodem loco per sanctos Angelos tuos corpus beatæ Catharinæ Virginis et Martyris tuæ mirabiliter collocasti: præsta, quæsumus, ut ejus meritis et intercessione ad montem, qui Christus est, pervenire valeamus; Qui tecum vivit.

Ad Memoriam S. Bibianæ Virginis et Martyris in j. Vesperis, Antiphona et ℣. de Comuni unius Virginis, pag. 87\*.

## Oratio.

**I**NDULGENTIAM nobis, quæsumus Dōmine, beatā Bibiana Virgo et Martyr impleret: quæ tibi grata semper existit, et merito castitatis, et tuæ professione virtutis. Per.

## IN I. NOCTURNO.

Lectiones Beatus vir. de Comuni unius Confessoris non Pontificis, pag. 81\*.

## IN II. NOCTURNO.

## Lectio iv.

**J**OANNES, quem antiqui scriptores alii de Vercellis, alii

de Moxo, aut etiam de gente Garbella passim dixerunt, in finibus diocesis Vercellensis, ineunte sæculo tertio decimo, ortum habuit. Exacta pueritia, cum præstantissimi ingenii specimina mature præbuisset, adolescens Lutetiam Parisiorum, studiorum causa, missus, brevi ex discipulo magister factus, in celeberrima illa Universitate Jus Romanum et Pontificium publice docuit. In patriam reversus, dum Vercellis utrique Juri tradendo incumberet, ad altiora vocatus, beato Jordano divinitus incitante, Ordini Prædicatorum nomen Jedit. Bononiæ, ad sepulcrum sancti Dominici Patris, regularis vitæ disciplinam novitius excoluit, ac pleno hausit pectore. Ejus sapientia et virtute perspecta, Vercellis in ipso cenobio, ad quod fundandum venerat, Prior constituitur, et inde, tamquam Magistri Humberti Vicarius in Hungariam destinatus, ejus vires magna cum laude gessit. Quo munere perfunctus, Bononiensis cenobii Prior electus est, ac paulo post in Provincia Lombardiæ Fratrum regimini præfectus.

## Lectio v.

**I**N Magistrum totius Ordinis assumptus, annos fere viginti, sodalibus pietatis cultu, morum austeritate et actionis prudentia in exemplum eluxit. Fratrum cenobia, per Europam longe lateque disseminata, suo innixus baculo pedes lustravit. Annis comitiis, quæ Capitula generalia vocant, assiduus, ipse moderans

ubique sanctissimis légibus regularem disciplinam fortiter asservuit. Apud principes et sacrorum antistites magni semper habitus, Romanis Pontificibus in perarduis Christianae reipublicae negotiis adjumento fuit. Commissarius enim ad reconciliandas Italiae urbes, et haereticæ pravitatis Inquisitor apud Venetos ab Innocentio Quarto deléctus est, Apostolicus Procurator sacrae expeditionis Cruce signatorum contra infideles ab Urbano Quarto constitutus, Nuntius pacis apud respúblicas Venetiaram, Génuae, Pisarum, Florentiae et Bononiae a beato Gregorio Décimo destinatus, ac tandem Legatus ad reges Franciae et Castellae a Joanne Vigésimo et Nicolao Tértio missus, ut dissidentium animos ad pacem compóneret. Clementi Quarto a consilii adscitus, ei morienti ceu fidsimus solator astitit.

#### Lectio vj.

**S**ANCTI Domínici filius vere amantissimus, marmóream arcam, sculptis imaginibus insignem, Bononiae exstruendam curavit, in qua, ipso praesente, beati Patris legiferi reliquiae solénni pompa repósitae usque in hodiernam diem religiose asservantur. Hierosolymitanus Patriarcha renuntiatus, dignitatem invicta humilitatis constantia recusavit. Ab ipso supremo Magisterio Praedicatorum ut absolveretur semel et iterum pétiit : sed univérso Ordine reclamante, Romani Pontificis jussu Praedicatorum familiae gubernacula ad últi-

mum vitae diem retinuit. Ex praescripto sui Instituti esum carniū sibi perpétuo interdixit, longaue jejúnia, etiam inter itínerum aspera servavit. Sibi austérus, in aliis benignus, omnium amorem demeruit. Paupertatis et regularis observantiae rigidissimus custos, a verbi Dei praedicatione, animarum salutí jūgiter inténtus, nunquam déstitit. Doctrinae sancti Thomae Aquinatis tuendae imprimis stúduit. Concórdiae suos alúmnos inter et Clerum saecularem ceterosque Reguláres custodiendae sédulus navávit óperam. Tandem diérum et meritórum plenus, in cenóbio sui Ordinis, pridie kaléndas Decémbris anno millésimo biscentésimo octogésimo tértio, apud Montem Pessulanum sanctissima morte ad coronam evolávit. Ecclesiásticum cultum, beato Joánni ob ejus virtútes et miraculórum famam ab éxitu praestitum, et nullo unquam témpore intermíssum, Pius Papa Décimus confirmávit.

#### IN III. NOCTURNO.

Homilia in Evangelium Sint lumbi, de Communi unius Confessoris non Pontificis, pag. 83\*.

#### IN LAUDIBUS.

##### Oratio.

**D**EUS, qui beatum Joannem mirabili prudentia et fortitudine claréscere voluisti : ipso interveniente, concede ut familia tua semper et ubique salubri regimine gubernetur. Per.  
† Haec Oratio dicatur ad Tertiam, Sextam, Nonam et ij. Vesperas.



Ad Memoriam de Octava die S. Catharinæ Año. Prudens et vigilans Virgo, qualis es cum Sponso illo, qui te elégit de mundo, quam pulchra, quam mirábilis, quanta luce spectábilis inter Sion juvénculas et Jerúsalem filias! Thálamo gaudes régio, conjúcta Dei Filio.

℣. Adducéntur regi vírgines post eam. R. Próximæ ejus afferéntur tibi. Oratio.

**D**EUS, qui dedísti Legem Móysi in summitáte montis Sinai, et in eódem loco per sanctos Angelos tuos corpus beatæ Catharinæ Virginis et Mártiris tuæ mirabiliter collocásti : presta, quæsumus, ut ejus méritis et intercessióne ad montem, qui Christus est, pervenire valeámus: Quitecum vivit.

Ad Memoriam S. Bibianæ in Laudibus Antiphona et ℣. de Communi unius Virginis, pag. 95\*.

Oratio.

**I**NDULGENTIAM nobis, quæsumus Dómine, beáta Bibiána Virgo et Martyr implóret : quæ tibi grata semper exstitit, et mérito castitátis, et tuæ professione virtútis. Per.

## IN II. VESPERIS.

Ad Memoriam de Octava die S. Catharinæ Año. Ave Virginum gemma Catharina : ave sponsa Regis regum gloriósa : ave viva Christi hóstia ! Tua venerántibus patrocínia, impetráta non déneges suffrágia.

℣. Diffúsa est grátia in lábiis tuis. R. Proptérea benedixit te Deus in ætérnum.

Oratio Deus, qui dedísti Legem Móysi. ut ad Memoriam in Laudibus.

## DIE III. DECEMERIS. S. FRANCISCI XAVERII CONFESSORIS.

DUPLEX.

Oratio.

**D**EUS, qui Indiárum gentes beáti Francisci prædicatione et miráculis Ecclesiæ tuæ aggregáre voluísti : concede propítius ut cujus gloriósa mérita venerámur, virtútum quoque imitémur exémpa. Per.

## IN II. NOCTURNO.

Lectio iv.

**F**RANCISCUS in Xavério diocesis Pampelonensis nobilibus paréntibus natus, Parisiis sancto Ignátio sese cómitem et discipulum junxit. Ipso magistro, eo brevi devénit, ut in rerum divinárum contemplatione defixus, a terra aliquándó sublimis elevarétur : quod illi sacrificánti coram populi multitudine aliquóties evenit. Has ánimi delicias magnis sui córporis cruciátibus merebátur. Nam interdicto sibi, non carnis solum et vini, sed panis quoque triticeí usu, vílibus cibis vesci sólitus, per bídium subinde tri-duúmque omni prorsus aliménto abstínuit. Féreis in se flagélis ita sæviit, ut sæpe copioso cruóre difflúeret : somnum brevíssimum humi jacens capébat.

Lectio v.

**V**ITÆ austeritáte ac sanctitáte apostólico múnéri jam matúrus, cum Joánnes Tértius Lusitániæ rex aliquot nascentis Societátis viros a Paulo Tértio pro Indiis postuláset : sancti Ignátii hortátu, ab eódem Pontífice ad tantum opus cum Apostólici núntii potestáte

deligitur. Eo appulsus, illico variarum gentium difficillimis et variis linguis divinitus instructus apparuit. Quin eum quandoque unico idiomate ad diversas gentes concionantem, unaquaeque sua lingua loquentem audivit. Provincias innumeras pedibus semper, et saepe nudis, peragravit. Fidem Japoniae et sex aliis regionibus invexit. Multa centena hominum millia ad Christum in Indiis convertit; magnosque principes regesque complures sacro fonte expiavit. Et cum tam magna pro Deo ageret, ea erat humilitate, ut sancto Ignatio, tunc praeposito suo, flexis genibus scriberet.

## Lectio vj.

**H**UNC dilatandi Evangelii Hardorem multitudine et excellentia miraculorum Dominus roboravit. Caeco visum reddidit. Tantum marinae aquae signo crucis convertit in dulcem, quantum quingentis vectoribus, qui siti adigebantur ad mortem, diu suffecit : qua in varias quoque regiones asportata, aegri plurimi subito curati sunt. Plures mortuos revocavit ad vitam : inter quos pridie sepultum erui iussu et tumulo suscitavit; duosque alios, dum efferebantur, apprehensa eorum manu, parentibus e fetro vivos restituit. Prophetiae spiritu passim afflatus, plurima et loco et tempore remotissima enuntiavit. Denique in Sanciâno Sinarum insula, die secunda Decembris, obiit plenus meritis, laboribusque confectus. Demortui cadaver viva calce per multos menses bis obrutum, sed penitus in-

corruptum, odore et sanguine manavit : et ubi Malacam delatum est, pestem saevissimam confestim exstinxit. Denique, ubique terrarum novis maximisque fulgentem miraculis, Gregorius Decimus quintus Sanctis adscripsit.

## IN III. NOCTURNO.

Lectio sancti Evangelii secundum Marcum.

Lectio vij. Cap. 16.

**I**N illo tempore : Dixit Jesus discipulis suis : Euntes in mundum universum, praedicare Evangelium omni creaturae. Et reliqua.

Homilia sancti Gregorii Papae. (Hom. 29. in Evang. post init.)

**P**OTEST omnis creaturae nomine omnis natio Gentium designari. Ante etenim dictum fuerat : In viam Gentium ne abiieritis. Nunc autem dicitur : Praedicare omni creaturae. Ut scilicet prius a Judaea Apostolorum repulsa praedicatio tunc nobis in adiutorium fieret, cum hanc illa ad damnationis suae testimonium superba repulset. Sed cum discipulos ad praedicandum Veritas mittit, quid aliud in mundo facit, nisi grana seminis spargit? Et pauca grana mittit in semine, ut multarum messium fruges recipiat ex nostra fide.

## Lectio viij.

**N**EQVE etenim in universo mundo tanta fidelium messis exsurgeret, si de manu Domini super rationalem terram illa electa grana praedicantium non venissent. Sequitur : Qui crediderit, et baptizatus fuerit, salvus erit : qui vero non crediderit, condemnabitur.

Fortasse unusquisque apud semetipsum dicat : Ego jam credidi, salvus ero. Verum dicit, si fidem opëribus tenet. Vera etenim fides est, quæ in hoc, quod verbis dicit, moribus non contradicit. Hinc est enim quod de quibusdam falsis fidelibus Paulus dicit : Qui confitentur se nosse Deum, factis autem negant.

## Lectio ix.

**S**IGNA autem eos, qui credituri sunt, hæc sequentur : In nomine meo dæmonia ejicient : linguis loquentur novis : serpentes tollent : et si mortiferum quid biberint, non eis nocëbit : super ægros manus imponent, et bene habebunt. Numquidnam fratres mei, quia ista signa non facitis, minime creditis? Sed hæc necessaria in exordio Ecclesiæ fuerunt. Ut enim ad fidem cresceret multitudo credentium, miraculis fuerat nutrienda. Quia et nos, cum arbusta plantamus, tamdiu eis aquam infundimus, quousque ea in terra jam coaluisse videamus : et si semel radicem fixerint, irrigatio cessabit. Hinc est enim quod Paulus dicit : Linguae in signum sunt, non fidelibus, sed infidelibus.

DIE IV. DECEMBERIS.

S. BARBARÆ

VIRG. ET MART.

DUPLEX.

Oratio.

**E**XAUDI nos Deus salutaris noster : ut sicut de beatæ Barbaræ Virginis et Martyris tuæ festivitæte gaudemus, ita piæ devotionis erudiâmur affectu. Per.

## IN II. NOCTURNO.

(Ex sincerioribus Actis, ex S. Joanne Damasceno, aliisque.)  
Lectio iv.

**B**ARBARA Virgo Nicomediæ in persecutiōne Julii Maximi passa est. A patre siquidem Diōscoro, viro nobili sed gentili, in alta et munita turri, ob egrégiam ejus pulchritudinem, custodienda includitur : ubi bāneum, et duas fenestras, quibus lumen exciperetur, in eo fieri jubet. Bárbara vero, absente patre, tertiam addi fenestram, et labri pavimentum crucis imāgine ornari jussit. Revërsus pater de tertia fenestra quærit. Virgo, occasione nacta, de sacrosanctæ Trinitatis mystério multa aperte et divine dissruit : ac pluribus verbis ad salutarem Christi fidem patrem esse cohortata.

## Lectio v.

**A**T pater, non solum suæ impietatis stimulis, sed etiam máximo Cæsaris timore adductus, qui fidem Christi immaniter persequeretur, filiam modis omnibus nititur ad idololatriam revocare. Cumque id consequi non posset, provinciae praesidi eam tradit. Qui primum Virginem blanditiis aggressus, ubi se nihil vidit efficere, nudam nervis bubulis crudeliter caedi, dein praecutis testulis vulnera perfricari jubet. Post hæc in carcerem traditur, ubi clarissima luce et Christi Domini praesentia ad reliqua subeunda certamina mirifice confirmatur.

## Lectio vj.

**S**ED cum iterum praesidi sisteretur, et constantior in fidei confessione persisteret ; ferreis



ungulis dilaniatur, latéribus ardentes faces admoventur, caput férreis málleis contúnditur, mammillæ præscinduntur, diréptis véstibus ignominiae causa, per pública loca perducitur. Quibus tormentis fórtiter et invicte superátis, tandem a patre impietátis furóre aménte cápíte truncáta, gloriósum martyrii agónem consummávit. Fertur eam ab Origene sacris litteris imbútam.

## IN III. NOCTURNO.

Homilia in Evangelium Simile est regnum cælórum thesauro., ut in Communi unius Virginis et Martyris, pag. 94\*.

## DIE VI. DECEMBRIS.

## S. NICOLAI

EPISC. ET CONF.

TOTUM DUPLEX.

## AD I. VESPERAS.

Super Psalmos Aña. Amicus Dei Nicoláus, pontificáli decorátus infula, ómnibus se amábilem exhibuit. Psalmus Laudáte púeri, cum ceteris. pag. 145.

Capitulum. Eccli. 45.

**D**ILECTUS Deo et homínibus, cujus memória in benedictióne est : similem illum fecit in glória sanctórum.

R. Ex ejus tumba marmórea sacrum resúdat óleum : quo liniti sanántur cæci, \* Surdis auditus rédditur, Et débilis quisque sospes regréditur. V. Catervátim ruunt pópuli, cernere cupiéntes quæ per eum fiunt mirabilia. — Surdis. Glória. Et débilis.

Hymnus Iste Confessor. cum V. Amávit eum., pag. 67\* et pag. 68\*.

Ad Magnificat Aña. O Pastor ætérne, o clemens et bone custos, qui dum devóti gregis preces atténderes, voce lapsa de cælo, præsulí sanctíssimó dignum episcopátu Nicoláum ostendisti tuum fámulum!

## Oratio.

**D**EUS, qui beátum Nicoláum, Pontificem tuum, innúmeris decorásti miráculis; tribue, quæsumus, ut ejus méritis et præcibus a gehénæ incéndiis liberémur. Per.

## AD MATUTINUM.

Invitatorium. Adorémus Regem sæculórum, \* In quo vivit Nicoláus honor sacerdotum.

Hymnus Iste Confessor., pag. 67\*.

## IN I. NOCTURNO.

Aña. Nobilíssimis síquidem natálibus ortus, velut lúifer Nicoláus emicuit. Psalmi de Communi unius Confessoris, pag. 68\*

Aña. Postquam domi puerilem decúrrit ætátem, cunctis mundi hujus spretis oblectatióibus, Christi se jugo subji-ciens, documentis sanctis suum præbuit auditum.

Aña. Pudóre bono replétus Dei fámulus, súmptibus datis, stupri nefas prohibuit.

V. Amávit eum Dóminus et ornávit eum. R. Stulam glóriæ induit eum.

De libro Proverbiórum.

Lectio j. Cap. 3.

**F**ILI mi, ne obliviscáris legis meæ, et præcépta mea cor tuum custódiat. Longitúdinem enim diérum, et annos vitæ, et pacem appónent tibi. Misericórdia, et véritas te non déserrant, circumda eas gútturi tuo,

et describe in tábulis cordis tui : et invénies grátiam, et disciplínam bonam coram Deo et homínibus. Habe fidúciam in Dómino ex toto corde tuo, et ne innitáris prudéntiae tuae.

R. j. Conféssor Dei Nicolás, nóbilis progénie, sed nobilior móribus, ab ipso puerili ævo secútus Dóminum, \* Méruit divína revelatióne ad summum próvehi sacerdotium. V. Erat enim valde compátiens, et super afflicto pia gestans viscera. -- Méruit.

#### Lectio ij.

**D**ISCIPLINAM Dómini, fili mí, ne abjicias : nec deficias cum ab eo corríperis : quem enim diligit Dóminus, corrípit : et quasi pater in filio cómplacet sibi. Beátus homo, qui invénit sapiéntiam, et qui áffluit prudéntia : mélior est adquisitio ejus negotiatióne argénti et auri primi, et puríssimi fructus ejus : pretiósior est cunctis ópibus : et ómnia, quæ desiderántur, huic non valent comparári.

R. ij. Opéribus sanctis Nicolás humiliter insístens, revelatióne divína provéctus est \* Ad summum sacerdotii gradum. V. Voce quippe de cælo lapsa, cuidam insinuátur præsulí dignum episcopátu Nicolás. — Ad summum sacerdotii gradum.

#### Lectio iij.

**D**OMINUS sapiéntia fundávit terram, stabilívit cælos prudéntia. Sapiéntia illius erupérunt abyssi, et nubes rore concréscent. Fili mí, ne éffluant hæc ab óculis tuis. Custódi

legem atque consílium : et erit vita ánimæ tuæ, et grátia fáucibus tuis. Tunc ambulábis fiduciáliter in via tua, et pes tuus non impínget : si dormieris, non timébis : quiesces, et suávis erit somnus tuus.

R. iij. Quadam die, tempestáte sævíssima quassáti navtæ, coepérunt sanctum invocáre Nicolás : \* Et statim cessávit tempestas. V. Mox illis clamántibus apparuit quidam, dicens eis : Ecce adsum, quid vocástis me? — Et statim cessávit tempestas. Glória. Et statim cessávit tempestas.

#### IN II. NOCTURNO.

Aña. Auro vírginum incéstus, auro patris eárum inópiam, auro prorsus utrorúmque detestábilem infámiam Dei servus adémít Nicolás.

Aña. Innocénter jura puerília transcéndens, evangélicæ institutiónis discipulus effectus est.

Aña. Glóriam mundi sprexit cum suis oblectatióibus : et ideo méruit próvehi ad summum sacerdotii gradum.

V. Justum dedúxit Dóminus per vias rectas. R. Et osténdit illi regnum Dei.

(Ex probatis ejus Actis apud Metaphrasten, et alios, et ex Rom. Brev.)

#### Lectio iv.

**N**ICOLAUM, illústri loco Pátaræ in Lycia natum, paréntes a Deo précibus impetráverunt. Infans quarta et sexta Féria semel duntáxat, et hoc vésperi quidem, lac sugébat : quam jejúnii consuetúdinem réliqua vita retinuit. Adólescens paréntibus orbátus, facultátes suas paupéribus dis-

tribuit : atque inter cetera benignitatis exempla, tres virgines jam núbiles, quas pater ob inopiam prostituere cogitabat, ter projecta noctu per fenestras pecúnia, cumulate dotavit.

R. iv. Audiens Christi Confessor trium juvenum innocentum necem, præcucurrit quantocius ad locum, in quo fuerant plectendi, \* Et liberavit eos. V. Statimque solutos a vinculis usque ad prætorium consulis secum adduxit. — Et liberavit eos.

#### Lectio v

**I**N Palaestinam profectus, ut loca sancta veneraretur, navem conscendens, sereno caelo et tranquillo mari, sævam tempestatem prædixit : ortamque oratione sedavit. Postea Myram, Lyciæ metropolim, Dei mōnitu cum venisset, a provincialibus episcopis divinitus quoque admōnitis ut eum eligerent, qui postridie mane primus in ecclesiā ingrederetur, Nicolāus nōmine, qua observatione adhibita, deprehensus ipse, ejūdem urbis episcopus creatur. In episcopātu, quam semper coluerat castitatem, orationis assiduitatem, abstinentiam, hospitalitatem, in adhortando mansuetudinem, in reprehendendo severitatem perpetuo servavit. Tres tribunos per calūniam a Constantino damnatos, eique longissime absenti se precibus commendantes, adhuc vivens (cum imperatori minax apparuisset), liberavit.

R. v. Qui cum audissent sancti Nicolai nomen, statim expandunt manus utrasque ad

cælum, \* Salvatoris laudantes clementiam. V. Clara quippe voce coram omnibus dignum referēbant illum Dei famulum. — Salvatoris laudantes clementiam.

#### Lectio vj.

**O**B fidei prædicationem sub Diocletiano et Maximiano longissime abductus, et in carcerem conjectus, Constantini postea jussu Myram rediit : et mox ad Nicænum concilium profectus, unus ex trecentis octodecim Patribus fuit, qui Ariānam hæresim condemnarunt. Non multo post reditum ad episcopatum, instante morte, angelos sibi occurrentes intuitus, illo Psalmo pronuntiato, In te Dōmine speravi, usque ad eum locum, In manus tuas Dōmine commendo spiritum meum : migravit in cælum. Ejus corpus, Bārium in Apulia translātum, summo ibidem honore colitur.

R. vj. Beatus Nicolāus, jam triumpho potitus, novit suis famulis præbere cælestia commoda, qui toto corde poscunt ejus largitiōnes : \* Illi nimirum tota nos devotione oportet committere. V. Ut apud Christum ejus patrocinii adjuvemur semper. — Illi nimirum. Glória. Illi nimirum.

#### IN III. NOCTURNO.

Añā. Pontifices almi divina revelatione lætificati, Nicolāum Præsulem devotissime consecravērunt.

Añā. Sanctus quidem triticum, quod a nautis postulaverat acceptum, et sagacitate distribuere, et augeri precibus impetravit.



Aña. Munéribus datis, neci sunt júvenes innocétes addicti : quibus Dómini servus fuit vitæ præsidio festináner.

¶ Justus ut palma florébit in domo Dómini. R. Sicut cedrus Libani multiplicábitur.

Lectio sancti Evangélíi  
secundum Matthæum.

Lectio vij. Cap. 25.

**I**N illo témpore : Dixit Jesus discipulis suis parábolam hanc : Homo péregre proficiscens, vocávit servos suos, et trádidit illis bona sua. Et réliqua.

Homília sancti Gregórii Papæ.  
(Homil. 9. in Eváng.)

**L**ECTIO sancti Evangélíi, fratres caríssimi, solícite consideráre nos ádmonet ne nos, qui plus céteris in hoc mundo accepisse áliquíd cernimur, ab Auctóre mundi grávius inde judicémur. Cum enim augéntur dona, ratiónes étiam crescunt donórum. Tanto ergo esse humilior atque ad serviéndum prómptior quisque debet ex múnere, quanto se obligatiórem esse cónspicit in reddénda ratióne.

R. vij. Summe Dei Conféssor Nicoláe, te venerántes prótege : \* Namque crédimus tuis précibus nos posse salvári. ¶ Qui tres púeros, morti addictos, illæsos abire fecisti : tuis láudibus instántem consérva plebem. — Namque crédimus.

Lectio viij.

**H**OMO, qui péregre proficiscitur, servos suos vocat, eisque ad negótium talénta partitur. Post multum vero témporis positúrus ratióne revértitur. Bene operántes pro

apportáto lucro remúnerat, servum vero a bono ópere torpéntem damnat. Quis itaque iste homo est, qui péregre proficiscitur, nisi Redemptor noster, qui in ea carne, quam assúmpserat, ábiit in cælum? Carnis enim locus próprius terra est, quæ quasi ad peregrína dúcitur, dum per Redemptórem nostrum in cælo collocátur.

R. viij. Servus Dei Nicoláus auri pondo trium virginum redémit pudórem : \* Earúmque patris impudicam reménso auro fugávit inópiam. ¶ Affluens itaque misericórdiæ viscéribus, metálo duplicáto propulsávit earum infámiam. — Earúmque patris.

Lectio ix.

**S**ED homo iste péregre proficiscens servis suis bona sua trádidit, quia fidélibus suis spirituália dona concéssit. Et uni quidem quinque talénta, álíi duo, álíi vero commísit unum. Quinque étenim sunt córporis sensus : vidélicet, visus, auditus, gustus, odorátus, et tactus. Quinque ergo taléntis donum quinque sénsuum, id est exteriórum sciéntia exprimitur : duóbus vero intelléctus et operátio designátur : unius autem talénti nómine intelléctus tantúmmodo designátur.

R. ix. Ex ejus tumba marmórea sacrum resúdat óleum : quo línti sanántur cæci, \* Surdis auditus rédditur, Et débilis quisque sospes regréditur. ¶ Catervátim ruunt pópuli, cernere cupiéntes quæ per eum fiunt mirabilia. — Surdis auditus rédditur. Glória. Et débilis quisque sospes regréditur.

Ante Laudes V. Ora pro nobis  
beâte Nicolâc. R. Ut digni  
efficiâmur promissionibus Chri-  
sti.

## AD LAUDES

ET PER HORAS ANTIPHONÆ.

1. Beâus Nicolâus adhuc pué-  
rulus multo jejúnio macerâbat  
corpus. Psalmus Dóminus re-  
gnávit. cum ceteris, pag. 17.

2. Ecclesiæ sanctæ frequen-  
tans limina, sacra pectore con-  
debát mandata.

3. Juste et sancte vivéndo ad  
honórem sacerdotií méruit pro-  
movéri divinitus.

4. Amicus Dei Nicolâus, pon-  
tificáli decorátus infula, ómni-  
bus se amábilem exhibuit.

5. O per ómnia laudábilem  
virum, cujus méritis ab omni  
clade liberántur qui ex toto  
corde quærunt illum!

Capitulum Diléctus Deo.,  
Hymnus Jesu Redémptor óm-  
nium. et V. Justus germinábit.  
ut in Laudibus de Communi  
unius Confessoris, pag. 75\*.

Ad Benedictus Añã. Copiósæ  
caritátis Nicolæe Póntifex, qui  
cum Deo gloriáris in cæli pa-  
lácio : descendénde, supplicá-  
mus, ad te suspirántibus, ut  
exútos gravi carne pértrahas  
ad súperos.

Oratio.

**D**EUS, qui beátum Nicoláum,  
Pontificem tuum, innúme-  
ris decorásti miraculis; tribue,  
quæsumus, ut ejus méritis et  
précibus a gehennæ incendiis  
liberémur. Per.

## AD TERTIAM,

SEXTAM ET NONAM.

Capitula, R. R. et V. V. de  
Communi unius Confessoris,  
pag. 76\*.

## AD II. VESPERAS.

Super Psalmos Añã. Beâus  
Nicolâus adhuc puérulus mul-  
to jejúnio macerâbat corpus.  
Psalmus Dixit Dóminus. cum  
ceteris ut in ij. Vesperis de  
Communi unius Confessoris,  
pag. 76\*.

Capitulum Diléctus Deo.,  
Hymnus Iste Conféssor. et  
V. Amávit eum., ut in j. Ve-  
speris de eodem Communi,  
pag. 67\*. et pag. 68\*.

Ad Magnificat Añã. O Christi  
pietas omni prosequénda laude,  
quæ sui fámuli Nicolái mérita  
longe latéque declárat! Nam  
ex tumba ejus óleum manat,  
cunctósque lánguidos sanat.

DIE VII. DECEMBERIS.

## IN ORDINAT. S. AMBROSII

EPISC. CONF. ET ECCL. DOCT.

DUPLEX.

## IN I. VESPERIS.

Hymnus Iste Conféssor Dó-  
mini sacrátus Sóbrius; castus...  
pag. 68\*.

Oratio.

**D**EUS mundi auctor et cón-  
ditor, qui hodiérnæ festi-  
vitátis diem beáti Ambrósii  
sacerdotií electióne consecrá-  
sti : præsta pópulo tuo ut  
cujus ánnua celebritáte devótis  
résultat obséquiiis, ejus suffrá-  
giis tuæ pietátis consequátur  
auxílium. Per.

Post Memoriam de Adventu  
fiat Memoria de Octava S. An-  
dræe, ut infra sub titulo Eadem  
die vij. Decembris, nisi trans-  
ferenda fuerit.

## AD MATUTINUM.

Hymnus Iste Conféssor Dó-  
mini sacrátus Sóbrius, castus...  
pag. 68\*.

## IN I. NOCTURNO.

Lectiones Fidélis sermo., ut  
in Communi unius Confessoris  
Pontificis, pag. 70\*.

## IN II. NOCTURNO.

(Ex Paulino amanuensi  
S. Ambrosii et ex Rom. Brev.)  
Lectio iv.

**A**MBROSIIUS Episcopus Me-  
diolanénsis, Ambrósii civis  
Románi filius, patre Gálliae  
præfècto natus est. In hujus  
infantis ore exámen apum con-  
sedisse dicitur : quæ res divi-  
nam viri eloquentiam præmon-  
strábat. Romæ liberalibus di-  
sciplinis eruditus est. Post, a  
Probo præfècto, Ligúriæ et  
Æmiliae præpósitus; inde pó-  
stea ejúsdem Probi jussu cum  
potestáte Mediolánum venit :  
ubi, mórtuo Auxéntio Ariáno  
episcopo, pópulus de succes-  
sore deligendo dissidébat.

## Lectio v.

**Q**UARE Ambrósius, pro officii  
sui múnere, ecclesiám in-  
gréssus, ut commótam sediti-  
onem sedáret, cum multa de  
quíete et tranquillitáte reipú-  
blicæ præcláre dixisset, re-  
pente púero Ambrósium Epi-  
scopum exclamánte, universi  
pópuli vox erúpit, Ambrósium  
Episcopum deposcéntis. Re-  
cusánte illo, et eórum précibus  
resistén-te, ardens pópuli stú-  
dium ad Valentiniánum impe-  
ratórem delátum est : cui gra-  
tissimum fuit, a se deléctos jú-  
dices ad sacerdotium postulári.

## Lectio vj.

**F**UIT id étiam Probo præfècto  
jucúndum, qui Ambrósio  
proficiscénti quasi divínans di-  
xerat : Vade, age, non ut judex,  
sed ut episcopus. Itaque cum

ad pópuli desidérium impera-  
tóri voluntas accéderet, Am-  
brósius baptizátus (erat enim  
catechúmenus) sacrísque ini-  
tiátus, ac servátis ómnibus ex  
institutó Ecclesiæ Ordinum  
grádibus, octávo die, qui fuit  
séptimo Idus Decémbris, epi-  
scopále onus suscepit.

## IN III. NOCTURNO.

Homilia in Evangelium Vos  
estis sal terræ., ut in Commu-  
ni unius Doctoris, pag. 80\*.

In Laudibus post Memoriam  
de Adventu fiat Memoria de  
Octava S. Andræ, ut infra,  
nisi transferenda fuerit.

---

EADÉM DIE VII. DECEMBRIS.

## IN OCTAVA S. ANDRÆ.

MEMORIA IN I. VESP. ET LAUD.

In j. Vesperis Añã, Ambulans  
Jesus juxta mare Galilææ vi-  
dit Petrum et Andréam fratrem  
ejus, et ait illis : Venite post  
me, fáciám vos fieri piscatóres  
hóminum. At illi, relictis réti-  
bus et navi, secúti sunt eum.  
¶ Diléxit Andréam Dómi-  
nus. R. In odórem suavitátis.

## Oratio.

**P**ROTEGAT nos Dómine sæ-  
pius beáti Andræe Apósto-  
li tui repetíta solémnitas : ut  
ejus patrocínia sine intermis-  
sióne recólimus, perpétuam  
defensiónem sentiámus. Per.

In Laudibus Añã. Concéde  
nobis hóminem justum, redde  
nobis hóminem sanctum : ne  
interficiás hóminem Deo ca-  
rum, justum, mansuétum et  
pium.

¶ Annuntiavérunt ópera Dei.  
R. Et facta ejus intellexérunt.

Oratio Protégat nos Dómine.  
ut supra.



# DIE VIII. DECEMBRIS. IN CONCEPTIONE IMMACULATA

B. MARIE VIRGINIS.

TOTUM DUPLEX.

## AD I. VESPERAS.

Super Psalmos Añã. Tota pulchra es María, et mácula originális non est in te. Psalmus Laudáte púeri. cum ceteris, pag. 145.

Capitulum.

Prov. 8.

**D**OMINUS possédit me in initio viarum suarum, antequam quidquam fáceret a principio. Ab ætérno ordináta sum, et ex antiquis antequam terra fieret. Nondum erant abyssi, et ego jam concépta eram.

R. Elégit Mariam Deus, et prælégit eam, et creávit eam in Spiritu sancto : \* Ideo nihil inquinátum in eam incúrrit. V. Dedit Mariæ Dóminus protectionem salútis suæ, et dextera sua suscepit eam. — Ideo. Glória. Ideo.

Hymnus.

Hic genuflectitur  
usque ad Sumens illud Ave.

**A**VE maris stella,  
Dei Mater alma,  
Atque semper Virgo,  
Felix cæli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis :  
Mala nostra pelle,  
Bona cuncta posce.

MONSTRA te esse matrem :

Sumat per te preces  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solutos  
Mites fac et castos.

VITAM præsta puram,  
Iter para tutum :  
Ut videntes Jesum  
Semper collætémur.

SIT laus Deo Patri,  
Summo Christo decus,  
Spiritui sancto,  
Tribus honor unus. Amen.

V. Immaculáta Concéptio est  
hódie sanctæ Mariæ Virginis.  
R. Quæ serpéntis caput virgineo pede contrivit.

Ad Magnificat Añã. Beátam me dicent omnes generatiónes : quia fecit mihi magna qui potens est, allelúia. Oratio.

**D**EUS, qui Unigéniti tui Matrem ab origináli culpa in sua Conceptione mirabiliter præservásti : da, quæsumus, ut sua nos intercessióne munitos, corde mundos faciás suæ interesse festivitáti. Per eúndem.

## AD COMPLETORIUM.

Super Psalmos Añã. Virgo María, non est tibi similis nata in mundo inter mulieres, florens ut rosa, fragrans sicut lílium : ora pro nobis sancta Dei Génitrix.

In fine Hymni dicantur hæc  
duæ Strophæ :

MARIA Mater grátia,  
Mater misericórdia,  
Tu nos ab hoste prótege,  
Et hora mortis suscipe.

GLORIA tibi Dómine,  
Qui natus es de Virgine,  
Cum Patre et sancto Spíritu  
In sempitérna sæcula. Amen.

Ad Nunc dimittis Aña. Corde  
et ánimo Christo canamus gló-  
riam in hac sacra solemnitate  
præcélsæ Genitricis Dei Mariæ.

† Sic dicatur Completorium  
per totam Octavam, etiam in  
festis, nisi aliter notetur, vel  
nisi Vesperæ præcedentes de  
Tempore fuerint in Sabbato  
vel in Dominica.

† Prædictæ vero duæ Stro-  
phæ Mariæ Mater grátia, et  
Glória tibi Dómine. hodie et  
per Octavam quando fit de  
Octava, dicantur post omnes  
Hymnos, exceptis Hymnis Ave  
maris stella. et Præclára custos  
virginum. Dicantur etiam in  
festis Sanctorum infra Octa-  
vam post omnes Hymnos ejus-  
dem metri. Omittantur tamen  
in Officiis de Tempore Adven-  
tus.

#### AD MATUTINUM.

Invitatorium. Immaculatam  
Conceptionem Virginis Mariæ  
celebrémus : \* Christum ejus  
Filiū adorémus Dóminum.

#### Hymnus.

PRÆCLARA custos virginum,  
Intácta Mater Núminis,  
Cæléstis aulæ janua,  
Spes nostra, cæli gáudium :

INTER rubéta lílĭum,  
Colúmba formosíssima,  
Virga e radice gérmĭnans  
Nostro medélam vúlneri :

TURRIS draconi impérvia,  
Amica stella náufragis,  
Tuere nos a fráudibus,  
Tuáque luce dirige.

ERRORIS umbras discute,  
Syrtis dolósas ámove :  
Fluctus tot inter déviis  
Tutam reclúde sémitam.

JESU tibi sit glória,  
Qui natus es de Virgine :  
Cum Patre et almo Spíritu,  
In sempitérna sæcula. Amen.

#### IN I. NOCTURNO.

##### Psalmus 8.

DÓMINE Dóminus noster, \*  
quam admirábile est no-  
men tuum in univérſa terra!

Quóniam eleváta est magni-  
ficéntia tua, \* super cælos.

Ex ore infántium et lactén-  
tium perfecisti laudem propter  
inimicos tuos, \* ut destruas  
inimicum et ultórem.

Quóniam vidébo cælos tuos,  
ópera digitórum tuórum : \* lu-  
nam et stellas, quæ tu fundásti.

Quid est homo, quod memor  
es ejus? \* aut filius hóminis,  
quóniam visitas eum?

Minuísti eum paulo minus ab  
Angelis, & glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pédibus  
ejus, \* oves et boves univér-  
sas : insuper et pécora campi.

Vólucres cæli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univérſa terra!

Aña. Admirábile est nomen  
tuum Dómine in univérſa  
terra : quia in Virgine Mariá  
dignum tibi habitáculum præ-  
parásti.

## Psalms 18.

**C**ELI enarrant glóriam Dei, \*  
et ópera mánuum ejus annútiat firmaméntum.

Dies diéi erúctat verbum, \*  
et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omneim terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thámo suo :

Exsultávit ut gigas ad curréndam viam, \* a summo cælo egressio ejus :

Et occúrsum ejus usque ad summum ejus : \* nec est qui se abscondat a calóre ejus.

Lex Dómini immaculáta convertens ánimas : \* testimónium Dómini fidèle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, permanens in sæculum sæculi : \* júdicia Dómini vera, justificáta in semetipsa.

Desiderabilia super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quis intélligit? ⁊ ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant eloquia oris mei : \* et meditatio cordis mei in conspéctu tuo semper.

Dómine adjútor meus, \* et redémptor meus.

Añã. In sole pósuit Deus tabernáculum suum.

## Psalms 23.

**D**OMINI est terra, et plenitúdo ejus : \* orbis terrárum, et univérsti, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, ⁊ qui non accépit in vano ánimam suam, \* nec jurávit in dolo próximo suo.

Hic accipiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, ⁊ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, ⁊ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añã. In Conceptione sua accépit María benedictiónem a Dómino, et misericórdiam a Deo salutári suo.

ꝯ. Deus omnipotens præcinxit me virtúte. R. Et pósuit immaculatam viam meam.



Benedictio. Alma Virgo virginum intercédât pro nobis ad Dóminum. *R.* Amen.

De libro Génesis.

Lectio j.

Cap. 3.

**S**ERPENS erat callidior cunctis animántibus terræ quæ fécerat Dóminus Deus. Qui dixit ad mulierem : Cur præcépít vobis Deus ut non comederétis de omni ligno paradisi? Cui respóndit múlíer : De fructu lignórum, quæ sunt in paradiso, véscimur : de fructu vero ligni, quod est in médio paradisi, præcépít nobis Deus ne comederémus : et ne tangerémus illud, ne forte moriámur. Dixit autem serpens ad mulierem : Nequáquam morte moriémíni. Scit enim Deus quod in quocúmque die comederítis ex eo, aperiéntur óculi vestri : et éritis sicut dii, sciéntes bonum et malum.

*R.* j. Per unum hóminem peccátum in hunc mundum intrávit, in quo omnes peccavérunt. \* Ne timeas María, invenísti grátiam apud Deum. *V.* Eripuit Dóminus ánimam tuam de morte, et contra inimicum factus est protéctor tuus. — Ne timeas María,

Benedictio. Sancta Dei Génitrix sit nobis auxiliátrix. *R.* Amen.

Lectio ij.

**V**IDIT igitur múlíer quod bonum esset lignum ad vescéndum, et pulchrum óculis, aspectúque delectábile : et tulit de fructu illius, et comédit : deditque viro suo, qui comédit. Et apérti sunt óculi ambórum : cumque cognovísset se esse nudos, consuérunt fólíá ficus,

et fecérunt sibi perizómata. Et cum audísset vocem Dómini Dei deambulántis in paradiso ad auram post merídiem, abscondit se Adam et uxor ejus a fácie Dómini Dei in médio ligni paradisi.

*R.* ij. Transíte ad me omnes, qui concupiscitis me : \* Et narrábo vobis quanta fecit Deus ánimæ meæ. *V.* Vivit Dóminus, quóniam adimplévit in me misericórdiam suam. — Et narrábo vobis.

Benedictio. Nos cum Prole pia benedicat Virgo María. *R.* Amen.

Lectio iij.

**V**OCAVITQUE Dóminus Deus Adam, et dixit ei : Ubi es? Qui ait : Vocem tuam audívi in paradiso : et tímui, eo quod nudus essem, et abscondí me. Cui dixit : Quis enim indicávit tibi quod nudus esses, nisi quod ex ligno de quo præcéperam tibi ne coméderes, comedísti? Dixitque Adam : Múlíer, quam dedísti mihi sóciam, dedit mihi de ligno, et comédi. Et dixit Dóminus Deus ad mulierem : Quare hoc fecísti? Quæ respóndit : Serpens decépít me, et comédi. Et ait Dóminus Deus ad serpentem : Quia fecísti hoc, maledíctus es inter ómnia animántia, et béstias terræ : super pectus tuum gradiéris, et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius : ipsa cónteret caput tuum, et tu insidiáberis calcáneo ejus.

*R.* iij. Elécta mea cándida sicut nix in Líbano ; sicut favus distillans lábia ejus. : \* Mel et

lac sub lingua illius. V. Veni de Libano, sponsa mea, veni, coronaberis corona gratiarum. — Mel et lac sub lingua illius. Glória. Mel et lac sub lingua illius.

## IN II. NOCTURNO.

Psalmus 44.

**E**RUCTAVIT cor meum verbum bonum : \* dico ego opera mea regi.

Lingua mea calamus scribae, \* velociter scribentis.

Speciosus forma prae filiis hominum, & diffusa est gratia in labiis tuis : \* propterea benedixit te Deus in aeternum.

Accingere gladio tuo super femur tuum, \* potentissime,

Specie tua et pulchritudine tua \* intende, prospere procede, et regna,

Propter veritatem et mansuetudinem, et justitiam : \* et deducit te mirabiliter dextera tua.

Sagittae tuae acutae, & populi sub te cadent, \* in corda inimicorum regis.

Sedes tua Deus in saeculum saeculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus Deus tuus oleo laetitiae prae consortibus tuis.

Myrrha, et gutta, et casia a vestimentis tuis, a domibus eburneis : \* ex quibus delectaverunt te filiae regum in honore tuo.

Astitit regina a dextris tuis in vestitu deaurato : \* circumdata varietate.

Audi filia, et vide, et inclina aurem tuam : \* et obliviscere populum tuum, et domum patris tui.

Et concupiscet rex decorem tuum : \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur : omnes divites plebis.

Omnis gloria ejus filiae regis ab intus, \* in fimbriis aureis circumamicta varietatibus.

Adducuntur regi virgines post eam : \* proximae ejus afferunt tibi.

Afferuntur in laetitia et exultatione : \* adducuntur in templum regis.

Pro patribus tuis nati sunt tibi filii : \* constitues eos principes super omnem terram.

Memores erunt nominis tui \* in omni generatione et generationem.

Propterea populi confitebuntur tibi in aeternum : \* et in saeculum saeculi.

Añ. Diffusa est gratia in Conceptione ejus, et speciosa apparuit inter filias hominum.

Psalmus 45.

**D**EUS noster refugium, et virtus : \* adjutor in tribulationibus, quae invenerunt nos nimis.

Propterea non timebimus dum turbabitur terra : \* et transferentur montes in cor maris.

Sonuerunt, et turbatae sunt aquae eorum : \* conturbati sunt montes in fortitudine ejus.

Fluminis impetus laetificat civitatem Dei : \* sanctificavit tabernaculum suum Altissimus.

Deus in medio ejus, non commovebitur : \* adjuvabit eam Deus mane diluculo.

Conturbatae sunt gentes, et inclinata sunt regna : \* dedit vocem suam, mota est terra.

Dóminus virtútum nobiscum : \*  
suscéptor noster Deus Jacob.

Venite, et vidéte ópera Dómini, & quæ pósuit prodigia super terram : \* áuferens bella usque ad finem terræ.

Arcum cónteret et confringet arma : \* et scuta combúret igni :

Vacáte, et vidéte quóniam ego sum Deus : \* exaltábor in gentibus, et exaltábor in terra. Dóminus virtútum nobiscum : \* suscéptor noster Deus Jacob.

Aña. Adjúvit eam Deus mane dilúculo : sanctificávit tabernáculum suum Altissimus.

Psalmus 86.

**F**UNDAMENTA ejus in móntibus sanctis : \* diligit Dóminus portas Sion super ómnia tabernácula Jacob.

Gloriósia dicta sunt de te, \* civitas Dei.

Memor ero Rahab et Baby-lónis, \* sciéntium me.

Ecce alienigenæ, et Tyrus, et pópulus Æthiopum, \* hi fuérunt illic.

Numquid Sion dicet : Homo, & et homo natus est in ea : \* et ipse fundávit eam Altissimus?

Dóminus narrábit in scriptúris populórum et principum : \* horum, qui fuérunt in ea.

Sicut lætántium ómnium \* habitatio est in te.

Aña. Gloriósia dicta sunt de te Civitas Dei : fundávit te Dóminus in móntibus sanctis.

¶. In hoc cognóvi quóniam voluisti me. R. Quóniam non gaudébit inimicus meus super me.

Benedictio. Ab hoste maligno eripiat nos Dei Génitrix Virgo. R. Amen.

Sermo sancti Hierónymi  
Presbyteri.

(De Assumpt. B. M. V.)

Lectio iv.

**Q**UALIS et quanta esset beáta et gloriósia semper Virgo María, ab Angelo divinitus declarátur, cum dicitur : Ave grátia plena : Dóminus tecum : benedicta tu in muliéribus. Tálibus namque decébat Virginem oppignorári munéribus, ut esset grátia plena : quæ dedit cælis glóriam, terris Dóminum, pacémque refúdit, fidem gentibus, finem vítiis, vitæ ór-dinem, móribus disciplinam. Et bene plena, quia céteris per partes præstátur : Mariæ vero simul se tota infúndit plenitúdo grátia. Vere plena, quia etsi in sanctis Pátribus et Prophétis grátia fuisse créditur, non tamen eátenus plena : in Mariam vero totius grátia, quæ in Christo est, plenitúdo venit, quamquam áliter. Et ideo inquit : Benedicta tu in muliéribus : id est plus benedicta quam omnes mulieres. Ac per hoc quidquid maledictiónis infúsum est per Hevam, totum ábstulit benedictio Mariæ. De ipsa Sálomon in Cánticis, quasi in laudem ejus : Veni, inquit, columba mea, immaculáta mea. Jam enim hiems tránsiit, imber ábiit, et recessit. Ac deinde inquit : Veni de Líbano, veni, coronáberis.

R. iv. Ego ex ore Altissimi prodivi, primogénita ante omnem creatúram : ego feci in cælis ut orirétur lumen indeficiens. \* Nondum erant abyssi, et ego jam concépta eram. ¶. Deus enim creávit me in justitia, et apprehéndit manum



meam, et servavit me. — Nondum erant abyssi.

Benedictio. Jesus Mariæ Filius sit nobis clemens et propitius. R. Amen.

Lectio v.

**N**ON immérito igitur venire de Libano jubetur : quia Libanus Candidatio interpretatur. Erat enim candidata multis meritum virtutibus, et dealbata nive candidior, Spiritus sancti munere, simplicitatem columbæ in omnibus repræsentans : quoniam quidquid in ea gestum est, totum puritas et simplicitas, totum veritas et gratia fuit ; totum misericordia et iustitia, quæ de cælo prospexit : et ideo immaculata, quia in nullo corrupta. Circumdedit enim virum in utero, sicut Jeremias sanctus testatur, et non aliunde accepit. Faciet, inquit, Dominus novum super terram, et mulier circumdabit virum. Vere novum, et omnium novitatum supereminens novitas virtutum, quando Deus (quem ferre non potest mundus, neque videre aliquis, ut vivere possit) sic ingressus est hospitium ventris, ut corporis claustrum nesciret : sicque gestatus, ut totus Deus in eo esset : et sic exivit inde, ut esset (sicut Ezechiel fatetur) porta omnino clausa. Unde canitur in eisdem Canticis de ea : Hortus conclusus, fons signatus, emissiones tuæ paradisus. Vere hortus deliciarum, in quo cõsita sunt universa florum genera, et odoramenta virtutum : sicque conclusus, ut nesciat violari, neque corrumpi ullis insidiarum fraudibus. Fons itaque

signatus sigillo totius Trinitatis.

R. v. Nihil inquinatum in eam incurrit : \* Candor est lucis æternæ et speculum sine macula. V. Est enim hæc speciosior sole, et luci comparata invenitur purior. — Candor est lucis æternæ.

Benedictio. Stella Mariæ succurrat piissima nobis. R. Amen.

(Ex Actis Pii Papæ Noni.)

Lectio vj.

**D**EIPARÆ autem Virginis in sua Conceptione de teterimo humani generis hoste victoriam, quam divina eloquia, veneranda traditio, perpetuus Ecclesiæ sensus, singularis Episcoporum ac fidelium conspiratio, insignia quoque summorum Pontificum acta atque constitutiones mirifice jam illustrabant : Pius Nonus Pontifex Maximus, totius Ecclesiæ votis annuens, statuit supremo suo atque infallibili oraculo sollemniter proclamare. Itaque sexto Idus Decembris anni millésimi octingentesimi quinquagésimi quarti, in basilica Vaticana, ingenti sanctæ Romanæ Ecclesiæ Patrum Cardinalium et Episcoporum exdissitis etiam regionibus astante coetu, universoque plaudente orbe, sollemniter pronuntiavit ac definivit : Doctrinam, quæ tenet beatissimam Virginem Mariam in primo instanti suæ Conceptionis fuisse, singulari Dei privilegio, ab omni originalis culpæ labe præservatam immunes, esse a Deo revelatam, ac proinde ab omnibus fidelibus firmiter constanterque credendam.

R. vj. Signum magnum apparuit in cælo : Mulier amicta sole, et luna sub pèdibus ejus : \* Et in cåpite ejus corõna stelarum duodecim. V. Induit eam Dõminus vestimentis salutis, indumento justitiæ, et quasi sponsam ornåvit eam monilibus suis. — Et in cåpite ejus. Glõria. Et in cåpite ejus.

## IN III. NOCTURNO.

Psalmus 95.

**C**ANTATE Dõmino canticum novum : \* cantåte Dõmino omnis terra.

Cantåte Dõmino, et benedicite nõmini ejus : \* annuntiåte de die in diem salutåre ejus.

Annuntiåte inter gentes glõriam ejus, \* in õmnibus põpulis mirabilia ejus.

Quõniam magnus Dõminus, et laudåbilis nimis : \* terribilis est super omnes deos.

Quõniam omnes dii gentium dæmõnia : \* Dõminus autem cælos fecit.

Confessio, et pulchritudo in conspèctu ejus : \* sanctimõnia, et magnificentia in sanctificatione ejus.

Afferte Dõmino patriæ gentium, & afferre Dõmino glõriam et honorem : \* afferre Dõmino glõriam nõmini ejus.

Tollite hõstias, et introite in åtria ejus : \* adoråte Dõminum in åtrio sancto ejus.

Commovæåtur a faciẽ ejus univèrsa terra : \* dicite in gentibus quia Dõminus regnavit.

Etenim corréxit orbem terræ qui non commovèbitur : \* judicåbit põpulos in æquitåte.

Lætentur cæli, et exsultet terra, & commovæåtur mare,

et plenitudo ejus : \* gaudèbunt campi, et õmnia, quæ in eis sunt.

Tunc exsultåbunt õmnia ligna silvårum a faciẽ Dõmini, quia venit : \* quõniam venit judicåre terram.

Judicåbit orbem terræ in æquitåte, \* et põpulos in veritåte sua.

Añs. Sanctimõnia et magnificentia in Conceptione ejus : annuntiåte in õmnibus põpulis glõriam ejus.

Psalmus 96.

**D**OMINUS regnavit, exsultet terra : \* lætentur insulæ multæ.

Nubes, et caligo in circũitu ejus : \* justitia, et judicium corréctio sedis ejus.

Ignis ante ipsum præcèdet, \* et inflammåbit in circũitu inimicos ejus.

Illuxerunt fũlgora ejus orbi terræ : \* vidit, et commõta est terra.

Montes, sicut cera fluxerunt a faciẽ Dõmini : \* a faciẽ Dõmini omnis terra.

Annuntiåverunt cæli justitiam ejus : \* et vidèrunt omnes põpuli glõriam ejus.

Confundantur omnes, qui adorant sculptilia : \* et qui gloriåntur in simulåcris suis.

Adoråte eum omnes Angeli ejus : \* audivit, et lætåta est Sion.

Et exsultåverunt filiæ Judæ, \* propter judicia tua Dõmine :

Quõniam tu Dõminus altissimus super omnem terram : \* nimis exaltåtus es super omnes deos.

Qui diligitis Dõminum, odite malum : \* custõdit Dõminus

ánimas sanctorum suorum, de manu peccatoris liberabit eos. Lux orta est justo, \* et rectis corde letitia.

Lætámini iusti in Dómino : \* et confitémini memóriæ sanctificatiónis ejus.

Añã. Lætámini omnes in Dómino : et confitémini memóriæ sanctitátis ejus.

Psalmus 97.

**C**ANTATE Dómino canticum novum : \* quia mirabilia fecit.

Salvavit sibi dextera ejus : \* et brachium sanctum ejus.

Notum fecit Dóminus salutare suum : \* in conspectu gentium revelavit justitiam suam.

Recordatus est misericordiæ suæ, \* et veritatis suæ domui Israel.

Viderunt omnes termini terræ \* salutare Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \* in tubis ductilibus, et voce tubæ córneæ.

Jubiláte in conspectu regis Dómini : \* moveátur mare, et plenitúdo ejus : \* orbis terrarum, et qui hábitant in eo.

Flúmina plaudent manu, \* simul montes exsultábunt a conspectu Dómini : \* quóniam venit judicare terram.

Judicabit orbem terrarum in justitia, \* et pópulos in æquitáte.

Añã. Notum fecit Dóminus opus suum : in conspectu gentium revelavit glóriam Genitricis suæ.

Ÿ. Exaltábo te Dómine, quóniam suscepísti me. Nec delectásti inimicos meos super me.

Benedictio. Evangélica lécio sit nobis salus et protectio. R. Amen.

Lécio sancti Evangélii secundum Lucam.

Lectio vij. Cap. i.

**I**N illo témpore : Missus est Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginis María. Et reliqua.

Homilia sancti Germáni Episcopi.

(In Præsent. Deiparæ.)

**A**VE María, grátia plena, sanctis sanctorum, et cælis excelsior, et Chérubim gloriosior, et Séraphim honorabilior, et super omnem creaturam venerabilior. Ave columba, quæ nobis et fructum fers olivæ, et Servatorem a spiritali dilúvio, ac portum salutis annúntias : cujus pennæ deargentatæ, et posterióra dorsi in pallóre auri, sanctissimi et illuminántis Spiritus fulgóre irradiántur. Ave amcenissimus et rationalis Dei paradísus, benevolentissima et omnipoténti ejúsdem dextera hódie ad oriéntem plantátus, et ipsi suáve olens lílium, et rosam immarcescibilem gérmí-nans in eórum medélam, qui pestíferam animæque exitiálem amaritúdinem mortis ad occidéntem ebiberant : paradísus, in quo ad veritátis agnitió-nem lignum vivíficum efflo-réscit, e quo qui gustáverint, immortalitatem consequúntur. Ave sacrosáncte ædificátum, immaculátum, purissimúmque Dei summi Regis palátium,



ejusdem Dei Regis magnificentia circumnatum, omnesque hospitio recipiens, ac mysticis reficiens deliciis; in quo non manufactus, et vario decore nitens, situs est spiritalis Sponsi thalamus; in quo Verbum, errantem humanam stirpem revocare volens, carnem sibi dispensavit, ut eos, qui voluntate propria extorres facti fuerant, Patri reconciliaret.

R. vij. Hortus conclusus, soror mea sponsa, hortus conclusus, fons signatus : \* Emissiones tuae paradísus, o María. V. Aperi mihi soror mea, amica mea, columba mea, immaculata mea. — Emissiones tuae.

Benedictio. In omni tribulatione et angustia subveniat nobis pia Virgo María. R. Amen.

#### Lectio viij.

**A**VE Dei mons praepinguis et umbrósus, in quo nutritus Agnus rationalis, peccata atque infirmitates nostras portavit : mons, e quo devolutus ille nulla manu praecisus lapis contrivit aras idolórum, et factus est in caput anguli, mirabilis in oculis nostris. Ave sanctus Dei thronus, divinum donarium, domus glóriæ, pulpchrum ornaméntum, cimélium electum, et totius orbis propitiatorium, cælumque Dei glóriam enarrans. Ave urna ex auro puro conflata, et suavissimam animarum nostrarum dulcedinem, Christum scilicet, qui manna est, continens. O purissima, et omni laude et obsequio dignissima Virgo, Deo dicatum donarium omni creaturarum conditioni praecellens, terra non secta, inaratus ager,

vitis floridissima, fons aquas effundens, virgo generans, et mater viri nescia, innocentiae thesaurus absconditus, et sanctimoniae decus; acceptissimis tuis ac materna auctoritate validis precibus ad Dóminum ac Deum ómnium conditorem, Filium tuum, ex te sine patre genitum, ecclesiastici ordinis gubernacula fac dirigas, et ad portum tranquillum perducas.

R. viij. Magnificat ánima mea Dóminum : \* Quia fecit mihi magna qui potens est, et sanctum nomen ejus. V. Ecce enim ex hoc beatam me dicent omnes generationes. — Quia fecit mihi.

Benedictio. Ad societatem civium supernórum perducatur nos Regina angelórum. R. Amen.

#### Lectio ix.

**S**ACERDOTES justitia, et probatæ, immaculatæ ac sinceræ fidei exultatione splendissime indúito. Orthodoxis principibus, qui prae omni purpuræ aut auri splendore, et prae margaritis ac lapidibus pretiosis, te nacti sunt diadema et indumentum ac firmissimum regni sui ornaméntum, in tranquillo ac próspero statu sceptrā dirige. Malefidas nationes, in te ac Deum ex te genitum blasphemantes, eórum pedibus sternens subjicito : subjectumque pópulum, ut secundum Dei præceptum in suavi obedientiae obsequio perseveret, confirmato. Tuam hanc civitatem, quæ te tamquam turrim ac fundamentum habet, victoriæ triumphis coronato, et fortitudine circumcingens custodito. Dei habitationem, templi decorem

semper conserváto. Laudatóres tuos ab omni discrimine et ánimí angóre éxime. Captívís redemptionem tribúito : peregrínis tecto et quovís præsidio destitútis solámen te éxhibe. Unívérso mundo auxiliátricem manum tuam pórrige, ut in lætítia et exsultatióne solemnitátes tuas simul cum ista, quam modo celebrámus, festivitáte splendidíssimo éxitu transigámus, in Christo Jesu unívérsoꝝ Rege ac vero Deo nostro, cui glória et fortitúdo una cum sancto vitæque principio Patre, et coætérno et consubstantiáli et conregnánte Spíritu, nunc et semper et in sæcula sæculórum. Amen. Tu autem...

R. ix. Elégit Mariám Deus, et præelégit eam, et creávit eam in Spíritu sancto : \* Ideo nihil inquinátum in eam incúrrit. V. Dedit Mariæ Dóminus protectiõem salútis suæ, et dextera sua suscepit eam. — Ideo nihil inquinátum in eam incúrrit. Glória. Ideo nihil inquinátum in eam incúrrit.

Ante Laudes V. In Conceptione tua immaculáta, Dei Génitrix Virgo. R. Cæli et terra læténtur.

#### AD LAUDES

ET PER HORAS ANTIPHONÆ.

1. Tota pulchra es María et mácula originális non est in te. Psalmus Dóminus regnávit. cum ceteris, pag. 17.

2. Vestiméntum tuum cándidum quasi nix, et fácies tua sicut sol.

3. Tu glória Jerúsalem, tu lætítia Israel, tu honorificéntia pópuli nostri.

4. Benedícta es tu Virgo María a Dómino Deo excélsio, præ ómnibus muliéribus super terram.

5. Trahe nos Virgo immaculáta : post te currémus in odórem unguentórum tuórum.

Capitulum.

Prov. 8.

**D**OMINUS possédit me in infántio viárum suárum, ántequam quidquam fáceret a principio. Ab ætérno ordináta sum, et ex antíquis ántequam terra fieret. Nondum erant abyssi, et ego jam concépta eram.

Hymnus.

**O** GLORIOSA Dómina,  
Excélsa supra sidera :  
Qui te creávit próvide  
Lactásti sacro úbere.

QUOD Heva tristis ábstulit  
Tu reddis almo gérmine :  
Intrent ut astra flébiles,  
Cæli fenéstera facta es.

Tu Regis alti jánuas  
Et porta lucis fúlgida :  
Vitam datam per Virginem  
Gentes redéemptæ pláudite.

MARIA Mater grátiae,  
Mater misericórdiae,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,  
Cum Patre et sancto Spíritu,  
In sempitérna sæcula. Amen.

V. Immaculáta Concéptio est  
hódie sanctæ Mariæ Virginis.  
R. Quæ serpéntis caput virgíneo pede contrívit.

Ad Benedictus Añs. Ait Dóminus Deus ad serpéntem : Inimicítias ponam inter te et mulierem, et semen tuum et semen illius : ipsa cónteret caput tuum, alleluia.

## Oratio.

**D**EUS, qui per immaculatam Virginis Conceptionem dignum Filio tuo habitaculum præparasti : quæsumus ut qui ex morte ejusdem Filii tui prævisa eam ab omni labe præservasti, nos quoque mundos ejus intercessione ad te pervenire concedas. Per eundem.

† Prædicta Oratio dicatur etiam ad Tertiam, Sextam, Nonam et ij. Vesperas.

## AD PRIMAM.

R. Jesu Christe. V. Qui natus es de Virgine Maria. † Et dicatur per totam Octavam, nisi fiat Officium de Tempore.

## AD TERTIAM.

Capitulum. Prov. 8.

**D**OMINUS possedit me in initio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram.

R. Deus omnipotens præcinit me virtute, \* Alleluia, alleluia. Deus omnipotens. V. Et posuit immaculatam viam meam. Alleluia. Gloria. Deus omnipotens.

V. In hoc cognovi quoniam voluisti me. R. Quoniam non gauderet inimicus meus super me.

## AD SEXTAM.

Capitulum. Ezechiel. 44.

**P**ORTA hæc clausa erit : non aperietur, et vir non intrabit per eam : quoniam Dominus Deus Israel ingressus est per eam, eritque clausa principii. Princeps ipse sedebit in ea.

R. In hoc cognovi quoniam voluisti me, \* Alleluia, alleluia. In hoc. V. Quoniam non gauderet inimicus meus super me. Alleluia. Gloria. In hoc.

V. Exaltabo te Domine, quoniam suscepisti me. R. Nec delectasti inimicos meos super me.

## AD NONAM.

Capitulum. Apoc. 12.

**S**IGNUM magnum apparuit in caelo : Mulier amicta sole, et luna sub pedibus ejus, et in capite ejus corona stellarum duodecim.

R. Exaltabo te Domine, quoniam suscepisti me, \* Alleluia, alleluia. Exaltabo te. V. Nec delectasti inimicos meos super me. Alleluia. Gloria. Exaltabo te.

V. Immaculata Conceptio tua Dei Genitrix Virgo. R. Gaudium annuntiavit universo mundo.

## AD II. VESPERAS.

Psalmus Dixit Dominus cum ceteris, ut in Communi unius Virginis, pag. 96\*.

Super Psalmos Añña Tota pulchra es, Capitulum Dominus possedit me, et Hymnus Ave maris stella, ut in j. Vesperis Festi, pag. 703.

V. Immaculata Conceptio est hodie sanctæ Mariæ Virginis. R. Quæ serpentis caput virgineo pede contrivit.

Ad Magnificat Añña. Hodie egressa est virga de radice Jesse : hodie sine ulla peccati labe concepta est Maria : hodie contritum est ab ea caput serpentis antiqui, alleluia.



## PER OCTAVAM

IMMACULATÆ CONCEPTIONIS  
B. MARIE VIRG.

Ad Benedictus vel ad Memoriam in Laudibus Añs. Ait Dñus Deus ad serpētem : Inimicitias ponam inter te et mulierem, et semen tuum et semen illius : ipsa cōteret caput tuum, allelūia.

Y. Immaculata Conceptio est hodie sanctæ Mariæ Virginis. R. Quæ serpētis caput virgineo pede contrivit.

Oratio Deus, qui per immaculatam., in Laudibus Festi.

Ad Magnificat vel ad Memoriam in Vesperis Antiphona; et Y. ut in ij. Vesperis Festi; Oratio vero ut in Laudibus.

## PRIMA DIE

INFRA OCT. IMMAC. CONCEPT.  
B. MARIE VIRG.

Ex Bulla dogmatica Pii  
Papæ Noni.  
Lectio iij.

**I**NEFFABILIS Deus, cujus viæ misericordia et veritas, cujus voluntas omnipotentia, et cujus sapientia attingit a fine usque ad finem fortiter, et disponit omnia suaviter, cum ab omni aeternitate præviderit luctuosissimam totius humani generis ruinam ex Adami transgressione derivandam, atque in mysterio a sæculis abscondito primum suæ bonitatis opus decreverit per Verbi incarnationem sacramento occultiore complere, ut contra misericors suum propositum homo diabolicæ iniquitatis versutia actus in culpam non periret, et quod

in primo Adamo casurum erat, in secundo felicius erigeretur, ab initio et ante sæcula unigenito Filio suo Matrem, ex qua caro factus in beata temporum plenitudine nasceretur, elegit atque ordinavit, tantoque præ creaturis universis est prosecutus amore, ut in illa una sibi propensissima voluntate complacuerit. Quapropter illam longe ante omnes angelicos Spiritus, cunctosque Sanctos caelestium omnium charismatum copia de thesauro Divinitatis deprompta ita mirifice cumulavit, ut ipsa ab omni prorsus peccati labe semper libera, ac tota pulchra et perfecta eam innocentiae et sanctitatis plenitudinem præ se ferret, qua major sub Deo nullatenus intelligitur, et quam præter Deum nemo assequi cogitando potest.

## SECUNDA DIE

INFRA OCT. IMMAC. CONCEPT.  
B. MARIE VIRG.

Ex Bulla dogmatica Pii  
Papæ Noni.  
Lectio iij.

**D**ECEBAT omnino, ut beatissima Virgo Maria perfectissimæ sanctitatis splendöribus semper ornata fulgeret, ac vel ab ipsa originalis culpæ labe plane immunis, amplissimum de antiquo serpente triumphum referret tam venerabilis Mater, cui Deus Pater unicuique Filium suum, quem de corde suo æqualem sibi genitum, tamquam seipsum diligit, ita dare disposuit, ut naturaliter esset unus idemque communis Dei Patris et Virginis

Filius. Quam originalem augustae Virginis innocentiam, cum admirabili ejusdem sanctitate, praecelsaque Dei Matris dignitate omnino cohaerentem, catholica Ecclesia, quae a sancto semper edocta Spiritu columna est ac firmamentum veritatis, tamquam doctrinam possidens divinitus acceptam, et caelestis revelationis deposito comprehensam, multiplici continenter ratione, splendisque factis magis in dies explicare, proponere ac fovere nunquam destitit. Hanc enim doctrinam ab antiquissimis temporibus vigentem, ac fidelium animis penitus insitam, et sacrarum Antistitum curis studiisque per catholicum orbem mirifice propagatam, ipsa Ecclesia luculentissime significavit, cum ejusdem Virginis Conceptionem publico fidelium cultui ac venerationi proponere non dubitavit. Quo illustri quidem facto ipsius Virginis Conceptionem veluti singularem, miram et a reliquorum hominum primordiis longissime secretam, et omnino sanctam colendam exhibuit, cum Ecclesia nonnisi de Sanctis dies festos concélebre.

## TERTIA DIE

INFRA OCT. IMMAC. CONCEPT.

B. MARIE VIRG.

Ex Bulla dogmatica Pii  
Papae Noni.

Lectio iij.

**I**PSISSIMA verba, quibus divinae Scripturae de increata Sapientia loquuntur, ejusque sempiternas origines repraesentant, consuevit (Ecclesia)

in ecclesiasticis Officiis, tum in sacrosancta Liturgia adhibere, et ad illius Virginis primordia transferre, quae uno eodemque decreto cum divinae Sapientiae incarnatione fuerant praestituta. Quamvis autem haec omnia penes fideles ubique prope recepta ostendant, quo studio ejusmodi de immaculata Virginis Conceptione doctrinam ipsa quoque Romana Ecclesia, omnium Ecclesiarum mater et magistra, fuerit prosecuta, tamen illustria hujus Ecclesiae facta digna plane sunt, quae nominatim recenseantur, cum tanta sit ejusdem Ecclesiae dignitas atque auctoritas, quanta illi omnino debetur, quae est catholicae veritatis et unitatis centrum, in qua sola inviolabiliter fuit custodita religio, et ex qua traducem fidei reliquae omnes Ecclesiae mutantur oportet.

## QUARTA DIE

INFRA OCT. IMMAC. CONCEPT.

B. MARIE VIRG.

Ex Bulla dogmatica Pii  
Papae Noni.

Lectio iij.

**R**OMANA Ecclesia nihil potius habuit, quam eloquentissimis quibusque modis immaculatam Virginis Conceptionem, ejusque cultum et doctrinam assere, tueri, promovere et vindicare. Enim vero praecessores nostri vehementer gloriati sunt Apostolica sua auctoritate festum Conceptionis in Romana Ecclesia instituire, ac proprio Officio, propriaque Missa, quibus praerogativa immunitatis ab hereditaria labe

manifestissime asserebatur, augere, honestare, et cultum jam institutum omni ope promovere, amplificare, sive erogatis Indulgentiis, sive facultate tributa civitatibus, provinciis regnisque, ut Deiparam sub titulo immaculatae Conceptionis Patronam sibi deligerent, sive comprobatis sodalitatibus, congregationibus, religiosisque familiis ad immaculatam Conceptionis honorem institutis, sive laudibus eorum pietati delatis, qui monasteria, xenodochia, altaria, templa sub immaculati Conceptus titulo erexerint, aut sacramenti religione interposita immaculatam Deiparae Conceptionem strenue propugnare spoponderint.

DIE X. DECEMBERIS.  
IN TRANSLATIONE  
ALMÆ DOMUS LAURETANÆ  
B. MARIE VIRG.

TOTUM DUPLEX.

AD I. VESPERAS.

Super Psalmos Aña. Domum tuam Domine decet sanctitudo in longitudinem dierum. Psalmus Laudate pueri. cum ceteris, pag. 145.

Capitulum. Eccli. 24.

**I**n omnibus requiem quaesivi, et in hereditate Domini morabor. Tunc praecepit, et dixit mihi Creator omnium : et qui creavit me requievit in tabernaculo meo.

R. Felix namque es sacra Virgo Maria, et omni laude dignissima : \* Quia ex te ortus est Sol justitiae Christus Deus noster. V. Ora pro populo, interveni pro clero, intercede

pro devoto femineo sexu : sentiant omnes tuum juvamen, quicumque celebrant tuam Solemnitatem. — Quia. Gloria. Christus Deus noster.

Hymnus Ave maris stella., pag. 703.

V. Domum tuam Domine decet sanctitudo. R. In longitudinem dierum.

Ad Magnificat Aña. Sanctificavit Dominus tabernaculum suum : haec est domus Domini, in qua invocetur nomen ejus, de quo scriptum est : Erit nomen meum ibi, dicit Dominus. Oratio.

**D**EUS, qui beatae Mariae Virginis Domum per incarnati Verbi mysterium misericorditer consecrasti, eamque in sinu Ecclesiae tuae mirabiliter collocasti : concede ut segregati a tabernaculis peccatorum, digni efficiamur habitatores domus sanctae tuae. Per eundem.

† Hodie in utrisque Vesperis et Laudibus omittitur Memoria de Octava Immaculatae Conceptionis.

AD UTRUMQUE  
COMPLETORIUM.

Super Psalmos Aña Virgo Maria. et duae ultimae Strophae Hymni Maria Mater gratiae. et Gloria tibi Domine. (quae dicantur etiam ad Primam, Tertiam, Sextam et Nonam) ut in Conceptione immaculata B. M. V., pag. 703. et pag. 704.

Ad Nunc dimittis Aña. Sub tuum praesidium confugimus sancta Dei Genitrix : nostras deprecationes ne despicias in necessitatibus : sed a periculis cunctis libera nos semper Virgo benedicta.



## AD MATUTINUM.

Invitatorium.

Salvatorem mundi in Domo  
Virginis de Spiritu sancto con-  
ceptum \* Venite adoramus.

Hymnus.

**U**RES Jerúsalem beáta,  
Dicta pacis visio,  
Quæ constrúitur in cælis  
Vivis ex lapidibus,  
Et ángelis coronáta  
Ut sponsáta cómite :

Nova véniens e cælo,  
Nuptiáli thálamo  
Præparáta, ut sponsáta  
Copulétur Dómino :  
Platææ et muri ejus  
Ex auro puríssimo :

Portæ nitent margaritis,  
Adytis paténtibus :  
Et virtute meritórum  
Illuc introducitur  
Omnis, qui ob Christi nomen  
Hic in mundo præmitur.

TUNSIONIBUS, pressúris  
Expoliti lápides  
Suis coaptántur locis  
Per manus Artíficis :  
Disponúntur permansúri  
Sacris ædificiis.

GLORIA et honor Deo  
Usquequaque altíssimo,  
Una Patri, Filióque,  
Inclyto Paráclito,  
Cui laus est et potéstas  
Per ætérna sæcula. Amen.

† Psalmi trium Nocturnorum  
ut in Conceptione immaculata  
beatæ Mariæ V., pag. 704. et  
sequentibus.

## IN I. NOCTURNO.

Áña. Eleváta est magnificén-  
tia tua super cælos.

Áña. In sole pósuit taberná-  
culum suum : et ipse tamquam  
sponsus procedens de thálamo  
suo.

Áña. Quis ascéndet in mon-  
tem Dómini? aut quis stabit in  
loco sancto ejus? Innocens má-  
nibus et mundo corde.

Ÿ. Domum tuam Dómine  
deceat sanctitúdo. R. In longi-  
túdinem diérum.

Benedictio. Alma Virgo vir-  
ginum intercédát pro nobis ad  
Dóminum. R. Amen.

De libro tértio Regum.

Lectio j.

Cap. 8.

**S**TETIT autem Sálomon ante  
altáre Dómini in conspéctu  
ecclesiæ Israel, et expándit  
manus suas in cælum, et ait :  
Ergóne putándum est quod  
vere Deus hábitet super ter-  
ram? Si enim cælum et cæli  
cælórum te capere non possunt,  
quanto magis domus hæc, quam  
ædificávi? Sed respice ad ora-  
ciónem servi tui, et ad preces  
ejus, Dómine Deus meus : audi  
hymnum et oraciónem, quam  
servus tuus orat coram te hódie :  
ut sint óculi tui apérti super  
domum hanc nocte ac die :  
super domum, de qua dixisti :  
Erit nomen meum ibi : ut exáu-  
dias oraciónem, quam orat in  
loco isto ad te servus tuus. Ut  
exáudias deprecationem servi  
tui et pópuli tui Israel, quod-  
cúmque oráverint in loco isto,  
et exáudies in loco habitáculi  
tui in cælo, et cum exaudieris,  
propítius eris.

R. j. Vidi speciósam sicut col-  
lumbam ascendéntem désuper  
rivos aquárum, cujus inæsti-  
mábilis odor erat nimis in ve-  
stíméntis ejus : \* Et sicut dies  
verní circúmdabant eam flores  
rosárum, et lílía convállium.  
Ÿ. Quæ est ista, quæ ascéndit  
per désértum, sicut vírgula

fumi ex aromátibus myrrhæ et thuris? — Et sicut dies verni.

Benedictio. Sancta Dei Génitrix sit nobis auxiliátrix.

R. Amen.

Lectio ij.

**S**i fúgerit pópulus tuus Israel inimicos suos (quia peccáturus est tibi), et agéntes pœniténtiam, et confiténtes nómini tuo, vénerint, et oráverint, et deprecáti te fúerint in domo hac : exáudi in cælo, et dímítte peccátum pópuli tui Israel, et redúces eos in terram, quam dedisti pátribus eórum. Si clausum fúerit cælum, et non plúerit propter peccáta eórum, et orántes in loco isto, pœniténtiam égerint nómini tuo, et a peccátis suis convérsi fúerint propter afflictiónem suam : exáudi eos in cælo, et dímítte peccáta servórum tuórum, et pópuli tui Israel : et osténde eis viam bonam per quam ámbulent, et da plúviam super terram tuam, quam dedisti pópulo tuo in possessiónem.

R. ij. Quæ est ista, quæ ascendit sicut auróra consurgens, pulchra ut luna, elécta ut sol, \* Terribilis ut castrórum ácies ordináta? V. Filia Sion tota formósa et suávis es, pulchra ut luna, elécta ut sol. — Terribilis ut castrórum ácies ordináta.

Benedictio. Nos cum Prole pia benedicat Virgo Maria. R. Amen.

Lectio iij.

**S**i quis cognóverit plagam Scordis sui, et expánderit manus suas in domo hac, tu exáudies in cælo in loco habitatiónis tuæ, et repropitiábe-

ris, et fácies ut des unicuique secúndum omnes vias suas, sicut videris cor ejus (quia tu nosti solus cor ómnium filiórum hóminum), ut timeant te cunctis diébus, quibus vivunt super faciém terræ, quam dedisti pátribus nostris. Insuper et alienígena, qui non est de pópulo tuo Israel, cum vénerit de terra longínqua propter nomen tuum (audiétur enim nomen tuum magnum, et manus tua fortis, et bráchium tuum exténtum ubique) cum vénerit ergo, et oráverit in hoc loco, tu exáudies in cælo, in firmaménto habitáculi tui, et fácies ómnia, pro quibus invocáverit te alienígena : ut discant univérsi pópuli terrárum nomen tuum timére, sicut pópulus tuus Israel, et probent quia nomen tuum invocátum est super domum hanc.

R. iij. Quæ est ista, quæ processit sicut sol, et formósa tamquam Jerúsalem? \* Vidérunt eam filiæ Sion, et beatam dixerunt, et reginæ laudavérunt eam. V. Et sicut dies verni circúmdabant eam flores rosárum, et lília convállium. — Vidérunt eam. Glória. Vidérunt eam.

IN II. NOCTURNO.

Aña. Diffúsa est grátia in lábiis tuis : proptérea benedixit te Deus in ætérnum, et in sæculum sæculi.

Aña. Sanctificávit tabernáculum suum Altissimus.

Aña. Homo natus est in ea : et ipse fundávit eam Altissimus.

V. Hæc est domus Dómini firmíter ædificáta. R. Bene fundáta est supra firmam petram.

Benedictio. Ab hoste maligno eripiat nos Dei Génitrix Virgo. R̃. Amen.

Sermo S. Bernárdi Abbátis.

(Serm. 52. de divers.)

Lectio iv.

**S**APIENTIA, quæ Dei erat, et Deus erat, de sinu Patris ad nos véniens, ædificávit sibi domum, ipsam scilicet matrem suam Virginem Mariam, in qua septem columbas excidit. Quid est in ea septem columbas excidere, nisi ipsam dignum sibi habitáculum fide et opéribus præparáre? Nimírum ternárius númerus ad fidem propter sanctam Trinitátem, quaternárius pértinet ad mores propter quátuor principáles virtútes. Quod autem in beáta Maria sancta Trinitas fúerit : fúerit, dico, per præsentiam majestátis, ubi solus Filius erat per susceptiónem humanitátis, testátur núntius cæléstis, qui ei arcána mystéria réserans, ait : Ave grátia plena, Dóminus tecum; et post pauca : Spíritus sanctus supervéniet in te, et virtus Altíssimi obumbrábit tibi. Ecce habes Dóminum, habes virtutem Altíssimi, habes Spíritum sanctum : habes Patrem, Filium, et Spíritum sanctum.

R̃. iv. O quam metuendus est locus iste! \* Vere non est hic aliud, nisi domus Dei, et porta cæli. Ṽ. Hæc est domus Dómini firmiter ædificáta : bene fundáta est supra firmam petram. — Vere.

Benedictio. Jesus Mariæ Filius sit nobis clemens et propitius. R̃. Amen.

Lectio v.

**U**TRUM autem et quátuor principáles virtútes, tamquam quátuor columbas posséderit, inquisitione dignum vidétur. Primum ergo videamus an fortitudinem habuerit. Quæ nimírum virtus quomodo illi abesse pótuit, quæ abjéctis sæculáribus pompis, spretisque voluptátibus carnis, soli Deo in virginitate vivere propósuit? Ni fallor, hæc Virgo est, quæ apud Salomónem légitur : Mulierem fortem quis invéniet? procul, et de últimis finibus prétium ejus. Porro, quod téperans et justa fúerit, ex Angeli collocutione et sui ipsius responsione luce clárius comprobamus. Salutáta quippe tam venerabiliter ab Angelo, Ave grátia plena, Dóminus tecum, non se extulit, quasi quæ ex singulári grátiae privilegio benedicerétur : sed siluit, et qualis esset insólita hæc salutatio, secum cogitávit. Qua in re, quid nisi téperans fuit? At vero, cum de cæléstibus mystériis ab eódem Angelo docerétur, diligénter quæsit quomodo conciperet, et páreret, quæ virum útique non cognósceret : et in hoc sine dúbio prudens exstitit.

R̃. v. Fundáta est domus Dómini super vérticem móntium, et exaltáta est super omnes colles : \* Et vénient ad eam omnes gentes, et dicent : Glória tibi Dómine. Ṽ. Venientes autem vénient cum exsultatione, portantes manipulos suos. — Et vénient.

Benedictio. Stella Mariæ maris succúrrat piíssima nobis. R̃. Amen.



## Lectio vj.

**I**USTITIÆ autem præ se fert insigne, ubi se ancillam Domini confitetur. Nam quod iustorum sit confessio, testatur qui ait : Verumtamen iusti confitebuntur nomini tuo. Fuit igitur beata Virgo Maria fortis in proposito, temperans in silentio, prudens in interrogatione, justa in confessione. His itaque quatuor morum columnis, et tribus fidei prædictis exstruxit in ea sibi domum Sapientia cælestis, quæ adeo mentem ejus replévit, ut de plenitudine mentis fecundaretur et caro. Ipsius autem Virginis natalis Domus, divinis mysteriis consecrata, Angelorum ministerio ab infidelium potestate in Dalmatiam prius, deinde in agrum Lauretanum Picenæ provincie translata fuit, sedente sancto Cælestino Quinto. Eamdémque ipsam esse, in qua Verbum caro factum est, et habitavit in nobis, tum pontificiis diplomátibus, et celeberrima totius orbis veneratione, tum continua miraculorum virtute, et cælestium beneficiórum grátia comprobatur. Quibus permotus Innocentius Duodécimus, quo ferventius erga Matris amantissimæ cultum fidélium memoria excitaretur, ejúsdem sanctæ Domus Translationem anniversaria solemnitate in tota Piceni provincia veneratam, Missa étiam, et Officio próprio celebrári præcepit.

Æ. vj. Domus mea Domus orationis vocabitur, dicit Dominus : in ea omnis, qui petit, accipit : et qui quærit, invenit : \* Et pulsanti aperiétur.

¶. Pétite, et accipiétis : quærite, et inveniétis. — Et pulsanti aperiétur. Glória. Et pulsanti aperiétur.

## IN III. NOCTURNO.

Añá. Tóllite hóstias, et introíte in átria ejus : adoráte Dóminum in aula sancta ejus. Añá. Vidérunt omnes pópuli glóriam ejus.

Añá. Cantáte Dómino canticum novum : quia mirabilia fecit Dóminus, allelúia.

¶. Beáti, qui hábitant in domo tua Dómine. R. In sæcula sæculórum laudábunt te.

Benedictio. Evangélica lectio sit nobis salus et protéctio. R. Amen.

Lectio sancti Evangélii secundum Lucam.

Lectio vij. Cap. i.

**I**N illo tempore : Missus est Angelus Gábríel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia sancti Bernardi Abbátis.

(Hom. i. super Missus est.)

**Q**UÆ est hæc Virgo tam venerabilis, ut salutetur ab Angelo? tam humilis, ut desponsata sit fabro? Pulchra permistio virginitatis et humilitatis : nec medióriter placet Deo illa ánima, in qua et humilitas commendat virginitatem, et virginitas exornat humilitatem. Sed quanta, putas, veneratione digna est, in qua humilitatem exáltat fecunditas, et partus consecrat virginitatem? Audis virginem, audis

húmilem? Laudábilis virtus virginitas, sed magis necessária humilitas: illa consúlitur, ista præcipitur.

R. vij. Diffúsa est grátia in lábiis tuis: \* Propterea benedixit te Deus in ætérnum. V. Myrrha, et gutta, et cásia a vestiméntis tuis, a dómibus ebúrneis, ex quibus delectavérunt te filiae regum in honóre tuo. — Propterea.

Benedictio. In omni tribulatióne et angústia subvéniat nobis pia Virgo María. R. Amen. (Ex hom. 2. super eodem loco.)

Lectio viij.

**M**ISSUS est, inquit, Angelus ad Virginem. Virginem carne, virginem mente, virginem professione, virginem dénique qualem describit Apóstolus, mente et corpore sanctam: nec nóviter, nec fortuito inventam, sed a sæculo eléctam, ab Altissimo præcóginitam, et sibi præparátam, ab Angelis servátam, a Pátribus præfigurátam, a Prophétis promissam. Ut pauca loquar de plúribus, quam sibi áliam prædixisse Deus vidétur, quando ad serpéntem ait, Inimicitias ponam inter te, et mulierem? Et si adhuc dúbitas an de María dixerit, audi quod séquitur: Ipsa cónteret caput tuum. Cui hæc servata victória est, nisi Mariæ?

R. viij. Beáta es Virgo María Dei Génitrix, quæ credidísti Dómino: perfécta sunt in te, quæ dicta sunt tibi: ecce exaltáta es super choros angelórum: \* Intercéde pro nobis ad Dóminum Deum nostrum. V. Ave María grátia plena: Dóminus tecum. — Intercéde.

Benedictio. Ad societátem civium supernórum perdúcat nos Regina angelórum. R. Amen. (Ex Hom. 3. super eodem loco.)

Lectio ix.

**E**T ingressus Angelus ad eam, dixit: Ave grátia plena: Dóminus tecum. Quo ingressus ad eam? Puto in sacrárium pudici cubiculi, ubi illa fortassis, clauso super se óstio, orábat Patrem in abscondito. Solent ángeli astáre orántibus, et delectári in his, quos vident leváre puras manus in oratióne. Holocáustum sanctæ devotiónis gaudent se offerre Deo in odórem suavitátis. Mariæ autem oratiónes quantum placuerint in conspéctu Altissimi, Angelus indicávit, qui ingressus ad eam tam reverenter salutávit.

R. ix. Felix namque es sacra Virgo María, et omni laude digníssima: \* Quia ex te ortus est Sol justitiæ, Christus Deus noster. V. Ora pro pópulo, intérvéní pro clero, intercéde pro devóto femineo sexu: séntiant omnes tuum juvámén, quicúmque célebrant tuam Solemnitátem. — Quia ex te ortus est. Glória. Christus Deus noster.

Ante Laudes V. Dómine dilexi decórem domus tuæ. R. Et locum habitatiónis glóriæ tuæ.

#### AD LAUDES

ET PER HORAS ANTIPHONÆ.

1. Domum tuam Dómine decet sanctitúdo in longitudínem diérum. Psalmus Dóminus regnávit. cum ceteris, pag. 17.

2. Hæc est domus Dómini firmiter ædificáta: bene fundáta est supra firmam petram.

3. Domus mea Domus orationis vocabitur.

4. Bene fundata est domus Domini supra firmam petram.

5. Lapidēs pretiosi omnes muri tui : et turres Jerusalem gemmis aedificabuntur.

Capitulum. Eccli. 24.

**I**N omnibus requiem quaesivi, et in hereditate Domini morabor. Tunc praecipit, et dixit mihi Creator omnium : et qui creavit me, requievit in tabernaculo meo.

Hymnus.

**A**NGULARIS fundamentum  
Lapis Christus missus est,  
Qui parietum compage  
In utroque nectitur :  
Quem Sion sancta suscepit,  
In quo credens permanet.

OMNIS illa Deo sacra  
Et dilecta civitas,  
Plena modulis in laude  
Et canoro júbilo,  
Trinum Deum unicúmque  
Cum fervore praedicat.

HOC in templo summe Deus  
Exoratus adveni,  
Et clementi bonitate  
Precum vota suscipe :  
Largam benedictionem  
Hic infunde jùgiter.

Hic promereantur omnes  
Petita acquirere  
Et adèpta possidere  
Cum sanctis perenniter,  
Paradisum introire  
Translati in requiem.

GLORIA et honor Deo  
Usquequaque altissimo,  
Una Patri Filióque,  
Inclito Praelato,  
Cui laus est et potestas  
Per aeterna saecula. Amen.

¶ Domus mea. R. Domus  
orationis vocabitur.

Ad Benedictus Añā. Mane  
surgens Jacob erigebat lapidem  
in titulum, fundens oleum de-  
super : votum vovit Domino :  
Vere locus iste sanctus est, et  
ego nesciebam.

Oratio.

**D**EUS, qui beatæ Mariæ Vir-  
ginis Domum per incarnati  
Verbi mysterium misericórditer  
consecrasti, eámque in sinu  
Ecclesiæ tuæ mirabiliter collo-  
casti : concède ut segregati a  
tabernaculis peccatorum, digni  
efficiámur habitatores domus  
sanctæ tuæ. Per eúmdem.

AD PRIMAM.

R. Jesu Christe., ¶. Qui natus  
es de Virgine Maria.

AD TERTIAM.

Capitulum. In omnibus re-  
quiem., ut in Laudibus.

R. Domum tuam Domine  
debet sanctitúdo, \* Allelúia,  
allelúia. Domum tuam. ¶. In  
longitudinem dierum. Allelúia.  
Glória. Domum tuam.

¶. Hæc est domus Domini  
firmiter aedificata. R. Bene fun-  
data est supra firmam petram.

AD SEXTAM.

Capitulum. Eccli. 24.

**E**T sic in Sion firmata sum,  
et in civitate sanctificata  
similiter requievi, et in Jerusa-  
lem potestas mea. Et radicavi  
in populo honorificato, et in  
parte Dei mei hereditas illius,  
et in plenitudine sanctorum  
detentio mea.

R. Hæc est domus Domini  
firmiter aedificata, \* Allelúia,  
allelúia. Hæc est. ¶. Bene fun-  
data est supra firmam petram.  
Allelúia. Glória. Hæc est.

¶. Beati qui habitant in domo  
tua Domine. R. In saecula sæ-  
culorum laudabunt te.



## AD NONAM.

Capitulum. Eccli. 24.

**S**icut cinnamómum, et bálsamum aromatizans odórem dedi: quasi myrrha electa dedi suavitátem odóris.

R. Beáti qui hábitant in domo tua Dómine, \* Allelúia, allelúia. Beáti. V. In sæcula sæculórum laudábunt te. Allelúia. Glória. Beáti.

V. Domus mea. R. Domus oratiónis vocábitur.

## AD II. VESPERAS.

Super Psalmos Aña. Domum tuam Dómine decet sanctitúdo in longitúdinem diérum. Psalmus Dixit Dóminus. cum ceteris, ut in Comuni unius Virginis, pag. 96\*.

Capitulum. Eccli. 24.

**I**n omnibus réquiem quæsiui, et in hereditáte Dómini morabor. Tunc præcépit, et dixit mihi Créator omnium: et qui creávit me requiêvit in tabernáculo meo.

Hymnus Ave maris stella., pag. 703.

V. Domum tuam Dómine decet sanctitúdo. R. In longitúdinem diérum.

Ad Magnificat Aña. O quam metuendus est locus iste! Vere non est hic áliud nisi domus Dei, et porta cæli.

## DIE XI. DECEMBRIS.

## S. DAMASI

PAPÆ ET CONFESSORIS.

MEMORIA IN I. VESP. ET LAUD.

## Oratio.

**D**A, quæsumus omnipotens Deus: ut beáti Dámasi. Confessóris tui atque Pontificis, veneránda solémnitas et devotióinem nobis áugeat, et salutem. Per.

## DIE XIII. DECEMBRIS.

## S. LUCIÆ

VIRG. ET MART.

TOTUM DUPLEX.

## AD I. VESPERAS.

Super Psalmos Aña. Veniente Sponso, prudens Virgo præparata introivit cum eo ad nuptias. Psalmus Laudáte púeri. cum ceteris, pag. 145.

Capitulum. Eccli. 51.

**C**onfitebor tibi Dómine rex, et collaudábo te Deum salvátorem meum. Confitébor nómini tuo: quóniam adjútoret protéctor factus es mihi, et liberásti corpus meum a perditíone.

R. Rogávi Dóminum meum Jesum Christum ut ignis iste non dominétur mihi: \* Et impetrávi a Dómino indúcias martyrii mei. V. Ut credéntibus timórem áuferam passiónis, et non credéntibus vocem insultatiónis. — Et impetrávi. Glória. Et impetrávi.

## Hymnus.

**V**irginis Proles opiféxque Matris,

Virgo quem gessit, peperitque Virgo,

Virginis festum cánimus trophæum,

Accipe votum.

Hæc tua Virgo dúplici beáta

Sorte, dum gestit frágitilem domáre

Córporeis sexum, dómuit cruéntum

Córpore sæclum.

Unde nec mortem, nec amica mortis

Sæva pœnárúm génera pavéscens,

Sánguine fuso méruit sacráta Scándere cælum,

HUJUS obtentu Deus alme  
nostris  
Parce jam culpis, vitia remittens :

Quo tibi puri resonemus al-  
mum

Pectoris hymnum.

GLORIA Patri, genitæque

Proli,

Et tibi compar utriusque sem-  
per

Spiritus alme, Deus unus, omni  
Tempore sæcli. Amen.

¶ Diffusa est grátia in lábiis  
tuis. R. Propterea benedixit te  
Deus in ætérnum.

Ad Magnificat Añã. In tua pa-  
tientiã possedisti ánimam tuam  
Lucia sponsa Christi : odisti  
quæ in mundo sunt, et corúscas  
cum ángelis : sáanguine próprio  
inimicum vicisti. Oratio.

**E**XAUDI nos Deus salutáris  
noster : ut sicut de beatæ  
Luciæ Virginis et Mártiris tuæ  
fervoritate gaudémus, ita piæ  
devotiónis erudiámur afféctu.  
Per.

#### AD MATUTINUM.

Invitorium Agnum spon-  
sum virginum \* Veníte adoré-  
mus Dóminum Jesum Christum.

Hymnus Virginis Proles.,  
ut in j. Vesperis.

¶ In tribus Nocturnis Psalmi,  
Antiphonæ et ¶¶. de Com-  
muni unius Virginis et Marty-  
ris, pag. 88\*, Lectiones et  
R. ut infra.

#### IN I. NOCTURNO.

De Epístola prima beáti Pauli  
Apóstoli ad Corinthios.

Lectio j. Cap. 7.

**D**E virginibus præceptum  
Dómini non hábeo : con-  
siliu autem do, tamquam mi-  
sericórdiam consecútusa Dómi-

no, ut sim fidélis. Existimo ergo  
hoc bonum esse propter instán-  
tem necessitátem, quóniam bo-  
num est hómini sic esse. Alligá-  
tus es uxóri? noli quærere so-  
lutiónem. Solútus es ab uxóre?  
noli quærere uxórem. Si autem  
accéperis uxórem, non peccá-  
sti. Et si núpserit virgo, non  
peccávit : tribulatiónem tamen  
carnis babébunt hujúsmodi.

R. j. Veni sponsa Christi, á-  
cipe corónam, quam tibi Dó-  
minus præparávit : \* Pro cu-  
jus amóre sáanguinem tuum  
fudisti, et cum ángelis in pa-  
radisum introísti. ¶. Veni elé-  
cta mea, et ponam in te thro-  
num meum, quia concupivit rex  
spéciem tuam. — Pro cujus.

#### Lectio ij.

**E**GO autem vobis parco. Hoc  
itaque dico, fratres : Tem-  
pus breve est : réliquum est,  
ut et qui habent uxóres, tam-  
quam non habéntes sint : et  
qui flent, tamquam non flen-  
tes : et qui gaudent, tamquam  
non gaudéntes : et qui emunt,  
tamquam non possidéntes : et  
qui utúntur hoc mundo, tam-  
quam non utántur : præterit  
enim figúra hujus mundi.

R. ij. Propter veritátem et  
mansuetúdinem, et justitiam :  
\* Et dedúcet te mirabiliter  
dextera tua. ¶. Audi filia, et  
vide, et inclina aurem tuam.  
— Et dedúcet te.

#### Lectio iij.

**V**OLO autem vos sine sollici-  
túdine esse. Qui sine uxóre  
est, sollicitus est quæ Dómini  
sunt, quómodo placeat Deo.  
Qui autem cum uxóre est, sol-  
licitus est quæ sunt mundi,  
quómodo placeat uxóri, et di-  
visus est. Et mulier innúpta,

et virgo cōgitat quæ Dōmini sunt, ut sit sancta corpore, et spiritu. Quæ autem nupta est, cōgitat quæ sunt mundi, quōmodo placeat viro.

R. iij. Spécie tua et pulchritudine tua \* Intēde, Prósperè procēde, et regna. V. Diffusa est grátia in lábiis tuis : propterea benedixit te Deus in ætérnum. — Intēde. Glória. Prósperè procēde.

## IN II. NOCTURNO.

(Exsinceris Actis et Rom. Brev.)

### Lectio iv.

**L**UCIA Virgo Syracusána, gēnere et christiána fide ab infántia nóbilis, una cum matre Eutychia, quæ ságuinis fluxu laborábat, Cátanam ad venerándum corpus beatæ Agathæ venit : quæ ad ejus sepúlcrum cum suppliciter oráset, Agathæ intercessióne matri sanitátem impetrávit. Statim vero matrem exorávit ut quam doctem sibi datúra esset, Christi paupéribus tribui paterétur. Ut igitur Syracúsas rédiit, omnem pecúniám, quam ex facultátibus vënditis redēgerat, paupéribus distribuit.

R. iv. Grata facta est a Dómino in certámine, quia apud Deum et apud hómīnes glorificáta est : in conspéctu príncipum loquebátur sapiéntiam, \* Et Dóminus ómnium diléxit eam. V. Erécta namque in virtútis cúlmine, torménta derisit, præmia calcávit. — Et Dóminus ómnium.

### Lectio v.

**Q**UOD ubi rescivisset is, cui eam paréntes contra Virgīnis voluntátem despónderant, apud Paschásium præ-

féctum Luciám, quod Christiána esset, accusávit. Quam ille cum nec précibus, nec minis ad cultum idolórum posset perdúcere : immo tanto magis incénsam vidéret ad celebrándas christiánæ fidei laudes, quanto magis ipse eam a senténtia avértere conabátur : Cessábunt, inquit, verba, cum ventum erit ad vérbera. Cui Virgo : Dei servis verba deesse non possunt, quibus a Christo Dómino dictum est : Cum stérítis ante reges, et præsides, nolite cogitare quōmodo, aut quid loquámini : dábunt enim vobis in illa hora, quid loquámini : non enim vos estis, qui loquimini, sed Spiritus sanctus, qui lóquitur in vobis.

R. v. Hæc est Virgo sapiens, quam Dóminus vigilántem invénit : quæ accéptis lámpadibus, sumpsit secum óleum : \* Et veniente Dómino, introívit cum eo ad nuptias. V. Ista est una de número prudéntum, quæ aptávit lámpades suas. — Et veniente Dómino.

### Lectio vj.

**Q**UAM cum Paschásius interrogáset, Estne in te Spiritus sanctus? respóndit : Caste et pie vivéntes templum sunt Spiritus sancti. At ille : Jubébo te ad lupánar duci, ut te Spiritus sanctus désérat. Cui Virgo : Si invitam jússeris violári, cástitas mihi duplicabitur ad corónam. Quare Paschásius ira inflammátus, Luciám eo trahi jussit, ubi ejus virginitas violarétur : sed divínus factum est, ut firma Virgo ita consisteret, ut nulla vi de loco dimovéri posset. Quam ob rem præfécus circum ipsam, pice,



resina, ac ferventi oleo perfusam, ignem accendi imperavit: sed cum ne flamma quidem eam læderet, multis tormentis excruciatæ guttur gladio transfigitur. Quo vulnere accepto, Lucia prædicens Ecclesiæ tranquillitatem, quæ futura erat Diocletiano et Maximiano mortuis, Idibus Decembris spiritum Deo reddidit. Cujus corpus Syracusis sepultum, dein de Constantinopolim, postremo Venetias translatum est.

R. vj. Afferentur regi virgines post eam: proximæ ejus afferentur tibi \* In lætitia et exultatione. V. Prudentes virgines aptate lampades vestras: ecce sponsus venit, exite obviam ei. — In lætitia. Glória. In lætitia.

### IN III. NOCTURNO.

Lectio sancti Evangelii secundum Matthæum.

Lectio vij. Cap. 13.

**I**n illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, et præ gaudio illius vadit, et vendit universa quæ habet, et emit agrum illum. Et reliqua.

Homilia sancti Gregorii Papæ.

(Homil. 11. in Evang.)

**C**ÆLORUM regnum, fratres carissimi, idcirco terrenis rebus simile dicitur, ut ex his, quæ animus novit, surgat ad incognita, quæ non novit: quatenus exemplo visibilium se ad invisibilia rapiat, et per ea, quæ usu didicit, quasi confectus incalêscat: ut per hoc, quod scit notum diligere, discat et incognita amare. Ecce enim

cælorum regnum thesauro abscondito in agro comparatur. Qua in re notandum est, quod inventus thesaurus absconditur, ut servetur: quia studium cælestis desiderii a malignis spiritibus custodire non sufficit, qui hoc ab humanis laudibus non abscondit. In præsentibus etenim vita quasi in via sumus, qua ad patriam pergitur: maligni autem spiritus iter nostrum quasi quidam latrunculi obsident.

R. vij. Audivi vocem de cælo venientem: venite omnes virgines sapientissimæ, \* Oleum recõdite in vasis vestris, dum sponsus advenerit. V. Média nocte clamor factus est: Ecce sponsus venit. — Oleum recõdite.

### Lectio viij.

**D**EPRÆDARI ergo desiderat, qui thesaurum publice portat in via. Hoc autem dico, non ut proximi opera nostra bona non videant: sed ut sic sit opus in publico, quatenus intentio maneat in occulto. Rursum cælesti regnum negotiatori homini simile dicitur, qui bonas margaritas querit, sed unam pretiosam invenit, quam videlicet inventam, omnia vendens, emit: quia qui cælestis vitæ dulcedinem, in quantum possibilitas admittit, perfecte cognoverit: ea, quæ in terrenis amaverat, libenter cuncta derelinquit.

R. viij. Veni electa mea, et ponam in te thronum meum: \* Quia concupivit rex speciem tuam. V. Specie tua et pulchritudine tua intende, prospere procede, et regna. — Quia concupivit rex.

## Lectio ix.

**R**ECTE per Salomónem dicitur : Fortis est ut mors dilectio : quia sicut mors corpus interfecit, sic ab amore rerum corporaliū æternæ vitæ caritas occidit. Nam quem perfecte absorbuerit, ad terrēna foris desideria velut insensibilem reddit. Nec enim Sancta hæc, cujus hodie natalitia celebramus, mori pro Domino potuisset in corpore, si prius a terrenis desideriis mortua non fuisset in mente. Erectus namque in virtutis culmine animus tormenta despexit, præmia calcavit. Quid inter hæc nos barbati et debiles dicimus, qui ire ad regna cælestia puellas per ferrum videmus, quos ira superat, superbia inflat, ambitio perturbat, luxuria inquinat? Qui si adipisci regna cælorum per bella persecutionum non possumus, hoc ipsum nobis turpe sit, quod Deum nolumus saltem per pacem sequi.

R. ix. Rogavi Dominum meum Jesum Christum ut ignis iste non dominetur mihi : \* Et impetravi a Domino inducias martyrii mei. V. Ut credentibus timorem auferam passionis, et non credentibus vocem insultationis. — Et impetravi. Gloria. Et impetravi.

Ante Laudes V. Ora pro nobis beata Lucia. R. Ut digni efficiamur promissionibus Christi.

## AD LAUDES

ET PER HORAS ANTIPHONÆ.

1. Orante sancta Lucia, apparuit ei beata Agatha, et consolabatur ancillam Christi. Psalmus Dominus regnavit. cum ceteris, pag. 17.

2. Lucia Virgo, quid a me petis, quod ipsa poteris præstare continuo matri tuæ?

3. Per te, Lucia Virgo, civitas Syracusana decorabitur a Domino Jesu Christo.

4. Benedico te Pater Domini mei Jesu Christi, quia per Filium tuum ignis exstinctus est a latere meo.

5. Soror mea Lucia, Virgo Deo devota, quid a me petis, quod ipsa poteris præstare continuo matri tuæ?

Capitulum. Eccli. 51.

**C**ONFITEOR tibi Domine rex, et collaudabo te Deum salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione.

## Hymnus.

**J**ESU, corona virginum,  
Quem Mater illa concipit,  
Quæ sola virgo parturit,  
Hæc vota clemens accipe.

QUI pascis inter lilia,  
Septus choræis virginum,  
Sponsas decorans gloria,  
Sponsisque reddens præmia.

QUOCUMQUE pergis virgines  
Sequuntur, atque laudibus  
Post te canentes cursitant,  
Hymnosque dulces personant.

TE deprecamur, largius  
Nostris adauge sensibus  
Nescire prorsus omnia  
Corruptionis vulnera.

MARIA Mater... GLORIA tibi.

ut pag. 713.

† Si Festum hoc transferatur, sic terminetur Hymnus :  
SIT Christe Rex piissime  
Tibi Patrique gloria,  
Cum Spiritu Paraclito,  
In sempiterna sæcula. Amen.  
V. Adducuntur regi virgines

post eam. R. Proximæ ejus  
afferentur tibi.

Ad Benedictus Aña. Colúmba  
esimmóbilis Lucía sponsa Chri-  
sti : quia omnis plebs te ex-  
spectat, ut accipias corónam  
vitæ, allelúia.

Oratio.

**E**XAUDI nos Deus salutaris  
noster : ut sicut de beatæ  
Luciæ Virginis et Mártiris tuæ  
festivitáte gaudémus, ita piæ de-  
votiónis erudiámur afféctu. Per.

AD TERTIAM,

SEXTAM ET NONAM.

Capitula, R. R. et V. de Com-  
muni unius Virginis, pag. 96\*.

AD II. VESPERAS.

Super Psalmos Aña. Oránte  
sancta Lucía, apparuit ei beáta  
Agatha, et consolabátur ancil-  
lam Christi. Psalmi de Com-  
muni unius Virginis, pag. 96\*.

Capitulum Confitebor tibi.  
et Hymnus Virginis Proles.,  
pag. 724.

V. Diffusa est grátia in lábiis  
tuis. R. Propterea benedixit  
te Deus in ætérnum.

Ad Magnificat Aña. Tanto  
póndere eam fixit Spíritus san-  
ctus, ut Virgo Dómini immó-  
bilis permaneret.

---

DIE XV. DECEMBRIS.  
IN OCTAVA IMM. CONCEPT.  
B. MARIE VIRGINIS.

SOLEMNE.

AD I. VESPERAS.

Capitulum, Hymnus, V. et  
Antiphona ad Magnificat ut  
in j. Vesperis Festi, pag. 703.

Oratio.

**D**EUS, qui per immaculatam  
Virginis Conceptionem di-

gnum Filio tuo habitáculum  
præparásti : quæsumus ut qui  
ex morte ejúsdem Filii tui  
prævisa eam ab omni labe  
præservásti, nos quoque mun-  
dos ejus intercessiône ad te per-  
venire concédas. Per eúmdem.

AD MATUTINUM.

Invitatorium Immaculatam.  
et Hymnus Præclára custos,  
ut in Festo, pag. 704.

¶ In tribus Nocturnis, omnia  
quæ hic notata non sunt di-  
cantur ut in Festo, pag. 704.  
et sequentibus.

IN II. NOCTURNO.

Benedictio. Ab hoste maligno  
erípiat nos Dei Génitrix Virgo.  
R. Amen.

Ex Bulla dogmática Pii  
Papæ Noni.

Lectio iv.

**A**B antiquis temporibus sa-  
crórum Antístites, eccle-  
siástici viri, reguláres Ordines,  
ac vel ipsi imperatóres et reges  
ab hac Apostólica Sede enixe  
efflagitárunť ut immaculatá  
sanctissimæ Dei Genitricis Con-  
ceptio véluti cathólicæ fidei  
dogma definirétur. Quæ pos-  
tulationes hac nostra quoque  
ætáte iterátæ fuérunt, ac po-  
tissimum felícis recordatiónis  
Gregório Décimo sexto præde-  
cessóri nostro ac nobis ipsis  
oblátæ sunt tum ab Episcopis,  
tum a Clero sæculári, tum a  
religiósis familiis, ac summis  
principibus et fidélibus pópulis.  
Nos itaque, singulári ánimo  
nostri gáudio hæc ómnia probe  
noscéntes, ac sério considerán-  
tes, vixdum, licet immériti,  
arcáno divinæ Providéntiæ  
consilio ad hanc sublimem  
Petri cathedram evécti, totius



Ecclésiæ gubernacula tractanda suscepimus, nihil certe antiquius habuimus, quam pro summa nostra vel a teneris annis erga sanctissimam Dei Genitricem Virginem Mariam veneratōne, pietate et affectu, ea omnia peragere, quæ adhuc in Ecclésiæ votis esse poterant, ut beatissimæ Virginis honor augeretur, ejusque prærogativæ uberiori luce nitērent.

R. iv. Ego ex ore Altissimi prodivi, primogenita ante omnem creaturam : ego feci in cælis ut orirētur lumen indeficiens. \* Nondum erant abyssi, et ego jam concepta eram. V. Deus enim creavit me in justitia, et apprehendit manum meam, et servavit me. — Nondum erant abyssi.

Benedictio. Jesus Mariæ Filius sit nobis clemens et propitius. R. Amen.

#### Lectio v.

**I**TAQUE plurimum in Domino confisi advenisse tēporum opportunitatem pro immaculatā sanctissimæ Dei Genitricis Virginis Mariæ Conceptione definiēda, quam divina eloquia, veneranda traditio, perpetuus Ecclésiæ sensus, singularis catholicōrum Antistitum ac fideliū conspiratio, et insigni prædecessorū nostrorū acta, constitutiōnes mirifice illūstrant, atque declārant; rebus omnibus diligentissime perpēnsis, et assiduus fervidisque ad Deum precibus effūsis, minime cunctāndum nobis esse censuimus suprēmo nostro judicio immaculatam ipsius Virginis Conceptionem sancire, definire, atque ita pientissimis

catholici orbis desideriiis, nostræque in ipsam sanctissimam Virginem pietati satisfacere, ac simul in ipsa unigēnitum Filium suum Dōminum nostrum Jesum Christum magis atque magis honorificāre, cum in Filium redūdet quidquid honoris et laudis in Matrem impēditur.

R. v. Nihil inquinatum in eam incūrrit : \* Candor est lucis æternæ et spēculum sine macula. V. Est enim hæc speciosior sole, et luci comparata invenitur purior. — Candor est lucis æternæ.

Benedictio. Stella Maris succurrat piissima nobis. R. Amen.

#### Lectio vj.

**Q**UARE, postquam nunquam intermisimus in humilitate et jejūnio privatas nostras et públicas Ecclésiæ preces Deo Patri per Filium ejus offerre, ut Spiritus sancti virtute mentem nostram dirigere et confirmare dignaretur, implorato universæ cælestis curiæ præsidio, et advocato cum gemitibus Paracrito Spiritu, eoque sic aspirante : ad honorem sanctæ et individuæ Trinitatis, ad decus et ornāmentum Virginis Deiparæ, ad exaltationem fidei catholicæ, et christianæ religionis augmentum, auctoritate Dōmini nostri Jesu Christi, beatorum Apostolorum Petri et Pauli, ac nostra, declaramus, pronuntiamus et definimus : Doctrinam, quæ tenet beatissimam Virginem Mariam in primo instanti suæ Conceptionis fuisse, singulari omnipotentis Dei gratia et privile-

gio, intuitu meritórum Christi Jesu Salvatóris humáni géneris, ab omni originális culpæ labe præservátam immúnem, esse a Deo revelátam, atque idcirco ab ómnibus fidélibus firmiter constantérque credéndam. Quaprópter, si qui secus ac a nobis definitum est, quod Deus avértat, præsumpserint corde sentire, ii nóverint, ac porro sciant se próprio iudicio condemnátos, naufragium circa fidem passos esse, et ab unitáte Ecclesiæ defecisse.

R. vj. Signum magnum appáruit in cælo, Múlier amicta sole, et luna sub pédibus ejus : \* Et in cápite ejus coróna stellarum duódecim. V. Induit eam Dóminus vestiméntis salútis, induménto justitiæ, et quasi sponsam ornávit eam monilibus suis. — Et in cápite ejus. Glória. Et in cápite ejus.

### IN III. NOCTURNO.

Benedictio. Evangélica lécio sit nobis salus et protéctio. R. Amen.

Lécio sancti Evangelii secundum Lucam.

Lectio vij. Cap. i.

**I**n illo témpore : Missus est Angelus Gábriel a Deo in civitátem Galilææ, cui nomen Názareth, ad Virgínem desponsátam viro, cui nomen erat Joseph, de domo David, et nomen Virgínis María. Et reliqua.

Homília sancti Epiphánii Episcopi.  
(Orat. de Laud. S. Mariæ Deiparæ.)

**Q**uid dicam, aut quid próloquar de præclára et sancta Virgíne? Solo enim Deo

excépto, cunctis supérior exsistit; natúra formósior est ípsis Chérubim et Séraphim, et omni exercitu angélico : cui prædicandæ cælestis ac terréna lingua mínime súfficit, immo vero nec angelórum. O beáta Virgo, columba pura, et sponsa cælestis María, cælum, templum, et thronus Divinitátis, quæ coruscántem in cælo et in terra solem habes Christum : nubes lúcida, quæ fulgur de cælo lucidíssimum ad illuminándum mundum deduxisti Christum! Ave grátia plena, porta cælórum, de qua in Cánticis Prophéta in decúrsu oratiónis plane et apérte prolóquitur inclámans : Hortus conclusus, soror mea sponsa, hortus conclusus, fons signátus.

R. vij. Hortus conclusus, soror mea sponsa, hortus conclusus, fons signátus; \* Emissiones tuæ paradísus, o María. V. Aperi mihi soror mea, amica mea, columba mea, immaculáta mea. — Emissiones tuæ paradísus, o María.

Benedictio. In omni tribulatióne et angústia subveníat nobis pia Virgo María.

R. Amen.

Lectio viij.

**V**IRGO est lílium immaculátum, quæ rosam immarcescibilem génuít Christum. O sancta Deipara, ovis immaculáta, quæ Verbum ex te incarnátum Agnum Christum peperisti! O Virgo sanctíssima, quæ exercitus angelórum in stupórem deduxisti! Stupéndum est miráculum in cælis, múlier amicta sole, gestans lucem in ulnis : stupéndum miráculum

in cælis, thalamus Virginis habens Filium Dei : stupendum miraculum in cælis, Dóminus angelórum infans Virginis effectus est. Angeli accusabant Hevam, nunc vero Mariam glória prosequuntur, quæ lapsam Hevam erexit, et Adámmum e paradiso dejectum in cælos misit. Ipsa enim est cæli et terræ mediatrix, quæ uniónem naturaliter perégit.

R. viij. Magnificat ánima mea Dóminum : \* Quia fecit mihi magna qui potens est, et sanctum nomen ejus. V. Ecce enim ex hoc beatam me dicent omnes generatiónes. — Quia fecit.

Benedictio. Ad societátem civium supernórum perducatur nos Regina angelórum. R. Amen.

#### Lectio ix.

**G**RATIA sanctæ Virginis est imménsa. Hinc Gábríel in primis salutát Virginem, dicens : Ave grátia plena, quæ es splendídim cælum. Ave grátia plena, multis virtútibus exornáta Virgo. Ave grátia plena, quæ es urna áurea continens manna cæléste. Ave grátia plena, quæ sitiéntes perénis fontis dulcedine sátias. Ave sanctíssima Mater immaculáta, quæ genuisti Christum, qui est ante te. Ave púrpura régia, quæ cæli terræque Regem induisti. Ave liber incomprehénsus, quæ Verbum et Filium Patris mundo legéndum exhibuisti.

R. ix. Elégit Mariám Deus, et præelégit eam, et creávit eam in Spiritu sancto : \* Ideo nihil inquinátum in eam incúrrit. V. Dedit Mariæ Dóminus

protectiódinem salutis suæ, et dextera sua suscepit eam. — Ideo nihil inquinátum in eam incúrrit. Glória. Ideo nihil inquinátum in eam incúrrit.

Ante Laudes V. In Conceptiódine tua immaculáta, Dei Génitrix Virgo. R. Cæli et terra læténtur.

#### AD LAUDES,

HORAS ET II. VESPERAS.

Omnia ut in Festo, servato modo Octavæ diei Solemnis.

DIE XVI. DECEMBRIS.

B. SEBASTIANI MAGGI

CONF. ORD. PRÆD.

DUPLEX.

Oratio.

**D**EUS, qui beatum Sebastianum, Confessorem tuum reguláris disciplinæ et evangélicæ perfectiódinis singulári stúdio mirábilem effecisti : concede propítius ut ejus imitatiódine, carne mortificáti, et vivificáti spíritu, æténa præmia consequámur. Per.

#### IN I. NOCTURNO.

Lectiones Beátus vir, de Comuni unius Confessoris non Pontificis, pag. 81\*.

#### IN II. NOCTURNO.

Lectio iv.

**S**EBASTIANUS Brixiae, quæ urbs est illústris Cenomanórum Italiæ, antiqua imprimis ac nobili stirpe Maggiorum ortus, jam usque a púero præclára indícia virtútis dedit. Adoléscent, confirmándæ suæ curandæque aliórum salutis causa, Ordinem Prædicatórum professus est. Quo ex témpore innocentíæ atque austeritatí vitæ, assiduóque reguláris disciplinæ cultú stúdiu adjún-



xit sacrarum litterarum. Cumque omni hoc in genere ita profecisset, ut quemadmodum sibi ipse fuerat, sic ceteris emolumento esse doctrina et exemplis posset : sacerdos factus, superiorum jussu conciones habere de recta morum institutione cepit. Quo munere tanto mortalium fructu perfunctus est, ut auctor improbis permultis hominibus uti resipiscerent fuerit : pacem inter inimicos conciliavit, atque in aliquot urbibus Italiae solidam vel restituerit, vel confirmaverit pietatem.

#### Lectio v.

**M**ULTA inde cenobia, non tam dictis quam recte factis, moderatus est. Nullam enim ad rem, quae ad perfectionem evangelicam constitutionesque Ordinis pertinere, suos sodales est adhortatus, quam non ante cumulatissime explevisset. Mediolani cum se suosque minus esse populo utiles vidisset, quam ipse cuperet, propterea quod cenobium sanctae Mariae Gratiarum, in quo degabat, situm in angulo urbis esset, quo cives frequentes concurrere verbum Dei audituri non poterant : de amplissimo templo, quod Rosae vocant, in media urbe exstruendo cogitavit. Quod quidem templum, miraculo, ut narrant, ceptum, magnis piarum largitionibus, imprimisque Beatricis ducis Mediolanensis, cui Sebastianus a confessionibus erat, perfectum est.

#### Lectio vj.

**C**ONGREGATIONIS deinceps universae suae praefecturam bis gessit. Quam dignitatem

ita sustinuit, ut nihil remiserit de instituta austerioris sanctionisque vitae ratione. Quare cum virtute, praesertim autem studio jugiter precandi Deum, despicientia sui, voluntariis cruciatibus, quibus castigare corpus atque in servitum redigere curabat, diligentique legum Ordinis observatione, praere ceteris pergeret : quam sibi initio pepererat, eandem domi forisque mirifice auxit sanctitatis famam. Senex admodum, cum Genuam, visitaturus sanctae Mariae de Castello cenobium, venisset, prospexissetque imminere sibi supremum diem, ad socios versus, eum sibi locum dixit perpetuae requiei fore. Itaque susceptis rite Ecclesiae Sacramentis, decessit in pace, anno Domini millesimo quadringentesimo nonagesimo sexto. Qua re in vulgus elata, magnus ad ejus feretrum concursus est factus Genuensium. Ejus corpus humili primum sepulcro conditum, postque in decentiorem locum translatum, et multis, ut fertur, miraculis illustratum, eodem in templo sanctae Mariae de Castello singulari colitur religione. Quem cultum nunquam interruptum Clemens Decimus tertius Pontifex Maximus consulto sacrae Rituum Congregationis probavit, ac de beato Sebastiano quotannis ab Ordine Praedicatorum universo Officium et Missam celebrari concessit.

#### IN III. NOCTURNO.

Homilia in Evangelium Sint lumbi, de Communi unius Confessoris non Pontificis, pag. 83\*.

DIE XVII. DECEMBERIS  
ET SEX DIEBUS SEQUENTIBUS  
AD MEMORIAM DE ADVENTU

IN VESPERIS.

Septem proximis diebus ante Vigiliam Nativitatis, cum ali- quod festum in iisdem conti- gerit celebrari, Memoria de Adventu in Vesperis fiat per unam ex sequentibus Antipho- nis, servato ordine quo hic posite sunt.

DIE XVII. DECEMBERIS. Aña. O Sapiéntia, quæ ex ore Altis- simi prodiísti, attingens a fine usque ad finem fórtiter, suavi- térque dispónens ómnia : veni ad docéndum nos víam prudén- tiæ.

DIE XVIII. Aña. O Adónai, et dux domus Israel, qui Móysi in igne flammæ rubi apparuísti, et ei in Sina Legem dedísti : veni ad rediméndum nos in bráchio exténto.

DIE XIX. Aña. O Radix Jesse, qui stas in signum populórum, super quem continebunt reges os suum, quem gentes deprecabúntur : veni ad liberándum nos, jam noli tardáre.

DIE XX. Aña. O Clavis David, et sceptrum domus Israel, qui áperis et nemo claudit, claudis et nemo áperit : veni, et educ vinctum de domo cárceris sedéntem in ténebris, et umbra mortis.

DIE XXI. Aña. O Oriens, splen- dor lucis æternæ, et Sol justi- tiæ : veni, et illúmina sedéntes in ténebris, et umbra mortis.

DIE XXII. Aña. O Rex gén- tium, et desiderátus earum,

lapisque angularis, qui facis útraque unum : veni, et salva hóminem, quem de limo for- másti.

DIE XXIII. Aña. O Emmánuel, Rex et légifer noster, expectá- tio géntium et Salvátor earum : veni ad salvándum nos, Dó- mine Deus noster.

† Sequens *Ÿ.* dicatur quotidie ad Memoriam de Adventu in Vesperis, præterquam in Ex- spectatione Partus B. Mariæ V. ad utrasque Vesperas, ut suo loco, scilicet pag. 735. nota- tum est :

*Ÿ.* Roráte cæli désuper, et nubes pluant justum. *R.* Ape- riátur terra, et gérmínet Sal- vatórem.

† Sequens Oratio dicatur ad prædictam Memoriam in Ve- speris Dominicæ iij. Adven- tus, et deinceps quotidie usque ad Vesperas Sabbati ante Do- minicam iv. exclusive :

Oratio.

**A**UREM tuam, quæsumus Dómine, précibus nostris accómmoda ; et mentis nostræ ténebras grátia tuæ visitatió- nis illústra. Qui vivis.

† Sequens vero Oratio dica- tur Sabbato ante Dominicam iv. et deinceps quotidie usque ad Vigiliam Nativitatis Domini exclusive :

Oratio.

**E**XCITA, quæsumus Dómine, poténtiam tuam, et veni, et magna nobis virtúte suc- cúrrere, ut per auxiliúm gratiæ tuæ, quod nostra peccáta præ- pèdiunt, indulgéntia tuæ pro- pitiatiónis accéleret. Qui vi- vis.

DIE XVIII. DECEMBRIS.  
IN EXSPECTATIONE  
PARTUS B. MARIE VIRGINIS.

TOTUM DUPLEX.

AD I. VESPERAS.

Super Psalmos Aña. Ave  
Maria grátia plena : Dóminus  
tecum : benedicta tu in mulié-  
ribus, alleluia. Psalmus Lau-  
date púeri. cum ceteris,  
pag. 145.

Capitulum. Isa. 7.

**E**CCE Virgo concipiet, et pá-  
riet filium, et vocábitur  
nomen ejus Emmánuel. Buty-  
rum et mel cómedet, ut sciat  
reprobáre malum, et eligere  
bonum.

R. Quómodo fiet istud, re-  
spondens ait Maria, quia virum  
non cognosco? Angelus ad  
hæc : \* Spiritus sanctus super-  
veniet in te, Et virtus Altissimi  
obumbrábit tibi. V. Ideoque  
quod nascétur ex te Sanctum  
vocábitur Filius Dei. — Spí-  
ritus sanctus. Glória. Et virtus  
Altissimi.

Hymnus.

Hic genuflectitur usque ad  
Sumens.

**A**VE maris stella,  
Dei Mater alma,  
Atque semper Virgo,  
Felix cæli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis :  
Mala nostra pelle,  
Bona cuncta posce.

MONSTRA te esse matrem :  
Sumat per te preces,  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solútos  
Mites fac et castos.

VITAM præsta puram,  
Iter para tutum :  
Ut vidéntes Jesum  
Semper collaetémur.

SIT laus Deo Patri,  
Summo Christo decus,  
Spíritui sancto,  
Tribus honor unus. Amen.

V. Rorate cæli désuper, et  
nubes pluant justum. R. Ape-  
riátur terra, et gérmínet Sal-  
vatórem.

Ad Magnificat Aña. Oriétur  
sicut sol Salvátor mundi, et  
descéndet in úterum Virginis,  
sicut imber super gramen.

Oratio.

**D**EUS, qui de beátæ Mariæ  
Virginis útero Verbum  
tuum, Angelo nuntiánte, car-  
nem suscipere voluísti, præsta  
supplicibus tuis : ut qui vere  
eam Genitricem Dei crédimus,  
ejus apud te intercessiónibus  
adjuvémur. Per eúndem.

Ad Memoriam de Adventu  
Aña O. pag., 734.

V. Ex Sion spécies decóris  
ejus. R. Deus noster manifeste  
veniet.

AD UTRUMQUE  
COMPLETORIUM.

Super Psalmos Aña. Ecce  
Virgo concipiet, et páriet fi-  
lium, et vocábitur nomen ejus  
Emmánuel.

In fine Hymni dicantur duæ  
Strophæ Maria Mater grátiae.  
et Laus, honor, virtus, glória.  
ut ad Matutinum, pag. 736.

Ad Nunc dimittis Aña. Ecce  
ancilla Dómini : fiat mihi se-  
cúndum verbum tuum.



## AD MATUTINUM.

Invitorium. Ave Mariæ grátia plena : \* Dóminus tecum.

## Hymnus.

**Q**UEM terra, pontus, æthera  
Colunt, adorant, prædicant,  
Trinam regentem máchinam  
Clastrum Mariæ bájulat.

CUI luna, sol et ómnia  
Deserviunt per témpora,  
Perfusa cæli grátia,  
Gestant puellæ viscera.

BEATA Mater múnere  
Cujus supérnus Artifex,  
Mundum pugillo cóntinens,  
Ventris sub arca clausus est.

BEATA cæli núntio,  
Fecúnda sancto Spíritu,  
Desiderátus géntibus  
Cujus per alvum fusus est.

MARIA Mater grátia,  
Mater misericórdia,  
Tu nos ab hoste prótege,  
Et hora mortis suscipe.

LAUS, honor, virtus, glória  
Deo Patri et Filio,  
Sancto simul Paráclito,  
In sempitérna sæcula. Amen.

## IN I. NOCTURNO.

## Psalmus 8.

**D**OMINE Dóminus noster, \*  
quam admirábile est nomen  
tuum in univérsa terra !

Quóniam eleváta est magnificéntia tua, \* super cælos.

Ex ore infántium et lacténtium  
perfecisti laudem propter  
inimicos tuos, \* ut destruas  
inimicum et ultórem.

Quóniam vidébo cælos tuos,  
ópera digitórum tuórum : \*  
lunam et stellas, quæ tu fundásti.

Quid est homo, quod memor  
es ejus? \* aut filius hóminis,  
quóniam visitas eum?

Minuisti eum paulo minus ab  
Angelis, & glória et honóre  
coronásti eum : \* et constituísti  
eum super ópera mánuum tuárum.

Omnia subiecisti sub pédibus  
ejus, \* oves et boves univérsas :  
insuper et pécora campi.

Vólucres cæli et pisces maris,  
\* qui perámbulant sémitas maris.

Dómine Dóminus noster, \*  
quam admirábile est nomen  
tuum in univérsa terra !

Añá. Ecce Virgo concipiet,  
et páriet filium, et vocabitur  
nomen ejus Emmánuel.

## Psalmus 18.

**C**ÆLI enarrant glóriam Dei, \*  
et ópera mánuum ejus  
annúntiat firmaméntum.

Dies diéi erúctat verbum, \*  
et nox nocti indicat sciéntiam.

Non sunt loquélæ, neque sermónes, \*  
quorum non audiántur voces eórum.

In omnem terram exivit sonus  
eórum : \* et in fines orbis  
terræ verba eórum.

In sole pósuit tabernáculum  
suum : \* et ipse tamquam  
sponsus procédens de thálamo  
suo :

Exsultávit ut gigas ad curréndam  
viam, \* a summo cælo  
egressio ejus :

Et occúrsus ejus usque ad  
summum ejus : \* nec est qui  
se abscondat a calore ejus.

Lex Dómini immaculáta convertens  
ánimas : \* testimónium  
Dómini fidéle, sapiéntiam præstans  
párvulis.

Justitiæ Dómini rectæ, lætificántes  
corda : \* præceptum  
Dómini lúcidum, illúminans  
óculos.

Timor Dómini sanctus, permanens in sæculum sæculi : \* judicia Dómini vera, justificata in semetipsa.

Desiderabilia super aurum et lapidem pretiosum multum : \* et dulciora super mel et favum.

Etenim servus tuus custodit ea, \* in custodiendis illis retributio multa.

Delicta quis intelligit? & ab occultis meis munda me : \* et ab alienis parce servo tuo.

Si mei non fuerint dominati, tunc immaculatus ero : \* et emundabor a delicto máximo.

Et erunt ut compléant eloquia oris mei : \* et meditatio cordis mei in conspectu tuo semper.

Dómine adjutor meus, \* et redemptor meus.

Aña. Beata es María, quæ credidisti : perficiuntur in te quæ dicta sunt tibi a Dómino, allelúia.

Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina præparavit eum.

Quis ascendet in montem Dómini? \* aut quis stabit in loco sancto ejus?

Innocens manibus et mundo corde, & qui non accepit in vano animam suam, \* nec juravit in dolo próximo suo.

Hic accipiet benedictionem a Dómino : \* et misericordiam a Deo salutari suo.

Hæc est generatio querentium eum, \* querentium faciem Dei Jacob.

Attollite portas principes vestras, & et elevamini portæ

æternales : \* et introibit rex gloriæ.

Quis est iste rex gloriæ? \* Dóminus fortis et potens : Dóminus potens in prelio.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dóminus virtutum ipse est rex gloriæ.

Aña. Angelus Dómini nuntiavit Mariæ, et concepit de Spiritu sancto, allelúia.

¶. Ex Sion species decoris ejus. R. Deus noster manifeste veniet.

Benedictio. Alma Virgo virginum intercedat pro nobis ad Dóminum. R. Amen.

De Isaia Propheta.

Lectio j. Cap. 7.

**E**T adjecit Dóminus loqui ad Achaz, dicens : Pete tibi signum a Dómino Deo tuo in profundum inférni, sive in excelsum supra. Et dixit Achaz : Non petam, et non tentabo Dóminum. Et dixit : Audite ergo domus David : Numquid parum vobis est, molestos esse hominibus, quia molesti estis et Deo meo? Propter hoc dabit Dóminus ipse vobis signum. Ecce virgo concipiet, et pariet filium, et vocabitur nomen ejus Emmánuel. Butyrum et mel comedet, ut sciat reprobare malum, et eligere bonum.

R. j. Non auferetur sceptrum de Juda, et dux de femore ejus, donec veniat, qui mittendus est : \* Et ipse erit expectatio gentium. ¶. Pulchriores sunt oculi ejus vino, et dentes ejus lacte candidiores. — Et ipse erit.

Benedictio. Sancta Dei Génitrix sit nobis auxiliatrix.

R. Amen.

Lectio ij.

Cap. 11.

ET egrediétur virga de radice Jesse, et flos de radice ejus ascendet. Et requiescet super eum spiritus Dómini : spiritus sapiéntiæ, et intelléctus, spiritus consilii, et fortitudinis, spiritus sciéntiæ, et pietátis, et replébit eum spiritus timóris Dómini : non secúndum visiónem oculórum judicábit, neque secúndum auditum aurium árguet : sed judicábit in justitia páuperes, et árguet in æquitáte pro mansuétis terræ : et percútiét terram virga oris sui, et spiritu labiórum suórum interficiét impium. Et erit justitia cingulum lumbórum ejus : et fides cinctórium renum ejus.

R. ij. Missus est Gábriel Angelus ad Mariam Virginem desponsátam Joseph, núntians ei verbum : et expavéscit Virgo de lumíne. Ne timeas Maria, invenisti grátiam apud Dóminum : ecce concípies, et páries, \* Et vocábitur Altíssimi Filius. ¶. Dabit ei Dóminus Deus sedem David patris ejus, et regnábít in domo Jacob in ætérnum. — Et vocábitur Altíssimi Filius.

Benedictio. Nos cum Prole pia benedicat Virgo María. R. Amen.

De Epístola beáti Pauli Apóstoli ad Ephésios.

Lectio iij.

Cap. 2.

DEUS autem, qui dives est in misericórdia, propter nimiam caritátem suam, qua diléxit nos, et cum essémus mórtui peccátis, convivicávit

nos in Christo, (cujus grátia estis salváti) et conrésuscitávit, et consedére fecit in cæléstibus in Christo Jesu : ut osténderet in sæculis superveniéntibus abundátes divitias grátiae suæ in bonitáte super nos in Christo Jesu. Grátia enim estis salváti per fidem, et hoc non ex vobis : Dei enim donum est, non ex opéribus, ut ne quis gloriétur.

R. iij. Ave María grátia plena : Dóminus tecum : \* Spiritus sanctus supervéniet in te, et virtus Altíssimi obumbrábit tibi : Quod enim ex te nascétur Sanctum, vocábitur Filius Dei. ¶. Quómodo fiet istud, quóniam virum non cognósko? Et respóndens Angelus dixit ei : — Spiritus sanctus. Glória. Quod enim.

## IN II. NOCTURNO.

Antiphonæ et Psalmi ut in Festis B. Mariæ V., pag. 4\*.

¶. Egrediétur virga de radice Jesse. R. Et flos de radice ejus ascendet.

Benedictio. Ab hoste maligno erípiat nos Dei Génitrix Virgo. R. Amen.

Sermo sancti Ildephónsi Archiepiscopi Toletáni.

(Lib. de Virgin. Mariæ cap. 1.)

Lectio iv.

DOMINA mea, atque dominatrix mea, dómínans mibi, mater Dómini mei, ancilla Filii tui, génitrix Factóris mundi, te rogo, te oro, te quæso, ut hábeam spíritum Dómini tui, spíritumque Filii tui, necnon et spíritum Redemptóris mei : ut de te vera et digna sápiam, vera et digna loquar, vera et



digna, quæcúmque dicenda sunt, dicam. Tu enim es electa a Deo, assumpta a Deo, advocata a Deo, proxima Deo, adhaerens Deo, conjuncta Deo: visitata ab Angelo, salutata ab Angelo, benedicta ab Angelo, beatificata ab Angelo: turbata in sermone, attonita in cogitatione, stupefacta in salutatione, admirata in dictorum annuntiatione.

R. iv. Súscepe verbum Virgo María, quod tibi a Domino per Angelum transmissum est: concipies, et paries Deum pariter et hominem, \* Ut benedicta dicaris inter omnes mulieres. R. Paries quidem filium, et virginitatis non patieris detrimentum: efficieris grávida, et eris mater semper intacta. — Ut benedicta dicaris.

Benedictio. Jesus Mariæ Filius sit nobis clemens et propitius. R. Amen.

#### Lectio v.

**I**NVENISSE te apud Deum grátiam audis, et ne timeas jubéris. Unde et tu fidúcia roboráris, cognitióne miraculorum instrúeris, ad novitatem inauditæ glóriæ provéheris. De prole ab Angelo pudicitia admonétur, de nómine prolis virginitas certificátur: et post letum integra et pudica manes. Nascitúrum ex te Sanctum (Dei Filium vocitándum) tibi ab Angelo evangelizátur: et quæ sit nascéntis Regis poténtia, mirabiliter intimátur. Quómodo fiet quæris? De origine intérogas? De ratióne perscrutáris? De experiéntia requíris? De órdine sciscitáris? Audi inauditum oráculum, considera

inusitátum opus, animadvérte incógnitum arcánum, atténde invisum factum: Spíritus sanctus supervéniet in te, et virtus Altissimi obumbrábit tibi.

R. v. Ecce Virgo concipiet, et pariet filium, dicit Dóminus: et vocábitur nomen ejus \* Admirábilis, Deus, Fortis. V. Super sólium David et super regnum ejus sedébit in ætérnum. — Admirábilis, Deus, Fortis.

Benedictio. Stella Mariæ maris succúrrat piíssima nobis. R. Amen.

#### Lectio vj.

**T**OTA invisibiliter Trínitas conceptionem operábitur in te: sola persóna Filii Dei, in corpore tuo nascitúra, carnem assumet de te. Ideóque quod concipiétur ex te, quod nascétur ex te, quod prodiet ex te, quod generábitur ex te, quod parturiétur ex te Sanctum, vocábitur Filius Dei. Erit enim hic magnus, hic Deus virtútum, hic Rex ómnium sæculórum, hic factor ómnium rerum. Ecce beata tu inter mulieres, integra inter puérperas, Dómina inter ancillas, Regína inter soróres. Ecce enim ex hoc beatam te dicent omnes generationes, beatam te novérunt omnes cæléstes Virtútes, beatam te prædicant omnes vates, beatam te célebrant omnes nátióes. Beata tu fidei nostræ, beata tu animæ nostræ, beata dilectiúi nostræ, beata præconiis et prædicationibus meis.

R. vj. Egrediétur virga de radice Jesse, et flos de radice ejus ascéndet: \* Et erit justitia cingulum lumbórum ejus: Et fides cinctórium renū ejus.

¶. Et requiescet super eum spiritus Domini, spiritus sapientiae, et intellectus. — Et erit justitia. Glória. Et fides cinctórium renum ejus.

### IN III. NOCTURNO.

Antiphonæ et Psalmi ut in Festis B. Mariæ V., pag. 7\*.

¶. Egrediétur Dominus de loco sancto suo. R. Véniet, ut salvet pópulum suum.

Benedictio. Evangélica lectio sit nobis salus et protectio. R. Amen.

Lectio sancti Evangelii secundum Lucam.

Lectio vij. Cap. 1.

**I**N illo tempore : Missus est Angelus Gábríel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph de domo David, et nomen Virginis Maria. Et reliqua.

Homilia S. Ambrósii Episcopi. (Lib. 2. in Luc. in initio.)

**L**ATENT quidem divina mysteria, nec facile, juxta propheticum dictum, quisquam hominum potest scire consilium Dei. Sed tamen ex ceteris factis atque præceptis Domini Salvatoris possumus intelligere, et hoc propensioris fuisse consilii, quod ea potissimum electa est ut Dominum pareret, quæ erat desponsata viro. Cur autem non antequam desponsaretur, impleta est? Fortasse ne diceretur quod conciperat ex adulterio.

R. vij. Rorate cæli desuper, et nubes pluant justum : \* Aperiatur terra, et germinet Salvatorem. ¶. Emitte Agnum

Domine Dominatorem terræ, de Petra deserti ad montem filiae Sion. — Aperiatur terra.

Benedictio. In omni tribulatione et angustia subveniat nobis pia Virgo Maria.

R. Amen.

(Longius post prædicta.)

Lectio vij.

**E**T ingressus ad eam Angelus. Disce virginem moribus, disce virginem verecundia, disce oráculo, disce mysterio. Trepidare virginum est, et ad omnes viri ingressus pavere, omnes viri affatus vereri. Discant mulieres propositum pudoris imitari. Sola in penetralibus, quam nemo virorum videret, solus Angelus reperiret : sola sine comite, sola sine teste, ne quo degeneri depravaretur affatu, ab Angelo salutatur.

R. viij. Nascetur nobis parvulus, et vocabitur Deus, Fortis : ipse sedebit super thronum David patris sui, et imperabit : \* Cujus potestas super humerum ejus. ¶. In ipso benedicentur omnes tribus terræ. — Cujus potestas.

Benedictio. Ad societatem civium supernorum perducat nos Regina angelorum. R. Amen.

(Longius post prædicta.)

Lectio ix.

**T**ANTI namque mandati mysterium non hominis fuit, sed Angeli ore promendum. Hodie primum auditur : Spiritus sanctus superveniet in te. Et auditur, et creditur. Denique : Ecce, inquit, ancilla Domini : contingat mihi secundum verbum tuum. Vide humilitatem, vide devotionem. Ancillam se dicit Domini, quæ

Mater eligitur : nec repentino exaltata promisso est.

R. ix. Quomodo fiet istud, respondens ait María, quia virum non cognosco? Angelus ad hæc : \* Spiritus sanctus superveniet in te, Et virtus Altissimi obumbrabit tibi. ¶. Ideoque quod nascetur ex te Sanctum vocabitur Filius Dei. — Spiritus sanctus. Glória. Et virtus Altissimi.

Ante Laudes ¶. Emitte Agnum Domine Dominatorem terræ. R. De Petra deserti ad montem filiae Sion.

### AD LAUDES

ET PER HORAS ANTIPHONÆ.

1. Missus est Gábríel Angelus ad Mariam Virginem desponsatam Joseph. Psalmus Dominus regnavit. cum ceteris, pag. 17.

2. Ave María grátia plena : Dominus tecum : benedicta tu in mulieribus, allelúia.

3. Ne timeas María, invenisti grátiam apud Dóminum : ecce concipies, et páries filium, allelúia.

4. Dabit ei Dóminus sedem David patris ejus, et regnabit in ætérnum.

5. Ecce ancilla Dómini : fiat mihi secúndum verbum tuum. Capitulum. Isa. 7.

**E**CCE Virgo concipiet, et páriet filium, et vocabitur nomen ejus Emmánuel. Butyrum et mel cómedet, ut sciat reprobare malum, et eligere bonum.

Hymnus.

**O** GLORIOSA Dómina,  
Excélsa supra sýdera :  
Qui te creávit próvide  
Lactásti sacro úbere.

QUOD Heva tristis ábstulit  
Tu reddis almo gérmine :  
Intrent ut astra flébbiles,  
Cæli fenéstrea facta es.

Tu Regis alti jánuas  
Et porta lucis fúlgida :  
Vitam datam per Virginem  
Gentes redéemptæ pláudite.

MARIA Mater grátiae,  
Mater misericórdiæ,  
Tu nos ab hoste prótege,  
Et hora mortis súscipe.

LAUS, honor, virtus, glória  
Deo Patri et Fílio,  
Sancto simul Paráclito,  
In sempitérna sæcula. Amen.

¶ Hæ duæ ultimæ Strophæ  
María Mater. et Laus, honor,  
virtus. dicantur etiam in fine  
Hymnorum ad Primam, Tertiam, Sextam et Nonam.

¶. Elégit eam Deus, et præ-elégit eam. R. Et habitare eam facit in tabernáculo suo.

Ad Benedictus Añs. Quomodo fiet istud, Angele Dei, quia virum in concipiéndò non pèrtuli? Audi María Virgo Christi : Spíritus sanctus superveniet in te, et virtus Altissimi obumbrabit tibi. Oratio.

**D**EUS, qui de beatæ Mariæ Virginis útero Verbum tuum, Angelo nuntiante, carnem suscipere voluisti, præsta supplicibus tuis : ut qui vere eam Genitricem Dei credimus, ejus apud te intercessiónibus adjuvémur. Per eúndem.

AD PRIMAM.

R. Jesu Christe. ¶. Qui venturus es in mundum.

AD TERTIAM.

Capitulum Ecce Virgo concipiet., ut in Laudibus.



R. Sancta Dei Génitrix Virgo semper María, \* Allelúia, allelúia. Sancta. V. Intercède pro nobis ad Dóminum Deum nostrum. Allelúia. Glória. Sancta. V. Post partum Virgo inviolata permansisti. R. Dei Génitrix intercède pro nobis.

Oratio.

**D**EUS, qui de beatæ Mariæ Virginis útero Verbum tuum, Angelo nuntiante, carnem suscipere voluisti, præsta supplicibus tuis : ut qui vere eam Genitricem Dei credimus, ejus apud te intercessionibus adjuvemur. Per eúndem.

AD SEXTAM.

Capitulum. Isaïæ 11.

**E**GREDIETUR virga de radice Jesse, et flos de radice ejus ascendet. Et requiescet super eum spíritus Dómini.

R. Post partum Virgo inviolata permansisti, \* Allelúia, allelúia. Post partum. V. Dei Génitrix intercède pro nobis. Allelúia. Glória. Post partum. V. Speciôsa facta es et suavis. R. In deliciis tuis sancta Dei Génitrix.

Oratio Deus, qui de beatæ Mariæ, ut ad Tertiam.

AD NONAM.

Capitulum. Isaïæ 45.

**R**ORATE cæli désuper, et nubes pluant justum : aperiatúr terra, et germinet saluatorem : et justitia oriátur simul : ergo Dóminus creávi eum.

R. Speciôsa facta es et suavis, \* Allelúia, allelúia. Speciôsa. V. In deliciis tuis sancta Dei Génitrix. Allelúia. Glória. Speciôsa.

V. Elégit eam Deus et præ-

elégit eam. R. Et habitare eam facit in tabernáculo suo.

Oratio Deus, qui de beatæ Mariæ, ut ad Tertiam.

AD II. VESPERAS.

Super Psalmos Aña. Missus est Gábriel Angelus ad Mariam Virginem desponsatam Joseph. Psalmi ut in Comuni unius Virginis, pag. 96\*.

Capitulum, Hymnus, et V. ut in j. Vesperis, pag. 735.

Ad Magnificat Aña. Hæc est dies, quam fecit Dóminus : hódie Dóminus afflictiónem pópuli sui respéxit, et redemptionem misit : hódie mortem, quam fémina intulit, fémina fugávit : hódie Deus homo factus id quod fuit permansit, et quod non erat assúpsit : ergo exórdium nostræ redemptionis devôte recolámus, et exultémus, dicentes : Glória tibi Dómine.

Oratio Deus, qui de beatæ Mariæ, ut ad Tertiam.

Ad Memoriam de Adventu Aña O., pag. 734.

V. Ex Sion species decóris ejus. R. Deus noster manifeste véniet.

Oratio Dominicæ, pag. 734.

DIE XX. DECEMBERIS.

S. DOMINICI SYLENSIS

ABBATIS.

DUPLEX.

Oratio.

**D**EUS, qui Ecclésiám tuam beáti Dominici Confessóris tui præcláris vitæ méritis decorásti ; et in liberándis captívis, gloriósis lætificásti miráculis : concéde nobis fámulis tuis ut et ipsius instrúamur

exemplis, et ab omni vitiórum servitute ejus patrocinio liberémur. Per.

## IN II. NOCTURNO.

## Lectio iv.

**D**OMINICUS Abbas honestis paréntibus natus est Canis, oppídulo ad radices Jubédæ montis in Cántabris. Quem ab ipsa puerfítia mirus monástica vitæ ardor occupávit : ádeo ut relicta gregis patrérni cura, in solitúdinem secésserit. Sed cum parum ei tuta viderétur illa solitúdo, insigne sancti Æmiliáni cœnóbium adiit : ubi cum diu sub hábitu et disciplina monástica vixisset magna sanctitátis opiníone, Ecclesiæ Cannárum regéndæ præfícitur. Inde in cœnóbium sancti Æmiliáni revocátus, Prior efficitur.

## Lectio v.

**V**ERUM dum Cantabrorúm regi quædam a cœnóbio injuste exigénti constantissime resistit, ab eódem in Jubédæ montis invia duóbús monachis comitibus actus est. Qui ejus furóri cédere cúpiens, ad Ferdinándum Castéllæ et Legiónis regem, ejus nóminis Primum, se contulit. Qui Viri Dei sanctitáte motus, illum ad se adeúntem benigne et honorifice excépit, et cœnóbio sancti Sebastiani præesse vóluit, áddito ab Episcopo díecesáno Abbátis título. Érat autem ipse locus infrequens, útpote qui sterilibus quibúsdam Jubédæ montis cóllibus subjáceat, qui mons ipse Celtíberos tangit. At claritáte miraculórum, quæ quotidie per servum suum Domi-

nicum operabátur Deus, tam céleber ac frequens factus est, ut eo témpore per Hispániam nullus illústrior esset : nulla enim ferme morbórum génera erant, quæ Dominici précibus ab hóminum corpóribus non pelleréntur. Unde cœnóbio in augustiorem formam erecto, magno étiam monachórum número coáluit, régibus ac pópulis multa illi certátim offeréntibus.

## Lectio vj.

**Q**UIN étiam singulári privilegió servum suum insignivit Dóminus, ut Christiáni, qui apud Mahometános vineti multis ferri pondéribus tenebántur, invocáto Dominico, liberaréntur. Demum gravi morbo corréptus, Ecclesiæ Sacraméntis devotissime susceptis, migrávit ad Dóminum, anno Dómini millésimo septuagésimo quarto. Eo autem die, quo migrávit a corpore, visa est a púeris quibúsdam illius ánima triplici coróna decoráta in cælum subvoláre. Corpus vero ejus in eódem cœnóbio cónditum hódie cernimus, quod sanctum Dominicum de Sylos appellámus. Ad cujus sepúlcrum orans beáta Joánnæ Felicis Guzmáni uxor filium impetrávit, cui sancti hujus Viri propterea nomen impósuit. Quod quidem ipse mira vitæ sanctitáte, sacroque Prædicatorum Ordine institúto, multo réddidit illústrior quam accépit.

## IN III. NOCTURNO.

Homilia in Evangelium Ecce nos reliquimus. de Comuni unius Abbatis, pag. 85\*.

DIE XXI. DECEMBRIS.  
S. THOMÆ APOSTOLI.

## TOTUM DUPLEX.

Omnia de Comuni Apostolorum, pag. 26\*. præter hic posita.

## IN I. VESPERIS.

Ad Magnificat Añña. O Thoma Didyme, qui Christum meruisti tangere, te precibus rogamus altisonis, succurre nobis miseris, ne damnemur cum impiis in adventu Iudicis. Oratio.

**D**A nobis, quæsumus Dómine, beati Apóstoli tui Thomæ solemnitatibus gloriári : ut ejus semper et patrocíniis sublevémur, et fidem congrua devotíone sectémur. Per.

## IN I. NOCTURNO.

De Epístola prima beati Pauli Apóstoli ad Corínthios.

Lectio j. Cap. 2.

**E**T ego, cum venissem ad vos, fratres, veni non in sublimitate sermónis, aut sapiéntiæ, annúntians vobis testimónium Christi. Non enim judicávi me scire aliquid inter vos, nisi Jesum Christum, et hunc crucifixum. Et ego in infirmitate, et timóre, et tremóre multo fui apud vos : et sermo meus, et prædicatio mea non in persuasibilibus humanæ sapiéntiæ verbis, sed in ostensióne spiritus, et virtútis : ut fides vestra non sit in sapiéntia hóminum, sed in virtúte Dei.

R. j. Ecce ego mitto vos sicut oves in médio lupórum, dicit Dóminus : \* Estóte ergo prudentes sicut serpentes, et simplices sicut columbæ. V. Traudent enim vos in concíliis, et

in synagógis suis flagellábunt vos. — Estóte ergo prudentes. Lectio ij.

**S**APIENTIAM autem loquimur inter perfectos : sapiéntiam vero non hujus sæculi, neque princípum hujus sæculi, qui destruúntur : sed loquimur Dei sapiéntiam in mystério, quæ abscondita est, quam prædestinávit Deus ante sæcula in glóriam nostram, quam nemo princípum hujus sæculi cognóvit : si enim cognovissent, nunquam Dóminum glóriæ crucifixissent.

R. ij. Tóllite jugum meum super vos, dicit Dóminus, et discite a me quia mitis sum et húmilis corde : \* Jugum enim meum suáve est, et onus meum leve. V. Et inveniétis réquiem animabus vestris. — Jugum enim meum.

Lectio iij.

**S**ED sicut scriptum est : Quod Sóculus non vidit, nec auris audivit, nec in cor hóminis ascéndit, quæ præparávit Deus iis, qui diligunt illum : nobis autem revelávit Deus per Spiritum suum : Spiritus enim ómnia scrutátur, étiam profunda Dei. Quis enim hóminum scit quæ sunt hóminis, nisi spiritus hóminis, qui in ipso est? Ita et quæ Dei sunt, nemo cognóvit, nisi Spiritus Dei.

R. iij. Dum stetéritis ante reges et præsides, nolite cogitare quómodo, aut quid loquámini : \* Dábitur enim vobis in illa hora quid loquámini. V. Non enim vos estis qui loquámini, sed Spiritus Patris vestri qui loquitur in vobis. — Dábitur enim vobis. Glória. Dábitur enim vobis.



## IN II. NOCTURNO.

(Ex Sophron. ac Rom.  
Martyrol. et Brev.)

## Lectio iv.

**T**HOMAS Apóstolus, qui et Didymus, Galilæus, post acceptum Spiritum sanctum in multas provincias profectus est ad prædicandum Christi Evangélium. Parthis, Medis, Persis, Hyrcanis, et Bactris christiánæ fidei et vitæ præcepta trádedit. Postrémo ad Indos se cónferens, eos in christiána religiône erudit. Qui ad extrémum, vitæ doctrinæque sanctitate, et miraculorum magnitudine, cum ceteris omnibus sui admiratióem, et Jesu Christi amorem commovisset, illius gentis regem, idolorum cultorem, magis ad iram accendit : cujus sententia condemnátus, telisque confóssus, Calaminæ Apostolátus honorem martyrii coróna decorávit.

R. iv. Vidi conjunctos viros habentes spléndidas vestes, et Angelus Dómini locútus est ad me dicens : \* Isti sunt viri sancti facti amici Dei. V. Vidi Angelum Dei volántem per médium cæli, voce magna clamántem, et dicéntem. — Isti sunt viri sancti.

Sermo sancti Gregórii Papæ.

(Homil. 30. in Evang.  
post medium.)

## Lectio v.

**S**CRIPtum est : Spiritus Dómini ornávit cælos. Ornamenta enim cælórum sunt virtutes prædicántium. Quæ videlicet ornámenta Paulus enúmerat, dicens : Alii datur per Spiritum sermo sapiéntiæ : alii sermo sciéntiæ secúndum

eúmdem Spiritum : álii fides in eódem Spiritu : alii grátia sanitátum in uno Spiritu : alii operátio virtútum, alii prophetia, alii discretio spirituum, alii génera linguárum, alii interpretatió sermónum. Hæc autem ómnia operátur unus atque idem Spiritus, dividens singulis prout vult.

R. v. Isti sunt triumphatóres et amici Dei, qui contemnéntes jussa princípum meruerunt præmia ætérna : \* Modo coronántur, et accipiunt palmam. V. Isti sunt qui venerunt ex magna tribulatióne, et laverunt stolas suas in ságuine Agni. — Modo coronántur.

## Lectio vj.

**Q**UOT ergo sunt bona prædicántium, tot sunt ornámenta cælórum. Hinc rursus scriptum est : Verbo Dómini cæli firmáti sunt. Verbum enim Dómini, Filius est Patris. Sed eósdem cælos, videlicet sanctos Apóstolos, ut tota simul sancta Trinitas ostendátur operáta, repénite de sancti Spiritus divinitate adjúngitur : Et spiritu oris ejus omnis virtus eórum. Cælórum ergo virtus de Spiritu sumpta est : quia mundi hujus potestátibus contraire non præsumerent, nisi eos sancti Spiritus fortitúdo solidásset.

R. vj. Vos estis lux mundi, dicit Dóminus : \* Qui in patientia vestra Possidébitis ánimas vestras. V. Et ego dispóno vobis, sicut dispósuit mihi Pater meus, regnum, ut edátis et bibátis super mensam meam in regno meo. — Qui in patientia vestra. Glória. Possidébitis ánimas vestras.

## IN III. NOCTURNO.

Lectio sancti Evangelii  
secundum Joannem.

Lectio vij. Cap. 20.

**I**N illo tempore : Thomas  
unus ex Duodecim, qui dicitur  
Didymus, non erat cum eis  
quando venit Jesus. Et reliqua.  
Homilia sancti Gregorii Papæ.  
(Homil. 26. in Evang.  
post medium.)

**N**ON hoc casu, sed divina  
dispensatione gestum est.  
Egit namque miro modo  
superna clementia, ut discipulus  
ille dubitans, dum in Magistro  
suo vulnera palparet carnis,  
in nobis vulnera sanaret infidelitatis.  
Plus enim nobis Thomæ  
infidelitatis ad fidem, quam fides  
credentium discipulorum profuit  
: quia dum ille ad fidem  
palpando reducitur, nostra  
mens, omni dubitatione postposita,  
in fide solidatur.

R. vij. Isti sunt viri sancti,  
quos elegit Dominus in caritate  
non ficta, et dedit illis  
gloriam sempiternam : \* Quorum  
doctrina fulget Ecclesia,  
ut sole luna. V. In omnem  
terram exivit sonus eorum, et  
in fines orbis terræ verba eorum.  
— Quorum doctrina.

Lectio viij.

**S**IC quippe discipulum  
Dominus post Resurrectionem  
suam dubitare permisit, nec  
tamen in dubitatione deseruit  
: sicut ante natiuitatem suam,  
Mariam sponsum habere voluit,  
qui tamen ad ejus nuptias  
non pervenit. Nam ita factus est  
discipulus, dubitans et palpans,  
testis veræ Resurrectionis, sicut  
sponsus Matris fuerat custos  
integerrimæ virginitatis.

Palpavit autem, et exclamavit :  
Dominus meus, et Deus meus.

R. viij. Qui sunt isti, qui ut  
nubes volant, \* Et quasi columbæ  
ad fenestras suas? V. Candidiores nive,  
nitidiores lacte, rubicundiores ebore  
antiquo. — Et quasi columbæ ad  
fenestras suas.

Lectio ix.

**D**ICIT ei Jesus : Quia vidi-  
sti me Thoma, credidisti.  
Cum Paulus Apostolus dicat,  
Est autem fides sperandarum  
substantia rerum, argumentum  
non apparentium : profecto  
liquet quod fides illarum rerum  
argumentum est, quæ  
apparere non possunt. Quæ  
etenim apparent, jam fidem  
non habent, sed agnitionem.  
Dum ergo vidit Thomas, dum  
palpavit, cur ei dicitur, Quia  
vidisti me Thoma, credidisti?  
Sed aliud vidit, aliud credidit.  
A mortali quippe homine divi-  
nitas videri non potuit. Homi-  
nem ergo vidit, et Deum confessus  
est, dicens : Dominus  
meus, et Deus meus.

R. ix. Gregem tuum Pastor  
æternæ non deseras, sed per be-  
atos Apostolos tuos \* Perpetua  
defensione custodias. V. Pro-  
tege Domine populum tuum,  
et Apostolorum tuorum patro-  
cinio confidentem. — Perpetua  
defensione custodias. Gloria.  
Perpetua defensione custodias.

## IN LAUDIBUS.

Ad Benedictus Añ. Quia  
vidisti me Thoma, credidisti :  
beati qui non viderunt, et cre-  
diderunt, alleluia. Oratio.

**D**A nobis, quæsumus Do-  
mine, beati Apostoli tui  
Thomæ solemnitatibus gloriâ-

ri : ut ejus semper et patrociniis sublevémur, et fidem congrua devotíone sectémur. Per.

Ad Memoriam de Adventu, ommissa Antiphona Feriæ currentis, dicitur sequens

Añ. Nolite timére : quinta enim die véniet ad vos Dóminus noster.

¶ Vox clamántis in deserto. R. Paráte viam Dómini. Oratio Dominicæ (vel Feriæ, si hoc festum contigerit in jejuniis Quatuor Temporum).

† Si vero festum S. Thomæ transferatur, dimittatur Añ. Nolite timére., et dicatur Antiphona signata ad Benedictus Feriæ currentis.

DIE XXII. DECEMBRIS.

B. MARIE MANCINI

VIDUÆ ORD. PRÆD.

DUPLEX.

Oratio.

**D**EUS, qui beatam Mariam, tuæ grátiae ubertate præventam, contemplationis dono, et eximia in pròximam caritate mirabilem effecisti : ex ejus nobis imitatione concede ut cælestia meditantes, et aliis misericórdiam exhibentes, ætérnam glóriam cum ipsa consequi mereámur. Per.

IN I. NOCTURNO.

Lectiones. Mulierem fortem. de Comuni unius nec Virginis nec Martyris, pag. 106\*.

IN II. NOCTURNO.

Lectio iv.

**M**ARIA, quæ in sæculo Catharina vocabátur, ex nobili Mancinia domo, Bartholomæo patre, Pisis orta est.

Primo ævo laudabiliter trans-acto, ut propinquorum voluntati obtemperaret, semel ac iterum matrimonio se addixit : quo in statu rerum divinàrum contemplationi vacare, et indigentibus officia caritatis impendere cepit. Altero viro demortuo cum liberis, novas nuptias inire totis viribus abnuvit, et arctiorem vivendi formam instituit. Révera solémne illi fuit, quater per hebdomadam jejunare, quotidie corpus flagellis cedere, super stratum ligneum vix necessário somno indulgere, diu noctūque orationi vacare. Hæc inter, labore manuum victum sibi comparabat, quem læto ánimo etiam pauperibus et ægris largiebatur. Assidue vero a Deo efflagitabat ut juxta suum beneplacitum ipse eam dirigeret.

Lectio v.

**A**D ea tempora Pisas venit sancta Catharina Senensis, qua Maria familiariter usa est, ab ipsa mónica salutis accipiens. Illa hortante, habitum induit Sororum Ordinis sancti Domínici, quas de Pœnitentia vocant; nec multo post, monasticum institutum ejusdem Ordinis sibi suscipiendum statuit. Quare in pios usus collata pecunia, quam habebat, in monasterium se recepit sanctæ Crucis, ubi spectabilem se ipsam præbuit regulæ observantiæ stúdio. Nam ceteris monialibus proprio aere viventibus, Maria in communi vitam ducébat cum sex aliis, quarum curam prudenter gerébat. Hic perfectionis amor demum effecit, ut cum beata



Clara transierit in monastérium sancti Dominici, a Petro Gambacúrta ejus patre nuper erectum.

### Lectio vj.

**N**OVUM ingressa cœnóbium una cum réliquis pari ardore succensit, summam diligéntiam adhibuit, ut disciplina regularis omnino vigéret, ejusque zelus hac de re ádeo páuit, ut moniales post mortem beátæ Claræ ipsam communitati præficerint. Mira sunt quæ narrántur vel de visionibus cælestibus, quibus a Deo fuit illustrata, vel de vexationibus, quas a dæmone tolerávit, vel de cruciátibus, quos in corpore pertulit, ut ánimas piaculáribus flammis addictas subleváret. Tandem provécta cum jam esset ætáte, ad Beatórum sedem migrávit, die vigésima secúnda Januárii, anno millésimo quadringentésimo trigésimo primo. Ejus corpus áliquot post annos e sepúlcro érutum super altáre pósitum fuit, et perpétuum cultum obtinuit. Quem rite probátum Pius Novus Póntifex Máximus ex sacrae Rituum Congregatiónis consúlto cum confirmáset, beátæ Mariæ novos Missæ et Officii honóres benigne concessit pro univérso Prædicatórum Ordine et Pisána diocési.

### IN III. NOCTURNO.

Homilia in Evangelium Símile est regnum cælórum thesauro. de Comuni unius nec Virginis nec Martyris, pag. III\*.

### DIE XXVI. DECEMBERIS. S. STEPHANI PROTOMART.

TOTUM DUPLEX.

### IN I. VESPERIS.

Ad Memoriam Aña. Tu principátum tenes in choro Mátyrum símilis ángelo : qui pro te lapidántibus Deum deprecátus es, beáte Stéphané intercede pro nobis ad Dóminum.

¶ Glória et honóre coronásti eum Dómine. R. Et constituísti eum super ópera mánuum tuárum.

### Oratio.

**D**A nobis, quæsumus Dómine, imitári quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre : Dóminum nostrum Jesum Christum Fílium tuum, qui tecum vivit...

† Cum hæc Oratio dicitur ad Memoriam, et immediate sequitur alia Memoria, finitur sic : exoráre Christum Dóminum nostrum. R. Amen.

### AD MATUTINUM.

Invitatorium. Christum natum, qui beatum hódie coronávit Stéphanum, \* Venite adorémus.

### Hymnus.

**D**EUS tuórum militum  
Coróná, sors et præmium,  
Laudes canéntes Mátyris  
Absólve nexu críminis.

Hic nempe, mundi gáudia  
Et blandiménta nóxia  
Cadúca rite députans,  
Pervénit ad cælestia.

Pcenas cucúrrit fótiter  
Et sústulit viríliter :  
Pro te profúndens sánguinem  
Ætérna dona pössidet.

OB hoc precátu súplici  
Te pòscimus piíssime :  
In hoc triúmpho Mártýris  
Dimitte noxam sérvulis.

GLORIA tibi Dómine,  
Qui natus es de Vírgine,  
Cum Patre et sancto Spíritu  
In sempitérna sæcula. Amen.

#### IN I. NOCTURNO.

Aña. Beátus Stéphanus jugi  
legis Dei meditatióne roborá-  
tus, tamquam lignum fructife-  
rum secus salutárium aquárum  
plantátum decúrsus, fructum  
martyrii in témpore suo dedit  
primus. Psalmi de Comuni  
unius Martyris, pag. 39\*. et  
sequentibus.

Aña. Constitútus a Deo præ-  
dicátor præceptorum ejus, in  
timóre sancto illi servíre stú-  
duit : officiòque fidéliter per-  
ácto, in montem sanctum ejus  
ascéndere dignus fuit.

Aña. In tribulatióne lápidum  
se preméntium pòsitus, millia  
pópuli se circumdántis non  
timuit : quia susceptórem suum  
Jesum, ut eum salvum fáceret,  
exsúrgere in cælo vidit.

℟. Glória et honóre coronásti  
eum Dómine. ℞. Et consti-  
tuísti eum super ópera má-  
nuum tuárum.

De Actibus Apostolorum.

Lectio j. Cap. 6.

**I**N diébus illis, crescén-  
te nú-  
mero discipulorum, factum  
est murmur Græcorum advér-  
sus Hebræos, eo quod despice-  
réntur in ministério quotidiá-  
no víduæ eorum. Convocán-  
tes autem Duódecim multítu-  
dinem discipulorum dixerunt :  
Non est æquum nos derelin-  
quere verbum Dei, et ministráre

mensis. Consideráte ergo, fra-  
tres, viros ex vobis boni testi-  
mónii septem, plenos Spíritu  
sancto, et sapiéntia, quos con-  
stituámus super hoc opus. Nos  
vero oratióni, et ministério  
verbi instántes érimus.

℞. j. Stéphanus autem plenus  
grátia et fortitúdine, \* Faci-  
bat prodigia et signa magna  
in pópulo. ℟. Cum esset ple-  
nus Spíritu sancto beátus Sté-  
phanus. — Faciébát.

#### Lectio ij.

**E**T plácuit sermo coram omni  
multitúdine. Et elegérunt  
Stéphanum, virum plenum  
fide, et Spíritu sancto, et Phil-  
ippum, et Próchorum, et Ni-  
cánorem, et Timónem, et  
Pármenam, et Nicoláum adve-  
nam Antiochénum. Hos stu-  
tuérunt ante conspéctum Apo-  
stolorum : et orántes imposue-  
runt eis manus. Et verbum  
Dómini crescébat, et multipli-  
cabátur númerus discipulorum  
in Jerúsalem valde : multa  
etiám turba sacerdotum obe-  
diébát fidei.

℞. ij. Vidébant omnes Stépha-  
num, qui erant in concilio :  
\* Et intuebántur vultum ejus,  
tamquam vultum ángeli stan-  
tis inter illos. ℟. Stéphanus  
autem plenus grátia et forti-  
túdine, faciébát prodigia, et  
signa magna in pópulo. — Et  
intuebántur.

#### Lectio iij.

**S**TEPHANUS autem plenus  
grátia et fortitúdine, faci-  
bat prodigia et signa magna  
in pópulo. Surrexérunt autem  
quidam de synagóga, quæ  
appellátur Libertinorum, et

Cyrenénsium, et Alexandrinórum, et eórum qui erant a Cilícia, et Asia, disputántes cum Stéphanó : et non póterant resistere sapiéntiæ, et Spiritui, qui loquebátur. Tunc submisérunt viros, qui dicerent se audivisse eum dicéntem verba blasphémiae in Móysen, et in Deum.

R. iij. Intuens in cælum beátus Stéphanus vidit glóriam Dei, et ait : \* Ecce video cælos apértos, et Filium hóminis stantem A dextris virtútis Dei. V. Cum autem esset Stéphanus plenus Spíritu sancto, inténdens in cælum, ait. — Ecce video. Glória. A dextris virtútis Dei.

## IN II. NOCTURNO.

Añ. Lúmine vultus tui Dómine insignitus Protomártýr Stéphanus, sacrificium justitiæ seipsum tibi sacrificávit : ideóque in lætitia cordis, in pace obdórmíens requiέscit.

Añ. Benedictiónis tuæ Dómine múnere justificátus, et scuto tuæ protectiónis in passióne munitus, nóminis sui coronam Stéphanus a te percípere méruit.

Añ. O quam admirábile est nomen tuum Dómine Deus noster, pro quo beátus Stéphanus passus, glória et honóre a te est coronátus, et super cælos dono tuæ magnificéntiæ exaltátus!

V. Posuisti Dómine super caput ejus. R. Coronam de lapide pretiόso.

Sermo sancti Fulgéntii Episcopi.

(Serm. de S. Steph.)

Lectio iv.

**H**ERI celebrávimus temporalem sempitérni Regis nostri natálem : hódie celebrámus triumphálem militis passiónem. Heri enim Rex noster trábea carnis indútus, de aula úteri virginális egrédiens, visitáre dignátus est mundum : hódie miles de tabernáculo córporis éxiens, triumphátor migrávit ad cælum. Ille, sempitérnæ Deitátis majestáte serváta, servile cinctórium carnis assúmens, in hujus sæculi campum pugnatúrus intrávit : iste, depósitis corruptibílibus córporis indumentis, ad cæli palátium perénniter regnatúrus ascéndit.

R. iv. Lapidábant Stéphanum invocántem, et dicéntem : Dómine Jesu Christe accípe spiritum meum : et \* Ne státuas illis hoc peccátum. V. Pósisit autem génibus, beátus Stéphanus orábat, dicens. — Ne státuas illis hoc peccátum.

Lectio v.

**I**LLE descéndit carne velátus : iste ascéndit sángine laureátus. Ascéndit iste, lapidántibus Judæis : quíia ille descéndit, lætántibus Angelis. Glória in excélsis Deo, heri exsultántes sancti Angeli cantavérunt : hódie Stéphanum lætántes in suum consórtium suscepérunt. Heri Dóminus exívit de útero Virginis : hódie miles egréssus est de ergástulo carnis. Heri Christus pro nobis pannis est in-



volūtus : hódie Stéphanus stola est ab eo immortalitátis indūtus.

R. v. Impetum fecérunt unanimiter in eum, et eiecérunt eum extra civitátem, \* Invo-cántem, et dicéntem : Dómine áccipe spiritum meum. V. Et testes deposuérunt vestiménta sua secus pedes adolescentis, qui vocabátur Saulus : et lapidábant Stéphanum. — Invo-cántem.

#### Lectio vj.

**H**ERI præsépis angústia Christum portávit infán-tem : hódie imménsitas cæli suscepit Stéphanum trium-phántem. Solus descendit Dó-minus, ut multos eleváret : humiliávit se Rex noster, ut suos milites exaltáret. Neces-sárium tamen nobis est, fra-tres, agnóscere quibus armis præcinctus Stéphanus sævi-tiam Judæórum pótuít supe-ráre, ut ita meruísset feliciter triumpháre. Stéphanus ergo, ut nóminis sui corónam meruís-set accipere, caritátem pro armis habébat, et per ipsam ubique vincébat.

R. vj. Stéphanus servus Dei, quem lapidábant Judæi, vidit cælos apértos : vidit, et intro-ivit : \* Beátus homo, cui cæli patébant. V. Cum igitur saxó-rum crepitántium túrbine qua-terétur, inter æthéreos aulæ cæléstis sinus divina ei clá-ritas fulsit. — Beátus homo. Glória. Beátus homo.

#### IN III. NOCTURNO.

Ána. In Dómino Deo suo confisus fortis athléta Stépha-nus, lápidum fórtiter sustinuit

ictus : et idcirco ad montem virtútum transmigrávit victo-riósus.

Ána. Sine mácula beátus Stéphanus ingræssus est Dó-mine in tabernáculum tuum : et quia operátus est justítiam, requiésceat in monte sancto tuo.

Ána. Dómine, virtus et læti-tia rectórum : quóniam tu prævenisti diléctum tibi Sté-phanum dono gratuitæ bene-dictiónis, te primum secútus est morte gloriósæ passiónis : unde cum coróna martyrii dedísti ei vitam in sæculum sæ-culi.

V. Magna est glória ejus in sal-utári tuo. R. Glóriam et ma-gnum decórem impónes super eum.

#### Lectio sancti Evangélii secúndum Matthæum.

#### Lectio vij. Cap. 23.

**I**N illo témpore : Dicébat Iesus Scribis, et Pharisæis : Ecce ego mitto ad vos prophé-tas, et sapiéntes, et scri-bas, et ex illis occidétis, et crucifigétis, et ex eis flagellábi-tis in synagógis vestris. Et réliqua.

#### Homilia sancti Hierónymi Presbyteri.

(Lib. 4. Comm. in c. 23. Matth.)

**O**BSERVA, juxta Apóstolum scribéntem ad Corinthios, vária esse dona discipulórum Christi : álios prophé-tas, qui ventúra prædicent : álios sa-piéntes, qui novérunt quando débeant proférre sermónem : álios scribas in lege doctíssi-mos : ex quibus lapidátus est Stéphanus, Paulus occisus, crucifixus Petrus, flagelláti in Actibus Apostolórum discipuli.

Quærimus, quis sit iste Zacharias filius Barachîæ : quia multos légimus Zacharias.

R. vij. Impii super justum jacturam fecerunt, ut eum morti tráderent : \* At ille gaudens suscepit lápidés, ut mererétur accipere coronam glóriæ. V. Continuérent aures suas, et impetum fecerunt unanimiter in eum. — At ille gaudens.

Lectio viij.

**I**N diversis diversa legi : et débeo singulorum opiônés pónere. Alii Zachariam filium Barachîæ dicunt, qui in duódecim Prophétis undécimus est, patrísque in eo nomen conséntit : sed ubi occisus sit inter templum et altáre, Scriptúra non lóquitur; máxime cum temporibus ejus vix ruínæ templi fúerint. Alii Zachariam patrem Joánnis intélligi volunt, ex quibúsdam apocryphórum sómniis approbátes, quod proptérea occisus sit, quia Salvatóris prædicáret advéntum.

R. viij. Patefactæ sunt jánuæ cæli Christi Mártyri beáto Stéphano, qui in número Mártyrum invéntus est primus : \* Et ideo triúmphat in cælis coronátus. V. Mortem enim, quam Salvátor dignátus est pro ómnibus pati, hanc ille primus reddidit Salvatóri. — Et ideo.

Lectio ix.

**A**LII istum esse volunt Zachariam, qui occisus est a Joas rege Juda inter templum et altáre, sicut Regum narrat história. Sed observándum quod ille Zacharias non sit filius Barachîæ, sed filius Joiadæ sacerdotís : unde et

Scriptúra refert : Non fuit recordátus Joas patris ejus Joiadæ, quia sibi fecisset bona. Cum ergo et Zachariam teneámus, et occisiónis conséntiat locus : quærimus quare Barachîæ dicitur filius, et non Joiadæ? Barachias lingua nostra Benedíctus Dómini dicitur : et sacerdotís Joiadæ justítia hebræo nómine demonstrátur. In Evangélio quo utúntur Nazaræi, pro filio Barachîæ, filium Joiadæ repérimus scriptum.

R. ix. Sancte Dei pretióse Protomártyr Stéphane, qui virtúte caritátis circumfúltus úndique, Dóminum pro inimico exorásti pópulo : \* Funde preces Pro devóto tibi nunc collégio. V. Ut tuo propitiátus intervéntu, Dóminus nos purgátos a peccátis jungat cæli civibus. — Funde preces. Glória. Pro devóto tibi nunc collégio.

Ante Laudes V. Ora pro nobis beáte Stéphane. R. Ut digni efficiámur promissionibus Christi.

#### AD LAUDES

ET PER HORAS ANTIPHONÆ.

1. Lapidavérunt Stéphánum, et ipse invocábát Dóminum dicens : Ne státuas illis hoc peccátum. Psalmus Dóminus regnávít. cum ceteris, pag. 17.  
2. Lápidés torréntis illi dulces fuérunt : ipsum sequúntur omnes ánimæ justæ.

3. Adhæsít ánimá meá post te : quia caro meá lapidáta est pro te, Deus meus.

4. Stéphánus vidit cælos apértos, vidit, et introívit : beátus homo cui cæli patébant.

5. Ecce video cælos apertos,  
et Jesum stantem a dextris  
Dei.

Capitulum.

Act. 6

**S**TEPHANUS autem plenus  
Sgrátia et fortitúdine, faciéb-  
bat prodígia et signa magna in  
pópulo.

Hymnus.

**M**ARTYR Dei, qui únicum  
Patris sequéndo Fílium,  
Victis triúmphas hóstibus,  
Victor fruens cæléstibus :

Tui precátus múnere  
Nostrum reátum dílué,  
Arcens mali contágium,  
Vitæ repéllens tædium.

SOLUTA sunt jam víncula  
Tui sacráti córporis :  
Nos solve vinclis sæculi,  
Amóre Fílii Dei.

GLORIA tibi Dómine,  
Qui natus es de Virgíne,  
Cum Patre et sancto Spíritu,  
In sempitérna sæcula.

Amen.

Ÿ. Coróna áurea super caput  
ejus. R. Expréssa signo san-  
ctitátis.

Ad Benedictus Aña. Intuens  
in cælum beátus Stéphanus  
vidit glóriam Dei, et ait : Ecce  
video cælos apertos, et Fílium  
hóminis stantem a dextris Dei.

Oratio.

**D**A nobis, quæsumus Dó-  
mine, imitári quod colí-  
mus, ut discámus et inimícos  
díligere : quia ejus natalítia  
celebrámus, qui novit étiam  
pro persecutóribus exoráre :  
Dóminum nostrum Jesum Chri-  
stum Fílium tuum, qui tecum  
vivit...

Memoria de Nativitate :

Aña. Nésciens Mater Virgo  
virum péperit sine dolóre Sal-  
vatórem sæculórum : ipsum  
Regem angelórum sola Virgo  
lactábát úbere de cælo pleno.

Ÿ. Benedictus qui venit in  
nómine Dómini. R. Deus Dó-  
minus, et illúxit nobis.

Oratio.

**C**ONCEDE, quæsumus omni-  
potens Deus : ut nos Uni-  
géniti tui nova per carnem  
Nativitas liberet, quos sub  
peccáti jugo vetústa sérvitus  
tenet. Per eúndem Dóminum.

AD TERTIAM.

Capitulum Stéphanus autem,  
ut in Laudibus.

R. Glória et honóre coronásti  
eum Dómine, \* Allelúia, alle-  
lúia. Glória et honóre. Ÿ. Et  
constituísti eum super ópera  
mánuum tuárum. Allelúia. Gló-  
ria Patri. Glória et honóre.

Ÿ. Posuísti Dómine super  
caput ejus. R. Corónam de  
lápide pretióso.

AD SEXTAM.

Capitulum.

Act. 7.

**C**UM esset Stéphanus plenus  
Spíritu sancto, inténdens  
in cælum, vidit glóriam Dei,  
et Jesum stantem a dextris  
Dei.

R. Posuísti Dómine super  
caput ejus, \* Allelúia, allelúia.  
Posuísti. Ÿ. Corónam de lápide  
pretióso. Allelúia. Glória. Po-  
suísti.

Ÿ. Magna est glória ejus in  
salutári tuo. R. Glóriam et  
magnum decórem impónes  
super eum.



## AD NONAM.

Capitulum. Act. 7.

**P**OSUITIS autem génibus, beátus Stéphanus clamávit voce magna dicens : Dómine ne státuas illis hoc peccátum.

R. Magna est glória ejus in salutári tuo, \* Allelúia, allelúia. Magna est. V. Glóriam et magnum decórem impónes super eum. Allelúia. Glória. Magna est.

V. Coróna áurea super caput ejus. R. Expréssa signo sanctitátis.

## AD II. VESPERAS.

Psalmi et Antiphonæ de Nativitate, pag. 214.

Capitulum Act. 6.

**S**TEPHANUS autem plenus grátia et fortitúdine, faciébat prodígia et signa magna in populo.

Hymnus.

**D**EUS tuórum militum  
Coróna, sors et præmium,  
Laudes canéntes Mártiris  
Absólve nexu críminis.

Hic nempe, mundi gáudia  
Et blandiménta nóxia  
Cadúca rite députans,  
Pervénit ad cæléstia.

PÉNAS cucúrrit fórtiter  
Et sústulit viríliter :  
Pro te profúndens sánguinem  
Ætérna dona pössidet.

OB hoc precátu súplici  
Te pössimus piíssime :  
In hoc triúmpho Mártiris  
Dimítte noxam sérvulis.

GLORIA tibi Dómine  
Qui natus es de Vírgine,  
Cum Patre et sancto Spíritu,  
In sempitérna sæcula. Amen.

V. Glória et honóre coronásti eum Dómine. R. Et constituísti

eum super ópera mánuum tuárum.

Ad Magnificat Aña. O quam gloriósus est beátus Stéphanus Mártir et Levita, qui ante Apóstolos regna cæléstia possidére méruit, et ad Patris dexteram Fílium vidére!

Oratio.

**D**A nobis, quæsumus Dómine, imitári quod cólimus, ut discámus et ininícos diligere : quia ejus natalítia celebrámus, qui novit étiam pro persecutóribus exoráre : Dóminum nostrum Jesum Christum Fílium tuum, qui tecum vivit....

## PER OCTAVAM S. STEPHANI.

De S. Stephano fiat quotidie Memoria in Laudibus et Vesperis, ut fusius suis locis notatum est.

DIE XXVII. DECEMBERIS.

S. JOANNIS

APOSTOLI ET EVANGELISTÆ.

TOTUM DUPLEX.

IN I. VESPERIS.

Ad Memoriam Aña. Valde honorándus est beátus Joánnes, qui supra pectus Dómini in cena recúbuit.

V. In omnem terram exívit sonus eórum. R. Et in fines orbis terræ verba eórum.

Oratio.

**E**CCELESIAM tuam Dómine benignus illústra : ut beátí Joánnis Apóstoli tui et Evangelistæ illumináta doctrínis, ad dona pervéniant sempitérna. Per Christum.

## Memoria de Nativitate :

Añã. Gaudeãmus omnes fideles, Salvator noster natus est in mundo : hodie processit proles magnifici germinis, et perseverat pudor virginitatis.

¶ Tamquam sponsus. R. Dominus procedens de thalamo suo.

Oratio.

**C**ONCEDE, quæsumus omnipotens Deus : ut nos Unigeniti tui nova per carnem Nativitas liberet, quos sub peccati iugo vetusta servitus tenet. Per eundem Dominum.

## AD MATUTINUM.

Invitatorium. Adorẽmus regem Apostolorum : \* Qui privilegio amoris Joannem dilexit Apostolum.

## Hymnus.

**E**XSULTET cælum laudibus,  
Resulter terra gaudiis :  
Apostolorum gloriã  
Sacra canunt solèmnia.

Vos sæcli justi iudices  
Et vera mundi lùmina  
Votis precãmur còrdium,  
Audite preces supplicum.

Qui cælum verbo clauditis,  
Serãsq; ejus solvitis,  
Nos a peccãtis omnibus  
Solvite jussu, quæsumus.

**Q**UORUM præcepto subditur  
Salus, et languor omnium,  
Sanãte ægros moribus,  
Nos reddentes virtutibus.

Ut cum Judex advenerit  
Christus in fine sæculi,  
Nos sempiterni gaudii  
Faciãt esse còmpotes.

**G**LORIA tibi Dòmine,  
Qui natus es de Virgine,  
Cum Patre et sancto Spĩritu,  
In sempiterna sæcula. Amen.

## IN I. NOCTURNO.

Añã. Joãnes, Apóstolus et Evangelista, virgo est electus a Dòmino, atque inter ceteros magis dilectus. Psalmi de Comuni Apostolorum, pag. 27\*. et sequentibus.

Añã. Supra pectus Dòmini Jesu recumbens, Evangelii fluẽta de ipso sacro Dominici pectoris fonte potãvit.

Añã. Quasi unus de Paradisi fluminibus, Evangelista Joãnes verbi Dei grãtiam in toto terrarum orbe diffudit.

¶ In omnem terram exivit sonus eorum. R. Et in fines orbis terræ verba eorum.

Incipit Epistola prima beati Joãnis Apóstoli.

## Lectio j.

## Cap. i.

**Q**UOD fuit ab initio, quod audivimus, quod vidimus oculis nostris, quod perspeximus, et manus nostræ contractaverunt de verbo vitæ : et vita manifestata est, et vidimus, et testamur, et annuntiamus vobis vitam æternam, quæ erat apud Patrem, et apparuit nobis : quod vidimus et audivimus, annuntiamus vobis, ut et vos societatem habeatis nobiscum, et societas nostra sit cum Patre, et cum Filio ejus Jesu Christo.

R. j. Valde honorandus est beatus Joãnes, qui supra pectus Dòmini in cena recubuit : \* Cui Christus in cruce Matrem virginem virgini commendavit. ¶ Virgo est electus a Dòmino, atque inter ceteros magis dilectus. — Cui Christus.

## Lectio ij.

**E**t hæc scribimus vobis ut gaudeátis, et gaudium vestrum sit plenum. Et hæc est annuntiatio, quam audivimus ab eo, et annuntiámus vobis : Quóniam Deus lux est, et ténébræ in eo non sunt ullæ. Si dixerimus quóniam societatem habémus cum eo, et in ténébris ambulámus, mentimur, et veritatem non fácimus. Si autem in luce ambulámus sicut et ipse est in luce, societatem habémus ad invicem, et sanguis Jesu Christi, Filii ejus, emúndat nos ab omni peccato.

R. ij. Hic est discipulus ille, qui testimónium pérhibet de his, et scripsit hæc : \* Et scimus, quia verum est testimónium ejus. V. Fluénta Evangelíi de ipso sacro Dominici pectoris fonte potávit. — Et scimus quia verum est.

## Lectio iij.

**S**i dixerimus quóniam peccatum non habémus, ipsi nos sedúcimus, et veritas in nobis non est. Si confiteámur peccata nostra : fidélis est, et justus, ut remittat nobis peccata nostra, et emúndet nos ab omni iniquitate. Si dixerimus quóniam non peccávimus : mendacem fácimus eum, et verbum ejus non est in nobis.

R. iij. Hic est beatíssimus Evangelísta et Apóstolus Joánes, \* Qui privilégio amoris præcipui, céteris áltius A Dómino mérui honorári. V. Hic est discipulus ille, quem diligébat Jesus : qui supra pectus Dómini in cena recúbuit. — Qui privilégio amoris præcipui. Glória. A Dómino mérui honorári.

## IN II. NOCTURNO.

Aña. In fervéntis olei dólium missus Joánes Apóstolus, divina se protegénte grátia, illæsus exivit.

Aña. Propter insuperábilem evangelizándi constantiam exsilio relegátus, divinæ visionis et allocutiónis mérui crebra consolatióne relevári.

Aña. Occúrrit beáto Joánni, ab exsilio reverténti, omnis pópulus virórum ac mulierum, clamántium et dicéntium : Benedictus qui venit in nómine Dómini.

V. Constitues eos príncipes super omnem terram. R. Mémoires erunt nóminis tui Dómine.

Ex libro sancti Hierónymi  
Presbyteri de Scriptóribus  
ecclesiásticos.

## Lectio iv.

**J**OANNES Apóstolus, quem Jesus amávit plúrimum, filius Zebedæi, frater Jacóbi Apóstoli, quem Heródes post Passiõem Dómini decollávit, novíssimus ómnium scripsit Evangelíum, rogátus ab Asiæ Episcopis, advérsus Cerínthum, aliósque hæréticos, et máxime tunc Ebionitárum dogma consúrgens, qui ásserunt Christum ante Mariam non fuisse : unde et compúlsus est divínam ejus nativitatem edicere.

R. iv. Qui vicerit, fáciam illum columnam in templo meo, dicit Dóminus : \* Et scribam super eum nomen novum, et nomen civitátis novæ Jerúsalem. V. Vincénti dabo édere de ligno vitæ, quod est in Paradíso Dei mei. — Et scribam.



## Lectio v.

**Q**UARTODECIMO autem anno, secundam post Nerónem persecutióem movénte Domitiáno, in Patmos insulam relegátus, scripsit Apocalypsim, quam interpretátur Justinus Martyr, et Irenæus. Interfécito autem Domitiáno, et actis ejus ob nimiam crudelitátem a senátu rescíssis, sub Nerva principe rédiit Ephesum : ibique usque ad Trajánum principem perseverans, totas Asiæ fundávit rexitque Ecclesiás. Et confécitus sénio, sexagésimo octávo post Passióem Dómini anno mórtuus, juxta eámdem urbem sepúltus est.

R. v. Diligébat autem eum Jesus, quóniam speciális prærogativa castitátis amplióri dilectiône fécerat dignum : \* Quia virgo eléctus ab ipso, virgo in ævum permánsit. ¶. In cruce dénique moritúrus, huic Matrem virginem vírgini commendávit. — Quia virgo eléctus ab ipso.

(Ex Comment. ejusdem in Epist. ad Galatas, lib. 3. c. 6.)

## Lectio vj.

**B**EATUS Joannes Evangelista, cum Ephesi morarétur usque ad últimam senectútem, et vix inter discipulorum manus ad ecclesiám deferrétur, nec posset in plura verba vocem contéxere, nihil áliud per singulas solébat proférre colléctas, nisi hoc : Filiioli diligite alterútrum. Tandem discipuli et fratres, qui áderant, tædio affecti quod eádem semper audirent, dixerunt : Magister, quare hoc semper lóqueris? Qui respóndit dignam Joanne

senténtiam : Quia præcéptum Dómini est : et si solum fiat, súfficit.

R. vj. Iste est Joannes, qui supra pectus Dómini in cena recúbuit : \* Beátus Apóstolus, cui reveláta sunt secréta cælestia. ¶. Iste est Joannes, cui Christus in cruce Matrem virginem vírgini commendávit. — Beátus Apóstolus. Glória. Beátus Apóstolus.

## IN III. NOCTURNO.

Aña. Appáruit caro suo Joánni Dóminus Jesus Christus cum discipulis suis, et ait illi : Veni dilécte mi ad me, quia tempus est ut epuléris in convivio meo cum fratribus tuis.

Aña. Expándens manus suas ad Deum dixit : Invitátus ad convivium tuum vénio, grátias agens, quia me dignátus es, Dómine Jesu Christe, ad tuas épulas invitáre : sciens quod ex toto corde meo desiderábam te.

Aña. Dómine súscipe me, ut cum fratribus meis sim, cum quibus véniens invitásti me : áperi mihi jánuam vitæ, et perduc me ad convivium epulárum tuárum : tu enim es Christus Fílius Dei vivi, qui præcépto Patris mundum salvásti : tibi grátias referimus per infinita sæculórum sæcula. ¶. Nimis honoráti sunt amici tui Deus. R. Nimis confortátus est principátus eórum.

Lectio sancti Evangélii secundum Joánnem.

## Lectio vij.

Cap. 21.

**I**N illo témpore : Dixit Jesus Petro : Séquere me. Convérsus Petrus vidit illum discipulum, quem diligébat Jesus, sequéntem. Et reliqua.

Homilia sancti Augustini  
Episcopi.

(Tract. 124. in Joan.  
post medium.)

**D**UAS vitas sibi divinitus  
prædicatas et commen-  
datas novit Ecclesia : quarum  
una est in fide, altera in spe-  
cie : una in tempore peregrina-  
tionis, altera in æternitate  
mansionis : una in labore, al-  
tera in requie : una in via,  
altera in patria : una in opere  
actionis, altera in mercede con-  
templationis. Una declinat a  
malo, et facit bonum : altera  
nullum habet, a quo declinet,  
malum ; et magnum habet, quo  
perfruatur, bonum. Una cum  
hoste pugnat, altera sine hoste  
regnat.

R. vij. In illa die suscipiam  
te servum meum : et ponam te  
sicut signaculum in conspectu  
meo : \* Quoniam ego elegi te,  
dicit Dominus. V. Esto fidelis  
usque ad mortem, et dabo tibi  
coronam vitæ. — Quoniam  
ego elegi te, dicit Dominus.

Lectio viij.

**U**NA subvenit indigenti : al-  
tera ibi est, ubi nullum  
invenit indigentem. Una ali-  
ena peccata, ut sua sibi igno-  
scantur, ignoscit : altera nec  
patitur quod ignoscat, nec facit  
quod sibi poscat ignosci. Una  
flagellatur malis, ne ex-  
tollatur in bonis : altera tanta  
plenitudine gratiæ caret omni  
malo, ut sine ulla tentatione  
superbiæ cohareat summo  
bono.

R. viij. Cibavit illum Domi-  
nus pane vitæ et intellectus, et  
aqua sapientiæ salutæ pota-  
vit eum : \* Et exaltavit eum

apud próximos suos. V. In  
medio ecclesiæ aperuit os ejus,  
et implevit eum spiritu sapien-  
tiæ et intellectus. — Et exal-  
tavit eum.

Lectio ix.

**E**RGO una bona est, sed  
adhuc misera : altera me-  
lior, et beata. Ista significata  
est per Apostolum Petrum,  
illa per Joannem. Tota hic  
agitur ista usque in hujus sæ-  
culi finem, et illic invenit  
finem : differtur illa complenda  
post hujus sæculi finem, sed  
in futuro sæculo non habet  
finem. Ideo dicitur huic : Sé-  
quere me. De illo autem : Sic  
eum volo manere donec vé-  
niam, quid ad te ? tu me séque-  
re. Quid enim est hoc ? Quan-  
tum sapió, quantum capio,  
quid est hoc ? nisi, Tu me sé-  
quere per imitationem, perfe-  
rendo temporalia mala : ille  
maneant, donec sempiterna vé-  
nio redditurus bona.

R. ix. In medio ecclesiæ ape-  
ruit os ejus, \* Et implevit eum  
Dominus spiritu sapientiæ et  
intellectus. V. Jucunditatem  
et exultationem thesaurizavit  
super eum. — Et implevit eum.  
Gloria. Et implevit eum.

Ante Laudes V. Valde hono-  
randus est beatus Joannes.  
R. Qui supra pectus Domini  
in cena recubuit.

AD LAUDES

ET PER HORAS ANTIPHONÆ.

1. Hic est discipulus ille, qui  
testimonium perhibet de his,  
et scimus quia verum est testi-  
monium ejus. Psalmus Domi-  
nus regnavit. cum ceteris,  
pag. 17.

2. Hic est discipulus meus : sic eum volo manere donec veniam.

3. Ecce puer meus electus, quem elegi : posui super eum spiritum meum.

4. Sunt de hic stantibus, qui non gustabunt mortem, donec videant Filium hominis in regno suo.

5. Sic eum volo manere donec veniam : tu me sequere.

Capitulum. Eccli. 15.

**Q**UI timet Deum faciet bona : et qui continens est justitiæ apprehendet illam, et obviabit illi quasi mater honorificata.

Hymnus.

**A**ETERNA Christi munera  
Apostolorum gloriam,  
Laudes ferentes debitas,  
Laetis canamus mentibus.

ECCLESIARUM principes,  
Belli triumphales duces,  
Caelæstis aulae milites,  
Et vera mundi lumina.

DEVOTA sanctorum fides,  
Invicta spes credentium,  
Perfecta Christi caritas  
Mundi triumphat principem.

In his paterna gloria,  
In his voluntas Spiritus,  
Exsultat in his Filius,  
Caelum repletur gaudiis.

GLORIA tibi Domine,  
Qui natus es de Virgine,  
Cum Patre et sancto Spiritu,  
In sempiterna saecula. Amen.

¶ Annuntiaverunt opera Dei.  
R. Et facta ejus intellexerunt.

Ad Benedictus. Aña. Iste est  
Joannes, qui supra pectus Do-  
mini in cena recubuit : beatus  
Apostolus, cui revelata sunt  
secreta caelestia.

Oratio.

**E**CCELSIAM tuam Domine  
benignus illustra : ut beati  
Joannis Apostoli tui et Evan-  
gelistæ illuminata doctrinis,  
ad dona perveniat sempiterna.  
Per Dominum.

Memoria de Nativitate :

Aña. Nesciens Mater Virgo  
virum peperit sine dolore Sal-  
vatorem saeculorum : ipsum  
Regem angelorum sola Virgo  
lactabat ubere de caelo pleno.  
¶ Benedictus qui venit in  
nomine Domini. R. Deus Do-  
minus, et illuxit nobis.

Oratio.

**C**ONCEDE, quaesumus omni-  
potens Deus : ut nos Uni-  
geniti tui nova per carnem  
Nativitas liberet, quos sub  
peccati iugo vetusta servitus  
tenet. Per eundem Christum.

Memoria de S. Stephano :

Aña. Ecce video caelos aper-  
tos, et Jesum stantem a dextris  
Dei.

¶ Coróna aurea super caput  
ejus. R. Expressa signo sancti-  
tatis.

Oratio.

**D**A nobis, quaesumus Do-  
mine, imitari quod colimus,  
ut discamus et inimicos  
diligere : quia ejus natalitia  
celebramus, qui novit etiam  
pro persecutoribus exorare :  
Dominum nostrum Jesum Chri-  
stum Filium tuum, qui tecum  
vivit...

AD TERTIAM.

Capitulum. Eccli. 15.

**Q**UI timet Deum faciet bona :  
et qui continens est justitiæ  
apprehendet illam, et ob-  
viabit illi quasi mater honori-  
ficata.



R. In omnem terram exivit sonus eorum, \* Allelúia, allelúia. In omnem terram. V. Et in fines orbis terræ verba eorum. Allelúia. Gloria. In omnem terram.

V. Constitues eos principes super omnem terram. R. Mémores erunt nómínis tui Dómine. Oratio.

**E**CCELSIAM tuam Dómine benígnus illústra : ut beáti Joánnis Apóstoli tui et Evangelístæ illumináta doctrínis, ad dona pervéníat sempitérna. Per Dóminum.

## AD SEXTAM.

Capitulum. Eccli. 15.

**C**REAVIT illum Dóminus panem vitæ et intelléctus, et aqua sapiéntiæ salutáris potávit illum.

R. Constitues eos principes super omnem terram, \* Allelúia, allelúia. Constitues eos. V. Mémores erunt nómínis tui Dómine. Allelúia. Glória. Constitues eos.

V. Nimis honoráti sunt amici tui Deus. R. Nimis confortátus est principátus eorum.

Oratio Ecclesiám tuam., ut ad Tertiam.

## AD NONAM.

Capitulum. Eccli. 15.

**I**N médio ecclesiæ aperuit os ejus, et implévit eum Dóminus spiritu sapiéntiæ et intelléctus, et stolam glóriæ induit eum.

R. Nimis honoráti sunt amici tui Deus, \* Allelúia, allelúia. Nimis honoráti sunt. V. Nimis confortátus est principátus eorum. Allelúia. Glória. Nimis honoráti sunt.

V. Annuntiavérunt ópera Dei. R. Et facta ejus intellexérunt. Oratio Ecclesiám tuam., ut ad Tertiam.

## AD II. VESPERAS.

Psalmi et Antiphonæ de Nativitate, pag. 214.

Capitulum. Eccli. 15.

**Q**UI timet Deum faciet bonam : et qui cóntinens est justitiæ apprehéndet illam, et obviábit illi quasi mater honorificáta.

Hymnus.

**E**XSULTET cælum láudibus, Resúltet terra gáudiis : Apostolorum glóriam Sacra canunt solémnia.

Vos sæcli justí iudices  
Et vera mundi lúmina  
Votis precámur córdium,  
Audíte preces supplicum.

QUI cælum verbo cláuditis,  
Serásque ejus sólvitis,  
Nos a peccátis ómnibus  
Sólvite jussu, quæsumus.

QUORUM præcépto súbditur  
Salus, et languor ómnium,  
Sanáte ægros móribus,  
Nos reddéntes virtútibus.

UT cum Iudex advénerit  
Christus in fine sæculi,  
Nos sempitérni gáudii  
Fáciat esse cómpotes.

GLORIA tibi Dómine,  
Qui natus es de Virgine,  
Cum Patre et sancto Spíritu,  
In sempitérna sæcula. Amen.

V. In omnem terram exivit sonus eorum. R. Et in fines orbis terræ verba eorum.

Ad Magnificat Añá. In médio ecclesiæ aperuit os ejus, et implévit eum Dóminus spiritu sapiéntiæ et intelléctus, stoláque glóriæ induit eum, allelúia, allelúia, allelúia.

## Oratio.

**E**CCELESIAM tuam Dómine benignus illústra : ut beáti Joánnis Apóstoli tui et Evangelistæ illumináta doctrinis, ad dona perveniát sempiterna. Per Dóminum.

## PER OCTAVAM S. JOANNIS.

De S. Joanne fiat quotidie Memoria in Laudibus et Vesperis, ut fusius suis locis notatum est.

## DIE XXVIII. DECEMBRIS.

## SS. INNOCENTII

## MARTYRUM. SIMPLEX.

## IN I. VESPERIS.

Ad Memoriam Aña. Ambulábunt mecum in albis, quóniam digni sunt : et non delébo nómína eórum de Libro vitæ.

℣. Lætámini in Dómino, et exsultáte justi. ℞. Et gloriámini omnes recti corde.

## Oratio.

**D**EUS, cujus hodierna die præcónium Innocéntes Mártyres, non loquendo sed moriendo, conféssi sunt : ómnia in nobis vitiorum mala mortificá ; ut fidem tuam, quam lingua nostra loquitur, étiam moribus vita fateátur. Per Christum.

Memoria de Nativitate :

Aña. Gaudeámus omnes fideles, Salvátor noster natus est in mundo : hódie procéssit proles magnifici géminis, et perseverát pudor virginitátis.

℣. Tamquam sponsus. ℞. Dóminus procédens de thalamo suo.

## Oratio.

**C**ONCEDE, quæsumus omnipotens Deus : ut nos Unigéniti tui nova per carnem Nativitas liberet, quos sub

peccáti jugo vetústa sêrvitus tenet. Per eúmdem Christum.

Memoria de S. Stephano :

Aña. Stêphanus vidit cælos apértos, vidit, et introivit : beátus homo, cui cæli patébant.

℣. Glória et honóre coronásti eum Dómine. ℞. Et constitústi eum super ópera mánuum tuárum.

## Oratio.

**D**A nobis, quæsumus Dómine, imitári quod cólimus, ut discámus et inimicos dilígere : quia ejus natalítia celebrámus, qui novit étiam pro persecutóribus exoráre : Dóminum nostrum Jesum Christum Filium tuum, qui tecum vivit...

## AD MATUTINUM.

Invitatorium. Veníte adorémus Regem regum : \* Qui beátis Mártyribus corónam dedit glóriæ.

## Hymnus.

**Q**UÆ vox, quæ póterit lingua retêxere  
Quæ tu Mártyribus múnera præparas?  
Rubrí nam flúido sáanguine,  
láureis  
Ditántur bene fúlgidis.

TE summa Déitas únaque póscimus  
Ut culpas ábluas, nóxia súbtrahas :  
Des pacem fámulis, nos quoque glóriam  
Per cuncta tibi sæcula. Amen.

## IN I. NOCTURNO.

## Psalmus 1.

**B**EATUS vir, qui non abiit in consílio impiórum, & et in via peccatórum non stetit, \* et in cáthedra pestiléntiæ non sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluat : \* et ómnia quaecúmque faciet, prosperabúntur.

Non sic impíi, non sic : \* sed tamquam pulvis, quem prójicit ventus a fácie terræ.

Ideo non resúrgerit impíi in iudicio : \* neque peccatóres in concilio justórum.

Quóniam novit Dóminus viam justórum : \* et iter impiórum peribit.

Añã. Novit Dóminus vias Innocéntium, qui non stetérunt in viis peccatórum.

Psalmus 2.

**Q**UARE fremuérunt gentes, \* et pópuli meditáti sunt inánia?

Astitérunt reges terræ, & et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum : \* et projiciámus a nobis jugum ipsórum.

Qui hábitat in cælis irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* prædicans præcéptum ejus.

Dóminus dixit ad me : \* Fílius meus es tu, ego hódie génuí te.

Póstula a me, et dabo tibi gentes hereditátem tuam, \* et possessiónem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudimini qui iudicátis terram. Servite Dómino in timóre : \* et exsultáte ei cum tremóre.

Apprehéndite disciplinam nequándo irascátur Dóminus, \* et pereátis de via justa.

Cum exáserit in brevi ira ejus, \* beáti omnes, qui confidunt in eo.

Añã. Rex terræ infrémuit advérsus Christum : quia Rex in Sion constitútus super Innocéntium míllia regnat.

Psalmus 7.

**D**OMINE Deus meus in te sperávi : \* salvum me fac ex ómnibus persequéntibus me, et libera me.

Nequándo rápiat ut leo animam meam, \* dum non est qui rédimat, neque qui salvum faciat.

Dómine Deus meus, si feci istud, \* si est iniquitas in má nibus meis :

Si réddidi retribuéntibus mihi mala, \* decídám mérito ab inimicis meis inánis.

Persequátur inimicus animam meam, et comprehéndat, & et concúlcet in terra vitam meam, \* et glóriam meam in pulverem dedúcat.

Exsúrge Dómine in ira tua : \* et exaltáre in finibus inimicórum meórum.

Et exsúrge Dómine Deus meus in præcépto quod man-



dasti : \* et synagoga populorum circumdabit te.

Et propter hanc in altum regredere : \* Dominus iudicat populos.

Judica me Domine secundum justitiam meam, \* et secundum innocentiam meam super me.

Consumetur nequitia peccatorum, et diriges justum, \* scrutans corda et renes Deus.

Justum adiutorium meum a Domino, \* qui salvos facit rectos corde.

Deus iudex justus, fortis, et patiens : \* numquid irascitur per singulos dies?

Nisi conversi fueritis, gladium suum vibrabit : \* arcum suum tetendit, et paravit illum.

Et in eo paravit vasa mortis, \* sagittas suas ardentibus effecit.

Ecce parturit iniquitatem : \* concepit dolorem, et peperit iniquitatem.

Lacum aperuit, et effodit eum : \* et incidit in foveam, quam fecit.

Convertetur dolor ejus in caput ejus : \* et in verticem ipsius iniquitas ejus descendet.

Confitebor Domino secundum justitiam ejus : \* et psallam nomini Domini altissimi.

Añs. Deus iudex justus, judica nos secundum innocentiam nostram.

¶ Lætamini in Domino, et exultate justi. R. Et gloriimini omnes recti corde.

De Jeremia Propheta.

Lectio j. Cap. 31.

**H**ÆC dicit Dominus : Vox in excelsis audita est lamentationis, luctus, et fletus Rachel plorantis filios suos, et nolentis consolari super eis,

quia non sunt. Hæc dicit Dominus : Quiescat vox tua a ploratu, et oculi tui a lacrimis : quia est merces operi tuo, ait Dominus : et revertentur de terra inimici. Et est spes novissimis tuis, ait Dominus : et revertentur filii ad terminos suos. Hæc dicit Dominus Deus : Convertimini ad me, et salvi eritis.

R. j. Sub altare Dei audivi voces occisorum dicentium : Quare non defendis sanguinem nostrum? Et acceperunt divinum responsum : \* Adhuc sustinete modicum tempus, donec impleatur numerus fratrum vestrorum. ¶. Et date sunt illis singula stolæ albæ : et dictum est illis. — Adhuc sustinete.

Lectio ij.

**A**UDIENS audivi Ephraim transmigrantem : Castigasti me, et eruditus sum, quasi juvenculus indomitus. Converterte me, et convertar : quia tu Dominus Deus meus. Postquam enim convertisti me, egi penitentiam : et postquam ostendisti mihi, percussim femur meum. Confusus sum, et erubui, quoniam sustinui opprobrium adolescentiæ meæ. Si filius honorabilis mihi Ephraim, si puer delicatus : quia ex quo locutus sum de eo, adhuc recordabor ejus. Hæc dicit Dominus Deus : Convertimini ad me, et salvi eritis.

R. ij. Effuderunt sanguinem Sanctorum velut aquam in circuitu Jerusalem : \* Et non erat qui sepeliret. ¶. Vindica Domine sanguinem Sanctorum tuorum, qui effusus est. — Et non erat qui sepeliret.

## Lectio iij.

**S**TATUE tibi spéculam, pone tibi amaritudines : dirige cor tuum in viam rectam, in qua ambulásti : revértere virgo Israel, revértere ad civitates tuas istas. Usquequo deliciis dissolvéris filia vaga? Quia creávit Dóminus novum super terram : Fémina circúmdabit virum. Hæc dicit Dóminus exercituum, Deus Israel. Adhuc dicent verbum istud in terra Juda, et in úrbibus ejus, cum convértero captivitatem eórum : Benedicat tibi Dóminus pulchritúdo justitiæ, mons sanctus. Hæc dicit Dóminus Deus : Convertimini ad me, et salví éritis.

R. iij. Adoravérunt vivéntem in sæcula sæculórum, \* Mit-téntes corónas suas ante thronum Dómini Dei sui. V. Et cecidérunt in conspéctu throni in fácies suas : et benedixérunt vivéntem in sæcula. — Mit-téntes corónas suas. Glória. Mitténtes corónas suas.

## IN II. NOCTURNO.

## Psalmus 8.

**D**OMINE Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Añs. Ex ore infántium, Deus, et lacténtium laude perfectá destrúis inimicum.

## Psalmus 10.

**I**N Dómino confido : quómodo dicitis animæ meæ : \* Tránsmigra in montem sicut passer?

Quóniam ecce peccatóres intendérunt arcum, & paravérunt sagittas suas in pháretra, \* ut sagittent in obscúro rectos corde.

Quóniam quæ perfecisti, destruxérunt : \* justus autem quid fecit?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpabræ ejus interrogant filios hóminum.

Dóminus interrogat justum et ímpium : \* qui autem diligit iniquitatem, odit animam suam.

Pluet super peccatóres láqueos : \* ignis, et sulphur, et spiritus procellárum pars cálicis eórum.

Quóniam justus Dóminus et justitias diléxit : \* aequitatem vidit vultus ejus.

Añā. Judicabit Dóminus pupillum et viduam, et pluet super peccatores láqueos ignis.

Psalmus 14.

**D**OMINE quis habitabit in tabernáculo tuo? \* aut quis requiescet in monte sancto tuo?

Qui ingreditur sine mácula, \* et operatur justitiam :

Qui loquitur veritatem in corde suo, \* qui non egit dolum in lingua sua :

Nec fecit próximo suo malum, \* et opprobrium non accepit adversus próximos suos.

Ad nihilum deductus est in conspectu ejus malignus : \* timéntes autem Dóminum glorificat :

Qui jurat próximo suo, et non decipit, \* qui pecuniam suam non dedit ad usuram, \* et múnera super innocentem non accepit.

Qui facit hæc, \* non movébitur in ætérnum.

Añā. Mortis usúras rex impius exégit super Innocéntes : sed illi requiescunt in monte sancto Dei : malignus ad nihilum est deductus.

Ÿ. Exsúltent justi in conspectu Dei. R̃. Et delecténtur in lætitia.

Sermo sancti Augustíni  
Episcopi.

(Serm. 10. de Sanct. in  
Append. 72.)

Lectio iv.

**H**ODIE, fratres caríssimi, natálem illórum infántium cólimus, quos ab Heróde crudelíssimo rege interféctos esse Evangélii textus eloquitur. Et

ideo cum summa exsultatione gaudeat terra nostra, cælestium militum et tantarum parens fecunda virtutum. Ecce profanus hostis nunquam beatis párvulis tantum prodesse potuisset obséquio, quantum profuit odio. Nam, sicut sacratissimum præsentis dié festum manifestat, quantum contra beátos párvulos iniquitas abundavit, tantum in eis grátia benedictionis effulsit. Tu autem.

R̃. iv. Isti sunt Sancti, qui passi sunt propter te, Dómine : vindica eos, \* Quia clamant ad te quotidie. Ÿ. Vindica Dómine sánguinem Sanctórum tuórum, qui effusus est. — Quia clamant ad te quotidie.

Lectio v.

**D**IGNE tamen natálem illórum cólimus, quos beátius ætérnæ vitæ mundus édedit, quam quos maternórum viscerum partus effudit. Siquidem ante vitæ perpétuæ adépti sunt dignitatem, quam usum præsentis accéperint. Aliórum quidem pretiósá mors Mátyrum laudem in confessione promérui : horum in consummatione compláuit. Quia in incipientis vitæ primórdiis, ipse eis occásus initium glóriæ dedit, qui præsentis términum impósuit.

R̃. v. Cantábant Sancti cánticum novum ante sedem Dei et Agni : \* Et resonábat terra in voces eórum. Ÿ. Sub throno Dei Sancti clamant : Vindica sánguinem nostrum, Deus noster. — Et resonábat terra in voces eórum.



(Idem, Serm. 9. de Sanct.)

Lectio vj.

QUAM beāta aetas, quæ necdum Christum potest loqui, et jam pro Christo meretur occidi! Nondum opportuna vulnere, et jam idonea passioni! Quam feliciter nati, quibus in primo nascendi limine, æterna vita obviam venit! Incurrunt quidem, inter ipsa primordia acceptæ lucis, periculum et finem salutis : sed de ipso protinus sine capiunt principia æternitatis. Immaturo quidem videntur ad mortem : sed feliciter moriuntur ad vitam.

R. vj. Isti sunt Sancti, qui non inquinaverunt vestimenta sua : \* Ambulabunt mecum in albis, Quia digni sunt. V. Hi sunt, qui cum mulieribus non sunt coinquinati : virgines enim sunt. — Ambulabunt mecum. Glória. Quia digni sunt.

## IN III. NOCTURNO.

Psalmus 23.

DOMINI est terra, et plentudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, \* qui non accepit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Hæc est generatio querentium eum, \* querentium faciem Dei Jacob.

Attollite portas principes vestras, \* et elevamini portæ æternales : \* et introibit rex gloriæ.

Quis est iste rex gloriæ? \* Dominus fortis et potens : Dominus potens in prælio.

Attollite portas principes vestras, \* et elevamini portæ æternales : \* et introibit rex gloriæ.

Quis est iste rex gloriæ? \* Dominus virtutum ipse est rex gloriæ.

Añ. Quis ascendet, aut quis stabit in loco sancto Dei? Innocens manibus et mundo corde.

## Psalmus 24.

AD te Domine levavi animam meam : \* Deus meus in te confido, non erubescam : Neque irideant me inimici mei : \* etenim universi, qui sustinent te, non confundentur.

Confundantur omnes iniqua agentes \* supervacue.

Vias tuas Domine demonstra mihi : \* et semitas tuas edoce me.

Dirige me in veritate tua, et doce me : \* quia tu es Deus salvator meus, et te sustinui tota die.

Reminiscere miserationum tuarum Domine, \* et misericordiarum tuarum, quæ a sæculo sunt.

Delicta juventutis meæ, \* et ignorantias meas ne memineris.

Secundum misericordiam tuam memento mei tu : \* propter bonitatem tuam Domine.

Dulcis et rectus Dominus : \* propter hoc legem dabit delinquentibus in via.

Diriget mansuetos in iudicio : \* docebit mites vias suas. Universæ viæ Domini, misericordia et veritas, \* requiréntibus testamentum ejus et testimonia ejus.

Propter nomen tuum Domine propitiaberis peccato meo : \* multum est enim.

Quis est homo qui timet Dominum? \* legem statuit ei in via, quam elegit.

Anima ejus in bonis demorabitur : \* et semen ejus hereditabit terram.

Firmamentum est Dominus timéntibus eum : \* et testamentum ipsius ut manifestetur illis.

Oculi mei semper ad Dominum : \* quoniam ipse evellat de laqueo pedes meos.

Réspice in me, et miserere mei : \* quia unicus et pauper sum ego.

Tribulationes cordis mei multiplicatæ sunt : \* de necessitatibus meis erue me.

Vide humilitatem meam, et laborem meum : \* et dimitte universa delicta mea.

Réspice inimicos meos quoniam multiplicati sunt, \* et odio iniquo odérunt me.

Custodi animam meam, et erue me : \* non erubescam quoniam speravi in te.

Innocentes et recti adhæserunt mihi : \* quia sustinui te.

Libera Deus Israel, \* ex omnibus tribulationibus suis.

Añã. Innocentes adhæserunt mihi, quorum pedes avulsi sunt a laqueo mortis.

Psalmus 71.

**D**EUS iudicium tuum regida : \* et justitiam tuam filio regis :

Judicare populum tuum in justitia, \* et pauperes tuos in iudicio.

Suscipiant montes pacem populo : \* et colles justitiam.

Judicabit pauperes populi, & et salvos faciet filios pauperum : \* et humiliabit calumniatorem.

Et permanebit cum sole, et ante lunam, \* in generatione et generationem.

Descendet sicut pluvia in vellus : \* et sicut stillicidia stillantia super terram.

Orietur in diebus ejus justitia et abundantia pacis : \* donec auferatur luna.

Et dominabitur a mari usque ad mare : \* et a flumine usque ad terminos orbis terrarum.

Coram illo pròcident Æthiopes : \* et inimici ejus terram lingent.

Reges Tharsis, et insulæ muneræ offerent : \* reges Arabum, et Saba dona adducent :

Et adorabunt eum omnes reges terræ : \* omnes gentes servient ei :

Quia liberabit pauperem a potente : \* et pauperem, cui non erat adjutor.

Parcet pauperi et inopi : \* et animas pauperum salvas faciet.

Ex usuris et iniquitate redimet animas eorum : \* et honorabile nomen eorum coram illo.

Et vivet, et dabitur ei de auro Arabiæ, & et adorabunt de ipso semper : \* tota die benedicent ei.

Et erit firmamentum in terra in summis montium, & superextolletur super Libanum fructus ejus : \* et florébunt de civitate sicut fcenum terræ.

Sit nomen ejus benedictum in sæcula : \* ante solem permanet nomen ejus.

Et benedicentur in ipso omnes tribus terræ : \* omnes gentes magnificabunt eum.

Benedictus Dóminus Deus Israel, \* qui facit mirabilia solus :

Et benedictum nomen majestátis ejus in ætérnum : ⁊ et replébitur majestáte ejus omnis terra : \* fiat, fiat.

Añã. Filio regis datum est judícium, ut salvet innocéntes filios páuperum : et humiliábit Heródem calumniatórem.

℣. Justi autem in perpétuum vivent. ℞. Et apud Dóminum est merces eórum.

Lectio sancti Evangélíi  
secúndum Matthæum.

Lectio vij. Cap. 2.

**I**N illo témpore : Angelus Dómini apparuit in somnis Joseph, dicens : Surge, et accipe Púerum, et Matrem ejus, et fuge in Ægyptum, et esto ibi usque dum dicam tibi. Et reliqua.

Homília sancti Hierónymi  
Fresbyteri.

(Lib. 1. Com. in cap. 2. Matth. et apud Gloss. ord.)

**Q**UANDO tulit Púerum, et Matrem ejus, ut in Ægyptum tránseat, nocte tulit, et in ténebris : quia noctem ignorantíæ his, a quibus ipse recéssit, reliquit incrédulis. Quando vero revértitur in Judæam, nec nox, nec ténebræ in Evangélio ponúntur : quia in fine mundi Judæi fidem, tamquam Christum ab Ægypto reverténtem, suscipiéntes, illuminabúntur.

℞. vij. Vidi sub altáre Dei ánimas interfectórum propter verbum Dei, quod habébant, et clara voce dicébant : Vindica Dómine ságuinem Sanctórum tuórum, \* Qui effusus est. ℣. Sub throno Dei Sancti clamant : Vindica Dómine ságuinem nostrum. — Qui effusus est.

Lectio vij.

**U**T adimplerétur quod dictum est a Dómino per Prophétam dicéntem : Ex Ægypto vocávi filium meum, Respondeant qui hebræórum volúminum dénégant veritátem ubi hoc in Septuaginta legátur intérprétebus. Quod cum non invénierint, nos eis dicémus, in Osée Prophéta scriptum, sicut et exemplária probáre possunt, quæ nuper edidimus.

℞. vij. Sub throno Dei Sancti clamant : \* Vindica ságuinem nostrum Deus noster. ℣. Sub altáre Dei audívi voces occisórum, clamántium, et dicéntium. — Vindica ságuinem nostrum.

Lectio ix.

**T**UNC adimplétum est quod dictum est per Jeremíam prophétam dicéntem : Vox in Rama audita est, plorátus et ululátus multus : Rachel plorans filios suos. De Rachel natus est Bénjamin, in cujus tribu non est Bétlehem. Quæritur ergo quómodo Rachel filios Judæ, id est Bétlehem, quasi suos ploret. Respondébimus bréviter quia sepúlta sit juxta Bétlehem in Ephrata, et ex matérno corpúsculi hospitio matris nomen accéperit.



Sive quóniam Juda et Bénjamin duæ tribus junctæ erant : et Heródes præcéperat non solum in Béthlehem interfici púeros, sed et in ómnibus finibus ejus.

R. ix. Centum quadraginta quátuor millia, qui empti sunt de terra, hi sunt, qui cum mulieribus non sunt coinquinati : virgines enim permanserunt : \* Ideo regnant cum Deo, et Agnus Dei In illis. V. Hi empti sunt ex hominibus primitiæ Deo, et Agno : et in ore ipsorum non est inventum mendacium. — Ideo regnant. Glória. In illis.

Non dicatur Canticum Te Deum., sed repetatur ix. Responsorium Centum quadraginta quátuor millia. usque ad Versum Hi empti sunt., nisi Dominica fuerit.

Ante Laudes V. Exsultabunt Sancti in glória. R. Lætabuntur in cubilibus suis.

#### AD LAUDES

ET PER HORAS ANTIPHONÆ.

1. Heródes irátus occidit multos púeros in Béthlehem Judæ civitate David. Psalmus Dóminus regnavit. cum ceteris, pag. 17.

2. A bimátu et infra occidit multos púeros Heródes propter Dóminum.

3. Vox in Rama audita est, plorátus et ululátus : Rachel plorans filios suos.

4. Sub throno Dei Sancti clamant : Vindica ságuinem nostrum Deus noster.

5. Cantábant Sancti canticum novum ante sedem Dei et Agni : et resonábat terra in voces eórum.

Capitulum.

Apoc. 14.

VIDI supra montem Sion Agnum stantem, et cum eo centum quadraginta quátuor millia habéntes nomen ejus, et nomen Patris ejus scriptum in fróntibus suis.

Hymnus.

CATERVA matrum pèrsonat Collisa deflens pignora, Quorum tyránnus millia Christo sacrávit víctimas.

GLORIA tibi Dómine, Qui natus es de Virgine, Cum Patre et sancto Spirítu, In sempitérna sæcula. Amen. V. Mirábilis Deus. R. In Sanctis suis.

Ad Benedictus Añã. Hi sunt, qui cum mulieribus non sunt coinquinati : virgines enim sunt, et sequúntur Agnum quocúmque ierit. Oratio.

DEUS, cujus hodiérna die præcónium Innocéntes Mártyres, non loquendo sed moriendo, conféssi sunt : ómnia in nobis vitiorum mala mortifica; ut fidem tuam, quam lingua nostra loquitur, étiam moribus vita fateatur. Per.

Memoria de Nativitate :

Añã. Nesciens Mater Virgo virum péperit sine dolore Salvatorem sæculorum : ipsum Regem angelorum sola Virgo lactábat úbere de cælo pleno.

V. Benedictus qui venit in nómine Dómini. R. Deus Dóminus, et illúxit nobis.

Oratio.

CONCEDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti jugo vetusta sèrvitus tenet. Per eúndem Christum.

Memoria de S. Stephano :

Añā. Ecce video cælos apertos, et Jesum stantem a dextris Dei.

℣. Corōna aurea super caput ejus. ℞. Expressa signo sanctitatis.

Oratio.

**D**A nobis, quæsumus Dōmine, imitari quod colimus, ut discāmus et inimicos diligere : quia ejus natalitia celebrāmus, qui novit etiam pro persecutoribus exorare Christum Dōminum nostrum. ℞. Amen.

Memoria de S. Joanne :

Añā. Hic est discipulus ille, qui testimoniūm pēhibet de his, et scimus quia verum est testimoniūm ejus.

℣. Annuntiavērunt ōpera Dei. ℞. Et facta ejus intellexērunt.

Oratio.

**E**CCELSIAM tuam Dōmine benignus illūstra : ut beāti Joānnis Apōstoli tui et Evangelistæ illuminata doctrinis, ad dona pervēniat sempiterna. Per Dōminum.

AD PRIMAM.

℣. Jesu Christe. ℣. Qui natus es de Virgine Mariā.

† Responsoria ad Primam, Tertiam, Sextam et Nonam dicantur absque Allelūia., nisi Dominica fuerit.

AD TERTIAM.

Capitulum. Apoc. 14.

**V**IDI supra montem Sion Agnum stantem, et cum eo centum quadraginta quatuor millia habētes nomen ejus, et nomen Patris ejus scriptum in frōntibus suis.

℞. Lætāmini in Dōmino, \* Et exsultate justi. Lætāmini.

℣. Et gloriāmini omnes recti corde. Et exsultate justi. Glōria. Lætāmini.

℣. Exsultent justi in conspectu Dei. ℞. Et delectentur in lætitia.

Oratio.

**D**EUS, cujus hodierna die præconium Innocētes Mārtires, non loquēdo sed moriēdo, confessi sunt : omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per.

AD SEXTAM.

Capitulum. Apoc. 14.

**H**I sunt, qui cum mulieribus non sunt coinquinati : virgines enim sunt. Hi sequuntur Agnum quocūque ierit.

℞. Exsultent justi \* In conspectu Dei. Exsultent justi. ℣. Et delectentur in lætitia. In conspectu Dei. Glōria. Exsultent justi.

℣. Justi autem in perpetuum vivent. ℞. Et apud Dōminum est merces eorum.

Oratio Deus, cujus hodierna die., ut ad Tertiam.

AD NONAM.

Capitulum. Apoc. 14.

**H**I empti sunt ex hominibus primitiæ Deo, et Agno, et in ore ipsorum non est inventum mendacium.

℞. Justi autem \* In perpetuum vivent. Justi autem. ℣. Et apud Dōminum est merces eorum. In perpetuum vivent. Glōria. Justi autem.

℣. Mirabilis Deus. ℞. In Sanctis suis.

Oratio Deus, cujus hodierna die., ut ad Tertiam.

## AD II. VESPERAS.

Psalmi et Antiphonæ de Nativitate, pag. 214. Capitulum Vidi supra montem., ut ad Tertiam.

Hymnus.

**Q**UÆ vox, quæ poterit lingua retexere  
Quæ tu Martyribus mûnera præparas?

Rubri nam flûido sânguine, læureis

Ditântur bene fûlgidis.

Te summa Dêitas ûnaque pòscimus

Ut culpas àbluas, nòxia sùbtrahas :

Des pacem fâmulis, nos quoque glóriam

Per cuncta tibi sæcula. Amen.

Ÿ. Lætâmini in Dòmino, et exsultâte justi. R̃. Et gloriâmini omnes recti corde.

Ad Magnificat Aña. Innocentes pro Christo infântes occisi sunt : ab iniquo rege lactentes interfécti sunt : ipsum sequúntur Agnum sine mácula, et dicunt semper : Glória tibi Dòmine.

Oratio.

**D**EUS, cujus hodiérna die præcónium Innocentes Mártýres, non loquendo sed moriendo, conféssi sunt : omnia in nobis vitiórum mala mortifica; ut fidem tuam, quam lingua nostra loquitur, étiam moribus vita fateatur. Per.

## IN COMPLETORIO.

R̃. In manus tuas. dicatur cum duplici Allelúia., etiamsi Dominica non fuerit.

## PER OCT. SS. INNOCENTII.

De SS. Innocentibus fiat quotidie Memoria in Laudibus et Vesperis, ut fusius suis locis notatum est.

DIE XXIX. DECEMBERIS.

S. THOMÆ

EPISC. ET MART.

SIMPLEX.

## IN I. VESPERIS.

Ad Memoriam Aña. Hic est vere Martyr, qui pro Christi nómine sânguinem suum fudit : qui minas júdicum non timuit, nec terrénæ dignitátis glóriam quæsivit, sed ad cæléstia regna feliciter pervénit.

Ÿ. Glória et honóre coronásti eum Dòmine. R̃. Et constituísti eum super ópera mánuum tuárum.

Oratio.

**D**EUS, pro cujus Ecclésia gloriósus Póntifex Thomas gládiis impiórum occúbuit : præsta, quæsumus, ut omnes qui ejus implórant auxilium petitionis suæ salutárem consequántur efféctum. Per Christum.

Memoria de Nativitate :

Aña. Gaudeámus omnes fideles, Salvátor noster natus est in mundo : hódie procéssit proles magnifici gérmis, et perseverat pudor virginitátis.

Ÿ. Tamquam sponsus. R̃. Dòminus procédens de thálamo suo.

Oratio.

**C**ONCEDE, quæsumus omnipotens Deus : ut nos Unigéniti tui nova per carnem Nativitas liberet, quos sub peccáti jugo vetústa sêrvitus tenet. Per eúmdem Christum.

Memoria de S. Stephano :

Aña. Stéphanus vidit cælos apértos, vidit, et introivit : beátus homo, cui cæli patébant.

Ÿ. Posuisti Dòmine super caput ejus. R̃. Corónam de lápide pretiósó.



## Oratio.

**D**A nobis, quæsumus Dómine, imitari quod cólimus, ut discamus et inimicos diligere : quia ejus natalitia celebrámus, qui novit étiam pro persecutóribus exoráre Christum Dóminum nostrum. R. Amen.

Memoria de S. Joanne :

Aña. Valde honorándus est beátus Joánnes, qui supra pectus Dómini in cena recubuit.

℟. In omnem terram exivit sonus eórum. R. Et in fines orbis terræ verba eórum.

## Oratio.

**E**CCELESIAM tuam Dómine benignus illústra : ut beáti Joánnis Apóstoli tui et Evangelistæ illumináta doctrinis, ad dona pervéniant sempitérna. Per Dóminum.

## AD MATUTINUM.

Invitatorium. Regem sempiternum venite adoremus, \* Qui Mártirem suum digne pro méritis coronávit in cælis.

## Hymnus.

**D**EUS tuórum militum  
Coróna, sors et præmium,  
Laudes canéntes Mártiris  
Absolve nexu críminis.

Hic nempe, mundi gáudia  
Et blandiménta nóxia  
Cadúca rite députans,  
Pervénit ad cæléstia.

PENAS cucúrrit fórtiter  
Et sústulit viriliter :  
Pro te profundens sánguinem  
Ætérna dona póssidet.

Ob hoc precátu súplici  
Te póscimus piíssime :  
In hoc triúmpho Mártiris  
Dimitte noxam sérvulis.

GLORIA tibi Dómine,  
Qui natus es de Vírgine,

Cum Patre et sancto Spíritu,  
In sempitérna sæcula. Amen.

† In tribus Nocturnis, Psalmi,  
Antiphonæ, ℣℟. et R℟. de  
Communi unius Martyris,  
pagg. 39\*-44\*.

## IN I. NOCTURNO.

De Epístola beáti Pauli  
Apóstoli ad Romános.

Lectio j.

Cap. 6.

**H**UMANUM dico, propter infirmitatem carnis vestræ : sicut enim exhibuistis membra vestra servire immunditiæ, et iniquitati ad iniquitatem, ita nunc exhibete membra vestra servire justitiæ in sanctificationem. Cum enim servi essetis peccati, liberi fuistis justitiæ. Quem ergo fructum habuistis tunc in illis, in quibus nunc erubescitis? Nam finis illórum mors est. Nunc vero liberati a peccato, servi autem facti Deo, habetis fructum vestrum in sanctificationem, finem vero vitam æternam.

Lectio ij.

Cap. 7.

**A**N ignoratis fratres (sciéntibus enim legem loquor) quia lex in hómine dominatur quanto témpore vivit? Nam quæ sub viro est mulier, vivente viro, alligata est legi : si autem mórtuus fuerit vir ejus, soluta est a lege viri. Igitur, vivente viro, vocabitur adultera si fuerit cum alio viro : si autem mórtuus fuerit vir ejus, liberata est a lege viri : ut non sit adultera si fuerit cum alio viro.

Lectio iij.

**I**TAQUE fratres mei et vos mortificati estis legi per corpus Christi : ut sitis altérior

qui ex mortuis resurrexit, ut fructificemus Deo. Cum enim essemus in carne, passiones peccatorum, quæ per legem erant, operabantur in membris nostris, ut fructificarent morti. Nunc autem soluti sumus a lege mortis, in qua detinebamur, ita ut serviamus in novitate spiritus, et non in vetustate litteræ.

## IN II. NOCTURNO.

(Ex probatis Auctoribus vite ejus, et ex Rom. Breviar.)

### Lectio iv.

**T**HOMAS, Londini in Angliā natus, post cancellarii munus præclare gestum, Cantuariensis Episcopus factus, Henrico Secundo Angliæ regi, leges contra Ecclesiæ dignitatem et utilitatem ferre volenti, adeo constanter obstiit, ut neque pollicitationibus, neque terroribus de sententia decedens, proxime conjiciendus in carcerem clam recesserit. Inde propinqui ejus omnis ætatis ejecti, amici, fautores omnes, iis, quibus per ætatem liceret, iurejurando astrictis, universos Thomam adituros, si fortasse miserabili suorum calamitatis aspectu moveretur, qui a sancto proposito privatis incommodis deterreri minime potuisset. Non respexit carnem aut sanguinem, neque ullus in eo humanitatis sensus pastoralis officii constantiam labefactavit.

### Lectio v.

**C**ONTULIT igitur se ad Alexandrum Tertium Pontificem, a quo benigne acceptus est, et monachis Pontiniacensis monasterii Cisterciensis Ordini

commendatus. Ludovicum deinde Galliarum regem ejus invitatum convenit: apud quem tamdiu fuit, quoad Pontifex Maximo et ipso rege agentibus, ab exilio summa totius regni gratulatione revocatur. Sed dum boni pastoris officium securus exsequitur, calumniatorum suavis sæpius rex conqueritur se cum uno sacerdote pacem in suo regno habere non posse. Qua voce confisi nefarii satellites, ut eum interficerent, Cantuariam clam convenerunt, et vespertinas horas in templo persolvētem aggressi sunt.

### Lectio vj.

**C**LERICIS porro templum occludere conantibus, Vir sanctus ostium aperuit: Ecclesiam Dei aiens custodiendam non esse more castrorum. Et flexis genibus, Deo, beatæ Mariæ, sancto Dionysio, ac reliquis ejus Ecclesiæ Patronis illam et seipsum commendans, sacrum caput eadem constantia, qua iniquissimi regis legibus restiterat, impio ferro præcidendum obtulit, anno Domini millésimo centésimo septuagésimo primo. Ejus cerebro respersum est totius templi pavimento. Et multis postea illustrem miraculis prædictus Alexander in Sanctorum numerum retulit.

## IN III. NOCTURNO.

Lectio sancti Evangelii secundum Joannem.

### Lectio vij.

Cap. 10.

**I**n illo tempore: Dixit Jesus Phariseis: Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Joannis  
Chrysostomi.  
(Hom. 59. in Joan.)

**M**AGNUM quiddam, dilectissimi, magnum, inquam, est Ecclesiæ prælatio, et quæ multa indiget sapientia et fortitudine, qualem Christus proposuit : ut animam pro ovibus ponamus, et nunquam illas deseramus, ut lupo generose resistamus. Hæc enim inter pastorem et mercenarium est differentia : Alter propriæ, contemptis ovibus : alter, sua contempta, ovium semper salutimvigilat. Pastoris ergo exemplo demonstrato, deceptores duos meminit : furem mactantem et rapientem oves, et mercenarium permittentem, neque defendentem commissas.

Lectio viij.

**Q**UOD superiori tempore Ezéchiël his verbis insectatus est : Væ pastöribus Israel ! Nonne pascébant semetipsos ? Nonne greges pascúntur a pastöribus ? Sed illi contrárium faciébant, quod máximæ malitiæ genus est, et plurimórum causa malórum. Idcirco inquit : Neque quod abjectum erat reducébant : neque quod perierat quærebant : neque confractum alligábant, neque infirmum consolidábant : quóniam se, non gregem, pascébant. Idem et Paulus aliis verbis significat : Omnes quæ sua sunt quærunt, non quæ Jesu Christi.

Lectio ix.

**V**ERUM ab utrôque se dissidere osténdit Christus : ab illis quidem, qui in aliorum perniciem veniunt, cum dicat

se propterea venisse, ut vitam haberent, et abundantius haberent : ab his autem, qui oves a lupis rapi negligebant, dicendo se propter eas animam ponere, ne oves perirent. Nam cum Judæi ipsum interimere vellent, non propterea destitit a doctrina, neque credentes tradidit, sed perstitit, et pertulit mortem : ideo frequenter inquit : Ego sum pastor bonus.

Ante Laudes X. Ora pro nobis beate Thoma. R. Ut digni efficiamur promissionibus Christi.

#### AD LAUDES

ET PER HORAS ANTIPHONÆ.

1. Qui me confessus fuerit coram hominibus, confitebor et ego eum coram Patre meo. Psalmus Dominus regnavit, cum ceteris, pag. 17.

2. Qui sequitur me non ambulat in tenebris, sed habebit lumen vitæ, dicit Dominus.

3. Si quis mihi ministraverit, honorificabit eum Pater meus, qui est in cælis, dicit Dominus.

4. Qui mihi ministrat me sequatur : et ubi sum ego, illic erit et minister meus.

5. Volo Pater ut ubi ego sum, illic sit et minister meus.

Capitulum.

Jac. i.

**B**EATUS vir, qui suffert tentationem : quóniam cum probatus fuerit, accipiet coronam vitæ, quam repromisit Deus diligentibus se.

Hymnus.

**M**ARTYR Dei, qui unicum Patris sequendo Filium, Victis triumphas hostibus, Victor fruens cælestibus :



Tui precátus múnere  
Nostrum reátum díluē,  
Arcens mali contágium,  
Vitæ repélens tædíum.

SOLUTA sunt jam víncula  
Tui sacráti córporis :  
Nos solve vinctis sæculi,  
Amóre Filii Dei.

GLORIA tibi Dómine,  
Qui natus es de Virgine,  
Cum Patre et sancto Spirítu,  
In sempitérna sæcula.

Amen.

¶ Coróna áurea super caput  
ejus. R. Expréssa signo sancti-  
tátis.

Ad Benedictus Aña. Qui vult  
venire post me ábneget semet-  
ipsum, et tollat crucem suam,  
et sequátur me.

Oratio.

DEUS, pro cujus Ecclesiá glo-  
riósus Póntifex Thomas  
gládiis impiórum occúbuit :  
præsta, quæsumus, ut omnes,  
qui ejus implórant auxílium,  
petitiónis suæ salutárem con-  
sequántur effectum. Per Dó-  
minum.

Memoria de Nativitate :

Aña. Nesciens Mater Virgo  
virum péperit sine dolore Sal-  
vatórem sæculórum : ipsum  
Regem angelórum sola Virgo  
lactábat úbere de cælo pleno.

¶ Benedictus qui venit in  
nómine Dómini. R. Deus Dó-  
minus, et illúxit nobis.

Oratio.

CONCEDE, quæsumus omni-  
potens Deus : ut nos Uni-  
géniti tui nova per carnem  
Nativitas liberet, quos sub  
peccáti iugo vetústa sérvitus  
tenet. Per eúmdem Christum.

Memoria de S. Stephano :

Aña. Ecce vídeo cælos apér-  
tos, et Jesum stantem a dextris  
Dei.

¶ Magna est glória ejus in  
salutári tuo. R. Glóriam et  
magnum decórem impónes su-  
per eum. Oratio.

DA nobis, quæsumus Dó-  
mine, imitári quod cólí-  
mus, ut discámus et inimicos  
diligere : quia ejus natalítia  
celebrámus, qui novit étiam  
pro persecutóribus exoráre  
Christum Dóminum nostrum.  
R. Amen.

Memoria de S. Joanne :

Aña. Hic est discípus ille,  
qui testimónium pérhibet de  
his, et scimus quia verum est  
testimónium ejus.

¶ Annuntiavérunt ópera Dei.  
R. Et facta ejus intellexérunt.

Oratio.

ECCLESIAM tuam Dómine  
benignus illústra : ut beáti  
Joánnis Apóstoli tui et Evan-  
gelistæ illumináta doctrínis, ad  
dona pervéniant sempitérna.  
Per Christum.

Memoria de SS. Innocentibus :

Aña. Heródes irátus occídít  
multos púeros in Bétlehem  
Judæ civitáte David.

¶ Mirábilis Deus. R. In San-  
ctis suis. Oratio.

DEUS, cujus hodiérna die  
præcónium Innocéntes  
Mártýres, non loquendo sed  
moriendo, conféssi sunt : óm-  
nia in nobis vitiórum mala  
mortífica; ut fidem tuam, quam  
lingua nostra lóquitur, étiam  
móribus víta fateátur. Per Dó-  
minum.

## AD TERTIAM.

Capitulum. Beatus vir, qui suffert tentationem.

R. Glória et honóre coronásti eum Dómine, \* Allelúia, allelúia. Glória et honóre. V. Et constituísti eum super ópera mánuum tuárum, Allelúia. Glória Patri. Glória et honóre.

V. Posuísti Dómine super caput ejus. R. Coronam de lapide pretiósio. Oratio.

DEUS, pro cujus Ecclesiá gloriosus Póntifex Thomas gládiis impiórum occúbuit : præsta, quæsumus, ut omnes qui ejus implórant auxilium petitionis suæ salutárem consequántur effectum. Per.

## AD SEXTAM.

Capitulum. Sap. 10.

CUSTODIVIT illum Dóminus ab inimicis, et a seductóribus tutávit eum, et certámen forte dedit illi ut vinceret.

R. Posuísti Dómine super caput ejus, \* Allelúia, allelúia. Posuísti. V. Coronam de lapide pretiósio. Allelúia. Glória. Posuísti.

V. Magna est glória ejus in salutári tuo. R. Glóriam et magnum decórem impónes super eum. Oratio Deus, pro cujus Ecclesiá. ut ad Tertiam.

## AD NONAM.

Capitulum. Eccli. 4.

PRO justitia agonizáre pro ánima tua, et usque ad mortem certa pro justitia.

R. Magna est glória ejus in salutári tuo, \* Allelúia, allelúia. Magna est. V. Glóriam et magnum decórem impónes super eum. Allelúia. Glória. Magna est.

V. Coróna áurea super caput ejus. R. Expressa signo sanctitátis. Oratio Deus, pro cujus Ecclesiá. ut ad Tertiam.

## AD II. VESPERAS.

Psalmi et Antiphonæ super Psalmos de Nativitate Domini, pag. 214.

Capitulum. Jac. 1.

BEATUS vir, qui suffert tentationem : quóniam cum probátus fúerit, accipiet coronam vitæ, quam repromísit Deus diligéntibus se.

## Hymnus.

DEUS tuórum militum Coróna, sors et præmium, Laudes canéntes Mártyris Absólve nexu criminis.

Hic nempe, mundi gáudia Et blandiménta nóxia Cadúca rite députans, Pervénit ad cælestia.

PÆNAS cucúrrit fórtiter Et sústulit viriliter : Pro te profúdens ságuinem Ætérna dona póssidet.

Ob hoc precátu súplici Te póscimus piíssime : In hoc triúmpho Mártyris Dimitte noxam sérvulis.

GLORIA tibi Dómine, Qui natus es de Virgine, Cum Patre et sancto Spirítu In sempitérna sæcula.

Amen.

V. Glória et honóre coronásti eum Dómine. R. Et constituísti eum super ópera mánuum tuárum.

Ad Magnificat Añ. Iste est, qui pro lege Dei sui mortí se trádidit, non dubitávit mori : ab iniquis interféctus est, et in ætérnum vivit cum Christo :

Agnum secutus est, et accepit palmam. Oratio Deus, pro cuius Ecclesia. ut ad Tertiam.

Memoria de Nativitate :

Añā. Gaudeamus omnes fideles, Salvator noster natus est in mundo : hodie processit proles magnifici germinis, et perseverat pudor virginitatis.

℣. Tamquam sponsus. R. Dominus procedens de thalamo suo.

Oratio.

**C**ONCEDE, quæsumus omnipotens Deus : ut nos Unigeniti tui nova per carnem Nativitas liberet, quos sub peccati iugo vetusta servitus tenet. Per eundem Christum.

Memoria de S. Stephano :

Añā. Stephanus vidit caelos apertos, vidit, et introivit : beatus homo, cui caeli patebant.

℣. Posuisti Domine super caput ejus. R. Coronam de lapide pretioso.

Oratio.

**D**A nobis, quæsumus Domine, imitari quod colimus, ut discamus et inimicos diligere : quia ejus natalitia celebramus, qui novit etiam pro persecutoribus exorare Christum Dominum nostrum. R. Amen.

Memoria de S. Joanne :

Añā. Valde honorandus est beatus Joannes, qui supra pectus Domini in cena recubuit.

℣. In omnem terram exivit sonus eorum. R. Et in fines orbis terræ verba eorum.

Oratio.

**E**CCLESIAM tuam Domine benignus illustra : ut beati Joannis Apostoli tui et Evangelistæ illuminata doctrinis, ad dona perveniat sempiterna. Per Christum.

Memoria de SS. Innocentibus :

Añā. A bimatu et infra occidit multos pueros Herodes propter Dominum.

℣. Lætamini in Domino, et exsultate justi. R. Et gloriimini omnes recti corde.

Oratio.

**D**EUS, cujus hodierna die præconium Innocentes Martyres, non loquendo sed moriendo, confessi sunt : omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per Dominum.

† In crastino S. Thomæ Episcopi et Martyris, si Dominica fuerit, fiat Officium ut pag. 217.; si neque Dominica fuerit, neque Sabbatum, fiat ut pag. 222.; si vero Sabbatum fuerit, fiat ut pag. 226. notatum est.

DIE XXXI. DECEMBRIS.

S. SILVESTRI

PAPÆ ET CONFESSORIS.

SIMPLEX.

AD I. VESPERAS.

Antiphonæ super Psalmos et Psalmi ut in ij. Vesperis Nativitatis Domini, pag. 214.

Capitulum. Eccli. 45.

**D**ILECTUS Deo, et hominibus, cujus memoria in benedictione est : similem illum fecit in gloria sanctorum.

Hymnus.

**I**STE Confessor Domini sacratissimus,  
Festa plebs cujus celebrat per orbem,  
Hodie lætus meruit secreta Scandere cæli.



QUI pius, prudens, húmilis,  
pudicus,  
Sóbríus, castus fuit et quiétus,  
Vita dum præsens vegetávit  
ejus

Córpóris artus.

OB sacrum ejus méritum  
frequénter

Membra languéntum modo san-  
nitáti,

Quólibet morbo fúerint gra-  
váta,

Restituúntur.

UNDE nunc noster chorus in  
honórem

Ipsius hymnum canit hunc  
libénter :

Ut piis ejus précibus juvémur,  
Omne per ævum.

SIT salus illi, decus atque  
virtus,

Qui supra cæli résidens cacú-  
men,

Tótius mundi máchinam gu-  
bérnat

Trinus et unus. Amen.

¶ Amávit eum Dóminus, et  
ornávit eum. R. Stólam glóriæ  
induit eum.

Ad Magnificat Aña. Confés-  
sor Dómini Silvéster astántem  
plebem corróborá sancta in-  
tercessióne : ut qui vitiórum  
póndere prérimur, beatitúdi-  
nis tuæ glória sublevémur, et  
te duce æténa præmia conse-  
quámur.

Oratio.

**D**A, quæsumus omnipotens  
Deus : ut beáti Silvétrí,  
Confessóris tui atque Pontificis,  
veneránda solémnitas et devo-  
tiónem nobis áugeat, et salutem.  
Per Dóminum.

Memoria de Nativitate :

Aña. Gaudeámus omnes fidé-  
les, Salvátor noster natus est  
in mundo : hódie processit

proles magnífici gérmínis, et  
persevérat pudor virginitátis.

¶ Tamquam sponsus. R. Dó-  
minus procedens de thálamo  
suo.

Oratio.

**C**ONCEDE, quæsumus omni-  
potens Deus : ut nos Uni-  
géniti tui nova per carnem  
Nativitas liberet, quos sub  
peccáti jugo vetústa sérvitus  
tenet. Per eúmdem Christum.

Memoria de S. Stephano :

Aña. Stéphanus vidit cælos  
apértos, vidit, et introivit :  
beátus homo, cui cæli paté-  
bant.

¶ Glória et honóre coronásti  
eum Dómine. R. Et constitui-  
sti eum super ópera mánuum  
tuárum.

Oratio.

**D**A nobis, quæsumus Dó-  
mine, imitári quod cólí-  
mus, ut discámus et inimicos  
diligere : quia ejus natalitia  
celebrámus, qui novit étiam  
pro persecutóribus exoráre  
Christum Dóminum nostrum.  
R. Amen.

Memoria de S. Joanne :

Aña. Valde honorándus est  
beátus Jóánnes, qui supra pec-  
tus Dómini in cena recúbuit.

¶ In omnem terram exívit  
sonus eórum. R. Et in fines  
orbis terræ verba eórum.

Oratio.

**E**CCELESIAM tuam Dómine  
benígnus illústra : ut beáti  
Jóánnis Apóstoli tui et Evan-  
gelistæ illumináta doctrínis, ad  
dona pervéniat sempitérna.  
Per Christum.

Memoria de SS. Innocentíbus :

Aña. A bimátu et infra occidit  
multos púeros Heródes propter  
Dóminum.

¶ Lætāmini in Dómino, et exsultáte justí. R. Et gloriāmini omnes recti corde. Oratio.

**D**EUS, cujus hodiérna die præcónium Innocéntes Mártýres, non loquendo sed moriendo, conféssi sunt : ómnia in nobis vitiorum mala mortifica; ut fidem tuam, quam lingua nostra loquitur, étiam moribus vita fateatur. Per.

† Ultimo fiat Memoria de Dominica infra Octavam Nativitatis, si hac die e venerit, per Añam Erant Joseph., ¶. Verbum caro factum est. et Orationem Omnipotens sempitérne Deus, dirige actus nostros., pag. 226.

#### AD MATUTINUM

ET IN TRIBUS NOCTURNIS.

Quæ infra notata non sunt dicantur de Communi unius Confessoris, pag. 68\*.et sequentibus.

#### IN I. NOCTURNO.

De Epístola beáti Pauli Apóstoli ad Romános.

Lectio j. Cap. 8.

**N**IHL ergo nunc damnationis est iis, qui sunt in Christo Jesu : qui non secundum carnem ámbulant. Lex enim spiritus vitæ in Christo Jesu liberávit me a lege peccati et mortis. Nam quod impossibile erat legi, in quo infirmabatur per carnem : Deus Filium suum mittens in similitudinem carnis peccati, et de peccato damnávit peccatum in carne, ut justificatio legis impleretur in nobis, qui non secundum carnem ambulamus, sed secundum spiritum.

#### Lectio ij.

**Q**UI enim secundum carnem sunt : quæ carnis sunt, sapiunt. Qui vero secundum spiritum sunt : quæ sunt spiritus, sentiunt. Nam prudentia carnis, mors est : prudentia autem spiritus, vita et pax. Quóniam sapientia carnis inimica est Deo : legi enim Dei non est subiecta : nec enim potest. Qui autem in carne sunt, Deo placere non possunt.

#### Lectio iij.

**V**OS autem in carne non estis, sed in spiritu : si tamen spiritus Dei hábitat in vobis. Si quis autem Spiritum Christi non habet : hic non est ejus. Si autem Christus in vobis est : corpus quidem mortuum est propter peccatum, spiritus vero vivit propter justificationem. Quod si Spiritus ejus, qui suscitávit Jesum a mortuis, hábitat in vobis : qui suscitávit Jesum Christum a mortuis, vivificábit et mortália corpore vestra, propter inhabitantem Spiritum ejus in vobis.

#### IN II. NOCTURNO.

(Ex sincerioribus Actis ejus et Romano Breviario.)

#### Lectio iv.

**S**ILVESTER Románus, patre Rufino, trigésimo ætatis anno Præsbyter sanctæ Romanæ Ecclesiæ creatus, cum in Melchiadis póstea locum successisset, a Constantino imperatore sanctorum Apostolorum Petri et Pauli præceptis obtemperante, dum in Soracte monte latitaret, accersitus,

eum, lepra perfusum et ex infántium sánguine bálneum sibi paráre cogitántem, Baptismo sanávit : atque ad propágandam Christi religiónem, exstrúctis públice templis, sacris imaginibus, donisque ac munéribus magnificentíssimis ab eo exornátis, inflammávit.

## Lectio v.

**S**UE hoc Pontífice, legátis illius præsidentibus, Nicænum concílium, cui Constantinus interfuit, advérsus impietátem Arii hábitum est, ab eóque, peténtibus univérsis Pátribus, confirmátum : et áliud Romæ, in quo considéntibus ducéntis octogínta quátuor Episcopis, denuo Arius condemnátus est. A solo Episcopo chrisma cónfici, baptizáti vérticem ungi, in líneo tantum velo sacrificium altáris fieri, singulos Ordines ante altiorem gradum exercéri státuit : láicum clérigo crimen inférre, clericúmve coram láico causam dicere vétuit, et ália multa fecit Ecclesiæ utilia decreta.

## Lectio vj.

**S**ABBATI ac Dominicæ diéi nómine reténto, réliquos hebdomadæ dies Férias appellári, ut jam ántea cœperant, voluit : quo significáretur cléricos, ab omni aliárum rerum cura feriátos, uní Deo quotidie vacare debére. Qui ex illis egérent cum copiósis conjúnxit ; et ut sacris virgínibus ad victum necessariá suppéterent providit : insígni quoque in céteros páuperes benignitáte ac vitæ sanctitáte conspicuus. Vixit in pontificátu annos viginti unum, menses decem, diem unum.

## IN III. NOCTURNO.

Homília in Evangelium Sint lumbi, ut in Comuni unius Confessoris non Pontificis, pag. 83\*.

Ante Laudes V. Ora pro nobis beáte Silvéster. R. Ut digni efficiámur promissionibus Christi.

## AD LAUDES

ET PER HORAS ANTIPHONÆ.

1. Dómine quinque talénta tradidisti mihi, ecce ália quinque superlucrátus sum. Psalmus Dóminus regnávít. cum ceteris, pag. 17.

2. Beátus ille servus, quem cum vénerit Dóminus, et pulsáverit jánuam, invénerit vigílantem.

3. Fidélis servus et prudens, quem constituit Dóminus super familiam suam, ut det illis in témpore trítici mensúram.

4. Ecce vere Israelita, in quo dolus non est.

5. Serve bone et fidélis intra in gáudium Dómini tui.

Capitulum. Eccli. 45.

**D**ILECTUS Deo et hominibus, cujus memória in benedictióne est : símilem illum fecit in glória sanctorum.

## Hymnus.

**J**ESU Redémptor ómnium, Coróná confiténtium, In hac die cleméntius Nostris favéto précibus : Tui sacri qua nóminis Confessor almus cláruit, Cujus celebrat ánnua Devóta plebs solémnia.

**Q**UI rite mundi gáudia Hujus cadúca réspuens, Cum ángelis cælestibus Lætus potitur præmiis.



HUJUS benignus annue  
Nobis sequi vestigia :  
Hujus precātu servulū  
Dimitte noxam criminis.

GLORIA tibi Dómine,  
Qui natus es de Virgine,  
Cum Patre et sancto Spíritu,  
In sempitérna sæcula. Amen.  
V. Justus germinábit sicut  
lilium. R. Et florébit in ætér-  
num ante Dóminum.

Ad Benedictus Añā. Euge  
serve bone, et fidélis, quia in  
pauca fuisti fidélis, supra multa  
te constituam, dicit Dóminus.  
Oratio.

**D**A, quæsumus omnípotens  
Deus : ut beáti Silvéstri,  
Confessoris tui atque Pontificis,  
veneranda solémnitas et devo-  
tiónem nobis áugeat, et salú-  
tem. Per Dóminum.

Memoria de Nativitate :

Añā. Nésciens Mater Virgo  
virum péperit sine dolore Sal-  
vatórem sæculórum : ipsum  
Regem angelórum sola Virgo  
lactábat úbere de cælo pleno.

V. Benedictus qui venit in  
nómine Dómini. R. Deus Dó-  
minus, et illúxit nobis.

Oratio.

**C**ONCEDE, quæsumus, om-  
nípotens Deus : ut nos  
Unigéniti tui nova per carnem  
Nativitas liberet, quos sub pec-  
cátū jugo vetústa servitus ten-  
net. Per eúdem Christum.

Memoria de S. Stephano :

Añā. Ecce video cælos apér-  
tos, et Jesum stantem a dex-  
tris Dei.

V. Corónā áurea super caput  
ejus. R. Exprésa signo san-  
ctitátis.

Oratio.

**D**A nobis, quæsumus Dó-  
mine, imitári quod cóni-

mus, ut discámus et inimicos  
diligere : quia ejus natalitia  
celebrámus, qui novit étiam  
pro persecutóribus exoráre  
Christum Dóminum nostrum.  
R. Amen.

Memoria de S. Joanne :

Añā. Hic est discipulus ille,  
qui testimónium pèrhibet de  
his : et scimus quia verum  
est testimónium ejus.

V. Annuntiavérunt ópera  
Dei. R. Et facta ejus intel-  
xérunt.

Oratio.

**E**CCLESIAM tuam Dómine  
benignus illústra : ut beáti  
Joánnis Apóstoli tui et Evange-  
listæ illumináta doctrinis, ad  
dona pervéniant sempitérna.  
Per Christum.

Memoria de SS. Innocentibus :

Añā. Heródes irátus occidit  
multos púeros in Bèthlehem  
Judæ civitáte David.

V. Mirábilis Deus. R. In San-  
ctis suis.

Oratio.

**D**EUS, cujus hodiérna die  
præcónium Innocétes  
Mártýres, non loquendo sed  
moriendo, conféssi sunt : ómnia  
in nobis vitiórum mala mortifi-  
ca; ut fidem tuam, quam lin-  
gua nostra lóquitur, étiam mó-  
ribus vita fateátur. Per.

† Ultimo fiat Memoria de Do-  
minica, si hac die evenerit, per  
Añam Dum médium., V. No-  
tum fecit Dóminus. et Oratio-  
nem Omnípotens sempitérne  
Deus dirige actus nostros., ut  
pag. 225. et pag. 226. notatum  
est.

AD TERTIAM.

Capitulum Diléctus Deo., ut  
in Laudibus.

R̃. Amávit eum Dóminus, et ornávit eum, \* Allelúia, allelúia. Amávit eum. Ṽ. Stólam glóriæ induit eum. Allelúia. Glória. Amávit eum.

Ṽ. Justum dedúxit Dóminus per vias rectas. R̃. Et osténdit illi regnum Dei. Oratio.

**D**A. quæsumus omnipotens Deus : ut beáti Silvêstri, Confessóris tui atque Pontificis, veneránda solémnitas et devotíonem nobis áugeat, et salútem. Per.

## AD SEXTAM.

Capitulum. Eccli. 39.

**J**USTUS cor suum tradet ad vigilándum dilúculo ad Deum, qui fecit illum, et in conspéctu Altíssimi deprecábitur.

R̃. Justum dedúxit Dóminus per vias rectas, \* Allelúia, allelúia. Justum. Ṽ. Et osténdit illi regnum Dei. Allelúia. Glória. Justum.

Ṽ. Justus ut palma florébit in domo Dómini. R̃. Sicut cedrus Líbani multiplicábitur. Oratio Da, quæsumus. ut supra.

## AD NONAM.

Capitulum. Sap. 10.

**J**USTUM dedúxit Dóminus per vias rectas, et osténdit illi regnum Dei, et dedit illi sciéntiam sanctórum : honestávit illum in labóribus, et complévit labóres illius.

R̃. Justus ut palma florébit in domo Dómini, \* Allelúia, allelúia. Justus. Ṽ. Sicut cedrus Líbani multiplicábitur. Allelúia. Glória. Justus.

Ṽ. Justus germinábit sicut lílillum. R̃. Et florébit in ætérnum ante Dóminum. Oratio Da, quæsumus. ut supra.

DIE II. JANUARIJ.  
IN OCTAVA S. STEPHANI,  
SI DOMINICA FUERIT.  
NOVEM LECTIONES.

## IN I. VESPERIS.

Ad Memoriam Aña. Tu princípátum tenes., Ṽ. Glória et honóre. et Oratio Da nobis., pag. 240.

Memoria de S. Joanne et de SS. Innocentibus, ibidem.

## AD MATUTINUM.

Invitatorium Christum natum. et Hymnus Deus tuórum militum. ut in Festo, pag. 748.

† In tribus Nocturnis, Psalmi de Comuni unius Martyris, pag. 39\*. et sequentibus; Antiphonæ et ṼṼ. ut in Festo, pag. 749. et sequentibus; Lectiones et R̃R̃. ut infra.

## IN I. NOCTURNO.

De Epístola beáti Pauli Apóstoli ad Romános.

Lectio j. Cap. 9.

**V**ERITATEM dico in Christo, non méntior : testimónium mihi perhibénste consciéntia mea in Spíritu sancto : quóniam tristitia mihi magna est, et continuus dolor cordi meo. Optábam enim ego ipse anáthema esse a Christo pro frátribus meis, qui sunt cognáti mei secúndum carnem, qui sunt Israelitæ, quorum adóptio est filiórum, et glória, et testaméntum, et legislátió, et obséquium, et promissa : quorum patres, et ex quibus est Christus secúndum carnem, qui est super omnia Deus benedictus in sæcula. Amen. Tu autem...

R̃. j. Stéphanus autem plenus grátia et fortitúdine \* Faciébát prodigia et signa magna

in pópulo. *¶* Cum esset plenus Spíritu sancto beátus Stéphanus. — Faciébát prodigia.

Lectio ij.

**N**ON autem quod exciderit verbum Dei. Non enim omnes qui ex Israel sunt, ii sunt Israelitæ : neque qui semen sunt Abraham, omnes filii : sed in Isaac vocábitur tibi semen : id est, non qui filii carnis, hi filii Dei : sed qui filii sunt promissionis, æstimántur in sémine. Promissionis enim verbum hoc est : Secundum hoc tempus véniam : et erit Saræ filius.

*R. ij.* Vidébant omnes Stéphanum, qui erant in concilio : \* Et intuebántur vultum ejus tamquam vultum ángeli stantis inter illos. *¶* Stéphanus autem plenus grátia et fortitúdine faciébát prodigia et signa magna in pópulo. — Et intuebántur vultum ejus.

Lectio iij.

**N**ON solum autem illa : sed et Rebécca ex uno concúbitu habens, Isaac patris nostri. Cum enim nondum nati fuissent, aut áliquis boni egissent, aut mali, (ut secundum electionem propósitum Dei manéret) non ex opéribus, sed ex vocánte dictum est ei : Quia major sérviet minóri, sicut scriptum est : Jacob diléxi, Esau autem ódio hábui.

*R. iij.* Intuens in cælum beátus Stéphanus vidit glóriam Dei, et ait : \* Ecce video cælos apértos, et Filium hóminis stantem A dextris virtútis Dei. *¶* Cum autem esset Stéphanus plenus Spíritu sancto, inténdens in cælum, ait. — Ecce video. Glória. A dextris virtútis Dei.

IN II. NOCTURNO.

Sermo sancti Fulgéntii Episcopi.

(De S. Steph. et Convers. S. Pauli.)

Lectio iv.

**I**NVICTÆ in Stéphano virtútis insigne enituit : quæ nec freméntium sævitiam formidávit, nec lapidántium íctibus devicta succúbuit. Quod vero est tam insuperábile genus armórum, quo munitus sæviéntes argúeret, lapidántes, non percútiens sed pátiens, superáret? Procul dubio munimine régio septus, nullátenus est ab adversáriis superátus. Caritas ergo, quæ de cælo ad terras depósuit Christum, ipsa Stéphanum de terra levávit ad cælum.

*R. iv.* Lapidábant Stéphanum invocántem, et dicéntem : Dómine Jesu Christe accipe spíritum meum, et \* Ne státuas illis hoc peccátum. *¶* Póstitis autem génibus, beátus Stéphanus orábat dicens. — Ne státuas illis hoc peccátum.

Lectio v.

**O**ADMIRANDA ubique poténtia Salvatóris! O prædicánda indesinénter grátia Redemptóris! Osténdit in Matre virginitátis æternæ miraculum, demonstrávit in Mártire invictæ caritátis indicium. Et sicut in Matre Dómini non pótuit virginitas violári, sic in Mártiris mente non pótuit Christi caritas tanto sæviéntium ágmine superári. Per caritátem Dei sæviéntibus Judæis non cessit : per caritátem próximi pro lapidántibus intercéssit.



R. v. Impetum fecerunt unanimiter in eum, et ejecerunt eum extra civitatem, \* Invocantem, et dicentem : Domine accipe spiritum meum. V. Et testes deposuerunt vestimenta sua secus pedes adolescentis, qui vocabatur Saulus, et lapidabant Stephanum. — Invocantem, et dicentem.

(Ex Serm. I. S. Aug. de SS.)

Lectio vj.

ET ut noverit sanctitas vestra quantum valuerit oratio sancti Stephani Martyris, recurrere ad illum adolescentem persecutorem, nomine Saulum : a quo, cum Stephanus lapidaretur, omnium lapidantium vestimenta servabantur : ut tamquam in manibus omnium ipse lapidare videretur. Nam si sanctus Stephanus sic non orasset, Ecclesia Paulum non haberet. Multo ergo magis nunc exaudietur pro veneratoribus suis, qui sic exauditus est tunc pro lapidatoribus suis.

R. vj. Stephanus servus Dei, quem lapidabant Judæi, vidit caelos apertos : vidit, et introivit : \* Beatus homo, cui celi patebant. V. Cum igitur saxorum crepitantium turbine quateretur, inter æthereos aulae caelestis sinus, divina ei claritas fulsit. — Beatus homo. Glória. Beatus homo.

### IN III. NOCTURNO.

Lectio sancti Evangelii secundum Matthæum.

Lectio vij. Cap. 23.

IN illo tempore : Dicebat Iesus Scribis, et Phariseis : Ecce ego mitto ad vos prophé-

tas, et sapientes, et scribas, et ex illis occidētis, et crucifigētis, et ex eis flagellabitis in synagógis vestris. Et reliqua.

Homilia sancti Hierónymi Presbyteri.

(Lib. 4. Comm. in cap. 23. Matth.)

JERUSALEM, Jérusalem, quæ occidis prophetas. Jerusalem, non saxa et ædificia civitatis, sed habitatores vocat : quam plangit patris affectu, sicut et in alio loco legimus, quod videns eam, fleverit. In eo autem, quod dicit, Quoties vólui congregare filios tuos : omnes retro prophetas a se missos esse testatur.

R. vij. Impii super justum jacturam fecerunt, ut eum morti traderent : \* At ille gaudens suscepit lapides, ut mereretur accipere coronam glóriæ. V. Continuerunt aures suas, et impetum fecerunt unanimiter in eum. — At ille gaudens.

Lectio viij.

ECCE relinquetur vobis domus vestra deserta. Hoc ipsum ex persona Jeremiæ jam ante dixerat : Reliqui domum meam, dimisi hereditatem meam : facta est mihi hereditas mea quasi spelunca hyænæ. Desertam Judæorum domum, id est templum illud, quod fulgebat augustius, oculis comprobamus, quia habitatorem Christum perdidit, et hereditatem præripere gestiens, occidit heredem.

R. viij. Patefactæ sunt januæ cæli Christi Martyri beato Stephano, qui in número Marty-

rum inventus est primus : \* Et ideo triumphat in cælis coronatus. *℟.* Mortem enim, quam Salvator dignatus est pro omnibus pati, hanc ille primus reddidit Salvatori. — Et ideo triumphat.

### Lectio ix.

**D**ICO enim vobis, non me videbitis a modo, donec dicatis : Benedictus, qui venit in nomine Domini. Ad Jerusalem loquitur, et ad populum Judæorum. Versiculum autem istum (quo et parvuli atque lactentes in ingressu Jerusalem Domini Salvatoris usi sunt, quando dixerunt, Benedictus qui venit in nomine Domini, Hosanna in excelsis) sumpsit de centesimo decimo septimo Psalmo, qui manifeste de adventu Domini scriptus est.

*℟.* ix. Sancte Dei pretiose Protomartyr Stéphane, qui virtute caritatis circumfultus undique, Dominum pro inimico exorasti populo, \* Funde preces Pro devoto tibi nunc collégio. *℟.* Ut tuo propitiatus interventu, Dominus nos purgatus a peccatis jungat cæli civibus. — Funde preces pro devoto. Glória. Pro devoto tibi nunc collégio.

Canticum Te Deum laudamus.

Ante Laudes *℟.* Ora pro nobis beate Stéphane. *℟.* Utdigni efficiamur promissionibus Christi.

### AD LAUDES.

Omnia ut in Festo, pag. 752. servato modo Dominicæ.

Omissa Memoria de Nativitate Domini, fiant sequentes Memoriarum :

### Memoria de S. Joanne :

Añã. Hic est discipulus ille, qui testimonium perhibet de his, et scimus quia verum est testimonium ejus.

*℟.* Annuntiaverunt opera Dei. *℟.* Et facta ejus intellexerunt. Oratio.

**E**CCLESIAM tuam Domine benignus illustra : ut beati Joannis Apostoli tui et Evangelistæ illuminata doctrinis, ad dona perveniat sempiterna. Per Christum.

### Memoria de SS. Innocentibus :

Añã. Herodes iratus occidit multos pueros in Bethlehem Judæ civitate David.

*℟.* Mirabilis Deus. *℟.* In Sanctis suis. Oratio.

**D**EUS cujus hodierna die præconium Innocentes Martyres, non loquendo sed moriendo, confessi sunt : omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per Christum.

† In Octava die S. Stephani et deinceps usque ad ij. Vesperas Octavæ diei Epiphaniæ exclusive, quotidie præterquam in Laudibus Vigiliæ et in utrisque Vesperis ac Laudibus Epiphaniæ, Inventionis Domini et B. Gundisalvi, post alias Memoriarum fiat Memoria de B. Maria Virgine in Laudibus et Vesperis.

### Memoria de B. Maria V. in Laudibus :

Añã. Rubum, quem viderat Moyses incombustum, conservatum agnovimus tuam laudabilem virginitatem : Dei Genitrix intercede pro nobis.

¶ Benedictus qui venit in nómīne Dómini. R. Deus Dóminus, et illúxit nobis. Oratio.

**D**EUS, qui salutis æternæ, beatæ Mariæ virginitate fecúnda, humano géneri præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere : Dóminum nostrum Jesum Christum Filium tuum, qui tecum vivit.

#### AD PRETIOSA.

Evangelium.

Secúndum Matthæum. Cap. 23.

**I**n illo témpore : Dicébat Jesus Scribis et Pharisæis : Ecce ego mitto ad vos prophétas, et sapiéntes et scribas, et ex illis occidétis, et crucifigétis, et ex eis flagellábitis in synagógis vestris. Tu autem.

#### AD PRIMAM.

Aña. Lapidavérunt Stéphanum, et ipse invocábat Dóminum dicens : Ne státuas illis hoc peccátum. Tres Psalmi consueti et Symbolum Quicumque vult.

Capitulum Regi sæculórum.

R. Jesu Christe, Fili Dei vivi, miserére nobis, \* Allelúia, allelúia. Jesu Christe. ¶ Qui natus es de Virgine Maria. Allelúia. Glória. Jesu Christe.

¶ Exsúrge Dómine, ádjuva nos. R. Et libera nos propter nomen tuum.

Confiteor..., Misereátur. et Oratio In hac hora.

#### AD TERTIAM,

SEXTAM ET NONAM.

Antiphonæ, Capitula, R. R. cum duplici Allelúia., ¶¶. et Oratio ut in Festo, pag. 753.

#### AD II. VESPERAS.

Super Psalmos Aña. Lapidavérunt Stéphanum, et ipse invocábat Dóminum dicens : Ne státuas illis hoc peccátum. Psalmus Dixit Dóminus, cum ceteris de Communi unius Martyris, pag. 47\*.

Capitulum.

Act. 6.

**S**TEPHANUS autem plenus grátia et fortitúdine, faciébat prodígia et signa magna in populo.

Hymnus.

**D**EUS tuórum militum  
Coróna, sors et præmium,  
Laudes canéntes Mátyris  
Absólve nexu criminis.

Hic nempe, mundi gáudia  
Et blandiménta nóxia  
Cadúca rite députans,  
Pervénit ad cæléstia.

PENAS cucúrrit fórtiter  
Et sústulit viriliter :  
Pro te profúdens sánguinem  
Ætérna dona póssidet.

Ob hoc precátu súplici  
Te póscimus piíssime :  
In hoc triúmpho Mátyris  
Dimitte noxam sérvulis.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula.

Amen.

¶ Glória et honóre coronásti cum Dómine. R. Et constitúisti eum super ópera mánuum tuárum.

Ad Magnificat Aña. O quam gloriósus est beátus Stéphanus Martyr et Levita, qui ante Apóstolos regna cæléstia possidére méruit, et ad Patris dexteram Filium vidére!



## Oratio.

**D**A nobis, quæsumus Dómine, imitari quod cólimus, ut discamus et inimicos diligere : quia ejus natalitia celebrámus, qui novit etiam pro persecutóribus exoráre : Dóminum nostrum Jesum Christum Fílium tuum, qui tecum vivit.

Memoria de Octava die  
S. Joannis Evangelistæ :

Añá. Valde honorándus est beátus Joánnes, qui supra pectus Dómini in cena recúbuit.

¶ In omnem terram exívit sonus eórum. R. Et in fines orbis terræ verba eórum.

## Oratio.

**E**CCELSIAM tuam Dómine benígnus illústra : ut beáti Joánnis Apóstoli tui et Evangelistæ illumináta doctrínis, ad dona perveniat sempitérna. Per Christum.

Memoria de SS. Innocentibus :

Añá. Abimátu et infra occidit multos púeros Heródes propter Dóminum.

¶ Lætámini in Dómino, et exsultáte justi. R. Et gloriámini omnes recti corde.

## Oratio.

**D**EUS, cujus hodiérna die præcónium Innocétes Mártyres, non loquendo sed moriendo, confessi sunt : ómnia in nobis vitiórum mala mortifica ; ut fidem tuam, quam lingua nostra loquitur, etiam moribus vita fateátur. Per Christum.

Ad Memoriam de B. Maria Virgine in Vesperis Añá. Germinávit radix Jesse : orta est stella ex Jacob : Virgo péperit Salvatórem : te laudámus Deus noster.

¶ Tamquam sponsus. R. Dóminus procedens de thálamo suo. Oratio.

**D**EUS, qui salútis æternæ, beátæ Mariæ virginitáte fecúnda, humano géneri præmia præstitisti : tribue, quæsumus, ut ipsam pro nobis intercédere sentiámus, per quam merúimus auctórem vitæ suscipere : Dóminum nostrum Jesum Christum Fílium tuum...

## AD COMPLETORIUM.

Super Psalmos Añá. Natus est nobis hódie Salvátor, qui est Christus Dóminus, in civitate David.

Ad Nunc dimittis Añá. Allelúia, Verbum caro factum est, allelúia : et habitávit in nobis, allelúia, allelúia.

EADEM DIE II. JANUARI.  
IN OCTAVA S. STEPHANI.  
SI DOMINICA NON FUERIT.

## TRES LECTIONES.

Non dicitur Officium quotidianum B. Mariæ Virginis.

## IN I. VESPERIS.

Ad Memoriam Añá Tu principátum tenes, ¶. Glória et honóre. et Oratio Da nobis., pag. 240.

Memoria de S. Joanne et de SS. Innocentibus, ibidem.

## AD MATUTINUM.

Invitatorium Christum natum, qui beátum hódie coronávit Stéphanum, \* Veníte adorémus. Hymnus Deus tuórum militum., pag. 786.

## IN NOCTURNO.

Super Psalmos sola Añá. Beátus Stéphanus jugi legis Dei

meditatione roboratus, tamquam lignum fructiferum secus salutarium aquarum plantatum decursus, fructum martyrii in tempore suo dedit primus. Psalmus Beatus vir, qui non abiit. cum octo ceteris de Comuni unius Martyris, pag. 39\*. et sequentibus.

¶ Magna est gloria ejus in salutari tuo. R. Gloriam et magnum decorem impones super eum.

¶ Benedictiones secundum Feriam, scilicet Feria secunda et Feria quinta Benedictio Benedictione perpetua. cum ceteris duabus; Feria tertia et Feria sexta Benedictio Deus Pater omnipotens. cum ceteris duabus; Feria quarta et Sabbato Benedictio Ille nos benedicat. cum ceteris duabus.

De Epistola beati Pauli  
Apóstoli ad Romanos.

Lectio j. Cap. 9.

**V**ERITATEM dico in Christo, non mentior : testimonium mihi perhibente conscientia mea in Spiritu sancto : quoniam tristitia mihi magna est, et continuus dolor cordi meo. Optabam enim ego ipse anathema esse a Christo pro fratribus meis, qui sunt cognati mei secundum carnem, qui sunt Israelitae, quorum adoptio est filiorum, et gloria, et testamentum, et legislatio, et obsequium, et promissa : quorum patres, et ex quibus est Christus secundum carnem, qui est super omnia Deus benedictus in saecula. Amen. Tu autem...

R. j. Impii super justum jacturam fecerunt, ut eum morti traderent : \* At ille gaudens suscepit lapides, ut mereretur

accipere coronam gloriae. V. Continuerunt aures suas, et impetum fecerunt unanimiter in eum. — At ille gaudens.

Lectio ij.

**N**ON autem quod exciderit verbum Dei. Non enim omnes qui ex Israel sunt, ii sunt Israelitae : neque qui semen sunt Abraham, omnes filii : sed in Isaac vocabitur tibi semen : id est, non qui filii carnis, hi filii Dei : sed qui filii sunt promissionis, aestimantur in semine. Promissionis enim verbum hoc est : Secundum hoc tempus veniam : et erit Sarae filius.

R. ij. Patefactae sunt januae caeli Christi Martyri beato Stephano, qui in numero Martyrum inventus est primus : \* Et ideo triumphat in caelis coronatus. V. Mortem enim, quam Salvator dignatus est pro omnibus pati, hanc ille primus reddidit Salvatori. — Et ideo triumphat in caelis coronatus.

Sermo sancti Fulgentii  
Episcopi.

(De S. Steph. et Conv. S. Pauli.)

Lectio iij.

**I**NVICTAE in Stephano virtutis insigne enituit, quae nec fremantium saevitiam formidavit, nec lapidantium ictibus devicta succubuit. Quod vero est tam insuperabile genus armorum, quo munitus saevientes argueret, lapidantes, non percutiens sed patiens, superaret? Procul dubio munimine regio septus, nullatenus est ab adversariis superatus. Caritas ergo, quae de caelo ad terras deposuit Christum, ipsa Stephanum de terra levavit ad caelum.

R. iij. Sancte Dei pretiöse Protomártyr Stéphane, qui virtúte caritátis circumfúltus úndique, Dóminum pro inimico exorásti pópulo, \* Funde preces Pro devóto tibi nunc collégio. V. Ut tuo propitiátus intervéntu, Dóminus nos purgátos a peccátis jungat cæli cívibus.—Funde preces pro devóto tibi nunc collégio. Glória. Pro devóto tibi nunc collégio. Canticum Te Deum laudámus.

Ante Laudes V. Ora pro nobis beáte Stéphane. R. Ut digni efficiámur promissionibus Christi.

#### AD LAUDES.

Super Psalmos sola Aña. Lapidáverunt Stéphanum, et ipse invocábat Dóminum dicens : Ne státuas illis hoc peccátum. Psalmus Dóminus regnávít. cum ceteris, pag. 17.

Capitulum, Hymnus, V. Aña ad Benedictus et Oratio ut in Laudibus Festi, pag. 753.

Memoria de S. Joanne :

Aña. Hic est discipulus ille, qui testimónium pérhibet de his, et scimus quia verum est testimónium ejus.

V. Annuntiavérunt ópera Dei. R. Et facta ejus intellexérunt.

#### Oratio.

**E**CCELESIAM tuam Dómine benignus illústra : ut beáti Joánnis Apóstoli tui et Evangelistæ illumináta doctrínis, ad dona pervéniat sempitérna. Per Christum.

Memoria de SS. Innocentibus :

Aña. Heródes irátus occidit multos púeros in Béthlehem Judæ civitáte David.

V. Mirábilis Deus. R. In Sanctis suis.

#### Oratio.

**D**EUS, cujus hodiérna die præcónium Innocéntes Mártyres, non loquendo sed moriendo, conféssi sunt : ómnia in nobis vitiorum mala mortifica; ut fidem tuam, quam lingua nostra loquitur, étiam moribus vita fateátur. Per Christum.

Memoria de B. Maria Virgine in Laudibus :

Aña. Rubum, quem viderat Móyses incombustum, conservátam agnóvimus tuam laudábilem virginitátem : Dei Génitrix intercède pro nobis.

V. Benedictus qui venit in nómine Dómini. R. Deus Dóminus, et illúxit nobis.

#### Oratio.

**D**EUS, qui salútis æternæ, beátæ Mariæ virginitáte fecúnda, humano géneri præmia præstitisti : tribue, quæsumus, ut ipsam pro nobis intercédere sentiámus, per quam merúimus auctórem vitæ suscipere : Dóminum nostrum Jesum Christum Filium tuum, qui tecum vivit.

#### AD PRETIOSA.

Legendum est de Constitutionibus.

#### AD PRIMAM.

Aña. Lapidáverunt Stéphanum, et ipse invocábat Dóminum dicens : Ne státuas illis hoc peccátum.

Capitulum Regi sæculórum immortáli.

R. Jesu Christe, Fili Dei vivi, miserére nobis, \* Allelúia, allelúia. Jesu Christe. V. Qui natus es de Virgine Maria. Allelúia. Glória. Jesu Christe.



℣. Exsúrge Dómine, ádjuva nos. ℞. Et libera nos propter nomen tuum.

Preces, ut pag. 32. notatum est; Oratio In hac hora.

AD TERTIAM,  
SEXTAM ET NONAM.

Antiphonæ, Capitula, ℞℣. cum duplici Allelúia., ℣℣. et Oratio ut in Festo, pag. 753.

AD II. VESPERAS.

Omnia eodem modo fiant ac si Octava dies S. Stephani in Dominica e venerit, ut videlicet pag. 786. notatum est, cum Memoriis de sequenti Octava die S. Joannis, de SS. Innocentibus et de B. Maria Virgine ibidem positis.

† Prædictus modus servandus est etiamsi Dominica sequatur.

AD COMPLETORIUM.

Super Psalmos Añā. Natus est nobis hódie Salvátor, qui est Christus Dóminus, in civitate David.

Ad Nunc dimittis Añā. Allelúia, Verbum caro factum est, allelúia : et habitávit in nobis, allelúia, allelúia.

Preces ut pag. 151. notatum est.

DIE III. JANUARIJ.  
IN OCTAVA S. JOANNIS,  
SI DOMINICA FUERIT.  
NOVEM LECTIONES.

IN I. VESPERIS.

Ad Memoriam Añā Valde honorándus est., ℣. In omnem terram. et Oratio Ecclesiám tuam., ut in ij. Vesperis Octavæ diei S. Stephani, pag. 787.

Memoria de SS. Innocentibus et de B. Maria Virgine, ibidem.

AD MATUTINUM.

Invitatorium Adorémus Regem Apostolorum. et Hymnus Exsúltet cælum láudibus. ut in Festo, pag. 755.

† In tribus Nocturnis Psalmi de Communi Apostolorum, pag. 27\*. et sequentibus; Antiphonæ et ℣℣. ut in Festo, pag. 755. et sequentibus; Lectiones et ℞℣. ut infra.

IN I. NOCTURNO.

De Epístola prima beáti Joánnis Apóstoli.

Lectio j. Cap. 2.

SCRIBO vobis, filioli, quóniam remittúntur vobis peccáta propter nomen ejus. Scribo vobis patres, quóniam cognovistis eum, qui ab initio est. Scribo vobis adolescentes, quóniam vicistis malignum. Scribo vobis infántes, quóniam cognovistis Patrem. Scribo vobis jóvenes, quóniam fortes estis, et verbum Dei manet in vobis, et vicistis malignum.

℞. j. Valde honorándus est beátus Joánnes, qui supra pectus Dómini in cena recubuit : \* Cui Christus in cruce Matrem virginem virgini commendávit. ℣. Virgo est eléctus a Dómino, atque inter ceteros magis diléctus. — Cui Christus in cruce.

Lectio ij.

NOLITE diligere mundum, neque ea, quæ in mundo sunt. Si quis diligit mundum, non est caritas Patris in eo : quóniam omne, quod est in mundo, concupiscéntia carnis est, et concupiscéntia oculó-

rum, et supérbia vitæ : quæ non est ex Patre, sed ex mundo est. Et mundus transit, et concupiscéntia ejus. Qui autem facit voluntatem Dei, manet in ætérnum.

R. ij. Hic est discipulus ille, qui testimónium pérhibet de his, et scripsit hæc : \* Et scimus quia verum est testimónium ejus. V. Fluénta Evangélii de ipso sacro Dominici pectoris fonte potávit. — Et scimus.

### Lectio iij.

**F**ILIOLI, novíssima hora est : et sicut audistis quia Antichristus venit : et nunc Antichristi multi facti sunt ; unde scimus, quia novíssima hora est. Ex nobis prodierunt, sed non erant ex nobis. Nam, si fuissent ex nobis, permansissent útique nobiscum : sed ut manifesti sint quóniam non sunt omnes ex nobis. Sed vos unctiõnem habétis a Sancto, et nostis ómnia.

R. iij. Hic est beatissimus Evangelista et Apostolus Joannes, \* Qui privilégio amoris præcipui, céteris áltius A Dómino méruit honorári. V. Hic est discipulus ille, quem diligébat Jesus : qui supra pectus Dómini in cena recúbuit. — Qui privilégio amoris præcipui. Glória. A Dómino méruit honorári.

### IN II. NOCTURNO.

Ex Tractátu sancti Augustini  
Episcopi in Joánnem.

(Tract. 36.)

### Lectio iv.

**I**N quátuor Evangéliis, vel  
pótius quátuor libris unius

Evangélii, sanctus Joánnes Apóstolus non immerito secúndum intelligentiam spiritálem áquilæ comparátus, áltius multoque sublimius áliis tribus erexit prædicatiõnem suam : et in ejus erectiõne étiam corda nostra érigi vóluit. Nam céteri tres Evangelistæ, tamquam cum hómine Dómino in terra ambulántes, de divinitate ejus pauca dixerunt.

R. iv. Qui vicerit, fáciam illum columnam in templo meo, dicit Dóminus : \* Et scribam super eum nomen novum, et nomen civitátis novæ Jerúsalem. V. Vincénti dabo édere de ligno vitæ, quod est in Paradiso Dei mei. — Et scribam super eum.

### Lectio v

**I**STUM autem quasi pigúerit in terra ambulare, sicut ipso exórdio sui sermónis intónuit, erexit se non solum super terram, et super omnem ámbitum áeris et cæli, sed super omnem étiam exércitum Angelórum, omnémque constitutionem invisibilium Potestátum : et pervénit ad eum, per quem facta sunt ómnia, dicéndo : In principio erat Verbum, et Verbum erat apud Deum, et Deus erat Verbum.

R. v. Diligébat autem eum Jesus, quóniam speciális prærogativa castitátis amplióri dilectiõne fécerat dignum : \* Quia virgo eléctus ab ipso, virgo in ævum permánsit. V. In cruce dénique moritúrus, huic Matrem virginem vírgini commendávit. — Quia virgo eléctus ab ipso.

## Lectio vj.

**A**QUILA ipse est Joannes, sublimium prædicator, et lucis internæ atque æternæ fixis oculis contemplator. Dicuntur enim et pulli aquilæ a parentibus sic probari: patris scilicet ungue suspendi, et radiis solis opponi. Qui firme contemplatus fuerit, filius agnoscitur: si acie palpitaverit, tamquam adulterinus ab ungue dimittitur. Jam ergo videte quam sublimia loqui debuit, qui est aquilæ comparatus.

R. vj. Iste est Joannes, qui supra pectus Domini in cena recubuit: \* Beatus Apostolus, cui revelata sunt secreta cælestia. V. Iste est Joannes, cui Christus in cruce Matrem virginem virgini commendavit. — Beatus Apostolus. Glória. Beatus Apostolus.

## IN III. NOCTURNO.

Lectio sancti Evangelii  
secundum Joannem.

Lectio vij. Cap. 21.

**I**N illo tempore: Dixit Jesus Petro: Sequere me. Convertere Petrus vidit illum discipulum, quem diligebat Jesus, sequentem. Et reliqua.

Homilia sancti Joannis  
Chrysostomi.

(Hom. 87. in Joann. circa  
medium.)

**C**UM magna Christus Petro communicasset, orbis terrarum curam demandasset, martirium prædixisset, et majorem erga eum dilectionem testatus esset; cum vellet Petrus Joannem socium et collegam, inquit: Hic autem quid? Numquid eandem viam agrediatur? Et quemadmodum

in cena interrogare non ausus, Joannem sufficit, ita nunc vicem reddit, arbitratus eum velle, sed non audere de se sciscitari.

R. vij. In illa die suscipiam te servum meum: et ponam te sicut signaculum in conspectu meo: \* Quoniam ego elegi te, dicit Dominus. V. Esto fidelis usque ad mortem, et dabo tibi coronam vitæ. — Quoniam ego elegi te, dicit Dominus.

## Lectio viij.

**T**UM Christus: Sic eum volo manere donec veniam, quid ad te? Nam, cum nimia id caritate diceret Petrus, nec ab eo dividi vellet, ostendens Christus, quod quantavis eum dilectione prosequeretur, suam assequi non posset, inquit: Sic eum volo manere, quid ad te? His verbis nos erudiens, neque dolendum, neque curiosius præter divinam voluntatem investigandum.

R. viij. Cibavit illum Dominus pane vitæ et intellectus, et aqua sapientiæ salutaris potavit eum. \* Et exaltavit eum apud próximos suos. V. In medio ecclesiæ aperuit os ejus, et implavit eum spiritu sapientiæ et intellectus. — Et exaltavit eum apud próximos suos.

## Lectio ix.

**N**AM cum Petrus semper in hujusmodi interrogationes ferventius prosiliret, iterum ejus fervorem retinens, quod non sit ulterius inquirendum, in hunc modum respondit: Sic eum volo manere donec veniam, quid ad te? Noli arbitrari, inquit, eodem modo me



de vobis disposuisse. Hoc autem dixit, ut intempestivum affectum, et consuetudinis desiderium tolleret. Cum enim essent orbis terrarum curam suscepturi, simul amplius esse non oportebat.

R. ix. In medio ecclesiæ aperuit os ejus, \* Et implevit eum Dominus spiritu sapientiæ et intellectus. V. Jucunditatem et exultationem thesaurizavit super eum. — Et implevit eum Dominus. Glória. Et implevit eum Dominus.

Canticum Te Deum laudamus.

Ante Laudes V. Valde honorandus est beatus Joannes. R. Qui supra pectus Domini in cena recubuit.

#### AD LAUDES.

Omnia ut in Festo, pag. 758. servato modo Dominicæ.

Omissis Memoriis de Nativitate et de S. Stephano, fiant duæ sequentes :

Memoria de SS. Innocentibus : Aña. Herodes iratus occidit multos pueros in Bethlehem Judæ civitate David.

V. Mirabilis Deus. R. In Sanctis suis.

Oratio.

**D**EUS, cujus hodierna die præconium Innocentes Martyres, non loquendo sed moriendo, confessi sunt : omnia in nobis vitiõrum mala mortifica; ut fidem tuam, quam lingua nostra loquitur, etiam moribus vita fateatur. Per.

Memoria de B. Maria V. :

Aña. Rubum, quem viderat Moyses incombustum, conservatam agnovimus tuam laudabilem virginitatem : Dei Génitrix intercede pro nobis.

V. Benedictus qui venit in nomine Domini. R. Deus Dominus, et illuxit nobis.

Oratio.

**D**EUS, qui salutis æternæ, beatæ Mariæ virginitate fecunda, humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vitæ suscipere : Dominum nostrum Jesum Christum Filium tuum, qui tecum vivit.

AD PRETIOSA.

Evangelium.

Secundum Joannem. Cap. 21.

**I**n illo tempore : Dixit Jesus Petro : Séquere me. Conversus Petrus vidit illum discipulum, quem diligebat Jesus, sequentem. Tu autem Domine.

AD PRIMAM.

Aña. Hic est discipulus ille, qui testimonium perhibet de his, et scimus quia verum est testimonium ejus. Tres Psalmi consueti et Symbolum Quicumque vult.

Capitulum Regi sæculorum.

R. Jesu Christe, Fili Dei vivi, miserere nobis, \* Alleluia, alleluia. Jesu Christe. V. Qui natus es de Virgine Maria. Alleluia. Glória. Jesu Christe.

V. Exsurge Domine, adjuva nos. R. Et libera nos propter nomen tuum.

Confiteor..., Misereatur..., Oratio In hac hora.

AD TERTIAM,

SEXTAM ET NONAM.

Antiphonæ, Capitula, R. R. cum duplici Alleluia., V. V. et Oratio ut in Festo, pag. 759. et pag. 760.

## AD II. VESPERAS.

Super Psalmos Añā. Hic est discipulus ille, qui testimoniū pēribet de his, et scimus quia verum est testimoniū ejus. Psalmus Dixit Dóminus. cum ceteris de Communi Apostolorum, pag. 34\*.

Capitulum. Eccli. 15.

**Q**UI timet Deum faciet bona :  
Et qui cōtinens est justitiæ, apprehēdet illam, et obviabit illi quasi mater honorificata.

## Hymnus.

**E**XSULTET cælum laudibus,  
Resultet terra gaudiis :  
Apostolorum glóriam  
Sacra canunt solémnia.

Vos sæcli justī iudices  
Et vera mundi lūmina  
Votis precāmur cōrdium,  
Audite preces supplicum.

**Q**UI cælum verbo clauditis,  
Serāsque ejus solvitis,  
Nos a peccātis omnibus  
Solvite jussu, quæsumus.

**Q**UORUM præcepto sūbditur  
Salus et languor omnium,  
Sanate aegros moribus,  
Nos reddentes virtutibus.

**U**T cum Iudex advenerit  
Christus in fine sæculi,  
Nos sempiterni gaudii  
Faciāt esse cōmpotes.

**G**LORIA tibi Dómine,  
Qui natus es de Virgine,  
Cum Patre et sancto Spiritu,  
In sempiterna sæcula.

Amen.

Ÿ. In omnem terram exivit  
sonus eorum. R. Et in fines  
orbis terræ verba eorum.

Ad Magnificat Añā. In medio  
ecclesiæ apēruit os ejus, et  
implēvit eum Dóminus spiritu

sapiētiæ et intellēctus, stolā  
que glóriæ induit eum, allelūia,  
allelūia, allelūia. Oratio.

**E**CCELSIAM tuam Dómine  
benignus illūstra : ut beati  
Joānnis Apóstoli tui et Evange-  
listæ illuminata doctrinis, ad  
dona perveniat sempiterna,  
Per.

Memoria de Octava die  
SS. Innocentium :

Añā. Ambulabunt mecum in  
albis, quoniam digni sunt : et  
non delebo nōmina eorum de  
Libro vitæ.

Ÿ. Lætāmini in Dómino, et  
exsultate justī. R. Et gloriāmi-  
ni omnes recti corde.

## Oratio.

**D**EUS, cujus hodierna die  
præcōnium Innocētes  
Martyres, non loquēdo sed  
moriēdo, confessi sunt : om-  
nia in nobis vitiōrum mala  
mortifica; ut fidem tuam, quam  
lingua nostra loquitur, etiam  
mōribus vita fateatur. Per.

Memoria de B. Maria V. :

Añā. Germinavit radix Jesse :  
orta est stella ex Jacob : Virgo  
pēperit Salvatorem : te laudā-  
mus Deus noster.

Ÿ. Tamquam sponsus. R. Dó-  
minus procedens de thalamo  
suo. Oratio.

**D**EUS, qui salutis æternæ,  
beatæ Mariæ virginitatis  
fecunda, humano generi præ-  
mia præstitisti : tribue, quæ-  
sumus, ut ipsam pro nobis in-  
tercedere sentiamus, per quam  
meruimus auctorem vitæ sus-  
cipere : Dóminum nostrum  
Jesum Christum Filium tuum,  
qui tecum vivit.

## AD COMPLETORIUM.

Super Psalmos Añā. Natus est nobis hodie Salvator, qui est Christus Dominus, in civitate David.

Ad Nunc dimittis Añā. Alleluia, Verbum caro factum est, alleluia : et habitavit in nobis, alleluia, alleluia.

EADEM DIE III. JANUARIIL.  
IN OCTAVA S. JOANNIS,  
SI DOMINICA NON FUERIT.

## TRES LECTIONES.

Non dicitur Officium quotidianum B. Mariæ Virginis.

## IN I. VESPERIS.

Ad Memoriam Añā. Valde honorandus est., ¶. In omnem terram. et Oratio Ecclesiam tuam. ut in ij. Vesperis Octavæ diei S. Stephani, pag. 787.

Memoria de SS. Innocentibus et de B. Maria Virgine, ibidem.

## AD MATUTINUM.

Invitatorium. Adorémus Regem Apostolorum : \* Qui privilegio amoris Joannem dilexit Apostolum.

Hymnus Exsúltet cælum laudibus., pag. 794.

## IN NOCTURNO.

Super Psalmos sola Añā. Joannes Apostolus et Evangelista virgo est electus a Domino, atque inter ceteros magis dilectus. Psalmus Cæli enarrant gloriā Dei. cum octo ceteris de Communi Apostolorum, pag. 27\*. et sequentibus. ¶. Nimis honorati sunt amici tui Deus. R. Nimis confortatus est principatus eorum.

† Benedictiones secundum Feriam, scilicet Feria secunda et Feria quinta Benedictio Benedictione perpétua. cum ceteris duabus; Feria tertia et Feria sexta Benedictio Deus Pater omnipotens. cum ceteris duabus; Feria quarta et Sabbato Benedictio Ille nos benedicat. cum ceteris duabus.

De Epistola prima beati Joannis Apostoli.

Lectio j. Cap. 2.

SCRIBO vobis filioli, quoniam remittuntur vobis peccata propter nomen ejus. Scribo vobis patres, quoniam cognovistis eum, qui ab initio est. Scribo vobis adulescentes, quoniam vicistis malignum. Scribo vobis infantes, quoniam cognovistis Patrem. Scribo vobis juvenes, quoniam fortes estis, et verbum Dei manet in vobis, et vicistis malignum.

R. j. In illa die suscipiam te servum meum : et ponam te sicut signaculum in conspectu meo : \* Quoniam ego elegi te, dicit Dominus. ¶. Esto fidelis usque ad mortem, et dabo tibi coronam vitæ. — Quoniam ego elegi te, dicit Dominus.

Lectio ij.

NOLITE diligere mundum, neque ea, quæ in mundo sunt. Si quis diligit mundum, non est caritas Patris in eo : quoniam omne, quod est in mundo, concupiscentia carnis est, et concupiscentia oculorum, et superbia vitæ : quæ non est ex Patre, sed ex mundo est. Et mundus transit, et concupiscentia ejus. Qui autem facit voluntatem Dei, manet in æternum.



**R.** ij. Cibavit illum Dominus pane vite et intellectus, et aqua sapientie salutaris potavit eum : \* Et exaltavit eum apud proximos suos. **V.** In medio ecclesie aperuit os ejus, et implevit eum spiritu sapientie et intellectus. — Et exaltavit eum apud proximos suos. Ex Tractatu sancti Augustini Episcopi in Joannem.

(Tract. 36.)

Lectio iij.

**I**N quatuor Evangeliiis, vel potius quatuor libris unius Evangelii, sanctus Joannes Apostolus non immerito secundum intelligentiam spiritalem aquile comparatus, altius multoque sublimius aliis tribus crexit predicationem suam : et in ejus erectione etiam corda nostra erigi voluit. Nam ceteri tres Evangeliste, tamquam cum homine Domino in terra ambulantes, de divinitate ejus pauca dixerunt.

**R.** iij. In medio ecclesie aperuit os ejus, \* Et implevit eum Dominus spiritu sapientie et intellectus. **V.** Jucunditatem et exultationem thesaurizavit super eum. — Et implevit eum Dominus. Et implevit eum Dominus.

Canticum Te Deum laudamus.

Ante Laudes **V.** Valde honorandus est beatus Joannes. **R.** Qui supra pectus Domini in cena recubuit.

AD LAUDES.

Super Psalmos sola Añ. Hic est discipulus ille, qui testimonium perhibet de his, et scimus quia verum est testimonium

nium ejus. Psalmus Dominus regnavit. cum ceteris, pag. 17.

Capitulum, Hymnus, **V.**, Añ. ad Benedictus et Oratio ut in Laudibus Festi, pag. 759.

Memoria de SS. Innocentibus :

Añ. Herodes iratus occidit multos pueros in Bethlehém Judæ civitate David.

**V.** Mirabilis Deus. **R.** In Sanctis suis.

Oratio.

**D**EUS, cujus hodierna die præconium Innocentes Martyres, non loquendo sed moriendo, confessi sunt : omnia in nobis vitiõrum mala mortifica ; ut fidem tuam, quam lingua nostra loquitur, etiam moribus vita fateatur. Per.

Memoria de B. Maria V. :

Añ. Rubum, quem viderat Moyses incombustum, conservatam agnovimus tuam laudabilem virginitatem : Dei Genitrix intercede pro nobis.

**V.** Benedictus qui venit in nomine Domini. **R.** Deus Dominus, et illuxit nobis.

Oratio.

**D**EUS, qui salutis æternæ, beatæ Mariæ virginitate fecunda, humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus auctorem vite suscipere : Dominum nostrum Jesum Christum Filium tuum, qui tecum vivit...

AD PRETIOSA.

Legendum est de Constitutionibus.

AD PRIMAM.

Añ. Hic est discipulus ille. ut in Laudibus.

Capitulum Regi sæculorum immortalī.

R. Jesu Christe, Fili Dei vivi, miserere nobis, \* Allelūia, allelūia. Jesu Christe. V. Qui natus es de Virgine Maria. Allelūia. Glória. Jesu Christe.

V. Exsúrge Dómine, ádjuva nos. R. Et libera nos propter nomen tuum.

Preces, ut pag. 32. notatum est; Oratio In hac hora.

AD TERTIAM,  
SEXTAM ET NONAM.

Antiphonæ, Capitula, R. R. cum duplici Allelūia., V. V. et Oratio ut in Festo, pag. 759. et pag. 760.

AD II. VESPERAS.

Omnia eodem modo fiant ac si Octava dies S. Joannis in Dominica euerit, ut videlicet pag. 794. notatum est, cum Memoriis de sequenti Octava die SS. Innocentii et de B. Maria Virgine ibidem positis.

† Prædictus modus servandus est etiam si Dominica sequatur.

AD COMPLETORIUM.

Super Psalmos Añā. Natus est nobis hódie Salvátor, qui est Christus Dóminus, in civitate David.

Ad Nunc dimittis Añā. Allelūia, Verbum caro factum est, allelūia : et habitavit in nobis, allelūia, allelūia.

Preces, ut pag. 151. notatum est.

DIE IV. JANUARI.  
IN OCT. SS. INNOCENTII,  
SI DOMINICA FUERIT.  
NOVEN LECTIONES.

IN I. VESPERIS.

Ad Memoriam Añā Ambulábunt, V. Lætámini in Dómino. et Oratio Deus, cujus hodierna die. ut in ij. Vesperis Octavæ diei S. Joannis, pag. 794.

Memoria de B. M. V. ibidem.

AD MATUTINUM.

Invitatorium Veníte, adorémus Regem regum. et Hymnus Quæ vox., ut in Festo, pag. 761.

† In tribus Nocturnis Psalmi, Antiphonæ et V. V. ut in Festo, pag. 761. et sequentibus; Lectiones et R. R. ut infra.

IN I. NOCTURNO.

De Epístola beati Pauli Apóstoli ad Romános.

Lectio j. Cap. 9.

**A**N non habet potestatem figulus luti ex eadem massa facere aliud quidem vas in honorem, aliud vero in contumeliam? Quod si Deus volens ostendere iram, et notam facere potentiam suam, sustinuit in multa patientia, vasa iræ, apta in interitum, ut ostenderet divitias gloriæ suæ in vasa misericordiæ, quæ præparavit in gloriā.

R. j. Sub altare Dei audiui voces occisorum dicentium : Quare non defēdis sanguinem nostrum? Et acceperunt divinum responsum : \* Adhuc sustinete modicum tempus, donec impleatur numerus fratrū vestrorum. V. Et datæ sunt illis singulæ stolæ albæ : et dictum est illis. — Adhuc sustinete modicum tempus.

## Lectio ij.

**Q**UOS et vocavit nos non solum ex Judæis, sed etiam ex Gentibus, sicut in Osée dicit: Vocabo non plebem meam, Plebem meam: et non dilectam, Dillectam: et non misericordiam consecutam, Misericordiam consecutam. Et erit: In loco, ubi dictum est eis, Non plebs mea vos: ibi vocabuntur Filii Dei vivi. Isaias autem clamavit pro Israel: Si fuerit numerus filiorum Israel tamquam arena maris, reliquiae salvæ fient.

R. ij. Effuderunt sanguinem Sanctorum velut aquam in circuitu Jerusalem: \* Et non erat qui sepeliret. V. Vindica Domine sanguinem Sanctorum tuorum, qui effusus est. — Et non erat qui sepeliret.

## Lectio iij.

**V**ERBUM enim consummans, et abbrevians in æquitate: quia verbum breviatum faciet Dominus super terram: et sicut prædixit Isaias: Nisi Dominus sabaoth reliquisset nobis semen, sicut Sodomæ facti essemus, et sicut Gomorrhæ similes fuissimus. Quid ergo dicemus? Quod Gentes, quæ non sectabantur justitiam, apprehenderunt justitiam: justitiam autem, quæ ex fide est. Israel vero sectando legem justitiæ, in legem justitiæ non pervenit.

R. iij. Adoraverunt viventem in sæcula seculorum, \* Mittentes coronas suas ante thronum Domini Dei sui. V. Et ceciderunt in conspectu throni in facies suas: et benedixerunt viventem in sæcula. — Mittentes

coronas suas. Glória. Mittentes coronas suas.

## IN II. NOCTURNO.

Sermo sancti Joannis  
Chrysostomi.

(Hom. 3. in varios Matth. locos.)

## Lectio iv.

**D**ICUNT Domino laudes trucidati ab Herode lactentes: loquuntur sanguine, quod lingua non possunt: passione canunt, quod sermone non norunt: occisi prædicant, quod vivi non poterant. Contulit martirium laudem, quibus negaverat natura sermonem: licuit sanguine clamare, quibus narrare non licebat voce: licuit sanguine loqui, quibus lingua non licuit: miscent cum Domino colloquia, quibus humana negata sunt verba.

R. iv. Isti sunt Sancti, qui passi sunt propter te Domine: vindica eos, \* Quia clamant ad te quotidie. V. Vindica Domine sanguinem Sanctorum tuorum, qui effusus est. — Quia clamant ad te quotidie.

## Lectio v.

**O**BEATA lactentium gloria, quibus pro Christo contigit dedicare martyria! Experiuntur tempore uno nativitatem, et mortem; ingressum, et exitum; principium, et occasum: ut ipsis posset contingere tempore uno, et nascendo ingredi mundum, et dedicare martyrio caelum. Probat novos exercitus Christus: rudes milites designat: legiones lactentes victoria parta coronat.

R. v. Cantabant Sancti canticum novum ante sedem Dei et Agni: \* Et resonabat terra in voces eorum. V. Sub throno



Dei Sancti clamant : Vindica sanguinem nostrum Deus noster. — Et resonabat terra in voces eorum.

Lectio vj.

**F**UUNT pro Christo victores, qui ætate fuerunt cœquales : sunt infantes sine certamine fortes, sine pugna victores. Mercantur poena martyrium, gloriâ sanguine comparant, æternam vitam temporali morte commutant. Transmittit infantes infans Christus ad cælum : nova xénia Patri, primitias fructuum exhibet Genitori. Ostendit futuram fecundissimam messem, dum in semine tantam exhibet ubertatem.

R. vj. Isti sunt Sancti, qui non inquinaverunt vestimenta sua : \* Ambulabunt mecum in albis, Quia digni sunt. V. Hi sunt, qui cum mulieribus non sunt coinquinati : virgines enim sunt. — Ambulabunt mecum in albis. Glória. Quia digni sunt.

IN III. NOCTURNO.

Lectio sancti Evangelii secundum Matthæum.

Lectio vij. Cap. 2.  
**I**N illo tempore : Angelus Domini apparuit in somnis Joseph, dicens : Surge, et accipe Puerum, et Matrem ejus, et fuge in Ægyptum, et esto ibi usque dum dicam tibi. Et reliqua.

Homilia sancti Joannis

Chrysostomi.

(Homil. 8. in Matth. ante medium.)

**Q**UÆ cum audisset Joseph, nequâquam passus est scandalum, neque dixit, Incerta ista res est, ac prorsus am-

bigua. Tu paulo ante dicebas quia salvabit populum suum : et nunc seipsum quidem non potest de periculis liberare ; sed fuga nobis est necessaria, et peregrinatio, ac transmigratio longinqua. Contraria omnino sunt facta promissis.

R. vij. Vidi sub altare Dei animas interfectorum propter verbum Dei, quod habebant et clara voce dicebant : Vindica Domine sanguinem Sanctorum tuorum, \* Qui effusus est. V. Sub throno Dei Sancti clamant : Vindica Domine sanguinem nostrum. — Qui effusus est.

Lectio viij

**S**ED horum nihil prorsus opponit : vir enim erat fidelis. Neque curiose reversionis tempus inquit, quod utique ab Angelo non signate fuerat expressum. Sed, Esto ibi, inquit, usquequo dicam tibi. Verum ille nec per ista quidem factus est segnior ; sed obedivit libenter, et credidit, omnes prorsus tribulationes cum gaudio sustinendo. Enimvero misericors Deus maestis rebus quædam etiam jucunda permiscuit.

R. viij. Sub throno Dei Sancti clamant : \* Vindica sanguinem nostrum Deus noster. V. Sub altare Dei audiui voces occisorum, clamantium et dicentium. — Vindica sanguinem nostrum Deus noster.

Lectio ix.

**Q**UOD certe in sanctis omnibus facit, quos neque tribulationes, neque jucunditates sinit habere continuas : sed tum de adversis, tum ex prosperis justorum vitam quasi admirabili varietate contexit.

Quod hic quoque eum fecisse considera. Quippe sanctus Joseph videns Puerum natum, máxima exultatione replétus est : sed huic gaudio periculum grande succēssit, cum tota utique civitas turbaretur, ipse rex fureret, et ad necem Puerum quæreretur.

R. ix. Centum quadraginta quatuor millia, qui empti sunt de terra, hi sunt qui cum mulieribus non sunt coinquinati : virgines enim permanserunt : \* Ideo regnant cum Deo, et Agnus Dei In illis. V. Hi empti sunt ex hominibus primitiæ Deo et Agno : et in ore ipsorum non est inventum mendacium. — Ideo regnant cum Deo. Glória. In illis.

Canticum Te Deum laudamus.

Ante Laudes V. Exsultabunt Sancti in glória. R. Lætabuntur in cubilibus suis.

#### AD LAUDES.

Omnia ut in Festo, pag. 769. servato modo Dominicæ.

Omissis Memoriis de Nativitate, de S. Stephano et de S. Joanne, fiat Memoria de B. Mariæ Virgine :

Añā. Rubum, quem viderat Moyses incombustum, conservatam agnovimus tuam laudabilem virginitatem : Dei Genitrix intercède pro nobis.

V. Benedictus qui venit in nomine Domini. R. Deus Dominus, et illuxit nobis. Oratio.

**D**EUS, qui salutis æternæ, beatæ Mariæ virginitate fecunda, humani generi præmia præstitisti : tribue, quæsumus, ut ipsam pro nobis intercédere sentiamus, per quam meruimus auctorem vitæ sus-

cipere : Dominum nostrum Jesum Christum Filium tuum, qui tecum vivit.

#### AD PRETIOSA.

Evangelium.

Secundum Matthæum. Cap. 2.

**I**N illo tempore : Angelus Domini apparuit in somnis Joseph, dicens : Surge, et accipe Puerum et Matrem ejus, et fuge in Ægyptum, et esto ibi usque dum dicam tibi. Tu autem Domine.

#### AD PRIMAM.

Añā. Herodes iratus occidit multos pueros in Bethlehem Judæ civitate David. Tres Psalmi consueti et Symbolum Quicumque vult.

Capitulum Regi sæculorum.

R. Jesu Christe, Fili Dei vivi, miserere nobis, \* Allelúia, allelúia. Jesu Christe. V. Qui natus es de Virgine Mariá. Allelúia. Glória. Jesu Christe.

V. Exsurge Domine, adjuva nos. R. Et libera nos propter nomen tuum.

Confiteor..., Misereatur... Oratio In hac hora.

#### AD TERTIAM.

Añā. A bimatu et infra occidit multos pueros Herodes propter Dominum.

Capitulum. Apoc. 14.

**V**IDI supra montem Sion Agnum stantem, et cum eo centum quadraginta quatuor millia habentes nomen ejus, et nomen Patris ejus scriptum in frontibus suis.

R. Lætámini in Domino, et exsultate justi, \* Allelúia, allelúia. Lætámini. V. Et gloriámini omnes recti corde. Allelúia. Glória. Lætámini.

¶ Exsultent justi in conspectu Dei. R. Et delectentur in lætitia.

Oratio.

**D**EUS, cujus hodierna die præconium Innocentes Martyres, non loquendo sed moriendo, confessi sunt: omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per.

#### AD SEXTAM.

Aña. Vox in Rama audita est, ploratus et ululatus: Rachel plorans filios suos.

Capitulum. Apoc. 14.

**H**I sunt, qui cum mulieribus non sunt coinquinati: virgines enim sunt. Hi sequuntur Agnum quocumque ierit.

R. Exsultent justi in conspectu Dei, \* Allelúia, allelúia. Exsultent. ¶ Et delectentur in lætitia. Allelúia. Glória. Exsultent.

¶ Justi autem in perpetuum vivent. R. Et apud Dominum est merces eorum.

Oratio Deus, cujus hodierna die, ut ad Tertiam.

#### AD NONAM.

Aña. Cantabant Sancti canticum novum ante sedem Dei et Agni: et resonabat terra in voces eorum.

Capitulum. Apoc. 14.

**H**I empti sunt ex hominibus primitiæ Deo, et Agno: et in ore ipsorum non est inventum mendacium.

R. Justi autem in perpetuum vivent, \* Allelúia, allelúia. Justi autem. ¶ Et apud Dominum est merces eorum. Allelúia. Glória. Justi autem.

¶ Mirabilis Deus. R. In Sanctis suis.

Oratio Deus, cujus hodierna die, ut ad Tertiam.

#### AD II. VESPERAS.

Super Psalmos Aña. Heródes iratus occidit multos pueros in Bethlehem Judæ civitate David. Psalmus Dixit Dominus. cum ceteris de Communi plurimorum Martyrum, pag. 62\*.

Capitulum. Apoc. 14.

**V**IDI supra montem Sion Agnum stantem, et cum eo centum quadraginta quatuor millia habentes nomen ejus, et nomen Patris ejus scriptum in frontibus suis.

Hymnus.

**Q**UÆ vox, quæ poterit lingua retexere

Quæ tu Martyribus múnera præparas?

Rubri nam flúido ságuine, láureis

Ditántur bene fúlgidis.

TE summa Déitas únaque póscimus

Ut culpas ábluas, nóxia súbtrahas:

Des pacem fámulis, nos quoque glóriam

Per cuncta tibi sæcula.

Amen.

¶ Lætámini in Dómino, et exsultáte justi. R. Et gloriámini omnes recti corde.

Ad Magnificat Aña. Innocentes pro Christo infantes occisi sunt: ab iniquo rege lactentes interfécti sunt: ipsum sequuntur Agnum sine mácula, et dicunt semper: Glória tibi Dómine.



## Oratio.

**D**EUS, cujus hodierna die præcónium Innocéntes Mártyres, non loquendo sed moriendo, confessi sunt : omnia in nobis vitiórum mala mortifica ; ut fidem tuam, quam lingua nostra loquitur, étiam móribus vita fateátur. Per Dóminum.

Memoria de B. Maria V. :

Aña. Germinávit radix Jesse : orta est stella ex Jacob : Virgo péperit Salvátorem : te laudámus Deus noster.

℟. Tamquam sponsus. ℞. Dóminus procedens de thálamo suo.

## Oratio.

**D**EUS, qui salútis æternæ, beátæ Mariæ virginitáte fecúnda, humáno géneri præmia præstitisti : tribue, quæsumus, ut ipsam pro nobis intercedere sentiámus, per quam meruimus auctórem vitæ suscipere : Dóminum nostrum Jesum Christum Fílium tuum, qui tecum vivit.

## AD COMPLETORIUM.

Super Psalmos Aña. Natus est nobis hódie Salvátor, qui est Christus Dóminus, in civitaté David.

Ad Nunc dimittis Aña. Allelúia, Verbum caro factum est, allelúia : et habitávit in nobis, allelúia, allelúia.

EADEM DIE IV. JANUARIJ.  
INOCTAVASS.INNOCENTIJ,  
SI DOMINICA NON FUERIT.

## TRES LECTIONES.

Non dicitur Officium quotidianum B. Mariæ Virginis.

## IN I. VESPERIS.

Ad Memoriam Aña. Ambulábunt mecum., ℣. Laetámini in Dómino. et Oratio Deus, cujus hodierna die. ut in ij. Vesperis Octavæ diei S. Joannis, pag. 794.

Memoria de B. Maria Virgine, ibidem.

## AD MATUTINUM.

Invitatorium Venite adorémus Regem regum. et Hymnus Quæ vox. ut in Festo, pag. 761.

## IN NOCTURNO.

Super Psalmos sola Aña. Novit Dóminus vias Innocéntium, qui non stetérunt in viis peccatórum. Psalmus Beátus vir, qui non ábiit. cum octo ceteris ut in Festo, pag. 761. et sequentibus.

℣. Justi autem in perpétuum vivent. ℞. Et apud Dóminum est merces eórum.

† Benedictiones secundum Feriam, scilicet Feria secunda et Feria quinta Benedictio Benedictione perpétua. cum ceteris duabus; Feria tertia et Feria sexta Benedictio Deus Pater omnipotens. cum ceteris duabus; Feria quarta et Sabbato Benedictio Ille nos benedicat. cum ceteris duabus.

De Epístola beáti Pauli Apóstoli ad Romános.

Lectio j. Cap. 9.

**A**N non habet potestátem figulus luti ex eádem massa fácere áliud quidem vas in honórem, áliud vero in contuméliam? Quod sí Deus volens osténdere iram, et notam fácere poténtiam suam, sustinuit in multa paciéntia, vasa iræ,

apta in intéritum, ut osténderet divítias glóriæ suæ in vasa misericórdiæ, quæ præparávit in glóriam.

R. j. Vidi sub altáre Dei ánnimas interfectórum propter verbum Dei, quod habébant, et clara voce dicébant : Vindica Dómine sánguinem Sanctórum tuórum, \* Qui effusus est.   
 x. Sub throno Dei Sancti clamant : Vindica Dómine sánguinem nostrum. — Qui effusus est.

#### Lectio ij.

**Q**UOS et vocávit nos non solum ex Judæis, sed étiam ex Géntibus, sicut in Osée dicit : Vocábo non plebem meam, Plebem meam : et non diléctam, Diléctam : et non misericórdiam consecútam, Misericórdiam consecútam. Et erit : In loco, ubi dictum est eis, Non plebs mea vos : ibi vocabúntur Filii Dei vivi. Isaías autem clamat pro Israel : Si fúerit númerus filiórum Israel tamquam aréna maris, reliquæ salvæ fient.

R. ij. Sub throno Dei Sancti clamant : \* Vindica sánguinem nostrum Deus noster.   
 v. Sub altáre Dei audívi voces occísórum, clamántium, et dicéntium. — Vindica sánguinem nostrum Deus noster.

Sermo sancti Joánnis Chrysóstomi.

(Hom. 3. in varios Matth. locos.)

#### Lectio iij.

**D**ICUNT Dómino laudes trucidáti ab Heróde lacténtes : loquúntur ságuine quod lingua non possunt : passióne canunt, quod sermóne non po-

runt : occisi prædicant, quod vivi non póterant. Cónsulit martýrium laudem, quibus negáverat natúra sermóne : licuit ságuine clamáre, quibus narráre non licébat voce : licuit ságuine loqui, quibus lingua non licuit : miscent cum Dómino collóquia, quibus humana negáta sunt verba.

R. iij. Centum quadraginta quátuor millia, qui empti sunt de terra, hi sunt qui cum muliéribus non sunt coínquináti, vírgines enim permansérunt : \* Ideo regnant cum Deo, et Agnus Dei In illis.   
 v. Hi empti sunt ex homínibus primitiæ Deo et Agno : et in ore ipsórum non est invéntum mendácium. — Ideo regnant cum Deo. Glória. In illis.

Canticum Te Deum laudámus.

Ante Laudes v. Exsultábunt Sancti in glória. R. Lætabúntur in cubilibus suis.

#### AD LAUDES.

Super Psalmos sola Añña. Heródes irátus occidit multos púeros in Bétlehem Judæ civitate David. Psalmus Dóminus regnávit. cum ceteris, pag. 17.

Capitulum. Apoc. 14.

**V**IDI supra montem Sion Agnum stantem, et cum eo centum quadraginta quátuor millia habéntes nomen ejus, et nomen Patris ejus scriptum in fróntibus suis.

Hymnus.

**C**ATERVA matrum pèsonat Collisa deflens pignora, Quorum tyránnus millia Christo sacrávit víctimas.

GLORIA tibi Dómine,  
Qui natus es de Virgine,  
Cum Patre, et sancto Spíritu,  
In sempitérna sæcula.

Amen.

¶ Mirábilis Deus. R. In Sanctis suis.

Ad Benedictus Añã. Hi sunt, qui cum mulieribus non sunt coinquinati : virgines enim sunt, et sequuntur Agnum quocúmque ierit.

Oratio.

**D**EUS, cujus hodiérna die præcónium Innocéntes Mártires, non loquendo sed moriendo, confessi sunt : ómnia in nobis vitiórum mala mortifica ; ut fidem tuam, quam lingua nostra loquitur, étiam moribus vita fateátur. Per.

Memoria de B. Maria V. :

Añã. Rubum, quem viderat Móyses incombústum, conservátam agnóvimus tuam laudábilem virginitátem : Dei Génitrix intercède pro nobis.

¶ Benedictus qui venit in nómine Dómini. R. Deus Dóminus, et illúxit nobis.

Oratio.

**D**EUS, qui salutis æternæ, beatæ Mariæ virginitáte fecúnda, humano géneri præmia præstitisti : tribue, quæsumus, ut ipsam pro nobis intercédere sentiámus, per quam merúimus auctórem vitæ suscipere : Dóminum nostrum Jesum Christum Filium tuum, qui tecum vivit...

AD PRETIOSA.

Legendum est de Constitutionibus.

AD PRIMAM.

Añã. Heródes irátus occidit multos púeros in Bèthlehem Judæ civitaté David.

Capitulum Regi sæculórum immortalí.

R. Jesu Christe, Fili Dei vivi, miserére nobis, \* Allelúia, allelúia. Jesu Christe. ¶. Qui natus es de Virgine Maria. Allelúia. Glória. Jesu Christe.

¶. Exsúrge Dómine ádjuva nos. R. Et libera nos propter nomen tuum.

Preces, ut pag. 32. notatum est. Oratio In hac hora.

AD TERTIAM.

SEXTAM ET NONAM.

Antiphonæ, Capitula, R. R. cum duplici Allelúia, ¶. ¶. et Oratio ut pag. 800. et pag. 801. notatum est.

AD II. VESPERAS.

Omnia eodem modo fiant ac si Octava dies SS. Innocéntium in Dominica evenerit, ut videlicet pag. 801. notatum est, cum Memoria de B. Maria Virgine ibidem posita.

† Prædictus modus servandus est etiamsi Dominica sequatur.

AD COMPLETORIUM.

Super Psalmos Añã. Natus est nobis hódie Salvátor, qui est Christus Dóminus, in civitaté David.

Ad Nunc dimittis Añã. Allelúia, Verbum caro factum est, allelúia : et habitávit in nobis, allelúia, allelúia.

Preces ut pag. 151. notatum est.



DIE X. JANUARI.

B. GUNDISALVI

CONF. ORD. PRÆD.

TOTUM DUPLEX.

AD I. VESPERAS.

Super Psalmos Añā. Apostó-  
licæ virtútis Gundisálvus imi-  
tátor ac æmulus repósitam in  
cælis justitiæ coronam tandem  
accépit. Psalmus Laudáte púeri.  
cum ceteris, pag. 145.

Capitulum. Eccli. 49.

**D**IRECTUS est divinitus in  
pœniténtiam gentis, et  
tulit abominatiónes impietátis.  
Et gubernávit ad Dóminum  
cor ipsius, et in diébus peccá-  
tórū corroborávit pietatem.

R. In rápidi flúminis álveo,  
periclitántium misértus Christi  
servus, pauper ópibus sed fide  
dives, pontem nobilíssimum  
aggréssus est \* In nómine Dó-  
mini. V. Ad impériū ejus  
tacta báculo rupes vinum fun-  
debát, et illi ad manum plácidi  
confluebant pisces. — In nó-  
mine Dómini. Glória. In nómi-  
ne Dómini.

Hymnus.

**A**D sacerdótis nova Gundi-  
sálvi

Festa, decúrsu redeúntis anni,  
Cónfluat cantu résonans ca-  
nóro

Turba fidélis.

ATTAMEN plausu modula-  
tióre

Prædicatórum sacer Ordo,

cujus

Exstitit magnum decus ille,  
sacros

Cóncinat hymnos.

MAGNA magnárum docu-  
ménta vivens

Ante virtútum dedit : ad su-  
pérna

Regna translátus dat ubique  
vitæ

Signa beátæ.

ILLIUS nomen pópuli cadén-  
tis

Solis, afflicti várie, salútant :  
Fállitur nemo, queritúrve mæ-  
stus

Damna repúlsæ.

ILLIUS currunt ad opem se-  
púlcri,

Dissiti quamvis procul, agmi-  
nátim :

Nec capit duplex Amaránthus  
amplas

Sæpe catérvas.

LAUS sit æternæ pia Trini-  
táti,

Cujus e cælo párilis potéstas,  
Quidquid est, quidquid víget  
ac movétur,

Omne gubernat. Amen.

V. Ora pro nobis beáte Gun-  
disálve. R. Ut digni efficiámur  
promissionibus Christi.

Ad Magnificat Añā. In carne  
præter carnem vivens, angéli-  
cæ castitátis imáginem exhi-  
buit : cuius nomen dignum est  
quod immortáli memóriæ con-  
secrétur. Oratio.

**D**EUS, qui beáti Gundisálvi  
Confessóris tui mentem  
sancti nóminis tui amóre mi-  
rabíliter inflammásti : concéde,  
quæsumus, ut illius vestigiis  
inhæréntes semper te cogité-  
mus, et quæ tibi grata sunt  
inflammáto stúdio faciámus.  
Per.

Memoria de Octava Epipha-  
niæ :

Añā. Vidéntes stellam Magi  
gavisi sunt gáudio magno : et  
intrántes domum obtulérunt  
Dómino aurum, thus et myr-  
rham.

¶ Reges Tharsis et insulæ  
mûnera offerunt. R. Reges  
Arabum et Saba dona addû-  
cent. Oratio.

**D**EUS, qui hodierna die Uni-  
génitum tuum Géntibus  
stella duce revelásti : concède  
propitius ut qui jam te ex fide  
cognóvimus, usque ad con-  
templándam spéciem tuæ cel-  
sitúdinis perducámur. Per  
eúmdem.

Omittitur Memoria de B. Ma-  
ria Virgine in utrisque Vespe-  
ris et Laudibus.

#### AD UTRUMQUE COMPLETORIUM.

Super Psalmos Aña. Lux de  
luce apparuísti Christe, cui  
Magi mûnera offerunt, alle-  
lúia, allelúia, allelúia.

In fine Hymni dicatur hæc  
Stropha :

GLORIA tibi Dómine,  
Qui apparuísti hódie,  
Cum Patre et sancto Spíritu,  
In sempitérna sæcula. Amen.

¶ Prædicta Stropha conclu-  
dantur etiam Hymni ad Pri-  
mam, Tertiam, Sextam et No-  
nam.

Ad Nunc dimittis Aña. Alle-  
lúia, Omnes de Saba vénient,  
allelúia, aurum et thus defe-  
réntes, allelúia, allelúia.

#### AD MATUTINUM.

Invitatorium. Christum Re-  
gem regum, qui beatum Gun-  
disálvum perénni glória deco-  
rávit, \* Venite adorémus.

Hymnus.

**N**OCTIS excússio médiæ so-  
póre,  
Excitet mentes fámulus beá-  
tus :

Inque divinas pia gesta laudes  
Ora resolvant.

FONTE lustráli simul atque  
tinctus,

Péndulam passi Dómini figú-  
ram

Et Genitricis mémori tenébat  
Mente puéllus.

EVIDENS signum, fore post  
utrique

Déditum cultu fámulum per-  
énni,

Bucinatórem Crucis, et beátæ  
Virginitátis.

BRACARI talem pópuli per  
omne

Tempus expérti, meminére,  
prisci

Túrduli; talem Tamacána felix  
Prædicat ora.

USQUE Vaccæos modo Vet-  
tonésque

Ténditur gressu properánte  
fama :

Cis Tagum late, populósa  
transque

Mœnia complens.

LAUS sit æternæ pia Trini-  
táti,

Cujus e cælo párilis potéstas,  
Quidquid est, quidquid viget

ac movétur,  
Omne gubérnat. Amen.

#### IN I. NOCTURNO.

Aña. Tamquam lignum plan-  
tátum secus decúrsus aquá-  
rum, fructum salutíferum de-  
dit Gundisálvum suo tempore.  
Psalmi de Communi unius Con-  
fessoris, pag. 68\*. et sequen-  
tibus.

Aña. Prædicans præcéptum  
Dómini, in stádio præséntis  
vitæ sic certávit, ut vinceret :  
sic cucúrrit, ut comprehén-  
deret.

Añā. Exaudivit Dóminus Sanctum suum de monte sancto suo, et suscepit eum, in salutem et benedictionem rúdiū populórum.

¶. Amávit eum Dóminus, et ornávit eum. R. Stola glóriæ induit eum.

De libro Ecclesiástici.

Lectio j.

Cap. 6.

**F**ILI a juventute tua excipe doctrinam, et usque ad canos invénies sapientiam. Quasi is qui arat, et sēminat, accède ad eam, et sūstine bonos fructus illius. In ópere enim ipsius exiguum laborábis, et cito edes de generatióibus illius. Quam áspera est nimium sapientiā indóctis homínibus, et non permanēbit in illa exors. Quasi lápidis virtus probatio erit in illis, et non demorabúntur projicere illam. Sapientiā enim doctrinæ secundum nomen est ejus, et non est multis manifestá. Quibus autem cōgnita est, pēmanet usque ad conspēctum Dei.

R. j. Ab ineúntis ætátis primórdio ánimū suū dedit Gundisálvus ad virtutem et sapientiam, et permánsit illi usque ad conspēctum Dei. \* Bonum est viro, cum portáverit jugum ab adolescētia sua. ¶. In malévolam ánimam non intrábit sapientiā, neque habitábit in corpore súbdito peccátis. — Bonum est viro.

Lectio ij.

**A**UDI fili, et accipe consilium intellectus, et ne abjicias consilium meum. Injice pedem tuum in cōmpedes illius, et in torques illius col-

lum tuum. Súbjice húmerum tuum, et porta illam, et ne accediéris vīculis ejus. In omni ánimo tuo accède ad illam, et in omni virtute tua consérva vias ejus. Investiga illam, et manifestábitur tibi, et cōtinens factus ne derelinquas eam : in novíssimis enim invénies réquiem in ea, et convertétur tibi in oblectatióem. Et erunt tibi cōmpedes ejus in protectionem fortitudínis, et bases virtutis, et torques illius in stola glóriæ. Decor enim vitæ est in illa, et vīcula illius alligatúra salutáris. Stola glóriæ indues eam, et corónam gratulatiónis superpónes tibi.

R. ij. Qui bene præsunt presbyteri, dúplici honóre habeántur, máxime qui laborant \* In verbo et doctrina. ¶. Non soli sibi laborávit, sed ómnibus exquiréntibus veritatem. — In verbo et doctrina.

Lectio iij.

**F**ILI, si attēderis mihi, discēs : et si accommodáveris ánimū tuū, sapiens eris. Si inclináveris aurem tuam, excipies doctrinam : et si diléxeris audire, sapiens eris. In multitúdine presbyterórum prudentium sta, et sapientiæ illórum ex corde conjúngere, ut omnem narratióem Dei possis audire, et provérbia laudis non effúgiant a te. Et si videris sensatum, evigila ad eum, et gradus ostiórum illius éxerat pes tuus. Cogitatum tuum habe in præceptis Dei, et in mandátis illius máxime assiduus esto : et ipse dabit tibi cor, et concupiscētia sapientiæ dabitur tibi.



R. iij. Qui ad justitiam erudiunt multos, fulgébunt quasi stellæ in perpétuas æternitâtes: \* Sémîta enim vitæ super eruditum. V. Dóminus dedit mihi linguam eruditam, ut sciam sustentâre eum, qui lassus est verbo. — Sémîta enim. Glória. Sémîta enim.

#### IN II. NOCTURNO.

Añs. Mirificásti Dómine Sanctum tuum, cum signâto super illum vultus tui lúmine, ab infántia cum Christo eum simul crucifixísti.

Añs. Lumbos suos zona castitátis præcínxit, et cétera vitiórum incentiva pénitus extirpávit.

Añs. In paupéribus aléndis benignitâtem, in labóribus et injúris tolerândis patiéntiam, in religiónis cultu perpétuam præstitit sanctimóniam.

V. Justum dedúxit Dóminus per vias rectas. R. Et osténdit illi regnum Dei.

#### Lectio iv.

**G**UNDISALVUS, peregrinántium, anachoretárum et prædicatórum illústre spéculum, Athanagíde in Lusitânia nobilibus ac piis paréntibus natus est. Ab ipso suscepto baptísmate, atque adhuc infántulus, suæ erga Christi, Deiparæ ac Sanctórum imágines, religiónis indícia præbuit. A devóto presbytero virtútum ac litterárum rudiméntis imbútus, adolescéntiam sub doméstica Bracarénsis Archiepiscopi disciplina sancte perégit. A quo demum initiátus sacerdotio, Ecclesiæ sancti Pelágii super Viscéllam præfæctus est. Hoc

in múnere, virtútum ómnium exémplo pastóris óptimi partes explévit. Antistitis sui accepta vénia, relictoque vicário, in peragrândis ac inviséndis Hierosolymitánis ac Románis sacráriis quatuórdecim annos impéndit. Ad própria demum revérsus, et a vicário suo, quem ob páuperum elemósynas in próprium luxum convérsas dure incrépuit, minis ac fústibus excéptus, eremiticam vitam elégit. Amaranthúmque secédens, extrúcto in honórem Deiparæ sacélló, solitárius hæsit, et vicinæ plebi instruendæ se devóvit.

R. iv. Effúdit Dóminus super servum suum aquam mundam, et spíritum suum pósuit in médio ejus: \* Ut in præcéptis Dei ambuláret. V. Baptismi grátiam consecútus, admirábilis innocentiae donum ámplius accépit. — Ut in præcéptis Dei ambuláret.

#### Lectio v.

**A**D vitæ genus Deiparæ acceptíssimum aspirans, integram Quadragésimam solo pane et aqua transégit: eádem ardentíssimis præcibus interpéllans, ut voluntátem suam, hac in re, apérto signo testaréretur. Res ei pro voto cessit: designatúmque Prædicatórum Ordinem professus est. Exácto Religiónis tirocinio, statim ei prædicatiónis munus imponitur: proque uberióri animárum lucro Amaranthum, sócio Religiónis adjúncito, remittitur. Inter ália mirífica, quibus totam illam regiónem rápuit, prodigiósum opus aggréssus est: cum precáriis subsidiis,

periculoso flumini Támagæ pontem saxeum arcuatæ molis instravit, loco quidem impervio, sed sibi per Angelum designato. Operarios, elicitis e petra copiosis vini fluentis, potavit sæpius : pisces quoque in eorum alimoniam, quotquot sufficerent, ad ripam pluries evocavit, et obsequentes ad manum habuit. Post multos ab obitu suo annos, eundem pontem, desuper omnibus conspicuus, ab inevitabili exitio servavit.

R. v. Educatus in disciplina et correptione Domini Gundisálvus, accepit armaturam Dei, \* Et in omnibus stetit perfectus. V. Castitatem, et carnis munditiam amavit : et ideo manus Domini confortavit illum. — Et in omnibus stetit perfectus.

#### Lectio vj.

**E**CCELESTICI anathématis fulmen impie subsannantes sub concione público miraculo deterruit. Demum Vir sanctus, annis, et laboribus evangélicis fractus, obitum imminentem divina revelatione cognovit : quem, susceptis Sacramentis, lætus aspexit, Virginis Deiparæ et astantium cælitum visione recreatus. Ejus corpus ad hanc usque diem miraculis corruscat, ac frequentissimo populi concursu celebratur. Beati Gundisálvi diem solénnem haberi, primum Lusitaniæ clero concessere Romani Pontifices Júlus Tértius et Pius Quartus, comperta ac probata sanctitatis ejus fama per júdices Apostólicos. Tandem eamdem concessionem Clemens Décimus,

de consilio Congregationis sacrórum Rítuum, ad univérsum Prædicatórum Ordinem extendit.

R. vj. Crevit ab infántia cum beato Viro miseratio, et de útero matris egressa est cum illo : \* Non negavit paupéribus quæ volébant, Et óculos viduæ expectare non fecit. V. Buccellam suam non comedit solus : sed comedit pupillus ex ea. — Non negavit. Glória. Et óculos viduæ.

#### IN III. NOCTURNO.

Aña. Ingressus sine mácula, justitiam operatus est : et semper veritatem locutus, usque in finem in verbi ministerio laboravit.

Aña. Dedit Dóminus famulum suum in benedictionem in sæculum sæculi, dum divinitus juvántur qui invocant nomen ejus.

Aña. Innocens manibus et mundo corde fuit Vir beatus : propter quem accepit a Dómino benedictionem noster orbis, et univérsi, qui habitant in eo.

V. Justus ut palma florébit in domo Domini. R. Sicut cedrus Libani multiplicabitur.

Lectio sancti Evangélii  
secundum Matthæum.

Lectio vj. Cap. II.

**I**n illo tempore : Respondens Iesus dixit : Confiteor tibi Pater, Dómine cæli et terræ, quia abscondisti hæc a sapientibus, et prudentibus, et revelasti ea parvulis. Et reliqua.

Homilia sancti Joánnis  
Chrysóstomi.

(Homil. 39. in Matth.)

**Q**UOD hic, Confiteor, dixit, idem valet quod Grátias ago. Grátias, inquit, tibi ago, quóniam a prudéntibus et sapiéntibus hæc celásti. An igitur perditione illórum gaudere ipsum dicémus, et quóniam illi hæc non didicére? Mínime. Non ergo quia sapiéntes non cognóverunt, gaudet : sed quia párvuli percépérunt, lætátur. Ita et Paulus dicit : Grátias ago Deo meo, quóniam fuistis servi peccáti : obedistis autem ex corde in quam trádití estis formam doctrínæ. Non ergo Paulus proptérea gaudet, quia erant servi peccáti : sed quia, cum essent hujúsmodi, veritátis cultóres facti sunt.

R. vij. Dignam percépisti Dómine peregrinátionem púeri tui, et misísti Angelum tuum bonum ante me : \* In timóre et tremóre magnitúdinis bráchií tui. V. Cantábiles mihi erant justificatiónes tuæ in loco peregrinatiónis. — In timóre.

Lectio viij.

**P**RUDENTES autem hic Scribas et Pharissæos appellat : quibus verbis alacrióres reddit discipulos : cum intélligant illa se piscatóres esse consecútos, a quibus illi summi, ut videbántur, viri excidérunt. Cum autem Sapiéntes dixerit : non illam veram laudábilem sapiéntiam intélligit : sed hanc, quæ seculari doctrína præstátur. Idcirco étiam non dixit, Stultis revelásti, sed Párvulis : quasi non formátis adhuc, sed simplicibus.

R. viij. Suscitávit Dóminus sibi sacerdotem fidélem, qui juxta cor ejus et ánimam ejus fecit : \* Et ambulávit coram Christo Dómini cunctis diébus. V. Mansuétus et pátiens, cum modéstia corripiébat eos, qui resistébant veritáti. — Et ambulávit.

Lectio ix.

**I**TA osténdit non indigne illos, sed jure his rebus fuisse privátos : ac per ómnia non docet flatum supérbie omnino esse fugiéndum, ac simplicitatem æmulándam. Quod Paulus amplióribus verbis scribit, dicens : Si quis in vobis vidétur in hoc sæculo sapiens esse, is fiat stultus, ut sapiens efficiátur : sic enim grátia Dei monstrátur. Cur vero grátias agit Patri, cum ipse illud fécerit? Sicut orat et intercédit pro nobis ad Deum, magnam erga nos declárans caritátem, sic étiam et hoc ex caritátis fervóre pér-agit.

R. ix. In rápidi flúminis álveo periclitántium misértus Christi servus, pauper ópibus, sed fide dives, pontem nobilíssimum aggréssus est \* In nómine Dómini. V. Ad impérium ejus tacta báculo rupes vinum plúcidébat, et illi ad manum plácidi confluébant pisces. — In nómine Dómini. Glória. In nómine Dómini.

Ante Laudes V. Ora pro nobis beáte Gundisálve. R. Ut digni efficiámur promissionibus Christi.

AD LAUDES

ET PER HORAS ANTIPHONÆ.

1. Testimónia sua fecit Dóminus credibília, dum ópera, quæ fecit ipse, servus ejus fecit, et



illis majóra facit. Psalmus Dóminus regnávít. cum ceteris, pag. 17.

2. In hymnis confiteántur Dómino Lusitáni, quia patrónus singulári grátia datus est illis.

3. Lábia Prædicatórum laudent Dóminum : cúmulum enim et ornáméntum accépit sacer Ordo máximum.

4. Sacerdótes Dómini Dómino benedicant, et presbyterórum normam célebrent Gundisálvum.

5. In ecclésia sanctórum laus Dómini et cánticum frequentétur, et cum gáudio Viri sanctíssimi ánnua colátur memória.

Capitulum. Eccli. 49.

**D**IRECTUS est divinitus in poeniténtiam gentis, et lúcer abominatiónes impietátis. Et gubernávit ad Dóminum cor ipsius, et in diébus peccatórum corroborávit pietátem.

Hymnus.

**P**ELLIT e cælo rubicúndus umbram

Lúcifer crassam, próperans reférre

Ob diem sancti bona Gundisálvi

Gáudia mundo.

**J**UBILO mentis, bona lux Ibéris

Fulget extrémis, mérito colénda :

Nunc decet festa redimíre passos

Fronde capíllos.

**N**UNC decet postes operíre lauris,

Et maris rorem gracitésque myrtos

Per fores passim pátilas locáre,

More triúmphí.

**N**UNC et aulæis decoráta pictis

Templa divínos résonent honóres :

Crebra de plenís óleant acérris Thura per aras.

**S**IC honorátur píetas, et istud

Præmíum donant áditi labóres Pro Deo : vitæ tribuit moléstæ

Tália Christus.

**L**AUS sit æternæ pia Trinitáti,

Cujus e cælo párilis potéstas, Quidquid est, quidquid viget ac movétur,

Omne gubernat. Amen.

**V.** Justus germinábit sicut lílium. **R.** Et florébit in ætérnum ante Dóminum.

Ad Benedictus Añá. Transcúrso vitæ hujus currículo, confessiόνis suæ præmio potitus est in cælis, et est in terris gloriósum sepúlcrum ejus. Oratio.

**D**EUS, qui beáti Gundisálvi Confessóris tui mentem sancti nóminis tui amóre mirabiliter inflammásti : concéde, quæsumus, ut illius vestigiis inhæréntes semper te cogitémus, et quæ tibi grata sunt inflammáto stúdio faciámus. Per.

Memoria de Octava Epiphaniæ :

Añá. Descéndit Spiritus sanctus corporáli spécie sicut colúmba in ipsum, et vox de cælo facta est : Hic est Fílius meus dílectus, allelúia.

**V.** Adoráte Dóminum. **R.** In aula sancta ejus.

## Oratio.

**D**EUS, qui hodierna die Unigenitum tuum Gentibus stella duce revelasti : concede propitius ut qui jam te ex fide cognovimus, usque ad contemplandam speciem tuæ celsitudinis perducamur. Per eundem.

## AD PRIMAM.

R. Jesu Christe. V. Qui apparuisti hodie.

## AD TERTIAM.

Capitulum. Eccli. 49.

**D**IRECTUS est divinitus in pœnitentiam gentis, et tulit abominaciones impietatis. Et gubernavit ad Dominum cor ipsius, et in diebus peccatorum corroboravit pietatem.

† R. R. et V. V. Horarum de Communi unius Confessoris, pag. 76\*.

## Oratio.

**D**EUS, qui beati Gundisalvi Confessoris tui mentem sancti nominis tui amore mirabiliter inflammasti : concede, quæsumus, ut illius vestigiis inherentes semper te cogitemus, et quæ tibi grata sunt inflammato studio faciamus. Per.

## AD SEXTAM.

Capitulum. Eccli. 47.

**D**EDIT in celebrationibus deus, et ornavit tempora sua usque ad consummationem vite, ut laudarent nomen sanctum Domini, et amplificarent Dei sanctitatem.

Oratio Deus, qui beati Gundisalvi. ut ad Tertiam.

## AD NONAM.

Capitulum. Eccli. 48.

**N**ON superavit illum verbum aliquod, et mortuum prophetavit corpus ejus. In vita sua fecit monstra, et in morte mirabilia operatus est.

Oratio Deus, qui beati Gundisalvi. ut ad Tertiam.

## AD II. VESPERAS.

Super Psalmos Añã. Testimonia sua fecit Dominus credibilia, dum opera, quæ fecit ipse servus ejus fecit, et illis majora facit. Psalmus Dixit Dominus. cum ceteris de Communi unius Confessoris, pag. 76\*.

Capitulum Diractus est, Hymnus Ad sacerdotis. et V. Ora pro nobis, ut in j. Vesperis, pag. 805.

Ad Magnificat Añã. O admirabilis Christi Confessor, o indefesse veritatis præco Gundisalve, te canentibus clemens suffragare, et apud æternæ majestatis tribunal piis precibus nos Pater adjuva.

Oratio Deus, qui beati Gundisalvi. ut ad Tertiam.

Memoria de Octava Epiphaniæ :

Añã. Videntes stellam Magi gavisii sunt gaudio magno : et intrantes domum obtulerunt Domino aurum, thus et myrrham.

V. Reges Tharsis et insulæ mûnera offerent. R. Reges Arabum et Saba dona adducent.

Oratio Deus, qui hodierna die, ut supra.

## DIE XIV. JANUARIIL.

## S. HILARIIL

EPISC. CONF. ET ECCL. DOCT.

DUPLEX

## AD I. VESPERAS.

† Si Dominica non fuerit, Psalmus Dixit Dominus. cum ceteris, ut in ij. Vesperis Epiphaniæ pag. 257.; super Psalmos Añã. Iste Sanctus., Capitulum Diléctus Deo., R. Sancte Hilári., Hymnus Iste Confessor., pag. 67\*; V. Amávit eum Dóminus. et ad Magnificat Añã Confessor Dómini Hilári., pag. 68\*. Oratio.

**D**EUS, qui pópulo tuo ætérnæ salútis beátum Hilárium ministrum tribuísti : præsta, quæsumus, ut quem doctórem vitæ habuimus in terris, intercessórem habère mereámur in cælis. Per.

Deinde fiat Memoria de Octava die Epiphaniæ per Añam Fontes aquarum., V. Reges Tharsis. et Orationem Deus cujus Unigénitus., ut pag. 287.

† Si vero dies Octava Epiphaniæ Dominica fuerit, super Psalmos Epiphaniæ dicetur Añã. Véterem hóminem rénovans Salvátor, venit ad baptísmum : ut natúram, quæ corrupta erat, per aquam recuperaret, incorruptibili veste circumamictans nos. Capitulum et cetera ut supra.

## IN I. NOCTURNO.

† Si Dominica non fuerit dicantur Lectiones De Epistola prima beáti Pauli Apóstoli ad Corinthios : Et ego fratres., pag. 287.

† Si vero Dominica fuerit, dicantur Lectiones De Epistola prima ad Corinthios : De iis autem., pag. 295.

† Si festum S. Hilarij transferri contigerit, dicantur in j. Nocturno Lectiones de Scriptura corrente.

## IN II. NOCTURNO.

(Ex Fortunato, aliisque prob. Auct. et ex Brev. Rom.)

## Lectio iv.

**H**ILARIUS in Aquitania nobili genere natus, doctrina et eloquentia excelluit. Qui primum in matrimonio quasi monachi vitam egit : deinde proptersingulares virtutes Pictavorum Episcopus creatus : quod munus episcopale sic gessit, ut a fidelibus summam laudem consequeretur. Quo tempore, cum terroribus, bonorum spoliatione, exilio, et omni crudelitate Constantius imperator Catholicos vexaret, nisi ad Arianas partes transirent : Hilarius tamquam firmissimum murum se Arianis opponens, illorum furorem in se concitavit. Itaque multis petitis insidiis, tandem dolo Saturnini Arelatensis Episcopi, de synodo Biterrensi in Phrygiam relegatus est : ubi et mortuum suscitavit, et libros duodecim scripsit de Trinitate contra Arianos.

## Lectio v.

**Q**UADRIENNIO post, coacto concilio ad Seleuciam Isauriae urbem, Hilarius adesse compulsus est : ac deinde Constantinopolim profectus,



ubi extrémum fidei periculum animadvértit, tribus libellis públice datis, audiéntiam imperatóris popóscit, ut de fide cum adversáriis coram disputáret. Verum cum Ursácius et Valens Ariáni Episcopi, quos Hiláriu scriptis confutárat, præséntis eruditíonem pertiméscerent : Constantio persuasérunt ut specie honóris eum in suum episcopátum restitúeret. Tunc Hilárium e proelio hæreticórum reverténtem, ut inquit sanctus Hierónymus, Galliárum Ecclésiá compléxa est : quem ad episcopátum secútus est Martinus, qui póstea Turo-nénsi præfuit Ecclésiæ : tantúmque illo doctóre profécit, quantum ejus póstea sanctitas declarávit.

## Lectio vj.

**M**AGNA deinceps tranquillitáte Pictavórum Ecclésiám administrávit : Galliámque univérsam addúxit, ut Ariánórum impietátem condemnáret. Multos libros scripsit mira eruditíone, quorum perquam studiósus fuisse sanctum Hierónymum constat : qui étiam Hilárium Latinæ eloquéntiæ Rhódanum appellat. Migrávit in cælum Idibus Januárii, Valentiniáno et Valénte imperatóribus, anno post Christum natum trecentésimo sexagésimo nono. Eum a multis Pátribus et conciliis insignem Ecclésiæ Doctórem nuncupátum, atque uti talem in áliquot dicecésibus cultum, tandem, instánte synodo Burdigalénsi, Pius Nonus Póntifex Máximus, ex sacrórum Rituum Congregatiónis consúlto,

univérsæ Ecclésiæ Doctórem declarávit et confirmávit, ac ipsius festo die Missam et Officium de Doctóribus ab ómnibus recitari jussit.

## IN III. NOCTURNO.

Homilia in Evangelium Vos estis sal terræ, de Comuni unius Doctoris, pag. 80\*.

DIE XV. JANUARIIL.  
SS. NOMINIS JESU.

## TOTUM DUPLEX.

## AD I. VESPERAS.

Super Psalmos Aña. Omnis qui invocáverit nomen Dómini salvus erit. Psalmus Laudáte púeri, cum ceteris, pag. 145.

Capítulum. Philipp. 2.

**C**HRISTUS humiliávit semetipsum factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur.

R. Læténtur omnes qui sperant in te Dómine : in ætérnum exsultábunt, et habitábis in eis : et gloriabúntur in te omnes \* Qui diligunt nomen tuum. V. Dómine in lúmine vultus tui ambulábunt, et in nómine tuo exsultábunt tota die. — Qui diligunt nomen tuum. Glória. Qui diligunt nomen tuum.

## Hymnus.

**J**ESU dulcis memória,  
Dans vera cordi gaudia,  
Sed super mel et ómnia  
Ejus dulcis præsentia.

Nil cānitur suāvius,  
Nil auditur jucūdius,  
Nil cogitātur dūlcius  
Quam Jesus Dei Filius.

JESU, spes pēnitētibz,  
Quam pius es petētibz,  
Quam bonus te quārentibz,  
Sed quid inveniētibz!

Nec lingua valet dicere,  
Nec littera exprimere :  
Expertus potest credere  
Quid sit Jesum diligere.

Sis Jesu nostrum gāudium,  
Qui es futūrus prēmium :  
Sit nostra in te glōria  
Per cuncta semper sēcūla.

Amen.

¶ Sit nomen Dōmini benedictum. R. Ex hoc nunc, et usque in sēcūlum.

Ad Magnificat Añā. Fecit mihi magna qui potens est : et sanctum nomen ejus.

Oratio.

**D**EUS, qui unigēnitum Fīlium tuum constituisti humani generis Salvatōrem, et Jesum vocāri jussisti : concēde propitius ut cujus sanctum Nomen venerāmur in terris, ejus quoque aspectū perfruāmur in cālis : Qui tecum vivit.

In j. Vesperis et Laudibus Memoria S. Mauri Abbatis.

Oratio.

**I**NTERCESSIO nos, quāsumus Dōmine, beāti Mauri Abbātis commēdet : ut quod nostris mēritis non valēmus ejus patrocinio assequāmur. Per.

IN UTROQUE COMPLETORIO.

In fine Hymni dicatur hæc Strophā :

GLORIA tibi Dōmine,  
Qui natus es de Virgine,  
Cum Patre et sancto Spiritu,  
In sempiterna sēcūla. Amen.

¶ Eodem modo concludantur Hymni ad Primam, Tertiam, Sextam et Nonam.

#### AD MATUTINUM.

Invitatorium. Admirābile nomen Jesu, quod est super omne nomen, \* Venite adorēmus.

Hymnus.

**J**ESU, Rex admirābilis,  
Et triumphātor nobilis,  
Dulcedo ineffabilis,  
Totus desiderābilis :

QUANDO cor nostrum visitas,

Tunc lucet ei vēritas,  
Mundi vilēscit vānitas,  
Et intus fervet cāritas.

JESU, dulcedo cōrdium,  
Fons vivus, lumen mēntium,  
Excēdens omne gāudium,  
Et omne desidērium.

JESUM omnes agnōscite,  
Amōrem ejus pōscite :  
Jesum ardēnter quārite,  
Quārendo inardēscite.

TE nostra Jesu vox sonet,  
Nostri te mores expriment,  
Te corda nostra diligant,  
Et nunc, et in perpētuum.

Amen.

#### IN I. NOCTURNO.

Añā. Dōmine Dōminus noster, quam admirābile est nomen tuum in univēsa terra! Psalmus Dōmine Dōminus noster. cum ceteris ut in Festis B. M. V., pag. 2\*. et sequentibus.

Añā. In nōmine Jesu omne genu flectātur cālestium, terestrium, et infernōrum.

Añā. Confitemini Dōmino, et invocāte nomen ejus : mementōte quōniam excēsum est nomen ejus.

¶. Propter nomen tuum Dómine propitiaberis peccato meo. R. Multum est enim.

De Actibus Apostolorum.

Lectio j.

Cap. 3.

**P**ETRUS autem, et Joánnēs ascendébant in templum ad horam oratiónis nonam. Et quidam vir, qui erat claudus ex útero matris suæ, bajulábatur : quem ponébant quotidie ad portam templi, quæ dicitur Speciósā, ut péteret eleemósynam ab introeúntibus in templum. Is cum vidisset Petrum et Joánnem incipiéntes introire in templum, rogábat ut eleemósynam acciperet. Intuens autem in eum Petrus cum Joáñne, dixit : Réspice in nos. At ille intendébat in eos, sperans se áliquíd acceptúrum ab eis. Petrus autem dixit : Argéntum et aurum non est mihi : quod autem hábeo, hoc tibi do : In nómine Jesu Christi Nazaréni surge, et ámbula. Et apprehénsa manu ejus dextera, allevávit eum, et prótinus consolidatæ sunt bases ejus, et plantæ. Et exsiliens stetit, et ambulábat. Et intrávit cum illis in templum ámbulans, et exsiliens, et laudans Deum.

¶. j. Ecce concipies, et páries fílium, et vocábis nomen ejus Jesum : \* Ipse enim salvum faciet pópulum suum a peccátis eórum. ¶. Vocátum est nomen ejus Jesus, quod vocátum est ab Angelo, priúsquam in útero conciperétur. — Ipse enim.

Lectio ij.

**E**T vidit omnis pópulus eum ambulántem, et laudántem Deum. Cognoscébant

autem illum, quod ipse erat, qui ad eleemósynam sedébat ad Speciósam portam templi : et impléti sunt stupóre et éxtasi in eo, quod contigerat illi. Cum tenéret autem Petrum et Joánnem, cucúrrit omnis pópulus ad eos ad pórticum, quæ appellátur Salomónis, stupéntes. Videns autem Petrus, respóndit ad pópulum : Viri Israelitæ, quid mirámini in hoc, aut nos quid intuémini, quasi nostra virtúte aut potestate fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidistis, et negástis ante faciém Piláti, judicánte illo dimitti. Vos autem Sanctum, et justum negástis, et petistis virum homicidam donári vobis: Auctórem vero vitæ interfecistis, quem Deus suscitávit a mórtuis, cujus nos testes sumus. Et in fide nóminis ejus, hunc, quem vos vidistis, et nostis, confirmávit nomen ejus : et fides, quæ per eum est, dedit integram sanitatem istam in conspéctu ómnium vestrum.

¶. ij. Benedictum est nomen tuum Deus patrum nostrórum : qui cum irátus fúeris, misericórdiæ recordáberis, \* Et in témpore tribulatiónis peccáta dimittis. ¶. Et benedictum nomen majestátis tuæ in ætérnum, qui facis mirabilia solus. — Et in témpore tribulatiónis peccáta dimittis.

Lectio iij.

Cap. 4.

**F**ACTUM est autem in crástinum, ut congregaréntur príncipes eórum, et senióres,



et scribæ in Jerúsalem : et  
 Annas princeps sacerdotum,  
 et Caïphas, et Joánnes, et Alex-  
 ánder, et quotquot erant de  
 genere sacerdotáli. Et statuén-  
 tes eos in médio, interrogá-  
 bant : In qua virtúte, aut in  
 quo nómine fecístis hoc vos?  
 Tunc replétus Spíritu sancto  
 Petrus, dixit ad eos : Principes  
 pópuli, et seniôres audite : Si  
 nos hódie dijudicámur in bene-  
 fácto hóminis infirmí, in quo  
 iste salvus factus est, notum  
 sit ómnibus vobis, et omni  
 plebi Israel : quia in nómine  
 Dómini nostri Jesu Christi  
 Nazaréni, quem vos crucifixi-  
 stis, quem Deus suscitávit a  
 mórtuis, in hoc iste astat coram  
 vobis sanus. Hic est lapis, qui  
 reprobátus est a vobis ædifi-  
 cántibus, qui factus est in ca-  
 put ánguli : et non est in álío  
 álquo salus. Nec enim álud  
 nomen est sub cælo datum  
 homínibus, in quo opóreat  
 nos salvos fieri.

R. iij. Laudábo nomen tuum  
 assidue, \* Et collaudábo illud  
 in confessióne. V. Lætabor et  
 exsultábo in te : psallam nó-  
 mini tuo Altissime. — Et col-  
 laudábo illud in confessióne.  
 Glória. Et collaudábo illud in  
 confessióne.

## IN II. NOCTURNO.

Añã. Mémoires erunt nómi-  
 nis tui Dómine, in omni gene-  
 rátióne et generatióne.

Añã. Magnificáte Dóminum  
 mecum, et exaltémus nomen  
 ejus in idípsum.

Añã. Omnes gentes, quas-  
 cúmque fecísti, vénient, et ado-  
 rábunt coram te Dómine : et  
 glorificábunt nomen tuum.

V. Propter glóriam nóminis  
 tui Dómine libera nos. R. Et  
 propitijs esto peccátis nostris  
 propter nomen tuum.

Sermo sancti Bernárdi  
 Abbátis.

(Sermo 15. super Cantica.)

Lectio iv.

**E**ST procul dúbio inter óleum  
 et nomen Sponsi similitú-  
 do, nec otíose Spíritus sanctus  
 altérutrum comparávit. Ego  
 autem dico in triplici qua-  
 dam qualitaté ólei, quod lucet,  
 pascit, et ungit, si vos mélius  
 non habétis. Fovet ignem, nu-  
 trit carnem, lenit dolórem :  
 lux, cibis, medicina. Vide idem  
 nunc et de Sponsi nómine :  
 Lucet prædicátum, pascit re-  
 cogitátum, invocátum lenit et  
 ungit. Et percurrámus singula.  
 Unde putas in toto orbe tanta  
 et tam súbita fidei lux, nisi  
 de prædicáto nómine Jesu?  
 Nonne in hujus nóminis luce  
 Deus nos vocávit in admirábile  
 lumen suum? Quibus illuminá-  
 tis, et in lúmine isto vidéntibus  
 lumen, dicat mérito Paulus :  
 Fuistis aliquándó ténébræ,  
 nunc autem lux in Dómino.

R. iv. Sperent in te qui nové-  
 runt nomen tuum : \* Quóniam  
 non dereliquísti quæréntes te  
 Dómine. V. Exsúrge Dómine,  
 ádjuva nos : et libera nos pro-  
 pter nomen tuum. — Quóniam  
 non dereliquísti quæréntes te  
 Dómine.

Lectio v.

**H**OC déniq[ue] nomen coram  
 régibus, et géntibus, et  
 filiis Israel portáre jussus est  
 idem Apóstolus : et portá-  
 bat nomen tamquam lumen,

et illuminábat pátriam, et clamábat ubique : Nox præcëssit, dies autem appropinquávit. Abjiciámus ergo ópera tenebrárum, et induámur arma lucis : sicut in die honéste ambulémus. Et monstrábat ómnibus lucernam super candelábrum, annúntians in omni loco Jesum, et hunc crucifixum. Quómodo lux ista resplénduit, ac perstrinxit cunctórum intuéntium óculos, quando de ore Petri tamquam fulgur egrédiens, claudi unius corporáles plantas solidávit, et bases; multósque spirituáliter cæcos illuminávit? Numquid non ignem sparsit, cum ait : In nómine Jesu Christi Nazaréni surge, et ámbula?

R. v. Confiteámur nómini tuo magno : \* Quóniam terribile et sanctum est. V. Hi in cúrribus, et hi in equis : nos autem in nómine Dómini Dei nostri invocábimus. — Quóniam terribile et sanctum est.

#### Lectio vj.

**N**EC tantum lux est nomen Jesu, sed est et cibus. An non tóties confortáris, quóties recordáris? Quid æque mentem cogitántis impinguat? Quid ita exercitátos réparat sensus, virtútes róborat, végetat mores bonos atque honéstos, castas fovet affectiões? Aridus est omnis ánimæ cibus, si non óleo isto infúnditur : insipidus est, si non hoc sale conditur. Si scribas, non sapit mihi, nisi légero ibi Jesum. Si disputes, aut cónferas, non sapit mihi, nisi sonúerit ibi Jesus. Jesus mel in ore, in aure melos, in corde júbilus. Sed

est et medicína. Tristátur áliquis nostrum? Véniat in cor Jesus, et inde sáliat in os : et ecce ad exórtum nóminis lumen, núbilum omne diffugit, redit serénus. Lábitur quis in crimen? Currit însuper ad láqueum mortis desperádo? Nonne, si invocet nomen vitæ, confestim respirábit ad vitam?

R. vj. Læténtur omnes, qui sperant in te Dómine : in ætérnum exsultábunt, et habitábis in eis : et gloriabúntur in te omnes, \* Qui diliguunt nomen tuum. V. Dómine in lúmine vultus tui ambulábunt, et in nómine tuo exsultábunt tota die. — Qui diliguunt nomen tuum. Glória. Qui diliguunt nomen tuum.

#### IN III. NOCTURNO.

Aña. Cantáte Dómino, et benedicite nómini ejus : annuntiáte de die in diem salutáre ejus.

Aña. Secúndum nomen tuum Deus, sic et laus tua in fines terræ : justitia plena est dextera tua.

Aña. Cantáte Deo, psalmum dicite nómini ejus : iter fácite ei, qui ascéndit super occásuum : Dóminus nomen illi.

V. Afférte Dómino glóriam et honórem. R. Afférte Dómino glóriam nómini ejus.

Léctio sancti Evangélii secúndum Lucam.

Lectio vij. Cap. 2.

**I**N illo témpore : Postquam consummáti sunt dies octo, ut circumciderétur Puer, vocátum est nomen ejus Jesus. Et reliqua.

Homilia sancti Bernardi  
Abbátis.

(Serm. 1. de Circumcisione.)

**M**AGNUM et mirabile sacramentum! Circumciditur Puer, et vocatur Jesus. Quid sibi vult ista connexio? Circumcisio nempe salvandi potius quam salvatoris esse videtur: et salvatorem circumcidere potius decet, quam circumcidi. Sed agnosce Mediatorem Dei et hominum, qui ab ipso nativitatis suae exordio divinis humana sociat, ima summis. Nascitur ex muliere: sed cui fecunditatis fructus sic accedat, ut non decadat flos virginitatis. Pannis involvitur: sed panni ipsi angelicis laudibus honorantur. Absconditur in praesepio: sed prouidetur radiante stella de caelo. Sic et circumcisio veritatem susceptae probat humanitatis: et nomen, quod est super omne nomen, gloriam indicat maiestatis. Circumciditur tamquam verus Abraham Filius: Jesus vocatur tamquam verus Filius Dei.

R. vij. Tribulationem et dolorem inveni: \* Et nomen Domini invocavi. V. Turris fortissima nomen Domini: in ipso speravi, et adiutus sum. — Et nomen Domini invocavi.

## Lectio viij.

**N**EQVE enim ad instar priorum, meus iste Jesus nomen vacuum aut inane portat. Non est in eo magni nominis umbra, sed veritas. Caelitus siquidem inditum nomen Evangelista testatur: Quod vocatum est ab Angelo, prius-

quam in útero conciperetur. Et attende verbi profunditatem. Postquam natus est Jesus, Jesus vocatur ab hominibus: quo nomine vocatus est ab Angelo, priusquam in útero conciperetur. Idem quippe et Angeli Salvator, et hominis: sed hominis, ab incarnatione; Angeli, ab initio creaturae. Vocatum est, ait, nomen ejus Jesus, quod vocatum est ab Angelo. In ore ergo duorum vel trium testium stat omne verbum: et ipsum, quod in Propheta abbreviatum, manifestius in Evangelio legitur caro factum.

R. viij. Expectabo nomen tuum Domine: \* Quoniam bonum est in conspectu sanctorum tuorum. V. Ut confiteamur nomini sancto tuo, et gloriemur in laude tua. — Quoniam bonum est.

## Lectio ix. (Serm. 2.)

**M**ERITO sane, dum circumciditur Puer, qui natus est nobis, Salvator vocatur: quod videlicet ex hoc jam ceperit operari salutem nostram, immaculatum illum pro nobis sanguinem fundens. Neque enim jam querere est Christianis, cur voluerit Dominus Christus circumcidi. Propter hoc siquidem circumciscus est, propter quod natus, propter quod passus. Nihil horum propter se, sed omnia propter electos. Nec in peccato genitus, nec a peccato circumciscus, nec mortuus est pro peccato suo: magis autem propter delicta nostra. Quod vocatum est, inquit, ab Angelo, priusquam in útero conciperetur.



Vocatum est plane, non impo-  
situm. Nempe hoc ei nomen  
est ab ætérno. A natúra pró-  
pria habet, ut sit Salvátor :  
innatum est ei nomen hoc, non  
inditum ab humana, vel angé-  
lica creatúra.

R. ix. Nesciens Mater Virgo  
virum, péperit sine dolore Sal-  
vátorem sæculórum : \* Jesum  
Regem angelórum sola Virgo  
lactábat ubere de cælo pleno.  
V. Beata viscera Mariæ Vir-  
ginis, quæ portavérunt ætérni  
Patris Filium. — Jesum Regem  
angelórum. Glória. Jesum Re-  
gem angelórum.

Ante Laudes V. Sit nomen  
Dómini benedictum. R. Ex  
hoc nunc, et usque in sæculum.

#### AD LAUDES

ET PER HORAS ANTIPHONÆ.

1. Oleum effusum nomen  
tuum : ideo adolescentulæ di-  
lexérunt te. Psalmus Dóminus  
regnávit. cum ceteris, pag. 17.

2. Scitote quia Dóminus ipse  
est Deus, cujus nomen in ætér-  
num.

3. Sitivit ánima mea ad no-  
men sanctum tuum Dómine.

4. Benedictum nomen glóriæ  
tuæ sanctum, et laudábile, et  
superexaltátum in sæcula.

5. Juvénēs et vírgines, senes  
cum junióribus laudáte nomen  
Dómini : quia exaltátum est  
nomen ejus solius.

Capitulum.

Phil. 2.

**C**HRISTUS humiliávit semet-  
ipsum factus obédiens  
usque ad mortem, mortem  
autem crucis. Propter quod et  
Deus exaltávit illum, et doná-  
vit illi nomen, quod est super

omne nomen : ut in nómine  
Jesu omne genu flectátur.

#### Hymnus.

**J**ESU, decus angélicum,  
In aure dulce cánticum,  
In ore mel miríficum,  
In corde nectar cælicum.

Qui te gustant esúriunt,  
Qui bibunt adhuc sitiunt :  
Desideráre nesciunt  
Nisi Jesum, quem diligunt.

O JESU mi dulcissime,  
Spes suspirántis ánimæ,  
Te quærunt piæ lácrimæ,  
Te clamor mentis intímæ.

MANE nobiscum Dómine,  
Et nos illústra lúmine :  
Pulsa mentis caligine,  
Mundum reple dulcédine.

JESU, flos Matris Vírginis,  
Amor nostræ dulcédinis :  
Tibi laus, honor nóminis,  
Regnum beatitúdinis. Amen.

V. Adjutórium nostrum in  
nómine Dómini. R. Qui fecit  
cælum et terram.

Ad Benedictus Añā. Dedit se,  
ut liberáret pópulum, et acqui-  
reret sibi nomen ætérnum.

#### Oratio.

**D**EUS, qui unigénitum Filium  
tuum constituisti humáni  
géneris Salvátorem, et Jesum  
vocári jussisti : concéde propi-  
tius ut cujus sanctum Nomen  
venerámur in terris, ejus quo-  
que aspéctu perfruámur in  
cælis : Qui tecum vivit.

Memoria S. Mauri Abbatis.

#### Oratio.

**I**NTERCESSIO nos, quæsumus  
Dómine, beati Mauri Abbá-  
tis comméndet : ut quod nostris  
méritis non valémus ejus pa-  
trocínio assequámur. Per.

## AD PRIMAM.

R. Jesu Christe. V. Qui natus es de Virgine María.

## AD TERTIAM.

Capitulum Christus humiliavit semetipsum., ut in Laudibus.

R. Sit nomen Dómini benedictum, \* Allelúia, allelúia. Sit nomen. V. Ex hoc nunc, et usque in sæculum. Allelúia. Glória. Sit nomen.

V. Afférte Dómino glóriam et honórem. R. Afférte Dómino glóriam nómini ejus.

## AD SEXTAM.

Capitulum. Philipp. 2.

**I**N nómine Jesu omne genus flectátur cæléstium, terréstrium, et infernórum, et omnis lingua consteátur quia Dóminus Jesus Christus in glória est Dei Patris.

R. Afférte Dómino glóriam et honórem, \* Allelúia, allelúia. Afférte. V. Afférte Dómino glóriam nómini ejus. Allelúia. Glória. Afférte Dómino glóriam et honórem.

V. Magnificáte Dóminum mecum. R. Et exaltémus nomen ejus in idipsum.

## AD NONAM.

Capitulum. Coloss. 3.

**O**MNE, quodcúmque fácitis in verbo aut in ópere, ómnia in nómine Dómini Jesu Christi fácite, grátias ágéntes Deo et Patri per ipsum.

R. Magnificáte Dóminum mecum, \* Allelúia, allelúia. Magnificáte. V. Et exaltémus nomen ejus in idipsum. Allelúia. Glória. Magnificáte.

V. Adjutórium nostrum in nómine Dómini. R. Qui fecit cælum et terram.

## AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabéllum pedum tuórum.

Virgam virtútis tuæ emittet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante luciferum génui te.

Jurávit Dóminus, et non poenitébit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implebit ruinas : \* conquassábit cápita in terra multórum.

De torrénite in via bibet : \* proptérea exaltábit caput.

Psalmus 110.

**C**ONFITEBOR tibi Dómine in toto corde meo : \* in consilio justórum, et congregatióne.

Magna ópera Dómini : \* exquisita in omnes voluntátes ejus.

Confessio et magnificéntia opus ejus : \* et justitia ejus manet in sæculum sæculi.

Memóriam fecit mirabilium suórum, & miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtútem óperum suórum annuntiábit pópulo suo :

Ut det illis hereditatem gentium : \* ópera mánuum ejus veritas, et judícium.

Fidélia ómnia mandáta ejus : \* confirmáta in sæculum sæculi, \* facta in veritatē et æquitatē.

Redemptionem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus faciéntibus eum : \* laudatio ejus manet in sæculum sæculi.

Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténebris lumen rectis : \* miséricors, et miserátor, et justus.

Jucúndus homo qui miserétur et commodat, & dispónet sermones suos in judicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, & déntibus suis fremet et

tabéscet : \* desidérium peccatórum peribit.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásus, \* laudábile nomen Dómini. Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia respicit in cælo et in terra?

Súscitans a terra inopem, \* et de stércore érigens pauperem :

Ut cóllocet eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors Sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupísti víncula mea : \* tibi sacrificábo hóstias laudis, et nomen Dómini invocábo.

Vota mea Dómino reddam



in conspectu omnis populi ejus : \* in atriis domus Domini, in medio tui Jerúsalem.

Añã. Oleum effusum nomen tuum : ideo adolescentulæ dilexerunt te.

Capitulum Christus humiliavit semetipsum., Hymnus Jesu dulcis memoria. ut in j. Vesperis, pag. 814. et pag. 815.

¶ Sit nomen Domini benedictum. R. Ex hoc nunc, et usque in sæculum.

Ad Magnificat Añã. Vocabis nomen ejus Jesum : ipse enim salvum faciet populum suum a peccatis eorum. Oratio.

**D**EUS, qui unigenitum Filium tuum constituisti humani generis Salvatorem, et Jesum vocari jussisti : concede propitius ut cujus sanctum Nomen veneramur in terris, ejus quoque aspectu perfruamur in cælis : Qui tecum vivit.

DIE XVI. JANUARI.

B. STEPHANÆ DE QUINZANIS  
VIRG. ORD. PRÆD.

DUPLEX. Oratio.

**D**EUS, qui beatam Stephanam Virginem tuam, Crucifixi amore succensam, ejusdem Passiõis consortem mirabiliter effecisti : præsta, quaesumus, ut ejus intercessiõne et exemplo imãgini Filii tui conformes fieri mereamur : Qui tecum vivit.

In j. Vesperis et Laudibus Memoria S. Marcelli Papæ et Martyris. Oratio.

**P**RÆCES populi tui, quaesumus Domine, clementer exaudi : ut beati Marcëlli Martyris tui atque Pontificis meritis adjuvemur, cujus passiõne lætamur. Per.

IN I. NOCTURNO.

Lectiones De virginibus. de Communi unius Virginis non Martyris, pag. 98\*.

IN II. NOCTURNO.

Lectio iv.

**S**TEPHANA, in oppido Urceano agri Brixiensis piis honestisque parentibus orta, Deum ab ipsa infãntia cognoscere ac diligere cœpit : eique adhuc septennis, ut perhibent, virginitatem et obediẽtiam perpetuo vovit. Mox, quo arctius cælesti Sponso conjungeretur, emissio nunquam peccandi letaliter proposito, ejus Crucem impense flagitavit, votive cõmpotem fore, cælestibus signis admõnita est. Oblatas sibi terrenas nuptias constantissime recusavit, præcis etiam crinibus vanitatis incitamentis. Quindecim annos nata, Tertiij Ordinis sancti Domini institutum amplexa est, in quo jejuniis, vigiliis, ciliciis, et flagellatiõibus carnem prorsus subegit : omnique virtutum genere animum exculta, ad religiõsæ perfectiõis apicem brevi pervenit. Ab humani generis hoste obscenarum rerum specie aliquando appetita, corpore inter spinas revoluto, tentatoris artes elusit.

Lectio v.

**F**LAGRANTISSIMO in Deum amore succensa, illi soli inhiabat. Ejus vero Passiõis mysteriis ita afficiebatur, ut Crucifixo cõformis fieri vehementer optaret, quod ei pro votis cessisse perhibetur : nam quos ille pro humana Redemptiõne cruciatus tulit, ipsa annorum quadraginta spatio,

quálibet sexta Féria in próprio corpore expértam se fuisse testáta est : adjécta intérni doloris pœna, qua perinde se angi affirmábat, ac si cor suum rota quadam circúmagi sentiret. Sed et sacrórum Stígmatum signa in ejus corpore impréssa plures se vidísse testáti sunt. Ab Eucharistiæ sumptióne, quæ fere illi quotidiana erat, tanta cum ánimi et corpóris alacritáte proficiscebátur, ut constans opinio sit, in fortitúdine cibi illius integros quadraginta dies, altérius cibi omnino expértem, aliquándó transegísse. Eximia in páuperes caritaté, étiam próprias vestes in eórum usum erogávit. Summo in prétio et honóre ob sanctitátis famam ab éteris étiam civitatibus hábita, et ab illis expetita, nonnisi húmili atque obscúro in loco vivere ac mori velle profitebátur.

Lectio vj.

**D**IVINÆ glóriæ propagándæ stúdio, várias ad eam confluéntes puéllas, piis ac religiósus móribus instituéndas suscepit : iisque ad arctiórís vitæ propósitum excitátis, Ordinis monastérium ingéntibus curis atque moléstii, sub invocatióne sancti Pauli, prope Soncínium diocécis Cremonénsis oppidum, a fundaméntis eréxit, cui étiam ad plures annos sanctíssime præfuit. Dénique méritis plena, éxtasum, raptum, prophetiæ, cæléstium apparitiónum, et miraculórum fama conspicua, prænuntiáto sui óbitus die, obdormívit in Dómino, quarto Nonas Januárii, anno salutis millésimo quin-

gentésimo trigésimo, ætátis suæ septuagésimo tértio. Ejus cultum Benedictus Décimus quartus approbávit, utque ejus festum cum Officio et Missa ab univérso Prædicatórum Ordine, atque a Brixiénsi, et Cremonénsi clero celebrarétur, Apostólica auctoritaté concéssit.

IN III. NOCTURNO.

Homilia in Evangelium Si mile erit regnum cælórum decem virginibus. de Comuni unius Virginis non Martyris, pag. 100\*

DIE XVII. JANUARI.  
S. ANTONII ABBATIS.

TOTUM DUPLEX.

Oratio.

**I**NTERCESSIO nos, quæsumus Dómine, beáti Antónii Abbátis comméndet : ut quod nostris méritis non valémus ejus patrocinio assequámur. Per.

IN I. NOCTURNO.

De Epístola beáti Pauli Apóstoli ad Philippenses.

Lectio j. Cap. 3.

**F**RATRES, ego me non ártor comprehéndisse. Unum autem : quæ quidem retro sunt obliviscens, ad ea vero, quæ sunt prióra, exténdens meípsum, ad destinátum persequor, ad bravíum supérnæ vocatiónis Dei in Christo Jesu. Quicúmque ergo perfecti sumus, hoc sentiámus : et si quid áliter sápit, et hoc vobis Deus revelábit. Verúmtamen ad quod pervénimus, ut idem sapiámus, et in eádem permanéamus régula.

## Lectio ij.

**I**MITATORES mei estote fratres, et observate eos qui ita ambulant, sicut habetis formam nostram. Multi enim ambulant, quos sæpe dicebam vobis (nunc autem et flens dico) inimicos Crucis Christi: quorum finis interitus: quorum Deus venter est: et gloria in confusione ipsorum, qui terræna sapiunt. Nostra autem conversatio in cælis est.

## Lectio iij. Cap. 3. et cap. 4.

**U**NDE etiam Salvatorem exspectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ, secundum operationem, qua etiam possit subjicere sibi omnia. Itaque, fratres mei carissimi, et desideratissimi, gaudium meum, et corona mea: sic state in Domino, carissimi.

## IN IL. NOCTURNO.

(Ex S. Athanasio, ac Rom.

Breviario.)

## Lectio iv.

**A**NTONIUS Ægyptius, parentibus ab adolescentia orbatus, auditus evangelicis verbis, Si vis perfectus esse, vade, et vende universa quæ habes, et da pauperibus: rem omnem familiarem vendidit, pretiumque pauperibus erogavit. His solutus impedimentis, cælestis vitæ genus in terris colere instituit, tantumque in omni virtutum genere profecit, ut quemcumque videret aliqua virtutis laude excellentem, illum imitari studeret. Continentia, mansuetudine, patien-

tia, misericordia, humilitate, ac studio divinarum litterarum superabat omnes. Ab hæreticorum et schismaticorum hominum, maxime Arianorum, congressu et colloquio sic abhorrebat, ut ne prope quidem ad eos accedendum diceret.

## Lectio v.

**M**IRA fuit vitæ ipsius austeritas. Humi jacebat, cum necessarius somnus eum occupasset. Jejunium adeo coluit, ut salem tantummodo ad panem adhiberet: sitim aqua exstinguebat, neque se ante solis occasum cibo aut potu recreabat: sæpe etiam biduum cibo abstinēbat: sæpissime in oratione pernoctabat. Dæmonis artes, frequentissimasque tentationes jejunio et oratione vicit: nec tamen frequentes de Sātana reportati triumphis secum illum ac segnem reddiderunt. Quare in vastissimam Ægypti solitudinem se contulit, ubi quotidie ad christianam perfectionem mirifice profecit.

## Lectio vj.

**D**ÆMONES ita contempsit, ut illis exprobraret imbecillitatem. Discipulos ad pugnam cum eis conferendam peritus expertusque magister erudiebat. Sic autem dæmonibus erat formidolosus, ut multi per Ægyptum ab eis agitati, invocato Antonii nomine liberarentur. Illius sanctitatis fama permotus Constantinus Magnus, se suosque filios, per litteras, ejus orationibus commendavit. Annum quintum supra centesimum agens, innumeris instituti sui relictis imitatoribus,



patratique miraculis, migravit in cælum. Cujus laudes ita inter alios sanctus Joannes Chrysostomus prædicat : Considerate virum, per cunctorum usque hodie ora volitantem, quem Apostolorum simillimum Ægyptus protulit, beatum dico et magnum illum, de quo sæpe audistis, Antonium.

## IN III. NOCTURNO.

Homilia in Evangelium Sint lumbi. ut in Communi unius Confessoris non Pontificis, pag. 83\*.

DIE XVIII. JANUARIIL.  
CATHEDRÆ S. PETRI,  
QUA ROMÆ PRIMUM SEDIT.  
DUPLEX.

## AD I. VESPERAS.

Super Psalmos Añā. Iste Sanctus digne in memoriam vertitur hominum, qui ad gaudium transiit angelorum.

Capitulum. Eccli. 45.

**D**ILECTUS Deo, et hominibus, cujus memoria in benedictione est : similem illum fecit in gloria sanctorum.

R. Quodcumque ligaveris super terram erit ligatum et in cælis : \* Et quodcumque solveris super terram erit solutum et in cælis. V. Et ego dico tibi quia tu es Petrus, et super hanc petram ædificabo Ecclesiam meam. — Et quodcumque. Gloria. In cælis.

## Hymnus.

**J**AM bone pastor Petre clemens accipe  
Vota precantum, et peccati vincula

Resolve, tibi potestate tradita,  
Qua cunctis cælum verbo claudis, aperis.

SIT Trinitati sempiterna gloria,  
Honor, potestas atque jubilatio,

In unitate cui manet imperium,

Ex tunc, et modo per æterna sæcula.

Amen.

V. Tu es Petrus. R. Et super hanc petram ædificabo Ecclesiam meam.

Ad Magnificat Añā. Tu es pastor ovium, princeps Apostolorum : tibi traditæ sunt claves regni cælorum.

## Oratio.

**D**EUS, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti : concede ut intercessionis ejus auxilio a peccatorum nostrorum nexibus liberemur. Qui vivis.

In j. Vesperis et Laudibus Memoria S. Priscæ Virginis et Martyris.

## Oratio.

**D**A, quæsumus omnipotens Deus : ut qui beatæ Priscæ Virginis et Martyris tuæ natalitia colimus, et annua solemnitate lætemur, et tantæ fidei proficiamus exemplo. Per.

## AD MATUTINUM.

Invitatorium. Tu es pastor ovium, princeps Apostolorum : \* Tibi tradidit Deus claves regni cælorum.

Hymnus Jam bone pastor,  
ut in j. Vesperis.

\* In tribus Nocturnis, Psalmi,  
Antiphonæ et V. ut in Com-  
muni unius Confessoris, pag. 68\*  
et sequentibus; Lectiones vero  
et R. ut infra.

# IN I. NOCTURNO.

Incipit Epistola prima beati  
Petri Apostoli.

Lectio j. Cap. i.

**P**ETRUS Apostolus Jesu Chri-  
sti, electis advenis disper-  
sionis Ponti, Galatiæ, Cappa-  
dociæ, Asiæ, et Bithyniæ  
secundum præscientiam Dei  
Patris, in sanctificationem Spi-  
ritus, in obedientiam, et asper-  
sionem sanguinis Jesu Christi :  
gratia vobis, et pax multiplicetur.  
Benedictus Deus et Pater  
Domini nostri Jesu Christi,  
qui secundum misericordiam  
suam magnam regeneravit nos  
in spem vivam, per resurre-  
ctionem Jesu Christi ex mor-  
tuis, in hereditatem incorru-  
ptibilem, et incontaminatam, et  
immarcescibilem, conservatam  
in caelis in vobis, qui in vir-  
tute Dei custodimini per fidem  
in salutem, paratam revelari in  
tempore novissimo.

R. j. Euge serve bone, et fideli-  
lis, quia in pauca fuisti fidelis,  
supra multa te constituam :  
\* Intra in gaudium domini tui.  
V. Domine, quinque talenta  
tradidisti mihi, ecce alia quin-  
que superlucratus sum. —  
Intra in gaudium Domini tui.

Lectio ij.

**I**N quo exultabitis, modicum  
nunc si oportet contristari  
in variis tentationibus : ut  
probatio vestrae fidei multo

pretiosior auro (quod per  
ignem probatur) inveniatur in  
laudem, et gloriam, et hono-  
rem in revelatione Jesu Chri-  
sti : quem cum non videritis,  
diligitis : in quem nunc quoque  
non videntes creditis : creden-  
tes autem exultabitis lætitia  
inenarrabili, et glorificata : re-  
portantes finem fidei vestrae,  
salutem animarum.

R. ij. Justus germinabit sicut  
lilium, \* Et florabit in æter-  
num ante Dominum. V. Plan-  
tatus in domo Domini, in atris  
domus Dei nostri. — Et floré-  
bit.

Lectio iij.

**D**E qua salute exquisierunt,  
atque scrutati sunt pro-  
phetæ, qui de futura in vobis  
gratia prophetaverunt : scu-  
tantes in quod, vel quale tem-  
pus significaret in eis Spiritus  
Christi : prænuntians eas quæ  
in Christo sunt passionēs, et  
posteriores glórias : quibus re-  
velatum est quia non sibi met-  
ipsis, vobis autem ministrā-  
bant ea, quæ nunc nuntiata  
sunt vobis per eos, qui Evan-  
gelizaverunt vobis, Spiritu  
sancto misso de caelo, in quem  
desiderant angeli prospicere.

R. iij. Iste Sanctus digne in  
memoriani vertitur hominum,  
qui ad gaudium transiit an-  
gelorum : \* Quoniam in hac  
peregrinatione solo corpore  
constitutus, cogitatione et avi-  
ditate In illa æterna patria  
conversatus est. V. Vinculis  
carnis absolutus, talentum sibi  
credendum Domino suo duplica-  
tum reportavit. — Quoniam.  
Glória. In illa æterna patria  
conversatus est.

## IN II. NOCTURNO.

Sermo sancti Leonis Papæ.  
(Serm. 1. de SS. Petro  
et Paulo.)

## Lectio iv.

**C**UM duodecim Apóstoli, accépta per Spiritum sanctum ómnium locutióne linguárum, imbuéndum Evangélio mundum, distribútis sibi terrárum pártibus, suscepissent, beatissimus Petrus, princeps Apostólici órdis, ad arcem Románi destinátur impérii : ut lux veritátis, quæ in ómnium géntium revelabátur salutem, effíciat se ab ipso cápite per totum mundi corpus effunderet.

R. iv. Magnificávit eum in conspéctu regum, \* Et dedit illi coronam glóriæ. V. Státuit illi testaméntum sempitérnum, et beatificávit illum in glória. — Et dedit illi.

## Lectio v.

**C**UJUS autem nátiónis hómines in hac tunc Urbe non essent? aut quæ usquam gentes ignorárent quod Roma didicisset? Hic conculcandæ philosophiæ opiniónes, hic dissolvendæ erant terrénæ sapiéntiæ vanitátes, hic confundendi daemonum cultus, hic ómnium sacrilegiórum impietas destruenda : ubi diligentissima superstitióne habebátur collectum quicquid usquam fúerat vanis erroribus institutum.

R. v. Amávit eum Dóminus, et ornávit eum : stolam glóriæ induit eum, \* Et ad portas Paradisi coronávit eum. V. Induit eum Dóminus lorícam fidei, et ornávit eum. — Et ad portas Paradisi.

## Lectio vj.

**A**D hanc ergo Urbem tu, beatissime Apóstole Petre, venire non métuís; et consorte glóriæ tuæ Paulo Apóstolo aliárum adhuc Ecclesiárum ordinatiónis occupáto, silvam istam freméntium bestiárum, et turbulentissimæ profunditátis océanum, constántior quam cum supra mare gradereris, ingrédieris : trophæum Crucis Christi Románis árcibus inferens, quo te divinis præordinatióibus antebant, et honor potestátis, et glória passiónis.

R. vj. Sancte Petre Christi Confessor audi rogántes servulos : \* Et impetrátam cælitus Tu defer indulgéntiam. V. O sancte Petre sidus áureum, Dómini grátia servórum gémitus sólita suscipe cleméntia. — Et impetrátam cælitus. Glória. Tu defer indulgéntiam.

## IN III. NOCTURNO.

Lectio sancti Evangélii  
secúndum Matthæum.

Lectio vij. Cap. 16.

**I**N illo témpore : Venit Jesus in partes Cæsaréæ Philippi : et interrogábat discipulos suos, dicens : Quem dicunt hómines esse Fílium hóminis? Et reliqua.

Homilía sancti Hilárii  
Episcopi.

(Comm. in Matth. cap. 16.  
post initium.)

**D**OMINUS a discipulis requirit, quem se hómines esse dicerent : et adjécit, Hóminis Fílium. Hæc enim confessiós tenenda rátió est, ut sicut Dei Fílium, ita et Fílium



hóminis meminérimus : quia álterum sine áltero nihil spei tribuit ad salutem. Editis itaque, quæ diversæ de eo erant, hóminum opiniónibus, quid de se ipsi sentiant quærit. Petrus respóndit : Tu es Christus, Fílius Dei vivi. Sed Petrus conditiónes propositiós expénderit. Dóminus enim dixerat : Quem me hómines esse dicunt, Fílium hóminis? Et certe Fílium hóminis contemplatio córporis præferébat. Sed addéndo, Quem me esse dicunt : significávit præter id, quod in se videbátur, esse aliud sentiéndum : erat enim hóminis Fílius.

R. vij. Justus ut palma florébit : sicut cedrus Libani multiplicábitur : plantátus in domo Dómini, \* In átriis domus Dei nostri florébit. V. Glória et divitiæ in domo ejus : et justitia ejus manet in sæculum sæculi. — In átriis.

#### Lectio viij.

QUOD igitur de se opinándi judicium desiderábat? Non illud arbitramur, quod de se ipso confessus est : sed occultum erat, de quo quærebátur, in quod se credéntium fides debébat exténdere. Et dignum plane confessio Petri præmium consecúta est, quia Dei Fílium in hómine vidisset. Beátus hic est, qui ultra humánium óculos inténdisse, et vidisse laudátus est : non id, quod ex carne et ságuine erat, cóntuens; sed Dei Fílium, cæléstis Patris revelatióne, conspiciens : dignusque judicátus qui, quod in Christo Dei esset, primus agnósceret.

R. viij. Justum dedúxit Dóminus per vias rectas, et ostén-

dit illi regnum Dei, et dedit illi sciéntiam sanctórum : \* Honestávit illum in labóribus, et complévit labóres illius. V. Immortális est enim memória illius : quia apud Deum nota est, et apud hómines. — Honestávit illum.

#### Lectio ix.

OMINIS felix Ecclesiæ fundaméntum, dignaque ædificatióne illius petra, quæ inférnas leges, et tártari portas, et ómnia mortis claustra dissólveret! O beátus cæli jánitor, cujus arbitrio claves ætérni áditus tradúntur, cujus terréstre judicium præjudicáta auctóritas sit in cælo : ut quæ in terris aut ligáta sint, aut solúta, statútí ejúsdem conditiónem obtineant et in cælo!

R. ix. Quodcúmque ligáveris super terram erit ligátum et in cælis : \* Et quodcúmque sólveris super terram erit solútum et in cælis. V. Et ego dico tibi quia tu es Petrus, et super hanc petram ædificábo Ecclesiám meam. — Et quodcúmque sólveris super terram. Glória. In cælis.

Ante Laudes V. Exáltent eum in ecclesiá plebis. R. Et in cáthedra seniórú laudent eum.

#### AD LAUDES

ET PER HORAS ANTIPHONÆ.

1. Dómine quinque talénta tradidisti mihi, ecce ália quinque superlucrátus sum. Psalmus Dóminus regnávit. cum ceteris pag. 17.

2. Beátus ille servus, quem cum vénerit Dóminus, et pulsáverit jánuam, invénerit vigílantem.

3. Fidélis servus et prudens, quem constituit Dóminus super familiam suam, ut det illis in tēpore tritici mensuram.

4. Ecce vere Israelita, in quo dolus non est.

5. Serve bone et fidélis intra in gaudium Dómini tui.

Capitulum. Eccli. 45.

**D**ILECTUS Deo et hominibus, cujus memória in benedictióne est : similem illum fecit in glória sanctorum.

Hymnus.

**J**ESU Redemptor omnium,  
Coróna confitentium,  
In hac die clementius  
Nostris faveto precibus :  
Tui sacri qua nómínis  
Confessor almus cláruit,  
Cujus celebrat ánnua  
Devóta plebs solémnia.

QUI rite mundi gaudia  
Hujus cadúca respiciens,  
Cum angelis cælestibus  
Lætus potitur præmiis.

HUJUS benignus ánnue  
Nobis sequi vestigia :  
Hujus precátu servulus  
Dimitte noxam criminis.

SIT Christe Rex piissime  
Tibi Patrique glória,  
Cum Spirítu Paráclito,  
In sempitérna sæcula. Amen.

¶ Justus germinábit sicut lilium. R. Et florébit in ætérnum ante Dóminum.

Ad Benedictus Aña. Quodcúmque ligáveris super terram erit ligátum et in cælis, et quodcúmque sólveris super terram erit solútum et in cælis, dicit Dóminus Simóni Petro.

Oratio.

**D**EUS, qui beato Petro Apostolo tuo, collátis clavibus regni cælestis, ligandi atque

solvendi pontificium tradidisti : concède ut intercessiónis ejus auxilio a peccatorum nostrorum nexibus liberémur. Qui vivis.

Memoria S. Priscæ Virginis et Martyris.

Oratio.

**D**EUS : ut qui beátæ Priscæ Virginis et Mártiris tuæ natalitia cólimus, et ánnua sollemnitate lætémur, et tantæ fidei proficiámus exémplo. Per.

AD TERTIAM.

Capitulum Diléctus Deo, ut in Laudibus.

R. Amávit eum Dóminus,  
\* Et ornávit eum. Amávit eum. V. Stolum glóriæ induit eum. Et ornávit eum. Glória. Amávit eum.

¶ Justum dedúxit Dóminus per vias rectas. R. Et osténdit illi regnum Dei.

AD SEXTAM.

Capitulum. Eccli. 39.  
**J**USTUS cor suum tradet ad vigilándum dilúculo ad Deum, qui fecit illum, et in conspéctu Altissimi deprecábitur.

R. Justum dedúxit Dóminus  
\* Per vias rectas. Justum.  
¶ Et osténdit illi regnum Dei. Per vias rectas. Glória. Justum.  
¶ Justus ut palma florébit in domo Dómini. R. Sicut cedrus Libani multiplicábitur.

AD NONAM.

Capitulum. Sap. 10.  
**J**USTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illius.

R. Justus ut palma florēbit  
 \* In domo Dōmini. Justus.  
 V. Sicut cedrus Libani multiplicābitur. In domo Dōmini.  
 Glōria. Justus.  
 V. Justus germinābit sicut lilium. R. Et florēbit in ætēnum ante Dōminum.

## AD II. VESPERAS.

Super Psalmos Añā. Dōmine quinque talēta tradidisti mihi: ecce alia quinque superlucratus sum. Psalmus Dixit Dōminus. cum ceteris de Communi unius Confessoris, pag. 76\*.

Capitulum Dilēctus Deo., Hymnus Jam bone pastor. ut in j. Vesperis, pag. 826.

V. Tu es Petrus. R. Et super hanc petram ædificābo Ecclēsiā meam.

Ad Magnificat Añā. Simon Bar Jona tu vocāberis Cephas, quod interpretātur Petrus: jānitor celi pulsantibus āperi: supra modum peccāvimus omnes, dimitte septuāgies septies.

## DIE XIX. JANUARI.

## B. ANDRÆ A PISCARIA

## CONF. ORD. PRÆD.

## DUPLEX. Oratio.

**D**OMINE Jesu Christe, qui beatū Andréam Confes-sorem tuum apostólico spiritu decorasti: fac nos, ejus imitationē, ita verbo et exēplo proficere, ut ūberem fructum inde refērre valeāmus. Qui vivis.

In j. Vesperis et Laudibus Memoria S. Felicis Presbyteri et Martyris. Oratio.

**C**ONCEDE, quæsumus omnipotens Deus: ut ad meliorem vitam Sanctorum tuorum

exēpla nos prōvo-cent, quatenus quorum solēnnia āgimus etiam actus imitemur. Per.

## IN I. NOCTURNO.

Lectiones Beātus vir. de Comuni unius Confessoris non Pontificis, pag. 81\*.

## IN II. NOCTURNO.

## Lectio iv.

**A**NDREAS Grægus, Piscariæ ad Bēnaci lacum in diocēsi Veronēsi paupēribus piisque parēntibus ortus, vel a tēneris annis sanctitatem portēdere visus est. Etenim a puerilibus lūsibus āstinens, orationi vacāre, sapiētiōres dapes respūere, quin et integrā Quadragesimam solo pane et aqua transigere solitus fuit: quem deinde morem ad ōbitum usque retinuit. Crescēte ætate, cum egrēgia cōrporis forma castitatis stūdiū conjunxit, speciosasque nūptias sibi oblātas non sine gloriōso certāmine fōrtiter et modēste sprexit. Itaque solo divinæ grātiæ magistērio, sacre Scripturæ lectionem ūnicē in deliciis habens, in sortem Dōmini omnino vocātus videbātur. Defūcto exinde patre, a quo rei domesticæ invitus præsēctus fūerat, multa indigna a duobus frātribus passus est: ita ut propter eōrum improbitatem noctu quādoque extra domum cubāre cogerētur. Sed ōmnibus mira patiētia tolerātis, a pia matre, tristem filiū sortem commiserante, benedictionē tandem obtēnta, Brixiam pētiit: ut quod jam diu in votis habuerat, religiōsam vitam amplecterētur. In quo illud memōria dignum,



quod fratribus suis, qui usque ad oppidi portam se illi comites adjunxerant, pedes humiliter exosculatus, baculum, id est pene totum quod e paterna domo asportaverat, in sui memoriam iisdem dono dedit : quem postea mirabiliter florentem, prodigiisque clarum Piscariensis in summo honore habuerunt.

#### Lectio v.

NOVUM in Dominicana familia perfectioremque indutus hominem, studiorumque causa Florentiam missus, in cœnobio sancti Marci, ubi curis beati Antonii ab Ecclesia regularis disciplina tunc maxime vigebat, ad omnium virtutum apicem animum erexit, atque obedientiæ potissimum se totum mancipavit, solitus exinde dicere, Virum obedientem idem sonare ac sanctum. Mox arma lucis astringens, vitiis et erroribus bellum indixit : jamque apostolico muneri aptus, in Rhætiam ex obedientia commeavit cum fratre Dominico de Pisis, qui a Benigno Médice sanctissimo viro invitatus fuerat ad missiones in Valle Tellina finitimisque regionibus obeundas. Haud facile dictu quo ardore, quo zelo juvenis apostolus Andréas provinciam illam, quam olim sanctissimus Pater Dominicus et venerabilis Paganus, Comensis Inquisitor pro catholica fide, ab erroribus purgare et concupiverant, et studuerant, excolendam suscepit, quot errores extirpaverit, quot perditos homines ad bonam frugem revocaverit.

Nullus fuit tam exiguus locus, tugurium nullum tam inaccesum, quo non diverteret ad lucrandas animas : apud pauperes libentius hospitans, super sarmēta semper dormiens, miliaceo pane, vel castaneis, et aquæ potu vitam sustentans. Tanta demum apud omnes civium ordines auctoritate valuit, ut sola præsētia furēntis populi tumultus quodque sedaret, immo et hæreticos ipsos pertinaciores brevi disputatione ad Ecclesiæ obedientiam suaviter alliceret, Dignus plane, qui ut pauperum pater, Vallis Tellinæ apostolus, immo ut Dei angelus ab omnibus veneraretur.

#### Lectio vj.

AD fidem in posterum communiendam, sanctosque mores tuendos, ecclesias extruxit, parœciarum numerum auxit, monasteria a fundamentis erexit : inter quæ celebre illud Morbiniense Fratrum Prædicatorum, quod veluti fidei propugnaculum ingruentibus hæresibus et vitiis opposuit. Post quadraginta quinque annorum apostolatam, et vitam miraculis quoque claram, ut referunt illius ævi monimenta, nunquam tamen adduci potuit ad præfecturas inter suos exercendas, solo quæstuatoris officio contentus. Denique Vir Dei incredibilibus per valles et montes, inter glacies et nives exantlatis laboribus usque ad ultimam senectutem, in letalem morbum incidit : prænuntiatioque mortis die, sacrisque susceptis, inter sodalium lachrymas placi-

dissime in Dómino quíevit, anno millésimo quadringéntesimo octuagésimo quinto, die décima octáva Januárii. Ejus corpus suáriter olens, ingénti primùm populórum concúrsum humiliter cónditum, deinde in honestiorem locum solémni translatione bis elátum, Morbinii in ecclésia sui Ordinis summa veneratione cólitur. Quem Beáti cultum nunquam intermissum Pius Séptimus Póntifex Máximus approbávit, ejúsque Offícium et Missam in univérso Prædicatórum Ordine et Veronénsi diocési, ex sacrórum Rítuum Congregatiónis cónsulto, celebrári posse beníge concessit.

## IN III. NOCTURNO.

Homilia in Evangelium Designávit Dóminus, de Comuni unius Confessoris non Pontificis, pag. 84\*.

DIE XX. JANUARI.  
SS. FABIANI ET SEBASTIANI  
MARTYRUM.

TOTUM DUPLEX. Oratio.

**D**EUS, qui beátos Mártýres tuos Fabiánum atque Sebastíanum virtúte constántiæ in passióne roborásti : ex eórum nobis imitatióne tribue pro amóre tuo próspera mundi despícere, et nulla ejus advérsa formidáre. Per.

## IN II. NOCTURNO.

(Ex lib. de Rom. Pont. et ex Rom. Breviario.)

Lectio iy.

**F**ABIANUS RománuS, a Maximino usque ad Décium regens Ecclésiám, septem Diáconis regiónis divisit, qui páu-

perum curam habérent. Tótidem Subdiáconos creávit, qui res gestas Mártýrum a septem Notáriis scriptas colligerent. Idem stáuit ut quotánnis Féria quinta in Cena Dómini, vétère combústo, Chisma renovaréretur. Dénique décimo tértio Kaléndas Februárii, in persecutióne Déci, martyrio coronátus, in còmetério Calísti via Appia sepelítur : cum sedísset annos quindecim, dies quátuor. Hic fecit Ordinatiónes quinque mense Decémbri, quibus creávit Presbyteros viginti duos, Diáconos septem, Episcopos per divérsa loca undecim.

## Lectio v.

**S**EBASTIANUS ex patre Narbonénsi, matre Mediolanénsi natus, cum sub Diocletiano dux primæ cohórtis esset, Christiános, quorum fidem clam colébat, ópera et facultátibus adjuvábatur, et ad subeúnda torménta confirmábat. Inter quos fuére Marcus et Marcellíanus fratres, Romæ vincti apud Nicóstratum : cujus uxor Zoe vocem, quam amiserat, Sebastíani oratióne recuperávit. His Diocletiano delátis, Sebastíanum accérsit, et vehementius objurgátum, ómnibus artificiis a Christi fide cónátur avértere : sed cum nihil proficeret, sagittis configi jubet.

## Lectio vj.

**E**UM, ómnium opinióne mórtuum, noctu sancta múlIER Iréne, sepeliéndi grátia, jussit auférrí : sed vivum repértum domi suæ curávit. Itaque paulo post confirmáta valetúdine, Diocletiano óbviám factus,

quem mórtuum credébat, ejus impietátém libérius accusávit : sed ab eo támdiu virgis cædi jussus est, donec ánimam Deo rédderet. Ejus corpus in cloácam dejectum Lucina, ab eodem in somnis admónita, ad Catacúmbas sepelivit : ubi ad cæmetérium Callísti via Appia sancti Sebastiani nómine célebris ecclésia, una ex septem præcipuis Urbis, est ædificáta. Tempóribus Agathónis Papæ, cum divino móritu eidem Sancto erectum esset altáre in título Eudóxiæ ad Vincula sancti Petri in Exquiliis, grásantem luem ab Urbe fuisse depúlsam constat.

### IN III. NOCTURNO.

Homilia in Evangelium Descéndens Jesus, de Communi plurimorum Martyrum, pag. 65\*.

DIE XXI. JANUARI.

S. AGNETIS

VIRG. ET MART.

TOTUM DUPLEX.

### AD I. VESPERAS.

Super Psalmos Aña. Veniente Sponso, prudens Virgo præparata introivit cum eo ad nuptias. Psalmus Laudáte púeri, cum ceteris, pag. 145.

Capitulum. Eccli. 51.

**C**ONFITEBOR tibi Dómine rex, et collaudábo te Deum salvátorem meum. Confitebor nómini tuo : quóniam adjutor et protéctor factus es mihi, et liberásti corpus meum a perditione.

R̃. Omnipotens, adoránde, colénde, treménde, benedico te :

\* Quia per Filium tuum unigénitum evási minas hóminum impiórum, et spurcítias diaboli impollúto calle transívi. Ṽ. Te confiteor lábiis, te corde : te totis viscéribus concupisco. — Quia. Glória. Quia.

Hymnus Virginis Proles. de Communi unius Virginis et Martyris, pag. 86\*.

Ṽ. Diffusa est grátia in lábiis tuis. R̃. Propterea benedixit te Deus in ætérnum.

Ad Magnificat Aña. Beata Agnes in médio flammárum expánsis máribus orábat : Te deprecor veneránde, colénde, Pater metuénde, quia per sanctum Filium tuum minas evási sacrilegi tyránni, et carnis spurcítias immaculáto calle transívi : et ecce vénio ad te, quem amávi, quem quæsi, quem semper optávi. Oratio.

**O**MNIPOTENS sempitérne Deus, qui infirma mundi éligis, ut fórtia quæque confúndas : concéde propítius ut qui beatæ Agnétis Virginis et Mátyris tuæ solémnia cólimus, ejus apud te patrocínia sentiámus. Per.

### AD MATUTINUM.

Invitatorium. Agnum sponsum virginum \* Venite adoremus Dóminum Jesum Christum.

Hymnus Virginis Proles. ut in j. Vesperis de Communi unius Virginis et Martyris, pag. 86\*.

### IN I. NOCTURNO.

Aña. Discéde a me pábulum mortis, quia jam ab álío amatóre prævénta sum. Psalmus Dómine Dóminus noster. cum



ceteris de Communi unius Virginis et Martyris. pag. 88\*. et sequentibus.

**Añ.** Anulo suo subarrhavit me Dóminus meus Jesus Christus : et tamquam sponsam decoravit me coróna.

**Añ.** Dóxteram meam et collum meum cinxit lapidibus pretiosis : tradidit áuribus meis inæstimabiles margaritas.

**Ÿ.** Diffusa est grátia in lábiis tuis. **R.** Propterea benedixit te Deus in ætérnum.

De libro Ecclesiástici.

Lectio j. Cap. 51.

**C**ONFITEBOR tibi Dómine rex, et collaudábo te Deum salvatórem meum. Confitebor nómini tuo : quóniam adjutor et protéctor factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspectu astántium factus es mihi adjutor. Et liberásti me secundum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulatiónum quæ circumdederunt me : a pressúra flammæ, quæ circumdedit me, et in médio ignis non sum æstuata ; de altitúdine ventris inferi, et a lingua coinquináta, et a verbo mendácii, a rege iniquo, et a lingua injústa.

**R.** j. Diem festum sacratissimæ Virginis celebrémus : quáliter passa sit beáta Agnes, ad memóriam revocémus : tertiodécimo ætátis suæ anno mortem pérdidit, et vitam invénit : \* Quia solum vitæ diléxit Auctórem. **Ÿ.** Infántia qui-

dem computabátur in annis, sed erat senéctus mentis im-ménsa. — Quia solum vitæ diléxit Auctórem.

Lectio ij.

**L**AUDABIT usque ad mortem ánima mea Dóminum, et vita mea appropinquans erat in inférno deórsum. Circumdederunt me úndique, et non erat, qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ Dómine, et operatiónis tuæ, quæ a sæculo sunt : quóniam éruis sustinéntes te Dómine, et liberas eos de mánibus géntium.

**R.** ij. Dóxteram meam et collum meum cinxit lapidibus pretiosis : tradidit áuribus meis inæstimabiles margaritas : \* Et circumdedit me vernántibus atque coruscántibus gemmis. **Ÿ.** Induit me Dóminus cyclade auro texta, et imménsis monilibus ornávit me. — Et circumdedit me.

Lectio iij.

**E**XALTASTI super terram habitatiónem meam, et pro morte defluente deprecáta sum. Invocávi Dóminum patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudíta est oratio mea. Et liberásti me de perditione, et eripuísti me de témpore iniquo. Propterea confitebor, et laudem dicam tibi, et benedicam nómini Dómini.

R. iij. Induit me Dóminus vestiménto salutis, et induiménto lætitiæ circumdedit me : \* Et tamquam sponsam decorávit me coróna. V. Trádidit áuribus meis inæstimábiles margaritas, et circumdedit me vernántibus atque coruscántibus gemmis. — Et tamquam sponsam. Glória. Et tamquam sponsam.

#### IN II. NOCTURNO.

Aña. Christus circumdedit me vernántibus atque coruscántibus gemmis pretiósus.

Aña. Induit me Dóminus cyclade auro texta, et imménsis monilibus ornávit me.

Aña. Pósuit signum in fáciem meam, ut nullum, præter eum, amatórem admittam.

V. Spécie tua et pulchritúdine tua. R. Inténde, prospere procéde, et regna.

Ex libro primo  
sancti Ambrósii Episcopi  
de Virginibus.

#### Lectio iv.

**H**ODIE natális est Virginis : integritatem sequamur. Natális est Mártiris : hóstias immolémus. Natális est sanctæ Agnetis : miréntur viri, non despérent párvuli, stupeant nuptæ, imiténtur innuptæ. Hæc, trédecim annórum, martyrium fecisse dicitur. Quo detestabiliór crudelitas, quæ nec minúsculæ pepércit ætáti : immo magna vis fidei, quæ étiam ab illa testimónium invénit ætáte. Fuitne in illo corpúsculo vulneri locus? Et quæ non hábuit quo ferrum recíperet, hábuit quo ferrum vínceret. Hæc inter cruéntas carnificum impávida manus, hæc stridén-

tium grávibus inmóbilis tráctibus catenárum, nunc furéntis mucróni militis totum offerre corpus, mori adhuc nescia, sed paráta : vel si ad aras invita raperétur, téndere Christo inter ignes manus, atque in ipsis sacrilegis focis trophæum Dómini signáre victóris.

R. iv. Amo Christum, in cujus thálamum introibo, cujus Mater Virgo est, cujus Pater féminam nescit, cujus mihi órgana modulátis vóci bus cantant : \* Quem cum amávero, casta sum : cum tetigero, munda sum : cum accépero, virgo sum. V. Anulo suo subarrhávit me, et imménsis monilibus ornávit me. — Quem cum amávero.

#### Lectio v.

**N**OVUM martyrii genus : Nondum idónea poenæ, et jam matúra victóriæ : cétare difficilis, fácilis coronári. Magistérium virtútis implévit, quæ præjudícium vehébat ætátis. Non sic ad thálamum nupta properáret, ut ad supplicii locum, læta succésu, gradu festína Virgo procédísit : non intórto crine caput compta, sed Christo : non flósculis redimíta, sed móribus. Flere omnes : ipsa sine fletu. Mirári plerique, quod tam fácele vitæ suæ pródiga, quam nondum háuserat, jam quasi perfúcta donáret. Stupére unívérsi, quod jam Divinitátis testis existeret, quæ adhuc árbitra sui per ætátem esse non posset. Effécit dénique, ut ei de Deo crederétur, cui de hómine adhuc non crederétur : quia quod ultra natúram est, de Auctóre natúræ est.

R̃. v. Mel et lac ex ejus ore  
suscep̃i : \* Et sanguis ejus or-  
nāṽit genas meas. Ṽ. Cujus  
pulchritūdinem sol et luna mi-  
rāntur, ipsi soli servo fidem.  
— Et sanguis ejus ornāṽit ge-  
nas meas.

## Lectio vj.

QUANTO terróre egit cár-  
nifex, ut timerétur; quan-  
tis blanditiis, ut suaderet;  
quantórum vota, ut sibi ad  
nuptias proveniret! At illa :  
Et hæc sponsi injúria est,  
inquit, expectáre placitúram.  
Qui me sibi prior elégit, acci-  
piet. Quid percussor moráris?  
Péreat corpus, quod amári po-  
test óculis, quibus nolo. Stetit,  
orávit, cervicem infléxit. Cér-  
neres trepidáre carníficem,  
quasi ipse addíctus fuisset :  
trémere percussóris dexteram,  
pallére ora aliéno timéntis pe-  
riculo, cum puélla non timéret  
suo. Habétis igitur in una  
hóstia duplex martyrium : pu-  
dóris, et religiónis. Et Virgo  
permánsit, et martyrium obti-  
nuit. Passa est autem beáta  
Agnes Romæ sub præfécto  
Urbis Symphrónio : quam  
étiam sancti Patres Dámasus,  
Augustinus, Hierónymus sum-  
mis láudibus prædicáru(n)t.

R̃. vj. Ipsi sum desponsáta,  
cui ángeli sèrviunt, cujus pul-  
chritūdinem sol et luna mirán-  
tur : \* Ipsi soli servo fidem :  
Ipsi me tota devotióne com-  
mitto. Ṽ. Dexteram meam, et  
collum meum cinxit lapídibus  
pretiósus : trádedit áuribus meis  
inæstimábiles margaritas. —  
Ipsi soli servo fidem. Glória.  
Ipsi me tota devotióne com-  
mitto.

## IN III. NOCTURNO.

Añā. Mel et lac ex ejus ore  
suscep̃i, et sanguis ejus ornāṽit  
genas meas.

Añā. Cujus pulchritūdinem  
sol et luna mirāntur, ipsi soli  
servo fidem.

Añā. Ipsi soli servo fidem :  
ipsi me tota devotióne com-  
mitto.

Ṽ. Adjuváb̃it eam Deus vultu  
suo. R̃. Deus in médio ejus,  
non commovéb̃itur.

Lectio sancti Evangélii  
secúndum Matthæum.

Lectio vij. Cap. 25.

IN illo témpore : Dixit Jesus  
discipulis suis parábolam  
hanc : Simile erit regnum cæl-  
lórum decem virginibus : quæ  
accipiéntes lámpades suas  
exiérunt óbviā sponso et  
sponsæ. Et réliqua.

Homilia sancti Gregórii Papæ.  
(Homilia 12. in Evang.)

SÆPE vos fratres caríssimi  
Sadmóneo prava ópera fú-  
gere, mundi hujus inquinamén-  
ta devitáre : sed hodiérna san-  
cti Evangélii lectiône compél-  
lor dicere ut et bona, quæ ági-  
tis, cum magna cautéla teneá-  
tis : ne per hoc, quod a vobis  
rectum géritur, favor aut grátia  
humána requirátur : ne appe-  
títus laudis subrépat, et quod  
foris osténditur, intus a mercé-  
de vacuétur.

R̃. vij. Jam corpus ejus cór-  
pori meo sociátum est, et san-  
guis ejus ornāṽit genas meas :  
\* Cujus Mater Virgo est : cujus  
Pater féminam nescit. Ṽ. Ipsi  
sum desponsáta, cui ángeli sèr-  
viunt, cujus pulchritūdinem sol  
et luna mirántur. — Cujus  
Mater Virgo est.



## Lectio viij.

**E**CCĒ enim Redemptōris voce decem virgines, et omnes dicuntur virgines, et tamen intra beatitudinis januam non omnes receptæ sunt : quia earum quædam, dum de virginitate sua gloriā foris expetunt, in vasis suis oleum habere noluērunt. Sed sciendum nobis est, quod sæpe in sacro eloquio regnum celorum præsentis temporis Ecclesia dicitur : quæ quia ex utroque sexu fidelium colligitur, decem virginibus similis esse denuntiatur. In qua quia mali cum bonis, et reprobi cum electis commisti sunt, recte similis virginibus prudentibus et fatuis esse perhibetur.

K. viij. Pulchra facie, sed pulchrior fide, beata es Agnes : respuens mundum, lætaberis cum angelis : \* Intercède pro omnibus nobis. V. Spécie tua et pulchritudine tua intēde, prospere procède, et regna. — Intercède pro omnibus nobis.

## Lectio ix.

**S**UNT namque plerique continētes, qui ab exteriori se appetitu custodiunt, et spe ad interiora rapiuntur ; carnem macerant, et toto desiderio ad supernam patriam anhelant : æterna præmia expetunt, pro laboribus suis recipere humanas laudes nolunt. Hi nimirum gloriā suam non in ore hominum ponunt, sed intra conscientiam contegunt. Et sunt plerique, qui corpus per abstinentiam affligunt, sed de ipsa sua abstinentia humanos favores expetunt.

R. ix. Omnipotens, adorāde, colēde, tremēde, benedico te : \* Quia per Filium tuum unigēnitum evāsi minas hominum impiōrum, et spuriatias diaboli impollūto calle transivi. V. Te confiteor labiis, te corde : te totis visceribus concupisco. — Quia per Filium tuum. Glória. Quia per Filium tuum.

Ante Laudes V. Ora pro nobis beata Agnes. R. Ut digni efficiāmur promissionibus Christi.

## AD LAUDES

ET PER HORAS ANTIPHONÆ.

1. Ingressa Agnes turpitudinis locum, Angelum Domini preparatum invenit. Psalmus Dominus regnavit. cum ceteris, pag. 17.

2. Mecum enim habeo custodem corporis mei Angelum Domini.

3. Ipsi sum desponsata, cui angeli serviunt : cujus pulchritudinem sol et luna mirantur.

4. Benedico te Pater Domini mei Jesu Christi : quia per Filium tuum ignis extinctus est a latere meo.

5. Congaudete mecum et congratulamini : quia cum his omnibus lucidas sedes accipiet. Capitulum Confitebor tibi., Hymnus Jesu corona virginum. et V. Adducuntur regi. de Communi unius Virginis, pag. 95\*.

Ad Benedictus Añā. Stans beata Agnes in medio flammarum expansis manibus orabat ad Dominum : Omnipotens, adorāde, colēde, tremēde, benedico te, et glorifico nomen tuum in ætēnum.

## Oratio.

**O**MNIPOTENS sempitérne Deus, qui infirma mundi éligis, ut fórtia quæque confúndas : concède propítius ut qui beátæ Agnétis Virginis et Mártýris tuæ solémnia cólimus, ejus apud te patrocínia sentiámus. Per.

AD TERTIAM,  
SEXTAM ET NONAM.

Capitula, R. R. et V. V. de Comuni unius Virginis, pag. 96\*.

## AD II. VESPERAS.

Super Psalmos Aña. Ingréssa Agnes turpitúdinis locum, Angelum Dómini præparátum invénit. Psalmus Dixit Dóminus. cum ceteris de Comuni unius Virginis et Mártýris, pag. 96\*.

Capitulum Confitébor., et Hymnus Virginis Proles., ut in j. Vesperis de eodem Comuni, pag. 86\*.

V. Diffúsa est grátia in lábiis tuis. R. Proptérea benedixit te Deus in ætérnum.

Ad Magnificat vel ad Memoriam in ij. Vesperis Aña. Ecce quod concupívi, jam vídeo : quod sperávi, jam téneo : illi sum juncta in cælis, quem in terris pósita, tota devotióne diléxi.

DIE XXII. JANUARI.  
S. VINCENTII  
MARTYRIS.

## TOTUM DUPLEX.

## AD I. VESPERAS.

Super Psalmos Aña. Iste est, qui pro lege Dei sui morti se trádidit : non dubitávit mori : ab iniquis interféctus est, et in

ætérnum vivit cum Christo : Agnum secútus est, et accépit palmam. Psalmus Laudáte púeri. cum ceteris, pag. 145.

## Capitulum. Jac. i.

**B**EATUS vir, qui suffert tentatiónem : quóniam, cum probátus fúerit, accipiet corónam vitæ, quam repromisit Deus diligéntibus se.

R. Christi miles pretiósus Levita Vincéntius ut tribúnal sponte rogum conscéndit intrépídus : \* Cujus salis crepitántis per corpus minútiae sparsim ibant, Atque prunæ vernabántur ságuine. V. Inter hæc manet inmótus ille Dei fámulus, orans Christum, in sublime érécit luminibus.—Cujus Glória. Atque prunæ vernabántur ságuine.

Hymnus Deus tuórum militum. de Comuni unius Mártýris, pag. 38\*.

V. Glória et honóre coronásti eum Dómine. R. Et constituísti eum super ópera mánuum tuárum.

Ad Magnificat Aña. Sacram præséntis diéi sollemnitétem húmili celebrémus devotióne : qua invictus Christi Mártýr Vincéntius, tyránni devicto, insignem victóriæ palmam cælo gaudens intulit. Oratio.

**A**DESTO Dómine supplicatiónibus nostris : ut qui ex iniquitate nostra reos nos esse cognóscimus, beáti Vincéntii Mártýris tui intercessióne liberémur. Per.

## AD MATUTINUM.

Invitatorium. Vincéntem mundum adorémus Dóminum : \* In quo pressúram mundi Mártýr vicit Vincéntius.

Hymnus Deus tuorum militum, ut in j. Vesperis de Comuni unius Martyris, pag. 38\*.

#### IN I. NOCTURNO.

Añā. Sanctus Vincēntius a pueritia studiis litterarum traditus, superna sibi providente clementia, gemina scientia efficacissime claruit. Psalmi de Comuni unius Martyris, pag. 39\* et sequentibus.

Añā. Sanctitate quoque insignis, Diaconii arce suscepta, vices Pontificis diligenter exsequebatur.

Añā. Valerius igitur Episcopus, et Levita Vincēntius, spe fruendi victoria divinitus subnixi, in confessione Deitatis alacriter cucurrerunt.

℣. Gloria et honore coronasti eum Domine. ℞. Et constituisti eum super opera manuum tuarum.

De Epistola beati Pauli  
Apostoli ad Romanos.

Lectio j. Cap. 8.

**E**XISTIMO quod non sunt condignae passionēs hujus temporis ad futuram gloriam, quae revelabitur in nobis. Nam expectatio creaturae revelationem filiorum Dei expectat. Vanitati enim creatura subiecta est non volens, sed propter eum, qui subiecit eam in spe : quia et ipsa creatura liberabitur a servitute corruptionis in libertatem gloriae filiorum Dei.

℞. j. Sacram praesentis diei solemnitatem humili celebramus devotione : qua invictus Christi Martyr Vincēntius, tyranno devicto, \* Insignem victoriae palmam caelo gaudens intulit. ℣. Peracto passio-

nis suae venerando triumpho, angelorum caetibus comitatur. — Insignem victoriae palmam.

#### Lectio ij.

**SCIMUS** enim quod omnis creatura ingemiscit, et parturit usque adhuc. Non solum autem illa, sed et nos ipsi primitias spiritus habentes : et ipsi intra nos gemimus, adoptionem filiorum Dei expectantes, redemptionem corporis nostri. Spe enim salvi facti sumus. Spes autem, quae videtur, non est spes : nam quod videt quis, quid sperat? Si autem quod non videmus, speramus : per patientiam expectamus.

℞. ij. Sanctus Vincēntius Christi Martyr, providente superna clementia, quae sibi eum praevidebat vas electionis futurum, \* Gemina scientia efficacissime claruit. ℣. Sanctitate quoque insignis, Diaconii arce suscepta, vices Pontificis diligenter exsequebatur. -- Gemina scientia efficacissime claruit.

#### Lectio iij.

**SIMILITER** autem et Spiritus adjuvat infirmitatem nostram : nam quid oremus, sicut oportet, nescimus : sed ipse Spiritus postulat pro nobis gemitibus inenarrabilibus. Qui autem scrutatur corda, scit quid desideret Spiritus : quia secundum Deum postulat pro sanctis. Scimus autem quoniam diligentibus Deum omnia cooperantur in bonum ; iis, qui secundum propositum vocati sunt sancti.

℞. iij. Levita Vincēntius dixit beato Valerio : Si jubes Pa-



ter sancte, respónsis júdicem aggrédíar. Jam tibi fili carissime divíni verbi curam commiseram : \* Nunc quoque Pro fide, qua astámus, respónsa committo. *℟.* Tibi enim gémina sciéntia pollénti, ac supérni amóris igne fervénti, cæléstis olim doctrinæ ministérium delegávi. — Nunc quoque. Glória. Pro fide, qua astámus respónsa committo.

## IN II. NOCTURNO.

*Añ.* Tanto namque felicióres se esse credébant, quanto acríora tyránni supplicia pia longanimitáte certássent evíncere.

*Añ.* Levita Vincéntius dixit beáto Valério : Si jubes Pater sancte, respónsis júdicem aggrédíar.

*Añ.* Jam tibi fili carissime divíni verbi curam commiseram : nunc quoque pro fide, qua astámus, respónsa committo.

*℟.* Posuisti Dómine super caput ejus. *℞.* Corónam de lápide pretiósó.

(Ex Aurelio Prudentio, et sinceris Actis apud Metaphrasten, et ex Romano Breviario.)

## Lectio iv.

VINCENTIUS, Osce in Hispania citióriore natus, a prima etáte stúdiis déditus, sacras litteras a Valério Cæsaraugustáno Episcopo didicit : cujus etiam partes suscepit prædicándi Evangélium, quod Episcopus, propter linguæ impedimentum, prædicationis officio fungi non póterat. Ea re ad Daciánum, provinciæ a Diocletiano et Maximiano præpositum, deláta, Vincéntius Cæsaraugustæ comprehé-

tur, et vinctus ad Daciánum Valéntiam Hispaniæ Tarraconénsis insignem urbem addúctur, ibique verbéribus et equúleo torquétur.

*℞.* iv. Ecce jam in sublime agor, et omnes principes tuos sæculo áltior, tyránne, despicio : nolo glóriam meam minuas, nec damna inferas laudi : \* Parátus sum enim ad ómnia torménta, pro Salvatóris nómine sustinéndá. *℟.* Insúrge ergo, et toto malignitátis spirítu debaccháre : vidébis me Dei virtúte plus posse, dum tórqueor, quam possis ipse qui torques. — Parátus sum enim.

## Lectio v.

CUM vero nulla aut tormentórum vi, aut acerbítate vel lenítate verbórum a propósito deterréri posset, in craticula impósitus, prunis ardentibus suppósitus, ac férreis únguibus excarnificátus, candelentibusque láminis exústus, iterum dúctur in cárcerem stratum testáceis fragmentis, ut ejus nudum corpus somno oppréssum, a subjéctis etiam testárum acúleis torquerétur. Verum illo in tenebricósa inclúso custódia, claríssimus splendor obórtus totum cárcerem illustrávit, et summa admiratióne omnes, qui áderant, affécit.

*℞.* v. Assúptus ex equúleo Levita Vincéntius, atque ad patíbulum raptus, tortóres suos pene prævéniens, \* Moras carnificum arguéndó, ad pœnam alácríter properábat. *℟.* Intrépídus itaque Dei athléta candelentis ferri máchinam ultro cónscéndit. — Moras carnificum arguéndó.

## Lectio vj.

**R**ES interim a custode cár-  
ceris ad Daciánum defér-  
tur, qui edúctum inde Vincén-  
tium, in molli cúlctra cóllo-  
cat : et quem cruciátibus in  
suam senténtiam tráhere non  
póterat, deliciis perdúcere co-  
nátur. Sed invictus Vincéntii  
ánimus, Jesu Christi fide spe-  
que múnitus, vicit ómnia : et  
ignis, ferri, tortórum immanita-  
te superáta, victor ad cæléstem  
martyrii corónam advolávit,  
undécimo Kaléndas Februá-  
rii. Cujus corpus, cum projé-  
ctum esset inhumátum, corvus  
et a volúcribus, et a lupo, ún-  
guibus, rostro, alís mirabiliter  
deféndit. Qua re cógnita, Da-  
ciánus illud in altum mare de-  
mérgi jubet : sed inde étiam  
divínitus ejéctum ad litus  
Christiáni sepéliunt.

R. vj. Christi miles pretiósus  
Levita Vincéntius, ut tribúnal  
sponte rogum conscéndit in-  
trépido : \* Cujus salis crepi-  
tántis per corpus minútiae  
sparsim ibant, Atque prunæ  
vernabántur sáanguine. V. In-  
ter hæc manet immótuus ille  
Dei fámulus, orans Christum,  
in sublíme eréctis luminibus. —  
Cujus salis crepitántis. Glória.  
Atque prunæ vernabántur  
sáanguine.

## IN III. NOCTURNO.

Aña. Beátus Vincéntius, cu-  
jus jam mens cónsencia corónæ,  
dixit Daciáno : Háctenus a te  
hábitus sermo de negánda fide  
perorávit.

Aña. Nefárium tamen apud  
Christianórum prudéntiam es-  
se cognósce, Deitátis cultum  
abnegándo, blasphemáre.

Aña. Profitémur enim chri-  
stiánæ religiónis nos esse cul-  
tóres : ac unius veri Dei, per-  
manéntis in sæcula, fámulos  
et testes.

V. Magna est glória ejus in  
salutári tuo. R. Glóriam et  
magnum decórem impónes  
super eum.

Lectio sancti Evangélii  
secúndum Joánnem.

Lectio vij.

Cap. 12.

**I**N illo témpore : Dixit Jesus  
discípulis suis : Amen, amen  
dico vobis, nisi granum fru-  
ménti cadens in terram mór-  
tuum fúerit, ipsum solum  
manet. Et réliqua.

Homília sancti Augustíni  
Epísopi.

(Tract. 51. in Joann. sub med.)

**I**PSE Dóminus Jesus erat gra-  
num mortificándum, et  
multiplicándum : mortificán-  
dum infidelitáte Judæórum,  
multiplicándum fide populó-  
rum. Jam vero exhórtans nos  
ad Passiónis suæ sectánda  
vestigia, Qui amat, inquit,  
ánimam suam, perdet eam.  
Quod duóbus modis potest  
intélligi. Qui amat perdet :  
id est, si amas, perdes : si  
cupis vitam tenére cum Chri-  
sto, noli mortem timére pro  
Christo. Item álío modo : Qui  
amat ánimam suam, perdet  
eam : noli amáre, ne perdas ;  
noli amáre in hac vita, ne  
perdas in ætéRNA vita.

R. vij. Beátus Dei athléta  
Vincéntius, horréndo clausus  
ergástulo cárkeris, psalmum  
Deo et hymnum, Angelórum  
frequentia relevátus, lætus  
dicebat : \* Quorum vallátus  
catérva, venerádo fovebátur  
obséquio, et mulcebátur alló-

quio. *℣.* Dantur ergo laudes Deo altissimo : et resonante órgano vocis angélicæ modulata suavitas procul diffunditur. — Quorum vallatus cæterva.

Lectio viij.

**H**OC autem, quod postérius dixi, magis vidétur habere evangélicus sensus. Séquitur enim : Et qui odit ánimam suam in hoc mundo, in vitam ætérnam custódit eam. Ergo quod supra dictum est, Qui amat (subintelligitur, in hoc mundo) ipse útique perdet; et qui eam odit (útique in hoc mundo) in vitam ætérnam ipse custódit eam. Magna et mira senténtia, quemádmódum sit hóminis in ánimam suam amor ut péreat, ódium ne péreat. Si male amáveris, tunc odísti : si bene óderis, tunc amásti.

*℣.* viij. Agnósce o Vincénti invictissime, pro cuius nómine fidéliter decertásti : \* Ipse tibi corónam præparátam servat in cælis, qui te fecit victórem in pœnis. *℣.* Esto igitur jam securus de præmio, quia mox, depósito ónere carnis, nostro eris addendus collégio. — Ipse tibi corónam.

Lectio ix.

**C**UM ergo causæ articulus vénerit, ut hæc conditio proponátur, aut faciéndum esse contra Dei præcéptum, aut ex hac vita emigrándum, quorum duórum homo si cogátur álterum eligere, comminante mortem persecutóre : ibi éligat Deo dílecto émori, quam offénso vivere. Ibi óderit in hoc mundo ánimam suam, ut in vitam ætérnam custódiat eam.

*℣.* ix. Vir inclýtus Vincéntius, Martyr Dómini pretiósus, succénsus igne divini amoris, constánter sustinuit supplicia passiónis : \* Et per immanitátem tormentórum Pervénit ad societátem angelórum. *℣.* Cujus intercessió nobis obtíneat véniam, qui per tormenta passiónis ætérnam méruit palmam, et sempitérnam corónam. — Et per immanitátem tormentórum. Glória. Pervénit ad societátem angelórum.

Ante Laudes *℣.* Ora pro nobis beáte Vincénti. *℣.* Ut digni efficiámur promissionibus Christi.

AD LAUDES

ET PER HORAS ANTIPHONÆ.

1. Assúptus ex equúleo Levíta Vincéntius, atque ad patibulum raptus, moras carnificum arguendo, ad pœnam alácriter properábat. Psalmus Dóminus regnávit. cum ceteris, pag. 17.

2. Intrépidus itaque candéntis ferri máchinam ultro conscéndit : ac manens immótus, eréctis in cælum lumínibus, Dóminum precabátur.

3. Hinc horréndo cárceris clausus ergástulo, Dei athléta angelórum venerádo fovebátur obséquio, et mulcebátur allóquio.

4. Agnósce o Vincénti invictissime quia pro cuius nómine fidéliter decertásti, ipse tibi corónam præparátam servat in cælestibus.

5. Dantur ergo laudes Deo altissimo, et resonante órgano vocis angélicæ modulata suavitas procul diffunditur.



Capitulum Beátus vir, qui suffert tentatióem., Hymnus Martyr Dei, qui únicum. et  $\mathcal{V}$ . Coróna áurea. de Comuni unius Martyris, pag. 46\*.

Ad Benedictus Aña. Egrégius Dei Martyr Vincéntius, diris tormentórum suppliciis pro Christo alácriter superátis, ac felicit pugnæ agóne constánter expléto, tandem pretiósam resolutus in mortem cælo triúmphans spíritum réddidit.

Oratio.

**A**DESTO Dómine supplicatió-nibus nostris : ut qui ex iniquitaté nostra reos nos esse cognóscimus, beáti Vincéntii Mártiris tui intercessióne libe-rémur. Per.

AD TERTIAM,

SEXTAM ET NONAM.

Capitula,  $\mathcal{R}\mathcal{V}$ . et  $\mathcal{V}\mathcal{V}$ . de Comuni unius Martyris, pag. 46\*.

AD II. VESPERAS.

Super Psalmos Aña. Assúptus ex equúleo Levita Vincéntius, atque ad patibulum raptus, moras carnificum arguendo, ad pœnam alácriter properábat. Psalmus Dixit Dóminus, cum ceteris de Comuni unius Martyris, pag. 47\*.

Capitulum Beátus vir, qui suffert tentatióem. et Hymnus Deus tuórum militum., ut in j. Vesperis, de eodem Comuni, pag. 38\*.

$\mathcal{V}$ . Glória et honóre coronásti eum Dómine.  $\mathcal{R}$ . Et constituisti eum super ópera mánuum tuárum.

Ad Magnificat vel ad Memoriam in ij. Vesperis Aña. Beátus Vincéntius applicátus tormentis álacri vultu Dei præsentia roborátus dixit : Hoc est

quod semper optávi, et votis ómnibus exquisivi.

PER OCTAVAM S. VINCENTII.

Ad Memoriam in Laudibus Aña. Assúptus ex equúleo Levita Vincéntius, atque ad patibulum raptus, moras carnificum arguendo, ad pœnam alácriter properábat.

$\mathcal{V}$ . Coróna áurea super caput ejus.  $\mathcal{R}$ . Expréssa signo sanctitatis.

Oratio Adesto Dómine. ut in Laudibus Festi.

Ad Memoriam in Vesperis Aña. Beátus Vincéntius applicátus tormentis álacri vultu Dei præsentia roborátus dixit : Hoc est quod semper optávi, et votis ómnibus exquisivi.

$\mathcal{V}$ . Glória et honóre coronásti eum Dómine.  $\mathcal{R}$ . Et constituisti eum super ópera mánuum tuárum.

Oratio Adesto Dómine. ut in Laudibus Festi.

DIE XXIII. JANUARI.

S. RAYMUNDI DE PENNAFORT

CONF. ORD. PRÆD.

TOTUM DUPLEX.

AD I. VESPERAS.

Super Psalmos Aña. Lætare et gaude Barcinonénsis Ecclésia : sed tu magis plaude Prædicatórum familia : quia hódie, in cælésti cúria, bina Raymúndus coronátur glória. Psalmus Laudáte púeri. cum ceteris, pag. 145.

Capitulum.

Eccli. 24.

**S**APIENTIA laudábit ánimam suam, et in Deo honorábitur, et in médio pópuli gloriábitur.

R. Spretis honorum titulis,  
mitras recusat humilis : ex  
aula regis exiit, \* Et vastum  
mare transiit. V. Cumque ex-  
tendisset pallium super aquas,  
ambulavit in medio earum. —  
Et vastum mare transiit. Gló-  
ria. Et vastum mare transiit.

## Hymnus.

GRANDE Raymúndi cele-  
bráte nomen,  
Præsules, reges populique  
terrae,

Cujus aeternae fuit universis

Cura salutis.

QUIDQUID est alta pietate  
mirum

Exhibet purus niveusque mo-  
rum :

Omne virtutum rutilare cernis  
Lumen in illo.

SPARSA Summorum moni-  
menta Patrum

Colligit mira studiosus arte :  
Quæque sunt prisci sacra digna  
cedro

Dógmata juris.

DOCTUS infidum solidare  
pontum

Currit invectus stadio patenti :  
Veste componens baculoque  
cymbam

Æquora calcat.

DA Deus nobis sine labe  
mores :

Da viæ tutum sine clade  
cursum :

Da perennantis sine fine vitæ  
Tangere portum. Amen.

V. Ora pro nobis beate Ray-  
munde. R. Ut digni efficiamur  
promissionibus Christi.

Ad Magnificat Añ. Doctrinæ  
sue rádus illustrávit sedéntes  
in erróre ténebris : et caritá-  
tis ardóre victos in mendici-  
tate et ferro redémit.

## Oratio.

DEUS, qui beatum Raymún-  
dum Pœnitentiæ sacra-  
menti insignem ministrum ele-  
gisti, et per maris undas mira-  
biliter traduxisti : concède ut  
ejus intercessiōne dignos pœni-  
tentiæ fructus facere, et ad  
aeternæ salutis portum perve-  
nire valeamus. Per.

In j. Vesperis et Laudibus  
Memoria S. Emerentianæ Virg.  
et Mart.

## Oratio.

INDULGENTIAM nobis, quæ-  
sumus Dómine, beata Eme-  
rentiana Virgo et Martyr im-  
plóret : quæ tibi grata semper  
exstitit, et mérito castitatis, et  
tuæ professiōne virtutis. Per.

## AD MATUTINUM.

Invitorium. Mirabilem in  
sanctis suis adorémus Dómi-  
num, \* Qui in conspectu princi-  
pum magnificávit Raymúndum.

## Hymnus.

PULCHRA, quæ mundus peri-  
túra pandit,  
Fórtiter spernens, inhiánsque  
cælo,

Prædicatórum júbilans adívit  
Claustra Raymúndus.

ORDINIS magnum récolens  
Paréntem,

Atque divíno stúdio replétus,  
Nítitur sanctam simílémque  
Patri

Dúcere vitam.

NON satis linguæ póterunt  
refére

Cordis ardóres, quibus ipse  
terram

Réspuens, summo cupiébat æstu  
Præmia cæli.

SÆPIUS corpus lácerans fla-  
gellis,

Pérvigil custos ánimí pudicí,  
Tactus ingénti pietáte flebat  
Crímína mundi.

IPSE doctrína meritisque  
clarus,  
Prædicans verbo simul atque  
factis,  
Duxit errantes ad ovile Christi,  
Miraque gessit.

ANNUAT nobis, húmiles præ-  
cámur,  
Unus et trinus sine fine Rector:  
Cujus illústrés cánimus triúm-  
phos,

Facta sequámur. Amen.

### IN I. NOCTURNO.

Aña. Raymúndus viam justi-  
tiæ ingressus ab adolescéntia  
sua, ambulávit in ea ómnibus  
diébus vitæ suæ. Psalmi de  
Communi unius Confessoris,  
pag. 68\*. et sequentibus.

Aña. Doctrina illius erudití,  
apprehendérunt disciplinam  
magnates et pópuli.

Aña. In servum sibi fidélem  
Dóminus elégit eum : et Mater  
pulchræ dilectiónis fuit consola-  
tio ejus.

¶. Amávit eum Dóminus et  
ornávit eum. R. Stolum glóriæ  
induit eum.

De libro Ecclesiástici.

Lectio j.

Cap. 39.

SAPIENTIAM ómnium anti-  
quórum exquiret sapiens, et  
in prophétis vacabit. Narratió-  
nem virórum nominatórum  
conservábit, et in versútias  
parabolárum simul introibit.  
Occulta proverbiorum exqui-  
ret, et in absconditis parabó-  
larum conversábitur. In médio  
magnatórum ministrábit, et in  
spectu præsidis apparébit.  
In terram alienigenárum gén-  
tium pertransiet : bona enim  
et mala in hominibus tentábit.

R. j. Raymúndus ortu nobi-  
lis, magnum decus Ordinis,

\* Móribus ac litteris splendó-  
rem auxit géneris. ¶. A téneris  
annis pietátem coluit, et omni  
mentem virtúte imbuít. — Mó-  
ribus ac litteris.

Lectio ij.

COR suum tradet ad vigilán-  
dum dilúculo adDóminum,  
qui fecit illum, et in conspectu  
Altissimi deprecábitur. Apé-  
riet os suum in oratióne, et pro  
delictis suis deprecábitur. Si  
enim Dóminus magnus volúe-  
rit, spiritu intelligentiæ replé-  
bit illum : et ipse tamquam  
imbres mittet eloquia sapientiæ  
suæ, et in oratióne confitébitur  
Dómino : et ipse diriget consi-  
lium ejus, et disciplinam, et in  
absconditis suis consiliábitur.

R. ij. Vanitátem próterens  
sæculi, Ordinem subit Domi-  
ni, \*Singulári clarus doctri-  
na, regulári clárior disciplina.  
¶. Despecto propriæ voluntá-  
tis arbitrio, aliéno totus subde-  
bátur império. — Singulári  
clarus doctrína.

Lectio iij.

IPSE palam faciet discipli-  
nam doctrinæ suæ, et in  
lege testaménti Dómini glo-  
riábitur. Collaudábunt multi  
sapientiám ejus, et usque in  
sæculum non delébitur. Non  
recedet memória ejus, et no-  
men ejus requirétur a gene-  
ratione in generatióem. Sapi-  
entiám ejus enarrábunt gen-  
tes, et laudem ejus enuntiábit  
ecclesiá. Si permanserit, nomen  
derelinquet plusquam mille : et  
si requiéverit, próderit illi.

R. iij. Edóctus viam Dómini,  
doctor erat honorábilis uni-  
versæ plebi : \* Et stupébant  
omnes super prudéntia et re-



spónsis ejus. ¶. Principes ab ore ejus pendébant, et faciébant illius cuncta consilio. — Et stupébant omnes. Glória. Et stupébant omnes.

## IN II. NOCTURNO.

Aña. In signis atque porténtis mirificávit Dóminus Sanctum suum, et transvéxit illum per aquam nimiam.

Aña. Dedúxit eum Dóminus in justitia sua : erudit eum sciéntia, et viam prudéntiæ osténdit ei.

Aña. Siccis pédibus perámbulans sémitas maris, clausis fóribus se sistit frátribus suis.

¶. Justum dedúxit Dóminus per vias rectas. R. Et osténdit illi regnum Dei.

(Ex bulla Canon. ejus a Clemente VIII. data anno Domini 1601. iij. Kal. Maii.)

## Lectio iv.

**B**EATUS Raymúndus Barcinónensis, ex nóbili familia de Pennafort, christiánæ religiónis rudiméntis imbútus, adhuc párvulus eximia ánimí et corpóris índole magnum áliquíd porténdere visus est. Nam adoléscentis humaniôres litteras in pátria professus, Bonóniam se cónsulit, ubi pietátis officiis, ac pontificio civilique juri sédulo incúmbens, et doctóris láurea insignitus, ibídem sacros cánones magna cum hóminum admiratióne est interpretátus. Ejus virtútum fama percrebrescénte, Berengárius Barcinónensis Episcopus, cum Roma suam ad Ecclésiám redíret, eum conveniéndi causa Bonóniam iter instituit, et tandem summis

précibus ut secum in pátriam reverterétur obtínuit. Mox ejúsdem Ecclésiæ canonicátu et præpositúra ornátus, univérso clero et pópulo integritáte, modéstia, doctrína et morum suavitaté præfúlsit : ac Deíparæ Virgínis, quam singulári pietátis affectu venerabátur, honórem et cultum semper pro víribus auxit.

R. iv. Raymúndum Virgo visitat, ut novum mox instituat Redemptiônis Ordinem, \* Captivitátis óbsidem. ¶. Liberávit a potén-te páuperem, novam condens societátem. — Captivitátis óbsidem.

## Lectio v.

**A**NNUM circiter quintum supra quadragésimumagens, in Ordine Fratrum Prædicatórum, solémni emissá professiône, ut novus miles in omni virtútum génere, sed præcipue in caritaté erga egénos, et máxime captivos ab infidélibus deténtos, se exércuit. Unde, cum ejus hortátu sanctus Petrus Noláscó (cujus ipse confessionés audiébat) suas opes piíssimo huic óperi conférret, tum eidem, tum beáto Raymúndo, et Jacóbo Primo Aragóniæ regí appárens beatíssima Virgo, gratissimum sibi et unigénito Filio suo fore dixit, si in suum honórem instituerétur Ordo Religiosórum, quibus captivos ex infidélium tyránnide liberándi cura incumberet. Quare collátis inter se consiliis, Ordinem beatæ Mariæ de Mercéde Redemptiônis captivórum fundavérunt : cui beátus Raymúndus certas vivéndi leges præscripsit,

adejſdem Ordinis vocatióem accommodatiſſimas : quarum approbatióem áliquot poſt annos a Gregório Nono impe- trávit, et dictum ſanctum Pe- trum, primum generálem Or- dinis Magiſtrum, ſuis ipſe má- nibus hábitu eódem indútum, creávit.

R. v. Caput creátus Ordinis, morum illuſtre ſpéculum, ver- bo, vita prælúxit frátribus, \* Exémplum bonórum óperum. V. Non éxtulit ſe inter fratres, ſed fuit in illis quaſi unus ex ipsis. — Exémplum bonórum óperum.

Lectio vj.

**A**B eódem Gregório Roman accerſitus, et Capelláni, ac Pœnitentiárii, et Confessárii ſui múnere decorátus, ejúſdem jussu, Romanórum Pontificum decreta, in dívérſis conciliis et epistolis ſparsa, in unum De- cretálum volúmen redégit. Archiepiscopátum Tarraco- nénſem, ab ipſo Pontifice ſibi oblátum, constantíſſime recu- sávit. Et totius Ordinis Prædi- catórum generále Magiſtéríum, quod per biénium ſanctíſſime adminiſtráverat, ſponte dimi- ſit. Jacobo Aragóniæ regi, ſacræ Inquiſitiónis officii ſuis in regnis iſtituéndi auctor fuit. Multa patrávit mirácula : inter quæ illud claríſſimum, quod ex ínſula Baleári Majóri Barcinónam reversúrus, ſtrato ſuper aquas pállio, centum ſexaginta milliária ſex horis confécit : et reſúmpſto pállio, quod ne quidem aqua perfú- ſum erat, ſuum cœnóbium já- nuis clauſis fúerit ingréſſus. Tandem prope centenárius, virtútibus et méritis cumulátus,

obdormívit in Dómino, anno ſalútis milléſimo ducentéſimo ſeptuagéſimo quinto : quem Clemens Octávus in Sanctó- rum númerum rétulit.

R. vj. Spretis honórum títu- lis, mitras recúsat húmilis : ex aula regis éxiit, \* Et vaſtum mare tráſiit. V. Cumque ex- tendiſſet pállium ſuper aquas, ambulávit in médio eárum. — Et vaſtum mare tráſiit. Gló- ria. Et vaſtum mare tráſiit.

IN III. NOCTURNO.

Aña. Honóris múnera non accépit, neque ánimum illius fléctere pótuit ínſula, aut grá- tia principis.

Aña. Prævéntus in benedi- ctiónibus dulcédinis, diviniæ Matris mulcétur allóquiis.

Aña. Conſumptus ætáte, ple- nus diérum et meritórum, aſcéndit in montem Dómini, innocens má nibus, et mundo corde.

V. Juſtus ut palma florébit in domo Dómini. R. Sicut cedrus Libani multiplicábitur.

Léctio ſancti Evangélii ſecúndum Matthæum.

Lectio vij. Cap. 5.

**I**n illo témpore : Dixit Jeſus diſcípulis ſuis : Vos eſtis ſal terræ. Quod ſi ſal evanúerit, in quo ſaliétur? Et reliqua.

Homilia ſancti Joánnis

Chryſóſtomi.

(Hom. 15. in Matth. ſub med.)

**A**TTENDITE quid dixerit, Vos eſtis ſal terræ : per quod oſténdit quam neceſſário iſta præcipiat. Non enim de veſtra, inquit, tantúmmodo vita, ſed de univéſo orbe vo- bis rátió reddénda eſt. Non ad duas quippe urbes, aut decem,

aut viginti, neque ad unam gentem vos mitto, sicut mittēbam Prophētas: sed ad omnem terram prorsus, ac mare, totūque mundum, et hunc vāriis criminibus opprēssum.

R. vij. Raymūndus pauper et hūmilis de sēcūlo nequam eripitur: cælum dives ingreditur, \* Et bina glōria coronātur. ¶. Post honōres non abiit, neque sperāvit in pecūniis: ideo stabilita sunt bona illius in Dōmino. — Et bina glōria coronātur.

Lectio viij.

**D**ICENDO enim, Vos estis sal terræ, ostēdit univēsam hōminum infatuātam esse naturam, et peccatōrum vi corrūptam: et idcirco illas ab eis virtūtes requirit, quæ maxime ad multōrum salutem procurandam necessariæ sunt atque utiles. Nam qui mansuetus est, ac modēstus, et misēricors, et justus, non intra se tantūmodo hæc recte facta conclūdit, verum in aliōrum quoque utilitatē præclāros hos faciet effluere fontes. Igitur qui corde mundo est atque pacificus, et persecutiōnem pro veritatē patitur, nihilominus in commūne cōmodum vitam instituit.

R. viij. Summe Dei Confessor Raymūnde, tuo nos fove præsidiō: \* Tua canētes mērita, tuis nos juva prēcibus. ¶. Qui virtūtum fragrantia totam repleas Ecclēsiā. — Tua canētes mērita.

Lectio ix.

**N**E igitur putētis, inquit, ad levīa vos ducēdos esse certāmina, neque exiguarum

rerum vobis ineūdam esse ratiōnem: Vos estis sal terræ. Quid igitur? Ipsine putrefacta medicāti sunt? Nequāquam: neque enim fieri potest, ut ea, quæ jam corrūpta sunt, salis perfricatiōe reparēntur. Non ergo hoc fecērunt, sed ante renovāta, sibi que trādita, atque ab illa jam putredine liberāta, aspergēbant sale, et in ea novitatē conservābant, quam a Dōmino susceperant. Liberāre quippe a putredine peccatōrum, Christi virtūtis est: ut autem ad illa iterum non revertāntur, Apostolōrum curæ est ac labōris.

R. ix. Factum est sepulcrum ejus gloriōsum: creāvit in eo Altissimus medicamētum de terra, thesāurum sine defectiōne, \* Ad sanitatē gēntium. ¶. Catervatim ruunt pōpuli, sūmere cupiētes de sepulcro pūverem. — Ad sanitatē gēntium. Glōria. Ad sanitatē gēntium.

Ante Laudes ¶. Ora pro nobis beāte Raymūnde. R. Ut digni efficiāmur promissiōnibus Christi.

#### AD LAUDES

ET PER HORAS ANTIPHONÆ.

1. Raymūndus cælo redditor, et Angelōrum jūbilo: Doctōrum cœtui jūngitur, et Virgīnum consōrtio. Psalmus Dōminus regnāvit. cum ceteris, pag. 17.

2. Defūcti corpus tūmulo læta recōndit pātria: favēnte Dei Fāmulo, signa corūscant vāria.

3. De tumba pulvis nascitur ad sanitatē gēntium: morbus omnis expēllitur de corpore credēntium.



4. Felix Raymúndi pátria,  
tanto ditáta filio, qui te replé-  
vit glória, et foveat patrocinio!

5. Laudémus cæli Dóminum,  
et Sancti sui méritum : ut per  
ejus suffrágia nos ferat ad  
cælestia.

Capitulum. Eccli. 24.

**S**APIENTIA laudábit ánimam  
suam, et in Deo honorábitur,  
et in médio pópuli gloriá-  
bitur.

Hymnus.

**S**ACRA Raymúndi venerémur  
omnes  
Gesta, quæ toto résonant in  
orbe :

Et chorus noster réferat ca-  
nóro

Cármine laudes.

ILLE, qui claris méritis re-  
fértus,

Duxit in terris sine labe vi-  
tam,

Cælico lætus jubilánte cœtu  
Sidera scandit.

DOCTOR et Virgo dúplici  
coróna

Fulget in cælis : sed amóre  
plenus,

Quotquot hic languent míseri  
fidèles,

Réspicit omnes.

HINC adest cunctis medi-  
cína morbis

Pulvis e sacro túmulo rená-  
scens,

Quo salus, celsis méritis Beáti,  
Rédditur ægris.

LAUS, honor, virtus Dómino  
perénis,

Qui Deus simplex, paritérque  
trinus,

Nostra, Raymúndi précibus,  
remittat

Crímina vitæ. Amen.

¶. Justus germinábit sicut  
lilium. R. Et florébit in ætér-  
num ante Dóminum.

Ad Benedictus Añæ. Vinctos  
liberávit de manu inimicórum,  
et edúxit pérditos de via ini-  
quitátis, ut dirigerent pedes  
suos in viam pacis. Oratio.

**D**EUS, qui beátum Raymún-  
dum Pœniténtiæ sacra-  
ménti insignem ministrum ele-  
gisti, et per maris undas mira-  
biliter traduxisti : concéde ut  
ejus intercessióne dignos pœni-  
téntiæ fructus fácere, et ad  
æternæ salútis portum perve-  
nire valeámus. Per.

Memoria de S. Emerentiana  
Virgine et Martyre. Oratio.

**I**NDULGENTIAM nobis, quæ-  
sumus Dómine, beáta Eme-  
rentiána Virgo et Martyr im-  
plóret : quæ tibi grata semper  
exstitit, et mérito castitátis, et  
tuæ professióne virtútis. Per.

AD TERTIAM.

Capitulum Sapiéntia laudá-  
bit, ut in Laudibus.

† R. R. et V. V. Horarum de  
Communi unius Confessoris,  
pag. 76\*.

AD SEXTAM.

Capitulum. Isaïæ 43.

**N**OLI timére, quia redémi  
te, et vocávi te nómine  
tuo : Meus es tu. Cum transi-  
eris per aquas, tecum ero, et  
flúmينا non opérient te.

AD NONAM.

Capitulum. Isaïæ 49.

**R**EGES vidébunt, et consúr-  
gent principes, et adorá-  
bunt propter Dóminum, quia  
fidélis est, et Sanctum Israel  
qui elégit te.

## AD II. VESPERAS.

Super Psalmos Aña. Raymündus caelo rédditur et Angelórum júbilo : Doctórum cœtui júngitur et Virgínum consórtio. Psalmus Dixit Dóminus. cum ceteris de Communi unius Confessoris, pag. 76\*.

Capitulum Sapiéntia., Hymnus Grande Raymúndi. et V. Ora pro nobis., ut in j. Vesperis, pag. 845.

Ad Magnificat Aña. O beáte Raymúnde, quem doctrínæ comméndat véritas, et virgínalis exórnat cástitas, salútis sémítam nos édoce, et puritátem cordis nobis óbtine : ut per tua suffrágia consequámur ætéRNA gáudia.

## PER OCTAVAM S. RAYMUNDI.

Ad Memoriam in Laudibus Aña. O Virgo, o Doctor, o vigil reconciliatiónis minister, preces nostras benigne súscipe, et indignatiónem Júdicis a nobis avérte.

Oratio Deus, qui beátum Raymúndum. ut in Laudibus Festi.

Ad Memoriam in Vesperis Aña. Piis Raymúndi précibus, educ nos Dómine de domo servitutis peccáti, in libertátem glóriæ filiórum tuórum.

Oratio Deus, qui beátum Raymúndum. ut in Laudibus Festi.

## IN OCTAVA S. RAYMUNDI.

## SIMPLEX.

Ubi de Octava die S. Raymundi Officium celebrari contigerit, omnia, præter hic posita, fiant ut in Festo, servato modo Octavæ diei Simplicis.

## IN I. NOCTURNO.

Lectiones de Scriptura Feriæ currentis. Si autem talis Feria Lectiones de Scriptura non habuerit, dicantur Lectiones ut in j. Nocturno Festi.

## IN II. NOCTURNO.

(Ex Bulla Canonizationis.)

## Lectio iv.

**I**N Hispánias Legátus a látere missus Joánnes Cardínalis Episcopus Sabinénsis, beátum Raymúndum legatiónis sibi cómitem adscívit. Hoc in múnere summa humilitáte, prudéntia, et caritaté se gessit. Iter prolixum et árduum, provécta licet ætáte, pedes egit : Cardínalem, quo erat ventúrus, anteire solébat, plebem perfectam verbi Dei præcónio, censurárum ac peccatórum absolutióne paráturus. Nihil, tot inter labóres apostólicos, de sólita cibórum abstinentia, vigíliis, jejúniis, totiúsque Religiónis severitaté remisit. Quin et solúta legatióne, Cardínalis, ut una secum Romam pérgeret postulántis, précibus inclínari non pótuit : ne qua ei evangélicæ sollicitúdinis merces obtíngeret.

## Lectio v.

**E**UM subinde Romam vocátum, tanti fecit Gregórius Nonus, ut ei gravíssima quæque Ecclésiæ negótia committeret. Hunc étiam cum a sacris sibi confessiónibus præfecisset, ipse, qua erat in egénos caritaté, ei pœniténtiæ loco solébat injúngere, ut inopum preces ac justas sine mora petitiónes excíperet, eorúmq; negótia absque procrastinatioe conficeret. Hinc ab eódem

Summo Pontifice Pater pauperum merito dictus. Ab ecclesiasticis dignitatibus et honoribus alieno semper fuit animo: Barcinonamque valetudinis causa, ex medicorum consilio, ac Summi Pontificis accepta venia, redire compulsus, eum animi candorem ab omni ambitionis labe purissimum, quo imbutus ad Urbem venerat, in patriam reportavit.

Lectio vj.

**J**ACOBO Primo Aragónum regi a confessionibus factus, munus arduum evangelica libertate obiit. Cum enim Regem, vesano amore captum, irrito conatu, monitis ac precibus avocare tentasset, ex insula Majori Baleari, quo tunc aula convenerat, ingenti trajecti maris prodigio secessit: Regemque miraculi celebritate perterritum vocavit ad poenitentiam. Hujus jussu concilio provinciæ Tarraconensi, contra Waldenses tunc temporis habito, interfuit. Hebraeos et Agarénos magno numero vocavit ad fidem: atque ob id Hebraicæ et Arabicæ linguæ publicas scholas in Ordine Prædicatorum regiis impensis instituit.

IN III. NOCTURNO.

Homilia ut in Festo, nisi legenda occurrerit aliqua Homilia de Tempore.

DIE XXIV. JANUARI.

B. MARCOLINI

CONF. ORD. PRÆD.

DUPLEX.

Oratio.

**D**EUS, cui humilium et mansuetorum semper placuit deprecatio: fac nos beati Mar-

colini precibus et exemplis ita proficere, ut vere mites et humiles corde effecti, facilius tua dona capiamus. Per.

In j. Vesperis et Laudibus Memoria S. Timothei E. M.

Oratio.

**L**ÆTETUR Ecclesiæ tua Deus, beati Timothei Martyris tui atque Pontificis confisa suffragiis: atque ejus precibus gloriosis et devota permaneat, et secura consistat. Per.

IN I. NOCTURNO.

Lectiones Beatus vir. de Comuni unius Confessoris non Pontificis, pag. 81\*.

IN II. NOCTURNO.

Lectio iv.

**M**ARCOLINUS, Forolivii Flaminiae urbis honestis piisque parentibus ortus, ab ipsa pueritia egregiae sanctitatis viam insistere visus est. Nam vix decennis superno lumine collustratus, arctiorisque vitae studio vehementer accensus, in Prædicatorum Ordinem admissus est. In ipso suscepti Instituti tirocinio tantum virtutis incrementum fecit, ut ceteris esset absoluta quædam religiosæ perfectionis imago. Exactissima in eo fuit legum observatio, paupertatis et obedientiae cultus eximius, silentii et solitudinis amor præcipuus, humilitatis vero singulare studium, quo latere prorsus, atque omnium novissimus haberi perpetuo satagebat. Sensuum custos vigilantissimus, jejuniis, vigiliis, aliisque carnis afflictationibus summam vitae innocentiam, puritatemque animi et corporis continenter servavit.



## Lectio v.

**O**RATIONIS et divinæ contemplationis dono maxime enituit : magnam enim diē noctisque partem positis humi genibus, quæ ingentibus propterea callis obducta post ejus mortem reperta sunt, sic in Deo defixus transigebat, ut perpētua veluti extasi in eum rapi videretur, nec alium perciperet sonum, quam quo in divinis mysteriis indicari fidelibus solet Christi Corporis elevatio. Dum vero sacris operaretur, præcipuo fervecebat caritatis æstu, quo sensibus destitutus, ac toto corpore immotus, ad aras diu consistere cogebatur. Deiparam Virginem filiāli studio, cultūque eximio prosequēbatur, atque ab ejus imagine, quæ nunc etiam devotē servatur, familiāriter responsa accipere vulgo credebatur. In commūne proximorum bonum incitatissimus, pauperum pater habebatur : omnibus vero, quæcūque posset, caritatis officia amantissime impendebat.

## Lectio vj.

**S**UPERNA dona et charismata, quibus cumulatissimus fuit, tanta, dum vixit, industria occultare studebat, ut cum fere nullis ea pröderet indiciis, vulgaris ac simplex omnino haberetur. Vitam demum cum Christo in Deo absconditam jam octogenarius, prænuntiatio mortis die, et Sacramentis Ecclesiæ devotissime susceptis, sanctissime explēvit, anno salutis millésimo trecentésimo nonagésimo séptimo. Sancti Viri exitu ab ignoto pūero per urbem vulgato, incredibilis ad

cadáver concursus hominum fuit, quo exhumari illud oportuit, et confluentium venerationi diu permitti. Delatum eidem cultum, ac deinceps continuatum et auctum, Benedictus Dēcimus quartus sacræ Rituū Congregationis consulto approbavit, ejusque Officiū et Missam in Ecclesiā Foroliviēsi, atque univēso Prædicatōrum Ordine recitari concessit.

## IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

DIE XXV. JANUARI.  
IN CONVERSIONE S. PAULI  
APOSTOLI.

## TOTUM DUPLEX.

## AD I. VESPERAS.

Super Psalmos Añā. Sancte Paule Apóstole, prædicatōr veritatis et doctor Gēntium, intercēde pro nobis ad Deum, qui te elēgit. Psalmus Laudate pūeri. cum ceteris, pag. 145.  
Capitulum. Act. 9.

**S**AULUS, adhuc spirans minarum et cædis in discipulos Dōmini, accessit ad Principem sacerdotum, et pētiit ab eo epistolās in Damāscum ad synagōgas : ut si quos invenisset hujus viæ viros ac mulieres, victos perdūceret in Jerūsalem.

℣. Magnus sanctus Paulus, vas electionis, vere digne est glorificandus, \* Qui et meruit thronum duodécimum possidere. ℟. A Christo de cælo vocatus, et in terram prostratus, ex persecutore effectus est vas electionis. — Qui et meruit. Glória. Qui et meruit.

## Hymnus.

**D**OCTOR egregie Paule mo-  
res instrue,  
Et mente polum nos transférre  
sátage :

Donec perfectum largiátur  
plénius,  
Evacuátio quod ex parte géri-  
mus.

SIT Trinitáti sempitérna  
glória,  
Honor, potéstas atque jubilátio,  
In unitate, cui manet impé-  
rium,  
Ex tunc, et modo per aetérna  
sæcula. Amen.

¶ In omnem terram exívit  
sonus eórum. R̃. Et in fines  
orbis terræ verba eórum.

Ad Magnificat Aña. Elégit  
Dóminus virum de plebe, et  
claritatem visiónis aetérnæ  
dedit illi. Celebrémus Conversi-  
onem sancti Pauli Apóstoli :  
gáudium sit in cælo, et in terra  
pax homínibus bonæ volun-  
tátis. Oratio.

**D**EUS qui univérsam mun-  
dum beáti Pauli Apóstoli  
prædicatióne docuisti : da no-  
bis, quæsumus, ut qui ejus  
hódie Conversiõem cólimus,  
per ejus ad te exémpla gradiámur. Per.

## AD MATUTINUM.

## Invitatorium.

Laudémus Deum nostrum \* In  
Conversióne Apóstoli Pauli.

Hymnus Doctor egregie., ut  
in j. Vesperis.

## IN I. NOCTURNO.

Aña. Saulus adhuc spirans  
minárum, et cædis in discipu-  
los Dómini, ábiit ad Principem  
sacerdótum, et pétiiit ab eo ut

ubicúmque inveníret hujus  
viæ viros, vinctos perdúceret  
in Jerúsalem. Psalmi de Com-  
muni Apostolorum, pag. 27\*.  
et sequentibus.

Aña. Ibat igitur Saulus fúris  
invectus, dirum toto pectore  
virus efflábatur, et sanctorum  
sanguinem sine intermissiõe  
sitiébat.

Aña. Et súbito circumfúlsit  
eum lux de cælo : et cecidit in  
terram, nihilque vidébat.

¶ In omnem terram exívit  
sonus eórum. R̃. Et in fines  
orbis terræ verba eórum.

## De Actibus Apostolorum.

## Lectio j. Cap. 9.

**S**AULUS adhuc spirans miná-  
rum, et cædis in discipulos  
Dómini, accessit ad Principem  
sacerdótum, et pétiiit ab eo  
epístolas in Damáscum ad syn-  
agógas : ut si quos invenisset  
hujus viæ viros ac mulieres,  
vinctos perdúceret in Jerúsa-  
lem. Et cum iter fáceret, cón-  
tigit ut appropinquáret Da-  
máscus : et súbito circumfúlsit  
eum lux de cælo. Et cadens in  
terram audívit vocem dicen-  
tem sibi : Saule, Saule, quid me  
perséqueris? Qui dixit : Quis  
es Dómine? Et ille : Ego sum  
Jesus, quem tu perséqueris.  
Durum est tibi contra stímu-  
lum calcitráre.

R̃. j. Saulus adhuc spirans  
minárum, et cædis in discipu-  
los Dómini, ábiit ad Principem  
sacerdótum, et pétiiit ab illo,  
\* Ut ubicúmque inveníret  
hujus viæ viros, vinctos per-  
dúceret in Jerúsalem. ¶. Ibat  
igitur Saulus fúris invectus,  
dirúmque toto pectore virus  
efflábatur. — Ut ubicúmque.

## Lectio ij.

**E**T tremens, ac stupens dixit : Dómine, quid me vis fácere? Et Dóminus ad eum : Surge, et ingrédere civitátem, et ibi dicétur tibi quid te opóreat fácere. Viri autem illi, qui comitabántur cum eo, stabant stupefacti, audiéntes quidem vocem, néminem autem vidéntes. Surrexit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit, neque bibit.

R. ij. Ibat igitur Saulus fúriis invéctus, dirúmque toto pectore virus efflábat : \* Et sanctorum sánguinem sine intermissione sitiébat. V. Per totam Judæam insánia ferebátur, ut Christi membra laniáret in terris. — Et sanctorum sánguinem.

## Lectio iij.

**E**RAT autem quidam discipulus Damásci nómine Ananías : et dixit ad illum in visu Dóminus : Ananía. At ille ait : Ecce ego, Dómine. Et Dóminus ad eum : Surge, et vade in vicum, qui vocátur Rectus : et quære in domo Judæ Saulum nómine Tarsensem : ecce enim orat. (Et vidit virum Ananiam nómine, introeúntem, et imponéntem sibi manus, ut visum recipiat.) Respóndit autem Ananías : Dómine, audívi a multis de viro hoc, quanta mala fécerit sanctis tuis in Jerúsalem : et hic habet potestátem a Principibus sacerdotum alligándi omnes, qui invocant nomen tuum. Dixit autem ad eum Dóminus :

Vade, quóniam vas electiónis est mihi iste, ut portet nomen meum coram Géntibus, et régibus, et filiis Israel.

R. iij. A Christo de cælo vocátus, et in terram prostrátus, ex persecutóre effectus est vas electiónis : et plus ómnibus labórans, multo látius inter omnes verbi grátiam seminávit, \* Atque doctrinam evangélicam sua prædicatióne complévit. V. Inter Apóstolos vocatione novísimus, prædicatióne primus, nomen Christi multárum manifestávit génitium pópulis. — Atque doctrinam evangélicam. Glória. Atque doctrinam evangélicam.

## IN II. NOCTURNO.

Aña. Saule, Saule, quid me perséqueris? Quis es Dómine? Ego sum Jesus, quem tu perséqueris : durum est tibi contra stimulum calcitráre.

Aña. Saulus autem tremens ac stupens dixit ad Jesum : Dómine, quid me vis fácere? Ait autem Dóminus ad eum : Surge, et ingrédere civitátem, et dicétur tibi quid te opóreat fácere.

Aña. A Christo de cælo vocátus, et in terram prostrátus, ex persecutóre factus est vas electiónis.

V. Constitues eos principes super omnem terram. R. Mémoires erunt nóminis tui Dómine.

Sermo sancti Augustini  
Episcopi.

(Serm. 14. de Sanctis in  
Append. 189.)

Lectio iv.

**A**POSTOLUS Paulus ex persecutóre Christianórum annuntiátor factus est Christi.



Prostrávit enim Christus persecutórem, ut fáceret Ecclesiæ doctórem : percútiens eum, et sanans; occidens, et vivificans. Occidit Agnus lupum, fáciens agnum de lupo. Ita enim erat in præclára illa prophetía, cum Jacob Patriárcha benediceret filiis suis, præsentía tangens, futúra prospiciens. Prædictum erat quod in Paulo cóntigit. Erat autem Paulus, sicut ipse testátur, de tribu Bénjamin. Cum autem Jacob, benedicens filios suos, venisset ad benedicéndum Bénjamin, ait de illo : Bénjamin lupus rapax.

R. iv. Vade Ananía, et quære Saulum, quia vas electiónis est mihi, ut portet nomen meum \* Coram Géntibus, et régibus, et filiis Israel. V. Ego enim ostendam illi quanta opórteat eum pro nómine meo pati. — Coram Géntibus.

#### Lectio v.

QUID ergo? Lupus rapax semper? Absit. Sed qui mane rápiet prædam, ad vésperam dividet escas. Hoc in Apóstolo Paulo implétum est, quia et de illo dictum erat. Jam, si placet, audiámus illum mane rapiéntem, et ad vésperam escas dividéntem. Mane et vespere pósita sunt pro eo, ac si dicerétur, Prius et póstea. Sic igitur accipiámus : Prius rápiet, póstea dividet escas. Atténdite raptórem : Saulus, inquit, accéptis epístolis a Principibus sacerdotum, ibat, ut ubicúmque inveniret Christiános, ad sacerdótes tráheret et addúceret, útique puniéndos.

R. v. Ingressus Paulus in synagógas, prædicábat Jesum

Judæis, affirmans \* Quia hic est Christus. V. Stupébant autem omnes, qui eum audiebant dicéntem. — Quia hic est Christus.

#### Lectio vj.

IBAT spirans et anhélaus cædes : hoc est, Mane rápiens. Nam et quando lapidátus est Stéphanus primus Martyr pro nómine Christi, evidéntius áderat et Saulus : et sic áderat lapidántibus, ut non ei sufficeret, si tantum suis mánibus lapidáret. Ut enim esset in ómnium lapidántium mánibus, ipse ómnium vestiménta servábat : magis sæviens omnes adjuvándo, quam suis mánibus lapidándo. Audívimus, Mane rápiet : videámus, Ad vésperam quáliter dívidat escas. Voce Christi de cælo prostrátus, et accipiens désuper interdictum jam sæviéndi, cecidit in faciém suam, prius prosternéndus, deínde erigéndus; prius percutiéndus, póstea sanándus.

R. vj. Magnus sanctus Paulus, vas electiónis, vere digne est glorificándus : \* Qui et méruiit thronum duodécimum possidére. V. A Christo de cælo vocátus, et in terram prostrátus, ex persecutóre effectus est vas electiónis. — Qui et méruiit. Glória. Qui et méruiit.

#### IN III. NOCTURNO.

Añá. Viri autem, qui comitabántur cum eo, stabant stupéfácti, audiéntes quidem vocem, sed néminem vídéntes.

Añá. Ad manus autem illum trahéntes, introduxérunt Damáscum : et erat tribus díebus non vídens, et non manducávit, neque bibit.

Aña. Vade Ananía, et quære Saulum : ecce enim orat : quia vas electionis est mihi, ut portet nomen meum coram Géntibus, et régibus, et filiis Israel.

¶. Nimis honoráti sunt amici tui Deus. R. Nimis confortátus est principátus eórum.

Lectio sancti Evangélíi  
secúndum Matthæum.

Lectio vij. Cap. 19.

**I**n illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

Homília venerábilis Bedæ  
Presbyteri.

(Hom. in Natali S. Benedicti.)

**P**ERFECTUS ille est, qui ábiens vendit ómnia quæ habet, et dat paupéribus, ac véniens séquitur Christum. Habébit enim thesáurum non deficientem in cælis. Unde bene, interrogánte Petro, dixit talibus Jesus : Amen dico vobis, quod vos, qui secúti estis me, in regeneratióne cum séderit Filius hóminis in sede majestátis suæ, sedébitis et vos super sedes duodecim, judicántes duodecim tribus Israel. In hac quippe vita pro ejus nómine laborántes, in ália præmium speráre dócuit : id est in regeneratióne, cum videlicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

R. vij. Tu es vas electionis sancte Paule Apóstole, prædicátor veritátis in univérso mundo : \* Per quem omnes Gentes cognóverunt grátiam

Dei. ¶. Intercéde pro nobis ad Deum, qui te elégit. — Per quem.

Lectio vij.

**E**t justa prorsus retribútió, ut qui hic pro Christo humanæ glóriam celsitudinis neglexérunt, illic a Christo júdices glorificáti, singuláriter cum eo assideant, qui a sequéndis ejus vestigiis nulla ratióne póterant avélli. Nemo autem putet duodecim tantum Apóstolos (quia pro Juda prævaricánte Mathias eléctus est) tunc esse judicatúros; sicut nec duodecim solæ sunt tribus Israel judicándæ : alióquin tribus Levi, quæ tertiadécima est, injudicáta recédet.

R. vij. Sancte Paule Apóstole, prædicátor veritátis, et doctor Géntium, intercéde pro nobis ad Deum, \* Qui te elégit. ¶. Ut digni efficiámur grátia Dei. — Qui te elégit.

Lectio ix.

**E**t Paulus, qui tertiusdécimus est Apóstolus, judicándi sorte privábitur, cum ipse dicat, Nescitis quóniam ángelos judicábimus, quanto magis sæculária? Sciéndum namque est omnes, qui ad exéplum Apostolorúm sua reliquérent ómnia, et secúti sunt Christum, júdices cum eo ventúros, sicut étiam omne mortálíum genus esse judicándum. Quia enim duodenário sæpe número solet in Scriptúris univérsitas designári, per duodecim sedes Apostolorúm, ómnium numerositas judicántium, et per duodecim tribus Israel, univérsitas eórum, qui judicándi sunt, osténditur.

R. ix. Celebrémus Conversiónem sancti Pauli Apóstoli :  
 \* Quia hódie ex persecutore effectus est vas electionis.  
 V. Gaudent Angeli, et exsultant Archángeli, et collaudant in cælis Filium Dei. — Quia hódie. Glória. Quia hódie.

Ante Laudes V. Dedisti hereditatem. R. Timéntibus nomen tuum Dómine.

## AD LAUDES

ET PER HORAS ANTIPHONÆ.

1. Saulus, qui et Paulus, magnus prædicátor, a Deo confortátus, convalescébat, et confundébat Judæos. Psalmus Dóminus regnávít. cum ceteris, pag. 17.

2. Saule frater, Dóminus misit me Jesus, qui apparuit tibi in via, qua veniébas, ut vídeas, et impleáris Spiritu sancto.

3. Sub manu continuo Ananías ceciderunt squamæ ab oculis ejus : et surgens baptizátus est, et accipiens cibum, confortátus est.

4. Prostrátus est sævissimus persecutor, sed eréctus est fidelissimus prædicátor. Quos Dómine verbis edocet de te, méritis ducat ad te.

5. Ingréssus Paulus in synagógas, prædicábat Judæis Jesum, affirmans quia hic est Christus.

Capitulum.

Act. 9.

**S**AULUS adhuc spirans minarum, et cædis in discipulos Dómini, accessit ad Principem sacerdotum, et pétiiit ab eo epistolas in Damáscum ad synagógas : ut si quos invenisset hujus viæ viros, ac mulieres, victos perdúceret in Jerúsalem.

## Hymnus.

**Æ**TERNA Christi múnera  
 Apostolorum glóriam,  
 Laudes feréntes débitas,  
 Lætis canámus mentibus.

ECCLESJARUM principes,  
 Belli triumpháles duces,  
 Caeléstis aulæ milites,  
 Et vera mundi lúmina.

DEVOTA sanctorum fides,  
 Invicta spes credéntium,  
 Perfécta Christi caritas  
 Mundi triúmpnat principem.

In his patérna glória,  
 In his volúntas Spiritus,  
 Exsultat in his Filius,  
 Cælum replétur gaudiis.

TE nunc Redemptor quæsumus

Ut ipsorum consórtio  
 Jungas precántes sérvulos,  
 In sempitérna sæcula.

Amen.

V. Annuntiavérunt ópera Dei. R. Et facta ejus intellexerunt.

Ad Benedictus Añ. Celebrémus Conversiónem sancti Pauli Apóstoli, quia hódie ex persecutore effectus est vas electionis : ideo gaudent Angeli, lætantur Archángeli, et collaudant in cælis Filium Dei.

## Oratio.

**D**EUS qui univérsam mundum beáti Pauli Apóstoli prædicatione docuisti : da nobis, quæsumus, ut qui ejus hódie Conversiónem cólimus, per ejus ad te exémpia gradiámur. Per.

## AD TERTIAM.

Capitulum Saulus adhuc spirans. ut in Laudibus.

† Si Conversio sancti Pauli post Septuagesimam evenierit, omittatur Allelúia. in se-



quentibus Responsoris Horarum.

R. In omnem terram exiit sonus eorum, \* Allelúia, allelúia. In omnem terram. V. Et in fines orbis terræ verba eorum. Allelúia. Glória. In omnem terram.

V. Constitues eos principes super omnem terram. R. Mémores erunt nóminis tui Dómine.

#### AD SEXTAM.

Capitulum. Act. 9.

**V**ade Ananía, quóniam vas electiónis mihi est iste, ut portet nomen meum coram Géntibus, et régibus, et filiis Israel.

R. Constitues eos principes super omnem terram, \* Allelúia, allelúia. Constitues eos. V. Mémores erunt nóminis tui Dómine. Allelúia. Glória. Constitues eos.

V. Nimis honoráti sunt amici tui Deus. R. Nimis confortátus est principátus eorum.

#### AD NONAM.

Capitulum. Act. 9.

**E**t abiit Ananías, et introiit in domum : et impónens ei manus dixit : Saule frater, Dóminus misit me Jesus, qui apparuit tibi in via qua veniebas, ut videas, et impleáris Spíritu sancto.

R. Nimis honoráti sunt amici tui Deus, \* Allelúia, allelúia. Nimis honoráti sunt. V. Nimis confortátus est principátus eorum. Allelúia. Glória. Nimis honoráti sunt.

V. Annuntiavérunt ópera Dei. R. Et facta ejus intellexerunt.

#### AD II. VESPERAS.

Super Psalmos Aña. Saulus, qui et Paulus, magnus prædicátor, a Deo confortátus, convalescébat, et confundébat Judæos. Psalmus Dixit Dóminus. cum ceteris de Communi Apostolorum, pag. 34\*.

Capitulum Saulus, adhuc spirans., Hymnus Doctor egrégie. V. In omnem terram, ut in j. Vesperis, pag. 853. et pag. 854.

Ad Magnificat Aña. Cum autem complacuit ei qui me segregávit ex útero matris meæ, et vocávit per grátiam suam, ut reveláret in me Filium suum in Géntibus : continuo non acquievi carni et sanguini.

Oratio.

**D**eus qui univérsam mundum beáti Pauli Apóstoli prædicatiónem docuisti : da nobis, quæsumus, ut qui ejus hódie Conversiónem cólimus, per ejus ad te exémpa gradiámur. Per.

DIE XXVI. JANUARI.

B. MARGARITÆ  
DE HUNGARIA

VIRG. ORD. PRÆD.

DUPLEX.

Oratio.

**D**eus fidélium remunerátor Animárum, qui beátæ Margaritæ Virginis renuntiaciónem perfectam et mortificatiónem assíduam donis spirituálibus et gaudiis ætérnis decorásti : fac nos, ejus intercessiónem et exémplo, carnis vitia contérere et terréna despícere, ut vitam assequámur ætérnam. Per.

In j. Vesperis et Laudibus Memoria S. Polycarpi Episcopi et Martyris. Oratio.

**D**EUS : ut qui beāti Polycarpi Mártiris tui atque Pontificis solémnia cólimus, ejus apud te intercessiónibus adjuvémur. Per. .

#### IN I. NOCTURNO.

Lectiones De virgínibus. de Communi unius Virginis non Martyris, pag. 98\*.

#### IN II. NOCTURNO.

(Ex processu Apostol. pro Canoniz. et aliis monum.)

#### Lectio iv.

**C**UM Tártari, duce Battho, Polóniam et Pannóniam ferro flammáque vastárent, Christi fidélium, Fratrum máxime Prædicatórum sáanguine irrorátas terras benígne respiciens Deus, sicuti áliis pópulis Hyacinthum et Cesláum, prece signisque poténtes, præsidio déderat, ita Húngaros nova ejúsdem Ordinis hóstia placátus liberávit. Bela enim Quartus et Maria Láscaris eórum reges, Dálmata recepti arce, concéptam prolem Deo et sancto Dominico pro regni liberatióne offeréntes, pacátis repénite ómnibus, Budam cum recens nata Margarita remigrá-runt. Eam, avito regno tutelárem ex útero factam, parens óptima, promissi beneficiique memor, ad Vesprimiénses dicti Ordinis sanctimoniáles ante annum ætátis quartum dedúxit. Crucis ibi discipula ex ánimo effécta, domúmque suam vere oblita Margarita, illico proméruit ut Rex regum spéciem

ejus concupísce-ret. Vix septén-nis sacrum Religiónis hábitum pia óbtinens importunitáte, et triénnio post ad monastérium transláta, quod rex ei ædificá-verat in Danúbii insula, ac recusátis Polóniæ et Siciliæ princípum núptiis, duodénnis vota solémnia coramvenerábili Magistro Ordinis Humbérto nuncupávit. Adhuc autem a rege Bohémiae sério expetita : ut tália magis excínderet, et Christo se palam próderet desponsátam, sacrum cápitis velámen cum Strigoniénsis benedictióne Pontificis ad aram sanctæ Elisabeth ámitæ suæ accipere festinávit.

#### Lectio v.

**S**PONSO virginum, devicto mundo, consecráta, sui étiam contéptu, et carnis crucifixióne Regi ipsi Mártym impigre stúduit assimilári. Detérrimis véstibus semper amícta, abjectisque munéribus inhians, vérrere domum, sor-des abstérgere, paráre cibos, et gravi sæpe póndere onerári in deliciis hábuit. Ægrótiis soróribus et ancillis, quarum étiam ínfici morbo céteræ tímèrent, tali inserviébat caritáte et abjectiόνis desidério, ut grávia cuncta et ínfima officia erga ipsas sibi únice arrogáret. Manus gelu, et cúbitos ac génuá humi adhæsióne tumescere et dilacerári nil réputans, attritum multo jejúnio corpus cilicio, flagris, et insómnii nocte ácri-ter divexábat, sextis máxime Fériis, ac pridie solemnitátum Christi et Deiparæ, tum diébus quíndecim Pascháli sacra-ménto præviis. Passiόνis ítem mystéria cum singúltu recolé-

bat, et martyrii æstu flagrabat. Coram Dilécto velis eucharisticis abscondito, aut ad crucem depicto, libéntius, et ad multas quotídie horas, cor suum effundens, ubique tamen et sine intermissione orábat, præscriptæ divínæ laudi íntegrum non raro addens Psaltérium, tum millénas (tóties se inclinando) ad Deum Patrem orationes, vel ad Paráclitum Spiritum, aut salutationes dilectissimæ sibi Dei parénti Virgini. Præpositæ ad nutum obédiens, in paupertatis cultu sevéra, afflictórum et egéntium angustíis occurréns, máximo erat ceteris ad virtutem incitamentó.

## Lectio vj.

PASSIONUM suárum sóciam, consolationis ítem, et potestátis consórtem réddidit Christus vivéntem páriter, et post mortem. Nam vel a pueritia prophetizans, et inter sacra sénsibus avocári sólita, córdium arcána cognóvit, febres morbósque abégit, et púteo lapsam semimórtuam fámulam ab omni súbito ruína liberávit. Ignis ventórúmque vim súperans, flúminis quandóque ímpetum, et lucis rádios sibi hábuit obsequéntes. Ejus quoque cápití flamma ínsidens, et córpori circumfúsus splendor apparuit: nec monuménta desunt, quæ sacris donátam ásserunt Redemptiónis nostræ stigmátibus. Próximæ tandem mortis præscia, Sacraméntis inter lácrimas de more susceptis, in festo sanctæ Priscæ, anno millésimo bis centésimo septuagésimo, lustris sex nondum præctis, diadématí Chri-

sti innéxa Margarita cælos intrávit. Exstinctæ corpus, futúre resurrectionis decus quoddam cum suávi fragrántia præ se ferens, solémni pompa sepúlcro illátum, supplicántium morbis frequéns medicína fuit: quod præ áliis sanctus Antonínus testátur, Margaritam ásserens in vita et post mortem claruisse miráculis. Ad ea autem cognoscénda non semel Apostólicí delegátí sunt júdices, egerúntque sæpe cum Pontificibus reges de Margarita cælitibus adscribénda. Concéssam tandem quibúsdam ecclésiis potestátem de régia Virgine Officium recitándi et Missam celebrándi, Píus Séptimus Póntifem Máximum ad univérsum Prædicatórum Ordinem, qui singulári se ejus protectione auctum gloriátur, cleménter exténdit.

## IN III. NOCTURNO.

Homilia in Evangelium Símile erit regnum cælórum decem virginibus. de Comuni unius Virginis non Martyris, pag. 100\*.

## DIE XXVII. JANUARI.

S. JOANNIS CHRYSOSTOMI  
EPISC. CONF. ET ECCL. DOCT.

## DUPLEX.

## Oratio.

ECCLESIAM tuam, quæsumus Dómine, grátia cæléstis amplíficet, quam beátí Joánnis Chrysóstomi Confessóris tui atque Pontíficis illustráre voluísti gloriósis méritis et doctínis. Per.

In j. Vesperis et Laudibus Memoria S. Juliani Episcopi et Confessoris.



## Oratio.

**E**XAUDI, quæsumus Dómine, preces nostras, quas in beáti Juliáni Confessóris tui atque Pontificis solemnitate deférimus : ut qui tibi digne mérui famulári, ejus intercedéntibus méritis, ab ómnibus nos absólvas peccátis. Per.

## IN I. NOCTURNO.

Post Cineres, Lectiones Beátus vir, qui in sapiéntia morábitur. de Communi unius Doctoris, pag. 79\*.

## IN II. NOCTURNO.

## Lectio iv.

**J**OANNES, Antiochénus, propter áureum eloquentiæ flumen cognomento Chrysóstomus, Antiochénæ primum Ecclesiæ Présbyter, póstea Arcádii imperatóris ópera invitus Constantinopolitánæ Ecclesiæ præficitur. Quo suscepto múnere, prapos nobilium mores vehementius objurgans, magnam sibi invidiam : quin et Eudóxia, quam propter ademptam Callitropæ viduæ pecúniam et altérius viduæ agrum reprehenderat, agente, per aliquot Episcopórum concilium, cui, quod nec legítimum, nec públicum esset, interésse noluit, ejicitur in exsili-um.

## Lectio v.

**P**AULO post propter ejus desidérium seditióne pópuli facta, admirábili civitátis plausu ab exsilio revocátus, cum pèrditos mores increpare non desisteret, et ad argenteam Eudóxiæ státuam in foro sanctæ Sophiæ ludos fieri prohiberet, conspiratióne inimicó-

rum Episcopórum, iterum exsuláre cógitur, viduis et egéntibus ómnibus commúnis párentis ejectiόnem lugéntibus. In exsilio incredibile est, et quanta mala perpéssus sit, et quam multos ad Jesu Christi fidem convertérit. Verum dum concilio Romæ hábito, decreto Innocéntii Primi Pontificis restitúitur, a militibus, qui eum custodiébant, miris in itinere malis afficitur.

## Lectio vj.

**C**UM per Arméniam duceretur, sanctus Basiliscus Martyr, in cujus templo oráverat, noctu sic eum affátus est : Joánes frater, crástinus dies nos loco conjúnet. Quare postridie, sumpto Eucharistiæ sacraménto, seque crucis signo múnens, ánimam Deo reddidit, décimo octávo Kaléndas Octóbris. Quo mórtuo, horribilis grando Constantinópoli cecidit, et quatríduo Augusta cessit e vita. Ejus corpus, magnis miraculis clarum, Theodósius Arcádii filius Constantinópolim portándum et honorífice sepeliéndum curávit, sexto Kaléndas Februárii : cujus étiam reliquias venerátus, párentum suórum véniam pétiit. Quod deinde Romam translátum, in basilica Vaticaná conditum est. Scribénti sæpius astáre sanctus Paulus visus est, quædam quasi súggerens : et ipse sæpius templum Angelis plenum, divini præsérim tẽpore sacrificii, vidit.

## IN III. NOCTURNO.

Homilia in Evangelium Vos estis sal terræ. de Communi unius Doctoris, pag. 80\*.

DIE XXVIII. JANUARI.  
IN TRANSLATIONE  
S. THOMÆ AQUINATIS.

TOTUM DUPLEX.

## AD I. VESPERAS.

Super Psalmos Añā. Felix Thomas, Doctor Ecclesiæ, lumen mundi, splendor Italiæ, candens virgo flore munditiæ, bina gaudet corōna gloriæ. Psalmus Laudate pueri. cum ceteris, pag. 145.

Capitulum. Eccli. 45.

**E**LEGIT eum Dominus ex omni carne, et dedit illi coram præcepta, et legem vitæ et disciplinæ, docere Jacob testamentum suum, et iudicia sua Israel.

℣. Sertum gestans cum torque duplici, cappa gemmis ornata cernitur : ex monili fulgoris cælici lux emissa mundo diffunditur : \* Augustinus Fratri sic loquitur : ℟. Thomas mihi par est in gloriā, virgināli præstans munditiā. — Augustinus Fratri sic loquitur. Gloriā. Augustinus Fratri sic loquitur.

Hymnus.

**E**XSULTET mentis júbilo  
Laudans turba fidélium,  
Errōrum pulso núbilo  
Per novi solis rádium.

THOMAS in mundi vespere  
Fudit thesauros grātiæ,  
Donis plenus ex æthere  
Morum et sapiētiæ.

DE cujus fonte lúminis  
Verbi corúscant fáculæ,  
Scripturæ sacræ Núminis  
Et veritátis régulæ.

FULGENS doctrinæ rádiis,  
Clarus vitæ munditiā,  
Splendens miris prodigiis,  
Dat toti mundo gáudia.

LAUS Patri sit ac Génito,  
Simúlque sancto Flámini,  
Qui sancti Thomæ mérito  
Nos cæli jungat ágmini.

Amen.

℟. Ora pro nobis beáte Thoma. ℣. Ut digni efficiámur promissionibus Christi.

Ad Magnificat Añā. O Thoma, laus et gloriā Prædicatōrum Ordinis, nos transfer ad cælestia, professor sacri Núminis.

Oratio.

**D**EUS, qui Ecclesiā tuā beāti Thomæ, Confessoris tui atque Doctoris, mira eruditione clarificas, et sancta operatione fecundas : da nobis, quæsumus, et quæ docuit intellectu conspicerē, et quæ egit imitatione complere. Per.

In j. Vesperis et Laudibus fiat Memoria de S. Agnete Virgine et Martyre secundo :

Ad Memoriam ejus in j. Vesperis Añā. Ista est Virgo sapiens, quam Dominus vigilātem invenit : quæ accepta lampade sumpsit secum oleum, et veniente Domino introivit cum eo ad nuptias.

℟. Diffusa est grātia in labiis tuis. ℣. Propterea benedixit te Deus in ætérnum.

Oratio.

**D**EUS, qui nos annua beātæ Agnetis Virginis et Martyris tuæ solemnitate lætificas, da ut quam venerāmur officio, etiā piæ conversatiōnis sequāmur exēplo. Per.

AD MATUTINUM.

Invitorium. Adsunt Doctōris cælici Thomæ festa solēnnia : \* Devotione supplici laudes promat Ecclesiā.

## Hymnus.

**T**HOMAS insignis genere,  
Claram ducens originem,  
Subit ætatis teneræ  
Prædicatorem Ordinem.

TYPUM gessit luciferi,  
Splendens in cœtu nubium,  
Plusquam doctores ceteri  
Purgans dogma Gentilium.

PROFUNDA scrutans flumi-  
num

In lucem pandit abdita,  
Dum supra sensus hominum  
Obscūra facit cognita.

FIT Paradisi fluvius  
Quadripartite pervius :  
Fit Gedeonis gladius,  
Tuba, lagena, radius.

LAUS Patri sit ac Génito  
Simulque sancto Flámini,  
Qui sancti Thomæ mérito  
Nos cœli jungat ágmini.

Amen.

## IN I. NOCTURNO.

Añã. Doctor Thomas replétus  
grátia, præmonstrátus sacris  
oráculis, mundi, carnis, ho-  
stisque vitia fugat, exémp-  
lar datum sæculis. Psalmi de  
Communi unius Confessoris,  
pag. 68\* et sequentibus.

Añã. Mentis innocentia flos-  
que puritatis exstiterunt præ-  
via luci veritatis.

Añã. Ope Doctoris cælici tota  
gaudet Ecclesiã : fulget Ordo  
Dominici peculiari glória.

¶ Amávit eum Dóminus et  
ornávit eum. R. Stulam glóriæ  
induit eum.

De libro Ecclesiástici.

Lectio j.

Cap. 39.

**S**APIENTIAM ómnium antiquó-  
rum exquiret sapiens, et in  
prophétis vacábit. Narratióem  
virórum nominatórum conser-

vábit, et in versútias parabolá-  
rum simul introibit. Occúlta  
proverbiórum exquiret, et in  
absconditis parabolárum con-  
versábitur. In médio magna-  
tórum ministrábit, et in con-  
spéctu præsidis apparebit. In  
terram alienigenárum géntium  
pertránsiet : bona enim et mala  
in homínibus tentábit.

R. j. Sancti viri verbum  
prophéticum præmonstrávit  
mundo miríficum sanctum  
Thomam Doctórem cælicum  
\* Sectatúrur sanctum Domi-  
nicum. ¶. Nam vir sanctus  
hunc matri grávidæ ducem  
prompsit doctrinæ lúcidæ. —  
Sectatúrur sanctum Domini-  
cum.

Lectio ij.

**C**OR suum tradet ad vigi-  
lándum dilúculo ad Dó-  
minum, qui fecit illum, et in  
conspéctu Altissimi deprecá-  
bitur. Apériet os suum in ora-  
tióne, et pro delictis suis depre-  
cábitur. Si enim Dóminus ma-  
gnus volúerit, spíritu intelli-  
géntiæ replébit illum : et ipse  
tamquam imbres mittet eló-  
quia sapiéntiæ suæ, et in ora-  
tióne confitébitur Dómino : et  
ipse diriget consilium ejus, et  
disciplinam, et in absconditis  
suis consiliábitur.

R. ij. Christi pia tractus dul-  
cedine, mundum linquens pro-  
bátur túrbine : \* Pugil fortis  
raptus de Ordine vicit prorsus  
pulsá libidine. ¶. Orat pressa  
cruce mirífica : renes cingit  
manus angélica. — Pugil for-  
tis.

Lectio iij.

**I**PSE palam fáciat disciplinam  
doctrinæ suæ, et in lege  
testaménti Dómini gloriábitur.



Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatiónem. Sapiéntiam ejus enarrábunt gentes, et laudem ejus enuntiábit ecclésiá. Si permanserit, nomen derelinquet plus quam mille : et si requieverit, próderit illi.

R. iij. O ánima sanctíssima, qua contemplánte dúlciter, corpus línquébat infima, \* Stans sursum mirabiliter! V. Nullo prorsus fultus subsidio, levabátur in raptus gáudio. — Stans sursum mirabiliter. Glória. Stans sursum mirabiliter.

## IN II. NOCTURNO.

Añá. O munus Dei grátiae, vincens quodvis miráculum! pestíferæ supérbiæ nunquam persénsit stimulum.

Añá. Prece curat sócium febrem patiéntem, et in ora véstium sángine fluéntem.

Añá. Stella candens émicat, stupórem dans insólitum, quæ instántem indicat beáti Thomæ tránsitum.

V. Justum dedúxit Dóminus per vias rectas. R. Et osténdit illi regnum Dei.

(Ex sancto Antonino, et aliis probatis auctoribus.)

### Lectio iv.

**D**OCTORE Angélico inter ampléxus et lácrimas monachórum Cisterciénsium Fos-sæ Novæ e vivis subláto, sacrum ejus corpus ibidem cón-ditum est : sed mónachis de tanto thesaúro pie sollicitis, sæpius subinde, nunquam vero sine miráculis, loco mutátum. Septem enim post ménsibus,

Prióris jussu, clam sepúlcro subdúctum, dum sequéti et intempésta nocte (Superióre a divo Thoma per sómnum dúrius objurgáto) clam restitúitur, ad cæléstis odóris e sacris reliquiis late manántis fragrántiam excitátis mónachis, et ad ecclésiám confluéntibus, fraus detécta prodigio est, aucta sacri pignoris religio. Unde septem post annos decentiorem in locum arcámque marmóream soléni ritu translátum, integrum adhuc, integrisque véstibus, suavissimúmque spirans odórem, étiam post quatuórdecim annos repértum est ; hábitus licet plenióris esset, dum viveret, locóque humilióris fuisset repósitum.

R. iv. De excélsis Fons sapiéntiæ sancto Thomæ infúdit cópiam, tamquam flumen claræ sciéntiæ : qui susceptam refúdit grátiam, dum fluéntis summæ peritiæ \* Rigat totam sanctam Ecclésiám. V. Stilus brevis, grata facúndia : celsa, clara, firma sententiá. — Rigat totam sanctam Ecclésiám.

### Lectio v.

**S**ED cum septuaginta quinque annis a sancti Thomæ óbitu, sacrum ejus corpus in arcem cómitis Fundénsis delátum esset, ipso sancto Doctóre matrem cómitis nec semel increpánte, quod nisi apud fratres suos libénter non quiesceret; frátreq; cómitis ex equo terræ letáliter alliso, et facto de restituendis reliquiis voto, repén-te sanáto, comes graviórem Dei iram pertiméscens, pretiósium pignus Cisterciénsibus mónachis, et tandem

Fratribus Prædicatōribus Fundēnsibus consignāvit. Suis Sanctus ipse reliquiis sæpius fecit fidem. De iis enim, dum adhuc in arce servarēntur, dubitāntibus Episcopo et cōmitis Fundēnsis matre, palam ab iisdem visus est in hābitu Ordinis e lōculo surgere, et cum aliquādiu tātus coram deambulasset, eodem residere : reddiditque Ordini corpore, Fratri Raymūdo Fundis ad ejus sepulcrum orānti appārens, ibidem corpus suum esse contestatus est.

R. v. Felix Doctor, cujus solatio angelōrum servit attētio, Petrus, Paulus favent obssequio, \* Dei Mater mulcet allōquio. V. Elevātus a terra cernitur, Crucifixus eum allōquitur. — Dei Mater mulcet allōquio.

Lectio vj.

**S**ACRI depōsiti jacturam ægre tulere Cisterciēnses, de reliquiis sibi a Fratribus Prædicatōribus ablatis apud Urbānum Quintum graviter conquesti, sed frustra, ut injūria. Placātus enim derepente, nec sine miraculo, Summus Pontifex, ipso festo Corporis Christi, cujus Officium a sancto Thoma editum audierat, Ordini Prædicatōrum, ejusque Generāli Magistro, sancti Doctoris corpus, ejusque præterea caput, quod Cisterciēnses in castro Pipérni seposuerant, gratulante sacro Cardinālium collēgio, perpétua concessiōe donāvit. Tolosam ejusdem auctoritate et grātia, ad conventum Ordinis transmissum, haud facile dictu, quanta pompa a Tolosātibus excēptum est. Procēssit obviam ad plura mil-

liāria Ludovicus dux Andegavēnsis, Cāroli Quinti regis christianissimi frater, cum multis aliis Ecclesiæ regnique principibus, universoque urbis clero et magistrātu : pōpulus supra centum quinquaginta millia effusus, faces ad decem et amplius millia accēnsæ : miraculōrum dēnique glōria, et sanitātum grātiis cumulāta lætitia.

R. vj. Sidus missum Thomæ de sup̄eris, novo signo divini muneris, \* Hunc cælēstem demonstrat cēteris Verbo, vita, doctrīna, litteris. V. Quam excelsus, quem cæli prædicant; quam præclārus, quem stellæ indicant! — Hunc cælēstem. Glōria. Verbo, vita, doctrīna litteris.

IN III. NOCTURNO.

Añā. Instānte vitæ término, vidit regna cælēstia: et revelāte Dōmino, novit paratā præmia.

Añā. Semināvit hic largiter Doctor virtuosus : metit illic feliciter victor gloriōsus.

Añā. Sidus de nube trahitur, de fœno flos elicitur, salque de terra tollitur, dum Thomas cælo rédditur.

V. Justus ut palma florēbit in domo Dōmini. R. Sicut cedrus Libani multiplicābitur.

Lectio sancti Evangēlii secundum Matthæum.

Lectio vij. Cap. 5.

**I**N illo tempore : Dixit Jesus discipulis suis : Vos estis sal terræ. Quod si sal evanērit, in quo saliētur? Et reliqua.

Homilia sancti Thomæ

Aquinātis.

(Comment. in Matth. c. 5.)

**M**ONENTUR hic Apóstoli diligēntiam habere in executione sui officii, tum in for-

ma exsequendi, tum in modo docendi. Vos estis, id est, Esse debetis sal terræ. Comparantur autem salī ratione virtutis, quia cibos condit : sic sermo Apostolicus mentes insipidas condiebat. Et sicut sal sterilem terram facit, sic Apostoli, destructo regno peccati, germen vitiorum compescabant. Ratione originis : nam sal ex aqua maris, et calore ignis vel solis conficitur; et Apostoli ex aqua tribulationis, et calore dilectionis facti sunt. Ratione consuetudinis : quia usus salis in omni sacrificio erat : sic Apostolorum honesta conversatio erat et in occulto et in aperto, et coram Deo et coram proximo. Prius autem sal quam lux dicti, quia prius vita quam doctrina : vita enim ducit ad scientiam veritatis.

R. vij. Scholas Thomæ Paulus ingreditur, sacra simul fantur mysteria : digne tandem per raptum trahitur \* Vir cælestis ad cæli præmia. V. Clamor Fratris trinus emititur : Doctor noster a nobis tollitur. — Vir cælestis ad cæli præmia.

#### Lectio viij.

Vos estis lux mundi. Hic ostenditur, quod Apostoli debent illuminare verbo doctrinæ. Tria autem notantur, quæ debet habere prædicator verbi divini : stabilitas, ut non deviet a veritate; claritas, ut non doceat cum obscuritate; utilitas, ut quaerat Dei laudem, et non suam. Comparantur vero luci tum ratione essentiae, quæ est cælestis; nam et ipsi conversatione debent esse cælestes : tum ratione actus, qui

est, tenebras illuminare, vias dirigere, latibula manifestare; differentias rerum ostendere; nam et prædicatores debent illuminare in credendis, dirigere in operandis, et vitanda manifestare : ac denique ratione efficaciae; luce enim Apostolorum, mundus est ædificatus exemplis, inflammatus doctrinis, fecundatus bonis operibus, alleviatus peccatis, excitatus a negligentibus, animatus ad contemplationem cælestium, et erptus de potestate dæmonum.

R. viij. Beati Thomæ gloria divo fulsit miraculo, dum odoris fragrantia mira fluxit ex tumultu : \* Qui nitens pudicitia vixit absque piaculo. V. Hic, speciali gratia lustrato mentis oculo, celsa novit mysteria cæli doctus oraculo. — Qui nitens pudicitia vixit absque piaculo.

#### Lectio ix.

NON potest civitas abscondi : id est, soliditas Apostolicæ doctrinæ, vel sancta vita ipsorum, munita virtutibus. Supra montem posita : super Christum nempe, vel Ecclesiam. Quare non potest celari? Quia ipse mons manifestat eam. Quia vero est supra montem, secūra, inexpugnabilis, et immobilis est. Quod indicat constantiam, patientiam, et perseverantiam. Neque accendunt lucernam sub módio. Lucerna, doctrina prædicationis est, in qua debet esse fervor spiritus interioris, et lumen boni exempli exterioris. Hæc autem non ideo data est, ut celetur sub módio timoris, vel commodi vitæ præsentis.



Ut videant ópera vestra bona. Si enim doctrína est bona, et prædicátor malus, tunc ipse est occasió blasphemíæ doctrínæ Dei.

R. ix. Sertum gestans cum torque dúplici, cappa gemmis ornáta cérniture; ex monili fulgórís cælicí lux emissá mundo diffúnditur. \* Augustínus Fratri sic lóquitur. V. Thomas mihi par est in glória, virgináli præstans munditia. — Augustínus Fratri sic lóquitur. Glória. Augustínus Fratri sic lóquitur.

Ante Laudes V. Ora pro nobis beáte Thoma. R. Ut digni efficiámur promissionibus Christi.

#### AD LAUDES

ET PER HORAS ANTIPHONÆ.

1. Collaudétur Christus Rex glóriæ, qui per Thomam lumen Ecclésiæ mundum replet doctrína grátie. Psalmus Dóminus regnávít. cum ceteris, pag. 17.

2. Aurum sub terra tégitur, et lucérna sub módio : sed virtus Dei cérniture miraculórum rádío.

3. Alma mater Ecclésia, Christi fundáta ságuine, sceptrá conscéndit grándia, novi Doctóris lúmine.

4. Pressus ví dæmónii cito liberátur : raptu mersus flúvii vitæ restaurátur.

5. Tumor gulæ péllitur, leprósus mundátur, cæco lumen rédditur, claudó gressus datur.

Capitulum. Eccli. 45.

**E**LEGIT eum Dóminus ex omni carne, et dedit illi coram præcépta, et legem vitæ et disciplinæ, docére Jacob testaméntum suum, et iudicia sua Israel.

#### Hymnus.

**L**AUDA mater Ecclésia Thomæ felicem exitum, Qui pervénit ad gáudia Per verbi vitæ méritum.

FOSSA Nova tunc súscipit Thecam thesáuri grátie, Cum Christus Thomam effícit Herédem regni glóriæ.

MANENS doctrínæ veritas Et fúneris intégritas, Mira fragrans suávitás, Ægris colláta sánitas.

MONSTRAT hunc dignum láudibus

Terræ, ponto et súperis.

Nos juvet suis précibus,

Deo comméndet méritis.

LAUS Patri sit ac Génito, Simúlque sancto Flámini, Qui sancti Thomæ mérito Nos cæli jungat ágmini.

Amen.

V. Justus germinábit sicut lílium. R. Et florébit in ætérnum ante Dóminum.

Ad Benedictus Añá. Viror carnis flore munditiæ, vigor vitæ fructu justitiæ, splendor verbi dono sciéntiæ, te decórant stantem in ácie, te coronant in statu glóriæ. Oratio.

**D**EUS, qui Ecclésiám tuam beáti Thomæ, Confessóris tui atque Doctóris, mira eruditióné clarificas, et sancta operatióne fecúndas : da nobis, quæsumus, et quæ dócuít intelléctú conspiceré, et quæ egít imitatióne complére. Per.

Ad Memoriam S. Agnetis Añá. Veni elécta mea, et ponam in te thronum meum : quia concupívit rex spéciem tuam.

V. Adducéntur regi virgines post eam. R. Próximæ ejus afferéntur tibi.

## Oratio.

**D**EUS, qui nos ánnua beátæ Agnétis Virgínis et Mártiris tuæ solemnitate lætificas : da ut quam venerámur officio, étiam piæ conversatiónis sequámur exémplo. Per.

## AD TERTIAM.

Capitulum Elégit eum Dóminus., ut in Laudibus.

† R̄. et V̄. Horarum de Comuni unius Confessoris, pag. 76\*.

## AD SEXTAM.

Capitulum. Eccli. 39.

**I**PSE tanquam imbres mittet eloquia sapiéntiæ suæ, et palam faciet disciplinam doctrinæ ejus : collaudábunt multi sapiéntiam ejus, et usque in sæculum non delébitur.

## AD NONAM.

Capitulum. Sap. 7.

**L**etecébat me ista sapiéntia : quam sine fictiône didici, et sine invidia comunico, et honestátem illius non abscondo.

## AD II. VESPERAS.

Super Psalmos Añ. Collaudétur Christus Rex glóriæ, qui per Thomam lumen Ecclesiæ mundum replet doctrina grátia. Psalmus Dixit Dóminus. cum ceteris de Comuni unius Confessoris, pag. 76\*.

Capitulum Elégit eum Dóminus. et Hymnus Exsúltet mentis júbilo., ut in j. Vesperis, pag. 863.

V̄. Ora pro nobis beáte Thoma. R̄. Ut digni efficiámur promissionibus Christi.

Ad Magnificat Añ. Militántis Doctor Ecclesiæ, virgináli

florens munditia, triumphántis optata cúriæ sancte Thoma largire gáudia.

## DIE XXIX. JANUARI.

## S. FRANCISCI SALESII

EPISC. CONF. ET ECCL. DOCT.

DUPLEX. Oratio.

**D**EUS, qui ad animárum salutem, beátum Franciscum, Confessórem tuum atque Pontificem, ómnibus ómnia factum esse voluisti : concéde propitius ut caritátis tuæ dulcedine perfúsi, ejus dirigéntibus mónitis ac suffragántibus méritis, ætérna gáudia consequámur. Per.

In j. Vesperis et Laudibus Memoria de Octava die S. Vincentii Martyris (nisi transférenda fuerit), ut infra sub titulo Eadem die xxix. Januarii. notatum est, pag. 871.

Item in j. Vesperis et Laudibus Memoria S. Pauli primi Eremitæ, Confessoris. Oratio.

**D**EUS, qui nos beáti Pauli Confessóris tui ánnua solemnitate lætificas : concéde propitius ut cujus natalitia cólimus, étiam actiões imitemur. Per.

## IN I. NOCTURNO.

Post Cíneres Lectiones Beátus vir, qui in sapiéntia morábitur. de Comuni unius Doctoris, pag. 79\*.

## IN II. NOCTURNO.

Lectio iv.

**F**RANCISCUS in óppido Salésio, unde familiæ cognómen, piis et nobílibus paréntibus natus, a téneris annis futúrae sanctitátis indicia præbuit,

morum innocentia et gravitate. Adolēscens liberalibus disciplinis eruditus, mox philosophiæ ac theologiæ Parisiis operam dedit : et ne quid sibi deesset ad animi culturam, juris utriusque lauream summa cum laude Patavii obtinuit. In sacra sede Lauretana perpetuæ virginitatis votum, quo pridem Parisiis se obstrinxerat, innovavit : a cujus virtutis proposito nullis unquam dæmonum fraudibus, nullis sensuum illēcebris potuit dimoveri.

## Lectio v.

**R**ECUSATA in Sabaudia senatu amplissima dignitate, clericali militiæ nomen dedit. Tum sacerdotio initiatus, et Genevensis Ecclesiæ Præposituram adeptus, ejus muneris partes adeo perfecte explēvit, ut eum Granerius Episcopus vindicandis ab hæresi Calviniana Chaballicensibus, aliisque Genævæ finitimis populis, divini verbi præconem destinavit. Quam expeditionem alacri animo suscipiens, asperrima quæque perpessus est, sæpe ab hæreticis conquistus ad necem, variisque calumniis et insidiis vexatus. Sed inter tot discrimina et agones, insuperabilis ejus constantia semper enituit : Deique ope protectus, septuaginta duo millia hæreticorum ad catholicam fidem reduxisse dicitur, inter quos multi nobilitate et doctrina insignes numerantur.

## Lectio vj.

**M**ORTUO Granerio, qui eum sibi Coadjutorem decerni

curaverat, Episcopus consecratus sanctitatis suæ radios circumquaque diffudit, zelo ecclesiasticæ disciplinæ, pacis studio, misericordia in pauperes, omnique virtute conspicuus. Ad divini cultus augmentum, novum Ordinem sanctimonialium instituit, a Visitatione beatae Virginis nuncupatum, sub regula sancti Augustini, cui addidit constitutiones, sapientia, discretione, et suavitate mirabiles. Suis etiam scriptis, cælesti doctrina refertis, Ecclesiam illustravit, quibus iter ad christianam perfectionem tutum et planum demonstrat. Annum denique agens quinquagesimum quintum, dum e Gallia Annecium regreditur, post Sacrum in die sancti Joannis Evangelistæ Lugduni celebratum, gravi morbo correptus, sequenti die migravit in cælum, anno Domini millésimo sexcentésimo vigésimo secundo. Ejus corpus Annecium delatum, in ecclesia monialium dicti Ordinis honorifice conditum fuit, cepitque statim miraculis clarescere. Quibus rite probatis, ab Alexandro Séptimo Pontifice Máximo in Sanctorum numerum relatus est, assignata ejus festivitati die vigésima nona Januarii, et a Summo Pontifice Pio Nono, ex sacrorum Rituum Congregationis consulto, universalis Ecclesiæ Doctor fuit declaratus.

## IN III. NOCTURNO.

Homilia in Evangelium Vostis sal terræ. de Communi unius Doctoris, pag 80\*.



EADEN DIE XXIX. JANUARI.  
IN OCTAVA S. VINCENTII M.

MEMORIA IN I. VESPERIS  
ET LAUDIBUS.

Ad Memoriam in j. Vesperis  
Añ. Sacram præsentis diēi  
solemnitatem hūmili celebrē-  
mus devotiōne : qua invictus  
Christi Martyr Vincētiū, ty-  
rānno devicto, insignem victō-  
riæ palmam cælo gaudens in-  
tulit.

℣. Glória et honóre coronásti  
eum Dómine. ℞. Et constituísti  
eum super ópera mánuum tuá-  
rum.

Oratio.

ADESTO Dómine supplica-  
tiónibus nostris : ut qui ex  
iniquitate nostra reos nos esse  
cognóscimus, beāti Vincētiū  
Martyris tui intercessiōne libe-  
rémur. Per.

Ad Memoriam in Laudibus  
Añ. Egrégius Dei Martyr  
Vincētiū, diris tormentórum  
suppliciis pro Christo alácriter  
superátis, ac felicis pugnæ  
agone constánter explēto, tan-  
dem pretiósam resolutus in  
mortem cælo triumphans spi-  
ritum réddidit.

℣. Coróna áurea super caput  
ejus. ℞. Expressa signo sancti-  
tatis.

Oratio Adesto Dómine., ut  
supra.

DIE XXX. JANUARI.

S. MARTINÆ

VIRG. ET MART.

SIMPLEX. Oratio.

DEUS, qui inter cetera po-  
tentiæ tuæ miracula,  
etiam in sexu fragili victóriam  
martyrii contulisti : concéde

propítius ut qui beátæ Marti-  
næ Virginis et Mátyris tuæ  
natalitia cólimus, per ejus ad  
te exémpia gradiámur. Per.

In utrisque Vesperis et Lau-  
dibus Memoria de Octava die  
S. Raymundi de Pennafort Con-  
fessoris Ordinis Prædicatorum  
(nisi transferenda fuerit) ut in-  
fra sub titulo Eadem die xxx.  
Januarii. notatum est, pag. 872.

IN I. NOCTURNO.

Post Cineres, Lectiones Con-  
fitebor tibi. de Communi unius  
Virginis et Martyris, pag. 89\*.

IN II. NOCTURNO.

Lectio iv.

MARTINA Virgo Romána,  
patre consulári, illústri  
génere nata, téneris adhuc  
annis orbáta paréntibus, chris-  
tiánæ pietátis ardore succén-  
sa, divítias, quibus affluébat,  
mira in páuperes liberalitáte  
distribuit. Sub Alexándro prín-  
cipe, cum deos inánes colere ju-  
berétur, immáne fácinus sum-  
ma libertáte detestátur. Qua-  
própter iterum atque iterum  
affecta verbéribus, uncis, ún-  
gulis férreis, testárum fragmén-  
tis laceráta, acutissimis gládiis  
membrátim concisa, adipe fer-  
vénti perúncata, demum in  
amphitheátro damnátur ad  
béstias : a quibus illæsa divi-  
nitus evádens, in ardéntem  
rogum injécta, incólumis pari  
beneficio servátur.

Lectio v.

EX ejus tortóribus nonnulli  
miráculi novitáte corrépti,  
Dei aspirante grátia, Christi  
fidem ampléxi, post cruciátus  
gloriósam martyrii palmam cá-  
pitis abscissiōne promeruere.

Ad ejúdem preces nunc terræ mótibz exórtis, nunc ignibz e cælo tonánte delápsis, deórum templa prostráta sunt, et simulácrá consúmpa. Intérdum ex vulnéríbz ejus lac cum ságuine erúpit, splendórque nitidíssimus, ac suavíssimus odor e córpore emanávit : intérdum sublimis, régia in sede, divinis láudibz una cum cælitíbz intéresse visa est.

Lectio vj.

**H**ISCE prodigiis, ejúsque in primis constántia ácríter permótus iudex, caput Virgini amputári præcépit. Qua perémpa, auditáque de cælo voce, qua ad súperos evocabátur, Urbs tota contrémuit, ac multi idolórum cultóres ad Christi fidem convérsi sunt. Sacrum Martínæ corpus, Urbáno Octávo Pontífice Máximo, in pervetústa ejúdem ecclésia ad Mamertínz cárcerem, in Capitolíni clivi radícibus, cum sanctórum Mátyrum Concórdii, Epiphánii et Sociórum corpóribz repértum, eódem loco in meliorem formam redácto atque decéntius ornáto, magno pópuli concúrso, totius Urbis lætítia, solénni ritu ac pompa repósitum est.

IN III. NOCTURNO.

Hómilia in Evangelium Simile erit regnum cælórum decem virgínibz. ut in Comuni unius Virgínis non Martyris, pag. 100\*.

EADEM DIE XXX. JANUARI. IN OCTAVA S. RAYMUNDI.

SIMPLEX.

Ad Memoriam in j. Vesperis Aña. Doctrínæ suæ rádiis illu-

strávit sedéntes in errórum ténebris : et caritátis ardóre vinctos in mendicitáte et ferro redémít.

¶ Ora pro nobis beáte Raymúnde. R. Ut digni efficiámur promissionibz Christi. Oratio.

**D**EUS, qui beatum Raymúndum Pœniténtiæ sacraménti insignem ministrum elegísti, et per maris undas mirabiliter traduxísti : concéde ut ejus intercessióne dignos pœniténtiæ fructus fácere, et ad æternæ salútis portum pervenire valeámus. Per.

Ad Memoriam in Laudibz Aña. Vinctos liberávit de manu inimicórum, et edúxit pēditos de via iniquitátis, ut dirigerent pedes suos in viam pacis.

¶ Justus germinábit sicut lilium. R. Et florébit in ætérnum ante Dóminum.

Oratio Deus, qui beatum Raymúndum. ut supra.

Ad Memoriam in ij. Vesperis Aña. O beáte Raymúnde, quem doctrínæ comméndat véritas, et virginális exórnat cástitas, salútis sémitam nos édoce, et puritátem cordis nobis óbtine : ut per tua suffrágia consequámur æterna gáudia.

¶ Ora pro nobis. et Oratio Deus, qui beatum Raymúndum. ut supra ad Memoriam in j. Vesperis.

DIE XXXI. JANUARI.

S. PETRI NOLASCO

CONFESSORIS.

DUPLEX.

Oratio.

**D**EUS, qui in tuæ caritátis exémplum, ad fidélium redemptiónem sanctum Pe-

trum Ecclesiā tuā novā prole fecundāre divinitus docuisti : ipsius nobis intercessione concēde, a peccāti servitūte solūtis, in cālesti pātria perpētua libertāte gaudēre. Qui vivis.

## IN I. NOCTURNO.

Post Cineres Lectiones Beatus vir. de Communi unius Confessoris non Pontificis, pag. 81\*.

## IN II. NOCTURNO.

## Lectio iv.

**P**ETRUS Nolasco, Recāudi prope Carcassōnam, in Gāllia, nōbili gēnere natus, singulāri erga prōximum caritatē excelluit. Cujus virtutis præsāgium fuit, quod cum adhuc in cunābulis vagiret infans, exāmen apum ad eum convolāvit, et favum mellis in ejus dēxtera construxit. Adolēscens parēntibus orbātus, Albigēnsium hāeresim, quā tunc in Gāllia grassabātur, exsecrans, divēdito patrimonio, in Hispāniā secēssit; et apud beatā Virgīnem Montis Serrāti, votum, quo pridem se obstrinxerat, exsolvit. Tunc Barcinōnam pergens, cum in Christi fidēlibus ab hōstium servitūte redimēdis omnem pecūniā consumpsisset, se ipsum pro iis liberāndis venum ire, aut in illōrum vincula sūffici, cūpere dicitābat.

## Lectio v.

**Q**UAM gratum Deo fūerit hoc sancti Viri desidērium, sūbsequens declarāvit evēntus. Nam noctu orānti, et de Christianōrum in captivitāte dēgentium subsidio multa ānimo volēnti, beatā Virgo appā-

rens, Filio suo sibique acceptissimum fore suggēssit, si ad sui honōrem Religiosōrum Ordo instituerētur, quibus praecepue esset cura captivos ab infidēlium tyrānnide liberāre. Huic cālesti mōnito illico obtēperans, una cum sancto Raymūdo de Pēnnafort, et Jacōbo Primo, rege Aragoniā, de eādē re a Dei Genitricē ipsa nocte prēmōnit, Religiōnem beatē Mariā de Mercedē Redemptiōnis captivōrum instituit : sodālibus suis quarto voto obstrictis, manēdi in pignus sub paganōrum potestātē, si pro Christianōrum liberatiōne opus fūerit.

## Lectio vj.

**E**DITO virginitatis voto, illibatam perpētuo castitatem servavit. Patiētia, humilitate, abstinentia, ceterisque virtutibus mirabiliter enituit. Prophetiā dono illūstris futūra prædixit : inter quæ maxime celebrātur, quod Jacōbus rex Valēntiā a Mauris occupatā expugnāverit, accepta prius ab eo obtinēdæ victoriæ securitate. Angeli Custōdis ac Deiparæ Virgīnis frēquenti apparitiōne recreabātur. Sēnio tandem confectus, de imminenti morte cērtior factus, in morbum incidit, sanctisque refectus Sacramētis, fratres suos ad caritatem erga captivos cohortatus, et Psalmum Confitebor tibi Dōmine in toto corde meo devotissime recitans, ad illa verba, Redemptiōnem misit Dōminus pōpulo suo : spiritum Deo reddidit mēdia nocte Vigiliæ Nativitatis Dōmini, anno millésimo ducentésimo quinquagē-



simo sexto. Cujus festivitatem Alexandér Séptimus die trigésima prima Januárii celebrári præcépit.

### IN III. NOCTURNO.

Homilia in Evangelium Nolite timere pusillus grex. de Communi unius Confessoris non Pontificis, pag. 84\*.

### DIE I. FEBRUARII.

#### S. IGNATII

#### EPISCOPI ET MARTYRIS.

#### DUPLEX.

#### Oratio.

**D**A, quæsumus, omnipotens Deus, ut qui beati Ignatii, Martyris tui atque Pontificis, solémnia cólimus, ejus apud te intercessiónibus adjuvémur. Per.

### IN I. NOCTURNO.

Post Cineres, Lectiones A Miléto. de Communi unius Martyris Pontificis, pag. 40\*.

### IN II. NOCTURNO.

Ex sancto Hierónymo, Libro de Scriptóribus ecclesiásticos.

#### Lectio iv.

**I**GNATIUS, Antiochénæ Ecclésiæ tértius post Petrum Apóstolum Episcopus, commovénite persecutióem Trajáno, damnátus ad béstias, Romam vinctus mittitur. Cumque návigans Smyrnam venisset, ubi Polycárpus, auditor Joánnis, Episcopus erat, scripsit unam epístolam ad Ephésios, álteram ad Magnesianos, tértiam ad Trallénses, quartam ad Romános, in qua nóbile Románæ Ecclésiæ testimónium pérhibet, eam sanctificátam, illuminátam, Deo dignam, castissimam, beatifi-

cándam, Spiritu sancto plenam appellans. Inde egréssus, scripsit ad Philadelphíos, et ad Smyrnæos, et próprium ad Polycárpum, commédans illi Antiochénsem Ecclésiám : in qua et de Evangélio, quod nuper a me translátum est, super persóna Christi ponit testimónium.

#### Lectio v.

**D**IGNUM autem vidétur, quia tanti Viri fécimur mentiódinem, et de epístola ejus, quam ad Romános scribit, pauca pónere : De Syria usque ad Romam pugno ad béstias, in mari et in terra, nocte diéque ligátus cum decem leopárdis, hoc est, militibus, qui me custódiunt : quibus et cum beneféceris, pejóres fiunt. Iniquitas autem eórum mea doctrína est ; sed non idcirco justificátus sum. Utinam fruar béstii, quæ mihi sunt preparátæ ! quas et oro mihi velóces esse ad intéritum, et ad supplicia, et állici ad comedéndum me, ne sicut et aliórum Mátyrum, non áudeant corpus attingere. Quod si venire nolúerint, ego vim faciám, ego me urgébo, ut dévorér. Ignóscite mihi, filioli : quid mihi prosit, ego scio.

#### Lectio vj.

**N**UNC incipio Christi esse discípulus, nihil de his, quæ vidéntur, desiderans, ut Jesum Christum invéniam. Ignis, crux, béstia, confractio óssium, membrórum divisio et totiús córporis contritio, et tota torménta diabóli in me véniant : tantum ut Christo fruar. Cumque jam damnátus esset ad béstias, et ardóre pa-

tiendi rugientes audiret leones,  
ait : Frumentum Christi sum,  
dentibus bestiarum molar, ut  
panis mundus inveniar. Passus  
est anno undécimo Trajáni.  
Reliquiæ corporis ejus, primo  
Roma Antiochiam, tandem  
Antiochia Romam translatae,

in ecclesia sancti Clementis  
conditæ sunt.

## IN III. NOCTURNO.

Homilia in Evangelium Nisi  
granum., ut in Communi unius  
Martyris non Pontificis, pag.  
50\*.

## DIE II. FEBRUARII. IN FESTO PURIFICATIONIS

### B. MARIE VIRGINIS.

#### TOTUM DUPLEX.

## AD I. VESPERAS.

Super Psalmos Aña. O admirabile commercium! Creator generis humani, animatum corpus sumens, de Virgine nasci dignatus est : et procedens homo sine semine largitus est nobis suam Deitatem. Psalmus Laudate pueri. cum ceteris, pag. 145.

Capitulum. Malach. 3.

**E**CCE ego mitto Angelum meum, qui præparabit viam ante faciem meam. Et statim veniet ad templum sanctum suum Dominator, quem vos queritis, et Angelus testamenti, quem vos vultis.

R. Gaude Maria Virgo, cunctas hæreses sola interemisti, quæ Gabriëlis Archangeli dictis credidisti : \* Dum Virgo Deum et hominem genuisti, et post partum Virgo inviolata permansisti. V. Gabriëlem

Archangelum scimus divinitus te esse affatum : uterum tuum de Spiritu sancto credimus imprægnatum : erubescat Judæus infelix, qui dicit Christum ex Joseph semine esse natum. — Dum Virgo. Glória Patri et Filio et Spiritui sancto. Omissa resumptione, statim dicatur Prosa sequens :

**I**NVIOLATA, intacta et casta  
es Maria,

Quæ es effecta fulgida cæli  
porta.

O Mater alma Christi caris-  
sima

Súscipe pia laudum præcô-  
nia.

Nostra ut pura pectora sint et  
côpora

Te nunc flagitant devota corda  
et ora.

Tua per precata dulcisona  
Nobis concedas veniam per  
sæcula,

O benigna, quæ sola inviolata  
permansisti.

Hymnus.

Hic genuflectitur usque ad  
Sumens illud Ave.

**A**VE maris stella,  
Dei Mater alma,  
Atque semper Virgo,  
Felix cæli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis :  
Mala nostra pelle,  
Bona cuncta posce.

MONSTRA te esse matrem :  
Sumat per te preces  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solutos  
Mites fac et castos.

VITAM præsta puram,  
Iter para tutum :  
Ut videntes Jesum  
Semper collætémur.

SIT laus Deo Patri,  
Summo Christo decus,  
Spirítui sancto,  
Tribus honor unus. Amen.

¶ Respónsum accépit Simeon  
a Spirítu sancto. R. Non visú-  
rum se mortem, nisi vidéret  
Christum Dómini.

Ad Magnificat Aña. Cum in-  
dúcerent púerum Jesum Pa-  
réntes ejus, accépit eum Si-  
meon in ulnas suas, et benedi-  
xit Deum dicens : Nunc dimittis  
Dómine servum tuum in  
pace. Oratio.

**O**MNIPOTENS sempitérne  
Deus, majestátem tuam  
súpplices exorámus : ut sicut  
unigénitus Fílius tuus hodiérna  
die cum nostræ carnis substán-  
tia in templo est præsentátus, ita

nos fácias purificátis tibi mien-  
tibus præsentári. Per eúndem.

### AD UTRUMQUE COMPLETORIUM.

Super Psalmos Aña. Sancta  
Dei Génitrix, Virgo semper  
María, intercède pro nobis ad  
Dóminum Deum nostrum.

In fine Hymni duæ Strophæ  
Maria Mater grátiae. et Glória  
tibi Dómine. ut in fine Hymni  
ad Matutinum.

Ad Nunc dimittis Aña. Nunc  
dimittis Dómine servum tuum  
in pace : quia vidérunt óculi  
mei salutáre tuum.

### AD MATUTINUM.

Invitatorium. Ecce venit ad  
templum sanctum suum Domi-  
nátor Dóminus : \* Gaude et  
lætáre Sion occurrrens Deo tuo.

Hymnus.

**Q**UEM terra, pontus, æthera  
Colunt, adorant, prædi-  
cant,

Trinam regéntem máchinam  
Clastrum Mariæ bájulat.

Cui luna, sol et ómnia  
Desérviunt per témpora,  
Perfúsa cæli grátia,  
Gestant puéllæ viscera.

BEATA Mater múnere  
Cujus supérnus Artifex,  
Mundum pugillo cóntinens,  
Ventris sub arca clausus est.

BEATA cæli núntio,  
Fecúnda sancto Spirítu :  
Desiderátus géntibus  
Cujus per alvum fusus est.

MARIA, Mater grátiae,  
Mater misericórdiæ,  
Tu nos ab hoste prótege,  
Et hora mortis súscipe.

GLORIA tibi Dómine,  
Quí natus es de Virgine,  
Cum Patre et sancto Spirítu,  
In sempitérna sæcula. Amen.



## IN I. NOCTURNO.

Psalmus 8.

**D**OMINE Dóminus noster, \*  
quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut déstruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuisti eum paulo minus ab Angelis, & glória et honóre coronásti eum : \* et constituisti eum super ópera mánuum tuárum.

Omnia subjecisti sub pédibus ejus, \* oves et boves univérſas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Añã. Benedicta tu in mulieribus, et benedictus fructus ventris tui.

Psalmus 18.

**C**ÆLI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti indicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exivit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egressio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, pèrmanens in sæculum sæculi : \* judícia Dómini vera, justificáta in semetipsa.

Desiderabilia super aurum et lápidem pretiósium multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quis intélligit? & ab occúltis meis munda me : \* et ab aliénis parce servo tuo.

Si mei non fuerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

Añã. Sicut myrrha elécta odórem dedisti suavitátis, sancta Dei Génitrix.

Psalmus 23.

**D**OMINI est terra, et plentúdo ejus : \* orbis terrárum, et univérſi, qui hábitant in eo.

Quia ipse super mária fundávit eum : \* et super flúmina preparávit eum.

Quis ascéndet in montem Dómini? \* aut quis stabit in loco sancto ejus?

Innocens má nibus et mundo corde, & qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium fáciem Dei Jacob.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Aña. Post partum Virgo inviolata permansisti : Dei Génitrix intercède pro nobis.

¶ Sancta Dei Génitrix, Virgo semper Maria. R. Intercède pro nobis ad Dóminum Deum nostrum.

Benedictio. Alma Virgo virginum intercédit pro nobis ad Dóminum. R. Amen.

De libro Exodi.

Lectio j.

Cap. 13.

**L**OCUTUS est Dóminus ad Móysen, dicens : Sanctifica mihi omne primogénitum quod áperit vulvam in filiis Israel, tam de homínibus quam de

juméntis : mea sunt enim ómnia. Et ait Móyses ad pópulum : Cum introdúxerit te Dóminus in terram Chananei, sicut jurávit tibi et pátribus tuis, et déderit tibi eam : separábis omne, quod áperit vulvam, Dómino, et quod primitivum est in pecóribus tuis : quidquid habúeris masculini sexus, consecrábis Dómino. Primogénitum ásini mutábis ove : quod si non redémeris, interficies. Omne autem primogénitum hóminis de filiis tuis, pretio rédimes.

R. j. Adórna thálamum tuum, Sion, et súscipe Regem Christum : \* Quem Virgo concépit, Virgo péperit, Virgo post partum, quem genuit adorávit. ¶ Accípiens Símeon Puerum in má nibus, grátias agens benedíxit Dóminum. — Quem Virgo concépit.

Benedictio. Sancta Dei Génitrix sit nobis auxiliátrix.

R. Amen.

De libro Levitici.

Lectio ij.

Cap. 12.

**L**OCUTUS est Dóminus ad Móysen, dicens : Lóquere filiis Israel, et dices ad eos : Múlier, si suscepto sémine péperit másculum, immúnda erit septem diébus juxta dies separatiónis méstruæ. Et die octávo circumcidétur infántulus : ipsa vero triginta tribus diébus manébit in sanguine purificatiónis suæ. Omne sanctum non tanget, nec ingreditúr in Sanctuárium, donec impleántur dies purificatiónis suæ. Sin autem féminam péperit, immúnda erit duábus hebdómádibus juxta ritum flu-

xus mēstrui, et sexaginta sex diēbus manēbit in sāguine purificatiōnis suæ.

R. ij. Postquam implēti sunt dies purgatiōnis Mariæ secūndum legem Mōysi, tulērunt Jesum in Jerūsalem, ut sisterent eum Dōmino, \* Sicut scriptum est in lege Dōmini : Quia omne masculinum adaperiens vulvam, sanctum Dōmino vocābitur. V. Obtulērunt pro eo Dōmino par turturum, aut duos pullos columbārum. — Sicut scriptum est.

Benedictio. Nos cum Prole pia benedicat Virgo Maria.

R. Amen.

Lectio iij.

**C**UMQUE explēti fuerint dies purificatiōnis suæ, pro filio, sive pro filia, deferet agnum anniculum in holocaustum, et pullum columbæ sive turturum pro peccato, ad ostium tabernaculi testimoniū, et tradet sacerdoti. Qui offeret illa coram Dōmino, et orabit pro ea, et sic mundabitur a profluvio sāguinis sui. Ista est lex parientis masculinum aut feminam. Quod si non invenerit manus ejus, nec potuerit offerre agnum, sumet duos turtures vel duos pullos columbārum, unum in holocaustum, et alterum pro peccato : orabitque pro ea sacerdos, et sic mundabitur.

R. iij. Obtulērunt pro eo Dōmino par turturum, aut duos pullos columbārum, \* Sicut scriptum est In lege Dōmini. V. Postquam implēti sunt dies purgatiōnis Mariæ secūndum legem Mōysi, tulērunt illum in Jerūsalem. — Sicut scriptum est. Glória. In lege Dōmini.

IN II. NOCTURNO.

Antiphonæ, Psalmi et V. ut in Festis B. Mariæ V., pag. 4\*. Benedictio. Ab hoste maligno eripiat nos Dei Génitrix Virgo. R. Amen.

Sermo sancti Augustini Episcopi.

(Serm. 13. de Tempore.)

Lectio iv.

**S**IC olim prædictum est : Mater Sion dicet : Homo, et homo factus est in ea, et ipse fundavit eam Altissimus. Omnipotentia nascētis! o magnificētia de cælo ad terram descendētis! Adhuc in útero portabatur, et ex útero matris a Joāne Baptista salutabatur. In templo præsentabatur, et a Simeone sene famoso, annoso, probato, coronato, agnoscebatur. Tunc cognovit, tunc adoravit, tunc dixit : Nunc Dōmine dimittis servum tuum in pace : quia vidērunt oculi mei salutāre tuum.

R. iv. Simeon justus, et timoratus exspectabat redemptionem Israel, \* Et Spiritus sanctus erat in eo. V. Responsum accepit Simeon a Spiritu sancto, non visurum se mortem, nisi vidēret Christum Dōmini. — Et Spiritus sanctus erat in eo.

Benedictio. Jesus Mariæ Filius sit nobis clemens et propitius. R. Amen.

Lectio v.

**D**IFFEREBATUR exire de sæculo, ut vidēret natum, per quem cōditum est sæculum. Agnovit Infāntem Senex, factus est in Pūero puer : innovatus in ætate, qui plenus erat pietate. Simeon senex ferebat Christum infāntem :



Christus regébat Simeónis senectútem. Dictum ei fúerat a Dómino quod non gustáret mortem, nisi vidéret Christum Dómini natum. Natus est Christus, et implétum est desiderium Senis in mundi ipsius senectúte. Ipse ad senem hóminem venit, qui mundum inveterátum invénit.

R. v. Respónsum accépit Simeon a Spiritu sancto, non visúrur se mortem, nisi vidéret Christum Dómini : et benedixit Deum, et dixit : \* Nunc dimíttis servum tuum in pace : quia vidérunt óculi mei salutare tuum Dómine. V. Cum inducerent púerum Jesum Paréntes ejus, accépit eum Simeon in ulnas suas, et dixit. — Nunc dimíttis servum tuum.

Benedictio. Stella María maris succúrrat piíssima nobis.

Lectio vj.

**I**n isto quidem sæculo diu esse nolébat, et Christum in hoc sæculo vidére cupiébat, cantans cum Prophéta, et dicens : Osténde nobis Dómine misericórdiam tuam, et salutare tuum da nobis. Dénique, ut novéritis ita esse istius lætitiæ, conclusit, dicens : Nunc dimíttis Dómine servum tuum in pace : quia vidérunt óculi mei salutare tuum. Prophétæ cecinérunt Conditórem cæli et terræ in terra cum homínibus futúrum : Angelus nuntiávit Creatórem carnis et spíritus in carne ventúrum. Salutávit Joánnēs ex útero in útero Salvatórem : Simeon senex Deum agnóvit infántem.

R. vj. Cum inducerent púerum Jesum Paréntes ejus, ut fácerent secúndum consuetú-

dinem legis pro eo : accépit eum Simeon in ulnas suas, et benedixit Deum, et dixit : \* Nunc dimíttis Dómine servum tuum in pace. V. Suscipiens Simeon Púerum in máribus, exclamávit, dicens. — Nunc dimíttis Dómine. Glória. Nunc dimíttis Dómine.

### IN III. NOCTURNO.

Antiphonæ, Psalmi et V. ut in Festis B. Mariæ V., pag. 7\*.

Benedictio. Evangélica lectio sit nobis salus et protéctio.

R. Amen.

Lectio sancti Evangélii secúndum Lucam.

Lectio vij. Cap. 2.

**I**n illo témpore : Postquam impléti sunt dies purgatiónis Mariæ secúndum legem Móysi, tulérunt Jesum in Jerúsalem, ut sístèrent eum Dómino, sicut scriptum est in lege Dómini. Et réliqua.

Homilía sancti Ambrósii Epíscopi.

(Lib. 2. Comment. in c. 2. Luc.)

**E**t ecce homo erat in Jerúsalem, cui nomen Simeon, et homo iste justus, et timorátus, expéctans consolatióem Israel. Non solum ab Angelis, et Prophétis, et pastóribus, sed étiam a senióribus, et justis generatió Dómini accípit testimoniúm. Omnis ætas, et utérque sexus, eventorúmque miracula fidem ástruunt. Virgo génerat, stérilis parit, mutus loquitur, Elisabéth prophétat, magus adórat, in útero clausus Joánnēs exsúltat, vídua confitétur, justus expéctat.

R. vij. Suscipiens Jesum in ulnas suas Simeon, exclamávit, et dixit : \* Tu es vere lumen

ad illuminatióem Géntium, et glóriam plebis tuæ Israel. **V.** Simeon in mánibus Infántem accépit : sed majestátem intus agnóvit, et dixit. — Tu es vere lumen.

Benedictio. In omni tribulatióne et angústia subvéniat nobis pia Virgo María. **R.** Amen.

Lectio viij.

**E**T bene justus, qui non suam, sed pópuli grátiam requirébat : cúpiens ipse corpóreæ vínculis fragilitátis exsólvi, sed expéctans vidére promissum : sciébat enim quia beáti óculi, qui eum vidérent. Et accépit eum in mánibus suis, et benedixit Deum, et dixit : Nunc Dómine dímittle servum tuum in pace. Vide justum, velut corpóreæ cárcere molis inclúsum, velle dissólvi, ut incipiat esse cum Christo. Dissólvi enim, et esse cum Christo, multo mélius est.

**R.** viij. Senex Púerum portábat, Puer autem Senem regébat. \* Quem Virgo concépit, Virgo péperit, Virgo post partum, quem génuít adorávit. **V.** Respónsum accépit Simeon a Spirítu sancto, non visúrum se mortem, nisi vidéret Christum Dómini. — Quem Virgo concépit.

Benedictio. Ad societátem civium supernórum perdúcat nos Regina angelórum. **R.** Amen.

Lectio ix.

**S**ED qui vult dímitti, véniat in templum, véniat in Jerúsalem, expéctet Christum Dómini, accipiat in mánibus Verbum Dei, complectátur óperibus, velut quibúsdam fidei suæ bráchiis. Tunc dímittétur, ut non videat mortem, quia vide-

rit vitam. Vides úberem in omnes grátiam, Dómini generatióne diffúsam ; et prophetiam incrédulis esse negátam, non justis. Ecce et Simeon prophétat, in ruínam, et resurrectiónem multórum venisse Dóminum Jesum Christum.

**R.** ix. Gaude María Virgo, cunctas hæreses sola interestisti, quæ Gabriélis Archángeli dictis credidisti : \* Dum Virgo Deum, et hóminem genuisti, Et post partum Virgo invioláta permansisti. **V.** Gabriélem Archángelum scimus divinitus te esse affátum : úterum tuum de Spirítu sancto crédimus imprægnátum : erubéscat Judæus infélix, qui dicit Christum ex Joseph sémine esse natum. — Dum Virgo. Glória. Et post partum Virgo invioláta permansisti.

Ante Laudes **V.** Ora pro nobis sancta Dei Génitrix. **R.** Ut digni efficiámur promissióibus Christi.

AD LAUDES

ET PER HORAS ANTIPHONÆ.

1. Simeon justus et timorátus expectábat redemptionem Israel, et Spiritus sanctus erat in eo. Psalmus Dóminus regnávit cum ceteris, pag. 17.

2. Respónsum accépit Simeon a Spirítu sancto non visúrum se mortem, nisi vidéret Dóminum.

3. Accipiens Simeon Púerum in mánibus, grátias agens benedixit Dóminum.

4. Obtulerunt pro eo Dómino par túrturum, aut duos pullos columbárum.

5. Lumen ad revelatióem Géntium, et glóriam plebis tuæ Israel.

Capitulum. Malach. 3.

**E**CCE ego mitto Angelum meum, qui præparabit viam ante faciæ meam. Et statim veniet ad templum sanctum suum Dominator, quem vos queritis, et Angelus testamenti, quem vos vultis.

Hymnus.

**O** GLORIOSA Dómina,  
Excelsa supra sidera,  
Qui te creávit próvide  
Lactásti sacro úbere.

**Q**UOD Heva trístis ábstulit  
Tu reddis almo gérmine :  
Intrent ut astra flébiles,  
Cæli fenéstra facta es.

Tu Regis alti jánuā  
Et porta lucis fúlgida :  
Vitam datam per Virginem  
Gentes redémpitæ pláudite.

**M**ARIA Mater grátiae,  
Mater misericórdiae,  
Tu nos ab hoste prótege,  
Et hora mortis súscepe.

**G**LORIA tibi Dómine,  
Qui natus es de Virgine,  
Cum Patre et sancto Spírítu,  
In sempitérna sæcula. Amen.

**¶** Prædictæ duæ ultimæ Stro-  
phæ Maria Mater grátiae. et  
Glória tibi Dómine. dicantur  
etiam ad Primam, Tertiam,  
Sextam et Nonam.

**¶** Elégit eam Deus, et præ-  
elégit eam. **R.** Et habitare  
eam facit in tabernáculo suo.

Ad Benedictus Añā. Senex  
Puerum portábat, Puer autem  
Senem regébat : quem Virgo  
péperit, et post partum Virgo  
permánsit, ipsum quem genuit  
adorávit.

Oratio.

**O** MNIPOTENS sempitérne  
Deus, majestátem tuam  
súpplices exorámus : ut sicut

unigénitus Filius tuus hodiérna  
die cum nostræ carnis substán-  
tia in templo est præsentátus,  
ita nos fácias purificátis tibi  
méntibus præsentári. Per eúm-  
dem.

AD PRIMAM.

**R.** Jesu Christe. **¶** Qui natus  
es de Virgine Maria.

AD TERTIAM.

Capitulum Ecce ego., ut in  
Laudibus.

**¶** Si festum Purificationis  
B. Mariæ V. in Septuagesima,  
vel post Septuagesimam eve-  
nerit, omittatur Allelúia. in  
sequentibus Horarum Respon-  
soriis.

Ad Tertiam **R.** Sancta Dei  
Génitrix, Virgo semper Maria,  
\* Allelúia, allelúia. Sancta Dei  
Génitrix. **¶** Intercede pro no-  
bis ad Dóminum Deum no-  
strum. Allelúia. Glória. Sancta  
Dei Génitrix.

**¶** Post partum Virgo invio-  
lata permansisti. **R.** Dei Génit-  
rix intercede pro nobis.

AD SEXTAM.

Capitulum. Malach. 3.

**I**PSE enim quasi ignis con-  
flans, et quasi herba fulló-  
num : et sedébit conflans, et pur-  
gábit filios Levi.

**R.** Post partum Virgo invio-  
lata permansisti, \* Allelúia,  
allelúia. Post partum Virgo.  
**¶** Dei Génitrix intercede pro  
nobis. Allelúia. Glória. Post  
partum Virgo.

**¶** Speciósā facta es, et suá-  
vis. **R.** In deliciis tuis sancta  
Dei Génitrix.



## AD NONAM.

Capitulum. Malach. 3.

ET colābit eos quasi aurum,  
et quasi argēntum, et erunt  
Dómino offerētes sacrificia  
in justitia.

R. Speciōsa facta es, et suā-  
vis, \* Allelúia, allelúia. Spe-  
ciōsa. V. In deliciis tuis sancta  
Dei Génitrix. Allelúia. Glória.  
Speciōsa.

V. Elégit eam Deus, et præ-  
elégit eam. R. Et habitāre eam  
facit in tabernáculo suo.

## AD II. VESPERAS.

Super Psalmos Aña. Simeon  
justus et timorátus exspectábat  
redemptiónem Israel, et Spí-  
ritus sanctus erat in eo. Psal-  
mi de Comuni unius Virgi-  
nis, pag. 96\*.

Capitulum. Malach. 3.

ECCĒ ego mitto Angelum  
meum, qui præparábit  
viam ante faciē meam. Et  
statim véniet ad templum  
sanctum suum Dominátor,  
quem vos quæritis, et Angelus  
testamēti, quem vos vultis.

Hymnus Ave maris stella. et  
V. Respónsum accépit. ut in  
j. Vesperis, pag. 876.

Ad Magnificat Aña. Hódie  
beáta Virgo María púerum  
Jesum præsentávit in templo :  
et Símcon replétus Spíritu  
sancto accépit eum in ulnas  
suas, et benedixit Deum.

solémnia cólimus, ejus apud te  
intercessiónibus adjuvémur.  
Per.

## IN I. NOCTURNO.

Post Cineres, Lectiones A  
Miléto. de Comuni unius  
Martyris Pontificis, pag. 40\*.

## IN II. NOCTURNO.

(Ex Actis ejus apud Metaph.  
et ex Rom. Brev.)

Lectio iv.

BLASIUS, Sebáste in Armeña  
cum virtútum laude floré-  
ret, ejúdem civitátis Epíscopus  
eligitur. In primis autem  
mira mansuetúdine pollébat.  
Qui, quo tēpore Diocletíanus  
insatiábilem crudelitátem in  
Christiános exercébat, se in  
spelúnca ábdidit montis Ar-  
gæi, ubijoratióibus et meditá-  
tióibus assidue vacábat. Feræ  
silvéstres ad eum confluébant,  
nec prius inde abibant quam  
accépta ab ipso benedictióe.  
Ibi tamdiu látuit, donec ab  
Agricolái præfécti militibus  
venántibus deprehénsus, et ad  
præféctum ductus, ejus jussu  
conjéctus est in víncula. Nocte,  
quæ diem præcésit, quo cap-  
tus est, apparuit illi Christus  
Dóminus, dicens : Surge, offer  
mihî sacrificia pro more tui  
sacerdótii.

Lectio v. *Quoniam*

IN cárcere pósitus, multos  
I ægrótos sanávit, qui ad  
Blásium, ejus fama sanctitátis  
addúcti, deferebantur. In illis  
puer fuit matris únicus, qui  
desperáta a médicis salúte,  
transvérsa spina fáucibus in-  
hærénte, ánimam agébat. Pro-  
ductus autem ad præféctum,

DIE III. FEBRUARII.

S. BLASII

EPISC. ET MART.

SIMPLEX.

Oratio.

DA, quæsumus omnipotens  
Deus : ut qui beáti Blásii  
Martyris tui atque Pontificis

cum nec blanditiis, nec minis adduci posset, ut diis sacrificaret, primum virgis agrèstibus dirissime cæditur, deinde in carcerem ducitur. Ubi pia anus porcellum, quem a lupo raptum sancti Episcopi precibus miraculose illæsum receperat, cum occidisset, caput ac pedes coctos in canistro, cum aliis terræ frugibus et cæreis, ad recreandum Blásium detulit. Quibus ille cum gratiarum actione percéptis, mulieri benedixit, ac Dóminum precátus est, ut quisquis, exémpl'o officiosæ mulieris, Deo in memoriam Blásii ejusmodi res obtulisset, benedictionem a Dómino consequeretur.

## Lectio vj.

**I**TERUM autem sanctus Antistes præsidi sistitur, et cum constantior in fidei confessione maneret, ligno suspenditur, acerrime verberatur, carnes ei ferreis pectinibus dilaniantur, postea in lacum demergitur, unde salvus ab Angelo extrahitur. Tandem, jubente eodem iudice, una cum duobus pueris capite truncato, illustre fidei testimonium Christo Dómino dedit tertio Nonas Februarii. Ante eum vero septem mulieres, quæ guttas sanguinis ejus defluentes, dum torqueretur, colligebant, deprehensæ, quod essent Christianæ, post dira tormenta gladio percussæ sunt.

## IN III. NOCTURNO.

Homilia in Evangelium Si quis vult post me venire, de Comuni unius Martyris, pag. 51\*.

DIE IV. FEBRUARII.  
S. ANDRÆ CORSINI  
EPISC. ET CONF.

## DUPLEX.

## Oratio.

**D**EUS, qui in Ecclesiâ tuâ nova semper instauras exempla virtutum : da populo tuo beati Andræ Confessoris tui atque Pontificis ita sequi vestigia, ut assequatur et præmia. Per.

## IN I. NOCTURNO.

Post Cineres, Lectiones Fidei-  
lis sermo. de Comuni unius  
Confessoris Pontificis, pag. 70\*.

## IN II. NOCTURNO.

(Ex Romano Breviario.)

## Lectio iv.

**A**NDREAM, Floréntiæ ex nobili Corsinorum familia natum, parentes precibus a Deo impetrarunt, et beatæ Virgini spondederunt. Qualis autem futurus esset, divino præsagio, antequam nasceretur, ostensum est : nam mater grávida sibi visa est per quietem lupum edidisse, qui ad Carmelitárum ædem pergens, in ipso templi vestibulo statim in agnum conversus est. Adolèscens pie et ingénue educatus, cum sensim ad vitia declinaret, sæpe a matre increpatus fuit. Ubi autem cognovit se parentum voto Deiparæ Virgini dicatum fuisse, Dei amore succensus, deque visu matris admónitus, Carmelitárum institutum amplexus est : in quo variis tentationibus a dæmone vexatus, nunquam tamen potuit a Religiónis proposito dimoveri. Mox Lutétiam missus, emenso studiórum curriculum, et láurea donatus, in pátriam

revocatur, suique Ordinis regimini in Etruria præficitur.

Lectio v.

**I**NTEREA Fesulana Ecclesia suo viduata pastore eum sibi Episcopum elegit : quo munere se indignum æstimans, diu latuit ignotus, donec pueri voce mirabiliter loquentis proditus, et extra urbem inventus, ne divinæ contradiceret voluntati, Episcopatum suscepit. Ea dignitate auctus, humilitati, quam semper coluerat, impensus incubuit : et pastoralis sollicitudini misericordiam in pauperes, liberalitatem, orationis assiduitatem, vigilias, aliasque virtutes adjunxit, et spiritu etiam prophetico clarus fuit; adeo ut ejus sanctitas ab omnibus celebraretur.

Lectio vj.

**H**is permotus Urbanus Quintus, ad sedandas Bononiæ turbas, Andream legatum misit : quo in munere multa perpessus, civium odia, quæ ad internecionem exarserant, summa prudentia restinxit : tum restituta tranquillitate ad propria reversus est. Nec multo post assiduis laboribus et voluntaria carnis maceratione confectus, obitus die a beata Virgine sibi prædicto, ad cælestia regna migravit, anno Domini millesimo tercentesimo septuagesimo tertio, ætatis suæ septuagesimo primo. Quem Urbanus Octavus multis magnisque miraculis clarum Sanctorum numero adscripsit. Ejus corpus Florentiæ in ecclesia sui Ordinis quiescit, et maxima civum veneratione colitur, quibus semel in præsentis discrimine præsidio fuit.

### IN III. NOCTURNO.

Homilia in Evangelium Homo peregre, de Communi unius Confessoris Pontificis, pag. 78\*.

DIE V. FEBRUARII.

S. AGATHÆ  
VIRG. ET MART.

DUPLEX.

AD I. VESPERAS.

Super Psalmos Aña. Veniente Sponso, prudens Virgo præparata introivit cum eo ad nuptias.

Capitulum. Eccli. 51.

**C**ONFITEBOR tibi Domine rex, et collaudabo te Deum salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione.

R. Beata Agatha ingressa carcerem expandit manus suas ad Deum, et dixit : Domine, qui me fecisti vincere tormenta carnificum, \* Jube me Domine ad tuam misericordiam pervenire. V. Domine, qui me creasti, et tulisti a me amorem sæculi, qui corpus meum a pollutione separasti. — Jube me Domine ad tuam misericordiam pervenire. Gloria. Jube me Domine ad tuam misericordiam pervenire.

Hymnus Virginis Proles. de Communi unius Virginis et Martyris, pag. 86\*.

V. Diffusa est gratia in labiis tuis. R. Propterea benedixit te Deus in æternum.

Ad Magnificat Aña. Agatha Virgo sacra, nobili orta genere, gloriosam propter Christum pertulit passionem.



## Oratio.

**D**EUS, qui inter cetera potentiae tuæ miracula, etiam in sexu fragili victoriam martyrii contulisti : concede propitius ut qui beatæ Agathæ, Virginis et Martyris tuæ, natalitia colimus, per ejus ad te exemplam gradiamur. Per.

## AD MATUTINUM.

Invitorium. Agnum sponsum virginum \* Venite adoramus Dominum Jesum Christum.

Hymnus Virginis Proles., pag. 86\*.

## IN I. NOCTURNO.

Aña. Ingenua sum et spectabilis genere, ut omnis parentela mea testatur. Psalmi de Communi unius Virginis, pag. 88\*, et sequentibus.

Aña. Ancilla Christi sum : ideo me ostendo servilem personam.

Aña. Summa ingenuitas ista est, in qua servitus Christi comprobatur.

℣. Diffusa est gratia in labiis tuis. ℞. Propterea benedixit te Deus in æternum.

De Epistola prima beati Pauli Apostoli ad Corinthios.

Lectio j. Cap. 7.

**D**E virginibus præceptum Domini non habeo : consilium autem do, tamquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? Noli quærere solutionem. Solutus es ab uxore? Noli quærere uxorem. Si au-

tem accéperis uxorem : non peccasti. Et si nupsit virgo, non peccavit. Tribulationem tamen carnis habebunt hujusmodi.

℞. j. Dum torqueretur beatâ Agatha in mamilla graviter, dixit ad iudicem : \* Impie, crudelis, et dire tyrânne, non es confusus amputare in femina, quod ipse in matre suxisti? ℣. Ego habeo mamillas integras intus in ânima mea, quas ab infântia Domino consecravi. — Impie, crudelis.

## Lectio ij.

**E**GO autem vobis parco. Hoc itaque dico, fratres : Tempus breve est : reliquum est, ut et qui habent uxores, tamquam non habentes sint : et qui flent, tamquam non flentes : et qui gaudent, tamquam non gaudentes : et qui emunt, tamquam non possidentes : et qui utuntur hoc mundo, tamquam non utantur : præterit enim figura hujus mundi.

℞. ij. Vidisti Domine, et spectasti agonem meum, quomodo pugnâvi in stadio : sed quia nolui obedire mandatis principum, \* Jussa sum in mamilla torqueri. ℣. Propter veritatem, et mansuetudinem, et justitiam. — Jussa sum in mamilla torqueri.

## Lectio iij.

**V**OLO autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divisis est. Et mulier innupta,

et virgo cōgitat, quæ Dōmini sunt, ut sit sancta corpore, et spiritu. Quæ autem nupta est, cōgitat quæ sunt mundi, quomodo placeat viro.

R. iij. Quis es tu, qui venisti ad me, curare vultura mea? Ego sum Apōstolus Christi : nihil in me dūbites filia : ipse me misit ad te, \* Quem dilexisti mente, et puro corde. V. Nam et ego Apōstolus ejus sum, et in nōmine ejus scias te esse curandam. — Quem dilexisti mente. Glōria. Quem dilexisti mente.

## IN II. NOCTURNO.

Añā. Agatha lætissime et gloriāter ibat ad cārcerem, quasi ad épulas invitāta : et agōnem suum Dōmino precibus commendābat.

Añā. Si ignem adhībeas, rorem mihi salvificum de cælo Angeli ministrābunt.

Añā. Nisi diligēter perfeceris corpus meum a carnificibus attractāri, non potest ānima mea in Paradīsum Dōmini cum palma intrāre martyrii.

V. Spēcie tua et pulchritūdine tua. R. Intēde, prospere procēde et regna.

(Ex Actis apud Metaph. et ex Rom. Brev.)

### Lectio iv.

**A**GATHA Virgo in persecutiōne Dēcii passa est. Nam cum pari pulchritūdinis et castitātis laude commendaretur, Quintiānus Siciliæ prætor ejus amorē captus est. Post tentatam vāriis artibus fidem ejus, et castitatem, eam ille ad se duci jussit : et, Nonne, inquit,

te pudet nōbili gēnere natam, hūilem et servilem Christiānorum vitam āgere? Cui Agatha : Multo præstantior est christiāna humilitas et sērvitus regum opibus ac supērbia. Quam ob rem cōlaphis cæsa ad cārcerem mittitur : unde postridie educta, candētibz lāminis in equūleo torquetur : tum ei mamilla abscinditur.

R. iv. Ipse me curāvit, qui per Apōstolum suum in custōdia me confortāvit, pro eo quod jussa sum suspēdi in equūleo propter fidem castitātis. \* Adjuva me, Dōmine Deus meus, in tortūra mamillārum meārum. V. Ipse me dignātus est ab omni plaga curare, et mamillam meam meo pēctori restituere. — Adjuva me Dōmine Deus meus.

### Lectio v.

**H**OC in vulture Quintiānum appellans Virgo: Crudelis, inquit, tyrāne, non te pudet amputare in fēmina quod ipse in matre suxisti? Sed etiāmsi extēnam mamillam abscidisti, hābeo āliam in ānima, quam non pōteris abscindere : est enim oblāta Christo Deo meo a tēnere ætate. Mox conjēcta in vīcula, Petri Apōstoli apparitiōne recreata est, et ab eo ceu quodam divino mēdico curata. Tunc Agatha procūbens in oratiōne, et grātiās Christo agens, mamillam suo pēctori restitutam probavit. Tota vero nocte lux fulsit in cārcere, et custōdes tērriti fugerunt, relicto ostio cārceris apērto : nec tamen aufūgit illa, ne coronam martyrii pēderet.

R. v. Agatha lætissime et gloriāter ibat ad cárcerem, quasi ad épulas invitata : \* Et agónem suum Dómino précibus commendabat. V. Nobilissimis orta natalibus, ab ignobili gaudens trahebatur ad cárcerem. — Et agónem suum.

Lectio vj.

**H**INC rursus evocata, sancti propósi tenax, in acutis tēstulis et candētibus carbónibus ei subjēctis volutatur. Quo tēpore ingēti terrēmótu urbs tota contrémuit, ac duo parietes corrúentes Silvinum et Falcónium, íntimos prætórís familiáres, oppresserunt. Quare vehemēter commóta civitatē, véritus pópuli tumultum Quintiánu Agatham semimórtuam clam reduci imperat in cárcerem : quæ Deum brevi precata, migrávit in cælum Nonis Februárii. Cum autem corpus ejus sepúlcro inferretur, tabella marmórea ad sanctæ Mártiris caput mirabiliter, cum hac inscriptióne, pósita est : Mentem sanctam, spontáneam, honórem Deo, et patriæ liberatiónem.

R. vj. Ego autem adjúta a Dómino, perseverábo in confessióne ejus, \* Qui me salvam fecit, et consolátus est me. V. Mens mea solidáta est, et in Christo fundáta. — Qui me salvam fecit. Glória. Qui me salvam fecit.

### IN III. NOCTURNO.

Añā. Agatha sancta dixit : Si feras mihi promittis, audito Christi nómine, mansuescunt.

Añā. Vidisti Dómine agónem meum, quómodo pugnavi

in stádio : sed quia nolui obedire mandátis principum, jussa sum in manilla torqueri.

Añā. Propter fidem castitátis jussa sum suspēdi in equuleo : adjuva me, Dómine Deus meus, in tortúra mamillárum meárum.

V. Adjuvabit eam Deus vultu suo. R. Deus in médio ejus, non commovēbitur.

Lectio sancti Evangélii secúndum Matthæum.

Lectio vij.

Cap. 19.

**I**n illo tēpore : Accesserunt ad Jesum Pharisæi tentantes eum, et dicētes : Si licet hómini dimittere uxórem suam, quacúmque ex causa? Et reliqua.

Homilia sancti Joánnis Chrysóstomi.

(Homil. 63. in Matth.)

**V**IDE Magístri sapiéntiam : qui, cum interrogátus esset, Si liceret hómini dimittere uxórem; ne conturbarentur, ántequam senténtiam proféreret, confirmatióem a Scriptúra pósuit, ostēdens Patris sui id esse mandátum : et quod ea, quæ ab ipso sunt dicta de non repudiánda uxóre, non modo non repúgnant, verum étiam valde cum Móyse convéniant. Considerándum autem est, quod non solum ab opificio, verum étiam ab ipso præcépto senténtiam corróborat. Non enim dixit, Quia virum et mulierem unam solúmmodo fecit; verum étiam, Quia jussit ut unus uni conjungátur : nam si voluisset álteram étiam conduci uxórem, uni viro créato multas formáset mulieres : nunc vero et crea-



tionis, et sanctionis modo, unam uni perpétuo conjungit, et nunquam rescindi oportere perdocuit.

R. vij. Gaudeamus omnes in Domino, diem festum celebrantes sub honore Agathæ Virginis, \* De cujus passione gaudent Angeli, et collaudant Filium Dei. V. Immaculatus Dominus immaculatam sibi famulam, in hoc fragilitatis corpore positam, misericorditer consecravit. — De cujus passione.

#### Lectio viij.

**P**OSSE autem nos perpétuam servare continentiam ostendit, dicens : Sunt eunuchi, qui se ipsos castraverunt propter regnum cælorum. His omnibus occulte ad optandam eligendamque virginitatem inducit : possibile namque id esse hominibus, hoc fere modo confirmat : Cogita tecum, si aut a natura eunuchus esses, aut injuria hominum sic effectus, quid faceres, cum et hujusmodi voluptate careres, et nullam carēdo mercēdem consequeris? Grátias igitur Deo agas, quia magna præmia, rutilantesque coronas habebis, si ita vives, quemadmodum sine aliquo illi præmio; immo vero multo facilius, tutius, atque jucundius, tum quia spe retributionis corroboraris, tum quia conscientia virtutis gaudes, et ad hæc, non ita ingentibus cupiditatis fluctibus jactaris.

R. viij. Qui me dignatus est ab omni plaga curare, et mamillam meam meo pectori restituere, \* Ipsum invoco Deum vivum. V. Medicinam carnalem

corpori meo nunquam exhibui : sed habeo Dominum Jesum Christum, qui solo sermone restituit universa. — Ipsum invoco Deum vivum.

#### Lectio ix.

**C**UM ergo de his eunuchis dixerit, qui nisi etiam ipsi mente se continent, frustra et incassum tales sunt, ac de his, qui ut cælos nanciscantur, se continent, subiunxit rursus dicens : Qui potest capere, capiat. Ita magis animat atque incendit, vel quia magnitudinem virtutis ostendit, vel quia inæstimabili misericordia sua noluit rem in necessitatem legis concludere. Et ad hæc, possibile id esse monstrat, ut eligendi cupiditas crescere possit. Sed si electio- nis opus est id, inquies, quomodo incipiens statim dixit, Non omnes capiunt, sed quibus datum est? Ut singulare id esse certamen perdiscas, non ut sorte datam necessitatem suspicaris.

R. ix. Beata Agatha ingressa carcerem expandit manus suas ad Deum, et dixit : Domine, qui me fecisti vincere tormentum carnificum, \* Jube me Domine ad tuam misericordiam pervenire. V. Domine, qui me creasti, et tulisti a me amorem sæculi, qui corpus meum a pollutione separasti. — Jube me Domine ad tuam misericordiam pervenire. Glória. Jube me Domine ad tuam misericordiam pervenire.

Ante Laudes V. Ora pro nobis beata Agatha. R. Ut digni efficiamur promissionibus Christi.

## AD LAUDES

ET PER HORAS ANTIPHONÆ.

1. Quis es tu, qui venisti ad me curare vûlnera mea? Ego sum Apóstolus Christi : nihil in me dubites filia. Psalmus Dóminus regnavit. cum ceteris, pag. 17.

2. Medicinam carnálem corpore meo nunquam exhibui : sed hábeo Dóminum Jesum Christum, qui solo sermone restaurat univêrsa.

3. Grátias tibi ago, Dómine, quia memor es mei; et misisti ad me Apóstolum tuum curare vûlnera mea.

4. Benedico te Pater Dómini mei Jesu Christi : quia per Apóstolum tuum mamillam meam meo pectori restituisti.

5. Qui me dignátus est ab omni plaga curare, et mamillam meam meo pectori restituere, ipsum invoco Deum vivum.

Capitulum Confitebor., Hymnus Jesu coróna virginum. et V. Adducéntur. de Comuni unius Virginis, pag. 95\*.

Ad Benedictus Aña. Paganórum multitúdo, fúgiens ad sepúlcrum Virginis, tulérunt velum ejus contra ignem : ut comprobáret Dóminus quod a periculis incendiî, méritis Agathæ Mártiris suæ, eos liberáret.

Oratio.

**D**EUS, qui inter cetera potentiae tuæ miracula, étiam in sexu fragili victóriam martyrii contulisti : concède propitius ut qui beatæ Agathæ, Virginis et Mártiris tuæ, natalitia cólimus, per ejus ad te exémpia gradiámur. Per.

AD TERTIAM,  
SEXTAM ET NONAM.

Capitula, R. R. et V. V. de Comuni unius Virginis, pag. 96\*.

## AD II. VESPERAS.

Super Psalmos Aña. Quis es tu, qui venisti ad me curare vûlnera mea? Ego sum Apóstolus Christi : nihil in me dubites filia. Psalmus Dixit Dóminus. cum ceteris de Comuni unius Virginis, pag. 96\*.

Capitulum Confitebor., Hymnus Virginis Proles. et V. Diffusa est. ut in j. Vesperis de Comuni unius Virginis et Mártiris, pag. 86\*, et pag. 87\*.

Ad Magnificat Aña. Mentem sanctam, spontáneam, honórem Deo, et pátriæ liberatiónem.

DIE VI. FEBRUARII.

S. DOROTHEÆ

VIRG. ET MART.

DUPLEX.

Oratio.

**D**EUS, qui nos ánnua beatæ Doróthæ Virginis et Mártiris tuæ solemnitate lætíficas : da ut quam venerámur officio, étiam piæ conversatiónis sequámur exémplo. Per.

In j. Vesperis Memoria SS. Vedasti et Amándi Episcoporum et Confessorum :

Aña. Fulgebunt justí, et tamquam scintillæ in arundineto discúrrunt : judicábunt nátiónes, et regnábunt in ætérnum. V. Lætámini in Dómino et exsultáte justí. R. Et gloriámini omnes recti corde.

Oratio.

**D**EUS, qui nos sanctórum Confessórum tuórum Vedásti et Amándi confessiõibus gloriósis circumdas et protégis :

da nobis eorum imitatione proficere, et intercessionem gaudere. Per.

### IN I. NOCTURNO.

Post Cineres, Lectiones Confitebor. de Communi unius Virginis et Martyris, pag. 89\*.

### IN II. NOCTURNO.

(Ex sinceris Actis.)

#### Lectio iv.

**D**OROTHEA Virgo in Cæsarea Cappadociae, propter Christi confessionem ab Apricio illius provinciae praefecto comprehensa, Crystae et Callistae sororibus, quae a fide defecerant, tradita est, ut eam a proposito removerent. Sed ipsa reduxit eas ad fidem, propter quam in cupam missae, et incensae sunt. Dorotheam vero iussit praeses in catasta levare; quae dixit ad illum: Nunquam in tota vita mea sic letata sum, sicut hodie. Tum ad ejus latera lampades ardentes apponi, dein faciem diutissime caedi, tandem caput gladio percute praeses imperat.

#### Lectio v.

**E**A porro, dum duceretur ad supplicium, dicente, Gratas tibi, amator animarum, qui me ad Paradisum tuum vocasti: Theophilus quidam praesidis advocatus irridens: Eia tu, inquit, sponsa Christi, mitte mihi de Paradiso sponsi tui mala, aut rosas. Et Dorothea respondit: Et plane ita faciam. Cum ante ictum breviter precari permissa esset, pulchra specie puer ante eam apparuit, ferens in oratio-

tria mala et tres rosas. Cui illa ait: Obsecro te ut feras ea Theophilo. Et mox gladio percussa perrexit ad Christum.

#### Lectio vj.

**I**GITUR cum Theophilus irridens promissionem sanctae Dorotheae sodalibus narraret, ecce puer ante eum cum oratio, in quo ferens tria mala magnifica et tres rosas elegantissimas, dixit ei: En sicut petenti promisit Virgo sacratissima Dorothea, transmisit haec tibi de Paradiso sponsi sui. Tum Theophilus stupens, quod esset Februarius, et gelu cuncta rigerent, ea accepit, atque exclamavit: Vere Deus Christus est. Sicque palam fidem Christi professus, gravissimum quoque pro ea martyrium strenue pertulit.

### IN III. NOCTURNO.

Homilia in Evangelium Simile est regnum caelorum thesauro. de Communi unius Virginis et Martyris, pag. 94\*.

### IN LAUDIBUS.

Memoria SS. Vedasti et Amandi:

Añā. Sint lumbi vestri praecincti, et lucernae ardentes in manibus vestris: et vos similes hominibus expectantibus dominum suum, quando revertatur a nuptiis.

¶ Mirabilis Deus. R. In Sanctis suis. Oratio.

**D**EUS, qui nos sanctorum Confessorum tuorum Vedasti et Amandi confessionibus gloriosis circumdas et protegis: da nobis eorum imitatione proficere, et intercessionem gaudere. Per.



DIE VII. FEBRUARII.  
S. ROMUALDI  
ABBATIS.

DUPLEX.

Oratio.

**I**NTERCESSIO nos, quæsumus  
Dómine, beáti Romuáldi  
Abbátis commendet : ut quod  
nostris méritis non valémus  
ejus patrocinio assequámur.  
Per.

IN I. NOCTURNO.

† Ante Cineres, dicantur Lec-  
tiones de Scriptura currente.

† Post Cineres vero, dicantur  
Lectioes sequentes :

De libro Proverbiórum.

Lectio j.

Cap. 4.

**A**UDITE filii disciplinam pa-  
tris, et atténdite ut sciátis  
prudéntiam. Donum bonum  
tribuam vobis, legem meam ne  
derelinquátis. Nam et ego fi-  
lius fui patris mei, tenéllus, et  
unigénitus coram matre mea :  
et docébat me, atque dicébat :  
Suscipiat verba mea cor tuum :  
custódi præcepta mea, et vi-  
ves.

Lectio ij.

**P**OSSIDE sapiéntiam, pòsside  
prudéntiam : ne obliviscá-  
ris, neque declines a verbis  
oris mei. Ne dimittas eam, et  
custódiat te : dilige eam, et  
conservábit te. Príncipium sa-  
piéntiæ, pòsside sapiéntiam, et  
in omni possessione tua acqui-  
re prudéntiam : árripe illam,  
et exaltábit te : gloriificáberis  
ab ea, cum eam fueris ample-  
xátus. Dabit cápiti tuo aug-  
ménta gratiárum, et coróna  
inclýta próteget te.

Lectio iij.

**A**UDI, fili mi, et súscipe ver-  
ba mea, ut multiplicéntur  
tibi anni vitæ. Viam sapiéntiæ

monstrábo tibi, ducam te per  
sémitas æquitátis : quas cum  
ingréssus fúeris, non arctabún-  
tur gressus tui, et currens non  
habébis offendiculum. Tene  
disciplinam, ne dimittas eam :  
custódi illam, quia ipsa est vita  
tua.

IN II. NOCTURNO.

(Ex Actis ejus a B. Petro Da-  
miano conscriptis, et ex Ro-  
mano Breviario.)

Lectio iv.

**R**OMUALDUS Ravénne ex  
illustíssima ducum familia  
natus, cum adolescens in mo-  
nastérium Classense pœnitén-  
tiæ causa secessisset, religiôsi  
hóminis hortátu, et noctúrno in  
ecclésiâ, sicut ille promiserat,  
beáti Apollinâris aspéctui, ad  
mónachi vitam impéllitur. Mox  
ad Marinum, vitæ sanctitátis,  
ac severiôri disciplina in fini-  
bus Venetórum eo témpore  
célebrem, se cóntulit, ut ad  
arctam et sublimem perfecti-  
onis viam eo magistro ac duce  
uterétur : cum quo altérnis  
vícibus Psalmos récítans, et  
non satis expedite legens, ob  
id sæpissime ad sinistram cá-  
pitis sui partem verberátus,  
advértens illinc se jam audi-  
tum pèrdere, senem humiliter  
rogávit ut deinceps ad dexte-  
ram auriculam percuterétur :  
quam ejus patiéntiam admirá-  
tus ille, a severâ impósterum  
disciplina abstínuit.

Lectio v.

**M**ULTIS Sátanæ insidiis, et  
hóminum invidia oppu-  
gnátus, tanto humilior se assi-  
duis jejúniis et oratióibusexer-  
cébat : et rerum cælestium  
meditatióne, vim lacrimárum

assidue, ac præsertim dum Missam celebrâret, profundens fruebatur: vultu tamen adeo læto semper erat, ut intuites exhilarâret. Magno apud principes et reges in honore fuit: multique ejus consilio, mundi illæcebris abjectis, solitudinem petierunt. Martyrii quoque cupiditate flagravit: cujus causa dum in Pannoniam proficiscitur, morbo revêrti cogitur.

Lectio vj.

**I**N vita et post mortem miraculis clarus, spiritu etiam prophetiæ non caruit. Scalam a terra cælum pertingentem, per quam homines in veste candida ascendebant et descendebant, per visum conspexit: eoque Camaldulenses monachos, quorum instituti auctor fuit, designari mirabiliter agnovit. Denique cum annos centum et viginti ægeret, et centum ipsos in summa vitæ asperitate Deo servisset, ad eum migravit anno salutis millésimo vigésimo séptimo. Ejus corpus quinquennio post mortem integrum repertum, Fabriani in ecclesiâ sui Ordinis honorifice conditum est.

IN III. NOCTURNO.

Homilia in Evangelium Ecce nos reliquimus omnia. de Comuni unius Abbatis, pag. 85\*.

DIE VIII. FEBRUARII.

S. JOANNIS DE MATHA  
CONFESSORIS.

DUPLIX.

Oratio.

**D**EUS, qui per sanctum Joannem Ordinem sanctissimæ Trinitatis, ad redimendum de potestate Saracenorum capti-

vos, cælitus instituere dignatus es: præsta, quæsumus, ut ejus suffragantibus meritis, a captivitate corporis et animæ, te adjuvante, liberemur. Per.

IN I. NOCTURNO.

Post Cineres, Lectiones Beatus vir. de Comuni unius Confessoris non Pontificis, pag. 81\*.

IN II. NOCTURNO.

(Ex Rom. Brev.)

Lectio iv.

**J**OANNES de Matha, Ordinis sanctissimæ Trinitatis Redemptionis captivorum institutor, Falcone in Provincia natus est parentibus pietate et nobilitate conspicuis. Studiolorum causa Aquas Sextias, mox Parisios profectus, confectoque theologiæ curriculo, magisterii lauream adeptus, doctrinæ et virtutum splendore enituit. Quibus motus Parisiensis Antistes, ad sacrum Presbyteratus ordinem præ humilitate reluctantem promovit, eo consilio, ut in ea civitate commorans, sapientia et moribus studiosæ juventutis præluceret. Cum autem in sacello ejusdem Episcopi, ipso cum aliis astante, primum Deo Sacrum offerret, cælesti favore meruit recreari. Nam Angelus candida et fulgenti veste indutus, cui in pectore crux rubei et cærulei coloris assuta erat, brachiis cancellatis, et super duos captivos ad latera positos, Christianum unum, alterum Maurum, extensis, apparuit. Qua visione in extasim raptus, intellexit protinus Vir Dei, se ad redimendos ab infidelibus captivos destinari.

## Lectio v.

QUO vero maturius in re tanti momenti procederet, in solitudinem secessit: ibique divino nutu factum est, ut Felicem Valesium in ipsa eremo jam multis annis degentem repererit: cum quo inita societate, se per triennium oratione et contemplatione, omniumque virtutum studio exercuit. Contigit autem, ut dum secum de rebus divinis prope fontem colloquerentur, cervus ad eos accesserit, crucem inter cornua gerens, rubei et caerulei coloris. Cumque Felix ob rei novitatem miraretur, narravit ei Joannes visionem in prima Missa habitam: et exinde ferventius orationi incumbens, ter in somnis admoniti, Romam proficisci decreverunt, ut a summo Pontifice novi Ordinis pro redimendis captivis institutionem impetrarent. Electus fuerat eo tempore Innocentius Tertius, qui illis benigne acceptis, dum secum de re proposita deliberat, in festo sanctae Agnetis secundo, Laterani intra Missarum solennia, ad sacrae Hostiae elevationem, Angelus ei candida veste, cruce bicolore, specie redimentis captivos apparuit. Quo viso, Pontifex institutum approbavit, et novum Ordinem sanctissimae Trinitatis Redemptionis captivorum vocari jussit, ejusque professoribus albas vestes cum cruce rubei et caerulei coloris praebuit.

## Lectio vj.

SIC stabilito Ordine, sancti Fundatores in Galliam

rediérunt; primoque cenobio Cervi Frigidi in dicecesi Meldensi constructo, ad ejus regimen Felix remansit, et Joannes Romam cum aliquot sociis reversus est, ubi Innocentius domum, ecclesiam, et hospitale sancti Thomae de Formis in monte Caelio eis donavit, cum multis redditibus et possessionibus. Datis quoque litteris ad Miramolinum regem Marochii, opus redemptionis felici auspicio inchoatum fuit. Tum ad Hispanias, sub jugo Saracenorum magna ex parte oppressas, Joannes profectus est; regumque, principum, atque aliorum fidelium animos ad captivorum et pauperum commiserationem commovit. Monasteria aedificavit, hospitalia erexit, magnoque lucro animarum plures captivos redemit. Romam tandem reversus, sanctisque operibus incumbens, assiduis laboribus attritus, et morbo confectus, ardentissimo Dei et proximi amore exestuans, ad extremum devenit. Quare fratribus convocatis, eisque ad opus redemptionis caelitus praemonstratum efficaciter cohortatis, obdormivit in Domino, sexto decimo Kalendas Januarii, anno salutis millesimo ducentesimo decimo tertio, ejusque corpus in ipsa ecclesia sancti Thomae de Formis condigno honore tumulatum fuit.

## IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.



DIE IX. FEBRUARII.

B. BERNARDI SCAMMACCA  
CONF. ORD. PRÆD.

DUPLEX. Oratio.

**D**EUS, qui beatum Bernardum, a sæculi vitiis revocatum, in viam perfectionis traduxisti : ejus meritis et precibus concede ut nos, peccata nostra desistentes, ad te puris mentibus convertamur. Per.

In j. Vesperis et Laudibus  
Memoria S. Apolloniæ Virginis et Martyris.

Oratio.

**D**EUS, qui nos annua beatæ Apolloniæ Virginis et Martyris tuæ solemnitate lætificas : da ut quam veneramur officio, etiam piæ conversationis sequamur exemplo. Per.

IN I. NOCTURNO.

Lectioes Beatus vir. de Comuni unius Confessoris non Pontificis, pag. 81\*.

IN II. NOCTURNO.

Lectio iv.

**B**ERNARDUS Câtanæ in Sicilia ex familia de Scammacca, sanguine et pietate illustri, ortum habuit. Adolenscens sæculi illecebris tractus, cupiditatibus laxatas habenas dedit. Cum vero in omni vanitatis et lubricitatis ceno plane cæcus ageretur et præceps, ineffabilis in eum respexit divina misericordia : nam gravi affectus vulnere, dum prostratum a vitiis desistere, felix compellebat necessitas, æternæ suæ salutis periculum, superno coruscante lumine, agnovit, atque ut meliora de se ageret obtinuit. Mundum itaque, cujus technas calamitatesque expertus fuerat, desé-

rere et contemnere statuit. Pristinæ restitutus sanitati, quod decreverat, in Prædicatorum Ordine perficiendum curavit. Ad conventum itaque sancti Domini veniens, a Præsule, ut in eorum consortium admitteretur, enixis precibus postulavit, quod ei pro votis cessit.

Lectio v.

**C**ANDIDA in Prædicatorum familia redimitus veste, simul visus est novum induisse hominem. Etenim in obedientia, humilitate, mansuetudine, ac modestia, aliisque virtutibus, perfectiores æmulando, maxime præstabat. Sèrio perpèndens Instituti, in quo fuit cooptatus, præcipuum onus esse aliorum salutem intendere, sublevandis proximorum necessitatibus impigre occurrebat : quod ut efficacius præstaret, Deum prophetiæ dono illum exornasse perhibetur. Ne autem dum aliis prædicaret, reprobis ipse efficeretur, utque juventutis crimina pœnitentiæ laboribus deleret, diris sese cruentabat flagellis, ac vitam in summa asperitate ducebat. Caritate exæstuans in Deum, ita in rerum divinarum contemplatione assidue detinebatur, ut sæpe divina passus fuerit : in quibus aliquando toto corpore a terra elevatum, quandoque vero superno circumfusum lumine illum fratres aspexere, ut vetera monimenta ferunt.

Lectio vj.

**T**ANDEM post vitam in exactissima legum sui Instituti observantia transactam,

ad Súperos, ut repósitam opéribus justitiæ corónam acciperet, anno millésimo quadringentésimo octogésimo sexto feliciter evolávit. Ejus tránsitus pervulgáta fama, magnus ad ejus corpus, venerándi causa, factus est civium concúrsus. Alíquibus transáctis annis, de ipsius córporis in decentiorem locum translatione actum fuit : quod quidem fervéntius ac devótius complétum est, cum íntegrum, sicut etiánnun ap-páret, fúerit repértum. Multis in víta et post mortem miráculis claruisse tráditur. Cultum vero religiósus ab ejus óbitu eidem constánter tribútum, et ad hæc usque témpora nunquam intermissum, Leo Duodécimus Póntifex Máximus ex sacræ Rituum Congregatiónis consúlto probávit, et ut in univérso Prædicatórum Ordine, ac civitaté et diocesi Catanénsi de beáto BernárdO Officium recitári, ac Missa celebrári possit, benigne concéssit.

### IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

### DIE X. FEBRUARII. S. SCHOLASTICÆ VIRGINIS.

DUPLEX.

Oratio.

**D**EUS, qui ánimam beátæ Virginis tuæ Scholásticæ, ad ostendendam innocentíæ viam, in columbæ spécie cælum penetráre fecisti : da nobis ejus méritis et precibus ita innocentér vivere, ut ad ætérna mereámur gáudia pervenire. Per.

### IN I. NOCTURNO.

Post Cineres, Lectiones De virginibus. de Communi unius Virginis non Martyris, pag. 98\*.

### IN II. NOCTURNO.

Ex libro secúndo Dialogórum sancti Gregórii Papæ.

Lectio iv.

Cap. 33.

**S**CHOLASTICA venerábilis Patris Benedicti soror, omnipoténti Dómino ab ipso infántiæ témpore dedicáta, ad eum semel per annum venire consueverat, ad quam Vir Dei non longe extra jánuam in possessione monastérii descendébat. Quadam vero die venit ex more, atque ad eam cum discipulis venerábilis ejus descendit frater : qui totum diem in Dei láudibus, sacrisque colloquiis ducéntes, incumbéntibus jam noctis ténebris, simul accepérunt cibum. Cumque adhuc ad mensam sedérant, et inter sacra collóquia tárdior se hora protráheret, eadem sanctimoniális fémina, soror ejus, eum rogávit, dicens : Quæso te, ut ista nocte me non déseras, ut usque mane de cæléstis vitæ gáudiis loquámur. Cui ille respóndit : Quid est, quod lóqueris soror? Manére extra cellam nullátenu possum. Tanta vero erat cæli serénitas, ut nulla in aère nubes apparéret. Sanctimoniális autem fémina, cum verba fratris negántis audivisset, insértas dígitis manus super mensam pósuit, et caput in mánibus, omnipoténtem Dóminum rogatúra, declinávit. Cumque leváret de mensa caput, tanta coruscationis et tonitruí virtus, tántaque inundatio

plúviæ erúpit, ut neque venerábilis Benedictus, neque fratres, qui cum eo áderant, extra loci limen, quo conséderant, pedem movére potúerint.

### Lectio v.

**S**ANCTIMONIALIS quippe fémina caput in má nibus declinans, lacrimárum flúvium in mensam fúderat, per quas serenitátem áeris ad plúviam traxit. Nec paulo tárdius post oratió nem inundatió illa secúta est : sed tanta fuit conveniéntia oratió nis et inundatió nis, ut de mensa caput jam cum tonitruo leváret : quátenus unum idémque esset moméntum, et leváre caput, et plúviam depónere. Tunc Vir Dei, inter corúscos et tonitruos atque ingéntis plúviæ inundatió nem, videns se ad monastérium non posse remeáre, cepit cónqueri contristátus, dicens : Parcat tibi omnipotens Deus, soror : quid est, quod fecisti? Cui illa respóndit : Ecce rogávi te, et audire me noluisti; rogávi Deum meum, et audivit me : modo ergo, si potes, egrédere, et me dimissa, ad monastérium recéde. Ipse autem exire extra tectum non valens, qui remanére sponte nóluit in loco, mansit invitus. Sicque factum est, ut totam noctem pervigilem dúcerent, atque per sacra spiritalis vitæ colloquia, sese vicária relatió ne satiarent.

### Lectio vj.

**C**UMQUE die áltero éadem venerábilis fémina ad cel lam próp riam recessisset, Vir Dei ad monastérium rédiit.

Cum ecce post trídium in cella consistens, elevátis in áere óculis, vidit ejúsdem soróris suæ ánimam de corpore egréssam, in colúmbæ spécie cæli secréta penetráre. Qui tantæ ejus glóriæ congáudens, omnipoténti Deo in hymnis et láudibus grátias réddidit, ejúsque óbitum frátribus denuntiávit. Quos étiam prótinus misit, ut ejus corpus ad monastérium deférrent, atque in sepúlcro, quod sibi ipsi paráverat, pónerent. Quo facto cóntigit, ut quorum mens una semper in Deo fúerat, eórum quoque córpora nec sepultúra separáret.

### IN III. NOCTURNO.

Homilia in Evangelium Símile erit regnum cælórum decem virgínibus. de Comuni unius Virginis non Martyris, pag. 100\*.

### DIE XI. FEBRUARII. IN DESPONSATIONE B. MARLÆ VIRGINIS.

#### TOTUM DUPLEX.

#### AD I. VESPERAS.

Super Psalmos Añã. Hæc est Regina virginum, quæ génuit Regem, velut rosa decóra Virgo. Dei Génitrix, per quam repérimus Deum et hóminem, alma Virgo, intercède pro nobis ómnibus. Psalmus Laudáte púeri. cum ceteris, pag. 145.

Capitulum. Eccli. 24.

**E**GO quasi vitis fructificávi suavitátem odóris : et flores mei fructus honóris et honestátis.



R̃. Stirps Jesse virgam produxit, virgaque florem : \* Et super hunc florem Requiescit Spiritus almus. Ṽ. Virgo Dei Genitrix virga est : flos Filius ejus. — Et super hunc florem. Glória. Requiescit Spiritus almus.

Hymnus.

Hic genuflectitur

usque ad Sumens illud Ave.

**A**VE maris stella,  
Dei Mater alma,  
Atque semper Virgo,  
Felix caeli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis :  
Mala nostra pelle,  
Bona cuncta posce.

MONSTRA te esse matrem :  
Sumat per te preces,  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solutos  
Mites fac et castos.

VITAM præsta puram,  
Iter para tutum :  
Ut videntes Jesum  
Semper collatémur.

SIT laus Deo Patri,  
Summo Christo decus,  
Spiritui sancto,  
Tribus honor unus. Amen.

Ṽ. Ora pro nobis sancta Dei Genitrix. R̃. Ut digni efficiámur promissionibus Christi.

Ad Magnificat Aña. Beatissimæ Virginis Mariæ Desponsationem devotissime celebrémus : ut ipsa pro nobis intercedat ad Dóminum Jesum Christum.

Oratio.

**S**UPPLICATIONEM servórum tuórum Deus miserátor exáudi : ut qui in Desponsatione Dei Genitricis et Virginis congregámur, ejus intercessionibus a te de instantibus periculis eruámur. Per eúdem.

Ante alias quascumque Memorias, fiat Memoria de S. Joseph Confessore, Sponso beatæ Mariæ V. :

Aña. Exsurgens Joseph a somno fecit sicut præcepit ei Angelus Dómini, et accépit Cónjugem suam.

Ṽ. Amávit eum Dóminus, et ornávit eum. R̃. Stolam glóriæ induit eum. Oratio.

**B**EATI Patriarchæ Joseph, sanctissimæ Genitricis tuæ Sponsi, quæsumus Dómine, méritis adjuvémur : ut quod possibilitas nostra non obtinet ejus nobis intercessióne donétur. Qui vivis.

AD UTRUMQUE  
COMPLETORIUM.

Omnia ut in Festis B. Mariæ Virginis, pag. 1\*.

AD MATUTINUM.

Invitorium. Desponsationem Virginis Mariæ celebrémus \* Christum ejus Filium adorémus Dóminum.

Hymnus Quem terra, pontus, æthera., pag. 2\*.

† In tribus Nocturnis, Psalmi, Antiphonæ et Versiculi ut in Festis B. Mariæ Virginis, pag. 2\*. et sequentibus; cetera ut hic sunt notata.

IN I. NOCTURNO.

Benedictio. Alma Virgo virginum intercedat pro nobis ad Dóminum. R̃. Amen.

Incipiunt Cántica canticórum.

Lectio j.

Cap. i.

**O**SCULETUR me ósculo oris sui : quia melióra sunt úbera tua vino, fragrántia unguéntis óptimis. Oleum effúsum nomen tuum : ideo adulescéntulæ dilexérunt te. Trahe me : post te currémus in odórem unguentórum tuórum. Introduxit me rex in cellária sua : exsultábitus et lætábimur in te, mémores úberum tuórum super vinum : recti diligunt te. Nigra sum, sed formósa, filiæ Jerúsalem, sicut tabernácula Cedar, sicut pelles Salomónis.

R. j. Hódie desponsáta est beáta Virgo María ex progénie David, per quam salus mundi credéntibus appáruit : \* Cujus vita gloriósa lucem dedit sæculo. V. Beatíssimæ Virginitis Mariæ Desponsatióem devotíssime celebrémus. — Cujus vita gloriósa lucem dedit sæculo.

Benedictio. Sancta Dei Génitrix sit nobis auxiliátrix.

R. Amen.

Lectio ij.

**N**OLITE me consideráre quod fusca sim, quia decolorávit me sol : filii matris meæ pugnavérunt contra me, posuérunt me custódem in vineis : vineam meam non custodívi. Indica mihi, quem diligit ánima mea, ubi pascas, ubi cubes in meridie, ne vagári incipiam post greges sodálium tuórum. Si ignóras te o pulchérri- ma inter mulieres, egrédere, et abi post vestigia gregum, et pasce hædos tuos juxta tabernácula pastórum. Equitátui

meo in cúrribus Pharaónis assimilávi te amica mea. Pulchræ sunt genæ tuæ sicut túrturis : collum tuum sicut monília.

R. ij. Gloriósæ Virginis Mariæ Desponsatióem digníssimam recolámus : \* Cujus Dóminus humilitátem respéxit : quæ Angelo nuntiánte concépit Redemptórem mundi. V. Hódie desponsáta est beáta Virgo María ex progénie David. — Cujus Dóminus humilitátem respéxit.

Benedictio. Nos cum Prole pia benedicat Virgo María.

R. Amen.

Lectio iij.

**M**URENULAS áureas faciémus tibi, vermiculátas argénto. Dum esset rex in accúbitu suo, nardus mea dedit odórem suum. Fascículus myrrhæ diléctus meus mihi, inter úbera mea commorábitur. Botrus cypri diléctus meus mihi, in vineis Engáddi. Ecce tu pulchra es amica mea, ecce tu pulchra es, óculi tui columbárum. Ecce tu pulcher es dilécte mi, et decórus. Léctulus noster flóridus : tigna domórum nostrárum cédrina, laqueária nostra cypressina.

R. iij. Stirps Jesse virgam produxit, virgaque florem : \* Et super hunc florem Requiéscit Spíritus almus. V. Virgo Dei Génitrix virga est : flos Filius ejus. — Et super hunc florem. Glória. Requiéscit Spíritus almus.

IN II. NOCTURNO.

Benedictio. Ab hoste maligno erípiat nos Dei Génitrix Virgo. R. Amen.

Sermo sancti Bernárdi  
Abbátis.

(Ex Hom. 2. super Missus est.)

Lectio iv.

**O**PORTEBAT a principe mundi aliquándiu celári divini consilii sacraméntum : non quod Deus, si palam opus suum fácere vellet, impediri posse ab illo metúeret; sed quia ipse, qui non solum poténter, sed étiam sapiénter quaecúmque vóluit, fecit, sicut in ómnibus opéribus suis quasdam rerum vel témporum congruéntias propter órdis pulchritúdinem serváre consuévit : ita in hoc quoque tam magnífico ópere suo, nostræ videlicet Reparatiónis, non tantum poténtiam suam, sed et prudéntiam osténdere vóluit.

R. iv. Desponsátio gloriósæ Virgínis Mariæ ex sémine Abrahæ, ortæ de tribu Juda, clara ex stirpe David : \* Cujus vita inclýta cunctas illústrat Ecclésiás. ¶. Regáli ex progénie Mariæ exórta refúlget. — Cujus vita inclýta cunctas illústrat Ecclésiás.

Benedictio. Jesus Mariæ Fílius sit nobis clemens et propítius. R. Amen.

Lectio v.

**C**ONVENIENS ergo erat, ut suávitèr quoque ómnia, cæléstia scilicet et terréna dispóneret, quátenus et illinc deiciens inquéitum, reliquos in pace firmáret : et hic debelláturus invidum, nobis prius suæ humilitátis et mansuetúdinis valde necessariúm exémpulum relinqueret : sicque mirábiliter fieret moderámine sa-

piéntiæ, ut et suis suávis, et hóstibus fortis appareret.

R. v. Desponsátio tua Dei Génitrix Virgo gáudium annuntiávit univérso mundo : \* Ex te enim ortus est Sol justitiæ Christus Deus noster, qui solvens maledictiónem dedit benedictiónem, et confúndens mortem donávit nobis vitam sempitérnam. ¶. Felix namque es, quæ sola Genitricis dignitátem obtinuisti, et virgínalem pudicitiam non amisisti. — Ex te enim ortus est Sol justitiæ.

Benedictio. Stella Mariæ maris succúrrat piíssima nobis.

R. Amen.

Lectio vj.

**Q**UID enim prodesset diabolum a Deo vinci, nobis manéntibus supérbis? Necessário igitur desponsáta est Mariá Joseph, quando per hoc et a cánibus Sanctum absconditur, et a Sponso virginitas comprobátur, et Virgínis tam verecúndiæ párcitur quam famæ providétur. Quid sapiéntius? Quid dignius divina providéntia? Uno tali consilio sekrétis cæléstibus et admittitur testis, et exclúditur hostis, et integra servátur fama Virgínis Matris.

R. vj. Ad nutum Dómini nostrum ditántis honórem, \* Sicut spina rosam génuit Judæa Mariam. ¶. Ut vitium virtus operfret, grátia culpam. — Sicut spina rosam. Glória. Sicut spina rosam.

IN III. NOCTURNO.

Benedictio. Evangélica lécio sit nobis salus et protectio.

R. Amen.



Lectio sancti Evangelii  
secundum Matthæum.

Lectio vij. Cap. i.

CUM esset desponsata Mater  
Jesu Maria Joseph, ante-  
quam convenirent, inventa est  
in útero habens de Spiritu san-  
cto. Et reliqua.

Homilia sancti Hierónymi  
Presbyteri.

(Lib. i. Comm. in cap. i.  
Matthæi.)

QUARE non de simplici vir-  
gine, sed de desponsata  
concipitur? Primum, ut per  
generationem Joseph origo  
Mariæ monstraretur; secundo,  
ne lapidaretur a Judæis ut  
adultera; tertio, ut in Ægy-  
ptum fugiens haberet solatium.  
Martyr Ignátius etiam quar-  
tam addidit causam cur a  
desponsata conceptus sit: Ut  
partus, inquit, ejus celaretur  
diabolo, dum eum putat non  
de virgine, sed de uxore gene-  
rátum.

R. vij. Regáli ex progénie  
María exórta refúlget: \* Cujus  
précibus nos adjuvári, mente  
et spiritu devotissime póscimus.  
V. Corde et ánimo Chri-  
sto canámus glóriam in hac  
sacra solemnitate præcélsæ  
Genitricis Dei Mariæ. — Cujus  
précibus.

Benedictio. In omni tribulati-  
one et angústia subvéniat nobis  
pia Virgo María. R. Amen.

Lectio viij.

ANTEQUAM convenirent, in-  
venta est in útero habens  
de Spiritu sancto. Non ab alio  
inventá est nisi a Joseph, qui  
pene licéntia maritali futuræ  
uxóris ómnia nóverat. Quod

autem dicitur, Antequam con-  
venirent, non séquitur ut pós-  
ea convenerint: sed Scriptúra  
quod factum non sit osténdit.

R. viij. Corde et ánimo Chri-  
sto canámus glóriam, \* In hac  
sacra solemnitate præcélsæ  
Genitricis Dei Mariæ. V. Cum  
jucunditate Desponsationem  
sanctæ Mariæ celebrémus. —  
In hac sacra solemnitate præ-  
célsæ Genitricis Dei Mariæ.

Benedictio. Ad societátem cí-  
vium supernórum perdúcat nos  
Regina angelórum. R. Amen.

Lectio ix.

JOSEPH autem vir ejus, cum  
esset justus, et nollet eam  
tradúcere, voluit occulte di-  
mittere eam. Si quis fornicariæ  
conjúgitur, unum corpus effi-  
citur: et in lege præcéptum est,  
non solum reos, sed et cóscios  
criminum obnoxios esse pec-  
cáti: quómodo Joseph, cum  
crimen celáret uxóris, justus  
scribitur? Sed hoc testimónium  
Mariæ est, quod Joseph sciens  
illius castitatem, et admirans  
quod evénerat, celat siléntio  
cujus mystérium nesciébát.

R. ix. Felix namque es sacra  
Virgo María, et omni laude  
digníssima, \* Quia ex te or-  
tus est Sol justitiæ Christus  
Deus noster. V. Ora pro pó-  
pulo, intérvéni pro clero, in-  
tercéde pro devóto femineo  
sexu: séntiant omnes tuum  
juvámén, quicúmque célebrant  
tuam Desponsationem. — Quia  
ex te ortus est Sol justitiæ.  
Glória. Christus Deus noster.

Ante Laudes V. Ora pro no-  
bis sancta Dei Génitrix. R. Ut  
digni efficiámur promissionibus  
Christi.

## AD LAUDES

ET PER HORAS ANTIPHONÆ.

1. Desponsatio gloriôsæ Virginis Mariæ ex semine Abraham, ortæ de tribu Juda, clara ex stirpe David. Psalmus Dóminus regnavit. cum ceteris, pag. 17.

2. Desponsatio est hódie sanctæ Mariæ Virginis, cujus vita inclyta cunctas illustrat ecclési-  
as.

3. Regáli ex progénie Mariæ exórta refúlget : cujus préci-  
bus nos adjuvári, mente et spi-  
ritu devotíssime póscimus.

4. Corde et ánimo Christo  
canámus glóriam in hac sacra  
solemnitate præcélsæ Genitri-  
cis Dei Mariæ.

5. Cum jucunditate Desponsa-  
tionem sanctæ Mariæ celebré-  
mus, ut ipsa pro nobis intercé-  
dat ad Dóminum Jesum Chri-  
stum.

Capitulum. Eccli. 24.

**E**GO quasi vitis fructificávi  
suavitatem odóris : et flo-  
res mei fructus honóris et ho-  
nestátis.

Hymnus.

**O** GLORIOSA Dómina,  
Excélsa supra sídera :  
Qui te creávit próvide  
Lactásti sacro úbere.

QUOD Heva tristis ábstulit  
Tu reddis almo gérmine :  
Intrent ut astra flébiles,  
Cæli fenéstia facta es.

Tu Regis alti jánuam  
Et porta lucis fúlgida :  
Vitam datam per Virginem  
Gentes redéptæ pláudite.

MARIA Mater grátiae  
Mater misericórdiae,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.

† Prædictæ duæ ultimæ Stro-  
phæ Mariæ Mater grátiae. et  
Glória tibi Dómine. dicantur  
etiam ad Primam, Tertiam,  
Sextam et Nonam.

℣. Elégit eam Deus, et præ-  
elégit eam. ℞. Et habitáre  
eam facit in tabernáculo suo.

Ad Benedictus Añam. Despon-  
sationem hodiérnam perpétuæ  
Virginis Genitricis Dei Mariæ  
solémniter celebrémus, qua  
celsitúdo throni procéssit.

† Ante Septuagesimam, huic  
Antiphonæ addatur Alleluia.

Oratio.

**S**UPPLICATIONEM servórum  
tuórum Deus miserátor  
exáudi : ut qui in Desponsa-  
tione Dei Genitricis et Virginis  
congregámur, ejus interces-  
sionibus a te de instántibus per-  
iculis eruámur. Per eúndem.

Ante aliam quamcumque Me-  
moriám fiat Memoria de S. Jo-  
seph :

Añam. Ipse Jesus erat incipiens  
quasi annórum triginta, ut pu-  
tabátur, filius Joseph.

℣. Justus germinábit sicut  
lilium. ℞. Et florébit in ætér-  
num ante Dóminum. Oratio.

**B**EATI Patriarchæ Joseph,  
sanctissimæ Genitricis tuæ  
Sponsi, quæsumus Dómine,  
méritis adjuvémur : ut quod  
possibilitas nostra non obtinet  
ejus nobis intercessione doné-  
tur. Qui vivis.

AD PRIMAM.

℞. Jesu Christe. ℣. Qui natus  
es de Virgine Mariæ.

† Infra Septuagesimam non dicitur Allelúia. in R̃R̃. Horarum.

## AD TERTIAM.

Capitulum Ego quasi vitis. ut in Laudibus.

R̃. Sancta Dei Génitrix, Virgo semper Maria, \* Allelúia, allelúia. Sancta Dei Génitrix.

Ÿ. Intercède pro nobis ad Dóminum Deum nostrum. Allelúia. Glória. Sancta Dei Génitrix.

Ÿ. Post partum Virgo inviolata permansisti. R̃. Dei Génitrix intercède pro nobis.

## AD SEXTAM.

Capitulum. Eccli. 24.

**T**RANSITE ad me omnes qui concupiscitis me, et a generationibus meis implémini : spiritus enim meus super mel dulcis, et heréditas mea super mel et favum.

R̃. Post partum Virgo inviolata permansisti, \* Allelúia, allelúia. Post partum Virgo. Ÿ. Dei Génitrix intercède pro nobis. Allelúia. Glória. Post partum Virgo.

Ÿ. Speciosa facta es, et suavis. R̃. In deliciis tuis sancta Dei Génitrix.

## AD NONAM.

Capitulum. Eccli. 24.

**Q**UI audit me, non confundetur : et qui operantur in me, non peccabunt. Qui elúcidant me, vitam ætérnam habébunt.

R̃. Speciosa facta es, et suavis, \* Allelúia, allelúia. Speciosa. Ÿ. In deliciis tuis sancta Dei Génitrix. Allelúia. Glória. Speciosa.

Ÿ. Elégit eam Deus, et præelégit eam. R̃. Et habitáre eam facit in tabernáculo suo.

## AD II. VESPERAS.

Super Psalmos Aña. Desponsatio gloriósæ Virginis Mariæ ex sémine Abrahæ, ortæ de tribu Juda, clara ex stirpe David. Psalmus Dixit Dóminus, cum ceteris, ut in Comuni unius Virginis, pag. 96\*.

Capitulum Ego quasi vitis, Hymnus Ave maris stella, cum Ÿ. Ora pro nobis. ut in j. Vesperis, pag. 897. et pag. 898.

Ad Magnificat Aña. Desponsatio tua Dei Génitrix Virgo gáudium annuntiávit univérso mundo : ex te enim ortus est Sol justitiæ Christus Deus noster, qui solvens maledictiónem dedit benedictiónem, et confúndens mortem donávit nobis vitam sempitérnam. Oratio.

**S**UPPLICATIONEM servórum Stuórum Deus miserátor exáudi : ut qui in Desponsatione Dei Genitricis et Virginis congregámur, ejus intercessionibus a te de instántibus periculis eruámur. Per eúmdem.

Ante alias quascumque Memorias fiat Memoria de S. Joseph :

Aña. Ecce fidélis servus et prudens, quem constituit Dóminus super familiam suam.

Ÿ. Amávit eum Dóminus, et ornávit eum. R̃. Stolum glóriæ induit eum. Oratio.

**B**EATI Patriarchæ Joseph, sanctissimæ Genitricis tuæ Sponsi, quæsumus Dómine, méritis adjuvémur : ut quod possibilitas nostra non óbtinet ejus nobis intercessióne donetur. Qui vivis.



DIE XII. FEBRUARII.

B. REGINALDI

CONF. ORD. PRÆD.

DUPLEX.

Oratio.

**O**MNIPOTENS sempiternè Deus, qui beatum Confessorum tuum Reginaldum singulari sanctissimæ Genitricis tuæ protectione donasti: illius nobis meritis et precibus concede ut ejusdem gloriosæ semper Virginis Mariæ perpetuo muniamur auxilio. Qui vivis.

IN I. NOCTURNO.

Lectiones Beatus vir. de Comuni unius Confessoris non Pontificis, pag. 81\*.

IN II. NOCTURNO.

Lectio iv.

**R**EGINALDUS, qui et Reynaldus, vel Rinaldus, post medietatem sæculi duodécimi in Gallia ortus est. Adolens tam sædulam litteris scientisque colendis operam dedit, ut deinceps juris laurea insignitus, sacros canones summa cum laude in florentissima Parisiensi Acadèmia per quinquennium fuerit interpretatus. Auréliæ in Cèltica Gallia electus Decanus ecclésiæ et collégii Canonicorum sancti Aniani, tum vitæ integritate, tum doctrina clero et populo præluxit. Postea vero instinctu divino ad perfectiora aspirans, Jerosolymitanam peregrinationem cum Aurelianensi Episcopo peracturus, ineunte anno millésimo ducentésimo décimo octavo Romam venit. Ubi a sancto Patriarcha Dominico ad apostolicam vitam in Ordine Prædicatorum consecrandam invitatus, voto se prompte ad ejus Institutum professionem

obstrinxit. Cum autem per id tempus letali febris correptus esset, in vitæ discrimine constituto clementissima Virgo Maria Dei Mater, beati Domini exorata precibus, ei astitisse perhibetur, ipsūque mira quadam adhibita unctione a morbo simul atque ab omni exinde carnis stimulo liberasse: habitus forma illi insuper ostensa, quem Fratres Prædicatores induere deberent.

Lectio v.

**H**IS itaque ab eodem beato Patre in cœnobio sancti Xysti indutus vestibus, in Palæstinam cum Aurelianensi Episcopo navigavit, et sacra humanæ Redemptionis loca piissime invisit. In Italiā revectus, atque sub exitu anni prædicti a Dominico Bononiam missus, ut vicariam pro ipso nascentis in ea urbe Prædicatorum familiæ curam gereret, confestim in se illorum civium oculos convertit ob insignes virtutes, quibus ornatus apparuit, præsertim vero ob arctissimæ paupertatis et profundissimæ humilitatis studium. Cumque ad hæc accederet ingens ejus eloquii vis, quo vel sæxea corda ad virtutem inflammabat, efferebat ad ejus prædicationem miro christianæ pietatis ardore Bononia tota, ut alter veluti Elias in ea surrexisse videretur. Hinc vix unius anni spatio opportuniorem ecclésiā et ædes pro Fratribus obtinuit, adeo ut, quæ prius exigua omnino erat, Prædicatorum familia valde excreverit, insignibus quoque aucta viris, præsertim tribus Universitatis Bononiensis antecessoribus.

ribus, ejus conciónibus alléctis, qui ejúsdem regimine excúlti, Órdinem non minus quam totam Ecclésiám exímia vitæ sanctimónia ac doctrina dein- de illustránt.

Lectio vj.

**T**AM céleres uberésque fructus admirans Bonóniam regréssus Patriárcha Domínicus, fidélem Christi Mínistrum Parísios remitténdum putávit, ut in Galliárum metrópoli, ubi júnior canónici juris doctor florúerat, excellentiorem adhuc caritátis sémitam hominibus demonstráret. Páruit sine mora óbsequens fílius, et colácrimántibus Bononiénsibus valedicens, Lutétiam prope- rávit. Sed enim paulo post, dum indeféssus inibi Jesum Christum, et hunc crucifixum, verbo et ópere prædicáret, jamque duos álios præcláre virtútis viros, in his beátum Jordánum, sancto Institutóri in suprémó magistrátu Ordinis próxime successúrum, ad Religiónis professiónem admisisset : consummátus in brevi explens témpora multa, morte pretiósá ad Dóminum evolávit circa initium mensis Februá- rií, anno vigésimo supra mil- lésimum biscentésimum. Cum recens adhuc esset Parisiense Prædicatórum cœnóbium sancti Jacóbi, cõditus est hono- rifice in ecclésiá sanctæ Mariæ de Campis. Ejus autem sepúl- crum illico clarére cœpit mira- culórum fama, magnóque concúrsu populórum, Regináldi opem, præsertim ad febres abigéndas, implorántium, ac ei públice deferéntium Beatórum cultum. Quem nunquam inter-

missum, et ad hæc usque tém- pora vel ad remotiôres Améri- cæ regiões propagátum, Pius Nonus Póntifex Máximus, ex sacrae Rítuum Congregatiónis consúltó, Apostólica auctoritaté firmávit, ac de eódem beáto Regináldo, tum Ordini Prædicató- rum unívérso, tum diocésibus Parisiénsi et Aurelianénsi, festum cum Officio et Missa quot- ánnis celebrándum indúlxit.

IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

DIE XIII. FEBRUARII.  
S. CATHARINÆ DE RICCHIS

VIRG. ORD. PRÆD.

TOTUM DUPLEX.

AD I. VESPERAS.

Super Psalmos Aña. Egredi- mini filiæ Sion, et vidéte Spon- sam in diadémate, quo coroná- vit eam Sponsus in die despon- sationis illius et lætitiæ cordis ejus. Psalmus Laudáte pueri. cum ceteris, pag. 145.

Capitulum. Apoc. 19.

**R**EGNAVIT Dóminus Deus noster omnipotens : gau- deámus, et exsultémus : et demus glóriam ei : quia vené- runt nuptiæ Agni, et uxor ejus præparávit se.

℟. O Sponsa Christi amábi- lis, quæ sacra Sponsi stigmata expressa refers corpore, ejús- que charismátibus pleno red- úndas spíritu : \* Nos te colén- tes prótege, Et quæ precámur obtine. ℣. Fac Crucifixi vúlnera recogitémus pérpetim, ejúsque mortis prégio tuum assequámur præmium. — Nos te. Glória. Et quæ precámur obtine.

## Hymnus.

**S**OLEMNE laudis canticum  
Pangamus almæ Virgini,  
Quam Sponsus Agnus evocat  
Ad sempiternas nuptias.

REGALIS hanc Etruria,  
Senensis instar, protulit,  
Donis refertam gratiæ,  
Totoque plenam Numine.

ORARE docta ab Angelo  
Cælum puella transvolat,  
Corpusculique motibus  
Christi dolores exprimit.

SERTUM dat illi spineum,  
Dat anulum, cor, stigmata,  
Vulsisque Sponsus brachiis  
E cruce eam complectitur.

O SPONSA felix, affluens  
Cælestibus deliciis,  
Votis tuorum supplicum  
Aures benignas admove.

TE Sponse Jesu Virginum,  
Castæ Parentis Unice,  
Laudent beati Spiritus  
In sæculorum sæcula. Amen.

℣. Ora pro nobis beata Catharina. ℞. Ut digni efficiamur promissionibus Christi.

Ad Magnificat Añ. Exsultavit anima mea in Deo meo, quia induit me vestimento salutis et indumento justitiæ, quasi sponsam ornâtam monilibus suis. Oratio.

**D**OMINE Jesu Christe, qui beatam Catharinam Virginem, tui amore succensam, Passiõis contemplatione clarescere voluisti : ejus intercessionem concede ut Passiõis mystéria devòte recolentes, ejus fructum percipere mereamur. Qui vivis.

## AD MATUTINUM.

Invitator. Regi Sponso Virginum exsultemus : \* Sponsæ Virgini Catharinæ jubilemus.

## Hymnus.

**O** VIRGO, cui præcordia  
Sanctus perussit Spiritus,  
Raptoque corde carneo,  
Dedit supérno vivere!

BEATA, cui Rex Mártyrum  
Spinas crucemque contulit,  
Et sacra virginalibus  
Membris inussit stigmata.

BEATA, quam Rex Virginum,  
Alma Parente prônuba,  
Plaudente cæli cûria,  
Sacro recépit thálamo.

O JAM perénni vínculo  
Conjuncta Regi glóriæ,  
Fac nos amoris nexibus  
Jungi suprémo Númini.

TE Sponse Jesu Virginum.  
ut in j. Vesperis.

## IN I. NOCTURNUM.

Añ. Ex ore infántis Catharinæ perfecisti tibi laudem, Deus, sapiéntiam præstans párvulis. Psalmi de Comuni unius Virginis, pag. 88\*.

Añ. Exsultávit ut gígas ad curréndam viam mandatórum tuórum Dómine, cum dilatásti cor ejus.

Añ. Innocens má nibus, et mundo corde, accépit benedictiónem a Dómino, et misericórdiam a Deo salutári suo.

℣. Diffúsa est grátia in lábiis tuis. ℞. Proptérea benedixit te Deus in ætérnum.

De Canticis canticórum.

Lectio j. Cap. 8.

**Q**UIS mihi det te fratrem meum sugéntem úbera matris meæ, ut invéniam te foris, et deósculer te, et jam me nemo despiciat? Apprehendam te, et ducam in domum matris meæ : ibi me docébis, et dabo tibi poculum ex vino condito, et mustum malórum granatò-



rum meorum. Læva ejus sub capite meo, et dextera illius amplexabitur me. Adjuro vos filie Jerúsalem, ne suscitétis, neque evigilare faciátis dilectam donec ipsa velit.

R. j. Deus docuisti me a juventute mea : Spiritus tuus bonus deduxit me in terram rectam, \* Et docuit me facere voluntatem tuam. V. Dominator cælorum misisti Angelum tuum ante me. — Et docuit me facere voluntatem tuam.

Lectio ij.

**Q**UÆ est ista, quæ ascendit de deserto, deliciis affluens, innixa super dilectum suum? Sub arbore malo suscitavi te : ibi corrupta est mater tua, ibi violata est genitrix tua. Pone me ut signaculum super cor tuum, ut signaculum super brachium tuum : quia fortis est ut mors dilectio : dura sicut infernus æmulatio, lampades ejus lampades ignis atque flammarum. Aquæ multæ non potuerunt exstinguere caritatem, nec flumina obruent illam. Si dederit homo omnem substantiam domus suæ pro dilectione, quasi nihil despiciet eam.

R. ij. Sponsabo te mihi in sempiternum, et sponsabo te in justitia, et judicio, et \* In misericordia et in miseratiónibus. V. Despónði vos uni viro virginem castam exhibere Christo. — In misericordia et in miseratiónibus.

De Epistola beati Pauli

Apóstoli ad Gálatas.

Lectio iij.

Cap. 6.

**M**IHI autem absit gloriári, nisi in Cruce Dómini nostri Jesu Christi : per quem

mihi mundus crucifixus est, et ego mundo. In Christo enim Jesu neque circumcisio aliquid valet, neque præputium, sed nova creatúra. Et quicumque hanc regulam secuti fuerint, pax super illos, et misericordia, et super Israel Dei. De cetero nemo mihi molestus sit : ego enim stigmata Dómini Jesu in corpore meo porto.

R. iij. Secundum expectationem, et spem meam, \* Magnificabitur Christus in corpore meo. V. Ego enim stigmata Dómini Jesu in corpore meo porto. — Magnificabitur Christus. Glória. Magnificabitur Christus.

IN II. NOCTURNO.

Aña. Oblita es populum tuum, et domum patris tui : et concupivit rex decorem tuum.

Aña. Sanctificavit in te tabernaculum suum Altissimus : Deus in medio ejus, non commovebitur.

Aña. Gloriósa dicta sunt de te Virgo mirabilis, quam Dóminus dilexit super omnia tabernacula Jacob.

V. Spécie tua et pulchritudine tua. R. Intende, prospere procede, et regna.

Lectio iv.

**C**ATHARINA nobili familia de Ricciis Floréntiæ nata, vel ab ineunte ætate piam indolem præmatüre ostendit. In suburbano monasterio sancti Petri de Monticulis, ubi morum disciplina imbueretur, collocata, quotidie ad Christi crucifixi imaginem orans, non sine lacrimis, horis etiam animi relaxationi addictis, ejus Passiónem meditabatur.

Ad monastérium póstea sancti Vincéntii, Ordinis sancti Patris Dominici, in civitatē Prati, translata, patrēnos lares ad tempus repētere, nisi certa spē rēditus hābita, constānter recusāvit. Tandem anno décimo tertio, sæculi deliciis contēptis, ibidem religiōsum Institutum professā est.

R. iv. Factum est cor meum tamquam cera liquēscens in mēdio ventris mei : cor meum dereliquit me, \* Et appropinquāvit cor illius. V. Vivo ego, jam non ego, vivit vero in me Christus. --- Et appropinquāvit cor illius.

#### Lectio v.

CARITATE in Deum fervens, orationi fere assidue vacabat, quidquid tēporis necessariis occupationibus et mōdicæ quiēti supērerat, in ea insūmens : utque corpus in servitūtem redigeret, fērrea catēna et flagellis illud mace-rabat. Cibi parcissima, octo supra quadraginta annis cāribus abstīnuit, leguminibus plerūque et herbis vescens, interdum vero solo pane et aqua contēta. Proximōrum aeternam salūtem exoptans, ardentissimas ad Deum pro peccatōrum conversiōne preces fundēbat. Tanto etiā commiserationis sensu erga purgāntem animam commōta est, ut acerbissimos dolōres, sibi divinitus inflictos, in pœnārum illi debitārum expiatiōnem pertulisse visa sit. Eximia prudētia et regulāris observātiæ zelo moniales diu rexit, eas non minus exēplo quam adhortatiōnibus ad omnem sanctimōniam infōr-

mans : quo in officio humilitatem adeo coluit, ut abjectissima quæque ōpera sponte obiret, ac infirmis præcipua caritate et summo stūdio inserviret.

R. v. Dedit mihi pennas sicut columbæ, et volāvi, et requiescam : \* Sive in corpore, sive extra corpus nescio. V. Nostra autem conversatio in cælis est. — Sive in corpore.

#### Lectio vj.

SUPERNORUM charismatum scōpia singularis in ea enituit, anulo desponsationis, sacrisque stigmātibus, quæ non semel spectāda se exhibuerunt, acceptis. Plūrium annōrum spatio, quinta et sexta Fēria in altissimam contemplationem rapta, singulos Redemptoris cruciatus in Passiōne toleratos ex ordine in corpore mirabiliter sentire consuevit. Prati degens, sanctum Philippum Nérium, Romæ commorantem, vidēre promēruit, ejusque collōquio frui. Extasum, raptum, cælestium visionum, ac prophēti lūminis dono illūstris, futura prædixit, ac simul occulta revelavit. Grāvibus dēnique morbis decumbens, Ecclēsiæ Sacramēntis munita, anno a Christo nato millésimo quingentesimo nonagésimo, ætatis sexagésimo nono, quarto Nonas Februarii in cælum migravit. Eam Benedictus Dēcimus quartus Pōntifex Māximus solēnni ritu sanctārum Virgīnum fastis adscripsit, anno salutis millésimo septingentesimo quadragésimo sexto.

R. vj. Inveni quem diligit anima mea : fasciculus myrrhæ

dilēctus meus, inter ūbera mea commorābitur : \* Tēnui eum, nec dimittam. *Ÿ.* Ego autem exultābo, et gaudēbo in Deo Jesu meo. — Tēnui eum, nec dimittam. Glória. Tēnui eum, nec dimittam.

### IN III. NOCTURNO.

Añā. Annuntiāte inter gentes Catharinæ glóriam, in ómnibus pópulis mirabilia ejus.

Añā. Annuntiavérunt cæli justitiam ejus : et vidérunt omnes pópuli glóriam sanctitátis ejus.

Añā. In conspēctu géntium revelāvit Dóminus mirabilia Sponsæ suæ.

*Ÿ.* Adjuvābit eam Deus vultu suo. *Ÿ.* Deus in médio ejus, non commovēbitur.

Lectio sancti Evangélíi  
secúndum Matthæum.

Lectio vij. Cap. 25.

**I**N illo témpore : Dixit Jesus discipulis suis parábolam hanc : Simile erit regnum cælórum decem virginibus : quæ accipiētes lámpades suas exiérunt óbviā sponso, et sponsæ. Et reliqua.

Homília sancti Augustíni  
Episcopi.

(Serm. 93. de verbis Ev. c. 2.)

**I**NTELLIGAMUS, caríssimi, ad omnes nos, id est ad universam omnino Ecclésiā pertinēre istā parábolam. Quare ergo quinque, et quinque vírgines? Istæ quinque, et quinque vírgines. omnes omnino sunt animæ Christianórum, non qualescúmque animæ, sed tales animæ, quæ habent catholicā fidem, et habére vidéntur bona ópera

in Ecclésia Dei : et tamen ex ipsis quinque sunt prudētes, et quinque fátuæ. Quare ergo appellatæ sunt quinque, et quare vírgines, prius videāmus : et deinde cetera consideremus. Omnis ánima in corpore ideo quínario número censétur, quia quinque sēnsibus útitur. Qui ergo se abstinet ab ilícito visu, ab ilícito auditu, ab ilícito odorātu, ab ilícito gustātu, ab ilícito tactu, propter ipsam integritatem, Virgínis nomen accépit.

*Ÿ.* vij. Mihi absit glóriari nisi in Cruce Dómini nostri Jesu Christi : \* Per quem mihi mundus crucifixus est, et ego mundo. *Ÿ.* Sicut abúndant passiones Christi in nobis, ita et per Christum abúndat consolatio nostra. — Per quem.

### Lectio viij.

**S**ED si bonum est abstinere ab illicitis sentiēdi móribus, et ideo unaquæque ánima christiána Virgínis nomen accépit, quare quinque admittúntur, et quinque repellúntur? Et vírgines sunt, et repellúntur. Parum est, quia vírgines sunt, et lámpades habent. Virgines propter abstinentiam ab illicitis sēnsibus, lámpades habent propter ópera bona; de quibus operibus Dóminus dicit : Lúceant ópera vestra coram hominibus, ut videant bona facta vestra, et glorificent Patrem vestrum, qui in cælis est. Item discipulis dicit : Sint lumbi vestri præcincti, et lucernæ ardētes. In lumbis accinctis virginitas, in lucernis ardētibz ópera bona.



R. viij. Vidi prævaricantes, et tabescēbam : defectio tenuit me, \* Pro peccatoribus derelinquentibus legem tuam. V. Optābam ego ipsa anāthema esse a Christo pro fratribus meis. — Pro peccatoribus.

Lectio ix.

**E**TIAM ipsas virgines, et ferentes lāmpades, alias dixit prudentes, alias stultas. Unde intuēmur? Unde discernimus? De oleo. Aliquid magnum significat oleum : valde magnum. Putas, non caritas est? Apōstolus dicit : Adhuc supereminentiōrem vobis viam demōstro : si linguis hōminum loquar, et Angelōrum, caritatem autem non habeam, factus sum æramētum sonans, aut cymbalum tinniens. Ipsa est supereminens via, id est caritas, quæ merito oleo significatur : omnibus enim hūmōribus oleum supereminet.

R. ix. O Sponsa Christi amābilis, quæ sacra Sponsi stigmata expressa refers corpore, ejusque charismatibus pleno redūdas spiritu : \* Nos te colēntes prōtege, Et quæ precāmur obtine. V. Fac Crucifixi vūlnera recogitēmus pēpetim, ejusque mortis pretio tuum assequāmur prēmium. — Nos te colēntes prōtege. Glōria. Et quæ precāmur obtine.

Ante Laudes V. Ora pro nobis beāta Catharina. R. Ut digni efficiāmur promissionibus Christi.

AD LAUDES

ET PER HORAS ANTIPHONÆ.

1. Indue te decore sempiternæ gloriæ : Deus enim ostēdet splendorem suum in

te. Psalmus Dōminus regnavit. cum ceteris, pag. 17.

2. Fasciculus myrrhæ dilectus meus mihi, inter ūbera mea commorabitur.

3. Sub umbra illius, quem desiderāveram, sedi : et fructus ejus dulces gutturi meo.

4. Quid sunt plagæ istæ in medio mānuum tuārum? His plagata sum in domo ejus qui diligēbat me.

5. Veni de Libano sponsa, veni, coronaberis.

Capitulum.

Apoc. 19.

**R**EGNAVIT Dōminus Deus noster omnipotens : gaudeāmus, et exsultēmus : et demus glōriam ei : quia venērunt nūptiæ Agni, et uxor ejus preparāvit se.

Hymnus.

**J**AM noctis umbras Lūcifer Fugat, diēque prævenit, Quæ Catharinæ meritis Corūscat et prodigiis.

AVE Crucis discipula, Et Passiōnis æmula : Divini amoris victima, Casti pudōris liliū.

FAC te sequāmur rēgiā Per caritatis sēmitam : Et quibus ardes, ignibus Accēde nostra pēctora.

QUÆ tibi Sponsus sanguinum Dedit, salutis symbola Insculpe nostris mēntibus, Nostrisque fige cōrdibus.

TE Sponse Jesu Virginum, Castæ Parēntis Unice, Laudent beāti Spiritus In sæculōrum sæcula. Amen. V. Adducētur regi virgines post eam. R. Prōximæ ejus afferēntur tibi.

Ad Benedictus Añā. Visitāvit ex alto Dōminus Sponsam suam in sanctitāte et justitia

incedentem coram ipso ómnibus diébus vitæ suæ. Oratio.

**D**OMINE Jesu Christe, qui beatam Catharinam Virginem, tui amoré succensam, Passiónis contemplatióne clarescere voluisti : ejus intercessióne concède ut Passiónis mystéria devóte recoléntes, ejus fructum percipere mereámur : Qui vivis et regnas.

#### AD TERTIAM.

Capitulum Regnavit Dóminus, ut in Laudibus.

† R. et V. Horarum de Communi unius Virg., pag. 96\*.

#### AD SEXTAM.

Capitulum. Osee 2.

**S**PONSABO te mihi in sempiternum : et sponsabo te in justitia, et judicio, et in misericordia, et in miserationibus.

#### AD NONAM.

Capitulum. Gal. 6.

**M**IHI autem absit gloriári, nisi in Cruce Dómini nostri Jesu Christi : per quem mihi mundus crucifixus est et ego mundo.

#### AD II. VESPERAS.

Super Psalmos Aña. Indue te decóre sempiternæ glóriæ : Deus enim osténdet splendorem suum in te. Psalmus Dixit Dóminus. cum ceteris de Communi unius Virginis, pag. 96\*.

Capitulum Regnavit Dóminus, Hymnus Solémne laudis canticum. et V. Ora pro nobis, ut in j. Vesperis, pag. 905. et pag. 906.

Ad Magnificat Aña. O supérni Sponsa amoris, Christi plagis decorata, ante thronum Redemptoris esto supplex advocata pro cœtu fidélium.

#### PER OCTAVAM

#### S. CATHARINÆ DE RICCIIS.

Ad Benedictus vel ad Memoriam in Laudibus Aña. Visitavit ex alto Dóminus Sponsam suam in sanctitate et justitia incedentem coram ipso ómnibus diébus vitæ suæ.

V. Adducéntur regi virgines post eam. R. Próximæ ejus afferéntur tibi.

Oratio Dómine Jesu Christe. ut in Laudibus Festi.

Ad Magnificat vel ad Memoriam in Vesperis Aña. O supérni Sponsa amoris, Christi plagis decorata, ante thronum Redemptoris esto supplex advocata pro cœtu fidélium.

V. Ora pro nobis beata Catharina. R. Ut digni efficiámur promissionibus Christi.

Oratio Dómine Jesu Christe. ut in Laudibus Festi.

† Si aliquando contigerit fieri Officium de die infra Octavam, Lectio iij. erit una ex propriis Festi, incipiendo a iv.

DIE XIV. FEBRUARII.

B. NICOLAI PALEA

CONF. ORD. PRÆD.

DUPLEX. Oratio.

**S**PIRITUM nobis beati Nicolai Confessoris tui Deus benignus infunde : ut sicut illum, in prædicatione verbi tui ac in procuranda proximorum salute, singulári grátia decorasti, ipsius precibus facias nos in eadem vocatione sancta firmiter permanere. Per.

## IN I. NOCTURNO.

Lectiones Beátus vir. de Comuni unius Confessoris non Pontificis, pag. 81\*.

## IN II. NOCTURNO.

## Lectio iv.

**N**ICOLAUS ex nóbili Paleárum familia Juvenátii, quod est oppidum in Apúlia, piis paréntibus natus est. Cæléstis dulcédinis benedictióne prævéntus, adhuc puer non obscura supérnæ vocatiónis, qua a Deo vocátus erat, signa dedit. Nam non solum a carnibus vescendis voluntárie sese ex integro abstínuit, verum étiam ad óptima quæque aptissimus apparuit. Sub pia et solérti disciplína pósitus ádeo profécit, ut qualis futúrus esset ex eo manifeste innotuérit, quod ad perfectióra exsequenda freno pótius quam incitamento indiguerit. Crescente ætate, crevit páriter in illo litterarum et christiánæ pietátis profectus. Bonóniæ audita a sancto Patriárcha Dominico concióne, ita supernórum desideriórum exarsit amore, ut statim ab ipsómet enixis précibus hábitum Religiónis expetierit.

## Lectio v.

**V**OTI compos effectus, atque ad probationis tempus admissus, ómnium virtútum exercitio, ac præsertim eárum, quæ ad ratiónem Institúti a se suscepti pertinere videbántur, totum se dedit. Admirábiles in corde suo ascensiónes dispónens, in religiosæ perfectiόνis palæstra limites nunquam pósuit : qua-

própter non solum fuit magni spiritus et multæ oratiónis, verum étiam meditatióni et contemplatióni addictus. Inter præcipuas vero dotes mire in illo micuit innocéntia, et ánimi candor, quibus amábilis ómnibus efficiebátur : unde ab ipso sanctíssimo Patriárcha, ut bonus miles sub óptimo duce instruerétur, in verbi Dei ministério comes adscitus fuit. Cælitibus adjúcto sancto Fundatóre, Nicolás in lucrándis Deo animábus mirifice se exércuit, benedicente de supéris Dómino, et signis páriter confirmante Servi sui opus.

## Lectio vj.

**P**RÆFECTURAM suæ Provinciæ gerens, zelo simul ac prudéntia mirábili eam gubernávit; quaprópter suáve videbátur quidquid ab ipso præceptum fúerit : hinc factum est, ut multi Ordini nomen dedérint, quem póstea pietáte et doctrína máxime exornáront. Sanctíssimam Virgínam Mariam ceu matrem amantíssimam venerabátur. Tandem transácto quadraginta annórum spátio in apostólico verbi Dei ministério, in quo ubérrimos fructus reportávit, méritis et virtútibus plenus, prænuntiáto mortis die, placidíssime post medietátem sæculi décimi tértii expirávit. Ob eximiam ejus sanctitátem, statim religioso decorátus est cultu. Sacrum ejus corpus Perúsii, in convéntu ab ipso fundáto, in véteri ecclésiá sub altári in ejus honórem Deo dicáto statim sepúltum fuit : póstea vero, instauráta ecclésiá, sub



maiores aram translátum, ibi adhuc religiose colitur. Ejus cultum Leo Duodecimus Pontifex Máximus probávit, utque ejus festum cum Officio et Missa ab univérso Prædicatorum Ordine celebraretur benigne indúlsit.

### IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

DIE XV. FEBRUARII.  
B. JORDANI SAXONIS  
CONF. ORD. PRÆD.

DUPLEX.

Oratio.

**D**EUS, qui salutis animarum zelo et ampliandæ Religionis grátia beatum Jordánnum mirabilem effecisti : ejus intercedéntibus méritis, fac nos in eodem semper spiritu vivere, ac repósitam in cælis glóriam invenire. Per.

### IN I. NOCTURNO.

Lectiones Beátus vir. de Communi unius Confessoris non Pontificis, pag. 81\*.

### IN II. NOCTURNO.

Lectio iv.

**J**ORDANUS in oppido Botérgæ provinciæ Saxoniæ ex illustri familia ducum Ebernstein originem duxit. Adhuc in sæculo existens, pietatem sibi plenissime vindicávit. Erat enim super míseros pia gestans viscera, ita ut raro vel nunquam pauper ab eo sine eleemósyna discéderet : et cum aliquándo peténti nihil haberet quod daret, cingulum con-

céssit. Ecclesiám deinde oráturus ingressus, Crucifixum vidit illo præcinctum : cujus spectáculo plúrimum commóvus, togam Religiónis assumere constituit. Quare mundo valedicens, a Regináldo viro óptimo in Prædicatorum Ordinem receptus fuit. Ibi lenis ac mitis apparuit, cibi omnique parcíssimus : humilitátis servandæ stúdio honóres oblátos sapiénter declinávit. Ab oratiónis assuetó exercítio nulla re deflécti pótuit, et meditatióibus, ex quibus miram eliciébat suavitatem, totus et ubique incumbébat.

Lectio v.

**D**EFUNCTO sancto Patre Dominico, propter magnam in vita et doctrína probitatem dignus hábitus est ut ei sufficeretur : et quia zelo salutis animarum máxime afficiebátur, in regímine pósitus nihil intentátum reliquit, unde Ordo látius amplificaretur. Licet multis magnisque curis occupátus, nunquam tamen a verbi Dei prædicatione destitit. Delinquéntes, ubi oportéret, sevère corrigébat, sed tali ac tanta utebátur grátia, ut humanitáte pótius quam severitate illos devinceret. Sicut corporális vita cibi potúsque mútua commistióne sustinetur, ita oratiónis studiorúmque Scripturarum alternas exercitatiónes pro vitæ spirituális incremento adhibendas esse docébat : ac ut uberióres in oratióne elicerentur fructus, in eo insisténdum, ubi major haberetur devótio. Erga beatíssimam Virginem devotíssi-

mus fuit, modúmque eam fervéntius deprecándi áliis tribuit, ac ut post Completórium Salve Regina canerétur primus dispósuit. Céterum tantæ fuit virtútis, ut áltero captus óculo, secum fratres congregándi causa vocáverit, ceu ab inimico liberátus.

Lectio vj.

**T**ANDEM ánimo constituit Hierosólymam, viséndi grátia sacra Redemptiónis nostræ loca ac fratrum cœnobia, pétère : sed cum prope Achon pervenisset, ingéni obórta tempestáte, cum duóbus sóciis, fracta navi, in flúctibus périit, et ita ab hoc sæculo nequam eréptus est. Ejus córpori ad litus ejectione lúmina de cælo delápsa noctu inessisse, nimumque odórem sepeliéntium má nibus per plures dies adhæsisse memóriæ tráditum est. Servi sui glóriam Deus sanctæ Lutgårdæ aliisque manifeste osténdit. Nam magna luce æque ac cruce insignitus appárens, dixit : Exivi de hoc sæculo ad glóriam Beatórum, et inter Apostolórum choros et Prophetárum evéctus sum. Multis magnisque claruisse miráculis sanctus Antonínus aliique auctóres gravíssimi fidem faciunt : unde religiósus cultum promérui, quem multiplici monumentórum génere ad nostra usque témpora probátum, Leo Duodécimus Póntifex Máximus ex sacre Rítuum Congregatiónis consúlto confirmávit, utque de beato Jordáno in univérso Prædicatórum Ordine Officium recitári ac Missa celebrári possit indúlsit.

IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag.\*83\*.

DIE XVI. FEBRUARII.  
B. GREGORII DECIMI  
PAPE ET CONFESSORIS.

DUPLEX.

Oratio.

**D**EUS, qui Ecclesiám tuam beáti Gregórii, Confessoris tui atque Pontificis, religiósus zelo et Apostólicis curis amplificásti, ejus méritis et intercessióne concède ut fidei et sanctitátis nova semper incrementa suscipiat. Per.

IN I. NOCTURNO.

Post Cineres, Lectiones Fidé lis sermo. de Communi unius Confessoris Pontificis, pag.\*70\*.

IN II. NOCTURNO.

Lectio iv.

**G**REGORIUS Décimus, Theó dardus seu Theobáldus ántea nuncupátus, Placéntiæ ad Æmilíæ fines nobíli Vicecómitem génere natus est. Adoléscent ecclesiásticæ militiæ adscriptus, singulári nituit honestáte morum vitæque munditia, nulla unquam, ut créditur, criminis contagióne pollúta. In Gálliam cum Jacobo Cardináli Pecorário Gregórii Noni Legáto proféctus, Archidiaconus Leodiénsis renuntiátus est. Eo in Itáliam redeúnte, theologiæ Parísiis óperam dédit, ac magistri munus adéptus, verbo et exémplo fidèles ac principes ad Terræ sanctæ recuperatió nem veheménter

accendit. In Syriam deinde peregrinatus, dum ibi sacram expeditionem urgeret, a Cardinalibus, Viterbii Pontificis electionem in annum fere tertium protrahentibus, in Petri Sedem evectus est anno millesimo ducentesimo septuagesimo primo.

## Lectio v.

**A**CCEPTO Ptolemáide electionis decreto, in Italiam navigavit, ac Viterbium se contulit, deinde Romam: ubi anno insequente sollemniter inauguratus est. Ab ipso Pontificatus exordio, ad generalis concilii celebrationem curas et cogitationes omnes adjecit. Eo Lugdunum Galliarum indicto, Michaëlem Palæologum Græcorum imperatorem, tum alios christianos principes et Græcæ Latinaque Ecclesiæ præsules litteris amantissimis invitavit: arcessitis etiam eximiis doctrina et sanctitate viris, uti sancto Thoma Aquinate, in ipso itinere vita functo, sancto Bonaventura, sancto Philippo Benitio, beato Alberto Magno, Petro de Tarantasia Ordinis Prædicatorum, qui eidem in Pontificatu successit. Igitur oecumenicam synodum, Patrum numero omnium frequentissimam, cui præfuit Pontifex ipse, Græcis ejurato schismate ad Ecclesiæ unitatem receptis, decretis pro sacra expeditione subsidiis, editisque pluribus sanctissimis legibus, trimestri spatio feliciter celebravit.

## Lectio vj.

**D**E pace in Ecclesia firmanda cumprimis sollicitus, prælatorum dissidia, regum

inimicitias, provinciarum odia, populorum factiones composuit, diremit, exstinxit. Ecclesiæ jura, etiam adversus reges et principes, severe ac fortiter vindicavit: nullam esse prædicans solidiorem regnorum basim quam tutelam ecclesiasticæ libertatis. Pæuperum amantissimus, primus omnium in Apostolico palatio piarum in illos largitionum præsidem constituit, iisque propriis manibus pedes quotidie abluibat. In Italiam a concilio redux, dum profectionem in Palæstinam meditatur, pluraque alia christianæ reipublicæ bono molirètur, Arëtii in Etruria morte interceptus est, quarto ab electione sua anno, mense quarto, die decima. Fuit vir animi plane invicti et apostolici, terrenorum contemptu, cultus divini studio, fidei zelo, disciplinæ et morum restauratione, rerum gerendarum prudentia, fortitudine, magnanimitate, aliisque virtutibus prorsus eximius. Miraculis post mortem claruisse, Ecclesiæ Arëtinæ monumenta testantur.

## IN III. NOCTURNO.

Homilia in Evangelium Hommo peregre. de Communi unius Confessoris Pontificis, pag. 78\*.

**I**N festo sanctorum septem Confessorum, Ordinis Servorum B. Mariæ Fundatorum, si extra Tempus Paschale celebrandum fuerit, fiat Officium ut hic notatum est.

† Si vero infra Tempus Paschale translatum fuerit, fiat Officium ut pag. 922. notatum est.



DIE XVII. FEBRUARII.  
SS. SEPTEM CONFESSORUM  
ORDINIS SERVORUM B. M. V.  
FUNDATORUM  
EXTRA TEMPUS PASCHALE.  
DUPLEX.

## AD I. VESPERAS.

Super Psalmos Añã. Isti sunt,  
qui contempsérunt vitam mundi,  
et pervenérunt ad cælestia  
regna.

Capitulum. Hebr. 11.

**S**ANCTI per fidem vicérunt  
regna, operáti sunt iusti-  
tiam, adépti sunt repromissio-  
nes, in Christo Jesu Dómino  
nostro.

R̃. Dóminus electórum suó-  
rum spes, et turris fortitúdi-  
nis eórum, \* Dedit hereditá-  
tem timéntibus nomen suum.  
V. Habitábunt iusti in taber-  
náculo Dei in sæcula.—Dedit.  
Glória. Dedit.

## Hymnus.

**B**ELLA dum late fúrerent, et  
urbes  
Cæde fratérna gémerent  
cruentæ,

Adfuit Virgo, nova semper  
edens

Múnera matris.

EN vocat septem fámulos,  
fidéles

Ut sibi in luctu récolant doló-  
res,

Quos tulit Jesus, tulit ipsa  
consors

Sub cruce Nati.

ILLICO parent Dóminæ vo-  
cánti :

Spléndidis tectis opibúsque  
spretis,

Urbe secédunt procul in Se-  
nári

Abdita montis.

CORPORA hic pœnis crú-  
ciant acerbis,  
Sóntium labes hóminum piân-  
tes :

Hic prece avértunt lacrimis-  
que fusis

Núminis iram.

PERDOLENS Mater fovet,  
atque amictum

Ipsa lugúbrem monet induén-  
dum :

Agminis sancti pia cœpta sur-  
gunt,

Mira patéscunt.

PALMES in bruma víridans  
honóres

Núntiat Patrum : próprios  
Mariæ

Ore lacténti vócant puelli

Nómine Servos.

SIT decus Patri genitæque  
Proli,

Et tibi compar utriúsque Virtus  
Spiritus semper, Deus unus,  
omni

Témporis ævo. Amen.

V. Lætámini in Dómino, et  
exsultáte iusti. R̃. Et gloriá-  
mini omnes recti corde.

Ad Magnificat Añã. Fulgé-  
bunt iusti, et tamquam scin-  
tillæ in arundineto discurrent :  
judicábunt nationes, et regná-  
bunt in ætérnum. Oratio.

**D**OMINE Jesu Christe, qui  
ad recoléndam memóriam  
dolorum sanctíssimæ Genitri-  
cis tuæ, per septem beátos  
Patres nova Servórum ejus  
familia Ecclesiám tuam fecun-  
dásti : concéde propitius ita  
nos eórum consociári flétibus,  
ut perfruámur et gáudiis. Qui  
vivis.

## AD MATUTINUM.

Invitatorium. Regem Con-  
fessorum Dóminum \* Veníte  
adorémus.

Hymnus.

SIC Patres vitam péragunt  
In umbra,Lilia ut septem nívei decóris,  
Vírini excélsæ bene grata,

Petro

Visa nitére.

JAMQUE divína rapiénte  
flamma,Cúrsitant urbes, loca quoque  
obérrant,Si queant cunctis ánimis do-  
lóres

Figere Matris.

HINC valent iras domuisse  
cæcas,Néscia et pacis fera corda jun-  
gunt,Erigunt mæstos, révocant no-  
céntes

Dicta piórum.

AT suos Virgo comitáta Ser-  
vosEvehit tandem súperas ad oras:  
Gémmeis sertis decórat per

ævum

Omne beátos.

EIA nunc cœtus gémitum  
precántisAudiant, duros videant labóres,  
Semper et nostris fáveant be-

nigno

Lúmíne votis.

SIT decus Patri, genitæque  
Proli,Et tibi compar utriúsque Virtus  
Spiritus semper, Deus unus,

omni

Témporis ævo. Amen.

† Antiphonæ et Psalmi trium  
Nocturnorum de Comuni  
unius Confessoris, pag. 68\*. et  
sequentibus; cetera ut infra.

IN I. NOCTURNO.

V. Lætámini in Dómino, et  
exsultáte justi. R. Et gloriá-  
mini omnes recti corde.† Ante Cineres, dicantur Le-  
ctiones de Scriptura corrente.† Post Cineres vero, dicantur  
Lectiones sequentes :

De Epistola beáti Pauli

Apóstoli ad Romános.

Lectio j.

Cap. 8.

EXISTIMO quod non sunt  
condignæ passiones hujus  
témporis ad futúram glóriam,  
quæ revelábitur in nobis. Nam  
expectátio creatúræ, revela-  
tiónem filiórum Dei expéctat.  
Vanitáti enim creatúra sub-  
jécta est non volens, sed pro-  
pter eum, qui subjécit eam in  
spe : quia et ipsa creatúra  
liberábitur a servitúte corrup-  
tiónis in libertátem glóriæ  
filiórum Dei.R. j. Euge serve bone et  
fidélis, quia in pauca fuisti  
fidélis, supra multa te consti-  
tuam : \* Intra in gáudium  
dómini tui. V. Dómine quin-  
que talénta tradidisti mihi,  
ecce ália quinque superlucrâ-  
tus sum. — Intra in gáudium  
dómini tui.

Lectio ij.

SCIMUS enim quod omnis  
creatúra ingemiscit et pár-  
turit usque adhuc. Non solum  
autem illa, sed et nos ipsi pri-  
mitias spíritus habéntes : et  
ipsi intra nos géimus adop-  
tiónem filiórum Dei expé-  
ctántes, redemptionem córpo-  
ris nostri. Spe enim salvi facti  
sumus. Spes autem, quæ vidé-  
tur, non est spes : nam quod  
videt quis, quid sperat? Si au-  
tem quod non vidémus sperá-  
mus : per patientiam exspe-  
ctámus.

R. ij. Justus germinabit sicut lilium : \* Et florébit in ætérnum ante Dóminum. V. Plan-tátus in domo Dómini, in átriis domus Dei nostri. -- Et flo-rébit.

### Lectio iij.

**S**IMILITER autem et Spíritus ádjuvat infirmitátem no-stram : nam quid orémus, sicut opórtet, nescimus : sed ipse Spíritus póstatul pro no-bis gemitibus inenarrabilibus. Qui autem scrutátur corda, scit quid désideret Spíritus : quia secúndum Deum póstatul pro sanctis. Scimus autem quóniam diligéntibus Deum ómnia cooperántur in bonum, iis, qui secúndum propósitum vocátí sunt sancti.

R. iij. Iste Sanctus digne in memóriam vértitur hóminum, qui ad gáudium tránsiit ange-lórum : \* Quóniam in hac peregrinátione solo corpore constitútus, cogitatíone et avi-dítate In illa ætérna pátria conversátus est. V. Vinculis carnis absolútus, taléntum sibi crédítum Dómino suo duplicá-tum reportávit. — Quóniam in hac peregrinátione. Glória. In illa ætérna pátria conversá-tus est.

### IN II. NOCTURNO.

V. Exsúltent justí in conspé-ctu Dei. R. Et delecténtur in lætítia.

(Ex Romano Breviario.)

### Lectio iv.

**S**ÆCULO tértio décimo, cum Frideríci Secúndi diro schi-smate cruentisque factiónibus cultióre Itáliæ pópuli scinde-réntur, próvidens Dei miseri-córdia, præter álios sanctitáte

illústres, septem e Florentína nobilitáte Viros suscitávit, qui in caritaté conjúcti, præclá-rum fratérnæ dilectíonis præ-bérent exéplum. Hi, nimi-rum Bonfilius Monáldius, Bo-najúcta Manéttus, Manéttus Antellénsis, Amidéus de Ami-déis, Ugúccio Ugucciónum, Sostenéus de Sostenéis, et Aléxius Falconérius, cum anno trigésimo tértio ejus sæculi, die sacra Virgini cælo recé-ptæ, in quodam piórum hómi-num convéntu, Laudántium nuncupáto, fervéntius orárent; ab eádem Deipara singulis apparénte sunt admóniti ut sanctius perfectíusque vitæ genus amplecteréntur. Re itaque prius cum Florentino Præsule colláta, hi septem Viri, géneris nobilitáte divitiis-que posthábitis, sub vilissimis detritisque véstibus cilicio indúti, octáva die Septémbris in rurálem quamdam ædiculam secessére, ut ea die primórdia vitæ sanctiórís auspicaréntur, qua ipsa Dei Génitrix mortáli-bus orta sanctíssimam vitam incéperat.

R. iv. Magnificávit eum in conspéctu regum, \* Et dedit illi corónam glóriæ. V. Státuit illi testaméntum sempitérnum, et beatificávit illum in glória. — Et dedit illi corónam glóriæ.

### Lectio v.

**H**OC vitæ institútum quam sibi foret accéptum Deus miráculo osténdit. Nam cum paulo deinceps hi septem Viri per Florentínam urbem ostiá-tim eleemósynam emendicá-rent, áccidit ut repén-te infán-tium voce, quos inter fuit



sanctus Philippus Benitius, quintum ætatis mensem vix ingressus, beatæ Mariæ Servi acclamaréntur : quo deinde nómine semper appellati sunt. Quare vitandi pópuli occúr- sus ac solitúdinis amóre ducti, in Senárii montis recéssum omnes convenére, ibique cæ- léste quoddam vitæ genus ag- gressi sunt. \* Victitábant enim in spelúncis, sola aqua herbis- que conténti; vigiliis aliisque asperitatibus corpus atteré- bant : Christi Passiónem ac mæstissimæ ejúsdem Genitri- cis dolóres assidue meditántes. Quod cum olim sacra Parascé- ves die impensius exsequerén- tur, ipsa beáta Virgo illis iteráto appárens, lugubrem vestem, quam induerent, ostén- dit, sibi que acceptissimum fore significávit, ut novum in Ec- clésia regulárem Ordinem exci- tárent, qui jugem recóleret ac promovéret memóriam do- lórum, quos ipsa pértulit sub cruce Dómini. Hæc sanctus Petrus, ínclytus Ordinis Præ- dicatórum Martyr, ex fami- liári cum sanctis illis Viris consuetúdine, ac peculiári étiam Deiparæ visióne cum didicis- set; iis auctor fuit, ut Ordinem regulárem sub appellatióne Servórum beatæ Virginis in- stituérant : qui póstea ab Innocéntio Quarto Pontífice Máximo approbátus fuit.

R. v. Amávit eum Dóminus, et ornávit eum : stolam glóriæ induit eum, \* Et ad portas Paradisi coronávit eum. ✠. In- duit eum Dóminus lorícá fidei, et ornávit eum. — Et ad portas Paradisi coronávit eum.

## Lectio vj.

PORRO sancti illi Viri, cum plures sibi sócios adjunxis- sent, Itáliæ civitatés atque óppida, præsertim Etrúriæ, excúrre cœpérunt, prædi- cántes ubique Christum cruci- fixum, civiles discórdias com- pescéntes, et innúmeros fere dévios ad virtútis sémitam revocántes. Neque Itáliam modo, sed et Gálliam, Germá- niam ac Polóniam suis evan- gélicis labóribus excoluérunt. Dénique cum bonum Christi odórem longe latèque diffu- dissent, portentórum quoque glória illústres, migrárant ad Dóminum. Sed quos unus ve- ræ fraternitatís ac religiónis amor in vita sociáverat, unum páriter demórtuos contéxit se- púlcrum, únaque pópuli véné- ratio prosecúta est. Quaprópter Clemens Undécimus et Bene- dictus Décimus tértius Ponti- fices Máximi, delátum iisdem a plúribus sæculis, indivi- duum cultum confirmárant; ac Leo Décimus tértius, ap- probátis ántea miráculis, post indúltam veneratiónem ad collectivam eorúmdem invo- catiόnem a Deo patrátis, eódem anno quinquagésimo Sa- cerdotií sui Sanctórum honóri- bus cumulávit, eorúmque me- móriam Officio ac Missa in univérsa Ecclésia quotánnis recoléndam instituit.

R. vj. Dóminus electórum suórum spes, et turris fortitú- dinis eórum \* Dedit hereditá- tem tíméntibus nomen suum. ✠. Habitábunt justí in taber- náculo Dei in sæcula. — De- dit hereditátem. Glória. Dedit hereditátem.

## IN III. NOCTURNO.

¶. Justi autem in perpétuum vivent. R. Et apud Dóminum est merces eórum.

Lectio sancti Evangélíi  
secúndum Matthæum.

Lectio vij. Cap. 19.

**I**n illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

Homília sancti Hierónymi  
Presbyteri.

(Lib. 3. in Matth. cap. 19.)

**G**RANDIS fidúcia! Petrus piscátor erat, dives non fuerat, cibos manu et arte quærebat : et tamen loquitur confidenter : Reliquimus ómnia. Et quia non sufficit tantum relinquere, jungit quod perfectum est : Et secúti sumus te. Fécimus quod jussisti : quid igitur nobis dabis præmii? Jesus autem dixit illis : Amen dico vobis, quod vos, qui secúti estis me, in regeneratióne cum séderit Filius hóminis in sede majestátis suæ, sedébitis et vos super sedes duódecim, judicantes duódecim tribus Israel.

R. vij. Justus ut palma florébit : sicut cedrus Libani multiplicabitur : plantátus in domo Dómini, \* In átriis domus Dei nostri florébit. ¶. Glória et divitiæ in domo ejus : et justitia ejus manet in sæculum sæculi. — In átriis.

Lectio viij.

**N**ON dixit, Qui reliquistis ómnia : hoc enim et Crates fecit philósophus, et multi alii divitias contempserunt :

sed, Qui secúti estis me : quod pròprie Apostolorum est, atque credéntium. In regeneratióne cum séderit Filius hóminis in sede majestátis suæ (quando et mórtui de corruptiône resúrgent incorrupti), sedébitis et vos in sólis judicántium, condemnántes duódecim tribus Israel, quia vobis credéntibus, illi credere noluerunt.

R. viij. Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum : \* Honestávit illum in laboribus, et complévit labóres illius. ¶. Immortális est enim memória illius : quia apud Deum nota est, et apud hómines. — Honestávit.

Lectio ix.

**E**T omnis, qui reliquerit domum, vel fratres, aut sorores, aut patrem, aut matrem, aut uxórem, aut filios, aut agros propter nomen meum, centuplum accipiet, et vitam ætérnam possidébit. Locus iste cum illa sententia congruit, in qua Salvátor loquitur : Non veni pacem mittere, sed gládium. Veni enim separare hóminem a patre suo, et matrem a filia, et nurum a socro : et inimici hóminis domestici ejus. Qui ergo propter fidem Christi, et prædicatióem Evangélíi, omnes affectus contempserint, atque divitias et sæculi voluptates : isti centuplum recipient, et vitam ætérnam possidébunt.

R. ix. Sint lumbi vestri præcincti, et lucérnæ ardéntes in má nibus vestris, \* Et vos simi-

les hominibus expectantibus  
dominum suum Quando re-  
vertatur a nuptiis. V. Vigilate  
ergo, quia nescitis qua hora  
Dominus vester venturus sit.  
— Et vos similes hominibus.  
Gloria. Quando revertatur a  
nuptiis.

Ante Laudes V. Exsultabunt  
Sancti in gloria. R. Laetabun-  
tur in cubilibus suis.

### AD LAUDES

ET PER HORAS ANTIPHONÆ.

1. Domine quinque talenta  
tradidisti mihi : ecce alia quin-  
que superlucratus sum. Psalmus  
Dominus regnavit. cum  
ceteris, pag. 17.

2. Beatus ille servus, quem,  
cum venerit Dominus et pul-  
saverit januam, invenerit vi-  
gilantem.

3. Fidelis servus et prudens,  
quem constituit Dominus su-  
per familiam suam, ut det illis  
in tempore tritici mensuram.

4. Ecce vere Israelita, in quo  
dolos non est.

5. Serve bone et fidelis, intra  
in gaudium Domini tui.

Capitulum. Hebr. 11.

**S**ANCTI per fidem vicérunt  
regna, operáti sunt justi-  
tiam, adepti sunt repromissi-  
ones, in Christo Jesu Domino  
nostro.

Hymnus.

**M**ATRIS sub almæ númine  
Septéna proles nascitur :  
Ipsa vocante, ad árduum  
Tendit Senári vérticem.

Quos terra fructus próferet,  
Dum sacra proles gérmínat,  
Uvis repente túrgidis  
Onústa vitis præmonet.

VIRTUTE claros nóbili  
Mors sancta cælo consécrat :  
Tenet Olympi limina  
Servi fidèles Virginis.

COHORS beáta, Núminis  
Regno potita, respice  
Quos hinc recédens fráudibus  
Cinctos relinquis hóstium.

ERGO per almæ vúlnera  
Matris rogámus súpplices,  
Mentis tenébras dísjice,  
Cordis procéllas cómprime.

TU nos beáta Trínitas  
Perfúnde sancto róbre,  
Possímus ut feliciter  
Exémpla Patrum súbsequi.

Amen.

V. Mirábilis Deus. R. In Sanctis  
suis.

Ad Benedictus Añã. Sint  
lumbi vestri præcincti, et lu-  
cérnæ ardentes in má nibus  
vestris : et vos similes homini-  
bus expectantibus dominum  
suum quando revertatur a  
nuptiis.

Oratio.

**D**OMINE Jesu Christe, qui  
ad recoléndam memóriam  
dolorum sanctissimæ Genitri-  
cis tuæ, per septem beátos  
Patres nova Servórum ejus  
familia Ecclesiám tuam fe-  
cundásti : concéde propítius  
ita nos eórum consociári fléti-  
bus, ut perfruámur et gáudiis.  
Qui vivis.

### AD TERTIAM.

Capitulum Sancti per fidem.,  
ut in Laudibus.

R. Laetámini in Domino, \* Et  
exsultáte justi. Laetámini. V. Et  
gloriámini omnes recti corde.  
Et exsultáte justi. Gloria. Læ-  
támini.



¶. Exsúltent justi in conspéctu Dei. R. Et delecténtur in lætítia. Oratio.

**D**OMINE Jesu Christe, qui ad recoléndam memóriam dolórum sanctissimæ Genitricis tuæ, per septem beátos Patres nova Servórum ejus familia Ecclesiám tuam fecundásti : concéde propítius ita nos eórum consociári flétibus, ut perfruámur et gáudiis. Qui vivis.

## AD SEXTAM.

Capitulum. Sap. 10.

**R**EDDIDIT Deus mercédem labórum Sanctórum suórum, et dedúxit illos in via mirábili : et fuit illis in velaménto díci, et in luce stellárum nocte.

R. Exsúltent justi \* In conspéctu Dei. Exsúltent. ¶. Et delecténtur in lætítia. In conspéctu Dei. Glória. Exsúltent.

¶. Justi autem in perpétuum vivent. R. Et apud Dóminum est merces eórum.

## AD NONAM.

Capitulum. Sap. 3.

**J**USTORUM ánimæ in manu Dei sunt, et non tanget illos torméntum malitiæ. Visi sunt oculis insipientium mori : illi autem sunt in pace.

R. Justi autem \* In perpétuum vivent. Justi autem. ¶. Et apud Dóminum est merces eórum. In perpétuum vivent. Glória. Justi autem.

¶. Mirábilis Deus. R. In Sanctis suis.

## AD II. VESPERAS.

Super Psalmos Aña. Dómine quinque talénta tradidisti mihi : ecce ália quinque superlucrátus sum. Psalmus Di-

xit Dóminus. cum ceteris ut in Communi unius Confessoris, pag. 76\*.

Capitulum Sancti per fidem, Hymnus Bella dum late, et ¶. Lætámini. ut in j. Vesperis, pag. 916.

Ad Magnificat Aña. Similábo eum viro sapiénti, qui ædificávit domum suam supra petram.

## IN EODEM FESTO

## TEMPORE PASCHALI.

Si festum SS. Septem Fundatorum Ordinis Servorum B. Mariæ V. Tempore Paschali celebrari contigerit, hoc modo fiat Officium :

## AD I. VESPERAS.

Super Psalmos Aña. Isti sunt, qui contempserunt vitam mundi, et pervenerunt ad cælestia regna, allelúia.

Capitulum. Hebr. 11.

**S**ANCTI per fidem vicérunt regna, operáti sunt justitiam, adépti sunt repromissiones, in Christo Jesu Dómino nostro.

R. De ore prudentis procedit mel, allelúia : dulcédo mellis est lingua ejus, allelúia : \* Favus distillans lábia ejus, Allelúia, allelúia. ¶. Sapiéntia requiescit in corde ejus, et prudentia in sermóne oris illius. — Favus. Glória. Allelúia, allelúia.

Hymnus. Bella dum late, pag. 916.

¶. Lætámini in Dómino, et exsultáte justi, allelúia. R. Et gloriámini omnes recti corde, allelúia.

Ad Magnificat Aña. Filiæ  
Jerusalem venite, et videte  
Martyrem cum corona, qua  
coronavit eum Dominus in die  
solemnitatis et lætitiæ, alle-  
lúia, allelúia. Oratio.

**D**OMINE Jesu Christe, qui  
ad recolendam memoriam  
dolorum sanctissimæ Genitri-  
cis tuæ, per septem beatos  
Patres nova Servorum ejus  
familia Ecclesiam tuam fecun-  
dasti: concede propitius ita  
nos eorum consociari flétibus,  
ut perfruamur et gaudiis. Qui  
vivis.

#### AD MATUTINUM.

Invitorium. Exsultent in  
Dómino Sancti, \* Allelúia.

Hymnus Sic Patres vitam.,  
pag. 917.

#### IN NOCTURNO.

Super Psalmos sola Aña. Tri-  
stitia vestra, allelúia, vertétur  
in gaudium, allelúia.

† Feria secunda et Feria  
quinta dicantur tres Psalmi ex  
j. Nocturno de Communi unius  
Confessoris extra Tempus Pas-  
chale, cum V. Lætámini in  
Dómino, et exsultáte justi,  
allelúia. R. Et gloriámini om-  
nes recti corde, allelúia.

† Feria tertia et Feria sexta  
dicantur tres Psalmi ex ij. No-  
cturno de Communi unius Con-  
fessoris extra Tempus Pascha-  
le, cum V. Exsultent justi in  
conspéctu Dei, allelúia. R. Et  
delecténtur in lætítia, alle-  
lúia.

† Feria quarta et Sabbato  
dicantur tres Psalmi ex iij. No-  
cturno de Communi unius Con-  
fessoris extra Tempus Pascha-

le, cum V. Justi autem in per-  
pétuum vivent, allelúia. R. Et  
apud Dóminum est merces  
eorum, allelúia.

Ante Lectiones Benedictio-  
nes dentur secundum prædi-  
ctum ordinem Nocturnorum.

Lectio j. de Feria currente.  
Lectio ij. et Lectio iij. erunt  
tres Lectiones ij. Nocturni su-  
pra positæ pag. 918. et divisæ  
per \*.

R. j. Beátus vir, qui méruit  
Dóminum, allelúia: \* In man-  
dátis ejus cupit nimis, allelúia,  
allelúia, allelúia. V. Potens in  
terra erit semen ejus: generá-  
tio rectórum benedicétur. —  
In mandátis ejus.

R. ij. De ore prudentis pro-  
cédit mel, allelúia: dulcédo  
mellis est lingua ejus, allelúia:  
\* Favus distillans lábia ejus,  
allelúia, allelúia. V. Sapiéntia  
requiescit in corde ejus, et pru-  
déntia in sermóne oris illius.  
— Favus distillans.

R. iij. Filiæ Jerusalem venite,  
et videte Martyrem cum coró-  
na, qua coronavit eum Dómi-  
nus \* In die solemnitatis et  
lætitiæ, Allelúia. V. Induit  
illum Dóminus stolam glóriæ,  
et coronavit eum. — In die.  
Glória. Allelúia.

Ante Laudes V. Exsultábunt  
Sancti in glória, allelúia.  
R. Lætábuntur in cubilibus  
suis, allelúia.

#### AD LAUDES

ET PER HORAS ANTIPHONÆ.

1. Sancti tui Dómine floré-  
bunt sicut lílilum, allelúia: et  
sicut odor bálsami erunt ante  
te, allelúia. Psalmus Dóminus  
regnávit. cum ceteris, pag. 17.

2. Sancti et iusti in Dómino  
gaudéte, allelúia : vos elégit  
Deus in hereditátem sibi, alle-  
lúia.

3. In velaménto clamábunt  
Sancti tui Dómine, allelúia,  
allelúia, allelúia.

4. Spiritus et ánimæ justórum  
hymnum dicite Deo nostro,  
allelúia, allelúia.

5. In cæléstibus regnis Sanctórum habitatio est, allelúia :  
et in ætérnum réquies eórum,  
allelúia.

Capitulum. Hebr. 11.

SANCTI per fidem vicérunt re-  
sgna, operáti sunt justitiam,  
adépti sunt repromissiones, in  
Christo Jesu Dómino nostro.

Hymnus.

MATRIS sub almæ númine  
Septéna proles nascitur :  
Ipsa vocánte, ad árduum  
Tendit Senári vérticem.

Quos terra fructus próferet,  
Dum sacra proles gérmínat,  
Uvis repénite túrgidis  
Onústa vitis præmonet.

VIRTUTE claros nobili  
Mors sancta cælo consécrat :  
Tenent Olympi limina  
Servi fidéles Virgínis.

COHORS beáta, Núminis  
Regno potita, réspice  
Quos hinc recédens fráudibus  
Cinctos relínquis hóstium.

ERGO per almæ vúlnera  
Matris rogámus súpplices,  
Mentis tenébras disjice,  
Cordis procéllas cómpri-me.

† Penultima Strophá Tempore  
Resurrectionis :

QUÆSUMUS, Auctor óm-  
nium,

In hoc Pascháli gáudio  
Ab omni mortis impetu  
Tuum defénde pópulum.

† Penultima Strophá Tempore  
Ascensionis :

TU esto nostrum gáudium,  
Qui es futúrus præmíum :  
Sít nostra in te glória,  
Per cuncta semper sæcula.

Última Strophá utroque  
Tempore :

TU nos beáta Trínitas  
Perfúnde sancto róbre,  
Possímus ut feliciter  
Exémpla Patrum súbsequi.

Amen.

¶. Mirábilis Deus, allelúia.  
¶. In Sanctis suis, allelúia.

Ad Benedictus Añá. Lux  
perpétua lucébit Sanctis tuis  
Dómine, allelúia, et ætérnitas  
tépórum, allelúia, allelúia.

Oratio.

DÓMINE Jesu Christe, qui  
ad recoléndam memóriam  
dolórum sanctíssimæ Genitri-  
cis tuæ, per septem beátos  
Patres nova Servórum ejus  
família Ecclesiám tuam fecun-  
dásti : concéde propítius ita  
nos eórum consociári flétibus,  
ut perfruámur et gáudiis. Qui  
vivis.

AD PRETIOSA.

Evangelium.

Secúndum Matthæum. Cap. 19.

IN illo témpore : Dixit Petrus  
ad Jesum : Ecce nos reli-  
quimus ómnia, et secúti sumus  
te : quid ergo erit nobis? Tu  
autem Dómine.

AD TERTIAM,

SEXTAM ET NONAM.

Capitula, ¶¶. et ¶¶. ut in  
Communi plurimorum Mar-  
tyrum Temporis Paschalis,  
pag. 121\*.



## AD II. VESPERAS.

Super Psalmos Añã. Sancti tui Dómine florébunt sicut lilium, allelúia : et sicut odor bálsami erunt ante te, allelúia. Psalmus Dixit Dóminus. cum ceteris ut in Communi unius Confessoris alterius Temporis, pag. 76\*.

Capitulum Sancti per fidem. et Hymnus Bella dum late., pag. 916.

℣. Lætámini in Dómino, et exsultáte justi, allelúia. ℞. Et gloriámini omnes recti corde, allelúia.

Ad Magnificat Añã. In civitáte Dómini clare sonant júgiter órgana Sanctórum : ibi Angeli et Archángeli hymnum decántant ante thronum Dei, allelúia.

† Si hoc festum solam Memoriam in ij. Vesperis habere debuerit, fiat præfata Memoria per Añam In civitáte., ℣. Lætámini. et Orationem Dómine JesuChriste., ut supra.

† Si tamen præcedens ℣. Lætámini. post Hymnum dictus fuerit, dicatur ad Memoriam hujus festi sequens ℣. Exsultent justi in conspéctu Dei, allelúia. ℞. Et delecténtur in lætítia, allelúia.

DIE XVIII. FEBRUARII.

B. LAURENTII  
A RIPAFACTA

CONF. ORD. PRÆD.

DUPLEX.

Oratio.

**D**EUS, qui beátum Lauréntium Confessórem tuum reguláris disciplinæ stúdio et caritátis ardóre claréscere fe-

cisti : ejus nobis intercessióne concéde ut perfectióra semper exsequéntes, ætérna gáudia consequámur. Per.

## IN I. NOCTURNO.

Lectioes Beátus vir. de Communi unius Confessoris non Pontificis, pag. 81\*.

## IN II. NOCTURNO.

## Lectio iv.

**L**AURENTIUS Ripæfractæ in Etrúria natus, a pueritia ánimum ad pietátem excóluit. Simplex, rectus, ac timens Deum, et recédens a malo, ecclesiásticæ militiæ nomen dedit. Potiórís deinde perfectiónis amóre incénsus, cum jam esset Diaconus, Prædicatórum Ordinem Pisis amplexus est, in quo religiósus virtútibus incumbens, obediéntiæ filium et puritátis spéculum se exhibuit : nullus fuit eo paupérior, nullus tam mundi contémpor. In divínis Officiis diúrnis et noctúrnis sédulus ac devótus, in ópere et sermóne mitis, Dómino et homínibus diléctus, dum ab áliis in máxima haberétur estimatióne, sibi ipsi vilescébat. Cunctis clemens, sibi austé-  
rus, carnem suam crucifigens jejúniis ac vigiliis, in advérsis pátiens, ulcerosæ tibíæ dolóres per annos plúrimos patiénter sustinuit.

## Lectio v.

**C**UM Præsides Lauréntium expérti fúerint uti legum Ordinis assertórem, eo usi sunt ad instaurándam in Etrúria regulárem disciplinam, ac in convéntu Cortonénsi eum præfecérunt tirónum institutióni,

quos inter fuit sanctus Antoninus Florentinorum deinde Archiepiscopus. Jugi Dei legis meditationi intentus, Scripturarum mysteria cognovit explicavitque, atque in concionibus multos avertit ab iniquitate. Pistorio, Fabriano, finitimisque locis pestilentia infectis, Laurentius, indefesse laborans, animam suam ponere non dubitavit pro fratribus suis.

Lectio vj.

**I**N regulari vita per annos sexaginta in vinea Domini viriliter desudavit, atque octogenario major in coenobio Pistoriensi ad extremum vitae perveniens, receptis Ecclesiae Sacramentis, hortatisque fratribus coram positus ut instituta Patrum et Deum maxime colerent, piissime in Domino obdormivit anno millésimo quadringentésimo quinquagésimo séptimo. Beati Laurentii sancta conversatio perspecta et cognita effecit, ut maxima cum veneratione totius cleri et populi elato in tumultu deponeretur in ecclesia ejusdem coenobii, et Pistorienses eum in Patronum apud Deum sibi eligerent. Cultus sacris illius exuviis incéptus, auctus exinde fuit, atque ad hæc usque tempora propagatus. Cujus documentis rite expensis a sacra Rituum Congregatione, Pius Nonus Pontifex Máximus cultum beato Laurentio præstitum ratum habuit et confirmavit, et benigne concessit ut in univérso Prædicatorum Ordine ejus memoria Officii recitatione et Missæ celebratione quotannis fieret.

IN III. NOCTURNO.

Homilia in Evangelium Sinitumbi. de Communi unius Confessoris non Pontificis, pag. 83\*.

DIE XIX. FEBRUARII.

B. ALVARI

CONF. ORD. PRÆD.

DUPLEX.

Oratio.

**D**EUS, qui beatum Alvarum Confessorem tuum caritatis et poenitentiae donis insigniter decorasti : da ut ejus intercessione et exemplo semper Christi mortificationem in corpore, et tui amorem in corde geramus. Per eundem.

IN I. NOCTURNO.

Lectiones Beatus vir. de Communi unius Confessoris non Pontificis, pag. 81\*.

IN II. NOCTURNO.

Lectio iv.

**A**LVARUS Cordubensis, vitae generis claritati eximiae sanctitatis decus adjunxit Nam a prima adolescentia, posthabitis terrénis omnibus, Prædicatorum Ordini nomen dedit, in quo spiritu et litteris mirifice profecit. Absoluto studiorum cursu, prædicationi se totum impendit, ac plures Hispaniae nec non Italiae partes uberrimo animarum fructu evangelizando peragravit. Joanni Secundo Castellæ regi ejusque matri Catharinae a confessionibus fuit : sed religiosae solitudinis studio, dimissione petita, ab aula secessit, ac regia ope novum Ordinis coenobium sub appellatione sancti Dominici Scalae caeli,

prope Córdubam, a fundaméntis excitávit : ubi cum áliis sui Ordinis frátribus severiorem colens disciplinam, vitam sanctissimam duxit.

#### Lectio v.

**C**ORPORI suo, velut hosti nondum subácto, bellum perpétuum omni asperitátum afflictationúmque génere intulit. Noctes ante divini Sacraménti altáre fere ducébat insómnes, non áliam quandóque fesso córpori quietem indulgens quam brevem ádmodum, lápidi innixus, vel altári. Páuperum ac miserórum ómnium ærumnis veheménter compátiens, quamcúmque posset opem amantíssime ferébat. Obvium sibi aliquándó páuperem toto córpore ulcerósum, própria involútum cappa, humerisque superimpósitum ad cœnóbium détulit, curam ejus actúrus. Dum vero coram frátribus eum depóneret, mutáta repénite forma, Crucifíxi simulácrum apparuisse pie créditur : quod summa admiratióne ac reveréntia excéptum, in ecclésiæ sacélló, ubi ad hanc diem constánti traditióne servátur et cólitur, repósitum est.

#### Lectio vj.

**S**INGULARI ac præcípua erga Christi Passiõnem agebátur afféctu. Quam ob rem loca sancta Palæstínæ, ejus mystériis conspicua, summa devotiõne lustrávit : utque eórum monuménta áliqua in exstrúcto a se cœnóbio perpétuo exstárent, vária in eo oratória dispósuit, in quibus Redemptiõnis nostræ mystéria certis distincta Statiõnibus exhiberéntur :

quam subinde piam institutiõnem ália cœnóbia adoptásse perhibéntur. Vitam dénique sanctissimè actam beáto fine complévit circa annum Christi millésimum quadringentésimum vigésimum, miraculórum fama ante et post mortem conspicuus. Ejus corpus, édítum illustrémque in locum Episcopi Córdubénsis decréto illátum, ad hæc usque témpora cultum non intermissum obtínuit, quem Benedictus Décimus quartus Apostólica auctoritatè probávit, atque illius festum cum Officio et Missa in univérso Prædicatórum Ordine et in civitatè Córdubénsi celebrári concessit.

#### IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

#### DIE XX. FEBRUARII.

#### IN OCTAVA S. CATHARINÆ DE RICCIIS. SIMPLEX.

Quæ hic posita non sunt dicantur ut in Festo, pag. 905. et sequentibus, servato modo Octavæ diei Simplicis.

#### IN I. NOCTURNO.

Ante Cineres, Lectiones de Scriptura corrente; post Cineres, Lectiones Quis mihi det., ut in Festo, pag. 906.

#### IN II. NOCTURNO.

##### Lectio iv.

**C**ATHARINÆ sanctitátis fama cum intra Prátensis monastérii septa continéri non posset, per Etrúriam, Itáliam,



Gálliam, Germániam longe latèque vagatá percrebuit. Quápropter frequentissimi ad eam fiebant populórum virorúmque princípum concúrsus, magna sane ómnium admiratióne, nec minóre ejúsdem preces implorántium emolumentó : sed et Paulus Tértius Póntifex Máximus famæ adjúnxit auctoritatém. Cum enim Robérto Cardináli Púccio Episcopo Pistoriénsi commisisset ut Catharinæ spíritum exploráret : is secum in exámen tantæ rei adhibitis doctrína, dignitaté, et pietáté præstántibus viris, Catharinæ sanctitatém probávit, invenítque fama ipsa majórem. Sanctus quoque Philippus Nérius et sancta María Magdaléna de Pazzis amicitiam et litterárum commércium cum ea iniérunt : ac Philippus quidem cum in Urbe manérét, eam Prati commorántem longo témporis spátio est allocútus.

Æ. iv. Factum est cor meum tamquam cera liquéscens in médio ventris mei : cor meum dereliquit me : \* Et appropinquávit cor illius. V. Vivo ego, jam non ego, vivit vero in me Christus. — Et appropinquávit cor illius.

#### Lectio v.

**P**ROPHETIÆ lúmine collustráta, futúra et abséntia sæpe prospiciens certo prædixit. Penetrávit étiam aliquando secréta córdium : et quasi óculis animórum sensa perlégeret, quidquid Soróres cogitassent, quid mente volúissent, omni dubietáte sepó-sita, opportúne patefaciebat, admirántibus cunctis, ac sibi

unaquáque metuén-te, ne si quidpiam reprehensióne dignum admisisset vel cogitasset, Catharina cognósceret, objiceret, atque objurgáret. Ex quo illud consequébatur, ut suáriter ac salúriter cum apud Deum, tum apud hómines in officio continératur.

Æ. v. Dedit mihi pennas sicut colúmbæ, et volávi, et requisca-m : \* Sive in corpore, sive extra corpus, nescio. V. Nostra autem conversatio in cælis est. — Sive in corpore, sive extra corpus, nescio.

#### Lectio vj.

**P**LURIMIS vivens miraculis cláruit, quibus et demórtuæ glóriam Deus testátam voluit ac declarátam. Nam quo témporis moménto ad cæléstis Sponsi ampléxus interplaudéntes angelórum choros evolávit, non solum fácies ejus, diuturnórum morborum mácie et pallóre fœdátá, insólita quadam venustáté reflóruit : sed mirus quidam univérso corpóri splendor circumfúsus apparuit, mirus quidam odor efflári cœpit, qui eo étiam in sepúlcro jam pósito, máxima ómnium admiratióne perseverávit. Quanto autem in celesti Pátria excépta fúerit gáudio ac triúmpho, sancta María Magdaléna de Pazzis in primis testáta est, quæ se tantæ solemnitatí interfuisse confessário suo narrávit.

Æ. vj. Inveni quem diligit ánima mea : fascículus myrrhæ diléctus meus, inter úbera mea commorábitur : \* Ténui eum, nec dimittam. V. Ego autem exsultábo, et gaudebo in Deo Jesu meo. — Ténui eum, nec

dimittam. Glória. Ténui eum,  
nec dimittam.

### IN III. NOCTURNO.

Homilia ut in Festo, pag. 909.  
nisi legenda fuerit aliqua Ho-  
milia de Tempore.

Tria R̃y. ut in Festo, ibidem.

† Infra Septuagesimam,  
reincipiatur R̃. ix. O sponsa  
Christi, et omittatur Canticum  
Te Deum laudamus.

DIE XXI. FEBRUARII.

B. AIMONIS

CONF. ORD. PRÆD.

DUPLIX. Oratio.

**O**MNIPOTENS et miséricors  
Deus, cui servire regnare  
est : per mérita et intercessi-  
onem beáti Aimonis Confessóris  
tui, quem exímiu[m] fidei pro-  
pugnatórem effecisti, concéde  
ut mandátis tuis fidéliter ser-  
viéntes in terris, aetérno regno  
pérfrui cum ipso mereámur in  
cælis. Per.

In j. Vesperis et Laudibus  
Memoria S. Valentini Marty-  
ris.

Oratio.

**P**RÆSTA, quæsumus omni-  
potens Deus : ut qui beáti  
Valentini Mártiris tui natali-  
tia cólimus, a cunctis malis  
imminéntibus ejus interces-  
sione liberémur. Per.

### IN I. NOCTURNO.

Lectiones Beátus vir. de Com-  
muni unius Confessoris non  
Pontificis, pag. 81\*.

### IN II. NOCTURNO.

Lectio iv.

**A**IMO Taparéllus Savilianén-  
sis, exeúnte sæculo déci-  
mo quarto ex clarissima La-

gnásci cómitum stirpe pro-  
génitus, piéque ac liberáliter  
institútus, ab adolescéntia cór-  
poris animique dótib[us] orná-  
tus apparuit. Confirmáta ætá-  
te, blandiénti mundo núntium  
remittens, Prædicatórum Or-  
dinis Institútum amplexus est.  
Ut autem idóneus evangélicæ  
messis operárius eváderet,  
mortificatió[n]i carnis, humili-  
táti, paupertáti, mansuetúdi[n]i  
ceterisque apostólic[o] hómine  
dignis virtútibus excoléndis  
magnam curam impéndit. Ex  
sacris vero stúdiis talem sibi  
eruditiónem comparávit, ut  
deinceps, non privátim modo  
docére, verum étiam in Tauri-  
nénsi Universitáte divínas lí-  
teras summa cum laude profi-  
téri potúerit. Ad hæc férvidis  
ad pópulum sermónibus cathó-  
licam fidem bonosque mores  
tuéri cœpit, ac Dómino bene-  
dicénte, multos peccatóres ad  
pœniténtiam, plures étiam hæ-  
reticórum, qui per ea témpora  
Subalpínas terras intercursá-  
rent, ad Ecclésiæ sinum revo-  
cávit. Hinc beátus Amadéus  
Sabáudiæ dux, Viri doctrina  
et sanctitate permótus, eum  
sibi a sacris conciónibus esse  
jussit; immo consciéntiæ quo-  
que árbitrum idéntidem adsci-  
visse perhibétur.

Lectio v.

**B**EATO Bartholomæo Cervé-  
rio ab hæréticis perémpto,  
Aimo in ejus locum sacrae In-  
quisitionis Commissárius ac  
generális Vicárius Saviliáni  
constitútus est, ut cathólicæ  
fidei incolumitáti tum ibi, tum  
vero Albæ Pompéiæ, Clarásci,  
Monteregáli, Salútiis ac Valle

Lucérna prospiceret. Non ita multo post, generális Quæsitör fidei in Longobardiá Superiöre atque Ligúria renuntiátus est; quod onus, labóris periculique plenissimum, usque ad vitæ éxitum sanctissime gessit. Interim Savilianénsis persæpe cenóbii Prior, et aliquándó Provinciális étiam Vicárius institútus, regulárem disciplinam verbo et exémplo provéxit. At præcípuum virtútis præsdium in jugi oratiónis exercitio collocávit. Nam præterquam quod chori Officia et Missæ sacrum memorábili semper devotióne peragébat, crebras ardentésque obsecrationes habére perspiciebátur. Sæpe étiam in solitárium montem prope Versólum Salutiénse se recipiebat, uberióribus meditatióibus infúsæ caritátis ignem veheméntius excitáturus. Sed et Deiparam Virginem singulári veneratióne prosecútus est, ejúsque cultum impénse promovit.

Lectio vj.

**H**IS constánter insístens Vir sanctus, ad centenáriam senectútem pervénit. Sénio et labóribus exháustus, imminéntem óbítum persénsit, ac devotíssima Sacramentórum perceptióne sese ad eum comparávit. Tandem adveniénste solemnitate Assúptæ in cælum Deiparæ, cum canónicas Horas in ejus laudem persolvisset, Crucem Dómini ádeo amánter amplexátus, ut ne defúctus quidem dimitteret, ad cæléstem felicitátem evolávit anno millésimo quadringentésimo nonagésimo quinto.

Re in vulgus perláta, ad ejus venerándum cadáver, et conquiréndas Beáti reliquias, incredíbilis ómnium civium concursus est factus. Miráculis post mortem clarúisse ferunt, eorúmque plura monuménta ad ejus olim tûmulum exstítisse. Ipsius autem ossa post compósitam ineúntis sæculi décimi noni tempestátem Taurinórum Augústam ad ecclésiám divi Dominici transláta sunt. Quem Beatórum cultum ab óbítu eidem tribútum, et continénter propagátum Pius Nonus Póntifex Máximus rite probávit, indulsitque ut ánnua ipsius festivitas in univérso Prædicatórum Ordine ac in Taurinénsi et Salutiénsi diocésibus próprio Officio et Missa celebrarétur.

### IN III. NOCTURNO.

Homilia in Evangelium Sint lumbi. de Comuni unius Confessoris non Pontificis, pag. 83\*.

**I**N festo Cathedræ S. Petri, si extra Tempus Paschale celebrandum fuerit, fiat Officium ut hic notatum est.

† Si vero infra Tempus Paschale translatum fuerit, fiat Offic. ut notatum est pag. 935.

DIE XXII. FEBRUARII.

CATHEDRÆ S. PETRI  
ANTIOCHIÆ.

EXTRA TEMPUS PASCHALE.

DUPLEX.

AD I. VESPERAS.

Super Psalmos Añ. Iste Sanctus digne in memóriam vérti-



tur hóminum, qui ad gáudium tránsiit angelórum.

Capitulum. Eccli. 45.

**D**ILECTUS Deo, et hominibus, cujus memória in benedictióne est : similem illum fecit in glória sanctórum.

R. Quodcúmque ligáveris super terram erit ligátum et in cælis : \* Et quodcúmque sólveris super terram erit solútum et in cælis. X. Et ego dico tibi quia tu es Petrus, et super hanc petram ædificábo Ecclésiám meam. — Et quodcúmque sólveris. Glória. In cælis.

Hymnus Jam bone Pastor, ut infra ad Matutinum.

X. Tu es Petrus. R. Et super hanc petram ædificábo Ecclésiám meam.

Ad Magnificat Añá. Tu es Pastor óvium, Princeps Apostolórum : tibi tráditæ sunt claves regni cælórum.

Oratio.

**D**EUS, qui beáto Petro Apóstolo tuo, collátis clávisbus regni cælestis, ligándi atque solvéndi pontificium tradidisti : concéde ut intercessiónis ejus auxilio a peccatórum nostrórum néxibus liberémur. Qui vivis.

#### AD MATUTINUM.

Invitatorium. Tu es Pastor óvium, Princeps Apostolórum : \* Tibi trádidit Deus claves regni cælórum.

Hymnus

**J**AM bone Pastor Petre clemens áccipe  
Vota precántum, et peccáti  
víncula

Resólve, tibi potestáte trádicta,  
Qua cunctis cælum verbo claudis, áperis.

Sit Trinitáti sempitérna glória,

Honor, potéstas, atque jubilatío,

In unitáte cui manet impérium,  
Ex tunc, et modo per ætérna  
sæcula. Amen.

¶ In tribus Nocturnis dicantur Psalmi, Antiphonæ et Versiculi de Communi unius Confessoris, pag. 68\*, et sequentibus, cum Lectionibus et Responsoriis hic positis.

#### IN I. NOCTURNO.

Incipit Epístola prima  
beáti Petri Apóstoli.

Lectio j. Cap. 1.

**P**ETRUS Apóstolus Jesu Christi, eléctis ádvenis dispersiónis Ponti, Galatiæ, Capadóciz, Asiæ, et Bithyniæ, secúndum præsciéntiam Dei Patris, in sanctificatióne Spíritus, in obediéntiam, et aspersiónem sánguinis Jesu Christi : grátia vobis, et pax multiplicétur. Benedictus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per Resurrectióne Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in cælis in vobis, qui in virtúte Dei custodimini per fidem in salutem, parátam revelári in témpore novíssimo.

R. j. Euge serve bone et fidelis, quia in pauca fuisti fidelis, supra multa te constituam : \* Intra in gáudium dómini tui. X. Dómine quinque talénta tradidisti mihi, ecce ália quinque superlucrátus sum. — Intra in gáudium dómini tui.

## Lectio ij.

**I**N quo exsultabitis, módicum nunc si oportet contristari in variis tentationibus : ut probatio vestræ fidei multo pretiosior auro (quod per ignem probatur) inveniatur in laudem, et glóriam, et honorem, in revelatione Jesu Christi : quem, cum non vidéritis, diligitis : in quem nunc quoque non vidéntes créditis : credéntes autem exsultabitis lætitia inenarrabili, et glorificata : reportantes finem fidei vestræ, salutem animarum.

R. ij. Justus germinabit sicut lilium, \* Et florébit in æternum ante Dóminum. V. Plantatus in domo Dómini, in atriis domus Dei nostri. — Et florébit in æternum ante Dóminum.

## Lectio iij.

**D**E qua salute exquisierunt, atque scrutati sunt Prophætæ, qui de futura in vobis grátia prophetaverunt : scrutantes in quod, vel quale tempus significáret in eis Spiritus Christi : prænuntians eas, quæ in Christo sunt, passiones, et posteriores glórias : quibus revelatum est quia non sibi metipsis, vobis autem ministrabant ea, quæ nunc nuntiata sunt vobis per eos, qui evangelizaverunt vobis, Spiritu sancto misso de cælo, in quem desiderant angeli prospicere.

R. iij. Iste Sanctus digne in memoriám vértitur hóminum, qui ad gáudium tránsiit angelórum : \* Quóniam in hac peregrinatione solo corpore constitutus, cogitatione et aviditate In illa æterna pátria conversatus est. V. Vinculis carnis absolutus, talentum sibi

créditum Dómino suo duplicatum reportávit. — Quóniam. Glória. In illa æterna pátria conversatus est.

## IN II. NOCTURNO.

Sermo sancti Augustini

Episcopi.

(Serm. 15. de Sanctis.)

## Lectio iv.

**I**NSTITUTIO solemnitatis hodiernæ a senioribus nostris Cathedræ nomen accépit, ideo quod primus Apostolorum Petrus hódie Episcopátus Cathedralis suscepisse referátur. Recte ergo Ecclesiæ natálem Sedis illius colunt, quam Apostolus pro Ecclesiárum salute suscepit, dicente Dómino : Tu es Petrus, et super hanc petram ædificábo Ecclesiám meam.

R. iv. Magnificávit eum in conspéctu regum, \* Et dedit illi coronám glóriæ. V. Státuit illi testaméntum sempiternum, et beatificávit illum in glória. — Et dedit illi.

## Lectio v.

**P**ETRUM itaque fundamentum Ecclesiæ Dóminus nominávit : et ideo digne fundamentum hoc Ecclesiá colit, supra quod ecclesiástici aedificii altitúdo consúrgit. Unde conveniénter Psalmus, qui lectus est, dicit : Exáltent eum in ecclesiá plebis, et in cathedra seniorum laudent eum. Benedictus Deus, qui beátum Petrum Apóstolum in Ecclesiá exaltári præcépit : quia dignum est ut fundamentum hoc in Ecclesiá honorétur per quod ad cælum conscénditur.

R. v. Amávit eum Dóminus, et ornávit eum : stolam glóriæ induit eum, \* Et ad portas Paradisi coronávit eum. V. Induit

eum Dóminus lorícam fidei, et ornávit eum. — Et ad portas.

Lectio vj.

**Q**UOD natalis ergo Cáthedræ hódie cólitur, sacerdotále honorátur officium. Sibi hoc Ecclesiæ invicem præstant : quia tanto necesse plus habet Ecclesiá dignitátis, quanto sacerdotále officium plus honoris. Cum solemnitétem hanc Ecclesiis mérito religiósá observátio introdúxerit, miror cur apud quosdam infidéles hódie tam perniciosus error incréverit, ut super túmulos defunctorum cibos et vina cónferant, quasi egréssæ de corpóribus animæ carnáles cibos requirant.

R. vj. Sancte Petre Christi Confessor audi rogántes servulos : \* Et impetrátam cælitus Tu defer indulgéntiam. *℟.* O sancte Petre, sidus áureum, Dómini grátia, servórum gémitus sólita súscipe cleméntia. — Et impetrátam cælitus. Glória. Tu defer indulgéntiam.

IN III. NOCTURNO.

Léctio sancti Evangélii  
secúndum Matthæum.

Lectio vij. Cap. 16.

**I**N illo témpore : Venit Jesus in partes Cæsáreæ Philíppi : et interrogábat discipulos suos, dicens : Quem dicunt hómines esse Fílium hóminis? Et réliqua.

Homilía sancti Hiláarii

Episcopi.

(Comm. in Matthæum cap. 16.  
post initium.)

**D**OMINUS a discipulis requirit quem se hómines esse dicerent : et adjécit : Hóminis Fílium. Hæc enim confessió-

nis tenénda rátio est, ut sicut Dei Fílium, ita et Fílium hóminis meminérimus : quia álterum sine áltero nihil spei tribuit ad salútem. Editis itaque, quæ diversæ de eo erant, hóminum opiniónibus, quid de se ipsi séntiant quærit. Petrus respóndit : Tu es Christus Fílius Dei vivi. Sed Petrus conditiónes propositiónis expénderit. Dóminus enim díxerat, Quem me hómines esse dicunt, Fílium hóminis? Et certe Fílium hóminis contemplátio corpóris præferébat. Sed addéndo, Quem me esse dicunt : significávit præter id, quod in se videbátur, esse áliud sentiéndum : erat enim hóminis Fílius.

R. vij. Justus ut palma florébit : sicut cedrus Libani multiplicábitur : plantátus in domo Dómini, \* In átriis domus Dei nostri florébit. *℟.* Glória et divitiæ in domo ejus : et justitia ejus manet in sæculum sæculi. — In átriis.

Lectio viij.

**Q**UOD igitur de se opinándi judicium desiderábat? Non illud arbitrámur, quod de se ipso confessus est : sed ocúltum erat, de quo quærebátur, in quod se credéntium fides debébat exténdere. Et dignum plane confessio Petri præmium consecúta est, quia Dei Fílium in hómine vidisset. Beátus hic est, qui ultra humános óculos intendisse et vidisse laudátus est : non id, quod ex carne et ságuine erat, cóntuens; sed Dei Fílium, cæléstis Patris revelatióne, conspiciens : dignúsque judicátus qui quod in Christo Dei esset primus agnósceret.



R. viij. Justum deduxit Dominus per vias rectas, et ostendit illi regnum Dei, et dedit illi scientiam sanctorum : \* Honestavit illum in laboribus, et complévit labores illius. V. Immortalis est enim memoria illius : quia apud Deum nota est, et apud homines. — Honestavit illum.

Lectio ix.

**O**mnis felix Ecclesiæ fundamētum, dignaque ædificatione illius petra, quæ infernas leges et tartari portas et omnia mortis claustra dissolveret ! O beatus cæli Janitor, cujus arbitrio claves æterni aditus traduntur, cujus terrestris iudicium præjudicata auctoritas sit in cælo, ut quæ in terris aut ligata sint aut soluta, statuti ejusdem conditionem obtineant et in cælo !

R. ix. Quodcumque ligaveris super terram erit ligatum et in cælis : \* Et quodcumque solveris super terram erit solutum et in cælis. V. Et ego dico tibi quia tu es Petrus, et super hanc petram ædificabo Ecclesiam meam. — Et quodcumque solveris. Gloria. In cælis.

Ante Laudes V. Exaltent eum in ecclesia plebis. R. Et in cathedra seniorum laudent eum.

AD LAUDES

ET PER HORAS.

Añ. Domine quinque talenta. cum ceteris ut in Communi unius Confessoris, pag. 75\*.

Capitulum Dilēctus Deo., Hymnus Jesu Redemptor omnium. et V. Justus germinabit. ibidem.

Ad Benedictus Añ. Quodcumque ligaveris super terram erit ligatum et in cælis, et quodcumque solveris super terram erit solutum et in cælis, dixit Dominus Simoni Petro.

Oratio.

**D**EUS, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti : concede ut intercessionis ejus auxilio, a peccatorum nostrorum nexibus liberemur. Qui vivis.

AD TERTIAM,

SEXTAM ET NONAM.

Capitula, R. R. et V. V. ut in Communi unius Confessoris, pag. 76\*.

AD II. VESPERAS.

Super Psalmos Añ. Domine quinque talenta tradidisti mihi : ecce alia quinque superlucratus sum. Psalmus Dixit Dominus : cum ceteris ut in Communi unius Confessoris, pag. 76\*.

Capitulum.

Eccli. 45.

**D**ILECTUS Deo et hominibus, cujus memoria in benedictione est : similem illum fecit in gloria sanctorum.

Hymnus Jam bone Pastor. ut pag. 935.

V. Tu es Petrus. R. Et super hanc petram ædificabo Ecclesiam meam.

Ad Magnificat Añ. Simon Bar Jona tu vocaberis Cephas, quod interpretatur Petrus : Janitor cæli pulsantibus aperi : supra modum peccavimus omnes : dimitte septuagies septies.

IN EODEM FESTO  
CATHEDRÆ S. PETRI  
ANTIOCHIÆ.TEMPORE PASCHALI.  
DUPLEX.

## AD I. VESPERAS.

Super Psalmos Añā. Iste Sanctus digne in memoriā vērtitur hōminum, qui ad gāudium trāsiit angelōrum, allelūia.

Capitulum. Eccli. 45.  
**D**ILECTUS Deo, et hominibus, cujus memoriā in benedictione est : similem illum fecit in glōria sanctorum.R. Quodcūque ligāveris super terram erit ligātum et in cælis : \* Et quodcūque sōlveris super terram erit solūtum et in cælis, Allelūia.  
V. Et ego dico tibi quia tu es Petrus, et super hanc petram ædificābo Ecclēsiā meam. — Et quodcūque sōlveris. Glōria. Allelūia.

Hymnus Jam bone Pastor., ut ad Matutinum.

V. Tu es Petrus, allelūia.  
R. Et super hanc petram ædificābo Ecclēsiā meam, allelūia.

Ad Magnificat Añā. Tu es Pastor ovium, Princeps Apostolorum : tibi traditæ sunt claves regni cælōrum, allelūia.

Oratio.

**D**EUS, qui beāto Petro Apostolo tuo, collātis clavibus regni cælestis, ligāndi atque solvēdi pontificium tradidisti : concede ut intercessionis ejus auxilio a peccatorum nostrorum nexibus liberemur. Qui vivis.

## AD MATUTINUM.

Invitorium. Tu es Pastor ovium, Princeps Apostolorum :

\* Tibi tradidit Deus claves regni cælōrum, allelūia.

Hymnus.

**J**AM bone Pastor Petre clemens accipe  
Vota precāntum, et peccāti vīculaResolve, tibi potestate tradita,  
Qua cunctis cælum verbo claudis, aperis.SIT Trinitati sempiterna glōria,  
Honor, potestas atque jubilatio,

In unitate, cui manet imperium

Ex tunc, et mundo per æterna secula. Amen.

## IN NOCTURNO.

Super Psalmos sola Añā. Tristitia vestra, allelūia, vertetur in gaudium, allelūia.

Tres Psalmi de Communi unius Confessoris per annum secundum ordinem Nocturnorum, scilicet in Feria secunda et in Feria quinta Psalmus Beātus vir. cum duobus sequentibus, pag. 68\*; Feria tertia et Feria sexta Psalmus Cum invocārem. cum duobus sequentibus, pag. 70\*; Feria quarta et Sabbato Psalmus Dōmine quis habitabit. cum duobus sequentibus, pag. 73\*.

Versiculi autem hoc ordine dicantur :

† Feria secunda et Feria quinta, V. Amāvit eum Dōminus, et ornāvit eum, allelūia. R. Stollam glōriæ induit eum, allelūia.

† Feria tertia et Feria sexta, V. Justum deduxit Dōminus per vias rectas, allelūia. R. Et ostendit illi regnum Dei, allelūia.

† Feria quarta et Sabbato Ƴ. Justus ut palma florēbit in domo Dōmini, allelūia. R. Sicut cedrus Libani multiplicābitur, allelūia.

Benedictiones ante Lectiones dentur etiam secundum, ordinem Nocturnorum.

Incipit Epistola prima beati Petri Apōstoli.

Lectio j. Cap. i.

**P**ETRUS Apōstolus Jesu Christi, electis advenis dispersionis Ponti, Galatiæ, Cappadociæ, Asiæ, et Bithyniæ, secundum præsciētiā Dei Patris, in sanctificationem Spiritus, in obediētiā, et asperisionem sanguinis Jesu Christi : grātia vobis et pax multiplicetur. Benedictus Deus et Pater Dōmini nostri Jesu Christi, qui secundum misericordiam suam magnam regenerāvit nos in spem vivam, per Resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in cælis in vobis, qui in virtute Dei custodimini per fidem in salutem, paratam revelari in tempore novissimo.

R. j. Beatus vir, qui metuit Dominum, allelūia : \* In mandatis ejus cupit nimis, allelūia, allelūia, allelūia. Ƴ. Potens in terra erit semen ejus, generatio rectorum benedicetur. — In mandatis ejus cupit nimis, allelūia, allelūia, allelūia.

Sermo sancti Augustini  
Episcopi.

(Serm. 15. de Sanctis.)

Lectio ij.

**I**NSTITUTIO solemnitatis hodiernæ a senioribus nostris Cāthedræ nomen accepit, ideo

quod primus Apōstolorum Petrus hodie Episcopatus Cāthedram suscepisse referatur. Recte ergo Ecclesiæ natālem Sedis illius colunt, quam Apōstolus pro Ecclesiarum salute suscepit, dicente Dōmino : Tu es Petrus, et super hanc petram ædificābo Ecclesiam meam. Petrum itaque fundamentum Ecclesiæ Dōminus nomināvit : et ideo digne fundamentum hoc Ecclesiā colit, supra quod ecclesiastici ædificii altitudo consurgit. Unde convenienter Psalmus, qui lectus est, dicit : Exaltent eum in ecclesia plebis, et in cāthedra seniorum laudent eum.

R. ij. De ore prudentis procedit mel, allelūia : dulcedo mellis est lingua ejus, allelūia : \* Favus distillans labia ejus, allelūia, allelūia. Ƴ. Sapientia requiescit in corde ejus, et prudentia in sermone oris illius. — Favus distillans.

Lectio iij.

**B**ENEDICTUS Deus, qui beatum Petrum Apōstolum in Ecclesia exaltari præcepit : quia dignum est ut fundamentum hoc in Ecclesia honoretur, per quod ad cælum conscenditur. Quod natalis ergo Cāthedræ hodie colitur, sacerdotale honoratur officium. Sibi hoc Ecclesiæ invicem præstant : quia tanto necesse plus habet Ecclesiā dignitatis, quanto sacerdotale officium plus honoris. Cum solemnitatem hanc Ecclesiis merito religiosa observatio introduxerit, miror cur apud quosdam infideles hodie tam perniciosus error increverit, ut super tumulos defunctorum cibos et



vina cónferant, quasi egréssæ de corpóribus ánimæ carnáles cibos requirant.

R. iij. Quodcúmque ligáveris super terram erit ligátum et in cælis : \* Et quodcúmque sólveris super terram erit solútum et in cælis, Allelúia. *ŷ.* Et ego dico tibi quia tu es Petrus, et super hanc petram ædificábo Ecclesiám meam. — Et quodcúmque sólveris. Glória. Allelúia.

Ante Laudes *ŷ.* Exáltent eum in ecclesiá plebis, allelúia. *R.* Et in cáthedra seniórum laudent eum, allelúia.

## AD LAUDES

ET PER HORAS.

Aña Sancti tui. cum ceteris ut in Communi Apostolorum Tempore Paschali, pag. 115\*.

Capitul. Diléctus Deo., Hymnus Jesu Redémptor ómnium. et *ŷ.* Justus germinábit. ut in Communi unius Confessoris Tempore Paschali, pag. 123\*.

Ad Benedictus Aña. Quodcúmque ligáveris super terram erit ligátum et in cælis et quodcúmque sólveris super terram erit solútum et in cælis, dixit Dóminus Simóni Petro, allelúia.

Oratio.

**D**EUS, qui beáto Petro Apóstolo tuo, collátis clávis regni cæléstis, ligándi atque solvéndi pontificium tradidisti : concéde ut intercessiónis ejus auxilio, a peccatórum nostrórum nexibus liberémur. Qui vivis.

## AD PRETIOSA.

Evangelium.

Secúndum Matthæum. Cap. 16.

**I**n illo témpore : Venit Jesus in partes Cæsáreæ Philippi :

et interrogábat discípulos suos, dicens : Quem dicunt hómines esse Filium hómínis? Tu autem Dómine.

## AD TERTIAM,

SEXTAM ET NONAM.

Capitula, *R.ŷ.* et *ŷ.ŷ.* ut in Communi unius Confessoris Tempore Paschali, pag. 124\*.

## AD II. VESPERAS.

Super Psalmos Aña. Sancti tui Dómine florébunt sicut lílium, allelúia : et sicut odor bálsami erunt ante te, allelúia. Psalmus Dixit Dóminus. cum ceteris ut in Communi unius Confessoris extra Tempus Paschale, pag. 76\*.

Capitulum.

Eccli. 45.

**D**ILECTUS Deo et hominibus, cujus memoria in benedictióne est : símilem illum fecit in glória sanctorum.

Hymnus Jam bone Pastor., pag. 935.

*ŷ.* Tu es Petrus, allelúia. *R.* Et super hanc petram ædificábo Ecclesiám meam, allelúia. Ad Magnificat Aña. Simon Bar Jona tu vocáberis Cephás, quod interpretátur Petrus : Jánitor cæli pulsántibus áperi : supra modum peccávimus omnes : dímmitte septuágies sépties, allel.

## DIE XXIII. FEBRUARII.

## S. PETRI DAMIANI

EPISC. CONF. ET ECCL. DOCT. DUPLEX.

Oratio.

**C**ONCEDE nos, quæsumus Omnipotens Deus, beáti Petri, Confessóris tui atque Pontificis, mónita et exémpla sectári : ut per terrétrium rerum contéptum, ætérna gáudia consequámur. Per.

## IN I. NOCTURNO.

Post Cineres, Lectiones Fidé-  
lis sermo. de Communi unius  
Confessoris Pontificis, pag. 70\*.

## IN II. NOCTURNO.

## Lectio iv.

**P**ETRUS Ravennæ honestis  
paréntibus natus, adhuc  
lactens a matre numerosæ  
prolis pertæsa abjicitur : sed  
domésticæ mulieris ópera se-  
mivivus excéptus ac recreá-  
tus, genitrici ad humanitátis  
sensem revocatæ rédditur.  
Utróque orbátus parénte, tan-  
quam vile mancipium sub  
áspera fratris tutelá duram  
servitútem exércuit. Religio-  
nis in Deum ac pietátis erga  
patrem, egrégium tunc spéci-  
men dedit : invéntum siqui-  
dem forte nummum, non pró-  
priæ inédiæ sublevándæ, sed  
Sacerdoti, qui divinum Sacri-  
fícium ad illius expiatiónem  
offérret, erogávit. A Damiáno  
fratre, a quo, uti fertur, cogno-  
méntum accépit, benigne re-  
céptus, ejus cura lítteris eru-  
ditur, in quibus brevi tantum  
profécit, ut magistris admira-  
tióni esset. Cum autem libe-  
rálibus sciéntiis floréret et  
nómine, eas cum laude dócuit.  
Interim, ut corpus ratióni súb-  
deret, sub móllibus véstibus  
cilícium adhibuit, jejúniis, vi-  
giliis et oratióibus solérter  
insistens. Calénte juvénta dum  
carnis stimulis ácríter urgerét-  
ur, insultántium libidinum  
faces rigéntibus flúvii mersus  
aquis noctu exstinguébat; tum  
venerabilia quæque loca obíre,  
totúmque Psaltérium recitáre  
consuéverat. Ope assidua páu-  
peres levábat, quibus frequén-

ter pastis convívio própriis  
ipse mánibus ministrábat.

## Lectio v.

**P**ERFICIENDÆ magis vitæ  
causa, in Avellanénsi Eu-  
gubínæ diocécis cœnóbio Or-  
dini monachórum sanctæ Cru-  
cis Fontis Avellánæ, a beáto  
Lodúlpho, sancti Romuáldi  
discipulo, fundáto, nomen  
dedit. Non ita multo post, in  
monastérium Pomposiánum,  
mox in cœnóbium sancti Vin-  
céntii Petræ Pertúsæ ab Ab-  
báte suo missus, utrúmque  
ascetérium verbo sacro, præ-  
cláris institutióibus et móri-  
bus excóluit. Ad suos revo-  
cátus, post Præsidis óbitum,  
Avellanitarum familiæ præ-  
fícitur, quam novis, váriis in  
locis, exstrúctis domiciliis et  
sanctíssimis institútis ita auxit,  
ut alter ejus Ordinis Parens,  
ac præcipuum ornaméntum  
jure sit hábitus. Salutárem Pe-  
tri sollicitúdinem ália quoque  
divérsi institútí cœnobia, Ca-  
nonicórum convéntus, et pó-  
puli sunt expérti. Urbináti  
diocécí non uno nómine pró-  
fuit. Theuzóni Episcopo in  
causa gravíssima assédit,  
ipsúmque in recte admini-  
strándo episcopátu consilio et  
ópera juvit. Divinórum con-  
templatióne, córporis macera-  
tióibus, ceterisque spectáte  
sanctimóniæ exémplis excél-  
luit. His motus Stéphanus No-  
nus Póntifex Máximus eum  
licet invítum et reluctántem  
sanctæ Románæ Ecclésiæ Car-  
dinálem creávit, et Ostiensem  
Episcopum. Quas Petrus di-  
gnitátes splendidíssimis virtú-  
tibus et consentáneis episco-  
páli ministério operábus gessit.

## Lectio vj.

**D**IFFICILIMO tempore Romane Ecclesiæ Summisque Pontificibus doctrina, legationibus aliisque susceptis laboribus mirifice adfuit. Adversus Nicolaitarum et Simoniacam hæreses ad mortem usque strenue decertavit. Huiusmodi depulsis malis, Mediolanensem Ecclesiæ Romanæ conciliavit. Benedicto et Cadalo falsis Pontificibus fortiter restitit. Henricum Quartum Germaniæ regem ab iniquo uxoris divortio deterruit. Ravennates ad debita Romano Pontifici obsèques revocatos sacris restituit. Canonicos Veliternos ad sanctioris vitæ leges composuit. In provincia præsertim Urbinatè vix ulla fuit episcopalis Ecclesià, de qua Petrus non sit benemeritus : Eugubinam, quam aliquando creditam habuit, multis levavit incommodis : alias alibi, quando oportuit, perinde curavit, ac si suæ essent tutelæ commissæ. Cardinalatu et episcopali dignitate depositis, nihil de pristina iuvandi proximos sedulitate remisit. Jejunium sextæ Feriæ in honorem sanctæ Crucis Jesu Christi : horarias beatæ Dei Genitricis preces ejusque die Sabbato cultum propagavit. Inferendæ quoque sibi verberationis morem ad patratorum scelerum expiationem provexit. Demum sanctitate, doctrina, miraculis et præclære actis illustris, dum e Ravennatè legatione rediret, Faventiae octavo Kalendas Martii migravit ad Christum. Ejus corpus ibidem apud Cistercienses multis mi-

râculis clarum, frequentî populorum veneratione cõlitur. Ipsam Faventini non semel in præsentî discrimine propitium experti, Patrõnum apud Deum delegerunt. Leo vero Duodecimus Pontifex Maximus Officium Missamque in ejus honorem tamquam Confessoris Pontificis, quæ aliquibus in diocesisibus atque in Ordine Camaldulensium jam celebrabantur, ex sacrorum Rituum Congregationis consulo, addita Doctoris qualitatè, ad universam extendit Ecclesiàm.

## IN III. NOCTURNO.

Homilia in Evangelium Vos estis sal terræ. de Communi unius Doctoris, pag. 80\*.

DIE XXIV. (ANNO VERO  
BISSEXT. XXV.) FEBRUARII.  
S. MATHIÆ APOSTOLI.

TOTUM DUPLEX.

## Oratio.

**D**EUS, qui beatum Mathiam Apostolorum tuorum collegio sociasti; tribue, quæsumus, ut ejus interventione tuæ circa nos pietatis semper viscera sentiamus. Per.

## IN I. NOCTURNO.

De Actibus Apostolorum.

Lectio j. Cap. 1.

**I**N diebus illis : Exsurgens Petrus in medio fratrum dixit (erat autem turba hominum simul fere centum viginti) : Viri fratres, oportet impleri Scripturam, quam prædixit Spiritus sanctus per os David, de Juda, qui fuit dux eorum, qui comprehensus erat Jesus : qui connumeratus erat



in nobis, et sortitus est sortem ministerii hujus. Et hic quidem possédit agrum de mercéde iniquitátis, et suspensus crépuit médius : et diffúsa sunt ómnia viscera ejus.

R̃. j. Ecce ego mitto vos sicut oves in médio lupórum, dicit Dóminus : \* Estóte ergo prudentes sicut serpentes, et simplices sicut columbæ. V. Tradent enim vos in conciliis, et in synagógis suis flagellábunt vos. — Estóte ergo prudentes.

Lectio ij.

**E**T notum factum est ómnibus habitántibus Jerúsalem, ita ut appellaré tur ager ille, lingua eórum, Hacéldama, hoc est Ager sánguinis. Scriptum est enim in libro Psalmórum : Fiat commorátio eórum desérta, et non sit qui inhábitet in ea : et episcopátum ejus accipiat alter. Opórtet ergo ex his viris, qui nobiscum sunt congregáti in omni témpore, quo intrávit et exívit inter nos Dóminus Jesus, incípiens a baptísmate Joánnis usque in diem, qua assúptus est a nobis, testem Resurrectiónis ejus nobiscum fieri unum ex istis.

R̃. ij. Tóllite jugum meum super vos, dicit Dóminus, et discite a me, quia mitis sum, et húmilis corde : \* Jugum enim meum suáve est, et onus meum leve. V. Et inveniétis réquiem animábus vestris. — Jugum enim meum.

Lectio iij.

**E**T statuérunt duos, Joseph, qui vocabátur Bársabas, qui cognominátus est Justus : et Mathíam. Et orántes dixerunt : Tu Dómine, qui corda

nosti ómnium, osténde quem elégeris ex his duóbús unum accipere locum ministerii hujus, et apostolátus, de quo prævaricátus est Judas ut abíret in locum suum. Et déderunt sortes eis, et cécidit sors super Mathíam, et annúmerátus est cum úndecim Apóstolis.

R̃. iij. Dum stetéritis ante reges et præsides, nolite cogitare quómodo, aut quid loquámini : \* Dábitur enim vobis in illa hora, quid loquámini. V. Non enim vos estis qui loquimini, sed Spíritus Patris vestri, qui loquitur in vobis. — Dábitur enim vobis. Glória. Dábitur enim vobis.

## IN II. NOCTURNO.

De Expositióne sancti Augustíni Episcopi super Psalmum octuagésimum sextum.

(Ante medium.)

Lectio iv.

**F**UNDAMENTA ejus in móntibus sanctis : díligit Dóminus portas Sion. Quare sunt fundaménta Apóstoli et Prophétæ? Quia eórum auctóritas portat infirmitátem nostram. Quare sunt portæ? Quia per ipsos intrámus ad regnum Dei : prædicant enim nobis : et cum per ipsos intrámus, per Christum intrámus. Ipse est enim jánuas. Et cum dicútur duódecim portæ Jerúsalem; et una porta Christus, et duódecim portæ Christus, quia in duódecim portis Christus : et ideo duodenárius númerus Apostolórum.

R̃. iv. Vidi conjúctos viros habéntes spléndidas vestes, et Angelus Dómini locútus est

ad me, dicens : \* Isti sunt viri sancti, facti amici Dei. ¶ Vidi Angelum Dei volāntem per médium cæli, voce magna clamāntem, et dicētem. — Isti sunt viri sancti.

Sermo sancti Joānnis  
Chrysóstomi.

(In Encom. duodecim Apostolorum apud Metaph. Mense Junio.)

Lectio v.

**O** BEATUM et præclarum vestrum, o Apóstoli, cœtum, quod omnia facti estis omnibus Dei grátia, non arúndine, sed sermóne greges hóminum perite capiētes! Vos enim estis immóbiles columænæ rectæ fidei, sceptræ Ecclésiæ, et hujus máxime Pastóris vigiles defensóres, morbi humanitátis gratúiti médici, et nostræ ad Deum pœniténtiæ susceptóres misericórdes. Cum enim essétis véluti quædam animatæ incúdes, dum verberarémur, eos qui verberábant fabricáti estis ad agnitiónem.

¶ v. Isti sunt triumphatóres, et amici Dei, qui contemnētes jussa principum, meruērunt præmia ætérna : \* Modo coronántur, et accipiunt palmam. ¶ Isti sunt, qui venérunt ex magna tribulatióne, et lavérunt stolas suas in ságuine Agni. — Modo coronántur.

Lectio vj.

**N**ON cessant omnes ómnibus ubique benefácere. Púlvorem immortálem reliquerunt in sepúlcris : nunc quidem pii cultóres, paulo post autem, sedētes mundi júdices. Cum huic appropinquasset claudus, revérsus est sanis

et intégris pèdibus. Cum in illum incidisset paralyticus, jussus est ferre grabátum. Alius vocábat mórtuos : illi vero statim obtemperáruñt. Altérius autem umbra sola fugábat morbos. Altérius invocatióne exhorrébant dæmones, et eórum sudária distillábant medicinam.

¶ vj. Vos estis lux mundi, dicit Dóminus, \* Qui in paciéntia vestra Possidébitis ánimas vestras. ¶ Et ego dispóno vobis sicut dispósuit mihi Pater meus regnum, ut edátis, et bibátis super mensam meam in regno meo. — Qui in paciéntia vestra. Glória. Possidébitis ánimas vestras.

IN III. NOCTURNO.

Lectio sancti Evangélij  
secúndum Matthæum.

Lectio vij.

Cap. 11.

**I**n illo émpore : Respóndens Jesus dixit : Confíteor tibi Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Et réliqua.

Homília sancti Joānnis  
Chrysóstomi.

(Hom. 39. in Matth.)

**Q**UOD hic, Confíteor, dixit, quidem valet quod, Grátias ago. Grátias, inquit, tibi ago, quóniam a prudéntibus et sapiéntibus hæc celásti. An igitur perditiónē illórum gaudere ipsum dicémus, et quóniam illi hæc non didicére? Mínime. Non ergo quia sapiéntes non cognovérunt, gaudet : sed quia párvuli percepérunt, lætátur. Ita et Paulus dicit : Grátias ago Deo meo, quóniam fuistis servi peccáti :

obedistis autem ex corde in quam traditi estis formam doctrinae. Non ergo Paulus propterea gaudet, quia erant servi peccati; sed quia, cum essent huiusmodi, veritatis cultores facti sunt.

R. vij. Isti sunt viri sancti, quos elegit Dominus in caritate non ficta, et dedit illis gloriam sempiternam : \* Quorum doctrina fulget Ecclesia, ut sole luna. V. In omnem terram exivit sonus eorum : et in fines orbis terrae verba eorum. — Quorum doctrina fulget Ecclesia.

#### Lectio viij.

**P**RUDENTES autem hic Scribas et Phariseos appellat : quibus verbis alacriores reddit discipulos : cum intelligant illa se piscatores esse consecutos, a quibus illi summi, ut videbantur, viri exciderunt. Cum autem Sapientes dixerit : non illam veram laudabilem sapientiam intelligit : sed hanc, quae saeculari doctrina praestatur. Idcirco etiam non dixit, Stultis revelasti, sed Parvulis : quasi non formatis adhuc, sed simplicibus.

R. viij. Qui sunt isti, qui ut nubes volant, \* Et quasi columbae ad fenestras suas? V. Candidiores nive, nitidiores lacte, rubicundiores ebore antiquo. — Et quasi columbae ad fenestras suas.

#### Lectio ix.

**I**TA ostendit non indigne illos, sed jure his rebus fuisse privatos : ac per omnia nos docet flatum superbiae omnino esse fugiendum, ac simplicitatem aemulandam. Quod Paulus amplioribus verbis scribit,

dicens : Si quis in vobis videtur in hoc saeculo sapiens esse, is fiat stultus, ut sapiens efficiatur : sic enim gratia Dei monstratur. Cur vero gratias agit Patri, cum ipse illud fecerit? Sicut orat et intercedit pro nobis ad Deum, magnam erga nos declarans caritatem, sic etiam et hoc ex caritatis fervore peragit.

R. ix. Gregem tuum Pastor aeternae non deseras, sed per beatos Apostolos tuos \* Perpetua defensione custodias. V. Protege Domine populum tuum, et Apostolorum tuorum patrocinio confidentem. — Perpetua defensione custodias. Gloria. Perpetua defensione custodias.

DIE XXV. (ANNO VERO  
BISSEXT. XXVI.) FEBRUARII.  
B. CONSTANTII A FABRIANO  
CONF. ORD. PRÆD.

DUPLEX.

Oratio.

**D**EUS, qui beatum Constantium, Confessorem tuum, assidue orationis et promovendae pacis studio in populis gloriosum effecisti : ejus nobis intercessionem concede ut per justitiae semitas iugiter incedentes, pacem et gloriam assequamur aeternam. Per.

#### IN I. NOCTURNO.

Lectiones Beatus vir. de Comuni unius Confessoris non Pontificis, pag. 81\*.

#### IN II. NOCTURNO.

Lectio iv.

**C**ONSTANTIUS Fabriani in Piceno honestis ortus parentibus, prima aetate sancte



traducta, evangélicæ perfectionis ardóre incensus, Prædicatórum Ordini nomen dedit. Sub sancti Antonini primum, dein vero sub venerábilis Conradini Brixiensis disciplina ádeo in sanctorum scientia profecit, ut ceteris esset velut absoluta quedam religiósæ perfectionis imágo. Miræ abstinentiæ vir, præter stata Ordinis jejúnia a se diligentissime servata, sextis quoque Quadragesimæ Féris pane tantum et aqua, quoad usque vixit, se reficere sólitus fuit. Páleis pro strato utebátur, hirtóque cilicio flagrisque carnem subiciens, castitatem perpétuo custodivit. In sacrarum litterarum stúdio et meditatione defixus, fere semper orans videbátur. Matutinis láudibus absolutus, unus ipse in choro persistens, eo spiritus fervóre preces fundébat, ut ipsius suspiria, gémitus, sæpe étiam clamóres ex íntimo corde vehementius erumpéntes, éminus audiréntur.

## Lectio v.

**Q**UOTIDIE Officium Defunctorum, sæpissime Psalterium recitare in more hábuit, quod quidem se nunquam absolvisse testátus est, quin a Deo efflagitata obtinúerit. Hinc Mahumetanis Græciam oppugnántibus, cum illud persolvere rogarétur, plúries inchoátum explére se minime potuisse affirmávit, id Dei voluntate factum conjéctans, ut illæ gentes ob iterátam a Cathólicis defectionem méritas lúerent pœnas. Prophético spiritu patriæ direptionem longe ante prænuntiásse tráditur,

neque interim grátia visionum cáruit. Siquidem Asculi in ecclésia orans, ánimam sancti Antonini ab ángelis in cælum efférri suspexit eo témporis moménto, quo Virum sanctissimum Floréntiæ decessisse póstea compértum est. Qua visione a Summis Pontificibus Hadriáno Sexto et Clemente Séptimo in bulla canonizationis approbata, tum beatissimi Antistitis post mortem glóriam, tum Servi sui adhuc in terris degéntis sanctitatem Deus voluit esse testátam.

## Lectio vj.

**P**RÆDICATIONIS munus summo cum auditorum fructu obíisse légitur, nedum sanctissimæ vitæ exémplo, sed et prodigiis sæpe confirmátum : inter quæ illud præclárum, quod pane cælitus suppeditato egéntes non semel exsaturáverit. Opere et sermóne potens, factiones et ódia, quibus Asculána urbs tunc misere discerpebátur, patientia et mansuetúdine usus exstinxit. Dénique perantíquo sancti Dominici cenóbio et templo restaurátis in dicta civitate, suisque ibidem reductis ad reguláris disciplinæ observántiam, méritis et annis plenus, sancto fine quíevit anno millésimo quatercentésimo octogésimo primo, sexto Kaléndas Mártii. Quæ magna semper fúerat de Constantii sanctitate populórum opinio, Mántuæ præsertim, quo ad comitia provinciália perréxerat, miris manifestata modis, eadem víguit in morte. Hinc beáti Viri corpus honorífice cónditum, sanitátum grátiis illústre factum,

Asculáni cives insigni cultu prosecúti sunt. Sed et Fabrianenses sacrum Concívis sui caput pro summo thesauro ad se deférri curárunť, eúmque in Patrónum urbis eléctum ánnuo festo coluérunt. Quem cultum utrobique nunquam intermissum Pius Séptimus Póntifex Máximus approbávit, et in ejus honórem, tam ab univérso Prædicatórum Ordine quam a Clero Asculáno, Fabrianénsi, nec non Mathilicénsi Officium recitándum Missámque celebrándam decrevit.

### IN III. NOCTURNO.

Homilia in Evangelium Designávit Dóminus. de Comuni unius Confessoris non Pontificis, pag. 84\*.

DIE XXVIII. (ANNO VERO BISSEXT. XXIX.) FEBRUARIJ.

B. VILLANÆ DE BOTTIS

VIDUÆ ORD. PRÆD.

DUPLEX.

Oratio.

**D**EUS, qui beátam Villánam fámulam tuam, a mundi illécebris revocatam, per omnes pœniténtiæ et humilitátis sémitas transire fecísti; illius intercessióne concéde ut reátus nostri conféssio indulgéntiam tuam váleat inveníre. Per.

### IN I. NOCTURNO.

De Cánticis canticórum.

Lectio j.

Cap. 3.

**I**n léctulo meo per noctes quæsi vi quem diligit ánima mea : quæsi vi illum, et non invéni. Surgam, et circuibo civitátem : per vicos et platéas quæram quem diligit ánima mea : quæsi vi illum, et non

invéni. Invenérunt me vigiles, qui custódiunt civitátem. Num quem diligit ánima mea, vidístis? Páululum cum pertransissem eos, invéni quem diligit ánima mea : ténui eum : nec dimittam donec introducam illum in domum matris meæ, et in cubiculum genitricis meæ.

Lectio ij.

Cap. 8.

**Q**UIS mihi det te fratrem meum sugéntem úbera matris meæ, ut invéniam te foris, et deósculer te, et jam me nemo despiciat? Apprehéndam te, et ducam in domum matris meæ : ibi me docébis, et dabo tibi póculum ex vino condíto, et mustum malórum granatórum meórum. Læva ejus sub cápite meo, et dextera illius amplexábitur me. Adjúro vos filie Jerúsalem, ne suscitétis, neque evigiláre faciátis diléctam donec ipsa velit.

Lectio iij.

**Q**UÆ est ista, quæ ascéndit de desérto, deliciis áfluens, innixa super diléctum suum? Sub árbore malo suscítavi te : ibi corrúpta est mater tua, ibi violáta est génitrix tua. Pone me ut signáculum super cor tuum, ut signáculum super bráchium tuum : quia fortis est ut mors diléctio : dura sicut inférnus æmulátio, lámpades ejus lámpades ignis atque flammárum. Aquæ multæ non potuérunt exstinguere caritátem, nec flúmina óbruent illam.

### IN II. NOCTURNO.

Lectio iv.

**V**ILLANA sub ínitiúm sæculi décimi quarti ex honésta familia de Bottis Floréntiæ

orta, ab unguiculis cælestium desideriiis, ac summæ pœnitentiæ opëribus únice se addictam exhibuit. Hinc ad cælestem Sponsum ferventer anhelans domo aufúgit, ut in sacrarum Virginum collégio semetipsam ábderet. Sed frustra, quia divinæ misericórdiæ divitiæ super eam látius patere debébant. Ideoque patris voluntate matrimonio quamvis reluctans juncta, sæculi vanitatibus et pompis indúlgens, ab inchoatæ spirituális vitæ ratione paulisper deflexit. Verum errantem ovem bonus Pastor Jesus perire nolens, dum ipsa sese studiosius ornáret, suique vultus venumstátem in spéculo contempláretur, effécit, ut horribilem in illo daemonis figúram iterum iterumque conspiceret. Quo visu, sui spiritus fœditatem agnoscens, ac summopere deterrita, abjéctis illico pretiósiss vestibus monilibusque, húmili amictu ad Fratres Prædicatores sanctæ Mariæ Novellæ convolávit, et ingénti lacrimarum imbre præteritas animæ sordes ábluit.

#### Lectio v.

**H**AC mutatióne dexterae Excelsi, Villána ut tempus redimeret, totam se jejúniis, orationibus, cujusque generis expiationibus, rerumque periturarum contemptui dedit. Nedum autem intermissum pristinae spirituális vitæ gressum ferventius reassumpsit; sed brevi étiam tanto divini amoris æstuávit igne, melioribusque charismatibus fuit dignata, ut sæpius in éxtasim raperetur, præsertim divini

Sacrificii témpore, et cum lectio vel sermo de spirituálibus haberetur. Admónita vero ut austeritatibus modum impóneret, respondébat talem esse divini amoris, quam experiebatur, dulcedinem, ut corporális cibus ei esset fastidio. Tanta ea in páuperes caritate flagrávit, ut nonnisi in obséquium paréntum et mariti, stipem pro iisdem ostiátim peténdi consilium deposúerit. Ut Filio Dei crucifixo perfectius conformaretur, injuriæ, calumniæ, contuméliæ, diuturnæ gravesque infirmitates, ac daemonum insultus et insidiæ illi non defuere. Quæ omnia ádeo fórtiter tolerávit, ut plura addi vehementer optáret.

#### Lectio vj.

**H**IS aliisque pœnitentiæ, fortitudinis ac omnimodæ pietátis opëribus, cælitum apparitionibus et colloquiis frui, supernaturalibus splendoribus illius cubiculum perfúndi, spiritúque prophetiæ insigniri plúries pluriesque Villanam promeruisse pro certo tráditur. Tandem cum tempus properáret, ut tantarum virtutum præmia perciperet, viribus corpóris exhausta, invidi hostis ártibus delúsis, Ecclesiæ Sacraméntis summa devotióne percéptis, dum Christi Pássio, uti exoptáverat, sibi legeretur, ad ea verba, Et inclinató cápite emisit spiritum : manibus ad modum crucis supra pectus compositis, pretiosam efflávit ánimam anno milésimo tercentésimo sexagésimo. Ejúsdem corpus hábitu Tértii Ordinis sancti Domini amictum, cælesti fragrans



odóre, tanta pópuli devotióne coli cœpit, ut per mensem et ultra in templo sanctæ Mariæ Novellæ recóndi non posset, cunctórum admiratióne, pluribúsque illius vestes frustatim decerpéntibus. Ejus étiam sanctitatem et glóriam in cælis váriis prodigiis testátam fuisse illius ævi monuménta ferunt. Unde non mirum si cultus eidem tot sæculórum decúrsu præstitus, magis magisque in dies ad hæc usque témpora créverit. Quibus rite cõgnitis et probátis, Leo Duodécimus Póntifex Máximus ex sacrórum Rítuum Congregatiónis consúltó, Officium et Missam in beatæ Villanæ honórem ab Ordine Prædicatórum et utróque Clero Florentinæ diocécis celebrári benigne indúlxit.

### IN III. NOCTURNO.

Homilia in Evangelium Simile est regnum cælórum thesauro. de Comuni unius nec Virginis nec Martyris, pag. 111\*.

### DIE I. MARTII. B. CHRISTOPHORI CONF. ORD. PRÆD.

DUPLEX.

Oratio.

**D**EUS, qui beátum Christóphorum Confessórem dignum tibi fámulum reddidísti; ejus méritis et imitatióne, concede ut Christum in nobis tota mentis intentiόne et cordis afféctu portáre valeámus : Qui tecum vivit.

In j. Vesperis et Laudibus Memoria S. Albini Episcopi et Confessoris.

Oratio.

**D**A, quæsumus omnipotens Deus : ut beáti Albini, Confessóris tui atque Póntificis, veneránda solémnitas et devotiόnem nobis áugeat, et salutem. Per.

### IN I. NOCTURNO.

Lectioes Beátus vir. de Comuni unius Confessoris non Pontificis, pag. 81\*.

### IN II. NOCTURNO.

Lectio iv.

**G**LORIOSO eórum ágmini, qui per sæculum decimum quintum Ordinem Prædicatórum vitæ sanctimónia illustrárun, mérito accensendus est beátus Christóphorus de Mediólano : qui cum Prædicatóris generális múnere fungerétur, divérsas Itáliæ regiones, sed præcipue occídendo Ligúriæ oram evangelizándo circumcúrsans Tábiæ cónstitit, ibique rogátu civium, et collátis ultro subsidiis, convéntum et ecclésiám sub invocatióne beatæ Mariæ Matris misericordiárum fundávit. Fuit magni nóminis prædicátor, virtútibus ac dótibus, quæ virum decent apostólicum, cumuláte instrúctus : cujus efíficácia verbi ac præcláris exémpis, magna in pópulis perditórum hóminum ad Christum convérsio et morum mutatió effécta est.

Lectio v.

**C**ENOBIO ab se fundató diu præfécus, tamquam lucérna supra montem pósita, ita suæ conversatiónis lúmine sibi Tabiénsium ánimos devínxit, ut ex primóribus ple-

rique, quo tutum sub tanto magistro ad christiánam perfectionem iter arriperent, Ordini dato nómine, illi se discipulos adjúnxerint. Divini cultus imprimis sollicitus, dispósuit ut qui per hebdomadam directioni ecclesiástici officii deputabántur, ad instar priórum sacerdotum templo inserviéntium, non possent domo égređi, neque in áliis occupári, sed cultui únice mancipári, pro ceteris fratribus, áliis deténtis ministériis, sequestres apud Deum manérent. Bonórum studiórum vindex formam dedit, qua fratres, sepóitis profanis aut parum utilibus investigationibus, in assidua sacrarum Scripturarum lectione, et Patrum, præsértim vero Doctoris Angélici commentáriis diu noctúque versári debérent. Plura scripsit religiósissimæque prædicatóribus ádmódu utilia, quæ, uti illius doctrinæ ac zeli animarum illústria monumenta, apud ejus sodales adhuc asservántur.

## Lectio vj.

**S**PIRITU prophetiæ a Deo ditátum tradunt, ac multa prædixisse, quæ post ejus mortem événtu probata, sanctitátis illius famam in finitimis pópulis summópere auxérunt. Dénique, longæva licet ætate, eódem semper actus salutis animarum zelo, dum Pigni, quod Vintimiliénsis diocesis oppidulum est, Quadagesimali prædicationi vacáret, morbo corréptus, voluit quantocius ad suos deferri, ac ubi cénóbium ingréssus, statim generali confessione præ-

missa, Sacramentisque summa cum devotiône susceptis, orans et psallens, fratribusque plorántibus, ad cæléstem Pátriam evéctus est. Accidit ejus beata mors anno millésimo quadringentésimo octogésimo quarto, a fundatióne convéntus quarto supra vigésimum. Ejus corpus húmili primum loco conditum, ac succrescente de die in diem miraculórum fama, quæ ad Servi sui fidélis invocatiónem operabátur Deus, paucos post annos in arcam marmóream illátum, cultu ecclesiástico exinde coli cœpit. Quem cultum, ad nos usque propagátum, Pius Nonus Póntifex Máximus de consúlto sacræ Rítuum Congregationis ratum hábuit, indulsitque ut ánnua de beáto Christóphoro ab universo Prædicatórum Ordine memória cum Officio et Missa celebrétur.

## IN III. NOCTURNO.

Homilia in Evangelium Sint lumbi vestri. de Communi unius Confessoris non Pontificis, pag. 83\*.

DIE II. MARTII.  
B. HENRICI SUSONIS

CONF. ORD. PRÆD.

DUPLEX.

Oratio.

**D**EUS, qui beátum Henricum, Confessórem tuum, corpóris mortificatione et caritate mirábilem effecisti: concéde ut Christum crucifixum ópere in nobis exprimere, et corde diligere valeamus: Qui tecum vivit.

## IN I. NOCTURNO.

De libro Ecclesiastici.

Lectio j.

Cap. 6.

**F**ILI, a juventute tua excipe doctrinam, et usque ad canos invénies sapientiam. Quasi is qui arat, et sémínat, accède ad eam, et sístine bonos fructus illius. In ópere enim ipsius exíguum laborábis, et cito edes de generatiónibus illius. Quam áspera est nímium sapientia indóctis homínibus! et non permanébit in illa excors. Quasi lápidis virtus probátio erit in illis, et non demorabúntur projicere illam. Sapientia enim doctrinæ secúndum nomen est ejus, et non est multis manifestá. Quibus autem cónita est, permanet usque ad conspéctum Dei.

Lectio ij.

**A**UDI, fili, et áccipe consilium intelléctus, et ne abjicias consilium meum. Injice pedem tuum in cómpedes illius, et in torques illius collum tuum. Súbjice húmerum tuum, et porta illam, et ne acediéris vinctulis ejus. In omni ánimo tuo accède ad illam, et in omni virtute tua consérva vias ejus. Investiga illam, et manifestábitur tibi, et cótinens factus ne derelínquas eam : in novissimis enim invénies réquiem in ea, et convertétur tibi in oblectatióem. Et erunt tibi cómpedes ejus in protectiódinem fortitúdinis, et bases virtútis, et torques illius in stolam glóriæ : decor enim vitæ est in illa, et vinctula illius alligatúra salutáris. Stolum

glóriæ indues eam, et corónam gratulatiónis superpónes tibi.

Lectio iij.

**F**ILI, si atténderis mihi, disces : et si accommodáveris ánimum tuum, sapiens eris. Si inclináveris aurem tuam, excipies doctrinam : et si diléxeris audire, sapiens eris. In multitúdine presbyterórum prudéntium stá, et sapientiæ illórum ex corde conjúngere, ut omnem narratióem Dei possis audire, et provérbia laudis non effúgiant a te. Et si videris sensátum, evigila ad eum, et gradus ostiórum illius éxerat pes tuus. Cogitátum tuum habe in præcéptis Dei, et in mandátis illius máxime assíduus esto : et ipse dabit tibi cor, et concupiscéntia sapientiæ dábatur tibi.

IN II. NOCTURNO.

Lectio iv.

**H**ENRICUS Suso, Joánnes a Suévía dictus, ubi ex nobili æque ac illústri familia ortus, cognómen non a patre Montése, sed pótius Suson a matre, ceu piússima fémína, retínuit. Juste sanctéque educátus, ádeo in virtútibus profécit, ut décimo tértio ætátis anno ad altióra a Deo vocátus, Prædicatórum Ordini Constántiæ nomen dederit. Humánæ vero fragilitáti in Religióne páululum indúlgens, per quinquénium ita se hábuit, ut leves comunésque culpas parvipenderet, donec Deus, volens divitias misericórdiæ suæ osténdere, a terrenis afféctibus expeditum, illum ad se pénitus attráxit :



proptereaque Henricus inter-  
nis certaminibus et afflictati-  
onibus, quibus retardabatur in  
via perfectionis magno animo  
superatis, cælestia solum in-  
hians, Dei præsentiam jûgiter  
contemplare constituit.

#### Lectio v.

**C**HRISTIANÆ mortificationis  
Exemplar effectus, Christi  
Passionem in semetipso expri-  
mere miris abstinentiis cor-  
porisque cruciatibus conatus  
est : nam cilicium et catenam  
ferream diu tulit, ipsamque  
subûculam quibûsdam ligami-  
nibus et acubus obarmatam  
diu noctûque gestavit, et in  
ejûsdem Passiõis memoriã,  
lineam crucem clavis refertam  
inter scâpulas ad carnem  
sibi aptavit. Super nudam tâ-  
bulam, ac sine ullo operimêto  
dormire solêbat, multis præ-  
terea vigiliis, flagellatiõibus,  
aliisque pœnitentiæ opêribus  
corpus suum, ceu infensissi-  
mum hostem reputans, quoti-  
die in servitûtum redêgit. Di-  
vino amorê vehemêter ac-  
census, Nomen Jesu a latere  
pêctoris sinistro super carnem  
stylo impressit : sed Deus, qui  
ad sublimiõra illum vocâverat,  
côrporis cruciatus spîritus af-  
flictatiõibus, ceu amariõribus,  
cumulâvit.

#### Lectio vj.

**H**ISCE angûstiis, nec non  
hômînum molêstiis ac  
persecutiõibus Henricus ûn-  
dique jactatus, in Dei bonitâte  
confidens, firma spe, humili-  
tate et patiëntia, de advêrsis  
triumphâvit. In Ordinis ob-  
servatiõibus erat sollicitus,

orândi habens stûdium inde-  
fessum, ac silêntium, custô-  
dem cæremoniârûm religiô-  
nis, ita servâvit, ut nunquam  
perfrêgerit. Erga Deiparam  
Virginem Ordinis tutelârem  
ferventissimo ferebatur obsê-  
quio. Salûtis misértus animâ-  
rum, innúmeros peccatôres ad  
pœnitentiã redûxit, præci-  
pue vero dum magnam Ger-  
mâniæ partem, Suëviam im-  
primis, et Alsâtiã, verbî Dei  
prædicatiõni insistsens, per-  
lustrâvit. Omnium virtûtum  
gênere enituit, ac tanta fuit in  
ejus mente per Spîritum san-  
ctum gratiârûm diffûsa cõpia,  
in corde sincêritas, in sermõne  
veritatis auctõritas, talisque in  
actiõne caritatis et humilitatis  
lucêbat sâncritas, ut Deum,  
quem ûnicê diligebat, veris-  
sime prædicâret. Mõritur post  
multos labôres multasque pa-  
tiëntiæ corõnas, plenus diê-  
rum ac virtûtum, in cœnobio  
Ulménsi, ubi multis mirâculis  
a Deo claruisse perhibêtur.  
Hujus sancti Viri fama longe  
latêque diffûsa, cultum eccle-  
siasticum illico ad præsentem  
usque diem promêruit : quem  
rite probâtum Gregórius Dêci-  
mus sextus Põntifex Mâximus,  
ex sacrõrum Rîtuum Congre-  
gatiõis consûlto, confirmâvit,  
atque univêrso Prædicatõrum  
Ordini in beâtî Henrici honô-  
rem Officiû Missâmque be-  
nigne concéssit.

#### IN III. NOCTURNO.

Homilia in Evangelium Re-  
spõdens Jesus dixit : Confi-  
teor tibi, de Comuni unius  
Confessoris non Pontificis,  
pag. 82\*.

## DIE IV. MARTII.

S. CASIMIRI  
CONFESSORIS.

## DUPLIX.

## Oratio.

**D**EUS qui inter regales delicias et mundi illécebras sanctum Casimírur virtute constantiae roborasti : quæsumus ut ejus intercessiõne fideles tui terræna despiciant, et ad cæléstia semper aspirant. Per.

## IN I. NOCTURNO.

Post Cineres, Lectiones Beatus vir. de Communi unius Confessoris non Pontificis, pag. 81\*.

## IN II. NOCTURNO.

## Lectio iv.

**C**ASIMIRUS, patrè Casimiro, matre Elisabetha Austriaca Poloniæ régibus ortus, a pueritia sub óptimis magistris pietate et bonis artibus instructus, juveniles artus áspero domábat cilicio, et assiduís tenuábat jejúniis. Régii spreta lecti mollitiæ, dura cubábat humo : et clam intempésta nocte, præ fóribus templórum pronus in terra, divínam exorábat cleméntiam. In Christi contemplánda Passiõne assiduus, Missárum solémniis ádeo erecta in Deum mente solébat adéssé, ut extra se rapi viderétur.

## Lectio v.

**C**ATHOLICAM promovére fidem summópere stúduit, et Ruthenórum schisma abolére : quaprópter Casimírur patrem induxit ut legem ferret, ne schismátici nova templa construerent, nec vétera collabéntia restaurarent. Erga páuperes et calamitatibus oppressos benéficus et miséricors, patris et defensóris egenórum nomen obtinuit. Virgi-

nitátem dénique, ab incunábulis usque ad extrémum vitæ spíritum, integram intemeratámque servávit : gravi enim pressus infirmitate, mori potius quam castitátis jactúram ex medicórum consílio subire constánter decrevit.

## Lectio vj.

**C**ONSUMMATUS in brevi, virtutibus et méritis plenus, prænuntiáto mortis die, inter Sacerdótum et Religiosórum choros spíritum Deo reddidit, anno ætátis vigésimo quinto. Corpus Vilnam delátum, multis claret miraculis. Etenim, præterquam quod puella defuncta vitam, cæci visum, claudi gressum, et varii infirmi sanitátem ad ejus sepúlcrum recuperáront : Lithuánis exiguó número ad potentíssimi hostis insperatam irruptionem trepidántibus in ære appárens, insígnem tribuit victóriam. Quibus permótus Leo Décimus, eúmdem Sanctórum catálogo adscripsit.

## IN III. NOCTURNO.

Homilia in Evangelium Sint lumbi vestri. de Communi unius Confessoris non Pontificis, pag. 83\*.

## DIE VI. MARTII.

B. JORDANI A PISIS  
CONF. ORD. PRÆD.

## DUPLIX.

## Oratio.

**D**EUS, qui beátum Jordánur, Confessórem tuum, evangélicæ prædicatiõis dignum místrum effecisti : ex ejus nobis imitatiõne tribue operári quæ præcipis, ut æternæ mercédis fructum consequi valeámus. Per.

## IN I. NOCTURNO.

Lectiones Beatus vir. de Comuni unius Confessoris non Pontificis, pag. 81\*.

## IN II. NOCTURNO.

## Lectio iv.

**U**BEREM donorum copiam natura et gratia mutuo contulerunt in beatum Jordánum, qui Pisis circa dimidium décimi tértii sæculi progenitus est. Animam quippe sortitus bonam, post exactam laudabiliter adolescentiam, in cenóbio sancti Dominici illius civitatis, Prædicatorum Instituti habitum suscepit, brevique magni nominis concionator exstitit Multis annis Floréntiæ demoratus est, verbum Dei e suggesto annuntiare nunquam intermittens : nec mirum, si copiosos uberis messis fructus colligere illi datum fuerit; quandoquidem sanctitate vitæ morumque suavitate, magis quam doctrina et eloquentia, qua præstabat, oratorem sacrum habebat. Quam doctrinæ eminentiam moderatores Ordinis cum suspexissent, eum Lutétiam Parisiorum miserunt, ut ibidem Sententias interpretaretur. Sed morbo interceptus, vix Placéntiam ad Æmilie fines attigerat, quartodécimo Kalendas Septémbris, anno millésimo tercentésimo undécimo, placidissime spiritum Deo reddidit. Placéntia Pisas ejus corpus asportatum, juxta aram sancti Petri Mártiris in ecclésia sui Ordinis conditum fuit. Cultum ex tunc a fidelibus beato Jordáno præstitum, atque ad hæc usque tempora propagatum, Gregorius Décimus sextus

Pontifex Máximus ex sacrorum Rituum Congregationis consulto rite probavit, concessitque ut ejus festum ab universo Prædicatorum Ordine et a Clero Pisane dioceseos, cum Officio et Missa impoſterum institui valeret.

## Sermo sancti Joannis

## Chrysostomi.

(In Orat. de S. Philogonio.)

## Lectio v.

**B**EATI (Jordáni) dies, cujus festivitatem celebramus, ad ipsius recte factorum enarrationem linguam nostram evocavit: siquidem hodie Beatus iste ad tranquillam omnisque perturbationis expertem vitam tránsiit, eoque navigium appulit, ubi deinceps non poterit metuere naufragium, nec ullam animi perturbationem aut dolorem.

## Lectio vj.

**Q**UAM ob rem maximopere gratulor hujus Sancti felicitati, quod quamquam translatus est, atque hanc, quæ apud nos est, civitatem reliquit; tamen in alteram adscriptus est civitatem, nempe Dei : ac digressus ab hac Ecclésia, ad illam pervenit, quæ est primogenitorum descriptorum in cælis: ac relictis hisce festis, tránsiit ad celebritatem angelorum.

## IN III. NOCTURNO.

Homilia in Evangelium Sint lumbi vestri. de Comuni unius Confessoris non Pontificis, pag. 83\*.

**S**i Dominica prima Quadragesimæ die vij. Martii evenierit, fiat Officium de Dominica; festum vero S. Thomæ transferatur illo anno.



DIE VII. MARTII.  
S. THOMÆ DE AQUINO  
CONFESSORIS ET ECCLESIAE DOCTORIS  
ORDINIS PRÆDICATORUM.

TOTUM DUPLEX.

AD I. VESPERAS.

Super Psalmos Añā. Felix Thomas, Doctor Ecclesiæ, lumen mundi, splendor Italiæ, candens virgo flore munditiæ, bina gaudet corōna gloriæ. Psalmus Laudate pueri. cum ceteris, pag. 145.

Capitulum. Eccli. 45.

**E**LEGIT eum Dóminus ex omni carne, et dedit illi coram præcepta, et legem vitæ et disciplinæ, docere Jacob testaméntum suum, et iudicia sua Israel.

℟. Sertum gestans cum torque dúplici, cappa gemmis ornata cernitur : ex monili fulgōris cælici lux emissa mundo diffunditur : \* Augustinus Fratri sic loquitur : V. Thomas mihi par est in glória, virginali præstans munditia. — Augustinus Fratri sic loquitur. Glória. Augustinus Fratri sic loquitur.

Hymnus.

**E**XSULTET mentis júbilo  
Laudans turba fidélium,  
Errórum pulso núbilo  
Per novi solis rádium.

THOMAS in mundi vespere  
Fudit thesauros grátiae,  
Donis plenus ex æthere  
Morum et sapiéntiae.

DE cujus fonte lúminis  
Verbi corúscant fáculæ,  
Scriptúræ sacræ Núminis  
Et veritátis régulæ.

FULGENS doctrinæ rádiis,  
Clarus vitæ munditia,  
Splendens miris prodigiis,  
Dat toti mundo gáudia.

LAUS Patri sit ac Génito,  
Simúlque sancto Flámini,  
Qui sancti Thomæ mérito  
Nos cæli jungat ágmini.

Amen.

℣. Ora pro nobis beáte Thomas. ℞. Ut digni efficiámur promissionibus Christi.

Ad Magnificat Añā. Orbis Doctor civis cælestium, orbis decor, dux, lux fidélium, norma, limes, lex morum ómnium, vas virtútum ad vitæ bravium.

Oratio.

**D**EUS, qui Ecclesiam tuam beáti Thomæ Confessóris tui atque Doctóris mira eruditóne clarificas, et sancta operatione fecundas : da nobis, quæsumus, et quæ dócuit intellectu conस्पicere, et quæ egit imitatione complere. Per.

AD MATUTINUM.

Invitatorium. Adsunt Doctóris cælici Thomæ festa solémnia : \* Devotióne súpplici laudes promat Ecclesiá.

## Hymnus.

**T**HOMAS insignis genere,  
Claram ducens originem,  
Subit ætatis teneræ  
Prædicatorum Ordinem.

TYPUM gessit luciferi,  
Splendens in cœtu nubium,  
Plusquam doctores ceteri  
Purgans dogma Gentilium.

PROFUNDA scrutans flumini-  
num,

In lucem pandit abdita,  
Dum supra sensus hominum  
Obscura facit cognita.

FIT Paradisi fluvius  
Quadripartite pervius :  
Fit Gedeonis gladius,  
Tuba, lagena, radius.

LAUS Patri sit ac Genito,  
Simulque sancto Flámini,  
Qui sancti Thomæ merito  
Nos cœli jungat ágmini. Amen.

## IN I. NOCTURNO.

Añ. Doctor Thomas replê-  
tus grátia, præmonstrátus sac-  
ris oráculis, mundi, carnis,  
hostisque vitia fugat, exéplar  
datum sæculis. Psalmi de  
Communi unius Confessoris,  
pag. 68\*. et sequentibus.

Añ. Mentis innocentia, flos-  
que puritátis, exstitérunt præ-  
via luci veritátis.

Añ. Ope Doctóris cælici tota  
gaudet Ecclesiá : fulget Ordo  
Dominici peculiári glória.

℟. Amávit eum Dóminus et  
ornávit eum. ℞. Stolum glóriæ  
induit eum.

De libro Ecclesiástici.

Lectio j.

Cap. 39.

**S**APIENTIAM ómnium anti-  
quórum exquiret sapiens,  
et in prophétis vacabit. Nar-  
rationem virórum nominató-  
rum conservábit, et in versú-

tias parabolárum simul intro-  
ibit. Occúlta proverbiorum  
exquiret, et in absconditis pa-  
rabolárum conversábitur. In  
medio magnatórum ministrá-  
bit, et in conspectu præsidis  
apparébit. In terram alienige-  
nárum géntium pertránsiet :  
bona enim et mala in homini-  
bus tentábit.

℞. j. Sancti viri verbum pro-  
phéticum præmonstrávit mun-  
do mirificum sanctum Tho-  
mam Doctórem cælicum, \* Sec-  
tatórum sanctum Domíni-  
cum. ℣. Nam vir sanctus hunc  
matri grávidæ ducem prom-  
psit doctrinæ lúcidæ.— Secta-  
tórum sanctum Domínicum.

Lectio ij.

**C**OR suum tradet ad vigi-  
lándum dilúculo ad Dó-  
minum, qui fecit illum, et in  
conspectu Altíssimi deprecá-  
bitur. Apériet os suum in ora-  
tione, et pro delictis suis de-  
precábitur. Si enim Dóminus  
magnus volúerit, spiritu intel-  
ligentiæ replébit illum : et ipse  
tamquam imbres mittet elo-  
quia sapiéntiæ suæ, et in ora-  
tione confitébitur Dómino : et  
ipse diriget consilium ejus, et  
disciplinam, et in absconditis  
suis consiliábitur.

℞. ij. Christi pia tractus dul-  
cedine, mundum linquens probá-  
tur túrbine : \* Pugil fortis  
raptus de Ordine, vicit prorsus  
pulsá libidine. ℣. Orat pressa  
cruce mirífica : renes cingit  
manus angélica.— Pugil fortis.

Lectio iij.

**I**PSE palam faciét discipli-  
nam doctrinæ suæ, et in  
lege testaménti Dómini glo-  
riábitur. Collaudábunt multi

sapiéntiam ejus, et usque in sæculum non delébitur. Non recédet memorià ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit ecclésià. Si permanserit, nomen derelinquet plus quam mille : et si requiéverit, próderit illi.

R. ij. O ánima sanctíssima, qua contemplánte dúlciter, corpus linquébat infima, \* Stans sursum mirabiliter ! V. Nullo prorsus fultus subsidio, levabátur in raptus gáudio. — Stans sursum mirabiliter. Glória. Stans sursum mirabiliter.

## IN II. NOCTURNO.

Añ. O munus Dei grátiae, vincens quodvis miraculum ! pestíferæ supérbiæ nunquam persénsit stimulum.

Añ. Prece curat sócium febrem patiéntem, et in ora véstium sánguine fluéntem.

Añ. Stella candens émicat, stupórem dans insólitum : quæ instántem indicat beáti Thomæ tránsitum.

V. Justum dedúxit Dóminus per vias rectas. R. Et osténdit illi regnum Dei.

(Ex Rom. Breviario.)

Lectio iv.

**P**RÆCLARUM christiáni orbis decus et Ecclésiæ lumen, beatissimus vir Thomas, Landúlpho cómite Aquináte et Theodóra Neapolitána nobilibus paréntibus natus, futúre in Deiparam devotiónis afféctum adhuc infántulus osténdit. Nam chártaulam ab eo invéntam, in qua Salutatío Angélica scripta erat, frustra

adnitente nutrice, compréssa manu válide retinuit, et a matre per vim abréptam plorátu et gestu repétiit, ac mox réditam deglutivit. Quintum annum agens, mónachis sancti Benedicti Cassinátibus custodiéndus tráditur. Inde Neápolim studiórum causa missus, jam adoléscent Fratrú Prædicatórum Ordinem suscepit. Sed matre ac frátribus id indigne feréntibus, Lutétiam Parisiórum mittitur. Quem fratres, in itinere per vim raptum, in arcem castri sancti Joánnis perdúcant : ubi várie exagítatus, ut sanctum propósitum mutáret, mulierem étiam, quæ ad labefactándam ejus constántiam introducta fúerat, titiône fugávit. Mox beátus júvenis, flexis génibus ante signum Crucis orans, ibíque somno corréptus, per quiétem sentire visus est sibi ab Angelis constringi lumbos : quo ex témpore omni póstea libidinis sensu cáruit. Soróribus, quæ ut eum a pio consilio removérent, in castrum vénerant, persuásit ut contemptis curis sæculáribus, ad exercitatióne cæléstis vitæ se conférrent.

R. iv. De excelsis Fons sapiéntiæ sancto Thomæ infúdit cópiam, tamquam flumen claræ sciéntiæ : qui susceptam refúdit grátiam, dum fluéntis summæ peritiæ \* Rigat totam sanctam Ecclésiám. V. Stylus brevis, grata facúndia : celsa, clara, firma senténtia. — Rigat totam sanctam Ecclésiám.

Lectio v.

**E**MISSUS e castro per fenestram, Neápolim redúci-



tur : unde Romam, póstea Parisium a fratre Joanne Teutónico, Ordinis Prædicatórum generali Magistro, ductus, Alberto Magno doctore, philosophiæ ac theologiæ operam dedit. Viginti quinque annos natus, Magister est appellatus, publicèque philosophos ac theólogos summa cum laude est interpretatus. Nunquam se lectioni aut scriptiõni dedit, nisi post orationem. In difficultatibus locorum sacræ Scripturæ, ad orationem jejûnium adhibebat. Quin etiam sodali suo fratri Reginaldo dicere solebat, quidquid sciret non tam studio aut labore suo peperisse quam divinitus traditum accepisse. Neapoli cum ad imaginem Crucifixi vehementius oraret, hanc vocem audivit : Bene scripsisti de me, Thoma : quam ergo mercedem accipies? Cui ille : Non aliam Dõmine, nisi teipsum. Collationes Patrum assidue pervolutabat; et nullum fuit scriptorum genus, in quo non esset diligentissime versatus. Scripta ejus et multitudine, et varietate, et facilitate explicandi res difficiles adeo excelsunt, ut uberrima atque incorrupta illius doctrina, cum revelatis veritatibus mire consentiens, aptissima sit ad omnium tæporum errores pervincendos.

R. v. Felix Doctor, cujus solatio Angelorum servit attentio : Petrus, Paulus favent obséquio : \* Dei Mater mulcet allóquio. ¶. Elevatus a terra cernitur, Crucifixus eum allóquitur. — Dei Mater mulcet allóquio.

## Lectio vj.

**A**SUMMO Pontifice Urbano Quarto Romam vocatus, ejus jussu ecclesiasticum lucubravit Officium in Corporis Christi solemnitate celebrandum. Oblatos vero honores, et Neapolitanum Archiepiscopatum, etiam deferente Clemente Quarto, recusavit. A prædicatione divini verbi non desistebat; quod cum faceret per Octavam Paschæ in Basilica sancti Petri, mulierem, quæ ejus simbriam tetigerat, a fluxu sanguinis liberavit. Missus a beato Gregorio Décimo ad concilium Lugdunense, in monasterio Fossæ Novæ in morbum incidit, ubi ægrôtus Cántica canticorum explanavit. Ibidem obiit quinquagenarius, anno Salutis millésimo ducentésimo septuagésimo quarto, Nonis Martii. Miraculis etiam mortuus cláruit; quibus probatis, a Joanne Vigésimo secundo in Sanctorum número relatus est, anno millésimo tercentésimo vigésimo tertio : translato póstea ejus corpore Tolosam, ex mandato beati Urbani Quinti. Cum sanctis Angélicis Spiritibus non minus innocentia quam ingenio comparatus, Doctoris Angélici nomen jure est adeptus, eidem auctoritate sancti Pii Quinti confirmatum. Leo autem Décimus tertius, libentissime excipiens postulationes et vota omnium pene sacrarum Antistitum orbis cathólici, ad tot præcipue philosophicorum systematum a veritate aberrantium luem propulsandam, ad incrementa scientiarum,

et commúnem humáni géneris utilitátem, eum, ex sacrórum Rítuum Congregatiónis consúlto, per Apostólicas líttéras cæléstem Patrónum scholárum ómnium catholicárum declarávit et instituit.

R̃. vj. Sidus missum Thomæ de súperis, novo signo divíni muneris, \* Hunc cæléstem demonstrat céteris, Verbo, vita, doctrina, líttéris. Ṽ. Quam excelsus, quem cæli prædicant : quam præclárus, quem stellæ indicant! — Hunc cæléstem. Glória. Verbo, vita, doctrína, líttéris.

### IN III. NOCTURNO.

Añã, Instánte vitæ término, vidit regna cælestia : et revelánte Dómino, novit parátã præmia.

Añã. Seminávit hic largíter Doctor virtuosus : metit illic feliciter victor gloriósus.

Añã. Sidus de nube tráhitur, de fœno flos elícitur, salque de terra tollitur, dum Thomas cælo rédditur.

Ṽ. Justus ut palma florébit in domo Dómini. R̃. Sicut cedrus Líbani multiplicábitur.

Lectio sancti Evangélíi  
secúndum Matthæum.

Lectio vij. Cap. 5.

**I**n illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et reliqua.

Homília sancti Hierónymi  
Presbyteri.

(Lib. 1. Com. in c. 5. Matth.)

**S**AL appellántur Apóstoli et Doctóres : quia per illos univérsum hóminum conditur genus. Quod si sal evanúerit,

in quo saliétur? Si doctor erráverit, a quo álio doctóre emendábitur? Ad nihilum valet ultra, nisi ut mittátur foras, et conculcétur ab homínibus. Exémplum de agricultúra sumptum est. Sal étenim, sicut in cibórum condiméntum et ad siccándas carnes necessarium est : ita álium usum non habet. Certe légimus in Scriptúris urbes quasdam, ira victórum, sale seminátas, ut nulum in ipsis germen orirétur.

R̃. vij. Scholas Thomæ Paulus ingréditur, sacra simul fantur mystéria : digne tandem per raptum tráhitur \* Vir cælestis ad cæli præmia. Ṽ. Clamor Fratris trinus emittitur : Doctor noster a nobis tollitur. — Vir cælestis ad cæli præmia.

### Lectio vij.

**C**AVEANT ergo Doctóres et Epíscopi, et videant poténtes poténter torménta sustinére : nihilque esse remédii, sed majórum ruínã ad tártarum dúcere. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub módio, sed super candelábrum, ut lúceat ómnibus, qui in domo sunt. Docet fidúciã prædicándi, ne Apóstoli abscondántur ob metum, et sint símiles lucernæ sub módio : sed tota libertáte se prodant, ut quod audiérunt in cubiculis prædicent in tectis.

R̃. vij. Beáti Thomæ glória divo fulsit miráculo, dum odóris fragrántia mira fluxit ex túmulo : \* Qui nitens pudicitia, vixit absque piáculo. Ṽ. Hic speciáli grátia, lustráto men-

tis óculo, celsa novit mystéria,  
cæli doctus oráculo. — Qui  
nitens pudicitia.

### Lectio ix.

**N**OLITE putare quóniam  
veni sòlvare Legem aut  
Prophétas : non veni sòlvare,  
sed adimplère. Sive quod de  
se per álios prophetáta comple-  
verit : sive quod ea, quæ  
ante, propter infirmitatem au-  
diéntium, rúdia et imperfècta  
fúerant, sua prædicatione com-  
pléverit, iram tollens, et vicem  
taliónis exclúdens, et occúl-  
tam in mente concupiscéntiam  
damnans. Donec transeat cæl-  
lum et terra. Promittúntur no-  
bis cæli novi et terra nova,  
quæ factúrus est Dóminus  
Deus. Si ergo nova creánda  
sunt, consequénter vétera  
transitúra.

℞. ix. Sertum gestans cum  
torque dúplici, cappa gemmis  
omáta cérniture : ex monili ful-  
górís cælici lux emissa mundo  
diffúnditur : \* Augustínus Fra-  
tri sic lóquitur. V. Thomas  
mihi par est in glória, virgináli  
præstans mundítia. — Augu-  
stínus Fratri sic lóquitur. Gló-  
ria. Augustínus Fratri sic ló-  
quitur.

Ante Laudes V. Ora pro no-  
bis beáte Thoma. ℞. Ut di-  
gni efficiámur promissionibus  
Christi.

### AD LAUDES ET PER HORAS ANTIPHONÆ.

1. Adest dies lætitiæ, quo  
Thomas Doctor inclytus fit  
civis cæli cúriæ, bina coróna  
præditus. Psalmus Dóminus  
regnávit. cum ceteris, pag. 17.

2. Aurum sub terra tégitur,  
et lucérna sub módio : sed  
virtus Dei cérniture miraculó-  
rum rádio.

3. Alma mater Ecclésia, Chri-  
sti fundáta ságuine, sceptrá  
conscéndit grándia, novi Do-  
ctóris lúmine.

4. Pressus vi dæmónii cito  
liberátur : raptu mersus flúvii  
vitæ restaurátur.

5. Tumor gulæ péllitur, le-  
prósus mundátur, cæco lumen  
rédditur, claudó gressus datur.

### Capitulum.

Eccli. 45.

**E**LEGIT eum Dóminus ex  
omni carne, et dedit illi  
coram præcépta, et legem  
vitæ et disciplinæ, docére Ja-  
cob testaméntum suum, et ju-  
dicia sua Israel.

### Hymnus.

**L**AUDA mater Ecclésia  
Thomæ felicem éxitum,  
Qui pervénit ad gáudia  
Per verbi vitæ méritum.

FOSSA Nova tunc súscipit  
Thecam thesáuri grátia,  
Cum Christus Thomam éfficit  
Herédem regni glóriæ.

MANENS doctrinæ véritas,  
Et fúneris intégritas,  
Mira fragrans suávitás,  
Ægris colláta sánitas

MONSTRAT hunc dignum  
láudibus

Terræ, ponto, et súperis :  
Nos juvet suis précibus,  
Deo comméndet méritis.

LAUS Patri sit ac Génito,  
Simúlque sancto Flámini,  
Qui sancti Thomæ mérito  
Nos cæli jungat ágmini.

Amen.

V. Justus germinábit sicut  
lilium. ℞. Et florébit in ætér-  
num ante Dóminum.



Ad Benedictus Añā. Viror carnis flore munditiæ, vigor vitæ fructu justitiæ, splendor verbi dono scientiæ, te decórant stantem in ácie, te corórant in statu glóriæ. Oratio.

**D**eus, qui Ecclesiā tuam tui atque Doctóris mira eruditíone clarificas, et sancta operatíone fecundas : da nobis, quæsumus, et quæ dócuit intellectu conspícere, et quæ egit imitatione complére. Per.

## AD TERTIAM.

Capitulum. Eccli. 45.

**E**LEGIT eum Dóminus ex omni carne, et dedit illi coram præcépta, et legem vitæ et disciplinæ, docére Jacob testamentum suum, et iudicia sua Israel.

R̃. Amávit eum Dóminus, \* Et ornávit eum. Amávit eum. Ṽ. Stolat glóriæ induit eum. Et ornávit eum. Glória. Amávit eum.

Ṽ. Justum dedúxit Dóminus per vias rectas. R̃. Et osténdit illi regnum Dei.

## AD SEXTAM.

Capitulum. Eccli. 39.

**I**PSE tamquam imbres mittit elóquia sapiéntiæ suæ, et palam fáciat disciplinam doctriñæ ejus : collaudábunt multi sapiéntiam ejus, et usque in sæculum non delébitur.

R̃. Justum dedúxit Dóminus \* Per vias rectas. Justum. Ṽ. Et osténdit illi regnum Dei. Per vias rectas. Glória. Justum.

Ṽ. Justus ut palma florébit in domo Dómini. R̃. Sicut cedrus Libani multiplicábitur.

## AD NONAM.

Capitulum. Sap. 7.

**L**ÆTATUS sum, quóniam antecedébat me ista sapiéntia : quam sine fictióne didici, et sine invidia comunico, et honestátem illius non abscondo.

R̃. Justus ut palma florébit\* In domo Dómini. Justus. Ṽ. Sicut cedrus Libani multiplicábitur. In domo Dómini. Glória. Justus.

Ṽ. Justus germinábit sicut lilium. R̃. Et florébit in ætérnum ante Dóminum.

## AD II. VESPERAS.

Super Psalmos Añā. Adest dies lætitiæ, quo Thomas Doctor inclytus sit civis cæli cùriæ, bina coróna præditus. Psalmus Dixit Dóminus, cum ceteris de Comuni unius Confessoris, pag. 76\*.

Capitulum Elégit eum Dóminus., Hymnus Exsúltet mentis júbilo. et Ṽ. Ora pro nobis, ut in j. Vesperis, pag. 952.

Ad Magnificat Añā. Militántis Doctor Ecclesiæ, virgináli florens munditia, triumphántis optáta cùriæ sancte Thoma largire gáudia.

## PER OCTAVAM S. THOMÆ.

Ad Benedictus vel ad Memoriam in Laudibus Añā. Collaudétur Christus Rex glóriæ, qui per Thomam lumen Ecclesiæ mundum replet doctrina grátiæ.

Ṽ. de Comuni unius Confessoris.

Oratio Deus qui Ecclesiā tuam, ut in Laudibus Festi.

Ad Magnificat vel ad Memoriam in Vesperis Añæ. O Thomas laus et glória Prædicatōrum Ordinis, nos transfer ad cælestia, professor sacri Numinis.

V. Ora pro nobis beâte Thomas. R. Ut digni efficiámur promissionibus Christi.

Oratio Deus qui Ecclésiã tuam. ut in Laudibus Festi.

## PRIMA DIE

INFRA OCTAVAM S. THOMÆ.

Lectio j. et ij. de Feria, vel de Homilia corrente (quod observandum erit etiam in aliis diebus) : tertia vero de infra positus.

Lectio iij.

**C**UM Neápoli ad imáginem Crucifixi sanctus Thomas oráret, cúbiti altitúdine a terra sublátus audivit : Bene scripsisti de me, Thoma : quam ergo mercédem accipies? Tum ille : Non áliam, Dómine, nisi te ipsum. Ab Urbáno Quarto Romam vocátus, addúci non pótuit ut honóres accíperet. Archiepiscopátum étiam Neapolitánum, deferénte Cleménte Quarto, recusávit. Nemp̃ id unum erat ex tribus, quæ potissimum a Deo postuláre consuéverat : ut reguláris vitæ humilitátem ac paupertátem posset ad mortem usque serváre. Nullum fuit scriptórum genus, in quibus non esset diligentissime versátus : præsertim vero collatiónes Patrum ad componéndam vitam suam assidue volvébat. Memória fuit incredibili : ádeo ut res omnino divérsas uno témpore tribus et quátuor amanuénsibus quádoque dictáret.

## SECUNDA DIE

INFRA OCTAVAM S. THOMÆ.

Lectio iij.

**S**CRIBENDIS tot libris licet tantópere occupátus, sanctus Thomas a divini verbi prædicatióne non cessábat : quod cum per Octávam Paschæ fáceret Romæ in Basilica sancti Petri, mulierem, quæ vestem ejus tetigerat, a fluxu ságuinis liberávit. Jussu Gregórii Décimi pergens ad concilium Lugdunénse sanctus Thomas, in monastério Fossæ Novæ Cisterciénsis Ordinis in morbum incidit. Illic a mónachis benigne accéptus, eórum rogátu, æger licet, Cántica canticórum expósuit : sed cum morbus incrécsceret, pétiiit sibi sacrosáctam Eucharístiam exhibéri. Ut alláta fuit, etsi fractis viribus esset, humi se dejécit : et cum lácrimis adorans accépit. Post sacram deinde Uctiõem, eréctis in cælum óculis ac mánibus, felicissime obdormívit in Dómino, anno ætátis quinquagésimo, Salútis millésimo ducentésimo septuagésimo quarto.

## TERTIA DIE

INFRA OCTAVAM S. THOMÆ.

Lectio iij.

**M**ULTIS miráculis et vivus et mórtuus flóruit sanctus Thomas : quibus cónitis, a Joánnē Vigésimo secúndo in Sanctórum númerum relátus est, anno millésimo trecentésimo vigésimo tértio. Quin et illud a Pontífice tunc dictum ferunt áliis opus non esse miráculis : tot enim sanctum Virum fecísse mirácula, quot

scripsisset articulos. Ejus corpus postea, decreto Urbani Quinti, Ordini Prædicatorem, quem professus fuerat, concessum, Tolosam translatum est, ubi maxima veneratione a fidelibus colitur.

DIE VIII. MARTII.  
S. JOANNIS DE DEO  
CONFESSORIS.

DUPLEX.

Oratio.

**D**EUS, qui beatum Joannem, tuo amore succensum, inter flammam innodium incedere fecisti, et per eum Ecclesiam tuam nova prole fecundasti: præsta, ipsius suffragantibus meritis, ut igne caritatis tuæ vitia nostra curentur, et remedia nobis æterna proveniant. Per.

IN I. NOCTURNO.

Post Cineres, Lectiones Beatus vir. de Communi unius Confessoris non Pontificis, pag. 81\*.

IN II. NOCTURNO.

(Ex Romano Breviario.)

Lectio iv.

**J**OANNES de Deo, ex catholicis piisque parentibus in oppido Montis Majoris, Junioris regni Lusitanie, natus, quam sublimiter in sortem Domini fuerit electus, insuetus splendor super ejus domo refulgens, sonitusque aeris campani sua sponte emissus, ab ipso ejus natiuitatis tempore non obscure prænuntiarent. A laxiori vivendi ratione, divina operante virtute, revocatus, magnæ sanctitatis exhibere specimen cepit: et ob auditam prædicationem verbi Dei, sic ad meliora se excitatum sensit, ut jam ab ipso sanctioris

vitæ rudimento consummatum aliquid perfectumque visus sit attigisse. Bonis omnibus in pauperes carceribus inclusos erogatis, admirabilis penitentiae, suique ipsius contemptus cuncto populo spectaculum factus, a plerisque, ceu demens, graviter afflictus, in carcerem amantibus destinatum conjicitur. At Joannes, cælesti caritate magis incensus, gemino atque amplo valetudinario ex piorum eleemosynis in civitate Granatensi extructo, jactoque novi Ordinis fundamento, Ecclesiam nova prole fecundavit Fratrum Hospitalitatis, infirmis præclaro animarum corporumque profectu inservientium, et longe lateque per orbem diffusorum.

Lectio v.

**P**AUPERIBUS ægrôtis, quos propriis quandoque humeris domum deferēbat, nulla re ad animæ corporisque salutem proficua dēerat. Effusa quoque extra nosocomium caritate, indigentibus mulieribus, viduis, et præcipue virginibus periclitantibus clam alimenta subministrabat: curamque indefessam adhibebat, ut carnis concupiscētiā a proximis hujusmodi vitio inquinatis exterminaret. Cum autem maximum in regio Granatensi valetudinario excitatum fuisset incendium, Joannes impavidus prosiit in ignem, huc illuc discurrens, quousque tum infirmos humeris exportatos, tum lectulos e fenestris projectos ab igne vindicavit: ac per dimidiam horam inter flammam jam in immensum succrescentes versatus, exinde



divinitus incolumis, universis civibus admirantibus, exivit; in schola caritatis edocens segniorem in eum fuisse ignem, qui foris usserat, quam qui intus accenderat.

Lectio vj.

**M**ULTIPLICI asperitatum genere, demississima obedientia, extrema paupertate, orandi studio, rerum divinarum contemplatione, ac in beatam Virginem pietate mirifice excelluit, et lacrimarum dono enituit. Denique gravi morbo correptus, omnibus Ecclesiae Sacramentis rite sancteque refectus, viribus licet destitutus, propriis indutus vestibus e lectulo surgens ac provolutus in genua, manu et corde Christum Dominum e cruce pendentem perstringens, octavo Idus Martii anno millesimo quingentesimo quinquagesimo obiit in osculo Domini: quem etiam mortuus tenuit, nec dimisit, et in eadem corporis constitutione sex circiter horas, quousque inde dimotus fuisset, tota civitate inspectante, mirabiliter permansit, odorem mire fragrantem diffundens. Quem ante et post obitum plurimis miraculis clarum, Alexander Octavus Pontifex Maximus in Sancto-num numerum retulit.

IN III. NOCTURNO.

Lectio sancti Evangelii secundum Matthaeum.

Lectio vij. Cap. 22.

**I**n illo tempore: Accesserunt ad Jesum Pharisei, et interrogavit eum unus ex eis Legis doctor, tentans eum: Magister, quod est mandatum magnum in Lege? Et reliqua.

Homilia sancti Joannis Chrysostomi.

(Hom. 72. in Matth.)

**S**ADDUCÆIS confusis, Pharisei rursus aggrediuntur: cumque quiescere oporteret, decertare voluerunt, et Legis peritiam profitentem præmittunt, non discere, sed tentare cupientes; ac ita interrogant quodnam primum mandatum in Lege sit. Nam cum primum illud sit, Diliges Dominum Deum tuum: putantes causas sibi allaturum ad mandatum hoc corrigendum, aliquid addendo, quoniam Deum se faciebat; hoc modo interrogant: Quid igitur Christus? Ut ostendat idcirco ad hæc eos devenisse, quia nulla in eis esset caritas, sed invidiæ livore tabescerent: Diliges, inquit, Dominum Deum tuum: hoc primum et magnum mandatum est. Secundum autem simile huic: Diliges proximum tuum, sicut teipsum.

Lectio viij.

**Q**UAM ob rem simile est huic? Quoniam hoc illud inducit, et ab illo rursus munitur. Quicumque enim male agit, odio habet lucem, et non venit ad lucem. Et rursus: Dixit insipiens in corde suo, Non est Deus. Deinde sequitur: Corrupti sunt, et abominabiles facti sunt in studiis suis. Et iterum: Radix omnium malorum avaritia est, quam quidam appetentes, erraverunt a fide. Et, Qui diligit me, mandata mea servabit: quorum caput et radix est, Diliges Dominum Deum tuum, et proximum tuum, sicut teipsum.

## Lectio ix.

**S**i ergo diligere Deum, diligere primum est (nam Si diligis me o Petre, inquit, pascere oves meas) : si etiam dilectio proximi facit ut mandata custodias : merito ait in his totam Legem et Prophetas pendere. Et quemadmodum in superioribus, cum de resurrectione interrogaretur, plus docuit quam tentantes petebant : sic in hoc loco de primo interrogatus mandato, secundum etiam non valde quam primum inferius, sponte attulit : secundum enim est primo simile. Ita occulte insinuavit odio illos ad querendum incitari. Caritas enim, inquit, non æmulatur.

## DIE IX. MARTII.

## S. FRANCISCÆ ROMANÆ

## VIDUÆ.

## DUPLEX.

## Oratio.

**D**EUS, qui beatam Franciscam famulam tuam, inter cetera gratiæ tuæ dona, familiari Angeli consuetudine decorasti : concede, quaesumus, ut intercessionis ejus auxilio Angelorum consortium consequi mereamur. Per.

## IN I. NOCTURNO.

Post Cineres, Lectiones Mulierem fortem. de Communi unius nec Virginis nec Martyris, pag. 106\*.

## IN II. NOCTURNO.

(Ex Romano Breviario.)

## Lectio iv.

**F**RANCISCA, nobilis matrona Romana, ab ineunte ætate illustrata dedit virtutum exempla : etenim pueriles ludos et illecebras mundi respuens, so-

litudine et oratione magnopere delectabatur. Undecim annos nata, virginitatem suam Deo consecrare et monasterium ingredi proposuit. Parentum tamen voluntati humiliter obtemperans, Lauréntio de Pontianis, juveni æque diviti ac nobili, nupsit. In matrimonio arctioris vitæ propositum, quantum licuit, semper retinuit : a spectaculis, conviviiis aliisque hujusmodi oblectamenti abhorrens, lanea ac vulgari veste utens, et quidquid a domesticis curis supererat temporis, orationi aut proximorum utilitati tribuens ; in id vero maxima sollicitudine incumbens, ut matronas Romanas a pompis sæculi et ornatus vanitate revocaret. Quapropter domum Oblatarum, sub Régula sancti Benedicti, Congregationis Montis Oliveti, adhuc viro alligata, in Urbe instituit. Viri exilium, bonorum jacturam ac universæ domus mœrorem non modo constantissime toleravit, sed grátias agens, cum beato Job illud frequenter usurpabat : Dominus dedit, Dominus abstulit : sit nomen Domini benedictum.

## Lectio v.

**V**IRO defuncto, ad prædictam Oblatarum domum convolans, nudis pedibus, fune ad collum alligato, humi prostrata, multis cum lacrimis earum numero adscribi suppliciter postulavit. Voti compos facta, licet esset omnium mater, non alio tamen quam ancillæ vilissimæque femine et immunditiæ vasculi titulo gloriabatur. Quam vilem sui exi-

stimationem et verbo declaravit et exemplo. Saepe enim e suburbana vinea revertens, et lignorum fascem proprio capiti impositum deferens, vel eisdem onustum agens per Urbem asellum, pauperibus subveniebat, in quos etiam largas eleemosynas erogabat: aegrotantesque in xenodochiis visitans, non corporali tantum cibo, sed salutaribus monitis recreabat. Corpus suum vigiliis, jejuniis, cilicio, ferreo cingulo crebrisque flagellis in servitum redigere iugiter satagebat. Cibus illi semel in die herbae et legumina, aqua potum praebuit. Hos tamen corporis cruciatus aliquando confessarii mandato, a cuius ore nutuque pendebat, modice temperavit.

## Lectio vj.

**D**IVINA mysteria, praesertim vero Christi Domini Passionem, tanto mentis ardore, tantaque lacrimarum vi contemplabatur, ut praedoloris magnitudine pene confici videretur. Saepe etiam, cum oraret, maxime sumpto sanctissimae Eucharistiae Sacramento, spiritu in Deum elevata, ac caelestium contemplatione raptam, immobilis permanebat. Quapropter humani generis hostis variis eam contumeliis ac verbis a proposito dimovere conabatur: quem tamen illa imperterrita semper elusit; Angeli praesertim praesidio, cujus familiari consuetudine gloriosum de eo triumphum reportavit. Gratia curationum et prophetiae dono enituit, quo et futura praedixit, et cordium secreta penetravit.

Non semel aquae, vel per rivum decurrentes vel e caelo labentes, intactam prorsus, dum Deo vacaret, reliquerunt. Modica panis fragmenta, quae vix tribus Sororibus reficiendis fuissent satis, sic ejus precibus Dominus multiplicavit, ut quindecim inde exsaturatis, tantum superfuerit, ut canistrum impleret. Et aliquando earumdem Sororum, extra Urbem mense Januario ligna parantium, sitim recentis uvae racemis ex vite in arbore pendentibus mirabiliter obtentis, abunde expleret. Denique meritis et miraculis clara, migravit ad Dominum anno aetatis suae quinquagesimo sexto. Quam Paulus Quintus Pontifex Maximus in Sanctorum numerum retulit.

## IN III. NOCTURNO.

Homilia in Evangelium Simile est regnum caelorum thesauro. de Communi unius nec Virginis nec Martyris, pag. 111\*.

## DIE X. MARTII.

## B. PETRI DE JEREMIA

## CONF. ORD. PRÆD.

## DUPLEX. Oratio.

**D**EUS, qui beati Petri Confessoris tui precibus et hortamentis errantes in viam iustitiae misericorditer redire fecisti: dilata, quaesumus, illius intercessionem corda nostra; ut semitam mandatorum tuorum semper curramus. Per.

## IN I. NOCTURNO.

Lectiones Beatus vir. de Communi unius Confessoris non Pontificis, pag. 81\*.



## IN II. NOCTURNO.

## Lectio iv.

**P**ETRUS nóbili familia de Jeremia Panórmī natus, Bonóniam adolēscens missus est, ut utrique Juri óperam daret. Doctorátus insignia in utrāque facultate mox consecutúrus, cæléstium amóre ductus, terrena cuncta despiciens, ea in urbe ingressus est Ordinem Fratrum Prædicatórum. Patrem, id ægre feréntem sibi que ácritèr obsisténtem, magna ánimi constántia, sed fusis potissimum lácrimis et préci-bus ad Deum, tandem devicit. Religiónis exinde votis solém-niter nuncupátis, ac theologiæ divinarúmque litterárum stúdiis explétis, uni se devóvit proximórum æternæ salútis procurandæ, totúsque fuit in sacris eórum confessiónibus excipiendis atque ministério verbi Dei. Quo sane in múnere ex eo témpore diligentius et fervéntius cœpit laboráre, quo a sancto Vincéntio Ferrério, quem Bonóniæ tunc degéntem convénérat, cértior efféctus fuit stúdium hoc suum Dómini veheménter esse probátum.

## Lectio v.

**I**LLUD autem véritus ne, dum í aliis prædicáret, réprobis ipse efficerétur, nunquam déstitit corpus suum castigáre atque redigere in servitútem. Zona quinque circulis férreis compácta ita lumbos constrinxit, ut nec post ejus óbitum, nisi exsiccató cadávere, evélli inde potuerit. Huic severióri córporis castigatióni jejúnia áddidit, vigílias aliásque carnis maceratiónes. Adeo in eo

vigébat pro Jesu Christi amóre patiéndi ardor, ut se minus illi accéptum esse ingemisceret, si vel ægritúdine áliqua, vel ærumnis áliis frequentius non tentarétur. Réliquæ item, quæ hómīnem perfectiόνem sectántem decent, virtútes in illo singulári prorsus modo enitúerunt, ac præ céteris cultus assiduus reguláris disciplinæ. Quo factum est ut sæpius Novitiórum institutióni præpósitus, illos ad omnem sanctimóniam informáverit, aliisque auctor fúerit ut monásticæ vitæ institútum suscéperent : quos inter mérito recensétur beátus Joáñnes Liccius, qui, Petro suadénte, Ordini nomen dedit.

## Lectio vj.

**I**N cœnóbiiis, quorum prudéntia summa nec minóri zelo præfectúram gessit, Regulæ observántiam religiosámque vivéndi normam, sicubi collápsam invénit, restitúere, ubi vero floréntem, tuéri et amplificáre, non tam dictis quam benefáctis, sédulo curávit. Illius sanctitátis et doctrinæ fama Eugénius Quartus permótus, concilio ecuménico a se Floréntiæ indicto, eum, ut interésset, vocávit. In hoc vero concilio ita se gessit, ut deinde in clerum Trináciæ univérsum commissum ei fúerit ab eódem Summo Pontífice árduum reformatiósni opus, quod tamen pro ánimi sui modéstia nonnisi in Reguláres viros perficiéndum suscepit : et ut erat mitíssimus, benigne cum ómnibus agens feliciter absólvit. Post hæc in cœnóbium Panormitánum sanctæ

Zitæ se recépit, ubi tandem méritis et labóribus plenus sanctissime excéssit. Signis, iisque præcláris, a Deo fuisse illustrátum vétera produnt monuménta. Ejus cultum Pius Sextus Póntifex Máximus probávit, ac toti Fratrum Prædicatórum Ordini de beáto Petro Jeremia recitándi Officium, Missámque celebrándi fecit potestátem.

### IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

### DIE XII. MARTII.

#### S. GREGORII MAGNI

PAPÆ, CONF. ET ECCL. DOCT.  
TOTUM DUPLEX. Oratio.

**D**EUS, qui nos beáti Gregórii Confessoris tui atque Pontificis ánnua solemnitate lætíficas : concéde propitius ut cujus ópere atque doctrína Scriptúræ tuæ mystéria multa cognóvimus, ejus apud te semper patrocínia sentiámus. Per.

### IN I. NOCTURNO.

Lectioes Beátus vir, qui in sapiéntia morábitur. de Communi unius Doctoris, pag. 79\*.

### N II. NOCTURNO.

(Ex Joanne Diacono, aliisque, et ex Rom. Brev.)

#### Lectio iv.

**G**REGORIUS Magnus Romá-nus, Gordiáni senatóris filius, mórtuo patre, sex monastéria in Sicilia ædificávit : Romæ séptimum, sancti An-

dræe nómine, in suis ædibus : ubi mónachi vitam professus, et póstea Abbas fuit. Mox Diaconus Cardinális creátus, et Constantinópolis a Pelágio Secúndo Legátus missus, Eutychium Patriárcham, qui contra veram ac tractábilem córporum resurrectionem scripserat, ita coram imperatóre Tibério convicit, ut ejus librum in ignem imperátor ipse projécerit. Romam revérsus, Pelágio pestiléntia subláo, Póntifex eligitur. Quem honórem ne acciperet, aliéno vestitú in spelúnca delituit : sed indicio igneæ columænæ deprehénsus, ad sanctum Petrum consecrátur.

#### Lectio v.

**I**N Pontificátu multa successóribus doctrínæ ac sanctitátis exémpia reliquit. Peregrínos quotidie ad mensam adhibébat : in quibus et Angelum et Dóminum Angelórum peregríni spécie accépit. Páuperes, et urbános et extérnos, quorum número descriptum habébat, benigne sustentábat. Cathólicam fidem multis locis labefactátam restituit. Donatistas in Africa, Ariános in Hispânia, Agnoístas Alexandriæ, Neóphytos hæreticos in Gállia représsit. Gothos hæresim Ariánam relinquare coégit. Angliam, missis in eam sanctis viris, ad fidem convértit. Joánnis Patriárchæ Constantinopolitáni audáciam fregit, qui sibi universális Ecclésiæ Episcopi nomen arrogábat. Mauritium imperatórem eos, qui milites fuissent, mónachos fieri prohibéntem, a senténtia deterruit.

## Lectio vj.

**E**CCLESIAM ornávit sanctissimis institútis et légibus. Litanías, Statiónes, ecclesiasticum Officium auxit. Quátuor conciliis Nicæno, Constantinopolitáno, Ephesíno et Chalcedonénsi, tamquam quátuor Evangéliis, honórem habéri voluit. Multos mirabílesque libros, infirma licet semper valetúdine, confécit : quos dum dictáret, testátus est Petrus Dáconus se Spíritum sanctum in columbæ spécie in ejus cápite sæpe vidisse. Dénique multis éditis miráculis, anno Salútis sexcentésimo quarto, Pontificátus décimo tértio, mense sexto, die décimo, quarto Idus Mártii, ad cæléstem beatitúdinem evocatús est.

## IN III. NOCTURNO.

Lectio sancti Evangélíi  
secúndum Matthæum.

Lectio vj. Cap. 5.

**I**n illo témpore : Dixit Jesus discíplulis suis : Vos estis sal terræ. Quod si sal evanúerit, in quo saliétur? Et reliqua.

Homília sancti Gregórii  
Papæ.

(Ex Hom. 17. in Lucæ 10.  
ante medium.)

**C**ONSIDERANDUM nobis est ut qui una eadémque exhortatiónis voce non súfficit simul cunctos admonére, studeat singulos, in quantum valet, instrúere, privátis locutióibus ædificáre. Debémus namque pensáre continuo quod sanctis Apóstolis dicitur, et per Apóstolos nobis : Vos estis sal terræ. Si ergo sal sumus, condire mentes fidélium debémus.

Vos igitur, qui pastóres estis, pensáte quia Dei animália páscitis. De quibus profecto animálibus Deo per Psalmistam dicitur : Animália tua habitábunt in ea. Et sæpe vidémus quod petra salis brutis animálibus antepónitur, ut ex eadém salis petra lámberé débent et meliorári.

## Lectio viij.

**Q**UASI ergo inter bruta animália petra salis, debet esse Sacérdos in pópulis. Curáre namque Sacerdótem necesse est quæ singulis dicat, unumquémque quáliter admóneat : ut quisquis Sacerdóti júngitur, quasi ex salis tactu, æternæ vitæ sapóre condia-tur. Sal etenim terræ non sumus, si corda audiéntium non condimus. Quod profecto condiméntum ille veráriter próximo impéndit, qui prædicatiónis verbum non súbtrahit. Sed tunc vere áliis recta prædicá-mus, si dicta rebus et exémp-lis osténdimus.

## Lectio ix.

**N**ULLUM puto, fratres carísimi, ab áliis majus præjudícium quam a Sacerdóti-bus tólerat Deus : quando eos, quos ad aliórum correctiõem pósuit, dare de se exémp-la pravitatís cernit : quando ipsi peccámus, qui compescere peccáta debúimus : nulla animárum lucra quærimus, ad nostra quotidie stúdia vacámus, terréna concupiscimus, humánam glóriam inténta mente captámus. Et quia, eo ipso quo céteris præláti sumus, ad agénda quælibet majórem licéntiam habémus : suscep-tæ benedictióis ministérium vér-



timus ad ambitionis arguméntum : Dei causam relinquimus, ad terréna negotia vacamus : locum sanctitátis accipimus, et terrénis áctibus implicámur.

DIE XIV. MARTII.  
IN OCTAVA S. THOMÆ.  
SOLEMNE.

AD I. VESPERAS.

Capitulum, Hymnus, V. Antiphona ad Magnificat et Oratio ut in j. Vesperis Festi, pag. 952.

AD MATUTINUM.

Invitorium et Hymnus ut in Festo, pag. 952. et pag. 953.  
† In tribus Nocturnis Psalmi de Communi unius Confessoris, pag. 68\*. et sequentibus; Antiphonæ et V. ut in Festo, pag. 953. et sequentibus; cetera ut infra.

IN I. NOCTURNO.

Lectiones et R. R. ut in Festo, pag. 953.

IN II. NOCTURNO.

Lectio iv.

**N**ULLUS enarrare sufficeret quot sanctissimus Thomas theologorum præconiis celebrétur : quantumque ejus illibatæ doctrinæ a Summis Pontificibus fuerit acclamatum. Innocéntius Sextus : Hujus Doctóris, inquit, doctrina præ ceteris, excépta canónica, habet proprietatem verborum, modum dicendorum, veritatem sentiéntiarum : ita ut nunquam qui eam tenuerit, inveniátur a veritátis trámite deviásse, et qui eam impugnáverit, semper fuerit de veritate suspéctus. Urbánus Quintus ad Tolosánam Académiam :

Volumus, ait, et tenóre præsentium vobis injungimus ut beáti Thomæ doctrinam tamquam veridicam et catholicam sectémini : eámque studeátis totis viribus ampliáre.

R. iv. De excelsis Fons sapientiæ sancto Thomæ infudit cópiam, tamquam flumen claræ sciéntiæ, qui susceptam refudit grátiam, dum fluentis summæ peritiæ \* Rigat totam sanctam Ecclesiám. V. Stilus brevis, grata facúndia, celsa, clara, firma senténtia. — Rigat totam sanctam Ecclesiám.

Lectio v.

**P**IUS Quintus : Factum est, inquit, omnipoténtis Dei providéntia, ut Angélici Doctóris vi et veritaté doctrinæ, qua apostólicam Ecclesiám infinitis confutátis erróribus illustrávit, ex eo témpore quo cælestibus civibus adscriptus fuit, multæ, quæ deinceps exórtæ sunt hæreses, confúsæ et convictæ dissiparéntur. Quod et ántea, et líquido nuper in sacris Tridentini concilii decretis appáruit. Clemens Octávus ad Neapolitános : Pie, ait, prudentérque cogitátis de novo Civitáti Patróno addiscéndo, cive vestro, divinæ voluntátis Angélico intérprete, vitæ sanctitaté et miraculis claro, Thoma Aquináte. Hic siquidem honor ejus virtútibus, cum admirábili doctrina conjúctis, jure óptimo debétur. Ac doctrinæ quidem testis est ingens librórum númerus, quos ille brevíssimo témpore in omni fere disciplinárum génere, singulári órdine ac mira perspicuitate sine ullo prorsus erróre conscripsit.

℣. v. Felix Doctor, cujus solatio Angelorum servit attentio : Petrus, Paulus favent obsequio : \* Dei Mater mulcet alloquio. ℣. Elevatus a terra cernitur, Crucifixus eum alloquitur. — Dei Mater mulcet alloquio.

Lectio vj.

**P**AULUS Quintus : Splendidissimi, inquit, catholicae fidei athletae, beati Thomae Aquinatis, cujus scriptorum clypeo militans Ecclesia haereticorum tela feliciter eludit, honorem et venerationem in dies magis magisque augeri, plurimum in Domino gaudemus. Et Leo Decimus tertius, omnes suorum Praecessorum laudes una complectens et praetergradiens, de ipso haec habet : Rationem, ut par est, a fide apprimè distinguens, utramque tamen amice consocians, utriusque tum jura conservavit, tum dignitati consulit, ita quidem ut ratio, ad humanum fastigium Thomae pennis evecta, jam fere nequeat sublimius assurgere; neque fides a ratione fere possit plura aut validiora adjumenta praestolari quam quae jam est per Thomam consecuta. Et iterum sanctum Thomam in variis scientiarum studiis tamquam exemplar catholicis hominibus proponens atque Patronum, ait : Praeclara lumina animi et ingenii, quibus ad imitationem sui jure vocet alios, in eo sunt omnia : doctrina uberrima, incorrupta, apte disposita : obsequium fidei, et cum veritatibus divinitus traditis mira consensio : integritas vitae cum splendore virtutum maximarum.

℣. vj. Sidus missum Thomae de superis, novo signo divini muneris, \* Hunc caelestem demonstrat ceteris Verbo, vita, doctrina, litteris. ℣. Quam excelsus, quem caeli praedicant; quam praecclarus, quem stellae indicant! — Hunc caelestem. Gloria. Verbo, vita, doctrina, litteris.

### IN III. NOCTURNO.

Homilia Feriae currentis cum tribus ultimis Responsoriis Festi.

Ante Laudes ℣. Ora pro nobis beate Thoma. ℣. Ut digni efficiamur promissionibus Christi.

### AD LAUDES,

#### HORAS ET II. VESPERAS.

Omnia ut in Festo, servato modo Octavae diei Solemnis.

### AD PRETIOSA.

Evangelium ut in Nocturno | Feriae currentis.

### DIE XVII. MARTII.

#### S. PATRITII

#### EPISC. ET CONF.

#### DUPLEX.

#### Oratio.

**D**EUS qui, ad praedicandam gentibus gloriam tuam, beatum Patritium Confessorem atque Pontificem mittere dignatus es : ejus meritis et intercessionem concede ut quae nobis agenda praecipis, te miserante adimplere possimus. Per.

### IN I. NOCTURNO.

·In Quadragesima, Lectiones Fidelis sermo. de Communi unius Confessoris Pontificis, pag. 70\*.

## IN II. NOCTURNO.

## Lectio iv.

**P**ATRITIUS Hibernórum Apóstolus, sanctitate insignis, doctrina eximius, signis mirabilis fuit, natione Brito, genere nóbilis, sancti Martini ex sorore nepos. Ab ineunte ætate litteris incúbuit, adolescensque adhuc, a pirátis in Hiberniam abductus et vënditus, ibi servire coactus est. Exácto, summa cum patientia, ea in captivitate sexénio; reperto, cæli múnere, thesauro, in pristinam se libertatem vindicávit, ad suosque revérsus, primum sancto Martino avínculo suo, a quo Cléricus factus est, demum sancto Germáno Autissiodorénsi Episcopo sacris litteris instituendum se præbuit.

## Lectio v.

**S**UB his magistris a mundi Sillícebris ad rerum divinárum meditatióem cælestisque sapiéntiæ stúdium plane translátus est. Divína interim visióne admónitus, Hibernórum conversiõem, quorum cæcitatem et misériam júgibus lácrimis deplorábat, ardentissimo zelo cœpit deperire : Romámque profectus, Cælestino Primo Summo Pontifici pro eórum salute per Evangélii prædicatiõem procuránda supples factus, ipse ad apostólicum hoc munus a Cælestino delegátus, primus Hiberniæ Episcopus consecrátus.

## Lectio vj.

**N**EC mora, in Hiberniam enávigans, divíno óperi, tanto fervóre tantáque grátia incúbuit, ut primum ipsos fe-

rócis gentis reges, ipsámque mox gentem, principum suórum exémpla certatim secutam, ad fidem convertéret, excussáque dæmonis, miris ártibus et præstigiis illudéntis, tyránnide, divína virtúte poténtior Patritius, Christi jugo verbis, exémplis, miraculis subjécerit : adeóque feliciter, ut quæ tot sæculis dæmonum sedes fúerat Hibernia, Sanctórum póstmodum insula dicerétur. Tandem, postquam sexaginta annos per multos labóres multaue prodigia Ecclesiám hanc sapiénter rexisset et in fide confirmásset, plenus annis et méritis plácida morte quíevit, anno Salútis quadringentésimo nonagésimo primo.

## IN III. NOCTURNO.

Homilia in Evangelium Homini péregre. de Communi unius Confessoris Pontificis, pag. 78\*.

**T**EMPORE PASCHALI, Lectio j. erit de Scriptura currente; pro ij. Lectione sumantur iv. et v. simul junctæ; iij. vero Lectio erit vj. supraposita.

DIE XVIII. MARTII.

B. SIBYLLINÆ

VIRG. ORD. PRÆD.

DUPL. EX. Oratio.

**D**EUS, qui beatæ Sibyllinæ Virginis, corporálibus luminibus orbátæ, mentem admirábili claritátis fulgóre illustráre voluisti : ejus intercessiõe nobis concède ut supérna luce illumináti terréna despiciamus, et ætérna effícaciter exquiramus. Per.



## IN I. NOCTURNO.

Lectiones De Virginitibus. de Communi unius Virginis non Martyris, pag. 98\*.

## IN II. NOCTURNO.

## Lectio iv. \*

**S**IBYLLINA de Biscóssis, Patriæ ex honestis piisque parentibus orta, a pueritia religionis operibus adeo intentata visa est, ut preces, quas quotidie recitavit solébat, nunquam prætermiserit. Duodénis visu orbata, didicit ex hac ipsa divina permissiōe studiōsius virtutum omnium exercitio incumbere. Nam a quibusdam Sororibus Tertiū Ordinis sancti Dominici excēpta, atque eārum hābitum ac regulam amplexata, ab iisdem sēdula cura instrūcta fuit quōmodo se in oratione haberet, ac in eādē perseveraret; mēdia quoque ab iisdem accēpit mentis ac consciētiæ puritatem servādi. Deinde, austeriōris vitæ cūpida, ad absconditum recēsum confūgit, in quo reliquo vitæ tempore commorata est.

## Lectio v.

**H**AC in solitudine, véluti columba in caverna maceræ, Passiōnem contēplans Jesu Christi, dum illi maxime compateretur, ejus anima suavissima devotiōe et affēctu perfundebatur. Patiēti Sponso suo cōformis fieri studens, pœnitētiæ rigōribus se afflixit : etenim durissimo pane pro cibo utebatur : quotidie tam aspere se flagellabat, ut sanguis ad terram usque difflueret : lācrimæ illi panes erant die ac nocte, ac membra, vigiliis, orationibus ac pro-

strationibus defatigata, super ligneam tabulam brevissimo somno recreabat. Ne tempus inaniter absumeret, cum loqui ei contingeret, ejus sermones circa cælestia jūgiter versabantur : ex quo fiebat ut illi, qui eam adibant, spiritualiter recreati ac meliōres effecti reverterentur.

## Lectio vj. \*

**L**ICET plane illitterata esset beata Sibyllina, in divinis tamen mire edocta apparuit, et de mysticis rebus tanta facilitate tantaque verborum proprietate loquebatur, ut in divi Augustini Soliloquiis ac sancti Bernardi Meditationibus mire versata videretur. De proximorum spiritali salute sollicita, nonnullos, qui perditionis viam misere currebant, ad se accersitos, aliquibus Dei misericordiam, aliis ejus justitiam ob oculos ponendo, a vitiis excitavit, et ad pœnitentiam adduxit. Tandem, plena dierum et bonorum operum, octogenaria, omnibus Ecclesiæ Sacramentis refecta, ad cælos evolavit, decimo quarto Kalendas Aprilis, FERIA sexta, anno millésimo tercentésimo sexagésimo séptimo. Ejus corpore ad ecclesiam Fratrum Prædicatorum delato, magna ad illud facta fuit concurrētium populorum frequentia, Christo cælesti ejus Sponso sanctitatem ipsius signis manifestante; unde publici ecclesiastici cultus ei tribui cœperunt honores, in quibus, ad hæc usque tempora, Patriæ et alibi fideles perseverant. Quibus rite probatis, Pius Nonus Pōntifex Máximus, ex sacræ

Rítuum Congregatiónis consúlto, cultum confirmávit, indulstíque ut in univérso Prædicatórum Ordine festum beátæ Sibyllinæ cum Officio et Missa celebrárétur.

### IN III. NOCTURNO.

Homilia in Evangelium Símile erit regnum cælórum decem virgínibus, de Comuni unius Virg. non Martyris, pag. 100\*.

**T**EMPORE PASCHALI, Lectio prima erit De virgínibus., Lectio secunda et Lectio tertia erunt quarta et sexta de suprapositis signatæ \*.

**F**ESTUM S. Joseph universæ Ecclesiæ Patroni, si occurrerit in Dominica Passionis, transferendum erit in Feriam secundam immediate sequentem.

† Quoties vero inciderit in Majorem Hebdomadam, reponendum erit in Feria quarta post Dominicam in Albis tamquam in sede propria, servato Rubricarum præscripto quoad translationem festorum iisdem diebus occurrentium.

Festum S. Joseph celebretur cum Octava Solemni, quæ tamen omnino cesset Dominica in Ramis palmarum, si infra eam Octavam prædicta Dominica inciderit

† Si festum S. Joseph ante Dominicam in Ramis palmarum evenerit, omnia fiant ut hic pro Tempore Quadragesimæ notatum est.

† Si vero Tempore Paschali celebrandum fuerit, de ipso fiat Officium ut pag. 983. et sequentibus est signatum.

## DIE XIX. MARTII.

# S. JOSEPH CONFESSORIS

## SPONSI B. MARIE VIRGINIS

## TEMPORE QUADRAGESIMÆ.

### TOTUM DUPLEX.

#### AD I. VESPERAS.

Super Psalmos Añæ. Missus est Angelus Gábríel a Deo ad Mariam Virgínem desponsátam Joseph. Psalmus Laudáte púeri. cum ceteris, pag. 145.

Capitulum. Prov. 28. et 27.

**V**IR fidélis multum laudábitur : et qui custos est dómini sui glorificábitur.

R. Angelus Dómini apparuit

Joseph, dicens : Joseph fili David noli timére accipere Mariam conjugem tuam : quod enim in ea natum est de Spíritu sancto est : \* Páriet autem filium : Et vocábis nomen ejus Jesum. Cum esset desponsáta Mater Jesu María Joseph, ántequam convenirent, invénta est in útero habens de Spíritu sancto. — Páriet autem filium. Glória. Et vocábis nomen ejus Jesum.

## Hymnus.

**T**E Joseph célebrent ágmina  
Cælitum,  
Te cuncti résonent Christia-  
dum chori,

Qui clarus méritis junctus es  
inclytæ

Casto fœdere Virgini.

ALMO cum túmidam gér-  
mine cónjugem

Admirans, dúbio tängeris án-  
xius,

Afflátu súperi Fláminis Ange-  
lus

Concéptum Púerum docet.

TU natum Dóminum strin-  
gis, ad éxteras

Ægypti prófugum tu séqueris  
plagas,

Amíssum Sólymis quæris, et  
invenis,

Miscens gáudia flétibus.

POST mortem réliquos mors  
pia cónsecrat,

Palmámque eméritos glória  
súscipit :

TU vivens, Súperis par, frúeris  
Deo,

Mira sorte beátior.

NOBIS summa Trias parce  
precántibus,

Da Joseph méritis sídera scán-  
dere :

Ut tandem liceat nos tibi pér-  
petim

Gratum prómere cánti-  
cum. Amen.

¶ Amávit eum Dóminus, et  
ornávit eum. R. Stolum glóriæ  
induit eum.

Ad Magnificat Añã. Exsúr-  
gens Joseph a somno fecit  
sicut præcépit ei Angelus Dó-  
mini, et accépit cónjugem  
suam. Oratio.

**B**EATI Patriárchæ Joseph,  
sanctíssimæ Genitricis tuæ  
Sponsi, quæsumus Dómine,

méritis adjuvémur : ut quod  
possibilitas nostra non obtínet  
ejus nobis intercessióne doné-  
tur. Qui vivis.

## AD MATUTINUM.

Invitatorium. Christum Dei  
Fílium, qui putári dignátus est  
Fílius Joseph, \* Veníte adoré-  
mus.

## Hymnus.

**C**ÆLITUM, Joseph, decus,  
atque nostræ

Certa spes vitæ, columénque  
mundi,

Quas tibi læti cánimus, beni-  
gnus

Súscipe laudes.

TE Sator rerum státuit pu-  
dicæ

Virginis Sponsum, voluitque  
Verbi

Te Patrem dici : dedit et mi-  
nistrum

Esse salútis.

TU Redemptórem stábulo  
jacéntem,

Quem chorus Vatum cécinít  
futúrum,

Aspícis gaudens, humilísque  
natum

Numen adóras.

REX Deus regum, Dominá-  
tor orbis,

Cujus ad nutum tremit inferó-  
rum

Turba, cui pronus famulátur  
æther,

Se tibi subdit.

LAUS sit excélsæ Tríadi per-  
énis,

Quæ tibi præbens súperos ho-  
nóres,

Det tuis nobis méritis beátæ  
Gáudia vitæ. Amen.

## IN I. NOCTURNO.

Añã. Ascéndit Joseph a Gali-  
læa de civitaté Náza-reth in



Judeam in civitatem David, quæ vocatur Bethlehem, ut profiteretur cum Mariâ. Psalmus Beatus vir. cum ceteris de Comuni unius Confessoris, pag. 68\*, et sequentibus.

**Añ.** Venérunt pastores festinantes : et invenerunt Mariam et Joseph et Infantem posuit in præsepio.

**Añ.** Ecce Angelus Domini apparuit in somnis Joseph, dicens : Surge, et accipe Puerum et Matrem ejus, et fuge in Ægyptum.

**ſ.** Amavit eum Dominus, et ornavit eum. **R.** Stulam gloriæ induit eum.

De libro Génesis.

Lectio j.

Cap. 39.

**J**OSEPH igitur ductus est in Ægyptum, emitque eum Putiphar eunuchus Pharaonis, princeps exercitus, vir Ægyptius, de manu Ismaelitarum, a quibus perductus erat. Fuitque Dominus cum eo, et erat vir in cunctis prospere agens : habitavitque in domo domini sui, qui optime noverat Dominum esse cum eo, et omnia, quæ gereret, ab eo dirigi in manu illius. Invenitque Joseph gratiam coram domino suo, et ministrabat ei : a quo præpositus omnibus gubernabat creditam sibi domum, et universa quæ ei tradita fuerant : benedixitque Dominus domui Ægyptii propter Joseph.

**R.** j. Fuit Dominus cum Joseph, et dedit ei gratiam in conspectu principis carceris : \* Qui tradidit in manu illius universos vinctos. **ſ.** Quidquid fiebat, sub ipso erat : Dominus

enim erat cum illo, et omnia opera ejus dirigebat. — Qui tradidit in manu illius.

Lectio ij.

Cap. 41.

**P**LACUIT Pharaoni consilium Joseph, et cunctis ministris ejus : locutusque est ad eos : Num invenire poterimus talem virum, qui Spiritu Dei plenus sit? Dixit ergo ad Joseph : Quia ostendit tibi Deus omnia quæ locutus es, numquid sapientiorum et consimilem tui invenire poterō? Tu eris super domum meam, et ad tui oris imperium cunctus populus obediet : uno tantum regni solio te præcedam.

**R.** ij. Esuriēte terra Ægypti, clamavit populus ad regem alimenta petens : quibus ille respondit : \* Ite ad Joseph, et quidquid vobis dixerit facite. **ſ.** Crescebat quotidie fames in omni terra : aperuitque Joseph universa horrea, et vendebat Ægyptiis. — Ite ad Joseph.

Lectio iij.

**D**IXITQUE rursus Pharaos ad Joseph : Ecce, constitui te super universam terram Ægypti. Tulitque anulum de manu sua, et dedit eum in manu ejus : vestivitque eum stola byssina, et collo torquem auream circumposuit. Fecitque eum ascendere super currum suum secundum, clamante præcone ut omnes coram eo genu flecterent, et præpositum esse scirent universæ terræ Ægypti. Dixit quoque rex ad Joseph : Ego sum Pharaos : absque tuo imperio non movebit quisquam manum aut pedem in omni terra Ægypti.

R̃. iij. Fecit me Dóminus quasi patrem regis et dóminum univérse domus ejus : nolite pavére : \* Pro salúte enim vestra misit me Deus ante vos in Ægyptum. Ṽ. Veníte ad me : et ego dabo vobis ómnia bona Ægypti, et comedétis medúllam terræ. — Pro salúte enim vestra. Glória. Pro salúte enim vestra.

## IN II. NOCTURNO.

Aña. Consúrgens Joseph accépit Púerum et Matrem ejus nocte, et secéssit in Ægyptum : et erat ibi usque ad óbitum Heródis.

Aña. Defúnto Heróde, Angelus Dómini appáruit in somnis Joseph in Ægypto, dicens : Surge, et accípe Púerum et Matrem ejus, et vade in terram Israel : defúnti sunt enim qui quærébant ánimam Púeri.

Aña. Accépit Joseph Púerum et Matrem ejus, et venit in terram Israel.

Ṽ. Justum dedúxit Dóminus per vias rectas. R̃. Et osténdit illi regnum Dei.

Sermo sancti Bernárdi  
Abbátis.

(Homil. 2. super Missus est.  
prope finem.)

Lectio iv.

**Q**UIS et qualis homo fúerit beátus Joseph, cónjice ex appellatióne, qua, licet dispensatória, méruit honorári, ádeo ut Pater Dei et dictus et créditus sit : cónjice et ex próprio vocábulo, quod Augméntum non dúbites interpretári. Simul et meménto magni illius quondam Patriárchæ vénditi in Ægypto, et scito ipsius

istum non solum vocábulum fuisse sortitum : sed et castimóniam adéptum, innocéntiam assecútum et grátiam.

R̃. iv. Ascéndit Joseph a Galilæa de civitatē Názareth in Judæam in civitatē David, quæ vocátur Bétlehem : \* Eo quod esset de domo et familia David. Ṽ. Ut profiterétur cum María desponsáta sibi uxóre. — Eo quod esset de domo et familia David.

Lectio v.

**S**I quidem ille Joseph, fráterna ex invidiá vénditus, et ductus in Ægyptum, Christi venditióem præfigurávit : iste Joseph, Herodiánam invidiam fúgiens, Christum in Ægyptum portávit. Ille, dómīno suo fidem servans, dómīnæ nóluit commiscéri : iste, Dóminam suam Dómini sui Matrem, Virginem agnóscens, et ipse cóntinens, fidéliter custodívit. Illi data est intelligéntia in mystériis somniorum : isti datum est cónscium fieri atque participem cælestium sacramentórum.

R̃. v. Surge, et accípe Púerum et Matrem ejus, et fuge in Ægyptum, \* Et esto ibi usque dum dicam tibi. Ṽ. Ut adimplerétur quod dictum est a Dómino per Prophétam dicentem : Ex Ægypto vocávi Filium meum. — Et esto ibi usque dum dicam tibi.

Lectio vj.

**I**LLE fruménta servávit, non sibi, sed omni pópulo : iste Panem vivum e cælo servándum accépit, tam sibi quam toti mundo. Non est dúbium

quin bonus et fídelis homo fúerit iste Joseph, cui Mater desponsáta est Salvatóris. Fídelis, inquam, servus et prudens, quem constituit Dóminus suæ Matris solátium, suæ carnis nutritium, solum dénique in terris magni consilii coadjutórem fidelissimum.

R. vj. Cum inducerent puerum Jesum Paréntes ejus, ut fácerent secúndum consuetudinem legis pro eo, \* Accépit eum Simeon in ulnas suas, et benedixit Deum. V. Et erant Pater ejus et Mater mirántes super his, quæ dicebántur de illo. — Accépit eum Simeon. Glória. Accépit eum Simeon.

### IN III. NOCTURNO.

Aña. Audiens Joseph quod Archeláus regnáret in Judæa pro Heróde patre suo, tímuit illo ire.

Aña. Admónitus in somnis Joseph secéssit in partes Galilææ : et véniens habitávit in civitate, quæ vocátur Náza-reth : ut adimplerétur quod dictum est per prophétas : Quóniam Nazareus vocábitur.

Aña. Erat Pater Jesu et Mater mirántes super his, quæ dicebántur de illo : et benedixit illis Simeon.

V. Justus ut palma florébit in domo Dómini. R. Sicut cedrus Libani multiplicábitur.

Lectio sancti Evangélii secúndum Matthæum.

Lectio vij. Cap. 1.

CUM esset desponsáta Mater Jesu Maria Joseph, ántequam convenirent, invénta est in útero habens de Spiritu sancto. Et reliqua.

Homília sancti Hierónymi Presbyteri.

(Lib. 1. Comm. in cap. 1. Matth.)

QUARE non de simplici virgine, sed de desponsáta concipitur? Primum, ut per generatióem Joseph origo Mariæ monstrarétur : secúndo, ne lapidarétur a Judæis ut adultera : tertio, ut in Ægyptum fúgiens habéret solátium. Martyr Ignátius étiam quartam áddidit causam cur a desponsáta concéptus sit : Ut partus, inquiens, ejus celarétur diabolo, dum eum putat, non de virgine, sed de uxóre generátum.

R. vij. Dicit Mater Jesu ad illum : Fili quid fecisti nobis sic? \* Ecce Pater tuus et ego doléntes quærebámus te. V. Et ait ad illos : Quid est quod me quærebátis? nesciebátis quia in his, quæ Patris mei sunt, opórtet me esse? — Ecce Pater tuus et ego.

Lectio viij.

ANTEQUAM convenirent, in-  
vénta est in útero habens de Spiritu sancto. Non ab álío invénta est nisi a Joseph, qui pene licéntia maritali futuræ uxóris ómnia nóverat. Quod autem dicitur, Antequam convenirent, non séquitur ut postea convenerint : sed Scriptúra quod factum non sit osténdit.

R. viij. Descéndit Jesus cum eis, et venit Náza-reth : \* Et erat súbditus illis. V. Proficiébat sapiéntia et ætáte et grátia apud Deum et hómines. — Et erat súbditus illis.



## Lectio ix.

**J**OSEPH autem vir ejus, cum esset justus et nollet eam tradúcere, vóluit occúlte dimittere eam. Si quis fornicáriæ conjúngitur, unum corpus efficitur : et in lege præcéptum est, non solum reos, sed et cóncios criminum obnoxios esse peccáti : quómodo Joseph, cum crimen celáret uxóris, justus scribitur? Sed hoc testimoniúm Mariæ est, quod Joseph sciens illius castitátem, et admirans quod evénérat, celat siléntio, cujus mystérium nescíbat.

R. ix. Angelus Dómini apparuit Joseph, dicens : Joseph fili David noli timére accipere Mariám conjugem tuam : quod enim in ea natum est de Spíritu sancto est : \* Páriet autem Filium : Et vocábis nomen ejus Jesum. V. Cum esset desponsáta Mater Jesu Mariá Joseph, ántequam convenirent, invénta est in útero habens de Spíritu sancto. — Páriet autem Filium. Glória. Et vocábis nomen ejus Jesum.

Ante Laudes V. Constituit eum dómínus domus suæ. R. Et principem omnis possessionis suæ.

## AD LAUDES

ET PER HORAS ANTIPHONÆ.

1. Ibant Paréntes Jesu per omnes annos in Jerúsalem, in die solémni Paschæ. Psalmus Dóminus regnávít. cum ceteris, pag. 17.

2. Cum redirent, remánsit puer Jesus in Jerúsalem, et non cognovérunt Paréntes ejus.

3. Non inveniéntes Jesum, regréssi sunt in Jerúsalem re-

quiréntes eum : et post tríduum invenérunt illum in templo, sedéntem in médio doctórum, audiéntem et interrogántem eos.

4. Dicit Mater ejus ad illum : Fili quid fecísti nobis sic? Ecce Pater tuus et ego doléntes quærebámus te.

5. Descéndit Jesus cum eis, et venit Názareth : et erat súbditus illis.

Capitulum. Prov. 28. et 27.

**V**IR fidélis multum laudábitur : et qui custos est dómmini sui glorificábitur.

## Hymnus.

**I**STE, quem læti cólimus fídeles,

Cujus excélsos cánimus triúmp-

phos,

Hac die Joseph méruit per-

énnis

Gáudia vitæ.

O NIMIS felix, nimis o beá-

tus,

Cujus extrémam vígiles ad ho-

ram

Christus et Virgo simul astité-

runt

Ore seréno!

HINC Stygis victor, láqueo

solútus

Carnis, ad sedes plácido so-

póre

Migrat ætérnas, rutilisque cin-

git

Témpora sertis.

ERGO regnántem flagitémus

omnes

Adsit ut nobis, veniámque no-

stris

Obtinens culpis, tríbuat supér-

næ

Múnera pacis.

SINT tibi plausus, tibi sint

honóres,

Trine, qui regnas, Deus, et cō-  
rōnas

Aureas Servo tribuis fideli

Omne per ævum. Amen.

℣. Justus germinabit sicut  
lilium. ℞. Et florēbit in ætēr-  
num ante Dōminum.

Ad Benedictus Añā. Ipse Je-  
sus erat incipiens quasi annō-  
rum triginta, ut putabatur, fi-  
lius Joseph.

Oratio.

**B**EATI Patriarchæ Joseph,  
sanctissimæ Genitricis tuæ  
Sponsi, quæsumus Dōmine,  
mēritis adjuvémur : ut quod  
possibilitas nostra non obtinet  
ejus nobis intercessiōne donē-  
tur. Qui vivis.

#### AD TERTIAM.

Capitulum Vir fidēlis, ut in  
Laudibus.

℣ ℞. et ℣℣. Horarum de  
Communi unius Confessoris,  
pag. 76\*.

#### AD SEXTAM.

Capitulum. Eccli. 45.

**D**ILECTUS Deo, et homini-  
bus : cujus memōria in  
benedictiōne est. In fide et  
lenitate ipsius sanctum fecit  
illum, et elegit eum ex omni  
carne.

#### AD NONAM.

Capitulum. Sap. 10.

**P**ROFUGUM justum deduxit  
Sapiēntia per vias rectas,  
et ostēdit illi regnum Dei, et  
dedit illi sciēntiam sanctorū :  
honestavit illum in labōribus,  
et complēvit labōres illius.

#### AD II. VESPERAS.

Super Psalmos Añā. Ibant  
Parēntes Jesu per omnes an-  
nos in Jerúsalem, in die solēmi

Paschæ. Psalmus Dixit Dōmi-  
nus. cum ceteris de Communi  
unius Confessoris, pag. 76\*.

Capitulum Vir fidēlis., Hym-  
nus Te Joseph celebrent. et  
℣. Amāvit eum Dōminus. ut  
in j. Vesperis, pag. 971. et  
pag. 972.

Ad Magnificat Añā. Ecce  
fidēlis servus et prudens, quem  
constituit Dōminus super fa-  
miliam suam.

**T**EMPORE PASCHALI, in festo  
S. Joseph fiat Officium ut  
pag. 983. notatum est.

#### PER OCTAVAM S. JOSEPH

##### TEMPORE QUADRAGESIMÆ.

† Si infra Octavam S. Joseph  
Tempore Quadragesimæ, de  
Dominica aut de aliquo festo  
agatur Officium, fiat Memoria  
de Octava in Laudibus et Ve-  
speris, ut sequitur :

Ad Memoriam in Laudibus  
Añā. Ipse Jesus erat incipiens  
quasi annōrum triginta, ut pu-  
tabatur, filius Joseph.

℣. de Communi unius Con-  
fessoris.

Oratio.

**B**EATI Patriarchæ Joseph,  
sanctissimæ Genitricis tuæ  
Sponsi, quæsumus Dōmine,  
mēritis adjuvémur, ut quod  
possibilitas nostra non obtinet  
ejus nobis intercessiōne donē-  
tur. Qui vivis.

Ad Memoriam in Vesperis  
Añā. Ecce fidēlis servus et  
prudens, quem constituit Dō-  
minus super familiam suam.

℣. de Communi unius Con-  
fessoris.

Oratio Beāti Patriarchæ Jo-  
seph. ut ad Memoriam in Lau-  
dibus.

† Quando tamen Dominica in Ramis Palmarum infra Octavam S. Joseph venerit, Memoria de ipsa Octava in Laudibus ac Vesperis Dominicæ et subsequentium Feriarum omittatur illo anno.

**S**i vero infra Octavam S. Joseph, Tempore Quadragesimæ de ipsa Octava agatur Officium, omnia fiant ut hic notatum est.

#### AD MATUTINUM.

Invitatorium Christum Dei Filium. et Hymnus Caelitum Joseph. ut in Festo, pag. 972.

#### IN NOCTURNO.

Super novem Psalmos de Communi unius Confessoris (pag. 68\*. et sequentibus) singulis diebus una tantum Antiphona, quæ pro prima vel secunda die respective pag. 980. posita fuerit.

Versiculus secundum ordinem Nocturnorum, scilicet :

† Feria secunda et Feria quinta. V. Amavit eum Dominus et ornavit eum. R. Stulam gloriæ induit eum.

† Feria tertia et Feria sexta. V. Justum deduxit Dominus per vias rectas. R. Et ostendit illi regnum Dei.

† Feria quarta et Sabbato. V. Justus ut palma florébit in domo Domini. R. Sicut cedrus Libani multiplicabitur.

Lectio prima et Lectio secunda de Homilia Feriæ currentis; tertia de Sermonem S. Bernardi Abbatis proprio loco notata pro prima vel secunda die respective.

Responsoria tria ex sequentibus secundum Feriam, scilicet :

† Feria secunda et Feria quinta :

R. j. Fuit Dominus cum Joseph, et dedit ei gratiam in conspectu principis carceris, \* Qui tradidit in manu illius universos vinctos. V. Quidquid fiebat, sub ipso erat : Dominus enim erat cum illo, et omnia opera ejus dirigebat. — Qui tradidit in manu illius universos vinctos.

R. ij. Esuriēte terra Ægypti, clamavit populus ad regem alimenta petens : quibus ille respondit : \* Ite ad Joseph : et quidquid vobis dixerit facite. V. Crescebat quotidie fames in omni terra : aperuitque Joseph universa horrea, et vendebat Ægyptiis. — Ite ad Joseph.

R. iij. Fecit me Dominus quasi patrem regis et dominum universæ domus ejus : nolite pavere : \* Pro salute enim vestra misit me Deus ante vos in Ægyptum. V. Venite ad me : et ego dabo vobis omnia bona Ægypti, et comedetis medullam terræ. — Pro salute enim vestra. Glória. Pro salute enim vestra misit me Deus ante vos.

† Feria tertia et Feria sexta :

R. j. Ascendit Joseph a Galilee de civitate Nazareth in Judæam in civitatem David, quæ vocatur Bethlehem : \* Eo quod esset de domo et familia David. V. Ut profiteretur cum Maria desponsata sibi uxore. — Eo quod esset de domo et familia David.



R. ij. Surge, et accipe Puerum et Matrem ejus, et fuge in Ægyptum, \* Et esto ibi usque dum dicam tibi. V. Ut adimpleretur quod dictum est a Domino per Prophetam dicentem : Ex Ægypto vocavi Filium meum. — Et esto ibi usque dum dicam tibi.

R. iij. Cum inducerent puerum Jesum Paréntes ejus, ut facerent secundum consuetudinem legis pro eo, \* Accipit eum Simeon in ulnas suas, et benedixit Deum. V. Et erant Pater ejus et Mater mirántes super his, quæ dicebantur de illo. — Accipit eum Simeon. Glória. Accipit eum Simeon.

† Feria quarta et Sabbato :

R. j. Dicit Mater Jesu ad illum : Fili quid fecisti nobis sic? \* Ecce Pater tuus et ego doléntes quærebatús te. V. Et ait ad illos : Quid est quod me quærebatís? nesciebatís quia in his, quæ Patris mei sunt, oportet me esse? — Ecce Pater tuus et ego.

R. ij. Descéndit Jesus cum eis, et venit Nazareth : \* Et erat súbditus illis. V. Proficiebat sapiéntia et ætáte et grátia apud Deum et hómines. — Et erat súbditus illis.

R. iij. Angelus Dómini apparuit Joseph dicens : Joseph, fili David, noli timére accipere Mariam conjugem tuam : quod enim in ea natum est de Spíritu sancto est : \* Páriet autem Fílium, Et vocábis nomen ejus Jesum. V. Cum esset desponsáta Mater Jesu Maria Joseph, ántequam convenirent, invénta est in útero habens de Spíritu sancto. — Páriet autem Fi-

lium. Glória. Et vocábis nomen ejus Jesum.

Dicatur Canticum Te Deum laudámus.

Ante Laudes V. Constituit eum dóminum domus suæ. R. Et principem omnis possessionis suæ.

AD LAUDES.

Super Psalmos sola Aña. Ibant Paréntes Jesu per omnes annos in Jerúsalem in die solémni Paschæ. Psalmus Dóminus regnávít cum ceteris, pag. 17. Capitulum, Hymnus, V., Antiphona ad Benedictus et Oratio ut in Festo, pag. 976. et pag. 977.

AD PRETIOSA.

Evangelium de Nocturno Feriæ occurrentis.

AD PRIMAM.

Aña. Ibant Paréntes Jesu, ut supra in Laudibus.

Capitulum Regi sæculórum. Omittantur Preces, et dicatur Oratio In hac hora.

AD TERTIAM,  
SEXTAM ET NONAM.

Omnia ut in Festo, pag. 977.

AD VESPERAS.

† Si sequatur in crastino festum Duplex, super Psalmos Aña. Ibant Paréntes Jesu per omnes annos in Jerúsalem in die solémni Paschæ. Psalmus Dixit Dóminus, cum ceteris de Comuni unius Confessoris, pag. 76\*. Capitulum et reliqua de sequenti.

Ad Memoriam de Octava Aña. Ecce fidélis servus et prudens, quem constituit Dóminus super familiam suam.

X. de Communi unius Confessoris. Oratio.

**B**EATI Patriarchæ Joseph, sanctissimæ Genitricis tuæ Sponsi, quæsumus Dómine. méritis adjuvémur : ut quod possibilitas nostra non obtinet, ejus nobis intercessióne donétur. Qui vivis.

† Si vero in crastino de Dominica agendum fuerit Officium, ante Vesperas dici dicantur Vesperæ de B. Maria V. pag. 170\*; ad Vesperas autem dici sic fiat Officium :

Super Psalmos Aña. Ibant Parentes Jesu per omnes annos in Jérusalem, in die solénni Paschæ. Psalmus Dixit Dóminus. cum ceteris de Communi unius Confessoris, pag. 76\*.

Capitulum, R., Hymnus, V., Antiphona ad Magnificat et Oratio de sequenti Dominica. Et fiat Memoria de Octava S. Joseph.

#### AD COMPLETORIUM.

† Si Vesperæ a Capitulo de Dominica fuerint, dicatur in Completorio ante Tempus Passionis R. In pace. cum Glória Patri., Tempore vero Passionis R. In manus tuas, absque Glória Patri. Post Antiphonam ad Nunc dimittis, Preces. Data Benedictione recitetur Completorium de B. Maria V. pag. 173\*.

#### PRIMA DIE

INFRA OCTAVAM S. JOSEPH  
TEMPORE QUADRAGESIMÆ.

#### IN NOCTURNO.

Super Psalmos sola Aña. Ascéndit Joseph a Galilæa de civitatē Názareth in Judæam

in civitatē David, quæ vocátur Béthlehem, ut profitéretur cum Maria. Psalmus Beatus vir. cum octo ceteris de Communi unius Confessoris, pag. 68\*. et sequentibus.

Versiculus secundum Feriam, pag. 978.

Benedictio Evangélica lectio. cum duabus sequentibus tertii Nocturni.

Lectio prima et Lectio secunda de Homilia Feriæ occurrentis; Lectio tertia Quis et qualis. ut infra.

Responsoria tria secundum Feriam, pag. 978. aut pag. 979.

Sermo sancti Bernárdi Abbátis. (Homilia 2. super Missus est. prope finem.)

#### Lectio iij.

**Q**UIS et qualis homo fúerit beátus Joseph cónjice ex appellatióne, qua, licet dispensatória, méruit honorári, adeo ut Pater Dei et dictus et créditus sit : cónjice et ex próprio vocábulo, quod Augméntum non dúbites interpretári. Simul et meménto magni illius quondam Patriarchæ vënditi in Ægypto, et scito ipsius istum, non solum vocábulum fuisse sortitum, sed et castimóniam adéptum, innocentiam assecútum et grátiam.

Cetera fiant ut pag. 979. notatum est.

#### SECUNDA DIE

INFRA OCTAVAM S. JOSEPH  
TEMPORE QUADRAGESIMÆ.

#### IN NOCTURNO.

Super Psalmos sola Aña. Venérunt pastóres festinántes : et invénérunt Mariam et Joseph et Infántem pósitum in

præsépío. Psalmus Beátus vir. cum octo ceteris de Communi unius Confessoris, pag. 68\*. et sequentibus.

Versiculus secundum Feriam, pag. 978.

Benedictio Evangélica lécio. cum duabus sequentibus tertii Nocturni.

Lectio prima et Lectio secunda de Homilia Feriæ occurrentis; Lectio tertia Si quidem. ut infra.

Responsoria tria secundum Feriam, pag. 978. aut pag. 979.

Sermo sancti Bernárdi Abbátis.

(Homilia 2. super Missus est. prope finem.)

Lectio iij.

**S**i quidem ille Joseph, fraterna ex invidia vënditus et ductus in Ægyptum, Christi venditióem præfigurávit : iste Joseph, Herodiánam invidiam fugiens, Christum in Ægyptum portávit. Ille, dómino suo fidem servans, dóminæ nóluit commiscéri : iste Dóminam suam Dómini sui Matrem Virginem agnóscens, et ipse cóntinens, fidéliter custodivit. Illi data est intelligentia in mystériis somniórum : isti datum est cónscium fieri atque participem cælestium sacramentórum.

Cetera fiant ut pag. 979. notatum est.

---

IN OCTAVA S. JOSEPH  
TEMPORE QUADRAGESIMÆ.

SOLEMPNE.

AD I. VESPERAS.

Capitulum, Hymnus, V. Antiphona ad Magnificat et Oratio ut in primis Vesperis Festi, pag. 971. et pag. 972.

AD MATUTINUM.

Invitatorium Christum Dei Filium. et Hymnus Cælitum Joseph. ut in Festo, pag. 972.

† Quæ in Nocturnis hic posita non sunt dicantur ut in Festo pro Tempore Quadragesimæ notatum est, pag. 972. et sequentibus.

IN II. NOCTURNO.

Sermo sancti Bernardini Senénsis.

(Serm. 1. de S. Joseph.)

Lectio iv.

**O**MNIUM singulárium gratiárum, alicui rationábili creaturæ communicárum, generalis régula est : quod quandoúmque divina grátia éligit áliquem ad áliquam grátiam singulárem, seu ad áliquem sublimem statum, ómnia charismata donet, quæ illi persónæ sic electæ et ejus officio necessaria sunt, atque illam copiose decorant. Quod máxime verificátum est in sancto Joseph, putativo Patre Dómini nostri Jesu Christi, et vero Sponso Reginæ mundi et Dóminæ angelórum, qui ab ætérno Patre electus est fidélis nutritius atque custos principálium thesaurórum suórum, scilicet Filii ejus et Sponsæ suæ : quod officium fidelíssime prosecútus est. Cui propterea Dóminus ait : Serve bone et fidélis intra in gáudium Dómini tui.

R. iv. Ascéndit Joseph a Galilæa de civitatē Názareth in Judæam in civitatē David, quæ vocátur Béthlehem : \* Eo quod esset de domo et familia David. V. Ut profiteretur cum María desponsáta sibi uxóre. — Eo quod esset de domo et familia David.



## Lectio v.

**S**i cōmpares eum ad totam Ecclēsiā Christi, nonne iste est homo elēctus et specīālis, per quem et sub quo Christus est ordināte et honēste introductus in mundum? Si ergo Virgini Matri tota Ecclēsia sancta dēbitrix est, quia per eam Christum suscipere digna facta est : sic profēcto, post eam, huic debet grātiā et reverētiā singulārem. Ipse enim est clavis Vēteris Testamēti, in qua patriarchālis et prophetālis dignitas promissum consēquitur fructum. Porro hic est solus, qui corporāliter possēdit quod eis divīna dignātio repromisit. Mērito igitur figurātur per illum Patriārcham Joseph, qui pōpulis frumēta servāvit. Sed et hic illum prēcēllit : quia non solum Ægyptiis panem corporālis vitæ, sed omnibus elēctis Panem de cælo, qui cælēstem vitam tribuit, cum multa solērtia enutrīvit.

℟. v. Surge, et accipe Puerum et Matrem ejus, et fuge in Ægyptum, \* Et esto ibi usque dum dicam tibi. ̄. Ut adimpleretur quod dictum est a Dōmino per Prophētā dicentem : Ex Ægypto vocāvi Filium meum. — Et esto ibi usque dum dicam tibi.

## Lectio vj.

**P**ROFECTO dubitandum non est quod Christus familiaritatem, reverentiam atque sublimissimam dignitatem, quam illi exhibuit, dum āgeret in humanis, tamquam filius patri suo, in cælis utique non negāvit, quin pōtius complē-

vit et consummāvit. Unde non immērito in verbo proposito a Dōmino subinfertur : Intra in gāudium Dōmini tui. Unde, licet gāudium æternæ beatitudinis in cor hōminis intret, māluit tamen Dōminus ei dicere, Intra in gāudium : ut mystice innuātur quod gāudium illud, non solum in eo sit intra, sed undique illum circumdans et absorbens, et ipsum velut abyssus infinita submērgens. Memēto igitur nostri beāte Joseph, et tuæ orationis suffrāgio apud tuum putativum Filium intercēde : sed et beatissimam Virginem Sponsam tuam nobis propitiā redde, quæ Mater est ejus, qui cum Patre et Spīritu sancto vivit et regnat per infinita sæcula sæculōrum, amen. Tu autem Dōmine...

℟. vj. Cum inducerent puerum Jesum Parēntes ejus, ut fācerent secūndum consuetudinē legis pro eo, \* Accēpit eum Simeon in ulnas suas, et benedixit Deum. ̄. Et erant Pater ejus et Mater mirāntes super his, quæ dicebantur de illo. — Accēpit eum Simeon. Glōria. Accēpit eum Simeon.

## IN III. NOCTURNO.

Homilia Feriæ occurrentis cum sequentibus tribus Responsoriis :

℟. vij. Dicit Mater Jesu ad illum : Fili quid fecisti nobis sic? \* Ecce Pater tuus et ego dolēntes quærebāmus te. ̄. Et ait ad illos : Quid est quod me quærebātis? nesciebātis quia in his, quæ Patris mei sunt, opōrtet me esse? — Ecce Pater tuus et ego.

R. viij. Descéndit Jesus cum eis, et venit Názareth : \* Et erat súbditus illis. V. Proficiébat sapiéntia et ætáte et grátia apud Deum et hómines. — Et erat súbditus illis.

R. ix. Angelus Dómini apparuit Joseph, dicens : Joseph fili David noli timére accipere Mariam cónjugem tuam : quod enim in ea natum est de Spiritu sancto est : \* Páriet autem Filium : Et vocábis nomen ejus Jesum. V. Cum esset desponsáta Mater Jesu María Joseph, ántequam convenirent, invénta est in útero habens de Spiritu sancto. — Páriet autem Filium. Glória. Et vocábis nomen ejus Jesum.

Dicatur Canticum Te Deum laudámus.

Ante Laudes V. Constituit eum dómimum domus suæ. R. Et principem omnis possessionis suæ.

#### AD LAUDES.

HORAS ET II. VESPERAS.

Omnia fiant ut in Festo pro Tempore Quadragesimæ pag. 976. et sequentibus notatum est, servato modo Octavæ diei Solemnis.

#### AD PRETIOSA.

Evangelium de Nocturno Feriæ occurrentis.

**T**EMPORE PASCHALI, in Octava die S. Joseph fiat Officium ut pag. 988. notatum est.

## IN FESTO S. JOSEPH CONFESSORIS, SPONSI B. Mariæ Virginis, TEMPORE PASCHALI. TOTUM DUPLEX.

#### AD I. VESPERAS.

Super Psalmos Añã. Missus est Angelus Gábriel a Deo ad Mariam Virginem desponsátam Joseph, allelúia. Psalmus Laudáte púeri. cum ceteris, pag. 145.

Capitulum. Prov. 28. et 27.

**V**ir fidélis multum laudábitur : et qui custos est dómini sui gloriificábitur.

R. Angelus Dómini apparuit Joseph, dicens : Joseph fili David noli timére accipere Mariam cónjugem tuam : quod enim in ea natum est de Spiritu sancto est : \* Páriet autem Filium : et vocábis nomen ejus Jesum, Allelúia. V. Cum esset desponsáta Mater Jesu María Joseph, ántequam convenirent, invénta est in útero habens de Spiritu sancto. — Páriet autem Filium. Glória. Allelúia.

## Hymnus.

**T**E Joseph célebrent ágmina  
 Cælitum,  
 Te cuncti résonent Christia-  
 dum chori,  
 Qui clarus méritis junctus es  
 inclytæ  
 Casto fœdere Virgini.  
 ALMO cum túmidam gérmí-  
 ne cónjugem  
 Admirans, dubio tangeris án-  
 xius,  
 Afflatus úperi Fláminis Angelus  
 Concéptum Púerum docet.  
 Tu natum Dóminum strin-  
 gis, ad éxteras  
 Ægypti prófugum tu séqueris  
 plagas :  
 Amisum Sólymis quæris, et  
 invenis,  
 Miscens gáudia flétibus.  
 POST mortem réliquos mors  
 pia cónsecrat,  
 Palmámque eméritos glória  
 súscipit :  
 Tu vivens, Súperis par, frúeris  
 Deo,  
 Mira sorte beátior.  
 NOBIS summa Trias parce  
 precántibus,  
 Da Joseph méritis sídera scán-  
 dere :  
 Ut tandem liceat nos tibi pér-  
 petim  
 Gratum prómere cánticum.

Amen.

Ÿ. Amávit eum Dóminus et  
 ornávit eum, allelúia. R. Sto-  
 lam glóriæ induit eum, allelúia.

Ad Magnificat Añá. Exsúr-  
 gens Joseph a somno fecit  
 sicut præcépit ei Angelus Dó-  
 mini, et accépit cónjugem  
 suam, allelúia.

Oratio.

**B**EATI Patriárchæ Joseph,  
 sanctissimæ Genitricis tuæ  
 Sponsi, quæsumus Dómine, mé-

ritis adjuvémur : ut quod pos-  
 sibilitas nostra non óbtinet  
 ejus nobis intercessióne doné-  
 tur. Qui vivis.

## AD MATUTINUM.

Invitatorium. Christum Dei  
 Filium, qui putári dignátus est  
 Fílius Joseph, \* Venite adoré-  
 mus, allelúia.

## Hymnus.

**C**ÆLITUM Joseph decus, at-  
 que nostræ

Certa spes vitæ, columénque  
 mundi,

Quas tibi læti cánimus, beni-  
 gnus

Súscipe laudes.

TE Sator rerum státuit pu-  
 dicæ

Virginis Sponsum, voluitque  
 Verbi

Te Patrem dici, dedit et mini-  
 strum

Esse salútis.

Tu Redemptórem stábulo  
 jacéntem,

Quem chorus Vatum cécinit  
 futúrum,

Aspicias gaudens, humilisque  
 natum

Numen adóras.

REX Deus regum, Dominá-  
 tor orbis,

Cujus ad nutum tremit inferó-  
 rum

Turba, cui pronus famulátur  
 æther,

Se tibi subdit.

LAUS sit excélsæ Triadi per-  
 énnis,

Quæ tibi præbens súperos ho-  
 nóres,

Det tuis nobis méritis beatæ  
 Gáudia vitæ. Amen.

## IN NOCTURNO.

Añá. Ascéndit Joseph a Ga-  
 lilæa de civitatē Nazareth in



Judæam in civitatem David, quæ vocatur Bethlehem, ut profiteretur cum Maria, alleluia. Psalmus Beatus vir, qui non abiit, cum ceteris duobus ex primo Nocturno de Communi unius Confessoris, pag. 68\*.

Añ. Venérunt pastores festinantes: et invénérunt Mariam et Joseph et Infántem positum in præsepío, alleluia.

Añ. Ecce Angelus Domini apparuit in somnis Joseph, dicens: Surge, et accipe Puerum et Matrem ejus, et fuge in Ægyptum, alleluia.

℟. Amávit eum Dóminus et ornávit eum, alleluia. ℞. Stola glóriæ induit eum, alleluia.

† Benedictiones ante Lectiones dentur secundum ordinem Nocturnorum, scilicet: Feria secunda et Feria quinta, Benedictio Benedictione perpetua, cum duabus sequentibus; Feria tertia et Feria sexta, Benedictio Deus Pater omnipotens, cum duabus sequentibus; Feria quarta et Sabbato, Benedictio Ille nos benedicat, cum duabus sequentibus.

De libro Génesis.

Lectio j. Cap. 39.

JOSEPH igitur ductus est in Ægyptum, emitque eum Putiphar eunuchus Pharaónis, princeps exercitus, vir Ægyptius, de manu Ismaelitarum, a quibus perductus erat. Fuitque Dóminus cum eo, et erat vir in cunctis prospere agens: habitavitque in domo domini sui, qui optime nóverat Dóminum esse cum eo, et omnia, quæ gereret, ab eo dirigi in manu illius. Invenitque Joseph grátiam co-

ram domino suo, et ministrabat ei: a quo præpositus omnibus gubernabat creditam sibi domum, et universa quæ ei tradita fuerant: benedixitque Dóminus domui Ægyptii propter Joseph.

℞. j. Dicit Mater Jesu ad illum: Fili quid fecisti nobis sic? \* Ecce Pater tuus et ego dolentes quærebamus te, alleluia. ℟. Et ait ad illos: Quid est quod me quærebátis? nesciebátis quia in his, quæ Patris mei sunt, oportet me esse? — Ecce Pater tuus et ego.

Sermo sancti Bernardi  
Abbátis.

(Homilia 2. super Missus est.  
prope finem.)

Lectio ij.

QUIS et qualis homo fuerit beatus Joseph conjice ex appellatione, qua, licet dispensatoria, meruit honorari, adeo ut Pater Dei et dictus et creditus sit: conjice et ex proprio vocabulo, quod Augmentum non dubites interpretari. Simul et meménto magni illius quondam Patriarchæ venditi in Ægypto, et scito ipsius istum, non solum vocabulum fuisse sortitum, sed et castimoniam adeptum, innocentiam assecutum et grátiam.

℞. ij. Descendit Jesus cum eis, et venit Nazareth: \* Et erat subditus illis, alleluia. ℟. Proficiebat sapientia et ætate et grátia apud Deum et homines. — Et erat subditus illis, alleluia.

Lectio iij.

SI quidem ille Joseph, fraterna ex invidia venditus,

et ductus in Ægyptum, Christi venditióne præfigurávit: iste Joseph, Herodiánam invidiam fúgiens, Christum in Ægyptum portávit. Ille, dómno suo fidem servans, dómínæ nóluit commiscéri: iste Dóminam suam, Dómini sui Matrem, Virginem agnóscens, et ipse cóntinens, fidéliter custodívit. Illi data est intelligéntia in mystériis somniórum: isti datum est cónscium fieri atque partícipem cæléstium sacramentórum.

R. iij. Angelus Dómini apparuit Joseph, dicens: Joseph fili David noli timére accipere Mariam conjugem tuam: quod enim in ea natum est de Spiritu sancto est: \*Páriet autem Fílium: et vocábis nomen ejus Jesum, Allelúia. ✕. Cum esset desponsáta Mater Jesu Maria Joseph, ántequam convenirent, invénta est in útero habens de Spiritu sancto. — Páriet autem Fílium. Glória. Allelúia.

Ante Laudes ✕. Constituit eum dómnum domus suæ, allelúia. R. Et principem omnis possessionis suæ, allelúia.

#### AD LAUDES

ET PER HORAS ANTIPHONÆ.

1. Ibant Paréntes Jesu per omnes annos in Jerúsalem, in die solémni Paschæ, allelúia. Psalmus Dóminus regnávit. cum ceteris, pag. 17.

2. Cum redírent, remánsit puer Jesus in Jerúsalem, et non cognóverunt Paréntes ejus, allelúia.

3. Non inveniéntes Jesum, regréssi sunt in Jerúsalem, requiréntes eum: et post trídium invenérunt illum in templo, sedéntem in médio doctórum,

audiéntem et interrogántem eos, allelúia.

4. Dicit Mater ejus ad illum: Fili quid fecísti nobis sic? Ecce Pater tuus et ego doléntes quærebámus te, allelúia.

5. Descéndit Jesus cum eis, et venit Názareth: et erat súbditus illis, allelúia.

Capitulum. Prov. 28. et 27.

VIR fidélis multum laudábitur: et qui custos est dómini sui glorificábitur.

Hymnus.

I STE, quem læti cólimus fídes,

Cujus excélsos cánimus triúmp hos,

Hac die Joseph mérui perénis

Gáudia vitæ.

O NIMIS felix, nimis o beátus,

Cujus extrémam vígiles ad horam

Christus et Virgo simul astitérunt

Ore seréno!

HINC Stygis victor, láqueo solútus

Carnis, ad sedes plácido sópore

Migrat ætérnas, rutilisque cingit

Témpora sertis.

ERGO regnántem flagitémus omnes

Adsit ut nobis, veniámque nostris

Obtinens culpis, tríbuat supérnæ

Múnera pacis.

SINT tibi plausus, tibi sint honóres,

Trine, qui regnas Deus, et córonas

Aureas Servo tribuis fidéli Omne per ævum. Amen.

¶ Justus germinabit sicut lilium, allelúia. R. Et florébit in ætérnum ante Dóminum, allelúia.

Ad Benedictus Aña. Ipse Jesus erat incipiens quasi annórum trigínta, ut putabátur, filius Joseph, allelúia. Oratio.

**B**EATI Patriárchæ Joseph, sanctissimæ Genitricis tuæ Sponsi, quæsumus Dómine méritis adjuvémur : ut quod possibilitas nostra non obtinet, ejus nobis intercessióne donetur. Qui vivis.

#### AD PRETIOSA.

Evangelium.

Secúndum Matthæum. Cap. 1.

**C**UM esset desponsáta Mater Jesu María Joseph, ántequam convenirent, invénta est in útero habens de Spiritu sancto. Tu autem Dómine.

#### AD TERTIAM.

Capitulum Vir fidélis. ut in Laudibus.

¶ R. R. et V. V. Horarum de Communi unius Confessoris, pag. 124\*.

#### AD SEXTAM.

Capitulum. Eccli. 45.

**D**ILECTUS Deo, et hominibus : cujus memória in benedictióne est. In fide et lenitáte ipsius sanctum fecit illum, et elégit eum ex omni carne.

#### AD NONAM.

Capitulum. Sap. 10.

**P**ROFUGUM justum dedúxit Sapientia per vias rectas, et osténdit illi regnum Dei, et dedit illi sciéntiam sanctorum : honestávit illum in

labóribus, et complévit labóres illius.

#### AD II. VESPERAS.

Super Psalmos Aña. Ibant Paréntes Jesu per omnes annos in Jerúsalem, in die solémni Paschæ, allelúia. Psalmus Dixit Dóminus. cum ceteris de Communi unius Confessoris, pag. 76\*.

Capitulum Vir fidélis., Hymnus Te Joseph célebrent. et V. Amávit eum Dóminus. ut in j. Vesperis, pag. 983. et pag. 984.

Ad Magnificat Aña. Ecce fidélis servus et prudens, quem constituit Dóminus super familiam suam, allelúia.

#### PER OCTAVAM S. JOSEPH, TEMPORE PASCHALI.

Ad Memoriam in Laudibus<sup>s</sup> Aña. Ipse Jesus erat incipiens quasi annórum trigínta, ut putabátur, filius Joseph, allelúia.

¶ de Communi unius Confessoris. Oratio.

**B**EATI Patriárchæ Joseph, sanctissimæ Genitricis tuæ Sponsi, quæsumus Dómine, méritis adjuvémur : ut quod possibilitas nostra non obtinet, ejus nobis intercessióne donetur. Qui vivis.

Ad Memoriam in Vesperis Aña. Ecce fidélis servus et prudens, quem constituit Dóminus super familiam suam, allelúia.

¶ de Communi unius Confessoris.

Oratio Beáti Patriárchæ Joseph. ut ad Memoriam in Laudibus.



IN OCTAVA S. JOSEPH  
TEMPORE PASCHALI.  
SOLEMNE.

AD I. VESPERAS.

Capitulum, Hymnus, V. Antiphona ad Magnificat et Oratio ut in primis Vesperis Festi, pag. 983. et pag. 984.

AD MATUTINUM.

Invitorium Christum Dei Filium. et Hymnus Cælitum Joseph., pag. 984.

IN NOCTURNO.

Añ. Ascendit Joseph a Galilæa de civitate Nazareth in Judæam in civitatem David, quæ vocatur Bethlehem, ut proficeretur cum Maria, allelúia. Psalmus Beatus vir. cum ceteris duobus ex primo Nocturno de Communi unius Confessoris, pag. 68\*.

Añ. Venérunt pastores festinantes: et invenerunt Mariam et Joseph et Infántem positum in præsepio, allelúia.

Añ. Ecce Angelus Domini apparuit in somnis Joseph, dicens: Surge, et accipe Puerum et Matrem ejus, et fuge in Ægyptum, allelúia.

V. Amavit eum Dominus et ornávit eum, allelúia. R. Stolum glóriæ induit eum, allelúia.

† Si Homilia Dominicalis legenda non fuerit, Benedictiones ante Lectiones dentur secundum ordinem Nocturnorum, scilicet: Feria secunda et Feria quinta, Benedictio Benedictione perpétua. cum duabus sequentibus; Feria tertia et Feria sexta, Benedictio Deus Pater omnipotens. cum duabus sequentibus; Feria quarta et Sabbato, Benedictio Ille nos

benedicat. cum duabus sequentibus. Dicantur autem tres Lectiones hic positæ cum annexis Responsoriis.

De libro Génesis.

Lectio j.

Cap. 39.

JOSEPH igitur ductus est in Ægyptum, emitque eum Putiphar eunúchus Pharaónis, princeps exercitus, vir Ægyptius, de manu Ismaelitarum, a quibus perductus erat. Fuitque Dominus cum eo, et erat vir in cunctis prospere agens: habitavitque in domo domini sui, qui optime nóverat Dominum esse cum eo, et omnia, quæ géreret, ab eo dirigi in manu illius. Invenitque Joseph gratiam coram domino suo, et ministrabat ei: a quo præpositus omnibus gubernabat creditam sibi domum, et universa quæ ei tradita fuerant: benedixitque Dominus domui Ægyptii propter Joseph.

R. j. Dicit Mater Jesu ad illum: Fili quid fecisti nobis sic? \* Ecce Pater tuus et ego dolentes quærebamus te, allelúia. V. Et ait ad illos: Quid est quod me quærebátis? nesciebátis quia in his, quæ Patris mei sunt, oportet me esse? — Ecce Pater tuus et ego.

Sermo sancti Bernardini Senénsis.

(Serm. i. de S. Joseph.)

Lectio ij.

OMNIUM singularium gratiarum, alicui rationabili creaturæ communicatarum, generalis régula est: quod quandocúmque divina grátia éligit aliquem ad aliquam grátiam singularem, seu ad aliquem sublimem statum, omnia

charismata donet, quæ illi personæ sic electæ et ejus officio necessaria sunt, atque illam copiose decorant. Quod maxime verificatum est in sancto Joseph, putativo Patre Domini nostri Jesu Christi, et vero Sponso Reginae mundi et Domine angelorum, qui ab æterno Patre electus est fidelis nutritus atque custos principium thesaurorum suorum, scilicet Filii ejus et Sponsæ suæ : quod officium fidelissime prosecutus est. Cui propterea Dominus ait : Serve bone et fidelis, intra in gaudium Domini tui. Si compares eum ad totam Ecclesiam Christi, nonne iste est homo electus et specialis, per quem et sub quo Christus est ordinatus et honeste introductus in mundum ? Si ergo Virgini Matri tota Ecclesia sancta debitor est, quia per eam Christum suscipere digna facta est : sic profecto, post eam, huic debet gratiam et reverentiam singularem. Ipse enim est clavis Veteris Testamenti, in qua patriarchalis et prophetalis dignitas promissum consequitur fructum. Porro hic est solus, qui corporaliter possedit quod eis divina dignatio repromisit.

R. ij. Descendit Jesus cum eis, et venit Nazareth : \* Et erat subditus illis, alleluia. V. Proficiebat sapientia et ætate et gratia apud Deum et homines. — Et erat subditus illis, alleluia.

Lectio iij.

**M**ERITO igitur figuratur per illum Patriarcham Joseph, qui populus frumenta servavit. Sed et hic illum præcellit : quia non solum Ægyptiis pa-

nem corporalis vitæ, sed omnibus electis Panem de cælo, qui cælèstem vitam tribuit, cum multa solertia enutrivit. Profecto dubitandum non est quod Christus familiaritatem, reverentiam atque sublimissimam dignitatem, quam illi exhibuit, dum ægeret in humanis, tamquam filius patri suo, in cælis utique non negavit, quin potius complèvit et consummavit. Unde non immerito in verbo proposito a Domino subinfertur : Intra in gaudium Domini tui. Unde, licet gaudium æternæ beatitudinis in cor hominis intret, maluit tamen Dominus ei dicere, Intra in gaudium : ut mystice innuatur quod gaudium illud non solum in eo sit intra, sed undique illum circumdans et absorbens, et ipsum velut abyssus infinita submergens. Meménto igitur nostri beate Joseph, et tuæ orationis suffragio apud tuum putativum Filium intercede : sed et beatissimam Virginem Sponsam tuam nobis propitiam redde, quæ Mater est ejus, qui cum Patre et Spiritu sancto vivit et regnat per infinita sæcula sæculorum, amen. Tu autem Domine...

R. iij. Angelus Domini apparuit Joseph, dicens : Joseph fili David noli timere accipere Mariam conjugem tuam : quod enim in ea natum est de Spiritu sancto est : \* Pariet autem Filium : et vocabis nomen ejus Jesum, Alleluia. V. Cum esset desponsata Mater Jesu Maria Joseph, antequam convenirent, inventa est in utero habens de Spiritu sancto. — Pariet autem Filium. Glória. Alleluia.

† Si vero legenda fuerit Homilia Dominicalis, dentur Benedictiones tertiū Nocturni, scilicet Evangelica lectio, cum duabus sequentibus. Prima autem Lectio et secunda dicantur de ipsa Homilia, cum R. j. Dicit Mater Jesu. et R. ij. Descendit Jesus. ut supra. Tertia vero Lectio erit secunda de supra positis Sermo sancti Bernardini Senensis. Omnium singularium gratiarum. cum R. iij. Angelus Domini., ut supra.

Ante Laudes V. Constituit eum dominum domus suae, alleluia. R. Et principem omnis possessionis suae, alleluia.

#### AD LAUDES.

##### HORAS ET II. VESPERAS.

Omnia ut in Festo pro Tempore Paschali, pag. 986. et pag. 987. notatum est, servato modo Octavae diei Solemnis.

#### AD PRETIOSA.

† Si in Nocturno lecta fuerit Homilia Dominicalis, dicatur Evangelium Dominicae.

† Si vero in Nocturno lecta non fuerit Homilia Dominicalis, dicatur hoc Evangelium : Secundum Matthaeum. Cap. i.

**C**UM esset desponsata Mater Jesu Maria Joseph, antequam convenirent, inventa est in utero habens de Spiritu sancto. Tu autem Domine.

#### DIE XXI. MARTII.

##### S. BENEDICTI ABBATIS.

##### DUPLEX.

##### Oratio.

**I**NTERCESSIO nos, quaesumus Domine, beati Benedicti Abbatis commendet : ut quod

nostris meritis non valemus ejus patrocinio assequamur. Per.

#### IN I. NOCTURNO.

##### De libro Proverbiolum.

##### Lectio j. \*

##### Cap. 4.

**A**UDITE filii disciplinam patris, et attendite ut sciatis prudentiam. Donum bonum tribuam vobis, legem meam ne derelinquat. Nam et ego filius fui patris mei, tenellus, et unigenitus coram matre mea : et docebat me, atque dicebat : Suscipiat verba mea cor tuum, custodi praeccepta mea, et vives.

##### Lectio ij.

**P**OSSIDE sapientiam, posside prudentiam : ne obliviscaris, neque declines a verbis oris mei. Ne dimittas eam, et custodiet te : dilige eam, et conservabit te. Principium sapientiae, posside sapientiam, et in omni possessione tua acquire prudentiam : arripe illam, et exaltabit te : glorificaberis ab ea, cum eam fueris amplexatus. Dabit capiti tuo augmenta gratiarum, et corona inclyta proteget te.

##### Lectio iij.

**A**UDI fili mi, et suscipe verba mea, ut multiplicentur tibi anni vitae. Viam sapientiae monstrabo tibi, ducam te per semitas aequitatis : quas cum ingressus fueris, non arctabuntur gressus tui, et currens non habebis offendiculum. Tene disciplinam, ne dimittas eam : custodi illam, quia ipsa est vita tua.



## IN II. NOCTURNO.

(Ex S. Greg. lib. 4. Dialog.  
et ex Brev. Rom.)

## Lectio iv.\*

**B**ENEDICTUS Núrsiæ nóbili  
génere ortus, Romæ litte-  
ris eruditus, ut totum se Jesu  
Christo daret, in altíssimam  
spelúncam penetrávit : in qua  
per triénnum ita delítuit, ut  
unus id sciret Románuš mōna-  
chus, quo ad vitæ necessi-  
tátem mínistro utebátur. Con-  
cupiscéntiæ motus, sibi a dæ-  
mone excitátos, in spinis vo-  
lutátus exstínxit. Sanctitátis  
ejus fama permóti mōnachi  
quidam se illi instituēdos  
tradidére ; qui ob vivēdi li-  
céntiam ab ipso dúrius objur-  
gáti, mortem ei venéno inférre  
studuérunt : at Crucis signo vas  
oblátum confrégit, et in soli-  
túdinem secéssit.

## Lectio v.

**C**UM multi ad eum quotidie  
discipuli convenirent, duó-  
decim monastéria ædificávit,  
éaque sanctíssimis légibus  
communívit. Cassínus deinde  
migrans, Apóllinis simulácrum  
comminuit, aram evértit, lucos  
succéndit. Prophético spírítu  
clarus ventúra prædixit : quod  
ubi accépit Tótíla Gothórum  
rex, exploratúrus an ita res  
esset, spathárium suum régio  
ornátu et comitátu præmisit,  
qui se regem simuláret. Quem  
ut ille vidit, Depóne, inquit,  
fili, quod geris, nam tuum non  
est. Sed et Tótíla ad eum ac-  
cédens se humi prostrávit : cui  
ob scélera increpáto, advén-  
tum in Urbem, maris transmis-  
siónem, et post novénnum  
mortem prædixit.

## Lectio vj.\*

**I**MMINENTEM mortis suæ  
diem prædixit Benedictus :  
sepúlcrum, in quo condi vellet,  
sex diébus ántequam eo infer-  
rétur, aperíri jussit : sextóque  
die in ecclésiám deférri voluit ;  
ubi sumpta Eucharistia, sublátis  
in cælum oculis orans, inter  
manus discipulórum áni-  
mam Deo reddidit. Hujus cæ-  
lestis glória duóbus mōnachis  
in cælesti visióne osténsa est.  
Disciplínám monásticám in  
Occidēte pene collápsam re-  
stituit, ac præcláris institútis  
religióne mirífice propagá-  
vit : ex qua innúmera diver-  
sórum Ordinum ágmina prodí-  
ere, quibus Ecclésiá cathólica  
plúrimum illustráta fuit.

## IN III. NOCTURNO.

Homília in Evangelium Ecce  
nos reliquimus ómnia. de Com-  
muni unius Abbatis, pag. 85\*.

**T**EMPORE PASCHALI, Lectio-  
nes ex suprapositis prima,  
quarta et sexta signatæ\*.

## DIE XXII. MARTII.

## B. AMBROSII SANSEDONII

## CONF. ORD. PRÆD.

## DUPLEX.

## Oratio.

**E**CCLESIAM tuam Deus beáti  
Ambrósii Confessóris tui  
solémnitas votiva lætificet :  
ut spírítuálibus semper muniá-  
tur auxiliis, et gáudiis pérfrui  
mereátur ætérnis. Per.

## IN I. NOCTURNO.

## De libro Ecclesiástico.

## Lectio j. \*

## Cap. 39. 1.

**S**APIENTIAM ómnium anti-  
quórum exquirere sapiens,  
et in prophétis vacábit. Narra-  
tiónem virórum nominatórum

conservabit, et in versutias parabolarum simul introibit. Occulta proverbiorum exquirat, et in absconditis parabolarum conversabitur. In medio magnatorum ministrabit, et in conspectu præsidis apparabit. In terram alienigenarum gentium pertransiet : bona enim et mala in hominibus tentabit.

## Lectio ij.

**C**OR suum tradet ad vigilandum diluculo ad Dominum, qui fecit illum, et in conspectu Altissimi deprecabitur. Aperiet os suum in oratione, et pro delictis suis deprecabitur. Si enim Dominus magnus voluerit, spiritu intelligentiæ replēbit illum : et ipse tamquam imbres mittet eloquia sapientiæ suæ, et in oratione confitebitur Domino : et ipse diriget consilium ejus et disciplinam, et in absconditis suis consiliabitur.

## Lectio iij.

**I**PSE palam faciet disciplinam doctrinæ suæ, et in lege testamenti Domini gloriabitur. Collaudabunt multi sapientiam ejus, et usque in sæculum non delēbitur. Non recedet memoria ejus, et nomen ejus requirētur a generatione in generationem. Sapientiam ejus enarrabunt gentes, et laudem ejus enuntiabit ecclesia. Si permanserit, nomen derelinquet plus quam mille : et si requieverit, prouderit illi.

## IN II. NOCTURNO.

(Ex ejus vita, et prob. Auctor.)

## Lectio iv. \*

**A**MEROSIUS Sanseodonius Senis in Etruria nobilibus piisque parentibus natus est.

Adolescens Prædicatorum Ordinem amplexus, atque ad studium Parisiense missus, dæmonem, sub eremitæ specie ipsum a religioso studio dehortantem, detectis insidiis, superauit. Albérto Magno doctore et sancto Thoma Aquinate condiscipulo, ita in litteris profecit, ut eum, post theologiam in Academiis Parisiensi et Coloniensi summo applausu traditam, Summus Pontifex Romam adsciverit, ad collapsa ibi sacræ doctrinæ studia restituenda. Pro gravissimis Ecclesiæ catholice negotiis a Summis Pontificibus ad supremos Fideles Principes delegatus, ea felicissime gessit.

## Lectio v.

**B**OHEMICAM sectam in variis Germaniæ partibus grassantem profligauit. Romam factionibus discissam pacauit, Summique Pontificis electionem in plenam libertatem vindicauit. Europæ Principes ad bellum aduersus Turcas pro Terræ sanctæ recuperatione, inito inter se fœdere, concitauit. In sacris concionibus, majorum pariter ac popularium vitia, summa libertate redarguebat, et ad penitentiam fideles efficaciter inflammabat. Concionantem illum sæpius in æra sublatus, et columbam ejus auri assistentem populi conspexere.

## Lectio vj. \*

**A**RDENTISSIMÆ in Deum ac proximum caritati summam humilitatem conjunxit, doctoratus laurea ac Senensis Ecclesiæ præsulatū recusatis. Missæ sacrificium tanto animi sensu celebrabat, ut omnibus

artubus ossibusque concuteretur, et uberrimis profusis lacrimis, in éxtasim raperetur. In oratione assiduus, in virginitatis custódia vigil, in corporis castigatione sévêrus, Dóminum promérui. Conció-nem Senis habens, in feneratóres tanto zelo commótus est, ut fracta semel et iterum pectoris vena, morti viam patefecerit : quam lætus susceptis Sacraméntis aspéxit, anno millésimo ducentésimo octuagésimo sexto. Apostólicum Virum Clemens Octávus Martyrológio Románo adscripsit. Gregórius vero Quintus décimus festum ejus in univérso Prædicatórum Ordine celebrándum constituit.

## IN III. NOCTURNO.

Homilia in Evangelium Sint lumbi. de Communi unius Confessoris non Pontificis, pag. 83\*.

**T**EMPORE PASCHALI, Lectio-nes erunt de suprapositis prima, quarta et sexta notatæ per\*.

**S**i festum S. Gabrielis Archangeli ante Dominicam in Ramis Palmarum celebrandum fuerit, omnia fiant ut hic pro Tempore Quadragesimæ sunt notata.

† Cum vero Tempore Paschali celebrandum fuerit, de ipso fiat Officium ut pag. 1006. signatum est.

## DIE XXIV. MARTII.

S. GABRIELIS ARCHANGELI,

TEMPORE QUADRAGESIMÆ.

TOTUM DUPLEX.

AD I. VESPERAS.

Super Psalmos Aña. Ingresso Zacharia templum Dómini,

apparuit ei Gábriel Angelus, stans a dextris altáris incénsi. Psalmus Laudáte púeri. cum ceteris, pag. 145.

Capitulum.

Apoc. 10.

**V**IDI Angelum Dei descendéntem de cælo amictum nube, et iris in cápite ejus, et fácies illius sicut sol, et pedes ejus tamquam columba ignis : et habébat libéllum apértum in manu sua.

R. Gaude María Virgo, cunctas hæreses sola interemisti, quæ Gabriélis Archángeli dictis credidisti : \* Dum Virgo Deum et hóminem genuisti. Et post partum Virgo invioláta permansisti. V. Gabriélem Archángelum scimus divinitus te esse affátum : úterum tuum de Spíritu sancto crédimus imprægnátum : erubéscat Judæus infélix, qui dicit Christum ex Joseph sémine esse natum. — Dum Virgo. Glória. Et post partum.

Hymnus.

**G**ABRIELEM venerémur Summi Regis nuntium, Per quem Deus delegávit Suum ministérium, Mundo lapso nuntiándo Jesum Dei Filium.

GABRIEL Virtus divína Débiles fortifica : Ut vincámus inimicum, Ipse nos corróbora : Et ut lapsus remittántur Ipse nobis impetra.

ANGELUS in mundum missus Ad Mariæ thálamum, Te solum Deus elégit Suum Secretárium : Nostras preces tu præsénta Ante cæli Dóminum.



GLORIA et honor Deo  
Usquequaque altissimo,  
Una Patri Filióque,  
Inclyto Paráclito,  
Qui tot dona condonávit  
Gabriéli Archángelo. Amen.

Ÿ. Appáruit in templo Angelus Dómini. R. Stans a dextris altáris incénsi.

Ad Magnificat Aña. Pro eo quod non credidisti verbis meis, inquit Angelus Gábriel, eris tacens, et non póteris loqui usque in diem nativitátis ejus.

Oratio.

**O**MNIPOTENS sempitérne Deus, cui Angelórum millia ministrant : præsta, quæsumus, ut qui beátum Gabriélem Archángelum humanæ Restaurationis præcipuum ministrum venerámur in terris, ejúsdem suffrágiis fructum nostræ Redemptiónis consequámur in cælis. Per.

#### AD MATUTINUM.

Invitatorium. Adorémus Regem Archangelórum : \* Qui privilegio Annuntiatiónis Gabriélem illustrávit Archángelum.

Hymnus Gabriélem venerémur., ut in j. Vesperis, p. 993.

#### IN I. NOCTURNO.

Psalmus 8.

**D**OMINE Dóminus noster, \* quam admirábile est nomen tuum in univérſa terra !

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor

es ejus ? \* aut filius hóminis, quóniam vísitas eum ?

Minuísti eum paulo minus ab Angelis, & glória et honóre coronasti eum : \* et constituísti eum super ópera manuum tuárum.

Omnia subjecísti sub pedibus ejus, \* oves et boves univérſas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra !

Aña. Gábriel fac me intelligere visiónem. Et dixit mihi Angelus : Ego osténdam quæ futura sunt maledictiónis tempore : quóniam tempus finem habet.

Psalmus 10.

**I**N Dómino confido : quómodo dicitis ánimæ meæ : \* Tránsmigra in montem sicut passer ?

Quóniam ecce peccatóres intendérunt arcum, & paravérunt sagittas suas in pháretra, \* ut sagittent in obscúro rectos corde.

Quóniam quæ perfecísti, destruxérunt : \* justus autem quid fecit ?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpabræ ejus intérogant filios hóminum.

Dóminus intérogat justum et impiúm : \* qui autem diligit iniquitátem, odit ánimam suam.

Pluet super peccatóres láqueos : \* ignis, et sulphur, et

spiritus procellarum pars calicis eorum.

Quoniam justus Dominus et justitias dilexit: \* æquitatem vidit vultus ejus.

Añā. Ecce vir Gábríel cito volans tétigit me, et dócuit me visionem.

Psalmus 14.

**D**OMINE quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justitiam:

Qui lóquitur veritátem in corde suo, \* qui non egit dolum in lingua sua:

Nec fecit próximo suo malum, \* et oppróbrium non accépit adversus próximos suos.

Ad nihilum deductus est in conspectu ejus malignus: \* timéntes autem Dóminum glorificat:

Qui jurat próximo suo, et non decipit, \* qui pecúniā suā non dedit ad usúram, \* et múnera super innocentem non accépit:

Qui facit hæc, \* non movébitur in ætérnum.

Añā. Joáñnes vocábitur nomen ejus, inquit Archángelus Gábríel ad Zachariām: et in nativité ejus multi gaudébunt.

¶ Stetit Angelus juxta aram templi. R. Habens thuribulum áureum in manu sua.

De Daniéle Prophéta.

Lectio j.

Cap. 8.

**F**ACTUM est autem cum vidérem ego Dániel visionem, et quærerem intelligéntiam: ecce stetit in conspectu meo quasi spécies viri. Et audívi

vocem viri inter Ulai, et clamávit, et ait: Gábríel fac me intelligere istam visionem. Et venit, et stetit juxta ubi ego stabam: cumque venisset, pavens corruí in faciē meā, et ait ad me: Intéllige fili hóminis, quóniam in témpore finis complébitur visio. Cumque loquerétur ad me, collápsus sum pronus in terram: et tétigit me, et státuit me in gradu meo, dixitque mihi: Ego ostendam tibi quæ futúra sunt in novíssimo maledictiónis: quóniam habet tempus finem suum.

R. j. Sacram præsentis diéi solemnitétem álacri celebrémus devotiōne: quóniam insignis Archángelus Gábríel Christum annúntians, \* Singuláre glóriæ præsidium celo et univérso orbi áttulit. ¶ Perácta prophética legatiōne, cum venerádo triúmpho Angelórum cœtibus comitátur. — Singuláre.

Lectio ij.

**A**RIES, quem vidisti habére córnua, rex Medórum est atque Persárum. Porro hircus caprárum, rex Græcórum est, et cornu grande, quod erat inter óculos ejus, ipse est rex primus. Quod autem fracto illo surrexérunt quátuor pro eo: quátuor reges de gente ejus consúrgent, sed non in fortitúdine ejus. Et post regnum eórum, cum créverint iniquitátes, consúrget rex impudens faciē, et intélligens propositiones. Et roborábitur fortitúdo ejus, sed non in viribus suis: et supra quam credi potest, univérsa vastábit, et prosperábitur, et faciét.

Et interficiet robústos, et pópulum sanctórum secúndum voluntátem suam, et dirigétur dolus in manu ejus: et cor suum magnificábit, et in cópia rerum ómnium occidet plúrimos: et contra príncipem príncipum consúrget, et sine manu conterétur. Et visio vespere et mane, quæ dicta est, vera est: tu ergo visiónem signa, quia post multos dies erit. Et ego Dániel lángui, et ægrotávi per dies: cumque surrexissem, faciébam ópera regis, et stupébam ad visiónem, et non erat qui interpretaréretur.

R. ij. Iste est Gábriel, qui supra céteros cælórum Spiritus a Dómino est eléctus: \* Beátus Archángelus, cui crédita sunt secréta cæléstia. V. Iste est Gábriel, quem Pater cæléstis Filio único unicum ministrum destinávit. — Beátus Archángelus.

Lectio iij.

Cap. 9.

CUMQUE adhuc lóquerer, et Corárem, et confitérer peccáta pópuli mei Israel, et prostérnerem preces meas in conspéctu Dei mei, pro monte sancto Dei mei: adhuc me loquente in oratióne, ecce vir Gábriel, quem videram in visióne a principio, cito volans tétigit me in témpore sacrificii vespertini. Et dócuit me, et locútus est mihi, dixítque: Dániel, nunc egréssus sum ut docérem te, et intelligeres. Ab exórdio precum tuárum egréssus est sermo: ego autem veni ut indicárem tibi, quia vir desideriórum es: tu ergo animadvérte sermónem, et intéllige visiónem. Septuaginta

hebdómades abbreviátæ sunt super pópulum tuum, et super urbem sanctam tuam ut consummétur prævaricatio, et finem accípiat peccátum, et deleátur iniquitas, et adducátur justítia sempitérna, et impleátur visio, et prophetia, et ungátur Sanctus sanctórum. Scito ergo, et animadvérte: Ab éxitu sermónis, ut iterum ædificétur Jerúsalem, usque ad Christum ducem, hebdómades septem, et hebdómades sexaginta duæ erunt: et rursum ædificábitur platéa, et muri in angústia témporum. Et post hebdómades sexaginta duas occidétur Christus: et non erit ejus pópulus, qui eum negáturus est.

R. iij. Quómodo fiet istud, respóndens ait María, quia virum non cognosco? Angelus Gábriel ad hæc: \* Spiritus sanctus supervéniet in te, Et virtus Altíssimi obumbrábit tibi. V. Ideóque quod nascétur ex te Sanctum vocábitur Filius Dei. — Spiritus sanctus. Glória. Et virtus Altíssimi obumbrábit tibi.

## IN II. NOCTURNO.

Psalmus 29.

**E**XALTABO te Dómine quóniam suscepísti me: \* nec delectásti inimicos meos super me.

Dómine Deus meus clamávi ad te, \* et sanásti me.

Dómine eduxísti ab inférno ánimam meam: \* salvásti me a descendéntibus in lacum.

Psállite Dómino sancti ejus: \* et confitémini memoríæ sanctitátis ejus.

Quóniam ira in indignatióne



ejus : \* et vita in voluntate ejus.

Ad vesp̄erum demorabitur fletus : \* et ad matutinum lætitia.

Ego autem dixi in abundantia mea : \* Non movēbor in ætēnum.

Dōmine in voluntate tua, \* præstisti decōri meo virtutem.

Avertisti faciē tuam a me, \* et factus sum conturbatus.

Ad te Dōmine clamābo : \* et ad Deum meum deprecābor.

Quæ utilitas in sanguine meo, \* dum descēdo in corruptionē ?

Numquid confitēbitur tibi pulvis, \* aut annuntiābit veritatem tuam ?

Audivit Dōminus, et miseratus est mei : \* Dōminus factus est adiutor meus.

Convertisti planctum meum in gaudium mihi : \* conscidisti saccum meum, et circumdedisti me lætitia :

Ut cantet tibi glōria mea, et non compūngar : \* Dōmine Deus meus in ætēnum confitebōr tibi.

Añā. Gábríel Archángelus nūntius est eléctus a Dómino, atque inter Angelos magis dilectus.

Psalmus 33.

**B**ENEDICAM Dōminum in omni tēpore : \* semper laus ejus in ore meo.

In Dómino laudābitur ánima mea : \* audiant mansuēti, et lætēntur.

Magnificāte Dōminum mecum : \* et exaltēmus nomen ejus in idípsum.

Exquisivi Dōminum, et exaudivit me : \* et ex ómnibus

tribulatiōnibus meis eripuit me.

Accēdite ad eum, et illumināmini : \* et faciēs vestræ non confundēntur.

Iste pauper clamāvit, et Dōminus exaudivit eum : \* et de ómnibus tribulatiōnibus ejus salvāvit eum.

Immittet Angelus Dómini in circūitu timēntium eum : \* et eripiet eos.

Gustāte, et vidēte quóniam suāvis est Dōminus : \* beātus vir, qui sperat in eo.

Timēte Dōminum omnes sancti ejus : \* quóniam non est inópia timēntibus eum.

Dívites eguērunt et esuriērunt : \* inquirētes autem Dōminum non minuēntur omni bono.

Venite filii, audite me : \* timōrem Dómini docēbo vos.

Quis est homo qui vult vitam : \* diligit dies vidēre bonos ?

Próhibe linguam tuam a malo : \* et lábia tua ne loquāntur dolum.

Diverte a malo, et fac bonum : \* inquire pacem, et persequere eam.

Oculi Dómini super justos : \* et aures ejus in preces eórum.

Vultus autem Dómini super faciētes mala : \* ut perdat de terra memóriam eórum.

Clamavérunt justí, et Dōminus exaudivit eos : \* et ex ómnibus tribulatiōnibus eórum liberāvit eos.

Juxta est Dōminus iis, qui tribulāto sunt corde : \* et humiles spíritu salvābit.

Multæ tribulatiōnes justórum : \* et de ómnibus his liberābit eos Dōminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui sperant in eo.

Aña. Supra céteros Dómini Angelos illuminátus, nostræ Reparatiónis legatióne ad Mariam détulit.

Psalmus 46.

**O**MNES gentes pláudite má-nibus : \* jubilate Deo in voce exsultatiónis.

Quóniam Dóminus excélsus, terribilis : \* Rex magnus super omnem terram.

Subjécit pópulos nobis : \* et gentes sub pédibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubæ.

Psállite Deo nostro, psállite : \* psállite Regi nostro, psállite.

Quóniam Rex omnis terræ Deus : \* psállite sapiénter.

Regnabit Deus super gentes : \* Deus sedet super sedem sanctam suam.

Príncipes populórum congregáti sunt cum Deo Abraham : \* quóniam dii fortes terræ vehementer eleváti sunt.

Aña. Quasi unus de Paradísi fluminibus, Archángelus Gá-briel Incarnatiónis grátiam ad Mariam Virginem addúxit.

¶ Ascéndit fumus aróma-tum in conspéctu Dómini.

℟. De manu Angeli.

Sermo sancti Bernárdi

Abbátis.

(Super Evang. Missus est.)

Lectio iv.

**N**ON árbitror Angelum Gá-briélem de minoribus esse, qui quálibet ex causa, crebra sóleant ad terras fungi legatióne. Quod ex ejus nómine palam intéllegi datur, quod interpretátum Fortitúdo Dei dicitur : et quia non ab álio álquo forte excellentióri se (ut ássolet) Spíritu, sed ab ipso Deo mitti perhibétur. Propter hoc ergo pósitum est, A Deo. Vel ideo dictum est, A Deo, ne cui vel beatórum Spírituum suum Deus, ántequam Virgini, revelásse putétur consílium, excépto dumtáxat Archángelo Gabriéle : qui útiq; tantæ inter suos inveníri potúerit excellentiæ, ut tali et nómine dignus haberétur et núntio. Nec discórdat nomen a núntio.

℟. iv. Descéndit Angelus Gá-briel ad Zachariám, dicens : Accipe púerum in senectúte tua : \* Et habébit nomen Joá-nnes Baptista. ¶. Ne timeas Zacharia, quóniam exaudita est orátió tua : et Elísabeth uxor tua páriet tibi filium. — Et habébit nomen Joánnes Baptista.

Lectio v.

**D**EI quippe Virtútem Christum, quem mélius nuntiáre decébat quam hunc, quem simile nomen honórat? Nam quid est áliud Fortitúdo quam Virtus? Non autem dédecens aut incóngruum videátur Dó-minum et núntium commúni censéri vocábulo : cum similis in utróque appellatiónis, non sit tamen utriúsque similis

causa. Aliter quippe Christus Fortitúdo vel Virtus Dei dicitur, áliter Angelus. Angelus enim tantum nuncupative, Christus autem étiam substantively. Christus Dei Virtus et dicitur, et est, quæ forti armáto, qui suum átrium in pace custodire solébat, fórtior superveniens, ipsum suo bráchio debellávit : et sic ei vasa captivitátis poténter eripuit. Angelus vero Fortitúdo Dei appellátus est, vel quod hujúsmodi merúerit prærogativam officii, quo ejúsdem nuntiáret advéntum Virtútis : vel quia Virginem natúra pávidam, simplicem, verecúndam, de miráculi novitate ne expavésceret, confortáre debéret. Quod et fecit, Ne timeas, inquiens, María, invenisti grátiam apud Deum.

R. v. Gábríel Archángelus apparuit Zachariæ dicens : Nasce'tur tibi filius, nomen ejus Joánnes vocábitur : \* Et multi in nativitate ejus gaudébunt.

V. Erit enim magnus coram Dómino : vinum et siceram non bibet. — Et multi in nativitate ejus gaudébunt.

Lectio vj.

**S**ED et ipsius Sponsum, hóminem útique nihilóminus humilem ac timorátum, non irrationabiliter fórsitan idem Angelus confortásse crédito : quamquam tunc ab Evangelista non nominétur. Joseph, inquit, fili David, ne timeas accipere Mariam cónjugem tuam. Conveniénter itaque Gábríel ad hoc opus eligitur : immo quia tale illi negótium injúngitur, recte tali nómine designátur. Missus est ergo Gábríel Angelus a Deo. Quo?

In civitátem Galilææ, cui nomen Názareth. Videámus si, ut ait Nathánael, a Názareth potest áliquid boni esse. Názareth interpretátur Flos. Vidéntur autem mihi quoddam semen fuisse divínæ cognitiónis, tamquam e cælo jactátum in terras, allocutiónes et promissiónes factæ cælitus ad Patres, Abraham scilicet, Isaac et Jacob.

R. vj. Gaude María Virgo, cunctas hæreses sola interemisti, quæ Gábríelis Archángeli dictis credidisti : \* Dum Virgo Deum et hóminem genuisti, Et post partum Virgo invioláta permansisti. V. Gábríelem Archángelum scimus divinitus te esse affátum : úterum tuum de Spíritu sancto crédimus imprægnátum : erubéscat Judæus infélix, qui dicit Christum ex Joseph sémine esse natum. — Dum Virgo. Glória. Et post partum.

### IN III. NOCTURNO.

Psalmus 96.

**D**OMINUS regnávit, exsúltet terra : \* læténtur insulæ multæ.

Nubes, et caligo in circúitu ejus : \* justitia, et judicium correcti'o sedis ejus.

Ignis ante ipsum præcedet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus : \* et vidérunt omnes pópuli glóriam ejus.



Confundántur omnes, qui adoránt sculptília : \* et qui gloriántur in simulácris suis.

Adoráte eum omnes Angeli ejus : \* audivit, et lætáta est Sion.

Et exsultavérunt filiæ Judæ, \* propter judicia tua Dómine :

Quóniam tu Dóminus altissimus super omnem terram : \* nimis exaltátus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætitia.

Lætámini justí in Dómino : \* et confitémini memóriæ sanctificatiónis ejus.

Aña. Beáta es María, quæ credidisti : perficiéntur in te quæ dicta sunt tibi a Dómino.

Psalmus 98.

**D**OMINUS regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confiteántur nómini tuo magno : & quóniam terribile, et sanctum est : \* et honor regis iudícium diligit.

Tu parásti directiões : \* iudícium et justitiam in Jacob tu fecisti.

Exaltáte Dóminum Deum nostrum, & et adoráte scabellum pedum ejus : \* quóniam sanctum est.

Móyses, et Aaron in sacerdotibus ejus : \* et Sámuel in-

ter eos, qui invocant nomen ejus :

Invocabant Dóminum, et ipse exaudiébat eos : \* in columna nubis loquebátur ad eos.

Custodiébant testimónia ejus, \* et præceptum quod dedit illis.

Dómine Deus noster tu exaudiébas eos : \* Deus tu propitius fuisti eis, et ulciscens in omnes adinventiões eórum.

Exaltáte Dóminum Deum nostrum, & et adoráte in monte sancto ejus : \* quóniam sanctus Dóminus Deus noster.

Aña. Angelus Dómini nuntiávit Mariæ, et concépit de Spiritu sancto.

Psalmus 102.

**B**ENEDIC ánima mea Dómino : \* et ómnia, quæ intra me sunt, nómini sancto ejus.

Benedic ánima mea Dómino : \* et noli oblivisci omnes retributiões ejus :

Qui propitiátur ómnibus iniquitatibus tuis : \* qui sanat omnes infirmitátes tuas.

Qui rédimit de intéritu vitam tuam : \* qui coronat te in misericórdia et miserationibus.

Qui replet in bonis desiderium tuum : \* renovábitur ut áquilæ juvéntus tua :

Faciens misericórdias Dóminus : \* et iudícium ómnibus injúriam patiéntibus.

Notas fecit vias suas Móysi, \* filiis Israel voluntátes suas.

Miserátor, et miséricors Dóminus : \* longánimis, et multum miséricors.

Non in perpétuum irascetur : \* neque in ætérnum comminábitur.

Non secúndum peccáta nostra fecit nobis : \* neque secúndum iniquitatés nostras retribuit nobis.

Quóniam secúndum altitúdinem cæli a terra : \* corroborávit misericórdiam suam super timéntes se.

Quantum distat ortus ab occidente : \* longe fecit a nobis iniquitatés nostras.

Quómodo miserétur pater filiórum, & misértus est Dóminus timéntibus se : \* quóniam ipse cognóvit figméntum nostrum.

Recordátus est quóniam pulvis sumus : & homo, sicut fœnum dies ejus, \* tamquam flos agri sic efflorebit.

Quóniam spíritus pertransibit in illo, et non subsistet : \* et non cognóscet ámplius locum suum.

Misericórdia autem Dómini ab ætérno, \* et usque in ætérnum super timéntes eum.

Et justitia illius in filios filiórum, \* his qui servant testaméntum ejus :

Et mémores sunt mandatórum ipsius, \* ad faciéndum ea.

Dóminus in cælo parávit sedem suam : \* et regnum ipsius omnibus dominábitur.

Benedicite Dómino omnes Angeli ejus : \* poténtes virtúte, faciéntes verbum illius, ad audiendam vocem sermónis ejus.

Benedicite Dómino omnes virtútes ejus : \* ministri ejus, qui fáciunt voluntátem ejus.

Benedicite Dómino ómnia ópera ejus : \* in omni loco do-

minatiónis ejus, benedic ánima mea Dómino.

Añá. Missus est Gábriel Angelus ad Mariám Virginem desponsátam Joseph.

℟. In conspéctu Angelórum psallam tibi Deus meus.

℞. Adorábo ad templum sanctum tuum, et confitébor nómini tuo.

Léctio sancti Evangélii  
secúndum Lucam.

Lectio vij.

Cap. i.

**I**n illo témpore : Missus est Angelus Gábriel a Deo in civitatém Galilææ, cui nomen Názareth, ad Virginem desponsátam Viro, cui nomen erat Joseph, de domo David, et nomen Virginis Maria. Et réliqua.

Homília venerábilis Bedæ  
Presbyteri.

(Exposit. in Luc. lib. i. cap. i.)

**E**XORDIUM Redemptiόνis nostræ, fratres caríssimi, hodiérna nobis sancti Evangélii léctio comméndat; quæ Angelum de cælis a Deo missum narrat ad Virginem, ut novam in carne Nativitatém Filii Dei prædicáret : per quam nos, abjecta vetustate nóxia, renovári atque inter filios Dei computári possimus.

℞. vij. Missus est Gábriel Angelus ad Mariám Virginem desponsátam Joseph, nuntians ei verbum : et expavéscit Virgo de lúmine. Ne timeas María, invenísti grátiam apud Dóminum : ecce concípies, et páries, \* Et vocábitur Altíssimi Filius. ℟. Dabit ei Dóminus Deus sedem David patris ejus, et regnábit in domo Jacob in ætérnum. — Et vocábitur Altíssimi Filius.

## Lectio viij.

**U**T ergo ad promissæ Salûtis mereámur dona pertingere : primórdium ejus inténta curémus aure percipere. Missus est (inquit) Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph. Aptum profecto humanæ Restauratiónis principium, ut Angelus a Deo mitterétur ad Virginem, partu consecrándam divíno : quia prima perditiónis humanæ fuit causa, cum serpens a diabolo mittebátur ad mulierem, spiritu supérbie decipiendam : immo ipse in serpente diabolus veniebat, qui genus humanum, decéptis primis paréntibus, immortalitátis glória nudáret.

R. viij. Súscipe verbum Virgo María, quod tibi a Dómino per Angelum Gabriélem transmissum est : concípies, et páries Deum páriter et hóminem, \* Ut benedicta dicáris inter omnes mulieres. V. Páries quidem filium, et virginitátis non patiéris detriméntum : efficiéris grávida, et eris mater semper intácta. — Ut benedicta dicáris inter omnes mulieres.

## Lectio ix.

**I**DCIRCO Angeli privátis nominibus censentur : ut signetur per vocábula étiam in operatione quid váleant. Neque etenim in illa sancta civitate, quam de visione omnipoténtis Dei plena sciéntia perficit, idcirco própria nómina sortiuntur, ne eórum persónæ sine nominibus sciri non possint : sed cum ad nos áliquid mini-

stratúri veniunt, apud nos étiam nómina a ministéris trahunt. Ad Mariam ergo Virginem Gábriel mittitur, qui Dei Fortitúdo nominátur. Illum quippe nuntiáre veniebat, qui ad debellándas aéreas potestates húmilis apparére dignátus est. De quo per Psalmistam dicitur : Dóminus fortis, et potens in proelio. Et rursum : Dóminus Virtútum ipse est rex glóriæ. Per Dei ergo Fortitúdinem nuntiándus erat, qui Virtutum Dóminus, et potens in proelio contra potestates aéreas ad bella veniebat.

R. ix. Ave María grátia plena : Dóminus tecum, inquit Angelus Gábriel : \* Spíritus sanctus supervéniet in te, Et virtus Altíssimi obumbrábit tibi : quod enim ex te nascetur Sanctum, vocábitur Filius Dei. V. Quómodo fiet istud, quóniam virum non cognosco? Et respóndens Angelus dixit ei. — Spíritus sanctus. Glória. Et virtus Altíssimi obumbrábit tibi : quod enim.

Ante Laudes X. Gloriosus apparuisti in conspectu Dómini. R. Proptérea decórem induit te Dóminus.

## AD LAUDES

## ET PER HORAS ANTIPHONÆ.

1. Gábriel Archángelus locutus est ad Mariam dicens : Ave grátia plena : Dóminus tecum : benedicta tu inter mulieres. Psalmus Dóminus regnávít cum ceteris, pag. 17.

2. Facta est cum Gabriéle Archángelo multitúdo cæléstis exércitus, laudántium et dicéntium : Glória in altíssimis Deo.  
3. Dum Jesus factus in ago-



nia prolixius oráret, appáruit ei de cælo Angelus confortans eum.

4. Ne timeas María, ait Angelus ad Virginem : invenisti grátiam apud Dóminum.

5. Factum est, cum Dániel visionem vidéret, et quæreret intelligéntiam : Angelus ei Gábríel, ut demonstráret, appáruit.

Capitulum. Apoc. 10.

VIDI Angelum Dei descendéntem de cælo amictum nube, et iris in cápite ejus, et fácies illius sicut sol, et pedes ejus tamquam cólumna ignis : et habébat libéllum apértum in manu sua.

Hymnus.

ROBOUR Dómini lúcidè Gábríel,

Quem de princípibus signat Emmánuel,

A quo promérui discere Dániel

Hirci prodígium feri !

Tu Vatis précibus curris aláriter :

Monstras hebdómadam sacráta témpora,

Quæ nos æthérei gérmine Príncipis

Ditábunt bene gáudiis.

BAPTISTÆ páriter mira párentibus

Affers a súperis lætaque nuntiá :

Quod mater stérili córpore pígnora

Longævo páriet patri.

Quod Vates réferunt mundi ab origine,

Hoc sacræ véniens tu plene Virgini

Longo mystérium pandis ab ordine,

Verum quod páriet Deum.

PASTORES sólymos ínclyte gáudiis

Implésti, réserans cælica nuntiá :

Et tecum célebrat turba cænéntium

Nati mystérium Dei.

ORANTI Dómino nocte novíssima,

Dum sudor mádidum sáanguine cóncific,

Astans a súperis, ut cálicem bibat

Assénsus Patris índicas.

MENTES cathólicas ínclyte Trínitas

Confirma fidei múnere cælico : Da nobis grátiam, nos quoque glóriam

Per cuncta tibi sæcula. Amen.

℣. Adoráte Deum. ℞. Omnes Angeli ejus.

Ad Benedictus Añã. Gábríel Archángele, qui ante Deum semper assistis, admítte preces nostras intra sacrárium exauditiónis, et repórta nobis antidotum divínæ reconciliatiónis.

Oratio.

OMNIPOTENS sempitérne Deus, cui Angelórum millia ministrant : præsta, quæsumus, ut qui beátum Gabriélem Archángelum humanæ Restauratiónis præcípuum ministrum venerámur in terris, ejúsdem suffrágiis fructum nostræ Redemptiósni consequámur in cælis. Per.

AD TERTIAM.

Capitulum Vidi Angelum Dei. ut in Laudibus.

℞. Stetit Angelus \* Juxta aram templi. Stetit Angelus.

℣. Habens thuribulum áureum in manu sua. Juxta aram templi. Glória. Stetit Angelus.

℣. Ascéndit fumus arómatum in conspéctu Dómini. ℞. De manu Angeli.

## AD SEXTAM.

Capitulum. Apoc. 17.

VENIT ad me unus de septem Angelis, et locútus est ad me dicens : Veni, et osténdam tibi damnatiónem meretricis magnæ, cum qua fornicáti sunt reges terræ.

℞. Ascéndit fumus arómatum \* In conspéctu Dómini. Ascéndit fumus arómatum. ℣. De manu Angeli. In conspéctu Dómini. Glória. Ascéndit fumus arómatum.

℣. In conspéctu Angelórum psallam tibi Deus meus. ℞. Adorábo ad templum sanctum tuum, et confitébor nómini tuo.

## AD NONAM.

Capitulum. Apoc. 18.

POST hæc vidi Angelum Dei fortem descendéntem de cælo, habéntem potestátem magnam : et terra illumináta est a glória ejus.

℞. In conspéctu Angelórum \* Psallam tibi Deus meus. In conspéctu Angelórum. ℣. Adorábo ad templum sanctum tuum, et confitébor nómini tuo. Psallam tibi Deus meus. Glória. In conspéctu Angelórum.

℣. Adoráte Deum. ℞. Omnes Angeli ejus.

## AD II. VESPERAS.

Psalmus 109.

DIXIT Dóminus Dómino meo : \* Sede a dextris meis :

Donec ponam inimícos tuos, \* scabéllum pedum tuórum.

Virgam virtútis tuæ emittet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctorum : \* ex útero ante luciferum genui te.

Jurávit Dóminus, et non pœnitébit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confregit in die iræ suæ reges.

Judicábit in natióibus, implebit ruínas : \* conquassábit cápita in terra multórum.

De torrénite in via bibet : \* propterea exaltábit caput.

Psalmus 110.

CONFITEBOR tibi Dómine in toto corde meo : \* in consilio justórum, et congregatióne.

Magna ópera Dómini : \* exquisita in omnes voluntátes ejus.

Confessio et magnificéntia opus ejus : \* et justitia ejus manet in sæculum sæculi.

Memóriam fecit mirabílium suórum, & miséricors et miserátor Dóminus : \* escam dedit tíméntibus se.

Memor erit in sæculum testaménti sui : \* virtútem óperum suórum annuntiábit pópulo suo :

Ut det illis hereditátem génitum : \* ópera mánuum ejus véritas, et judícium.

Fidétia ómnia mandátæ ejus : & confirmáta in sæculum sæculi, \* facta in veritate et æquitáte.

Redemptiónem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapientiae timor Dómini.

Intelléctus bonus ómnibus facientibus eum : \* laudatio ejus manet in sæculum sæculi.

Psalmus 111.

**B**EATUS vir, qui timet Dóminum : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténébris lumen rectis : \* miséricors, et miserátor, et justus.

Jucundus homo qui miserétur et commodat, & dispónet sermones suos in judicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, & déntibus suis fremet et tabéscet : \* desidérium peccatórum peribit.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedíctum, \* ex hoc nunc, et usque in sæculum.

A solis ortu usque ad occásus, \* laudábile nomen Dómini.

Excélsus super omnes gentes

Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia respicit in cælo et in terra?

Súscitans a terra inopem, \* et de stércore érigens páuperem : Ut cólloquet eum cum principibus, \* cum principibus pó-puli sui.

Qui habitáre facit stérilem in domo, \* matrem filiórum lætántem.

Psalmus 137.

**C**ONFITEBOR tibi Dómine in toto corde meo : \* quóniam audisti verba oris mei.

In conspéctu Angelórum psallam tibi : \* adorábo ad templum sanctum tuum, et confitébor nómini tuo.

Super misericórdia tua, et veritate tua : \* quóniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánima mea virtútem.

Confiteántur tibi Dómine omnes reges terræ : \* quia audierunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humilia respicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendisti manum tuam, et salvum me fecit dextera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.



Aña. Gábriel Archángelus locútus est ad Mariám dicens : Ave grátia plena : Dóminus tecum : benedícta tu inter mulieres.

Capitulum Vidi Angelum Dei. et Hymnus Gabriélem venerémur. ut in j. Vesperis, pag. 993.

℣. Appáruit in templo Angelus Dómini. ℞. Stans a dextris altáris incénsi.

Ad Magnificat Aña. Archángeli Gabriélis intercessióne súfulti, te Dómine deprecámur ut quem honóre proséquimur contingámus et mente.

Oratio.

**O**MNIPOTENS sempitérne Deus, cui Angelórum millia ministrant : præsta, quæsumus, ut qui beátum Gabriélem Archángelum humanæ Restauratiónis præcipuum ministrum venerámur in terris, ejúsdem suffrágiis fructum nostræ Redemptiósni consequámur in cælis. Per.

**T**EMPORE PASCHALI, in festo S. Gabrielis fiat Officium ut infra notatum est.

IN EODEM FESTO  
S. GABRIELIS ARCHANGELI,  
TEMPORE PASCHALI.

TOTUM DUPLEX.

AD I. VESPERAS.

Super Psalmos Aña. Ingréssu Zacharía templum Dómini, apáruit ei Gábriel Angelus, stans a dextris altáris incénsi, allelúia. Psalmus Laudáte pueri. cum ceteris, pag. 145.

Capitulum. Apoc. 10.

**V**IDI Angelum Dei descendéntem de cælo amíctum nube, et iris in cápite ejus, et

fácies illius sicut sol, et pedes ejus tamquam columína ignis : et habébat libéllum apértum in manu sua.

℞. Gaude María Virgo, cunctas hæreses sola interemisti, quæ Gabriélis Archángeli dictis credidisti, \* Dum Virgo Deum et hóminem genuisti, et post partum Virgo invioláta permansisti, Allelúia. ℣. Gabriélem Archángelum scimus divínitus te esse affátum : úterum tuum de Spíritu sancto crédimus imprægnátum : erubéscat Judæus inféliz, qui dicit Christum ex Joseph sémine esse natum. — Dum Virgo. Glória. Allelúia.

Hymnus.

**G**ABRIELEM venerémur Summi Regis nüntium, Per quem Deus delegávit Suum ministérium, Mundo lapso nuntiándo Jesum Dei Filium.

GABRIEL Virtus divína Débiles fortifica : Ut vincámus inimicum, Ipse nos corróbora : Et ut lapsus remittántur Ipse nobis impetra.

ANGELUS in mundum missus Ad Mariæ thálamum, Te solum Deus elégit Suum Secretárium : Nostras preces tu præsénta Ante cæli Dóminum.

GLORIA et honor Deo Usquequáque altíssimo, Una Patri Filióque, Inclyto Paráclito : Qui tot dona condonávit Gabriéli Archángelo. Amen.

℣. Appáruit in templo Angelus Dómini, allelúia. ℞. Stans a dextris altáris incénsi, allelúia.

Ad Magnificat Añā. Pro eo quod non credidisti verbis meis, inquit Angelus Gábiel, eris tacens, et non póteris loqui usque in diem nativitátis ejus, allelúia. Oratio.

**O**MNIPOTENS sempitérne Deus, cui Angelórum millia ministrant : præsta, quæsumus, ut qui beátum Gábiélem Archángelum humánæ Restauratiónis præcipuum ministrum venerámur in terris, ejúsdem suffrágiis fructum nostræ Redemptiósni consequámur in cælis. Per.

#### AD MATUTINUM.

Invitatorium. Adorémus Regem Archangelórum, \* Qui privilegio Annuntiatióis Gábiélem illustrávit Archángelum, allelúia.

Hymnus Gábiélem venerémur. ut in j. Vesperis.

#### IN NOCTURNO.

Psalmus 8.

**D**OMINE Dóminus noster, \* quam admirábile est nomen tuum in univérsa terra !

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus ? \* aut filius hóminis, quóniam visitas eum ?

Minuisti eum paulo minus ab Angelis, & glória et honóre coronásti eum : \* et constituisti eum super ópera mánuum tuárum.

Omnia subiecisti sub pédibus ejus, \* oves et boves univérsas : insuper et pécora campi. Volúcris cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra !

Añā. Gábiel fac me intelligere visiósni. Et dixit mihi Angelus : Ego osténdam quæ futura sunt maledictiósni tempore : quóniam tempus finem habet, allelúia.

Psalmus 10.

**I**N Dómino confido : quómodo dicitis ánimæ meæ : \* Transmígra in montem sicut passer ?

Quóniam ecce peccatóres inténdérunt arcum, & paravérunt sagittas suas in pháretra, \* ut sagittent in obscúro rectos corde.

Quóniam quæ perfecisti, destruxérunt : \* justus autem quid fecit ?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpebræ ejus intérrogant filios hóminum.

Dóminus intérrogat justum et impium : \* qui autem diligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus et justitias diléxit : \* æquitátem vidit vultus ejus.

Añā. Ecce vir Gábiel cito volans tétigit me, et dócuit me visiósni, allelúia.

## Psalmus 14.

**D**OMINE quis habitabit in tabernáculo tuo? \* aut quis requiescet in monte sancto tuo?

Qui ingreditur sine macula, \* et operatur iustitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timētes autem Dominum glorificat :

Qui jurat proximo suo, et non decipit, & qui pecuniam suam non dedit ad usuram, \* et munera super innocentem non accepit :

Qui facit hæc, \* non movēbitur in ætēnum.

Añā. Joānes vocābitur nomen ejus, inquit Archāgelus Gábriel ad Zachariām : et in nativitate ejus multi gaudēbunt, allelúia.

℟. Stetit Angelus juxta aram templi, allelúia. ℞. Habens thuribulum aureum in manu sua, allelúia.

Benedictiones secundum ordinem Nocturnorum, scilicet, FERIA secunda et FERIA quinta, Benedictio Benedictiōne perpetua. cum ceteris duabus; FERIA tertia et FERIA sexta, Benedictio Deus Pater omnipotens. cum ceteris duabus; FERIA quarta et Sabbato, Benedictio Ille nos. cum ceteris duabus.

De Daniēle Prophēta.

Lectio j.

Cap. 8.

**F**ACTUM est autem cum viderem ego Dániel visionem,

et quærerem intelligētiā : ecce stetit in conspectu meo quasi species viri. Et audiui vocem viri inter Ulai, et clamāvit, et ait : Gábriel fac me intelligere istam visionem. Et venit, et stetit juxta ubi ego stabam : cumque venisset, pavens cōrui in faciē meam, et ait ad me : Intellige fili hōminis, quōniam in tempore finis complēbitur visio. Cumque loqueretur ad me, collapsus sum pronus in terram : et tēgit me, et stāuit me in gradu meo, dixitque mihi : Ego ostendam tibi quæ futura sunt in novissimo maledictiōnis : quōniam habet tempus finem suum.

℞. j. Missus est Gábriel Angelus ad Mariam Virginem desponsatam Joseph, nūntians ei verbum : et expavescit Virgo de lumine. Ne timeas Maria, invenisti grātiā apud Dōminum : ecce concipies et paries, \* Et vocābitur Altissimi Filius, allelúia. ℣. Dabit ei Dōminus Deus sedem David patris ejus, et regnabit in domo Jacob in ætēnum. — Et vocābitur Altissimi Filius, allelúia.

Sermo sancti Bernárdi Abbátis.

(Homil. super Evang. Missus est.)

Lectio ij.

**N**ON árbitror Angelum Gabriēlem de minoribus esse, qui quálíbet ex causa, crebra sóleant ad terras fungi legatione. Quod ex ejus nōmine palam intēlligi datur, quod interpretátum Fortitúdo Dei dicitur : et quia non ab álío



aliquo forte excellentiori se, ut assolet, Spiritu, sed ab ipso Deo mitti perhibetur. Propter hoc ergo positum est, A Deo. Vel ideo dictum est, A Deo, ne cui vel beatorum Spirituum suum Deus, antequam Virgini, revelasse putetur consilium, excepto dumtaxat Archangelo Gabriele : qui utique tantæ inter suos inveniri potuerit excellentiæ, ut tali et nomine dignus haberetur et nuntio. Nec discordat nomen a nuntio.

R. ij. Suscipe verbum Virgo Maria, quod tibi a Domino per Angelum Gabrielem transmissum est : concipies, et paries Deum pariter et hominem, \* Ut benedicta dicaris inter omnes mulieres, alleluia. V. Paries quidem Filium, et virginitatis non patieris detrimentum : efficiaris grávida, et eris mater semper intacta. — Ut benedicta dicaris inter omnes mulieres, alleluia.

### Lectio iij.

**D**EI quippe Virtutem Christum quem melius nuntiare decebat quam hunc, quem simile nomen honorat? Nam quid est aliud Fortitudo quam Virtus? Non autem dedecens aut incongruum videatur Dominum et nuntium communi censeri vocabulo : cum similis in utroque appellationis, non sit tamen utriusque similis causa. Aliter quippe Christus Fortitudo vel Virtus Dei dicitur, aliter Angelus. Angelus enim tantum nuncupative, Christus autem etiam substantive. Christus Dei Virtus et dicitur et est, quæ forti armato, qui

suum atrium in pace custodire solebat, fortior superveniens, ipsum suo brachio debellavit : et sic ei vasa captivitatis potenter eripuit. Angelus vero Fortitudo Dei appellatus est, vel quod hujusmodi meruerit prerogativam officii, quo ejusdem nuntiaret adventum Virtutis : vel quia Virginem naturam pavidam, simplicem, verecundam, de miraculi novitate ne expavesceret, confortare deberet. Quod et fecit Ne timeas, inquit, Maria, invenisti gratiam apud Deum.

R. iij. Ave Maria grátia plena : Dominus tecum, inquit Angelus Gábel : \* Spiritus sanctus superveniet in te, et virtus Altissimi obumbrabit tibi : quod enim ex te nascetur Sanctum vocabitur Filius Dei, Alleluia. V. Quomodo fiet istud, quoniam virum non cognosco? Et respondens Angelus dixit ei. — Spiritus sanctus. Glória. Alleluia.

Ante Laudes V. Gloriosus apparuisti in conspectu Domini, alleluia. R. Propterea decorem induit te Dominus, alleluia.

### AD LAUDES

ET PER HORAS ANTIPHONÆ.

1. Gábel Archangelus locutus est ad Mariam dicens : Ave grátia plena : Dominus tecum : benedicta tu inter mulieres, alleluia. Psalmus Dominus regnavit. cum ceteris, pag. 17.

2. Facta est cum Gabriele Archangelo multitudo cælestis exercitus, laudantium et dicentium : Glória in altissimis Deo, alleluia.

3. Dum Jesus factus in agonia prolixius oráret, apparuit ei de cælo Angelus confortans eum, allelúia.

4. Ne timeas María, ait Angelus ad Virginem : invenisti grátiam apud Dóminum, allelúia.

5. Factum est, cum Dániel visionem vidéret, et quæreret intelligentiam : Angelus ei Gábríel, ut demonstráret, apparuit, allelúia.

Capitulum. Apoc. 10.

**V**IDI Angelum Dei descendentem de cælo amictum nube, et iris in cápite ejus, et fácies illius sicut sol, et pedes ejus tamquam columna ignis : et habebat libellum apértum in manu sua.

Hymnus.

**O**ROBUR Dómini lúcidè Gábríel,

Quem de princípibus signat Emmánuel,

A quo promérui discere Dániel

Hirci prodígium feri !

Tu Vatis précibus curris alácriter :

Monstras hebdomadam sacrátá témpora,

Quæ nos æthérei gérmine Principis

Ditábunt bene gáudiis.

BAPTISTÆ páriter mira paréntibus

Affers a súperis lætaque nún-tia :

Quod mater stérili córpore pignora

Longævo páriet patri.

QUOD Vates réferunt mundi ab origine,

Hoc sacræ véniens tu plene Virgini

Longo mystérium pandis ab ór-dine,

Verum quod páriet Deum.  
PASTORES sólymos inclýte gáudiis

Implésti, réserans cælica nún-tia :

Et tecum célebrat turba cá-néntium

Nati mystérium Dei.

ORANTI Dómino nocte novíssima,

Dum sudor mádidum sáanguine cóncifit,

Astans a súperis, ut cálicem bibat

Assénsus Patris indicas.

MENTES cathólicas inclýta Trínitas

Confirma fidei múnere cælico : Da nobis grátiam, nos quoque glóriam

Per cuncta tibi sæcula. Amen.

¶ Adoráte Deum, allelúia.

R. Omnes Angeli ejus, allelúia.

Ad Benedictus Añæ. Gábríel Archángele, qui ante Deum

semper assistis, admitte preces nostras intra sacrárium exau-ditiónis, et repórta nobis anti-dotum divínæ reconciliatiónis,

allelúia. Oratio.

**O**MNIPOTENS sempitérne Deus, cui Angelórum mil-lia ministrant : præsta, quæsumus, ut qui beátum Gábrí-lem Archángelum humánæ

Restauratiónis præcipuum mi-nistram venerámur in terris,

ejúsdem suffrágiis fructum no-stræ Redemptiόnis consequá-mur in cælis. Per.

AD PRETIOSA.

Evangelium.

Secúndum Lucam. Cap. 1.

**I**N illo témpore : Missus est Angelus Gábríel a Deo in civitatém Galilææ, cui nomen

Nazareth, ad Virginem desponsatam viro, cui nomen erat Joseph de domo David, et nomen Virginis Maria. Tu autem Domine.

## AD TERTIAM.

Capitulum Vidi Angelum Dei. ut in Laudibus.

R. Stetit Angelus juxta aram templi, \* Allelúia, allelúia. Stetit Angelus. V. Habens thuribulum áureum in manu sua. Allelúia. Glória. Stetit Angelus.

V. Ascendit fumus arómatum in conspéctu Dómini, allelúia. R. De manu Angeli, allelúia.

## AD SEXTAM.

Capitulum. Apoc. 17.

VENIT ad me unus de septem Angelis, et locútus est ad me dicens : Veni, et ostendam tibi damnationem meretricis magnæ, cum qua fornicati sunt reges terræ.

R. Ascendit fumus arómatum in conspéctu Dómini, \* Allelúia, allelúia. Ascendit fumus arómatum. V. De manu Angeli. Allelúia. Glória. Ascendit fumus arómatum.

V. In conspéctu Angelórum psallam tibi Deus meus, allelúia. R. Adorábo ad templum sanctum tuum, et confitébor nómini tuo, allelúia.

## AD NONAM.

Capitulum. Apoc. 18.

POST hæc vidi Angelum Dei fortem descendentem de cælo, habentem potestatem magnam : et terra illuminata est a glória ejus.

R. In conspéctu Angelórum psallam tibi Deus meus, \* Al-

lelúia, allelúia. In conspéctu. V. Adorábo ad templum sanctum tuum, et confitébor nómini tuo. Allelúia. Glória. In conspéctu.

V. Adoráte Deum, allelúia. R. Omnes Angeli ejus, allelúia.

## AD II. VESPERAS.

Super Psalmos Aña. Gábríel Archángelus locútus est ad Mariam dicens : Ave grátia plena : Dóminus tecum : benedicta tu inter mulieres, allelúia. Psalmus Dixit Dóminus. cum ceteris ut in festo S. Gabrielis ad ij. Vesperas Tempore Quadragesimæ, pag. 1004.

Capitulum. Apoc. 10.

VIDI Angelum Dei descendentem de cælo, amictum nube, et iris in cápite ejus, et facies illius sicut sol, et pedes ejus tamquam columina ignis : et habebat libellum apértum in manu sua.

## Hymnus.

GABRIELEM venerémur,  
Summi Regis nuntium,  
Per quem Deus delegávit  
Suum ministérium,  
Mundo lapso nuntiádo  
Jesum Dei Filium.

GABRIEL Virtus divina  
Débiles fortifica :  
Ut vincámus inimicum,  
Ipse nos corróbora :  
Et ut lapsus remittántur  
Ipse nobis impetra.

ANGELUS in mundum missus

Ad Mariæ thálamum :  
Te solum Deus elégit  
Suum Secretárium :  
Nostras preces tu præsenta  
Ante cæli Dóminum.



GLORIA et honor Deo  
Usquequaque altissimo,  
Una Patri Filióque,  
Inclyto Paráclito,  
Qui tot dona condonávit  
Gabriéli Archángelo. Amen.

℟. Appáruit in templo Angelus Dómini, allelúia. ℞. Stans a dextris altáris incénsi, allelúia.

Ad Magnificat Añā. Archángeli Gabriélis intercessióne súfúlti, te Dómine deprecámur ut quem honóre proséquimur contingámus et mente, allelúia.

Oratio.

**O**MNIPOTENS sempitérne Deus, cui Angelórum millia ministrant : præsta, quæsumus, ut qui beátum Gabriélem Archángelum humánæ Restauratiónis præcípuum ministrum venerámur in terris, ejúsdem suffrágiis fructum nostræ Redemptiõnis consequámur in cælis. Per.

**S**i dies xxv. Martii in Dominica Passionis occurrerit, Officium Annuntiationis transferatur in crastinam diem xxvj.

¶ Quod si incidat in Hebdomadam Majorem vel in Hebdomadam Paschæ, ad Feriam secundam post Dominicam in

Albis amandetur, ac nonnisi festo primario ejusdem dignitatis occurrente valeat impediri : quo casu in sequentem diem similiter non impeditam transferatur.

Præceptum autem audiendi Missam et vacandi ab operibus die xxv. Martii servetur, etiamsi in ea de Feria agatur Officium. Si tamen Feria sexta in Parasceve aut Sabbatum sanctum xxv. Martii evenerit, transferendum erit antedictum præceptum una cum Annuntiatione post Dominicam in Albis ad Feriam supra notatam, in qua, tamquam in sede propria, Officium Annuntiationis integra solemnitate celebrabitur illo anno.

Annuntiatio celebretur cum Octava Solemni, quæ tamen omnino cesset Dominica in Ramis palmarum, si infra eam prædicta Dominica inciderit.

¶ Si Annuntiatio B. Mariæ ante Dominicam in Ramis Palmarum evenerit, omnia fiant ut hic pro Tempore Quadragesimæ notatum est.

¶ Cum vero Tempore Paschali celebranda fuerit, de ipsa fiat Officium ut pag. 1033. et sequentibus est signatum.



DIE XXV. MARTII.  
IN ANNUNTIATIONE B. M. V.  
TEMPORE QUADRAGESIMÆ.  
TOTUM DUPLEX.

AD I. VESPERAS.

Super Psalmos Añã. Ave Maria grátia plena : Dóminus tecum : benedicta tu in mulieribus. Psalmus Laudáte púeri. cum ceteris, pag. 145.

Capitalum.

Isa. 7.

**E**CCE Virgo concipiet, et páriet Filium, et vocábitur nomen ejus Emmánuel. Butyrum et mel cómedet, ut sciat reprobáre malum, et eligere bonum.

℞. Quómodo fiet istud, respóndens ait María, quia virum non cognóscó? Angelus ad hæc : \* Spiritus sanctus supervéniet in te, Et virtus Altissimi obumbrábit tibi. ☿. Ideóque quod nascétur ex te Sanctum vocábitur Filius Dei. — Spiritus sanctus. Glória. Et virtus Altissimi obumbrábit tibi.

Hymnus.

Hic genuflectatur usque ad Sumens illud Ave.

**A**VE maris stella,  
Dei Mater alma,  
Atque semper Virgo,  
Felix cæli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis,  
Mala nostra pelle,  
Bona cuncta posce.

MONSTRA te esse matrem :  
Sumat per te preces,  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solútos  
Mites fac et castos.

VITAM præsta puram,  
Iter para tutum,  
Ut vidéntes Jesum  
Semper collætémur.

SIT laus Deo Patri,  
Summo Christo decus,  
Spiritui sancto,  
Tribus honor unus. Amen.

☿. Roráte cæli désuper, et  
nubes pluant justum. ℞. Aperiátur terra, et germinet Salvátorem.

Ad Magnificat Añã. Oriétur sicut sol Salvátor mundi, et descéndet in útero Virginis sicut imber super gramen.

Oratio.

**D**EUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti, præsta supplicibus tuis : ut qui vere eam Genitricem Dei crédimus, ejus apud te intercessiónibus adjuvémur. Per eúndem.

## AD COMPLETORIUM.

Super Psalmos Añā. Ecce Virgo concipiet, et páriet Filium, et vocábitur nomen ejus Emmánuel.

In Hymno, post Stropham Meménto nostri Dómine. dicantur duæ sequentes :

MARIA Mater grátiae,  
Mater misericórdiae,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.

Ad Nunc dimittis Añā. Ecce ancilla Dómini : fiat mihi secundum verbum tuum.

† Sic dicatur Completorium per totam Octavam, etiam in festis, nisi aliter notetur, vel nisi Vesperæ præcedentes de Tempore fuerint in Sabbato aut in Dominica infra Quadagesimam.

## AD MATUTINUM.

Invitatorium. Ave María grátia plena : \* Dóminus tecum.

Hymnus.

**Q**UEM terra, pontus, æthera Colunt, adórant, prædicant,

Trinam regéntem máchinam Claustum Mariæ bájulat.

Cui luna, sol et ómnia

Deserviunt per témpora,

Perfúsa cæli grátia,

Gestant puéllæ viscera.

BEATA Mater múnere,

Cujus supérnus Artifex,

Mundum pugnillo cónitens,

Ventris sub arca clausus est.

BEATA cæli núntio,

Fecúnda sancto Spiritu,

Desiderátus géntibus

Cujus per alvum fusus est.

Duæ ultimæ Strophæ Mariæ Mater grátiae, et Glória tibi Dómine. ut in fine Hymni ad Completorium.

## IN I. NOCTURNO.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memores ejus? \* aut filius hóminis, quóniam visitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérſas : insuper et pécora campi.

Vólucres cæli, et pisces maris, \* qui perámbulant sémitis maris.

Dómine Dóminus noster, \* quam admirábile est nomen tuum in univérſa terra!

Añā. Ecce Virgo concipiet, et páriet filium, et vocábitur nomen ejus Emmánuel.

Psalmus 18.

**C**ÆLI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum : \* et nox nocti índicat sciéntiam.



Non sunt loquélæ, neque sermones, \* quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam, \* a summo cælo egressio ejus :

Et occúrsus ejus usque ad summum ejus : \* nec est qui se abscondat a calóre ejus.

Lex Dómini immaculáta converténtes ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Desiderabilia super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quos intélligit ? & ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

Añá. Beáta es María, quæ credidísti : perficiéntur in te quæ dicta sunt tibi a Dómino.

Psalmus 23.

**D**OMINI est terra et plení-túdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini ? \* aut quis stabit in loco sancto ejus ?

Innocens mánibus et mundo corde, & qui non accépit in vano ánimam suam, \* nec jurávit in dolo próximo suo.

Hic accípiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, & et elevámini portæ æternáles : \* et introíbit rex glóriæ.

Quis est iste rex glóriæ ? \* Dóminus fortis et potens : Dóminus potens in prælio.

Attóllite portas príncipes vestras, & et elevámini portæ æternáles : \* et introíbit rex glóriæ.

Quis est iste rex glóriæ ? \* Dóminus virtútum ipse est rex glóriæ.

Añá. Angelus Dómini nuntiávit Mariæ, et concépit de Spíritu sancto.

℟. Ex Sion spécies decóris ejus. ℞. Deus noster manifesté véniet.

Benedictio. Alma Virgo vírginum intercédát pro nobis ad Dóminum. ℞. Amen.

De Isaia Prophéta.

Lectio j. Cap. 7.

**E**T adjécit Dóminus loqui ad Achaz, dicens : Pete tibi signum a Dómino Deo tuo in profúndum inférni, sive in excélsu supra. Et dixit Achaz : Non petam, et non tentábo Dóminu. Et dixit : Audíte ergo domus David : Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concipiet, et páriet filium, et vocábitur nomen ejus Emmánuel. Butyrum et mel cómedet, ut sciat reprobare malum, et eligere bonum.

R. j. Non auferétur sceptrum de Juda, et dux de fémore ejus, donec véniat qui mittendus est : \* Et ipse erit expectatio géntium. V. Pulchrióres sunt oculi ejus vino, et dentes ejus lacte candidióres. — Et ipse erit expectatio géntium.

Benedictio. Sancta Dei Génitrix sit nobis auxiliátrix. R. Amen.

Lectio ij. Cap. 11.

**E**T egrediétur virga de radice ejus ascéndet, Et requiescet super eum spíritus Dómini : spíritus sapiéntiæ, et intelléctus, spíritus consilii, et fortitúdinis, spíritus sciéntiæ, et pietátis, et replébit eum spíritus timóris Dómini : non secúndum visiónem oculórum judicábit, neque secúndum auditu áurium arguet : sed judicábit in justitia páuperes, et arguet in æquitáte pro mansuétis terræ : et percútiét ferream virga oris sui, et spíritu

labiórú suórum interficiét impiu. Et erit justitia cingulu lumbórum ejus : et fides cinctórium renu ejus.

R. ij. Missus est Gábriel Angelus ad Mariam Virgíne de sponsátam Joseph, núntians ei verbum : et expavéscit Virgo de lúmine. Ne timeas Maria, invenisti grátiam apud Dóminu : ecce concípies, et páries. \* Et vocábitur Altíssimi Filius. V. Dabit ei Dóminus Deus sedem David patris ejus, et regnábit in domo Jacob in ætérnu. — Et vocábitur Altíssimi Filius.

Benedictio. Nos cum Prole pia benedicat Virgo Maria. R. Amen.

De Epístola beáti Pauli Apóstoli ad Ephésios.

Lectio iij. Cap. 2.

**D**EUS autem, qui dives est in misericórdia, propter nímiám caritátem suam, qua diléxit nos, et cum essémus mórtui peccátis, convivicávit nos in Christo, (cujus grátia estis salváti) et conresuscitávit, et consedére fecit in cæléstibus in Christo Jesu : ut osténderet in sæculis superveniéntibus abundátes divítias grátie suæ in bonitáte super nos in Christo Jesu. Grátia enim estis salváti per fidem, et hoc non ex vobis : Dei enim donum est, non ex opéribus, ut ne quis gloriétur.

R. iij. Ave María grátia plena : Dóminus tecum : \* Spíritus sanctus supervéniet in te, et virtus Altíssimi obumbrábit tibi : Quod enim ex te nascétur Sanctu vocábitur Filius Dei. V. Quómodo fiet istud,

quóniam virum non cognosco?  
Et respondens Angelus dixit  
ei. — Spiritus sanctus. Glória.  
Quod enim ex te nascetur Sanctum.

## IN II. NOCTURNO.

Psalmus 44.

**E**RUCTAVIT cor meum verbum bonum : \* dico ego opera mea regi.

Lingua mea calamus scribæ,\*  
velociter scribentis.

Speciosus forma præ filiis hominum, & diffusa est grátia in lábiis tuis : \* propterea benedixit te Deus in ætérnum.

Accingere gládio tuo super femur tuum,\* potentissime.

Spécie tua et pulchritúdine tua \* inténde, prospere procéde, et regna.

Propter veritátem, et mansuetúdinem, et justítiam : \* et dedúcet te mirabiliter dextera tua.

Sagittæ tuæ acutæ, & pópuli sub te cadent,\* in corda inimicórum regis.

Sedes tua Deus in sæculum sæculi : \* virga directiónis virga regni tui.

Dilexisti justítiam, et odisti iniquitátem : \* propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectavérunt te filiæ regum in honóre tuo.

Assitit regína a dextris tuis in vestítu deauráto : \* circúmdata varietáte.

Audi filia, et vide, et inclina aurem tuam : \* et obliviscere pópulum tuum, et domum patris tui.

Et concupiscet rex decórem

tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes dívites plebis.

Omnis glória ejus filiæ regis ab intus,\* in fimbriis áureis circumamícta varietátibus.

Adducéntur regi virgines post eam : \* próximæ ejus afferéntur tibi.

Afferéntur in lætítia et exultatióne : \* adducéntur in templum regis.

Pro patríbus tuis nati sunt tibi filii : \* constitues eos principes super omnem terram.

Mémores erunt nóminis tui \* in omni generatióne et generatióne.

Propterea pópuli confitebúntur tibi in ætérnum : \* et in sæculum sæculi.

Añá. Emissiões tuæ paradísus malórum punicórum cum pomórum fructibus.

Psalmus 45.

**D**EUS noster refúgium, et virtus : \* adjútor in tribulatióne, quæ invenerunt nos nimis.

Propterea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eórum : \* conturbáti sunt montes in fortitúdine ejus.

Flúminis impetus lætíficat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, móta est terra.



Dóminus virtútum nobiscum : \* suscēptor noster Deus Jacob.

Venite, et vidēte ópera Dómini, & quæ pósuit prodigia super terram : \* áuferens bella usque ad finem terræ.

Arcum cónferet, et confringet arma : \* et scuta combúret igni :

Vacáte, et vidēte quóniam ego sum Deus : \* exaltábor in gentibus, et exaltábor in terra.

Dóminus virtútum nobiscum : \* suscēptor noster Deus Jacob.

Aña. Fons hortórum, púteus aquárum vivéntium, quæ fluunt impetu de Libano.

Psalmus 86.

**F**UNDAMENTA ejus in montibus sanctis : \* diligit Dóminus portas Sion super ómnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Baby-lónis \* sciéntium me.

Ecce alienigenæ, et Tyrus, et pópulus Æthiopum, \* hi fuérunt illic.

Numquid Sion dicet : Homo, & homo natus est in ea : \* et ipse fundávit eam Altissimus?

Dóminus narrábit in scriptúris populórum, et principum : \* horum qui fuérunt in ea.

Sicut lætántium ómnium \* habitatio est in te.

Aña. Véniat diléctus meus in hortum suum, ut cómedat fructum pomórum suórum.

¶ Egrediétur virga de radice Jesse. R. Et flos de radice ejus ascéndet.

Benedictio. Ab hoste maligno eripiat nos Dei Génitrix Virgo. R. Amen.

Sermo sancti Basilii Magni. (Homilia de humana Christi generatione, quæ est 25.)

Lectio iv.

**P**OSTQUAM Dei grátia salutaris ómnibus apparuit, et justitiæ Sol ortus est : absorpta est mors in victória, et veræ vitæ peregrinationem nequáquam sustinuit. O altitúdinem benignitátis humanitatisque Dei! Ex bonitátis cópia, a servitute vindicámur. Sed cur Deus homo factus est ratió-nem exquirunt hómines, cum magis ejus bonitatem adorare déceat quam divinitatem curiósius indagare. Carnem suscepit Deus, quóniam execrabilem contaminatámque hanc, purgátam sanctámque reddi opórtuit : infirmam ac débilem corroborári : a Deo ob peccátum alienatám reconciliári : e paradíso prolápsam in cælum reférri.

R. iv. Súscipe verbum Virgo María, quod tibi a Dómino per Angelum transmissum est : concipies, et páries Deum páriter et hóminem, \* Ut benedicta dicáris inter omnes mulieres. ¶ Páries quidem Fílium, et virginitátis non patieris detriméntum : efficiéris grávida, et eris mater semper intácta. — Ut benedicta dicáris inter omnes mulieres.

Benedictio. Jesus Mariæ Fílius sit nobis clemens et propítius. R. Amen.

Lectio v.

**E**T quæ est dispensatiónis hujus officina? Virginitas

beātæ corpus. Quæ autem generationis principia? Spiritus sanctus virtusque Altissimi obumbrans. Cum esset, inquit, Maria Mater ipsius desponsata Joseph, priusquam convenirent, inventa est in útero habens de Spiritu sancto. Beata, quæ Emmánuel péperit; et úbera, quæ lac præbuérunt. Cor mihi flóridum quid gérmínat : mens est álacris, lingua vero módica et sermo exilis est ad hoc, ut tantum gáudium exprimat.

℞. v. Ecce Virgo concipiet, et páriet Filium, dicit Dóminus: et vocábitur nomen ejus \* Admirábilis, Deus, Fortis. V. Super sólium David, et super regnum ejus sedébit in ætérnum. — Admirábilis, Deus, Fortis.

Benedictio. Stella Maria maris succúrrat piíssima nobis. ℞. Amen.

### Lectio vj.

**C**OGITA de Incarnatióne Dómini magnífice, intéllege Divinitátem esse intáctam et immaculátam : quæ etsi in materiali sit natúra, ita illi inest, ut ejus imperféctum fragileque córrigat; non autem ut ipsa passiónum debilitáte inquinétur. Nonne solem cónspicis in luto se volutántem míniméque contaminántem, et super ceno coruscántem mínime tamen fetidum áliquíd referéntem? Quid igitur dubitas de imménsa incorruptáque natúra, ne áliquam ex nobis maculam contráxerit?

℞. vj. Egrediétur virga de radíce Jesse, et flos de radíce ejus ascéndet. \* Et erit justitia

cíngulum lumbórum ejus : Et fides cinctórium renum ejus. V. Et requiescet super eum spiritus Dómini : spíritus sapiéntiæ et intelléctus. — Et erit justitia, Glória. Et fides cinctórium renum ejus.

### IN III. NOCTURNO.

Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii géntium dæmónia : \* Dóminus autem cælos fecit.

Conféssio, et pulchritúdo in conspéctu ejus : \* sanctimónia, et magnificéntia in sanctificatióne ejus.

Afférte Dómino pátriæ géntium, & afférte Dómino glóriam et honórem : \* afférte Dómino glóriam nómini ejus.

Tóllite hóstias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnávít.

Etenim corréxit orbem terræ qui non commovébitur : \* judicábit pópulos in æquitáte.

Læténtur cæli, et exsúltet terra, & commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnialigna silvárum a fácie Dómini, quia venit : \* quóniam venit iudicáre terram.

Judicábit orbem terræ in æquitáte, \* et pópulos in veritáte sua.

Aña. Veni in hortum meum, soror mea sponsa : méssui myrrham meam cum aromátibus meis.

Psalmus 96.

**D**OMINUS regnávít, exsúltet terra : \* læténtur insulæ multæ.

Nubes, et caligo in circúitu ejus : \* justitia, et iudícium corréctio sedis ejus.

Ignis ante ipsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus, \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus : \* audivit, et lætáta est Sion.

Et exsultavérunt filię Judæ, \* propter iudicia tua, Dómine :

Quóniam tu Dóminus altissimus super omnem terram : \* nimis exaltátus es super omnes deos.

Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino : \* et confitémini memóriæ sanctificatiónis ejus.

Aña. Comédi favum cum melle meo, bibi vinum meum cum lacte meo.

Psalmus 97.

**C**ANTATE Dómino cánticum novum : \* quia mirabilia fecit.

Salvávít sibi dextera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávít justitiam suam.

Recordátus est misericórdiæ suæ, \* et veritátis suæ dómui Israel.

Vidérunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \* in tubis ductilibus, et voce tubæ córneæ.

Jubiláte in conspéctu regis Dómini : \* moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, & simul montes exsultábunt a conspéctu Dómini : \* quóniam venit iudicáre terram.

Judicábit orbem terrarum in justitia, \* et pópulos in æquitáte.

Aña. Talis est diléctus meus, et ipse est amicus meus, filię Jérusalem.

V. Egrediétur Dóminus de loco sancto suo. R. Veniet, ut salvét pópulum suum.

Benedictio, Evangélica lécio sit nobis salus et protéctio. R. Amen.



Lectio sancti Evangelii  
secundum Lucam.

Lectio vij. Cap. 1.

**I**n illo tempore : Missus est Angelus Gábríel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia sancti Ambrósii  
Episcopi.

(Lib. 2. in Lucam, in initio.)

**L**ATENT quidem divína mysteria, nec fáctile, juxta prophéticum dictum, quisquam hóminum potest scire consiliu Dei. Sed tamen ex céteris factis atque præcéptis Dómini Salvatóris pössumus intelligere, et hoc propensióris fuisse consilii, quod ea potissimum elécta est ut Dóminum páreret, quæ erat desponsata viro. Cur autem non ántequam desponsaretur impléta est? Fortasse ne diceretur quod concéperat ex adultério.

R. vij. Roráte cæli désuper, et nubes pluant justum : \* Aperiátur terra, et gérmínet Salvatórem. V. Emitte Agnum Dómine Dominatórem terræ, de Petra déserti ad montem filiæ Sion. — Aperiátur terra.

Benedictio. In omni tribulatione et angústia subvéniat nobis pia Virgo Maria. R. Amen.

Lectio viij.

(Longius post prædicta.)

**E**T ingressus ad eam Angelus. Disce virgínem móribus, disce virgínem verecúndia, disce oráculo, disce mysterio. Trepidáre virgínum est,

et ad omnes viri ingræssus pavére, omnes viri affátus vereri. Discant mulieres propositum pudóris imitari. Sola in penetrálibus, quam nemo virórum vidéret, solus Angelus reperíret : sola sine cómite, sola sine teste, ne quo degeneri depravarétur affátu, ab Angelo salutátur.

R. viij. Nascétur nobis párvulus, et vocábitur Deus, Fortis : ipse sedébit super thronum David patris sui, et imperábit : \* Cujus potéstas super húmerum ejus. V. In ipso benedicéntur omnes tribus terræ. — Cujus potéstas super húmerum ejus.

Benedictio. Ad societátem civium supernórum perdúcat nos Regína Angelórum. R. Amen.

Lectio ix.

(Longius post prædicta.)

**T**ANTI namque mandáti mysterium non hóminis fuit sed Angeli ore proméndum. Hódie primum audítur : Spíritus sanctus supervéniet in te. Et audítur, et créditur. Dénique : Ecce, inquit, ancilla Dómini : contingat mihi secúndum verbum tuum. Vide humilitátem, vide devotiónem. Ancillam se dicit Dómini, quæ Mater eligitur : nec repentino exaltáta promisso est.

R. ix. Quómodo fiet istud, respóndens ait María, quia virum non cognóscó? Angelus ad hæc : \* Spíritus sanctus supervéniet in te, Et virtus Altissimi obumbrábit tibi. V. Ideoque quod nascétur ex te Sanctum vocábitur Filius Dei. — Spíritus sanctus. Glória. Et virtus Altissimi.

Ante Laudes. Emitte Agnum  
Dómine Dominatórem terræ.  
R. De Petra desérti ad mon-  
tem filiae Sion.

## AD LAUDES

ET PER HORAS ANTIPHONÆ.

1. Missus est Gábríel Angelus  
ad Mariam Virginem despon-  
sátam Joseph. Psalmus Dómi-  
nus regnávít. cum ceteris,  
pag. 17.

2. Ave María grátia plena :  
Dóminus tecum : benedicta tu  
in mulieribus.

3. Ne timeas María, invenisti  
grátiam apud Dóminum : ecce  
concupies, et páries Fílium.

4. Dabit ei Dóminus sedem  
David patris ejus, et regnabit  
in ætérnum.

5. Ecce ancílla Dómini, fiat  
míhi secúndum verbum tuum.

Capitulum. Isa. 7.

**E**CCE Virgo concípíet, et pá-  
riet Fílium, et vocábitur no-  
men ejus Emmánuel. Butyrum  
et mel cómedet, ut sciat repro-  
báre malum, et eligere bonum.

Hymnus.

**O** GLORIOSA Dómina,  
Excélsa supra sídera :  
Qui te creávit próvide  
Lactásti sacro úbere.

QUOD Heva trístis ábstulit  
Tu reddis almo gérmine :  
Intrent ut astra flébiles,  
Cæli fenéstra facta es.

Tu Regis alti jánuā  
Et porta lucis fúlgida :  
Vitā datam per Virgínem  
Gentes redémpitæ pláudite.

MARIA Mater grátiae,  
Mater misericórdiae,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,

Cum Patre et sancto Spirítu,  
In sempitérna sæcula. Amen.

† Prædictæ duæ ultimæ Stro-  
phæ Maria Mater grátiae. et  
Glória tibi Dómine, Qui natus  
es. dicantur in fine omnium  
Hymnorum ejusdem metri per  
totam Octavam Annuntiatio-  
nis, nisi fiat Officium de Tem-  
pore infra Quadragesimam,  
vel nisi aliter proprio loco sit  
notatum.

¶ Elégit eam Deus, et præ-  
elégit eam. R. Et habitáre eam  
facit in tabernáculo suo.

Ad Benedictus Añā. Quómodo  
fiet istud, Angele Dei, quia  
virum in concipiéndō non pér-  
tuli? Audi María Virgo Chri-  
sti : Spíritus sanctus super-  
véniat in te, et virtus Altíssimi  
obumbrábit tibi. Oratio.

**D**EUS, qui de beatæ Mariæ  
Virginis útero Verbum  
tuum, Angelo nuntiánte, car-  
nem suscipere voluisti : presta  
supplicibus tuis ut qui vere eam  
Genitricem Dei crédimus, ejus  
apud te intercessiónibus adju-  
vémur. Per eúndem.

## AD PRIMAM.

R. Jesu Christe. X. Qui natus  
es de Virgine Maria.

† Iste V. dicatur per totam  
Octavam, etiam in festis, nisi  
aliter notetur, vel nisi de Do-  
minica fiat Officium infra Qua-  
dragesimam.

## AD TERTIAM.

Capitulum Ecce Virgo concí-  
piet. ut in Laudibus.

R. Sancta Dei Génitrix, \* Vir-  
go semper María. Sancta Dei  
Génitrix. V. Intercede pro no-  
bis ad Dóminum Deum no-  
strum. Virgo semper María.  
Glória. Sancta Dei Génitrix.

¶ Post partum Virgo inviolata permansisti. R. Dei Genitrix intercede pro nobis.

AD SEXTAM.

Capitulum.

Isa. 11.

**E**GREDIETUR virga de radice Jesse, et flos de radice ejus ascendet. Et requiescet super eum spiritus Domini.

R. Post partum Virgo \* Inviolata permansisti. Post partum Virgo. ¶ Dei Genitrix intercede pro nobis. Inviolata permansisti. Gloria. Post partum Virgo.

¶ Speciosa facta es, et suavis. R. In deliciis tuis sancta Dei Genitrix.

AD NONAM.

Capitulum.

Isa. 45.

**R**ORATE caeli desuper, et nubes pluant justum: aperiatur terra, et germinet salvatorem: et justitia oriatur simul: ego Dominus creavi eum.

R. Speciosa facta es, \* Et suavis. Speciosa facta es. ¶ In deliciis tuis sancta Dei Genitrix. Et suavis. Gloria. Speciosa facta es.

¶ Eliguit eam Deus, et praelegit eam. R. Et habitare eam facit in tabernaculo suo.

AD II. VESPERAS.

Super Psalmos Aña. Missus est Gabriel Angelus ad Mariam Virginem desponsatam Joseph. Psalmus Dixit Dominus. cum ceteris ut in Comuni unius Virginis, pag. 96\*.

Capitulum Ecce Virgo concipiet., Hymnus Ave maris stella. et ¶ Rorate caeli. ut in j. Vesperis, pag. 1013.

Ad Magnificat Aña. Hæc est dies, quam fecit Dominus: hodie Dominus afflictionem

põpuli sui respexit, et Redemptionem misit: hodie mortem, quam femina intulit, femina fugavit: hodie Deus homo factus id quod fuit permansit, et quod non erat assumpsit. Ergo exordium nostrae Redemptionis devote recolamus, et exultemus dicentes: Gloria tibi Domine.

**T**EMPORE PASCHALI, in Annuntiatione B. Mariæ fiat Officium ut pag. 1033. notatum est.

PER OCTAVAM  
ANNUNTIATIONIS

B. MARIE V.

TEMPORE QUADRAGESIMÆ.

¶ Si infra Octavam Annuntiationis B. Mariæ Virginis, Tempore Quadragesimæ, de Dominica aut de aliquo Festo agatur Officium, fiat Memoria de Octava in Laudibus et Vesperis ut sequitur

Ad Memoriam in Laudibus Aña. Quomodo fiet istud, Angele Dei, quia virum in concipiendo non pertuli? Audi Maria Virgo Christi: Spiritus sanctus superveniet in te, et virtus Altissimi obumbrabit tibi.

¶ Eliguit eam Deus, et praelegit eam. R. Et habitare eam facit in tabernaculo suo.

Oratio Deus, qui de beate Mariæ. ut in Laudibus Festi.

(Si infra Octavam Annuntiationis de una Sancta nec Virgine nec Martyre Officium celebrari contigerit, ad Memoriam de Octava dicatur illa die in Laudibus ¶ Egrediatur Dominus de loco sancto suo. R. Veniet, ut salvet populum suum.)



Ad Memoriam in Vesperis Añā. Hæc est dies, quam fecit Dóminus : hódie Dóminus afflictiónem pópuli sui respéxit, et Redemptionem misit : hódie mortem, quam fémina intulit, fémina fugávit : hódie Deus homo factus id quod fuit permánsit, et quod non erat assúmpsit. Ergo exórdium nostræ Redemptionis devóte recolámus, et exsultémus dicéntes : Glória tibi Dómine.

℟. Roráte cæli désuper, et nubes pluant justum. ℞. Aperiátur terra, et gérmínet Salvátorem.

Oratio.

**D**EUS, qui de beátæ Mariæ Virgínis útero Verbum tuum, Angelo nuntiánte, carnem suscipere voluísti : præsta supplicibus tuis ut qui vere eam Genitricem Dei crédimus, ejus apud te intercessiónibus adjuvémur. Per eúndem.

† Quando tamen Dominica in Ramis Palmarum infra Octavam Annuntiationis B. Mariæ Virgínis evenerit, Memoria de ipsa Octava in Laudibus ac Vesperis Dominicæ et subsequentium Feriarum omittatur illo anno.

**S**i vero infra Octavam Annuntiationis B. Mariæ V., Tempore Quadragesimæ, de ipsa Octava agatur Officium, omnia fiant ut hic notatum est.

#### AD MATUTINUM.

Invitatorium Ave María. et Hymnus Quem terra. ut in Festo, pag. 1014.

#### IN NOCTURNO.

Super novem Psalmos de Festo (pag. 1014. et sequentibus) singulis diebus una tantum

Antiphona, quæ pro prima, secunda, tertia vel quarta die respective suo loco posita fuerit.

Versiculus ante Lectiones secundum Ordinem Nocturnorum, scilicet :

† FERIA secunda et FERIA quinta ℟. Ex Sion spécies decóris ejus. ℞. Deus noster manifesté véniet.

† FERIA tertia et FERIA sexta ℟. Egrediétur virga de radice Jesse. ℞. Et flos de radice ejus ascéndet.

† FERIA quarta et Sabbato ℟. Egrediétur Dóminus de loco sancto suo. ℞. Véniet ut salvet pópulum suum.

Ante Lectiones dentur quotidié tres sequentes Benedictiões.

Ante j. Lectionem Benedictiões. Evangélica lécio sit nobis salus et protéctio. ℞. Amen.

Ante ij. Lectionem Benedictiões. In omni tribulatiõe et angústia subvéniat nobis pia Virgo María. ℞. Amen.

Ante iij. Lectionem Benedictiões. Ad societátem civium supernórum perdúcat nos Regina angelórum. ℞. Amen.

Lectio prima et Lectio secunda de Homilia Feriæ currentis; tertia proprio loco notata pro prima, secunda, tertia vel quarta die respective.

Responsoria tria ex sequentibus secundum Feriam, scilicet :

† FERIA secunda et FERIA quinta ℟. j. Non auferétur sceptrum de Juda, et dux de femore ejus, donec véniat qui mitténdus est : \* Et ipse erit expectatió géntium. ℟. Pulchríores sunt óculi ejus vino, et dentes ejus lacte candido-

res. — Et ipse erit expectatio gentium.

℞. ij. Missus est Gábriel Angelus ad Mariam Virginem desponsatam Joseph, nuntians ei verbum: et expavescit Virgo de lúmine. Ne timeas María, invenisti grátiam apud Dóminum: ecce concipies, et páries, \* Et vocábitur Altíssimi Filius. ℣. Dabit ei Dóminus Deus sedem David patris ejus, et regnabit in domo Jacob in ætérnum. — Et vocábitur Altíssimi Filius.

℞. iij. Ave María grátia plena: Dóminus tecum: \* Spiritus sanctus supervéniet in te, et virtus Altíssimi obumbrábit tibi: Quod enim ex te nascétur Sanctum vocábitur Filius Dei. ℣. Quómodo fiet istud, quóniam virum non cognósko? Et respóndens Angelus dixit ei. — Spiritus sanctus. Glória. Quod enim ex te nascétur Sanctum.

† Feria tertia et Feria sexta.

℞. j. Súscipe verbum Virgo María, quod tibi a Dómino per Angelum transmissum est: concipies, et páries Deum páriter et hómínem, \* Ut benedicta dicáris inter omnes mulieres. ℣. Páries quidem Filium, et virginitátis non patiéris detrimentum: efficiéris grávida, et eris mater semper intácta. — Ut benedicta dicáris inter omnes mulieres.

℞. ij. Ecce Virgo concipiet, et páriet Filium, dicit Dóminus: et vocábitur nomen ejus \* Admirábilis, Deus, Fortis. ℣. Super sólium David et super regnum ejus sedébit in ætérnum. — Admirábilis, Deus, Fortis.

℞. iij. Egrediétur virga de radice Jesse, et flos de radice

ejus ascéndet: \* Et erit justitia cingulum lumbórum ejus: Et fides cinctórium renum ejus. ℣. Et requiescet super eum spiritus Dómini: spiritus sapientiæ, et intelléctus. — Et erit justitia. Glória. Et fides cinctórium renum ejus.

† Feria quarta et Sabbato.

℞. j. Roráte cæli désuper, et nubes pluant justum: \* Aperíatur terra, et gérmínet Salvatórem. ℣. Emitte Agnum Dómine Dominatórem terræ, de Petra déserti ad montem filiæ Sion. — Aperíatur terra, et gérmínet Salvatórem.

℞. ij. Nascétur nobis párvulus, et vocábitur Deus, Fortis: ipse sedébit super thronum David patris sui, et imperábit: \* Cujus potéstas super húmerum ejus. ℣. In ipso benedicén-tur omnes tribus terræ. — Cujus potéstas super húmerum ejus.

℞. iij. Quómodo fiet istud, respóndens ait María, quia virum non cognósko? Angelus ad hæc: \* Spiritus sanctus supervéniet in te, Et virtus Altíssimi obumbrábit tibi. ℣. Ideóque quod nascétur ex te Sanctum vocábitur Filius Dei. — Spiritus sanctus. Glória. Et virtus Altíssimi obumbrábit tibi.

Dicatur Canticum Te Deum laudámus.

Ante Laudes ℣. Emitte Agnum Dómine Dominatórem terræ. ℞. De Petra déserti ad montem filiæ Sion.

#### AD LAUDES.

Super Psalmos sola Añá. Missus est Gábriel Angelus ad Mariam Virginem desponsatam Joseph. Psalmus Dóminus regnávít. cum ceteris, pag. 17.

Capitulum, Hymnus, V., Antiphona ad Benedictus et Oratio ut in Festo, pag. 1022.

#### AD PRETIOSA.

Evangelium de Nocturno Ferie occurrentis.

#### AD PRIMAM.

Añã. Missus est Gábriel Angelus ad Mariam Virginem desponsatam Joseph.

Capitulum Regi sæculórum.

R. Jesu Christe. V. Qui natus es de Virgine María.

Omittantur Preces, et dicatur Oratio In hac hora.

#### AD TERTIAM, SEXTAM ET NONAM.

Omnia ut in Festo, pag. 1022. et pag. 1023.

#### AD VESPERAS.

† Si Vesperæ integræ de Octava fuerint, omnia fiant ut in secundis Vesperis Festi, pag. 1023., servato modo diei infra Octavam Solemnem.

† Si in crastino de Dominica agendum fuerit Officium, ante Vesperas diei dicantur Vesperæ de B. Maria V., pag. 170\*.; ad Vesperas autem diei sic fiat Officium :

Super Psalmos Añã. Missus est Gábriel Angelus ad Mariam Virginem desponsatam Joseph. Psalmus Dixit Dóminus. cum ceteris ut in Communi unius Virginis, pag. 96\*.

Capitulum, R., Hymnus, V., Antiphona ad Magnificat et Oratio de sequenti Dominica.

Ad Memoriam de Octava Annuntiationis Añã. Hæc est dies quam fecit Dóminus : hodie Dóminus afflictiónem pó-

puli sui respexit, et Redemptiónem misit : hódie mortem, quam fémína intulit, fémína fugávit : hódie Deus homo factus id quod fuit permansit, et quod non erat assumpsit. Ergo exórdium nostræ Redemptiónis devòte recolámus, et exsultémus dicétes : Glória tibi Dómine.

V. Roráte cæli désuper, et nubes pluant justum. R. Aperíatur terra, et gérmínet Salvatórem. Oratio.

**D**EUS, qui de beatæ Mariæ Virginis útero Verbum tuum, Angelo nuntiánte, carnem suscipere voluisti : præsta supplicibus tuis ut qui vere eam Genitricem Dei crédimus, ejus apud te intercessiónibus adjuvémur. Per eúdem.

#### AD COMPLETORIUM,

† Si fiat Officium de Octava aut de aliquo Festo, omnia fiant ut in Annuntiatione, pag. 1014. nisi aliter notatum fuerit.

† Si vero Sabbatum fuerit et sequens Dominica primas Vesperas a Capitulo habuerit, dicatur in Completorio super Psalmos Añã Miserére., ante Tempus Passionis R. In pace. cum Glória Patri., Tempore vero Passionis R. In manus tuas. absque Glória Patri. In Hymno, omissis Strophis Mariæ Mater. et Glória tibi, dicatur ultima Strophæ Præsta Pater omnipotens.; ad Nunc dimittis Añã pro Tempore signata pag. 152. aut pag. 153. deinde Preces, pag. 151. Data Benedictione, recitetur Completorium de B. Maria V., pag. 173\*.



## PRIMA DIE

INFRA OCT. ANNUNTIATIONIS  
B. MARIE VIRGINIS  
TEMPORE QUADRAGESIMÆ.

## IN NOCTURNO.

Super Psalmos sola Añā. Ecce Virgo concipiet, et páriet Fílium : et vocábitur nomen ejus Emmánuel. Psalmus Dómine Dóminus noster. cum octo ceteris ut in Festo, pag. 1014. et sequentibus.

Versiculus secundum Feriam, pag. 1024.

Benedictio Evangélica lécio. cum duabus sequentibus, ibidem.

Lectio prima et Lectio secunda de Homilia Feriæ occurrentis; Lectio tertia Rex cæléstis. ut infra.

Responsoria tria secundum Feriam, pag. 1024. aut pag. 1025.

Ex sancto Joánne  
Damascéno.

(In Annuntiatione B. M. V.)  
Lectio iij.

**R**EX cæléstis misit ad Virginem ministrum suum Gabriélem, ut ipsam salutatione lætitiæ compelláret, certiorémque fáceret esse se a Creatóre eléctam, dicéndo : Ave grátia plena : Dóminus tecum : benedicta tu in mulieribus. Et quómodo benedicta non esset et grátia plena, cum qua creaturárum Dóminus fuit, copulándo sibi ex ea templum, quo opem géneris ipsius afféret? Hódie, qui format res omnes visibiles et invisibiles, effinxit sibi imáginem humanam. Hódie, qui producit omnes creatúras spirituáles et materiáles produxit sibi carnis

figúram. O misericórdiæ Creatóris abyssum, et excelléntiam descénsus ejus!

Cetera fiant ut pag. 1025. et pag. 1026. notatum est.

## SECUNDA DIE

INFRA OCT. ANNUNTIATIONIS  
B. MARIE VIRGINIS  
TEMPORE QUADRAGESIMÆ.

## IN NOCTURNO.

Super Psalmos sola Añā. Beáta es María, quæ credidisti : perficiéntur in te quæ dicta sunt tibi a Dómino. Psalmus Dómine Dóminus noster. cum octo ceteris ut in Festo, pag. 1014. et sequentibus.

Versiculus secundum Feriam, pag. 1024.

Benedictio Evangélica lécio. cum duabus ceteris, ibidem.

Lectio prima et Lectio secunda de Homilia Feriæ occurrentis; Lectio tertia Quando Angelum vidit. ut infra.

Responsoria tria secundum Feriam, pag. 1024. aut pag. 1025.

Ex sancto Joánne  
Damascéno.

(In Annuntiatione B. M. V.)  
Lectio iij.

**Q**UANDO Angelum vidit María, turbáta est ob sermónem ejus, secúmque cogitare ccepit úndenam esset ista salutatio. Angelus vero dixit ei : Ne timeas María, nacta es grátiam Dei. Ecce concipies in útero, et páries Fílium, et vocábis nomen ejus Jesum. Profécito gloriósa hæc et illústis inter mulieres grátiam nacta est apud Deum, cum ab eo elécta est ut corpus ex ipsa

súmeret compíngerétque ex sancto ejus sáanguine : ut ei non fúerit ántea puritáte similis, nec post futúrus pari sanctitáte præditus. Quam ob rem omnes simul occurrámus, senes et adolescentes, ætáte graves et junióres, ad honorándam Dóminam nostram ac nostræ natúræ Regínam : láudibus prædicántes puritátis ejus decórem, perpétuam ejus virginitátem reveréntes, altitúdinem dénique sanctitátis ejus honorántes, dicámus : O glória filiárum, matrum decus! O Genitricem viro incógnitam! O Virginem filio grávidam! O miraculum, quo missi a Deo Prophætæ percúlsi sunt, et cujus glória ángelos súperat! Propitia sis servórum tuórum, qui auxiliúm tuum implórant, deprecatióibus.

Cetera fiant ut pag. 1025. et pag. 1026. notatum est.

TERTIA DIE  
INFRA OCT. ANNUNTIATIONIS  
B. MARIE VIRGINIS  
TEMPORE QUADRAGESIMÆ.

IN NOCTURNO.

Super Psalmos sola Añā. Angelus Dómini nuntiávit Mariæ, et concépit de Spíritu sancto. Psalmus Dómine Dóminus noster. cum octo ceteris ut in Festo, pag. 1014. et sequentibus.

Versiculus secundum Feriam, pag. 1024.

Benedictio Evangélica lécio. cum duabus ceteris, ibidem.

Lectio prima et Lectio secunda de Homilia Feriæ occurrentis; Lectio tertia Talis profecto erat. ut infra.

Responsoria tria secundum Feriam, pag. 1024. aut pag. 1025.

Sermo sancti Laurentii

Justiniani.

(De Annuntiatione B. M. V.  
Serm. 10.)

Lectio iij.

**T**ALIS profecto erat Maria, ut nulli úsui servarétur, nisi divíno. Quam ob rem cum témporis plenitúdo venisset, in quo universórum Cónditor humanum genus redimere statúerat, hanc præ ceteris repériens sanctiorem, sibi præcipuam delégit in sponsam, ipsam mente ipsámque corpore custodívit intáctam, ut esset de qua Verbum fieret caro, ac mulieris pudor per eam delerétur, et culpa. Ad hanc útique Virginem in civitátem Náza-reth a Deo missus est Gábriel, quatenus Incarnatiónis Verbi eidem tempus annuntiáret et modum. Ad Virginem quippe missus est ángelus, quóniam ángelis semper est cognáta virginitas. Angelus ad Virginem, ut novam grátiam novi partus nova salutatióne disséreret. Visitatiónis enim áderat tempus, in quo liberarétur reus, Sapiéntia corporarétur, delerétur culpa, atque cæléstis Jerúsalem reá-dificaréntur moenia.

Cetera fiant ut pag. 1025. et pag. 1026. notatum est.

QUARTA DIE  
INFRA OCT. ANNUNTIATIONIS  
B. MARIE VIRGINIS  
TEMPORE QUADRAGESIMÆ.

IN NOCTURNO.

Super Psalmos sola Añā. Emissiões tuæ paradísus malórum punicórum cum pomórum frúctibus. Psalmus Dómine Dóminus noster. cum octo ce-

teris ut in Festo, pag. 1014. et sequentibus.

Versiculus secundum Feriam, pag. 1024.

Benedictio Evangélica lécio. cum duabus sequentibus ibidem.

Lectio prima et Lectio secunda de Homilia Feriæ occurrentis; Lectio tertia Considerare est. ut infra.

Responsoria tria secundum Feriam, pag. 1024. aut pag. 1025.

Sermo sancti Bernárdi Abbátis.

(De Annunt. Dom. Serm. 2.)

Lectio iij.

**C**ONSIDERARE est, fratres, in solemnitate hodierna Dominicæ Annuntiatiónis, velut amœnissimam quamdam plantiæm, simplicem nostræ Reparatiónis históriam. Injungitur nova legátio Angelo Gabriéli, et novam Virgo professã virtutem, novæ salutatiónis honorátur obséquio. Antiqua excluditur maledictio mulierum: novam nova Mater accipit benedictiõnem. Implétur per grátiam, quæ concupiscéntiam nescit: ut Spíritu superveniẽte, Altissimi páriat Fílium, quæ virum dedignátur admittere. Intrat ad nos eádem porta salutis antidotum, qua venénium serpéntis ingrédienti universitatẽm géneris humáni occupáverat.

Cetera fiant ut pag. 1025. et pag. 1026. notatum est.

#### DOMINICA

INFRA OCT. ANNUNTIATIONIS  
TEMPORE QUADRAGESIMÆ.

Fiat Officium de Dominica usque ad Completorium inclu-

sive. Octava vero Annuntiatiónis consideretur ut Octava Simplex habens solam Memoriam in Laudibus et Vesperis; omittantur duæ Strophæ de Octava Mariæ Mater grátia. et Glória tibi Dómine. in fine Hymnorum. Ad Primam (nisi Dominica in Passione fuerit) dicatur in R̃. Jesu Christe. Ṽ. Qui sedes. In Completorio dicatur super Psalmos Añã Miserére.; ante Tempus Passiõis R̃. In pace. cum Glória Patri., Tempore vero Passiõis R̃. In manus tuas. absque Glória Patri.; ad Nunc dimittis Antiphona, quæ pro Tempore respective pag. 152. aut pag. 153. notata fuerit. Idem fiat si Octava dies Annuntiatiõis in Dominica evenerit.

† Si tamen sequatur in crastino Dominicæ Festum Totum Duplex, aut Festum Duplex, aut Octava dies Annuntiatiõis, restituetur Octavæ sua Solennitas in Vesperis et Completorio; in fine Hymnorum ejusdem metri dicentur supradictæ duæ Strophæ de Octava, super Psalmos Completorii Añã Ecce Virgo. et ad Nunc dimittis Añã Ecce ancilla Dómini, pag. 1014.

---

#### IN OCTAVA ANNUNTIATIONIS B. M. V. TEMPORE QUADRAGESIMÆ.

SOLEMNÆ.

#### AD I. VESPERAS.

Capitulum, Hymnus, Ṽ., Antiphona ad Magnificat et Oratio ut in j. Vesperis Festi, pag. 1013.



## AD MATUTINUM.

Invitatorium et Hymnus ut in Festo, pag. 1014.

† In tribus Nocturnis Antiphonæ, Psalmi et ƿƿ. ut in Festo, pag. 1014. et sequentibus; cetera ut infra.

## IN I. NOCTURNO.

Benedictio. Alma Virgo virginum intercédât pro nobis ad Dóminum. R. Amen.

De Isaia Prophéta.

Lectio j. Cap. 62.

**P**ROPTER Sion non tacébo, et propter Jérusalem non quiescam, donec egrediatur ut splendor justus ejus, et salvátor ejus ut lampas accendatur. Et vidébunt gentes justum tuum, et cuncti reges inclytum tuum : et vocábitur tibi nomen novum, quod os Dómini nominábit. Et eris coróna glóriæ in manu Dómini, et diadéma regni in manu Dei tui.

R. j. Non auferétur sceptrum de Juda, et dux de fémore ejus, donec véniat qui mittendus est : \* Et ipse erit expectatio géntium. ƿ. Pulchrióres sunt óculi ejus vino, et dentes ejus lacte candidióres. — Et ipse erit expectatio géntium.

Benedictio. Sancta Dei Génitrix sit nobis auxiliátrix. R. Amen.

Lectio ij.

**N**ON vocáberis ultra Derelicta : et terra tua non vocábitur ámplius Desoláta; sed vocáberis Volúntas mea in ea, et terra tua Inhabítata : quia complácuít Dómino in te : et terra tua inhabitábitur.

Habitábit enim júvenis cum vírgine, et habitábunt in te filii tui. Et gaudébit sponsus super sponsam, et gaudébit super te Deus tuus.

R. ij. Missus est Gábriel Angelus ad Mariam Virginem desponsátam Joseph, nuntians ei verbum : et expavéscit Virgo de lumine. Ne timeas Maria, invenisti grátiam apud Dóminum : ecce concípies et páries, \* Et vocábitur Altíssimi Filius. ƿ. Dabit ei Dóminus Deus sedem David patris ejus, et regnabit in domo Jacob in ætérnum. — Et vocábitur Altíssimi Filius.

Benedictio. Nos cum Prole pia benedicat Virgo Maria. R. Amen.

Lectio iij.

**T**RANSITE, transite per portas, præparáte viam pópulo, planum fácite iter, eligite lápides, et eleváte signum ad pópulos. Ecce Dóminus auditum fecit in extrémis terræ, dicite filiæ Sion : Ecce salvátor tuus venit : ecce merces ejus cum eo, et opus ejus coram illo. Et vocábunt eos, Pópulus sanctus, redempti a Dómino. Tu autem vocáberis, Quæsita civitas, et non Derelicta.

R. iij. Ave Maria grátia plena : Dóminus tecum : \* Spíritus sanctus supervéniet in te, et virtus Altíssimi obumbrábit tibi : Quod enim ex te nascetur Sanctum vocábitur Filius Dei. ƿ. Quómodo fiet istud, quóniam virum non cognósko? Et respóndens Angelus dixit ei. — Spíritus sanctus. Glória. Quod enim ex te nascetur Sanctum.

## IN IL. NOCTURNO.

Benedictio. Ab hoste maligno eripiat nos Dei Génitrix Virgo. R. Amen.

Sermo sancti Joánnis Damascéni.

(Hom. in Annunt. B. M. V.)

## Lectio iv.

**J**AM tempus est, fratres dilectissimi, ut hac Davidica voce exclamémus : Quam magnificáta sunt ópera tua Dómine! Omnia in sapiéntia fecisti. Etenim præsens solémnitas festivitátum nostrárum initium est, et nostrárum solémnitátum caput, unde orta est salus nostra, ac lex nostra initium hábuit. Nos enim erámus prius avitæ ac primigénie rebelliónis rei, et adjécto illi insuper gravissimórum peccatórum reátu, facti erámus tenebrárum incolæ ac regiónum mortis, nec ullus ex prophétis a Deo missis et sanctis justis lúmine nos illumináre póterat, rediméndo a peccátis et nequítia prævaricatiónum nostrárum. Quam ob rem, Creator ipse Redemptor evásit, nosque sui ad nos accéssus lúmine illustrávit, nobisque commissa sunt secréta advéntus ejus, cum ipse Gabriélem Archángelum misit annuntiáturum miráculum Incarnatiónis suæ.

R. iv. Súscipe verbum Virgo María quod tibi a Dómino per Angelum transmissum est : concipies, et páries Deum páriter et hóminem, \* Ut benedicta dicáris inter omnes mulieres. V. Páries quidem Fílium, et virginitátis non patiéris detriméntum : efficiéris

grávida, et eris mater semper intácta. — Ut benedicta dicáris.

Benedictio. Jesus Mariæ Fílius sit nobis clemens et propítius. R. Amen.

## Lectio v.

**H**ODIERNA dies solémnitátum nostrárum est origo, et salútis nostræ initium. Hódie Fílius Dei, qui temporibus antérior est, hóminis Fílius fit. Hódie initium est renovatiónis humánæ natúræ. Hódie facta est abolitio peccáti primigénii. Hódie sanctificáta est nostra natúra, Creatóris in ipsa inhabitatióne. Hódie digna evásit ut Archángelis dominarétur. Hódie complétum est tempus, de quo Prophetárum orácula personuérunt. Hódie tempus complétum est, quod sanctórum et electórum mentes desiderábant.

R. v. Ecce Virgo concípíet, et páriet Fílium, dicit Dóminus : et vocábitur nomen ejus \* Admirábilis, Deus, Fortis. F. Super sólium David, et super regnum ejus sedébit in ætérnum. — Admirábilis, Deus, Fortis.

Benedictio. Stella María maris succúrrat piíssima nobis. R. Amen.

## Lectio vj.

**H**ODIE Adam Creatóri suo de progénie sua templum ædificávit, in quo tectus habitáret, et quod redimeret : Mariam Virginem, pretiósam, benedictam, sanctam, puriorem natúræ Adámicæ partem, et humánæ stirpis Reginam; puram, qua nulla usquam corpore

pūrior inveniētur in omni gēnere humāno; sanctam, qua nulla inter creatūras futūras et intellectuāles, quoad ānimam, sānctor; glōriam Israeliticæ gentis, ac stirpis Davidicæ lumen, de qua avus ipsius David exclāmat, prophēticam vocem extollēdo : Audi filia, et vide, et inclīna aurem tuam : et obliviscere pōpulum tuum, et domum patris tui : et concupiscet rex spēcīem tuam.

R. vj. Egrediētur virga de radice Jesse, et flos de radice ejus ascēdet : \* Et erit justitia cingulum lumbōrum ejus : Et fides cinctōrium renū ejus. X. Et requiescet super eum spīritus Dōmini, spīritus sapiētiæ, et intellēctus. — Et erit justitia. Glōria. Et fides cinctōrium renū ejus.

### IN III. NOCTURNO.

Homilia Feriæ occurrentis cum his Benedictionibus et Responsoriis.

Benedictio vij. Evangēlica lēctio sit nobis salus et protēctio. R. Amen.

R. vij. Rorāte cæli dēsuper, et nubes pluant justum : \* Aperiātur terra, et gērminet Salvatōrem. X. Emitte Agnum Dōmine Dominatōrem terræ, de Petra desērti ad montem filiæ Sion. — Aperiātur terra.

Benedictio viij. In omni tribulatiōne et angūstia subvēniat nobis pia Virgo Mariā. R. Amen.

R. viij. Nascētur nobis parvulus, et vocābitur Deus, For-

tis : ipse sedēbit super thronum David patris sui, et imperābit : \* Cujus potestas super hūmerum ejus. X. In ipso benedicentur omnes tribus terræ. — Cujus potestas super hūmerum ejus.

Benedictio ix. Ad societatem civium supernōrum perducāt nos Regina angelōrum. R. Amen.

R. ix. Quōmodo fiet istud, respōdens ait Mariā, quia virum non cognōsco? Angelus ad hęc : \* Spīritus sanctus supervēniēt in te, Et virtus Altissimi obumbrābit tibi. X. Ideōque quod nascētur ex te Sanctum vocābitur Filius Dei. — Spīritus sanctus. Glōria. Et virtus Altissimi obumbrābit tibi.

Dicatur Canticum Te Deum laudāmus.

Ante Laudes X. Emitte Agnum Dōmine Dominatōrem terræ. R. De Petra desērti ad montem filiæ Sion.

### AD LAUDES,

HORAS ET II. VESPERAS.

Omnia ut in Festo, pro Tempore Quadragesimæ, pag. 1022. et pag. 1023. notatum est, servato modo Octavæ dici Solēmnis.

### AD PRETIOSA.

Evangelium de Nocturno Feriæ occurrentis.

**T**EMPORE PASCHALI, in Octava die Annuntiatiōnis fiat Officiū ut pag. 1039. et sequentibus notatum est.



## IN ANNUNTIATIONE B. M. V.

## TEMPORE PASCHALI.

## TOTUM DUPLEX.

## AD I. VESPERAS.

Super Psalmos Aña. Ave  
 María grátia plena : Dóminus  
 tecum : benedicta tu in muli-  
 eribus, allelúia. Psalmus Laudáte  
 púeri. cum ceteris, pag. 145.

Capitulum. Isa. 7.

**E**CCE Virgo concipiet, et pá-  
 riet Filium, et vocábitur  
 nomen ejus Emmánuel. Buty-  
 rum et mel cómedet, ut sciat  
 reprobáre malum, et eligere  
 bonum.

R. Quómodo fiet istud, re-  
 spóndens ait María, quia vi-  
 rum non cognóscó? Angelus  
 ad hæc : \* Spiritus sanctus  
 supervéniet in te, et virtus Al-  
 tíssimi obumbrábit tibi, Alle-  
 lúia. V. Ideóque quod nascétur  
 ex te Sanctum vocábitur  
 Fílius Dei. — Spiritus sanctus.  
 Glória. Allelúia.

## Hymnus.

Hic genuflectitur usque ad  
 Sumens illud Ave.

**A**VE maris stella,  
 Dei Mater alma,  
 Atque semper Virgo,  
 Felix cæli porta.  
 SUMENS illud Ave  
 Gabriélis ore,  
 Funda nos in pace,  
 Mutans nomen Hevæ.  
 SOLVE vincla reis,  
 Profer lumen cæcis,

Mala nostra pelle,  
 Bona cuncta posce.

MONSTRA te esse matrem :  
 Sumat per te preces  
 Qui pro nobis Natus  
 Tulit esse tuus.

VIRGO singuláris,  
 Inter omnes mitis,  
 Nos culpis solútos  
 Mites fac et castos.

VITAM præsta puram,  
 Iter para tutum,  
 Ut vidéntes Jesum,  
 Semper collætémur.

Sit laus Deo Patri,  
 Summo Christo decus,  
 Spiritui sancto,  
 Tribus honor unus. Amen.

V. Roráte cæli désuper, et  
 nubes pluant justum, allelúia.  
 R. Aperiátur terra et gérmi-  
 net Salvátorem, allelúia.

Ad Magnificat Aña. Oriétur  
 sicut sol Salvátor mundi, et  
 descéndet in úterum Virginis  
 sicut imber super gramen, al-  
 lelúia, allelúia, allelúia.

## Oratio.

**D**EUS, qui de beatæ Mariæ  
 Virginis útero Verbum  
 tuum, Angelo nuntiánte, car-  
 nem suscipere voluísti : præsta  
 supplicibus tuis ut qui vere  
 eam Genitricem Dei crédimus,  
 ejus apud te intercessiónibus  
 adjuvémur. Per eúmdem.

## AD COMPLETORIUM.

Super Psalmos Añā. Ecce Virgo concipiet, et páriet Fílium, et vocábitur nomen ejus Emmánuel, allelúia, allelúia.

In Hymno Jesu nostra redemptio., dicta Strophā Ipsa te cogat pietas., subdantur tres sequentes :

QUÆSUMUS, Auctor ómnium,

In hoc Pascháli gaudio,  
Ab omni mortis impetu  
Tuum défende pópulum.

MARIA Mater grátiae,  
Mater misericórdiae,  
Tu nos ab hoste prótege  
Et hora mortis suscipe.

GLORIA tibi Dómine,  
Qui natus es de Virgine,  
Cum Patre et sancto Spirítu  
In sempitérna sæcula. Amen.  
Ad Nunc dimittis Añā. Ecce ancilla Dómini : fiat mihi secundum verbum tuum, allelúia.

† Sic dicatur Completorium per totam Octavam Annuntiationis, etiam in festis Sanctorum.

## AD MATUTINUM.

Invitatorium. Ave María grátia plena : \* Dóminus tecum, allelúia.

## Hymnus.

QUEM terra, pontus, æthera  
Colunt, adorant, prædicant,

Trinam regéntem máchinam  
Clastrum Mariæ bájulat.

Cui luna, sol et ómnia  
Deserviunt per témpora,  
Perfúsa cæli grátia,  
Gestant puéllæ viscera.

BEATA Mater múnere,  
Cujus supérnus Artifex,

Mundum pugillo cóntinens,  
Ventris sub arca clausus est.

BEATA cæli nuntio,  
Fecúnda sancto Spirítu,  
Desiderátus géntibus  
Cujus per alvum fusus est.

QUÆSUMUS Auctor ómnium,  
MARIA Mater grátiae., GLORIA  
tibi Dómine. ut in Completorio.

## . IN NOCTURNO.

## Psalmus 8.

DOMINE Dóminus noster, \*  
quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecísti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus : \* aut filius hóminis, quóniam visitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérſas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \*  
quam admirábile est nomen tuum in univérſa terra!

Añā. Ecce Virgo concipiet, et páriet Fílium, et vocábitur nomen ejus Emmánuel, allelúia, allelúia.

## Psalmus 18.

**C**ELI enarrant glóriam Dei,\*  
et ópera mánuum ejus  
annúntiat firmaméntum.

Dies diéi erúctat verbum,\* et  
nox nocti indicat sciéntiam.

Non sunt loquélæ, neque sermónes,\*  
quorum non audiántur voces eórum.

In omnem terram exívit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :

Exsultávit ut gigas ad curréndam viam,\* a summo caelo egressio ejus :

Et occúrsus ejus usque ad summum ejus : \* nec est qui se abscondat a calore ejus :

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, pérmans in sæculum sæculi : \* judicia Dómini vera, justificáta in semetipsa.

Desiderabilia super aurum et lápidem pretiósium multum : \* et dulcióra super mel et favum.

Etenim servus tuus custódit ea,\* in custodiéndis illis retribúto multa.

Delicta quis intélligit? ⁊ ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant eló-

quia oris mei : \* et meditatio cordis mei in conspéctu tuo semper.

Dómine adjútor meus,\* et redemptor meus.

Añs. Beáta es María, quæ credidisti : perficiéntur in te quæ dicta sunt tibi a Dómino, allelúia.

## Psalmus 23.

**D**OMINI est terra, et plentúdo ejus : \* orbis terrárum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus, et mundo corde, ⁊ qui non accépit in vano ánimam suam,\* nec jurávit in dolo próximo suo.

Hic accipiet benedictiónem a Dómino : \* et misericórdiam a Deo salutári suo.

Hæc est generatio quæréntium eum,\* quæréntium faciém Dei Jacob.

Attóllite portas príncipes vestras, ⁊ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas príncipes vestras, ⁊ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añs. Angelus Dómini nuntiávit Mariæ, et concépit de Spíritu sancto, allelúia.



¶ Ex Sion species decóris ejus, allelúia. R. Deus noster manifesté veniet, allelúia.

Benedictio. Evangélica lécio sit nobis salus et protéctio. R. Amen.

Lécio sancti Evangélii  
secúndum Lucam.

Lectio j. Cap. 1.

**I**N illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David, et nomen Virginis María. Et reliqua.

Homília S. Ambrósii Episcopi.  
(Lib. 2. in Luc. in initio.)

**L**ATENT quidem divina mystéria, nec fá-cile, juxta prophéticum dictum, quisquam hóminum potest scire consílium Dei. Sed tamen ex céteris factis atque præcéptis Dómini Salvatóris póssumus intelligere et hoc propensióris fuisse consílii, quod ea potíssimum elécta est ut Dóminum páreret, quæ erat desponsáta viro. Cur autem non ántequam desponsarétur, impléta est? Fortásse ne dicerétur quod concéperat ex adulterio.

R. j. Missus est Gábriel Angelus ad Mariám Virginem desponsátam Joseph, núntians ei verbum : et expavéscit Virgo de lúmine. Ne timeas María, invenísti grátiam apud Dóminum : ecce concipies, et páries, \* Et vocábitur Altíssimi Fílius, allelúia. ¶. Dabit ei Dóminus Deus sedem David patris ejus, et regnábit in do-

mo Jacob in ætérnum. — Et vocábitur Altíssimi Fílius, allelúia.

Benedictio. In omni tribulatióne et angústia subveníat nobis pia Virgo María. R. Amen.

Lectio ij.

(Longius post prædicta.)

**E**T ingrèssus ad eam Angelus. Disce Virginem moribus, disce Virginem verecúndia, disce oráculo, disce mystério. Trepidáre virginum est, et ad omnes viri ingrèssus pavére, omnes viri affátus veréri. Discant mulieres propósitum pudóris imitári. Sola in penetrálibus, quam nemo virórum vidéret, solus Angelus reperíret : sola sine cómite, sola sine teste, ne quo degéneri depravarétur affátu, ab Angelo salutátur.

R. ij. Ave María grátia plena : Dóminus tecum : \* Spiritus sanctus supervéniet in te, et virtus Altíssimi obumbrábit tibi : quod enim ex te nascétur Sanctum vocábitur Fílius Dei, allelúia. ¶. Quómodo fiet istud, quóniam virum non cognóscó? Et respóndens Angelus dixit ei. — Spíritus sanctus.

Benedictio. Ad societátem civium supernórum perducát nos Regina angelórum.

R. Amen.

Lectio iij.

(Longius post prædicta.)

**T**ANTI namque mandáti mysterium non hóminis fuit sed Angeli ore proméndum. Hódie primum auditur : Spiritus sanctus supervéniet in te. Et auditur, et créditur. Déní-

que : Ecce, inquit, ancilla Dómini : contingat mihi secundum verbum tuum. Vide humilitatem, vide devotíonem. Ancillam se dicit Dómini, quæ Mater eligitur : nec repentinó exaltáta promísso est.

℞. iij. Quómodo fiet istud, respondens ait María, quia virum non cognosco? Angelus ad hæc : \* Spiritus sanctus supervéniet in te, et virtus Altissimi obumbrábit tibi, Allelúia. ℞. Ideóque quod nascétur ex te Sanctum vocábitur Filius Dei. — Spiritus sanctus. Glória. Allelúia.

Ante Laudes ℞. Emitte Agnum Dómine Dominatórem terræ, allelúia. ℞. De Petra desérti ad montem filiæ Sion, allelúia.

#### AD LAUDES

ET PER HORAS ANTIPHONÆ.

1. Missus est Gábríel Angelus ad Mariam Virgínem desponsátam Joseph, allelúia, allelúia. Psalmus Dóminus regnávít. cum ceteris, pag. 17.

2. Ave María grátia plena : Dóminus tecum : benedicta tu in muliéríbus, allelúia.

3. Ne timeas María, invenisti grátiam apud Dóminum : ecce concipies, et páries Filium, allelúia.

4. Dabit ei Dóminus sedem David patris ejus, et regnábít in ætérnum, allelúia.

5. Ecce ancilla Dómini, fiat mihi secundum verbum tuum, allelúia.

Capitulum.

Isa. 7.

**E**CCE Virgo concipiet, et páriet Filium, et vocábitur nomen ejus Emmánuel. Buty-

rum et mel cómedet, ut sciat reprobáre malum, et eligere bonum.

#### Hymnus.

**O** GLORIOSA Dómina,  
Excélsa supra sídera :  
Qui te creávit próvide  
Lactásti sacro úbere.

QUOD Heva tristis ábstulit  
Tu reddis almo gérmine :  
Intrent ut astra flébiles,  
Cæli fenéstra facta es.

Tu Regis alti jánuá  
Et porta lucis fúlgida :  
Vitam datam per Virgínem  
Gentes redéptæ pláudite.

QUÆSUMUS Auctor ómnium,  
In hoc Pascháli gáudio,  
Ab omni mortis impetu  
Tuum defénde pópulum.

MARIA Mater grátiae,  
Mater misericórdiae,  
Tu nos ab hoste prótege  
Et hora mortis súscepe.

GLORIA tibi Dómine,  
Qui natus es de Virgíne,  
Cum Patre et sancto Spiritu  
In sempitérna sæcula. Amen.

† Prædictæ tres ultimæ Stro-  
phæ Quæsumus Auctor óm-  
nium., María Mater grátiae, et  
Glória tibi Dómine, Qui natus.  
dicantur in fine omnium Hym-  
norum ejusdem metri per to-  
tam Octavam Annuntiationis  
etiam in festis Sanctorum.

℞. Elégit eam Deus, et præ-  
elégit eam, allelúia. ℞. Et  
habitáre eam facit in taberná-  
culo suo, allelúia.

Ad Benedictus Añá. Quómodo  
fiet istud Angele Dei, quia vi-  
rum in concipiéndó non pér-  
tuli? Audi María Virgo Chri-  
sti : Spiritus sanctus supervé-  
niet in te, et virtus Altissimi  
obumbrábit tibi, allelúia.

## Oratio.

**D**EUS, qui de beatæ Mariæ Virginis útero Verbum tuum, Angelo nuntiante, carnem suscipere voluisti : præsta supplicibus tuis ut qui vere eam Genitricem Dei credimus, ejus apud te intercessionibus adjuvémur. Per eúmdem Dóminum nostrum Jesum Christum Fílium tuum, qui tecum vivit.

## AD PRETIOSA.

Evangelium.

Secúndum Lucam. Cap. 1.

**I**n illo témpore : Missus est Angelus Gábriel a Deo in civitatem Galilææ, cui nomen Náza-reth, ad Virginem desponsátam viro, cui nomen erat Joseph de domo David, et nomen Virginis Maria. Tu autem Dómine.

## AD PRIMAM.

R. Jesu Christe. V. Qui natus es de Virgine Maria.

† Iste V. dicatur per totam Octavam Annuntiationis, etiam in festis, nisi aliter notetur.

## AD TERTIAM.

Capitulum. Isa. 7.

**E**CCE Virgo concipiet, et páriet Fílium, et vocábitur nomen ejus Emmánuel. Butyrum et mel cómedet, ut sciat reprobaré malum, et eligere bonum.

R. Sancta Dei Génitrix Virgo semper Maria, \* Allelúia, allelúia. Sancta Dei Génitrix. V. Intercède pro nobis ad Dóminum Deum nostrum. Allelúia. Glória. Sancta Dei Génitrix.

V. Post partum Virgo invioláta permansisti, allelúia. R. Dei Génitrix intercède pro nobis, allelúia.

## AD SEXTAM.

Capitulum. Isaia 11.

**E**GREDIETUR virga de radice Jesse, et flos de radice ejus ascéndet. Et requiescet super eum spíritus Dómini.

R. Post partum Virgo invioláta permansisti, \* Allelúia, allelúia. Post partum Virgo.

V. Dei Génitrix intercède pro nobis. Allelúia. Glória. Post partum Virgo.

V. Speciósá facta es, et suávis, allelúia. R. In deliciis tuis sancta Dei Génitrix, allelúia.

## AD NONAM.

Capitulum. Isa. 45.

**R**ORATE cæli désuper, et nubes pluant justum : aperiátur terra, et gérmínet salvátorem : et justítia oriátur simul : ego Dóminus creávi eum.

R. Speciósá facta es, et suávis, \* Allelúia, allelúia. Speciósá. V. In deliciis tuis sancta Dei Génitrix. Allelúia. Glória. Speciósá.

V. Elégit eam Deus, et præelégit eam, allelúia. R. Et habitáre eam facit in tabernáculo suo, allelúia.

## AD II. VESPERAS.

Super Psalmos Aña. Missus est Gábriel Angelus ad Mariam Virginem desponsátam Joseph, allelúia, allelúia. Psalmus Dixit Dóminus. cum ceteris ut in Comuni unius Virginis, pag. 96\*.

Capitulum Ecce Virgo., Hymnus Ave maris stella. et V. Rorate cæli désuper ut in primis Vesperis, pag. 1033.

Ad Magnificat Aña. Hæc est dies, quam fecit Dóminus : hódie Dóminus afflictiónem



pópuli sui respéxit, et Redemptiōnem misit : hódie mortem, quam fémina intulit, fémina fugávit : hódie Deus homo factus id quod fuit permánsit, et quod non erat assúmpsit. Ergo exórdium nostræ Redemptiōnis devóte recolámus, et exultémus dicéntes : Glória tibi Dómine, allelúia, allelúia.

PER OCTAVAM  
ANNUNTIATIONIS B. MARIE,  
TEMPORE PASCHALI.

Ad Memoriam in Laudibus  
Añ. Quómodo fiet istud, Angele Dei, quia virum in concipiéndō non pértuli? Audi Maria Virgo Christi : Spíritus sanctus supervéniet in te, et virtus Altíssimi obumbrábit tibi, allelúia.

℟. Elégit eam Deus, et præelégit eam, allelúia. ℞. Et habitáre eam facit in tabernáculo suo, allelúia.

Oratio Deus, qui de beatæ Mariæ. ut in Laudibus Festi, pag. 1038.

Ad Memoriam in Vesperis  
Añ. Hæc est dies. ut in secundis Vesperis Festi ad Magnificat, pag. 1038.

℣. Roráte cæli désuper, et nubes pluant justum, allelúia. ℞. Aperiátur terra, et gérmínet Salvatórem, allelúia.

Oratio Deus, qui de beatæ Mariæ. ut in Laudibus Festi, pag. 1038.

IN OCTAVA  
ANNUNTIATIONIS B. M. V.  
TEMPORE PASCHALI.  
SOLENNÉ.

AD I. VESPERAS.

Capitulum, Hymnus, ℣., Antiphona ad Magnificat et Ora-

tio ut in j. Vesperis Festi, Tempore Paschali, pag. 1033.

AD MATUTINUM.

Invitatorium et Hymnus ut in Festo Tempore Paschali, pag. 1034.

IN NOCTURNO.

Tres Antiphonæ, tres Psalmi et Versiculus ut in Nocturno Festi Tempore Paschali, pag. 1034. et pag. 1035.

Benedictiones, Lectiones (nisi legenda fuerit Homilia Dominicalis) et Responsoria erunt quæ hic ponuntur.

† Si Feria secunda aut quinta fuerit, Benedictio j. Alma Virgo virginum intercédât pro nobis ad Dóminum. ℞. Amen.

† Si Feria tertia aut sexta fuerit, Benedictio j. Ab hoste maligno erípiat nos Dei Génitrix Virgo. ℞. Amen.

† Si Feria quarta aut Sabbatum fuerit, Benedictio j. Oret voce pia pro nobis Virgo Maria. ℞. Amen.

De Isaia Prophéta.

Lectio j. Cap. 62.

**P**ROPTER Sion non tacébo, et propter Jerúsalem non quiescam, donec egrediátur ut splendor justus ejus, et salvátor ejus ut lampas accendátur. Et vidébunt gentes justum tuum, et cuncti reges inclytum tuum : et vocábitur tibi nomen novum, quod os Dómini nominábit. Et eris coróna glóriæ in manu Dómini, et diadéma regni in manu Dei tui.

℞. j. Missus est Gábriel Angelus ad Mariam Virginem desponsátam Joseph, nuntians ei verbum : et expavésit Virgo de lúmine. Ne timeas Maria,

invenisti grátiam apud Dóminum : ecce concipies, et páries, \* Et vocábitur Altissimi Filius, alleluia. V. Dabit ei Dóminus Deus sedem David patris ejus, et regnabit in domo Jacob in ætérnum. — Et vocábitur Altissimi Filius, alleluia.

† Si FERIA secunda aut quinta fuerit, Benedictio ij. Sancta Dei Génitrix sit nobis auxiliatrix. R. Amen.

† Si FERIA tertia aut sexta fuerit, Benedictio ij. Jesus Mariæ Filius sit nobis clemens et propitius. R. Amen.

† Si FERIA quarta aut Sabbatum fuerit, Benedictio ij. In omni tribulatióne et angústia subvéniat nobis pia Virgo Maria. R. Amen.

#### Lectio ij.

**N**ON vocáberis ultra Derelicta : et terra tua non vocábitur amplius Desolata ; sed vocáberis Volúntas mea in ea, et terra tua Inhabitata : quia complácuít Dómino in te : et terra tua inhabitábitur. Habitábit enim júvenis cum virgine, et habitábunt in te filii tui. Et gaudebit sponsus super sponsam, et gaudebit super te Deus tuus.

R. ij. Ave Maria grátia plena : Dóminus tecum : \* Spíritus sanctus supervéniet in te, et virtus Altissimi obumbrábit tibi : quod enim ex te nascétur Sanctum vocábitur Filius Dei, alleluia. V. Quómodo fiet istud quóniam virum non cognosco? Et respóndens Angelus dixit ei. — Spíritus sanctus.

† Si FERIA secunda aut quinta fuerit, Benedictio iij. Nos cum

Prole pia benedicat Virgo Maria. R. Amen.

† Si FERIA tertia aut sexta fuerit Benedictio iij. Stella Maria maris succúrrat piíssima nobis. R. Amen.

† Si FERIA quarta aut Sabbatum fuerit, Benedictio iij. Ad societátem civium supernórum perdúcat nos Regina angelórum. R. Amen.

Sermo sancti Joánnis Damascéni.

(Hom. in Annunt. B. M. V.)

#### Lectio iij.

**J**AM tempus est, fratres dilectissimi, ut hac Davidica voce exclamémus : Quam magnificata sunt ópera tua Dómine! Omnia in sapientiá fecisti. Etenim præsens solémnitas festivitátum nostrárum initium est, et nostrárum solémnitatum caput, unde orta est salus nostra, ac lex nostra initium hábuit. Nos enim erámus prius avitæ ac primigénia rebelliónis rei, et adjécto illi insuper gravissimórum peccatórum reátu, facti erámus tenebrarum incolæ ac regiónum mortis : nec ullus ex prophétis a Deo missis et sanctis justis lúmine nos illumináre póterat, rediméndo a peccátis et nequitia prævaricatiónum nostrárum. Quam ob rem Créator ipse Redemptor evásit, nosque sui ad nos accessus lúmine illustrávit : nobisque commissa sunt secréta advéntus ejus, cum ipse Gabriélem Archángelum misit annuntiáturum miraculum Incarnatiónis suæ.

R. iij. Quómodo fiet istud, respóndens ait Maria, quia virum non cognosco? Angelus

ad hæc : \* *Spiritus sanctus superveniet in te, et virtus Altissimi obumbrabit tibi, Allelúia. V.* Ideoque quod nascetur ex te Sanctum vocabitur Filius Dei. — *Spiritus sanctus. Glória. Allelúia.*

† Si vero legenda fuerit Homilia Dominicæ primæ post Octavam Paschæ, dabuntur Benedictiones et dicentur Lectiones cum Responsoriis, ut hic notatum est.

Benedictio. Evangelica lectio sit nobis salus et protectio. R. Amen.

Lectio sancti Evangelii secundum Joannem.

Lectio j. Cap. 10.

**I**N illo tempore : Dixit Jesus Phariseis : Ego sum Pastor bonus. Bonus Pastor animam suam dat pro ovibus suis. Et reliqua.

Homilia sancti Gregorii Papæ. (Homil. 14. in Evang.)

**A**UDISTIS, fratres carissimi, ex lectione evangelica eruditionem vestram : audistis et periculum nostrum. Ecce enim is, qui non ex accidenti dono, sed essentialiter bonus est, dicit : Ego sum Pastor bonus. Atque ejusdem bonitatis formam, quam nos imitemur, adjungit, dicens : Bonus Pastor animam suam ponit pro ovibus suis.

R. j. Missus est Gabriel Angelus ad Mariam Virginem desponsatam Joseph, nuntians ei verbum : et expavescit Virgo de lumine : Ne timeas Maria, invenisti gratiam apud Dominum : ecce concipies, et paries,\* Et vocabitur Altissimi Filius, allelúia. V. Dabit ei Dominus Deus sedem David

patris ejus, et regnabit in domo Jacob in ætérnum. — Et vocabitur Altissimi Filius, allelúia.

Benedictio. In omni tribulatione et angustia subveniat nobis pia Virgo Maria. R. Amen.

Lectio ij.

**F**ECIT quod monuit : ostendit quod jussit. Bonus Pastor pro ovibus suis animam suam posuit, ut in Sacramento nostro corpus suum et sanguinem verteret; et oves, quas redemerat, carnis suæ alimento satiaret. Ostensa nobis est igitur de contemptu mortis via, quam sequamur : apposita est forma, cui imprimamur. Primum nobis est exteriora nostra misericorditer ovibus ejus impendere : postrémum vero, si necesse sit, etiam mortem nostram pro eisdem ovibus ministrare. A primo autem hoc mínimo pervenitur ad postrémum majus.

R. ij. Ave Maria grátia plena : Dominus tecum : \* *Spiritus sanctus superveniet in te, et virtus Altissimi obumbrabit tibi : quod enim ex te nascetur Sanctum vocabitur Filius Dei, allelúia. V.* Quomodo fiet istud, quoniam virum non cognosco? Et respondens Angelus dixit ei. — *Spiritus sanctus.*

Benedictio. Ad societatem civium supernorum perducant nos Regina angelorum. R. Amen.

Lectio iij. Sermo sancti Joannis Damasceni. Jam tempus est. et R. iij. Quomodo fiet istud. ut pag. 1040.

Ante Laudes V. Emitte Agnum Dómine Dominatorem terræ, allelúia. R. De Petra deserti ad montem filiæ Sion, allelúia.



## AD LAUDES,

HORAS ET II. VESPERAS.

Omnia ut in Festo Tempore Paschali, pag. 1037. et pag. 1038.; servato modo Octavæ diei Solemnis.

## AD PRETIOSA.

† Si in Nocturno lecta non fuerit Homilia Dominicalis, dicatur hoc Evangelium :

Secundum Lucam. Cap. 1.

**I**n illo tempore : Missus est Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginis María. Tu autem Dómine.

† Si vero lecta fuerit in Nocturno Homilia Dominicalis, dicatur ad Pretiosa. Evangelium Dixit Jesus Phariseis : Ego sum pastor bonus., quod pag. 1041. in eodem Nocturno positum est.

## DIE XXVI. MARTII.

IN OCTAVA S. JOSEPH

SPONSI B. MARIE V.

SOLEMNIS.

† Si Octava dies S. Joseph Tempore Quadragesimæ celebranda fuerit, omnia fiant ut pag. 981. et sequentibus notatum est.

† Si vero post Pascha celebranda fuerit, de ipsa fiat Officium ut positum est pag. 988. et sequentibus.

## DIE I. APRILIS.

IN OCTAVA

ANNUNTIATIONIS B. M. V.

SOLEMNIS.

† Si Octava dies Annuntiationis B. Mariæ Virginis Tem-

pore Quadragesimæ celebranda fuerit, omnia fiant ut pag. 1029. et sequentibus notatum est.

† Si vero post Pascha celebranda fuerit, de ipsa fiat Officium ut positum est pag. 1039. et sequentibus.

## DIE II. APRILIS.

S. FRANCISCI DE PAULA

CONFESSORIS.

DUPLEX.

Oratio.

**D**EUS humilium celsitudo, qui beátum Franciscum Confessorem Sanctórum tuórum glória sublimásti : tribue, quæsumus, ut ejus méritis et imitatione, promissa humilibus præmia feliciter consequámur. Per.

## IN I. NOCTURNO.

Tempore Quadragesimæ.

De libro Proverbiórum.

Lectio j.

Cap. 4.

**A**UDITE filii disciplinam patris, et attendite ut sciátis prudentiam. Donum bonum tribuam vobis, legem meam ne derelinquátis. Nam et ego filius fui patris mei, tenéllus, et unigénitus coram matre mea : et docébat me, atque dicébat : Suscipiat verba mea cor tuum, custódi præcépta mea, et vives.

Lectio ij.

**P**OSSIDE sapiéntiam, posside prudentiam : ne obliviscáris, neque declínes a verbis oris mei. Ne dimíttas eam, et custódiét te : dilige eam, et conservábit te. Princípium sapiéntiæ, posside sapiéntiam, et in omni possессиóne tua acquiré prudentiam : árrípe illam, et exaltábit te : glorificáberis ab ea, cum eam fúeris

amplexátus. Dabit cápiti tuo augmenta gratiárum, et coróna inclýta próteget te.

Lectio iij.

**A**UDI fili mi, et súscipe verbi tibi anni vitæ. Viam sapiéntiæ monstrábo tibi, ducam te per sémitas æquitátis : quas cum ingressus fuéris, non arctabúntur gressus tui, et currens non habébis offendiculum. Tene disciplinám, ne dimittas eam : custódi illam, quia ipsa est vita tua.

IN II. NOCTURNO.

(Ex Bulla Canonizationis ejus, et ex Rom. Brev.)

Lectio iv. \*

**F**RANCISCUS Paulæ, quod est Calábriæ óppidum, loco húmili natus est : quem paréntes, cum diu prole caruissent, voto facto, beáti Francisci pręcibus suscepérunt. Is adolescens divíno ardóre succensus, in erémum secéssit, ubi annis sex victu ásperam, sed meditatióibus cæléstibus suávem vitam duxit. Sed cum virtútum ejus fama longius manáret, multique ad eum pietátis stúdio concurrerent, fratérnæ caritátis causa e solitúdine egressus, ecclésiám prope Paulam ædificávit, ibique prima sui Ordinis fundaménta jecit.

Lectio v.

**E**RAT in eo mirífica loquéndi grátia. Perpétuam virginitátem servávit. Humilitátem sic cóluit, ut se ómnium mínimum diceret, suósque álumnos Mínimos appellári volúerit. Nudis pédibus per glácies, nives, montes et acúta saxa, vepres spinásque absque læsióne

incedébat. Rudi amictu utebátur, húmi cubábat. Cibi abstinentia fuit admirábili; nam semel in die post solis occásum reficiebátur, et ad panem et aquæ potum vix aliquid ejusmodi obsónii adhibébat, quo vesci in Quadragésima licet. Quam consuetúdinem ut Fratres sui toto anni témpore retinérent, quarto eos voto astrinxit. Multa étiam futúra prophético spíritu prædixit.

Lectio vj. \*

**P**LURIMIS quoque miráculis Servi sui sanctitátem Deus testári voluit : quorum illud in primis célebre, quod a nautis rejéctus, Siciliæ fretum, strato super flúctibus pállio, cum sócio transmisit. A Ludovico Undécimo Francórum rege expetitus magnóque in honóre hábitus est. Dénique, annum circiter nonagésimum primum agens, vitæque suæ finem jam próximam divína inspiratióne prospiciens, ómnibus ecclésiasticis Sacraméntis et signo Crucis communitis, prælecta coram eo Dominica Passióne, die secúnda Aprilis, quæ fuit Parascévés, circa horam, qua Christus est passus, Turónis migrávit ad Dóminum, anno Salútis millésimo quingentésimo séptimo. Ejus corpus, dies undecim insepúltum, ita incorruptum permánsit, ut suáven étiam odórem efflaret. Ipsum vero Leo Papa Décimus in Sanctórum númerum rétulit.

IN III. NOCTURNO.

Homilia in Evangelium Nolite timére pusillus grex. de Communi unius Confessoris non Pontificis, pag. 84\*.

**T**EMPORE PASCHALI, Lectio prima de Scriptura corrente; secunda et tertia erunt quarta et sexta de suprapositis signatæ \*.

† Si tamen festum S. Francisci de Paula in Feriam secundam Rogationum aut in Vigiliam Ascensionis transferri contigerit, prima Lectio erit prima de suprapositis, scilicet Audite filii.

DIE III. APRILIS.  
SACRORUM STIGMATUM  
S. CATHARINÆ SENENSIS

VIRG. ORD. PRÆD.

DUPLEX.

AD I. VESPERAS.

Super Psalmos Añã. Immortali laude Catharina Virgo Senensis est efferenda : quandoquidem suæ sanctitatis præstantia univérso géneri humano innóuit. T. P. Allelúia.

Capitulum. Sap. 8.

**H**ANC amávi, et exquisívi a juventúte mea, et quæsívi sponsam mihi eam assumere, et amátor factus sum formæ illius, dicit Dóminus omnípotens.

℣. Vitam Catharinæ innocentissimam miracula illa notissimam efficiunt, \* Quæ vivens atque vita functa liquido osténdit. T. P. Allelúia. ℟. Curávit aegrótos, vitam mórtuis restituit, et id genus multa fecit.— Quæ vivens. Glória. T. P. Allelúia. Extra T. P. Quæ vivens.

Hymnus.

**H**ÆC tuæ Virgo monuménta laudis,  
Quæ tuis læti Catharina sacris

Hoc quidem pacto modulámur omnes,  
Perfer Olympo.

Si satis digne néqueant referri,

Annuas nobis véniam, precámur :

Non sumus tanti ingénii, fatémur,

Optima Virgo.

QUIS fuit dignas modulátus unquam

Virginis laudes? Quis in orbe toto

Féminæ invictæ peritúra nunquam

Cármina pandet?

PRÆDITA exémpis Catharina claris,

Móribus præstans, sápiens abúnde,

Témpérons, fortis, pia, justa, prudens,

Æthera scandis.

QUEM latet virtus facinúscue clarum,

Quo nequit dici sánctius per orbem?

Vúlnerum formam miseráta Christi

Exprimis ipsa.

NAM brevis, mæstæ miseræque vitæ

Et malis cunctis pénitus refértæ

Fórtiter spernens pretiósã quæque

Sídera adisti.

GRATIAS summas habeamus omnes

Filio magni Genitóris almo : Spíritum sanctum venerémur,

et sit

Laus tamen una. Amen.

℟. Ora pro nobis beáta Catharina. T. P. Allelúia. ℣. Ut digni efficiámur promissionibus Christi. T. P. Allelúia.



Ad Magnificat Añã. Virginis Catharinæ hæc dies est dicata sacris, ut nunquam tantæ sanctitatis præstantia mortaliū memoriã excidere queat, et cunctis celeberrima perpétuo fiat. T. P. Allelúia. Oratio.

**D**EUS, qui beatæ Catharinæ, virginitatis et patientiæ speciali privilegio decoratæ, malignantium spirituum certamina vincere, et in amore tui nominis inconcussæ permanere tribuisti : concede, quæsumus, ut ejus imitatione, calcata mundi nequitia et omnium hostium superatis insidiis, ad tuam secure gloriã transeamus. Per.

#### AD MATUTINUM.

Invitatorium. Christum Regem regum supplices adoramus : \* Qui immortalí gloria Virginem Senensem dotavit Catharinam. T. P. Allelúia.

#### Hymnus.

**L**AUDIBUS Virgo nimis effrènda  
Jure censéris, quóniam triump-  
phos

Ipsa cælórum, probitate mira,  
Nacta refúlges.

PRÆMIUM sanctæ tamen  
ipsa vitæ

Et simul munus probitatis al-  
mæ

Accipis cælo, cumulata cunctis  
Dénique rebus.

Tu gravem sacris méritis  
refértum,

Orbis exéplar, pietate ple-  
num

Prædicatórum venerata Pa-  
trem,

Ordine fulges.

NULLA jam rerum plácuít  
volúptas,

Nullus ornátus, nitore ecce nullus  
Córporis, semper fúgiens iní-  
quæ

Cármina vitæ.

SÆPIUS corpus dómitans  
acérbe,

Quam pie flagris cruor hinc et  
inde

Flúxerat rivis, hominúmq-  
demum

Crímina flebas!

QUI per ingéntes variósque  
casus,

Orbe terrárum cruciántur om-  
nes,

Quotque vel curis agitántur  
ipsi

Undique diris.

SUPPETENT nobis tótidem  
canénda,

Si tuæ laudes repetántur om-  
nes :

Tu quidem longe pietate cun-  
ctis

Inclýta præstas.

GRATIAS summas habeamus  
omnes

Fílio magni Genitóris almo :  
Spíritum sanctum venerémur,  
et sit

Laus tamen una. Amen.

#### IN I. NOCTURNO.

Añã. Admirábilem Dei nostri  
cleméntiam contemplári máxi-  
ma Catharinæ constantia nos  
semperefficiet. Psalmi de Com-  
muni unius Virginis, pag. 88\*.  
et sequentibus.

Añã. Misericórdia summa  
erga egénos atque ægrótos  
summóperè affécta, ipsórum  
ærumnas deslère hæc Virgo  
solébat.

Añã. Christiános quidem tan-  
ta caritate prosequébatur, ut  
eórum amore incénsa diu no-  
ctúque flagraret.

¶ Diffusa est gratia in labiis tuis. ¶ Propterea benedixit te Deus in æternum.

De Canticis canticorum.

Lectio j. Cap. 7.

**Q**UAM pulchri sunt gressus tui in calceamentis, filia principis! Quam pulchra es, et quam decora carissima, in deliciis! Statūra tua assimilata est palmæ, et ūbera tua botris. Dixi: Ascendam in palmam, et apprehendam fructus ejus: et erunt ūbera tua sicut botri vineæ: et odor oris tui sicut vinum malorum. Guttur tuum sicut vinum optimum, dignum dilecto meo ad potandum, labiisque et dentibus illius ad ruminandum. Ego dilecto meo, et ad me conversio ejus. Veni dilecte mi, egrediamur in agrum, commoremur in villis. Mane surgamus ad vineas, videamus si floruit vinea, si flores fructus parturiunt, si floruerunt mala púnica: ibi dabo tibi ūbera mea. Mandragoræ dedérunt odorem. In portis nostris omnia poma: nova et vètera, dilecte mi, servavi tibi.

¶ j. Catharina Virgo Jesu Christo virginitatem perpetuam dicavit: \* Cujus sponsa sanctissima illico effecta est. ¶ Mariam autem Virginem adhuc puella exoravit ut Filii sui ancilla fieret. — Cujus sponsa sanctissima.

De Epistola beati Pauli  
Apóstoli ad Romanos.

Lectio ij. Cap. 8.

**D**ILIGENTIBUS Deum omnia cooperantur in bonum, iis, qui secundum propositum vocati sunt sancti. Nam quos præcivit, et prædestinavit conformes fieri imaginis Filii

sui, ut sit ipse primogenitus in multis fratribus. Quos autem prædestinavit, hos et vocavit: et quos vocavit, hos et justificavit: quos autem justificavit, illos et glorificavit. Quid ergo dicemus ad hæc? Si Deus pro nobis, quis contra nos? Quis ergo nos separabit a caritate Christi? Tribulatio? an angustia? an fames? an nuditas? an periculum? an persecutio? an gladius? Sed in his omnibus superamus propter eum, qui dilexit nos. Certus sum enim quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a caritate Dei, quæ est in Christo Jesu Domino nostro.

¶ ij. Virtutis ac æternum probitatis munus Catharina sectata, ea quæ corpori mortali viderentur ornatum, \* Omnesque mundi fastus abegit. ¶ Christo namque Deo nostro se penitus dedit. — Omnesque mundi fastus abegit.

De Epistola beati Pauli  
Apóstoli ad Galatas.

Lectio iij. Cap. 6.

**M**ihi autem absit gloriari, nisi in Cruce Domini nostri Jesu Christi: per quem mihi mundus crucifixus est, et ego mundo. In Christo enim Jesu neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, et misericordia, et super Israel Dei. De cetero nemo mihi molestus sit: ego enim stigmata Domini

Jesu in corpore meo porto. Grátia Dómini nostri Jesu Christi, cum spiritu vestro, fratres, amen. Tu autem...

R. iij. Summis est enim Virgo Catharina efferenda laudibus : \* Quóniam sanctissimum vivendi modum virginibus ostendit. X. Immortalem quidem vitam cælo mérito adépta est. — Quóniam sanctissimum. Glória. Quóniam sanctissimum.

#### IN II. NOCTURNO.

Aña. Mirificam Virginis Catharinæ caritatem quis non admirétur, quæ nihil præter Christum amare potuit!

Aña. Vûnerum enim sui æterni Sponsi simulacra in corpore suo ferre méruit.

Aña. Perpétuæ laudi hæc præmia Virgini sanctæ procul dubio erunt : fiet siquidem posteritati nôtor.

X. Spécie tua et pulchritudine tua. R. Inténde, prospere procéde, et regna.

#### Lectio iv.

**C**ATHARINA Virgo Senénsis, post susceptum beati Dómini hábitum, quem Sorores de Pœniténtia gestare solent, divino amore succénsa, orationibus piisque meditationibus mentem suam júgiter nutriébat. Præsértim sacra Dominicæ Passiónis mystéria meditári consuérat : ac tanto spiritu erga illa ferebátur, ut in iisdem contemplandis per plures horas singulis diébus detinerétur. Communióne altaris, quæ illi ferme quotidiana fuit, toto cordis affectu suscepta, mox in æra extólli videbátur. Dum autem his divinis

contemplationibus pascébatur, plúribus grátiis donáta est : ac etiam sacris Stigmátibus insignita.

R. iv. Divinam hæc Virgo vitam semper dēgere visa est :

\* Et divinum dēnique consecuta est præmium. X. A corpore namque illécebris fôrtiter abhórruit. — Et divinum dēnique.

#### Lectio v.

**C**UM namque Pisis immoraretur, die Dóminico, resecta cibo cælesti et in éxtasim raptâ, vidit Dóminum crucifixum magno cum lumine advenientem, et ex ejus vûnerum cicatricibus quinque rádios ad quinque loca sui corpore descendentes. Ideoque mystérium advértens, Dóminum precata ne cicatrices apparerent : continuo rádii colorem sanguineum mutavérunt in splendendum, et in forma puræ lucis pervenérunt ad manus, pedes et cor ejus : ac tantus erat dolor, quem sensibilibus patiebatur, ut nisi eum Deus minuisset, brevi se créderet moritúram.

R. v. Felix ea Virgo est, quæ Jesu Christo Dómino pro viribus óbsequens, \* Múnera sibi præparat æterna. X. Spretis autem humanæ vitæ mortálibus rebus. — Múnera sibi præparat æterna.

#### Lectio vj.

**H**ANC itaque grátiam amatissimus Dóminus nova grátia cumulávit : ut sentiret dolorem, illápsa vi vûnerum, et cruenta signa non apparerent. Quod ita contigisse cum Dei Fámula confessário suo beato Raymúndo retulisset : ut oculis etiam repræsenteretur,



rádios in imaginibus beátæ Catharinæ ad dicta quinque loca pertingentes pia fidélium cura pictis colóribus expressit. Dein vero Benedictus Décimus tértius Póntifex Máximus Ordinis Prædicatórum, ut eorúmdem corda in Christi crucifixi amórem inflammaréntur, univérso Prædicatórum Ordini tantæ rei memóriam anniversária solemnitate celebráre concessit.

R. vj. Præcónia tuárum laudum, Catharina Virgo, tua pietáte minóra esse fatémur : \* Quóniam ómnium virtútum génere prædita, humánas laudes exsuperas. V. Divinis enim ubique laudibus celebránda vidéris. — Quóniam. Glória. Quóniam.

### IN III. NOCTURNO.

Añã. Nulla unquam delébit oblivio beneficia, quæ sunt erga hómines, Catharinæ.

Añã. Semper sancta hæc Virgo vixit : felix óbiit : beáta in cælo regnabit in ætérnum.

Añã. Ætérnum hæc Virgo assecúta est præmium : et cæléstium rerum vere párticeps effécta Christo frúitur.

V. Adjuvabit eam Deus vultu suo. R. Deus in médio ejus, non commovébitur.

Lectio sancti Evangélii  
secúndum Matthæum.

Lectio vij. Cap. 13.

**I**n illo témpore : Dixit Jesus turbis parábolam hanc : Símile est regnum cælórum grano sinápis, quod accipiens homo seminávit in agro suo. Et réliqua.

Homilia sancti Petri  
Chrysólogi.

(In cap. 13. Matth.)

**A**UDISTIS fratres quemádmódu regni cæléstis comparáta est magnitúdo. Quærens Christus in cælo et in terra, nihil invénit, nisi granum sinápis, in quo poténtiam totam supérnæ dominationis inclúdat : et illud regnum singularitáte potens, æternitáte felix, divinitáte fulgens, diffúsum toto cælo, tota terra dilatátum, in grani sinápis coárcet et cogit angústias. Spes ista est credéntium tota? Exspectátio ista est fidélium summa? Ista est felicitas virginum, longis continéntiæ laboribus comparáta? Fratres, non fáci le Domínicus moveámur in dictis. Nam si infirmum Dei fórtius est homínibus, hoc mínimum Dei tota magnitúdine mundi magnificéntius invenítur : si modo hoc granum sinápis nos sic nostris seminémus in méntibus, ut intelligéntiæ nobis magnam in árborem crescat.

R. vij. Nihil huic Virgini sátiús nihilque dígnius in rerum natúra visum est quam Jesu Christi præcépta \* Et vitam ætérnam ómnibus persuadére. V. Dedit enim semper óperam revocáre pérditos. — Et vitam ætérnam ómnibus persuadére.

Lectio vijj.

**G**RANI ergo sinápis instar est regnum Dei : quod de supérnis affértur verbo, suscipitur auditu, fide scíritur, credulitáte radicátur, spe crescit, confessióne diffúnditur, virtúte ténditur et dilatátur in ramos,

ad quos vocat aves cæli, id est spirituales sensus, atque in ipsis eas quieta suscipit mansionem. Veniat hæreticus : veniat, quia redeuntibus Ecclesiæ semper patescit ingressus. Veniat, audiat, et pietati Dominicæ jam desinat oblatrare. Si cælestis regni majestas omnis ad grani sinapis similitudinem venit : quid queritur quod Deus ad hominem, Dominus servi descendit ad formam? Sic enim venit, ut tibi totum per fidem cresceret, cui jam totum defecerat per naturam.

℞. viij. Sapiëntia atque doctrina hæc Virgo referta, cōdices nonnullos cōdidit ediditque : \* Ut veram vivendi rationem omnibus ostenderet. ℞. His illa humanas fragilesque res spernere suadet. — Ut veram vivendi rationem.

#### Lectio ix.

**S**ED attendite quia Christus est regnum cælorum, qui velut granum sinapis in hortum virginiei corporis missus, orbe toto crucis in arborem crevit : ac tantum dedit fructus sui saporem, cum teritur Passione, ut quidquid est vitale suo saporaret et condiret attactu. Nam sicut in integritate grani sinapis virtus habetur occulta; apparet vero virtus ejus vehementissime, si teratur : ita Christus corpore teri voluit, qui suam noluit latere virtutem. Et nos, fratres, teramus istud granum sinapis, ut ejus vim in hac similitudine sentiamus. Teramus granum illud, ut ora nostra ferventia vivido fructu sui saporis succendat : et ita ignis ejus toto

nobis ardeat et flammetur in pectore, atque nostræ ignorantiae totum nobis auferat sua degustatione fastidium.

℞. ix. Vitam Catharinæ innocentissimam miracula illa notissimam efficiunt, \* Quæ vivens, atque vita functa liquido ostendit. ℞. Curavit ægrotos, vitam mortuis restituit, et id genus multa fecit. — Quæ vivens. Glória. Quæ vivens.

Ante Laudes ℞. Ora pro nobis beata Catharina. T. P. Allelúia. ℞. Ut digni efficiamur promissionibus Christi. T. P. Allelúia.

#### AD LAUDES

ET PER HORAS ANTIPHONÆ.

1. Omnipotenti Virgo Catharina Dei Filio solum obsequi atque servire constituit. T. P. Allelúia. Psalmus Dominus regnavit. cum ceteris, pag. 17.

2. Exultabunda cæli múnere contemplabatur, quæ cunctis rebus máxime præposuit. T. P. Allelúia.

3. Divinis namque oblectata rebus, diu noctúque orationibus atque vigiliis operam dabat. T. P. Allelúia.

4. Rerum omnium Conditóri Catharina benedicébat, qui beatitudinis sémitam mortalibus ostendit. T. P. Allelúia.

5. Laudavit Catharina semper Dóminum, et ab eo in excelsis exaltata est. T. P. Allelúia.

Capitulum. Sap. 8.

**H**ANC amavi, et exquisivi a juventute mea, et quæsi vi sponsam mihi eam assumere, et amator factus sum formæ illius, dicit Dóminus omnipotens.

## Hymnus.

**J**AM ferox miles tibi sæpe cessit,  
Et duces iras posuere sævas:  
Hi necem diram populo minati  
Sæpe Senénsi.

**Q**UID! quod et sacris studiis  
frequenter

Viribus summis operam dedisti,  
Litteræ doctæ lepidæque claris  
Urbibus exstant.

**N**ITERIS verbis revocare lapsos,

Niteris rectum suadere cunctis:  
Sic ais: Tantum probitas beatos  
Efficit omnes.

**J**URA tu sævæ tremebunda  
mortis

Fórtiter temnens, nihil extimescens,

Praemium nostræ vocitare vitæ  
Sæpe solébas.

**U**NDE cum tempus properaret ipsum,

Quo sacros artus cineresque busto

Linques, cælos aditura, flentes

Ipsa docébas.

**S**IC sacrum Christi venerata  
Corpus,

Hóstiam libans, lácrimis obórtis,

Dixeras cunctis documenta  
vitæ

Voce supréma.

**G**RATIAS summas habeamus  
omnes

Filio magni Genitóris almo:  
Spíritum sanctum venerémur,  
et sit

Laus tamen una. Amen.

**V.** Adducéntur regi vírgines  
post eam. T. P. Allelúia.

**R.** Próximæ ejus afferéntur  
tibi. T. P. Allelúia.

Ad Benedictus Añã. Máxima  
est Catharinæ Virginis Senénsi  
præstantia, quæ incolumi-

tátem languéntibus et vitam  
mórtuis restituere pótuit. T. P.  
Allelúia.

Oratio.

**D**EUS, qui beátæ Catharinæ,  
virginitátis et patientiæ  
speciáli privilégio decorátæ,  
malignántium spírituum cer-  
támina vincere, et in amóre  
tui nóminis inconcússe per-  
manére tribuísti: concède,  
quæsumus, ut ejus imitatió-  
ne, calcáta mundi nequitia et  
ómnium hóstium superátis in-  
sidiis, ad tuam secüre glóriam  
transeámus. Per.

## AD TERTIAM.

Capitulum. Sap. 8.

**H**ANC amávi, et exquisivi a  
juventúte mea, et quæsi-  
vi sponsam mihi eam assumere,  
et amátor factus sum formæ  
illius dicit Dóminus omni-  
potens.

**¶** R̃. R̃. et Ṽ. Horarum de  
Communi unius Virginis, pag.  
96\*.

## AD SEXTAM.

Capitulum. Sap. 8.

**D**OMINUS ómnium diléxit  
illam: doctrix est enim  
disciplinæ Dei, et eléctrix ópe-  
rum illius.

## AD NONAM.

Capitulum. Eccli. 11.

**B**REVIS in volatilibus est apís,  
et initium dulcoris habet  
fructus illius.

## AD II. VESPERAS.

Super Psalmos Añã. Omni-  
pónti Virgo Catharina Dei  
Filio solum obsequi atque ser-  
vire constituit. T. P. Allelúia.  
Psalmus Dixit Dóminus, cum  
ceteris de Communi unius Vir-  
ginis, pag. 96\*.

Capitulum Hanc amávi. et  
Hymnus Hæc tuæ Virgo, ut  
in j. Vesperis, pag. 1044.



ſ. Ora pro nobis beāta Catharina. T. P. Allelúia. R. Ut digni efficiāmur promissiōibus Christi. T. P. Allelúia.

Ad Magnificat Añā. O Virgo máxima glória præstans, cujus sacra stāta orbis univērsus hodierna die cèlebrat, quam angeli cum laudibus efferunt, ac ceteri supérni cives admirantur : age apud Deum, quo mentes nostræ semper divinis præceptis obtēperent, nosque virtutibus aliisque bonis augeat. T. P. Allelúia.

**T**EMPORE PASCHALI, ad utrasque Vesperas, Matutinum, Laudes et Horas omnia fiant ut supra, addito suis locis Allelúia. In Nocturno autem dicantur tres Antiphonæ, tres Psalmi, Versiculus, tres Lectiones et tria Responsoria quæ hic notantur. Benedictiones dentur secundum ordinem Feriarum.

#### IN NOCTURNO.

Añā. Admirabilem Dei nostri clemētiā contemplāri, maxima Catharinæ constātia nos semper efficiet, allelúia. Psalmi ex j. Nocturno de Comuni unius Virginitis, pag. 88\*.

Añā. Misericórdia summa erga egēnos atque ægrōtos summopere affēcta, ipsorum æulmnas deflere hæc Virgo solēbat, allelúia.

Añā. Christiānos quidem tanta caritatē prosequēbatur, ut eorum amorē incēnsa diu noctūque flagrāret, allelúia.

ſ. Diffusa est grātia in labiis tuis, allelúia. R. Propterea benedixit te Deus in ætēnum, allelúia.

De Epistola beāti Pauli Apostoli ad Gálatas.

Lectio j. Cap. 6.

**M**ihi autem absit gloriāri, nisi in Cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu, neque circumcisio aliquid valet, neque præpútium, sed nova creatúra. Et quicumque hanc régulam secuti fuerint, pax super illos, et misericórdia, et super Israel Dei. De cetero nemo mihi moléstus sit : ego enim stigmata Dómini Jesu in corpore meo porto. Grátia Dómini nostri Jesu Christi cum spiritu vestro fratres, amen. Tu autem Dómine...

R. j. Nihil huic Virgini sātius nihilque dignius in rerum natura visum est quam Jesu Christi præcepta, \* Et vitam ætēnam omnibus persuadere, allelúia. ſ. Dedit enim semper óperam revocare pēditos. — Et vitam ætēnam omnibus persuadere, allelúia.

Lectio ij.

**C**ATHARINA Virgo Senēsis, post susceptum beāti Dominici hábitum, quem Soróres de Pœnitētia gestare solent, divino amorē succēnsa, orationibus piisque meditationibus mentem suam jūgiter nutriēbat. Præsertim sacra Dominicæ Passiōis mystéria meditāri consueverat : ac tanto spiritu erga illa ferebatur, ut in iisdem contemplandis per plures horas singulis diēbus detineretur. Communiōne altāris, quæ illi ferme quotidiana fuit, toto cordis affectu suscepta, mox in æera extólli videbatur.

Dum autem his divinis contemplationibus pascébatur, pluribus grátiis donáta est : ac étiam sacris Stigmátibus insignita. Cum namque Pisis immoraretúr, die Domínico, refécta cibo cælésti et in éxtasim rapta, vidit Dóminum crucifixum magno cum lúmine advenientem, et ex ejus vúlnerum cicatricibus quinque rádios ad quinque loca sui córporis descendentes.

R. ij. Sapientia atque doctrina hæc Virgo reférta, códices nonnullos condidit ediditque : \* Ut veram vivéndi ratiónem ómnibus osténderet, allelúia. V. His illa humánas fragilésque res spérnere suádet. — Ut veram vivéndi ratiónem ómnibus osténderet, allelúia.

Lectio iij.

**I**DEOQUE mystérium advértens, Dóminum precáta ne cicatrices apparérent : continuo rádii colórem sanguineum mutavérunt in spléndidum, et in forma puræ lucis pervenérunt ad manus, pedes et cor ejus : ac tantus erat dolor, quem sensibíliter patiebátur, ut nisi eum Deus minuísset, brevi se créderet moritúram. Hanc itaque grátiam amantissimus Dóminus nova grátia cumulávit : ut sentíret dolórem, illápsa vi vúlnerum, et cruénta signa non apparérent. Quod ita contigisse, cum Dei Fámula confessário suo beáto Raymúndo retulísset : ut óculis étiam repræsentarétur, rádios in imaginibus beatæ Catharinæ ad dicta quinque loca pertingéntes pia fidélium cura pictis colóribus expréssit. Dein vero Benedictus Décimus tértius

Póntifex Máximus Ordinis Prædicatórum, ut eorúmdem corda in Christi crucifixi amoré inflammarentúr, univérso Prædicatórum Ordini tantæ rei memóriam anniversáriasollemnitate celebráre concessit.

R. iij. Vitam Catharinæ innocentissimam miracula illa notissimam efficiunt : \* Quæ vivens, atque vita functa, líquido osténdit, Allelúia. V. Curávit ægrótos, vitam mórtuis restituit, et id genus multa fecit. — Quæ vivens atque vita functa líquido osténdit, Allelúia. Glória. Allelúia.

DIE IV. APRILIS.

S. AMBROSII

EPISC. CONF. ET ECCL. DOCT.  
TOTUM DUPLEX. Oratio.

**D**EUS, qui pópulo tuo æternæ salútis beátum Ambrosium místrum tribuísti : præsta, quæsumus, ut quem doctórem vitæ habuimus in terris, intercessórem habére mercámur in cælis. Per.

IN I. NOCTURNO.

De libro Sapientiæ.

Lectio j. \* Cap. 7. et cap. 8.

**N**EMINEM enim diligit Deus, nisi eum, qui cum sapientia inhábitat. Est enim hæc speciósior sole, et super omnem dispositiõem stellárum, luci comparáta invenitur prior. Illi enim succédit nox, sapientiam autem non vincit mállitia. Attingit ergo a fine usque ad finem fórtiter, et dispónit ómnia suávitèr. Hanc amávi, et exquisivi a juventúte mea, et quæsívi sponsam mihi eam assumere, et amátor factus sum formæ illius.

## Lectio ij.

**G**ENEROSITATEM illius glori-  
ficat, contubérnium ha-  
bens Dei : sed et ómnium Dó-  
minus diléxit illam : doctrix  
enim est disciplinæ Dei, et  
eléctrix óperum illius. Et si di-  
vitiæ appetúntur in vita, quid  
sapientiæ locuplétius, quæ ope-  
rátur ómnia? Si autem sensus  
operátur : quis horum, quæ  
sunt, magis quam illa est arti-  
fex? Et si justitiam quis dili-  
git : labóres hujus magnas  
habent virtútes : sobrietátem  
enim, et prudentiam docet, et  
justitiam, et virtútem, quibus  
utilius nihil est in vita homini-  
bus.

## Lectio iij.

**E**T si multitudinem sciéntiæ  
desiderat quis, scit præter-  
ita, et de futúris æstimat : scit  
versútias sermónum, et disso-  
lutiónes argumentórum : signa  
et monstra scit ántequam fiant,  
et evéntus témporum et sæcu-  
lórum. Propósiui ergo hanc ad-  
ducere mihi ad convívendum :  
sciens quóniam mecum com-  
municábit de bonis, et erit allo-  
cútió cogitatiónis et tædii mei.  
Habébo, propter hanc, clari-  
tátem ad turbas, et honórem  
apud senióres júvenis : et acú-  
tus invéniam in iudicio, et in  
conspéctu poténtium admirá-  
bilis ero, et fácies príncipum  
mirabúntur me.

## IN II. NOCTURNO.

## Lectio iv.\*

(Ex Paulino amanuensi S. Am-  
bros. et aliis antiq. Patr.)

**F**ACTUS Episcopus Ambró-  
sius, fidem et disciplinam  
ecclesiásticam acérime de-  
féndit : multósque Ariános et

álíos hæréticos ad fidei veritá-  
tem convértit, in quibus cla-  
ríssimum Ecclesiæ lumen san-  
ctum Augustinum Jesu Chri-  
sto péperit. Gratiáno impera-  
tore occiso, ad Máximum ejus  
interfectórem legátus iterum  
proféctus est : eúmque pœni-  
téntiam ágere recusántem a  
communiónis consórtio segre-  
gávit. Ambrósii illa præclára  
vox fuit de Máximo sibi mini-  
tánte dicéntis : Felicius Epí-  
scopos persequántur impera-  
tóres quam diligant.

## Lectio v.

**T**HEODOSIUM imperatórem,  
propter cædem Thessalo-  
nicæ factam, ingressu eccle-  
siæ prohibuit. Cui cum ille Da-  
vid quoque regem adúlterum  
et homicidam fuisse dixisset,  
respóndit Ambrósius : Qui se-  
cútus es errántem, séquere  
peniténtem. Quare Theodó-  
sius sibi ab eo impósitam pœ-  
niténtiam humiliter egit, ac  
de Ambrósio dignum illud pró-  
tulit elógium : Ægre tandem  
didici quid inter imperatórem  
intérsit et Episcopum : ægre  
tandem réperi veritátis magi-  
strum : nam solum Ambrósium  
novi Episcopum dignum eo  
nómine. Cum sacerdotáli con-  
stántia illicitis Valentiniáni  
imperatóris conátibus obstá-  
ret, Callígonus præpósitus cu-  
biculi minátus est : Caput tibi  
tollo. Respóndit : Deus per-  
mittat tibi ut impleas quod  
mináris : ego enim pátiar quod  
Episcopi. Múnia ómnia eccle-  
siástica sic strénue obibat, ut  
circa baptizándos ipse solus  
impléret quod post ejus óbi-  
tum vix quinque Episcopi per-  
ficere potuerunt.



## Lectio vj. \*

**Q**UOVIS die Dominico pro concione pópulum docébat : quod aliquándó faciénti Angelus ad aurem loqui visus est. Erat multæ abstinéntiæ, et vigiliárum multárum ac laborum : quotidie jejúnió mácerans corpus, nisi diébus Dominicis et Sábbato, vel cum natalítia celeberrimórum Mátyrum ageréntur. Quotiescúmque illi áliquis ob percipiéndam pœniténtiam lapsus suos conféssus esset, ita flebat, ut et illum flere compélleret. Quadam nocte, vigilánti Paulus Apóstolus clare sese osténdit. Ergo sanctus Episcopus pro Ecclesiá Dei máximis laboribus curisque perfúctus, multis libris egrégie conscriptis, plúribus in vita et post mortem claris miraculis, sumpto Dómini Córpo, conformátis in crucis similitúdinem máni-bus, orans ánimam Deo réddidit, pridie Nonas Aprilis, anno post Christum natum trecen-tésimo nonagésimo séptimo : quem eúntem in cælum plúrimi infántes e sacro fonte redeúntes vidérunt.

## IN III. NOCTURNO.

Homilia in Evangelium Vos estis sal terræ, de Communi unius Doctoris, pag. 80\*.

**T**EMPORÉ PASCHALI, tres Lectiones de suprapositis, scilicet prima, quarta et sexta signatæ \*.

**S**i festum S. Vincentii Ferrerii Sante Dominicam in Ramis palmarum celebrandum fuerit, omnia fiant ut hic pro Tempore Quadragesimæ sunt notata.

† Si vero Tempore Paschali celebrandum fuerit, de ipso fiat Officium ut pag. 1069. signatum est.

## DIE V. APRILIS.

## S. VINCENTII FERRERII

CONF. ORD. PRÆD.

TEMPORÉ QUADRAGESIMÆ.

TOTUM DUPLEX.

## AD I. VESPERAS.

Super Psalmos Añã. Diem novæ laudis et glóriæ lætum ducat cœtus fidélium : quo sublimè decus Hespériæ, gratulánte turba cælestium, a Principe supérnæ cúriæ binæ sumpsit corónæ præmium. Psalmus Laudáte pueri. cum ceteris, pag. 145.

Capitulum.

Ephes. 3.

**M**INI ómnium sanctórum mínimo data est grátia hæc : in Géntibus evangelizáre investigábiles divitias Christi, et illumináre omnes, quæ sit dispensátio sacraménti absconditi a sæculis in Deo.

¶ Quátuor vecta rotis ágitur mirábilis quadríga Dómini : Vincéntius cum Christo júngitur trino Prædicatórum cardini, \* Quorum virtúte fides régitur : Divino sit pia laus nómini. ¶ Ducunt hi rhedam Evangélii, velut equi fortes et várii. — Quorum virtúte. Glória, Divino sit pia laus nómini.

Hymnus:

**M**ENTE jucúnda júbilent fidéles,  
Vócibus hymnos résonent canéntes :

Nam datus mundo novus est precátor

Ante Tonántem.

ALME Vincénti, veneránda  
cujus

Hæc dies totum cólitur per  
orbem,

Quas tibi cantat chorus hic  
fidélis,

Accipe laudes.

RITE mox annis téneris per-  
áctis,

Prædicatórum sitiens adísti  
Ordinem, servans documénta  
Patrum

Mente pudíca.

TACTUS e cælis óperam de-  
dísti

Litteris sacris utriúsque Legis :  
Quas docens verbo, fidei re-  
plésti

Lúmíne mundum.

INDE fervénter cito jam pro-  
pínquum

Sæculi finem fore nuntiásti,  
Ut Deum gentes timeant pa-  
ténter

Vociferándo.

ANGELUS alter pénitus fuísti  
Ille, qui cæli médium volábat,  
Núntians cunctis pópulis et

linguis

Júdicis horam.

LINGUA quæ sancta pópulos  
docébas

Rebus et signis váriis probábas,  
Lánguidis reddens Cruce sani-  
tátis

Róbora membris.

INTER eléctos modo collo-  
cáris,

Semper in cælis mérito triúm-  
phans,

Fúlgidis sertis redimítus omni  
Tempore sæcli.

SUMMA sit Christo salus, et  
perénnis

Glória Patri paritérque sancto  
Flámini, quorum sine fine vir-  
tus

Regnat in orbe. Amen.

✠. Ora pro nobis beáte Vin-  
cénti. R̃. Ut digni efficiámur  
promissionibus Christi.

Ad Magnificat Añã. Qui pro-  
phético fretus lúmíne mira de  
mundi fine dócuit, in occiduo  
terræ cárdine ut sol Vincéntius  
occúbuit : et septus angelórum  
ágríne lúcidas cæli sedes té-  
nuit.

Oratio.

**D**EUS, qui géntium multítú-  
dinem mira beáti Vincén-  
tii Confessóris tui prædicatióne  
ad agnitiónem tui nóminis ve-  
nire tribuísti : præsta, quæsu-  
mus, ut quem ventúrum Júdi-  
cem nuntiávit in terris, præ-  
miatórem habére mereámur in  
cælis : Dóminum nostrum Je-  
sum Christum Fílium tuum,  
qui tecum vivit...

† Quando hæc Oratio dicitur  
ad Memoriam et eam sequitur  
alia Memoria, sic concludatur :  
præmiatórem habére mereá-  
mur in cælis : Christum Dómi-  
num nostrum. R̃. Amen.

#### AD MATUTINUM.

Invitatorium. Venerémur  
Christi vultum : \* Quem Vin-  
céntius prædicávit Júdicem  
esse ventúrum.

Hymnus.

**L**UMEN in terris pópuli fidé-  
lis,  
Civis et cæli modo factus alti,  
Acta Vincénti tua concinén-  
tes

Dírige voces.

FLORE primævo nítidæ ju-  
véntæ,

Eligens puræ documénta vi-  
tæ,

Ordinis magnum ímitans Pa-  
réntem

Prædicatórum :

LUCE doctrinæ rutilans serenæ,  
Ambitum terræ pelagique lustrans,  
Semper ardentem resonando sacrum

Pectore verbum :

DUM viam cunctis reseras salutis,  
Orbis occasum canis et propinquum,  
Jure te clarum genus omne reddit  
Prodigiörum.

HINC, velut solis radius cadentis,  
Conditus terra Britonum remota,  
Pulchrior regnis oriens super-nis,  
Æthera scandis.

ANGELIS septus, decoratus astris,  
Doctor et Virgo, geminis coronis

Inter illustres animas refulges,  
Munere Christi.

SIT Patri, Nato, pariter coævo  
Flamini sancto salus una, cujus  
Nomen in cælis sine fine laudat  
Spiritus omnis. Amen.

#### IN I. NOCTURNO.

Äna. Attentam matrem reddidit latrans in ventre cätulus, ut quæreretur, quem edidit, qualis esset infántulus. Psalmi de Communi unius Confessoris, pag. 68\*. et sequentibus.

Äna. Vincéntii sublimitas quæ sit futüro tempore matris monstrat agilitas, robúrque datum corpori.

Äna. Religiónem inclytam postquam subit Dominici, virtutem sibi præstitam laude monstrat multiplici.

Æ. Amávit eum Dóminus et ornávit eum. R. Stolum glóriæ induit eum.

De Epístola secúnda beáti Pauli Apóstoli ad Corinthios.

Lectio j.

Cap. 5.

SCIMUS enim quóniam si terrestris domus nostra hujus habitatiónis dissolvátur, quod ædificatióne ex Deo habemus, domum non manufactam, ætérnam in cælis. Nam et in hoc ingemiscimus, habitatióne nostram, quæ de cælo est, superindui cupientes : si tamen vestiti, non nudi inveniamur. Nam et qui sumus in hoc tabernáculo, ingemiscimus gravati : eo quod nolumus exspoliári, sed supervestiri, ut absorbeatúr quod mortále est, a vita.

R. j. Summus parens ac rector gentium, in vespere labentis sæculi, novum vatem misit Vincéntium, christiáni magistrum pópuli: refert instáre Dei judicium, \* Quod spectábunt cunctórum óculi. Æ. Timéte Deum, clamat sæpius : venit hora judicii ejus. — Quod spectábunt cunctórum óculi.

Lectio ij.

AUDENTES igitur semper, sciéntes quóniam dum sumus in corpore, peregrinámur a Dómino : (per fidem enim ambulámus, et non per spéciem) audémus autem, et bonam voluntátem habémus magis peregrinári a corpore, et præséntes esse ad Dóminum. Et ideo conténdimus sive abséntes, sive præséntes placére illi. Omnes enim nos manifestári oportet ante tribúnal Christi, ut référat unusquisque pró-



pria corporis, prout gessit, sive bonum, sive malum.

R. ij. In urbe nobili Valentiae generosis ortus natalibus, sinceræ puer innocentiae, ingenuis præpollent moribus : naturæ pariter et gratiae, \* Opimis affluens muneribus. V. Sub toga regulari candida, vita coepit florere splendida. — Opimis affluens muneribus.

#### Lectio iij.

SCIENTES ergo timorem Domini hominibus suademus, Deo autem manifesti sumus. Spero autem et in conscientiis vestris manifestos nos esse. Non iterum commendamus nos vobis, sed occasionem damus vobis gloriandi pro nobis : ut habeatis ad eos, qui in facie gloriantur, et non in corde. Sive enim mente excédimus, Deo : sive sobrii sumus, vobis. Caritas enim Christi urget nos.

R. iij. Christi viam secutus arduam, a terrénis procul illécebris, veritatem reddit conspicuam, profligatis errorum tenebris : \* Oram illúminat occiduam, toto factus In orbe célebris. V. Cujus doctrína sole grátior, sermo erat flammis ardéntior. — Oram illúminat. Glória. In orbe célebris.

#### IN II. NOCTURNO.

Añã. Imitans exercitia Ducis sui mirifici, purgávit mundi vitia, dono verbi salvifici.

Añã. Bellávit cum victória, vincens mundána gáudia : hinc summa cæli cúria eum cepit cum glória.

Añã. Emittébat ubérrimas sæpe plorándo lácrimas, Christi mortem considerans, ejúsque Corpus consécrans.

V. Justum dedúxit Dóminus

per vias rectas. R. Et osténdit illi regnum Dei.

(Ex Bulla Canonizationis, et probatis Auctoribus.)

#### Lectio iv.

VINCENTIUS, honesta stirpe Valentiae in Hispania natus, ab ineunte ætate cor gessit senile. Qui dum caliginosi hujus sæculi labilem cursum pro ingenii sui módulo consideraret, Religionis habitum in Ordine Prædicatorum décimo octavo ætatis suæ anno suscepit : et emissa solénni professione, sacris litteris sèdulo incumbens, theologiæ láuream summa cum laude consecutus est. Mox, obténta a Superiõribus licéntia, verbum Dei prædicare, Judæorum perfidiam arguere, Saracenorum errores confutare tanta virtute et efficiacia coepit, ut ingentem ipsorum infidelium multitudinem ad Christi fidem perdúxerit, et multa Christianorum millia a peccatis ad pœnitentiam, a vitiis ad virtutem revocárit. Eléctus enim a Deo, ut mónita salutis in omnes gentes, tribus et linguis diffunderet, et extrémi tremendique judicii diem appropinquare ostenderet, omnium auditorum ánimos, terrore concussos atque a terrénis affectibus avulsos, ad Dei amorem excitábat.

R. iv. Nocte sacris incumbens litteris, contemplatur vigil in stúdio : mane pulchri ad instar sideris, miro lucet doctrinæ rádio : \* Morbos omnis vespere generis salutari pellens remedio. V. Nulla præterit hora temporis, quo non recti quid agat operis. — Morbos omnis vespere generis.

## Lectio v.

**I**N hoc autem apostólico mūnere hic vitæ ejus tenor perptuus fuit : Quotidie Missam summo mane cum cantu celebravit, quotidie ad pópulum conciónem hábuit, inviolabile semper jejúnium, nisi urgens adéssset necessitas, servavit. Sancta et recta consilia nulli denegavit. Carnes nunquam comédit, nec vestem lineam induit. Populórum júrgia sedavit, dissidentia regna pace composuit, et cum vestis inconsútis Ecclésiæ diro schismate scinderétur, ut unirétur et unita servarétur plúrimum laboravit. Virtútibus ómnibus cláruit, súosque detractóres et persecutóres, in simplicitate et humilitate ámbulans, cum mansuetudine recépit et amplexus est.

R. v. Verba perénis vitæ próferens, ánimos inflámmat astántium : pectóribus humánis inserens amórem donórum cæléstium, de virtútibus alta disserens, \* Frenáre docet omne vítium. V. Illum ávida turba séquitur, dum hæc ore divíno loquitur. — Frenáre docet omne vítium.

## Lectio vj.

**P**ER ipsum divína Virtus, in confirmatióne vitæ et prædicatiónis ejus, multa signa et miracula fecit. Nam frequentissime super ægros manus impósuit, et sanitátem adépti sunt. Spiritus immúndos e corpóribus expulit. Surdis auditum, mutis loquélam, cæcis visum restituit; leprósos mundávit, mórtuos suscitávit.

Sénio tandem et morbo confectus infatigábilis Evangélii Præco, plúrimis Európe provinciis cum ingénti animárum fructu peragrátis, Venetiæ in Británnia minóri prædicatiónis et vitæ cursum feliciter consummávit, anno Salútis milésimo quadringentésimo décimo nono. Quem Callistus Tértius Sanctórum número adscripsit.

R. vj. Quátuor vecta rotis ágitur mirábilis quadriga Dómini : Vincéntius cum Christo júngitur trino Prædicatórum cárdini, \* Quorum virtúte fides régitur : Divíno sit pia laus nómini. V. Ducunt hi rhedam Evangélii, velut equi fortes et várii. — Quorum virtúte. Glória. Divíno sit pia laus nómini.

## IN III. NOCTURNO.

Aña. Laude digna Valéntia ipsum mortálem édedit : sed felix hunc Británnia regno cælórum réddidit.

Aña. Honóres omnes rénuít pro Christi sacro nómine : mentem constantem tenuit, sacro rigátus flúmine.

Aña. In Christum semper rétulit quidquid fecit dum viveret : se a terrénis ábstulit, ut cælum tandem scänderet.

V. Justus ut palma florébit in domo Dómini. R. Sicut cedrus Líbani multiplicábitur.

Lectio sancti Evangélii secundum Matthæum.

Lectio vij. Cap. 5.

**I**N illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Joannis  
Chrysostomi.

(Hom. 15. in Matth. sub med.)

**A**TTENDITE quid dixerit :  
Vos estis sal terræ. Per  
quod ostendit quam necessario  
ista præcipiat. Non enim de  
vestra, inquit, tantummodo  
vita, sed de universo orbe vo-  
bis ratio reddenda est. Non ad  
duas quippe urbes, aut decem,  
aut viginti, neque ad unam  
gentem vos mitto, sicut mitte-  
bam Prophetas : sed ad om-  
nem terram prorsus ac mare,  
totumque mundum, et hunc  
variis criminibus oppressum.

¶ vij. Res igitur digna spec-  
taculo, ab ignotis quando vec-  
toribus allatos panes tradidit  
populo degenti secum in nemi-  
nibus : qui sæpe stupet hausto  
poculo, \* Non consumptis vini  
liquoribus. ¶ Tunc exsultant  
virorum millia, dum intuentur  
Viri magnalia. — Non con-  
sumptis vini liquoribus.

## Lectio viij.

**D**ICENDO enim, Vos estis  
sal terræ, ostendit univer-  
sam hominum infatuatam esse  
naturam, et peccatorum vi  
corruptam : et idcirco illas ab  
eis virtutes requirit, quæ má-  
xime ad multorum salutem  
procurandam necessariae sunt  
atque utiles. Nam qui mansue-  
tus est ac modestus, et misé-  
ricors et justus, non intra se  
tantummodo hæc recte facta  
concludit, verum in aliorum  
quoque utilitatem præclaros  
hos faciet effluere fontes. Igi-  
tur qui corde mundo est atque  
pacificus, et persecutióem  
pro veritate patitur, nihilomi-  
nus in commune commodum  
vitam instituit.

¶ vij. Vincéntium doctó-  
rem inclytum cum decóre  
semper et glória, sanctitaté  
illústri præditum, venerátur  
omnis Hespéria : cujus celsum  
monstrátur méritum\* In tú-  
muli sacra memória. ¶ Hinc  
mirífica signa pródeunt : nam  
ad vitam defúnci rédeunt. —  
In túmuli sacra memória.

## Lectio ix.

**N**E igitur putétis, inquit, ad  
lévia vos ducendos esse  
certamina, neque exiguarum  
rerum vobis ineundam esse  
rationem. Vos estis sal terræ.  
Quid igitur? Ipsine putrefacta  
medicati sunt? Nequaquam :  
neque enim fieri potest ut ea,  
quæ jam corrupta sunt, salis  
perfricatione reparentur. Non  
ergo hoc fecerunt, sed ante  
renovata, sibi que tradita, at-  
que ab illa jam putredine libe-  
rata aspergebant sale, et in ea  
novitate conservabant, quam  
a Domino susceperant. Libe-  
rare quippe a putredine pecca-  
torum, Christi virtutis est : ut  
autem ad illa iterum non re-  
vertantur, Apostolorum curæ  
est ac laboris.

¶ ix. Prædicator o Vincén-  
ti, doctor maxime, quem an-  
gelorum cum ordinibus trium-  
phantem felices animæ prose-  
quuntur jucundis laudibus,  
\* Te laureæ coronant pluri-  
mæ, Sublimem in regnis cæ-  
lestibus. ¶ Tu Christi potens  
gratia, nos tuis fove precibus :  
quem adscripsit Ecclesia sacris  
Sanctorum cœtibus. — Te lau-  
reæ. Glória. Sublimem in re-  
gnis cælestibus.

Ante Laudes ¶ Ora pro nobis  
beate Vincénti. ¶ Ut digni effi-  
ciamur promissionibus Christi.



## AD LAUDES

ET PER HORAS ANTIPHONÆ.

1. Festiva vox psallentium collaudet Regem gloriæ, qui cum Sanctis Vincentium glorificavit hodie. Psalmus Dominus regnavit. cum ceteris. pag. 17.

2. Erat Vir evangêlicus, Christi Præco cum prædicat : dux illius Dominicus in terris ipsum visitat.

3. Candens Virgo divinitus hostem pellit ab obsessis : cunctis vivens humanitus salutem reddit oppressis.

4. Infântulus laceratur mox matris per excidium : vitæ alter restauratur, quem clausit præcipitum.

5. Tunc sub patenti specie angelorum exercitus ad hoc portentum gratiæ convenit hora transitus.

Capitulum. Ephes. 3.

**M**HI omnium sanctorum minimo data est gratia hæc : in Gentibus evangelizare investigabiles divitias Christi, et illuminare omnes, quæ sit dispensatio sacramenti absconditi a sæculis in Deo.

Hymnus.

**M**AGNE Vincēti nova lux Olympi,  
Noctis obscuræ tenebras resolve,

Ut tuas puro modulémur omnes

Carmine laudes.

SIDUS extrêmæ Venetensis oræ,

Et Valentinae decus urbis almae,

Ordinis sacri nitor es et ævi

Glória nostri :

Cujus instructi monitis Hebræi,

Una cum Mauris, veteri relictæ

Lege, divinis renovantur undis,

Mente fideli.

SIGNA, quæ multis patuere terris,

Te probant amplis meritis refertum,

Ac viris celsis fore comparandum

Temporis acti.

DÆMONUM sævos reprimis furôres,

Pellis et morbos miseratus omnes :

Sæpe defunctos revocas in auras

Lucis amœnas.

INDE, post claræ monimenta vitæ,

Ad poli regnum Superumque cœtum

Lætus ascendis, cāpiens perennes

Victor honores.

SIT Patri, Nato, simul utriusque

Flāmini splendor, decus et potestas :

Cujus æternum chorus angelorum

Numen adorat. Amen.

¶ Justus germinabit sicut lilium. R. Et florēbit in æternum ante Dōminum.

Ad Benedictus Añæ. Cujus vitæ sincera puritas virginali candore nituit, salutaris doctrinæ veritas prædicando ubique clāruit, illi summa Bonitas gēminam pro meritis coronam tribuit. Oratio.

**D**EUS, qui gēntium multitudinem mira beati Vincēntii Confessōris tui prædicatione agnitionem tui nominis venire tribuisti : præsta, quæ-

sumus, ut quem venturum Iudicem nuntiavit in terris, præmiatorem habere mereamur in cælis : Dóminum nostrum Jesum Christum Filium tuum, qui tecum vivit...

¶ Quando hæc Oratio dicitur ad Memoriam et eam sequitur alia Memoria, sic concludatur: præmiatorem habere mereamur in cælis : Christum Dóminum nostrum. R. Amen.

## AD TERTIAM.

Capitulum Mihi ómnium Sanctorum mínimo., ut in Laudibus.

¶ K. R. et V. Horarum de Communi unius Confessoris, pag. 76\*.

## AD SEXTAM.

Capitulum. Apoc. 10.

**O**PORTET te iterum prophettare gentibus, et pópulis, et linguis, et régibus multis.

## AD NONAM.

Capitulum. Isa. 43.

**N**OLI timere, quia ego tecum sum : ab oriente adducam semen tuum, et ab occidenté congregabo te. Dicam aquiloni, Da : et austro, Noli prohibere : affer filios meos de longínquo, et filias meas ab extrémis terræ.

## AD II. VESPERAS.

Super Psalmos Aña. Festiva vox psalléntium collaudet Regem glóriæ, qui cum Sanctis Vincéntium glorificávit hódie. Psalmus Dixit Dóminus. cum ceteris de Communi unius Confessoris, pag. 76\*.

Capitulum Mihi ómnium sanctorum mínimo. et Hymnus Mente jucúnda. ut in j. Vespers, pag. 1054.

V. Ora pro nobis beáte Vincénti. R. Ut digni efficiámur promissionibus Christi.

Ad Magnificat Aña. Glorióse Pater o Vincénti, cui arcem scandénti polórum cum honóre óbvius ingénti plaudens venit chorus angelórum : canéntes te duc laude frequénti ad amœna regna Beatórum.

**T**EMPORE PASCHALI, in Festo S. Vincentii Ferrerii fiat Officium ut pag. 1069. notatum est.

## PER OCTAVAM

## S. VINCENTII FERRERII

## TEMPORE QUADRAGESIMÆ.

**S**i infra Octavam S. Vincentii, de Tempore Quadragesimæ, de Dominica aut de aliquo festo agatur Officium, fiat Memoria de Octava in Laudibus et Vesperis ut sequitur :

Ad Memoriam in Laudibus Aña. Pervigil Christi nuntius, vocans ad lucis ópera, ad fruenda Vincéntius nos ducat vitæ múnera.

V. de Communi unius Confessoris.

Oratio Deus, qui gentium. ut in Laudibus Festi, pag. 1060.

Ad Memoriam in Vesperis Aña. Adsit nobis propitius in hujus vitæ vespere ad Christum nos Vincéntius tuto ferens itinere.

V. Ora pro nobis beáte Vincénti. R. Ut digni efficiámur promissionibus Christi.

Oratio Deus, qui gentium. ut in Laudibus Festi.

¶ Quando tamen Dominica in Ramis Palmarum infra

Octavam S. Vincentii evenit, Memoria de ipsa Octava in Laudibus ac Vesperis Dominicæ et subsequentium Ferialium omittatur illo anno.

**S**i vero infra Octavam S. Vincentii, Tempore Quadragesimæ, de ipsa Octava agendum fuerit, dicatur Officium quotidianum B. Mariæ V., pag. 159\*. et sequentibus; de Octava autem omnia fiant ut hic respective notatum est :

#### AD MATUTINUM.

Invitorium. Venerémur Christi vultum. et Hymnus Lumen in terris. ut in Festo, pag. 1055.

#### IN NOCTURNO.

Super novem Psalmos de Communi unius Confessoris (pag. 68\*. et sequentibus) una tantum Antiphona, quæ pro prima vel secunda die respective suo loco posita fuerit.

Versiculus secundum ordinem Nocturnorum, scilicet :

† Feria secunda et Feria quinta. V. Amavit eum Dominus, et ornavit eum. R. Stulam gloriæ induit eum.

† Feria tertia et Feria sexta. V. Justum deduxit Dominus per vias rectas. R. Et ostendit illi regnum Dei.

† Feria quarta et Sabbato. V. Justus ut palma florébit in domo Domini. R. Sicut cedrus Libani multiplicabitur.

Lectio prima et Lectio secunda de Homilia Feriæ currentis; tertia vero proprio loco notata pro prima vel secunda die respective.

Responsoria tria ex sequentibus secundum Feriam, scilicet :

† Feria secunda et Feria quinta. R. j. Summus Parens ac Rector gentium in vespere labentis sæculi novum Vatem misit Vincéntium, Christiani magistrum pópuli : refert instare Dei judicium, \* Quod spectábunt cunctórum óculi. V. Timéte Deum, clamat sæpius : venit hora judicii ejus. — Quod spectábunt cunctórum óculi.

R. ij. In urbe nobili Valentia generosis ortus natalibus, sinceræ puer innocentia, ingenius præpólet moribus : naturæ pariter et gratia \* Opimis affluens munéribus. V. Sub toga regulari cándida, vita coepit florere splendida. — Opimis affluens munéribus.

R. iij. Christi viam secutus arduam, a terrénis procul illecebris, veritatem reddit conspicuam, profligatis errorum ténébris : \* Oram illuminat occiduam, toto factus In orbe célebris. V. Cujus doctrina sole grátior, sermo erat flammis ardentior. — Oram illuminat occiduam. Glória. In orbe célebris. Reincipiatur R. iij. Christi viam.

Non dicatur Te Deum.

† Feria tertia et Feria sexta. R. j. Nocte sacris incumbens litteris, contemplatur vigil in studio : mane pulchri ad instar sideris, miro lucet doctrinæ radio : \* Morbos omnis vespere generis salutari pellens remedio. V. Nulla præterit hora temporis, quo non recti quid agat operis. — Morbos omnis



vésperę géneris salutári pel-  
lens remédio.

R. ij. Verba perénis vitę  
próferens, ánimos inflámmat  
astántium : pectóribus humá-  
nis inserens amórem donórum  
cæléstium, de virtútibus alta  
disserens, \* Frenáre docet  
omne vitium. V. Illum ávida  
turba séquitur, dum hæc ore  
divino lóquitur. — Frenáre  
docet omne vitium.

R. iij. Quátuor vecta rotis  
ágitur mirábilis quadríga Dó-  
mini : Vincéntius cum Christo  
júngitur trino Prædicatórum  
cárdini, \* Quorum virtúte  
fides régitur : Divino sit pia  
laus nómini. V. Ducunt hi  
rhedam Evangélii, velut equi  
fortes et várii. — Quorum  
virtúte. Glória. Divino sit pia  
laus nómini. Reincipiatur  
R. iij. Quátuor vecta rotis.  
Non dicatur Te Deum.

† Feria quarta et Sabbato  
R. j. Res ágitur digna spectá-  
culo, ab ignótis quando vec-  
tóribus allátos panes trádidit  
pópulo degénti secum in ne-  
móribus : qui sæpe stupet hau-  
sto póculo, \* Non consúptis  
vini liquóribus. V. Tunc exsúl-  
tant virórum millia, dum in-  
tuéntur Viri magnália. — Non  
consúptis vini liquóribus.

R. ij. Vincéntium doctórem  
inclýtum cum decóre semper  
et glória, sanctitáte illústri  
præditum, venerátur omnis  
Hespéria : cujus celsum mon-  
strátur méritum \* In túmuli  
sacra memória. V. Hinc mirí-  
fica signa pródeunt : nam ad  
vitam defuncti rédeunt. — In  
túmuli sacra memória.

R. iij. Prædicátor o Vincénti,  
doctor máximè, quem ange-

lórum cum ordinibus trium-  
phántem felices ánimæ prose-  
quúntur jucúndis láudibus,  
\* Te láureæ coronant plúrimæ  
Sublimem in regnis cæléstí-  
bus. V. Tu Christi potens  
grátia nos tuis fove précibus :  
quem adscripsit Ecclesiá sacris  
Sanctórum cœtibus. — Te  
láureæ. Glória. Sublimem in  
regnis cæléstibus. Reincipiatur  
R. iij. Prædicátor o Vincénti.  
Non dicatur Te Deum.

Ante Laudes V. Ora pro nobis  
beáte Vincénti. R. Ut digni effi-  
ciámur promissionibus Christi.

#### AD LAUDES.

Super Psalmos sola Añã. Fe-  
stíva vox psalléntium colláu-  
det Regem glóriæ, qui cum  
Sanctis Vincéntium glorificá-  
vit hódie. Psalmus Dóminus  
regnávit. cum ceteris, pag. 17.

Capitulum Mihi ómnium san-  
ctórum mínimo, Hymnus Ma-  
gne Vincénti, V. Justus germi-  
nabit. ut in Festo, pag. 1060.

Ad Benedictus Añã. Pérvigil  
Christi núntius, vocans ad  
lucis ópera, ad fruéndã Vin-  
céntius nos ducat vitę mû-  
nera. Oratio.

**D**EUS, qui géntium multítu-  
dinem mira beáti Vincén-  
tii Confessóris tui prædicatióne  
ad agnitiónem tui nóminis  
venire tribuisti : præsta, quæ-  
sumus, ut quem ventúrum Jú-  
dicem nuntiávit in terris, præ-  
miatórem habére mereámur  
in cælis : Dóminum nostrum  
Jesum Christum Fílium tuum,  
qui tecum vivit...

#### AD PRETIOSA.

Legendum est de Constitutio-  
nibus.

## AD PRIMAM.

Añā. Festiva vox psalléntium colláudet Regem glóriæ, qui cum Sanctis Vincéntium gloriificávit hódie.

Capitulum Regi sæculórum., Preces et Oratio In hac hora. ut pag. 32.

AD TERTIAM,  
SEXTAM ET NONAM.

Omnia ut in Festo, pag. 1061.

## AD VESPERAS.

† Si sequatur in crastino Festum Duplex, omisso Officio quotidiano B. Mariæ V., sic dicantur Vesperæ diei :

Psalmus Dixit Dóminus. cum ceteris de Communi unius Confessoris, pag. 76\*, Antiphona super Psalmos et reliqua de Festo sequenti.

Ad Memoriam de Octava S. Vincentii Añā. Adsit nobis propitius in hujus vitæ vespere ad Christum nos Vincéntius tuto ferens itinere.

℣. Ora pro nobis beáte Vincénti. ℞. Ut digni efficiámur promissionibus Christi. Oratio.

**D**EUS, qui géntium multitudinem mira beáti Vincéntii Confessóris tui prædicatione ad agnitionem tui nóminis venire tribuisti : præsta, quæsumus, ut quem ventúrum Júdicem nuntiávit in terris præmiatórem habére mereámur in cælis Christum Dóminum nostrum. ℞. Amen.

† Hæc Oratio, si in Vesperis primo aut ultimo loco dicenda fuerit, sic concludatur : in cælis : Dóminum nostrum Jesum Christum Fílium tuum, qui tecum vivit...

† Si vero in crastino de Dominica agendum fuerit Officium, ante Vesperas diei dicantur Vesperæ B. Mariæ V., pag. 170\*. Ad Vesperas autem diei sic fiat Officium :

Super Psalmos Añā. Festiva vox psalléntium colláudet Regem glóriæ, qui cum Sanctis Vincéntium glorificávit hódie. Psalmus Dixit Dóminus. cum ceteris de Communi unius Confessoris, pag. 76\*.

Capitulum, Tu autem Dómine Sábaoth., Responsorium proprium (quod dicitur absque Glória Patri. et post resurrectionem reincipitur). Hymnus Vexílla Regis., ℣. Eripe me Dómine., Antiphona ad Magnificat et Oratio propriæ de Dominica.

Ad Memoriam de Octava S. Vincentii Añā. Adsit nobis, ℣. Ora pro nobis. et Oratio Deus, qui géntium multitudinem. ut supra.

† Quod si Vesperæ de Octava integræ esse debuerint, præmissis Vesperis B. Mariæ V. pag. 170\*, sic disponantur Vesperæ diei :

Super Psalmos Añā. Festiva vox psalléntium colláudet Regem glóriæ, qui cum Sanctis Vincéntium glorificávit hódie. Psalmus Dixit Dóminus. cum ceteris de Communi unius Confessoris, pag. 76\*.

Capitulum Mihi ómnium sanctorum mínimo., Hymnus Mente jucúnda. et ℣. Ora pro nobis. ut in primis Vesperis Festi, pag. 1054. et pag. 1055.

Ad Magnificat Añā. Adsit nobis propitius in hujus vitæ vespere ad Christum nos Vincéntius tuto ferens itinere.

Oratio Deus, qui géntium. ut supra.

### IN COMPLETORIO.

† Si Vesperæ integræ vel ab Antiphona de aliquo Festo fuerint, dicatur in Completorio ante Tempus Passionis R. In pace in idipsum. cum Glória Patri., Tempore vero Passionis R. In manus tuas Dómine. cum Glória Patri. Omitantur Preces et Completorium B. Mariæ Virginis.

† Si Vesperæ fuerint a Capitulo de Dominica, dicatur in Completorio R. In manus tuas, absque Glória Patri. Post Antiphonam ad Nunc dimittis Preces. Data Benedictione, recitetur Completorium de B. Maria V. pag. 173\*.

† Si autem Vesperæ de Octava integræ fuerint, dicatur in Completorio R. In manus tuas, cum Glória Patri. Post Antiphonam ad Nunc dimittis, Preces. Data Benedictione, recitetur Completorium de B. Maria V., pag. 173\*.

### PRIMA DIE

INFRA OCTAVAM S. VINCENTII  
TEMPORE QUADRAGESIMÆ.

### IN NOCTURNO.

Super Psalmos sola Aña. Atténtam matrem réddidit latrans in ventre cátilus, ut quæreret, quem édedit, qualis esset infántulus. Psalmus Beátus vir, qui non ábiit. cum octo ceteris de Comuni unius Confessoris, pag. 68\*, et sequentibus.

Versiculus secundum Feriam, ut pag. 1062.

Benedictio Evangélica léctio. cum ceteris duabus tertii Nocturni.

Lectio prima et Lectio secunda de Homilia Feriæ occurrentis; Lectio tertia Evangelico múnéri., ut infra.

Responsoria tria secundum Feriam, ut pag. 1062. aut pag. 1063.

(Ex Bulla Canonizationis et S. Antonini Chron. p. 3. tit. 23)

### Lectio iij.

**E**VANGELICO múnéri ab infántia præludere visus est beátus Vincéntius. Decénnis quippe, convocátis puérulis, in editiorem locum conscéndens, quæ a concionatóribus audierat, voce gestúque reddébat : eos subínde rogans num aptus concionátor ipsis futúrus viderétur. Divínium plane futúrorum omen ! Iis fuit natúræ et grátiae dótibus præditus, quæ virum apostólicum máxime déceant. Mens illi vívida, memória tenax, sonóra vox, extérior córporis forma compósita. Non ei pompáticus sermo, non tinnulis eloquéntiæ módulis aures demúlcens, sed mentes divína quadam energiá rápiens. Nihil conciónibus ejus humánæ sapiéntiæ admístum, nihil ex profánis et sæculáribus disciplinis petítum : sed sanctorum Patrum ac divínarum præsertim Scripturarum oráculis evangélicæ veritáti robur addébat. Iter ad habéndas conciónes agens, únicam secum Scriptúram sacram, quam totam pene ab adolescéntia memóriæ defíxerat, deférre solébat ; atque, ut inquíebat, unus ei liber ille bibliothécæ loco erat.

Cetera fiant ut pag. 1063. notatum est.



## SECUNDA DIE

INFRA OCTAVAM S. VINCENTII  
TEMPORE QUADRAGESIMÆ.

## IN NOCTURNO.

Super Psalmos sola Añā. Vincēntii sublimitas quæ sit futuro tēpore matris monstrat agilitas, robūque datum cōpori. Psalmus Beātus vir, qui non ābiit. cum octo ceteris de Communi unius Confessoris, pag. 68\*. et sequentibus.

Versiculus secundum Feriam ut pag. 1062.

Benedictio. Evangelica lēctio. cum ceteris duabus tertii Nocturni.

Lectio prima et Lectio secunda de Homilia Feriæ occurrentis; Lectio tertia Sacri Palatii., ut infra.

Responsoria tria secundum Feriam, pag. 1062. aut pag. 1063.

(Ex S. Antonino aliisque probatis Auctoribus.)

## Lectio iij.

**S**ACRI Palatii Apostolici Magister creatus beātus Vincēntius, et ad confessiōnes assumptus a Benedicto Décimo tērtio, cui, nondum matūre discūssis variōrum Pontificum iūribus, primum adhæserat, utrōque demum mūnere cessit. Delātas ab eōdem Episcopāles et Cardinalitias infulas, ut ipsum schismaticis pārtibus ārcetius devinciret, modēste recusāvit. Sacri concilii Constantiēsis sup̄rēmam in sedādo schismate auctoritatem venerātus est, ac pro sua virili promōvit. Benedictum Décimo tērtium, ut ei se subijce-

ret propriisque iūribus pro Ecclesiæ pace cēderet vehementer est adhortātus. Verum cum eum ad sana consilia advocāre non posset, infractæ pertinaciæ virum e sacro sugēstu apostolica libertate repressit, atque univēsum Aragóniæ regnum ab ejus obediētia distrāxit. Quos ei pro sedādo schismate gloriōsos labōres Constantiēnsis synodi Patres, missa legatiōne, gratulāti sunt.

Cetera ut pag. 1063. notatum est.

IN OCTAVA S. VINCENTII  
TEMPORE QUADRAGESIMÆ.  
SIMPLEX.

**S**i Octava dies S. Vincentii impedita fuerit, de ipsa fiat Memoria in utrisque Vesperis et Laudibus.

Ad Memoriam de Octava die S. Vincentii in j. Vesperis Añā. Qui prophético fretus lūmine mira de mundi fine dōcuit, in occīduo terræ cārdine ut sol Vincēntius occūbuit : et septus angelōrum āgmine lūcidas cæli sedes tēnuit.

¶ Ora pro nobis beāte Vincēnti. R. Ut digni efficiāmur promissiōnibus Christi.

## Oratio.

**D**EUS, qui gēntium multitudinem mira beāti Vincēntii Confessoris tui prædicatione ad agnitiōnem tui nōminis venire tribuisti : præsta, quæsumus, ut quem ventūrum Jūdiæ nuntiāvit in terris, præmiatōrem habere mereāmur in cælis : Dōminum nostrum Jesum Christum Filium tuum, qui tecum vivit...

¶ Hæc Oratio, quando eam sequitur aliqua Memoria, sic concludatur : præmiatorem habere mereamur in cælis : Christum Dóminum nostrum. R. Amen.

Ad Memoriam in Laudibus Aña. Cujus vitæ sincéra puritas virgináli candóre nituit, salutáris doctrinæ véritas prædicádo ubique cláruit, illi summa Bónitas géminam pro méritis coronam tribuit.

Versiculus de Comuni unius Confessoris.

Oratio Deus, qui géntium multitudinem. ut ad Memoriam in j. Vesperis, pag. 1066.

Ad Memoriam in ij. Vesperis Aña. Glorióse Pater o Vincenti, cui arcem scandénti polórum cum honóre óbvius ingénti plaudens venit chorus angelórum : canéntes te duc laude frequénti ad amœna regna Beatórum.

Y. Ora pro nobis. et Oratio Deus, qui géntium. ut ad Memoriam in j. Vesperis. pag. 1066.

**S**i vero in Octava die S. Vincentii, Tempore Quadragesimæ, de ipsa Octava die agendum fuerit, dicatur Officium quotidianum B. Mariæ V., pag. 159\*. et sequentibus; in Officio autem de Octava die fiant quæ hic notata non sunt ut in Festo, pag. 1054. et sequentibus, servato modo Octavæ diei Simplicis infra Quadragesimam; cetera ut hic signatum est :

#### IN I. NOCTURNO.

Lectiones et R. R. ut in Festo, pag. 1056. et pag. 1057.

#### IN II. NOCTURNO.

##### Lectio iv.

**S**PIRITU prophético illustrátus beátus Vincéntius, futúra multa, de extrémó præsértim Judicio, prædixit. Calisto Tértio, a quo Cælestes inter adscriptus est, Pontificátum diu ántea nuntiávit. Patris ac matris óbitum, qua hora ceciderunt, divina revelatióne cognóvit, longo licet locórum tractu ab eis dissitus esset. Secrétas córdium cogitatiónes detéxit. Plúrium, post tránsitum, animárum statum perspéctum hábuit, easque fuis ad Deum précibus e Purgatórii flammis liberávit. Insequéntem numerósam duórum millium hóminum multitudinem, post ministrátum evangélicum panem, cælésti miraculo temporáliter pavit, multiplicáta vini ac panis annóna. Ea vero inter concionándum virtúte pollébat, ut hostes fidei vel invíti secretióribus cordis mótibz ad audiéntiam traheréntur.

R. iv. Nocte sacris incumbens litteris, contempláture vigil in stúdio : mane pulchri ad instar síderis, miro lucet doctrinæ rádío : \* Morbos omnis vespere géneris salutári pellens remédio. Y. Nulla præterit hora témporis, quo non recti quid agat óperis. — Morbos omnis vespere géneris.

##### Lectio v.

**P**AUPERTATEM evangélicam ádeo cóluit, ut omni prorsus dimissa supelléctili, nihil ad usum per dura ac longa itinera deférret, vilissimisque dumtaxat véstibus uterétur.

Eum sæpius in oratione secreto pernoctantem plurimi observarunt, cælesti, ut creditur, lumine circumfusus, quo eum Deus ceteris manifestabat, qui sese tanto studio omnium oculis subducebat. Mirum quam frequens, quam multus ad eum undequaque confluentium hominum numerus, ad vitæ instituendæ et juxta evangelicam normam efformandæ consilia petenda : quibus ipse conferendis semper præsto fuit. Ejus præsertim salutariis monitis regebantur Castellæ et Aragónum reges, Britanniaë duces : nihilque magni momenti moliri solébant, nisi collatis cum ipso consiliis.

R. v. Verba perennis vitæ præferens, animos inflamat astantium : pectoribus humanis inserens amorem donorum cælestium, de virtutibus alta disserens, \* Frenare docet omne vitium. V. Illum avida turba sequitur, dum hæc ore divino loquitur. — Frenare docet omne vitium.

#### Lectio vj.

NON diu a sanctissimi Viri obitu, de solènni ipsius canonizatione actum est. Causam in primis urgere cœperunt Joannes ac Petrus Britanniaë duces, coram Summis Pontificibus Martino Quinto, Eugenio Quarto et Nicolao Quinto. Idem subinde rogârunt Joannes Castellæ, et Alphonsus Aragónum reges. Rem tandem Callistus Tertius, anno Pontificatus primo, exsecutus est, eumque sacris fastis adscripsit. At cum præmatúra morte ereptus diplôma pontificium non dedisset, hoc Pius Secundus

successor ejus ultro concessit. In quo istud observatione dignissimum occurrît : tot scilicet Virum Dei patrâsse miracula, ut Apostolicis litteris, ne modum excederent, recenseri non potuerint. Mòrtuos quadraginta, partim dum viveret partim postquam e vivis excessit, suscitasse perhibetur.

R. vj. Quatuor vecta rotis agitur mirabilis quadriga Domini : Vincéntius cum Christo jungitur trino Prædicatórum cårdini, \* Quorum virtûte fides regitur : Divino sit pia laus nómîni. V. Ducunt hi rhedam Evangelii, velut equi fortes et varii. — Quorum virtûte. Glória. Divino sit pia laus nómîni.

#### IN III. NOCTURNO.

Homilia Feriæ occurrentis.

R. vij. Res agitur digna spectaculo, ab ignotis quando vectóribus allatos panes tradidit pópulo degénti secum in nemóribus, qui sæpe stupet hausto póculo, \* Non consumptis vini liquóribus. V. Tunc exsultant virórum millia, dum intuentur Viri magnália. — Non consumptis vini liquóribus.

R. viij. Vincéntium doctórem inclytum cum decóre semper et glória, sanctitáte illustri præditum, venerátur omnis Hespéria : cujus celsum monstrátur méritum \* In túmuli sacra memória. V. Hinc mirífica signa pródeunt : nam ad vitam defuncti rédeunt. — In túmuli sacra memória.

R. ix. Prædicátor o Vincénti, doctor máxime, quem angelórum cum ordinibus triumphan-



tem felices animæ prosequuntur jucundis laudibus, \* Te lauræ corónant plúrimæ Sublimem in regnis cælestibus. *Ÿ.* Tu Christi potens grátia, nos tuis fove precibus, quem adscripsit Ecclesiá sacris Sanctorum coetibus. — Te lauræ. Glória. Sublimem in regnis cælestibus. Reincipiatur *R.* Predicátor o Vincénti.

Non dicatur Canticum Te Deum

Ante Laudes *Ÿ.* Ora pro nobis beáte Vincénti. *R.* Ut digni efficiámur promissionibus Christi.

#### AD LAUDES,

HORAS ET II. VESPERAS.

Omnia ut in Festo Tempore Quadragesimæ, pag. 1060. et sequentibus, servato modo Octavæ diei Simplicis.

#### AD PRETIOSA.

Evangelium ut in Nocturno Feriæ occurrentis.

**T**EMPORE PASCHALI, in Octava die S. Vincentii Ferrerii fiat Officium ut pag. 1076. et sequentibus notatum est.

#### IN FESTO

S. VINCENTII FERRERII

TEMPORE PASCHALI.

TOTUM DUPLEX.

#### AD I. VESPERAS.

Super Psalmos Añã. Diem novæ laudis et glóriæ lætum ducat coetus fidélium, quo sublime decus Hespériæ, gratulante turba cælestium, a Principe supérnæ cúriæ binæ sumpsit coronæ præmium, allelúia. Psalmus Laudáte púeri. cum ceteris, pag. 145.

#### Capitulum. Ephes. 3.

**M**HI ómnium sanctorum minimo data est grátia hæc : in Géntibus evangelizare investigábiles divitias Christi, et illuminare omnes, quæ sit dispensatio sacraménti absconditi a sæculis in Deo.

*R.* Quátuor vecta rotis ágitur mirábilis quadriga Dómini: Vincéntius cum Christo júngitur trino Prædicátorum cárdini, \* Quorum virtúte fides régitur : divíno sit pia laus nómini, Allelúia. *Ÿ.* Ducunt hi rhedam Evangélii, velut equi fortes et várii. — Quorum virtúte fides régitur : divíno sit pia laus nómini, Allelúia. Glória. Allelúia.

#### Hymnus.

**M**ENTE jucúnda júbilent fidéles,  
Vóciбус hymnos résonent canéntes :

Nam datus mundo novus est precátor

Ante Tonántem.

ALME Vincénti, veneránda cujus

Hæc dies totum cólitur per orbem,

Quas tibi cantat chorus hic fidélis,

Accipe laudes.

RITE mox annis téneris peráctis,

Prædicátorum sitiens adísti Ordinem, servans documénta

Patrum

Mente pudica.

TACTUS e cælis óperam dedísti

Litteris sacris utriúsque Legis: Quas docens verbo, fidei replésti

Lúmine mundum.

INDE ferventer cito jam  
propinquum  
Sæculi finem fore nuntiasti,  
Ut Deum gentes timeant pa-  
tenter

Vociferando.

ANGELUS alter pēnitus fuisti  
Ille, qui cæli médium volābat,  
Nūntians cunctis pópulis et  
linguis

Júdicis horam.

LINGUA quæ sancta pópulos  
docébas

Rebus et signis váriis probá-  
bas,

Lánguidis reddens Cruce sa-  
nitátis

Róbora membris.

INTER eléctos modo collo-  
cáris,

Semper in cælis mérito triúm-  
phans,

Fúlgridis sertis redimítus omni  
Témpore sæcli.

SUMMA sit Christo salus, et  
perénnis

Glória Patri paritérque sancto  
Flámini, quorum sine fine vir-  
tus

Regnat in orbe. Amen.

¶ Ora pro nobis beáte Vin-  
cēti, allelúia. R. Ut digni effi-  
ciámur promissionibus Christi,  
allelúia.

Ad Magnificat Añā Qui pro-  
phético fretus lúmine mira de  
mundi fine dócuit, in occíduo  
terræ cárdine ut sol Vincén-  
tius occúbuit : et septus ange-  
lórū ágmine lúcidas cæli  
sedes ténuit, allelúia. Oratio.

DEUS, qui géntium multítu-  
dinem mira beáti Vin-  
cēntii Confessóris tui prædica-  
tione ad agnitionem tui nómi-  
nis venire tribuisti : præsta,  
quæsumus, ut quem ventúrum  
Júdicem nuntiávit in terris,

præmiatórem habére mereá-  
mur in cælis : Dóminum no-  
strum Jesum Christum Fílium  
tuum, qui tecum vivit...

¶ Quando hæc Oratio dicitur  
ad Memoriam et eam sequitur  
alia Memoria, sic concluda-  
tur : præmiatórem habére me-  
reámur in cælis : Christum  
Dóminum nostrum. k. Amen.

#### AD MATUTINUM.

Invitatorium. Venerémur  
Christi vultum, \* Quem Vin-  
cēntius prædicávit Júdicem  
esse ventúrum, allelúia.

Hymnus.

LUMEN in terris pópuli fidélis  
Civis et cæli modo factus  
alti,

Acta Vincēti tua concinētes  
Dirige voces.

FLORE primævo nítdæ ju-  
vénatæ,

Eligens puræ documēta vitæ,  
Ordinis magnum imitans Pa-  
réntem

Prædicatórum :

LUCE doctrinæ rútilans se-  
rénæ,

Ambitum terræ pelagique lu-  
strans,

Semper ardēti resonādo sa-  
crum

Péctore verbum :

DUM viam cunctis réseras  
salútis,

Orbis occásū canis et pro-  
pinquum,

Jure te clarum genus omne  
reddit

Prodigiórū.

HINC velut solis rádus ca-  
dēntis,

Cónditus terra Britonum re-  
móta,

Púlchrior regnis óriens supér-  
nis,

Æthera scandis.

ANGELIS septus, decorátus  
astris,  
Doctor et Virgo, géminis co-  
rónis

Inter illústrés ánimas refúlges  
Múnere Christi.

SIT Patri, Nato, páriter co-  
ævo

Flámini sancto salus una, cu-  
jus

Nomen in cælis sine fine lau-  
dat

Spiritus omnis. Amen.

#### IN NOCTURNO.

Añã. Atténtam matrem réd-  
didit latrans in ventre cátulus,  
ut quæreret, quem édedit, qua-  
lis esset infántulus, allelúia.  
Psalmus Beátus vir, qui non  
abiit. cum duobus ceteris ut in  
primo Nocturno de Comuni  
unius Confessoris, pag. 68\*.

Añã. Vincéntii sublímitas quæ  
sit futúro témpore matris mon-  
strat agilitas, robúrque datum  
córpori, allelúia.

Añã. Religiónem ínclytam  
postquam subit Dominici, vir-  
tutem sibi præstitam laude  
monstrat multiplici, allelúia.

V. Amávit eum Dóminus, et  
ornávit eum, allelúia. R. Sto-  
lam glóriæ induit eum, alle-  
lúia.

Benedictiones ante Lectiones  
dentur secundum ordinem No-  
cturnorum, scilicet Dominica,  
Feria secunda et Feria quinta,  
Benedictio Benedictióne per-  
pétua. cum duabus sequenti-  
bus; Feria tertia et Feria  
sexta, Benedictio Deus Pater  
omnipotens. cum duabus se-  
quentibus; Feria quarta et  
Sabbato, Benedictio Ille nos  
benedicat. cum duabus sequen-  
tibus.

De Epístola secúnda beáti  
Pauli Apóstoli ad Corinthios.

Lectio j. Cap. 5.

SCIMUS enim quóniam si ter-  
réstris domus nostra hujus  
habitatiónis dissolvátur, quod  
ædificatióne ex Deo habé-  
mus, domum non manufactam,  
ætérnam in cælis. Nam et in  
hoc ingemiscimus, habitatió-  
nem nostram, quæ de cælo  
est, superíndui cupiéntes : si  
tamen vestíti, non nudi inve-  
niámur. Nam et qui sumus in  
hoc tabernáculo, ingemisci-  
mus graváti : eo quod nólum-  
us exspoliári, sed superve-  
stíri, ut absorbeátur quod  
mortále est, a víta.

R. j. Res ágitur digna spe-  
ctáculo, ab ignótis quando  
vectóribus allátos panes trá-  
didit pópulo degénti secum in  
nemóribus : qui sæpe stupet  
hausto póculo, \* Non consúm-  
ptis vini liquóribus, allelúia.  
V. Tunc exsúltant virórum  
millia, dum intuéntur Viri ma-  
gnália. — Non consúmptis vini  
liquóribus, allelúia.

(Ex Bulla Canonizationis et  
probatís Auctoribus.)

Lectio ij.

VINCENTIUS, honésta stirpe  
Valéntiæ in Hispánia na-  
tus, ab ineúnte ætáte cor gessit  
senile. Qui dum caliginósi hu-  
jus sæculi lábilem cursum pro  
ingénii sui módulo considerá-  
ret, Religiónis hábitum in Ordi-  
ne Prædicatórum décimo octá-  
vo ætátis suæ anno suscepit :  
et emissá solémni professióne,  
sacris lítteris sédulo incúm-  
bens, theologiæ láuream sum-  
ma cum laude consecútus est.



Mox, obtenta a Superiõribus licentia, verbum Dei prædicare, Judæorum perfidiam arguere, Saracenorum errores confutare tanta virtute et efficacia cepit, ut ingentem ipsorum infidelium multitudinem ad Christi fidem perdúxerit, et multa Christianorum millia a peccatis ad penitentiam, a vitiis ad virtutem revocárit. Eléctus enim a Deo, ut mónica salutis in omnes gentes, tribus et linguis diffunderet, et extrémis tremendique iudicii diem appropinquare ostenderet, omnium auditõrum ánios, terróre concussos atque a terrénis affectibus avulsos, ad Dei amorem excitabat.

R. ij. Vincéntium doctõrem inclytum cum decore semper et glória, sanctitate illústri præditum, venerátur omnis Hespéria : cuius celsum monstrátur méritum \* In túmuli sacra memória, allelúia. V. Hinc mirifica signa prod-eunt : nam ad vitam defúnc-ti rédeunt. — In túmuli sacra memória, allelúia.

### Lectio iij.

PER ipsum divina Virtus, in confirmationem vitæ et prædicationis ejus, multa signa et miracula fecit. Nam frequentissime super ægros manus impósuit, et sanitatem adépti sunt. Spíritus immundos e corpõribus expulit. Surdis auditum, mutis loquelam, cæcis visum restituit; leprósos mundávit, mórtuos suscitávit. Sénio tandem et morbo confectus infatigabilis Evangélii Præco, plúrimis Európe provinciis cum ingenti animarum fructu per-

agratis, Venetiæ in Británnia minõri, prædicationis et vitæ cursum feliciter consummávit, anno Salutis millésimo quadringentésimo décimo nono. Quem Callistus Tértius Sanctõrum número adscripsit.

R. iij. Prædicátor o Vincénti, doctor máxime, quem angelõrum cum agminibus triumphantem felices animæ prosequuntur jucúndis laudibus, \* Te láureæ corónant plúrimæ sublimem in regnis cælestibus, Allelúia. V. Tu Christi potens grátia, nos tuis fove præcibus : quem adscripsit Ecclesiæ sacris Sanctõrum cœtibus. — Teláureæ. Glória. Allelúia.

Ante Laudes V. Ora pro nobis beate Vincénti, allelúia. R. Ut digni efficiamur promissionibus Christi, allelúia.

### AD LAUDES

#### ET PER HORAS ANTIPHONÆ.

1. Festiva vox psallentium collaudet Regem glóriæ, qui cum Sanctis Vincéntium glorificávit hódie, allelúia. Psalmus Dóminus regnávít. cum ceteris, pag. 17.

2. Erat Vir evangélicus, Christi Præco cum prædicat : dux illius Dominicus in terris ipsum visitat, allelúia.

3. Candens Virgo divínitus hostem pellit ab obséssis : cunctis vivens humanitus salutem reddit opprèssis, allelúia.

4. Infántulus lacerátur mox matris per excidium : vitæ alter restaurátur, quem clausit præcipítium, allelúia.

5. Tunc sub paténti specie angelõrum exercitus ad hoc porténtum grátie convénit hora tránsitus, allelúia.

Capitulum. Ephes. 3.

**M**HI ómnium sanctórum  
minimo data est grátia  
hæc : in Géntibus evangelizáre  
investigábiles divítias Christi,  
et illumináre omnes, quæ sit  
dispensátio sacraménti abs-  
cônditi a sæculis in Deo.

Hymnus.

**M**AGNE Vincénti nova lux  
Olympi,

Noctis obscuræ ténebras re-  
sólve,

Ut tuas puro modulémur om-  
nes

Cármine laudes.

SIDUS extrémæ Veneténsis  
oræ,

Et Valentínæ decus urbis al-  
mæ,

Ordinis sacri nitor es et ævi  
Glória nostri :

Cujus instrúcti mónitis He-  
braei,

Una cum Mauris, vétéri relictá  
Lege, divínis renovántur undis,  
Mente fidéli.

SIGNA, quæ multis patuére  
terris,

Te probant amplis méritis re-  
fértum,

Ac viris celsis fore comparán-  
dum

Témporis acti.

DÆMONUM sævos réprimis  
furóres,

Pellis et morbos miserátus om-  
nes :

Sæpe defúntos révocas in au-  
ras

Lucis amœnas.

INDE, post claræ moniménta  
vitæ,

Ad poli regnum Superúmque  
coetum

Lætus ascéndis, cápiens perén-  
nes

Victor honóres.

SIR Patri, Nato, simul  
utriúsque

Flámini splendor, decus et  
potéstas :

Cujus ætérnum chorus ange-  
lórum

Numen adórat. Amen.

✠. Justus germinábit sicut li-  
lium, allelúia. ✠. Et florébit  
in ætérnum ante Dóminum  
allelúia.

Ad Benedictus Añá. Cujus  
vitæ sincéra puritas virgináli  
candóre nítuit, salutáris do-  
ctrínæ véritas prædicádo ubi-  
que cláruit, illi summa Bónitas  
gémnam pro méritis corónam  
tribuit, allelúia. Oratio.

**D**EUS, qui géntium multítu-  
dinem mira beáti Vincén-  
tii Confessóris tui prædicatióne  
ad agnitiónem tui nóminis  
venire tribuisti : præsta, quæ-  
sumus, ut quem ventúrum Jú-  
dicem nuntiávit in terris, præ-  
miatórem habére mereámur in  
cælis : Dóminum nostrum Je-  
sum Christum Filium tuum...

AD PRETIOSA.

Evangelium.

Secúndum Matthæum. Cap. 5.

**I**n illo témpore : Dixit Jesus  
discípulis suis : Vos estis sal  
terræ. Quod si sal evanúerit,  
in quo salietur? Tu autem.

AD TERTIAM.

Capitulum Mihi ómnium san-  
ctórum mínimo, ut in Laudibus.

✠ R. R. et V. V. Horarum de  
Communi unius Confessoris,  
pag. 124\*.

AD SEXTAM.

Capitulum. Apoc. 10.

**O**PORTET te iterum prophé-  
táre géntibus, et pópulis,  
et linguis, et régibus multis.

## AD NONAM.

Capitulum. Isa. 43.

**N**OLI timere, quia ego tecum sum : ab oriente adducam semen tuum, et ab occidente congregabo te. Dicam aquilioni, Da : et austro, Noli prohibere : affer filios meos de longinquo, et filias meas ab extremis terrae. Oratio Deus, qui gentium. ut infra.

## AD II. VESPERAS.

Super Psalmos Añā. Festiva vox psallentium collaudet Regem gloriæ, qui cum Sanctis Vincētiū glorificavit hodie, allelūia. Psalmus Dixit Dominus, cum ceteris de Communi unius Confessoris, pag. 76\*.

Capitulum Mihi omnium sanctorum nimio. et Hymnus Mente jucunda. ut in j. Vesperis, pag. 1069. et pag. 1070.

℟. Ora pro nobis beate Vincēti, allelūia. ℣. Ut digni efficiamur promissionibus Christi, allelūia.

Ad Magnificat Añā. Gloriōse Pater o Vincēti, cui arcem scandēti polōrum cum honore obvius ingēti plaudens venit chorus angelōrum : canētes te duc laude frequēti ad amēna regna Beatōrum, allelūia. Oratio.

**D**EUS, qui gentium multitudinem, mira beati Vincēti Confessoris tui prædicatione, ad agnitionem tui nominis venire tribuisti : præsta, quæsumus, ut quem venturum Iudicem nuntiavit in terris, præmiatorem habere mereamur in cælis : Dominum nostrum...

† Quando hæc Oratio dicitur ad Memoriam, et eam sequi-

tur alia Memoria, sic concludatur : præmiatorem habere mereamur in cælis Christum Dominum nostrum. ℣. Amen.

PER OCTAVAM  
S. VINCENTII FERRERII  
TEMPORE PASCHALI.

Ad Memoriam in Laudibus Añā. Pervigil Christi nuntius, vocans ad lucis opera, ad fruēda Vincētiū nos ducat vitæ mūnera, allelūia.

Versiculus de Communi unius Confessoris cum Allelūia. Oratio Deus, qui gentium. ut in ij. Vesperis Festi.

Ad Memoriam in Vesperis Añā. Adsit nobis propitius in hujus vitæ vespere ad Christum nos Vincētiū tuto ferens itinere, allelūia.

℟. Ora pro nobis. et Oratio Deus, qui gentium. ut in ij. Vesperis Festi.

**Q**UANDO vero infra Octavam S. Vincentii de ipsa Octava agitur Tempore Paschali, dicatur Officium quotidianum B. Mariæ V.; de Octava autem S. Vincentii sic fiat Officium :

## AD MATUTINUM.

Invitorium. Veneremur Christi vultum, \* Quem Vincētiū prædicavit Iudicem esse venturum, allelūia.

Hymnus Lumen in terris, pag. 1070.

## IN NOCTURNO.

Super Psalmos una tantum Antiphona (scilicet prima die Añā Attētam., ut pag. 1071.; secunda die Añā Vincētiū sublimitas., ibidem) cum Allelūia.



Psalmi tres et Versiculus (cui addatur Allelúia.) de Comuni unius Confessoris secundum ordinem Nocturnorum.

Ante Lectiones, nisi legenda fuerit Homilia, dentur Benedictiones secundum ordinem Nocturnorum, ut pag. 1071. notatum est. Si vero legenda fuerit Homilia, detur Benedictio Evangélica lécio. cum duabus sequentibus tertii Nocturni.

Lectio prima et Lectio secunda (nisi legenda fuerit Homilia) erunt de Scriptura currente; secus, erunt de Homilia Dominicali.

Prima die infra Octavam erit tertia Lectio Evangélico múnieri., ut pag. 1065. secunda vero die Sacri Palatii. ut pag. 1066.

Tria Responsoria dicantur secundum Feriam, ut pag. 1062. addito suis locis Allelúa.

In tertio Responsorio post Glória Patri. non repetatur resumptio, quæ est notata post Versum, sed resumatur tantum Allelúia.

Non reincipiatur tertium Responsorium, sed dicatur Canticum Te Deum laudamus.

† Tempore Resurrectionis, de Cruce fiat Memoria in Laudibus et Vesperis :

Ad Memoriam de Cruce in Laudibus Aña. Crucifixus surrexit a mortuis, et redemit nos, allelúia, allelúia.

℣. Dicite in nationibus, allelúia. ℞. Quia Dominus regnavit a ligno, allelúia. Oratio.

**D**EUS, qui pro nobis Filium tuum Crucis patibulum subire voluisti, ut inimici a

nobis expelleres potestatem, concede nobis famulis tuis ut Resurrectionis gratiam consequamur. Per eundem.

Ad Memoriam de Cruce in Vesperis Aña. Crucem sanctam subiit qui infernum confrégit : accinctus est potentia, surrexit die tertia, allelúia.

℣. Dicite in nationibus. et Oratio Deus, qui pro nobis., ut ad Memoriam in Laudibus.

Cetera ut per Octavam S. Vincentii infra Quadragesimam, addito suis locis Allelúia.

---

IN OCTAVA S. VINCENTII  
TEMPORE PASCHALI.  
SIMPLEX.

---

**S**i Octava dies S. Vincentii impedita fuerit, de ipsa fiat Memoria in utrisque Vesperis et Laudibus.

Ad Memoriam de Octava die S. Vincentii in j. Vesperis Aña. Qui prophético fretus lumine mira de mundi fine docuit, in occiduo terræ cárđine ut sol Vincéntius occubuit : et septus angelórum ágmine, lúcidas cæli sedes tenuit, allelúia.

℣. Ora pro nobis. et Oratio Deus, qui géntium. ut in ij. Vesperis Festi, pag. 1074.

Ad Memoriam in Laudibus Aña. Cujus vitæ sincéra puritas virgináli candóre nituit, salutáris doctrinæ véritas prædicando ubique cláruit, illi summa Bónitas géminam pro méritis coronam tribuit, allelúia.

Versiculus de Comuni unius Confessoris, cum Allelúia., Oratio Deus, qui géntium ut in ij. Vesperis Festi, pag. 1074.

Ad Memoriam in ij. Vesperis  
 Aña. Glorióse Pater o Vincén-  
 ti, cui arcem scandénti poló-  
 rum cum honóre óbvius in-  
 génti plaudens venit chorus  
 angelórum : canéntes te duc  
 laude frequénti ad amœna re-  
 gna Beatórum, allelúia.

℟. Ora pro nobis beáte Vin-  
 centi, allelúia. ℞. Ut digni effi-  
 ciámur promissionibus Christi,  
 allelúia.

Oratio.

**D**EUS, qui géntium multítu-  
 dinem mira beáti Vincén-  
 tii Confessoris tui prædicatió-  
 ne ad agnitióem tui nóminis  
 veníre tribuisti : præsta, quæ-  
 sumus, ut quem ventúrum Jú-  
 dicem nuntiávit in terris, præ-  
 miatórem habére mereámur in  
 cælis : Dóminum nostrum Je-  
 sum Christum Fílium tuum, qui  
 tecum vivit...

† Hæc Oratio, quando eam  
 sequitur aliqua Memoria, sic  
 concludatur : præmiatórem  
 habére mereámur in cælis  
 Christum Dóminum nostrum.  
 ℞. Amen.

**S**i vero de Octava die S. Vin-  
 centii Tempore Paschali  
 agendum fuerit Officium, fiant  
 quæ hic notata non sunt ut in  
 Festo pro eodem Tempore  
 pag. 1069. et sequentibus, ser-  
 vato modo Octavæ diei Simp-  
 licis infra Tempus Paschale;  
 cetera fiant ut hic signatur.

† Tempore Resurrectionis,  
 de Cruce fiat Memoria in Ve-  
 speris et Laudibus ut pag. 1075.  
 notatum est.

#### AD MATUTINUM.

Invitatorium et Hymnus ut  
 in Festo, pag. 1070.

#### IN NOCTURNO.

Aña. Atténtam matrem red-  
 didit latrans in ventre cátilus,  
 ut quæreret, quem édedit, qual-  
 lis esset infántulus, allelúia.  
 Psalmus Beátus vir. cum cete-  
 ris duobus ut in Communi unius  
 Confessoris, pag. 68\*.

Aña. Vincéntii sublimitas  
 quæ sit futúro témpore matris  
 monstrat agilitas, robúrque  
 datum córpori, allelúia.

Aña. Religiónem inclytam  
 postquam subit Dominici, vir-  
 tútem sibi præstitam laude  
 monstrat multiplici, allelúia.

℟. Amávit eum Dóminus, et  
 ornávit eum, allelúia. ℞. Sto-  
 lam glóriæ induit eum, alle-  
 lúia.

Benedictiones ante Lectiones  
 (nisi Homilia legenda fuerit)  
 dentur secundum ordinem No-  
 cturnorum.

Dicantur autem Lectiones  
 hic signatæ (nisi legenda fuerit  
 Homilia) cum Responsoris  
 ipsas subsequentibus.

Lectio j. de Scriptura cur-  
 rente.

℟. j. Res ágitur digna spectá-  
 culo, ab ignótis quando vectó-  
 ribus allátos panes trádidit pó-  
 pulo degénti secum in nemó-  
 ribus, qui sæpe stupet hausto  
 póculo, \* Non consúptis vini  
 liquóribus, allelúia. ℟. Tunc  
 exsúltant virórum millia, dum  
 intuéntur Viri magnália. —  
 Non consúptis vini liquóri-  
 bus, allelúia.

Lectio ij.

**S**PIRITU prophético illustrá-  
 tus beátus Vincéntius futúra  
 multa, de extrémó præsertim  
 Judicio, prædixit. Callisto  
 Tértio, a quo Cælites inter ad-

scriptus est, Pontificátum diu ántea nuntiávit. Patris ac matris óbitu, qua hora ceciderunt, divína revelatióne cognóvit, longo licet locórum tractu ab eis díssitus esset. Secrétas córdium cogitatiónes detéxit. Plúrium, post tránsitum, animárum statum perspéctum hábuit, easque fuis ad Deum précibus e Purgatórii flammis liberávit. Insequéntem numerósam duórum míllium hóminum multitúdinem, post ministrátum evangélicum panem, cælésti miráculo temporáliter pavit, multiplicata vini ac panis annóna. Ea vero inter concionándum virtúte pollébat, ut hostes fidei vel inviti secretióribus cordis mótibz ad audiéntiam traheréntur.

R. ij. Vincéntium doctórem inclytum cum decóre semper et glória, sanctitaté illústri præditum, venerátur omnis Hespéria, cujus celsum mon-strátur méritum \* In túmuli sacra memória, allelúia. V. Hinc mirífica signa pródeunt : nam ad vitam defúnci rédeunt. — In túmuli sacra memória, allelúia.

### Lectio iij.

NON diu a sanctíssimi Viri óbitu, de solémi ipsius canonizatióne actum est. Causam in primis urgére cœperunt Joánnēs ac Petrus Británniæ Duces coram Summis Pontificibus Martino Quinto, Eugénio Quarto et Nicoláo Quinto. Idem subinde rogárant Joánnēs Castéllæ, et Alphónsus Aragónum Reges. Rem tandem Callistus Tértius anno

Pontificátus primo, exsecútus est, eúmque sacris fastis adscripsit. At cum præmatúra morte eréptus diplóma pontificium non dedisset, hoc Pius Secúndus succéssor ejus ultro concéssit. In quo istud observatióne digníssimum occúrrit: tot scilicet Virum Dei patrásæ mirácula, ut Apostólicis litéris, ne modum excéderent, recenséri non potúerint. Mór-tuos quadraginta, partim dum viveret, partim postquam e vivis excéssit, suscitásse perhibétur.

R. iij. Prædicátor o Vincénti, doctor máxime, quem angelórum cum ordínibus triumpántem felices ánimæ prosequúntur jucúndis láudibus, \* Te láureæ corónant plúrimæ sublíniem in regnis cæléstibus, Allelúia. V. Tu Christi potens grátia nos tuis fove précibus, quem adscripsit Ecclésia sacris Sanctórum cœtibus. — Te láureæ. Glória. Allelúia.

◀ Si legenda fuerit Homilia, detur Benedictio Evangélica léctio. cum duabus ceteris; duæ primæ Lectiones dicantur de ipsa Homilia, tertia de Octava, scilicet Spiritu prophético. ut infra, cum tribus Responsoriis hic positis.

R. j. Res ágitur digna spectáculo, ab ignótis quando vectóribus allátos panes trádidit pópulo degénti secum in nemóribz : qui sepe stupet hausto póculo,\* Non consúmp-tis vini liquóribz, allelúia. V. Tunc exsúltant virórum millia, dum intuéntur Viri magnália. — Non consúmp-tis vini liquóribz, allelúia.



℣. ij. Vincéntium doctórem inclytum cum decóre semper et glória, sanctitáte illústri præditum, venerátur omnis Hespéria : cujus celsum monstrátur méritum, \* In túmuli sacra memória, allelúia. ℟. Hinc mirífica signa prod-eunt : nam ad vitam defuncti rédeunt. — In túmuli.

**LECTIO iij.**

**S**PIRITU prophético illustrátus beátus Vincéntius futúra multa, de extrémo præsertim Judicio, prædixit. Callisto Tértio, a quo Cælites inter adscriptus est, Pontificátum diu ántea nuntiávit. Patris ac matris óbitum, qua hora ceciderunt, divína revelatióne cognóvit, longo licet locórum tractu ab eis díssitus esset. Secrétas córdium cogitatiónes detéxit. Plúrium, post tránsitum, animárum statum perspéctum hábuit, easque fuis ad Deum précibus e Purgatórii flammis liberávit. Insequéntem numerosam duórum millium hóminum multitudínem, post ministrátum evangélicum panem, cælésti miráculo temporáliter pavit, multiplicáta vini ac panis annóna. Ea vero inter concionándum virtúte pollébat, ut hostes fidei vel inviti secretióriis cordis mótibz ad audiéntiam trahe-réntur.

℣. iij. Prædicátor o Vincén-ti, doctor máxime, quem angelórum cum ordinibus trium-phántem felices ánimæ prose-quúntur jucúndis láudibus,

Te láureæ corónant plúri-mæ sublimem in regnis cæléstibus, Allelúia. ℟. Tu Christi potens grátia nos tuis fove

précibus : quem adscripsit Ec-clésia sacris Sanctórum cœti-bus. — Te láureæ. Glória, Allelúia.

Dicatur Canticum Te Deum laudámus.

Ante Laudes ℟. Ora pro nobis beáte Vincénti, allelúia.

℣. Ut digni efficiámur promissionibus Christi, allelúia.

**AD PRETIOSA.**

† Si in Nocturno lecta fuerit Homilia Dominicæ, dicatur ad Pretiosa. Evangelium ejusdem Dominicæ.

† Si vero Homilia in Nocturno lecta non fuerit, dicatur ad Pretiosa. sequens Evangelium: Secundum Matthæum. Cap. 5.

**I**N illo témpore : Dixit Jesus discipulis suis : Vos estis sal terræ. Quod si sal evanúerit, in quo salietur? Tu autem Dómine.

**DIE IX. APRILIS.**

**B. ANTONII PAVONII**

**MART. ORD. PRÆD.**

**DUPLEX. Oratio.**

**D**EUS qui, ad unitátem fidei promovéndam, beáto António Mártiri tuo invictam ánimi fortitudínem contulisti : da nobis, quæsumus, ita ejus vestigia sectári, ut finem fidei nostræ salutem animárum reportémus. Per.

**IN I. NOCTURNO.**

Lectiones Existimo., de Comuni unius Martyris non Pontificis, pag. 49\*.

**IN II. NOCTURNO.**

**Lectio iv.**

**A**NTONIUS Pavónius, sæculo Adecimo quarto Saviliáni in diocési Taurinénsi nobili

genere ortus, ab adolescētia mundānis rebus abdicātis, Prædicatōrum Ordinem amplexus est. Sacræ huic militiæ adscriptus, ad sublimiorem animi virtutem divinarumque litterarum cognitionem comparandam omnes animi cogitationes curasque convertit, ut deinceps zelo secundum scientiam prælia Dōmini præliari posset. Quam ob rem, vir factus, cum magna sanctitatis doctrinæque existimatione florēret, non modo Savilianēnsis cœnobii præses constitutus est, verum etiā fidei Quæsitōr in Longobardia superiore atque Liguria renuntiatus fuit. Hoc autem tutandæ propagandæque religiōnis munus, calamitōsis adeo temporibus ipsi concēditum, innumeras exercendæ virtutis opportunitates eidem attulit, iisque omnibus par semper est visus. Nam assiduo verbi ministērio ignorantiā divinæ legis morumque corruptelas, unde hæreses oriri solent, efficaciter coercuit. Tum vero errōres repræssit, hæreticorum fraudes detexit, eosque a dispergēdo Dōminico grege invicte prohibuit.

## Lectio v.

**P**LACUIT autem divinæ Clementiæ ut vitæ tam sancte atque utiliter actæ copiosa merita excellentiōre martyrii laude cumularētur, idque a beato Viro divinitus præcognitum prædictumque narratur. Nam anno millésimo trecentésimo septuagésimo quarto, Bricherásium olim Taurinēnsis, nunc vero Pineroliēnsis diocesis oppidum advēntans, ut quos ibi ab hæreticis decē-

ptos audierat, ad catholicam unitatem revocaret, tonsōris cuiusdam operam exquirens, admōnuit ut apte perpoliret hominem ad nuptias eo in loco celebrandas invitatum. Cumque ille objiceret nullas in vico nuptias parari, Vir sanctus, Ne dubites, inquit, quia vera loquor. \* Jam proxima Dominica die, in quam Resurrectionis Dōmini Octāva incidēbat, cum idem Beatus Missæ sacrum celebrasset in ecclesiā dicti loci, ac Dei verbo e suggestu proposito hæreticorum errōres arguisset : septem ex illis hæreticis, maligno concitati spiritu, diversisque armis accincti benignum salutis suæ Medicum ab ecclesiā egredientem invadunt, ac hilari animo martyrium obeuntem, immāniter prope eam trucidant. Sic ille, in Agni sanguine dealbata stola, ad cælēstes ipsius Agni nuptias introduci meruit.

## Lectio vj.

**M**ARTYRIS exūviæ, Saviliānum ad sui cœnobii ecclesiā translātæ, miraculis adeo illustratæ perhibentur, ut sequēte sæculo de ipsis honorificēntius tumulandis deliberatum fuerit. Id vero sollemniter præstitit beatus ipsius successor Aimo Taparēllus, qui toto Savilianēnsi pōpulo spectante, gloriōsum Martyris corpus humiliōre sepulcro eductum, ad aram quamdam illius ecclesiæ pie extulit, inter festa Redemptōris Natalitia, anno millésimo quadringentésimo sexagésimo octavo. Exinde autem beato Mátyri religiōsum cultum fidēles adhibere non desiērunt : qui plura

obtentórum beneficiórum monuménta ad ipsíus tûmulum apposuisse, ejûsque opem, præsertim ad res depêrditas inveniéndas, implorâsse ferûntur. At incûnte sæculo décimo nono, cum Religiósa claustra in magna rerum ómnium perturbatióne fœde violaréntur, ossa Mártiris profanatióni illius templi atque cœnóbii subdúcta sunt, ac Raconíxium tandem ad ecclésiám restitúti Ordinis transláta. Quem cultum illustri Mártiri præstitum Pius Nonus Póntifex Máximus confirmávit, utque ejus festívitatis in univérso Prædicatórum Ordine ac in Taurinénsi et Pineroliénsi diocésibus próprio Officio et Missa celebrarétur indûlsit.

### IN III. NOCTURNO.

Homilia in Evangelium Nisi granum fruménti, de Communi unius Martyris, pag. 50\*.

**T**EMPORE PASCHALI, Lectio prima Existimo., secunda et tertia erunt tres suprapositæ, sed bipartitæ per \*. Ad Pretiósâ. dicatur hoc Evangelium :

Secúndum Joánnem. Cap. 15.

**I**n illo témpore : Dixit Jesus discipulis suis : Ego sum vitis vera : et Pater meus agricola est. Tu autem Dómine.

DIE X. APRILIS.

B. ANTONII NEYROT

MART. ORD. PRÆD.

DUPLEX.

Oratio.

**D**EUS, qui beátum Antónium, ad lucem veritátis tuæ misericórditer revocatúm, exímium Mártirem effecisti :

præsta ut ejus intercessióne simus semper in fide stábiles, et in ópere effícaces. Per.

### IN I. NOCTURNO.

Lectiones Existimo. de Comuni unius Martyris non Pontificis, pag. 49\*.

### IN II. NOCTURNO.

Lectio iv.

**A**NTONIUS Rivulis, diocésis Taurinénsis oppido, honestis paréntibus natus, adoléscentis Floréntiæ in cœnóbio sancti Marci, cui tunc sanctus Antoninus præerat, coopátus est in Ordinem Prædicatórum. Cum Neápolim profectúrus e Sicilia solvisset, a pirátis Tuneténsibus captus atque in Africam abductus, postquam grávitè eam aliquándiu tulit calamitatem, ad extrémum Jesu Christi fidem ejurávit. Quartum jam mensem in eo cœno hæréntem respéxit misericors Deus, extulitque magnitúdine virtútis suæ. Quare ille, abjécta nefária superstitióne, áliquot ménsibus ad próximum sese certámen exércuit voluntáriis afflictatióibus corpóris diviniq; Officii recitatióne. Inde expiátus Pœniténtiæ Eucharistiæque sacris, vestibûsque Ordinis amictus, Tunetí régulum e castris revêrsum convénit, et in magna hóminum fréquentia, seipsum accúsans impietátis, unam religiónem christiánam, a qua defécerat, veram esse testátus, multa de Christo magnífice prædicávit.

Lectio v.

**R**EGULUS, cum magnis eum pollicitatióibus blanditiisque frustra tentásset, ábripi



in cárcerem, sectæque præsi-  
di in iudicium tradi iussit.  
Sed Vir Dei nefarium homi-  
nem, triduum ipsum se ad  
defectionem sollicitantem, fre-  
git máxima animi fortitudine.  
Interea illatas sibi a barbaris  
contumelias inflictasque pla-  
gas patientissime perferens, et  
submissa sibi a Christianis  
subsidia egenis distribuens,  
ipseque pane solum et aqua  
vitam tolerans, ad mortem sese  
parabat. \* Quinto ab eo, quo  
in cárcerem conjectus fuerat,  
die, cum eum iudex ad se ad-  
ducí fecisset, constantemque in  
sententia manere animadver-  
tisset, lapidibus obrui impera-  
vit. Itaque ad martyrii locum  
raptus, positis genibus, tensis-  
que ad cælum manibus, orans,  
vim in se conjectorum lapidum  
immotus sustinuit, et Martyr  
decéssit quarto Idus Aprilis  
anno millésimo quadringenté-  
simo sexagésimo.

## Lectio vj.

**E**XSTINCTI corpus cum bár-  
bari cremare conati essent,  
mirabiliter ab igne intactum,  
Genuenses, qui mercatúram  
Tuneti exercébant, pretio re-  
cuperarunt : quod lotum, sua-  
vémque spirans odorem, dein-  
ceps Génuam missum, beátus  
Amadéus Tértius Sabáudie  
Dux, anno millésimo quadrin-  
gentésimo sexagésimo nono  
Rivulos transferendum cura-  
vit. Cumque ad mortis fórtiter  
pro Christo óbitæ glóriam be-  
neficia accessissent, quibus se  
multi beáti Antónii méritis  
auctos fuisse profitebantur,  
confirmátus majórem in mo-  
dum esse propagátusque reli-  
giósus hominum erga ipsum

cultus. Quem nunquam inter-  
missum Clemens Décimus tér-  
tius Póntifex Máximus probá-  
vit, Ordiníque Prædicatórum  
univérso Officii in ejus honó-  
rem recitándi Missæque cele-  
brándæ potestatem fecit.

## IN III. NOCTURNO.

Homilia in Evangelium Ego  
sum vitis vera. de Comuni  
unius Martyris, pag. 51\*.

**T**EMPORE PASCHALI, Lectio  
prima Existimo., secunda  
et tertia erunt tres supraposi-  
tæ, sed bipartitæ per\*.

Ad Pretiósá. Evangelium Ego  
sum vitis vera., ut heri.

## DIE XI. APRILIS.

## S. LEONIS MAGNI

PAPÆ, CONF. ET ECCL. DOCT.

TOTUM DUPLEX. Oratio.

**D**EUS, qui pópulo tuo ætér-  
næ salútis beátum Leó-  
nem minístrum tribuisti : præ-  
sta, quæsumus, ut quem do-  
ctórem vitæ habuimus in terris,  
intercessórem habére mereá-  
mur in cælis. Per.

## IN I. NOCTURNO.

In Quadragesima, Lectiones  
Beátus vir, qui in sapiéntia  
morábitur. de Comuni unius  
Doctoris, pag. 79\*.

## IN II. NOCTURNO.

## Lectio iv. \*

**L**EO Primus, Etrúscus, eo  
L témpore præfuit Ecclésiæ,  
cum rex Hunnórum Attila,  
cognoménto Flagéllum Dei, in  
Itáliam invádens, Aquiléiam  
triénnii obsidióne captam di-  
ripuit et incéndit : unde cum

Romam ardénti furóre raperétur, jamque cópias, ubi Minicius in Padum influit, trajicere paráret, occurrít ei Leo, malórum Itáliæ impendéntium misericórdia permótus : cuius divína eloquéntia persuásus est Attilæ ut regrederétur. Qui interrogátus a suis quid esset, quod præter consuetúdinem tam humiliter Románi Pontificis imperáta fáceret : respóndit se astántem quemdam álium, illo loquénte, sacerdotáli hábitu, verítum esse sibi stricto gládio minitántem mortem, nisi Leóni obtemperáret. Quare in Pannóniam revérsus est.

#### Lectio v.

**L**EO autem Romæ singuláris ómnium lætítia excéptus, paulo post invadénti Urbem Genserico, eádem eloquéntiæ vi et sanctitátis opiniónē persuásit ut ab incéndio, ignomíniis ac cædibus abstinéret. Sed cum Ecclesiám a multis hæresibus oppugnári, maximéque a Nestorianis et Eutychiánis exagitári vidéret; ad eam purgándam et in fide cathólica confirmándam, concílium Chalcodonénse indixit. Ubi sexcén-  
ti triginta coactis Episcopis, Eutyches et Dióscorus, et íterum Nestórius condemnáti sunt, ejusdémque concílii decreta sua auctoritáte confirmávit.

#### Lectio vj. \*

**H**IS actis, sanctus Póntifex se ad reficiéndas et ædificándas ecclesiás convertit. Cujus suásu Demétria, pia fémína, sancti Stéphaní ecclesiám constrúxit in suo fundo via Latína, tértio ab Urbe mil-

liário. Ipse via Appia sub nómine sancti Cornélii álteram cóndidit. Multas prætærea et sacras ædes, et sacra eárum vasa restituit. In tribus Basilicis Petri, Pauli et Constantiniána cámaras exstrúxit. Ædificávit monastérium vicinúm Basilicæ sancti Petri. Sepúlcris Apostolorum custódes adhibuit, quos Cubiculários appellávit. Státuit ut in actióne Mystérii dicerétur : Sanctum sacrificiúm, immaculátam hóstiam. Sanxit ne mónacha benedictum cápitis velámen reciperet, nisi quadraginta annórum virginitátem probáset. His et aliis præcláre gestis, cum multa sancte et luculénter scripsisset, tértio Idus Aprilis obdormívit in Dómino. Sedit in Pontificátu annos viginti, menses decem, dies viginti octo.

#### IN III. NOCTURNO.

Lectio sancti Evangélii  
secúndum Matthæum.

#### Lectio vij. Cap. 16.

**I**n illo témpore : Venit Jesus in partes Cæsaréæ Philippi : et interrogábat discipulos suos dicens : Quem dicunt homines esse Filium hóminis? Et réliqua.

Homília sancti Leónis Papæ.  
(Serm. 2. in Anniv. assumpt.  
suæ, ante med.)

**C**UM, sicut evangélica lectione reserátum est, interrogáset Dóminus discipulos, quem ipsum (multis diversa opinántibus) créderent; respondissétque beátus Petrus dicens, Tu es Christus, Filius Dei vivi : Dóminus ait : Beátus es Simon Bar Jona : quia caro et sanguis non revelávit tibi,

sed Pater meus, qui in cælis est. Et ego dico tibi quia tu es Petrus, et super hanc petram ædificabo Ecclesiā meam, et portæ inferi non prævalēbunt adversus eam. Et tibi dabo claves regni cælōrum. Et quodcūque ligāveris super terram erit ligātum et in cælis : et quodcūque solveris super terram erit solūtum et in cælis. Manet ergo dispositio Veritātis; et beātus Petrus in accepta fortitūdine petræ perseverans, suscepta Ecclesiæ gubernacula non reliquit.

#### Lectio viij.

**I**N universa namque Ecclesia, Tu es Christus Filius Dei vivi, quotidie Petrus dicit : et omnis lingua, quæ confitetur Dōminum, magisterio huius vocis imbuitur. Hæc fides diabolum vincit, et captivorum ejus vincula dissolvit. Hæc erutos mundo inserit cælo, et portæ inferi adversus eam prævalere non possunt. Tanta enim divinitus soliditate munita est, ut eam neque hæretica unquam corrumpere pravitās, nec pagāna potuerit superare perfidia. His itaque modis, dilectissimi, rationabili obsequio celebrētur hodierna festivitas : ut in persōna humilitātis meæ ille intelligatur, ille honorētur, in quo et omnium pastōrum sollicitudo cum commendatarum sibi ovium custodia perseverat, et cujus etiā dignitas in indigno herede non deficit.

#### Lectio ix.

**C**UM ergo cohortationes nostras auribus vestræ sanctitātis adhibemus, ipsum

vobis, cujus vice fungimur, loqui credite. Quia et illius vos affectu monemus, et non aliud vobis quam quod docuit prædicamus : obsecrantes ut succincti lumbos mentis vestræ, castam et sobriam vitam in Dei timore ducatis. Corōna mea, sicut Apōstolus ait, et gaudium vos estis, si fides vestra, quæ ab initio Evangēlii in universo mundo prædicata est, in dilectione et sanctitate permanserit. Nam licet omnem Ecclesiā, quæ in toto est orbe terrarum, cunctis oporteat florere virtutibus : vos tamen præcipue inter ceteros populos decet meritis pietatis excellere, quos in ipsa Apostolicæ petræ arce fundatos, et Dōminus noster Jesus Christus cum omnibus redemit, et beātus Apōstolus Petrus præ omnibus erudit.

**T**EMPORE PASCHALI. Lectio prima erit de Feria currente; secunda et tertia erunt quarta et sexta de suprapositis signatæ \*. Ad Pretiōsa. Evangelium Venit Jesus.

---

#### DIE XII. APRILIS. IN OCTAVA S. VINCENTII FERRERII.

##### SIMPLEX.

† Si Octava dies S. Vincentii Ferrerii Tempore Quadragesimæ celebranda fuerit, omnia fiant ut pag. 1066. et sequentibus notatum est.

† Si vero post Pascha celebranda fuerit, de ipsa fiat Officium ut positum est pag. 1075. et sequentibus.



DIE XIII. APRILIS.

B. MARGARITÆ  
DE CASTELLO

VIRG. ORD. PRÆD.

DUPLEX.

Oratio.

**D**EUS, qui beatam Margari-  
tam Virginem luminibus  
orbam nasci voluisti, ut intus  
illuminato cordis oculo te so-  
lum assidue contemplaretur :  
esto lumen oculorum nostró-  
rum, quo mundi hujus tenebris  
carere valeamus, et perveniá-  
mus ad Patriam claritatis  
eternæ. Per.

## IN I. NOCTURNO.

Lectiones De virginibus. de  
Communi unius Virginis non  
Martyris, pag. 98\*.

## IN II. NOCTURNO.

Lectio iv.\*

**M**ARGARITA, a natiuitate  
cæca, in Metulénsi Tifer-  
natis dicecésis oppido honestis  
orta parentibus, dum in civi-  
tatem ad visitandum in æde  
sancti Francisci corpus cujus-  
dam Beati ducitur, illic spe  
recuperandæ lucis destituta,  
ab ipsismet parentibus derelin-  
quitur. Sed piæ mulieris domi  
recepta, teneram ibi ætatem  
mira sanctimonia transégit.  
Grandiúscula Sororum Tertií  
Ordinis sancti Patris Dominici  
Institutum amplèxa, corpúscu-  
lum suum crebris jejúniis, ora-  
tiónibus, flagellis ac medita-  
tiónibus assidue redégit in ser-  
vitutem. Quater singulis heb-  
domádibus jejunabat, omni-  
busque sextis fériis solo pane et  
aqua reficiebátur. Sui Ordinis  
constitutíones et continuum  
a festo sanctæ Crucis usque

ad Pascha jejúnium invioláte  
servabat. Carnem suam ter  
singulis nóctibus acri flagello  
cruentabat. Quotidiáno fere  
Sacramentórum usu fovébat  
spíritum, assuéta recitare me-  
móriter totum Psalterium,  
cujus intelligéntiam divinitus  
assecuta, mirábili eruditíone  
loca nonnulla sublímiter ex-  
planabat.

Lectio v. \*

**S**UMMA in Deum pietáte ac  
erga Deiparam afféctu jú-  
giter ardens, contempládo  
mystério Dominicæ Incarna-  
tiónis ita affixa erat, ut ingénti  
miráculo post óbitum in corde  
Virginis tres repérti sint gló-  
buli, quorum unus effigiem  
puéruli Jesu præsepío incum-  
béntis, alter Virginem Matrem,  
tértius Nutritium Joseph, una  
cum Margarita génibus flexis  
assidénte, et columba désuper  
impendénte, representábat.  
Expléto suæ ætátis anno tri-  
gésimo tértio, munita eccle-  
siásticis Sacraméntis feliciter  
migrávit ad Sponsum immor-  
tálem, anno millésimo trecent-  
tésimo vigésimo, die tértia dé-  
cima Aprilis. Corpus Virginis,  
dum a sui Ordinis Religiósis  
commúni inferebátur fidélium  
sepultúræ, cives, concurrénte  
pópulo, idipsum pro angélicæ  
vitæ mérito et miraculorum  
frequéntia, seórsm altíori tí-  
mulo cohonestándum decrevé-  
runt. Sacro cadáveri prostánti  
adhuc in féretro admóvetur  
puella multis ab annis paraly-  
tica et muta : hujus manum  
arripiens defúcta Virgo, eam-  
dem integræ sanitáti restituit.  
Unde et ipsa coram ómnibus  
miráculum prædicans, devóte

hábítum sancti Dominici suscepit. Margaritæ corpus, dum aromátibus condítur, ex incíso látere instar bálsami vim tantam odoríferi liquóris effúdit, ut complúres inde implétæ fúerint ampúllæ, quarum áliquot in hodiérnum diem conservántur.

## Lectio vj.

**A**NNO millésimo quingentésimo octogésimo octávo, apérto túmulo, corpus Margaritæ integérrimum undequaque, ac si tunc recénter sepúltum fuisset, mirificáque suaveoléntia fragrans invéntum est. Itaque Prior loci, obténta Superiórú licéntia, illud novis indútum véstibus, assisténte gubernatóre civitátis, collégio ecclésiæ cathedrális, magistrátu ac populóso multitudinis conflúxu, tránstulit in locum honorificentiórem. Exinde crebrescéntibus dénuo miráculis, Tifernátes erga Tutelárem suam stúdio gratitudinis accénsi, tria Ordinis Prædicatórum comitia generalia adiérunt, enixe flagitantes ut de beáta Margaríta in album Virgínium beatárum solémniter adscribénda súpplici apud Apostólicam Sedem instántia tractarétur. Tandem Altíssimo disponénte, Paulus Quintus Póntifex Máximus, die décima nona Octóbris, anno Salútis millésimo sexcentésimo nono, tot súpplicum precibus ánnuus, indúlsit quod beatæ Margaritæ festívitás apud Tifernátes quotánnis cum Officio et Missa de Commúni Virgínis rite peragátur. Quam gratiam deínde Clemens Décimus Póntifex Máximus, sup-

plicánte Magístro Ordinis, ad univérsam sancti Patris Dominici Religiónem cleménter extendit.

## IN III. NOCTURNO.

Homilia in Evangelium Simile erit regnum cælótum decem virginibus. de Comuni unius Virgínis non Martyris, pag. 100\*.

**T**EMPORE PASCHALI, Lectio prima De virginibus, secunda vero et tertia erunt quarta et quinta de suprapositis signatæ\*.

DIE XIV. APRILIS.

B. PETRI GONZALEZ

CONF. ORD. PRÆD.

DUPLEX.

Oratio.

**D**EUS, qui in maris periculis constitútis beáti Petri opem singulárem osténdis: ejus nobis intercessióne concede ut in hujus vitæ procéllis tuæ grátiae lumen semper affúlgeat, quo æternæ salútis portum invenire valeámus. Per.

## IN I. NOCTURNO.

Lectiones Beátus vir. de Comuni unius Confessoris non Pontificis, pag. 81\*.

## IN II. NOCTURNO.

Lectio iv. \*

**P**ETRUS González, sanctus Telmus vulgo appellátus, Fromestæ in Hispánia apud Paléntiam piis ac nobilibus paréntibus ortus est. Adoléscent, sub Episcopi Paléntini avúnculi sui cura, ingénuis ártibus et philosophiæ óperam dedit, ingénio ad præclára quæque aptíssimo.

Sed ejusdem Ecclesiæ Canonici, et mox etiam Decanatus dignitate auctus, honorum ac divitiarum illécebris juvenilliter abréptus, sæculi vanitati paulo libérius indulisit. Accidit vero ut cum ipso Dominicæ Nativitatis die, equo splendide phalerato æquialium comitatu totam urbem lasciviens circumcursaret, equo in profundum lutum repente prolápso, dejectus ipse, multoque cæno inquinatus, spectantium risu sannisque excéptus sit. Quo insigni pudóre suffusus, et mundi, cui placere studuerat, contuméliam reputans, se vicissim, a quo spretus esset, spreturum constituit. Igitur paulo post, magna omnium admiratione, in Prædicatorum Ordinem sese recepit : ubi veterem hominem cum actibus suis exuens, novumque induens, eximie posuit tirocinia sanctitatis.

#### Lectio v.

**A**D ceteras autem virtutes, quibus brevi magnopere excelluit, caritatem attulit proximorum salutis cupidissimam. Quare absolutó sacrarum litterarum studio, sancto Patre Dominico ad imitandum sibi propósito, prædicationi se totum dedit, nihil a Deo impensius flagitans quam ut revocandis in viam salutis animabus perditis idoneus efficeretur. Severissimam, apostolico more, eo in múnere paupertatem exercebat. Quocúmque exciperetur hospitio, non inde prius exibat quam incolae omnes sacra exomologesi expiasset. Sermo illi vivus et efficax, quo audientium corda

ádeo pervadébat, ut per eas, quas apostólico zelo peragravit Hispániæ provincias, innumeros fere peccatores ad penitentiam adduxerit. Ferdinandum regem, cognomento Sanctum, in varias adversus Mauros expeditiones euntem secutus, consiliis, exemplo et orationibus mirifice juvit. Venustas fémimas ejus amore captas, aliasque procaciores ad eum immissas, ut pudicitiae ejus insidias struerent, non solum strenue repulit, sed ad meliorem vitae frugem convertit.

#### Lectio vj.\*

**M**INIO flumini prope Ribadáviam longe rápido atque effuso, pública transeuntium utilitate pontem amplissimum fere miraculo impósuit, accita ad óperis molitionem ingenti structorum manu : quibus cum cibis aliquando deficeret, evocatos quotquot iis reficiendis sufficerent pisces, manúque prehensos, iisdem præbuit. Sed et socios labore itineris atque inedia fere deficientes pane et vino caelitus suppeditionis recreavit. Adhuc vivens, in sævissima maris procélla a nautis invocatus, eisdem sese conspicuum exhibuisse fertur tempestatemque sedasse. Prophético spiritu futura multa prænuntiavit, atque imprimis extrémum vitae suae diem : quo adventante, in Tudensem sese urbem recepit, ubi méritis et laboribus plenus, sancto fine quíevit. Ejus corpus honorífico sepúlcro ab Episcopo Tudensi conditum est : unde miræ fragrantiae óleum manasse traditur, ægris saluberrimum. Ejus miraculó-



rum fama ad remotas usque Americæ regiones pervagata, ingentipopulorumveneratione invocari et coli coepit, a nautis cumprimis, qui ejus opem in maris tempestatibus praesentissimam experti, eum sub invocatione sancti Telmi in Tutelarem sibi adsciverunt. Illius cultum continenter propagatum approbavit Benedictus Decimus quartus, ejusque festum cum Officio et Missa ab universo Praedicatorum Ordine, nec non a Clero Palentino et Tudensi celebrari concessit.

## IN III. NOCTURNO.

Lectio sancti Evangelii secundum Matthæum.

Lectio vij. Cap. 10

**I**N illo tempore : Dixit Jesus discipulis suis : Euntes praedicatè, dicentes : Quia appropinquavit regnum cælorum. Et reliqua.

Homilia sancti Joannis Chrysostomi.

(Comment. 33. in Matth.)

**C**ONSIDERA qualiter Dominus non minorem curam habet ut mores eorum in melius reducat quam ut signorum praebeat potestatem. Nam ut ostendat absque nobilitate morum nihil signa valere; utque in nullum fastum animi atque tumorem inciderent, Gratis, inquit, accepistis. Deinde ne cupiditate pecuniarum moverentur, intulit : Gratis date. Nam ne quasi sua ipsorum potestate miracula facientes, inde superbirent, Gratis, dixit, accepistis; nihil largimini iis, qui vos recipiunt. Non enim tamquam mercèdem vestris laboribus debitam

ista accepistis : mea enim est gratia. Sic igitur aliis quoque hæc beneficia, quorum nullum potest condignum præmium inveniri, gratis date.

## Lectio viij.

**P**OST hæc, cum radicem omnium malorum voluerit evellere, vitiis quoque fundamentum diruere : Non possideatis, inquit, aurum, neque argentum, neque pecunias in zonis vestris : non peram in via, nec duas tunicas, neque calceamenta, neque virgam. Non dixit, Non accipiatis vobiscum : sed, Non possideatis : ut si et aliunde recipere possent, recusarent tamen, ac perniciosa hanc aegritudinem fugerent. Quo deinde præcepto multa profecto complectitur commoda : Primum, ut nulla de discipulis possit esse suspicio : deinde, ab omni sæculari cura sic ipsos liberos reddat, ut prædicationi solum vacare possint : denum, immensam suam potentiam ipsis patèfacit : quod et postea commemoravit dicens : Numquid vobis tunc aliquid defuit, quando vos nudos absque calceis misi?

## Lectio ix.

**I**LLUD etiam consideratione dignum est, quod non incipiens statim dixit, Non possideatis aurum, neque argentum : sed cum prius mundandi leprosos, ejiciendi dæmonia potestatem eis dederit, tunc intulit : Nihil possideatis : gratis accepistis, gratis date. Sic rebus ipsis docuit, utilia se, et honesta, et facilia factu eis præcipere. Sed inquires cetera quidem non absque ratione

certa dicta esse. Quid autem ut peram non hábeant in via, nec duas tunicas, nec virgam, nec calceamenta, quam de causa eis injunxit? Exactissime certe sublimiôris vitæ fundamenta voluit jácere. Sic et in superioriibus, nullam de crástina die curam ipsos habere hortatur.

**T**EMPORE PASCHALI, Lectio prima Beátus vir, secunda et tertia erunt quarta et sexta de suprapositis signatæ \*. Ad Pretiôsa. Evangelium Eúntes prædicâte.

DIE XV. APRILIS.  
S. HERMENEGILDI  
MARTYRIS.

DUPLEX. Oratio.

**D**EUS, qui beátum Hermenegildum Mártýrem tuum cælesti regno terrénium postpónere docuisti : da quæsumus nobis ejus exémplo cadúca despícere, atque ætérna sectári. Per.

IN I. NOCTURNO.

In Quadragesima, Lectiones Existimo. de Comuni unius Martyris non Pontificis, pag. 49\*.

IN II. NOCTURNO.

Ex libro Dialogórum sancti Gregórii Papæ.

Lectio iv. \* (Lib. 3. cap. 31.)

**H**ERMENEGILDUS rex, Leovigildi regis Visigothórum filius, ab Ariána hæresi ad fidem cathólicam viro reverendissimo Leándro Hispalénsi Episcopo, dudum mihi amicitiiis familiáriter juncto, prædicánte, convérsus est.

Quem pater Ariánus, ut ad eámdem hæresim rediret, et præmiis suadére, et minis terrére conátus est. Cumque ille constantissime responderet nunquam se veram fidem posse relinquere, quam semel agnovisset : irátus pater eum privávit regno, rebúsque exspoliávit ómnibus. Cumque nec sic virtútem mentis illius emollire valuisset, in arcta illum custódia conclúdens, colum manusque illius ferro ligávit. Cæpit itaque Hermenegildus rex júvenis terrénium regnum despícere, et forti desidério cæléste quærens, in ciliis vinculátus jacens, omnipoténti Deo, ad confortándum se, preces effúndere, tantóque sublimius glóriam transeúntis mundi despícere, quanto et religátus agnóverat nihil fuisse, quod potúerit auférrí.

Lectio v. \*

**S**UPERVENIENTE autem Paschális festivitátis die, intempéstæ noctis siléntio ad eum pérfidus pater Ariánus Episcopum misit, ut ex ejus manu sacrilegæ consecrationis communionem perciperet, atque per hoc ad patris grátiam redire mererétur. Sed Vir Deo déditus Ariáno Episcopo venienti exprobrávit ut débuit, ejúsque a se perfidiam dignis increpationibus répulit : quia etsi extérius jacébat ligátus, apud se tamen in magno mentis cúlmine stabat secúrus. Ad se itaque revérso Episcopo, Ariánus pater infrémuit, statimque suos apparitóres misit, qui constantissimum Confessórem Dei illic, ubi jacébat,

occiderent; quod et factum est. Nam mox ut ingressi sunt, securim cerebro ejus infigentes, vitam corporis abstulerunt, hocque in eo valuerunt perimere, quod ipsum quoque, qui peremptus est, in se constiterat despexisse. Sed pro ostendenda vera ejus gloria, superna quoque non defuere miracula. Nam cepit in nocturno silentio psalmodiæ cantus ad corpus ejusdem Regis et Martyris audiri : atque ideo veraciter Regis, quia et Martyris.

## Lectio vj.

**Q**UIDAM etiam ferunt quod illic nocturno tempore accensæ lampades apparebant. Unde et factum est quatenus corpus illius, ut videlicet Martyris, jure a cunctis fidelibus venerari debuisset. Pater vero perfidus et parricida, commotus poenitentia, hoc fecisse se doluit, nec tamen usque ad obtinendam salutem poenituit. Nam quia vera esset catholica fides agnovit; sed gentis suæ timore perterritus, ad hanc pervenire non meruit. Qui, oborta aegritudine, ad extrema perductus est, et Leandro Episcopo, quem prius vehementer afflixerat, Reccarédum regem filium suum, quem in sua hæresi relinquebat, commendare curavit ut in ipso quoque talia faceret, qualia et in fratre suis exhortationibus fecisset : qua commendatione expléta, defunctus est. Post cujus mortem Reccarédus rex, non patrem perfidum sed fratrem Martyrem sequens, ab Arianae hæresis pravitæ contrarius est, totamque Visigo-

thorum gentem ita ad veram perduxit fidem, ut nullum in suo regno militare permetteret, qui regni Dei hostis exsistere per hæreticam pravitatem non timeret. Nec mirum quod veræ fidei prædicator factus est, qui frater est Martyris : cujus hunc quoque mérita adjuvant, ut ad omnipotentis Dei græm tam multos reducat.

## IN III. NOCTURNO.

Homilia in Evangelium Si quis venit ad me. de Communi unius Martyris, pag. 44\*.

**T**EMPORE PASCHALI, Lectio prima erit de Scriptura corrente, Lectio secunda et Lectio tertia erunt quarta et quinta de suprapositis signatæ \*.

## AD PRETIOSA.

Evangelium.

Secundum Lucam. Cap. 14. **I**n illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Tu autem Domine.

DIE XVI. APRILIS.

SS. TIBURTII, VALERIANI

ET MAXIMI

MARTYRUM.

TRES LECTIONES. Oratio.

**P**RÆSTA, quæsumus omnipotens Deus : ut qui sanctórum Martyrum tuorum Tiburtii, Valeriani et Maximi solémnia colimus, eorum etiam virtutes imitemur. Per.



## IN NOCTURNO.

(Ex sinceris Actis S. Cæciliæ,  
et Rom. Brev.)

## Lectio ij.

**V**ALERIANUS Romānus, nóbili génere ortus, Alexandro Sevéro imperatōre, hortātu beátæ Cæciliæ Virginis, quam sibi pari nobilitate uxorem despōderat, una cum Tibúrtio fratre a sancto Urbāno Papa baptizátur. Quos ubi præfētus Urbis Almáchijs Christiānos esse cognóvit, et património paupéribus distribúto, Christianórum cōpora sepelire, accersitos gráviter reprehéndit : atque ubi Christum Deum constāter confitētes, deos autem dæmoniórum inánia simulácula prædicātes videt, virgis cædi jubet.

## Lectio iij.

**S**ED cum verbéribus cogi non possent ut Jovis simulácrum venerarētur, immo fortes in fidei veritate permanērent, ad quartum ab Urbe lápidem secúri feriúntur. Quorum virtutem admirátus Máximus præfēcti cubiculárius, qui eos ad supplicium perdúxerat, Christiānum se esse professus est, cum multis præterea præfēcti ministris : qui paulo post plumbátis contúsi, omnes, ex diáboli ministris, Christi Domini Mártires evasérunt.

DIE XVII. APRILIS.

B. CLARÆ GAMBACURTÆ

VIDUÆ ORD. PRÆD.

DUPLEX.

Oratio.

**T**RIBUE nobis miséricors Deus spíritum oratiónis et pœnitentiæ : ut beátæ Claræ vestigijs inhæréntes, mereá-

mur, quam ipsa in cælis accēpit, corónam obtinére. Per.

## IN I. NOCTURNO.

Lectiones Mulierem fortem. de Communi unius nec Virginis nec Martyris, pag. 106\*.

## IN II. NOCTURNO.

## Lectio iv.

**C**LARA Petro Gambacúrta, viro pernóbili, Pisis orta est. Puélla, licet venustate prædita et ingénio prompto, religiōnis devotionisque exercitijs fuit addicta, ita ut in iis omne stúdium pōneret, et jejúnijs, non sine gravi stómachi molestia, intēderet. Coævis puellis accersitis, illas ad pietatem instruēbat inflammabátque. Pauperum indigentijs misericórditer affēcta, copiosas elemósynas eisdem erogábat, et aliquādo étiam próprias vestes elargita est. Duodénis matrimónio juncta fuit cuidam júveni Pisāno, divitijs æque ac nobilitate præcláro, cui pater septénnem spopōderat. Ea in ætate majóri caritatis in Deum et próximum fervóre exársit : nam sæpissime coram Crucifixi imágine, et in sacrosáctæ Hóstiæ elevatiōe suum expromēbat desidérium totam se Deo dicādi, si quando ei licuisset. Pretiōsas vestes muliebresque ornátus parvi faciēns, si aliquādo his uti cōgebátur, ásperum sub iisdem tegēbat cilicium. Anno circiter tértio a matrimónio inito, vir ejus procul agens mortem oppétiit.

## Lectio v.

**M**ORTIS sponsi sui nūntio accēpto, se totóndit, id perfectúra, quod semper con-

cupiverat. Utque id assequeretur, insciis parentibus, in monasterium sancti Martini Ordinis sanctæ Claræ se recepit, ubi Thoræ nomen in Claram commutavit. Ægre hoc ferentes pater fratresque, armorum vi eam eripuērunt, ac domi carceri manciparunt: ubi omni solatio destituta, iis etiam, quæ ad vitam sunt necessaria, caruit. Ast Deus, qui est mærenium consolator, spiritualibus deliciis ancillam suam recreare non destitit. Tandem genitrix, filiæ molestiis commota, patri suavit ut eam libertate donaret eique morem gereret. Sicque factum est ut monasterium sanctæ Crucis Ordinis Prædicatorum ingrederetur, in quo habitum Religionis maxima cum animi exultatione suscepit. \* Suis explētis votis, omnibus virtutibus incubuit. Paupertatis amantissima, iis vestibus utebatur, quas aliæ dimittebant. Viliora exercitia pro se eligebat, aliaque operabatur, quæ religiosam decent humilitatem. Quatuor annis in eo monasterio peractis, studio maioris observantiæ a patre obtinuit ut monasterium sibi construeretur, ubi regulæ disciplina accuratius posset haberi. Novum ingressa coenobium, in oratione et regulæ custodia tota fuit. Ad sancti Patris Domini trāmitem, non loquebatur nisi cum Deo, aut de Deo: ex quo contigit neminem ab ea discessisse, quin melior effectus fuērit.

Lectio vj.

COMMUNITATI præfecta, Omnem impendebat operam ut infirmis non solum ne-

cessarii, sed ne solatii quidem quidquam deesset. Subditarum defectus summa lenitate, pro re, vel reprehendebat, vel puniebat. Æquo animo patris duorumque fratrum occisionem sustinuit, ac occisoris viduam cum geminis filiabus in suum accepit monasterium, et beneficiis cumulavit. Fine tandem vitæ suæ adveniente, Sacramentis summa cum devotione susceptis, cancellatisque manibus, dulcissimum Jesu Christi nomen repetens, inter filiarum lacrimas, die decima septima Aprilis, anno millésimo quadringentésimo décimo nono, animam Deo reddidit. Antiqua monumenta ferunt quod circa cadáver sanctimoniæ, ex Ordinis more Psalmos recitantes, in fine cuiuscūque eorum versum Glória Patri pro Réquiem semper reiterabant, licet in id serio animum ponerent. Magnus fuit populorum concursus ad venerandum ejus corpus, quod trédecim post annos e sepulcro érutum, et lingua vivida inventa, supra majus altare repositum fuit, et exinde perpetuum obtinuit cultum. Quem rite probatum Pius Octavus Pontifex Máximus ex sacrorum Rituum Congregationis consilio confirmavit, utque de beata Clara Officium recitari, et Missa celebrari possit in civitate et diocesi Pisana necnon in toto Prædicatorum Ordine benigne concessit.

IN III. NOCTURNO.

Homilia in Evangelium Simile est regnum cælorum thesauro. de Comuni unius nec Virginis nec Martyris, pag. 111\*.

**T**EMPORE PASCHALI, Lectio  
prima Mulierem fortem.,  
Lectio secunda et Lectio tertia  
erunt tres Lectiones secundi  
Nocturni bipartitæ per \*.

AD PRETIOSA.

Evangelium :

Secundum Matthæum. Cap. 13.

**I**n illo tempore : Dixit Jesus  
discipulis suis parabolam  
hanc : Simile est regnum cæl-  
lorum thesauro abscondito in  
agro. Tu autem Domine.

DIE XX. APRILIS.

S. AGNETIS

DE MONTE POLITIANO

VIRG. ORD. PRÆD.

TOTUM DUPLEX.

AD I. VESPERAS.

Super Psalmos Añā. In voce  
jucunditatis natālem celebrē-  
mus Agnētis, quam sublīmi  
decoram glōria Sanctam ven-  
neratur mater Ecclesia, alle-  
lūia. Psalmus Laudate pueri.  
cum ceteris, pag. 145.

Capitulum. Isa. 61.

**G**AUDENS gaudēbo in Dō-  
mino, et exultabit anima  
mea in Deo meo: quia induit me  
vestimentis salutis, quasi spon-  
sam ornātam monilibus suis.

R. Virginem castam Agnē-  
tem benedicit Dōminus, Mater  
Virgo mulcet allōquio : \* Hon-  
orant Apōstoli, ministrant  
Angeli, Allelūia. V. Speciō-  
sum forma prae filiis hominum  
in sinum Mater depōnit Fi-  
lium. — Honorant Apōstoli.  
Glōria. Allelūia.

Hymnus.

**A**GNETIS almae Virginis  
Lætēmur in solēniis,  
Et gratiarum cānticum  
Sponso canāmus Virginum.

SPRETO novēnnis sæculo  
Caeli dicatur Dōmino :  
Mentem supērnis rēficat,  
Corpus sevère sūbigit.

VIRTUTE magna prædita  
Hostem fugat tartāreum :  
Dotata cæli grātia  
Visu beatur cælitum.

JESUM in ulnis pārvulum  
Cordis tenet solātium,  
Cibūque Panis cælici  
Manus ministrat Angeli.

PRECAMUR, Auctor omnium,  
Perenne dona gaudium :  
Da Virginis suffragiis  
Sponsi fruāmur nūptiis.

SIT laus honorque Dōmino,  
Qui jura mortis sūbruit,  
Dignisque vitæ mērito  
Regni coronam tribuit. Amen.

V. Ora pro nobis beata Agnes,  
allelūia. R. Ut digni efficiāmur  
promissionibus Christi, allelūia.

Ad Magnificat Añā. Vocata  
est hodie Agnes ad nūptias  
Agni, allelūia : accumbit in  
jucunditate cum Sponso suo,  
allelūia. Oratio.

**D**EUS, qui beatam Agnētem  
Virginem tuam cælesti  
rore sæpe perfundere, et ora-  
tionis ejus loca diversis enātis  
flōribus decorare dignatus es :  
concede propitius ut ejus præ-  
cibus, perpétuo tuæ benedi-  
ctionis rore conspersi, æterni-  
tatis fructus percipere mereā-  
mur. Per.

AD MATUTINUM.

Invitorium. Agnum spon-  
sum Virginum, qui Virginem  
sibi desponsavit Agnētem,  
\* Venite adorēmus, allelūia.

Hymnus.

**A**GNETIS ortum cælitus  
Accensa produunt lūmina,  
Quæ mira pandunt prōtinus  
Futura vitæ mērita.



ÆTATE vernans ténera,  
Morum senecta prædita,  
Servire malens humilis,  
Invita præest céteris.

ORANS in altum tollitur,  
Florére terra cernitur,  
Guttaeque roris cándidi  
Decus redúndant pállii.

LAVACRA tangens bálnei,  
Fontem dedit remédii :  
Fluénta fundit ólei,  
Gaudent medéla lánguidi.

PRECAMUR, Auctor ómnium,  
Perénne dona gáudium :  
Da Virginis suffrágiis  
Sponsi fruámur núptiis.

SIT laus honórque Dómino,  
Qui jura mortis súbruit,  
Dignisque vitæ mérito  
Regni corónam tribuit. Amen.

## IN NOCTURNO.

Ána. Senilem gerens ánimum, novénnis fugit sæculum : vestigia premens Domíni, virtúte fulsit múltiplici, allelúia. Psalmi primi Nocturni de Comuni unius Virginis, pag. 88\*.

Ána. Ut vita Jesu manifestaréur in carne sua, mortificationem ejus júgiter Agnes in se circumtulit, allelúia.

Ána. Collem purgat luxúriæ, et dicat pudicitiae : sedem destruit dæmonis, templum construit Virginis, allelúia.

ſ. Diffúsa est grátia in lábiis tuis, allelúia. ſ. Proptérea benedixit te Deus in ætérnum, allelúia.

† Benedictiones secundum ordinem Nocturnorum, scilicet Dominica, Feria secunda et Feria quinta Benedictio Benedictione perpétua. cum ceteris duabus; Feria tertia et Feria sexta Benedictio Deus Pater

omnipotens. cum ceteris duabus; Feria quarta et Sabbato Benedictio Ille nos benedícat. cum ceteris duabus.

De libro Apocalypsis beáti  
Joánnis Apóstoli.

Lectio j. Cap. 14.

ET vidi : et ecce Agnus stabat supra montem Sion, et cum eo centum quadraginta quatuor millia habéntes nomen ejus, et nomen Patris ejus scriptum in fróntibus suis. Et nemo póterat dicere cánticum, nisi illa centum quadraginta quatuor millia, qui empti sunt de terra. Hi sunt, qui cum muliéribus non sunt coínquináti : vírgines enim sunt. Hi sequúntur Agnum quocúmque ierit.

ſ. j. Agnes devóta Dei fámula precabátur in conspéctu Dómini die ac nocte, \* Corpusque suum jejúniis affligébat assidue, allelúia. ſ. Angelus autem Dómini Panem Angelórum ministrábat ei. — Corpusque.

(Ex beato Raymundo Capuano, et utroque Brevi Clementis VIII. anno 1594. 1. Octobris, et anno 1601. 23. Februarii emanato.)

Lectio ij.

AGNETIS de Monte Politiano, Ordinis sancti Domínici, Virginis integérrimæ nativitatém faces divinitus accénsæ in cubiculo matris illustrárunť. Claustrále institútum amplexa est nono ætátis anno : et quintumdécimum necdum egréssa, Summi Pontíficis jussu, monialibus invíta præfícutur. Ejus léctulus nuda humus, cervical saxum fuit :

et quindecim annos in pane et aqua jejunavit. Sæpe inter orandum, nec major annis quatuordecim, a terra cubito tollebatur; ejusque pallium rores candidi guttis, quæ crucis effigiem singulæ referébant, respergebátur: ac locus, ubi gènuâ fixisset, subito pulcherrimis floribus ornebátur. A sacra Deipara Jesum forma lactentis orans excépit: eúmque aliquándiu sinu compléxa, párvulam crucem tenui filo nexam ab ejúsdem collo detráxit.

R. ij. Dum preces fundit Altissimo, corpus a terra in sublime tollitur, et spectante populo, \* Rore cæli amictus perfunditur, allelúia. V. Oránti dat terra flores, dant cæli manna et rores. — Rore cæli.

Lectio iij.

**T**ERRAM quoque Christi sânguine in Passiône fuso cruentatam divinitus accépit, ac frustum pelvis, ubi ipse infántulus Jesus a Virgine Matre fuit ablútus. Sed et sancti Apóstoli Petrus et Paulus particulis suárum véstium eámdem pro magno múnere doná-runt. Sæpius eidem Angelus Eucharístiam sua manu porréxit. Virtútibus et miraculis illústris, ac pretiósâ virginitátis corónâ redimíta, migrávit in cælum, anno Salútis millésimo trecentésimo décimo séptimo. Cum sancta Catharina Senénsis (quæ a Deo præmónita jam ántea fúerat, párem se glóriam cum sancta Agnéte in cælis habitúram) ejus corpus integrum atque incorruptum in sepúlcro servátum invíseret, ac ejus pedes deosculári vellet, Agnes álte-

rum pedem éxtulit ad os usque Catharinæ. Quæ cum álio étiam témpore revérsa, se ad caput Agnétis demississet, manna instar nivis toto illo loco plúere cœpit. Dénique ipsam beátam Virginem Agnétem miraculis claram Benedictus Décimus tértius Ordinis Prædicatórum sanctárum Virginum número adscripsit.

R. iij. Virginem castam Agnétem benedicit Dóminus, Mater Virgo mulcet allóquio: \* Honórant Apóstoli, ministrant Angeli, Allelúia. V. Speciósam forma præ filiis hóminum in sinum Mater depónit Filium. — Honórant. Glória. Allelúia.

Ante Laudes V. Ora pro nobis beáta Agnes, allelúia. R. Ut digni efficiámur promissiõibus Christi, allelúia.

#### AD LAUDES

ET PER HORAS ANTIPHONÆ.

1. Conscéndit Agnes hódie cæléstis regni sólum: stolam indúta glóriæ intrat in Sponsi thálamum, allelúia. Psalmus Dóminus regnávit. cum ceteris, pag. 17.

2. Felicem Agnétis éxitum infántes statim núntiant: cælo docénte tránsitum, turbæ repénite cónvolant, allelúia.

3. Fúneris manet intégritas, odóris víget suávitás: in signis et prodigiis virtus monstrátur Virginis, allelúia.

4. Fontem salútis vívidum manus distillant óleum: vitæ relúcet méritum, morbi cedunt languéntium, allelúia.

5. Laudántem Agnétis mérita Deus tuére pópulum: reis dimitte débíta per ipsius suffrágium, allelúia.

Capitulum.

Isaïæ 61.

**G**AUDENS gaudébo in Dómino, et exsultábit ánima mea in Deo meo : quia induit me vestimentis salutis, quasi sponsam ornátam monilibus suis.

Hymnus.

**M**AGNÆ dies lætitiæ : Venérunt Agni nuptiæ, Et Agnes Agnum séquitur, Sponsóque Sponsa júngitur.

Vox Angelórum cóncinit : Lætánte coetu súscipit Virgo beáta Virginem, Caeléstis Agni cómitem.

SIGNIS corúscat váriis, Miris micat prodigiis, Confert salutem lánguidis, Vitámque reddit mórtuis.

DUM Catharina visitat Agnétis almæ lóculum, Repente manna cándidum Utrámque Sanctam prædicat.

PRECAMUR, Auctorómnium, Perénne dona gáudium : Da Virginis suffrágiis Sponsi fruámur nuptiis.

SIT laus honórque Dómino, Qui jura mortis súbruit, Dignisque vitæ mérito Regni coronam tribuit. Amen.

¶ Adducéntur regi vírgines post eam, allelúia. R. Próximæ ejus afferéntur tibi, allelúia.

Ad Benedictus Aña. Agnétis cæli suscepit cúria, Sanctam Sanctis áddidit Ecclésia. Sedénti in throno et Agno sit laus, honor et benedictio, allelúia.

Oratio.

**D**EUS, qui beátam Agnétis Virginem tuam cælesti rore sæpe perfúndere, et oratiónis ejus loca diversis enátis flóribus decoráre dignátus es : concéde propítius ut ejus pré-cibus perpétuo tuæ benedicti-

nis rore conspérsi, æternitátis fructus percipere mereámur. Per.

AD PRETIOSA.

Evangelium.

Secúndum Matthæum. Cap. 13.

**I**N illo témpore : Dixit Jesus turbis parábolam hanc : Simile est regnum cælórum grano sinápis, quod accipiens homo seminávit in agro suo. Tu autem Dómine.

AD TERTIAM.

Capitulum Gaudens gaudébo., ut in Laudibus.

† R. R. et V. V. Hórarum de Comuni unius Virginis, pag. 96\*.

AD SEXTAM.

Capitulum. Osee 2.

**S**PONSABO te mihi in sempitérnum : sponsábo te mihi in fide : et scies quia ego Dóminus.

AD NONAM.

Capitulum. Cant. 2.

**S**UB umbra illius, quem desideráveram, sedi : et fructus ejus dulcis gútturi meo.

AD II. VESPERAS.

Super Psalmos Aña. Conscéndit Agnes hódie cælestis regni sólum : stolam indúta glóriæ intrat in Sponsi thálamum, allelúia. Psalmus Dixit Dóminus. cum ceteris de Comuni unius Virginis, pag. 96\*.

Capitulum Gaudens gaudébo., Hymnus Agnétis almæ Virginis. et V. Ora pro nobis., ut in j. Vesperis, pag. 1092.

Ad Magnificat Aña. Ave Virgo óptima, insigne decus Ordinis : ave Virgo ínclýta, illústre sídus ætheris : tua canéntes mérita tuis fove subsidiis, allelúia.



## PER OCTAVAM S. AGNETIS.

Ad Memoriam in Laudibus  
 Aña. Agnes Soror nostra  
 Deum pro nobis invoca :  
 Agnes Agni Sponsa salutem  
 nobis impetra, allelúia.

℣. de Communi unius Vir-  
 ginis cum Allelúia. Oratio.

**D**EUS, qui beatam Agnétém  
 Virginem tuam cælésti  
 rore sæpe perfúndere, et ora-  
 tiónis ejus loca diversis enátis  
 flóribus decoráre dignátus es :  
 concéde propítius ut ejus pré-  
 cibus, perpétuo tuæ benedi-  
 ctiónis rore conspérsi, æterni-  
 tátis fructus percipere mereá-  
 mur. Per.

Ad Memoriam in Vesperis  
 Aña. Tuam laudántes glóriam  
 Agnes beáta réspice : cæléstis  
 Agni grátiam benigna nobis  
 óbtine, allelúia.

℣. Ora pro nobis beáta Agnes,  
 allelúia. ℞. Ut digni efficiá-  
 mur promissionibus Christi,  
 allelúia.

Oratio Deus, qui beatam  
 Agnétém. ut supra.

**S**veroinfra Octavam S. Agne-  
 stis, Tempore Paschali, de  
 ipsa Octava agatur Officium,  
 omnia fiant ut hic notatum est.

## AD MATUTINUM.

Invitorium et Hymnus ut  
 in Festo, pag. 1092.

## IN NOCTURNO.

Tres Psalmi de Communi  
 unius Virginis alterius Tem-  
 poris, secundum ordinem No-  
 cturnorum, scilicet : Feria se-  
 cunda et Feria quinta ex primo  
 Nocturno; Feria tertia et Feria  
 sexta ex secundo Nocturno;  
 Feria quarta et Sabbato ex  
 tertio Nocturno.

Super Psalmos una tantum  
 Antiphona, quæ pro prima vel  
 secunda die respective suo loco  
 notata fuerit.

Versiculus secundum Feriam,  
 scilicet :

† Feria secunda et Feria  
 quinta, ℣. Diffúsa est grátia  
 in lábiis tuis, allelúia. ℞. Pro-  
 ptérea benedixit te Deus in  
 ætérnum, allelúia.

† Feria tertia et Feria sexta,  
 ℣. Spécie tua et pulchritúdine  
 tua, allelúia. ℞. Inténde, pró-  
 spere procéde, et regna, alle-  
 lúia.

† Feria quarta et Sabbato,  
 ℣. Adjuvábít eam Deus vultu  
 suo, allelúia. ℞. Deus in mé-  
 dio ejus, non commovébítur,  
 allelúia.

† Benedictiones ante Lectio-  
 nes, nisi legenda fuerit Homi-  
 lia, dentur secundum ordinem  
 Nocturnorum, scilicet : Feria  
 secunda et Feria quinta, Benedic-  
 tio Benedicçãoe perpétua.  
 cum ceteris duabus; Feria ter-  
 tia et Feria sexta, Benedictio  
 Deus Pater omnipotens. cum  
 ceteris duabus; Feria quarta  
 et Sabbato, Benedictio Ille  
 nos benedicat. cum ceteris dua-  
 bus. Si vero legenda fuerit  
 Homilia, detur Benedictio  
 Evangélica léctio. cum ceteris  
 duabus tertii Nocturni.

Lectio prima et Lectio se-  
 cunda erunt de Scriptura cur-  
 rente, vel de Homilia (si qua  
 legenda fuerit). Lectio tertia  
 erit, prima die infra Octavam  
 Beáta Agnes. (pag. 1098), se-  
 cunda vero die Modéstiam.  
 (pag. 1099).

Tria Responsoria ex hic posi-  
 tis secundum Feriam :

† Feria secunda et Feria quinta.

R. j. Veni Sponsa Christi, accipe coronam, quam tibi Dóminus præparávit : \* Pro cuius amore sæculum contempsisti, et cum ángelis in Paradisum introisti, allelúia. V. Veni elécta mea, et ponam in te thronum meum : quia concupivit rex spéciem tuam. — Pro cuius amore.

R. ij. Propter veritatem et mansuetudinem, et justitiam : \* Et deducet te mirabiliter dextera tua, allelúia. V. Audi filia, et vide, et inclina aurem tuam. — Et deducet te mirabiliter dextera tua, allelúia.

R. iij. Agnes devóta Dei fórmula precabátur in conspectu Dómini die ac nocte, \* Corpúsque suum jejuniis affligébat assidue, Allelúia. V. Angelus autem Dómini Panem angelórum ministrábat ei. — Corpúsque suum. Glória. Allelúia.

† Feria tertia et Feria sexta.

R. j. Hanc amávi, et exquisivi sponsam mihi assumere, \* Et amátor factus sum formæ illius, allelúia. V. Fortitúdo et decor indumentum ejus, et ridébit in die novissimo. — Et amátor.

R. ij. Hæc est Virgo sapiens, quam Dóminus vigilántem invenit : quæ accéptis lampádis sumpsit secum óleum : \* Et veniente Dómino, introvit cum eo ad nuptias, allelúia. V. Ista est una de número prudentum, quæ aptávit lámpades suas. — Et veniente Dómino.

R. iij. Dum preces fundit Altissimo, corpus a terra in sublime tollitur, et spectante

pópulo, \* Rore cæli amictus perfúnditur, Allelúia. V. Oránti dat terra flores, dant cæli manna et rores. — Rore cæli. Glória. Allelúia.

† Feria quarta et Sabbato.

R. j. Audivi vocem de cælo venientem : Venite omnes virgines sapientissimæ, \* Oleum recóndite in vasis vestris, dum sponsus advénerit, allelúia. V. Média nocte clamor factus est : Ecce sponsus venit. — Oleum recóndite.

R. ij. Veni elécta mea, et ponam in te thronum meum : \* Quia concupivit rex spéciem tuam, allelúia. V. Spécie tua et pulchritúdine tua inténde, prospere procéde, et regna. — Quia concupivit rex.

R. iij. Virginem castam Agnétem benedicít Dóminus, Mater Virgo mulcet allóquio : \* Honórant Apóstoli, Ministrant Angeli, Allelúia. V. Speciosum forma præ filiis hóminum in sinum Mater depónit Fílium. — Honórant Apóstoli. Glória. Allelúia.

Ante Laudes V. Ora pro nobis beáta Agnes, allelúia. R. Ut digni efficiámur promissionibus Christi, allelúia.

#### AD LAUDES.

Super Psalmos sola Aña. Conscéndit Agnes hódie cæléstis regni sólium : stolam indúta glóriæ intrat in Sponsi thálammum, allelúia. Psalmus Dóminus regnávít. cum ceteris, pag. 17.

Capitulum Gaudens gaudébo., Hymnus Magnæ dies lætitiæ. et V. Adducéntur. ut in Festo, pag. 1095.

Ad Benedictus Aña. Agnes Soror nostra Deum pro nobis invoca : Agnes Agni Sponsa salutem nobis impetra, allelúia.

Oratio.

**D**EUS, qui beatam Agnetem Virginem tuam cælesti rore sæpe perfundere, et orationis ejus loca diversis enatis floribus decorare dignatus es : concede propitius ut ejus precibus perpetuo tuæ benedictionis rore conspersi, æternitatis fructus percipere mereamur. Per.

† Temp. Resurrect. Memoria de Cruce, ut pag. 1101.

AD PRETIOSA.

Legendum est de Constitutionibus.

AD PRIMAM.

Aña Conscendit. ut infra.

Capitulum Regi sæculorum immortalí., Preces et Oratio In hac hora.

AD TERTIAM,  
SEXTAM ET NONAM.

Omnia ut in Festo, pag. 1095.

AD VESPERAS.

Super Psalmos Aña. Conscendit Agnes hodie cælestis regni solum : stolam induta gloriæ intrat in Sponsi thalamum, allelúia. Psalmus Dixit Dominus. cum ceteris de Comuni unius Virginis, pag. 96\*.

Capitulum, Hymnus et V. ut in primis Vesperis Festi, pag. 1092.

Ad Magnificat Aña. Tuam laudantes gloriám Agnes beata respice : cælestis Agni grátiam benigna nobis obtine, allelúia.

Oratio Deus, qui beatam Agnetem. ut in Laudibus.

† Temp. Resurrect. fiat Memoria de Cruce, ut pag. 1100.

PRIMA DIE

INFRA OCTAVAM S. AGNETIS,  
TEMPORE PASCHALI.

IN NOCTURNO.

Super Psalmos sola Aña. Senilem gerens ánimum, novennis fugit sæculum : vestigia premens Dominici, virtute fulsit multiplici, allelúia.

Tres Psalmi et V. de Comuni unius Virginis, secundum ordinem notatum pag. 1096.

(Ex Brevi Clementis viij).

Lectio iij.

**B**EATA Agnes, adhuc infántula, sæpe se, lúsibus puerilibus negléctis, abdebat, ut se Jesu Christo, quem jam tum Sponsum sibi delégerat, ex ánimo commendáret. Quo tempore, cum aliquando e suo pago Montem Politianum petens, ad collein in urbis pomerio situm venisset, ubi tunc infames quædam feminae turpi quæstu vitam traducébant, tetri quidam sordidique corvi quamplurimi devolantes Christi Sponsam rostro et únguibus ferire nitebantur : nimirum impuri dæmones jam tum præsentire videbantur quantum esset Agnes ipsórum conátibus adversatúra. Nonum vero annum agens, cum a paréntibus multis precibus impetrasset ut in eadem urbe in sacro virginum coenóbio, cui a Sacco nomen erat, suo se Sponso pénitus tráderet, tanta cepit alacritate tempus omne in precatiónibus piis, sacris lectionibus aliisque religiósiss



exercitationibus pónere, ut quantum posset étiam corpóris necessitatí subtráheret. Cetera fiant ut pag. 1096. et sequentibus notatum est.

## SECUNDA DIE

INFRA OCTAVAM S. AGNETIS,  
TEMPORE PASCHALI.

## IN NOCTURNO.

Super Psalmos sola Aña. Ut vita Jesu manifestaré tur in carne sua, mortificationém ejus júgiter Agnes in se circúmtulit, alleluia.

Tres Psalmi et V. de Communi unius Virginis, secundum ordinem notatum pag. 1096.

(Ex Brevi Clementis viij.)

Lectio iij.

**M**ODESTIAM, obediéntiam, humilitátem Agnes semper cóluit; mentis vero integritátem corporisque pudicitiam sic adamávit, ut ad tantum thesáurum facilius conservándum, tenéllum adhuc corpúsculum vigiliis ac jejúniis exercéret. Quare tantis illam virtútibus, ea præsertim ætáte, præditam, non modo ceteræ virgines et æquales observábant, sed magistra étiam ipsam únice diligébat. Cum ad annum quartum décimum pervénisset, ita jam cum Deo erat ánimo arctissimis caritátis vinculis juncta, ut sæpe inter precándum, nullis adminiculis nixa, cúbito a terra tollerétur. Et ne lucérna ardens sub módio laterét, sed super candelábrum ponerétur, Agnes, Dei nutu, ad instituéndum novum sacram virginum cenóbium in

óppido vulgo Procéno, cum sua magistra delécta est.

Cetera fiant ut pag. 1096. notatum est.

## DIE XXI. APRILIS.

B. BARTHOLOMÆI CERVERII  
MART. ORD. PRÆD.

DUPLEX.

Oratio.

**D**EUS, qui beátum Bartholomæum insígnem fidei propugnatórem effecisti, et martyrii coróna sublimásti: da nobis ejus méritis et intercessióne crucem júgiter ferre, ut cum ipso glóriæ tuæ mereámur esse participes. Per.

## IN NOCTURNO.

Lectio j. Existimo. de Comuni unius Martyris non Pontificis. pag. 49\*.

Lectio ij.

**B**ARTHOLOMÆUS Saviliáni in Dicecési Taurinénsi ex inclýta Cerveriórum gente natus est anno plus minus vigésimo supra millésimum quadringentésimum. Adoléscent mundi vanitátem despiciens apostólicæ vitæ institúta professus est in Ordine Prædicatórum, ac tali spíritus fervóre virtútum ómnium exercitio et sacrárum disciplinárum cultui se devóvit, ut brevi absólutum quoddam evangélicæ perfectiónis spécimen et divinárum litterárum doctíssimus eváserit. Hinc docéndi múnere sibi concrédito summa cum laude aliquándiu perfúctus, et Augústæ Taurinórum in sacræ Facultátis magistrórum collégium cooptátus est. Hæc vero adeo perspécta Bartholomæi

virtus atque doctrina in causa fuit cur ei non semel Saviliensis cœnobii régimen et arduum tum maxime Quæsitôris fidei munus committeretur, quod ex eodem claustro late circum Pedemontii Liguriæque regionibus exerceret.

## Lectio iij.

**H**OC officio inito, cum dicendi vi plurimum valeret, tam sancte atque utiliter divini verbi præconem egit, ut ejus nomen omnium laude celebraretur. Sed unde invicto religionis assertori bonorum æstimatio conciliabatur, inde etiam tam atrox hæreticorum odium conflatum est, ut morte cum efficere machinaréntur. Porro hæc Sanctus divinitus prænovit, suosque pro religionis incremento labores gloriosa martyrii laude coronatum iri. Etenim cum pro exsequendo injuncto munere Cervérias, nunc Fossanensis Diocesis oppidum, adire debéret, piam diligentemque, ut cum maxime, conscientiam exomolôgesim apud consodalem fecit, eique demum aperte testatus est se eo loci vita decessurum. Vaticinium comprobavit eventus. Cum enim per Bráidam illuc pergeret, ac dimidio circiter milliario a loco distaret, ab hæreticis circumventus est, qui sociorum alterum graviter vulnerato, mortem ei nec minimum reluctanti, sed libenter perferenti martyrium, et pro occisóribus roganti, lanceis confosso ventre attulerunt, die vigésimo primo Aprilis anni millésimi quadringentésimi sexagésimi sexti.

AD PRETIOSA.  
Evangelium.

Secundum Joannem. Cap. 15.  
**I**N illo tempore : Dixit Jesus discipulis suis : Ego sum vitis vera : et Pater meus agricola est. Tu autem Dómine.

DIE XXIII. APRILIS.  
S. GEORGII MARTYRIS.

SIMPLEX. Oratio.

**D**EUS, qui nos beati Georgii Mártiris tui méritis et intercessióne lætificas : concede propítius ut qui tua per eum beneficia poscimus, dono tuæ grátiae consequámur. Per.

† Tempore Resurrectionis, Memoria de Cruce in utrisque Vesperis, si de S. Georgio fiat Officium Simplex extra Octavam Solemnem.

Añã. Crucem sanctam súbiit qui inférnum confrégit : accinctus est poténtia, surréxit die tértia, allelúia.

¶. Dícite in nationibus, allelúia. R̃. Quia Dóminus regnavit a ligno, allelúia. Oratio.

**D**EUS, qui pro nobis Filium tuum Crucis patibulum subire voluísti, ut inimici a nobis expélles potestatem, concede nobis famulis tuis ut Resurrectiónis grátiam consequámur. Per eundem.

## IN NOCTURNO.

Lectio j. et Lectio ij. de Scriptura corrente.

(Ex probatis Auctoribus.)

## Lectio iij.

**G**EORGIIUS genere Cápadox, sub Diocletiano imperatore, post cárceres, vébera, rotam gládiis armátam et ália torménta, per sánguinem

migravit ad Christum. Ejus venerandum caput Romæ servatur ad Velum aureum; quod Zacharias Papa in theca repositum cum græca inscriptione ibidem recondidit. Rédditus est hic sanctus Martyr toti Orienti et Occidenti variis miraculis clarissimus, a régibus etiam in bello sæpius invocatus. Romæna quoque Ecclesia inter Sanctos, quos præcipue adversus fidei hostes invocare consuevit, sanctum Georgium cumprimis ut singularem patronum veneratur.

† Tempore Resurrectionis, Memoria de Cruce in Laudibus, si de S. Georgio fiat Officium Simplex extra Octavam Solemnem.

Añ. Crucifixus surrexit a mortuis, et redemit nos, allelúia, allelúia.

Ÿ. Dicite in nationibus. et Oratio Deus, qui pro nobis, ut supra ad Memoriam de Cruce in Vesperis.

#### AD PRETIOSA.

Evangelium Ego sum vitis vera, pag. 1100.

**S** festum sanctissimæ Coronæ spinæ Domini impeditum fuerit, nec sit intra Tempus Paschale aliqua Feria vacans in quam transferri queat, die iv. Maii celebrabitur, et festum S. Monicæ transferetur suo ordine in aliquam Feriam vacantem.

DIE XXIV. APRILIS.

SS. CORONÆ SPINÆ  
DOMINI.

TOTUM DUPLEX.

Super Psalmos Añ. Summum Regem gloriæ spinis co-

ronatum ridet plebs perfidiæ morti condemnatum, allelúia. Psalmus Laudate pueri. cum ceteris, pag. 145.

Capitulum.

Cant. 3.

**E**GREDIMINI et videte filie Sion regem Salomonem in diademate, quo coronavit illum mater sua.

Ÿ. Felix Spina, cujus aculei guttis rubent roris sanguinei, \* Vires frangunt regis tartarei, seras pandunt regni siderei, Allelúia. Ÿ. O Spinarum immensa gloria, quæ tot nobis præstant remedia. — Vires frangunt. Gloria. Allelúia.

Hymnus.

**Æ**TERNO Regi gloriæ Devota laudum cantica Fideles solvant hodie Pro Corona Domínica.

CORONAT Regem omnium Corona contumeliæ, Cujus nobis opprobrium Coronam confert gloriæ.

DE spinarum aculeis Christi Corona pléctitur, Qua ministris tartareis Mundi potestas tollitur.

CORONA Christi capitis Sacro perfusa sanguine, Pœnis solutis debitis, Reos purgat a crimine.

† Penultima Strophæ Tempore Resurrectionis : QUÆSUMUS, Auctor omnium, In hoc Paschali gaudio, Ab omni mortis impetu Tuum defende populum.

† Penultima Strophæ Tempore Ascensionis : TU esto nostrum gaudium, Qui es futurus præmium : Sit nostra in te gloria, Per cuncta semper sæcula.



† Ultima Strophæ

utroque Tempore :

LAUS Christo Regi glóriæ

Pro Coronæ virtutibus,

Qua nos refórmans grátia

Corónet in cæléstibus. Amen.

¶ Tuam Coronam adorámus  
Dómine, allelúia. R. Tuum  
gloriósum recólimus triúm-  
phum, allelúia.

Ad Magnificat Añæ. Gaude  
felix mater Ecclésia, adsunt  
tibi nova solémnia : nam Co-  
rona, quondam inglória, nunc  
per orbem refúlget glória, al-  
lelúia.

Oratio.

**P**RÆSTA, quæsumus omni-  
potens Deus : ut qui in  
memóriam Passiónis Dómini  
nostri Jesu Christi Coronam  
ejus spineam venerámur in  
terris, ab ipso glória et honóre  
coronári mereámur in cælis :  
Qui tecum vivit.

In j. Vesperis et Laudibus  
Memoria S. Adalberti Episcopi  
et Martyris.

Oratio.

**I**NFIRMITATEM nostram, quæ-  
sumus, omnipotens Deus ré-  
spice : et quia pondus propriæ  
actiónis gravat, beáti Adal-  
berti Mártiris tui atque Pon-  
tificis intercessio gloriósa nos  
prótegat. Per.

#### AD MATUTINUM.

Invitatorium. Adsunt Domi-  
nici Serti solémnia : \* Laude  
múltiplici plaudat Ecclésia,  
allelúia.

Hymnus Ætérno Regi gló-  
riæ. ut in j. Vesperis, pag. 1101.

#### IN NOCTURNO.

Super Psalmos Añæ. Chri-  
stum sub Serto spineo deridet  
plebs perfidiæ : cujus crude-  
róseo Sertum confértur gló-  
riæ, allelúia. Psalmus Beátus

vir, qui non ábiit. cum duo-  
bus ceteris ut in j. Nocturno  
de Communi unius Martyris,  
pag. 39\*.

¶ Tuam Coronam adorámus  
Dómine, allelúia. R. Tuum  
gloriósum recólimus triúm-  
phum, allelúia.

† Benedictiones secundum  
ordinem Nocturnorum, scilicet  
Dominica, Feria secunda et  
Feria quinta Benedictio Bene-  
dictióne perpétua. cum ceteris  
duabus; Feria tertia et Feria  
sexta Benedictio Deus Pater  
omnipotens. cum ceteris dua-  
bus; Feria quarta et Sabbato  
Benedictio Ille nos benedicat  
cum ceteris duabus.

De Cánticis canticórum.

Lectio j.

Cap. 3.

**F**ERCULUM fecit sibi rex Sa-  
lomon de lignis Libani :  
colúmnas ejus fecit argenteas,  
reclinatórium áureum, ascén-  
sum purpúreum : média cari-  
tate constrávit propter filias  
Jerúsalem : Egredimini et vi-  
dète filiæ Sion regem Salomó-  
nem in diadémate, quo coro-  
návit illum mater sua in die  
desponsatiónis illius, et in die  
lætitia cordis ejus.

R. j. Spina carens Flos spina  
púngitur, per quam culpæ  
spina confringitur : \* Spina  
mortis spinis retúnditur, dum  
Vita móritur, allelúia. ¶ Per  
hoc ludibrium hostis delúditur:  
mortis domínium per mortem  
tóllitur. — Spina mortis.

Sermo sancti Cyrilli Episcopi  
Jerosolymitáni.

Lectio ij.

(Catech. 13.)

**M**ILITES coronam imposue-  
runt cápiti ejus. Quid  
enim refert etiá si spineam?

Omnis rex a militibus appellatur : oportebat et Jesum a militibus typice coronari : sicut ideo Scriptura in Canticis dicit : Exite et videte filiae Sion regem Salomonem in corona, qua coronavit ipsum mater ejus. Mystèrium erat Corona : solutio enim erat peccatorum, dissolutio autem maledictionis. Accipit sententiam Adam : Maledicta terra in operibus tuis : spinas et tribulos afferet tibi. Propterea Jesus accipit spinas, ut solvat hanc maledictionem.

℣. ij. Coronat Regem omnium Judæa Serto spineo : stat inter spinas lilium vernans cruore roseo, \* Spinarum culpæ nescium, spinæ punctum aculeo, allelûia. V. Sub decore fulget purpureo corpus nitens candore niveo. — Spinarum culpæ nescium.

Sermo sancti Athanasii  
Episcopi.

(In Evang. De Passione  
et Cruce Domini.)

Lectio iij.

**A**LIA quoque ratione spinæam Coronam gestare videri potest : nimirum ut sollicitudines nostræ vitæ extirparet. Injécit enim sceléstus ille, quamquam nolens, sollicitudines nostras super Dominum, non animadvertens futurum esse ut earum gestatione Dominus omnes in securitatem asséreret, quo et semen-tem verbi a spinis depurgatam haberent, et in precibus mentem inconvulsam possiderent. Ipse enim in doloribus et curis erat, ut nos doloribus careremus.

℣. iij. Felix Spina, cujus aculei guttis rubent roris sanguinei, \* Vires frangunt regis tartarei, seras pandunt regni siderei, Allelûia. V. O Spinarum immensa gloria, quæ tot nobis præstant remedia. — Vires frangunt. Glória. Allelûia.

Ante Laudes V. Plectentes Coronam de spinis, allelûia. ℣. Posuerunt super caput Domini, allelûia.

#### AD LAUDES

ET PER HORAS ANTIPHONÆ.

1. Adest dies lætitiæ, quo Diadéma spineum commendatur memoriæ, Christi cruore roseum, allelûia, allelûia. Psalmus Dominus regnavit. cum ceteris, pag. 17.

2. Summum Regem gloriæ spinis coronatum ridet plebs perfidiæ morti condemnatum, allelûia.

3. O quam felix punctio, quam beata Spina, de qua fluit unctio, mundi medicina ! Allelûia.

4. Pungens spina vulnerat Christum patientem, et a morte liberat populum credentem, allelûia.

5. Spinæ rubent sanguine, Christum cruentantes : mundum lavant crimine, cælum reserantes, allelûia.

Capitulum. Cant. 3.

**E**GREDDIMINI et videte filiae Sion regem Salomonem in diademate, quo coronavit illum mater sua.

Hymnus.

**L**AUDA fidelis concio  
Spinæ trophæum inclytum,  
Per quam perit perditio,  
Vitæque datur meritum.

Nos a puncturis liberat  
Æterni Patris Filius,  
Dum spinis pungi tolerat  
Spinarum culpæ nescius.

DUM spinarum aculeum  
Christus pro nobis pertulit,  
Per Diadema spineum  
Vitæ coronam contulit.

PLAUDAT turba fidelium,  
Quod per spinæ ludibrium  
Purgat Creaturæ omnium  
Spineti nostri vitium.

† Penultima Strophæ  
Tempore Resurrectionis :  
QUÆSUMUS, Auctor omnium,  
In hoc Paschali gaudio,  
Ab omni mortis impetu  
Tuum defende populum.

† Penultima Strophæ  
Tempore Ascensionis :  
Tu esto nostrum gaudium,  
Qui es futurus præmium :  
Sit nostra in te gloria,  
Per cuncta semper sæcula.

† Ultima Strophæ  
utroque Tempore :  
LAUS Christo Regi gloriæ  
Pro Coronæ virtutibus,  
Qua nos reformans gratiæ  
Coronet in cælestibus. Amen.  
¶ Eris coronâ gloriæ in manu  
Domini, allelûia. R. Et diadema  
regni in manu Dei tui,  
allelûia.

Ad Benedictus Añâ. Ave  
Spina pœnæ remedium, servi  
decus, Regis opprobrium : tua  
plaga, dolor, ludibrium, vitæ  
nobis mercantur præmium, allelûia.

Oratio.

**P**RÆSTA, quæsumus omnipotens Deus : ut qui in memoriam Passiōis Domini nostri Jesu Christi Coronam ejus spineam veneramur in terris, ab ipso gloriâ et honore coronari mereamur in cælis : Qui tecum vivit.

Ad Memoriam S. Adalberti  
Episcopi et Martyris. Oratio.  
**I**NFIRMITATEM nostram, quæsumus, omnipotens Deus respice : et quia pondus propriæ actionis gravat, beati Adalberti Martyris tui atque Pontificis intercessio gloriosa nos protegat. Per.

#### AD PRETIOSA.

Evangelium.  
Secundum Joannem. Cap. 19.  
**I**N illo tempore : Apprehendit Pilatus Jesum, et flagellavit. Et milites plectentes coronam de spinis, imposuerunt capiti ejus : et veste purpurea circumdederunt eum. Tu autem.

#### AD TERTIAM.

Capitulum. Cant. 3.  
**E**GREDDIMINI et videte filiae Sion regem Salomonem in diademate, quo coronavit illum mater sua.

R. Tuam Coronam adoramus Domine, \* Allelûia, allelûia. Tuam Coronam. V. Tuum gloriosum recolimus triumphum. Allelûia. Gloria. Tuam Coronam.

V. Gloria et honore coronasti eum Domine, allelûia. R. Et constituisti eum super opera manuum tuarum, allelûia.

#### AD SEXTAM.

Capitulum. Apoc. 6.  
**V**IDI, et ecce equus albus, et qui sedebat super illum habebat arcum, et data est ei coronâ, et exivit vincens ut vinceret.

R. Gloria et honore coronasti eum Domine, \* Allelûia, allelûia. Gloria et honore. V. Et constituisti eum super opera manuum tuarum. Allelûia. Gloria Patri. Gloria et honore.



¶. Posuisti Dómine super caput ejus, allelúia. R. Coronam de lapide pretiósio, allelúia.

## AD NONAM.

Capitulum. Isa. 28.

**I**n die illa erit Dóminus exercituum coróna glóriæ, et sertum exsultatiónis residuo populi sui.

R. Posuisti Dómine super caput ejus, \* Allelúia, allelúia. Posuisti. ¶. Coronam de lapide pretiósio. Allelúia. Glória. Posuisti.

¶. Eris coróna glóriæ in manu Dómini, allelúia. R. Et diadéma regni in manu Dei tui, allelúia.

## AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtútis tuæ emittet Dóminus ex Sion : \* dominare in médio inimicórum tuorum.

Tecum principium in die virtútis tuæ in splendóribus sanctorum : \* ex útero ante luciferum genui te.

Jurávit Dóminus, et non pœnitēbit eum : \* Tu es sacerdos in ætérnum secundum ordinem Melchisedech.

Dóminus a dextris tuis, \* confrégit in die iræ suæ reges.

Judicabit in natió nibus, implebit ruínas : \* conquassabit cápita in terra multórum.

De torrēte in via bibet : \* propterea exaltabit caput.

Psalmus 110.

**C**ONFITEBOR tibi Dómine in toto corde meo : \* in consilio justórum, et congregatióne.

Magna ópera Dómini : \* exquisita in omnes voluntates ejus.

Confessio et magnificéntia opus ejus : \* et justitia ejus manet in sæculum sæculi.

Memóriam fecit mirabilium suórum, & miséricors et miserátor Dóminus : \* escam dedit timéntibus se.

Memor erit in sæculum testaménti sui : \* virtutem óperum suórum annuntiábit pópulo suo :

Ut det illis hereditatem génitium : \* ópera mánuum ejus veritas, et judícium.

Fidélia ómnia mandata ejus : & confirmata in sæculum sæculi, \* facta in veritate et æquitate.

Redemptiónem misit pópulo suo : \* mandávit in ætérnum testaméntum suum.

Sanctum, et terribile nomen ejus : \* initium sapiéntiæ timor Dómini.

Intelléctus bonus ómnibus faciéntibus eum : \* laudatio ejus manet in sæculum sæculi.

Psalmus 111.

**B**EATUS vir, qui timet Dóminus : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténébris lumē rectis : \* miséricors, et miserátor, et justus.

Jucúndus homo qui miserétur et cómmodat, & dispónet sermones suos in judício : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmatum est cor ejus : \* non commovébitur donec despiciat inimicos suos.

Dispérsit, dedit paupéribus : & justítia ejus manet in sæculum sæculi, \* cornu ejus exaltábitur in glória.

Peccátor vidébit, et irascetur, & déntibus suis fremet et tabéscet : \* desidérium peccatórum peribit.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásun, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia réspicit in cælo et in terra?

Súscitans a terra inopem, \* et de stércore érigens páuperem :

Ut collocet eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

Psalmus 116.

**L**AUDATE Dóminum omnes gentes : \* laudáte eum omnes pópuli :

Quóniam confirmáta est super nos misericórdia ejus : \* et véritas Dómini manet in ætérnum.

Añã. Adest dies lætítiæ, quo Diadéma spineum commendátur memóriæ, Christi cruóre róseum, allelúia, allelúia.

Capitulum Egređimini. et Hymnus Ætérno Regi glóriæ. ut in j. Vesperis, pag. 1101.

¶ Tuam Corónam adorámus Dómine, allelúia. R. Tuum gloriósum recólimus triúmphum, allelúia.

Ad Magnificat Añã. O decus Ecclésiæ gloriósa Spina, sertum Regis glóriæ, mundi medicina, præsentis angústie dulcor et resina, te laudantes hódie serves a ruina, allelúia.

Oratio.

**P**RÆSTA, quæsumus omnipotens Deus : ut qui in memóriam Passiónis Dómini nostri Jesu Christi Corónam ejus spineam venerámur in terris, ab ipso glória et honóre coronári mereámur in cælis : Qui tecum vivit.

DIE XXV. APRILIS.

S. MARCI EVANGELISTÆ.

TOTUM DUPLEX.

Quæ hic notata non sunt dicantur de Communi Apostolorum Temporis Paschalis, pagg. 113\*. 116\*, præter Capitula, quæ sumantur de Communi unius Evangelistæ, pag. 116\*.

Oratio.

**D**EUS, qui beátum Marcum, Evangelistam tuum, evangélicæ prædicationis grátia sublimásti : tribue, quæsumus, ejus nos semper et eruditóne proficere, et oratióne deféndi. Per.

IN NOCTURNO.

De libro Apocalypsis beati Joánnis Apostoli.

Lectio j.

**E**T in conspéctu sedis tamquam mare vítreum simile crystállo : et in médio sedis,

et in circūitu sedis quātuor animália plena oculis ante et retro. Et animal primum simile leóni, et secundum animal simile vitulo, et tertium animal habens faciem quasi hominis, et quartum animal simile áquilæ volánti. Et quātuor animália, singula eórum habébant alas senas : et in circūitu, et intus plena sunt oculis : et réquiem non habébant die ac nocte, dicéntia : Sanctus, Sanctus, Sanctus Dóminus Deus omnípotens, qui erat, et qui est, et qui ventúrus est.

R. j. Virtúte magna reddébant Apóstoli \* Testimónium Resurrectiónis Jesu Christi Dómini nostri, allelúia, allelúia. V. Repléti quidem Spíritu sancto loquebántur cum fidúcia verbum Dei. — Testimónium Resurrectiónis Jesu Christi.

Ex libro sancti Hierónymi Presbyteri de Scriptóribus ecclesiásticis.

## Lectio ij.

**M**ARCUS, discipulus et intérpres Petri, juxta quod Petrum referéntem audierat, rogátus Romæ a frátribus, breve scripsit Evangélium. Quod cum Petrus audisset, et probávit, et Ecclesiæ legéndum sua auctoritáte dedit. Assumpto itaque Evangélio, quod ipse confecerat, perréxit in Ægyptum, et primus Alexandriæ Christum annúntians, constituit Ecclesiám tanta doctrína et vitæ continéntia, ut omnes sectatóres Christi ad exéplum sui cógeret. Dénique Philo disertissimus Judæorum, videns Alexandriæ primam Ecclesiám adhuc judaizántem, quasi in laudem gentis

suæ librum super eórum conversatióne scripsit. Et quómo-  
do Lucas narrat Jerosólymæ credéntes ómnia habuisse comúnia, sic et ille, quod Alexandriæ sub Marco fieri doctóre cernébat, memoriæ trádidit.

R. ij. Isti sunt agni novélli, qui annuntiavérunt, allelúia : modo venérunt ad fontes : \* Repléti sunt claritáte, allelúia, allelúia. V. In conspéctu Agni amicti stolis albis, et palmæ in mánibus eórum. — Repléti sunt claritáte, allelúia, allelúia.

## Lectio iij.

**M**ORTUUS est autem octavo Nerónis anno, et sepúltus Alexandriæ. Martyrio obiisse certum est. Fuisse Marcum primum paréntem et auctórem Ægyptiórum monachórum étiam constat. Sanctus Petrus Martyr Alexandrinus Episcopus, cum sacra mystéria celebráturus in throno sancti Marci nollet de more sedére, sed pótius in suppedáneo scabéllo manéret, id ægre ferénti pópulo respóndit : Plerúmque, cum throno illi appropinquáre volo, video quamdam in eo divínam sedére virtútem, fulgóre lúminis ádmodum radiántem. Mox ego, inter gáudium et pavórem suspénsus, agnósco me tantæ sessiónis prorsus indignum.

R. iij. Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, Allelúia, allelúia. V. In omnem terram exivit sonus eórum, et in fines orbis terræ verba eórum. — Et sicut lac. Glória. Allelúia, allelúia.



## AD PRETIOSA.

Evangelium.

Secundum Lucam. Cap. 10.

**I**n illo tempore : Designavit Dominus et alios septuaginta duos, et misit illos binos ante faciem suam in omnem civitatem, et locum, quo erat ipse venturus. Tu autem Domine.

DIE XXVI. APRILIS.

BB. DOMINICI ET GREGORII

CONFESSORUM ORD. PRÆD.

DUPLEX.

## AD I. VESPERAS.

Super Psalmos Añā. Isti sunt, qui contempsērunt vitam mundi, et pervenerunt ad cælestia regna, allelúia.

Capitulum.

Hebr. 11.

**S**ANCTI per fidem vicērunt regna, operāti sunt iustitiam, adēpti sunt repromissiones, in Christo Jesu Domino nostro.

R̃. De ore prudentis procedit mel, allelúia : dulcedo mellis est lingua ejus, allelúia : \* Favus distillans labia ejus, Allelúia, allelúia. Ṽ. Sapientia requiescit in corde ejus, et prudentia in sermone oris illius. — Favus distillans. Glória. Allelúia, allelúia.

Hymnus Iste Confessor., pag. 122\*.

Ṽ. Orate pro nobis beati Dominice et Gregori, allelúia. R̃. Ut digni efficiamur promissionibus Christi, allelúia.

Ad Magnificat Añā. Filiae Jerusalem venite, et videte Mátyrem cum coróna, qua coronavit eum Dominus in die solemnitatis et lætitiæ, allelúia, allelúia. Oratio.

**D**EUS, cujus misericordiæ non est numerus, te hu-

militer deprecámur : ut intercedéntibus beátis Dominico et Gregório Confessoribus tuis, a peccatorum nostrorum pōdere subducti, glóriam ab ípsis obténtam assequámur. Per.

## AD MATUTINUM.

Invitorium. Exsúltent in Domino Sancti, \* Allelúia. Hymnus Iste Confessor., pag. 122\*.

## IN NOCTURNO.

Tres Psalmi et tres Antiphonæ ut in primo Nocturno de Communi unius Confessoris extra Tempus Paschale, pag. 68\*. addito singulis Antiphonis Allelúia.

Ṽ. Lætámini in Domino, et exsultáte justí, allelúia. R̃. Et gloriámini omnes recti corde, allelúia.

Benedictiones dentur secundum ordinem Nocturnorum, ut in festo SS. Coronæ Spineæ Domini, pag. 1102. notatum est.

De libro Ecclesiastici.

Lectio j.

Cap. 31.

**B**EATUS vir, qui invéntus est sine mácula : et qui post aurum non ábiit, nec sperávit in pecúnia, et thesáuris. Quis est hic, et laudábimus eum? Fecit enim mirabilia in vita sua. Qui probátus est in illo, et perfectus est, erit illi glória æterna : qui pótuit transgredi, et non est transgressus : facere mala, et non fecit : ideo stabilita sunt bona illius in Domino, et elemósynas illius enarrábit omnis ecclésiā sanctorum.

R̃. j. Beátus vir, qui méuit Dominum, allelúia : \* In mandátis ejus cupit nimis, allelúia, allelúia, allelúia. Ṽ. Potens in terra erit semen ejus : generá-

tio rectórum benedicétur. —  
In mandátis ejus cupit nimis,  
allelúia, allelúia, allelúia.

Lectio ij.

**B**EATI Dominicus et Gregó-  
rius Ordinis Prædicató-  
rum, qui in regno Aragóniæ  
Hispaniárum circa finem sæ-  
culi décimi tértii floruére, san-  
cti Patris Dominici vestigia  
prementés, ac proximórum sa-  
lútis zelo flagrantes, apostólico  
ministério per Evangélii præ-  
dicationém se totqs dedicá-  
bant. Dum autem quadam die  
Perárruam versus iter peráge-  
rent, gravi obórta áeris procél-  
la, eam declinatúri sub rupem  
se receperunt : quæ concússa  
et repénite córruens Dei Servos  
oppressit. Omnípotens autem  
pretiósam eórum mortem de-  
litescere non permísit. Miro  
quippe apparénite indício, in-  
colæ vicinórum locórum ac-  
curréntes, amotisq; saxis, sub  
quibus Beatórum córpora laté-  
bant, sacras exúvias invené-  
runt : quæ ad óppidum nó-  
mine Besiáns diocesis Bar-  
bastroénsis delátæ, in ecclési-  
a parochiáli honorífice repósitæ  
sunt. Ex tunc beáti Dominicus  
et Gregórius Sanctórum cul-  
tum obtinuére, et eórum in  
advérsis patrocínium incolæ  
imploráre cœperunt. Quem  
cultum, ad hæc usque témpora  
propagátum et nunquam in-  
termissum, Pius Nonus Pónti-  
fex Máximus ex consúlto sa-  
crórum Rítuum Congregatiónis  
probávit, indulsitq; ut eórum  
festum cum Officio et Missa  
ab univérso Prædicatórum  
Ordine quotánnis celebrétur.

R. ij. De ore prudéntis pro-  
cédit mel, allelúia : dulcédo

mellis est lingua ejus, allelúia :  
\* Favus distillans lábia ejus,  
allelúia, allelúia. V. Sapienti-  
a requiescit in corde ejus, et pru-  
déntia in sermóne oris illius.  
— Favus distillans.

Sermo sancti Joánnis  
Chrysóstomi.

(Serm. de Mart.)

Lectio iij.

**Q**UI Sanctórum mérita reli-  
giósa caritaté miratur,  
quique justórum glórias fre-  
quénti laude collóquitur, eórum  
mores sanctos atq; justítiam  
imitétur : quóniam quem delé-  
ctat Sancti alicújus méritum,  
delectáre debet par circa cul-  
tum Dei obséquium. Quare, aut  
imitári debet si laudat, aut  
laudáre non debet si imitári  
detrécitat. Nam si propterea  
justos fidelésque diligimus,  
quod in ipsis justítiam fidém-  
que suspícimus, póssumus nos  
quoque esse quod sunt, si fa-  
ciámus ipsi quod faciunt.

R. iij. Filiæ Jerúsalem veníte,  
et vidéte Mártýrem cum coró-  
na, qua coronávit eum Dómi-  
nus \* In die solemnitatís et  
lætitiæ, Allelúia. V. Induit  
illum Dóminus stolam glóriæ,  
et coronávit eum. — In die.  
Glória. Allelúia.

Ante Laudes V. Oráte pro  
nobis beáti Dominice et Gre-  
gori, allelúia. R. Ut digni effi-  
ciámur promissiónibus Christi.  
allelúia.

#### AD LAUDES

ET PER HORAS ANTIPHONÆ.

1. Sancti tui Dómine floré-  
bunt sicut lílillum, allelúia : et  
sicut odor bálsami erunt ante  
te, allelúia. Psalmus Dóminus  
regnávit. cum ceteris, pag. 17.

2. Sancti et iusti in Dómino gaudéte, allelúia : vos elégit Deus in hereditátem sibi, allelúia.

3. In velaménto clamábunt Sancti tui Dómine, allelúia, allelúia, allelúia.

4. Spíritus et ánimæ iustórum hymnum dicite Deo nostro, allelúia, allelúia.

5. In caeléstibus regnis Sanctórum habitátio est, allelúia : et in ætérnum réquies eórum, allelúia.

Capitulum. Hebr. 11.

**S**ANCTI per fidem vicérunt regna, operáti sunt iustitiam, adépti sunt repromissiónes, in Christo Jesu Dómino nostro.

Hymnus.

**J**ESU, Redémptor ómnium,  
Coróná confiténtium,  
In hac die cleméntius  
Nostris favéto précibus,  
Tui sacri qua nóminis  
Conféssor almus cláruit,  
Cujus celébrat ánnua  
Devóta plebs solémnia.

**Q**UI, rite mundi gáudia  
Hujus cadúca résuens,  
Cum ángelis caeléstibus  
Lætus potitur præmiis.

**H**UJUS benígnus ánnue  
Nobis sequi vestigia :  
Hujus precátu sêrvulis  
Dimitte noxam criminis.

† Tempore Resurrectionis :

**Q**UÆSUMUS, Auctor ómnium,  
In hoc Pascháli gáudio,  
Ab omni mortis impetu  
Tuum defénde pópulum.

**G**LORIA tibi Dómine,  
Qui surrexisti a mórtuis,  
Cum Patre et sancto Spíritu,  
In sempitérna sæcula. Amen.

† Tempore Ascensionis :

**T**U esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

**G**LORIA tibi Dómine,  
Qui scandis supra sidera,  
Cum Patre et sancto Spíritu,  
In sempitérna sæcula. Amen.

¶. Mirábilis Deus, allelúia.  
R. In Sanctis suis, allelúia.

**A**d Benedictus Añá. Lux perpétua lucébit Sanctis tuis Dómine, allelúia, et ætérnitas témporum, allelúia, allelúia, allelúia.

Oratio.

**D**EUS, cujus misericórdiæ non est númerus, te humiliter deprecámur : ut intercedéntibus beátis Dominico et Gregório Confessóribus tuis, a peccatórum nostrórum pónere subdúcti, glóriam ab ipsis obténtam assequámur. Per.

AD PRETIOSA.

Evangelium.

Secúndum Matthæum. Cap. 11.

**I**N illo témpore : Respóndens Jesus dixit : Confiteor tibi Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Tu autem Dómine.

AD TERTIAM.

Capitulum Sancti per fidem, ut in Laudibus.

R. Lætámini in Dómino, et exsultáte iusti, \* Allelúia, allelúia. Lætámini. ¶. Et gloriámini omnes recti corde, Allelúia. Glória. Lætámini.

¶. Exsúltent iusti in conspéctu Dei, allelúia. R. Et delecténtur in lætitia, allelúia.



## AD SEXTAM.

Capitulum. Sap. 10.

**R**EDDIDIT Deus mercédem  
 laborum Sanctórum suó-  
 rum, et deduxit illos in via  
 mirabili : et fuit illis in vela-  
 ménto diéi, et in luce stellá-  
 rum nocte.

R. Exsúltent justí in conspé-  
 ctu Dei, \* Allelúia, allelúia.  
 Exsúltent. V. Et delecténtur  
 in lætítia. Allelúia. Glória.  
 Exsúltent.

V. Justí autem in perpétuum  
 vivent, allelúia. R. Et apud  
 Dóminum est merces eórum,  
 allelúia.

## AD NONAM.

Capitulum. Sap. 3.

**J**USTORUM ánimæ in manu  
 Dei sunt, et non tanget illos  
 tormentum malitiæ. Visi sunt  
 oculis insipientium mori : illi  
 autem sunt in pace.

R. Justí autem in perpétuum  
 vivent, \* Allelúia, allelúia.  
 Justí autem. V. Et apud Dó-  
 minum est merces eórum. Al-  
 lelúia. Glória. Justí autem.

V. Mirábilis Deus, allelúia.  
 R. In Sanctis suis, allelúia.

## AD II. VESPERAS.

Super Psalmos Aña. Sancti  
 tui Dómine florébunt sicut  
 lílġum, allelúia : et sicut odor  
 bálsami erunt ante te, allelúia.  
 Psalmus Dixit Dóminus. cum  
 ceteris de Comuni unius  
 Confessoris, pag. 76\*.

Capitulum. Hebr. 11.

**S**ANCTI per fidem vicérunt re-  
 gna, operáti sunt justítiam,  
 adépti sunt repromissíones, in  
 Christo Jesu Dómino nostro.

Hymnus Iste Conféssor., pag.  
 122\*.

V. Oráte pro nobis beáti Do-  
 mínice et Gregóri, allelúia.  
 R. Ut digni efficiámur promís-  
 sionibus Christi, allelúia.

Ad Magnificat Aña. In civi-  
 tate Dómini clare sonant júgi-  
 ter órgana Sanctórum : ibi  
 Angeli et Archángeli hym-  
 num decántant ante thronum  
 Dei, allelúia.

## DIE XXVII. APRILIS.

## IN OCTAVA S. AGNETIS.

## SIMPLEX.

Omnia ut in Festo, pag. 1092.  
 et sequentibus, servato modo  
 Octavæ diéi Simplicis, præter  
 hic posita.

## IN NOCTURNO.

Duæ primæ Lectiones erunt  
 de Scriptura corrente (vel de  
 Homilia Dominicali, si legen-  
 da fuerit), tertia vero quæ se-  
 quitur.

(Ex Brev. Clem. VIII.)

## Lectio iij.

**C**UM in gravissimum mor-  
 bum incidisset Agnes, ad  
 bálnea Clanciáni propinqui óp-  
 pidi dedúcta, vix aquas illas est  
 ingrèssa, cum cæléstí quodam  
 rore concrèto et instar nivis  
 cándido fuère contéctæ, cujus  
 particulæ singulæ crucis figú-  
 ram exprímébant : ac nova  
 quoque tunc aquæ vena sca-  
 túriens, morbos omnes curáre  
 coepit. Verum ipsa, quæ jam  
 ad cæléstes nuptias a Sponso  
 evocabátur, ad cœnóbium re-  
 vèrsa, ingravescente morbo,  
 Soróres, deplorántes tantæ ma-  
 tris jactúram, consoláta, cum  
 eas ad concórdiam et votórum  
 observántiam esset hortáta, et  
 óculis in cælum sublátis, spi-  
 ritum Dómino commendáset,

vitam hanc miseram et caducam cum beata illa et aeterna commutavit. Cujus corpus, miram odoris suavitatem efflans, ad se visendum omnes invitavit; ac summis manibus et pedibus pretiosum liquorem emittens, vestes etiam ipsas madefecit: et usque in praesentem diem multis et magnis miraculis illustratur.

DIE XXVIII. APRILIS.

S. PAULI A CRUCE

CONFESSORIS.

DUPLEX.

Oratio.

**D**OMINE Jesu Christe, qui ad mysterium Crucis praedicandum, sanctum Paulum singulari caritate donasti, et per eum novam in Ecclesia familiam florere voluisti: ipsius nobis intercessione concede ut Passionem tuam jugiter recolentes in terris, ejusdem fructum consequi mereamur in caelis. Qui vivis.

In j. Vesperis et Laudibus Memoria S. Vitalis Martyris.

Oratio.

**P**RAESTA, quaesumus omnipotens Deus: ut intercedente beato Vitale Martyre tuo, et a cunctis adversitatibus liberemur in corpore, et a pravis cogitationibus mundemur in mente. Per.

IN NOCTURNO.

Lectio ij.

**P**AULUS a Cruce, Uvadae in Liguria natus, sed e Castellatio, prope Alexandriam, Statiellorum nobili genere oriundus, qua futurus esset sanctitate clarus, innotuit miro splendore, qui noctu implavit pa-

rientis matris cubiculum, et insigni augustae caeli Reginae beneficio, quae Puerum in flumen delapsum a certo naufragio illaesum eripuit. A primo rationis usu Jesu Christi crucifixi amore flagrans, ejus contemplationi prolixius vacare cepit, et carnem innocentissimam vigiliis, flagellis, jejuniis, potu in sexta Feria ex aceto cum felle misto ac dura quavis castigatione continere. Martyrii desiderio incensus, exercitui se adjunxit, qui Venetiis, ad bellum Turcis inferendum, comparabatur. Cognita vero inter orandum Dei voluntate, arma ultro reddidit, praestantiori militiae operam daturus, quae Ecclesiae praesidio esse, aeternamque hominum salutem procurare totis viribus niteretur. Reversus in patriam, honestissimis nuptiis sibi quae de lata patri hereditate recusatis, arctiorem inire Crucis semitam ac rudi tunica a suo Episcopo indui voluit. Tum ejus jussu, ob eminentem vitae sanctimoniam et rerum divinarum scientiam, nondum clericus Dominicum agrum, maximo cum animarum fructu, divini verbi praedicatione excoluit. Romam profectus, theologicis disciplinis rite imbutus, a Summo Pontifice Benedicto Decimo tertio ex obedientia sacerdotio auctus est. Facta sibi ab eodem potestate aggregandi socios, in solitudinem recessit Argentarii montis, quo eum beata Virgo jampridem invitaverat, veste illi simul ostensa atrii coloris, Passionis Filii sui insignibus decorata: ibique fundamenta jecit novae

Congregationis. Quæ brevi, plurimis ab eo toleratis laboribus, præclaris aucta viris cum Dei benedictione valde succrevit; a Sede Apostolica non semel confirmata, una cum regulis, quas orando ipse a Deo acceperat, et quarto addito voto pergratam Dominiæ Passionis memoriam promovendi.

## Lectio iij.

**S**ACRAS Virgines quoque instituit, quæ excessum caritatis divini Sponsi sedulo meditarerentur. Hæc inter, animarum inexhausta aviditate ab Evangelii prædicatione nunquam deficiens, homines pene innumeros, etiam perditissimos, aut in hæresim lapsos, in salutis tramite adduxit. Præsertim in Christi enarranda Passione, mirifica ejus orationis vis erat, qua una cum astantibus in fletum effusus, quælibet obdurata corda ad poenitentiam scindebat. Tanta in ejus pectore alebatur divinæ caritatis flamma, ut indusium, quod erat cordi proprius, sæpe veluti igne adustum, et binæ costulæ elatæ apparuerint. Sacrum præsertim faciens, non poterat a lacrimis temperare. Frequenti quoque extasi cum mira interdum corporis elevatione frui, vultuque superna luce radiante conspicebatur. Quandoque, dum concionaretur, cælestis vox verba ei suggerentis audita fuit, aut sermo ejus ad plura millia passuum intonuit. Prophetiæ et linguarum dono, cordium scrutatione, potestate in demones, in morbos, in elementa, enituit. Cumque ipsis Summis Pontificibus

carus ac venerandus esset, servum inutilem, peccatorem nequissimum, a dæmoniis quoque conculcandum se judicabat. Tandem, asperrimi vitæ generis ad longam usque senectutem tenacissimus, anno millesimo septingentesimo septuagesimo quinto, cum præclara monita, veluti sui spiritus transmissa hereditate, alumnis tradidisset, Ecclesiæ Sacramentis ac cælesti visione recreatus, Romæ, qua prædixerat die, migravit in cælum. Eum Pius Nonus Pontifex Maximus in Beatorum, novisque deinde fulgentem signis in Sanctorum numerum retulit.

## AD PRETIOSA.

## Evangelium.

Secundum Lucam. Cap. 10.

**I**n illo tempore : Designavit Dominus et alios septuaginta duos, et misit illos binos ante faciem suam in omnem civitatem, et locum quo erat ipse venturus. Tu autem Domine.

DIE XXIX. APRILIS.

S. PETRI

MART. ORD. PR. ED.

TOTUM DUPLEX.

AD I. VESPERAS.

Super Psalmos Añã. Collætitur turba fidelium triumphantis Athletæ gaudio, qui conservans pudoris liliū, et coruscans doctrinæ radio, dum pro fide subit martyrium, trino felix potitur bratio. allelūia. Psalmus Laudate pueri. cum ceteris, pag. 145.



## Capitulum.

Jac. i.

**B**EATUS vir, qui suffert tentationem : quoniam, cum probatus fuerit, accipiet coronam vitæ, quam repromisit Deus diligentibus se.

**R.** Dum Samsónis vulpes quærit, ab iniquis cæditur : caput sacrum lictor ferit, justis sanguis funditur : \* Sic triumphum palmam gerit, dum pro fide moritur, Alleluia. **V.** Stat invictus pugil fortis : constans profert hora mortis fidem, pro qua patitur. — Sic triumphum Gloria. Alleluia.

## Hymnus.

**M**AGNÆ dies lætitiæ  
Nobis illuxit cælitus :  
Petrus ad thronum gloriæ  
Martyr pervenit inclytus.

**P**UER in fide clauit,  
Parentum carens nebula :  
Deo servire studuit  
Sub paupertatis regula.

**C**ARNEM afflixit iugiter  
In labore multiplici,  
Viam sequens humiliter  
Patris sui Dominici.

**V**ITA, mors, signa varia,  
Cælum frequenti lumine,  
Dant Petro testimonia  
De sanctitatis culmine.

† Tempore Resurrectionis :  
QUÆSUMUS, Auctor omnium,

In hoc Paschali gaudio,  
Per ipsius suffragium  
Crescat nostra devotio.

**G**LORIA tibi Domine,  
Qui surrexisti a mortuis,  
Et fortes in certamine  
Sertis ornas perpetuis. Amen.

† Tempore Ascensionis :

TU esto nostrum gaudium,  
Qui es futurus præmium :

Sit nostra in te gloria  
Per cuncta semper sæcula.

**G**LORIA tibi Domine,  
Qui scandis supra sidera,  
Cum Patre et sancto Spiritu,  
In sempiterna sæcula. Amen.

**V.** Ora pro nobis beate Petre, alleluia. **R.** Ut digni efficiamur promissionibus Christi, alleluia.

Ad Magnificat Añ. O Petre Martyr inclyte, Prædicatorem gloria, virginitate prædite, verbo, signis et gratia, concessa nobis solite pietatis clementia, transacto mundi tramite, nos transfer ad cælestia, alleluia.

## Oratio.

**P**RÆSTA, quæsumus omnipotens Deus : ut beati Petri Martyris tui fidem congrua devotione sectemur, qui pro ejusdem fidei dilatione, martyrii palmam meruit obtinere. Per.

## AD MATUTINUM.

Invitorium. Cælestis exercitus Regem adoramus : \* Et pro palma Militis ejus jubilemus, alleluia.

## Hymnus.

**A**DEST triumphus nobilis  
Festumque cæli curiæ,  
Quo rosa delectabilis  
Offertur Regi gloriæ.

**P**ETRUS flos pulchritudinis,  
Et virtutum sacrarium,  
Nullum mortalis criminis  
Sensit unquam contagium.

**R**OBORARE cum nititur  
Fidem verbi præconio,  
Pro fide tandem cæditur  
Hæreticorum gladio.

**D**UM sic in petra fidei  
Petri tenet vestigia,  
Ad Petram Christum provehi  
Meretur cum victoria.

Duæ ultimæ Strophæ Tempore Resurrectionis et Tempore Ascensionis ut in fine Hymni ad j. Vesperas respective dicantur.

## IN NOCTURNO.

**Añã.** De fumo lumen oritur, et rosæ flos de sèntibus : Doctor et Martyr nascitur Petrus de infidélibus, allelúia. Psalmi ex j. Nocturno de Communi unius Martyris, pag. 39\*.

**Añã.** Prædicatórum Ordinis militans in ácie, nunc conjunctus est ágmini cæléstis militiæ, allelúia.

**Añã.** Mens fuit angélica, lingua fructuósa, vita apostólica, mors quam pretiósa ! Allelúia.

¶ Glória et honóre coronásti eum Dómine, allelúia. R. Et constituísti eum super ópera manuum tuárum, allelúia.

† Benedictiones secundum ordinem Nocturnorum, scilicet Dominica, Feria secunda et Feria quinta Benedictio Benedictióne perpétua. cum ceteris duabus; Feria tertia et Feria sexta Benedictio Deus Pater omnipotens. cum ceteris duabus; Feria quarta et Sabbato Benedictio Ille nos benedicat. cum ceteris duabus.

De Epístola secúnda beáti Pauli Apóstoli ad Timótheum.

## Lectio j.

## Cap. 3.

**TU** autem assecútus es meam doctrínam, institutionem, propósitum, fidem, longanimitátem, dilectionem, patientiam, persecutiones, passionés. Quália mihi facta sunt Antiochiæ, Iconii, et Lystris : quales persecutiones sustinui, et ex ómnibus eripuit me Dóminus. Et omnes, qui pie vo-

lunt vívere in Christo Jesu, persecutionem patiéntur. Mali autem hómines, et seductóres proficiunt in pejus, errántes, et in errorem mitténtes. Tu vero pérmane in iis, quæ didicisti, et crédita sunt tibi : sciens a quo didiceris. Et quia ab infántia sacras litteras nosti, quæ te possunt instrúere ad salutem, per fidem, quæ est in Christo Jesu.

R. j. O Petre, sidus áureum, summi vas honóris, candórem servans níveum dono Creatóris, \* Decus habes virgineum in supérnis choris, allelúia.

¶ Tu spéculum munditiæ, tu custos innocentíæ, tu sancti flos pudóris. — Decus habes virgineum.

(Ex bulla Canonizationis, et probatis Auctoribus, ac Romano Breviario.)

## Lectio ij.

**P**ETRUS, Verónæ paréntibus Manichæórum hæresi inféctis natus, ab ipsa pene infántia contra hæreses pugnávit. Puer annórum septem, cum scholas frequentáret, aliquándo a pátruo hærético interrogátus quid tandem in iis didicisset, christiánæ fidei Symbolum se didicisse respóndit : neque ullis unquam patris patrúve blanditiis aut minis a fidei constantia dimovéri pótuit. Adoléscent Bonóniam studiórum causa venit : ubi a Spíritu sancto ad sublimiórís vitæ formam vocátus, Ordinis Prædicatórum institútum suscepit. Magno virtútum splendóre in Religióne elúxit : corpus et ánimus ab omni impuritáte ita custodivit, ut nullíus mortíferi peccátí labe se inquinátum unquam

sénsenit. Carnem jejúniis et vigiliis macerábat, mentem divinis contemplationibus exercebat : virginitatis decus inviolátum perpétuo conservávit.

R. ij. Prædicátor férvidus, fidei zelátor, circuit intrépídus hæresum damnátor : vitiórum rigidus semper expugnátor, \* Veritátis lúcidus doctor et amátor, allelúia. V. Verbo, vita prædicat, signis crebris émicat legis æmulátor. — Veritátis lúcidus.

### Lectio iij.

**I**N salúte animárum procu-randa assidue versabátur : peculiáris grátiae dono hæreticos ácritèr confutábat. Tantam in concionádo vim hábuit, ut innumerábilis hóminum multitúdo ad eum audiéndum conflúeret, multique ad pœniténtiam converteréntur. Tanto fidei ardóre incénsus erat, ut pro ea mortem subire optáret, eámque a Deo grátiam enixe precaréur. Itaque hæretici necem, quam is paulo ante concionádo prædixerat, illi intulérunt. Nam cum sanctæ Inquisitionis munus gére-ret, illum, Como Mediolanum redeúntem, impius sicárius semel atque iterum in cápite gládio vulnerávit : jamque pene mórtuus Symbolum fidei, quam infans virili fortitúdine conféssus fúerat, in ipso suprémò spiritu pronuntiávit : iterúmque látera mucrone trans-verberátus, ad martyrii palmam migrávit in cælum, anno Salútis millésimo ducentésimo quinquagésimo secúndo : quem multis illústrem miráculis In-

nocéntius Quartus anno sequénti sanctórum Mátyrum número adscripsit.

R. ij. Dum Samsónis vulpes quærit, ab iniquis cæditur : caput sacrum lictor ferit, justis sanguis fúnditur : \* Sic triúmphi palmam gerit, dum pro fide móritur, Allelúia. V. Stat invictus pugil fortis : constans profert hora mortis fidem, pro qua pátitur. — Sic triúmphi. Gló-ria. Allelúia.

Ante Laudes V. Ora pro nobis beáte Petre, allelúia. R. Ut digni efficiámur promissionibus Christi, allelúia.

### AD LAUDES

#### ET PER HORAS ANTIPHONÆ.

1. Petrus novus incolæ cæles laureátus ascéndit, auréola triplici dotátus, allelúia. Psalmus Dóminus regnávit. cum ceteris, pag. 17.

2. Turbæ currunt languéntium, signa corúscant vária : et in Petri præcónium crebra crescunt prodigia, allelúia.

3. Bolus digne suffocat guttur detrahéntis ; sed mox ipsum révocat votum pœniténtis, allelúia.

4. Motu, sensu córporis júvenis privátur : tactu sacri púlveris vitæ restaurátur, allelúia.

5. Ad sancti Petri túmulum frequens lux descéndit : in cuius laudis titulum lámpades accéndit, allelúia.

#### Capitulum.

Jac. i.

**B**EATUS vir, qui suffert tentationem : quóniam, cum probátus fúerit, accipiet coronam vitæ, quam repromisit Deus diligentibus se.



## Hymnus.

**E**XSULTET claro sidere  
Fulgens mater Ecclesia :  
Petrus Martyr in æthere  
Nova profudit gaudia.

PAUPER, pudicus, humilis,  
Christo se totum deditat :  
In lege Dei docilis,  
Verbis, exemplis prædicat.

TRIUMPHAT per martyrium  
Christi fortis in acie :  
Conservans semper lilium  
Virginális munditiæ.

LUX cæli, vitæ meritum,  
Cum signorum frequentia,  
Petri commendant exitum  
Et prædicant magnalia.

† Tempore Resurrectionis :  
QUÆSUMUS, Auctor om-  
nium,

In hoc Paschali gaudio,  
Per ipsius suffragium  
Crescat nostra devotio.

GLORIA tibi Domine,  
Qui surrexisti a mortuis,  
Et fortes in certamine  
Sertis ornas perpétuis. Amen.

† Tempore Ascensionis :  
TU esto nostrum gaudium,  
Qui es futurus præmium :  
Sit nostra in te gloria,  
Per cuncta semper sæcula.

GLORIA tibi Domine,  
Qui scandis supra sidera,  
Cum Patre et sancto Spiritu,  
In sempiterna sæcula. Amen.

✠. Coróna aurea super caput  
ejus, allelúia. R. Expressa si-  
gno sanctitátis, allelúia.

Ad Benedictus Añ. Sum-  
ma pollens Petrus munditia,  
et præfulgens doctrinæ grá-  
tia, martyrii clarus victória,  
trinæ fulget corónæ glória,  
allelúia. Oratio.

**P**RÆSTA, quæsumus omni-  
potens Deus : ut beati Petri  
Martyris tui fidem congrua de-

votiõne sectemur, qui pro ejús-  
dem fidei dilatatiõne, martyrii  
palmam méruit obtinére. Per.

## AD PRETIOSA.

Evangelium.

Secundum Lucam. Cap. 9.  
**I**n illo tempore : Dixit Jesus  
discipulis suis : Si quis vult  
post me venire, abneget semet-  
ipsum, et tollat crucem suam  
quotidie, et sequatur me. Tu  
autem Domine.

## AD TERTIAM.

SEXTAM ET NONAM.

Capitula, R. R. et V. V. de Com-  
muni unius Martyris, pag. 118\*.

## AD II. VESPERAS.

Super Psalmos Añ. Petrus  
novus incolá cælos laureátus  
ascendit, auréola triplici dotá-  
tus, allelúia. Psalmus Dixit  
Dominus. cum ceteris de Com-  
muni unius Martyris, pag. 47\*.  
Capitulum Beátus vir, qui  
suffert tentatiõnem. et Hym-  
nus Magnæ dies lætitiæ, ut  
in j. Vesperis, pag. 1114.

✠. Ora pro nobis beate Petre,  
allelúia. R. Ut digni efficiámur  
promissionibus Christi, allelúia.

Ad Magnificat Añ. O Mar-  
tyr egregie, doctor veritátis,  
puritátis vâsculum, norma san-  
ctitátis, tua per suffragia vé-  
niam peccátis et vitam in gló-  
ria presta cum Beátis, allelúia.

## PER OCTAVAM S. PETRI M.

Ad Memoriam in Laudibus  
Añ. Petrus novus incolá cæ-  
los laureátus ascendit, auréola  
triplici dotátus, allelúia.

✠. Coróna aurea super caput  
ejus, allelúia. R. Expressa si-  
gno sanctitátis, allelúia.

(Si in Laudibus de aliquo  
Martyre factum fuerit Offi-

cium, ad Memoriam de Octava S. Petri M. dicatur  $\Psi$ . Magna est glória ejus in salutári tuo, allelúia.  $\mathcal{R}$ . Glóriam et magnum decórem impónes super eum, allelúia.) Oratio.

**P**RÆSTA, quæsumus omnipotens Deus : ut beáti Petri Mártiris tui fidem cógrua devotióne sectémur, qui pro ejúsdem fidei dilatatióne, martyrii palmam méruit obtinére. Per.

Ad Memoriam in Vesperis Aña. Ad sancti Petri túmulum frequens lux descéndit, in

cujus laudis titulum lámpades accéndit, allelúia.

$\Psi$ . Ora pro nobis beáte Petre, allelúia.  $\mathcal{R}$ . Ut digni efficiámur promissionibus Christi, allelúia.

Oratio Præsta, quæsumus. ut ad Memoriam in Laudibus.

† Si contigerit de die Octava S. Petri fieri Officium, Lektionen erunt, duæ primæ de Scriptura Feriæ currentis, et pro iij. repetatur quæ est iij. pro die festi : reliqua vero omnia dicantur prout in Festo, pag. 1113. et sequentibus, servato modo Octavæ diei Simplicis.

## DIE XXX. APRILIS.

### S. CATHARINÆ SENENSIS

#### VIRGINIS ORDINIS PRÆDICATORUM

#### TOTUM DUPLEX.

#### AD I. VESPERAS.

Super Psalmos Aña. Immortáli laude Catharina Virgo Senénsis est efferénda : quandóquidem suæ sanctitátis præstántia unívérso géneri humáno innótuít, allelúia. Psalmus Laudáte púeri. cum ceteris, pag. 145.

#### Capitulum.

Sap. 8.

**H**ANC amávi, et exquisívi a juvenútē mea, et quæsívi sponsam mihi eam assumere, et amátor factus sum formæ illius, dicit Dóminus omnípotens.

$\mathcal{R}$ . Vitam Catharinæ innocentissimam mirácula illa notíssimam efficiunt, \* Quæ vi-

vens atque vita functa líquido osténdit, Allelúia.  $\Psi$ . Curávit ægrótos, vitam mórtuis restituit, et id genus multa fecit.— Quæ vivens. Glória. Allelúia.

#### Hymnus.

**H**ÆC tuæ Virgo monuménta laudis,  
Quæ tuis læti Catharina sacris  
Hoc quidem pacto modulámur  
omnes,  
Perfer Olympo.  
Sì satis digne néqueant re-  
férrí,

Annus nobis véniam, precá-  
mur :

Non sumus tanti ingénii, faté-  
mur,

Optima Virgo.

QUIS fuit dignas modulátus  
unquam

Virginis laudes? Quis in orbe  
toto

Féminæ invictæ peritúra nun-  
quam

Cármina pandet?

PRÆDITA exemplis Catha-  
rina claris,

Móribus præstans, sápiens  
abúnde,

Témpersans, fortis, pia, justa,  
prudens,

Æthera scandis.

QUEM latet virtus facinús-  
que clarum,

Quo nequit dici sánctius per  
orbem?

Vúlnerum formam miseráta  
Christi

Exprimis ipsa.

NAM brevis, mæstæ, mise-  
ræque vitæ,

Et malis cunctis pénitus référ-  
tæ,

Fórtiter spernens pretiósá  
quæque,

Sidera adísti.

GRATIAS summas habeamus  
omnes

Fílio magni Genitóris almo :  
Spíritum sanctum venerémur,  
et sit

Laus tamen una. Amen.

¶ Ora pro nobis beáta Catha-  
rina, allelúia. R. Ut digni  
efficiámur promissionibus Chri-  
sti, allelúia.

Ad Magnificat Añá. Virginis  
Catharinæ hæc dies est dicáta  
sacris : ut nunquam tantæ  
sanctitátis præstantia mortá-  
lium memória excidere queat,  
et cunctis celebríssima perpé-  
tuo fiat, allelúia. Oratio.

**D**EUS, qui beátæ Catharinæ,  
virginitátis et patientiæ  
speciáli privilégio decorátæ,

malignántium spirituum cer-  
támina vincere, et in amore  
tui nóminis inconcússe perma-  
nere tribuisti : concéde, quæ-  
sumus, ut ejus imitatione cal-  
cáta mundi nequitia, et óm-  
nium hóstium superátis insi-  
diis, ad tuam secúre glóriam  
transeamus. Per.

#### AD MATUTINUM.

Invitatorium. Christum Re-  
gem regum supplices adoré-  
mus : \* Qui immortáli glória  
Virginem Senensem dotávit  
Catharinam, allelúia.

#### Hymnus.

**L**AUDIBUS Virgo nimis effe-  
rénda

Jure censéris, quóniam triúm-  
phos

Ipsa cælórum, probitáte mira,  
Nacta refúlges.

PRÆMIUM sanctæ tamen  
ipsa vitæ,

Et simul munus probitátis  
almæ

Accipis cælo, cumuláta cunctis  
Dénique rebus.

Tu gravem, sacris méritis  
refértum,

Orbis exemplar, pietáte plenum,  
Prædicatórum veneráta Pa-  
trem,

Ordine fulges.

NULLA jam rerum plácuit  
volúptas,

Nullus ornátus, nitor ecce  
nullus

Córporeis, semper fúgiens ini-  
quæ

Cármina vitæ.

SÆPIUS corpus dómitans  
acérbe,

Quam pie flagris cruor hinc  
et inde

Flúxerat rivis, hominúmque  
demum

Crimina flebas!



QUI per ingētes variósque casus

Orbe terrarum cruciāntur omnes,

Quotque vel curis agitantur ipsi

Undique diris.

SUPPETENT nobis tótidem canēda,

Si tuæ laudes repetāntur omnes :

Tu quidem longe pietāte cunctis

Inclita præstas.

GRATIAS summas habeamus omnes

Filio magni Genitōris almo :  
Spirītum sanctum venerēmur,  
et sit

Laus tamen una. Amen.

#### IN NOCTURNO.

Añā. Admirābilem Dei nostri clemētiā contēplāri mǎxima Catharinæ constāntia nos semper efficiet, allelúia. Psalmi ex primo Nocturno de Comuni unius Virginis, pag. 88\*.

Añā. Misericórdia summa erga egénos atque ægrótos summóperē affécta, ipsórum ærúmnas desflēre hæc Virgo solébat, allelúia.

Añā. Christiānos quidem tanta caritāte prosequébatur, ut eórum amóre incēnsa diu noctúque flagráret, allelúia.

℟. Diffúsa est grátia in lábiis tuis, allelúia. ℞. Proptērea benedixit te Deus in ætérnum, allelúia.

† Benedictiones secundum ordinem Nocturnorum, scilicet Dominica, Feria secunda et Feria quinta Benedictio Benedictione perpétua. cum ceteris duabus; Feria tertia et Feria sexta Benedictio Deus Pater

omnipotens. cum ceteris duabus; Feria quarta et Sabbato Benedictio Ille nos benedicat, cum ceteris duabus.

De Epístola beáti Pauli Apóstoli ad Gálatas.

Lectio j. Cap. 6.

**M**HI autem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcisio álíquid valet, neque præputium, sed nova creatúra. Et quicúmque hanc régulam secúti fúerint, pax super illos, et misericórdia, et super Israel Dei. De cetero nemo mihi moléstus sit : ego enim stigmata Dómini Jesu in corpore meo porto. Grátia Dómini nostri Jesu Christi, cum spiritu vestro, fratres. Amen. Tu autem Dómine...

℞. j. Nihil huic Virgini satius, nihilque dignius in rerum natúra visum est quam Jesu Christi præcépta \* Et vitam ætérnam ómnibus persuadére, allelúia. ℣. Dedit enim semper óperam revocáre pēditos. — Et vitam.

(Ex Romano Breviario.)

Lectio ij.

**C**ATHARINA Virgo Senénsis, piis orta paréntibus, beáti Dominici hábitum, quem Soróres de Poenitētia gestant, impetrávit. Summa ejus fuit abstinentia et admirábilis vitæ austeritas. Invénta est aliquādo a die Cinerum usque ad Ascensionem Dómini jejúnium perduxisse, sola Eucharistiæ communionē contēnta. Luctabatur quam frequentissime cum dæmónibus, multisque

illorum moléstis vexabátur. Æstuábat fébribus, nec aliorum morborum cruciátu carébat. Magnum et sanctum erat Catharinæ nomen, et undique ad eam ægróti et malignis vexáti spiritibus deducebántur. Languoribus et fébribus in Christi nómine imperábat, et dæmones cogébat ab obséssis abire corpóribus. Cum Pisis immoraretur, die Domínico, refécta cibo cælésti, et in éxtasim rapta, vidit Dóminum crucifixum magno cum lúmine adveniéntem, et ex ejus vúlnerum cicatricibus quinque rádios ad quinque loca sui corpóris descendéntes. Ideóque mystérium advértens, Dóminum precáta ne cicatrices apparérent, continuo rádii colórem sanguineum mutavérunt in spléndidum, et in forma puræ lucis pervenérunt ad manus, pedes et cor ejus. Ac tantus erat dolor, quem sensibíliter patiebátur, ut nisi Deus minuisset, brevi se créderet moritúram.

R. ij. Sapiéntia atque doctrína hæc Virgo reférta, códices nonnullos cóndidit ediditque :  
 \* Ut veram vivéndi ratiónem ómnibus osténderet, allelúia.  
 V. His illa humanas fragílesque res spérnere suádet. — Ut veram vivéndi ratiónem.

#### Lectio iij.

HANC itaque grátiam amatíssimus Dóminus nova grátia cumulávit, ut sentiret dolórem illápsa vi vúlnerum, et cruenta signa non apparérent. Quod ita contigisse cum Dei Fámula confessário suo beáto Raymúndo retulisset, ut

óculis étiam repræsentaretur, rádios in imaginibus beátæ Catharinæ, ad dicta quinque loca pertingéntes pia fidélium cura pictis colóribus expréssit. Doctrína ejus infúsa, non acquisita fuit. Sacrárum litterárum professoribus, difficillimas de Divinitáte quæstiões proponéntibus, respóndit. Nemo ad eam accéssit, qui non mélior abierit. Multa exstíngit ódia, et mortáles sedávit inimicitias. Pro pace Florentinórum, qui cum Ecclesiá dissidébant, et interdicto ecclesiástico suppositi erant, Aveniönem ad Gregórium Undécimum Pontíficem Máximum profécta est : cui étiam votum ejus de peténda Urbe, soli Deo notum, se divinitus cognovísse monstrávit. Deliberávitque Póntifex, ea étiam suadénte, ad Sedem suam Románam personáliter accédere : quod et fecit. Eídem Gregórió et Urbáno Sexto ejus successóri acceptíssima fuit, ádeo ut legatiónibus eórum fungerétur. Dénique post innúmera virtútum insígnia, dono prophetiæ et plúribus clara miráculis, anno ætátis suæ tértio circiter et trigésimo, migrávit ad Sponsum. Quam Pius Secundus Póntifex Máximus sacrárum Virgínum número adscripsit.

R. iij. Vitam Catharinæ innocentíssimam mirácula illa notíssimam efficiunt, \* Quæ vivens, atque vita functa liquido osténdit, Allelúia. V. Curávit ægrótos, vitam mórtuis restituit, et id genus multa fecit. — Quæ vivens. Glória. Allelúia.

Ante Laudes  $\Psi$ . Ora pro nobis beāta Catharina, allelúia.  $\mathcal{R}$ . Ut digni efficiāmur promissionibus Christi, allelúia.

## AD LAUDES

ET PER HORAS ANTIPHONÆ.

1. Omnipotēti Virgo Catharina Dei Filio solum obsequi atque servīre constituit, allelúia. Psalmus Dóminus regnāvit. cum ceteris, pag. 17.

2. Exsultabúnda cæli múnera contemplabátur, quæ cunctis rebus máxime præpósuit, allelúia.

3. Divinis namque oblectáta rebus, diu noctúque orationibus atque vigiliis óperam dabat, allelúia.

4. Rerum ómnium Conditóri Catharina benedicébat, qui beatitúdinis sémitam mortálibus ostēdit, allelúia.

5. Laudávit Catharina semper Dóminum, et ab eo in excelsis exaltáta est, allelúia.

Capitulum. Sap. 8.

**H**ANC amávi, et exquisívi a juventúte mea, et quæsívi sponsam mihi eam assumere, et amátor factus sum formæ illius, dicit Dóminus omnípotens.

Hymnus.

**J**AM ferox miles tibi sæpe cessit,

Et duces iras posuere sævas :  
Hi necem diram pópulo minati

Sæpe Senénsi.

**Q**UID! Quod et sacris studiis frequenter

Viribus summis óperam dedisti,

Litteræ doctæ lepidæque clarris

Urbibus exstant.

NITERIS verbis revocare lapsos,

Niteris rectum suadere cunctis :

Sic ais : Tantum pròbitas beatos

Efficit omnes.

**J**URA tu sævæ tremebúnda mortis

Fórtiter temnens, nihil extimescens,

Præmium nostræ vocitare vitæ

Sæpe solébas.

**U**NDE cum tempus properaret ipsum,

Quo sacros artus cineresque busto

Linqueres, cælos aditura, flentes

Ipsa docébas.

**S**IC sacrum Christi veneráta Corpus,

Hóstiam libans, lácrimis obortis,

Dixeras cunctis documenta vitæ

Voce suprema.

**G**RATIAS summas habeámus omnes

Filio magni Genitóris almo :

Spirítum sanctum venerémur, et sit

Laus tamen una. Amen.

$\Psi$ . Adducéntur regi vírgines post eam, allelúia.  $\mathcal{R}$ . Próximæ ejus afferéntur tibi, allelúia.

Ad Benedictus Añā. Máxima est Catharinæ Virginis Senénsis præstántia, quæ incolumitatem languéntibus et vitam mórtuis restituere pótuit, allelúia.

Oratio.

**D**EUS, qui beátæ Catharinæ, virginitátis et patientiæ speciáli privilégio decoráta, malignántium spirítuum certamina vincere, et in amore



tui nómínis inconcússe permanére tribuísti : concéde, quæsumus, ut ejus imitatíone calcáta mundi nequítia et ómnium hóstium superáti insidiis, ad tuam secúre glóriam transeámus. Per.

## AD PRETIOSA.

Evangelium.

Secúndum Matthæum. Cap. 13.

**I**n illo témpore : Dixit Jesus turbis parábolam hanc : Simile est regnum cælórum grano sinápis, quod accípiens homo seminávit in agro suo. Tu autem Dómine.

## AD TERTIAM.

Capitulum Hanc amávi., ut in Laudibus.

† R̄. et V̄. Horarum de Comuni unius Virginis, pag. 96\*.

## AD SEXTAM.

Capitulum. Sap. 8.

**D**OMINUS ómnium diléxit illam : doctrix est enim disciplinæ Dei, et eléctrix óperum illius.

## AD NONAM.

Capitulum. Eccli. 11.

**B**REVIS in volatilibus est apis, et iníitium dulcórís habet fructus illius.

## AD II. VESPERAS.

Super Psalmos Aña. Omnipoténti Virgo Catharina Dei Filio solum obsequi atque servíre constituit, allelúia. Psalmus Dixit Dóminus. cum ceteris de Comuni unius Virginis, pag. 96\*.

Capitulum Hanc amávi. et Hymnus Hæc tuæ Virgo., ut in j. Vesperis, pag. 1118.

V̄. Ora pro nobis beáta Catharina, allelúia. R̄. Ut digni efficiámur promissíonibus Christi, allelúia.

Ad Magnificat Aña. O Virgo máxima glória præstans, cujus sacra stata orbis univér-sus hodiérna die célebrat, quam ángeli cum láudibus éfferunt, ac céteri supérni cives admirántur : age apud Deum, quo mentes nostræ semper divinis præcéptis obtémperant, nosque virtútibus aliisque bonis áugeat, allelúia.

## PER OCTAVAM

## S. CATHARINÆ SENENSIS.

Ad Memoriam in Laudibus Aña. Det Catharina frui nos vero lúmine Christi, et sóciét súperis Virgo beáta choris, allelúia.

V̄. Adducéntur regi vírgines post eam, allelúia. R̄. Próximæ ejus afferéntur tibi, allelúia.

(Si in Laudibus de aliqua Virgine factum fuerit Officium ad Memoriam de Octava S. Catharinæ dicatur V̄. Adjuvábít eam Deus vultu suo, allelúia. R̄. Deus in médio ejus, non commovébitur, allelúia.)

Oratio Deus, qui beátæ Catharinæ., ut in Laudibus Festi.

Ad Memoriam in Vesperis Aña. Ad sedes regni faciát transire supérni Virgo fovens méritis nos Catharina suis, allelúia.

V̄. Ora pro nobis beáta Catharina, allelúia. R̄. Ut digni efficiámur promissíonibus Christi, allelúia.

Oratio Deus, qui beátæ Catharinæ. ut in Laudibus Festi.

**S**i contigerit in aliqua die infra Octavam S. Catharinæ Senensis de ipsa Octava fieri Officium Tempore Paschali (ut contingere potest quando ipsius Festum extra propriam diem xxx. Aprilis fuerit celebratum), servetur ordo hic positus.

Non dicatur Officium quotidianum B. Mariæ Virginis.

#### AD MATUTINUM.

Invitatorium Christum Regem regum. et Hymnus Laudibus Virgo. ut in Festo, pag. 1119.

#### IN NOCTURNO.

Tres Psalmi de Communi unius Virginis secundum Feriam, scilicet : Feria secunda et Feria quinta Psalmi primi Nocturni, pag. 88\*; Feria tertia et Feria sexta Psalmi secundi Nocturni, pag. 90\*; Feria quarta et Sabbato Psalmi tertii Nocturni, pag. 92\*.

Super Psalmos sola Añã. Admirabilem Dei nostri clemenciam contemplari máxima Catharinæ constantia nos semper efficit, allelúia.

Versiculus de Communi unius Virginis (addito Allelúia.) secundum Feriam.

Ante Lectiones (nisi legenda sit Homilia) dentur Benedictiones secundum Feriam. Si vero legenda fuerit Homilia, detur Benedictio Evangelica lécio. cum ceteris duabus de tertio Nocturno.

Lectio prima et Lectio secunda erunt de Scriptura currente, vel de Homilia (si qua occurrerit).

Rj. j. et Rj. ij. secundum Feriam, videlicet :

† Feria secunda et Feria quinta :

Rj. j. Catharina Virgo Jesu Christo virginitatem perpetuam dicavit : \* Cujus sponsa sanctissima illico effécta est, allelúia. V. Mariam autem Virginem adhuc puélla exoravit ut Filii sui ancilla fieret. — Cujus sponsa sanctissima illico effécta est, allelúia.

Rj. ij. Virtutis ac ætérnum probitatis munus Catharina sectata, ea quæ cörperi mortáli videréntur ornátui, \* Omnesque mundi fastus abégit, allelúia. V. Christo namque Deo nostro se pénitus dedit. — Omnesque.

† Feria tertia et Feria sexta:

Rj. j. Divinam hæc Virgo vitam semper dégere visa est : \* Et divinum dénique consecuta est præmium, allelúia. V. A cörperis namque illécebris fórtiter abhórruit. — Et divinum.

Rj. ij. Felix ea Virgo est, quæ Jesu Christo Dómino pro viribus óbsequens, \* Múnera sibi præparat ætérna, allelúia. V. Spretis autem humanæ vitæ mortálibus rebus. — Múnera sibi præparat ætérna, allelúia.

† Feria quarta et Sabbato :

Rj. j. Nihil huic Virgini sáctius, nihilque dignius in rerum natúra visum est quam Jesu Christi præcépta, \* Et vitam ætérnam ómnibus persuadére, allelúia. V. Dedit enim semper óperam revocáre pérditos. — Et vitam ætérnam.

Rj. ij. Sapiéntia atque doctrina hæc Virgo reférta, códices nonnúllos cóndidit ediditque : \* Ut veram vivéndi

rationem omnibus ostēderet, allelúia. *℟.* His illa humanas fragilésque res spérnere suadet. — Ut veram.

(Ex Romano Breviario.)

Lectio iij.

**C**ATHARINA Virgo Senénsis, piis orta paréntibus, beáti Dominici hábitum, quem Soróres de Pœniténtia gestant, impetrávit. Summa ejus fuit abstinentia et admirábilis vitæ austeritas. Inventa est aliquándo a die Cinerum usque ad Ascensionem Dómini jejúnium perduxisse, sola Eucharistiæ communióne contenta. Luctabátur quam frequentissime cum dæmónibus, multisque illórum moléstis vexabátur. Æstuábat fébribus, nec aliórum morborum cruciátu carébat. Magnum et sanctum erat Catharinæ nomen, et undique ad eam ægróti et malignis vexáti spiritibus deducebántur. Languóribus et fébribus in Christi nómine imperábat, et dæmones cogébat ab obséssis abire corpóribus.

† Feria secunda et Feria quinta :

*℟.* iij. Summis est enim Virgo Catharina efferénda láudibus : \* Quóniam sanctissimum vivéndi modum virgínibus osténdit, Allelúia. *℣.* Immortálem quidem vitam cælo mérito adépta est. — Quóniam. Glória. Allelúia.

† Feria tertia et Feria sexta :

*℟.* iij. Præcónia tuarum laudum, Catharina Virgo, tua pietáte minóra esse fatémur : \* Quóniam ómnium virtútum génere prædita, humanas laudes exsuperas, Allelúia. *℣.* Di-

vinis enim ubique láudibus celebránda vidéris. — Quóniam. Glória. Allelúia.

† Feria quarta et Sabbato :

*℟.* iij. Vitam Catharinæ innocentissimam miracula illa notissimam efficiunt, \* Quæ vivens, atque vita functa liquido osténdit, Allelúia. *℣.* Curávit ægrótos, vitam mórtuis restituit, et id genus multa fecit. — Quæ vivens. Glória. Allelúia.

Dicatur Canticum Te Deum laudámus.

Ante Laudes *℣.* Ora pro nobis beáta Catharina, allelúia. *℟.* Ut digni efficiámur promissionibus Christi, allelúia.

#### AD LAUDES.

Super Psalmos sola Añã. Omnipoténti Virgo Catharina Dei Filio solum obsequi atque servire constituit, allelúia. Psalmus Dóminus regnávít. cum ceteris, pag. 17.

Capitulum Hanc amávi, Hymnus Jam ferox miles. et *℣.* Adducéntur. ut in Festo, pag. 1122.

Ad Benedictus Añã. Det Catharina frui nos vero lumine Christi, et sóciét súperis Virgo beáta choris, allelúia. Oratio.

**D**EUS, qui beátæ Catharinæ, virginitátis et patiéntiæ speciáli privilégio decorátæ, malignántium spíritum certámina vincere, et in amóre tui nóminis inconcússe permanére tribuisti : concede, quæsumus, ut ejus imitatióne calcáta mundi nequitia et ómnium hóstium superátis insidiis, ad tuam secüre glóriam transeámus. Per.

Non fiat Memoria Crucis.



## AD PRETIOSA.

Si lecta fuerit Homilia, legatur Evangelium ut in Nocturno; si vero lecta non fuerit, legatur sequens Evangelium: Secundum Matthæum. Cap. 13.

**I**n illo tempore: Dixit Jesus turbis parabolam hanc: Simile est regnum cælorum grano sinapis, quod accipiens homo seminavit in agro suo. Tu autem Domine.

## AD HORAS.

Omnia ut in Festo, pag. 1123. servato modo dierum infra Octavas Solemnnes.

## AD VESPERAS.

Super Psalmos Aña. Omnipotenti Virgo Catharina Dei Filio solum obsequi atque servire constituit, allelúia. Psalmus Dixit Dominus. cum ceteris de Communi unius Virginis, pag. 96\*.

Capitulum Hanc amavi., Hymnus Hæc tuæ Virgo. et V. Ora pro nobis. ut in j. Vesperis Festi, pag. 1118.

Ad Magnificat Aña. Ad sedes regni faciat transire superni Virgo fovens méritis nos Catharina suis, allelúia.

Non fiat Memoria Crucis.

## DIE I. MAIL.

## SS. PHILIPPI ET JACOBI

## APOSTOLORUM.

## TOTUM DUPLEX.

## AD I. VESPERAS.

Super Psalmos Aña. Estote fortes in bello, et pugnate cum antiquo serpente: et accipietis regnum ætérnum, allelúia. Psalmus Laudate pueri. cum ceteris, pag. 145.

## Capitulum.

Ephes. 2.

**J**AM non estis hóspites, et advenæ: sed estis cives sanctórum, et doméstici Dei: superædificati super fundamentum Apostolorum, et Prophetarum, ipso summo angulari lapide Christo Jesu.

R. Tanto tempore vobiscum sum: et non cognovistis me!

\* Philippe, qui videt me videt et Patrem, allelúia: non credis quia ego in Patre, et Pater in me est? Allelúia, allelúia. V. Domine ostende nobis Patrem, et sufficit nobis. — Philippe. Glória. Allelúia, allelúia.

Hymnus Exsúltet cælum laudibus., V. In omnem terram. et Aña Filiae Jérusalem. de Communi Apostolorum Tempore Paschali, pag. 114\*.

## Oratio.

**D**EUS, qui nos ánnua Apostolorum tuórum Philippi et Jacóbi solemnitate lætificas: præsta quæsumus, ut quorum gaudemus méritis, instruámur exemplis. Per.

## AD MATUTINUM.

Invitatorium. Exsúltent in Dómino Sancti, \* Allelúia.

Hymnus Exsúltet cælum laudibus., ut in j. Vesperis de Communi Apostolorum Tempore Paschali, pag. 114\*.

## IN NOCTURNO.

Super Psalmos Aña. Tristitia vestra, allelúia, vertetur in gáudium, allelúia.

Tres Psalmi secundum ordinem Nocturnorum de Communi Apostolorum extra Tempus Paschale.

V. etiam secundum ordinem Nocturnorum de eodem Communi addito Allelúia.

De Epístola secúnda beáti Pauli Apóstoli ad Corinthios.

Lectio j.

Cap. 4.

**H**ABENTES autem eúndem spiritum fidei, sicut scriptum est : Crédidi, propter quod locútus sum : et nos crédimus, propter quod et lóquimur : sciéntes quóniam qui suscitávit Jesum, et nos cum Jesu suscitábit, et constituet vobíscum. Omnia enim propter vos : ut grátia abúndans, per multos in gratiárum actióne, abúndet in glóriam Dei. Propter quod non deficimus : sed licet is, qui foris est, noster homo corrumpátur : tamen is, qui intus est, renovátur de die in diem.

R. j. Virtúte magna reddébant Apóstoli \* Testimónium Resurrectiónis Jesu Christi Dómini nostri, allelúia, allelúia. V. Repléti quidem Spíritu sancto loquebántur cum fidúcia verbum Dei. — Testimónium Resurrectiónis.

(Ex antiq. Auct. et Rom. Brev.)

Lectio ij.

**P**HILIPPUS Bethsáidæ natus, unus ex duódecim Apóstolis, cujus non semel sacra Evangélia meminérunt, accépto Spíritu sancto, cum ei Seythia ad prædicándum Evangélium obtigísset, omnem fere illam gentem ad christiánam fidem convertit. Postrémo cum Hierápolim Phrygiæ venisset, pro Christi nómine cruci affixus lapidibúsq; óbrutus est Kaléndis Maii. Ejus corpus ibídem a Christiánis sepúltum, póstea Romam delátum, in Basilica duódecim Apostolórú una cum córpore beáti Jacóbi cónditum est.

R. ij. Isti sunt agni novéli, qui annuntiavérunt, allelúia : modo venérunt ad fontes : \* Repléti sunt claritáte, allelúia, allelúia. V. In conspéctu Agni amícti stolis albis, et palmæ in mánibus eórum. — Repléti sunt.

(Ex S. Hegesippo, S. Hieron. et aliis, ac Rom. Brev.)

Lectio iij.

**J**ACOBUS, frater Dómini, cognóméto Justus, ab ineúnte ætáte vinum et siceram non bibit, carne abstínuit, nunquam tonsus est, nec unguento nec bálneo usus. Cui étiam assidúitas orándi ita callum génibus obdúxerat, ut, duritie, caméli pellem imitarétur. Ab Apóstolis post Ascensiónem Dómini Jerosolymórum Episcopopus ordinátus, cum plures annos illi Ecclésiæ sanctissime præfuisset, Christum Dei Filium constantissime prædicans, lapidibus primum appetitus, mox in altissimum templi locum addúctus, inde præcipitátur. Qui cum confráctis crúribus adhuc semivívus, tendens in cælum manus, diceret, Dómine ignósce illis, quia nesciunt quid fáciunt : fullónis fuste grávitèr in cápite percússus, ánimam Deo reddidit, séptimo Nerónis anno.

R. iij. Tanto témpore vobiscum sum : et non cognovístis me ! \* Philippe, qui videt me videt et Patrem, allelúia : non credis quia ego in Patre, et Pater in me est ? Allelúia, allelúia. V. Dómine osténde nobis Patrem, et súfficit nobis. — Philippe. Glória. Allelúia, allelúia.

Ante Laudes V. Dedisti hereditatē, allelūia. R. Timēntibus nomen tuum Dōmine, allelūia.

## AD LAUDES

ET PER HORAS ANTIPHONÆ.

1. Dōmine ostēde nobis Patrem, et sūfficit nobis, allelūia. Psalmus Dōminus regnāvit. cum ceteris, pag. 17.

2. Philippe, qui videt me videt et Patrem meum, allelūia.

3. Tanto tēpore vobiscum sum, et non cognovistis me! Philippe, qui videt me videt et Patrem meum, allelūia.

4. Si cognovissētis me, et Patrem meum utique cognovissētis : et āmodo cognoscētis eum, et vidistis eum, allelūia, allelūia, allelūia.

5. Si diligerētis me, gauderētis utique, quia vado ad Patrem : quia Pater major me est, allelūia.

Capitulum Jam non estis hōspites., Hymnus Ætērna Christi mūnera. et V. Annuntiāverunt. de Communi Apostolorum, pag. 115\*.

Ad Benedictus Añā. Si manseritis in me, et verba mea in vobis māserint : quodcūque petieritis, fiet vobis, allelūia, allelūia, allelūia. Oratio.

**D**EUS, qui nos ānnua Apostolorum tuorum Philippi et Jacobi solemnitate lætificas : pręsta, quęsumus, ut quorum gaudemus mēritis instruāmur exēmplis. Per.

## AD PRETIOSA.

Evangelium.

Secūndum Joānnem. Cap. 14.

**I**n illo tēpore : Dixit Jesus discipulis suis : Non turbetur cor vestrum. Crēditis in

Deum, et in me crēdite. In domo Patris mei mansiōnes multę sunt. Tu autem Dōmine.

## AD TERTIAM,

SEXTAM ET NONAM.

Capitula, R. R. et V. de Communi Apostolorum, pag. 115\*. et pag. 116\*.

## AD II. VESPERAS.

Super Psalmos Añā. Dōmine ostēde nobis Patrem, et sūfficit nobis, allelūia. Psalmus Dixit Dōminus. cum ceteris de Communi Apostolorum, pag. 34\*.

Capitulum Jam non estis hōspites., pag. 113\*. Hymnus Exsultet cælum laudibus. et V. In omnem terram., pag. 114\*.

Ad Magnificat Añā. Non turbetur cor vestrum, neque formidet : crēditis in Deum, et in me crēdite : in domo Patris mei mansiōnes multę sunt, allelūia, allelūia.

## DIE II. MAIL.

## S. ATHANASII

EPISC. CONF. ET ECCL. DOCT.

DUPLEX.

Oratio.

**D**EUS, qui pōpulo tuo æternę salūtis beatum Athanasium ministrum tribuisti : pręsta, quęsumus, ut quem doctōrem vitę habuimus in terris, intercessōrem habere mereāmur in cælis. Per.

## IN NOCTURNO.

De libro Ecclesiastici.

Lectio j.

Cap. 50.

**E**cce sacērdos magnus, qui in vita sua suffulsiit domum, et in diebus suis corroborāvit templum. Templi etiā altitudo ab ipso fundata



est, duplex ædificatio et excelsi parietes templi. In diébus ipsius emanavérunt putei aquarum, et quasi mare adimpléti sunt supra modum. Qui curávit gentem suam, et liberávit eam a perditione. Qui prævaluit amplificáre civitatem, qui adéptus est glóriam in conversatióne gentis : et ingressum domus, et atrii amplificávit. Quasi stella matutina in médio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei.

(Ex ipsius scriptis, et ex sancto Gregorio Nanzianz., antiq. ecclesiast. Histor. atque ex Rom. Brev.)

#### Lectio ij.

**A**THANASIUS Alexandrinus, catholicæ religionis propugnator acerrimus, ab Alexandro Episcopo Alexandrino, cui postea succéssit, Diáconus factus, eum secutus est ad Nicænum concilium : ubi cum Arii impietatem repressisset, tantum odium Arianorum in se concitávit, ut ex eo tempore ei insidias moliri nunquam destitit. In exilium subinde actus, apud Tréveros mansit. Grávis deinceps ac diuturnis, sub Constantio imperatore Arianorum fauore, tempestatibus jactatus, et incredibiles calamitates perpessus, magnam orbis terræ partem peragravit : ac sæpe a sua Ecclesiá ejéctus, sæpe étiam in eámdem restitutus est. Sed Ariánis illi semper infestis, summum vitæ discrimen fugiens, in sicca ci-stérna quinque ferme annis ad obitum usque Constantii delituit.

#### Lectio iij.

**S**UB Juliáno primum ad Ecclésiám revérsum, ac non multo post ab eódem quæsitus ad mortem, divina ope evásit. Extincto Juliáno, cum Alexandriæ ália esset exórta tempestas, quátuor menses in patérno sepúlcro se cóndidit. Tandem, postquam Alexandrinam Ecclesiám, inter máximos rerum túrbines, quadraginta et sex annis sanctissime gubernáset, Alexandriæ in lectulo sub Valénte imperatore móriens, de prostráta impietate claríssimis eréctis trophæis, labórum corónas percepturus conscéndit in cælum, in vita et in morte magnis nobilitátus miráculis, ingenique ac admirándæ doctrinæ multis post se relictis immortalibus monuméntis. Innúmeræ plane sunt laudes, quibus eum sancti Patres celebráunt.

#### AD PRETIOSA.

##### Evangelium.

Secúndum Matthæum. Cap. 10.

**I**N illo tempore : Dixit Jesus discipulis suis : Cum persequéntur vos in civitate ista, fugite in áliam. Tu autem Dómine.

#### DIE III. MAIL. IN INVENTIONE S. CRUCIS.

##### TOTUM DUPLEX.

#### AD I. VESPERAS.

Super Psalmos Año. Crucem sanctam súbiit qui inférnum confrégit : accinctus est poténtia, surréxit die tértia, allelúia. Psalmus Laudáte púeri. cum ceteris, pag. 145.

## Capitulum.

Gal. 6.

**M**HI autem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo.

**R.** Per tuam Crucem salva nos Christe Redemptor, qui mortem nostram moriéndó destruxisti, \* Et vitam resurgéndó reparásti. Allelúia. **V.** Miserére nostri Jesu benigne, qui passus es cleménter pro nobis. — Et vitam. Glória. Allelúia.

## Hymnus.

**S**ALVE Crux sancta, salve mundi glória,  
Vera spes nostra, vera ferens gáudia,  
Signum salutis, salus in periculis,  
Vitále lignum vitam ferens ómnium.

TE adorándam, te Crucem vivificam,  
Per te redempti, dulce decus sæculi,  
Semper laudámus, semper tibi cánimus :  
Per lignum servi, per te sumus liberi.

SIT Deo Patri laus in Cruce Filii,  
Sit coæqualis laus sancto Spirítui :  
Cívibus summis gáudium sit ángelis,  
Honor sit mundo Crucis hæc Inventio. Amen.

**V.** Hoc signum Crucis erit in cælo, allelúia. **R.** Cum Dóminus ad judicándum vénerit, allelúia.

Ad Magnificat Añã. O Crux benedicta, quæ sola fuisti digna portáre Regem cælórum et Dóminum ! Allelúia.

## Oratio.

**D**EUS, qui in præclára salu-tíferæ Crucis Inventiõe, Passiõnis tuæ mirácula susci-tásti; concède ut vitális Ligni prætio æternæ vitæ suffrágia consequámur : Qui vivis.

## AD MATUTINUM.

Invitatorium. Allelúia : \* Sal-ve sancta Crux, salve, allelúia.  
Hymnus Salve Crux sancta, ut in j. Vesperis.

## IN NOCTURNUM.

Psalmus 8.

**D**OMINE Dóminus noster, \* quam admirábile est no-men tuum in univérsa terra !  
Quóniam eleváta est magnificéntia tua, \* super cælos.  
Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus ? \* aut filius hóminis, quóniam visitas eum ?

Mínuisti eum paulo minus ab Angelis, & glória et honóre coronásti eum : \* et constituisti eum super ópera mánuum tuárum.

Omnia subjecisti sub pédibus ejus, \* oves et boves univér-sas : insuper et pécora campi. Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra !

Psalmus 20.

**D**OMINE in virtúte tua lætábi-tur rex : \* et super salutáre tuum exsultábit veheménter.

Desiderium cordis ejus tribuisti ei : \* et voluntate labiorum ejus non fraudasti eum.

Quoniam praevenisti eum in benedictionibus dulcedinis : \* posuisti in capite ejus coronam de lapide pretioso.

Vitam petiit a te : \* et tribuisti ei longitudinem dierum in saeculum, et in saeculum saeculi.

Magna est gloria ejus in salutari tuo : \* gloriam et magnum decorem impones super eum.

Quoniam dabis eum in benedictionem in saeculum saeculi : \* laetificabis eum in gaudio cum vultu tuo.

Quoniam rex sperat in Domino : \* et in misericordia Altissimi non commovebitur.

Inveniatur manus tua omnibus inimicis tuis : \* dextera tua inveniat omnes, qui te oderunt.

Pones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

Fructum eorum de terra perdes : \* et semen eorum a filiis hominum.

Quoniam declinaverunt in te mala : \* cogitaverunt consilia, quae non potuerunt stabilire.

Quoniam pones eos dorsum : \* in reliquiis tuis praeparabis vultum eorum.

Exaltare Domine in virtute tua : \* cantabimus et psallamus virtutes tuas.

Psalmus 23.

**D**OMINI est terra, et plentudo ejus : \* orbis terrarum, et universi, qui habitant in eo.

Quia ipse super maria fundá-

vit eum : \* et super flumina praeparavit eum.

Quis ascendet in montem Domini ? \* aut quis stabit in loco sancto ejus ?

Innocens manibus et mundo corde, & qui non accipit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Haec est generatio quaerentium eum, \* quaerentium faciem Dei Jacob.

Attollite portas principes vestras, & et elevamini portae aeternales : \* et introibit rex gloriae.

Quis est iste rex gloriae ? \* Dominus fortis et potens : Dominus potens in prelio.

Attollite portas principes vestras, & et elevamini portae aeternales : \* et introibit rex gloriae.

Quis est iste rex gloriae ? \* Dominus virtutum ipse est rex gloriae.

**Añ.** Adoramus te, Christe, et benedicimus tibi : quia per Crucem tuam redemisti mundum, allelúia.

**Ÿ.** Hoc signum Crucis erit in caelo, allelúia. **R̃.** Cum Dominus ad judicandum venerit, allelúia.

**†** Benedictiones secundum ordinem Nocturnorum, scilicet Dominica, Feria secunda et Feria quinta Benedictio Benedictione perpetua. cum ceteris duabus; Feria tertia et Feria sexta Benedictio Deus Pater omnipotens. cum ceteris duabus; Feria quarta et Sabbato Benedictio Ille nos benedicat. cum ceteris duabus.



De Epístola beáti Pauli

Apóstoli ad Colossenses.

Lectio j.

Cap. 2.

**I**N Christo inhábitat omnis plenitúdo Divinitátis corporáliter : et estis in illo repléti, qui est caput omnis principátus, et potestátis : in quo et circumcisi estis circumcisióne non manufácta in exspoliatióne córporis carnis, sed in circumcisióne Christi : consepúlti ei in baptismo, in quo et resurrexistis per fidem operatiónis Dei, qui suscitávit illum a mórtuis. Et vos cum mórtui essétis in delictis, et præputio carnis vestræ, convivificávit cum illo, donans vobis ómnia delicta : delens quod advérsus nos erat chirógraphum decreti, quod erat contrárium nobis, et ipsum tulit de médio, affigens illud cruci : et exspólians principátus, et potestates tradúxit confidénter, palam triúmphans illos in semetipso.

Rj. j. Dulce lignum, dulces clavos, dulce pondus sustinuit, \* Quæ digna fuit portáre prætium hujus sæculi, allelúia. X. Hoc signum Crucis erit in cælo, cum Dóminus ad judicándum vénerit. — Quæ digna fuit.

(Ex S. Ambrosio, S. Paulino, Severo Sulpicio et alijs, ac ex Rom. Brev.)

Lectio ij.

**H**ELENA Constantíni imperatórís mater, in somnis admoníta, conquirendæ Dominicæ Crucis stúdio Jerosólymam venit : ubi marmóream Véneris státuam, in Crucis loco a Géntibus collocátam ad tolléndam Christi Dómini

Passiónis memóriam, post centum circiter octoginta annos everténdam curávit. Itaque loco Crucis purgáto, alte defóssæ tres cruces érutæ sunt, repertusque seórsum ab illis Crucis Dominicæ titulus : qui cum ex tribus, cui affixus fuisset, non apparéret, eam dubitatiónem sústulit miraculum. Nam recens hóminis cadáver affértur, jacénti una et áltera de crúci bus admo-vétur : sed eárum ligna mors sprevit. Adhibétur Crux Dominica, et statim homo surrexit vivus.

Rj. ij. Ecce Crucem Dómini : fúgite partes advérsæ : vicit Leo de tribu Juda, \* Radix David, allelúia. X. Crux benedicta, in qua triúmphávit Rex Angelórum. — Radix David, allelúia.

Lectio iij.

**H**ELENA igitur, salutári Cruce invénta, magnificéntissimam ibi exstrúxit ecclésiám, in qua partem Crucis relíquit thecis argénteis inclúsam : partem Constantino filio détulit, quæ Romæ repósa fuit in ecclésia sanctæ Crucis in Jerúsalem. Clavos étiam áttulit filio, quibus sanctíssimum Jesu Christi corpus fixum fúerat. Céterum insigne illud in ligno vivificæ Crucis miraculum divínitus fieri sólitum, ut quamvis ex eo plures particulæ scinderéntur, nullam inde diminutióne m jacturámve sentiret, beátus Cyrillus Jerosólymitánu et sanctus Paulinus Nolánu Episcopi mérito admirántur.

Rj. iij. Per tuam Crucem salva nos Christe Redémptor, qui

mortem nostram moriēdo destruxisti, \* Et vitam resurgēdo reparāsti, Allelúia. *Ÿ.* Miserere nostri Jesu benigne, qui passus es clemēter pro nobis. — Et vitam resurgēdo reparāsti, Allelúia. Glória. Allelúia.

Ante Laudes *Ÿ.* Dicite in nationibus, allelúia. *R.* Quia Dóminus regnāvit a ligno, allelúia.

## AD LAUDES

ET PER HORAS ANTIPHONÆ.

1. O magnum pietātis opus! Mors mórtua tunc est, in ligno quando mórtua Vita fuit, allelúia. Psalmus Dóminus regnāvit. cum ceteris. pag. 17.

2. Ecce Crucem Dómini : fúgite partes advérsæ : vicit Leo de tribu Juda, radix David, allelúia.

3. Nos autem gloriári opórtet in Cruce Dómini nostri Jesu Christi, allelúia.

4. O Crux admirábilis, evacuatio vúlneris, restitútio sanitátis! Allelúia.

5. Crux benedicta nitet, Dóminus qua carne pepéndit, atque cruóre suo vúlnera nostra lavit, allelúia.

Capitulum. Gal. 6.

**M**ihi autem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo.

Hymnus.

**O**RIGINALE crimen necans in Cruce,  
Nos a privátis Christe munda máculis :  
Humanitátem miserátus frá-  
gilem,  
Per Crucem sanctam lapsis  
dona véniam.

PROTEGE, salva, bēdic, sanctifica

Pópulum cunctum Crucis per signáculum :

Morbos avérte córporis et ánimæ :

Hoc contra signum nullum stet periculum.

SIT Deo Patri laus in Cruce Filii,

Sit coæquális laus sancto Spiritui :

Cívibus summis gáudium sit ángelis,

Honor sit mundo Crucis hæc Inventio. Amen.

*Ÿ.* Tuam Crucem adorámus Dómine, allelúia. *R.* Tuam gloriósam recólimus Passiónem, allelúia.

Ad Benedictus Añã. Super ómnia ligna cedrórũ tu sola excelsior, in qua Vita mundi pepéndit, in qua Christus triumphávit, et mors mortem superávit, allelúia. Oratio.

**D**EUS, qui in præclára salutiferæ Crucis Inventiõe, Passiõis tuæ mirácula suscitásti : concéde ut vitális Ligni prætio, æternæ vitæ suffrágia consequámur : Qui vivis.

In Laudibus Memoria SS. Alexandri, Eventii et Theoduli Martyrum. Oratio.

**P**RÆSTA, quæsumus omnípotens Deus : ut qui sanctórum Mártýrum tuórum Alexandri, Eventii et Theodúli natalítia cólimus, a cunctis malis imminéntibus eórum intercessiõibus liberémur. Per.

AD PRETIOSA.

Evangelium.

Secúndum Joánnem. Cap. 3.  
**I**N illo témpore : Erat homo ex Pharisæis, Nicodémus nómine, princeps Judæórum.

Hic venit ad Jesum nocte, et dixit ei : Rabbi, scimus quia a Deovenisti magister. Tu autem.

## AD TERTIAM.

Capitulum Mihi autem absit gloriari., ut in Laudibus.

R. Hoc signum Crucis erit in cælo, \* Allelúia, allelúia. Hoc signum. V. Cum Dóminus ad judicándum vénerit. Allelúia. Glória. Hoc signum.

V. Per signum Crucis de inimicis nostris, allelúia. R. Libera nos Deus noster, allelúia.

## Oratio.

**D**EUS, qui in præclára salutiferæ Crucis Inventiône, Passiõis tuæ miracula suscitasti; concede ut vitális Ligni prætio æternæ vitæ suffrágia consequámur : Qui vivis.

## AD SEXTAM.

Capitulum.

1. Cor. 1.

**V**ERBUM Crucis pereúntibus stultitia est : iis autem, qui salvi fiunt, id est nobis, virtus Dei est.

R. Per signum Crucis de inimicis nostris, \* Allelúia, allelúia. Per signum Crucis. V. Libera nos Deus noster. Allelúia. Glória. Per signum Crucis.

V. Adorámus te Christe, et benedicimus tibi, allelúia. R. Quia per Crucem tuam redemísti mundum, allelúia.

## AD NONAM.

Capitulum.

1. Cor. 1.

**N**OS autem prædicámus Christum crucifixum : Judæis quidem scándalum, Géntibus autem stultitiam, ipsis autem vocátis Judæis, atque Græcis, Christum Dei virtutem, et Dei sapiéntiam.

R. Adorámus te Christe, et

benedicimus tibi, \* Allelúia, allelúia. Adorámus te Christe. V. Quia per Crucem tuam redemísti mundum. Allelúia. Glória. Adorámus te Christe. V. Tuam Crucem adorámus, Dómine, allelúia. R. Tuam gloriósam recólimus Passiõnem, allelúia.

## AD II. VESPERAS.

Super Psalmos Aña. O magnum pietátis opus! Mors mórtua tunc est, in ligno quando mórtua Vita fuit, allelúia. Psalmi ut in ij. Vesperis SS. Coronæ Spinæ, pag. 1105. Capitulum Mihi autem absit gloriari., Hymnus Salve Crux sancta. et V. Hoc signum Crucis. ut in j. Vesperis hujus Festi, pag. 1130.

Ad Magnificat Aña. O Crux splendidior cunctis astris, mundo célebris, homínibus multum amábilis, sánctorum univérſis, quæ sola fuisti digna portáre taléntum mundi: dulce lignum, dulces clavos, dúlcia ferens póndera, salva præsentem catervam in tuis hódie láudibus congregátam, allelúia, allelúia, allelúia.

DIE IV. MAIL.

S. MONICÆ

VIDUÆ.

DUPLEX.

Oratio.

**D**EUS, mæréntium consolá et in te sperántium salus, qui beatæ Mónica piás lácrimas in conversiõne filii sui Augustini misericórdiis suscepisti : da nobis utriúsque intervéntu peccáta nostra deploráre, et grátiae tuæ indulgéntiam invenire. Per.



## Lectio ij.

**M**ONICA sancti Augustini  
dupliciter mater, quia  
eum et mundo et cælo péperit,  
marito mórtuo, quem sene-  
ctute confectum Jesu Christo  
conciliávit, castam et opéribus  
misericórdiæ exércitam vidui-  
tatem agébat. In assiduis vero  
ad Deum orationibus pro filio,  
qui in Manichæórum sectam  
inciderat, lácrimas effundébat.  
Quem étiam Mediolánum se-  
cúta est, ubi ipsum frequenter  
hortabátur ut ad Episcopum  
Ambrósium se conférret. Quod  
cum ille fecisset, ejus et públi-  
cis conciónibus et privátis col-  
lóquiis cathólicæ fidei veritá-  
tem edóctus, ab eódem bapti-  
zátus est.

## Lectio iij.

**M**OX in Africam redeúntes,  
cum ad Ostia Tiberína  
constitissent, incidit in febrem.  
Quo in morbo cum eam quo-  
dam die ánima defecisset, ut  
se collégit : Ubi, inquit, eram?  
Et astántes intuens : Pónite  
hic matrem vestram : tantum  
vos rogo ut ad altáre Dómini  
meminéritis mei. Nono autem  
die beáta Múlier ánimam Deo  
réddidit. Ejus corpus ibi in  
ecclésiá sanctæ Aureæ sepúl-  
tum est : quod póstea, Martino  
Quinto Summo Pontífice, Ro-  
mam translátum, in ecclésiá  
sancti Augustini honorífice  
códitum est.

## AD PRETIOSA.

## Evangelium.

Secúndum Lucam. Cap. 7.

**I**n illo témpore : Ibat Jesus  
in civitátem, quæ vocátur  
Naim : et ibant cum eo disci-  
puli ejus, et turba copiósa. Tu  
autem Dómine.

## DIE V. MAIL.

## S. PII QUINTI

PAPE ET CONF. ORD. PRÆD.

TOTUM DUPLEX.

## AD I. VESPERAS.

Super Psalmos Aña. Felix  
Dóminici plaude familia, Pio  
Quinto accéndens lúmina :  
plaude pia mater Ecclésiá, Ba-  
bylónis sedens ad flúmina :  
tota plaude cælestis Cúria, et  
festívum Pio redúplica Alle-  
lúia. Psalmus Laudáte púeri.  
cum ceteris, pag. 145.

Capitulum. Baruch 5.

**C**IRCUMDABIT te Deus di-  
plóide justitiæ, et impónet  
mitram cápiti honóris æterni :  
osténdet splendórem suum in  
te omni qui sub cælo est. No-  
minábitur enim tibi nomen a  
Deo : Pax justitiæ, et honor  
pietátis.

¶ Dum novus hic Móyses  
in colle pansis má nibus Deum  
precabátur, ad Naupáctum  
Amalech Israéli pérfidus mari  
profligátur : \* Pártaque victó-  
ria Pio revelátur, Allelúia.  
¶ Dum exténdit virgam Ro-  
sárii, demergúntur hostes ne-  
fárii. — Pártaque victória Pio  
revelátur, Allelúia. Glória.  
Allelúia.

## Hymnus.

**P**IO beáto júbilos  
Canóra pangant órgana,  
Nimbósque pellant núbilos  
Sacræ diéi gáudia.

Hic Michael certámene  
Fregit draconis impetum :  
Piique sumpto nómine,  
Hostem représsit impium.

ECCLÉSIAE perícula  
Umbóne firmo depúlit :  
Sectariórum spícula  
Mucróne forti méssuit.

AB incolátu dæmonum  
Obsessa purgans cõpõra :  
A retiáculo criminum  
Solvit reõrum pectora.

QUANTO magis nunc dúplí-  
ces

Sibi favores spõdeant  
Nomen Pii qui súplices  
Votis frequenter invocant!

† Tempore Resurrectionis :

QUÆSUMUS, Auctor ómnium,  
In hoc Paschali gaudio,  
Ab omni mortis impetu  
Tuum defende pópulum.

GLORIA tibi Dómine,  
Qui surrexisti a mórtuis,  
Cum Patre et sancto Spirítu,  
In sempitérna sæcula. Amen.

† Tempore Ascensionis :

TU esto nostrum gáudium,  
Qui es futurus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sidera,  
Cum Patre et sancto Spirítu  
In sempitérna sæcula. Amen.

Ÿ. Ora pro nobis beáte Pie,  
allelúia. R. Ut digni efficiámur  
promissionibus Christi, alle-  
lúia.

Ad Magnificat Aña. Pii no-  
men comprobáruit piæ opera-  
tiones : et ex hoc beátum di-  
cent omnes generatiões, alle-  
lúia.

Oratio.

**D**EUS, qui ad conteréndo  
Ecclésiæ tuæ hostes, et  
ad divinum cultum reparán-  
dum, beátum Pium Pontificem  
Máximum eligere dignátus es:  
fac nos ipsius defendi præsi-  
diis, et ita tuis inhærere obsé-  
quiis, ut ómnium hostium su-  
perátis insidiis, perpétua pace  
lætémur. Per.

## AD MATUTINUM.

Invitorium. Christum in  
Pio fámulo rite collaudémus :  
\* Pium in Christo Dómino pie  
celebrémus, allelúia.

Hymnus.

**N**OCTIS fuge caliginem  
Pii corúsca glória :  
Depéllat et formidinem  
Tanti ducis victória.

Is a tenellis únguibus  
Christi jugo se súbdidit :  
Mox igne sancti Spirítus  
Totis inedúllis férbit.

ADHÆSIT innocéntiæ  
Candor Pii virtútibus,  
Nitórque consciéntiæ  
Letális expers criminis.

INTACTA carnis púritas  
Monstrátur in fragrantia,  
Infrácta mentis firmitas  
In pectoris constantia.

TANTIS gradátim dótibus  
Parátur ad sublímitas :  
Donec subit divínitus  
Apostolátus cúlmina.

Duæ ultimæ Strophæ, sive  
Tempore Resurrectionis, sive  
Tempore Ascensionis ut in  
Hymno primarum Vespera-  
rum.

## IN NOCTURNO.

Aña. Fidem zelans in cathé-  
dra æternæ Sapientiae, forti  
contrivit dextera cathedram  
pestilentiae, allelúia. Psalmi  
ex j. Nocturno de Comuni  
unius Confessoris, pag. 68\*.

Aña. Spe loricatus praevalet,  
cum fremuerunt gentes : fre-  
git in virga ferrea meditan-  
tes inania Christumque perse-  
quentes, allelúia.

Aña. Pii caritas orantis dum  
praestat auxilia, populi me  
circumdantis non timebo mil-  
lia, allelúia.

Ÿ. Amavit eum Dóminus, et

ornávit eum, allelúia. R. Stolum glóriæ induit eum, allelúia.

† Benedictiones secundum ordinem Nocturnorum, scilicet Dominica, FERIA secunda et FERIA quinta Benedictio Benedictiōe perpétua. cum ceteris duabus; FERIA tertia et FERIA sexta Benedictio Deus Pater omnipotens. cum ceteris duabus; FERIA quarta et Sabbato Benedictio Ille nos benedicat. cum ceteris duabus.

De libro Ecclesiastici.

Lectio j. Cap. 50.

**E**CCE Sacerdos magnus, qui in vita sua suffulsit mum, et in diébus suis corroborávit templum. In diébus ipsius emanavérunt putei aquarum, et quasi mare adimpléti sunt supra modum. Qui curávit gentem suam, et liberávit eam a perditione. Qui præváluit amplificáre civitatem, qui adéptus est glóriam in conversatione gentis: et ingressum domus, et átrii amplificávit. Quasi cypréssus in altitúdinem se extóllens, in accipiéndum ipsum stolum glóriæ, et vestiri eum in consummationem virtútis. In ascensu altáris sancti, glóriam dedit sanctitátis amictum. Et circa illum coróna fratrum: quasi plantatio cedri in monte Libano, sic circa illum steterunt quasi rami palmæ.

R. j. Ad ceram Agni cándidi a Pio benedicti, captant salutem lánguidi, resiliunt pyróboli, \* Sclopos evádunt icti, allelúia. V. Dat farinis incrementa, sedat ignium torménta, tranquillántur mária. — Sclopos evádunt icti, allelúia.

(Ex Romano Breviario.)

Lectio ij.

**P**IUS in oppido Insúbriæ, quod Boscum vocant, natus, sed e Bonónia oriúndus ex nobili Ghisleriórum familia, cum quatuórdecim esset annórum, Ordinem Prædicatórum ingressus est. Erat in eo admirábilis paciéntia, profúnda humilitas, summa vitæ austeritas, continuum oratiónis stúdium et reguláris observántiæ ac divini honóris ardentissimus zelus. Philosophiæ vero ac theologiæ incúmbens, ádeo in iis excélluit, ut illas docéndi munus magna cum laude per multos annos exercúerit. Sacras conciónes plúribus in locis cum ingénti auditorum fructu hábuit. Inquisitórii officium inviolábilis animi fortitúdone diu sustinuit: multasque civitates, non sine vitæ discrimine, ab hæresi tunc grassánte immúnes servávit. A Paulo Quarto, cui ob exímias virtútes caríssimus erat, ad Nepesinum et Sutrinum Episcopátum promotus, et post biénnum inter Románæ Ecclesiæ Presbyteros Cardinales adscriptus fuit. Tum ad Ecclesiám Montis Regális in Subalpínis a Pio Quarto translátus, cum plures in eam abúsus irrepsisse cognovisset, totam diocésim lustrávit: rebúsque compósitis Romam réversus, gravissimis expediéndis negotiis applicátus, quod justum erat apostólica libertate et constantia decernébat.

R. ij. Priscos agónes Mátyrum osténtans Romanórum, ingens edit miráculum \* In turba populórum, allelúia.



¶ Oratōri christiāno dans e campo Vaticanō cruentātos pūveres. — In turba populōrum, allelūia.

Lectio iij.

**M**ORTUO autem Pio, præter ōmnium expectatiōnem elēctus Pōntifex, nihil in vitæ ratiōne, excēpto exteriōri hābitu, immutāvit. Fuit in eo religiōnis propagandæ perpētuum stūdiū, in ecclesiastica disciplina restituēda indefessus labor, in exstirpādis erroribus assidua vigilāntia, in sublevādis egēntium necessitatibus indeficiens beneficētia, in Sedis Apostolicæ iūribus vindicādis robur invictum. Selimū Turcārum tyrānnū, multis elātū victōriis, ingēnti comparāta classe, ad Echinadas insulas non tam armis quam fuis ad Deum prēcibus devicit. Quam victōriam ea ipsa hora, qua obtēta fuit, Deo revelānte cognōvit suisque familiāribus indicāvit. Dum vero novam in ipsos Turcas expeditiōnem molirētur, in gravem morbum incidit : et acerbissimis dōloribus patientissime tolerātis, ad extrēma devēniens, cum Sacramēnta de more suscepisset, animam Deo placidissime reddidit, anno millésimo quingentésimo septuagésimo secūdo, ætātis suæ sexagésimo octāvo : cum sedisset annos sex, menses tres, dies viginti quatuor. Corpus ejus in Basilica sanctæ Mariæ ad Præsēpe summa fidēlium veneratiōne cōlitur, multis a Deo ejus intercessiōne patrātis mirāculis. Quibus rite probātis, a Clemente Undécimo Pontifice

Máximo Sanctōrum número adscriptus est.

¶ iij. Christi plantas osculāri fixas Cruci gēstiit : sed pro vita sui cari pedes ista retrahit : \* Tóxico imbūtis dari óscula prohibuit, Allelūia. ¶ Absit mihi gloriāri, absit óscula venāri, nisi in Cruce Dómini. — Tóxico imbūtis dari. Glória. Allelūia.

Ante Laudes ¶. Ora pro nobis beāte Pie, allelūia. ¶. Ut digni efficiāmur promissiōnibus Christi, allelūia.

#### AD LAUDES

ET PER HORAS ANTIPHONÆ.

1. Pie, secūndum nomen tuum ita et laus tua sit : laudat grex Pastōrem suum, nec laudāre sūfficit, allelūia. Psalmus Dóminus regnāvit. cum ceteris, pag. 17.

2. Pii vigil prudētia firmāvit Sedem Petri, monstra fugans horrēntia, ut rádiis fulgētri, allelūia.

3. Æqua Pii justitia rectificans statēram, mundi deprēssit vitia, lancem tenens sincēram, allelūia.

4. Constans Pii fortitúdo hæresim compēscuit, animique magnitúdo toti orco restiuit, allelūia.

5. Pii temperāntia in carnis fragrantia cælitus monstratur : rigor abstinentiæ dono continēntiæ pie coronatur, allelūia.

Capitulum. Baruch. 5.

**C**IRCUMDABIT te Deus diploide justitiæ et impōnet mitram cāpiti honoris æterni : ostēdet splendōrem suum in te omni qui sub cælo est. Nominābitur enim tibi nomen a

Deo : Pax justitiæ, et honor  
pietatis.

### Hymnus.

**A**URORA cæli púrpura  
Aspérge rorem flóribus :  
Pii triúmphos éxplica  
Circúmdatos fulgóribus.

ZELOSUS iste Phinees  
Sacris stetit pro mœnibus,  
Ut bárbaros acinaces  
Arcéret a fidélibus.

Hic disciplinam móribus  
Cura revéxit sédula,  
Et impiis erróribus  
Objécit hic repágula.

Pii talénta largitas  
Non vinxit in sudário :  
Necessitátes públicas  
Toto juvans aerário.

PATER benignus páuperum,  
Manus habens tornátiles,  
Pavit greges famélicos  
Effusióne múnereum.

† Tempore Resurrectionis :

QUÆSUMUS Auctor ómnium,  
In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui surrexisti a mórtuis,  
Cum Patre et sancto Spíritu,  
In sempitérna sæcula. Amen.

† Tempore Ascensionis :  
Tu esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sîdera,  
Cum Patre et sancto Spíritu  
In sempitérna sæcula. Amen.

¶ Justus germinábit sicut lí-  
lium, allelúia. R. Et florébit  
in ætérnum ante Dóminum,  
allelúia.

Ad Benedictus Añ. Pie, pa-  
stor mirífice, tuárum memor  
óvium, sta coram summo Jú-

dice pro pártibus fidélium,  
allelúia. Oratio.

**D**EUS qui, ad conteréndos  
Ecclésiæ tuæ hostes, et  
ad divínium cultum reparán-  
dum, beátum Pium Pontíficem  
Máximum eligere dignátus es:  
fac nos ipsius deféndi præsi-  
diis, et ita tuis inhærére obsé-  
quiis, ut ómnium hóstium su-  
perátis insídiis, perpétua pace  
lætémur. Per.

### AD PRETIOSA.

Evangelium.

Secúndum Lucam. Cap. 10.

**I**n illo témpore : Dixit Jesus  
discipulis suis : Qui vos audit  
me audit : et qui vos spernit  
me spernit. Tu autem Dómine.

### AD TERTIAM.

Capitulum Circúmdabit te  
Deus., ut in Laudibus.

† R. R. et V. V. Horarum de  
Communi unius Confessoris,  
pag. 124\*.

### AD SEXTAM.

Capitulum. Eccli. 49.

**I**PSE est diréctus divinitus in  
pœniténtiam gentis : prin-  
ceps fratrum, firmaméntum  
gregis, stabiliméntum pópuli.

### AD NONAM.

Capitulum. Eccli. 47.

**D**E omni corde suo laudávit  
Dóminum, et diléxit  
Deum, qui fecit illum : et de-  
dit illi contra inimicos potén-  
tiam.

### AD II. VESPERAS.

Super Psalmos Añ. Pie, se-  
cúndum nomen tuum ita et laus  
tua sit : laudat grex Pastórem  
suum, nec laudáre súfficit, al-  
lelúia. Psalmi de Communi  
unius Confessoris, pag. 76\*.

Capitulum, Hymnus et V. ut  
in j. Vesperis, pag. 1135.

Ad Magnificat Añā. Qui exáltat hūmiles Pium exáltavit, et in Apostólica Sede collocávit, allelúia. Oratio.

**D**EUS qui, ad conteréndos Ecclesiæ tuæ hostes, et ad divinum cultum reparándum, beátum Pium Pontificem Máximum eligere dignátus es : fac nos ipsius deféndi præsi-diis, et ita tuis inhærére obséquiiis, ut ómnium hóstium superátis insidiis, perpétua pace lætémur. Per.

#### PER OCTAVAM S. PII.

Ad Memoriam in Laudibus Añā. Pius instar facis sæculum illúminat, ut in viam pacis pedes nostros dirígat, allelúia.

¶ de Comm. unius Confess.

Oratio Deus, qui ad conteréndos. ut supra.

Ad Memoriam in Vesp. Añā. Exsúltat Pii spiritus in Deo salutári, qui jussit piis rítibus Pium magnificári, allelúia.

¶ Ora pro nobis beáte Pie, allelúia. Iq. Ut digni efficiámur promissionibus Christi, allelúia.

Oratio Deus, qui ad conteréndos. ut supra.

¶ In utrisque Vesperis et in Laudibus Ascensionis, si infra Octavam vel in die Octava S. Pii venerit, de S. Pio non fiat Memoria.

¶ Si vero infra Octavam aut in die Octava S. Pii Vigília aut Festum Pentecostes venerit, de S. Pio fiet Memoria in Laudibus Vigiliæ. De eo autem in j. Vesperis Pentecostes et deinceps jam non fiet Memoria.

#### DIE VI. MAII.

#### S. JOANNIS EVANGELISTÆ ANTE PORTAM LATINAM. DUPLEX.

Quæ hic notata non sunt dicantur de Communi Apostolorum Temporis Paschalis, pagg. 113\*. - 116\*, præter Capitula, quæ sumantur de Communi unius Evangelistæ, pag. 116\*.

#### IN I. VESPERIS.

Ad Magnificat Añā. In fervéntis olei dólum missus Joánnes Apóstolus, divina se protegente grátia, illæsus exivit, allelúia.

Oratio.

**D**EUS, qui cónspicis quia nos úndique mala nostra pertúrbant : præsta, quæsumus, ut beáti Joánnis Apóstoli tui et Evangelistæ intercessio gloriósa nos protégat. Per.

¶ In utrisque Vesperis et Laudibus Memoria de Octava die S. Petri Martyris (nisi transférenda fuerit), ut pag. 1141. et pag. 1142. sub título Eadem die vj. Maii. notatum est.

#### IN NOCTURNO.

Ex libro Apocalypsis beáti Joánnis Apóstoli.

Lectio j.

Cap. i.

**E**GO Joánnes frater vester, et párticeps in tribulatione, et regno, et patiéntia in Christo Jesu : fui in insula, quæ appellátur Patmos, propter verbum Dei, et testimónium Jesu : fui in spíritu in Dominica die, et audi vi post me vocem magnam tamquam tubæ, dicéntis : Quod vides, scribe in libro : et mitte septem Ecclesiis, quæ sunt in Asia, Epheso, et Smyrnæ, et Pérgamo, et Thyatiræ, et Sardis, et Philadelphie, et Laodicie.



R. j. Virtute magna reddēbant Apóstoli \* Testimónium Resurrecciónis Jesu Christi Dómini nostri, allelúia, allelúia. V. Replēti quidem Spíritu sancto loquebāntur cum fidúcia verbum Dei. — Testimónium.

Ex libro sancti Hierónymi Presbyteri contra Jovinianum.

Lectio ij. (Lib. 1.)

JOANNES Apóstolus, unus ex discipulis Dómini, qui minimus natu tráditur fuisse inter Apóstolos, et quem fides Christi virginem repéerat, virgo permānsit : et ideo plus amātur a Dómino, et recumbit super pectus Jesu : et quod Petrus, qui uxórem habúerat, interrogāre non audet, illum rogat ut intéroget : et post Resurrecciónem, nuntiāte María Magdaléna quod Dóminus surrexisset, utérque cucurrit ad sepúlcrum : sed ille prævénit. Cumque essent in navi, et piscaréntur in lacu Genésareth, Jesus stabat in litore, nec sciébant Apóstoli quem vidérent. Solus virgo virginem agnóscit, et dicit Petro : Dóminus est.

R. ij. Isti sunt agni novélli, qui annuntiavérunt, allelúia : modo venérunt ad fontes : \* Replēti sunt claritáte, allelúia, allelúia. V. In conspéctu Agni amicti stolis albis, et palmæ in mánibus eórum. — Replēti sunt claritáte, allelúia, allelúia.

Lectio iij.

FUIT autem Joánes et Apóstolus, et Evangelista, et Prophéta. Apóstolus, quia scripsit ad Ecclesiās ut magister : Evangelista, quia librum

Evangélii cōdidit, quod, ex cēpto Matthæo, álíi ex duodecim Apóstolis non fecerunt : Prophéta, vidit enim in Patmos insula, in qua fúerat a Domitiáno príncipe ob Dómini martýrium relegátus, Apocalýpsim, infinita futurórum mystéria continéntem. Refert autem Tertullíanus quod Romæ missus in fervéntis olei dólum, púrior et vegétior exíverit quam intráverit.

R. iij. Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, Allelúia, allelúia. V. In omnem terram exívit sonus eórum, et in fines orbis terræ verba eórum. — Et sicut lac. Glória. Allelúia, allelúia.

#### AD PRETIOSA.

Evangelium.

Secúndum Matthæum. Cap. 21.

IN illo témpore : Accéssit ad Jesum mater filiórum Zebedæi cum filiis suis, adórans, et petens áliquid ab eo. Tu autem Dómine.

EADDEM DIE VI. MAIL.

IN OCTAVA S. PETRI

MARTYRIS. SIMPLEX.

Ad Memoriam in j. Vesperis Añæ. O Petre Martyr inclýte, Prædicatórum glória, virginitáte prædite, verbo, signis et grátia, concéssa nobis sólitæ pietátis cleméntia, transácto mundi trámite, nos transfer ad cæléstia, allelúia.

V. Ora pro nobis beáte Petre, allelúia. R. Ut digni efficiámur promissionibus Christi, allelúia.

## Oratio.

**P**RÆSTA, quæsumus omnipotens Deus : ut beāti Petri Mártiris tui fidem cógrua devotíone sectémur, qui pro ejúsdem fidei dilatatióne martyrii palmam méruit obtinére. Per.

Ad Memoriam in Laudibus Aña. Summa pollens Petrus mundítia, et præfúlgens doctrínæ grátia, martyrii clarus victória, trinæ fulget corónæ glória, allelúia.

℣. Coróna áurea super caput ejus, allelúia. ℞. Expréssa signo sanctitátis, allelúia.

Oratio Præsta, quæsumus., ut supra.

Ad Memoriam in ij. Vesperis Aña. O Martyr egrégie, doctor veritátis, puritátis vasculum, norma sanctitátis, tua per suffrágia véniam peccátis et vitam in glória præsta cum Beátis, allelúia.

℣. Ora pro nobis. et Oratio Præsta, quæsumus., ut supra.

DIE VII. MAIL.  
IN OCTAVA  
S. CATHARINÆ SENENSIS.  
SOLEMNE.

## AD I. VESPERAS.

Capitulum, Hymnus, ℣. Antiphona ad Magnificat et Oratio ut in j. Vesperis Festi, pag. 1118.

## AD MATUTINUM.

Invitatorium et Hymnus ut in Festo, pag. 1119.

## IN NOCTURNO.

Tres Antiphonæ ut in Festo, pag. 1120. et tres Psalmi ex primo Nocturno de Comuni Virginis, pag. 88\*.

℣. Diffúsa est grátia in lábiis tuis, allelúia. ℞. Propterea benedixit te Deus in ætérnum, allelúia.

† Si Homilia Dominicalis le-genda non fuerit, prima Lectio erit de Scriptura Feriæ (si tamen Feria Lectionibus de Scriptura caruerit, prima Lectio erit Mihi autem. ut in Festo, pag. 1120); Lectio secunda Sex annos nata. et Lectio tertia Summa hujus Virginis, infra positæ cum tribus Responsoriis hic notatis.

℞. j. Nihil huic Virgini sá-tius, nihilque dignius in rerum natúra visum est quam Jesu Christi præcépta \* Et vitam ætérnam ómnibus persuadére, allelúia. ℣. Dedit enim semper óperam revocáre perdítos. — Et vitam ætérnam ómnibus persuadére, allelúia.

(Ex Bulla Canonizationis.)

## Lectio ij.

**S**EX annos nata beáta Catharina Senénsis, ut Dómino servíret, erémum concupivit; et urbe egréssa, in cavérna loco solitáριο delítuit : quamvis, jubén-te Spirítu páululum demoráta, domum redíerit. Angélicam Salutatíonem edócta, quóties patrénæ domus scalam ascéndit, tóties per singulos gradus, flexo geniculo, beatíssimam Virgí-nem Matrem Dómini salutávit. Et anno currén-te ætátis suæ séptimo, virginitátem suam consecrávit Christo : quem sua in majestáte sedéntem mirá-bili visíone contempláta est, et arcána cæléstis aulæ vidit, quæ non potest effári lingua mortális. Mundá-nas delicias a se omnes abdicávit. Oratíoni to-

tam se dedit. Corpúsculum suum vigiliis, jejúniis ac verbéribus afflixit : coæquáles puéllas ut idem fácerent edócuít et suásit. Pubes effécta, scissis crínibus, mortále connúbium recusávit. Ancilláre officium in patérna domo exércuit : nihil magis cúpiens quam vilis apud hómines et abjécta vidéri. Paupéribus Christi larga manu, permitténte patre suo, subvénit. Ægrotántibus summa diligéntia ministrávit : incarcerátos et opprésos, quibus váluit modis, consoláta est : nullum ab ea verbum non religiósium, non sanctum excídít.

R. ij. Sapiéntia atque doctrína hæc Virgo reférta códices nonnúlos cóndidit edidítque : \* Ut veram vivéndi ratióne[m] ómnibus osténderet, allelúia. *℟.* His illa humánas fragílesque res spérnere suádet. — Ut veram vivéndi ratióne[m].

### Lectio iij.

**S**UMMA hujus Virgínis abstinentia fuit, et admirábilis vitæ austéritas. Nam cum vini et cárnium usum prorsus abjécisset, nec pulmentáriis ullis uterétur, ad extrémum eo dedúcta est, ut nec legúmina éderet, nec pane vescerétur, nisi cælésti, quem verus Christiánus in Sacraménto sumit altáris. Per annos círciter octo, mínimo herbárum succo, earúmque parum reténto, et Communióne sacra, sustentáta est. Ad Communióne[m] altáris, quæ illi fere quotidiana fuit, quasi ad cæléstes nuptias invitáta esset, summa cum alacritáte proficiscebátur. Cilicio sub veste utebátur. Lectum sibi ex tábulis confecerat, at-

que in eo jacens brevíssimum capiébát somnum : raro enim ultra duas horas intérdiu noctúque dormiébát. Réliquum omne tempus vigilándo, orándo, prædicándo, ópera miséricordiæ agéndo consúmpsit. Spissis córdulis carnem suam macerávit. Dolóre cápitis pene assidue torquebátur. Fuit in ea Spiritus prophetiæ, et multa prædixit ántequam fierent, et occultíssima revelávit. Rapiébatur sæpe a Spiritu, et in aere suspénsa divinis contemplatió[n]ibus pascébatur : ádeo extra se acta, ut expúncata percússaque nihil omnino sentiret : idque frequénter ei contingébat, dum diviníssima reficerétur Eucharistia.

R. iij. Vitam Catharinæ innocentíssimam mirácula illa notíssimam efficiunt, \* Quæ vivens atque vita functa líquido osténdit, Allelúia. *℟.* Curávit ægrótos, vitam mórtuis restituit, et id genus multa fecit. — Quæ vivens. Glória. Allelúia.

† Si legenda fuerit Homilia Dominicalis, prima Lectio et secunda Lectio erunt de ea, tertia vero erit secunda ex suprapositis, scilicet Sex annos nata., et dicentur tria Responsoria supraposita.

† Si Octava dies S. Catharinæ in Dominicam quartam post Octavam Paschæ incidit, Lectio prima et Lectio secunda erunt de Homilia Dominicali, tertia Sex annos nata. ut supra. † Si autem in triduum ante Ascensionem inciderit, non legetur in ea Homilia Dominicæ præcedentis,



nec Homilia Rogationum, nec Homilia Vigilæ; sed in Feria secunda et in Feria quarta, Lectio prima erit ut in Festo, pag. 1120. in Feria vero tertia Lectio prima erit de Scriptura currente. Lectio autem secunda, Lectio tertia et tria R̄R̄. dicantur ut pag. 1142. et pag. 1143. notatum est.

Ante Laudes V̄. Ora pro nobis beata Catharina, allelúia. R̄. Ut digni efficiamur promissionibus Christi, allelúia.

### AD LAUDES

HORAS ET II. VESPERAS.

Omnia ut in Festo, servato modo Octavæ diei Solemnis.

### AD PRETIOSA.

¶ Si lecta fuerit in Nocturno Homilia Dominicalis, dicatur ad Pretiosa. Evangelium Dominicæ.

¶ Si vero Homilia lecta non fuerit, dicatur ad Pretiosa. sequens Evangelium : Secundum Matthæum. Cap. 13.

**I**n illo tempore : Dixit Jesus turbis parabolam hanc : Simile est regnum cælorum grano sinapis, quod accipiens homo seminavit in agro suo. Tu autem Dómine.

### DIE VIII. MAIL. IN APPARITIONE S. MICHAELIS ARCHANGELI.

TOTUM DUPLEX.

### AD I. VESPERAS.

Super Psalmos Añá. Dum committeret bellum draco cum Michaële Archángelo, audita est vox millia millium dicentium : Salus Deo nostro, allelúia. Psalmus Laudáte púeri. cum ceteris, pag. 145.

### Capitulum. Apoc. 1.

**S**IGNIFICAVIT Deus quæ oportet fieri cito, loquens per Angelum suum servo suo Joánni : qui testimonium perhibuit verbo Dei, et testimonium Jesu Christi, quæcúmque vidit.

R̄. Te sanctum Dóminum in excelsis laudant omnes Angeli dicentes : \*Te decet laus et honor Dómine, Allelúia. V̄. Cherubim quoque et Séraphim Sanctus proclamant, et omnis cælicus ordo, dicentes. — Te decet laus. Glória. Allelúia.

### Hymnus.

**T**IBI Christe, splendor Patris,  
Vita, virtus córdium,  
In conspectu Angelórum  
Votis, voce psállimus :  
Alternantes concrepando  
Melos damus vóciibus.

COLLAUDAMUS venerantes  
Omnes cæli milites,  
Sed præcipue Primátem  
Cælestis exercitus  
Michaëlem, in virtute  
Conterentem Zábulum.

Quo custode, procul pelle  
Rex Christe piissime  
Omne nefas inimici :  
Mundo corde et corpore  
Paradiso redde tuo  
Nos sola clementia.

GLORIAM Patri melodis  
Personemus vóciibus :  
Glóriam Christo canamus,  
Glóriam Paráclito :  
Qui trinus et unus Deus  
Exstat ante sæcula. Amen.

V̄. Stetit Angelus juxta aram templi, allelúia. R̄. Habens thuribulum aureum in manu sua, allelúia.

Ad Magnificat Añá. Dum sacrum mystérium cérneret

Joáñnes, Archángelus Michael tuba cécinit : Dignus es Dómine Deus noster accipere librum, et sólvare signácula ejus, allelúia.

Oratio.

**D**EUS, qui miro órđine Angelórum ministéria hominúmque dispénsas, concéde propítius : ut a quibus tibi ministrántibus in cælo semper assistitur, ab his in terra vita nostra muniátur. Per.

#### AD MATUTINUM.

Invitatorium. Regem Angelórum Dóminum \* Veníte adorémus, allelúia.

Hymnus Tibi Christe splendor Patris., ut in j. Vesperis.

#### IN NOCTURNO.

Psalmus 5.

**V**ERBA mea áuribus pèrcipe Dómine, \* intéllege clamórem meum.

Inténde voci oratiónis meæ, \* rex meus et Deus meus.

Quóniam ad te orábo : \* Dómine mane exáudies vocem meam.

Mane astábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permanébit iníusti ante óculos tuos.

Odísti omnes, qui operántur iniquitátem : \* perdes omnes, qui loquúntur mendácium.

Vírum sánguinem et dolósum abominábitur Dóminus : \* ego autem in multitúdine misericórdiæ tuæ.

Introibo in domum tuam : \* adorábo ad templum sanctum tuum in timóre tuo.

Dómine deduc me in justítia tua : \* propter inimícos meos

dirige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, & linguis suis dolóse agébant, \* júdica illos Deus.

Décidant a cogitatióibus suis, & secúndum multitúdinem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, \* quóniam tu benedices justo.

Dómine, ut scuto bonæ voluntátis tuæ \* coronásti nos.

Añã. Stetit Angelus juxta aram templi, habens thuribulum áureum in manu sua, allelúia.

Psalmus 8.

**D**OMINE Dóminus noster, \* quam admirábile est nomen tuum in univérſa terra !

Quóniam eleváta est magnificéntia tua, \* super cælos.

Ex ore infántium et lacténtium perfecísti laudem propter inimícos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius homínis, quóniam vísitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subjecisti sub p[er]dibus ejus, \* oves et boves universas : insuper et p[er]cora campi.

V[ol]ucres c[ae]li, et pisces maris, \* qui p[er]ambul[an]t s[er]mitas maris.

D[omi]ne D[omi]nus noster, \* quam admirabile est nomen tuum in universa terra!

A[nn]a. Ascendit fumus aromatatum in consp[ec]tu D[omi]ni de manu Angeli, alleluia.

Psalmus 10.

**I**N D[omi]no confido : quomodo dicitis animae meae : \* Transmigre in montem sicut passer?

Quoniam ecce peccatores intend[er]unt arcum, & paraverunt sagittas suas in pharetra, \* ut sagittent in obscuro rectos corde.

Quoniam quae perfecisti, destruxerunt : \* justus autem quid fecit?

D[omi]nus in templo sancto suo, \* D[omi]nus in caelo sedes ejus :

Oculi ejus in pauperem respiciunt : \* palpebrae ejus interrogant filios hominum.

D[omi]nus interrogat justum et impium : \* qui autem diligit iniquitatem, odit animam suam.

Pluet super peccatores laqueos : \* ignis, et sulphur, et spiritus procellarum pars calicis eorum.

Quoniam justus D[omi]nus et justitias dilexit : \* aequitatem vidit vultus ejus.

A[nn]a. Michael Arch[an]gele veni in adjutorium populo Dei, alleluia.

V. Stetit Angelus juxta aram templi, alleluia. R. Habens thuribulum aureum in manu sua, alleluia.

**¶** Benedictiones secundum ordinem Nocturnorum, scilicet Dominica, FERIA secunda et FERIA quinta Benedictio Benedictione perpetua. cum ceteris duabus ; FERIA tertia et FERIA sexta Benedictio Deus Pater omnipotens. cum ceteris duabus ; FERIA quarta et Sabbato Benedictio Ille nos benedicat. cum ceteris duabus.

De libro Apocalypsis beati Joannis Apostoli.

Lectio j.

Cap. 12.

**E**T factum est proelium magnum in caelo : Michael, et Angeli ejus proeliabantur cum drac[on]e, et draco pugnabat, et angeli ejus : et non valuerunt, neque locus inventus est eorum amplius in caelo. Et projectus est draco ille magnus, serpens antiquus, qui vocatur Diabolus, et Sathanas, qui seducit universum orbem : et projectus est in terram, et angeli ejus cum illo missi sunt. Et audivi vocem magnam in caelo dicentem : Nunc facta est salus, et virtus, et regnum Dei nostri, et potestas Christi ejus.

R. j. In consp[ec]tu gentium nolite timere : vos enim in cordibus vestris ador[ati], et timete D[omi]num : \* Angelus enim ejus vobiscum est, alleluia. V. Cantate ei canticum novum : bene psallite ei in vociferatione. — Angelus enim ejus vobiscum est, alleluia.

(Ex vetust. monum. Auctoribus, et Rom. Brev.)

Lectio ij.

**G**ELASIO Primo Pontifice Maximo, in Apulia in vertice Gargani montis, ad



cujus radices incolunt Sipontini, Archángeli Michaélis fuit illústris apparitio. Factum est enim ut ex grégibus armentórum Gargáni, cujúsdam taurus longe discéderet : quem diu conquisitum in áditu spelúncæ hæréntem invenérunt. Cum vero quidam ex illis, ut taurum configeret, sagittam emisisset, retórta sagitta in ipsum récidit sagittárium. Quæ res cum præséntes ac deinceps céteros tanto timóre affecisset, ut ad eam spelúncam própius accédere nemo audéret, Sipontíni Episcopum cónsulunt : qui, indicto trium diérum jejúnio et oratióne, rem a Deo respóndit quæri oportére.

R. ij. In conspéctu Angelórum psallam tibi, et adorábo ad templum sanctum tuum, \* Et confitébor nómini tuo Dómine, allelúia. V. Deus meus es tu, et confitébor tibi : Deus meus es tu, et exaltábo te. — Et confitébor nómini tuo Dómine, allelúia.

### Lectio iij.

POST trídium, Michael Archángelus Episcopum monet in sua tutéla esse eum locum, eoque indicio demonstrásse, velle ibi cultum Deo in sui et Angelórum memóriam adhibéri. Quare Episcopus una cum civibus ad eam spelúncam ire pergit. Quam cum in templi cujúsdam similitúdinem conformátam vidissent, locum illum divinis officiis celebráre cœpérunt : qui multis póstea miráculis illustrátus est. Hodiérnus igitur dies Archángeli Michaélis Apparitióni consecrátus est.

R. iij. Te sanctum Dóminum in excélsis laudant omnes Angeli dicétes : \* Te decet laus et honor Dómine, Allelúia. V. Chérubim quoque et Séraphim Sanctus proclámant, et omnis cælicus ordo, dicétes. — Te decet laus. Glória. Allelúia.

Ante Laudes V. Gloriósus apparuísti in conspéctu Dómini, allelúia. R. Proptérea decórem induit te Dóminus, allelúia.

### AD LAUDES

#### ET PER HORAS ANTIPHONÆ.

1. Dum præliarétur Michaél Archángelus cum dracóne, audita est vox dicéntium : Salus Deo nostro, allelúia. Psalmus Dóminus regnávít cum ceteris, pag. 17.

2. Dum committeret bellum draco cum Michaéle Archángelo, audita est vox millia millium dicéntium : Salus Deo nostro, allelúia.

3. Archángele Michael, constitui te principem super omnes ánimas suscipiéndas, allelúia.

4. Angeli Dómini Dóminum benedicite in ætérnum, allelúia.

5. Angeli, Archángeli, Throni et Dominatiónes, Principátus et Potestátes, Virtútes cælórum laudáte Dóminum de cælis, allelúia.

#### Capitulum. Apoc. i.

SIGNIFICAVIT Deus quæ ópórtet fieri cito, loquens per Angelum suum servo suo Joánni : qui testimónium perhibuit verbo Dei, et testimónium Jesu Christi, quæcúmque vidit.

## Hymnus.

**C**HRISTE, sanctorum decus  
Angelorum,  
Auctor humani generis et re-  
ctor,

Nobis ætærum tribue ben-  
ignus

Scandere cælum.

ANGELUM pacis Michael ad  
istam

Cælitus mitti rogāmus au-  
lam :

Nobis ut crebro veniente cre-  
scant

Próspera cuncta.

ANGELUS fortis Gábríel, ut  
hostem

Pellat antiquum, volitet ab  
alto,

Sæpius templum veniens ad  
istud

Visere nostrum.

ANGELUM nobis medicum  
salutis

Mitte de cælis Ráphael, ut  
omnes

Sanet ægrótos, paritérque no-  
stros

Dirigat actus.

HINC Dei nostri Génitrix  
María,

Totus et nobis chorus Ange-  
lorum

Semper assistat, simul et beāta  
Cóncio tota.

PRÆSTET hoc nobis Déitas  
beāta

Patris ac Nati paritérque san-  
cti

Spiritus, cujus réboat in omni  
Glória mundo. Amen.

Ÿ. Adoráte Deum, allelúia.

R. Omnes Angeli ejus, allelúia.

Ad Benedictus Añā. Factum  
est siléntium in cælo, dum  
draco committeret bellum : et  
Michael pugnávit cum eo, et  
fecit victóriam, allelúia.

## Oratio.

**D**EUS, qui miro ordine An-  
gelorum ministéria homi-  
nūmque dispensas, concède  
propitius : ut a quibus tibi mi-  
nistrántibus in cælo semper  
assistitur, ab his in terra vita  
nostra muniatur. Per.

## AD PRETIOSA.

## Evangelium.

Secúndum Matthæum. Cap. 18.

**I**N illo témpore : Accesserunt  
discípuli ad Jesum, dicén-  
tes : Quis, putas, major est in  
regno cælórum? Tu autem  
Dómine.

## AD TERTIAM.

Capitulum Significávit Deus,  
ut in Laudibus.

R. Stetit Angelus juxta aram  
templi, \* Allelúia, allelúia.  
Stetit Angelus. Ÿ. Habens thu-  
ribulum aureum in manu sua.  
Allelúia. Glória. Stetit Ange-  
lus.

Ÿ. Ascéndit fumus aróma-  
tum in conspéctu Dómini, al-  
lelúia. R. De manu Angeli,  
allelúia.

## AD SEXTAM.

Capitulum. Apoc. 12.

**F**ACTUM est prælium ma-  
gnum in cælo : Michael et  
Angeli ejus præliabántur cum  
dracóne, et draco pugnábat,  
et ángeli ejus : et non præva-  
luérunt, neque locus invéntus  
est eórum ámplius in cælo.

R. Ascéndit fumus aróma-  
tum in conspéctu Dómini,  
\* Allelúia, allelúia. Ascéndit  
fumus arómatum. Ÿ. De manu  
Angeli. Allelúia. Glória. Ascén-  
dit fumus arómatum.

Ÿ. In conspéctu Angelórum  
psallam tibi Deus meus, alle-

lúia. R̃. Adorábo ad templum  
sanctum tuum, et confitebor  
nómini tuo, allelúia.

## AD NONAM.

Capitulum. Apoc. 5.

**A**UDIVI vocem Angelórum  
multórum in circúitu thro-  
ni, et animálium, et seniórurum:  
et erat númerus eórum millia  
millium, voce magna dicen-  
tium: Salus Deo nostro.

R̃. In conspéctu Angelórum  
psallam tibi Deus meus, \* Al-  
lelúia, allelúia. In conspéctu  
Angelórum. Ṽ. Adorábo ad  
templum sanctum tuum, et  
confitebor nómini tuo. Alle-  
lúia. Glória. In conspéctu An-  
gelórum.

Ṽ. Adoráte Deum, allelúia.  
R̃. Omnes Angeli ejus, alle-  
lúia.

## AD II. VESPERAS.

Psalmus 109.

**D**IXIT Dóminus Dómino  
meo: \* Sede a dextris  
meis:

Donec ponam inimicos tuos, \*  
scabellum pedum tuórum.

Virgam virtútis tuæ emittet  
Dóminus ex Sion: \* dominá-  
re in médio inimicórum tuó-  
rum.

Tecum principium in die vir-  
tútis tuæ in splendóribus san-  
ctórum: \* ex útero ante luci-  
ferum genui te.

Jurávit Dóminus, et non pœ-  
nitēbit eum: \* Tu es sacérdos  
in ætérnum secúndum órđinem  
Melchisedech.

Dóminus a dextris tuis, \* con-  
frégit in die iræ suæ reges.

Judicábit in natió nibus, im-  
plēbit ruinas: \* conquassábit  
cápita in terra multórum.

De torrēnte in via bibet: \*  
propterea exaltábit caput.

Psalmus 110.

**C**ONFITEBOR tibi Dómine in  
toto corde meo: \* in con-  
silio justórum, et congrega-  
tione.

Magna ópera Dómini: \* ex-  
quisita in omnes voluntates  
ejus.

Confessio et magnificéntia  
opus ejus: \* et justitia ejus  
manet in sæculum sæculi.

Memóriam fecit mirabilium  
suórum, & miséricors, et mise-  
rátor Dóminus: \* escam dedit  
timéntibus se.

Memor erit in sæculum testa-  
ménti sui: \* virtútem óperum  
suórum annuntiábit pópulo  
suo:

Ut det illis hereditatem gén-  
tium: \* ópera mánuum ejus  
véritas et judicium.

Fidélia ómnia mandáta ejus: &  
confirmáta in sæculum sæcu-  
li, \* facta in veritate et acqui-  
tate.

Redemptiónem misit pópulo  
suo: \* mandávit in ætérnum  
testaméntum suum.

Sanctum et terribile nomen  
ejus: \* initium sapiéntiæ timor  
Dómini.

Intelléctus bonus ómnibus fa-  
ciéntibus eum: \* laudatio ejus  
manet in sæculum sæculi.

Psalmus 111.

**B**EATUS vir, qui timet Dómi-  
num: \* in mandátis ejus  
volet nimis.

Potens in terra erit semen  
ejus: \* generátio rectórum  
benedicétur.

Glória, et divitiæ in domo  
ejus: \* et justitia ejus manet  
in sæculum sæculi.

Exórtum est in ténébris lu-  
men rectis: \* miséricors, et  
miserátor, et justus.



Jucundus homo qui miseretur et commodat, & disponet sermones suos in iudicio : \* quia in ætèrnum non commovèbitur.

In memoria ætèrna erit justus : \* ab auditióne mala non timèbit.

Parátum cor ejus speráre in Dómino, & confirmátum est cor ejus : \* non commovèbitur donec despiciat inimicos suos.

Dispèsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascètur, & dèntibus suis fremet et tabescet : \* desidérium peccátorum peribit.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occás- sum, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humília respicit in cælo et in terra?

Súscitans a terra inopem, \* et de stercore érigens páuperem : Ut còllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum lætántem.

Psalmus 137.

**C**ONFITEBOR tibi Dómine in toto corde meo : \* quóniam audísti verba oris mei.

In conspèctu Angelórum psallam tibi : \* adorábò ad templum sanctum tuum, et confitébor nómini tuo.

Super misericórdia tua, et veritate tua : \* quóniam magnificásti super omne, nomen sanctum tuum.

In quacúmque die invocávero te, exáudi me : \* multiplicábis in ánima mea virtútem.

Confiteántur tibi Dómine omnes reges terræ : \* quia audierunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humília respicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendísti manum tuam, et salvum me fecit dextera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.

Añá. Dum præliarétur Michael Archángelus cum dracóne, audíta est vox dicéntium : Salus Deo nostro, allelúia.

Capitulum Significávit Deus. et Hymnus Tibi Christe splendor Patris. ut in j. Vesperis. pag. 1144.

¶ Stetit Angelus juxta aram templi, allelúia. R. Habens thuribulum áureum in manu sua, allelúia.

Ad Magnificat Añá Archángeli Michaélis interventióne suffúlti, te Dómine deprecámur ut quos honóre proséquimur contingámus et mente, allelúia.

## Oratio.

**D**EUS, qui miro ordine Angelorum ministéria hominūque dispēsas, concēde propitius : ut a quibus tibi ministrantibus in cælo semper assistitur, ab his in terra vita nostra muniatur. Per.

## DIE IX. MAIL.

## S. GREGORII NAZIANZENI

EPISC. CONF. ET ECCL. DOCT.  
DUPLEX.

## Oratio.

**D**EUS, qui pōpulo tuo æternæ salutis beatū Gregorium ministrum tribuisti : præsta, quæsumus, ut quem doctōrem vitæ habuimus in terris, intercessōrem habere mereāmur in cælis, Per.

## IN NOCTURNO.

De libro Ecclesiastici.

## Lectio j.

## Cap. 50.

**E**CCE sacerdos magnus, qui in vita sua suffulsit domum, et in diēbus suis corroboravit templum. Templi etiā altitudo ab ipso fundata est, duplex ædificatio et excelsi parietes templi. In diēbus ipsius emanaverunt putei aquarum, et quasi mare adimplēti sunt supra modum. Qui curavit gentem suam, et liberavit eam a perditione. Qui prævaluit amplificāre civitatem, qui adēptus est gloriā in conversatione gentis : et ingressum domus et atrii amplificavit. Quasi stella matutina in medio nēbulæ, et quasi luna plena in diēbus suis lucet. Et quasi sol refulgens, sic ille effulsit in templo Dei.

(Ex ejus scriptis, ex Gregorio Presbyt. aliisque antiquis Auctor. et Rom. Brev.)

## Lectio ij.

**G**REGORIUS nobilis Cappadox, ex singulari divinārum litterarum scientia Theologi cognomen consecutus, Nazianzi natus, Athēnis in omni disciplinarum genere una cum sancto Basilio eruditus, cum eodem sacris litteris in cœnobio se per aliquot annos exercebat. Domum reversus, primum Sasimorum Episcopus creatus est : deinde Nazianzenam Ecclesiam ad breve tempus administravit. Ad Ecclesiam Constantinopolitanam regendam accersitus, eam civitatem, hæresum purgatam erroribus, ad catholicam fidem traduxit.

## Lectio iij.

**S**ED cum, exardescēte invidia, propter eum inter Episcopos magna esset exorta seditio, sponte cessit Episcopatu, ac Nazianzum reversus est : cui Ecclesiæ cum Eulalium præficiendum curasset, totum se ad contemplationem et scriptiōnem divinārum rerum contulit. Scripsit autem multa, et soluta oratione et carmine, mirabili pietate et eloquentia. Consubstantialitatis Filii fuit acerrimus propugnator. Illibatam a pueritia virginitatem ad obitum usque servavit. Demum senio et laboribus fractus, imperatore Theodosio, ad cælestem vitam evolavit : splendidissimum scientiæ et doctrinæ jubar semper habitus.

## AD PRETIOSA.

Evangelium.

Secundum Matthæum. Cap. 5.

**I**N illo tempore : Dixit Jesus discipulis suis : Vos estis sal terræ. Quod si sal evanuerit, in quo salietur? Tu autem Domine.

DIE X. MAIL.

S. ANTONINI

EPISC. ET CONF. ORD. PRÆD.

TOTUM DUPLEX.

AD I. VESPERAS.

Super Psalmos Aña. O virgo, o doctor, o vigil et bone pastor, vota nostra et voces ne despice : sed qui te laudibus effecerunt, pietatis sinu complere, allelúia. Psalmus Laudate pueri. cum ceteris, pag. 145.

Capitulum. Eccli. 44.

**E**CCE sacerdos magnus, qui in diebus suis placuit Deo, et inventus est justus : et in tempore iracundiæ factus est reconciliatio.

R. Vir Dei Antoninus, cum bonum certamen certasset, cursum consummasset, fidem servasset, in agone mortis positus lætante dixit : \* Servire Deo regnare est, Allelúia. V. De reliquo repósa est mihi corona justitiæ.—Servire Deo. Glória. Allelúia.

Hymnus.

**U**T Antonini glóriam Concinamus ubérius, Afflāre nunc pectoribus Nostris, Deus omnipotens. Is, teneris ab unguibus Sacros edóctus cánones, Mundi spretis illécebris, Christi se jugo súbdidit.

PRÆDICATORUM Ordinem

Delégit inter ceteros,  
Ut litteris et moribus  
Incumberet ardéntius.

SED non bene sub módio  
Lumen ardens occúllitur :  
Ad præsulátum tráhitur,  
Lucens, inflámmans pópulos.

† Tempore Resurrectionis :  
QUÆSUMUS, Auctor óm-  
nium,

In hoc Pascháli gáudio,  
Æternæ mortis jáculus  
Ejus vitémus précibus.

GLORIA tibi Domine,  
Qui surrexisti a mórtuis  
Cum Patre et sancto Spíritu,  
In sempitérna sæcula. Amen.

† Tempore Ascensionis :  
TU esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Domine,  
Qui scandis supra sidera,  
Cum Patre et sancto Spíritu,  
In sempitérna sæcula. Amen.  
V. Ora pro nobis beáte Antonio, allelúia. R. Ut digni efficiámur promissionibus Christi, allelúia.

Ad Magnificat Aña. Te Virginum chorus laudat, te Doctorum cœtus prædicat, te unánimi voce sancti Præsules Præsulem admirántur : o beáte Antonine, nos te quoque laudantes patrénis semper óculis intuére, allelúia. Oratio.

**S**ANCTI Antonini, Domine, Confessoris tui atque Pontificis méritis adjuvémur : ut sicut te in illo mirabilem prædicámus, ita in nos misericórdem fuisse gloriémur. Per.

In j. Vesperis et Laudibus fiat Memoria SS. Gordiani et Epimachi Martyrum.



Ad Memoriam in j. Vesperis  
 Añā. Filiæ Jerúsalem venite,  
 et vidéte Mártirem cum co-  
 róna, qua coronávit eum Dó-  
 minus in die solemnitatís et  
 lætitiæ, allelúia, allelúia.

¶. Lætámini in Dómino et  
 exsultáte justi, allelúia. Ky. Et  
 gloriámini omnes recti corde,  
 allelúia.

Oratio.

**D**A, quæsumus omnipotens  
 Deus : ut qui beatórum  
 Mártirum tuórum Gordiáni et  
 Epimachi solémnia cólimus,  
 eórum apud te intercessióni-  
 bus adjuvemur. Per.

#### AD MATUTINUM.

Invitatorium. Adorémus Sa-  
 cerdótem magnum Christum,  
 \* In solemnitate sancti Præ-  
 sulis Antonini, allelúia.

Hymnus.

**A**TRÆ noctis obscuritas  
 Antonini fulgóribus  
 Fugátur, qui prodigiis  
 Vitæ et signórum rádiat :

VIRGINITATE níveus,  
 Doctrínæ luce spléndidus,  
 Præsul et pastor óptimus,  
 Clarum virtútis spécimen.

PAUPER amávit páuperes,  
 In miseros miséricors,  
 Intrépídus in pérditos,  
 Plusquam mitis in húmiles.

QUAM potens apud Dómi-  
 num,

Qui mortis jura súbruit,  
 In hanc lucem dum révocat  
 Mortis revíctum nexibus!  
 Duæ ultimæ Strophæ, sive  
 Tempore Resurrectionis, sive  
 Tempore Ascensionis, ut in  
 Hymno j. Vesperarum.

#### IN NOCTURNO.

Añā. Beátus Antoninus a  
 pueritia in Prædicatórum Or-  
 dine plantátus, fructum póstea

sanctitatís et doctrínæ dedit,  
 allelúia. Psalmi ex j. Nocturno  
 de Comuni unius Confesso-  
 ris, pag. 68\*.

Añā. Dum non posset a se  
 projicere jugum præsulátus,  
 prædicávit præcéptum Dómi-  
 ni, constitútus in monte sancto  
 ejus, allelúia.

Añā. Non dormívit neque  
 soporátus est, cum Dóminus  
 ad sacerdotíum caputejusexal-  
 távit, allelúia.

¶. Amávit eum Dóminus et  
 ornávit eum, allelúia. Ky. Sto-  
 lam glóriæ induit eum, alle-  
 lúia.

† Benedictiones secundum  
 ordinem Nocturnorum, scilicet  
 Dominica, Feria secunda et  
 Feria quinta Benedictio Bene-  
 dictióne perpétua, cum ceteris  
 duabus; Feria tertia et Feria  
 sexta Benedictio Deus Pater  
 omnipotens, cum ceteris dua-  
 bus; Feria quarta et Sabbato  
 Benedictio Ille nos benedicat.  
 cum ceteris duabus.

De libro Job.

Lectio j. Cap. 29.

**Q**UANDO procedébam ad  
 portam civitatís, et in  
 platea parábant cáthedram  
 mihi : vidébant me júvenes, et  
 abscondebantur : et senes as-  
 surgéntes stabant. Príncipes  
 cessábant loqui, et dígitum  
 superponébant ori suo. Vocem  
 suam cohibébant duces, et  
 lingua eórum gútturi suo ad-  
 hærébat. Auris áudiens beati-  
 ficábat me, et óculus videns  
 testimónium reddébat mihi :  
 eo quod liberássem páuperem  
 vociferántem, et pupillum, cui  
 non esset adjutor. Benedictio  
 peritóri super me veniébat, et  
 cor víduæ consolátus sum.

R. j. *Justitia indútus sum : et vestivi me, sicut vestiméto, et diadémate judicio : \* Pater eram páuperum : óculus fui cæco et pes claudó, allelúia.*  
 V. *Dispéssit, dedit paupéribus : justitia ejus manet in sæculum sæculi. — Pater eram páuperum.*

(Ex Bulla Canonizationis.)

Lectio ij.

ANTONINUS, Floréntiæ honéstis paréntibus natus, ab ipsa jam pueritia egrégium futuræ sanctitátis spécimen exhibuit. Annum agens sex-tumdécimum, Religiónem Prædicatórum ampléxus, cœpit exinde máximis clarére virtútibus. Otio perpétuum bellum indixit. Post noctúrnium brevem somnum, primus matutinis précibus áderat : quibus persolútis, réliquum tempus noctis orationibus, aut certe lectióni et scriptióni librórum tribuébat. Et si quando importúnior fessis membris somnus obréperet, ad parietem páulum declináto cápite, ac tantisper discusso somno, mox sacras vigiliás avidius repetébat. Disciplinæ reguláris severíssimus observátor, carnes, nisi in gravi ægritudine, nunquam edit. Humi aut in nudo tabuláto cubábat : cilicio semper usus, et intérdum zona férrea ad vivam cutem incinctus, virginitátem integérrime semper cóluit. In explicándis consiliis tantæ dexteritátis fuit, ut commúni elógio Antonínus Consiliórum dicerétur.

R. ij. O virum mirábilem, quem tanta signórum potestáte Dóminus decorávit, \* Ut étiam unigénitum patris ad vitam

revocáverit ! Allelúia. V. Erat enim magnus in ópere et sermóne, et rerum mirabilium patrátor. — Ut étiam unigénitum patris ad vitam revocáverit, allelúia.

Lectio iij.

A DEO autem in eo humilitas enituit, ut étiam cenóbiiis ac provinciis præfécus, abjectíssima monastérii officia demissíssime óbiret. Ab Eugénio Quarto Florentinus Archiepiscopus renuntiátus, ægérime tandem, nec nisi Apostólicis minis perterrefácus, ut Episcopátum acciperet acquievit. In eo múnere vix dici potest quantum prudéntia, pietáte, caritaté, mansuetúdine et sacerdotáli zelo excelléret. Illud mirándum, tantum ingenio valuisse, ut omnes ferme sciéntias per se, nullo adhibito præceptóre, absolutíssime didicerit. Tandem post multos labóres, multis étiam éditi insignis doctrinæ libris, sacra Eucharístia et Uñctióne percépta, compléxus Crucifixi imáginem, mortem lætus aspéxit, sexto Nonas Maii, anno millésimo quadringentésimo quinquagésimo nono. Miráculis vivens et post mortem conspicuus, Sanctórum número adscriptus est ab Hadriáno Sexto, anno Dómini millésimo quingentésimo vigésimo tertio.

R. iij. Vir Dei Antonínus, cum bonum certámen certáset, cursum consummáset, fidem serváset, in agóne mortis pósitus lætánter dixit : \* Servire Deo regnáre est, Allelúia. V. De réliquo repósa est mihi coróna justitiæ. — Servire Deo

regnare est, Allelúia. Glória.  
Allelúia.

Ante Laudes  $\Psi$ . Ora pro nobis beáte Antonine, allelúia.  
 $\mathcal{R}$ . Ut digni efficiámur promissionibus Christi, allelúia.

## AD LAUDES

ET PER HORAS ANTIPHONÆ.

1. Beátus Antoninus, ad præsulátum quasi ad cruciátum raptus, doctrína et móribus gregem suum pavit, allelúia.  
Psalmus Dóminus regnávít. cum ceteris, pag. 17.

2. Pater eram páuperum : óculus fui cæco et pes claudó, allelúia.

3. Constanti pectore pro lege Dei advérsus ímpios murum se válidum oppósuit, allelúia.

4. Accépi disciplinam, et non pecúniám : doctrínám magis quam aurum elégi, allelúia.

5. In humilitáte magnus, in paupertáte dives, in corpore ángelus : o beáte Antonine, ora pro nobis quæsumus, allelúia.

Capitulum. Eccli. 44.

**E**CCE sacérdos magnus, qui in diébus suis plácuit Deo, et invéntus est justus : et in témpore iracúndiæ factus est reconciliátio.

Hymnus.

**C**UM sol ad cursum próperat,  
Ad te Præsul confúgimus :  
Qui tuas laudes cánimus  
Tuas sub alas prótege.

Tu, qui tot a corpóribus  
Morbos depéllis hóminum,  
Casus afflictos miserans,  
Eménda nostras ánimas.

Tot jam malis attérimur,  
In tot lapsus incidimus,  
Ut pene spes nos désérat,  
Dextram nisi porréxeris.

VIRGO perpúrga córpora,  
Doctor ánimos ínstrue,  
Pastor egénos réfice :  
Tibi cuncta debébimus.

† Tempore Resurrectionis :  
QUÆSUMUS, Auctor óm-nium,

In hoc Præcháli gáudio,  
Ætérnæ mortis jáculum  
Ejus vitémus précibús.

GLORIA tibi Dómine,  
Qui surrexisti a mórtuis  
Cum Patre et sancto Spíritu,  
In sempitérna sæcula. Amen.

† Tempore Ascensionis :

TU esto nostrum gáudio,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spíritu,  
In sempitérna sæcula. Amen.

$\Psi$ . Justus germinábit sicut lí-lium, allelúia.  $\mathcal{R}$ . Et florébit in ætérnum ante Dóminum, allelúia.

Ad Benedictus Añá. Sanctus Antonínus vere est glorificándus, cui morbi cedunt, ele-ménta parent, et mors inexo-rábilis ad ejus nutum tremit, allelúia. Oratio.

**S**ANCTI Antonini, Dómine, Confessóris tui atque Pontificis méritis adjuvémur : ut sicut te in illo mirábilem prædicámus, ita in nos misericórdem fuisse gloriémur. Per.

Ad Memoriam SS. Gordiani et Epimachi Matyrum in Lau-dibus Añá. Lux perpétua lucé-bit Sanctis tuis Dómine, allelúia, et ætérnitas témporum, allelúia, allelúia, allelúia.

$\Psi$ . Mirábilis Deus, allelúia.  $\mathcal{R}$ . In Sanctis suis, allelúia.



## Oratio.

**D**A, quæsumus omnipotens Deus : ut qui beatórum Mártýrum tuórum Gordiáni et Epimachi solémnia cólimus, eórum apud te intercessiónibus adjuvémur. Per.

## AD PRETIOSA.

## Evangelium.

Secúndum Matthæum. Cap. 24.

**I**n illo témpore: Dixit Jesus discipulis suis : Vigiláte, quia nescitis qua hora Dóminus vester ventúrus sit. Tu autem.

## AD TERTIAM.

Capitulum. Eccli. 44.

**E**CCE sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio.

† R̄. et V̄. Horarum de Communi unius Confessoris, pag. 124\*.

## Oratio.

**S**ANCTI Antoníni, Dómine, Confessóris tui atque Pontíficis méritis adjuvémur : ut sicut te in illo mirábilem prædicámus, ita in nos misericórdem fuisse gloriémur. Per.

## AD SEXTAM.

Capitulum. Eccli. 45.

**D**EDIT illi coram præcepta, et legem vitæ et disciplinæ: et beatificávit illum in glória.

## AD NONAM.

Capitulum. Eccli. 50.

**C**URAVIT gentem suam, et liberávit eam a perditíone: et adéptus est glóriam in conversatióne gentis.

## AD II. VESPERAS.

Super Psalmos Añ. Beátus Antoninus, ad præsulátum quasi ad cruciátum raptus, doctrina et móribus gregem suum pavit, allelúia. Psalmus

Dixit Dóminus. cum ceteris de Communi unius Confessoris, pag. 76\*.

Capitulum. Hymnus et V̄. ut in j. Vesperis, pag. 1152.

Ad Magnificat Añ. Dux fidei, pietátis doctor, mundi lampas, sacerdotum decor, fecisti quæ docébas, despicies carnem, adhærens Deo permanénti : beáte Antoníne, cum ascendénte Christo cælos ascendisti : ne derelínquas nos órphanos in hoc exsílio, allelúia, allelúia.

## PER OCTAVAM S. ANTONINI.

Ad Memoriam in Laudibus Añ. Pater eram páuperum : óculus fui cæco et pes claudó, allelúia.

V̄. de Communi unius Confessoris cum Allelúia.

Oratio Sancti Antoníni. ut supra.

Ad Memoriam in Vesperis Añ. In humilitáte magnus, in paupertáte dives, in corpore ángelus : o beáte Antoníne ora pro nobis, quæsumus, allelúia.

V̄. Ora pro nobis beáte Antoníne, allelúia. R̄. Ut digni efficiámur promissionibus Christi, allelúia.

Oratio Sancti Antoníni. ut supra.

† In utrisque Vesperis et in Laudibus Ascensionis, si infra Octavam vel in die Octava S. Antonini evenerit, de S. Antonino non fiat Memoria.

† Si vero infra Octavam aut in die Octava S. Antonini Vigilia aut Festum Pentecostes evenerit, de S. Antonino fiet Memoria in Laudibus Vigiliæ.

De eo autem in j. Vesperis  
Pentecostes et deinceps jam  
non fiet Memoria.

DIE XI. MAIL.  
S. STANISLAI  
EPISC. ET MART.

DUPLIX.

Oratio.

**D**EUS, pro cuius honore gloriosus Pontifex Stanislaus gladiis impiorum occubuit : presta, quaesumus, ut omnes qui ejus implorant auxilium, petitionis suae salutarem consequantur effectum. Per.

IN NOCTURNO.

¶ Si hoc festum in aliqua Dominica, aut in Feria secunda Rogationum aut in Vigilia Ascensionis celebrari contigerit, dicatur prima Lectio de Communi unius Martyris Pontificis A Miléto., pag. 40\*.

(Ex Rom. Breviario.)

Lectio ij.

**S**TANISLAUS Polonus, apud Cracoviam nobili genere natus, ac parentibus, qui per triginta annos steriles fuerant, divinitus datus, vitae monasticae desiderio amplum patrimonium pauperibus distribuit. Sed Dei providentia primum Canonice, deinde Episcopus Cracoviensis eligitur; quo in munere omnium pastoralium virtutum laude et praecipue misericordia in pauperes enituit. Cum Boleslaus regem ob libidinem arguens offendisset, in iudicium coram eo vocatur, tamquam pagum occuparet, quem Ecclesiae suae nomine coemerat. Quod cum neque tabulis probare posset, et te-

stes veritatem dicere timerent, spondet Episcopus se Petrum pagi venditorem, qui triennio antea obierat, intra dies tres in iudicium adducturum. Conditione cum risu accepta, Vir Dei toto triduo jejuniis et orationi incumbit.

Lectio iij.

**I**PSO sponsionis die, post oblatum Missae sacrificium, Petrum e sepulcro surgere jubet : qui statim redivivus, Episcopum ad regium tribunal euntem sequitur; ibique rege et ceteris stupore attonitis, de agro a se vendito et pretio rite sibi ab Episcopo persoluto testimonium dicit : atque iterum in Domino obdormivit. At Boleslaus, frustra saepe admonitum, Stanislaus tandem a fidelium communione remonet. Ille iracundia furens, Sacerdotem Dei, hostiam immaculatam ad altare offerentem, sua manu obruncat. Corpus membratim concisum et per agros projectum Canonici Cracovienses, nocturni de caelo splendoris indicio, colligunt, et suis locis apte membra disponunt : quae subito ita inter se copulata sunt, ut nulla vulnerum vestigia exstarent. Multis deinde miraculis Virum Dei coruscantem, Innocentius Quartus in sanctorum Martyrum numerum retulit.

AD PRETIOSA.

Evangelium.

Secundum Joannem. Cap. 15.

**I**N illo tempore : Dixit Jesus discipulis suis : Ego sum vitis vera : et Pater meus agricola est. Tu autem Domine.

DIE XII. MAIL.

B. JOANNÆ LUSITANÆ

VIRG. ORD. PRÆD.

DUPLEX.

Oratio.

**D**EUS, qui inter regales delicias et mundi illécebras beatam Joannam Virginem tuam virtute constantiæ roborasti : quæsumus ut ejus intercessione fideles tui terræna despiciant, et ad cælestia semper aspirant. Per.

In utrisque Vesperis et Laudibus Memoria de Octava die S. Pii Quinti (nisi transferenda fuerit) ut pag. 1159. sub titulo Eadem die xij. Maii. notatum est.

In j. Vesperis et Laudibus Memoria SS. Nerei, Achillei et Pancratii Martyrum. Oratio.

**S**EMPER nos Dómine Mátyrum tuorum Nérei, Achillei atque Pancratii foveat, quæsumus, beata sollemnitas, et tuo dignos reddat obséquio. Per.

IN NOCTURNO.

Lectio j. De virginibus. de Communi unius Virginis non Martyris, pag. 98\*.

Lectio ij.

**J**OANNA, Alphónsi Quinti Lusitaniæ regis filia, tanta divini amoris flamma præventa fuit, ut ab ipsa pueritia rerum caducarum pertæsa, solo cælestis Patriæ desiderio flagraret. Erga Dominicæ Passiõis mysterium mirifice affecta, vix aliquid de illo loqui vel audire sine lacrimis poterat. Cumque in ejusdem meditatiõne fere semper defixa videretur, Majoris tamen Hebdomadæ dies omnésque sextas Férias, solo pane et aqua contenta, in ora-

tionibus et vigiliis devotissime transigebat. Mira fuit in pauperes pietate et liberalitate : bis in die per fideles ministros de illis diligentissime inquirens. Adolescentiam ingressa, ut in Dei laudibus et caritatis officiis magis se redderet expeditam, carnem suam continua ferme abstinencia et cruentis flagellationibus affligere cepit. Nonnisi duro lectulo ad brevem somnum utebatur : ac pretiosis vestibus asperum tegens cilicium, laneam etiam et rudem interulam, ne quidem in ferventioribus caloribus, depõnere consuevit. Hanc insolitam adeo in regia Virgine vivendi rationem non modo Joanna prudenti dissimulatione celare conabatur, ut securius retineret, sed etiam Deus ipse, aucto in dies insignis formæ decore, comprobare visus est.

Lectio iij.

**Q**UOD orationi supererat tempus, aliis pietatis impendebat officiis : et animarum zelo flagrans, non modo Sorores omnes verbo et exemplo ad perfectionem accendere satagebat, sed exteris quoque prodesse non destitit, assiduas ad Deum preces ac voluntarios offerens corporis cruciatus pro peccatorum conversione. Africanorum captivorum plurimos, adhibitibus verbi Dei ministris, Ecclesiæ aggregavit; quorum ipsa non paucos imbuuit christianæ fidei præceptis. Vitæ denique asperitate corporisque afflictionibus confecta, diuturnum ac molestissimum morbum in contemplatione Dominicæ Passiõis



invicta patiéntia tólerans, suscep-tis devotíssime Sacramén-tis, innocéntem ánimam Deo reddidit, quarto Idus Maii, anno Salútis millésimo quadrin-gentésimo nonagésimo, ætá-tis vero suæ trigésimo nono. Ejus sanctitátis opinio longe latéque diffúsa, miraculórúm etiám fama statim post óbitum claréscere cœpit. Tandem In-nocéntius Duodécimus, ut in toto Portugállia regno ac uni-verso Prædicatórúm Ordine possit de beáta Joáнна anni-versária ejus dormitiónis die Officiúm recitari ac Missa ce-lebrári de Communi Virgínium indúlsit.

## AD PRETIOSA.

Evangelium.

Secúndum Matthæum. Cap. 25.

**I**n illo témpore : Dixit Jesus discipulis suis parábolam hanc : Símile erit regnum cæ-lórúm decem virginibus, quæ accipiéntes lámpades suas ex-ierunt óbviam sponso et spon-sæ. Tu autem Dómine.

EADEM DIE XII. MAIL.

IN OCTAVA S. PII QUINTI.

SIMPLEX.

Ad Memoriam in j. Vesperis Aña. Pii nomen comprobárant piæ operatiónes, et ex hoc beátum dicent omnes genera-tiões, allelúia.

℣. Ora pro nobis beáte Pie, allelúia. ℞. Ut digni efficiá-mur promissiónibus Christi, allelúia.

Oratio.

**D**EUS qui, ad conteréndos Ecclésiæ tuæ hostes, et ad divínium cultum reparán-dum, beátum Pium Pontificem

Máximum eligere dignátus es : fac nos ipsius deféndi præsi-diis, et ita tuis inhærére obsé-quiis, ut ómnium hóstium su-perátis insidiis, perpétua pace lætémur. Per.

Ad Memoriam in Laudibus Aña. Pie, pastor mirífice, tuá-rum memor óvium, sta coram summo Júdice pro pártibus fidélium, allelúia.

℣. Justus germinábit sicut lílium, allelúia. ℞. Et florébit in ætérnum ante Dóminum, allelúia. (Si vero jam dictus fuerit hic ℣., dicatur sequens ad Memoriam S. Pii : ℣. Justus ut palma florébit in domo Dó-mini, allelúia. ℞. Sicut cedrus Libani multiplicábitur, alle-lúia.)

Oratio Deus, qui ad conte-réndos, ut supra.

Ad Memoriam in ij. Vesperis Aña. Qui exáltat húmiles Pium exaltávit, et in Apostólica Sede collocávit, allelúia.

℣. Ora pro nobis. et Oratio Deus, qui ad conteréndos, ut ad Memoriam in j. Vesperis.

DIE XIII. MAIL.

B. ALBERTI A BERGOMO

CONF. ORD. PRÆD.

DUPLEX.

Oratio.

**D**EUS, qui in húmili vitæ génere beátum Albértum Confessórem tuum exímia sanctitáte claréscere voluisti : fac nos ita ejus sectári vestigia, ut ássequi mereámur et præ-mia. Per.

IN NOCTURNO.

Lectio j. Beátus vir. de Com-muni unius Confessoris non Pontificis, pag. 81\*.

## Lectio ij.

**A**LBERTUS Villæonæ, qui est pagus Bergomënsis, agricolis paréntibus natus est : a quibus pie educátus, non obsúris a púero cláruit sanctitátis indicíis. Nam septénis divínis rebus veheménter afficiebátur, terque singulis hebdomádis jejúnans, subdúctum sibi cibum in páuperes dispertiébat. Adoléscens patérno ruri excoléndo admótus, dum corpus agrésti exercitátione subigeret, contemplatiónis stúdio in cælo versabátur. Paréntum consilio et voluntáte matrimónio junctus, ob profúsam in páuperes liberalitátem graves ab uxóre moléstias tulit, quas patiéntia et miraculis superávit. Nam parátum aliquándo prándium cum egénis distribuisset, mox divínitus sibi in mensa restitútum accépit. A potentióribus nonnúlhis, patérnum ejus agrum usurpáre moliéntibus, diu vexátus, relicta pátria Cremonám secéssit; ubi corporáli labóre víctitans, misericórdiæ et pietátis opéribus impénsius vacávit.

## Lectio iij.

**P**OST vitam dénique labóribus ac méritis plenam, in suprésum incidit morbum, quo se moritúrum intélligens, sacris Mystériis ardénter flagitátis religioséque susceptis, Nonis Maii, anno Salútis milésimo ducentésimo septuagésimo nono, sanctíssime excéssit. Ærea urbis campána, pulsánte némine, in ejus tránsitu sonúisse fertur; quo signo ad móni cives catervátim ad

ejus funus convenére. Ejus córpori in ecclésiæ cœmetério condéndo cum fossa designaréturet, nusquam terra pérodi pótuit. Quare intra chorum ejúsdem ecclésiæ, ubi oráre consuéverat, summa celebri-táte illátum est, totque cœpit inclaréscere miracúlis, ut eórum fama excitáti Insúbrici Æmilíæque pópuli, incredibili fréquentia ipsius sepúlcrum adirent, eique Sanctorúm cultum deferrent. Quem deinceps auctum et constánter propagátum Benedictus Décimus quartus Póntifex Máximus Apostólica auctoritáte probávit, ejúsque Officium cum Missa ab univérso Prædicatórum Ordine et Cremonénsi ac Bergoménsi Clero celebrári concessit.

## AD PRETIOSA.

## Evangelium.

Secúndum Matthæum. Cap. 11.

**I**N illo témpore : Respóndens Jesus dixit : Confiteor tibi Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Tu autem Dómine.

DIE XIV. MAIL.

B. ÆGIDII

CONF. ORD. PRÆD.

DUPLEX.

Oratio.

**M**ISERICORDIAM tuam Deus súpplices implorámus : ut sicut ea præveniéntem beátum Ægidium in viam justitiæ et sanctitátis redire fecisti, ita nos e servitúte ac morte peccáti in perfectám tránsferas libertátem et vitam. Per.

## IN NOCTURNO.

Lectio j. Beátus vir. de Comuni unius Confessoris non Pontificis, pag. 81\*.

## Lectio ij.

**A**EGIDIUS Vaozélæ Visénsis diocesis oppidi in Lusitania claris parentibus natus, primis a pueritia litterarum studiis imbutus, ad philosophiam et medicinam totum se contulit, neque exiguum in iis sibi nominis famam comparavit. Nova subinde arcana rerum sciendi cupidissimus, ad Parisiensem academiam profectus est : ubi effreni licentia vite abreptus, in omne sese vitium et voluptatem effudit. Dum vero propriæ salutis immemor, in æternam perniciem plane cæcus ageretur et præceps, tanto divinæ gratiæ lumine collustratus est, ut repente in virum alterum sit commutatus. Veterem itaque hominem statim exuens cum actibus suis, re domestica in familiâres et pauperes distributa, Prædicatorum Ordinem amplexus est.

## Lectio iij.

**D**IVINÆ contemplationis studio æternorumque desiderio ita afficiebatur, ut nihil jam in votis haberet ardentius quam dissolvi et esse cum Christo. Mirificas et diuturnas in oratione extases patiebatur, corpore aliquando e terra sublato : ac vel solo auditu nomine Jesu ineffabili suavitate perfusus, sensibus excidebat. Supernis visionibus, prophetiæ dono, miraculorum frequentia late conspicuus, adhuc vivens

eximie claruit fama sanctitatis. Revelatum sibi divinitus mortis diem exsultabundus prospexit, ac levi morbo tentatus, Sacramentis Ecclesiæ summa religione percipitis, in cilio sterni voluit : mærentesque Fratres verbis suavissimis allocutus, octogenario major placidissime excessit, anno Salutis millésimo ducentésimo sexagésimo quinto. Ejus corpus, suavissime olens multisque statim miraculis clarum, Lusitanorum cultum nunquam intermissum obtinuit. Quem Benedictus Décimus quartus rite probavit, ejusque Officium et Missam in Ecclesia Lisbonénsi ac Visénsi et Prædicatorum Ordine celebrari concessit.

## AD PRETIOSA.

Evangelium.

Secundum Lucam. Cap. 12.

**I**N illo tempore : Dixit Jesus discipulis suis : Sint lumbi vestri præcincti, et lucernæ ardentes in manibus vestris, et vos similes hominibus expectantibus dominum suum quando revertatur a nuptiis. Tu autem Domine.

DIE XV. MAIL.  
IN CONVERSIONE  
S. AUGUSTINI

EPISC. CONF. ET ECCL. DOCT.  
DUPLEX.

## AD I. VESPERAS.

Super Psalmos Aña. Lætare mater nostra Jerúsalem, quia Rex tuus dispensatorem strænum et civem fidelissimum de servitute Babylónis tibi redemit Augustinum, alleluia.



Capitulum. Eccli. 45.

**D**ILECTUS Deo, et hominibus, cujus memoria in benedictione est : similem illum fecit in gloria sanctorum.

R. Volébat enim conferenti æstus suos ut proféreret quis esset aptus modus vivendi sic affecto, ut ipse erat, ad ambulandum in via Dei, \* In qua aliud sic, aliud sic ibat, Allelúia. V. Displicébat ei quidquid agébat in sæculo, præ dulcedine Dei et decore domus ejus, quam diléxit. — In qua. Glória. Allelúia.

Hymnus.

**M**AGNE Pater Agustine  
Preces nostras suscipe,  
Et per eas Conditóri  
Nos placare sátage,  
Atque rege gregem tuum,  
Summum decus Præsulum.

AMATOREM paupertatis  
Te collaudant páuperes :  
Assertórem veritátis  
Amant veri júdices :  
Frangis nobis favos mellis,  
De Scriptúris disserens.

QUÆ obscura prius erant  
Nobis plana faciens,  
Tu de verbis Salvatoris  
Dulcem panem conficis,  
Et propinas potum vitæ  
De Psalmórum néctare.

TU de vita Clericórum  
Sanctam scribis Régulam,  
Quam qui amant et sequuntur  
Viam tenent régiám,  
Atque tuo sancto ductu  
Rédeunt ad Pátriám.

REGI regum salus, vita,  
Decus et impérium :  
Trinitáti laus et honor  
Sit per omne sæculum :  
Qui concives nos adscribat  
Supernórum civium. Amen.

V. Ora pro nobis beáte Agustine, allelúia. R. Ut digni efficiámur promissionibus Christi, allelúia.

Ad Magnificat Añá. Agustini mater devotíssima, quem carne prius pepérat mundo, caritátis viscéribus postmodum multo sémine lacrimárum genuit Christo, allelúia. Oratio.

**D**EUS, qui ineffabili providéntia beátum Augustinum ab errorum ténebris ad lucem evangélicæ veritátis adduxisti : da nobis, quæsumus, ut qui ejus hódie Conversiónem cólimus, ejúsdem ad te precibus actus nostros in mélius reformémus. Per.

AD MATUTINUM.

Invitatorium. Magnus Dóminus et laudábilis valde : \* Qui de ténebris Géntium lumen Ecclesiæ suæ vocávit Augustinum, allelúia.

Hymnus Magne Pater. ut in j. Vesperis.

IN NOCTURNO.

Añá. Apéruit Augustinus códicem Apostólicum, et con-jéctis óculis ad primum capitulum, legit : Induimini Dóminum Jesum Christum : et statim, quasi infúsa luce securitátis, ab eo omnes dubietátis ténebræ diffugérunt, allelúia. Psalmi ex j. Nocturno de Comuni unius Confessoris, pag. 68\*.

Añá. Insinuávit ergo per litteras sancto viro Ambrósio præsens votum suum, ut monéret quid sibi de libris sanctis legéndum esset, quo percipiendæ christiánæ grátiae áptior fieret atque parátior, allelúia.

Añā. At ille jussit Isaiam Prophétam : quod præ céteris Evangélii vocationisque Génitum sit prænuntiátor apértior, allelúia.

℣. Amávit eum Dóminus, et ornávit eum, allelúia. ℞. Stollam glóriæ induit eum, allelúia.

† Benedictiones secundum ordinem Nocturnorum, scilicet Dominica, Feria secunda et Feria quinta Benedictio Benedictione perpétua. cum ceteris duabus; Feria tertia et Feria sexta Benedictio Deus Pater omnipotens. cum ceteris duabus; Feria quarta et Sabbato Benedictio Ille nos benedicat. cum ceteris duabus.

De Epístola beáti Pauli  
Apóstoli ad Romános.

Lectio j. Cap. 13.

**N**ox præcëssit, dies autem appropinquávit. Abjiciamus ergo ópera tenebrárum, et induámur arma lucis. Sicut in die honéste ambulémus : non in comessationibus, et ebrietatibus, non in cubilibus, et impudiciis, non in contentiõne, et æmulatiõne : sed induimini Dóminum Jesum Christum, et carnis curam ne fecéritis in desidériis.

℞. j. Invénit se Augustinus longe esse a Deo in regiõne dissimilitúdinis, tamquam audiret vocem Dei de excélso : Cibus sum grándium : \* Cresce, et manducábis me, allelúia. ℣. Nec tu me mutábis in te, sicut cibum carnis tuæ : sed tu mutáberis in me. — Cresce, et manducábis me, allelúia.

Lectio ij.

**A**UGUSTINUS, dum adhuc adolëscens esset, Carthágine in Manichæórum hæresim incidit. Póstea Romam profectus, inde Mediolánum missus, ut rhetoricam doceret; cum ibi frequens Ambrósii Episcopi esset auditor, ejus ópera ad catholicam fidem sério ánimum adjécit. Susceptum tamen consilium morabantur sæculi blandiménta. Audita póstmodum vita Antónii Magni, tenére se non póuit quin exclamáret : Quid est hoc? Surgunt indócti, et cælum rápiunt : et nos cum doctrinis nostris sine corde, ecce ubi volutámur in carne et ságuine. Mox adjéctum ædibus hórtulum ingréssus, sub ficu stratus, cum vétèrum voluptátum memória ánimum pertentáret, vocem quasi de vicína domo cum cantu dicentem et crebro repetentem audit : Tolle, lege : tolle, lege.

℞. ij. Sensit ígitur et expertus est non esse mirum quod paláto non sano pœna est panis, qui sano est suávis, \* Et óculis ægris odiósa lux, quæ puris est amábilis, allelúia. ℣. Propter iniquitátem corripuisti hóminem, et tabescere fecisti sicut aráneam ánimam ejus. — Et óculis ægris.

Lectio iij.

**Q**UOD ille sibi divínitus dictum intérpretans, concitus surgens, sacrárum Litterárum códicem in próximo apéruit, ac in ea Apóstoli verba incidit : Induimini Dóminum Jesum Christum, et carnis curam ne fecéritis in desidériis.

Tunc vero quasi infusa ejus cordi securitatis luce, omnis ab eo dubitationis tenebræ diffugerunt: totusque ad Deum ex intimis præcordiis conversus, spem omnem, quam habebat in sæculo, dereliquit. Abdicato itaque docendi münere, una cum matre et nonnullis amicis rus concedens, cum ibi per aliquot menses ardentius sacris lectionibus, meditationibus et precibus incubuisset, advenientibus Paschalis diebus, Mediolanum reversus, baptizatus est a beato Ambrósio, matre Mónica sibi adhærente, ac de illius conversione mirabiliter exultante.

R. iij. Tum vero invisibilia Dei per ea, quæ facta sunt, intellecta conspexit, sed æciem figere non valuit: \* Quia non secum ferbat nisi amantem memoriã, et quasi olfacta desiderantem quæ comedere nondum posset, Allelúia. V. Quid autem sacramenti haberet, Verbum caro factum est: nec suspicari quidem poterat. — Quia non secum ferbat. Glória. Allelúia.

Ante Laudes V. Ora pro nobis beate Augustine, allelúia. R. Ut digni efficiamur promissionibus Christi, allelúia.

#### AD LAUDES

ET PER HORAS ANTIPHONÆ.

1. Lætentur omnes qui sperant in te Dómine, memoriã recolentes quam exultantis Pastoris humeris reportetur ovis, quæ erraverat, allelúia. Psalmus Dóminus regnavit. cum ceteris, pag. 17.

2. Lágrimas excutit gáudium solemnitatís domus tuæ: cum

légitur in domo tua de minóre filio quod mórtuus erat, et revixit; perierat, et inventus est, allelúia.

3. Pater enim miséricors plus gaudet de uno pœnitente quam de nonaginta novem justis, quibus non est opus pœnitentia, allelúia.

4. Misisti Dómine manum tuam ex alto, et de profunda caligine Augustini ánimam eruisti: cum pro eo fletet ad te mater ejus, fidélis tua, allelúia.

5. Exaudisti eam, nec despexisti lágrimas ejus: quæ profluentes rigábant terram in conspéctu tuo in omni loco orationis ejus, allelúia.

Capitulum. Eccli. 45.

DILECTUS Deo, et hominibus, cujus memoriã in benedictione est: similem illum fecit in glória sanctorum.

Hymnus.

CÆLI cives appláudite,  
Et vos fratres concinite:  
Patris nostri solémnia  
Solis reduxit órbita.

QUOD lingua foris pèrsonat  
Intus afféctus sèntiat:

Nec imitari pígeat  
Quod laudare mens ápprobat.

HUNC post mundi currícula  
Cæli suscepit cúria:

Quem cum suis fidélibus  
Jam coronávit Dóminus.

CONEMUR totis víribus,  
Jungámus preces précibus,  
Ut Augustini méritis,  
Cæli fruámur gáudiis.

¶ Tempore Resurrectionis:

QUÆSUMUS, Auctor ómnium,  
In hoc Pascháli gáudio,  
Ab omni mortis ímpetu  
Tuum défende pópulum.



GLORIA tibi Dómine,  
Qui surrexisti a mórtuis,  
Cum Patre et sancto Spíritu,  
In sempitérna sæcula. Amen.

¶ Tempore Ascensionis :

Tu esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spíritu,  
In sempitérna sæcula. Amen.  
¶ Justus germinábit sicut  
lilium, allelúia. R. Et florébit  
in ætérnum ante Dóminum,  
allelúia.

Ad Benedictus Aña. Accépta  
Baptismi grátia, pósitus Au-  
gustinus apud Ostia Tiberína  
cum matre sua colloquebantur  
soli valde dúlciter, et inhiá-  
bant ore cordis páriter in su-  
pérna fluénta fontis vitæ : vi-  
lescebátque mundus iste inter  
verba cum delectatiónibus suis,  
allelúia.

Oratio.

**D**EUS, qui ineffábili provi-  
déntia beátum Augusti-  
num ab errórum ténebris ad  
lucem evangélicæ veritátis ad-  
duxisti : da nobis, quæsumus,  
ut qui ejus hódie Conversi-  
onem cólimus, ejúsdem ad te  
précibus actus nostros in mé-  
lius reformémus. Per.

AD PRETIOSA.

Evangelium.

Secúndum Lucam. Cap. 15.

**I**n illo témpore : Erant ap-  
propinquántes ad Jesum pu-  
blicáni, et peccatóres, ut audi-  
rent illum. Tu autem Dómine.

AD TERTIAM,

SEXTAM ET NONAM.

Capitula, R. R. et V. V. de  
Communi unius Confessoris  
pag. 124\*.

AD II. VESPERAS.

Super Psalmos Aña. Lætén-  
tur omnes qui sperant in te  
Dómine, memóriam recolén-  
tes quam exsultántis Pastóris  
húmeris reportétur ovis, quæ  
erráverat, allelúia. Psalmus  
Dixit Dóminus. cum ceteris de  
Communi unius Confessoris,  
pag. 76\*.

Capitulum Diléctus Deo. et  
Hymnus Magne Pater Augusti-  
ne., ut in j. Vesperis, pag. 1162.

¶ Ora pro nobis beáte Augu-  
stine, allelúia. R. Ut digni effi-  
ciámur promissiónibus Christi,  
allelúia.

Ad Magnificat Aña. Lætáre  
mater nostra Jerúsalem, quia  
Rex tuus dispensatórem stré-  
nuum et civem fidelíssimum  
de servitúte Babylónis tibi  
redémit Augustinum, allelúia.

DIE XVI. MAIL.

S. JOANNIS NEPOMUCENI

MARTYRIS.

DUPLEX. Oratio.

**D**EUS, qui ob invictum beáti  
Joánnis sacramentále si-  
léntium, nova Ecclésiám tuam  
martyrii coróna decorásti : da  
nobis, ejus intercessióne et  
exémpló, linguam caute custo-  
dire, ac ómnia pótius mala  
quam ánimæ detriméntum in  
hoc sæculo toleráre. Per.

IN NOCTURNO.

Lectio ij.

**J**OANNES Nepomúci Bohé-  
miæ óppido, unde Nepomu-  
ceni cognómen duxit, a parén-  
tibus ætáte provéctis, non sine  
futúræ sanctitátis præsiágio,  
flammis supra nascéntis do-  
mum mirabiliter collucéntibus,

ortus est. Cum infans in gravem morbum incidisset, beatæ Virginis ope, cui natum parentes referébant acceptum, e vitæ periculo evasit incolumis. Egrégia índole, piáque institutione cæléstibus indiciis obsequente, intersanctas religiosasque exercitationes pueritiam egit : nam ecclésiám frequenter adire, ac Sacerdótibus ad aras operántibus ministrare in deliciis habébat. Zatécii poli-tióribus litteris ad humanitatem informátus, Pragæ vero gravióribus disciplinis excultus, philosophiæ, theologiæ sacrorúmque cánonom magisterium et lauream emérui. Sacerdótio initiátus, atque scientia sanctorum ad lucra animarum rite comparátus, ministerio verbi Dei se pénitus addixit. Cum igitur in vitiis exstirpandis, et revocandis in viam salutis errántibus, eloquentia et pietáte úberes éderet fructus, inter Canónicos metropolitánæ Ecclésiæ Pragénsis cooptátus, mox sibi demandátam Evangélii coram rege Vencesláo Quarto prædicándi provinciam suscepit, eo succésu, ut Joánnis suásum multa rex fáceret magnóque in honóre ejus virtutes habéret. Conspicuas tamen, quas ille obtulit, dignitates, Dei Servus, ne a divíni verbi præcónio avocarétur, constantissime recusávit.

Lectio iij.

**R**EGIS illum eleemosynis in páuperes erogándis præféc-tum, Joánnæ regína consciéntiæ sibi moderatórem adscívit. Cum autem Vencesláus ab officio institutóque deces-

sisset, atque in vitia præceps abriperétur, piæ autem conjugis obstestationes et mónita graváte ferret, conténdere ausus est ut in sacramentali judicio Sacerdóti crédita regínæ arcána sibi a Joánnæ panderéntur. At Dei Míster blanditiis primum, tormentis deinde et cárceris squalóre tentátus, nefáriæ regis cupiditáti fórtiter óbstitit. Furéntem tamen Venceslái ánimum cum ab execrándo propósito nec humana nec divina jura detererent, suprésum agónem, quem instáre sibi Athléta Christi nóverat, pópulo in concíone de impendéntibus étiam regni calamitatibus admónito, non obscuré prænuntiávit. Mox Bolesláviam profécus, ad beatæ Virginis imáginem antiquo cultu célebrem, cæléste præsidium ad certándum bonum certámen effúsus préci-bus implorávit. Inde vespere reveréntem in pervigílio Domini-cæ Ascensiónis rex e fenestra conspicátus arcéssit; cumque veheméntius urgéret, et próximam in aquis, si oblectári pérgeret, submersiónem intentáret, Joánnes invicta constántia terróres minásque refutávit. Itaque regis império in Moldávam flumen Pragam intérfluens noctu dejéctus, illústrem martyrii corónam est consecútus.

AD PRETIOSA.

Evangelium.

Secúndum Matthæum. Cap. 10.

**I**N illo témpore : Dixit Jesus discipulis suis : Nihil est opértum, quod non revelábitur : et occultum, quod non sciétur. Tu autem Dómine.

DIE XVII. MAII.

B. ANDREÆ ABELLONII

CONF. ORD. PRÆD.

DUPLEX.

Oratio.

**D**EUS, qui beato Andreae Confessori tuo Evangelium pacis opere ac sermone predicare tribuisti: ejus, quaesumus, intercessione fac nos legem tuam corde perfecto suscipere, et sanctis moribus adimplere. Per.

In utrisque Vesperis et Laudibus Memoria de Octava die S. Antonini (nisi transferenda fuerit) ut pag. 1168. sub titulo Eadem die xvij. Maii. notatum est.

IN NOCTURNO.

De Epistola beati Pauli  
Apóstoli ad Romanos.

Lectio j.

Cap. 10.

**F**INIS Legis Christus ad justitiam omni credenti. Moyses enim scripsit, quoniam justitiam, quae ex Lege est, qui fecerit homo, vivet in ea. Quae autem ex Fide est justitia, sic dicit: Ne dixeris in corde tuo: Quis ascendet in caelum? id est, Christum deducere: Aut quis descendet in abyssum? hoc est Christum a mortuis revocare. Sed quid dicit Scriptura? Prope est verbum in ore tuo, et in corde tuo: hoc est verbum Fidei, quod praedicamus.

Lectio ij.

**A**NDRÉAS Abellónius in opido Sancti Maximini, diocesis olim Aquénsis, nunc autem Forojuliénsis, honestis parentibus natus est. Aetate prima innocentèr exacta, in ipso loco Fratribus Praedicatoribus,

qui sacras beatæ Mariæ Magdalénæ custodiébant exuvias, accenseri obtinuit. Inter sodales, non pietate modo, sed ingenio quoque ad omne disciplinarum genus felicissime comparato mox enituit. Unde, absoluto tirocinio, primùmque humanis artibus ac divinis Litteris impensa opera, ad celebriores Galliàrum académias ab Ordinis sui moderatoribus missus est, tantàmque doctrinae laudem sibi promeruit, ut sacrae Pàginæ Magister adhuc juvenis fuerit salutatus. In cœnobium redux ubi Praedicatorum Ordini nomen dederat, a rectoribus in partem sollicitudinis primum vocatus, et subinde omnium eligentium suffragio fratribus suis praepositus est. Sed eorum regimen, quod pontificii ac régii diplomatis auctoritate toto vitæ tempore retinere potuisset, bis sibi conceditum, paucis annis elapsis, sua sponte bis dimisit. A Bartholomæo Texerio, supræmo Ordinis Magistro, disciplinam regularem in Arelatensi domo promovère jussus, longanimitate potius et virtutum suarum exemplo quam praeproperis agendi rationibus, subditorum animos ad sanctiora duxit inclinandos. Jugum porro Regulæ, quod aliis nondum imponebat, ab initio subiit alacriter, ab usu carnium prorsus abstinens, et vitæ austeritatem cum assiduo prædicationis munere conjungens.

Lectio iij.

**V**INCENTIÛ Ferrerii, cujus recens in Galliis fervebat memoria, zelum æmulatus,



sacri verbi ministério per Provinciam, máximo ubique audiéntium emolumento, ad pro vectissimam ætatem usque functus est. Nec sermone tantum, verum etiam, uti erat pingendi peritus, piis imaginibus fidelium mentes ad cælestia trahere satagebat. Extréma tandem ægritudine finem dicendi et operandi facere coactus, cum Aquas Sextias vocatus esset ad consolandos cives immani lue afflictos, Domini sui adventum fervidus expectavit. Contigit ejus beata mors in eadem civitate Aquensi, idibus Maii, anno reparatæ Salutis supra millésimum quatercentésimo quinquagésimo. Miraculis ab obitu adeo clauit, ut ei continuo tributi sint Cælitum honores. Quem cultum, hætenus perseverantem, Leo Décimus tertius, ex sacri Consilii tuendis Ecclesiæ ritibus sententia probavit et confirmavit anno millésimo non-gentésimo secundo, supræmi Pontificatus vigésimo quinto : facta Ordini Prædicatórum ac Diocesis Aquensi, Massiliensi et Forojuliensi potestate Officium et Missam in beati Andræe honorem celebrandi.

## AD PRETIOSA.

## Evangelium.

Secundum Lucam. Cap. 12.

**I**n illo tempore : Dixit Jesus discipulis suis : Sint lumbi vestri præcincti, et lucernæ ardentes in manibus vestris, et vos similes hominibus expectantibus dominum suum quando revertatur a nuptiis. Tu autem Domine.

EADEM DIE XVII. MAIL.  
IN OCTAVA S. ANTONINI.  
SIMPLEX.

Ad Memoriam in j. Vesperis Aña. Te Virginum chorus laudat, te Doctórum cœtus prædicat, te unânimi voce sancti Præsules Præsulem admirantur : o beate Antonine, nos te quoque laudantes paternis semper oculis intuerè, allelúia.

¶ Ora pro nobis beate Antonine, allelúia. R. Ut digni efficiámur promissionibus Christi, allelúia.

## Oratio.

**S**ANCTI Antonini, Domine, Confessoris tui atque Pontificis méritis adjuvémur : ut sicut te in illo mirabilem prædicámus, ita in nos misericórdem fuisse gloriémur. Per.

Ad Memoriam in Laudibus Aña. Sanctus Antoninus vere est glorificandus, cui morbi cedunt, elementa parent, et mors inexorabilis ad ejus nuntum tremit, allelúia.

¶ de Communi unius Confessoris secundum Ordinem Memoriarum, pag. 78., addito Allelúia.

Oratio Sancti Antonini., ut supra.

Ad Memoriam in ij. Vesperis Aña. Dux fidei, pietatis doctor, mundi lampas, sacerdotum decor, fecisti quæ docébas, despiciens carnem, adhærens Deo permanenti : beate Antonine, cum ascendente Christo cælos ascendisti : ne derelinquas nos órphanos in hoc exsilio, allelúia, allelúia.

¶ Ora pro nobis. et Oratio Sancti Antonini. ut ad Memoriam in j. Vesperis.

DIE XVIII. MAII.  
S. VENANTII  
MARTYRIS.

SIMPLEX. Oratio.

**D**EUS, qui hunc diem beati Venántii Mártiris tui triúmpho consecrásti, exáudi preces pópuli tui : et præsta ut qui ejus mérita venerámur, fidei constántiam imitémur. Per.

IN NOCTURNO.

Lectio ij.

**V**ENANTIUS Camers quindécim annos natus, cum christiánæ religiónis accusarétur apud Antiochum, qui sub Décio imperatóre Camerino præerat, in porta civitátis præsidi se obtulit. Quem ille pollicitatióibus ac terróribus diu tentátum, flagris cædi et vinculis astringi jussit. Sed iis mirabiliter ab Angelo solútus, lampádibus póstea adúritur, atque invérso ore, fumo supposito, suspénditur. Ejus constántiam in torméntis demíratu Anastásius corniculárius, et quod eum, ab Angelo íterum solútum, cándida veste supra fumum ambulántem vidisset, in Christum crédidit, et a beáto Porphyrio Presbytero cum familia baptizátus, paulo post martyrii palmam cum eódem promérui. At Venántius præsidi sistitur, et ab eo íterum frustra tentátus ut Christi fidem deséreret, in cárcerem conjicitur : quo Attalus præco mititur, qui ei dicat se quoque Christiánum fuisse, et ei nómini proptérea renuntiásse, quod cognovisset ináne esse fidei comméntum, quo Christiáni præsentibus se ábdicant

ob vanam futurórum spem. Verum nóbilis Christi Athléta cállidi hostis insidias non ignórans, diáboli ministrum a se pénitus rejécit. Quare ad præsidem íterum addúcto omnes contúsi sunt dentes, maxillæque confractæ, atque ita cæsus in sterquilínium dejecit. Sed inde ab Angelo quoque eréptus, rursus stetit ante júdicem : qui, Venántio adhuc loquente, e tribunáli cécidit, et in ea voce, Verus est Venántii Deus, nostros deos destrúite : exclámans, expirávit.

Lectio iij.

**Q**UOD cum præsidi nuntiátum esset, extémpló Venántium leónibus óbjiici jussit : qui, naturáli feritáte ommissa, ad ejus se pedes abjecérunt. Interim ille pópulum Christi fidem edocébat. Quare inde amótus, íterum in cárcerem tráditur. Cumque postridie præsidi reférret Porphyrius se per visum noctu pópulos, quos Venántius aqua tingébat, claríssima luce fulgéntes, ipsum vero præsidem obscuríssima caligine opértum vidísse : præses ira incénsus, eum illico cápité plecti imperat, deinde Venántium per loca vépribus et cárduis cónsita trahi usque ad vésperam. Is cum semínimis relictus esset, mane se íterum præsidi præsentávit, cujus jussu statim e rupe præcipitátur : sed inde étiam divínus eréptus, dénuo per loca áspera ad mille passus tráhitur, ubi militibus siti æstuántibus in próxima conválle ex lápide, in quo et génum formam reliquit, sicut étiam nunc in ejus ecclésia vidére licet,

Crucis signo a Venántio facto, aquæ manárunt. Eo miráculo plures permóti, in Christum credidérunt, quos omnes præses eo loci una cum Venántio cápite feriri jussit. Fúlgura et terrémótus eo témpore ita magni fuére, ut præses aufúgeret : qui paucis tamen post diébus, divínam haud valens effúgere justítiam, turpíssimam mortem oppétiit. Christiáni interim Venántii et aliórum córpora honorífico loco sepeliérunt, quæ Cameríni in ecclésia Venántio dicáta cóndita adhuc sunt.

## AD PRETIOSA.

Evangelium.

Secúndum Joánnem. Cap. 15.

**I**N illo témpore : Dixit Jesus discipulis suis : Ego sum vitis vera : et Pater meus agrícola est. Tu autem Dómine.

## DIE XIX. MAIL.

## S. PETRI CÆLESTINI

PAPE ET CONFESSORIS.

DUPLEX.

Oratio.

**D**EUS, qui beátum Petrum Cælestinum ad summi Pontificátus ápicem sublimásti, quique illum humilitáti postpónere docuísti : concéde propítius ut ejus exémplo cuncta mundi despícare, et ad promissa humilibus præmia pervenire feliciter mereámur. Per.

In j. Vesperis et Laudibus Memoria S. Pudéntiæ Virgínis.

Oratio.

**E**XAUDI nos Deus salutáris noster : ut sicut de beatæ Pudéntiæ Virgínis tuæ festivitáte gaudémus, ita piæ de-

votiónis erudiámur afféctu. Per.

## IN NOCTURNO.

Lectio ij.

**P**ETRUS a nómine, quo Pontífex est appellátus, Cælestinus dictus, honéstis catholicisque paréntibus Æsérniæ in Samnitibus natus, adolescentiam vix ingressus, ut ánimus a mundi illécebris custodíret, in solitúdinem secessit. Ibi contemplatióibus mentem nútrens, corpus in servitútem rédígens, férream caténam ad nudam carnem adhibébat. Congregatióinem, quæ póstea Cælestinórum dicta est, sub Régula sancti Benedicti instituit. Hinc, quasi lucérna supercandelábrum póstita, cum abscondi nequiret, (Romána Ecclésia diu viduáta Pastóre) in Petri cathedram ignórans et absens adscitus, magna novitátis admiratióne, non minus quam repentino gáudio cunctos affécit.

Lectio iij.

**C**UM autem in Pontificátus sublimitáte collocátus, váriis disténtus curis, assuétis incúmbere meditatióibus vix posse cognósceret, óneri páriter et honóri voluntáriè cessit. Indéque priscam vitæ ratióinem répetens, obdormívit in Dómino. Ejúsque pretiósam mortem crux, præfúlgens in áere ante cubiculi óstium, redidit ámplius gloriósam. Miráculis multis tam vivens quam post óbitum cláruit : quibus rite examinátis, Clemens Quintus, anno postquam decéssit undécimo, Sanctórum número adscrípsit.



## AD PRETIOSA.

## Evangelium.

Secundum Matthæum. Cap. 19.

**I**n illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis ? Tu autem Domine.

DIE XX. MAII.

B. COLUMBÆ

VIRG. ORD. PRÆD.

DUPLEX. Oratio.

**D**EUS, qui beatam Columbā Virginem tuam, puritāte et innocentia candidam, supernis fulgoribus illustrare dignatus es : concede, quaesumus, ut ejus intercessione, puris tibi mentibus serviētes in terris, splendore gloriæ tuæ perrumpi mereāmur in cælis. Per.

## IN NOCTURNO.

Lectio j. De virginibus. de Communi unius Virginis non Martyris, pag. 98\*.

## Lectio ij.

**C**OLUMBA, Reāte in Umbria a columba, quæ super caput ejus, dum baptizaretur, apparuit, nomen accepit. In ipsis cunis reliquæ vitæ suæ feliciter præludens, inter alia, quæ futuræ sanctitatis indicia præbuit, singulis sextis Fèriis matèrnum lac non nisi semel sugēbat. Crescēte dein ætate, virtutes quoque creverunt et òpera. Pietati ac orationibus addicta, virginitatem suam adhuc decēnnis virginum Sponso consecravit. Nuptias sibi a parentibus oblātas intrépide recusans, eòrum molestias

patiēter sustinuit. Dæmones etiā, qui obscēnis speciēbus objēctis illam a proposito retrāhere conabāntur, impāvide profligāvit. Dēnique post multa superāta certāmina, hābitum Tértii Ordinis sancti Patris Dominici, quem diu expetierat, summa cum exultatione suscepit.

## Lectio iij.

**D**IVINÆ contemplationis capta dulcedine, atque in éxtasim sæpius rapta, visionibus cælestibus recreabatur. Singulis diēbus animum suum sacra Communionē reficiēbat : tantāque suavitate perfunde-batur, ut vel præ gaudio lacrimis inundaret, vel præ nimio amoris æstu langueret. Virginis hujus probitatem Deus ipse voluit esse mundo conspicuam : nunc eam stellis supérne fulgētibz indicans, nunc flāmmeo ignitōque rádio caput ejus exornans. Spiritu prophético futura multa prædixit : vitæque suæ terminum, Dōmino revelāte, cognōvit. Tandem virtutibus ac mēritis plena, die vigésima Maii, anno Salútis millésimo quingéssimo primo, ætatis vero suæ ineunte trigésimo quarto, Perusii migravit ad Dōminum. Plūribz in vita et post mortem clāvisse miraculis perhibetur. Ejus cultum approbavit Urbānus Papa Octāvus. Ut autem festum ejus cum Officio et Missa, tam in univérso Prædicatōrum Ordine quam in civitatibus Perusina et Reatina, a toto illārum Clero possit celebrāri, Benedictus Dēcimus tertius Ordinis Prædicatōrum benigne concessit.

## AD PRETIOSA.

## Evangelium.

Secundum Matthæum. Cap. 25.

**I**N illo tempore : Dixit Jesus discipulis suis parabola hanc : Simile erit regnum cælorum decem virginibus : quæ accipientes lampades suas exierunt obviam sponso et sponsæ. Tu autem Domine.

DIE XXI. MAIL.

S. BERNARDINI SENENSIS

CONFESSORIS.

SIMPLEX.

Oratio.

**D**OMINE Jesu, qui beato Bernardino Confessori tuo eximium sancti nominis tui amorem tribuisti : ejus, quæsumus, meritis et intercessione, spiritum nobis tuæ dilectionis benignus infunde. Qui vivis.

IN NOCTURNO.

Lectio ij.

**B**ERNARDINUS Albizésca nobili Senensi familia ortus, ab ineunte ætate non obscura sanctitatis dedit indicia. Nam a piis parentibus honeste educatus, neglectis puerilibus ludis, inter prima grammaticæ studia pietatis operibus animum intendit, jejuniiis, orationi et beatissimæ Virginis cultui præcipue addictus. Misericordia vero in pauperes fuit insignis. Quæ quidem omnia, procedente tempore, quo melius posset excollere, eorum numero adscribi voluit, qui Senis in hospitali domo beatæ Mariæ de Scala Deo inserviunt, unde complures sanctitatis celebres viri prodierunt. Ibi corporis afflictatione et ægotantium cura, dum atrox

pestilentia grassaretur, incredibili caritate sese exercuit. Inter ceteras autem virtutes castitatem, egregia forma repugnante, sanctissima custodivit : adeo ut, eo præseente, nemo unquam, ne impudentissimus quidem, verbum minus honestum proferre auderet.

Lectio iij.

**C**UMQUE ea tempora vitii criminibusque redundarent, et cruentis factionibus, in Italia, divina humanaque omnia permista essent, Bernardinus urbes atque oppida concursans, in nomine Jesu, quem semper in ore et in pectore gerēbat, collapsam pietatem morēsque verbo et exemplo magna ex parte restituit. Quo factum est ut præclare civitates eum sibi Episcopum a Summo Pontifice postularent : quod ille munus invicta humilitate constantissime rejecit. Denique Vir Dei immensis laboribus exhaustus, multis magnisque editis miraculis, libris etiam pie doctæque conscriptis, cum vixisset annos sex ac sexaginta, in urbe Aquila in Vestinis beato fine quievit. Quem novis in dies coruscantem signis, anno post obitum sexto, Nicolaus Quintus Pontifex Maximus in Sanctorum numerum retulit.

AD PRETIOSA.

Evangelium.

Secundum Matthæum. Cap. 19.

**I**N illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis ? Tu autem Domine.

DIE XXII. MAIL.

S. SERVATII

EPISC. ET CONF.

TOTUM DUPLEX. Oratio.

**E**XAUDI, quæsumus Dómine, preces nostras, quas in beati Servatii Confessóris tui atque Pontificis solemnitate deferimus : ut qui tibi digne méruit famulári, ejus intercedéntibus méritis, ab ómnibus nos absólvas peccátis. Per.

IN NOCTURNO.

De libro secúndo

Machabæórum.

Lectio j. Cap. 15.

**M**ACHABÆUS autem semper confidébat cum omni spe auxiliúm sibi a Deo adfutúrum. Et hortabátur suos ne formidárent ad advéntum natiónum, sed in mente habérent adjutória sibi a Deo facta. Singulos autem illórum armávit sermónibus óptimis, expósito digno fide sómnio, per quod unívrsos lætificávit. Erat autem hujuscémodi visus: Oníam, qui fúerat Summus Sacérdos, manus protendéntem, oráre pro omni pópulo Judæórum. Post hoc apparuisse et álium virum ætáte et glória miráblem, et magni decóris habitúdine circa illum. Respondéntem vero Oníam dixisse : Hic est fratrum amátor, et pópuli Israel : hic est, qui multum orat pro pópulo, et unívrsa sancta civitate, Jeremías prophéta Dei.

Lectio ij.

**S**ERVATIVUS e generósa virórum stirpe éditus, nobiliter natus, nobiliúsque conversátus est. Tungrensís Episcopus creátus, sanctitáte et doctrína

suo témpore flóruit. Intérfuit concílio Sardicénsi, ubi fides Nicænæ synodi confirmáta est, et in Ariminénsi constantíssimus est hábitus. Missus a Magnéntio tyránno, una cum sancto Maximino Treverénsi Episcopo, ad Constantíum imperatórem legátus, cum Alexandriam appulisset, a sancto Athanasio honorífice excéptus est. Rédiens in Gállias, oves Dominicas ab insidiatóre lupo protéxit : et pro eisdem, etsi gládus persecutóris defuit, parátus tamen erat perferre martyrium. Nam ex quo erat, ut testátur Gregórius Turonénsis, eximíæ sanctitátis Episcopus, vigiliis et jejúniis vacans, crebro lacrimárum imbre perfúsus Dómini misericórdiam precabátur ne unquam bárbaras gentes in Gálliam veníre permitteret.

Lectio iij.

**Q**UOD sancti Præsulis singuláre patrocínium étiam Ordini Prædicatórum, postquam in Beatórum collégio adscriptus fuit, mirábili plane modo páuit. Nam cum Ludovicus Bávarus, Ecclésiæ ac eidem Ordini infensíssimus, certiorátus esset de Frátribus in suis ditióibus convocátis pro capitulo generáli habéndo, ut eos interficeret molitus est insidias. Servátius, in somnis cuidam ex nostris appárens, uti monuménta testántur, admonitos Frates vóluit ut ad áliam fúgerent civitátem : atque ita illos ab inevitábili cæde liberávit. Unde ob vindictám Ordinem ab imminénti tanto periculo, Patres decreverunt ut de sancto Servatio



Officium perpétuis futuris haberetur temporibus. Verum quia ejus institutio sub ritu Trium Lectionum, prout ab initio ordinata fuerat, ob multitudinem festivitatum majoris solemnitatis occurrentium, fere jam obsoleta remanebat : ne tanti beneficii memoria ab omnium Fratrum Prædicatorum cordibus excideret, Leo Duodécimus Pontifex Máximus benigne indulisit ut sub ritu Toto Duplici ab universo Ordine deinceps celebraretur.

## AD PRETIOSA.

Evangelium.

Secundum Matthæum. Cap. 10.

**I**n illo tempore : Dixit Jesus discipulis suis : Cum persequentur vos in civitate ista, fugite in aliam. Tu autem Domine.

DIE XXIII. MAIL.

B. LUDOVICI MARIE  
GRIGNON DE MONTFORT

CONF. ORD. PRÆD.

DUPLEX.

¶ In utrisque Vesperis et ante Laudes V. Ora pro nobis beate Ludovice Maria, alleluia. R. Ut digni efficiamur promissionibus Christi, alleluia.

Oratio.

**D**EUS, qui beatum Ludovicum Mariam Confessorem tuum Crucis mysterii et sanctissimi Rosarii præconem eximium effecisti, ac nova per eum familia Ecclesiam fecundasti : ejus meritis et intercessionem concede ut per unigeniti Filii tui vitam, mortem ac resurrectionem, salutis æter-

næ præmia consequamur. Per eundem.

## IN NOCTURNO.

Lectio j. Beatus vir. de Comuni unius Confessoris non Pontificis, pag. 81\*.

## Lectio ij.

**L**UDOVICUS Maria Grignon in Britannia Minoris pago Montfort, a quo nomen sumpsit, anno millésimo sexcentésimo septuagésimo tertio, pridie Kalendas Februarii, ex nobilibus piisque parentibus natus est. Duodécimum annum agens, in Rhedonensi collegio Societatis Jesu collocatus, talem sese jügitè præbuit, ut non raro ab ipsis magistris in exemplum pietatis ac sedulitatis discipulis daretur. Emenso philosophiæ curriculo, et in minori sancti Sulpicii seminário Lutetia Parisiorum receptus, omnium virtutum magister haberi cæpit. Sacerdotio initiatus, sacris expeditionibus operam dedit, et quamplurima Nannetis, Parisiis ac Pictavii, caritatis et apostolici zeli monumenta edidit. Gravium laborum cupidus, cum infidelibus populis Christum prædicare constituisset, Romam adiit, et Clementi Undécimo mentem suam aperuit. A quo tamen audivit se ad Gallia potius quam ad barbarorum salutem curandam a Deo selectum fuisse, ac potissimum ut adversus invalescentes errores dimicaret. Pontificis verbis excitatus, et Missionarii apostolici munere actus, reversus est in Galliam : ubi sacro huic ministerio, quoad vixit, se plane devotit.

## Lectio iij.

**H**OC in vitæ genere, non periculis aut persecutiōnibus deterritus, aut labōribus fractus, pestem Jansenianam strēnue propulsavit, erga Dominicæ Passiōnis augusta mysteria promovit pietatem, cultūque immaculatæ Virginis Dei Matris, præsertim per Mariæ Rosarii frugiferam consuetudinē late propagavit : qua quidem in re inter strēnuos Guzmāni discipulos nēmini secūndus apparuit. Hos apostolicos labōres Deus ita fecundavit, ut peccatōres ad salutis trāmitem, hæréticos ad Christi caulam, pios ad perfectiōnis sēmitam, cléricos ad sanctiōrem disciplinam pene innúmeros perdūxerit. Ut vero labōrum fructus, quos ubique percēperat, jūgiter permanent, gēmina instituit sodalitia : unum Missionariōrum Societatis Mariæ nuncupatum, qui sacris missiōnibus impēderent operam; alterum piarum virginum, quibus a divīna Sapiētia nomen indidit, voluitque ut quibūlibet pāuperum necessitatibus opem ferrent. Demum cum in vico sancti Laurēntii ad Séparam, olim Rupellēnsis, nunc Lucionēnsis diocēsis, apostolici ministērii munus implēret, quadragesimum quartum ætatis annum jam ingressus, mortalem vitam sanctissimo clausit obitu, quarto Kalēdas Maïas, anno millésimo septingentésimo décimo sexto. Fama sanctitatis ejus, quæ, dum vitam āgeret, semper floruit, post obitum per universam Gálliam magis in dies diffusa est; acce-

dēnte miraculōrum glōria, quibus divīna omnipotētia illius sepulcrum ad hæc usque tēpora gloriōsum reddidit. Quem propterea Leo Décimus tertius, anno quinquagésimo Sacerdotii sui, solēnni ritu Beatorum fastis adscripsit.

## AD PRETIOSA.

## Evangelium.

Secūndum Lucam. Cap. 10.

**I**N illo tēpore : Designavit Dōminus et alios septuaginta duos, et misit illos binos ante faciē suam in omnem civitatē, et locum quo erat ipse venturus. Tu autem Dōmine.

## DIE XXIV. MAII.

## B. MARIE VIRGINIS

## AUXILII CHRISTIANORUM.

## TOTUM DUPLIX.

## AD I. VESPERAS.

Super Psalmos Aña. Dum esset rex in accūbitu suo, nardus mea dedit odorem suavitatis, allelūia. Psalmus Laudate pueri. cum ceteris, pag. 145.

Capitulum. Eccli. 24.

**A**B initio, et ante sæcula creāta sum, et usque ad futurum sæculum non desinam, et in habitatiōne sancta coram ipso ministravi.

R. Stirps Jesse virgam produxit, virgaque florem : \* Et super hunc florem requiescit Spiritus almus, Allelūia. V. Virgo Dei Génitrix virga est, flos Filius ejus. — Et super hunc florem requiescit Spiritus almus, Allelūia. Glōria. Allelūia.

## Hymnus.

**S**ÆPE dum Christi pópulus  
 Scruéntis  
 Hostis infénsi premerétur ar-  
 mis,

Venit adjútrix pia Virgo, cælo  
 Lapsa seréno.

PRISCA sic Patrum monu-  
 ménta narrant,  
 Templâ testántur spóliis opímis  
 Clara, votivo repetita cultu  
 Festa quotánnis.

EN novi grates liceat Mariæ  
 Cántici lætis módulis reférre  
 Pro novis donis, resonánte  
 plausu

Urbis et orbis.

O DIES felix, memoránda  
 fastis,

Qua Petri Sedes fidei Magi-  
 strum

Triste post lustrum réducem  
 beáta

Sorte recépit!

VIRGINES castæ puerique  
 puri,

Géstiens clerus populúsque  
 grato

Corde Reginæ celebráre cæli  
 Múnera certent.

VIRGINUM Virgo, benedícta  
 Jesu

Mater, hæc auge bona : fac,  
 precámur,

Ut gregem Pastor pius ad sa-  
 lútis

Pâscua ducat.

TE per ætérnos venerémur  
 annos,

Trínitas summo celebránda  
 plausu :

Te fide mentes, resonóque lin-  
 guæ

Cármine laudent. Amen.

¶ Ora pro nobis sancta Dei  
 Génitrix, allelúia. R. Ut di-  
 gni efficiámur promissionibus  
 Christi, allelúia.

Ad Magnificat Aña. Ecce  
 Maria erat spes nostra, ad  
 quam confúgimus in auxilium,  
 ut liberáret nos : et venit in  
 adjutórium nobis, allelúia.

## Oratio.

**O**MNIPOTENS et miséricors  
 Deus, qui ad defénsiónem  
 pópuli christiáni, in beatissi-  
 ma Virgine Maria perpétuum  
 auxilium mirábiliter consti-  
 tuisti : concède propitius ut  
 tali præsidio muniti certátes  
 in vita, victóriam de hoste ma-  
 ligno cónsequi valeámus in  
 morte. Per.

AD UTRUMQUE  
COMPLETORIUM.

Super Psalmos Aña. Virgo  
 María, non est tibi similis nata  
 in mundo inter mulieres, flo-  
 rens ut rosa, fragrans sicut  
 lílium : ora pro nobis sancta  
 Dei Génitrix, allelúia.

† Antepenultima Strophâ Hy-  
 mni Tempore Resurrectionis :

QUÆSUMUS, Auctor omnium,  
 In hoc Pascháli gáudio,  
 Ab omni mortis impetu  
 Tuum defénde pópulum.

† Antepenultima Strophâ  
 Tempore Ascensionis :

Tu esto nostrum gáudium,  
 Qui es futúrus præmium :  
 Sit nostra in te glória,  
 Per cuncta semper sæcula.

Duæ ultimæ Strophæ  
 utroque Tempore :

MARIA Mater grátie,  
 Mater misericórdiæ,  
 Tu nos ab hoste prótege,  
 Et hora mortis suscipe.

GLORIA tibi Dómine,  
 Qui natus es de Virgine,  
 Cum Patre et sancto Spiritu,  
 In sempitérna sæcula. Amen.



Ad Nunc dimittis Aña. Sub  
tuum præsidium confúgimus  
sancta Dei Génitrix : nostras  
deprecationes ne despicias in  
necessitatibus, sed a periculis  
cunctis libera nos semper Virgo  
benedicta, allelúia.

#### AD MATUTINUM.

Invitorium. Sancta María  
Dei Génitrix Virgo, \* Inter-  
cede pro nobis, allelúia.

Hymnus Sæpe dum Christi,  
ut in j. Vesperis.

#### IN NOCTURNO.

Aña. Benedicta tu in muli-  
eribus, et benedictus fructus  
ventris tui, allelúia. Psalmus  
Dómine Dóminus noster. cum  
ceteris duobus ut in j. Noctur-  
no Festorum B. Mariæ V.,  
pag. 2\*.

Aña. Sicut myrrha elécta  
odórem dedisti suavitátis san-  
cta Dei Génitrix, allelúia.

Aña. Ante torum hujus Vir-  
ginis frequentáte nobis dúlcia  
cantica drámatís, allelúia.

¶ Sancta Dei Génitrix  
Virgo semper María, allelúia.  
R. Intercède pro nobis ad Dó-  
minum Deum nostrum, alle-  
lúia.

† Si hoc festum in Dominica,  
aut in Feria secunda aut in  
Feria quinta celebrari conti-  
gerit, ante primam Lectionem  
detur Benedictio Alma Virgo  
virginum intercédât pro nobis  
ad Dóminum. R. Amen.

† In Feria tertia aut in Feria  
sexta, Benedictio Ab hoste  
maligno eripiat nos Dei Génit-  
rix Virgo. R. Amen.

† In Feria quarta aut in  
Sabbato, Benedictio Oret voce  
pia pro nobis Virgo María.  
R. Amen.

De libro Proverbiórum.

Lectio j.

Cap. 8.

**E**GO Sapiéntia hábito in con-  
silio, et eruditís intérsim  
cogitatiónibus. Timor Dómini  
odit malum : arrogántiam, et  
superbiam, et viam pravam, et  
os lingue detéstor. Meum est  
consilium, et æquitas, mea est  
prudéntia, mea est fortitúdo.  
Per me reges regnant, et le-  
gum conditóres justa decér-  
nunt. Per me principes impe-  
rant, et poténtes decérnunt  
justitiam. Ego diligéntes me  
diligó : et qui mane vigilánt  
ad me, invénient me.

R. j. Stirps Jesse virgam pro-  
dúxit, virgaque florem : \* Et  
super hunc florem requiescit  
Spiritus almus, allelúia. ¶ Vir-  
go Dei Génitrix virga est, flos  
Filius ejus. — Et super hunc  
florem.

† In Dominica, in Feria se-  
cunda, aut in Feria quinta,  
Benedictio Sancta Dei Génitrix  
sit nobis auxiliátrix. R. Amen.

† In Feria tertia, aut in Feria  
sexta, Benedictio Jesus Mariæ  
Filius sit nobis clemens et pro-  
ptius. R. Amen.

† In Feria quarta aut in Sab-  
bato, Benedictio In omni tri-  
bulatiónē et angústia subv-  
niat nobis pia Virgo María.  
R. Amen.

Sermo sancti Bernárdi  
Abbátis.

(Ex Sermone de 12 Stellis.)

Lectio ij.

**V**EHEMENTER quidem no-  
bis, dilectíssimi, vir unus  
et mulier una nocuere : sed  
grátias Deo, per unum nihiló-  
minus virum et mulierem  
unam ómnia restaurántur, nec  
sine magno fénore gratiárum.

Et quidem sufficere póterat Christus; síquidem et nunc omnis sufficiéntia nostra ex eo est : sed nobis bonum non erat esse hóminem solum. Cóngruum magis ut adéset nostræ reparatióni sexus utérque. Jam itaque nec ipsa. Múlier benedicta in muliéribus vidébitur otíosa : inveniétur équidem locus ejus in hac reconciliatíone. Opus est enim mediátore ad mediátorem Christum; nec alter nobis utilior quam Maria. Crudélis nímium mediátrix Heva, per quam serpens antiquus pestiferum étiam ipsi viro virus infúdit : sed fidélis María, quæ salútis antidotum et viris et muliéribus propinávit. Illa enim ministra seductiónis, hæc propitiatiónis : illa suggéssit prævaricatíonem, hæc ingéssit redemptionem. Quid ad Mariam accédere trépides humana fragilitas? Nihil austérum in ea, nihil terribile : tota suávis est, ómnibus offerens lac et lanam. Revólve diligéntius evangélicæ históriæ sériem univérsam : et si quid forte increpatorium, si quid durum, si quod dénique signum vel levis indignatiónis occurrerit in María, de cétero suspéctam hábeas, et accédere veréaris.

℟. ij. Beátam me dicent omnes generatíones : \* Quia fecit mihi Dóminus magna, qui potens est : et sanctum nomen ejus, alleluia. ✠. Et misericórdia ejus a progénie in progénies tíméntibus eum. — Quia fecit mihi Dóminus.

† In Dominica, in Feria secunda, aut in Feria quinta, Benedictio Nos cum Prole

pia benedicat Virgo María. ℟. Amen.

† In Feria tertia, aut in Feria sexta, Benedictio Stella Maria maris succúrrat piíssima nobis. ℟. Amen.

† In Feria quarta aut in Sabato, Benedictio Ad societátem civium supernórum perducát nos Regina angelórum. ℟. Amen.

(Ex publicis monumentis.)

Lectio iij.

**P**RÆSENTÍSSIMUM Deiparæ auxílium ad religiónis hostes profligándos, sæpe pópulus christíanus mirum in modum expértus est. Ex quo factum ut sanctíssimus Póntifex Pius Quintus post insígnem victóriam, intercedénte beatíssima Virgine, a Christiánis de Turcárum tyránnò apud Echinadas insulas reportátam, in Litaníis Lauretánis eádem Reginam cælórum inter ália præcónia Auxílium Christiánórum appellári constitúerit. Sed illud in primis memorábile est, atque exploráti miráculi loco habéndum, quod cum Románus Póntifex Pius Séptimus impiórum consíliis et armis ex Apostólica Petri Sede exturbátus, et arcta custódia, præsértim Savónæ, per annos quinque eóque ámplius fuisset deténtus, viis ómnibus pénitus interclúsus, ne Dei Ecclésiam régere posset, nullo símilis persecutiónis in priscis annálibus exémplo, inopinátò et præter ómnium expectatíonem cóntigit ut ingénti plausu, ac véluti univérsi orbis mánibus pontificio sólio restituerétur. Quod et secúndo accidit, dum íterum commóto

turbine, ab Urbe discēdens sacro comitātē Cardināliū collēgio, Ligúriam contēndit. Verum præsēntissimo Dei beneficio, cessānte procēlla, quæ grave minabātur excidium, Romam, plaudētibz prænovo gāudio pópulis, revērsus est. Antea tamen, quod in votis habuerat, et captivitātē detēntus éxsequi nequiverat, áurea corónā insignem Savónæ imāginem Deiparæ Virginis sub titulo Matris Misericórdiæ solēnni ritu propriisque mánibus decorávit. Quam mirābilem rerum vicissitudinem idem Póntifex Máximus Pius Séptimus, totius evéntus íntime cónsciū, cum intercessiōne sanctíssimæ Dei Genitricis, cuius potēntem opem et ipse impēse imploráverat, et ab ómnibus Christi fidélibz implorári curáverat, accēptam mérito reférret : in ejúsdem Virginis Matris honórem sub appellatiōne Auxilii Christianórum solēnnē festum indixit perpétuo celebrándum die mensis Maii vigésimo quarto, faustíssimi sui in Urbem réditus anniversário, approbátō étiam Offició próprio, ut tanti beneficii distincta et perénnis exstet memóriā et gratiárum actio.

R. iij. Felix namque es sacra Virgo María, et omni laude digníssima : \* Quia ex te ortus est Sol justítiæ Christus Deus noster, Allelúia. V. Ora pro pópulo, intēveni pro clero, intercēde pro devóto femíneo sexu : sentiant omnes tuum juvāmen, quicúmque tuum sanctum implórant auxilium. — Quia ex te. Glória. Allelúia.

Ante Laudes V. Ora pro nobis sancta Dei Génitrix, allelúia. R. Ut digni efficiámur promisiōnibus Christi, allelúia.

## AD LAUDES

ET PER HORAS ANTIPHONÆ.

1. Dum esset Rex in accúbitu suo, nardus mea dedit odórem suavitátis, allelúia. Psalmus Dóminus regnāvit. cum ceteris, pag. 17.

2. Læva ejus sub cápite meo, et dextera illius amplexábitur me, allelúia.

3. Nigra sum, sed formósa, filiæ Jerúsalem : ídeo diléxit me rex, et introdúxit me in cubiculum suum, allelúia.

4. Jam hiemis tránsiit, imber ábiit, et recéssit : surge amica mea, et veni, allelúia.

5. Speciósa facta es, et suāvis in deliciis tuis, sancta Dei Génitrix, allelúia.

Capitulum. Eccli. 24.

**A**B initio, et ante sæcula creáta sum, et usque ad futúrum sæculum non désinam, et in habitatiōne sancta coram ipso ministrávi.

Hymnus.

**T**E Redemptóris Domínique nostri  
Dicimus Matrem, speciόsa Virgo,

Christianórum decus et levámen

Rebus in arctis.

SÆVIANT portæ licet inferórum,

Hostis antíquus fremat, et mináces,

Ut Deo sacrum populétur agmen,

Súscitet iras :



NIL truces possunt fúriæ  
nocére  
Méntibus castis, prece quas  
vocáta

Annuens Virgo fovet et supérno  
Róbore firmat.

TANTA si nobis fáveat Patróna,  
Béllici cessat scéleris tumultus,  
Mille sternúntur fugiúntve tur-  
mæ,

Mille cohórtes.

TOLLIT ut sancta caput in  
Sióne

Turris, arx firmo fabricáta  
muro,

Cívitas David, clypeis et acri  
Mílite tuta :

VIRGO sic, fortis Dómini po-  
ténti

Déxtera, cæli cumuláta donis,  
A piis longe fámulis repéllit  
Dæmonis ictus.

TE per ætérnos venerémur  
annos,

Trínitas summo celebránda  
plausu :

Te fide mentes, resonóque lin-  
guæ

Cármine laudent. Amen.

¶. Elégit eam Deus, et præ-  
elégit eam, allelúia. R̃. Et  
habitáre eam facit in taberná-  
culo suo, allelúia.

Ad Benedictus Añ. Ad te o  
sancta Dei Génitrix clamávi-  
mus, et per te venit Dómini au-  
xilium nobis, allelúia. Oratio.

**O**MNIPOTENS et miséricors  
Deus, qui ad defensiónem  
pópuli Christiáni in beatíssima  
Virgine María perpétuum au-  
xilium mirabiliter constituísti :  
concéde propítius ut tali præsi-  
dio muniti certántes in vita, ví-  
ctóriam de hoste maligno cón-  
sequi valeámus in morte. Per.

## AD PRETIOSA.

Evangelium.

Secúndum Lucam. Cap. 11.

**I**N illo témpore : Loquente  
Jesu ad turbas, extóllens  
vocem quædam mulier de tur-  
ba, dixit illi : Beátus venter,  
qui te portávit, et úbera, quæ  
suxísti. Tu autem Dómine.

## AD PRIMAM.

† Antepenultima Strophæ Hy-  
mni Tempore Resurrectionis :

QUÆSUMUS, Auctor ómnium,  
In hoc Pascháli gáudio,  
Ab omni mortis ímpetu  
Tuum defénde pópulum.

† Antepenultima Strophæ  
Hymni Tempore Ascensionis :

TU esto nostrum gáudium,  
Qui es futúrus præmíum :  
Sit nostra in te glória,  
Per cuncta semper sæcula.

Duæ ultimæ Strophæ Hymni  
utroque Tempore :

MARIA, Mater grátiae,  
Mater misericórdiæ,  
Tu nos ab hoste prótege,  
Et hora mortis suscipe.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.

¶ Eodem modo concludantur  
Hymni ad Tertiam, Sextam et  
Nonam.

R̃. Jesu Christe. ¶. Qui natus  
es de Virgine María.

## AD TERTIAM.

Capitulum. Eccli. 24.

**A**B inítió, et ante sæcula  
creáta sum, et usque ad  
futúrum sæculum non dési-  
nam, et in habitatióne sancta  
coram ipso ministrávi.

R̃. Sancta Dei Génitrix, Virgo

semper María, \* Allelúia, allelúia. Sancta. V. Intercéde pro nobis ad Dóminum Deum nostrum. Allelúia. Glória. Sancta. V. Post partum Virgo inviolata permansisti, allelúia. R. Dei Génitrix intercéde pro nobis, allelúia.

## AD SEXTAM.

Capitulum. Eccli. 24.

ET sic in Sion firmata sum, et in civitate sanctificata similiter requievi, et in Ierusalem potestas mea. Et radicans in populo honorificatus, et in parte Dei mei hereditas illius, et in plenitudine sanctorum detentio mea.

R. Post partum Virgo inviolata permansisti, \* Allelúia, allelúia. Post partum Virgo. V. Dei Génitrix intercéde pro nobis. Allelúia. Glória. Post partum Virgo.

V. Speciosa facta es, et suavis, allelúia. R. In deliciis tuis, sancta Dei Génitrix, allelúia.

## AD NONAM.

Capitulum. Eccli. 24.

SICUT cinnamomum, et balsamum aromatizans odorem dedi: quasi myrrha electa dedi suavitatem odoris.

R. Speciosa facta es, et suavis, \* Allelúia, allelúia. Speciosa. V. In deliciis tuis, sancta Dei Génitrix. Allelúia. Glória. Speciosa.

V. Elégit eam Deus, et præelegit eam, allelúia. R. Et habitare eam facit in tabernaculo suo, allelúia.

## AD II. VESPERAS.

Psalmus Dixit Dóminus. cum ceteris, ut in Communi unius Virginis, pag. 96\*.

Super Psalmos Aña Dum esset Rex., Capitulum Ab initio., Hymnus Sæpe dum Christi. et V. Ora pro nobis., ut in j. Vesperis, pag. 1175. et pag. 1176.

Ad Magnificat Aña. Sancta María succurre miseris, juva pusillanimes, réfove flébiles, ora pro populo, intérvieni pro clero, intercéde pro devoto femineo sexu: sentiant omnes tuum juvamen, quicumque sanctum tuum implorant auxilium, allelúia.

DIE XXV. MAIL.  
IN TRANSLATIONE  
S. P. N. DOMINICI  
CONFESSORIS.

## TOTUM DUPLEX.

## AD I. VESPERAS.

Super Psalmos Aña. Gaude felix parens Hispânia, novæ prolis dans mundo gaudia: sed tu magis plaude Bonónia, tanti Patris dotata glória: lauda tota mater Ecclesia, novæ laudis agens solémnia, allelúia. Psalmus Laudate pueri. cum ceteris, pag. 145.

Capitulum. Eccli. 50.

QUASI stella matutina in medio nébulæ, et quasi luna plena in diebus suis, et quasi sol refulgens, sic iste effulsit in templo Dei.

R. O spem miram, quam dedisti mortis hora te flentibus, dum post mortem promisisti te profuturum fratribus! \* Imple Pater quod dixisti, nos tuis juvans precibus, Allelúia. V. Qui tot signis claruisti in ægrorum corporibus, nobis opem ferens Christi ægris medere moribus. — Imple Pater. Glória. Allelúia.

## Hymnus.

**G**AUDE mater Ecclesia,  
Lætam agens memoriã,  
Quæ novæ prolis gaudia  
Mittis ad cæli curiam.

PRÆDicatorum Ordinis  
Dux et Pater Dominicus  
Mundi jam fulget terminis,  
Civis effectus cælicus.

CARNIS liber ergastulo,  
Cæli potitur gloria :  
Pro paupertatis cingulo  
Stola dotatur régia.

FRAGRANS odor de tûmulo  
Cum virtutum frequentia  
Clamat pro Christi famulo  
Summi Regis magnalia.

## † Penultima Stropha

Tempore Resurrectionis :

QUÆSUMUS, Auctor omnium,  
In hoc Paschali gaudio,  
Ab omni mortis impetu  
Tuum defende populum.

## † Penultima Stropha

Tempore Ascensionis :

Tu esto nostrum gaudium,  
Qui es futurus præmium :  
Sit nostra in te gloria,  
Per cuncta semper sæcula.

Ultima Stropha utroque

Tempore :

TRINO Deo et simplici  
Laus, honor, virtus, gloria,  
Qui nos prece Dominici  
Ducat ad cæli gaudia. Amen.

¶ Ora pro nobis beate Pater Dominice, alleluia. R. Ut digni efficiamur promissionibus Christi, alleluia.

Ad Magnificat Añã. Magne Pater sancte Dominice mortis hora nos tecum suscipe, et hic semper nos pie respice, alleluia.

Oratio.

**D**EUS, qui Ecclesiam tuam beati Dominici Confessoris tui, Patris nostri, illuminare

dignatus es meritis et doctrinis: concede ut ejus intercessione, temporalibus non destituatur auxiliis, et spiritualibus semper proficiat incrementis. Per.

In j. Vesperis et Laudibus Memoria S. Mariæ Magdalenæ de Pazzis Virginis. Oratio.

**D**EUS virginitatis amator, qui beatam Mariam Magdalenam Virginem, tuo amore succensam, cælestibus donis decorasti : da ut quam festiva celebritate veneramur, puritate et caritate imitemur. Per.

Item in j. Vesperis et Laudibus Memoria S. Urbani Papæ et Martyris. Oratio.

**D**EUS, quæsumus omnipotens Deus : ut qui beati Urbani Martyris tui atque Pontificis solèmnia colimus, ejus apud te intercessionibus adjuvemur. Per.

## AD COMPLETORIUM.

† Si Translatio S. P. N. Dominici primas Vesperas integras in die xxiv. Maii habuerit. Antiphona super Psalmos, et Antiphona ad Nunc dimittis de Tempore dicantur ut pag. 153. et pag. 154, respective notatum est.

In Hymno autem, dicta penultima Stropha Quæsumus. vel Tu esto. pro Tempore, omissa Stropha Trino Deo, dicatur

† Tempore Resurrectionis :

GLORIA tibi Dómine,  
Qui surrexisti a mortuis,  
Cum Patre et sancto Spiritu,  
In sempiterna sæcula. Amen.

† Tempore vero Ascensionis :

GLORIA tibi Dómine,  
Qui scandis supra sidera,  
Cum Patre et sancto Spiritu,  
In sempiterna sæcula. Amen.



† Et sic in Hymnis ad Primam, Tertiam, Sextam et Nonam.

## AD MATUTINUM.

Invitorium. Adsunt Domini læta solémnia : \* Laude multiplici laudat Ecclesiá, allelúia.

## Hymnus.

NOVUS athléta Dómini  
Collaudétur Dominicus,  
Qui rem confórmat nómini,  
Vir factus evangélicus.

CONSERVANS sine mácula  
Virginitátis lilium,  
Ardébat quasi fácula  
Pro zelo pereúntium.

MUNDUM calcans sub pédi-  
bus,

Manum misit ad fórtia :  
Nudus occúrrens hóstibus,  
Christi suffúltus grátia.

PUGNAT verbo, miráculis,  
Missis per orbem frátribus :  
Crebros adjúngens sédulis  
Fletus oratióibus.

Penultima Stropha Quæsumus,  
Tempore Resurrectionis;  
vel Tu esto., Tempore Ascensionis;  
ultima Stropha Trino Deo.,  
utroque Tempore, ut in j. Vesperis.

## IN NOCTURNO.

Añá. Præco novus et cælicus,  
missus in fine sæculi, pauper  
fulsit Dominicus, forma præ-  
visus cátuli, allelúia. Psalmi  
ex j. Nocturno de Comuni  
unius Confessoris, pag. 68\*.

Añá. Florem pudicitiae ser-  
vans illibátum, attigit eximiae  
vitæ cælibátum, allelúia.

Añá. Documentis artium eru-  
ditus satis, tránsiit ad stúdi-  
um summæ veritátis, allelúia.

†. Amávit eum Dóminus, et  
ornávit eum, allelúia. †. Sto-  
lam glóriæ induit eum, allelúia.

† Benedictiones secundum  
ordinem Nocturnorum, scilicet  
Dominica, Feria secunda et  
Feria quinta Benedictio Bene-  
dictiõe perpétua. cum ceteris  
duabus; Feria tertia et Feria  
sexta Benedictio Deus Pater  
omnipotens. cum ceteris dua-  
bus; Feria quarta et Sabbato  
Benedictio Ille nos benedicat.  
cum ceteris duabus.

## De libro Ecclesiástici.

## Lectio j.

## Cap. 48.

BEATI sunt, qui te viderunt,  
et in amicitia tua decorati  
sunt : nam nos vita vivimus  
tantum, post mortem autem  
non erit tale nomen nostrum.  
Eliás quidem in túrbine tectus  
est, et in Eliséo complétus est  
spíritus ejus : in diébus suis  
non pertímuit principem, et  
poténtia nemo vicit illum. Nec  
superávit illum verbum áli-  
quod, et mórtuum prophetávit  
corpus ejus. In vita sua fecit  
monstra, et in morte mirabilia  
operátus est.

†. j. Felix vitis, de cujus súr-  
culo tantum germen redúndat  
sæculo, \* Cæli vinum propi-  
nans pópulo vitáli póculo, alle-  
lúia. †. Ex ubertáte pálmium,  
mundi jam cinxit ámbitum. —  
Cæli vinum.

(Ex S. Antonino, Theodorico  
de Apoldia, et aliis.)

## Lectio ij.

SANCTISSIMI Patriarchæ Do-  
minici ánima ad ætérnum  
glóriæ regnum commigránte,  
corpus illius candóre virginitá-  
tis purissimum in arcam li-  
gneam illátum, et húmili sepúl-  
cro Bonóniæ cónditum fuit. Sed  
cum felices illæ reliquiæ innú-  
meris miráculis coruscárent,

de transferendis in celsiorem atque decentiorem locum ab omnibus certatim in sententiam itum est : ac dies tantæ rei perficiendæ præstituta. Aduit præter venerabilem Jordânum secundum Ordinis Magistrum, Archiepiscopus Ravennas et Magistratus Bononiensis innumeraque tum clericorum, tum civium e vicinis etiam urbibus multitudo.

R. ij. Ascendenti de valle lûbrici mundi, chori plaudunt angelici : \* Jesu bone, prece Dominici, tibi præsta nos gratos effici, allelûia. V. Per quem multos a morte suscitâs, pœnas nobis relâxa dēbitas. — Jesu bone.

#### Lectio iij.

**P**ATEFACTO sepulcro, suavisimus odor omnium subito nares et animos tanta voluptate complēvit, ut non defuncti corporis bustum, sed præstantissimorum unguentorum apotheca patuisse videretur. Tunc vir admirandus Jordânus et alii cum illo Fratres, perfusi lacrimis, sacras reliquias, summa cum veneratione e priore arca eductas, in nova alia reposuerunt, et in marmoreo sepulcro condiderunt : ubi quoque Deus Virum apostolicum innumeris divinorum prodigiûrum ornâvit honoribus. Facta est hæc Translatio anno Salutis millésimo ducentésimo trigésimo tertio.

R. iij. O spem miram, quam dedisti mortis hora te flentibus, dum post mortem promisti, te profuturum Fratribus! \* Imple Pater quod dixisti, nos tuis juvenis precibus, Allelûia. V. Qui tot signis claruisti

in ægrorum corporibus, nobis opem ferens Christi, ægris medere moribus. — Imple Pater. Glória. Allelûia.

Ante Laudes V. Ora pro nobis beate Pater Dominice, allelûia. R. Ut digni efficiamur promissionibus Christi, allelûia.

#### AD LAUDES

##### ET PER HORAS ANTIPHONÆ.

1. Pie Pater Dominice, tuorum memor operum, sta coram summo Jûdice pro tuo cœtu pauperum, allelûia. Psalmus Dôminus regnâvit. cum ceteris, pag. 17.

2. Pauper in peculio, dives vita pura, paupertatis prætio cœli tenet jura, allelûia.

3. Scala cœlo prôminens Fratri revelâtur, per quam Pater transiens sursum ferebatur, allelûia.

4. Linguae, manus stûdio scalam hanc erexit, quam Virgo cum Filio Mater sursum vexit, allelûia.

5. Fulget in choro Virginum Doctor veritatis, sertum honoris gëminum gerens cum Beatis, allelûia.

Capitulum. Eccli. 50.

**Q**UASI stella matutina in medio nêbulæ, et quasi luna plena in diëbus suis, et quasi sol refûlgens, sic iste effûlsit in templo Dei.

#### Hymnus.

**H**YMNUM novæ lætitiae,  
Dulci productum canticò,  
Noster deprômat hodie  
Chorus sancto Dominico.

VERGENTE mundi vespere,  
Novum sidus exôritur,  
Et clausis culpæ carcere  
Præco salutis mittitur.

DOCTRINAM evangélicam  
Spargens per orbis cārdinem,  
Pestem fugat hæréticam,  
Novum producens Ordinem.

Hic est fons ille módicus,  
Crescens in flumen máximum,  
Qui mundo jam miríficus  
Potum largitur óptimum.

† Penultima Strophæ  
Tempore Resurrectionis :

QUÆSUMUS, Auctor ómnium,  
In hoc Pascháli gáudio,  
Ab omni mortis impetu  
Tuum defēde pópulum.

† Penultima Strophæ  
Tempore Ascensionis :

Tu esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

Ultima Strophæ  
utroque Tempore :

TRINO Deo et simplici  
Laus, honor, virtus, glória,  
Qui nos prece Dominici  
Ducat ad cæli gáudia. Amen.  
¶. Justus germinábit sicut  
lilium, allelúia. R. Et florébit  
in ætérnum ante Dóminum,  
allelúia.

Ad Benedictus Añæ. Carnis  
viror, mentis martyrium, mun-  
dum replens linguæ præcóni-  
um, pauper Christi, post  
cursus stádium, vitæ tibi mer-  
cántur præmium, allelúia.

Oratio.

**D**EUS, qui Ecclesiám tuam  
beáti Dominici Confessó-  
ris tui, Patris nostri, illumináre  
dignátus es méritis et doctri-  
nis : concéde ut ejus interces-  
sione, temporálibus non desti-  
tuátur auxiliis, et spirituélibus  
semper proficiat increméntis.  
Per.

Ad Memoriam S. Mariæ Mag-  
dalenæ de Pazzis Virginis.

Oratio.

**D**EUS virginitátis amátor,  
qui beátam Mariam Mag-  
dalénam Virgínem, tuo amóre  
succénsam, cæléstibus donis  
decorásti : da ut quam festiva  
celebritáte venerámur, puritáte  
et caritáte imitémur. Per.

Ad Memoriam S. Urbani Pa-  
pæ et Martyris. Oratio.

**D**EUS : ut qui beáti Urbáni  
Mártyris tui atque Pontificis  
solémnia cólimus, ejus apud  
te intercessiónibus adjuvémur.  
Per.

AD PRETIOSA.

Evangelium.

Secúndum Matthæum. Cap. 5.

**I**n illo témpore : Dixit Jesus  
discipulis suis : Vos estis sal  
terræ. Quod si sal evanúerit,  
in quo salietur? Tu autem  
Dómine.

AD TERTIAM.

Capitulum Quasi stella ma-  
tutína., ut in Laudibus.

† R. R. et V. V. Horarum de  
Communi unius Confessoris,  
pag. 124\*.

AD SEXTAM.

Capitulum. Isaie 59.

**S**PIRITUS meus, qui est in te,  
et verba mea, quæ pòsui in  
ore tuo, non recédent de ore  
tuo, et de ore séminis tui, dicit  
Dóminus, ámodo et usque in  
sempitérnum.

AD NONAM.

Capitulum. Malach. 2.

**L**EX veritátis fuit in ore ejus,  
et iniquitas non est invénta  
in lábiis ejus : in pace et æqui-  
táte ambulávit mecum, et mul-  
tos avértit ab iniquitáte.



## AD II. VESPERAS.

Super Psalmos Añã. Pie Pater Dominice, tuorum memor operum, sta coram summo Iudice pro tuo coetu pauperum, alleluia. Psalmus Dixit Dominus cum ceteris de Communis Confessoris, pag. 76\*.

Capitulum Quasi stella matutina., Hymnus Gaude mater Ecclesia, et V. Ora pro nobis, ut in j. Vesperis, pag. 1181. et pag. 1182.

Ad Magnificat Añã. O Lumen Ecclesiae, Doctor veritatis Rosa patientiae, Ebur castitatis, aquam sapientiae propinasti gratis : Praedicator gratiae nos iunge Beatis, alleluia.

DIE XXVI. MAII.  
S. PHILIPPI NERII  
CONFESSORIS.

TOTUM DUPLEX. Oratio.

**D**EUS, qui beatum Philippum Confessorem tuum Sanctorum tuorum gloria sublimasti : concede propitius ut cujus solemnitate laetamur, ejus virtutum proficiamus exemplo. Per.

## IN NOCTURNO.

De libro Proverbiarum.

Lectio j. Cap. 4.

**A**UDITE filii disciplinam patris, et attendite ut sciatis prudentiam. Donum bonum tribuam vobis, legem meam ne derelinquatis. Nam et ego filius fui patris mei, tenellus, et unigenitus coram matre mea : et docebat me atque dicebat : Suscipiat verba mea cor tuum, custodi praecepta mea, et vives.

## Lectio ij.

**P**HILIPPUS Nerijs pijs honestisque parentibus Florentiae natus, ab ipsa ineunte aetate, non obscura dedit futurae sanctitatis indicia. Adolens, ampla patri hereditate dimissa, Romam se contulit : ubi philosophia ac sacris litteris eruditus, totum se Christo dicavit. Ea fuit abstinentia, ut saepe Jesus triduum permaneret. Vigiliis et orationibus intentus, septem Urbis ecclesias frequenter visitans, apud cimiterium Callisti in caelestium rerum contemplatione pernoctare consuevit. Sacros ex obedientia factus, in animarum salute procuranda totus fuit, et in confessionibus audiendis ad extremum usque diem perseverans, innumeros pene filios Christo peperit : quos verbi Dei quotidiano pabulo, Sacramentorum frequentia, orationis assiduitate aliisque pijs exercitationibus nutriri cupiens, Oratorii Congregationem instituit.

## Lectio iij.

**P**ROPHETIAE dono fuit illis, et in animorum sensibus penetrandis mirifice enituit. Virginitatem perpetuo illibatam servavit : idque ascutus est, ut eos, qui puritatem colerent, ex odore, qui vero secus, ex fetore dignosceret. Absentibus interdum apparuit, iisque periclitantibus opem tulit. Aegrotos plurimos et morti proximos sanitati restituit. Mortuum quoque ad vitam revocavit. Caelestium Spirituum et ipsius Deiparae Virginis frequenter fuit appa-

ritiōne dignātus : ac plurimō-  
rum animas splendore circum-  
fūsas in cælum conscendere  
vidit. Dénique anno Salūtis  
millésimo quingentésimo no-  
nagésimo quinto, octāvo Ka-  
lendas Júnias, in quem diem  
inciderat festum Córporis  
Christi, Sacro máxima spiri-  
tus exultatiōne perácto, cete-  
risque functiōibus explētis,  
post médiā noctem, qua  
prædixerat hora, octogenārius  
obdormívit in Dómino. Quem  
Gregórius Décimus quintus  
miráculis clarum in Sanctórum  
númerum rétulit.

## AD PRETIOSA.

Evangelium.

Secúndum Lucam. Cap. 12.

**I**N illo témpore : Dixit Jesus  
discipulis suis : Sint lumbi  
vestri præcincti, et lucernæ  
ardéntes in má nibus vestris,  
et vos símiles homínibus ex-  
spectántibus dómīnum suum  
quando revertátur a núptiis.  
Tu autem Dómine.

DIE XXVII. MAIL.

BB. PETRI SANZ EPISCOPI  
ET SOCIORUM

MARTYRUM ORD. PRÆD.

DUPLIX.

In utrisque Vesperis et ante  
Laudes V. Ora pro nobis beáte  
Petre cum Sóciis tuis, allelúia.  
R. Ut digni efficiámur promís-  
siōibus Christi, allelúia.

Oratio.

**D**EUS, qui beátos Mártýres  
tuos Petrum Pontificem  
ejúsque Sócios, ad fidem gén-  
tibus prædicándam, parí fir-  
mitáte et caritáte donásti :

præsta, quæsumus, eórum ex-  
émplō et intercessiōe, nos in  
tua fide permanére constán-  
tes. Per.

## IN NOCTURNO.

Lectio j. Existimo. de Com-  
muni plurimorum Martyrum,  
pag. 55\*.

Lectio ij.

**H**ISPANI fidei púgiles Petrus  
Martyr Sanz Episcopus  
Mauricastrénsis, Franciscus  
Serráno Episcopus eléctus Ti-  
pasitánuS, Joánnes Alcober,  
Joachímus Royo et Franciscus  
Díaz, Sacerdótes, inclytæ Fra-  
trum Prædicatórum in ínsulis  
Philippínis provinciæ álumni,  
sæculo décimo octāvo, lucu-  
lentíssimū sánguine suo di-  
víní nóminis glóriæ testimó-  
nium præbuerunt. Fortíssimi  
enim Jesu Christi Athlétæ, reli-  
giónis provehéndæ incénsi  
stúdio, votique cómpotes effé-  
cti, divérsis licet annis, in Si-  
nas se cóferunt. Nullisque ibi  
curis, nullis parcéntes labóri-  
bus, intérea tamen legum sui  
Ordinis tenacíssimi, alacritáte  
summa, apostolátus múnere  
fungúntur; complúres, in urbe  
Fo-gan, veræ doctrinæ aures  
præbéntes piacularibus aquis  
ábluunt, sollertique indústria  
fidélibus, ac præcipue ægrótiS,  
religiónis subsidia áfferunt :  
ante omnes venerábiliS Dei  
fámulus Petrus Martyr, qui  
Missiōnis totius régimen, sibi  
ab Apostólica Sede commis-  
sum, egrégia prudéntiæ con-  
siliique laude moderátur. At  
strénuos milites suos Christus  
ad potióra vocábat. Anno  
enim millésimo septingenté-  
simo quadragésimo sexto,

acrior adversus fideles tempestas oboritur. In satellites primus incidit beatus Joannes Alcober, postrumus beatus Joachimus Royo : qui cum diu delitisset, consilio tandem Episcopi Mauricastrensis jam in vincula conjecti, ultro se tortoribus obtulit, ne saevior in Christianos furor infidelium evaderet.

### Lectio iij.

**M**ox ad urbem Fo-cheu longo itinere ac fame prorsus enecti, catenis restricti deducuntur : ibique pluries ad tribunal adducti, pluries diris cruciatibus in quaestionem vocati, confessionem fidei magno invictoque animo iterant; et qui ad eos invisendos accederent, ceterosque captivos et satellites ipsos ad verae religionis professionem flexanimis verbis hortantur, donec anno fere elapso, sententia pronuntiatur, qua Petrus Sanz capite illico plectatur : ceteri vero, morte multandi, in carceribus decretum exspectent. Confirmata ab imperatore sententia, Petrus Episcopus, brachiis post tergum vinctis, e carcere ad supplicii locum septimo Kalendas junias adductus, coeptas preces absolvit, lictorem ut cito munus suum expleat monet, ultro cervicem securi praebet. Quatuor alii superstites Dei famuli novum in custodiis decretum erecto animo ac flecti necio exspectant, Deumque jugiter obsecrant ne desiderata martyrii palma priventur : cum interea Franciscus Serrano acceptis Litteris Apostolicis

Episcopus Tipasitanus et Coadjutor Petri Martyris Sanz Vicariatus Apostolico Fo-Kiensis regendo renuntiatur. Sed ad gloriosum pastoralium laborum finem Viri magnanimi properant. Dum enim in vulgus jam manat rumor, ab imperatore capitis poenam in exsilium commutandam, prorex, ferali christianum in nomen odio accensus, inito cum civitatis ac provinciae procerebus consilio, Servos Dei in carceribus clam enecandos edicit. Intempesta igitur nocte diri satellites in Beatorum cellas irrumpunt, ac primum Franciscum Serrano et Joachimum Royo, qui venientes comiter exceperant, oclusis faucibus interimunt; postea Francisco Diaz et Joanni Alcober intortis collo funibus spiritum elidunt. Ad istorum Martyrum laudem luculenter asserendam plura accesserunt caelestia signa : quorum veritate perspecta, Leo Tertius decimus Pontifex Maximus, ex Sacrae Rituum Congregationis consulo, interitos Evangelii praedicones, quarto decimo Kalendas Maias, anno millesimo octingentesimo nonagesimo tertio, in Beatorum numerum retulit.

### AD PRETIOSA.

#### Evangelium.

Secundum Joannem. Cap. 15.

**I**n illo tempore : Dixit Jesus discipulis suis : Ego sum vitis, vos palmites : qui manet in me, et ego in eo, hic fert fructum multum : quia sine me nihil potestis facere. Tu autem Domine.



DIE XXVIII. MAIL.

B. MARIE BARTHOLOMÆÆ  
VIRG. ORD. PRÆD.

DUPLEX.

Oratio.

**A**MATOR animarum Deus, qui in beata Maria Bartholomæa Virgine tua miram ægritudinum tolerantiam paricum innocentia sociasti: concede ut qui ex merito nostræ actionis affligimur, tuæ gratiæ consolatione respiramus. Per.

IN NOCTURNO.

De Canticis Canticorum.

Lectio j. Cap. 3.

**I**n léculo meo per noctes quæsiui quem diligit anima mea: quæsiui illum, et non invéni. Surgam, et circuibo civitatem: per vicos et platéas quæram quem diligit anima mea: quæsiui illum, et non invéni. Invenérunt me vigiles, qui custodiunt civitatem. Num quem diligit anima mea, vidistis? Páululum cum pertransissem eos, invéni quem diligit anima mea. Ténui eum: nec dimittam, donec introducam illum in domum matris meæ, et in cubiculum genitricis meæ.

Lectio ij.

**M**ARIA Bartholomæa, nobili Bagnesiórum stirpe Floréntiæ nata, Virginum Sponsi amore prævénta, sacro ejus thálamo inter ipsa vocis primórdia se pródidit deputatam. De ineúndis enim cum Jesu núptiis tanto devóti animi sensu loquebátur, ut si quis Puéllulæ eam spem desperatam credere simuláret, uberrimis ipsa lácrimis anxie difflúeret. Postquam matri moriénti hortátrix efficacíssima ástitit, domus curam præcócí

prudéntia ímpigre gessit, piis æque officiis precibúque inténta, et de religiósó ínterim statu cógitans. A patre mónita ut terréno connúbio consentiret, totis repénite ártibus contrémuit válda háctenus et præcláre formæ adolescéntula: ac factó morbórum véluti ágmine, febri, membrórum disténsiône propriis singulárum pártium dolóribus, una sæpe aut per vices occurréntibus, ita ad annos ferme quadraginta quinque excruciáta fuit, ut zelótes Virginum Sponsus intentándam deinde ejus fidem perénni visus sit martyrio consecrásse. In léculo igitur dolóris per dies noctésque quæsiuit illa Diléctum. Is vero, qui líliis delectátur et myrrhá. Sponsæ non defuit, quam invicta paténtia laborántem, larvis quoque dæmonum térritam, et hóminum dictériis onerátam, suis refécit ineffabilibus gáudiis: cui et mentem a supernórum contemplatióne inter mortáles angústias indivúlsum raro múnere tribuit. Diu expetito Sorórum de Pœniténtia sancti Dominici hábitu, trigésimo tértio ætátis anno, donáta, eumdémque Ordinem post tironínium professa, brévibus recreáta est indúciis martyrii sui, ut casti amóris víctima Religiónis amíctu palam redímíta prodíret ad ædes sacras, sui máxime Ordinis.

Lectio iij.

**S**TATIM autem morbis gravata prióribus, et donis potióribus aucta, e lecto solabátur afflíctos, infirma sanábatur ægros, subsidio erat egénis:

dissidentes paci, virtuti errantes Deoque reddēbat. Arcana cernens, futura prædicens, voce ac scripto caritatis igniculos cordibus inserēbat. Sui laudes horrēbat, obsēquia vitābat, celābat extases, seque amarissimi cālisis facibus vere dignam commiserantibus prædicābat. Immundæ labis ignāra prorsus, et lethālis culpæ adeo expers, ut vel ipso peccati nōmine stratum et cubiculum decumbentis frēmitu quateretur : adhibitis tamen poenarum instrumentis, ac vix cessante jejūnio, afflictionem afflicto corpore iūgiter addēbat. Sacram etiā expiationis Hōstiam coram se domi offerri sātāgens, quod ei ex privilegio licēbat, Eucharistiam plerūque, confessionē præmissa, æstuānti desiderio sumēbat. Pulchræ dilectionis Matrem Mariam præcipuo semper affēctu prōsequens, et Sanctōrum cultui atque imitationi incūbens, Senēsis cum primis Catharinæ patientiam, obediētiā, virtutes cēteras pie æmulāta, jam octies infirmorum sancto oleo inuncta, Dominica Passiōne perlēcta, consummato ægritudinum martyrio, repōsitā sibi in cælis justitiæ coronam accēpit, quinto Kalēdas Jūnii anno millésimo quingentésimo septuagésimo séptimo. Corpus Virginis, sicut frater Timotheus sanctæ Catharinæ de Ricciis germānus, cœnobii sanctæ Mariæ Novellæ Præses, rogānti ante concesserat, ad sanctæ Mariæ Angelōrum sanctimoniāles Carmelitas Mariæ Bartholomææ carissimas,

frequēti pōpulo plaudēte, Fratrum Prædicatōrum gestiētibz hūmeris delātum est : in quarum cœnobio non intermissa veneratiōe cōlitur, et integrum adhuc a viris principibus, Ecclesiæque Præsūlibus osculo, mūnere et devōto obsēquio donātum, præsens ægris remēdium habetur : testimōnio præsertim sanctæ Mariæ Magdalēnæ de Pazzi, quæ, visitādi sacri corporis voto facto, ab imminēti tabe repēnte sanāta, Mariæ Bartholomææ animam Christi throno recēptam vidit, et seraphicæ Catharinæ parem, summeque potētem ac beatissimā prædicāvit, et in militānti Ecclesiā sublimius tandem exaltādam. Quod Pius Séptimus Pōntifex Māximus pie ac benigne præstans, de beatā Mariā Bartholomææ recitādi Officii et Missæ anniversārio ejus dormitiōnis die celebrāndæ Prædicatōrum Ordini et Florentino utrīque Clero fecit potestātem.

## AD PRETIOSA.

## Evangelium.

Secūndum Matthæum. Cap. 25.

**I**n illo tēpore : Dixit Jesus discipulis suis parabolam hanc : Simile erit regnum cælōrum decem virginibus : quæ accipiētes lāmpades suas exierunt obviam sponso et sponsæ. Tu autem Dōmine.

DIE XXIX. MAII.  
 BB. GUILLELMI ORD. PRÆD.  
 ET SOCIORUM MARTYRUM.  
 DUPLEX.

In utrisque Vesperis et ante  
 Laudes V. Ora pro nobis beate

Guillélme cum Sôciis tuis, alle-  
luia. R. Ut digni efficiámur  
promissionibus Christi, alle-  
luia. Oratio.

**D**EUS, pro cuius amore ac  
fidei tuendæ zelo beati  
Guillélmus et Sôcii gládiis im-  
piórum occubuere : præsta,  
quæsumus, ut eórum suffrágiis  
in fide stábiles, te semper ex  
ánimo diligámus. Per.

### IN NOCTURNO.

Lectio j. Existimo. de Com-  
muni plurimorum Martyrum,  
pag. 55\*.

#### Lectio ij.

**Q**UO témpore Tolosána dice-  
cêsis letifera labe Albigén-  
sium inficiebátur, immortalis  
memóriæ Póntifex Gregórius  
Nonus Christifidélium salúti  
prospiciens, Inquisitóres illuc  
misit lectíssimos viros tum ex  
Prædicatórum, tum ex Minó-  
rum Ordine. Ex primis erant  
Guillélmus Arnáldi, ejusque  
Sôcii Bernárdus de Rupe Forti  
et Gárcias de Aura : ex áliis  
vero Stéphanus de Narbóna  
et Raymúndus de Carbonériis.  
Hisce et caritaté et múnere sex  
álii adjungebántur, nimirum  
Prior monastérii ex Ordine  
sancti Benedicti in óppido Aven-  
nionéti, Mónachus Clusinus  
nuncupátus, Raymúndus Tolo-  
sánæ Ecclesiæ Archidiáconus,  
Bernárdus ejusdem Cléricus,  
Fortanérius et Ademárus ítem  
Clérici, qui nuntiórum munus  
explebant, láicus demum ta-  
béllio Petri nómine. Hosce ún-  
decim, una fidei et múnemis  
societátē conjúctos, pari glóri-  
æ triúmphí immortalisque  
vitæ Deus reservávit.

#### Lectio iij.

**N**AM cum eo, quo par erat,  
a Pontífice Inquisitóres suo  
múnere fungeréntur, Albigén-  
sium ira et livor aspérius de-  
sæviit. Raymúndus ab Alfaro  
vir scelestissimus et Albigén-  
sium doctrinis imbútus, qui  
nómine Tolosáni Cómitis óp-  
pido Avenionéti præfêctus  
erat, quod óppidum a civitaté  
Tolósæ non longe distat, In-  
quisitóres eorúmque Sócios in  
ædes dynástæ arcessívit. In-  
gens patébat aula juri dicéndo  
comparáta. Eo cum ingrèssi  
essent Inquisitóres, eorúmque  
cómites supramemoráti, e late-  
bris dispósi satéllites erúm-  
punt. Adoriúntur illos, non  
solum inermes, sed ultro ala-  
critérque mori parátos. Nulli  
igitur exaudíti gémitus aut  
ejulátus morientium, sed læta  
cántica ex occumbéntium ore  
personábant, cum Ambrosiá-  
num Hymnum canéntes, voce  
concordí grátias ætérno Deo  
persólverent. Cántigit autem  
eorum beáta mors anno Dó-  
mini millésimo ducentésimo  
quadragésimo secúndo, quarto  
Kaléndas Júnii, nocte vidéli-  
cet Ascensiónis Dómini nostri  
Jesu Christi.

### AD PRETIOSA.

#### Evangelium.

Secúndum Joánnem. Cap. 15.

**I**N illo témpore : Dixit Jesus  
discípulis suis : Ego sum  
vitis, vos pálmities : qui manet  
in me, et ego in eo, hic fert  
fructum multum : quia sine  
me nihil potéstis fácere. Tu  
autem Dómine.



DIE XXXI. MAII.

B. JACOBI SALOMONII

CONF. ORD. PRÆD.

DUPLEX.

Oratio.

**D**EUS, qui nos beāti Jacōbi Confessōris tui ānnua solēnnitatē lætīfīcas : concēde propitius ut cujus natalītia cōlīmus, etiā actiōnes imitēmur. Per.

In j. Vesperis et Laudibus Memoria S. Petronillæ Virginis.

Oratio.

**E**XAUDI nos Deus salutāris noster : ut sicut de beatæ Petronillæ Virginis tuæ festivitātē gaudēmus, ita piæ devotiōnis erudiāmur affēctu. Per.

IN NOCTURNO.

De Epistola beāti Pauli Apōstoli ad Romānos.

Lectio j.

Cap. 10.

**F**INIS Legis Christus, ad justitiam omni credenti. Mōyses enim scripsit, quōniam justitiam, quæ ex Lege est, qui fecerit homo, vivet in ea. Quæ autem ex fide est justitia, sic dicit : Ne dixeris in corde tuo : Quis ascēdet in cælum? id est, Christum dedūcere : Aut quis descēdet in abyssum? hoc est, Christum a mōrtuis revocāre. Sed quid dicit Scriptūra? Prope est verbum in ore tuo, et in corde tuo : hoc est verbum fidei, quod prædicāmus.

Lectio ij.

**J**ACOBUS Salomōnius Vēnetus, nobilissima familia natus, in ipso ineūntis ætātis flore parēntibus orbātus, sub aviæ disciplina mirfīcos in

litteris ac pietate progressus fecit. Evangēlico accēpto consilio ut nudus nudum Christum sequeretur, patrimonio in pāuperes distributo, Prædicatōrum Ordinem elēgit : in quo sexaginta sex annis sanctissime vixit, sola contemplatiōe voluptātis, contentiōe virtūtis, ad sancti Patris Domīnici exēmplar totum in sese exprimēdum aspirans.

Lectio iij.

**S**UI obitus diem divina revelatiōe prædixit : qua adveniēte, illico ex ulcere, quo pectus ejus graviter affligebatur, ita convāluit, ut ne exitum quidem ejus vestigium in eo amplius appareret. Ecclesiasticis deinde Sacramētis munitus, dum una cum ceteris Frātribus, altērnis vicibus, defixis in cælum luminibus, Deo psalleret, ex corporeis vinculis lætissimus animus ad sūperos evolāvit, anno Salūtis millésimo trecentésimo quarto décimo, ætātis suæ octogésimo tértio. Trīduo corpus ejus ob adveniēntis pōpuli concūsum, inhumātum, mirfīcum odōrem spirāvit, piis fideliū mānibus Beāti vēstium particulas decerpēntibus.

AD PRETIOSA.

Evangelium.

Secūndum Lucam. Cap. 12.

**I**n illo tēpore : Dixit Jesus discipulis suis : Sint lumbi vestri præcincti, et lucernæ ardētes in mānibus vestris, et vos similes hominibus expectāntibus dōminum suum quando revertat a nūptiis. Tu autem Dōmine.

DIE I. JUNII.  
BB. ALPHONSI NAVARRETE  
ORD. PRÆD. ET SOCIORUM  
MARTYRUM.  
DUPLEX.

In utrisque Vesperis et ante Laudes  $\Psi$ . Ora pro nobis beâte Alphônse cum Sôciis tuis, allelûia.  $\Re$ . Ut digni efficiâmur promissionibus Christi, allelûia.

Oratio.

**D**EUS, qui nos Beatôrum tuôrum Alphônsi et Sociôrum ejus triûmpho lætificas : da nobis, quæsumus, eôrum mériis et intercessiône, eâdem in fide constântiam, et in ôpere effîcîam. Per.

IN NOCTURNO.

Lectio j. Existimo. de Comuni plurimorum Martyrum, pag. 55\*.

Lectio ij.

**T**OT inter Mártyres, quos provincia sanctissimi Rosárii in insulis Philippinis ab initio suæ institutionis ad nostra usque témpora Ordini Prædicatórum et cælo prótulit, primum mérito locum obtinet invictum illud Virôrum apostolicórum agmen, qui, sæculo décimo séptimo ineunte, in Japónia fuso sânguine de christiáni nóminis hóstibus triumpháru(n)t. Horum dux éminet Alphónsus Navarréte, qui cum sacram Missiônem moderaré(ri)t, ingravescénte persecutiône, videns Vómuræ res Christianórum in detérius agi, státuit semetípsum hóstiam offérre, ut non tam verbis quam re ipsa ac morte sua fidélium ánimos erigeret. Coláti itaque consiliis una cum

Ferdinándó a sancto Josépho ex Ordine sancti Augustini, imploratáque divína ope, ambo suórum Ordinum indúti véstibus, illuc palam adeúntes, dum religiónis nostræ mystéria prædicant et Sacraménta administrant, ab infidélibus capti et cápíte mulctáti, palmam martyrii eo vel magis gloriósam meruére, quod eórum exémplo excitáti ceteri, qui prius tímidi hæserant, non ámplius dubitáru(n)t suam fidem manifesté profitéri et próprio sânguine obsignáre. Navarrétum in agónem secúti sunt ex eâdem provincia úndecim álîi, quorum álîqui a plúribus annis in Japóniam vénerant, et christiánæ institutionis fundaménta posúerant, uti Franciscus Moráles ómnium primus, Alphónsus de Mena, Thomas Zumarrága, Hyacínthus Orfanel et Joseph a sancto Hyacíntho; nec non álîi, qui in ipso persecutiónis æstu laborántibus Frátribus opitularé(ri)tur, uti Angelus Orsúcci, Joánnes a sancto Dominico, Ludovicus Flores. Quibus deinde successérunt plures álîi, quos inter Petrus Vasquez, Ludovicus Bertrándus, sancti Ludovici Bertrándi nepos ac Dominicus Castellet, viri omni-gena virtúte præditi, in oratione assídui, zelum domus Dei habéntes : quibus nil optátius quam per martyrium Christo crucifixo cónformes fieri. Incredibile dictu quot difficultátes et ærúmnas in illa plantánda ac excolénda vínea passi sint. Indicta enim superiori labénte sæculo a Taicoxáma persecútió nunquam

plene cessáverat. Xongusáma vero, patérnam immanitátem longe prætergréssus, legem tulit ut omne in suo regno cristiánæ religiõis vestigiũ abolerétur, sacerdõtes religiõisq̃e omnes, indicta extrémĩ supplicii pœna, exsulárent, et si quæ eos domus recepisset, delerétur.

## Lectio iij.

**I**NDE Servi Dei, ne fidélium necessitatibus deéssent, adigebántur diu noctúque inter máxima versári pericula, hac illac errántes, in fame et nuditatẽ, in plagis supra modum, et in mórtibus frequénter. Sed ea caritatẽ acti, quæ novit fácere de tentatiõe provéntum, copiósum ádeo fructum in hórrea Dómini congestérunt, ut in passiõe sócios habúerint ex vernáculis centum circiter ad nostrum Ordinem pertinéntes : novem nimirum clericórum conversórumve hábitu indútos, atque Institutum ipsum professos, quibus in tradénda catéchesi, vel Sacraméntis administrándis, adjutóribus usi fúerant; ceterósque Tértii Ordinis, una cum eórum filiis, nec non confrátres in Rosárii societátem adscitos, quorum plerique erant régio ságuine prognáti, qui avitæ nobilitáti Crucis humilitátem præferéntes, pro summo ducébant honóre fidei magistris, vel catechistárum múnia, vel quódpiam áliud cristiánæ caritatís officium impléntes, sédulo deservíre. Passi sunt inclyti Dei Mártýres partim Nangasáchi et partim Vómuræ, et una cum illis plures álii Japonénses utriúsque sexus,

cujúsque conditiõis ac ætátis Christifidéles, quos inter púeri ac puellæ quátuor et trium étiam annórum recenséntur. Huic exsultánti Mártýrum cohórti præibant álii viginti novem Viri apostólici ex Ordínibus sancti Francísci, Eremitárum sancti Augustini, et Societátis Jesu. Stetérunt itaque fortes Athlétæ Christi, et suis tortóribus inexpugnábilem fidem opposuérunt. Pèrperam tyránnicus furor exquisitíssima quæque torménta in eos adhibuit, quæ meminisse ánimus, nedum enarráre, reformidat. Aliis enim in crucem actis transverberátum ferro latus fuit; álii invérso cápite cruce affixi; plures foedissime dilaniáti ac membrátim cæsi; plerique lento igne combústi; non pauci sulphúreis vel gélidis demérsi aquis mortem obiérunt pœnárum diuturnitatẽ acerbissimam; álii dénique fame, siti, verbéribus et squálóre cárceris afflictĩ, enécti mortálem hanc vitam cum immortáli ac beáta commutá-runt. Tantam vero suppliciórum atrocitátem ánimò sic erécto atque álacri perpéssi sunt, ut priscórum Ecclesiæ Mártýrum robur ac firmitátem plane retúlerint. Mérito igitur Pius Nonus Póntifex Máximus tantam demirátus virtutem, causam hanc, quam felicis memóriæ Benedictus Décimus quartus celeberrimam vocáverat, ex sacrae Rituum Congregatiõis consúlto feliciter absolvit, atque inclytos Christi Mártýres número biscentum et quinque, quorum plusquam dimidia pars ad



Ordinem Prædicatōrum attinebat, die septima Jūlii anni millesimi octingentesimi sexagesimi septimi, a martyrio beāti Petri Apóstoli sæculo décimo octavo, solèmnī decrēto Beatorum albo accénsuit, facta quatuor memorátis Ordinibus Officiū et Missam in eorum honorem recitandi potestáte.

## AD PRETIOSA.

## Evangelium.

Secundum Joánnem. Cap. 15.

**I**n illo tēpore : Dixit Jesus discipulis suis : Ego sum vitis, vos palmītes : qui manet in me, et ego in eo, hic fert fructum multum : quia sine me nihil potéstis facere. Tu autem Dómine.

## DIE II. JUNII.

BB. SADOE ET SOCIORUM  
MARTYRUM ORD. PRÆD.

## DUPLEX.

In utrisque Vesperis et ante Laudes V. Ora pro nobis beáte Sadoc cum Sociis tuis, allelúia. R. Ut digni efficiámur promissionibus Christi, allelúia.

## Oratio.

**O**STENDAT te nobis Dómine Jesu, post hoc exsiliū, clemens et pia Virgo María Mater tua : quam beāti Sadocus et Socii inter hostiles infidelium impetus incessánti voce salutántes, præoptátam martyrii palmam a te recipere meruerunt. Qui vivis.

In j. Vesperis et Laudibus Memoria SS. Marcellini et Petri Martyrum. Oratio.

**D**EUS, qui nos ánnua beatorum Mátyrum tuorum Marcellini et Petri solemnitate

lætificas : præsta, quæsumus, ut quorum gaudémus méritis provocémur exémpis. Per.

## IN NOCTURNO.

De libro Apocalypsis  
beāti Joánnis Apóstoli.

Lectio j. Cap. 11. et cap. 12.

**A**PERTUM est templum Dei in cælo : et visa est arca testaménti ejus in templo ejus, et facta sunt fúlgura, et voces, et terræ motus, et grando magna. Et signum magnum apparuit in cælo : Mulier amicta sole, et luna sub pēdibus ejus, et in cápite ejus coroná stellarum duódecim : et in útero habens, clamábat partúriens, et cruciabátur ut pariat.

(Ex actis sinc. et prob. auct.)

## Lectio ij.

**C**UM sanctissimus Pater Dominicus, comítiis Bononiæ secundo celebrátis, satóres fidei et sui Ordinis propagatóres in várias orbis partes dirigeret, beátus Sadoc, adhuc júvenis, vir tamen máximæ perfectionis, in Pannóniam cum sociis missus est. Patris benedictione percépta, duce Paulo Húngaro Cumanorum apóstolo et provinciae ejusdem Ordinis in Hungária fundatore, egréssi præcones fidei, in ipso itinere alios ad vitæ evangélicæ tirocinia aggregárant. Sadoc autem, divinis præstans munéribus, noctu vidit dæmones crescéntis familiaræ sanctitate turbátos, ac de animarum ad Christum conversióne prævisa cum ejulatu doléntes audívit. Qua re in fidei propagatiónem vitiorumque reprehensionem alácrius

incensus, viam indefessus currat mandatorum Institutōis sui : et nullis territus periculis vel ærumnis, Evangēlii sparsit respersitve sēmina in Hungarōrum vicinorūmq̃ue terris, quæ in id sibi fuerant demandatæ. Sandomiriæ dehinc in Polōnia regēdis Fratribus admōtus, a verbi tamen ministērio minime cessans, disciplinīs eos regulāribus, prout a sancto Præceptōre audierat, sēdulo instituit, exemplisque salutāribus pavit.

Lectio iij.

**H**IS pie immorans Vir beatus, ab immānissimis Tartaris fidei odio percitis trucidatur cum Sociis octo et quadraginta, qui sanctorum Patrum, Hyacinthi presertim non ante triennium humanis rebus exempti, vestigiis instabant. Prædie autem, ut traditum est, suis intentos laudibus præmonuerat Deus, aureis in Martyrologio apparentibus litteris, futuri certaminis victoriaeque prænuntiis. Tam insueta lectione stupentes, ad gloriosam pro Christo mortem hortatur devotissimus Præses, Sacrisque expiatis martyrii sic cupidos cernit, ut venientis diei moras unice non amarent. Dum tandem Misericordiæ Matrem, more Ordinis, rite salutarent, irruentium impiorum fratreis interempti, quod sollemniter in sancti Jacobi templo coeperant, canticum læti perficere meruerunt ante sedem Dei et Agni, cuius fuerunt sanguine dealbati.

AD PRETIOSA.

Evangeliū Ego sum vitis, vos palmites, ut hēri, pag. 1195.

DIE IV. JUNII.  
IN TRANSLATIONE S. PETRI  
MART. ORD. PRÆD.  
TOTUM DUPLEX.

AD I. VESPERAS.

Super Psalmos Añā. Collatetur turba fidelium triumphantis Athletæ gaudio, qui conservans pudoris liliū et coruscans doctrinæ radio, dum pro fide subit martyrium, trino felix potitur bravio, alleluia. Psalmus Laudatæ pueri. cum ceteris, pag. 145.

Capitulum. Jac. 1.

**B**EATUS vir, qui suffert tentationem : quoniam, cum probatus fuerit, accipiet coronam vitæ, quam repromisit Deus diligentibus se.

℞. Dum Samsōnis vulpes quærit, ab iniquis cæditur : caput sacrum lictor ferit, justis sanguis funditur : \* Sic triumpho palmam gerit, dum pro fide moritur. Alleluia. ℣. Stat invictus pugil fortis : constans profert hora mortis fidem, pro qua patitur. — Sic triumpho. Glória. Alleluia.

Hymnus.

**M**AGNÆ dies lætitiæ  
Nobis illuxit cælestis :  
Petrus ad thronum gloriæ  
Martyr pervenit inclytus.

PUER in fide clauit,  
Parantum carens nebula :  
Deo servire studeit  
Sub paupertatis régula.

CARNEM afflixit iugiter  
In labore multiplici,  
Viam sequens humiliter  
Patris sui Domīnici.

VITA, mors, signa varia,  
Cælum frequenti lumine,  
Dant Petro testimonia  
De sanctitatis cúlmine.

Tu esto nostrum gaudium,  
Qui es futurus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sidera,  
Cum Patre et sancto Spiritu,  
In sempiterna sæcula. Amen.

℟. Ora pro nobis beáte Petre,  
allelúia. ℞. Ut digni efficiámur  
promissionibus Christi, allelúia.

Ad Magnificat Aña. O Petre  
Martyr inclyte, Prædicatórum  
glória, virginitate prædite,  
verbo, signis et grátia, con-  
cessa nobis sólitæ pietátis cle-  
méntia, transácto mundi trá-  
mite, nos transfer ad cæléstia,  
allelúia.

Oratio.

**P**RÆSTA, quæsumus omnípo-  
tens Deus : ut beáti Petri  
Martyris tui fidem cógrua  
devotióne sectémur, qui pro  
ejusdem fidei dilatatióne mar-  
tyrii palmam méruit obtinére.  
Per.

#### AD MATUTINUM.

Invitorium. Cæléstis exer-  
citus Regem adorémus : \* Et  
pro palma Militis ejus jubilé-  
mus, allelúia.

Hymnus.

**A**DEST triúmpus nóbilis  
Festúmque cæli cúriæ,  
Quo rosa delectábilis  
Offértur Regi glóriæ.

PETRUS, flos pulchritúdinis  
Et virtútum sacrárium,  
Nullum mortális criminis  
Sensit unquam contágium.

ROBORARE cum nítitur  
Fidem verbi præcónio,  
Pro fide tandem cæditur  
Hæreticórum gládio.

DUM sic in petra fidei  
Petri tenet vestigia,  
Ad Petram Christum próvehi  
Merétur cum victória.

Duæ ultimæ Strophæ Tu  
esto. et Glória tibi., ut in  
j. Vesperis.

#### IN NOCTURNO.

Aña. De fumo lumen óratur,  
et rosæ flos de séntibus : Do-  
ctor et Martyr nascitur Petrus  
de infidélibus, allelúia. Psalmi  
ex j. Nocturno de Comuni  
unius Martyris, pag. 39\*.

Aña. Prædicatórum Ordinis  
militans in ácie, nunc conjún-  
ctus est ágmini cæléstis mili-  
tiæ, allelúia.

Aña. Mens fuit angélica, lin-  
gua fructuósa, vita apostó-  
lica, mors quam pretiósá ! Al-  
lelúia.

℟. Glória et honóre coronásti  
eum Dómine, allelúia. ℞. Et  
constituisti eum super ópera  
manuum tuarum, allelúia.

De Epistola secúnda beáti  
Pauli Apóstoli ad Timótheum.

Lectio j.

Cap. 3.

**T**U autem assecútus es meam  
doctrinam, institutiónem,  
propósitum, fidem, longani-  
mitatem, dilectiόnem, patiē-  
tiam, persecutiόnes, passiό-  
nes : quália mihi facta sunt  
Antiochiæ, Iconii, et Lystris :  
quales persecutiόnes sustinui,  
et ex ómnibus eripuit me Dó-  
minus. Et omnes qui pie vo-  
lunt vivere in Christo Jesu,  
persecutiόnem patiéntur. Mali  
autem hómines, et seductóres  
proficient in pejus, errántes, et  
in errórem mitténtes. Tu vero  
pérmane in iis, quæ didicisti,  
et crédita sunt tibi : sciens a  
quo didiceris : et quia ab in-  
fántia sacras litéras nosti,  
quæ te possunt instruíre ad  
salútem, per fidem, quæ est in  
Christo Jesu.



R. j. O Petre, sidus áureum, summi vas honoris, candórem servans niveum dono Creatóris, \* Decus habes virgineum in supérnis choris, allelúia. V. Tu spéculum munditiæ, tu custos innocentíæ, tu sancti flos pudóris. — Decus habes virgineum.

Lectio ij.

**S**ANCTUS Petrus Martyr, fervens amátor fidei, ejusdemque præcipuus cultor et propagátor, cum de civitatē Coménsi pro exsequenda Inquisitione contra hæreticos, sibi ab Apostólica Sede commissá, Mediólánum pérgeret, ab ipsis hæreticis, sicut in pública prædicatione prædixerat, iterátis mucronis ictibus interféctus est. Corpus ejus vulneribus confóssum, postridie Mediólánum translátum, et in templo sancti Eustórgii húmili loco cónditum, multis cœpit coruscáre miraculis : quibus permóta magna hæreticórum multitúdo, ad ipsius lucem fidei de sui erróris núbilo convérsa est. Propterea, non adhuc elapsedo anno ab ejus martyrio, Innocéntius Quartus gloriósum Christi Athlétam sanctórum Mártyrum catálogo adscripsit Perúsii, anno millésimo ducentésimo quinquagésimo tertio. Post solémnem invicti Mártyris canonizationem, ejus sacrum corpus e prióri loco edúctum, atque incorruptum invéntum, per íntegrum diem venerationi confluentium fuit expósitum : subinde astánte Archiepiscopo Mediolanénsi, in arcám marmóream honorífice translátum.

R. ij. Prædicátor férvidus,

fidei zelátor, circuit intrépídus hæresum damnátor : vitiorum rígídis semper expugnátor, \* Veritátis lúcidus doctor et amátor, allelúia. V. Verbo, vita prædicat, signis crebris émicat legis æmulus. — Veritátis lúcidus.

Lectio iij.

**C**RESCENTE autem in dies prodigiórum número et populórum devotióne, solémnior facta fuit sacrárum exuviárum translátio. Anno síquidem millésimo trecentésimo quadragésimo, quo témpore, sub Magistro generáli Ordinis fratre Hugóne, in convéntu sancti Eustórgii celebrabántur comitia generália, Joánnes Vicedómes, Medióláni Archiepiscopopus et dóminus, univérso Ordinis Prædicatórum capitulo et omni pópulo Mediolanénsi inspectántibus, sacrum corpus in nova arca, ex alabastrite lápide áffabre extrúcta, summa religióne cóndidit. Caput autem, e corpore divisum et similiter incorruptum, in pretiósá theca, argénto et auro perfúlgida, fuit collocátum. Constrúcto in honórem sancti Mártyris altári, solémnis facta fuit ad illud sacri cápitis translátio, anno millésimo sexcentésimo quinquagésimo primo. Nobilius póstmodum exornáto templo, ut una cum cápite sacrum corpus eódem loco indivídua veneratione colerétur, anno millésimo septingentésimo trigésimo sexto ídem sacrum corpus, prius recógnitum, et adhuc post quátuor sæcula, potíssimum a pectóre deórsum cum ventre usque ad plantas pedum, incorruptum et palpá-

bile mirabiliter repertum, ad præfatum altare, elegantius instauratum, religiose translatum est. Deinde sacrum caput itidem incorruptum, ac in novam thecam splendidiore forma compositam illatum, amplissima præmissa per urbem supplicatione, cum delatione ejusdem sacri capitis, magna solemnitate et devotione, plaudentibus omnibus, in eodem altari repositum est, die vigesima nona Aprilis anno millesimo septingentesimo trigésimo nono. Ut autem perennis harum translationum memoria subsistat, et populorum devotio erga sanctum Martyrem pro impetrando ejus patrocinio magis augeatur, Benedictus Papa Decimus quartus Officium Translationis ejusdem sancti Petri Martyris, in universo Prædicatorum Ordine, die quarta Junii in posterum celebrandum benigne concessit.

R. iij. Dum Samsónis vulpes quærit, ab iniquis cæditur : caput sacrum lictor ferit, justi sanguis funditur : \* Sic triumphi palmam gerit, dum pro fide moritur, Allelúia. ℟. Stat invictus pugil fortis : constans profert hora mortis fidem, pro qua patitur. — Sic triumphi. Glória. Allelúia.

Ante Laudes ℟. Ora pro nobis beate Petre, allelúia. R. Ut digni efficiamur promissionibus Christi, allelúia.

## AD LAUDES

ET PER HORAS ANTIPHONÆ.

1. Petrus novus incolæ cælos laureatus ascendit, auréola triplici dotatus, allelúia. Psalmus

Dóminus regnavit. cum ceteris, pag. 17.

2. Turbæ currunt languentium, signa coruscant varia, et in Petri præconium crebra crescunt prodigia, allelúia.

3. Bolus digne suffocat guttur detrahentis : sed mox ipsum revocat votum pœnitentis, allelúia.

4. Motu, sensu corporis juvenis privatur : tactu sacri pulveris vitæ restauratur, allelúia.

5. Ad sancti Petri tumulum frequens lux descendit : in cuius laudis titulum lampades accendit, allelúia.

Capitulum.

Jac. 1.

**B**EATUS vir, qui suffert tentationem : quoniam, cum probatus fuerit, accipiet coronam vitæ, quam repromisit Deus diligentibus se.

Hymnus.

**E**XSULTET claro sidere  
Fulgens mater Ecclesiæ :  
Petrus Martyr in æthere  
Nova profudit gaudia.

PAUPER, pudicus, humilis,  
Christo se totum dedit :  
In lege Dei docilis,  
Verbis, exemplis prædicat.

TRIUMPHAT per martyrium  
Christi fortis in acie :  
Conservans semper lilium  
Virginális munditiæ.

LUX cæli, vitæ meritum,  
Cum signorum frequentia,  
Petri commendant exitum  
Et prædicant magnalia.

Tu esto nostrum gaudium,  
Qui es futurus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sidera,  
Cum Patre et sancto Spiritu,  
In sempiterna sæcula. Amen.

¶. Coróna áurea super caput ejus, allelúia. R. Exprésa signo sanctitátis, allelúia.

Ad Benedictus Aña. Summa pollens Petrus munditia et præfulgens doctrinæ grátia, martyrii clarus victória, trinæ fulget coronæ glória, allelúia.

Oratio.

**P**RÆSTA, quæsumus omnipotens Deus : ut beáti Petri Mátyris tui fidem cógrua devotióne sectémur, qui pro ejúsdem fidei dilatatióne martyrii palmam méruit obtinére. Per.

AD PRETIOSA.

Evangelium.

Secúndum Lucam. Cap. 9.

**I**N illo témpore : Dixit Jesus discíplis suis : Si quis vult post me veníre, ábneget semetipsum, et tollat crucem suam quotidie, et sequátur me. Tu autem Dómine.

AD TERTIAM,

SEXTAM ET NONAM.

Capitula, R. R. et V. V. de Comuni unius Martyris, pag. 118\*.

AD II. VESPERAS.

Super Psalmos Aña. Petrus novus incola cælos laureátus ascéndit, auréola triplici dotátus, allelúia. Psalmus Dixit Dóminus. cum ceteris de Comuni unius Martyris, pag. 47\*.

Capitulum Beátus vir, qui suffert tentatióem. et Hymnus Magnæ dies lætitiæ. ut in j. Vesperis, pag. 1196.

¶. Ora pro nobis beáte Petre, allelúia. R. Ut digni efficiámur promissionibus Christi, allelúia.

Ad Magnificat Aña. O Martyr egrégie, doctor veritátis, puritátis vasculum, norma

sanctitátis, tua per suffrágia véniam peccátis et vitam in glória præsta cum Beátis, allelúia.

DIE V. JUNII.

S. FRANCISCI CARACCIOLLO  
CONFESSORIS.

DUPLEX.

Oratio.

**D**EUS, qui beátum Franciscum, novi Ordinis institutórem, orándi stúdio et pœnitentiæ amóre decorásti : da fámulis tuis in ejus imitatióne ita proficere, ut semper orántes et corpus in servitútem redigéntes, ad cælestem glóriam pervenire mereántur. Per.

IN NOCTURNO.

Lectio ij.

**F**RANCISCUS, dictus ántea Ascánus, ex nobili família Caracciolo in oppido sanctæ Mariæ de Villa in Aprúto ortus, a primis annis exímio enituit pietátis cultu. Adoléscent, grávitèr ægrótans státuit sese prorsus Dei proximique mancipáre servitio. Neápolim profectus, Sacerdotio initiátus, sacróque adscriptus sodalitis, contemplatióni lucrandisque animábus se totum devóvit, ac extrémò supplicio damnátis hortatórem se præbuit assiduum. Cántigit autem ut epistólum álteri destinátum ei per errórem redderétur, quo a piíssimis viris Joánnè Augustino Adórno et Fabricio Caracciolo ad novi religiósi Institúti fundatióem vocabátur. Rei novitáte captus, et divinæ voluntátis demirátus consília, álacri ánimo sese illis adjúnxit. Cónditis autem in Camaldu-



lensium eremo, quo secesse-  
rant, novi Ordinis légibus,  
inde Romam simul profecti,  
confirmatiónem a Sixto Quin-  
to impetrarunt, qui eosdem  
Cléricos Regulares Minores  
appellari voluit, addito ad  
tria consueta altero de non  
ambiendis dignitatibus voto.  
Solémni emissa professione,  
ob singularem ejus in divum  
Franciscum Assisinatam cul-  
tum, Francisci nomen assump-  
sit. Adórno, biennio post, vita  
functo, ipse toti Religióni,  
quamquam invitus, præficitur  
: quo in múnere virtutum  
ómnium præclara præbuit  
exempla.

### Lectio iij.

**I**NSTITUTI amplificandi stu-  
diosissimus, id assiduus ora-  
tionibus, lacrimis et jugi cor-  
poris maceratione enixe a Deo  
postulabat. Quam ob rem  
tertio in Hispaniam se contu-  
lit peregrini habitu indutus,  
victumque ostiatim mendican-  
s. In itinere asperissima  
quæque perpessus, Omnipoten-  
tis auxilium mirum in mo-  
dum expertus, navim, quam  
conscenderat, ab imminente  
naufragio orationis præsidio  
servavit incolumem. Ut in re-  
gnis illis voti compos fieret,  
plurimum laboravit; sed ejus  
sanctitatis fama prælucente,  
amplissimæque Catholicorum  
regum Philippi Secundi et  
Philippi Tertii munificentia,  
adversariorum conatibus sin-  
gulari animi fortitudine supe-  
ratus, plura sui Ordinis domi-  
cilia fundavit : quod pari  
evento per Italiam præstitit.  
Humilitate adeo excelluit, ut  
Romam veniens, in pauperum

hospitio receptus se leproso  
sociaverit, et ecclesiasticas di-  
gnitates a Paulo Quinto sibi  
oblatas constantissime recusá-  
verit. Illibatam perpetuo servá-  
vit virginitatem, effrontes-  
que mulieres ejus castimonie  
insidiantes Christo lucrificet.  
Erga divinissimum Eucha-  
ristie mysterium ardenti  
æstuans amore, noctes pene  
integras in ejus adoratione in-  
sónnes ducébat : quod pium  
exercitium, véluti sui Ordinis  
tesseram, in eo perpetuo serván-  
dum constituit. Deiparæ  
Virginis cultum impense fovit.  
In proximum eximia exarsit  
caritate. Prophetie dono  
et cordium scrutatione ditatus  
fuit. Quadragésimum quartum  
ætatis suæ annum agens, dum  
in sacra Lauretana æde in  
oratione persisteret, sibi vitæ  
finem imminere agnovit. Apru-  
tium statim deflexit, et in óp-  
pido Agóni apud alumnos  
sancti Philippi Nerii letali  
febre correptus, Sacramentis  
Ecclésiæ devotissime suscep-  
tis, pridie Nonas Junii anni  
millésimi sexcentésimi octavi,  
in pervigilio festi Corporis  
Christi, placidissime obdormi-  
vit in Domino. Sacrum ejus  
corpus Neapolim delatum, in  
ecclesia sanctæ Mariæ Majó-  
ris, ubi prima sui Ordinis jé-  
cerat fundamenta, honorifice  
conditum fuit. Eum: postea mi-  
raculis clarum Clemens Décimus  
quartus Pontifex Máximus  
solémni ritu inter Beatos;  
Pius vero Séptimus Pontifex  
Máximus, novis fulgentem si-  
gnis, anno millésimo octin-  
gentésimo sétimo Sanctorum  
albo adscriptis.

## AD PRETIOSA.

## Evangelium.

Secundum Lucam. Cap. 12.

**I**N illo tempore : Dixit Jesus discipulis suis : Sint lumbi vestri præcincti, et lucernæ ardentes in manibus vestris, et vos similes hominibus expectantibus dominum suum quando revertatur a nuptiis. Tu autem Domine.

DIE VI. JUNII.

S. NORBERTI

EPISCOPI ET CONFESSORIS.

DUPLEX. Oratio.

**D**EUS, qui beatum Norbertum, Confessorem tuum atque Pontificem, verbi tui præconem eximium effecisti, et per eum Ecclesiam tuam nova prole fecundasti: præsta, quæsumus, ut ejusdem suffragantibus meritis, quod ore simul et opere docuit, te adjuvante, exercere valeamus. Per.

IN NOCTURNO.

De libro Proverbiórum.

Lectio j. Cap. 4.

**A**UDITE filii disciplinam patris, et attendite ut sciatis prudentiam. Donum bonum tribuam vobis, legem meam ne derelinquatis. Nam et ego filius fui patris mei, tenellus, et unigenitus coram patre meo : et docebat me, atque dicebat : Suscipiat verba mea cor tuum, custodi præcepta mea, et vives.

Lectio ij.

**N**ORBERTUS, nobilissimis parentibus natus, adolescens liberalibus disciplinis eruditus, in ipsa postea imperatoris aula, spretis mundi illécebris, ecclesiasticæ mili-

tiæ adscribi voluit. Sacris initiatus, reiectis mollibus ac splendidis vestibus, pellicea melote indutus, prædicationi verbi Dei se totum dedit. Abdicatis ecclesiasticis proventibus satis amplis, et patrimonio in pauperes erogato, semel in die sub vespèram solo cibo quadragesimali utens, nudisque pedibus et lacera veste sub brumali rigore incedens, miræ austeritatis vitam est aggrèssus. Potens igitur opere et sermone, innumeros hæreticos ad fidem, peccatores ad poenitentiam, dissidentes ad pacem et concordiam revocavit.

Lectio iij.

**A**NTVERPIAM accersitus, in ea urbe Tancheliní nefariam hæresim profligavit. Prophetico spiritu et miraculis claruit. Archiepiscopus tandem (licet reluctans) Magdeburgensis creatus, ecclesiasticam disciplinam, præsertim cælibatûm, constanter propugnavit. Rhemis in concilio Innocentium Secundum egregie adjúvit : et Romam cum aliis Episcopis profectus, schisma Petri Leonis compressit. Postrémo Vir Dei meritis et Spiritu sancto plenus, Magdeburgi obdormivit in Domino, anno Salútis millésimo centésimo trigésimo quarto, die sexta Júnii.

AD PRETIOSA.

Evangelium.

Secundum Matthæum. Cap. 25.

**I**N illo tempore : Dixit Jesus discipulis suis parabolam hanc : Homo péregre proficiscens vocavit servos suos et tradidit illis bona sua. Tu autem Domine.

DIE VIII. JUNII.  
S. ANGELÆ MERICIÆ  
VIRGINIS.

DUPLEX.

Oratio.

**D**EUS, qui novum per beatam Angelam sacrarum virginum collegium in Ecclesia tua florere voluisti : da nobis ejus intercessione angelicis moribus vivere ; ut terrenis omnibus abdicatis, gaudiis perfrui mereamur æternis. Per.  
In j. Vesperis et Laudibus Memoria S. Medardi Episcopi et Confessoris.

Oratio.

**E**XAUDI, quæsumus Domine, preces nostras, quas in beati Medardi Confessoris tui atque Pontificis solemnitate deferimus : ut qui tibi digne meruit famulari, ejus intercedentibus meritis, ab omnibus nos absolvas peccatis. Per.

IN NOCTURNO.

Lectio ij.

**A**NGELA Mericia Decentiani Veronensis diocesis opido ad lacum Benacum in ditione Véneta, piis orta parentibus, a prima ætate virginitatis liliū, quod perpetuo servare statuerat, sedula sepsit. Ab omni muliebri ornatu abhorrrens, egregiam vultus formam pulchramque cæsariem studiose feedavit, ut cælesti dumtaxat animarum Sponso placeret. In ipso autem adolescentiæ flore parentibus orbata, austerioris vitæ desiderio in desertum locum aufugere tentavit ; sed ab avunculo prohibita, novit præstare domi quod in solitudine non licuit. Cilicio ac flagellis frequenter usa, carnem nonnisi infirma

valetudine, vinum in Nativitatis et Resurrectionis Dominicæ tantum celebritate, complures vero dies nihil omnino degustavit. Orationi dedita, brevissimum humi carpēbat somnum. Dæmonem vero, sub lucēntis angeli forma sibi illudere conāntem, agnōvit prōtinus et conjecit in fugam. Tandem paternis bonis abdicatis et hābitum ac regulam Tertiū Ordinis sancti Francisci amplexa, evangēlicam paupertatem virginittis laudi conjūxit. Nullum pietatis officium erga prōximos omittens, paupēribus quidquid sibi ex mendicatio victu superesset largiebatur. Libenter ministrabat ægrōtis, plūraque cum magna sanctitatis fama peragravit loca, ut vel solatio esset afflictis, vel reis vēniam impetrāret, vel infēnsos invicem reconciliāret ānimos, vel e vitiōrum ceno scelēstos revocāret. Angelōrum pane, quem ūnice esuriēbat, frequentissime refēcta, tanta caritatis vi ferebatur in Deum, ut sæpius extra sensus raperetur.

Lectio iij.

**S**ACRA Palestinæ loca summa cum religione obivit : quo in itinere, et visum, quem ad Cydonias appulsa oras amiserat, eodem regressa recuperavit, et barbarorum captivitatem ac naufragium imminens divinitus evasis. Romam denique firmam Ecclesiæ Petram veneratūra, et amplissimæ Jubilæi Vēniæ percūpida, sedente Clemente Séptimo accessit. Quam Summus Pōntifex allocutus, ejusdem sanctimōniam



suspexit et commendavit summopere; nec ab Urbe ipsam abire ante permisit, quam alio cœlitus vocatam agnovit. Bríxiarum itaque, ubi domum ad sanctæ Aphræ templum conduxit, reversa, novam ibi virginum societatem, sicut cœlesti voce ac visione mandatum sibi fuerat, sub certa disciplina sanctisque vivendi regulis constituit, quam sanctæ Ursulæ invictæ virginum ducis patrocinio ac nomine insignivit: eam vero perennem futuram morti proxima prædixit. Tandem prope septuagenaria dives meritis evolavit in cælum sexto Kalendas Februarii anni millésimi quingentésimi et quadragésimi; cujus cadáver, per ipsos triginta dies inhumatum, flexibile ac vivo simillimum perseveravit. Demum in sanctæ Aphræ templo inter ceteras, quibus illud abundat, Sanctorum Reliquias repósito, plurima ad ejus sepulcrum agi statim cœpere miracula. Quorum fama late diffusa, non Bríxiæ modo et Decentiáni, sed alibi etiam vulgo cœpit nuncupari Beata, ejusque imago aris imponi. Immo sanctus ipse Carolus Borromæus, non multis post annis, dignam quæ ab Apostolica Sede in sanctorum Virginum album referretur Bríxiæ palam asservit. Cultum vero illi jam diu a populis exhibitum, et tum locorum Ordinariis probatum, tum pluribus etiam Summorum Pontificum indultis munitum, Clemens Papa Décimus tertius solèmnis decreto ratum habuit ac confirmavit. Eam tandem, novis miraculis rite probatis

insignem, Pius Papa Séptimus, solèmnis canonizatione in Vaticanâ Basilica peracta, die vigésima quarta Maii, anno millésimo octingentésimo séptimo, sanctorum Virginum catalogo adscripsit.

## AD PRETIOSA.

## Evangelium.

Secundum Matthæum. Cap. 25.

**I**n illo tempore: Dixit Jesus discipulis suis parabolam hanc: Simile erit regnum cælorum decem virginibus: quæ accipientes lampades suas exierunt obviam sponso et sponsæ. Tu autem Domine.

## DIE IX. JUNII.

BB. DIANÆ, CÆCILIÆ  
ET AMATÆVIRGINUM ORD. PRÆD.  
DUPLEX.

Quæ hic notata non sunt fiant ut in Communi unius Virginis non Martyris, pag. 98<sup>o</sup>.

In utrisque Vesperis et ante Laudes V. Ora pro nobis beata Diana cum Sodâlibus tuis, allelúia. R. Ut digni efficiamur promissionibus Christi, allelúia.

Ad Magnificat Añâ. Prudentes Virgines aptate lampades vestras: ecce Sponsus venit, exite obviam ei, allelúia.

## Oratio.

**D**EUS, qui beatam Dianam Virginem tuam admirabili spiritus fortitudine donasti, eique in terenda evangelicæ perfectionis via beatas Cæciliam et Amatam cômîtes dedisti: concede propitius ut earum exemplo roborémur in arduis, et in adversis protegámur auxilio. Per.

In j. Vesperis et Laudibus  
Memoria SS. Primi et Feliciani  
Martyrum. Oratio.

**F**AC nos, quæsumus Dómine,  
sanctorum Mátyrum tuórum  
Primi et Feliciani semper  
festa sectári, et eórum suffrá-  
giis protectiónis tuæ dona sen-  
tire. Per.

### IN NOCTURNO.

Lectio j. De virgínibus. de  
Communi unius Virginis non  
Martyris, pag. 98\*.

Lectio ij.

**D**IANA, patre Andalo seu  
Andréolo, a quo inter  
pósteros nóbilis Carbonésiae  
stirpis Andalórum agnómen  
dicitur propagátum, Bonóniae  
sub initium sæculi décimi tér-  
tii orta est. Adollescéntula pa-  
tri persuásit ut primis Ordinis  
Prædicatórum sodálibus Bo-  
nóniam missis locum prope  
ecclésiám, quam obtinúerant,  
sancti Nicolái, et quæ póstea  
sancti Dominici est dicta, con-  
céderet, ubi aptióres Frátribus  
aëdes constrúere posset beá-  
tus Regináldus Aurelianénsis,  
ad cujus prædicatióem pius  
Puéllæ ánimus perfectiόνis  
evangélicæ stúdio mirabiliter  
árserat. Hinc Bonóniam adve-  
niénite sancto Patriárcha Do-  
minico, tanto devotiόνis affé-  
ctu ipsum cólere cœpit, ut mox  
spreta, qua erat, insigni formæ  
elegántia ceterisque, quibus  
affluébat natúræ ac fortunæ  
donis, in mánibus ejus ad aram  
sancti Nicolái, non virginitátis  
solum, sed et religiόνis votum  
fécerit, astántibus beátis Regi-  
náldo et Guala cum áliis Frá-  
tribus ac nonnúlhis étiam ur-  
bis matrónis. Exínde durióres

ipzas monásticæ vitæ asperi-  
tates ultro domi ampléxa est.  
Nam sub pretiósiss vestibus  
férea caténa lumbos cinxit,  
ac secréto clausa cubículo, ad  
plures quotidie horas piis me-  
ditatióibus et oratióibus  
óperam dabat. Interim, pro-  
bante sancto Dominico, de  
ædificándó Sorórum Ordinis  
Prædicatórum monastério im-  
pénse agébat. Repugnántibus  
vero obfirmáte paréntibus,  
Diána, ut emissum religiόνis  
votum utcúmque impléret,  
còntulit se in propinquum  
Ronzáni collem, ceu antiquiór-  
is cujúsdam institúti sancti-  
moniales illic degéntes in festo  
sanctæ Mariæ Magdalénæ vi-  
sitatúra. At monastérium vix  
ingréssa, dimisso nóbili comi-  
tátu, earum hábitum pétiiit et  
accépit. Re Bonóniæ nuntiáta,  
cognáti, amici, populáres mo-  
nastérium invádunt, eóque  
Diánam tam incleménter abri-  
piunt, ut costam ipsi perfré-  
rint. Ob hoc Dei Serva annum  
fere jácuit infirma in domé-  
stico pene cárcere, non con-  
soláta, nisi litteris idéntidem  
recéptis a benignióre Patre  
sancto Dominico. Sed vix pó-  
terat assúrgere, et en acérbius  
éxcipit vulnus ob mortem,  
quæ tunc accidit, sanctissimi  
Viri.

Lectio iij.

**N**ULLI tamen cessit angóri  
Virgo fortissima. Nam  
reparátis viribus, ad illud  
ipsum monastérium aufúgit  
íterum, ac tam invicta con-  
stántia demum obtínuit ut  
de religióso statu amplectén-  
do liberum sibi arbitrium a  
consanguineis permitterétur.

Sic Diāna excipiēdis Ordinīs Prædicatōrum Sorōribus monastērium sanctæ Agnētis apud Bonōniam fundāre pōtuit, in quod anno sæculi vigésimo tertiō, infra Octāvam Ascensionis Christi, cum nobilibus aliquot puëllis introducta est ab inclyto sancti Dominici successorē beāto Jordāno, qui in prōximo festo sanctōrum Apostolorū Petri et Pauli hābitum Ordinis novis Sorōribus induit, easque ad religiōsam professionem deinceps admisit, eisque e Romāno monastērio sancti Xysti, triēnnio ante a sancto Dominico fundāto, Summus Pōntifex Honorius Tertiū beātas Cæciliam et Amātā, aliāsque duas Sorōres adjūxit. Novum Bononiēse ascetērium, hisce præsiidiis et assidua beāti Jordāni cura diligēter excultum, cito clāruit incolārum nūmero et sanctimōnia. Nam de beāta Cæcilia memoriæ traditum est eam ex prænobili Romāna progēie ortam, omnium primam ex Dominici Patris mānibus novi Institutū hābitum Romæ suscepisse, ejusque gestōrum fidelissimam testem existisse. Hæc porro ac beāta Amāta ad multos annos cum magna sanctitātis laude in eo ascetērio vixerunt. Præibat Diāna in omnium virtutum exercitio et in rigidiore legum Ordinis custōdia. Elūxit in ea singulāris humilitas, summum paupertātis stūdiū ac vēhēmens adeo caritātis fervor, ut de divinis loquens, sæpius Sorōres ad ūberes devotiōnis lacrimas provocāret. Tali modo cum ad omnem sanctitatem

monastērium illud suum aliquādiu informasset, nihilque jam optāret ardēntius quam dissōlvi et esse cum Christo, migrāvit ad Sponsū die decima Junii, anno prædicti sæculi trigésimo sexto. Ejus corpus honorifice cōditum est in ecclēsia monastērii ad latus altāris sanctæ Agnētis : quo etiā sepūlcro deinde beatæ Cæciliæ et Amatæ cōpora compōsita sunt. Quanta autem veneratiō sacris illis exuviis constāter adhibita sit patet ex secūtis translationibus, maxime vero ex illa, quæ cōtingit anno millésimo quingentésimo décimo, et in qua Diāne caput mirifico sudore atque odore manasse vétéra testantur monumēta. Cultum beatæ Diānæ ac Sociarū ejus, auctum subinde aliōrum signōrum fama et continēter propagātum, Leo Décimus tertiū Pōntifex Māximus rite probāvit, earūque festum cum Officio et Missa in univēso Prædicatōrum Ordine et in Archidiececēsi Bononiēsi celebrāri permisit.

#### IN LAUDIBUS.

Post Hymnum ƿ. Adducētur regi virgines post eam, allelūia. R. Prōximæ ejus afferēntur tibi, allelūia.

Ad Benedictus Añā. Simile erit regnum cælōrum decem virginibus : quæ accipiētes lāmpades suas exierunt obviam sponso et sponsæ, allelūia.

#### AD PRETIOSA.

Evangelium Simile erit regnum cælōrum decem virginibus, ut heri, pag. 1204.



DIE X. JUNII.

B. JOANNIS DOMINICI

EPISC. ET CONF. ORD. PRÆD.  
DUPLEX.

Oratio.

**D**EUS, largitor caritatis, qui beatum Joannem Confessorem atque Pontificem in conservanda Ecclesiæ unitate instaurandaque regulari disciplina virtute roborasti : per ipsius intercessionem tribue nobis idipsum sentire et facere in Christo Jesu Domino nostro : Qui tecum vivit.

IN NOCTURNO.

Lectio j. Fidelis sermo. de Communi unius Confessoris Pontificis, pag. 70\*.

Lectio ij.

**J**OANNES pauperibus piisque parentibus Florentiæ natus, a primis annis patris vestigiis insistens, cibos manu et arte quærebat. Adolenscens, explèto diurno opere, ecclesias invisèbat, pia sua vota Domino soluturus. Décimo octavo ætatis anno, cælestia inquirens, Prædicatorum Ordinem ingressus, tirónibus exèmplo præibat demississima præsertim obedientia. Solèmnia vota nuncupatus, erat in victu modicus, jejúnio addictus, in oratione assiduus, rudioribus vèstibus usus; saccum pro lecto habuit. Optima imbutus morum disciplina, ejusmodi exercitiis litterarum stúdia conjunxit : et licet ingenuarum artium sciéntia et nómine apud omnes polleret, humilitatem tamen mirum in modum excóluit. Proximorum salúti omni stúdio insistens, prædicationi etiam verbi Dei addictus, singulari fuit grátia do-

natus, adeo ut deflectere voluntatem, commovere ánimos, reformare mores, adunare plebes, continere pópulos facillime posset. Curas omnes etiam sèdulo præstitit, ut tam Institúti sui quam aliorum Ordinum regularis observántia revocaretur : primusque in Itália fuit, qui spiritus sui fervore ita ánimos accendit, ut in primævam formam religiósæ familiæ redigerentur. His permotus Gregorius Duodécimus eum Ragusinae Ecclesiæ Præsulem et sanctæ Románæ Cardinalem tituli sancti Xysti, licet invitum, creávit.

Lectio iij.

**J**OANNES vero hac dignitate auctus, cum Ecclesiá infando laníaretur schismate, Gregório persuasit ut pro bono Ecclesiæ Pontificátum cederet : votique compos factus, Constantiam ad générale concilium convolávit, perlectaque coram omnibus Pontificis renuntiatione, dignitatem suam pariter ultro abdicávit. Concilii Patres huic voluntati restitèrunt, absolutoque concilio, Sigismundus imperátor a Martino Quinto ibidem electo impetrávit ut Joannes in Bohémiam, Polóniam et Hungariam, ad exstirpandas hæreses, Legátus mitteretur; ac Budam adveniens, ferventius cœpit divinis rebus incumbere, vigiliis et orationibus semper intentus. Ardenti febre intérea correptus, vitæ sibi finem adesse prænovit, et Ecclesiæ Sacramentis rite munitus, véniam ab omnibus precatus est. Próprio functus officio,

cum pública et privata omnia accuratè prosecutus esset, subito veluti somno arreptus, angelicis, uti fertur, comitatus obsequiis obdormivit in Domino. Fuit Joannes potens in opere et sermone coram Deo et omni populo, qui scientiæ et sapientiæ sermone effulsit in Ecclesia Dei. Ad ejus funus commota est universa civitas, atque ex historicis monumentis habetur multas ad sepulcrum exstare imagines prodigiorum testimonia referentes, quæ fideles a Deo hujus beati Viri meritis sunt assecuti. Quapropter ecclesiasticum immemorabilem beati Joannis cultum, quem illic aliisque in locis promeruit, quique constanter usque ad nos devenit, Gregorius Decimus sextus Pontifex Maximus rite probavit, ejusque festum in universo Prædicatorum Ordine cum Officio et Missa celebrari indulsit.

## AD PRETIOSA.

## Evangelium.

Secundum Matthæum. Cap. 25.

**I**n illo tempore : Dixit Jesus discipulis suis parabolam hanc : Homo peregre proficiens vocavit servos suos, et tradidit illis bona sua. Tu autem Domine.

DIE XI. JUNII.

S. BARNABÆ

APOSTOLI.

TOTUM DUPLEX. Oratio.

**Q**UESUMUS omnipotens Deus : ut beatus Barnabas Apostolus tuum pro nobis impleret auxilium : ut a nostris reatibus absoluti, a cunctis etiam periculis eruiamur. Per.

## IN NOCTURNO.

## Ex Actibus Apostolorum.

## Lectio j.

## Cap. 13.

**C**UM dimissa esset synagoga, secuti sunt multi Judæorum, et colentium advenarum, Paulum, et Barnabam : qui loquentes suadebant eis ut permanerent in gratia Dei. Sequenti vero sabbato pene universa civitas convenit audire verbum Dei. Videntes autem turbas Judæi, replati sunt zelo, et contradicebant his, quæ a Paulo dicebantur, blasphemantes.

R. j. Virtute magna reddebant Apostoli \* Testimonium Resurrectionis Jesu Christi Domini nostri, alleluia, alleluia. V. Replati quidem Spiritu sancto loquebantur cum fiducia verbum Dei. — Testimonium Resurrectionis.

## Lectio ij.

**B**ARNABAS Levites, Cyprus genere, qui et Joseph, cum Paulo Gentium Apostolus ordinatus est ad prædicandum Jesu Christi Evangelium. Is, agro vendito, quem habebat, redactam ex eo pecuniam attulit Apostolis. Missus autem Antiochiam prædicationis causa, cum ibi multos ad Christi Domini fidem conversos esse comperisset, incredibiliter lætatus, eos hortabatur ut in Christi fide permanerent. Quæ cohortatione multum proficiebat, quod ab omnibus vir bonus et Spiritu sancto plenus habebatur.

R. ij. Isti sunt agni novelli, qui annuntiaverunt, alleluia : modo venerunt ad fontes : \* Replati sunt claritate, alle-

lúia, allelúia. *℟.* In conspéctu Agni amícti stolis albis, et palmæ in mánibus eórum. — Repléti sunt claritáte, allelúia, allelúia.

Lectio iij.

**M**ULTAS deínde cum Paulo Urbes regionésque, prædicans Evangélum, summa cum audiéntium utilitáte peragravit : cujus præcláre res gestas sanctus Lucas Evangelista divino spiritu conscripsit. Postrémo Bárnabas, digrèssus a Paulo, una cum Joánnē, qui cognominátus est Marcus, navigávit in Cyprum : ibique circiter séptimum Nerónis annum, tértio Idus Júnii ad apostólici múnēis laudem martyrii corónam adjúnxit. Ejus corpus, Zenóne imperatóre, repértum est in insula Cypro : ad cujus pectus erat Evangé-

lium Matthæi Hebráicum, ipsius Bárnabæ manu conscriptum. Virginem ipsum fuisse pro certo tráditur.


*℞.* iij. Cándidi facti sunt Nazaræi ejus, allelúia : splendórem Deo dedérunt, allelúia : \* Et sicut lac coaguláti sunt, Allelúia, allelúia. *℟.* In omnem terram exívit sonus eórum et in fines orbis terræ verba eórum. — Et sicut lac. Glória. Allelúia, allelúia.

AD PRETIOSA.

Evangélium.

Secúndum Matthæum. Cap. 10.

**I**n illo témpore : Dixit Jesus discipulis suis : Ecce ego mitto vos sicut oves in médio lupórum. Estóte ergo prudentes sicut serpéntes, et simplices sicut colúmbæ. Tu autem Dómine miserére nostri. *℞.* Deo grátias.





## ADDENDA ET MUTANDA.

DIE XXVIII. NOVEMBRIS.  
B. ZEDISLAVÆ BERKIANÆ  
ORD. PRÆD.  
DUPLEX.

Quæ hic notata non sunt dicantur de Communi unius nec Virginis nec Martyris, pag. 104\*. et sequentibus. Oratio.

**D**EUS, qui beatæ Zedislavæ concedere dignatus es ut te iugiter erecta mente contemplaretur, unaque proximo sollicitè prospiceret : ea intercedente, fac nos diligenti studio cælestibus insistere, et caritatem piis operibus exercere. Per.

## IN I. NOCTURNO.

Lectiones Mulierem fortem. de Communi unius nec Virginis nec Martyris, pag. 106\*.

## IN II. NOCTURNO.

## Lectio iv.

**Z**EDISLAVA Berkiana in Moravia nobilissimis orta parentibus, jam a teneris annis Deo se totam dicavit. Quo vero cordis innocentiam securius tueretur, summoque Bono unice adhæreret, vitam ab hominum consuetudine remotam ducere secum ipsa deliberans, vix septennis in nemus aufugit. A suis avidè quæsita ac feliciter reperta, in arcem paternam redux, parentibus subdita in omni re se præbuit. Adolescentiam ingressa, genitorum morem gerens, viro nupsit Gallo nomine, castri Lembærgæ prope Jablónam in Bohemia principi, genere quidem

et copiis clarissimo, sed ob animi inclementiam Zedislavæ gravissimo, quæ tamen molestias ab eo sibi illatas patientissime sustinuit. Susceptos ex illo filios ad Dei amorem omnemque virtutem verbo et exemplo studiose educavit. Quantum porro per viri placitum et domestica licuit officia, egenos, famélicos, infirmos et captivos utriusque misericordiæ juvit operibus, quibus strictiora jejunia, protractas in multam noctem vigilias, verberationes aliisque sui corporis cruciatus adjunxit.

## Lectio v.

**C**HRISTI patientis dolores iugiter recolébat. Quin etiam sæpius in éxtasim raptæ ac cælesti circumfusa splendore visa est. Cum porro Prædicatorum Ordinem tunc recens conditum per Polóniam et Borússiam propagari rescivisset, ejusdem Ordinis conventum Jablónæ haberi vehementer optavit. Quapropter, austèram sui conjugis indolem precibus demúlcens, obtinuit ut beati Patris Dominici filius aptum cœnobium templumque spatiósum, sancti Laurentii nuncupandum, ædificarentur. Ipsa proprio ære opus perfici curavit, et Fratres opportunis provéntibus liberalissime dotavit. Immo, manum operi admovere non dedignata, calcem, arénam, lápides, ligna nocte intempèsta deferébat, quæ structóres in promptu, mane factó, reperirent. Quod

tāndiu præstitit, donec cœnobiū et templi absolveretur ædificium. Claustra nova novūque sanctuārium sancto Hyacintho tradere propōnens, Virum Dei ut Jablōnam veniret rogāvit, qui aliis alibi curis distractus cum Zedislavam adire non posset, germānum Ceslāum cum aliis ejusdem Ordinis ad ipsam mittere festināvit. Summo gaudio excēptis Prædicatōribus, ad eōrum instar Fēmina piīssima mores composuit, a beāto Ceslāo religiōnis hābitum impetrans, spretisque lautis dāpibus esuriālī cibo contēnta. Sacras Prædicatōrum zedes, etiā hieme, ex calceātis pēdibus visitāre solēbat.

## Lectio vj.

**D**UM tamen indeficiētem Altissimo cultum adhiberet, nil unquam de pristina in domesticos, in tēnues, in egēnos sollicitūdine remisit, divīna humanis intīme socians. Tam placitum Deo et prōximis vitæ institūtum ad extrēmam usque aegritūdinem Zedislava servāvit. Sentiens tandem dissolutionem sui cōrporis imminere, animæ suæ ratiōnibus studiōsa consūluit. Virum ad bonam frugem redire vehemēter hortāta, eūmq; erratōrum pœnitentem, matrem et filios lacrimāntes consolāta est. Pōstea sepulcrum in Laurentiāno templo sibi parātum aperiri jussit et aqua benedicta lustrāri. Demum Ecclēsiæ Sacramētis expiāta diem supremum obiit, Kalēdis Januārii, anno Salūtis millésimo ducentésimo quinquagésimo secūdo. Sanctitātis opiniōni et prodigiōrum

famæ quibus, dum viveret, Zedislava claruerat, accessit, ipsa demortua, populōrum religiō. Ubique in patria aliisque in locis cælitum cultus ei tributus est, signisque sequēntibus in dies amplificātus. Quem cultum per sēcula solēnnem Pius Dēcimus Pōntifex Māximus Apostolica auctoritatē confirmāvit, universōque Prædicatōrum Ordini et Litomericēnsi Diocēsi in honōrem beatæ Zedislavæ Officiū recitāre et Missam celebrāre concessit.

## IN III. NOCTURNO.

Homilia in Evangelium Sīmile est regnum cælōrum thesauro. de Communi unius nec Virginis nec Martyris. pag. 111\*.

**D**IE xj. Februarii celebretur festum Apparitionis beatæ Mariæ Virginis Immaculatæ, ut hic notatum est. Officiū vero Desponsationis ejusdem in diem xx. hujus mensis transferatur una cum Memoria S. Joseph.

## DIE XI. FEBRUARII.

## IN APPARITIONE

B. MARIÆ V. IMMACULATÆ.

## TOTUM DUPLER.

## AD I. VESPERAS.

Super Psalmos Añā. Candor est lucis æternæ, et spēculum sine macula. Psalmus Laudate pūeri, cum ceteris, pag. 145. Capitulum. Cant. 2.

**S**URGE, amica mea, speciosa mea, et veni: columba mea in foraminibus petræ, in caverna maceræ, ostēde mihi faciē tuam, sonet vox tua in auribus meis.

R. Elégit Mariam Deus, et præelégit eam, et creávit eam in Spiritu sancto : \* Ideo nihil inquinátum in eam incúrrit.  
V. Dedit Mariæ Dóminus protectionem salutis suæ, et dextera sua suscepit eam. — Ideo. Glória. Ideo.

Hymnus.

Hic genuflectitur usque ad  
Sumens illud Ave.

**A**VE maris stella,  
Dei Mater alma,  
Atque semper Virgo,  
Felix cæli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis :  
Mala nostra pelle,  
Bona cuncta posce.

MONSTRA te esse matrem :  
Sumat per te preces,  
Qui pro nobis Natus  
Tulit esse tuus.

VIRGO singuláris,  
Inter omnes mitis,  
Nos culpis solútus  
Mites fac et castos.

VITAM præsta puram,  
Iter para tutum :  
Ut vidéntes Jesum  
Semper collætémur.

SIT laus Deo Patri,  
Summo Christo decus,  
Spiritui sancto,  
Tribus honor unus. Amen.

V. Ora pro nobis sancta Dei  
Génitrix. R. Ut digni efficiá-  
mur promissionibus Christi.

Ad Magnificat Aña. Ista est  
colúmba mea, perfécta mea,  
immaculáta mea. Oratio.

**D**EUS, qui per Immaculátam  
Virginis Conceptionem di-  
gnum Filio tuo habitáculum

præparásti : supplices a te  
quæsumus ut ejúsdem Virgi-  
nis Apparitionem celebrántes,  
salútem mentis et córporis  
consequámur. Per eúmdem.

#### AD UTRUMQUE COMPLETORIUM.

Super Psalmos Aña. Virgo  
Maria, non est tibi similis nata  
in mundo inter mulieres, flo-  
rens ut rosa, fragrans sicut  
lilium : ora pro nobis sancta  
Dei Génitrix.

In fine Hymni dicantur hæ  
duæ Strophæ :

MARIA Mater grátia,  
Mater misericórdia,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.

† Prædictæ Strophæ dicantur  
etiam in fine Hymnorum  
ad Primam, Tertiam, Sextam  
et Nonam.

Ad Nunc dimittis Aña. Cor-  
de et ánimo Christo canámus  
glóriam in hac sacra solem-  
nitáte præcélsæ Genitricis Dei  
Mariæ.

#### AD MATUTINUM.

Invitatorium. Immaculátam  
Virginis Conceptionem cele-  
brémus. \* Christum ejus Fi-  
lium adorémus Dóminum.

Hymnus.

**T**E dicimus præcónio,  
Intácta Mater Núminis,  
Nostris benigna láudibus  
Tuam repénde grátiam.

SONTES Adámi pósteri  
Infécta proles gígnimur :  
Labis patérnæ néschia  
Tu sola, Virgo, créderis.



CAPUT draconis invidi  
Tu cónteris vestigio,  
Et sola glóriam refers  
Intaminatæ originis.

O GENTIS humanæ decus,  
Quæ tollis Hevæ opprobrium,  
Tu nos tuere supplices,  
Tu nos labántes érige.

SERPENTIS antiqui potens  
Astus retúnde et ímpetus,  
Ut cælitum perénnibus  
Per te fruámur gáudiis.

JESU, tibi sit glória  
Qui natus es de Vírgine,  
Cum Patre et almo Spíritu,  
In sempitérna sæcula. Amen.

#### IN I. NOCTURNO.

Aña. Ave grátia plena : Dóminus tecum. Psalmus Dómine Dóminus noster. cum ceteris, ut in Festis B. Mariæ Virginis, pag. 2\*. et sequentibus.

Aña. Benedicta tu inter mulieres, et benedictus fructus ventris tui.

Aña. Ne tíneas María, investi grátiam apud Dóminum.

¶ Deus omnipotens præcínxit me virtúte. R. Et pósuit immaculatam viam meam.

Benedictio. Alma Virgo vírginum intercedat pro nobis ad Dóminum. R. Amen.

De Parábolis Salomónis.

Lectio j. Cap. 8. et cap. 9.

**E**GO sapiéntia hábito in consilio, et eruditís intérsim cogitatiónibus. Timor Dómini odit malum : arrogántiam et supérbiam et viam pravam, et os bílingue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérunt. Per me príncipes impe-rant, et poténtes decérunt

justítiam. Ego diligéntes me diligo : et qui mane vígilant ad me, invénient me.

R. j. Sapiéntia, quæ attingit a fine usque ad finem fórtiter et dispónit ómnia suáriter, ædificávit sibi domum. \* Ecce tabernáculum Dei cum hominibus. ¶ Vidi sanctam civitátem, Jérúsalem novam, parátam, sicut sponsam ornátam viro suo. — Ecce tabernáculum.

Benedictio. Sancta Dei Génitrix sit nobis auxiliátrix. R. Amen.

#### Lectio ij.

**M**ECUM sunt divítiae et glória, opes supérbæ et justítia. Mélior est enim fructus meus auro et lápide pretióso, et genímia mea argénto elécto. In viis justítiae ámbulo, in médio semitárum judicii, ut ditem diligéntes me, et thesáuros eórum répleam. Dóminus possédit me in initio víarum suárum, ántequam quidquam fáceret a princípío. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : necdum fontes aquárum erúperant; necdum montes gravi mole constítierant : ante colles ego parturiébar.

R. ij. Quasi arcus refúlgens inter nébulas, et quasi flos rosárum in diébus vernis, et quasi lília in tránsitu aquæ, \* Sic fulget Virgo immaculatá. ¶ Arcum meum ponam in núbibus, et erit signum fœderis mei vobíscum. — Sic fulget Virgo immaculatá.

Benedictio. Nos cum Prole pia benedicat Virgo María. R. Amen.

## Lectio iij.

**B**EATUS homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino : qui autem in me peccaverit, lædet animam suam. Omnes qui me oderunt, diligunt mortem. Sapientia ædificavit sibi domum, excidit columnas septem. Imolavit victimas suas, miscuit vinum et proposuit mensam suam. Misit ancillas suas, ut vocarent ad arcem, et ad mœnia civitatis : Si quis est parvulus, veniat ad me. Et insipientibus locuta est : Venite, comedite panem meum, et bibite vinum quod miscui vobis.

R. iij. Surge, amica mea, speciosa mea, et veni : columna mea, \* Ostende mihi faciem tuam, sonet vox tua in auribus meis. V. Vox turturis audita est in terra nostra. — Ostende mihi. Glória. Ostende mihi.

## IN II. NOCTURNO.

Añã. Fecit mihi magna qui potens est, et sanctum nomen ejus.

Añã. Sanctificavit tabernaculum suum Altissimus : Deus in medio ejus : non commovebitur.

Añã. Dominus possedit te in initio viarum suarum : et in caritate perpétua dilexit te.

V. Adjuvabit eam Deus vultu suo. R. Deus in medio ejus, non commovebitur.

Benedictio. Ab hoste maligno eripiat nos Dei Génitrix Virgo. R. Amen.

## Lectio iv.

**A**NNO quarto a dogmática definitione de Immaculato beatæ Virginis Conceptu, ad Gavi fluminis oram prope oppidum Lourdes diocesis Tarbiensis in Gallia, ipsa Virgo in rupis sinu super specum Massabielle puellæ cuidam, vernacula lingua Bernadette nuncupatæ, pauperrimæ quidem, sed ingenuæ ac piæ, pluries se conspiciendam obtulit. Immaculata Virgo juvenili ac benigno videbatur aspectu, nivea veste niveoque pallio contacta, ac zona cærulea succincta : nudos pedes aurea rosa ornabat. Primo apparitionis die, qui fuit undécimus Februarii anno millésimo octingentesimo quinquagesimo octavo, puellam signum Crucis rite pièque faciendum edocuit, atque ad sacri Rosarii recitationem, exemplo suo, coronam, quæ prius ex brachio demissa pendebat, manu advolvens, excitavit : quod in ceteris etiam apparitionibus præstitit. Altera autem apparitionis die, puella, in simplicitate cordis sui diabolicam fraudem timens, lustralem aquam in Virginem effudit : sed beata Virgo, leniter arri-dens, benigniorem illi vultum ostendit. Cum vero tertio apparuisset, puellam ad specum per quindecim dies invitavit. Exinde eam sæpius est allocuta, ac pro peccatoribus orare, terram deosculari, poenitentiamque agere est hortata : deinde imperavit ut sacerdotibus ediceret ædificandum ibi esse sacellum, solemnisque supplicationis more illo acce-

dendum. Mandavit insuper ut e fonte, qui sub aréna adhuc latebat sed mox erat erupturus, aquam biberet eaque se abstergeret. Dénique die festo Annuntiatiónis, percontánti enixe puellæ illius nomen, cuius aspéctu tóties dignáta fúerat, Virgo, admóitis pectori má nibus elatisque in cælum oculis, respóndit : Immaculáta Concéptio ego sum.

R. iv. Quæ est ista, quæ progreditur quasi auróra consurgens, \* Pulchra ut luna, elécta ut sol? V. Ipsa est colúmba mea, perfectá mea, immaculáta mea. — Pulchra ut luna.

Benedictio. Jesus Mariæ Filius sit nobis clemens et propiti-  
us. R. Amen.

#### Lectio v.

**P**ERCREBRESCENTE fama beneficiórum, quæ in sacro specu recepisse fidèles dicebantur, augebátur in dies hóminum concúrsus, quos loci religio ad specum advocábat. Itaque prodigiórum fama puellæque candóre motus Tarbiénsis Episcopus, quarto ab enarrátis anno, post juridicam factórum inquisitionem, supernaturáles esse apparitiónis notas sua senténtia probávit, cultúmque Virginis Immaculátæ in eódem specu permisit. Mox ædificátum sacéllum. Ex illa die, pene innúmeræ fidélium turbæ, voti ac supplicatiónis causa, ex Gállia, Bélgio, Itália, Hispánia ceterisque Európe provinciis necnon ex longinquis Americæ regiõibus quovis anno illuc advéniunt, noménque Immaculátæ de Lourdes ubique terrárum inclaréscit. Fontis aqua in cun-

ctas orbis partes deláta ægris sanitátem restituit. Orbis vero cathólicus tantórum memor benefactorum, ædes sacras mirábilí ópere ibi exstrúxit. Vexilla innúmera, acceptórum beneficiórum véluti monuménta, illuc a civitatibus ac gén-  
tibus missa, ædem Virginis miro ornátu décorant. In hac sua véluti sede Immaculáta Virgo júgiter cólitur; intérdiu quidem précibus, religioso cantu solemnibusque aliis cæremóniis; noctu vero sacris illis supplicatió nibus, quibus infinitæ propémódum peregrinántium turbæ cæreis facibusque accénsis procedunt, et laudes beátæ Virginis concinunt.

R. v. Erit in novíssimis diebus mons præparátus Virgini Mariæ in vértice móntium, et elevábitur super cælos, et ibunt pópuli multi et dicent : \* Veníte, et ascendámus ad montem. V. Sicut lætántium ómnium habitatio est in te. — Veníte.

Benedictio. Stella María maris succúrrat piíssima nobis. R. Amen.

#### Lectio vj.

**P**EREGRINATIONES hujusmodi fidem frigescente sæculo excitasse, ánimum ad christiánam legem profiténdam addidisse, cultúmque Virginis Immaculátæ mirum in modum auxisse, ómnibus compértum est. In qua mirábili fidei professiõe christiánus pópulus sacerdótes véluti duces habet, qui illuc suas plebes addúcant. Ipsi étiam sacrórum antístites sanctum locum fré-  
quenter ádeunt, peregrinatio-



nibus præsent, solemnioribusque festis intersunt. Nec adeo rarum est ipsos Romænæ Ecclesiæ purpuratos Patres humili peregrinorum more accedentes conspicere. Ipsi quoque Romani Pontifices, pro sua erga Immaculatam de Lourdes pietate, sacram ædem donis nobilissimis cumulaverunt. Pius Nonus sacris Indulgentiis, Archiconfraternitatis privilegio ac minoris Basilicæ titulo ipsam insignivit; ac Deiparæ imaginem ibidem cultam solenni ritu per Legatum suum Apostolicum in Gallia diademate distinctam voluit. Leo vero Decimus tertius innumera etiam contulit beneficia. Indulgentias ad modum Jubilæi vigesimo quinto Apparitionis anno vertente concessit, peregrinationes sua auctoritate verbisque provexit, ac solennem ecclesiæ sub titulo Rosarii dedicationem suo nomine peragi curavit. Quorum beneficiorum amplitudinem cumulat, cum plurimum episcoporum rogatu, solenne festum, sub titulo Apparitionis beatæ Mariæ Virginis Immaculatæ, proprio Officio et propria Missa celebrandum, benigne concessit. Tandem Pius Decimus Pontifex Maximus, pro sua erga Deiparam pietate, ac plurimorum votis annuens sacrorum antistitem, idem festum ad Ecclesiam universam extendit.

℟. vj. Prævenisti eam Domine in benedictionibus dulcedinis, posuisti in capite ejus  
\* Corónam de lapide pretioso.  
℣. Magna est glória ejus in salutari tuo, glóriam et magnum decorem impones su-

per eam. — Corónam de lapide pretioso. Glória. Corónam de lapide pretioso.

### IN III. NOCTURNO.

Añ. Manus Domini confortavit te, et ideo eris benedicta in ætérnum.

Añ. Noli metüere : non enim pro te, sed pro ómnibus hæc lex constituta est.

Añ. Benedixit te Dominus in virtute sua, quia per te ad nihilum redégit inimicos nostros.

℣. Diffusa est grátia in labiis tuis. ℞. Propterea benedixit te Deus in ætérnum.

Benedictio. Evangélica lectio sit nobis salus et protectio. ℞. Amen.

Lectio sancti Evangélii secundum Lucam.

Lectio vij. Cap. i.

**I**n illo témpore : Missus est Angelus Gabríel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginis Mariæ. Et reliqua.

Homília sancti Bernárdi Abbátis.

(Homil. ij. super Missus est.)

**L**ÆTARE pater Adam, sed magis tu o Heva mater exsulta : qui sicut ómnium paréntes, ita ómnium fuistis peremptóres : et quod infelicius est, prius peremptóres quam paréntes. Ambo, inquam, consolámini super filia, et tali filia; sed illa ámplius de qua malum ortum est prius, cujus oppróbrium in omnes pertransívit mulieres. Instat namque tempus, quo jam tol-

latur opprobrium, nec habeat vir quid causetur adversus feminam; qui utique, dum se imprudenter excusare conaretur, crudeliter illam accusare non cunctatus est, dicens: Mulier, quam dedisti mihi, dedit mihi de ligno, et comedi. Propterea, curre Heva ad Mariam, curre mater ad filiam; filia pro matre respondeat: ipsa matris opprobrium auferat: ipsa patri pro matre satisfaciat: quia ecce si vir cecidit per feminam, jam non erigitur nisi per feminam.

R. vij. Tu ergo invoca Dominum, loquere regi pro nobis, \* Et libera nos de morte. V. Omnes sitiētes venite ad aquas, et haurietis salutem a Domino. — Et libera nos.

Benedictio. In omni tribulatione et angustia subveniat nobis pia Virgo Maria.

R. Amen.

#### Lectio viij.

QUID dicēbas o Adam? Mulier, quam dedisti mihi, dedit mihi de ligno, et comedi. Verba malitiæ sunt hæc, quibus magis augeas quam deleas culpam. Verūntamen Sapientia vicit malitiam, cum occasionem veniæ, quam a te Deus interrogando elicere tentavit, sed non potuit, in thesauro indeficientis suæ pietatis invenit. Redditur nempe femina pro femina, prudens pro fatua, humilis pro superba, quæ pro ligno mortis gustum tibi porrigat vitæ, et pro venenoso cibo illo amaritudinis, dulcedinem pariat fructus æterni. Muta ergo iniquæ excusationis verbum in vocem gratiarum actionis, et dic: Domine, mu-

lier, quam dedisti mihi, dedit mihi de ligno vitæ, et comedi; et dulce factum est super mel ori meo, quia in ipso vivificasti me. Ecce enim ad hoc missus est Angelus ad Virginem. O feminam singulariter venerandam, super omnes feminas admirabilem, parentum reparatricem, posterorum vivificatricem!

R. viij. Plantavit Dominus Deus paradysum voluptatis, produxitque lignum vitæ in medio ejus. \* Et fluvius egrediebatur de loco voluptatis. V. Emissiones tuæ paradysus, Virgo Maria. — Et fluvius egrediebatur.

Benedictio. Ad societatem civium supernorum perducant nos Regina angelorum.

R. Amen.

#### Lectio ix.

QUAM tibi aliam prædixisse Deus videtur, quando ad serpentem ait, Inimicitias ponam inter te et mulierem? Et si adhuc dubitas quod de Maria dixerit, audi quod sequitur: Ipsa conteret caput tuum. Cui hæc servata victoria est, nisi Mariæ? Ipsa procul dubio caput contrivit venenatum, quæ omnimodam maligni suggestionem, tam de carnis illécebra quam de mentis superbia, deduxit ad nihilum. Quam vero aliam Salomon requirēbat, cum dicebat, Mulierem fortem quis inveniet? Noverat quippe vir sapiens hujus sexus infirmitatem, fragile corpus, lubricam mentem. Quia tamen et Deum légerat promississe, et ita videbat congruere, ut qui vicerat per feminam, vinceretur per ipsam:

vehementer admirans aiebat : Mulierem fortem quis inveniet? Quod est dicere : Si ita de manu feminae pendet et nostra omnium salus, et innocentiae restitutio, et de hoste victoria; fortis omnino necesse est ut provideatur, quae ad tantum opus possit esse idonea.

R. ix. Elegit Mariam Deus, et praelegit eam, et creavit eam in Spiritu sancto : \* Ideo nihil inquinatum in eam incurrit. V. Dedit Mariae Dominus protectionem salutis suae, et dextera sua suscepit eam. — Ideo. Gloria. Ideo.

Ante Laudes. V. Ora pro nobis sancta Dei Genitrix. R. Ut digni efficiamur promissionibus Christi.

#### AD LAUDES

ET PER HORAS ANTIPHONÆ.

1. Candor est lucis aeternae, et speculum sine macula. Psalmus Dominus regnavit. cum ceteris, pag. 17.

2. Mulier amica sole, et luna sub pedibus ejus, et in capite ejus corona stellarum duodecim.

3. Tu gloria Jerusalem, tu laetitia Israel, tu honorificentia populi nostri.

4. Benedicta es tu Virgo Maria a Domino Deo excelsio, prae omnibus mulieribus super terram.

5. Hodie nomen tuum ita magnificavit Dominus, ut non recedat laus tua de ore hominum.

Capitulum.

Cant. 2.

**S**URGE, amica mea, speciosa mea, et veni : columba mea in foraminibus petrae, in caverna maceriae, ostende mihi

faciem tuam, sonet vox tua in auribus meis.

#### Hymnus.

**A**URORA soli praevia,  
Felix salutis nuntia,  
In noctis umbra plebs tua  
Te, Virgo, supplex invocat.

TORRENS nefastis fluctibus  
Cunctos trahens voragine,  
Leni residit aequore  
Cum transit Arca foederis.

DUM torret ardescens humus,  
Tu rore sola spargis;  
Tellure circum rorida,  
Intacta sola permanes.

FATALE virus evomens  
Attollit anguis verticem;  
At tu draconis turgidum  
Invicta conteris caput.

MATER benigna respice  
Fletus precisque supplicum,  
Et dimicantes tartari  
Victrix tuere ab hostibus.

JESU tibi sit gloria,  
Qui natus es de Virgine,  
Cum Patre et almo Spiritu,  
In sempiterna saecula. Amen.

V. Elegit eam Deus et praelegit eam. R. Et habitare eam facit in tabernaculo suo.

Ad Benedictus Añ. Praeclara salutis aurora, ex te, Virgo Maria, exivit Sol iustitiae, qui visitavit nos oriens ex alto.

Oratio.

**D**EUS, qui per Immaculatam Virginis Conceptionem dignum Filio tuo habitaculum praeparasti : supplices a te quaesumus ut ejusdem Virginis Apparitionem celebrantes, salutem mentis et corporis consequamur. Per eundem.

#### AD PRIMAM.

R. Jesu Christe. V. Qui natus es de Virgine Maria.



† Ante Septuagesimam R. R.  
Horarum dicantur cum Alle-  
luia.

## AD TERTIAM.

Capitulum. Surge, amica  
mea. ut in Laudibus.

R. Quæ est ista quæ ascen-  
dit de deserto \* Deliciis af-  
fluens? Quæ est ista. V. In-  
nixa super dilectum suum.  
Deliciis affluens. Glória. Quæ  
est ista.

V. Vidérunt eam filiae Sion.  
R. Et beatissimam prædicave-  
runt.

## AD SEXTAM.

Capitulum. Prov. 8.

**M**ECUM sunt divitiæ et gló-  
ria, opes superbæ et ju-  
stitia : mélior est enim fructus  
meus auro et lapide pretioso.

R. Ego Mater \* Pulchræ di-  
lectionis. Ego Mater. V. Et  
timoris et agnitionis et sanctæ  
spei. Pulchræ dilectionis. Gló-  
ria. Ego Mater.

V. In me omnis grátia viæ  
et veritátis. R. In me omnis  
spes vitæ et virtútis.

## AD NONAM.

Capitulum. Eccli. 24.

**I**N me grátia omnis viæ et  
veritátis, in me omnis spes  
vitæ et virtútis. Transite ad  
me omnes qui concupiscitis  
me, et a generatiónibus meis  
implémini.

R. Qui me invenerit, \* Invé-  
niet vitam. Qui me invenerit.  
V. Et háuriet salutem a Dó-  
mino. Invéniet vitam. Glória.  
Qui me invenerit.

V. Transite ad me omnes qui  
concupiscitis me. R. Et a ge-  
neratiónibus meis implémini.

## AD II. VESPERAS.

Super Psalmos Añã. Candor  
est lucis æternæ, et spèculum  
sine mácula. Psalmus Dixit  
Dóminus. cum ceteris de Com-  
muni unius Virginis, pag. 96\*.

Capitulum. Cant. 2.

**S**URGE, amica mea, speciosa  
mea, et veni : columba mea  
in foraminibus petrae, in ca-  
vèrna maceræ, ostende mihi  
faciem tuam, sonet vox tua in  
auribus meis.

Hymnus.

**O**MNIS expèrtem maculæ  
Mariam

Edocet Summus fidei Magi-  
ster :

Virginis gaudens célebrat fidé-  
lis

Terra triúmphum.

IPSA, se præbens húmili  
puellæ

Virgo spectándam, récreat pa-  
vèntem,

Seque concéptam sine labe,  
sancto

Prædicat ore.

O SPECUS felix, decoráte  
divæ

Matris aspèctu, veneránda ru-  
pes,

Unde vitáles scatuère pleno  
Gurgite lymphæ!

HUC catervátim pia turba  
nostris,

Huc ab extérnis peregrina  
terris

Affluit supplex, et opem po-  
téntis

Virginis orat.

EXCIPIT Mater lácrimas præ-  
cántum,

Donat optátam miseris salú-  
tem :

Compos hinc voti pátrias ad  
oras

Turba revértit.

SUPPLICUM, Virgo, miserata  
casus,  
Semper o nostros réfove labó-  
res,  
Impetrans mæstis bona sem-  
piternæ  
Gáudia vitæ.  
SIT decus Patri genitæque  
Proli

Et tibi compar utriúsque vir-  
tus  
Spiritus semper, Deus unus  
omni

Témporis ævo. Amen

℣. Ora pro nobis sancta Dei  
Génitrix. ℞. Ut digni efficiá-  
mur promissionibus Christi.

Ad Magnificat Añã. Hódie  
gloriósa cæli Regína in terris  
apparuit; hódie pópulo suo  
verba salutis et pignora pa-  
cis attulit; hódie Angelórum  
et fidélium chori Immaculá-  
tam Conceptionem celebrántes  
gáudio exsultant.

† Ante Septuagesimam ad-  
datur Alleluia.

---

DIE XX. FEBRUARII.  
IN DESPONSATIONE  
B. MARIE VIRGINIS.  
TOTUM DUPLEX.

Quæ hic posita non sunt  
fiant ut in Breviario de ipsa  
Desponsatione et de Memoria  
S. Joseph die xj. Februarii  
notatum est, pag. 897. et se-  
quentibus.

† Si Desponsatio B. Mariæ  
et Octava dies S. Catharinæ  
de Ricciis in die xx. Februarii  
pariter evenerint, de Octava  
die prædicta fiat Memoria in  
utrisque Vesperis Desponsatio-  
nis post Memoriam S. Joseph,  
quæ primo omnino loco faci-  
enda est (et post aliam altioris

ritus quæ eadem die forte oc-  
currerit) ut infra signatum est.

---

EADEM DIE XX. FEBRUARII.  
IN OCTAVA  
S. CATHARINÆ DE RICCIIS.  
SIMPLEX.

Ad Memoriam in j. Vesperis  
Añã. Exsultávit ánima mea in  
Deo meo, quia induit me ve-  
stíménto salutis et induménto  
justitiæ, quasi sponsam orná-  
tam monilibus suis.

℣. Ora pro nobis beata Ca-  
tharina. ℞. Ut digni efficiá-  
mur promissionibus Christi.

Oratio.

DOMINE Jesu Christe, qui  
beátam Catharinam Vir-  
ginem, tui amoré succénsam,  
Passiónis contemplatione cla-  
résccere voluisti : ejus inter-  
cessioné concéde ut Passiónis  
mystéria devóte recoléntes,  
ejus fructum percipere mereá-  
mur. Qui vivis.

Ad Memoriam in Laudibus  
Añã. Visitávit ex alto Dóminus  
Sponsam suam in sanctitate et  
justitia incedéntem coram ipso  
ómnibus diébus vitæ suæ.

℣. Adducéntur regi vírgines  
post eam. ℞. Próximæ ejus  
afferéntur tibi.

Oratio Dómine Jesu Christe,  
ut supra.

Ad Memoriam in ij. Vesp-  
ris Añã. O supérni Sponsa  
amóris, Christi plagis deco-  
ráta, ante thronum Redemptó-  
ris esto supplex advocáta pro  
cætu fidélium.

℣. Ora pro nobis. et Oratio  
Dómine Jesu Christe., ut supra  
ad Memoriam in j. Vesperis.

## IN FESTIS B. MARIE VIRGINIS.

## AD I. VESPERAS.

Super Psalmos Añā. Hæc est  
Regina virginum, quæ genuit  
Regem, velut rosa decora Vir-  
go. Dei Génitrix, per quam re-  
périmus Deum et hominem,  
alma Virgo intercède pro no-  
bis omnibus. Psalmus Laudate  
pueri, cum ceteris, pag. 145.

Capitulum. Eccli. 24.

**E**GO quasi vitis fructificavi  
suavitatem odoris : et flo-  
res mei fructus honoris et ho-  
nestatis.

℞. Stirps Jesse virgam produ-  
xit, virgaque florem : \* Et super  
hunc florem Requiescit Spiritus  
almus. V. Virgo Dei Génitrix  
virga est : flos Filius ejus. —  
Et super. Glória. Requiescit.

Hymnus.

Hic genuflectitur usque ad  
Sumens illud Ave.

**A**VE maris stella,  
Dei Mater alma,  
Atque semper Virgo,  
Felix cæli porta.

SUMENS illud Ave  
Gabrielis ore,  
Funda nos in pace,  
Mutans nomen Hevæ.

SOLVE vincla reis,  
Profer lumen cæcis :  
Mala nostra pelle,  
Bona cuncta posce.

MONSTRA te esse matrem :  
Sumat per te preces,  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solutos  
Mites fac et castos.

VITAM præsta puram,  
Iter para tutum :  
Ut videntes Jesum  
Semper collætémur.

SIT laus Deo Patri,  
Summo Christo decus,  
Spirítui sancto,  
Tribus honor unus. Amen.

V. Ora pro nobis sancta Dei  
Génitrix. ℞. Ut digni effici-  
mur promissionibus Christi.

Ad Magnificat Añā. Beatis-  
simæ Virginis Mariæ solem-  
nitatem devotissime celebré-  
mus : ut ipsa pro nobis inter-  
cédât ad Dóminum Jesum  
Christum. Oratio.

**S**UPPLICATIONEM servórum  
tuórum Deus miserátor  
exáudi : ut qui in solemnitate  
Dei Genitricis et Virginis con-  
gregámur, ejus intercessióni-  
bus a te de instantibus pericu-  
lis eruámur. Per eúmdem.

## AD UTRUMQUE COMPLETOR.

Super Psalmos Añā. Virgo  
Maria, non est tibi similis nata  
in mundo inter mulieres, flo-  
rens ut rosa, fragrans sicut lí-  
lium : ora pro nobis sancta Dei  
Génitrix.

In fine Hymni dicantur duæ  
Strophæ Maria Mater. et  
Glória tibi, ut in fine Hymni  
ad Matutinum. † Dicantur  
etiam ad Laudes et ad omnes  
Horas, Vesperis tantum exce-  
ptis.

Ad Nunc dimittis Añā. Corde  
et ánimo Christo canámus gló-  
riam in hac sacra solemnitate  
præcelsæ Genitricis Dei Ma-  
riæ.



## AD MATUTINUM.

Invitatorium. Solemnitatem Virginis Mariæ celebrémus :  
\* Christum ejus Filium adorémus Dóminum.

## Hymnus.

**Q**UEM terra, pontus, æthera Colunt, adorant, prædicant,

Trinam regentem máchinam  
Claustum Mariæ bájulat.

Cui luna, sol et ómnia  
Deserviunt per témpora,  
Perfusa cæli grátia,  
Gestant puellæ viscera.

BEATA mater múnere  
Cujus supérnus Artifex,  
Mundum pugillo cónitens,  
Ventris sub arca clausus est.

BEATA cæli núnctio,  
Fecúnda sancto Spíritu :  
Desiderátus géntibus  
Cujus per alvum fusus est.

MARIA, mater grátia,  
Mater misericórdiæ,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,  
Cum Patre et sancto Spíritu,  
In sempitérna sæcula. Amen.

## IN I. NOCTURNO.

## Psalmus 8.

**D**OMINE Dóminus noster, \*  
quam admirábile est nomen tuum in univérsa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut déstruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuisti eum paulo minus ab Angelis, & glória et honóre coronásti eum : \* et constituisti eum super ópera mánuum tuárum.

Omnia subjecisti sub pédibus ejus, \* oves et boves univérsas : insuper et pécora campi :

Vólucres cæli et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Añá. Ecce tu pulchra es amica mea, ecce tu pulchra, óculi tui columbárum.

## Psalmus 18.

**C**ÆLI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermonés, \* quorum non audiántur voces eórum.

In omnem terram exivit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thámo suo :

Exsultávit ut gigas ad curréndam viam, \* a summo cælo egressio ejus :

Et occúrsus ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : \* præcéptum

Dómini lúcidum, illúminans  
oculos.

Timor Dómini sanctus, pér-  
manens in sæculum sæculi : \*  
judicia Dómini vera, justificá-  
ta in semetipsa.

Desiderabilia super aurum et  
lápídem pretiósum multum : \*  
et dulcióra super mel et favum.

Etenim servus tuus custódit  
ea, \* in custodiéndis illis retri-  
bútio multa.

Delicta quis intélligit ? \* ab  
occúltis meis munda me : \* et  
ab aliénis parce servo tuo.

Si mei non fúerint domináti,  
tunc immaculátus ero : \* et  
emundábor a delicto máximo.

Et erunt ut compláceant eló-  
quia oris mei : \* et meditátio  
cordis mei in conspéctu tuo  
semper.

Dómine adjútor meus, \* et  
redémptor meus.

Aña. Sicut lílium inter spinas,  
sic amica mea inter filias.

### Psalmus 23.

**D**OMINI est terra, et plenitú-  
do ejus : \* orbis terrárum,  
et univérsi, qui hábitant in eo.

Quia ipse super mária fun-  
dávít eum : \* et super flúmina  
præparávit eum.

Quis ascéndet in montem Dó-  
mini ? \* aut quis stabit in loco  
sancto ejus ?

Innocens mánibus et mundo  
corde, \* qui non accépit in va-  
no ánimam suam, \* nec jurá-  
vit in dolo próximo suo.

Hic accípiet benedictiónem a  
Dómino : \* et misericórdiam a  
Deo salutári suo.

Hæc est generátio quærén-  
tium eum, \* quæréntium fá-  
ciem Dei Jacob.

Attóllite portas principes ve-

stras, \* et elevámini portæ  
æternáles : \* et introibit rex  
glóriæ.

Quis est iste rex glóriæ ? \*  
Dóminus fortis et potens : Dó-  
minus potens in prælio.

Attóllite portas principes ve-  
stras, \* et elevámini portæ  
æternáles : \* et introibit rex  
glóriæ.

Quis est iste rex glóriæ ? \*  
Dóminus virtútum ipse est rex  
glóriæ.

Aña. Favus distillans lábia  
tua sponsa, et odor vestimen-  
tórum tuórum sicut odor thu-  
ris.

¶ Sancta Dei Génitrix Virgo  
semper María. R. Intercéde  
pro nobis ad Dóminum Deum  
nostrum.

Benedictio. Alma Virgo vir-  
ginum intercédát pro nobis ad  
Dóminum. R. Amen.

Incipiunt Cántica Canticórum.

Lectio j.

Cap. 1.

**O**SCULETUR me ósculo oris  
sui : quia melióra sunt  
úbera tua vino, fragrántia un-  
guéntis óptimis. Oleum effúsum  
nomen tuum : ideo adolescén-  
tulæ dilexérunt te. Trahe me :  
post te currémus in odórem  
unguentórum tuórum. Intro-  
dúxit me rex in cellária sua :  
exsultábimus, et lætábimur in  
te, mémores úberum tuórum  
super vinum : recti diligunt te.  
Nigra sum, sed formósa, filia  
Jerúsalem, sicut tabernácula  
Cedar, sicut pelles Salomónis.

R. j. Hódie solémnitas est  
beátæ Virginis Mariæ ex  
progénie David, per quam  
salus mundi credéntibus  
appáruit : \* Cujus vita glo-  
riosa lucem dedit sæculo.

¶ Beatissimæ Virginis Mariæ solemnitatē devotissime celebrémus. — Cujus vita gloriósa lucem dedit sæculo.

Benedictio. Sancta Dei Génitrix sit nobis auxiliatrix.

R. Amen.

Lectio ij.

**N**OLITE me considerare quod fusca sim, quia decoloravit me sol : filii matris meæ pugnaverunt contra me, posuerunt me custodem in vineis : vineam meam non custodivi. Indica mihi, quem diligit ánima mea, ubi pascas, ubi cubes in meridie, ne vagári incipiam post greges sodálium tuórum. Si ignóras te, o pulchérissima inter mulieres, egrédere, et abi post vestigia gregum, et pasc hædostuos juxta tabernacula pastórum. Equitáui meo in curribus Pharaónis assimilávi te amica mea. Pulchræ sunt genæ tuæ sicut túrturis : collum tuum sicut monília.

R. ij. Gloriósæ Virginis Mariæ solemnitatē dignissimam recolámus : \* Cujus Dóminus humilitatem respéxit, quæ Angelo nuntiánte concépit Redemptórem mundi. ¶ Hódie solémnitas est beatæ Virginis Mariæ ex progénie David. — Cujus Dóminus.

Benedictio. Nos cum Prole pia benedicat Virgo Maria. R. Amen.

Lectio iij.

**M**URENULAS áureas faciémus tibi, vermiculátas argénto. Dum esset rex in accúbitu suo, nardus mea dedit odórem suum. Fasciculus myrrhæ diléctus meus mihi, inter úbera mea commorábitur. Botrus

cypri diléctus meus mihi, in vineis Engáddi. Ecce tu pulchra es amica mea, ecce tu pulchra es, óculi tui columbárum. Ecce tu pulcher es dilécte mi, et decórus. Léctulus noster flóridus : tigna domórum nostrárum cédrina, laqueária nostra cypressina.

R. iij. Stirps Jesse virgam produxit, virgaque florem : \* Et super hunc florem Requiescit Spíritus almus. ¶ Virgo Dei Génitrix virga est, flos Filius ejus. — Et super. Glória. Requiescit.

IN II. NOCTURNO.

Psalmus 44.

**E**RUCTAVIT cor meum verbum bonum : \* dico ego ópera mea regi.

Lingua mea cálamus scribæ, \* velóciter scribéntis.

Speciósus forma præ filiis hóminum, & diffúsa est grátia in lábiis tuis : \* propterea benedixit te Deus in ætérnum.

Accingere gládio tuo super femur tuum, \* potentissime.

Spécie tua et pulchritúdine tua \* inténde, prósperè procéde, et regna,

Propter veritatem et mansuetudinem et justitiam : \* et dedúcet te mirabiliter dextera tua.

Sagittæ tuæ acutæ, & pópuli sub te cadent, \* in corda inimicórum regis.

Sedes tua Deus in sæculum sæculi : \* virga directiónis virga regni tui.

Dilexisti justitiam, et odisti iniquitatem : \* propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a



vestimentis tuis, a domibus eburneis : \* ex quibus delectaverunt te filiae regum in honore tuo.

Astitit regina a dextris tuis in vestitu deaurato : \* circumdata varietate.

Audi filia, et vide, et inclina aurem tuam : \* et obliviscere populum tuum, et domum patris tui.

Et concupiscet rex decorem tuum : \* quoniam ipse est Dominus Deus tuus, et adorabunt eum.

Et filiae Tyri in muneribus \* vultum tuum deprecabuntur : omnes divites plebis.

Omnis gloria ejus filiae regis ab intus, \* in fimbriis aureis circumamicta varietatibus.

Adducentur regi virgines post eam : \* proximae ejus afferentur tibi.

Afferentur in laetitia et exultatione : \* adducuntur in templum regis.

Pro patribus tuis nati sunt tibi filii : \* constitues eos principes super omnem terram.

Memores erunt nominis tui \* in omni generatione et generationem.

Propterea populi confitebuntur tibi in aeternum : \* et in saeculum saeculi.

Añ. Emissiones tuae, paradisus malorum punicorum cum pomorum fructibus.

#### Psalmus 45.

**D**EUS noster refugium, et virtus : \* adjutor in tribulationibus, quae invenerunt nos nimis.

Propterea non timebimus dum turbabitur terra : \* et transferentur montes in cor maris.

Sonuérunt, et turbatae sunt aquae eorum : \* conturbati sunt montes in fortitudine ejus.

Fluminis impetus laetificat civitatem Dei : \* sanctificavit tabernaculum suum Altissimus.

Deus in medio ejus, non commovebitur : \* adjuvabit eam Deus mane diluculo.

Conturbatae sunt gentes, et inclinatae sunt regna : \* dedit vocem suam, mota est terra.

Dominus virtutum nobiscum : \* susceptor noster Deus Jacob.

Venite, et videte opera Domini, et quae posuit prodigia super terram : \* auferens bella usque ad finem terrae.

Arcum conteret, et confringet arma : \* et scuta comburent igni :

Vacate, et videte quoniam ego sum Deus : \* exaltabor in gentibus, et exaltabor in terra.

Dominus virtutum nobiscum : \* susceptor noster Deus Jacob.

Añ. Fons hortorum, puteus aquarum viventium, quae fluunt impetu de Libano.

#### Psalmus 86.

**F**UNDAMENTA ejus in montibus sanctis : \* diligit Dominus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* scientium me.

Ecce alienigenae et Tyrus, et populus Aethiopum, \* hi fuerunt illic.

Numquid Sion dicit : Homo, et homo natus est in ea : \* et ipse fundavit eam Altissimus ?

Dóminus narrábit in scriptúris populórum, et principum : \* horum, qui fuérunt in ea.

Sicut lætántium ómnium \* habitatio est in te.

Aña. Véniat diléctus meus in hortum suum, ut cómedat fructum pomórum suórum.

Ÿ. Post partum Virgo inviolata permansisti. R. Dei Génitrix intercède pro nobis.

Benedictio. Ab hoste maligno erípiat nos Dei Génitrix Virgo. R. Amen.

Sermo sancti Joánnis Chrysóstomi.

(Apud Metaphrast.)

Lectio iv.

**D**EI Fílius non dívitem aut locuplétem áliquam féminam sibi Matrem elégit; sed beatam Virginem illam, cujus ánima virtútibus ornáta erat. Cum enim beáta María supra omnem hóminum natúram castitátem serváret, proptérea Christum Dóminum in ventre concépit. Ad hanc igitur sanctíssimam Virginem, et Dei Matrem accurréntes, ejus patrocinii utilitátem assequámur. Itaque quæcúmque estis vírgines, ad Matrem Dómini confúgite. Illa enim pulchérrimam, pretiosíssimam, et incorruptibilem possessioném patrocinio suo vobis conservábit.

R. iv. Solémnitas gloriósæ Virgínis Mariæ ex sémine Abrahæ, ortæ de tribu Juda, clara ex stirpe David : \* Cujus vita ínclýta cunctas illústrat Ecclésiás. Ÿ. Regáli ex progénie María exórta refúlget. — Cujus vita ínclýta.

Benedictio. Jesus Mariæ Fílius sit nobis clemens et propítius. R. Amen.

Lectio v.

**M**AGNUM revéra miraculum, fratres dilectíssimi, fuit beáta semper Virgo María. Quid namque illa majus, aut illústrius ullo unquam témpore invéntum est, seu aliquándo inveniri póterit? Hæc sola cælum ac terram amplitúdine superávit. Quidnam illa sánctius? Non Prophétæ, non Apóstoli, non Mártýres, non Patriárchæ, non Angeli, non Throni, non Dominatiónes, non Séraphim, non Chérubim : non dénique áliud quidpiam inter creatas res visibiles aut invisibiles majus, aut excelléntius inveniri potest. Eadem Ancilla Dei est et Mater : éadem Virgo et Génitrix.

R. v. Solémnitas tua Dei Génitrix Virgo gáudium annuntiávit univérsó mundo : \* Ex te enim ortus est Sol justitiæ Christus Deus noster, qui solvens maledictioném dedit benedictioném, et confúdens mortem donávit nobis vitam sempitérnam. Ÿ. Felix namque es, quæ sola Genitricis dignitátem obtinuísti, et virgínálem pudicitiam non amisísti. — Ex te enim.

Benedictio. Stella María maris succúrrat piíssima nobis. R. Amen.

Lectio vj.

**H**ÆC ejus Mater est, qui a Patre ante omne principium génitus fuit, quem ángeli et hómines agnóscunt Dóminum rerum ómnium. Visne cognóscere, quanto Virgo hæc præstántior sit cæléstibus Poténtiis? Illæ cum timóre et tremóre assístunt, faciém ve-

lantes suam; hæc humanum genus illi offert, quem genuit. Per hanc et peccatorum veniam consequimur. Ave igitur Mater, cælum, puëlla, virgo, thronus, Ecclesiæ nostræ decus, glória, et firmamentum; assidue pro nobis precare Jesum, Filium tuum, et Dominum nostrum, ut per te misericordiam invenire in die iudicii, et quæ repõsita sunt iis, qui diligunt Deum, bona consequi possimus, grátia et benignitate Domini nostri Jesu Christi : cum quo Patri simul et sancto Spiritui sit glória, honor et imperium, nunc et semper in sæcula sæculorum. Amen.

R. vj. Ad nutum Domini nostrum ditantis honorem, \* Sicut spina rosam genuit Judæa Mariam. V. Ut vitium virtus operiret, grátia culpam. — Sicut spina rosam. Glória. Sicut spina rosam.

## IN III. NOCTURNO.

Psalmus 95.

**C**ANTATE Domino canticum novum : \* cantate Domino omnis terra.

Cantate Domino, et benedicite nomini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in omnibus pópulis mirabilia ejus.

Quóniam magnus Dominus, et laudábilis nimis : \* terribilis est super omnes deos.

Quóniam omnes dii gentium dæmónia : \* Dominus autem cælos fecit.

Confessio, et pulchritúdo in conspectu ejus : \* sanctimónia, et magnificéntia in sanctificatione ejus.

Afferte Domino patriæ gentium, et afferite Domino glóriam, et honorem : \* afferite Domino glóriam nomini ejus.

Tollite hostias, et introite in atria ejus : \* adoráte Dominum in atrio sancto ejus.

Commovéatur a facie ejus univèrsa terra : \* dicite in gentibus quia Dominus regnavit.

Etenim corréxit orbem terræ, qui non commovébitur : \* judicábit pópulos in æquitáte.

Læténtur cæli, et exsúltet terra, et commovéatur mare, et plenitúdo ejus : \* gaudébunt campi, et omnia quæ in eis sunt.

Tunc exsultábunt omnia ligna silvarum a facie Domini, quia venit : \* quóniam venit judicáre terram.

Judicábit orbem terræ in æquitáte : \* et pópulos in veritate sua.

Aña. Veni in hortum meum soror mea sponsa : méssui myrrham meam cum aromatibus meis.

Psalmus 96.

**D**OMINUS regnavit, exsúltet terra : \* læténtur insulæ multæ.

Nubes, et caligo in circúitu ejus : \* justitia, et iudicium correctio sedis ejus.

Ignis ante ipsum præcedet, et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a facie Domini : \* a facie Domini omnis terra.

Annuntiavérunt cæli justitiam ejus, \* et vidérunt omnes pópuli glóriam ejus.



Confundántur omnes, qui adoránt sculptília : \* et qui gloriántur in simulácris suis.

Adoráte eum omnes Angeli ejus : \* audívit, et lætáta est Sion.

Et exsultavérunt filiæ Judæ, \* propter júdicia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætitia.

Lætámini justí in Dómino : \* et confitémini memóriæ sanctificatiónis ejus.

Añã. Comédi favum cum melle meo, bibi vinum meum cum lacte meo.

#### Psalmus 97.

**C**ANTATE Dómino cánticum novum : \* quia mirabilia fecit.

Salvávít sibi dextera ejus : \* et bráchium sanctum ejus.

Notum fecit Dóminus salutáre suum : \* in conspéctu géntium revelávít justítiam suam.

Recordátus est misericórdiæ suæ, \* et veritátis suæ dómui Israel.

Vidérunt omnes términi terre \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cíthara, in cíthara et voce psalmi : \* in tubis ductílibus, et voce tubæ córneæ.

Jubiláte in conspéctu regis Dómini : & moveátur mare et

plenitúdo ejus : \* orbis terrarum, et qui hábitant in eo.

Flúmina plaudent manu, & similes montes exsultábunt a conspéctu Dómini : \* quóniam venit judicáre terram.

Judicábit orbem terrarum in justitia, \* et pópulos in æquitáte.

Añã. Talis est diléctus meus, et ipse est amicus meus, filiæ Jerúsalem.

℟. Speciósã facta es et suávis. ℞. In deliciis tuis sancta Dei Génitrix.

Benedictio. Evangélica lécio sit nobis salus et protéctio.

℣. Amen.

Lécio sancti Evangélii secúndum Lucam.

Lectio vij. Cap. 11.

**I**N illo témpore : Loquente Jesu ad turbas, extóllens vocem quædam mûlier de turba dixit illi : Beátus venter, qui te portávit, et úbera, quæ suxisti. Et reliqua.

Homilía venerábilis Bedæ Presbyteri.

(Lib. 4. Cap. 49. in Luc. 11.

**M**AGNÆ devotiónis et fidei hæc mûlier osténditur, quæ, Scribis et Phariseis Dóminum tentántibus simul et blasphemántibus, tanta ejus Incarnatiónem præ ómnibus sinceritáte cognóscit, tanta fiducia confitétur, ut et præsentium prócerum calúnniam, et futurórum confúdat hæreticórum perfidiam. Nam sicut tunc Judæi, sancti Spíritus ópera blasphemándo, verum consubstantialémque Patri Dei Filium negábant : sic hæretici póstea, negándo Mariam semper Virginem, sancti Spíritus

operante virtute, nascituro cum humanis membris Unigenito Dei carnis suæ materiam ministrasse, verum, consubstantialēque Matri Filium hominis fatēri non debere dixerunt.

R. vij. Regali ex progēie Mariæ exorta refūlget : \* Cujus precibus nos adjuvāri mente et spiritu devotissime poscimus. V. Corde et ánimo Christo canāmus glóriam in hac sacra solemnitate præcelsæ Genitricis Dei Mariæ. — Cujus precibus.

Benedictio. In omni tribulatione et angustia subveniat nobis pia Virgo Mariæ. R. Amen.

#### Lectio viij.

**S**ED si caro Verbi Dei secundum carnem nascentis a carne Virginis Matris pronuntiatur extranea, sine causa venter, qui eam portasset, et úbera, quæ lactassent, beatificāntur. Dicit enim Apóstolus : Quia misit Deus Filium suum factum ex muliere, factum sub lege. Neque audiēdi sunt qui legēdum putant : Natum ex muliere, factum sub lege, sed Factum ex muliere : quia concēptus ex útero virgináli, carnem non de nihilo, non aliunde, sed matrēna traxit ex carne. Alióquin nec vere Filius hominis diceretur, qui originem non habēret ex homine.

R. viij. Corde et ánimo Christo canāmus glóriam, \* In hac sacra solemnitate præcelsæ Genitricis Dei Mariæ. V. Cum jucunditate solemnitatem sanctæ Mariæ celebrēmus. — In hac sacra solemnitate.

Benedictio. Ad societatem civium supernorum perducatur nos Regina angelorum. R. Amen.

#### Lectio ix.

**E**T nos igitur, his contra Eutychen dictis, extollāmus vocem cum Ecclesiā catholica, cujus hæc mulier typum gessit : extollāmus et mentem de medio turbārum, dicamūque Salvatori : Beātus venter qui te portavit, et úbera quæ suxisti. Vere enim beāta parens, quæ, sicut quidam ait, enixa est puerpera Regem, qui cælum terramque regit per sæcula.

R. ix. Felix namque es sacra Virgo Mariæ, et omni laude dignissima, \* Quia ex te ortus est Sol justitiæ Christus Deus noster. V. Ora pro pópulo, interveni pro clero, intercede pro devoto femineo sexu : sentiant omnes tuum juvāmen, quicumque celebrant tuam solemnitatem. — Quia ex te ortus est. Glória Patri. Christus Deus noster.

Ante Laudes V. Ora pro nobis sancta Dei Génitrix. R. Ut digni efficiāmur promissionibus Christi.

#### AD LAUDES

##### ET PER HORAS ANTIPHONÆ.

1. Solēmnitas gloriōsæ Virginis Mariæ ex sēmine Abrahæ ortæ de tribu Juda, clara ex stirpe David. Psalmus Dóminus regnavit. cum ceteris, pag. 17.

2. Solēmnitas est hódie sanctæ Mariæ Virginis, cujus vita inclyta cunctas illústrat Ecclesiās.

3. Regali ex progēie Mariæ exorta refūlget : cujus precibus nos adjuvāri mente et spiritu devotissime poscimus.

4. Corde et ánimo Christo canamus glóriam in hac sacra solemnitate præcelsæ Genitricis Dei Mariæ.

5. Cum iucunditate solemnitatem sanctæ Mariæ celebrémus, ut ipsa pro nobis intercedat ad Dóminum Jesum Christum.

Capitulum. Eccli 24.

**E**GO quasi vitis fructificávi suavitatem odóris : et flores mei fructus honóris et honestátis. R. Deo grátias.

Hymnus.

**O** GLORIOSA Dómina,  
Excelsa supra sídera :  
Qui te creávit próvide  
Lactásti sacro úbere.

QUON Heva tristis ábstulit  
Tu reddis almo gérmine :  
Intrent ut astra flébiles,  
Cæli fenéstera facta es.

Tu Regis alti jánuu  
Et porta lucis fúlgida :  
Vitam datam per Virgínem  
Gentes redémpitæ pláudite.

MARIA Mater grátiae,  
Mater misericórdiæ,  
Tu nos ab hoste prótege,  
Et hora mortis suscipe.

GLORIA tibi Dómine,  
Qui natus es de Virgine,  
Cum Patre et sancto Spíritu,  
In sempitérna sæcula. Amen.

¶ Elégit eam Deus, et præelégit eam. R. Et habitáre eam facit in tabernáculo suo.

Ad Benedictus Añá. Solemnitatem hodiérnam perpétuæ Virginis Genitricis Dei Mariæ solémniter celebrémus, qua cel-sitúdo throni procéssit, allelúia.

Oratio.

**S**UPPLICATIONEM servórum tuórum Deus miserátor exáudi : ut qui in solemnitate Dei Genitricis et Virginis con-

gregámur, ejus intercessió-nibus a te de instántibus periculis eruámur. Per eúndem.

AD PRIMAM.

R. Jesu Christe. V. Qui natus es de Virgine Maria.

¶ Infra Septuagesimam non dicitur Allelúia. in Responso-riis Horarum.

AD TERTIAM.

Capitulum. Ego quasi vitis, ut in Laudibus.

R. Sancta Dei Génitrix, Virgo semper María, \* Allelúia, allelúia. Sancta Dei Génitrix. V. Intercéde pro nobis ad Dóminum Deum nostrum. Allelúia. Glória. Sancta Dei Génitrix.

V. Post partum Virgo invioláta permansísti. R. Dei Génitrix intercéde pro nobis.

AD SEXTAM.

Capitulum. Eccli. 24.

**T**RANSITE ad me omnes qui concupiscitis me, et a generationibus meis implémini : spiritus enim meus super mel dulcis, et heréditas mea super mel et favum.

R. Post partum Virgo invioláta permansísti, \* Allelúia, allelúia. Post partum Virgo. V. Dei Génitrix intercéde pro nobis. Allelúia. Glória. Post partum Virgo.

V. Speciósá facta es, et suavis. R. In deliciis tuis sancta Dei Génitrix.

AD NONAM.

Capitulum. Eccli. 24.

**Q**UI audit me, non confundétur : et qui operántur in me, non peccábunt. Qui elúcidant me, vitam ætérnam habébunt.



R. Speciōsa facta es, et suāvis, \* Allelúia, allelúia. Speciōsa. V. In deliciis tuis sancta Dei Génitrix. Allelúia. Glória. Speciōsa.

R. Elégit eam Deus, et praelégit eam. R. Et habitāre eam facit in tabernáculo suo.

### AD II. VESPERAS.

Super Psalmos Aña. Solémnitas gloriōsae Virginis Mariæ ex sémine Abrahæ ortæ de tribu Juda, clara ex stirpe David. Psalmus Dixit Dómi-

nus. cum ceteris de Comuni unius Virginis, pag. 96\*.

Capitulum Ego quasi vitis, Hymnus Ave maris stella., et V. Ora pro nobis., ut in j. Vesperis.

Ad Magnificat Aña. Solémnitas tua Dei Génitrix Virgo gáudium annuntiávit univérso mundo : ex te enim ortus est Sol justitiæ Christus Deus noster : qui solvens maledictiónem dedit benedictiónem, et confúndens mortem donávit nobis vitam sempitérnam.

## IN DEDICATIONE ECCLESIAE.

### TOTUM DUPLEX.

**N**OTANDUM quod primo anno Dedicationis Ecclesiæ Officium inchoatur in Missa. In Hora vero quæ sequitur Missam, et deinceps in omnibus Horis usque ad Completorium sequentis diei inclusive, fiat Officium Totum Duplex; et dicatur Oratio Deus qui invisibiliter., ut infra, ad omnes Horas, præterquam ad Completorium et Primam.

In Vesperis diei quo Ecclesia dedicata est cantetur Responsorium, et die sequenti in Matutinis fiant novem Lectiones, vel tres Tempore Paschali. Octava vero, si celebranda fuerit, celebrabitur revoluta Hebdomada, eo die quo Dedicatio facta fuerit, ad instar Octava-

rum Simplicium, et dicetur Oratio Deus, qui invisibiliter. quotidie per Octavam, quando de ipsa agendum fuerit.

#### Oratio.

**D**EUS, qui invisibiliter omnia cōtines, et tamen pro salute géneris humáni signa tuæ poténtiæ visibiliter ostēdis; templum hoc poténtia tuæ inhabitatiōnis illústra : et concede ut omnes qui huc deprecáturi convēniunt, ex quacúmque tribulatiōne ad te clamáverint, consolatiōnis tuæ beneficia consequántur. Per.

Cetera, sive in die sive per Octavam fiant ut in Anniversario Dedicationis, et per ejusdem Octavam, pag. 12\* et sequentibus notatum est.

# IN ANNIVERSARIO DEDICATIONIS ECCLESIAE.

TOTUM DUPLEX.

**S**ECUNDO anno, et deinceps singulis annis in Anniversario Dedicationis, fiat Officium sicut in Toto Duplici, et Octava celebretur ad instar Octavarum Simplicium, præterquam in Adventu et deinceps usque ad Octavam Epiphaniæ; et in Septuagesima et deinceps usque ad Octavam Paschæ; et in diebus Rogationum et deinceps usque ad Octavam Corporis Christi. Quando autem Octava non fit, infra Octavam Memoria non fiat de Dedicatione. Fratres de conventu, in quo hujusmodi festum celebratur, tam intus quam extra faciant Officium de Dedicatione.

† De Dedicatione vero Matris Ecclesiæ fiat ut habetur in Rubricis generalibus § xxviiij. numero 3.

## AD I. VESPERAS.

Super Psalmos Añā. Sanctificavit Dñus tabernaculum suum: hæc est domus Dñi, in qua invocetur nomen ejus, de quo scriptum est: Erit nomen meum ibi, dicit Dñus. T. P. Allelúia. Psalmus Laudáte pñri. cum ceteris, pag. 145.

Capitulum.

Apoc. 21.

**V**IDI civitatem sanctam Jerusalem novam descendentem de cælo a Deo, paratam, sicut sponsam ornátam viro suo.

R. Terribilis est locus iste. Non est hic aliud nisi domus Dei et porta cæli: \* Vere éte-

nim Dñus est in loco isto, Et ego nesciébam. T. P. Allelúia. V. Cumque evigilasset Jacob quasi de gravi somno, ait. — Vere étenim. Glória. Et ego nesciébam. T. P. Allelúia.

Hymnus.

**U**RBS Jerúsalem beata,  
Dicta pacis visio,  
Quæ construitur in cælis  
Vivis ex lapidibus,  
Et ángelis coronata  
Ut sponsata cómite:

NOVA véniens e cælo,  
Nuptiáli thálamo  
Præparata, ut sponsata  
Copulétur Dñino:  
Platée et muri ejus  
Ex auro puríssimo:

PORTÆ nitent margaritis,  
A dytis paténtibus:  
Et virtúte meritórum  
Illuc introducitur

Omnis, qui ob Christi nomen  
Hic in mundo præmitur.

TUNSIONIBUS, pressuris  
Expoliti lápides  
Suis coaptántur locis  
Per manus Artificis:  
Disponúntur permansúri  
Sacris ædificiis.

GLORIA et honor Deo  
Usquequaque altíssimo,  
Una Patri, Filióque,  
Inclýto Paráclito,  
Cui laus est et potestas  
Per ætérna sæcula. Amen.

V. Domum tuam Dñine decet sanctitúdo. T. P. Allelúia.  
R. In longitúdinem diórum.  
T. P. Allelúia.

Ad Magnificat Añā. O quam metuendus est locus iste! Vere non est hic aliud, nisi domus Dei, et porta caeli. T. P. Allelúia.

Oratio.

**D**EUS, qui nobis per singulos annos hujus sancti templi tui consecrationis reparas diem, et sacris semper mysteriis repraesentas incólumes; exaudi preces pópuli tui: et præsta ut quisquis hoc templum benefícia petiturus ingreditur cuncta se impetrasse lætetur. Per.

#### AD MATUTINUM.

Invitatorium. Exsultemus Dómino Regi summo, \* Qui suum sanctificávit tabernáculum. T. P. Allelúia.

Hymnus Urbs Jerúsalem., ut in j. Vesperis.

#### IN I. NOCTURNO.

Psalmus 23.

**D**OMINI est terra, et plenitudo ejus: \* orbis terrárum, et univérsi, qui hábitant in eo. Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens manibus et mundo corde, & qui non accépit in vano ánimam suam, \* nec jurávit in dolo próximo suo.

Hic accipiet benedictionem a Dómino: \* et misericórdiam a Deo salutári suo.

Hæc est generatio quærentium eum, \* quærentium faciæ Dei Jacob.

Attóllite portas principes vestras, & et elevámini portæ æternáles: \* et introibit rex glóriæ.

Quis est iste rex glóriæ? \* Dóminus fortis et potens: Dóminus potens in prælio.

Attóllite portas principes vestras, & et elevámini portæ æternáles: \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añā. Tóllite portas principes vestras, et elevámini portæ æternáles. T. P. Allelúia.

Psalmus 45.

**D**EUS noster refúgium, et virtus: \* adjutor in tribulationibus, quæ invenerunt nos nimis.

Propterea non timébimus dum turbábitur terra: \* et transferéntur montes in cor maris.

Sonuérunt, et turbátæ sunt aquæ eórum: \* conturbáti sunt montes in fortitúdine ejus. Flúminis ímpetus lætificat civitátem Dei: \* sanctificávit tabernáculum suum Altíssimus.

Deus in médio ejus, non commovébitur: \* adjuvábít eam Deus mane dilículo.

Conturbátæ sunt gentes, et inclináta sunt regna: \* dedit vocem suam, mota est terra.

Dóminus virtútum nobiscum: \* susceptor noster Deus Jacob.

Veníte, et vidéte ópera Dómini, & quæ pósuit prodigia super terram: \* áuferens bella usque ad finem terræ.

Arcum cónteret, et confringet arma: \* et scuta combúret igni:

Vacáte, et vidéte quóniam ego sum Deus: \* exaltábor in gentibus, et exaltábor in terra.



Dóminus virtútum nobiscum : \* suscēptor noster Deus Jacob.

Añā. Vidit Jacob scalam, summitas ejus cēlos tangēbat, et descendētes Angelos, et dixit : Vere locus iste sanctus est. T. P. Allelúia.

Psalmus 47.

**M**AGNUS Dóminus, et laudábilis nimis \* in civitatē Dei nostri, in monte sancto ejus.

Fundátur exsultatiōe universæ terræ mons Sion, \* látera aquilónis, civitas Regis magni.

Deus in dómibus ejus cognoscétur, \* cum suscipiet eam.

Quóniam ecce reges terræ congregáti sunt : \* conveniunt in unum.

Ipsi vidētes sic admiráti sunt, conturbáti sunt, commóti sunt : \* tremor apprehéndit eos. Ibi dolōres ut parturiētis, \* in spíritu vehemēti cōteres naves Tharsis.

Sicut audivimus, sic vidimus in civitatē Dómini virtútum, & in civitatē Dei nostri : \* Deus fundávit eam in ætérnum.

Suscēpimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justitia plena est dēxtera tua.

Lætétur mons Sion, et exsultent filiæ Judæ, \* propter judicia tua Dómine.

Circúmdate Sion, et completimini eam : \* narráte in túbis ejus.

Pónite corda vestra in virtute ejus : \* et distribúite domos ejus, ut enarrétis in progenie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

Añā. Cum evigilásset Jacob de somno, ait : Vere locus iste sanctus est. T. P. Allelúia.

V. Domum tuam Dómine decet sanctitúdo. T. P. Allelúia. R. In longitudínem diérum. T. P. Allelúia.

De libro secúndo Paralipóménon.

Lectio j. Cap. 7.

**C**UM complésset Sálomon fundens preces, ignis descendit de cælo, et devorávit holocáusta et victimas : et majestas Dómini implévit domum. Nec póterant sacerdotes ingredi templum Dómini, eo quod implésset majestas Dómini templum Dómini. Sed et omnes filii Israel vidébant descendentem ignem, et glóriam Dómini super domum : et corruētes proni in terram super paviméntum stratum lápide, adoravérunt, et laudavérunt Dóminum : Quóniam bonus, quóniam in sæculum misericórdia ejus. Rex autem, et omnis pópulus immolábant victimas coram Dómino.

R. j. In dedicatiōe templi decantábat pópulus laudem : \* Et in ore eórum dulcis resonábat sonus. T. P. Allelúia. V. Obtulérunt sacrificium super altáre Dómini : et ceciderunt in fácies suas, et adoravérunt eum. — Et in ore eórum.

Lectio ij.

**M**ACTAVIT igitur rex Sálomon hóstias, boum viginti duo millia, arietum cen-

tum viginti millia : et dedicavit domum Dei rex, et universus populus. Sacerdotes autem stabant in officiis suis : et Levitae in organis carminum Domini, quae fecit David rex ad laudandum Dominum : Quoniam in eternum misericordia ejus, hymnos David canentes per manus suas. Porro sacerdotes canebant tubis ante eos, cunctusque Israel stabat.

R. ij. Fundata est domus Domini super verticem montium, et exaltata est super omnes colles: et venient ad eam omnes gentes, \* Et dicent : Gloria tibi Domine. T. P. Alleluia. V. Venientes autem venient cum exultatione, portantes manipulos suos. — Et dicent.

### Lectio iij.

**S**ANCTIFICAVIT quoque Salomon medium atrii ante templum Domini : obtulerat enim ibi holocausta et adipem pacificorum : quia altare aeneum, quod fecerat, non poterat sustinere holocausta et sacrificia et adipem. Fecit ergo Salomon solemnitatem in tempore illo septem diebus, et omnis Israel cum eo, ecclesia magna valde, ab introitu Emath usque ad Torrentem Aegypti. Fecitque die octavo collectam, eo quod dedicasset altare septem diebus, et solemnitatem celebrasset diebus septem.

R. iij. Mane surgens Jacob erigebat lapidem in titulum, fundens oleum desuper : votum vovit Domino : \* Vere locus iste sanctus est, Et ego nesciebam. T. P. Alleluia, alleluia. V. Vidit Jacob scalam, summus ejus caelos tangebatur,

et descendentes Angelos, et ait. — Vere locus. Gloria. Et ego nesciebam. T. P. Alleluia, alleluia.

### IN II. NOCTURNO.

Psalmus 83.

**Q**UAM dilecta tabernacula tua Domine virtutum : \* concupiscit, et deficit anima mea in atria Domini.

Cor meum, et caro mea \* exultaverunt in Deum vivum. Etenim passer invenit sibi domum : \* et turtur nidum sibi, ubi ponat pullos suos.

Altaria tua Domine virtutum : \* rex meus, et Deus meus.

Beati, qui habitant in domo tua Domine : \* in saecula saeculorum laudabunt te.

Beatus vir, cujus est auxilium abs te : \* ascensiones in corde suo disposuit, in valle lacrimarum in loco, quem posuit.

Etenim benedictionem dabit legislator, et ibunt de virtute in virtutem : \* videbitur Deus deorum in Sion.

Domine Deus virtutum exaudi orationem meam : \* auribus percipe Deus Jacob.

Protector noster aspice Deus : \* et respice in faciem Christi tui :

Quia melior est dies una in atriiis tuis, \* super millia.

Elégi abjectus esse in domo Dei mei : \* magis quam habitare in tabernaculis peccatorum.

Quia misericordiam, et veritatem diligit Deus : \* gratiam, et gloriam dabit Dominus.

Non privabit bonis eos, qui ambulant in innocentia : \*

Dómine virtútum, beatus homo, qui sperat in te.

Aña. Non est hic aliud, nisi domus Dei, et porta cæli. T. P. Allelúia.

Psalmus 84.

**B**ENEDIXISTI Dómine terram tuam : \* avertisti captivitatem Jacob.

Remisisti iniquitatem plebis tuæ : \* operuisti omnia peccata eorum.

Mitigasti omnem iram tuam : \* avertisti ab ira indignationis tuæ.

Converte nos Deus salutaris noster : \* et averte iram tuam a nobis.

Numquid in ætérnum irascéris nobis ? \* aut exténderis iram tuam a generatióne in generatióne ?

Deus tu convérsus vivificábis nos : \* et plebs tua lætábitur in te.

Osténde nobis Dómine misericórdiam tuam : \* et salutáre tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos : \* et in eos qui convertúntur ad cor.

Verúntamen prope timéntes eum salutáre ipsius : \* ut inhábitet glória in terra nostra.

Misericórdia, et véritas obviáverunt sibi : \* justitia, et pax osculátæ sunt.

Véritas de terra orta est : \* et justitia de cælo prospéxit.

Etenim Dóminus dabit benignitatem : \* et terra nostra dabit fructum suum.

Justitia ante eum ambulábit : \* et ponet in via gressus suos.

Aña. Eréxit Jacob lapidem in titulum, fundens óleum de super. T. P. Allelúia.

Psalmus 86.

**F**UNDAMENTA ejus in montibus sanctis : \* diligit Dóminus portas Sion super omnia tabernácula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* sciéntium me.

Ecce alienigenæ, et Tyrus, et pópulus Æthiopum, \* hi fuérunt illic.

Numquid Sion dicet : Homo, et homo natus est in ea : \* et ipse fundávit eam Altissimus ?

Dóminus narrábit in scriptúris populórum, et principum : \* horum, qui fuérunt in ea.

Sicut lætántium ómnium \* habitatio est in te.

Aña. Erit mihi Dóminus in Deum, et lapis iste vocábitur Domus Dei. T. P. Allelúia.

V. Hæc est domus Dómini firmiter ædificáta. T. P. Allelúia. R. Bene fundáta est supra firmam petram. T. P. Allelúia.

Sermo sancti Augustini  
Episcopi.

(Serm. 252. de Temp.)

Lectio iv.

**Q**UOTIESCUMQUE, fratres carissimi, altáris vel templi festivitatem cólimus, si fideliter ac diligenter attendimus, et sancte ac juste vivimus, quidquid in templis manufáctis ágitur, totum in nobis spiritali ædificatióne complétur. Non enim mentitus est ille, qui dixit : Templum Dei sanctum est, quod estis vos. Et



iterum : Nescitis, quia cōrpora vestra templum sunt Spiritus sancti, qui in vobis est? Et ideo, fratres carissimi, quia nullis præcedentibus mēritis, sed per grātiā Dei meruimus fieri templum Dei, quantum pōssumus, cum ipsius adjutōrio laborēmus, ne Dōminus noster in templo suo, hoc est in nobis ipsis, invēniat quod ōculos suæ majestātis offēdat.

R. iv. Bēnedic Dōmine domum istam, quam ædificāvi nōmini tuo : veniētiū in locum istum \* Exāudi preces in excēlso sōlio glōriæ tuæ. T. P. Allelūia. V. Dōmine, si convērsus fuerit pōpulus tuus, et orāverit ad sanctuārium tuum. — Exāudi preces.

#### Lectio v.

ET ideo, fratres carissimi, unusquisque consideret consciētiā suā : et quando se aliquo peccāto vulnerātum esse cognōverit, prius orationibus, jejūniis, et eleemōsynis studeat mundāre consciētiā suā, et sic Eucharistiā præsumat accipere. Qui enim, agnōscens reātum suum, ipse se humiliter ab altāri Ecclesiæ pro emendatiōe vitæ removere voluerit, ab ætēno illo et cælēsti convīvio excommunicāri pēnitens non timēbit.

R. v. O quam metuendus est locus iste! Vere \* Non est hic aliud, nisi domus Dei, et porta cæli. T. P. Allelūia. V. Mane surgens Jacob votum vovit Dōmino, et dixit. — Non est.

#### Lectio vj.

SI ad mensam cujuscūque potētis nemo præsumit cum vēstibus inquinātis accē-

dere, quanto magis a convīvio ætēni Regis, id est ab altāri Dōmini, debet se unusquisque invidiæ vel ōdii venēno percūsus, iracundiæ furōre replētus, cum reverētia et humilitate subtrāhere? Propter illud, quod scriptum est : Vade prius reconciliāri fratri tuo, et tunc veniens offeres munus tuum. Et iterum : Amice, quōmodo huc intrāsti non habens vestem nuptiālem?

R. vj. Orāntibus in loco isto, dimitte Dōmine peccāta pōpuli tui : et ostēde eis viam bonā, per quam āmbulent : \* Et da glōriām nōmini tuo. T. P. Allelūia. V. Dōmine exāudi oratiōnem meā : et clamor meus ad te veniat. — Et da glōriām. Glōria. Et da glōriām. T. P. Allelūia.

#### IN III. NOCTURNO.

##### Psalmus 90.

QUI hābitat in adjutōrio Altissimi, \* in protectiōne Dei cæli commorābitur.

Dicit Dōmino : Suscēptor meus es tu, et refūgium meum : \* Deus meus sperābo in eum.

Quōniam ipse liberāvit me de lāqueo venāntium, \* et a verbo āspero.

Scāpulis suis obumbrābit tibi : \* et sub pennis ejus sperābis.

Scuto circūdabit te vēritas ejus : \* non timēbis a timōre noctūno,

A sagitta volānte in die, ⁊ a negōtio perambulānte in tēnebris, \* ab incūrsu, et dæmōnio meridiāno.

Cadent a latere tuo mille, ⁊ et decem millia a dextris tuis : \*

ad te autem non appropinquabit.

Verumtamen oculis tuis considerabis : \* et retributionem peccatorum videbis.

Quoniam tu es Domine spes mea : \* Altissimum posuisti refugium tuum.

Non accedet ad te malum : \* et flagellum non appropinquabit tabernaculo tuo.

Quoniam Angelis suis mandavit de te : \* ut custodiant te in omnibus viis tuis.

In manibus portabunt te : \* ne forte offendas ad lapidem pedem tuum.

Super aspidem et basiliscum ambulabis : \* et conculcabis leonem et draconem.

Quoniam in me speravit, liberabo eum : \* protegam eum, quoniam cognovit nomen meum.

Clamabit ad me, et ego exaudiam eum : \* cum ipso sum in tribulatione : \* eripiam eum et glorificabo eum.

Longitudine dierum replabo eum : \* et ostendam illi salutarem meum.

Añā. Qui habitat in adiutorio Altissimi, in protectione Dei caeli commorabitur. T. P. Allelúia.

#### Psalmus 95.

**C**ANTATE Dómino cánticum novum : \* cantáte Dómino omnis terra.

Cantáte Dómino, et benedicite nómini ejus : \* annuntiáte de die in diem salutarem ejus.

Annuntiáte inter gentes glóriam ejus, \* in omnibus populis mirabilia ejus.

Quoniam magnus Dóminus, et laudabilis nimis : \* terribilis est super omnes deos.

Quoniam omnes dii gentium daemónia : \* Dóminus autem caelos fecit.

Confessio, et pulchritudo in conspectu ejus : \* sanctimonia, et magnificéntia in sanctificatione ejus.

Afferte Dómino pátriæ gentium, \* et afferite Dómino glóriam et honórem : \* afferite Dómino glóriam nómini ejus.

Tollite hóstias, et introite in átria ejus : \* adoráte Dóminum in átrio sancto ejus.

Commoveatur a fácie ejus univérsa terra : \* dicite in gentibus quia Dóminus regnavit.

Etenim corréxit orbem terræ qui non commovébitur : \* judicabit populos in æquitáte.

Læténtur cæli, et exsúlet terra, \* et commoveatur mare, et plenitúdo ejus : \* gaudébunt campi, et omnia, quæ in eis sunt.

Tunc exsultábunt omnia ligna silvárum a fácie Dómini, quia venit : \* quoniam venit judicare terram.

Judicabit orbem terræ in æquitáte, \* et populos in veritate sua.

Añā. Domum istam protége Domine : et Angeli tui custodiant muros ejus. T. P. Allelúia.

#### Psalmus 96.

**D**OMINUS regnavit, exsúlet terra : \* læténtur insulae multæ.

Nubes, et caligo in circúitu ejus : \* justitia, et iudicium corréctio sedis ejus.

Ignis ante ipsum præcedet, \* et inflammábit in circúitu inimicos ejus.

Illuxérunt fúlgura ejus orbi

terrae : \* vidit, et commota est terra.

Montes, sicut cera fluxerunt a facie Domini : \* a facie Domini omnis terra.

Annuntiaverunt caeli justitiam ejus : \* et viderunt omnes populi gloriam ejus.

Confundantur omnes, qui adorant sculptilia : \* et qui gloriantur in simulacris suis.

Adorate eum omnes Angeli ejus : \* audivit, et letata est Sion.

Et exultaverunt filiae Judae, \* propter judicia tua Domine :

Quoniam tu Dominus altissimus super omnem terram : \* nimis exaltatus es super omnes deos.

Qui diligitis Dominum, odite malum : \* custodit Dominus animas sanctorum suorum, de manu peccatoris liberabit eos.

Lux orta est justo, \* et rectis corde letitia.

Letamini justi in Domino : \* et confitemini memoriae sanctificationis ejus.

Añ. Fundata est domus Domini super verticem montium : et exaltata est super omnes colles. T. P. Alleluia.

¶. Beati, qui habitant in domo tua Domine. T. P. Alleluia. R. In saecula saeculorum laudabunt te. T. P. Alleluia.

Lectio sancti Evangelii secundum Lucam.

Lectio vij. Cap. 19.

**I**N illo tempore : Ingressus Jesus perambulabat Jericho. Et ecce vir nomine Zachaeus : et hic princeps erat publicanorum, et ipse dives. Et reliqua.

Homilia sancti Ambrósii Episcopi.

(Lib. 8. in Lucam.)

**Z**ACHAEUS, statura pusillus, hoc est, nulla nobilitatis ingentiae dignitate sublimis, exiguus meritis, sicut populus Nationum, audito Domini Salvatoris adventu, quem sui non receperant, videre cupiebat. Sed nemo facile Jesum videt : nemo potest Jesum videre constitutus in terra. Et quia non Prophetas, non Legem habebat, tamquam formae gratiam naturalis, ascendit in sycomorum, vanitatem scilicet Judaeorum vestigio suo protegens, errata quoque corrigens superioris aetatis : et ideo Jesum in interioris domus recepit hospitio.

R. vij. Lapidis pretiosi omnes muri tui : \* Et turres Jerusalem gemmis aedificabuntur. T. P. Alleluia. ¶. Haec est domus Domini firmiter aedificata : bene fundata est supra firmam petram. — Et turres Jerusalem.

Lectio viij.

**E**T bene ascendit in arborem, ut arbor bona fructus bonos faceret : ac naturali excisus oleastro, et contra naturam insertus in bonam olivam, fructum posset Legis afferre. Radix enim sancta, etsi rami inutiles : quorum infructuosam gloriam plebs Gentium fide resurrectionis, quasi quadam corporis elevatione transcendit.

R. viij. Domus mea Domus orationis vocabitur, dicit Dominus : \* In ea omnis, qui petit, accipit : et qui quaerit, invenit : et pulsanti aperietur. T. P. Alle-



luia. *℟.* Domum tuam Dómine decet sanctitúdo in longitudínem diérum. — In ea omnis qui petit, áccipit: et qui quærit, invenit.

### Lectio ix.

**E**T ecce vir nómine Zachæus. Zachæus in sycómoro, cæcus in via : quorum álterum Dóminus miseráturus expéctat, álterum mansiónis suæ claritáte nobilitat; álterum sanáturus intérogat, apud álterum se non invitátus invitát. Sciébat enim úberem hospitii sui esse mercédem. Sed tamen, etsi nondum vocem invitántis audíerat, jam víderat afféctum.

*℞.* ix. Terribilis est locus iste. Non est hic áliud, nisi domus Dei, et porta cæli : \* Vere étenim Dóminus est in loco isto, Et ego nesciébam. T. P. Allelúia. *℟.* Cumque evigilásset Jacob quasi de gravi somno, ait. — Vere. Glória. Et ego nesciébam. T. P. Allelúia.

Ante Laudes *℣.* Dómine diléxidecórém domustuæ. T. P. Allelúia. *℞.* Et locum habitatiónis glóriæ tuæ. T. P. Allelúia.

### AD LAUDES

ET PER HORAS ANTIPHONÆ.

1. Domum tuam Dómine decet sanctitúdo in longitudínem diérum. T. P. Allelúia. Psalmus Dóminus regnávít. cum ceteris, pag. 17.

2. Hæc est domus Dómini firmiter ædificáta : bene fundáta est supra firmam petram. T. P. Allelúia.

3. Domus mea Domus oratiónis vocábitur. T. P. Allelúia.

4. Bene fundáta est domus Dómini supra firmam petram. T. P. Allelúia.

5. Lápides pretiósí omnes muri tui : et turres Jerúsalem gemmis ædificábuntur. T. P. Allelúia.

Capitulum. Apoc. 21.

**V**IDI civitátem sanctam Jerúsalem novam descendentem de cælo a Deo, parátam, sicut sponsam ornátam viro suo.

### Hymnus.

**A**NGULARIS fundaméntum Lapis Christus missus est, Qui parietum compáge In utróque néctitur : Quem Sion sancta suscepit, In quo credens pérmanet. OMNIS illa Deo sacra Et dilécta civitas, Plena módulis in laude Et canóro júbilo, Trinum Deum unicúmque Cum fervóre prædicat.

HOC in templo summe Deus Exorátus ádveni, Et cleménti bonitáte Precum vota súscipe : Largam benedictiõem Hic infúnde júgiter.

Hic promereántur omnes Petíta acquirere Et adépta possidére Cum sanctis perénniter, Paradísum introíre Translátí in réquiem.

GLORIA et honor Deo Usquequáque altíssimo, Una Patri Filióque, Inclyto Paráclito, Cui laus est et potéstas Per ætérra sæcula. Amen.

*℣.* Domus mea. T. P. Allelúia. *℞.* Domus oratiónis vocábitur. T. P. Allelúia.

Ad Benedictus Añá. Mane surgens Jacob erigébat lápidem in titulum, fundens óleum

désuper : votum vovit Dómino : Vere locus iste sanctus est, et ego nesciébam. T. P. Allelúia.

## AD TERTIAM.

Capitulum Vidi civitatem.,  
ut in Laudibus.

R. Domum tuam Dómine  
deceat sanctitúdo, \* Allelúia,  
allelúia. Domum. V. In longi-  
túdinem diérum. Allelúia. Gló-  
ria. Domum.

V. Hæc est domus Dómini  
firmiter ædificáta. T. P. Alle-  
lúia. R. Bene fundáta est su-  
pra firmam petram. T. P. Al-  
lelúia.

## AD SEXTAM.

Capitulum. Apoc. 21.

**E**CCE tabernáculum Dei cum  
hominibus, et habitábit cum  
eis. Et ipsi pópulus ejus erunt,  
et ipse Deus cum eis erit eó-  
rum Deus.

R. Hæc est domus Dómini  
firmiter ædificáta, \* Allelúia,  
allelúia. Hæc est. V. Bene fun-  
dáta est supra firmam petram.  
Allelúia. Glória. Hæc est.

V. Beáti qui hábitant in do-  
mo tua Dómine. T. P. Alle-  
lúia. R. In sæcula sæculórum  
laudábunt te. T. P. Allelúia.

## AD NONAM.

Capitulum. 1. Cor. 3.

**F**UNDAMENTUM áliud nemo  
potest pónere præter id  
quod pósito est, quod est  
Christus Jesus.

R. Beáti qui hábitant in do-  
mo tua Dómine, \* Allelúia, al-  
lelúia. Beáti. V. In sæcula  
sæculórum laudábunt te. Alle-  
lúia. Glória. Beáti.

V. Domus mea. T. P. Alle-  
lúia. R. Domus oratióis vo-  
cábitur. T. P. Allelúia.

## AD II. VESPERAS.

Psalmus 115.

**C**REDIDI, propter quod locú-  
tus sum : \* ego autem hu-  
miliátus sum nimis.

Ego dixi in excéssu meo : \*  
Omnis homo mendax.

Quid retribuam Dómino, \* pro  
ómnibus quæ retribuit mihi?  
Cálicem salutáris accipiam : \*  
et nomen Dómini invocábo.

Vota mea Dómino reddam  
coram omni pópulo ejus : \*  
pretiósá in conspéctu Dómini  
mors sanctórum ejus :

O Dómine quia ego servus  
tuus : \* ego servus tuus, et  
filius ancillæ tuæ.

Dirupisti vincula mea : \* tibi  
sacrificábo hóstiam laudis, et  
nomen Dómini invocábo.

Vota mea Dómino reddam in  
conspectu omnis pópuli ejus : \*  
in átriis domus Dómini, in mé-  
dio tui Jerúsalem.

Psalmus 121.

**L**ÆTATUS sum in his, quæ  
dicta sunt mihi : \* In do-  
mum Dómini ibimus.

Stantes erant pedes nostri, \*  
in átriis tuis Jerúsalem.

Jerúsalem, quæ ædificátur ut  
civitas : \* cujus participatio  
ejus in idípsum.

Illuc enim ascendérunt tribus,  
tribus Dómini : \* testimónium  
Israel ad confiténdum nómini  
Dómini.

Quia illic sedérunt sedes in  
judicio, \* sedes super domum  
David.

Rogáte quæ ad pacem sunt  
Jerusalem : \* et abundántia  
diligéntibus te :

Fiat pax in virtúte tua : \* et  
abundántia in túrribus tuis.

Propter fratres meos, et próximos meos, \* loquēbar pacem de te :

Propter domum Dómini Dei nostri, \* quæsi vi bona tibi.

Psalmus 126.

**N**ISI Dóminus ædificáverit domum, \* in vanum laboráverunt qui ædificant eam.

Nisi Dóminus custodierit civitatem, \* frustra vigilat qui custodit eam.

Vanum est vobis ante lucem surgere : \* surgite postquam sedéritis, qui manducátis panem doloris.

Cum déderit diléctis suis somnum : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excussórum.

Beátus vir qui implévit desiderium suum ex ipsis : \* non confundétur cum loquétur inimicis suis in porta.

Psalmus 146.

**L**AUDATE Dóminum quóniam bonus est psalmus : \* Deo nostro sit jucúnda, decóraque laudatio.

Ædificans Jerúsalem Dóminus : \* dispersiões Israélis congregábit.

Qui sanat contritos corde : \* et alligat contritiões eórum.

Qui númerat multitúdinem stellárum : \* et ómnibus eis nómina vocat.

Magnus Dóminus noster, et magna virtus ejus : \* et sapientiæ ejus non est númerus.

Suscípiens mansuétos Dóminus : \* humilians autem peccatóres usque ad terram.

Præcínite Dómino in confes-siõe : \* psállite Deo nostro in cithara.

Qui óperit cælum núbibus : \* et parat terræ plúviam.

Qui producit in móntibus scænum : \* et herbam servitúti hóminum.

Qui dat juméntis escam ipsórum : \* et pullis corvórum invocántibus eum.

Non in fortitúdine equi voluntatem habébit : \* nec in tibiis viri beneplácitum erit ei.

Beneplácitum est Dómino super timéntes eum : \* et in eis, qui sperant super misericórdia ejus.

Psalmus 147.

**L**AUDA Jerúsalem Dóminum : \* lauda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti sátiat te.

Qui emittit eloquium suum terræ : \* velociter currit sermo ejus.

Qui dat nivem sicut lanam : \* nébulam sicut cinerem spargit.

Mittit crystallum suum sicut buccéllas : \* ante faciē frigoris ejus quis sustinébit?

Emittet verbum suum, et liquefaciet ea : \* flabit spíritus ejus, et fluent aquæ.

Qui annúntiat verbum suum Jacob : \* justitias, et judícia sua Israel.

Non fecit táliter omni natióni : \* et judícia sua non manifestávit eis.

Añã. Domum tuam Dómine decet sanctitúdo in longitudinem diérum. T. P. Allelúia.

Capitulum, Hymnus et V. ut in j. Vesperis.

Ad Magnificat Añã. Zachæe festinans descēde : quia hódie



in domo tua opórtet me manére. At ille festinans descendit, et suscepit illum gaudens in domum suam. Hódie huic domui salus a Deo facta est. T. P. Allelúia, allelúia.

## PER OCTAVAM.

Invitatorium ut in Festo.

Ad Benedictus, vel ad Memoriam in Laudibus Añæ. Mane surgens Jacob erigebat lapidem in titulum fundens óleum desuper : votum vovit Dómino : Vere locus iste sanctus est, et ego nesciebam. T. P. Allelúia.

℟. Domus mea. T. P. Allelúia. R. Domus orationis vocabitur. T. P. Allelúia.

Ad Magnificat, vel ad Memoriam in Vesperis Añæ. Zachæe festinans descende., ut supra.

℟. Domum tuam Dómine decet sanctitúdo. T. P. Allelúia. R. In longitudinem diérum. T. P. Allelúia.

Cetera fiant secundum modum Octavæ Simplicis. Lectiones vero hic subjunctæ dicantur singulis diebus per Octavam post Lectiones de Scriptura, quæ de Fériâ corrente assumuntur.

## PRIMA DIE

INFRA OCTAVAM.

Sermo sancti Augustini

Episcopi.

(Serm. 256. de Tempore.)

Lectio iij.

**C**ELEBRITAS hujus congregationis, dedicatio est domus orationis. Domus ergo nostrarum orationum ista, domus autem Dei nos ipsi. Si domus Dei nos ipsi, nos in hoc sæculo ædificámur, ut in fine sæculi dedicémur. Ædificatio

habet labórem, dedicatio exsultationem. Quod hic fiebat, quando ista surgébant, hoc fit modo, cum congregántur credéntes in Christum. Credéndo enim, quasi de silvis et móntibus ligna et lápidés præcidúntur : cum vero catechizántur, baptizántur, formántur, tamquam inter manus fabrórúm et opíficum dolántur, collineántur, complanántur. Verúmtamen domum Dei non faciunt, nisi quando caritáte compagiántur.

## SECUNDA DIE.

Ex Sermóne sancti Augustini

Episcopi.

(Serm. 252. de Tempore.)

Lectio iij.

**C**ONSECRATIONEM altáris hódie celebrámus, in quo nobis divina sacrificia consecrántur. Sed quando festivitátes istas cólimus, fratres carissimi, diligénter debémus aténdere, et totis viribus laboráre : ut quod in templis vel altáribus visibiliter cólitur, in nobis invisibiliter compleátur. Quia quamvis sancta sint templa, quæ vidémus de lignis et lapidibus fabricári; tamen plus apud Deum pretiósá sunt templa cordis et córporis nostri : quia illa fiunt ab hómine carnáli, ista ab Artífice mundi.

## TERTIA DIE.

Sermo sancti Augustini

Episcopi.

(Serm. 253. de Tempore.)

Lectio iij.

**R**ECTE festa Ecclesiæ colunt, qui se Ecclesiæ filios esse cognoscunt. Hæc enim ómnium credéntium mater est, quæ natos ad mortem regenerat

ad salutem. Hæc est post Synagógam quidem vocata, sed ante Synagógam promissa. Hæc enim jam in primo homine præfigurata est. Nam sicut ex Adæ latere fabricata est Heva, ita ex corpore Christi et vulnere redempta crevit Ecclesia.

#### QUARTA DIE.

Sermo sancti Bernardi

Abbátis.

(Serm. 76. in Ps. Qui habitat.)

Lectio iij.

**T**ESTANTUR sacrae litterae, olim positum in Paradiso primum Adam, ut operaretur et custodiret illum. Sic secundus Adam in ecclesia sanctorum, in congregatione suorum, in horto deliciarum, (siquidem deliciae suae esse cum filiis hominum) ita, inquam, et ipse Dominus est in loco isto, ut operetur atque custodiat. Porro Angelos ascendentes et descendentes esse in loco isto, patriarchalis ipsa visio manifestat. Ascendentes, ut videant faciem Patris; descendentes, ut provideant nobis.

#### QUINTA DIE.

Sermo S. Bernardi Abbátis.

(Serm. 4. in Dedic. Ecclesiae.)

Lectio iij.

**Q**UIS Ecclesiae parietes sanctos dicere vereatur, quos manus sacratae Pontificum tantis sanctificaverit mysteriis? Ex tunc quoque, et deinceps, sanctorum inibi lectionum resultare frequentia, sanctorum orationum devota murmurare susurria, sanctorum reliquiarum honorari beata praesentia, sanctorum spirituum indefessa noscitur custodia vigilare.

#### SEXTA DIE.

Sermo S. Bernardi Abbátis.

(Serm. 1. de ead. festiv.)

Lectio iij.

**F**ESTIVITAS hodierna, fratres, tanto nobis debet esse devotior, quanto familiarior est. Nam ceteras quidem Sanctorum sollemnitates cum aliis Ecclesiis habemus communes: hæc vero nobis sic propria est, ut necesse sit vel a nobis eam, vel a nemine celebrari. Nostra est, quia de Ecclesia nostra: magis autem nostra, quia de nobis ipsis.

#### IN OCTAVA

DEDICATIONIS ECCLESIAE.

SIMPLEX.

Quae hic notata non sunt fiant ut in Festo, servato modo Octavae diei Simplicis.

#### IN I. NOCTURNO.

Lectiones de Feria currente.

#### IN II. NOCTURNO.

Sermo sancti Bernardi

Abbátis.

(Serm. 2. de festiv. Dedic.)

Lectio iv.

**O**LIM rex gloriósus, et propheta Domini David sanctus, religiosa quadam cepit cogitatione moveri: indignum iudicans, quod nullam adhuc Dominus Sabaoth domum haberet in terris: ipse vero domum inhabitaret regiae dignitatis. Hoc ipsum, fratres, nos quoque decet cogitare fideliter, et viriliter effectui mancipare. Nam quod, licet Deo placuerit cogitatio illa Prophetæ, opus tamen reservatum est Salomóni, alia ratio est.

## Lectio v.

**J**AM vero, o ánima, tu quidem sublimi in domo habitas, quæ a Deo tibi fabricata est : corpus hoc, dico, quod sic compégit, quod sic aptávit, quod sic ornávit et ordinávit, ut glorióse in eo, et delectabiliter inhabitáres. Sed et corpore domum fecit excelsam, aptissimam, et decóram. Dico autem sensibilem hunc, et inhabitabilem mundum. Nonne ergo indignum réputas, ut tibi ipse fécerit domum, tu vero ei templum ædificáre dissimules?

## Lectio vj.

**S**ED ubi invenitur hujus ædificii locus? Tribuláretur valde, et anxiaréture super me spiritus meus, nisi quod áudio eum de quodam dicentem : Quia ego, et Pater ad eum veniémus, et mansiónem apud eum faciémus. Itaque jam scio ubi præparanda sit domus ei; quóniam non capit eum, nisi imágo sua.

## IN III. NOCTURNO.

Homilia ut in die, vel Homilia Dominicæ, si nondum lecta fuerit.

† Si festum Dedicationis Ecclesiæ, vel Anniversarium ejusdem contingat celebrari infra Tempus Paschale, sic fiet Officium. In primis Vesperis omnia fiant, prout in die. Ad Ma-

tutinum Invitatorium, Hymnus ut supra, et tres Psalmi cum totidem Antiphonis, Versiculo et tribus Responsoris secundum Feriam et ordinem Nocturnorum; dimissaque Homilia legentur tres Lectiones de suprapositis : videlicet pro prima legatur illa quæ est prima de Scriptura; pro secunda et tertia assumantur quarta et quinta, quæ sunt de Sermone. Post Glória Patri. tertii Responsorii immediate repetatur Allelúia.

Laudes, Horæ et secundæ Vesperæ dicantur sicut notatur supra. Omnes vero Antiphonæ, Versiculi et Responsoria terminentur cum Allelúia.

† Idem servetur Tempore Paschali per totam Octavam, nisi quod in diebus infra Octavam in Nocturno una sola dicatur Antiphona super Psalmos, quæ erit ex iis quæ in Nocturnis Festi notantur incipiendo a prima. Lectiones vero in iis diebus erunt duæ de Feria corrente, et tertia de Sermone pro illis supra posita.

† In Octava autem die, Lectiones erunt duæ de Scriptura, quæ sunt secunda et tertia positæ pro Festo; et pro tertia assumatur de Sermone, quæ est sexta in ordine, cum titulo : Sermo sancti Augustini Episcopi.



# COMMUNE SANCTORUM

EXTRA TEMPUS PASCHALE.

## COMMUNE UNIUS

### VEL PLURIUM APOSTOLORUM.

#### AD I. VESPERAS.

Super Psalmos Añā. Estóte fortes in bello, et pugnáte cum antiquo serpente : et accipiétis regnum ætérnum, allelúia. (Infra Septuagesimam non dicitur allelúia., sed dicit Dóminus.) Psalmus Laudáte púeri. cum ceteris, pag. 145.

Capitulum. Ephes. 2.

**J**AM non estis hóspites, et advenæ : sed estis cives sanctorum, et doméstici Dei : superædificáti super fundamentum Apostolorum, et Prophetarum, ipso summo angulári lapide Christo Jesu.

R. Vos estis lux mundi, dicit Dominus, \* Qui in patientia vestra Possidébitis ánimas vestras. V. Et ego dispóno vobis sicut dispósuit mihi Pater meus regnum, ut edátis et bibátis super mensam meam in regno meo. — Qui in patientia vestra. Glória. Possidébitis ánimas vestras.

Hymnus.

**E**XSULTET cælum laudibus,  
Resúltet terra gaudiis :  
Apostolorum glóriam  
Sacra canunt solémnia.

Vos sæcli justí júdices  
Et vera mundi lúmina  
Votis precámur córdium,  
Audite preces supplicum.

QUI cælum verbo cláuditis,  
Serásque ejus sólvitis,

Nos a peccátis ómnibus  
Sólvite jussu, quæsumus.

QUORUM præcepto súbditur  
Salus, et languor ómnium,  
Sanáte aegros móribus,  
Nos reddéntes virtútibus.

UT cum Judex advénerit  
Christus in fine sæculi,  
Nos sempitérni gáudii  
Fáciat esse cómpotes.

DEO Patri sit glória,  
Ejúsque soli Filio  
Cum Spíritu Paráclito,  
Et nunc, et in perpétuum.

Amen.

V. In omnem terram exívit  
sonus eórum. R. Et in fines  
orbis terræ verba eórum.

Ad Magnificat Añā. Beátí  
éritis, cum vos óderint hómines,  
et cum separáverint vos,  
et exprobráverint, et ejécerint  
nomen vestrum tamquam malum  
propter Filium hóminis :  
gaudéte, et exsultáte : ecce  
enim merces vestra multa est  
in cælo. Canticum Magnificat  
ánima mea., pag. 146.

#### AD MATUTINUM.

Invitatorium. Gaudéte et exsultáte, \* Quia nómina vestra scripta sunt in cælis.

Psalmus 94.

**V**ENITE, exsultémus Dómino :  
jubilémus Deo salu-  
tári nostro : præoccupémus fá-

ciem ejus in confessiōne, et in psalmis jubilémus ei.

Gaudéte et exsultáte, quia nómina vestra scripta sunt in cælis.

¶ Quóniam Deus magnus Dóminus, et Rex magnus super omnes deos : quóniam non repellet Dóminus plebem suam : quia in manu ejus sunt omnes fines terræ, et altitúdines móntium ipse cónspicit.

Quia nómina vestra scripta sunt in cælis.

¶ Quóniam ipsíus est mare, et ipse fecit illud, et áridam fundavérunt manus ejus : veníte adorémus, et procidámus ante Deum : plorémus coram Dómino qui fecit nos : quia ipse est Dóminus Deus noster : nos autem pópulus ejus et oves páscae ejus.

Gaudéte et exsultáte, quia nómina vestra scripta sunt in cælis.

¶ Hódie si vocem ejus audieritis, nolite obduráre corda vestra, sicut in exacerbatiōe secúndum diem tentatiōis in deserto : ubi tentavérunt me patres vestri, probavérunt, et vidérunt ópera mea.

Quia nómina vestra scripta sunt in cælis.

¶ Quadraginta annis próximus fui generatiōi huic, et dixi : Semper hi errant corde : ipsi vero non cognovérunt vias meas : quibus jurávi in ira mea : Si introibunt in réquiem meam.

Gaudéte et exsultáte, quia nómina vestrascriptasunt incælis.

¶ Glória Patri, et Filio, et Spíritui sancto. Sicut erat in principio, et nunc, et semper, et in sæcula sæculórum. Amen.

Quia nómina vestra scripta sunt in cælis.

Postea repetatur totum Invitatorium :

Gaudéte et exsultáte, quia nómina vestra scripta sunt in cælis.

Hymnus Exsúltet cælum láudibus., ut in j. Vesperis.

# IN I. NOCTURNO.

Psalmus 18.

**C**ÆLI enarrant glóriam Dei,\* et ópera mánuum ejus annúntiat firmaméntum.

Dies diéi erúctat verbum,\* et nox nocti indicat sciéntiam.

Non sunt loquélæ, neque sermónes,\* quorum non audiántur voces eórum.

In omnem terram exívit sonus eórum :\* et in fines orbis terræ verba eórum.

In sole pósuit tabernáculum suum :\* et ipse tamquam sponsus procedens de thálamo suo :

Exsultávit ut gigas ad curréndam viam,\* a summo cælo egressio ejus :

Et occursus ejus usque ad summum ejus :\* nec est qui se abscondat a calore ejus.

Lex Dómini immaculáta convertens ánimas :\* testimónium Dómini fidèle, sapiéntiam præstans párvulis.

Justitiæ Dómini rectæ, lætificántes corda :\* præcéptum Dómini lúcidum, illúminans óculos.

Timor Dómini sanctus, per-manens in sæculum sæculi :\* judícia Dómini vera, justificáta in semetipsa.

Desiderabilia super aurum et lápidem pretiósium multum :\* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quis intélligit? ⁊ ab occúltis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

Aña. In omnem terram exívit sonus eórum : et in fines orbis terræ verba eórum.

#### Psalmus 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et læténtur.

Magnificáte Dóminum mecum : \* et exaltémus nomen ejus in idípsum.

Exquisívi Dóminum, et exaudivit me : \* et ex ómnibus tribulatióibus meis eripuit me.

Accédite ad eum, et illuminámini : \* et fácies vestræ non confundéntur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum : \* et eripiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Tíméte Dóminum omnes sancti ejus : \* quóniam non est inópia tíméntibus eum.

Divites eguérunt et esuriérunt : \* inquiréntes autem Dóminum non minuéntur omni bono.

Veníte filii, audíte me : \* tímórem Dómini docébo vos.

Quis est homo qui vult vitam : \* díligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquire pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multæ tribulatióes justórum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui sperant in eo.

Aña. Clamavérunt justí, et Dóminus exaudivit eos.

#### Psalmus 44.

**E**RUCTAVIT cor meum verbum bonum : \* dico ego ópera mea regi.

Lingua mea cálamus scribæ, \* velócitèr scribéntis.



Speciosus forma præ filiis hominum, & diffusa est grátia in lábiis tuis : \* propterea benedixit te Deus in ætérnum.

Accingere gládio tuo super femur tuum, \* potentissime, Spécie tua et pulchritudine tua \* inténde, prospere procéde, et regna,

Propter veritatem et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, & pópuli sub te cadent, \* in corda inimicórum regis.

Sedes tua Deus in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : \* ex quibus delectaverunt te filiæ regum in honóre tuo.

Astitit regína a dextris tuis in vestitu deaurato : \* circumdata varietáte.

Audi filia, et vide, et inclina aurem tuam : \* et obliviscere pópulum tuum, et domum patris tui.

Et concupiscet rex decórem tuum : \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes divites plebis.

Omnis glória ejus filiæ regis ab intus, \* in simbríis áureis circumamícta varietátibus.

Adducéntur regi virgines post eam : \* próximæ ejus afferéntur tibi.

Afferéntur in lætítia et exultatióne : \* adducéntur in templum regis.

Pro pátribus tuis nati sunt tibi filii : \* constitues eos príncipes super omnem terram.

Mémores erunt nóminis tui \* in omni generatióne et generatióne.

Propterea pópuli confitebúntur tibi in ætérnum : \* et in sæculum sæculi.

Añã. Constitues eos príncipes super omnem terram : mémores erunt nóminis tui, Dómine.

℣. In omnem terram exivit sonus eórum. ℞. Et in fines orbis terræ verba eórum.

† Lectiones pro omnibus tribus Nocturnis petantur ex proprio festo uniuscujusque Apostoli.

℞. j. Ecce ego mitto vos sicut oves in médio lupórum, dicit Dóminus : \* Estóte ergo prudentes sicut serpéntes, et simplices sicut columbæ. ℣. Tradent enim vos in conciliis, et in synagógis suis flagellábunt vos. — Estóte ergo.

℞. ij. Tóllite jugum meum super vos, dicit Dóminus, et discite a me, quia mitis sum, et húmilis corde : \* Jugum enim meum suáve est, et onus meum leve. ℣. Et inveniétis réquiem animábus vestris. — Jugum enim meum.

℞. iij. Dum stetérítis ante reges et præsides, nolite cogitare quómodo, aut quid loquámini : \* Dábitur enim vobis in illa hora, quid loquámini. ℣. Non enim vos estis qui loquámini, sed Spíritus Patris vestri, qui loquitur in vobis. — Dábitur. Glória. Dábitur.

## IN II. NOCTURNO.

## Psalmus 46.

**O**MNES gentes pláudite má-nibus : \* jubiláte Deo in voce exsultationis.

Quóniam Dóminus excélsus, terribilis : \* Rex magnus super omnem terram.

Subjécit pópulos nobis : \* et gentes sub pedibus nostris.

Elégit nobis hereditátem suam : \* spéciem Jacob, quam diléxit.

Ascéndit Deus in júbilo : \* et Dóminus in voce tubæ.

Psállite Deo nostro, psállite : \* psállite Regi nostro, psállite.

Quóniam Rex omnis terræ Deus : \* psállite sapiénter.

Regnabit Deus super gentes : \* Deus sedet super sedem sanctam suam.

Príncipes populórum congregati sunt cum Deo Abraham : \* quóniam dii fortes terræ, vehementer elevati sunt.

Aña. Príncipes populórum congregati sunt cum Deo Abraham.

## Psalmus 60.

**E**XAUDI Deus deprecationem meam : \* inténde orationi meæ.

A finibus terræ ad te clamavi : \* dum anxietur cor meum, in petra exaltasti me.

Deduxisti me, quia factus es spes mea : \* turris fortitudinis a facie inimici.

Inhabitábo in tabernáculo tuo in sæcula : \* prótegar in velamento alarum tuarum.

Quóniam tu Deus meus exaudisti orationem meam : \* dedisti hereditatem timéntibus nomen tuum.

Dies super dies regis adjicies : \* annos ejus usque in diem generationis et generationis.

Permanet in ætérnum in conspectu Dei : \* misericórdiam et veritatem ejus quis requireret?

Sic psalmum dicam nómini tuo in sæculum sæculi : \* ut reddam vota mea de die in diem.

Aña. Dedisti hereditatem timéntibus nomen tuum, Dómine.

## Psalmus 63.

**E**XAUDI Deus orationem meam cum deprecor : \* a timóre inimici éripe ánimam meam.

Protexisti me a convéntu malignántium : \* a multitudine operántium iniquitatem.

Quia exacuérunt ut gládium linguas suas : \* intendérunt arcum rem amáram, \* ut sagittent in occultis immaculatum.

Súbito sagittábunt eum, et non timébunt : \* firmavérunt sibi sermónem nequam.

Narravérunt ut absconderent láqueos : \* dixerunt : Quis videbit eos?

Scrutati sunt iniquitates : \* defecerunt scrutantes scrutatio.

Accedet homo ad cor altum : \* et exaltabitur Deus.

Sagittæ parvulorum factæ sunt plagæ eorum : \* et infirmatæ sunt contra eos lingue eorum.

Conturbati sunt omnes qui videbant eos : \* et tímuit omnis homo.

Et annuntiavérunt ópera

Dei : \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

Añā. Annuntiavérunt ópera Dei : et facta ejus intellexérunt.

¶. Constitútes eos príncipes super omnem terram. R. Mémoires erunt nóminis tui Dómine.

R. iv. Vidi conjúctos viros habéntes spléndidas vestes, et Angelus Dómini locútus est ad me dicens : \* Isti sunt viri sancti, facti amici Dei. ¶. Vidi Angelum Dei volántem per médium cæli, voce magna clamántem, et dicéntem. — Isti sunt viri sancti.

R. v. Isti sunt triumphatóres, et amici Dei, qui contemnén-tes jussa princípum, merué-runt præmia æténa : \* Modo coronántur, et accipiunt palmam. ¶. Isti sunt, qui venérunt ex magna tribulatióne, et lavérunt stolas suas in sán-guine Agni. — Modo.

R. vj. Vos estis lux mundi, dicit Dóminus, \* Qui in patiéntia vestra Possidébitis ánimas vestras. ¶. Et ego dispóno vobis sicut dispósuit mihi Pater meus regnum, ut edátis, et bibátis super mensam meam in regno meo. — Qui in patiéntia vestra. Glória. Possidébitis ánimas vestras.

### IN III. NOCTURNO.

#### Psalmus 74.

CONFITEBIMUR tibi Deus : \* confitébimur, et invocábimus nomen tuum.

Narrábimus mirabília tua : \* cum accépero tempus, ego justitias judicábo.

Liquefacta est terra, et omnes qui hábitant in ea : \* ego confirmávi colúmnas ejus.

Dixi iniquis : Nolite inique ágere : \* et delinquentibus : Nolite exaltáre cornu :

Nolite extóllere in altum cornu vestrum : \* nolite loqui advérsus Deum iniquitátem.

Quia neque ab oriénte, neque ab occidénte, neque a désertis móntibus : \* quóniam Deus judex est.

Hunc humiliat, et hunc exáltat : \* quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : \* bibent omnes peccatóres terræ.

Ego autem annuntiábo in sæculum : \* cantábo Deo Jacob.

Et ómnia córnua peccatórum confringam : \* et exaltabúntur córnua justí.

Añā. Peccatórum confringam córnua : et exaltabúntur córnua justí.

#### Psalmus 96.

DÓMINUS regnávit, exsúltet terra : \* læténtur insulæ multæ.

Nubes, et caligo in circúitu ejus : \* justítia, et judícium corrèctio sedis ejus.

Ignis ante ipsum præcedet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus : \* et vidérunt omnes pópuli glóriam ejus.



Confundántur omnes, qui adoránt sculptília : \* et qui gloriántur in simulácris suis.

Adoráte eum omnes Angeli ejus : \* audivit, et lætáta est Sion.

Et exsultavérunt filię Judæ, \* propter judícia tua Dómine : Quóniam tu Dóminus altissimus super omnem terram : \* nimis exaltátus es super omnes deos.

Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justi in Dómino : \* et confitémini memóriæ sanctificatiónis ejus.

Añ. Lux orta est justo, et rectis corde lætítia.

Psalmus 98.

**D**OMINUS regnávít, irascéntur pópuli : \* qui sedet super Chérubim, moveátur terra. Dóminus in Sion magnus : \* et excélsus super omnes pópulos.

Confiteántur nómini tuo magno : & quóniam terribile, et sanctum est : \* et honor regis judícium diligit.

Tu parásti directiões : \* judícium et justítiam in Jacob tu fecisti.

Exaltáte Dóminum Deum nostrum, & et adoráte scabélum pedum ejus : \* quóniam sanctum est.

Móyses, et Aaron in sacerdotibus ejus : \* et Sámuel inter eos, qui invocant nomen ejus :

Invocabánt Dóminum, et ipse exaudíbat eos : \* in columna nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos : \* Deus tu propítius fuisti eis, et ulciscens in omnes adinventiões eórum.

Exaltáte Dóminum Deum nostrum, & et adoráte in monte sancto ejus : \* quóniam sanctus Dóminus Deus noster.

Añ. Custodiébant testimónia ejus, et præcépta ejus, quæ dedit illis.

¶. Nimis honoráti sunt amici tui, Deus. R. Nimis confortátus est principátus eórum.

R. vij. Isti sunt viri sancti, quos elégit Dóminus in caritáte non ficta, et dedit illis glóriam sempitérnā : \* Quorum doctrína fulget Ecclesiá, ut sole luna. ¶. In omnem terram exivit sonus eórum : et in fines orbis terræ verba eórum. — Quorum doctrína.

R. viij. Qui sunt isti, qui ut nubes volant, \* Et quasi colúmbæ ad fenéstas suas? ¶. Candidiões nive, nitidiões lacte, rubicundiões ébore antiquo. — Et quasi colúmbæ.

R. ix. Gregem tuum Pastor ætérne non déseras, sed per beátos Apóstolos tuos \* Perpétua defensiõe custódiás. ¶. Prótege Dómine pópulum tuum, et Apostolórum tuórum patrocínio confidéntem. — Perpétua. Glória. Perpétua.

Canticum Te Deum., pag. 16. Ante Laudes ¶. Dedisti hereditátem. R. Timéntibus nomen tuum Dómine.

#### AD LAUDES

ET PER HORAS ANTIPHONÆ.

1. Hoc est præcéptum meum, ut diligátis invicem, sicut di-

lēxi vos. Psalmus Dóminus regnávít. cum ceteris, pag. 17.

2. Majórem caritátem nemo habet, ut ánimam suam ponat quis pro amicis suis.

3. Vos amici mei estis, si feceritis quæ præcipio vobis, dicit Dóminus.

4. Beáti pacifici, beáti mundo corde : quóniam ipsi Deum vidébunt.

5. In patiéntia vestra possidebitis ánimas vestras.

Capitulum. Ephes. 2.  
JAM non estis hóspites, et ádvenæ : sed estis cives sanctórum, et doméstici Dei : superædificáti super fundaméntum Apostolórum, et Propheetárum, ipso summo angulári lápide Christo Jesu.

### Hymnus.

ÆTERNA Christi múnera  
Apostolórum glóriam,  
Laudes feréntes débitas,  
Lætis canámus méntibus.

ECCLESÍARUM principes,  
Belli triumpháles duces,  
Cæléstis aulæ milites,  
Et vera mundi lúmina.

DEVOTA sanctórum fides,  
Invicta spes credéntium,  
Perféccta Christi cáritas  
Mundi triúmphant principem.

IN his patérna glória,  
In his volúntas Spíritus,  
Exsúltat in his Fílius,  
Cælum replétur gáudiis.

TE nunc Redémptor quæsumus

Ut ipsórum consórtio  
Jungas precántes sérvulos,  
In sempitérna sæcula. Amen.

¶ Annuntiavérunt ópera Dei.  
R. Et facta ejus intellexérunt.

Ad Benedictus Añ. Vos, qui secúti estis me, sedébitis super

sedes, judicántes duódecim tribus Israel, dicit Dóminus. Canticum Benedictus Dóminus, pag. 23.

### AD TERTIAM.

Capitulum Jam non estis hóspites., ut in Laudibus.

R. In omnem terram \* Exivít sonus eórum. In omnem. ¶. Et in fines orbis terræ verba eórum. Exivít. Glória. In omnem.

¶ R. R. de Comuni Sanctórum ad Horas cum duplici Allelúia. dicantur in festis Totis Duplicibus et infra Octavas Solemnnes extra Septuagesimam.

¶ Constitues eos principes super omnem terram. R. Mémoires erunt nóminis tui Dómine.

### AD SEXTAM.

Capitulum. Act. 5.  
PER manus autem Apostolórum fiébant signa et prodigia multa in plebe.

R. Constitues eos principes \* Super omnem terram. Constitues eos. ¶. Mémoires erunt nóminis tui Dómine. Super. Glória. Constitues eos.

¶ Nimis honoráti sunt amici tui Deus. R. Nimis confortátus est principátus eórum.

### AD NONAM.

Capitulum. Act. 5.  
IBANT Apóstoli gaudéntes a conspéctu concilii, quóniam digni hábiti sunt pro nómine Jesu contuméliam pati.

R. Nimis honorátisunt \* Amici tui Deus. Nimis honoráti sunt. ¶. Nimis confortátus est principátus eórum. Amici. Glória. Nimis honoráti sunt.

¶ Annuntiavérunt ópera Dei. R. Et facta ejus intellexérunt.

## AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimícos tuos, \* scabellum pedum tuórum.

Virgam virtútis tuæ emittet Dóminus ex Sion : \* domináre in médio inimicórum tuórum.

Tecum principium in die virtútis tuæ in splendóribus sanctorum : \* ex útero ante luciferum genui te.

Jurávit Dóminus, et non pœnitēbit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natió nibus, implebit ruínas : \* conquassábit cápita in terra multórum.

De torrēte in via bibet : \* propterea exaltábit caput.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásu, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia rēspicit in cælo et in terra?

Súscitans a terra ínopem, \* et de stércore érigen s páuperem :

Ut cóllocet eum cum princípibus, \* cum princípibus pó-puli sui.

Qui habitáre facit stérilem in domo, \* matrem filiórú lætántem.

Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors sanctorum ejus :

O Dómine quia ego servus tuus : \* ego servus tuus, et fílius ancillæ tuæ.

Dirupísti víncula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Psalmus 125.

**I**N converténdo Dóminus captivitátem Sion : \* facti sumus sicut consoláti :

Tunc replétum est gáudio os nostrum : \* et lingua nostra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobiscum : \* facti sumus lætántes.

Convérte Dómine captivitátem nostram, \* sicut torrens in austro.

Qui séminant in lácrimis, \* in exsultatióne metent.

Eúntes ibant et flebant, \* míténtes sémína sua.



Veniéntes autem vénient cum exsultatióne, \* portántes manipulos suos.

Psalmus 138.

**D**OMINE probásti me, et cognovísti me : \* tu cognovísti sessiόνem meam, et resurrectioném meam :

Intellexísti cogitatiónes meas de longe : \* sémitam meam, et funiculum meum investigásti.

Et omnes vias meas prævidísti : \* quia non est sermo in lingua mea.

Ecce Dómine tu cognovísti ómnia novíssima, et antiqua : \* tu formásti me, et posuísti super me manum tuam.

Mirábilis facta est sciéntia tua ex me : \* confortáta est, et non pótero ad eam.

Quo ibo a spiritu tuo? \* et quo a fácie tua fúgiam?

tu ascéndero in cælum, tu illic es : \* si descéndero in inférnum, ades.

Si sumpsero pennas meas dilúculo, \* et habitávero in extrémis maris :

Etenim illuc manus tua dedúcet me : \* et tenébit me dextera tua.

Et dixi : Fórsitan ténebræ conculcábunt me : \* et nox illuminatió mea in deliciis meis.

Quia ténebræ non obscurábuntur a te, et nox sicut dies illuminábitur : \* sicut ténebræ ejus, ita et lumen ejus.

Quia tu possedísti renes meos : \* suscepísti me de útero matris meæ.

Confitébor tibi quia terribiliter magnificátus es : \* mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto : \* et substántia mea in inferióri-bus terræ.

Imperféctum meum vidérunt óculi tui, ⁊ et in libro tuo omnes scribéntur : \* dies formábuntur, et nemo in eis.

Mihi autem nimis honorificáti sunt amici tui Deus : \* nimis confortátus est principátus eórum.

Dinumerábo eos, et super arénam multiplicábuntur : \* exsurrexi, et adhuc sum tecum.

Si occideris Deus peccatóres : \* viri sánguinem declináte a me :

Quia dicitis in cogitatióne : \* accipient in vanitaté civitatés tuas.

Nonne qui odérunt te Dómine óderam : \* et super inimicos tuos tabescébam?

Perfécto ódio óderam illos : \* et inimici facti sunt mihi.

Proba me Deus, et scito cor meum : \* intérroga me, et cognósce sémitas meas.

Et vide, si via iniquitátis in me est : \* et deduc me in via ætérna.

Añā. Hoc est præcéptum meum, ut diligátis invicem, sicut diléxi vos.

Capitulum Jam non estis hóspites. et Hymnus Exsúltet cælum láudibus., ut in j. Vesperis, pag. 26\*.

⁊. In omnem terram exivit sonus eórum. R. Et in fines orbis terræ verba eórum.

Ad Magnificat Añā. In regeneratione, cum sederit Filius hominis in sede majestatis suæ, sedebitis et vos, judicantes duodecim tribus Israel, dicit Dóminus.

COMMUNE  
UNIUS EVANGELISTÆ.

## AD I. VESPERAS.

Super Psalmos Añā. Estóte fortes in bello, et pugnáte cum antiquo serpente : et accipiétis regnum ætérnum, allelúia. Psalmus Laudáte púeri. cum ceteris, pag. 145.

Capitulum. Eccli. 15.

**Q**UI timet Deum, fáciat bona : et qui contémens est justitiæ, apprehéndet illam, et obviábit illi quasi mater honorificáta.

℟. Vos estis lux mundi, dicit Dóminus, \* Qui in patientia vestra Possidébitis ánimas vestras. ℣. Et ego dispóno vobis sicut dispósuit mihi Pater meus regnum, ut edátis et bibátis super mensam meam in regno meo. — Qui in patientia vestra. Glória. Possidébitis ánimas vestras.

## Hymnus.

**E**XSULTET cælum laudibus,  
Resúltet terra gáudiis :  
Apostolorum glóriam  
Sacra canunt solémnia.

Vos sæcli iusti júdices  
Et vera mundi lúmina,  
Votis precámur córdium,  
Audite preces súpplicum.

**Q**UI cælum verbo cláuditis,  
Serásque ejus sólvetis,  
Nos a peccátis ómnibus  
Sóluite jussu, quæsumus.

**Q**UORUM præcepto súbditur  
Salus et languor ómnium,  
Sanáte ægros móribus,  
Nos reddéntes virtútibus.

UT cum Iudex advénerit  
Christus in fine sæculi,  
Nos sempitérni gáudii  
Fáciat esse cómpotes.

DEO Patri sit glória,  
Ejúsque soli Filio,  
Cum Spíritu Paráclito  
Et nunc, et in perpétuum.

Amen.

℣. In omnem terram exivit sonus eórum. ℟. Et in fines orbis terræ verba eórum.

Ad Magnificat Añā. Ecce ego Joannes vidi óstium apértum in cælo, et ecce sedes pósita erat in eo, et in médio sedis, et in circúitu ejus quátuor animalia plena óculis ante et retro : et dabant glóriam, et honórem, et benedictiónem sedénti super thronum, vivénti in sæcula sæculórum.

## AD MATUTINUM.

Invitatorium. Regem Evangelistarum Dóminum \* Veníte adorémus.

Hymnus Exsúltet cælum laudibus., ut in j. Vesperis.

† In tribus Nocturnis Antiphonæ, Psalmi, Versiculi et Responsoria ut in Comuni Apostolorum, pag. 27\* et sequentibus; Lectiones propriæ.

Ante Laudes ℣. Dedisti hereditátem. ℟. Timéntibus nomen tuum Dómine.

## AD LAUDES

ET PER HORAS ANTIPHONÆ.

1. Hoc est præceptum meum, ut diligátis invicem, sicut dilexi vos. Psalmus Dóminus regnávít. cum ceteris, pag. 17.

2. Majórem caritátem nemo habet, ut ánimam suam ponat quis pro amicis suis.

3. Vos amici mei estis, si feceritis quæ præcipio vobis, dicit Dóminus.

4. Beáti pacífici, beáti mundo corde : quóniam ipsi Deum vídebunt.

5. In patientia vestra possidebitis animas vestras.

Capitulum. Eccli. 15.

**Q**ui timet Deum, faciet bona: et qui continens est iustitiæ, apprehendet illam, et obviabit illi quasi mater honorificata.

Hymnus.

**Æ**terna Christi munera  
Apostolorum gloriam,  
Laudes ferentes debitas,  
Lætis canamus mentibus.

ECCLSIARUM principes,  
Belli triumphales duces,  
Cælestis aulae milites,  
Et vera mundi lumina.

DEVOTA sanctorum fides,  
Invicta spes credentium,  
Perfecta Christi caritas  
Mundi triumphat principem.

In his paterna gloria,  
In his voluntas Spiritus  
Exsultat in his Filius,  
Cælum replètur gaudiis.

TE nunc Redemptor quaesumus

Ut ipsorum consortio  
Jungas precantes servulos,  
In sempiterna sæcula. Amen.

¶ Annuntiaverunt opera Dei.  
R. Et facta ejus intellexerunt.

Ad Benedictus Añ. In medio  
et in circuitu sedis Dei quattuor animalia senas alas habentia, oculis undique plena, non cessant nocte ac die dicere: Sanctus, Sanctus, Sanctus Dominus Deus omnipotens, qui erat, et qui est, et qui venturus est.

AD TERTIAM.

Capitulum Qui timet Deum.,  
ut in Laudibus.

R. In omnem terram \* Exivit sonus eorum. In omnem terram. ¶. Et in fines orbis terræ

verba eorum. Exivit. Glória. In omnem terram.

¶. Constitues eos principes super omnem terram. R. Mémores erunt nominis tui Dómine.

AD SEXTAM.

Capitulum. Eccli. 15.

**C**REAVIT illum Dóminus panem vitæ et intellectus, et aqua sapientiæ salutáris potavit illum.

R. Constitues eos principes \* Super omnem terram. Constitues eos. ¶. Mémores erunt nominis tui Dómine. Super. Glória. Constitues eos.

¶. Nimis honorati sunt amici tui Deus. R. Nimis confortatus est principatus eorum.

AD NONAM.

Capitulum. Eccli. 15.

**I**n medio ecclesiæ aperuit os ejus, et implèvit eum Dóminus spiritu sapientiæ et intellectus, et stolam glóriæ induit eum.

R. Nimis honorati sunt \* Amici tui Deus. Nimis honorati sunt. ¶. Nimis confortatus est principatus eorum. Amici. Glória. Nimis honorati sunt.

¶. Annuntiaverunt opera Dei. R. Et facta ejus intellexerunt.

AD II. VESPERAS.

Super Psalmos Añ. Hoc est præceptum meum, ut diligatis invicem, sicut dilexi vos. Psalmus Dixit Dóminus. cum ceteris, ut in Communi Apostolorum, pag. 34\*.

Capitulum Qui timet Deum.,  
Hymnus Exsaltet cælum laudibus. et ¶. In omnem terram. ut in j. Vesperis.



Ad Magnificat Añā. Tua sunt hæc Christe ópera, qui Sanctos tuos ita glorificas, ut étiam dignitátis grátia in eis futúræ, præire mirácula fácias : tu insignes Evangélii prædicatóres

animálium cæléstium admirábili figúra præsignásti : his namque cæléste munus collátum gloriósis indíciis es dignátus osténdere : hinc laus, hinc glória tibi résonet in sæcula.

## COMMUNE UNIUS MARTYRIS PONTIFICIS.

### AD I. VESPERAS.

Super Psalmos Añā. Lætábit justus in Dómino, et sperábit in eo, et laudabuntur omnes recti corde.

Capitulum.

Jac. i.

**B**EATUS vir, qui suffert tentatiónem : quóniam, cum probátus fúerit, accipiet corónam vitæ, quam repromisit Deus dilígéntibus se.

Gl. Gloriósus Dei amicus N. Jesu Dómini confessióne fundátus, inter tormentórum supplicia stetit impertérritus : Ac demum, triumpháli morte insígnis, Cælos petivit ságuine laureátus. V. Felici comércio, pro terrénis cæléstia, pro peritúris æténa commúans. — Ac demum. Glória. Cælos petivit.

Hymnus.

**D**EUS tuórum militum  
Corónā, sors et præmium,  
Laudes canéntes Mártiris  
Absólve nexu críminis.

Hic nempē, mundi gáudia  
Et blandiménta nóxia  
Cadúca rite députans,  
Pervénit ad cæléstia.

PENAS cucúrrit fórtiter  
Et sústulit viríliter :  
Pro te profúdens ságuinem  
Æténa dona póssidet.

Or. hoc precátu súplici  
Te póscimus piíssime :

In hoc triúmpho Mártiris  
Dimitte noxam sérvulis.

LAUS et perénnis glória  
Deo Patri cum Filio,  
Sancto simul Paráclito,  
In sempitérna sæcula. Amen.  
V. Glória et honóre coronásti  
eum Dómine. R. Et constituísti  
eum super ópera mánuum  
tuárum.

Ad Magnificat Añā. Hic est  
vere Mátyr, qui pro Christi  
nómine ságuinem suum fudit :  
qui minas júdicum non  
timuit, nec terrénæ dignitátis  
glóriam quæsivit, sed ad cæléstia  
regna feliciter pervénit.

Oratio.

**L**ÆTETUR Ecclésia tua Deus  
beáti N. Mártiris tui atque  
Pontificis confisa suffrágiis :  
atque ejus précibus gloriósis  
et devóta permáneat, et secúra  
consistat. Per.

† Alia Oratio.

**D**A, quæsumus omnipotens  
Deus : ut qui beáti N.  
Mártiris tui atque Pontificis  
solémnia cólimus, ejus apud  
te intercessiónibus adjuvémur.  
Per.

¶ Si contingat fieri plures Memorias de aliis singulis Martyribus in j. Vesperis,

Pro j. Memoria dicatur Añā Iste est., ut ad Magnificat in ij. Vesperis, pag. 48\*;

Pro ij. Memoria dicatur Añā Qui me confessus fuerit., quæ est j. Laudum, pag. 45\*;

Pro iij. Memoria dicatur Añā Qui mihi ministrat., quæ est iv. Laudum, ibidem.

¶ Versiculi autem hoc ordine dicantur :

I. V. Glória et honóre coronasti eum Dómine. R. Et constituisti eum super ópera manuum tuarum.

II. X. Posuisti Dómine super caput ejus. R. Coronam de lapide pretioso.

III. V. Magna est glória ejus in salutári tuo. R. Glóriam et magnum decórem impónes super eum.

#### AD MATUTINUM.

Invitatorium. Regem sempiternum venite adorémus,\* Qui Mártirem suum digne pro méritis coronávit in cælis.

Hymnus Deus tuórum militum., ut in j. Vesperis.

#### IN I. NOCTURNO.

Psalmus i.

**B**EATUS vir, qui non ábiit in consilio impiórum, & et in via peccatórum non stetit,\* et in cáthedra pestiléntiæ non sedit :

Sed in lege Dómini volúntas ejus,\* et in lege ejus meditábitur die ac nocte.

Et erit tamquam lignum, quod plantátum est secus decursus aquárum,\* quod fructum suum dabit in témpore suo :

Et sólium ejus non défluat :\* et ómnia quæcúmque faciet, prosperabúntur.

Non sic impii, non sic :\* sed tamquam pulvis, quem prójicit ventus a fácie terræ.

Ideo non resúrgent impii in iudicio :\* neque peccatóres in concílio justórum.

Quóniam novit Dóminus viam justórum :\* et iter impiórum peribit.

Añā. In lege Dómini fuit volúntas ejus die ac nocte.

#### Psalmus 2.

**Q**UARE fremuerunt gentes,\* et pópuli meditáti sunt inánia?

Astitérunt reges terræ,\* et principes convenérunt in unum \* advérsus Dóminum, et advérsus Christum ejus.

Dirumpámus vincula eórum :\* et projiciámus a nobis jugum ipsórum.

Qui hábitat in cælis irridébit eos :\* et Dóminus subsannábit eos.

Tunc loquétur ad eos in ira sua,\* et in furóre suo conturbábit eos.

Ego autem constitútus sum rex ab eo super Sion montem sanctum ejus,\* prædicans præcéptum ejus.

Dóminus dixit ad me :\* Filius meus es tu, ego hódie génui te.

Póstula a me, et dabo tibi gentes hereditátem tuam,\* et possessionem tuam términos terræ.

Reges eos in virga férrea,\* et tamquam vas figuli confrínges eos.

Et nunc reges intelligite :\* erudímini qui judicátis terram.

Servite Dómino in timóre : \*  
et exsultáte ei cum tremóre.

Apprehéndite disciplinam ne-  
quándo irascátur Dóminus, \*  
et pereátis de via justa.

Cum exárserit in brevi ira  
ejus, \* beáti omnes, qui confid-  
unt in eo.

Añã. Prædicans præceptum  
Dómini, constitútus est in  
monte sancto ejus.

Psalmus 3.

**D**OMINE quid multiplicáti  
sunt qui tribulant me? \*  
multi insúrgunt advérsus me.  
Multi dicunt ánimæ meæ : \*  
Non est salus ipsi in Deo ejus.  
Tu autem Dómine suscéptor  
neus es, \* glória mea, et exál-  
tans caput meum.

Voce mea ad Dóminum cla-  
mávi : \* et exaudivit me de  
monte sancto suo.

Ego dormivi, et soporátus  
sum : \* et exsurrexi, quia Dó-  
minus suscepit me.

Non timébo millia pópuli cir-  
cumdántis me : \* exsúrge Dómi-  
ne, salvum me fac Deus meus.

Quóniam tu percussisti om-  
nes adversántes mihi sine cau-  
sa : \* dentes peccatórum con-  
trivisti.

Dómini est salus : \* et super  
pópulum tuum benedictio tua.

Añã. Voce mea ad Dóminum  
clamávi : et exaudivit me de  
monte sancto suo.

℣. Glória et honóre coronásti  
eum Dómine. ℞. Et consti-  
tuísti eum super ópera má-  
nium tuárum.

De Actibus Apostolorum.

Lectio j. Cap. 20.

**A**MILETO Paulus mittens  
Ephesum, vocávit majó-  
res natu ecclésiæ. Qui cum

venissent ad eum, et simul  
essent, dixit eis : Vos scitis a  
prima die, qua ingressus sum  
in Asiam, qualiter vobiscum  
per omne tempus fúerim, sér-  
viens Dómino cum omni hu-  
militáte, et lácrimis, et tenta-  
tiónibus, quæ mihi acciderunt  
ex insidiis Judæórum : quó-  
modo nihil subtráxerim uti-  
lium, quo minus annuntiárem  
vobis, et docerem vos públice,  
et per domos, testificans Ju-  
dæis, atque Gentilibus in Deum  
pénitentiam, et fidem in Dó-  
minum nostrum Jesum Chri-  
stum.

℞. j. Iste Sanctus pro lege  
Dei sui certávit usque ad mor-  
tem, et a verbis impiórum non  
timuit : \* Fundátus enim erat  
supra firmam petram. ℣. Mu-  
nimine régio septus, nulláte-  
nus est ab adversáriis superá-  
tus. — Fundátus enim.

Lectio ij.

**E**T nunc ecce alligátus ego  
spíritu, vado in Jerúsalem,  
quæ in ea ventúra sint mihi,  
ignórans : nisi quod Spíritus  
sanctus per omnes civitátes  
mihi protestátur, dicens : quó-  
niam vincta, et tribulatiónes  
Jerosólymis me manent. Sed  
nihil horum véreor : nec fácio  
ánimam meam pretiosiórem  
quam me, dúmmodo consum-  
mem cursum meum, et mini-  
stérium verbi, quod accepi a  
Dómino Jesu, testificári Evan-  
gélium grátiae Dei.

℞. ij. Posuisti Dómine super  
caput ejus coronam de lápide  
pretiósio : vitam pétiit a te, et  
tribuisti ei \* In sæculum sæ-  
culi. ℣. Magna est glória ejus  
in salutári tuo : glóriam et ma-



gnum decorem impōnes super eum. — In sæculum sæculi.

Lectio iij.

**E**T nunc ecce ego scio quia amplius non vidēbitis faciē meam vos omnes, per quos transivi prædicans regnum Dei. Quaprōpter contēstor vos hodierna die, quia mundus sum a sanguine omnium. Non enim subterfūgi, quōminus annuntiārem omne consilium Dei vobis. Attēdite vobis, et univēso gregi, in quo vos Spīritus sanctus pōsuit Episcopos rēgere Ecclesiā Dei, quam acquisivit sanguine suo.

R. iij. Glōria et honōre coronāsti eum Dōmine, et constituisti eum super ōpera mānuum tuarum : \* Omnia subiecisti sub pēdibus ejus. V. Quōniam elevata est magnificētia tua super cælos Deus. — Omnia subiecisti. Glōria. Omnia subiecisti.

IN II. NOCTURNO.

Psalmus 4.

**C**UM invocārem exaudivit me Deus justitiæ meæ : \* in tribulatiōe dilatāsti mihi.

Miserēre mei, \* et exāudi oratiōem meam.

Filii hōminum usquequo gravi corde ? \* ut quid diligitis vanitatem, et quæritis mendācium ?

Et scitōte quōniam mirificāvit Dōminus sanctum suum : \* Dōminus exāudiet me cum clamāvero ad eum.

Irascimini, et nolite peccāre : \* quæ dicitis in cōrdibus vestris, in cubilibus vestris compungimini.

Sacrificāte sacrificium justitiae, et sperāte in Dōmino : \*

multi dicunt : Quis ostēdit nobis bona ?

Signātum est super nos lumen vultus tui Dōmine : \* dedisti lætitiā in corde meo.

A fructu frumēti, vini, et olei sui \* multiplicāti sunt.

In pace in idipsum \* dōrmiam, et requiescam :

Quōniam tu Dōmine singulariter in spe \* constituisti me.

Añā. Filii hōminum scitōte quia Dōminus sanctum suum mirificāvit.

Psalmus 5.

**V**ERBA mea auribus percipe Dōmine, \* intēllige clamōrem meum.

Intēde voci oratiōis meæ, \* rex meus et Deus meus.

Quōniam ad te orābo : \* Dōmine mane exāudies vocem meam.

Mane astābo tibi et vidēbo : \* quōniam non Deus volens iniquitatem tu es.

Neque habitābit juxta te malignus : \* neque permanēbunt injūsti ante oculos tuos.

Odisti omnes, qui operāntur iniquitatem : \* perdes omnes, qui loquūtur mendācium.

Virum sanguinum et dolum abominābitur Dōminus : \* ego autem in multitūdine misericōrdiæ tuæ.

Introibo in domum tuam : \* adorābo ad templum sanctum tuum in timōre tuo.

Dōmine deduc me in justitia tua : \* propter inimicos meos dirige in conspectu tuo viam meam.

Quōniam non est in ore eorum veritas : \* cor eorum vanum est.

Sépulcrum patens est guttur eorum, & linguis suis dolose agébant, \* júdica illos Deus.

Décidant a cogitátióibus suis, & secúndum multitudínem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, \* quóniam tu benedices justo.

Dómine, ut scuto bonæ voluntátis tuæ \* coronásti nos.

Añá. Scuto bonæ voluntátis tuæ coronásti eum Dómine.

Psalmus 8.

**D**OMINE Dóminus noster, \* quam admirábile est nomen tuum in univérſa terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut déstruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuisti eum paulo minus ab Angelis, & glória et honóre coronásti eum : \* et constituisti eum super ópera mánuum tuárum.

Omnia subjecisti sub pédibus ejus, \* oves et boves univérſas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Añá. In univérſa terra glória et honóre coronásti eum.

℟. Posuisti Dómine super caput ejus. ℞. Coronam de lápide pretiósó.

Sermo sancti Augustini  
Episcopi.

(Ex Serm. 3. de S. Cypr.)

Lectio iv.

**F**ACILE est honórem Mátyris celebráre : magnum est fidem atque patiéntiam Mátyris imitári. Hoc sic agámus, ut illud optémus : illud sic celebrémus, ut hoc pótius diligámus. Quid laudémus in fide Mátyris? Quia usque ad mortem certávit pro veritáte, et ideo vicit. Blandiéntem mundum contémpsit, sæviénti non cessit : ideo victor ad Deum accessit.

℞. iv. Beátus vir, qui suffert tentatióem : quóniam cum probátus fúerit, accipiet coronam vitæ, \* Quam repromisit Deus diligéntibus se. ℟. Hic accipiet benedictiόem a Dómino, et misericórdiam. — Quam.

Lectio v.

**A**BUNDANT in isto sæculo erróres et terróres : beattíssimus Martyr erróres sapiéntia, terróres patiéntia superávit. Magnum est, quod fecit : secútus Agnum, leónem vicit. Quando persecútór sæviébat, leo fremébat : sed quia Agnus sursum attendebátur, qui morte mortem destrúxit, ligno pepéndit, sánguinem fudit, redémít mundum : leo deórsum calcabátur.

℞ v. Dómine prævenisti eum in benedictiόibus dulcédinis :

posuisti in cāpite ejus \* Corónam de lápide pretióso. V. Vitam petiit a te, et tribuisti ei Dómine. — Corónam.

Lectio vj.

**B**EATUS hic Martyr, dum in expugnabili firmitate certáminis sui adversárium vicit, vincéndi céteris viam fecit : non brevi compéndio vúlnerum victor, sed adhæréntibus diu, et permanéntibus pœnis, longæ colluctatiónis miráculo triumphátor. Custódia cárceris septus, in nervo ac ferro fuit : sed pósito in vînculis corpore, solútus ac liber spiritus mansit. Caro famis ac sitis diuturnitate contábuít : sed ánimam fide et virtúte vivéntem nutríméntis spiritalibus Deus pavit.

R. vj. Hic est vere Martyr, qui pro Christi nómine sánguinem suum fudit : \* Qui minas júdicum non tímuit, nec terrénæ dignitátis glóriam quæsiuit, Sed ad cæléstia regna pervénit. V. Justum dedúxit Dóminus per vias rectas, et osténdit illi regnum Dei. — Qui minas. Glória. Sed ad cæléstia.

### IN III. NOCTURNO.

Psalmus 10.

**I**N Dómino confido : quómodo dicítis ánimæ meæ : \* Trásmigra in montem sicut passer ? Quóniam ecce peccatóres intendérunt arcum, & paravérunt sagittas suas in phàretra, \* ut sagittent in obscúro rectos corde.

Quóniam quæ perfecisti, destruxérunt : \* justus autem quid fecit ?

Dóminus in templo sancto suo, \* Dóminus in cælo sedes ejus :

Oculi ejus in páuperem respiciunt : \* pálpebræ ejus intérogant filios hóminum.

Dóminus intérogat justum et impium : \* qui autem dilígit iniquitatem, odit ánimam suam.

Pluet super peccatóres láqueos : \* ignis, et sulphur, et spiritus procellárum pars cálicis eórum.

Quóniam justus Dóminus et justitias diléxit : \* æquitatem vidit vultus ejus.

Ánã. Justus Dóminus, et justitias diléxit : æquitatem vidit vultus ejus.

Psalmus 14.

**D**OMINE quis habitábit in tabernáculo tuo ? \* aut quis requiescet in monte sancto tuo ?

Qui ingréditur sine mácula, \* et operátur justitiam :

Qui lóquitur veritatem in corde suo, \* qui non egit dolum in lingua sua :

Nec fecit próximo suo malum, \* et oppróbrium non accépit advérsus próximos suos.

Ad nihilum dedúctus est in conspéctu ejus malignus : \* tíméntes autem Dóminum gloriícat :

Qui jurat próximo suo, et non decipit, & qui pecúniám suam non dedit ad usúram, \* et múnera super innocéntem non accépit :

Qui facit hæc, \* non movébitur in ætérnum.

Ánã. Habitábit in tabernáculo tuo : requiescet in monte sancto tuo.



## Psalms 20.

**D**OMINE in virtute tua lætabitur rex : \* et super salutare tuum exsultabit vehementer.

Desiderium cordis ejus tribuisti ei : \* et voluntate labiorum ejus non fraudasti eum.

Quoniam prævenisti eum in benedictionibus dulcedinis : \* posuisti in capite ejus coronam de lapide pretioso.

Vitam petiit a te : \* et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo : \* gloriam et magnum decorem impones super eum.

Quoniam dabis eum in benedictionem in sæculum sæculi : \* lætificabis eum in gaudio cum vultu tuo.

Quoniam rex sperat in Domino : \* et in misericordia Altissimi non commovebitur.

Inveniatur manus tua omnibus inimicis tuis : \* dextera tua inveniat omnes, qui te oderunt.

Pones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

Fructum eorum de terra perdes : \* et semen eorum a filiis hominum.

Quoniam declinaverunt in te mala : \* cogitaverunt consilia, quæ non potuerunt stabilire.

Quoniam pones eos dorsum : \* in reliquiis tuis præparabis vultum eorum.

Exaltare Domine in virtute tua : \* cantabimus et psallimus virtutes tuas.

Añ. Posuisti Domine super caput ejus coronam de lapide pretioso.

¶ Magna est gloria ejus in salutari tuo. R. Gloriam et magnum decorem impones super eum.

Lectio sancti Evangelii secundum Lucam.

Lectio vij. Cap. 14.

**I**N illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia sancti Gregorii Papæ. (Hom. 37. in Evang.)

**S**i consideremus, fratres carissimi, quæ et quanta sunt quæ nobis promittuntur in cælis, viléscent animo omnia quæ habentur in terris. Terræ namque substantia supernæ felicitati comparata, pondus est, non subsidium. Temporalis vita æternæ vitæ comparata, mors est potius dicenda quam vita. Ipse enim quotidianus defectus corruptionis quid est aliud, quam quædam prolixitas mortis? Quæ autem lingua dicere, vel quis intellectus capere sufficit, illa supernæ civitatis quanta sint gaudia : Angelorum choris interesse, cum beatissimis spiritibus gloriæ Conditoris assistere, præsentem Dei vultum cernere, incircumscriptum lumen videre, nullo mortis metu affici, incorruptionis perpetuæ munere lætari?

R. vij. Stulam jucunditatis induit eum Dominus, \* Et corò-

nam pulchritudinis posuit super caput ejus. *℟.* Cibavit illum Dominus pane vite et intellectus, et aqua sapientie salutaris potavit eum. — Et coronam.

Lectio viij.

**S**ED ad hæc audita inardescit animus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labores. Unde et Paulus egregius prædicator dicit: Non coronabitur, nisi qui legitime certaverit. Delictet ergo mentem magnitudo præmiõrum, sed non deterrat certamen laborum. Unde ad se venientibus Veritas dicit: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus.

*℟.* viij. Corona aurea super caput ejus expressa signo sanctitatis, gloria honoris, \* Et opus fortitudinis. *℟.* Quoniam prævenisti eum in benedictionibus dulcedinis: posuisti in capite ejus coronam de lapide pretioso. — Et opus fortitudinis.

Lectio ix.

**S**ED percontari libet, quomodo parèntes et carnaliter propinquos præcipimur odisse, qui jubemur et inimicos diligere? Et certe Veritas de uxore dicit: Quod Deus conjunxit, homo non séparet. Et Paulus ait: Viri, diligite uxores vestras, sicut et Christus Ecclesiam. Ecce discipulus uxorem diligendam prædicat, cum Magister dicat: Qui uxorem non

odit, non potest meus esse discipulus. Numquid aliud judex nuntiat, aliud præco clamat? An simul et odisse possumus, et diligere? Sed si vim præcepti perpéndimus, utrúmque ágere per discretionem valémus: ut uxorem, et eos, qui nobis carnis cognatione conjuncti sunt, et quos próximos nóvimus, diligámus: et quos adversários in via Dei pátimur, odiendo et fugiendo nesciámus.

*℟.* ix. Gloriosus Dei amicus N. Jesu Domini confessione fundatus, inter tormentorum supplicia stetit imperterritus: \* Ac demum triumphali morte insignis, Caelos petivit sanguine laureatus. *℟.* Felici commercio, pro terrénis cælestia, pro perituris æterna commutans. — Ac demum. Glória. Caelos petivit.

Ante Laudes *℟.* Ora pro nobis beate N. *℟.* Ut digni efficiámur promissionibus Christi.

#### AD LAUDES

ET PER HORAS ANTIPHONÆ.

1. Qui me confessus fuerit coram hominibus, confitebor et ego eum coram Patre meo. Psalmus Dominus regnavit. cum ceteris, pag. 17.

2. Qui sequitur me non ambulat in tenebris, sed habebit lumen vite, dicit Dominus.

3. Si quis mihi ministraverit, honorificabit eum Pater meus, qui est in cælis, dicit Dominus.

4. Qui mihi ministrat me sequatur: et ubi sum ego, illic erit et minister meus.

5. Volo Pater ut ubi ego sum, illic sit et minister meus.

Capitulum.

Jac. 1.

**B**EATUS vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

Hymnus.

**M**ARTYR Dei, qui unicum Patris sequendo Filium, Victis triumphas hostibus, Victor fruens cælestibus :

Tui precatus munere  
Nostrum reatum dilue,  
Arcens mali contagium,  
Vitæ repellens tædium.

SOLUTA sunt jam vincula  
Tui sacrati corporis :  
Nos solve vinculis sæculi,  
Amore Filii Dei.

DEO Patri sit gloria,  
Ejusque soli Filio,  
Cum Spiritu Paráclito,  
Et nunc, et in perpétuum.

Amen.

℣. Coróna áurea super caput ejus. ℞. Expressa signo sanctitatis.

Ad Benedictus Añã. Qui vult venire post me abneget semetipsum, et tollat crucem suam, et sequatur me.

† Si contingat fieri plures Memorias de aliis singulis Martyribus in Laudibus,

Pro j. Memoria dicatur Añã Qui sequitur me., quæ est ij. Laudum;

Pro ij. Memoria dicatur Añã Si quis, quæ est iij. Laudum;

Pro iij. Memoria dicatur Añã Volo Pater., quæ est v. Laudum.

† Versiculi autem hoc ordine dicantur :

I. ℣. Magna est gloria ejus in salutari tuo. ℞. Gloriam et magnum decorem impones super eum.

II. ℣. Posuisti Domine super caput ejus. ℞. Coronam de lapide pretioso.

III. ℣. Gloria et honore coronasti eum Domine. ℞. Et constituisti eum super opera manuum tuarum.

AD TERTIAM.

Capitulum. Beatus vir, qui suffert., ut in Laudibus.

℞. Gloria et honore \* Coronasti eum Domine. Gloria et honore. ℣. Et constituisti eum super opera manuum tuarum. Coronasti. Gloria Patri. Gloria et honore.

℣. Posuisti Domine super caput ejus. ℞. Coronam de lapide pretioso.

AD SEXTAM.

Capitulum. Sap. 10.

**C**USTODIVIT illum Dominus ab inimicis, et a seductibus tutavit eum, et certamen forte dedit illi ut vinceret.

℞. Posuisti Domine \* Super caput ejus. Posuisti. ℣. Coronam de lapide pretioso. Super. Gloria. Posuisti.

℣. Magna est gloria ejus in salutari tuo. ℞. Gloriam et magnum decorem impones super eum.

AD NONAM.

Capitulum. Eccli. 4.

**P**RO justitia agonizare pro anima tua, et usque ad mortem certa pro justitia.

℞. Magna est gloria ejus \* In salutari tuo. Magna est. ℣. Gloriam et magnum decorem impones super eum. In salutari tuo. Gloria. Magna est.

℣. Coróna áurea super caput ejus. ℞. Expressa signo sanctitatis.



## AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuæ emittet Dóminus ex Sion : \* dominare in medio inimicorum tuorum.

Tecum principium in die virtutis tuæ in splendóribus sanctorum : \* ex útero ante luciferum genui te.

Jurávit Dóminus, et non pœnitēbit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicabit in natióibus, implebit ruinas : \* conquassabit cápita in terra multórum.

De torrēte in via bibet : \* propterea exaltabit caput.

Psalmus 111.

**B**EATUS vir, qui timet Dóminus : \* in mandátis ejus volet nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in ténébris lumen rectis ; \* miséricors, et miserátor, et justus.

Jucundus homo qui miserétur et commodat, & dispónet sermones suos in judicio : \* quia in ætérnum non commovēbitur.

In memória ætérna erit justus : \* ab auditióne mala non timēbit.

Parátum cor ejus sperare in Dómino, & confirmátum est

cor ejus : \* non commovēbitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccatórum vidēbit, et irascétur, & déntibus suis fremet et tabéscet : \* desiderium peccatórum peribit.

Psalmus 112.

**L**AUDATE púeri Dóminus : \* laudate nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásus, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia respicit in cælo et in terra?

Súscitans a terra inopem, \* et de stercore érigens páuperem :

Ut cóllocet eum cum principibus, \* cum principibus pópuli sui.

Qui habitare facit stérilem in domo, \* matrem filiórum lætántem.

Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam  
coram omni pópulo ejus : \*  
pretiósá in conspéctu Dómini  
mors sanctórum ejus :

O Dómine quia ego servus  
tuus : \* ego servus tuus, et  
filius ancillæ tuæ.

Dirupisti víncula mea : \* tibi  
sacrificábo hóstiam laudis, et  
nomen Dómini invocábo.

Vota mea Dómino reddam in  
conspéctu omnis pópuli ejus : \*  
in átriis domus Dómini, in mé-  
dio tui Jérusalem.

#### Psalmus 125.

**I**N converténdo Dóminus ca-  
ptivitátem Sion : \* facti  
sumus sicut consoláti :

Tunc replétum est gáudio os  
nostrum : \* et lingua nostra  
exultatióne.

Tunc dicent inter gentes : \*  
Magnificávit Dóminus fácere  
cum eis.

Magnificávit Dóminus fácere  
nobiscum : \* facti sumus læ-  
tántes.

Convérte Dómine captivitá-  
tem nostram, \* sicut torrens in  
austro.

Qui sémant in lácrimis, \* in  
exultatióne metent.

Eúntes ibant et flebant, \* mit-  
téntes sémina sua.

Veniéntes autem vénient cum  
exultatióne \* portántes maní-  
pulos suos.

Añá. Qui me conféssus fúerit  
coram hominibus, confitébor  
et ego eum coram Patre meo.

Capitulum, Hymnus et V. ut  
in j. Vesperis, pag. 38\*.

Ad Magnificat Añá. Iste est  
qui pro lege Dei sui morti se  
trádidit : non dubitávit mori :  
ab iniquis interféctus est, et in  
ætérnum vivit cum Christo :

Agnum secútus est, et accépit  
palmam.

¶ Si contingat fieri plures Me-  
morias de aliis singulis Mar-  
tyribus in ij. Vesperis,

Pro j. Memoria dicatur Añá  
Hic est., ut ad Magnificat in  
j. Vesperis, pag. 38\*;

Pro ij. Memoria dicatur Añá  
Lætábitur., ut infra, in No-  
cturno festi Trium Lectio-  
num;

Pro iij. Memoria dicatur Añá  
Qui mihi ministrat., quæ est  
iv. Laudum, pag. 45\*.

¶ Versiculi autem hoc ordine  
dicantur :

I. V. Glória et honóre coro-  
násti eum Dómine. R. Et con-  
stituisti eum super ópera má-  
nuum tuárum.

II. V. Posuisti Dómine super  
caput ejus. R. Coronam de  
lápide pretiósó.

III. V. Magna est glória ejus  
in salutári tuo. R. Glóriam et  
magnum decórem impónes su-  
per eum.

#### IN FESTO

#### TRIUM LECTIONUM.

#### AD MATUTINUM.

Invitatorium. Regem Máty-  
rum Dóminum \* Veníte adoré-  
mus.

#### IN NOCTURNO.

Super Psalmos Añá. Lætábi-  
tur justus in Dómino, et spé-  
rábit in eo, et laudabúntur  
omnes recti corde.

Cetera fiant ut in Rubricis  
generalibus § xiiij. de festo  
Trium Lectionum notatum est.

COMMUNE  
UNIUS MARTYRIS  
NON PONTIFICIS.

Omnia ut in Communi unius  
Martyris Pontificis, præter hic  
posita.

Oratio.

**A**DESTO Dōmine supplicatiō-  
nibus nostris : ut qui ex  
iniquitatē nostra reos nos esse  
cognōscimus, beāti N. Márty-  
ris tui intercessiōne liberēmur.  
Per.

† Alia Oratio.

**P**RÆSTA, quæsumus omnipo-  
tens Deus : ut qui beāti N.  
Mártyris tui natalitia cōlimus,  
a cunctis malis imminētibz  
ejus intercessiōne liberēmur.  
Per.

IN I. NOCTURNO.

De Epistola beāti Pauli  
Apóstoli ad Romános.

Lectio j. Cap. 8.

**E**XISTIMO quod non sunt  
condignæ passiōes hujus  
tēporis ad futūram glóriam,  
quæ revelābitur in nobis. Nam  
expectatiō creatūræ revela-  
tiónem filiōrum Dei expéctat.  
Vanitatē enim creatūra subjé-  
cta est non volens, sed propter  
eum, qui subjécit eam in spe :  
quia et ipsa creatūra liberābitur  
a servitūte corruptiōnis in  
libertatem glóriæ filiōrum Dei.

Lectio ij.

**S**CIMUS enim quod omnis  
creatūra ingemiscit, et pár-  
turit usque adhuc. Non solum  
autem illa, sed et nos ipsi  
primitias spíritus habētes : et ipsi  
intra nos gémimus adoptiō-  
nem filiōrum Dei expectāntes,  
redemptiōnem cōporis nostri.  
Spe enim salvi facti sumus.

Spes autem, quæ vidētur, non  
est spes : nam quod videt quis,  
quid sperat? Si autem quod  
non vidēmus, sperāmus : per  
patiētiā expectāmus.

Lectio iij.

**S**IMILITER autem et Spíritus  
adjuvat infirmitatem no-  
stram : nam quid orēmus, sicut  
opórtet, nescimus : sed ipse  
Spíritus póstulat pro nobis ge-  
mitibus inenarrabilibus. Qui  
autem scrutátur corda, scit  
quid desideret Spíritus : quia  
secúndum Deum póstulat pro  
sanctis. Scimus autem quón-  
iam diligētibz Deum ómnia  
cooperántur in bonum, iis, qui  
secúndum propósitum vocāti  
sunt sancti.

IN II. NOCTURNO.

Sermo sancti Augustíni  
Episcopi.

(Serm. 44. de Sanctis.)

Lectio iv.

**T**RIUMPHALIS beāti Márty-  
ris N. dies hódie nobis an-  
niversária celebritatē recúrrit :  
cujus glorificatiōni sicut congáudet  
Ecclésia, sic ejus propónit  
sequēda vestigia. Si  
enim compátimur, et conglo-  
rificābimur. In cujus glorióso  
agóne duo nobis præcipue  
considerāda sunt : indurata  
videlicet tortóris sævitia, et  
Mártyris invicta patiētia. Sæ-  
vitia tortóris, ut eam detesté-  
mur : patiētia Mártyris, ut  
eam imitémur.

Lectio v.

**G**LORIOSUS Christi athléta  
non exhórruit cárcerem :  
ad imitatiōnem Cápitis sui to-  
lerávit probra, sustinuit irri-  
siones, flagélla non timuit :



et quot ante mortem pro Christo pertulit supplicia, tot ei de se obtulit sacrificia. Quod enim propināte Apóstolo biberat, alte retinebat, Quia non sunt condignæ passiones hujus temporis ad futuram glóriam, quæ revelabitur in nobis : et Quia momentāneum hoc, et leve nostræ tribulationis, ætérnum glóriæ pondus operatur in cælis.

Lectio vj.

**C**ONTEMPLABATUR enim (quantum in ænigmate infirmitas humana oculus mentis in æternitate figere potest) quanta sint supérnæ civitatis gaudia : et ea enarrare non sufficiens, admirando clamabat : Quid mihi est in cælo? Quasi diceret : Excédit vires meas, excédit facultatem eloquentiæ meæ, transcendit capacitatem intelligentiæ meæ illud decus, illa glória, illa celitudo, qua, nobis a conturbatione hóminum remótis, in abscondito faciæ suæ Jesus Christus Dóminus noster reformabit corpus humilitatis nostræ, configuratum corpori claritatis suæ. Hujus perfectæ libertatis contemplatione nullum vitabat periculum, nullum horrébat supplicium : et si milles posset mori, non putabat se hanc digne posse aliqua ratione promereri.

IN III. NOCTURNO.

Lectio sancti Evangelii  
secundum Joannem.

Lectio vj.

Cap. 12.

**I**N illo tempore : Dixit Jesus discipulis suis : Amen, amen dico vobis, nisi granum fru-

menti cadens in terram mortuum fuerit, ipsum solum manet. Et reliqua.

Homilia sancti Augustini  
Episcopi.

(Tract. 51. in Joannem.)

**I**PSE Dóminus Jesus erat gratum mortificandum, et multiplicandum : mortificandum infidelitate Judæorum, multiplicandum fide populorum. Jam vero exhortans nos ad passionis suæ sectanda vestigia, Qui amat, inquit, animam suam, perdet eam. Quod duobus modis potest intelligi : Qui amat perdet : id est, si amas, perdes : si cupis vitam tenere cum Christo, noli mortem timere pro Christo. Item alio modo : Qui amat animam suam, perdet eam : noli amare, ne perdas; noli amare in hac vita, ne perdas in æterna vita.

Lectio viij.

**H**OC autem, quod posterius dixi, magis videtur habere evangélicus sensus. Sequitur enim : Et qui odit animam suam in hoc mundo, in vitam ætérnam custodit eam. Ergo quod supra dictum est, Qui amat (subintelligitur, in hoc mundo) ipse utique perdet; et qui eam odit (utique in hoc mundo) in vitam ætérnam ipse custodit eam. Magna et mira sententia, quemadmodum sit hóminis in animam suam amor ut péreat, odium ne péreat. Si male amáveris, tunc odisti : si bene óderis, tunc amásti.

Lectio ix.

**C**UM ergo causæ articulus vénerit, ut hæc conditio proponatur, aut faciendum

esse contra Dei præceptum, aut ex hac vita emigrandum; quorum duorum homo si cogatur alterum eligere, committente mortem persecutore: ibi eligat Deo dilecto emori, quam offenso vivere. Ibi oderit in hoc mundo animam suam, ut in vitam æternam custodiat eam.

† Aliud Evangelium similiter pro Martyre Pontifice, et non Pontifice.

Lectio sancti Evangelii secundum Matthæum.

Lectio vij. Cap. 16.

IN illo tempore: Dixit Jesus discipulis suis: Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Joannis Chrysostomi.

(Homil. 56. in Matth.)

QUEMADMODUM qui ludicrum instituit agónem, si cui athletarum amicitia vinculo jungitur, nunquam eum, nisi descenderit in certamen, coronabit: qui proprium illius videlicet laborem desiderat, et quo magis eum diligit, eo magis victorem videre cupit: sic etiam Christus, quos maxime diligit, eos non solum auxilio suo, verum etiam et a seipsis vult comprobari. Minime autem onerosam orationem reddit, quia non sibi solis hæc imminere, sed communiter universo terrarum orbi proponit, dicens: Si quis vult, sive vir, sive mulier, sive princeps, sive subditus, hanc viam ingrediatur.

Lectio viij.

ET sermo quidem unum quid significare videtur, tria vero continet: abnegationem tui ipsius, et ut crucem accipias, et tertio ut Christum sequaris: quorum duo conjuncta sunt, unum per seipsum separatim ponitur. Consideremus igitur prius, quidnam sit alium abnegare: tunc recte percipies, quid sit abnegare teipsum.

Lectio ix.

QUID igitur abnegare te ipsum? Quid igitur abnegare alium? Qui alium jam abnegavit, fratrem puta, aut servum, aut quemvis alium, si cædi eum virgis videat, si arceri vinculis, quidquid aliud mali pati eum conspexerit, non occurrat, non auxiliatur, non flectitur, nec prorsus ullo modo movetur, ceu ille qui penitus ab illo alienatus est. Sic igitur nullo nos pacto corpori nostro parcere vult, ut neque si cæditur, neque si pellitur, neque si uritur, nec si quid aliud hujusmodi patitur, ei parcamus.

† Aliud Evangelium.

Lectio sancti Evangelii secundum Joannem.

Lectio vij. Cap. 15.

IN illo tempore: Dixit Jesus discipulis suis: Ego sum vitis vera: et Pater meus agricola est. Et reliqua.

Homilia sancti Augustini Episcopi.

(Tract. 80. in Joannem.)

ISTE locus evangelicus, fratres, ubi se dicit Dominus vitem, et discipulos suos palmites, secundum hoc dicit,

quod est caput Ecclesiæ, nosque membra ejus, mediátor Dei et hóminum, homo Christus Jesus. Unus quippe naturæ sunt vitis et pálmities. Propter quod, cum esset Deus, cujus naturæ non sumus, factus est homo, ut in illo esset vitis, humana natura, cujus et nos hómines pálmities esse possémus.

#### Lectio viij.

**Q**UID ergo est, Ego sum vitis vera? Numquid ut áderet, Vera, hoc ad eam vitem rétulit, unde ista similitúdo transláta est? Sic enim dicitur vitis per similitúdinem, non per proprietátem : quemádmódum dicitur ovis, agnus, leo, petra, lapis angularis, et cétera hujúsmodi, quæ magis ipsa sunt vera, ex quibus ducúntur istæ similitúdines, non proprietates. Sed cum dicit, Ego

sum vitis vera : ab illa se úti-que discérnit, cui dicitur : Quómodo conversá es in amaritúdinem, vitis aliéna? Nam quo pacto est vitis vera, quæ exspectáta est ut fáceret uvam, fecit autem spinas?

#### Lectio ix.

**E**GO sum, inquit, vitis vera : et Pater meus agricola est. Numquid unum sunt agricola et vitis? Secúndum hoc ergo vitis Christus, secúndum quod ait, Pater major me est. Secúndum autem id quod ait, Ego et Pater unum sumus; et ipse agricola est : nec talis, quales sunt, qui extrínsecus operádo éxhibent ministérium; sed talis, ut det étiam intrínsecus incrementum. Nam neque qui plantat, est áliqúid, neque qui rigat : sed qui incrementum dat, Deus.

---

## COMMUNE PLURIMORUM MARTYRUM.

---

#### AD I. VESPERAS.

Super Psalmos Aña. Hi sunt, qui venérunt ex magna tribulatióne, et lavérunt stolas suas in sânguine Agni.

Capitulum. Hebr. 11.

**S**ANCTI per fidem vicérunt Regna, operáti sunt justítiam, adépti sunt repromissiónes, in Christo Jesu Dómino nostro.

R. Lavérunt stolas suas, et cándidas eas fecérunt. \* In sânguine Agni. †. Isti sunt,

qui venérunt ex magna tribulatióne, et lavérunt stolas suas. — In sânguine Agni. Glória. In sânguine Agni.

#### Hymnus.

**S**ANCTORUM méritis ínclýta  
S gáudia  
Pangámus sócii, géstaque fór-  
tia :  
Nam gliscit ánimus prómere  
cántibus  
Victórum genus óptimum.  
Hi sunt, quos rétinens mun-  
dus inhórruit;



Ipsam nam stérili flore peráridum

Sprevere pénitus, teque secúti sunt,

Rex Christe bone cælitus.

Hic pro te fúrias atque ferócia  
Calcárunť hómínium, sævaque  
vébera :

Cessit his lácerans fórtiter úngula,

Nec carpsit penetrália.

CÆDUNTUR gládiis more bi-  
déntium :

Non murmur résonat, non que-  
rimónia,

Sed corde tácito, mens bene  
cónsucia

Consérvat patiéntiam.

QUÆ vox, quæ póterit lin-  
gua retéxere

Quæ tu Martyribus múnera  
præparas?

Rubri nam flúido sáanguine,  
láureis

Ditántur bene fúlgidis.

TE summa Déitas únaque  
póscimus

Ut culpas ábluas, nóxia súb-  
trahas :

Des pacem fámulis, nos quo-  
que glóriam

Per cuncta tibi sæcula. Amen.

℟. Lætámini in Dómino, et  
exsultáte justí. ℞. Et gloriá-  
mini omnes recti corde.

Ad Magnificat Añā. Gaudent  
in cælis ánimæ Sanctórum, qui  
Christi vestigia sunt secúti :  
et quia pro ejus amóre sáanguinem  
suum fudérunt, ideo cum  
Christo regnábunt in ætérnum.

DE PLURIBUS MARTYRIBUS.

Oratio.

PRÆSTA, quæsumus omnípo-  
tens Deus : ut qui gloriósos  
Mártýres fortes in sua confes-  
sióne cognóvimus, pios apud te

in nostra intercessióne sentiámus.  
Per. ¶ Alia Oratio.

DEUS, qui nos concédís sanctórum  
Mártýrum tuórum N. et N. natalitia  
cólere, da nobis in ætérna beatitúdine de  
eórum societáte gaudére. Per.

DE PLURIBUS MARTYRIBUS  
PONTIFICIBUS.

Oratio.

INFIRMITATEM nostram, quæ-  
sumus Dómine, propítius ré-  
spice : et mala ómnia, quæ justé  
merémur, sanctórum Mártyrum  
tuórum atque Pontificum N. et  
N. intercessióne avérte. Per.

¶ Si contingat fieri plures  
Memorias de aliis pluribus  
Martyribus in j. Vesperis,

Pro j. Memoria dicatur Añā  
Abstérget., ut ad Magnificat  
in ij. Vesperis, pag. 63\*;

Pro ij. Memoria dicatur Añā  
Justórum autem ánimæ., quæ  
est j. Laudum, pag. 61\*;

Pro iij. Memoria dicatur Añā  
Mártýres Dómini., quæ est  
iv. Laudum, ibidem.

¶ Versiculi autem hoc ordine  
dicantur :

I. ℟. Lætámini in Dómino,  
et exsultáte justí. ℞. Et gloriá-  
mini omnes recti corde.

II. ℟. Exsultent justí in conspéctu  
Dei. ℞. Et delecténtur in lætitia.

III. ℟. Justí autem in perpétuum  
vivent. ℞. Et apud Dóminum  
est merces eórum.

AD MATUTINUM.

Invitatorium. Veníte adorémus  
Regem regum, \* Qui beátis  
Martyribus coronam dedit  
glóriæ.

Hymnus Sanctórum méritis,  
ut in j. Vesperis.

## IN I. NOCTURNO.

## Psalmus 1

**B**EATUS vir, qui non abiit in consilio impiórum, ⁊ et in via peccatórum non stetit, ⁊ et in cáthedra pestilentíæ non sedit :

Sed in lege Dómini volúntas ejus, ⁊ et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, ⁊ quod fructum suum dabit in témpore suo :

Et fólium ejus non défluet : ⁊ et ómnia quæcúmque fáciat, prosperabúntur.

Non sic ímpii, non sic : ⁊ sed tamquam pulvis, quem prójicit ventus a fácie terræ.

Ideo non resúrgent ímpii in iudicio : ⁊ neque peccatóres in concilio justórum.

Quóniam novit Dóminus viam justórum : ⁊ et iter impiórum peribit.

Añā. Secus decúrsus aquárum plantávit vineam justórum : et in lege Dómini fuit volúntas eórum.

## Psalmus 2.

**Q**UARE fremuérent gentes, ⁊ et pópuli meditáti sunt inánia?

Astitérunt reges terræ, ⁊ et príncipes convenérunt in unum ⁊ advérsus Dóminum, et advérsus Christum ejus.

Dirumpámus víncula eórum : ⁊ et projiciámus a nobis jugum ipsórum.

Qui hábitat in cælis irridébit eos : ⁊ et Dóminus subsannábit eos.

Tunc loquétur ad eos in ira sua, ⁊ et in furóre suo conturbábit eos.

Ego autem constitútus sum rex ab eo super Sion montem sanctum ejus, ⁊ prædicans præcéptum ejus.

Dóminus dixit ad me : ⁊ Filius meus es tu, ego hódie génuí te.

Póstula a me, et dabo tibi gentes hereditátem tuam, ⁊ et possесси́onem tuam términos terræ.

Reges eos in virga férrea, ⁊ et tamquam vas figuli confringes eos.

Et nunc reges intelligite : ⁊ erudimini qui iudicátis terram.

Servite Dómino in timóre : ⁊ et exsultáte ei cum tremóre.

Apprehéndite disciplinám nequándo irascátur Dóminus, ⁊ et perecátis de via justa.

Cum exársent in brevi ira ejus, ⁊ beáti omnes, qui confidunt in eo.

Añā. Tamquam aurum in fornáce probávit eléctos Dóminus : et quasi holocáusta accépit eos in ætérnum.

## Psalmus 10.

**I**N Dómino confido : quómodo dicitis ánimæ meæ : ⁊ Transmígra in montem sicut passer?

Quóniam ecce peccatóres intendérunt arcum, ⁊ paravérunt sagittas suas in pháretra, ⁊ ut sagittent in obscúro rectos corde.

Quóniam quæ perfecísti, destruxérunt : ⁊ justus autem quid fecit?

Dóminus in templo sancto suo, ⁊ Dóminus in cælo sedes ejus :

Oculi ejus in páuperem respiciunt : \* pálpebræ ejus interrogant filios hóminum.

Dóminus interrogat justum et impium : \* qui autem diligit iniquitátem, odit ánimam suam.

Pluet super peccatóres láqueos : \* ignis, et sulphur, et spíritus procellárum pars cálicis eórum.

Quóniam justus Dóminus et justitias diléxit : \* æquitátem vidit vultus ejus.

Añs. Si coram hóminibus tormenta passi sunt, spes electórum est immortalis in ætérnum.

℟. Lætámini in Dómino, et exsultáte justí. ℞. Et gloriámini omnes recti corde.

De Epístola beáti Pauli  
Apóstoli ad Romános.

Lectio j. Cap. 8.

**E**XISTIMO quod non sunt condignæ passiones hujus temporis ad futúram glóriam, quæ revelábitur in nobis. Nam expectatio creaturæ, revelatióem filiórum Dei expéctat. Vanitáti enim creatúra subjécta est non volens, sed propter eum, qui subjécit eam in spe : quia et ipsa creatúra liberábitur a servitúte corruptionis in libertátem glóriæ filiórum Dei.

℞. j. Abstérget Deus omnem lácrimam ab óculis Sanctórum : et jam non erit ámplius neque luctus, neque clamor, sed nec ullus dolor, \* Quóniam prióra transiérunt. ℟. Non esúrient, neque sitient ámplius, neque cadet super illos sol, neque ullus æstus. — Quóniam prióra transiérunt.

Lectio ij.

**S**CIMUS enim quod omnis creatúra ingemiscit, et párturit usque adhuc. Non solum autem illa, sed et nos ipsi primitias spíritus habéntes : et ipsi intra nos géminus adoptiõem filiórum Dei exspectántes, redemptiõem córporis nostri. Spe enim salvi facti sumus. Spes autem, quæ videtur, non est spes : nam quod videt quis, quid sperat? Si autem quod non vidémus, sperámus : per patiéntiam exspectámus.

℞. ij. Viri sancti gloriósum ságuinem fuderunt pro Dómino, amaverunt Christum in vita sua, imitáti sunt eum in morte sua : \* Et ideo coronas triumpháles meruerunt. ℟. Unus spíritus, et una fides erat in eis. — Et ideo.

Lectio iij.

**S**IMILITER autem et Spíritus ádjuvat infirmitátem nostram : nam quid orémus, sicut opórtet, nescimus : sed ipse Spíritus póstulat pro nobis gemitibus inenarrabilibus. Qui autem scrutátur corda, scit quid désideret Spíritus : quia secúndum Deum póstulat pro sanctis. Scimus autem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti.

℞. iij. Tradidérunt córpora sua propter Deum ad supplicia, \* Et meruerunt habére coronas perpétuas. ℟. Isti sunt, qui venérunt ex magna tribulatióne, et lavérunt stolas suas in ságuine Agni. — Et meruerunt. Glória. Et meruerunt.



## IN II. NOCTURNO.

## Psalmus 14.

**D**OMINE quis habitabit in tabernáculo tuo? \* aut quis requiescet in monte sancto tuo?

Qui ingreditur sine macula, \* et operatur iustitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timētes autem Dominum glorificat :

Qui jurat proximo suo, et non decipit, & qui pecuniam suam non dedit ad usuram, \* et munera super innocentem non accipit :

Qui facit hæc, \* non movēbitur in ætēnum.

Añā. Dabo Sanctis meis locum nominātum in regno Patris mei, dicit Dominus.

## Psalmus 15.

**C**ONSERVA me Domine, quoniam speravi in te. \* Dixi Domino : Deus meus es tu, quoniam bonorum meorum non eges.

Sanctis, qui sunt in terra ejus, \* mirificavit omnes voluntates meas in eis.

Multiplicatæ sunt infirmitates eorum : \* postea acceleraverunt.

Non congregabo conventicula eorum de sanguinibus : \* nec memor ero nominum eorum per labia mea.

Dominus pars hereditatis

meæ, et calicis mei : \* tu es, qui restitues hereditatem meam mihi.

Funes ceciderunt mihi in præclāris : \* etenim hereditas mea præclāra est mihi.

Benedicam Dominum, qui tribuit mihi intellectum : \* insuper et usque ad noctem increpuerunt me renes mei.

Providēbam Dominum in conspectu meo semper : \* quoniam a dextris est mihi, ne commovear.

Propter hoc lætatum est cor meum, et exultavit lingua mea : \* insuper et caro mea requiescet in spe.

Quoniam non derelinques animam meam in inferno : \* nec dabis sanctum tuum vidēre corruptionem.

Notas mihi fecisti vias vitæ, & adimplēbis me lætitia cum vultu tuo : \* delectationes in dextera tua usque in finem.

Añā. Sanctis, qui in terra sunt ejus, mirificavit omnes voluntates meas inter illos.

## Psalmus 23.

**D**OMINI est terra, et plentudo ejus : \* orbis terrarum, et universi, qui habitant in eo.

Quia ipse super maria fundavit eum : \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, & qui non accepit in vano animam suam, \* nec juravit in dolo proximo suo.

Hic accipiet benedictionem a Domino : \* et misericordiam a Deo salutari suo.

Hæc est generatio quærentium eum, \* quærentium faciem Dei Jacob.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dominus fortis et potens : Dominus potens in prælio.

Attollite portas principes vestras, & et elevamini portæ æternales : \* et introibit rex gloriæ.

Quis est iste rex gloriæ? \* Dominus virtutum ipse est rex gloriæ.

Âñs. Sancti, qui sperant in Domino, habebunt fortitudinem, assument pennas ut aquilæ, volabunt et non deficient.

℣. Exsultent iusti in conspectu Dei. ℞. Et delectentur in lætitia.

Ex Epistola sancti Cypriani Episcopi et Martyris ad Martyres et Confessores.

Lectio iv. (Lib. 2. Epist. 6.)

**Q**UIBUS ego vos laudibus prædicem, fortissimi Martyres? Robur pectoris vestri et perseverantiam fidei quo præconio vocis exornem? Tolerastis usque ad consummationem gloriæ durissimam questionem : nec cessistis suppliciis, sed vobis potius supplicia cesserunt. Finem dolorum, quem tormenta non dabant, coronæ dederunt. Laniæna gravior ad hoc diu perseveravit, non ut stantem fidem dediceret, sed ut homines Dei ad Dominum velocius mitteret.

℞. iv. Sancti tui Domine mirabile consecuti sunt iter, serviētes præceptis tuis, \* Ut

invenirentur illæsi in aquis validis : terra apparuit arida, et in Mari rubro via sine impedimento. ℣. Victricem manum tuam laudaverunt pariter, et decantaverunt Domine nomen sanctum tuum. — Ut invenirentur illæsi.

Lectio v.

**V**IDIT admirans præsentium multitudo cælestæ certamen, certamen Dei, spiritale certamen, prælium Christi : stetisse servos ejus voce libera, mente incorrupta, virtute divina, telis quidem sæcularibus nudos, sed armis fidei credentes armatos. Steterunt torti torquentibus fortiores, et pulsantes ac laniantes ungulas pulsata ac laniata membra vicerunt.

℞. v. Verbera carnificum non timuerunt Sancti Dei, morientes pro Christi nomine, \* Ut heredes fierent in domo Domini. ℣. Tradiderunt corpora sua propter Deum ad supplicia. — Ut heredes fierent.

Lectio vj.

**I**NEXPUGNABLEM fidem superare non potuit sæviens diu plaga repetita : quamvis rupta compage viscerum, torquerentur in servis Dei jam non membra, sed vulnera. Fluēbat sanguis, qui incendium persecutionis exstingueret, qui flammæ et ignes gehennæ glorioso cruore sopiret. O quale illud fuit spectaculum Domino, quam sublime, quam magnum, quam Dei oculis sacramento ac devotione militis ejus acceptum! Quam lætus illic Christus fuit, quam libens in talibus servis suis et pugnabit et vicit?

R. vj. O veneránda Mártyrum gloriósa certámina, qui in suis corpóribus pro Christo imánia pertulérunt torménta!

\* Et ideo percipere meruérunt immarcescibilem ætérnæ glóriæ coronám. V. Despécta namque præséntis vitæ luce, contemptóque suórum corpórum cruciátu, sæviéntem mundum Dei pro amóre vicérunt. — Et ideo. Glória. Et ideo.

### IN III. NOCTURNO.

Psalmus 32.

**E**XSULTATE justí in Dómino : \* rectos decet collaudátio.

Confitémini Dómino in cíthara : \* in psaltério decem chordárum psállite illi.

Cantáte ei cánticum novum : \* bene psállite ei in vociferatióne.

Quia rectum est verbum Dómini, \* et ómnia ópera ejus in fide.

Diligit misericórdiam et júdicium : \* misericórdia Dómini plena est terra.

Verbo Dómini cæli firmátí sunt : \* et spíritu oris ejus omnis virtus eórum.

Cóngregans sicut in utre aquas maris : \* ponens in thesaúris abyssos.

Timeat Dóminum omnis terra : \* ab eo autem commoveántur omnes inhabitántes orbem.

Quóniam ipse dixit, et facta sunt : \* ipse mandávit, et creáta sunt.

Dóminus dissipat consília géntium : \* réprobat autem cogitatiónes populórum, et réprobat consília princípum.

Consílium autem Dómini in ætérnum manet : \* cogitatió-

nes cordis ejus in generatióne et generatióne.

Beáta gens, cujus est Dóminus, Deus ejus : \* pópulus, quem elégit in hereditátem sibi.

De cælo respéxit Dóminus : \* vidit omnes filios hóminum.

De præparáto habitáculo suo respéxit super omnes, qui hábitant terram.

Qui finxit sigillátim corda eórum : \* qui intélligit ómnia ópera eórum.

Non salvátur rex per multam virtútem : \* et gigas non salvábitur in multitudíne virtútis suæ.

Fallax equus ad salútem : \* in abundántia autem virtútis suæ non salvábitur.

Ecce óculi Dómini super metuentes eum : \* et in eis, qui sperant super misericórdia ejus.

Ut éruat a morte ánimas eórum : \* et alat eos in fame.

Anima nostra sústinet Dóminum : \* quóniam adjútor et protéctor noster est.

Quia in eo lætábitur cor nostrum : \* et in nómine sancto ejus sperávimus.

Fiat misericórdia tua Dómine super nos : \* quemádmódum sperávimus in te.

Añá. Justí autem in perpetuum vivent, et apud Dóminum est merces eórum.

Psalmus 33.

**B**ENEDICAM Dóminum in omni témpore : \* semper laus ejus in ore meo.

In Dómino laudábitur ánima mea : \* áudiant mansuétí, et læténtur.

Magnificáte Dóminum mecum : \* et exaltémus nomen ejus in idípsum.



Exquisivi Dóminum, et exaudivit me : \* et ex ómnibus tribulatióibus meis eripuit me.

Accédite ad eum, et illuminámini : \* et fácies vestræ non confundentur.

Iste pauper clamávit, et Dóminus exaudivit eum : \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : \* et eripiet eos.

Gustáte, et vidéte quóniam suávis est Dóminus : \* beátus vir, qui sperat in eo.

Timéte Dóminum omnes sancti ejus : \* quóniam non est inópia timéntibus eum.

Divites eguérunt et esuriérunt : \* inquirentes autem Dóminum non minuéntur omni bono.

Venite filii, audite me : \* timórem Dómini docébo vos.

Quis est homo qui vult vitam : \* diligit dies vidére bonos?

Próhibe linguam tuam a malo : \* et lábia tua ne loquántur dolum.

Divérte a malo, et fac bonum : \* inquire pacem, et perséquare eam.

Oculi Dómini super justos : \* et aures ejus in preces eórum.

Vultus autem Dómini super faciéntes mala : \* ut perdat de terra memóriam eórum.

Clamavérunt justí, et Dóminus exaudivit eos : \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : \* et húmiles spíritu salvábit.

Multæ tribulatióes justó-

rum : \* et de ómnibus his liberábit eos Dóminus.

Custódit Dóminus ómnia ossa eórum : \* unum ex his non conterétur.

Mors peccatórum péssima : \* et qui odérunt justum delinquent.

Rédimet Dóminus ánimas servórum suórum : \* et non delinquent omnes qui sperant in eo.

Áña. Tradidérunt córpora sua propter Deum ad supplicia, ut herédes fierent in domo Dómini.

#### Psalmus 45.

**D**EUS noster refúgium, et virtus : \* adjútor in tribulatióibus, quæ invenérunt nos nimis.

Proptérea non timébimus dum turbábitur terra : \* et transferéntur montes in cor maris.

Sonuérunt, et turbátæ sunt aquæ eórum : \* conturbáti sunt montes in fortitúdine ejus.

Flúminis impetus lætificat civitátem Dei : \* sanctificávit tabernáculum suum Altíssimus.

Deus in médio ejus, non commovébitur : \* adjuvábit eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscepitor noster Deus Jacob.

Venite, et vidéte ópera Dómini, ꝫ quæ pósuit prodigia super terram : \* auferens bella usque ad finem terræ.

Arcum cónteret, et confrínget arma : \* et scuta combúret igni :

Vacâte, et vidête quóniam ego sum Deus : \* exaltábor in gentibus, et exaltábor in terra.

Dóminus virtútum nobiscum : \* suscep̃tor noster Deus Jacob.

Añã. Ecce merces Sanctórum copiósã est apud Deum : ipsi vero mórtui sunt pro Christo, et vivent in ætérnum.

℣. Justi autem in perpétuum vivent. ℞. Et apud Dóminum est merces eórum.

Lectio sancti Evangéllii  
secúndum Lucam.

Lectio vij.

Cap. 21.

**I**N illo témpore : Dixit Jesus discipulis suis : Cum audiéritis prælia, et seditiões, nolite terréri : opórtet primum hæc fieri, sed nondum statim finis. Et réliqua.

Homília sancti Ambrósii  
Episcopi.

(Lib. 9. in Luc. cap. 21.)

**V**ERBORUM cæléstium nulli magis quam nos testes sumus, quos mundi finis invénit. Quanta enim prælia, et quas opiniões accipimus præliórum! Hunni in Alános, Aláni in Gothos, et Gothi in Taíalos et Sármatas insurrexérunt. Hos quoque in Illyrico éxsules pária Gothórum exsilia fecérunt : et nondum est finis. Quæ ómnium fames, lues páriter boum atque hóminum, ceterique pécoris! ut étiam nos, qui bellum non pertúlimus, debellátis tamen pares fécerit pestiléntia.

℞. vij. In circúitu tuo Dómine lumen est, quod nunquam deficiet, ubi constituísti lucidíssimas mansiões : \* Ibi requiescunt Sanctórum animæ.

℣. Magnus Dóminus, et laudábilis nimis : in civitaté Dei nostri, in monte sancto ejus. — Ibi requiescunt.

Lectio viij.

**E**RGO quia in occásu sæculi sumus, præcédunt quædam ægritúdes mundi. Ægritúdo mundi est fames, ægritúdo mundi est pestiléntia, ægritúdo mundi est persecútió. Sunt autem et ália bella, quæ vir sústinet christiánus, diversárum quoque prælia cupiditátum, studiorúmque conflictus; multóque gravióres doméstici hostes quam extránei.

℞. viij. Sancti mei, qui in isto sæculo certámen habuístis, \* Mercédem labórum ego reddam vobis. ℣. Veníte benedicti Patris mei, percípite regnum. — Mercédem labórum.

Lectio ix.

**N**UNC avaritia stimulat, nunc accéndit libído, nunc metus terret, nunc iracúndia exágitat, nunc ambítio movet, nunc terrére tentant spiritalia nequitiæ, quæ sunt in cælestibus. Itaque quasi quibúsdam urgétur præliis, et quibúsdam terræ mótibz quatitur móbilis ánimi nutántis afféctus. Sed fórtior dicit : Si consistant advérsus me castra, non timébit cor meum : si exsúrgat in me prælium, in hoc ego sperábo.

℞. ix. Lavérunt stolas suas, et cándidas eas fecérunt \* In ságuine Agni. ℣. Isti sunt, qui venérunt ex magna tribulatióne, et lavérunt stolas suas. — In ságuine Agni. Glória. In ságuine Agni.

Ante Laudes ℣. Exsultábunt Sancti in glória. ℞. Lætábuntur in cubilibus suis.

## AD LAUDES

ET PER HORAS ANTIPHONÆ.

1. Justórum autem ánimæ in manu Dei sunt, et non tanget illos torméntum malitiæ. Psalmus Dóminus regnâvit. cum ceteris, pag. 17.

2. Cum palma ad regna pervenerunt Sancti : corónas decóris meruerunt de manu Dómini.

3. Córpora Sanctórum in pace sepulta sunt : et vivent nómina eórum in ætérnum.

4. Mártýres Dómini Dóminum benedicite in ætérnum.

5. Mártýrum chorus laudate Dóminum in excélsis.

Capitulum. Hebr. 11.

SANCTI per fidem vicérunt Regna, operáti sunt justitiam, adépti sunt repromissiones, in Christo Jesu Dómino nostro.

## Hymnus.

ÆTERNA Christi múnera  
Et Mártýrum victórias,  
Laudes feréntes débitas,  
Lætis canámus méntibus.

TERRORE victo sæculi,  
Pœnisque spretis córporis,  
Mortis sacræ compéndio  
Vitam beátam pössident.

TRADUNTUR igni Mártýres  
Et bestiárum déntibus :  
Armáta sævit úngulis  
Tortóris insáni manus.

NUDATA pendent víscera,  
Sanguis sacrátus fúnditur :  
Sed pérmanent immóbiles  
Vitæ perénis grátia.

TE nunc Redémptor quæsumus  
Ut Mártýrum consórtio  
Jungas precántes sérvulos,  
In sempitérna sæcula. Amen.

Ÿ. Mirábilis Deus. R̃. In Sanctis suis.

Ad Benedictus Añā. Isti sunt Sancti, qui pro Dei amóre minas hóminum contempsérunt : sancti Mártýres in regno cælórum exsúltant cum Angelis. O quam pretiósā est mors Sanctórum, qui assidue assistunt ante Dóminum, et ab invicem non sunt separáti!

¶ Si contingat fieri plures Memorías de aliis pluribus Mártýribus in Laudibus,

Pro j. Memoria dicatur Añā Cum palma., quæ est ij. Laudum;

Pro ij. Memoria dicatur Añā Córpora Sanctórum., quæ est iij. Laudum;

Pro iij. Memoria dicatur Añā Mártýrum chorus., quæ est v. Laudum;

¶ Versiculi autem hoc ordine dicantur :

I. Ÿ. Justi autem in perpétuum vivent. R̃. Et apud Dóminum est merces eórum.

II. Ÿ. Exsúltent justi in conspéctu Dei. R̃. Et delecténtur in lætitia.

III. Ÿ. Lætámini in Dómino, et exsúltate justi. R̃. Et gloriámini omnes recti corde.

## AD TERTIAM.

Capitulum Sancti per fidem., ut in Laudibus.

R̃. Lætámini in Dómino. \* Et exsúltate justi. Lætámini. Ÿ. Et gloriámini omnes recti corde. Et exsúltate justi. Glória. Lætámini.

Ÿ. Exsúltent justi in conspéctu Dei. R̃. Et delecténtur in lætitia.



## AD SEXTAM.

Capitulum. Sap. 10.

**R**EDDIDIT Deus mercédem labórum Sanctórum suórum, et dedúxit illos in via mirábili : et fuit illis in velaménto diéi, et in luce stellárum nocte.

R. Exsúltent iusti \* In conspéctu Dei. Exsúltent. V. Et delecténtur in lætítia. In conspéctu Dei. Glória. Exsúltent.

V. Iusti autem in perpétuum vivent. R. Et apud Dóminum est merces eórum.

## AD NONAM.

Capitulum. Sap. 3.

**I**USTORUM ánimæ in manu Dei sunt, et non tanget illos torméntum malitiæ. Visi sunt oculis insipientium mori : illi autem sunt in pace.

R. Iusti autem \* In perpétuum vivent. Iusti autem. V. Et apud Dóminum est merces eórum. In perpétuum vivent. Glória. Iusti autem.

V. Mirábilis Deus. R. In Sanctis suis.

## AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimícos tuos, \* scabéllum pedum tuórum.

Virgam virtútis tuæ emíttet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctórum : \* ex útero ante lucíferum génui te.

Jurávit Dóminus, et non pœnitébit eum : \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implebit ruínas : \* conquassabit cápita in terra multórum.

De torrénite in via bibet : \* proptérea exaltábit caput.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásus, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia réspicit in cælo et in terra?

Súscitans a terra ínopem, \* et de stércore érigens páuperem :

Ut cóllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum lætántem.

Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors sanctórum ejus :

O Dómine quia ego servus tuus : \* ego servus tuus, et filius ancillæ tuæ.

Dirupisti vincula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jerúsalem.

Psalmus 125.

**I**N converténdo Dóminus captivitátem nostram : \* facti sumus sicut consoláti :

Tunc replétum est gáudio os nostrum : \* et lingua nostra exultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobiscum : \* facti sumus lætántes.

Convérte Dómine captivitátem nostram, \* sicut torrens in austro.

Qui sémant in lácrimis, \* in exultatióne metent.

Eúntes ibant et flebant, \* mitténtes sémina sua.

Veniéntes autem vénient cum exultatióne, \* portántes manipulos suos.

Psalmus 139.

**E**RIPE me Dómine ab hómine malo : \* a viro iníquo éripe me.

Qui cogitavérunt iniquitátes in corde : \* tota die constituébant prælia.

Acuérunt linguas suas sicut serpéntis : \* venénium áspidum sub lábiis eórum.

Custódi me Dómine de manu peccatóris : \* et ab homínibus iníquis éripe me.

Qui cogitavérunt supplantáre gressus meos : \* abscondérunt supérbi láqueum mihi :

Et funes extendérunt in láqueum : \* juxta iter scándalum posuérunt mihi.

Dixi Dómino : Deus meus es tu : \* exáudi Dómine vocem deprecationis meæ.

Dómine, Dómine virtus salútis meæ : \* obumbrásti super caput meum in die belli :

Ne tradas me Dómine a desiderio meo peccatóri : \* cogitavérunt contra me, ne derelinquas me, ne forte exalténtur.

Caput circúitus eórum : \* labor labiórum ipsórum opéret eos.

Cadent super eos carbónes, & in ignem deícies eos : \* in misériis non subsistent.

Vir linguósus non dirigétur in terra : \* virum injústum mala cápient in intéritu.

Cognóvi quia fáciet Dóminus júdicium inopis : \* et vindictam páuperum.

Verúmtamen justi confitebúntur nómini tuo : \* et habitábunt recti cum vultu tuo.

Añá. Justórum autem animæ in manu Dei sunt, et non tanget illos tormentum malitiæ.

Capitulum, Hymnus et & ut in j. Vesperis, pag. 52\*.

Ad Magnificat Añá. Abstérget Deus omnem lácrimam ab óculis Sanctórum : et jam non erit ámplius neque luctus, neque clamor, sed nec ullus dolor : quóniam prióra transiéruñt.

¶ Si contingat fieri plures Memorias de aliis pluribus Martyribus in ij. Vesperis,

Pro j. Memoria dicatur Añá Gaudent., ut ad Magnificat in j. Vesperis, pag. 53\*.

Pro ij. Memoria dicatur Añā Hi sunt., ut infra, in Nocturno festi Trium Lectionum;

Pro iij. Memoria dicatur Añā Mátyres Dómini., quæ est iv. Laudum, pag. 61\*;

¶ Versiculi autem hoc ordine dicantur :

I. Ƴ. Lætámini in Dómino, et exsultáte justí. Ƴ. Et gloriámini omnes recti corde.

II. Ƴ. Exsúltent justí in conspéctu Dei. Ƴ. Et delecténtur in lætítia.

III. Ƴ. Justí autem in perpétuum vivent. Ƴ. Et apud Dóminum est merces eórum.

#### IN FESTO

### TRIUM LECTIONUM.

#### AD MATUTINUM.

Invitatorium. Regem Mátyrum Dóminum \* Venite adorémus.

#### IN NOCTURNO.

Super Psalmos Añā. Hi sunt, qui venérunt ex magna tribulatióne, et lavérunt stolas suas in sángine Agni.

¶ Aliæ Lectiones de pluribus Martyribus Novem Lectionum.

#### IN II. NOCTURNO.

Sermo sancti Joánnis Chrysóstomi.

(Homil. de Machab.)

#### Lectio iv.

QUAM speciósa et grata festívitás nobis enítuít, et totius anni diébus splendídiór dies hodiérna præfulget, non de usitátis solis rádiis illumináta præclárius; sed de lúmine Mátyrum, supra corúscum

omne fulgur micánte, illustráta sublímius. Multis enim sólibus illustrióres sunt Mátyres, et magnis lumináribus clarióres. Non tales de supérno solis circulo in terram rádií jaciúntur, quales a corpóribus eórum prosiliúnt corúscá luce fulgóres, et ipsos diáboli óculos invidéntis obcæcant.

(Idem in Serm. de Mart.)

#### Lectio v.

QUI Sanctórum mérita reli-giósá caritáte mirátur, qui-que justórum glóriás frequénti laude collóquitur, eórum mores sanctos atque justítiam imitétur : quóniam quem delectat Sancti alicújus méritum, delectáre debet par circa cultum Dei obséquium. Quare aut imitári debet, si laudat, aut laudáre non debet, si imitári detréctat. Nam si própterea justos fidelésque diligimus, quod in ipsis justítiam fidém-que suspícimus, póssumus nos quoque esse quod sunt, si faciámus ipsi quod faciunt.

#### Lectio vj.

IN istis semper pares virtútes, I dissímiles pugnáe, glorióssæ victóriæ. Unde tu Christiáne delicátus es miles, si putas te posse sine pugna vincere, sine certámine triumpháre. Exsere vires, fórtiter dímicá, atróci-ter in prælio isto concérta. Consídera pactum, conditió-nem atténde, militiam nosce : pactum quod spopondísti, conditió-nem qua accessísti, militiam cui nomen dedísti. Hoc enim pacto, quos miráris, cuncti pug-nárunt : hac conditióne uní-versi vicérunt, hac militiá omnes triumphá-runt.



## IN III. NOCTURNO.

Lectio sancti Evangelii  
secundum Matthæum.

Lectio vij. Cap. 5.

**I**n illo tempore : Videns Jesus turbas, ascendit in montem, et cum sedisset, accesserunt ad eum discipuli ejus, et apériens os suum docébat eos, dicens : Beati páuperes spíritu. Et reliqua.

Homilia sancti Hilarii  
Episcopi.

(Comment. in Matth. cap. 5.)

**C**ONGREGATIS igitur plúribus turbis, montem conscendit, et docet : in patrénæ scilicet majestátis pósito cel-  
sitúdine, cælestis vitæ præ-  
cepta constituit. Non enim æternitátis institúta, nisi in æternitate pósito, tradidisset. Denique ita scriptum est : Apérui os suum, et docébat eos. Locútum eum fuisse prò-  
ptius erat dicere; sed quia in glória patrénæ majestátis in-  
stiterat, et æternitatem docé-  
bat, idcirco ad motum spíritus eloquéntis, obedisse osténditur  
humáni oris officium.

Lectio vij.

**B**EATI páuperes spíritu : quóniam ipsórum est regnum cælórum. Exémplo Dóminus docúerat humanæ ambi-  
tiónis glóriam relinquendam, dicens : Dóminum Deum tuum adorá-  
bis, et illi soli sérvies. Et cum se per Prophétas pópulum hú-  
mílem, et ad verba sua tre-  
méntem præmónuit esse lec-  
túrum; in spíritus humilitate  
perfectæ beatitúdinis púsuit  
exórdium.

Lectio ix.

**N**ULLA nos nec sæculáris fa-  
stus insoléntia, nec opum  
cupíditas, nec inánis glóriæ  
ambitio corrúmpat : sed sub-  
jécti Deo simus, et de commu-  
nióne vivéndi in omnes com-  
múnis vitæ caritatē teneámur.  
Magnum étiam in eo, quod  
nati sumus, divínæ bonitátis  
futúrum profécum existimán-  
tes : cujus præmíum atque ho-  
nos præsentis vitæ opéribus sit  
meréndus : atque ita per hanc  
spíritus humilitatem, qua a  
Deo nobis memínérimus et in-  
dúlta ómnia, et deinceps poti-  
óra speránda, cælórum re-  
gnum erit nostrum.

† Aliud Evangelium.

Lectio sancti Evangelii  
secundum Lucam.

Lectio vij. Cap. 6.

**I**n illo tempore : Descéndens Jesus de monte, stetit in loco campéstri, et turba disci-  
pulórum ejus, et multitúdo co-  
piósa plebis ab omni Judæa,  
et Jérusalem, et marítima, et  
Tyri, et Sidónis. Et reliqua.

Homilia sancti Ambrósii  
Episcopi.

(Lib. 5. in Luc. cap. 6.)

**A**DVERTE ómnia diligénter,  
quómodo et cum Apóstoli-  
lis ascéndat, et descéndat ad  
turbas. Quómodo enim turba,  
nisi in húmili, Christum vidé-  
ret? Non séquitur ad excélsa,  
non ascéndit ad sublimia. De-  
nique ubi descéndit, invénit  
infirmos : in excélsis enim in-  
firmi esse non possunt. Sic  
enim Matthæus docet, in infe-  
rióribus débiles esse sanátos.

Prius enim unusquisque sanandus est, ut paulatim virtutibus procedentibus ascendere possit ad montem. Et ideo unumquemque in inferioribus sanat, hoc est, a libidine revocat, injuriam cæcitatæ avértit, ad vûlnera nostra descendit : ut usu quodam et cõpia suæ naturæ, participes nos faciat esse regni cælæstis.

Lectio viij. (Paulo post.)

**B**EATI pãuperes : quia vestrũ est regnum Dei. Quãtuor tantum beatitudines sanctus Lucas dominicas põsuit, octo vero sanctus Matthæus : sed in istis octo, illæ quãtuor sunt, et in quãtuor istis, illæ octo. Hic enim quãtuor velut virtutes amplèxus est cardinales : ille in illis octo mysticum númerum reserãvit. Pro octãva enim multi scribuntur Psalmi : et mandatum accipis octo illis partem dare, fortasse benedictionibus. Sicut enim spei nostræ octãva perfectio est, ita octãva summa virtutum est.

Lectio ix

**S**ED prius quæ sunt ampliõra videãmus. Beati, inquit, pãuperes spĩritu : quoniam ipsõrum est regnum cælõrum. Primam benedictionem hanc uterque Evangelista põsuit. Ordine enim prima est, et parens quædam generatioque virtutum : quia qui contempserit sæcularia, ipse merèbitur sempiterna : nec potest quisquam mèritum regni cælæstis adipisci, qui mundi cupiditate possessus, emergendi non habet facultatem.

¶ Aliud Evangelium.

Lectio sancti Evangeliĩ secundum Lucam.

Lectio vij. Cap. 12.

**I**N illo tẽpore : Dixit Jesus discipulis suis : Attẽdite a fermento Pharisæõrum, quod est hypõcrisis. Et reliqua.

Homilia venerabilis Bedæ Presbyteri.

(Lib. 4. in Luc. Cap. 52.)

**D**E hoc fermento Apõstolus præcipit : Itaque epulèmur, non in fermento vèteri, neque in fermento malitiæ et nequitiae, sed in àzymis sinceritatis, et veritatis. Nam sicut modicum fermentum totam farinæ, cui injicitur, massam corrumpit, universamque mox conspersionem suo sapore commaculat : sic nimirum simulatio, cujus semel ànimum imbuerit, tota virtutum sinceritate et veritate fraudabit.

Lectio viij.

**E**ST ergo sensus : Attẽdite ne æmulèmini simulatores : quia veniet profecto tempus, in quo et vestra virtus omnibus, et eõrum revelètur hypõcrisis. Verum quod sequitur, Quoniam quæ in tenebris dixistis, in lumine dicentur : non solum in futuro, quando cuncta cõrdium abscondita proferentur ad lucem ; sed et in præsenti tẽpore potest congruenter accipi : quoniam, quæ inter tenebras quondam pressurarum, carcerumque umbras, vel locutĩ vel passi sunt Apõstoli, nunc clarificata per orbem Ecclesiã, lectis eõrum Actibus pùblice prædicantur.

## Lectio ix.

**D**ICO autem vobis amícis  
his : Ne terreámini ab  
his, qui occidunt corpus, et  
post hæc non habent quid fá-  
ciant. Si persecutóres Sanctó-  
rum, occisis corpóribus, non  
habent ámplius quid contra  
illos agant : ergo supervácu-  
furunt insánia, qui mórtua  
Mártýrum membra feris avi-

búsque discerpénda projiciunt :  
cum nequáquam omnipotén-  
tiæ Dei, quin ea resuscitádo  
vivificet, obsistere possint. Et  
quia duo sunt génera persecu-  
tórum, unum palam sævién-  
tium, álterum fícte fraudulen-  
térque blandiéntium : contra  
utrúmque nos munire volens  
Salvátor, et ab hypócrisi Pha-  
risæórum atténdere, et a cæde  
carnificum præcipit non timére.

## COMMUNE UNIUS CONFESSORIS PONTIFICIS.

## AD I. VESPERAS.

Super Psalmos Aña. Iste San-  
ctus digne in memóriam vérti-  
tur hóminum, qui ad gáudium  
tránsiit angelórum.

Capitulum. Eccli. 45.

**D**ILECTUS Deo, et homíni-  
bus, cujus memória in be-  
nedictióne est : similem illum  
fecit in glória sanctórum.

R. Sancte N. Christi Confes-  
sor audi rogántes sérvulos :  
\* Et impetrátam cælitus Tu  
defer indulgéntiam. V. O san-  
cte N. sidus áureum, Dómini  
grátia, servórum gémitus só-  
lita súscipe cleméntia. — Et  
impetrátam. Glória. Tu defer.

## Hymnus.

**I**STE Confessor Dómini sacrá-  
tus,  
Festa plebs cujus célebrat per  
orbem,  
Hódie lætus méruit secréta  
Scándere cæli.

QUI pius, prudens, húmilis,  
pudicus,

Sóbrius, castus fuit et quiétus,  
Vita dum præsens vegetávit  
ejus

Córpore artus.

OB sacrum cujus méritum  
frequénte

Membra languéntum modo sa-  
nitáti,

Quólibet morbo fúerint gra-  
váta,

Restituúntur.

UNDE nunc noster chorus in  
honórem

Ipsius hymnum canit hunc  
libénte :

Ut piis ejus précibus juvémur,  
Omne per ævum.

SIT salus illi, decus atque  
virtus,

Qui supra cæli résidens cacú-  
men,

Tótius mundi máchinam gu-  
bérnat

Trinus et unus. Amen.



† Si in aliquo die celebretur Officium alicujus Confessoris, et non sit natalis ipsius, præfatus Hymnus ita inchoetur :

**I**STE Confessor Dómini sacra-  
tus  
Sóbrius, castus fuit et quiétus,  
Vita dum præsens vegetávit  
ejus

Córpore artus.

OB sacrum cujus, etc., ut  
supra.

¶. Amávit eum Dóminus, et  
ornávit eum. R. Stolum glóriæ  
induit eum.

Ad Magnificat Añā. Confes-  
sor Dómini N. astántem ple-  
bem corróborā sancta inter-  
cessióne : ut qui vitiorum pón-  
dere prémitur, beatitúdinis  
tuæ glória sublevémur, et te  
duce ætérna præmia conse-  
quámur.

Oratio.

**D**A, quæsumus omnipotens  
Deus : ut beáti N. Con-  
fessoris tui atque Pontificis ve-  
neránda solémnitas et devoti-  
onem nobis áugeat, et salútem.  
Per.

† Alia Oratio.

**E**XAUDI, quæsumus Dómine,  
preces nostras, quas in  
beáti N. Confessoris tui atque  
Pontificis sollemnitate deféri-  
mus : ut qui tibi digne méruit  
famulári, ejus intercedéntibus  
méritis, ab ómnibus nos absól-  
vas peccátis. Per.

† Si contingat fieri plures  
Memorias de aliis Confessori-  
bus in j. Vesperis,

Pro j. Memoria dicatur Añā  
Similábo, ut ad Magnificat in  
ij. Vesperis, pag. 78\*;

Pro ij. Memoria dicatur Añā  
Dómine quinque talénta, quæ  
est j. Laudum, pag. 75\*;

Pro ij. Memoria dicatur Añā  
Ecce vere Israelita., quæ est  
iv. Laudum, ibidem.

† Versiculi autem hoc ordine  
dicantur :

I. ¶. Amávit eum Dóminus,  
et ornávit eum. R. Stolum gló-  
riæ induit eum.

II. ¶. Justum dedúxit Dómi-  
nus per vias rectas. R. Et  
osténdit illi regnum Dei.

III. ¶. Justus ut palma floré-  
bit in domo Dómini. R. Sicut  
cedrus Libani multiplicábitur.

† Ad faciendam vero Memo-  
riam plurium Confessorum in  
j. Vesperis,

Añā. Fulgébunt justí, et tam-  
quam scintillæ in arundineto  
discúrrunt : judicábunt nati-  
ones, et regnábunt in ætérnum.

¶. Lætámini in Dómino, et  
exsultáte justí. R. Et gloriá-  
mini omnes recti corde.

Oratio.

**D**EUS, qui nos sanctorum  
Confessorum tuorum N.  
et N. confessiónibus gloriósis  
circumdas et prótegis : da no-  
bis eorum imitatione proficere,  
et intercessióne gaudere. Per.

AD MATUTINUM.

Invitorium. Confessorum  
Regem adorémus : \* Qui cælé-  
stis regni méritum et glóriam  
còntulit sancto suo N.

Hymnus Iste Confessor., ut  
in j. Vesperis.

IN I. NOCTURNO.

Psalmus i.

**B**EATUS vir, qui non ábit in  
consilio impiórum, ¶ et in  
via peccatórum non stetit,\* et  
in cáthedra pestiléntiæ non  
sedit :

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo :

Et fólium ejus non défluet : \* et ómnia quaecúmque fáciat, prosperabúntur.

Non sic impíi, non sic : \* sed tamquam pulvis, quem próicit ventus a fácie terræ.

Ideo non resúrgent impíi in iudicio : \* neque peccatóres in concílio justórum.

Quóniam novit Dóminus viam justórum : \* et iter impiórum peribit.

Aña. Beátus vir, qui in lege Dómini meditátur : volúntas ejus pérmanet die ac nocte, et ómnia quaecúmque fáciat, semper prosperabúntur.

#### Psalmus 2.

**Q**UARE fremuérent gentes, \* et pópuli meditáti sunt inánia?

Astitérunt reges terræ, & et príncipes convenérunt in unum \* advérsus Dóminum, et advérsus Christum ejus.

Dirumpámus vincula eórum : \* et projiciámus a nobis jugum ipsórum.

Qui hábitat in cælis irridébit eos : \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* prædicans præceptum ejus.

Dóminus dixit ad me : \* Fi-

lius meus es tu, ego hódie genui te.

Póstula a me, et dabo tibi gentes hereditátem tuam, \* et possessiónem tuam términos terræ.

Reges eos in virga férrea, \* et tamquam vas figuli confringes eos.

Et nunc reges intelligite : \* erudímini qui iudicátis terram.

Servite Dómino in timóre : \* et exsultáte ei cum tremóre.

Apprehéndite disciplinam nequándo irascátur Dóminus, \* et pereátis de via justa.

Cum exársit in brevi ira ejus, \* beáti omnes, qui confidunt in eo.

Aña. Beátus iste Sanctus, qui confisus est in Dómino : prædicávit præceptum Dómini, constitútus est in monte sancto ejus.

#### Psalmus 3.

**D**OMINE quid multiplicáti sunt qui tribulant me? \* multi insúrgunt advérsus me.

Multi dicunt animæ meæ : \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi : \* et exaudivit me de monte sancto suo.

Ego dormívi, et soporátus sum : \* et exsurrexi, quia Dóminus suscepit me.

Non timébo millia pópuli circumdántis me : \* exsúrge Dómine, salvum me fac Deus meus.

Quóniam tu percussisti omnes advérsantes mihi sine causa : \* dentes peccatórum contrivisti.

Dómini est salus : \* et super pópulum tuum benedictio tua.

Añā. Tu es glória mea, tu es suscēptor meus Dómine : tu exáltas caput meum, et exaudivisti me de monte sancto tuo.

℟. Amávit eum Dóminus, et ornávit eum. ℞. Stolum glóriæ induit eum.

De Epístola prima beáti Pauli Apóstoli ad Timótheum.

Lectio j.

Cap. 3.

**F**IDELIS sermo : Si quis Episcopátum desiderat, bonum opus desiderat. Opórtet ergo Episcopum irreprehensibilem esse, unius uxóris virum, sóbrium, prudéntem, ornátum, pudicum, hospitálem, doctórem, non vinoléntum, non percussórem, sed modéstum : non litigiósum, non cúpidum, sed suæ dómui bene præpósitum : filios habéntem súbditos cum omni castitáte. Si quis autem dómui suæ præesse nescit, quómodo Ecclésiæ Dei diligéntiam habébit? Non neóphytum : ne in supérbiam elátus, in iudícium incidat diaboli. Opórtet autem illum et testimónium habére bonum ab iis, qui foris sunt, ut non in oppróbrium incidat, et in láqueum diaboli.

℞. j. Euge serve bone, et fidélis, quia in pauca fuisti fidélis, supra multa te constituam : \* Intra in gáudium dómni tui. ℞. Dómine quinque talénta tradidisti mihi, ecce ália quinque superlucrátus sum. — Intra.

De Epístola ad Titum.

Lectio ij.

Cap. i.

**O**PORTET Episcopum sine crimine esse, sicut Dei dispensatórem : non supérbium, non iracúndum, non

vinoléntum, non percussórem, non turpis lucrí cúpidum : sed hospitálem, benígnum, sóbrium, justum, sanctum, continéntem, amplecténtem eum, qui secúndum doctrínam est, fidélem sermónem : ut potens sit exhortári in doctrína sana, et eos, qui contradicunt, argúere.

℞. ij. Justus germinábit sicut lílium, \* Et florébit in ætérnum ante Dóminum. ℞. Plantátus in domo Dómni, in átriis domus Dei nostri. — Et florébit.

Lectio iij.

Cap. 2.

**T**U autem lóquere quæ decet sanam doctrínam : senes ut sóbrii sint, pudíci, prudéntes, sani in fide, in dilectióne, in patiéntia : anus similiter in hábitu sancto, non criminátrices, non multo vino serviéntes, bene docéntes : ut prudentiam doceant adolescentulas, ut viros suos ament, filios suos diligant, prudéntes, castas, sóbrias, domus curam habéntes, benignas, súbditas viris suis, ut non blasphemétur verbum Dei.

℞. iij. Iste Sanctus digne in memóriam vértitur hóminum, qui ad gáudium tránsiit angelórum : \* Quóniam in hac peregrinatóne solo corpore constitútus, cogitatóne et aviditáte In illa ætérna pátria conversátus est. ℞. Vinculus carnis absolútus, taléntum sibi créditum Dómino suo duplicátum reportávit. — Quóniam. Glória. In illa ætérna pátria.

IN II. NOCTURNO.

Psalmus 4.

**C**UM invocárem exaudivit me Deus justitiæ meæ : \* in tribulatóne dilatásti mihi.



Miserere mei, \* et exaudi orationem meam.

Filii hominum usquequo gravi corde? \* ut quid diligitis vanitatem, et quaeritis mendacium?

Et scitote quoniam mirificavit Dominus sanctum suum: \* Dominus exaudiet me cum clamavero ad eum.

Irascimini, et nolite peccare: \* quae dicitis in cordibus vestris, in cubilibus vestris compungimini.

Sacrificate sacrificium iustitiae, et sperate in Domino: \* multi dicunt: Quis ostendit nobis bona?

Signatum est super nos lumen vultus tui Domine: \* dedisti laetitia in corde meo.

A fructu frumenti, vini, et olei sui \* multiplicati sunt.

In pace in idipsum \* dormiam, et requiescam:

Quoniam tu Domine singulariter in spe \* constituisti me.

Añā. Invocantem exaudivit Dominus Sanctum suum: Dominus exaudivit eum, et constituit eum in pace.

#### Psalmus 5.

**V**ERBA mea auribus percipe Domine, \* intellige clamorem meum.

Intende voci orationis meae, \* rex meus et Deus meus.

Quoniam ad te orabo: \* Domine mane exaudies vocem meam.

Mane astabo tibi et videbo: \* quoniam non Deus volens iniquitatem tu es.

Neque habitabit juxta te malignus: \* neque permanebunt iniusti ante oculos tuos.

Odisti omnes, qui operantur

iniquitatem: \* perdes omnes, qui loquuntur mendacium.

Virum sanguinum et dolosum abominabitur Dominus: \* ego autem in multitudine misericordiae tuae.

Introibo in domum tuam: \* adorabo ad templum sanctum tuum in timore tuo.

Domine deduc me in iustitia tua: \* propter inimicos meos dirige in conspectu tuo viam meam.

Quoniam non est in ore eorum veritas: \* cor eorum vanum est.

Sepulcrum patens est guttur eorum, et linguis suis dolose agebant, \* iudica illos Deus.

Decidant a cogitationibus suis, et secundum multitudinem impietatum eorum expelle eos, \* quoniam irritaverunt te Domine.

Et laetentur omnes, qui sperant in te, \* in aeternum exultabunt: et habitabis in eis.

Et gloriabuntur in te omnes, qui diligunt nomen tuum, \* quoniam tu benedices iusto.

Domine, ut scuto bonae voluntatis tuae \* coronasti nos.

Añā. Laetentur omnes, qui sperant in te Domine: quoniam tu benedixisti iusto, scuto bonae voluntatis tuae coronasti eum.

#### Psalmus 8.

**D**OMINE Dominus noster, \* quam admirabile est nomen tuum in universa terra!

Quoniam elevata est magnificentia tua, \* super caelos.

Ex ore infantium et lactentium perfecisti laudem propter inimicos tuos, \* ut destruas inimicum et ultorem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuísti eum paulo minus ab Angelis, & glória et honóre coronásti eum : \* et constituísti eum super ópera mánuum tuárum.

Omnia subiecísti sub pédibus ejus, \* oves et boves univér-  
sas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univér-  
sa terra!

Añá. Dómine Dóminus noster, quam admirábile est nomen tuum in univér-  
sa terra! quia glória et honóre coronásti Sanctum tuum, et constituísti eum super ópera mánuum tuárum.

¶ Justum dedúxit Dóminus per vías rectas. R. Et osténdit illi regnum Dei.

Sermo sancti Máximi  
Epíscopi.

(Homil. 59. de S. Eusebio 2.)

Lectio iv.

**A**D sancti ac beatíssimi Patris nostri N. cujus hódie festa celebrámus, laudes addidisse, áliquid decerpísse est : siquidem virtútum ejus grátia non sermónibus exponénda est, sed opéribus comprobánda. Cum enim dicat Scriptúra : Glória patris est filius sapiens : quantæ hujus sunt glóriæ, qui tantórum filiórum sapiéntia et devotióne lætátur! In Christo

enim Jesu per Evangélium ipse nos genuit.

R. iv. Magnificávit eum in conspéctu regum, \* Et dedit illi coronám glóriæ. ¶ Státuit illi testaméntum sempitérnum, et beatificávit illum in glória. — Et dedit illi.

Lectio v.

**Q**UIDQUID igitur in hac sancta plebe potest esse virtútis et grátiae, de hoc quasi lucidíssimo fonte, ómnium rivulórum puritas emanávit. Et enim quia castitátis pollébat vigóre, quia abstinentiæ gloriabátur angústis, quia blandiméntis erat præditus lenitatis, ómnium civium in Deum provocávit afféctum : quia Pontificis administratióne fulgébat, plures e discipulis reliquit sui sacerdotií successóres.

R. v. Amávit eum Dóminus, et ornávit eum : stolam glóriæ induit eum, \* Et ad portas Paradísi coronávit eum. ¶ Induit eum Dóminus lorícam fidei, et ornávit eum. — Et ad portas Paradísi.

Lectio vj.

**B**ENE et cóngrue in hac die, quam nobis beáti Patris nostri N. ad Paradisum tránsitus exsultáblem reddit, præsentis Psalmi versículum decantávimus : In memória ætérna erit justus. Digne enim in memóriam vértitur hóminum, qui ad gáudium tránsiit angelórum. Illius ergo, in quantum póssumus, vestigiis insístamus, quibus per illam nimis arctam viam ad cæli ampla festinans, qua eum sequerémur, osténdit.

R. vj. Sancte N. Christi Confessor audi rogantes servulos : \* Et impetratam cælitus Tu defer indulgentiam. V. O sancte N. sidus aureum, Domini gratia, servorum gemitus solita suscipe clementia. — Et impetratam. Glória. Tu defer indulgentiam.

## IN III. NOCTURNO.

## Psalmus 14.

**D**OMINE quis habitabit in tabernáculo tuo? \* aut quis requiescet in monte sancto tuo?

Qui ingreditur sine macula, \* et operatur iustitiam :

Qui loquitur veritatem in corde suo, \* qui non egit dolum in lingua sua :

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus : \* timentes autem Dominum glorificat :

Qui jurat proximo suo, et non decipit, \* qui pecuniam suam non dedit ad usuram, \* et múnera super innocentem non accepit :

Qui facit hæc, \* non movetur in ætérnum.

Añ. Domine, iste Sanctus habitabit in tabernáculo tuo : operatus est iustitiam, requiescet in monte sancto tuo.

## Psalmus 20.

**D**OMINE in virtute tua lætabitur rex : \* et super salutare tuum exsultabit vehementer.

Desiderium cordis ejus tribuisti ei : \* et voluntate labiorum ejus non fraudasti eum.

Quóniam prævenisti eum in

benedictionibus dulcedinis : \* posuisti in capite ejus coronam de lapide pretioso.

Vitam petiit a te : \* et tribuisti ei longitudinem dierum in sæculum, et in sæculum sæculi.

Magna est glória ejus in salutare tuo : \* glóriam et magnum decorem impones super eum.

Quóniam dabis eum in benedictionem in sæculum sæculi : \* lætificabis eum in gaudio cum vultu tuo.

Quóniam rex sperat in Domino : \* et in misericordia Altissimi non commovebitur.

Inveniatur manus tua omnibus inimicis tuis : \* dextera tua inveniatur omnes, qui te odérunt.

Pones eos ut clibanum ignis in tempore vultus tui : \* Dominus in ira sua conturbabit eos, et devorabit eos ignis.

Fructum eorum de terra perdes : \* et semen eorum a filiis hominum.

Quóniam declinaverunt in te mala ; \* cogitaverunt consilia, quæ non potuerunt stabilire.

Quóniam pones eos dorsum : \* in reliquiis tuis præparabis vultum eorum.

Exaltare Domine in virtute tua : \* cantabimus et psallimus virtutes tuas.

Añ. Vitam petiit a te, et tribuisti ei Domine : glóriam et magnum decorem imposuisti super eum : posuisti in capite ejus coronam de lapide pretioso.

## Psalmus 23.

**D**OMINI est terra, et plenitudo ejus : \* orbis terrarum, et universi, qui habitant in eo.



Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, & qui non accépit in vano ánimam suam, \* nec jurávit in dolo próximo suo.

Hic accipiet benedictiõnem a Dómino : \* et misericórdiam a Deo salutári suo.

Hæc est generatio quæréntium eum, \* quæréntium fáciem Dei Jacob.

Attóllite portas principes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas principes vestras, & et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añá. Hic accipiet benedictiõnem a Dómino, et misericórdiam a Deo salutári suo : quia hæc est generatio quæréntium Dóminum.

℣. Justus ut palma florébit in domo Dómini. ℞. Sic ut cedrus Libani multiplicábitur.

Lectio sancti Evangélíi  
secúndum Matthæum.

Lectio vij. Cap. 24.

**I**N illo témpore : Dixit Jesus discipulis suis : Vigilate, quia nescitis qua hora Dóminus vester ventúrus sit. Et réliqua.

Homília sancti Hilárii  
Episcopi.

(Cap. 26. et 27. in Matth.)

**U**T ignorántiam illam diéi ómnibus tácti, non sine útilis siléntii ratiõne esse scirémus; vigiláre nos Dóminus propter advéntum furis admónuit, et oratiónum assiduitate deténtos, ómnibus præceptórum suórum opéribus inhærere. Furem enim esse osténdit zábulum, ad detrahénda ex nobis spólia pervigilem, et córporum nostrórum dómibus insidiántem : ut ea incuriósus nobis, et somno déditis, consiliórum suórum atque illecebrárum jáculis perfódiait.

℞. vij. Justus ut palma florébit : sicut cedrus Libani multiplicábitur : plantátus in domo Dómini, \* In átriis domus Dei nostri florébit. ℣. Glória, et divitiæ in domo ejus : et justitia ejus manet in sæculum sæculi. — In átriis.

Lectio viij.

**P**ARATOS igitur esse nos convenit : quia diéi ignoratió inténtam sollicitúdinem suspénsæ expectatiónis exágitat. Quisnam est fidélis servus, et prudens, quem constituit dóminus super familiam suam? Quamquam in commúne nos ad indeféssam vigilántiæ curam adhortétur : speciálem tamen pópuli principibus, id est Episcopis, in expectatióne adventúque suo sollicitúdinem mandat.

℞. viij. Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum : \* Honestávit illum in labóribus, et

complévit labóres illius. *ſ.* Immortalis est enim memoria illius : quia apud Deum nota est, et apud homines. — Honestavit illum.

## Lectio ix.

**H**UNC enim servum fidélem, atque prudentem, præpositum familiæ significat, commoda atque utilitates commissi sibi populi curantem. Qui si dicto audiens, et præceptis obediens erit, id est, si doctrinæ opportunitate et veritate infirma confirmet, disrúpta consolidet, depravata convertat, et verbum vitæ in æternitatis cibum alendæ familiæ dispéndat, atque hæc agens, hisque immorans deprehendatur; glóriam a Dómino tamquam dispensátor fidelis, et villicus utilis consequétur, et super omnia bona constituétur, id est, in Dei glória collocabitur : qua nihil sit ultra, quod melius sit.

*R.* ix. Sint lumbi vestri præcincti, et lucernæ ardentes in manibus vestris, \* Et vos similes hominibus expectantibus dñm suum Quando revertatur a nuptiis. *V.* Vigilate ergo, quia nescitis qua hora Dñs vester venturus sit. — Et vos. Glória. Quando.

Ante Laudes *V.* Ora pro nobis beate N. *R.* Ut digni efficiamur promissionibus Christi.

## AD LAUDES

ET PER HORAS ANTIPHONÆ.

1. Dñe quinque talenta tradidisti mihi, ecce alia quinque superlucratus sum. Psalms Dñs regnavit. cum ceteris, pag. 17.

2. Beatus ille servus, quem cum venerit Dñs, et pul-

saverit januam, invenerit vigilantem.

3. Fidelis servus et prudens, quem constituit Dñs super familiam suam, ut det illis in tempore tritici mensuram.

4. Ecce vere Israelita, in quo dolus non est.

5. Serve bone et fidelis intra in gaudium Dñi tui.

Capitulum. Eccli. 45.

**D**ILECTUS Deo et hominibus, cujus memoria in benedictione est : similem illum fecit in gloria sanctorum.

## Hymnus.

**J**ESU Redemptor omnium,  
Coróna confitentium,  
In hac die clementius  
Nostris faveto precibus :

Tui sacri qua nominis  
Confessor almus claruit,  
Cujus celebrat annua  
Devota plebs solémnia.

Qui rite mundi gaudia  
Hujus caduca respuens,  
Cum angelis cælestibus  
Laetus potitur præmiis.

Hujus benignus annue  
Nobis sequi vestigia :  
Hujus precatu servulis  
Dimitte noxam criminis.

Sit Christe Rex piissime  
Tibi Patrique gloria,  
Cum Spiritu Paráclito,  
In sempiterna secula. Amen.  
*V.* Justus germinabit sicut lilium. *R.* Et florébit in æternum ante Dñm.

Ad Benedictus Añ. Euge serve bone, et fidelis, quia in pauca fuisti fidelis, supra multa te constituam, dicit Dñs.

\* Si contingat fieri plure  
Memorias de aliis Confessoribus in Laudibus,

Pro j. Memoria dicatur Añā Beātus ille servus., quæ est ij. Laudum;

Pro ij. Memoria dicatur Añā Fidēlis servus., quæ est iij. Laudum;

Pro iij. Memoria dicatur Añā Servebone., quæ est v. Laudum.

† Versiculi autem hoc ordine dicantur :

I. V̄. Justus ut palma florēbit in domo Dómini. R̄. Sicut cedrus Libani multiplicābitur.

II. V̄. Justum dedúxit Dóminus per vias rectas. R̄. Et ostēdit illi regnum Dei.

III. V̄. Amávit eum Dóminus, et ornávit eum. R̄. Stolum glóriæ induit eum.

† Ad faciendam vero Memoriam plurium Confessorum in Laudibus,

Añā. Sint lumbi vestri præcincti, et lucernæ ardētes in manibus vestris, et vos similes hominibus expectantibus dōminum suum quando revertatur a nuptiis.

V̄. Mirābilis Deus. R̄. In Sanctis suis.

#### AD TERTIAM.

Capitulum Dilēctus Deo., ut in Laudibus, pag. 75\*.

R̄. Amávit eum Dóminus, \* Et ornávit eum. Amávit eum. V̄. Stolum glóriæ induit eum. Et ornávit eum. Glória. Amávit eum.

V̄. Justum dedúxit Dóminus per vias rectas. R̄. Et ostēdit illi regnum Dei.

#### AD SEXTAM.

Capitulum. Eccli. 39.

**J**USTUS cor suum tradet ad vigilandum dilúculo ad Deum, qui fecit illum, et in conspēctu Altissimi deprecābitur.

R̄. Justum dedúxit Dóminus \* Per vias rectas. Justum. V̄. Et ostēdit illi regnum Dei. Per vias. Glória. Justum.

V̄. Justus ut palma florēbit in domo Dómini. R̄. Sicut cedrus Libani multiplicābitur.

#### AD NONAM.

Capitulum. Sap. 10.

**J**USTUM dedúxit Dóminus per vias rectas, et ostēdit illi regnum Dei, et dedit illi sciētiā sanctorum : honestāvit illum in laboribus, et complēvit labores illius.

R̄. Justus ut palma florēbit \* In domo Dómini. Justus. V̄. Sicut cedrus Libani multiplicābitur. In domo. Glória. Justus.

V̄. Justus germinābit sicut lílium. R̄. Et florēbit in ætērum ante Dóminum.

#### AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabellum pedum tuorum.

Virgam virtutis tuæ emittet Dóminus ex Sion : \* domināre in médio inimicorum tuorum.

Tecum principium in die virtutis tuæ in splendōribus sanctorum : \* ex útero ante luciferum genui te.

Jurávit Dóminus, et non pœnitēbit eum : \* Tu es sacerdos in ætērum secūndum ordinem Melchisedech.

Dóminus a dextris tuis, \* confrēgit in die iræ suæ reges.

Judicābit in nationibus, implebit ruinas : \* conquassābit capita in terra multorum.

De torrēnte in via bibet : \* propterea exaltābit caput.



## Psalmus 111.

**B**EATUS vir, qui timet Dóminum : \* in mandátis ejus vult nimis.

Potens in terra erit semen ejus : \* generatio rectórum benedicétur.

Glória, et divitiæ in domo ejus : \* et justitia ejus manet in sæculum sæculi.

Exórtum est in tenebris lumen rectis : \* miséricors, et miserátor, et justus.

Jucúndus homo qui miserétur et commodat, & dispónet sermones suos in judicio : \* quia in ætérnum non commovébitur.

In memória ætérna erit justus : \* ab auditióne mala non timébit.

Parátum cor ejus speráre in Dómino, & confirmátum est cor ejus : \* non commovébitur donec despiciat inimicos suos.

Dispérsit, dedit paupéribus : & justitia ejus manet in sæculum sæculi, \* cornu ejus exaltábitur in glória.

Peccátor vidébit, et irascétur, & déntibus suis fremet et tabéscet : \* desiderium peccatórum peribit.

## Psalmus 112.

**L**AUDATE púeri Dóminum : \* Laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásu, \* laudábile nomen Dómini. Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humilia respicit in cælo et in terra?

Súscitans a terra inopem, \* et de stércore érigens páuperem : Ut cólloce eum cum principibus, \* cum principibus pópuli sui.

Qui habitáre facit stérilem in domo, \* matrem filiórum lætántem.

## Psalmus 115.

**C**REDIDI, propter quod locútus sum : \* ego autem humiliátus sum nimis.

Ego dixi in excéssu meo : \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accipiam : \* et nomen Dómini invocábo.

Vota mea Dómino reddam coram omni pópulo ejus : \* pretiósá in conspéctu Dómini mors sanctorum ejus :

O Dómine quia ego servus tuus : \* ego servus tuus, et filius ancillæ tuæ.

Dirupísti víncula mea : \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : \* in átriis domus Dómini, in médio tui Jérusalem.

## Psalmus 125.

**I**N converténdo Dóminus captivitátem Sion : \* facti sumus sicut consoláti :

Tunc replétum est gáudio os nostrum : \* et lingua nostra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobiscum : \* facti sumus lætántes.

Convérte Dómine captivitátem nostram, \* sicut torrens in austro.

Qui séminant in lácrimis, \*  
in exsultatione metent.

Eúntes ibant et flebant, \*  
mitténtes sémína sua.

Veníéntes autem vénient cum  
exsultatione, \* portántes ma-  
nipulos suos.

Añã. Dómine quinque talénta  
tradidisti mihi, ecce álía quin-  
que superlucrátus sum.

Capitulum, Hymnus et *ſ.* ut  
in j. Vesperis, pag. 67\*.

Ad Magnificat Añã. Similábo  
eum viro sapiénti, qui ædificá-  
vit domum suam supra petram.

† Si contingat fieri plures  
Memorias de aliis Confessori-  
bus in ij. Vesperis,

Pro j. Memoria dicatur Añã  
Conféssor Dómini., ut ad Ma-  
gnificat in j. Vesperis, pag. 68\*;

Pro ij. Memoria dicatur Añã  
Iste Sanctus., ut paulo post, in  
Nocturno festi Trium Lection-  
um;

Pro iij. Memoria dicatur Añã  
Ecce vere Israelita., quæ est  
iv. Laudum, pag. 75\*.

† Versiculi autem hoc ordine  
dicantur :

I. *ſ.* Amávit eum Dóminus,  
et ornávit eum. *R.* Stolum gló-  
riæ induit eum.

II. *ſ.* Justum dedúxit Dómi-  
nus per vias rectas. *R.* Et  
osténdit illi regnum Dei.

III. *ſ.* Justus ut palma floré-  
bit in domo Dómini. *R.* Sicut  
cedrus Líbani multiplicábitur.

---

IN FESTO  
TRIUM LECTIONUM.

---

AD MATUTINUM.

Invitatorium. Regem Confes-  
sorum Dóminum \* Veníte ad-  
orémus.

IN NOCTURNO.

Super Psalmos Añã. Iste San-  
ctus digne in memoriám vérti-  
tur hóminum, qui ad gáudium  
tránsiit angelórum.

† Aliud Evangelium  
de Confessore Pontífice  
Novem Lectionum.

Lectio sancti Evangelíi  
secúndum Matthæum.

Lectio vij. Cap. 25.

**I**N illo témpore : Dixit Jesus  
discípulis suis parábolam  
hanc : Homo péregre profici-  
scens, vocávit servos suos, et  
trádidit illis bona sua. Et réli-  
qua.

Homília sancti Hilárii  
Epíscopi.

(Comment. in Matth. 25.)

**D**IVISIO quidem pecuniæ in-  
æquális est, sed non ad  
dividéntem referénda diversí-  
tas est. Ait enim unumquem-  
que secúndum virtútem suam  
accepisse. Patrem familias se-  
ipsum esse significat. Peregrí-  
nationis tempus poeniténtiæ  
spátium est, quo in cælis a  
dextris Dei ássidens, potestá-  
tem univérso géneri humano  
fidei atque operationis evan-  
gélicæ permísit.

Lectio viij.

**I**GITUR unusquisque secún-  
dum fidei suæ mensúram,  
taléntum, id est, Evangelíi præ-  
dicatióem, a prædicánte sus-  
cépit. Hæc enim incorrupta  
substántia est : hoc Christi pa-  
trimónium ætérnis herédibus  
reservátum. Sed servus ille,  
qui quinque talénta accepit,  
pópulus ex Lege credéntium  
est : ex qua proféctus, méri-  
tum ipsius recte probéque per-

functus evangélicæ Fidei operatione duplicavit.

#### Lectio ix.

**I**N ratione autem ponenda iudicii examen est : quo cælestis verbi usus, et réditus dispensati talenti postulatur. Igitur cui erant quinque commissa, domino reverso de quinque decem obtulit : talis scilicet in Fide repertus, qualis in Lege : qui decem verborum quinque libris Móysi, præceptorum obedientiam per gratiam evangélicæ justificationis expléverit. Igitur jubetur in gaudium Domini introire, id est, in honorem gloriæ Christi recipitur.

### COMMUNE UNIUS DOCTORIS.

Omnia fiant ut in Communi unius Confessoris Pontificis, pag. 67\*. et sequentibus, præter hic notata.

#### Oratio.

**D**EUS, qui pópulo tuo æternæ salutis beatum N. ministrum tribuisti : præsta quæsumus, ut quem doctorem vitæ habuimus in terris, intercessorem habere mereamur in cælis. Per.

#### IN I. NOCTURNO.

De libro Ecclesiastici.

#### Lectio j.

Cap. 14.

**B**EATUS vir, qui in sapientia morabitur, et qui in justitia sua meditabitur, et in sensu cogitabit circumspectionem Dei. Qui excogitat vias illius in corde suo, et in absconditis suis intélligens, vadens post

illam quasi investigátor, et in viis illius consistens : qui respicit per fenestras illius, et in januis illius audiens : qui requiescit juxta domum illius, et in parietibus illius figens palum statuet cásulam suam ad manus illius, et requiescent in cásula illius bona per ævum : statuet filios suos sub tégmine illius, et sub ramis ejus morabitur : protegétur sub tégmine illius a fervóre, et in glória ejus requiescet.

#### Lectio ij.

Cap. 24.

**Q**UI implet quasi Phison sapientiam, et sicut Tigris in diebus novorum. Qui adimplet quasi Euphrates sensum : qui multiplicat quasi Jordánis in tempore messis. Qui mittit disciplinam sicut lucem, et assistens quasi Gehon in die vindemiæ. Qui perficit primus scire ipsam, et infirmior non investigabit eam. A mari enim abundavit cogitatio ejus : et consilium illius ab abyssu magna. Ego sapientia effudi flumina. Ego quasi trames aquæ immensæ de fluvio, ego quasi fluvii dioryx, et sicut aquæductus exivi de paradiso.

#### Lectio iij.

**D**IXI : Rigabo hortum meum plantationum, et inebriabo prati mei fructum. Et ecce factus est mihi trames abundans, et fluvius meus appropinquavit ad mare : quoniam doctrinam quasi antelucanum illumino omnibus, et enarrabo illam usque ad longinquum. Penetrabo omnes inferiores partes terræ, et inspiciam omnes dormientes, et illuminabo omnes sperantes in Domino.



Adhuc doctrinam quasi prophetiam effundam, et relinquam illam quærentibus sapientiam, et non desinam in progenies illorum usque in ævum sanctum. Videte quoniam non soli mihi laboravi, sed omnibus exquirantibus veritatem.

## IN II. NOCTURNO.

Ex libro Moraliū sancti Gregorii Papæ.

Lectio iv. (Lib. 9. cap. 6.)

**Q**UI post Orionas Hyadum nomine, nisi Doctores sanctæ Ecclesiæ designantur? Qui subductis Martyribus eo jam tempore ad mundi notitiam venerunt, quo fides clarius elucet : et repressa infidelitatis hieme, altius per corda fidelium sol veritatis calet. Qui remota tempestate persecutionis, expletis longis noctibus infidelitatis, tunc sanctæ Ecclesiæ orti sunt, cum ei jam per credulitatis vernum lucidior annus aperitur.

Lectio v. (Cap. 8.)

**N**EC immerito Doctores sancti Hyadum nuncupatione signantur. Græco quippe eloquio hyetos pluvia vocatur, et Hyades nomen a pluviiis accepérunt : quia ortæ procudubio imbres ferunt. Bene ergo Hyadum appellatione expressi sunt, qui ad statum universalis Ecclesiæ, quasi in cæli faciē deducti, super arēntem terram humani pectoris sanctæ prædicationis imbres fuderunt. Si enim prædicationis sermo pluvia non esset, Moyses minime dixisset : Expectetur sicut pluvia eloquium meum : et nequāquam per Isaiam Veritas diceret : Man-

dabo núbibus meis, ne pluant super eam imbrem : atque hoc, quod paulo ante protulimus : Quamobrem prohibita sunt stellæ pluviarum.

Lectio vj.

**D**UM ergo Hyades cum pluviiis veniunt, ad cæli spatia altiora sol ducitur : quia appārente Doctōrum sciētia, dum mens nostra imbre prædicationis infunditur, fidei calor augētur. Et perfusa terra ad fructum proficit, cum lumen ætheris ignescit : quia uberior frugum boni operis reddimus, dum per sacræ eruditionis flammam in corde clarius ardēmus. Dumque per eos diebus singulis magis magisque sciētia cælestis ostēditur, quasi intēni nobis lūminis vernum tempus aperitur : ut novus sol nostris mētibz rutillet, et eōrum verbis nobis cognitus, seipso quotidie clarior micet. Urgēte etenim mundi fine, supērna sciētia proficit, et largius cum tempore excrescit.

## IN III. NOCTURNO.

Lectio sancti Evangelii secundum Matthæum.

Lectio vij. Cap. 5.

**I**N illo tempore : Dixit Jesus discipulis suis : Vos estis sal terræ. Quod si sal evanuerit, in quo salietur? Et reliqua.

Homilia sancti Joannis

Chrysostomi.

(Hom. 15. in Matth. sub med.)

**A**TENDITE quid dixerit, Vos estis sal terræ : per quod ostēdit quam necessariū ista præcipiat. Non enim de vestra, inquit, tantummodo vita, sed de universo orbe vobis ratio

reddenda est. Non ad duas quippe urbes, aut decem, aut viginti, neque ad unam gentem vos mitto, sicut mittebam Prophétas : sed ad omnem terram prorsus, ac mare, totumque mundum, et hunc variis criminibus opprëssum.

## Lectio viij.

**D**ICENDO enim, Vos estis sal terræ, ostendit universam hominum infatuatam esse naturam, et peccatorum vi corruptam : et idcirco illas ab eis virtutes requirit, quæ maxime ad multorum salutem procurandam necessariæ sunt atque utiles. Nam qui mansuetus est, ac modestus, et misericors, et justus, non intra se tantummodo hæc recte facta concludit, verum in aliorum quoque utilitatem præclaros hos faciet effluere fontes. Igitur qui corde mundo est atque pacificus, et persecutionem pro veritate patitur, nihilominus in commune commodum vitam instituit.

## Lectio ix.

**N**E igitur putetis, inquit, ad levia vos ducendos esse certamina, neque exiguarum rerum vobis ineundam esse rationem. Vos estis sal terræ. Quid igitur? Ipsine putrefacta medicati sunt? Nequaquam : neque enim fieri potest, ut ea, quæ jam corrupta sunt, salis perfractione reparentur. Non ergo hoc fecerunt, sed ante renovata, sibi que tradita, atque ab illa jam putredine liberata, aspergebant sale, et in ea novitate conservabant, quam a Domino susceperant. Liberare quippe a putredine peccato-

rum, Christi virtutis est : ut autem ad illa iterum non revertantur, Apostolorum curæ est ac laboris.

## COMMUNE

## UNIUS CONFESSORIS

## NON PONTIFICIS.

Omnia fiant ut in Communi unius Confessoris Pontificis pag. 67\*. et sequentibus, præter hic posita. Oratio.

**D**EUS, qui nos beati N. Confessoris tui annua sollemnitate lætificas : concede propitius ut cujus natalitia colimus, etiam actiones imitemur. Per.

† Alia Oratio.

**A**DESTO Dómine supplicationibus nostris, quas in beati N. Confessoris tui sollemnitate deferimus : ut qui nostræ justitiæ fiduciam non habemus, ejus, qui tibi placuit, precibus adjuvemur. Per.

## IN I. NOCTURNO.

De libro Ecclesiastici.

## Lectio j.

Cap. 31.

**B**EATUS vir, qui inventus est sine macula : et qui post aurum non abiit, nec speravit in pecunia, et thesauris. Quis est hic, et laudabimus eum? Fecit enim mirabilia in vita sua. Qui probatus est in illo, et perfectus est, erit illi gloria æterna : qui potuit transgredi, et non est transgressus : facere mala, et non fecit : ideo stabilita sunt bona illius in Dómino, et eleemosynas illius enarrabit omnis ecclesiæ sanctorum.

Lectio ij.

Cap. 32.

**Q**UI timet Dóminum, excipiet doctrinam ejus : et qui vigiláverint ad illum, invénient benedictiónem. Qui quærit legem, replébitur ab ea : et qui insidióse agit, scandalizábitur in ea. Qui timent Dóminum, invénient judícium justum, et justítias quasi lumen, accéndent. Qui credit Deo, atténdit mandátis : et qui confidit in illo, non minorábitur.

Lectio iij. Cap. 33. et cap. 34.

**T**IMENTI Dóminum non occurrunt mala, sed in tentatióne Deus illum conservábit, et liberábit a malis. Sapiens non odit mandata et justítias, et non illidétur quasi in procélla navis. Homo sensátus credit legi Dei, et lex illi fidélis. Spiritus tíméntium Deum quæritur, et in respectu illius benedicétur. Spes enim illórum in salvántem illos, et óculi Dei in diligéntes se. Qui timet Dóminum nihil trepidábit, et non pavébit : quóniam ipse est spes ejus. Tíméntis Dóminum beáta est ánima ejus.

## IN II. NOCTURNO.

Sermo sancti Joánnis  
Chrysóstomi.

(In Orat. de S. Philog.)

Lectio iv.

**B**EATI N. dies, cujus festivitatem celebrámus, ad ipsius recte factórum enarratióne linguam nostram evocávit : siquidem hódie Beátus iste ad tranquillam, omnisque perturbatióis expértem vitam tránsiit : eoque navigium áppulit, ubi deinceps non póterit metuere naufragium, nec ullam

ánimi perturbatióne, aut dolórem.

Lectio v.

**Q**UAMOBREM maximópere grátulor hujus Sancti felicitati, quod quamquam translátus est, atque hanc, quæ apud nos est, civitatem reliquit : tamen in álteram ascriptus est civitatem, nempe Dei : ac digréssus ab hac Ecclésia, ad illam pervénit, quæ est primogenitórum descriptórum in cælis : ac relictis hisce festis, tránsiit ad celebritatem angelórum.

Sermo sancti Ephrem Syri.  
(Encomio in S. Basil.)

Lectio vj.

**S**APIENS hic et fidélis N. vere sgressus est virtútum, liber laudum, vita miraculórum : qui in carne grádiens, spiritu incedébat ; communémque cum áliis in terra vitam degens, supérna contemplabátur : berryllium plectrum mysticæ citharæ regióne sanctórum angelórum oblétans : certus agnus matricis vitæ, Spiritus sancti agrum ac hortum illústrans, desidério atque amore exsúltans, ac florem ex ima radice pretiosissimæ crucis decerpens : membrána pulchra divinæ sapiéntiæ, quæ de cælo divinas impressiões accépit.

## IN III. NOCTURNO.

Lectio sancti Evangélii  
secúndum Matthæum.

Lectio vij.

Cap. 11.

**I**N illo témpore : Respódens Iesus dixit : Confiteor tibi Pater, Dómine cæli et terræ, quia abscondisti hæc a sapiéntibus, et prudéntibus, et revelásti ea párvulis. Et reliqua.



Homilia sancti Joannis  
Chrysostomi.

(Hom. 39. in Matth.)

**Q**UOD hic, Confiteor, dixit, idem valet quod Grátias ago. Grátias, inquit, tibi ago, quóniam a prudentibus, et sapiéntibus hæc celásti. An igitur perditione illórum gaudere ipsum dicemus, et quóniam illi hæc non didicere? Mínime. Non ergo quia sapiéntes non cognóverunt, gaudet : sed quia párvuli percépérunt, lætátur. Ita et Paulus dicit : Grátias ago Deo meo, quóniam fuistis servi peccáti : obedistis autem ex corde in quam trádití estis formam doctrinæ. Non ergo Paulus propterea gaudet, quia erant servi peccáti; sed quia, cum essent hujúsmodi, veritátis cultóres facti sunt.

Lectio viij.

**P**RUDENTES autem hic Scribas et Pharissæos appellat : quibus verbis alacriores reddit discipulos : cum intélligant illa se piscatóres esse consecútos, a quibus illi summi, ut videbántur, viri exciderunt. Cum autem Sapiéntes dixerit : non illam veram laudábilem sapiéntiam intélligit : sed hanc, quæ sæculári doctrína præstátur. Idcirco étiam non dixit, Stultis revelásti, sed Párvulis : quasi non formátis adhuc, sed simplicibus.

Lectio ix.

**I**TA osténdit non indigne illos, sed jure his rebus fuisse privátos : ac per ómnia nos docet flatum supérbiæ omnino esse fugiéndum, ac simplicitatem æmulándam. Quod Pau-

lus amplióribus verbis scribit, dicens : Si quis in vobis videtur in hoc sæculo sapiens esse, is fiat stultus, ut sapiens efficiátur : sic enim grátia Dei monstrátur. Cur vero grátias agit Patri, cum ipse illud fécerit? Sicut orat et intercédit pro nobis ad Deum, magnam erga nos declárans caritatem, sic étiam et hoc ex caritátis fervóre péragit.

† Aliud Evangelium.

Lectio sancti Evangélii  
secúndum Lucam.

Lectio vij. Cap. 12.

**I**N illo témpore : Dixit Jesus discipulis suis : Sint lumbi vestri præcincti, et lucernæ ardéntes in má nibus vestris, et vos símiles hominibus expectántibus dómimum suum quando revertátur a núptiis. Et reliqua.

Homilia sancti Gregórii Papæ.  
(Homil. 13. in Evang.)

**S**ANCTI Evangélii, fratres caríssimi, apérta vobis est lectio recitata : sed ne aliquibus ipsa ejus planities alta fortásse videátur, eam sub brevitate transcúrrimus : quatenus ejus expositio ita nesciéntibus fiat cónita, ut tamen sciéntibus non sit onerosa. Lumbórum nómine luxúria designátur, cum Dóminus dicit, Sint lumbi vestri præcincti. Lumbos enim præcingimus, cum carnis luxúriam per continéntiam coarctámus.

Lectio viij.

**S**ED quia minus est mala non ágere, nisi étiam quisque stúdeat et bonis opéribus insudáre, prótinus additur :

Et lucernæ ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla demonstramus. De quibus profecto operibus Dominus dicit: Luceat lux vestra coram hominibus: ut videant opera vestra bona, et glorificent Patrem vestrum, qui in cælis est.

## Lectio ix.

**D**uo autem sunt, quæ jubentur, et lumbos præcingere, et lucernas tenere: ut et munditia sit castitatis in corpore, et lumen veritatis in operatione. Redemptori etenim nostro unum sine altero nequaquam placere potest: si aut is, qui bona agit, adhuc luxuriæ inquinamenta non deserit; aut is, qui castitate præeminet, necdum se per bona opera exercet. Nec castitas ergo magna est sine bono opere, nec opus bonum est aliquid sine castitate.

† Aliud Evangelium.

Lectio sancti Evangelii  
secundum Lucam.

Lectio vij.

Cap. 12.

**I**n illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedæ  
Presbyteri.

(Lib. 4. in Luc.)

**P**USILLUM gregem electorum, vel ob comparationem majoris numeri reproborum, vel potius ob humilitatis devotionem nominat. Quia videlicet Ecclesiam suam,

quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire.

## Lectio viij.

**V**ENDITE quæ possidetis, et date eleemosynam. Nolite, inquit, timere, ne propter regnum Dei militantibus hujus vitæ necessaria desint: quin etiam possessa propter eleemosynam vendite. Quod tunc digne fit, quando quis semel pro Domino suis omnibus spreto, nihilominus post hæc labore manuum, unde et victum transigere, et eleemosynam dare queat, operatur.

## Lectio ix.

**F**ACITE vobis sacculos, qui non veterascunt: eleemosynas videlicet operando, quarum merces in æternum maneat. Ubi non hoc præceptum esse putandum est, ut nihil pecuniæ reservetur a sanctis, vel suis scilicet, vel pauperum usus suggerendæ: sed ne Deo propter ista serviatur, et ob inopiæ timorem justitia deseratur.

† Aliud Evangelium.

Lectio sancti Evangelii  
secundum Lucam.

Lectio vij.

Cap. 10.

**I**n illo tempore: Designavit Dominus et alios septuaginta duos, et misit illos binos ante faciem suam in omnem civitatem, et locum quo erat ipse venturus. Et reliqua.

Homilia sancti Gregorii Papæ.  
(Hom. 17. in Evang.)

**D**OMINUS et Salvator noster, fratres carissimi, binos in prædicationem discipulos

mittit : quia duo sunt præcepta caritatis, Dei videlicet amor, et proximi : et minus quam inter duos caritas haberi non potest. Ecce enim binos ad prædicandum discipulos Dominus mittit : quatenus hoc nobis tacitus innuat, quia qui caritatem erga alterum non habet, prædicationis officium suscipere nullatenus debet.

## Lectio viij.

**B**ENE autem dicitur quia misit eos ante faciem suam in omnem civitatem, et locum quo erat ipse venturus. Prædicatores enim suos Dominus sequitur : quia prædicatione prævenit, et tunc ad mentis nostræ habitaculum Dominus venit, quando verba exhortationis præcurrunt, atque per hæc veritas in mente suscipitur. Hinc namque eisdem prædicatoribus Isaias dicit : Parate viam Domini : rectas facite semitas Dei nostri.

## Lectio ix.

**H**INC illis Psalmista ait : Iter facite ei, qui ascendit super occasum. Super occasum namque Dominus ascendit : quia unde in passione occubuit, inde maiorem suam gloriam resurgendo manifestavit. Super occasum videlicet ascendit : quia mortem, quam pertulit, resurgendo calcavit. Ei ergo, qui ascendit super occasum, iter facimus, cum nos ejus gloriam vestris mentibus prædicamus : ut eas et ipse post veniens per amoris sui præsentiam illustret.

## COMMUNE

## UNIUS ABBATIS.

Omnia fiant ut in Communi unius Confessoris Pontificis, pag. 67\*. et sequentibus, præter hic posita. Oratio.

**I**NTERCESSIO nos, quæsumus Domine, beati N. Abbatis commendet : ut quod nostris meritis non valemus ejus patrocinio assequamur. Per.

## IN I. NOCTURNO.

Lectiones de Scriptura corrente (vel in Dominica de Apostolo), nisi aliter notetur.

† Si autem Feria currens Lectiones de Scriptura non habuerit, ut contingit quando Lectiones Feriæ sunt de Homilia, legantur tres Lectiones de Communi unius Confessoris non Pontificis, scilicet Beatus vir, qui inventus est sine macula., pag. 81\*.

## IN II. NOCTURNO.

Lectiones quæ notatæ fuerint in Proprio Sanctorum.

## IN III. NOCTURNO.

Lectio sancti Evangelii secundum Matthæum.

Lectio vij. Cap. 19.

**I**n illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Et reliqua.

Homilia sancti Hieronymi Presbyteri.

(Lib. 3. in Matth. cap. 19.)

**G**RANDIS fiducia! Petrus piscator erat, dives non fuerat, cibos manu et arte quærebat : et tamen loquitur confidenter : Relinquimus omnia.



Et quia non sūfficit tantum relinquere, jungit quod perfectum est : Et secūti sumus te. Fēcimus quod jussisti : quid igitur nobis dabis præmii? Jesus autem dixit illis : Amen dico vobis, quod vos, qui secūti estis me, in regeneratiōne cum sēderit Filius hōminis in sede majestātis suæ, sedēbitis et vos super sedes duōdecim, judicāntes duōdecim tribus Israel.

## Lectio viij.

**N**ON dixit, Qui reliquistis omnia : hoc enim et Crates fecit philosophus, et multi alii divitias contempsērunt : sed, Qui secūti estis me : quod pōprie Apostolorum est, atque credentium. In regeneratiōne cum sēderit Filius hōminis in sede majestātis suæ (quando et mōrtui de corruptiōne resurgent incorrupti), sedēbitis et vos in sōliis judi-

cantium, condemnāntes duōdecim tribus Israel, quia vobis credentibus, illi credere noluērunt.

## Lectio ix.

**E**T omnis, qui reliquerit domum, vel fratres, aut sorores, aut patrem, aut matrem, aut uxōrem, aut filios, aut agros propter nomen meum, centuplum accipiet, et vitam ætērnā possidēbit. Locus iste cum illa sentētia cōgruit, in qua Salvātor lōquitur : Non veni pacem mittere, sed gladium. Veni enim separāre hōminem a patre suo, et matrem a filia, et nurum a socru : et inimici hōminis domesticī ejus. Qui ergo propter fidem Christi, et prædicatiōnem Evangēlii, omnes affēctus contēpserint, atque divitias et sæculi voluptates : isti centuplum recipient, et vitam ætērnā possidēbunt.

## COMMUNE

## UNIUS VIRGINIS MARTYRIS.

## AD I. VESPERAS.

Super Psalmos Aña. Veniēte Sponso, prudens Virgo præparata introiit cum eo ad nuptias.

## Capitulum.

Eccli. 51.

**C**ONFITEBOR tibi Dōmine rex, et collaudābo te Deum salvatōrem meum. Confitebor nōmini tuo : quōniam adjūtor et protēctor factus es mihi, et liberāsti corpus meum a perditione.

℟. Regnum mundi et omnem ornātum sæculi contēpsi propter amōrem Dōmini mei Jesu Christi, \* Quem vidi, quem amāvi, In quem credidi, quem dilēxi. ℣. Eructāvit cor meum verbum bonum, dico ego ōpera mea regi. — Quem vidi. Glōria. In quem credidi.

## Hymnus.

**V**IRGINIS Proles opifexque Matris,  
Virgo quem gessit, peperitque Virgo,

Virginis festum cānimus tro-  
phæum,

Accipe votum.

HÆC tua Virgo dúplici beáta  
Sorte, dum gessit frágilem do-  
máre

Córpore sexum, dómuit cruén-  
tum

Córpore sæclum.

UNDE nec mortem, nec  
amica mortis

Sæva poenárum génera pavé-  
scens,

Sánguine fuso méruit sacráta  
Scándere cælum.

HUJUS obténtu Deus alme  
nostris

Parce jam culpis, vítia remit-  
tens :

Quo tibi puri resonémus alnum  
Péctoris hymnum.

GLORIA Patri, genitæque  
Proli,

Et tibi compar utriúsque sem-  
per

Spiritus alme, Deus unus, omni  
Témpore sæcli. Amen.

℟. Diffúsa est grátia in lábiis  
tuis. ℣. Proptérea benedixit te  
Deus in ætérnum.

Ad Magnificat Añá. Ista est  
Virgo sápiens, quam Dóminus  
vigilántem invénit : quæ accé-  
pta lámpade sumpsit secum  
óleum, et veniénte Dómino in-  
troivit cum eo ad núptias.

Oratio.

INDULGENTIAM nobis, quæ-  
sumus Dómine, beáta N.  
Virgo et Martyr implóret :  
quæ tibi grata semper éxstitit,  
et mérito castitátis, et tuæ  
professione virtútis. Per.

† Alia Oratio.

OMNIPOTENS sempitérne  
Deus, qui infirma mundi  
éligis, ut fórtia quæque con-

fúndas : concéde propitius ut  
qui beátæ N. Virginis et Már-  
tyris tuæ solémnia cólimus,  
ejus apud te patrocínia sentiámus. Per.

† Si contingat in j. Vesperis  
fieri plures Memorias de aliis  
Virginibus, sive sint Martyres,  
sive non,

Pro j. Memoria dicatur Añá  
Accínxit., ut ad Magnificat in  
ij. Vesperis, pag. 97\*;

Pro ij. Memoria dicatur Añá  
Hæc est Virgo sápiens, et una.,  
quæ est j. Laudum, pag. 95\*;

Pro iij. Memoria dicatur Añá  
Média nocte., quæ est iv. Lau-  
dum, ibidem.

† Versiculi autem hoc ordine  
dicantur :

I. ℟. Diffúsa est grátia in lá-  
biis tuis. ℣. Proptérea bene-  
dixit te Deus in ætérnum.

II. ℟. Spécie tua et pulchri-  
túdine tua. ℣. Inténde, pró-  
spere procéde, et regna.

III. ℟. Adjuvábít eam Deus  
vultu suo. ℣. Deus in médio  
ejus, non commovébitur.

† Ad faciendam vero Memo-  
riam plurium Virginum in  
j. Vesperis,

Añá. Prudéntes Virgines aptá-  
te lámpades vestras: ecce Spon-  
sus venit, exite óbviam ei.

℟. Adducéntur regi vírgines  
post eam. ℣. Próximæ ejus  
afferéntur tibi.

AD MATUTINUM.

Invitatorium. Agnum spon-  
sum Virginum, \* Veníte ado-  
rémus Dóminum Jesum Chri-  
stum.

Hymnus. Virginis Proles., ut  
in j. Vesperis.

## IN I. NOCTURNO.

## Psalmus 8.

**D**OMINE Dóminus noster, \*  
quam admirábile est no-  
men tuum in univérſa terra!  
Quóniam eleváta est magni-  
ficéntia tua, \* super cælos.

Ex ore infántium et lactén-  
tium perfecisti laudem propter  
inimicos tuos, \* ut déstruas  
inimicum et ultórem.

Quóniam vidébo cælos tuos,  
ópera digitorum tuórum : \*  
lunam et stellas, quæ tu fun-  
dásti.

Quid est homo, quod memor  
es ejus? \* aut filius hóminis,  
quóniam visitas eum?

Minuísti eum paulo minus ab  
Angelis, & glória et honóre  
coronásti eum : \* et consti-  
tuísti eum super ópera má-  
nuum tuárum.

Omnia subjecísti sub pédibus  
ejus, \* oves et boves univér-  
sas : insuper et pécora campi.

Vólucres cæli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univérſa terra!

Añā. Ante torum hujus Vir-  
ginis frequentáte nobis dúlcia  
cántica drámatís.

## Psalmus 18.

**C**ÆLI enarrant glóriam Dei,\*  
et ópera mánuum ejus an-  
núntiat firmaméntum.

Dies diéi erúctat verbum,\*  
et nox nocti indicat sciéntiam.

Non sunt loquélæ, neque ser-  
mónes, \* quorum non audián-  
tur voces eórum.

In omnem terram exívit so-  
nus eórum : \* et in fines orbis  
terræ verba eórum.

In sole pósuit tabernáculum  
suum : \* et ipse tamquam  
sponsus procédens de thálamo  
suo :

Exsultávit ut gigas ad cur-  
réndam viam,\* a summo cælo  
egréssio ejus :

Et occúrsus ejus usque ad  
summum ejus : \* nec est qui  
se abscondat a calóre ejus.

Lex Dómini immaculáta con-  
vértens ánimas : \* testimó-  
nium Dómini fidéle, sapién-  
tiam præstans párvulis.

Justitiæ Dómini rectæ, læti-  
ficántes corda : \* præcéptum  
Dómini lúcidum, illúminans  
óculos.

Timor Dómini sanctus, pér-  
manens in sæculum sæculi : \*  
judicia Dómini vera, justificáta  
in semetipsa.

Desiderábília super aurum  
et lápidem pretiósus mul-  
tum : \* et dulcióra super mel  
et favum.

Etenim servus tuus custódit  
ea, \* in custodiéndis illis retri-  
bútio multa.

Delicta quis intélligit? & ab  
occúltis meis munda me : \* et  
ab aliénis parce servo tuo.

Si mei non fúerint domináti,  
tunc immaculátus ero : \* et  
emundábor a delicto máximo.

Et erunt ut compláceant eló-  
quia oris mei : \* et meditatio  
cordis mei in conspéctu tuo  
semper.

Dómine adjútor meus, \* et  
redemptor meus.

Añā. Unguéntum effúsum no-  
men tuum : ideo adolescéntu-  
læ dilexérunt te nimis.

## Psalmus 23.

**D**OMINI est terra, et plenitú-  
do ejus : \* orbis terrárum,  
et univérſi, qui hábitant in eo.



Quia ipse super mária fundávit eum : \* et super flúmina præparávit eum.

Quis ascéndet in montem Dómini ? \* aut quis stabit in loco sancto ejus ?

Innocens mánibus et mundo corde, & qui non accépit in vano ánimam suam, \* nec jurávit in dolo próximo suo.

Hic accipiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ ? \* Dóminus fortis et potens : Dóminus potens in prælio.

Attóllite portas príncipes vestras, & et elevámini portæ æternáles : \* et introibit rex glóriæ.

Quis est iste rex glóriæ ? \* Dóminus virtútum ipse est rex glóriæ.

Añ. O quam pulchra est esta generátio cum claritáte !

Ÿ. Diffusa est grátia in lábiis tuis. R̃. Propterea benedíxit te Deus in æternum.

De libro Ecclesiástici.

Lectio j.

Cap. 51.

**C**ONFITEBOR tibi Dómine rex, et collaudábo te Deum salvátorem meum. Confitébor nómini tuo : quóniam adjútor et protéctor factus es mihi, et liberásti corpus meum a perditíone, a láqueo linguæ iniquæ, et a lábiis operántium mendácium, et in conspéctu astántium factus es mihi adjútor.

Et liberásti me secúndum multitudínem misericórdiæ nóminis tui a rugiéntibus, præparáris ad escam, de mánibus quæréntium ánimam meam, et de portis tribulatiónum quæ circumdedérunt me : a pressúra flammæ, quæ circumdedit me, et in médio ignis non sum æstuáta : de altitúdine ventris inferi, et a lingua coínquináta, et a verbo mendácii, a rege iniquo, et a lingua injusta.

R̃. j. Veni sponsa Christi, accipe corónam, quam tibi Dóminus præparávit : \* Pro cuius amóre sánguinem tuum fudisti, et cum ángelis in paradísum introísti. Ÿ. Veni elécta mea, et ponam in te thronum meum, quia concupívis rex spéciem tuam. — Pro cuius.

Lectio ij.

**L**AUDABIT usque ad mortem ánima mea Dóminum, et vita mea appropínquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ Dómine, et operatiónis tuæ, quæ a sæculo sunt : quóniam éruis sustinéntes te Dómine, et liberas eos de mánibus géntium.

R̃. ij. Propter veritátem et mansuetúdinem, et justítiam : \* Et dedúcet te mirabiliter dextera tua. Ÿ. Audi filia, et vide, et inclína aurem tuam. — Et dedúcet te.

Lectio iij.

**E**XALTASTI super terram habitatiónem meam, et pro morte defluente deprecátasum.

Invocavi Dñm patrem Dñi mei, ut non derelinquat me in die tribulationis meae, et in tempore superbiorum sine adiutorio. Laudabo nomen tuum assidue, et collaudabo illud in confessione, et exaudita est oratio mea. Et liberasti me de perditione, et eripuisti me de tempore iniquo. Propterea confitebor, et laudem dicam tibi, et benedicam nomini Dñi.

R. iij. Spécie tua et pulchritudine tua \* Intende, Prospere procede, et regna. V. Diffusa est grátia in lábiis tuis : propterea benedixit te Deus in ætérnum. — Intende. Glória. Prospere procede.

## IN II. NOCTURNO.

### Psalmus 44.

**E**RUCTAVIT cor meum verbum bonum : \* dico ego ópera mea regi.

Lingua mea cálamus scribæ, \* velociter scribentis.

Speciosus forma præ filiis hóminum, & diffusa est grátia in lábiis tuis : \* propterea benedixit te Deus in ætérnum.

Accingere gládio tuo super femur tuum, \* potentissime,

Spécie tua et pulchritudine tua \* intende, prospere procede, et regna,

Propter veritatem et mansuetudinem, et justitiam : \* et deducet te mirabiliter dextera tua.

Sagittæ tuæ acutæ, & pópuli sub te cadent, \* in corda inimicórum regis.

Sedes tua Deus in sæculum sæculi : \* virga directionis virga regni tui.

Dilexisti justitiam, et odisti iniquitatem : \* propterea unxit

te Deus Deus tuus óleo lætitiæ præ consórtibus tuis.

Myrrha, et gutta, et cásia a vestimentis tuis, a dómibus ebúrneis : \* ex quibus delectaverunt te filiæ regum in honóre tuo.

Astitit regína a dextris tuis in vestitu deaurato : \* circumdata varietáte.

Audi filia, et vide, et inclina aurem tuam : \* et obliviscere pópulum tuum, et domum patris tui.

Et concupiscet rex decórem tuum : \* quóniam ipse est Dñus Deus tuus, et adorábunt eum.

Et filiæ Tyri in munéribus \* vultum tuum deprecabúntur : omnes divites plebis.

Omnis glória ejus filiæ regis ab intus, \* in fimbriis áureis circumamícta varietátibus.

Adducéntur regi vírgines post eam : \* próximæ ejus afferéntur tibi.

Afferéntur in lætítia et exultatióne : \* adducéntur in templum regis.

Pro pátribus tuis nati sunt tibi filii : \* constitúes eos príncipes super omnem terram.

Mémores erunt nóminis tui \* in omni generatióne et generatióne.

Propterea pópuli confitebúntur tibi in ætérnum : \* et in sæculum sæculi.

Añs. Spécie tua et pulchritudine tua intende, prospere procede, et regna.

### Psalmus 45.

**D**EUS noster refúgium, et virtus : \* adiutor in tribulationibus, quæ invenerunt nos nimis.

Propterea non timébimus dum turbábitur terra: \* et transferéntur montes in cor maris. Sonuérunt, et turbátæ sunt aquæ eórum : \* conturbáti sunt montes in fortitúdine ejus.

Flúminis ímpetus lætíficat civitátem Dei: \* sanctificávit tabernáculum suum Altíssimus.

Deus in médio ejus, non commóvëbitur : \* adjuvábít eam Deus mane dilúculo.

Conturbátæ sunt gentes, et inclináta sunt regna : \* dedit vocem suam, mota est terra.

Dóminus virtútum nobiscum : \* suscéptor noster Deus Jacob.

Venite, et vidéte ópera Dómini, & quæ pósuit prodigia super terram : \* áuferens bella usque ad finem terræ.

Arcum cónteret, et confringet arma : \* et scuta combúret igni :

Vacáte, et vidéte quóniam ego sum Deus : \* exaltábor in géntibus, et exaltábor in terra.

Dóminus virtútum nobiscum : \* suscéptor noster Deus Jacob.

Añá. Adjuvábít eam Deus vultu suo : Deus in médio ejus, non commóvëbitur.

#### Psalmus 86.

**F**UNDAMENTA ejus in móntibus sanctis : \* diligit Dóminus portas Sion super ómnia tabernácula Jacob.

Gloríosa dicta sunt de te, \* civitas Dei.

Memor ero Rahab, et Babylónis \* sciéntium me.

Ecce alienígenæ, et Tyrus, et pópulus Æthiopum, \* hi fuérunt illic.

Numquid Sion dicet : Homo, & et homo natus est in ea: \* et ipse fundávit eam Altíssimus?

Dóminus narrábit in scriptúris populórum, et principum : \* horum, qui fuérunt in ea.

Sicut lætántium ómnium \* habitátio est in te.

Añá. Læva ejus sub cápíte meo, et dextera illius amplexábitur me.

℟. Spécie tua et pulchritúdine tua. ℞. Inténde, prospere procéde, et regna.

Sermo sancti Máximi  
Episcopi.

(Homil. de S. Agnete.)

Lectio iv.

**C**UM in toto mundo virgineus flos Mariæ immarcescibiles corónas innéctat, et sceptrígeram pudóris aulam immaculáto consérvet afféctu: eo usque intégritas perseverávit ad palmam, ut in puéllis trophæum sanctitátis arríperet, et per vestigia Matris Virginis ad cæléstem thálamum perveníret. O quam imitábile virgínibus, Virgo, tui amóris tradidísti exémpulum, contemnéndó mundi divítias, exsecrándo carnis concupiscéntias, et solam Christi pulchritúdinem adamándo!

℞. iv. Grata facta est a Dómino in certámíne, quia apud Deum et apud hómines glorificáta est : in conspéctu principum loquebátur sapiéntiam, \* Et Dóminus ómnium diléxit eam. ℟. Erécta namque in virtútis cúlmine, torménta derisít, præmia calcávit. — Et Dóminus ómnium.



## Lectio v.

**B**EATISSIMA hæc Virgo magnum de se pudicitiae excitavit exemplum, cum virginitatem prætulit vitæ, trophæum crucis Christi arripuit, et tam contra libidines, quam etiam contra supplicia universa, fide potius armata quam ferro, fortiter dimicavit et vicit. Nescit amare aliquid, quod transit : et dum nimis virginitatem diligit, nec ludibria, nec flammæ, nec supplicia, nec carnes mœtuit : postræmo nec gladium furentis percussoris expavit.

R. v. Hæc est Virgo sapiens, quam Dominus vigilantem invenit : quæ acceptis lampadibus, sumpsit secum oleum : \* Et veniente Domino, introivit cum eo ad nuptias. V. Ista est una de numero prudentum, quæ aptavit lampades suas. — Et veniente Domino.

## Lectio vj.

**V**ENI jam Virgo ad thalamum, quem quaesisti : ut sponsam te virginitas immaculata comprobet Christi, et Martyrem confessio probata consignet. Felix caterva virginum, quibus studium est tuæ sequi confessionis vestigia ! Itaque o splendida Christo, pulchra Dei Filio, et omnibus Angelis atque Archangelis grata : ut nostri meminisse digneris, quibus possumus, precibus exoramus : ut nobis ille tribuat peccatorum indulgentiam, qui tibi tuorum omnium laborum tradidit palmam.

R. vj. Afferentur regi virginæ post eam : proximæ ejus afferentur tibi \* In lætitia et

exultatione. V. Prudentes virgines aptate lampades vestras : ecce sponsus venit, exite obviam ei. — In lætitia. Glória. In lætitia.

## IN III. NOCTURNO.

## Psalmus 95.

**C**ANTATE Domino canticum novum : \* cantate Domino omnis terra.

Cantate Domino, et benedicite nomini ejus : \* annuntiæ de die in diem salutare ejus.

Annuntiæ inter gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis : \* terribilis est super omnes deos.

Quoniam omnes dii gentium dæmonia : \* Dominus autem cælos fecit.

Confessio, et pulchritudo in conspectu ejus : \* sanctimonia, et magnificentia in sanctificatione ejus.

Afferre Domino patriæ gentium, & afferre Domino gloriam et honorem : \* afferre Domino gloriam nomini ejus.

Tollite hostias, et introite in atria ejus : \* adorare Dominum in atrio sancto ejus.

Commoveatur a facie ejus universa terra : \* dicite in gentibus quia Dominus regnavit.

Etenim corréxit orbem terræ qui non commovebitur : \* iudicabit populos in æquitate.

Lætentur cæli, et exsultet terra, & commoveatur mare, et plenitudo ejus : \* gaudébunt campi, et omnia, quæ in eis sunt.

Tunc exsultabunt omnia ligna

silvárū a fácie Dómini, quia venit : \* quóniam venit iudicáre terram.

Judicábit orbem terræ in æquitáte, \* et pópulos in veritáte sua.

Aña. Dum esset rex in accúbitu suo, nardus mea dedit odórem suavitátis.

Psalmus 96.

**D**OMINUS regnávít, exsúltet terra : \* læténtur insulæ multæ.

Nubes, et caligo in circúitu ejus : \* justítia, et iudícium corrèctio sedis ejus.

Ignis ante ipsum præcédet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justítiam ejus : \* et vidérunt omnes pópuli glóriam ejus.

Confundántur omnes, qui adórant sculptília : \* et qui gloriántur in simulácris suis.

Adoráte eum omnes Angeli ejus : \* audívit, et lætáta est Sion.

Et exsultavérunt filíæ Judæ, \* propter iudícia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui diligitis Dóminum, odíte malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino : \* et confitémini memoríæ sanctificatiónis ejus.

Aña. Hæc est, quæ nescívit torum in delicto : habébit fructum in respectiône animárum sanctárum.

Psalmus 97.

**C**ANTATE Dómino cánticum novum : \* quia mirabilia fecit.

Salvávít sibi dextera ejus : \* et bráchium sanctum ejus.

Notum fecit Dóminus salutare suum : \* in conspéctu géntium revelávit justítiam suam.

Recordátus est misericórdiæ suæ, \* et veritátis suæ dómui Israel.

Vidérunt omnes términi terræ \* salutare Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \* in tubis ductilibus, et voce tubæ córneæ.

Jubiláte in conspéctu regis Dómini : \* moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, \* simul montes exsultábunt a conspéctu Dómini : \* quóniam venit iudicáre terram.

Judicábit orbem terrárum in justítia, \* et pópulos in æquitáte.

Aña. Hæc est Virgo sápiens atque gloriósa, quia Dóminus ómnium diléxit eam.

¶ Adjuvábít eam Deus vultu suo. ¶ Deus in médio ejus, non commovébitur.

Lectio sancti Evangelii  
secundum Matthæum.

Lectio vij. Cap. 13.

**I**n illo tempore : Dixit Jesus discipulis suis parabolam hanc : Simile est regnum cælorum thesauro abscondito in agro : quem qui invenit homo, abscondit, et præ gaudio illius vadit, et vendit universa quæ habet, et emit agrum illum. Et reliqua.

Homilia sancti Gregorii Papæ.  
(Homil. 11. in Evang.)

**C**ÆLORUM regnum, fratres carissimi, idcirco terrenis rebus simile dicitur, ut ex his, quæ animus novit, surgat ad incognita, quæ non novit : quatenus exemplo visibilium se ad invisibilia rapiat, et per ea, quæ usu didicit, quasi confectus incalêscat : ut per hoc, quod scit notum diligere, discat et incognita amare. Ecce enim cælorum regnum thesauro abscondito in agro comparatur. Qua in re notandum est, quod inventus thesaurus absconditur, ut servetur : quia studium cælestis desiderii a malignis spiritibus custodire non sufficit, qui hoc ab humanis laudibus non abscondit. In præsentî etenim vita quasi in via sumus, qua ad patriam pergitur : maligni autem spiritus iter nostrum quasi quidam latrunculi obsident.

R. vij. Audivi vocem de cælo venientem : venite omnes virgines sapientissimæ, \* Oleum recõdite in vasis vestris, dum sponsus advenerit. V. Média nocte clamor factus est : Ecce sponsus venit. — Oleum recõdite.

Lectio viij.

**D**EPRÆDARI ergo desiderat, qui thesaurum publice portat in via. Hoc autem dico, non ut proximi opera nostra bona non videant : sed ut sic sit opus in publico, quatenus intentio maneat in occulto. Rursum cælestè regnum negotiâtori homini simile dicitur, qui bonas margaritas quærit, sed unam pretiosam invenit, quam videlicet inventam, omnia vendens, emit : quia qui cælestis vitæ dulcedinem, in quantum possibilitas admittit, perfecte cognoverit : ea, quæ in terrenis amaverat, libenter cuncta derelinquit.

R. viij. Veni electa mea, et ponam in te thronum meum : \* Quia concupivit rex spèciem tuam. V. Spècie tua et pulchritudine tua intènde, prospere procéde, et regna. — Quia concupivit rex.

Lectio ix.

**R**ECTE per Salomónem dicitur : Fortis est ut mors dilectio : quia sicut mors corpus interimit, sic ab amore rerum corporaliûm æternæ vitæ caritas occidit. Nam quem perfecte absorbuerit, ad terrèna foris desideria velut insensibilem reddit. Nec enim Sancta hæc, cujus hodie natalitia celebramus, mori pro Dômino potuisset in corpore, si prius a terrenis desideriis mortua non fuisset in mente. Erêctus namque in virtutis cûlmine animus tormenta despexit, præmia calcavit. Quid inter hæc nos barbati et débiles dicimus, qui ire ad regna cælestia puellas per ferrum videmus, quos ira sù-



perat, supérbia inflat, ambitio  
pertúrbat, luxúria inquinat?  
Qui si adipisci regna cælórum  
per bella persecutiónum non  
póssumus, hoc ipsum nobis  
turpe sit, quod Deum nólumus  
saltem per pacem sequi.

R. ix. Regnum mundi, et om-  
nem ornátum sæculi contém-  
psi propter amórem Dómini  
mei Jesu Christi : \* Quem vidi,  
quem amávi, In quem cré-  
didi, quem diléxi. V. Eructávit  
cor meum verbum bonum :  
dico ego ópera mea regi. —  
Quem vidi. Glória. In quem  
crédidi.

Ante Laudes V. Ora pro no-  
bis beata N. R. Ut digni effi-  
ciámur promissionibus Christi.

## AD LAUDES

ET PER HORAS ANTIPHONÆ.

1. Hæc est Virgo sápiens, et  
una de número prudéntum.  
Psalmus Dóminus regnávit.  
cum ceteris, pag. 17.

2. Hæc est Virgo sápiens,  
quam Dóminus vigilántem in-  
venit.

3. Veni sponsa Christi, áccipe  
corónam, quam tibi Dóminus  
præparávit in ætérnum.

4. Média nocte clamor factus  
est : Ecce sponsus venit, exite  
óbviám ei.

5. Tunc surrexérunt omnes  
virgines illæ, et ornavérunt  
lámpades suas.

Capitulum.

Eccli. 51.

**C**ONFITEBOR tibi Dómine  
rex, et collaudábo te Deum  
salvatórem meum. Confitébor  
nómini tuo : quóniam adjútor  
et protéctor factus es mihi,  
et liberásti corpus meum a perdi-  
tióne.

Hymnus.

**J**ESU, coróna virginum,  
Quem Mater illa cóncipit,  
Quæ sola virgo párturit,  
Hæc vota clemens áccipe.

QUI pascis inter lilia,  
Septus choréis virginum,  
Sponsas decórans glória,  
Sponsisque reddens præmia.

QUOCUMQUE pergis virgines  
Sequúntur, atque láudibus  
Post te canéntes cúrsitant,  
Hymnósque dulces pèrsonant.

TE deprecámur, largius  
Nostris adáuge sènsibus  
Nescire prorsus ómnia  
Corruptiõnis vúlnera.

SIT Christe Rex piíssime  
Tibi Patrique glória,  
Cum Spiritu Paráclito,  
In sempitérna sæcula. Amen.  
V. Adducéntur regi virgines  
post eam. R. Próximæ ejus  
afferéntur tibi.

Ad Benedictus Añã. Veni elé-  
cta mea, et ponam in te thro-  
num meum : quia concupívit  
Rex spéciem tuam.

† Si contingat in Laudibus  
fieri plures Memorias de aliis  
Virginibus,

Pro j. Memoria dicatur Añã  
Hæc est Virgo sápiens, quam  
Dóminus, quæ est ij. Laudum;  
Pro ij. Memoria dicatur Añã  
Veni sponsa Christi, quæ est  
iij. Laudum;

Pro iij. Memoria dicatur Añã  
Tunc surrexérunt, quæ est  
v. Laudum.

† Versiculi autem hoc ordine  
dicantur :

I. V. Adjuvábít eam Deus  
vultu suo. R. Deus in médio  
ejus, non commovébitur.

II. V. Spécie tua et pulchri-  
túdine tua. R. Inténde, pró-  
spere procéde, et regna.

III. *℟.* Diffusa est grátia in lábiis tuis. *℞.* Propterea benedixit te Deus in ætérnum.

*†* Ad Memoriam vero plurium Virginum in Laudibus.

Añā. Símile erit regnum cælórum decem virgínibus : quæ accipiéntes lámpades suas exierunt óbviā sponso et sponsæ.

*℟.* Média nocte clamor factus est. *℞.* Ecce sponsus venit, exite óbviā ei.

#### AD TERTIAM.

Capitulum. Confitébor tibi, ut in Laudibus.

*℟.* Diffusa est grátia \* In lábiis tuis. Diffusa est. *℟.* Propterea benedixit te Deus in ætérnum. In lábiis tuis. Glória. Diffusa est.

*℟.* Spécie tua et pulchritúdine tua. *℞.* Inténde, prospere procéde, et regna.

#### AD SEXTAM

Capitulum. 2. Cor. 11.

**A**EMULOR enim vos Dei æmulatione : despóndi enim vos uni viro virgínem castam exhibére Christo.

*℟.* Spécie tua \* Et pulchritúdine tua. Spécie tua. *℟.* Inténde, prospere procéde, et regna. Et pulchritúdine tua. Glória. Spécie tua.

*℟.* Adjuvabit eam Deus vultu suo. *℞.* Deus in médio ejus, non commovébitur.

#### AD NONAM.

Capitulum. Sap. 4.

**Q**UAM pulchra est casta generatio cum claritate : immortalis est enim memória illius : quóniam apud Deum nota est et apud hómines.

*℞.* Adjuvabit eam Deus \* Vultu suo. Adjuvabit. *℟.* Deus in

médio ejus, non commovébitur. Vultu suo. Glória. Adjuvabit.

*℟.* Adducéntur regi virgines post eam. *℞.* Próximæ ejus afferéntur tibi.

#### AD II. VESPERAS.

Psalmus 109.

**D**IXIT Dóminus Dómino meo : \* Sede a dextris meis :

Donec ponam inimicos tuos, \* scabéllum pedum tuórum.

Virgam virtútis tuæ emittet Dóminus ex Sion : \* domináre in médio inimicórum tuórum.

Tecum princípium in die virtútis tuæ in splendóribus sanctorum : \* ex útero ante luciferum génui te.

Jurávit Dóminus, et non penitébit eum : \* Tu es sacerdos in ætérnum secundum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natióibus, implebit ruínas : \* conquassábit cápita in terra multórum.

De torrénite in via bibet : \* propterea exaltábit caput.

Psalmus 112.

**L**AUDATE púeri Dóminum : \* laudáte nomen Dómini.

Sit nomen Dómini benedictum, \* ex hoc nunc, et usque in sæculum.

A solis ortu usque ad occásun, \* laudábile nomen Dómini.

Excélsus super omnes gentes Dóminus, \* et super cælos glória ejus.

Quis sicut Dóminus Deus noster, qui in altis hábitat, \* et humília respicit in cælo et in terra?

Suscitans a terra inopem, \* et de stercore erigens páuperem :

Ut collocet eum cum principibus, \* cum principibus populi sui.

Qui habitare facit sterilem in domo, \* matrem filiorum lætántem.

Psalmus 121.

**L**ÆTATUS sum in his, quæ dicta sunt mihi : \* In domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas : \* cujus participatio ejus in idípsum.

Illuc enim ascenderunt tribus, tribus Dómini : \* testimónium Israel ad confiténdum nómini Dómini.

Quia illic sederunt sedes in iudicio, \* sedes super domum David.

Rogáte quæ ad pacem sunt Jerúsalem : \* et abundantia diligéntibus te :

Fiat pax in virtute tua : \* et abundantia in túrribus tuis.

Propter fratres meos, et próximos meos, \* loquébar pacem de te :

Propter domum Dómini Dei nostri, \* quæsi vi bona tibi.

Psalmus 126.

**N**ISI Dóminus ædificáverit domum, \* in vanum laboráverunt qui ædificant eam.

Nisi Dóminus custodierit civitatem, \* frustra vigilat qui custódit eam.

Vanum est vobis ante lucem surgere : \* surgite postquam sedéritis, qui manducátis panem doloris.

Cum dederit diléctis suis som-

num : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excussórum.

Beátus vir qui implévit desiderium suum ex ipsis : \* non confundétur cum loquétur inimicis suis in porta.

Psalmus 147.

**L**AUDA Jerúsalem Dóminum : \* lauda Deum tuum Sion.

Quóniam confortávit seras portárum tuárum : \* benedixit filiis tuis in te.

Qui pósuit fines tuos pacem : \* et ádipe fruménti satiát te.

Qui emittit eloquium suum terræ : \* velociter currit sermo ejus.

Qui dat nivem sicut lanam : \* nébulam sicut cinerem spargit.

Mittit crystallum suam sicut buccellas : \* ante faciem frigorís ejus quis sustinébit?

Emittet verbum suum, et liquefaciet ea : \* flabit spirítus ejus, et fluent aquæ.

Qui annútiat verbum suum Jacob : \* justitias, et iudicia sua Israel.

Non fecit táliter omni nátióni : \* et iudicia sua non manifestávit eis. ¶

Añã. Hæc est Virgo sapiens, et una de número prudéntum.

Capitulum, Hymnus et ¶. ut in j. Vesperis, pag. 86\*. et pag. 87\*.

Ad Magnificat Añã. Accínxit fortitúdine lumbos suos, et roborávit bráchium suum : ideóque lucérna ejus non exstinguétur in sempitérnum.

¶ Si contingat in ij. Vesperis fieri plures Memorias de aliis Virginibus,

Pro j. Memoria dicatur Añã Ista est., ut ad Magnificat in j. Vesperis, pag. 87\*;



Pro ij. Memoria dicatur Aña Veniente Sponso., ut infra, in Nocturno festi Trium Lectionum;

Pro iij. Memoria dicatur Aña Média nocte., quæ est iv. Laudum, pag. 95\*.

† Versiculi autem hoc ordine dicantur :

I. V. Diffúsa est grátia in lábiis tuis. R. Proptérea benedíxit te Deus in ætérnum.

II. V. Spécie tua et pulchritúdine tua. R. Inténde, prospere procéde, et regna.

III. V. Adjuvábít eam Deus vultu suo. R. Deus in médio ejus, non commovébitur.

#### IN FESTO

### TRIUM LECTIONUM.

#### AD MATUTINUM.

Invitatorium. Regem Virgini-  
um Dóminum \* Venite adorémus.

#### IN NOCTURNUM.

Super Psalmos Aña. Veniente Sponso, prudens Virgo præparáta introivit cum eo ad nuptias.

#### COMMUNE

### UNIUS VIRGINIS

#### NON MARTYRIS.

Omnia fiant ut in Comuni unius Virginis et Martyris, pag. 86\* et sequentibus, præter hic posita.

#### IN UTRISQUE VESPERIS

#### ET AD MATUTINUM.

#### Hymnus.

**V**IRGINIS Proles, opifexque  
matris,  
Virgo quem gessit, peperitque  
Virgo,  
Virginis festum cánimus beátæ,  
Accipe votum.

Hujus obténtu, Deus alme  
nostris

Parce jam culpís, vítia remit-  
tens :

Quo tibi puri resonémus almu-  
Péctoris hymnum.

GLORIA Patri, genitæque  
Proli,

Et tibi compar utriúsque sem-  
per

Spiritus alme, Deus unus, omni  
Témpore sæcli. Amen.

#### Oratio.

**E**XAUDI nos Deus salutáris  
noster : ut sicut de beátæ  
N. Virginis tuæ festivitáte gau-  
démus, ita piæ devotiónis eru-  
diámur affectu. Per.

#### IN I. NOCTURNUM.

De Epístola prima beáti Pauli  
Apóstoli ad Corinthios.

Lectio j. Cap. 7.

**D**E virginibus præceptum  
Dómini non hábeo : con-  
sílium autem do, tamquam  
misericórdiam consecútus a  
Dómino, ut sim fidélis. Existi-  
mo ergo hoc bonum esse pro-  
pter instántem necessitátem,  
quóniam bonum est hómini sic  
esse. Alligátus es uxóri? noli  
quærere solutiónem. Solútus  
es ab uxóre? noli quærere uxó-  
rem. Si autem accéperis uxó-  
rem : non peccásti. Et si nú-  
pserit virgo, non peccávit : tri-  
bulatiónem tamen carnis habé-  
bunt hujúsmodi.

R. j. Veni sponsa Christi, ac-  
cipe corónam, quam tibi Dó-  
minus præparávit : \* Pro cujus  
amóre sæculum contempsisti,  
et cum ángelis in paradísum  
introisti. V. Veni electa mea, et  
ponam in te thronum meum :  
quia concupívit rex spéciem  
tuam. — Pro cujus amóre.

## Lectio ij.

**E**GO autem vobis parco. Hoc itaque dico, fratres : Tempus breve est : reliquum est, ut et qui habent uxores, tamquam non habentes sint : et qui flent, tamquam non flentes : et qui gaudent, tamquam non gaudentes : et qui emunt, tamquam non possidentes : et qui utuntur hoc mundo, tamquam non utantur : præterit enim figura huius mundi.

R. ij. Propter veritatem et mansuetudinem, et iustitiam : \* Et deducet te mirabiliter dextera tua. V. Audi filia, et vide, et inclina aurem tuam. — Et deducet te.

## Lectio iij.

**V**OLO autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, et divitis est. Et mulier innupta, et virgo cogitat quæ Domini sunt, ut sit sancta corpore, et spiritu. Quæ autem nupta est, cogitat quæ sunt mundi, quomodo placeat viro.

R. iij. Spécie tua et pulchritudine tua \* Intende, Prospere procéde, et regna. V. Diffusa est grátia in labiis tuis : propterea benedixit te Deus in ætérnum. — Intende. Glória. Prospere procéde.

## IN II. NOCTURNO.

Sermo sancti Augustini  
Episcopi.

Lectio iv. (Lib. de Virginit.)  
**I**N festo Virginis prædicanda est virginitas. Hoc in isto sermone suscepimus. Adjuvet

Christus Virginis Filius, et Virginum sponsus : virgináli útero corporáliter natus, virgináli connúbio spirituáliter conjugátus. Cum igitur univérsa Ecclésia virgo sit, sicut dicit Apóstolus, quanto digna sunt honóre membra, quæ hæc custódiunt étiam in ipsa carne, quæ ipsa tota custódit in fide ! Nulla ergo fecúnditas carnis sanctæ virginitáti, étiam carnis, comparári potest.

R. iv. Hanc amávi, et exquisivi sponsam mihi assúmere, \* Et amátor factus sum formæ illius. V. Fortitúdo et decor indumentum ejus, et ridébit in die novíssimo. — Et amátor.

## Lectio v.

**I**LLA autem Virgo conjugátæ mérito præpónitur, quæ nec multitudini se amándam propónit, sed Speciosum forma præ filiis hóminum sic amávit, ut, quia eum sicut Maria concipere carne non posset, ei corde concépto carnem étiam íntegram custodíret. Cedat virginitáti omnis fecúnditas carnis, omnis pudicitia conjugális. Illa non est in potestate : ista non est in æternitáte. Fecunditatem carnálem non habet liberum arbitrium : pudicitiam conjugálem non habet cælum.

R. v. Hæc est Virgo sapiens, quam Dóminus vigilántem invénit : quæ accéptis lampádis, sumpsit secum óleum : \* Et veniente Dómino, introivit cum eo ad nuptias. V. Ista est una de número prudéntum, quæ aptávit lámpades suas. — Et veniente Dómino.

## Lectio vj.

**P**ROFECTO habébunt magnum áliquid præter ceteros in illa communi immortalitate, qui habent áliquid jam non carnis in carne. Cum enim dixisset Dóminus de spadónibus, Dabo eis in domo mea locum nominátum multo meliorem quam filiórum atque filiárum : continuo subjécit : Nomen ætérnum dabo eis; quod útique glóriam quamdam própriam excellentémque significat.

R. vj. Afferéntur regi virgines post eam : próximæ ejus afferéntur tibi \* In lætítia et exultatióne. V. Prudentes virgines aptáte lámpades vestras : ecce sponsus venit, exite óbviám ei. — In lætítia. Glória. In lætítia.

## IN III. NOCTURNO.

Léctio sancti Evangélii  
secúndum Matthæum.

## Lectio vj.

## Cap. 25.

**I**N illo témpore : Dixit Jesus discipulis suis parábolam hanc : Simile erit regnum cælórum decem virginibus : quæ accipiéntes lámpades suas exiérunt óbviám sponso, et sponsæ. Et réliqua.

Homilia sancti Gregórii Papæ.

(Homilia 12. in Evang.)

**S**ÆPE vos, fratres caríssimi, admóneo prava ópera fúgere, mundi hujus inquinaménta devitáre : sed hodiérna sancti Evangélii lectione compellor dicere, ut et bona, quæ ágitis, cum magna cautéla teneátis; ne per hoc, quod a vobis rectum géritur, favor, aut grátia humana requirátur : ne

appetitus laudis subrépat, et quod foris osténditur, intus a mercéde vacuétur.

R. vij. Audívi vocem de cælo veniéntem : Venite omnes virgines sapientíssimæ, \* Oleum recóndite in vasis vestris, dum sponsus advénerit. V. Média nocte clamor factus est : Ecce sponsus venit. — Oleum recóndite.

## Lectio viij.

**E**CCE enim Redemptóris voce decem virgines, et omnes dicúntur virgines, et tamen intra beatitúdinis jánuam non omnes recéptæ sunt : quia eárum quædam, dum de virginitate sua glóriam foris exspectunt, in vasis suis óleum habére noluérunt. Sed sciéndum nobis est, quod sæpe in sacro elóquio regnum cælórum præsentis témporis Ecclesia dicitur : quæ quia ex utróque sexu fidélium colligitur, decem virginibus similis esse denuntiátur. In qua quia mali cum bonis, et réprobi cum eléctis commisti sunt, recte similis virginibus prudentibus et fátuis esse perhibétur.

R. viij. Veni elécta mea, et ponam in te thronum meum : \* Quia concupívit rex spéciem tuam. V. Spécie tua et pulchritúdine tua inténde, prospere procéde, et regna. — Quia.

## Lectio ix.

**S**UNT namque plerique contentés, qui ab exteriori se appetitu custódiunt, et spe ad interióra rapiúntur; carnem mácerant, et toto desiderio ad supérnam pátriam anhelánt : ætérna præmia expetunt, pro labóribus suis recipere humá-



nas laudes nolunt. Hi nimirum glóriam suam non in ore hominum ponunt, sed intra conscientiam contègunt. Et sunt plerique, qui corpus per abstinentiam affligunt, sed de ipsa sua abstinentia humanos favores expetunt.

R. ix. Regnum mundi, et omnem ornatum sæculi contempsi propter amorem Domini mei Jesu Christi : \* Quem vidi, quem amavi, In quem credidi, quem dilexi. V. Eructavit cor meum verbum bonum : dico ego opera mea regi. — Quem vidi. Glória. In quem credidi.

† Hæc eadem Homilia dici potest in festo unius Virginis et Martyris.

## COMMUNE UNIUS SANCTÆ MARTYRIS TANTUM.

### AD I. VESPERAS.

Super Psalmos Añã. Dum esset rex in accubitu suo, nardus mea dedit odorem suavitatis.

Capitulum. Eccli. 51.

CONFITEBOR tibi Domine rex, et collaudabo te Deum salvatorem meum. Confitebor nomini tuo : quoniam adjutor et protector factus es mihi, et liberasti corpus meum a perditione.

R. Grata facta est a Domino in certamine, quia apud Deum et apud homines glorificata est : in conspectu principum loquebatur sapientiam, \* Et Dominus omnium dilexit eam. V. Erecta namque in virtutis culmine, tormenta derisit, præmia calcavit. — Et Dominus. Glória. Et Dominus.

### Hymnus.

Hujus obtentu Deus alme nostris

Parce jam culpis, vitia remittens :

Quo tibi puri resonemus alnum  
Pectoris hymnum.

GLORIA Patri, genitæque Proli,

Et tibi compar utriusque semper

Spiritus alme, Deus unus, omni  
Tempore sæcli. Amen.

V. Diffusa est grátia in lábiis tuis. R. Propterea benedixit te Deus in ætérnum.

Ad Magnificat Añã. Veni electa mea, et ponam in te thronum meum : quia concupivit Rex spèciem tuam.

### Oratio.

DEUS, qui inter cetera potentiae tuæ miracula, etiam in sexu fragili victoriam martyrii contulisti : concede propitius, ut qui beatæ N. Martyris tuæ natalitia colimus, per ejus ad te exempla gradiamur. Per.

### AD MATUTINUM.

Invitatorium. Laudemus Deum nostrum \* In confessione beatæ N.

Hymnus Hujus obtentu., ut in j. Vesperis.

Psalmi, Antiphonæ super Psalmos et V. in tribus Nocturnis sicut in Communi unius Sanctæ nec Virginis nec Martyris, pag. 105\* et sequentibus. Cetera ut infra.

### IN I. NOCTURNO.

Lectiones Confitebor tibi Domine rex., ut in Communi unius Virginis et Martyris, pag. 89\*. Et dicantur una cum tribus Responsoriis quæ iisdem Lectionibus annexa sunt.

## IN II. NOCTURNO.

Sermo sancti Joannis

Chrysostomi.

(Serm. 67. de div. Novi Test. loc.)

Lectio iv.

**E**GO maxime commemora-  
tiones diligo Martyrum,  
diligo et amplector : atque  
omnes quidem, sed tum præ-  
cipue, cum mulierum certami-  
na proponuntur. Quanto enim  
infirmius est vas, tanto major  
est gratia, tanto illustrius est  
trophæum, tanto insignior est  
victoria, non ob imbecillitatem  
sexus athletarum, sed quod per  
ea, quibus vicerat inimicus,  
nunc etiam vincatur.

R. iv. Grata facta est a Dô-  
mino in certamine, quia apud  
Deum et apud homines glorifi-  
cata est : in conspectu princi-  
pum loquebatur sapientiam,  
\* Et Dôminus omnium dilexit  
eam. V. Erecta namque in vir-  
tutis cûlmine, tormenta derisit,  
præmia calcavit. — Et Dômi-  
nus omnium.

Lectio v.

**P**ER mulierem vicit, per mu-  
lierem superatus est. Hoc  
illius antea telum erat : hoc  
illius nunc cædis factum est  
instrumentum, hoc vas appa-  
ruit insuperabile. Peccavit illa  
prior, et mortua est : ista morta-  
ta est, ne peccaret. Illa tum  
futilis promissi spe inflata, Dei  
leges violavit : hæc vitam præ-  
sentem contempsit, ne fidem  
in suum benefactorem ejura-  
ret. Quam igitur deinceps spe-  
rare poterunt excusationem  
viri, si molles sint et ignavi?  
Quam vero veniam, cum forti-  
ter ac viriliter se gerant mu-  
lieres, cum adeo se generose ad  
certamina pietatis accingant?

R. v. Gaudeamus omnes in  
Dômino, diem festum cele-  
brantes sub honore beatæ N.

\* De cuius passionē gaudent an-  
geli, et collaudant Filium Dei.  
V. Confessio, et pulchritudo in  
conspectu ejus : sanctitas, et  
magnificētia in sanctificationē  
ejus. — De cuius passionē.

Lectio vj.

**F**UIT illi corpus imbecillum,  
et obnoxius sexus injuriæ;  
verumtamen omnium horum  
imbecillitatem adveniēns grā-  
tia occultavit. Nihil enim est,  
nihil plane potentius est eo,  
qui magno cum studio Dei  
timorem habeat in mente de-  
fixum : sed quamvis ignes,  
quamvis ferrum, quamvis bē-  
stias, quamvis aliud quidvis  
minentur hostes, omnia nullo  
negotio contemnit : quod ūti-  
que Beata ista etiam fecit.

R. vj. Veni electa mea, et  
ponam in te thronum meum :  
\* Quia concupivit rex speciem  
tuam. V. Specie tua et pulchri-  
tudine tua intende, prospere  
procède, et regna. — Quia  
concupivit rex. Glória. Quia  
concupivit rex.

## IN III. NOCTURNO.

Lectio sancti Evangelii  
secundum Matthæum.

Lectio vij.

Cap. 13.

**I**n illo tempore: Dixit Jesus di-  
scipulis suis parabolam hanc:  
Simile est regnum cælorum the-  
sauro abscondito in agro: quem  
qui invenit homo abscondit, et  
præ gaudio illius vadit, et ven-  
dit universa quæ habet; et emit  
agrum illum. Et reliqua.

Homilia sancti Gregorii Papæ.

(Homil. 11. in Evang.)

**C**ÆLORUM regnum, fratres  
carissimi, idcirco terrēis

rebus simile dicitur, ut ex his, quæ animus novit, surgat ad incognita, quæ non novit : quatenus exemplo visibilium se ad invisibilia rapiat, et per ea, quæ usu didicit, quasi conficatus incalêscat : ut per hoc, quod scit notum diligere, discat et incognita amare. Ecce enim cælorum regnum thesauro abscondito in agro comparatur. Qua in re notandum est quod inventus thesaurus absconditur, ut servetur : quia studium cælæstis desiderii a malignis spiritibus custodire non sufficit, qui hoc ab humanis laudibus non abscondit. In præsentî etenim vita quasi in via sumus, qua ad patriam pergitur : maligni autem spiritus iter nostrum quasi quidam latrunculi obsident.

R. vij. Hanc amavi, et exquisi sponsum mihi assumere, \* Et amator factus sum formæ illius. V. Fortitudo et decor indumentum ejus, et ridebit in die novissimo. — Et amator.

#### Lectio viij.

**D**EPRÆDARI ergo desiderat qui thesaurum publice portat in via. Hoc autem dico, non ut proximi opera nostra bona non videant : sed ut sic sit opus in publico, quatenus intentio maneat in occulto. Rursum cælæste regnum negotiatori homini simile dicitur, qui bonas margaritas quaerit, sed unam pretiosam invenit, quam videlicet inventam omnia vendens emit : quia qui cælæstis vitæ dulcedinem, in quantum possibilitas admittit, perfecte cognoverit : ea quæ in terrénis amaverat, libenter cuncta derelinquit.

R. viij. Fallax grátia, et vana est pulchritudo : \* Mulier timens Deum ipsa laudabitur. V. Date ei de fructu manuum suarum : et laudent eam in portis opera ejus. — Mulier timens.

#### Lectio ix.

**R**ECTE per Salomónem dicitur : Fortis est ut mors dilectio : quia sicut mors corpus interimit, sic ab amore rerum corporalium æternæ vitæ caritas occidit. Nam quem perfecte absorbuerit, ad terræna foris desideria velut insensibilem reddit. Nec enim Sancta hæc, cujus hodie natalitia celebramus, mori pro Domino potuisset in corpore, si prius a terrénis desideriis mortua non fuisset in mente. Eræctus namque in virtutis culmine animus tormenta despexit, præmia calcavit. Quid inter hæc nos barbati et débiles dicimus, qui ire ad regna cælæstia puellas per ferrum videmus, quos ira superat, superbia inflat, ambitio perturbat, luxuria inquinat? Qui si adipisci regna cælorum per bella persecutionum non possumus, hoc ipsum nobis turpe sit quod Deum nolumus saltem per pacem sequi.

R. ix. Regnum mundi et omnem ornatum sæculi contempsî propter amorem Domini mei Jesu Christi : \* Quem vidi, quem amavi, In quem credidi, quem dilexi. V. Eructavit cor meum verbum bonum : dico ego opera mea regi. — Quem vidi. Glória. In quem credidi.

Ante Laudes V. Ora pro nobis beata N. R. Ut digni efficiamur promissionibus Christi.



AD LAUDES  
ET PER HORAS.

Añā. Grátia super grátiam.  
cum ceteris ut in Comuni  
unius Sanctæ nec Virginis nec  
Martyris, pag. 112\*.

Capitulum. Eccli. 51.

**C**ONFITEBOR tibi Dómine  
rex, et collaudábo te Deum  
salvatórem meum. Confitébor  
nómini tuo : quóniam adjutor  
et protéctor factus es mihi : et  
liberásti corpus meum a per-  
ditíone.

Hymnus Pia Mater et húmi-  
lis, ꝥ. Elégit eam. et ad Be-  
nedictus Añā Manum suam.,  
ut in Comuni unius Sanctæ  
nec Virginis nec Martyris.  
pag. 112\*.

## AD TERTIAM.

Capitulum Confitébor tibi,  
ut supra in Laudibus.

ꝥ Rꝥ. et ꝥꝥ. Horarum ut in  
Comuni unius Sanctæ nec  
Virginis nec Martyris, p. 112\*.

## AD SEXTAM.

Capitulum. Eccli. 51.

**L**IBERASTI mesecúndum mul-  
títudínem misericórdiæ nó-

minis tui a rugiéntibus, præ-  
parátis ad escam, de mánibus  
quæréntium ánimam meam,  
et de multis tribulatióibus  
quæ circumdedérunt me.

## AD NONAM.

Capitulum. Eccli. 51.

**L**AUDABIT usque ad mortem  
ánima mea Dóminum : quón-  
iam éruis sustinéntes te, et  
liberas eos de manu angústiae,  
Dómine Deus noster.

## AD II. VESPERAS.

Super Psalmos Añā. Grátia  
super grátiam múlter sancta  
et pudoráta : omnis autem  
ponderátio non est digna con-  
tinéntis ánimæ. Psalmus Dixit  
Dóminus. cum ceteris ut in  
Comuni unius Virginis,  
pag. 96\*; Capitulum Confité-  
bor., Hymnus Hujus obténtu.  
et ꝥ. Diffúsa est., ut in j. Ve-  
speris, pag. 101\*.

Ad Magnificat Añā. Accinxit  
fortitúdine lumbos suos, et ro-  
borávit bráchium suum : gu-  
stávit, et vidit quia bona est  
negotiátio ejus : non exstin-  
guétur in nocte lucérna ejus.

---

COMMUNE UNIUS  
NEC VIRGINIS NEC MARTYRIS.

---

## AD I. VESPERAS.

Super Psalmos Añā. Hæc est,  
quæ nescívit torum in delicto :  
habébit fructum in respectiône  
animárum sanctárum.

Capitulum. Prov. 31.

**M**ULIEREM fortem quis in-  
veniet? procul, et de úl-  
timis finibus prétium ejus :

confidit in ea cor viri sui, et  
spóliis non indigébit.

Rꝥ. Fallax grátia, et vana est  
pulchritúdo : \* Múlter tímens  
Deum ipsa laudábitur. ꝥ. Date  
ei de fructu mánuum suá-  
rum : et laudent eam in portis  
ópera ejus. — Múlter. Glória.  
Múlter.

## Hymnus.

**H**UJUS obténtu, Deus alme  
nostris

Parce jam culpis, vitia remít-  
tens :

Quo tibi puri resonémus almum  
Péctoris hymnum.

GLORIA Patri genitæque  
Proli,

Et tibi compar utriusque sem-  
per

Spiritus alme, Deus unus, omni  
Témpore sæcli. Amen.

¶ Diffúsa est grátia in lábiis  
tuis. R. Propterea benedixit te  
Deus in ætérnum.

Ad Magnificat Añ. Veni  
elécta mea, et ponam in te  
thronum meum : quia concu-  
pivit Rex spéciem tuam.

## Oratio.

**T**UORUM corda fidélium Deus  
miserátor illústra : et beá-  
tæ N. préciibus gloriósis fac nos  
próspera mundi despícere, et  
cælésti semper consolatióne  
gaudére. Per.

## † Alia Oratio.

**E**XAUDI nos Deus salutáris  
noster : ut sicut de beátæ  
N. festivitáte gaudémus, ita  
piæ devotiónis erudiámur affé-  
ctu. Per.

## AD MATUTINUM.

Invitatorium. Laudémus  
Deum nostrum, \* In solemní-  
tate sanctæ N.

Hymnus Hujus obténtu, ut  
supra.

## IN I. NOCTURNO.

## Psalmus 8.

**D**OMINE, Dóminus noster, \*  
quam admirábile est no-  
men tuum in univérsa terra !  
Quóniam eleváta est magni-  
ficéntia tua \* super cælos.

Ex ore infántium et lactén-

tium perfecisti laudem propter  
inimicos tuos, \* ut déstruas  
inimicum et ultórem.

Quóniam vidébo cælos tuos,  
ópera digitorum tuorum : \*  
lunam et stellas, quæ tu fun-  
dásti.

Quid est homo, quod memor  
es ejus ? \* aut filius hóminis,  
quóniam visitas eum ?

Minuisti eum paulo minús ab  
Angelis, & glória et honóre co-  
ronásti eum : \* et constituísti  
eum super ópera mánuum tuá-  
rum.

Omnia subjecisti sub pédibus  
ejus, \* oves et boves univérsas :  
insuper et pécora campi.

Vólucres cæli, et pisces ma-  
ris, \* qui perámbulant sémitas  
maris.

Dómine Dóminus noster, \*  
quam admirábile est nomen  
tuum in univérsa terra !

Añ. O quam pulchra est ca-  
sta generatio cum claritáte !

## Psalmus 18.

**C**ÆLI enarrant glóriam Dei, \*  
et ópera mánuum ejus an-  
núntiat firmaméntum.

Dies diéi erúctat verbum, \* et  
nox nocti indicat sciéntiam.

Non sunt loquélæ, neque ser-  
mónes, \* quorum non audián-  
tur voces eórum.

In omnem terram exivit so-  
nus eórum : \* et in fines orbis  
terræ verba eórum.

In sole pósuit tabernáculum  
suum : \* et ipse tamquam spon-  
sus procédens de thálamo suo :

Exsultávit ut gigas ad cur-  
réndam viam, \* a summo cælo  
egressio ejus :

Et occúrsus ejus usque ad  
summum ejus : \* nec est qui  
se abscondat a calóre ejus.

Lex Dómini immaculáta convertens ánimas : \* testimónium Dómini fidéle, sapiéntiam præstans párvulis.

Justitiæ Dómini rectæ, lætificantes corda : \* præcéptum Dómini lúcidum, illúminans óculos.

Timor Dómini sanctus, permanens in sæculum sæculi : \* iudicia Dómini vera, justificáta in semetipsa.

Desiderabilia super aurum et lápidem pretiósus multum : \* et dulcióra super mel et favum.

Etenim servus tuus custódit ea, \* in custodiéndis illis retribúto multa.

Delicta quis intélligit? ꝥ ab occúltis mei munda me : \* et ab aliénis parce servo tuo.

Si mei non fúerint domináti, quis immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

Añã. Unguentum effusum nomen tuum : ideo adolescéntulæ dilexérunt te nimis.

Psalmus 23.

**D**OMINI est terra, et plentúdo ejus : \* orbis terrarum, et univérsi, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens má nibus et mundo corde, ꝥ qui non accépit in

vano ánimam suam, \* nec jurávit in dolo próximo suo.

Hic accipiet benedictiónem a Dómino : \* et misericórdiam a Deo salutári suo.

Hæc est generátio quæréntium eum, \* quæréntium faciém Dei Jacob.

Attóllite portas príncipes vestras, ꝥ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in pælio.

Attóllite portas príncipes vestras, ꝥ et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Añã. Ista est speciósã inter filias Jerúsalem.

℟. Diffúsa est grátia in lábiis tuis. ℞. Propterea benedixit te Deus in ætérnum.

De Parábolis Salomónis.

Lectio j. Cap. 31.

**M**ULIEREM fortem quis invéniet? Procul, et de últimis finibus pretium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsit lanam et linum, et operáta est consilio mánuum suárum. Facta est quasi navis institoris, de longe portans panem suum. Et de nocte surréxit, dedítque prædam domesticis suis, et cibária ancillis suis. Considerávit agrum, et emit eum : de fructu mánuum suárum plantávit vineam. Accinxit fortitúdine lumbos suos, et roborávit bráchium suum.



R. j. Gaudeamus omnes in Domino, diem festum celebrantes sub honore beatae N.  
 \* De cuius solemnitate gaudent angeli, et collaudant Filium Dei. V. Confessio, et pulchritudo in conspectu ejus; sanctitas, et magnificentia in sanctificatione ejus. — De cuius solemnitate.

## Lectio ij.

**G**USTAVIT, et vidit quia bona est negotiatio ejus : non exstinguetur in nocte lucerna ejus. Manum suam misit ad fortia, et digiti ejus apprehenderunt fustum. Manum suam aperuit inopi, et palmas suas extendit ad pauperem. Non timebit domui suae a frigidibus nivis : omnes enim domestici ejus vestiti sunt duplicibus. Stragulatam vestem fecit sibi : byssus, et purpura indumentum ejus. Nobilis in portis vir ejus, quando sederit cum senatoribus terrae. Sindonem fecit, et vendidit, et cingulum tradidit Chanaanæ.

R. ij. Propter veritatem, et mansuetudinem, et justitiam :  
 \* Et deducet te mirabiliter dextera tua. V. Audi filia, et vide, et inclina aurem tuam. — Et deducet te.

## Lectio iij.

**F**ORTITUDO et decor indumentum ejus, et ridebit in die novissimo. Os suum aperuit sapientiae, et lex clementiae in lingua ejus. Consideravit semitas domus suae, et panem otiosa non comedit. Surrexerunt filii ejus, et beatissimam praedicaverunt; vir ejus, et laudavit eam. Multae filiae congregaverunt divitias : tu su-

pergressa es universas. Fallax gratia, et vana est pulchritudo : mulier timens Dominum ipsa laudabitur. Date ei de fructu manuum suarum; et laudent eam in portis opera ejus.  
 R. iij. Specie tua et pulchritudine tua \* Intende, Prospere procede, et regna. V. Diffusa est gratia in labiis tuis; propterea benedixit te Deus in aeternum. — Intende. Gloria. Prospere procede.

## IN II. NOCTURNO.

## Psalmus 44.

**E**RUCTAVIT cor meum verbum bonum : \* dico ego opera mea regi.

Lingua mea calamus scribae, \* velociter scribentis.

Speciosus forma prae filiis hominum, \* diffusa est gratia in labiis tuis : \* propterea benedixit te Deus in aeternum.

Accingere gladio tuo super femur tuum, \* potentissime.

Specie tua et pulchritudine tua \* intende, prospere procede, et regna,

Propter veritatem, et mansuetudinem, et justitiam : \* et deducet te mirabiliter dextera tua.

Sagittae tuae acutae, \* populi sub te cadent, \* in corda inimicorum regis.

Sedes tua Deus in saeculum saeculi : \* virga directionis virga regni tui.

Dilexisti justitiam, et odisti iniquitatem : \* propterea unxit te Deus Deus tuus oleo laetitiae prae consortibus tuis.

Myrrha, et gutta, et casia a vestimentis tuis, a domibus eburneis : \* ex quibus delectaverunt te filiae regum in honore tuo.

Astitit regina a dextris tuis in vestitu deaurato : \* circumdata varietate.

Audi filia, et vide, et inclina aures tuas : \* et obliviscere populum tuum, et domum patris tui.

Et concupiscet rex decorem tuum : \* quoniam ipse est Dominus Deus tuus, et adorabunt eum.

Et filiae Tyri in munerationibus \* vultum tuum deprecabuntur : omnes divites plebis.

Omnis gloria ejus filiae regis ab intus, \* in fimbriis aureis circumamicta varietatibus.

Adducuntur regi virgines post eam : \* proximae ejus afferentur tibi.

Afferentur in laetitia et exultatione : \* adducuntur in templum regis.

Pro patribus tuis nati sunt tibi filii : \* constitues eos principes super omnem terram.

Memores erunt nominis tui \* in omni generatione et generationem.

Propterea populi confitebuntur tibi in aeternum : \* et in saeculum saeculi.

Añã. Specie tua et pulchritudine tua intende, prospere procede, et regna.

#### Psalmus 45.

**D**EUS noster refugium, et virtus : \* adjutor in tribulationibus, quae invenerunt nos nimis.

Propterea non timebimus dum turbabitur terra : \* et transferentur montes in cor maris.

Sonuérunt, et turbatae sunt aquae eorum : \* conturbati sunt montes in fortitudine ejus.

Fluminis impetus laetificat ci-

vitatem Dei : \* sanctificavit tabernaculum suum Altissimus.

Deus in medio ejus, non commovebitur : \* adjuvabit eam Deus mane diluculo.

Conturbatae sunt gentes, et inclinata sunt regna : \* dedit vocem suam, mota est terra.

Dominus virtutum nobiscum : \* susceptor noster Deus Jacob.

Venite, et videte opera Domini, et quae posuit prodigia super terram : \* auferens bella usque ad finem terrae.

Arcum conteret, et confringet arma : \* et scuta comburent igni :

Vacate, et videte quoniam ego sum Deus : \* exaltabor in gentibus, et exaltabor in terra.

Dominus virtutum nobiscum : \* susceptor noster Deus Jacob.

Añã. Adjuvabit eam Deus vultu suo : Deus in medio ejus, non commovebitur.

#### Psalmus 86.

**F**UNDAMENTA ejus in montibus sanctis : \* diligit Dominus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylonis \* scientium me.

Ece alienigenae et Tyrus, et populus Aethiopum, \* hi fuerunt illic.

Numquid Sion dicet : Homo, et homo natus est in ea : \* et ipse fundavit eam Altissimus?

Dominus narrabit in scripturis populorum, et principum \* horum, qui fuerunt in ea.

Sicut lætantium omnium \* habitatio est in te.

**Añā.** Læva ejus sub cāpite meo, et dextera illius amplexabitur me.

**Ÿ.** Spécie tua et pulchritudine tua. **R̃.** Inténde, prospere procéde, et regna.

De Libro sancti Ambrósii  
Episcopi de Viduis.

Lectio iv. Cap. 14

**A**GRUM hunc Ecclesiæ fertilem cerno, nunc integritatis flore vernantem, nunc viduitatis gravitate pollentem, nunc etiam conjugii fructibus redundantem. Nam etsi diversi, unus tamen agri fructus sunt : nec tanta hortorum lilia, quantæ aristæ segetum, messium spicæ : compluriumque spatia camporum recipiendis aptantur seminibus, quam redditis novales fructibus feriuntur. Bona ergo viduitas, quæ toties apostolico iudicio prædicatur. Hæc enim magistra fidei, magistra est castitatis.

**R̃.** iv. Accinxit fortitudine lumbos suos, et roboravit brachium suum : gustavit, et vidit quia bona est negotiatio ejus : \* Non exstinguetur in nocte lucerna ejus. **Ÿ.** Lucerna pedibus meis verbum tuum, et lumen semitis meis. — Non exstinguetur.

Lectio v.

**U**NDE et illi, qui deorum suorum adulteria et probra venerantur, celibatus et viduitatis statuere poenas, ut æmuli criminum mulctarent studia virtutum : specie quidem, qua fecunditatem quærent, sed studio, quo propositum castitatis abolerent. Nam

confectis et miles stipendiis arma depōnit, et relicto officio quod gerēbat, ad propria veterānus rura dimittitur; ut et ipse exercitæ laboribus vitæ requiem consequatur, et alios spes futuræ quietis subeundis faciat operibus promptiores. Agricola quoque maturior torquendam aliis stivam committit, et juvenili gravatus opera, providentiam curæ senilis explorat : vitem facilius tondere quam premere, ut juvenescētem luxuriam réprimat, et adulescētem lasciviam falce succidat; parcōrum quamdam partium castitatem docens etiam in vitibus expetendam.

**R̃.** v. Manum suam aperuit inopi, et palmas suas extendit ad pauperem : \* Non timēbit domui suæ a frigōribus nivium. **Ÿ.** Dispērsit, dedit pauperibus : justitia ejus manet in sæculum sæculi. — Non timēbit.

Lectio vj.

**S**IMILIS huic vidua velut emeritis veterana stipendiis castitatis, et si conjugii arma depōnat, domus tamen totius pacem gubernat : et si vehēdis onēribus otiosa, maritandis tamen juniōribus prōvida, ubi cultus utilior, ubi fructus uberior sit : quarum cōpulam aptiorem senili gravitate disponit. Itaque si maturiōribus pōtius quam juniōribus committitur ager; cur putes utiliorē nuptam esse quam viduam? Quod si persecutōres fidei persecutōres fuerunt etiam viduitatis : utique fidem sequētibz viduitas non pro supplicio fugiēda est, sed tenēda pro præmio.



R. vj. Veni electa mea, et ponam in te thronum meum : \* Quia concupivit Rex speciem tuam. V. Specie tua et pulchritudine tua intende, prospere procede, et regna. — Quia concupivit. Gloria. Quia concupivit.

## IN III. NOCTURNO.

Psalmus 95.

**C**ANTATE Dómino canticum novum : \* cantate Dómino omnis terra.

Cantate Dómino, et benedicite nómini ejus : \* annuntiáte de die in diem salutáre ejus.

Annuntiáte inter gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis : \* terribilis est super omnes deos.

Quóniam omnes dii géntium dæmónia : \* Dóminus autem celos fecit.

Confessio, et pulchritudo in conspectu ejus : \* sanctimónia, et magnificéntia in sanctificatióne ejus.

Afferte Dómino patriæ géntium, & afferte Dómino glóriam et honórem : \* afferte Dómino glóriam nómini ejus.

Tollite hostias, et introíte in átria ejus : \* adoráte Dóminum in átrio sancto ejus.

Commovéatur a fácie ejus univérsa terra : \* dicite in géntibus quia Dóminus regnavit.

Etenim corréxit orbem terræ qui non commovébitur : \* judicábit pópulos in æquitáte.

Læténtur cæli, et exsúltet terra, & commovéatur mare, et plenitúdo ejus : \* gaudébunt campi, et ómnia, quæ in eis sunt.

Tunc exsultábunt ómnialigna silvárum a fácie Dómini, quia

venit : \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

Añs. Dum esset rex in accúbitu suo, nardus mea dedit odórem suavitátis.

Psalmus 96.

**D**OMINUS regnavit, exsúltet terra : \* læténtur insulæ multæ.

Nubes, et caligo in circúitu ejus : \* justitia, et judicium corréctio sedis ejus.

Ignis ante ipsum præcedet, \* et inflammábit in circúitu inimicos ejus.

Illuxérunt fúlgura ejus orbi terræ : \* vidit, et commóta est terra.

Montes, sicut cera fluxérunt a fácie Dómini : \* a fácie Dómini omnis terra.

Annuntiavérunt cæli justitiam ejus : \* et vidérunt omnes pópuli glóriam ejus.

Confundántur omnes, qui adorant sculptília : \* et qui gloriántur in simulácris suis.

Adorate eum omnes Angeli ejus : \* audívit, et lætata est Sion.

Et exsultavérunt filii Judæ, \* propter judicia tua Dómine :

Quóniam tu Dóminus altíssimus super omnem terram : \* nimis exaltátus es super omnes deos.

Qui diligitis Dóminum, odite malum : \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justi in Dómino : \* et confitémini memóriæ sanctificatiónis ejus.

**Añā.** Exsultavérunt filiae Judæ, propter iudicia tua, Dómine.

Psalmus 97.

**C**ANTATE Dómino cánticum novum : \* quia mirabilia fecit.

Salvávít sibi délixtera ejus : \* et bráchiū sanctum ejus.

Notum fecit Dóminus salutáre suum : \* in conspéctu géntium revelávít justítiam suam.

Recordátus est misericórdiæ suæ, \* et veritátis suæ dómui Israel.

Vidérunt omnes términi terræ \* salutáre Dei nostri.

Jubiláte Deo omnis terra : \* cantáte, et exsultáte, et psállite.

Psállite Dómino in cithara, in cithara et voce psalmi : \* in tubis ductilibus, et voce tubæ corneæ.

Jubiláte in conspéctu regis Dómini : & moveátur mare, et plenitúdo ejus : \* orbis terrárum, et qui hábitant in eo.

Flúmina plaudent manu, & simul montes exsultábunt a conspéctu Dómini : \* quóniam venit iudicáre terram.

Judicábit orbem terrárum in justitia, \* et pópulos in æquitáte.

**Añā.** Hæc est, quæ nescivit torum in delicto : habébit fructum in respectióne animárum sanctárum.

¶ Adjuvábít eam Deus vultu suo. R. Deus in médio ejus, non commovébitur.

Lectio sancti Evangelíi secundum Matthæum.

Lectio vij. Cap. 13.

**I**n illo témpore : Dixit Jesus discipulis suis parábolam hanc : Simile est regnum cælórum thesauro abscondito in agro. Et reliqua.

Homilia sancti Gregórii Papæ.

(Homil. 11. in Evang.)

**C**ÆLORUM regnum, fratres carissimi, idcirco terrénis rebus símile dicitur; ut ex his, quæ ánimus novit, surgat ad incógnita, quæ non novit : quátenus exémplo visibilium se ad invisibilia rápiat, et per ea, quæ usu didicit, quasi conficátus incaléscat : ut per hoc, quod scit notum diligere, discat et incógnita amáre. Ecce enim cælórum regnum thesauro abscondito in agro comparátur : quem qui invenit homo abscondit, et præ gaudio illius vadit, et vendit universa quæ habet, et emit agrum illum.

¶. vij. Hanc amávi, et exquisivi sponsam mihi assumere, \* Et amátor factus sum formæ illius. ¶. Fortitúdo, et decor indumentum ejus, et ridébit in die novissimo. — Et amátor.

Lectio viij.

**Q**UA in re hoc quoque notándum est, quod inventus thesaurus absconditur, ut servétur : quia stúdium cælestis desidérii a malignis spirítibus custodíre non sufficit, qui hoc ab humánis laudibus non abscondit. In præsénti etenim vita, quasi in via sumus, quæ ad pátriam pèrgimus. Maligni autem spirítus iter nostrum, quasi quidam latrúnculi, óbsident. Depraedári ergo desiderat, qui thesaurum públice portat in via. Hoc autem dico, non ut próximi ópera nostra bona non vídeant, sed ut sic sit opus in público, quátenus intentio máneat in occulto.

R. viij. Date ei de fructu manuum suarum : \* Et laudent eam in portis opera ejus. V. Labores manuum tuarum quia manducabis : beata es, et benetibierit. — Et laudent eam.

## Lectio ix

**T**HESAURUS autem caelestis est desiderium : ager vero, in quo thesaurus absconditur, disciplina studii caelestis. Quem profecto agrum venditis omnibus comparat, qui voluptatibus carnis renuntians, cuncta sua terrena desideria per disciplinæ caelestis custodiam calcatur : ut nihil jam, quod caro blanditur, libeat ; nihil, quod carnalem vitam trucidat, spiritus perhorrescat.

R. ix. Fallax gratia, et vana est pulchritudo : \* Mulier timens Deum ipsa laudabitur. V. Date ei de fructu manuum suarum : et laudent eam in portis opera ejus. — Mulier. Gloria. Mulier.

Ante Laudes V. Ora pro nobis beata N. R. Ut digni efficiamur promissionibus Christi.

## AD LAUDES

ET PER HORAS ANTIPHONÆ.

1. Gratia super gratiam mulier sancta et pudorata : omnis autem ponderatio non est digna continentis animæ. Psalmus Dominus regnavit. cum ceteris, pag. 17.

2. Sicut sol oriens mundo in altissimis Dei, sic mulieris bonæ species in ornamētum domus suæ.

3. Fundamenta æterna supra petram solidam, sic mandata Dei in corde mulieris sanctæ.

4. Columnæ aureæ super bases argenteas, et pedes firmi super plantas stabilis mulieris.

5. Ædificatio civitatis confirmabit nomen, et super hanc mulier immaculata computabitur. Capitulum. Prov. 31.

**M**ULIEREM fortem quis inveniet ? procul, et de ultimis finibus pretium ejus : confidit in ea cor viri sui, et spoliis non indigebit.

## Hymnus.

**P**IA mater et humilis, Naturæ memor fragilis, In hujus vitæ fluctibus Nos rege tuis precibus.

TE deprecamur, largius Nostris adauge sensibus Nescire prorsus omnia Corruptionis vulnera.

SIT Christe rex piissime Tibi Patrique gloria, Cum Spiritu Paráclito, In sempiterna sæcula. Amen. V. Elegit eam Deus, et præelegit eam. R. Et habitare eam facit in tabernáculo suo.

Ad Benedictus Añā. Manum suam aperuit inopi, et palmas suas extendit ad pauperem : fortitudo et decor indumentum ejus, et ridebit in die novissimo.

## AD TERTIAM.

Capitulum Mulierem fortem, ut in Laudibus.

R. Diffusa est gratia \* In labiis tuis. Diffusa est. V. Propterea benedixit te Deus in æternum. In labiis tuis. Gloria. Diffusa est.

V. Specie tua et pulchritudine tua. R. Intende, prospere procede, et regna.

## AD SEXTAM.

Capitulum. Prov. 31.

**M**ANUM suam aperuit inopi, et palmas suas extendit ad pauperem : non timebit domui suæ a frigöribus nivis.



R. Spécie tua \* Et pulchritudine tua. Spécie tua. V. Inténde, prospere procéde, et regna. Et pulchritudine tua. Glória. Spécie tua.

¶ Adjuvabit eam Deus vultu suo. R. Deus in médio ejus, non commovébitur.

AD NONAM.

Capitulum. Prov. 31.

**M**ULTÆ filiæ congregavérunt divítias : tu supergréssa es univérsas. Fallax grátia, et vana est pulchritúdo, mülíer tímens Deum ipsa laudábitur.

R. Adjuvabit eam Deus Vultu suo. Adjuvabit. V. Deus in médio ejus, non commovébitur. Vultu suo. Glória. Adjuvabit.

¶ Elégit eam Deus, et præelégit eam. R. Et habitáre eam facit in tabernáculo suo.

AD II. VESPERAS.

Super Psalmos Aña. Grátia super grátiam mülíer sancta et pudoráta : omnis autem ponderátio non est digna con-

tinéntis ánimæ. Psalmus Dixit Dóminus. cum ceteris, ut in Comuni unius Virginis, pag. 96\*.

Capitulum Mulierem fortem., Hymnus Hujus obténtu. et V. Diffúsa est., ut in j. Vesperis, pag. 104\*. et pag. 105\*.

Ad Magnificat Aña. Accinxit fortitúdo lumbos suos, et roborávit bráchium suum : gustávit, et vidit quia bona est negotiátio ejus : non exstinguétur in nocte lucérna ejus.

IN FESTO

TRIUM LECTIONUM.

AD MATUTINUM.

Invitatorium. Laudémus Deum nostrum \* In solemnitate sanctæ V.

IN NOCTURNO.

Super Psalmos Aña. Hæc est, quæ nescivit torum in delicto : habébit fructum in respectiône animárum sanctárum.

COMMUNE SANCTORUM

TEMPORE PASCHALI.

COMMUNE UNIUS

SEU PLURIUM APOSTOLORUM.

AD I. VESPERAS.

Super Psalmos Aña. Estóte fortes in bello, et pugnáte cum antiquo serpente : et accipiétis regnum ætérnum, alleluia. Psalmus Laudáte púeri. cum ceteris, pag. 145.

Capitulum. Ephes. 2.

**J**AM non estis hóspites et ádvenæ : sed estis cives sanctórum, et doméstici Dei : superædificáti super fundaméntum Apostolórum, et Prophetárum, ipso summo angulári lápide Christo Jesu.

R̃. Cándidi facti sunt Nazaraei ejus, allelúia : splendorem Deo dedérunt, allelúia : \* Et sicut lac coagulati sunt, Allelúia, allelúia. Ṽ. In omnem terram exiit sonus eorum, et in fines orbis terrae verba eorum. — Et sicut lac. Glória. Allelúia, allelúia.

Hymnus.

**E**XSULTET cælum laudibus  
Resúltet terra gaudiis :  
Apostolorum glóriam  
Sacra canunt solémnia.

Vos sæcli justi iudices  
Et vera mundi lumina  
Votis precámur cordium,  
Audite preces supplicum.

Qui cælum verbo clauditis,  
Serásque ejus solvitis :  
Nos a peccátis omnibus  
Solvite jussu, quæsumus.

QUORUM præcepto súbditur  
Salus et languor omnium :  
Sanáte aegros moribus,  
Nos reddéntes virtútibus.

Ut cum Iudex advenerit  
Christus in fine sæculi,  
Nos sempiterni gaudii  
Fáciat esse cõmpotes.

† Tempore Resurrectionis :

QUÆSUMUS, Auctor omnium,

In hoc Paschali gaudio,  
Ab omni mortis impetu  
Tuum defende pópulum.

GLORIA tibi Dómine,  
Qui surrexisti a mortuis  
Cum Patre et sancto Spirítu,  
In sempiterna sæcula. Amen.

† Tempore Ascensionis :

Tu esto nostrum gaudium,  
Qui es futurus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sidera,

Cum Patre et sancto Spirítu,  
In sempiterna sæcula. Amen.

Ṽ. In omnem terram exiit sonus eorum, allelúia. R̃. Et in fines orbis terrae verba eorum, allelúia.

Ad Magnificat Aña. Filiae Jerusalem venite, et videte Mártirem cum coróna, qua coronávit eum Dóminus in die solennitatis et lætitiæ, allelúia, allelúia.

AD MATUTINUM.

Invitorium. Exsúltent in Dómino Sancti \* Allelúia.

Hymnus Exsúltet cælum laudibus, ut in j. Vesperis.

IN NOCTURNO.

Super Psalmos sola Aña. Tristitia vestra, allelúia, vertétur in gaudium, allelúia.

Tres Psalmi et Ṽ. de Comuni Apostolorum alterius Temporis secundum ordinem Nocturnorum, scilicet Dominica, Feria secunda et Feria quinta ex primo Nocturno; Feria tertia et Feria sexta ex secundo Nocturno; Feria quarta et Sabbato ex tertio Nocturno.

Idem ordo servetur in Benedictionibus ante Lectiones.

R̃. j. Virtute magna reddébant Apóstoli \* Testimónium resurrectionis Jesu Christi Dómini nostri, allelúia, allelúia. Ṽ. Repléti quidem Spirítu sancto loquebantur cum fiducia verbum Dei. — Testimónium.

R̃. ij. Isti sunt agni novelli, qui annuntiavérunt, allelúia : modo venérunt ad fontes : \* Repléti sunt claritate, allelúia, allelúia. Ṽ. In conspectu Agni amicti stolis albis, et palmarum in manibus eorum. — Repléti sunt.

R. iij. Cándidi facti sunt Nazaræi ejus, allelúia : splendorem Deo dedérunt, allelúia : \* Et sicut lac coaguláti sunt, Allelúia, allelúia. V. In omnem terram exivit sonus eórum, et in fines orbis terræ verba eórum. — Et sicut lac. Glória. Allelúia, allelúia.

Ante Laudes V. Dedísti hereditátem, allelúia. R. Timéntibus nomen tuum Dómine, allelúia.

## AD LAUDES

ET PER HORAS ANTIPHONÆ.

1. Sancti tui Dómine florébunt sicut lílium, allelúia : et sicut odor bálsami erunt ante te, allelúia. Psalmus Dóminus regnávít. cum ceteris, pag. 17.

2. Sancti et justi in Dómino gaudéte, allelúia : vos elégit Deus in hereditátem sibi, allelúia.

3. In velaménto clamábunt Sancti tui Dómine, allelúia, allelúia, allelúia.

4. Spíritus et ánimæ justórum hymnum dicite Deo nostro, allelúia, allelúia.

5. In cæléstibus regnis Sanctorum habitatio est, allelúia : et in ætérnum réquies eórum, allelúia.

Capitulum. Ephes. 2.

JAM non estis hóspites, et advenæ : sed estis cives sanctorum, et doméstici Dei : superædificáti super fundaméntum Apostolorum, et Prophetarum, ipso summo angulári lápide Christo Jesu.

Hymnus.

ÆTERNA Christi múnera Apostolorum glóriam, Laudes feréntes débitas, Lætis canámus méntibus.

ECCLESÍARUM príncipes, Belli triumpháles duces, Cæléstis aulæ milites, Et vera mundi lúmina.

DEVOTA sanctorum fides, Invicta spes credéntium, Perfécta Christi caritas Mundi triúmphat principem.

In his patérna glória,

In his volúntas Spíritus,

Exsúltat in his Filius

Cælum replétur gáudiis.

Duæ ultimæ Strophæ, pro Tempore ut in j. Vesperis, pag. 114\*.

V. Annuntiavérunt ópera Dei, allelúia. R. Et facta ejus intellexérunt, allelúia.

Ad Benedictus Añã. Lux perpétua lucébit Sanctis tuis Dómine, allelúia, et ætérnitas témporum, allelúia, allelúia, allelúia.

## AD TERTIAM.

Capitulum Jam non estis hóspites, ut in Laudibus.

R. In omnem terram exivit sonus eórum, \* Allelúia, allelúia. In omnem. V. Et in fines orbis terræ verba eórum. Allelúia. Glória. In omnem.

V. Constitues eos príncipes super omnem terram, allelúia. R. Mémoires erunt nóminis tui Dómine, allelúia.

## AD SEXTAM.

Capitulum.

Act. 5.

PER manus autem Apostolorum fiébant signa et prodigia multa in plebe.

R. Constitues eos príncipes super omnem terram, \* Allelúia, allelúia. Constitues eos. V. Mémoires erunt nóminis tui Dómine. Allelúia. Glória. Constitues eos.



℟. Nimis honoráti sunt amici tui Deus, allelúia. ℞. Nimis confortátus est principátus eórum, allelúia.

## AD NONAM.

Capitulum. Act. 5.

**I**BANT Apóstoli gaudéntes a conspéctu concilii, quóniam digni hábiti sunt pro nómine Jesu contuméliam pati.

℞. Nimis honoráti sunt amici tui Deus, \* Allelúia, allelúia. Nimis honoráti sunt. ℟. Nimis confortátus est principátus eórum. Allelúia. Glória. Nimis honoráti sunt.

℟. Annuntiavérunt ópera Dei, allelúia. ℞. Et facta ejus intellexérunt, allelúia.

## AD II. VESPERAS.

Super Psalmos Añ. Sancti tui Dómine florébunt sicut lílium, allelúia : et sicut odor bálsami erunt ante te, allelúia. Psalmus Dixit Dóminus. cum ceteris de Communi Apostolorum alterius Temporis, pag. 34\*.

Capitulum Jam non estis hóspites., Hymnus Exsúltet. et ℟. In omnem terram., ut in j. Vesperis, pag. 113\* et pag. 114\*.

Ad Magnificat Añ. In civitáte Dómini clare sonant júgi-

ter órgana Sanctórum : ibi Angeli et Archángeli hymnum decántant ante thronum Dei, allelúia.

## COMMUNE

## UNIUS EVANGELISTÆ.

Omnia fiant ut in Communi Apostolorum Temporis Paschalis, pag. 113\* et sequentibus, præter hæc tria Capitula.

AD UTRASQUE VESPERAS,  
LAUDES ET TERTIAM.

Capitulum. Eccli. 15.

**Q**UI timet Deum fáciet bona : et qui cónitens est justitiæ apprehéndet illam, et obviábit illi quasi mater honorificáta.

## AD SEXTAM.

Capitulum. Eccli. 15.

**C**IBAVIT illum Dóminus pane vitæ et intelléctus, et aqua sapiéntiæ salutáris potávit illum.

## AD NONAM.

Capitulum. Eccli. 15.

**I**N médio ecclésiæ apéruit os ejus, et implévit eum Dóminus spiritu sapiéntiæ et intelléctus, et stolam glóriæ induit eum.

## COMMUNE UNIUS MARTYRIS

## TEMPORE PASCHALI.

## AD I. VESPERAS.

Super Psalmos Añ. Lætábitur justus in Dómino, et sperábit in eo, et laudabúntur omnes recti corde, allelúia.

Capitulum. Jac. 1.

**B**EATUS vir, qui suffert tentatióem : quóniam, cum probátus fúerit, accipiet coronam vitæ, quam repromisit Deus diligéntibus se.

R. De ore prudentis procedit  
mel, allelúia : dulcédo mellis  
est lingua ejus, allelúia, \* Fa-  
vus distillans lábia ejus, Alle-  
lúia, allelúia. X. Sapiéntia re-  
quiescit in corde ejus, et pru-  
déntia in sermóne oris illius.  
— Favus distillans. Glória. Al-  
lelúia, allelúia.

### Hymnus.

D EUS tuórum militum  
Coróna, sors et præmium,  
Laudes canéntes Mártyris  
Absólve nexu criminis.

HIC nempe, mundi gáudia  
Et blandiménta nóxia  
Cadúca rite députans,  
Pervénit ad cæléstia.

PENAS cucúrrit fórtiter  
Et sústulit viriliter :  
Pro te profúndens sánguinem  
ÆtéRNA dona póssidet.

OE hoc precátu súpplici  
Te póscimus piíssime :  
In hoc triúmpho Mártyris  
Dimitte noxam sérvulis.

### † Tempore Resurrectionis :

QUÆSUMUS Auctor ómnium,  
In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui surrexisti a mórtuis,  
Cum Patre et sancto Spíritu,  
In sempitéRNA sæcula. Amen.

### † Tempore Ascensionis :

TU esto nostrum gáudio,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spíritu,  
In sempitéRNA sæcula. Amen.

X. Glória et honóre coronásti  
eum Dómine, allelúia. R. Et

constituisti eum super ópera  
mánuum tuárum, allelúia.

Ad Magnificat Aña. Filiæ Je-  
rúsalem veníte, et vidéte Már-  
tyrem cum coróna, qua coro-  
návit eum Dóminus in die sol-  
emnitátis et lætitiæ, allelúia,  
allelúia.

### AD MATUTINUM.

Invitatorium. Exsúltent in Dó-  
mino Sancti, \* Allelúia.

Hymnus Deus tuórum mili-  
tum, ut in j. Vesperis.

### IN NOCTURNO.

Super Psalmos (nisi de Mar-  
tyre Ordinis Prædicatorum fiat  
Officium) sola Aña. Tristitia  
vestra, allelúia, vertétur in  
gáudium, allelúia.

Tres Psalmi et X. (nisi de  
Martyre Ordinis Prædicato-  
rum fiat Officium) de Comuni  
unius Martyris alterius Tem-  
poris secundum ordinem No-  
cturnorum, scilicet Dominica,  
Feria secunda et Feria quinta  
ex primo Nocturno; Feria ter-  
tia et Feria sexta ex secundo  
Nocturno; Feria quarta et Sa-  
bato ex tertio Nocturno.

(In festo unius Martyris Ordi-  
nis Prædicatorum dicantur su-  
per Psalmos tres Antiphonæ,  
vel propriæ, si habentur, vel  
ex primo Nocturno de Com-  
muni unius Martyris alterius  
Temporis, addito singulis An-  
tiphonis Allelúia. Psalmi vero  
tres ex primo etiam Nocturno  
ejusdem Communis accipian-  
tur. Post tertiam Antiphonam  
dicatur X. Glória et honóre.  
cum Allelúia.)

Ante Lectiones Benedictiones  
dentur secundum ordinem No-  
cturnorum.

R. j. Beátus vir, qui méruit  
Dóminum, allelúia : \* In man-  
dátis ejus cupit nimis, allelúia,  
allelúia, allelúia. V. Potens in  
terra erit semen ejus : generá-  
tio rectórum benedicétur. — In  
mandátis ejus.

R. ij. De ore prudéntis pro-  
cédit mel, allelúia : dulcédo  
mellis est lingua ejus, allelúia :  
\* Favus distillans lábia ejus,  
allelúia, allelúia. V. Sapiéntia  
requiescit in corde ejus, et pru-  
déntia in sermóne oris illius.  
— Favus distillans.

R. iij. Filiæ Jerúsalem veníte,  
et vidéte Mártirem cum coró-  
na, qua coronávit eum Dómi-  
nus \* In die solemnitétis et  
lætitiæ, Allelúia. V. Induit  
illum Dóminus stolam glóriæ,  
et coronávit eum. — In die.  
Glória. Allelúia.

Ante Laudes V. Ora pro nobis  
beáte N., allelúia. R. Ut digni  
efficiámur promissionibus Chri-  
sti, allelúia.

#### AD LAUDES ET PER HORAS.

Aña Sancti tui. et ceteræ qua-  
tuor ut in Communi Apostolo-  
rum Temporis Paschalis,  
pag. 115\*. Psalmus Dóminus  
regnávit. cum ceteris, pag. 17.

Capitulum. Jac. 1.

**B**EATUS vir, qui suffert ten-  
tationem : quóniam, cum  
probátus fúerit, accípiet coró-  
nam vitæ, quam repromísit  
Deus diligéntibus se.

Hymnus.

**M**ARTYR Dei, qui únicum  
Patris sequéndo Fílium,  
Victis triúmphas hóstibus,  
Victor fruens cæléstibus :

Tui precátus múnere  
Nostrum reátum diluc,

Arcens mali contágium,  
Vitæ repéllens tædium.

SOLUTA sunt jam víncula  
Tui sacráti córporis :  
Nos solve vinculis sæculi,  
Amóre Filii Dei.

Duæ ultimæ Strophæ, pro  
Tempore. ut in j. Vesperis,  
pag. 117\*.

V. Coróna áurea super caput  
ejus, allelúia. R. Expréssa si-  
gno sanctitátis, allelúia.

Ad Benedictus Aña. Lux per-  
pétua lucébit Sanctis tuis Dómi-  
ne, allelúia, et ætérnitastém-  
porum, allelúia, allelúia, allelúia.

#### AD TERTIAM.

Capitulum Beátus vir, qui suf-  
fert., ut in Laudibus.

R. Glória et honóre coronásti  
eum Dómine, \* Allelúia, alle-  
lúia. Glória et honóre. V. Et  
constituísti eum super ópera  
mánuum tuárum. Allelúia. Gló-  
ria Patri. Glória et honóre.

V. Posuísti Dómine super ca-  
put ejus, allelúia. R. Corónam  
de lápide pretiósó, allelúia.

#### AD SEXTAM.

Capitulum. Sap. 10.

**C**USTODIVIT illum Dóminus  
ab inimicis, et a seductó-  
ribus tutávit eum, et certámen  
forte dedit illi ut víneret.

R. Posuísti Dómine super ca-  
put ejus, \* Allelúia, allelúia.  
Posuísti. V. Corónam de lápide  
pretiósó. Allelúia. Glória. Po-  
suísti.

V. Magna est glória ejus in  
salutári tuo, allelúia. R. Gló-  
riam et magnum decórem im-  
pónes super eum, allelúia.

#### AD NONAM.

Capitulum. Eccli. 4.

**P**RO justitia agonizáre pro  
ánima tua, et usque ad  
mortem certa pro justitia.



℟. Magna est glória ejus in salutári tuo, \* Allelúia, allelúia. Magna est. ℣. Glóriam et magnum decórem impónes super eum. Allelúia. Glória. Magna est.

℣. Coróna áurea super caput ejus, allelúia. ℟. Expréssa signo sanctitátis, allelúia.

## AD II. VESPERAS.

Super Psalmos Aña. Sancti tui Dómine florébunt sicut lílilium, allelúia : et sicut odor bálsami erunt ante te, allelúia.

Psalmus Dixit Dóminus. cum ceteris de Communi unius Martyris alterius Temporis, pag. 47\*.

Capitulum Beátus vir, qui suffert., Hymnus Deus tuorum militum. et ℣. Glória et honóre., ut in j. Vesperis, pag. 116\*. et pag. 117\*.

Ad Magnificat Aña. In civitate Dómini clare sonant júgiter órgana Sanctórum : ibi Angeli et Archángeli hymnum decántant ante thronum Dei, allelúia.

## COMMUNE

## PLURIMORUM MARTYRUM

TEMPORE PASCHALI.

## AD I. VESPERAS.

Super Psalmos Aña. Hi sunt, qui venérunt ex magna tribulatióne, et lavérunt stolas suas in ságuine Agni, allelúia.

Capitulum. Hebr. 11. **S**ANCTI per fidem vicérunt regna, operáti sunt justitiam, adépti sunt repromissiónes, in Christo Jesu Dómino nostro.

℟. Lux perpétua lucébit Sanctis tuis Dómine, et aetérnitas témporum, \* Allelúia, allelúia. ℣. Lætitia sempitérna super cápita eórum : gáudium et lætitiám obtinébunt. Allelúia, allelúia. Glória. Allelúia, allelúia.

Hymnus.

**S**ANCTORUM méritis ínclýta gáudia  
Pangámus sócii géstaque fórtia :

Nam gliscit ánimus prómere cántibus

Victórum genus óptimum.

Hi sunt, quos rétineus mundus inhórruit :

Ipsam nam stérili flore peráridum

Sprevére pénitus, teque secúti sunt

Rex Christe bone cælitus.

Hi pro te fúrias atque ferócia

Calcárunť hómínium sævaque vérbera :

Cessit his lácerans fórtiter úngula,

Nec carpsit penetrália.

CÆDUNTUR gládiis more bídentium :

Non murmur résonat, non querimónia,

Sed corde tácito mens bene cónsčia

Consérvat patiéntiam.

QUÆ vox, quæ póterit lingua retéxere  
Quæ tu Martyribus múnera præparas?

Rubri nam flúido sángine láureis

Ditántur bene fúlgidis.

TE summa Déitas únaque póscimus

Ut culpas ábluas, nóxia súbtrahas :

Des pacem fámulis, nos quoque glóriam

Per cuncta tibi sæcula. Amen.

℟. Lætámini in Dómino et exsultáte justí, allelúia. ℞. Et gloriámini omnes recti corde, allelúia.

Ad Magnificat Añā. Filíæ Jerúsalem veníte, et vidéte Mártirem cum corónā, qua coronávit eum Dóminus in die solemnitétis et lætitiæ, allelúia, allelúia.

#### AD MATUTINUM.

Invitatorium. Exsúltent in Dómino Sancti, \* Allelúia.

Hymnus Sanctórum méritis, ut in j. Vesperis, pag. 119\*.

#### IN NOCTURNO.

Super Psalmos (nisi de pluribus Martyribus Ordinis Prædicatorum fiat Officium) sola Añā. Tristitia vestra, allelúia, vertétur in gáudium, allelúia.

Tres Psalmi et V. (nisi de pluribus Martyribus Ordinis Prædicatorum fiat Officium), de Communi plurimorum Martyrum alterius Temporis secundum ordinem Nocturnorum, scilicet Dominica, Feria secunda et Feria quinta ex primo Nocturno; Feria tertia et Feria sexta ex secundo Nocturno; Feria quarta et Sabbato ex tertio Nocturno.

(In festo plurium Martyrum Ordinis Prædicatorum dicantur super Psalmos tres Antiphonæ ex primo Nocturno de Communi plurimorum Martyrum alterius Temporis, addito singulis Antiphonis Allelúia. Psalmi verotres ex primo etiam Nocturno ejusdem Communis accipiantur. Post tertiam Antiphonam dicatur V. Lætámini in Dómino. cum Allelúia.)

Ante Lectiones dentur Benedictiones secundum ordinem Nocturnorum.

℞ j. Pretiósā in conspéctu Dómini, allelúia, \* Mors Sanctórum ejus, allelúia. V. In conspéctu omnis pópuli ejus. — Mors Sanctórum ejus, allelúia.

℞ ij. Tristítia vestra, allelúia, \* Convertétur in gáudium, allelúia, allelúia. V. Mundus autem gaudébit : vos autem contristabimini, sed tristítia vestra. — Convertétur in gáudium, allelúia, allelúia.

℞ iij. Lux perpétua lucébit Sanctis tuis Dómine, et æternitas témporum, \* Allelúia, allelúia. V. Lætítia sempitérna super cápita eórum : gáudium et lætítiam obtinébunt. — Allelúia, allelúia. Glória. Allelúia, allelúia.

Ante Laudes V. Exsultábunt Sancti in glória, allelúia. ℞. Lætábúntur in cubílibus suis, allelúia.

#### AD LAUDES

#### ET PER HORAS.

Añā Sancti tui. et ceteræ quatuor ut in Communi Apostolorum Temporis Paschalis, pag. 115\*. Psalmus Dóminus regnávit. cum ceteris, pag. 17.

Capitulum. Hebr. 11.

**S**ANCTI per fidem vicérunt regna, operáti sunt justitiam, adépti sunt repromissionés, in Christo Jesu Dómino nostro.

Hymnus.

**Æ**TERNA Christi múnera  
Et Mártyrum victóriás,  
Laudes feréntes débítas,  
Lætis canámus méntibus.

TERRORE victo sæculi,  
Pœnisque spretis córporis,  
Mortis sacræ compéдио  
Vitam beátam póssident.

TRADUNTUR igni Mártyres  
Et bestiárum déntibus :  
Armáta sævit úngulis  
Tortóris insáni manus.

NUDATA pendent víscera,  
Sanguis sacrátus fúnditur :  
Sed pérmanent immóbiles  
Vitæ perénis grátia.

† Tempore Resurrectionis :

QUÆSUMUS Auctorómnium,  
In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui surrexísti a mórtuis,  
Cum Patre et sancto Spiritu,  
In sempitérna sæcula. Amen.

† Tempore Ascensionis :

TU esto nostrum gáudium,  
Qui es futúrus præmium :  
Sit nostra in te glória  
Per cuncta semper sæcula.

GLORIA tibi Dómine,  
Qui scandis supra sidera,  
Cum Patre et sancto Spiritu,  
In sempitérna sæcula. Amen.

℣. Mirábilis Deus, allelúia.  
℞. In Sanctis suis, allelúia.

Ad Benedictus Añá. Lux  
perpétua lucébit Sanctis tuis  
Dómine, allelúia, et ætérnitas  
témporum, allelúia, allelúia,  
allelúia.

AD TERTIAM.

Capitulum. Sancti per fidem.,  
ut in Laudibus.

℞. Lætámini in Dómino, et  
exsultáte justí, \* Allelúia, alle-  
lúia. Lætámini. ℣. Et gloriá-  
mini omnes recti corde. Alle-  
lúia. Glória. Lætámini.

℣. Exsúltent justí in conspé-  
ctu Dei, allelúia. ℞. Et delecté-  
ntur in lætitia, allelúia.

AD SEXTAM.

Capitulum. Sap. 10.

**R**EDDIDIT Deus mercédem  
labórum sanctórum suó-  
rum, et dedúxit illos in via  
mirábili : et fuit illis in vela-  
ménto diéi, et in luce stellá-  
rum nocte.

℞. Exsúltent justí in conspé-  
ctu Dei, \* Allelúia, allelúia.  
Exsúltent. ℣. Et delecténtur  
in lætitia. Allelúia. Glória.  
Exsúltent.

℣. Justí autem in perpétuum  
vivent, allelúia. ℞. Et apud  
Dóminum est merces eórum,  
allelúia.

AD NONAM.

Capitulum. Sap. 3.

**J**USTORUM ánimæ in manu  
Dei sunt, et non tanget illos  
torméntum malitiæ. Visi sunt  
óculis insipiéntium mori : illi  
autem sunt in pace.

℞. Justí autem in perpétuum  
vivent, \* Allelúia, allelúia.  
Justí autem. ℣. Et apud Dó-  
minum est merces eórum. Al-  
lelúia. Glória. Justí autem.  
℣. Mirábilis Deus, allelúia.  
℞. In Sanctis suis, allelúia.

AD II. VESPERAS.

Super Psalmos Añá. Sancti  
tui Dómine florébunt sicut li-  
lium, allelúia : et sicut odor  
bálsami erunt ante te, allelúia.



Psalmus Dixit Dóminus. cum ceteris de Communi plurimorum Martyrum alterius Temporis, pag. 62\*.

Capitulum Sancti per fidem., Hymnus Sanctórum méritis. et  $\mathfrak{P}$ . Lætámini in Dómino. ut

in j. Vesperis, pag. 119\*. et pag. 120\*.

Ad Magnificat Aña. In civitate Dómini claresonant jügitér órgana Sanctórum : ibi Angeli et Archángeli hymnum decántant ante thronum Dei, allelúia.

## COMMUNE UNIUS CONFESSORIS

TEMPORE PASCHALI.

### AD I. VESPERAS.

Super Psalmos Aña. Iste Sanctus digne in memóriam vértitur hóminum, qui ad gáudium tránsiit angelórum, allelúia.

Capitulum. Eccli. 45.

**D**ILECTUS Deo, et hominibus, cujus memória in benedictione est : símilem illum fecit in glória sanctórum.

$\mathfrak{R}$ . De ore prudéntis procédít mel, allelúia : dulcédo mellis est lingua ejus, allelúia : \* Favus distillans lábia ejus, Allelúia, allelúia.  $\mathfrak{V}$ . Sapiéntia requiescit in corde ejus, et prudéntia in sermóne oris illius. — Favus distillans. Glória. Allelúia, allelúia.

### Hymnus.

**I**STE Conféssor Dómini sacrátus,  
Festa plebs cujus célebrat per orbem,

Hódie lætus méruit secréta  
Scándere cæli.

QUI pius, prudens, húmilis,  
pudicus,

Sóbrius, castus fuit et quiétus,  
Vita dum præsens vegetávit ejus.

Córpore artus.

Ob sacrum cujus méritum  
frequéter

Membra languéntum modo  
sanitáti,

Quólibet morbo fúerint graváta,

Restituúntur.

UNDE nunc noster chorus  
in honórem

Ipsius hymnum canit hunc libénter :

Ut piis ejus précibus juvémur,  
Omne per ævum.

SIT salus illi, decus atque  
virtus,

Qui supra cæli résidens cacúmen

Tótius mundi máchinam gubernat.

Trinus et unus. Amen.

$\mathfrak{T}$  Si in aliquo die celebretur  
Officium alicujus Confessoris,  
et non sit natalis ipsius, præfatus Hymnus ita inchoetur :

**I**STE Conféssor Dómini sacrátus

Sóbrius, castus fuit et quiétus,  
Vita dum præsens vegetávit ejus

Córpore artus.

Ob sacrum cujus méritum...

$\mathfrak{V}$ . Amávit eum Dóminus et ornávit eum, allelúia.  $\mathfrak{R}$ . Stollam glóriæ induit eum, allelúia.

Ad Magnificat Añã. Filie Jerusalem venite, et videte Mátyrem cum corónã, qua coronávit eum Dóminus in die solemnitatís et lætitiæ, allelúia, allelúia.

#### AD MATUTINUM.

Invitorium. Exsúltent in Dómino Sancti, \* Allelúia.

Hymnus Iste Confessor., ut in j. Vesperis, pag. 122\*.

#### IN NOCTURNO.

Super Psalmos (nisi de Confessore Ordinis Prædicatorum fiat Officium) sola Añã. Tristitia vestra, allelúia, vertétur in gáudium, allelúia.

Tres Psalmi et V. (nisi de Confessore Ordinis Prædicatorum fiat Officium) de Comuni unius Confessoris alterius Temporis secundum ordinem Nocturnorum, scilicet Dominica, Feria secunda et Feria quinta ex primo Nocturno; Feria tertia et Feria sexta ex secundo Nocturno; Feria quarta et Sabbato ex tertio Nocturno.

(In festo unius Confessoris Ordinis Prædicatorum dicantur super Psalmos tres Antiphonæ, vel propriæ, si habentur, vel ex primo Nocturno de Comuni unius Confessoris alterius Temporis, addito singulis Antiphonis Allelúia. Psalmi vero tres ex primo etiam Nocturno ejusdem Communis accipiantur. Post tertiam Antiphonam dicatur V. Amávit eum Dóminus. cum Allelúia.)

Ante Lectiones Benedictiones dentur secundum ordinem Nocturnorum.

R. j. Beátus vir, qui méruit Dóminum, allelúia : \* In mandátis ejus cupit nimis, allelúia, allelúia, allelúia. S. Potens in

terra erit semen ejus : generatio rectórum benedicétur. — In mandátis ejus.

R. ij. De ore prudentis procedit mel, allelúia : dulcédo mellis est lingua ejus, allelúia : \* Favus distillans lábia ejus, allelúia, allelúia. V. Sapiéntia requiescit in corde ejus, et prudentia in sermóne oris illius. — Favus distillans.

R. iij. Filie Jerusalem venite, et videte Mátyrem cum corónã, qua coronávit eum Dóminus \* In die solemnitatís et lætitiæ, Allelúia. V. Induit illum Dóminus stolam glóriæ, et coronávit eum. — In die. Glória. Allelúia.

Ante Laudes V. Ora pro nobis beáte N., allelúia. R. Ut digni efficiámur promissionibus Christi, allelúia.

#### AD LAUDES

##### ET PER HORAS.

Añã Sancti tui, et cetera quatuor ut in Comuni Apostol. Temporis Paschalis, pag. 115\*. Psalmus Dóminus regnávit. cum ceteris, pag. 17.

Capitulum. Eccli. 45.

**D**ILECTUS Deo et homínibus, cujus memória in benedictióne est : símile illum fecit in glória sanctorum.

#### Hymnus.

**J**ESU, Redemptor ómnium,  
Corónã confiténtium,  
In hac die cleméntius  
Nostris favéto précibus,  
Tui sacri qua nóminis  
Confessor almus cláruit,  
Cujus celebrat ánnua  
Devóta plebs solémnia.

QUI rite mundi gáudia  
Hujus cadúca réspuens,  
Cum ángelis cæléstibus  
Lætus potitur præmiis.

Hujus benignus annue  
Nobis sequi vestigia :  
Hujus precātu sérvulis  
Dimitte noxam criminis.

† Tempore Resurrectionis :  
QUÆSUMUS, Auctor óm-  
nium,

In hoc Pascháli gáudio,  
Ab omni mortis impetu  
Tuum défende pópulum.

GLORIA tibi Dómine,  
Qui surrexisti a mórtuis,  
Cum Patre et sancto Spírítu  
In sempitérna sæcula. Amen.

† Tempore Ascensionis :  
TU esto nostrum gáudium,  
Qui es futúrus præmium :  
Sit nostra in te glória  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spírítu  
In sempitérna sæcula. Amen.  
¶ Justus germinábit sicut lí-  
lium, allelúia. R. Et florébit  
in ætérnum ante Dóminum,  
allelúia.

Ad Benedictus Añā. Lux  
perpétua lucébit Sanctis tuis  
Dómine, allelúia., et ætérnitas  
témporum, allelúia, allelúia,  
allelúia.

#### AD TERTIAM.

Capitulum Diléctus Deo., ut  
in Laudibus.

R. Amávit eum Dóminus, et  
ornávit eum, \* Allelúia, alle-  
lúia. Amávit eum. V. Stolum  
glóriæ induit eum. Allelúia.  
Glória. Amávit eum.

¶ Justum dedúxit Dóminus  
per vias rectas, allelúia.  
R. Et osténdit illi regnum  
Dei, allelúia.

#### AD SEXTAM.

Capitulum.

Eccli. 39.

JUSTUS cor suum tradet ad  
vigilándum dilúculo ad

Deum, qui fecit illum, et in  
conspéctu Altíssimi deprecá-  
bitur.

R. Justum dedúxit Dóminus  
per vias rectas, \* Allelúia, alle-  
lúia. Justum. V. Et osténdit  
illi regnum Dei. Allelúia.  
Glória. Justum.

¶ Justus ut palma florébit in  
domo Dómini, allelúia. R. Sic-  
ut cedrus Líbani multiplicá-  
bitur, allelúia.

#### AD NONAM.

Capitulum.

Sap. 10.

JUSTUM dedúxit Dóminus  
per vias rectas, et osténdit  
illi regnum Dei, et dedit illi  
sciéntiam sanctorum : honestá-  
vit illum in labóribus, et com-  
plévit labóres illius.

R. Justus ut palma florébit in  
domo Dómini, \* Allelúia, alle-  
lúia. Justus. V. Sicut cedrus  
Líbani multiplicábitur. Alle-  
lúia. Glória. Justus.

¶ Justus germinábit sicut  
lílium, allelúia. R. Et florébit  
in ætérnum ante Dóminum,  
allelúia.

#### AD II. VESPERAS.

Super Psalmos Añā. Sancti  
tui Dómine florébunt sicut lí-  
lium, allelúia : et sicut odor  
bálsami erunt ante te, alle-  
lúia. Psalmus Dixit Dóminus.  
et ceteri ut in Comuni unius  
Confessoris alterius Temporis,  
pag. 76\*.

Capitulum Diléctus Deo.,  
Hymnus Iste Conféssor. et  
V. Amávit eum Dóminus., ut  
in j. Vesperis, pag. 122\*.

Ad Magnificat Añā. In civi-  
tate Dómini clare sonant jú-  
giter órgana Sanctorum : ibi  
Angeli et Archángeli hymnum  
decántant ante thronum Dei,  
allelúia.



**A**D Memoriam unius vel plurium Martyrum, aut unius vel plurium Confessorum Tempore Paschali dicatur in primis Vesperis Añā Filiae Jerúsalem., in Laudibus Añā Lux perpétua., in secundis Vesperis Añā In civitate Dómini. Versiculus vero desumatur ex Communi alterius Temporis, addito Allelúia.

† Quod si contingat eodem die fieri Officium de uno vel pluribus Martyribus, aut de

uno Confessore, et fieri Memoriam de alio vel aliis Martyribus, aut de alio Confessore, ad Magnificat et ad Benedictus dicantur Antiphonæ de Communi Temporis Paschalis; ad Memoriam vero dicantur Antiphonæ de Communi alterius Temporis, cum Allelúia.

† Ad Memoriam de Cruce, si occurrerit, Antiphona, V. et Oratio in Vesperis, ut pag. 129., in Laudibus ut pag. 23. notatum est.

## COMMUNE UNIUS VIRGINIS

TEMPORE PASCHALI.

### AD I. VESPERAS.

Omnia ut in Communi unius Virginis alterius Temporis, addito suis locis Allelúia.

In R. Regnum mundi., post Glória Patri. omissa resumptione In quem credidi. statim dicatur Allelúia.

### AD MATUTINUM.

Invitorium. Agnum sponsum Virginum \* Venite adorémus Dóminum Jesum Christum, allelúia.

Hymnus Virginis Proles., de Communi unius Virginis alterius Temporis.

### IN NOCTURNO.

Super Psalmos (nisi de una Virgine Ordinis Prædicatorum fiat Officium) sola Añā. Veniente Sponso, prudens Virgo præparata introivit cum eo ad nuptias, allelúia.

Tres Psalmi et V. (nisi de una Virgine Ordinis Prædicatorum fiat Officium) de Communi

unius Virginis alterius Temporis secundum ordinem Nocturnorum, scilicet Dominica, Feria secunda et Feria quinta ex primo Nocturno; Feria tertia et Feria sexta ex secundo Nocturno; Feria quarta et Sabbato ex tertio Nocturno.

(In festo unius Virginis Ordinis Prædicatorum dicantur super Psalmos tres Antiphonæ, vel propriæ, si habentur, vel ex primo Nocturno de Communi unius Virginis alterius Temporis, addito singulis Antiphonis Allelúia. Psalmi vero tres ex primo etiam Nocturno ejusdem Communis accipiantur. Post tertiam Antiphonam dicatur V. Diffusa est grátia. cum Allelúia.)

Ante Lectiones Benedictiones dentur secundum ordinem Nocturnorum.

† Si de Virgine Martyre fiat Officium, tria Responsoria ex Communi unius Virginis Mar-

tyris alterius Temporis secundum ordinem Nocturnorum desumantur; et dicantur cum Allelúia. In tertio R. post Glória Patri., ommissa resumptione, statim dicatur Allelúia.

† Si vero de Virgine non Martyre fiat Officium, semper dicantur hæc Responsoria :

R. j. Audívi vocem de cælo venientem : Venite omnes virgines sapientissimæ, \* Oleum recóndite in vasis vestris, dum sponsus advenerit, allelúia. V. Média nocte clamor factus est : Ecce sponsus venit. — Oleum recóndite.

R. ij. Veni elécta mea, et ponam in te thronum meum : \* Quia concupívit rex spéciem tuam, allelúia. V. Spécie tua et pulchritúdine tua inténde, prospere procéde, et regna. — Quia concupívit rex.

R. iij. Regnum mundi et omnem ornátum sæculi contémpsi propter amórem Dómini mei Jesu Christi : \* Quem vidi, quem amávi, in quem crédidi, quem diléxi, allelúia. V. Eructávit cor meum verbum bonum : dico ego ópera mea regi. — Quem vidi. Glória. Allelúia.

Ante Laudes V. Ora pro nobis beáta N., allelúia. R. Ut digni efficiámur promissionibus Christi, allelúia.

#### AD LAUDES.

Omnia ut in Communi unius Virginis alterius Temporis, addito suis locis Allelúia.

In fine vero Hymni Jesu coroná virginum., ommissa Strophá Sit Christe Rex piissime., dicantur, pro Tempore, Strophæ sequentes :

† Tempore Resurrectionis : QUÆSUMUS Auctor ómnium, In hoc Pascháli gáudio, Ab omni mortis impetu Tuum defénde pópulum.

GLORIA tibi Dómine, Qui surrexisti a mórtuis, Cum Patre et sancto Spirítu, In sempitérna sæcula. Amen.

† Tempore Ascensionis : TU esto nostrum gáudium, Qui es futúrus præmium : Sit nostra in te glória, Per cuncta semper sæcula.

GLORIA tibi Dómine, Qui scandis supra sîdera, Cum Patre et sancto Spirítu, In sempitérna sæcula. Amen.

AD HORAS ET II. VESPERAS. Omnia ut in Communi unius Virginis alterius Temporis, addito suis locis Allelúia.

---

### COMMUNE UNIUS SANCTÆ MARTYRIS TANTUM TEMPORE PASCHALI.

---

#### AD I. VESPERAS.

Omnia ut in Communi unius Sanctæ Martyris tantum alterius Temporis, addito suis locis Allelúia.

In R. Grata facta est., post Glória Patri., ommissa resumptione Et Dóminus., statim dicatur Allelúia.

#### AD MATUTINUM.

Invitatorium. Laudémus Deum nostrum \* In confessióne beátæ N., allelúia.

Hymnus Hujus obtentu.

#### IN NOCTURNO.

Super Psalmos Aña. Dum esset rex in accúbitu suo, nardus mea dedit odórem suavitátis, allelúia.

Tres Psalmi et V. ut in Comuni unius nec Virginis nec Martyris alterius Temporis, secundum ordinem Nocturnorum, scilicet Dominica, Feria secunda et Feria quinta ex primo Nocturno; Feria tertia et Feria sexta ex secundo Nocturno; Feria quarta et Sabbato ex tertio Nocturno.

Idem ordo servetur in Benedictionibus ante Lectiones.

Tria Responsoria ex Comuni unius Sanctæ Martyris tantum alterius Temporis, dicantur etiam secundum ordinem Nocturnorum cum Al-

lelúia. In tertio R. post Glória Patri., ommissa resurrectione, subdatur statim Allelúia.

Ante Laudes V. Ora pro nobis beáta N., allelúia. R. Ut digni efficiámur promissionibus Christi, allelúia.

#### AD LAUDES.

##### HORAS ET II. VESPERAS.

Capitula de Comuni unius Sanctæ Martyris tantum alterius Temporis.

Cetera fiant ut in Comuni unius nec Virginis nec Martyris pro Tempore Paschali infra notatur.

## COMMUNE UNIUS NEC VIRGINIS NEC MARTYRIS

### TEMPORE PASCHALI.

#### AD I. VESPERAS.

Omnia ut in Comuni unius nec Virginis nec Martyris alterius Temporis, addito suis locis Allelúia.

In R. Fallax grátia., post Glória Patri., ommissa resurrectione Múlier timens Deum., statim dicatur Allelúia.

#### AD MATUTINUM.

Invitorium. Laudémus Deum nostrum \* In solemnitate sanctæ N., allelúia.

Hymnus Hujus obtentu., de Comuni unius nec Virginis nec Martyris alterius Temporis.

#### IN NOCTURNO.

Super Psalmos (nisi de una nec Virgine nec Martyre Ordinis Prædicatorum fiat Officium) sola Añã. Hæc est, quæ nescivit torum in delicto : ha-

bébit fructum in respectiõne animárum sanctárum, allelúia.

Tres Psalmi et V. (nisi de una nec Virgine nec Martyre Ordinis Prædicatorum fiat Officium) de Comuni unius nec Virginis nec Martyris alterius Temporis secundum ordinem Nocturnorum, scilicet Dominica, Feria secunda et Feria quinta ex primo Nocturno; Feria tertia et Feria sexta ex secundo Nocturno; Feria quarta et Sabbato ex tertio Nocturno.

(In festo unius nec Virginis nec Martyris Ordinis Prædicatorum dicantur super Psalmos tres Antiphonæ ex primo Nocturno de Comuni unius nec Virginis nec Martyris alterius Temporis, addito singulis Antiphonis Allelúia. Psalmi vero tres ex primo etiam Nocturno



eiusdem Communis accipiantur. Post tertiam Antiphonam dicatur *℟*. Diffusa est grátia. cum Allelúia.)

Ante Lectiones Benedictiones dentur secundum ordinem Nocturnorum.

Tria Responsoria ex Comuni unius nec Virginis nec Martyris alterius Temporis secundum ordinem Nocturnorum semper desumantur, et dicantur cum Allelúia. In tertio *℟*. post Glória Patri, omisa resumptione, statim dicatur Allelúia.

Ante Laudes *℟*. Ora pro nobis beáta N., allelúia. *℟*. Ut digni efficiámur promissionibus Christi, allelúia.

#### AD LAUDES.

Omnia ut in Comuni unius nec Virginis nec Martyris alterius Temporis, addito suis locis Allelúia.

In fine vero Hymni Pia mater et húmilis., omisa Strophæ

Sit Christe Rex piíssime., dicantur, pro Tempore, Strophæ sequentes :

† Tempore Resurrectionis :

QUÆSUMUS Auctor ómnium,  
In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui surrexísti a mórtuis  
Cum Patre et sancto Spírítu  
In sempitérna sæcula. Amen.

† Tempore Ascensionis :

TU esto nostrum gáudium,  
Qui es futúrus præmium :  
Sit nostra in te glória,  
Per cuncta semper sæcula.

GLORIA tibi Dómine,  
Qui scandis supra sídera,  
Cum Patre et sancto Spírítu  
In sempitérna sæcula. Amen.

#### AD HORAS ET II. VESPERAS.

Omnia ut in Comuni unius nec Virginis nec Martyris alterius Temporis, addito suis locis Allelúia.

## OFFICIA VOTIVA TRIUM LECTIONUM.

**I**n Officiis Votivis præterquam in Officio quotidiano beate Mariæ Virginis) Tempore Paschali addatur suis locis Allelúia., ubi notatum non fuerit; ad Vesperas autem super Psalmos feriales hæc sola dicatur Antiphona : Allelúia.

PRIMA FERIA SECUNDA,  
VEL PRIMA FERIA SEXTA  
NON IMPEDITA MENSIS.

#### OFFICIUM S. VINCENTII FERRERII.

† Si in Feria secunda de S. Vincentio faciendum fuerit Officium, neutras habebit Vesperas

† Si vero Feria sexta faciendum fuerit, Feria quinta præcedenti dicentur Psalmi feriales cum suis Antiphonis, pag. 135.

Capitulum Diléctus Deo. et Hymnus Iste Confessor Dómini sacrátus Sóbrius, castus., de Comuni unius Confessoris.

¶ Ora pro nobis beate Vincénti. R. Ut digni efficiámur promissionibus Christi.

Ad Magnificat Añā. Adsit nobis propítius in hujus vitæ vespere ad Christum nos Vincéntius tuto ferens itinere.

Oratio.

**D**EUS, qui gentium multitudinem mira beáti Vincéntii Confessóris tui prædicatione ad agnitionem tui nóminis venire tribuisti : præsta, quæsumus, ut quem ventúrum Júdicem nuntiávit in terris, præmiatórem habere mereámur in cælis : Dóminum nostrum Jesum Christum Fílium tuum, qui tecum vivit.

¶ Quando hæc Oratio dicitur ad Memoriam, et eam sequitur alia Memoria, sic concludatur : præmiatórem habere mereámur in cælis Christum Dóminum nostrum. R. Amen.

AD MATUTINUM.

Invitatorium. Regem Confessorum Dóminum \* Venite, adorémus.

Hymnus Iste Confessor Dómini sacrátus Sóbrius, castus., ut in Communi unius Confessoris.

IN NOCTURNO.

Super Psalmos Añā. Iste Sanctus digne in memóriam véritur hóminum, qui ad gáudium tránsiit angelórum.

Psalmi novem de Communi unius Confessoris.

¶ Tempore vero Paschali dicantur tantum tres Psalmi primi Nocturni de eodem Communi.

¶ Si Feria secunda fuerit, dicatur ante Lectiones ¶. Amávit eum Dóminus et ornávit eum. R. Stolum glóriæ induit eum.

¶ Si vero Feria sexta fuerit, dicatur ¶. Justum dedúxit Dóminus per vias rectas. R. Et osténdit illi regnum Dei.

Prima et secunda Lectio de Tempore; tertia de his quæ signantur infra, cum his tribus Responsoriis.

R. j. Justus ut palma florébit : sicut cedrus Libani multiplicábitur : plantátus in domo Dómini, \* In átriis domus Dei nostri florébit. ¶. Glória et divitiæ in domo ejus : et justitia ejus manet in sæculum sæculi. — In átriis domus Dei nostri florébit.

R. ij. Justum dedúxit Dóminus per vias rectas, et osténdit illi regnum Dei, et dedit illi sciéntiam sanctorum : \* Honestávit illum in labóribus, et complévit labóres illius. ¶. Immortális est enim memória illius : quia apud Deum nota est et apud hómines. — Honestávit illum.

R. iij. Sint lumbi vestri præcincti, et lucernæ ardéntes in manibus vestris, \* Et vos similes hominibus expectantibus dóminum suum Quando revertátur a nuptiis. ¶. Vigilate ergo, quia nescitis qua hora Dóminus vester venturus sit. — Et vos similes. Glória. Quando.

¶ Tempore vero Paschali dicantur tria Responsoria de Communi unius Confessoris ejusdem Temporis.

Te Deum. dicatur, nisi infra Septuagesimam.

Ante Laudes ¶. Ora pro nobis beate Vincénti. R. Ut digni efficiámur promissionibus Christi.

## AD LAUDES.

Super Psalmos sola Aña Dómine quinque talénta. de Comuni unius Confessoris (Tempore vero Paschali, sola Aña Sancti tui. de Comuni Sanctorum ejusdem Temporis); Psalmus Dóminus regnávít. cum ceteris, pag. 17.

Capitulum, Hymnus et V. de Comuni unius Confessoris.

Ad Benedictus Aña. Pervigil Christi nuntius, vocans ad lucis ópera, ad fruenda Vincéntius nos ducat vitæ múnera.

## AD PRETIOSA.

Legendum est de Constitutionibus.

## AD PRIMAM.

Aña. Dómine quinque talénta. de Comuni unius Confessoris (Tempore vero Paschali Aña Sancti tui. de Comuni Sanctorum ejusdem Temporis).

Capitulum Regi sæculórum immortáli., Preces et Oratio In hac hora.

## AD TERTIAM,

## SEXTAM ET NONAM.

Antiphonæ de Comuni unius Confessoris (Tempore vero Paschali, Antiphonæ de Comuni Sanctorum ejusdem Temporis).

Capitula, R. R. et V. V. de Comuni unius Confessoris.

Dicta Nona terminatur hoc Officium.

Pro tertia Lectione dicatur singulis mensibus una ex his ordine infra posito notatis.

## MENSE DECEMBRI.

## Lectio iij.

Vincéntius honesta stirpe., quæ est prima in secundo Nocturno Festi, die v. Aprilis.

## MENSE JANUARIO.

## Lectio iij.

In apostólico múnere, sancti Vincéntii vitæ tenor hic perpétuus fuit. Quotidie Missam summo mane cum cantu celebrávit, quotidie ad pulpum conciónem hábuit. Inviolábile semper jejúnium, nisi urgens adéssset necéssitas, servávit. Sancta et recta consilia nulli denegávit. Carnes nunquam comédit, nec vestem lineam induit. Populórum júrgia sedávit, dissidentia regna pace compósuit : et cum vestis inconsútis Ecclésiæ diros schismate scinderétur, ut unirétur et unita servarétur plúrimum laborávit. Virtútibus ómnibus cláruit, suósque detractóres et persecutóres, in simplicitate et humilitate ámbulans, cum mansuetudine recépít et amplexus est.

## MENSE FEBRUARIO.

## Lectio iij.

Per sanctum Vincéntium divína virtus, in confirmatióem..., quæ est tertia secundi Nocturni in Festo S. Vincentii.

MENSE MARTIO  
ET MENSE APRILI.

## Lectio iij.

Evangélico múnere., quæ est tertia in prima die infra Octavam S. Vincentii.

## MENSE MAIO.

## Lectio iij.

Sacri Palátii Apostólici Magister creatus..., quæ est tertia in secunda die infra Octavam.



## MENSE JUNIO.

(Ex Bulla Canonizationis.)

## Lectio iij.

CUM in gravissimum, ac pene desperatum morbum Aveniōne incidisset beatus Vincēntius, insigni miraculo intēgerrimæ sanitati a Christo restitutus est. A quo confestim mandatum accepit, ut per diversas mundi regiones verbum Dei omni studio prædicaret; jamque imminētem sæculi finem, et extrēmum judicii diem nuntiaret. Labores ejus apostolicos tanta Deus benedictione cumulavit, ut supra centum perditorum hominum millia ad penitētiā, viginti quinque millia Judæorum ad Christum, octo millia Saracenorum ad fidem adduxerit. Hispanis, Aragóniis, Catalānis, Britānnis, Gallis, et Italis Evangelium prædicavit. Nactus scilicet illud erat, præ ceteris, Spiritus sancti donum, ut vernacula gentis suæ lingua usus, a dissōnis nationibus intelligeretur.

## MENSE JULIO.

(Ex Bulla Canonizationis.)

## Lectio iij.

TANTA erat beati Vincēntii fama virtutis, ut palam ab omnibus, etiam dum viveret, veluti Sanctus haberetur. Quocumque ad munus apostolicum obeundum pergeret, obviam ire solebat populus, suamque publicis significationibus venerationem et observantiam profiteri. Hos tamen vir Dei sibi delatos honores summa animi modestia et humilitate respuebat. Apud reges ac principes

plurima auctoritate valuit, quam ei non favor, aut gratia, sed apostolica plane libertas conciliavit. Eorum vitia infracta animi fortitudine coarguit, temerarios ausus repressit, implacabiles discordias exstinxit. Delictus cum aliis judex arbiter, apud Caspense oppidum, regnum Aragóniæ Ferdinando infanti Castellæ adjudicavit.

## MENSE AUGUSTO.

(Ex Bulla Canonizationis.)

## Lectio iij.

PERPETUAM toto vitæ tempore penitētiā egit beatus Vincēntius, ex quo Prædicatorum Ordini nomen dedit. Cilicium ad nudam carnem continuo gestavit, corpus duro flagello singulis pene diebus edomuit; ultra stata Ordinis jejunia, semel in die quovis tempore comedit; super ministris, ac sæpius ad durum lapidem inclinatus brevem somnum cepit. Matutinas preces vigiliis, ac privatis orationibus præoccupare solitus erat, ac ultra solitum Officium divinum, Psalterium frequenter recitabat. Tanta fuit ejus honestas ac modestia, ut non corpus modo, sed nec pedes nudos per plurimos annos aspexerit. Hoc vero præ ceteris mirandum, quod annorum ferme quadraginta spatio, quibus apostolicum munus obiit, ab instituta semel vitæ ratione nusquam deflexerit.

## MENSE SEPTEMBRI.

## Lectio iij.

SPIRITU prophético illustratus beatus Vincēntius, futura multa, de extrēmo præsertim judicio, prædixit. Cal-

listo Tértio, a quo cælites inter adscriptus est, Pontificátum diu ántea nuntiávit. Patris ac matris óbitum, qua hora ceciderunt, divina revelatióne cognóvit, longo licet locórum tractu ab eis díssitus esset. Secrétas córdium cogitatiónes detéxit. Plúrium post tránsitum animárum statum perspéctum hábuit : easque, fuis ad Deum précibus, e purgatórii flammis liberávit. Insequéntem numerósam dúorum millium hóminum multitudinem, post ministrátum evangélicum panem, cælésti miraculo temporáliter pavit, multiplicata vini ac panis annóna. Ea vero inter concionándum virtúte pollébat, ut hostes fidei vel invíti secretióribus cordis mótibz ad audiéntiam traheréntur.

#### MENSE OCTOBRI.

##### Lectio iij.

**P**AUPERTATEM evangélicam beátus Vincéntius ádeo cóluit, ut omni prorsus dimissa supellétili, nihil ad usum per dura ac longa itinera deferret, vilissimisque dumtaxat véstibus uterétur. Eum sæpius in oratióne secreto pernoctántem plúrimi observárant, cælésti, ut créditur, lúmine circumfúsum : quo eum Deus céteris manifestábat, qui sese tanto stúdio ómnium óculis subducébat. Mirum quam frequens, quam multus ad eum undequáque confluéntium hóminum númerus, ad vitæ instituendæ, et juxta evangélicam normam efformandæ consilia peténda :

quibus ipse conferéndis semper præsto fuit. Ejus præsertim salutáribus mónitis regébantur Castéllæ et Aragónum reges, Británniæ duces : nihilque magni mómenti moliri solébant, nisi collátis cum ipso consiliis.

#### MENSE NOVEMBRI.

##### Lectio iij.

**N**ON diu a sanctíssimi viri Vincéntii óbitu, de solémni ipsius canonizatióne actum est. Causam in primis urgére coepérunt Joánnes ac Petrus Británniæ duces, coram summis Pontificibus Martino Quinto, Eugénio Quarto, et Nicoláo Quinto. Idem subinde rogárant Joánnes Castéllæ, et Alphónsus Aragónum reges. Rem tandem Callistus Tértius anno Pontificátus primo exsecútus est : eúmque sacris fastis adscripsit. At cum præmatúra morte eréptus diplóma pontificium non dedisset, hoc Pius Secundus, succéssor ejus, ultro concéssit. In quo istud observatióne dignissimum occúrrit : tot scilicet virum Dei patrásse miracula, ut Apostólicis litteris, ne modum excederent, recenséri non potúerint. Mórtuos quadraginta, partim dum víveret, partim postquam e vivis excéssit, suscitásse perhibétur.

† Quod si in nulla FERIA secunda vel sexta mensis possit de S. Vincentio Officium fieri, nec de ipso Memoria aliqua facienda est in tali mense.

FERIIS TERTIIS PER ANNUM.

OFFICIUM S. P. N. DOMINICI.

Feria secunda præcedenti in Vesperis Psalmi feriales cum suis Antiphonis, pag. 130.

Capitulum. Eccli. 50.

**Q**UASI stella matutina in medio nêbulæ, et quasi luna plena in diëbus suis, et quasi sol refûlgens, sic iste effûlsit in templo Dei.

Hymnus.

**G**AUDE mater Ecclesiâ, Lætam agens memoriâ, Quæ novæ prolis gaudia Mittis ad cæli cûriam.

PRÆDICATORUM Ordinis Dux et Pater Dominicus Mundi jam fulget terminis, Civis effectus cælicus.

CARNIS liber ergastulo, Cæli potitur glória : Pro paupertatis cingulo Stola dotâtur régia.

FRAGRANS odor de tûmulo, Cum virtutum frequentia Clamat pro Christi famulo Summi Regis magnalia.

† Tempore Resurrectionis :

QUÆSUMUS, Auctor omnium, In hoc Paschali gaudio, Ab omni mortis impetu Tuum defende pópulum.

TRINO Deo et simplici Laus, honor, virtus, glória, Qui nos prece Domínici Ducat ad cæli gaudia. Amen. ✠. Ora pro nobis beâte Pater Domínice. ✠. Ut digni efficiâmur promissionibus Christi.

Ad Magnificat Aña. Magne Pater sancte Domínice, mortis hora nos tecum súscipe, et hic semper nos pie respice.

Oratio.

**D**EUS, qui Ecclesiâ tuam beâti Domínici Confessoris tui, Patris nostri, illuminâre dignâtus es méritis et doctrinis : concède ut ejus intercessiõe temporalibus non destituâtur auxiliis, et spirituâlibus semper proficiat incrementis. Per.

Deinde fiat Memoria de beato P. Francisco per Añam. Confessor Domíni Francisce astântem plebem corrobora sancta intercessiõe : ut qui vitiõrum pøndere premimur, beatitudinis tuæ glória sublevémur, et te duce æterna præmia consequámur.

✠. Amâvit eum Domínus, et ornâvit eum. ✠. Stola glóriæ induit eum. Oratio.

**D**EUS, qui Ecclesiâ tuam beâti Patris nostri Francis méritis fetu novæ prolis amplificas : tribue nobis ex ejus imitatiõe terrêna despicerè, et cælestium donõrum semper participatiõe gaudere. Per.

AD MATUTINUM.

Invitorium. Laudémus Deum nostrum \* In commemoratione sancti Domínici.

Hymnus.

**N**OVUS athlêta Domíni Collaudêtur Dominicus, Qui rem conformat nómini, Vir factus evangélicus.

CONSERVANS sine mácula Virginitatis lílium, Ardêbat quasi fâcula Pro zelo pereúntium.

MUNDUM calcans sub pèdibus Manum misit ad fòrtia, Nudus occúrrens hóstibus, Christi suffúltus grátia.



PUGNAT verbo, miráculis,  
Missis per orbem fratribus,  
Crebros adjungens sédulis  
Fletus orationibus.

QUÆSUMUS Auctor ómnium.  
(tempore Resurrectionis); et  
TRINO Deo et simplici., ut in  
j. Vesperis.

### IN NOCTURNO.

Super Psalmos Añã. Florem  
pudicitie servans illibátum,  
átigit eximie vitæ cælibátum.  
Psalmi novem de uno  
Confessore.

† Tempore vero Paschali, di-  
cantur tantum tres Psalmi pri-  
mi Nocturni de eodem Com-  
muni.

¶ Justum dedúxit Dóminus  
per vias rectas. R. Et osténdit  
illi regnum Dei.

Prima et secunda Lectio de  
sacra Scriptura pro tali Feria  
notatæ. Tertia vero erit de in-  
ferius positis, cum his tribus  
Responsoriis.

R. j. Felix vitis, de cujus súr-  
culo tantum germen redúndat  
sæculo, \* Cæli vinum propinans  
pópulo vitáli pócuro. ¶. Ex  
ubertate pálmium mundi jam  
cinxit ámbitum. — Cæli vinum.

R. ij. Ascendénti de valle  
lúbrici mundi chori plaudunt  
angélici : \* Jesu bone, prece  
Dóminici, tibi præsta nos gra-  
tos éffici. ¶. Per quem multos  
a morte súscitas, pœnas nobis  
relaxa débitas. — Jesu bone.

R. iij. O spem miram, quam  
dedisti mortis hora te flénti-  
bus, dum post mortem promi-  
sisti, te profutúrum fratribus!

\* Imple Pater quod dixisti,  
nos tuis juvans préciibus.  
¶. Qui tot signis claruisti in  
ægrórum corpóribus, nobis

opem ferens Christi, ægris  
medére móribus. — Imple Pa-  
ter. Glória. Imple Pater.

Te Deum. dicatur, nisi infra  
Septuagesimam.

Ante Laudes ¶. Ora pro no-  
bis beáte Pater Dominice.

R. Ut digni efficiámur pro-  
missiónibus Christi.

### AD LAUDES.

Super Psalmos Añã. Pie Pa-  
ter Dominice, tuórum memor  
óperum, sta coram summo  
Júdice pro tuo cœtu páuperum.  
Psalmus Dóminus regnávít.  
cum ceteris, pag. 17.

Capitulum Quasi stella ma-  
tutína., ut in Vesperis.

### Hymnus.

**H**YMNUM novæ lætitiæ,  
Dulci productum cántico,  
Noster deprómat hódie  
Chorus sancto Dóminico.

VERGENTE mundi vespere,  
Novum sídus exóritur,  
Et clausis culpæ cárcere  
Præco salútis mittitur.

DOCTRINAM evangélicam  
Spargens per orbis cárdenem,  
Pestem fugat hæréticam  
Novum producens Ordinem.

HIC est fons ille módicus  
Crescens in flumen máximum,  
Qui mundo jam miríficus  
Potum largitur óptimum.

QUÆSUMUS, Auctor óm-  
nium. (tempore Resurrectio-  
nis); et Trino Deo et simplici.,  
ut in j. Vesperis.

¶. Justus germinábit sicut  
lílíum. R. Et florébit in ætér-  
num ante Dóminum.

Ad Benedictus Añã. Benedi-  
ctus Redemptor ómnium, qui  
salúti providens hóminum,  
mundo dedit sanctum Domi-  
nicum.

Deinde fiat Memoria de beato P. Francisco per Añam. Euge serve bone, et fidélis, quia in pauca fuisti fidélis, supra multate constituam, dicit Dóminus.

¶ Justus ut palma florébit in domo Dómini. ¶ Sicut cedrus Libani multiplicábitur.

Oratio. Deus, qui Ecclesiám, ut supra in Vesperis, pag. 133\*.

#### AD PRETIOSA.

Legendum est de Constitutionibus.

#### AD PRIMAM.

Aña. Pie Pater Dóminice., ut in Laudibus; Capitulum Regi sæculórum., Preces et Oratio In hac hora.

#### AD TERTIAM.

Aña. Pauper in pecúlio, dives vita pura, paupertátis prégio cæli tenet jura.

Capitulum Quasi stella matutina., ut in Vesperis.

¶ ¶. Horarum de Comuni unius Confessoris.

#### AD SEXTAM.

Aña. Scala cælo próminens Fratri revelátur, per quam Pater tránsiens sursum ferebátur. Capitulum. Isa. 59.

**S**PIRITUS meus, qui est in te, et verba mea, quæ pòsui in ore tuo, non recédent de ore tuo, et de ore séminis tui, dicit Dóminus, ámodo et usque in sempiternum.

#### AD NONAM.

Aña. Fulget in choro Virginum Doctor veritátis, sertum honóris géminum gerens cum Beátis.

Capitulum. Malach. 2.

**L**EX veritátis fuit in ore ejus, et iniquitas non est invénta in lábiis ejus : in pace et æqui-

táte ambulávit mecum, et multos avértit ab iniquitáte. Dicta Nona terminatur hoc Officium.

¶ Tempore Paschali ad Memoriam S. P. Francisci in Vesperis dicatur Aña Filiæ Jerúsalem., pag. 123\*; in Laudibus autem dicatur Aña Lux perpétua., pag. 124\*.

Pro iij. Lectione dicatur per unumquemque mensem una ex his suo ordine notatis.

#### MENSE DECEMBRI.

(Ex Theodorico de Apoldia.

Lib. 1. cap. 7.)

Lectio iij.

**A**D célebrem cum hæréticis Albigénsibus disputatió-nem pergens beatissimus Pater Dominicus, iter una cum sóciis, semóto quovis elatiónis et ostentatiónis fastu, nudátis omnino pédibus arrípuit. Cumque incérti itineris ducem hæ-réticus, cathólici nomen mentitus, ultro se dedisset, is eos obliqua, spinis ac vépri-bus cónsita via, quibus eórum pedes sauciabántur, et tibíæ sán-guine conspergebántur, pérfide dedúxit. Tum vir Dei dí-ros acúleos mira patiéntia fere-re, sociórum ánimos in Dei laudes erigébat : Confidite, inquiebat, in Dómino : parátur nobis in cælo coróná; quia peccáta nostra sán-guine expiántur. Eo patiéntiæ, et ardentissimæ caritátis exémplo victus pérfidus viæ comes, peccátum ultro conféssus, hæ-resim ejurávit; remque suis póstea réferens, apostólici viri famam apud ipsos hæréticos plúrimum auxit.

## MENSE JANUARIO.

(Ex Theodorico de Apoldia.  
Lib. 1. cap. 2 et 8.)

## Lectio iij.

**I**S erat sanctissimi Patris Dominici salutis animarum zelus, ut Christi Salvatoris exemplo, ad eam promovendam, animam ultro traderet. Cum enim virum hæreticum verbis ac signis ad fidem revocare conaretur; eumque nonnisi spe lucri, quod ad vitæ sustentationem a ceteris obtinebat, suo in errore detineri nosceret; seipsum venalem exhibuit, ut ejus inopiam sublevaret, virumque redimeret venundatum sub peccato. Tantæ in miseros caritati ac beneficentiæ, tenera adhuc ætate præludere visus est. Etenim quo tempore Palentiæ litteris dabat operam, grassante per universam pene Hispaniam fame, libros, ceteraque proprio usui consecrata distraxit, pretiumque in pauperes erogavit.

## MENSE FEBRUARIO.

(Ex Theodorico de Apoldia.  
Lib. 1. cap. 8.)

## Lectio iij.

**M**ARTYRII desiderium et humilitatis studium miro fœdere beatus Dominicus sociavit. Ab hæreticis non semel quæsitus ad necem, eo se prorsus indignum honore professus est, ut pro Christo Salvatore mortem oppeteret. Loca, ubi structas sibi insidias certo noverat, infracta fiducia frequentabat. Quare in admirationem adducti satellites, quid acturus esset, interrogabant, si ipsorum in manus in-

cidisset. Quibus ille martyrio flagrans, Rogassem, inquit, vos, ne compendio celerem mihi mortem afferrētis, sed præcisâ minutatim singula corporis membra meis oculis objicerētis; atque ad extremum evulsis luminibus, mutilatum corpus suo in sanguine volutari sinerētis. Urbem ingressurus, Deum scelerum vindicem enixe rogabat ne eam ad tanti peccatoris ingressum subverteret.

## MENSE MARTIO.

(Ex Theodorico de Apoldia.  
Lib. 2. cap. 6.)

## Lectio iij.

**E**RANT aliquando in capitulo beatus Dominicus et tres sanctæ Romænæ Ecclesiæ Cardinales : cum subito vir quidam ingenti ejulatu nuntiat Napoleonem nepotem Stéphani Cardinalis, qui ibi tunc aderat, ex equo lapsum efflâsse animam. Cardinalis acerbitate mæroris exsanguis in brachia sancti Patris corruit. Egressi cernunt triste spectâculum, membra adolescentis horribilem in modum dissipata. Jubeat Sanctus sibi parari altare, Missam cum ingenti devotione, et lacrimarum imbre celebrat : aderant Cardinales et alii plurimi : vident ipsum, cum corpus Domini visendum populo ostenderet, cubiti altitudine in æra attolli. Sacro peracto, progreditur ad corpus jacentis, manibus quassata membra componit; mox in nomine Domini jubet adolescentem surgere : qui illico vivus, sanus et integer resiliit.



## MENSE APRILI.

(Ex Theodorico de Apoldia.  
Lib. 4. cap. 2.)

## Lectio iij.

**E**A Ordinem suum prudentia ac pietate moderabatur beatus Dominicus, ut in ejus regimine quid mirari plus deceat, ignoretur : an religiosae studium observantiae, an mansuetudinis et humanitatis officium. Sic etenim zelo justitiae in delinquentium vitia erectus erat, ut se iisdem pietate et humanitate socium exhiberet. Ubi fratrem delicto praecipuum cerneret; ne ejus animi subita correptione frangeret, rem tacitus dissimulabat, donec data opportunitate dignosceret, quieto tranquilloque animo sustinendam a delinquente poenitentiam. Quotidie, ut fieri commode poterat, singularem ad fratres concionem habebat, qua eos ad religiosae vitae studium efformaret. Si quos vero maestos et afflictos animadverteret, sic totis visceribus condolebat, ut maerorem tanto pietatis affectu deliniret.

## MENSE MAIO.

(Ex Theodorico de Apoldia.  
Lib. 4. cap. 4.)

## Lectio iij.

**S**ACRAS ad populum conciones vir Dei Dominicus crebrius habebat, in quibus apostolico zelo mirifice ferebatur. Sermo ejus ignitus et efficax, ac saepe profluentibus ubertim lacrimis intermixtus : qui animos durissimos licet ac rigentes ad poenitentiam emolliret, et ad pietatem inflammaret.

Salutem animarum, praecipuum sibi suoque Ordini scopum praefixit : ob idque fratres assidue hortabatur, ut evangelicae praedicationi totis viribus incumberent; atque in hunc finem, sepositis profanarum scientiarum institutionibus, sacrarum praesentium Scripturarum lectioni se darent. Is vero Matthaei Evangelium, ac divi Pauli Epistolas, quas pene ex integro memoria tenebat, ut individuos viarum comites ubique circumferbat.

## MENSE JUNIO.

(Ex Theodorico de Apoldia.  
Lib. 4. cap. 3.)

## Lectio iij.

**R**EGULARIS observantiae tenacissimus custos beatus Dominicus, nihil unquam per itinera, quae ad muneris apostolici partes obeundas frequenter agebat, ex monasticae legis praescripto remisit. Missae sacrificium data templi copia quotidie offerbat, ac inter media sacra concionem habebat. Divinum Officium de nocte pariter, ac de die statis horis recitabat : silentii legem indicto tempore observans, sociis procul a se dimissis, mentem piis de Christo Salvatore meditationibus alebat. Paleis, ac saepius nuda cubabat humo : stata Ordinis jejunia nec fessus itinere, nec morbo detentus, solvebat : ad hospitia divertebat eo laetior, quo durius excipiebatur : suosque saepius hospites haeresi detentos, nuntiato salutis verbo, pascere spiritu, in carne pascendus.

## MENSE JULIO.

(Ex Theodorico de Apoldia.  
Lib. 4. cap. 5.)

## Lectio iij.

**G**ENTILIUM salutis sitientis-  
simus beatus Dominicus,  
mare conscendere, exterâsque  
nationes adire constituit : verum  
plurimam ei segetem vi-  
cinióri regione providit Altis-  
simus, qua tum ipse, tum novi  
ejus operarii exercerentur.  
Quare eos varias in partes,  
munus apostolicum obituros  
diréxit, eo præsertim indicto  
præcepto, ut duos viæ labo-  
res, ac temporum injuriam  
experti solis piorum hominum  
elemosynis victitarent, suam-  
que omnem in Domino spem  
reponerent. Nec eam porro fi-  
duciam inanem fuisse, vel fal-  
sam, sed uberius cumulâtam  
divina interdum miracula com-  
probârunt. Id vero mirandum  
magis, quod beatissimi Patris  
precibus exoratus Dominus,  
verbum evangelizantibus mi-  
nus interdum idoneis, tanta  
virtute dederit, ut fructum  
præ ceteris uberrimum repor-  
tarint.

## MENSE AUGUSTO.

(Ex Theodorico de Apoldia.  
Lib. 4. cap. 5.)

## Lectio iij.

**I**NERAT beato Dominico mi-  
ra quædam, ac constans  
mentis æquabilitas; qua licet  
ob varios fortunæ casus multa  
circa ipsum immutatio contin-  
geret, nulla prorsus in ipso  
videretur. Si quid secundum  
Deum, ad rectæ rationis præ-  
scriptum agere constituisset,  
id infracta animi constantia  
prosequeretur; nec sermonem

quidem ullum, semel ab ore  
matura deliberatione prolâ-  
tum, irritum fieri patiebatur.  
Ubicumque versaretur, etiam  
apud magnates ac principes,  
sermonem ita dextere compo-  
nebat, ut jacto veluti spirituâ-  
lis piscationis hamo, audien-  
tium animas Christo lucrifac-  
eret, ac sæculo deprædaretur.  
Hominum flagitiis ac delictis  
commotus, præ animi  
dolore tabescebat; et in ea ex  
sacro suggestu declamans to-  
tus in lacrimas solvebatur.

## MENSE SEPTEMBRI.

(Ex Theodorico de Apoldia.  
Lib. 4. cap. 10. et alibi.)

## Lectio iij.

**H**UMILITATIS ac paupertatis  
evangelicæ studio, verum  
se Christi discipulum præbuit  
beatus Dominicus. In Conse-  
ranensem Episcopum electus,  
nullis artibus adduci potuit, ut  
electioni præstaret assensum.  
Interrogatus interdum, quor-  
um aliquas præ ceteris dice-  
ceses libentius incoleret, re-  
spondit : Hoc ideo, quod in iis  
ludibrio esset, in aliis nimio  
honore haberetur. Vilissimis  
vestibus, et abjecta suppellecti-  
li utebatur. Ostiâtim pro se ac  
fratribus elemosynam emen-  
dicans, oblâtum panem flexis  
genibus excipiebat. Mira ejus  
in cibo ac potu parsimonia :  
vino per decennium abstinuit,  
nec eo demum, nisi ob fre-  
quentes stomachi infirmitates,  
est usus. Virgineam carnem  
ter singulis noctibus ferrea ca-  
têna cædebat : asperum cili-  
cium, dirisque aculeis arma-  
tum cingulum, ad obitum  
usque gestavit.

## MENSE OCTOBRI.

(Ex Theodorico de Apoldia.

Lib. 4. cap. 6. et 9.)

Lectio iij.

**Q**UAM assidua, tam potens apud Deum beāti Domīnici oratio. In ecclēsiis pernōctans, modo in gēnuā procūmbens, modo toto corpore prostrātus orābat. Si quid vero quietis fatiscēti naturæ indulgēbat invitus, ante altāre nuda humo cubābat : brevique degustāto somno, mox novas in preces ānimum erigēbat. Eo tēpore sacras excūbias agens, multas dæmonum infestatiōnes tulit, multosque ex eis Christi virtūte triūmphos reportāvit. Nihil unquam a Deo pētiit, quod pro votis non sit adēptus. Singulāri erga Deiparam Virgīnem devotiōnis affēctu ducebātur; cuius sibi, ac univēso Prædicatōrum Ordini impēsum patrocīnium frequētibz mirāculis comprobāvit.

## MENSE NOVEMBRI.

(Ex Theodorico de Apoldia.

Lib. 4. cap. 12.)

Lectio iij.

**I**MMINENTEM obitus diem beātus Pater Dominicus divīna revelatiōe cognōvit : ut extrēmæ voluntātis testamētum, legāta filiis caritatē, humilitatē, ac voluntaria paupertatē, cōderet. Huic etenim largīter flenti, et cælēstium bonōrum desidērio æstuānti, elegāntis speciēi jūvenis āstitit, in hæc verba : Veni dilēcte, veni, et in vera gāudia ingrēdere. O suāvem, et omni caritātis dulcēdine plenam vocem, qua non ad vana, sed ad

vera sempitērnaque gāudia invitātur! O vere felicem hōminem, qui accitus non pētiit indūcias, quasi iūdicem reformidans; nec venire jussus ad cenam moras excusatiōnibus nexuit : sed præcinctos habens lumbos, et lucernas ardētes in mānibus, pulsānti incunctānter aperuit, venientique Dōmino lætus obviam properāvit!

† Quando, propter aliquod impedimentum intermittitur hoc Officium in Feria tertia, fiat de eo Memoria in Vesperis per Añam Magne Pater., V. Ora pro nobis. et Orationem Deus, qui Ecclēsiā tuā.; in Laudibus vero per Añam Benedictus Redēptor ōmnium., V. de Communi unius Confessoris et Orationem Deus, qui Ecclēsiā tuā. exceptis diebus signatis in Rubricis generalibus §. xxxij. numero 7.

---



---

IN FERIIS QUARTIS  
PER ANNUM.

OFFICIUM S. THOMÆ  
AQUINATIS.

Feria tertia præcedenti in Vesperis Psalmi feriales cum suis Antiphonis, pag. 133.

Capitulum Dilectus Deo. et Hymnus Iste Confessor Domīni sacrātus Sōbrius, castus. de Communi unius Confessoris.

V. Ora pro nobis beāte Thoma. R. Ut digni efficiāmur promissiōnibus Christi.

Ad Magnificat Añā. O Thoma, laus et glōria Prædicatōrum Ordinis, nos transfer ad cælēstia, profēssor sacri Nūminis.



## Oratio.

**D**EUS, qui Ecclesiam tuam beati Thomæ, Confessoris tui atque Doctoris, mira eruditione clarificas, et sancta operatione fecundas : da nobis, quæsumus, et quæ docuit intellectu conspiceré, et quæ egit imitatione complere. Per.

## AD MATUTINUM.

Invitorium. Regem Confessorum Dominum \* Venite adorémus.

Hymnus Iste Confessor Domini sacratus, Sobrius, castus., ut in Communi unius Confessoris.

## IN NOCTURNO.

Super Psalmos Añã. Iste Sanctus digne in memoriam vertitur hominum, qui ad gaudium transiit angelorum. Psalmi novem de Communi unius Confessoris.

† Tempore vero Paschali dicantur tantum tres Psalmi primi Nocturni de eodem Communi.

℣. Justus ut palma florébit in domo Domini. ℞. Sicut cedrus Libani multiplicabitur.

Prima et secunda Lectio de Tempore, tertia de his quæ signantur infra, cum his tribus Responsoriis :

℞. j. Justus ut palma florébit : sicut cedrus Libani multiplicabitur : plantatus in domo Domini, \* In atriis domus Dei nostri florébit. ℣. Glória et divitiæ in domo ejus : et justitia ejus manet in sæculum sæculi. — In atriis domus Dei nostri florébit.

℞. ij. Justum deduxit Dominus per vias rectas, et ostendit

illi regnum Dei, et dedit illi scientiam sanctorum : \* Honestavit illum in laboribus, et complévit labores illius. ℣. Immortalis est enim memoria illius : quia apud Deum nota est, et apud homines. — Honestavit illum.

℞. iij. Sint lumbi vestri præcincti, et lucernæ ardentes in manibus vestris, \* Et vos similes hominibus expectantibus dominum suum Quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et vos similes. Glória. Quando.

† Tempore vero Paschali dicantur tria Responsoria de Communi unius Confessoris ejusdem Temporis.

Te Deum. dicatur, nisi infra Septuagesimam.

Ante Laudes ℣. Ora pro nobis beate Thoma. ℞. Ut digni efficiamur promissionibus Christi.

## AD LAUDES.

Super Psalmos sola Añã Domine quinque talenta. de Communi unius Confessoris (Tempore vero Paschali, sola Añã Sancti tui, de Communi Sanctorum ejusdem Temporis); Psalmus Dominus regnavit. cum ceteris, pag. 17.

Capitulum, Hymnus et ℣. de Communi unius Confessoris.

Ad Benedictus Añã. Collaudetur Christus Rex gloriæ, qui per Thomam lumen Ecclesiæ mundum replet doctrina gratiæ.

## AD PRETIOSA.

Legendum est de Constitutionibus.

## AD PRIMAM.

Añā. Dómine quinque talén-  
ta. de Communi unius Confes-  
soris (Tempore vero Paschali  
Añā Sancti tui. de Communi  
Sanctorum ejusdem Tempo-  
ris).

Capitulum Regi sæculórum  
immortáli., Preces et Oratio  
In hac hora.

## AD TERTIAM.

## SEXTAM ET NONAM.

Antiphonæ de Communi unius  
Confessoris (Tempore vero Pa-  
schali, Antiphonæ de Commu-  
ni Sanctorum ejusdem Tem-  
poris).

Capitula, R. R. et Y. Y. de  
Communi unius Confessoris.

Dicta Nona terminatur hoc  
Officium.

† Ex consuetudine antiqua  
et approbata aliquarum Pro-  
vinciarum, vel Conventuum,  
in illis fit Feria quarta, vel  
alia Feria Officium de alio  
Sancto Ordinis : quæ consue-  
tudo servanda est.

Pro tertia Lectione dicatur  
singulis mensibus una ex his  
ordine infra posito notatis.

## MENSE DECEMBRI.

(Ex Bulla Canoniz. et probatis  
Auct. vitæ ejus, et ex Brev.  
Romano.)

## Lectio iij.

ILLUSTRISSIMUM christiáni  
orbis decus, et Ecclésiæ lu-  
men, beatissimus vir Thomas  
Aquinas, Landúlpho cómite  
Aquináte, et Theodóra Thea-  
tini cómitis filia, e gente Ca-

rácciola, nobilibus paréntibus  
natus est. Cum infántulum nu-  
trix vellet ablüere, chártulam  
e terra sublátam compréssa  
manu válide ipse retinuit :  
quam nutrix, ut eum laváre  
posset, extráhere conáta est.  
Sed illo ácritèr flente, nutrix  
pietáte commóta importúnior  
esse nóluit : ac relicta in manu  
chártula, illum ábluit, remque  
totam matri ejus indicávit.  
Quæ ægre tandem manum  
infántis apériens, chartam, in  
qua Salutatío Angélica scripta  
erat, abstráxit : is vero eam  
plorátu et gestu répetens, mox  
rédditam deglutivit.

## MENSE JANUARIO.

## Lectio iij.

Qbeátus Thomas mónachis  
sancti Benedicti Cassinátibus  
pietáte et primis litterárum  
rudiméntis imbuéndus tradi-  
tur. Inde Neápolim studi-  
um causa missus, dum ad-  
huc infra pubertátis annos  
exsisteret, Fratrum Prædica-  
tórum Ordinem suscepit. Sed  
matre id indigne ferénte, Lu-  
tétiam Parisiórum mittitur :  
quo in itinere per vim a frá-  
tribus raptus, et in arcem per-  
ductus, ibique várie exagitá-  
tus ut sanctum propósitum  
mutáret, mulierem étiam, quæ  
ad labefactándam ejus con-  
stántiam introducta fúerat, ti-  
tiónè fugávit. Mox flexis gé-  
nibus ante signum crucis  
orans, ibique somno corréptus,  
per quiétem sentire visus est  
sibi ab Angelis constringi  
lumbos : quo ex témpore,  
omni póstea libidinis sensu  
cáruit.

## MENSE FEBRUARIO.

## Lectio iij.

**E**MISSUS ex castro per fenestram, beatus Thomas Neapolim reducitur: inde Romam, et postea Parisius ductus, ac tandem Coloniam a fratre Joanne Teutónico Ordinis Prædicatorum Generali Magistro missus, Alberto Magno doctore, philosophiæ ac theologiæ operam dedit. Viginti quinque annos natus, Parisiis Magister est appellatus, publicæque philosophos ac theólogos summa cum laude est interpretatus. Nunquam se lectioni aut scriptiōni dedit, nisi post orationem. In difficultatibus locorum sacræ Scripturæ ad orationem jejūnium adhibebat. Quin etiam sodali suo fratri Reginaldo dicere solēbat, quidquid sciret, non tam studio aut labore suo se peperisse, quam divinitus traditum accepisse.

## MENSE MARTIO.

## Lectio iij.

Cum Neāpoli., quæ est tertia in prima die infra Octavam S. Thomæ.

## MENSE APRILI.

## Lectio iij.

Scribendis tot libris., quæ est tertia in secunda die infra Octavam S. Thomæ.

## MENSE MAIO.

## Lectio iij.

Multis miraculis., quæ est tertia in tertia die infra Octavam S. Thomæ.

## MENSE JUNIO.

## Lectio iij.

**N**ULLUS enarrare sufficeret, quot sanctissimus Thomas theologorum præconiis

celebrétur: quantumque ejus illibatæ doctrinæ a summis Pontificibus fuerit acclamatum. Innocentius Sextus: Hujus Doctōris, inquit, doctrina præ ceteris, excepta canōnica, habet proprietatem verborum, modum dicendorum, veritatem sentiendarum: ita ut nunquam, qui eam tenuerit, inveniatur a veritatis trāmite deviāsse, et qui eam impugnāverit, semper fuerit de veritate suspectus. Urbanus Quintus ad Tolosānam acadēmiam: Vólumus, ait, et tenore præsentium vobis injungimus, ut beati Thomæ doctrinam, tamquam veridicam et cathólicam, sectemini: eamque studeatis totis viribus ampliāre.

## MENSE JULIO.

## Lectio iij.

**P**IOUS Quintus: Factum est, inquit, omnipotentis Dei providentia, ut Angélici Doctōris vi et veritate doctrinæ, qua apostólicam Ecclesiā infinitis confutatis erroribus illustravit, ex eo tempore quo cælestibus civibus adscriptus fuit, multæ, quæ deinceps exortæ sunt hæereses, confusæ et convictæ dissiparētur. Quod et antea, et líquido nuper in sacris Tridentini concilii decretis apparuit. Clemens Octāvus ad Neapolitanos: Pie, ait, prudenterque cogitatis de novo civitati patrōno adsciscendo, cive vestro, divinæ voluntatis Angélico intérprete, vitæ sanctitate et miraculis claro, Thomas Aquinate. Hic siquidem honor ejus virtutibus, cum admirabili doctrina conjunctis, jure óptimo debetur. Ac do-



ctrinæ quidem testis est ingens libròrum nùmerus, quos ille brevissimo tēpore in omni fere disciplinàrum gènere, singulàri òrdine, ac mira perspicuitate sine ullo prorsus errore conscripsit.

#### MENSE AUGUSTO.

##### Lectio iij.

**P**AULUS Quintus : Splendissimi, inquit, cathòlicæ fidei athlætæ, beàti Thomæ Aquinàtis, cujus scriptòrum clypeo militans Ecclésià hæreticòrum tela feliciter elúdit, honórem et veneratióem in dies magis magisque augéri, plúrimum in Dómino gaudémus. Et Leo Décimus tértius omnes suòrum Prædecessòrum laudes una compléctens et prætergrédiens, de ipso hæc habet : Ratióem, ut par est, a fide àpprime distinguens, utrámque tamen amice consòcians, utriúsque tum jura conservávit, tum dignitatí consúluit, ita quidem ut ratió ad humánum fastigium Thomæ pen- nis evécta jam fere néqueat sublímius assúrgere; neque fides a ratióne fere possit plura aut validiòra adjuménta præstolàri, quam quæ jam est per Thomam consecúta. Et iterum sanctum Thomam in váriis scientiàrum stúdiis, tamquam exémpplar cathòlicis hominibus propónens atque patrónum, ait : Præclára lúmina ànimi et ingénii, quibus ad imitatióem sui jure vocet álios, in eo sunt ómnia : doctrina ubérrima, incorrúpta, apte dispòsita : obséquium fidei, et cum veritatibus divínitis tráditis mira consensio : intégritas vitæ cum

splendóre virtútum maximárum.

#### MENSE SEPTEMBRI.

##### Lectio iij.

**D**OCTORE Angélico inter amplexus et lácrimas monachòrum Cisterciénsium Fossæ Novæ e vivis sublato, sacrum ejus corpus ibidem cònditum est : sed mónachis de tanto thesauro pie sollicitis, sæpius subinde, nunquam vero sine miráculis, loco mutátum. Septem enim post mēsisibus, Priòris jussu, clam sepúlcro subductum, dum sequenti et intempēsta nocte (Superiøre a divo Thoma per sòmnum dúrius objurgáto) clam restituitur, ad cæléstis odóris et sacris reliquiis late manántis fragrantiam excitátis mónachis, et ad ecclésiàm confluentibus, fraus detécta prodigio est, aucta sacri pignoris religio. Unde septem post annos decentiòrem in locum arcámque marmóream solénni ritu translátum, integrum adhuc, integrisque véstibus, suavissimūque spirans odórem, étiam post quatuórdecim annos repértum est; hábitus licet plenióris esset, dum viveret, locóque humilióri fuisset repósitum.

#### MENSE OCTOBRI.

##### Lectio iij.

**C**UM septuaginta quinque annis a sancti Thomæ óbitu, sacrum ejus corpus in arcem cómitis Fundénsis delátum esset, ipso sancto Doctóre matrem cómitis nec semel increpánte, quod nisi apud fratres suos libénter non quiesceret; fráterque cómitis ex equo

terræ letaliter alliso, et facto de restituendis reliquiis voto, repente sanato, comes graviorem Dei iram pertimescens, pretiosum pignus Cisterciensibus monachis, et tandem Fratribus Prædicatoribus Fundensibus consignavit. Suis Sanctus ipse reliquiis sæpius fecit fidem. De iis enim, dum adhuc in arce servarentur, dubitantibus Episcopo et comitis Fundensis matre, palam ab iisdem visus est in habitu Ordinis e loculo surgere, et cum aliquândiu tacitus coram deambulasset, eodem residere : reditoque Ordini corpore, Fratri Raymundo Fundis ad ejus sepulcrum oranti apparens, ibidem corpus suum esse contestatus est.

#### MENSE NOVEMBRI.

##### Lectio iij.

**S**ACRI depositi jacturam ægre tulere Cistercienses, de reliquiis sibi a Fratribus Prædicatoribus ablatis apud Urbânûm Quintum graviter conquesti, sed frustra, ut injuria. Placatus enim derepente, nec sine miraculo, summus Pontifex, ipso festo Corporis Christi, cujus Officium a sancto Thoma editum audierat, Ordini Prædicatorum, ejusque Generali Magistro, sancti Doctoris corpus, ejusque præterea caput, quod Cistercienses in castro Piperni seposuerant, gratulante sacro Cardinalium collegio, perpétua concessione donavit. Tolosam ejusdem auctoritate et gratia, ad conventum Ordinis transmissum, haud facile dictu, quanta pompa a Tolosatibus exceptum est.

Processit obviam ad plura miliaria Ludovicus dux Andegavensis, Caroli Quinti Regis Christianissimi frater, cum multis aliis Ecclesiæ regniq; principibus, universoque urbis clero et magistratu : populus supra centum quinquaginta millia effusus, faces ad decem et amplius millia accensæ : miraculorum denique gloria, et sanitatum gratiis cumulata lætitia.

#### FERIIS QUINTIS PER ANNUM.

##### OFFICIUM CORPORIS CHRISTI.

Feria quarta præcedenti in Vesperis Psalmi feriales, pag. 134.

##### Capitulum.

1. Cor. 11.

**D**OMINUS Jesus, in qua nocte tradebatur, accipit panem, et gratias agens fregit, et dixit : Accipite, et manducate : hoc est corpus meum, quod pro vobis tradetur.

##### Hymnus.

**P**ANGE lingua gloriosi Corporis mysterium, Sanguinisque pretiosi, Quem in mundi pretium Fructus ventris generosi Rex effudit gentium.

NOBIS datus, nobis natus Ex intacta Virgine, Et in mundo conversatus, Sparso verbi semine, Sui moras incolatus Miro clausit ordine.

IN supremæ nocte cenæ Recumbens cum fratribus, Observata lege plene Cibis in legalibus, Cibum turbæ duodenæ Se dat suis manibus.

VERBUM caro panem verum  
Verbo carnem efficit,  
Fitque Sanguis Christi me-  
rum,  
Et si sensus déficit,  
Ad firmándum cor sincérum  
Sola fides súfficit.  
Hic genuſclectatur usque ad  
Genitóri Genitóque.

TANTUM ergo Sacramén-  
tum  
Venerémur cernui :  
Et antiquum documéntum  
Novo cedat ritui :  
Præstet fides suppleméntum  
Sénsuum defectui.

GENITORI, Genitóque  
Laus et jubilatio,  
Salus, honor, virtus quoque  
Sit et benedictio :  
Procedénti ab utróque  
Compar sit laudatio. Amen.  
V. Panem de cælo præstitisti  
eis. R. Omne delectaméntum  
in se habéntem.

Ad Magnificat Aña. Memó-  
riam fecit mirábilium suórum,  
miséricors et miserátor Dómi-  
nus : escam dedit timéntibus se.

#### Oratio.

**D**EUS, qui nobis sub Sacra-  
ménto mirábili, Passiónis  
tuæ memóriam reliquisti : tri-  
bue, quæsumus, ita nos Córporis  
et Sanguinis tui sacra mystéria  
venerári, ut redemptionis tuæ  
fructum in nobis júgiter senti-  
tíamur : Qui vivis et regnas.

#### AD COMPLETORIUM.

† Extra Tempus Paschale  
super Psalmos Aña Miserére  
mihi Dómine, et exáudi ora-  
tiónem meam.

Hymnus Te lucis, et Hymni  
ad Primam, Tertiam, Sextam  
et Nonam sic concludantur :

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.  
Ad Nunc dimittis Aña. Salva  
nos Dómine vigilántes, custódi  
nos dormiéntes : ut vigilémus  
cum Christo, et requiescámus  
in pace.

† Tempore Resurrectionis su-  
per Psalmos Aña. Allelúia,  
allelúia : allelúia, allelúia.

Hymnus Jesu nostra redém-  
ptio. et Hymni ad Primam,  
Tertiam, Sextam et Nonam  
sic concludantur :

QUÆSUMUS Auctor om-  
nium,  
In hoc Pascháli gáudio,  
Ab omni mortis impetu  
Tuum defénde pópulum.

GLORIA tibi Dómine,  
Qui natus es..., ut supra.  
Ad Nunc dimittis Aña. Alle-  
lúia, Resurrexit Dóminus, al-  
lelúia : sicut dixit vobis, alle-  
lúia, allelúia.

#### AD MATUTINUM.

Invitatorium. Christum, pa-  
nem Angelórum et hóminum,  
\* Venite adorémus.

#### Hymnus.

**S**ACRIS solénniis juncta sint  
gáudia,  
Et ex præcórdiis sonent præ-  
cónia :

Recédant vétëra, nova sint  
ómnia,

Corða, voces, et ópera.  
NOCTIS recólitur cena novís-  
sima,  
Qua Christus créditur agnum  
et ázyma

Dedisse frátribus, juxta legi-  
tima

Priscis indúlta pátribus.



Post agnum typicum, explé-  
tis épu<sup>lis</sup>,

Corpus dominicum datum di-  
scipulis,

Sic totum ómnibus, quod to-  
tum singulis,

Ejus fatémur mánibus.

DEDIT fragilibus Córporis  
férculum :

Dedit et tristibus Sanguinis  
póculum,

Dicens : Accipite, quod trado,  
vásculum,

Omnes ex eo bibite.

Sic sacrificium istud insti-  
tuit,

Cujus officium committi vóluit  
Solis Presbyteris, quibus sic

cóngruit,

Ut sumant, et dent céteris.

PANIS angélicus fit panis  
hóminum :

Dat panis cælicus figúris tér-  
minum :

O res mirábilis : mandúcat  
Dóminum

Pauper, servus, et húmi-  
lis!

TE trina Déitas únaque pó-  
scimus :

Sic nos tu visita, sicut te cóli-  
mus :

Per tuas sémitas duc nos quo  
téndimus,

Ad lucem, quam inhábi-  
tas.

Amen.

#### IN NOCTURNO.

Super Psalmos sola Añã. Fru-  
ctum salutiferum gustándum  
dedit Dóminus mortis suæ  
tépore.

Psalmi novem ut in Festo  
Corporis Christi, scilicet :

Psalmus 1. Beátus vir, qui  
non ábiit, pag. 4.

Psalmus 4. Cum invocárem.,  
pag. 149.

Psalmus 15. Consérva me.,  
pag. 10.

Psalmus 19. Exáudiat te.,  
pag. 14.

Psalmus 22. Dóminus regit  
me., pag. 34.

Psalmus 41. Quemádmódu  
desiderat cervus., pag. 63.

Psalmus 42. Júdica me Deus.,  
pag. 70.

Psalmus 80. Exsultáte Deo.,  
pag. 99.

Psalmus 83. Quam dilécta.,  
pag. 100.

† Tempore Resurrectionis  
tres tantum primi Psalmi, idest  
Beátus vir., Cum invocárem.  
et Consérva me. dicantur.

℣. Panem cæli dedit eis.

℞. Panem angelórum mandu-  
cávit homo.

Duæ primæ Lectiones erunt  
de Scriptura corrente, tertia de  
Sermonibus inferius positis,  
tria Responsoria quæ sequun-  
tur :

℞. j. Qui mandúcat meam  
carnem, et bibit meum sán-  
guinem, \* In me manet, et ego  
in eo. ℣. Non est ália nátió  
tam grandis, quæ hábeat deos  
appropinquátes sibi, sicut  
Deus noster adest nobis. — In  
me manet.

℞. ij. Misit me vivens Pater,  
et ego vivo propter Patrem :  
\* Et qui mandúcat me, vivet  
propter me. ℣. Cibávit eum  
Dóminus pane vitæ, et intel-  
léctus. — Et.

℞. iij. Unus panis, et unum  
corpus multi sumus, \* Omnes,  
quí de uno pane, et de uno  
cálice Participámus. ℣. Pará-  
sti in dulcédine tua páuperi  
Deus : qui habitáre facis uná-  
nimes in domo. — Omnes.  
Glória. Participámus.

Te Deum. dicitur, nisi infra Septuagesimam.

Ante Laudes  $\Psi$ . Comédi favum cum melle meo.  $\mathcal{R}$ . Bibi vinum meum cum lacte meo.

### AD LAUDES.

Super Psalmos Aña. Sapiéntia ædificávit sibi domum : miscuit vinum, et pösuit mensam, allelúia. Psalm. Dóminus regnávit. cum ceteris, pag. 17.

Capitulum Dóminus Jesus., pag. 144\*.

### Hymnus.

**V**ERBUM supérnum pródiens,

Nec Patris linquens dexteram,

Ad opus suum éxiens,

Venit ad vitæ vésperam.

In mortem a discipulo

Suis tradéndus æmulis,

Prius in vitæ férculo

Se trádidi discipulis.

**Q**UIBUS sub bina spécie

Carnem dedit et Sanguinem :

Ut dúplici substantiæ

Totum cibáret hóminem.

**S**E nascens dedit sócium,

Convéscens in edúlium,

Se móriens in prétium,

Se regnans dat in præmium.

**O** SALUTARIS hóstia,

Quæ cæli pandis óstium :

Bella premunt hostilia,

Da robur, fer auxilium.

**U**NI trinóque Dómino

Sit sempitérna glória :

Qui vitam sine término

Nobis donet in pátria.

Amen.

$\Psi$ . Pösuit fines tuos pacem.

$\mathcal{R}$ . Et ádipe fruménti satiát te.

Ad Benedictus Aña. Ego sum panis vivus, qui de cælo descéndi : qui mandúcat ex hoc pane, vivet in ætérnum.

Oratio Deus qui nobis. etc.

### AD PRETIOSA.

Legendum est de Constitutio-  
nibus.

### AD PRIMAM.

Aña Sapiéntia ædificávit., ut in Laudibus; Capitulum Regi sæculórum immortáli.  $\mathcal{R}$ . Jesu Christe. cum  $\Psi$ . Qui natus es de Virgine Maria., Preces et Oratio In hac hora.

### AD TERTIAM.

Aña. Angelórum esca nutrití pópulum tuum, et panem de cælo præstitisti eis, allelúia.

Capitulum Dóminus Jesus., pag. 144\*.

$\mathcal{R}$ . Panem cæli \* Dedit eis. Panem.  $\Psi$ . Panem Angelórum manducávit homo. Dedit. Glória. Panem.

$\Psi$ . Cibávit eos ex ádipe fruménti.  $\mathcal{R}$ . Et de petra, melle saturávit eos.

### AD SEXTAM.

Aña. Pinguis est panis Christi, et præbébit delicias régi-  
bus, allelúia.

Capitulum. 1. Cor. 11.

**Q**UOTIESCUMQUE enim manducábitis panem hunc, et cálicem bibétis : mortem Dómini annuntiábitis donec véniat.

$\mathcal{R}$ . Cibávit eos \* Ex ádipe fruménti. Cibávit.  $\Psi$ . Et de petra, melle saturávit eos. Ex ádipe. Glória. Cibávit.

$\Psi$ . Edúcas panem de terra.  $\mathcal{R}$ . Et vinum lætificet cor hóminis.

### AD NONAM.

Aña. Vincénti dabo manna absconditum, et nomen novum, allelúia.

Capitulum. 1. Cor. 11.

**Q**UICUMQUE manducáverit panem hunc, vel biberit cálicem Dómini indigne : reus erit córporis, et sánguinis Dómini.

*kz.* Edúcas panem \* De terra. Edúcas. *ŷ.* Et vinum lætíficet cor hóminis. De terra. Glória. Edúcas.

*ŷ.* Pósuit fines tuos pacem. *kz.* Et ádipe fruménti satiat te. Dicta Nona terminatur hoc Officium.

Pro tertia Lectione dicitur singulis mensibus una ex sequentibus suo ordine notatis.

## MENSE DECEMBRI.

Sermo sancti Thomæ Aquinátis.

Opusc. 57. Lectio iij.

**I**MMENSA divínæ largitátis beneficia, exhibita pópulo christiáno, inæstimáblem ei cóferunt dignitátem. Neque enim est, aut fuit aliquándo tam grandis nátio, quæ hábeat deos appropinquántes sibi, sicut adest nobis Deus noster. Unigénitus siquidem Dei Filius, suæ divinitátis volens nos esse participes, nostram natúram assúpsit : ut hómines Deos fáceret, factus homo. Et hoc insuper, quod de nostro assúpsit, totum nobis cóntulit ad salutem. Corpus namque suum pro nostra reconciliatíone in ara crucis hóstiam obtulit Deo Patri; sánguinem suum fudit in prétium simul et lavácrum : ut redépti a miserábili servitúte, a peccátis omnibus mundarémur.

## MENSE JANUARIO.

De Sermóne sancti Thomæ Aquinátis.

Opusc. 57. Lectio iij.

**U**T autem tanti beneficii júgis in nobis manéret memória, corpus suum in cibum, et sánguinem suum in potum, sub spécie panis et vini suméndum fídelibus dereliquit. O pretiósus et admirándum convívium, salutíferum, et omni suavitate replétum! Quid enim hoc convívio pretiósus esse potest? in quo non carnes vitulórum et hircórum, ut olim in Lege, sed nobis suméndus propónitur Christus, verus Deus. Quid hoc Sacraménto mirabílius? In ipso namque panis et vinum in Christi Corpus et Sánguinem substantiáliter convertúntur : ideóque Christus Deus, et homo perfectus, sub módicis panis et vini spécie continétur.

## MENSE FEBRUARIO.

De Sermóne sancti Thomæ Aquinátis.

Opusc. 57. Lectio iij.

**M**ANDUCATUR itaque a fídelibus, sed míme lacerátur : quinimmo, diviso Sacraménto, sub qualibet divisiónis partícula integer perseverat. Accidentia autem sine subiecto in eódem subsístunt : ut fides locum hábeat, dum visibile invisíbiliter súmitur, aliéna spécie occultátum : et sensus a deceptíone reddántur immúnes, qui de accidentibus júdicant sibi notis. Nullum étiam Sacraméntum est isto salúbrius, quo purgántur peccáta, virtútes augéntur, et mens



omnium spiritalium charismatum abundantia impinguatur. Offertur in Ecclesia pro vivis, et mortuis : ut omnibus prosit, quod est pro salute omnium institutum.

#### MENSE MARTIO.

De Sermonem sancti Thomae Aquinatis.

Opusc. 57. Lectio iij.

CONVENIT itaque devotioni fidelium, solemniter recollere institutionem tam saluti-feri, tamque mirabilis Sacramenti : ut ineffabilem modum divinae praesentiae in Sacramento visibili veneremur, et laudetur Dei potentia, quae in Sacramento eodem tot mirabilia operatur : necnon et de tam salubri, tamque suavi beneficio exsolvantur Deo debitae gratiarum actiones.

#### MENSE APRILI.

Sermo sancti Joannis Chrysostomi.

Ex Hom. 6o. ad pop. Antioch.

Lectio iij.

QUOT nunc dicunt, Vellem ipsius Christi formam aspicere, figuram, vestimenta, calceamenta! Ecce eum vides, ipsum tangis, ipsum manducas. Et tu quidem vestimenta cupis videre : ipse vero tibi concedit non tantum videre, verum et manducare, et tangere, et intra te sumere. Igitur accedat nemo cum nausea, nemo resolutus : omnes accensi, omnes ferventes, et excitati. Nam si Judaei stantes, et calceamenta in pedibus habentes, et baculos manibus gestantes, agnum cum festinatione comedebant; te multo magis oportet esse solertem.

#### MENSE MAIO.

Sermo sancti Joannis Chrysostomi.

(Ex Hom. 6o. ad pop. Antioch.)

Lectio iij.

QUO non oportet igitur esse puriorem, tali fruente sacrificio? Quo solari radio non splendidiorem manum, carnem hanc dividenter? Os, quod igne spiritali repletur; linguam, quae tremendo nimis sanguine rubescit? Cogita, quali sis insignitus honore, quali mensa fruaris. Quod Angeli videntes horrescunt, neque libere audent intueri propter emicantem inde splendorem, hoc nos pascimur, huic nos unimur, et facti sumus unum Christi corpus, et una caro. Quis loquetur potentias Domini, auditas faciet omnes laudes ejus? Quis pastor oves proprio pascit cruore?

#### MENSE JUNIO.

Sermo sancti Joannis Chrysostomi.

(Ex Hom. 6o. ad pop. Antioch.)

Lectio iij.

Unicuique fidelium, quae est tertia in Feria secunda infra Octavam Corporis Christi.

#### MENSE JULIO.

Ex Epistola sancti Cypriani Episcopi et Martyris ad Caecilium.

(Lib. 2. Epist. 3. sub init.)

Lectio iij.

In sacerdote Melchisedech, quae est tertia in Feria tertia infra Octavam Corporis Christi.

## MENSE AUGUSTO.

Ex Libro sancti Ambrósii Episcopi de Sacraméntis.  
(Lib. 4. cap. 4.)

Lectio iij.

Auctor Sacraméntórum., quæ est tertia in Feria quarta infra Octavam Corporis Christi.

## MENSE SEPTEMBRI.

Sermo sancti Augustini Episcopi.

(Tract. 26. in Joannem.)

Lectio iij.

Expónens nobis Apóstolus., quæ est prima secundi Nocturni in Octava Corporis Christi.

## MENSE OCTOBRI.

De Sermóne sancti Augustini Episcopi.

(Tract. 26. in Joannem.)

Lectio iij.

Hunc itaque cibum., quæ est secunda secundi Nocturni in Octava Corporis Christi.

## MENSE NOVEMBRI.

Homilia sancti Augustini.

Episcopi.

(Tract. 26. in Joannem.)

Lectio iij.

Quam multi de altári., quæ est tertia tertii Nocturni in Octava Corporis Christi.

¶ Quando vero, propter impedimentum aliquod, hoc Officium votivum Corporis Christi intermittitur, nihilominus Memoria fit de eo in Vesperis per Añam. Memóriam fecit., ¶ Panem de cælo. et Orationem Deus, qui nobis.; in Laudibus vero per Añam Ego sum panis vivus., ¶. Pósuit fines. et Orationem Deus qui nobis., nisi temporibus signatis in Rubricis generalibus, § xxxij. numero 7.

IN SABBATIS PER ANNUM.

## OFFICIUM

B. MARIE VIRGINIS.

Feria sexta præcedenti in Vesperis Psalmi feriales cum suis Antiphonis, pag. 138.

Capitulum. Eccli. 24.

**S**ICUT cinnamómum et bálsamum aromatizans odórem dedi : quasi myrrha elécta dedi suavitátem odóris.

Hymnus Ave maris stella., pag. 1\*.

¶ Ora pro nobis sancta Dei Génitrix. R. Ut digni efficiámur promissionibus Christi.

## PER ADVENTUM :

Ad Magnificat vel ad Memoriam in Vesperis Aña. O Virgo virginum, quómodo fiet istud? Quia nec primam símilem visa es, nec habére sequéntem. Filia Jerúsalem, quid me admirámini? Divínium est mystérium hoc quod cérnitis.

## Oratio.

**D**EUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti, præsta supplicibus tuis : ut qui vere eam Genitricem Dei crédimus, ejus apud te intercessionibus adjuvémur. Per eúdem.

AB OCTAVA EPIPHANIE  
AD FESTUM PURIFICATIONIS :

Ad Magnificat vel ad Memoriam in Vesperis Aña. O admirábile commércium! Créator géneris humáni, animátum corpus sumens, de Virgine nasci dignátus est : et procedens homo sine sémine largitus est nobis suam Deitátem.

## Oratio.

**D**EUS, qui salutis æternæ, beatæ Mariæ virginitate fecunda, humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus Auctorem vitæ suscipere : Dominum nostrum Jesum Christum Filium tuum, qui tecum vivit.

† Quando prædicta Oratio dicitur ad Memoriam, et eam sequitur alia Memoria, terminetur sic : Auctorem vitæ suscipere Christum Dominum nostrum. Iꝯ. Amen.

## A FESTO PURIFICATIONIS

## AD RAMOS PALMARUM :

Ad Magnificat vel ad Memoriam in Vesperis Añæ. Alma Redemptoris Mater, quæ pervia cæli porta manes, et stella maris, succurre cadenti, surgere qui curat, populo. Tu, quæ genuisti, natura mirante, tuum sanctum Genitorem, Virgo prius ac postèrius, Gabriëlis ab ore sumens illud Ave, peccatorum miserere. Oratio.

**C**ONCEDE nos famulos tuos, quæsumus Domine Deus, perpétua mentis et corporis salute gaudere : et gloriosa beatæ Mariæ semper Virginis intercessione a præsentī liberari tristitia, et æterna perfrui lætitia. Per.

## TEMPORE PASCHALI :

Ad Magnificat vel ad Memoriam in Vesperis Añæ. Regina cæli lætare, allelúia : quia quem meruisti portare, allelúia. resurrexit sicut dixit, allelúia. Ora pro nobis Deum, allelúia. (Tempore Ascensionis, in præcedenti Antiphona, pro verbo

resurrexit., dicatur : jam ascendit.)

Oratio Concede nos famulos tuos., ut supra in Officio post festum Purificationis.

## AB OCTAVA TRINITATIS

## AD ADVENTUM :

Ad Magnificat vel ad Memoriam in Vesperis Añæ. Alma Redemptoris Mater. et Oratio Concede nos famulos., ut supra in Officio post festum Purificationis.

## AD COMPLETORIUM.

Super Psalmos Añæ. Virgo Maria, non est tibi similis nata in mundo inter mulieres, florens ut rosa, fragrans sicut lilium : ora pro nobis sancta Dei Génitrix.

† In Hymno Completorii et in Hymnis ejusdem metri duæ ultimæ Strophæ Mariæ Mater grátia. et Glória tibi Dómine, Qui natus es de Virgine. quibus immediate præmittitur Resurrectionis Tempore Strophæ Quæsumus, Auctor omnium.

Ad Nunc dimittis Añæ. Sub tuum præsidium confúgimus sancta Dei Génitrix : nostras deprecationes ne despicias in necessitatibus, sed a periculis cunctis libera nos semper Virgo benedicta.

† Quando sit Officium B. Virginis in Sabbato, tam in choro quam extra tenentur Fratres dicere ante Matutinum quindecim Psalmos Graduales modo et ordine pagina 158\*. notatis.

## AD MATUTINUM.

Invitorium. Ave Maria grátia plena : \* Dóminus tecum. Hymnus Quem terra., pag. 2\*.



## IN NOCTURNO.

Super Psalmos sola Aña. Paradisi porta per Hevam cunctis clausa est, et per Mariam Virginem iterum patefacta est. Psalmus Dómine Dóminus noster. cum octo ceteris, ut in Festis beatæ Mariæ V. pag. 2\*. et sequentibus.

† Tempore Resurrectionis, dicantur tantum tres primi Psalmi.

℣. Speciósá facta es, et suávis. ℞. In deliciis tuis sancta Dei Génitrix.

Benedictio Oret voce pia. cum ceteris duabus tertii Nocturni de B. Maria V.

Prima et secunda Lectio de Feria currente, tertia de his quæ signantur infra, cum his tribus Responsoriis :

℞. j. Dum esset rex in accúbitu suo, \* Nardus mea dedit odórem suum. ℣. Pulchra sum, et decóra, filiæ Jerúsalem. — Nardus.

℞. ij. Ave María grátia plena : \* Dóminus tecum. ℣. Benedicta tu in muliéribus, et benedictus fructus ventris tui. — Dóminus tecum.

℞. iij. Virgo parens Christi, paritúra Deum genuisti : fúl-gida stella maris, nos prótege, nos tuéaris : \* Dum paris, et gaudes, Cantant cæli ágmina laudes. ℣. Intercéde pia pro nobis Virgo María. — Dum paris. Glória. Cantant cæli.

Te Deum. semper dicatur, præterquam infra Septuagesimam.

Ante Laudes ℣. Ora pro nobis sancta Dei Génitrix. ℞. Ut digni efficiámur promissionibus Christi.

## AD LAUDES.

Super Psalmos Aña. Post partum Virgo invioláta permansisti : Dei Génitrix intercéde pro nobis. Psalmus Dóminus regnávít. cum ceteris pag. 17.

Capitulum Sicut cinnamó-mum., ut in Vesperis; Hymnus O gloriósá Dómina., pag. 10\*.

℣. Elégit eam Deus, et præ-elégit eam. ℞. Et habitáre eam facit in tabernáculo suo.

## PER ADVENTUM :

Ad Benedictus vel ad Memoriam in Laudibus Aña. Spiritus sanctus in te descéndet María : ne timeas, habébis in útero Filium Dei, allelúia.

## Oratio.

**D**EUS, qui de beatæ Mariæ Virginis útero Verbum tuum, Angelo nuntiánte, carnem suscipere voluisti, præsta supplicibus tuis : ut qui vere eam Genitricem Dei credimus, ejus apud te intercessionibus adjuvémur. Per eúndem.

† Hæc Oratio dicatur etiam ad Tertiam, Sextam et Nonam.

AB OCTAVA EPIPHANIE  
AD FESTUM PURIFICATIONIS :

Ad Benedictus vel ad Memoriam in Laudibus Aña. Génuit puérpera Regem, cui nomen ætérnum : et gáudia matris habens cum virginitátis honóre, nec primam símilem visa est, nec habére sequéntem, allelúia.

† Infra Septuagesimam omit-titur Allelúia.

## Oratio.

**D**EUS, qui salutis æternæ, beætæ Mariæ virginitate secunda, humano generi præmia præstitisti : tribue, quæsumus, ut ipsam pro nobis intercedere sentiamus, per quam meruimus Auctorem vitæ suscipere : Dñm nostrum Jesum Christum Filium tuum, qui tecum vivit.

† Quando prædicta Oratio dicitur ad Memoriam, et eam sequitur alia Memoria, terminetur sic : Auctorem vitæ suscipere Christum Dñm nostrum. R. Amen.

† Prædicta Oratio Deus qui salutis æternæ. dicatur ad Tertiam, Sextam et Nonam

## A FESTO PURIFICATIONIS

## AD RAMOS PALMARUM :

Ad Benedictus vel ad Memoriam in Laudibus Añ. Ave stella matutina, peccatorum medicina, mundi princeps et regina, sola Virgo digna dici : contra tela inimici clypeum pone salutis, tuæ titulum virtutis. O sponsa Dei electa esto nobis via recta ad æterna gaudia.

## Oratio.

**C**ONCEDE nos famulos tuos, quæsumus Dñe Deus, perpétua mentis et corporis salute gaudere : et gloriosa beætæ Mariæ semper Virginis intercessione a præsentis liberari tristitia, et æterna perfrui lætitia. Per.

† Hæc Oratio dicatur ad Tertiam, Sextam et Nonam.

## TEMPORE PASCHALI :

Ad Benedictus vel ad Memoriam in Laudibus Añ. Beata Dei Génitrix Maria, Virgo perpétua, templum Dñi, sa-

crarium Spíritus sancti, tu sola sine exemplo placuisti Dño nostro Jesu Christo. Ora pro pòpulo, interveni pro clero, intercede pro devòto femineo sexu, allelúia.

Oratio Concede nos famulos tuos., ut supra in Officio post Festum Purificationis.

† Prædicta Oratio dicatur ad Tertiam, Sextam et Nonam.

## AB OCTAVA TRINITATIS

## AD ADVENTUM :

Ad Benedictus vel ad Memoriam in Laudibus Añ. Ave stella matutina. et Oratio Concede nos famulos tuos. ut supra in Officio post Festum Purificationis.

† Prædicta Oratio dicatur ad Tertiam, Sextam et Nonam.

## AD PRETIOSA.

Legendum est de Constitutionibus.

## AD PRIMAM.

Añ. Dignare me laudare te Virgo sacrata : da mihi virtutem contra hostes tuos.

Capitulum Regi sæculorum immortalí., R. Jesu Christe. cum ꝑ. Qui natus es de Virgine Maria.; Preces et Oratio In hac hora.

## AD TERTIAM.

Añ. Gaude Maria Virgo, cunctas hæreses sola interemisti in univérso mundo.

Capitulum Sicut cinnamomum., pag. 150\*.

R. Sancta Maria mater Christi, \* Audi rogantes servulos. Sancta. ꝑ. Et impetratam nobis cælitus tu defer indulgentiam. Audi. Glória. Sancta.

ꝑ. Ora pro nobis sancta Dei Génitrix. R. Ut digni efficiamur promissionibus Christi.

## AD SEXTAM.

Añā. In prole Mater, in partu Virgo, gaude et lætare Virgo Mater Dómini.

Capitulum. Eccli. 24.

**E**T radicavi in pópulo honorificáto, et in parte Dei mei heréditas illius, et in plenitúdine sanctorum deténtio mea.

R. Ora pro nobis \* Sancta Dei Génitrix. Ora. V. Ut digni efficiámur promissionibus Christi. Sancta. Glória. Ora.

V. Elégit eam Deus, et præelégit eam. R. Et habitare eam facit in tabernáculo suo.

## AD NONAM.

Añā. Beata Mater et intácta Virgo, gloriósa Regína mundi, intercède pro nobis ad Dóminum.

Capitulum. Eccli. 24.

**Q**UASI cedrus exaltáta sum in Libano, et quasi cypréssus in monte Sion : quasi palma exaltáta sum in Cades, et quasi plantatio rosæ in Jéricho.

R. Elégit eam Deus, \* Et præelégit eam. Elégit eam. V. Et habitare eam facit in tabernáculo suo. Et præelégit eam. Glória. Elégit eam.

V. Sancta Dei Génitrix, Virgo, semper María. R. Intercède pro nobis ad Dóminum Deum nostrum.

Dicta Nona terminatur hoc Officium.

Pro tertia Lectione dicitur per unumquemque mensem una ex iis, quæ hic subnectuntur.

## MENSE DECEMBRI.

Ex Homilia sancti Bernárdi Abbátis.

(3. In Evang. Missus est.)  
Lectio iij.

**C**UM audisset María Angelum, turbáta est in sermone, et cogitabat qualis esset ista salutatio. Solent virgines, quæ veræ virgines sunt, semper pávidæ, et nunquam esse securæ; et ut caveant timéndæ, étiam tuta pertimescere : sciéntes se in vasis fictilibus thesaurum portare pretiosum, et nimis árduum esse vivere angélice inter hómines, et in terris more cælestium conversári. Ac proinde quidquid novum, quidquid súbitum fuerit ortum, suspéctas habent insidias, totum contra se æstimant machinatum. Idcirco et María turbáta est in sermone Angeli. Turbáta est, sed non perturbáta : et cogitabat qualis esset ista salutatio. Quod turbáta est, verecúndiæ fuit virginális : quod non perturbáta, fortitúdinis : quod tácuít, et cogitávit, prudéntiæ singuláris.

## MENSE JANUARIO.

Ex Homilia sancti Augustini Episcopi.

(5. In Nativitate Domini.)  
Lectio iij.

**H**UNC péperit Virgo mater, qui Deo filios fáceret, qui senténtiam prævaricacónis excluderet, pœnam mortis eriperet, et vitam perpétuam credéntibus condonáret. Portávit in útero filium, et hunc forma servi fudit in terris, quem in forma Dei Angeli ve-



nerantur in cælis. Péperit filium mater, a quo ipsa nutreretur potius, quam nutriret. Mortali alvo immortalē suscepit hospitē, et in terrēstri hospitio cælestē Imperatorem Virgo suscepit. Fecit gravidam virginem ipse, qui erat nasciturus ex virgine : expavit in partu suo mater : Deus per Angelum loquebatur, et Virgo auribus imprægnabatur. Audiat omnis ætas, quod nunquam audivit : Virgo partu suo nupsit; virginitatem, dum pareret, duplicavit : filium, quem genuit, adoravit.

#### MENSE FEBRUARIO.

Ex sancto Joanne Damasceno.  
(In Orat. 3. de Dormit.  
B. Virginis.)

##### Lectio iij.

**U**LNIS virgineis splendor gloriæ, substantiæ paternæ character, qui omnia portat verbo virtutis suæ, infantis in modum portatur. O vere divina miracula! O mysteria naturæ atque cogitatione superiora! O Virginis prærogativas, humanæ conditione majores! Quodnam ingens hoc, o sacra mater et Virgo, circa te mysterium! Benedictus fructus ventris tui. Beata tu in generationibus, solaque digna, quæ beata prædiceris. Tu enim es solium illud regium, cui Angeli astiterunt, suum herum et Dominum adorantes. Tu spiritalis Eden, antiqua illa sanctior ac divinius. Siquidem in illa terrēnus Adam commorabatur : in te autem Dominus, qui de cælo descendit.

#### MENSE MARTIO.

Ex sancto Epiphânio  
Episcopo.

(De Laudibus S. Deiparæ.,  
Lectio iij.)

**S**OLO Deo excépto, cunctis superior est Virgo Maria. Ipsis quippe Chérubim atque Séraphim, ac univérso Angelorum exercitu pulchrior existit, cui prædicandæ cæli et terræ lingua non sufficit, immo vero nec Angelorum. Etenim ipsi quidem hymnum, laudem, et honorem obtulerunt : nec tamen eo modo pro dignitate eloqui potuerunt. Lætabantur vero Angeli tamquam ipsi dumtaxat Deum haberent; quibus sanctissima Virgo superior facta, habitantem in cælis Deum, in terra concepit : ut hac ratione Angelorum exercitus hominibus consertos in terram traheret. Ipsa enim cæli et terræ mediatrix, utriusque unionem perégit, et Spiritus sancti imbrem in terram ad producendum fidei fructum demisit.

#### MENSE APRILI.

Ex sancto Epiphânio  
Episcopo.

(De Laudibus S. Deiparæ.,  
Lectio iij.)

**P**ER te, Virgo sancta, médiū maceriæ parietem, inimicitias Christus dissolvit : per te pax cælestis donata est mundo : per te orbis fines illuminati sunt : per te homines facti sunt Angeli : per te iidem amici, servique, ac Dei filii appellati sunt : per te meruerunt effici conservi Angelorum et cum eis familiariter conversari : per te cælestis notitia, et laudatio e terra in cælos trans-

míttitur : per te crux respéndit in uníversum mundum, in qua quídem cruce pepéndit fílius tuus Christus Dóminus noster : per te mors conculcátur, et spoliátur inférnus : per te ceciderunt idóla, et excitáta est notítia cæléstis : per te cognóvimus unigénitum Fílium Dei, quem sinu tuo peperisti.

#### MENSE MAIO.

Ex sancto Joánnē  
Chrysóstomo.

(In Serm. de Nativ. Domini.)

#### Lectio iij.

**Q**UONIAM homínibus genus muliebre beneficium débát, útpote quod Adam sine muliere mulierem produxerat, propterea Virgo sine viro péperit, ut pro Heva débitum viris exsólveret. Ut enim non superbíret Adámus, quod sine muliere mulierem genuísset, idcirco mulier sine viro péperit virum : ut miráculi communióne, natúræ æqualitatem osténderet. Et quemádmódum costam ábstulit ex Adámo, et Adámu nihil imminuit : sic in Virgine animátum templum effínxit, et virginitatem mínime solvit. Salvus et incólumis remánsit étiam post costæ privatióne Adámus : incorrupta quoque Virgo permánsit, postquam ex ea pródiit Deus infans.

#### MENSE JUNIO.

Ex sancto Petro Chrysólogo.

(Serm. 3. in Annuntiat.)

#### Lectio iij.

**N**E mirémur ab Angelo Virgíne salutári : quia semper est Angelis cognáta virgíntas. In carne præter carnem vívere, non terréna vita est, sed cæléstis. Et si vul-

tis scire, Angélicam glóriam acquirere majus est quam habére : esse Angelum, felicitátis est; virgíne esse, virtútis. Virgíntas enim hoc óbtenet víribus, quod habet Angelus ex natúra. Angelus ergo, et virgo divínium agunt officium, non humánium. Grátiam ergo détulit Angelus : accépit Virgo, salutem sæculis redditúra. Ave, inquit, grátia plena : quia singulis grátia sese per partes largita est; Mariæ vero simul se totam dedit grátie plenitúdo.

#### MENSE JULIO.

Ex sancto Ambrósio.

(Lib. 2. de Virginibus, cap. 2.)

#### Lectio iij.

**S**IT vobis tamquam in imáginē descripta virgíntas, vitæ beátæ Mariæ, de qua velut in spéculo refúlget spécies castitátis, et forma virtútis. Hinc sumátis licet exémp-la vivédi, ubi tamquam in exemplári magistéria expressa probitátis, quid corrigere, quid effúgere, quid tenére debeátis, osténdunt. Primus discédi ardor, nobilitas est magístri. Quid nobílius Dei Matre? Quid splendídus ea, quam splendor elégit? Quid cástius ea, quæ corpus sine córporis contagióne generávit? Nam de céteris ejus virtútibus quid loquar? Virgo erat non solum córpore, sed étiam mente, quæ nullo doli ámbitu sincérum adulteráret afféctum. Corde húmílis, verbis gravis, ánimo prudens, loquédi párcior, legédi studiósior; non in incérto divitiárum, sed in prece páuperis spem repónens.

## MENSE AUGUSTO.

Ex sancto Joanne Damasceno.

(Orat. 3. in Dormit.  
B. Virginis.)

Lectio iij.

**O** QUOMODO fons vitæ ad vitam média trahitur morte? O quomodo ea, quæ in partu naturæ leges excēsserat, ipsius demum légibus cedit, corpúsque immaculatum morti subjecit? Opórtet enim corruptibile hoc indüere incorruptionem : præsertim cum ne ipse quidem naturæ Dóminus mortis periculum fácere recusárit. Etenim carne móritur, ac morte mortem de médio tollit : incorruptionem donat, ac mortem resurrectionis fontem efficit. O quomodo sanctam illam animam e tabernáculo, quod Deum suscepérat, emigrantem, suis manibus, ille ómnium rerum parens et effector, excēpit! Legítimè enim eam honorans, quam natura quidem ancillam, sed grátiae dispensatione matrem effecit : vere scilicet incarnátus, ac non velut præstigiis quibúsdam humanitatem effingens.

## MENSE SEPTEMBRI.

Ex sancto Bernárdo.

(Serm. de Nativitate beatæ  
Mariæ Virginis.)

Lectio iij.

**I**NTUEAMINI, fratres, quanto devotiõnis afféctu a nobis Mariam volúerit honorári, qui totius boni plenitudinem posuit in Maria : ut proinde, si quid spei in nobis est, si quid grátiae, si quid salutis, ab ea

novérimus redundáre, quæ ascendit deliciis affluens. Hortus plane deliciarum, quem non modo affláverit véniens, sed et perfláverit superveniens Auster ille divinus, ut úndique fluant, et éfluant aromata ejus, charismata scilicet gratiarum. Totis ergo medúllis córdium, totis præcordiórum afféctibus, et votis ómnibus Mariam hanc venerémur : quia sic est volúntas ejus, qui totum nos habere voluit per Mariam.

## MENSE OCTOBRI.

Ex sancto Ambrósio.

(Lib. 2. de Virgin. cap. 2.)

Lectio iij.

**T**ALIS fuit Virgo Maria, ut ejus vita ómnium sit disciplina. Si igitur auctor non displicet, opus probémus, ut quæcúmque sibi ejus exóptat præmium, imitétur exéplum. Quantæ in una Virgine species virtutum émicant! Secrétum verecúndiæ, vexillum fidei, devotiõnis obséquium; virgo intra domum, comes ad ministérium, mater ad templum. O quantis illa virginibus occurreret, quantas complexa ad Dóminum trahet, dicens : Hæc torum filii mei, hæc thálamus nuptiáles immaculato pudóre servávit! Quenádmodum eas ipse Dóminus commendábit Patri, nimirum illud répetens suum : Pater juste, mundus me non cognóvit : istæ autem me cognovérunt, et mundum cognóscere noluerunt! Quanta tunc Angelórum lætitia plaudéntium, quod habitáre Virgo mereátur in cælo, quæ cælesti vita vixit in sæculo!



## MENSE NOVEMBRI.

Ex Homilia sancti Bernárdi  
Abbátis.

(1. in Evang. Missus est.)

Lectio iij.

**Q**UÆ est Virgo tam venerábilis, ut salutétur ab Angelo; tam húmilis, ut desponsáta sit fabro? Pulchra permístio virginitátis et humilitátis: nec mediócritér placet Deo illa ánima, in qua et humilitas comméndat virginitátem, et virginitas exórnat humilitátem. Audis virginem, audis húmilem. Si non potes virginitátem húmilis, imitáre humilitátem virginis. Laudábilis virtus virginitas, sed magis necessariá humilitas. Illa consúlitur, ista præcipitur: ad illam invitáris, ad istam cógeris: illa remunerátur, ista exigitur: potes dénique sine virginitáte salvári, sine humilitáte non potes. Potest enim placére humilitas, quæ virginitátem deplórat amíssam: sine humilitáte autem, áudeo dicere, nec Mariæ virginitas placuisset.

¶ Quando propter aliquod impedimentum intermittitur Officiu beatae Mariæ in Sabbatis, et de ea facienda est Memoria, ut dicitur in Rubr. Gen. § xxxij. n. 7. fiat in Vesperis et in Laudibus per Añas. et Orationes supra positas, pro diversitate Temporum.

## PSALMI GRADUALES.

Hi quinque Psalmi dicantur sub uno Réquiem. : Ps. Ad Dóminum cum tribulárer., pag. 165\*; Ps. Levávi oculos

meos., pag. 166\*; Ps. Lætátus sum., ibidem; Ps. Ad te levávi., pag. 167\*; Ps. Nisi quia Dóminus., ibidem.

Deinde Pater... Et ne nos indúcas in tentatiónem. R. Sed libera nos a malo.

¶ A porta inferi. R. Erue Dómine ánimas eórum.

Dóminus vobiscum. R. Et cum spiritu tuo.

Orémus.

Oratio.

**A**BSOLVE, quæsumus Dómine, ánimas famulórum famularúmque tuárum ab omni vínculo delictórum: ut in resurrectionis glória inter Sanctos et electos tuos resuscitáti respírent. Per Christum.

Hi alii quinque Psalmi dicantur singuli cum Glória Patri. : Ps. Qui confidit., pag. 167\*; Ps. In converténdo., pag. 168\*; Ps. Nisi Dóminus., ibidem; Ps. Beáti omnes., pag. 169\*; Ps. Sæpe expugnáverunt me., ibidem.

Deinde Kyrie eléison. Christe eléison. Kyrie eléison. Pater noster... Et ne nos indúcas in tentatiónem. R. Sed libera nos a malo.

¶ Memor esto congregatiónis tuæ. R. Quam possedisti ab initio.

Dóminus vobiscum. R. Et cum spiritu tuo.

Orémus.

Oratio.

**D**EUS, cui próprium est miseréri semper et párcere, súscipe deprecationem nostram: ut quos delictórum cæténa constringit misératio tuæ pietátis cleménter absólvat. Per Christum.

Isti alii quinque Psalmi dicantur singuli cum Glória Patri. :

Ps. De profundis., pag. 169\*;  
Ps. Dómine non est exaltá-  
tum., pag. 170\*;  
Ps. Meménto Dómine David., pag. 173\*;  
Ps. Ecce quam bonum., ibidem;  
Ps. Ecce nunc benedicite Dó-  
minum., ibidem.

Deinde Kyrie eléison. Christe  
eléison. Kyrie eléison. Pater  
noster... Et ne nos indúcas in  
tentatióem. R. Sed libera  
nos a malo.

¶ Salvos fac servos tuos et  
ancillas tuas. R. Deus meus  
sperántes in te.

Dóminus vobiscum. R. Et  
cum spiritu tuo.

Orémus.

Oratio.

**P**RÆTENDE Dómine fámulis  
et famulábus tuis dexteram  
cæléstis auxilii : ut te toto  
corde perquirant, et quæ digne  
póstulant assequántur. Per  
Christum.

## OFFICIUM QUOTIDIANUM B. MARIE V.

¶ Officium quotidianum bea-  
tæ Virginis dicendum est pro  
Tempore ante Horas canoni-  
cas, excepto Completorio quod  
post Completorium de Tem-  
pore, vel de Sancto dicendum  
est ante Añam Salve Régina.

### AD MATUTINUM.

¶ Ave María grátia plena,  
Dóminus tecum. R. Benedícta  
tu in muliéribus, et benedictus  
fructus ventris tui Jesus.

¶ Iste X. Ave María... cum  
R. Benedícta tu... dicatur in  
principio et in fine Horarum,  
(præterquam in fine Nocturni,  
in principio Laudum et in fine  
Completorii). Si tamen aliqua

Hora aliam Horam immediate  
sequitur, prædictus X. nonnisi  
semel inter utramque dicitur.

¶ Dómine lábia mea apé-  
ries. R. Et os meum annuntiá-  
bit laudem tuam.

¶ Deus in adjutórium meum  
inténde. R. Dómine ad adju-  
vándum me festina. Glória  
Patri, et Filio, et Spiritui san-  
cto. Sicut erat in principio, et  
nunc, et semper, et in sæcula  
sæculórum. Amen. Allelúia.

¶ A Septuagesima vero usque  
ad Pascha omissio Allelúia.,  
dicitur Laus tibi Dómine, Rex  
ætérnæ glóriæ.

Invitatorium. Regem Virgi-  
nis Filium \* Veníte adorémus.

### Psalmus 94.

**V**ENITE, exsultémus Dómi-  
no, jubilémus Deo salutári  
nostro : præoccupémus faciém  
ejus in confessiône, et in psal-  
mis jubilémus ei.

Regem Virginis Filium Ve-  
níte adorémus.

¶ Quóniam Deus magnus  
Dóminus, et Rex magnus su-  
per omnes deos : quóniam  
non repéllet Dóminus plebem  
suam : quia in manu ejus sunt  
omnes fines terræ, et altitúdi-  
nes móntium ipse cónspicit.

Venite adorémus.

¶ Quóniam ipsius est mare,  
et ipse fecit illud, et áridam  
fundavérunt manus ejus. Ve-  
níte adorémus, et procidámus  
ante Deum, plorémus coram  
Dómino, qui fecit nos : quia  
ipse est Dóminus Deus noster :  
nos autem pópulus ejus, et  
oves pásquæ ejus.

Regem Virginis Filium Ve-  
níte adorémus.

¶. Hódie si vocem ejus audieritis, nolite obdurare corda vestra, sicut in exacerbatione secundum diem tentationis in deserto : ubi tentaverunt me patres vestri, probaverunt et viderunt opera mea.

Venite adorémus.

¶. Quadraginta annis proximus fui generationi huic, et dixi : Semper hi errant corde : ipsi vero non cognoverunt vias meas, quibus juravi in ira mea : Si introibunt in requiem meam.

Regem Virginis Filium Venite adorémus.

¶. Glória Patri, etc. Sicut erat, etc.

Venite adorémus.

Regem Virginis Filium Venite adorémus.

Hymnus.

QUEM terra, pontus, æthera Colunt, adorant, prædicant,

Trinam regentem machinam Claustrum Mariæ bájulat.

Cui luna, sol, et omnia Deserviunt per tempora, Perfusa cæli grátia, Gestant puellæ viscera.

BEATA mater múnere, Cujus supérnus Artifex, Mundum pugillo cóntinens, Ventris sub arca clausus est.

BEATA cæli núntio, Fecunda sancto Spíritu, Desiderátus géntibus Cujus per alvum fusus est.

MARIA mater grátiae, Mater misericórdiæ, Tu nos ab hoste prótege, Et hora mortis suscipe.

GLORIA tibi Dómine, Qui natus es de Virgine, Cum Patre et sancto Spíritu In sempitérna sæcula. Amen.

IN NOCTURNO.

Psalmus 8.

DÓMINE Dóminus noster, \* quam admirábile est nomen tuum in univérsta terra!

Quóniam eleváta est magnificéntia tua, \* super cælos.

Ex ore infántium et lacténtium perfecisti laudem propter inimicos tuos, \* ut destruas inimicum et ultórem.

Quóniam vidébo cælos tuos, ópera digitórum tuórum : \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam visitas eum?

Minuisti eum paulo minus ab Angelis, glória et honóre coronásti eum : \* et constituisti eum super ópera mánuum tuárum. Omnia subjecisti sub pédibus ejus, \* oves et boves univérstas : insuper et pécora campi.

Vólucres cæli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsta terra!

Glória Patri.

Psalmus 18.

CÆLI enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti indicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exiit sonus eórum : \* et in fines orbis terræ verba eórum.

In sole pósuit tabernáculum suum : \* et ipse tamquam sponsus procedens de thálamo suo :



Exsultávit ut gigas ad curréndam viam, \* a summo cælo egressio ejus :

Et occúrsum ejus usque ad summum ejus : \* nec est qui se abscondat a calore ejus.

Lex Dómini immaculáta convertens ánimas : \* testimónium Dómini fidèle, sapiéntiam præstans párvulis.

Justitiæ Dómini rectæ, lætificántes corda : \* præcéptum Dómini lúcidum, illúminans óculos.

Timor Dómini sanctus, permanens in sæculum sæculi : \* judícia Dómini vera, justificáta in semetipsa.

Desiderabilia super aurum et lápidem pretiósum multum : \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quis intélligit? ab occultis meis munda me : \* et ab aliénis parce servo tuo.

Si mei non fúerint domináti, tunc immaculátus ero : \* et emundábor a delicto máximo.

Et erunt ut compláceant elóquia oris mei : \* et meditatio cordis mei in conspéctu tuo semper.

Dómine adjútor meus, \* et redemptor meus.

Glória Patri.

#### Psalmus 23.

**D**OMINI est terra, et plenitúdo ejus : \* orbis terrárum, et univérsti, qui hábitant in eo.

Quia ipse super mária fundávit eum : \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens má nibus et mundo corde, qui non accépit in vano ánimam suam, \* nec jurávit in dolo próximo suo.

Hic accípiet benedicciónem a Dómino : \* et misericórdiam a Deo salutári suo.

Hæc est generatio quærentium eum, \* quærentium faciém Dei Jacob.

Attóllite portas principes vestras, et elevámini portæ æternáles : \* et introibit rex glóriæ.

Quis est iste rex glóriæ? \* Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : \* et introibit rex glóriæ.

Quis est iste rex glóriæ? \* Dóminus virtútum ipse est rex glóriæ.

Glória Patri.

Aña. Benedicta tu in muliéribus, et benedictus fructus ventris tui.

¶. Diffusa est grátia in lábiis tuis. R̃. Propterea benedixit te Deus in ætérnum.

Pater noster. secreto.

Et ne nos indúcas in tentatió-nem. R̃. Sed libera nos a malo.

Jube domne benedicere.

Benedictio. Alma Virgo vírginum intercédát pro nobis ad Dóminum. R̃. Amen.

#### Lectio j.

**S**ANCTA María Virgo vírginum, mater et filia Regis regum ómnium, tuum nobis impénde solátium : ut cæléstis regni per te mereámur habére præmium, et cum electis Dei regnâre in perpétuum. Tu autem Dómine miserere nostri. R̃. Deo grátias.

R. j. Sancta et immaculata virginitas, quibus te laudibus effera nescio : \* Quia quem celi capere non poterant tuo gremio contulisti. V. Benedicta tu in mulieribus, et benedictus fructus ventris tui. — Quia quem celi.

Jube domne benedicere.

Benedictio. Sancta Dei Genitrix sit nobis auxiliatrix.

R. Amen.

### Lectio ij.

SANCTA Maria, piarum piissima, intercede pro nobis sanctarum sanctissima : per te Virgo nostra sumat precamina qui pro nobis ex te natus regnat super aethera : ut sua caritate nostra deleantur peccamina. Tu autem.

R. ij. Beata es Virgo Maria, quae Dominum portasti creatorem mundi : \* Genuisti eum qui te fecit, et in aeternum permanes Virgo. V. Ave Maria gratia plena, Dominus tecum. — Genuisti.

Jube domne benedicere.

Benedictio. Nos cum Prole pia benedicat Virgo Maria. R. Amen.

### Lectio iij.

SANCTA Dei Genitrix, quae digne meruisti concipere quem totus orbis nequit comprehendere, tuo pio intervntu culpas nostras ablue : ut redempti perennis sedem gloriae per te valeamus scandere, ubi regnas cum eodem Filio tuo sine tempore. Tu autem.

R. iij. Felix namque es sacra Virgo Maria, et omni laude dignissima : \* Quia ex te ortus est Sol justitiae, Christus Deus noster. V. Ora pro populo, in-

terveni pro clero, intercede pro devoto femineo sexu : sentiant omnes tuum juvamen, quicumque celebrant tuam commemorationem. — Quia ex te. Gloria. Christus Deus noster.

† Canticum Te Deum dicitur semper quando in aliis Matutinis dicitur : vel ultimum R. usque ad V. exclusive repetendum erit, quando in aliis Matutinis repetitur.

### Canticum

SS. Ambrosii et Augustini.

TE Deum laudamus : \* te Dominum confitemur.

Te aeternum Patrem \* omnis terra veneratur.

Tibi omnes Angeli, \* tibi celi et universae Potestates,

Tibi Cherubim et Seraphim \* incessabili voce proclamant : Sanctus, Sanctus, Sanctus \* Dominus Deus Sabaoth.

Pleni sunt celi et terra \* majestatis gloriae tuae.

Te gloriosus \* Apostolorum chorus,

Te Prophetarum \* laudabilis numerus,

Te Martyrum candidatus \* laudat exercitus.

Te per orbem terrarum \* sancta confitetur Ecclesia :

Patrem \* immensae majestatis,

Venerandum tuum verum \* et unicum Filium, Sanctum quoque \* Paraclitum Spiritum.

Tu Rex gloriae, \* Christe.

Tu Patris \* sempiternus es Filius.

Tu, ad liberandum suscepturus hominem, \* non horruisti Virginis uterum.

Tu, devicto mortis acúleo, \*  
aperuisti credéntibus regna  
cælórum.

Tu ad dexteram Dei sedes \*  
in glória Patris.

Judex créderis \* esse ventú-  
rus.

Te ergo quæsumus, tuis fá-  
mulis subveni : \* quos pretioso  
sanguine redemisti.

Ætérna fac cum sanctis tuis \*  
in glória numerári.

Salvum fac pópulum tuum  
Dómine, \* et benedic hereditáti  
tuæ.

Et rege eos, \* et extólle illos  
usque in ætérnum.

Per singulos dies \* benedici-  
mus te.

Et laudámus nomen tuum in  
sæculum, \* et in sæculum sæ-  
culi.

Dignáre Dómine die isto \*  
sine peccátó nos custodíre.

Miserére nostri Dómine : \*  
miserére nostri.

Fiat misericórdia tua Dómine  
super nos, \* quemádmódum  
sperávimus in te.

In te Dómine sperávi : \* non  
confúndar in ætérnum.

Ante Laudes V. Ora pro no-  
bis sancta Dei Génitrix. R. Ut  
digni efficiámur promissióni-  
bus Christi.

#### AD LAUDES.

V. Deus in adjutórium meum  
inténde. R. Dómine ad adju-  
vándum me festína. Glória  
Patri... Allelúia. vel Laus tibi  
Dómine...

Super Psalmos sola Añá. Post  
partum Virgo invioláta per-  
mansisti : Dei Génitrix inter-  
céde pro nobis. Psalmus Dó-  
minus regnávit. cum ceteris,  
pag. 17.

Capitulum. Eccli. 24.

EGO quasi vitis fructificávi  
suavitátem odóris : et flores  
mei fructus honóris et honestá-  
tis. R. Deo grátias.

#### Hymnus.

GLORIOSA Dómina,  
Excélsa supra sídera :  
Qui te creávit próvide  
Lactásti sacro úbere.

QUOD Heva tristis abstulit  
Tu reddis almo gérmine :  
Intrent ut astra flébiles,  
Cæli fenéstra facta es.

Tu Regis alti jánua  
Et porta lucis fúlgida :  
Vitam datam per Virginem  
Gentes redéptæ pláudite.

MARIA Mater grátia,  
Mater misericórdiæ,  
Tu nos ab hoste prótege,  
Et hora mortis suscipe.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.  
V. Elégit eam Deus, et præ-  
elégit eam. R. Et habitáre  
eam facit in tabernáculo suo.

#### PER ADVENTUM :

Ad Benedictus Añá. Spiritus  
sanctus in te descendet María :  
ne timeas, habébis in útero Fi-  
lium Dei, allelúia.

Dóminus vobiscum. R. Et  
cum spíritu tuo.

#### Orémus.

Oratio.  
DEUS, qui de beatæ Mariæ  
Virginis útero Verbum  
tuum, Angelo nuntiánte, car-  
nem suscipere voluisti : præsta  
supplicibus tuis ut qui vere eam  
Genitricem Dei crédimus, ejus  
apud te intercessiόνibus adju-  
vémur. Per eúndem Christum  
Dóminum nostrum. R. Amen.



## A NATIVITATE DOMINI

## AD FESTUM PURIFICATIONIS :

Ad Benedictus Aña. Genuit puérpera Regem, cui nomen ætérnum : et gáudia matris habens cum virginitátis honóre, nec primam similem visa est, nec habére sequéntem.

Dóminus vobíscum. R̃. Et cum spírítu tuo.

Orémus. Oratio.

**D**EUS, qui salútis ætérnæ, beatæ Mariæ virginitáte fecúnda, humáno géneri præmia præstitisti : tribue, quæsumus, ut ipsam pro nobis intercédere sentiámus, per quam meruimus Auctórem vitæ suscipere Christum Dóminum nostrum. R̃. Amen.

## A FESTO PURIFICATIONIS

## AD CENAM DOMINI

## ET AB OCTAVA TRINITATIS

## AD ADVENTUM :

Ad Benedictus Aña. O gloriósa Dei Génitrix, Virgo semper María, quæ Dóminum ómnium meruísti portáre, et Regem angelórum sola Virgo lactáre : nostri, quæsumus, pia memoráre, et pro nobis Christum deprecáre : ut tuis fultis patrociníis ad cæléstia regna mereámur pervenire.

Dóminus vobíscum. R̃. Et cum spírítu tuo.

Orémus. Oratio.

**C**ONCEDE nos fámulos tuos, quæsumus Dómine Deus, perpétua mentis et córporis salute gaudére : et gloriósa beatæ Mariæ semper Virginis intercessióne a præsénti liberári tristítia, et ætérna pérfrui lætítia. Per Christum Dóminum nostrum. R̃. Amen.

## TEMPORE PASCHALI :

Ad Benedictus Aña. Beáta Dei Génitrix María, Virgo perpétua, templum Dómini, sacrárium Spíritus sancti, tu sola sine exémplo placuísti Dómino nostro Jesu Christo. Ora pro pópulo, interveni pro clero, intercède pro devóto femíneo sexu, allelúia, allelúia.

Dóminus vobíscum. R̃. Et cum spírítu tuo.

Orémus. Oratio Concede nos fámulos tuos., ut supra.

Dicta Oratione pro l'empore, fiant sequentes Memoríæ in Laudibus.

Ad Memoriam S. P. Dominici Aña. Benedictus Redemptor ómnium, qui salúti próvidens hóminum mundo dedit sanctum Dómicum.

Ÿ. Lex Dei ejus in corde ipsius. R̃. Et non supplantabúntur gressus ejus. Oratio.

**D**EUS, qui Ecclesiám tuam beáti Dominici Confessóris tui, Patris nostri, illumináre dignátus es méritis et doctrínis : concede ut ejus intercessióne temporálibus non destituátur auxiliis, et spirituálibus semper proficiat incrementis. Per Christum.

† Si in conventu fiat Officium votivum aut Memoria S. P. Dominici, non tamen intermittitur Memoria ejus in Officio quotidiano B. Mariæ V.

Ad Memoriam Sanctorum Ordinis Prædicatorum Aña. O quam felix glória semper est Sanctórum, quam præclára mérita sunt Prædicatorum, quorum verbo et ópere mundus decorátur, eorúmque múnere mens consolidátur!

¶ Exsultábunt Sancti in glória. R. Laetabúntur in cubilibus suis.

Oratio.

**C**ONCEDE, quæsumus omnipotens Deus, ut ad meliorem vitam Sanctórum Ordinis nostri exémpia nos próvocent: quatenus quorum memóriam ágimus étiam actus imitémur. Per Christum.

Ad Memoriam omnium Sanctorum Añā. Sancti Dei omnes intercédere dignémini pro nostra omniúmq; salute.

¶ Oráte pro nobis omnes Sancti Dei. R. Ut digni efficiámur promissionibus Christi.

Oratio.

**T**RIBUE, quæsumus Dómine, omnes Sanctos tuos júgiter pro nobis oráre, et eos cleménter exaudire dignéris. Per Christum.

Ad Memoriam de Pace Añā. Da pacem Dómine in diébus nostris, quia non est álius qui pugnet pro nobis, nisi tu Deus noster.

¶ Fiat pax in virtúte tua. R. Et abundántia in túrribus tuis.

Oratio.

**D**EUS, a quo sancta desidéria, recta consilia, et justa sunt ópera, da servis tuis illam, quam mundus dare non potest, pacem: ut et corda nostra mandátis tuis dédita, et hóstium sublata formidine témpora sint tua protectióne tranquilla. Per Dóminum nostrum Jesum Christum Filium tuum, qui tecum vivit.

Dóminus vobiscum. —R. Et cum spiritu tuo.

Benedicámus Dómino. R. Deo grátias.

¶ Ave María grátia plena, Dóminus tecum. R. Benedicta

tu in muliéribus, et benedictus fructus ventris tui Jesus.

AD PRIMAM.

¶ Ave María grátia plena, Dóminus tecum. R. Benedicta tu. etc.

¶ Deus in adjutórium meum inténde. R. Dómine ad adiuvándum me festina. Glória Patri. Allelúia. vel Laus tibi Dómine...

Hymnus.

**M**EMENTO salutis Auctor, Quod nostri quondam córporis

Ex illibata Virgine Nascéndo formam sumpseris.

MARIA mater grátia,  
Mater misericórdia,  
Tu nos ab hoste prótege,  
Et hora mortis súscipe.

GLORIA tibi Dómine,  
Qui natus es de Virgine,  
Cum Patre et sancto Spiritu,  
In sempitérna sæcula. Amen.

Psalmus 119.

**A**D Dóminum cum tribulárer clamávi: \* et exaudivit me.

Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar \* multum incola fuit ánimæ mea.

Cum his, qui odérunt pacem, eram pacíficus: \* cum loquébar illis, impugnábant me gratis.

Glória Patri.

## Psalmus 120.

**L**EVAVI oculos meos in montes, \* unde veniet auxilium mihi.

Auxilium meum a Domino, \* qui fecit cælum et terram.

Non det in commotionem pedem tuum : \* neque dormitet qui custodit te.

Ecce non dormitabit neque dormiet, \* qui custodit Israel.

Dominus custodit te, Dominus protectio tua, \* super manum dexteram tuam.

Per diem sol non uret te : \* neque luna per noctem.

Dominus custodit te ab omni malo : \* custodiat animam tuam Dominus.

Dominus custodiat introitum tuum, et exitum tuum : \* ex hoc nunc, et usque in sæculum.

Glória Patri.

## Psalmus 121.

**L**ÆTATUS sum in his, quæ dicta sunt mihi : \* In domum Domini ibimus.

Stantes erant pedes nostri, \* in atriis tuis Jérusalem.

Jérusalem, quæ ædificatur ut civitas : \* cujus participatio ejus in idipsum.

Illuc enim ascenderunt tribus, tribus Domini : \* testimonium Israel ad confitendum nomini Domini.

Quia illic sederunt sedes in iudicio, \* sedes super domum David.

Rogate quæ ad pacem sunt Jérusalem : \* et abundantia diglagentibus te :

Fiat pax in virtute tua : \* et abundantia in turribus tuis.

Propter fratres meos, et próximos meos, \* loquebar pacem de te :

Propter domum Domini Dei nostri, \* quæsi vi bona tibi.

Glória Patri.

Añ. Dignare me laudare te Virgo sacrata : da mihi virtutem contra hostes tuos.

Capitulum.

Eccli. 24.

**A**B initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi. R. Deo grátias.

R. Post partum Virgo \* Inviolata permansisti. Post partum. V. Dei Génitrix intercede pro nobis. Inviolata. Glória. Post partum.

V. Benedicta tu in mulieribus. R. Et benedictus fructus ventris tui.

Dominus vobiscum. R. — Et cum spiritu tuo.

Orémus.

Oratio.

**G**RATIAM tuam, quæsumus Domine, mentibus nostris infunde : ut qui, Angelo nuntiante, Christi Filii tui Incarnationem cognovimus, per Passionem ejus et Crucem ad resurrectionis glóriam perducamur. Per eundem Dominum nostrum Jesum Christum...

Dominus vobiscum. R. Et cum spiritu tuo.

Benedicamus Domino. R. Deo grátias.

## AD TERTIAM.

V. Ave Maria grátia plena. etc.

V. Deus in adiutorium meum intende. R. Domine ad adiuvandum me festina. Glória Patri... Allelúia., vel Laus tibi Domine...



Hymnus Meménto salutis  
Auctor., pag. 165\*.

Psalmus 122.

**A**d te levávi óculos meos, \*  
qui hábitas in cælis.

Ecce sicut óculi servórum, \*  
in má nibus dominórum suó-  
rum.

Sicut óculi ancillæ in má nibus  
dóminæ suæ : \* ita óculi nostri  
ad Dóminum Deum nostrum,  
donec misereátur nostri.

Miserére nostri Dómine, mi-  
serére nostri : \* quia multum  
repléti sumus despectióne :

Quia multum repléta est áni-  
ma nostra : \* oppróbrium  
abundántibus, et despectio su-  
pérbis.

Glória Patri.

Psalmus 123.

**N**isi quia Dóminus erat in  
nobis, dicat nunc Israel : \*  
nisi quia Dóminus erat in no-  
bis,

Cum exsúrgerent hómines in  
nos, \* forte vivos deglutissent  
nos :

Cum irascerétur furor eórum  
in nos, \* fórsitan aqua absor-  
buisset nos.

Torréntem pertransivit áni-  
ma nostra : \* fórsitan pertran-  
sisset ánima nostra aquam in-  
tolerábilem.

Benedíctus Dóminus \* qui  
non dedit nos in captiónem  
déntibus eórum.

Ánima nostra sicut passer  
erépta est \* de láqueo venán-  
tium :

Láqueus contrítus est, \* et  
nos liberáti sumus.

Adjutórium nostrum in nómi-  
ne Dómini, \* qui fecit cælum  
et terram.

Glória Patri.

Psalmus 124.

**Q**ui confidunt in Dómino,  
sicut mons Sion : \* non  
commovébitur in ætérnum,  
qui hábitat in Jerúsalem.

Montes in circúitu ejus : \* et  
Dóminus in circúitu pópuli sui,  
ex hoc nunc et usque in sæcu-  
lum.

Quia non relinquet Dóminus  
virgam peccatórum super sor-  
tem justórum : \* ut non extén-  
dant justi ad iniquitátem ma-  
nus suas.

Bénéfac Dómine bonis, \* et  
rectis corde.

Declinántes autem in obliga-  
tiones addúcet Dóminus cum  
operántibus iniquitátem : \*  
pax super Israel.

Glória Patri.

Aña. Gaude María Virgo,  
cunctas hæreses sola intere-  
misti in univérso mundo.

Capitulum. Eccli. 24

**E**t sic in Sion firmáta sum, et  
in civitáte sanctificáta si-  
militer requiévi, et in Jerúsa-  
lem potéstas mea. R. Deo grá-  
tias.

R. Sancta María Mater Chri-  
sti, \* Audi rogántes sérvulos.  
Sancta María. V. Et impetrá-  
tam nobis cælitus tu defer in-  
dulgéntiam. Audi. Glória.  
Sancta María.

V. Ora pro nobis sancta Dei  
Génitrix. R. Ut digni efficiá-  
mur promissiónibus Christi.

Dóminus vobiscum. R. Et  
cum spiritu tuo.

PER ADVENTUM :

Orémus.

Oratio.

**D**EUS, qui de beáte Mariæ  
Virginis útero Verbum  
tuum, Angelo nuntiánte, car-  
nem suscipere voluísti : præsta

supplicibus tuis ut qui vere eam Genitricem Dei credimus, ejus apud te intercessionibus adjuvemur. Per eundem Dominum nostrum Jesum Christum Filium tuum, qui tecum vivit.

A NATIVITATE DOMINI  
AD FESTUM PURIFICATIONIS :

Orémus. Oratio.

**D**EUS, qui salutis aeternae, beatae Mariae virginitate fecunda, humano generi praemia praestitisti : tribue, quaesumus, ut ipsam pro nobis intercedere sentiamus, per quam meruimus Auctorem vitae suscipere : Dominum nostrum Jesum Christum Filium tuum, qui tecum vivit.

A FESTO PURIFICATIONIS  
AD ADVENTUM :

Orémus. Oratio.

**C**ONCEDE nos famulos tuos, quaesumus Domine Deus, perpetua mentis et corporis salute gaudere : et gloriosa beatae Mariae semper Virginis intercessione a praesenti liberari tristitia, et aeterna perfrui laetitia. Per Dominum nostrum Jesum Christum Filium tuum, qui tecum vivit.

Dicta Oratione pro Tempore, subditur :

Dominus vobiscum. R. Et cum spiritu tuo.

Benedicamus Domino. R. Deo gratias.

AD SEXTAM.

V Ave Maria gratia plena. etc.

V. Deus in adiutorium meum intende. R. Domine ad adjuvandum me festina. Gloria Patri... Alleluia, vel Laus tibi Domine...

Hymnus Meménto salutis Auctor., pag. 165\*.

Psalmus 125.

**I**N convertendo Dominus captivitatem Sion : \* facti sumus sicut consolati :

Tunc repletum est gaudio os nostrum : \* et lingua nostra exultatione.

Tunc dicent inter gentes : \* Magnificavit Dominus facere cum eis.

Magnificavit Dominus facere nobiscum : \* facti sumus laetantes.

Converte Domine captivitatem nostram, \* sicut torrens in austro.

Qui seminant in lacrimis, \* in exultatione metent.

Euntes ibant et flebant, \* mittentes semina sua.

Veniens autem venient cum exultatione, \* portantes manipulos suos.

Gloria Patri.

Psalmus 126.

**N**ISI Dominus aedificaverit domum, \* in vanum laboraverunt qui aedificant eam.

Nisi Dominus custodierit civitatem, \* frustra vigilat qui custodit eam.

Vanum est vobis ante lucem surgere : \* surgite postquam sederitis, qui manducatis panem doloris.

Cum dederit dilectis suis somnum : \* ecce hereditas Domini filii : merces, fructus ventris.

Sicut sagittae in manu potentis : \* ita filii excussorum.

Beatus vir qui implevit desiderium suum ex ipsis : \* non confundetur cum loquitur inimicis suis in porta.

Gloria Patri.

## Psalmus 127.

**B**EATI omnes, qui timent Dóminum, \* qui ámbulant in viis ejus.

Labóres mánuum tuárum quia manducábis : \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Filii tui sicut novéllæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedicat tibi Dóminus ex Sion : \* et videas bona Jerúsalem ómnibus diébus vitæ tuæ.

Et videas filios filiórum tuórum, \* pacem super Israel. Glória Patri.

Aña. In prole Mater, in partu Virgo, gaude et lætare Virgo Mater Dómini.

Capitulum. Eccli. 24.

**E**T radicávi in pópulo honorificáto, et in parte Dei mei heréditas illius, et in plenitúdine sanctorum deténtio mea. R. Deo grátias.

R. Ora pro nobis \* Sancta Dei Génitrix. Ora. V. Ut digni efficiámur promissionibus Christi. Sancta. Glória. Ora.

V. Elégit eam Deus, et præelégit eam. R. Et habitare eam facit in tabernáculo suo.

Dóminus vobiscum. R. Et cum spíritu tuo.

Orémus. Oratio.

**P**ROTEGE Dómine fámulos tuos subsidiis pacis, et beátæ Mariæ semper Virginis patrociniiis confidéntes a cunctis hóstibus redde secúros. Per Dóminum.

Dóminus vobiscum. R. Et cum spíritu tuo.

Benedicámus Dómino. R. Deo grátias.

## AD NONAM.

V. Ave María grátia plena. etc.

V. Deus in adiutorium meum inténde. R. Dómine ad adiuvándum me festína. Glória Patri... Allelúia., vel Laus tibi Dómine...

Hymnus Memento salútis Auct., pag. 165\*.

## Psalmus 128.

**S**ÆPE expugnáverunt me a juventúte mea, \* dicat nunc Israel :

Sæpe expugnáverunt me a juventúte mea : \* etenim non potuerunt mihi.

Supra dorsum meum fabricáverunt peccatóres : \* prolongáverunt iniquitatem suam.

Dóminus justus concidit cerices peccatórum : \* confundántur et convertántur retrósum omnes, qui odérunt Sion.

Fiant sicut fenum tectorum : \* quod priúsqvam evellátur exáruit :

De quo non implévit manum suam qui metit, \* et sinum suum qui manipulos colligit.

Et non dixerunt qui præteribant : Benedictio Dómini super vos : \* benediximus vobis in nómine Dómini.

Glória Patri.

## Psalmus 129.

**D**E profúndis clamávi ad te Dómine : \* Dómine exáudi vocem meam :

Fiant aures tuæ intendéntes, \* in vocem deprecationis meæ.

Si iniquitates observáveris Dómine : \* Dómine quis sustinébit?



Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israel in Dómino.

Quia apud Dóminum misericórdia : \* et copiósa apud eum redemptio.

Et ipse redimet Israel, \* ex ómnibus iniquitatibus ejus.

Glória Patri.

Psalmus 130.

**D**OMINE non est exaltátum cor meum : \* neque eláti sunt óculi mei.

Neque ambulávi in magnis : \* neque in mirabilibus super me.

Si non humíliter sentiébam : \* sed exaltávi ánimam meam :

Sicut ablactátus est super matre sua, \* ita retribútio in ánima mea.

Speret Israel in Dómino, \* ex hoc nunc et usque in sæculum.

Glória Patri.

Aña. Beáta Mater, et intácta Virgo, gloriósa Reginá mundi, intercède pro nobis ad Dóminum.

Capitulum.

Eccli. 24.

**Q**UASI cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosæ in Jéricho. R. Deo grátias.

K. Elégit eam Deus, \* Et præelégit eam. Elégit eam. X Et habitáre eam facit in tabernáculo suo. Et præelégit eam. Glória. Elégit eam.

Y Sancta Dei Génitrix, Virgo semper María. R. Intercède

pro nobis ad Dóminum Deum nostrum.

Dóminus - vobíscum. R. Et eum spíritu tuo.

Orémus.

Oratio.

**F**AMULORUM tuórum, quæsumus Dómine, delictis ignósce : ut qui tibi placére de áctibus nostris non valémus, Genitricis Filii tui Dómini nostri intercessióne salvémur : Qui tecum vivit.

Dóminus - vobíscum. R. Et eum spíritu tuo.

Benedicámus Dómino. R. Deo grátias.

AD VESPERAS.

X. Ave María grátia plena : Dóminus tecum. R. Benedicta tu in muliéribus, et benedictus fructus ventris tui Jesus.

X. Deus in adjutórium meum inténde. R. Dómine ad adjuvándum me festina. Glória Patri... Sicut erat... Allelúia. vel Laus tibi Dómine... *Ps*

Super Psalmos Aña. Sancta Dei Génitrix, Virgo semper María, intercède pro nobis ad Dóminum Deum nostrum. Psalmus Dixit Dóminus. cum ceteris de Comuni unius Virginis, pag. 96\*.

Capitulum.

Eccli. 24.

**S**ICUT cinnamómum, et balsamum aromatizans odórem dedi : quasi myrrha elécta dedi suavitátem odóris. R. Deo grátias.

Hymnus.

**A**VE maris stella, Dei mater alma, Atque semper Virgo, Felix cæli porta.

SUMENS illud Ave Gabriélis ore, Funda nos in pace, Mutans nomen Hevæ.

SOLVE vincla reis,  
Profer lumen cæcis,  
Mala nostra pelle,  
Bona cuncta posce.

MONSTRA te esse matrem :  
Sumat per te preces  
Qui pro nobis Natus  
Tulit esse tuus.

VIRGO singularis,  
Inter omnes mitis,  
Nos culpis solutos  
Mites fac et castos.

VITAM præsta puram,  
Iter para tutum :  
Ut videntes Jesum  
Semper collætémur.

SIT laus Deo Patri,  
Summo Christo decus,  
Spiritu sancto,  
Tribus honor unus.  
Amen.

¶ Ora pro nobis sancta Dei  
Genitrix. R. Ut digni efficiá-  
mur promissionibus Christi.

PER ADVENTUM :

Ad Magnificat Añā. O Virgo  
virginum quómodo fiet istud ?  
Quia nec primam similem visa  
es nec habere sequentem. Filiæ  
Jerúsalem quid me admirámi-  
ni? Divinum est mystérium hoc  
quod cernitis.

Dóminus vobiscum. R. Et  
cum spiritu tuo.

Orémus. Oratio.

**D**EUS, qui de beatæ Mariæ  
Virginis útero Verbum  
tuum, Angelo nuntiánte, car-  
nem suscipere voluisti : præsta  
supplicibus tuis ut qui vere eam  
Genitricem Dei crédimus, ejus  
apud te intercessionibus adju-  
vémur. Per eúdem Christum  
Dóminum nostrum. R. Amen.

A NATIVITATE DOMINI  
AD FESTUM PURIFICATIONIS :

Ad Magnificat Añā. O admi-

rabile commércium ! Creátor  
géneris humáni, animátum  
corpus sumens, de Virgine  
nasci dignátus est : et procé-  
dens homo sine sémine largi-  
tus est nobis suam Deitátem.

Dóminus vobiscum. R. Et  
cum spiritu tuo.

Orémus. Oratio.

**D**EUS, qui salutis æternæ,  
beatæ Mariæ virginitáte  
secúnda, humáno géneri præ-  
mia præstitisti : tribue, quæ-  
sumus, ut ipsam pro nobis in-  
tercedere sentiámus, per quam  
meruimus Auctórem vitæ sus-  
cipere Christum Dóminum  
nostrum. R. Amen.

A FESTO PURIFICATIONIS  
AD CENAM DOMINI  
ET AB OCTAVA TRINITATIS  
AD ADVENTUM :

Ad Magnificat Añā. Sancta  
María succúrre miseris, juva  
pusillánimes, réfove flébiles,  
ora pro pópulo, intérvieni pro  
clero, intercede pro devóto fe-  
míneo sexu.

Dóminus vobiscum. R. Et  
cum spiritu tuo.

Orémus. Oratio.

**C**ONCEDE nos fámulos tuos,  
quæsumus Dómine Deus,  
perpétua mentis et córporis sa-  
lúte gaudere : et gloriósa beá-  
tæ Mariæ semper Virginis in-  
tercessióne a præsénti liberáři  
tristítia, et ætérna pérfrui  
títia. Per Christum Davit Dó-  
nostrum. R. Amen. A, \* et vi-

TEMPORE P Añum.

Ad Magnifi-  
cæli lætár mus 133.  
quem meinc benedicite Dómi-  
resurréx, \* omnes servi Dó-  
Ora pr

(Tempore Ascensionis, in præcedenti Antiphona, pro verbo resurrexit, dicatur: jam ascendit.)

Dóminus vobiscum. R. Et cum spiritu tuo. Orémus.

Oratio Concede nos famulos tuos, pag. 171\*.

Dicta Oratione pro Tempore, fiant sequentes Memoríæ in Vesperis.

Ad Memoriam S. P. Dominici Añā. Magne Pater sancte Dominice mortis hora nos tecum súscipe, et hic semper nos pie respice.

Ÿ. Os justi meditabitur sapientiam. R. Et lingua ejus loquetur iudicium.

Oratio.

**D**EUS, qui Ecclesiā tuam beati Dominici Confessoris tui, Patris nostri, illumināre dignatus es méritis et doctrinis: concede ut ejus intercessióne temporálibus non destituatur auxiliis, et spirituálibus semper proficiat incrementis. Per Christum Dóminum nostrum. R. Amen.

¶ Si in conventu fiat Officium votivum aut Memoria S. P. Dominici, non tamen intermittitur Memoria ejus in Officio quotidiano B. Mariæ V.

Ad Memoriam Sanctorum palmarum Prædicatorum Añā. et quasi per grātia Sanctos subricho. R. Quos Patris Dominici R. Elegit agavit. Nos eorum præelegit eam juvari, atque ¶ Et habitare eam commubernaculo suo. R. Igit eam. Glória. Elegentorum ¶ Sancta Dei Génitri. laudem semper Mariā. R. Ite

Oratio.

**C**ONCEDE, quæsumus omnipotens Deus, ut ad meliorem vitam Sanctorum Ordinis nostri exémpia nos provocent: quatenus quorum memoriam agimus etiam actus imitemur. Per Christum.

Ad Memoriam omnium Sanctorum Añā. Sancti Dei omnes intercedere dignemini pro nostra omniumque salutē.

Ÿ. Orate pro nobis omnes Sancti Dei. R. Ut digni efficiamur promissionibus Christi.

Oratio.

**T**RIBUE, quæsumus Dómine, omnes Sanctos tuos júgiter pro nobis orare, et eos clemēter exaudire digneris. Per Christum.

Ad Memoriam de Pace Añā. Da pacem Dóminē in diēbus nostris, quia non est aliud qui pugnet pro nobis, nisi tu Deus noster.

Ÿ. Fiat pax in virtute tua. R. Et abundantia in túrribus tuis.

Oratio.

**D**EUS, a quo sancta desideria, recta consilia, et justa sunt ópera, da servis tuis illam, quam mundus dare non potest, pacem: ut et corda nostra mandátis tuis dedita, et hostium sublata formidine, témpora sint tua protectióne tranquilla. Per Dóminum nostrum Jesum Christum Filium tuum, qui tecum vivit.

Dóminus vobiscum. R. Et cum spiritu tuo.

Benedicamus Dómino. R. Deo grátias.

Ÿ. Ave Mariā grátia plena: Dóminus tecum. R. Benedicta tu in mulieribus, et benedictus fructus ventris tui Jesus.



## AD COMPLETORIUM.

Data Benedictione in fine Completorii de Tempore vel de Sancto, dicitur Completorium de beata Virgine, si ea die dicendum fuerit.

℣. Ave Maria grátia plena : Dóminus tecum. ℞. Benedicta tu in muliéribus, et benedictus fructus ventris tui Jesus.

℣. Convérte nos Deus salutáris noster. ℞. Et avérte iram tuam a nobis.

℣. Deus in adjutórium meum inténde. ℞. Dómine ad adjuvándum me festina. Glória Patri... Sicut erat... Allelúia. vel Laus tibi Dómine...

Psalmus 131.

**M**EMENTO Dómine David,\* et omnis mansuetúdinis ejus :

Sicut jurávit Dómino,\* votum vovit Deo Jacob :

Si introiero in tabernáculum domus meæ,\* si ascéndero in lectum strati mei :

Si dédero somnum óculis meis,\* et pálpebris meis dormitatiónem :

Et réquiem tempóribus meis : donec invéniam locum Dómino,\* tabernáculum Deo Jacob.

Ecce audívimus eam in Éphrata : \* invénimus eam in campis silvæ.

Introibimus in tabernáculum ejus : \* adorábitus in loco, ubi steterunt pedes ejus.

Surge Dómine in réquiem tuam,\* tu et arca sanctificatióis tuæ.

Sacerdótes tui induántur justitiam : \* et sancti tui exsultent.

Propter David servum tuum,\* non avértas faciém Christi tui.

Jurávit Dóminus David veritátem, et non frustrábitur eam : \* de fructu ventris tui ponam super sedem tuam.

Si custodierint filii tui testaméntum meum,\* et testimónia mea hæc, quæ docébo eos :

Et filii eórum usque in sæculum,\* sedébunt super sedem tuam.

Quóniam elégit Dóminus Sion : \* elégit eam in habitatióne sibi.

Hæc réquies mea in sæculum sæculi : \* hic habitábo quóniam elégi eam.

Viduam ejus benedicens benedicam : \* páuperes ejus saturábo pánibus.

Sacerdótes ejus induam salutári : \* et sancti ejus exsultatióne exsultábunt.

Illuc producam cornu David,\* parávi lucérnam Christo meo.

Inimicos ejus induam confusióne : \* super ipsum autem efflorébit sanctificatió mea.

Glória Patri.

Psalmus 132.

**E**CCE quam bonum, et quam jucúndum \* habitáre fratres in unum :

Sicut unguéntum in cápite,\* quod descéndit in barbam, barbam Aaron,

Quod descéndit in oram vestiménti ejus : \* sicut ros Hermon, qui descéndit in montem Sion.

Quóniam illic mandávit Dóminus benedictiónem,\* et vitam usque in sæculum.

Glória Patri.

Psalmus 133.

**E**CCE nunc benedicite Dómino,\* omnes servi Dómini :

Qui statis in domo Dómini, \*  
in átriis domus Dei nostri,

In nóctibus extóllite manus  
vestras in sancta, \* et benedi-  
cite Dóminum.

Benedicat te Dóminus ex  
Sion, \* qui fecit cælum et ter-  
ram.

Glória Patri.

Aña. Virgo María, non est  
tibi símilis nata in mundo in-  
ter mulieres : florens ut rosa,  
fragrans sicut lílium : ora pro  
nobis sancta Dei Génitrix.

Capitulum. Eccli. 24.

**E**GO mater pulchræ dilecti-  
onis, et timóris, et agniti-  
onis, et sanctæ spei.

℟. Deo grátias.

℟. Intercéde pro nobis san-  
cta Virgo virginum, \* Mater  
Dei María. Intercéde. V. Ut  
digni efficiámur promissi-  
onibus Christi. Mater Dei. Glória.  
Intercéde.

Hymnus.

**V**IRGO singuláris,  
Inter omnes mitis,  
Nos culpis solútos  
Mites fac et castos.

VITAM præsta puram,  
Iter para tutum :  
Ut vidéntes Jesum  
Semper collatémur.

SIT laus Deo Patri,  
Summo Christo decus,  
Spirítui sancto,  
Tribus honor unus. Amen.

V. Post partum Virgo invio-  
láta permansísti. ℟. Dei Gén-  
itrix intercéde pro nobis.

Ad Nunc dimittis Aña. Sub  
tuum præsidium confúgimus  
sancta Dei Génitrix : nostras  
deprecatíones ne despicias in  
necessitatibus; sed a periculis  
cunctis libera nos semper Vir-  
go benedicta.

Dóminus - vobíscum. - ℟. Et  
cum spírítu tuo.

Orémus. Oratio.

**C**ONCEDE miséricors Deus  
fragilitáti nostræ præsi-  
dium : ut qui sanctæ Dei Geni-  
trícis memóriam ágimus, in-  
tercessi-  
onis ejus auxilio a no-  
stris iniquitatibus resurgámus.  
Per eúndem Dóminum no-  
strum Jesum Christum Fílium  
tuum, qui tecum vivit.

Dóminus vobíscum. ℟. Et  
cum spírítu tuo.

Benedicámus Dómino. ℟. Deo  
grátias.

Omisso V. Ave María., im-  
mediate post Benedicámus  
Dómino. sequitur Aña. Salve  
Regína. pag. 151. Deinde V.  
Dignáre me. et cetera dicantur  
ut ibidem notatum est.

## OFFICIUM DEFUNCTORUM.

**Q**UALIBET Septimana per  
totum annum, duabus  
tantum exceptis, Paschæ vi-  
delicet et Pentecostes, omnes  
et singuli, tam in choro, quam  
extra, semel in Septimana re-  
citare debent Vigílias pro de-  
functis, Vesperas scilicet et  
Matutinum cum novem Lectio-  
nibus. Quod si Anniversarium  
quodcumque Ordinis venerit,  
vel pro præsentí defuncto, vel  
qualibet alia causa, infra Heb-  
domadam quocumque die fue-  
rint prædictæ Vigiliæ recitan-  
dæ, eadē pro supradicta  
obligatione sufficiant : neque  
fratres ad alias illa Hebdoma-  
da teneantur. In Hebdomada  
tamen Commemorationis om-  
nium Defunctorum, ij. No-  
vembris, tenentur fratres, præ-

ter Officium diei Animarum, ad easdem Vigiliis persolvendas. Et notandum, quod Anniversarium quodlibet eo die, quo positum est in Breviario, debet celebrari : nisi in illo die occurrerit Dominica, aut festum de præcepto, vel Totum Duplex, quod ceteris ejusdem ritus in concomitantia sit præponendum, aut Feria iv. Cinerum : quo in casu Anniversarium transfertur in sequentem diem similiter non impositam.

† Si in Hora canonica immediate præcedenti factæ sunt in choro Prostrationes, fiant quoque in Officio Defunctorum, etiam si solemne fuerit. Finita post Canticum Magnificat. in Vesperis, vel post Canticum Benedictus. in Laudibus Antiphona, Fratres prostrati dicant secreto Pater noster. et voce mediocri Psalmum Lauda anima mea. in Vesperis, in Laudibus vero Psalmum De profundis. Post primam Orationem se erigant, et ad Pater noster. post Requiæcant in pace. iterum se prosternant.

† Si autem Prostrationes non fiant, inclinet Chorus contra Chorum ad utrumque Pater noster. et ad primam Orationem. Psalmus vero Lauda anima mea. et Psalmus De profundis. a Fratribus erectis toti dicendi sunt.

#### AD VESPERAS.

Absque Pater noster. absolute inchoetur :

Psalmus 114.

**D**ILEXI, quóniam exáudiet Dóminus \* vocem orationis meæ.

Quia inclinávit aurem suam mihi : \* et in diébus meis invocábo.

Circumdederunt me dolóres mortis : \* et pericula inférni invenérunt me.

Tribulationem et dolórem invéni : \* et nomen Dómini invocávi.

O Dómine libera ánimam meam : \* miséricors Dóminus, et justus, et Deus noster miserétur.

Custódiens párvulos Dóminus : \* humiliátus sum, et liberávit me.

Convértere ánimam mea in réquiem tuam : \* quia Dóminus benefécit tibi.

Quia eripuit ánimam meam de morte : \* óculos meos a lácrimis, pedes meos a lapsu.

Placébo Dómino \* in regiône vivórum.

Réquiem ætérnam dona eis Dómine : \* et lux perpétua lúceat eis. † Iste V. dicatur in fine singulorum Psalmorum et Canticorum, nisi aliter notatum fuerit.

Añã. Placébo Dómino in regiône vivórum.

#### Psalmus 119.

**A**D Dóminum cum tribulárer clamávi : \* et exáudivit me. Dómine libera ánimam meam a lábiis iniquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acutæ, \* cum carbónibus desolatóriis.

Heu mihi, quia incolátus meus prolongátus est : \* habitávi cum habitántibus Cedar : multum íncola fuit ánimam mea.



Cum his, qui odérunt pacem, eram pacíficus : \* cum loquébar illis, impugnábant me grátis.

Añã. Heu mihi, quia incolátus meus prolongátus est.

Psalmus 120.

**L**EVAVI oculos meos in montes, \* unde véniet auxiliúm mihi.

Auxiliúm meum a Dómino, \* qui fecit cælum et terram.

Non det in commotióne pedem tuum : \* neque dormitet qui custódit te.

Ecce non dormitábit neque dormiet, \* qui custódit Israel.

Dóminus custódit te, Dóminus protéctio tua, \* super manum dexteram tuam.

Per diem sol non uret te : \* neque luna per noctem.

Dóminus custódit te ab omni malo : \* custódiat ánimam tuam Dóminus.

Dóminus custódiat intróitum tuum, et éxitum tuum : \* ex hoc nunc, et usque in sæculum.

Añã. Dóminus custódit te ab omni malo : custódiat ánimam tuam Dóminus.

Psalmus 129.

**D**E profundis clamávi ad te Dómine : \* Dómine exáudi vocem meam :

Fiant aures tuæ intendéntes, \* in vocem deprecationis meæ.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo

ejus : \* sperávit ánima mea in Dómino.

A custódia matutína usque ad noctem : \* speret Israel in Dómino.

Quia apud Dóminum misericórdia : \* et copiósa apud eum redemptio.

Et ipse rédimet Israel, \* ex ómnibus iniquitatibus ejus.

Añã. Si iniquitátes observáveris Dómine : Dómine quis sustinébit?

Psalmus 137.

**C**ONFITEBOR tibi Dómine in toto corde meo : \* quóniam audísti verba oris mei.

In conspéctu Angelórum psallam tibi : \* adorábo ad templum sanctum tuum, et confitebor nómini tuo.

Super misericórdia tua, et veritate tua : \* quóniam magnificásti super omne, nomen sanctum tuum.

In quacúmque die in vocávero te, exáudi me : \* multiplicábis in ánima mea virtútem.

Confiteántur tibi Dómine omnes reges terræ : \* quia audiérunt ómnia verba oris tui :

Et cantent in viis Dómini : \* quóniam magna est glória Dómini.

Quóniam excélsus Dóminus, et humília respicit : \* et alta a longe cognóscit.

Si ambulávero in médio tribulatiónis, vivificábis me : \* et super iram inimicórum meórum extendísti manum tuam, et salvum me fecit dextera tua.

Dóminus retribuet pro me : \* Dómine misericórdia tua in sæculum : ópera mánuum tuárum ne despicias.

Añā. Opera mánuum tuárum  
Dómine nē despicias.

Immediate sequitur

Canticum B. Mariæ V. Luc. I.

**M**AGNIFICAT \* ánima mea  
Dóminum :

Et exsultávit spíritus meus \*  
in Deo salutári meo.

Quia respéxit humilitátem  
ancillæ suæ : \* ecce enim ex  
hoc beatam me dicent omnes  
generatiónes.

Quia fecit mihi magna qui  
potens est : \* et sanctum no-  
men ejus.

Et misericórdia ejus a progé-  
nie in progénies \* tímētibus  
eum.

Fecit poténtiam in bráchio  
suo : \* dispérsit supérbos mente  
cordis sui.

Depósuit poténtes de sede , \*  
et exaltávit húmiles.

Esuriéntes implévit bonis : \*  
et divites dimísit inánes.

Suscépit Israel púerum  
suum , \* recordátus misericór-  
diæ suæ ,

Sicut locútus est ad patres  
nostros , \* Abraham , et sémini  
ejus in sæcula.

Réquiem ætérnam dona eis  
Dómine : \* et lux perpétua lú-  
ceat eis.

Añā. Audívi vocem de cælo  
dicéntem mihi : Beáti mórtui ,  
qui in Dómino moriúntur.

Finite post Canticum Anti-  
phona , dicatur secreto Pater  
noster , deinde legendo voce  
mediocri :

Psalmus 145.

**L**AUDA ánima mea Dómi-  
num , laudábo Dóminum  
in vita mea : \* psallam Deo  
meo quámdiu fuero.

Nolíte confidere in principi-  
bus : \* in fíliis hóminum , in  
quibus non est salus.

Exibit spíritus ejus , et rever-  
tétur in terram suam : \* in illa  
die peribunt omnes cogitatió-  
nes eórum.

Beátus , cujus Deus Jacob ad-  
jutor ejus , spes ejus in Dó-  
mino Deo ipsius : \* qui fecit  
cælum et terram , mare , et óm-  
nia quæ in eis sunt.

Qui custódit veritátem in sæ-  
culum , facit júdicium injú-  
riam patiéntibus : \* dat escam  
esuriéntibus.

Dóminus solvit compeditos : \*  
Dóminus illúminat cecos.

Dóminus érigit elisos , \* Dó-  
minus diligit justos.

Dóminus custódit ádvenas ,  
pupillum , et víduam suscipiet : \*  
et vias peccatórum dispédet.

Regnábit Dóminus in sæcu-  
la Deus tuus Sion , \* in gene-  
rationem et generatióem.

Réquiem ætérnam dona eis  
Dómine : \* et lux perpétua lú-  
ceat eis.

¶ A porta inferi. R̄. Erue  
Dómine ánimas eórum.

Dóminus vobiscum. R̄. Et  
cum spíritu tuo. Orémus.

Orationes vero hoc ordine di-  
cantur :

PRO PRÆSENTI

SIVE PRO UNO DEFUNCTO :

† Si Episcopus fuerit , aut  
Sacerdos ,

Oratio prima.

**D**EUS , qui inter apostólicos  
Sacerdótes fámulum tuum  
Pontificáli (vel Sacerdotáli fe-  
cisti dignitáte vigére , præsta,  
quæsumus , ut eórum quoque  
perpétuo aggregétur consór-  
tio.

## Oratio secunda.

**D**EUS, vénia largitor et humanæ salutis auctor, quæsumus cleméntiam tuam : ut nostræ congregatiónis fratres, soróres, familiáres et benefactóres, qui ex hoc sæculo transiérunt, beáta María semper Virgine intercedénte cum ómnibus Sanctis tuis, ad perpétuam beatitúdinis consórtium pervenire concédas.

## Oratio tertia.

**F**IDELIUM Deus ómnium cónditor et redemptor, animabus famulórum famularúmque tuárum remissionem cunctórum tribue peccatórum : ut indulgéntiam, quam semper optaverunt, piis supplicatióibus consequántur. Qui vivis et regnas cum Deo Patre in unitate Spiritus sancti Deus, per ómnia sæcula sæculórum.

R. Amen.

† Si alius quicumque Vir fuerit.

## Oratio prima.

**I**NCLINA Dómine aurem tuam ad preces nostras, quibus misericórdiam tuam supplices deprecámur : ut ánimam famuli tui, quam de hoc sæculo migráre iussisti, in pacis ac lucis regióne constituas, et Sanctorum tuórum júbeas esse consórtium.

Oratio secunda Deus, vénia.,  
tertia Fidélium., ut supra.

† Si vero Femina fuerit,

## Oratio prima.

**Q**UÆSUMUS Dómine, pro tua pietáte miserére ánimæ famulæ tuæ : et a contárgiis mortalitátis exútam in æternæ salvatiónis partem restitue.

Oratio secunda Deus, vénia.,  
tertia Fidélium., ut supra.

## IN OMNI ANNIVERSARIO :

## Oratio prima.

**D**EUS indulgentiárum Dómine, da animabus famulórum famularúmque tuárum, quorum anniversárium depositiÓnis diem commemorámus, refrigerií sedem, quietis beatitúdinem et lúminis claritátem.

Oratio secunda Deus vénia.,  
tertia Fidélium., ut supra.

† Si simul eveniant Obitus et Anniversarium, dimittatur Oratio Deus vénia., et prima dicatur pro præsentí Defuncto secunda de Anniversario, tertia non mutetur.

IN OFFICIO ORDINARIO  
PRO DEFUNCTIS FRATRIBUS,  
SORORIBUS, FAMILIARIIBUS  
ET BENEFACTORIBUS.

## Oratio prima.

**D**EUS, vénia largitor et humanæ salutis auctor, quæsumus cleméntiam tuam : ut nostræ congregatiónis fratres, soróres, familiáres et benefactóres, qui ex hoc sæculo transiérunt, beáta María semper Virgine intercedénte cum ómnibus Sanctis tuis, ad perpétuam beatitúdinis consórtium pervenire concédas.

## Oratio secunda.

**D**EUS, qui nos patrem et matrem honoráre præcepisti, miserére cleménter animabus paréntum nostrórum : eorúmque peccáta dímítte, nosque eos in æternæ claritátis gáudio fac vidére.

## Oratio tertia.

**F**IDELIUM Deus ómnium cónditor et redemptor, animabus famulórum famularúmque tuárum remissionem cun-



ctórum tribue peccatórum : ut indulgéntiam, quam semper optavérunt, piis supplicatióibus consequántur. Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. *R.* Amen.

Finita ultima Oratione, non subdatur Dóminus vobíscum., neque Benedicámus Dómino., neque Fidélium., sed tantum : Requiescant in pace. *R.* Amen.

Postea dicatur Pater noster., nisi immediate dicendum fuerit Matutinum Defunctorum, aut Completorium diei.

#### AD MATUTINUM.

Non dicatur Pater noster., neque Credo., neque Dómine lábia mea apéries., neque Deus in adjutórium., neque Venite exsultémus., sed absolute inchoetur.

#### IN I. NOCTURNO.

##### Psalmus 5.

**V**ERBA mea áuribus pèrcipe Dómine, \* intéllege clamórem meum.

Inténde voci oratióis meæ,\* rex meus et Deus meus.

Quóniam ad te orábo : \* Dómine mane exáudies vocem meam.

Mane astábo tibi et vidébo : \* quóniam non Deus volens iniquitátem tu es.

Neque habitábit juxta te malignus : \* neque permanébunt iníusti ante óculos tuos.

Ódisti omnes, qui operántur iniquitátem : \* perdes omnes, qui loquúntur mendácium.

Virum sánguinem et dolósum abominábitur Dóminus : \* ego autem in multitúdine misericórdiæ tuæ.

Introibo in domum tuam : \* adorábo ad templum sanctum tuum in timóre tuo.

Dómine deduc me in justitia tua : \* propter inimicos meos dirige in conspéctu tuo viam meam.

Quóniam non est in ore eórum véritas : \* cor eórum vanum est.

Sepúlcrum patens est guttur eórum, & linguis suis dolóse agébant, \* júdica illos Deus.

Décidant a cogitatióibus suis, & secúndum multitudinem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, \* quóniam tu benedíces justo.

Dómine, ut scuto bonæ voluntátis tuæ \* coronásti nos.

Añá. Dirige Dómine Deus meus in conspéctu tuo viam meam.

##### Psalmus 6.

**D**OMINE, ne in furóre tuo árguas me, \* neque in ira tua corripas me.

Miserére mei Dómine quóniam infirmus sum : \* sana me Dómine quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?

Convértere Dómine, et éripe ánimam meam : \* salvum me fac propter misericórdiam tuam,

Quóniam non est in morte qui memorsit tui : \* in inférno autem quis confitébitur tibi?

Laborávi in gémitu meo, & lavábo per singulas noctes lectum meum : \* lácrimis meis stratum meum rigábo.

Turbátus est a furóre óculus meus : \* inveterávi inter omnes inimicos meos.

Discédite a me omnes qui operámini iniquitátem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimici mei : \* convertántur et erubéscant valde velóciter.

Aña. Convertere Dómine, et éripe ánimam meam, quóniam non est in morte qui memor sit tui.

Psalmus 7.

**D**OMINE Deus meus in te sperávi : \* salvum me fac ex ómnibus persequéntibus me, et libera me.

Nequándo rápiat ut leo ánimam meam, \* dum non est qui rédímat, neque qui salvum faciat.

Dómine Deus meus, si feci istud, \* si est iniquitas in má nibus meis :

Si réddidi retribuéntibus mihi mala, \* decídam mérito ab inimicis meis inánis.

Persequátur inimícus ánimam meam, et comprehéndat, & et concúlcet in terra vitam meam, \* et glóriam meam in púlverem dedúcat.

Exsúrge Dómine in ira tua : \* et exaltáre in finibus inimicórum meórum.

Et exsúrge Dómine Deus meus in præcépto quod man-

dásti : \* et synagóga populórum circúmdabit te.

Et propter hanc in altum regredere : \* Dóminus júdicat pópulos.

Júdica me Dómine secúndum justitiam meam, \* et secúndum innocentiam meam super me.

Consumétur nequítia peccatórum, et diriges justum, \* scrutans corda et renes Deus.

Justum adjutórium meum a Dómino, \* qui salvos facit rectos corde.

Deus júdex justus, fortis, et pátiens : \* numquid iráscitur per singulos dies?

Nisi convérsi fuéritis, gládium suum vibrábit : \* arcum suum teténdit, et parávit illum.

Et in eo parávit vasa mortis, \* sagittas suas ardéntibus effécit.

Ecce partúrit in justitiam : \* concépit dolórem, et péperit iniquitátem.

Lacum apérui, et effódit eum : \* et incidit in fóveam, quam fecit.

Convertétur dolor ejus in caput ejus : \* et in vérticem ipsíus iniquitas ejus descéndet.

Confitébor Dómino secúndum justitiam ejus : \* et psallam nómini Dómini altíssimi.

Aña. Nequándo rápiat ut leo ánimam meam, dum non est qui rédímat, neque qui salvum faciat.

V. A porta inferi. R. Erue Dómine ánimas eórum.

Pater noster. Et ne nos indúcas in tentatióem. R. Sed libera nos a malo.

† Sine benedictione, et sine titulo legantur omnes sequentes Lectiones.

Lectio j.

Job 7.

**P**ARCE mihi Dómine, nihil enim sunt dies mei. Quid est homo, quia magnificas eum? aut quid appónis erga eum cor tuum? Visitas eum dilúculo, et súbito probas illum. Usquequo non parcis mihi, nec dimittis me ut glútiám sálivam meam? Peccávi, quid fáciám tibi o custos hóminum? Quare posuisti me contrárium tibi, et factus sum mihimetípsi gravis? Cur non tollis peccátum meum, et quare non auferis iniquitátem meam? Ecce, nunc in púlvere dórmiam : et si mane me quæsieris, non subsistam.

† Lectiones terminentur sine Tu autem. vel alia conclusione.

R̃. j. Credo quod Redemptor meus vivit, et in novíssimo die de terra surrectúrus sum : et in carne mea vidébo Deum \* Salvatórem meum. Ṽ. Quem visúrus sum ego ipse, et non álius, et óculi mei conspectúri sunt. — Salvatórem meum.

Lectio ij.

Job 10.

**T**ÆDET ánimam meam vitæ meæ, dimittam advérsus me elóquium meum, loquar in amaritúdine ánimæ meæ. Dicam Deo : Noli me condemnare : índica mihi cur me ita júdices. Numquid bonum tibi vidétur, si calumniéris me, et opprimas me opus mánuum tuarum, et consilium impiórum ádjuves? Numquid óculi cárnei tibi sunt : aut sicut videt homo, et tu vidébis? Numquid sicut dies hóminis dies tui, et anni tui sicut humána sunt témpora, ut quæras iniquitátem meam, et peccátum

meum scrutéris? Et scias quia nihil ímpium fécerim, cum sit nemo qui de manu tua possit erüere.

R̃. ij. Qui Lázarus resuscitásti a monuménto foetidum : \* Tu eis Dómine donaréquiém, et locum indulgéntiæ. Ṽ. Qui ventúrus es judicáre vivos et mórtuos, et sæculum per ignem. — Tu eis.

Lectio iij.

Job 10.

**M**ANUS tuæ, Dómine, fecerunt me, et plasmáverunt me totum in circúitu : et sic repénite præcípitas me? Meménto quæso quod sicut lutum féceris me, et in púlverem redúces me. Nonne sicut lac mulsisti me, et sicut cáseum me coagulásti? Pelle et cárnibus vestisti me : óssibus et nervis compegisti me. Vitam et misericórdiam tribuisti mihi, et visitátio tua custodívit spiritum meum.

R̃. iij. Dómine, quando véneris judicáre terram, ubi me abscondam a vultu iræ tuæ : \* Quia peccávi nimis in vita mea? Ṽ. Commissa mea pavésco, et ante te erubésco : dum véneris judicáre, noli me condemnare. — Quia.

## IN II. NOCTURNO.

Psalmus 22.

**D**OMINUS regit me, et nihil mihi déerit : \* in loco páscuæ ibi me collocávit.

Super aquam refectiónis educávit me : \* ánimam meam convértit.

Dedúxit me super sémitas justitiæ, \* propter nomen suum. Nam, et si ambulávero in médio umbræ mortis, non timébo mala : \* quóniam tu mecum es.



Virga tua, et bāculus tuus, \* ipsa me consolāta sunt.

Parāsti in conspēctu meo mensam, \* advēsus eos, qui tribulant me.

Impinguāsti in óleo caput meum : \* et calix meus inebrians quam præclārus est !

Et misericórdia tua subsequētur me \* ómnibus diēbus vitæ meæ :

Et ut inhābitem in domo Dómini, \* in longitudínem diērum.

Añā. In loco páscuæ ibi me collocāvit.

Psalmus 24.

**A**D te Dómine levāvi animam meam : \* Deus meus in te confido, non erubescam : Neque irrideant me inimici mei : \* etenim univēsi, qui sústinent te, non confundētur.

Confundāntur omnes iniqua agentes \* supervācue.

Vias tuas Dómine démonstra mihi : \* et sēmitas tuas édoce me.

Dirige me in veritatē tua, et doce me : \* quia tu es Deus salvātor meus, et te sustinui tota diē.

Reminiscere miseratiónum tuārum Dómine, \* et misericordiārum tuārum, quæ a sæculo sunt.

Delicta juventútis meæ, \* et ignorántias meas ne memineris.

Secūndum misericórdiam tuam meménto mei tu : \* propter bonitatem tuam Dómine.

Dulcis et rectus Dóminus : \* propter hoc legem dabit delinquentibus in via.

Diriget mansuétos in iudicio : \* docébit mites vias suas.

Univērsæ viæ Dómini, misericórdia et vēritas, \* requirētibz testaméntum ejus et testimónia ejus.

Propter nomen tuum Dómine propitiaberis peccāto meo : \* multum est enim.

Quis est homo qui timet Dóminum? \* legem státuit ei in via, quam elégit.

Anima ejus in bonis demorabitur : \* et semen ejus hereditabit terram.

Firmaméntum est Dóminus timéntibus eum : \* et testaméntum ipsius ut manifestétur illis.

Oculi mei semper ad Dóminum : \* quóniam ipse evélet de láqueo pedes meos.

Réspice in me, et miserere mei : \* quia únicus et pauper sum ego.

Tribulatiónes cordis mei multiplicatæ sunt : \* de necessitatibus meis éruē me.

Vide humilitatem meam, et labórem meum : \* et dímittle univēsa delicta mea.

Réspice inimicos meos quóniam multiplicati sunt, \* et odio iniquo odérunt me.

Custódi animam meam, et éruē me : \* non erubescam quóniam sperāvi in te.

Innocētes et recti adhæserunt mihi : \* quia sustinui te.

Libera Deus Israel, \* ex ómnibus tribulatióibus suis.

Añā. Delicta juventútis meæ, et ignorántias meas ne memineris Dómine.

Psalmus 26.

**D**OMINUS illuminatio mea, et salus mea, \* quem timebo?

Dóminus protéctor vitæ  
meæ, \* a quo trepidábo?

Dum appropíant super me  
nocéntes, \* ut edant carnes  
meas :

Qui tribulant me inimici  
mei, \* ipsi infirmáti sunt et ce-  
cidérunt.

Si consistant advérsus me ca-  
stra, \* non timébit cor meum.

Si exsúrgat advérsus me  
procelium, \* in hoc ego sperábo.

Unam pétii a Dómino, hanc  
requiram, \* ut inhábitem in  
domo Dómini ómnibus diébus  
vitæ meæ :

Ut videam voluptátem Dómi-  
ni, \* et visitem templum ejus.

Quóniam abscondit me in ta-  
bernáculo suo : \* in die maló-  
rum protéxit me in abscondito  
tabernáculi sui.

In petra exaltávit me : \* et  
nunc exaltávit caput meum  
super inimicos meos.

Circuivi, et immolávi in ta-  
bernáculo ejus hóstiam vocife-  
rationis : \* cantábo, et psal-  
mum dicam Dómino.

Exáudi Dómine vocem meam,  
qua clamávi ad te : \* miserére  
mei, et exáudi me.

Tibi dixit cor meum, ꝥ exqui-  
sivit te fácies mea : \* fáciem  
tuam Dómine requiram.

Ne avértas fáciem tuam a  
me : \* ne declínes in ira a ser-  
vo tuo.

Adjútor meus esto : \* ne de-  
relinquas me, neque despicias  
me Deus salutáris meus.

Quóniam pater meus, et ma-  
ter mea dereliquérunt me : \*  
Dóminus autem assúpsit me.

Legem pone mihi Dómine in  
via tua : \* et dirige me in sé-  
mitam rectam propter inimi-  
cos meos.

Ne tradideris me in ánimas  
tribulántium me : \* quóniam  
insurrexérunt in me testes  
iníqui, et mentita est iniquitas  
sibi.

Credo vidére bona Dómini \*  
in terra vivéntium.

Exspécta Dóminum, viriliter  
age : \* et confortétur cor tuum,  
et sústine Dóminum.

Añã. Credo vidére bona Dó-  
mini in terra vivéntium.

¶. In memória ætérna erunt  
justi. R. Ab auditióne mala  
non timébunt.

Pater noster. Et ne nos in-  
ducas in tentatiónem. R. Sed  
libera nos a malo.

#### Lectio iv.

Job 13.

**R**ESPONDE mihi. Quantas  
hábeo iniquitátes et pec-  
cáta, scélera mea et delicta  
osténde mihi. Cur fáciem tuam  
abscondis, et arbitráris me ini-  
micum tuum? Contra fólium,  
quod vento rápitur, ostédis  
poténtiam tuam, et stipulam  
siccã perséqueris. Scribis  
enim contra me amaritúdines,  
et consúmere me vis peccátis  
adolescéntiæ meæ. Posuísti in  
nervo pedem meum, et obser-  
vásti omnes sémitas meas, et  
vestigia pedum meórum con-  
siderásti : Qui quasi putrédo  
consuméndus sum, et quasi  
vestiméntum, quod coméditur  
a tinea.

R. iv. Heu mihi, Dómine,  
quã peccávi nimis in vita mea.  
Quid fáciem miser? ubi fú-  
giam, nisi ad te Deus meus?  
Miserére mei, dum véneris \* In  
novíssimo die. ¶. Anima mea  
turbáta est valde, sed tu Do-  
mine succurre ei. — In novís-  
simo die.

Lectio v. Job 14.

**H**OMO natus de muliere, brevi vivens tempore, replétur multis miseriis. Qui quasi flos egréditur et contéritur, et fugit velut umbra, et nunquam in eódem statu pérmānet. Et dignum ducis super hujuscémōdi aperíre óculos tuos, et addúcere eum tecum in iudiciū? Quis potest fácere mundum de immúndo concéptum sémīne? Nonne tu qui solus es? Breves dies hóminis sunt, númerus mēnsium ejus apud te est: constituísti términos ejus, qui præteríri non póterunt. Recéde páululum ab eo, ut quiescat, donec optáta véniat, sicut mercenárii dies ejus.

R. v. Ne recordéris peccáta mea, Dómine: \* Dum véneris iudicáre sæculum per ignem. V. Dirige Dómine Deus meus in conspéctu tuo viam meam. — Dum véneris.

Lectio vj. Job 14.

**Q**UIS mihi hoc tríbuat, ut in inférno prótegas me, et abscondas me, donec pertráns-eat furor tuus, et constítuas mihi tempus, in quo recordéris mei? Putásne mórtuus homo rursum vivat? Cunctis diébus, quibus nunc mílito, exspécto donec véniat immutatio mea. Vocábis me, et ego respondébo tibi: óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

R. vj. Dómine secúndum actum meum noli me iudicáre: nihil dignum in conspéctu tuo egi:

\* Ideo déprecor majestátem tuam, ut tu Deus déleas iniquitátem meam. V. Amplius lava me, Dómine, ab injustitia mea, et a delicto meo munda me: quia tibi soli peccávi. — Ideo déprecor majestátem tuam.

## IN III. NOCTURNO.

Psalmus 39.

**E**XSPECTANS expectávi Dóminum, \* et inténdit mihi.

Et exaudivit preces meas: \* et edúxit me de lacu misériæ, et de luto fæcis.

Et státuit super petram pedes meos: \* et diréxit gressus meos.

Et immísit in os meum cánticum novum, \* carmen Deo nostro.

Vidébunt multi, et timébunt: \* et sperábunt in Dómino.

Beátus vir, cujus est nomen Dómini spes ejus: \* et non respéxit in vanitátes et insánias falsas.

Multa fecisti tu Dómine Deus meus mirabília tua: \* et cogitátióibus tuis non est qui similis sit tibi.

Annuntiávi et locútus sum: \* multiplicáti sunt super númerum.

Sacrificium et oblatiómē noluísti: \* aures autem perfecisti mihi.

Holocáustum et pro peccáto non postulásti: \* tunc dixi: Ecce vénio.

In cápite libri scriptum est de me ut fácere[m] voluntátem tuam: \* Deus meus vólui, et legem tuam in médio cordis mei.



Annuntiavi justitiam tuam  
in ecclesia magna, \* ecce labia  
mea non prohibebo : Domine  
tu scisti.

Justitiam tuam non abscon-  
di in corde meo : \* veritatem  
tuam et salutare tuum dixi.

Non abscondi misericordiam  
tuam, et veritatem tuam \* a  
concilio multo.

Tu autem Domine ne longe  
facias miserationes tuas a me : \*  
misericordia tua et veritas tua  
semper suscepérunt me.

Quoniam circumdederunt me  
mala, quorum non est núme-  
rus : \* comprehenderunt me  
iniquitates meae, et non potui  
ut vidérem.

Multiplicatae sunt super ca-  
pillis capitis mei : \* et cor  
meum dereliquit me.

Complaceat tibi Domine ut  
eruas me : \* Domine, ad adju-  
vandum me respice.

Confundantur et revereantur  
simul, qui quaerunt animam  
meam, \* ut auferant eam.

Convertantur retrorsum, et  
revereantur \* qui volunt mihi  
mala.

Ferant confestim confusio-  
nem suam, \* qui dicunt mihi :  
Euge, euge.

Exsultent et laetentur super  
te omnes quaerentes te : \* et  
dicant semper : Magnificetur  
Dominus : qui diligunt salutá-  
re tuum.

Ego autem mendicus sum, et  
pauper : \* Dominus sollicitus  
est mei.

Adjutor meus, et protector  
meus tu es : \* Deus meus ne  
tardáveris.

Añ. Complaceat tibi Domi-  
ne ut eripias me : Domine, ad  
adjuvandum me respice.

Psalmus 40.

**B**EATUS qui intelligit super  
egenum, et pauperem : \*  
in die mala liberabit eum Dó-  
minus.

Dominus conservet eum, et  
vivificet eum, et et beatum fá-  
ciat eum in terra : \* et non  
tradat eum in animam inimi-  
corum ejus.

Dominus opem ferat illi su-  
per lectum doloris ejus : \* uni-  
versum stratum ejus versasti  
in infirmitate ejus.

Ego dixi : Domine miserere  
mei : \* sana animam meam,  
quia peccavi tibi.

Inimici mei dixerunt mala  
mihi : \* Quando morietur, et  
peribit nomen ejus?

Et si ingrediebatur ut vidé-  
ret, vana loquebatur, \* cor  
ejus congregavit iniquitatem  
sibi.

Egrediebatur foras \* et lo-  
quebatur in idipsum.

Adversum me susurrabant  
omnes inimici mei : \* advér-  
sum me cogitabant mala mihi.

Verbum iniquum constitué-  
runt adversum me : \* Num-  
quid qui dormit non adjiciet  
ut resurgat?

Etenim homo pacis meae, in  
quo speravi : \* qui edebat pa-  
nes meos, magnificavit super  
me supplantationem.

Tu autem Domine miserere  
mei, et resuscita me : \* et re-  
tribuam eis.

In hoc cognovi quoniam vo-  
luisti me : \* quoniam non gau-  
debit inimicus meus super me.

Me autem propter innocen-  
tiam suscepisti : \* et confirmá-  
sti me in conspectu tuo in  
aeternum.

Benedictus Dóminus Deus Israel a sæculo, et usque in sæculum : \* fiat.

Añā. Sana Dómine ánimam meam, quia peccávi tibi.

Psalmus 41.

**Q**UEMADMODUM desiderat cervus ad fontes aquarum : \* ita desiderat ánima mea ad te Deus.

Sitívit ánima mea ad Deum fortem vivum : \* quando véniam et apparébo ante faciē Dēi?

Fuérunt mihi lácrimæ meæ panes die ac nocte : \* dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : \* quóniam transibo in locum tabernáculi admirábilis, usque ad domum Dēi :

In voce exsultatiónis, et confessiónis : \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Ad meípsum ánima mea conturbáta est : \* propterea memor ero tui de terra Jordánis, et Hermóniim a monte módico.

Abyssus abyssum ínvocat, \* in voce cataractárum tuárum. Omnia excélsa tua, et fluctus tui \* super me transiérunt.

In die mandávit Dóminus misericórdiam suam, \* et nocte cánticum ejus.

Apud me orátio Deo vitæ meæ, \* dicam Deo : Suscéptor meus es.

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobravérunt mihi qui tribulant me inimíci mei :

Dum dicunt mihi per singulos dies : Ubi est Deus tuus? \* quare tristis es ánima mea? et quare contúrbas me?

Spera in Deo, quóniam adhuc confitébor illi : \* salutáre vultus mei, et Deus meus.

Añā. Sitívit ánima mea ad Deum vivum : quando véniam et apparébo ante faciē Dómini?

℣. Ne tradas béstiis ánimas confiténtes tibi. ℞. Et ánimas páuperum tuórum ne obliviscáris in finem.

Pater noster. Et ne nos inducas in tentatióem. ℞. Sed libera nos a malo.

Lectio vij.

Job. 17.

**S**PIRITUS meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudínibus morátur óculus meus. Libera me Dómine, et pone me juxta te, et cuiúsvis manus pugnet contra me. Dies mei transiérunt, cogitatióes meæ dissipátæ sunt, torquéntes cor meum. Noctem vertérunt in diem, et rursus post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es, mater mea, et soror mea, vérmibus. Ubi est ergo nunc præstolátio mea, et patíentia mea? Tu es, Dómine Deus meus.

℞. vij. Peccántem me quotidie, et non me pœniténtem, timor mortis contúrbat me : \* Quia in inférno nulla est redemptio,

miserere mei Deus, et salva me. *Ps.* Deus in nomine tuo saluum me fac, et in virtute tua libera me. — Quia.

Lectio viij.

Job 19.

**P**ELLI meae, consumptis carnibus, adhæsit os meum, et derelicta sunt tantummodo labia circa dentes meos. Miseremini mei, miseremini mei, saltem vos amici mei, quia manus Domini tetigit me. Quare persequimini me sicut Deus, et carnibus meis saturamini? Quis mihi tribuat ut scribantur sermones mei? Quis mihi det ut exarentur in libro stylo ferreo, et plumbi lamina, vel celte sculpantur in siliice? Scio enim quod Redemptor meus vivit, et in novissimo die de terra surrecturus sum : et rursum circumdabor pelle mea, et in carne mea videbo Deum Salvatorem meum. Quem visurus sum ego ipse, et oculi mei conspecturi sunt, et non alius : repõsa est hæc spes mea in sinu meo.

*R.* viij. Memento mei Deus : quia ventus est vita mea, \* Nec aspiciet me visus hominis. *Ps.* Et non revertetur oculus meus, ut videat bona. Nec aspiciet.

Lectio ix.

Job 10.

**Q**UARE de vulva eduxisti me? qui utinam consumptus essem ne oculus me videret. Fuisset quasi non essem, de utero translatus ad tumulum. Numquid non paucitas dierum meorum finiatur brevi? Dimitte ergo me, ut plangam paululum dolorem meum : antequam vadam et non revertar, ad terram tenebrösam, et

opertam mortis caligine : terram miserie et tenebrarum, ubi umbra mortis, et nullus ordo, sed sempiternus horror inhabitat.

*R.* ix. Libera me Domine de morte æterna, in die illa tremenda : \* Quando cæli movendi sunt, et terra : Dum veneris iudicare sæculum per ignem.

*Ps.* Dies illa dies iræ, calamitatis et miserie, dies magna et amara valde. — Quando cæli usque ad Dum veneris. exclusive.

*Ps.* Tremens factus sum ego, et timeo, dum discussio venerit, atque ventura ira. — Dum veneris iudicare sæculum per ignem.

*Ps.* Creator omnium rerum Deus, qui me de limo terræ formasti, et mirabiliter proprio sanguine redemisti, corpusque meum, licet modo putrescat, de sepulcro facies in die iudicii resuscitari : exaudi, exaudi me, ut animam meam in sinu Abrahamæ patriarchæ tui jubeas collocari. *R.* Libera me Domine de morte æterna, in die illa tremenda, Quando cæli movendi sunt et terra, Dum veneris iudicare sæculum per ignem.

AD LAUDES.

Immediate inchoetur

Psalmus 50.

**M**ISERERE mei Deus, \* secundum magnam misericordiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea : \* et a peccato meo munda me.



Quóniam iniquitatem meam ego cognosco : \* et peccátum meum contra me est semper.

Tibi soli peccávi, et malum coram te feci : \* ut justificeris in sermónibus tuis, et vincas cum iudicáris.

Ecce enim in iniquitatibus concéptus sum : \* et in peccátis concépit me mater mea.

Ecce enim veritatem dilexisti : \* incérta, et occúlta sapientiæ tuæ manifestásti mihi.

Aspérget me hyssópo, et mundabor : \* lavábis me, et super nivem dealbabor.

Audítui meo dabis gáudium et lætítiam : \* et exsultábunt ossa humiliáta.

Avérte faciém tuam a peccátis meis : \* et omnes iniquitates meas dele.

Cor mundum crea in me Deus : \* et spíritum rectum innova in viscéribus meis.

Ne projicias me a faciē tua : \* et spíritum sanctum tuum ne áuferas a me.

Redde mihi lætítiam salutáris tui : \* et spíritu principáli confirma me.

Docébo iníquos vias tuas : \* et impij ad te converténtur.

Libera me de sanguínibus Deus, Deus salutis meæ : \* et exsultábit lingua mea justítiam tuam.

Dómine, lábia mea apéries : \* et os meum annuntiábit laudem tuam.

Quóniam si voluisses sacrificium, dedissem útique : \* holocaustis non delectáberis.

Sacrificium Deo spíritus contríbúatus : \* cor contrítum, et humiliátum Deus non despíciēs.

Benígne fac Dómine in bona voluntáte tua Sion : \* ut ædificéntur muri Jerúsalem.

Tunc acceptábis sacrificium justitiæ, oblatiões, et holocausta : \* tunc impónent super altáre tuum vitulos.

Aña. Exsultábunt Dómino ossa humiliáta.

Psalmus 64.

**T**E decet hymnus Deus in Sion : \* et tibi reddétur votum in Jerúsalem.

Exáudi oratióne meam : \* ad te omnis caro véniet.

Verba iniquórum prævaluérunt super nos : \* et impietátibus nostris tu propitiáberis.

Beátus, quem elegísti, et assumpsisti : \* inhabitábit in atrijs tuis.

Replébimur in bonis domus tuæ : \* sanctum est templum tuum, mirábile in æquitáte.

Exáudi nos Deus salutáris noster, \* spes ómnium finium terræ, et in mari longe.

Præparans montes in virtúte tua, accíntus poténtia : \* qui contúrbas profúndum maris, sonum flúctuum ejus.

Turbabúntur gentes, et tímēbunt qui hábitant términos a signis tuis : \* éxitus matutini et vespere delectábis.

Visitásti terram, et inebriásti eam : \* multiplicásti locupletáre eam.

Flumen Dei replétum est aquis, parásti cibum illórum : \* quóniam ita est præparatio ejus.

Rivos ejus inébria, multiplíca genimina ejus : \* in stillicidijs ejus lætábitur gérmínans.

Benedices coronæ anni benígnitátis tuæ : \* et campi tui replebúntur ubertáte.

Pinguéscent speciôsa desér-  
ti : \* et exsultatíone colles ac-  
cingéntur.

Indúti sunt arietes óvium, &  
et valles abundábunt frumén-  
to : \* clamábunt, étenim hym-  
num dicent.

Añá. Exáudi Dómine oratió-  
nem meam : ad te omnis caro  
veniet.

Psalmus 62.

**D**EUS Deus meus \* ad te de  
luce vigilo.

Sitívit in te ánima mea, \*  
quam multipliciter tibi caro  
mea.

In terra desérta, et ínvia, et  
inaquôsa : & sic in sancto ap-  
páruí tibi, \* ut vidérem virtú-  
tem tuam, et glóriam tuam.

Quóniam mélior est miseri-  
córdia tua super vitas : \* lábia  
mea laudábunt te.

Sic benedicam te in vita  
mea : \* et in nómine tuo levá-  
bo manus meas.

Sicut ádipe et pinguédine re-  
pleátur ánima mea : \* et lá-  
biis exsultatíonis laudábit os  
meum.

Si memor fui tui super stratum  
meum, & in matutínis med-  
itábor in te : \* quia fuísti  
adjútor meus.

Et in velaménto alárum tuá-  
rum exsultábo, & adhæsit áni-  
ma mea post te : \* me suscé-  
pit dextera tua.

Ipsi vero in vanum quæsié-  
runt ánimam meam, & introi-  
bunt in inferióra terræ : \* tra-  
déntur in manus gládií, partes  
vúlpium erunt.

Rex vero lætábitur in Deo, &  
laudabúntur omnes qui jurant  
in eo : \* quia obstrúctum est os  
loquéntium iniqua.

Hic non dicitur Réquiem.

Psalmus 66.

**D**EUS misereátur nostri, et  
benedicat nobis : \* illúmi-  
net vultum suum super nos, et  
misereátur nostri.

Ut cognoscámus in terra viam  
tuam : \* in ómnibus géntibus  
salutáre tuum.

Confiteántur tibi pópuli  
Deus : \* confiteántur tibi póp-  
uli omnes.

Læténtur et exsúltent gen-  
tes : & quóniam júdicas pópulo-  
s in æquitáte, \* et gentes in  
terra dirigis.

Confiteántur tibi pópuli  
Deus : & confiteántur tibi póp-  
uli omnes : \* terra dedit fru-  
ctum suum.

Benedícat nos Deus, Deus no-  
ster, & benedícat nos Deus : \*  
et métuant eum omnes fines  
terræ.

Añá. Me suscepit dextera tua,  
Dómine.

Canticum Ezechíæ Regis.

Isaíæ 38.

**E**GO dixi : In dimídió díerum  
meórum \* vadam ad por-  
tas inferi.

Quæsívi resíduum annórum  
meórum. \* Dixi : Non vidébo  
Dóminum Deum in terra vi-  
véntium.

Non aspiciam hóminem  
ultra, \* et habitatórem quí-  
etis.

Generátio mea abláta est; et  
convolúta est a me, \* quasi ta-  
bernáculum pastórum :

Præcisa est velut a texénte,  
vita mea : & dum adhuc ordi-  
rer, succídít me : \* de mane  
usque ad vésperam finies me.

Sperábam usque ad mane, \*  
quasi leo sic contrívit ómnia  
ossa mea :

De mane usque ad vésperam  
finies me : \* sicut pullus hirún-  
dinis sic clamábo, meditabor  
ut columba :

Attenuáti sunt óculi mei, \*  
suspiciéntes in excélsu :

Dómine vim pátiór, & re-  
spónde pro me. \* Quid dicam,  
aut quid respondébit mihi, cum  
ipse fécerit?

Recogitábo tibi omnes annos  
meos \* in amaritúdine ánimæ  
meæ.

Dómine si sic vívitur, et in  
tálibus vita spíritus mei, & cor-  
rípiés me, et vivificábis me. \*  
Ecce in pace amaritúdo mea  
amaríssima :

Tu autem eruísti ánimam  
meam ut non períret, \* proje-  
cisti post tergum tuum ómnia  
peccata mea.

Quia non inférnus confitébi-  
tur tibi, & neque mors laudábit  
te, \* non expectábunt qui  
descéndunt in lacum, veritá-  
tem tuam.

Vivens vivens ipse confitébi-  
tur tibi, sicut et ego hódie : \*  
pater filiis notam fáciét veri-  
tátem tuam.

Dómine salvum me fac, \* et  
psalmos nostros cantábitis  
cunctis diébus vitæ nostræ in  
domo Dómini.

Añá. A porta inferi érué Dó-  
mine ánimas eórum.

#### Psalmus 148.

**L**AUDATE Dóminu de cæ-  
lis : \* laudáte eum in ex-  
célis.

Laudáte eum omnes Angeli  
ejus : \* laudáte eum omnes  
virtútes ejus.

Laudáte eum sol et luna : \*  
laudáte eum omnes stellæ, et  
lumen.

Laudáte eum cæli cæló-  
rum : \* et aquæ omnes, quæ  
super cælos sunt, laudent no-  
men Dómini.

Quia ipse dixit, et facta  
sunt : \* ipse mandávit, et  
creáta sunt.

Státuit ea in ætérnum, et in  
sæculum sæculi : \* præcêp-  
tum pósuit, et non præteribit.

Laudáte Dóminu de terra, \*  
dracónes, et omnes abyssi.

Ignis, grando, nix, gláciés,  
spíritus procellárum : \* quæ fá-  
ciunt verbum ejus :

Montes, et omnes colles : \*  
ligna fructífera, et omnes cedri.  
Béstiæ, et univérsa pécora : \*  
serpéntes, et vólucres penná-  
tæ :

Reges terræ, et omnes pópuli : \*  
príncipes, et omnes júdi-  
ces terræ.

Júvenes, et vírgines : senes  
cum junióribus laudent nomen  
Dómini : \* quia exaltátum est  
nomen ejus solius.

Conféssio ejus super cælum,  
et terram : \* et exaltávit cornu  
pópuli sui.

Hymnus ómnibus sanctis  
ejus : \* filiis Israel, pópulo  
appropinquánti sibi.

Hic non dicitur Réquiem.

#### Psalmus 149.

**C**ANTATE Dómino cánticum  
novu : \* laus ejus in ec-  
clésia sanctórum.

Lætétur Israel in eo, qui fecit  
eum : \* et filii Sion exsúltent  
in rege suo.

Laudent nomen ejus in  
choro : \* in tympano, et psal-  
tério psallant ei :

Quia beneplácitum est Dómi-  
no in pópulo suo : \* et exaltá-  
bit mansuétos in salútem.



Exsultábuntsancti in glória : \*  
letabúntur in cubilibus suis.

Exaltatiónes Dei in gútture  
eórum : \* et gládii ancípites in  
mánibus eórum :

Ad faciéndam vindictam in  
natióibus : \* increpatiónes in  
pópulis.

Ad alligádos reges eórum in  
compédibus : \* et nóbiles eó-  
rum in mánicis férreis.

Ut fáciant in eis iudícium  
conscriptum : \* glória hæc est  
ómnibus sanctis ejus.

Hic non dicitur Réquiem.

Psalmus 150.

**L**AUDATE Dóminum in san-  
ctis ejus : \* laudáte eum in  
firmaménto virtútis ejus.

Laudáte eum in virtútibus  
ejus : \* laudáte eum secúndum  
multitúdinem magnitúdinis  
ejus.

Laudáte eum in sono tubæ : \*  
laudáte eum in psaltério, et cí-  
thara.

Laudáte eum in tympano,  
et choro : \* laudáte eum in  
chordis, et órgano.

Laudáte eum in cymbalis be-  
nesonántibus : \* laudáte eum  
in cymbalis jubilatiónis : \* om-  
nis spíritus laudet Dóminum.

Añã. Omnis spíritus laudet  
Dóminum.

Immediate sequitur

Canticum Zachariæ.

Lucæ 1.

**B**ENEDICTUS Dóminus Deus  
Israel, \* quia visitávit, et  
fecit redemptionem plebis suæ:

Et eréxit cornu salútis no-  
bis : \* in domo David púeri  
sui.

Sicut locútus est per os san-  
ctórum, \* qui a sæculo sunt,  
prophetárum ejus :

Salútem ex inimicis nostris, \*  
et de manu ómnium, qui odé-  
runt nos :

Ad faciéndam misericórdiam  
cum pátribus nostris : \* et me-  
morári testaménti sui sancti.

Jusjurándum, quod jurávit ad  
Abraham patrem nostrum, \*  
datúrum se nobis :

Ut sine timóre, de manu ini-  
micórum nostrórum liberáti, \*  
serviámus illi.

In sanctitáte, et justítia co-  
ram ipso, \* ómnibus diébus  
nostris.

Et tu puer, prophéta Altissi-  
mi vocáberis : \* præbis enim  
ante faciém Dómini paráre  
vias ejus :

Ad dandam sciéntiam salútis  
plebi ejus : \* in remissionem  
peccatórum eórum :

Per viscera misericórdiæ Dei  
nostri : \* in quibus visitávit  
nos, óriens ex alto :

Illumináre his, qui in téne-  
bris, et in umbra mortis se-  
dent : \* ad dirigédos pedes  
nostros in viam pacis.

Réquiem ætérnam dona eis  
Dómine : \* et lux perpétua lú-  
ceat eis.

Añã. Ego sum resurrectio et  
vita : qui credit in me, étiam  
si mórtuus fúerit, vivet : et  
omnis, qui vivit et credit in  
me, non moriétur in ætérnum.

Finita post Canticum Anti-  
phona, dicatur secreto Pater  
noster., deinde legendo voce  
mediocri :

Psalmus 129.

**D**E profundis clamávi ad te  
Dómine : \* Dómine exáu-  
di vocem meam :

Fiant aures tuæ inténdén-  
tes, \* in vocem deprecationis  
meæ.

Si iniquitâtes observâveris  
Dômine : \* Dômine quis susti-  
nêbit?

Quia apud te propitiatio  
est : \* et propter legem tuam  
sustinui te Dômine.

Sustinuit ânima mea in verbo  
ejus : \* sperâvit ânima mea in  
Dômino.

A custôdia matutina usque ad  
noctem : \* speret Israel in Dô-  
mino.

Quia apud Dôminum miseri-  
côrdia : \* et copîosa apud eum  
redemptio.

Et ipse rêdimet Israel, \* ex  
ômnibus iniquitatibus ejus.  
Rêquiem ætérnam...

℟. A porta inferi. ℞. Erue  
Dômine ânimas eôrum.

Dôminus vobiscum. ℞. Et  
cum spîritu tuo. Orémus.

Orationes vero hoc ordine di-  
cantur :

PRO PRÆSENTI

SIVE PRO UNO DEFUNCTO :

† Si Episcopus fuerit, aut  
Sacerdos,

Oratio prima.

**D**EUS, qui inter apostólicos  
Sacerdôtes famulum tuum  
Pontificáli (vel Sacerdotáli) fe-  
cisti dignitatē vigêre, præsta,  
quæsumus, ut eôrum quoque  
perpétuo aggregétur consôrtio.

Oratio secunda.

**D**EUS, véniæ largitor et hu-  
mánæ salútis auctor, quæ-  
sumus cleméntiam tuam : ut  
nostræ congregatiónis fratres,  
sorôres, familiâres et benefa-  
ctôres, qui ex hoc sæculo  
transiêrunt, beâta Maria sem-  
per Virgine intercedênte cum  
ômnibus Sanctis tuis, ad per-  
petuæ beatitudinis consôrtium  
pervenire concêdas.

Oratio tertia.

**F**IDELIUM Deus ômnium cón-  
ditor et redemptor, animâ-  
bus famulôrum famularúmque  
tuârum remissionem cunctô-  
rum tribue peccatôrum : ut in-  
dulgéntiam, quam semper  
optavérunt, piis supplicatiô-  
bus consequantur. Qui vivis et  
regnas cum Deo Patre in uni-  
tate Spîritus sancti Deus, per  
ômnia sæcula sæculôrum.

℞. Amen.

† Si alius quicumque Vir fuerit,

Oratio prima.

**I**NCLINA Dômine aurem tuam  
ad preces nostras, quibus  
misericôrdiam tuam supplices  
deprecâmur : ut ânimam fá-  
muli tui, quam de hoc sæculo  
migrâre jussisti, in pacis ac lu-  
cis regiône constituas, et San-  
ctôrum tuôrum jubeas esse  
consôrtem.

Oratio secunda Deus, véniæ,  
tertia Fidélium., ut supra.

† Si vero Femina fuerit,

Oratio prima.

**Q**UÆSUMUS Dômine, pro tua  
pietate miserere ânimæ  
famulæ tuæ : et a contágiis  
mortalitátis exútam in ætérnæ  
salvatiónis partem restitue.

Oratio secunda Deus, véniæ,  
tertia Fidélium., ut supra.

IN OMNI ANNIVERSARIO.

Oratio prima.

**D**EUS indulgentiârum Dô-  
mine, da animâbus famu-  
lôrum famularúmque tuârum,  
quorum anniversárium depo-  
sitiónis diem commemorâmus,  
refrigérii sedem, quiétis beati-  
túdinem et lúminis claritatem.

Oratio secunda Deus, véniæ,  
tertia Fidélium., ut supra.

† Si simul eveniant Obitus et Anniversarium, dimittatur Oratio Deus, vénia., et prima dicatur pro præsentī Defuncto, secunda de Anniversario, tertia non mutetur.

IN OFFICIO ORDINARIO  
PRO DEFUNCTIS FRATRIBUS,  
SORORIBUS, FAMILIARIBUS  
ET BENEFECTORIBUS

Oratio prima.

**D**EUS, véniaē largitor et humanæ salutis auctor, quæsumus cleméntiam tuam : ut nostræ congregatiónis fratres, soróres, familiáres et benefactóres, qui ex hoc sæculo transierunt, beáta María semper Virgine intercedente cum ómnibus Sanctis tuis, ad perpétuæ beatitudinis consórtium pervenire concédas.

Oratio secunda.

**D**EUS, qui nos patrem et matrem honoráre præcepisti, miserére cleménter animábus paréntum nostrórum : eorúmque peccáta dimitte, nosque eos in æternæ claritátis gáudio fac vidére.

Oratio tertia.

**F**IDELIUM Deus ómnium cōditor et redēptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optaverunt, piis supplicatióibus consequántur. Qui vivis et regnas cum Deo Patre in unitáte Spíritus sancti Deus, per ómnia sæcula sæculórum. *R.* Amen.

Finita ultima Oratione, non

subdatur Dóminus vobiscum., neque Benedicámus Dómino., neque Fidélium., sed tantum :

Requiescant in pace.

*R.* Amen.

Postea dicatur Pater noster., nisi immediate dicendum fuerit Completorium diei.

† Quando Officiū ordinariū pro Fratribus, Sororibus, Familiaribus et Benefactoribus agitur in conventu, Nocturnis continentur semper Laudes, cum vacaverit. Quod si non vacaverit, finito ultimo *R.* Libera me. cum Versibus, dicatur Pater noster. Deinde dicat Sacerdos : Et ne nos indúcas in tentatiónem. *R.* Sed libera nos a malo.

*V.* A porta inferi. *R.* Erue Dómine ánimas eórum.

Dóminus vobiscum. *R.* Et cum spíritu tuo. Orémus.

Oratio Fidélium Deus ómnium., ut supra.

Requiescant in pace.

*R.* Amen. Deinde Pater noster. secreto.

SEPTEM  
PSALMI PŒNITENTIALES.

Aña. Ne reminiscáris.

Psalmus 6.

**D**OMINE ne in furóre tuo árguas me, \* neque in ira tua corpiás me.

Miserére mei Dómine quóniam infirmus sum : \* sana me Dómine quóniam conturbáta sunt ossa mea.

Et ánima mea turbáta est valde : \* sed tu Dómine úsquequo?



Convértere Dómine, et éripe ánimam meam : \* saluum me fac propter misericórdiam tuam,

Quóniam non est in morte qui memor sit tui : \* in inférno autem quis confitébitur tibi?

Laborávi in gémitu meo, lavábo per singulas noctes lectum meum : \* lácrimis meis stratum meum rigábo.

Turbátus est a furóre óculus meus : \* inveterávi inter omnes inimicos meos.

Discéde a me omnes qui operámini iniquitatem : \* quóniam exaudivit Dóminus vocem fletus mei.

Exaudivit Dóminus deprecationem meam, \* Dóminus orationem meam suscepit.

Erubéscant, et conturbéntur veheménter omnes inimici mei : \* convertántur et erubéscant valde velociter.

#### Psalmus 31.

**B**EATI quorum remissæ sunt iniquitates : \* et quorum tecta sunt peccáta.

Beátus vir, cui non imputávit Dóminus peccátum, \* nec est in spirítu ejus dolus.

Quóniam tácuí, inveteráverunt ossa mea, \* dum clamárem tota die.

Quóniam die ac nocte graváta est super me manus tua : \* convérsus sum in aerúmna mea, dum configitur spina.

Delictum meum cognítum tibi feci : \* et injustítiam meam non abscondi.

Dixi : Confitébor advérsus me injustítiam meam Dómino : \* et tu remisisti impietatem peccáti mei.

Pro hac orábit ad te omnis

sanctus, \* in témpore opportúno.

Verúmtamen in dilúvio aquárum multárum, \* ad eum non approximábunt.

Tu es refúgium meum a tribulatióne, quæ circumdedit me : \* exsultatio mea érué me a circumdántibus me.

Intelléctum tibi dabo, et instruam te in via hac, quæ gradiéris : \* firmábo super te óculos meos.

Nolíte fieri sicut equus et mulus, \* quibus non est intelléctus.

In camo et freno maxillas eórum constrínge, \* qui non appróximant ad te.

Multa flagélla peccatóris, \* sperántem autem in Dómino misericórdia circumdabit.

Lætámini in Dómino, et exsultáte justí, \* et gloriámini omnes recti corde.

#### Psalmus 37.

**D**OMINE ne in furóre tuo dárguas me, \* neque in ira tua corripías me.

Quóniam sagíttæ tuæ infíxæ sunt mihi : \* et confirmásti super me manum tuam.

Non est sánitas in carne mea a fácie iræ tuæ : \* non est pax óssibus meis a fácie peccatórum meórum.

Quóniam iniquitates meæ supergréssæ sunt caput meum : \* et sicut onus grave gravátæ sunt super me.

Putruérunt et corrúptæ sunt cicatrices meæ, \* a fácie insipientiæ meæ.

Miser factus sum, et curvátus sum usque in finem : \* tota die contristátus ingrediébar.

Quóniam lumbi mei impléti

sunt illusiōnibus : \* et non est  
sānitas in carne mea.

Afflictus sum, et humiliātus  
sum nimis : \* rugiebam a gé-  
mitu cordis mei.

Dómine, ante te omne desi-  
derium meum : \* et gémitus  
meus a te non est absconditus.

Cor meum conturbātum est,  
dereliquit me virtus mea : \* et  
lumen oculórum meórum, et  
ipsum non est mecum.

Amici mei, et próximi mei \*  
adversum me appropinquavé-  
runt, et steterunt.

Et qui juxta me erant, de  
longe steterunt : \* et vim faci-  
ebant qui quærebant animam  
meam.

Et qui inquirébant mala mi-  
hi, locúti sunt vanitátes : \* et  
dolos tota die meditabātur.

Ego autem tamquam surdus  
non audiebam : \* et sicut mu-  
tus non apériens os suum.

Et factus sum sicut homo non  
audiens : \* et non habens in  
ore suo redargutiōnes.

Quóniam in te Dómine spe-  
ravi : \* tu exaudies me Dómi-  
ne Deus meus.

Quia dixi : Nequándo super-  
gaudeant mihi inimici mei : \* et  
dum commovéntur pedes mei,  
super me magna locúti sunt.

Quóniam ego in flagélla pa-  
rātus sum : \* et dolor meus in  
conspéctu meo semper.

Quóniam iniquitátem meam  
annuntiábo : \* et cogitábo pro  
peccáto meo.

Inimici autem mei vivunt, et  
confirmáti sunt super me : \* et  
multiplicáti sunt qui odérunt  
me inique.

Qui retribuunt mala pro bo-  
nis, detrahébant mihi : \* quó-  
niam sequébar bonitátem.

Ne derelinquas me Dómine  
Deus meus : \* ne discésseris a  
me.

Inténde in adiutorium  
meum, \* Dómine Deus salutis  
meæ.

Psalmus 50.

**M**ISERERE mei Deus, \* se-  
cúndum magnam miseri-  
córdiam tuam.

Et secúndum multitudinem  
miseratiónum tuárum, \* dele  
iniquitátem meam.

Amplius lava me ab iniquitá-  
te mea : \* et a peccáto meo  
munda me.

Quóniam iniquitátem meam  
ego cognosco : \* et peccátum  
meum contra me est semper.

Tibi soli peccávi, et malum  
coram te feci : \* ut justificéris  
in sermónibus tuis, et vincas  
cum iudicáris.

Ecce enim in iniquitatibus  
concéptus sum : \* et in peccá-  
tis concépit me mater mea.

Ecce enim veritátem dilexi-  
sti : \* incérta et occulta sa-  
piéntiæ tuæ manifestásti mi-  
hi.

Aspérget me hyssópo, et  
mundabor : \* lavábis me, et  
super nivem dealbabor.

Auditui meo dabis gáudium  
et lætitiám : \* et exsultábunt  
ossa humiliáta.

Avérte faciém tuam a peccá-  
tis meis : \* et omnes iniquitá-  
tes meas dele.

Cor mundum crea in me  
Deus : \* et spíritum rectum in-  
nova in viscéribus meis.

Ne projicias me a faciē tua : \*  
et spíritum sanctum tuum ne  
áuferas a me.

Redde mihi lætitiám salutá-  
ris tui : \* et spíritu principáli  
confirma me.

Docébo iníquos vias tuas : \*  
et impii ad te converténtur.

Libera me de sanguinibus  
Deus, Deus salútis meæ : \* et  
exultábit lingua mea justítiam  
tuam.

Dómine lábia mea apéries : \*  
et os meum annuntiábit lau-  
dem tuam.

Quóniam si voluisses sacrifici-  
cium, dedíssem útique : \* holo-  
caústis non delectáberis.

Sacrificium Deo spiritus contri-  
bulátus : \* cor contritum et  
humiliátum Deus non despí-  
cies.

Benigne fac Dómine in bona  
voluntáte tua Sion : \* ut ædi-  
ficéntur muri Jerúsalem.

Tunc acceptábis sacrificium  
justitiæ, oblatiões, et holo-  
causta : \* tunc impónent super  
altáre tuum vitulos.

Psalmus 101.

**D**OMINE exáudi oratióne  
meam : \* et clamor meus  
ad te véniat.

Non avértas fáciem tuam a  
me : \* in quacúmque die trí-  
bulo, inclina ad me aurem  
tuam.

In quacúmque die invocávero  
te, \* velóclter exáudi me.

Quia defecérunt sicut fumus  
dies mei : \* et ossa mea sicut  
crémium aruerunt.

Percússus sum ut fœnum, et  
aruit cor meum : \* quia oblítus  
sum comédere panem meum.

A voce gémus mei \* adhæ-  
sit os meum carni meæ.

Símilis factus sum pellicáno  
solitúdinis : \* factus sum sicut  
nycticorax in domicílio.

Vigilávi, \* et factus sum sicut  
passer solitárius in tecto.

Tota die exprobrábant mihi

inimíci mei : \* et qui laudá-  
bant me advérsus me jurá-  
bant.

Quia cinerem tamquam pa-  
nem manducábam, \* et potum  
meum cum fletu miscébam.

A fácie iræ et indignatiónis  
tuæ : \* quia élevans allisisti me.

Dies mei sicut umbra decli-  
navérunt : \* et ego sicut fœ-  
num áruí.

Tu autem Dómine in ætér-  
num pérmanes : \* et memo-  
riále tuum in generatióne et  
generatióne.

Tu exsúrgens miseréberis  
Sion : \* quia tempus miseré-  
ndi ejus, quia venit tempus.

Quóniam placuérunt servis  
tuis lápides ejus : \* et terræ ejus  
miserebúntur.

Et timébunt gentes nomen  
tuum Dómine, \* et omnes re-  
ges terræ glóriam tuam.

Quia ædificávit Dóminus  
Sion : \* et vidébitur in glória  
sua.

Respéxit in oratióne humili-  
um : \* et non sprexit prece-  
m eórum.

Scribántur hæc in generatió-  
ne áltera : \* et pópulus, qui  
creábitur, laudábit Dóminum :

Quia prospéxit de excélsó  
sancto suo : \* Dóminus de cælo  
in terram aspéxit :

Ut audíret gémus compedi-  
tórum : \* ut sólveret filios in-  
teremptórum :

Ut annúntient in Sion nomen  
Dómini : \* et laudem ejus in  
Jerúsalem.

In conveniéndó pópulos in  
unum, \* et reges ut sérviant  
Dómino.

Respóndit ei in via virtútis  
suz : \* Paucitátem diérum  
meórum núntia mihi.



Ne révoques me in dimidio diérum meórum : \* in generatió-nem et generatió-nem anni tui.

Initio tu Dómine terram fundásti : \* et ópera mánuum tuárum sunt cæli.

Ipsi peribunt, tu autem pórmanes : \* et omnes sicut vestiméntum veteráscent.

Et sicut opertórium mutábis eos, et mutabúntur : \* tu autem idem ipse es, et anni tui non deficient.

Filii servórum tuórum habitábunt : \* et semen eórum in sæculum dirigétur.

Psalmus 129.

**D**E profúndis clamávi ad te Dómine : \* Dómine exáudi vocem meam :

Fiant aures tuæ intendén-tes, \* in vocem deprecatió-nis meæ.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutina usque ad noctem : \* speret Israel in Dómino.

Quia apud Dóminum misericórdia : \* et copiósa apud eum redémptio.

Et ipse rédimet Israel, \* ex ómnibus iniquitátibus ejus.

Psalmus 142.

**D**OMINE exáudi oratió-nem meam : áuribus pécipe obsecratió-nem meam in veritáte tua : \* exáudi me in tua justitia.

Et non intres in iudícium

cum servo tuo : \* quia non justificábitur in conspéctu tuo omnis vivens.

Quia persecútus est inimicus ánima-m meam : \* humiliávit in terra vitam meam.

Collocávit me in obscuris sicut mórtuos sæculi : \* et anxíatus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis : \* in factis mánuum tuárum meditábar.

Expándi manus meas ad te : \* ánima mea sicut terra sine aqua tibi :

Velóriter exáudi me Dómine : \* defécit spíritus meus.

Non avértas faciém tuam a me : \* et similis ero descendéntibus in lacum.

Audítam fac mihi mane misericórdiam tuam : \* quia in te sperávi.

Notam fac mihi viam, in qua ámbulem : \* quia ad te levávi ánima-m meam.

Eripe me de inimicis meis Dómine, ad te confúgi : \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : \* propter nomen tuum Dómine vivificábis me in æquitáte tua.

Educes de tribulatió-ne ánima-m meam : \* et in misericórdia tua dispérdes inimicos meos.

Et perdes omnes, qui tribulant ánima-m meam : \* quóniam ego servus tuus sum.

Añá. Ne reminiscáris Dómine delicta nostra, vel paréntum nostrórum : neque vindictam sumas de peccátis nostris.

† Feria quarta Cinerum et Feria quinta in Cena Domini, dicta post Psalmos Pœnitentiales Añā Ne reminiscāris., ut supra, subdatur a Choro : Kyrie eléison. Christe eléison. Kyrie eléison. Pater noster; quo finito, dicat Prior :

Et ne nos inducas in tentationem. R. Sed libera nos a malo.

℟. Salvos fac servos tuos.

℟. Deus meus sperantes in te.

℟. Mitte eis Dómine auxilium de sancto. R. Et de Sion tuere eos.

℟. Esto eis Dómine turris fortitudinis. R. A fácie inimici.

℟. Dómine exáudi orationem meam. R. Et clamor meus ad te véniat.

Dóminus vobíscum. R. Et cum spíritu tuo.

Orémus.

Oratio.

**E**XAUDI Dómine preces nostras, et confiténtium tibi parce peccátis; ut quos conscientíæ reátus accúsat indulgéntia tuæ pietátis absolvat. Per Christum Dóminum nostrum. R. Amen.

Finita prædicta Oratione, faciat Prior absolutionem hoc modo :

**D**OMINUS Jesus Christus, qui beáto Petro Apóstolo suo potestátem dedit ligándi atque solvéndi, ipse vos absolvat ab omni vinculo delictórum; et quantum meæ fragilitati permittitur, sitis absoluti ante tribúnal ejúsdem Dómini nostri Jesu Christi ab ómnibus peccátis et negligéntiis vestris : habeatisque vitam ætérnam, et vivátis in sæcula sæculórum. R. Amen.

# ORATIONES PRO D. PAPA ET PRO BENEFACITORIBUS IN CAPITULO DICENDÆ.

Si in Capitulo culpæ fuerint audiendæ, dicantur Orationes pro Domino Papa et pro benefactoribus hoc modo :

Dicto a Praelato Benedicite., et responso Dóminus., si recitanda fuerint beneficia, recitentur. Deinde commendatis quos commendare habuerit vel voluerit, Praelatus surgens, surgentibus et ceteris omnibus, dicat sine Orémus, sequentem Orationem, ad quam Fratres profunde inclinent :

**R**ETRIBUERE dignare Dómine ómnibus nobis bona faciéntibus propter nomen sanctum tuum vitam ætérnam. R. Amen.

Et dicatur ab utroque Choro alternatim Psalmus Ad te levávi óculos meos., ut pag. 167\*, terminando eum per ℟. Glória Patri. et Sicut erat.; deinde Psalmus De profundis clamávi ad te Dómine., ut pag. 197\*, terminando eum per ℟. Réquiem ætérnam.

Postea ab omnibus dicatur : Kyrie eléison. Christe eléison. Kyrie eléison. et secreto Pater noster. Quo finito dicat Hebdomadarius :

Et ne nos inducas in tentationem. R. Sed libera nos a malo.

Orémus pro Dómino Papa. R. Dóminus conservet eum, et vivíficet eum, et beátum faciat eum in terra, et non tradat eum in ánimam inimicórum ejus.

℟. Salvos fac servos tuos et ancillas tuas. R. Deus meus sperantes in te.

Requiescant in pace.

R. Amen.

Dóminus vobiscum. V. Et cum spiritu tuo.

Orémus.

Oratio.

**O**MNIPOTENS sempitérne Deus, qui facis mirabilia magna solus, prætende super famulum tuum N. Papam nostrum, et super cunctas congregationes illi commissas spiritum grátiae salutáris : et ut in veritate tibi compláceant, perpétuum eis rorem tuæ benedictionis infúnde.

Oratio.

**P**RÆTENDE Dómine famulis et famulábus tuis dexteram cælestis auxilii : ut te toto corde perquirant, et quæ digne póstulant assequántur.

Oratio.

**F**IDELIUM Deus ómnium Fcnditor et redemptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur. Qui vivis et regnas per ómnia sæcula sæculórum. R. Amen.

Prædictæ tres Orationes dicantur sub uno Orémus. et terminentur per unum Qui vivis.

¶ Vacante Sede Apostolica omittenda sunt quæ ad Summum Pontificem referuntur.

Terminatis Orationibus, Prælatus audiat culpas, quibus auditis, surgentibus omnibus, dicat

V. Adjutórium nostrum in nómine Dómini. R. Qui fecit cælum et terram.

¶ Si tamen quæ supra scripta sunt simul cum Pretiósá. peragenda fuerint, dicto Commem-

morátio Fratrum.... et Requiescant in pace., responsoque Amen., ut pag. 26., subdatur Benedicite., recitentur beneficia, fiant commendationes, et dicantur VV. cum Orationibus pro Domino Papa et benefactoribus, ut supra; deinde auditis culpis, dicatur Psalmus Laudáte Dóminum omnes gentes.... V. Osténde nobis., Dóminus vobiscum. Orémus. Actiões nostras. et X. Adjutórium nostrum., uti pag. 26. pariter notatum est.

#### BENEDICTIO ANTE CONCIONEM.

¶ Quando in Capitulo dicendum fuerit Pretiósá., si sermo fuerit faciendus, et extranei interesse debuerint, omnia fiant et terminentur ut pag. 25. et pag. 26. notatum est, excepto quod qui tenet Capitulum, dicto Requiescant in pace. et responso Amen., dicet Benedicite., et responso Dóminus., incipiet Psalmum Laudáte Dóminum omnes gentes.

¶ Si autem extranei non debuerint interesse, dicto Benedicite. et propositis si qua voluerit proponere, qui tenet Capitulum dicat : Surgat qui debet fácere sermónem. Et ille surgens veniat ante eum, et flexis genibus et inclinato capite, petat benedictionem dicendo : Jube domne benedicere., et detur ei Benedictio :

**D**OMINUS sit in corde tuo et in lábiis tuis, ad pronuntiándum digne et fructuosé verba sua sancta. In nómine Patris ✠, et Filii, et Spiritus sancti. R. Amen.



Recepta Benedictione, vadat ad locum ubi facientes sermonem esse consueverunt. Finito sermone, qui tenet Capitulum, si velit aliqua subungere, subjungat; et cum finem dicendi fecerit, incipiat Psalmum Laudate Dñm omnes gentes. Post Psalmum dicatur V. Ostende nobis, Dñus vobiscum. Orémus. Actiones nostras. et V. Adjutorium nostrum. uti pag. 26. notatum est.

## BENEDICTIO MENSÆ.

I. ANTE PRANDIUM  
QUANDO NON JEJUNATUR.

Præmisso Benedicite., immediate dicatur :

V. Oculi ómnium in te sperant Dñe : et tu das escam illórum in témpore opportúno : áperis tu manum tuam, et imple omne ánimam benedictione. Glória Patri... Sicut erat...

Kyrie eléison. Christe eléison. Kyrie eléison., Pater noster. secreto. Et ne nos inducas in tentationem. R. Sed libera nos a malo.

Orémus.

Oratio.

**B**ENE ✠ DIC Dñe dona tua, quæ de tua largitate sumus sumpturi. Per Christum Dñm nostrum. R. Amen.

Et dicto Jube domne benedicere., detur Benedictio : Mensæ celéstis partícipes faciat nos Rex æternæ glóriæ. R. Amen.

II. ANTE PRANDIUM  
QUANDO JEJUNATUR.

Præmisso Benedicite., immediate dicatur :

V. Edent páuperes et saturabuntur : et laudábunt Dñm qui requirunt eum : vivent corda eórum in sæculum sæculi. Glória Patri... Sicut erat...

Kyrie eléison. Christe eléison. Kyrie eléison. Pater noster. secreto. Et ne nos inducas in tentationem. R. Sed libera nos a malo.

Orémus.

Oratio.

**B**ENE ✠ DIC Dñe dona tua, quæ de tua largitate sumus sumpturi. Per Christum Dñm nostrum. R. Amen.

Et dicto Jube domne benedicere., detur Benedictio : Mensæ celéstis partícipes faciat nos Rex æternæ glóriæ. R. Amen.

† Feria quinta in Cena Domini et Feria sexta in Parasceve non dicitur Glória Patri.

## III. ANTE CENAM.

Præmisso Benedicite., immediate dicatur :

V. Edent páuperes et saturabuntur : et laudábunt Dñm qui requirunt eum : vivent corda eórum in sæculum sæculi. Glória Patri... Sicut erat...

Kyrie eléison. Christe eléison. Kyrie eléison. Pater noster. secreto. Et ne nos inducas in tentationem. R. Sed libera nos a malo.

Orémus.

Oratio.

**B**ENE ✠ DIC Dñe dona tua, quæ de tua largitate sumus sumpturi. Per Christum Dñm nostrum. R. Amen.

Et dicto Jube domne benedicere., detur Benedictio : Ad cenam vitæ æternæ perdúcat nos Rex glóriæ. R. Amen.

GRATIARUM  
ACTIO POST MENSAM.

I. POST PRANDIUM  
QUANDO NON JEJUNATUR.

¶ Confiteantur tibi Dómine  
omnia ópera tua : et Sancti tui  
benedicant tibi. Glória Patri...  
Sicut erat...

**A**GIMUS tibi grátias omnípo-  
tens Deus pro univér-  
sibus beneficiis tuis : Qui vivis et re-  
gnas per ómnia sæcula sæcu-  
lórum. R. Amen.

Psalmus 50. Miserére mei  
Deus, pag. 195\*; et in fine di-  
catur Glória Patri.

Kyrie eléison. Christe eléison.  
Kyrie eléison. Pater noster.  
secreto.

Et ne nos indúcas in tenta-  
tíonem. R. Sed libera nos a  
malo.

¶ Dispérsit, dedit paupé-  
ribus. R. Justítia ejus manet in  
sæculum sæculi.

¶ Benedicám Dóminum in  
omni témpore. R. Semper laus  
ejus in ore meo.

¶ In Dómino laudábitur áni-  
ma mea. R. Audiant man-  
suéti, et læténtur.

¶ Magnificáte Dóminum  
mecum. R. Et exaltémus no-  
men ejus in idípsium.

¶ Sit nomen Dómini bened-  
ictum. R. Ex hoc nunc, et  
usque in sæculum.

Postea sine Dóminus vobís-  
cum, et sine Orémus. dicatur  
Oratio :

**R**ETRIBUERE dignáre Dó-  
mine ómnibus nobis bona  
faciéntibus propter nomen  
sanctum tuum vitam ætér-  
nam. R. Amen.

Benedicámus Dómino. R. Deo  
grátias.

Si non sequitur aliqua Hora,  
dicatur :

Fidélium ánimæ per miseri-  
córdiam Dei requiéscent in  
pace. R. Amen. Et subjunga-  
tur secreto Pater noster.

II. POST PRANDIUM  
QUANDO JEJUNATUR.

¶ Memóriam fecit mirabi-  
lium suórum miséricors et mi-  
serátor Dóminus : escam dedit  
timéntibus se. Glória Patri...  
Sicut erat...

**A**GIMUS tibi grátias omni-  
potens Deus pro univér-  
sibus beneficiis tuis : Qui vivis et re-  
gnas per ómnia sæcula sæcu-  
lórum. R. Amen.

Psalmus Miserére mei Deus.,  
pag. 195\*; et in fine dicatur  
Glória Patri.

Kyrie eléison. Christe eléison.  
Kyrie eléison. Pater noster.  
secreto. Et ne nos indúcas in  
tentatíonem. R. Sed libera nos  
a malo.

¶ Dispérsit, et reliqua omnia  
dicantur quæ post prandium  
quando non jejunatur dici con-  
sueverunt, uti supra notatum  
est.

† Feria tamen quinta in Cena  
Domini et Feria sexta in Pa-  
rasceve non dicitur Glória Pa-  
tri, neque Fidélium ánimæ.

III. POST CENAM.

¶ Memóriam fecit mirabi-  
lium suórum miséricors et mi-  
serátor Dóminus : escam dedit  
timéntibus se. Glória Patri...  
Sicut erat...

**B**ENEDICTUS Deus in donis  
suis, et sanctus in ómnibus  
opéribus suis : Qui vivit et re-  
gnat per ómnia sæcula sæcu-  
lórum. R. Amen.

Psalmus Miserere mei Deus., pag. 195\* : et in fine dicatur Glória Patri.

Kyrie eléison. Christe eléison. Kyrie eléison. Pater noster. secreto. Et ne nos inducas in tentationem. R. Sed libera nos a malo.

℟. Dispérsit. et reliqua omnia dicantur quæ post prandium dici consueverunt, ut pag. 201\* notatum est.

† Quando sedentibus ad refectionem Fratribus auditum fuerit signum, quod fieri solet cum Frater penitus morti appropinquaverit, si fuerint in principio refectionis aut in medio, velociter exeant omnes, omisso Tu autem. et accurrant ad morientem dicentes : Credo in Deum, et prosequantur totum tam alte ut possit audiri, repetendo quousque ad infirmum pervenerint. Completis autem quæ de Commendatione animæ in transitu existentis, de Suffragiis egressa anima dicendis etc., pag. 240\* et sequentibus notata sunt, ad refectionem redeant, ita tamen ut nola non pulsetur, nec Benedictio repetatur; sed Lector incipiat ubi dimiserat. Quod etiam fiat in Quadragesima.

† Si vero, audito signo prædicto, circa finem refectionis fuerint, innuente Priore dicatur Tu autem. Et dicto breviter Versu Confiteántur. vel Memóriam., subjungente Hebdomadario Agimus tibi grátias., vel Benedictus Deus in donis suis., absque Psalmo, statim exeant dicentes Credo in Deum., ut supra.

## DE COLLATIONE.

Præmisso Benedicite., detur Benedictio : Largitor ómnium bonórum bene ✠ dicat potum servórum suórum. R. Amen.

Finita Collatione dicatur ℟. Adjutórium nostrum in nómine Dómini. R. Qui fecit cælum et terram.

## ORATIO

### PRO CAPITULO GENERALI ET EUNTIBUS AD ILLUD.

Anno quo celebrandum fuerit Capitulum generale, Feria secunda post Octavam Paschæ et deinceps usque ad sextam Feriam ante Pentecosten inclusive, omni die, nisi sit festum Totum Duplex, finito Pater noster. quod dicitur post Nonam, vel post Officium Defunctorum, si fiat a Conventu immediate post Nonam, dicatur Psalmus Ad te levávi. ab utroque Choro alternatim, Cantore ex parte Hebdomadarii incipiente.

Psalmus 122.

**A**d te levávi óculos meos, \* qui hábitas in cælis.

Ecce sicut óculi servórum, \* in mánibus dominórum suórum.

Sicut óculi ancillæ in mánibus dómínæ suæ : \* ita óculi nostri ad Dóminum Deum nostrum, donec misereátur nostri.

Miserere nostri Dómine, miserere nostri : \* quia multum repléti sumus despectióne :

Quia multum repléta est anima nostra : \* oppróbrium abundantibus, et despectio supérbis.

Glória Patri... Sicut erat...



Postea dicatur Añā. Veni sancte Spiritus : reple tuorum corda fidelium, et tui amoris in eis ignem accende : qui per diversitatem linguarum multarum gentes in unitate fidei congregasti.

Kyrie eleison. Christe eleison. Kyrie eleison. Pater noster. secreto. Et ne nos inducas in tentationem. R. Sed libera nos a malo.

V. Emitte Spiritum tuum, et creabuntur. R. Et renovabis faciem terrae.

V. Salvos fac servos tuos. R. Deus meus sperantes in te. Dominus vobiscum. R. Et cum spiritu tuo.

Orémus. Oratio.

**D**EUS, qui corda fidelium sancti Spiritus illustratione docuisti : da nobis in eodem Spiritu recta sapere, et de ejus semper consolatione gaudere.

Oratio.

**A**DESTO Domine supplicationibus nostris, et viam famulorum tuorum in salutis tuae prosperitate dispone : ut inter omnes viae et vitae hujus varietates, tuo semper protegantur auxilio. Per Christum Dominum nostrum. R. Amen.

† Fratres vero qui non sunt in Choro nihilominus dicere debent idem.

## OFFICIUM FACIENDUM IN ELECTIONIBUS.

### I. IN ELECTIONE MAGISTRI ORDINIS.

Completa Missa de Spiritu sancto in Conventu ubi celebratur electio, Electores inclusi, antequam procedant ad electionem, dicant flexis geni-

bus sine cantu Hymnum Veni Creator Spiritus. Priore Provinciali, qui primum locum tenuerit, dicente unum Versum Hymni, et aliis omnibus alium.

### Hymnus.

**V**ENI Creator Spiritus,  
Mentes tuorum visita,  
Imple superna gratia  
Quae tu creasti pectora.

QUI Paracletus diceris,  
Donum Dei altissimi,  
Fons vivus, ignis, caritas,  
Et spiritalis unctio.

Tu septiformis munere,  
Dextrae Dei tu digitus,  
Tu rite promissum Patris,  
Sermonem ditans guttura.

ACCENDE lumen sensibus,  
Infunde amorem cordibus  
Infirma nostri corporis  
Virtute firmans perpeti.

HOSTEM repellas longius,  
Pacemque dones protinus :  
Ductore sic te praevio,  
Vitemus omne noxium.

PER te sciamus da Patrem,  
Noscamus atque Filium,  
Te utriusque Spiritum  
Credamus omni tempore.

SIT laus Patri cum Filio,  
Sancto simul Paracletito :  
Nobisque mittat Filius  
Charisma sancti Spiritus.

Amen.

Kyrie eleison. Christe eleison.  
Kyrie eleison. Pater noster.  
Dicat Prior Provincialis praedictus :

Et ne nos inducas in tentationem. R. Sed libera nos a malo.

V. Emitte Spiritum tuum et creabuntur. R. Et renovabis faciem terrae.

Dominus vobiscum. R. Et cum spiritu tuo.

Orémus.

Oratio.

**D**EUS, qui corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudére. Per Christum Dóminum nostrum. *R.* Amen.

Deinde procedatur ad electionem, qua facta, convocato Capitulo, et recitato ibi processu coram Fratribus a prædicto Priore breviter et summatim, Cantor incipiat Te Deum laudámus., quod Fratres devote prosequentes vadant ad Chorum, non servato processions ordine. Duo vero Priores Provinciales, qui primum locum tenuerint, unus ad dexteram Magistri, si præsens fuerit, et alius ad sinistram, ducant ipsum ante gradum Altaris, ubi flexis genibus prostratus maneat quousque infra scripta Oratio terminetur.

Finito Te Deum., immediate primus Prior de duobus prædictis dicat :

*Y.* Saluum fac servum tuum. *R.* Deus meus sperántem in te. Dóminus vobiscum. *R.* Et cum spiritu tuo.

Postea dicat sequentem Orationem eo modo quo dicuntur Orationes ad Horas :

Orémus.

Oratio.

**C**ONCEDE, quæsumus omnipotens Deus : ut fámulum tuum, quem ad régimen animárum nostrárum elégit, dono tuæ grátiae prosequáris; ut te largiēte, cum ipsa nostra electiōne tibi placeamus. Per Christum Dóminum nostrum. *R.* Amen.

Postmodum duo prædicti Priores erigant eum, et ducant

ad Chorum et collocent in sede sua.

Interim pulsato iterum Capitulo, postquam Magister fuerit in sede sua, convenient Fratres ad Capitulum sine processions ordine, Magistro ultimo eunte. Cumque in Capitulum venerint, Magister, sedens in sede sua, Fratrum orationibus se recommendet, et alia, si qua voluerit proponere, proponat.

Completo Capitulo, surgat Magister et dicat *Y.* Adjutórium nostrum in nómine Dómini. *R.* Qui fecit cælum et terram.

*¶* Si vero Magister præsens non fuerit, nihilominus post electionem convocato Capitulo, et recitato processu, cantetur Te Deum., et eatur ad Chorum, et dicatur Versiculus Saluum fac. cum Oratione Concéde., ut supra. Secundo tamen non oportet Fratres ad Capitulum convenire.

## II. IN ELECTIONE PRIORIS PROVINCIALIS.

Completa Missa de Spiritu sancto in Conventu ubi celebratur electio, antequam procedatur ad electionem fiat invocatio Spiritus sancti, sicut supra de electione Magistri Ordinis dictum est. Completa vero electione, Fratribus convocatis ad Capitulum, recitatoque processu breviter ab eo cui competit, Cantor incipiat Psalmum Laudáte Dóminum omnes gentes. in ea voce qua solet dici ad Pretiósá. et Conventus prosequatur Psalmum cum Glória Patri., dextro Choro dicente primum Versum. Quo finito, sine Kyrie eléison. et

sine Pater noster., Vicarius Prioris Provincialis, si non est electus, alias Prior Conventualis qui primum locum tenet, dicat legendo :

℟. Confirma hoc Deus, quod operatus es in nobis. ℞. A templo sancto tuo, quod est in Jérusalem.

Dóminus vobiscum. ℞. Et cum spiritu tuo.

Orémus. Oratio.

**C**ONCEDE, quæsumus omnipotens Deus : ut famulum tuum, quem ad régimen animarum nostrarum elegimus, dono tuæ gratiæ prosequaris; ut te largiente, cum ipsa nostra electione tibi placeamus. Per Christum Dóminum nostrum. ℞. Amen.

Deinde dicat ℟. Adjutorium nostrum in nómine Dómini. ℞. Qui fecit cælum et terram. Et sic discedant Fratres, nisi Prior vel Electus, si est præsens, voluerit eos retinere.

### III. IN ELECTIONE PRIORIS CONVENTUALIS.

Completa Missa de Spiritu sancto, antequam procedatur ad electionem, fiat invocatio Spiritus sancti, sicut de electione Magistri Ordinis dictum est. Completa vero electione, Fratribus convocatis ad Capitulum, recitatoque processu breviter, dicatur legendo Psalmus Laudate Dóminum omnes gentes. dextro Choro dicente primum Versum; deinde Glória Patri.

Postea qui tenet Capitulum dicat ℟. Adjutorium nostrum in nómine Dómini. ℞. Qui fecit cælum et terram.

## BENEDICTIONES FRATRUM ITINERANTIIUM.

### I. BENEDICTIO FRATRUM EGREDIENTIUM.

Fratres itinerare volentes accipiant Benedictionem a Prælato, aut ab aliquo Sacerdote hoc modo. Prostratis Fratribus iter acturis in modum veniæ in Choro, vel ante aliquod Altare, vel ante Crucifixum in Capitulo, Sacerdos qui daturus est Benedictionem incipiat Psalmum Levávi oculos meos in montes., et qui astant eum prosequantur hoc modo, quod Sacerdos solus dicat unum Versum, et omnes astantes dicant alium.

Psalmus 120.

**L**EVAVI oculos meos in montes, \* unde veniet auxilium mihi.

Auxilium meum a Dómino, \* qui fecit cælum et terram.

Non det in commotionem pedem tuum : \* neque dormitet qui custodit te.

Ecce non dormitabit neque dormiet, \* qui custodit Israel.

Dóminus custodit te, Dóminus protectio tua, \* super manum dexteram tuam.

Per diem sol non uret te : \* neque luna per noctem.

Dóminus custodit te ab omni malo : \* custodiát animam tuam Dóminus.

Dóminus custodiát introitum tuum, et exitum tuum : \* ex hoc nunc et usque in sæculum.

Glória Patri... Sicut erat...

Dicatur ab omnibus Kyrieelíson. Christe eléison. Kyrie elíson. Pater noster. secreto. Et subjungat Sacerdos prædictus:



Et ne nos indúcas in tentatiónem. *R.* Sed libera nos a malo.

*V.* Salvos fac servos tuos. *R.* Deus meus sperántes in te. *Dóminus vobiscum. R.* Et cum spiritu tuo.

*Orémus.*

*Oratio.*

**A**DESTO Dómine supplicatió-nibus nostris, et viam famulórum tuórum in salutis tuæ prosperitaté dispóne : ut inter omnes viæ et vitæ hujus varietates tuo semper prote-gántur auxilio. Per Christum Dóminum nostrum. *R.* Amen. Sacerdos postmodum ipsos erectos aspergat aqua benedi-cta.

## II. BENEDICTIO

### FRATRUM ADVENIENTUM.

Fratres advenientes accipiant Benedictionem a Prælato aut ab aliquo Sacerdote hoc modo:

Prostratis Fratribus advenientibus in modum veniæ in Choro, vel ante aliquod Alta-re, vel ante Crucifixum in Ca-pitulo, Sacerdos qui daturus est Benedictionem incipiat Psalmum Ad te levávi. pag. 202\*; et qui astant eum prosequantur hoc modo, quod Sacerdos solus dicat unum Versum et omnes astantes alium.

Post Glória Patri. et Sicut erat. dicatur ab omnibus : Kyrie eléison. Christe eléison. Kyrie eléison. Pater noster. secreto. Et subjungat Sacerdos prædictus :

Et ne nos indúcas in tenta-tiónem. *R.* Sed libera nos a malo.

*V.* Salvos fac servos tuos. *R.* Deus meus sperántes in te.

*Dóminus vobiscum. R.* Et cum spiritu tuo.

*Orémus.*

*Oratio.*

**M**ISERERE, quæsumus Dó-mine, famulis tuis : et quidquid eis in via subrípuít visus vel auditus malæ rei, aut otíosi sermónis, totum tua ineffábili cleméntia, et méritis beatissimæ Matris tuæ Mariæ et sancti Patris nostri Domí-ni, déleas et abstérgas. Qui vi-vis et regnas per ómnia sæ-cula sæculórum. *R.* Amen.

Sacerdos postmodum ipsos erectos aspergat aqua benedi-cta.

## III. BENEDICTIO

### MAGISTRI ORDINIS,

### PRIORIS PROVINCIALIS

### ET PRIORIS CONVENTUALIS.

Si Magister Ordinis de novo post susceptum magisterium venit ad domum, vel etiam post longum tempus ex quo non fuit in domo, præscito ad-ventu suo, cum appropinquit ad domum, convocandi sunt Fratres cum campana Capituli ad Ecclesiam, ubi collocantes se ordinate in Choro inferiori, reverenter eum recipiant. Ma-gistro Ordinis et Fratribus cum eo advenientibus prostratis in Choro in modum veniæ, Sa-cerdos, qui major est inter Fratres domus, stans prope prostratos, incipiat Psalmum Ad te levávi., pag. 202\* et Conventus eum prosequatur hoc modo quod Sacerdos solus dicat unum Versum et totus Conventus alium.

Post Glória Patri. et Sicut erat. dicatur ab omnibus : Kyrie eléison. Christe eléison. Kyrie eléison. Pater noster.

secreto. Et subjungat Sacerdos prædictus :

Et ne nos inducas in tentationem. R. Sed libera nos a malo.

¶. Salvos fac servos tuos.

R. Deus meus sperantes in te.

Dominus vobiscum. R. Et cum spiritu tuo.

Orémus.

Oratio.

**M**ISERERE, quæsumus Domine, famulis tuis : et quidquid eis in via subripuit visus vel auditus malæ rei, aut otiosi sermonis, totum tua ineffabili clementia, et meritis beatissimæ Matris tuæ Mariæ et sancti Patris nostri Domini, deleas et abstergas. Qui vivis et regnas per omnia sæcula sæculorum. R. Amen.

Sacerdos postmodum ipsos erectos aspergat aqua benedicta.

Quo peracto, et data pace Fratribus a Magistro, ipso præcedente Capitulum intrent Fratres, ad hoc iterum campana pulsata, ut tunc recommendet Fratrum orationibus recommendandos, et alia, si qua vult dicere Fratribus, proponat ibidem.

Quo facto, eat cum Fratribus sine processionis ordine ad cimiterium Fratrum, et ibidem incipiat Psalmum De profundis. pag. 197\* et ipse Versum unum dicat, et alii Fratres alium. Finito Psalmo per ¶. Réquiem æternam. et dicto Pater noster. sine Kyrie., dicat :

Et ne nos inducas in tentationem. R. Sed libera nos a malo.

¶. A porta inferi. R. Erue Domine animas eorum.

Dominus vobiscum. R. Et cum spiritu tuo.

Orémus.

Oratio.

**D**EUS vniæ largitor et humanæ salutis auctor, quæsumus clementiam tuam : ut nostræ congregationis fratres, sorores, familiares et benefactores, qui ex hoc sæculo transierunt, beata Maria semper Virgine intercedente cum omnibus Sanctis tuis, ad perpétuæ beatitudinis consortium pervenire concedas. Per Christum Dominum nostrum. R. Amen.

Requiescant in pace. R. Amen.

Postea ducatur Magister Ordinis ab eo qui præest in domo cum aliquibus aliis ad visitandum infirmos, si sint in domo. Deinde ducatur ad locum sibi paratum.

¶ Circa Benedictionem quodque Prioris Provincialis venientis observetur quod dictum est circa Benedictionem Magistri, dimissis illis quæ de duccendo ad locum proprium præparatum, vel de intrando Capitulum, vel de visitando cimiterium vel infirmos dicta sunt; quæ nihilominus poterit facere, cum sibi videbitur faciendum.

¶ Idem etiam observetur circa Benedictionem Prioris Conventualis, cum primo venit ad domum, si de Conventu alio sit assumptus.

**Q**UANDO recessurus est Magister Ordinis non reversurus in brevi, si tali hora vult recedere, quod Fratres vocari possint commode, convocandi sunt cum campana Capituli ad Ecclesiam, ubi collocet se ordinate in Choro inferiori. Magistro Ordinis et Fratribus cum eo recessurus prostratis in Choro

in modum veniæ, Sacerdos, qui major est inter Fratres domus, stans prope prostratos, incipiat Psalmum Levávi oculos meos in montes., pag. 205\* et Conventus eum prosequatur hoc modo quod Sacerdos solus dicat unum Versum et totus Conventus alium.

Post Glória Patri. et Sicut erat, dicatur ab omnibus : Kyrie eléison. Christe eléison. Kyrie eléison. Pater noster. secreto.

Et subjungat Sacerdos prædictus :

Et ne nos inducas in tentationem. R. Sed libera nos a malo.

¶. Salvos fac servos tuos. R. Deus meus sperantes in te.

Dómine vobiscum. R. Et cum spíritu tuo.

Orémus.

Oratio.

**A**DESTO Dómine supplicationibus nostris, et viam famulorum tuorum in salutis tuæ prosperitate dispone : ut inter omnes viæ et vitæ hujus varietates tuo semper protegantur auxilio. Per Christum Dóminum nostrum. R. Amen.

Sacerdos postmodum ipsos erectos aspergat aqua benedicta.

Quo peracto, detur pax Fratribus a Magistro Ordinis, omissis aliis supradictis de intrando Capitulum, et de cœmeterio et de infirmis visitandis, nisi de mandato suo aliud fiat.

¶ Circa Benedictionem quoque Prioris Provincialis recipientis observetur quod dictum est circa Benedictionem recipientis Magistri Ordinis.

## ORATIONES ITINERANTIIUM.

### I. ITINERARIUM

SEU ORATIONES IN IPSO ITINERIS INGRESSU DICENDÆ.

In viam pacis dirige nos Dómine.

Canticum Benedictus Dóminus Deus Israel., pag. 23.

Añā. In viam pacis et prosperitatis dirigat nos omnipotens et miséricors Dóminus : et Angelus Ráphael comitétur nobiscum in via, ut cum pace, salute et gaudio revertámur ad própria.

Añā. Dómine non secúndum peccata nostra fácias nobis : neque secúndum iniquitates nostras retribuas nobis.

Añā. Dómine ne memineris iniquitatum nostrarum antiquarum : cito anticipent nos misericórdiæ tuæ, quia pauperes facti sumus nimis.

Añā. Adjuva nos Deus salutaris noster : et propter glóriam nóminis tui Dómine libera nos : et propitius esto peccatis nostris propter nomen tuum.

Añā. Sub tuum præsidium confúgimus, sancta Dei Génitrix : nostras deprecationes ne despicias in necessitatibus, sed a periculis cunctis libera nos semper, Virgo benedicta.

Añā. Angeli, Archángeli, Throni, et Dominationes, Principatus, et Potestates, Virtutes cælorum, laudáte Dóminum de cælis, et oráte pro nobis.

Añā. Magne Pater sancte Domínice, mortis hora nos tecum súscipe, et hic semper nos pie réspice.

Añā. Christi pia grátia Sanctos sublimávit quos Patris



Dominici Ordo propagávit :  
nos eórum méritis pétimus ju-  
vári, atque suis précibus Deo  
commendári.

Añá. Sancti Dei omnes inter-  
cédere dignémini pro nostra,  
omniúmque salúte.

Añá. Lux ætérna lúceat eis  
Dómine, cum Sanctis tuis in  
ætérnum, quia pius es.

Kyrie eléison. Christe eléison.  
Kyrie eléison. Pater noster.  
Et ne nos.

℣. Benedíctus Dóminus die  
quotidie. ℞. Prósperum iter  
fáciat nobis Deus salútárium  
nostrórum.

℣. Vias tuas Dómine demón-  
stra nobis. ℞. Et sémitas tuas  
édoce nos.

℣. Utinam dirigántur viæ  
nostræ. ℞. Ad custodiéndas  
justificatiónes tuas.

℣. Erunt prava in dirécta.  
℞. Et áspera in vias planas.

℣. Convérté nos Deus salútá-  
ris noster. ℞. Et avérte iram  
tuam a nobis.

℣. Post partum Virgo invio-  
láta permansisti. ℞. Dei Gé-  
nitrix intercède pro nobis.

℣. Angelis suis Deus mandá-  
vit de te. ℞. Ut custódiant te  
in ómnibus viis tuis.

℣. Pie Pater Dominice, tuó-  
rum memor óperum. ℞. Sta  
coram summo Júdice pro tuo  
cœtu páuperum.

℣. Exsultábunt Sancti in gló-  
ria. ℞. Lætábuntur in cubili-  
bus suis.

℣. Oráte pro nobis omnes  
Sancti Dei. ℞. Ut digni effi-  
ciamur promissionibus Christi.

℣. A porta inferi. ℞. Erue  
Dómine ánimas eórum.

Dóminus vobíscum. (vel Dó-  
mine exáudi.)

Orémus.

**D**EUS, qui filios Israel per  
maris médium siccó vesti-  
gio ire fecisti, quique tribus  
Magis iter ad te, stella duce,  
pandisti : tribue nobis, quæ-  
sumus, iter prósperum, tem-  
púsque tranquillum : ut Angelo  
tuo sancto cómite, ad eum, quo  
pérgimus, locum, ac demum  
ad ætérnæ salútis portum per-  
veníre feliciter valeámus.

**D**EUS, qui Abraham púerum  
tuum, de Ur Chaldæórum  
edúctum, per omnes suæ pere-  
grinatiónis vias illæsum custo-  
disti : quæsumus ut nos fámulo-  
s tuos custodíre dignéris.  
Esto nobis Dómine in procín-  
ctu suffrágium, in via solá-  
tium, in æstu umbráculum, in  
plúvia et frigore teguméntum,  
in lassitúdine vehículum, in  
adversitáte præsidium, in lú-  
brico báculo, in naufrágio  
portus : ut te duce, quo téndi-  
mus prospere perveniámus, et  
demum incólumes ad própria  
redeámus.

**A**DESTO Dómine supplica-  
tiónibus nostris : et viam  
famulórum tuórum in salútis  
tuæ prosperitaté dispóne ; ut  
inter omnes viæ et vitæ hujus  
varietates, tuo semper prote-  
gántur auxilio.

**D**EUS, qui nos in tantis per-  
mána scis fragilitaté non posse  
subsistere : da nobis salútem  
mentis et cóporis ; ut ea, quæ  
pro peccátis nostris patímur,  
te adjuvante vincámus.

**P**ROTEGE Dómine fámulos  
tuos subsidiis pacis : et beá-  
tæ Mariæ semper Virgínis pa-  
trocinii confidéntes a cunctis  
hóstibus redde secúros.

**D**EUS, qui miro ordine Angelorum ministéria, hominúmque dispensas; concède propitius : ut a quibus tibi ministrantibus in cælo semper assistitur, ab his in terra vita nostra muniatur.

**C**ONCEDE, quæsumus omnipotens Deus : ut qui peccatorum nostrorum pondere premimur, beati Domínici Confessoris tui, Patris nostri, patrocinio sublevémur.

**C**ONCEDE, quæsumus omnipotens Deus : ut ad meliorem vitam Sanctorum Ordinis nostri exempla nos provocent, quatenus quorum memoriam ágimus étiam actus imitemur.

**T**RIBUE, quæsumus Domíne, omnes Sanctos tuos júgiter pro nobis orare; et eos cleménter exaudire digneris.

**A**BSOLVE, quæsumus Domíne, ánimas Sanctorum famularumque tuarum ab omni vínculo delictorum; ut in resurrectionis glória inter Sanctos et Eléctos tuos resuscitati respírent. Per Domínium.

Procedámus in pace. *R.* In nómine Domíni. Amen.

## II. ORATIONES

### ITINERANTIUM QUOTIDIANÆ.

Fratres itinerantes consueverunt in via facere quotidie aliquam Orationem. Et possunt qui volunt hoc modo orare :

Incepta Añā In viam pacis., dicant Canticum Benedictus., pag. 23. cum Glória Patri.

Añā. In viam pacis dirige nos Domíne.

Kyrie eléison. Christe eléison.

Kyrie eléison. Pater noster. secreto. Et ne nos indúcas in

tentatiónem. *R.* Sed libera nos a malo.

*V.* Benedictus Domínus die quotidie. *R.* Prósperum iter fáciat nobis Deus salutárium nostrórum.

Domínus vobiscum. (vel Domíne exáudi oratióem meam.)

Orémus.

Oratio.

**A**DESTO Domíne supplicatióibus nostris, et viam famulorum tuorum in salutis tuæ prosperitatē dispónē : ut inter omnes viæ et vitæ hujus varietates tuo semper protegántur auxilio. Per Christum.

† Item solent orare in via pro benefactoribus suis, tam vivis quam mortuis, de quorum elemosynis sustentantur, dicendo Psalmos Ad te levávi. et De profundis. cum *V.* et Orationibus quæ solent dici in Capitulo post recitationem beneficiorum, pag. 198\*.

† Item pium est quod trans-euntes per cæmeteria orent pro mortuis dicendo Psalmum De profundis. pag. 197\* cum *V.* Réquiem ætérnam., Pater noster. Et ne nos indúcas in tentatiónem. *R.* Sed libera nos a malo.

*V.* A porta inferi. *R.* Erue Domíne ánimas eórum.

Domínus vobiscum. (vel Domíne exáudi oratióem meam.)

Orémus.

Oratio.

**D**EUS, cujus miseratione animæ fidélium requiescunt : famulis et famulábis tuis ómnibus, hic et ubique in Christo quiescéntibus, da propítius véniam peccatorum, ut a cunctis reátibus absoluti tecum sine fine læténtur. Per eúdem Christum.

† Item intrantes ecclesiam quamcumque, flexis genibus debent orare secreto secundum quod Dominus cuilibet inspirabit, et varii affectus et necessitates requirunt.

Potest autem, præmisso Patre noster., Ave Maria. et V. Orate pro nobis omnes Sancti Dei. cum R. Ut digni efficiamur promissionibus Christi., animo erecto ad Sanctum vel ad Sanctos qui in illa ecclesia venerationi habentur, sic dici :

Dómine exáudi oratióem meam. (vel Dómine exáudi oratióem meam.)

Orémus. Oratio.

**I**NFIRMITATEM nostram, quæsumus Dómine, propitius respice, et mala omnia quæ juste merémur, beáti N. (vel beatórum N. et N.) et ómnium Sanctórum tuórum intercessióne avérte. Per Christum.

† Item intrantes domum quamcumque possunt dicere juxta doctrinam Salvatoris : Pax huic dómui. Et ómnibus habitántibus in ea.

† Ad hæc possunt alias Orationes pro libito dicere in via constituti secundum devotionem a Deo sibi datam. (Ex Ordinario.)

## ABSOLUTIONES.

### I. FORMA COMMUNIS OBSERVANDA IN CONFESSIONE SACRAMENTALI.

**S**i tenéris áliquo vínculo excommunicationis, (suspensionis) et interdicti, a quo possim te absolvere : ego absolvo te, et restituo te sanctis sacraméntis Ecclesiæ, comunióni et unitáti fidélium. In nómine Patris ✠, et Filii, et Spiritus sancti. Amen.

† Si Pœnitens sit laicus, omittitur verbum suspensionis.

**M**ISEREATUR tui omnipotens Deus, et dimittat tibi omnia peccáta tua, liberet te ab omni malo, salvet, et confirmet in omni opere bono, et perducatur te ad vitam ætérnam. Amen.

**D**OMINUS noster Jesus Christus, Filius Dei vivi, per suam piissimam misericórdiam te absolvat : et auctoritate ipsius, qua fungor, ego absolvo te ab ómnibus peccátis tuis, ut sis absolutus hic, et ante tribúnal ejúsdem Dómini nostri Jesu Christi, habeásque vitam ætérnam, et vivas in sæcula sæculórum. In nómine Patris ✠, et Filii, ✠ et Spiritus sancti. ✠ Amen.

**P**ASSIO Dómini nostri Jesu Christi, et mérita beátæ Mariæ semper Virginis, et beáti Dominici Patris nostri et ómnium Sanctórum, et quidquid boni féceris et inténdis fácere, aut mala quæ sústines et sustinébis, sint tibi in remissionem peccatórum, in augméntum grátiae, et præmium vitæ ætérnæ. In nómine Patris ✠, et Filii, et Spiritus sancti. Amen.

### II. FORMA BREVIOR OBSERVANDA IN RECONCILIATIONE, SEU IN CONFESSIONIBUS FREQUENTIORIBUS ET BREVIORIBUS.

Omitti poterit Misereatur., et satis erit dicere :

**S**i tenéris áliquo vínculo excommunicationis, (suspensionis) et interdicti, a quo possim te absolvere : ego absolvo te. In nómine Patris ✠, et Filii, et Spiritus sancti. Amen.



**I**TEM ego absolvo te ab omnibus peccatis tuis. In nomine Patris ✠, et Filii, et Spiritus sancti. Amen.

III. FORMA BREVISSIMA  
OBSERVANDA  
URGENTE NECESSITATE  
IN MORTIS PERICULO.

**E**GO absolvo te ab omnibus censuris et peccatis. In nomine Patris ✠, et Filii, et Spiritus sancti. Amen.

IV. FORMA OBSERVANDA  
TEMPORE JUBILÆI  
AUT SIMILIIUM GRATIARUM.

**S**i tenéris aliquo vínculo vel aliquibus vinculis excommunicationis (suspensionis) et interdicti, a quo vel a quibus ego possim te absolvere : auctoritate mihi commissa et tibi concessa a Sanctissimo Domino nostro Papa (vel a N.) ego absolvo te, et restituo te sanctis sacramentis Ecclesiæ, communioni et unitati fidelium. In nomine Patris, ✠ et Filii, et Spiritus sancti. Amen.

**M**ISEREATUR tui omnipotens Deus., etc. Dominus noster Jesus Christus., etc., ut pag. 211\*.

NOTANDUM.

**A**r si de excommunicatione Confessarius sit certus, et facultatem super ea obtinuerit, post præmittenda, dicat sic : Absolvo te a vínculo excommunicationis, quam incurristi propter talem, vel talem causam., etc. Deinde a peccatis absolvat, ut supra.

V. ABSOLUTIO GENERALIS  
FRATRIBUS DANDA  
IN SOLEMNIBUS FESTIS  
ET CAPITULIS.

Dicto Confiteor... et tibi Pater., etc., et Misereatur vestri., etc., dicat Præla tus :

**S**i tenémini aliquo vínculo excommunicationis, suspensionis, et interdicti, in quantum se extendunt gratiæ et privilegiæ Ordini nostro indulta, mihi commissa, et vobis concessa, ego absolvo vos, et restituo vos sacrosanctis Sacramentis Ecclesiæ, communioni et unitati fidelium. In nomine Patris, ✠ et Filii, et Spiritus sancti. Amen.

**E**ADEM auctoritate ego dispensó vobiscum super irregularitate, sive irregularitatibus, si quam, vel si quas contraxistis, et habilito vos executioni Ordinum et officiorum vestrorum.

**I**TEM eadem auctoritate absolvo vos ab omni transgressione Regulæ, et Constitutionum, et admonitionum Majorum vestrorum, et ab omni poenitentia oblita et neglecta, et maxime a poena, quæ debetur propter fractionem silentii inter duo Capitula (Si fuerit Magister Ordinis aut ejus Vicarius, Prior Provincialis aut ejus Vicarius, vel ab eis habuerit specialem commissionem, addat : et in mensa), et ab omnibus aliis, de quibus consuevit fieri absolutio in consimilibus Solemnitatibus, (vel Capitulis) : ut sitis absoluti hic et ante tribunal Domini nostri Jesu Christi, habeatisque vitam æternam, et vi-

vátis in sæcula sæculórum.  
Amen.

Postea pœnitentiam injungat  
ad libitum suum.

VI. ABSOLUTIO GENERALIS  
SORORIBUS DANDA  
IN SOLEMNIBUS FESTIS  
ET CAPITULIS.

Dicto Confiteor Deo.... et tibi  
Pater., etc., et Misereatur vesti-  
stri., etc., dicat Prælatas :

**S**i tenemini aliquo vinculo  
excommunicatiōnis et in-  
terdicti, in quantum se exten-  
dunt gratiæ et privilegiâ Or-  
dini nostro indulta, mihi com-  
missa et vobis concessa, ego  
absolvo vos, et restituo vos  
sacrosanctis sacramentis Ec-  
clesiæ, communiōni et unitati  
fideliū. In nomine Patris, et  
Filii, et Spiritus sancti. Amen.

**I**tem eadem auctoritate ab-  
solvō vos ab omni trans-  
gressiōne Régulæ, et Consti-  
tutiōnum, et admonitiōnum  
Majorum vestrorum, et ab  
omni pœnitentia oblita et ne-  
glécta, et maxime a pœna,  
quæ debetur propter fractiō-  
nem silentiū inter duo Capitu-  
la (Si fuerit Magister Ordinis  
aut ejus Vicarius, Prior Pro-  
vincialis aut ejus Vicarius, vel  
ab eis habuerit specialem com-  
missionem, addat : et in men-  
sa), et ab omnibus aliis, de  
quibus consuevit fieri absolú-  
tiō in consimilibus Solemnita-  
tibus, (vel Capitulis,) ut sitis  
absolutæ hic, et ante tribunal  
Dómini nostri Jesu Christi,  
habeatisque vitam ætérnam,  
et vivátis in sæcula sæculó-  
rum. Amen.

Postea pœnitentiam injungat  
ad libitum suum.

BENEDICTIO CUM  
INDULGENTIA PLENARIA  
TERTIARIIS SÆCULARIBUS  
DANDA.

Aña. Intret oratio mea in  
conspéctu tuo Dómine; inclina  
aurem tuam ad preces nos-  
tras : parce Dómine, parce  
pópulo tuo, quem redemisti  
Sanguine tuo pretioso : ne in  
ætérnum irascaris nobis.

Kyrie eléison. Christe eléison.  
Kyrie eléison. Pater noster.  
Et ne nos inducas in tenta-  
tiōnem. R. Sed libera nos a  
malo.

℣. Salvos fac servos tuos.

R. Deus meus sperantes in te.

℣. Mitte eis Dómine auxilium  
de sancto. R. Et de Sion tuere  
eos.

℣. Esto eis Dómine turris  
fortitudinis. R. A facie ini-  
mici.

℣. Nihil proficiat inimicus in  
nobis. R. Et filius iniquitatis  
non apponat nocere nobis.

℣. Dómine exaudi oratiōnem  
meam. R. Et clamor meus ad  
te véniat.

Dóminus vobiscum. R. Et cum  
spíritu tuo.

Orémus.

**D**EUS, cui proprium est mi-  
sereri semper et parcere,  
súscipe deprecationem no-  
stram : ut nos et omnes famu-  
los tuos, quos delictorum ca-  
tēna constringit, miseratio tuæ  
pietatis clemēter absolvat.

**E**XAUDI, quæsumus Dómi-  
ne, supplicum preces, et  
confitentium tibi parce peccá-  
tis : ut páriter nobis indulgē-  
tiam tribuas benignus et pa-  
cem.

**I**NEFFABILEM nobis Dómine misericórdiam tuam cleménter osténde : ut simul nos et a peccátis ómnibus éxuas, et a pœnis quas pro his merémur eripias.

**D**EUS, qui culpa offénderis, poeniténtia placáris; preces pópuli tui supplicántis propitiús respice, quæ flagélla tuæ iracúndiæ, quæ pro peccátis nostris merémur, avérte. Per Christum Dóminum nostrum. R̃. Amen.

Dicto deinde Confíteor. etc. Sacerdos prosequitur : Misereátur vestri. etc., Indulgéntiam, absolutiónem, etc.

**D**OMINUS noster Jesus Christus, qui beáto Petro Apóstolo dedit potestátem ligándi atque solvéndi, ille vos absolvat ab omni vínculo delictórum, ut habeátis vitam ætérnam, et vivátis in sæcula sæculórum. Amen.

**P**ER sacratíssimam Passiónem et mortem Dómini nostri Jesu Christi, précibus et méritis beatíssimæ semper Virginis Mariæ, beatórum Apostolórum Petri et Pauli, beáti Patris nostri N. et ómnium Sanctórum, auctoritáte a Summis Pontificibus mihi commissa, plenáriam Indulgéntiam ómnium peccatórum vestrórum vobis impértior. In nómine Patris ✠, et Filii, et Spíritus sancti. Amen.

† Si autem hæc Indulgéntia uni tantum post sacramentalem Absolutionem elargienda fuerit (et potest dari a quolibet Confessario), reliquis omis- sis, dicat Sacerdos :

**D**OMINUS noster Jesus Christus, qui beáto Petro Apóstolo dedit potestátem ligándi atque solvéndi, ille te absolvat ab omni vínculo delictórum, ut hábeas vitam ætérnam, et vi- vas in sæcula sæculórum. Amen.

**P**ER sacratíssimam Passiónem et mortem Dómini nostri Jesu Christi, précibus et méritis beatíssimæ semper Virginis Mariæ, beatórum Apostolórum Petri et Pauli, beáti Patris nostri N. et ómnium Sanctórum, auctoritáte a Summis Pontificibus mihi commissa, plenáriam Indulgéntiam ómnium peccatórum tuórum tibi impértior. In nómine Patris ✠, et Filii, et Spíritus sancti. Amen.

#### BENEDICTIO D. PAPÆ NOMINE IMPERTIENDA.

Admoneatur populus de Indulgentia a Sede Apostolica concessa, de præceptis operibus pro ea lucrificianda, de die quo visitanda est designata Ecclesia, de hora denique qua dabitur Pontificia Benedictio. De quibus quatenus opus sit, etiam schedis impressis, et consuetis locis palam affixis, certior fiat.

Postquam statutis die et hora populus ad Ecclesiam convenit, lectis alta voce litteris Apostolicis quibus Indulgentia conceditur una cum potestate Benedictionem Apostolicam super populum effundendi, et in vulgarem sermonem conversis, pio brevique sermone ad suorum scelerum detestationem populus excitetur. Post quæ Sacerdos, nullis circum-



stantibus ministris, stola et superpelliceo indutus, ante altare genuflexus sequentibus verbis Dei opem imploret :

℟. Adjutórium nostrum in nómine Dómini. ℞. Qui fecit cælum et terram.

℟. Salvum fac pópulum tuum Dómine. ℞. Et bénedic hereditáti tuæ.

Dóminus vobiscum. ℞. Et cum spiritu tuo.

Deinde stans sequentem recitet Orationem :

Oremus.

**O**MNIPOTENS et miséricors Deus da nobis auxilium de sancto, et vota pópuli hujus in humilitáte cordis véniam peccatórum poscéntis, tuámque benedictiónem præstolántis et grátiam, cleménter exáudi : dexteram tuam super eum benignus exténde, ac plenitúdinem divinæ benedictiónis effúnde, qua bonis ómnibus cumulátus, felicitátem et vitam consequátur ætérnam. Per Christum Dóminum nostrum. ℞. Amen.

Postea ad cornu Epistolæ accedens, non trino, sed unico signo crucis astantes benedicat, proferens alta voce hæc verba :

Benedicat vos omnipotens Deus, ✠ Pater, et Filius, et Spiritus sanctus. ℞. Amen.

† Præcedens Benedictio Tertiaris S. P. N. Dominici, ex concessione Sanctissimi Domini nostri Leonis Papæ XIII. impertiri potest, sed nonnisi bis in anno, et sub conditione quod nunquam detur eadem die et in eodem loco, ubi Episcopus eam impertiat.

## BENEDICTIO APOSTOLICA IN ARTICULO MORTIS

A BENEDICTO XIV.

PRÆSCRIPTA.

Sacerdos infirmi cubiculum ingressus dicat : Pax huic domui. ℞. Et ómnibus habitántibus in ea.

Mox infirmum, lectum ejus, cubiculum et circumstantes aspergat aqua benedicta, dicens Añam. Aspérge me Dómine hyssópo, et mundábor : lavábis me, et super nivem dealbábor.

Quod si ægrotus voluerit confiteri, audiat illum, et absolvat. Si confessionem non petat, excitet illum ad eliciendum actum contritionis; de hujus Benedictionis efficacia ac virtute, si tempus ferat, breviter admoneat; tum instruat atque hortetur ut morbi incommoda ac dolores in antea actæ vitæ expiationem libenter perferat, Deoque sese paratum offerat ad ultro acceptandum quidquid ei placuerit, et mortem ipsam patienter obeundam in satisfactionem pœnarum, quas peccando promeruit. Tum piis ipsum verbis consoletur, in spem erigens fore ut ex divinæ munificentiae largitate eam pœnarum remissionem, et vitam sit consecuturus ætérnam. Postea dicat :

℟. Adjutórium nostrum in nómine Dómini. ℞. Qui fecit cælum et terram.

Añam. Ne reminiscáris Dómine delicta fámuli tui (vel ancillæ tuæ) : neque vindictam sumas de peccátis ejus.

Kyrie eléison. Christe eléison.  
Kyrie eléison. Pater noster...  
Et ne nos inducas in tentatió-  
nem. R. Sed libera nos a malo.

¶. Salvum fac servum tuum  
(vel Salvam fac ancillam  
tuam). R. Deus meus sperán-  
tem in te.

¶. Dómine exáudi oratióem  
meam. R. Et clamor meus ad  
te véniat.

Dóminus vobiscum. R. Et cum  
spíritu tuo.

Oratio.

**C**LEMENTISSIME Deus, Pa-  
ter misericordiárum, et  
Deus totíus consolatióis, qui  
néminem vis perire in te cre-  
déntem atque sperántem : se-  
cúndum multitudinem misera-  
tiónum tuárum respice propi-  
tius fámulum tuum N., quem  
(vel fámulam tuam N., quam)  
tibi vera fides et spes christiá-  
na commendant. Visita eum  
(vel eam) in salutári tuo, et  
per Unigéniti tui Passiõem  
et mortem, ómnium ei delictó-  
rum suórum remissióem et  
véniám cleménter indúlge : ut  
ejus ánima in hora éxitus sui  
te júdicem propitiátum invé-  
niat, et in ságuine ejúsdem  
Filií tui ab omni mácula ablu-  
ta, transire ad vitam mereátur  
perpétuam. Per eúmdem Chri-  
stum Dóminum nostrum.  
R. Amen.

Tunc dicto ab uno ex astan-  
tibus Confiteor. etc., Sacerdos  
dicat Misereátur. etc., deinde :

**D**ÓMINUS noster Jesus Chri-  
stus, Filius Dei vivi, qui  
beáto Petro Apóstolo suo de-  
dit potestátém ligándi atque  
solvéndi, per suam piíssimam  
misericórdiam recipiat confes-  
siõem tuam, et restituat tibi

stolam primam, quam in Ba-  
ptismate recepisti : et ego fa-  
cultáte mihi ab Apostólica  
Sede tribúta, Indulgéntiam  
plenáriam et remissióem óm-  
nium peccatórum tibi concédo.  
In nómine Patris ✠, et Filií,  
et Spíritus sancti. Amen.

Per sacrosáncta humanæ re-  
paratióis mystéria, remittat  
tibi omnipotens Deus omnes  
præséntis et futúræ vitæ pec-  
nas, paradisi portas apériat, et  
ad gáudia sempitérna perdú-  
cat. Amen.

Benedicat te omnipotens  
Deus, Pater ✠, et Filius, et  
Spíritus sanctus. Amen.

† Si vero infirmus sit adeo  
morti proximus, ut neque con-  
fessionis generalis faciendæ,  
neque præmissarum precum  
recitandarum suppetat tem-  
pus, statim Sacerdos benedi-  
ctionem ei impertiatur, dicen-  
do : Dóminus noster., ut supra.

† Et si mors proxime urgeat,  
dicat :

**I**NDULGENTIAM plenáriam et  
remissióem ómnium pec-  
catórum tibi concédo. In nó-  
mine Patris ✠, et Filií, et Spi-  
ritus sancti. Amen.

## BENEDICTIONES RERUM VARIE.

### BENEDICTIO ROSARIORUM.

Sacerdos stolam deferens di-  
cat :

¶. Adjutórium nostrum in  
nómine Dómini. R. Qui fecit  
cælum et terram.

¶. Dómine exáudi oratióem  
meam. R. Et clamor meus ad  
te véniat.

Dóminus vobiscum. R. Et  
cum espíritu tuo.

Orémus.

Oratio.

**O**MNIPOTENS et miséricors Deus, qui propter eximiam caritatem tuam qua dilexisti nos, Filium tuum unigenitum Dóminum nostrum Jesum Christum de cælis in terram descendere, et de beatissimæ Virginis Mariæ Dóminæ nostræ útero sacratissimo, Angelo nuntiante, carnem suscipere, crucémque ac mortem subire, et tertia die glorióse a mórtuis resurgere voluisti, ut nos eriperes de potestate diaboli : obsecrámus imménsam cleméntiam tuam ut hæc signa (vel hoc signum) Rosárii in honórem et laudem ejúsdem Genitricis Filii tui ab Ecclésia tua fidéli dicata (vel dicatum) bene ✠ dicas et sancti ✠ fices, eisque (vel eisque) tantam infúndas virtútem Spiritus sancti, ut quicúmque horum quódlibet (vel hoc) secum portáverit, atque in domo sua reverénter tenúerit, et in eis (vel eo) ad te, secúndum ejúsdem sanctæ Societátis institúta, divína contempládo mystéria, devóte oráverit, salúbri et perseveránti devotióne abúndet, sitque consors et particeps ómnium gratiarum, privilegiorum et Indulgentiarum, quæ eidem Societáti per sanctam Sedem Apostólicam concessa fuérunt, ab omni hoste visibili et invisibili semper et ubique in hoc sæculo liberétur, et in éxitu suo ab ipsa beatíssima Virgine María Dei Genitricis tibi plenus bonis operibus præsentári mereátur. Per eúndem Dóminum nostrum Jesum Christum Filium tuum, qui tecum vivit et regnat

in unitáte ejúsdem Spiritus sancti Deus, per ómnia sæcula sæculórum. R. Amen.

Aspergantur aqua benedicta.

BENEDICTIO ROSARUM.

Sacerdos stolam deferens dicat :

✠ Adjutórium nostrum in nómine Dómini. R. Qui fecit cælum et terram.

Dóminus vobíscum. R. Et cum spiritu tuo.

Orémus.

Oratio.

**D**EUS, creátor et conservátor géneris humáni, dator grátiae spirituális, et largitor æternæ salútis, benedictiône tuas sancta béne ✠ dic has rosas, quas pro grátiis tibi exsolvendis cum devotióne ac veneratióne beátæ sempérque Virginis Mariæ ejúsque Rosárii hódie tibi præsentámus, et pétimus benedíci : et infúnde eis per virtútem sanctæ Cru ✠ cis benedictiόνem cælestem, qui eas ad odóris suavitátem et repelléndas infirmitátes humano úsui tribuisti; talémque signáculo sanctæ Cru ✠ cis benedictiόνem accípiant, ut quibuscúmque in infirmitátibus appósitæ fuérint, seu qui eas in dómibus suis portáverint, ab infirmitáte sanéntur; discédant diaboli, contremíscent et fúgiant pávidi cum suis ministris de habitatió nibus illis, nec ámplius tibi serviéntes inquietare præsumant. Per Christum Dóminum nostrum. R. Amen.

Aspergantur aqua benedicta.

BENEDICTIO CANDELARUM  
SOCIETATIS SANCTISSIMI  
ROSARII.

Sacerdos stolam deferens dicat :



¶. Adjutórium nostrum in nómine Dómini. R. Qui fecit cælum et terram.

Dóminus vobiscum. R. Et cum spiritu tuo.

Orémus.

Oratio.

**D**OMINE Jesu Christe, lux vera, qui illúminas omnem hóminem veniéntem in hunc mundum, effúnde per intercessiónem beátæ Virgínis Mariæ matris tuæ, et per quíndecim ejus Rosárii mystéria, benedictionem tuam super hos cæreos et candélas, et sanctifica eas lúmine tuæ grátia; et concéde propítius ut sicut hæc luminária igne visibili accénsa noctúrnas depéllunt ténebras; ita corda nostra, invisibili igne ac Spíritus sancti splendóre illustráta, ómnium vitiórum cæcitate cáreant : ut puro mentis óculo cernere semper possimus quæ tibi plácita sunt, et nostræ salúti utilia : quátenus post hujus sæculi caliginósa discrímína, ad lucem indeficiéntem pervenire mereámur. Qui vivis et regnas per ómnia sæcula sæculórum.

R. Amen.

Aspergantur aqua benedicta.

BENEDICTIO VESTIMENTORUM  
FRATRUM ET SORORUM.

Sacerdos stolam deferens dicat :

¶. Adjutórium nostrum in nómine Dómini. R. Qui fecit cælum et terram.

Dóminus vobiscum. R. Et cum spiritu tuo.

Orémus.

Oratio.

**D**OMINE Jesu Christe, qui tégimen nostræ mortalitátis induere dignátus es : ob-

secrámus imménsam largitátis tuæ abundántiam ut hoc genus vestimentórum, quod sancti Patres ad innocentiaë et humilitátis indícium ferre sanxérunt, ita bene dicere dignéris, ut qui hoc usus vel quæ hoc usa fúerit te induere mereátur Christum Dóminum nostrum. R. Amen.

Aspergantur aqua benedicta.

BENEDICTIO CINGULORUM

S. THOMÆ AQUINATIS.

Sacerdos stolam deferens dicat :

¶. Adjutórium nostrum in nómine Dómini. R. Qui fecit cælum et terram.

Dóminus vobiscum. R. Et cum spiritu tuo.

Orémus.

Oratio.

**D**OMINE Jesu Christe, Fili Dei vivi, puritátis amátor et custos, obsecrámus imménsam cleméntiam tuam : ut sicut ministério angelórum sanctum Thomam Aquinátem cingulo castitátis cingere, et a labe córporis ac animæ præserváre fecisti, ita ad honórem et glóriam ejus bene dicere et sancti ficáre dignéris Cingula ista (vel Cingulum istud) : ut quicumque ipsa (vel ipsum) circa renes reverériter portáverit ac tenuerit ab omni immunditia mentis et córporis purificétur, atque in éxitu suo per manus sanctórum angelórum tibi digne præsentári mereátur : Qui cum Patre et Spíritu sancto vivis et regnas per ómnia sæcula sæculórum.

R. Amen.

Aspergantur aqua benedicta.

BENEDICTIO AQUÆ  
CUM RELIQUIIS S. PETRI  
MARTYRIS.

Sacerdos stolam deferens dicat :

℟. Adjutorium nostrum in  
nómine Dómini. R. Qui fecit  
cælum et terram.

Dóminus vobiscum. R. Et cum  
spíritu tuo.

Orémus.

Oratio.

**D**EUS, qui ad salutem hu-  
máni géneris, máxima  
quæque sacraménta in aquá-  
rum substántia condidisti, adé-  
sto propitiús invocationibus  
nostris, et eleménto huic aquæ,  
quod beáti Petri Mátyris tui  
virtúte consignámus, virtútem  
tuæ bene-**✠**dictiónis infúnde :  
ut per intervéntum ejúsdem  
Mátyris tui, sit fidélibus tuis  
in remédiúm salutáre, dæmo-  
nes ab eis ejiciens, morbos ac  
infirmítates córporis et ánimæ  
repéllens : et præsta, ut qui-  
cúmque eam sumpserint, vel  
ea aspérsi fúerint, ab omni ad-  
versitaté ánimæ et córporis  
liberéntur, et utriúsque hómi-  
nis recipiant sanitátem. Per  
Christum Dóminum nostrum.  
R. Amen.

Orémus.

Oratio.

**I**MMENSAM cleméntiam tuam,  
Omnípotens ætérne Deus,  
humíliter implorámus : ut hos  
fidéles tuos, ad reliquias beáti  
Petri Mátyris devóte acce-  
déntes, et ejus suffrágia pos-  
tulántes, tua ineffábili virtúte  
bene-**✠**dicere dignéris : ut  
per intervéntum ejúsdem Már-  
tyris tui ab omni ægritúdine  
mentis et córporis liberáti,  
tuáque hic et ubique miseri-  
córdia custodíti, et grátia sal-

váti, post hujus quoque viæ ac  
vitæ cursum, ad ætérna me-  
reántur gáudia pervenire. Per  
Christum Dóminum nostrum.  
R. Amen.

BENEDICTIO OLIVARUM

IN FESTO S. PETRI MARTYRIS.

Sacerdos stolam deferens dicat :

℟. Adjutorium nostrum in  
nómine Dómini. R. Qui fecit  
cælum et terram.

Dóminus vobiscum. R. Et cum  
spíritu tuo.

Orémus.

Oratio.

**D**OMINE Jesu Christe, Fili  
Dei vivi, béne-**✠**dic olí-  
vas istas supplicatióibus nos-  
tris : et infúnde eis, Dómine,  
per virtútem sanctæ Cru-**✠**cis,  
et per intercessiõem beáti Pe-  
tri Mátyris, benedictiõem  
cæléstem, qui eas ad repellén-  
das ténebras humano géneri  
tribuisti : talémque benedicti-  
nem signáculos sanctæ Cru-**✠**cis  
accipiant, ut in quibuscúmque  
locis pósitæ fúerint, discédant  
principes tenebrárum, et con-  
tremíscant, et fúgiant pávidi,  
cum ómnibus ministris suis, de  
locis vel habitatióibus illis :  
non ibi nóceant fúlmina, et  
tempestátes; non fructus terræ  
consúmat, aut depérdat ulla  
intempéries eleménti; nihilque  
inquietet aut moléstet servién-  
tes tibi omnípoténti Deo : Qui  
vivis et regnas per ómnia sæ-  
cula sæculórum. R. Amen.

Aspergantur aqua benedicta.

BENEDICTIO PALMARUM  
VEL ALIORUM RAMORUM  
IN EODEM FESTO.

Sacerdos stolam deferens dicat :

℣. Adjutórium nostrum in nómine Dómini. R. Qui fecit cælum et terram.

Dóminus vobiscum. R. Et cum spiritu tuo.

Orémus.

Oratio.

**D**OMINE Jesu Christe, Fili Dei vivi, béne ✠ dic hos árborum ramos supplicatióibus nostris : et infúnde eis, Dómine, per virtútem sanctæ Cru ✠ cis, et per intercessiõem beáti Petri Mártiris, benedictiõem cæléstem, qui triumphatúrus de hoste géneris humáni, per manus puerórum palmas, et árborum ramos in honórem tuum adhibéri voluisti : talémque benedictiõem signáculos sanctæ Cru ✠ cis accipiant, ut in quibuscúmque locis áliquid ex eis pósitum fúerit, discédant principes tenebrárum, et contremiscant, ac fúgiant pávidi cum ómnibus ministris suis de locis, vel habitatióibus illis : non ibi nóceant fúlmina, et tempestátes; non fructus terræ consúmat aut depérdat ulla intempéries eleménti, nihilque inquietet aut moléstet serviéntes tibi omnipoténti Deo : Qui vivis et regnas per ómnia sæcula sæculórum. R. Amen.

Aspergantur aqua benedicta.

BENEDICTIO ORATIONUM  
S. VINCENTII FERRERII.

Sacerdos stolam deferens dicat :

℣. Adjutórium nostrum in nómine Dómini. R. Qui fecit cælum et terram.

Dóminus vobiscum. R. Et cum spiritu tuo.

Orémus.

Oratio.

**O**MNIPOTENS sempitérne Deus bene ✠ dicere, et sancti ✠ ficare tua pietáte dignéris has Oratiónes scriptas in tui nóminis honórem, beátæ Virginis Mariæ Genitrícis tuæ, ac beáti Vincéntii Confessóris tui : ut qui eis usi fúerint, vel in se portáverint, méritis et précibus ejúsdem beáti Vincéntii, salútem animæ et córporis a te recipere mereántur : Qui vivis et regnas per ómnia sæcula sæculórum.

R. Amen.

Aspergantur aqua benedicta.

BENEDICTIO AQUÆ  
S. VINCENTII FERRERII  
PRO INFIRMIS.

Sacerdos stolam deferens dicat :

℣. Adjutórium nostrum in nómine Dómini. R. Qui fecit cælum et terram.

℣. Sit nomen Dómini benedictum. R. Ex hoc nunc et usque in sæculum.

℣. Dómine exáudi oratióem meam. R. Et clamor meus ad te véniat.

Dóminus vobiscum. R. Et cum spiritu tuo.

Orémus.

Oratio.

**M**AJESTATEM tuam Dómine súpplices exorámus, ut qui in desérto erémi petram benedixisti, ut bis a virga Móysi percússa, aquæ ex ea largissime egrederéntur, et géminam illam percussiõem sacraméntum Passióis et duo ligna Crucis significáre voluisti, tua quoque benignitáte et cleméntia, per ejúsdem sanctæ Crucis mystérium, aquam



istam larga benedictione sancti ✠ fices, ut omnis infirmus, qui de ea biberit, vel ex ea aspersionem fuerit, sentiat statim salutarem tuam benedictionis effectum. Per Christum Dominum nostrum. R. Amen.

**B**ENEDICO hanc aquam in nomine Dei Pa ✠ tris omnipotentis, qui hoc ad usum humanum gratum creavit elementum, ut sit sordium lavacrum corporis et anime, mira omnipotentia elevatum; potum sitiéntibus tribuat, refrigerium sit aestuantibus, via et semita navigantibus; et qui in aqua et per aquam in mundi universi submersione sacramentum novae Legis praesignavit, cum octo animas salvavit in arca super eam ambulante, et apertis cataractis caeli pluvie fecit eam quadraginta diebus, et quadraginta noctibus super terram, hanc aquam bene ✠ dicat et sancti ✠ fices, ut ad sui sancti nominis et sancti Vincentii invocationem aegrotum sanet, consolidet infirmum, dejectum erigat, immundum purificet, ac petenti ab eo salutem potenter restituat. In nomine Pa ✠ tris, et Fi ✠ lii, et Spiritus ✠ sancti. Amen.

Tangens Sacerdos vas aquae Reliquia vel Imagine sancti Vincentii dicat :

Orémus. Oratio.

**A**DESTO, Domine, supplicationibus nostris, et elemento huic aquae meritis sancti Vincentii, cujus Reliquia (vel Imago) tangitur, virtutem tuam iteratae bene ✠ dictionis infunde, ut bibenti fiat

potus ad salutem. In nomine Pa ✠ tris, et Fi ✠ lii, et Spiritus ✠ sancti. Amen.

Quatuor Cruces in hac Oratione praesignatae fieri debent cum Reliquia vel Imagine.

Sacerdos dicat Anam :

Adsit nobis propitius in huius vitae vespere, ad Christum nos Vincéntius tuto ferens itinere.

Oratio. Ora pro nobis beate Vincénti. R. Ut digni efficiamur promissionibus Christi.

**D**EUS, qui gentium multitudinem, mira beati Vincéntii Confessoris tui praedicatione, ad agnitionem tui nominis venire tribuisti : praesta quaesumus, ut quem venturum Iudicem nuntiavit in terris, praemiatores habere mereamur in caelis Christum Dominum nostrum. R. Amen.

BENEDICTIO OMNIS REI  
DE QUAE BENEDITIONIS FORMA  
PROPRIA NON HABETUR.

Sacerdos stolam deferens dicat :

Oratio. Adjutorium nostrum in nomine Domini. R. Qui fecit caelum et terram.

Dominus vobiscum. R. Et cum spiritu tuo.

Orémus. Oratio.

**B**ENE ✠ DIC Domine creaturam istam N., ut sit remedium salutis generi humano : et praesta, per invocationem tui sancti nominis, ut quicumque ea usi fuerint, corporis sanitatem et anime tutelam accipiant. Per Christum Dominum nostrum. R. Amen.

Aspergatur aqua benedicta.

# EXORCISMUS IN SATANAM ET ANGELOS APOSTATICOS

SS. D. N. LEONIS PAPÆ XIII.

IUSSU EDITUS.

SS. Dominus Noster Leo Papa XIII. omnibus Sacerdotibus sæcularibus ab Ordinario loci et omnibus Sacerdotibus Ordinis Prædicatorum a Magistro ejusdem Ordinis legitime ad id auctoritatem habentibus, qui exorcismum infra scriptum semel in die recitaverint, partialem tercentum dierum Indulgentiam singulis diebus lucranda: iisdem vero per totum mensem id peragentibus, confessis, ac sacra Eucharistia reffectis, plenariam omnium peccatorum suorum Indulgentiam semel in mense, die eorum arbitrio designanda, pariter lucranda impertitus est: quam etiam animabus Christifidelium in Purgatorio detentis applicari posse declaravit.

**I**N nómine Patris, et Filii, et Spiritus sancti. Amen.

Ad S. Michaellem precatio.

**P**RINCEPS gloriosissime cælestis militiæ, sancte Michael Archàngele, défende nos in prelio adversus principes et potestates, adversus mundi rectores tenebrarum harum, contra spiritalia nequitiae, in cælestibus. Veni in auxilium hominum, quos Deus ad imaginem similitudinis suæ fecit, et a tyrannide diaboli emit pretio magno. Te custodem et patronum sancta veneratur Ecclésiā; tibi tradidit Dóminus animas redemptó-

rum in supérna felicitate locandas. Deprecáre Deum pacis, ut cónterat Sathanam sub pédibus nostris, ne ultra váleat captivos tenére hómines, et Ecclésiæ nocére. Offer nostras preces in conspéctu Altíssimi, ut cito anticipent nos misericórdiæ Dómini, et apprehendas draconem, serpéntem antiquum, qui est diabolus et Sathanas, ac ligátum mittas in abyssum, ut non seducat amplius gentes.

Exorcismus.

**I**N nómine Jesu Christi Dei et Dómini nostri, intercedente Immaculáta Virgine Dei Genitrice Mariá, beáto Michaële Archàngelo, beátis Apóstolis Petro et Paulo et ómnibus Sanctis, et sacra ministérii nostri auctoritatē confisi, ad infestationes diabólicæ fraudis repellendas securi aggredimur.

Psalmus 67.

**E**XSURGAT Deus et dissipentur inimici ejus: \* et fugiant qui odérunt eum a facie ejus.

Sicut déficit fumus, deficiant; \* sicut fluit cera a facie ignis, sic péreant peccatóres a facie Dei.

℣. Ecce Crucem Dómini, fúgite partes adversæ. ℞. Vicit Leo de tribu Juda, radix David.

℣. Fiat misericórdia tua Dómine super nos. ℞. Quemádmódum sperávimus in te.

**E**XORCIZAMUS te, omnis imunde spiritus, omnis sathanica potestas, omnis incursio infernalis adversarii, omnis légio, omnis congregatio et secta diabólica, in nómine et

virtute Dómini nostri Jesu ✠ Christi, eradicare et effugare a Dei Ecclesiâ, ab animabus ad imaginem Dei conditis ac pretioso divini Agni sanguine redemptis ✠. Non ultra audeas, serpens callidissime, decipere humanum genus, Dei Ecclesiâ persequi, ac Dei electos excutere et cribrare sicut triticum ✠. Imperat tibi Deus altissimus ✠, cui in magna tua superbia te similem haberi adhuc presumis; qui omnes homines vult salvos fieri, et ad agnitionem veritatis venire. Imperat tibi Deus Pater ✠; imperat tibi Deus Filius ✠; imperat tibi Deus Spiritus sanctus ✠. Imperat tibi Christus, æternum Dei Verbum caro factum ✠, qui pro salute generis nostri tua invidia perditum humiliavit semetipsum factus obediens usque ad mortem, qui Ecclesiâ suam ædificavit supra firmam petram, et portas inferi adversus eam nunquam esse prevalituras edixit, cum ea ipse permansurus omnibus diebus usque ad consummationem sæculi. Imperat tibi sacramentum Crucis ✠, omniumque christianæ fidei Mysteriorum virtus ✠. Imperat tibi excelsa Dei Génitrix Virgo Maria, ✠ quæ superbissimum caput tuum a primo instanti immaculatæ suæ Conceptionis in sua humilitate contrivit. Imperat tibi fides sanctorum Petri et Pauli, ceterorumque Apostolorum ✠. Imperat tibi Mártyrum sanguis, ac pia Sanctorum et Sanctarum omnium intercessio ✠.

Ergo, draco maledicte et omnis légio diabólica adjuramus

te per Deum ✠ vivum, per Deum ✠ verum, per Deum ✠ sanctum, per Deum qui sic dilexit mundum, ut Filium suum unigenitum daret, ut omnis qui credit in eum non péreat, sed habeat vitam æternam : cessa decipere humanas creaturas, eisque æternæ perditionis venenum propinare : desine Ecclesiæ nocere, et ejus libertati láqueos injicere. Vade Sátana, inventor et magister omnis fallaciæ, hostis humanæ salutis. Da locum Christo, in quo nihil invenisti de operibus tuis; da locum Ecclesiæ uni, sanctæ, catholicæ et Apostolicæ, quam Christus ipse acquisivit sanguine suo. Humiliare sub potènti manu Dei; contremisce et effuge, invocato a nobis sancto et terribili nomine Jesu, quem inferi tremunt, cui Virtutes cælorum et Potestates et Dominationes subjæctæ sunt; quem Chérubim et Séraphim indefessis vocibus laudant, dicentes : Sanctus, Sanctus, Sanctus Dóminus Deus Sábaoth.

¶. Dómine, exaudi orationem meam. R. Et clamor meus ad te veniat.

Dóminus vobiscum. R. Et cum spiritu tuo.

Orémus.

**D**EUS cæli, Deus terræ, Deus Angelorum, Deus Archan-  
gelorum, Deus Patriarcharum,  
Deus Prophetarum, Deus Apo-  
stolorum, Deus Mártyrum,  
Deus Confessorum, Deus Vir-  
ginum, Deus, qui potestatem  
habes donare vitam post mor-  
tem, réquiem post laborem;  
quia non est Deus præter te,  
nec esse potest nisi tu creator



omnium visibilium et invisibilium, cujus regni non erit finis: humiliter majestati gloriæ tuæ supplicamus, ut ab omni infernalium spirituum potestate, laqueo, deceptione et nequitia nos potenter liberare, et incolumes custodire digneris. Per Christum Dominum nostrum. Amen.

Ab insidiis diaboli libera nos Domine.

Ut Ecclesiam tuam securam tibi facias libertate servire te rogamus, audi nos.

Ut inimicos sanctæ Ecclesiæ humiliare digneris te rogamus, audi nos.

Aspergatur locus aqua benedicta.

### EXORCISMUS CONTRA TEMPESTATEM FULGURUM ET GRANDINIS.

**P**ER signum ✠ Crucis de inimicis ✠ nostris libera nos, ✠ Deus noster. In nomine Patris, ✠ et Filii, et Spiritus sancti. Amen.

Dicatur Symbolum fidei, scilicet, Credo in Deum. etc., deinde Kyrie eléison. Christe eléison. Kyrie eléison. Pater noster.

℣. Adjutorium nostrum. etc.  
℣. Sit nomen Domini benedictum. R. Ex hoc nunc. etc.

℣. Exsurgat Deus, et dissipentur inimici ejus. R. Et fugiant, qui oderunt eum, a facie ejus.

℣. Exsurge Christe, adjuva nos. R. Et libera nos propter nomen tuum.

℣. Domine exaudi orationem meam. R. Et clamor meus ad te veniat.

Dominus vobiscum. R. Et cum spiritu tuo.

Orémus.

Oratio.

**D**OMINE Jesu Christe, qui fecisti cælum, et terram, mare, et omnia, quæ in eis sunt; quique flumini Jordani benedixisti, atque in eo baptizari voluisti; et tuas sanctissimas manus, et brachia sacratissima in Cruce ✠ extendisti, quibus ærem sanctificasti: obsecramus immensam pietatis et bonitatis tuæ abundantiam, quatenus has nubes, quas ante me, et post me, et supra me, a dextris, et a sinistris video ærem perturbare, dissolvere et annihilare digneris: ut alligata potestas dæmonum impie desævientium deficiat et turbetur, ad laudem tui sanctissimi nominis, et potentissimæ majestatis tuæ. Qui vivis, etc.

Postea conversus ad nubes signet eas signo Crucis, dicens: Circumdet te nubes Deus Pater ✠, circumdet te Deus Filius ✠, circumdet te Deus Spiritus sanctus ✠. Déstruat te Deus Pater ✠, déstruat te Deus Filius ✠, déstruat te Deus Spiritus sanctus ✠. Comprimat te Deus Pater ✠, comprimat te Deus Filius ✠, comprimat te Deus Spiritus sanctus ✠. Amen.

Obsecratio. Sanctus Matthæus, sanctus Marcus, sanctus Lucas, sanctus Joannes Evangelista, qui Christi Evangelium per quatuor mundi partes divulgârunt, ipsi suis méritis et précibus hanc tempestatem a término isto, et ab omnibus Christianorum finibus, ab eodem Domino nostro Jesu Christo obtineant effugari et depelli.

Exorcismus. Et ego peccator, et Christi sacerdos, seu minister, licet indignus, auctoritate et virtute ejusdem Dei et Domini nostri Jesu Christi summi Imperatoris, non mea potentia innixus et confisus, vobis precipio, immundissimi spiritus, qui has nubes seu nebulas concitatis, in virtute ejusdem Dei et Domini nostri Jesu Christi per sanctissimam ejus incarnationem, per nativitatem, per baptismum et jejunium ipsius, per ejus sacratissimam crucem et passionem, per sanctam resurrectionem, per admirabilem ascensionem, pertremendum adventum ejus, et judicium, per merita intermeratae semperque Virginis Mariae, et sanctissimi N., per merita omnium Sanctorum, ut exeatis ab eis, et eas dispergatis in locis silvestribus et incultis, quatenus nocere non possint hominibus, animalibus, fructibus, herbis, arboribus, aut quibuscumque rebus, humanis usibus deputatis. Per eundem Dominum nostrum Jesum Christum, qui venturus est judicare vivos et mortuos, et saeculum per ignem. Amen.

Ipse vobis imperat, daemones, qui has nubes commovetis, de quo de nube lucida dictum est : Hic est Filius meus dilectus, in quo mihi bene complacui. Ipse vobis imperat, qui sua sacratissima cruce, et corporis sui sanctissimi in ea extensione aerem purgavit. Ipse vobis imperat, qui per mortem suam, vos, principem vestrum, mortemque devicit et ligavit, atque aeternae gehennae mancipavit igni-

bus. Ipse vobis imperat, qui inferno spoliato surrexit a mortuis. Ipse vobis imperat, qui post quadraginta dies nube susceptus virtute sua ascendit in caelum. Ipse vobis imperat, qui venturus est judicare vivos et mortuos, et saeculum per ignem. R. Amen.

Et postea ostendat Crucem in aere, dicens : Ecce lignum sanctissimae Crucis : fugite partes adversae : vicit enim vos et mundum Dominus noster Jesus Christus Filius Dei, Imperator summus, Leo de tribu Juda, radix David.

Postea aqua benedicta in modum crucis aspergatur per quatuor latera.

Dicendae sunt etiam Litaniae, si nondum quievit tempestas.

Symbolum Quicumque vult, pag. 29. Añae Salve Regina. et Sub tuum praesidium.

Cant. Benedicite. pag. 18. V. Glória. in quolibet Versu dicti Cantici.

Deinde V. Benedicamus Patrem, et Filium, cum sancto Spiritu. R. Laudemus, et superexaltemus eum in saecula.

V. Ora pro nobis sancta Dei Genitrix. R. Ut digni efficiamur promissionibus Christi.

V. Exsurge Christe, adjuva nos. R. Et libera nos propter nomen tuum.

V. Domine exaudi orationem meam. R. Et clamor meus ad te veniat.

Dominus vobiscum. R. Et cum spiritu tuo.

Orémus.

Oratio.

OMNIPOTENS sempiternus Deus, qui dedisti famulis tuis in confessione verae fidei, aeternae Trinitatis gloriam

agnoscere : et in poténtia majestátis adorâre unitatem ; quæsumus ut ejusdem fidei firmitât ab omnibus semper muniâmur adversis.

Oratio.

**P**ROTEGE Dómine famulos tuos subsidiis pacis : et beatæ Mariæ semper Virgínis patrocinii confidéntes a cunctis hóstibus et periculis redde secúros.

Oratio.

**A** DOMO tua, quæsumus Dómine, spiritáles nequitiæ repellântur ; et aereârum discédât malignitas tempestátum.

Oratio.

**A**D te, Dómine, clamántes exáudi ; et áeris serenitátem nobis tribue supplicántibus : ut qui juste pro peccátis nostris affligimur ; misericórdia tua præveniéntem, tuam cleméntiam sentiámus.

Oratio.

**L**ARGIRI et conservâre fructus terræ dignâre, Dómine Deus noster : ut temporálibus gaudeámus auxiliis, et spirituálibus proficiámus incrementis. Per Christum Dóminum nostrum. *R.* Amen.

Potest dici et Oratio illius Sancti, in cujus honorem constructa est ecclesia, et aliorum Sanctorum, in quorum adjutorio plus confidimus, propter specialem devotionem nostram.

Possunt dici et aliæ etiam devotæ Orationes cum compunctione, et cordis contritione, implorando semper misericórdiam Dei. Et si adhuc tempus tempestuosum perseveraverit, poterunt supradicta pluries repeti.

## PRÆPARATIO AD MISSAM.

Añã Ne reminiscáris.

Psalmi Quam dilécta. etc. pag. 100. Benedixisti. etc. pag. 101. Inclína. etc. ibidem. Crédidi, propter quod. etc. pag. 130. De profundis. etc. pag. 135.

Añã. Ne reminiscáris Dómine delicta nostra, vel paréntum nostrórum, neque vindictam sumas de peccátis nostris.

Kyrie eléison. Christe eléison. Kyrie eléison. Pater noster. etc. Et ne nos.

*V.* Ego dixi, Dómine miserere mei. *R.* Sana ánimam meam, quia peccávi tibi.

*V.* Convértere Dómine aliquántulum. *R.* Et deprecâre super servos tuos.

*V.* Fiat misericórdia tua Dómine super nos. *R.* Quemádmódum sperávimus in te.

*V.* Sacerdótes tui induántur justitiam. *R.* Et Sancti tui exsúltent.

*V.* Ab occúltis meis munda me Dómine. *R.* Et ab aliénis parce servo tuo.

*V.* Dómine exaudi orationem meam. *R.* Et clamor meus ad te véniat.

*V.* Dóminus vobiscum. *R.* Et cum spiritu tuo.

Orationes.

**A**URES tuæ pietátis, mitissime Deus, inclína précibus nostris, et grátia sancti Spiritus illúmina cor nostrum ; ut tuis mystériis digne ministrâre, teque ætérna caritaté diligere mereámur.

**D**EUS, cui omne cor patet, et omnis volúntas lóquitur, et quem nullum latet secretum, purifica per infusió-



nem sancti Spiritus cogitationes cordis nostri; ut te perfecte diligere, et digne laudare mereamur.

**U**ne igne sancti Spiritus res nos vestros et cor nostrum Domine, ut tibi casto corpore serviamus, et mundo corde placeamus.

**M**ENTES nostras, quæsumus Domine, Paráclitus, qui a te procedit, illuminet: et inducat in omnem, sicut tuus promisit Filius, veritatem.

**A**DSIT nobis, quæsumus Domine, virtus Spiritus sancti, quæ et corda nostra clementer expurget, et ab omnibus tueatur adversis.

**D**EUS, qui corda fidelium sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

**C**ONSCIENCIAS nostras, quæsumus Domine, visitando purifica: ut veniens Dominus noster Jesus Christus Filius tuus paratam sibi in nobis inveniat mansionem: Qui tecum vivit et regnat per omnia sæcula sæculorum. Amen.

Oratio S. Thomæ de Aquino cum Indulgentia centum dierum a Leone PP. XIII. concessa.

**O**MNIPOTENS sempiternus Deus, ecce accedo ad Sacramentum unigeniti Filii tui Domini nostri Jesu Christi. Accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dominum cæli et terræ. Rogo ergo immensæ largitatis tuæ abundantiam, quatenus meam cu-

rare digneris infirmitatem, lavare foeditatem, illuminare cæcitatem, ditare paupertatem, vestire nuditatem: ut panem Angelorum, Regem regum, et Dominum dominantium tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit salutis animæ meæ. Da mihi, quæso, dominici Corporis et Sanguinis non solum suscipere Sacramentum, sed etiam rem et virtutem Sacramenti. O mitissime Deus, da mihi Corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari, et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari: Qui tecum vivit et regnat in unitate Spiritus sancti Deus per omnia sæcula sæculorum.

Amen.

Oratio B. Dominici Patris nostri.

**D**OMINE Jesu Christe, Fili Dei vivi, facere propono et intendendo quod facere jussisti in die Cenæ, et sancta mater Ecclesia unita facere intendit. Ne despexeris ergo me, sed propter infinitam misericordiam tuam dele iniquitates meas, et fac me tuum idoneum et fidèlem ministrum, et suscipe hoc sacrificium de manibus meis indignis, ad laudem et gloriæ totius Trinitatis et Ecclesiæ tuæ sanctæ, et ad

profectum mei et aliorum fidelium, tam vivorum quam defunctorum, pro quibus intendo orare, vel qualitercunque sim obligatus generaliter et specialiter, in nomine sancto tuo.

Amen.

Oratio ad B. V. Mariam, cum Indulgentia centum dierum a Leone PP. XIII. concessa.

**O**MATER pietatis et misericordiae, beatissima Virgo Maria, ego miser et indignus peccator ad te confugio toto corde et affectu : et precor pietatem tuam, ut sicut dulcissimo Filio tuo in cruce pendenti astitisti, ita et mihi misero peccatori et sacerdotibus omnibus, hic et in tota sancta Ecclesia ipsum hodie offerentibus clementer assistere digneris : ut tua gratia adjuti, dignam et acceptabilem hostiam in conspectu summæ et individuae Trinitatis offerre valeamus. Amen.

Oratio ad Sanctum eo die cultum, cum Indulgentia centum dierum a Leone PP. XIII. concessa.

**O**SANCTE N., ecce ego miser peccator, de tuis meritis confusus, offero nunc sacratissimum Sacramentum Corporis et Sanguinis Domini nostri Jesu Christi pro tuo honore et gloria : precor te humiliter et devote ut pro me hodie intercedere digneris, ut tantum sacrificium digne et acceptabiliter offerre valeam, ut eum tecum et cum omnibus electis ejus æternaliter laudare, et cum eo semper regnare valeam : Qui vivit et regnat per omnia sæcula sæculorum. Amen.

Forma intentionis ante Missam cum Indulgentia quinquaginta dierum a Gregorio PP. XIII. concessa.

**E**GO volo celebrare Missam et conficere Corpus et Sanguinem Domini nostri Jesu Christi juxta ritum sanctæ Romanæ Ecclesiæ : ad laudem omnipotentis Dei, totiusque curiæ triumphantis; ad utilitatem meam, totiusque curiæ militantis, et patientis, pro omnibus qui se commendaverunt orationibus meis in genere et in specie, et pro felici statu sanctæ Romanæ Ecclesiæ.

Amen.

**G**AUDIUM cum pace, emendationem vitæ, spatium veræ poenitentiae, gratiam et consolationem sancti Spiritus, perseverantiam in bonis operibus tribuat nobis omnipotens et misericors Dominus. Amen. Oratio ad S. Joseph, cum Indulgentia centum dierum a Pio PP. IX. concessa.

**V**IRGINUM Custos et Pater sancte Joseph, cujus fideli custodiæ ipsa innocentia Christus Jesus, et Virgo virginum Maria commissa fuit : te per hoc utrumque carissimum pignus Jesum et Mariam obsecro et obtestor ut me ab omni immunditia præservatum, mente incontaminata, puro corde et casto corpore Jesu et Mariæ semper facias castissime famulari. Amen.

Antiphona, *Ÿ.* et Oratio ad eundem cum Indulgentia centum dierum a Pio PP. IX. concessa.

Añ. O felicem virum beatum Joseph, cui datum est Deum,

quem multi reges voluerunt videre et non viderunt, audire et non audierunt, non solum videre et audire; sed portare, nutrire, deosculari, vestire et custodire!

¶ Ora pro nobis beate Joseph. R. Ut digni efficiamur promissionibus Christi.

Orémus. Oratio.

**D**EUS qui dedisti nobis regale sacerdotium, presta, quæsumus, ut sicut beatissimus Joseph unigenitum Filium tuum, natum ex Maria Virgine, suis manibus reverenter tractare meruit et portare: ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui Corpus et Sanguinem hodie digne sumamus, et in futuro sæculo præmium habere mereamur ætèrnum. Per eundem Christum Dominum nostrum. Amen.

### ORATIONES

DICENDÆ CUM SACERDOS  
INDUITUR SACRIS VESTIBUS.

Sacerdos, cum lavat manus,  
dicat:

**D**A Dómine virtutem manibus meis ad abstergendam omnem maculam, ut sine pollutione mentis et corporis valeam tibi servire. Amen.

Ad Amictum, dum ponitur  
super caput, dicat:

**I**MPONE Dómine capiti meo galeam salutis ad expugnandos omnes diabólicos incursus. Amen.

Ad Albam, cum ea induitur:

**D**EALBA me Dómine, et munda cor meum, ut in sanguine Agni dealbatus, gaudiis perfruar sempitèrnis. Amen.

Ad Cingulum, dum se cingit:

**P**RÆCINGE me, Dómine, cingulo puritatis, et exstingue in lumbis meis humorem libidinis; ut maneat in me virtus continentiae, et castitatis. Amen.

Ad Manipulum, dum imponitur  
brachio sinistro:

**M**EREAR, Dómine, portare manipulum fletus et doloris, ut cum exultatione recipiam mercedem laboris. Amen.

Ad Stolam, dum imponitur  
collo:

**R**EDDE mihi, Dómine obsecro, stolam immortalitatis, quam perdidisti in praevaricatione primi parentis: et quamvis indignus accedo ad tuum sacrum mysterium, merear tamen gaudium sempiternum. Amen.

Ad Casulam, cum assumitur:

**D**OMINE, qui dixisti, Jugum meum suave est, et onus meum leve; fac ut istud portare sic valeam, quod consequar tuam gratiam. Amen.

### GRATIARUM ACTIO POST MISSAM.

Añña Trium Puerorum.  
Canticum Benedicite. etc.  
pag. 18.

Ps. 150. Laudate Dominum  
in sanctis ejus. pag. 20.



Añā. Trium Puerorum cantemus hymnum, quem cantabant sancti in camino ignis benedicentes Dóminum.

Kyrie eléison. Christe eléison. Kyrie eléison.

Pater noster. Et ne nos inducas in tentationem. *R.* Sed libera nos a malo.

*V.* Confiſcántur tibi Dómine ómnia ópera tua. *R.* Et sancti tui benedicánt tibi.

*V.* Exsultábunt sancti in glória. *R.* Lætábuntur in cubilibus suis.

*V.* Non nobis Dómine, non nobis. *R.* Sed nómini tuo da glóriam.

*V.* Dómine exáudi oratióne meam. *R.* Et clamor meus ad te véniat.

Dóminus vobíscum. *R.* Et cum spiritu tuo.

Orémus.

**D**EUS, qui tribus Púeris mitígaſti flammās ignium : concéde propítius ut nos fámulos tuos non exúrat flamma vitiorum.

**A**CTIONES nostras, quæsumus Dómine, aspirándo præveni et adjuvándo proséquere, ut cuncta nostra oratio et operatio a te semper incipiat, et per te cæpta finiátur.

**D**A nobis, quæsumus omnipotens Deus, vitiorum nostrórum flammās exstinguere, qui beáto Lauréntio tribuisti tormentórum suórum incéndia superáre. Per Christum Dóminum nostrum. Amen.

Oratio S. Thomæ Aquinatis.

**G**RATIAS tibi ago Dómine sancte, Pater omnipotens, ætérne Deus, qui me peccató-

rem indignum fámulum tuum, nullis meis méritis, sed sola dignatióne misericórdiæ tuæ satiáre dignátus es pretiósó Corpore et Sanguine Filii tui Dómini nostri Jesu Christi : et precor ut hæc sancta commúnio non sit mihi reátus ad pœnam, sed intercessió salutáris ad véniam. Sit mihi armatúra fidei, et scutum bonæ voluntátis. Sit vitiorum meórum evacuatió, concupiscéntiæ ac libidinis exterminatió : caritátis et paciéntiæ, humilitátis et obediétiæ omniúmque virtutum augmentatió, contra insidias inimicórum ómnium, tam visibílium, quam invisibílium, firma defénsio : mótuum meórum, tam carnálium, quam spiritalium, perfécta quietatió : in te uno ac vero Deo firma adhæsió, atque finis mei felix consummátió. Et precor te ut ad illud ineffábile convívium me peccatórem perducere dignéris, ubi tu cum Filio tuo et Spíritu sancto Sanctis tuiſ es lux vera, satiétas plena, gáudium sempitérnum, jucúnditas consummáta, et felicitas perfécta. Per eúndem Christum Dóminum nostrum. Amen.

Rhythmus sancti Thomæ Aquinatis, cum Indulgentia centum dierum a Leone PP. XIII. concessa.

**A**DORO te devóte latens Déitas,  
Quæ sub his figúris vere láti-  
tas :  
Tibi se cor meum totum súb-  
jicit,  
Quia te contéplans totum  
déficit.

VISUS, gustus, tactus in te  
fállitur,

Sed auditu solo tuto créditur:  
Credo quiddid dixit Dei Fi-  
lius :

Níl hoc Veritátis verbo vérus.

IN cruce latébat sola Déitas,  
At hic latet simul ethumánitas:  
Ambo tamen credens, atque  
cónfitens,

Peto quod petívit latro poení-  
tens.

PLAGAS, sicut Thomas, non  
intúeor,

Deum tamen meum te confi-  
teor :

Fac me tibi semper magis cré-  
dere,

In te spem habére, te diligere.

O MEMORIALE mortis Dó-  
mini,

Panis vivus vitam præstans  
hómini,

Præsta meæ menti de te ví-  
vere,

Et te illi semper dulce sápere.

PIE Pellicáne, Jesu Dómine,  
Me immúndum munda tuo

sánguine,

Cujus una stilla salvum fácere  
Totum mundum quit ab omni

scélere.

JESU, quem velátum nunc  
aspicio,

Oro fiat illud quod tam sitio :  
Ut te reveláta cernens fácie,

Visu sim beátus tuæ glóriæ.  
Amen.

Oratio ad Dei Filium.

**A**NIMA Christi sanctíssima  
sanctifica me :

Corpus Christi sacratissimum  
salva me :

Sanguis Christi pretiosissime  
inébria me :

Aqua láteris Christi puríssima  
munda me :

Sudor vultus Christi virtuosís-  
sime sana me :

Pássio Christi piíssima con-  
fórta me.

O bone Jesu custódi me :

Intra vúlnera tua abscondé  
me :

Non permittas me separári a  
te :

Ab hoste maligno defénde  
me :

In hora mortis meæ voca  
me :

Jube me veníre ad te, et pone  
me juxta te :

Ut cum Angelis et Archángel-  
lis tuis laudem te

Per infinita sæcula sæculórum.  
Amen.

**O**BSEURO te mitíssime et

bone Jesu, ut hæc immor-  
tális hóstia pro me tibi grátias

réferat, me tibi reconciliet, me  
tibi restituat, mihi peccatóri

véniam tribuat, et ad vitam  
perdúcat ætérnam. Amen.

Oratio ad beatam Virginem  
Mariam.

**O**SERENISSIMA et inclyta

Mater Dómini nostri Jesu  
Christi Virgo Maria, Regina

mundi, quæ eúmdem Creató-  
rem ómnium creaturárum tuo

sanctíssimo útero fuisti digna  
portáre, cujus idem sacratís-  
simum Corpus et Sanguinem

sumpsi : ad ípsam pro me mí-  
sero peccatóre intercédere dí-  
gnéris, ut quiddid in hoc

ineffábili Sacraménto ignorán-  
ter, negligéter, irreveréter

et accidentáliter omísi vel  
commísi, tuis précibus sanctís-  
simis mihi indulgére dignétur :

Qui vivit et regnat per ómnia  
sæcula sæculórum. Amen.

Oratio excerpta ex libro  
de Imitatione Christi.

**A**DJUVET nos grátia tua omnípotens Deus, ut qui officium sacerdotále suscepimus, digne et devóte tibi cum omni puritatē, et in consciéntia bona famuláři valeámus. Et si non póssumus in tanta innocéntia vitæ conversári ut debémus : concède nobis tamen digne flere mala quæ gessimus, ut in spiritu humilitátis, ac bonæ voluntátis propósito, tibi fervéntius deservire valeámus.

Oratio ad Dominum nostrum Jesum Christum crucifixum, cum Indulgentia plenaria a Pio PP. IX. concessa illis qui peracta sacramentali confessione, sacra Communione refectioni, corde saltem contrito et devoto ipsam ante quamlibet Domini nostri Jesu Christi crucifixi imaginem recitaverint, et pro sanctæ matris Ecclesiæ necessitatibus oraverint.

**E**N ego, o bone et dulcissime Jesu, ante conspéctum tuum génibus me provólvo, ac máximo ánimí ardóre te oro atque obtéstor ut meum in cor vívidos fidei, spei et caritátis sensus atque veram peccatórum meórum pœniténtiam, éaque emendándi firmissimam voluntátem velis imprimere : dum magno ánimí afféctu et dolore tua quinque vúlnera mecum ipse considero ac mente contéplor, illud præ óculis habens quod jam in ore ponébat tuo David Prophéta de te o bone Jesu : Foderunt manus meas et pedes meos : dinumeráverunt ómnia ossa mea.

LITANIÆ SS. NOMINIS JESU.

**K**YRIE eléison.

Kyrie eléison.

Jesu audi nos.

Jesu exaudi nos.

Pater de cælis Deus, miserére nobis.

Fili Redémptor mundi Deus, miserére nobis.

Spiritus sancte Deus, miserére nobis.

Sancta Trínitas unus Deus, miserére nobis.

Jesu Fili Dei vivi, miserére nobis.

Jesu splendor Patris, miserére nobis.

Jesu candor lucis æternæ, miserére nobis.

Jesu rex glóriæ, miserére nobis.

Jesu sol justitiæ, miserére nobis.

Jesu Fili Mariæ Virginis, miserére nobis.

Jesu amábilis, miserére nobis.

Jesu admirábilis, miserére nobis.

Jesu Deus fortis, miserére nobis.

Jesu pater futúri sæculi, miserére nobis.

Jesu magni consilii ángele, miserére nobis.

Jesu potentissime, miserére nobis.

Jesu patientissime, miserére nobis.

Jesu obedientissime, miserére nobis.

Jesu mitis et húmilis corde, miserére nobis.

Jesu amátor castitátis, miserére nobis.

Jesu amátor noster, miserére nobis.

Jesu Deus pacis, miserére nobis.



Jesu auctor vitæ, miserere nobis.

Jesu exemplar virtutum, miserere nobis.

Jesu zelator animarum, miserere nobis.

Jesu Deus noster, miserere nobis.

Jesu refugium nostrum, miserere nobis.

Jesu pater pauperum, miserere nobis.

Jesu thesaurus fidelium, miserere nobis.

Jesu bone pastor, miserere nobis.

Jesu lux vera, miserere nobis.

Jesu sapientia æterna, miserere nobis.

Jesu bonitas infinita, miserere nobis.

Jesu via et vita nostra, miserere nobis.

Jesu gaudium Angelorum, miserere nobis.

Jesu rex Patriarcharum, miserere nobis.

Jesu magister Apostolorum, miserere nobis.

Jesu doctor Evangelistarum, miserere nobis.

Jesu fortitudo Martyrum, miserere nobis.

Jesu lumen Confessorum, miserere nobis.

Jesu puritas Virginum, miserere nobis.

Jesu corona Sanctorum omnium, miserere nobis.

Propitius esto, parce nobis Jesu.

Propitius esto, exaudi nos Jesu.

Ab omni malo libera nos Jesu.

Ab omni peccato libera nos Jesu.

Ab ira tua libera nos Jesu.

Ab insidiis diaboli libera nos Jesu.

A spiritu fornicationis libera nos Jesu.

A morte perpetua libera nos Jesu.

A neglectu inspirationum tuarum libera nos Jesu.

Per mysterium sanctæ incarnationis tuæ libera nos Jesu.

Per nativitatem tuam libera nos Jesu.

Per infantiam tuam libera nos Jesu.

Per divinissimam vitam tuam libera nos Jesu.

Per labores tuos libera nos Jesu.

Per agoniam et passionem tuam libera nos Jesu.

Per crucem et derelictionem tuam libera nos Jesu.

Per linguas tuas libera nos Jesu.

Per mortem et sepulturam tuam libera nos Jesu.

Per resurrectionem tuam libera nos Jesu.

Per ascensionem tuam libera nos Jesu.

Per gaudia tua libera nos Jesu.

Per gloriam tuam libera nos Jesu.

Agnus Dei, qui tollis peccata mundi, parce nobis Jesu.

Agnus Dei, qui tollis peccata mundi, exaudi nos Jesu.

Agnus Dei, qui tollis peccata mundi, miserere nobis Jesu.

Jesu audi nos.

Jesu exaudi nos.

Orémus. Oratio.

**D**OMINE Jesu Christe, qui dixisti, Petite et accipietis, quaerite et inveniatis, pulsate et aperietur vobis : quaesumus, da nobis petentibus divinissimi tui amoris affectum : ut te toto corde, ore et opere diligamus, et a tua nunquam laude cessemus.

## Oratio.

SANCTI Nominis tui Domine  
stimorem pariter et amorem  
fac nos habere perpetuum :  
quia nunquam tua gubernatione  
destituis quos in soliditate  
tuæ dilectionis instituis.

## Oratio.

DEUS, qui gloriosissimum  
Nomen Jesu Christi Filii  
tui Domini nostri fecisti fidelibus  
tuis summo suavitatis  
affectu amabile, et malignis  
spiritibus tremendum atque  
terribile : concede propitius ut  
omnes qui hoc Nomen Jesu  
devote venerantur in terris,  
sanctæ consolationis dulcedinem  
in præsentia percipiant, et  
in futuro gaudium exultationis,  
et interminabilis beatitudinis  
obtineant in cælis. Per  
eundem Christum Dominum  
nostrum. R. Amen.

## LITANIE SS. CORDIS JESU.

KYRIE eléison.

Christe eléison.

Kyrie eléison.

Christe audi nos.

Christe exaudi nos.

Pater de cælis Deus, miserere  
nobis.

Fili Redemptor mundi Deus,  
miserere nobis.

Spiritus sancte Deus, miserere  
nobis.

Sancta Trinitas unus Deus,  
miserere nobis.

Cor Jesu Filii Patris æterni,  
miserere nobis.

Cor Jesu in sinu Virginis  
Matris a Spiritu sancto forma-  
tum, miserere nobis.

Cor Jesu Verbo Dei substantia-  
liter unitum, miserere nobis.

Cor Jesu majestatis infinitæ,  
miserere nobis.

Cor Jesu templum Dei san-  
ctum, miserere nobis.

Cor Jesu tabernaculum Altis-  
simi, miserere nobis.

Cor Jesu domus Dei et porta  
cæli, miserere nobis.

Cor Jesu fornax ardens carita-  
tis, miserere nobis.

Cor Jesu justitiæ et amoris re-  
ceptaculum, miserere nobis.

Cor Jesu bonitate et amore  
plenum, miserere nobis.

Cor Jesu virtutum omnium  
abyssus, miserere nobis.

Cor Jesu omni laude dignissi-  
mum, miserere nobis.

Cor Jesu rex et centrum om-  
nium cordium, miserere no-  
bis.

Cor Jesu, in quo sunt omnes  
thesauri sapientiae et scienti-  
æ, miserere nobis.

Cor Jesu, in quo habitat omnis  
plenitudo divinitatis, mise-  
rere nobis.

Cor Jesu, in quo Pater sibi bene  
complacuit, miserere nobis.

Cor Jesu, de cujus plenitudine  
omnes nos accepimus, mise-  
rere nobis.

Cor Jesu desiderium collium  
æternorum, miserere nobis.

Cor Jesu patiens et multæ mi-  
sericordiæ, miserere nobis.

Cor Jesu dives in omnes qui  
invocant te, miserere nobis.

Cor Jesu fons vitæ et sanctita-  
tis, miserere nobis.

Cor Jesu propitiatio pro pec-  
catis nostris, miserere nobis.

Cor Jesu saturatum opprobriis,  
miserere nobis.

Cor Jesu attritum propter scel-  
lera nostra, miserere nobis.

Cor Jesu usque ad mortem obé-  
diens factum, miserere nobis.

Cor Jesu lancea perforatum,  
miserere nobis.

Cor Jesu fons totius consolati-  
onis, miserere nobis.

Cor Jesu vita et resurrectio  
nostra, miserere nobis.

Cor Jesu pax et reconciliatio  
nostra, miserere nobis.

Cor Jesu victima peccatorum,  
miserere nobis.

Cor Jesu salus in te speran-  
tium, miserere nobis.

Cor Jesu spes in te morien-  
tium, miserere nobis.

Cor Jesu deliciae Sanctorum  
omnium, miserere nobis.

Agnus Dei, qui tollis peccata  
mundi, parce nobis Domine.

Agnus Dei, qui tollis peccata  
mundi, exaudi nos Domine.

Agnus Dei, qui tollis peccata  
mundi, miserere nobis.

¶ Jesu mitis et humilis cor-  
de. R. Fac cor nostrum secun-  
dum Cor tuum.

Orémus.

Oratio.

**O**MNIPOTENS sempitérne  
Deus, respice in Cor dile-  
ctissimi Filii tui, et in laudes  
et satisfactiões, quas in nó-  
mine peccatorum tibi persol-  
vit, iisque misericórdiam tuam  
peténtibus tu véniam concède  
placátus, in nómine ejúsdem  
Filii tui Jesu Christi, qui tecum  
vivit et regnat in unitáte Spí-  
ritus sancti Deus, per ómnia  
secula sæculórum. R. Amen.

¶ Litanias Sanctorum require  
pag. 156., Litanias autem bea-  
tæ Mariæ Virginis pag. 154.

SALUTATIO B. MARIE V.

MANE, MERIDIE ET VESPERE

DICENDA JUXTA MOREM

S. ROMANÆ ECCLESIAE.

¶ Extra Tempus Paschale.

¶ Angelus Domini nuntiávit  
Mariæ. R. Et concépit de Spí-  
ritu sancto.

¶ Ave Maria grátia plena,  
Dóminus tecum, benedicta tu  
in muliéribus, et benedictus fru-  
ctus ventris tui Jesus. R. San-  
cta María Mater Dei ora pro  
nobis peccatóribus, nunc et in  
hora mortis nostræ. Amen.

¶ Ecce ancilla Domini. R. Fiat  
mihi secúndum verbum tuum.

¶ Ave María ... R. Sancta  
María ...

¶ Et Verbum caro factum  
est. R. Et habitávit in nobis.

¶ Ave María ... R. Sancta  
María ...

¶ Ora pro nobis sancta Dei  
Génitrix. R. Ut digni efficiá-  
mur promissionibus Christi.

Orémus.

Oratio.

**G**RATIAM tuam, quæsumus  
Domine, méntibus nostris  
infúnde : ut qui Angelo nun-  
tiante Christi Filii tui Incarna-  
tiónem cognóvimus, per Pas-  
sionem ejus et Crucem ad re-  
surrectiões glóriam perducá-  
mur. Per eúndem Christum  
Dóminum nostrum. Amen.

¶ Tempore Paschali.

¶ Regina cæli lætáre, alle-  
lúia. R. Quia quem meruisti  
portáre, allelúia.

¶ Resurrexit sicut dixit, alle-  
lúia. R. Ora pro nobis Deum,  
allelúia.

¶ Gaude et lætáre Virgo  
María, allelúia. R. Quia sur-  
rexit Dóminus vere, allelúia.

Orémus.

Oratio.

**D**EUS qui per Resurrecti-  
onem Filii tui, Domini no-  
stri Jesu Christi, mundum læ-  
tificáre dignátus es : præsta,  
quæsumus, ut per ejus Geni-  
tricem Virginem Mariam per-  
pétuæ capiamus gaudia vitæ.  
Per eúndem Christum Dómi-  
num nostrum. R. Amen.



PRO GRATIIS DEO  
REDDENDIS.

Hymnus Te Deum laudamus,  
pag. 16.

℣. Benedicamus Patrem et  
Filium cum sancto Spiritu.  
℞. Laudemus et superexalté-  
mus eum in sæcula.

Orémus.

**D**EUS, cujus misericordiæ  
non est numerus, et boni-  
tatis infinitus est thesaurus,  
tuæ piissimæ majestati pro  
collatis nobis donis grátias  
ágimus, tuam semper clemén-  
tiam exorantes : ut qui petén-  
tibus postulata concédís, eós-  
dem non déserens ad præmia  
futúra dispónas. Per Christum  
Dóminum nostrum. ℞. Amen.

## ORATIONES

FACIENDÆ IN VISITATIONE  
INFIRMORUM.

Cum Fratres aliquam perso-  
nam infirmam decumbentem  
visitaverint, intrantes do-  
mum, vel cameram infirmi,  
dicant :

℣. Pax huic dómui. ℞. Et óm-  
nibus habitántibus in ea.

Et accedentes ad lectulum  
infirmi, eum dulciter saluent,  
ad patientiam hortantes, et  
aliqua verba sancta pro ipsius  
exhortatione et consolatione  
dicentes. Et quia infirmitas  
corporalis frequentius evenit  
propter infirmitatem spiritua-  
lem, hortentur eum, ut si cito  
velit sanari ab infirmitate,  
etiam si infirmitas non sit mul-  
tum gravis, integram et veram  
confessionem faciat de omni-  
bus peccatis suis. Tunc si orare  
super eum voluerint, alter ex  
Fratribus, qui major fuerit in-

ter eos et Sacerdos, hac forma  
uti poterit, quam ipsi liceat ad  
libitum abbreviare.

† Si autem plures infirmi in  
eodem cubiculo seu loco fue-  
rint, Sacerdos, quoties de eis  
mentio in sequentibus occur-  
rerit, numero plurali utatur.

Caríssime, si Dóminus tibi  
præstare dignábitur sanitátem,  
nonne propónis de cetero pro  
viris, et a peccátis cavere,  
et ejus mandata servare?

Quo promittente, dicat Sa-  
cerdos

℣. Adjutórium nostrum in  
nómine Dómini. ℞. Qui fecit  
cælum et terram.

Dóminus vobiscum. ℞. Et cum  
spíritu tuo.

Orémus.

**I**NTROEAT, quæsumus Dómi-  
ne Jesu Christe, domum  
hanc sub nostræ humilitátis  
ingréssu ætérna felicitas, di-  
vína prospéritas, seréna læti-  
tia, caritas fructuosa, sánitas  
sempitérna. Effúgiat ex hoc  
loco accéssus dæmonum, ad-  
sint Angeli pacis : domúmque  
hanc déserat et effúgiat discór-  
dia. Magnífica Dómine super  
nos nomen sanctum tuum, bé-  
ne ✠ dic conversatióni nostræ,  
sanctifica nostræ humilitátis  
ingréssum : qui sanctus et pius  
es, et pérmanes cum Patre et  
Spíritu sancto in sæcula sæcu-  
lórum. Amen.

Psalmus 6. Dómine, ne in fu-  
róre tuo., pag. 193\*.

Dóminus vobiscum. ℞. Et cum  
spíritu tuo.

Sequéntia sancti Evangélíi  
secúndum Matthæum. ℞. Gló-  
ria tibi Dómine.

Dum Sacerdos dicit Sequentia sancti. etc., signum Crucis faciat super se in fronte, super os et super pectus, et similiter super infirmum, si vir fuerit : si vero femina fuerit, dum Sacerdos se signat, per semetipsam in locis prædictis se signet. Hoc idem in sequentibus Evangelii observetur. Cap. 8.

**I**n illo tempore : Cum introisset Jesus Capharnaum, accessit ad eum Centurio, rogans eum, et dicens : Domine, puer meus jacet in domo paralyticus, et male torquetur. Et ait illi Jesus : Ego veniam, et curabo eum. Et respondens Centurio, ait : Domine, non sum dignus ut intres sub tectum meum : sed tantum dic verbo, et sanabitur puer meus. Nam et ego homo sum sub potestate constitutus, habens sub me milites, et dico huic Vade, et vadit : et alii Veni, et venit; et servo meo Fac hoc, et facit. Audiens autem Jesus miratus est, et sequentibus se dixit : Amen dico vobis, non inveni tantam fidem in Israel. Dico autem vobis, quod multi ab Oriente, et Occidente venient, et recumbent cum Abraham, et Isaac, et Jacob in regno caelorum : filii autem regni ejicientur in tenebras exteriores : ibi erit fletus, et stridor dentium. Et dixit Jesus Centurioni : Vade, et sicut credidisti, fiat tibi. Et sanatus est puer in illa hora.

Domine vobiscum. R. Et cum spiritu tuo.

Orémus.

**V**IRTUTUM caelestium Deus, qui ab humanis corporibus

omnem languorem et omnem infirmitatem præcepti tui potestate depellis : adesto propitius huic famulo tuo (vel famulae tuae), ut fugatis infirmitatibus, et viribus receptis, nomen sanctum tuum, instaurata proutinus sanitate, benedicat. Per Dominum. R. Amen.

Psalmus 19.

**E**XAUDIAT te Dominus in die tribulationis : \* protegat te nomen Dei Jacob.

Mittat tibi auxilium de sancto : \* et de Sion tueatur te.

Memor sit omnis sacrificii tui : \* et holocaustum tuum pingue fiat.

Tribuat tibi secundum cor tuum : \* et omne consilium tuum confirmet.

Lætābimur in salutari tuo : \* et in nomine Dei nostri magnificābimur.

Impleat Dominus omnes petitiones tuas : \* nunc cognovi quoniam salvum fecit Dominus Christum suum.

Exaudiet illum de caelo sancto suo : \* in potentatibus salus dexteræ ejus.

Hi in curribus, et hi in equis : \* nos autem in nomine Domini Dei nostri invocābimus.

Ipsi obligati sunt, et ceciderunt : \* nos autem surréximus, et erecti sumus.

Domine salvum fac regem : \* et exaudi nos in die, qua invocāverimus te.

Añā. Média vita in morte sumus : quem quærimus adiutorem, nisi te Domine, qui pro peccatis nostris juste irasceris? \* Sancte Deus, sancte fortis, sancte et misericors Salvator, amarae morti ne tradas nos.

¶ Ne projicias nos in tēpore senectūtis : cum defecerit virtus nostra, ne derelinquas nos Dómine. Sancte Deus...

Kyrie eléison. Christe eléison. Kyrie eléison.

Pater noster. Et ne nos inducas in tentationem. R. Sed libera nos a malo.

¶ Miserere mei Dómine, quóniam infirmus sum. R. Sana me Dómine, quóniam conturbata sunt ómnia ossa mea.

¶ Post partum Virgo inviolata permansisti. R. Dei Génitrix intercede pro nobis.

¶ Angelis suis Deus mandavit de te. R. Ut custódiant te in ómnibus viis tuis.

¶ Ora pro nobis, beáte Pater Dominice. R. Ut digni efficiámur promissionibus Christi.

¶ Saluum fac servum tuum. (vel ancillam tuam.) R. Deus meus sperántem in te.

¶ Mitte ei Dómine auxílium de sancto. R. Et de Sion tuere eum. (vel eam.)

¶ Nihil proficiat inimícus in eo. (vel ea.) R. Et filius iniquitátis non appónat nocere ei.

¶ Esto ei Dómine turris fortitudínis. R. A fácie inimici.

¶ Dómine exáudi orationem meam. R. Et clamor meus ad te véniat.

Dóminus vobíscum. R. Et cum spíritu tuo.

Orémus.

**O**MNIPOTENS sempitérne Deus, infirmitátem fámuli tui (vel fámulae tuae) propítius respice, atque ad protegéndum eum (vel eam) dexteram tuam maiestátis extēde.

**C**ONCEDE hunc fámulum tuum, (vel hanc fámulam tuam,) quæsumus Dómine Deus, perpétua mentis et cóporis salúte gaudere : et gloriósa beatæ Mariæ semper Virgínis intercessióne, a præsentí liberári tristitia, et ætérna pérfrui lætítia.

**D**EUS, qui miro órdine Angelórum ministéria, homínique dispensas : concede propítius ut a quibus tibi ministrántibus in cælo semper assistitur, ab his in terra vita nostra muniátur.

**C**ONCEDE, quæsumus omnipotens Deus : ut qui peccatórum nostrórum póndere préminur, beáti Dominici Confessóris tui Patris nostri patrocinio sublevémur.

**D**EUS, qui factúræ tuæ semper pio domináris affectu : inclina aurem tuam supplicatióibus nostris, et fámulum tuum (vel fámulam tuam) ex advérſa valetúdine cóporis laborántem, placátus respice, et visita in salutári tuo, et cælestis grátiae præsta ei medicinam. Per Dóminum.

R. Amen.

Completa ultima Oratione, Sacerdos utramque manum ponat super caput infirmi, et dicat Orationem de beato Vincentio, qua utebatur sanctus Ludovicus Bertrandus.

**S**UPER ægros manus impónent, et bene habébunt. Jesus Mariæ Fílius, mundi salus et Dóminus, qui te traxit ad fidem catholicam, te in ea consérvet, et beátum (vel beátam) fáciat, et méritis beatæ Virgínis Mariæ, et beáti Do-



minici Patris nostri, et beāti Vincéntii, et ómnium Sanctórum, te ab hac infirmitate liberare dignétur.

Postea dicat :

Dóminus vobíscum. R. Et cum spíritu tuo.

Inítium sancti Evangélíi secúndum Joánnem. R. Glória tibi Dómine.

Cap. 1.

**I**N principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt : et sine ipso factum est nihil, quod factum est, in ipso vita erat, et vita erat lux hóminum : et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhiberet de lúmine, ut omnes créderent per illum. Non erat ille lux, sed ut testimónium perhiberet de lúmine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his qui credunt in nómine ejus : qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. Hic genuflectitur. **ET VERBUM CARO FACTUM EST, et habitávit in nobis : et vidimus glóriam ejus, glóriam quasi Unigéniti a Patre, plenum grátiae et veritátis.**

R. Deo grátias.

¶ Pro præcedenti Evangelio sequens dicere potest.

Dóminus vobíscum. R. Et cum spíritu tuo.

Sequéntia sancti Evangélíi secúndum Marcum. R. Glória tibi Dómine.

Cap. 16.

**I**N illo témpore : Recumbéntibus úndecim discípulis, appáruit illis Jesus, et exprobrávit incredulitatem eórum, et durítiam cordis; quia iis qui viderant eum resurrexisse non credidérunt. Et dixit eis : Eúntes in mundum univérsum, prædicáte Evangélium omni creatúræ. Qui crediderit et baptizátus fúerit, salvus erit : qui vero non crediderit, condemnábitur. Signa autem eos, qui crediderint, hæc sequéntur : In nómine meo daemónia ejicient : linguis loquéntur novis : serpéntes tollent : et si mortíferum quid biberint, non eis nocébit : super ægros manus impónent, et bene habébunt.

R. Deo grátias.

Postea subjungat :

**D**OMINUS Jesus Christus apud te sit, ut te deféndat : intra te sit ut te consérvet : ante te sit, ut te dedúcat : post te sit, ut te custódiat : super te sit, ut te bene ✠ dicat : Qui cum Patre et Spíritu sancto in unitate perfécta vivit et regnat per ómnia sæcula sæculórum.

R. Amen.

Benedictio Dei omnipoténtis, Patris ✠, et Filii, et Spiritus sancti, descéndat super te, et máneat semper.

R. Amen.

Deinde aspergat infirmum Aqua benedicta.

COMMENDATIO ANIMÆ  
IN TRANSITU EXSISTENTIS.

Cum infirmus morti penitus  
appropinquaverit, Sacerdos  
cum stola legat Litanias cum  
Versibus et Orationibus se-  
quentibus :

**K**YRIE, eléison.  
Christe eléison.  
Kyrie eléison.  
Christe audi nos.  
Christe exaudi nos.  
Pater de cælis Deus, miserére  
ei.  
Fili Redemptor mundi Deus,  
miserére ei.  
Spiritus sancte Deus, miserére  
ei.  
Sancta Trinitas, unus Deus,  
miserére ei.  
Sancta Maria, ora pro eo. (vel  
ea.)  
Sancta Dei Génitrix, ora.  
Sancta Virgo virginum, ora.  
Sancte Michael, ora.  
Sancte Gábríel, ora.  
Sancte Ráphael, ora.  
Omnes sancti Angeli et Arch-  
ángeli, oráte.  
Omnes sancti beatórum Spiri-  
tuum órdines, oráte.  
Sancte Joánnes Baptista, ora.  
Sancte Joseph, ora.  
Omnes sancti Patriarchæ et  
Prophète, oráte.  
Sancte Petre, ora.  
Sancte Paule, ora.  
Sancte Andréa, ora.  
Sancte Jacóbe, ora.  
Sancte Joánnes, ora.  
Sancte Thoma, ora.  
Sancte Jacóbe, ora.  
Sancte Philippe, ora.  
Sancte Bartholomæe, ora.  
Sancte Matthæe, ora.  
Sancte Simon, ora.  
Sancte Thaddæe, ora.

Sancte Mathía, ora.  
Sancte Bárnaba, ora.  
Sancte Marce, ora.  
Sancte Luca, ora.  
Omnes sancti Discipuli Dó-  
mini, oráte.  
Omnes sancti Innocéntes, oráte.  
Sancte Stéphané, ora.  
Sancte Clemens, ora.  
Sancte Cornéli, ora.  
Sancte Cypriáne, ora.  
Sancte Laurénti, ora.  
Sancte Vincénti, ora.  
Sancte Dionysi cum Sóciis  
tuis, ora.  
Sancte Mauríti cum Sóciis  
tuis, ora.  
Sancte Januári cum Sóciis  
tuis, ora.  
Sancti Fabiáne et Sebastiáne,  
oráte.  
Sancti Cosma et Damiáne,  
oráte.  
Sancte Thoma, ora.  
Sancte Petre, ora.  
Sancte Joánnes cum Sóciis  
tuis, ora.  
Omnes sancti Mártyres, oráte.  
Sancte Silvéster, ora.  
Sancte Gregóri, ora.  
Sancte Pie, ora.  
Sancte Ambrósi, ora.  
Sancte Augustíne, ora.  
Sancte Hierónyme, ora.  
Sancte Hilári, ora.  
Sancte Martíne, ora.  
Sancte Nicolæe, ora.  
Sancte Antonine, ora.  
Sancte Pater Dominice, ora.  
Sancte Pater Dominice, ora.  
Sancte Thoma, ora.  
Sancte Vincénti, ora.  
Sancte Hyacínthe, ora.  
Sancte Raymúnde, ora.  
Sancte Ludovice, ora.  
Sancte Antóni, ora.  
Sancte Benedicte, ora.  
Sancte Bernárde, ora.

|  |        |   |
|--|--------|---|
| Sancte Franciscæ,  | ora.   | Ut ejus spiritum a loco angustiae liberes, te rogāmus.  |
| Omnes sancti Confessores,  | orāte. | Ut eum (vel eam) in regione vivorum æternis gaudiis confoverijubeas, te rogāmus.  |
| Sancta Anna,   | ora.   | Ut nos exaudire digneris, te rogāmus audi nos.  |
| Sancta Maria Magdalēna,  | ora.   | Fili Dei, te rogāmus audi nos.  |
| Sancta Martha,   | ora.   | Agnus Dei, qui tollis peccata mundi, parce ei Dōmine.   |
| Sancta Felicitas,  | ora.   | Agnus Dei, qui tollis peccata mundi, libera eum (vel eam) Dōmine.   |
| Sancta Perpétua,   | ora.   | Agnus Dei, qui tollis peccata mundi, miserere ei Dōmine.  |
| Sancta Agatha,   | ora.   | Communiter ab omnibus dicatur : Kyrie eléison. Christe eléison. Kyrie eléison., postea Pater noster. secreto. Quo finito, dicat Sacerdos :  |
| Sancta Lucia,  | ora.   | Et ne nos inducas in tentationem. R. Sed libera nos a malo.   |
| Sancta Agnes,  | ora.   | ¶. Salvum fac servum tuum. (vel ancillam tuam.) R. Deus meus sperātem in te.  |
| Sancta Cæcilia,  | ora.   | ¶. Mitte ei Dōmine auxilium de sancto. R. Et de Sion tuere eum. (vel eam.)  |
| Sancta Catharina,  | ora.   | ¶. Nihil proficiat inimicus in eo. (vel ea.) R. Et filius iniquitatis non apponat nocere ei.  |
| Sancta Margarita,  | ora.   | ¶. Esto ei Dōmine turris fortitudinis. R. A facie inimici.  |
| Sancta Ursula cum Sodālibus tuis,                                      | ora.   | ¶. Dōmine exaudi orationem meam. R. Et clamor meus ad te veniat.  |
| Sancta Catharina,  | ora.   | Dōminus vobiscum. R. Et cum spiritu tuo.  |
| Sancta Rosa,   | ora.   | Orémus. Oratio.   |
| Sancta Agnes,  | ora.   | <b>O</b> MNIPOTENS sempiternè Deus, conservator animarum, qui quos diligis corripis, et quos recipis pie ad emendationem coërces : te invocāmus Dōmine, ut famulo tuo, qui (vel famulæ tuæ, quæ) in corpore patitur membrorum |
| Sancta Catharina,  | ora.   |   |
| Omnes sanctæ Virgines et Viduæ,  | orāte. |   |
| Omnes Sancti,  | orāte. |   |
| Propitius esto, libera eum (vel eam) Dōmine.                           |        |   |
| A damnatione perpétua libera.  |        |   |
| A subitanea et improvisa morte libera.                                 |        |   |
| Ab imminētibus peccatorum suorum periculis libera.                     |        |   |
| Ab infestationibus daemonum libera.                                    |        |   |
| Per mystérium sanctæ Incarnationis tuæ libera.                         |        |   |
| Per Passiōnem et Crucem tuam libera.                                   |        |   |
| Per gloriōsam Resurrectionem tuam libera.                              |        |   |
| Per admirābilem Ascensionem tuam libera.                               |        |   |
| Per grātiā sancti Spiritus Parácliti libera.                           |        |   |
| In die judicii libera.   |        |   |
| Peccatores, te rogāmus audi nos.                                       |        |   |
| Ut iracundiæ tuæ flagella ab eo (vel ea) amoveas, te rogāmus audi nos. |        |   |



debilitatem, gratiam tuam conferre digneris; ut in hora exitus sui de corpore, absque mortalis peccati macula, tibi dator proprio per manus sanctorum Angelorum tuorum ejus anima representari mereatur. Per Christum Dominum nostrum. R. Amen.

Postmodum, si infirmus adhuc vixerit, dicat Sacerdos sequentem Commendationem, quæ est secundum usum Romanæ Ecclesiæ; et si moriens femina fuerit, mutantur masculina verba in feminina, ubi de ea mentio occurrerit.

**P**ROFICISCERE anima christiana de hoc mundo: In nomine Dei Patris ✠ omnipotentis, qui te creavit. In nomine Jesu ✠ Christi Filii Dei vivi, qui pro te passus est. In nomine Spiritus ✠ sancti, qui in te effusus est. In nomine Angelorum et Archangelorum. In nomine Thronorum et Dominationum. In nomine Principatum et Potestatum. In nomine Cherubim et Seraphim. In nomine Patriarcharum et Prophetarum. In nomine sanctorum Apostolorum et Evangelistarum. In nomine sanctorum Martyrum et Confessorum. In nomine sanctorum Monachorum et Eremitarum. In nomine sanctarum Virginum et omnium Sanctorum et Sanctarum Dei. Hodie sit in pace locus tuus, et habitatio tua in sancta Sion. Per eundem Christum Dominum nostrum. R. Amen.

Orémus.

Oratio.

**D**EUS misericors, Deus clemens, Deus, qui secundum multitudinem miserationis.

num tuarum peccata poenitentium deles, et præteritorum criminum culpas venia remissionis evacuas: respice propitius super hunc famulum tuum N. et remissionem omnium peccatorum suorum tota cordis confessione poscentem, deprecatus exaudi. Renova in eo, piissime Pater, quidquid terrena fragilitate corruptum, vel quidquid diabólica fraude violatum est, et unitati corporis Ecclesiæ membrum redemptionis annecte. Miserere Domine gemituum, miserere lacrimarum ejus: et non habentem fiduciam, nisi in tua misericordia, ad tuæ sacramentum reconciliationis admitte. Per Christum Dominum nostrum. R. Amen.

**C**OMMEMDO te omnipotenti Deo, carissime frater, et ei cujus es creatura committo: ut cum humanitatis debitum morte interveniente persolveris, ad Auctorem tuum, qui te de limo terræ formaverat, revertaris. Egredienti itaque animæ tuæ de corpore splendidus Angelorum cœtus occurrat, judex Apostolorum tibi senatus adveniat: candidatorum tibi Martyrum triumphator exercitus obviet, liliata rutilantium te Confessorum turba circumdet: jubilantium te Virginum chorus excipiat: et beatæ quietis in sinu Patriarcharum te complexus astringat: mitis atque festivus Christi Jesu tibi aspectus appareat, qui te inter assistentes sibi jugiter interesse decernat. Ignores omne quod horret in tenebris, quod stridet in flammis, quod cruciat in tormentis. Ce-

dat tibi teterrimus Sâtanâs cum satellitibus suis : in adventu tuo, te comitantibus Angelis, contremiscat, atque in æternæ noctis chaos immâne diffûgiat. Exsurgat Deus, et dissipentur inimici ejus : et fûgiant qui odêrunt eum a fâcie ejus. Sicut déficit fumus, deficiant : sicut fluit cera a fâcie ignis, sic pœreant peccatôres a fâcie Dei : et justi epulêntur, et exsultent in conspectu Dei. Confundântur igitur, et erubescant omnes tartæreæ legiões, et ministri Sâtanæ iter tuum impedire non audeant. Liberet te a cruciâtû Christus, qui pro te crucifixus est. Liberet te ab æternâ morte Christus, qui pro te mori dignâtus est. Constituât te Christus Filius Dei vivi intra paradisi sui semper amœna virêntia, et inter oves suas te verus ille Pastor agnoscât. Ille ab omnibus peccâtis tuis te absolvat, atque ad dexteram suam in electôrum suôrum te sorte constituât. Redemptorem tuum fâcie ad fâciem videas, et præsens semper assistens, manifestissimam beâtis oculis aspicias veritatem. Constitûtus igitur inter ægmina Beatôrum, contemplationis divinæ dulcedine potiâris in sæcula sæculôrum. R. Amen.

#### Oratio.

**S**USCIPE Dômine servum tuum in locum sperandæ sibi salvationis a misericordia tua. R. Amen.

Libera Dômine animam servi tui ex omnibus periculis infêrni, et de lâqueis pœnarum, et ex omnibus tribulationibus.

R. Amen.

Libera Dômine animam servi tui, sicut liberâsti Henoch et Eliam de commûni morte mundi. R. Amen.

Libera Dômine animam servi tui, sicut liberâsti Noe de diluvio. R. Amen.

Libera Dômine animam servi tui, sicut liberâsti Abraham de Ur Chaldæorum.

R. Amen.

Libera Dômine animam servi tui, sicut liberâsti Job de passionibus suis.

R. Amen.

Libera Dômine animam servi tui, sicut liberâsti Isaac de hostia, et de manu patris sui Abrahæ.

R. Amen.

Libera Dômine animam servi tui, sicut liberâsti Lot de Sodomis et de flamma ignis.

R. Amen.

Libera Dômine animam servi tui, sicut liberâsti Môysen de manu Pharaonis regis Ægyptiôrum. R. Amen.

Libera Dômine animam servi tui, sicut liberâsti Daniêlem de lacu leônium.

R. Amen.

Libera Dômine animam servi tui, sicut liberâsti tres Pueros de camino ignis ardentis et de manu regis iniqui.

R. Amen.

Libera Dômine animam servi tui, sicut liberâsti Susannam de falso crimine. R. Amen.

Libera Dômine animam servi tui, sicut liberâsti David de manu regis Saul et de manu Golîæ. R. Amen.

Libera Dômine animam servi tui, sicut liberâsti Petrum et Paulum de carcêribus.

R. Amen.

Et sicut beatissimam Theclam, Virginem et Mátyrem tuam, de tribus atrocissimis tormentis liberásti, sic liberáre dignéris ánimam hujus servi tui, et tecum fácias in bonis congaudére cæléstibus.

R. Amen.

Oratio.

**C**OMMENDAMUS tibi Dómine ánimam fámuli tui N. precamúrque te Dómine Jesu Christe, Salvátor mundi, ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætifica Dómine ánimam ejus in conspéctu tuo, et ne memineris iniquitátum ejus antiquárum, et ebrietátum, quas suscitávit furor, sive fervor mali desidérii. Licet enim peccáverit, tamen Patrem, et Fílium, et Spíritum sanctum non negávit : sed credidit, et zelum Dei in se hábuit, et Deum, qui fecit ómnia, fidéliter adorávit.

Oratio.

**D**ELICTA juventútis, et ignorantias ejus, quæsumus, ne memineris Dómine : sed secúndum magnam misericórdiam tuam memor esto illius in glória claritátis tuæ. Aperiantur ei cæli, collæténtur illi Angeli. In regnum tuum Dómine servum tuum súscipe. Suscipiat eum sanctus Michael Archángelus Dei, qui militiæ cæléstis mérui principátum. Véniant illi óbviám sancti An-

geli Dei, et perdúcant eum in civitátem cæléstem Jerúsalem. Suscipiat eum beátus Petrus Apóstolus, cui a Deo claves regni cæléstis tráditæ sunt. Adjuvet eum sanctus Paulus Apóstolus, qui dignus fuit esse vas electiónis. Intercedát pro eo sanctus Joánnes eléctus Dei Apóstolus, cui reveláta sunt secréta cæléstia. Orent pro eo omnes sancti Apóstoli, quibus a Dómino data est potéstas ligándi, atque solvéndi. Intercedant pro eo omnes Sancti, et elécti Dei, qui pro Christi nómine tormenta in hoc sæculo sustinuérent : ut vinculis carnis exútus, pervenire mereátur ad glóriam regni cæléstis : præstánte Dómino nostro Jesu Christo : Qui cum Patre et Spíritu sancto vivit et regnat per ómnia sæcula sæculórum. R. Amen. (Ex Rituali Romano.)

¶ Si anxietur adhuc anima, dicantur hi Psalmi, videlicet : Psalmus 117. Confitémini Dómino, pag. 24., et totus Psalmus 118. Beáti immaculáti. per Horas distributus, pag. 28. et seqq. sine Glória Patri.

¶ Si autem, expletis his omnibus, nondum obierit, recedant, relinquentes ibi Crucem et Aquam benedictam. Et Prior de aliquibus Fratribus provideat, qui remaneant ibidem, et dicant Psalterium absque Glória Patri.

#### SUFFRAGIA

##### EGRESSA ANIMA DICENDA.

Egressa anima, immediate terminent Fratres Psalmos, quos dicebant per V. Réquiem ætérnam. Et fiat Commendatio a Sacerdote, cum stola, in-



cupiente R̃. Subvenite. et Ṽ. sequentem sine cantu, aliis Fratribus ipsum prosequentibus. Totum autem Commendationis Officium dicatur legendo distincte, quousque inchoandum fuerit a Cantore R̃. Libera me Dómine.

R̃. Subvenite Sancti Dei, occurrere Angeli Dómini \*Suscipientes animam ejus, Offerentes eam in conspectu Altissimi. Ṽ. Suscipiat te Christus, qui vocávit te, et in sinum Abrahæ Angeli dedúcant te. — Suscipientes. Ṽ. Réquiem ætérnam dona ei Dómine, et lux perpétua luceat ei. Offerentes.

Deinde Kyrie eléison. Christe eléison. Kyrie eléison. Pater noster. secreto.

Et ne nos indúcas in tentatió-nem. R̃. Sed libera nos a malo.

Ṽ. Réquiem ætérnam dona ei Dómine. R̃. Et lux perpétua luceat ei.

Ṽ. A porta inferi. R̃. Erue Dómine animam ejus.

Ṽ. Requiescat in pace. R̃. Amen.

Ṽ. Dómine exáudi oratió-nem meam. R̃. Et clamor meus ad te véniat.

Dóminus vobiscum. R̃. Et cum spiritu tuo.

Orémus. Oratio.

**T**IBI, Dómine, commendamus animam famuli tui, ut defunctus sæculo tibi vivat : et quæ per fragilitatem humanæ conversatió-nis peccata commisit, tu vénia misericordissimæ pietátis abstérge. Per Christum Dóminum nostrum. R̃. Amen.

Orémus. Oratio.

**M**ISERICORDIAM tuam Dómine sancte, Pater omni-

potens, ætérne Deus, pietátis affectu pro aliis rogare cógimur, qui pro nostris supplicare peccátis nequáquam sufficimus ; tamen de tua confisi grátuita pietáte et sólita benignitáte, cleméntiam tuam depóscimus ut ánimam servi tui ad te reverténtem cum pietáte suscipias ; adsit ei Angelus testaménti tui Michael ; et per manus sanctórum Angelórum inter Sanctos et eléctos tuos in sinibus Abrahæ, Isaac et Jacob Patriarchárum tuórum eam collocare dignéris : quatenus liberáta de principibus tenebrárum et de locis penárum, nullis jam primævæ nativitatís, vel ignorántiæ aut propriæ iniquitatís, seu fragilitátis confundátur erroribus ; sed pótius agnoscatúr a tuis, et sanctæ beatitudinis réquie perfruátur : atque cum magni judicii dies advénerit, inter Sanctos et eléctos tuos resuscitátus, glória manifestæ contemplatió-nis tuæ perpétuo satiétúr. Per Christum Dóminum nostrum. R̃. Amen.

Deinde incipiat Sacerdos Añam Suscipiat. et Psalmum 113. In éxitu Israel de Ægypto, ut pag. 126., quem Psalmum ceteri prosequantur, terminando ipsum per Ṽ. Réquiem ætérnam.

Añá. Suscipiat te Christus, qui vocávit te : et in sinum Abrahæ ángeli dedúcant te.

Dicta post Psalmum Antiphona, dicat Sacerdos :

Orémus. Oratio.

**O**MNIPOTENS sempitérne Deus, qui humano córpori ánimam ad similitú-dinem tuam inspirare dignátus es :

dum te jubente pulvis in pulverem revertitur, tu imaginem tuam cum Sanctis et electis tuis æternis sedibus præcipias sociari, eamque de Ægypti partibus ad te revertentem blande leniterque suscipias: et Angelos tuos sanctos ei obviam mittas, viamque illi iustitiæ demonstrare, et portas gloriæ tuæ aperire digneris. Repelle, quæsumus Domine, ab ea omnes principes tenebrarum, et agnosce depositum quod tuum est: suscipe Domine creaturam tuam, non a diis alienis creatam, sed a te solo Deo vivo et vero, quia non est alius Deus præter te Domine, et non est secundum opera tua. Lætifica clementissime Deus animam servi tui, et clarifica eam in multitudine misericordiæ tuæ: ne memineris, quæsumus, iniquitatum ejus antiquarum et ebrietatum ejus, quas suscitavit furor mali desiderii: licet enim peccaverit, tamen te non negavit, sed signo fidei insignitus, te qui omnia et eum inter omnia fecisti, fideliter adoravit: Qui vivis et regnas Deus per omnia sæcula sæculorum. R. Amen.

Deinde incipiat Sacerdos Añam Chorus angelorum. et Psalmum Diléxi. Et Conventus prosequatur ipsum et alios qui infra notati sunt. In fine omnium dicatur V. Réquiem. Poterunt autem Fratres sedere dum dicunt hos Psalmos.

Añ. Chorus angelorum.

Psalmus 114. Diléxi., pag. 130; Psalmus 115. Crédidi., ibidem; Psalmus 116. Laudate Dominum omnes gentes., pag. 131; Psalmus 117. Confitemini.,

pag. 24.; Psalmus 118. Beati immaculati. per Horas distributus, usque ad Psalmum Ad Dominum cum tribulärer.

Finitis Psalmis stent Fratres et subjungant Añam. Chorus angelorum eum suscipiat, et in sinu Abraham eum colloquet: ut cum Lázaro quondam paupere æternam habeat requiem.

Orémus.

Oratio.

**D**IRI vulneris novitate percussus, et quodammodo cordibus sauciatus, misericordiam tuam, mundi Redemptor, flebilibus vocibus imploramus, ut Fratris nostri animam ad tuam clementiam, qui fons pietatis es, revertentem, blande leniterque suscipias; et quas illa ex carnali commoratione contraxit maculas, tu Deus solita benignitate clementer deleas, pie indulgeas, oblivioni in perpetuum tradas, atque hanc, laudem tibi cum ceteris reddituram, et ad corpus quandoque reversuram, Sanctorum tuorum cœtibus aggregari præcipias. Qui vivis et regnas Deus per omnia sæcula sæculorum. R. Amen.

Postea dicatur Pater noster... Et ne nos inducas in tentationem. R. Sed libera nos a malo.

V. Non intres in iudicium cum servo tuo Domine. R. Quia non justificabitur in conspectu tuo omnis vivens.

V. A porta inferi. R. Erue Domine animam ejus.

V. Domine exaudi orationem meam. R. Et clamor meus ad te veniat.

Dominus vobiscum. R. Et cum spiritu tuo.

Orémus.

Oratio.

**P**ARTEM beátæ resurrecti-  
onis obtíneat, vitámque  
æternam habere mereátur in  
cælis per te Jesu Christe Sal-  
vátor mundi : Qui cum Patre  
et Spíritu sancto vivis et re-  
gnas Deus per ómnia sæcula  
sæculórum. *R.* Amen.

Orémus.

Oratio.

**D**EUS, cui soli còmpetit me-  
dicinam præstare post  
mortem, præsta, quæsumus,  
ut ánima fámuli tui terrénis  
exúta contágiis in tuæ redem-  
ptiónis parte numerétur. Per  
Christum Dóminum nostrum.  
*R.* Amen.

Orémus.

Oratio.

**F**IDELIUM Deus ómnium cón-  
fidor et redemptor, animá-  
bus famulórum famularúmque  
tuarum remissionem cunctó-  
rum tribue peccatórum : ut in-  
dulgentiam, quam semper  
optavérunt, piis supplicatióni-  
bus consequántur. Qui vivis et  
regnas cum Deo Patre in uni-  
tate Spíritus sancti Deus per  
ómnia sæcula sæculórum.  
*R.* Amen.

Tunc dicant Horas suas qui  
eas dicere habuerint. Quibus  
dictis, vel si eas dicere non  
habuerint, statim incipiatur  
Psalterium.

## DE DELATIONE CORPORIS

FRATRIS DEFUNCTI

VEL SORORIS DEFUNCTÆ

AD ECCLESIAM.

Involuto Corpore et in fere-  
tro collocato, congregatis circa  
ipsum Fratribus, dimittatur  
psalmodia, finito tamen Psal-  
mo incepto per *Ps.* Réquiem  
æternam.

Tunc Sacerdos resumat Sto-  
lam, si eam deposuit, et asper-  
gens Corpus Aqua benedicta  
et thurificans, legendo dicat :  
Dóminus vobiscum. *R.* Et cum  
spíritu tuo.

Orémus.

Oratio.

**S**USCIPE Dómine ánimam  
Servi tui, quam de ergástulo  
hujus sæculi vocáre dignátus  
es, et libera eam de principi-  
bus tenebrarum et de locis  
pœnarum : ut absolutá om-  
nium vínculo peccatórum,  
quíetis æternæ beatitudine  
perfruátur, et inter Sanctos et  
eléctos tuos in resurrecti-  
ónis glória resuscitári mereátur.  
Per Christum Dóminum no-  
strum. *R.* Amen.

Hac Oratione dicta, Cantor  
incipiat *R.* Libera me. cum  
cantu, et Conventus prosequa-  
tur cum Versibus et Resum-  
ptionibus a Cantore incipien-  
dis. Et tunc campana pulsetur.  
Et sic deferatur Corpus in Ec-  
clesiam tali ordine, ut Aqua  
benedicta præcedat, postea  
Thuriferarius, deinde Cerofer-  
arii, postea Crux sequatur in  
medio; post Crucem incendant  
Fratres eo ordine quo stant in  
Choro, præcedentibus juniori-  
bus, post omnes Sacerdos cum  
Stola, ultimo Defunctus a  
quatuor Fratribus, quibus Can-  
tor innuerit deferatur, quos et  
Conversi sequentes poterunt  
adjuvare.

*R.* Libera me Dómine de  
morte æterna, in die illa tre-  
menda, \* Quando cæli mo-  
véndi sunt et terra : Dum vé-  
neris judicáre sæculum per  
ignem. *Ps.* Dies illa dies iræ,  
calamitátis et miseriæ, dies  
magna et amára valde. —



Quando cæli. usque ad Dum véneris. exclusive. *Ÿ.* Tremens factus sum ego, et timeo, dum discussio vénerit, atque ventúra ira.— Dum véneris judicáre sæculum per ignem. *Ÿ.* Créator ómnium rerum Deus, qui me de limo terræ formásti, et mirabiliter próprio sânguine redemísti, corpúsque meum, licet modo putrescat, de sepúlcro fácies in die judícii resuscitári: exáudi, exáudi me, ut ánimam meam in sinu Abrahæ Patriárchæ tui júbeas collocári. *R.* Libera me Dómine.

Venientes autem in Ecclesiam deponant Corpus in Choro, ita ut facies Defuncti Altare respiciat. Deinde illi qui portant Aquam benedictam et Thuribulum ordinent se ad pedes Defuncti, unus hinc et alius inde, versis ad se mutuo vultibus. Ceroferarii vero ordinent se ad caput versis vultibus ad Altare. Frater vero qui Crucem defert, collocet eam ad caput Defuncti, verso vultu Crucifixi ad caput Defuncti, et post Crucem stet Sacerdos.

Finito *R.* Libera me., dicat Sacerdos alta voce eo modo quo dicuntur Orationes ad Horas.

*Ÿ.* A porta inferi. *R.* Erue Dómine ánimam ejus.

Dóminus vobiscum. *R.* Et cum spiritu tuo.

Orémus.

† Si Frater Defunctus Episcopus vel Sacerdos fuerit, dicatur hæc Oratio :

**D**EUS, qui inter apostólicos Sacerdótes fámulum tuum Pontificáli (vel Sacerdotáli) fe-

císti dignitáte vigére; præsta, quæsumus, ut eórum quoque perpétuo aggregétur consórtio. Per Christum Dóminum nostrum. *R.* Amen.

† Pro alio Fratre Defuncto.

Oratio.

**I**NCLINA Dómine aurem tuam ad preces nostras, quibus misericórdiam tuam súplices deprecámur : ut ánimam fámuli tui, quam de hoc sæculo migráre jussisti, in pacis ac lucis regiónē constitúas; et Sanctorum tuórum júbeas esse consórtem. Per Christum Dóminum nostrum. *R.* Amen.

† Pro Sorore defuncta.

Oratio.

**Q**UÆSUMUS Dómine, pro tua pietáte miserére ánimæ fámulæ tuæ : et a contágiis mortalitátis exútam in æternæ salvatiónis partem restitue. Per Christum Dóminum nostrum. *R.* Amen.

Hac Oratione finita, ponantur duo cerei accensi super candelabra circa Crucem hinc et inde; et Aqua benedicta et Thuribulum sicut commode poterunt collocentur ibidem.

† Porro, si Fratres refectionem intermiserant, redeant ad illam, et fiat quod pag. 202\*. notatum est. Provideat autem Prior ne Corpus solum remaneat; sed aliqui Fratres in Choro Psalterium legant.

† Quod si refectionem non intermiserant, finita Oratione prædicta Deus, qui inter apostólicos Sacerdótes, vel Inclina Dómine., residentes in Choro incipiant Psalterium ubi in infirmatorio dimiserant.

Horas suas suis temporibus, Psalterium intermittentes, diligenter cantent; et expletis Horis, incipiant in Psalterio ubi dimiserant.

Si tali hora obierit ut pro eo Missa celebrari possit in Conventu, eo die sepeliatur: sin autem, in crastinum reservetur; vel eodem die sepeliatur post Vesperas, maxime in æstate. Si autem in hora vespertina moriatur, in crastinum reservetur.

Cum vero in crastinum reservatur, agantur in nocte circa eum Vigiliæ, hoc modo: Sacrista noctem dividat in duas Vigilias communiter, prout poterit. In prima Vigilia vigilet dexter Chorus, dicendo Psalterium; et circa finem primæ Vigiliæ, cum eis visum fuerit, dicant Matutinas suas legendo. Quibus dictis, cum prima Vigilia transacta fuerit, pulsentur Matutinæ; et aliis Fratribus in Chorum venientibus, eant dormitum, qui vigilerant. Qui vero illa hora surrexerint, Matutinarum Officium cantando expleant diligenter. Quo finito, et dicto Pretiosa., vigilent, sicut primi, dicendo Psalterium.

Nullus Fratrum mittatur extra, usquequo Defunctus sepeliatur, nisi magna necessitas immineat. Quamdiu etiam Corpus est in Choro, non sedent Fratres in cellis, vel in locutorio, sed stent circa Corpus et dicant Psalterium. Qui Officiis deputati sunt, assistant Defuncto quantum poterunt.

Si competenter fieri potest, priusquam Frater sepeliatur, debet pro eo in Conventu celebrari Missa. Si non, quam citius commode poterit, celebretur solemniter pro eo.

Debent etiam pro ipso fieri Vigiliæ Mortuorum (totum Officium Defunctorum) ipsa die qua sepelitur, si pro eo factæ non fuerint a Conventu, antequam sepeliatur. Quod si nec ipsa die possint, fiant quam citius temporis opportunitas occurrerit. Prædictæ Vigiliæ sufficiant pro obligatione Hebdomadæ, neque Fratres ad alias illa Hebdomada teneantur.

Quæ superius scripta sunt, servanda sunt circa Fratrem a Conventu in quo moritur, sive in suo, sive in Conventu alieno moriatur. Si extra Conventum suum Frater obierit, audita morte ipsius, fiant nihilominus pro eo dictæ Vigiliæ in suo Conventu, et Missa similiter celebretur. Quæ etiam facienda sunt pro Magistro Ordinis per totum Ordinem, et pro Priore Provinciali in quolibet Conventu Provinciæ sibi commissæ, audita morte ipsorum. Missam pro Fratre defuncto, si commode potest, debet Prælati major cantare, et totum Officium facere. Fratres hospites et infirmi, qui commode possunt, ad exitum morientis et ad sepulturam veniant, et stent in ordine suo.

† Officium vero sepulturæ fiat ut in Processionario notatum est.

## INDEX ALPHABETICUS

RERUM QUÆ POST PROPRIUM SANCTORUM HABENTUR.

|   | Pag. |
|---|------|
| Absolutio Feria quarta Cinerum et Feria quinta in Cena Domini                     | 198* |
| Absolutionis forma communius observanda in confessione sacramentali               | 211* |
| Absolutionis sacramentalis forma brevior  | 211* |
| Absolutionis sacramentalis forma brevissima                                       | 212* |
| Absolutionis forma tempore jubilæi  | 212* |
| Absolutio generalis Fratribus danda   | 212* |
| Absolutio generalis Sororibus danda   | 213* |
| Benedictio Apostolica in articulo mortis  | 215* |
| Benedictio Aquæ cum Reliquiis S. Petri Martyris                                   | 219* |
| Benedictio Aquæ S. Vincentii pro infirmis   | 220* |
| Benedictio Candelarum SS. Rosarii   | 217* |
| Benedictio Cingulorum S. Thomæ Aquinatis  | 218* |
| Benedictio ante Concionem   | 199* |
| Benedictio Fratrum advenientium   | 206* |
| Benedictio Fratrum egredientium   | 205* |
| Benedictio Magistri Ordinis, Prioris Provincialis et novi Prioris conventualis    | 206* |
| Benedictio Mensæ  | 200* |
| Benedictio Olivarum in festo S. Petri Martyris                                    | 219* |
| Benedictio Orationum S. Vincentii Ferrerii  | 220* |
| Benedictio Palmarum vel aliorum Ramorum in festo S. Petri Martyris                | 219* |
| Benedictio Domini Papæ nomine impertienda   | 214* |
| Benedictio omnis Rei, de qua benedictionis forma propria non habetur              | 221* |
| Benedictio Rosariorum   | 216* |
| Benedictio Rosarum  | 217* |
| Benedictio Tertiariis sæcularibus danda extra confessionem                        | 213* |
| Benedictio uni Tertiario sæculari danda immediate post confessionem sacramentalem | 214* |
| Benedictio Vestimentorum Fratrum et Sororum Ordinis Prædicatorum                  | 218* |
| De Collatione   | 202* |
| Commendatio animæ in transitu existentis  | 240* |
| Commune unius Abbatis   | 85*  |
| Commune Apostolorum extra Tempus Paschale   | 26*  |
| Commune Apostolorum Tempore Paschali  | 113* |
| Commune unius Confessoris non Pontificis extra Tempus Paschale                    | 81*  |
| Commune unius Confessoris Pontificis extra Tempus Paschale                        | 67*  |
| Commune unius Confessoris Tempore Paschali  | 122* |



|   | Pag.  |
|---|-------|
| Commune unius Doctoris . . . . .  | 79*   |
| Commune unius Evangelistæ extra Tempus Paschale . . . . .               | 36*   |
| Commune unius Evangelistæ Tempore Paschali . . . . .                    | 116*  |
| Commune plurimorum Martyrum extra Tempus Paschale . . . . .             | 52*   |
| Commune plurimorum Martyrum Tempore Paschali . . . . .                  | 119*  |
| Commune unius Martyris non Pontificis extra Tempus Paschale . . . . .   | 49*   |
| Commune unius Martyris Pontificis extra Tempus Paschale . . . . .       | 38*   |
| Commune unius Martyris Tempore Paschali . . . . .                       | 116*  |
| Commune unius sanctæ Martyris tantum extra Tempus Paschale . . . . .    | 101*  |
| Commune unius sanctæ Martyris tantum Tempore Paschali . . . . .         | 126*  |
| Commune unius nec Virginis nec Martyris extra Tempus Paschale . . . . . | 104*  |
| Commune unius nec Virginis nec Martyris Tempore Paschali . . . . .      | 127*  |
| Commune unius Virginis Martyris extra Tempus Paschale . . . . .         | 86*   |
| Commune unius Virginis non Martyris extra Tempus Paschale . . . . .     | 98*   |
| Commune unius Virginis Tempore Paschali . . . . .                       | 125*  |
| In Dedicatione Ecclesiæ . . . . .                                       | 11*   |
| In Anniversario Dedicationis . . . . .                                  | 12*   |
| De Delatione corporis Fratris defuncti ad Ecclesiam . . . . .           | 247*  |
| Exorcismus Leonis Papæ xiiij. . . . .                                   | 222*  |
| Exorcismus contra tempestatem . . . . .                                 | 224*  |
| In Festis B. Mariæ Virginis . . . . .                                   | 1*    |
| Pro Gratiis Deo reddendis . . . . .                                     | 236*  |
| Gratiarum actio post mensam . . . . .                                   | 201*  |
| Gratiarum actio post Missam . . . . .                                   | 229*  |
| Itinerarium . . . . .   | 208*  |
| Litanie SS. Cordis Jesu . . . . .                                       | 234** |
| Litanie SS. Nominis Jesu . . . . .                                      | 232*  |
| Officium votivum Corporis Christi . . . . .                             | 144*  |
| Officium Defunctorum . . . . .  | 174*  |
| Officium votivum S. P. Dominici . . . . .                               | 133*  |
| Officium votivum B. Mariæ V. in Sabbato . . . . .                       | 150*  |
| Officium quotidianum B. Mariæ V. . . . .                                | 159*  |
| Officium votivum S. Thomæ Aquinatis . . . . .                           | 139*  |
| Officium votivum S. Vincentii Ferrerii . . . . .                        | 128*  |
| Officium faciendum in electione Magistri Ordinis . . . . .              | 203*  |
| Officium faciendum in electione Prioris conventualis . . . . .          | 205*  |
| Officium faciendum in electione Prioris provincialis . . . . .          | 204*  |
| Oratio pro Capitulo generali et euntibus ad illud . . . . .             | 202*  |

|   | Pag. |
|---|------|
| Orationes itinerantium quotidianæ. . . . .                                      | 210* |
| Orationes pro Domino Papa et Benefactoribus in Capitulo . . . . .               | 198* |
| Orationes dicendæ dum sacerdos induitur sacris vestibus. . . . .                | 229* |
| Oratio de S. Vincentio Ferrerio super ægros . . . . .                           | 238* |
| Orationes faciendæ in Visitatione infirmorum . . . . .                          | 236* |
| Præparatio ad Missam . . . . .  | 226* |
| Psalmi Graduales . . . . .  | 158* |
| Psalmi Pœnitentiales . . . . .  | 193* |
| Salutatio B. Mariæ V. mane, meridie et vespere, extra Tempus Paschale . . . . . | 235* |
| Salutatio B. Mariæ V. mane, meridie et vespere, Tempore Paschali . . . . .      | 235* |
| Suffragia, egressa anima, dicenda . . . . .                                     | 244* |

LAUS DEO

## ERRATA

## CORRIGE

## IN PSALTERIO

|               |                                  |               |
|---------------|----------------------------------|---------------|
| trepidavérunt | <i>Pag. 9. col. 1. lin. 28.</i>  | trepidavérunt |
| singillátim   | <i>Pag. 51. col. 2. lin. 16.</i> | sigillátim    |

## IN I. PARTE

|                                 |   |             |
|---------------------------------|---|-------------|
| séquiturur                      | <i>Pag. 196. col. 1. lin. 15.</i>           | séquitur ut |
| Ex Patri                        | <i>Pag. 201. col. 2. lin. 7.</i>            | Ex Patre    |
| Ex noc loco                     | <i>Pag. 242. col. 1. lin. 28.</i>           | Ex hoc loco |
| propria                         | <i>Pag. 291. col. 1. lin. 8.</i>            | prima       |
| et nisi in Officio Defunctorum. | <i>Pag. 295. col. 1. lin. 3. et lin. 4.</i> |             |
|                                 | <i>Prædicta verba sunt omittenda.</i>       |             |
| Póntifem                        | <i>Pag. 861. col. 2. lin. 21.</i>           | Póntifex    |
| videdátur                       | <i>Pag. 1047. col. 1. lin. penult.</i>      | videbátur   |

## IN II. PARTE

|              |                                   |              |
|--------------|-----------------------------------|--------------|
| firmát sunt  | <i>Pag. 170. col. 2. lin. 10.</i> | firmáti sunt |
| Jesu Christi | <i>Pag. 185. col. 1. lin. 34.</i> | Jesu Christe |
| Miséricos    | <i>Pag. 186. col. 1. lin. 28.</i> | Miséricors   |
| DUPLEX       | <i>Pag. 476. col. 2. lin. 23.</i> | SIMPLEX      |
| Virginis     | <i>Pag. 486. col. 2. lin. 4.</i>  | Vírgines     |
| María        | <i>Pag. 603. col. 2. lin. 31.</i> | Maríam       |



In nominibus *Alexandria* et *Antiochia* penultimam, in voce vero *Eucharistia* antepenultimam acue syllabam. In voce vero *bravium* penultimam acue syllabam, quandocumque soluta oratio fuerit; ubi vero rhythmica, licentia poetica, pro conditione carminis, utere.

Alia, eaque fortasse graviora, Lector benevole, notabis errata, quæ non tibi soli in tuo Breviarii exemplo, quæsumus, corrigas, sed Fratribus editoribus indicare digneris.

## MUTANDA ET ADDENDA

Solemnitas sanctissimi Nominis Jesu Dominica prima post Octavam Epiphaniæ deinceps in toto Ordine celebrabitur. Die vero decima quinta Januarii, de B. Francisco de Capillas Martyre O. P. fiet Officium cum Memoria S. Mauri Abbatis.

Die undecima Februarii, amandata in diem vigesimam Desponsatione B. Mariæ Virginis, de Apparitione ejusdem agetur Officium, ut in priore parte Breviarii, pag. 1211. notatum est.

Die vigesima octava Novembris legendum erit Officium de B. Zedislava O. P. quod in priore parte Breviarii, pag. 1210. positum est.

Pag. 233\*: col. 2. lin. 28. in *Litaniis SS. Nominis Jesu, dicto* Per Ascensionem tuam libera nos Jesu., addatur: Per sanctissimæ Eucharistiæ institutionem tuam libera nos Jesu.

Pag. 235\*. Post *Litanias SS. Cordis Jesu, addesis Litanias S. Joseph.*

### LITANÆ S. JOSEPH SPONSI B. Mariæ V.

|  |                          |      |
|--|--------------------------|------|
| <b>K</b> YRIE eléison.                       | Filii Dei nutritie,      | ora. |
| Christe, eléison.                            | Christi defensor sedule, | ora. |
| Kyrie, eléison.                              | Almæ Familiæ præses,     | ora. |
| Christe, audi nos.                           | Joseph justissime,       | ora. |
| Christe, exaudi nos.                         | Joseph castissime,       | ora. |
| Pater de cælis, Deus, miserere nobis.        | Joseph prudentissime,    | ora. |
| Fili, Redemptor mundi, Deus, miserere nobis. | Joseph fortissime,       | ora. |
| Spiritus sancte Deus, miserere nobis.        | Joseph obedientissime,   | ora. |
| Sancta Trinitas, unus Deus, miserere nobis.  | Joseph fidelissime,      | ora. |
| Sancta Maria, ora pro nobis.                 | Spéculum patientiæ,      | ora. |
| Sancte Joseph, ora.                          | Amator paupertatis,      | ora. |
| Proles David inclyta, ora.                   | Exemplar opificum,       | ora. |
| Lumen Patriarcharum, ora.                    | Domesticæ vitæ decus,    | ora. |
| Dei Genitricis Sponse, ora.                  | Custos virginum,         | ora. |
| Custos pudice Virginis, ora.                 | Familiarum columen,      | ora. |
|  | Solatium miserorum,      | ora. |
|  | Spes ægrotantium,        | ora. |
|  | Patrône morientium,      | ora. |
|  | Terror dæmonum,          | ora. |

Protector sanctæ Ecclesiæ,  
ora pro nobis.

Agnus Dei, qui tollis peccata  
mundi, parce nobis Dómine.

Agnus Dei, qui tollis peccata  
mundi, exáudi nos Dómine.


Agnus Dei, qui tollis peccata  
mundi, miserere nobis.


¶ Constituit eum dñm  
domus suæ. R. Et principem  
omnis possessionis suæ.

Orémus.

Oratio.

**D**EUS, qui ineffabili provi-  
déntia beátum Joseph san-  
ctissimæ Genitricis tuæ Spon-  
sum eligere dignátus es : præ-  
sta, quæsumus, ut quem pro-  
tectórem venerámur in terris,  
intercessórem habére mereá-  
mur in cælis : Qui vivis et re-  
gnas per ómnia sæcula sæcu-  
lórum. R. Amen.







DOMINICA PRIMA  
POST OCTAVAM EPIPHANİÆ.  
SS. NOMINIS JESU.

TOTUM DUPLEX.

Omnia ut in j. parte die xv. Januarii notatum erat, ommissa tamen Memoria S. Mauri Abbatis.

DIE XV. JANUARIJ.  
B. FRANCISCI DE CAPILLAS  
MART. ORD. PRÆD.  
TOTUM DUPLEX. Oratio.

**D**EUS, qui beāti Mǎrtiris tui Francisci fidem mirābili constāntia roborāsti : concēde propitiū Ecclēsiae tuæ ut ejus precibus adjūta, novos ubique fidei triūmphos celebrāre mereātur. Per.

In j. Vesperis et Laudibus Memoria S. Mauri Abbatis.

Oratio.

**I**NTERCESSIO nos, quæsumus Dōmine, beāti Mauri Abbātis commēdet : ut quod nostris mēritis non valēmus, ejus patrocinio assequāmur. Per.

IN I. NOCTURNO.

Lectiones Existimo. de Comuni unius Martyris non Pontificis, pag. 49\*.

IN II. NOCTURNO.

Lectio iv.

**F**RANCISCUS, qui primus, inter præcōnes apostólicos, fidem Christi in Sinēsi Impērio sāguine suo erat obsignāturus, in oppido Baquerin de Campos, Palentinæ diocēsis, piis nobilibusque parēntibus natus est. A pueritia ad virtutem institutus, dēcimo sēptimo ætātis anno, perfectiōris vitæ

cūpidus, Ordinem Prædicatōrum ingrēssus, in cōenōbio sancti Pauli Vallisoletāno tyrociniū cursum et stūdia explēvit. Vix diāconus, cum novisset sacros operārios desiderāri in insulis Philippinis, eam missionem pētiit et impetrāvit. Itaque Manilam contēdit : inde sacerdotio auctus, missus est ad provinciam Cagaian, ubi per annos decem apostolicæ vitæ labōres cum fidelissima legum sui Ordinis observantia conjūxit. Ac si martyrium præsēntiret, corpus vārio tormentōrum gēnere, præter assiduum jejūnium, afflictabat. Dies etiā noctēsque versabātur in valetudinārio, a fratribus Prædicatōribus erecto, ut ægrōtos juvāret. Demum ardentissimi sui voti compos factus, ad Sinēse Impērium perrexit, ibique, in provincia Fokiēnsi, cum sociis nulli parcens labōri, innumeras animas Deo lucrificēit.

Lectio v.

**H**ÆC inter, pace turbāta, Tartari, occupāta per vim latissima etiā provincia Fokiēnsi, ab infidelibus Sinēnsibus provocāti, bellum atrox christiānæ fidei indixērunt. Captus proinde Dei Servus, qui se pro animārum salutē Deo victimam gēstiens obtulerat, ad magistrātum fuit deductus. Interrogātus primum de fide, mox de prætōrio in prætōrium pulsus, plūribus calūnniis ac probris impetitus, Christum constānter confessus est. Inhumānum porro supplicium, quo pedum mallēoli dūplici asse constringuntur usque ad ossium disjunctiōnem, tam

forti ánimo hilarique vultu sustinuit, ut iudex vehementer mirarétur. Iterum vero interrogátus, flagris dilacerátus est: póstea fere exánimis tractus in cárcerem, ubi præcipui sontes cápitis damnáti detinebántur, sui aspéctu, non modo horum, sed ipsórum custódum pietátem excitávit, qui Christiáno cuidam permisérunt ut cibos eidem afférret, ne, prout iniquus iudex decreverat, fame periret. Quam pietátem Vir Dei in eórum salútem ita convertit, ut carcer ille templum Dei vivi eváderet.

#### Lectio vj.

**F**USTIBUS denuo cæsus, post paucos dies, dum in cárcere orans, Dolorósa sacri Rosárii Mystéria recóleret, accitus fuit a militári præfécito, qui terribili voce increpátum, duris conviciis véluti traditórum ducem et caput affécit statimque occidi iussit. Franciscus itaque, divini Agni mansuetúdinem imitátus, seque totum Deo commendans, gládio percússus, triúmphans migrávit in cælum, die décima quinta Januá-

rii, anno millésimo sexcentésimo quadragésimo octávo. Sacrum ejus corpus, extra mœnia civitátis a bárbaris projectum, duos menses insepúltum jácuit, donec a Christiánis fere intergrum repértum, honorifice repositum fuit. At póstea, novis obórtis persecutió nibus, Missiônariis Ordinis Prædicatórum vi eréptum ac loco plane occúltó sepúltum est. Caput tamen Mátyris, a corpore sejúntum, prius Manilam, deinde ad cœnóbium sancti Pauli Vallisole-tánum fuit translátum, ubi religiósè adhuc asservátur. Statim ab ejus passióne, martyrii causa apud Sedem Apostólicam introducta, sed ob vários rerum événtus suspénsa, tandem sub Pontificátu Pii Papæ Décimi feliciter fuit absolúta. Itaque die secúnda Maii, anno millésimo nongentésimo nono, in Basilica Vaticána Protomátyr Sinénsis Beatórum fastis adscriptus est.

#### IN III. NOCTURNO.

Homilia in Evangelium Nisi granum fruménti. de Comuni unius Martyris non Pontificis, pag. 50\*.

Imprimi potest.

Fr. HYACINTHUS-M. CORMIER,  
Magister Generalis Ord. Præd.

SANCTORUM PATRONORUM  
REGNI POLONIÆ  
OFFICIA PROPRIA

AD USUM

SACRI ORDINIS FRATRUM  
PRÆDICATORUM



ROMÆ—TORNACI

Typis Societatis Sancti Joannis Evangelistæ

DESCLÉE ET SOCI

S. Sedis Apost. et S. Rituum Congr. Typogr.

1909



Hæc Officia, diversis temporibus approbata et concessa,  
ad usum Fratrum Prædicatorum Provinciæ Galitiæ, typis  
edi permittimus.

Romæ, die 25 Septem. 1909.

L. † S.

FR. HVACINTHUS M<sup>a</sup> CORMIER O. P.

MAGISTER GENERALIS.

# INDEX FESTORUM


## SS. PATRONORUM REGNI POLONIÆ

(ADD. : DECRETA QUOAD RESPECTIVA OFFICIA ET RITUS FESTI)

- 1.) Die 2. Martii. S. Helenæ, Vid. Duplex. Pro universo Regno Poloniæ concessum ex S. Rit. Congr. indulto 10 Dec. 1740, annuente Benedicto XIV.
- 2.) Die 4. Martii. S. Casimiri, Conf. Tot. Duplex 1. clas. Inter Patronos *principales* Regni Pol. et M. D. Lithaniæ collocatus est indulto Papæ Leonis X.
- 3.) Die 23. Aprilis. S. Adalberti, Ep. et Mart. Tot. Duplex 1. clas. Patronus princ. Regni Poloniæ, ut patet ex dec. S. Rit. Congr. 15. Sept. 1763.
- 4.) Die 4. Maii. S. Floriani, Mart. Tot. Duplex. (Crac. 1. clas.) Decretum annumerans illum inter SS. Patronos regni Poloniæ non inveni; semper tamen qua talis colitur et recensetur in diversis editionibus Missalis et Breviarii.
- 5.) Dis 8. Maii. S. Stanislai Ep. et Mart. Tot. Duplex 1. clas. (Cracoviæ de præcepto). Patronus principalis Regni Poloniæ, cum omnibus prærogativis, quæ hujusmodi Patronis a S. Sede tribuuntur, ornatus, ut patet ex S. R. C. 13. Julii 1754.
- 6.) Dom. I. post Oct. Trin. (III. p. Pent.). B. Jacobi de Strepa, Ep. Conf. Tot. Duplex. — (Leopoli Tot. Duplex 1. clas.). Cultum approbavit Pius Papa VI. die 11. Sept. 1790.
- 7.) Domin. proxima post Oct. SS. Apost. Petri et Pauli. B. Joannis de Dukla, Conf. Tot. Duplex 1. clas. Compatronus principalis Regni Poloniæ. S. R. C. 1749.
- 8.) Die 5. Julii. SS. Cyrilli et Methodii Conf. Tot. Duplex 1. clas. (Solum pro Conv. Cracoviensi S. R. C. 20. Aug. 1907).
- 9.) Die 4. Julii. Festum Divisionis SS. Apostolorum. Tot. Duplex. Quando hoc festum institutum fuit, desunt documenta. Constat tamen ex historia Regni Poloniæ, ante a. 1300. hunc diem fuisse SS. Apostolis jam consecratum.
- 10.) Die 18. Julii. B. Simonis de Lipnica, Conf. Duplex. S. Rit. Congr. 28. Aug. 1734.
- 11.) Domin. post 24. Julii. B. Cunegundis, Virg. Tot. Duplex 1. clas. Compatr. principalis Regni Poloniæ. S. R. C. 3. Aug. 1715. — Offic. pro utroque Clero S. R. C. 10. Martii 1725.
- 12.) Domin. II. p. Oct. Assumpt. B. M. V. S. Joachim. Tot. Duplex 1. clas. Patronus principalis Regni Poloniæ institutus est a Benedicto XIV. per Breve Apost. 29 Jan. 1751.

2  
1

- 13.) Domin. proxima post Fest. S. Matthæi Apost. et Evang. B. Ladislai de Gielniów, Conf. Tot. Duplex 1. clas. Patronus principalis — ex Decr. S. R. C. 14. Julii 1753. approbante Benedicto XIV.
- 14.) Die 28. Septembris. S. Venceslai, Mart. Tot. Duplex. (Cracoviæ solum, utpote Titularis Patronus Eccles. cath.).
- 15.) Domin. II. Octobris. B. Vincentii Kadlubek, Conf. Tot. Duplex. (Pro Diœc. Cracoviensi). Ex concessione S. R. C. 29. Jan. 1766.
- 16.) Domin. IV. Octobris. S. Joannis Cantii, Conf. Tot. Duplex 1. clas. Compatronus principalis Regni Poloniæ. S. R. C. 16. Febr. 1737. Missa propria approbata die 23. Dec. 1767.; Hymnos revisit et ab utroque Clero recitari posse indulsit S. R. C. die 21. Jan. 1769.
- 17.) Die 15. Octobris. S. Hedvigis, Vid. Tot. Duplex. Patrona minus principalis Regni Poloniæ.
- 18.) Die 25. Octobris. Festum Gratiarum Actionis. Tot. Duplex. Concessum ab Urbano VIII. prout legitur in Lectionibus pro II. Noct.
- 19.) Domin. post XIII. Novemb. S. Stanislai Kostka, Conf. Tot. Duplex 1. clas. Patronus principalis Regni Poloniæ declaratus a Clemente Decimo a. D. 1674.





# OFFICIA PROPRIA

## SS. PATRONORUM REGNI POLONIÆ

AD USUM

S. ORDINIS FRATRUM PRÆDICATORUM

### PARS PRIMA

DIE II. MARTII.

In Festo

S. HELENÆ IMPERATR.

Viduæ.

DUPLEX.

Oratio.

**D**OMINE Jesu Christe, qui locum, ubi Crux tua latébat, beátæ Hélenæ revelásti, ut per eam Ecclésiám tuam hoc pretiósó thesaúro ditáres : ejus nobis intercessióne concéde ; ut vitális ligni prétio æternæ vitæ præmia consequámur. Qui vivis et regnas.

IN II. NOCTURNO.

Sermo S. Joánnis Chrysóstomi.

Lectio iv.

**V**ENIT ergo Hélena, cœpit revisere loca sancta ; infúdit ei Spiritus ut lignum Crucis requireret, accéssit ad Gólgotham, et ait : Ecce locus pugnæ, ubi est victória? quæro vexillum salutis, et non invénio. Ego, inquit, in regnis, et Crux Dómini in púlvere? Ego in aulis, et in ruinis Christi triúmphus? Ille adhuc latet, et latet palma vitæ æternæ. Quómodo me redemptam árbitor, si redemptio ipsa non cernitur? Vídeo, quid égeris, diábole, ut gládus, quo perém-

ptus es, obstruerétur. Sed Isaac obstrúctos ab alienígenis púteos eruderávit, nec latére aquam passus est. Tollátur igitur ruína, ut vita appareat. Promátur gládus, quo veri Golíæ caput est amputátum. Aperiátur humus, ut salus fúlgeat. Quid egisti, diábole, ut absconderes lignum, nisi ut iterum vinceréris?

Lectio v.

**V**ICIT te María, quæ génuit triumphatórem, quæ sine imminutióne virginitátis édedit eum, qui crucifixus vinceret te, et mórtuus subjugáret. Vinceris et hódie, ut mülíer tuas insídias deprehéndat. Illa quasi sancta Dóminum gestávit, ego Crucem ejus investigábo. Illa generátum dócuit, ego resuscitátum. Illa fecit ut Deus inter hómines viderétur, ego ad remédiumpccatórumdivinum de ruinis elevábo vexillum. Aperit itaque humum, decútít púlverem : tria patibula confúsa réperit, quæ ruína contéxerat, inimícus absconderat. Sed non pótuít obliterári Christi triúmphus. Incérto hæret ut mülíer : sed certam indáginem sanctus Spíritus inspirát.

## Lectio vi.

**Q**UÆSIVIT clavos, quibus crucifixus est Dóminus, et invenit. De uno clavo frænos fieri præcepit, de áltero diadéma intéxuit : unum ad decórem, álterum ad devotiónem vertit : visitáta est María, ut Evam liberáret : visitáta est Hélena ut Imperátóres redimeréntur. Misit itaque filio suo Constantíno diadéma gemmis insignitum, quas pretiósior ferro innéxas Crucis redemptionis divínæ gemma connécteret, misit et frænum. Utróque usus est Constantínus, et fidem transmisit ad pósteros reges. Principium itaque credéntium Imperatórum sanctum est, quod super frænum : ex illo fides, ut persecútio, cessáret, devotío succéderet. Sápiens Hélena, quæ Crucem in cápite regum levávit et locávit, ut Crux Christi in régibus adorarétur. Non insoléntia ista, sed pietas est, cum defértur sacra redemptioni. Bonus itaque clavus Románi Impérii, qui totum regit orbem, ac vestit principum frontem, ut sint prædicatóres, qui persecutóres esse consueverunt.

In iij. Nocturno Homilia in Evang. Símile est regnum cælorum thesaúro, de Com. nec Virg. nec Mart.

DIE XXIII. APRILIS.

In Festo

S. ADALBERTI

EPISC. ET MART. TOTUM DUPL.

IN UTRISQUE VESPERIS.

Hymnus.

**O**MARTYR invictíssime,  
Ex fórtibus fortíssime,

Quis glorióso cántico  
Nomen tuum sat cóncinat?

AFFLATUS almo númine,  
Oras adis Pannóniæ  
Ibique regem dógmate,  
Prolémque firmas chrismate.

URBES Polóniæ petis  
Veræ salútis núntius,  
Pastor bonus Christi fidem  
Verbo Dei doces pridem.

TANDEM Porússis fínibus  
Ponis triúmpho términum,  
Gentes rebélles inferi  
In te furórem súscitate.

STANT veritátis invidi,  
Dum Sacra ad aram péfiscis,

Fódere corpus láncea  
Manus feróces non pavent.

HIC semivivi córporis  
In frusta membra díssecant,  
Caput triúmpho glóriæ  
Cœlis in hasta súblevant.

O victor ergo nóbilis!  
Dum te coléntes psállimus,  
Tuus triumphális dies  
Implóret indulgéntiam.

E Christiánis pártibus  
Belli timóres éxcute,  
Pacem, precámur, impetra,  
Donum tui sit Sanguinis.

QUÆSUMUS Auctor ómnium etc.

PRÆSTA, beáta Trinitas,  
Divína dones Unitas,  
Nobis Adalbérti prece  
Cœli meréri glóriam.

Amen.

Oratio.

**T**UAM nobis indulgéntiam,  
quæsumus Dómine, beátus  
Adalbértus Episcopus et Martyr implóret, ut et delicta nobis cleménter ignóscas, et beneficcia desideráta concédas.  
Per Dóminum.

## AD MATUTINUM.

## Hymnus.

**H**YMNIS canáns Mártyrem  
Apostolúmque, Præsulem  
Bohémiae, Polóniae,  
Hungariae, Porússiae.

NATUS Comes hic nóbilis  
Morbo puer pressus gravi  
Voto paréntum fit Deo  
Caelo patens oblátio.

CRESKIT pius vir ténpe-  
rans,  
Fit Spiritu plenus Dei,  
Scriptúra sacra discitur,  
Prius domo non mltitur.

ADIT cathédram Póntifex  
Sedens equo, fræno levi,  
Sancto futúro Præsuli  
Soli reclámant inferi.

DENOS alébat páuperes,  
Humi cubábat lánguidus;  
Mox éxcitat somnum lapis,  
Nox dormiéntem non videt.

JUSTUS, pudícus, sóbrius,  
Formam ferens Antistitum,  
Per signa, per mirácula  
Exémpla tradit ómnibus.

CHRISTUS vidétur vénditus,  
Gregem dolet depérditum,  
Præcépta contémni videt,  
Gentis salúti próvidet.

HASTIS pio dum Præsuli  
Necem parant incréduli,  
Confóssus aris víncitur,  
Dum vincit, interficitur.

AURI levi sat póndere  
Corpus redémptum vénditur;  
Gnesnam suis redúctur,  
Pastor salútis rédditur.

QUÆSUMUS, Auctor óm-  
nium, etc.

JESU, Redémptor ómnium,  
Dímítte nostra crimina,  
Da Mártyris per præmia  
Ætérna nobis gáudia.

Amen.

## IN NOCTURNO.

## Lectio ij.

**A**DALBERTUS Episcopus Pra-  
génsis, in Bohémia nobi-  
lissimis paréntibus, Sláunico  
Libicénsi cómite, ac Strzezy-  
sláva natus, Voytéhus ántea  
pátrio sermóne dictus fuit : ab  
Episcopo autem Magdeburgén-  
si Adalbértó, apud quem defín-  
ceps pie ac honestíssime edu-  
cátus est, álterum nomen accé-  
pit. Postquam Ditmáro in Epi-  
scopátu Pragénsi succéssit, eum  
sanctíssime in magna vitæ  
continéntia, pietáte, pauperúm-  
que cura, gessit. Propter contu-  
mácis tamen pópuli grávia pec-  
cáta, desérere illum coáctus,  
Sedem Apostólicam hac de re  
consulturus, in Itália se cón-  
tulit. Peregrinátione Jerosoly-  
mitána, quam institúerat, in-  
termíssa, Romæ Leóni abbáti  
sancti Bonifácii commendátur.  
Ibi cum in religiósá vita quin-  
quénium exegisset, a Pragén-  
sibus, pertæsis orbitátis, dénuo  
revocátur. Principis ipsius, et  
Archiepiscopi Moguntini nún-  
tiis precibúsq; exorátus Pón-  
tífex, redíre Adalbértum ad  
suos jubet.

## Lectio iij.

**R**ECIPIUNT læti réducem :  
non diu tamen illi obtém-  
perant ; sacras enim ædes in-  
vádunt, sontésque, qui ad illas  
confúgerant, per vim érptos  
interficiunt. Iterum illos dese-  
rit Adalbértus ; animóque ad  
convertédas gentes álias, et  
ad Martyrium destináto, ut be-  
nedictiónem tamen Sedis Apo-  
stólicæ obtíneat, Romam revér-  
titur. Dénuo Pragenses, et Mo-  
guntíni, Adalbértum répetunt.



Cumque jussu Pontificis iterum ad illos rediret, tres fratres suos ab eis cæsos esse cognoscit. Pragensem ergo viam præclûsam sibi, mentisque illorum a se alienatas esse videns, Deo grâtiis actis, convertendi gentes, quod Românus Pontifex probaverat, institutum suum proséquitur. Hungariam cum Rege Giéza, ejusque filio sancto Stéphano in fide Christi confirmat; Poloniam vicinam, cognatamque Bohémis suis gentem, salutâribus præcèptis copiosius instruit. Post triennium autem Radzino fratre in Archiepiscopatum Gnesnensem suffecto, ipse in Prussiam, idolis adhuc et dæmônibus serviëntem, proficiscitur. Ibi dum religionem christianam disseminaret, apud Fischâsum, sinus venetici oppidum, inter sacrificandum confossus, et in partes dissectus est. Corpus ejus a Boleslâo Chabro principe Poloniæ postea redemptum, et in Tremense monasterium prius, deinde Gnesnam Metropolim honorifice translatum est.

In Pretiosa Evang. Ego sum Pastor bonus, ut in Dom. j. post Oct. Paschæ.

#### AD LAUDES.

##### Hymnus.

**O**CHRISTE, robur Martyrum,  
Decus, corôna, præmium,  
Firmans Adalbertus fidem  
Pro teste fudit sanguinem.

PASTOR bonus Christi gregis  
Depêditas quærens oves,  
In innocenti sanguine  
Pro victima vitam dedit.

QUI tot labores pertulit,  
Ut ad salutis pascua

Oves reducat perditas  
Fidèque servet crêditas.

NUNC efficacem grâtiâ,  
Petat suis fidelibus,  
Noscat gregem semper suum,  
Quem prôtegat, pascat, regat.

PRÆSUL Bohémis, qui prius  
Severus et mitis fuit,  
Nunc mitius det omnibus  
Cœlestè desiderium.

VIGILIIS, jejûniis  
Carnem subêgit spiritu,  
Discamus et nos sensum  
In spiritu custodiam.

A vanitate sæculi  
Cor atque sensus liberet,  
Quæramus, ut semper Deum  
Jesumque, cordis gaudium.

QUÆSUMUS Auctor omnium, etc.

PRÆSTA, beata Trinitas, ut  
in Vesp.

#### DIE IV. MAIL.

##### In Festo S. FLORIANI. MARTYRIS.

#### TOTUM DUPLEX.

##### Oratio.

**D**EUS, qui nos beati Floriâni Martyris tui solemnitate lætificas; concède propitius: ut cujus gloriosum triumphum venerâmur in terris, societatis ejus lætitiâ adipisci mereâmur in cœlis. Per Dôminum.

#### IN NOCTURNO.

##### Lectio ij.

**F**LORIANUS Martyr passus sub Diocletiano et Maximiano Imperatoribus, persecutione decima, eaque ultima. Cum Thécia audivisset, quadraginta milites, qui sub ejus signis aliquândo stipendia merebant, Lauréacum Norici mar-

tyrii causa ablegátos, ac ibi váriis torméntis consúptos esse, festine ad illud óppidum se cónlunt, turpe putans veteránium in tam pulchra victória a tyrónibus vinci. Comprehénsus sistitur Aquilino præfécito. Qui cum in confissão Jesu Christi constánter perseveráret, præféciti jussu, fústibus semel atque iterum cæditur in scápu-  
lis, deinde ferro acúto grávi-  
ter verberátur. Ad extrémum saxo ad collum appénso, in flúvium Anasum déjici jubétur. \*  
Gaudens ibat a conspéctu júdicis Floriánus. Ad pontem ubi venit, impetrat oratiónis tempus; in qua cum tota hora comoraretur, audácior quidam accúrrit ac Mártirem in flúvium dejécit, in quem conféstim cécidit caligo et ténebræ. Sed ecce Dei servis sérvíunt ómnia; depórtat flúvius Sancti corpus, et ad saxum expónit. Mittitur a Deo inusitatæ magnitúdinis áquila, quæ corpus Sancti ab omni protéxit injúria. Appáret demum in somnis piæ cuidam mulieri Valériæ, ac, ut corpus suum condant, ádmonet. Romam póstea transfértur, ac cum Principibus Diáconis Stéphano et Lauréntio collocátur magno Urbis solátio ac præsidio. Nam ejusadvéntu omnis barbarórum furor, qui tunc Urbem, ac univérsum Itáliam vexábat, resédit, paxque, optáta restitúta est.

Lectio iij.

**T**ANDEM anno Dómini milésimo centésimo octuagésimo tértio, Casimírus bello et pace clarus, Polóniæ Princeps, una cum Gedeóne Episcopo Cracoviénsi, ad Lúcium Tér-

tium Summum Pontificem mittunt, precántes, ut illis alicujus e sanctis Martyribus ossa impertiátur, qui genti et úrbibus contra Prussos, Tártaros, aliásque bárbaras gentes, pro muro et vallo esset. Mittúntur ergo per Ægidium Episcopum Mutinénsem sacra ossa. Gens tota cum rege suo ad septem milliária tanto hóspiti óbviám effúsa prodit. Depónitur honorífice Martyr in templo a Casimíro extrúcto, pars córporis in primárium templum deferretur, ac in marmóreo altári inclúditur. Et sicut Jerosólyma Stéphano, Roma Lauréntio, ita suo gaudet Polónia Floriano.

In Pretiósá Evang. Ego sum vitis vera, de Com. Mart.

DIE VIII. MAII.

In Festo

S. STANISLAI.

EPISC. ET MART. P. R. P.

TOTUM DUPLEX.

Omnia ut xj. Maii, præter hic posita.

Hymnus.

Composit. a F. Vinc. de Kietze  
Ord. Præd.

Ad Vesperas dicatur totus, in  
Matutinis dividatur.

**G**AUDE, mater Polónia,  
Prole fecúnda nóbili,  
Summi Regis magnália  
Laude frequénta vigili.

Cujus benígna grátia  
Stanislái Pontificis  
Passiónis insignia  
Signis fulgent miríficis.

Hic certans pro justitia,  
Regis non cedit fúriæ:  
Stat pro plebis injúria,  
Christi miles in ácie,

TYRANNI truculéntiam  
Qui dum constánter árguit,  
Martyrii victóriam,  
Membrátim cæsus méruit.

NOVUM pandit miráculum,  
Splendor in Sancto cœlicus,  
Redíntegrat corpúsculum  
Sparsum cœléstis médicus.

#### AD LAUDES.

##### Hymnus.

SIC Stanisláus Póntifex  
Transit ad cœli cúriam,  
Ut apud Deum ópifex  
Nobis implóret véniam.

POSCENTES ejus mérita,  
Salútis dona réferunt :  
Morte prævénti súbita  
Ad vitæ portum rédeunt.

Cujus ad tactum ánnuli,  
Morbi fugántur túrgidi :  
Ad locum sancti túmuli  
Multi curántur lánguidi.

SURDIS auditus rédditur,  
Claudis gressus officium :  
Mutórum lingua sólvitur :  
Et fugátur dæmónium.

ERGO, felix Cracóvia,  
Sacro dotáta corpore,  
Deum, qui fecit ómnia,  
Bénédic omni témpore.

Sit Trinitáti glória,  
Laus, honor, jubilátio :  
De Mátyris victória  
Sit nobis exultátio. Amen.

Temp. Pasch. Quæsumus Au-  
ctor ómnium. etc.

#### IN NOCTURNO.

Ex Epístola B. Pauli Apóstoli  
ad Hebræos.

Lectio j. Cap. 5.

OMNIS Póntifex ex homí-  
bus assúptus, pro homi-  
nibus constitúitur in iis, quæ  
sunt ad Deum, ut offerat dona  
et sacrificia pro peccátis; qui  
condolère possit iis, qui ignó-  
rant et errant, quóniam et ipse  
circúmdatus est infirmitáte; et  
propterea debet quemádmu-  
dum pro pópulo, ita étiam  
pro semetípso offerre pro pec-  
cátis. Nec quisquam sumit si-  
bi honórem, sed qui vocátur a  
Deo, tanquam Aaron. Sic et  
Christus non semetípsum clarí-  
ficávit, ut Póntifex fieret : sed  
qui locútus est ad eum : Filius  
meus es tu, ego hódie génui te.  
In Pretiósá Evang. Ego sum  
Pastor bonus, ut in Dom. j. post  
Oct. Paschæ.





# Memoriam Dominicam et feriam

## Antiphonas proprias

### Per annum

Sabbato ad Vesp: Vergetina oratio : an : ad Te Dom  
et descendat super nos misericordia:

In Vesperis : Dirigatur Domine oratio mea  
sicut incensum in conspectu tuo

In Laudibus : Dominus requirit  
Deo rem induit

### Tempore Adventus

In Vesperis : Rorate coeli desuper et imbes plua  
gentes

Aperiatur terra et germinet Saba

In Laudibus : Vox clamantis in deserto

Parate viam Domini

### Tempore Quadragesimae

In Vesp: Angelis suis Deus mandavit de te  
ut custodiant te in omnibus viis :

In Laud: Ruto circumdabit te veritas eius  
non timebis a timore nocturno-

### Tempore Passionis

In Vesp: Eripe me Domine ab homine malo  
a viro iniquo eripe me

In Laud : Eripe me de inimicis meis, Deus meus  
et ab insurgentibus meis libera me

### Tempore Paschali

In Vesp: Maue nobiscum Domine alleluia  
quia advesperavit, alleluia

In Laud. Sarisi sunt discipuli alleluia  
Viso Domino alleluia

Commune unius Apostoli, Evang)

In T. Vesperis

†. In omni terra exivit nomen eius  
Et in omni terra exalata verba eius

In laudibus

Annuntiaverunt opera dei  
Et facta eius intellexerunt

# Communio unius Martyris

In I Vespere

I. Hic est vere Martyr, qui pro Christi nomine sanguinem suum fudit, prae terrena dignitate gloriam quaesivit (qui nimis iudicium nostrum  
sed ad caelestia regna feliciter pervenit  
et gloria et honore coronasti eum Domine